



Ex Bibliotheca
majori Coll. Rom.
Societ. Jesu

DISPV TATIONES
THEOLOGICAE,
QVIBVS VNIVERSA
THEOLOGIA SCHOLASTICA
CLARE, BREVITER, ET ACCVRATE
EXPLICATVR.


AVCTORE REVERENDO PATRE
IOANNE MARTINON
SOCIETATIS IESV, IN COLLEGIO
Burdegalensi Sacræ Theologiæ Professore.

TOMVS QVARTVS
DE
INCARNATIONE
ET DE
SACRAMENTIS.



BVRDEGALÆ,
Apud **GUILLELMVM MILLANGIVM** Regis & Academiae Typographum.
Anno M.DC.XLV. Cum Privilegio REGIS, & Approbatione Doctorum. Digitized by Google

8.12.14.25



ILLVSTRISSIMO DOMINO,
D. PETRO SEGVIER,
FRANCIÆ CANCELLARIO.



VOLVMEN Theologiae mea alterum, ut exit è pralo secundum, doctrina ordine quartum, argumenti dignitate praeipuum, tibi sisto, offeroque, **CANCELLARIE GALLIARVM ILLVSTRIS-SIME**: nec illud iam Principis annulo & autoritate consignandum; sed quod tui imprimis claritate nominis illustratum velis, & singulari tua eruditione commendes. Quod ut ego à te petere audeam, tu concedere velis, multa planè sunt quae nos mutuò inuitant: plura, nisi ego vltro id facerem, quae me cogere possint. Nec enim ante omnia dubitare debeo, quin tu istud nomini tuo dicatum, benigno sinu excepturus sis, qui alterum, quod tuo à me iure, tanquam tibi debitum, repetebas, beneuolis iam oculis exceperis: maiore nescio tua erga me beneuolentia praeiudicio, an iudicii de me tui testimonio. Addidisti verò alacritatem cum Typographo magnam, tum mihi sanè maximam, quando aliquid de solita tua seueritate remisisti, & specimen cepisse contentus ex vno, ad omnia concessi ad peruulgandum Priuilegij literas, singulari priuilegio pertinere voluisti. Quid, quòd literatos omnes, & omnis generis literas amplecteris? Argumento est tua illa tot voluminum Bibliotheca, quae ex tot, ac tantis auctoribus, qui eam ornant, nullo sanè quàm te ornatior est, cum ipsam

magnus auctor implet. Ego verò multis alijs audacior, non modò in illa locum, ut reliqui, ceteris meis voluminibus postulo; sed hoc in sinum tuum recipi, atque in tuo nomine apparere cupio, tuum duplici maxime nomine futurum, ut pluribus debitum. Pietatem enim & literas pari studio colis, exemplo tuo persuades. Quas duas dotes cum Segueriorum generi constet esse hereditarias, fecisti tamen institutione ac disciplina tibi proprias. Vtraque tibi Societatem nostram, te Societati nostra conciliauit: te illi Patronum, illam tibi clientem comparauit: de qua cum tu bene mereri non desinas, nos nullum, quando reliqua impares sumus, tui predicandi, ac tua beneficia commendandi facere debemus finem. Ego igitur hìc contestatum omnibus esse volui, nec quemquam, qui in istud meum qualecunque opus oculos aduerterit, ignorare quantum nos tibi debeamus, quam parum tam exiguo munere persoluamus. Quibus enim officijs tu, & Patrus tuus, Patrus, inquam, tuus Antonius ille Seguerius, qui te in dignitatem cooptauit, in filij locum adoptauit, vobis Societatem nostram non deuinxistis? Quibus eam beneficijs non est profecuta Maria Segueria soror tua, virilis animi fœmina, singularis modestia Matrona, de Tyrocinio Burdegalensi tam prolixè merita, ut vel hoc vno nomine Matris optima loco haberi mereretur? Sed illa vnâ Societatis nostra domum complexa est, tu complecteris vniuersam: quòque longius Majoribus tuis auctoritate, sicut & dignitate pertingis, eò etiam latius Studium erga illam tuum explicas, eò nos angustiores in locum adducis, dum beneficiorum tuorum multitudine ita obruimur, ut magnitudine superemur. Nec mirum est te illam Familiam studiosè semper tuitum esse, studiosius verò tueri hoc tempore, quo illam vides vehementius impeti atque inuadi, cum in illa tuenda, tuum simul, ac totius familiae tuae beneficium tuearis. Quòd si illi hactenus opportuna defensio tua extitit, nunc est profectò necessaria: quando illam oppugnant non amplius hostes, sed opprimere nituntur inuidi; aut si hostes, non illi certè priuati, sed còmunes. Ceterum è cælo lapsam scis esse Theologiam; eandemque audire scientiarum omnium Principem. Hinc est, ut ad viros semper summos, si minùs semper ad Principes aspiret, nunquã in alijs mediocri dignitate contenta,

cum ipsa summam per se obtineat. Illa te elegit cum exceptione alterius, ut multi sese obtulissent, & cum ex ordine Iudicium sibi Patronum cooptare decreuisset, non alium sibi dari sustinuit, quam supremum. Non repelles, credo, Mortalium humanissime, clientem eius amplitudinis, quam nisi ad te afferret, à te profecto acciperet. Segueriana tamen purpurâ nitere vult: illâ, inquam, purpurâ, quam vos in ea gente tot purpurati Proceres altius imbuiatis, quam ut cuiquam comodata splendorem suum amittere, quam ut ulla aetate consensescere possit. Sunt certe pauca omnino familia, quæ tot in illa principe totius Gallia Curia censeant senatores, quot vos Segueriani sanguinis & nominis Prasides numeratis. Vidit quidem, & mirata est Respublica Romana Marium suum Consulem septies factum; sed una semper in unum, eundemque dignitas confluebat: vos eandem quinquies adepti; nec unus, at singuli, illam hactenus cum genere, ac simul in genus propagastis, successionem quidem aliqui, ambitu nullus, meritis omnes. Neque verò hoc solo, qui praeipuus est, honore toga potiti estis: sederunt etiam è vestra Familia inter senatores eius Curia plurimi, in minorum Præsidum subselliis unus, pro Principe causas dixerunt duo, urbana Prætura totidem perfuncti sunt, Magisterio Libellorum supplicum rursus duo, si minus plures: iuistis, uno verbo, per singulos Fori honores, & ferè singuli: pauci enim in uno senuistis, etsi ad omnes maturitatem summam attulistis; nullum ante adepti estis, quin multò prius videremini meruisse. Tu perinde (**REGNI GALLIARVM CANCELLARIE EXCELLENTISSIME**) Familia tua fato, seu mauis, instituto, honorum gradus omnes medios, nullum tamen infimum, percurristi, priusquam istum, qui supremus est, & omnium apex, attingeres. In Curia Parisiensi senator conscriptus, tum libellorum Magister creatus, obire cœpisti Prouincias, & earum Rectores consilio regere, ius extra ordinem, sed non extra iuris formam, dicturus. Ex illo succincto, ut ita dicam, iudice, ad togatum regressus es in Patris locum, & ab ipso Patruo sufficiendus. Habuit optimo seni, & summo viro gratias Senatus, quod sibi daret sui sanguinis & nominis successorem. Addam ego petiturum eum fuisse Senatum ipsum, nisi sponte sua ille iam dedisset. Sed contestatus est simul Senatus angustissimus, velle se


quidem admittere nepotē; sed nolle, nec posse se Patruū amittere, quādiu is retineri posset. Impetraret proinde à Principe quadrienniū unum, post alterū. id si ipse facere recusasset, Senatum esse facturum. In qua verba non modò sententiā dixit ordo amplissimus, sed senatus etiam consultū scripsit, quo honorificentissimū simul extaret sua erga nobilissimam Segueriorum familiam voluntatis monumentum, luculentissimū simul sui de Patruo & Nepote iudicii testimonium. Quo, quid magis extraordinarium est, magisque singulare? Cogi videlicet illum, dimisso magistratu, eius non modò nomen & dignitatem, sed auctoritatem ipsam & administrationē retinere? De isto, quòd admitteretur, ac succederet, Curiam tantā sibi gratulari? Quid dico gratulari? Agere etiā illi gratias, quòd ab isto sibi succedi postularet: quòd non alium sibi sufficeret, quā eius nominis, quòd ipsa perpetuum suo in confessu esse vellet, ac si posset, iuberet. Nescio, ut omnia iam tum erant de te ad coniecturam prona: nescio, inquā, an futura ex praesentibus augurati viri sapientes, & suspicati sint, dari Senatui suo tunc Praesidem, quem ipsi daturi essent Gallia Cancellarium. Nec dubito; quin te aequè egrè ac Patruum dimissuri fuissent, si fuissent penitus amissuri. Nec enim abibas ex illo Senatu, in quo cum unus tantū esses ex Praesidibus, eligebare ut illi, ceterisque Galliarum Senatibus cum summa potestate praesideres. Eligebare, inquam, & ab eo Principe, qui cum non minùs factis esset, quā cognomento Iustus, nihileras gratia, omnia meritis tuis debiturus. Aequū enim erat, ut qui longè ante probitate & gravitate morū tenuerat, munere demū occuparet & honore Iustitiae principatum. Ea dignitate ornatus, ornari cepisti non novis quidem virtutibus, qui ad eam iam omnes attuleras; sed factis eò illustrioribus, quò maxima illa dignitas maiore eis quandā dignitatem conferebat. Crescunt alii honoribus, & his maiores evadunt, tametsi rarò meliores. Per te contrā facta est illa dignitas illustrior, atque in te quodāmodo is honor geminatus, ac per te auctus, qui & unus erat, & summus, nec augeri posse videbatur. Nam si tibi ille dignitatem, tu illi splendorem contulisti, cum tā bene merenti est tributus. Quòd verò in eo fastigio dignitatis collocatus de pluribus bene mereri vis, cum possis; id si magnum non est maioris probitatis argumentum; indubitatum tamen testimo-

nium est, constantioris in exercenda aequitate voluntatis. Vocabat te quidem ad hoc munus probitas, vocabat abſtinentia illa, quam in cæteris inferioribus caſtè atque integrè obeundis ſummam ubique præſtitifti: nec induſtria uſuſque deerant longa exercitatione cõparata: nec legum omnis generis notitia interior. Ac reipſa (ut de reliquis virtutibus ſileam) abſtinentiam reperi oportet magnam in illo, qui eam debet ab omnibus aliis Iudicibus exigere, nemo ipſi poteſt imperare. Verùm amoris tui & fidei erga Principem, qui Cancellariis ſuis, tradito illis annulo, fidem iuxta ſuam atque auctoritatem obligat, tot ac tanta iam experimenta dederas, ut hac ſacroſancta Regia Maieſtatis pignora nemini committi poſſe tutius viderentur, quàm tibi. Stabas nimirum pro Principe, & nondum ſtabas in pedes, matris adhuc aluo concluſus, ac lucem cunctabaris aſpicere, ne patriam aduerſus eum rebellè intueri cogereris. Exulaſti ergo cum parentibus, & patriam perduellem reliquiſti, ne cauſam, partesque Principis deſeruiſſe viderere: nec ante redire voluiſti, quàm illa ei conciliata eſt, ac deſiit rebellis eſſe. Qua in re pluſne Gallia an Principi opportuna fuerit Parentis tui opera, facilius eſt cuique cogitare, quàm mihi dicere? In te arbitror, remuneratuſſe putaretur eius merita Ludouicus XIII. niſi tuis hac ipſa merces, aut maior deberi crederetur. Mirum autem, atque adeò ſingulare iſtud eſt, cum tot, ac tantos viros ornando Foro ſuppeditaueritis, tot tamen, ac tantos Clero illuſtrando vos reſeruare potuiſſe; quaſi nullum Foro, omnes Clero dediſſetis. Inde primùm ut manifeſtè appareat, quàm veri eximiique cultores pietatis ac Religionis Catholica ſiis: tum quàm iuſtitia & æqui obſervantes, quòd inter Forum & Clerum gentem veſtram vniuerſam, non vnā aliquā eius familiam, ex æquo videamini diuidere voluiſſe. Mirum, inquā, iſtud eſt, & ſingulare pietatis veſtra argumentū; ſed hoc etiam multò mirabilius, quòd vel illi ipſi, qui ei ſe nominatim addixerunt, ita ei ſe dediderint, ut ſe non eripuerint Foro, ijdem Sacerdotes & Iudices: Decani ijdem Eccleſia Pariſienſis, ijdem Curia Pariſienſis Senatores, Petrus nimirum, atque Dominicus, hic Nepos, ille Patruus: Pontificijs vterque in ſulis clarus, acceptis iſte, ille verò repudiatis. Nam dū Petrus Episcopatu Laudunensi ſe indignum eſſe iudicat, quo eum


omnes, etiam ante Principem dignissimū esse indicauerant, eius quidē dignitatis honore ipse se praeuauit, modestia tamen sua laude non caruit, spretā factus habitusque, quā admissā illa dignitate sublimior. Nec admissa Dominicus minus modestus uideri potest, qui eam non minori modestia quā pietatis fama gerat: nec tanto Meldensis ecclesia commoda, quin maiore etiam ornamēto. Hanc etsi ille sua apud Principē gratia satis tegere possit, regere tamen ipse per se non cessat, curisque suis etiam in illa uicinitate cōplecti, ut se diligentissimi Praesulis vigilantia exporrigere longius, latius primi Principis Eleēmosinarij potestas pertingere non ualeret. Sed contraho ipse me, CANCELLARIE AMPLISSIME, cū vel unius tui laudes infinita sint; ne nuncupatoria epistola modū excedā, qui non mediocri orationis limites iam uideor attigisse. Abstineo itaque à reliquis hic nominatim & singillatim appellandis, qui clericatu aequē ac magistratu, ut alii insignes, si non eo gradu ac dignitate in illo omnes ordine constiterint, eandē tamen quā isti duo pietatis & religionis opinionem in Seguerioram gentē intulerunt, nisi forte meritis suis ac rectē factis altius etiam extulerunt. Ad te igitur CANCELLARIE ILLUSTRISIME regredior ex longo isto excursu, tibi opinor, non importuna, mihi necessario. De te omnia hoc uno complector: te in hac una, quā ceteris Majoribus tuis dignitate praemixes, eorum omnes honores esse supergressum, ut omnes meritis anteisti: pietatis uerō ac religionis studio nemini cedis omnium, qui te a te praecesserūt. Tueri ergo ut possis contra omnem impetum hoc opus, prestabit summa illa dignitas: efficient non modō pietas tua & religio ut uelis; sed eius insuper patrocinium suscipere te debere nescio anti tibi, mihi certē persuadet & hac ipsa, quā hucusque complexus es, cōplectique, ut spero, perges Societatem nostram beneuolentia: sed maximē nostrā in te omnium obseruantia & ueneratio.

Illustrissimae Amplitudinis tuae,

Perpetuus in Christo seruus
IOANNES MARTINON,



BENEVOLO LECTORI.




EXPECTABAS tu quidem;
BENEVOLE LECTOR;
ut quæ duo, illi, quod iam
edidi, atque isti quod nunc
edo, interiecta sunt volumi-
na, prius in lucem emitte-
rem. Ita mihi etiam consti-
tutum erat. Sed ut hoc con-
siliū, ordinemque peruer-
terem, quæ proximè subiiciam suaserunt. Sic enim
imprimis quæ de Verbo Incarnato tradunt, discep-
tantque Theologi; & ego hoc volumine explicare
aggredior, ijs, quæ de Deo Vno Trinoque iam ex-
posui, connexa & colligata sunt, ut sibi mutuam mag-
namque lucem necessariò præbeant: Siquidem multa,
quæ superiori proximo volumine obiter tantum dicta
sunt, & fortassis obscurius, cum in isto multò vberius
explicentur, maximè vel inde illustrari necesse est.
Parendum deinde mihi fuit iusto complurium deside-
rio, qui istud expetebant aliis duobus præmitti, eius-
que maturari editionem. Accedit quòd ipsa rerum,
quæ hoc volumine traduntur, dignitas eiusmodi est,

vt secundum, omnium consensu, locum obtineat. Agitur enim de *Verbo Incarnato*, opere sanè diuinæ potentia: vt maximo, ita & nobilissimo: *In quo nempe sunt omnes thesauri sapientia, & scientia absconditi*, & in quo ipsa plenitudo Diuinitatis inhabitat corporaliter, vt loquitur Apostolus.

Neque verò hanc solùm loci & ordinis prærogatiuam præstantiâ suâ, & dignitate mereri videtur multis, grauibusque Theologis; sed etiam quia animo sibi ipsum Deus proposuerat, & destinauerat primum omnium, quæ essent extra se processura, tanquam principium viarum Domini, & finem reliquorum omnium ab eo conditorum. Adeò vt tam præstans, tantòque amore atque admiratione dignum opus primò experiuerit, ob ipsius excellentiam ac perfectionem planè singularem: In qua vna sine dubio magis elucet, declarantque se summa eius Sapientia, Bonitas, & Potentia, quàm in reliqua penitus rerum vniuersitate: tum ipsius causâ omnia, quæ creata cõditaque sunt, creare, & condere decreuerit; eundemque simul Regem & caput eorum omniũ esse voluerit. Est enim Christus, vt ait idem Apostolus Coloss. i. *Imago Dei inuisibilis; primogenitus omnis creatura. Quoniam in ipso condita sunt vniuersa in cælis, & in terra, visibilia, & inuisibilia: siue Throni, siue Dominationes, siue Principatus, siue Potestates. Omnia per ipsum, & in ipso creata sunt: & ipse est ante omnes, & omnia in ipso constant. Et ipse est caput corporis Ecclesiæ, qui est principium, primogenitus ex mortuis, vt sit in omnibus ipse primatum tenens.* Non præpostero igitur ordine, aut certè consilio, à me prius vulgantur ea, quæ ad Verbi Incarnati mysterium explicandum spectant, quàm quæ ad Beatitud. & alias res creatas referuntur; quando id ipsè dignitatis ordo, mentisque adeò diuinæ propositum exigere videbatur, vt nihil aliud suasisset.

Impulit denique omnino me celebris hæc, quæ partium studiis maximè etiamnum viget, tantasque

iam turbas per Galliam excitauit, de præparandis Eucharistiæ sacramentum ritè sumpturis, de frequenti eiusdem vſu, deque publica Pœnitentia, tot ſcriptis vltro citroque voluminibus diſceptata controuerſia: vt ſi receptæ pluribus retro ſæculis in Eccleſia conſuetudini, ac doctrinæ, contra eius oppugnatores aſſerendæ aliquid opis ac præſidij pro tenuitate mea afferre poſſem, id illi à me deeſſe ne paterer. Mihi ſiquidem D. Thomæ veſtigiis, ordinique inſiſtenti, neceſſariò agendum fuit, hoc eodem volumine, de Sacramentis, quæ ille ſuis de Incarnatione diſputationibus attexuit. Gratum præterea fore exiſtimaui exteris Nationibus, ad quas non dubito quin eius contentionis fama emanarit, ſi totam ad certa capita Theologorum inſtituto reuocarem: &, quæ Gallico tantùm huc vſque idiomate noſtrates ſcripſiſſent, Latino ego ſermone peruulgarem: ac deinceps ex communis conſtantisque doctrinæ fundamentis, rixis & offeſſione omni procul, ſolo veritatis indagandę ſtudio, breuiter, & ex occasione, de illis diſputarem. Quod Aduerſarii etiam ipſi æqui, vt ſpero, bonique conſulturi ſunt, ſi eo hæc animo, quo à me ſcribuntur, legant: ac veritati ſimul & paci, à quibus ego eos abhorrere non puto, proſpectum velint. Illud certè profiteor mihi eſſe propoſitum, nemini iuſtæ offeſſionis cauſam dare, ſed omnium vtilitati ſeruire.




TRACTATUS

PRIMVS

DE MYSTERIO

INCARNATIONIS.



VM iuxta doctrinam S. Thomae, 1. p. qu. 2. in proœmio, Theologia scopus sit disputare de Deo, tum secundum id, quod in seipso est: tum ut est principium, & finis creaturarum, præcipuè intellectualium: & consequenter de medijs, quibus iuxta ipsius ordinationem creatura intellectuales illum consequi possunt: quæ media partim intrinseca sunt, nempe actus boni, & auxilia interna, atque virtutum habitus, & operationes: partim extrinseca, ut Christus, & Sacramenta ab ipso instituta. De Deo quidem secundum id quod in se est unus, & trinus, atque etiam prout est principium creaturarum, deque ipsis creaturis, Angelo præsertim, & homine, differit S. Thomas in 1. parte sua Summa Theologica. De eodem verò, ut est finis creaturarum intellectualium, & beatitudo hominis obiectiva, deque medijs internis, quibus illum assequimur, nempe de actibus humanis, & de virtutibus, earumque exercitijs, atque de vitijs, & peccatis oppositis, in genere, & in particulari.

Tomus IV.

A



DISPUTATIO PRIMA.

De possibilitate, & existentia Incarnationis.

- Sectio I. *Quid intelligatur nomine Incarnationis?*
Sectio II. *An sola naturali ratione cognosci possit, Incarnationem esse factam, aut esse possibilem?*
Sectio III. *Difficultates naturales circa possibilitatem mysterij Incarnationis.*
Sectio IV. *Solvitur quinta, & sexta difficultas, quomodo Deus non mutetur?*
Sectio V. *An, & quomodo convinci possit contra Infideles, Incarnationem esse factam?*
Sectio VI. *Expenduntur variae interpretationes Prophetiae Iacob de aduentu Messie.*
Sectio VII. *Continuatur probatio aduentus Messie contra Iudeos; ostenditurque Messiam qui iam venit, esse verè Deum & hominem.*



AMETSI D. Thomas de argumento proposito specialem quæstionem non instituit, sed possibilitatem, & existentiam mysterij Incarnationis supponit, tanquam vnum de præcipuis articulis fidei, & revelatione diuina satis notum: sicut alia fidei Christianæ mysteria supernaturalia supponere solet, velut principia Theologiæ: potiusque in eorum explicationem incumbere, & ex illis conclusiones Theologicas deducere: non abs re tamen recentiores eius interpretes hanc quæstionem primo loco tractandam suscipiunt. Debet enim cæteris præire, ut in reliquis intelligatur qua de re disputetur: & ab exordio tractatus constet non frustra in eo differi de mysterio, velut re ipsa exhibito, quod prima fronte non modò non factum, sed ne possibile quidem apparet. Dicemus itaque primò, quid intelligendum sit nomine Incarnationis? Secundò, An, & quomodo cognoscatur esse possibilis? Tertio, An, & quomodo convincatur contra Infideles esse facta? Siue quibus argumentis diuinis sufficienter constet Verbum naturam humanam suscepisse, & Christum

esse verè Deum & hominem. In quod vnum, tanquam rem maximi momenti, vel solum vel præcipuè incumbunt Sancti Patres, qui de Verbo Incarnato scripserunt: vt Chrylost. in lib. *Quid Christus sit Deus*, Athanas. Ambros. Fulgent. & Cassian. in libris de Incarnatione, Leo in sermonib. de natiuitate Domini, & de Passioe, & Epist. 10. ad Flavianum, Cyrill. in libris de Fide ad Reginas, & in declaratione anathematismorum contra Nestorium. Item quoque probandum ex professo, contra Iudeos suscepit Apostolus in Epistola ad Hebr. præcipuè cap. 1. qui etiam alijs locis, in omnibus fere suis epistolis, hoc mysterium sapientie inculcat: & speciatim 1. Timoth. 3. v. 16. ait esse *Magnum pietatis sacramentum, quod manifestatum est in carne, iustificatum est in spiritu, apparuit Angelis, prædicatum est Gentibus, creditum est in mundo, assumptum est in gloria.*

D. Thomas etiam rem tanti ponderis non prætermisit alio loco, ex quo suppleri potest quod hâc deest: libro scilicet 4. contra Gent. cap. 27. & pluribus sequentibus. Vbi postquam affirmavit hoc mysterium inter diuina opera maximè naturalem rationem excedere: nihil enim mirabilius excogitari potest diuinitus factum, quàm quòd verus Deus Dei Filius fieret homo verus: addit nos hâc Incarnatione Dei mirabilem eradente auctoritate diuinâ confiteri, Dicitur enim Ioan. 1. *Verbum caro factum est*: & Philipp. 2. *Cum in forma Dei esset, non rapinam arbitratus est esse se æqualem Deo: sed semetipsum exinanivit formam serui accipiens, &c.* Hoc etiam, inquit, ipsius Christi Domini dicta & facta ostendunt, quippe qui se verum Deum & hominem esse, clarè professus est; idque plurimis signis diuinis, illustribusque miraculis confirmauit. Christus enim de se quandoque loquitur humilia & humana; vt illud, *Pater minor me est*: &, *Tristis est anima mea usque ad mortem*: quæ ei secundum humanitatem assumptam conueniunt: quodque verò sublimia & diuina: vt cum ait, *Ego & Pater vnum sumus*: &, *Omnia quæ habet Pater, mea sunt*: quæ certum est ei secundum naturam diuinam competere. Quòd etiam timuit, esuriuit, tristatus & mortuus est, pertinet ad humanam naturam. Quòd autem propria potestate infirmos sanauit, quòd mortuos suscitauit, & elementis mundi efficaciter imperauit, quòd dæmones expulit, quòd à mortuis, cum voluit, resurrexit, quòd denique coelos ascendit, diuinam in eo virtutem demonstrant. Hæc D. Thom. cap. illo 27. qui deinceps vsque ad cap. 38. pergit subtilissimè eandem veritatem contra varios hæreticorum errores confirmare. Et cap. 40. & seqq. proponit & soluit difficultates naturales propter quas Aduersarij fidei Incarnationem impugnant. Quod & nos eius exemplo sequentibus sectionibus præstare conabimur. Prius tamen implorata diuinæ luminis ope: *Vt Deus, Domini nostri Iesu Christi Pater gloriæ, det nobis spiritum sapientiæ, & reuelationis, in agnitione eius, illuminatos oculos cordis nostri, vt sciamus quæ sit spes vocationis eius, & quæ diuinit gloriæ hereditatis eius, &c.* Ephes. 1. v. 17. & sequentibus.

SECTIO I.

Quid intelligatur nomine Incarnationis?

Per Incarnationem intelligitur unio Verbi cum natura humana.



INCARNATIONIS nomine intelligitur mysterium illud, quo secunda persona Trinitatis, quæ Verbum dicitur, & Filius, carnem, id est, naturam humanam assumpsit: iuxta illud Ioan. 1. *Verbum caro factum est, & habitauit in nobis*: Vbi nomine Verbi, intelligit illum, de quo antea dixerat, *In principio erat Verbum, & Verbum erat apud Deum, & Deus erat Verbum. Omnia per ipsum facta sunt.* Nominem autem carnis, intelligit hominem, qui sæpius in Scripturis caro vocatur. Vt Genes. 9. *Omnis caro corrumperat viam suam.* Et Luc. 3. *Videbit omnis caro salutare Dei.* Et Rom. 3. *Ex operibus legis non iustificabitur omnis caro coram illo.* Quod amplius declarat Symbolum Nicænum, cum de Filio Dei ante omnia sæcula ex Patre genito, ac vero Deo sic ait: *Et incarnatus est de Spiritu sancto ex Maria Virgine: & homo factus est.* Declarat etiam Christus ipse, seu Verbum incarnatum, quando in pluribus Scripturæ locis corpus & animam, ac totam hominis naturam sibi tribuit. Corpus, quidem Luc. 24. *Palpate & videte quis spiritus carnem & ossa non habent, sicut me videtis habere*: Et Ioan. 1. *Ille autem dicebat de templo corporis sui*: Animam verò, Marc. 14. *Tristis est anima mea usque ad mortem.* Et Ioan. 12. *Anima mea turbata est.* Et Luc. 23. *Pater in manus tuas commendo spiritum meum.*

2. Incarnatio facta est per assumptionem & vnionem substantiæ ac physici nature humanæ.

Sicut autem in quouis genere impossibile est vnum fieri aliud realiter distinctum, nisi vel in illud vertatur, definendo esse id quod est, vt fiat illud aliud quod non est; vt quando lignum fit ignis, aut quando panis fit corpus Christi: vel nisi veram naturam illius in se recipiat, adiunctamque habeat, per quam in esse tali constitutur; vt cum aqua fit calida per receptionem caloris: Sic vt Verbum fieret homo, necessarium fuit, vt vel in hominem conuerteretur: vel naturam humanam assumeret, quæ oportet hominem esse quicquid est homo. Primum autem fuit omnino impossibile. Quia Verbum diuinum, cum sit Deus, non potest ita conuerti, & definire esse id quod est. Est enim ens absolute necessarium, & penitus indefectibile. Superest ergo vt naturam humanam assumpserit. Quod etiam Paulus significat Hebr. 3. v. 16. verbis illis. *Nusquam Angelos apprehendit, sed semen Abrahe apprehendit.* Cum enim filius Dei dicatur apprehendisse semen Abraham: consequens est, vt ipsemet non sit conuertiens substantialiter in semen Abraham: sed manens id quod erat, assumpserit, atque sibi adiunxerit naturam humanam quam non habebat. Nam quod conuertitur substantialiter in aliud; definit esse. Quod autem definit esse, non est. Et quod non est, non apprehendit aliquid aliud.

Apprehensio verò hæc non fuit tantum localis adiunctio, vel moralis adhesio per affectum. Hæc enim non sufficerent vt Verbum caro fieri diceretur. Sicut Deus non dicitur fieri lapis, aut Angelus; quamuis illis, & alijs omnibus rebus creatis, localiter intimè præsens sit. Neque etiam dicitur fieri homo, eò solum quod aliquem diligit, in eoque vt iusto & sancto inhabitet, & per eum mirabilia operetur. Sed debuit esse actio quæ Verbum diuinum naturam humanam sibi physice & substantialiter vniret, vt per eam vnionem constitueretur in esse hominis. Nam vt aliquid sit verè & propriè homo debet vel per seipsum formaliter, vel per physicam vnionem, & velut informationem, constare naturam humanam, per quam veluti formam essentialem, constituitur in esse hominis quicquid est homo. Debuit item fieri hæc unio in eo quod Verbo, seu Filio Dei proprium est, vt ipse singulariter dicatur homo factus, præ Patre, & Spiritu sancto. Nempe in ipsa hypostasi, seu personali proprietate Filii, per quam solam distinguitur realiter à Patre, & à Spiritu sancto. Nam per vim, & actionem spirandi, non distinguitur à Patre. Per essentiam verò, seu naturam, est idem cum Patre, & Spiritu sancto. Rursum unio nature humanæ cum hypostasi Verbi facta est sine dubio vt hypostasis Verbi fungeretur erga naturam humanam officio hypostasis, tribueretque illi aliquod esse proprium & veluti formale hypostasis: quemadmodum cetera quæ vniuntur substantialiter & entitatiuè vera & physica vnione, tribuunt ei, cui vniuntur, suum esse formale. Est autem hypostasis vltimusterminus, & complementum existentie, nature substantialis aptæ per se subsistere. Vnde consequens est naturam humanam compleri, & vltimò terminari in esse existentie, per hypostasin Verbi: & ex naturis, humana, & diuina, simul iunctis in hypostasi Verbi, existere suppositum, seu personam constitutam ex duplici natura, diuina & humana, & ex vnica hypostasi Verbi, quæ, vt alibi ostendimus, perfectissimè complet & terminat naturam humanam, ita vt locum non relinquat subsistentie creatæ. Indèque fit vt in Verbo incarnato sit vnica persona, & duæ nature: sicut ex opposito, in Trinitate sunt tres persone & vnica natura. Hinc etiam fit vt illa persona vnica sit verè Deus simul & homo; quia verè & propriissimè habet naturam, seu quasi formam essentialem, per quam Deus constituitur in esse Dei, & homo in esse hominis.

Hæc igitur actio, vel etiam terminus illius formalis, id est, unio mirabilis Verbi cum natura humana, vocatur à Græcis Patribus & Concilijs *Carnis Actio*: à Latinis verò quibusdam, vt à Tertulliano cap. 3. libri de Carne Christi, & ab Hilario in prologo Psalmorum aliquantò post initium, appellatur corporatio, & incorporatio: ab alijs communiter Incarnatio dicitur, nomine sumpto

A 3

Et non tantum per localem adhesionem vel moralis adhesionem

7. Variè appellatur à sanctis Patribus. Tertullianus.

à deteriori hominis parte, & remotiori à Dei maiestate, ad magis declarandam Dei potentiam, & dignationem in hoc mysterio, Verbiq; incarnati humilitatem, & passibilitatem, quæ Carnis nomine significatur interdum in Scriptura: vt Hebr. 5. *Qui in diebus carnis sue*, &c. id est, passibilitatis lux & humiliationis, seu vitæ suæ passibilis & mortalis. Posset etiam non incongruè dici *in diebus*, id est, inhumanatio, vt vocatur à Damasceno lib. 7. de Fide cap. 13.

Damascenus.

Obiectio 1. quomodo Incarnatio sit propria Verbi?

5.

Concil. Lateran.

Dices, cum Incarnatio sit actio Dei ad extra, & actiones ad extra sint indiuisibiles, id est, communes toti Trinitati, quæ per eandem intelligentiam, voluntatem, & omnipotentiam operatur quicquid extra se facit; quomodo potest Incarnatio esse propria Verbi singulariter, ita vt solus Filius apprehenderit, seu assumeret humanitatem? Respondeo, Incarnationem, prout actio est, fuisse communem toti Trinitati, quæ per eandem cognitionem, voluntatem, & omnipotentiam, hoc mysterium operata est, vt ait Concil. Later. cap. *Firmiter*. Prout verò est veluti passio, seu receptio, vel vnio & adhesio formalis ad humanitatem; esse propriam Verbi, quod solum per eam actionem humanitati adiunctum est. Et hæc formalis adiunctio non est actio, sed terminus actionis. Apprehendere verò, seu assumere humanitatem, duo conueniunt in suo integro conceptu & significato. Vnum est, actio aliqua circa humanitatem: alterum est veluti passio, seu receptio eiusdem humanitatis in seipso. Apprehendere enim, vt hic sumitur, est ad se trahere, & recipere in seipso. Quare cum sine tali receptione non sit apprehensio, & Verbum solum receperit humanitatem sibi adiunctam; ideo solum Verbum dicitur eam apprehendisse.

6.

Obiect. 2. Quomodo potuit immediate vniri hypostasi Verbi, non essentia.

Instabis, quia cum proprietas Filij non distinguatur in re ab essentia, vt definit Later. cap. *Damnatus*; non potuit Verbum solum recipere humanitatem, illique vniri immediate: sed necessario recepit quoque essentia & consequenter Pater, & Spiritus sanctus, qui sunt idem in re cum essentia, suntque vna res simplicissima cum illa, vt ibidem definitum est.

Respondeo, sicut distinctio virtualis inter essentiam & proprietates sufficit, ad hoc vt essentia non sit generans, neque genita, nec procedens, sed Pater est qui generat, Filius qui gignitur, & Spiritus sanctus qui procedit; estque distinctio realis in personis, & vnitas in natura, quemadmodum habet Lateran. Concilium capite citato, circa medium: ita distinctio virtualis inter essentiam, & proprietatem Verbi, sufficit ad hoc vt Verbum potuerit assumere secundum proprietatem, non secundum essentiam: & vniri humanitati immediate in hypostasi propria, non in essentia communi tribus personis.

Vrgebis, quia in eodem capite, paulò

post, asseritur dici non posse quòd Pater Filium gignendo partem suæ substantiæ illi dederit, & partem retinuerit ipse sibi, cum substantia Patris indiuisibilis sit, vt pote simplex omnino. Ergo similiter dici nequit, quòd Verbum sibi vnuerit immediate humanitatem secundum hypostasim, & non secundum naturam, cum natura & hypostasis Verbi sint vnum quid indiuisibile, vt pote simplex omnino. Quam enim est impossibile dari realiter, & non dari, secundum quid, id quod est indiuisibile realiter, & simplex omnino: tam est impossibile vniri immediate, & non vniri, secundum quid.

Respondeo, Concilium Later. asserere id dici non posse, eo sensu, quo Abbas Ioachim ibi damnatus id assererebat, aut asserere debebat vt errorum suum tueretur. Cum enim veller Patrem, Filium, & Spiritum sanctum non esse vnā & eandem numero substantiam, seu naturam diuinā, sed vnā tantum collectivē, sicut multi homines sunt vnus populus, & multi fideles sunt vna Ecclesia: consequens erat, vt assereret aliam esse substantiam Patris, quā Filij. Vel ergo aliam ex parte, vel ex toto: quorum neutrum dici potest: *Pater enim* (inquit Concilium) *ab æterno Filium generando suam substantiam ei dedit, iuxta quod ipse testatur Ioan. 10. Pater quod dedit mihi, maius est omnibus. Ac dici non potest quòd partem suæ substantiæ illi dederit, & partem retinuerit ipse sibi; Cum substantia Patris indiuisibilis sit, vt pote simplex omnino. Atque ita dici nequit Filium distinguere à Patre penes substantiam ex parte, quasi habeat partem substantiæ realiter diuersam ab altera parte quæ sit in Patre. Sed nec dici potest quòd Pater in Filium transfulerit suam substantiam generando, quasi sic dederit eam Filio, quòd non retinuerit ipsam sibi: alioquin desuisset esse substantia. Atque ita non potest Filius distinguere à Patre quoad substantiam ex toto, quasi tota substantia sit in Filio, & non sit in Patre. Nec potest alia numero diuersa esse tota in Patre, & alia tota in Filio, adequatè distincta: quia substantia seu natura diuina est vnica & immultiplicabilis: ac Pater Filium generando, suam eandem numero substantiam illi dedit. Pater ergo quòd sine ulla diminutione Filius, nascendo, substantiam Patris accepit: & ita Pater & Filius habent eandem substantiam: & sic eadem res est Pater, & Filius, & Spiritus sanctus ab utroque procedens. hucūque Concilium. Cuius mens solum est, dici non posse quòd Pater Filium gignendo dederit illi partem suæ substantiæ realiter diuersam, quia substantia diuina caret partibus realiter diuersis. At neque nos hic asserimus Verbum vniri immediate humanitati secundum hypostasim veluti partem realiter distinctam à natura. Verum sicut non obstante identitate naturæ, & hypostasis Verbi, distinguimur realiter Ver-*

Obiect. 3. ex Concil. Lateran.

7.

Versallius explicatio.

SECTIO II.

*An sola naturali ratione cognosci possit
Incarnationem esse factam,
aut esse possibilem?*

Questio esse potest de notitia vel eui-
denti, vel certa, vel probabili: Idque
vel antequam Incarnatio traderetur exe-
cutioni, vel postquam reipsa tradita est:
an scilicet tunc saltem nota fuerit Ange-
lis, vel hominibus, lumine solo naturali,
seposita reuelatione, & omnibus aliis gra-
tiarum diuinarum auxiliis, ac lumine supernatu-
rali, quale est lumen gloriarum, & quoduis
aliud illi æquiualens, entitatis & ordinis
supernaturalis: cuiusmodi esset substantia
creata connaturaliter capax videndi Deum,
si possibilis est. Item questio esse potest
de Incarnatione Verbi prout modò descri-
pta est: vel de Incarnatione Dei simpli-
citer. Primum enim est difficilius cognitu-
m, quàm secundum. Quia primò non potest co-
gnosci sine notitia distinctionis personarum
diuinarum: secus autem secundò. His positis.

Dico primò, solo lumine naturali ne pro-
babiliter quidem cognosci posse ab homini-
bus, vel ab Angelis, Incarnationem Verbi esse
possibilem. Probat, quia distinctio per-
sonarum diuinarum non potest ab vlla crea-
tura solo lumine naturali ne probabiliter qui-
dem cognosci, vt suppono ex tractatu de Tri-
nitate. Quippe quia neque per se nota est lu-
mine naturali: neque vllum habet sui vesti-
gium in creaturis, aut indicium extrinsecum,
ex quo vel probabiliter colligi possit. Nam
creaturæ quæ procedunt à Deo quæ vnus est,
non quæ Trius (proprietates enim persona-
les nihil ad extrinsecum operantur) ducunt tantum
in notitiam Dei quæ vnus est, vt effectus in
causam: & deinde hoc mysterium Trinitatis
personarum diuinarum continet summam dif-
ficultatem, solis viribus naturalibus insupera-
bilem, vnitatis essentiarum cum distinctione rea-
li personarum, indistinctarum tamen realiter
ab essentia. Atqui notitia Incarnationis Verbi
supponit illam cognitionem distinctionis per-
sonarum diuinarum: ergo, &c. Confirmatur,
quia ne Dei quidem simpliciter sumpti Incar-
natio potest cognosci naturaliter esse possi-
bilis, vt ostendam sequenti conclusione. Ergo
multò minùs Incarnatio Verbi quæ specialem
addit difficultatem distinctionis personarum
in Deo. Confirmatur secundò ex Scriptura,
Conciliis, & Patribus, id quod intendimus in
hac cōclusionem significantibus, cum hoc my-
sterium vocant, *sacramentum absconditum in Deo*,
vt loquitur Apostolus Ephes. 3. v. 9. *non hu-
mana ratione possibile, sed spiritus efficacia credi-
bile*, vt ait Ambrosius in 1. ad Corinthios cap. 2.
Vnionem ineffabilem & indeprehensibilem, vt ait
Concilium Ephesinū can. 13. *Et si ratione col-
ligitur, non erit mirabile: sic exemplo, non erit singu-
lare*: inquit Concilium Toletanum II. post

167
Status qu-
stionis pr-
ponitur.

176
Prima cor-
clusio: no-
posse natu-
raliter co-
gnosci po-
ssibilitate
Incarnati-
onis Verbi

bum à Patre secundum hypostasim, non
secundum naturam: sic vnitur immédia-
tè humanitati secundum hypostasim, non se-
cundum naturam.

Falleretur verò si quis existimaret men-
tem Concilii esse, definire quòd tota substan-
tia, seu natura diuina, non modò physice &
identice, sed etiam secundum virtualem am-
plitudinem sit in Filio, aequè ac in Patre:
idque probare ex eo quòd substantia illa sit
indiuisibilis, vt pote simplex omnino. Etenim
ea questio tunc non agitabatur, sed error
Ioachimi supra dictus, vt ex Concilii verbis
manifestum est. Definitio autem Concilii sit
iuxta sententiam questionis ipsi propositæ. De-
inde probatio Concilii esset aperte vitiosa.
Nam Pater, filium gignendo, dat ei sub-
stantiam, non Paternitatem; tamen sub-
stantia, & Paternitas sint quid indiuisibi-
le, vt pote simplex omnino. Quare ex
physica simplicitate non repugnat vnum
attributum essentiale communicari sine alio,
sicut ex ea non repugnat communicari es-
sentiam sine hypostasi propria Patris. Cur
autem tota essentia secundum totam am-
plitudinem virtualem, id est, secundum
omnia attributa essentialia communicetur
personis precedentibus, ratio alia est:
quia nimirum essentia diuina, propter
suam summam perfectionem, est summè
communicabilis ad intra, & identificabi-
lis quantum fieri potest: ita vt in diuinis
omnia communicentur, & omnia sint v-
num, vbi non obuiat relatiua oppositio
originis impossibilis cum identitate:
vt docet Concilium Toletanum XI. in
confessione fidei cap. 1.

Magis verò falleretur qui existimaret hac
Concilii Lateran. definitione damnari eos
qui asserunt tres personas diuinas esse tres
res, relatiuas scilicet: id est, damnari
S. August. S. Thom. & omnes Theologos
antiquos & recentes, nullo, qui sit ali-
cuius nominis, excepto. Nam Concilium
tantum definit, contra Abbatem Ioachim,
tres personas, quamuis proprietatibus dif-
ferentes, esse vnā quandam summam
rem, videlicet substantiam, siue naturam
diuinam, vt asseruerat Petrus Lombardus,
cuius doctrina, male à Ioachimo repre-
hensa vt hæretica, & insana, approbatur
à Concilio. Vbi nota, eodem ipso loco,
quo Lombardus asseruit tres personas esse
vnā quandam rem: asserere simul esse
tres res, tres nempe relatiuas, & vnā
absolutam, lib. 1. Sententiarum dist. 25.
litera H. Quis ergo sibi persuadeat id à
Concilio damnatum fuisse? id est, do-
ctrinam Magistri damnari à Lateranensi,
in eodem ipso loco qui ab illo appro-
batur, & contra Ioachimi reprehensio-
nem iniustamque censuram defenditur. Et
hæc obiter hoc loco, ex occasione peruersæ
quorundam Recentiorum interpretationis
Concilij Lateranensis dicta sint. Plura verò
eadè de re diximus p. 1. dist. 25. tota sect. 13.

8.
Braua quo-
rundam
explicatio
Concilij.
Later. re-
fellit.

9.
Alia mala
imagina-
tio circa
idem Con-
cilium te-
nuitur.

Magister
sentent.

Concl. To.

S. August.

S. August. Epist. 3. ad Volusianum, ante medium. Sed ibi de conceptu Virgineo sermo est, nō de ipsa vnione hypostatica: quæ tamē difficilior est, magisq; humanā rationē excedit.

12.
Secunda conclusio: in ōne quidem Incarnationem Dei simpliciter.

Dico secundō, Incarnationem Dei simpliciter, non posse solo lumine naturali cognosci euidēter, aut certō, ac ne quidem probabiliter. Ratio est, quia tot occurrunt difficultates naturales in contrariū, siue ex parte Dei, quomodo possit vniri sine sui mutatione, & imperfectione Deo repugnante: siue ex parte humanitatis, quomodo possit terminari substantiā alienā: siue etiam ex disproportionē inter huiusmodi extrema, ad physicā vnionē & compositionem vnus entis per se: vt si in mentē Angeli venisset de eius possibilitate, quam non nego venire potuisse: vel iudiciū prudēter cohibuisset: vel si de altera parte naturaliter statuere voluisset, victus difficultatibus negasset potius ob apparētā argumētorum pro impossibilitate, de quibus paulō post.

13.
Suarez.

Addit Suarez disp. 3. de Incarn. sect. 1. non posse intellectum creatum cognoscere quidquid Deo possibile est: cū neque ipsius Dei omnipotentiam comprehendat: neque capacitatem obedientialem creaturarum. Ergo non potest cognoscere, etiam vt possibile, id quod est maximum omnium operum diuinæ potentie, cuiusmodi est Incarnatio. Sed hæc sequela non est bona. Quia intellectus instructus lumine gloriæ cognoscit euidēter, & intuitiue Incarnationem: licet non cōprehendat omnipotentiam diuinam, neque possit eam comprehendere. Quare non sequitur, quod si quis non potest comprehendere omnipotentiam diuinam, non possit cognoscere Incarnationem. Melius dici posset, valdē credibile esse omnipotentiam diuinam posse aliquod opus edere naturali lumine inuestigabile: sicut summi quidam artifices edūt opera quædam, quæ rustici & imperiti nūquam cogitarent esse possibilia: imō crederēt esse planē impossibilia. Si autem vllum est tale opus, maximē illud quod est maximum operū diuinæ omnipotentie. Quo argumento vtitur fere S. August. Epistola 3. ad Volusianum, de conceptu Virgineo, dicens: *Demus Deum aliqui posse, quod nos fateamur inuestigare nō posse.* Propter hoc etiā putāt aliqui Incarnationem vocari ab Isaia c. 12. v. 4. *Adinventionem Domini:* quippe à Deo solo excogitatā & inuentā.

S. August.

Nec obest quod opponunt aliqui recentiores disparē esse rationem: quia rustici non habent species talium operum. At Angeli naturaliter habuerunt notitiā duorum extremorum Incarnationis Dei, quibus cognitīs facile est dubitare de connexionē vtriusque. Norunt, inquam, Angeli Deum esse substantiā, & naturā humanā terminari substantiā propria creatā. Vnde potuerunt dubitare, an posset substantia diuina supplere respectu naturæ humanæ, munus illud terminādū quod præstat substantia creatā. Sicut de facto ex eo quod sciamus Deū habere intellectiōem infinitā, & hominem esse capacē intelligēdi, dubitāt Theologi, an de potētia absoluta pos-

set intellectio Dei reddere hominem formaliter intelligentem. Hoc inquam, argumētum non obest. Primō, quia etiam rustici possunt habere species, seu notitiā extremorū propositionis de talibus operibus. Neque si illis occurrant aut proponantur, iudicāt propterea esse possibilia, sed potius impossibilia, ob difficultatē, & repugantiā apparentē. Etenim cognitīs licet extremis, non est facile iudicare, ac ne quidem dubitare de eorum connexionē, si connexio appareat euidēter impossibilis. Sicut cognitīs duobus extremis, Deo & peccato, non est facile dubitare, an Deus possit peccare: vt neque, an possit desinere esse. Deinde hic non loquimur de simplici dubitatione, aut inquisitione: sed de iudicio absoluto, euidēti, certo, vel opinatiuo.

Dices, Angelus nouit naturaliter naturam humanam non esse alligatā essentialiter propriæ substantiæ, sed sine illa esse posse virtute diuinā: sicut nouit naturaliter accidentia posse esse sine subiecto, & non esse illis essentialē inherere actū. Cū enim opimē nota sit Angelis natura substantiæ & accidentis: nō est existimādum hoc ab illis ignorari: sed potius hoc ipso quod Angelus primē cognoscit vtriusque essentiā, & naturā: cognoscit etiam essentialē omnē, & naturā, vtriusque dependentiā, vel independētiā. Si autē nouit Angelus naturā humanam posse esse sine propria substantia: facile potest opinari quod possit terminari per substantiam diuinam.

Respondeo admissio antecedēte, quod non bene meo iudicio negatur à Suarez disp. 3. sect. 1. Neque enim video, cur id Angeli naturalē cognitionē excedat. Respondeo, inquit, sequelam nullam esse. Nam illa ratio non sufficit ad id vel probabiliter iudicandum. Et aliundē summæ & insuperabiles difficultates, quæ Angelo occurrunt in huiusmodi terminatione, & vnione hypostasis diuinæ cum natura humana, non patiūtur Angelū vel probabiliter assentiri. Adde quod rectē notant Valentia q. 1. de Incarn. pūcto 2. 6. *Videtur autē,* & Tannerus q. 1. dub. 1. n. 6. dupliciter posse cognosci aliquid esse possibile. Primō, absolute & vnde quaque: ita vt sciamus nihil esse, aut verē excogitari posse quod obstat eius possibilitati. Secundō, imperfece & secundū quid: quia scimus eorū quæ nobis occurrūt nihil esse quod ostēdat impossibilitatē: licet forte aliquid nobis incognitum eam probare possit. Quamuis ergo Angeli hoc secūdo modo cognouissent possibilitatem Incarnationis: non propterea primo, de quo est quæstio.

Instabis, quia nouit Angelus euidēter Deum esse, & posse quidquid non implicat cōtradictionē. Nouit quoque nō implicare contradictionē Deū incarnari. Quia neq; in terminis illis cōtradictio est: neq; per mediū vllū demonstrari potest implicare: & quæcūq; argumēta in contrariū occurrūt, solui possūt ab Angelo. Sic ergo potest secum ratiocinari. Quidquid non ostenditur esse impossibile, censendū est Deo esse possibile: quia in fauorem omnipotentie diuinæ iudicandū est, nec illi facile de-

15.
Altera obiectio diluitur.

Valentia
Tannerus

16.
Alia in-
stantia.

14.
Solutur obiectio.

trahendum. Atqui non ostenditur impossibile Deum incarnari: Ergo censendum est possibile Deum incarnari.

Respondeo primò, Angelū scire multas esse latētes cōtradictiones, quæ sunt, quamvis nō ostēdatur; neq; reipsa esse possibile quidquid non ostenditur esse impossibile. 2. Non esse censēdū possibile in fauorē omnipotētiæ diuinæ, sine alio argumēto, id à quo lumē naturale velut impossibili planē abhorret cōmuniter, quāuis cōtradictio non clarē ostēdatur; cuiusmodi est, verbi gratia, quōd oculus corporeus possit videre Deū, quōd creatura possit creare, & similia. Tertiò, probabilius esse quōd Angelus sibi relictus, & nulla diuina reuelatione adiutus, iudicaret argumēta aliqua esse demonstratiua, quæ nos eādē adiuti negamus, quia mysterio reipsa facto, & nobis reuelato, videmus esse aduersa. Multa enim propter reuelationes diuinas corrigimus in Philosophia, quibus alioqui indubitanter assentiremus.

17. Tertia cōclusio: non posse naturaliter cognosci Incarnationem Verbi, aut eius possibilitatem cognosci. Incarnationem Dei simpliciter. Probat, quia hoc mysterium, quamvis reipsa exhibitum, est intrinsecē & in substantia supernaturale: adeoque non potest per se immediatē cognosci solo lumine naturali. At neque etiam per aliud: quia nullum est principium, aut medium naturale, ex quo deduci possit. Igitur manet adhuc ignotum naturaliter, donec reueletur, & per argumenta supernaturalia sufficienter probetur.

Obiectio, quomodo non esset nota Angelo?

Dices, Angelus cognoscebat Christi humanitatem subsistere. Et similiter cognoscebat non subsistere per propriam substantiam. Nam euidenter cognoscebat omnia naturalia Christi, inter quæ tamen non videbat esse substantiam creatam eiusdem humanitatis. Ergo cognoscebat eam subsistere per diuinam substantiam. Patet consequentia: tum quia si substitisset per aliam substantiam creatam: Angelus eam vidisset. Tum etiam quia euidenter erat Angelo quōd nulla hypostasis creata poterat supplere hypostasim naturæ humanæ: ergo cognoscebat eam suppleri à diuina hypostasi.

18. Medina responsio non satisfacit.

Respondet Medina quæst. 2. introductoria de Incarnatione in solutione sexti argumenti, cognouisse quidem Angelū naturaliter humanitatem Christi subsistere substantiā increatā: sed non propterea cognouisse Deum esse hominem. An quo mihi videtur pugnantia asserere. Nam cognoscere Deum esse vnitum hypostaticē humanitati, est cognoscere Deum esse hominem. Sicut à parte rei Deum esse vnitum hypostaticē humanitati, est ipsum esse hominem. Ex tali enim vniōne existit compositum quod est Deus & homo. De instantiis verò à Medina obiectis, quōd Deus non sit sanguis, neque anima, vel corpus, quamvis vniatur sanguini, animæ, & corpori, etiam quando hæc fuerunt

à se inuicem separata: dicemus infra disp. 8. sect. 3. Interea verò ad argumentum respondendo, Angelum solo lumine naturali, sine reuelatione, miraculis, & aliis signis Diuinitatis Christi, non cognouisse eius humanitatem subsistere per substantiam increatam, seu Verbi diuini, seu Dei confusē cogniti. Sed cum non videret propriam substantiam humanitatis: potuisse existimare, vel eam sibi occultari à Deo ad aliquem finem sibi ignotum: vel fortasse illam carere omni substantia: sicut iudicat accidentia Eucharistica carere modo connaturali inhesionis. Addunt aliqui potuisse Angelum existimare Christi humanitatem terminari substantia aliena creata, sibi abcondita, vel fortē supernaturali & incognoscibili naturaliter. Quod an sit possibile dicemus alibi, & quamvis reipsa sit impossibile, potest ignorari ab Angelo qui naturaliter non cognoscit quicquid est absolute possibile. Sed non assentior affirmantibus modum subsistendi alienum esse Angelis ignotum naturaliter, propter nimiam suam subtilitatem: æquē ac actus internos intellectus & voluntatis alienæ. Cum enim hæc omnia sint realia & naturalia: & Angelus cognoscat naturaliter suam ipsius substantiam, & suos actus internos, æquē subriles, idque conceptu proprio, germano, quidditativo, perfectēque intuitum non video cur ob nimiam subtilitatem non possit quoque naturaliter aliorum Angelorum vel hominum substantiam & actus intueri. Si autem reipsa non cognoscit actus alienos internos, id prouenit potius ex impedimento morali, id est, negatione concursus diuini, propter bonum commune reipublicæ hominum, & Angelorum, vt suppono ex Tractatu de Angelis. Quod præter Ocamum, Gabrielem, Basilium, & alios antiquiores ibi citatos docent è nostris Recentioribus Hurtadus disp. 12. Metaph. sect. 4. num. 30. primæ editionis, & Theophilus Raynaudus dist. 4. Theolog. natur. quæst. 1. art. 4. num. 88.

Verè etiam solutio

Alia quodam responsio tenuit

19. Quarta cōclusio. Supposita reuelatione huius mysterii sufficienter credibili, potest Angelicus & humanus intellectus, ab ea adiutus, viribus propriis de cætero, illud non modò cognoscere: sed & rationes excogitare, siue ex naturalibus, siue ex aliis fidei mysteriis, quibus eius possibilitas verisimiliter ostendatur: atque etiam soluere negatiuè quidquid contra illam obicitur. Prima pars huius conclusionis probatur ex dictis in tractatu de Fide disp. 10. sect. 2. de actu interno fidei, ubi generatim ostendimus intellectum posse naturaliter assentiri obiectis fidei propositis sufficienter: licet non tam perfectē, ac requiritur ad iustificationem: ad quod ultra propositionem externam, requiritur internum Spiritus sancti auxilium eleuantis intellectum ad supernaturaliter & dignē assentiendum: iuxta definitionem Tridentini sess. 6. can. 3. Arauscani can. 7. & Miluitanican. 4.

Hurtadus

Raynaudus

Supposita reuelatione possumus naturaliter assentiri huic mysterio: & aliquas rationes asserere ad probandum esse possibile.

Probat per primam partem conclusionis.

Miluitan

Ratio præcipua eiusdem partis est, quia intellectus potest naturaliter apprehendere terminos propositionis reuelata, eorumque significationem: & agnoscere (quamuis minus perfecte) vim motiuorum, nempe miraculorum, vel aliorum signorum diuinorum, quibus sufficienter credi. ile fit Deum reuelasse. Illisque apprehensis & prudenter expensis potest iudiciū formare secundū sufficientiā motiuorum, & præpoderatiam præ omnibus oppositis, atque ita propositioni reuelatæ assentiri.

20.
Probat
pars secun-
da conclu-
sionis, &
asseruntur
argumenta
illa ad In-
carnat o-
nem per-
suadendam
apta.

Secunda pars conclusionis probatur, quia intellectus, sublatā iam per fidē difficultate, prima facie occurrente, quā per se solum superare nō poterat, sic secū potest ratiocinari. Si corpus materiale, & anima spiritalis, possunt naturaliter vniri in vnum compositū per se, non obstante tanta disproportionē & differentia extremorum: quidni supernaturaliter, & per absolutam Dei potentiā infinitam, Verbum diuinum, & humanitas Christi possint in vnum compositum supernaturale conuenire? Si accidentia in Eucharistia possunt priuari propriā inhaerentiā: quidni substantiā priuari possint propriā substantiā? Et si eadem accidentia existunt sine subiecto, vi diuina; cū ex natura sua non possint esse nisi subiecto inhaereant: quidni possint eadē vis diuina efficere vt natura substantialis existat in supposito alieno, quāuis ex natura sua exigit per se subsistere? Si denique vnica natura diuina potest esse in tribus personis: quidni & duæ, aut plures naturæ possint esse in vnica persona? Quibus & similibus exemplis vtuntur Sancti Patres, Iustin, Cyrill, Theodoret, Bernard, & alii. Addit Durandus perfectionis esse sustinere aliud, modō ratio & imperfectio potentie passiuæ remoueatur: sicuti remouetur ab hoc mysterio, in quo Verbum diuinū sustentat humanitatem altiori quodam terminandi modo. Sed hæc rationes iuuāt quidem, supposita fide mysterii, & præsertim adiutæ pio credulitatis affectu: alioquin verō non probāt. Vt neque illa quam addit Suares disp. 3. sect. 1. quod cū tota humana sapiētia persuadere nunquā potuerit hoc mysteriū esse impossibile; credibile fiat illud esse possibile. Etenim ad credendū prudenter aliquid esse possibile, non sufficit quod non demonstratur illud esse impossibile, sed debent suppetere rationes præponderantes difficultatibus in cōtrariū occurrentibus. At illæ non occurrūt circa Incarnationem, sine lumine fidei. Et non sequitur esse possibile, quidquid non demonstratur esse impossibile: neque sine alio argumento credi debet esse possibile. Negaret quoque Philosophus Ethnicus illum modū altiorē terminandi, de quo Durandus, esse possibilem: de quo alibi. Reliqua verō argumēta, vel exempla, nituntur medio vel per se incredibili sine reuelatione, vel adeo dissimili, vt specialem huius mysterii difficultatem non tollant.

21.
Probat
tertia pars
conclus.

Tertia pars assertionis, quod scilicet solui possint argumēta infidelium contra Incarnationem, probatur, quia cū iam fide diuina certum sit hoc mysterium reipsa factum esse: cer-

tum pariter est non esse impossibile: & falsum esse quidquid cū eius possibilitate stare non potest. Et quia reipsa falsū est incarnationem esse impossibilem: non potest demonstrari esse impossibilem, quia falsum nō potest demonstrari esse verum. Omnis enim demonstratio est ex veris: & ex vero non potest bene concludi nisi verū, vt suppono ex principiis Dialcticæ. Quare quidquid obicitur cōtra possibilitatē incarnationis, solui potest à Theologo Christiano, negatiue saltem, id est, negando propositiones quæ non possint euidenter probari, quasq; sibi certissime constat falsas esse & indemonstrabiles: Et simul generalem aliquam rationem reddendo, vel ex disparitate inter res diuinas & creatas, vel ex generalibus fidei nostræ motiuis, vt ostendatur non imprudenter & sine causa negari. Potest etiam Christianus Theologus conuincere positivē infideles per argumenta credibilitatis, & reuelationes diuinas summē credibiles. At non solis argumentis seu rationibus naturalibus: quia nullæ sunt tales rationes naturales huius mysterii: adeoque fides nullas suppeditat Theologo. Est enim hoc mysterium planē supernaturale, nullum habens in rebus naturalibus vestigium aut medium, quo possit conuinci.

quod scilicet
solui
possint argu-
menta
Infidelium
contra In-
carnationē.

SECTIO III.

Difficultates circa possibilitatem Incarnationis.

Obicitur potest 1. esse euidenter impossibile naturam humanam subsistere per Verbum diuinum. Nam subsistere est stare per se. Ergo implicat quidquam subsistere per aliud à se realiter distinctum. Quia stare per aliud realiter à se distinctum, non est stare per se. Et implicat vt stare per aliud, sit stare per seipsum. Ergo implicat humanitatem subsistere per Verbum diuinum realiter à se distinctum.

Secundō, Tam implicat naturam humanam priuari propriā substantiā, & subsistere substantiā alienā: quā implicat eam priuari existentia propriā, & existere existentia alienā. Secundum autem est apertē impossibile. Ergo & primum. Probat maior, quia in natura substantiali completa & integra in sua specie, idem est substantia, & existentia. Talis enim existentia, debet esse substantialis. Ergo debet esse existentia per se, quia substantia est ens per se. Ergo est substantia, quia subsistere est esse seu existere per se. Ergo si natura humana non potest priuari existentia propriā, vt existat per alienam: ita neque priuari potest substantiā propriā, vt subsistat per alienam. Minor verō, quod scilicet sit apertē impossibile naturam humanam priuari existentia propriā, & existere alienā, probatur, quia existentia rei nihil est aliud quā res ipsa prout est actu extra nihil. Est autem actu per seipsam formaliter: neque potest existere, & non esse ipsamet actu secundum se. Neque exi-

32.
Prima diffi-
cultas circa
mysterium In-
carnationis
sumpta ex
ratione
subsistentiæ.

33.
Secunda
difficultas
ex eodem
capite.

sistere formaliter per aliud à se distinctum: quia quidquid aliud ponatur; nisi ponatur ipsamet, & sit actu; non existit: si autem ponitur ipsamet, & est actu in rerum natura: ideo formaliter, & præcisè, ac primò existit, quia ipsamet actu est. Ergo non existit formaliter per aliud, sed per seipsam. Adde quòd si res aliqua existeret formaliter existentia aliena; deberet cum illa componere ens existens, quod per illam compositionem formaliter existeret. At omnis compositio realis supponit extrema existere naturà prius. Ergo res existeret naturà prius quàm acciperet existentiam: quod implicat. Item quidquid componit cum alio realiter, aduenit illi actu existenti: neque enim aduenit illi in statu purè possibili, & actu nihilo: quomodo enim cum nihilo componeret? Ergo si existentia distinguitur ab essentia, & componit cum illa realiter: aduenit illi actu iam existenti: Ergo existit naturà prius quàm habeat existentiam sibi aduenientem.

23.
Tertia difficultas ex natura modorum.

Tertiò, cum subsistentia, iuxta veram philosophiam, sit modus se habendi indistinctus à re, & merus usus standi per se, siue actualitas naturæ substantialis, apte naturaliter & sufficienter stare propria vi: tam videtur implicare rem aliquam subsistere subsistentia aliena: quàm implicat aliquem sedere sessione aliena, aut agens agere formaliter actione aliena, aut quantum terminari formaliter & intrinsecè figura aliena realiter distincta. Quæ omnia sunt evidenter impossibilia.

Quarta difficultas, ex improprietate.

Quartò, inter extrema vnibilia ad componendum ens per se debet esse aliqua proportio. At hæc non est inter humanitatem Christi finitam, & hypostasim Verbi infinitam: quia finiti ad infinitum nulla est proportio. Certè si ex substantia & qualitate, v. g. non potest fieri ens per se, quia sunt diuersi generis: multò maior est distantia & improprietio inter hypostasim Verbi, & humanitatem.

Quinta difficultas ex Dei immutabilitate.

Quintò, sequeretur Verbum diuinum fuisse mutatum realiter in Incarnatione. Mutari enim est aliter se habere, quàm ante. At Verbum diuinum aliter se habuisset quàm antea: quia fuisset homo, quod antea non erat, per physicam & intrinsecam adiunctionem humanitatis: ex qua homo diceretur, vera & reali denominatione intrinseca: vt corpus dicitur animatum ab anima sibi vnita: & manus dicitur calida, à calore sibi adueniente. Confirmatur, quia sicut humanitas verè dicitur esse mutata, ex eo quòd Verbo vnitur: ita Verbum debet dici mutatum, ex eo quòd vnitur humanitati. Item si Angelus, v. g. vniretur hypostaticè humanitati, mutaretur sine dubio: quia aliter post, quàm ante, se haberet. Ergo Verbum æquè mutatur, quia æquè aliter se habet post talem vnionem. Ad hoc enim nihil refert quòd vna

hypostasis sit creata, alia increata. Nam humanitas adueniens æquè vtramque mutat, asficiendo intrinsecè, & velut informando.

Sextò, non tantum in ipsa prima susceptione humanitatis Verbum mutatum fuisset: sed & continuò deinceps ad omnem mutationem humanitatis de loco vno in alium. Nam vnio inter humanitatem & Verbum non est vbique, sicuti Verbum ipsū sed tantum vbi humanitas est, & vbi ipsa Verbo coniuncta est. Ergo quando humanitas mutat locū; vnio pariter mutat locum, & afficit Verbum secundum aliam partem virtutalem immensitatis, seu replicationis infinitæ Verbi, respondentem ei loco, in quo nunc humanitas est. Atque ita Verbum vnitur de nouo humanitati, vbi prius non vniebatur; & in ea parte virtuali suæ immensitatis, in qua prius non vniebatur. Quæ vnio prout se tenet ex parte hypostasis Verbi tanquam vnus & exercitium intrinsecum illius vt vnibilis, vel de nouo fit pereunte priori: vel manet eadem quæ prius, & mouetur tantum localiter ex parte Verbi, sicut mouetur ex parte humanitatis. Vtrumque autem absurdum est. Quia si noua vnio fit, pereunte priori: Incarnatio continuo aut frequentissimè desinit & incipit. Et humanitas non potest moueri, quin auellatur à Verbo secundum quid, & dissoluatur vnio physica: quod perinde absurdum est, ac si quis diceret non posse animam moueri, quin dissoluatur vnio cum corpore. Si verò vnio mouetur hypostasi manente immota (moueri enim non potest, cum sit immensa, & immobilis æquè, ac ipse Deus) ergo modus rei, vel potius merus usus quasi auellitur à re, cuius est usus: quod euidenter impossibile est: cum modus esse nequeat sine re modificata, & usus non sit aliud, quàm res ipsa prout ita se habens per seipsam, siue vlla alia entitate distincta, & separabili. Confirmatur: quia vnusille, siue vnio prout se tenet ex parte Verbi, vel est vbi antea erat, vel perit, vel in locum alium transit. Atqui non est vbierat prius: quia humanitas ibi iam non est, & sine illa vnio esse non potest. Vel ergo perijt, vel aliò transiuit: quorum vtrumque absurdum est. His addunt Infideles absurdum esse, Deum fuisse infantulum, mortalem &c. Sed hæc facillè explicantur per idiomatum communicationem, & infinitam Dei bonitatem non dedecent.

Ad primum, Respondeo cum Vasque disput. 71. de Incarnat. num. 11. subsistere dupliciter sumi. Primò, pro eo quod est per se esse, siue stare propria vi, & ex propria sufficientia, esseque seipso vltimò completum, & terminatum secundum existentiam: atque ita sistere in seipso, incommunicabiliter alteri, siue vt terminanti, siue vt suppositanti, siue vt sustentanti: quod est absolute subsistere. Et hoc modo non potest vlla natura substantialis subsi-

24.
Sexta difficultas ex eodem capite, & ex motu locali humanitatis.

25.
Solutio ad difficultatem ex natura substantie.

stere per alienum suppositum. Implicat enim subsistere hoc modo, & suppositari ab alio. Secundò sumitur pro eo, quod est terminari, seu compleri quoad suum esse substantiale, aliquo supposito, & esse partem substantialem totius per se stantis: ut sit etiam tunc quando loco propriæ subsistentiæ, siue actualitatis essendi per se, & complementi naturalis existentiæ propriæ, natura substantialis, apta per se subsistere, vnitur substantialiter alienæ subsistentiæ, ab illaque completur, & terminatur secundum existentiam. Quod est subsistere tantum denominatiue, id est, partem esse compositi subsistentis, & vi propria stantis ratione alterius partis. Eoque modo non repugnat naturam humanam subsistere alieno supposito realiter distincto, esseque partem totius compositi ex humanitate, & hypostasi Verbi. Quod compositum subsistit propriè, & absolute ex parte hypostasis Verbi: humanitas verò denominatiue tantum ab illa dicitur subsistere: sed non dicitur subsistere absolute, hoc est, per se esse; sed potius in alio esse, & ab alio terminari, & per alienum suppositum seu in alieno supposito subsistere, nempe in Verbo.

Subsistentia quicquid sit.

Et quidem subsistentia generatim est ultimus terminus seu complementum existentiæ naturæ substantialis aptæ vi propria stare: sicut inhzrentia est ultimus terminus seu complementum existentiæ accidentiū, & formarū materialium, quæ postulant inhzrere, & nō possunt naturaliter vi propria stare: Estque simul subsistentia modus standi per se, & incommunicabiliter alteri supposito, vel alieno termino existentiæ, quādo est propria & connaturalis subsistentia. Secus autem quando est aliena, respectu naturæ cui est aliena. Illa enim non per se stat incommunicabiliter, sed recipit communicatur alteri supposito, & subsistentiæ realiter distinctæ: quā nihilominus terminatur, & ultimo cōpletur substantialiter. Et quamvis difficile sit intelligere & explicare quid sit illud munus cōplendi & terminandi existentiam substantialem: quæque sit propria ratio subsistentiæ, & quid formaliter addat supra naturam: quippe cuius distinctio à natura subsistente, nobis solum per reuelationem innotuit: dici tamen potest quod sicut aliquæ formæ substantiales, & substantiæ completæ exigunt naturaliter aliquem terminum, & modum existendi, ad suum complementum & esse connaturale. v. g. forma leonis, & leo ipse, exigat talem terminum seu cōfigurationem, & quantitatem partium, ut sit in esse suo connaturali completo: sic naturas substantiales completas, & formas rationales, ac materiam primā, exigere aliquod complementum suæ existentiæ, quod est propria subsistentia: cuius loco, possunt compleri & terminari aliena diuina. Cur autē formæ materiales non assumantur hypostaticè à materia quando illi vniuntur, & subsistunt in toto, illius beneficio: ratio est, quia non amittunt per illam vñionem modum essendi per se, cuius

ius sunt incapaces: quippe quæ pendent naturaliter à materia ut à sustentante, ideoque non priuantur proprio & connaturali cōplemento, quo per se starent incommunicabiliter alteri ut terminanti, vel subiectanti & sustentanti, ut accipiant loco illius complementum & terminationem propriæ existentiæ à subsistentia materiæ: quemadmodum fit in natura humana respectu Verbi: qua de re plura dicemus inferius disp. 7. sect. 1.

Ad secundum Respondeo negando maiorem: quia subsistentia non est simpliciter existentia rei existentis: sed est complementum existentiæ substantialis, & modus ac terminus illius, sine quo potest substantia existere: seu esse actu extra nihil, & tamen nō existere per se, sed esse in alieno supposito: sicut inhzrentia accidentiū non est ipsamet existētia accidentiū, sed illius modificatio, sine qua possunt accidentia existere: ita ut actu sint, & tamen nulli subiecto inhzreant: ut sit in accidentibus Eucharisticis. Ad probationē maioris dico existentiam substantialem naturæ cōpletæ non esse ipsam subsistentiam: sed esse existentiam rei quæ exigit subsistere: eoque sensu existentiam illam esse existentiam per se, ac longe diuersam ab existentia accidentium quæ exigunt esse in alio ut in subiecto sustentante.

Ad tertium Respondeo subsistentias diuinas non esse merum vsum, vel purum modum se habēdi: sed esse ita modos, ut sint etiam tres res, ut communissimè docent Theologi cum Magistro in 1. d. 25. lit. H. D. Thom. 1. p. q. 28. a. 3. c. & D. August. 1. 1. de doctr. Christiana c. 5. Res, inquam, & perfectiones, quæ propter suam excellētiā infinitam sunt capaces complendi & terminandi naturam alienam, loco propriæ hypostasis, iuxta doctrinā S. Thom. q. 3. a. 1. in corpore, & ad 2. vbi ait: Proprium esse diuinæ personæ, propter ipsius infinitatem, ut fiat in ea concursus duarū naturarum secundū subsistentiam. Addo inter vsum, seu modos se habendi, aliquos esse qui modificant in ordine ad aliud, illudque attingunt, & afficiūt. Cuiusmodi sunt, v. g. vsum siue vñiones partium. Nā vsum, & exercitiū vñibilitatis vnius partis, illam modificat in ordine ad aliam partem, quam attingit, & afficit, quatenus alteram ipsi vñit.

Ad quartum Respondeo cum Valentia q. 1. de Incarnat. puncto 2. duplicem esse proportionē. Vnam geometricam vel arithmetica, consistentē in certo quodā excessu quantitatis, aut perfectionis: ut inter duo, & quatuor: quatuor & octo. Alterā habitudinis, siue ordinis alicuius inter vnū & aliud: ut inter causam & effectum, potentiam & obiectum, materiam & formam, & similia. Prior proportio inter finitum & infinitum esse nequit: quia inter illa non potest esse certus & determinatus excessus. Secus autem posterior: ut patet, quia Deus alioqui non posset esse causa creaturarum, cum creaturæ sint finitæ, & ipse infinitus. Neque posset à nobis cognosci naturaliter, vel ab

26.
Solutio secundæ difficultatis. ex inseparabilitate substantiæ à re subsistente.

27.
Solutio tertie difficultatis. ex natura modorum.

28.
Solutio quartæ difficultatis. ex impropositione. Proportio duplex est, geometrica, & arithmetica. Sitne inter finitum & infinitum?

Angelis quod est falsum; & contra Apostolum Rom. I. v. 20. Sicut autem inter effectum finitum & causam infinitam est proportio habitudinis, in eo consistens quod talis effectus possit à tali causa produci: & similiter inter potentiam finitam & obiectum infinitum, in eo consistens, quod hæc possit ab illa utcumque cognosci: Sic est inter naturam finitam & hypostasim infinitam, in eo consistens, quod hæc possit illi uniri, illamque terminare. Quod si instes Deum non agere tota sua infinitate, id est, quantum potest vi sua infinita, quando producit effectum finitum: neque à nobis cognosci perfecte & adæquate, aut distinctè, ipsius amplitudinè infinitam. Respondeo, neque similiter uniri immediatè Verbi hypostasim adæquate secundum totam virtutem suam amplitudinem, quā infinitè excedit capacitatem obedientialem humanitatis. Non est autem par ratio de substantia & qualitate. Quia licet minus distent in perfectione entis: magis tamen distant in ordine ad unionem substantialem; & constitutionem vnius substantiæ completæ, quæ non nisi ex partibus substantialibus constitui potest, & ex rebus eiusdem generis, aut quasi generis, nempe substantiæ.

SECTIO IV.

Solvitur quinta & sexta difficultas, quomodo Deus non mutetur in Incarnatione.

19. **Solutio 1.** **Reijciatur.** **AD** quintum, varij varia respondent. Nulla enim est grauior in hoc mysterio difficultas, cuique minus ab humano ingenio satisfieri possit. Suares disputatione octaua, sectione tertia. Lessius libro duodecimo de Perfectionibus diuinis, capite sexto, & alij plerique dicunt Verbum uniri humanitati per modum quemdam vnionis distinctum modaliter & ex natura rei ab extremis. Qui modus, quia in sola humanitate fit & recipitur, ideo sola ipsa mutatur, & passiuè se habet: Verbum autem tantum se habet terminatiuè, quatenus terminat nectum illum, & naturam sibi vnitam. Verum hæc distinctio vnionis ab extremis alibi refutabitur disput. 5. sect. 6. & 7. vbi ostendemus extrema vnibilia uniri immediatè inter se per vnum simplicem & indistinctum suæ vnibilitatis. Qui vltus ex parte vtriusque se tenet: quia vtrumque per se vnibile est, & per se vnitur alteri, humanitas Verbo, & Verbum humanitati. Deinde dato & non concessio quod vnio sit modus distinctus, manet difficultas, quomodo Verbum non mutetur, cum verè adiungatur illi modaliter vnioni, & humanitati; atque ab vtraque afficiatur per veram & physicam coniunctionem, non autem per extrinsecam denominationem. Confirmatur, quia licet vnio

Tomus IV.

animæ rationalis cum corpore in eo solo reciperetur, vt aliqui existimant, aut in anima sola: tamen vtrumque mutaretur per intimam adiunctionem alterius. Ergo similiter Verbum debet mutari, si nihil aliud obstat mutationi.

Neque melius est quod solent respondere Thomistæ cum Didaco Aluarez disput. 2. de Incarnat. 5. *Ad primum argum.* Verbum non esse mutatum per Incarnationem, quia acquisiuit tantum relationem rationis, propter mutationem & relationem realem factam in humanitate; cuius relationis Verbum intelligitur esse terminus. Relatio autem, præsertim rationis, potest alicui aduenire de nouo, absque ipsius mutatione, per solam mutationem alterius. Vt Petrus, verbi gratia, potest fieri dexter, eo solo quod alter ad illius sinistram accedit. Quo exemplo vtitur S. Thom. quæst. 16. artic. 6. ad 2. Alij vtiuntur exemplo columnæ, quæ manet immutata, licet accedat aliquis qui eam brachiis complectatur, aut licet onus aliquod sustentandum ipsi superponatur. Hæc, inquam, responsio non est melior præcedente, sed est omnino reiicienda; si putent Verbum referri tantum per rationem ad humanitatem: & non verè ac realiter illi uniri, eamque acquirere vt sibi physice coniunctam: Aut Verbum esse duntaxat terminum relationis realis in humanitate existentis: quasi non verè ab ipsa afficiatur, sed extrinsecè tantum respiciatur, & dicatur factum homo per extrinsecam denominationem: vt Petrus extrinsecè se habet ad eum, cui dexter est? & columna, ad amplexum, vel ad pondus superpositum, sine vlla vnione physica cum illis. Sin autem per realem relationem factam in humanitate intelligunt vnionem realem in illa sola passiuè receptam, vt exponit Didacus Aluarez loco citato: iam hæc opinio coïncidit cum præcedente, sed minus clarè rem exponit; & improprie loquitur.

Aliter respondent eruditi quidam Recentiores, hanc totam difficultatem reduci ad assignandum subiectum, in quo sit vnio hypostatica. Deinde quantum ex longo eorum discursu potest colligi, dicunt Verbum ideo non mutari, quia non est subiectum vnionis: Licet enim Verbum ex vi vnionis hypostaticæ alligetur ad intimam coniunctionem cum humanitate, & ad componendum cum illa aliquod per se vnum, adeoque illi propriè & physice vnatur: tamen cum Verbum non supponatur incompletum; aut in potentia, vt integretur, & compleatur per aliquid aliud, sed potius supponatur omnino integrum, & completum: non potest dici, quod in se recipiat intrinsecè vnionem, vel quod per illam intrinsecè afficiatur, aut informetur, quia hæc omnia supponerent Verbum ante vnionem esse ens in potentia, non omnino completum, & integrum, sed vacuū. Quidquid enim recipitur in aliquo, sup-

B

30.
Solutio 11
Didaci Aluarez,

S. Thom.

Refutatur
prædicta
solutio.

31.
3. solutio.

ponit in eo aliquam vacuitatem quam repleat. Humanitas verò afficitur intrinsecè vnione, recipitque illam: quia completur, & integratur per illam, & quia supponitur de se incompleta, & in potentia ad hoc, vt compleatur per aliquam subsistentiam. Et hæc, inquiunt, est ratio cur ex his duobus extremis vnum afficiatur intrinsecè per vnionem, & aliud non: & cōsequenter cur vnum mutetur, aliud non mutetur. Ita Delugo disp. 11. de Incarnat. num. 63.

32. Sed primò, incertum est quod supponit vnionem esse modum in re distinctum, qui vni tantum extremorum inhæreat: cum sit potius vltus & actus vnibilitatis vtriusque partis: quæ vt per se vnibilis est immediatè, ita per se immediatè vnitur: atque in sententia contrarium opinantium, debet saltem per se immediatè vniri ipsi modo vnionis: alioquin itur in infinitum, & ante quamuis vnionem mediat alia vnio. Si autem potest per se immediatè vniri ipsi modo vnionis: quidni & parti, quæ sæpius magis ipsi conformis est, & naturâ propinquior, quam modus vnionis? Secundò, quamuis vna pars tantum esset subiectum vnionis, nempe humanitas in præfenti mysterio: manet difficultas quomodo Verbum non mutetur per vnionem humanitatis cum ipso. Sicut licet ex multorum opinione vnio animæ rationalis cum corpore, recipiatur in solo corpore: non est tamen dubium quin anima mutetur, cum de non informante sit informans. Quare non puto verum esse id, quod auctor citatus affirmat, totam hanc difficultatem reduci ad assignandum subiectum vnionis hypostaticæ. Tertiò, si Verbum physicè, & propriè vnitur humanitati ad componendum cum illa ens per se: ergo est incompletum in illo genere entis per se, nempe in esse hominis, aut humanitatis: estque in potentia ad complementum, id est, ad hoc vt in esse hominis integretur, & completetur per aliquid aliud, nempe per humanitatem, & non supponitur completum & integrum, in illo genere. Quartò, si humanitas, eiusque vnio coniungitur intimè Verbo, vt fatetur Delugo; ergo recipitur intrinsecè à Verbo, & Verbum intrinsecè afficitur per illam. Quod enim aduenit alteri intrinsecè per modum formæ constituentis in aliquo esse, communicatque illi intrinsecè suum esse formale, recipitur ab illo intrinsecè, & intrinsecè afficit. At humanitas aduenit Verbo intrinsecè per modum formæ totius constituentis in esse hominis, seu humanati, communicatque illi intrinsecè per intimam coniunctionem physicam suum esse formale constitutum hominis: ergo, &c.

3. Valent. quæst. 1. de Incarn. punct. 2. col. 2. respondet Verbum non mutari, quia vnio non in eo consistit, quod res de nouo sit aliquid, quod ante aliquo modo non erat, sed in eo, quod sit aliquid, vel acquirat aliquid, quod prius neque formaliter, neque eminenter perfectissimè conti-

nebat. Verbum autem continebat eminentè perfectissimè humanitatem: ideoque per illam non fuit mutatum. Confirmatur, quia mutatio, prout communiter intelligitur, sonat imperfectionem quandam rei, quæ mutatur, & velut indigentiam, necessitatemque eius, quod de nouo acquirit: quasi illud aut non antea habuerit villo modo, aut certè modo præstantiori non omnino contineat. Cūque motus, aut mutatio definitur actus entis in potentia, intelligitur simpliciter: ita vt res simpliciter, & absolute aliter nunc se habeat, quam prius, acquirendo aliquid, quod absolute non habebat.

Sed contra: Primò, definitio illa mutationis noua est, & voluntaria, & ad placitum excogitata: videturque ex aduerso notum per se quod ad mutationem sufficiat habere formaliter aliquid, quod antea non erat nisi eminenter: aliquid, inquam, distinctum saltem realiter, cuiusmodi est humanitas respectu Verbi, ita vt sola continentia eminentialis, si nihil aliud sit, non impediat quò minus subiectum mutetur, quando de nouo recipit formam secundum suum esse formale: & iam incipit habere formaliter id, quod prius eminenter solum continebat. Confirmatur: quia licet sol contineat eminenter lucem, & aqua frigus: mutaretur tamen realiter ille, si de non lucido fieret lucidus: & hæc, si frigida de non frigida formaliter. Sic etiam Deus mutaretur, si reciperet de nouo actus intellectus, & voluntatis distinctos, quamuis eos antea eminentissimè contineret. Secundò, perfectio eminentiæ in eo consistit, iuxta Valent. ibid. quod continens possit rem illam efficere, quam eminenter continet, & sine illa possit efficere quidquid ipsa, tanquam causa efficiens, aut coëfficiens posset facere. At Verbum non potest sine natura humana efficere omnia formaliter, quæ potest illa efficere, aut coëficere, quia non potest sentire, nec appetere, nec similes actus humanos, præsertim vitiosos exercere. Tertiò, aliud est posse efficere, vel producere: & aliud est esse. Quare ex eo quod aliquid possit efficere, non dicitur simpliciter esse id, quod potest efficere. Ex. gr. posito quod ignis propria vi possit repetere natium calorem, & aqua natium frigiditatem: non est idem in igne, aut in aqua, esse, & posse: sed ruerat mutatur ignis, dum reducitur ad perfectum calorem: & aqua, cum reducitur ad frigus perfectum.

Aliqui recentiores respondent Dei immutabilitatem, non esse passam detrimentum in incarnatione: quoniam, inquiunt, propriè tantum mutatur, quod incipit esse in se, id quod antea non erat, aut definit esse, id quod erat: scilicet quod amittit, vel auget suum esse primarium; vel secundarium, quod est perisci, vel corrumpi. Eo modo, inquiunt, mutatur quidquid recipit aliquam formam realem distinctam: vel etiam incipit alio modo se habere, & si ille modus non sit distinctus, vt mutetur ad esse secun-

Impugnatur.

344

Quinta solutio.

darium intrinsicum pertinet. In Incarnatione autem hypostasis diuina dumtaxat terminat vnionem humanitatis : quod est vel exercere aliquod officium reale circa rem extrinsecam, vel terminare eius exercitium.

Refellitur:

Sed contra: Primò, Verbum incepit esse in se id, quod antea non erat, cum incepit esse homo per intrinsicam denominationem, auxitque eatenus suum esse secundarium, quia accepit aliquod esse adueniens primario, illique intrinsicè adiunctum. Nam per esse secundarium : cuius aduentu res mutatur, intelligendum est quodcunque esse, saltem distinctam, & reale, adueniens primario, & fundamentali. Secundò, cum dicunt mutari esse idem, ac perfici, vel corrumpi: vel hac voce, *Perfici*, intelligunt bene, & conuenienter affici; vel intelligunt affici quavis entitate, quæ dicatur perficere eo sensu, quo quælibet entitas dicitur esse perfecta, seu bona bonitate entis transcendentali. Prior sensus est falsus: nam aqua v.g. mutatur, cum recipit calorem, & homicida, cum exercet actum positium volendi occidere iniuste, & tamen non perficitur eo sensu. Item iuxta hunc sensum falsum est, quod addunt isti Doctores, eo modo mutari quidquid recipit aliquam formam realem distinctam. Nam non omnis forma realis, quæ recipitur, perficit, id est, bene, & conuenienter afficit subiectum. Posterior verò sensus est improprius, & inutilis ad propositum. Nam iuxta illum negari nequit Verbum perfici, quando recipit humanitatem, quæ, sicut res cætera, bona est, & perfecta perfectione entis. Quare Verbum perficitur hoc sensu, id est, recipit aliquam perfectionem sibi adiunctam, quando recipit humanitatem, quæ est perfectio quædam in genere entis. Terriò, si mutatur quidquid recipit aliquam formam realem, & distinctam; ergo Verbum mutatur cum recipit humanitatem, quæ est forma totius, realiter distincta à Verbo; & quamuis non exerceat propriè munus causæ formalis circa Verbum; illud tamen per modum causæ formalis constituit in esse hominis, seu humanati. Quartò, in Incarnatione hypostasis diuina non terminat tantum extrinsecè vnionem humanitatis, aut aliquod aliud officium reale exercet circa rem extrinsecam: sed Verbum vnitur intrinsicè humanitati, aut eius vnioni, ipsique adhæret immediatè per vsum suæ vnibilitatis. Estque impossibile, & inintelligibile duo coniungi immediatè, nisi alterum alteri vicissim adhæreat. Quare humanitas, vel eius vnio, non est aliquid extrinsecum Verbo, sed aliquid intimè, & intrinsicè efficiens Verbum. Vnde Verbum dicitur vnitum, & humanatum, denominatione intrinsicè. Sicut aqua denominatur calida, aut aer lucidus, à forma sibi vnita & intrinsicè per vnionem physicam, quæ sine dubio sufficit ad realem mutationem. Quintò, Quid est hypostasis diuinam terminare tantum extrinsecè vnionem humanitatis? Vel enim intrinsicè

vnitur humanitati, vel non? Si primum, ergo non terminat tantum extrinsecè vnionem; sed vnio est illi intrinsicè, quandoquidem vnitur intrinsicè. Secundum autem est falsum, & inintelligibile. Falsum, quia impossibile est vniri duo physicè, absq; eò, quod vtrumq; vtriq; adhæreat, & in vnionem, siue compositionem ingrediantur ambo intrinsicè. Deinde tam verè, & propriè vnitum est Verbum humanitati, quàm humanitas Verbo. At hoc non esset verum, si humanitas tantum esset vnita intrinsicè: Verbum autem extrinsecè per vnionem humanitatis, quàm terminet tantum extrinsecè. Esset enim æquiocatio, & differentia: sicut in eo, quod denominatur sanum à sanitate intrinsicè, ut animal; & quod ab extrinsecè, ut pullus, & medicina. Denique est inintelligibile quid sit vnionem terminari tantum ad Verbum, & tamen Verbum vniri humanitati. Quomodo enim potest illud vniri, si Verbum tantummodo terminat eius vnionem extrinsecè tanquam ei contiguum? Et cur non Pater, & Spiritus sanctus dicuntur æquè terminare: cum Pater & Spiritus sanctus non minus sint ei vnioni præsentés, & indistantes, quàm Verbum?

Ex his apparet quàm sit difficile, & vix humano ingenio explicabile, quod quarimus. Existimo autem primò admitti posse in Verbo innouationem quandam, quoad modum se habendi: id est, Verbum cœpisse nouo quodam modo se habere quatenus fuit vnitum humanitati, & verè atque intrinsicè incepit esse homo per incarnationem: sicut Ecclesia ipsa admittere videtur, quando in officio dicit octauæ Natiuitatis sic canit: *Mirabile mysterium declaratur hodie: innouantur nature: Deus homo factus est: id, quod fuit, permansit, & quod non erat assumptum, non commixtionem passus, neque diuisionem.* Ad quem loquendi modum accedit S. Leo term. 2. de Natiuit. cap. 2. cum dicit, Filium Dei nouo ordine, noua natiuitate generatum fuisse. *Nouo ordine, quia inuisibilis in suis, visibilis factus est in nostris. Incomprehensibilis voluit comprehendere. Ante tempora manens, esse cepit ex tempore. Vniuersitatis Dominus seruilem formam obumbrat à maiestatis sue dignitate suscepit. Impassibilis Deus non dedignatus est homo esse passibilis, & immortalis mortis legibus subiaceret.* Quod idem repetit in epist. 10. ad Flavian. de qua Gelasius Papa C. *Sancta Romana Ecclesia, dist. 15. sic pronunciauit: Si eius textum quispiam usque ad vnum iora disputauerit, & non eam in omnibus venerabiliter receperit, anathema sit.* Significat autem S. Leo verbis relatis, nouum illum ordinem se tenere non solum ex parte nature humanæ ad fastigium diuinitatis cuncta: sed etiam ex parte Verbi facti hominis, visibilis, comprehensibilis, passibilis, atque mortalis: ita ut nouum Verbo fuerit tale fieri. Eodèq; pertinet illud Ier. 31. v. 22. *Nouum creauit Dominus super terram. Femina circumdabit virum.* Quod plurimi

3.
Vera ratio
cur Verbum
non mutetur.

Sanctorum, Patrum relati; ab Hieronymo à Castro in commentario illius loci, referunt ad mysterium Incarnationis. Hæc enim nouitas ad vitamque naturam pertinet, diuinam, & humanam. Quia sicut nouum fuit homini fieri Deum, ita & Deo, fieri hominem. Vtque natura humana nouo & antea inusitato modo se habuit, quando fuit vnita realiter & inintelligibile Verbo: ita & Verbum, quando intrinsece, realiterque fuit vnitum humanitati, vt fieret & diceretur verus homo per vnionem, & denominationem intrinsecam. Salua tamen disparitate imperfectionis, & mutationis, de qua mox.

36.
Mutatio
non est
qualislibet
motus se
habendi
modus.

Dico enim secundò, hanc qualemunque innouationem, seu nouum modum se habendi ex parte Verbi, non sufficere ad mutationem. Nam sicut perfectio independentiæ, & identitatis essentia, facit vt in diuinis sit principium realiter produciens, & non causa, quoad productiones ad intra: vtque realis influxus Patris in Filium à se realiter distinctum, non dicatur causalitas, sed origo: nomenque causæ sit restrictum ab illa amplitudine, quæ ante mysterij Trinitatis notitiam extendebatur ad illud omne, quod dat esse alteri: sic propter modum aliquem supereminentem, & ineffabilem, quo Verbum diuinum se habet in incarnatione, non debet hæc realis innouatio appellari mutatio ex parte Verbi: quia mutatio sonat quandam imperfectionem à Verbo remouendam; sicut causalitas sonat dependentiam: estque acceptio mutationis restringenda, & excludenda ab hac innouatione, sicut causalitas excluditur à processione diuinis. Quare mutari propriè, non est quocunque modo innouari realiter, seu aliter se habere, quàm ante: sicut causare, & efficere non est quocunque modo producere. Modus autem eximens Verbum ab omni mutatione in hoc mysterio, videtur in eo consistere, quòd Verbum ratione suæ infinitissimæ, & excellentissimæ supereminentiæ, sufficientiæ, & independentiæ à rebus creatis, nullum accipit ab humanitate commodum, vel incommodum, ornamentum, aut dedecus, vtilitatem, aut dispendium, incrementum, aut detrimentum in suo ipsius esse, vel operari, vel modo se habendi intrinseco circa seipsum: neque vllum genus causalitatis ab ea patitur; sed per simplicem vsum suæ sufficientiæ supereminentiæ terminat, seu complet vltimò existentiam substantialem humanitatis, suppletque ipsius substantiam, vera quidem, & physica vnione, sed carente imperfectionibus ex parte Verbi supra enumeratis, quæ in omnibus rerum creaturarum innouationibus, seu mutationibus reperiuntur coniunctim, aut diuisim.

37.
Contra hanc explicationem opponunt aliqui Recentiores primò, illam inuoluere contradictionem: nam ex nostro, & omnium Theologorum consensu, mutari definitur *aliter se habere in se*. Atqui iuxta hanc explicationem fatemur Verbum omni pro-

prio sensu aliter se habere in se. Ergo fatemur Verbum propriè mutari, attenta vera, & typica definitione mutationis. Ergo concedimus id ipsum, quod negamus.

Ad maiorem propositionem Respondeo, *mutari* non esse aliter se habere quomodo-
cunque, sed cum aliqua limitatione supra explicata, quam coguntur admittere illi ipsi qui hoc obijciunt, vt ostendemus paulò post. Deinde ad minorem dico non esse verum, quod assumit. Non enim fatemur Verbum omni proprio sensu aliter se habere: neque eo sensu, quo particula illa debet intelligi in definitione mutationis: nimirum aliter cum imperfectione, id est, cum augmento, vel diminutione sui esse intrinseci, in quo patiatur commodum, vel incommodum, incrementum, vel detrimentum, &c. vt diximus in fine paragraphi penultimi. Atque hæc est in re ipsa interpretatio, in quam tandem resoluitur longus discursus Aduersariorum. Dicunt enim Verbum quidem in incarnatione aliter se habere, at non in ea proprietate locutionis, quæ *aliter se habere* significat *mutari*: quia, inquiunt, illa particula, *se*, indicat saltem esse secundarium, & completium primi: Verbum autem non completur in suo esse, id est, non perficitur per humanitatem, &c. Ad eandem quoque explicationem prope accedunt alii duæ ex refutatis Gregorij de Val. & Ioannis Delugo, quatenus immutabilitatem Verbi in hoc mysterio, fundant in eo, quòd Verbum ratione suæ perfectiōis simpliciter infinitæ nullum capit, neque capere potest incrementum perfectiōis in seipso, ex vnione cum natura humana. Tametsi rem, meo iudicio, minus bene explicant, & alia quædam, quæ mihi non probantur, inuoluunt. Nemo autem iure reprehendat, quòd conemur rem difficillimam paulò clariùs exponere.

Opponunt secundò, in nullius auctoris idonei scriptis reperiri hanc propositionem, *Verbum innouatum est in Incarnatione*. Et ab illa æquè refugere communem sensum, ac ab ista, *Deus immutatus est*. Ergo non est inuehenda periculosa loquendi ratio in explicatione huius mysterij. Respondeo primò, hunc loquendi modum à tota Ecclesia Latina vsurpari in officio diuino: non est autem periculosum cum illa loqui. Nam quid, quid dicat Aduersarij, longè probabilius est, verba illa, quæ canit Ecclesia in festo Circumcisionis, *Innouantur nature*, referri ad naturas, diuinam & humanam, nouo nexu mirabili copulatas: idque magis postulat planus, & proprius sensus verborum, quæ sic habent. *Mirabile mysterium Incarnationis declaratur hodie. Innouantur nature*: in hoc mysterio scilicet: quomodo autem, siue in quo consistat hæc innouatio exponit addens, *Deus homo factus est*, & eatenus cæpit esse aliquid, quod ante non erat, & nouo modo se habere: *Id, quod fuit, permansit*, id est, nullam diminutionem sui esse intrinseci passus est: *Et quod nō*

Respondeo
tur primo
argum. in
cōstatum.

38.

Potest dici
Verbum
fuisse inno-
uatum ali-
qua causa.

erat assumpsit, sine vlllo augmento suæ perfectionis intrinsecæ: non commixtionem passus per confusionem naturarum, iuxta errorem Eutychianorum: neque diuisionem, iuxta hæresim Nestorianorum. Idem quoque re ipsa & æquiualeuter dicit S. Leo verbis supra relatis & expensis. Et ex aliis Patribus possent afferri similes loquendi modi, nisi hæc sufficerent ad ostendendum, non esse verum, id quod tam confidenter affirmant Aduersarij.

Diluitur
secundum
argum.

Respondeo secundò, ipsosmet Aduersarios vel sibi contradicere, vel hunc loquendi modum re ipsa probare. Dicunt enim disp. 1. de Incarn. sect. 6. §. Ad minorem dico, Filium Dei verè incepisse esse hominem de nouo, & vnitum humanitati intrinsecè: & disp. 7. sect. 1. in fine, expressè affirmant Verbum diuinum modificari in hoc mysterio, seu effici, vt nouo modo se habeat, quamquam sine vlla mutatione. Atqui nouo modo se habere, est innouari aliquo sensu: & quidquid nouo modo se habet, potest tam verè, & propriè dici innouari aliquatenus, quàm verè & propriè dicitur nouo modo se habere. Estque notandum fateri Aduersarios nouum illud modum se habendi esse Verbo intrinsecum: fatentur enim ipsum vniri, & modificari intrinsecè. Notandum præterea idem esse in terminis synonymis, nouo modo se habere, & alio modo se habere: & rursus idem esse in terminis alio modo se habere, & aliter se habere quoad illud modum: ita vt tam verè, & propriè dici possit quippiam aliter se habere aliquatenus, quàm verè, & propriè, dicitur illud idem alio modo se habere. Neque negari potest, quin aliter se habeat in se aliquo sensu; si verum est, quod nouo, id est, alio modo se habeat in se, per modum scilicet sibi intrinsecum. Itaque si ad conceptum mutationis sufficeret rem aliter se habere in se, quocunque modo: non possent Aduersarij, nisi sibi contradicendo, excludere mutationem à Verbo. Debent ergo etiam ipsi definitionem illam mutationis, addita aliqua limitatione, explicare.

39.

Opponunt tertio, què absurdè dici Deum innouatum esse, ac mutatum: nam innouari in se, est in se nouum fieri. At quis sustineat Deum fieri nouum? Item quod nouum est, alterum est à priori. Atqui hoc est alterari, & consequenter mutari in se. Item quidquid potest in se innouari, potest esse vetus in se, & transire. Imò innouatio supponit vetustatem; quæ transeat, iuxta Paul. Hebr. 8. vers. 13. Dicendo nouum, veterauit prius. Quod autem antiquatur, & senescit, propè interitum est: sed absurdum est dicere, Deum in se veterem fuisse, & transisse in suo esse, vel à suo esse ad nouum.

Solutio
tertii argu.

Respondeo, dupliciter aliquid posse innouari in se. Nimirum, vel primò quoad substantiam, vel secundò quoad nouum modum se habendi sibi intrinsecum, aut per aduentum, & vnionem alicuius de nouo sibi coniuncti, & intrinsecè denominantis. Primum

absurdè de Deo diceretur: secundum verò fatentibus ipsismet Aduersariis, locis ante citatis, est dicendum de Verbo in mysterio Incarnationis. Hoc autem non est Verbum fieri in se nouum, sed; esse nouo modo, propter vnionem cum humanitate: id est, esse in se, & secundum se vnitum illi, cum antea non esset. Item, hoc non est Verbum esse alterum à priori secundum se, id est, à seipso; sed esse alio modo quàm ante, quod etiam non possunt Aduersarij negare: cum euidenter idem sit nouo modo se habere, & alio modo se habere. Hoc denique non est Deum veteralescere in suo esse, & transire, seu definire, aut definitioni, & interitui propinquare: sed per vsum infinitæ, & æternæ virtutis suæ vnire sibi naturam humanam substantialiter, & propter illam vnionem sortiri nouam denominationem intrinsecam.

Cætera quæ obijciunt, sunt minoris momenti, & ex dictis facillè solui possunt. Solum addo Aduersarios tandem fateri, posse dici sine inconuenienti, id, quod nos re ipsa diximus, & nisi fallor, satis clarè expressimus. Quemadmodum, quia ante noticiam Trinitatis nihil cognoscebatur accipere esse ab alio, quod idem non penderet, ideo non fuit semper expressa, sed subintellecta tacite dependentia in definitione effectus. Postquam verò homines agnouerunt per diuinam reuelationem, Verbum accipere esse à Patre sine dependentia: ne transferretur in Filium definitio esse Quis, cum subintellecto termino dependentiæ; huiusmodi terminus est positus expressius in definitione effectus, vt processio Verbi sine dependentiâ melius discernetur. Sic ante agnitum mysterium Incarnationis, nulla agnoscebatur variatio alicui rei contingens in modo identificato, vel forma inhærente, quæ non haberet adiunctam imperfectionem, quam diximus in mutatione includi: quæ imperfectio tacite ante subintellecta in definitione mutationis, nunc exprimenda est, vt intelligatur quomodo Verbum potuerit abiq; sui mutatione incarnari.

Supereft sexta difficultas, quomodo Verbum non mouetur; quando Christus mouetur localiter? Ad quam dicendum est, vnionem quidem, prout etiam se tenet ex parte Verbi, & est vsus vnibilis illius, non esse vbique, sicut Verbum vbique est; sed tantum vbi humanitas est ipsi coniuncta: quia Verbum non potest actu vniri humanitati, nisi vbi ipsa intimè præsens est. Verumtamen quia ille vsus non est ad Verbum, prout hic est, sed ad Verbum simpliciter, quoad hypostasim; quod Verbum est vbique, & habet actu omnem præsentiam, quàm alia vnita possunt acquirere per motum localem: hinc est, quod, quando humanitas mouetur localiter, Verbum diuinum, atque ipsius vnio, perinde se habet, ac si Verbum ipsum localiter moueretur. Quia perinde se habet, atque re ipsa ita est in loco acquisito per humanitatem, ac siad illum fuisset motum localiter.

Quemadmodum ergo cum homo mouetur

B 3

40.

41.

Solutio
sextæ diffi-
cultatis ex
motu loca-
li humani-
tatis Chri-
sti.

42.

Non perit
vnio mota
humanita-
te.

localiter, vnio inter ipsius partes, corpus & animam non perit, sed mutat locum, quia non pendet substantialiter à priori loco, neque est ad corpus, & animam, prout sunt hic, aut illic, sed est ad illa secundum substantiam abstrahentem ab hoc, aut illo loco: vnde, loco millies variato, ipsa eadem manet: Sic vnio Verbi cum humanitate mutat quodammodo locū dumtaxat, quando mouetur humanitas non quasi moueatur entitativa quædam Verbi, aut formalitas, seu forma ratione distincta (vnio enim male ita concipitur vt ostendimus alibi dis. 5. sect. 6. & 7.) sed quatenus Verbum est actu vnitum humanitati, vbi non erat antea illi vnitum. Neque propterea auellitur vnio à Verbo: quia Verbum idem vtrobiq; est, non minus, quam si localiter moueretur: in quo casu non desineret prior vnio, sed Verbum sequeretur, seu potius esset Verbum ipsum, prout ita se habens ad humanitatem ibi præsentem. Vnde etiam quando humanitas multiplicatur localiter in speciebus consecratis, non propterea multiplicatur substantialiter vnio, sed localiter tantum, quatenus incipit esse, vbi antea non erat ratione humanitatis de nouo alicubi posita. Sic etiam quando hostia consecrata mouetur circulariter intra seipsam, Christus non mouetur localiter, licet eius replicationes videantur in motu respondere diuersis partibus hostiæ, quæ mouetur. Sed identitas corporis Christi vbique in tota hostia, facit vt non sit opus, imò nec possit ita moueri: & idem prorsus respondet partibus hostiæ, partibusque spatii, in quo mouetur. Ita vt nulla sit differentia, vel diuersitas ex parte corporis Christi, sed tota sit ex parte speciei, & spatii, in quo mouentur. Sicut etiam nulla est differentia ex parte Verbi uniti humanitati variis in locis, aut variis eius partibus: sed tota differentia, & diuersitas est ex parte locorum, vel partium humanitatis, quibus Verbum diuinum secundum idem sui respondet. Neque enim alia pars Verbi virtualis, aut formalis vnitur capiti, alia pectori, vel cordi. Neque etiam alia responderet loco A, & alia loco B: sed est eadem entitas indiuisibilis Verbi, quæ secundum se responderet cuilibet parti, & loco. Ideoque solum dicitur ampla virtualiter, quia per suam entitatem eandem, & indiuisibilem potest naturaliter implere spatium quantum, sicut id possunt corpora per varias partes sue quantitatis.

43. Obiectio
humana.
Dices: Posset alicubi esse humanitas, & non esse vnita Verbo. Item calor vnitur substantiæ secundum se, & non prout est hic, aut illic, vnde manet mutato loco: & tamen, si idem homo esset Romæ, & Parisiis, non haberet Romæ calorem, quem reciperet Parisiis. Vnio quoque animæ rationalis cum corpore non est planè eadem, & indiuisibilis in toto corpore, crescitque, aut minuitur, prout partes viuents accedunt, aut decedunt. Sic ergo vnio humanitatis cum Verbo non est vbique eadem, sed alia, & alia substantialiter.

Satisfit
singulis
membris
obiectio-
nis.
Ad primum Respondeo id fieri posse, non quia sit opus noua, & distincta vnione: sed quia potest Deus non multiplicare localiter vnionem, multiplicatis localiter extremis: sicut etiam potest conseruare duo extrema vnionis, non conseruando vnionem.

Ad secundum dico magnum discrimen esse. Quia Verbum est vbicunque humanitas est. At calor non est vbicunque homo est: neque potest fieri Romæ, ab agente à quo fit Parisiis: quia agens naturale non potest illi duplicem locum dare, nec agere in tam distans. Posito verò quòd idem numero calor vtrobiq; esset, æquè, ac idem homo: non esset opus noua, & distincta vnione, sed conaturaliter eadem numero esset vtrobiq;: quamuis possent etiam multiplicari localiter hæc duo extrema, non multiplicata vniones: sicut possunt eadem conseruari, non conseruata vnione, id est, possunt diuina vi esse duo extrema, & non esse vnita.

Ad tertium Respondeo similiter differentiam esse: quia vnio animæ rationalis cum corpore non est ad idem indiuisibile, vt est vnio ad Verbum: sed est ad partes realiter distinctas: propter quod potest naturaliter esse ad vnā partem; & non esse ad aliam: ac fieri de nouo ad vnā partem, & non fieri ad aliam præexistentem: vel contrā desinere circa vnā partem, & non desinere circa aliam.

SECTIO V.

An, & quomodo conuincipossit contra Infideles
Incarnationem esse factam?

44. Conclusio.
Respondeo, non posse id quidem contra Infideles sola ratione naturali conuinci: sed posse tamen iis argumentis credibilitatis, & fidei testimoniis, quibus nemo prudenter, ac nisi contra lumen rationis naturalis resistere possit. Prima pars sequitur ex dictis sect. 2. Si enim possibilitas Incarnationis non potest cognosci sola ratione naturali, etiam postquam re ipsa exhibita fuit: multò minus conuinci potest factam esse: cum hoc supra ipsius possibilitatem, addat decretum Dei liberum, & eius executionem, quæ duo ex nullo principio, aut effectu naturali innotescunt, neque possunt, nisi per reuelationem cognosci.

Ad secundæ partis probationem suppono Infideles, qui errant circa mysterium Incarnationis esse in triplici differentia. Quidam enim sunt penitus infideles, vt Ethnicis, & Atheis, qui nullas Scripturas, & reuelationes diuinas admittunt. Alii vetus tantum Testamentum agnoscunt, vt Iudæi. Alii vtrumque, ex parte saltem, vt Hæretici. Contra Atheos, & Ethnicos, qui verum Deum non agnoscunt, incipiendum est ab argumentis naturalibus, quibus Deum esse demonstrant Theologi cum D. Thom. 1. p. qu. 2. Tum contra eandem proferenda sunt ea omnia argumenta

Quomodo
probatur
Incarnatio
contra A-
theos, &
Ethnicos?

credibilitatis, quibus adeo certi & credibile, imo evidens fit, Christianismum esse amplectendum, ut nemo, nisi stolidus, his bene propositis, & expensis resistere possit. Quæ argumenta fusè exposuimus disp. 5. de fide. De iisdem verò, specialiter Incarnationis mysterio, applicatis videri potest Barthol. Medina initio comment. in 3. p. in demonstrationibus, *Quod Christus sit Deus*.

Barthol.
Medina.

45.

Potest convinci
Script. esse
divinam,
per ipsam-
met.

Tantum aduerto, licet huiusmodi infideles negent Scripturam esse divinam: id tamen posse contra illos per ipsammet convinci, eiusque testimonio probari efficaciter Christum esse Deum, & hominem. Nam ut omittam alia indicia divinitatis Scripturæ, quæ sect. 2. disp. citatæ recensuimus, & expendimus: negare non possunt Infideles Scripturam, quam divinam esse prætendimus, antiquissimam esse: ac vetus Testamentum longè ante Christum fuisse scriptum: novum autem non multò post ipsius mortem. Quia id publicè, & constanti fama non minùs constat, quàm libros Homeri, Ennii, Liuii, & similes, esse antiquos: eorumque ut vetustissimorum mentionem faciunt antiqui plurimi: Philo, Iosephus, Dionysius, Iustinus martyr, Origenes, Tertullianus, Clemens Alexandrinus, Arnobius, & alii innumeri. Iam verò constat in huiusmodi libris contineri multas prædictiones rerum liberè futurarum, quas impletas videmus. Vnde convincitur libros esse Propheticos, adeoque divinos, ac fide dignos. Quia Dei solius est futura libera, præsertim ea, quæ à sola ipsius voluntate pendebant, tantò ante cognoscere certissimè propria vi. Nec potuerunt ab aliis, nisi ipsius beneficio, & manifestatione certissimè cognosci, & prædici, ut vel ipsum lumen naturale satis ostendit. Eaq; de causa libri Sybillini fuerunt ab Ethnicis habiti pro divinis, & magna fide, ac veneratione dignis. Enimverò intellectus, qui huiusmodi futura cognoscit propria vi, sine vilius manifestatione, non pendet ab ullo concursu obiecti, vel medii, sed solum eo ipso, quòd obiectum verum est, illud cognoscit. Talis autem intellectus, tam independens, meritò censetur extendi ad omnem veritatem, & esse illimitatus, atque divinus, cuius solius est omnem veritatem cognoscere propria vi. Huiusmodi multas, & illustres prædictiones tam circa Christum ipsum, quàm circa alia plurima, collectas vide apud Less. lib. de Provid. Num. ratione 10. à numero 126. Cum igitur constet hos libros esse divinos, ac fide dignos; illiq; testetur Verbum esse incarnatū, ac Christum esse Deum, & hominem, de quo etiam plurima, ac fere omnia sigillatim fuerant longè ante prænuntiata in veteri Testamento, ut Less. ibid. ostendimus: sequitur contra Ethnicos vel ipsis sacris Scripturis convinci posse Incarnationem esse factam. Ut omittam libros Sybillinos, in quibus multa quoque de Christo Deo, & homine prædicta contineri demonstrant, &

Plura hæc
de re vide
som. 3.
disp. 4.
sect. 4.

Ethnicis ipsis sui temporis exprobrant, La-
tanti-
stantius lib. 4. diuin. Instit. cap. 15. & 18. Clemens
Clemens Alex. lib. 6. Strom. multò post ini-
tium, & August. lib. 18. de Ciuit. cap. 23. &
lib. 13. contra Faust. cap. 15. & in oratione
contra Iudæos, Paganos, & Ariacos cap. 26.

Neque respondere possunt Ethnici, vel
Athei, conficta esse à Christianis quæ de
Christo leguntur in veteri Testamento præ-
dicta, ac multò post in ipso evidenter imple-
ta: cum huiusmodi liber longè ante Chri-
stum, & Christianos scriptus fuerit; & à Iu-
dæis ipsis, hostibus Christianorum infestis-
simis, illum acceperint Christiani, apud quos
etiam & publicè in Synagogis suis huc vique
conseruatur, & in honore, ut diuinus habe-
ter. Neque etiam est, quòd huiusmodi præ-
dictiones Damonibus tribuant. Quia mag-
nica de Deo sentia in Scriptura contenta, &
ad omne virtutum genus, præcipueque ad
Dei veri cultum, & Idolorum, ac vitiorum
& operum Diaboli detestationem incita-
menta, penitus illam eximunt à suspitione
diabolica fraudis. Nisi quis putet Damonē
secum apertè pugnare, & librum edidisse,
qui ad regni diabolici destructionem totus
rendit. Adde quòd Damonum prædictio-
nes sunt fallaces, ut ex ipsis Ethnicorum hi-
storiciis de suis oraculis notum est. Adde item
illud sapientissimè notatum à D. August. S. August.
tom. 10. serm. 27. de verbis Apost. cap. 4.
Vbi rationem reddens cur Petrus epistola 2.
cap. 1. v. 19. postquam retulit Christum à
Patre fuisse manifestatum in monte Thabor,
voce cuiusmodi de cælo delapsa, *Hic est filius
meus dilectus* &c. addiderit statim, *Et habemus
firmatorem propheticum sermonem, cui bene faculis
attendentes* &c. Sunt, inquit August. homi-
nes infideles qui sic detrahunt Christo, ut di-
cant eum magicis artibus fecisse, quod fecit.
Possunt ergo infideles delatam de cælo vocem, per
illicitas curiositates, ad magicas artes referre.
Sed Prophetæ antea fuerunt. Nondum erat homo
Christus, quando misit Prophetas. Si ergo magicis
artibus fecit ut colebatur mortuus, nunquid
magus erat antequam natus? Hoc eodem ar-
gumento vsus est efficaciter Chrysost. in Chrysost.
lib. seu demonstratione, *Quod Christus sit Deus*, August.
& August. 18. de Ciuit. cap. 46.

46.

Refutantur
eusiones
Atheorum,
& Ethnico-
rum.

Contra Iudæos valent primò, ea omnia
argumenta credibilitatis, quibus contra
Ethnicos evidens fit Christianismum esse
amplectendum. Deinde ex veteri Testa-
mento, quod diuinum esse agnoscunt, duo
contra illos singillatim probanda sunt. 1.
Messiam iam venisse. 2. Messiam esse verum
Deum, & hominem. Errant enim Iudæi
circa utrumque: neque primo concessio, ad-
mitterent secundum.

47.

Quomodo
probanda
Incarnatio
contra Iu-
dæos.

Quòd ergo Messias in veteri Testamento
sæpius promissus, iam venerit, probatur ef-
ficaciter ex Jacob Patriarchæ vaticinio ab
omnibus Iudæis recepto ut vero & diuino,
quod habetur Genes. 49. v. 10. *Non aufer-
retur sceptrum de Iuda, & dux de femore eius,
donec venias qui mittendus est, (heb raicè) siliab,*

Prophetia
Jacob de
aduentu
Messie.

Paraphr.
Chald.

Galat.

id est missus : vel ut legerunt Septuaginta, *sgeloh*, id est, *qui ei*, supple mittendus, vel promissus, vel repositus) *Et ipse erit expectatio Gentium*. Vbi sermonem esse de Messia, qui dicatur Missus, vel mittendus antonomastice, verba ipsa satis indicant, & docet expressè Paraprastes Chaldaicus magnè apud Iudæos auctoritatis, qui pro *sgeloh*, Messia nomen habet, & alii Rabbini Christo antiquiores, ut ex eorum testimoniis, ostendit Galatinus lib. 4. de Arcanis cap. 4. fauentque verba quæ sequuntur, *Ipse erit expectatio Gentium*, quæ neque ad Saulem, neque ad Ieroboam, neque ad Nabuchodonosorem, & similes reges impios referri possunt, ut ineptè referuntur à Rabbiniis recentioribus, Christi osoribus. Duo ergo prædicuntur verbis relatis. 1. fore ut Iudas, quem singulariter Iacob alloquebatur, regnaret in suis posteris: quod in Dauide primum impletum est. 2. Ut deinceps non deficeret Rex & Dux, id est, ita ut neque Rex esset, neque Dux de semore ipsius, hoc est, de ipsius prognatis, donec veniret Messias. Quæ prophetia ut vera sit, necessarium est iam venisse Messiam, cum neminem iamdiu de Iudæ prognatis regnare, aut ducem esse, & regnum Iuda penitus extinctum esse manifestum sit.

48.

Difficultas
circa præ-
dictam pro-
phetiam.
Ioseph.

Grauius tamen difficultas est, quomodo regia, vel ducalis potestas in Iudæ prognatis permanferit vsque ad Herodem Idumæum, cuius anno circiter 35. natus est Iesus Christus, quem Messiam esse contendimus. Ratio difficultatis est, quia ut scribit Ioseph. 1. Antiquit. cap. 4. propè finem, David, eiusque posterii regnarunt tantum, seu præfuerunt cum regio nomine, & splendore, vsq; ad captiuitatem Babylonicam. Nam post reditum ex hac captiuitate præfuerunt Sacerdotes nomine Ducum, titulo Regis suppresso, multo tempore; donec Assamonæ, non diu ante Herodem, regum nomen iterum acceperunt. Quod confirmatur primò ex Ierem. 22. vbi de Iechonia Rege dicitur: *Scribe virum istum sterilem &c. non enim erit de semine eius vir, qui sedeat super sedem David, & potestatem habeat ultra in Iuda*. Confirmatur secundò ex lib. 1. Machab. cap. 2. v. 1. ex quo clarè liquet Matathiam vnum de Ducibus Machabæis, siue Assamonæ, fuisse sacerdotem. Item ex Iosepho, aliisque historicis, & omnibus interpretibus affirmantibus Machabæos, qui annis 165. præfuerunt aut regnarunt, fuisse sacerdotes. At sacerdotes non erant prognati ex Iuda, sed ex Leui: Ergo sceptrum, & ducatus iamdiu ante Christum, & Herodem defecerat de semore Iuda.

49.

Prima i-
lius solutio:
Machabæos
fuisse de
tribu Iuda
ex parte
matris.

Huic grauiissimæ difficultati variz dantur solutiones, inter quas, duas probabiliore primo loco proponam, & expendam. Prima, quæ cæteris præferenda esse mihi videtur, est Lirani, Abul. Chartul. & aliorum, quos sequitur Baro. in Appar. n. 4. & approbat Suar. disp. 1. de Incarn. sect. 1. Machabæos fuisse progenitos à Iuda ex parte matris: licet ex

parte patris essent prognati ex Leui; quod Batoni. posterius malè negat Genebr. contra Iosephum, & omnes historicos, & contra Scripturam ipsam Machab. 2. v. 1. Licebat enim tribui Leui iungi cum tribuluda fœdere nuptiarum, ut colligitur ex cap. 16. Exod. vbi dicitur Aarone, primum summum Pontificem, duxisse in matrimonium Elisabecham, filiam Aminadab principis tribus Iuda: & 2. Paralip. 22. habetur Ioiadam Pontificem iunxisse sibi matrimonio Iosabeth, filiam regis Iuda: & Luc. 1. Beata virgo, quæ supponitur fuisse de tribu Iuda, habebat cognatam Elisabech de tribu Leui, & de filiabus Aaron. Licebat, inquam, duabus illis Tribubus propter nobilitatem mutua inire conubia, ut colligitur etiam ex Philone Iudæo lib. 2. de monarchia, non longè ante finem: quamuis alii non possent iungi, nisi suis contribulibus. Machabæos autem procreatos fuisse ex tali coniunctione, ac descendisse ex Tribu Iuda materno genere, testantur ipsi Rabbini, ut affirmat Baron. supra. Nec alio iure licuisset illis vnà cum Sacerdotio, absque tyrannidis labe, adsciscere sibi regnum. Quippe quod Deus promiserat Dauidi, eiusque posteris in perpetuum; quodque ex iure diuino ad Davidis posteros pertinebat hæreditaria successione. Contra quod ius Machabæi iniuste regnum occupassent, & Dei promissionem, ac prædictionem irritam fecissent. Debuerunt ergo illi ex genere materno esse coniuncti Dauidi, & consequenter Iudæ progenitori Davidis. Vnde etiam 1. Machab. cap. 5. v. 63. vocantur viri Iuda, cum de illis sic dicitur: *Viri Iuda magnificati sunt valde in conspectu omnis Israel, & gentium omnium, vbi audiebatur nomen eorum*. Sic enim homines de Tribu Iuda Scriptura solet appellare: licet absolute hoc nomine possent intelligi viri, qui erant cum Iuda: & alia versio habeat, Et vir Iudas, & fratres eius magnificati sunt. Idem etiam testatur Hieron. in cap. 1. Sophoniz, vbi affirmat vsque ad tempus passionis, & mortis Domini nostri Iesu Christi, moraliter scilicet, id est, vsque ad Herodem, & aduentum Christi perseuerasse Reges Iuda de stirpe David, scilicet ex materno saltem genere, secundum illam prophetiam Iacob, Non deficiet Princeps de Iuda, nec dux de femoribus eius, donec veniat, cui repositum est. Notandum autem, Hieronymum fuisse rerum hebraicarum, æquè, ac linguarum peritissimum. Eodem forte sensu dixit Cyril. Alexand. lib. 8. aduersus Iulian. longè post initium, post Zorobabelem, qui fuit de Tribu Iudæ, & Davidis, transmissum fuisse per posteros illius sceptrum vsque ad tempus Herodis: & Rupert. lib. 9. in Gen. cap. 20. dicit Hircanum, & Aristobulum Machabæorum postremos ex coniunctis tribubus, sacerdotali scilicet, & regia, ortos fuisse.

Ad propositam ergo difficultatem Respondeo falsum esse quod assertur ex Iosepho, si strictè sumatur, quasi nullus de Iuda præ-

Philon.

Hieron.

Cyrill.

Rupert.

50.

fuerit post reditum à captiuitate. Nam Zorobabel, qui post illam præsuit, erat ex Tribu Iuda, & stirpe Dauid, teste Scriptura ipsa in utroque Testamento: lib. 1. Paralip. c. 3. v. 19. Aggzi 1. v. 1. lib. 3. Esdr. cap. 5. v. 5. Matth. 1. v. 12. & Luc. 3. v. 27. Postea verò præsuerunt Pontifices, vt Machabæi, seu Assamonæi, quos fatemur Leuitas ex patre, ex matre verò ortos ex Tribu Iuda. Atque ita regnum Iuda perseverauit in eius posteris, & prognatis de femore eius in linea fœminina, vsque ad Herodem Idumæum, & alienigenam Profelytum, qui neque ex matre originem à Iuda ducebat. Atque inde est, quod cum Herodes regnum usurpauit, aliqui ex Iudæis, nempe Herodianæ, ipsum esse Messiam affirmarunt. Alii, & fere omnes, mox venturum putarunt. Alij ad Vespasianum postea, vt Iosephus ipse lib. 7. de Bel. Iudaic. cap. 12. prophetias retulerunt, eò quod post Herodem Idumæum, Archelaum, & Herodem Antipam, regnasse viderent Agrippam Aristobuli filium, qui ab Herode genitus erat ex Mariamne, nepte Hircani, Assamonæi Pontificis, ex eaque stirpe reges vsque ad Vespasianum Imperatorem perseverasse. Quod autem obijcitur ex Ieremia, intelligendum est, quod nemo ex Iechoniz filiis esset habiturus regium nomen, & splendorem, & potestatem cum tali splendore. Nam alioqui Zorobabel filius Salathiel, & nepos Iechoniz vocatur expressè Dux Iuda; Agg. 1. v. 1. Et ex lib. 2. Esdr. cap. 2. constat eum præfuisse post reditum à captiuitate, templumque, & ciuitatem restituisse.

§ 1.

Gravis obiectio.

Obijcies 1. hanc responsionem referre ad Leui, quæ dicebantur à Iacob singulariter de Iuda; 2. Non fuisse causam, cur Iacob diceret potius non defecturum Ducem de femore Iuda, quàm de femore Leui. 3. Sicut ea, quæ sunt propria Leui, non pertinuerunt ad Iuda, vt sacerdotium, non obstante coniugio mutuo: sic &c. 4. Paulus ad Hebræos 7. v. 14. ait manifestum esse quod ex Iuda ortus sit Dominus noster, nimirum propter illam prophetiam Iacob: & eodem cap. probat Christum esse sacerdotem secundum ordinem Melchisedech, non autem secundum ordinem Leui, & Aáron, ex eo quod natus sit ex Iuda, non ex Leui. Quæ illatio nulla esset, si per progenitos ex Iuda comprehendantur etiam Leuitæ, descendentes ab illo ex parte matris, vt nos volumus. Quare sicut Paulus illos opponit, & distinguit omnino Iudam à Leui: ita & Iacob eisdem planè distinxit.

Solutur primum illius argum.

Ad primum Respondeo, non transferri propria vnius ad alium: quia regnum promittitur singulariter Iudæ, tanquam proprium illius futurum, nec ad alterum peruenturum, nisi ab eius femore ortum; atque eà solùm de causa, quia ex eo ortus est. Sicut iis in locis, vbi fœminæ succedunt, regnum est proprium capitis à quo descendunt: quia non traditur earum maritis, nisi propter

coniunctionem cum fœminis à tali capite descendentibus.

Ad secundum Respondeo, fuisse causam cur diceretur potius non defecturum sceptrum de Iuda, & Ducem de femore eius, tum quia regnum à Iuda cœpit in Dauide per lineam masculinam, ab eaque per annos 470. vsq; ad Sedeciam continuatum est; atque etiam aliquandiu deinceps per Zorobabel: tum etiam quia Pontifices, qui deinceps principatum, aut regnum tenuerunt, illo potiti sunt propterea quod ex parte matris de Tribu Iuda descenderent.

§ 2.

Secundum argum.

Ad 3. Respondeo, specialem necessitatem, & Dei sine dubio inspirationem, vt euentus demonstrauit, fuisse causam, cur Machabæi eligerentur, cum deessent alii æquæ fortes, ac zelo pleni. Quæ necessitas non fuit communicandi sacerdotium, cum non deessent apti ex Tribu Leui. Adde quod sacerdotium non pertinere debebat ad fœminas, vt regnum. Nunquam enim apud veros Dei cultores fœminæ Sacerdotes fuerunt, aut Sacerdotii ius habuerunt.

Tertium argum.

Ad 4. Nego Paulum affirmare, id manifestum esse propter prophetiam istam: sed potius propter communem sensum, & traditionem notissimam Iudæorum, qui credebant Messiam oriundum esse à Dauide, & à Iuda, per lineam masculinam: nobiliori scilicet modo: eoque sensu promissiones intelligebant Dauidi factas, & prædictiones de ortu Messie ex ipsius semine, Psal. 131. v. 11. Isa. 11. v. 1. & sequentibus, Ierem. 23. v. 5. aliisque locis. Vnde etiam bene infert Apostolus non fuisse Christum Sacerdotem secundum ordinem Aáron.

Quartum argum.

Secunda solutio difficultatis propositæ, & explicatio prophetiæ Iacob, est Iustini martyris, Eusebii, Athanasii, Augusti, Chrysostomi, Theodori, & Ruperti, quibus adhærent è recentioribus Scripturæ interpretibus Corn. à Lapide, & Tyrinus in cap. 49. Genes. ad verba illa, *Non auferetur sceptrum de Iuda*, & Perer. in eundem locum, titulo de *Benedictionibus Patriarcharum*, num. 92. & sequent. vbi fusè, & accuratè hanc expositionem illustrat, & confirmat. Summa illius est, nomine Iuda intelligi hoc loco omnes Iudæos, & non solam tribum Iuda: ita vt sensus prophetiæ sit, futurum semper in gente Iudaica, & penes viros eius gentis principatum, donec veniret Messias: semper, inquam, id est, sine morali interruptione: quamuis enim tẽpore captiuitatum amissus sit principatus absolutus, & planè liber: quia tamen id contigit ad breue tempus, & postea mox recuperatus est principatus; ideoque parum illud moraliter pro nihilo ducitur. Sic autem verum est fuisse semper, ex ea gente, qui principatum tenerent ex populo Hebræo, vsque ad Herodem alienigenam, & aduentum Iesu Christi: siue illi fuerint ex Tribu Iuda, vt à Dauide vsque ad Sedeciam, & Zorobabel: siue ex tribu Leui, vt deinceps vsque ad Herodem, siue ex alijs etiam tribu-

§ 3.

Secunda solutio: nomine Iudæ intelligi omnes Iudæos.



bus, ut post egressum ex Aegypto usque ad tempora Davidis.

54.
Pererius. Hanc autem interpretationem aliis præferendam esse probat Perer. 1. Quia reddit prophetiam Iacob, planam & facilem intellectu, atque creditu, nihil continet absurdi, nihil confictum habet, nihil frustra, & temerè dictum, non inuoluitur difficultatibus, quibus alia expositiones inexplicabiliter intricatae sunt, nullis premitur incommodis, quibus alia omnes vehementer videntur. Denique mirificè congruit, & conuenit cum euentu. Nam quicumque ante Herodem tenuerunt apud Hebræos imperiū, ex genere & stirpe Iudaica fuerunt, primusque alienigenarum Herodes, non per electionem populi, sed per vim, & per auctoritatem, & potestatem Romanorum, occisis legitimis principibus, imperium Iudaicum sibi vendicauit. Probat secundò auctoritate SS. Patrum, & veterum historicorū, quorum luculenta testimonia in hanc sententiam referuntur, 94. & tribus sequentibus. Illustriora sunt hæc duo. Alterum Augustini lib. 18. de Ciuit. cap. 45. ubi sic scribit de Iudæis: Deinde Herodem alienigenam regem habere meminerunt, quo regnante natus est Christus: iam enim venerat plenitudo temporis significata prophetico spiritu per Iacob, cum dixit: Non deficiet Princeps ex Iuda &c. Non enim defuit Iudæorum Princeps ex ipsis Iudæis usque ad istum Herodem, quem primum acceperunt alienigenam regem. Alterum Eusebii lib. 1. hist. cap. 6. cuius verba hæc sunt: Eodem tempore cum Herodes primus, ex tero, & peregrino genere ortus, Iudaica gentis regnum obtinisset, prædictio Iacob, Non deficiet Princeps de Iuda &c. finem videbatur consecuta. Tantisper enim prædictio illa euentum non habuit, dum sub principibus ex ea gente prognatis potestas esset: qui quidem initium imperii ab ipso Moysè capientes, usque ad Augusti regnum durauerunt, sub cuius imperio Herodes primus externa gentis stirpe procreatus Iudæorum principatum à Romanis adeptus est. Ad quem cum peruenisset regnum Iudæorum, pro foribus iam adesse is sentiebatur secundum Prophetæ oraculum, qui futurus esset gentium expectatio. Quippe ex illo tempore Principes, qui successione usque ab ipso Moysè derivata, Iudæorum potuerunt imperio, deficere, & prorsus euanescere videbantur. Nam ante captiuitatem Babylonicam gens Iudaica subiecta fuit Regibus. Ante Regum verò tempora, Iudæis. Post reditum autem ex captiuitate Babylonica Pontifices summam rerum administrarunt usque ad Herodem: ex quo tempore Principes, & Duces ex Iuda, hoc est, ex Iudæorum familia, & gente prognati Republicam illam regere destiterunt. Atque hoc ipso tempore aduenit promissus à Deo Messias saluator noster: ut in eo completam esse prophetiam Iacob dubitari nullo modo possit. Addit Perer. SS. Patres, & historicos veteres hanc tradentes interpretationem, nullam circa illam questionem mouisse, nullam sensisse difficultatem.

August.

Euseb.

55.

Sed nihilominus non leuis difficultas circa illam occurrit, Nam verba illa Iacob,

Non deficiet sceptrum de Iuda: & Dux de femore eius, videntur debere singulariter intelligi de tribu & progenie Iuda: quia ad illum singulariter dirigebantur, ut patet ex verbis immediatè præcedentibus, Iudæ te laudabunt fratres tui, adorabunt te filii Patris tui: & ex aliis immediatè sequentibus, Ligans ad vitem pullum suum &c. quæ dicta sunt ob fertilitatem terræ Chanaan, quæ tribui Iuda forte obuenit. Quare cum prima, & extrema verba prophetiæ pertineant ad Iudam singulariter, absurdum est existimare media non ad eundem, sed ad vniuersum populum Iudaicum pertinere. Atque ita quod Patres supra citati cum Pererio asserunt, per Iudam intelligi totam gentem Israelitarum, videtur pervertere sensum verborum, & naturalem intelligendi modum. Confirmatur, quia Iacob, quando filiis suis singillarim benedicebat, dicebat unicuique propria: nec quod erat vnius tribus ad aliam transferebat.

Neque satisfacit quod respondet Perer. n. 100. Iacob spiritu prophetico prænouisse Iudæorum principatum futurum penes tribum Iuda longissimo tempore, & florentissimum, atque potentissimum: nimirum per annos quingentos viginti: partim tempore Iudicum in Othoniele, & Abela, annis 47. partim sub regibus à Dauide usque ad Sedeciam annis 473. Cōtra enim primò: principatus post reditum ex captiuitate Babylonica fuit etiam per annos quingentos viginti in manu Pontificum, qui erant de tribu Leui, ut ait idem auctor n. 73. & vterius ab egressu Aegypti usque ad David, aliquandiu fuerat penes Mosem, & alios quosdam de tribu Leui. Quare diutius fuit principatus penes tribum Leui, quam penes Iuda. Secundò, Iacob non dicit summū principatum fore diutius penes tribum Iuda, illudque florentissimum, & potentissimum: sed dicit non defecurum ex Iuda sceptrum, & Ducem de femore eius, id est, de eius stirpe, donec veniat Messias. Defecit autem si tam longo tempore regnarunt alii, qui non erant villo modo de tribu & stirpe Iuda, ut volunt aduersarii.

Non satisfacit etiam, quod idem auctor respondet num. 101. Iacob eodem spiritu prophetico præuississe, fore aliquando, ut vniuersus populus Hebræus à tribu Iuda nomen accipiens, non iam ut antea, vel Hebræus, vel Israëlita, sed Iudaicus appellaretur. Quod primū accidit, auctore Iosepho lib. 11. Antiquit. cap. 5. post reditum ex captiuitate Babylonica, etenim post id temporis omnes appellati sunt Iudæi, & regio eorum nominata est Iudæa, & regnum Iudaicum. Propterea quod ex captiuitate dux tantum tribus redierunt, ut affirmat Ioseph. ibid. nimirum tribus Iuda, mixta cum tribu Benjamin: & regio terræ promissionis, quam tenuit post reditum ex captiuitate, plurimum ea fuit, quæ ad sortem tribus Iuda pertinebat. Non satisfacit, inquam, primò quia falsum est non alios, quam de tribu Iuda, rediisse, aut Iudæam incoluisse post captiuitatem: siqui-

Obiectio-
nes contra
prædictam
solutionem.

Prima res-
ponso
insufficiens.

56.

Secunda
responso
refellitur.

Ioseph.

dem post reditum fuerunt inter Iudæos etiā Leuitæ, vt patet ex Iosepho ibidem, & alii de aliis tribubus. Imò summus principatus, & præcipuus honor gentis, id est, suprema potestas regalis, & sacerdotalis fuit ab illo tempore penes tribum Leui, vt Perer. fatetur sapius in tota disp. de vero sensu huius prophetiæ. Deinde Iacob affirmat non defecturum sceptrum de Iuda, & ducem de femore eius, id est, de semine & progenie illius. Quare ad veritatem istius prophetiæ non sufficit, non defuisse reges, & duces ex alia tribu insita in Iudam, & eius nomine dumtaxat appellata: sed oportet non defuisse qui essent verè de stirpe Iuda, deque propria ipsius tribu.

57.

Tertia similis præcedentibus.

Non item satisfacit, quod tertio loco respondet Perer. num. 102. Licet post reditum ex captiuitate Babylonica, qui sceptrum, & principatū tenuerunt Pontifices fuerint de tribu Leui: ipsum tamen sceptrum & imperiū fuisse in tribu, & ex tribu Iuda: quia sola tribus Iuda reuertit ex captiuitate in terram Chanaam; ad eamque, vt iam diximus, pertinebat tota vel maxima ex parte regio, quam Iudæi post reditum ex captiuitate possederunt; cuius & ciuitas regia, & caput, ac sedes regni vrbs erat Ierusalem, quæ vrbs post Dauidem, tribus Iudæ propria fuit. Itaque licet persona, quæ tenebat sceptrum, esset de tribu Leui: attamen ipsum regnum, & dictio regni, & ciuitas regia, & subiecti ei regno, ad tribum Iuda pertinebant. Defecit igitur persona de tribu Iuda semper principatum tenens, ipsum tamen sceptrum non defecit in tribu Iuda. Quamuis enim qui tenebant imperium, essent de tribu Leui, attamen nec ipsum regnum dicebatur Leuiticum, nec Principes appellabantur Reges Leui, sed Iuda: Non satisfacit, inquam, quia vt omitam falsum esse solam tribum Iuda reuertisse ex captiuitate in terram Chanaam: Iacob non ait tantum regnum mansurum semper in terra, & ciuitate Iuda, & subditos illius fore maxima ex parte de tribu Iuda: sed non defecturum sceptrum ex Iuda, & ducem de femore eius, id est, non defore ex tribu, & progenie Iuda, qui regnaret: & vt verterunt Septuaginta. Non defecturum principem de Iuda, & in alio apparet in Iuda, defecit autem quando regnarunt Machabæi, & alii Pontifices, si illi nullo modo, ac ne quidem ex genere materno verè pertinuerunt ad tribum, & stirpem Iuda. Deinde, si ad veritatem prophetiæ sufficiebat manere Regnum Iuda modo prædicto, mansit etiam illud tempore Herodis Ascalonitæ: nam etiam tunc tribus Iuda incolebat terram Chanaam, & ciuitas regia erat Ierusalem, & subditi ei regno ad tribum Iuda pertinebant. Non fuisset ergo ratio, cur Iudæi existimarent prophetiam Iacob esse completam, quando ille regnum occupauit. Et tamen fuit iste communis sensus Iudæorum illius temporis, atque etiam deinceps sanctorum Patrum, & Doctorum Catholicorum. Confirmatur illo

exemplo, quo vtuntur Perer. & alii auctores illius interpretationis. Nam regnum siue corona Hispaniæ simili modo non deficeret, quamuis Princeps alterius gentis regnum illud obtineret, aut occuparet: dummodo maneret eadem regio, & iudem subditi, & eadem ditio, in qua ille resideret, & eam more prædecessorum administraret: similique modo maneret regnum Poloniæ, si alienigena per vim illud occuparet, dummodo illud prædicto modo regeret.

Probabilius autem responderi potest partim corrigendo, partim in meliorem sensum trahendo prædictam interpretationem, nomine Iuda intelligi singulariter tribum Iudæ cognominem, & non generatim populum Israëliticum: sensumque prophetiæ esse, quod postquam tribus illa in Dauide principatum obtinuerit, non deficiet sceptrum de illa, vel Dux de femore eius: nam particula, &, sæpe in Scriptura sumitur disiunctiue pro vel, id est, non auferetur illi principatus, sed vel tenebit illum per duces ex Iuda progenitos; vel si per alios, id fiet de eius voluntate, & electione. Sicut corona Poloniæ v. g. seu ius regni, semper manet penes ipsos Polonos, quandiu retinent ius eligendi, & gubernandi, quamuis exterum interdum eligant, vt non ita pridem Henricum Valesium Galliæ Regis fratrem, & Stephanum Battorem Transyluaniciæ Principem. Deficeret verò corona, & sceptrum Poloniæ esse penes illos, si Turca eam sibi subiceret, seque per vim, & tyrannidem Regem Poloniæ cōstitueret, sibi, & posteris regnū illud vendicaret: sicut Herodes alienigena regnum Iudæorū per vim occupauit. Antea verò, post reditum ex captiuitate Babylonica, coronæ, siue ius regni Iudaici, Regumque & Principum electio pertinuit ad tribum Iuda quæ Machabæos, aliosque Pontifices ab eo tempore regnantes, ob zelum, & fortitudinem in Duces elegit, vt de Machabæis videre est 1. Macab. 9. Quamuis enim non sit ibi sermo de hominibus solis tribus Iuda: illi tamē longè superabant alios multitudine in regno Iuda, vnde & toti genti, & regno nomen dederunt, aliis veluti paucis in eam tribum moraliter insitis, & pro illa reputatis, vt paulò ante dictum fuit. Quia tamen hæc expositio minus congruit versioni Septuaginta, & proprietati verborum, cum particulam coniunctiuam in sensu disiunctiuo exponit: sententia primo loco relata planior, & probabilior esse videtur: quamuis hæc quoque probabilis sit, præsertim ob auctoritatem sanctorum Patrum supra relatorum, qui facillè iuxta illius sensum intelligi possunt. Obest etiam illi expositioni, quod refert Sallian. in Annalibus veteris Testamenti ad annum à mundo condito 3517. num. 8. Iudæos post reditum ex captiuitate Babylonica mansisse subiectos Chaldæis, & aliis extraneis, ducesque & magistratus habuisse, alienigenarum voluntate, ac venia, ab eisque sæpe fuisse institutos, & exautoratos: licet nunquam

58.

Probabilior solutio obiectio-
nis.

ante Herodem, non nisi de stirpe legitima & conuenienti illos acceperint. Cuius rei exemplum habetur lib. 2. Machab. cap. 4. Quapropter prima expositio nobis magis probatur: & tum isti, tum multo magis aliis iam referendis, præponenda videtur.

SECTIO VI.

Expenduntur alie eiusdem prophetie interpretationes.

52.
Tertia so-
lutio, Ma-
chab. fuisse
ex patre de
tribu Iuda.

PPræcedentibus interpretationibus alias addunt plerique minus probabiles. Prima est Cyrilli Alexand. lib. 8. aduersus Iulian. procul ab initio, & Genebrardi in Chronolog. vbi de Machabæis, affirmantium eos omnes, qui principatum Iudaicum tenuerunt à Dauide vsque ad Herodem, fuisse de tribu Iuda, etiam ex paterno genere, & quocunque regnarunt post captiuitatem fuisse posteros Dauidis, & Zorobabelis, qui erat de tribu Iuda, vt patet ex Matth. 1. v. 12. & 13. Sed hæc sententia repugnat apertè Scripturæ 1. Machab. 2. clarè affirmanti Matathiam patrem Machabæorum fuisse sacerdotem de tribu Leui: nefas enim erat ex alia tribu sacerdotem constituere: & fuisse ex filiis Ioarim, cuius familiam fuisse inter posteros Aarons, constat ex 1. Paralip. 24. Verba Scripturæ loco prius cit. hæc sunt: *In diebus illis surrexit Matathias filius Ioannis, filii Simeonis, sacerdos ex filiis Ioarim.* Et cap. 9. eiusdem libri sic dicitur: *Iudæi, & sacerdotes conseruerunt Simonem esse ducem suum, & summum sacerdotem in æternum, donec surgat Propheta fidelis.* Est autem inauditum, quod inter Iudæos fuerit Sacerdos nisi ex tribu Leui. Quare Simonem de illa tribu fuisse necessarium est, alioqui non fuisset electus in summum sacerdotem.

4. Expositio
manifeste
penes tri-
bum Iuda
spem Mes-
siam.

Secunda interpretatio est Caiet. ad c. 49. Gen. vbi asserit ablatum quidem fuisse principatum de Iuda ante Herodem, sed non penitus, siquidem, inquit, remansit semper certitudo Messie nascituri de tribu Iuda, ad differentiam reliquarum tribuum, quod in reliquis tribubus potuit omnino deficere principatus, ita vt nunquam amplius recuperaretur. In tribu autem Iuda quicunque, & quocunque; acciderunt defectus principatus, siue regalis, siue ducalis: certa tamen erat spes principatum esse rediturum tribui Iuda; nimirum saltem per Christum seu Messiam, per quem erat firmandus, & perpetuandus in æternum. Hæc Caiet. Cui oppono primò, iuxta hanc interpretationem posse Iudæos adhuc sperare Messiam, & nullum esse argumentum, quo SS. Patres, & Doctores Catholici contendunt vaticinium illud iam impletum esse. Possunt enim dicere non ita ablatum esse sibi principatum, vt non remaneat semper certitudo Messie &c. Deinde Iacob loquebatur sine dubio de principatu, & regno temporali. Atqui illud fuit penitus ablatum: neque enim per verum Messiam restituendum erat, sicut

re ipsa non fuit à Christo restitutum, qui non venit ministrari, sed ministrare: quique regnum temporale non restituit Iudæis; sed spirituale toti mundo instituit.

Tertia est Melch. Cani lib. 2. de locis Theol. cap. 11. dicentis, Machabæos, & alios Pontifices, qui post captiuitatem regnarunt habuisse tantum Ducatum, & regnum tantquam depositum, & non proprium: vt nimirum illud per modum depositi conferrent vero, ac proprio Duci, quem de tribu Iuda expectabant. Qua ex re, inquit, sceptrum de tribu Iuda non auferbatur, & præsertim quod ipsa quoque tribus Iuda in hoc populi conditum, & sententiam, à principio saltem dicitur consensisse, 1. Machab. 9. Sed contra primò, constat ex Iosepho lib. 12. Antiquitat. & ex libris Machab. Iudæos habuisse Machabæos, siue Assamonæos, vt veros, & proprios duces, aut Reges, æquè ac anteriores. Secundò, vt supra contra Caiet. argumentabamur, Iacob loquebatur de Ducatu, & principatu temporali. At ille non erat reddendus Messie, neque fuit re ipsa Christo redditus à Machabæis, aut ab Herode, vel ab vilo alio. Ergo Machabæi nō possunt verè dici habuisse illud vt depositum, donec Messie redderetur.

Quarta est Burgensis in cap. 49. Genes. & Galatini lib. 4. de Arcanis fidei, qui dicunt non defecisse sceptrum de Iuda &c. quia post reditum à captiuitate, regnantibus Pontificibus, & Machabæis, fuit supremum concilium, dictum Sanhedrim, ex tribu Iuda, cōstans 70. viris quod præerat, & regebat vt iā regit Parlamentum, vel consilium Regis in regno. Sed contra primò, neq; ex Scriptura, neque ex Iosepho aut Philone, vel vilo alio probato scriptore, constat semper fuisse tale Concilium, & persistisse vsque ad Herodem. Secundò, dato, & non concesso quod semper fuerit, multò minùs constat huiusmodi Septuaginta viros vel etiam primum inter illos, & Concilii caput, fuisse ex sola tribu Iuda, sed potius ex variis tribubus, vt eorū electio gratior esset populo, habita cuiusque tribus ratione, & eorum decreta suauius acceptarentur. Fuit enim mos Iudæorum, vt quociescunq; ad grauiora negotia eligerent numerum prudentum virorum, nō de vnica tribu, sed ex omnibus illos seligerent, vt ostendit Pater. variis exemplis ex Scriptura desumptis, ad cap. 49. Gen. nu. 85. Deinde tertio Sanhedrim non erat Dux, aut Rex; sed illius consilium: sicut Parlamentum est consilium Regis. Iacob autem loquebatur de Rege, & Duce cum dixit, *Non auferetur sceptrum de Iuda, & Dux de femore eius*: Ergo hæc interpretatio est aliena ab eius mente, & verbis.

Quinta & vltima est Dionys. Petauii viri eruditissimi lib. 5. Rationarii temp. cap. vlt. vbi nouam quandam prophetie huius expositionem proponit, & Baronianæ nobis magis probatæ multa obicit. At enim per Iudam intelligi debere tribum ipsam Iudæ Patriarchæ

60.

5. Machabæos habuisse regnum depositum.

6. Imperium mansisse penes Sanhedrim de tribu Iuda.

61.

7. Expositio Petauii.

triarchæ cognominem, qua superstite subinde post reditum à Babylonica captiuitate, Israëlites omnes posteri Iudæi à Iuda nominati sunt. Per sceptrum verò intelligi debere ait multitudinem ipsam, siue cœtum hominum, qui vno Republicæ, populi, & communis nomine continetur, ac suas habet leges, & magistratus suos, tam ciuiles, quam sacros. Vox enim Hebræa, *šepet*, ibi pro tribu sumitur, cuius virga symbolū erat, atque etiam pro iurisdictione, ac ciuili potestate. Sensus ergo, inquit, est: *Non auferetur*, vel, vt Hebræice legitur, *Non recedet sceptrum de Iuda*, hoc est, non prius tribus, ac populus inter populos esse desinet, aut proprios habere magistratus, iurisdictionemque propriam, & Principes, qui à peculiari ista multitudine nomen accipiant, vt Reges, aut Principes, vel Sacerdotes, & Pontifices Iudæorum appellentur: quam Messias venerit. Verba verò illa, *Et Dux de femore eius*, vel vt Hebræice legitur, *Et Legislator de inter pedes eius*, non significant non ante defecturum Principem, Legislatoremque, id est, legis interpretem, de femine Iuda Patriarchæ, quam Christus aduenerit: sed metaphora est, vt ait, Aben Ezra sumpta à leone, iuxta illud quod paulo ante præcedit, *Catulus Leonis Iuda*, &c. Si- cut enim leo capte prædæ, laniatque solet incubare, neque vi vlla detrahi sibi patitur quidquid pedibus amplexus fuerit: sic Iacob ait Iudam, hoc est, tribum ipsam, populumque de Iudæ stirpe venientem, postquam semel principatum, vel reip. ius, & magisterium acceperit, non prius extorqueri passurum sibi, quam Christus aduenerit. Quocirca de femore eius, siue, de inter pedes eius, valet idem ac, de cruribus illius, amplexuque, quo stringit. Vel etiam sic exponi potest: Quoniam ad iudicis, præsidique pedes accubare scriba solet, qui dictatam ab illo sententiam excipit: docet Patriarcha non defuturum de tribu Iuda legislatorem, & magistratum, qui dictatam ab illa tribu potestatem exerceat: quique illius, ac de eius voluntate, commissa sibi iurisdictione fungatur: vt penes cōmunitatem ipsam ius, ac potestas omnis sita sit, quam in magistratus deinde suos cōferat, qui de inter pedes eius, hoc est, de sinu ipsius, ac gremio producti fuerint: vel denique, qui administrationem omnem propriam illius populi, & eidem inscriptam, & attributam exerceant. Cuiusmodi fuit etiam Herodes, & si qui alii sunt huiusmodi, qui quamuis non de stirpe Iudæ, ac ne quidem Iacob: reges tamen, principesque Iudæorum, & illius tribus peculiare extiterunt. Maxime cum interim ordinarii alii magistratus essent, præsertim Ecclesiastici. Quamobrem, inquit, non vno tempore, sed pederentim variciniū illud finem habuit: & tunc tandem, cum post occisum Christum, in postrema illa vastitate Danielis 9. prædicta, sceptrum ac ciuile omnis, & Ecclesiastica potestas, ac magistratuum iurisdictione funditus est adempta Iudæis, qui ab eo tempore per orbem dispersi sub alieno dominatu miserri-

Tomus IV.

mam seruitutem tolerant, nec formam villam habent ciuilis cōmunitatis, nec magistratus, penes quos sit vitæ; necisque potestas. Huc vsque Petauius.

Cuius expositio multis de causis minus mihi probatur. 1. Quia est plena metaphoris, & prophetæ textum valde ambiguum, & obscurissimum reddit: cum ait sceptrum sumi pro tribu: & Iudam pro toto populo Israëlitis; non autem pro Iuda filio Iacob (quem singulariter Iacob alloquebatur) & pro illius posteris: & de femore eius, vel de inter pedes eius, idem esse, ac de illius possessione firma more leonis, &c. 2. Quia si per vocem Iuda intelligit solam multitudinem eorum qui de stirpe Iudæ Patriarchæ prognati erant, non est verum, quod ait solam illam multitudinem fuisse superstitem subinde post Babylonicam captiuitatē. Nam vsq; ad Christum manserunt Sacerdotes Aaronici de tribu Leui: de qua etiam erant duces, & reges Assamonæ, seu Machabæi: & Paulus Apostolus erat de tribu Benjamin: Et similiter aliæ tribus ad Christum vsque manserunt, suberantque Regibus Iuda, vel Israël. Sin autē, vt ego arbitror, & vt verba eius præ se ferunt, intelligit totā Iudæorum multitudinem, quæ subinde post reditū à captiuitate Babylonis dici cepit nomine Iudæorum: male detorquet ad omnes tribus, id, quod de Iuda Patriarcha singulariter, & vt distincto ab aliis filiis Iacob, deque eius posteris dictū est. Tertiū, Hoc posito sensus erit: Non auferetur, vel non recedet totus populus Israël de toto populo Israël. Qui sensus est improprius: idem enim nō potest recedere à seipso. Probo autem fore hūc sensum. Quia, iuxta Petauium, hoc nomine, *sceptrum*, intelligitur multitudo ipsa, seu tribus Iuda in sensu iam explicato. Et hoc nomine, *Iuda*, intelligitur tribus eadē. Ergo dicere, Non auferetur sceptrum de Iuda, in sensu Petauii, est dicere, Non auferetur tribus Iuda, de tribu Iuda, id est, totus populus Israël, de toto populo Israël. Quia tribus Iuda ibi sumitur vtrobique à Petauio pro omnibus posteris Israëlitis. Si dicas nomine, *sceptrum*, intelligi populum Iudaicum, non quomodocunque sumptum, sed vt habentem formam cōmunitatis, & Regem, aut Ducem, & magistratum, à quo regatur, vt significat Petauius, cum ait sensum verborum illorum hunc esse, Non recedet sceptrum de Iuda, hoc est, non prius tribus, ac populus esse desinet, aut proprios habere magistratus, &c. Respondeo, sensum adhuc fore vitiosum. Nam sensus ille erit: Non recedet de populo Israël, populus Israël proprios habens magistratus. Minus ergo, conuenienter recedit Petauius à cōmuni expositione apta, propria, clara, & distincta, Non recedet sceptrum de Iuda, & Dux, id est, non desinet esse Rex, aut dux de Iuda. Minusque aptè confundit sceptrum cum toto populo, & vult esse idem recedere sceptrum de Iuda, ac populum Iudaicum à seipso recedere.

Quartū, illa expositio vocis, *sceptrum*, de populo non conuenit versioni 70. quæ sic habet: *et in finem duxit de Iuda*, id est, Non

632
Reiicitur
quia nimis
metapho-
rica.

Et sensus
illius non
conuenit
verbis
Scriptæ.

832
Non cōuenit
etiam
cum ver-
sione LXX.

& cum
Vulgata,

deficiet princeps de Iuda : neque versioni latinæ Vulgatæ, cuius maxima debet haberi ratio, cum sola sit authentica : neque communi expositioni sanctorum Patrum, Theologorum, & interpretum catholicorum huius loci, ut videre est apud Pererium in hunc locum : præcipue à num. 94. qui etiam numero 82. affirmat expositionem illam esse contra communem sensum Hebræorum, & Paraphrasim Chaldaicam, & translationem Septuaginta, & fere omnes versiones, quæ vocem Hebraicam, *šeneb*, eo loco vocabulo imperij, sceptri, regni, principatus, regalis virgæ expresserunt. Item nimis tribuitur Rabbino Abben Hefra, & non satis versioni vulgatæ, cum dicitur verba illa, *Et dux de femore eius*, vel ut est in Hebræo, *Et Legislatores de inter pedes eius*, exponenda esse per metaphoram sumptam ex pedibus Leonis : Cum potius iuxta communem Patrum, & Catholicorum interpretationem, in sensu proprio, & naturali, significat hic, ut solent alibi in Scriptura, Genes. 46. v. 26. Exod. 1. v. 5. Iudic. 8. v. 30. partem eam corporis, quam honestas nominare non sinit, generationi seruientem. Quod autem ibidem obiter ait Petavius per sceptrum, intelligi civilem, & prophanam iurisdictionem : per Legislatorem vero, Ecclesiasticam, id est, Pontificatum, & Sacerdotium ; sine sufficienti fundamento & probatione asserit : & Sacerdotium, æquè ac regnum, promissum Iudæ facit, contra communem sensum, qui Leui quidem Sacerdotium attribuit, Iudæ verò regnum, & civilem principatum.

164. Quinto, non est verum reges populi Iudaici vice tantum populi, commissa sibi ab illo iurisdictione functos esse : fuisseque veluti scribas accubantes ad pedes iudicis, sententiâ ab eo dictatam excipientes. Quasi verò populus præflet, ac legem poneret, aut interpretaretur regibus, & summis Pontificibus Iudaicis : & non è contrario. Neque enim reges illi populi vicarii fuerunt, sed absolute supremi principes, & quidem non pauci potestate, & iurisdictione sibi à Deo tradita, sine populi electione.

Et prophetiam inuilem reddit fini præcipue inteto. Sexto, quod ait prophetiam illam non habuisse finem Herodis tempore, est contra communem sensum sanctorum Patrum, atque ipsorumque Hebræorum, qui tunc existimarent propinquum esse aduentum Messie, cum viderent Herodem alienigenam regnare. Estque valde notandum Deum, illud vaticinium per os Iacob edidisse, ut ipsius posteris prodesse per se ad cognoscendum, & recipiendum Messiam, cum veniret. Atqui iuxta expositionem Petauii non ita potuit prodesse. Nam impleta non fuit, nisi 40. annis postquam Christus fuit occisus : nempe quando populus Iudaicus fuit à Romanis deletus. Quare licet prodesse potuerit illis, qui tunc temporis, & deinceps fuerunt, videretque impletum esse vaticinium, id est, iam ablatum esse sceptrum : non tamen profuit,

neque prodesse potuit iis, qui tempore Herodis, & Christi nascentis, & viuentis fuerunt, cum adhuc esset sceptrum, & cætera, quorum defectio debebat proximè præcedere, ut esset certum, & vtile indicium aduentus Messie iis, quorum tempore nasci, & viuere debebat.

Sed opposit Petavius contra nostram interpretationem : non solum ante Dauidem, ynum, alterumque dumtaxat ex speciali tribu Iuda rexisse populum annis 675. circiter ab edita prophetia : sed etiam post Sedeciz necem ad Christum vsque, de alia, quam Iudæ stirpe duces exiisse annis 588. Etenim Machabæos constat ex Leui descendisse. Quod verò dicitur eos maternum genus à Iuda duxisse, gratis dicitur, quia nullus huius rei fideiussor idoneus est : nihilque ad rem pertinet : Quia certum est maternum genus nullius apud Iudæos momenti fuisse, ut ex eo, in aliqua tribu censeretur quispiam. Et, (quod inuictum, inquit, aduersus illam sententiam argumentum est) si materna stirpe Iudæ tribum contingere, ad id satis est, ut regni ius, ac principatus sibi quispiam assumat, quod illi tribui diuinitus est concessum : non minus hoc in tribu Leuitica, Sacerdotali que stirpe locum habebit, ut qui maternam ex illa originem acceperit, ad eam tribum pertineat, & Leuiticas, sacerdotalesque functiones vendicare sibi possit. At hoc ne illi quidem existimant, qui de Machabæis ista disputant.

Respondeo, primam partem obiectionis nihil nobis obesse, qui regnum Iuda in Dauid inchoatum fuisse supra diximus, & per lineam masculinam continuatum in tribu Iuda vsque ad Sedeciam, atque etiam aliquandiu post in Zorobabel : Deinceps verò per femininam. Nam sacerdotes, qui deinde vsque ad Herodem principatum, aut regnum tenuerunt, erant de stirpe Iuda ex parte matris, ut diximus supra. Quod si gratis à nobis diceretur, gratis quoque à Petauio negaretur, cum nullum etiam fideiussorem idoneum ipse proferat. Nos tamen aliquas non leues coniecturas eius rei supra attulimus num. 43. & 44. ex Scriptura, historia, & sanctis Patribus. Nego autem maternum genus nullius fuisse momenti, ut quis in aliqua tribu censeretur, vel ut per coniugium ius regni communicaretur viris matrimonium contrahentibus cum feminis ex regia stirpe Iudæ descenditibus. Nam si primum esset verum, non posset Christus censeri de tribu Iuda, ad quam solum ex parte matris pertinebat. Si secundum, non potuissent, ut supra dixi, Pontifices tenere principatum sine violatione iuris diuini, quo posteris Dauidis in perpetuum attributum erat, & prædictum, ac promissum fore, ut ab illis non recederet. Eaque de causa testantur historici Herodem Mariamnes coniugium expetiisse. Eadem etiam de causa nemo existimauit Messiam proximè adesse quando Machabæi principatum tenere cœperunt.

65.
Soluantur
argumenta
Petauii

secus autem, quando Herodes alienigena, ut fateretur ipse Petavius initio capitis citari. Cur autem per coniugium non transferretur pariter ius Sacerdotij ad aliam tribum, rationem reddidimus sectione præcedenti, sub finem num. 44.

SECTIO VII.

Continuatur probatio aduentus Messie contra
Iudæos: ostenditurque Messiam
esse Deum & hominem.

66.
Expenditur
prophetia
Danielis
de aduentu
Messie.

AD eandem veritatem aduentus Messie confirmandam contra Iudæos illustris est locus Danielis 9. v. 24. & sequentibus, ubi Gabriel Angelus Daniele sic alloquitur. *Animaduerse sermonem, & intellige visionem. Septuaginta hebdomades abbreviata sunt super populum tuum, & super urbem sanctam tuam, ut consummetur prauaricatio, & adducatur iustitia sempiterna, & impleatur visio, & prophetia, & ungatur Sanctus sanctorum. Scito ergo, & animaduerse ab exitu sermonis ut iterum edificetur Ierusalem, usque ad Christum ducem, hebdomades septem, & hebdomades sexaginta duæ erunt. Et rursus edificabitur platea, & muri in angustia temporum. Et post hebdomades sexaginta duas occidetur Christus, & non erit eius populus, qui eum negaturus est. Et Civitatem, & Sanctuarium dissipabit populus cum duce venturo, & finis eius vastitas, & post finem belli statim desolatio. Confirmabit autem pactum multis hebdomadâ unâ, & in dimidio hebdomadis deficiet hostia & sacrificium. Et erit in templo abominatio desolationis, & usque ad consummationem, & finem perseverabit desolatio. Huc usque Angelus Danieli. Cuius loci, fusiori expositione, & discussione relicta interpretibus, & chronologis, Pererio in locum illum Danielis, Petavius lib. 12. de Doctr. temp. à cap. 31. Suarii disp. 1. de Incarnat. sect. 2. & aliis, quos consule, aduerto breuiter, primò, Gabrielem Hebraicè Danieli Hebræo loquentem, sine dubio hebdomadas sumere aliquo sensu, quo solebant accipi ab Hebræis, & quo sumebantur alibi in Scriptura: alioqui nihil certi ex hac temporis reuelatione, & definitione, potuisset colligi à Daniele. At in tota Scriptura non dicuntur hebdomades, nisi dierum, vel annorum. Dierum quidem Gen. 29. v. 27. & 28. (quem tamen aliqui perperam de annis interpretantur.) Exod. 34. v. 22. Leuit. 12. v. 5. & alibi sapissime. Annorum verò, Leuit. 25. v. 8. Numerabis quoque tibi septem hebdomadas annorum, id est, septies septem, quæ simul faciunt annos quadraginta novem. Nomen, inquam, hebdomadis, de se ambiguum, non reperitur alibi coniunctum, nisi vel cum voce dierum, vel cum voce annorum. De-*

Hebdomadis nomen
quomodo
sumitur in
Script.

bent igitur hebdomades Danieli reuelatæ, in alterutrum sensum accipi. Siue autem sumantur pro hebdomadibus dierum, siue pro hebdomadibus annorum, certissimum est iampridem esse elapsas. Quare Iudæis necesse est fateri, vel prophetiam esse falsam, vel iam impletam esse.

Aduerto secundo, dubitari non posse per Christum ibi promissum, verum Messiam intelligi, quia de alio nequeunt illa explicari, ut consummetur prauaricatio, & finem accipiat peccatum, & deleatur iniquitas, & adducatur iustitia sempiterna, & impleatur visio & prophetia, id est, prædictiones, & figuræ veteris Testamenti, & ungatur Sanctus sanctorum. Nec obest, quod obiciunt Iudæi, Daniele non postulasse reuelari sibi aduentum Messie, sed temporalem Iudæorum liberationem. Nam antecedens incertum est: Et Deus solet interdum plus concedere, quàm rogetur. Atque ex ipso textu manifestum est, plusquam liberationem temporalem Iudæorum reuelatam fuisse verbis illis, *ut consummetur prauaricatio, & finem accipiat peccatum, & deleatur iniquitas, & ungatur Sanctus sanctorum.*

67.
Daniel loci
quirit de
Messia.

Aduerto terciò, in Christo Domino euidenter impleta esse verba illa, *Occidetur Christus: Et non erit populus eius, qui eum negaturus est, & civitatem & Sanctuarium dissipabit populus cum duce venturo, &c.* Licet autem textus Hebraicus, & Septuaginta, negationem illam populi non expriment, ut versio vulgata, sed in Hebræo sit tantum, *vehemlo*, id est, & non ipsi: attamen Iudæorum ruinam; quæ scilicet propter incredulitatem occidendi erant, expriment omnes, quæque à Romanis, Tito præcipuè, & Vespasiano, scimus esse manifestè impleta: Non erat autem quod delerentur Iudæi in perpetuum, si Messiam suum agnitiuri erant. Quæ enim connexio alioquin aduentus Messie fuisset cum deletionem Templi, & Iudæorum, cumque illa mirabili desolatione, quæ à mille & sexcentis annis huc usque perseverat, qualis, & quanta nulla fuerat antea? Nimirum in poenam atrocissimi criminis in Christi occisione commissi, quod Deus æterna desolatione vlciscitur: cum tamen antea ne quidem idololatriam, & immolationem filiorum suorum idolis factam tam graui, tamque longa poena vltus esset. Quare illa reticentia Hebraica *vehemlo*, id est, & non ipsi, illum plane sensum habet, quem vulgata expressit.

Prædictum
illum esse,
à Iudæis
occidendis;

Quartò denique, ex variis huius loci expositionibus, quas propter historiarum obscuritatem varii excogitarunt, & numerum annorum à Daniele datum Christo exactissimè accommodarunt, maxime placet illa, quam tradit Petavius libro citato capite 35. *Septuaginta hebdomades annorum solarium, quæ 470. annos efficiunt, abbreviatae sunt, id*

68.
Vera huius
prophetie
expositio

est, iuxta vim vocis Hebraicæ, determinatæ sunt: quod tempus pro rei magnitudine, & longæ patrum vestrorum (ô Iudæi!) expectatione breue videri debet. *Super populum tuum*, &c. id est, in fauorem populi tui, vt ea, quæ in eius gratiâ à Deo decreta sūt, perficiantur: nepe vt Ierusalem reedificetur, & in fine hebdomadæ Christus veniat, ac morte sua peccata deleat. *Ab exitu sermonis*, vt iterū ædificetur Ierusalem; id est, à vicésimo Artaxerxis Longimani anno, quo regius sermo de iterū ædificandâ Ierusalem efficax fuit, & exitū vere scilicet habuit, vt habetur 2. Esd. 2. *Ab exitu*, inquam, id est, ab executione sermonis de templo, & vrbe restaurandis, vsque ad Christum ductæ Hebdomades septem effluent, id est, quadraginta nouem anni. Et hebdomades sexaginta duæ, aliz supple, quæ præcedentibus additæ facient hebdomadas sexaginta nouem. In prioribus verò septem hebdomadibus, tunc rursus per Nehemiam ædificabitur platea, & muri in angustia temporum, id est, nō sine perturbatione, & hostium metu: vel in angusto, & breui illo spatio septem hebdomadarū, præ alio maiori sexaginta duarū hebdomadarum, quæ cū septem præcedentibus facient sexaginta nouem. Post quas, hebdomadâ septuagesimâ, Christus palā apparebit: cū scilicet, statim post baptismum, Euangelium prædicare aggreditur, seque ipsum Iudæis patefacere. Atque in medio illius hebdomadæ septuagesimæ occidetur Christus confirmans pactum, & testamentū nouum sanguine suo, & morte, quæ lex antiqua, & sacrificia Mosaica erant abolenda. Et post eius occisionem, non quidem statim mathematicè, sed moraliter, quadraginta scilicet post annis, sequetur, in eius penam, & perfidiâ Iudæorū Christum agnoscere recusantiū, templi strages, & prophanatio sacrorū, vrbisque excidiū, & sempiterna populi desolatio, quæ huc vsque manifestè perseuerat. Iuxta hanc autem supputationē septuaginta hebdomades incipiūt ab anno mundi ter millesimo quingentesimo vigesimo nono, Olympiadis octuagesimæ primæ secundo, desinuntque in annum mundi quater millesimū decimū octauū, qui est annus post passionē Domini quartus, ita vt in medio hebdomadæ septuagesimæ, id est, anno eius tertio, Christus occisus sit, vt angelus prædixerat.

69.
Aliz prophetæ de
Christo,

His accedit, vt alia multa præteream, quod ea quæ de Messia prædicta fuerāt, in Christo sunt euidenter impleta. Nam eius ortus ex virgine, prædictus fuerat Isa. 7. Locus natiuitatis, nempe Bethleem, Mich. 5. Pax toto orbe futura in eius natiuitate Isa. 2. Mich. 4. & Zachar. 9. Prædicatio, & miracula Isa. 55. & 61. Paupertas, manuetudo, & ingressus in Ierusalem super asinam Zach. 9. Proditio Iudæ Psal. 40. v. 10. Venditio 30. argenteis Zach. 11. v. 12. Passio, spūta, flagella, fossio manū, & pedū, Potus fellis, & aceti, Excessus in cruce, vestitū diuissio, & sortitio, Psal. 21. 40. & 88. & Zachar. 12. & 13. Mors inter latrones. Ita. 53. Descensus ad inferos, & resurrectio, Ecclesiast. 24. Zachar. 9. Psal. 3. Ascensus in cæ-

lum, Psal. 67. & Mich. 2. Missio Spiritus sancti, Ioel. 2. Gentium vocatio, Isa. 49. & 55. Exterminatio Idolorū, Zachar. 13. Iudæorum reprobatio, & propter Christi necem, & infidelitatem desolatio, Ierem. 5. & Daniel. 9. Quæ omnia in Christo ita fuerūt impleta, vt Prophetæ non tam futura prædixisse, quam præterita retulisse videantur. Hæc autem non à Christianis ficta, sed lōgè ante Christum, & Christianos in Iudæorum libris ab ipsorum Prophetis scripta esse notissimum est.

Neque Iudæi id dissentent, sed primò putant Christi paupertatem, humilitatē, crucē deniq, ac mortem ignominiz plenam, indignā esse personæ Messie. Quasi verò illa paupertas, & humilitas, quæq; Iudæi per se, vel per alios, indignissimè in Christū perpetrasset, nō fuerint prædicta à Prophetis ante citatis, tanquam futura vt fierent in aliquem sanctū, & summum virum, nec alium quā Messiam, quem non raro Dauid, Isaia, & alij exprimit in eius personā loquentes, quemque cum ijs adiunctis sæpe describunt, quæ non nisi de Messia intelligi possunt. Legatur caput Isaia 53. quo ne ipsum quidem Euangelium clariùs loqui de Christo videtur.

Deinde obijciūt alia multa de Messia fuisse prædicta, quæ Christo non conveniunt: nimirū circa regnum tēporale, & Iudæorum exaltationem, rerumq; omnium abundantiam, & pacem perpetuā, ac circa gloriam, & maiestatem ipsius Messie. Verū in eo errant, quod promissiones de regno Messie spirituali, deque bonis præstantioribus, id est, spiritualibus per ipsum conferendis veris Israëlitis, id est, credentibus in ipsum & Abrahæ fidem imitatoribus, intelligunt sensu carnali de regno terreno Iudæorū, & de bonis tēporalibus vilissimis, propter quæ venire Messiam indignum erat, quæq; si Messias habere debuisset, non prædiceretur fore pauper, & humilis, abiectus, deiectus, nouissimus, vir dolorū, languores nostros, & dolores portans, attritusq; propter scelera nostra: vt prædicitur à Zachar. c. 9. Isaia c. 53. aliisque locis. Errant etiam in eo quod, quæ de Ecclesia Evangelica prædicta sunt, de templo suo, & de Synagoga intelligunt. Item in eo quod non distinguūt duplicem Messie aduentum. Primum humilem, ad homines saluandos: de quo Zachar. 9. *Ecce Rex tuus venit tibi iustus, & saluator, ipse pauper, & ascendens super asinam, & super pullum filium asinae.* Secundum, plenum gloriæ, & maiestatis, ad iudicandos homines in fine sæculorum: De quo Psal. 49. *Deus manifestè veniet, Deus noster, & non silebit. Ignis in conspectu eius exardescet, &c.* Et Isaia. 66. *Ecce Dominus in igne veniet, & quasi turbo quadrigæ eius, reddere in indignatione furorē suū, &c.* Propter quam prophetiarum diuersitatem existimant aliqui Iudæi, sed ineptè, duos Messias futuros.

Accedit præterea quod Christus ipse se Messiam esse, & filium Dei, apertè prædicauit, totque miraculis, & signis confirmauit, vt nisi fides illi habeatur: nec Moyssi, nec vlli alii credat,

70.
Respondetur
Iudæorum
obiectis.

71.
Probarur
Christum
esse Messiam
& filium
Dei, ex
eius mira-
culis,

Prophetarum, fides habēda sit. Nullus enim tot, & tantis prodigiis missionem suam credibilem fecit. Quare si Iudæi crediderunt Moysi propter miracula per virgam ab ipso parata multa magis debent credere Christo, cuius miracula numero, modo, qualitate, fuerunt longe maiora. Ea verò non modò testati sunt Evangelistæ in facie Iudæorū, non ea negant, sed arti Diabolicæ tribuentiū ineptissimè (quasi verò Diabolus ea fecerit, quæ ad eius perniciem, & ad veri Dei cultum, virtutumque omnium studiū promouendum fiebant, æquè ac miracula à Moysē & aliis Prophetis edita, quibus id similiter obici potuisset) verū etiam Iosephus Iudæus gēte & religione, ex genere Sacerdotum, rerū Iudaicarū Scriptor nobilissimus, aliisque rebus gestis clarissimus, & Christi ferè contemporaneus, qui lib. 18. An. 1. scribit, c. 4. sic Scribit: Eodem tempore fuit Iesus vir sapiens (si tamen virum sanum est dicere) erat enim mirabilium operum parator, & doctor eorum, qui libenter vera suscipiunt, plurimosque tam de Iudæis, quàm de gentibus sectatores habuit. Christus hic erat quem accusatum à nostræ gentis Principibus Pilatus cum cruce addixisset, nihilominus non destiterunt eum diligere, qui ab initio caperāt. Apparuit enim eis tertia die vivus, ita ut divinitus de eo vates hoc, & alia multa miranda prædixerunt. Et usque in hodiernum diem Christianorum genus ab hoc denominatum non deficit. Huc usque Iosephus, qui verbis illis, Christus hic erat, Iesum illum fuisse Messiam fatetur. Nam Christus Græcè, quæ lingua scripsit Iosephus, idem est, quod Messias Hebraicè, & vñctus Latinè. Cōsiderādum verò est quoad Evangelistas, & alios novi Testamenti scriptores, miraculorū Christi testes, eos scripsisse eo tempore; & loco, quo ab infinitis testibus oculatis convinci poterant impudentissimè falsitatis, si mēdacia scripsisset. Quis autem credat eos usque adeò imprudentes, aut impudentes fuisse. Atqui nō modò ea scripserunt, sed etiam, quod valdè notandum est, pro eorundem veritate vitam suam morti expoluerūt: & infinita Martyrum millia, partim eodem tempore, partim proximè sequentibus, recenti adhuc vitæ Christi memoria, pro eadem veritate, tam de Iudæis, quàm de Gentilibus, sanguinem profuderunt. Homines vitæ innocentissimæ, vel ipsa confessione Aduersariorum: & non pauci inter illos magnæ prudentiæ, & eruditionis, ut eorum scripta, quæ ad nos usque perueniunt, testantur. Hæc certè omnem falsitatis suspicionem prudenter expendenti planè tollunt, præsertim si consideremus eos, Christo iam mortuo, nihil ab illo, si impostor erat, sperare potuisse, ut pro ipso mortem tam ignominiosam, & acerbam opperent. Quodque incredibile infamiz fuisset Apostolis, & Evangelistis, pati pro apertis mēdaciis, quæ in finitiorum hominum oculis ipsis constaret esse putidissima.

His denique addi possent quæcūque grauiter & sapienter expedit Chrysost. in homiliis sex contra Iudæos, præcipuè verò in quarta. Quod scilicet pœna sã grauis, tamq; diuturna

Iudæorū, à quadraginta post Christi mortem annis huc usque, qualè, & quantà, nec propter Idololatriam, nec propter alia grauissima scelera passi vnquā erant, manifestè ostēdit grauius ipsos crimen cōmississe in Christi occisione. Qui si impostor fuisset, & veræ legis, ac religionis aduersarius, debuissent potius Iudæi, magnā inde laudē apud Deum & benedictionem referre. Nam, inquit, si Phinees vno tantum perempto homine totam iram Dei sedauit, stetit enim Phinees, & placuit, & cessauit quassatio, Psal. 105. Multo magis vos, si impostor eratis, quem crucifixistis? Vnde ergo ille Sacerdotio honoratur, at vos acerbiora patimini, quàm cum filios mactaretis? Audiuius saepe Deum per Prophetas dicētem maioribus vestris: Vos quidem eratis digni innumeris malis, sed ego facio propter nomen meū, ne prophaneur inter gentes, &c. Itaque si legis transgressor erat Christus, etiam si decem milia peccata cōmississet, multo etiam prioribus illis grauiora: tamē seruasset vos Deus propter hoc factū, ne nomē eius pollueretur, ne quis diceret, quod Christi causa hæc pateremini. Nunc autē cum nos Christiani floremus, vos autē contumeliosi, & ignominiosi degitis: palam est Deū demonstrare, eū, qui à vobis occisus est, non fuisse legis transgressorem, sed ipsius legis cōditorem, & innumerabilium bonorum auctorē. Nam quod Deus vos repulerit, res ipsa clamat, ac vocē tuba clariorē emittit. Esto enim: mania ab hominibus diruta sint, altare dei. Etum: nū & illud ab hominibus factū, quod Prophetæ cessauit? &c. Num quæ apud vos erant magnifica, sustulerunt, ut vocē de Propitiatorio reddi, declarari ventura in lapidibus Sacerdotis? &c. Nec enim Iudaica religio inferiora habebat omnia, sed plura de cælis, v. g. fœderis sacrificia, & altare quidē erat ex inferioribus, & gladius, & lingua, & Sacerdos. At ignis venturus in adyta illa & victimas cōsumpturus, à supernis habebat originem. Rursus, si quid cognoscēdum erat de Propitiatorio, prodibat vox de medio Cherubim, prædices futura. Rursus de lapidibus, qui erāt in pectore Sacerdotis, euectus fulgor quidā futura significans, &c. Ne ergo Iudæi impudenter hominibus casum imputaret suum, Deus hæc abstulit. At, inquam, istis carimus, quia metropoli caremus: Nequaquā. Chon enim vaticinaretur Moyses, nec metropolis erat, nec templum, nec altare, &c. Cunctis rursus sublati extiterunt in Babylone Ezechiel, & Daniel, &c. Sed hæc & alia, quæ Chrysostomus eloquēter prosequitur, in fonte ipso melius legi possunt.

Illud etiam considerandum est, quod sapienter à quibusdam recentioribus fuit animaduersum, & plerisque Iudæorum cautilationibus viam obstruit, negari ab illis non posse prophetias de aduentu Messie ex Testamento veteri superius allatas, & expensas, esse diuina oracula: quippe qui librum illum pro diuino agnoscunt; ac proinde nec cessariò vel esse iam impletas, vel esse aliquando implendas. Est autem manifestū iam præterisse tempus designatum impletionis earum, siue præcisè desierit eo tempore, quo Herodes Acalonitæ regnum Iudaicum usurpauit, siue aliquāto post tempus captiuitatis Babylonicæ, quādoq; regnum ad sacerdotes

ruina Iudaicorum ob Christum occisum;

Chrysost. hom. 4. contra Iudæos;

Iosephus;

Vide Plin. Inuic. l. 2. epist. 47. ad Traianum Imperat.

Tempus designatū à prophetis Iacob manifestè præterit;

45. Probatum etiam ex pœna, &

translatum est: siue tempore Agrippæ Regis, & Vespasiani Imperatoris, quando funditus euerlum est Iudæorum regnum, & forma Reipublicæ, seu Monarchiæ Iudaicæ prorsus extincta. Cū enim iuxta prophetiam Iacob primo loco expensam, non esset defecturū scep- trū de Iuda, donec veniret Messias: & mani- festum sit à tempore saltem Vespasiani defe- citse: ex quo tempore nullus fuit, qui Iudæ no- mine regnet, nullum regnum Iudaicū, nullus qui Iudæorum rempublicam cum summa po- testate administret: necessarium est tunc sal- tem venisse Messiam, nisi potius de tempore Herodis alienigenæ regnum Iudaicum occu- pantis prophetia illa intelligenda sit. Tunc enim vere cœpit auferri sceptrū de Iuda, cum Iudæ posteris per Herodem ademptū est, qui ne quidem ex parte matris à Iuda descende- bat. Atqui nullus fuit temporibus illis de quo vel probabiliter intelligi possint, quæ ab Isa. c. 11. v. 10. Ierem. 16. v. 19. Micheæ 4. v. 1. & seq. aliisque Prophetis de Messia prædicta fuerant circa gentium conuersionem à cultu idolorum, & liberationem à seruitute Dæmo- nis, propter quam etiam vocatur à Iacob, *Ex- pectatio gentium*, Gen. 49. v. 10. & ab Aggæo c. 2. v. 8. *Desideratus cunctis gentibus*: de que Ecclesia ex omnibus nationibus per illū in- stituenda. Ilai. 2. & de regno eius perpetuo: Daniel. 7. Psal. 88. Ierem. 3. aliisque locis: præter Iesum Christum qui tempore Herodis natus est. Ergo de nullo alio potest hæc pro- phetia verificari, quàm de Iesu Christo. Ac proinde vel est falsa, & supposititia, quod Iu- dæi dicere execrantur: vel Iesus Christus est Messias à Deo promissus, & à Prophetis præ- nunciatus, quod ipsi malè negant.

74.
Idem ostē-
ditur de
prophetia
Danielis.

Similis discursus fieri potest de Prophetia Danielis. Cū enim manifesta sit à omnibus desolatio, & vastitas ab eo prædicta, ut futura post occisionē Christi, seu Messie, c. 9. v. 26. necessarium est vel Christum iam venisse & occisū fuisse, vel prophetiā falsam esse. Idem dico de aliis, quibus prædictum, & à Deo promissum erat Dauidi, ac posteris eius regnū fore sempiternum, & usque ad finem mundi duraturum: ac ne quidem fore, ut propter eorū peccata fieret hæc promissio irrita. Psal. 88. v. 21. & seqq. *Fuerit Dauid seruum meum, oleo sancto meo unxi eum, &c. In æternum semina- bo illi misericordiam meam, & testamentū meum fidele ipsi. Et ponam in seculum seculi semen eius, & thronum eius sicut dies cæli: id est, regnabit eius posteris quandiu cœlū durabit, aut quan- diu sua reuolutione dies efficit. Si autem dereliquerint filii eius legem meam, & man- data mea non custodierint: visitabo in vir- ga iniquitates eorum, & in verberibus peccata eorū. Misericordiam autem meā non dispergam ab eo, neque timebo in veritate mea. Neque propheta- bo testamentum meum, &c. quæ procedunt de la- boribus meis, non faciam irrita: id est, nō infringam propter eorū peccata, neque violabo hæc pro- missionē meā. Quam etiam paulō post. v. 36. solemni iuramento cōfirmat, ut per duas res immutabiles, quibus impossibile est mutari Deū,*

Hebræor.
4. v. 18.

firmius cōstaret hominibus, Deum promissis nō defuturū, *semel iuravi, inquit, in sancto meo, si Dauid mentiar: semen eius in æternum manebit, & thronus eius sicut sol in cōspectu meo, & sicut luna perfecta in æternum, & testis in cælo fidelis.* Et Ierem. 33. v. 20. *Hæc dicit Dominus, si in ritum fieri potest pactum meum cum die, & pactū meum cum nocte, ut non sit dies, & nox in tempore suo. Et pactū meū irritū esse poterit cū Dauid seruo meo, ut non sit ex eo filius, qui regnet in throno eius.* Ex quibus, & similibus Script. locis potest duci hoc argumentū efficax cōtra Iudæos: Vel Scri- ptura illæ nō sunt diuinæ, sed euidenter falsæ: vel nūc etiam est aliquis de filiis Dauid, qui regnet, & sedeat in throno eius, in æternū fu- turo. Atqui iam nullus est de posteris Dau- dis, de quo verissimiliter dici possit quod re- gnet in eius throno, præter Iesum Christum: cuius regnū, licet spirituale, quale futurū erat regnū Messie, & ad æternā felicitatem ordi- natum: habet tamen manifesta, & visibilia in- dicia in Christiana republica toto orbe dif- fusa, plurimos reges, & principes cōplecten- te, Christi vicario subiectos: quibus etiā Iudæi ipsi subiacerere coguntur. De illo enim solo ve- rum est, quod Angelus prædixit Luc. 1. *Dabit illi Dominus sedem Dauid patris eius, & regnabit in domo Iacob in æternū, & regni eius non erit fi- nis.* Neque verò possunt illæ prophetiæ de temporali regno Dauidis intelligi, cū ma- nifestū sit iam à mille sexcētis annis extinctū esse, ab eoque tempore Iudæos aliis nationi- bus subiaccuisse, ut modò etiā subiacer. Ficti- tiū enim est, quod dicūt de capribus tribuum Babylone degentibus, & ius regnandi habē- tibus, licet illud nō exercent: Cū ibi Tur- carū Imperatori non minus subiaceant, quàm alibi variis Principibus: & ius illud fictitiū re- gnandi, nō sit regnare, & sedere in throno Da- uid, regnūque Iuda possidere & administrare. Et hæc sufficiant ad probandū cōtra Iudæos Messiam venisse. Iam verò quod sit Deus ho- mo, talisq; fuerit à Deo promissus, & præsen- tiatus in Testamēto veteri, probari potest ef- ficaciter cōtra eosdē ex Psal. 2. v. 7. vbi Da- uid Messiam ita loquentem inducit: *Dominus dixit ad me: Filius meus es tu, ego hodie genui te: ex mea utique substantia. Nam quod verè, & propriè gignitur, utique est ex substantia gi- gentis. Neque vlli Angelorū, aut aliorū san- ctorū, qui interdum in Scriptura vocātur me- taphoricè filii Dei, dictum à Deo fuit: Ego ho- die genui te: ut expendit Apost. Heb. 1. v. 5. Et Psal. 44. v. 7. vbi Psalmista non obscurè Mes- siam Deum vocat, vñctum à Deo oleo exulta- tionis præ confortibus suis, id est, præ aliis, qui vñctionis Spiritus sancti participes, & naturæ diuinæ confortes aliquo modo facti sunt. Isti enim, per adoptionē tantū, & gra- tiam accidentale: ille verò per naturalem fi- liationem, & vñctionē ipsiusmet diuinitatis, & sanctitatis substantialis. Et Psal. 109. v. 1. & seqq. vbi Dauid in spiritu Messie vocat do- minum suum, & ad dexteram Dei confidere affirmat, id est, æquali gloria, & maiestate frui: Quod ne de Angelis quidem potest in-*

Prophetiæ
de regno
Dauidis
perpetuo
non possit
nisi de
Christo ve-
rificari.

75.
Probat
contra Iu-
dæos Mes-
siam esse
verū Deū,
& hominē,

elligi; cum omnes sint administratorii spiritus, infinitèque distent ab illa maiestate: fuisseque ab vero Dei genitum ante Luciferum, id est, de propria eius substantia, & ab intra, ante solem, sue ante mundi constitutionem. Quod de solo Messia ut Verbo, verè dici potest. Et Isai. 9. v. 6. ubi inter alia Messia nomina, vera scilicet & propriò id quod est, significantia, ponitur *Deus fortis, Pater pauperum, Princeps pacis* additurque fore, ut multiplicetur eius imperium, Et super solium David sedeat in sempiternum. Et cap. 33. v. 4. prædicatur, Deum ipsum in persona Messia venturum esse. *Deus ipse venit*, inquit, & saluabit vos. Tunc aperientur oculi caecorum, & aures surdorum patebunt, &c. Nam quod ibi sermo sit de adventu Messie, & miraculis eius, & Gentium conversione ad Deum, patet ex ipso *venit* totius capituli: cumque dicitur *signa-ter*, & emphaticè, *Deus ipse venit*, significatur Deum in propria persona venturum esse, & non solum per legatum, & internuntium, ut saepius iam fecerat. Quod etiam clariùs prædixit Hieremias cap. 23. v. 5. his verbis: *Ecce dies veniunt, dicit Dominus: suscitabo David germen iustum, & regnabit rex, & sapiens erit, & faciet iudicium, & iustitiam in terra.* Et paulò post v. 6. *Et hoc est nomen, quod vocabunt eum Dominus iustus noster*, hebraicè *Iehoua*, quod est nomen Dei propriissimum, ineffabile apud Iudæos, & incommunicabile, Neq; minus perspicue loquuntur Baruch e. 3. v. 37. & 38. Et Michas cap. 5. v. 2, *Ecce Zachar, & tu, v. 10. & seqq.* Quæ omnia loca, ut & superiora, quia iam a nobis expendimus, in alium eò se hactenac remittere, quam idem inutiliter repetere.

Plura verò ad eandem veritatem confirmandam contra Iudæos videri possunt apud Moysen 1. p. quæ 8. 17. art. 1. disput. 3. qui alia veteris Testamenti loca his addit, iulèque, & accuratè expendit, ut illud Job 19. v. 25. *Scito quod Redemptor meus vivit, & in manu domini deus terre succellurus sum, & circumdabor pelle mea, & in carne mea videbo Deum, quem visurus sum ego ipse, & oculi mei conspiciantur ei.* Quibus verbis Prophetæ non obscure significat Redemptorem suum, cuius gratia se resurrecturum esse sperat, sinit esse Deum, & hominem. *Tunc quis cum ait, scito quod Redemptor meus vivit*, non id intelligit de illo, ut homine (sic enim nondum vivebat) sed de Deo vivente ab æterno. Tam etiam quia de illo eodem subiicit: *Et in carne mea videbo Deum, illum scilicet Redemptorem, & Salvatorem meum*, ut exprimit latina versio vulgata. *Hominem* verò esse declarat his verbis: *Quem visurus sum ego ipse, & oculi mei conspiciantur ei.* Cum enim oculis corporis Deum, qui Deus, conspici nequeat agnoscit Deum illum Salvatorem suum quem oculis suis conspiciendum se dicit, esse simul hominem invisibilem: nam ut eum videndo ut hominem, oculis corporis, simul verè di-

ceretur videre Deum entis visibili inditum.

Denique ad idem confirmandum contra Iudæos valent cetera omnia quibus supra ostendimus Messiam venisse, & illum esse Christum Iesum. Nam ille clarissime se verum Deum esse, & Filium Dei vivi professus est. Ut quando Matth. 16. dicenti Petro, *Tu es Christus Filius Dei vivi*, respondit: *Beatus es Simon Bariona, quia caro & sanguis non revelavit tibi, sed Pater meus qui in celis est.* Et Marc. 14. quando Caiphas interroganti num esset Filius Dei benedicti? respondit: *Ego sum.* Filius scilicet naturalis, de quo interrogabatur, & propter quod subiecit Caiphas, *Blasphemavit.* Audisti blasphemiam &c. & Ioan. 5. *Propter hoc magis querebant eum Iudæi interficere, quia Patrem suum dicebat Deum, æqualem se faciens Deo.* Atqui si falsum illud erat, Christus id de se prædicans, non verus Messias, sed pessimus impostor fuisset. Adde, quod illud ipsum innumeris signis & miraculis confirmavit, de quibus aiebat Ioan. 5. v. 36. *Ipsa opera, quæ ego facio, testimonium perhibent de me, quia Pater misit me.* & cap. 19. *Si non venissem & opera in eis fecissem, quæ nemo alius fecit, peccatum non haberent. Nunc autem & vident, & odierunt, & me, & Patrem meum.* Idemque Apostoli, & alij eius Discipuli toto orbe prædicarunt, Domino cooperante, & sermonem confirmante sequentibus signis, adeo magnis, frequentibus & illustribus, ut brevi tempore fere orbis à gentilismo & idololatria, ad veri Dei cultum traductus sit. Quæ conversio Gentiliū ab idololatria, toties à Prophetis prædicta, & decantata, ut per verum Messiam faciendā, non potest à Iudæis dissimulari, neq; negari esse facta à Domino nostro Iesu Christo, & adhuc varijs in locis novi orbis fieri per eius cultores.

Ad probandum verò idem mysterium contra hæreticos, qui varijs modis circa illud errarunt, valent i. argumenta credibilitatis, & testimonia veteris Testamenti allata contra Ethnicos, & Iudæos, 2. Speciatim contra eosdem proferri possent innumera novi Testamenti loca, quibus aperte constat Christum fuisse verum Deum, & hominem. Sed ea quilibet obvia sunt, & nonnulla iam retulimus sect. 1. Plura verò ad apud suam collectionem legi possunt disp. 2. Addi 3. possent sanctorum Patrum testimonia, & Conciliorum definitiones, quibus iam pridem damnati fuerunt errores Arianorum, Manichæorum, Nestorianorum, Eutychianorum, Apollinaristarū, Monothelitarū, & similium hæreticorum, negantū, vel Christi divinitatē, vel naturā humanā veritatē, & integritatem, vel personæ unitatē, vel distinctionē naturarum, aut operationū in Christo. Sed hi errores suis in locis commodius, prout occasio tulerit refutabuntur. Hæc igitur in presenti contra Infidelis dicta sufficiant de existentia & veritate mysterij Incarnationis. Nunc ad illius explicationem progrediendum est, deque illius cōveniētia & necessitate imprimis disserēdū.

77

78

Quomodo
probanda
Incarnatio
contra Hæ-
reticos

76.
Iob Messia
fore Deū,
& hominē
agnoscit.

translatum est: siue tempore Agrippæ Regis, & Vespasiani Imperatoris, quando funditus eueritum est Iudæorum regnum, & forma Reipublicæ, seu Monarchiæ Iudaicæ prorsus extincta. Cui enim iuxta prophetiam Iacob primo loco expensam, non esset defecturus scepusculi de Iuda, donec veniret Messias: & manifestum sit à tempore saltem Vespasiani defectum esse, ex quo tempore nullus fuit, qui Iuda nomine regneret, nullum regnum Iudaicum, nullum quoque Iudæorum rempublicam cum summa potestate administraret: necessarium est tunc saltem venisse Messiam, nisi potius de tempore Herodis alienigenæ regnum Iudaicum occupantis prophetia illa intelligenda sit. Tunc enim vere cepit auferri sceptrum de Iuda, cum Iudæa posteris per Herodem ademptum est, qui ne quidem ex parte matris à Iuda descendebat. Atqui nullus fuit temporibus illis de quo vel probabiliter intelligi possint, quæ ab Isa. c. 11. v. 10. Ierem. 16. v. 19. Micheæ 4. v. 1. & seq. aliisque Prophetis de Messia prædicta fuerant circa gentium conuersionem à cultu idolorum, & liberationem à seruitute Dæmonis, propter quam etiam vocatur à Iacob, *Expectatio gentium*, Gen. 49. v. 10. & ab Aggæo c. 2. v. 8. *Desideratus cunctis gentibus*: deque Ecclesia ex omnibus nationibus per illum instituenda. Itai. 2. & de regno eius perpetuo: Daniel. 7. Psal. 88. Ierem. 33. aliisque locis: præter Iesum Christum qui tempore Herodis natus est. Ergo de nullo alio potest hæc prophetia verificari, quam de Iesu Christo. Ac proinde vel est falsa, & supposititia, quod Iudæi dicere execrantur: vel Iesus Christus est Messias à Deo promissus, & à Prophetis prænunciatus, quod ipsi malè negant.

74.
Item ostenditur de prophetia Danielis.

Similis discursus fieri potest de Prophetia Danielis. Cum enim manifesta sit à omnibus desolatio, & vastitas ab eo prædicta, ut futura post occisionem Christi, seu Messie, c. 9. v. 26. necessarium est vel Christum iam venisse & occisum fuisse, vel prophetiam falsam esse. Idem dico de aliis, quibus prædictum, & à Deo promissum erat Davidi, ac posteris eius regnum fore sempiternum, & usque ad finem mundi duraturum: ac ne quidem fore, ut propter eorum peccata fieret hæc promissio irrita. Psal. 88. v. 21. & seqq. *Inueni David seruum meum, oleo sancto meo unxi eum, &c. in æternum seminat homo illi misericordiam meam, &c. testamentum meum fidele ipsi. Et ponam in seculum seculi semen eius, & thronum eius sicut dies æterni est, regnabit odus posterius quandiu cælum durabit, aut quandiu sua reuolutione dies efficiet. Si autem dereliquerint filii eius legem meam, & mandata mea non custodierint: visitabo in ira iniquitates eorum, & in verbis peccatorum. Misericordiam autem meam non dispergam ab eo, neque decibo in veritate mea. Neque prophetauo testamentum meum, &c. quæ procedunt de laudibus meis, non faciam irritum id est, non infringam promissionem meam. Quam etiam paulo post. v. 36. solemniter iuramento confirmat, ut per duas res immobiles, quibus impossibile est metiri Deum,*

Hebræor.
6. v. 18.

firmiter cõstaret hominibus, Deum promissis non defuturum. *Semel iuravi, inquit, in sancto meo, si David mentiar: semen eius in æternum manebit, & thronus eius sicut sol in conspectu meo, & sicut luna perfecta in æternum, & testis in cælo fidelis. Et Ierem. 33. v. 20. Hæc dicit Dominus, si in virtum fieri potest pactum meum cum die, & pactum meum cum nocte, ut non sit dies, & nox in tempore suo. Et pactum meum irritum esse poterit cum David seruo meo, ut non sit ex eo filius, qui regnet in throno eius. Ex quibus, & similibus Scriptis, locis potest duci hoc argumentum efficax cõtra Iudæos: Vel Scriptura illæ non sunt diuinæ, sed euidenter falsæ: vel nunc etiam est aliquis de filiis David, qui regnet, & sedeat in throno eius, in æternum futuro. Atqui iam nullus est de posteris Davidis, de quo verisimiliter dici possit quoddam regnet in eius throno, præter Iesum Christum: cuius regnum, licet spirituale, quale futurum erat regnum Messie, & ad æternam felicitatem ordinatum: habet tamen manifesta, & visibilia indicia in Christiana republica toto orbe diffusa, plurimos reges, & principes cõplectente, Christi vicario subiectos: quibus etiam Iudæi ipsi subiaceret coguntur. De illo enim solo verum est, quod Angelus prædixit Luc. 1. *Dabit illi Dominus sedem David patris eius, & regnabit in domo Iacob in æternum, & regni eius non erit finis.* Neque verò possunt illæ prophetiæ de temporali regno Davidis intelligi, cum manifestum sit iam à mille sexcentis annis extinctum esse, ab eoque tempore Iudæos aliis nationibus subiactis, ut modò etiam subiactis. Fictum enim est, quod dicitur de capitibus tribuum Babylone degentibus, & ius regnandi habentibus, licet illud non exerceant: Cum ibi Turcarum Imperatori non minus subiaceant, quam alibi variis Principibus: & ius illud fictitium regnandi, non sit regnare, & sedere in throno David, regnumque Iuda possidere & administrare. Et hæc sufficiant ad probandum cõtra Iudæos Messiam venisse. Iam verò quoddam sit Deus homo, talisq; fuerit à Deo promissus, & prænunciatus in Testamento veteri, probari potest efficaciter cõtra eosdè ex Psal. 2. v. 7. ubi David Messiam ita loquentem inducit: *Dominus dixit ad me: Filius meus es tu, ego hodie genui te: ex mea utique substantia, Nam quod verè, & propriè gignitur, utique est ex substantia gignentis. Neque vlli Angelorum, aut aliorum sanctorum, qui interdum in Scriptura vocantur metaphorice filii Dei, dictum à Deo fuit: Ego hodie genui te: ut expendit Apost. Heb. 1. v. 5. Et Psal. 44. v. 7. ubi Psalmista non obscure Messiam Deum vocat, unctum à Deo oleo exultationis præ confortibus suis, id est, præ aliis, qui vñctionis Spiritus sancti participes, & naturæ diuinæ cõsortes aliquo modo facti sunt. Isti enim, per adoptionem tantum, & gratiam accidentalem: ille verò per naturalem filiationem, & vñctionem ipsiusmet diuinitatis, & sanctitatis substantialis. Et Psal. 109. v. 1. & seqq. ubi David in spiritu Messie vocat dominum suum, & ad æteram Dei confidere affirmat, id est, æquali gloria, & maiestate frui: Quod ne de Angelis quidem potest in-**

Prophetia de regno Davidis perpetuo non possit nisi de Christo verificari.

75.
Probatum contra Iudæos Messiam esse verum Deum, & hominem.

teligi; cum omnes sint administratorii spiritus, infinitèque distent ab illa maiestate: fuisseque ab vero Dei genitum ante Luciferum, id est, de propria eius substantia, & ab intra, ante solem, sive ante mundi constitutionem. Quod de solo Messia ut Verbo, verè dici potest. Et Isai. 9. v. 6. ubi inter alia Messia nomina, vera scilicet & proprie id quod est, significantia, ponitur *Deus fortis, Pater futuris seculi, Princeps pacis* additurque fore, ut multiplicetur eius imperium. Et super solium David sedeat in sempiternum. Et cap. 33. v. 4. prædicatur, Deum ipsum in persona Messia venturum esse. *Deus ipse venit*, inquit, & saluabit vos. Tunc aperientur oculi caecorum, & aures sordidorum patebunt, &c. Nam quod ibi sermo sit de aduentu Messia, & miraculis eius, & Gentium conversione ad Deum, patet ex ipso *textu totius capituli: cumque dicitur signanter, & emphaticè, Deus ipse venit*, significatur Deum in propria persona venturum esse, & non solum per legatum, & internuntium, ut sæpius iam fecerat. Quod etiam clariùs prædixit Hieremias cap. 23. v. 5. his verbis: *Eccè dies veniunt, dicit Dominus: suscitabo David germen iustum, & regnabit rex, & sapiens erit, & faciet iudicium, & iustitiam in terra.* Et paulò post v. 6. Et hoc est nomen, quod vocabunt eum Dominus iustus noster, hebraicè Ichous, quod est nomen Dei propriissimum, ineffabile apud Iudæos, & incommunicabile. Neq; minùs perspicue loquuntur Baruch c. 3. v. 37. & 38. Et Michas cap. 5. v. 2. Et Zachar. c. 2. v. 10. & seqq. Quæ omnia loca, ut & superiora, quia iam alibi expendimus, in alium eò lectorem remittere, quam idem inutiliter repetere.

Plura verò ad eandem veritatem confirmandam contra Iudæos videri possunt apud Moysen 1. p. quæst. 37. art. 1. disput. 2. qui alia veteris Testamenti loca his addit, iustèque, & accuratè expendit, ut illud Job 19. v. 25. *Scio quod redemptor meus vivit, & in novissimo die de terra surrecturus sum, & rursus circumdabor pelle mea, & in carne mea videbo Deum, quem visurus sum ego ipse, & oculis meis conspiciam ipsum.* Quibus verbis Prophetæ non obscure significat Redemptorem suum, cuius gratia se resurrecturum esse sperat, fuisse esse Deum, & hominem. Tanti quia eam ait, *scio quod Redemptor meus vivit*, non id intelligit de illo, ut homine (sic enim nondum vivebat) sed de Deo vivente ab æterno. Tota etiam quæ de illo eodem subiicit: Et in carne mea videbo Deum, illum scilicet Redemptorem, & Salvatorem meum, ut exprimit latina versio vulgata. Hominem verdè esse declarat his verbis: *Quem visurus sum ego ipse, & oculis meis conspiciam ipsum.* Cum enim oculis corporis Deus, qui Deus, conspici nequeat agnoscit Deum illum Salvatorem suum quem oculis suis conspiciaturum se dicit; esse simul hominem manifestum: ita ut eum videndo ut hominem, oculis corporis, simul verè di-

cretur videre Deum eamè visibili indutè.

Denique ad idem confirmandum contra Iudæos valent cetera omnia quibus supra ostendimus Messiam venisse, & illum esse Christum Iesum. Nam ille clarissimè se verum Deum esse, & Filium Dei vivi professus est. Ut quando Matth. 16. dicenti Petro, *Tu es Christus Filius Dei vivi*, respondit: *Beatus es Simon Bar-ionæ, quia caro & sanguis non revelavit tibi, sed Pater meus qui in celis est.* Et Marc. 14. quando Caiphas interroganti num esset Filius Dei benedicti? respondit: *Ego sum.* Filius scilicet naturalis, de quo interrogabatur, & propter quod subiecit Caiphas, *Blasphemavit.* Audistis blasphemiam &c. & Ioan. 5. *Propterea magis querebant eum Iudæi interficere, quia Patrem suum dicebat Deum, æqualem se faciens Deo.* Atqui si falsum illud erat, Christus id de se prædicans, non verus Messias, sed pessimus impostor fuisset. Adde, quod illud ipsum innumeris signis & miraculis confirmavit, de quibus aiebat Ioan. 5. v. 36. *Ipsa opera, quæ ego facio, testimonium perhibent de me, quia Pater misit me.* Et cap. 19. *Si non venissem & opera in eis fecissem, quæ nemo aliis fecit, peccatum non haberent.* Nunc autem & vident, & oderunt, & me, & Patrem meum. Idemque Apostoli, & alij eius Discipuli toto orbe prædicarunt, Domino cooperante, & sermonem confirmante sequentibus signis, adeo magnis, frequentibus & illustribus, ut brevitate sere orbis à gentilismo & idololatria, ad veri Dei cultum traductus sit. Quæ conversio Gentiliū ab idololatria, toties à Prophetis prædicta, & decantata, ut per verum Messiam faciendâ, non potest à Iudæis dissimulari, neq; negari esse facta à Domino nostro Iesu Christo, & adhuc varijs in locis novi orbis fieri per eius cultores.

Ad probandum verò idem mysterium contra hæreticos, qui varijs modis circa illud errarunt, valent 1. argumenta credibilitatis, & testimonia veteris Testamenti allata contra Ethnicos, & Iudæos. 2. Speciatim contra eosdem proferri possent innumera novi Testamenti loca, quibus aperte constat Christum fuisse verum Deum, & hominem. Sed ea quilibet obvia sunt, & nonnulla iam retulimus se&. 1. Plura verò apud Suarem collecta legi possunt disp. 2. Addi 3. possent sanctorum Patrum testimonia, & Conciliorum definitiones, quibus iam pridem damnari fuerunt errores Arianorum, Manichæorum, Nestorianorum, Eutychianorum, Apollinaristarū, Monothelitarū, & similium hæreticorū, negantū, vel Christi divinitatē, vel naturā humanā veritatē, & integritatem, vel personæ unitatē, vel distinctionē naturarum, aut operationū in Christo. Sed hi errores suis in locis commodius, prout occasio tulerit refutabuntur. Hæc igitur in præsentī cōtra Infidelē dicta sufficiant de existentia & veritate mysterij Incarnationis. Nunc ad illius explicationem progrediendum est, deque illius cōveniētiā & necessitate imprimis disserēdū.

DISPUTATIO

SECUNDA.

De conuenientia & necessitate Incarnationis.

- Sectio I. *Vtrum conueniens fuerit Deum incarnari?*
 Sectio II. *An necessarium absolutè fuerit Deum incarnari?*
 Sectio III. *An Incarnatio fuerit necessaria; ex hypothesi quòd Deus mundum creauerit, aut quòd homo peccauerit?*
 Sectio IV. *Vtrum Incarnatio fuerit necessaria ex suppositione quòd Deus condignam satisfactionem pro peccato mortali exigere voluerit?*
 Sectio V. *Vera sententia, & solutio obiectionum.*
 Sectio VI. *An Christus condignè pro peccatis hominum satisfecerit?*
 Sectio VII. *Soluuntur argumenta contraria.*
 Sectio VIII. *Diluuntur alia quatuor argumenta difficiliora.*
 Sectio IX. *An Christus satisfecerit ex iustitia?*
 Sectio X. *An Christus satisfecerit ex rigore iustitie?*



E conuenientia & necessitate Incarnationis disputat S. Thomas quæst. 1. art. 1. 2. 5. & 6. docetque primò, conueniens fuisse Deum incarnari: quia summo bono conuenit summè se communicare creaturis: quod maximè fit per coniunctionem naturæ creatæ cum diuina in vnitatem personæ. Secundò, necessarium id fuisse ad naturæ humanæ reparationem, non quidem simpliciter, quia Deus poterat aliter humanum genus reparare: sed vt melius & conuenientiùs fieret, vtque homo magis promoueretur ad bonù, & remoueretur à malo. Tertiò, non fuisse conueniens Deum incarnari initio mundi ante peccatum. Quia non datur medicina nisi infirmis: opus autem incarnationis principaliter ordinatur ad reparationem humanæ naturæ per abolitionem peccati. Neque etiam statim post peccatum conueniens fuisse Deum incarnari; tam propter conditionem humani peccati, quod ex superbia prouenerat: vnde eo modo erat homo liberandus, vt humiliatus recognosceret se liberatore indigere. Tum etiam propter ordinem promotionis in bonù, secundù quem ab imperfecto ad perfectù proceditur. Tum denique propter dignitatem Verbi: quia quantò maior Iudex veniebat, tantò præconū series longior præcedere debebat. Quartò, non debuisse tamen differri vsq; ad finem mundi: ne feruor fidei temporis prolixitate tepesceret: quia circa finem mundi refrigescet charitas multorum. Néue Dei notitia, & reuerentia, & morum honestas, prorsus in homine extingueretur; sed magis diuinæ virtutis magnitudo manifestaretur, in eo quòd non solum per fidem futuri, sed etiam per fidem præsentis, & præteriti, homines saluaret. Huc vsque D. Thomas.

SECTIO I.

Primum conueniens fuit Deum incarnati

1.
Conclusio
affirmati-
ua

Prima ra-
tio, ut sum-
mum bo-
num se su-
mme comu-
nicaret.

2.
Communi-
catio facta
per incar-
nationem
maior est
illâ, quæ
fit per vi-
sionem be-
atificam.

Eadem co-
municatio
est summa
in suo ge-
nere.

3.

Respondeo affirmatiuè cum D. Thom. q. 1. art. 1. Et quidem cum à Deo, velut à causa speciali, opus illud supernaturale, & supra modum mirabile processerit, dubitari non potest valde conueniens fuisse. Deus enim velut causa specialis, & præsertim supra naturæ vires operans, nihil facit, quod conueniens non sit, id est, consentaneum rationi, & sapientiæ. Hæc tamen quæstio non inutiliter proponitur, ut afferantur rationes conuenientiae. Quarum prima sit ex D. Thom. art. cit. in c. Quia summæ bonitati diuinæ conueniebat, ut se ipsam summè communicaret. Pertinet enim ad rationem boni, & naturæ illius consentaneum est, ut se alijs communi- cet. Ergo summæ bonitati conuenit, ut se summè communicet. Quare ultra communica- tionem per naturam, siue per opera natura- lia, quæ minima est: & per gratiam, quæ maior est: debuit esse communicatio per unionem hypostaticam, vel assumptionem naturæ creatæ in vnum ens per se, quæ summa est inter communicationes possibiles ad extra, id est, extra mysterium Trinitatis, & communica- tiones ac processiones personarum diuinarum.

Dices, maiorem esse Dei communicatio- nem in visione beatifica, in qua Deus se com- municat immediatè secundum essentiam, & omnes hypostases diuinas: quàm in incarna- tione, in qua se comunicauit immediatè tan- tum secundum hypostasim Verbi. Respondeo, in beatitudine communicari essentiam, & hypo- stases diuinas extrinsecè tantum, & obiecti- uè. At in incarnatione communicari hyposta- sim Verbi naturæ humanæ, ut physicè, & in- trinsecè constituat cum illa vnum suppositum, & vnum ens per se: quæ communicatio lon- gè maior, & perfectior est.

Instabis, quia maior communicatio esset, si non solum Filius, sed etiam Pater & Spi- ritus sanctus hypostaticè vniti esset naturæ hu- manæ, quemadmodum non repugnabat vniri. Et adhuc maior, si non solum humanæ, sed et- iam Angelicæ: & cuius alteri vnibili. Item maior, si non tantum secundum hypostasim, sed etiam secundum naturam ipsam diuinam immediatè vniretur. Ergo incarnatio Verbi non est summa communicatio inter possibiles. Respondeo, quidquid sentiendum sit de possibi- litate unionis immediatæ essentiae diuinæ cum natura creata, de qua dicemus alibi: v- nionem hypostaticam in Christo factam, non esse summam in indiuiduo, aut in specie, aut ex- tensiue, vel intensiue: sed esse summam in suo genere: id est, esse in genere summæ unionis possibilis, quatenus est vnio, & communicatio substantialis, & physica ipsiusmet esse diuini, ad constituendum vnum ens per se cum natura creata.

Secunda ratio conuenientiae est, ut Deus of- fenderet suam omnipotentiam, & virtutem infi-

nitam, edendo summum illud opus suæ poten- tiæ. Nihil enim maius fieri potest, quàm cre- aturam fieri ipsum Deum: & extrema tanto pe- re distantia, tam arctè coniungi. Intellige autem summum in suo genere, non verò in specie, vel indiuiduo, aut extensiue, vel in- tensiue, ut paulò ante notatum fuit.

Tertia ratio est, ut Deus amorem suum, & bonitatem infinitam erga creaturas intellectu- ales patefaceret: cum tam intimè se illis con- iunxit, & in earum gratiam creatura ipse factus est. Quid enim benignius, (inquit S. Thom. opusculo 60.) & melius, quàm quod creator rerum communicare se voluit rebus creatis? Quæ benignitas magna fuit in conjunctione sui, cum omnibus rebus per præsentiam. Maior, quia com- municauit se bonis per gratiam. Maxima, quia se comunicauit Christo homini, & per cõse- quēs generibus singulorum, in vnitate personæ.

Quarta est, ut sapientiam suam infinitam dem- straret. Quid enim sapientius (inquit S. Tho. opusc. cit.) quàm quod ad complementum totius vniuersi, fieret coniunctio primi, & vlti- mi: hoc est, Verbi, quod est omnium principium; & humanæ naturæ, quæ in opere sex dierum fuit vltima omnium creaturarum? Quid sapientius, quàm difficillimi pretij inuenire tam mirabilem solutionem: superbiam diabolicam tantam humilitatem comprimere: & lapsos homines per hominem reparare, atque ad nihilum per peccatum reda- ctos, ad ipsum fastigium diuinitatis euehere.

Quinta: ut gloria suam mirabiliter amplifica- ret, haberetque à quo summè, & dignè Deo, ac planè diuinè coleretur. Si enim regibus quibusdam, & imperatoribus gloriosum fuit re- ges alios sibi subicere, atque illorum ministrio ad vilissima vti: multo magis Deo glorio- sum est habere hominem Deum à quo cola- tur, oreitur, adoretur, quique ad vilissima quæque ipsius causam se subiecerit.

Sexta: ad ostensionem misericordiarum, & ius- titiarum suarum. Misericordiarum: cum plasmatis sui fragilitatē nō despexit. Iustitiarum: cum de pec- catis hominum condignam satisfactionem exe- git, eaque tam seuerè in proprio filio vltus est. Atque hæc quidē omnes rationes sunt ex parte Dei desumptæ: ultra quas infinitæ alie piz, ac solidæ excogitari possunt. Verissimum enim est, quod ait S. Tho. lib. 4. contra Gent. ca. 54. initio, Pie considerantē hoc mysterium tam inuenire sapientiarum profunditatem, ut illius semper magis, ac magis admirabiles rationes manifestentur. Ex parte verò creaturarum, tum vniuersim, tum speciatim intellectualium, & specialius naturæ humanæ, alie addi possunt.

Septima ergo sit, ex parte vniuersi: quia con- ueniens erat rerum vniuersitati, id est, valde bonum, & gloriosum, ut in eo aliqua esset creatura tantæ dignitatis, quæ ipsum Dei fastigium attingeret, & in qua Deus ceteras omnes sibi quo- dammodo nexu tam mirabili copularet. Item conueniens erat has tres rerum differentias in Vniuerso reperiri, ut sicut in nobis est v- nica natura in vnica persona; & in Deo, na- tura vnica in pluribus personis: essent in Christo naturæ plures in vnica persona.

Secunda
ratio, ut
Deus suam
potentiam
summam
pateface-
ret.

Tertia ra-
tio, osten-
sio amoris
Dei erga
homines.

Quarta ra-
tio: sapien-
tiæ diuinæ
demon-
stratio.

Quinta ra-
tio: gloriæ
diuinæ am-
plificatio.

Sexta ra-
tio: ostē-
sio iustitiarum
& miseri-
cordiarum di-
uinarum.

43

Octaua, ex parte creaturarū intellectualiū: Conueniens fuit, vt homines & Angeli, ad gratiam & gloriā prouehēdi, haberēt mediatorē, cuius meritis excellentissimis eam cōsequerētur, & de cuius plenitudine omnes acciperēt: quique esset caput, Rex, Sacerdos, Legislator, exēplar, & fons sanctitatis: iuxta illud 1. Corinth. 1. *Factus est nobis sapientia, iustitia, & sacrificatio.* Et Ephes. 1. *Benedixit nos Deus omni benedictione spiritali, in celestib. in Christo.*

5. Nona, ex parte naturæ humanæ: Valde cōueniens illi fuit cātopere attolli per incarnationē, vt, quod aliū attollatur, non habeat; & habere caput homogeneū in gratia, atque eiusdē naturæ. Vtrūq; rectē expēdit D. Aug. Primum quidem in lib. de Prædestin. Sanctiorū c. 15. Secundum verō in tract. 80. in Ioan. vbi exponēs illud Christi, *Ego sum vitis, & palmites*: sic ait: *Vnius quippe naturæ sunt vitis, & palmites. Cum ergo esset Deus, cuius natura non sumus: satius est homo, vt in illo esset vitis humana natura, cuius & nos homines palmites esse possemus.* Quod si quæras, cum Christus sit caput Angelorū, & quæ ac hominum, teste Apostol. Ephes. 4. v. 10. & seqq. & Coloss. 1. v. 18. cur natura humana assumpta fuerit, potius quā Angelica: Respondeo 1. quia Angelica in humana quodammodo continetur, quatenus hæc spiritui cōstat; & sic Deus vtrūq; seipsum assimilauit. Secundò, quia cum homo sit microcosmus, & velut epitome totius Vniuersi, quatenus omnia substantiarum genera cōprehendit: Deus hominem assumēs, omnia quodammodo simul assumpsit, & velut in summam redacta sibi coniunxit, ornavit, & sanctificauit. Quo sensu nonnulli exponūt quod ait Paul. Ephes. 1. *Omnia fuisse in Christo instaurata, siue, vt est in græco, recapitulata, hoc est, summarim collecta.* Tertiò deniq; vt Dei gratia magis appareret: cum Angeli subiiciūtur homini, non propter eius naturā, quā sunt superiores: sed propter excellentiā supernaturalem vnionis hypostaticæ.

6. Vtteriū, cōueniēs fuit hominibus, vt in filios Dei adoptarētur per filiū Dei naturālē, hominē factū: utq; haberent in Deo, vnde in vtrāq; sui parte bearentur. In anima quidem per fruitionē diuinitatis: in corpore autem, per visionē, & fruitionē humanitatis assumptæ, vt notat S. Aug. in Manuali c. 26. Item vt rectē addit S. Tho. q. 1. a. 2. homines per incarnationē mirabiliter promouētur ad bonū, & remouentur à malo. Primò enim, promouentur ad fidem, per Deū ipsum in Christo loquentem, & tot miracula patrantem. Ad spē, per tantā Dei benignitatē, & liberalitatē. *Qui enim proprio filio suo nō pepercit, sed pro nobis omnibus tradidit illum; quomodo non etiam cum illo omnia nobis donauit?* vt ait Paulus Rom. 8. v. 32. Ad charitatem, per tantum erga nos amorē, & per naturæ similitudinē. Similitudo enim est causa amoris: & amor ad amorē mutuum prouocat: Vt si amare pigebat, salutem redamare non pigeat, inquit S. Aug. in lib. de catechizandis rudibus c. 4. Ad rectā operationem, quia exemplar omnium virtutū

se præbuit. Vt enim rectē ait idem S. Doctor serm. 52. de diuersis: *Homo sequendus non erat, qui videri poterat. Deus sequendus erat, qui videri non poterat. Vt ergo exhiberetur homini, & qui videretur ab homine, & quem homo sequeretur, Deus factus est homo.* Ad plenam deniq; participationem diuinitatis: quia vt rectē dicit Chrysost. hom. 2. in Matth. *Deus factus est homo, vt homo fieret Deus. Nostra accipiens, & sua tribuens: pro contumelijs honorem, pro doloribus salutem, pro morte dāns vitam:* vt ait S. Leo serm. 3. de Pass. c. 4. *Et, Verbum caro factum est, vt caro fieret Deus,* inquit Ambros. lib. 1. de Virginibus. Secundò, homines remouētur à malo, quatenus instruuntur, ne diabolū peccati auctorem sibi præferant, aut sequantur, qui per incarnationem ipsis subiectus est: & docentur quanta sit dignitas humanæ naturæ tantopere exaltatæ, ne peccando eam inquinent. Habent vnde cognoscant melius peccati fœditatem, & malitiam tanto remedio indigentem, vt ab eo magis abhorreant: & vnde se demittant, nihilq; de seipsis præsumant, cum omnia gratiæ dona se Christo debere intelligunt. Superbia hominum, quæ eos maxime impedit, ne Deo adhæreant, tanta Verbi incarnati humilitate arguitur, & sanatur. Ac denique ipsius meritis à durissima peccati, & demonis seruitute liberantur.

7. Circa huiusmodi rationes considerandum est primò, plerūq; ex illis, ac ferè omnes, abstrahere à peccato: potuisseque, quantum est de se mouere Deum ad hoc mysteriū perficiendum sine præsuppositione, aut concomitantia peccati, & lapsu generis humani. Vnde collige peccatum non fuisse causam vnicam, vel necessariam, cur incarnatio decerni potuerit: cum propter suam ipsius bonitatem, & excellentiam maxime conuenientem ad Dei gloriam, sapientiam, bonitatem, & potentiam manifestandam, alijsque multis de causis potuerit expeti.

Considerandum secundò est, aliud esse loqui speciatim de Incarnatione, & aliud loqui generatim de vnione hypostatica, vel de assumptione naturæ creatæ. Nam Incarnatio (quæ prout hic sumitur, significat assumptionem naturæ humanæ ad hypostasim Verbi) minùs latè patet, quā vnio hypostatica, quæ fieri potest cum natura Angelica; & quæ ac cū humana: & ad hypostasim Patris, & Spiritus sancti, & quæ ac ad hypostasim Filij. Assumptio quoque latius patet, quā vnio hypostatica, si possibilis est vnio non tantum cum hypostasi, sed etiam cum natura diuina, vt nonnulli existimant, quæ de re dicemus alibi. Quare incarnatio est species quædam vnionis hypostaticæ, & vnio hypostatica est species assumptionis generaliter sūptæ, iuxta illorum opinionem. Rationes autem allatæ, si bene attendantur, non ostendunt conuenientiam incarnationis specialiter sumptæ, prout est vnio hypostatica Verbi cum natura humana, excepta nona integrè sumpta: sed partim cōuenientiam duntaxat vnionis,

Cur natura humana assumpta potius, quā Angelica?

Rationes supradictæ ferè omnes sunt independentes à peccato

Quid, & quantum probent?

aut assumptionis in genere, partim verò specialiter assumptionis naturæ humanæ.

8.
Cur filius
specialiter
fit incar-
natus?

Quod si quæras, cur conueniens fuerit specialiter vnionem fieri in hypostasi Filij? Respondeo cum D. Th. qu. 3. a. 8. Primò, quoniã vnio est similitum. Filius autem, qui est Verbum, & conceptus Patris, habet speciali modo rationem similitudinis exemplaris respectu cuiusvis creaturæ. Secundò, quia opera artis per eandem ideam, & notionem reformantur, per quam formata sunt. Omnes autem creaturæ sunt opera artificij diuini: & Filius est Verbum, per quod facta sunt vniuersa. Tertiò, quoniam propria hominis perfectio est sapientia: Filius autem Dei est conceptus diuinæ sapientiæ, & Patris Verbum, quo debet homo fieri sapiens secundum Deum. Quartò, quia hæc vnio fiebat ad constituendos homines filios Dei: quod conuenienter fit per naturalem Dei filium. Quintò, quia vnio fiebat in remediũ peccati primi parentis, & contra illud. Atqui remedium debet corrigere malum, contra quod adhibetur. Fuit ergo conueniens, vt per Verbum veræ sapientiæ reduceretur ad Deum homo, qui per inordinatam sciendi cupiditatem recesserat à Deo. Addi sextò potest, quia fiebat vnio, vt esset mediator inter Deum, & homines, conueniens fuisse vnire secundam personam, quæ media est inter Patrem, & Spiritum sanctum.

9.

His rationibus ostenditur fuisse valde conueniens vt Filius incarnaretur: non tamen euidenter conuincitur fuisse conuenientius, vt Filius incarnaretur potius quam Pater, aut Spiritus S. Neque si Pater, aut Spiritus sanctus, incarnatus fuisset, deessent magnæ rationes conuenientiæ, quæ possunt facile cogitanti occurrere. Probabile tamẽ est, quod S. Th. art. cit. & alij plerique docent, fuisse specialem, & maiorem conuenientiam in incarnatione, prout reipsa facta est. Idque suadent probabiliter rationes modò allatæ simul suprà. Quibus adde, minus decuisse Patrem incarnari: tum propter auctoritatem originis, ob quam etiam est incapax Missionis: tum etiam quia per assumptionem naturæ creatæ necessarium erat, vt qui naturam assumeret, fieret aliquid, sicut Verbum caro factum est. At fieri minus conuenit Patri, quoniam est expers originis. Conuenit autem Filio: quia tamen si Filius, vt tantum diuinus, & æternus, non fit propriè: tamen oritur, & generatur, quod aliquam habet similitudinẽ specialem ad id, quod est fieri. Minus etiam decuisset Spiritum S. incarnari, quàm Filium, quia conuenientius fuit vt naceretur in tempore ex Matre, ille qui natus erat ab æterno ex Patre: & per generationem temporalem idem esset filius, vt Christus, qui vt Verbum erat Filius per æternam generationem. Deinde oportebat, vt qui naturam creatam assumeret, esset Dux, & Rector, & Legislatores, & Sacerdos, & Imperator ijs, qui salui futuri erant: & vt esset Dei nuncius, & interpretes ad creaturas: quæ omnia minus conueniebant primæ personæ, quæ est principium sine principio. Etenim supremo minus conuenit, vt sit nuncius, interpres, Sacerdos

&c. Sed conuenit personæ habenti principium & maxime Verbo: quia Verbi est nunciare, regere, imperare, impetrare, interpretari, & similia. Plura de his S. Leo in sermonibus de Natiuit. & de Passione Domini. S. August. lib. 13. de Trinit. cap. 10. & seqq. S. Damasc. lib. 3. de fide cap. 1. S. Anselm. lib. de Incar. Verbi, & in libris *Cur Deus homo.*

SECTIO II.

An necessarium absolute fuerit Deum incarnari?

10.

Status
questio-
nis.

Suppono primò necessarium hic propriè sumi pro eo scilicet, quod non potest nõ esse, siue absolute, siue ex hypothese alicuius finis: non autem impropriè pro conuenienti, vel ad melius esse. Suppono 2. Incarnationem in presenti latius accipi, pro quacumque assumptione naturæ creatæ, siue humanæ, siue Angelicæ, aut alterius: & siue à Filio, siue à Patre, siue à Spiritu sancto seorsim, vel ab omnibus simul, secundum communem essentiam, aut substantiam, si quæ datur, aut secundum proprias cuiusque hypostases.

His præsuppositis, Respondeo Incarnationem non fuisse simpliciter, & absolute necessariam, quasi Deus ab illa abstinere omnino nequiverit. Probatum primò ex Scriptura; quæ affirmat Deum omnia extra se operari secundum consilium voluntatis suæ. Ephes. 1. v. 11. Operari autem secundum consilium, est operari ex libertate, & indifferentia: nam frustra consuleret, qui esset naturaliter ad vnum determinatus. Item, Scriptura Psal. 113. v. 3. & Psal. 134. v. 6. & alibi passim affirmat Deum fecisse omnia quæcunq; voluit, & quia voluit: id est, quæcunq; liberè elegit, & quia sic elegit. Nam si fecisset ex necessitate; dicendus esset fecisse quæcunq; potuit, & quia ad hoc determinatus fuit naturali necessitate. Confirmatur, quia de productionibus ad intra, quibus Filius, & Spiritus S. producitur, Scriptura nunquam simili modo loquitur. Neq; voluntas operantis aptè redditur pro causa illius effectus, qui ex naturali necessitate habet originem. Neq; enim propriè talem effectum producit, quia vult: sed quia ad illum producendum est necessitatus, siue naturali inclinatione, siue aliunde. Sanè de ijs, quæ fiunt ex affectu concupiscentiæ non libero, Paulus sic loquitur: *Non quod volo bonum, hoc facio, sed quod nolo malum, hoc ago.* Rom. 7. v. 19. Denique Scriptura passim cum de incarnatione loquitur, liberam in ea Dei charitatem, misericordiam, & dignationem commendat: Ioan. 3. v. 16. *Sic Deus dilexit mundum, vt Filium suum unigenitum daret.* Tit. 3. v. 5. *Qui secundum misericordiam suam saluos nos fecit &c.* Heb. 2. v. 16. *Nusquam Angelos apprehendit, sed semen Abraham apprehendit.*

Incarnatio
non fuit
necessaria
absolute.

Probatum secundò ratione à priori: quia libertas in operando circa non sibi necessaria, vel non summè bona, est perfectio excellentissima viæ intellectualis, per quam agens

11.

elicitam infinitam : & Beati habent ~~hanc~~ quidem cognitionem Dei , vt boni infiniti , & puri ab omni malo , quemadmodum fatetur idem auctor in fine num. 49. Neque tamen habent inclinationem elicitam infinitam. Nam actus non excedit potentiam. Atqui potentia Beatorum ad eliciendos quosuis actus est finita , nec vllus Beatorum tam ardentem fertur in Deum inclinationem elicita , siue amore beatifico , vt non possit magis , absolute loquendo. Tertiò , non est verum Deum non habere inclinationem elicitam formaliter infinitam ad Incarnationem , si propriè sumatur inclinatio elicita. Etenim amor formaliter infinitus est inclinatio formaliter infinita , propriè loquendo : siue sit tantum amor complacentiæ , seu beneplaciti : siue etiam efficacis. Atqui Deus amat Incarnationem amore formaliter infinito , quia amat amore proportionato tanto obiecto. Obiectum verò illud est infinitè bonum. Sic etiam Deus amat amore infinito Christi merita , & si quæ alia sunt bona creata infinita , existentia , vel possibilis.

16.
Tertia ob-
iectio.

Obijciens tertiò : Deus se amat necessariò amore infinito , & quo maior esse non potest : ergo eodem pondere fertur ad quærendam in omnibus maiorem suam gloriam. Maior autem est Dei gloria in Incarnatione exequenda , quam in non-Incarnatione : ergo necessariò amat , & vult exequi Incarnationem. Antecedens , quòd scilicet Deus se amet infinitè , & perfectissimè notum est. Consequentia verò probatur : quia amare aliquem est velle ei bonum. Gloria autem Dei extrinseca est aliquod Dei bonum : & maior gloria est maius bonum. Qui verò diligit aliquem perfectissimè , ita vt amplius non possit : ex necessitate talis amoris vult illi , & procurat optima quæ potest : alioqui non amaret perfectissimè , & posset crescere in amore. Confirmatur , quia si aliquis se summè amaret , & quantum posset : vellet efficaciter quidquid sibi optimum esse cognosceret.

17.
Deus non
se amat
omni mo-
do quanti
potest.

Sed huic argumento iam alibi respondimus , tom. I. disp. 13. n. 40. Deum se summè amare intensiue , sed non extensiue , quoad opera liberè creata in suam gloriam : posset enim creare plura , & plura in infinitum. Et nihilominus Deum se amare perfectissimè simpliciter : quia amor essentialis , quo se amat necessariò , continet eminenter perfectissimè omnes perfectiones actuum liberorum , qui circa obiecta creata extendi possunt magis , & magis in infinitum. Vnde etiam Deus non crescit in perfectione simpliciter , ex eo quòd habeat eiusmodi actus liberos : & non decrederet , si eos non haberet. Ad confirmationem Respondeo primò , differentià esse : quia talis creatura non cõtineret eminenter , quidquid potest extra se desiderare : sicut Deus continet eminenter perfectissimè , quidquid extra se velle potest , & amare propter se. Deinde dico non esse necessarium , vt quamuis aliquis summè intensiue se amet , velit sibi efficaciter quidquid sibi melius est , si non sit illi necessarium ; & extensiue etiam se amet ,

quantum potest. Idemque sentiendum est de amore erga alterum. Sic enim beati , licet intensiue ament Deum necessariò , quantum possunt , iuxta mensuram luminis gloriæ , & habitus charitatis , quem habent : non tamen extensiue , ita vt velint efficaciter , quidquid ob Dei amorem velle possunt , & referre ad eius gloriam : sed liberè se habent circa obiecta beatitudini suæ non necessaria.

SECTIO III.

*Utrum Incarnatio fuerit necessaria ex
hypothesi creationis aut peccati?*

Dico primò , Incarnationem non fuisse Deo necessariam ex suppositione quòd mundum creare voluerit. Hæc conclusio certa est , & communis Theologorum contra Lullium , qui , vt refert Vasq. disp. I. nu. 10. existimauit Incarnationem fuisse Deo necessariam ex suppositione , quòd mundum creare voluerit. Quia , inquit , supposito quòd Deus aliquid extra se producere constituit , non potuit non eligere , quod optimū erat in eo genere : alioquin non fuisset perfectus artifex. Atqui in hac rerum vniuersitate , quam Deus facere decreuit , optimum est Incarnatio , & sine illa Vniuersum non esset perfectum , illi enim deesset gradus entis creati nobilissimus.

18.
Incarnatio
non fuit
necessaria
ex hypo-
thesi crea-
tionis mū-
di.

Sed hoc argumentum est debilissimum. Deus enim est liber artifex , quantumvis summus , atque perfectissimus : neque necessariò eligit , quod optimum , aut quod melius est , vt sect. præcedenti ostendimus. Poruitque sine dubio perfectius aliquid creare , quam creauit. Imò potest in infinitum creare perfectiora in specie , vel in indiuiduo , absque vllò vltimo , & perfectissimo : quia eius essentia , & perfectio infinita est : potestque à creaturis in infinitum magis , ac magis participari. Atque ita posset naturas etiam intellectuales perfectiores in infinitum creare , quibus vni-
retur. Quæ vnio esset in specie perfectior ex parte naturæ assumptæ : & quodammodo amplior , siue intensior virtualiter , ob maiorem capacitatem obedientialem naturæ perfectioris. Quamuis autem Deus non statuisset Verbum incarnare , aut quidquid aliud supernaturale producere ; Vniuersum esset aliunde perfectum in suo genere , id est , in ordine naturali , complectens omnes , aut sufficientes gradus ordinis naturalis. Aliunde verò omnes Dei operationes ad extra , sunt absolute liberae. Et Deus mundum liberè creauit , nõ quàm perfectissimum potuit , sed quantum voluit. Denique inter Incarnationem , seu Verbum Incarnatum , id est , Christum , & reliquas patres Vniuersi nulla est connexio essentialis , ita vt sine illo creari nequiverint.

Dico secundò , non fuisse quoque necessariam Incarnationem ex suppositione lapsus hominis in peccatum , & in seruitutem diaboli. Quasi Deus non potuerit non velle hominem reparare : neque potuerit aliter ipsum è peccato erueri. Probatur primò ex Scri-

19.
Incarnatio
non fuit
necessaria
ex hypo-
thesi lap-
sus homi-
nis in pec-
catum.

actus iustitiæ. Ac vice versa, ut concipiatur in Deo perfectio actus iustitiæ, non est necesse concipere perfectionem actus charitatis, aut misericordiæ. Ex quo etiam fit, ut huiusmodi perfectiones ita præcisè spectatæ secundum correspondentiam & æquivalentiam ad perfectiones creaturarum, quibus cum comparantur, non sint æqualis perfectionis inter se: quia æqualitas illa perfectionum est impertinens ad hanc comparisonem: & iuxta doctrinam D. Thom. a. cit. quando per mentem distinguuntur attributa diuina, non plus de diuina perfectione accipiendum est, quam necessarium sit, ut hoc vel illud attributum correspondeat tali, vel tali perfectioni creaturarum. Ut autem respondeat vni perfectioni minori, non est necesse concipere totam essentiam, & perfectionem diuinam, neque illam, per quam respondet maiori alteri perfectioni: neque re ipsa tam perfectè concipitur formaliter, & expressè essentia diuina, quando concipitur solum, & præcisè, ut respondens minori alicui perfectioni creaturæ, sed identicè tantum, ut concedit ibidem Delugo. Itaque conceptus tam formalis, quam obiectiuus, quem de Deo habemus prout exercet actum iustitiæ, non est æqualis perfectionis cum eo, quem habemus de Deo prout exercet actum misericordiæ, vel charitatis: sicut in creaturis actus illi distincti non sunt æqualis perfectionis inter se.

25.

Deinde actus Dei liberi & morales, de quibus nunc loquimur, spectati secundum moralem perfectionem, & specialem laudabilitatem, quam habent in genere moris, debent attendi ex eo, quod in illis liberum est, id est, ex libera tendentia principii operantis, ad obiectum honesto, & conuenienti modo: & non ex eo solum, quod necessariò identificentur essentia diuinæ, posito quod sint. Sicut autem in creaturis tendentia libera ad obiecta honestè appetibilia, eò perfectior, & laudabilior est, ceteris paribus, quod maior est honestas obiecti, secundum quam apponitur: unde actus charitatis v. g. est perfectior, & laudabilior actu iustitiæ: Sic actus Dei liberi metaphysicè, & præcisè spectati, eò sunt perfectiores, quod tendunt in obiecta magis appetibilia, & ex motiuo virtutis nobilioris. Confirmatur: quia in Deo sunt actus virtutum diuersarum, qui passim illi tribuuntur in Scriptura. Atqui in creaturis actus realiter distincti virtutum diuersarum, sunt perfectione impares, ob inæqualitatem honestatis obiectorum, in quæ tendunt, & modi in illa tendendi. Ergo in Deo actus diuersarum virtutum sunt etiam virtualiter impares, sicut sunt virtualiter distincti per æquivalentiam, & correspondentiam ad actus virtutum diuersos creaturæ voluntatis.

26.

Occurritur obiectuoni.

Nec obest, quod opponit auctor citatus, omnes illos actus identificari realiter inter se, & cum essentia diuina. Nam ex eo non sequitur esse pares perfectione, prout virtualiter distinguuntur inter se, & præcisè concipiuntur. Sicut ex. gr. vis intelligendi, & vis volen-

di, identificantur inter se, & cum anima rationali, iuxta veriorē sententiam: & vis ratiocinandi, sentiendi, & vegetandi, prout se tenet ex parte animæ, identificatur cum ipsa: & tamen perfectio intelligendi est maior quàm perfectio volendi: & perfectio virtutis ratiocinandi est maior quàm perfectio virtutis vegetandi, aut sentiendi. Item actus diuini essentialis sine diuino sunt perfectiores actibus liberis & contingentibus. Quis enim neget actum, quo Deus se essentialiter, & absoluta necessitate intelligit, & manifeste nobiliorem actu, quo liberè vult musicam producere, & eam existentem intuetur? Et tamen vtrique identificantur inter se, & cum essentia. Est quoque manifestum tendentiam actus essentialis ad suum obiectum, quæ absoluta, & simpliciter est necessaria, esse perfectiorem habitudine libera actuum Dei contingentium ad obiecta creata, quæ habitudine potuit non esse. Nam quod est necessarium absoluta necessitate, ita ut vi suæ perfectionis non possit non esse, est perfectius, ut sic, eo, quod est, contingens, & ex vi suæ propriæ rationis potest non esse. Et tamen vtrique habitudine, tam actuum necessariorum Dei, quàm contingentium, & liberorum identificatur cum essentia. Ergo non bene infertur actus morales, & liberos diuinæ voluntatis esse omnes æqualis perfectionis, ex eo quod identificentur realiter inter se, & cum essentia. Plura aduersus hanc sententiam diximus 1. p. disp. 3. sect. 10. vbi aliis eius argumentis respondimus.

SECTIO IV.

Queritur Incarnatio necessaria ex suppositione quod Deus condignam satisfactionem pro peccato mortali exigere voluerit

Respōdeo affirmatiuè, sup̄ta Incarnatione generalius pro assumptione naturæ intellectualis creaturæ: alioqui enim sufficiebat assumi angelicam, aut quacūq; aliam intellectualem à quacūq; persona diuina. Ita S. Tho. q. 1. a. 2. ad 2. & Theologi communiter, ut testantur Suar. disp. 4. de Incarn. sect. 2. assert. 3. Delugo disp. 5. n. 2. Aegid. Conin. disp. 10. de Pœnitentia dub. 2. & alij. Quare, quod ait idem Suar. lib. 7. de Gratia cap. 14. nu. 40. Theologos docere, iustos posse facere opus de se satisfactorium ad æqualitatem iustitiæ pro culpa: si de mortali intelligit, ad aliquos restringendum est, quos refert Vasq. disp. 2. cap. 1. affirmantes, hominem perfectè satisfacere per contritionem, aut dilectionem supernaturalem, quia tanta in hoc actu est bonitas, quanta fuit malitia peccati. Quod fundamentum infra euertemus disputando contra Vasquem.

Idem etiam docent omnes sancti Patres, ut testantur Aegid. supra, & Suar. disp. 4. sect.

D 2

27.

Conclusio: affirmatiua.

Probat
ex consensu
SS. Patrum.

2. assert. 3. ubi affirmat hanc esse vniuersalem sanctorum Patrum traditionem. Eorum plurima testimonia legi possunt ibid. & apud Valq. disp. 4. cap. 3. & Valent. q. 1. punct. 5. quæsitio 3. Atque hoc est primum, & præcipuum huius sententiæ fundamentum, nempe consensus SS. Patrum affirmantium necessariam fuisse Incarnationem ad perfectam redemptionem generis humani, quia non poterat purus homo, vel alia pura creatura condignè satisfacere, id est, satisfactionem exhibere planè, & perfectè adæquantem offensam à primo parente commissam, & originaliter ad posteros transmissam, vel alias offensas mortales, à se, vel ab alio quocunque admissas. Non poterat, inquam vlla, pura creatura condignè satisfacere, siue pro suo peccato mortali, siue pro alieno.

Prima ratio, quia non possunt Deo condignè gratias agere, non satisfacit.

Valde tamen laborant Theologi in assignanda ratione huius impotentie. Ac primò, Durand. in 4. dist. 15. q. 1. Maior. dist. 14. q. 2. ad 3. dubium, in fine q. & Almain. dist. 15. q. 1. a. 2. hanc rationem reddunt. Non minor est impotentia, vel obligatio satisfaciendi Deo pro peccatis in eum commissis, quam reddendi illi gratias pro beneficiis ab eo acceptis. Atqui pro beneficiis nulla pura creatura potest gratias condignas Deo reddere. Ergo neque pro peccatis condignè satisfacere.

29.

Sed responderi facile potest, differentiam esse: quia qui gratias Deo reddit, nouum ab illo beneficium accipit: ipsa enim actio reddendi gratias fit Dei beneficio, pro quo etiam debetur Deo noua gratiarum actio. Vnde per ipsam gratiarum actionem crescit, & extenditur obligatio gratitudinis erga Deum. Ideoque mirum non est, si nunquam possit per gratiarum actionem exhaustiri. At ille qui satisfacit pro peccatis commissis, non contrahit nouum peccatū, pro quo noua debeatur satisfactio: neque auget, vel extendit eorum reatum, sed minuit, vel penitus tollit: vnde potest condignè satisfacere, si nihil aliud obstat.

2. Ratio Almaini.

Huic infirmæ rationi aliam addit Almain. æque debilem, loco sup. cit. Nemo, inquit, potest condignè satisfacere Principi, aut reip. pro offensa, quā mortem corporis meretur. Ergo neque potest homo satisfacere Deo pro offensa, quā meretur mortem animæ. Item, homo per peccatum mortale meretur penam æternam duratione infinitam. At nihil potest soluere condignum tali pœna: ergo non potest condignè satisfacere.

30.

Respondeo, antecedens primi argumenti non esse verum. Potest enim aliquis tanto beneficio afficere principem aut reip. vt secundum prudentem hominum æstimationem censeatur compensasse offensam, quā mortē corporis meruerat: sicut non raro obtinent aliqui ab ea liberari merito suo. Puta, qui per insignem victoriā, & facinora egregia, principem, aut reip. ab imminenti ruina liberant, bonisque ingentibus eam cumulant. Ad secundum dico, Almainum parum sibi cohærentem, cum dicit peccatorem non posse quip-

piam condignam pœna æterna soluere: & ratio men affirmat ibid. contritionem, aut dilectionem supernaturalem, quā peccator se disponit ad iustificationem, esse æqualem offensæ. Nam si est æqualis offensæ: ergo & pœna, quæ non est maior offensa, Deus enim non punit supra condignum. Nec valet quod responderet Almainus, deberi pro peccato mortali pœnam æternam, ad quam obligat peccatum mortale, & non deberi actum contritionis, aut dilectionis, quia ad eum non obligat: idèque peccatorem non satisfacere, quia non reddit illud ipsum quod debet: sicut ille non satisfaceret, qui redderet pecuniam pro equo ablato, extante adhuc in indiuiduo. Etenim peccatum ex natura sua obligat peccatorem ad penitendum, & satisfaciendum Deo, si possit, æque ac ad pœnam. Deinde ad condignitatem, seu æqualitatem inter offensam, & satisfactionem, nihil refert, quod hæc, aut illa satisfactio debeatur, aut non debeatur. Petitur enim illa æqualitas ex valore satisfactionis, qui non decrescit ex eo, quod non debeatur. Quod si ad condignè satisfaciendum non sufficit reddere actionem æquivalentem offensæ, sed necessarium est pœnam debitam soluere: ergo ne Christus quidem condignè satisfecit, quia non soluit ipsammet pœnam à peccatore debitam.

Tertiò, Ioan. Med. cod. de Satisfact. qu. 1. 5. Pro quo etiam facit, & quidam alij affirmant huius impotentie rationem esse, quia quid faciat pura creatura in satisfactionem offensæ mortalis, necessarium est accedere Dei condonatione, vt offensa tollatur. Addūt non posse condignè satisfieri per eas actiones, quæ vel debentur alio titulo, vel possunt alio titulo exigi. Condonatio enim quædam est, & relaxatio iuris, quando acceptatur loco satisfactionis illud, quod alio titulo debetur offenso, vel iuste potest ab illo exigi alio titulo. At omnes actiones puræ creaturæ, vel debentur, vel exigi possunt, à Deo alio titulo, puta, religionis, vel gratitudinis, vel obedientie, & similibus. Non potest autem quis satisfacere nisi per aliquam actionem. Satisfacere enim est, facere quantum satis est: & satisfactio in eo differt à satisfatione, quod hæc in passionē consistat, illa in actione.

Respondeo, dummodo actio æqualis offensæ exhibeatur, non obesse condignitati satisfactionis, quod sit opus illam à Deo libere acceptari: neque etiam quod exigi possit à Deo alio titulo. Alioqui nec Christus ipse condignè satisfecisset, quia in eius satisfactione hæc duo reperiuntur, vt patet inferius sect. 10. num. 104. 105. 106. 108. & sequentibus.

Quartò, eruditus quidam recentior disput. 5. de Incarn. sect. 4. & 8. censet puram creaturam non posse condignè satisfacere pro peccato suo mortali, neque pro alieno, quia secundum rectam rationem id necessarium est ad arcendos homines à tanta culpa. Sicut, inquit, peccatum mortale, quamuis sit offensa finita, punitur

317
3. Ratio Meduz.

323
4. Ratio æquæ insufficientis.

tamen poena infinitae durationis, quia tanta poena necessaria est secundum rectam gubernationem, ut homines ab illa committenda deterreantur. Alioquin enim vilesceret, & faciliteretur offensa.

Sed contra: primo, hæc opinio facit impotentiam satisfaciendi oriri, non ex eo quod offensa sit per se, & ab intrinseco inæqualis satisfactioni puræ creaturæ, propter suæ malitiæ gravitatem, quemadmodum docent SS. Patres, sed ab extrinseca lege diuina, quâ Deus statuit non acceptare satisfactionem puræ creaturæ, propter incommoda, quæ inde sequerentur, quia scilicet vilesceret, & faciliteretur offensa. Alioquin enim, si offensa est finita, ut ait auctor citatus; non est cur ab intrinseco, & ex natura rei, abstrahendo ab inconuenienti extrinseco, non possit expiari poenâ finitâ, & non possit ei satisfieri per obsequia, quibus Deus offensus, condignè, & pro merito rationabiliter placari debeat. Nec valet, quod ille respondet, æqualitatem poenæ cum delicto, & satisfactionis cum offensa, intrinsecè respicere sufficientiam, quam habet illa poena vel satisfactio ad deterrendum ab ea culpa, & necessitatem præcauendi, & deterrendi homines ab eadem culpa; quibus omnibus pensatis dicitur aliqua poena, vel satisfactio digna, & æqualis, nec sine tali satisfactione placatur condignè offensus. Hoc, inquam, non valet, quia vel sermo est de poena, & satisfactione quæ per se, & ex natura rei necessaria est, ut homines sufficienter deterreantur à culpa: vel de illa quæ etiâ per accidens, ex malitia, vel fragilitate hominum. Si primum: ad hoc sufficit poena, vel satisfactio peccato proportionata ab intrinseco, id est, per se tanta, quanta fuit offensa. Si secundum: ergo etiam peccatum veniale ab intrinseco, esset dignum tanta poena, & satisfactione, ut poena æterna puniretur: & nulla pura creatura posset pro eo satisfacere: Quod est falsum, & contra communem sensum Theologorum. Secundò, prudens gubernatio non postulat ut puniantur crimina ultra condignum, id est, ultra poenam eis de se proportionatam. Quamvis per accidens ex malitia hominum, vel fragilitate, non satis alii deterreantur, sed plures sæpius eadem peccata committant. Alioqui deberent magistratus punire extremo & grauissimo supplicio omnia peccata grauiâ contra bonum commune admissa. Tertiò, ne quidem homines satis efficaciter deterrentur à peccato mortali, per hoc quod poena æterna sit illi à Deo statuta, quòdque Deus nullius puræ creaturæ satisfactione pro illo acceptare voluerit. Atque apud multos vilescit, & facilitatur offensa ipse venia per Christi merita, ope Sacramentorum, facile consequendâ. Quare pariter dici posset peccatum mortale esse condignum ab intrinseco, ut ne quidē Christus condignè pro eo satisfacere potuerit, utque Deus decreuerit veniam numquam dare, nullaque ratione conciliari peccatoribus. Quartò denique, vel auctor cit. vel poenam & satisfac-

tionem proportionatam ab intrinseco illam esse, quâ opus est, ut homines summè deterreantur à tali culpa; vel ut solum, quantum est opus ex natura rei. Si primum: ergo mors repentina peccantis mortaliter, & damnatio statim secuta, poenæque longè grauior intensiue, deberetur peccato mortali. Si secundo: sufficit poena æqualis offensæ in se spectata, semotis inconuenientibus extrinsecis, quibus alia via prouideri potest: idque offensio debet sufficere, quod ei aliter præcaueatur.

Quintò, Gab. Valsq. disp. 2. c. 5. & Mærat. cum secutus disp. 3. sect. 7. dicunt, rationem cur pura creatura non possit pro suo peccato mortali satisfacere condigne, hanc vnicam esse, quia peccator non potest satisfacere pro toto debito peccati, sed ut satisfaciatur, necesse est ut prius illi remittatur aliquod debitum ex peccato contractum. Nimirum debitum carendi præueniente auxilio congruo per sanctam inspirationem, & cogitationem. Nam sine tali inspiratione non potest homo inchoare opus satisfactionis, nempe contritionis, aut dilectionis supernaturalis. Ergo necessarium est: ut prius illud debitum remittatur, quàm homo pro peccato satisfaciatur. Ergo non potest compensare omnem partem debiti, sed necessarium est, ut præcedat remissio cuiusdam partis debiti, quæ fit cum homini datur sancta cogitatio, cuius carentiam meruerat per peccatum, iuxta doctrinam Cælestini Papæ, Prosperi, Pulgentii, & Bernardi, quos Valsques ibi citat. Vnde licet post talem cogitationem homo satisfaciatur ad æqualitatem pro reliqua parte debiti nondum remissa: nihilominus non satisfaciatur ad æqualitatem pro toto debito peccati. Porro satisfacere peccatorem æqualiter pro reliquo debito peccati, probant auctores citati. Primò, quia tanta est bonitas actus perfectæ contritionis, aut dilectionis supernaturalis, quanta est malitia peccati mortalis. Tam enim perfectè, imò perfectius ad Deum conuertit, & auertit à creatura; quàm peccatum mortale à Deo auerterat, & conuerterat ad creaturam. Tunc autem alicui condignè satisficit, quando pro malo illato, bonum non inferius, aut etiam maius rependitur. Secundò, quia dilectio supernaturalis, vel contritio perfectæ charitate, id est, propter Deum summè dilectum, absque vlla alia forma nobis inhærente, & absque vlla acceptione, & fauore Dei ipsi addito, potest constituere hominem iustum apud Deum: ac proinde eum mundare à macula peccati. Ergo est suapte natura sufficiens, pro delenda culpa, & homine iustificando. Hoc autem sufficit ad condignam, & æqualem satisfactionem pro culpa. Nam quamvis non omnis forma, quæ suapte natura delet culpam, & ab ea iustificat, possit dici condigna satisfactio, quia reuera non est satisfactio: nempe habitus ipse iustitiæ, seu gratia sanctificantis: eo quod cum non sit operatio nostra, non potest dici satisfactio. Tamen omne opus nostrum, quod suapte natura delet

33.

Quinta ratio
Valsq.

culpam, & ab ea iustificat, rectè dicitur satisfactio condigna. Satisfactio quidem, eò quòd sit actio nostra, ac proinde à nobis fiat: quòd denotatur nomine satisfactio- nis. Condigna verò, quia cum suapte na- tura culpam deleat, & ab ea iustificet: sua bonitate æquat, imò superat malitiam pec- cati.

34.
Impugna-
tur multi-
pliciter.

Sed contra: primò, cum Deus sanctam co- gitatione immitit, non propterea remittit debitum carenti auxilio: quia hoc semper manet, culpa manente, sed tantum gratis facit ne hæc pœna, carere scilicet auxilio, mād- detur executioni. Secundò, debitum illud ca- rendi auxilio, non est culpa ipsa seu pecca- tum, sed potius est effectus peccati: Debemus enim carere auxilio propter peccatum, tan- quam malum meritum talis pœnæ. Et con- firmatur, quia neque est peccatum actua- le, quòd consistit in commissione aut omis- sione libera contra legem Dei: neque habi- tuale, quòd est ipsum met peccatum actuale moraliter manens in ordine ad reddendum Deum rationabiliter aversum à peccatore, vt rectè docet Delugo disp. 5. n. 6. & nos fusius suo loco probauimus in tractatu de Peccatis. Itaque si peccator satisfacit condignè pro reliquo ultra sanctam cogitationem, satisfacit condignè pro peccato, quòd totum ma- net remittendum per contritionem, aut di- lectione Dei supernaturalem, ex opere ope- rantis: vel ex opere operato, per sacramen- ta. Quare pura creatura poterit, per vires sibi datas à Deo, condignè satisfacere pro pecca- to: quòd est contra communem sensum SS. Patrum, & Theologorum, quibus Vasq. ad- hære se profitetur. Imò quia debitum il- lud carenti auxilio finitum est, vt ait Vasq. non apparet, cur non possit aliqua pœna fi- nità compensari, atque ita solui à pura crea- tura totum debitum peccati. Aut saltem posset post iustificationem exercere actus æquivalentes illi debito, quòd minus est, quam residuum, pro quo satisfacit per con- tritionem. Confirmatur, quia aliud est re- mittere peccatum, & aliud remittere pœnam ex toto, vel ex parte. Nam Deus in sacra- mento pœnitentiæ remittit totam culpam, quamvis non totam pœnam remittat. Et in Baptismo remittit totum id, quòd veram, & propriam peccati rationem habet, vt affirmat Trident. sess. 5. can. 5. licet non tollat concu- piscentiam, neque mortem: neque restituat totam iustitiæ originalis rectitudinem per peccatum amissam: quæ sunt pœnæ, vel pœ- nalitates originalis peccati.

Contritio
non satis-
facit æ-
qualiter
pro pecca-
to mortali.

Tertiò, à veritate alienum est, & impro- babile, quòd peccator per contritionem, aut dilectionem supernaturalem satisfaciat æ- qualiter pro reliquo debito peccati. Nam licet physice nobilior sit actus contritionis aut dilectionis supernaturalis, actu peccati, meliusque ad Deum conuertat & auertat à creatura: Moraliter tamen, id est, secundum prudentem æstimationem, parum est homi- nem diligere Deum, aut dolere, quòd ipsum

offenderit. At verò immane quantum est, quòd creatura vilissima infinitam Dei maie- statem per peccatum mortale contempserit. Quis dicat plebeium, qui regem offenderit, crimine læsæ maiestatis, satisfacere æquali- ter eò solo, quòd regem diligit, aut dolet, quòd ipsum offenderit? Quasi verò re- gis tanti intersit amari, & honorari à ple- beio, quòd ipsi perparum est: atque ab ipso affici contumelia, & contemni, quòd grauissi- mum est. Satisfactio decreuit ex indigni- tate satisfaciens, & dignitate eius, cui sa- tisfit. Contrà verò creuit offensa ex vilita- te offendentis, & offensi maiestate.

Quartò, sequeretur ex sententia Vasquis puram creaturam innocentem, & gratia præ- ditam, posse pro peccato mortali aliorum cō- dignè satisfacere, si à Deo institueretur in caput eorum morale, vt ipsius satisfactio eis proderet, quemadmodum Adami peccatum nocuit posteris. At hoc est contra com- munem sententiam SS. Patrum & Theolo- gorum, & contra ipsum Vasquem disp. 4. c. 3. Quod autem Vasques respondet ibid. cap. 5. vnicam rationem, quæ probatur effi- caciter non posse puram creaturam, quan- tumvis innocentem, & Deo gratam, pro pec- cato mortali alterius satisfacere, hanc esse, quia omnis satisfactio puræ creaturæ debet fundari in gratia adoptionis, non enim vllam perfectiorem gratiam potest habere pura creatura: atqui gratia adoptionis, quantum- vis intensa, non potest fundare condignam satisfactionem pro peccato alterius. Nam illa gratia adoptionis esset eiusdem rationis cum gratia, quam modò iusti habent. Nunc autem, vt omnes fatentur, nullus iustus me- retur condignè alteri primam gratiam, vel remissionem peccati, ne quidem venia- lis, quoad culpam, sed tantum meretur sibi augmentum gratiæ, & gloriam: quippe quia gratiæ connaturale est perficere seip- sam, & subiectum, in quo est, non autem ex- traneum: ergo, &c. Hoc, inquam, minimè sa- tisfacit. Nam quòd iusti, & adoptati merean- tur hoc aut illud, non est à sola condignitate operis, sed etiam à Dei institutione, quæ si ad alia quædam se expendisset, non minùs illa mererentur, neque minus habeat proportio- nis iustorum opera cum illis. Ex. gr. tota ra- tio, cur iustus non mereatur perseuerantiam, est defectus institutionis, & promissionis di- uinæ, quæ supposuit merito, non quidquid potuit, sed quidquid voluit. Alioqui enim perseuerantia est aliquid minus, quam vita æterna, quam tamen iusti merentur. Ergo similiter si Deus institueret, vt iustus alteri mereretur æquè, ac sibi, mereretur re ipsa. Ac si meretur sibi vitam æternam, posset al- teri mereri primam vocationem, siue rati- onem, & sanctam cogitationem, quæ multò minus est. Id verò magis le- uem habet in satisfactione, quæ inter homines solet pro vno ab aliis admitti, rati- onemque persona- lis est, quam meritum. Tandem meritum bonum, & satisfactio ex natura sua, non sunt minus

35.

Sequere-
tur ex sen-
tentia
Vasq. pu-
ram crea-
turam
posse sa-
tisfacere
condignè
pro mortali.

apta communicari aliis, quàm peccatum, & demeritum. Ergo sicut peccatum Adæ meruit de condigno posteris mortem æternam, sic meritum vnius posset aliis mereri de condigno gratiam, & vitam æternam.

46. **Contritio** nō est forma delens peccatum naturā suā. Quinto denique, non est verum quod ait Vasquez, contritionē vel dilectionem supernaturalem esse formam ex natura sua delentem, vel potentem delere peccatum, absque vlla alia forma nobis inhirente, vel Dei acceptatione: Sequeretur enim remissionem peccati non esse nouum beneficium post contritionem, aut dilectionem: sed esse naturalem, & necessarium illius effectum, siue in genere causæ formalis, vt mauult Vasq. siue in genere dispositionis naturaliter id exigentis. At hoc est contra Scripturam, & SS. Patres, qui nouum ibi gratiæ beneficium agnoscunt, vt fuse ostendit Suar. partim lib. 7. de Gratia cap. 14. partim disp. 4. de Incarn. sect. 8. & 9. & nos etiam suo loco probauimus in tract. de Gratia. Est etiam cōtra Trident. sess. 6. cap. 8. vbi exponens illud Pauli ad Rom. 3. *Iustificati gratis per gratiam ipsius*, &c. Sic habet: *Gratis iustificari dicimur, quia nihil eorum, quæ iustificationem præcedunt, siue fides, siue opera, ipsam iustificationis gratiam promeretur.* Vbi Concilium per fidem, & opera, intelligit actum fidei supernaturalis, & alia, quæ velut præparationes ad iustificationem enumerauerat cap. 6. inter quæ sunt actus pœnitentiæ, & dilectionis. Et cap. 7. addit: *Hanc dispositionem seu præparationem iustificatio ipsa cōsequitur, quæ non est sola peccatorum remissio, sed & sanctificatio, & renouatio interioris hominis, per voluntariam susceptionem gratiæ, & donorum, &c.* Vnde in ipsa iustificatione, cum remissione peccatorum, hæc omnia simul infusa accipit homo, per Iesum Christum, cui inseritur, fidem, spem, & charitatem. Huc vsque Concilium. Quare quod contritio & dilectio supernaturalis vim aliquam habeant ad iustificandum ex opere operantis, id non est ex sola natura rei, quasi huiusmodi actus formaliter seipsis iustificent, vt putat Vasquez, aut connaturaliter offensam tollant, tanquam satisfactio condigna: sic enim peccatum non remitteretur gratis per contritionem: & post beneficium dandi auxilium, & iuuandi ad contritionem, non esset nouum, & gratuitum beneficium in ipsa remissione peccati, vt docent Patres & Concil. Trident. & Paulus ipse Roman. 3. verbis illis, *Iustificati gratis* &c. iuxta interpretationem Tridentini cap. 8. sess. 6. paulò ante relatam. Quando enim debitum tollitur per integram solutionem, non remittitur gratis, sed ex iustitia definit. Neque offensa tollitur gratis, quando tollitur per condignam & æqualem satisfactionem, quæ illam promeretur: imò tunc nulla est remissio, sed mera solutio. Non habent, inquam, illi actus vim iustificandi ex natura sua sola, sed ex institutione, & acceptatione diuina, cum fundamento congruitatis in re, quatenus Deus conuenienter, & misericorditer acceptat huiusmodi actus (quibus excellentiores

exercere non possumus) velut dispositiones, per quas nobis applicantur merita Christi, & satisfactio eius infinita; cuius inuitu remittitur peccatum, & confertur gratia; ex iustitia quidem, & condignitate, respectu Christi; ex misericordia verò respectu peccatoris, qui nullam propriam actionem condignam, & æqualem offensiæ exhibet, ac proinde non condignè satisfacit, licet dici possit satisfacere de congruo, quatenus exhibet actionem aliquam, qualem, & quantam Deus ab ipso exigit, illamque pro offensa rependit, vt fuis docet, & confirmat Suar. disp. 4. sect. 8. conclusione 4.

Obiicies pro Vasque, contritionem non minùs Deo placere, quàm peccatum mortale ei displicuit: quia per contritionem homo præfert Deum creaturis, ac sibi ipsi; sicut per peccatum mortale Deo prætuleraut seipsum, vel aliam creaturam. Et manifestum id esse videtur in peccatis omissionis. Tantum enim vult Deus carentiam peccati, seu peccatum vitari, quantum odit existentiam peccati, vt ex terminis notum est. Sed posito præcepto amoris Dei v. g. peccatum vitatur per actum dilectionis formaliter loquendo: ergo tantum Deo placet fieri tunc actum dilectionis, quantum ei displicet violatio præcepti, seu peccatum mortale consistens in omissione libera talis actus. Si autem tantum Deo placet dilectio, & contritio, quantum displicet peccatum mortale: ergo satisfacit pro illo, quia ponit quantum sufficit ad Deum condignè placandum pro culpa præterita. Confirmatur, quia tantum meretur præmij contritio, vel dilectio supernaturalis, quantum supplicij meretur peccatum mortale. Illa enim meretur vitam æternam: sicut peccatum mortale mortem æternam. Ergo tantum habet bonitatis moralis contritio, vel dilectio supernaturalis, quantum peccatum habet malitiæ. Hoc argumentum proponit sibi Delugo disp. 5. num. 11.

Cui Respondeo negando primum antecedens. Magis enim displicet Deo peccatum mortale, quàm placeat contritio: quia plus est vilissimam creaturam contemnere infinitam Dei maiestatem, quàm exhibere illi subiectionem, & dolorem pro offensa. Ad secundum dico, Deum physicè loquendo, tantum velle actum præcepti oppositum peccato omissionis, quantum non vult omissionem, vt bene probat obiectio: sed tamen moraliter minùs æstimare actum liberum implendi præceptum, quàm liberam eius omissionem. Parum enim est quod creatura Deo obediat exigenti amorem. At longè æstimabilius est quod creatura audeat id Deo negare cum contemptu, & abiectioe ipsius amicitia. Itaque minùs meretur laudis, qui Deum amat; quàm vituperij, & supplicij is, qui amare omittit, quando grauiter Deus id præcipit. Sic ille qui regem honorare prætermittit, cum debet, plus meretur vituperij; quàm laudis, cum honorem debitum illi reddit. Et qui parentem non interficit, non propterea tantum

37.
Obiectio
difficilis

Contritio
minùs Deo
placet,
quàm pec-
catum ei
displiceat

laude, vel premio, ex eo dignus est; atque supplicio, & opprobrio, si facinus illud horrendum & immane committit. Neque parens, æqualiter æstimat utrumque actum, licet tam velit non interfici, quam vitam suam amat, ac vult non sibi eripi. Ad tertium de merito vitæ æternæ respondebitur sectione sequenti num. 47.

SECTIO V.

Vera sententia, & solutio obiectionum.

38. **R**ecis igitur aliorum sententiis, concludendum est, veram rationem cur pura creatura non possit condignè Deo satisfacere pro peccato mortali siue proprio, siue alieno, esse illam, quam tradit S. Thom. quæst. 1. 2. 2. ad 2. Quia scilicet peccatum mortale est tanta Dei offensa, propter vilitatem offendentis, & maiestatem offensi, ut nullius puræ creaturæ satisfactio ex æquo ei responderi possit: sed omnino necessarium sit Deum esse, qui pro illa condignè satisfaciatur. Quod ut probetur, recolendum est primò id quod diximus tomo 3. disp. 28. de Iustitia, sect. 2. satisfactionem strictè sumptam differre à restitutione: quòd hæc respiciat damnum in rebus illatum ablatione boni, vel illatione mali: sitque vel redditio boni ablati, vel recompensatio mali illi. Etenim bonum, quod iniuste ablatum est, debet reddi. Malum verò iniuste illatum non debet reddi ei cui illatum est, sed potius destrui, & compensari per aliquod bonum. Satisfactio verò respicit offensam, & inhonationem, aut minorem quam par sit æstimationem personæ, in eò quòd contra ius ipsius scienter, & libere cum contemptu aliquo fiat, aut cum defectu reuerentiæ erga personam, & ipsius ius. Quando enim ius alicuius scienter, & libere violatur, ipse quodammodo contemnitur, aut saltem non satis in honore habetur, maxime si ipso præsentè, & scientè violetur: aut si, quod peius est, vis ipsi inferatur. Contemnitur quidem, si fiat aliquid quod graviter offendant, atque amicitiam penitus cum eo dissolvat: minùs verò habetur in honore, si fiat aliquid, quod leuiter displiceat, sed eius amicitiam non destruat.

39. **V**nde secundò fit, ut restitutio respiciat res ipsas, & earum æqualitatem inter se, quæ à quocunque reponatur, restitutio sufficiens est. At satisfactio respicit personas, & earum actiones, prout à talibus personis sunt: ab earumque dignitate, aut vilitate æstimatur. Vnde eadem actio, quæ sufficit ad satisfaciendum, si exhibeatur à persona excellenti; non sufficit, si exhibeatur à vili persona, quia non tanti fit.

Tertio enim, considerandum est eam esse naturam satisfactionis, & offensionis, quam satisfactio respicit: ut satisfactio crescat moraliter ex dignitate satisfaciens, & vilitate

eius, cui satisficit: & contrà, decreascat ex vilitate satisfaciens, & dignitate eius, cui satisficit. At è contrario, offensa crescat moraliter ex vilitate offendentis, & dignitate offensi: decreascat autem ex dignitate offendentis, & vilitate offensi. Quæ omnia constant ex communi hominum sensu, & morali iudicio. Si enim quis plebeium percutiat, minor offensa est, quàm si percuteret nobilem: & si nobilem, minor quàm si regem. Item si rex plebeium iniuste percutiat, minor censetur esse offensa, quàm si plebeius regem percuteret. Et si rex ad satisfaciendum submitteret se plebeio, maior satisfactio esset, quàm si plebeius regi.

Merito autem censetur tanta esse diuina maiestas, ut eius contemptus per peccatum mortale à vilissima creatura commissum, contrahat inde moralem quandam infinitatem, & gravitatem moraliter infinitam, dignam pœna simpliciter infinita, nempe æterna in duratione: eleueturque ad eam speciem moralis infinitatis, ut nulla satisfactio puræ creaturæ possit illi æquari, quemadmodum ipsa maiestas diuina offensa excedit infinitè quidquid creatum est. Vnde non modò puræ creaturæ, quæ sunt re ipsa conditæ, & finitæ, non possunt condignam satisfactionem Deo exhibere: sed neque etiam id posset pura creatura, si quæ daretur infinita, & capax gratiæ infinitæ, atque actionis infinitè bonæ: illa enim, qualiscunque foret, non ascenderet ad illum ordinem, in quo constituitur gravis offensa diuinæ maiestatis: sed propter offensi dignitatem excellentissimè infinitam, & satisfaciens vilitatem à Dei excellentia tantopere distantem, inferiùs consisteret. Qui discursus tum per se ipsum probabilis est bene expendenti Dei maiestatem: tum maximum habet fundamentum in SS. Patribus, qui peccati mortalis gravitatem eo usque extollunt, affirmantque non potuisse nisi personam aliquam diuinam satisfacere. *Tantum fuit peccatum nostrum*, inquit Ambros. in cap. 9. ad Hebr. *ut saluari non possemus aliquando, nisi unigenitus filius Dei moreretur pro nobis*. Et S. Leo Papa serm. 1. de Natiuitate. *Nisi esset Deus verus, non afferret remedium: & nisi esset homo verus, non praberet exemplum*. Et August. in Enchirid. cap. 108. *Neque per ipsum liberamur unum mediatorem Dei, & hominum, Christum Iesum, nisi esset & Deus*. Et Athanas. orat. de Incarnatione Verbi, longè post initium, cum, inquit, *Patris sit Verbum* (Filius Dei supple) *& supra omnes: merito etiam solus omnia recuperare potuit, & idoneus fuit, qui pro omnibus pateretur*. Et Cyrill. Alexand. lib. 1. de Fide ad Reginas, aliquantò post initium, *Pretium pro universorum peccatis nequaquam sat magnum fuisset, si purus homo tantum exstiteret*. Et Basil. in illud Psalm. 48. *Frater non redimit, redimet homo*. Non, inquit, homo nudus, sed homo-Deus Iesus Christus, qui solus pro nobis omnibus propitiationem dare potest, &c. Quid enim usquam tantum momenti est, quod homo poterit dare pro redemptione animæ suæ? Inuentum tamen est unum

etiq. modo contrarior

40.

Offensa gravis contra Deum est infinita moraliter: neque potest ei condignè satisfieri, nisi à persona infinita & diuinæ dignitatis.

Probat: ex Patribus.

pro omnibus simul hominibus dignum pretium: nempe sanctus, & omni pretio superior, pretiosus sanguis Domini nostri Iesu Christi.

41.

Aduersus hæc multa opponit Vasq. disp. 2. cap. 2. & sequentibus: Ac primò contendit peccatum mortale non esse Dei offensam propriè dictam, & contra iustitiam: sed tantum latè & improprie, quatenus Deo displicet, & nos ita malè afficit, vt reddat Dei odio dignos. Vnde non eget satisfactione propriè dicta, & ex iustitia: sed tantum vt tollatur malum, quod in nobis Deo displicet, nosque malè afficit: tollatur, inquam, per actum contrarium, aut formam, quæ nos bene afficiat, & Deo acceptos reddat.

Argumenta
Vatquis ad
probandum
malitiam
peccati
mortalis
non esse
infinitam.

Verum hæc obiectio commodius refutabitur inferiùs, num. 89. & 90. Interea verò urget Vasq. peccatum mortale, qualiscunque offensa sit, non esse offensam infinitam, quoniam, inquit; peccata mortalia sunt inæqualia, non solum in genere malitiæ, sed etiam in ratione offensæ contra Deum: vnde à Deo puniuntur inæqualiter. Ergo peccatum mortale non est infinitum, neque in genere mali, neque in genere offensæ. Vnum enim infinitum in suo genere, non potest esse minus, aut maius alio infinito in eodem genere: alioquin illud, quod minus est, haberet terminum, secundum quem excederetur à maiori: atque ita finitum, & terminatum esset: Deinde malitia peccati finita est, cum non sit aliud, quam priuatio rectitudinis oppositæ; vel positua oppositio cum natura rationali. Nam si vnum oppositorum finitum est, alterum etiam finitum esse debet. At hæc duo extrema sunt finita. Ergo & malitia peccati ipsis opposita est finita. Offensa verò non est aliud, quam ipsa peccati malitia, prout Deo displicet; eiusque legi aduertatur. Quare sicut malitia peccati est finita, ita & offensa. Vterius, licet maior sit offensa in ratione offensæ; quod maior est persona, in quam committitur: inde tamen non sequitur offensam commissam in Deum, qui est infinitus; esse infinitam: nam eodem genere argumentandi probaremus visionem Dei, & dilectionem charitatis erga Deum, esse perfectionis infinitæ. Sicut enim offensa crescit ex dignitate personæ; in quam committitur, & ita quo maior est persona, maior est offensa: sic etiam quauis operatio crescit ex dignitate, & perfectione obiecti: & quod dignius fuerit obiectum, dignior erit perfectiorque operatio. Ergo si liceat inferre, offensam contra Deum infinitam esse: licebit etiam colligere, operationem circa Deum obiectum infinitum; esse infinitam: quod tamen nemo concedit. Igitur argumentatio prædicta nihil concludit. Nimirum quia quando perfectio operationis crescit ex dignitate obiecti, non crescit vniuoce intra idem genus. Et ita cum ascendimus à perfectione finita obiecti ad perfectionem infinitam; non est necesse vt ascendamus à perfectione finita operationis ad infinitam; sed ad aliam perfectionem alterius speciei, & superioris naturæ. Eodem;

que modo philosophandum est in augmento offensæ, quæ dicitur crescere ex dignitate personæ, contra quam fit. Item ex simili argumentandi modo sequeretur peccatum veniale esse offensam infinitam, & non posse pro ea satisfieri condignè à pura creatura: quod est absurdum, & contra communem sententiam. Præterea licet peccatum mortale dignum sit pœna infinita secundum durationem, non propterea est offensa infinita, alioqui merita quoque nostra essent infinita, quia sunt digna vita æterna. Cætera verò quæ afferuntur ad probandam eius infinitatem, nullius sunt momenti. Nam quod aliqui dicunt, peccatum mortale esse malum infinitum, quia pro nullo bono quamuis infinito committendum est; tantum probat peccatum non esse medium conueniens, licetque adhibendum ad vllum bonum consequendum, ne quidem ad vnionem hypostaticam. Et alioqui peccatum veniale esset malum infinitum, quia pro nullo finito committendum est. Quod verò ait Ioan. Med. cod. de satisf. quæst. 1. peccatum mortale esse infinitum, quia est destructiuum Dei ex natura sua, falsum est. Quia peccatum non est ex natura sua destructiuum eius, quod destrui non potest: sicut ignis non est calefactiuus, ex natura sua; Dei vel Angeli, qui non potest calefieri. Et quamuis Deus posset destrui; non destrueretur per peccatum mortale, quod illi extrinsecum est, & malè ipsum intrinsecè non afficit. Ac licet illi tristitiam causaret infinitam, Deus non propterea destrueretur: quia cum sit infinitus, esset illius ferenda capax. Hæc Vasq.

Ad cuius primum argumentum respondent aliqui cum Suarez disp. 4. sect. 7. obiectio 1. Licet peccatum mortale non esset simpliciter infinitum moraliter, sed tantum secundum quid, quatenus scilicet est malum quoddam, & iniuria cuiusdam altioris speciei, & ordinis, quam sit omnis iniuria contra vllam personam creatam, & finitam: nihilominus tantæ grauitatis esse peccatum mortale, eo modo quo infinitum est, vt non possit adæquatè compensari per satisfactionem exhibitam à persona creata: sicut perfectio naturæ humanæ, quamuis finita, non potest adæquari ab vlla specie brutorum in infinitum multiplicabilium.

Verum in hac responsione difficile est intelligere, quomodo si peccatum mortale est offensa simpliciter finita, non possit ei satisfieri condignè, & adæquatè per obsequia finita creaturæ nobilissimæ, Deoque gratissimæ. Etenim res ordinis superioris possunt in æstimatione morali, & valore, æquari per multitudinem rerum inferiorum. Alioquin quilibet actus bonus naturalis mereretur de condigno omnes diuitias, & delicias possibiles naturales. Multò minùs intelligi potest, cur nequeat pura creatura satisfati pro peccato mortali per pœnam finitam. Pœna enim, & culpa sunt commensurabiles, per se loquendo, & cœsentur esse moraliter eiusdem

42.

Solutio
primi ar-
gum. insu-
ficiens.

Nisi pec-
catu mort.
esset mora-
liter infini-
tum, posset
creatura
condignè
satisfacere
aut satis-
pati.

ordinis. Atque ita pura creatura posset exhibere condignam solutionem pro peccato suo mortali, per poenam, aut satisfactionem. Nec valet exemplum de brutis cum specie humana comparatis: quia perfectio cuiuslibet speciei brutorum non crescit ex perfectione aliorum, neque plures species sunt perfectiores, quam una aliqua ex illis. At verò poena crescit arithmetice, sicut, & satisfactio, per additionem intensificationis, aut durationis; aut multitudinis obsequiorum, vel poenarum, quæ pro offensa soluuntur. Sic licet infiniti argentei non æquivalent uni aureo in bonitate materiae, quæ non mutatur, neque crescit ex illa multiplicatione: æquivalent tamen, & superant in valore morali, seu pretio; quippe quod augetur ex tali multitudine.

43.

Neque esset
dignum
poena sic-
ca.

Maiores etiam difficultates sunt in opinione Suaris quomodo peccatum mortale possit condigne puniri poena simpliciter infinita. Nam poena debet esse culpæ proportionata. Ergo offensa, quæ meretur poenam infinitam, debet esse infinita simpliciter. Ergo peccatum mortale est offensa simpliciter infinita, quandoquidem iussu, & condigne punitur poena æterna, quæ infinita est. Quod etiam docent Aegid. Coninx. disput. 10. de Poenit. dub. 2. Hurtad. disp. 9. de Incarnat. sect. 3. Bernal. disp. 4. sect. 3. §. 1. Caiet. & Medin. ad art. 2. quæst. 1. Didac. Aluar. disp. 3. conclus. 3. Ioan. Med. Cod. de Poenit. tract. 1. quæst. 1. alique plures, quibus fauet D. Thom. quæst. 1. art. 1. ad 2. Vbi affirmat peccatum contra Deum commissum habere quandam infinitatem ex infinitate divinæ maiestatis, propter quam necessaria est satisfactio infinita Dei, & hominis. Vbi particula, *Quandam*, additur ad significandum illam infinitatem esse tantum moralem, non physicam: sed non negat esse infinitatem simpliciter: alioquin male inde inferret D. Thom. opus esse satisfactione simpliciter infinita Christi, Dei & hominis. Et 1. 2. qu. 87. art. 4. inc. *Pena*, inquit, *proportionatur culpæ. In peccato autem duo sunt, quorum unum est aversio ab incommutabili bono, quod est infinitum: unde ex hac parte peccatum est infinitum.* Vbi nota primò, D. Thomam hic viurpare vocem, *Infinitum*, sine addito diminuyente. Secundò, non minus ipsum affirmare peccatum mortale esse infinitum ex parte aversionis à Deo, quam affirmat ibidem esse finitum ex parte conversionis ad creaturam: nimirum simpliciter infinitum ex illa parte, sicut ex ista simpliciter finitum est.

44.

Refutantur
alij dicendi
modi.

Neque satisfaciunt argumento allato illi, qui dicunt peccatum mortale puniri poena æterna, quia damnati volunt semper peccare: Etenim id non esset peccatum ipsum mortale puniri poena æterna, sed nova, & nova peccata in æternum continuata. Quod falsum est, quia Deus non punit damnatos propter peccata in inferno commissa, sed tantum propter peccata huius vitæ. Similiter fallun-

tur, qui dicunt peccatum mortale puniri poena æterna, quia non retractatur à damnatis. Vel enim possunt, ac debent retractare, vel non. Si primum: ergo puniuntur propter novum peccatum in inferno commissum. Si secundum: ergo puniuntur, quia non faciunt, quod nec possunt, nec debent facere. Dicere autem, peccatum mortale puniri semper, quia semper manet habitualiter, & quando manet habitualiter est dignum poena, frivolum est: quia si est offensa finita, non potest manere habitualiter in ratione iniuriæ punibilis, postquam poena sufficiens soluta est. Nam omnis iniuria tollitur, vel per remissionem, seu condonationem, vel per condignam solutionem, ab offensa saltem acceptatam. Deus autem acceptat poenam, quam ipsemet exigit, & infligit propter peccatum.

45.

Vera solutio
primi
argum.

Ad argumentum ergo Vasquis in contrarium, sumptum ex inæqualitate peccatorum mortaliū, Respondeo, malitiam peccati, & offensam physicè sumptam, finitam esse: quare in ea potest esse inæqualitas, prout peccata magis, vel minus ex natura sua repugnant rationi, & legi divinæ: licet omnia sint moraliter infinita. Et similiter poena, quæ est intensivè finita, potest esse inæqualis, & maior pro peccatis maioribus: quamvis pro omnibus sit durationis infinita. Sic duo quanta infinita in longitudine, possent esse inæqualia in latitudine, vel in profunditate, in qua finita sunt. Et si essent infinita longitudinis tantum ex una parte, puta versus Orientem, possent esse inæqualia ex altera parte.

Diluitur
secundum

Ad secundum Respondeo, quamvis peccatum mortale sit physicè malitiæ finitum: moraliter tamen, id est, secundum rectam estimationem, esse infinitum, prout est gravis offensa, & contemptus divinæ maiestatis, quæ tanta est, ut supra modum indignum sit eam contemnere. Talem enim de Deo conceptum dant nobis SS. Patres antea citati. Vnde peccatum non tantum constituitur in alia specie, propter Deum indignissimè contemptum: sed verè contrahit moralem infinitatem, ut docet S. Thom. locis supra citatis, id est, prudenter, ac merito æstimatur esse offensa infinita, digna satisfactione, vel poena infinita.

46.

Soluitur
tertium

Ad tertium Respondeo, aliam esse rationem de visione Dei, & amore charitatis, aliisque actibus bonis erga Deum. Nam licet illi ex tali obiecto constituatur in specie nobiliori: non tamen moraliter, id est, secundum prudentem estimationem censentur inde crescere infinitè: quia non tanti est Deum amari, & coli à creatura. Alia quoque est ratio de peccato veniali: quia licet Deum obiectum infinitum respiciat, & Deum totum offendant: non eo tamen modo, ut ipsum contemnat, & amicitiam cum eo dissolvat, ac velut nihili faciat: sed alio leniori modo, qui ad moralem infinitatem non sufficit. Nam hæc levis offensa, quæ humano modo vix possunt

vitari, non sunt magni momenti secundum prudentem æstimationem: ideoque non mirum est, si possit homo iustus pro illis satisfacere condignè per actus supernaturales contritionis, & dilectionis Dei super omnia; ut docent communiter Theologi. Neque nostra argumentatio est, qualem refert Valques: Quò persona est dignior, eò maior est offensata Deus est dignior infinite: ergo offensata contra Deum est infinita. Non inquam sic argumentamur: sed contendimus verum esse quod docent SS. Patres, tantam esse Dei maiestatem, ut eam contemnere sit offensa infinitæ æstimationis, dignaque, cuius gravitas puniatur pœna æterna, vel compensetur satisfactio infinita.

47.

Ad satisfaciendum plus requiritur, quam ad merendum.

Merita nostra non sunt ex se perfectè digna vitæ æternæ.

Harrad.
Ripald.
Bernal.

Ad ultimum de meritis bonis, Respondeo primò, ad satisfaciendum ex opere operantis plus requiri, quam ad merendum. Quia meritum respicit tantum æqualitatem rei ad rem, laboris scilicet ad mercedem. At satisfactio respicit personam, eiusque dignitatem. Secundò, dico differentiam esse, quia peccatum mortale ex natura sua est perfectè dignum pœnæ æternæ. Bona verò iustorum opera non sunt digna vita æterna ex natura sua, per æqualitatem, & condignitatem perfectam. Verissimum enim est illud Apostoli Rom. 8. v. 18. *Non sunt condignæ passionis huius temporis ad futuram gloriam, quæ revelabitur in nobis.* Et 2. Cor. 4. v. 17. *Momentaneum, & leue tribulationis nostræ supra molimur in sublimitate æternam gloriæ ponere ut operatur in nobis.* Atque ita docet Aegid. Con. d. 10. de Pœnitentia dub. 2. nu. 12. & confirmat auctoritate D. Basilii in Pl. 114. dicentis, requiem vitæ æternæ paratam esse legitimè certantibus, non secundum debitum operum reddendam, perfectè scilicet, & ex sola ipsorum natura condignam: sed secundum gratiam munifici Dei. Idem etiam docent Hurtad. disp. 9. de Incarn. §. 31. & sequentib. Ripalda, disp. 16. de Ente supernaturali sect. 4. Bernal. disp. 4. de Incarn. sect. 5. ubi plurimos alios ex antiquis, & recentioribus citat, multisque SS. Patrum testimoniis hanc sententiam illustrat. Præcipua sunt, quæ refert ex Athan. in vita S. Antonij columna 8. Hilario in Pl. 51. v. 10. August. in Pl. 39. longè ante finem, Fulgent. lib. 1. ad Monimum cap. 10. & ex Conc. Senon. decreto fidei. 16. cuius hæc verba sunt. *Faciet tandem omnis misericordie locum unicuique iuxta meritum operam suorum: non absoluta condignitate quidem (neque enim condignæ sunt passionis huius temporis ad futuram gloriam, quæ revelabitur in nobis) sed gratuita magis, & liberali promissione.* Dicuntur tamen iusti mereri aliquo modo de condigno vitam æternam: tum quia Deus eam promissit bonis illorum operibus, & propter adoptionem dignum aliquo modo est, ut filij diligenter patri obsequentes mereantur ab ipso hæredes institui. Tum etiam quia Christus adiungens sua merita bonis iustorum operibus, atque illa veluti sanguine suo imbuens, ut propter ipsum sint Deo acceptabiliora, atque etiam influens in illa moraliter, & per se illa

dignificans, supplet quodammodo quod illis deest ad perfectam condignitatem: quatenus bona iustorum opera eò sunt æstimabiliora, quòd fiunt à personis tam arctè Christo coniunctis, illique, velut capiti insertis, ut membris eius vivis, & fratribus, ac cohæredibus. Sicque bona iustorum opera parim ab intrinseca dignitate, partim ab extrinseca, obinent condignitatem vitæ æternæ. Sed non sola dignitate intrinseca, & connaturali, sicut peccatum mortale est dignum pœna æterna.

48.

Secunda obiectio.

Secundò, opponit Valq. fallum esse offensam crescere ex excellentia personæ & offensæ, si hoc principium vniuersim intelligatur. Nā furtum contra regem commissum, non est grauius ex illa circumstantia cæteris paribus: imò est leuius, quòd ditori personæ sit. Respondeo, axioma illud, Tantò offensa est grauior, quantò est maior ille qui offenditur, expressè tradi à D. Tho. q. 1. a. 2. ad 2. & verum esse vniuersim, ac per se notum lumine naturali, si intelligatur, non de iniuria, per quam in rebus inæqualitas committitur: nam hæc crescit ex quantitate, vel qualitate rei, in qua damnum consistit: sed de offensa, strictè sumpta, quæ consistit in iniuria, & contemptu, siue inhonoratione personæ. Quò enim dignior est persona quæ offenditur, eò maior est inæqualitas, & disproportion, ideoque maior iniuria. Instantia verò, quæ affertur de furto, non est ad rem. Quia furtum, ut furtum, non est iniuria personalis, sed realis: & ideo ex quantitate rei mensuratur per se loquendo, ut furtum est. Prout verò coniunctum est audaciæ, & irreuerentiæ erga personam, cuius scienter, & libere violatur ius; habet ut sic rationem maioris offensæ, ex conditione personæ, non quòd ditor est, sed quòd excellentior, & digna maiori veneratione. Possetq; pro illa iure exigi maior satisfactio, vel maior pœna, quamvis non soleat exigi, nisi personæ differentia, & irreuerentia sit valde notabilis: ut si furtum fiat circa ipsam personam Regis cui ipsi quippiam surripitur, aut in domo & bonis eius, aut per vim ei, vel ministris eius illatam. Inde enim pecuniarem, & grauem habet malitiam, pertinentem ad offensionem personæ, & maiori pœna dignam: licet furtum non sit maius in ratione furti, neque ad maiorem obliget restitutionem.

Offensa crescit ex dignitate personæ offensæ: secus ac iniuria realis.

49.

Tertia obiectio.

Opponit 3. Valques, fallum pariter esse quod diximus, dignitatem satisfactionis esse sumendam ex persona, quæ satisfacit; si intelligatur ex illa sola pensandam esse in vniuersum, pro quouis genere iniuriæ, & satisfactionis: ideoque personam inferiorem non posse æqualiter satisfacere pro quouis genere offensæ contra personam superiorem. Id enim, inquit, manifestè fallum est, & exemplis humanis perspicuè refelli potest. Nam in iniuriis propriè dictis circa bona fortuna, satisfacit regi, v.g. vilis persona, si reddit quidquid abstulit. In iniuriis circa vitam, aut membra crepta, non potest reddi satisfactio æqualis, quia materia non est capax:

ideoque persona, quamvis dignior, non potest satisfacere ad æqualitatem. In iniuriis verò circa honorem, ut est inter homines verbum contumeliosum, aut percussio ignominiosa, potest quidem conferre ad valorem satisfactionis dignitas satisfaciens, quatenus magni æstimatur personam excellentem submittere se vili personæ: & contra, nihili sit, quod persona vilis se submittat excellenti: non tamen sola dignitas consideranda est, neque est simpliciter necessaria: nam plebeius satisfacit pro contumelia viro nobili illata, si vitam pro illo exponit: ita ut nobilis non possit deinceps meritis illi esse intentus, & amplius ab illo exigere. In iniuriis verò minus propriè dictis, quæ non sunt contra iustitiam, quia nullum damnum inferunt, sed in sola transgressione mandati principis, aut domini consistunt (qualis est offensa, siue iniuria peccati respectu Dei) multò magis fallum est illud principium generaliter sumptum. Quis enim dubitet posse subditum satisfacere regi pro transgressione præcepti, vel luendo pœnam lege impositam, vel obsequia magna exhibendo cum pœnitentia facti, & proposito emendationis? De his quoque offensis non est verum maiorem esse offensam, quò vilior est persona offendens. Nam potius maius est peccatum personæ dignioris transgredientis præceptum diuinum.

50. Respondet, principium illud, Dignitatem satisfactionis sumendam esse ex persona, quæ satisfacit, non esse intelligendum cum exclusionem, quasi non etiam aliunde crescat, aut decreascit satisfactio, & quasi eadem persona non possit inæquales satisfactiones exhibere, modò maiores, modò minores, respectu eiusdem, non obstante eadem conditione personæ: sed est intelligendum cum simplici affirmatione, quæ moraliter euidens est. Quia iuxta communem hominum æstimationem, satisfactio exhibitæ personæ nobili, ab ignobili, per actiones reuerentiæ, & humiliationis, quasi nihil reputatur: exhibitæ verò ab excellenti persona, plurimum æstimatur. Quia nimirum, quando persona inferior se submittit excellentiori, nihil fere illi præstat, cum ex propria conditione teneatur ei subesse. Secus autem quando persona excellentis dignitatis satisfacit. Instantiæ verò à Vasque allatæ solum probant, id non habere locum in restitutione propriè sumpta (de qua non loquimur, & quam Vasques malè confundit cum satisfactione propriè dicta, quæ non respicit damnum, sed offensam personæ, pro qua præcisè, ut sic, debetur satisfactio) vel satisfactionem personæ inferioris posse aliunde crescere, ratione excellentiæ operis, adeò ut adæquet offensam personæ superiori illatam: quod non negamus: sed contendimus, nihil tale à pura creatura præstari posse Deo, æquale offensiæ mortali, iuxta prudentem

æstimationem, & communem sensum SS. Patrum.

Perperam autem supponit Vasques, non deberi propriè satisfactionem nisi ratione alicuius damni, & omnem satisfactionem esse aliquam restitutionem. Nam licet nullum reipia damnum inferatur, adeoque restitutio necessaria non sit: tenetur tamen ad satisfaciendum, vel ad pœnam subeundam, qui voluit iniuste damnum inferre, & personam offendit per contemptum, contumeliam, aut quid simile, nisi offensum tacitè, vel expresse condonet. Neque sufficit, ut qui alterum contumelia affecit, animum mutet, & illum æstimet, ut par est: sed debet amplius satisfacere per aliquam submissionem, vel pœnam debitam pati pro audacia contemnendi personam, & violandi ius illius. Ex gr. qui alium probris, & calumniis affecit coram aliis, non ei fidem habentibus: tenetur tamen satisfacere offenso, licet non teneatur ei restituere honorem, quia non ademit, cum, ut supponimus, illum apud audientes non imminuerit. Et qui in furto apprehenditur, potest ad pœnam, pro audacia violandi, aut conandi violare ius alienum, obligari: vel ad convenientem satisfactionem, putà, ad veniam petendam: tamen si bonum alienum non abstulerit, quippe qui ab auferendo impeditus fuit. Malè quoque supponit Vasques nullum peccatum esse iniustitiam, & iniuriam propriè dictam contra Deum, eo quòd nullo genere peccati ipsum in bonis laderet possumus. Nam ut omittam nos posse Deum laderi in gloria externa, & bona æstimatione apud alios imminuta per hæreses, & blasphemias: quidquid verè, & propriè sit contra ius alicuius, est verè & propriè iniuria, obligatque ad satisfactionem, vel ad pœnam, pro audacia violandi ius. Deus autem habet verum ius ut non offendatur à creaturis, & ut eius mandata obseruentur.

Quod verò ultimo loco dicit Vasq. maius esse peccatum personæ dignioris transgredientis Dei mandatum, verum est communiter. Non quòd cæteris paribus, offensa personæ vilioris, non sit eò grauior, quò persona vilior est: sed quia peccatum dignioris personæ plus crescit aliunde, ratione beneficiorum, quæ à Deo accepit, & ratione scandalii, ac similibus circumstantiarum.

Obiici etiam potest, quòd si aliquis iustus Quis? admisisset infinita peccata venialia, posset obsequi pro illis condignè satisfacere. Et tamen eorum collectivè sumptorum malicia esset infinita. Item creatura infinitæ virtutis posset pati pœnam intensivè infinitam, quæ adæquaretur extensioni durationis infinitæ: vel etiam finita creatura infinities replicata in locis infinitis posset pati unica die pœnam æqualem infinitis diebus æternitatis, vel exercere actus charitatis infinitos, quorum quilibet responderet adæquatè & condignè alicui parti pœnæ æternæ, putà, vnius horæ, aut diei.

51.
Non debetur satisfactio tantum ratione de damni,

52.

Possunt
iustus sa-
tisfacere
pro infini-
tis veniali-
bus?

Ad primum Respōdeo negando antecede-
loquendo de perfecta condignitate, deq; per-
fecta æqualitate satisfactionis: & de iusto nō
in finitibus replicato in locis infinitis, in quib⁹
actus infinitos exerceat, si casus ille possibili
est: vel qui existens ab æterno, & peccans
hucusque venialiter singulis horis, v. g. tem-
poris imaginarii, non eliceret successive æ-
ctus quoq; infinitos, quibus pro infinitis veni-
alibus satisfaceret per partes. Nam citra
huiusmodi suppositiones, de quibus mentio
non fit in prima parte objectionis, talis iustus
nunquam exerceret actum vnum, aut plures
in finitibus bonitatis, quib⁹ æqualiter satisfacere
pro malitia collectivè infinita; id est, non
faceret aliquādo, quantum est satis in rigore
ad æquandam tantā malitiam. Respōdeo 2.
negando paritatem. Nam illa malitia venialium
in finitorum, non attingeret illum gradū infi-
nitatis, in quo est malitia peccati mortalis,
sed infinitè ab eo distaret. Quare licet iustus
satisfacere posset condignè pro tot veniali-
bus: non sequitur posse pariter pro mortali.

§ 3.
Pœna te-
poralis in-
finitè intē-
sa, non æ-
quivaleret
pœnæ infi-
nitæ dura-
tionis.

Ad secundum Respōdeo, pœnam infinitam,
& æternæ durationis non adæquari moraliter,
& æstimativè per pœnam temporalem infi-
nitè intensam. Aeternitas enim pœnæ dam-
natorum plurimum eam auget, & incumbit
quodammodo singulis eius partibus, aggra-
uando. Sicut globus plano insistenti, vno qui-
dem puncto duntaxat illud tangit: sed tamen
totum globi pōdus incumbit plano per illud
punctum. Ad tertium respōdeo, similiter sin-
gulos actus charitatis non respōdere ad æqua-
tē, & condignè, tali parti pœnæ, ut aggrava-
tæ toto pōdere æternitatis illi incumbētis,
& moraliter aggrauantis infinitè.

SECTIO VI.

*An Christus condignè pro peccatis homi-
num satisfecerit?*

§ 4.
Christus
perfectè &
condignè
satisfecit.

Suppono ex D. Thom. q. i. a. 2. ad 2. aliud
esse loqui de satisfactione perfecta secundum
se, & ex valore eius quod retribuitur pro
offensa: & aliud loqui de satisfactione suffi-
cienti tantum ex acceptatione eius, cui satis-
fit: quæ acceptatio potest esse misericordiar,
& liberalitatis, licet id, quod retribuitur, non
sit æquale offensæ. Hoc secundo tantum mo-
do Christum satisfecisse docent Scot. Gabr.
& Almain. in 3. dist. 19. & Ioan. Med. cod.
de Pœnit. tract. 3. q. 1. affirmantes, opera
Christi fuisse ad satisfaciendum sufficientia,
non ex sola ipsorum dignitate, cum fuerint
in se finiti valoris, & insufficientis: sed ab
extrinseca Dei acceptatione, quatenus Deus
voluit illis esse contentus, qui potuisset simi-
liter, quamvis non æquè congruè, opera ali-
cuius puræ creaturæ acceptare.

Sed vera, & communis sententia Theolo-
gorum cum D. Thoma art. cit. est, Christum
condignè, & abundè satisfecisse pro peccatis
Tomus IV.

hominum, ipso suorum operum valore, &
dignitate: ita ut Christus perfectè satisfacere
ret, non solum exhibendo totum id, quod
Deus exigebat, & quo contentus erat: sed
etiam quia opera, quæ exhibuit, ad æqua-
uerunt, imò superauerunt hominum offen-
sas, suo valore & dignitate morali infinita,
quam accipiebant à supposito diuino liberè
seipsum impendente per huiusmodi liberas
operationes in Dei obsequium, atque ad
vilissima demittente ipsius causā: ita ut Deo
plus placuerit tanta submissio, & obedi-
entia, quam displiceant hominum offensæ.

Probatur 1. ex Apostolo ad Rom. 5. v.
25. *Sed non sicut delictum, ita & donum. Si enim
unius delicto multi mortui sunt: multò magis
gratia Dei, & donum in gratia unius homi-
nis Iesu Christi, in plures homines (græcè *plures*
id est, multos,) abundauit.* Et paulò post. *Si
enim unius delicto mors regnauit per unum: mul-
tò magis abundantiam gratiæ, & donationis,
& iustitiæ accipientes, in vitam regnabunt per
unum Iesum Christum.* Quibus verbis, & se-
quentibus videtur Paulus comparare satisfac-
tionem Christi cum peccato Adami: asse-
rereque, quòd sicut Adæ peccatum vim ha-
buit ad perdendum totum genus humanum,
multò magis satisfactio Christi vim habuit
ad illud restaurandum. Atqui peccatum Adæ
vim illam habuit sufficientem, & condignam
ex propria malitia, & non ex sola Dei ac-
ceptione, & constitutione extrinseca, quæ
tantum fuit conditio sine qua non, quatenus
Adam non nocuisset posteris suo peccato, ni-
si à Deo in caput morale omnium constitutus
fuisset: ergo similiter satisfactio Christi fuit
ex proprio valore sufficiens ad redimendum
genus humanum, quamvis de facto non rede-
misisset, nisi in eum finem eius satisfactio ac-
ceptata fuisset à Deo, veluti capitis, & media-
toris hominum. Atq; ita locum illum expo-
nunt Agapetus Papa in epist. ad Antimum.
Leo serm. 12. de Passione, Chrysost. hom. 10.
in epistolam ad Rom. & alii. Verba Chrysost.
hæc sunt. *Si quis propter debitum decem nummorum
in carcerem conijciatur, veniat autem alius, qui
non solum soluat illos nummos, sed etiam innumera
auri talenta largiatur, vinculaque in regalem au-
lam inducat: ita & nobiscum factum est. Multò
enim plura, quam debebamus, Christus pro nobis
soluit; tantòque plura, quantum guttulam exiguam
pelagus excedit immensum.*

Probatur 2. ex eodem Apostolo ad Hebr.
10. vers. 4. *Impossibile enim est sanguine tau-
rorum, & hircorum, auferri peccata: ideo in-
grediens mundum, dixit: Hostiam, & oblatio-
nem nolui, corpus autem adaptaui mihi.* Vbi
quod ait Apostolus impossibile fuisse, intel-
ligendum est de condigna satisfactione: nam
de imperfecta, & sufficienti tantum ex ac-
ceptione, non erat illud impossibile. Quia po-
terat Deus huiusmodi sacrificia ad eum finem ac-
ceptare, licet minus cōueniēter. Paul⁹ autē nō
dicit fuisse minus cōueniēter sed, fuisse impos-
sibile. Vnde meritò D. Cypr. in ser. de ratione
circūcisionis in fine, *Tanta, inquit, dignitatis*

§ 5.
Probatur
ex Scrip-
tura

§ 6.

Redemptoris nostri illa una fuit oblatio, ut una ad tollendum mundi peccata sufficeret. Nota, tanta dignitatis. Et Clemens VI. in extrauag. *Unigenitus*, de penitentis & remissionibus, affirmat, vnicam sanguinis Christi guttā propter vnionem humanitatis cum Verbo pro totius humani generis redemptione sufficere potuisse. Vbi nota quod ait, *Propter vnionem* &c. & non, propter acceptionem Dei gratuitam. Nota præterea Clementem id asserere, ad probandum thesaurū Christi meritorū, & satisfactionum esse infinitum, inexhaustū, & superabundantē. Propter quod etiam vocatur à Psalmista, copiosa redemptio, Psal. 129. Plura in eiusdem sententiæ confirmationem Scripturæ, & Patrū testimonia videri possunt apud Vasq. d. 5. c. 3. & Suar. d. 4. sect. 3. & 4.

57. Probatur ratione. Ratio demū est, quam supra indicauimus, quia scilicet quamuis actiones liberae, quibus Christus satisfecit, essent physice entitatis & perfectionis finitæ, quippe elicite à natura humana, quæ virtutis finitæ est: moraliter tamē erāt infinitæ æstimationis, eò quod fierent à persona diuina, id est, ab humanitate subsistente in Verbo, ita ut essent singulari quodā, & ineffabili modo propriæ ipsius Verbi diuini operationes. Si enim valuit maiestas diuina offēsa tribuere peccato moralem infinitatē: multo magis infinita maiestas satisfaciētis potuit tribuere satisfactioni dignitatē morale infinitam. Aliter enim se habet maiestas satisfaciētis ad satisfactionē, quā maiestas offēsi ad offēsam. Etenim maiestas offēsi extrinsecè tantū attingitur per offēsam. At satisfaciēs impendit intrinsecè suam maiestatem ad satisfaciendū, quando per seipsū satisfacit, & supremā dignitatē extremæ subiecit ignominie, & submissioni. Satisfactio enim, cum sit actio satisfaciētis, includit in suo conceptu intrinsecè ipsum satisfaciētē, qui per seipsū agit, & satisfacit. At verò Deus, cum offēditur, obiectiue tantū se habet, & extrinsecè ad offēsa. Quare si offēsa contrahit nihilominus morale infinitatē, ex maiestate Dei offēsi; multo magis satisfactio Christi traxit morale infinitatē, ex infinita, & planè diuinā maiestate personæ satisfaciētis.

58. Vnde nam valor infinitus satisfactionis Christi? Suarez disp. 4. sect. 4. docet Christi satisfactionem & operationes habuisse moralem illam infinitatem non solum ex eò quod à persona infinita & diuina procedebant: sed etiā quia in illa recipiebantur, & subieciabantur, sicq; quodammodo vniebantur hypostaticè Verbo mediāte humanitate, cui inhærebant. Additq; Suar. infinitatem actū Christi non tam esse sumendam, ex influxu actiui, vel ratione effectus manantis à Christo, quā ex vnione illa personali, quam habent cum Christo, & Verbo. Nā si intelligamus per actionē Christi aliquē effectū ad extra factum: ille ex tali respectu ad Christum non censetur habere infinitum valorem, vel dignitatem: sicut nec habet creatura ex eo quod à Deo producta sit. Tota ergo ratio huius infinitatis consistit in formali vnione, ratione cuius & ipsa persona quodammodo afficitur illis actibus

per naturam hypostaticè sibi vnitam, illosq; afficit, atq; dignificat. Hæc Suar. quæ omnino vera esse non puto. Nam valor moralis meriti, & satisfactionis sumendus est ex influxu libero: ratio enim meriti, & satisfactionis consistit in libertate. At influxus passiuus, ut sic non est liber, sed necessarius posita actione, in qua solum ponēda, vel non ponēda versatur libertas operantis. Ergo valor moralis satisfactionis petendus est ex influxu actiui, prout scilicet opus satisfactoriū liberè procedebat ab operante infinitæ dignitatis, quā in satisfactionem seipsum impendebat, eamque suæ diuinitatis splendore illustrabat. Neque par est ratio de effectu extrinsecò, respectu Christi; & de creatura, respectu Dei. Hæc enim non sunt actus liberi boni & meritorij: sed sunt tantū actū liberorū obiecta, & effectus. Confirmatur ex eodem Suare, qui addit paulò post, passionē Christi, prout erat actus ipsius, habuisse infinitā dignitatē: prout verò erat à crucifigentibus, non habuisse tantā malitiam. Et tamē in Christo æquè recipiebatur, prout erat à crucifigentibus, & Christus in illam passiue influebat: Ergo non est verum quod ait Suar. totam rationem moralis infinitatis consistere in formali vnione actuum; seu receptione in natura vnita Verbo. Nam influxus passiuus neque sufficit, neq; præcipuè dat morale infinitatem.

59. Obiectiones. Dices, humanitatem accipere infinitā dignitatem ex eo solo, quod sit in Verbo: ergo similiter operationes Christi accipiebāt infinitam dignitatem ex eo solum quod essent in Verbo mediāte humanitate. Respondeo, disp. parē esse rationē naturæ, & operationū. Nam dignitas illa naturæ erat per modū actus primi, & sanctificationis habitualis, similis illi, quam habet anima per informationē gratiæ sanctificatis. At dignitas satisfactionis est valor eius moralis, & imputabilis, velut actus secundi laudabilis, & liberi. Qui valor actui nō conuenit, nisi quatenus à suo principio liberè procedit: nā eatenus tantū liber est, & imputabilis. Quare licet actus illi honestaretur plurimū per inhæsiōnem mediātā ad Verbum: tamen valor ille moralis non erat solum, vel præcipuè ab inhæsiōne ut tali, sed erat potius à libera productione personæ diuinæ operantis. Ac si per impossibile fuisset illa productio libera sine inhæsiōne, fuissent nihilominus actus illi liberi infinitæ dignitatis moralis, & imputabilis. Cōtra verò, si solum inhærent abiq; libera productione, nullā haberēt dignitatē morale, & imputabilē, sed aliam honestatē seu dignitatē per modū actus primi. Vnde patet radicē & causā huius moralis dignitatis esse, quod liberè procedat à tali supposito.

60. Altera sententia. Secundo, Vasq. disp. 6. cap. 2. ait se infinitatem illam petere non ex infinita dignitate personæ, additis alijs circumstantijs ex parte operis requisitis ad satisfaciendum; sed ex infinitate dignitatis naturæ humanæ in Verbo, quatenus ab illo propter vnionem accipit infinitam sanctificationem, atque ab ipsa deitate sanctificatur, sicut nos sancti;

Sumi illè debet ex influxu actiui & libero Christi.

Occurrit obiectio.

Alteri sententia.

ficamur per gratiam, quæ Deitatis quædam participatio est. Non, inquit, quod Deitas sit forma inherens humanitati: sed quod ex illa, propter fundamentum vnionis personalis, deriuetur in naturam humanam per extrinsecam denominationem effectus quidam moralis sanctificationis; in quo ipsa tanquam forma includatur, veluti ferrum ignitum continet vt formam, ignem ipsum. Hanc autem esse verā causam infinitatis satisfactionis Christi, probat, quia si per impossibile non esset vnio hypostatica, & dignitas personæ, & tamen esset illa dignitas, & sanctificatio naturæ, satisfaceret infinitè. Contra verò, si esset vnio hypostatica, & dignitas personæ infinita; nec tamē esset illa dignitas, & sanctificatio naturæ; (vt si esset infecta peccato mortali) non posset satisfacere.

Sed contra primò, non bene Vasq. refert sanctificationē formalem humanitatis ad naturam diuinam, seclufa hypostasi, siue vnione personali, quam vult tantum esse fundamentū sanctificationis. Nam hypostasis per se immediatè, & formaliter sanctificat. Est enim infinite sancta, & multò magis Deo grata, gratamq; reddens humanitatem, quā infinita gratia habitualis, si daretur. Quare potius vtraque sanctificat humanitatem, dignificatque eius operationes, quatenus vtraq; ipsi vnita est, hypostasis immediatè, & natura mediatè. Secundò, cum natura, & hypostasis Verbi sit verè, & physicè cōiuncta humanitati, sicut anima gratiæ sanctificati; male Vasques hanc naturæ deificationem vocat denominationem extrinsecam. Potius enim debet dici intrinseca, sicut denominatio albi, docti, iusti, & similes, quæ petuntur à forma inherente intrinseca. Tertiò, si, vt Vasques affirmat, hæc sanctificatio includit ipsā deitatem, tanquam formam; sicut ferrum ignitum continet ignem ipsum: non potest dici extrinseca denominatio, quæ non includit formam, à qua res denominatur, physicè ipsi vnitam, & intrinsecè adiunctam: sed res denominata illam tantum extrinsecè respicit, aut relatiuè nomine significatur propter aliquam mentis comparationē cum illa. Quarto, implicat esse illam dignitatem, & sanctificationem naturæ humanæ, quam habet ex vnione cum Verbo, aut illi parem, sine vnione hypostatica: & hypothesi, quæ contrariū supponit, destruit seipsam, adeoque est inutilis ad argumentandum. Implicat similiter humanam naturam esse hypostaticè vnitam Verbo, habereque dignitatem personæ infinitæ, & verè diuinæ: nec tamen esse illam dignitatem, & sanctificationem naturæ humanæ per ipsammet hypostasim, & diuinitatem vnitam. Implicat enim, formam communicari, & non esse eius effectum formalem, qui non est aliud quàm forma vt communicata subiecto, vel totum ex forma & subiecto constitutum. Quare in eo casu, in quo per impossibile natura esset vnita hypostaticè, & tamen esset infecta peccato mortali; forent adhuc illius operationes infinitæ digni-

tatis; & sufficientes ad satisfaciendum pro peccato mortali, tam suo, quàm alieno. Ad hoc enim sufficeret naturā humanā esse hypostaticè vnitam Verbo; & ex illa vnione trahere dignitatem infinitā, quæ ab huiusmodi vnione separari nequit, & necessariò deriuat infinitum valorem in operationes liberas, satisfactorias, aut meritorias à natura vnita elicitas. Quæ de re plura inferius num. 69.

Tertiò, recentiores aliqui subtilēs, & eruditī censent dignitatem personæ non augere valorem operis, ita vt faciat opus dignū maiori præmio formaliter loquendo, sed maiori materialiter. Consideratur enim, inquit, ipsū opus bonum antècedenter ad dignitatem personæ, & solum secundum bonitatem quam habet, & quā placet Deo: & vt sic æstimatur illud opus esse dignum magno præmio. Dignitas verò personæ non dat formaliter valorem ad præmiū magnum, sed facit vt præmiū, quod aliās esset magnum respectu alterius, non sit magnū respectu huius personæ propter eius excellētiā. Christi autē respectu nullū præmiū est magnū, nisi infinitū. Et quia hic excessus magnitudinis in persona prouenit formaliter à gratia vnionis, vel à dignitate Verbi: ideo dicitur cōmuniter ex gratia, siue ex vnione ad Verbum prouenire formaliter valorem operum Christi. Sic, inquit, beneficiarius habet ius accipiendi ex fructibus beneficii congruam sustentationē. Quantitas autem eius prouenit ex differentia personarum: quod enim vni sufficit, non sufficit alteri pluris indigenti, ratione sui status.

Sed contra: Primò, est euidenter contra lumen naturale, & cōmunem sensum hominum, quod dignitas personæ non augeat æstimationem submissionis, quam exhibet, neq; ea sit tantò in se æstimabilior, quantò ab excellentiori persona exhibetur viliori: Hinc illa admiratio Elisabeth Luc, 1. *Et unde hoc mihi, vt veniat mater Domini mei ad me?* Et Petri ad Christum Ioan. 13. *Domine tu mihi lauas pedes* Et Ioannis Baptiste ad eundem Matth. 3. *Ego debeo à te baptizari; & tu venis ad me?* Deinde hæc opinio facit merita Christi esse finita, & non maiora quàm si eadem opera fierent à pura creatura: adeo vt scipsis ex propria dignitate non excedant malitiam peccatorum, quorum tamen remissio illis concedatur, quia dignitati personæ conuenit tale, & tantum præmium. Quod est omnino contra sententiam SS. Patrum, & summorum Pontificum supra citatorum, qui dicunt merita, & satisfactiones Christi excedere peccata hominum, sicut innumera auri talenta excedunt decem nummos, & sicut pelagus excedit guttulam exiguum, vt loquitur Chrysost. & tantæ dignitatis fuisse illam oblationem, vt vna ad tollenda mundi peccata sufficeret, inquit, Cyprianus supra citatus: & effusionem sanguinis Christi tam fuisse diuitem ad pretium, vt si vniuersitas capivorum in Redemptorem suum crederet, nullum eos Diaboli vinculum retineret, vt inquit

61.
Tertia sententia non sit cōtra; xia,

Dignitas personæ augeat valorem satisfactionis,

Merita Christi excedunt in se; & ex propria dignitate, valoris infiniti;

Christus fuit sanctificatus per hypostasim Verbi, & non tantum per naturam diuinam.

Si per impossibile, esset Christus peccato mortali infectus, posset cōdignè pro illo satisfacere. Vnde infra n. 69.

Caius Pa-
pa.
Agapetus,
Leo.

Caius Papa in Epist. Decretali, Agapetus Papa in Epist. ad Antimum, & Leo 1. epist. 83. qui eodem sensu exponunt illud Apostoli Rom. 5. v. 20. *Ubi abundavit delictum* &c. esse denique thesaurum infinitum, inexhaustum, & superabundantem, ut definit Clemens VI. in Extravag. *Unigenitus*. Tertiò, ad fundamentum illius sententiæ Respondeo, bonitatem moralem, & æstimationem actus peti ex ipso comparato cum obiecto, sine, & circumstantiis, inter quas est conditio agentis, ut docent communis consensu Theologi cum D. Thom. 1. 2. q. 7. Quæ conditio sæpe talis est, ut vel mutet speciem actus, vel augeat, aut minuat illius bonitatem, aut malitiam, vel moralem æstimationem. Quare falsum est totam actus bonitatem se habere antecedenter ad dignitatem personæ: nam ex parte ab illa sumitur, sicut ab obiecto, & alijs circumstantiis.

62. Alij quartò infinitatē satisfactionis Christi ex eo petunt, quod Christus constans natura diuina, & humana, simul per utramque operaretur circa eadē obiecta: ita ut quando Christus aliquid volebat, simul in eo duplex actus exerceretur: vnus diuinæ voluntatis, alter humanæ: ex quibus fiebat vnus actus moraliter, qui theandricus, id est, deiuirilis appellari potest: sicut ex nostro actu interno, puta dandi eleemosynam, fit vnus moraliter. Ex hac autem coniunctione, vel morali vnitate, actus humanæ voluntatis immensè dignificabantur, & humanitati operanti dignitas infinita accedebat ex consorcio naturæ diuinæ simul cum ea subsistentis, & operantis per modum vnus. Hæc illi populariter magis, quàm theologicè. Nam diuinitas nihil de nouo operabatur per intellectum, aut voluntatem increatam, cuius omnes actus ab æterno sunt. Ex eo autem quod Christus per humanitatē eadem obiecta intelligeret, aut vellet, quæ Deus ab æterno intelligit, aut vult, non plus accedebat dignitatis, aut valoris moralis eius operationibus (semota vnioris hypostatica) quàm nostris accedat, ex eo quod actus nostri intellectus, aut voluntatis conformetur diuinis actibus. Quare non ex simulate, aut cōformitate operationū, sed ex vnione hypostatica, & dignitate personæ operantis sumi debet valor infinitus operum Christi.

63. Alij denique censent infinitatem illam petendam esse non solum à persona Christi, ut operante, sed etiam ut obiecto: maximè verò in nostra redēptione. Distingunt enim cum D. Thom. q. 48. a. 1. & sequentibus, quatuor rationes in operibus Christi, nempe rationem meriti, satisfactionis, sacrificij, & pretij. Et in tribus prioribus infinitatem dicunt peti à persona operante. In postrema verò, peti à re oblata: quia in emptione attenditur solum valor pretij, non dignitas emētis, quæ imperitina est ad æqualitatem rei ad rem, consideratam in emptione. Sed hi falluntur dupliciter. Primò, quatenus distinguunt pretium pro redemptione nostra oblatum, à merito,

satisfactione, & sacrificio Christi: quasi nos ipse pecuniā redemerit, vel aliter, quàm merendo, satisfaciendo, & sacrificando pro nobis: quibus operibus nos redemit metaphoricè, id est, peccari, & dæmonis seruituti eripuit, & in suam potestatem, & gratiam, ac libertatem nobis omnibus in primo parente collatam, eiusque peccato amissam restituit. Est enim redimere, emere aliquid, quod antea fuerit tuum, & à te abalienatum. Cum ergo pretium pro redemptione oblatum non fuerit aliud, quàm Christi meritum, satisfactio, & sacrificium: non habuit aliam infinitatem, nec aliunde illam accepit. Quare, sicut fatentur auctores illi, meritum, satisfactionem, & sacrificium, accepisse infinitatem à persona operante: idem quoque fateri debent de pretio, & redemptione. Neque verò sanguis Christi fuit pretium nostræ redemptionis, nisi per liberam eius effusionem, id est, quatenus Christus liberè ipsū pro nobis in Dei gloriam effundere voluit, ac reipsa profudit. Secundò falluntur, quia sola infinitas personæ Christi, ut obiecti, & velut rei oblata, non sufficiebat ad infinitam redemptionē, si nihil aliud fuisset. Alioqui Sacerdos, quādo offert Christum pro peccato alicuius, posset dici infinite eum redimere: & Beata Virgo infinite nos redemisset, quādo filiū pro salutē nostrā obtulit. Ratio est, quia hæc redemptio fiebat per modum satisfactionis, & actionis, id est, actus liberi. Obiectum autem infinitum non dat infinitatem actioni quomodocumque in illam tendenti: minuscule influit in illam, ad quam extrinsecè tantum, & obiectiue, seu terminatiue se habet; quàm operans, qui seipsum impendit, & ad illam intrinsecè, vel identicè se habet.

64. Dices, si Christus non cognouisset suam excellentiam, quando operabatur, non habuissent eius actiones moralem infinitatē: quia ad libertatem, & laudabilitatem actus, perinde se habuisset Christi excellentia, ac si nō fuisset. Ergo infinitas petitur à persona Christi, ut obiecto cognito. Respondeo, negando antecedens. Nam sicut opera bona iustorum sunt apud Deum magis æstimabilia, & meritoria vitæ æternæ, quamuis ipsi statum suum ignorent, aut de illo non cogitent, quādo bene operantur; & regis officia pluris fiunt, licet rex ea præstando, se regem esse non cogitet. Sic &c. Non nego tamen facere ad dignitatem operum Christi, quod suam excellentiā cognoscens, se humiliaret & impenderet in obsequium Dei: neq; excludo alias circumstantias, ex quibus actuum bonitas, & æstimatio peti solet: sed dico, eas non sufficere ad moralem infinitatem, quæ velut à radice oritur ex vnione hypostatica, dignificante actiones suppositi illius diuini. Ad confirmationem antecedentis Respondeo, aliquid incognitum, & non liberum conferre posse ad valorem moralem actus, per modum circumstantiæ personæ operantis; tametsi non per modum obiecti cogniti, ex quo augeatur bonitas actus intrinsecè, & nobilitas physica, ut

Pretium quo Christus nos redemit, non est aliud, quàm eius merita satisfactio & sacrificium.

64

Valor illa infinitus fuisset, quamuis Christus non cognouisset suam excellentiam.

Neque etiam petitur officium à Christo, ut obiecto operationis.

diximus alibi disputando de actibus humanis.

SECTIO VII.

Soluntur argumenta contraria

Quomodo potest Deus pœnam à nobis exigere, ultra condignam satisfactionem Christi?

Adversus condignitatem, & infinitatem satisfactionis Christi, hæc præcipue argumenta opponi possunt. Primum: Si Christus pro peccatis hominum condignè satisfecit; ergo non potest Deus pœnam, aut satisfactionem aliam pro illis exigere: vel exigit solutionem debiti iam soluti. Consequens est falsum: ergo & antecedens. Confirmatur, quia illa satisfactio non est condigna, ultra quam potest iuste exigi alia, quæque totum debitum satisfaciendi non exaurit. Ergo si pro peccatis hominum potest à Deo exigere iuste, sicut re ipsa exigitur, alia satisfactio, superestq; aliquod debitum pro peccatis: satisfactio Christi non fuit condigna.

Respondeo, Christum satisfecisse condignè in actu primo, id est, eius satisfactionem secundum se & ex ipsa operum dignitate, esse condignam, sufficientem, ac superabundantem, quantum ad valorem, & pretium: sed non satisfecisse in actu secundo, id est, eius satisfactionem re ipsa non prodesse, nisi illis, quibus applicatur, & quantum applicatur, iuxta modum, & dispositionem providentiæ divinæ, per media à Christo, vel à Deo instituta. Quæ non omnia sunt huiusmodi, ut eam perfectè applicent ad omnem pœnam peccati abolendam, sicut in Martyrio, & in Baptismo fit: sed ad mutandam æternam in temporalem, aut graviorē in leviorē, ut ordinariè fit per alia media. Et Deus quidem acceptavit satisfactionem Christi pro omnibus, quantum ad actum primum, id est, quantum ad sufficientiam: sed in actu secundo, & quoad effectus, non acceptat, nisi secundum modum, quo per diversa media applicatur: neq; alio modo fuit à Christo oblata Patri æterno ex effectu efficaci ut prodesset. Et quemadmodum non prodest omnino iis, quibus non applicatur, ut infantibus in utero morientibus, & damnatis; ita neque prodest alijs, nisi iuxta mensuram applicationis.

Soluitur primum argum.

In forma igitur Respondeo, Deum exigere aliam pœnam, aut satisfactionem ab illis, quibus satisfactio Christi non fuit plenè, & perfectè applicata. Et non esse contra rationē cōdignæ satisfactionis, quod possit alia exigere ab ijs, quibus non applicatur perfectè, neque prodest, quantum prodesse potest. Similiter autem Christus pro omnibus condignè oravit, & meruit: & tamen locum nostris orationibus, & bonis operibus reliquit. Unde collige quàm ineptè Calvinistæ, & Lutherani ex condignitate satisfactionis Christi inferant, Deum nullam ab hominibus pœnam, vel satisfactionē pro peccatis exigere, sed totā pœnam semper cum culpa remittere. Qui error apertè repugnat Scripturæ, ut patet exemplis Adami Gen. 4. & Sapient. 10. v. 2. Mariz so-

roris Moyse Num. 12. Davidis 2. Reg. 12. & unanimi cōsensu SS. Patrū, ut fatetur ipsimet hæretici, Calvis. lib. 3. Instit. c. 4. n. 38. & Kernitius Lutheranus in examine sessionis 25. Tridentini. Quæ de re plura vide apud Aegid. Coninck disp. 10. de Pœnit. dub. 3.

Instabis, quia illa satisfactio non est condigna, quæ non satisfacit ad æqualitatem, & quantum peccatum meretur. At Christi satisfactio non est talis, quia supponit necessariò remissam esse aliquam partem pœnæ, quam peccatum de se merebatur, id est, quæ peccatum dignum erat, quæque iuste poterat propter ipsum infligi. Nam peccatum dignum erat, ut propter illud homines statim damnarentur, & relinquerentur sine satisfactore, ut dæmones. Ergo satisfactio Christi, quæ supponit Christum fuisse decretum in Redemptorem, supponit illam pœnam peccati fuisse remissam. Respondedo negando maiorem: sufficit enim satisfactione Christi esse tantam, ut sit æqualis illi beneficio hominibus facto, quamvis illud beneficium necessariò præire debuerit Christi satisfactioni.

Satisfactio Christi quomodo condigna?

Secundum argumentum: Christus non satisfecit ut Deus, alioqui sibi ipsi satisfecisset, quod est falsum, quia iustitia, & satisfactio debita ex iustitia, est ad alterum. Ergo satisfecit ut homo secluso Deo, id est, secluso eo omni, quod in ipso divinum est. Atqui secluso Deo, quidquid in illo superest, finitū est: ergo per illud non potuit cōdignè, & infinitè satisfacere. Confirmatur, quia operationes, quibus liberè satisfecit, fuerunt elicite à sola humanitate, nullo modo concurrente hypostasi Verbi divini: Per illud autem satisfecit, per quod operatus est actiones satisfactorias, quodq; solum fuit eorum principium.

Secundum argum.

Respondeo, Christum non satisfecisse, ut Deum purè, & præcisè: neq; etiam, ut hominem purè, & præcisè, sed ut suppositum divinum constans ex natura humana, & ex hypostasi ac natura divina per unionē hypostaticā, ex qua unionē infinitā, & divinam habuit dignitatem, ac vim merendi, & satisfaciendi infinitè per actiones elicatas ab humanitate. Quamvis enim actiones, quibus Christus satisfecit, nō processerint physicè ab hypostasi Verbi, sola enim humanitas fuit physicum earum principium cum Dei concursu: tamen hypostasis, & natura ipsa divina per hypostasim unita Christi humanitati operanti, infinitam moralem excellentiam eius operationibus cōtulit: qua ratione deitas ipsa, & hypostasis Verbi concutrit ad satisfactionem Christi moraliter cōsideratam, non ut principium eliciens, sed ut forma nobilitatis, & tanquā circūstantia personæ operantis. Quare non est verum simpliciter Christū satisfecisse ut hominē præcisè, secluso Deo, & dignitate infinita, quæ ab hypostasi advenit humanitati. Potius enim dicendū est, satisfecisse Christū, ut homo Deus est. Quia licet humanitas sola fuerit, physicū principium elicitarum actuum liberorū, quibus satisfecit: non

Christus satisfecit ut homo Deus.

amen fuit totalis ratio satisfactionis moraliter considerata: hæc enim sic considerata valorem suum hausit præcipue ex dignitate personæ satisfaciens. Neque propterea idem omnino sibi ipsi satisfecit. Nam Christus ratione humanitatis operantis differt à Deo realiter: atque ita satisfactio fuit ad alterum secundum naturam satisfaciens, & naturam, cui satisfiebat. Satisfiebat enim naturæ diuinæ offensæ in iure suo: & satisfaciebat humanitas per aliquid etiam distinctum à Deo, id est, per seipsam, & per operationes à se elicatas infinite dignificatas ex conditione personæ operantis.

67.
Tertium
argum.

Tertium argumentum: Si per impossibile homo peccans fuisset Deus, nulla fuisset condigna, & æqualis satisfactio, nisi aliqua persona diuina satisfecisset. Ergo ut æqualiter satisficeret pro peccatis puri hominis, debuit persona satisfaciens esse plusquam diuina. Quare Christus non potuit pro illis satisfacere condignè. Probatur consequentia, quia offensæ à puro homine commissa contra Deum tantò grauior est, quantò est vilior persona offendens, & magis remota à maiestate offensi. Ergo ut pro illa condignè satisficeret, debuit persona satisfaciens esse tantò maior diuina, quantò purus homo est vilior Deo, ut excessum illum compensaret. Confirmatur, quia ad dispares offensas requiritur dispar satisfactio, ut sit æqualis. Et alioqui, si maiestas satisfaciens non excedit maiestatem offensi, non potest sufficere ad excessum, qui aliunde prouenit, quàm ex maiestate offensi, nempe ex vilitate offendentis, qui cum sit pura creatura, multò grauius offendit, quàm si esset par cum Deo dignitatis. Item si per impossibile Christus ipse peccasset, non potuisset pro seipso satisfacere. Ergo nec pro aliorum peccatis, quæ sunt eò grauiora, quò ipsi sunt Christo viliores. Regis enim in regem offensa minor est, cæteris paribus, quàm vilissimi mancipij in suum regem.

Satisfactio Christi esset condigna pro homine Deo peccante, per impossibile.

Respondeo negando primam consequentiam: ad cuius probationem dico, assumptum illud esse verum cæteris paribus. Summa tamen ingratitudo illius personæ diuinæ, quæ per impossibile supponitur peccare, tum me aggrauaret illius offensam, & fortè magis, quàm vilis: aggrauet offensam puræ creaturæ. Sed dato quòd offensa puræ creaturæ sit grauior: respondeo, illam disparitatem satis compensari per dignitatem satisfaciens, multò magis influentis in satisfactionem, quàm obiectum influat in offensam, ut superius explicatum fuit. Neque propterea est opus satisfaciens esse nobiliorem eo, cui satisfiebat, & absorbere, ac superare maiestatem offensi, quod in Deo est impossibile: sed sufficit eius actionem multò magis dignificari per maiestatem infinitam satisfaciens, quàm offensa aggrauetur per maiestatem offensi, ex eo quòd

satisfaciens aliter concurrat ad satisfactionem, nempe intrinsecè seipsum exercendo, & impendendo in eiusmodi actiones: quàm maiestas offensi ad offensam, ad quam obiectiue tantum, & extrinsecè se habet.

Urgebis, quia aliquæ offensæ Deum ipsum immediatè, & intrinsecè attigerunt, ut peccata crucifigentium Christum. Ergo maiestas offensitantum illis attulit grauitatis, quantum maiestas satisfaciens afferebat dignitatis satisfactioni Christi. Ergo Christus non potuit satisfacere pro grauitate proueniente illis offensis ex vilitate personæ, quæ grauitas non fuisset, si per impossibile crucifigentes non fuissent puræ creaturæ.

Respondeo 1. Offensas, seu peccata formaliter sumpta, non esse, nisi liberos actus voluntatis, in quibus solis est tota malitia libera imputabilis, ut suppono ex tractatu de actibus humanis. Christus autem erat tantummodo obiectum huiusmodi actuum existentium in voluntate crucifigentium.

2. Licet huiusmodi actus essent ex eo longè grauiores, quò tenderent efficaciter ad actus externos, quibus Christo vulnera, & dolores inferebantur: multò tamen magis æstimabiles erant actus interni, quibus Christus voluntariè hæc acceptabat, & patiebatur, seipsumque propter Dei gloriam, & hominum salutem tantæ ignominie, & afflictioni submittebat; quàm actus mali crucifigentium, quibus hæc Christo inferre volebant, reipsaque inferebant. Adde, quòd Christus ex maximo affectu, & nobilissimo; plenissimaque scientia agebat. De illis autem verè à Christo dictum est Luc 23. v. 34. *Pater dimitte illis, non enim sciunt, quid faciunt.* Et 1. Corinth. 2. v. 8. *Si enim cognouissent, nunquam Dominum glorie crucifixissent.* Sed quamuis ex plenissima scientia, intensissimoque affectu id fecissent: adhuc tamen prævaleret satisfactio Christi pro tali offensa, siue à pura creatura, siue ab alio fieret, ob rationem ante allatam. Similiter si plebeius regem suum offenderet, etiam in propria ipsius persona; posset alius rex pro eo satisfacere, æquè ac pro seipso, si ipse regem eundem offenderet. Tunc tamen, quia satisfactio finita est, necessarium esset ad æqualitatem, ut se magis impenderet, atque dimitteret rex satisfaciens pro offensa plebei, quàm pro sua, cæteris paribus. Verùm quælibet satisfactio Christi fuit infinita; & sufficiens ad vtramque offensam, si vtraque fuisset possibilis. Et nihilominus Deo placuit satisfactionem Christi maximè humilem esse, Christumque Deum, & hominem non solum Deo se submittere; sed etiam hominibus, & tradi in manus peccatorum, fierique opprobrium hominum, & abiectionem plebis; humiliari denique usque ad mortem, mortem autem crucis: ut in illa disproportione seruaretur forma æqualitatis: & per Christi satisfactionem

68.

Erat condigna pro peccatis, crucifigentium, contra ipsam Christi personam commissa.

summum deprimeretur subius infimum: sicut per peccatum, infimum eleuatur supra summum, inquit Ricard. de S. Viâ. lib. de Incarnat. cap. 8.

69.

Potisset
Christus
pro seipso
satisfacere
condignè.

Ad confirmationem Respondeo, satisfactionem Christi non esse æqualem præcisè, & indiuisibiliter pro priori offensa, si daretur ita ut ad maiorem non sufficiat: sed esse superabundantè pro vtraque offensa, quamuis impari. Similiterque si per impossibile Christus peccaret mortaliter, haberet adhuc, vi vnionis hypostaticæ (quæ remanet, ut supponitur, Christo non desinente) vnde posset condignè satisfacere pro suo peccato. Neque propter peccatum foret eius humanitas simpliciter Deo inuisa, aut digna pœna æterna. Quia ratione vnionis hypostaticæ esset multo magis amabilis, quam odibilis ratione peccati, & vniõ illa præualeret peccato, impediretque, ne in Christo sortiretur illos effectus, quos in aliis habet. Neque verum est, quod dicunt aliqui Recentiores, ad satisfactionem condignam requiri, ut subiectum non sit Deo odiosum, non minus, quam ut sit liberum: adeoque sicut natura bruta assumpta non posset satisfacere defectu libertatis, ita neque humanitas peccato infecta. Non est, inquam, id verum absolutè loquendū potius sicut inter homines potest vnus alteri condignè satisfacere, licet in priori, quo satisfacit, sit inuisus, & desinat tantum per satisfactionem esse inuisus: sic, &c. Ratio est, quia satisfactio condigna, ex natura sua, & proprio conceptu intrinseco non dicit amicitiam satisfaciens, sed tantum æqualitatem operis cum offensa: potest autem esse æqualitas sine amicitia, modò non desint principia sufficientia ad opus æquale. Atqui in Christo esset principium sufficiens ad ponendam æqualitatem non obstante peccato, ut ante ostendimus. Et confirmatur magis hoc exemplo familiari. Si rex vilem scēminam in coniugem assumpisset; illa per coniugium parem cum marito dignitate adeptā, posset pro aliis, & pro seipsa, tanquā regina, satisfacere regi vbi ipsi, atque etiam proprio marito, si eum graviter offenderet. Quamdiu enim manet in regio statu, habet vnde ipsius opera magni æstimentur, tanquam personæ regis. Ac sicut per illa satisfacere posset alteri regi à se offenso: ita & marito proprio. Cum hac tamē differentia, quod cæteris paribus maior erga maritum satisfactio requiretur, & maior submissio: sicut peccatum erga ipsum commissum esset maius propter ingratitudinem, & alias circumstantias.

70.

Quartum
argum.

Quartum argumentum: merita Christi, & satisfactiones erant finitæ entitatis, quippe elicite ab humanitate finita. Ergo fuerunt finitæ bonitatis. Ergo illarum bonitas non fuit æqualis malitiæ peccati mortalis, quæ infinita est. Probatum prima consequentia, quia bonitas actus est ipsi intrinseca, & non potest mutari vel augeri, quin ipse mutetur, vel augeatur. Ergo neque esse infinita, quin actus intrinsece, & secundum se sit infi-

nitus. Item si quælibet satisfactio Christi erat infinita: ergo actus, quo volebat illam efficaciter, erat intrinsece, & physice infinitus, quia tendebat efficaciter ad obiectum infinitum, & illi adæquabatur secundum affectum. Sicut ergo qui vellet efficaciter dare infinitam elemosynam, haberet affectum physice infinitum: sic, &c. Respondeo, opera Christi physice spectata, id est, secundum sua essentialia, physica, & intrinseca, fuisse finita: spectata verò moraliter in ratione satisfactionis fuisse infiniti valoris seu æstimationis, ex eo prouenientis, quod illa opera fierent à persona infinitæ dignitatis, & planè diuina, seipsam impendente libere in obsequium Dei, & humiliationem, ac mortem pro peccatis. Inde enim erat, quod illa opera, secundum prudens, rectumque iudicium deberent infinitè æstimari. Itaque fundamentum huius æstimationis est opus, siue actus comparatus cum persona diuina, à qua procedit, & propter quam tantopere æstimabilis est: in eoque consistit valor moralis eiusdem actus: sicut libertas, seu moralitas actus humani generatim consistit in actu comparato cum principio liberè eum exercente, à quo moralis, seu liber, & imputabilis denominatur.

Merita
Christi
erant finitæ
entitatis,
sed infiniti
valoris.

In forma igitur, concesso antecedente, distinguo consequens. Fuerunt finitæ bonitatis, physica, concedo: moralis, nego. Ad probationem consequentis Respondeo, bonitatem, quæ consistit in tendentia actus ad obiectum, finem, & circumstantias, ut rectam rationem decet, esse actui intrinsecam: sed illam non esse, neque dici moralem, id est, liberam & imputabilem, vel tantā, aut tantæ æstimationis, secundum imputationem, nisi per extrinsecam denominationem à libertate, & conditione operantis: vel ut alii loquuntur per relationem rationis, id est, per comparisonem ad principium liberū. Vnde actus physice idem, & habens eandē tendentiam intrinsecā ad obiectū planè in seipsa inuariatam, potest esse liber, & non liber: potest etiam esse magis, & minus imputabilis. Ex. gr. idem actus odii potest ex impetu passionis naturaliter erumpere, posteaque liberè continuari, passione deferuescente, & locum dante libertati. Et eadem dilectio Dei elicitā liberè à persona nondum iustificata, non habet vim merendi de condigno, secus autem, si à iusto procedat: habet enim plus æstimationis ex eo quod fiat à filio Dei adoptiuo, & viuo Christi membro.

71.

Ad secundum nego sequelam: quia actus ille tendebat solum confusè ad obiectum, & effectum infinitum, & finito tantum modo, id est, affectu sequente cognitionem confusam, & finitam obiecti illius infiniti. Neque enim plus erat in affectu, quam in cognitione. Cognitionem autem humanitatis erat finita, quippe à principio finito elicitā. Et affectus, qui solum confusè & imperfece versatur circa obiectum infinitum, non propterea illi adæquatur, neque idcirco est physice infinitus. Alioquin actus, quibus nos ipsi Deum

E 4

56 Disput. II. de Incarnat. Sect. VIII.

amamus naturaliter aut supernaturaliter, essent physicè infiniti.

SECTIO VIII.

*Soluntur alia quatuor argumenta
difficiliora.*

72.
Quintum
argum.

Quintum argumentum: Si satisfactio Christi esset infinita ex infinitate personæ, sequeretur inter puros homines plus mereri, ceteris paribus, eum, qui habet plus gratiæ habitualis: quod est absurdum: quia ex eo quod aliquis sit in gratia, id est, ametur à Deo, non est dignus maiori præmio, ceteris paribus. Sicut miles qui est duci charus, non propterea pari labore plus alio meretur: & dux iniuste facit, si maiorem idcirco mercedem ei dat. Probatur sequela, quoniam ideo dicitur satisfactio Christi, aut meritum esse infinitum, quia crescere debet, crescente dignitate personæ: unde fit infinitum, si persona sit infinita. Ergo similiter crescente dignitate personæ per maiorem gratiam sanctificantem, crescere debet illius meritum.

Iustior
plus meretur,
ceteris
paribus.

Respondeo ita esse, quando conditio personæ operantis talis est, ut secundum prudentem estimationem, reddat opus magis considerabile in eo genere, in quo consideratur. Status autem iusti, & filij adoptionis laborantis fideliter in obsequium patris, videtur esse iure considerabilis in genere meriti, ad consequendam hereditatem vitæ æternæ, quæque ad illam pertinent. Status verò solius amicitiae, si nihil amplius haberet iustus, quam amari à Deo, sicut miles amatur à duce, valeret quidem in genere impetrationis; ceteris enim paribus, plus valere debet amici preces ad impetrandum, quia in gratiis, & favoribus conferendis, iure habetur ratio amicitiae: sed non valeret ad meritum augendum, ad quod conditio amicitiae solius est impertinens, sed debet solum attendi dignitas merentis, & valor operis, quo meretur. Iusti autem non tantum amantur à Deo, sed euehantur ad statum supernaturalem per habitus infusos, & adoptionem filiorum Dei.

73.

Instabis cum Vasque disp. 6. cap. 4. sequi ex nostro responso, plus aliquando mereri hominem magis iustum, opere minimo virtutis, quam hominem minus iustum eximio aliquo actu charitatis, & Martirii. Respondeo, vix id contingere, nisi forte in Beata Virgine, & sanctis supra modum eximiiis, quorum gratia, & sanctitas, aliorum iustitiam longissime superavit: alioqui enim, nisi excessus sit quodammodo immensus, valor, quem opus trahit à gratia, non est tantus, ut excedat valorem intrinsecum Martirii, & similium operum heroicorum. Neque propterea Deus non reddet unicuique secundum opera sua, quasi plus reddat magis iusto minus laboranti. Respondeo enim in opere computari valorem, quem habet ex omnibus suis circumstantiis, ex qui-

bus maius, id est, perfectius, & æstimabilius euadit.

Dices, si iustior plus meretur, augmentum cuiusque meriti erit infinitum. Tum quia quolibet pars intensiva gratiæ præcedentis influet aliquid valoris in meritum: sunt autem illæ partes infinitæ. Tum etiam quia iustus eodem instanti, quo meretur, accipit augmentum gratiæ, ac proinde fit iustior. Ergo eius opus est magis meritorium propter illud augmentum gratiæ. Ergo meretur aliud augmentum gratiæ, à quo rursus magis dignificabitur, & plus merebitur, & sic in infinitum. Denique si iustior plus meretur præmii, ob maiorem dignitatem: peccator plus merebitur supplicii, ob maiorem vilitatem. Et sicut ex maiori gratia, & sanctitate præcedenti, crescit valor operis boni: ita ex peccatis præcedentibus, & indignitate peccatoris, crescit demeritum peccati de nouo commissi. At hoc est falsum, & contra praxim omnium tribunalium.

Ad hæc multa respondet vnus è Recentioribus subtilis & eruditus disp. 6. de Incarnat. sect. 2. 3. & 4. quibus prætermisiss, quia mihi non planè satisfaciunt: Dico breuiter ad primum, non inde sequi augmentum infinitum, nisi eo modo, quo quidquid augetur, quantumvis exigua sui parte, vel gradu, augetur infinite secundum partes proportionales in infinitum diuisibiles, iuxta sententiam Aristotelis de compositione continui. Gradus enim nouus, vel pars, quam accipit in augmento, est diuisibilis in infinitum iuxta illam sententiam. Ad secundum dico, meriti valorem non augeri ex eo quod respondet illi immediate, vel immediate, per modum præmii, sed ex eo quod operans confert de suo, quodque mouet præmiantem ad tale præmium eius operi retribuendum: quod non est ipsummet præmium, sed aliquid ipsum antecedens, velut causa moralis. Itaque valor meriti non spectatur ex dignitate in præmio ipso consistente, vel ipsum sequente; sed ex dignitate operantis antecedente ad præmiū. Ad tertium Respondeo differentiam esse. Nam vilitas peccatoris ob peccatum mortale ante commissum, tantum in eo consistit, quod peccatum illud maneat moraliter in Dei memoria, in ordine ad iustam, & rationabilem auersionem peccatoris, quodque peccator sit dignus auersione, & odio Dei. At ex eo quod aliquis sit alteri odiosus, non propterea ipsius opus est minoris, aut maioris valoris in ordine ad iustam mercedem: vel maioris aut minoris demeriti in ordine ad iustum supplicium. Sicut ex eo quod miles aliquis sit duci charus, non propterea labor ipsius est magis meritorius, ceteris paribus. Ratio est, quia amicitia, & inimicitia non sunt conditiones, siue circumstantiæ, considerabiles in genere iustitiæ, in ordine ad meritum, & retributionem. At iusti constituuntur tales non per solum extrinsecum Dei amorem, aut per solos à Deo bonos remanentes moraliter in Dei memoria, in ordine ad

74.
Neque
propterea
augeretur
meriti est
infinitum.

Valor meriti
vnde
proueniat.

amorem: sed per habitus infusos excellentissimos, & supernaturales, quibus physice, intrinseceque ornantur mirabiliter, suntque diuinæ consortes naturæ, ut ait Petrus Apost. epist. 2. cap. 1. v. 4. Quare sunt illis similes, quos de plebeis rex magnates, aut consortes regni faceret, quorum deinceps merita essent multo magis considerabilia ob talem dignitatem personæ operantis.

At, inquires, peccator contrahit similiter habitus turpes, & viriotos ex actibus peccati relictos, propter quos intrinsece, & permanenter vilior est apud Deum. Respondeo, hos habitus per accidens se habere ad statum peccati: & ex illis physice sumptis non magis homines apud Deum vilescere in ordine ad moralem operum æstimationem, quam ex eo, quod sint claudi, gibbosi, vel spurii. Vnde etiam manent integri in iustificatis, donec per actus contrarios tollantur, aut desuetudine pereant. Possuntque æquè contrahi per actus non culpabiles, defectu libertatis. Et quando contrahuntur per actus liberos, libertas solum est in exercendo actu, sed non in productione habitus per actum. Actus enim illum producit ut causa necessaria: unde huiusmodi habitus non sunt imputabiles, & moraliter odibiles, nisi in causa ut liberè ponente actum, ex quo sequuntur necessariò.

Vrgebis, quia, sicut iusti sunt filii Dei, ex qua circumstantia, bona eorum opera dignificantur: ita peccatores sunt filii Diaboli, ex qua circumstantia mala eorum opera debent vilificari: æquè enim videtur considerabilis hæc circumstantia operantis. Respondeo, discrimen esse: quia iusti dicuntur filii Dei eo quod verè adoptentur à Deo, fiantque participes ipsius naturæ, per gratiam sanctificantem, id est, per habitus infusos, & supernaturales, & præcipuè per charitatem, cui inseparabiliter coniuncta est specialis inhabitatio Spiritus sancti, ut suppono ex tractatu de Gratia. Peccatores verò nihil tale accipiunt à Diabolo: sed tantum dicuntur filii per imitationem eius inobedientiæ, & consortium pœnæ, ipsi & Angelis eius præparatæ, cuius consortii rei sunt per peccatum mortale. Ad eum modum, quo Gentiles in Christum credentes dicuntur à Paulo ad Rom. 4. v. 11. & 12. & cap. 9. v. 7. & 8. esse filii Abraham, quia fidem eius imitantur, suntque participes promissionis ipsi factæ.

Cæterum, quod maior gratia sanctificans augeat meritum operantis, confirmari potest, quia status iusti, & filii, est circumstantia considerabilis in merito, ut supra dixi. Et patet, quia iusti merentur de condigno, non alii, licet eadem opera exerceant. Cum autem crescit aliqua circumstantia considerabilis, crescit etiam dignitas operis inde orta. Sicut in humanis, quando nobilitas operantis est circumstantia considerabilis in opere, quod persona est nobilior, opus magis æstimatur, ut si sit Marchio, Dux, Rex, aut Imperator. Deinde sicut in merito congruo circumstantia considerabilis augeat eius valorem, quantum ipsa ma-

ior est: multoque magis homines, & apud Deum valet ad impetrandum oratio personæ, quod magis grata, & amica est, cæteris paribus: ita similiter in merito de condigno.

Sextum argum. Si satisfactio Christi fuit infinitæ bonitatis: ergo tamen Deo placuit, quam sua ipsius essentia: quippe quia infinite Deo placuit. Inter ea verò quæ placent infinite, non potest vnum minus alio placere, quia vnum infinitum non potest excedi ab alio, eo modo quo infinitum est. Respondet Mæratius d. 6. sect. 5. concedendo sequelam, quia, inquit, dignitas operum Christi, ob quam tantopere Deo placebant, includit ipsam diuinitatem, tanquam formam saltem extrinsecè denominantem, & dignificantem. Erat solum hæc differentia, quod diuinitas infinite placet ratione sui: humanitas verò, & eius opera, ratione diuinitatis. Verum præterquæ quod modus iste loquendi non bene sibi cohæret, includere formam extrinsecè denominantem: si enim est extrinseca non includitur: Dico non esse verum, quod tam Deo placeat Christi satisfactio, quam sua ipsius diuinitas. Nam diuinitas est melior, excellentior, & amabilior infinite Christi satisfactione. Quia essentia diuina est simpliciter, & physice infinite bona, & perfecta in omni genere entis: satisfactio verò Christi moraliter tantum, & secundum quid, id est, in aliquo tantum genere, nempe in genere satisfactionis, & talis, aut talis speciei operis moraliter spectati. Vnde Deus amat suam diuinitatem infinite magis appetitiuè, quam omnes Christi satisfactiones. Amat etiam illam amore essentiali, & absolute necessariò hanc verò, contingenti, & libero. Nec obest argumentum Mæratii: quia non est verum diuinitatem includi in operibus Christi. Neque enim est ipsamet opera Christi, quæ sunt actus illius liberi, neque in illis includitur, sed solum ea dignificat per respectum moralem operum ad ipsam, id est, ex eo quod procedat à natura humana subsistente in Verbo, & diuinitati vnita, mediante hypostasi Verbi. Non item obest, quod utrumque placeat infinite: quia inter infinite placentia potest vnum magis placere, & amari, quam aliud, si non intèsuè, saltem appetitiuè. Quia potest vnum infinitum esse excellentius alio. Quare aliter respondendum est argumento allato, negando sequelam antecedentis, propter rationem iam redditam.

Septimum argumentum: Si singula Christi opera bona erant infiniti valoris ad satisfaciendum, aut merendum: Ergo Christus non plus satisfaciebat, aut merebatur per vnum, quam per aliud: nec per omnia simul, quam per vnum. Probatur sequela: quia si quodlibet erat infinitum, non poterat excedi ab aliis, nec ab omnibus simul: alioquin ea parte quæ excedebatur, finitum erat, & terminatum, nec tendens ultra ad id, ad quod aliud se extendit. Consequens verò manifestè absurdum est: quia sicut vnum opus erat præstantius alio, & vnus labor, aut dolor maior, quam alius: ita erat magis satisfactorius. Et alioqui nulla esset ratio, cur per passionem, & mortem nos rede-

75.
Status peccati non aggrauat peccatum de nouo commissum

76.
Quomodo peccatores sunt filii Diaboli?

77.
Sextum argum.

Satisfactio Christi non tam Deo placuit, quam sua ipsius essentia.

78.
Septimum argum. Merebatur, ne, aut satisfaciebat Christus, plus vno actu quam alio, aut quam pluribus simul sumptis.

misset, potius, quam alio quouis opere: cum tamen nostra redemptio eius morti, & sanguinis effusioni constanter in Scriptura tribuatur. Absurdum etiam est non plus per omnia simul satisfecisse, quam per vnum. Euidēs enim est totum quodlibet esse maius quavis sui parte: adeoque plus esse satisfactionis in collectione omnium operum satisfactoriorum, quam in vnico.

Satisfactio
Christi po-
telt dupli-
citer spe-
dari: in
actuprimo,
& secundo.

Ad quid
valuit in
actu secun-
do?

Lib. de In-
carn. c. 8.

79.

Facit adu-
primo &
per se quod-
libet Christi
operis valo-
ris infiniti
simpliciter.

Respondet, satisfactionem Christi consi-derari posse vel quoad valorem, & sufficientiam dumtaxat, quæ consistit in dignitate morali, & æstimabilitate operis satisfactorii: vel quoad effectum satisfaciendi reipsa, ad quem ultra valorem operis requiritur ordinatio Christi ad finem satisfaciendi: vel saltem acceptatio Dei volentis sibi satisfieri per eiusmodi opera, illaque in hunc finem acceptantis. Quæ ordinatio, & acceptatio Deo libera fuit: poterat enim Deus non acceptare Christi opera in satisfactionem pro hominibus, sed ad alios fines. Si secundo modo spectetur satisfactio Christi, neganda est sequela primi argumenti in obiectione propositi. Quamvis enim singula Christi opera essent infiniti valoris ad satisfaciendū, & quodlibet sufficeret ad satisfaciendum pro peccatis omnium hominum: non tamen Christus singula seorsim ad hoc sufficere voluit, neque Deus singula acceptavit solitariē ad hunc effectum, sed voluit ut Christi satisfactio per passionem, & mortem cōsummarita ut præcedentes eius operationes, aut passiones satisfactoriæ tota vita continuaret, non acquirerent ius integrum ad reconciliationem, nisi accedente morte volūtariē obita pro peccatis hominū. Quod cōuenienter à Deo factum est: tum ut peccatorum grauitas magis nobis appareret, & charitas Dei, & Christi erga nos illustrius se proderet: tum ut redemptio nostra nobis nō vilesceret, si vnico aliquo Christi opere facili perfecta esset. Tum denique ut delectatio illicita, quæ ab hominibus peccando percipitur, graui Christi dolore compensaretur. Superbia humilitate, rebellio obedientiæ usque ad mortem, mortem autē crucis: & ut ait Ricard. Victor, summum deprimetur subitus infimum: quia per peccatum infimum se extulerat supra summum.

Si autem priori modo consideretur satisfactio Christi, nempe quoad sufficientiā, & valorem moralem operū, quibus pro nobis satisfaciebat, & merebatur reconciliationem nostram, dico singula Christi opera satisfactoria, & meritoria fuisse valoris simpliciter infiniti secundū moralem dignitatem, & æstimabilitatem, quam trahebāt à persona Verbi seipsam totā impendentis ad satisfaciendum: ut supponit Clemens VI. in Extrauag. *Vnigenitus*: vbi affirmat non esse timendum, ne thesaurus meritorum Christi exhauriatur, cuius vna gutta sanguinis pro redemptione totius humani generis sufficisset. Nimirū quia quodlibet est valoris simpliciter infiniti. Alioquin enim quomodo præponderaret tot peccatis hominū mortalibus, quæ in infinitum multi-

plicari possunt, mereturque penam duratione infinitam, si merita Christi essent tantum infinita secundū quid, cum quodlibet peccatum mortale sit etiam infinitū secundū quid: imò & verè infinitum moraliter, dignumque pena infinitæ durationis, utpote offensā simpliciter infinita: Et vnde Pontifex certū habere potuit vnam sanguinis guttam sufficere quoad valorem redemptioni omnium peccatorū, nisi ex reuelatione, quod quolibet actio Christi meritoria est simpliciter infinita dignitatis? Itaq; secundū hanc cōsiderationē fuerunt omnia, & singula Christi opera satisfactoria valoris simpliciter infiniti, & in eo saltem æqualia, quod essent digna premio simpliciter infinito: sicut omnia peccata mortalia sunt in eo æqualia, quod singula sunt digna pena infinitæ & æternæ durationis. Nichilominus tamen secundū aliam cōsiderationem, id est, secundū entitatē physicā, seu speciē, & circūstantias intensiōis, durationis, &c. secundū quæ finita erāt, habuerūt inæqualitatem: & eatenus vnū fuit alio perfectius in specie, intensiōe, extensiōe obiectiua, duratione, &c. Eatenus etiam vnū fuit alio aptius ad satisfaciendum. Ac denique in multitudine actuum satisfactoriorū plus fuit perfectionis extensiuē saltem, quam in vnico, ut bene probat argumentum in obiectione propositum.

Sic, ut alibi diximus, peccata mortalia quauis singula sint moraliter infinita in eo, quod digna sunt penā æternā: secundū tamen alias cōsiderationes, quibus finita sunt, vel in specie, vel in extensiōe, vel in intensiōe actus, possunt esse inæqualia vel specificē, vel extensiuē, vel intensiuē: quatenus scilicet vnum vel est in specie deteriori, & magis difformi refectioni, ut odiū Dei præ odio proximi: vel obiectiuē magis extēditur, ut furtū mille aureorum præ furto duorum tantum: aut etiā extensiuē, quoad durationē, quia scilicet magis durat: vel denique actu magis intēso sit, ut odiū proximi summē intēsum præ alio remisso. Illi tamen excessus, sunt quoque moraliter infiniti, id est, digni penā infinitæ durationis. Nam pena intensior, quæ pro excessu peccati mortalis imponitur, æterna erit. Et sicut pena, quamuis in eo quod sit æterna, non patitur excessū, patitur tamen in intensiōe in qua finita est: sic peccata mortalia, quauis omnia, & singula sint infinita moraliter, in eo, quod sunt digna simpliciter penā infinitæ durationis: excedūt se tamē in eo, quod propter intensiōem, extensiōem, aut speciē actus, alia sunt aliis digniora penā æterna, & penā intensiuē grauiori, quæ secundū intensiōem quoque æterna sit. Similiter ergo opera Christi meritoria, & satisfactoria, erāt quidē singula moraliter infinita: erāt tamen alia aliis perfectiora in specie, vel extensiōe, vel intensiōe actus, & alia aliis penāliora, & humiliora, adeoque aptiora ad satisfaciendū pro peccatis. Quæ de causa Deus voluit, & Christus acceptauit, ut redemptio nostra non nisi per mortem eius cōsummaretur, iuxta illud Iſaiz. 53. *Si posueris pro peccato animam suam, &c.* Erat autem excec-

80.

Peccata mortalia, quamuis moraliter infinita, sunt inæqualia.

fuisse actum meritorium, & satisfactorius: quia actus se totis erant meritorij, & satisfactorij, ac non tantum aliqua sui parte, vel gradu. Vnde vnū Christi opus erat magis meritorium, & satisfactorium, quam aliud saltem extensiuē.

81. **Octauum argumentum;** Si thesaurus satisfactionum, & meritorij Christi est infinitus, & inexhaustus, id est, inexhaustibilis, vt ait Clemens VI. Extrauag. *Vnigenitus*: ergo excedit omnipotentiam Dei, quia plus meretur quam Deus possit retribuere, quod est absurdum, & impossibile. Item etiam meretur omne primum possibile: alioquin esset aliquod, quod mereri non posset, & tandem posset exauriri, & excedi: ac timeri posset ne exauriretur aliquando, quod tamen Pontifex ait timendum non esse. Ergo si essent duo Christi, quod non est impossibile, & peteret à Deo contraria, v. g. vnus peteret pro Paulo veniam, alter peteret exerceri erga illum iustitiam, proque eo quisque offerret sua merita: mereretur quilibet eorum exaudiri. At hoc est falsum & impossibile, quia non potest quisquam mereri impossibile. Est autem impossibile vtrumque exaudiri, fierique quod ambo postulant.

Ad primum Respondeo, Christi meritum & satisfactionem spectari posse vel in actu primo, id est, quoad dignitatem, & vim: vel in actu secundo, id est, quoad effectum, & exercitium virtutis. Hoc secundo modo non valet nisi ad ea, ad quæ Christus ordinauit efficaciter, & Deus acceptauit; nec nisi secundum mensuram ordinationis, & acceptationis. Et hæc omnia Deo Christo retulit. Inter quæ sunt aliqui effectus infiniti, vt gloria æterna, & remissio peccatorum, quæ moraliter infinita est, æquæ ac ipsa peccata. Tanti enim æstimabilis est remissio debiti, quanti ipsum debitum. Priori modo valet quidem ad infinitè plura, & plura: sed non propterea superat Dei potentiam. Quia sicut potest mereri plus, & plus in infinitum: ita Deus potest retribuere plus, & plus in infinitum. Neque potest mereri in actu primo, seu habere vim ad impossibile. An verò possibile sit aliquod primum, quod mereri non possit, mox dicemus.

82. **Responsio insufficiens.** Ad secundum respondet vnus è recentioribus diip. 6. de Incarnat. sect. 1. n. 15. Vtrumque Christum dignum esse illo premio, vtrumque dignum, qui exaudiat, & consequenter quilibet eorum mereri, quod postulatio alterius non exaudiat. Neque enim est inconueniens, inquit, quod dentur simul duo merita cōdigna inter se opposita. Nam sicut possunt de facto duo iusti postulare à Deo obiecta contraria: Vnus v. g. sanitatem ægroto, alter mortem vt soluatur vinculis carnis; & vterque meretur de congruo exaudiri, & per consequens singuli merentur, quod alter non exaudiat. Cur similiter dari non poterit merita cōdigna opposita? Imò ita videntur dari de facto quoties electoribus proponitur duo æquæ digni Episcopatu, vel alio beneficio. Tunc enim singuli sunt digni, qui eligantur

& per consequens quilibet meretur non solum de congruo, sed de condigno, quod relinquatur aduersarius, & ipse assumatur. Hæc ille. Quæ mihi non probantur. Primum enim, nemo potest mereri impossibile. Nam impossibile nihil est; & meritum non est nihil meriti. Atqui est impossibile, vt vterque exaudiat: quia impossibile est vt idem simul fiat, & non fiat: ergo non possunt id mereri. Secundò, si vterque per sua merita meretur exaudiri: ergo meritum vtriusque præualet merito alterius, & vterque vincit, & vincitur circa vnum, & idem. At hoc est euidenter impossibile & plenum contradictionis. Nam victoria vnus meriti supra aliud in eo consistit, quod vnum sit æstimabilius altero, & propter ipsum fiat, quod petitur, neque ab alterius precibus, aut meritis impediatur, sed alterum eius virtuti cedat tanquam poteriori. Est autem euidenter impossibile vtrumque meritum esse æstimabilius altero, & vtrumque cedere alteri tanquam potentiori, & æstimabiliori. Tertiò, merita vtriusque Christi essent æqualia, quia infinita simpliciter, inquit idem auctor, sect. cit. At quando duæ causæ æquales mutuò se impediunt tota vi, neutra alteri præualet. Ergo in casu proposito neutrius Christi merita alterius meritis præualerent, sed vim suam mutuò suspenderent. Similiterque cum duo iusti petunt à Deo contraria: si eorum preces sunt æqualis apud Deum valoris, neuter meretur præ alio exaudiri. Et cum duo æquæ digni proponitur pro Episcopatu, vel alio Beneficio: neuter meretur alteri præferri: sed electori liberum est eligere quem volet è duobus æqualiter dignis. Cum enim in obiecto non sit ratio prælationis, non potest esse ratio eligendi vnū præ alio ex parte meritorum. Et impossibile est vtrumque mereri præferri alteri. Nam si vnus meretur præferri alteri, alter non debet ipsi præferri: ergo id non meretur. Adde quod alioqui quidquid fieret, fieret contra meritum, & ius alterius, essetque impossibile electori vitare iniustitiam, quidquid faceret.

Non satisfacit etiam quod respondet Yzäbert. q. 1. de Incarn. d. 5. a. 9. hypothese esse impossibile: Quia (inquit) si darentur duo Christi, haberet quisque voluntatē suam efficacem conformem diuinæ, à qua non posset discordare: ideoque non possent velle efficaciter opposita: & ad illa meritum quisque suū ordinare. Similiterque quia non poterat Christus quicquā velle, nisi rationabiliter; non potuit velle efficaciter incarnationem Verbi, vel omnium personarū diuinarum, cum omnibus, & singulis hominibus, illamque à Deo mereri. Non satisfacit, inquam, quia præsens difficultas non est de merito quoad effectum, id est, quidnam re ipsa potuerit Christus mereri efficaciter, posita eius ordinatione, & Dei acceptatione: sed de merito quoad valorem, & sufficientiam: id est, ad quid valorem sufficientem habuerint Christi merita, quantum est de se, ita vt illud meruisset, si accessisset ordinatio, & acceptatio diuinæ

Alteri teli
posio inu
tilis

Quamuis autem non posset Christus ordinare sua merita ad aliquod primum repugnans voluntati efficaci alterius Christi: questio integra superest, utrum meritum Christi habeat valorem sufficientem ad primum illud obtinendum, ita ut obtineret de condigno, & ex æqualitate, si ad illud ordinaretur. Idemque dico de infinitis unionibus hypostaticis.

83.

Vera solutio
Thesaurus
meritorum
Christi cui
inexhaustus?

Aliter ergo respondendum est obiectioni propositæ, nimirum ut thesaurus meritorum Christi dicatur infinitus, & inexhaustus, non esse necessarium ipsum mereri potuisse omne primum possibile, non obstante quouis impedimento possibili, quod nunquam erit, neque rationabiliter timeri potest: sed sufficit, quod valeat ad primum simpliciter infinitum, & increatum, propter infinitam maiestatem, & dignitatem personæ diuinæ operantis, superetque valore, & æstimabilitate omne primum purè creatum: adeoque valeat, & superabundet ad omnia peccata remittenda, quoad culpam, & poenam: & ad obtinenda omnia gratiæ beneficia, quæ secundum ordinem rerum constitutum à Deo possunt in æternum communicari creaturis intellectuali- bus, quas omnes Deus Christo, ut capiti subiecit, quemadmodum ait Apostolus ad Ephes. 1. v. 21. & sequentibus. Non est autem timendum, ne sit alius Christus: qui si daretur, non esset Christi pedibus subiectus, sicut Paulus affirmat Deum subiecisse omnia sub pedibus Christi. Similiter non est timendum ne thesaurus meritorum Christi exhauriatur per quantamcunque remissionem peccatorum, & infusionem gratiarum. Hæc enim quantumcumque multiplicentur, sunt purè creata, & longè minoris æstimationis, quam Christi merita, & satisfactiones: quæ sunt infinitæ simpliciter in altissimo genere, siue ordine infinitatis, nempe diuini: ita ut sint condigna premio increato, & vel ipsam incarnationem alterius mereri potuerint. Incarnatio autem superat infinitè quæcunque dona gratiæ creatæ, seu distributiue, seu collectiue sumpta. Non est tamen necesse ut Christus quolibet opere suo potuerit mereri condigne productionem infinitorum Christorum, quorum quilibet esset ipsi æqualis in esse, & in omnibus operationibus, quæ tamen fingantur omnes cum ipsis personis se habere per modum vnius præmii possibili: & alia id genus imaginabilia. Quævis Suar. disp. 4. sc. 4. 5. *Superest igitur difficultas*, existimet probabiliter esse, Christum, etiam quolibet opere meritorio, meruisse omnia præmia possible, etiam collectiue: id est, quodlibet eius opus meritorium valuisse de se ad illa omnia condignè, siue ex æqualitate. Quamuis enim, ut idem rectè notat eadem sect. non sit necessaria æqualitas physica rei ad rem inter meritum condignum, & mercedem: alioquin Christus per suas operationes non potuisset condignè mereri, ne vnā quidem unionē hypostaticam, quod est falsum, & contra communem sententiam; neque iusti possent mereri condignè, ut Deus velit sibi dare augmentum gra-

tæ, quia vnio hypostatica, & actus ille Dei sunt physice nobiliores actibus Christi liberis, & operibus iustorum: sed tantum requiratur proportio moralis, in eo consistens, quod tale opus prudenter censeatur dignum tali præmio: non video, tamen quomodo talis sit proportio æqualitatis inter quodlibet Christi meritum, & infinitas uniones hypostaticas, atque effectus inde sequutos. Maxime cum Suarez ibidem fateatur vnica unionem hypostaticam esse intensiue æquale præmium vnico Christi merito: sed ait meritum nihilominus extensiue latius patere, quantum paterent infiniti actus meritorij, si eos Christus exerceret: quia, inquit, infinitus influxus diuinæ hypostasis dat illi tantam amplitudinem moralem, quantam haberent infiniti actus. Verum non apparet cur præmium illud non sit extensiue æquè amplum, ac meritum. Sed potius sicut vnica vnio hypostatica non est æqualis extensiue infinitis unionibus hypostaticis: neque Verbi hypostasis dat illi tantam amplitudinem: sic influxus moralis hypostasis in vnum Christi meritum non dat illi tantam amplitudinem meritoriam, quantam haberent infiniti actus meritorij eiusdem Christi.

Nec obest, quod vnumquodque Christi meritum sit infinitum simpliciter in genere meriti: nam est tantum infinitum intensiue, ut supra diximus: & non est necesse ut meritum infinitum simpliciter intensiue dumtaxat, mereatur omnia præmia possible collatiue: sed sufficit, quod valeat ad aliquod præmium simpliciter infinitum, sibi proportionatum. Atque ita singula Christi merita sunt simpliciter infinita, quia valent condignè ad unionē hypostaticam, quæ est præmium simpliciter infinitum ipsis proportionatum, & eiusdem ordinis, nempe diuini. Multoque magis valent ad omnia bona purè creata, creaturis communicabilia (quæ sunt longè inferiora) propter dignitatem excellentissimè infinitā, communicatam eius meritis ab hypostasi Verbi, atque ab ipsa diuinitate, naturæ humanæ operanti vnitæ. Ideoque non potest timeri prudenter, ne per talium bonorum multiplicationem tandem exhauriantur Christi merita.

Obiicit Suarez 1. Potentia infinita simpliciter in agendo, vel mouendo, non solum potest facere quemcunque perfectissimum effectum in illo ordine: sed etiam potest facere quemcunque effectuum multitudinē. Ergo & meritum simpliciter infinitum sufficiens est ad quodcunque præmium, etiam si ex plurium collectione consurgat. Comparatur enim meritum ad præmium per modum principij effectiui in suo ordine. Secundò, perfectio huius meriti prouenit præcipue ex dignitate personæ operantis. Sed hæc dignitas tanta est, ut vel formaliter, vel eminenter contineat quidquid perfectionis est in quolibet præmio possibili, vel præmiorum collectione. Ergo & meritum tam est perfectum in suo ordine, ut eminenter æqualeat cui-

84.

85.

Argumentum
contra
sententiam

cunque

cunque collectioni pramiorum, etiamsi in infinitum procedatur. Tertiò, potuisset aliquin exhaustiri vnum Christi meritum per pramium Incarnationis v. g. Patris æterni: quod est falsum: quia ille actus est diuisibilis in plures gradus: & quilibet gradus est dignus eo pramio: quia infinite dignificatur à Verbo. Item quia durat aliquo tempore, & qualibet pars durationis, est digna eodem pramio. Item si est actus amoris Dei super omnia, iussiceret actus inferior v. g. temperantiæ. Ergo ille nobilior valet ad plus merendum, quam Patris Incarnationem. Item iussiceret actus remissior, & remissior in infinitum. Ergo ille intensius ad plus valet. Quartò, si tres personæ diuinæ assumerent eandem humanitatem, & per eam operarentur; actus illius non essent magis meritorij, quam nunc sint actus Christi: quia tres personæ diuinæ non sunt quid perfectius, aut melius, quam vna. Vnde non magis actum dignificarent. Ergo è conuerso, plures actus elicit à Christo, non sunt magis meritorij, quam vnus ab eadem persona elicitus. Ergo cum æqualitate possunt quocunque actu obtineri omnia pramia, quæ possunt pluribus. Probatz prima consequentia: quia plus confert ad valorem, & quantitatem huius meriti, dignitas personæ, quam entitas actus. Ergo si plures personæ adiunctæ eidem actui simpliciter non augent valorem, quem vna sola confert, quia vnaquæque continet formaliter vel eminenter quiddam perfectionis est in omnibus; etiam plures actus procedentes ab eadem persona, simpliciter non augebunt valorem vnus actus ab eadem persona. Multò enim magis continet ipsa persona quiddam ex entitate actus adiungi potest. Hæc Suarez.

Ad primum Respondeo verum illud esse de potentia infinita simpliciter in agendo, tam extensiuè, quam intensiuè, & omnimodè illimitata. Secus verò si esset intensiuè solum infinita. Non enim est necesse, ut valeat ad simul producendos quoscunque effectus possibiles, etiam intensiuè infinitos. Et sicut ignis infinitus valeret quidem ad producendum calorem infinitum, sed non ad producendos simul omnes calores possibiles: & si esset tantum infinitus in longum, posset quidem producere infinitum in longum in aère viciniore, sed non infinitum secundum latitudinem, & profunditatem: & ultra possent produci alij, & alij calores infiniti in longum in alijs partibus aëris remotioribus. Sic meritum simpliciter infinitum intensiuè non debet propterea valere ad omnia pramia possibilia collectiuè, sed tantum ad ea, ad quæ vim habet proportionatam, & condignam, tam extensiuè, quam intensiuè.

Ad secundum, nego consequentiam. Neque enim dignitas meriti est ipsa dignitas Verbi, aut illi æqualis: sed est moralis effectus hypostasis, & diuinitatis dignificantis opera Christi, quatenus propter illam sunt magis æstimabilia. Neque ut se diuinitas
TOMUS IV.

habet ad perfectionem pramiorum omnium possibilem, ita se habet dignitas vnus meriti ad collectionem quorumcunque pramiorum. Diuinitas enim cum sit primum rerum omnium principium, continet omnia formaliter, vel eminenter. At vnum meritum non continet cætera omnia, & inter illa est inæqualitas perfectionis, ut supra dictum est. Neque diuinitas, extensiuè saltem, tam influit moraliter in vnum Christi meritum, atque in omnia.

Ad tertium, fateor aliquod Christi meritum esse potuisse, quod exhaustiretur per pramium Incarnationis Patris, aut Spiritus sancti: quod etiam docet ex parte August. Bernal. disp. 55. de Incarnat. lect. 1. nu. 16. post Albertinum, quem citat, & alios recentiores. Vbi etiam fusiùs id confirmat, & rationes contrarias refutat. Nec obest quod ille actus esset diuisibilis, & durans aliquandiu. Nam ut omittam querere an sint absolute possibiles actus spirituales indiuisibiles, æquè ac animæ, vel Angeli; & instantanei, ac sine duratione: intensio, vel duratio non notabilis, sed pene nulla, & moraliter, aut naturaliter inuitabilis, non augeat valorem meriti, qui moraliter expenditur, & non mathematicè secundum partes proportionales in infinitum diuisibiles iuxta Aristotelem. Neque est necesse, aut adeo probabile, quod quilibet actus possibilis Christi cuiuscunque virtutis, etiam infimæ, & cuiuscunque intensionis, vel durationis, etiam minimæ, ex. gr. vnus actus solius temperantiæ circa scyphum aquæ, aut vini temperatè bibendum valeret condignè plusquam ad vnica vnionem hypostaticam Patris, aut Spiritus sancti. Est, actus virtutum perfectiorum ad aliquid amplius valuerint, & præcipuè actus charitatis. Existimo autem Christum reipsa meruisse semper per actus charitatis erga Deum elicitos, aut imperatos: operabatur enim modo excellentissimo, & ad actus temperantiæ, religionis, aliarumque virtutum adiugebat influxum charitatis, sicut hortatur nos operari omnia ex charitate.

Ad quartum respondeo actus illos fore magis meritorios extensiuè, sicut tres personæ sunt extensiuè quid perfectius vnâ, & perfectius extensiuè sanctificarent humanitatem, eiusque opera similiter perfectius extensiuè dignificaret. Quælibet enim hypostasis suâ conferret dignitatem naturæ assumptæ, eiusque operibus, illius dignitatis capacibus.

SECTIO IX.

An Christus satisfecerit ex iustitia?

Respondeo Christum satisfecisse ex iustitia: etiam verè & propriè dicta. Ita Thomistæ communiter, fauente D. Thoma quæst. 1. artic. 2. ad 2. Suar. disput. 4. lect. 5. Valent. quæst. 1. punct. 5. quæstio 5. Probari solet

Respondet
ter tertio
argum.

Satisfecit
quarto
argum.

87.
Christus
satisfecit
ex iustitia
propriè dicta.

Soluitur
primum
argum. u

86.
Diluitur
secundum.

primò ex Scriptura, quæ de Christi satisfactio-
ne, loquitur largius, ut de opere iustitiæ, 1. Corinth. 1. *Empri estis pretio magno.* Et 1. Petri 1. *Non corruptibilibus auro, & argento, sed pretioso Christi sanguine empti estis.* Apocal. 5. ver. 9. *Redemisti nos Deo in sanguine tue.* Emptio autem, & redemptio significant actum iustitiæ: & Scripturæ verba in proprio sensu, quoad fieri potest, accipienda sunt. Sed huic probationi obest, quod, ut alibi notauimus, nomen emptionis, & redemptionis hac metaphoricè accipiendum est. Ad idem probandum adducitur etiam illud Apost. ad Rom. 3. v. 25. *Quem proposuit Deus propitiationem per fidem in sanguine ipsius ad ostensionem iustitiæ suæ.* Sed verba sequentia ostendunt iustitiā ibi sumi pro sanctitate, ut sit ipse iustus, & iustificans eum, qui est ex fide Iesu Christi. Apertius est illud Psalm. 84. ver. 11. *Misericordia, & veritas obuiuerunt sibi, iustitia, & pax ostendata sunt, &c.* Quibus verbis fit mentio iustitiæ in redemptione, seu reconciliatione generis humani. Iustitiæ, inquam, specialiter sumptæ, ut distinctæ à misericordia, veritate, seu veracitate, & aliis specialibus Dei virtutibus, seu attributis. Et Psalm. 97. *Notum fecit Dominus sanctare suam, in conspectu gentium reuelauit iustitiam suam, recordatus est misericordie suæ, & veritatis suæ domui Israel.* Videntur omnes termini terræ saluare Dei nostri.

Probat
ex Patri-
bus.

Secundò probatur efficacius ex Patri-
bus. In concil. Ephes. rom. 6. seu parte 6. cap. 7. refertur homilia Procli Cyliceni de natiuitate, in qua sic ait: *Necessarium erat ut huiusmodi pretium penderetur, quod exactam debitum ad amissam iustitiā exequeret.* S. August. lib. 13. de Trinit. cap. 13. *Non autem Diabolus potens Dei, sed iustitiæ superandus fuit.* Et in Enchir. cap. 49. *Ut Diabolus iustitiā veritate, non violentiā potestati oppressus, & victus, quoniam ipsum sine ullo peccati merito iniquissimè occiderat, per ipsum, (Christum) iustissimè amitteret, quos peccati merito detinebat.* Similia tradunt S. Leo serm. 5. de passione, Cyrill. lib. 1. de fide ad Theodosium cap. *Quod redempti sumus per sanguinem Christi*, Theodoret. Dia-
logo 2. & alii.

87.
Conditiones
requiritur
ad actum
iustitiæ.

Tertiò probatur ratione. Quia neque al-
teritas, neque ratio debiti, neque æqualitas,
& si quæ alia requiruntur ad iustitiā, de-
sunt Christi satisfactioni. Pro quo nota, ut
aliquid sit opus veræ & perfectæ iustitiæ
multa requiri. Primò, ut sit opus vni-
us ad alterum. Secundò, ut vnus habeat ius, alter de-
bitum speciale, id est, strictum, & rigoro-
sum, quod solet appellari debitum iustitiæ.
Tertiò, ut sit opus formalis iustitiæ necesse
est ut ab operante fiat ex affectu debiti, &
quia pertinet ad ius alterius. Quartò, ut sit
opus perfectæ iustitiæ necessarium est ut sol-
uatur æquale, id est, quod & quantum ius per

se postulat ita ut nihil illius desit, aut remita-
ratur. De aliis conditionibus, quas aliqui
requirunt, dicemus inferius in solutione ob-
iectionum.

Iam quod satisfactio Christi hæc omnia
habeat, patet. Primò, quia Christus fuit al-
ter ab eo, cui satisfecit. Nam satisfecit, ut
natura humana constans, per operationes
ab ea elicatas, Deo ut natura diuina constan-
ti. Christus autem sic consideratus, distin-
guitur à Deo realiter. Hypostasis autem
Verbi diuini non satisfecit, sed tantum no-
bilitauit actiones, quibus Christus, ut natu-
ra humana constans, satisfecit. Secundò,
Deus verè ius habet ut non offendatur à
creaturis, & ut exigit pœnam ab illis, aut
satisfactionem, si offendatur. Christus au-
tem, licet per se non teneretur satisfacere,
aut pœnam pati, cum esset innocens: suā ta-
men, & Dei voluntate, debitum nostrum
suscepit. Tertiò, Christus, qui perfectissimè
operabatur, non caruit affectu debiti, & iuris
diuini seruandi. Quartò, soluit etiam pœ-
nam æqualem debiti, & exhibuit satisfac-
tionem, quantam debuissent homines, si
præstare potuissent. Quamuis enim si pœna
Christi consideretur physicè, nulla propor-
tio sit inter illam, & supplicia damnatorum,
quæ tamen pro peccatis iuste debita fuis-
sent: & si considerentur opera Christi secun-
dum multitudinem, excedantur à peccatis
contra Deum admissis, vel admittendis: at-
amen si consideretur Christi dignitas, & ma-
iestas: pœna, quam subiuit, exiit infinitè
grauis ex conditione patientis ita ut secun-
dum rectam æstimationem plus sit Christū
fuisse passum, quæ passus est, quàm omnes
homines fuisse passuros, quæ passuri erant.
Itè si considerentur Christi actiones per hy-
postasim diuinam nobilitatæ: satisfactio
Christi est immensa, & maior quàm offensæ
contra Deum admittæ, vel admittendæ: quia
secundum rectam æstimationem plus erat
Deum ita coli, adorari, obediri, laudari, &
amari, quàm omnium hominum culpis of-
fensum iri.

Nulla earū
desunt sa-
tisfactioni
Christi.

Aduersus hæc multa opponunt Vasq. d. 7.
& 8. Marat. disp. 7. & Delugo d. 3. & 4. Ac
primò contendunt generationem non esse iusti-
tiam propriè dictam inter Deū, & homines:
adeoque nec inter Christum, & Deum. Sed
nos contrarium ostendimus, eorumque ar-
gumentis respondimus Tom. 1. d. 17. sect.
2. 3. & 4. Et tomo 3. d. 27. sect. 4. breuiter
eandem sententiam confirmauimus. Cumq;
Scriptura tam frequenter & constanter Deo
iusticiam tribuat: debet omnino intelligi in
sensu proprio, nisi quid aliud manifestè pro-
hibeat: iuxta communem regulā Scripturam
interpretandi, quæ nisi teneatur, nihil ex
Scriptura vi verborū certò haberi potest. At
nihil prohibet esse in Deo iusticiā propriè,
id est, affectum rectum, & conuenientē circa
iustum & debitum, ut debitum est: siue lo-
quamur de iis, quæ debentur iuri diuino
à creaturis: siue etiam de iis, quæ debentur

88.

Contraria
sententia.

sur creaturis à Deo. Plurima enim debentur Deo à creaturis, quæ Deus potest pro iure suo exigere: vt obedientia erga ipsius leges, submissio & cultus maiestatis ipsius, satisfactio vel pœna pro offensis, &c. Deus quoque ea debet creaturis quorum ipse se liberè debitorem constituit. Neque ipsius maiestati repugnat debitum non ex necessitate, sed ex ipsius libera voluntate profectum. Circa quod debitum creaturæ ius habeant, ortum ex Dei promissione libera, alto ac supremo eius dominio semper subiectum, quemadmodum iura particularium circa propria bona subsunt alto dominio Principis, aut reipublicæ, in ordine ad bonum commune. Posito autem quod creaturæ aliquid debeant Deo, circa quod Deus habeat verū ius; cōuenit rectæ rationi, vt Deus illud velit & exigat, quia debitum est: non minùs quàm conueniat homines exigere quæ sibi ab aliis debentur. Posito etiam quod Deus aliquid debeat creaturis ad quod ipsæ habeant verum ius, conueniens est vt Deus velit illi debito satisfacere, etiam propter formalem rationem debiti. Hic autem affectus est affectus iustitiæ strictæ & propriè dictæ, vt suppono ex dictis in tract. de iustitia: ergo iustitia propriè dicta non debet Deo negari tanquam illi disconueniens.

89.

Debeantne
homines
Deo satisfac-
tionem
pro peccato?

Secundò opponit idem Vasques disput. 7. cap. 4. num. 28. Homines pro peccato in Deum commissio non debebant satisfactionem Deo ex iustitia. Ergo nec Christus pro eis soluens potuit ex iustitia satisfacere. Siquidem Christus idem onus subiuit satisfaciendi Deo, quod homines habebant: neque potest esse maior obligatio fideiussoris, quàm primi debitoris. Probat antecedens, quia obligatio satisfaciendi alteri ex iustitia, propriè oritur ex iustitia violata. Sed homines peccantes peccato superbiz v. g. vel intemperantiæ, aut alio, non peccarunt propriè contra iustitiam erga Deum, alioqui sequeretur homines in quouis peccato contra duplicem virtutem specialem peccare, ac proinde quodlibet eorum peccatum in duplici specie constitui: alterà contra temperantiam, aut humilitatem, &c. alterà contra iustitiam erga Deum, violando ius illius, quod est absurdum. Confirmatur quia, vt idem Vasques ait disput. 2. cap. 3. num. 20. & sequentibus, iniuria propriè, quæ fit contra iustitiam, semper fit in damnum illius cui infertur, siue in bonis pecuniæ, siue in bonis famæ & honoris, siue in bonis etiam vitæ. At creaturæ non possunt Deum lædere in bonis suis, vllumque damnum illi inferre.

Peccata
sunt verè
Deo iniuriosa.

Respondeo negando primum antecedens. Ad cuius probationem dico peccata superbiz, & intemperantiæ, & similia, esse contra iustitiam quatenus sunt contra ius Dei. Quod si fiant sine aduertentia iuris diuini, sunt iniuriæ tantum materialiter. Sin autem cum aduertentia, id est, scienter & liberè, sunt iniuriæ formaliter, habentque dupli-

cem malitiam: alteram oppositam humilitati, aut temperantiæ, &c. alteram oppositam iustitiæ, quæ reddit vnicuique quod eius iuri debitum est. Quod non modò non esse absurdum, verum etiam esse de fide putat Lorca disput. 11. de peccatis, & disput. 36. de Gratia. Quoniam, inquit, tota Scriptura id significat, & nihil magis est in ore omnium fidelium, omniumque Ecclesiæ Doctorum. Et quidem certissimum est peccata frequentissimè in Scriptura, nomine iustitiæ & iniquitatis appellari.

90.

Ad confirmationem respondeo non esse de ratione iniustitiæ vel iniuriæ quod alter patiatur damnum, vel detrimentum in bonis suis, sed satis esse quod ius ipsius violetur. Nam omnis violatio iuris est iniuria. Iuris, inquam, resistentis & vigentis. Deinde licet Deus non possit lædi in bonis internis; potest in externis, vt sunt fama, honor, reuerentia, & obedientia debita, quæ possunt Deo subtrahi, vel imminui, per prauas hominum voluntates. Estque planè incredibile quod ait Vasques loco proximè citato, ne illa quidem peccata, quæ directè sunt in Dei contumeliam & iniuriam, habere propriam rationem iniuriæ & offensæ contra iustitiam. Etenim Deus, non minùs quàm homo, est Dominus suæ famæ, & honoris. Si ergo iniuria fit homini infamando, vel inhonorando directè illum: quomodo non fit Deo? Item, si quis non modò legem Principis violaret, sed etiam verbis contumeliosis illam contemneret, peculiarem & propriè dictam iniuriam in Principem committeret, maxime si eo præsentè id faceret, vt Vasques ibidem fatetur. Ergo qui simili modo legem Dei contemneret, iniuriam propriè illi faceret. Item, si Regi iniuriam facit, qui vult & conatur honorem regium alteri communicare: ergo & Deo, qui alium pro Deo colit, aut rationem vltimi finis in eo constituit. Ergo Deus non est absolute incapax iniuriæ propriè dictæ, respectu creaturæ. Posito autem quod sit capax, reperitur sufficiens ratio iniuriæ in omnibus aliis peccatis, eo ipso quod lædunt ius Dei præcipientis, aut prohibentis; nosque subtrahunt, quoad vltimè & subiectione actualem, perfectissimo dominio quod Deus in nos habet.

Tertiò, opponit Vasques disput. 7. cap. 4. num. 31. Christus non aliter satisfecisset pro hominibus si non spondidisset, quàm satisfecit spondens pro nobis. Atqui si non spondidisset, non satisfecisset ex iustitia, quia non habuisset debitum, sine quo non est iustitia: ergo non satisfecit ex iustitia. Respondet Suares disput. 4. sect. 5. negando minorem: quia ad operandum ex iustitia, non est semper necessarium operari ex debito, & propria & rigorosa obligatione iustitiæ, sed interdum satis est operari ad constituendum proprium ac verum mediū iustitiæ intuitu ipsius iustitiæ, etiam si absque obligatione fiat. Ratio est quia vt actus sit

91.

An spondens
contulerit
aliquid sa-
tisfactioni
Christi?

proprius alicuius virtutis, satis est ut in obiecto eius reperitur honestas illius virtutis; & quod intuitu illius honestatis fiat: Quod totum fieri potest sine obligatione. Ut si aliquis vellet pro aliquo debitum solvere, formaliter intendens ne creditor pariat in iuriam, & ut debita æqualitas illi seruetur; reuera faceret actum habentem iustitiæ honestatem erga creditorem, & non tantum charitatis aut misericordiæ erga eum quem debito liberat. Sic ergo Christus licet ipse debitum non haberet, poterat Deo ex iustitia satisfacere pro hominum debito, ex affectu refarciendi iniuriam Deo factam, soluendo quod illi debitum erat. Hæc Sures. Verum licet affectus iustitiæ possit quidē versari circa debitum alienum: fieri tamen nequit ut aliquod opus sit æquè obiectū iustitiæ respectu operantis, & æquè solvatur ex iustitia, si liberaliter ab illo soluitur, & nō ex debito iustitiæ: ut sit ab eo qui sine pacto sponte solvit debitum alienum: qui non solvit ex debito iustitiæ, nisi subeat locum debitoris, per expressam aut tacitam conventionem. Quare similiter Christus non æquè solvisset ex iustitia, nisi locum hominum peccatorum subiisset. Melius ergo responderetur negando maiorem. Sicut enim ille qui simpliciter offert aliquid dandum alteri ad aliud recipiendum, non habet eandem vim quam ille qui dat ex conventionem: ita si Christus operatus esset sine conventionem cum Deo de satisfactione exhibenda pro hominibus liberandis, non habuisset eandem rationem, neque eandem conditionem, quam habuit posita conventionem. Non enim habuisset obligationem & debitum illam exhibendi, quod debitum contraxit vi pacti in favorem hominum iniuri, neque Deum obligasset ad tollendam offensam intuitu satisfactionis exhibitæ.

Respondetur affirmatiue.

92.

Quomodo Christus satisfacit pro anterioribus.

Instabis quia Christus non aliter satisfacit pro iis, qui ante Incarnationem extiterunt, quam pro iis qui post; sicut illis, æquè ac istis meruit quidquid gratiæ consequuti sunt: & tamen nulla præcesserat sponso, vel conventio, quæ esse non poterat antequam Christus esset.

Respondeo fuisse in Dei mente & decreto æterno sponso suum tempore cum Christo incundam, certissimè præuisam, & acceptam à Deo, qui eius intuitu, per solutionem anticipatam, dedit anteris gratias pro quibus Christus erat suo tempore merita sua oblaturus, velut pro mercede soluta per anticipationem. Et quamvis sponso reipsa non præcesserit remissionem peccatorum, & collationem gratiarum factam anteris: præcessit tamen opera quibus Christus pro illis satisfacit, & meruit, postquam sponso à Deo sibi oblatam accepit, seque pro illis debitorem constituit, ad faciendum id omne cuius intuitu fuerat facta solutio per anticipationem. Quare pro illis etiam Christus satisfacit ex iustitia, æquè ac pro posteris, cum hac tantummodo dif-

ferentia, quod in prioribus, retributio præcessit tempore merita Christi: in posterioribus, merita Christi præcesserunt retributionem.

Quarto opponit Vasques satisfactionem ex iustitia debere esse ad alterum, quia eiusdem ad seipsum iustitia esse nō potest, ut docent omnes cum Aristotele 5. Ethic. cap. 1. 2. & 6. Sed Christus non erat alter à Deo cui satisfaciebat. Nam satisfacit præcipue per hypostasim, & diuinitatem, quæ dignitatem, & valorem infinitum eius operibus communicabat; & satisfacit Deo ut Deo, id est, naturæ diuinæ, & consequenter tribus personis, ratione naturæ communis, cuius mandatum & ius homines violauerant. At hypostasis & diuinitas Verbi non distinguitur realiter à natura diuina.

Respondeo Christum satisfacisse per naturam humanam, ut principium liberum operationum quibus satisfaciebat, quæ natura distinguitur realiter à Deo, cui satisfaciebat: sufficereque ad iustitiam ut sit ad alterum in natura, quamvis non in supposito, id est, ex parte hypostasis, quæ non satisfacit, quia ad extra nihil agit (satisfactio autem est operatio satisfaciens) sed tantum mortuo modo, & non libero, dignificauit operationes naturæ humanæ per modum causæ formalis extrinsecæ, aut circumstantiæ moraliter considerabilis in actibus naturæ ipsi unitæ. Confirmatur responsum, quia non minus religio & obedientia sunt ad alterum, quam iustitia. Sed Christus ut homo exercuit veros actus religionis, & obedientiæ erga Deum: ergo, &c. Item si per impossibile Christus peccasset per blasphemiam, verè Deum offendisset iniuriæ, agendo contra ipsius ius. Inter quos autem potest esse iniuria, potest esse iustitia. Item si duæ naturæ creatæ essent unitæ eidem supposito, & altera alteram mutilaret, ageret iniuste. Ergo ad iustè vel iniuste agendum sufficit diuersitas naturarum, quarum est ius, & quarum est agere iustè vel iniuste.

Instat Vasques ibidem, iustitiam debere esse ad alterum in bonis, siquidem neque inter supposita distincta vera ratio ad alterum reperitur, quando bona sunt communia ei, cui satisfactio exhibetur. Ideoque Aristoteles lib. 5. Ethic. cap. 6. ait inter patrem, & filium nondum emancipatum, iustitiam esse non posse, quia filius non emancipatus est aliquid patris, non ratione tantum feminis decisi, nam id quoque conuenit emancipato; sed quia quidquid est filii, est patris; unde in bonis non sunt alter & alter. Atqui in bonis diuinitatis & humanitatis non fuit distinctio secundum valorem: quia talis valor erat Dei, cui satisfactio exhibebatur. Eodem pertinet quod ait Delugo disput. 4. num. 7. iustitiam requirere distinctionem dominiorum non subordinatorum, & alioqui non esse sufficienter ad alterum.

Respondeo valorem illum operum huma-

93.

Satisfactio Christi quomodo fuit ad alterum?

24.

Fueritne ad alterum etiam in bonis? Aristot.

De Lugo.

nitatis fuisse donatum humanitati in vnione hypostatica, quæ est radix huius valoris. De bonis autem sibi datis potest vnus alteri satisfacere. Neque ille valor in re ipsa aliud est, quàm ipsa Christi operationes magis æstimabiles, eò quòd sint à natura Verbo vnita. Illæ autem operationes erant bona Christi propria: ad Deum verò tantum pertinebant secundum ius altum: & dominium supremum atque vniuersale quod habet in omnes creaturas, quod non obest iustitiæ, & alteritati ad eam requisitæ: sicut inter Regem & subditos est vera iustitia, non obstante dominio alto Regis circa eadem bona. Quare non est verum, quòd ait auctor postremo citatus, requiri distinctionem dominiorum non subordinatorum. Aristoteles verò intelligendus est de filio non emancipato, quoad ea bona circa quæ non est quasi emancipatus, quia non sunt facta ipsius iuris per donationem, aut laborem militarem, officium, aut beneficium &c. vt sunt ea quæ vocantur bona castrensia. Nam quoad ista potest esse iustitia & iniustitia inter patrem & filium. Quoad alia verò quæ sunt ipsius patris, non est iustitia ipsius circa sua. Filius tamen circa eadem potest esse iniurius: peccat enim vero peccato furti contra iustitiam, teneturque restituere si possit, quando inuito patri pecuniam surripit, aut quid aliud. Idemque verum est de seruo respectu Domini.

95.
Quomodo
satisfecit
Christus
pro iniuriis
sibi factis.

Dices offensas aliquas fuisse factas ipsi met Christi humanitati, vt peccata crucifigentium, pro quibus satisfacere non potuit nisi idem secundum naturam sibi met ipsi satisfecerit. Respondeo Christum pro illis ipsis offensis Deo satisfecisse prout erant eius iniuriæ, & ad eum pertinebant: vt autem pertinebant specialiter ad humanitatem, non fuit opus vt pro illis satisfaceret, sed vt eas liberaliter condonaret. Sicut etiam non satisfecit pro peccatis, vt sunt offensæ, & iniuriæ inter homines: vt Ioanni Baptistæ, pro homicidio Herodis: Paulo, pro Iudæorum vexationibus iniustis: huic aut illi, pro latrocinio circa eius bona commissio: sed ipsi debent alii aliis condonare, vel satisfactionem aut pœnam iuste possunt exigere. Ideoque Rei non minùs suspenduntur post confessionem, & reconciliationem cum Deo, ac si non essent Deo reconciliati: quia Dei condonatio circa offensam prout ad se pertinet, reliquit ius hominum integrum circa eandem offensam vt ad ipsos pertinentem. Reliqua à Vaque opposita disput. 8. & 9. pertinent ad sectionem sequentem de iustitia rigorosa.

His autem omnibus addi potest Christum subeuntem locum hominum peccatorum, non satisfecisse ex iustitia præcisè ob peccatum; si satisfactio, quam exhibuit, non debebatur ex iustitia vi peccati præcisè. Atqui non debebatur: quia fuit tanta, vt meritum peccati excederet infinitè. Non tenemur autem satisfacere per bona ordinis superioris,

pro bonis ordinis inferioris: vt satisfacere pro læsione in bonis fortunæ, per dispendium honoris & vitæ.

Respondeo negando maiorem. Quamuis enim non deberetur ex iustitia tanta præcisè, sed excefferit meritum peccati: debebatur tamen satisfactio personæ diuinæ: neque poterat peccati meritum adæquari per minorem satisfactionem, quàm personæ alicuius diuinæ. Satisfactio autem, quamuis excedens, deberetur ex iustitia, si non potest satisfieri sine excessu, & si excessus ille non est tam considerabilis, quàm ius offensi, quod reparari debet, vt diximus in tractat. de iustitia. Adeo vt interdum etiam opus sit satisfacere per bona ordinis superioris, pro valde graui offensa facta in bonis ordinis inferioris.

Concludo itaque Christum satisfecisse Deo ex vera & propria iustitia, eaque commutatiua, in qua tantum pro tanto redditur ad seruandum ius priuatum seu particulare personarum: tantum scilicet bonum, quantum fuit malum illatum, aut bonum ablatum. Ex qua etiam virtute Deus peccata puniit, quando malum pro malo rependit ad læsionem sui iuris reparandam. Nam iustitia vindicatiua est pars commutatiuæ, vt suo loco ostendimus. Ex eademque compensat bona iustorum merita præmio conuenienti in mercedem proposito, & sub conditione onerosa promisso, do vt facias, & facio vt des. Non enim verum puro quod ait Suares disp. 4. sectione 5. 5. *Omnium igitur*: in Deo non esse iustitiam commutatiuam, sed hæc omnia præstare ex iustitia distributiua. Etenim Deus in his omnibus non habet rationem iuris cuiusdam fundati in titulo communitatis, propter quem eius membra debent illius bonis, aut malis, id est, oneribus participare secundum proportionem geometricam, quod est officium iustitiæ distributiue: sed seruat ius particulare, siue creaturarum, reddendo illis quantum merentur, seruata proportione arithmetica: siue etiam ius suum, exigendo satisfactionem, vel pœnam, pro offensa debita iuri suo læso refarciendo. Vnde merito S. Thom. 2. 2. q. 61. art. 4. ad 1. sic ait: *Forma diuini iudicii, attenditur secundum rationem commutatiuæ iustitiæ, prout scilicet recompensat præmiis merita, & suppliciiis peccata.*

Neque valent argumenta quibus ad id asserendum motus est Suares. Nam licet Deus non teneretur acceptare satisfactionem Christi, nisi ad summum ex promissione: promissio tamen inducit obligationem iustitiæ commutatiuæ, si fiat ex animo dandi ius ad rem: præsertim si fiat sub conditione onerosa, quamuis onus quod exigitur posset alio titulo exigi à promittente. Sufficit enim quòd nō velit alio titulo solum exigere, sed istū etiam adiūgat. Dixi, si fiat ex animo dandi ius: quia si promittēs simpliciter, & liberaliter, velit tantū se obligare ex fidelitate, aut ex veracitate: pender hoc ab eius arbitrio. Neq; magis dedecet Deum

Satisfactio
Christi de-
beatur ex
iustitia.

96.

Christus
satisfecit
ex iustitia
commuta-
tiua.

Suaris opi-
nio non est
se in Deo
iustitiam
commuta-
tiuam, re-
solvitur.

S. Thom.

97.

Argumentis
Suaris res-
pondetur.

obligatio iustitiæ commutatiuæ orta solum ex libera ipsius voluntate, quàm obligatio fidelitatis aut veracitatis orta ex hypothesi quod simpliciter aliquid promiserit. Neque enim propterea Deus subiicitur iuri & dominio creaturæ: neque ius eius amplissimum & supremum minuitur aut ligatur indecenti vinculo: sed tantum Deus ex summa rectitudine suæ naturæ, quæ non potest nisi rectè & conuenienter omnia agere, tenetur facere id quod iustum est, & ex libera sua promissione debitum creaturæ: cuius tamen omne ius non definit contineri sub altissimo, & vniuersalissimo iure Dei, qui, si opus esset, posset super eo dispensare, aut ei derogare: ut principes possunt derogare iuribus subditorum propter bonum commune. Quamdiu tamen non derogatur, valet ius creaturæ; neque potest ei Deus irrationabiliter derogare, quia non potest agere irrationabiliter. Quoniam verò totum hoc debitum in Deo oritur ex libera eius promissione, eiusque obligatio non subest ullius creaturæ coactioni, sed viget tantum ex naturali necessitate rectitudinis diuinæ naturæ, quæ nihil iniustum, aut indecens agere potest: Idcirco D. Thom. & sancti Patres dicunt, interdum Deum non creaturis, sed sibi ipsi potius debere & obligari.

SECTIO X.

An Christus satisfecerit ex rigore iustitiæ?

98.
Christus
satisfecit
ex rigore
iustitiæ
quoad æ-
qualitatem
sed non ex
omni alio
capite.

Respondeo, Christum satisfecisse ex rigore iustitiæ quoad æqualitatem inter offensam, & satisfactionem quam exhibuit; sed non ex omni alio capite: aliqua enim gratia facta est non modò peccatori, sed etiam ipsi Christo satisfaciendi, quatenus saltem ipsius opera fuerunt gratis à Deo acceptata in satisfactionem, cum tamen posset Deus aliis titulis solis & sufficientibus ea exigere.

Prior huius responsi pars patet ex dictis de condignitate: ostendimus enim Christi satisfactionem fuisse tantam, quanta fuit offensa: imò maiorem & superabundantem. Quòd si Dei acceptatio fuit necessaria: id non fuit ad valorem eius supplendum, quasi de se inæqualis & minoris: sed ut re ipsa sortiretur effectum. Sicut in emptione, & venditione, acceptatio iusti pretij necessaria est, non ad supplendum illius valorem, supponitur enim esse iustum, id est, tantum, quanti res valet, & quidem in rigore, si est summum pretium, id est, quanti res maximè vendi potest: sed requiritur solum ad contractum perficiendum, qui pendet à libera voluntate vendentis.

Posterior pars eiusdem responsi, quæ plus habet difficultatis, probabitur examinando quinque condiciones, quæ ad iustitiam omni ex parte rigorosam requiri solent. Quas omnes Christi satisfactioni defuisse contendunt aliqui recentiores cum Vasquez disp. 8. & 9. sed illis non assentior; defuit enim solum tertia conditio, & quinta ex parte, ut

patebit ex sequentibus.

Prima conditio est, ut satisfactio quæ fit propriè & ex rigore iustitiæ, fiat ex bonis propriis debitoris, & non ex gratis acceptis à creditore ipso. Quam conditionem necessariam censent Capreolus, Caietanus, & alii quos citat & sequitur Vasq. disp. 8. cap. 1. Ratio eiusdem Vasqui est, quia inquit, si aliquis non esset soluendo, & ipse creditor misericordia motus ei, aut alteri pro eo, donaret copiam argenti, ex qua integrè pro se, aut pro alio soluere posset: talis solutio aut satisfactio non esset ex rigore iustitiæ, sed potius haberet rationem gratuitæ condonationis. Perinde enim est, atque eiusdem æstimationis apud homines, creditorem remittere totum debitum suo debitori, & ex suis bonis dare illi aut alteri pro eo, quantum opus est ut debitum persoluatur: eò quòd utrumque æqualis est commoditatis debitori, sicut etiam æqualis est damni creditori: ac proinde utrumque æqualis misericordię & liberalitatis opus erga debitorem censetur. Sic igitur argumentor: Christus satisfecit non quatenus Deus, sed quatenus homo. Atqui ex propriis bonis humanitatis non potuit satisfacere, sed ex donis solum gratis acceptis à diuinitate, cui, tanquam creditori hac in causa, exhibebat pro nobis satisfactionem: ergo Christus non potuit perfectè & ex rigore iustitiæ satisfacere.

Huic argumento non possunt aptè respondere quicumque docent Christum fuisse decretum primò ut redemptorem, neque fuisse venturum Adamo non peccante. Nam quod ait Suares disp. 4. sect. 6. §. *Verum conditio illa*, sufficere, si solutio non fiat ex eadem omnino re, sed ex aliis acquisitis labore & industria debitoris: Quia iam debitor aliquid de suo habet unde debitum soluit. Ut si quis centum Petro debeat, & ab illo accipiat decem quibus negotiari possit & lucrari quidquid necessarium est ad soluendum prius debitum, atque etiam illa decem; erit, inquit, perfecta iustitia: quia nec totum debitum, nec pars eius, neque formaliter, neque virtute, fuit gratis remissum, sed solum antecessisse videtur quoddam mutatio, quæ non repugnat perfectioni, id est, rigori iustitiæ, si postea compensetur. Hoc, inquam, non satisfacit argumento proposito. Quia Christus nihil habuit, vel lucrari potuit, unde æqualiter satisfaceret, seclusa vnione hypostatica, & influxu eius morali dignificante ipsius opera. Quare semper satisfecit per ipsummet bonum sibi donatum à Deo, cui tanquam creditori satisfaciebat.

Iuxta contrariam verò sententiam, quam sequent. disputatione tuebimur, responderi potest, gratiam vel liberalitatem creditoris non obesse rigori iustitiæ, nisi gratia hæc vel liberalitas formaliter, aut virtualiter, detur ad hunc finem, ut alius possit satisfacere. Alioquin enim si donatio & solutio sunt planè disiunctæ, non solum tempore, sed etiam habitudine, quia videlicet vna non

99.
Prima cō-
ditio re-
quisita ad
satisfacien-
dum ex ri-
gore iusti-
tiæ, ut fiat
satisfactio
ex bonis
propriis.

Videtur
illa cōditio
defuisse
Christo.

100.

Explicatio
quorundam
eiusque res-
ponso.

101.

Vera expli-
catio quo-
modo illa
cōditio nõ
defuerit
Christo.

Vasquez.

ordinatur ad aliam; tunc non includunt, ne quidem virtualiter, moralem debitorum remissionem; nec una officit alteri, quia in illam non influit. Atque ita Petrus, verbi gratia, qui debet centum Paulo, & ab eodem prædium absolute donatum accepit; potest ex eodem vendito, vel ex ipsius fructibus satisfacere Paulo in rigore iustitiæ, reddendo quidquid debet. Sic ergo Christus cuius humanitati absolute donata est unio hypostatica ex primaria intentione divina, sine respectu ad satisfactionem pro peccatis, potuit ex eiusdem fructibus, id est, ex operibus suis ab illa nobilitatis, satisfacere Deo in rigore iustitiæ, reddendo quidquid offensa merebatur. Quare conditio prædicta non obfuit rigori iustitiæ satisfactionis Christi.

102.

Instabis, quia Christus satisfecit per actus liberos, quos gratis accepit à Deo dare auxilium congruum & efficax eo fine ut satisfaceret, atque etiam eo solo fine fuit passibilis & mortalis ut morte sua satisfaceret. Ergo satisfecit per aliquid sibi donatum à creditore eo fine ut satisfaceret. Quin etiam, quia omnes actus, quibus satisfecit, erant supernaturales, fuerunt specialiter à Deo, imò & totaliter secundum moralem æstimationem. Perinde enim æstimatur dare auxilium congruum & efficax, ex præscientia, & affectu absoluto, ut sit efficax; ac dare ipsum actum. Deus autem cum Christo sic se gerebat, quidquid sit de aliis iustis.

Respondeo, huiusmodi actus, seu potius auxilium & concursus ad illos, non fuisse gratis donatum Christo, sed ex debito conaturali unionis hypostaticæ, vi cuius ei debebatur, quidquid ad decentem eius statum, & operandi modum pertinebat. Esse autem mortalem & passibilem non fuit donum gratuitum, sed naturalis conditio naturæ assumptæ. An vero Deus efficaciter prædestinaverit actus liberos Christi, dicemus alibi. Adhuc tamen Christus aliquid de suo cōferret liberè cōcurrenti, quod propter dignitatem unionis hypostaticæ est infinite æstimabile.

Aliter huic difficultati respondent aliqui recentiores, sufficere ad rigorem iustitiæ ut exigatur quidquid exigi potest à debitore. Sed hæc responsio non placet: quia si propter debitoris impotentiam non potest exigi satisfactio æqualis offensæ; non est condigna & rigorosa satisfactio, quantam scilicet per se loquendo meretur talis offensa. Sicut solutio non est perfecta, & rigorosa, quæ non est æqualis: quamvis propter impotentiam debitoris non possit amplius ab eo exigi.

103.

Secunda conditio satisfactio- nis ex ri- gore iusti- tiæ, ut non fiat de bonis quæ sint in do- minio cre- ditor

Secunda conditio est, ut satisfactio in rigore iustitiæ fiat ex bonis quæ non sint sub dominio physico & morali ipsius creditoris. Alioqui manet inæqualitas, nec plus habet quam ante, in le cui satisfecit, si satisfactio illi fiat de suo. Hanc conditionem Vasques disp. 8. cap. 4. contendit defuisse satisfactioni Christi: eo quod omnia Christi opera erant Dei, magis quam ipsius Christi. Deus enim multo magis Dominus est bonorum operum

humanitatis Christi, quam humanitas ipsa, aut Christus secundum humanitatem.

Respondeo cum Suarez disp. 4. sect. 6. differentiam esse inter satisfactionem, & restitutionem. Restitutio enim versatur in rebus datis & acceptis, quia per eam reparatur damnum illatum alteri in bonis suis: unde in ea multum pendet æqualitas ex dominio quod restituens habet, vel in alterum transferre potest. At satisfactio versatur in actionibus, & non consistit in translatione domini alicuius rei, sed in hoc solum quod tantum submissionis & honoris impendatur, quantum iniuriæ illatum fuit. Ad quod sufficit dominiū peculiare quod quisque habet in actus suos liberos, quatenus eos elicit ex potestate ad verumlibet, ac per illos se liberè impedit, submittitque offenso. Et quamvis omnes Christi actus liberi essent sub dominio Dei: erant tamen etiam sub peculiari dominio Christi, quatenus ab illo ut Domino suæ libertatis eliciebantur. Sicut enim peculiari ratione procedebant ab humanitate per libertatem propriam illius, & liberi illi erant quatenus ab illa prodibant: sic etiam Christi humanitas peculiare dominium in illos habebat, ratione cuius, ex illis, & per illos, poterat Deo satisfacere ex rigore iustitiæ: Non quidem transferendo in Deum peculiare illud dominium, quod transferri non potest, alioquin oportuisset actus illos à Deo ipso vitaliter elici, ut eliciuntur ab humanitate: sed per illos Deo se submittendo, & tantum honoris exhibendo, quanta fuerat offensa illata. Atque ita satisfactio Christi optimè respondit offensæ. Nam actus peccati: quatenus est res aliqua, est similiter sub dominio Dei. Quatenus verò est à creatura liberè contra debitum, & ex dominio libertatis ipsius: cedit in iniuriam Dei. Sic ergo satisfactio Christi, licet secundum suam entitatem esset sub dominio Dei, cuius sunt omnia creata: quatenus tamen liberè procedebat ex peculiari dominio Christi in suos actus liberos, valebat ad satisfaciendum Deo. Quod autem Vasques in contrarium obiicit, omnem satisfactionem ex iustitia esse restitutionem, fuit alibi refutatum.

Dici etiam potest, quod humanitas Christi poneret actus suos sub dominio Dei, quatenus illos liberè ponebat in esse, ad proinde in dominio actuali Dei, cum antea essent tantum in potentia.

Tertia conditio est, satisfactionem iustitiæ rigorosæ debere fieri ex bonis non debitis alio titulo ipsi creditori, vel quæ non possint exigi alio titulo. Alioqui enim creditor facit gratiam debitori, si sit contentus ea satisfactione, quam poterat totam alio titulo exigere. Hanc conditionem, ut necessariam, ponunt S. Thomas, Scotus, Richardus, Ioan. Medina, & alii quos refert & sequitur Vasques disp. 8. cap. 6. Videtur autem defuisse satisfactioni Christi. Nam omnia Christi opera erant Deo debita, vel saltem poterant ab eo exigi alio titulo, puta gratitudinis, obex

Non defuit Christo illa conditio.

104
Tertia conditio, ut satisfactio fiat ex non debitis alio titulo.

Videretur defuisse Christi satisfactio- ni.

Responſio
Suaris non
ſufficit.

dientia, religionis &c. imò Chriſtus non poterat cōdignas gratias agere pro beneficiis à Deo acceptis, quidquid ipſius cauſa faceret.

Reſponder Suares ſeſt. citata dupliciter.

1. Sufficere ſi fiat ex non debitis alio titulo iuſtitia: quòd autem ſint debita alio titulo obedientia, gratitudinis, aut miſericordia, non minuere perfectionem iuſtitia, quia ſunt debita diuerſi generis. 2. Id adhuc intelligendū eſſe de ſatisfactione finita. Nam infinita ſufficit ad explendos quoscumque titulos. Verū diſtinctione vtendum potiùs arbitrator. Vel enim illi diuerſi tituli cadunt ſuper diuerſa debita: vt ſi quis titulo emptionis debeat centum, & titulo mutui, vel gratitudinis, aut vori, debeat alia centum. Vel cadunt ſuper vnum & idem debitum, cuius formalem tantum obligationem augent: vt ſi quis vouerit, aut iurauerit, ſe redditurum alteri centum quos illi debebat: aut ſi quis à Petro acceperit pecuniam, vt Romam eam pro negotiis ſuis conficiendis, & ſimul etiam accipiat à Paulo pro eodem itinere ad ſua negotia curanda: ſimulque poſſit vtraque gerere. In primo caſu non poteſt quiſquam ſatisfacere ex debitis alio titulo, ſeu iuſtitia, ſeu alio quouis. Quia ſi aliquid debetur omnino alio titulo: qui conuertit illud in ſatisfactionem alterius, derogat alteri obligationi ſufficienti, quam habet ad ſoluendum illud: atque eidem obligationi, & debito naturali quod habet, iuſſuratur, & ſubtrahit illud, cuius ex tali obligatione debitor eſt: ac denique nihil pro illa obligatione ſoluit. Hoc autem eſt illicitum, & per ſe turpe. Eſtque hæc doctrina vera, etiam tunc cum ſatisfactio eſt infinita: nam ſi tota quanta eſt, & ſecundum ſuam totam infinitatem debeatur pro vno debito; non valet ad explendum aliud debitum, pro quo creditor nihil acciperet, ac proinde maneret inæqualitas ea ex parte. In ſecundo autem caſu poteſt quis ſatisfacere ex re debita duplici titulo, etiam iuſtitia: vt patet in exemplo allato. Ratio eſt, quia illi tituli non multiplicant debitum, neque rem diuerſam exigunt. Quare per vnam & eandem omnibus ſatiſfit. Chriſtus autem licet haberet à Deo præceptum moriendi, & offerendi ſeipſum in ſacrificiū, deberetque mori ex obedientia, & religione: Hoc tamen ipſum præcipiebatur, & exigebatur in ſatisfactionem. Quare illi tituli non cadebant in debitum diuerſum, vt non poſſet eadem actione omnibus illis ſatisfieri.

[105.]

Addo quamuis habuerit Chriſtus præceptum moriendi, & debitum alia multa præſtandi: non tamen omnes illius actus fuiſſe debitos ex iuſtitia, vel ex honeſtate, & quouis alio titulo: ſed habuiſſe liberam omnino poteſtatem iuris ad multa: quemadmodum homines, & Angeli, licet à Deo habeant quidquid habent, & quidquid ſunt, æquè ac Chriſtus: nihilominus non debent ſimpliciter quidquid poſſunt, ſed habent liberam poteſtatem iuris ad multa, ita vt nullo modo peccent, ſi non agunt multa quæ poſſunt

agere, quæque bona & honeſta quidem ſunt, ſed conſilii tantum, & ſupererogationis. Vt patet ex 1. Corinth. 7. v. 25. & ſequentibus, & ex ſenſu Eccleſia omniumque Catholicorum diſtinguentium opera bona, in opera præcepti, & in opera conſilii, ac ſupererogationis. Quæ autem talia ſunt, non cadunt ſub obligationem, ne quidem honeſtatis. Alioquin non eſſent conſilii tantum, ſed præcepti: eſſetque illicitum & turpe illa præmittere, quod tamen eſt contra Apoſtolum loco citato. Quare falſum eſt debuiffe Chriſtum alio titulo opera omnia, quibus Deo ſatiſfecit. Multa enim huiusmodi opera ſupererogationis Deo exhibuit.

Hic tamen non obſtantibus manet adhuc vis integra argumenti propoſiti: quia Chriſtus, quamuis reipſa non debuerit, poſuit tamen ea omnia debere ſolo alio titulo, etiam iuſtitia. Poterat enim Deus ab illo exigere vt moreretur ſolo titulo religionis, ad proteſtandum ſupremum eius dominium vitæ & mortis: vel in gratiarum actionem eorum quæ à Deo acceperat: vel in teſtimonium obedientia, ſicut Deus ab Abrahamo exegit ſacrificium filii. Et ſimiliter alia omnia, quæ fecit Chriſtus, poterant præcipi à Deo & exigi in gratitudinem, obedientiam, ſubmiſſionem iuſtam ſtriſſæque debitam. Ergo quòd ea non exegerit, & ſatisfactioni locum reliquerit, gratia fuit: ac proinde talis ſatisfactio non fuit ex rigore iuſtitia, quia fuit ex bonis quæ poterant exigi ſolo alio titulo, etiam iuſtitia: & Deus ceſſit iure ſuo, non exigendo.

Reſpondeo verum id eſſe, atque omnino fatendum ſatisfactionem Chriſti deſeciffe ex iſto capite à ſummio rigore iuſtitia. Qui tamen deſectus eò minor fuit, quòd reipſa Chriſti opera non erant debita ſolo alio titulo: & illa ceſſio, ſeu potiùs non-ſus iuris diuini, non fuit facta ſpecialiter eo ſine vt ſatisfactioni locus relinqueretur; ſed ex benignitate generali quam Deus ſeruat cum omnibus creaturis intellectualibus, non exigendo quidquid ab illis poteſt honeſtè fieri, neque omnibus titulis quibus poſſet exigere.

Dices: quidni poſuit Chriſtus operibus quomodocunq; debitis ſatisfacere rigoroſè? Si enim nos poſſumus per opera aliunde præcepta & debita mereri: quidni & ſatisfacere? cum in ſatisfactione non ſit opus tranſſerre dominium rei alicuius, ſed ſubmittere ſe offeſo.

Reſpondeo 1. Merita noſtra, & ſatisfactiones, non eſſe ex rigore iuſtitia, ſed habere plurimū liberalitatis & miſericordia. 2. Euidens eſſe quòd ſubmiſſio debita, ſeorſim, & integrè, alio titulo, non ſufficiat ad ſatisfaciendum rigoroſè pro re alia: vt ſi v. g. debeat tota pro vna offeſa, non ſufficiat ad ſatisfaciendum ſimul pro alia.

Inſtabis cum Delugo diſp. 4. n. 29. non obefſe rigori iuſtitia quòd tale opus poſſit exigi alio titulo, modò reipſa non exigatur, ſicut ſi pepigi cum Petro vt ſoribat mihi

Probat
argumento
efficaci
deſuiſſe
hanc con-
ditionem

Cōceditur
deſuiſſe
aliquatenus

106. }
Obiectio
dilatatur

Altera
inſtantia

quotquot libros ab eo petiero: si ille vnum e manuscriptis mihi suffiretur, satisfaciet ex rigore alium similem scribendo, quem ab ipso non petiero, quamuis petere possem, & exigere illum alio titulo.

Respondeo negari non posse quin etiam cum gratia fiat, cum aliquis contentus est ea solutione, quam alio titulo poterat exigere, & ea non obstante poenam sumere de fure, aut aliquid nullatenus debitum postulare.

107.

Quarta conditio est, ut satisfactio sit ad alterum, non modo in natura, sed & in bonis quibus satisficit. Quam conditionem necessariam esse iustitiae rigorosae, & satisfactioni Christi defuisse contendit Vasquez disp. 7. cap. 7. Sed de illa sufficiunt quae diximus sectione praecedenti, in obiectione. 4. Vbi Vasquez argumentis respondimus. Eius autem loco substitui potest alia quam assignat Delugo disp. 4. num. 8. ut scilicet fiat satisfactio ab ipso debitore personaliter, non ab alio. Ratio est, quia illa satisfactio non est ex perfecto rigore iustitiae, quae non explet omne debitum, tam quoad substantiam, quam quoad circumstantias: eget enim gratia, & favore, in eo quod non explet. At satisfactio, quae fit per alium, non explet omne debitum. Nam satisfactio respicit offensam, & fit per submissionem & exhibitionem honoris pro offensa. Honor autem est restitutio meae opinionis de excellentia aliena. Quae restitutio non potest suppleri per alium; quia restitutio opinionis alienae, non est restitutio meae. Et tamen debetur ipsa in individuo. Quare sicut non explet omne debitum restituendi, tam quoad substantiam, quam quoad circumstantias, ille qui pro equo alieno ablato reddit pecuniam aequivalentem, aut superabundantem; quia debet ipsum equum extantem in individuo: sic non expletur debitum totum satisfaciendi, nisi offeror satisfaciatur per seipsum immediate, vel mediate, id est, per alium ex suo mandato, quod moraliter idem est. Haec autem conditio defuit Christi satisfactioni, quia peccator non satisfecit per seipsum, sed Christus pro ipso. Verum de hac conditione quid sentiendum sit patebit ex sequenti, in illam enim coincidit ex parte, eodemque nititur fundamento.

108.

Quinta conditio, ut non possit non acceptari.

Quinta conditio est, inquit Vasquez disp. 9. sect. 1. post Medinam, & alios quos citat, perfectam satisfactionem ex rigore iustitiae talem esse debere, ut creditor non possit iure eam non acceptare, sed contentus manere debeat saltem negatiue, id est, non possit iuste satisfactionem aliam exigere, & debitum necessario extinguatur. Ratio est, quia aliqui gratiam facit si acceptat, & minuitur iustitiae rigor. Item quia satisfactio ex perfecto rigore iustitiae, explet omne debitum, tam quoad substantiam, quam quoad circumstantias. Si autem explet omne debitum, non potest amplius exigi, quia iustitia non exigit nisi quod debitum est, & quia debitum est. Item hoc ipso tollitur planè

inæqualitas & iniuria, debitumque satisfaciendi extinguitur. Debiti enim solutio est illius extinctio. Atqui Deus poterat iure non acceptare satisfactionem Christi. Nulla enim necessitas cum cogere poterat, ut propter Christi satisfactionem peccatoribus reconciliaretur, & eos non puniret personaliter ut peccata ipsorum merebantur. Item poterat, ut supra diximus, omnia Christi opera solis aliis titulis sufficientibus exigere, vel acceptare.

Probatnr Christo defuisse.

Respondeo Deum quidem citra pactum potuisse non acceptare satisfactionem Christi, ut bene probat obiectio: hoc tamen pactum non derogare perfectae & rigorosae iustitiae satisfactioni, respectu satisfaciendi, quia non fuit necessarium ad augendum valorem & dignitatem satisfactionis, sed tantum ad contractum iustitiae mutuo consensu celebrandum. Perfecta autem & rigorosa iustitia non postulat ut unus possit alium cogere ad contrahendum: sed tantum ut in contractu, quamuis mutuo consensu liberè inito, seruetur perfectè æqualitas. Neque definit pretium v. g. esse iustum in rigore, licet eget acceptatione, & consensu venditoris, sine quo emptio non potest perfici. Nego igitur Maiorem obiectionis sumptam vniuersaliter. Ad cuius primam probationem dico acceptationem satisfactionis de se condignae, & æquivalentis, non esse gratiam factam satisfaciendi, impediens rigorem iustitiae erga illum: sed esse tantum applicatiuum rei in actu primo potentis, & de se sufficientis ad satisfaciendum ex perfecta iustitia. Sicut acceptatio pretii iusti, & sufficientis, non est gratia impediens perfectionem & rigorem iustitiae in emptione & venditione, sed est applicatio rei ad illam sufficientis. Ad secundam respondeo satisfactionem ex perfecto rigore iustitiae explere quidè omne debitum, si applicetur: secus verò non explere, nec tollere inæqualitatem, quia non operatur, defectu acceptationis, ut conditionis necessariae.

Id tamen non obest rigori iustitiae.

Dices cum Vasque supra, discrimen esse inter emptionem & venditionem, contractusque similes, & inter satisfactionem: quòd ad illos quidem requiratur consensus mutuus, qui non impedit perfectionem & rigorem iustitiae: debet enim vterque contrahentium liberè dare & accipere, nec vllum habere debitum ante liberum consensum. At in satisfactione non requiritur consensus eius cui satisficit, sicut iniuria ei illata est sine ipsius consensu, debitumque satisfaciendi contractum est sine consensu offendenti, ex natura ipsa offensae: sed si inæqualitas per injuriam illata perfectè refarciatur, hoc ipso definit iniuria, neque potest ab offenso retineri. Atqui oblata æquali satisfactione explente omne debitum, tollitur omnino inæqualitas: ergo &c. Confirmatur exemplo ejus qui detrahit famam alterius, & postea honorem illi restituit. Talis enim restitutio non potest ab eo non acceptari: quia explet & tollit omne

109. Obiectio.

Consumatur.

In restitu-
tione non
requiritur
acceptatio,
secus in sa-
tisfaccio-
ne.

debitum restituendi famam, quam læsit. Et qui ex contractu debet alteri centum, totidemque exhibet; hoc ipso debitum extinguit, nec potest creditor aliud exigere.

Respondeo differentiam esse inter restitutionem, & satisfactionem: quod restitutio, saltem si fiat eiusdem rei, quæ fuit ablata, aut in specie & numero debita, non requirit consensum eius cui restituitur. Eo enim ipso dānum perfectè reparatur, siue ut dici vulgò solet, inæqualitas tollitur. At in satisfactione, quæ non est damni reparatio, sed submissio pro offensa, sæpe liberum est offenso eligere genus satisfactionis, aut etiam illam licet sufficientem repudiare, & pro satisfactione pœnam condignam exigere. Maxime verò id locum habet, quando vnius pœna, vel satisfactio, acceptatur pro alio. Quod si inter ipsos homines est locus libere acceptationi satisfactionis condignæ: multò magis Deum inter, & Christum pro hominibus satisfaciētem. Quia ius Dei est magis liberum, & independens, quàm sit vllum ius hominum. Exemplum huius electionis inter homines est: si quis Principem offendit, ei que offerat submissionem & obsequia æquivalentia: non tenetur Princeps acceptare, sed potest eum punire corporaliter.

110.

Instantia
tripartita.

Instabis, quia manet adhuc difficultas, cur requiratur potius consensus in satisfactione, quàm in restitutione? & quomodo satisfactio quæ explet omne debitum satisfaciendi, tam quoad substantiam, quàm quoad omnes circumstantias, non extinguat debitum satisfaciendi ex natura sua: sicut restitutio explens omne debitum restituendi, extinguit idem debitum? Omnis enim debiti solutio plena, & perfecta omni ex parte, est illius extinctio. Neque valet exemplum allatum. Ideo enim potest repudiari alia satisfactio, quia pœna corporalis est in specie debita per leges, quæ non potest offensoris arbitrio mutari. Quare sicut non perfectè restituit qui reddit pecuniam pro equo, quem debet in individuo: sic &c. Ratio est quia non explet debitum quoad circumstantiam.

Satisfit
primæ parti
instantiæ.

Ad primam partem instantiæ respondeo rationem cur satisfactio requirat consensum, potius quàm restitutio, esse quia satisfactio propriè sumpta, ut distinguitur à restitutione, respicit inhonationem personæ, eiusque reparationem per submissionem, aut pœnam quæ in honorem illius redundet, & tantum illi afferat honoris, quantus fuit contemptus, vel inhonoratio. Pertinet autem sæpissime ad honorem personæ, ut eligere possit hanc aut illam satisfactionem, aut pœnam loco illius: neque propterea gratiam facit cum hanc præ alia æquali eligit & acceptat, sed iure suo utitur; & nihilominus rigidè agit cum satisfaciēte, si æqualem prorsus exigit summæ satisfactioni, quam poterat exigere. At restitutio respicit damnum in rebus illatum per ablationem boni, aut illationem mali, restituendo bonum quod ablatum est, aut refundendo bonum æquale malo illa-

to, ut tollatur inæqualitas iniuriæ. Ad hoc autem impertinens est quod vnum præ alio eligatur, sufficitque reponere rem eandem in statu, in quo antea erat. Aut si id non est necessarium, ut interdum non est: sufficit reddere aliquid æquivalens bono ablato, vel malo illato. Dices si offensus habet ius eligendi satisfactionem, idque pertinet ad eius honorem reparandum: ergo satisfactio quæ illi offertur non est perfectè rigorosa: quia non explet omne debitum, nimirum non explet debitum respondens illi iuri ampliori. Nam ius ad multa, non expletur per vnum. Respondeo ius ad multa diuisim tantum, id est, ad hoc aut illud, expleri per vnum, cum eligitur seu acceptatur: & aptum esse expleri omnino per illud vnum, antequam acceptetur, quamquam expletio in actu secundo non fiat sine acceptatione, & electione istius, præ alio.

Ad secundam partem instantiæ respondeo satisfactionem quæ eget acceptatione non explere debitum, nisi acceptetur, & applicetur ad actum secundum, id est, ad vsum satisfaciendi, ab eo, à quo pender acceptatio. Sola enim voluntas & applicatio satisfaciētis non sufficit.

111.
Ad secundam.

Ad tertiam, dico locum esse acceptationi libere satisfactionis, non solum quando Princeps pro pœna lege imposita aliquid aliud acceptat, & tanquam Princeps, in lege quodammodo dispensat, quam alioqui poterat iubere seruari, si veller: sed etiam in aliis in quibus nulla pœna, vel satisfactio determinata, est lege præscripta. Nempe quodcumque ad dignitatem & honorem offensi reparandum id pertinet. Atque ita pater, coniux, herus, magister, potest non acceptare aliquod obsequium æquivalens offensæ à filio, sponsa, famulo, & discipulo, ut pœnam exigat: quia mauult cum ratione malè ei esse, à quo malè affectus est, & ita illum in ordinem redigere, suumque in eo ius exercere. Quod evidens est posse illos rationabiliter facere, saltem si aliunde compensent talia obsequia.

Ad tertiam.

Dixi acceptationem non minuire rigorem respectu satisfaciētis; non autem simpliciter, aut respectu offensoris: quia secus dicendum est quando satisfactio alterius pro illo acceptatur, qualis fuit satisfactio Christi pro peccatoribus, quæ licet fuerit perfectè rigorosa ex hoc capite, de quo nunc disputamus, respectu Christi satisfaciētis: secus tamen respectu peccatoris pro quo satisfecit. Nam illa satisfactio in qua necessariò remittitur aliquid debitori, fitque illi fauor & gratia circa debitum, non est perfectè rigorosa respectu debitoris. At in Christi satisfactione fieri debuit necessariò gratia homini, qui erat debitor. Gratia enim fuit quod Christi passio & satisfactio acceptaretur, ut cum à pœna, & à satisfactione propria liberarer. Sed erga Christum rigor seruatus est: quia nihil debiti fuit illi remissum: & non fit gratia satisfaciēti, quando tantum soluit, quā-

112.
Acceptatio
Dei non
minuit ri-
gorem sa-
tisfactionis
ex parte
Christi.

tum debetur: licet intuitu illius gratia fiat debitori: & non modò aliquid debiti, sed totum planè debitum ei remittatur propter satisfaciētem, qui exhibet opus condignum tali gratia, & remissione, debitori facta.

113. Imò, inquires, etiam ipsi Christo gratia facta est, quando in caput, & mediatorom redemptionis fuit à Deo constitutus, aut acceptatus. Poterat enim Deus ipsum acceptare, aut non constituere, neque ad id vllò ex capite tenebatur. Quare hoc fuit beneficium Dei gratuitum, etiam respectu Christi. Ac siquæ sit Christo gratia, & minuitur rigor iustitiæ, in eo quòd Deus accepit in satisfactione opera, quæ poterat alio titulo solo exigere: sic minuitur quòd gratis dedit Christo, esse mediatorem redemptionis, voluitque ve eius opera nobis prodesse ad satisfaciētiā, quæ poterat alio solo titulo acceptare.

Solvitur obiectio.

Respondet non esse gratiam seu favorem, sed potius esse onus, imponere alicui obligationem satisfaciendi pro alio, ad soluendum rigidè quidquid debet, explendumque omne debitum formaliter, aut æquivalenter, etiam quoad circumstantiam personæ, quæ licet formaliter non possit expleri per alium, quia alius non potest esse ipsemet reus: potest tamen expleri æquivalenter, reddendo aliquid æquale gratiæ quæ reo fit in eo quòd satisfactio alterius pro illo acceptatur. Quare Christo facta non est gratia in eo quòd Deus ipsi imposuit onus satisfaciendi pro peccatoribus, aut quòd ipse tale onus acceptavit. Tameñ facta est magna gratia eius humanitati, quādo illi data est unio hypostatica, per quam fuit sufficiens ad condignè satisfaciendum. Atque etiam Christo ipsi gratia facta est, cum Deus accepit in satisfactionem eius operationes, quas poterat aliis solis titulis exigere, vt in tertia condicione exposuimus.

Dices, fieri gratiam satisfaciēti pro alio quando eius interest vt pro illo satisfaciatur, idque in illius commodum cedit: vt si, v. g. filii interest pro patre satisfacere. Cessit autem in Christi gloriam quòd pro hominibus satisfecerit, iuxta illud Philipp. 2. v. 6. *Propter quod & Deus exaltavit illum &c.* Et Isaie 53. v. 10. *Si posuerit pro peccato animam suam &c.*

114. Instantia repellitur.

Respondeo id se habere per accidens ad satisfactionem, vt satisfactio est, id est, subiectio pœnæ, vel exhibitio submissionis ab alio debiti. 2. Dico id non minuire rigorem iustitiæ respectu satisfaciētis: quia nihil propterea debiti actualis aut possibilis illi remittitur, ex eo solo quòd gloria, vel aliud commodum, satisfactionem eius sequatur. Non fit, inquam illi gratia minuens rigorem solutionis & satisfaciētiæ, quia commodum illud non computatur in solutionem, & ad illam impertinenter se habet.

Instabis, quia sicut Deus libere accepit Christi satisfactiones, ita potuit plures exigere: v. g. vt 60. annos viueret in pluribus laboribus & doloribus, quàm vixit. Ergo fecit illi gratiam, & remisit aliquod debitum, quando fuit contentus illis satisfactionibus quas re ipsa accepit, & non plures exegit. Respondeo potuisse plures exigere, non ex debito iustitiæ, sed ex supremo dominio, ex quo solo poterat ea omnia exigere quæ Christus fecit. Vnde non est in hoc alia gratia, quàm ea de qua diximus in tertia condicione. Ex iustitia verò sola non potest exigi nisi æquale per se loquendo: & interdum, per accidens, id sine quo non potest haberi æquale, magis considerabile, quàm sit ille excessus, vt dixi in tract. de iustitia. Electio verò huius aut illius æqualis pro alio, non est gratia, vt supra monuimus.

115. Alia instantia.

DISPUTATIO TERTIA.

De motiuo Incarnationis. An Incarnatio fuerit facta tantum ad redimendum genus humanum: vel ita vt Christus non venisset, si homo non peccasset?


Sectio I. *Presupponuntur quedam circa modum quo Deus Incarnationem discernere potuit.*

Sectio II. *Vera sententia proponitur & probatur ex Scriptura.*

Sectio III. *Confirmatur eadem sententia Patrum autoritate, & ratione.*

Sectio IV. *Referuntur & refutantur quæ responderi solent argumentis propositis.*

Sectio V. *Soluntur argumenta contrarie sententiæ ex Scriptura & Patribus.*

Sectio VI. *Soluuntur argumenta ex ratione desumpta.*Sectio VII. *Respondetur aliis Recentiorum quorundam argumentis.*Sectio VIII. *Media quedam Suaris opinio reiicitur.*Sectio IX. *An Christus decretus fuerit prius aut principalius propter peccatum originale, quàm propter actuale.*

E motiuo Incarnationis disputat S. Thom. qu. 1. art. 3. & 4. Docetque primò, Tametsi potuit non existente peccato Deus incarnari: magis tamen assentiendum esse illorum sententiæ qui dicunt incarnationem non fuisse futuram, si homo non peccasset. Ea enim quæ ex sola Dei voluntate proueniunt supra omne debitum creaturæ, nobis innotescere non possunt, nisi quatenus in Scriptura traduntur, per quam diuina voluntas nobis innotescit. In Scriptura verò ubique incarnationis ratio ex peccato primi hominis assignatur. Secundo, Quamuis Christus venerit ad omnia peccata hominum delenda, & pro illis omnibus pretium sufficiens exhibuerit: principalius tamen venisse ad tollendum originale, quàm actuale peccatum. Illud enim, per quod totum genus humanum inficitur, maius est; non intensiue quidem (quia peccatum actuale plus habet de ratione voluntarii) sed extensiue, quolibet peccato actuali, quod est proprium singularis personæ. Et bonum gentis diuinius & eminentius est, quàm bonum vnius: ut dicitur 1. Ethic. cap. 2. Hæc D. Thomas, cuius doctrina sequentibus sectionibus fusiùs explicabitur.

S E C T I O I.

Presupponuntur quedam circa modum quo Deus Incarnationem discernere potuit.



I.
Deus potuit multis de causis discernere incarnationem,

Suppono primò, Deum potuisse multis de causis Incarnationem velle & discernere. Nam præter seipsum & gloriam suam, quæ est finis primus in intentione omnium operum diuinorum, iuxta illud Prouerb. 16. *Omnia propter semetipsum operatus est Dominus*: multa alia potuerunt esse motiua Deo extrinseca, & ex parte ipsius obiecti, de quibus motiuis hoc loco disputamus. Potuit enim Deus velle Incarnationem, 1. Propter intrinsecam & absolutam ipsius bonitatem & amabilitatem, quæ superat cætera omnia à Deo creata. Est enim Christus per seipsum amabilior omnibus aliis creaturis, etiam Angelis & hominibus simul sumptis, siue in esse gratiæ, siue in esse gloriæ consideratis. 2. Propter aliud, puta, ad suam bonitatem, sapientiam, potentiam, & alias perfectiones manifestandas, quæ multò magis elucet in hoc opere, quàm in omnibus aliis: ad decus Vniuersi, quod summè nobilitatur, cum in aliqua sui parte ad fastigium diuinitatis euehitur: ad bonum speciale creaturarum intellectuum, ut haberent caput, regem, pastorem, sponsum, mediatorem gratiæ & gloriæ, exemplar sanctitatis, atque etiam re-

demptorem supposito peccato: ac denique propter alias rationes quæ possunt facile cogitanti occurrere.

Suppono secundo, cum multæ rationes expetibilitatis occurrunt in vno & eodem obiecto, posse voluntatem pro sua libertate diuersimodè circa illas se habere. Potest enim vel vnā tantum, vel plures simul expetere. Et rursus potest plures simul expetere, vel per modum vnus causæ totalis, ita ut earum nulla seorsim sufficienter moueat voluntatem ad bonum illud prosequendum. Vel secundo, ita ut vna quidem sufficiat, sed aliæ non sine illa. Vel tertio, ita ut singulæ sufficiant, sintque tot causæ totales, quot rationes: & quælibet seorsim ac se sola sufficienter moueat, moueretque licet aliæ deessent, aut mouere desinerent. Quod enim voluntas possit moueri simul à pluribus motiuis totalibus, patet experientia. Nam potest quis moueri ut eat in forum, & aliquid emendi causâ, & amici visendi gratiâ: ita tamen ut iret nihilominus, licet alterutra ex his causis deesset. Item potest Romam petere ut curiam Romanam videat, & ut opimum aliquod beneficium consequatur: ita tamen ut alterum ex his motiuis ei sufficiat. Ratio est, quia cum multæ sint obiecti rationes quæ singulæ sufficiunt ut obiectum expetatur, eæque simul cognoscantur ab intellectu, & proponantur voluntati: potest voluntas simul in illas secundum vim cuiusque tendere. Cum autem quis simul eodem actu

Voluntas potest multipliciter tendere in varia motiua.

actu aliquid expetit propter plura motiua totalia, ille actus est virtualiter multiplex: quia multis æquiualeat, quibus voluntas tenderet efficaciter in obiectum propter singula motiua. Et licet motiua sint inæqualia in perfectione, & amabilitate, potest nihilominus vnumquodque movere sufficienter, & independenter ab alio, tum simul, tum seorsim, ac sine aliis. Potest enim voluntas pro sua libertate, relicto motiua nobiliori, tendere ad id, quod ignobilius est, sed sufficiens tamen. Item, in tali modo volendi aliquid propter plura motiua totalia, affectus efficax, & re, aut ratione distinctus, circa vnum motiuum, est independens ab affectu, circa aliud; ita ut quamuis illud abesset, voluntas tamen tenderet efficaciter in obiectum, quod vult; quamuis non actu tam extenso, seu amplo formaliter, aut virtualiter, atque cum plura motiua totalia completur.

3. Suppono tertio, ex dictis 1. part. disp. 14. sect. 6. quamuis Deus vnico actu simplicissimo, qui est ipsemet eius substantia, omnia intelligat, & velit: illum tamen esse virtualiter multiplicem, propter æquiualentiam ad actus creaturarum, tam intellectus, quam voluntatis realiter diuersos inter se: ita ut propter hanc amplitudinem virtualem possit à nobis inadæquate concipi, & per conceptum in plures distinguere. Ac sicut inter illos est virtualis distinctio, ita etiam est interdum virtualis subordinatio, quatenus æquivalent pluribus actibus distinctis creaturarum, quorum vnus alium præsupponit: vel quatenus sunt similes actibus creaturarum tendentibus in plura obiecta, cum aliquo ordine in modo tendendi. Quanquam tunc potius est ordo ex parte obiectorum, quam ex parte actuum, ut alibi diximus, si actus tendit indiuisibiliter re & ratione in vtrumque obiectum, ut connexum.

4. Est autem duplex generaliter ordo prioritatis inter actus diuinos. Vnus est ordo necessitatis, siue ex parte subiecti: secundum quem vnus magis exigitur à subiecto, & maiori necessitate illi conuenit: vel à quo non conuertitur subsistendi consequentia. Quo pacto actus essentielles intelligendi, & volendi circa Deum, & possibilis, sunt priores actibus non necessariis, seu contingentibus, & liberis circa res creatas: & scientia media rei futuræ sub conditione, est prior scientiæ visionis eiusdem rei, quia est prior subsistendi consequentia: Sequitur enim quod, si Deus sciat Petrum ex. gr. negaturum esse Christum, ancilla eum interrogante; sciat, quod si Petrum ancilla interroget, Christum negabit. Sed non sequitur, quod si Deus sciat conditionate Petrum conuersum iri ad poenitentiam, si tali modo praueniatur: sciat etiam absolute, quod res ipsa praueniatur, & conuertetur. Fieri enim potest, ut non ponatur talis conditio: quo in casu stabit scientia conditionata talis obiecti, sine scientia absoluta eiusdem. Alter est ordo causalita-

tis, seu virtualis dependentiæ vnus ab alio, per æquiualentiam, & correspondentiam ad actus distinctos creaturarum, habentes talem subordinationem. Et hic iterum triplex est. Primus est inter actus ipsos intellectus adinuicem comparatos. Nam quando Deus cognoscit vnum propter aliud, cognitio istius est prior, id est, prius tendit in hoc obiectum, quam in illud: quia istud est illi causa, seu medium, & ratio cognoscendi. Sicque cognitio essentiæ diuinæ per seipsam, & possibilem per essentiam, prius tendit in essentiam diuinam, quam in possibilem. Secundus est inter actus ipsos voluntatis adinuicem collatos. Nam similiter quando Deus vult vnum propter aliud, voluntas prius tendit in istud, quam in aliud: quia istud est alteri motiuum, & causa seu ratio volendi. Sicque intentio finis v. g. est prior virtualiter electione mediorum quæ propter ipsum appetuntur: ut volitio prouehendi homines ad gloriam, est prior electione horum, & illorum mediorum, per quæ Deus statuit nos ad illam promouere. Tertius est inter actus intellectus, & voluntatis permixtim comparatos: quando scilicet inter illos est virtualis dependentia, & præsuppositio. Sic cognitio proponens diuinæ voluntati obiectum, in quod tendit, est prior virtualiter actu, quo voluntas in illud idem tendit: quippe quæ non fertur in incognitum, sed requirit cognitionem, ut conditionem necessariam ad volendum. Et scientia visionis est prior actu voluntatis, quo statuit aliquid ex aliquo præuiso. Ex. gr. quia Deus non statuit damnare, & punire in æternum, nisi præuiso peccato, & malo statu finali, id est, quia præuidit: præuisio peccati est virtualiter prior voluntate damnandi & puniendi. Et si non statuit efficaciter saluare nisi ex præuisis operibus, aut bono statu finali: hæc præuisio est prior efficaci voluntate saluandi. Et si non decreuit incarnationem, nisi præuiso peccato Adam, eius præuisio est prior tali decreto.

Ab hac virtuali præsuppositione, & dependentia debet sumi generaliter ordo causalitatis inter actus diuinos: ita ut vnus alio prior sit, prout hic illi præsupponitur, & virtualiter ab illo pendet. Non autem, ut perperam existimauit Caiet. qu. 1. art. 3. ab ordine rerum ipsarum intellectarum, aut volitarum à Deo: ita ut ordo naturæ præsupponatur generaliter in Dei cognitione, vel intentione, ordini gratiæ: & ordo gratiæ, ordini vnionis hypostaticæ: vel ea, quæ sunt priora à parte rei, sint etiam priora in Dei cognitione, & voluntate: Nam Deus, qui liberè vult, quæcunque vult efficaciter extra se, vult sæpe causas propter effectus; ut propter Christum, eius progenitores: & naturalia, propter supernaturalia; ut reddere alicui sanitatem, aut prolem dare, propter preces sanctorum: potuit etiam velle ordinem hypostaticum propter ordinem gratiæ, id est,

Inter actus diuinos est distinctio virtualis, & subordinatio.

Ordo prioritatis inter actus diu. est duplex.

Ordo causalitatis inter actus diu. unde sumatur? Nō sumitur ab ordine rerum.

velle incarnationem propter hominum salutem; atque reipsa voluit prima, vel secunda intentione.

Neque ex
proportione
ad finem.

Neque etiam, ut vult Scor. in 3. dist. 19. quæst. vnica, sumendus est generaliter ille ordo ex proportionem rerum ad finem, quasi Deus prius vnumquodque velit, prout illud eius gloriæ magis proportionatum est, magisque ad illam potest per se conducere. Nam diuina voluntas, quæ libera est in volendo bona creata propter suam gloriam, potest ex illis eligere, quæ vult, & velle minus, relicto maiori, aut prius tendere in id, quod minus est proportionatum suæ gloriæ, & propter illud expetere aliud magis proportionatum. Sicque non repugnat, Deum voluisse suam gloriam per hominum salutem; & hominum salutem per redemptionem; & redemptionem per incarnationem Verbi, quæ fuerit medium vltimò electum, id est, propter alia, & dependenter ab illis: quamuis incarnatio sit medium de se propinquius, & magis proportionatum gloriæ Dei, quàm salus hominum, & redemptio, quia multò magis facit ad Dei gloriam: Planèque Deo liberum fuit sic ordinare decretum incarnationis, ut multo probabiliter censent reipsa ordinasse. Potuit etiam è contrario, ut alii malunt, intendere primò Christum ad suam gloriam, & propter Christum velle Angelos, & hominès creare, & beatificare: præuisioneque istorum lapsu, velle per Christum eos redimere. Quæ controuersia non potest ex sola proportionem eiusmodi rerum ad finem decidi, sed reuelatione Dei significantis per Scripturam, aut traditionem, quid prius, vel posterius intenderit.

Neque ex
conexione
rerum per
se, vel ex
intentione
hominum,

Neque etiam, ut volunt Gab. Vasq. 1. p. disput. 82. cap. 5. & 6. & aliqui recentiores cum securi, debet ille ordo generaliter sumi ex conexione, & ordine rerum, quem habent obiecta inter se, vel ex natura rei, vel ex intentione hominum operantium. Quia, ut diximus loco supra citato, Deus antecedenti voluntate potest multa subordinare, & reipsa subordinauit ante omnium creaturarum intellectualium ordinationem, quæ alioqui non habebat ordinem inter se, id est, non exigebant à parte rei, ut vnum fieret à Deo propter aliud. Quid enim exigebat v. g. ut Deus primum hominem in gratia, & sanctitate supernaturali crearet, & caput omnium posterorum constitueret ad illam eis communicandam originaliter, si Deo paruisset? Quid etiam exigebat, ut antecedenti voluntate gloriam omnibus Angelis, & hominibus desideraret, & prepararet media sufficientia, quæ reipsa preparauit? Cùmque homines, & Angeli, possint, pro sua libertate, subordinare aliqua respectu suæ voluntatis, quæ neque in seipsis, neque per aliorum voluntatem, habent talem subordinatio-

nem: Deus, qui multò magis liber est ad omnia, quæ extra se vult, potest similiter aliqua subordinare, quæ neque ex natura sua, neque per hominum, aut Angelorum voluntatem, habent subordinationem: neque enim pendet in liberè volendo, à voluntate Angelorum & hominum: neque eius voluntas alligatur necessariò ordini rerum naturalium: quasi non possit v. gr. velle causam propter effectum: sicut reipsa propter Christum voluit Beatam Virginem, cuiusque alios progenitores.

Singulariter autem notandum est circa huiusmodi subordinationem actuum diuinorum, & prioritatem causalitatis virtualis, non esse in illo priori rationis, quo vnus actus præsupponitur alteri, id secundum quod non præsupponitur illi, & sine quo, per mentem abstracto, stat ille actus, qui dicitur esse alteri virtualiter præuius. Sic v. g. quia intentio finis abstrahit ab his, aut illis mediis determinatis, quorum nullum in particulari necessarium est: electio, & determinatio vnus medii præ alio, est posterior intentione finis: ita ut intentio concipienda sit velut abstrahens ab hoc aut illo medio determinato: cuius electio, & determinatio potest vel à pura Dei voluntate, & mero beneplacito, vel ex aliqua occasione aliunde data pendere. Sic v. gr. potuit Deus prima intentione decernere Christum venturum, quoad substantiam incarnationis, abstrahendo ab hoc, aut illo medio, & modo: ut, veniretne passibilis, aut potius impassibilis: de quo ratione post decernere potuit ex occasione alterius non præuisi pro illo priori rationis, id est, à cuius præuisione non pependit intentio, sed pependit electio. Fieri etiam potuit ut Deus vi primæ intentionis decerneret incarnationem, inclinaretur antecedenti voluntate ad Christum mittendum modo impassibili, nisi talis occasio, peccati scilicet Adami, occurrisset: cuius præuisione fuit causa cur decerneret mittere Christum in carne passibili.

Suppono quartò, sensum quæstionis præsentis non esse, quid Deus circa Christum decernere potuerit: vel an, & quod aliud decretum habiturus fuerit, si hoc non habuisset: De quo, cùm nihil sit reuelatum, non potest, nisi diuinando disputari. Sed quæstio est, quid Deus reipsa decreuerit, & quale fuerit decretum, quod Deum circa Christum habuisse cognoscimus per certam, aut magis probabilem reuelationem. An scilicet in eo decreto volitio incarnationis pependit omnino à præuisione peccati; eamque præsupposuerit velut motum, & causam, sine qua incarnatio non fuisset decreta? De qua controuersia inter Theologos celeberrima, quid probabilius videatur explicandum superest.

7.
Prioritas
illa non est
sine vltimò
læ præsup-
positione.

8.
Exponitur
status quæ-
stionis.

SECTIO II.

sententia proponitur, & probatur
ex Scriptura.

9.
1. Concl.
Christus
venit: ad
redimēdos
homines.

His ergo præsuppositis, dico primò, Christum reipia venisse ad redimēdum genus humanum. Est conclusio de fide, expressa sæpius in Scriptura. *Venit enim filius hominis querere & saluum facere quod perierat: Luc. 19. Misit Deus filium suum factum ex matre, factum sub lege, ut eos qui sub lege erant redimeret: ad Galat. 4. Iesu: Christus venit in mundum peccatores saluos facere: 1. Timoth. 1. Propter quæ & similia innumera meritò hæresis damnati sunt contrarium sentientes, asfirmantesque venisse Christum, non ut hominem à peccato liberaret, sed ut suam charitatem erga illum ostenderet, ipsumque tanquam Doctor instrueret, & viam veritatis monstraret: ut de Petro Abailardo testatur S. Bernardus epist. 190. Seruitus autem peccati & Diaboli, à qua Christus nos liberauit, non erat tantum macula peccati, aut pœna pro eo ferenda, & à Diabolo infligenda; sed status ille miserimus in quo, propter peccatum, diuinæ gratiæ auxiliis destituti, & eiusdem peccati merito à Deo quasi dimissi, & permissi tentationibus atque incurisibus Dæmonis pro ipsius voluntate, eramus sine dubio passim succubitori & vincendi. Propter quod Paulus 2. Timoth. 2. ait peccatores teneri captiuos à Diabolo ad ipsius voluntatem, ut fufius exponit Valques disp. 1. capite primo, post Bernardum epistola citata.*

Seruitus
hominum
sub peccato
& diabolo
quid
sit?

2. Concl.
Redemptio
hominum
fuit causa
totalis eorum
generis.

Dico secundò, Redemptionem hominum fuisse quidem totalem causam & sufficientem propter quam Christus venerit: probabilius tamen esse quòd non fuerit vnica, neque prima, neque omnino necessaria, ita ut vi præsentis decreti Christus non venisset si homo non peccasset: sed potius Deus sufficienter & efficaciter Christum expetierit aliis de causis peccato prioribus, & ab illo independentibus. Prima pars est communis Theologorum, & patet ex plurimis Scripturæ, Conciliorum, & Patrum testimoniis, quæ referemus & expendemus paulò post. Etenim Scriptura & sancti Patres atque Concilia Oecumenica loquuntur sæpius de redemptione tanquam de causa sufficienti, propter quam Christus simpliciter venerit, illique solitariè, ac seorsim ab aliis, tribuunt eius aduentum, etiam quoad substantiam, & non tantum quoad modum veniendi in carne passibili.

Sed non
fuit vnica,
neque prima,
neque
omnino
necessaria.

Secunda verò pars conclusionis, quòd scilicet causa illa non fuerit vnica, neque prima, neque omnino necessaria, est Alexandri Alensis 3. parte, qu. 2. membro 13. Alberti magni in 3. dist. 20. art. 4. Scoti & vniuersæ eius scholæ in 3. distinctione 7. quæst. 3. & dist. 19. qu. vnica, & plurium aliorum quos refert & sequitur ex parte Suarez disp. 5.

sect. 5. Quibus adde Feuardentium ad cap. 14. lib. 5. S. Irenæi, Salmeron, tom 0 15. disput. 3. assert. 5. Ysambert, disp. 7. ad qu. 1. de Incarnat. art. 2. & sequentib. Martin. Perez disput. 14. de Incarnat. Et ex Patribus disertè eam tenet Rupert. Abbas lib. 3. de Gloria filii hominis, & lib. 16. de Trinit. cap. 20. fauent etiam Irenæus, Cyrillus Alexandrinus, & alii infra citandi.

Probatur autem primò ex Scriptura, quæ variis locis tradit alias causas incarnationis generaliores & priores peccato. Christus enim in Scriptura insinuat nobis tanquam à Deo expetitus & decretus ut dux & pastor ouium, id est, hominum & Angelorum, Ioan. 10. v. 11. & Luc. 15. v. 4. vbi Christus seipsum comparat pastori centum oues habenti, quarum vna, id est, natura humana aberrauerit. At ratio ducis & pastoris non pender à peccato, sed generalior est: & Christus est pastor Angelorum qui nunquam peccauerunt, nec minus esset pastor hominum si non peccassent: Quamuis supposito peccato voluerit, ut bonus pastor, pro ouibus animam ponere, & nonaginta nouem relictis, errantem querere. Item Christus insinuat decretus ut mediator vitæ supernaturalis, id est, gratiæ & gloriæ: *Ego veni ut vitam habeant & abundantius habeant.* Ioan. 10. vers. 10. Habere autem vitam non per se supponit nec postulat redemptionem. Et Angeli, ac primi parentes in prima iustificatione habuerunt vitam gratiæ, sine redemptione. Item insinuat ut sponsus Ecclesiæ quæ homines & Angelos comprehendit: Genes. 2. vers. 24. iunctis Apostoli verbis Ephes. 5. vers. 32. Vbi affirmat Apostolus coniugium Christi cum Ecclesia, per coniugium Adami & Eux fuisse præfiguratum. Additque S. Thom. 2. 2. quæst. 2. art. 7. in corpore, & 3. parte quæst. 1. art. 3. ad 5. non modò per coniugium Adami & Eux incarnationem Christi fuisse significaram, sed insuper fuisse cognitam ab Adamo, cum de Eua recens formata dixit, *Hoc nunc os ex osibus meis, & caro de carne mea.* Propter hoc relinquet homo Patrem, &c. Atqui rationi sponsi accidentaria omnino est redemptio: & coniugium Adami & Eux fuit prius tempore, quàm peccatûs: & sancti Angeli non peccauerunt, quorum tamen Christus sponsus etiam est. Nam quòd Ecclesia, cuius Christus est caput & sponsus, comprehendat etiam Angelos, docet Apostolus ad Ephes. 1. vbi de Deo loquens sic ait; *Constituit, Christum scilicet, ad dexteram suam in celestibus supra omnem principatum, & potestatem, & virtutem, & dominationem, & omne nomen quod nominatur non solum in hoc sæculo, sed etiam in futuro: Et omnia subiecit sub pedibus eius, & ipsum dedit caput supra omnem Ecclesiam quæ est corpus ipsius, & plenitudo eius, qui omnia in omnibus adimplet.* Hæc Paulus. Qui certè nomine Ecclesiæ hîc comprehendit, non solum homines ad salutem vocatos, sed etiam Angelos. Alioquin qua ratione esset

112
Probatur hæc
ex Scriptura,
quæ docet
Christum
fuisse decretum
ut Pastorem
& Ducem
hominum
& Angelorum.

Itē ut sponsum
Ecclesiæ
quæ comprehendit
homines &
Angelos.

S. Thom.

62

Ecclesia plenitudo Christi? Nam Ecclesia hominum non potest dici plenitudo Christi, postquam Deus Angelos ei subiecit, ut Paulus ibi affirmat. Cum igitur Christus sit caput & sponius Ecclesie Angelorum, æque ac hominum, manifestum est, rationem spon- si & capitis simpliciter non præsupponere peccatum, quod in Angelis non est, ut neque etiam fuit in Adamo tempore sui coniugij. Qui certe si notam habuit incarnationem, non habuit sine revelatione diuina. Quæ reuelatio non ei frustra facta est, sed ut ad amorem & gratitudinem erga Deum excitaretur. Quare simul debuit ei reuelari aliqua causa finalis incarnationis quæ ad ipsum pertineret. Hæc autem non fuit redemptio eiusdem à peccato: quia peccati proprii reuelatio valebat potius ad excitandam tristitiam & deiectionem animi, quam ad illum affectum amoris & gratitudinis. Debuit ergo alia ratio incarnationis reuelari, puta, ipsius sanctificatio & glorificatio, & aliz id genus causæ quæ in ipsius bonum cedebant, & tamen à peccato abstrahebant.

Rursus Apostolus verbis supra relatis ex Ephes. 1. significat Angelos, & primos parentes ante peccatum, fuisse propter Christum sanctificatos. Ait enim Christum adimpleri omnia in omnibus, etiam in Angelis, id est, omnia esse ipsius, & propter ipsum, & per ipsum. Quare & sanctificatio, & glorificatio Angelorum, & primorum parentum, pertinet ad ipsum, sicut & ipse est caput omnium. Quamvis enim Angeli fuissent subiecti Christo post ipsius conceptionem aut resurrectionem, & primi parentes, post peccatum: attamen Christus non diceretur adimpleri omnia in omnibus, si Angeli in sua sanctificatione & glorificatione non fuissent illius capitis membra, & primi parentes primam suam sanctificationem non essent per eum consequuti. Neque verum esset generaliter quod ait Paulus ad Ephes. 1. vers. 3. *Benedixit nos in omni benedictione spiritali in celestibus, in Christo*, si prima illa benedictio, quam in Adamo accepimus, non fuit in Christo. Atqui si sanctificatio Angelorum, & primorum parentum in statu innocentie, fuit per Christum ut mediatorem, necesse est, Christum fuisse decretum ante peccatum Adæ præuisum. Nam præuisio peccati supponit permissionem Dei, id est, decretum, quo Deus statuit permittere ut primus Parens à iustitia originali excideret propria voluntate. Hæc autem permissio supponit iustitiam illi collatam, seu decretum de illa conferenda: quæ si ex Christi meritis illi collata est, & ideo ad hunc effectum prædestinatus est Christus; prædestinatus est ante præuisum peccatum. Quare peccatum non fuit sola nec prima ratio cur Christus veniret, neque etiam necessaria, quia id quod prius alio prædestinatum est, & efficaciter decretum, etiamsi deficeret id quod est posterius, nihilominus futurum esset, quia non pendet ab illo ut sit.

11.
Docet etiã
Scriptura
iustitiam
originalem
fuisse datã
propter
Christum.

Vterius, Scriptura significat Christum fuisse à Deo intentum & decretum ante omnes creaturas, fuisseque primò electum, & primogenitum inter prædestinatos, cæterorumque finem, & causam exemplarem. At hæc falsa essent, si Christus fuit solum, vel primò, decretus ut redemptor: ergo, &c. Maior probatur his Scripturæ testimoniis, Coloss. 1. v. 14. *In quo (Christo) habemus redemptionem per sanguinem eius, remissionem peccatorum, qui est imago Dei invisibilis, primogenitus omnis creaturæ. Quoniam in ipso condita sunt universa in cælis & in terra, visibilia & invisibilia, sue Throni, sine dominationes, sue principatus, sine potestates; omnia per ipsum, & in ipso creata sunt, & ipse est ante omnes, & omnia in ipso constant, & ipse est caput corporis Ecclesie, qui est principium, primogenitus ex mortuis, ut sit in omnibus ipse primatum tenens.* Huc usque Paulus. Vbi cum vocat Christum *primogenitum omnis creaturæ*, loquitur de Christo quatenus homine, ut exponit Concilium Sardicense, in epistola ad omnes Episcopos, & Ephesinũ tomo seu parte 1. ca. 4. & 5. & tom. 4. cap. 26. Vbi, de Christo sic affirmat: *Christus, ut Verbum, dicitur unigenitus: ut homo, primogenitus.* Similique modo Paulum exponunt Chrysostomus, Hieronymus, & Anselmus, ad locum citatum, & multi alii Patrum: fauentque verba quæ sequuntur ibidem, *Ipse est caput corporis Ecclesie, primogenitus ex mortuis*, ubi manifeste sermo est de Christo secundum humanitatem. Item ad Rom. 8. v. 29. *Quos præcivit, & prædestinavit conformes fieri imaginis filii sui, ut sit ipse primogenitus in multis fratribus.* Quod etiam de Christo ut homine interpretantur Chrysost. Hieron. Anselm. ibidem, & fere omnes alii Patres Græci & Latini. Confirmaturque ex verbis supra relatis Concilij Sardicensis & Ephesini, & ex August. lib. contra epistolam fundamenti cap. 37. affirmante, imperitè, & impie quæri fratres Christo, nisi ex eo quod in homine apparere dignatus est.

Ex his igitur sic arguuntur, & minorem propositi argumenti confirmo: Finis est qui primò cadit sub voluntatem operantis, ut is propter quem cætera sub eandem cadunt. Sed Christus fuit expetitus ut finis reliquarum creaturarum: ergo fuit primò, & ante illas expetitus. Ergo & ante Angelos, & Adamum. Et consequenter ante permissionem peccati, quæ non fuit decreta nisi præuiso Adamum peccaturum, & à gratia calurũ, si Deus non impediret. Item, Christus est causa exemplaris, & finalis prædestinationis, & electionis aliorum. Ergo est primò electus & prædestinatus tanquam causa cæterorum. Ergo prius, quàm peccatum prævideretur, & quàm esset eius permissio, quæ posterior fuit electione, & prædestinatione Adami ad gratiam & gloriam, à qua Adamus per peccatum excidit, in æternum eacuriturus, nisi per Christum reparatus fuisset. Tertiò, intentio prima & absoluta, seu antecedens atq; efficax alicuius rei, id est, non ex

12.
Et Christi
fuisse à Deo
intentum
& decretũ
ante omnes
creaturas.

Concilium
Sardic.
Ephesinũ

Chrysost.
Hieronym.
Anselm.

August.

13.

occasione alterius præsuppositi, est saltem virtualiter eorum omnium, sine quibus res non potest haberi. Atqui redemptor non potest esse sine peccato à quo redimat: ergo si Deus efficaciter, primò & ante cætera omnia, ac proinde antecederet & absolute, & non occasione alterius præsuppositi, voluit Christum ut redemptorem; voluit peccatum. Sed Deus non potest velle peccatum; neque potest velle per se primò permissionem peccati, non præsupposito peccato aliunde futuro: quia deberet velle peccatum, propter permissionem. Ergo non potuit velle Christum ut redemptorem primaria illa intentione, quâ illum expetiuit ante cætera omnia.

Sic igitur breuiter colligi potest tota hæc probatio ex Scriptura. Christus fuit à Deo intentus & decretus propter alias rationes per se independentes à peccato, & de se sufficientes ad mouendam voluntatē diuinam, dignissimasque ut eam mouerent, & quarum aliqua prius eam mouerunt efficaciter, quàm prævideretur peccatum. Ergo redemptio non fuit prima causa, neq; vnica totalis, vel omnino necessaria ut Christus veniret vi decreti quod re ipsa Deus habuit circa incarnationē.

SECTIO III.

Confirmatur eadem sententia Patrum auctoritate, & ratione.

PROBATUR secundò ex Patribus. Irenæus lib. 3. aduersus hæreses cap. 33. initio, affirmat Christū præexistisse hominibus, ordine nimirū intensionis diuinæ. Nā manifestè nō præexistit ordine executionis, Quoniā, inquit, futurā circa filiū Dei humani generis dispositionē in semetipsum fabricator omnium Verbū præformauerat, prædestinante Deo primū hominē animalem (id est, primum parentē nostrum Adamum) videlicet, ut à spiritali (id est, à Christo) saluaretur: Cum enim præexistere saluans, oportebat & quod saluaretur, fieri, ut non vacuum sit saluans. Hæc Irenæus. Qui, quidquid dicat Lessius disp. de Prædestinatione Christi, num. 24. manifestè affirmat Adamum, primum hominem animalem, factum esse propter hominem spiritalem, Christum scilicet; adeoque Christum fuisse priorem in intentione diuina. Quare frustra hæc ille de Verbo diuino explicare conatur: manifestum enim est Verbum diuinum, secundum se non posse dici hominem spiritalem.

Cyrillus Alexand. lib. 5. Thesauri cap. 3. sic contra Arianos arguit; Si, ut hæretici dicunt, ut nos produceret Deus, filium produxis; erit ipse propter nos factus, non nos propter ipsum. Cur ergo nobis non ager gratias qui propter nos est? Erit etiam ipse sic gloria nostra, ut semine vir. Non enim vir creatus est propter feminam, sed femina propter virum. Et inferius: Si propter nos filius factus est, primò nos erimus apud Deum. Sic enim Deus nos primò,

deinde filium propter nos intendisse videbitur. Hæc Cyrillus. Quæ contra Christum ab Arianis retorqueri facile potuissent, si sensisset Cyrillus Christum non nisi propter hominum redemptionem fuisse decretum, & prædestinatum. At quod ita non senserit patet ex cap. 8. eiusdem libri, vbi sic habet: *Præfundatur ante nos Christus, & in ipso nos omnes saluamur*, idque ante initium mundi in præscientia Dei. *Ut cum ordine diuino benedictio maledictionem antecesserit: & damnationem in mortem vitæ pulchritudo: & Diaboli seruitutem, adoptionis libertas: possit natura humana superatis malis quæ interim acciderunt, in pristinam, per gratiā Christi (qui fundauit eā bonis in bonis) dignitatem recurrere.* Ac deinde vtens exëplo architecti, qui, timens ne suū ædificium ruinam aliquando patiatur, iacit firmissimum fundamentum, ut superstructa, si ruinam patiantur, possint reparari fundamento seruato; addit, *Eodem modo creator noster Christus nostra saluis fundamentū, etiam ante initium mundi, fundauit, ut si præuincatione caderemus in ipso rursus renouaremur.* Hucusq; Cyrillus.

D. August. lib. 1. de Nuptijs & concupiscentia cap. 21. ait coniugium, etiam in statu innocentie si homo non peccasset; futurum fuisse Sacramentum coniunctionis Christi cum Ecclesia. Ergo coniunctio illa fuisset, quamuis peccatum non fuisset. Ergo Christus non fuit tantum decretus propter peccatum, & redemptionem à peccato. Et lib. 14. de Ciuitate Dei cap. 23. censet absurdum esse dicere, non fuisse futuras hominum generationes, nisi Adam peccasset: quasi peccatum necessarium fuerit ut illæ essent. Ex quo loco Rupertus suprà sic argumentatur: Si teste Augustino absurdum esset dicere, Adamo non peccante generationes hominum non fuisse futuras, ac si propter homines, ut nascerentur, peccatum fuisset necessarium; quid de isto capite & Rege omnium electorum Angelorum & hominum sentiendum, nisi quod & ipse maxime omnium necessarium non haberet peccatum, ut homo fieret ex hominibus, delicias suæ charitatis cum illis habiturus? Hæc Rupertus.

S. Anselmus lib. 1. *Cur Deus homo* cap. 18. dicit absurdum esse existimare homines non esse factos nisi pro restauratione perditorum Angelorum, ita ut nisi ab illa beatitudine illi Angeli cecidissent, homines ad illam non ascenderent. *Si quis enim dixerit quia tantum letabuntur electi homines de Angelorum perditione, quantum gaudebunt de sua assumptione, quoniam absque dubio hæc non esset nisi illa fuisset, quomodo poterunt ab hac peruersa gratulatione defendi?* Qui discursus sancti Anselmi æquè cōcludit, absurdum esse existimare Christum non esse factum, & beatitudinem adeptum, nisi pro restauratione perditionis humani per peccatum Adami. Sic enim, iuxta discursum Anselmi, tantum letaretur de Adami peccato, & humani generis perditione, quantum gauderet de sua assump-

tione : quia absque dubio hæc non esset , nisi illa fuisset. Sentit ergo Anselmus Christū nō debere peccato Adæ suā prædestinationem.

19. **August.** Author libri de Spiritu & anima, cap. 9. apud August. tom. 3. *Propterea, inquit, Deus homo factus est, ut totum hominem in se beatificaret, &c. Ut siue homo ingrederetur intus per intellectum, siue egrederetur extra per sensum, in Creatore suo pascua inueniret. Pascua foris, in carne saluatoris: & pascua intus in diuinitate creatoris. Quæ ratio, & aliz similes à Patribus afferri solent, & quæ locum habent seculo peccato. Nam licet Adam eiusque posterī non peccassent, erant nihilominus toti, id est, in corpore & in anima, beatificandi.*

20. **S. Thom.** Denique, ut alios præteream, S. ipse Thomas, licet contrarium sentiat quæst. 1. a. 3. non parum tamen fauet 2. 2. quæst. 2. art. 7. in corpore, cum ait mysterium Incarnationis fuisse Adamo reuelatū ante ipsius peccatum; quod idem tradunt Hieronym. in c. 5. epist. ad Ephes. circa illa verba, *Sacramentum hoc magnum est*, August. lib. 9. de Genesi ca. ult. Prosper de Promissionibus parte 1. cap. 1. & Bernardus serm. 2. de Septuagesima. Similiterque Angelis fuisse reuelatum initio suæ creationis docet Bernardus & plures alij re-

Hieronym.
Augustin.
Prosper
Aquit.
Bernardus. lati à Suar. lib. 7. de Angelis ca. 13. n. 13. & sequentib. affirmantes peccasse Angelos occasione incarnationis. Non fuit autem illis reuelatum hoc mysterium sine aliqua causa ad ipsos pertinente: & non expediebat peccatum ipsis reuelari, ut de Adamo supra expendimus: ergo &c. Vltèrius idem S. Doctor 1. parte q. 98. a. 1. in corpore, censet futurā fuisse hominum generationem in statu innocentiz ad multiplicationem humani generis. Alioquin, inquit, peccatum hominum fuisset valde necessarium, ex quo tantum bonum consequutum est. Atqui magis absurdū est, peccatum fuisse necessarium ut Christus esset, qui solus maius bonum est, quàm generatio hominum. Et paulò post addit, animam rationalem fuisse per se intentam à natura, non tantum in specie, sed & in multiplicatione secundum indiuiduum. Vnde concludit, hunc numerum animarum fuisse futurum, etiamsi non esset peccatum. At longè maior fuit ratio, ut Christus propter suam perfectionem, quā infinitè superat animam rationalem, per se intenderetur, & esset futurus, etiamsi non esset peccatum: ergo non debet contrarium asseri sine certa reuelatione, quæ nulla est.

S. Thom. Probatur tertio rationibus Theologicis. Primò enim, Deus, qui pro sua sapientia infinita perfectissimè omnia intelligit, & vim motiuorum expendit exactissimè, debet concipi (nisi aliud obstat) velle modo perfectissimo ea quæ vult, nimirum propter motiua nobilissima, præsertim obiecto intrinseca (quæ certè non debent faciliè & sine graui ratione excludi à Dei voluntate) & iuxta vim eorundem motiuorum, ita ut totaliter & sufficienter eam mouerint, quæ ita mouere digna sunt, adeo ut Deus illa

secundum cuiusque dignitatem & sufficientiam expetuerit. Atqui præter rationem redemptionis sunt aliz in Christo nobiliores, & sufficienter mouere Deum dignissimæ, maximèque ipsa intrinseca & absoluta Christi perfectio & excellentia, quæ superat cætera creata, magisque valet ad Dei gloriam, & ad potentiam, sapientiam, & bonitatem eius manifestandam, quàm omnes puræ creaturæ simul sumptæ: ergo non debet illa ratio excludi à Dei voluntate, sed potius censeri debet primò illam mouisse efficaciter, nisi obstat grauis aliqua ratio, quæ nulla est, ut patebit ex solutione obiectionum.

Secundò, si Deus creauit homines & Angelos ut per se amabiles, & ad gloriam suam in illis manifestandam; ac propter homines creauit mundum corporeum, imò & Christum ipsum propter eorum salutem & redemptionem, ut volunt Aduersarij: Certè maior ratio fuit ut Christum etiam per se intenderet, aut propter gloriam suam manifestandam expeteret, ad eumque cætera omnia, & homines ipsos, atque Angelos referret. Christus enim est per se amabilior cæteris omnibus, magisque facit ad gloriam Dei manifestandam, & dignior est, ut propter ipsum cætera facta sint, ad eumque velut ad finem referantur, & ipse tandem ad Deū velut ad finem vltimum, iuxta illud Pauli, *Omnia vestra sunt, vos autem Christi, Christus autem Dei*. 1. Corint. 3. v. vltimo.

Tertiò, non est adeo conueniens dicere Christum non fuisse per se à Deo expetitum, sed tantum ex occasione peccati, atque ita esse tantummodo bonum occasionatum, ut loquitur Scotus, id est, ortum ex occasione, & quidem mala & pudenda, quamque Deus voluisset non esse: Vnde consequenter voluisset potius non esse Christum, quàm esse: non est, inquam, id adeo conueniens, quàm dicere, Christum fuisse per se primò à Deo expetitum: Et quamuis sine indecentia potuerit Deus pro sua libertate decernere Christum primò & redemptorem, & solū post præuisionem peccati: id tamen quia minus conueniens est Christi dignitati, non debet asseri sine grauiori fundamento.

Quartò, non parum detrahitur excellentiæ Christi, quando negatur fuisse per se intentus & expetitus, subtrahunturque illi Angeli quoad suam iustificationem & glorificationem, ac primi parentes in prima sanctificatione; ut subtrahuntur necessarij ab Aduersarijs: alioqui enim Christus non fuisset tantum decretus, aut primò propter redemptionem, sed ob aliam rationem priorem & vniuersaliorem, quippe pertinentem ad Angelos, & ad primos parentes in eo statu, in quo non erat peccatum, nec locus redemptioni quæ peccatum supponit. Et verò si Christus non fuit decretus, seu non venit ut caput influens gratiam & gloriam, sed venit tantum ut redimeret homines à peccato, neque aliud officium exer-

21.
Tertia probatio ex ratione.
Prima.

Primò enim, Deus, qui pro sua sapientia infinita perfectissimè omnia intelligit, & vim motiuorum expendit exactissimè, debet concipi (nisi aliud obstat) velle modo perfectissimo ea quæ vult, nimirum propter motiua nobilissima, præsertim obiecto intrinseca (quæ certè non debent faciliè & sine graui ratione excludi à Dei voluntate) & iuxta vim eorundem motiuorum, ita ut totaliter & sufficienter eam mouerint, quæ ita mouere digna sunt, adeo ut Deus illa

22.
Secunda ratio.

23.
Tertia ratio.

24.
Quarta ratio.

Concil.
Trident.

teret: consequens esset, vt non influat virtutem hominibus iustificatis ad hoc vt mereantur. At hoc est contra Trident. sess. 6. cap. 16. ante medium. Probatur sequela, quia iusti vt sic non redimuntur, neque illis influere gratiam seu virtutem ad merendum, est redimere. Si verò etiam grati & iusti egent Christo mediatore non reconciliationis aut redemptionis (non enim sunt inimici aut captiui) sed amplioris gratiæ: quanto magis Angeli, & primi parentes ante peccatum, vt fierent ex non sanctis sancti. Habent enim per se disproportionem ad illam sanctitatem supernaturalem, magis quam homines iusti & sancti habeant ad gratiam vltiorem.

24.
Quintara-
tio

Quintò, ex eodem Trident. sess. 6. cap. 7. Christus est causa finalis nostræ iustificationis, & consequenter prædestinationis, ad quam tendit iustificatio, vt etiam docet Apost. Ephes. 1. *Elegit nos in ipso*, inquit, id est in Christo, *ante mundi constitutionem*, vt *esset sancti & immaculati in conspectu eius in charitate. Qui prædestinavit nos in adoptionem Filiorum per Iesum Christum in ipsum.* Et Rom. 8. v. 29. *Quos præsciuit*, inquit, *& prædestinavit conformes fieri imaginis filij sui*, vt sit ipse *primogenitus in multis fratribus.* Ergo est prius in Dei intentione, quam hominum prædestinatio ad gratiam & gloriam. Ergo & prius quam peccatum Adami, per quod tum ipse, tum eius posterii exciderant à gratia & gloria in perpetuum, nisi reparati fuissent à Christo vt redemptore. Atqui ex sententia multorum aduersariorum Adamus, alijque electi fuerant ad gloriam prædestinati, etiam efficaciter & absolute, ante præsumptum peccatum Adæ: ergo & Christus multò magis, cum sit finis propter quem alij omnes fuerunt prædestinati.

Sexta de-
tio.

Sextò, non minùs decuit extolli naturam innocentem, quam separari naturam peccatricem: Et Christum decerni vt mediatorem gratiæ & gloriæ naturæ innocentis, quam vt mediatorem reconciliationis naturæ peccatricis. Item gloria animæ Christi est maioris dignitatis, magisque Deo amabilis, quam gloria omnium Angelorum & hominum simul iuncta, vt docet S. Thom. 1. p. quæst. 20. art. 4. ad 1. Ergo verisimile est, hanc gloriam per se magis esse à Deo expetitam, quam gloriam Angelorum & hominum: & potius ob Christi gloriam fuisse alios prædestinatos, quam Christum propter gloriam aliorum: Ita vt reliquorum vocatio, iustificatio, & glorificatio ad gloriam Christi velut ad finem ordinetur: quæ admodum de nostra iustificatione docet expresse Trident. cap. cit. cum ait, causam finalem illius esse gloriam Dei & Christi: & de ipsa prædestinatione idem significat Apostolus verbis paulò ante relatis ex Rom. 8. v. 29. Finis autem est prius in intentione, quam medium: & quatenus est finis, non expetitur propter medium, sed medium propter ipsum.

S. Thom.

Propter quæ omnia concludendum est ordinem signorum rationis in decreto diuino hunc fuisse, vt post scientiam possibilem, & conditionatam seu mediam futurorum sub conditione, quæ subsistendi consequentiâ prior est decretis Dei liberis, voluerit primò Deus Christum propter gloriam suam, & propter intrinsecam ipsius perfectionem & amabilitatem, quæ fuit prima ratio ex parte obiecti, propter quam Deus illum experiri & decreuerit, subordinata tamen priori rationi ex parte Dei, nempe gloriæ ipsiusmet Dei, ad quam vltimò refert quidquid extra se vult. Fuit autem prima illa voluntas implicitè & virtualiter voluntas adiunctorum, seu mediorum necessariorum vt Christus modo conuenienti veniret. Quare vi illius primæ voluntatis voluit Deus in secundo instanti rationis alias creaturas intellectuales, & hoc Vniuersū, veluti Christi regnum & domicilium, cum dependentia & ordine intentionis, quatenus hæc propter Christum fuerunt expetita, velut propter caput & Principem creaturarum, speciatimque Angelorum & hominum, quos etiam propter Christum ad gratiā & gloriā ordinauit, & in gratia creare constituit. Deinde præsciens per scientiam mediam Adamum in gratia creatum, ab ea casurum, si permetteretur tentari & labi, decreuit permittere. Tum, præuiso post permissionem peccato Adami absolute futuro, decreuit eum à peccato liberare per condignam satisfactionem: quam cum homo præstare non posset, voluit iterum efficaciter incarnationem in eum finem: statuitque insuper Christum venturum passibilem & mortalem, atque reipsa passurum & moriturum, vt morte sua pro peccatis hominum satisfaceret.

25.

Ordo signorum rationis in Decreto incarnationis.

SECTIO IV.

Reservantur & refutantur quæ responderi solent argumentis propositis.

AD Scripturæ loca, quibus ostendimus Christum fuisse decretum propter motiua generaliora, quam sit redemptio, & à peccato independentia, cuiusmodi sunt ratio pastoris hominum & Angelorum: mediatoris vitæ supernaturalis, id est, gratiæ & gloriæ: capitis & sponsi totius Ecclesiæ, ex Angelis hominibusque compositæ: Responderi solet, motiua illa non fuisse à Deo expetita secundum omnem suam amplitudinem, & secundum eam considerationem quæ non pendet à peccato: sed tantum secundum quod pertinent ad officium redemptoris, aut ex eo sequuntur: ita vt omnia sint cum illa restrictione intelligenda: Christus fuit decretus vt pastor hominum & Angelorum, per redemptionem, aut per aliquid ex ea sequutum, cuiusmodi est dignitas & dominium Christi super Angelos, quod mor-

26.

tis suæ merito solum assequutus est : ut mediator, ut caput, & sponsus, similiter per redemptionem.

27. Sed contra : Primò, Scripturæ verba, de se generalia, sunt generaliter intelligenda, ut sonant, & in tota sua amplitudine, quantum fieri potest, ita ut non voluntariè, nec sine necessitate, id est, valde graui & omnino cogente fundamento restringantur: nempe vel propter alia Scripturæ loca, quæ ad id cogunt, vel propter Ecclesiæ definitionem, aut manifestam absurditatem. Nihil autem tale hic reperitur. Secundò, Parabola illa Christi Luc. 15. v. 4. significat propriè, & simpliciter sumpta ut verba sonant (Scripturæ autem verba debent sumi in sensu proprio quantum fieri potest) Angelos & homines ad Christum pertinuisse ante lapsum naturæ humanæ in Adamo. Christus enim se comparat homini qui habet centum oves, & si perdidit vnā (habet autem antequam perdat) Mimittit nonaginta nouem in deserto (erat ergo cum illis antequam dimitteret, id est, relinqueret illas in deserto) & vadit ad illam quæ perierat, donec inueniat eam. Id est, ut sancti Patres interpretantur, reliquit Angelos in cælo, vbi nimirum alioqui fuisset cum illis, velut in aula sua conuersatus, cum gloria & maiestate conuenienti, ut hominem ex ouili suo fugituum, & peccato perditum recuperaret. Si autem Angeli, & homines ante peccatum, pertinebant ad Christum: ergo Christus fuit decretus ante peccatum. Neque enim poterant ad Christum pertinere, nisi Christus esset vel in ipsa, vel in Dei decreto. Tertiò, Illa Pauli verba Ephes. 1. v. 3. *Benedixit nos in omni benedictione spirituali in cælestibus, in Christo, generaliter, ut debent, quantum fieri potest, intellecta, significant benedictionem, quam in primo parente habebamus ante peccatum, per iustitiam originalem nobis omnibus in eo collatam, fuisse propter Christi merita. Ergo iam tum Christus erat decretus, & non tantum ratione post, ex præuisione peccati. Quod autem Vasquez disp. 10. cap. 10. nu. 128. ait, Paulum non esse intelligendum de benedictione quæ in statu innocentie collata fuit primis parentibus, quia quod postea subdit Apostolus, In quo habemus redemptionem, &c. non indicat nouum beneficiū, sed radicem eorum omnium quæ dixerat, ut quasi anacephaleosi quadam omnia in vnum congregaret: Hoc, inquam, planè voluntariè dictum est, & parum accommodatè ad textum, in quo potius sigillatim ac distinctè enumerat Apostolus per inductionem benedictiones comprehensas in illa propositione generali, Benedixit nos in omni benedictione. Nempe, inquit, Elegit nos in ipso, ut essemus sancti: Prædestinauit nos in adoptionem filiorum per Iesum Christum: gratificauit nos in dilecto filio suo: In quo habemus redemptionem per sanguinem ipsius remissionem peccatorum: In quo etiam & nos sorte vocati sumus, &c. Quibus verbis quinque diuersa gratiæ beneficia cō-*

memorantur: electio: gratificatio, id est, gratiæ infusio: adoptio, quæ ultra gratiæ infusionem, importat fauorem Dei extrinsecum, adoptantis & acceptantis ad æternam hereditatem: remissio peccatorum per sanguinem Christi, quæ differt à gratiæ infusione: & vocatio, quæ Deus nos inuitat ad huiusmodi bonorum participationem.

Ad alia Scripturæ loca, quibus ostendimus Christum fuisse à Deo intentum & decretum ante omnes creaturas, fuisse primò electum, & primogenitum inter prædestinatos, cæterorumque finem, & causam exemplarem, respondet Vasquez cap. citato nu. 125. & post eum Delugo disp. 7. nu. 10. & 11. Christum dici in Scriptura primogenitum omnis creaturæ Coloss. 1. ad Rom. 8. & alibi, non quia prius prædestinatus est; sed quia dignitate cæteris antecellit. Sicut Exodi 4. v. 22. dicitur, *Filius meus primogenitus Israel*, id est, excellentia & nobilitate exaltatus super alios populos. Quod verò subdit Paulus Coloss. 1. *Quoniam in ipso condita sunt vniuersa*, hoc, (inquit Vasquez) omnes expositores referunt ad Christi diuinitatem. Et, in ipso, idem est ac, per ipsum.

Sed contra Primò, vox primogeniti propriè sumpta significat primum ordine generationis, non autem primum ordine dignitatis. Debent autem Scripturæ verba propriè sumi, quantum fieri potest. Neque aliter sumitur Exod. 4. v. 22. Alioquin in eadem periodo sumeretur æquiuocè, contra exigentiam comparationis, & intentionem Dei manifestam. Sic enim loquitur: *Hæc dicit Dominus, filius meus primogenitus Israel. Dixi tibi, dimitte filium meum ut seruiat mihi, & noluiſti dimittere eum. Ecce ego interficiam filium tuum primogenitum.* Atqui Deus interfecit primum ordine generationis, tum Pharaonis, tum reliquorum Aegyptiorum. Propter quod etiam statuit sibi in posterum offerri à filiis Israel omne primogenitum, id est, omne quod aperit vuluam, ut dicitur Exod. 13. v. 12. Ergo Israel dicitur eodem sensu filius primogenitus, id est, primus ordine generationis: nimirum quia fuit primus populus, quem Deus sibi specialiter adoptauit, dans illi legem, & ceremonias, & speciale fœdus cū illo faciens, ut constat ex eod. lib. Exodi, præsertim cap. 19. v. 5. Deinde illa expositio non conuenit Pauli verbis ad Rom. 8. v. 29. *Quos præscinit, &c. affirmantis Christum esse primogenitum per modum causæ exemplaris, cui cæteri prædestinati conformes fiant. Causa enim exemplaris non ordine solum dignitatis, sed causalitatis & intentionis in mente artificis, præire debet suis effectibus.* Tertiò, quod ait Vasquez, illud Apostoli Coloss. 1. *In ipso condita sunt vniuersa*, intelligendum esse de Christo secundum diuinitatem, non adeo consonat verbis sequentibus, *Primogenitus ex mortuis*, id est, primò suscitatus & glorificatus in corpore, saltem ordine intentionis. Nam Christus secundum diuinitatem non est à morte suscitatus. Et quamuis Paulus inter-

Secundum
effugium
refutatur.

Vasquez
Delugo

Vasquez.

dum loquatur permixtum de Christo secundum naturas eius diuersas: Non tamen debet asseri hæc permixtio, & veluti æquiuocatio, ubi non est necessaria. Falsum verò est omnes expositores ita intellexisse. Nam Rupertus, Ambrosius, Catharinus & alij quidam aliter intelligunt. Sed neque nos in ea vim argumenti ponimus, quod de diuinitate fatemur à pluribus exponi: sed in Pauli verbis sequentibus, quæ ipsa Concilia & sancti Patres supra relati exponunt de humanitate. Sufficiunt enim ad probandum quod intendimus, Christum scilicet, quæ hominem, fuisse primogenitum & primò intentum.

29.
Tertium
effugium.

Nihilò melior est alia responsio alterius auctoris supra citati disp. 7. de Incarnat. num. 12. aientis, Deum aliquo modo cætera voluisse ex affectu Christi tanquam *finis cui*, respectu omnium creaturarum, vel finis etiam *cuius gratia* aliquo modo, non quidem efficaciter, sed per simplicem affectum dilecti. Sicut, inquit, voluntas dandi nobis auxilia, oritur in Deo ex voluntate nostræ beatitudinis. Non quidem semper ex intentione efficaci beatitudinis, sed ex affectu aliquo, complacentiæ scilicet, & desiderij nondum efficaci. Et hoc satis est ut dicatur Deus dare auxilia propter beatitudinem. Et paulò post num. 21. addit Christum fuisse primum prædestinatum, etiam respectu primorum parentum: quia Deus mundum creauit ex speciali affectu erga Christum, non directè, sed indirectè: quatenus affectus erga bonum illud, quod resultare debebat ex aduentu Christi redemptoris, fecit ut Deus crearet mundum, neque impediretur quo minùs illum crearet, à præuisione peccati, quod per scientiam mediam cognoscebat imminere, si mundum crearet. Illa itaque ipsa creatio erat, inquit, effectus prædestinationis Christi. Oriebatur enim, saltem indirectè, ex speciali affectu erga Christum. Et quidem licet ille affectus non esset formaliter voluntas absoluta (id est, efficax) de aduentu Christi: erat tamen virtualiter, & æquiualerter; quia nolle impedire peccatum imminens, eò quod præuideretur sub conditione peccati futurus Christus, erga quem Deus specialiter afficitur, perinde se habet quoad efficaciam, ac si esset voluntas absoluta circa Christum. Tam enim infallibilem connexionem habet illa prior voluntas cum Christi aduentu, quam si esset absoluta formaliter. Hæc ille.

30.
Relicitur
& impu-
gnatur at-
gumento
ethici.

Sed contra: Vel affectus ille Christi, ex quo Deus cætera voluit, fuit tantum simplex complacentia de Christo possibili: vel fuit aliqua inclinatio voluntatis, & desiderium circa ipsum ut existeret. Si primum: malè comparatur ille affectus cum voluntate nostræ beatitudinis, quæ non est simplex complacentia de illa ut possibili, sed est desiderium ut sit, quamuis sit inefficax pro illo priori rationis, quo præcedit electionem mediorum, & præuisionem boni status finalis. Malè item vocatur postea ab eodem auctore, *Christi prædesti-*

natio, si est tantum simplex complacentia: quia prædestinatio non est pura & simplex complacentia de gloria ut possibili, sed est destinatio & voluntas ad illam perducendi. Et denique nulla esset ratio asserendi Deum fecisse mundum ex illa simplici complacentia erga Christum, potius quàm erga infinitas alias naturas intellectuales æquè vniuersales hypostasibus diuinis, in quarum vnionum possibilitate Deus æquè sibi complacet, atque in Christo ut possibili, quia sunt æquè bonæ & amabiles, dignæque simplici approbatione complacentiæ. Si secundum: sic argumentor: Qui desiderat affectu primario & antecedente, id est, non ex præsuppositione alicuius, aliquid esse; & tamen ita affectus est secundum voluntatem, ut non velit illud esse, nisi per vnum aliquod medium determinatum: Ille in tali affectu desiderat illud medium. Voluntas enim finis est voluntas mediorum necessariorum non aliunde præsuppositorum. Atqui Deus affectu primario, & ante cætera omnia, ac non ex præsuppositione alicuius alterius, nominatimque peccati nondum permitti & præuisi absolute futuri, desiderauit Christum esse: & tamen ita affectus fuit, ut non velleret Christum esse nisi per medium redemptionis & peccati; ut vult Aduersarius: ergo Deus in tali affectu desiderauit redemptionem & peccatum. Sed absurdum est & impossibile, Deum desiderare peccatum affectu licet inefficaci: quia sicut velle efficaciter peccatum, est actus turpis, & indecens; ita & velle & desiderare quamuis inefficaciter: est enim illud etiam turpe & disconueniens obiecto: quare hæc responsio, si eo sensu intelligatur, continet absurdum & impossibile.

Respondet Aduersarius id quod ait numero 13. Deum non voluisse posituè & directè peccatum propter Christum, sed quasi indirectè ex affectu Christi remouente prohibens, quatenus præsciens sub conditione peccatum futurum si mundum crearet, & inde sibi orituram occasionem mittendi Christum in redemptorem; affectus erga Christum, licet non mouerit Deum ad permittendum peccatum ut utile ad Christi gloriam, conduxit tamen retardando affectum odij diuini erga peccatum, ne impediret eius permissionem; fecitque ut Deus non destituerit à mundo creando propter peccatum præscitum, sed potius illud permiserit, quia præuidit eximiàm eius reparationem.

Sed contra: primò, cum illud Dei desiderium sit affectus positiuus, quomodo dici potest Deum per illud non velle posituè id quod vult, nempe tum Christum ut finem, tum medium necessarium ad illum finem, quod est peccatum? Secundò, Voluntas primaria & antecedens, atque hoc sensu absoluta finis, id est, non ex alio præsupposito, quamuis alioquin non efficax, & non absoluta eo sensu quod interdum absoluta sumitur pro efficaci, siue ut gallice loquimur, resoluta, id est, non permissiua oppositi quantum est de

se, quæque vult omnia impedimenta per-
rumpere illa, inquam, voluntas fertur directe
in finem, & in omnia media necessaria. Ergo
si peccatum fuit medium necessarium, Deus
directè voluit peccatum. Tertiò, si affectus
ille erga Christum retardauit affectum odij
diuini erga peccatum, fecitque vt Deus illud
permitteret, & eo non obstante mundum
crearet, quia prouidit exigiam eius repara-
tionem: ergo affectus ille mouit Deum ad
permittendum peccatum; quia fuit ratio
quare permisit, & quare voluntas diuina im-
pedimentum peccati superauit in mundi
creatione. Rursus affectus ille mouit Deum
ad permittendum peccatum tanquam ne-
cessarium, vt ea occasione Christus veniret.
Ergo mouit Deum ad permittendum pecca-
tum vt utile ad Christi gloriam, id est, vt me-
dium valens & conduens, imò & necessa-
rium, ad illum finem. Quare responsio illa
non subsistit.

32

Quartò, si, vt addit idem auctor num. 21.
affectus ille erga Christum fuit Christi præ-
destinatio, ideoque in eius opinione Chri-
stus fuit primus prædestinatus, etiam respec-
tu primorum parentum: ergo fuit, vt ante
dicebamus, non solum complacentia de
Christi gloria vt possibili, sed voluntas Chri-
stum glorificandi. Imò si propriè sumatur
prædestinatio, vt distinguitur à reprobatio-
ne, illique opponitur, debuit esse voluntas ef-
ficax, & non tantum simplicis desiderij in-
efficacis, quod Deus etiam erga reprobos ha-
buit. Siue autem fuerit voluntas efficax, siue
simplicis desiderij; quia fuit prima & non
ex alio præsupposito, debuit esse voluntas
mediorum necessariorum, adeoque peccati,
si quidem fuit medium sine quo voluntas di-
uina non erat disposita ad Christum glorifi-
candum, vt author ille opinatur. At est ab-
surdum & impossibile Deum velle peccatum
siue efficaci voluntate, siue affectu etiam de-
siderij. Maxime verò si, vt idem ait, affectus
ille, quamuis non formaliter, erat tamen
virtualiter, & æquiuallenter voluntas abso-
luta de aduentu Christi, id est, voluntas effi-
cax, sic enim ipse absolutam intelligit. Nam
turpissimum est, Deoque indignissimum,
velle peccatum affectu æquiuallente volun-
tati absolutæ & efficaci peccati. Qui affectus
in Deo esse non potest quin formaliter agat
indecenter. Nam exercere scienter & li-
berè talent affectum notum vt æquiuallen-
tem, est formaliter velle aliquid malum &
indecens notum vt tale: adeoque est forma-
liter malè agere per voluntatem, seu malè
velle.

33

Quarta
quasio.

Ad testimonium quod ex Irenæo retuli-
mus respondet idem auctor num. 15. Ire-
næum vel loqui de Christo volito prius per
affectum simplicem voluntatis anteceden-
tis; vel melius de Christo vt Deo, seu de
Verbo. Verum prima responsio non potest
stare in opinione huius Doctoris, vt iam satis
ostendimus. Secunda verò non conuenit
verbis Irenæi, qui immediatè ante verba ab

Aduersario relata, sic habet. *Prædestinante
Deo primum animale hominem, videlicet vt à
spiritali (homine scilicet) saluaretur. Cum
præxisteret saluans, oportebat et quod saluaretur
fieri, vt non vacuum sit saluans. Ergo per sal-
uantem intelligit Irenæus hominem illum
spiritalem, à quo primus homo animalis sal-
uatus est. At Christus quæ Deus, seu quæ Ver-
bum, non est homo spiritalis: ergo non in-
telligit Christum vt Deum, vel vt Verbum,
sed vt hominem, & vt secundum Adam, re-
paratorem quod primus Adam perdidit. Quod
si opponas eundem Irenæum lib. 5. cap. 14.
initio sic loqui, si non haberet caro saluari, ne-
quaquam Verbum Dei caro factum esset: Et si
non haberet sanguis iustorum inquit, nequaquam
sanguinem habuisset Dominus. Quibus verbis
videtur clarè asserere, Christum non fuisse
uenturum si homo non peccasset. Respondeo,
Irenæum, vt Feuardentius celebris eius in-
terpres ibidem exponit, loqui de carne &
sanguine simili nostræ carni & sanguini, non
modò quoad substantiam, sed etiam quoad
statum passibilem & mortalem: solumque
asserere, Verbum Dei nequaquam fuisse as-
sumpturum huiusmodi carnem & sangui-
nem, nisi &c. Vt suæ carnis passione, & lan-
guinis effusione carnem nostram saluaret, &
sanguinem iustorum inquireret, id est, in sen-
su Irenæi, figuram suæ mortis in iustorum oc-
cissione prius exhibitam, adimpleret pa-
tiendo in carne sua, & sanguinem suum
fundendo. Quo etiam sensu carnis vocem
vsurpat Apostolus Hebr. 5. v. 7. *Qui in diebus
carnis suæ, &c. id est, vitæ suæ mortalis &
passibilis.**

Relictus.

Feuardentius

Ad locum Cyrilli relatum ex lib. 5. The-
sauri cap. 8. respondent Vasques disp. 10.
num. 122. & Delugo disp. 7. num. 17. Cy-
rillum paulò ante ponere manifestè in Deo
præscientiam peccati, antequam Christum
decerneret. Quare quando subiungit, Chri-
stum fuisse præfundatum ante nos, intelligit
fuisse præfundatum in præscientia & decreto
diuino ab æterno, antequam nos caderemus
in tempore. Quia verò huic expositioni obest
comparatio Deicum architecto, quæ Cyril-
lus mentem suam clariùs exponit. Respon-
dent, sensum esse quòd Deus Christum adeo
firmum fundamentum constituit, vt si post
peccatū originale remissum, iterum labere-
mur, possemus in illo resurgere. Qui sensus
(inquit Vasques) patet ex his Cyrilli verbis,
*Et si præuicatione caderemus, in ipso rursus re-
noueremur.* Verum neque hæc responsio satis-
facit. Nam Cyrillus apertè dicit nos omnes
in Christo, præfundari ante nos in præsci-
entia Dei, ita superædificari, vt cum ordine
diuino benedictio maledictionem antecesserit,
& damnationem in mortem vitæ pollici-
tatio, & Diaboli seruitutem adoptionis li-
bertas (id est, vnico verbo gratia & iustitia
nobis in Adamo collata præcesserit pecca-
tum Adami) possit natura humana superatis
malis quæ interim acciderunt, (id est, peccatis
quæ post ipsum sequuta sunt) in pristi-

342

Quinta
quasio.Non satis
facit.

quis à peccato saluari per præseruationem à peccatis incurrendis, vt sancti Angeli & Beata Virgo; æquè ac per redemptionem & liberationem à peccatis incuris. Et quanquam re ipsa verum est, Christum saluasse populum suum non tantum ab incurrendis, sed etiam ab incuris; nomen tamen IESV generalius quid significat, & per se non pendet à peccato. Addo præterea Isaiam cap. 9. vers. 6. commemorantem Christi nomina, proferre alia quæ nullam habent connexionem necessariam cum peccato: *Vocabitur, inquit, nomen eius admirabilis, consiliarius, Deus fortis, pater futurisæculi, princeps pacis.* Et cap. 7. vers. 14. *Vocabitur nomen eius Emmanuel,* id est, nobiscum Deus. Quæ omnia nomina verè ei conueniunt, sed diuerso respectu. Denique falsum est nomina semper à primaria vel magis principali ratione sumi, etiam cum à Deo ipso imponuntur. Nam v.g. Genes. 5. vers. 2. primum hominem vocauit Adam, quasi dicas, *terrenum*, quia de terra formatum, cum tamen hæc consideratio non sit præcipua in homine.

27. **Probatio bimembra.** Secundò, opponunt ea Scripturæ loca in quibus aliæ rationes videntur excludi, ita vt incarnatio assignetur redemptioni tanquam soli causæ totali & sufficienti. Matth. 9. v. 12. *Non est opus valentibus medicus, sed male habentibus. Non venit vocare iustos sed peccatores.* Ioan. 3. v. 17. *Non enim misit Deus filium suum vt iudicet mundum, sed vt saluetur mundus per ipsum.* Ecce, inquit, totam causam incarnationis filij Dei, vt mundus perditus saluaretur per ipsum. Quod confirmant ex parabola de centum ouibus Luc. 15. sicut enim Pastor ille non reliquisset nonaginta nouem, nisi centesima aberrasset: sic Filius Dei non descendisset de cælo, nisi homo peccasset. Item ex parabola patrisfamilias Marc. 13. mittentis filium suum, quia Agricola seruos ab eo ante missos occiderant: quem non misisset, nisi illi seruos occidissent, fuissetque necessarium mittere, vt saltem eius reuerentia mouerentur: *quis, inquit, verebuntur filiū meū.*

Respondetur primo mēbro. Ad primum Respondeo, Christum, vt medicum curantem ab infirmitatibus, non fuisse opus valentibus, sed malè habentibus: at officium medici non esse munus Christi adæquatum, neque primam aut solam considerationem propter quam venerit. Christus etiam non venit vocare iustos ad pœnitentiam, & conuersionem, quā non indigent; sed peccatores. Est enim ibi sermo de vocatione ad pœnitentiam & conuersionem, vt patet ex verbis præcedentibus eodem capite.

Ad secundum. Ad secundum Respondeo, ex eo quod Filius Dei venerit, non vt iudicet, id est, condemnet, sed vt saluet mundum perditum, & damnationi obnoxium, malè inferri hanc esse totam & solam causam cur venerit. Neque enim necessarium est omnes rationes cur venerit, ibi explicari: & aliæ supra à nobis allatæ, & in Scriptura non rarò expressæ, non obsunt quo minùs Christus, præuisa necessitate redemptionis, decretus fuerit vt redem-

ptor, veneritque ad saluandum hominem perditum. Ad priorem confirmationem Respondeo, per pastorem illum intelligi debere eum qui de seipso ait Ioan. 10. *Ego sum pastor bonus, bonus pastor animam suam dat pro ouibus suis,* &c. Christum scilicet, quā hominem, & non præcisè quā Verbum: vt sic enim non ponit animam suam. Quare illa parabola nobis potius fauet. Significat enim Christum fuisse pastorem & caput Angelorum & hominum, ante peccatum. Sufficit autem ad similitudinem, quam Christus vtraq; parabola intendit, dicere Christum non fuisse venturum ad laboriosam vitam, passionique & morti expositam vt ouem errantem reduceret, & vineam suam repeteret, nisi homo peccasset, & nisi agricola suo muneri defuisset. Alioqui enim acturus erat vitam immortalem, gloriosam, & Angelicam, in cælo potius, & frequentius cum Angelis, quàm in terra cum hominibus conuersaturus. Quamquam licet Iudæi Dei seruos, id est, Prophetas ante à Deo missos non occidissent, Christus venisset nihilominus ad redemptionem & satisfactionem perfectam Deo exhibendam, vel propter solum peccatum originale, vt fatentur Aduersarii.

28. **Tertia probatio ex Paulis.** Opponent tertiò variis Patrum testimonia, quorum aliqua tantum affirmant Christum venisse redemptionis vel salutis hominum causā; vt illud symboli Nicæni, *Qui propter nos homines, & propter nostram salutem descendit de cælis,* & alia plurima à Vasque relata disp. 10. cap. 5. Ad quæ respondendum est, vt ad priora Scripturæ loca respondimus, ex assertionem vnius, malè inferri negationem alterius non repugnantis. Alia verò, cæteras causas incarnationis positivè excludere videntur: Cuiusmodi est illud Irenæi lib. 5. contra hæreses cap. 14. *Si non haberet caro saluari, nequaquam Verbum Dei caro factum esset,* &c. Et Athanasii serm. 3. contra Arianos, inter medium & finem, *Indigentia hominum anterior est, quàm illius nativitas, quā sublatā, carnem non induisset.* Et Nazianzeni oratione 4. de Theologia, fere initio, *Quæ causa fuit natura humane, quàm nostri causa subit? Nonne nostra salutis? Quid enim aliud dicemus?* Et Ambrosii lib. de Sacram. dominicæ Incarn. cap. 6. *Quæ erat causa incarnationis, nisi vt caro quæ per se peccauerat, per se redimeretur?* & Augustini serm. 8. de verbis Apostoli, *Veni filius hominis querere, & saluum facere quod perierat. Si homo non perisset, filius hominis nō venisset.* Et serm. 9. initio, *Nulla fuit causa veniendi Christo Domino, nisi peccatores saluos facere. Tolle morbos, tolle vulnera, & nulla est medicina causa.* Et Leonis serm. 3. de Pêtecoste, fere initio. *Si homo in sue honore natura mansisset, &c. Creator mundi creatura non fieret.* Vbi Vasques ponderat illa postrema verba, *Creatura non fieret,* quæ, inquit, de carne solum passibili non possunt exolici: & Gregorii magni lib. 4. in lib. 1. Regum cap. 1. *Non veni vocare iustos, sed peccatores ad pœnitentiam. Si ergo pro peccatoribus venit, si peccata deesset eum venire nō oporteret.*

Citatur

Citatur quoque à Vasque disp. 10. cap. 4. n. 46. Cyrillus Alexand. ex variis locis. Sed nihil expressi profertur, & ipse non obscure contrarium affirmavit verbis relatis sectione præcedenti. Alia quæ citantur à Lessio in disput. de Prædestinatione Christi, ex Petro Chrysologo, & paucis aliis, minus vrgēt.

Lessius.

39.

Ad quæ omnia Respondeo, Patres citatos loqui de Incarnatione prout nunc facta est in carne passibili & mortali, cuius causam fatemur fuisse peccatum, sine quo Christus non venisset mortalis & passibilis, quando tunc erant omnes immortales & impassibiles. Alioquin enim Irenæus & Augustinus sibi ipsis contradicerent, aliis locis supra relatis. Et manifestè aliæ multæ causæ afferri possunt, præter peccatum seu redemptionem, incarnationis tumpræ simpliciter. Adde, nomen salutis, quo Irenæus & Nazianz. vtritur, patere latius, quàm redemptionem à peccato, vt supra monuimus. Ac si pauci inter Patres contrarium senserunt ex proprio sensu, sine reuelatione diuina, vel propter minds bonam illatione & Scripturæ interpretationem; non propterea sententiam nostram non fore probabiliorē, aliorum Patrum testimonius, & Scripturæ autoritate, & rationibus tortioribus nixam.

40.

Quarta probatio: sed inutilis. Vasquez.

Profertur etiam à Vasque disp. 10. cap. 4. num. 48. prola quædam ecclesiastica, sic alloquens Beatam Virginem: *Peccatores non abhorres, sine quibus nunquam foret tibi digna fides*. Et quod canitur in benedictione Ceroi Paschalis, *O ceteris necessarium Ade peccatum, quod Christi morte delendum erat*: Sed prola illa nunquam fuit recepta ab Ecclesia Romana, & nullius est momenti. Posterior locus non affirmat necessarium fuisse peccatū vt Christus veniret simpliciter; sed vt Christus moreretur, quod non diffitemur. Verum instat Vasques, peccatum ibi commendari per prosopopeiam, & laudari. Si autem necessarium tantum fuit vt Christus moreretur, nihil laudis inde posset habere, sed potius summa crudelitatis notari, quod tam diræ mortis causa extitisset. Respondeo, non commendari quod fuerit causa mortis simpliciter, sed quod fuerit occasio mortis adeo gloriosæ, torque virtutibus heroicis illustris, quamque triumphus resurrectionis, & exaltationis sequutus est. Perinde ac si quis, post urbem glorioso & vtili triumpho recuperatam, diceret, necessarium fuisse prodi hostibus urbem, vt tam gloriosa vtilique victoria recuperaretur.

SECTIO VI.

Soluntur argumenta ex ratione desumpta.

41.

Gabr. Vasques disp. 10. c. 9. hanc vitam opponit rationem: Si Christus vi decreti diuini fuit venturus Adamo non peccante; vel venturus fuit passibilis, vel impassibilis. Non passibilis: quia si peccatum

Tomus IV.

non fuisset, ceteri homines fuissent impassibiles: ergo multò magis ipse Christus: fatenturque omnes ipsum non venisse vt passibilem & mortalem, nisi propter peccatum. Non etiam impassibilis: quia cum decretū illud fuerit efficax t venisset reipta, impassibilis, si fuisset decretus talis.

Respondeo: Deum illo priori signo rationis, quò Christum decreuit propter ipsius excellentiam, & alias rationes abstrahentes à peccato, non determinasse modum quo veniret, passibilis, an impassibilis, quorum neuter determinatè necessarius erat vt veniret. Et licet Christus ob alias causas, quàm propter peccatum, potuerit venire passibilis: credibile tamen est non fuisse decretum absolute passibilem, nisi propter peccatum: ac potius Deum, ante peccatum præuisum, habuisse affectum desiderii simplicis, aut conditionati, vt Christus veniret impassibilis, nisi propter peccatum aliud necessarium esset: Quia scilicet impassibilitas erat conuenientior, & veluti connaturalior illius excellentiæ, & maiestati infinitæ. Sicut ante peccatum permissum & præuisum, habuit desiderium vt omnes homines essent immortales & beati. Ostendimus autem sect. 1. exemplis familiaribus posse prius decerni aliquid quoad substantiam, & deinde de modo absolute determinari, cuius determinandi nasci potest aliqua occasio: ita vt voluntas, quæ aliqui modum alium elegerit, & conditionatè iam aliis prætulerat, ad istum se absolute determinet ob talem occasionem. Cetera quæ in argumenti sui confirmationem prosequitur Vasques, leuiora sunt, & ex dictis facile solui possunt.

Diluitur primum argum. ex ratione perijum.

42.

Secundum soluitur.

Secundo, Valentia quæst. 1. punct. 7. in tertia probatione suæ sententiæ, obijcit magis commendari diuinam bonitatem erga peccatores, si Christus non fuit venturus nisi in redemptionem. Etenim plus aliquantò pro eis fecit, si ita misit filium in redemptionem peccatorum, vt aliter missus non fuerit. Respondeo 1. nihil inde sequi. Nam Deus non facit necessariò quicquid magis suam bonitatem ostendit, sed eligit liberè quid quid extra se facit. 2. Nihil à nobis detrahi de bonitate & charitate erga peccatores, cum asseramus, eorum redemptionem fuisse causam totalem, & se sola sufficientem & efficacem: adeo vt ob eam solam venisset Christus, licet omnes aliæ defuissent, & propter eam decretus fuerit pari affectu, quò volunt Adversarij, quamuis sine exclusionē aliorum motiuorum. 3. Non minoris esse bonitatis & charitatis velle Christum propter salutem Angelorum & hominum nondum inimicorum, quàm propter redemptionem peccatorum & inimicorum; sed potius illud esse maioris charitatis, vt in simili docet S. Thom. 2. 2. quæst. 27. art. 7. Ac denique affectum Dei fuisse meliorem, Deumque magis suam bonitatem simpliciter ostendisse, si Christum voluit propter suam excellentiam, & vt decus Vniuersi, & caput hominum & Angelorum,

D. Thom.

H

aliaque motius, expetendo vnumquodque vt totale & sufficiens, prout fert eius dignitas & amabilitas; quam si ob vnicam redemptionem expetiisset. Atque vt commendetur charitas & bonitas erga peccatores, non est minuenda erga alia motius, præsertim erga Christum ipsum, in quo multa fuerunt amabiliora redemptione. Redemptio enim in actibus liberis & meritoriis consistit: quibus longè præstantiores sunt actus beatifici diuinæ visionis, & excellentissimi amoris erga Deum clare visum, ipsaque Christi dignitas substantialis, & gloria supernaturalis, quæ maior est, quam cæterorum omnium Beatorum.

43. Tercio, Lessius disp. de Prædestinatione
Christi, sect. 1. n. 4. 6. & sequentibus, opponit has rationes. Prima: Nostra sententia videtur excogitata, vt Christus statuatur etiam author salutis Angelorum. Sed hoc non congruit Apostolo Hebr. 2. Vbi probat Christum debuisse constare carne & sanguine, quia illi, qui per eum sanctificandi erant, his constabant. At Angeli non constant carne & sanguine. Itē, *Qui sanctificat, & qui sanctificantur, ex vno omnes*, id est, ex Adamo, vt ibidem ait Apostolus. At Angeli non trahunt originem ex Adamo: ergo non erant sanctificandi per Christum. Item ibidem, *Nusquam Ang. los apprehendit, sed semen Abrahæ apprehendit, Græcè ἐνδραστηρίων*, id est, quasi injecta manu apprehendit, & tenet ne ruat in interitum, vt Ribera & alij in hunc locum exponunt; sensusque est, non debuisse Christum Angelis assimilari, quia ad eos salvandos non venit. Addit Valques disp. 13. nu. 12. & disp. 49. n. 21. vbi contendit, primos parentes ante peccatum, & Angelos non fuisse sanctificatos per Christum: Omnia merita Christi ita consummata fuerunt morte ipsius, vt non nisi prout coniuncta morti, effectum habuerint, & ab illa efficacitatem acceperint. At Christus non est mortuus pro Angelis, neque illis, aut primis parentibus in statu innocentia, & ante præuisum peccatum, potuit gratia decerni propter mortem Christi, quæ non fuit decreta & præuisa nisi post peccatum præuisum.

Responde-
tur tertio
argumen-
to.

Respondeo cum Cornelio à Lapide in caput secundum epistolæ ad Hebr. n. 132. & in primum caput ad Ephes. n. 46. hunc locum Pauli non ob stare sententiæ eorum qui opinantur Christum sanctificasse Angelos, seu gratiam illis fuisse collatā propter Christi merita: quia Paulus non loquitur ibi de iis omnibus qui per Christum sanctificantur quomodocumque, sed tantum de iis qui sanctificantur per consummationem passionis & mortis (de qua immediatè ante loquitur) & per redemptionem. Qui omnes quia erant passibiles & mortales, valde fuit conueniens vt Christus illis assimilaretur, tanquam minoribus fratribus, & maiori misericordia auxilioque indigentibus. Hunc esse verum Apostoli sensum patet ex verbis immediatè præcedentibus vers. 10. *Decebat enim eum per*

quem omnia, & propter quem omnia (id est, Deum) *author salutis eorum* (id est, Christi) *per passionem consummari* (sic enim legendum est, non contumari, sicque habet vulgata, & Græcum τανύσαι) *Qui enim sanctificat, & qui sanctificantur* (per passionem scilicet) *ex vno omnes*. Sermo ergo est de iis tantum propter quos decuit Christum consummari per passionem, id est, propter quos Christus fuit decretus & venit passibilis, quos fatemur fuisse homines peccatores. Quod autem additur de apprehensione, melius & communius exponitur de assumptione naturæ humanæ, per incarnationem facta.

Ad confirmationem Valsquis diceret aliquis, quod ipse significat responderi debuisset, Deum in priori rationis decernentem gratiam Angelis propter merita Christi, abstraxisse ab illa conditione consummationis per mortem, illi simpliciter non necessaria, de qua in posteriori rationis determinauit post peccatum præuisum, vt supra diximus de modo veniendi in carne passibili. Ac licet Christus non sit mortuus pro Angelis à peccato redimendis, vt aiunt sancti Patres ibidem à Valsque relati: mori tamen potuisset pro illis sanctificandis, vt meritum mortis ipsius ad gratiam & gloriam Angelis promerendam valeret, eoique suo sanguine emaret, id est, suos nouo titulo faceret, tamen si non redimeret à captiuitate, quam non incurrerant. Verum hæc responsio non satisfacit loco Pauli iam allato, & omnino falsa est. Si enim Angeli fuerunt sanctificati propter merita Christi, vt efficacia scilicet, & consummata ac perfecta merita; fuerunt illa prius præuisa vt talia, qui enim vult aliquid propter aliud, prius præuidet illud. At si merita Christi respectu Angelorum fuerunt consummata per mortem Christi, ita vt mors fuerit eorum consummatio, non fuerunt præuisa ante mortem præuisam, & consequenter nec ante peccatum præuisum, cuius præuisio fuit causa decreti mortis Christi, æquæ ac mortis Adami & reliquorum hominum. Negandum ergo potius est, Christi merita respectu Angelorum fuisse per mortem consummata, sed Christum per actus heroicos charitatis erga Deum, adorationis, orationis, & similes independentes à peccato, eis meruisse. Quod arbitrariè non asseritur, vt ait Valsques, sed deducitur ex locis quibus ostendimus Christum fuisse caput & primogenitum, & pastorem ac mediatorem, etiam respectu Angelorum ante peccatum.

Instabis, quia iuxta eorum sententiam, qui volunt prædestinationem fuisse factam antecedenter ad præuisionem meritorum, Deus primaria intentione voluit electis antecedenter & efficaciter gloriam propter media & merita nondum determinata. Ergo similiter potuit decernere gratiam Angelis propter Christi merita nondum determinata.

Respondeo negando antecedens. Nā auctores

44.
Angeli non
fuerunt
per Christi
mortem
sanctifica-
ti.

45.
Instantia
repellitur

illius sententia non dicunt, neque possunt rectè dicere, voluisse Deum pro illo priori gloriam electis propter merita. Neque enim merita fuerunt causa gloriæ in intentione, sed solum in executione, iuxta eorum sententiam: vt videre est apud Suar. lib. 1. de Prædest. cap. 8. & seqq. & lib. 5. cap. 5. Bellarm. lib. 2. de Gratia & libero arbitrio cap. 10. & seqq. aliosque celebriores huius sententiæ patronos.

46.
Quartum
argum.
Lectius.

Secunda ratio Lectii supra num. 6. hæc est: Si nostra sententia vera esset, verè & propriè dici posset, filium Dei non assumpsisse carnem nostrā causā, sed solum qualitatem carnis: quia propriè non dicitur causa, illud sine quo res fieret æquè ex vi causæ alterius iam posita. Vnde sequeretur, nos non teneri agere gratias Deo pro filii incarnatione, & infinita illa diuinitatis exinanitione quā ipsam carnis substantiam sibi vniuit; sed solum quod passibilitatem carnis assumpserit, & sua passione nos redemerit.

Verè dicitur Verbum assumpsisse carnem nostrā causā.

Respondeo primò, causam nostram latius patere, quàm redemptionem. Etenim venire ad nos sanctificandos & glorificandos, est etiam venire nostrā causā, & hoc sine peccato & redemptione esse potuit. Secundò, dico sequelam nullam esse. Cum enim iuxta nostram sententiam Christus non tantum vt passibilis, sed etiam quoad substantiam fuerit decretus efficaciter propter redemptionem, velut causam totalem, & se sola sufficientē; sequitur Dei filium verè ac propriè sumpsisse carnē nostrā causā, & causā ipsius redemptionis. Ad confirmationem sequelæ Respondeo, quando effectus fit ob multa motiua totalia, vnumquodque esse verè & propriè causam illius finalem & totalem. Nec verum est tunc effectum æquè futurum esse, licet alia causa deesset. Quamuis enim simpliciter esset futurus: non tamen esset æquè futurus ex parte causæ, si propter vnam solum esset futurus, ac si ob plures totales: sed effectus quodammodo magis fit, quando à pluribus causis totalibus & sigillatim sufficientibus ac totaliter influentibus fit, difficiliusque impediretur fieri.

47.
Quintum
argum.
Lectius.

Tertia ratio eiusdem Lectii n. 8. est huiusmodi: Quando intentio & finis operis est occultus, ex nullare melius deprehendi potest, quàm ex modo executionis, vt in omnibus operibus humanis constat. Fingere autem subesse alium finem primarium qui non possit deprehendi ex rei executione, est diuinare in incertum. Atqui omnia quæ apparent in executione huius mysterij, indicant illud institutum esse ad salutem hominum, & ad satisfactionem pro nostris peccatis: ergo non est alius finis magis principalis. Minorè probat 1. ex natura assumpta, quæ est humana, non Angelica, quamuis nobilior & vniri aptior, diuinæque conformior: nimirum quia non Angelus, sed homo saluandus erat. 2. Ex persona assumente, qui est Filius non Spiritus sanctus. Nimirum vt imago Patris increata repararet imaginem creatā: &

vt filius Dei naturalis accerferet filios adoptiuos. Alioquin erat potius vniendus Spiritus sanctus in quo sistit processio ad intra. 3. Ex tempore, quo totum fere genus humanū idololatria, & omni peccatorum genere oppressum, satis intelligebat se non posse per naturam, neque per legem, à peccatis resurgere. 4. Ex eo quodd Angelis multis ante millibus annorum iam erant glorificati. Atqui non erant glorificandi ante Christum, si per eum glorificantur: quemadmodum homines non fuerunt ante illum glorificati, sed post ipsius mortem, & meriti consummationem. 5. Denique ex passibilitate, paupertate, humilitate, & omnibus aliis circumstantiis.

Respondeo 1. Alios fines Incarnationis non ita esse occultos, quin partim ex ipsa natura rei, partim ex Scriptura satis deprehendi possint. 2. Executionem non semper respondere intentioni primariæ, quæ potest ex aliquo accidenti frustrari effectu, & aliò detorqueri. Sic intentio primaria Dei erga omnes homines, fuit eos saluandi: Executio tamen in multorum damnatione terminatur. 3. Quando sunt plures fines totales eiusdem operis, vt sunt incarnationis, licet eius intentio quoad omnes fines sit efficax, & non possit frustrari effectu, non est tamen necessarium omnes & singulas circumstantias executionis cuiuslibet fini appropriari, & propter illum expeti. Sufficit enim vt aliis non repugnent, quamuis vni magis conueniant, & possint aliquæ fini minus principali magis conuenire. Sic passibilitas, paupertas, & humilitas, magis conueniunt fini redemptionis; sed non repugnant aliis, quia Christus passibilis, pauper, & humilis, non definit esse per se amabilissimus, infinitæ excellentiæ persona, summa Dei gloria ad extra, decus Vniuersi, caput hominum & Angelorum, mediator gratiæ & gloriæ. Neque repugnabat (quamuis minus conueniebat) Christum citra peccatum venire passibilem, pauperem, & humilem, ad Deum sua passibilitate & humilitate glorificandum, ad exemplum virtutum, & alios fines viles. Aliæ verò circumstantiæ allatæ à Lectio multò minus probant Christum venisse solum vt redemptorem. Valent enim ad alios fines vniuersaliores, & à peccato independentes. Et quamuis simul valeant ad peccati remedium: vitiosè tamen excluduntur à Lectio alii fines, ad quos non minus valent, & sine peccato valerent. Quando enim circumstantiæ, & modus executionis, valent ad multos fines; malè vnus eligitur, & alii excluduntur, argumento ab illis desumpto. Porro valere has circumstantias ad alios fines, & propter illos eligi potuisse, quamuis peccatum non fuisset, manifestum est.

Primò enim cōueniens erat naturam humanam assumi præ Angelicā, quia illa totius Vniuersi compendium est, continens in se omnes substantiarum gradus, atque ita Deus totum Vniuersum in illa quodammodo

482

Quomodo de intentione sit iudicandum ex executione.

Cōuenientiæ incarnationis, quoad modum quo facta est.

do sibi vniuit. Item Deus per illam Angelis & hominibus assimilatus est. Homines enim ex parte animæ sunt similes Angelis. 1. Conueniens erat vt persona assumens esset filius, quia conueniebat mediam personam sanctissimæ Trinitatis esse mediatorem inter Deum & creaturas intellectuales; atque Angelos & homines adoptari in filios Dei, per filium Dei naturalem, & ei similes fieri per ipsius imaginem naturalem & increatam, ea similitudine de qua dicitur 1. Ioan. 3. v. 2. Similes ei erimus, quia videbimus eum facti est. Quæ similitudo, & filiatio adoptiua, Angelis æquè ac hominibus competit. 3. Non deerant aliæ rationes à peccato independentes, cur Christus veniret, non ipso mundi initio, neque omnino in fine, sed eo tempore quo venit. Quas rationes D. Thomas exponit quæst. 1. a. 5. & 6. Vbi præter rationem à Lessio allatam, vt nimirum medicinæ necessitas melius cognosceretur, has addit: quia scilicet decebat Deum seruare ordinem promotionis in bonum, secundum quem ab imperfecto, id est, minus perfecto, ad perfectum proceditur. Vnde Apostolus dicit 1. Corinth. 15. *Non prius quod spiritale est, sed quod animale, deinde quod spiritale. Primus homo de terra terrenus, secundus homo de celo celestis.* Item quia decebat Verbi incarnati dignitatem, vt longa series procerum, & præconum, ipsum præcederet, Patriarcharum, Prophetarum, figurarum, & prædictionum. Nimirum vt tantum illud bonum prius esset in expectatione diuturna, & non subito tribueretur, sed cum pompa & celebritate, in qua multa præcederent, hominesque ad illius suspensionem disponent. Nec tamen debuit idcirco vsque ad mundi finem differri: tum ne feruor fidei, temporis prolixitate tepesceret, & nimia dilatio nimis noceret: tum quia incarnatio erat causa consummationis ultimæ, ideoque debebat illam præcedere, sicut causa præcedit effectum: tum denique vt diuina virtus magis manifestaretur, quæ pluribus modis homines saluauit, non solum per fidem Christi futuri, sed etiam per fidem præsentis, & præteriti. Hæc D. Thom., qui artic. 5. ad secundum aliam affert rationem ex D. August. epist. 49. quæst. 2. Christum venisse eo tempore, quo futuros esse qui in eum crederent præsciuit. Sed eam merito ipse improbat, & D. Augustinus retractat in lib. de Bono perseverantia cap. 9. quia multis Christus non prædicauit qui credidissent si prædicasset, vt ipse affirmat Matth. 11. *Si in Tyro & Sidone &c.* Nec denique obest quod Angeli erant iam glorificati: nam propterea Christus non desinit esse primogenitus secundum intentionem. Fuisse autem primogenitum omni modo non est necesse, neque verum: nam antequam Christus nasceretur, multi

fuerunt sanctificati per gratiam, & facti filii Dei adoptiui, quamuis non nisi per Christum venturum. Qua ratione Angeli, qui non minus sunt per se simpliciter remoti à gratia & gloria, potuerunt conuenienter per Christum vt mediatorem sanctificari. Cur autem glorificarentur prius quam homines, & ante Christi mortem, ratio conueniens fuit, quia cum non peccassent vt homines, non erant adeo indigni gloria, & differendi vsque ad exhibitionem solutionis pretii pro peccato.

Quarta ratio Lessij n. 12. sic habet: Si Christus erat venturus in statu innocentia, quali carne erat venturus? Gloriosa, an non gloriosa, qualem habuit Adam? Si gloriosa: quomodo potuisset nasci, & crescere. Caro enim gloriosa est impatibilis. Si non gloriosa: cur gloria fuit dilata, cum ea non fuerit differenda nisi vt posset pati & subire mortem, vt sancti Patres docent? Rursus, versatus fuisset inter homines in terris, an inter Angelos in cælis? Si primum: id non erat conueniens, cum iam esset beatus, & homines non egerent instructione & exemplo, sicut in statu naturæ lapsæ. Si secundum: non debuit assumere naturam humanam, sed Angelicam: cur enim assumeret humanam, nunquam inter homines humano more viuens?

Respondeo, potuisse Christum facile venire in carne ei simili quam Adam & alij in statu innocentia habituri erant, gloria corporis interim dilata, vt inter homines aliquandiu familiariter conuersaretur, eosque sua instructione & exemplo ad maiorem perfectionem promoueret. Quamuis enim his non egerent simpliciter in statu innocentia: poterant tamen ijs plurimum iuari. Neque passio & redemptio fuit vnica causa omnino necessaria cur differretur gloria corporis Christi. Potuit enim esse quam dixi: & insuper quia decebat Christum per omnia assimilari hominibus, quantum fieri poterat sine indecentia. Quamquam etiam Deo facile erat Christum in carne gloriosa creare, in statu virili & perfecto, sicut Adamum creauit, sine naturali generatione: atque etiam ab initio creationis in cælo regnātem (quod eius maiestati conuenientius fuisset) & inde cætera regentem, constituere. Neque enim propterea humanitatem frustra assumpsisset, quādoquidem æternum cum hominibus post hanc vitam seu viam, æquè ac cum Angelis esset in cælis conuersaturus. Et aliæ duæ rationes cur antea diximus naturam humanam fuisse assumptam præ Angelica, adhuc locum habent.

Quinta ratio Lessij n. 13. sic ab illo proponitur: *Mysterium incarnationis includit humiliationem & exinanitionem diuinitatis, vt loquitur Apostolus Philipp. 2. initio.* Ergo nullo modo fuit per se expetendum, vel vt Vniuersum omnibus rerum gradibus constaret: sed solum ob aliam causam extrinsecam maioris momenti, cui alia ratione consuli non poterat. Vt si Rex sic-

49.

Sextum argumentum dilatur.

50.

Septimum argumentum.

An mysterium Incarnationis includat humiliationem Verbi.

ret seruus, aut rusticam duceret in spon-
sam. Id enim per se dedecet. Neque
fieri debet, nisi bonum maioris momenti
exigat: puta ad regnum, aut magnam
eius partem à ruina liberandam. Nec obest,
quòd mirabiliter extollatur humanitas.
Nam etiam rustica per coniugium Regis
extollitur: & non minus dedecet per se
Creatorem fieri creaturam; Dominum;
seruum. Adde, quòd opus incarnationis
non pertinet propriè ad perfectionem Vni-
uersi creati. Vel enim vnio naturæ cum
Verbo consideratur vt est quædam creata
perfectio, non inuoluens ipsam diuinita-
tem: vel prout inuoluit diuinitatem. Po-
steriori autem modo non pertinet ad gra-
dus rerum creatarum, sed quid sublimius
est: quia vniones rerum pertinent ad or-
dines rerum, quarum sunt vniones. At
priori modo illa vnio non est magna per-
fectio, neque gradum rerum constituit,
sed est modus quidam: modi autem sunt
paruæ admodum entitatis, nec possunt
per se aliquem gradum rerum constitue-
re: quia non differunt realiter à rebus qui-
bus insunt, sed sunt ipsa res certo modo
se habens, vel absolute, & ad se, vel
in ordine ad aliud. Denique non magis
pertinet ad complementum Vniuersi vt
Deus fiat homo, quàm ad complemen-
tum regni, & perfectionem, ac decus,
vt filius Regis induat habitum rustici.

Respondeo 1. Argumentum Lessij in ip-
sum retorqueri posse. Nam si per se in-
decorum erat vt Verbum diuinum naturam
creatam assumeret, neque decenter fieri
potuit, nisi ob aliquam causam extrinsecam
maioris momenti, cui alia ratione
consuli non poterat: ergo non debuit in-
carnari propter peccatum, cui Deus sine
indecentia poterat facillè alia ratione con-
sulare, vel ex pura misericordia, vel ad-
mixta iustitia non adeo rigorosa, sed qua-
lem creaturæ exercere potuissent: & aliunde
auertendo incommoda quæ nasci poterant
ex tali modo consulendi peccato. Quem-
admodum in exemplo Lessij, Rex inde-
corè faceret, si seruus fieret, aut rusti-
cam duceret, potens alià vià regnum pe-
riculo facillè liberare. Deinde si incarna-
tio fuit per se Verbo indecora, non debuit
fieri propter satisfactionem: quia non fuit
indecorum Deo carere satisfactione, vel
sine còdigna satisfactione parcere homini-
bus. Quare non fuit conueniens, vt prop-
ter maiorem satisfactionem subiret aliquid
indecorum, & quod grauius sit, quàm ca-
rere maiori satisfactione; quæ non tanti
momenti erat. Verùm vt rectè ait Am-
bros.

*Hu-
milis ista non ad diminutionem eius proficit,
sed ad gloriam: & non solum eius, verum
etiam in ipsum credentium. Dignitas est enim
seruum esse potentis. Et S. Leo epist. 10.
ad Flavian. cap. 2. Natiuitas temporalis il-
li natiuitati diuinae, & sempiternæ nihil mi-*

*nuit, nihil contrahit. Et serm. 5. de Natiuit.
cap. 2. Exinanisse se dicitur, tanquam se
propriæ virtute cuncta manerit: dum in ea humi-
litate quæ nobis consuluit, non solum Patre,
sed etiam seipso (secundum hominem) factus
est inferior. Nec aliquid illi hac incarnatione
decessit: cui cum Patre & Spiritu sancto,
hoc quod est, commune est: vt hoc ipsum intel-
ligamus ad omnipotentiam pertinere, quod se-
cundum nostram minor est, secundum propriam mi-
nor non est. Et serm. 8. de eadem sole-
nit, cap. 1. Formam serui, inquit, sine sue
detrimento maiestatis accepit: vt i. sua nos
prouheret, non ipse in nostram deficeret. Et
Fulgent. lib. de Incarnat. & Gratia Iesu
Christi cap. 2. Illa igitur exinanitio uni-
geniti Dei susceptio fuit forma seruilis, non a-
missio vel diminutio Diuitatis. Diuina quippe
natura nec minui potest aliquatenus, nec an-
geri: quia immutabilis manens, hoc habet sem-
per esse quod est. Nam si Deus ille verus &
summus, qui propter nos egenus factus est,
cum esset ciues, vt illius paupertate nos diui-
tes effemus, plenitudinem suam (quod nefas
est) c. inanis amitteret, aut aliqui mutabili-
tatis, in illa forma seruilis acceptione sentiret:
non accessisset B. Ioannes Euangelista de Verbo in-
carnato, Et i. ilimus gloriam eius, gloriam quæ
vniogeniti à Patre, plenum gratiæ, & veritatis.*

Quare Respondeo 2. directè non esse verum
diuinitatem ipsam per incarnationem fuisse
exinanitā: neq; physicè, quia nihil inde ami-
sit, aut passa est incommodū: neque moraliter,
quia sicut Dei maiestas nō minuitur morali-
ter per blasphemias hominū, sic &c. Sicut lux
solis non inficitur cœno quod illustrat, &
Deus secundū præsentiam intimā suæ essetiz
est in rebus vi sissimis, ac fœdissimis, in ipso in-
ferno & in dānatis, absq; vlla exinanitione,
vel indecentia. Atque vt rectè dicit Anselm.
lib. de Meditatione redempt. generis huma-
ni cap. 3. Diuina natura h. militari, aut laborare
non egit, nec potuit. Hæc omnia naturam huma-
nam, vt ad hoc restitueretur, propter quod facta
erat, necesse erat facere. Cōtrā verò per se val-
de conuenit diuinæ bonitati, vt se summè cō-
municet, non modò per naturam, & gratiam,
sed etiam per vnionem hypostaticam, id est,
per assumptionem naturæ creatæ in vnitatem
personæ, tribuēs illi ipsummet esse diuinum
substantiale: quod opus Dei maximum est,
& nulli creaturæ communicabile. Neque ta-
ris piè dictum videtur, Christum non esse
per se amabilem, & expetibilem sed so-
lum in ordine ad redemptionem. Et
quamuis non esset per se expetibilis, sed
propter aliud, non desunt alia motiua
extrinseca, propter quæ decenter appeta-
tur æquè, ac propter redemptionem: putà
ad regnum Beatorum Deo acquirendum, ad
filios ei adoptandos, ad Deum ipsum summè
honorandum, & dignè Deo, per actus naturæ
assumptæ. Enimvero, vt supra diximus, actus
redemptionis (qui liberi fuerunt) non sunt in
Christo præcipui: actus enim beatifici, qui-
bus Deum summè amat, præstantiores sunt,

§ 2.
Exponun-
tur Pauli
verba Phi-
lip. 2.

Quod verò obijciatur ex Philipp. 2. dictum est de Christo, non ut Deo, sed ut homine. Pauli enim verba sunt: *Hoc sentire in vobis, quod et in Christo Iesu: qui cum in forma Dei esset, non rapinam arbitratus est esse se equalem Deo: sed semetipsum exinaniuit formam serui accipiens, in similitudinem hominum factus, et habitu inuentus ut homo. Humiliauit semetipsum factus obediens usque ad mortem, mortem autem crucis. Propter quod et Deus exaltauit illum, et donauit illi nomen, quod est super omne nomen &c.* Quæ verba non possunt de Christo, ut Deo intelligi, nisi per idiomatum communicationem. Nam Christus, ut Deus non fuit obediens, quia, ut talis superiorem non habet, cui teneatur obedire. Et tamen Paulus de illo, qui se exinaniuit, & humiliavit, ait factum fuisse obediens usque ad mortem. Loquitur ergo de Christo ut homine. Item Deus non exaltauit Christum, ut persona diuina est, nec potuit illam exaltare, aut nomen maius, quam haberet, illi donare. Sed exaltauit Christum hominem Deum, qui semetipsum exinaniuit formam serui accipiens in similitudinem hominum factus, & habitu inuentus ut homo: quia fuit missus in similitudinem carnis peccati, et ait Paul. ad Rom. 8. v. 3. id est, quia venit passibilis, & mortalis, & cum qualitatibus similibus illis, quæ nobis insunt in poenam peccati: licet veram carnem peccati, id est, peccato infectam non habuerit. Quo eodem sensu D. August. lib. 1. de Peccat. merit. cap. 38. sic ait: *Non fuisset caro Christi in similitudinem carnis, nisi caro ista fuisset peccati.*

§ 3.

Neque par est ratio de rege qui seruus fieret, aut rusticam in uxorem duceret. Nam bonus regis status penderet à conditione, quam subit, & à coniugio, quod contrahit. Secus autem bonus Dei status à creaturis. Neque Deus sit creatura & seruus intrinsecè, ac propriè, sed tantum per idiomatum communicationem. At Rex fieret propriè, & verè seruus. Negari etiam non potest, quin Christus, qui est totum opus incarnationis, pertineat propriè ad Vniuersi creati perfectionem, tanquam apex, & caput creaturarum. Vnio verò hypostatica non potest esse, neque intelligi, quin personam diuinam, & humanitatem inuoluat. Neque est tam parua entitatis, ac Lessius imaginatur, cum sit ipsamet extrema, substantialiter, & seipsis vnita. Et quamuis distingueretur ab extrinsecis velut modus adueniens humanitati, eique inhærens, ut Less. & alij plerique affirmant: esset adhuc valde magna perfectio, constituens formaliter naturam humanam in statu hypostatico nobilissimo, & planè diuino, id est, constituens mirabile suppositum ex naturis diuina & humana substantialiter vnitis in hypostasi Verbi. Quod dum facit, constituit nouum gradum rerum, nempe substantiarum mirabiliter compositarum ex natura creata, & diuina hypostasi.

SECTIO VII.

Respondetur aliis Recentiorum quorundam argumentis.

ADuersus nostram sententiam alia multa opponunt eruditi quidam recentiores, quæ quia longum esset persequi, & pleraque forent importunè repetenda, sufficiet præcipua refutare: quorum primum istud est: Ut vera esset, inquit, nostra sententia, oporteret quoddam incarnatio ipsa non sit substantialiter, & in se, à Deo destinata in gratiam hominum, seu quoddam Christus, ut homo Deus, non sit talis constitutus substantialiter in gratiam, & salutem Ecclesiæ. At hoc non potest dici quia repugnat Scripturæ, Conciliis, & Patribus, ut nos ipsi fateamur. Maior verò probatur, quia ut dicatur primum esse simpliciter decretum incarnationis, oportet ut non sit æquè secundum, & posterius illis, quorum comparatione simpliciter dicitur primum. Si enim esset æquè secundum, & posterius illis; cur simpliciter diceretur illis prius? Atqui si verè & propriè incarnatio substantialiter est decreta in salutem hominum, decretum saluandi homines, est prius destinatione incarnationis. Quandoquidem hic prioritas est causalitas finalis, aut causalitati coniuncta. Et sicut dicitur in nostra sententia Deus prius destinasse Christum, quia illius gratiæ voluit Ecclesiam, & cetera omnia: ita si Christum voluit propter Ecclesiam, destinauit prius Ecclesiam, quam Christum.

Respondeo, concessa minore primi argumenti, nego maiorem. Quamuis enim Christus fuerit prima intentione antecedenter destinatus propter se: potuit consequenter, ex occasione alterius præsupponentis hanc intentionem, iterum destinari propter bonum Ecclesiæ, & redemptionem hominum. Id est, quamuis Christus antecedenti intentione Dei, & nullam aliam præsupponente ex parte obiectorum creatorum, adeoque simpliciter prima in illo ordine, fuerit destinatus propter se, & propter illum voluerit Deus creare homines, & constituere illi regnum Ecclesiæ triumphantis: tamen præuio quoddam homines ad regnū illud destinati, essent lapsuri in peccatum, potuit consequenter ad illam præuisionem moueri eorū amore ad Christum mittendum: & quidem velut motiuo sufficienti circa ipsam substantiam incarnationis, ut dicemus paulò post. Ad probationem maioris Respondeo, tamen si consequenter modo, iam dicto, incarnatio substantialiter decreta fuerit in salutem hominum: & decretum saluandi homines fuerit eatenus prius decreto incarnationis, ut voluit consequenter propter illud motiuum: tamen decretum mittendi Christum propter illud motiuum, supponit præuisionem peccati hominū; & consequenter præsupponit decretum creandi homines; quorum creatio

§ 4.
Primum
argum.

Christus
licet per
se primò
intendatur,
potuit
iterum
intendi
propter
Ecclesiam

decreta fuit propter Christum opus Dei excellentissimum, & primogenitum omnis creaturæ, ut dicitur Coloss. 1. vers. 15. ac proinde supponit Christum ratione prius decretum. Unde à primo ad ultimum, decretum illud mittendi Christum propter hominum redemptionem, supponit Christum ratione prius decretum independentem à præuisione peccati. Quare concessa maiore secundi argumenti propositi, minorem neganda est.

Sed aduersus hanc solutionem instant aduersarii: quia, inquit, si verum esset Incarnationis destinationem in gratiam Ecclesiæ, esse tantum secundam: non posset stare veritas ab omnibus concessa, & certa: quod scilicet Deus actu veræ charitatis erga Ecclesiam destinauit Incarnationem, substantialiter, & per se sumptam. Sequela probatur. Nam affectus charitatis Dei erga Ecclesiam, con- quiescit vltimò in Ecclesia, ut dilecta propter se. Ille enim tantum diligitur vera charitate, qui propter se, & non propter aliud diligitur. Ergo ille affectus charitatis nullum habet priorem affectum, ut sic, qui causalitatem finalem in ipsum exerceat. Ergo non est secunda intentio in eo sensu, quo hæc vox usurpat in ista quæstione. Antecedens, & secunda sequela, sunt manifesta. Prima verò probatur: nam affectus, erga quem alius causalitatem finalem exerceat, non est affectus finis vltimæ esse enim sub alio fine, & ab illius motione pendere, non est esse vltimum. Ergo affectus, qui est veræ charitatis in Ecclesiam, nulli affectui est secundus, in ordine finalis causalitatis. Sed destinatio Incarnationis ad salutem Ecclesiæ, est affectus charitatis erga illam. Ergo non est secunda quædam intentio, quod erat probandum.

Illa intentio
fuit ex af-
fectu cha-
ritatis erga
Ecclesiam.

Respondeo, sequelam malè deduci, & non bene probari. Licet enim Deus ex affectu charitatis erga Ecclesiam destinauerit substantialiter incarnationem: & ille affectus charitatis, præcisè sumptus, sistat in Ecclesia, ut dilecta propter se: tamen secundum ordinem virtutalem, seu prioritatem rationis, præsupponit decretam esse Ecclesiam: & consequenter præsupponit etiam decretum esse Christum, propter quem, velut primogenitum omnis creaturæ, voluit Deus creare homines, & Angelos, & constituere ex illis Ecclesiam. Sicut affectus charitatis erga ipsum Christum, præsupponit affectum Dei erga suam ipsius gloriam, propter quam Deus voluit Christum, & cætera omnia creata producere. Ratio est, quia affectus charitatis erga aliquem, non excludit alium affectum, quo ipse constituitur in esse obiecti amabilis ex charitate. Et ille affectus præsupponitur amoris charitatis, ut offerens illi obiectum.

§ 6.
Secundum
argum.

Secundum illorum argumentum est huiusmodi: Si nostra sententia vera esset, non posset verè dici, quod Deus simpliciter ex dilectione humani generis dedit filium suum mundo, contra illud Ioan. 3. Sic Deus dilexit mundum, ut filium suum unigenitum daret.

Probat sequela: nam Deum dare filium suum, est quasi è suo sinu illum educere. Fit autem præcisè hæceductio ipsa incarnatione. At Deus non ex dilectione humani generis è suo sinu eduxisset, quem ante omnem affectum erga humanum genus decreuisset efficaciter educere. Nam si, ex.g. Rex, filio suo iam in Italiam profectionem parante ob alias causas, conscius huius consilii, mandaret ut Italiam armis tueretur: non posset iure Italiz exprobrare, aut commemorare ut beneficium: Ego filii mei charo conspectu me priuari ad vos tuendos. Ratio est, quia ille modus loquendi innueret Regem non iam profecturo filio mandasse ut Italiam tueretur, & dumtaxat quasi calcar iam currenti addidisse: sed potius quod nullo priore motiuo destinasset filij profectionem. Nam in his locutionibus debet designari prima originalis causa.

Respondeo, Deum verè ex dilectione humani generis filium è sinu suo eduxisse, & in mundum misisse, si, ut nos asserimus, ex illius amore, tanquam motiuo sufficienti, & totali, impulsus fuit, ut filium suum mitteret: quamuis sit aliud motiuum totale, & sufficiens, propter quod etiam ratione prius voluerit mittere. Similiterque si filius regis, in exemplum allati, non vellet in Italiam proficisci, nisi de patris voluntate, ab illaque omnino penderet, ut proficisceretur: & pater ut Italiz laboranti succurreret, decerneret eum mittere in Italiam, motus eius amore, ut totali, & sufficienti motiuo: posset verè tanquam magnum beneficium commemorare, quod illius amore filij sui conspectu priuare se voluerit, ac re ipsa priuauerit. In eo verò peccat exemplum allatum, quod supponit filium regis sua voluntate decernere efficaciter profectionem; & patrem tantum mandare illi, ut quandoquidem vult in Italiam proficisci, armis eam tueatur. Nam ut exemplum appositum esset, supponendum erat patrem absolute, & efficaciter decernere filij profectionem ex amore succurrendi Italiz, tanquam motiuo sufficiente, & totali, quamuis non solo, sed adiuncto alteri præcedenti.

Verè dictus
Deus
dedit filium
ex
charitate
erga homi-
nes,

Instant, quia hoc etiam dato, non posset rex verè dicere, Misi filium meum in gratiam vestri: sed tantum posset dicere, eo affectu volui salutem vestram, ut quamuis sua voluntate non fuisset ad vos profecturus filius meus, eum tamen compulisset. Sicut Paulus de Tito proficiente loquitur, 2. Corinth. 8. Gratias ago Deo, qui dedit eandem sollicitudinem in corde Titi: quoniam exhortationem quidem suscepit, sed cum esset sollicitior, sua voluntate profectus est ad vos: id est, addidi tantum pondus meæ exhortationis Tito, qui iam sua voluntate proficisci decreuerat.

§ 7.
Solutur
instantia,

Respondeo, hanc instantiam laborare eodem vitio, quo argumentum præcedens: & malè comparare duas voluntates Pauli, & Titi, cum vnica voluntate Dei: Quasi pater æternus filium tantummodo hortatus sit;

52.
Exponun-
tur Pauli
verba Phi-
lip. 2.

Quod verò obijciatur ex Philipp. 2. dictum est de Christo, non ut Deo, sed ut homine. Pauli enim verba sunt: *Hoc sentite in vobis, quod & in Christo Iesu: qui cum in forma Dei esset, non rapinam arbitratus est esse se equalent Deo; sed semetipsum exinaniuit formam serui accipiens, in similitudinem hominum factus, & habitu inuentus ut homo. Humiliauit semetipsum factus obediens usque ad mortem, mortem autem crucis. Propter quod & Deus exaltauit illum, & donauit illi nomen, quod est super omne nomen &c.* Quæ verba non possunt de Christo, ut Deo intelligi, nisi per idiomatum communicationem. Nam Christus, ut Deus non fuit obediens, quia, ut talis superiorem non habet, cui teneatur obedire. Et tamen Paulus de illo, qui se exinaniuit, & humiliavit, ait factum fuisse obediens usque ad mortem. Loquitur ergo de Christo ut homine. Item Deus non exaltauit Christum, ut persona diuina est, nec potuit illam exaltare, aut nomen maius, quam haberet, illi donare. Sed exaltauit Christum hominem Deum, qui semetipsum exinaniuit formam serui accipiens in similitudinem hominum factus, & habitu inuentus ut homo: quia fuit missus in similitudinem carnis peccati, ut ait Paul. ad Roma. 8. v. 3. id est, quia venit passibilis, & mortalis, & cum qualitatibus similibus illis, quæ nobis insunt in pœnam peccati: licet veram carnem peccati, id est, peccato infectam non habuerit. Quod eodem sensu D. August. lib. 1. de Peccat. merit. cap. 38. sic ait: *Non fuisset caro Christi in similitudinem carnis, nisi caro ista fuisset peccati.*

63. Neque par est ratio de rege qui seruus fieret, aut rusticam in uxorem duceret. Nam bonus regis status pendet à cōditione, quam subit, & à coniugio, quod contrahit. Secus autem bonus Dei status à creaturis. Neque Deus sit creatura & seruus intrinsecè, ac propriè, sed tantum per idiomatum communicationem. At Rex fieret propriè, & verè seruus. Negari etiam non potest, quin Christus, qui est totum opus incarnationis, pertineat propriè ad Vniuersi creati perfectionem, tanquam apex, & caput creaturarum. Vnio verò hypostatica non potest esse, neque intelligi, quin personam diuinam, & humanitatem inuoluat. Neque est tam parua entitatis, ac Lessius imaginatur, cum sit ipsamet extrema, substantialiter, & seipsis vnita. Et quamuis distingueretur ab extremis velut modus adueniens humanitati, eique inhzrens, ut Less. & alij plerique affirmant: esset adhuc valde magna perfectio, constituens formaliter naturam humanam in statu hypostatico nobilissimo, & planè diuino, id est, constituens mirabile suppositum ex naturis diuina & humana substantialiter vnitis in hypostasi Verbi. Quod dum facit, constituit nouum gradum rerum, nempe substantiarum mirabiliter compositarum ex natura creata, & diuina hypostasi.

SECTIO VII.

Respondetur aliis Recentiorum quorundam argumentis.

54.
Primum
argum.

ADuersus nostram sententiam alia multa opponunt eruditi quidam recentiores, quæ quia longum esset persequi, & pleraque forent importunè repetenda, sufficiet præcipua refutare: quorum primum istud est: Ut vera esset, inquit, nostra sententia, oporteret quoddam incarnatio ipsa non sit substantialiter, & in se, à Deo destinata in gratiam hominum, seu quoddam Christus, ut homo Deus, non sit talis constitutus substantialiter in gratiam, & salutem Ecclesiæ. At hoc non potest dici quia repugnat Scripturæ, Conciliis, & Patribus, ut nos ipsi fateamur. Maior verò probatur, quia ut dicatur primum esse simpliciter decretum incarnationis, oporteret ut non sit æquè secundum, & posterius illis, quorum comparatione simpliciter dicitur primum. Si enim esset æquè secundum, & posterius illis; cur simpliciter diceretur illis prius? Atqui si verè & propriè incarnatio substantialiter est decreta in salutem hominum, decretum saluandi homines, est prius destinatione incarnationis. Quandoquidem hæc prioritas est causalitas finalis, aut causalitati coniuncta. Et sicut dicitur in nostra sententia Deus prius destinasse Christum, quia illius gratia voluit Ecclesiam, & cætera omnia: ita si Christum voluit propter Ecclesiam, destinauit prius Ecclesiam, quam Christum.

Respondeo, concessa minore primi argumenti, nego maiorem. Quamuis enim Christus fuerit prima intentione antecedenter destinatus propter se: potuit consequenter, ex occasione alterius præsupponentis hanc intentionem, iterum destinari propter bonum Ecclesiæ, & redemptionem hominum. Id est, quamuis Christus antecedenti intensione Dei, & nullam aliam præsupponente ex parte obiectorum creatorum, adeoque simpliciter prima in illo ordine, fuerit destinatus propter se, & propter illum voluerit Deus creare homines, & constituere illi regnum Ecclesiæ triumphantis: tamen præuiso quoddam homines ad regnū illud destinati, essent lapsuri in peccatum, potuit consequenter ad illam præuisionem moueri eorū amore ad Christum mittendum: & quidem velut moriuo sufficienti circa ipsam substantiam incarnationis, ut dicemus paulò post. Ad probationem maioris Respondeo, tamen si consequenter modo, iam dicto, incarnatio substantialiter decreta fuerit in salutem hominum: & decretum saluandi homines fuerit eateus prius decreto incarnationis, ut voluit consequenter propter illud moriuum: tamen decretum mittendi Christum propter illud moriuum, supponit præuisionem peccati hominū; & consequenter præsupponit decretum creandi homines; quorum creatio

Christus
licet per
se primò
intendat,
potuit
iterum
intendi
propter
Ecclesiam

decreta fuit propter Christum opus Dei excellentissimum, & primogenitum omnis creaturæ, ut dicitur Coloss. 1. vers. 15. ac proinde supponit Christum ratione prius decretum. Unde à primo ad ultimum, decretum illud mittendi Christum propter hominum redemptionem, supponit Christum ratione prius decretum independentem à prævisione peccati. Quare concessa maiore secundi argumenti propositi, minor neganda est.

§ 5. Sed aduersus hanc solutionem instant aduersarii: quia, inquit, si verum esset Incarnationis destinationem in gratiam Ecclesiæ, esse tantum secundam: non posset stare veritas ab omnibus concessa, & certa: quod scilicet Deus actu veræ charitatis erga Ecclesiam destinauit Incarnationem, substantialiter, & per se sumptam. Sequela probatur. Nam affectus charitatis Dei erga Ecclesiam, conquisit ultimum in Ecclesia, ut dilecta propter se. Ille enim tantum diligitur vera charitate, qui propter se, & non propter aliud diligitur. Ergo ille affectus charitatis nullum habet priorem affectum, ut sic, qui causalitatem finalem in ipsum exerceat. Ergo non est secunda intentio in eo sensu, quo hæc vox usurpatur in ista questione. Antecedens, & secunda sequela, sunt manifesta. Prima verò probatur: nam affectus, erga quem alius causalitatem finalem exercet, non est affectus finis ultimi: esse enim sub alio fine, & ab illius motione pendere, non est esse ultimum. Ergo affectus, qui est veræ charitatis in Ecclesiam, nulli affectui est secundus, in ordine finalis causalitatis. Sed destinatio Incarnationis ad salutem Ecclesiæ, est affectus charitatis erga illam. Ergo non est secunda quædam intentio, quod erat probandum.

Illa intentio
fuit ex af-
fectu cha-
ritatis erga
Ecclesiam.

Respondeo, sequelam malè deduci, & non bene probari. Licet enim Deus ex affectu charitatis erga Ecclesiam destinauerit substantialiter incarnationem: & ille affectus charitatis, præcisè sumptus, sistat in Ecclesia, ut dilecta propter se: tamen secundum ordinem virtutalem, seu prioritatem rationis, præsupponit decretam esse Ecclesiam: & consequenter præsupponit etiam decretum esse Christum, propter quem, velut primogenitum omnis creaturæ, voluit Deus creare homines, & Angelos, & constituere ex illis Ecclesiam. Sicut affectus charitatis erga ipsum Christum, præsupponit affectum Dei erga suam ipsius gloriam, propter quam Deus voluit Christum, & cetera omnia creata producere. Ratio est, quia affectus charitatis erga aliquem, non excludit alium affectum, quo ipse constituatur in esse obiecti amabilis ex charitate. Et ille affectus præsupponitur amoris charitatis, ut offerens illi obiectum.

§ 6.
Secundum
argum.

Secundum illorum argumentum est huiusmodi: Si nostra sententia vera esset, non posset verè dici, quòd Deus simpliciter ex dilectione humani generis dedit filium suum mundo, contra illud Ioan. 3. Sic Deus dilexit mundum, ut filium suum unigenitum daret,

Probatur sequela: nam Deum dare filium suum, est quasi è suo sinu illum educere. Fit autem præcisè hæceductio ipsa incarnatione. At Deus non ex dilectione humani generis è suo sinu eduxisset, quem ante omnem affectum erga humanum genus decreuisset efficaciter educere. Nam si, ex. g. Rex, filio suo iam in Italiam profectionem parante ob aliis causis, conscius huius consilii, mandaret ut Italiam armis tueretur non posset iure Italiz exprobrare, aut commemorare ut beneficium: Ego filii mei charo conspectu me priuavi ad vos tuendos. Ratio est, quia ille modus loquendi innueret Regem non iam profecturo filio mandasse ut Italiam tueretur, & dumtaxat quasi calcar iam currenti addidisse: sed potius quòd nullo priore motiuo destinasset filij profectionem. Nam in his locutionibus debet designari prima originalis causa.

Respondeo, Deum verè ex dilectione humani generis filium è sinu suo eduxisse, & in mundum misisse, si, ut nos asserimus, ex illius amore, tanquam motiuo sufficienti, & totali, impulsus fuit, ut filium suum mitteret: quamuis sit aliud motiuum totale, & sufficiens, propter quod etiam ratione prius voluerit mittere. Similiterque si filius regis, in exemplum allati, non vellet in Italiam proficisci, nisi de patris voluntate, ab illaque omnino penderet, ut proficisceretur: & pater ut Italiz laboranti succurreret, decreneret eum mittere in Italiam, motus eius amore, ut totali, & sufficienti motiuo: posset verè tanquam magnum beneficium commemorare, quòd illius amore filij sui conspectu priuare se voluerit, ac re ipsa priuauerit. In eo verò peccat exemplum allatum, quòd supponit filium regis sua voluntate decernere efficaciter profectionem; & patrem tantum mandare illi, ut quandoquidem vult in Italiam proficisci, armis eam tueatur. Nam ut exemplum appositum esset, supponendum erat patrem absolute, & efficaciter decernere filij profectionem ex amore succurrendi Italiz, tanquam motiuo sufficiente, & totali, quamuis non solo, sed adiuncto alteri præcedenti.

Verè dictur
Deus
dedit filium
ex
charitate
erga homi-
nes,

Instant, quia hoc etiam dato, non posset rex verè dicere, Misi filium meum in gratiam vestri: sed tantum posset dicere, eo affectu volui salutem vestram, ut quamuis sua voluntate non fuisset ad vos profecturus filius meus, eum tamen compulisset. Sicut Paulus de Tito proficiscente loquitur, 2. Corinth. 8. *Gratias ago Deo, qui dedit eandem sollicitudinem in corde Titi: quoniam exhortationem quidem suscepit, sed cum esset sollicitior, sua voluntate profectus est ad vos: id est, addidi tantum pondus meæ exhortationis Tito, qui iam sua voluntate proficisci decreuerat.*

§ 7.
Solutur
instantia,

Respondeo, hanc instantiam laborare eodem vitio, quo argumentum præcedens: & malè comparare duas voluntates Pauli, & Titi, cum vnica voluntate Dei: Quasi pater æternus filium tantummodo hortatus sit;

H 4

filius verò iam ante sua voluntate venire decreuerit. Et Paulus quidem meritò sic loquebatur, ad commendandâ Corinthiis Tiri erga illos charitatem, & beneuolentiam. Sed si Paulus efficaciter decreuisset illum mittere ex beneuolentia erga Corinthios, velut motiuo totali: potuisset verè dicere Tiri sua voluntate, & iussione profectum esse: quamuis motiuum illud solum non fuisset, sed Paulus simul Dei gloriam, aut quid aliud, tanquam motiuum sufficiens intendisset. Ceterum in his loquendi modis, ad veritatem, & proprietatem sermonis, sufficit veram aliquam, & totalem causam assignare, vt dicatur id illius gratiâ factum esse: quamuis non possit verè dici, quòd illius solius gratiâ factum sit. At nunquam Deus affirmat se solius generis humani gratiâ Christum misisse, nullumque aliud motiuum habuisse: sed è contrario, non semel alia motiua commemorat in Scriptura, vt sectione 2. ostendimus.

§ 8.
Tertium
argum.

Tertium argumentum aduersariorum est huiusmodi: Repugnat Scripturæ, & communi sensui Patrum, qui dicunt hanc propositionem non esse veram in sensu maximè proprio, Deus concepit propositum mittendi filium suum ex amore humani generis: sed tantum hæc esse veram, Deus fuit confirmatus in proposito mittendi filium suum ex charitate in genus humanum. Aut, quòd non dedit Deus filium suum mundo, quia diligebat mundum: sed tantum, quòd illius donationem, factam alia de causa, confirmauit ex dilectione mundi. At hoc est in contraria sententia: Ergo, &c. Antecedens est certum Ioan. 3. *Si Deus dilexit mundum*. Minoris verò prima pars probatur. Nam, quàm est verum, propositum incarnationis ob alios fines in Deo esse, priusquam eum impellat consideratio humani generis ad hoc ipsum propositum efficiendum: tam est verum, considerationem humani generis confirmare tantum Deum in illo proposito. Hæc enim est propria definitio motiui confirmantis tantum in voluntate suscepta, quod accedit voluntate iam habente propositum. Si enim adhuc influit in propositum, quod reperit iam existens; quid ei restat faciendum, nisi vt hoc propositum confirmet? Secunda verò pars eiusdem minoris probatur: Quia executio externa, & voluntas efficax exequendi, pro eodem moraliter reputantur. Itaque eodem modo solemus loqui de donatione externa, ac de donatione interna: seu de voluntate faciendi externam donationem, & de illius executione. Sed voluntas donandi mundo filium Dei præcedit in contraria sententia, propter alios fines, in quibus Deus non diligit, vt sic, homines: & vt contendimus, affectus charitatis erga homines, in contraria sententia, confirmat tantummodo Deum in voluntate, quam prius habuit donandi filium suum. Ergo & in executione dicendum est, quòd donationi iam factæ ex aliis pitulis, accedit donatio ex charitate. Sed

accedens secunda donatio est tantum confirmatio primæ donationis. Ergo non Deus donasset filium suum ex dilectione, sed ex dilectione confirmasset tantum eius donationem. Idque clariùs liquet, si supponamus prius tempore Deum executum esse primum decretum: id est, prius tempore donasse filium, quàm habuerit secundum decretum, quo voluit, ex charitate erga homines, vt illis prodesset. Tunc enim illud secundum decretum non posset verè dici esse aliud, quàm complacentia quædam in primo decreto, & confirmatio donationis prius factæ. Neque in eo casu posset Deus verè dicere hominibus, Ex vestri dilectione dedi vobis filium meum, vt esset homo: quia ante omnem erga homines dilectionem filius Dei esset homo.

Respondeo, concessa maiore, nego minorem: ad cuius probationem dico, dupliciter posse aliquem confirmari in suo proposito ex aliquo motiuo. Primò, ita vt illud per se solum non moueat sufficienter, & totaliter voluntatem, sed illam tantum corroboret in proposito concepto ex alio motiuo, & partiali quodam influxu firmiorem reddat, magisque propensam ad exequendum propositum. Secundò, ita vt vi sua sufficienter & totaliter moueat, adeo vt moueret omnino, & efficaciter ad executionem, quamuis aliud motiuum deesset: sique per accidens quoad istius influxum, & efficaciam, quòd aliud simul, aut ratione prius moueat. De priori potest solum verè dici quòd confirmet. Posterius verò non confirmat solummodo, sed tam verè, & simpliciter est causa totalis executionis, quàm verè totaliter, & sufficienter mouet per se voluntatem ad exequendum. Atque ita supposito quòd Deus ex motiuo charitatis erga homines, filium suum dedit, aut dare decreuerit, tanquam ex motiuo totali, & per se sufficienti, vt nos asserimus: potest verè dici, quòd non solum fuerit confirmatus, vi istius motiui, in proposito concepto ratione prius vi alterius motiui, etiam sufficientis: sed quòd verè, & propriè conceperit propositum mittendi filium suum ex amore humani generis: quòdque dederit filium suum mundo, quia diligebat mundum. Estque conueniens Deum ita loqui, ad commendandam vim illius motiui, & quantum apud ipsum valuerit charitas erga genus humanum, quæ totaliter, & sufficienter eum mouit ad tam excellens beneficium ei conferendum.

Ad priorem confirmationem minoris propositionis Respondeo, definitionem motiui tantum confirmantis, non esse, quòd accedat quomodocumque voluntate iam habente propositum: sed quòd accedat, vt causa tantum partialis, & de se insufficientis, si solummodo confirmat, id est, si non valet, neque operatur nisi ad confirmandum. Quamuis autem motiuum charitatis erga genus humanum reperit propositum incarnationis ratione prius conceptum ex alio motiuo: valuit nihilominus ad mouendum totaliter & suffi-

Propositum
Incarnat.
quomodo
fuit ex
amore ho-
minum?

cienter, adeoque non confirmavit solum, & per modum accessorii dumtaxat se habuit: sed movit principaliter, & totaliter, & independenter in sua efficacia ab altero motivo.

Ad posteriorem confirmationem Respondet, si Deus prius tempore executus esset decretum donandi filium, quam habuerit secundum decretum, quo voluit ex charitate erga homines, ut illis prodesset; non posset verè dici donasse prius ex charitate erga homines. Quia decretum illud nondum existens, non influxisset in illam donationem. Sed hoc decretum tempore subsequens malè comparatur cum decreto antecedente donationem, & potente in illam totaliter influere. Neque bene infertur non posse istud exercere vim suam circa donationem nondum factam, ex eo, quod illud non potuit esse causa donationis ante ipsum factam.

60.
Quartum
argum.

Quartum argumentum: Per incarnationem Creator, & Dominus fit servus, & creatura. Hoc autem continet quandam demissionem maiestatis in finitæ, non acceptabilem per se, nec nisi, necessitate humani generis id postulante, incarnatio facta esset non indigna Deo, quæ alioquin indigna esset. Maior propositio est certa: minor probatur 1. ex Apost. Philip. 2. *Exinaniuit semetipsum formam servi accipiens*, &c. id est, assumens naturam humanam. Ex quibus verbis Apostoli sic argumentantur: Christus, ut Paulus ibi affirmat, semetipsum exinaniuit per eam actionem, per quam factus est similis aliis hominibus, & inuentus est homo. Atqui per ipsam humanæ substantiæ assumptionem est factus substantialiter, & propriè similis aliis hominibus, & per eam præcisè inuentus est homo; neque fuit necesse ullam aliam operationem superaddi, ut inueniretur homo. Itaque per eius naturæ operationem se exinaniuit, per cuius operationem accepit substantiam naturæ humanæ. Sed eam accepit per operationem solius personæ divinæ: Ergo, &c. Item, accipere formam servi, est illam induere, cum antea sine illa esset. At non potest dici quod humanitas, cum antea esset sine forma servi, eam induerit. Ergo exinaniuitio, de qua loquitur Apost. non potest intelligi de humanitate, sed de ipso Verbo assumente humanitatem. Probat secundò, ex Patribus affirmantibus Verbum non modò adiectivè, & denominativè secundum humanitatem, sed etiam propriè, directè, & secundum se, fuisse humiliatum in incarnatione: imò in illa propria Verbi humiliatione maxime charitatem Dei elucere in hoc mysterio. Dicunt enim assumere naturam humanam, esse ipsam Verbi humiliationem. At assumere naturam humanam directè convenit Verbo. Neque enim humanitas assumit, sed assumitur. Ille autem se humiliat, qui activè se collocat in gradu inferiori. At humanitas non se activè collocat in assumptione: Imò nec passivè collocatur in gradu inferiori, sed maxime exaltatur per

hoc præcisè, quod assumitur. Testimonia Patrum eiusmodi sumuntur ex D. August. epist. 120. & tract. 55. in Ioan. Cyril. lib. 2. de Fide ad Reginas, Leone epist. 83. ad Epist. Palestinæ cap. 7. Hygino Papa. epist. 1. decretal. Chrysost. Theodoret. Oecumen. & Theophyl. in locum Pauli supra citatum. Item Patres asserunt in incarnatione humiliari ipsam divinitatem, ut loquitur August. lib. de Prædest. Sanctorum cap. 15. At hoc dici non posset, ne quidem per communicationem idiomatum, si humiliata solum esset humanitas: neque enim fit illa communicatio in nominibus abstractis. Item sancti Patres discernunt humiliationes, quæ adiectivè quodammodo competunt Verbo, quia fiunt in humanitate, ab illa, quæ est directè in Verbo, per ipsam naturæ humanæ assumptionem, ut Bern. in serm. de Circumcis. *Verbum divinum*, inquit, *quod abbreviatum erat in ipsa carnis susceptione, multò magis brevius est in suscepta etiam carnis circumcissione*. Quibus verbis significat Deum etiam per se humiliatum esse in circumcissione, paupertate, contemptu, opprobriis crucis, & aliis: & non denominatione merè adiectiva: alioqui non verè diceret, fuisse magis humiliatum per huiusmodi opprobria, quam per ipsam carnis assumptionem. Nam humiliatio indirectè solum in Deum cadens, non potest dici esse maior illi, quæ directè erat & propria. Atqui Bernardus asserit humiliationem circumcissionis, maiorem fuisse humiliatione assumptionis. Probat tertio, ratione: quia humiliari, est non esse in eo dignitatis gradu, qui convenire posset, & per se deberet. Ad Dei autem ipsius in sua natura dignitatem pertinet, ut non solum natura eius propria, sed etiam associata personaliter, sit in summa maiestate. Et sicut rex violatur directè in legato iniuriosè tractato: multò magis Verbum in natura personaliter unita; quando subiicitur opprobriis.

Addunt denique non posse hoc argumentum retorqueri, ut nos fecimus sect. præcedenti num. 51. Quia cum ab illis dicitur, humiliationem incarnationis non fuisse Deo expectandam propter se, sed subvenire humani generis necessitati, potuisse compensare hanc humiliationem, quæ alioqui foret indecens: Non est sensus, quod absolute necessarium fuerit ad nostram redemptionem Deum incarnari: quippe qui aliter per omnipotentiam potuisset nos reparare: sed fuisse necessarium eo sensu, quo necessarium vocatur id quod est melius, & convenientius ad finem. Sic autem negari non potest, quin humiliatio, per se indecens, potuerit compensari. Nam ex omnium consensu, humiliatio crucis est aliquid Verbo per se indecorum, & non assumendum, nisi propter considerationem, quæ compenset illius humiliationis indignitatem. Ac rursus omnes debent dicere, humiliationem crucis factam esse non indignam filio Dei, ex compensatione, propter quam fuit necessaria. At non fuit necessaria

necessitate absoluta, sed alia inferiori. Ergo malè negatur, quòd si humiliatio aliqua contenta in incarnatione fuisset, Deo per se non expetenda, ea non potuerit fieri non indecens propter necessitatem aliquam inferiori, quia Deus saluti nostræ consuluit.

61. **Rerorque-**
tur argum.
Respondéo primò, non posse dici cohærenter loquendo ab aduersariis, quòd Verbum propriè, & secundum se humiliatum sit, & exinanitum in incarnatione, quòdque Apost. loco cit. de Christo vt Deo intelligendus sit. Nam illi ex eo probant Verbum non fuisse mutatum per assumptionem humanitatis, quia per illius accessionem non fuit collocatum in meliori, aut deteriori statu: & accessio nouæ formæ non est mutatio, nisi collocet rem in meliori statu, quàm si caret eiusdem generis, & nominis forma: vel etiam (vt cohærenter loquendo dicendum est) in statu deteriori: par enim est ratio vt dicatur mutari, si deterior sit. Rectèque à S. Leone serm. 5. de Natiuit. pronuntiatur fuit, *Mutabile est non solum quod minuitur sed etiam quod augetur*. Imo ipsi dicunt Scripturam mutationem rerum explicare maxime propriè per hoc, quòd ortui, & interitui sunt obnoxia. Rem autem esse capacem vt fiat melior, aut deterior, est signum (inquiunt) quòd ipsa sit capax ortus, & interitus: ipsa que acquisitio noui esse secundarii, est pars aliqua ortus, & vera mutatio: sicut amissio esse secundarii est aliquis interitus. Sic igitur argumentor ex huiusmodi concessione, & verbis aduersariorum: Quod humiliatur, & exinanitur secundum se, collocatur in inferiori, & deteriori statu secundum se. At qui Verbum non fuit collocatum in inferiori, & deteriori statu secundum se. Ergo Verbum non fuit humiliatum, & exinanitum secundum se. Deinde, si Verbum secundum se est exinanitum, ac proinde factum aliquid minus secundum se, & collocatum in inferiori, & deteriori statu: Ergo Verbum post incarnationem non erat æquale Patri, neq; in æquali statu: & Christus de seipso vt Verbo dicere poterat, *Pater maior me est*. At hoc est contra Apostolum, de Christo dicentem, *Qui cum in forma Dei esset, non rapinam arbitratus est esse se æqualem Deo*, Philipp. 2. vers. 6. & contra sanctos Patres, qui vnanimi consensu verba illa Christi Ioan. 14. v. 28. *Pater maior me est*, de Christo vt homine intelligunt, contrariamque expositionem, velut Arianam rejiciunt, vt videre est apud Maldonat. Tolet. aliosque interpretes huius loci. Nec valet quod respondent Aduersarii: Tametsi Verbum non amiserit æqualitatem, amisisse tamen hoc, quòd eius æqualitas esset iam mixta cum inæqualitate, quam sibi adiunxisse est aliqua humiliatio. Nam euidenter implicat contradictionem idem secundum idem, esse æquale & inæquale, vni & eidem. Implicat ergo vt Verbum retineat secundum se æqualitatem cum Patre, mixtam cum inæqualitate secundum se. Sic enim Verbum esset simul æquale, & inæquale Patri secundum

se. Bene tamen potest retinere æqualitatem secundum se, mixtam cum inæqualitate secundum humanitatem: quo sensu debet intelligi D. Thom. citatus ab Aduersariis in confirmationem huius responsionis. Eodemque sensu S. Leo serm. 7. de Natiuitate, sic ait de Verbo incarnato: *Deitas quæ illi cum Patre communis est, nullum detrimentum omnipotentia subit, nec Dei formam serui forma violauit. Quia summa & sempiterna essentia, quæ se ad humani generis inclinauit salutem* (id est, hominum misereri dignata est) *nos quidem in suam gloriam transiit, sed quod erat, esse non destitit*. Vnde cum Vnigenitus Dei minorem se Patre confitetur, cui se dicit æqualem veritatem in se formæ vtriusque demonstrat: vt & humanam probet imparitatem, & diuinam declaret æqualitatem.

62. **Verbum**
non fuit
humiliatū
secundū se.
Secundò igitur Respondéo directè, in eo consistere excellentiam maiestatis Verbi diuini, quòd sit incapax cuiuscunque humiliationis, deterioritatis, diminutionis, & exinanitionis secundum se: sed adiectiue tantum & denominatiue possit dici humiliari, & exinaniri, ratione naturæ humilis, & inanis (cuiusmodi est omnis natura creata) quam assumit: Eoque sensu possunt facile intelligi Patres citati ab aduersariis num. 60. vel etiam ratione iniuriarum, & opprobriorum factorum humanitati, quæ in ipsum redundarunt propter vnitatem suppositi. Per quæ licet directè Verbum offenderetur in sua personæ: non ideo humiliabatur, & exaniebatur: sicut Deus non humiliatur per hominum peccata ipsi directè iniuriola. Eodem quoque sensu intelligi possunt Apostoli verba in obiectione relata, quòd scilicet Deus Verbum semetipsum exinanierit adiectiue dumtaxat, per assumptionem naturæ humanæ. Nisi potius, vt alibi diximus, verba illa intelligenda sunt de Christo vt homine, qui semetipsum exinanierit formam serui accipiens, id est, accipiens pauperem, humilem, & seruilem specie tenus (nam propriè seruus non fuit) conditionem: in similitudinem hominum factus, id est, factus similis aliis hominibus mortalibus, obnoxiusque multis miseris: & habitu inuentus vt homo, id est, nihil differens specie externa à conditione aliorum hominum, cum alioqui posset, si vellet, & convenientius esset illius maiestati, venire in carne immortalis, & impassibilis, corpore doribus gloriæ ornato, cum potestate regia, & non solum nobilium hominum, ipsorumque principum, & regum terræ, verum etiam Angelorum famulatu, & satellitio, ornatuque, & apparatu plusquam regio, & planè diuino. Quo fere sensu eundem locum exponit Velatques in caput Pauli citatum Philipp. 2. Multoque magis huic expositioni cohærent verba immediatè sequentia in textu Apostoli: *Humiliauit semetipsum, factus obediens usque ad mortem, mortem autem crucis: propter quod & Deus exaltauit illum, & donauit illi nomen, quod est super omne nomen. Quæ manifestè debent intelligi de Christo vt ho-*

mine. Nam Christus ut Deus Verbum, id est, secundum naturam & hypostasim diuinam, non obediuit, neque exaltatus fuit propter mortem crucis, velut in præmium obedientie; sed absoluta necessitate est Patri æqualis, & confors eiusdem gloriæ, seu potius consubstantialis in gloria, & maiestate. Et quamuis Scriptura interdum in eodem textu loquatur permixtum de Christo ut Deo, & ut homine: ita ut pars vna textus de illo ut Deo, alia de illo ut homine intelligenda sit: quando tamen nulla necessitas cogit ita interpretari, sensus vniformis, & coherentior præferendus est, ut fatentur alibi ipsimet Aduersarij.

63.
Solutur
instantia.

Frustra verò huic expositioni opponunt, Christum ut hominem non potuisse seipsum exinanire modo dicto: quia naturā prius, quam eius anima crearetur, & vniretur corpori, introducta in illud fuerant dispositiones corporis passibilis, & mortalis: ergo earum electio non pependit ab anima Christi. Ergo Christus ut homo non illas assumpsit voluntariè. Ergo non semetipsum exinanivit per illarum assumptionem. Respondeo enim, prius quidem naturā fuisse introductas dispositiones necessarias ad organizationem corporis humani, & ad introductionem animæ: sed non qualitates, quæ potuerunt illis superaddi præternaturaliter, & supernaturaliter, ad reddendum corpus illud gloriosum, & impassibile, cuiusmodi sunt dotes corporis gloriosi, quæ non sunt incompatibiles, neque destruunt, sed perficiunt dispositiones necessarias ad organizationem, & ad animæ introductionem aut conseruationem. Quare potuit à voluntate animæ Christi pendere, ut vel illas haberet, quod magis eius dignitati conueniebat: vel ut illis careret, quod magis nobis expediebat, ad præbendum hominibus humilitatis, & patientiæ exemplum, suæque morte Deo patri pro peccatis satisfaciendum. Christus ergo eligens carere huiusmodi statu glorioso & impassibili, seque ad communem hominum conditionem demittens, imò & infra illam submittens per extremam paupertatem, humilitatem summam, opprobria grauissima, dolores acerbissimos, mortemque ignominiosissimam, semetipsum exinanivit, & humiliavit directè, & per se, secundum humanitatem: eoque magis, quod maior fuit eius paupertas, humilitas, & ignominia. Consequenter autem Verbum adiectiuè humiliatum fuit, non modò in ipsa carnis mortalis assumptione: sed & multò magis in circumcisione eiusdem carnis veluti peccatrici, & aliis eius humiliationibus vsque ad mortem, mortem autem crucis, quo sensu intelligendus est D. Bernardus loco citato in obiectione.

64.
Respondetur
argumentis
contrariæ
sententiæ.

Atque ex his satis patet quid respondendum sit duobus primis argumentis Aduersariorum sumptis ex Scriptura, & Patribus. Ad tertium desumptum ex ratione, Respondeo, Verbum secundum se semper esse in eo

dignitatis gradu, qui ei per se conuenit, & in quo debet esse, neque ullam pati posse suæ dignitatis diminutionem: quamuis naturam se indignam sibi associet personaliter, & in illa patiatur indigna suâ maiestate. Ad quartum dico, argumenti nostri robur in eo consistere, quòd si per incarnationem Verbum humiliaretur, & exinaniretur secundum se, ut volunt Aduersarij: non posset tantum detrimentum villo bono creato compensari: nihil enim potest illi esse æquale, & comparabile: neque fieret conuenienter propter bonum minus, & non necessarium, id est, propter hominum redemptionem, cui alia via prouideri poterat. Non potest autem contra nos hoc argumentum retorqueri: quippe qui negamus Verbum secundum se humiliatum fuisse, siue in incarnatione, siue etiam in ipsa crucis, aliarumque iniuriarum perpeffione: sed dicimus, humanitatem fuisse quidem vna ex parte mirabiliter exaltatam, quatenus Verbo diuino fuit vnita, & ad fastigium diuinitatis euecta: ex alia verò parte seipsam humiliasse, quatenus voluit propter nos carere dotibus corporis gloriosi, dignis tali vnione, illique debitis: esseque nobis, ieruis & peccatoribus, similis, & passibilis: deque illa humiliatione intelligi debere illud Apostoli Philip. 2. vers. 7. *Exinanivit semetipsum*, &c. cui conforme est illud eiusdem 2. Corinth. 8. vers. 9. *Qui cum diues esset, propter vos egenus factus est, ut illius inopia vos diuites efficeret*: id est, cum iure omnes mundi diuites, regna, imperia, & gloria, ipsius essent, illorum vñ se priuauit, pauperemque, & humilem vitam ducere maluit, ut cælestes diuitias, gloriamque sempiternam vobis acquireret. Multòque magis humiliavit se, quando voluntariè se subiecit opprobriis, & tormentis, ac tandem morti crucis. Sed humiliatio humanitatis secundum se non est æquale damnum humiliationi Verbi secundum se, si hæc esset possibilis: neque tanti momenti est, ut non potuerit bono aliquo creato compensari, ut nos fatemur fuisse compensatam conuenienter, per hominum redemptionem, & satisfactionem Deo exhibitam.

65.

Addo denique, quòd si, iuxta Aduersarios, Verbum fuit humiliatum secundum se: & tamen hæc humiliatio potuit sufficienter compensari redemptione hominum, ut ipsi volunt: nullus est ratio, cur non etiam compensari potuerit gloriâ, quam ex opere tam mirabili Deus assecutus est (quod solum maius est incomparabiliter creatione Angelorum, & hominum, totiusque Vniuersi) & ex obsequiis Christi, quæ Deo longè gratiora sunt & gloriosiora, quam omnia bona Angelorum, & hominum opera simul sumpta, & tota illorum salus, & gloria. Neque respondeant Aduersarij, repugnare ut aliquod motiuum influat in actionem repugnantem illi motiuo: At appetitui propriæ gloriæ directæ quæ sit, repugnat facere actionem, quæ humiliat potius, & deprimat Deum, & non est

amorem suum erga illum testaretur. Vellem, aiebat quispiam amico suo, te peste laborare, ut videres, quam sincere & constanter te diligo, & quanto affectu tibi succurrerem cum mea vitæ periculo. Quod desiderium est omnino præposterum & plenum insipientiæ. Ac sicut perabsurdum est, Deoque indignissimum, Deum antecedenti & absoluta, efficacique voluntate sic se gessisse erga reprobos, ut in posteriori rationis media illis eligens, debuerit studiosè vitare congrua, & se ligere incongrua; quia hoc est insidiari hominum salutem, & non velle scriò ut saluentur & non peccent, aut ut perseuerent, aliatque ob causas, in Tract. de Prædestinatione fusiùs expositas: sic ille modus decernendi, priori similis, est Deo planè indignus.

67. Præterea, si ex eo quod Deus decreuit Christum mittere optimo modo, necesse fuit ipsi permittere peccatum Adami, quod sub conditione prævidit, ut illi remedium afferret. Similiter necessarium fuit vi primariæ illius intentionis Deum permittere cætera peccata actualia Adami, & posterorum, ut optimo modo Christum mitteret. Neque enim aliud fuit optimus modus, neque melior fuit à Deo præscitus conditionaliter, iuxta Suarem, Adamo & aliis sibi relictis: Alioqui Deus illum impediisset, & contra suum decretum primum fecisset. Imò non tantum debuit ea permittere, sed & vitare studiosè series rerum; in quibus non essent peccaturi, ut paulò ante diximus, quod perabsurdum est. Sextò, denique, non probat Suares, neque per se credibile est, modum redemptionis qui nunc est, in quo, non obstante copiosa Christi redemptione, perit multò maior pars hominum, & infinita scelera committuntur, committenturque æternum à damnatis, esse optimum modum mittendi Christum, inter omnes modos possibiles, aut specialiter, præ opposito, in quo primi parentes fuissent à Deo luauiter efficaciori gratia præseruati à peccato, & tum ipsi tum omnes eorum posterì indefectibiliter in iustitia originali confirmati: ita ut omnes essent innocentes futuri & infallibiliter saluandi, idque in excellenti gradu gratiæ & gloriæ, per heroicos virtutum actus, & merita excellentissima: omnes quoad intellectum, beneficio fidei, aut scientiæ infusæ vel acquisitæ, instructi magna notitia sapientiæ, misericordiæ, iustitiæ ac bonitatis diuinæ: Et quoad voluntatem omnes amore Dei, charitate in proximum, religione, iustitia, & omni alio virtutum genere eximij: omnes denique in statu illo excellentissimo, à quo in pœnam peccati originalis excidimus. Quis credat, optimum modum mittendi Principem in Prouinciâ esse, permittere ut quamplurima grauissimaque scelera in ea committantur, quæ partim Proregis satisfactione eluantur, partim longè plurimorum supplicij extremis vindicentur: & non potius, si facile fieri possit, Regem ea præuenire, & tum per se, tum per Proregem im-

Tomus IV.

pedire ne committantur? Omitto dicere, plures Angelos & plures homines fuisse possibiles ad maiorem Christi gloriam, imò & plures mundos, seriesque rerum meliores ac meliores esse in infinitum multiplicabiles, æque ac productionem creaturarum nobiliorum, & nobiliorum in infinitum.

SECTIO IX.

An Christus decretus fuerit prius aut principalius propter peccatum originale, quam propter actuale?

Cùm Christus, licet multis aliis titulis decretus fuerit, venerit tamen etiam ut redemptor, quæstio est, an ut talis venerit prius, aut potius, propter peccatum originale, quam propter actuale, id est, utrum consideratio peccati originalis prius ratione, aut magis mouerit Deum ad decernendum Christum in redemptorem, quam consideratio peccatorum actualium? Quæstio autem est, quid fuerit vi decreti quod re ipsa Deum habuisse cognoscimus ex Sacris literis non autem quid simpliciter fieri potuerit? Vel an Deus habiturus fuisset aliud decretum, & quale, nisi istud habuisset? De quo, cum nihil sit reuelatum, non possemus nisi temerè & diuinando philosophari. Sensus ergo quæstionis est, quo & quali affectu Deus re ipsa voluerit hominum redemptionem?

Certum est primò inter omnes Theologos, venisse Christum ut nos ab utroque peccato, originali scilicet & actuali redimeret, & de facto redemisse ab utroque, ut Scriptura docet Rom. 5. vers. 15. & sequentibus. Si enim unus delicto multi mortui sunt, multò magis, &c. Et 1. Ioan. 1. Sanguis filii eius emundat nos ab omni peccato, & Tit. 2. v. 14. Dedit semetipsum pro nobis, ut nos redimeret ab omni iniquitate. Comparando autem originale cum actuali, variz sunt Theologorum sententiæ. Quidam enim affirmant, Christum non fuisse venturum siue absolute, siue ut redemptorem, si non fuisset originale. Probant, quia non fuissent in eo casu actualia, quippe quæ omnia sequuta sunt ex originali, quod si non fuisset, Adam & omnes posterì fuissent confirmati in gratia. Alii quamuis negent futurum fuisse, ut propterea Adam & posterì confirmarentur in gratia, admittantque futura fuisse peccata actualia, quamuis non fuisset originale; negant tamen, Christum venturum fuisse propter actualia, si non fuisset originale. Vnde censent Christum venisse magis propter originale, quam propter actuale: Quia existente originali sine actualibus, venisset: ac existentibus actualibus sine originali, non venisset. Fundamentum eorum est, quia primum & totale motiuum decreti de Christo redemptore fuit lapsus totius naturæ humanæ in peccato originali, cui Deus voluit

68.

Sensus quæstionis exponitur.

69.

Christus venit propter utrumque peccatum.

1. Sententia.

2. Sententia.

naturæ humanæ miseria, & semen atque radix omnium aliarum miserationum animæ & corporis. Quare sicut alia motiua priora redemptione mouerunt singula efficaciter iuxta suam dignitatem, vt lect. 3. diximus: sic, &c. Aequum enim est existimare, Deum circa motiua vtraque eundem modum & ordinem conuenienter appetendi seruasse. Vnde licet Deus non permisisset, neque præuidisset absolutè fore peccata actualia (vt si propter Christum decretum in redemptorem propter originale, voluisset efficaciter & omnino ea impedire) misisset nihilominus Christum in redemptorē propter originale præuisum & permissum. Ex quo sequitur, decretum efficax & sufficiens mittendi Christum in redemptorem, non pependisse à permissione & præuisione absoluta peccatorum actualium: siquidem ea non existente, Christus tamen venisset vt redemptor propter peccatum originale.

73. **Gravis difficultas duplex.** Grauis tamen difficultas est, quomodo Christus potuerit decerni vt redemptor pro peccato originali independentē à permissione & præuisione omnium peccatorum actualium. Nam Christus genus humanum redemit ab originali per mortem suam: quare debuit illa à Deo permitti & præuideri. Et consequenter debuit permitti & præuideri causa ipsius efficax, id est, peccata actualia crucifigentium. Quare illa saltem debuerunt permitti ad hoc vt Christus decerneretur vt redemptor pro originali. Rursus quia ad peccata illa vitanda debuit crucifigentibus præberi à Deo auxilium sufficiens propter eiusdem Christi redemptoris merita in morte ipsius consummata; videtur mors Christi præsupponi ad id quod ipsa præsupponit. Præsupponitur enim ad peccatum crucifigentium, tanquam dans illis complementum ad potentiam physicam vel moralem non peccandi, id est, obtinens illis auxilium sufficiens ad vitandum peccatum, quod si non possent vitare, non peccarent propriè loquendo, moraliter scilicet & culpabiliter. Et tamen præsupponit idem peccatum crucifigentium veluti causam efficientem sui ipsius. Est ergo prior & posterior, & pendens ac non pendens respectu eiusdem, quod est impossibile.

74. **Quomodo Christus per mortē suam nos redemit ab originali?** Respondeo, Christum redemisse genus humanum ab originali per mortem suam, non physicè sumptam, prout erat à crucifigentibus, sed moraliter, id est, per actum liberum quo efficaciter mori voluit pro peccato. Qui actus fuit postea morte ipsa physicè sumpta consummatus, quatenus illa fuit à Christo seipsum liberè immolante in sacrificium propitiatorium pro peccato, & voluntatem suam efficacem consummante, ad eum modum quo actus interni dicuntur consummari per externos ad quos tendunt efficaciter. Sed tota bonitas formalis & imputabilis est in actu interno libero. In externo verò solum denominatiuè ab interno, id est, externus denominatur bonus & imputabilis ab

interno. Potuit autem aliquis actus Christi volentis & acceptantis mortem efficaciter, atque ipsius consummatio vt erat à Christo, præuideri à Deo independentē à permissione peccati actualis, etiam ipsorum crucifigentium. Quia quoddam Christus velit simpliciter mori pro peccato originali, non pendet necessariò ab ullo peccato actuali. Poterat enim mori alia ex causa: nimirum vel per actum vehementem amoris Dei, vt aliqui putant Beatam Virginem obiisse: vel per actum doloris de offensa Dei in peccato originali commissa, similis illi de quo dicebat, *Tristis est anima mea usque ad mortem*. Matt. 26. v. 38. vel per voluntariam sanguinis effusionem, qualis in horro Luc. 22. Deo id ab illo exigente in sacrificiū & satisfactionem: vel denique aliqua de causa naturali, vt morbo, & similibus. Poterat etiam reipsa emittere liberè spiritum sine alterius peccato, sua ipsius vi & opera, qui fuit idem hostia, & sacerdos semetipsum sacrificans. Sicut autem pro illo priori rationis, pro quo Deus decreuit efficaciter Christum propter se, & propter alias causas independentes ab omni peccato, non est Deus concipiendus præuidisse & decreuisse modum passibilem in quo reipsa venit, sed decreuisse & præuidisse Christum venturum simpliciter, abstrahendo à circumstantiis de se non necessariis, quæ ratione posterius fuerunt ex alia occasione determinatæ: ita pro illo priori, pro quo Deus Christum decreuit vt redemptorem pro originali per mortem suam, non est concipiendus præuidisse & definuisse circumstantias mortis quæ ex aliis occasionibus fuerunt determinatæ & permixtæ. Sufficit enim concipere, Deum præuidisse Christum velle mori pro peccato originali, & mortem acceptare, vnde cumq; ipsa cōtingeret, atq; reipsa moriturum & semetipsum immolaturum in sacrificium pro peccato originali. Et hoc per se non supponit peccatum crucifigentium, vt paulò ante ostendimus, vnde non est ratione posterius tali peccato.

Ex quo etiam patet solutio secundæ difficultatis, cui Respondeo informā, Mortem Christi physicè sumptam, & cum tali circumstantia, id est, ipsam occisionem prout reipsa fuit iniuste illata scienter & liberè à crucifigentibus, præsupponere peccatum crucifigentium, veluti causam efficientem mortis cum tali circumstantia. Moraliter verò sumptam, id est, quoad actum quo Christus voluit efficaciter mori pro peccato originali, aut mortem acceptauit simpliciter quoad substantiam, vnde cumq; contingeret, atque etiam mortem ipsam prout à Christo sibi metipsi causandam in Dei honorem & sacrificium pro peccato originali, præcessisse auxiliū sufficiens datū crucifigentibus, vt à peccato crucifigendi abstinerent. In quo non est circulus, neque contradictio: quia mors Christi sumpta eodem modo, non est causa & effectus, prior & posterior, pendens & non pendens: sed sumpta physicè cum tali circumstantia, est posterior: sumpta mo-

75. **Mors Christi duplīter consideranda.**

raliter & quoad substantiam, ut à Christo causatam, est prior in Dei praeuisione & decreto. Mors autem sumpta physice, & sumpta moraliter, non sunt vnum & idem, sed tam differunt, quam actus internus, & externum eius obiectum. Mors quoque sumpta simpliciter quoad substantiam, id est, quoad simplicem separationem animae à corpore, differt à modo hoc aut illo, qui est causa talis separationis, possetque esse sine illo. Christus denique ut causa illius, differt à crucifigentibus, & non pendet necessarii ab illis & ab eorum peccato. Quare pro illo priori rationis potuit Dei decretum ab illis abstrahere, atque ita non fuit praesuppositio eiusdem ad seipsum, vel mutua dependentia secundum idem.

76.

Prima instantia contra solutionem.

Dices, Deum non praeuidisse actum qui reipsa non fuit, neque propter illum, ut meritum, auxilia gratiae contulisse crucifixoribus. Atqui non fuit actus Christi quo mortem in confuso acceptaret vndeunque contingeret, sed ab ipso instanti conceptionis, & deinceps, acceptauit mortem crucis determinatè sibi propositam, tum per reuelationem, tum per scientiam infusam & beatificam, quā nouit ab initio quaecumque ad ipsius statum pertinebant: ergo: &c.

Respondeo negando minorem: nam Christus habuit affectus moriendi non tantum restrictos & limitatos ad circumstantias praedictas, sed & generales seu ampliores, dignos scilicet ipsius voluntate excellentissima, maximèque indifferenti ad omnem Dei voluntatem, & pronissima, plenissimèque determinata ad omnem modum ei placendi & obsequendi. Decuit enim Christum, cor tam latum & amplum, ex quo tales affectus prodirent; quales è cordibus Sanctorum saepe prodeunt.

Secunda instantia.

Instabis, quia huiusmodi merita non fuerunt efficacia apud Deum, nisi consummata per mortem illam, quam reipsa Christus subiit. Nam ut alia nulla Christi mors fuit, ita nec vlla alia Christi merita consummauit. Ergo mors illa praesupponitur auxiliis gratiae datis crucifixoribus ad non peccandum, & eorum peccato. Ergo praesupponitur suae causae, quia peccatum seu violentia iniusta crucifixorum fuit causa mortis Christi. Secunda sequela manifesta est. Prima verò probatur, quia meritum, ut efficax, est causa praemij, & non aliter. Ergo ut tale debet esse prius praemio, vel in executione, vel saltem in praeuisione praemiantis.

Respondeo, verum esse quòd mors quoque physice praeuisa fuerit in illo signo rationis. At non cum tali circumstantia, nempe quòd per crucifixionem, cum pluribus grauissimisque peccatis crucifigentium coniunctam, inferenda esset. A qua circumstantia meritum Christi, eiusque consummatio non pendeat pro illo priori rationis, cum posset Christus sine illa mori, si Deus aliter

determinasset: Et pro illo priori non erat determinatio ad talem circumstantiam, sed erat solum determinatio & praeuisione mortis quoad substantiam, id est, quoad separationem animae à corpore, in Dei gloriam, & satisfactionem, à Christo liberè factam pro peccato, abstrahendo à modo illo quo reipsa mors etiam aliunde contigit per crucifixores, quem modum Deus in alio signo rationis determinauit, praesciens conditionatè quid Iudaei erga Christum facturi essent, si ipse permetteret, id est, non impediret, decernensque permittere. Simili modo, quo alibi diximus incarnationis circumstantiam qua Christus reipsa venit in carne passibili, non fuisse decretam in primo signo rationis quo Deus voluit efficaciter Christum propter seipsum, & propter alias rationes abstrahentes à peccato; sed ratione post, ex occasione peccati Adae, praesciri & permitti.

Urgebis: quia pro illo etiam priori signo rationis merita Christi pendebant quoad efficaciam, & consummationem, à morte illa per quam reipsa fuerunt consummata, & à qua in tempore pependit eorum consummatio. Pependit autem à crucifixione, & morte iniuste, sceleratèque illata: ergo, &c.

Respondeo, non pependisse omnia à morte illa ut iniusta & peccaminosa, quasi peccatum & iniustitia crucifigentium merita Christi omnia consummauerit, sed à morte illa substantialiter sumpta quoad separationem animae à corpore, in Dei gloriam, & peccatorum satisfactionem acceptata & obita, atque ab ipso Christo sibi illata, ut seipsum sacrificante, voluntarièque spiritum emittente in honorem & cultum Dei, debitamque satisfactionem pro peccatis in eum commissis. Fuit autem per accidens, tum illi morti substantialiter sumptae, atque etiam cum actione Christi sufficiente per se ut moreretur simpliciter pro peccato: tum Dei decreto pro illo signo rationis considerato; quòd per iniustam crucifixionem ex malitia Iudeorum contigerit: ideòque ab illis non pependit secundum illam considerationem.

Dixi, non pependisse omnia, &c. Quia non nego Christum quoque meruisse acceptando & subeundo circumstantiam humiliationis, quam tali genere mortis, doloris & ignominiae pleno, passus est, traditus in manus peccatorum, & cum iniquis & sceleratis reputatus: ut significat Isaias cap. 53. in fine, & Apostolus ad Philipp. 2. v. 8. & 9. Afferro tamen Christum aliunde meruisse sufficienter auxilia crucifixoribus, & omnia Christi merita non habuisse illam circumstantiam pro obiecto, neque ab illa pependisse obiectiue, aut efficièter, vel alio genere causalitatis: sed ab illo solum actu, quo Christus ipse liberè animam suam posuit, & seipsum in sacrificiū obtulit, iuxta illud Ioan. 10. v. 17. & 18. Ego pono animam meam, ut iterum sumam eam. Nemo tollit eam à me, sed ego pono eam à meipso. Et Hebr. 10. v. 5. & sequentibus, Ideo ingrediens mundum dixit, Hostiam & oblationem noluit,

77.

Tertia instantia.

78.

corpus autem aptasti mihi : holocaustum pro peccato non tibi placuerunt, tunc dixi, ecce venio: nempe ut meipsum pro peccato sacrificem, Sacerdos ipse & hostia à meipso immolata, & occisa. Sacrificium enim fit per liberam actionem & immutationem hostiæ, factam ab ipso sacrificante. Plura de hac difficultate dicemus sequenti disputatione, cum agemus de meritis sanctorum Patrum Veteris Testamenti, & Beatæ Virginis circa Incarnationem.

S E C T I O X.

Utrum si fuissent peccata actualia, non existente originali, Christus venisset propter illa?

79.
3. Conclus.
Non existente originali, Christus venisset propter actualia, ex hypothese quod illa essent valde multiplicata.

Dico tertio, In contraria hypothese probabili, & à multis asserta, quod non existente originali fuissent tamen peccata actualia; si ea fuissent, ut nunc sunt, multiplicata, ita ut multo maiorem partem generis humani inficerent, Christum fuisse venturum vi redemptorem vi præsentis decreti, id est, vi affectus quem reipsa Deus habuit pro huiusmodi peccatis actualibus. Ratio est, quia hæc quoque summa miseria est totius naturæ. Nam quod tam multis convenit, toti moraliter tribuitur: maxime cum peccata actualia sint longè plura, & pleraque deteriora, quàm originale, sintque causa maioris miseriæ & damnationis æternæ, nempe non modò pænæ damni, sed & sensus, id est, tormenti acerbissimi. Quare si Deus in decreto & affectu, quem reipsa habuit, attendit ad dignitatem moriuorum, voluitque principaliter Christum in redemptorem propter illud peccatum quod fuit maius, ut per se probabile est, & asseritur à D. Tho. questione 1. art. 4. & Opusculo 10. art. 28. dicendum est, Deum voluisse Christum efficaciter ut redemptorem pro peccatis huiusmodi actualibus, quæ multò plura & maiora fuerunt, quàm peccatum originale. Nam licet peccatum originale fuerit maius extensivè ex parte subiecti, quia fuit totius naturæ, Christo & Beatæ Virgine exceptis: Fuerit etiam tantò deterius, quod Adæ posterostanto bono priuavit, & tot actualium peccatorum causa fuit, malorumque æternorum quæ in plurimis ex peccato sequuntur: Attamen originale in quolibet vnicum est, vel est ipsum peccatum Adæ moraliter ad omnes transfusum, quatenus omnes posterius, speciali privilegio carentes, sunt propter illud Deo inuisi & odiosi. At actualia sunt innumera in multis, & simpliciter multò maior est numerus actualium, quàm originalium. Atque ita loquendo de formali extensione, quæ præcipua est, & maioris considerationis, quàm subiectiva: peccatum actuale est maius extensivè, quàm originale: etenim inter eos qui usum rationis habent, pau-

chissimi sunt qui non peccent mortaliter, & plurimi illorum innumera pene mortalia committunt, quorum omnium numerus excedit longè numerum peccatorum originalium. Intensivè autem peccatum actuale est maius originali prout à posteris participatur, ut docet S. Thom. qu. 1. art. 4. quia plus habet de voluntario, & vehementius Deum offendit, commissum per propriam cuiusque voluntatem & malitiam: Unde etiam maiori pænâ punitur, nempe sensus & damni simul. Si verò spectetur peccatum originale prout actu commissum ab Adamo, fuit quidem illud gravissimum, propter considerationes paulò ante commemoratas: Verumtamen Adamus valde confusè tot mala ex peccato suo sequutura apprehendit. Cumque malitiæ formalis gravitas pendeat à cognitione; non fuit tanta malitia illius peccati, licet maxima fuerit: atque est omnium simul actualium, quæ postea commissa sunt, & plurima cum perfecta cognitione, & cum affectu malitiæ valde intenso. Cum igitur totus effectus, id est, cumulus peccatorum actualium, sit radice ipsa, id est, peccato originali, deterius: voluit Deus mederi ei quod deterius est, æquè ac ipsi radici. Quare sicut voluit mittere Christum in redemptorem propter peccatum originale, tanquam mortuum sufficiens: ita, & propter peccata actualia.

Confirmatur, quia Deus decrevit Christum in redemptorem ex affectu pio & efficaci subveniendi miseriis hominum. Miseria autem maior est in actualibus, formaliter loquendo; & perinde est diuino affectui commiserationis, quod miseria oriatur ex peccato originali, vel ex actualibus. Quare si Deus vi sui affectus noluit relinquere sine remedio miseriam originalis: ergo neque actualis. Nec magnus esset ille miserendi affectus, quo quis te vellet quidem à leuiori vulnere per alium infligendo liberare, sed non à morte quam tu ipse tibi conscisceres.

Contrarium sentit Vasques disp. 13. cap. 2. num. 12. Cuius fundamentum est, quia sublato mortuo, propter quod Deus decrevit mittere redemptorem, non fuisset illud decretum. At peccatum originale fuit mortuum, propter quod Deus reipsa decrevit mittere redemptorem, ut patet ex dictis assertionem secundam: ergo, &c. Addi potest, quod omnia peccata actualia fluunt quodammodo ab originali, & non fuissent sine illo: ergo illo sublato Christus non venisset, ut redemptor.

Ad primum Respondeo distinguendo maiorem. Sublato mortuo, propter quod solum tanquam totale & sufficiens decrevit redemptorem, concedo. Secus non. Si enim plura fuerunt totalia & sufficientia, sublato vno sufficeret aliud. At peccatum originale non fuit solum mortuum totale & sufficiens, ut supra ostendimus.

D. Thom.

807

Contraria opinio Vasq.

Respondetur illius argum.

In istis, quia sancti Patres affirmant absolute Christum non venturum, si Adam non peccasset. Ergo sine illo motivo nullum aliud fuit sufficiens, fuitque illud causa sine qua non. Respondeo, Sancti Patres loqui de statu rerum qualis nunc est, secundum quem si Adam non peccasset, Deus alia peccata non permisisset, ut diximus assertionis prima.

81. Ad secundum Respondeo, non facere ad rem. Nam siue reipsa peccata actualia non fuerint permissa nisi dependentes ab originali, siue non, de quo supra diximus disputamus iam ex suppositione, quod nimirum non existente originali, essent tamen actualia, & quidem valde multiplicata, ut nunc sunt. Et quarimus quid vi affectus & decreti diuini circa illa futurum esset? Decreti, inquam, reipsa existentis, & nobis manifestati.

At, inquires, quomodo fuisset idem decretum quod nunc est, sublata parte una obiecti illius; nam Deus reipsa decrevit mittere redemptorem etiam propter originale primo & principaliter.

Respondeo, futurum illud decretum idem, non quoad omnia, sed quoad illam quasi sui partem, seu rationem, independentem à peccato originali. Ut vice versa potuit esse sine peccato actuali, quoad alteram partem, quā tendit in originale independentem ab actuali.

82. Dico quartò, si non existente peccato originali fuissent tamen peccata actualia, sed vnius aut paucorum: vel etiam solum venialia (& cerè non fuissent tam multa, ac nunc sunt, si peccatum originale non esset) probabilius est, Christum non fuisse venturum ut redemptorem vi presentis decreti, eo genere redemptionis ad quod reipsa decretus fuit. Ita Suar. disp. 3. sect. 6. Valques supra, & alij communiter. Fauentque sancti Patres quando communiter non aliud morium decreti redemptionis afferunt, quàm lapsum totius naturæ. Ratio verò est, quia Christus reipsa non aliter fuit decretus ut redemptor, quàm per mortem, iuxta illud Isaie 53. *Si posueris pro peccato animam suam*, &c. At non apparet, neque adeo conueniens fuit Christum, propter venialia, quibus aliter ipsi iusti mederi facile poterant, aut propter actualia vnius aut paucorum, fuisse vi decreti diuini presentis subiectum morti & priuatum dono immortalitatis, quo ceteri fruturi erant.

83. Neque verò id satis probant quæ in contrarium solent obijci. Primum est, Parabola drachmæ & ouis perditæ, Lucæ 15. quæ Christus videtur innuere se venisse vel propter vnius animæ redemptionem, ut significat conclusio parabolæ, *Dico vobis, Gaudium erit in celo super vno peccatore penitentiam agente, magis quàm super novaginta nouem iustis, qui non indigent penitentia*. Et Paulus ad Galat. 2. v. 20. *Qui dilexit me, & tradidit semetipsum pro me*. Et ad Hebr. 6. vers. 6. dicitur peccator rursus crucifigere Filium Dei in se-

metipso; nimirum quia ponit causam sufficientem ut iterum crucifigatur. Secundò, Christus idem videtur significasse viro sanctissimo Carpo, in visione quadam, quam refert S. Dionysius in Epistola ad Demophilum: & Chrysost. hom. 3. in acta Apostolorum ad illa verba, *ex dederunt sis fortes*, idem affirmat, cum sic ait: *Vnius animæ perditio tantam habet iacturam, ut nulla ratio possit estimare*. Et enim si vnius animæ salus tantum est, ut ob hanc filius Dei fieret homo, tantaque pateretur, &c. Tertiò, Prauio peccato originali Deus decreuit efficaciter Christum in redemptorem. Et quamuis propter Christi merita Deus voluisset, ut facile poterat, impedire ne posterius inicerentur peccato originali; Christus venisset nihilominus propter peccatum vnius Adæ, & Euz complicitis. Quidni ergo venit vi presentis decreti propter peccatum actuale mortale vnius aut paucorum?

Ad primum Respondeo, Gregorium magnum, & alios communiter, per drachmam, & ouem perditam intelligere totam naturam humanam, ad quam quærendam Christus venerit. Conclusionem verò parabolæ tantum significare gaudium esse magnum in celo, non modo super tota natura humana restaurata, vel multis eius indiuiduis; sed etiam super vnicò ad salutem reuerso. Paulus autem solum indicat Christum singulari affectu pro singulis mortuum esse, & tantum eius mortem singulis profuisse, ac si pro illis solis mortuus esset. Peccatores verò illi, de quibus loquitur ad Hebr. 6. ideo dicuntur rursus Christum crucifigere in semetipsis, quia secundum Baptismum introducere volebant, quasi primus vnicus non sufficeret, ac proinde neque vnica Christi mors per ipsum representata, ut Chrysostomus & Cyrillus exponunt. Vel quia, ut Anselmus ait, tollitur per peccatum mortale vita gratiæ, per quam Christus in nobis vivebat, atque ita quodammodo mortem Christo in semetipsis inferunt, quicunque aliquod peccatum mortale committunt.

Ad secundum Respondeo, Christum visione illa significasse Carpo, se, quoad affectum, paratum esse mori pro illo peccatore, si Deus ita decreuisset: sed non apparet, neque probabile est Deum sic ordinasse.

Quod si inister, affectum Christi fuisse conformem Dei ordinationi, adeoque Deum ordinasse seu decreuisse ipsum in redemptorem, etià pro singulis efficaciter & totaliter. Respondeo, Christi affectum fuisse superabundantem, & paratū ad maiora, quàm Deus reipsa exegerit & ordinauerit. Idem respondendum est verbis Chrysostomi relatis, nepe tantam esse vnius animæ salutem, ut propter illam Christus fieret homo, tantaque pateretur, quantum est ex vi sui affectus, si Deo ita discernere placuisset. Quod si Chrysostomus plus intendit, alij Patres non ita loquuntur, neque illius sunt sententia.

Chrysost.

84.

Responde-
tur 1. ar-
gum.

85.

Ad secun-
dum.

Ad tertium Respondeo, Christum venturum vi decreti præsentis in eo casu: quia tota natura lapsa esset in Adamo, haberetque debitum contrahendi peccatum originale, posita naturali generatione, quam Deus decreverat non impedire. Vnde venisset, non propter unius aut paucorum salutem, sed omnium, quos à tanta miseria in Adamo incurta liberasset.

Dixi autem in fine conclusionis, eo genere redemptionis, ad quod reipsa Christus decretus fuit, nempe per mortem: quia non nego Christum vi præsentis decreti, quo Deus voluit Christum convenienti modo ut ducem & pastorem, fuisse aliter omnibus suis provisum, & pro leuibus, aut paucis illis peccatis satisfacturum per actus aliquos humiliationis: quæ multis pro illis non debuerit mori vi præsentis decreti.

Dico 5. in hypothesis rerum quæ nunc est, Christum fuisse decretum ut redemptorem ratione prius propter peccatum originale, principalius verò propter actuale. Hæc assertio respondet directè quæstioni propositæ in titulo sectionis præcedentis. Prima pars illius probatur, quia decretum Christi ut redemptoris propter actualia, supponit peccata actualia à Deo permessa & præuisa. Peccata verò actualia, vel omnia, vel plurima, supponunt ex parte potentiæ auxilium sufficiens ad ea vitanda. Quod auxilium non datur nisi propter merita Christi ut redemptoris: nam omnes gratiæ collatæ post peccatum originale dantur beneficio Christi ut redemptoris. Ergo illa peccata, eorumque præuisio, supponunt Christum iam decretum ut redemptorem propter peccatum aliud prius actualibus. Nimirum propter peccatum originale, à quo etiam pendit actualium permissio, ut probauimus in prima assertionem. Ergo decretum Christi ut redemptoris propter actualia, supponit Christum decretum in redemptorem propter originale.

Secunda verò pars eiusdem assertionis probatur: quia, ut supra diximus, Deus principalius mederi voluit miseriæ maiori, & magis indigenti remedio redemptionis, ut D. Thom. affirmat quæst. 1. art. 4. in corpore. Atqui miseria peccatorum actualium fuit maior, & magis indigens remedio redemptionis, & satisfactione, propter finem ad quem remedium & satisfactio referebantur. Fuit, inquam, maior, quia, ut ante diximus, maior est grauitas totius cumuli peccatorum actualium, maioriq; potius addicit, quàm peccatum originale. Magis quoque indiget remedio redemptionis, & satisfactione, propter finem ad quem remedium & satisfactio referebantur. Etenim satisfactio eò referebatur, ut offensa & iniuria Deo facta repararetur. Remedium verò eò spectabat, ut homines liberarentur à miseria peccati, & resisterentur gratiæ, & amicitia Dei: sicque perfectum finem beatitudinis eternæ consequi possent ad Dei gloriam,

quæ erat vltimus finis remedii & satisfactio- nis. Atqui Deus vehementius offenditur peccatis actualibus: & homines prius afficiuntur per actuale, saltim collectiue sumptum, quàm per originale: est enim illud grauius, & numerosius; atque non solum priuat gratia & gloria, sed & æternis sensus cruciatibus subicit: Deoque magis inuisos & inimicos reddit. Ergo ex parte Dei grauior erat ratio satisfaciendi illi pro peccatis actualibus, quàm pro originali. Et ex parte hominum maior erat necessitas ut liberarentur à miseria peccatorum actualium, quàm solius originalis.

Officio ex D. Thoma q. 1. art. 4. peccatum originale fuisse maius extensiuè, quia fuit totius naturæ, & quod est totius, est grauius quàm quod est partis. Sicut è contrario bonum gentis diuinius est, & eminentius, quàm bonum partis, ut dicitur 1. Ethic. cap. 2. Item peccatum originale est radix & causa omnium actualium, ideòque est deterius, & Deus illi principalius, tanquam radici morbi, remedium asserre debuit.

Ad primum Respondeo 1. Peccatum actuale, licet per accidens, esse quoque ferè totius naturæ, cum multò maior pars hominum illo inquinetur: Neque minùs Deum offendere, aut hominibus nocere, ad quod per accidens sic extenditur per propriam cuiusque voluntatem, & non ex debito naturæ, ut originale. 2. Peccatum totius naturæ esse quidem grauius, quàm peccatum partis, cæteris paribus: ac non aliter. Potest enim aliunde superari hic excessus: ut superatur ab actualibus numero & intensione. Sicque etiam bonum aliquod partis potest esse præstantius aliquo bono gentis: licet cæteris paribus, bonum gentis sit eminentius, & bonum commune sit priuato præferendum. Neque enim vita v. g. exponenda est pro bono communi leuissimo, puta ne publico ætario surripiatur obolus.

Ad secundum Respondeo, peccatum originale esse quidem tantò deterius, quòd cæterorum causa fuit, ut probabiliter supponimus. Sed, ut supra diximus, Adam valde confusè tam graue malum apprehendit: neque sapientem malitiæ formalis fuit in illo vni- co peccato, quantum in cumulo omnium actualium.

Supere est difficultas, utrum si futura tantum fuissent peccata actualia hæresis, circa incarnationem decretam ut futuram, multiplicata in plurimis & ferè omnibus naturæ humanæ indiuiduis: Christus decerni potuisset ut redemptor pro illis, tanquam motiuo totali & sufficienti decernendi Christum ut redemptorem? Ratio dubitandi est, quia Christus re ipsa decretus est in redemptorem pro omnibus hominum peccatis, etiam pro talibus peccatis hæresis. Multi enim re ipsa peccarunt multipliciter contra decretum incarnationis. In contrarium verò est, quòd inde sequitur idem esse prius & posterius. Quia talia peccata supponunt incarnat-

86.

3. Conclus. Christus fuit decretus prius propter originale, quàm propter actualia: principalis verò propter actuale, quàm propter originale.

87.

Probatum Christum fuisse decretum principalis propter actualia peccata.

88.

Aristot.

Soluntur argum. contrarij

89.

Potuerunt Christus decerni propter peccata hæresis committenda circa decretum incarnationis?

tionem esse decretam in redemptionem : & vice versa, decretum Christi in redemptorem pro talibus peccatis, supponit illa peccata tanquam mouentia Deum ad decernendum Christum in redemptorem pro illis. Ergo peccata illa supponuntur illi decreto, & illud simul præsupponunt. Supponuntur, inquam, illa peccata quoad actualem existentiam, ei quod simul præsupponunt secundum actualem ipsius existentiam, quod implicat, loquendo de prima existentia simpliciter, id est, non iteratò data. Neque sufficit recurrere ad diuersum genus causæ. Nam ratio quæ probat non posse idem esse prius & posterius quoad existentiam in eodem genere causæ; probat pariter non posse in diuerso genere causæ. Tota enim ratio implicantis in eo est, quòd idem natura prius existat, quàm existat; seu pendeat & non pendeat ab eodem secundum existentiam.

5.6
Resolutio
quæstio-
nis.

Respondeo, Deum non potuisse decernere totaliter & sufficienter incarnationem, & Christum in redemptorem, propter ea peccata quæ præuidebat esse futura contra decretum incarnationis, posito quòd illa peccata præsupponerent obiectiuè decretum incarnationis ut existens, & à Deo consideraretur ut talia: ita ut, quæ talia, mouerēt Deum ad decernendum; id est, Deus Christum in redemptorem decerneret propter illa peccata ut exitura cōtra decretum existens, quod ut tale præsupponunt obiectiuè. Sic enim esset mutua præsuppositio decreti & peccatorum, secundum existentiam: quod impli-

cat, ut bene probatum est in obiectione.

Dixi, posito quòd illa peccata considerentur à Deo ut talia: Quia non nego potuisse Christum decerni totaliter in redemptorem propter illa peccata abstractiùs considerata: puta, supponendo Deum in priori rationis decreuisse Christum ut redemptorem pro hominum peccatis, quæcunque & qualiacunque illa forent, abstrahendo à specialibus eorum differentiis. In quo casu differentiæ illæ se haberent per accidens ad decretum, neque ab illo præsupponerentur, quia ut tales non mouerunt Deum ad decernendum, siquidem non fuerunt considerata: ut tales in priori instanti decreti.

Ad rationem dubitandi Respondeo, Christum re ipsa non fuisse decretum pro talibus peccatis, tanquam pro motiuo totali, quippe quæ non adeò multiplicatur in indiuiduis naturæ humanæ, ut malū totius naturæ censeri possint. Deinde dato quòd fuissent motiuum totale; mouissent Deum abstractiùs considerata, & non specialiter considerata ut præsupponunt actualem existentiam decreti diuini. Ut sic enim, neque totaliter, neque partialiter, potuerunt esse causa seu motiuum illius decreti. Alioqui peccata illa secundum suam existentiam (mouent enim Deum ut exitura, id est, ut existentia suo tempore) præsupponerentur existentie decreti, quod ipsa præsupponunt iam existere, secundum eam considerationem quæ mouent Deum ad decretum ponendum: quod est impossibile.

917
Soluatur
ratio dubitandi.

DISPUTATIO QVARTA,

De aliis causis Incarnationis, & præcipue
de meritoria.

Sectio I. De causa efficiente Incarnationis.

Sectio II. An aliqua causa dispositiua Incarnationem præcesserit?


Sectio III. An fuerit aliqua causa meritoria Incarnationis: & primò,
An Christus eam meruerit, aut mereri potuerit?

Sectio IV. Alie duæ assertiones, de merito Christi respectu sue Incarnationis.

Appendix ad tertiam assertionem.

Sectio V. An Sancti, qui Christum præcesserunt, meruerint Incarnationem, aut eius circumstantias?

Sectio VI. An Beata Virgo meruerit ut esset mater Dei?



VC vsque diximus de causa finali, seu de motivo Incarnationis. Sequitur modò vt de aliis eius causis differamus. Et de materiali quidem, & formali, id est, de extremis vnionis, deque ipsa vnione hypostatica, quæ per modum causæ materialis & formalis se habent in effectiōe huius mysterij, tamen non sunt propriè materia, & forma, dicemus inferiùs disp. 5. & duabus sequentibus. Iam verò de efficiente, quæ duplex est: physica scilicet, & moralis, seu meritoria: ad quam reuocari potest dispositiua, quæ moraliter tantùm potuit esse prærequisita. De his verò breuiter agit S. Doctor quest. 2. art. 10. & 11. Quorum prior, docet vnionem hypostaticam fuisse quidem factam per Dei gratiam, sumendo gratiam pro voluntate Dei aliquid gratis dante: quia natura humana indiget voluntate gratuita, vt eleuetur in Deum, cum hoc superet illius facultatem: præcipuèque vt eleuetur ad esse personale diuinum. Non tamen eguisse gratia habituali, vt ea mediante vniretur Verbo hypostaticè: quia quòd natura habeat esse in supposito suo, non fit mediante aliquo habitu. In posteriori affirmat nulla Christi mèrita potuisse præcedere vnionem hypostaticam. Tum quia Christus non fuit purus homo antequam vniretur: sed à principio suæ conceptionis fuit verè filius Dei, vtpote non habens aliam hypostasim quàm filii Dei: ideoque omnis operatio illius hominis subsecuta est vnionem. Tum etiam quia gratia non potest cadere sub meritum: quæ est merendi principium: ergo multò minùs Incarnatio cadit sub meritum, quæ est principium gratiæ. Tum denique quia Incarnatio Christi est reformatiua totius humanæ naturæ, ideoque non cadit sub meritum alicuius hominis singularis: quia bonum alicuius puri hominis, non potest esse causa boni totius naturæ. Ex congruo tamen meruerunt sancti Patres incarnationem, desiderando, & petendo. Congruum enim erat, vt Deus exaudiret eos, qui ei obediebant. Huc vsque D. Thomas, cuius doctrina sequentibus sectionibus fusiùs declarabitur.

SECTIO I.

Quenam fuerit causa efficiens Incarnationis?

Deus solus potuit efficere physice Incarnationem.



Espondeo, longè probabilius esse solum Deum fuisse, atq; etiam esse potuisse, causam physice efficientem Incarnat. ita vt physica eius effectio nulli creaturæ communicari potuerit, neque principaliter, neque instrumentaliter; naturaliter, aut obedientialiter. Ratio præcipua est, quia vnio hypostatica, cum sit apex omnipotentis diuinæ, videtur esse tantæ eminentiæ, vt omnem vim creaturæ excedat. Est enim valde credibile per se, Deum posse aliquid quod nulla creatura

possit. Si autem est aliquid tale: ergo maxime id quod summum est in Dei omnipotentia. Confirmatur, quia iuxta veram sententiam D. Thomæ, aliorumque plurimorum, nulla creatura potest creare propriè, ne quidem instrumentaliter & obedientialiter. Ergo neque vnire Verbum hypostaticè naturæ creatæ, quæ actio nobilior ac difficilior iure æstimatur.

Dixi autem, neque principaliter & naturaliter, neque instrumentaliter & obedientialiter, quorum prius certius & clarius est. Etenim esse creaturam quæ vi naturali, & veluti causa principalis possit Deum aliquatenus innouare, id est, efficere vt nouo modo se habeat, vtque natura aliena in ipso subsistat, ipsumque in compositionem veram & realem adducere, & velut in ordinem creaturatum redigere, est per se incredibile, & non

Idque constat de causa principali & naturali.

debet diuinam excellentiam. Quin potius, sicut nulli puræ creaturæ connaturalis esse potest vnio hypostatica terminatiuè, quippe quæ omnem ordinem purarum creaturarum transcendit: sic neque effectiue, seu vis illam efficiendi, quæ nobilior est quàm vis sola terminandi.

De instru-
mentali
verò & o-
bedientiali
negant ali-
qui.

De instrumentali verò & obedientiali existimat Suarez disp. 10. sect. 1. §. Quocirca, non repugnare, Deum assumere creaturam vt instrumentum physicum ad efficiendam vnionem hypostaticam; sicut, inquit, assumit ad alios effectus supernaturales, nèpe ad transsubstantiationem, & iustificationem. Quia neque ex parte modi, neque ex parte termini, est maior repugnantia. Et licet hoc opus sit altius & excellentius; tamen instrumentaria virtus creaturæ est quodammodo infinita: quia non est naturalis potentia, sed obedientialis, cuius efficacia possibilis non mensuratur ex naturali perfectione creaturæ, sed ex infinita virtute omnipotentis Dei, supposita non repugnantia ex parte actionis vel effectus. 2. Addit, esse pium & probabile quòd de facto Beata Virgo effectiue attigerit instrumentaliter ipsam vnionem hypostaticam: Tum quia id facit ad maiorem Virginis dignitatem, & vt verius ac magis propriè dicatur concepisse Deum: tum etiam quia Deus pro sua suauis prouidentia, & omnipotentis manifestatione; solet vt creaturis suis vt instrumentis, quando commodè potest, præsertim quando instrumentum est accommodatum, & quasi propinquum effectui, sicut erat Beata Virgo fortui suo vniedo hypostasi diuinæ. Ac denique quia id significant sancti Patres, Hesichius hom. 1. de Beata Virgine, cum eam vocat instrumentum incarnationis eius qui omnia produxit: Ambrosius epist. 82. longè post initium, aiens, per Beatam Virginem iunctam fuisse carnem humanam Deo: & Bernardus lib. 5. de Consideratione, cap. 10. dicens, Beatam Virginem fuisse mulierem, quæ tria illa fata Euangelica commiscuit, carnem scilicet, animam, & diuinitatem, tamque bene fermentauit, vt ne diuisione quidem facta carnis & animæ, caro vel anima diuideretur à Verbo. Addit 3. licet de facto nulla alia creatura cõcurrerit ad primam huius mysterii effectiorem, præter Beatam Virginem: nam actio Gabrielis sterit in annunciatione diuinæ voluntatis, & petitione consensus Beatæ Virginis: de aliis verò Scriptura, nec sancti Patres quidquam indicant, neque est ratio prudenter dubitandi: Nihilominus quoad iteratam quandam incarnationis effectiorem partialem, aut totalem, dici posse, alias causas concurrisse in duobus. Primò, in nutritione Christi. Etenim non est improbabile Christi humanitatem, tanquam instrumentum, vniuisse hypostaticè partes alimenti, quas per nutritionem sibi aggenerabat, cum vitam hanc mortale viueret: quia vis huiusmodi instrumentaria non repugnabat Christi humanitati, quæ in hoc genere

An B. V.
concur-
rit physicè
instrumen-
taliter ad
vnionem
hypost.

Hesichius.

Ambros.
Bernard.

habuit summam quandam participationem diuinæ omnipotentis. Secundò, in mysterio Eucharistiæ probabile est, verba consecrationis efficere physicè corpus Christi vt vnitum Verbo: quia efficiunt illud prout est in rerum natura, atque adeo prout Verbo vnitum est: maximè quia vi verborum ponitur Corpus vt subsistens; ergo vt vnitum personæ diuinæ: ergo ex vi verborum efficitur ipsa vnio, eo modo quo efficitur ipsum corpus. Hæc Suarez, qui, quod ait hic esse probabile de corpore Christi, absolute affirmat in Tract. de Eucharistia.

Sed ad primum Respondeo, non esse verum quod supponit, sacramenta assumi ad physicè efficiendam transsubstantiationem, & iustificationem, vt ostendimus tractatu sequenti, disputando de Efficacia sacramentorum. Potentia autem obedientialis creaturarum non est ad omnia, neque solum metienda est ex omnipotentia diuina: sed nihil aliud est quàm aptitudo & capacitas naturæ creatæ ad opera supernaturalia, cum concursu causæ supernaturalis, ad illa eleuantis: quæ aptitudo finita est, sicut & ipsa natura; neque in omnibus creaturis est æqualis, sed possunt quædam assumi ad nonnulla ad quæ aliz non possunt, vt ostendimus 1. p. disputando de Visione Dei, & 1. 2. in tract. de Gratia, atque iterum confirmabimus inferius disp. 21. sect. 6. & sequent.

Ad secundum Respondeo non esse pium, neque facere ad Beatæ Virginis dignitatem, quod impossibile & nihil est: Beatamque Virginem verè ac propriè Dei matrem esse, modò concurrerit ad Christum producendum, vt matres aliz concurrunt ad fortium suum formandum. Aliz verò matres non producant subsistentiam corporis vel animæ: sed materiam præsupponunt, quam solum organizant & disponunt ad animam rationalem recipiendam: deinde animam rationalem, prius natura à solo Deo creatam, vniunt corpori perfecte disposito. Vtrumque autem Beata Virgo præstitit erga Christum Dei filium. Quare verè & propriè mater illius est. In eumque sensum intelligendi sunt Patres relati à Suare; vel potius loquuntur de consensu, & concursu morali Beatæ Virginis circa ipsam vnionem hypostaticam. Adde, quòd ille concursus instrumentalis nihil faceret ad matris denominationem. Nam mater, vt mater, non est causa instrumentalis, sed principalis.

Ad tertium: Nego talem vim humanitatis Christi fuisse, vt materiam alimenti, quod sibi aggenerabat, posset physicè vnire hypostasi Verbi diuini: neque consistit nutritio vel aggeneratio in productione subsistentiæ, sed in vnione partium nutrimenti ad partes viuientis, cum conuersione in earum substantiam: quæ conuersio fit per introductionem eiusdem formæ. Nego pariter verba consecrationis producere physicè corpus Christi. Nam moraliter tantum agunt. Et quamuis corpus physicè producerent, non

3.

Respondeo
tur argu-
mentis
contrariæ
sententiæ.

Vide Tom.
1. disp. 7.
sect. 1. & 1.
2. & Tom.
2. disp. 33.
sect. 3. &
infra disp.
21. sect. 6.

producerent ut unitum : quia vi verborum non ponitur corpus ut subsistens, sed subsistentia Verbi ponitur tantum per concomitantiam, ut docet Trident. sect. 13. cap. 3. & nos fufius exponemus in Tract. de Eucharistia.

SECTIO II.

An aliqua causa dispositiva Incarnationem præcesserit?

47.
Perfecta dispositio ex parte corporis præcessit Incarnationem.

Suppono ex parte corporis præcessisse dispositiones, quæ ad organizationem, & animæ introductionem, necessariæ fuerunt: quæ dispositiones tanto meliores effectus sunt, quanto ad formam nobiliorem, & ad perfectius compositum ordinabantur. Sicut enim prius natura fuit creari animam, quam hypostaticè uniri: sic etiam prius natura fuit corpus esse organicum substantialiter, quam hypostaticè assumi. Fit autem organicum substantialiter per formas partiales substantiales carnis, nervorum, ossium, &c. quæ ut introducatur, prærequirunt dispositiones necessarias in materia ex qua educi debent. Ergo servato naturæ ordine, prius in utero Beatæ Virginis materia fuit disposita & organizata ad corpus humanum, id est, aptum animæ rationali, constituendum, quam corpus illud à Verbo assumeretur. Facta est autem tota hæc dispositio & organizatio in instanti, id est, tota simul & sine successione, per virtutem infinitam Spiritus sancti, concurrente obedientialiter, & minus principaliter, Beata Virgine virtute sua à Spiritu sancto elevata, ut docent communi consensu Theologi cum D. Thom. q. 33. probantque ex Conciliis & sanctis Patribus, quorum testimonia vide apud Suarem Tom. 7. in 3. p. disp. 11. sect. 2.

Verum hæ dispositiones remotè tantum ad incarnationem tendebant: neque id ex natura sua, secundum quam terminabantur ad animæ receptionem & constitutionem hominis; sed ex divina ordinatione, quæ eas ad incarnationem, ut ad finem ulteriorem & supernaturalem referebat. Neque de illis dispositionibus in presenti sermo est, sed utrum aliqua dispositio, ultra eas quæ ad hominis generationem necessariæ sunt, præcesserit assumptionem humanitatis ad Verbum. Idque vel ex ipsa rei necessitate, vel ex congruitate & ordinatione Dei. Sunc enim qui existimant, naturam humanam, cum sit adeo Verbo improporcionata, tamque diversi ordinis, non potuisse, aut non debuisse assumi hypostaticè, nisi elevatam prævia aliqua dispositione supernaturali, quam vocant gratiam unionis.

Ac primò, Suarez disp. 10. sect. 2. tribuit Gabrieli in 3. dist. 2. sensisse, quod præcesserit aliqua dispositio physica necessariò connexa cum unione hypostatica, atque il-

lam exigens connaturaliter, quemadmodum vltima dispositio ad generationem hominis, exigit animæ rationalis creationem, & unionem cum materia disposita. Sed hanc opinionem apud Gabrielem non reperiò: & cuiuscunque sit, falsa est & improbabilis. Absurdum enim est existimare, possibilem esse qualitatē, aut aliam rem creatam, cui connaturaliter debeat unio hypostatica, quæque ipsam exigit vi propria, sicut dispositio physica exigit formam. Quod facile sibi persuadebit quisquis attentè considerabit infinitam Dei eminentiam supra quamcunque creaturam possibilem, quæ non potest non esse diversi ordinis à Deo, & infinitè inferioris: cum tamen forma, & dispositio physica ad formam, eiusdem ordinis esse debeant, & connexionem naturalem habere, ut patet ex communi philosophorum acceptione & definitione dispositionis physicæ.

Secundò, Alensis parte 3. quæst. 7. membro 2. art. 1. & quæst. 12. membro 1. art. 1. putat præcessisse dispositionem physicam, non quæ necessariò & connaturaliter hypostaticam unionem exigeret, sed quæ necessariò ab ipsa præsupponeretur; ita ut sine illa humanitas non posset assumi. Ratio eius est, quia non potest à Deo assumi alia natura, quam rationalis. Unio autem creaturæ rationalis cum Deo, est elevatio ipsius supra statum cuiuscunque creaturæ: ergo non potest convenire talis unio creaturæ rationali per principia naturalia ipsius, sed per donum aliquod gratis ei collatum, nempe gratiam habitualem. At hæc sententia est quoque improbabilis. Nam humanitas per se immediate, id est, proximè, & secundum se, fuit unita Verbo, & non per aliud intermedium. Ergo fuit per se immediate vnibilis, siue apta & potens obedientialiter uniri. Ac si per seipsam non habuit potentiam obedientialem ad unionem immediatam, non potuit illam habere per aliquid aliud: cum illa potentia non sit aliud, quam natura ipsa humanitatis, quæ natura seipsa formaliter est id quod est, & potest seipsa recipere quicquid potest recipere, ac per aliud non potuit accipere ut esset formaliter passivè potens uniri Verbo, si per seipsam non erat potens.

Dices, sicut materia potest quidem immediate uniri formæ, sed tamen eget dispositionibus naturaliter prærequisitis, sine quibus forma non potest introduci, neque materia est proximè apta recipere: sic &c. Respondet, unionem hypostaticam tam alti esse ordinis, ut nulla res purè creata possit habere rationem dispositionis connaturalis respectu illius, ut paulò ante diximus. Et quemadmodum nulla res naturalis est dispositio connaturalis ad gratiam & ad dona supernaturalia gratiæ, quia sunt diversi ordinis & improporcionati: sic neque dona gratiæ sunt dispositio connaturalis ad unionem hypostaticam, quæ est ordinis superioris, & plus supereminet gratiæ, quam gratia naturæ. Adde, quod difficile est imaginari, qualis esset illa

Non præcessit dispositio physica exigens Incarnationem.

72
Secunda opinio. Alensis.

Non præcessit etiam necessariò gratia habitualis.

82
Instantia repellitur.

dispositio ex parte corporis, quod fuit immediate assumptum hypostaticè, & què ac anima rationalis.

*Altera in-
flauia.*

Instabis, non posse naturam eleuari ad gratiam supernaturalem sibi impropor-
tionatam sine aliquo intermedio: multò quo
minùs ad vnionem hypostaticam. Respon-
deò, potentiam obedientialem naturæ, quæ
est ipsamet natura, prout respicit Deum ope-
rantem extraordinariè, & non per mo-
dum causæ primæ ex debito naturæ, esse
immediatè ad gratiam, & ad vnionem hy-
postaticam. Ac si necessariò requireretur
intermedium, vt natura eleuaretur ad gra-
tiam, & ad supernaturalia: vel illud inter-
medium esset aliquid naturale, vel aliquid
supernaturale. Si primum: egebit alio in-
termedio, & istud alio, & sic in infinitum.
Si secundum: ergo natura eleuatur ad ali-
quid supernaturale sine intermedio, quan-
doquidem hoc ipsum est supernaturale, &
natura ad illud eleuatur per se proximè, non
interiecto alio intermedio.

9.
*Argumen-
to Alensis
satisfit.*

Ad fundamentum ergo Alensis respondeo
negando consequentiam. Talis enim vnio
potest conuenire creaturæ rationali per se
immediatè, non per principia quidem natu-
ralia ipsius, quæ talia; sed per potentiam
obedientialem, quæ eleuatur immediatè ad
statum hypostaticum. Hæc autem potentia
obedientialis est ipsamet eius natura, com-
parata & coniuncta, non cum causis conna-
turalibus, sed cum Deo supernaturaliter ei
coniuncto per modum causæ concurrentis
extraordinariè, & supra naturæ exigentiam,
ad illum effectum supernaturalem. Addo, ar-
gumentum Alensis posse in ipsum retorqueri.
Nam illud intermedium, seu gratia habitua-
lis, eleuabitur quoque supra omnem ordi-
nem creaturarum, quædo attolletur ad vnio-
nem hypostaticam. Ergo egebit alio inter-
medio, & non poterit talis vnio ei conueni-
re per principia naturalia ipsius, sed per do-
num aliquod gratis ei collatum, & sic in in-
finitum.

10.
*Tertia sen-
tentia D.
Thom. &
Bonauent.
Paludan.
Gabriel.
Seater.*

Tertiò, D. Thom. in 3. dist. 2. q. 2. a. 2.
Bonauent. ibid. art. 3. q. 2. Paludan. q. 2. a.
3. Gabriel q. vnica a. 2. & alii à Suare supra
relati, existimarunt præcessisse moralem ali-
quam dispositionem ex decentia & libera
Dei ordinatione: quatenus sicut ex parte
corporis præcessit pulchritudo eximia, & op-
tima quædam complexio, vt decens corpus
hypostaticè vniendum: sic ex parte animæ,
priùs naturà fuit illi infusa gratia habitualis
perfectissima, & alia dona supernaturalia,
quibus decebat ornari animam assumendam
à Verbo. Cum enim anima priùs natura ex-
titerit, quàm sit vnita; potuit etiam naturà
priùs ornari gratià in ordine ad vnionem. Ac
deciuit priùs ita ornari, vt magis apta redde-
retur tam excellenti vnioni. Neque existi-
mandum est, Deum aliquid omisisse quod fa-
ceret ad conuenientem Verbi coniunctio-
nem cum natura humana.

Hæc sententia probabilis est. Potuit enim

Deus conuenienter seruare hunc ordinem
causalitatis inter gratiam & vnionem hypo-
staticam, ornando animam Christi gratia,
velut dispositione morali ad vnionem. Non
tamen est certa & pluquam probabilis quia
potuit etiam Deus conuenienter seruare or-
dinem contrarium, ornando animam Chri-
sti gratià & aliis donis supernaturalibus,
propter vnionem hypostaticam, velut ex ea
sequentibus, illique debitis, connaturali exi-
gentia. Sicut in Beatitudine gloria corporis
sequitur ex animæ gloria, quæ est illius quo-
dammodo causa & radix, saltem moralis.
Conueniens enim fuit Christum suo iure ac-
cipere gratiam, & illa alia dona. Hæc igitur
nostra est resolutio propositæ quæstionis,
quæ non potest melius declarari & confir-
mari, quàm respondendo argumentis con-
trariis.

Ac primò, sunt qui dicunt, debuisse neces-
sariò naturæ ordine præcedere hypostaticam
vnionem: quia, inquiunt, priùs natura in
substantiis est subsistere, quàm habere acci-
dentia: priùs, inquam, non causalitate, quia
accidentia non pendent à subsistentia, quip-
pe quæ non est ratio subiecti, neque præbet
substantiæ vt possit recipere vel producere
accidentia: sed priùs ex parte subiecti, quia
substantia illam priùs quodammodo, & ma-
gis exigit, tanquam modum substantialem
sibi magis intimum, & veluti magis conne-
xum, atque necessarium ad suum intrinse-
cum complementum. Est enim subsistentia
modus magis intrinsecus formæ subsistenti,
quàm omne accidens ipsius. Vt ex eo con-
firmatur, quòd cum sit aliqua substantia quæ
non habet accidentia, vt Deus; tamen nulla
est quæ non habeat subsistentiam. Ob eam-
demque causam prior in Deo est productio
personarum, earumque constitutio sub-
stantialis, quàm cognitio contingentium, &
decreta Dei libera. Prior, inquam, non se-
cundum causalitatem, quia Deus non cog-
noscit, neque liberè decernit per productio-
nem personarum, earumque hypostases:
sed ex parte subiecti, quatenus Deus priùs
& magis exigit constitutionem personarum,
& omnia sibi substantialia, quàm contin-
gentia quasi accidentaria. Cum ergo priùs
naturà sit in substantiis subsistere, quàm ac-
cidentibus informari: anima priùs assumpta
fuit ad subsistendum, quàm accidentibus in-
formata: quia in quo signo rationis debuif-
set anima habere subsistentiam, in eodem
fuit vnita hypostaticè. Loco enim subsi-
stentiæ propriæ, habuit diuinam, quæ pro-
priam exclusit, seu impediuit.

Respondeo, subsistentiam propriam &
connaturalem esse quidem priorem naturà,
ordine prioritatis sumpto ex parte subiecti,
id est, ex parte exigentiæ, & connexionis,
aut identitatis magis necessariæ, quàm acci-
dentia substantiæ aduenientia. Secus autem
subsistentiam supernaturalem & alienam,
qualis est hypostasis Verbi respectu naturæ
humanæ. Vnde non sequitur priùs necessariò
debuisse

*Probabile
est præces-
sisse gra-
tiam.*

11.

*Existimant
aliqui de-
buisse ne-
cessariò
vnionem
hyp præ-
re gratiæ
infusioni.*

12.

*Refellunt
eum.*

Vnio hy-
postatica
non habet
eandem
prioritatem
naturæ,
quàm pro-
pria subsi-
stentia.

debuisse illam assumi hypostaticè, quàm ac-
cidentibus informari, si hoc intelligatur de
prioritate ex parte subiecti. Falsumque est
id quod additur in obiectione, quòd scilicet
in quo signo rationis debuisset humanitas ha-
bere subsistentiam propriam, in eodem fuit
vnita Verbo & habuit diuinam. Nam hoc est
dicere, hypostasim Verbi & vnionem hypo-
staticam exigì à natura humana, magis quàm
accidentia ei connaturalia; & tam exigì ab
humanitate, tamque illi necessariò cònexam
esse, aut identificatam, atque esset propria &
naturalis subsistentia: quod est euidenter
falsum, & sine errore dici nequit. Seque-
retur enim hypostaticam vnionem non esse be-
neficium gratiæ, respectu humanitatis, quia
quod datur ex naturæ exigètia, non est gra-
tia: & hypostasim Verbi non minùs esse de-
bitam & necessariò connexam humanitati,
quàm propriam subsistentiam. Nam esse in eo-
dem priori naturæ ex parte subiecti, hoc sig-
nificat, iuxta definitionem illius prioritatis.
Sin autem loquatur aduersarij de alio ordine
prioritatis naturæ, qui dicitur causalitatis:
falsum pariter est, subsistentiam naturalem ef-
se priorem accidentibus illa prioritate: quip-
pe quæ non est illorum causa, vt fatentur ad-
uersarij in obiectione. Ergo non bene ex eo
inferunt, fuisse necessariò prioritatem causa-
litis in vnione hypostatica respectu gratiæ,
& accidentium, animæ Christi infusorum.
Aequiuocantur verò, aut malè argumentan-
tur, si ex eo quòd sit prioritas ex parte subie-
cti inter hypostasim & accidentia (quod ta-
men falsum esse ostendimus de hypostasi alic-
na & supernaturali) inferat, debere necessa-
riò esse prioritatem causalitatis inter illa. Qua-
si verò vna prioritas sit alia: aut quidquid
magis exigitur à subiecto, sit causa aliorum
quæ non tam necessariò exiguntur.

13.
Alii cen-
sent saltem
re ipsa
vnionem
hyp. de-
buisse præ-
ire gratiæ
infusioni.
S. Thom.

Secundò, D. Thomas q. 7. a. 13. mutans
sententiã quam tenuerat in 3. dist. 2. q. 2. a.
2. ait hypostaticam vnionem præcessisse natu-
ræ ordine gratiam habitualement triplici de
causa. Primò, quia principium vnionis est fi-
lius, principium verò gratiæ habitualis est
Spiritus sanctus. Atqui filius est prior origi-
ne, quàm Spiritus sanctus: ergo & vnio prior
fuit infusione gratiæ. 2. Gratia habitualis
causatur ex præsentia diuinitatis, quæ præsen-
tia maximè fit in Christo per vnionem hypo-
staticam. Ergo vnio est prior. 3. Gratia
datur ad agendum. Actiones autem sunt sup-
positorum, & ea supponunt. Christus autem
est suppositum per vnionem naturæ humanæ
cum hypostasi Verbi: ergo &c.

Sed pro-
bant tan-
tùm hoc
fuisse con-
gruum.

Sed hæ rationes ostendunt tantùm con-
gruitatem aliquam, non necessitatem: vnde
non obsunt nostræ assertioni. Quodque as-
sumitur in prima, *Spiritus sanctum esse prin-
cipium gratiæ*, debet intelligi appropriatiuè,
non exclusiuè, quasi non etiam Filius & Pa-
ter sint illius principium per potètiã com-
munem tribus personis, per quam etiam sunt
principium incarnationis effectiuum, licet
Filius solus sit principium illius terminat.

Tomus IV.

rium, seu quasi passiuum. Quod verò sumi-
tur in secunda, gratiam scilicet causari à præ-
sentia diuinitatis, non probat necessitatem
præsentia per vnionem hypostaticam. Nam
si præsentia diuinitatis est conditio necessa-
riò prærequisita ad infusionem gratiæ, & ad
alias operationes diuinas; illa præsentia non
est præsentia vnionis hypostaticæ, sine qua
plurimi sanctificantur, & multi ante illam
fuerunt sanctificati; sed præsentia substantiæ
per indistinctiam à loco in quo operatur. Quod
denique dicitur in tertia ratione, actiones ef-
se suppositorum, verum est, si intelligatur,
quòd supposita sint subiecta denominationis
actionum & accidentium. Non autem si in-
telligatur, quòd supposita secundum propriam
rationem suppositorum sint vel principia, vel
subiecta, actionum aut accidentium. Ad hoc
enim sufficit & per se confert singularis na-
tura existens, non autem ratio subsistentiæ.
Sicut etiam formis accidentariis ad actio-
nem propriæ virtutis nihil confert inhæren-
tia: adeoque accedens, per se actiuum, non
minùs ageret extra subiectum, quàm in sub-
iecto; vt fit in Eucharistia: quia inhærentia
non est illi ratio, neque conditio, ad agen-
dum, sed propria vis actiua.

Tertiò, Vasques disp. 21. cap. 6. num.
51. censet, gratiam habitualement non posse in-
telligi prius natura donatam humanitati,
quàm hypostaticam vnionem: quia, inquit,
si intelligeretur prius donata, deberet in-
telligi prius donata ex solo affectu adop-
tionis. At non potest sic intelligi, quia hoc
ipso quòd simul sit cum vnione hyposta-
tica, non constituit hominem illum fi-
lium adoptiuum. Verùm hæc ratio infirma
est. Facile enim intelligi potest, gratiam ha-
bitualement fuisse prius donatam, non ex af-
fectu adoptionis, sed vnionis hypostaticæ &
naturalis filiationis, ad decorandam hu-
manitatem, vt esset congruentior vnioni.
Et quemadmodum, iuxta Vasquem, gratia
habitualis posterius data est, quàm vnio hypo-
statica, non ex affectu adoptionis, sed
nimirum ad perficiendam naturam, reddend-
damque congruentiorem Verbo: sic potuit
gratia habitualis prius dari ad eundem fi-
nem, sine affectu adoptionis.

Instabis, Quia gratia constituit filium Dei
eum in quo est. Ergo si prius naturà fuit gra-
tia in humanitate Christi, quàm vnio hypo-
statica; fuit naturà prius filius Dei: non na-
turalis, quia hoc habet per vnionem hypo-
staticam: ergo adoptiuus.

Respondeo, Infusionem gratiæ non consti-
tuere formaliter filium Dei, sed dispositiuè
& præsuppositiuè; id est, constituere ap-
tum & proportionatum adoptioni subie-
ctum, cui illa aliunde non repugnat. Fila-
tio verò adoptiua est quid consequens tan-
tùm & morale, quod cum naturali Christi fi-
liatione, facta eodem instanti temporis,
locum habere non potuit. Etenim ille qui
est re ipsa filius naturalis, non est adoptiuus:
Christus autem primò instanti suæ creatio-

143
Argu-
mentum
Vasquis
ad proban-
dum gra-
tiam non
potuisse
præcedere
vnionem.

Infirmitas

Instantia
repellit

nis fuit filius naturalis per hypostasim Verbi. Et prioritas gratiæ non esset prioritas existentia, seu præcessio durationis; sed præcisio & prioritas tantum naturæ, seu dependentiæ & causalitatis; eo sensu, quo vltima dispositio dicitur esse prior forma simul existente, & eodem instanti introducta. Filiatio, inquam, adoptiua non est formaliter ipsa gratiæ infusio & informatio, sed est extrinseca denominatio à voluntate Dei adoptantis, & acceptantis ad hæreditatem vitæ æternæ, præsupposita gratia sanctificante, ut probauimus in tract. de Gratia & Iustificat. Idque multo magis verum est in sententia quorundam aliorum qui cum Lessio lib. 12. de Perfectionibus diuinis cap. 11. num. 74. & sequentibus, existimant nos constitui Dei filios propriè & formaliter per donum aliquod increatum, id est, per inhabitationem & possessionem ipsiusmet Spiritus diuini viuificantis & regentis animas nostras: quæ possessio & viuificatio fiat quidem mediante gratia & charitate, ut vinculo quo Spiritus Dei nobis vnitur, & in nobis permanet: & non per ipsam formaliter & præcisè, neque per vllum aliud donum creatum.

11. **Argumentum Suaris** quo con-
tendit fuisse impossi-
bile gratiæ
præcedere.
Quartò denique Suares disp. 10. sect. 2.
§. *Atene hinc fit*, putat non modò probabilius esse, Deum prius naturâ vniuisse animam hypostaticè, quàm gratiam infudisse; sed omnino id necessarium fuisse, & contrarium planè impossibile. Quoniam, inquit, ut aliqua sit vera dispositio, necesse est ut ex se præsupponi possit secundum existentiam, ad id, ad quod esse dicitur dispositio, ut sic mouere possit seu determinare agēs ad formam inducendam. Hunc autem modum præsuppositionis non potest habere gratia habitualis respectu vnionis hypostaticæ, quia ante illam non habet subiectum accommodatum in quo possit inherere, neque extrinseca ordinatio Dei potest hoc mutare non conferendo substantiam, quia ille ordo naturæ est intrinsecus ipsis rebus quæ omnino eodem & eodem modo manent. Ergo ex sola extrinseca ordinatione non potest vnum esse prius alio in ratione dispositionis, nisi in ipsis rebus secundum se sit sufficiens fundamentum talis ordinis. Confirmatur, Quia fieri

Confirmatur
quadrupli-
citer.
nullo modo potest, quin substantia sit magis intrinseca naturæ, quàm accidentia. Nec fieri etiam potest quin accidentia, quantum est ex se, substantiam præsupponant. Qui ordo immutari non potest, quia natura substantiæ & accidentium semper eadem manet, & in eo solùm ordo ille consistit, quod vnum sit prius naturâ quàm aliud. Confirmatur 2. Quia si Deus immutaturus esset hunc ordinem, quid aliter esset facturus, quàm nunc fecit? Si autem nihil aliter faceret; neque habitudo moralis in ratione dispositionis alia esset. Si verò aliquid esset aliter operaturus; declaratur quid illud sit: quod certè fieri non poterit. Confirmatur 3. Quia si Deus ordinem illum immutasset; nihil in hoc negotio diuersum esset, nisi denomina-

tio extrinseca sumpta ex Dei voluntate ordinante vnum ad aliud, quæ non potest variare habitudinē formæ & dispositionis, vel causæ & effectus; quia hæc habitudo non consistit in sola ordinatione agentis extrinseci; sed in aliqua causalitate physica, vel morali, quæ in rebus ipsis existat. Confirmatur 4. Quia si Deus potuit facere, ut gratia habitualis esset dispositio ad vnionem, vnde constare potest id non fecisse: Si enim congruentiis agendū est, non minores asserri possunt ad affirmandum. Conueniens enim fuit, gratiam inferiorem ordinari ad superiorem. Et sicut Beata Virgo disposita fuit per gratiam & qualitates supernaturales, ut esset mater Dei: sic deuiuit humanitatem prædisponi. Vtique si Rex ducturus esset uxorem conditionis inferioris, prius eam nobilitaret, & ornaret quoad fieri posset: sic &c. Sicut denique corpus fuit prius optimè dispositum & ornatum optima complexione & pulchritudine, ut vniretur: sic anima debuit prius conuenienter disponi, & ornari gratia sanctificante, aliisque donis supernaturalibus.

Ad primum argumentum Respondeo negando minorem, cum eius probatione. Nam humanitas Christi, secundum se, est subiectū satis accommodatum accidentibus, quibus hypostasis non est ratio subiecti. Neque enim in Christo inhaerent Verbo diuino, sed soli humanitati. Sufficitque illam existere, ut possit esse subiectum accidentium. Existeret autem, quamuis non vniretur Verbo: & naturâ prius existit, quàm illi vniatur: prius, inquam, ordine causalitatis: quippe quæ ad illam vnionem concurrir: præsertim verò iuxta sententiam Suaris & aliorum, qui cum ipso dicunt vnionem illam distingui modaliter, & recipi in humanitate. Ac sicut in eo casu quo Deus sua potentia absoluta conseruaret humanitatem aut aliam naturam creatam sine vlla substantia (quod fieri posse censent nonnulli cum Delugo disp. 12. num. 93.) Deus posset conferre gratiam tali humanitati prius tempore omni substantia: sic in calu proposito potuit naturâ prius conferre gratiam habitualement animæ Christi in ordine ad vnionem hypostaticam, intuitu gratiæ illius velut præuiæ dispositionis effectū. Ac licet iuxta naturalem ordinem substantia propria & connaturalis sit prior naturâ quàm accidentia, prioritate se tenente ex parte subiecti: secus tamen aliena & supernaturalis, ut supra ostendimus. Et quamuis esset: Deus tamen quoad causalitatem non tenetur seruire illum ordinem, sed potest eum pro sua libertate mutare. Cum autem Deus ordinem illum mutaret, non mutarentur quidem naturæ rerum & essentia, neque res essent alia, quàm nunc sunt; sed mutaretur ordo & dependentia moralis inter illas: Qui ordo pender à Dei voluntate agente vnum propter aliud, aut alio præsupposito. Quemadmodum quādo Deus infundit gratiā habitualement propter contritionem ut dispositionem moralem, non mutat naturam contritionis &

16.
Solutur
argumen-
tum Suaris

gratiz : sed ponit tamen ordinem, & dependentiam moralem gratiz à contritione, vt à dispositione. Qui ordo non esset si Deus vtramque independentem produceret : aut ordine contrario gratiam primò infunderet, & propter illam atque cum illa ad contritionem eliciendam concurreret.

Ex his patet responsio ad tres priores confirmationes. Dicendum enim est, Deum in eo casu prius secundum ordinem causalitatis moralis infundere gratiam habituales, tumque eodem instanti temporis dare vnionem hypostaticam intuitu gratiz præexistentis & ornantis subiectum vniendum.

Ad postremam Respondeo me idcirco asseruisse in conclusione id non constare, sed vtrumque esse tantum probabile, quia Deus vtrumque ordinem potuit conuenienter seruare. Quamquam exemplum Beatæ Virginis, & Regis, longe differt à re proposita. Nam Beata Virgo fuit prius tempore disposita, neque facta est mater Dei per aliquid substitutum loco propriæ ipsius subsistentiæ. Idemque dico de Regis vxore ignobili. Corpus quoque secundum naturalem ordinem debuit prius organizari, id est, fieri corpus humanum vltimò & perfectè dispositum, tum per accidentia, tum per formas substantiales partiales & organicas, ad recipiendam animam rationalem. Quia sicut ex parte animæ prius fuit ipsam creari & existere, quam assumi hypostaticè : ita etiam ex parte corporis prius fuit ipsum habere esse, secundum quod assumptum fuit. Fuit autem assumptum, quia humanum. Quare Suari non assentior eadem sectione affirmanti prius naturam fuisse corpus vnitum hypostaticè, quam vltimò dispositum : Quoniam, inquit, prius natura debebat subsistere, quam recipere huiusmodi dispositionem accidentalem ; & cum in illo instanti non subsisteret subsistentia propria, debebat subsistere diuinâ, quæ fuit in eodem ordine & signo rationis, quo fuisset humana. Respondeo enim, vel Suarem loqui de prioritate causalitatis : & hoc verum non est, quia subsistentia propria humanitatis non esset causa huiusmodi dispositionis accidentalis. Vel de prioritate ex parte subiecti : Et hoc sensu falsum est hypostasim Verbi fuisse in eodem ordine & signo rationis in quo fuisset humana, vt ostendimus supra num. 12. Hoc enim est dicere hypostasim Verbi tam necessariò exigì à natura Christi humana, quam propria ipsius accidentia, & naturales dispositiones : quod euidenter à veritate alienum est.

SECTIO III.

An fuerit aliqua causa meritoria incarnationis?

Primo, Vtrum Christus eam meruerit, aut mereri potuerit?

Questio esse potest de Christo, vel totaliter sumpto pro composito ex natura humana, & hypostasi Verbi : vel partialiter pro humanitate, aut pro anima considerata

in priori quàm vniretur. Item de incarnatione, vel quoad substantiam, vel quoad circumstantias tantum. Suppono præterea meritum esse duplex, vnum de condigno, habens æqualitatem cum mercede. Alterum de congruo quod non habet condignitatem seu æqualitatem, sed decentiam quãdam, & conuenientiam operis cum retributione quæ maior est. His præsuppositis,

Dico 1. Christum inadæquate sumptum secundum humanitatem, aut secundum animam solam, non meruisse, neque mereri potuisse de condigno suam incarnationem. Patet, quia humanitas, vel anima, præcisa ab hypostasi Verbi, non habuit, neque habere potuit actiones infiniti valoris, & æquales beneficio incarnationis. Infinitudo enim actionum Christi petitur ab vnione hypostatica, quæ in præcisi suppositione excluditur.

Dico 2. Humanitatem Christi, vel animam, consideratam in priori quàm vniretur hypostaticè, non meruisse de congruo incarnationem ; mereri tamen potuisse, saltem quoad circumstantiam. Ratio primæ partis est, quia humanitas Christi, eiusque anima, non accepit vnionem hypostaticam dependentem à suis operibus, vt docent communiter Theologi. Ad quod probandum adducunt Vasques disp. 21. c. 1. & Suar. disp. 10. sect. 3. conclusionem 2. quædam Scripturæ, & D. Augustini testimonia quæ apud ipsos videri possunt. Efficacius est quod aiunt D. Augustinum comparare gratiam vnionis respectu Christi, cum prima gratia nobis data ; quod sicut hæc nobis datur nullis præcedentibus meritis nostris : sic illa Christo data est, nullis præcedentibus ipsius meritis. Et quidè valde conueniens fuit præcedere naturam vnionem hypostaticam, vt omnia opera gratiz facta à persona iam diuina, & operante vt tali, essent meriti infiniti.

Secunda pars conclusionis, Quod scilicet mereri potuerit, patet, quia potuit Deus prius infundere gratiam animæ Christi, quàm illam vnire hypostaticè, vt ostendimus sectione præcedenti. Imò non tantum prius natura, sed etiam tempore. Licet enim certum sit, animam, aut humanitatem Christi, non præcessisse tempore vnionem hypostaticam, nec prius tempore vnionem cum Verbo meruisse ; vt de ipsius anima sensit Origenes, & de humanitate siue homine illo qui est Christus, Photinus & Nestorius damnati in Concilio Ephesino, & in sexta Synodo generali : Potuit tamen Deus prius tempore vtramque creare & donis gratiz ornare. Et anima Christi, vel humanitas, in priori temporis gratia habituali ornata, potuit etiam prius exercere actus supernaturales, & ad illos à Deo eleuari, ac per illos mereri de congruo vnionem, saltem quoad circumstantias, dandam intuitu illorum actuum præexistentium. Potuit etiam Deus eodem instanti temporis, quo facta est anima Christi & vnita Verbo, naturam prius ornare animam Christi gratia habituali, & cum illa concurrere ad actus supernaturales, qui eam

17.
Responde-
tur eius
confirma-
tionibus.

19.
1. Conclusi.
Christus
inadæqua-
te sumptus
non potuit
mereri
condignè
suam In-
carnatio-
nem.

20.
2. Concl.
Neque etiã
de congruo
illam me-
ruit ; po-
tuit tamen
mereri,
non quoad
substantiã,
sed quoad
circumstan-
tias.

Vasques,
Suarez.
S. Augu-
stin.

21.

18.
Status
questio-
nis.

disponerent ad vnionem hypostaticam: sicut Angelos in primo instanti suæ creationis disposuit ad gratiâ sanctificantem per supernaturale & liberum eorum consensum, disponendo eodem instanti temporis, & sanctificando. Sicut etiam peccatores iustificat vicontritionis, vt dispositionis & meriti congrui, eodem instanti quo peccator contritetur.

22. **Contraria sententia.** Aduerſus hoc postremum sentiunt Vasq. disp. 21. cap. 6. Et Suares disp. 16. sect. 3. §. *Ex quibus tandem.* Fundamenta Vasquis sunt, quod gratia habitualis non potuit naturâ prius infundi animæ Christi; alioqui fuisset gratia adoptionis. Neque potuit eadem animâ, naturâ prius quàm vniretur, habere per auxilium gratiæ operationes aliquas; quia nullum opus potuit esse in Christo, quod non esset infinite dignum & meritorium. Ad hanc autem infinitam dignitatem necesse est vt opus nitatur vnione ipsa, tanquam principio, vt ita sit opus humanitatis deificatæ. Item nullum opus potuit esse in Christo, quod non infinite placeret Deo, tanquam hominis iusti, & filii, non adoptiui, sed naturalis. Ergo omnia opera supponebant vnionem vt natura priorem ex parte efficientis. Addit Suares, non posse ne de potentia quidem absoluta existere humanitatem separatam ab omni subsistentia propria: vel aliena. Cùmque ex natura rei subsistentia prior sit, quàm operatio, nulla ratione possit hunc ordinem mutari, quia est prorsus inefficax, & quasi essentialis. Vtque non potuit Deus facere, vt humanitas in proprio supposito prius naturâ operaretur, quàm subsisteret; quia non potest facere, quin subsistentia sit magis intrinseca; & ex natura sua anterior operatione: Sic &c. Denique non potuit hæc subsistentia propria impediri per vnionem ad Verbum alio modo, quàm de facto impedita est. Ergo si de facto non intelligitur talis ordo naturæ, quo operatio humanitatis præcedat vnionem, nulla ratione est ille possibilis.

23. **Sensit argumentis contrariæ sententiæ.** Ad primum Respondeo, Gratiam illam non futuram fuisse adoptionis, sed ordinatam ad naturalem filiationem, & vnionem hypostaticam, per modum dispositionis, vt ostendimus lect. præcedenti, num. 14.

Ad 2. Nego antecedens cum eius probatione. Respondeo enim, illud opus elicitum ab humanitate naturâ prius, quàm Verbo vniretur, non fuisse futurum infinite dignum, & meritorium: quia non dignificaretur ab hypostasi Verbi consequenter tantum se habente ad illud opus. Dignitas enim meriti non sumitur ex præmio, ita vt ex eo meritum fiat maius, & dignius meritum; sed tota eius dignitas, & valor antecedenter ad præmium se habet, velut illius causa.

Ad tertium Dico similiter illud opus non infinite placiturum Deo, quia non esset infinita bonitatis moralis, & dignitatis: quippe quod solum præcederet à natura antecedenter ad vnionem, & statum filii naturalis.

Ad quartum Respondeo, primò, ex natura

quidem rei subsistentiam propriam, & consensu naturalem esse naturâ priorem ex parte subiecti, siue prioritate necessitatis, & exigentiz, quàm operationem accidentalem: secus autem subsistentiam alienam, & supernaturalem, cuiusmodi est hypostasis Verbi respectu humanitatis. Secundo, dico illum ordinem prioritatis, id est, maioris connexionis, aut exigentiz ex parte subiecti inter naturam, & hypostasim propriam, non impedire absolute prioritatem causalitatis inter operationem eiusdem naturæ, & subsistentiam alienam: id est, non impedire quin propter aliquam operationem humanitatis ei communicetur hypostasis Verbi loco propriæ subsistentiæ. Licet enim ex parte subiecti subsistentia naturalis sit prior, id est, magis exigatur, & sit magis necessario connexa, vel potius identificata naturæ, quàm vlla operatio accidentalis eiusdem naturæ: hoc tamen non facit, vt aliena subsistentia pari necessitate exigatur, adeoque sit etiam prior ex parte subiecti: neque vt Deus absolute debeat prius illud dare subsistentiam alienam, quàm concurrere ad vllam eius operationem: adeo vt de potentia absoluta non possit illam assumere hypostaticè depèdenter ab aliqua eius operatione. Quo autem modo Deus aliter se gessisset, & alium ordinem moralem posuisset inter gratiam vel operationes gratiæ, & vnionem hypostaticam, si voluisset hanc ab illis præcedi, ostendimus lect. præcedenti, num. 16.

Dixi in tertia parte conclusionis, *saltem quoad circumstantiam*, quia probabilius existimo non esse congruitatem inter opera gratiæ & incarnationem quoad substantiam. Et enim ordo vnionis hypostaticæ non minus est superior & improporcionatus ordini gratiæ, quàm ordo gratiæ sit superior ordini naturæ: imò potius infinite magis. Ergo sicut, propter improporcionem naturalium cum superioribus, nullus actus naturalis potest mereri de congruo beneficia gratiæ: sic neque opera gratiæ possunt mereri de congruo beneficium incarnationis. Quare nec anima Christi mereri potuit in casu proposito substantiâ incarnationis, sed tantum aliquam circumstantiam, putà vt ipsa potius quàm alia assummeretur, aut quid simile, iuxta ea quæ dicemus inferius de Beata Virgine, & de Sanctis veteris Testamenti. Si tamen Deus intuitu huiusmodi operum incarnationem ipsam quoad substantiam promitteret; congruum esset, imò & debitum vt eam exhiberet. Sed congruitas illa esset ratione promissionis, & non ratione operis præcisè, de qua congruitate loquimur. Consentiunt hac in parte recentiores aliqui, quorum confusè meminit Delugo disp. 8. nu. 24. fauetq; Suares disp. 18. sect. 3. §. *Sed quamvis hæc*, vbi sic habet: Sicut natura & gratia sunt ordinum diuersorum; ita etiam gratia habitualis, & gratia vnionis. Et sicut natura est in ordine inferiori, & gratia in superiori: ita etiam gratia vnionis est in ordine longè excellen-

24. **Probatur Christum non potuisse mereri substantiam Incarnat.**

Delugo; Suarez;

tiori, quàm gratia habitualis. Imò quia gratia vnionis includit intrinsecè & formaliter ipsam personam diuinam: magis superat omnem gratiam creatam, quàm omnis gratia creata superet naturam, quia est inter illa longè maior distantia. Est enim illa inter ens per essentiam, & ens per participationem: hæc verò, inter duo entia per participationem. Hæc Suares.

25. **Contraria sententia.** Contrarium sentit Delugo suprà nu. 25. post Vasquem, & alios plures, qui tamen ferre omnes id supponunt tantum sine examine. Quare non moueor eorum numero. Vnus enim aut alter qui rem examinauerit, præferendus est pluribus sine discussione obiter affirmantibus. Ad fundamentum autem nostrum respondet primò, illud in nos retorquendo: quia, inquit, si aliquid probat, videtur etiam probare nec Christum ipsum potuisse mereri per actus supernaturales, de congruo, aut de condigno, aliam vnionem hypostaticam pro alia humanitate: sicut actus naturales ita sunt impropportionati ad merendam gratiam, ut nec etiam homo iustus possit per actus naturales mereri gratiam. Verum hæc retorsio non valet, & sequela illa non bene deducitur ex nostra assertione, propter discrimen quod inter illa duo intercedit. Nam actus naturales non euehuntur supra naturæ ordinem, quamuis fiant à iusto. At actus supernaturales naturæ Verbo vnitæ euehuntur ad statum diuinum ordinis hypostatici, & infinite significantur à persona operante.

Refutatur primum illius responsum.

Respondet secundò, & directè, maiorem quidem distantiam esse inter gratiam habitualem, & gratiam vnionis, in genere entis, seu in perfectione entitativa: minorem tamen in genere proportionis & habitudinis vnus ad aliud. Quia, ut ait n. 28. vtrique est intra idem genus supernaturalitatis: & licet intra illud genus sit maxima distantia vnus ab alio; adhuc cum illa distantia potest esse communicatio & habitudo mutua inter illas. Sicut in eadem republica ciues etiam infimi habent maiorem communicationem & unitatem cum ciue opulentissimo eiusdem ciuitatis, quàm alii ciues diuites alterius reipublicæ. Nam hæc vnitas & habitudo non fundatur in æqualitate perfectionis; sed in conuenientia, & in eo quod omnia pertineant ad idem corpus, siue ad eundem ordinem rerum, quamuis intra illum maximè distent. Quod autem vnio hypostatica, & gratia habitualis, pertineant ad eundem rerum ordinem, colligitur, tum ex eo quod vtrique faciat conciuies eiusdem cœlestis ciuitatis, in qua Christus est caput, reliqui autem iusti sunt membra illius reipublicæ; caput autem & membra debent habere aliquam proportionem inter se: tum etiam potissime & à priori, quia vtraque ordinatur ad eundem finem, scilicet ad eandem beatitudinem visionis Dei. Tam enim gratia habitualis, quàm vnio hypostatica, est radix ordinans iubeat, in quo est, ad videndum

clare Deum. Et quamuis vnio hypostatica exigit excellentiorem visionem, hæc tamen differentia non extrahit ad alium ordinem. Hæc Delugo.

Contrariè quoque insto, 1. Quia ratio vnionis non tantum magis distat physice in genere entis, & perfectione entitativa; sed etiam moraliter in genere æstimabilitatis, secundum quam attenditur proportio meriti ad præmium. 2. Non sufficit quod vtrique, nempe gratia vnionis, & gratia habitualis, sunt in eodem genere supernaturalitatis, id est, entis supernaturalis: Alioqui sufficeret pariter, quod natura & gratia sint in eodem genere entis creati seu participati. 3. Non sufficit etiam, quod inter illas possit esse aliqua communicatio & habitudo mutua. Nam etiam naturæ & gratiæ communicatio est, & mutua habitudo, nempe obedientialis ex parte naturæ ad gratiam, sicut est obedientialis ex parte gratiæ seu naturæ ad hypostasim. 4. Non sufficit etiam quod ordinantur ad idem corpus mysticum, & ad eundem finem visionis beatificæ. Nam etiam natura & gratia ordinantur ad constituendum vnum corpus Vniuersi, cuius Christus est caput & Dominus, & ad eundem finem gloriæ Dei. Neque ille ordo ad idem corpus mysticum, & ad visionem beatam, qui gratiæ conuenit potius ex Dei ordinatione, quàm ex rei naturæ, tollit eminentiam moralem æstimabilitatis vnionis hypostaticæ supra gratiam, multò maiorem, quàm sit gratiæ creatæ supra naturam. Cumque omnium consensu alius sit ordo vnionis hypostaticæ, alius gratiæ, alius naturæ; quorum primo Deus se perfectius communicauit quàm secundo; & secundo, quàm tertio: falsum est differentiam illam non extrahere ad alium ordinem, nempe ad ordinem ipsum diuinum substantialiter, infinite supereminentem gratiæ, & naturæ creatæ. Alias rationes huius proportionis conatur reddere Suares, quæ leuiiores sunt, & bene refutantur à Delugo n. 26. & 27.

26.
Impugnatur secundum

Dices, ex D. Thom. q. 2. a. 11. in fine corporis, congruum esse ut Deus exaudiat eos qui sibi obediunt. Ergo sancti Patres petendo, & desiderando, meruerunt de congruo incarnationem. Ergo & Christus eam mereri potuit de congruo, per opera quæ naturæ ordine præcederent vnionem hypostaticam.

27.
D. Thom.

Respondeo 1. Eodem argumento probatum iri, opera naturalia hominis seruantis legem naturæ, mereri de congruo gratiam, eam petendo & desiderando. Quia scilicet talis obedit Deo, quantum potest & nouit. Congruum autem est, ut Deus exaudiat eum qui sibi obedit. 2. Respondeo, congruitatem ex parte operis, de qua hic loquimur, requirere aliquam proportionem inter meritum & præmium: quæ cum sit multò minor inter opus supernaturale puræ creaturæ, & vnionem hypostaticam; quàm sit

Respondeatur obiectioni.

S. Thom.

inter naturam & gratiam non potest esse inter illa proportio congruitatis. Seruus qui Regis voluntati obediret, non propterea mereretur de congruo, petendo & desiderando, fieri regni consors. Addo, S. Thomam eodem art. 11. ad 3. negare Beatam Virginem meruisse de congruo incarnationem, sed solum matris dignitatem. Ergo quod dixerat in corpore articuli, sanctos Patres ex congruo meruisse incarnationem, desiderando & petendo, intellexit de incarnatione non quoad substantiam, sed quoad circumstantias, quod fieri posse non negamus.

S E C T I O IV.

Aliæ duæ assertiones de merito Christi, respectu suæ Incarnationis.

28.

§. Concl.
Christus
non potuit
mereri
suam in-
carnationem
simpliciter.

Probat,
quia prin-
cipium me-
riti non po-
test cadere
sub meri-
tum.

Dico tertio, Christum adæquatè sump- tum, aut animam eius coniunctam hypostasi Verbi, non meruisse de condigno, neque mereri potuisse suam incarnationem: siue quoad prædestinationem, siue quoad eius exhibitionem, simpliciter, ita ut omnem eius prædestinationem, aut omnem exhibitionem meruerit, aut mereri potuerit. Ratio est, quia principium meriti non potest cadere sub merito. At unio hypostatica, non modò ut prædestinata, sed etiam ut exhibita & tradita executioni, est principium omnium meritorum, quibus Christus deberet condignè mereri incarnationem suam, si posset eam mereri: ergo &c. Maior admittitur communiter à Theologis, & à nobis alibi probata fuit in Tract. de Gratia, disp. ult. sect. 13. n. 137. & seq. traditurque à D. Thoma 1. 2. quæst. 114. art. 5. & 9. Nimirum, quia causa meritoria non causat per modum finis, qui movet agens ad sui prosecutionem, non quia est, sed ut sit: ideoque sufficit, ut apprehendatur tanquam possibilis, ad hoc ut desideremus, & conemur eum obtinere: & illius causalitas non supponit ipsum existere, sed potius tendit ad existentiam illi dandam. Meritum, inquam, non causat per modum finis, sed per modum causæ efficientis: unde etiam à Trident. sess. 6. cap. 7. initio, causa meritoria iustificationis recensetur inter eius causas efficientes, cum ait, causam illius efficientem principalem esse Deum: meritoriam, Christum: instrumentalem, sacramentum Baptismi. Causa verò efficiens operatur, non ut sit, sed quia est, vel in re ipsa, si physicè causat: vel saltem moraliter, quatenus acceptatur ut præsens, quia futura est, & ea propter influit in effectum, si moraliter tantum operatur. Ita ut illius esse præsupponatur eius effectui, vel ut re ipsa existens, vel tanquam præuisum, & præsuppositum, velut aliunde futurum. Quare meritum causat per suum esse, saltem ut futurum absolutè, & præuisum, ac præsuppositum ut tale. Ergo non pendet à suo effectui, neque ab illo primum

accipit esse, quandoquidem illi præsupponitur secundum suum esse. Ac proinde effectus meriti non potest esse eiusdem meriti principium, & causa efficiens: neque id, quod est principium meriti, potest cadere sub idem meritum, tanquam illius effectus & merces. Alioqui præsupponeretur secundum esse, ei quod præsupponit: & penderet immediatè ab aliquo pendente à se secundum idem esse.

Manet ergo probata propositio maior argumenti propositi, principium scilicet meriti non posse cadere sub meritum. Minor verò eiusdem argumenti clara est. Merita enim Christi habent moralem suam infinitatem ab unione hypostatica, non solum ut præuisa, sed ut re ipsa exhibita. Neque enim opera Christi sunt infiniti valoris, ex eo solum quòd Deus præcivit humanitatem Christi fore unitam Verbo, sed ex eo quòd opera illa re ipsa processerunt ab humanitate unita hypostaticè. Quare unio illa non modò secundum prædestinationem, sed etiam secundum executionem fuit principium meritorum Christi, ac proinde non potuit cadere sub ipsius meritum. Consentiunt Vasques disp. 21. cap. 5. & sequentibus, Medina q. 2. a. 11. ad 5. & 6. Delugo disp. 8. sect. 2. & alii communiter.

Dissentiunt verò Suarez disp. 10. sect. 4. ubi cõtendit Christum non potuisse quidem mereri prædestinationem suæ incarnationis: secus tamen executionem, licet eam de facto non meruerit: & Aegidius Conink lib. 1. de Actibus supernaturalibus disp. 8. dub. 7. in fine, ubi docet, per absolutam Dei potentiam fieri potuisse ut Christus mereretur assumptionem suæ naturæ humanæ ad unionem hypostaticam, per actus postea elicitos: ac proinde censet cum Suare, potuisse mereri executionem incarnationis suæ: de prædestinatione verò ipse non loquitur. Eorum argumenta hæc præcipua sunt. Primò, non potuisse Christum mereri prædestinationem suæ incarnationis, probat Suarez, quia causa meritoria, cum habeat moralem quamdam efficientiam, supponi debet secundum actualem existentiam, saltem in præuisione præmiantis. Ergo non potuit aliquid esse ex Christi meritis, nisi illa supponantur vel præuideantur saltem ut futura. Sed merita futura supponunt incarnationem futuram, & futurio incarnationis supponit eius prædestinationem, vi cuius futura est: ergo non possunt esse causa meritoria propter quam simpliciter sit futura & prædestinata incarnatio. 2. Potuisse tamen mereri eius executionem probat, quia gratia antiquorum Patrum, propter merita Christi præuisa, multo ante tempore illis data est. Ergo quamvis incarnatio ordine temporis vel naturæ eadem merita præcesserit, nihilominus propter illa præuisa potuit exhiberi. Sufficit enim ad rationem meriti, ut mercedem antecedit in sciètia remunerantis. Neq; respõdeas differentiã esse, quia ipsa incarnatio totius meriti principium est, non autem gratia Patrum antiquorũ. Etenim

Hypostasi
Verbi unita
humanitati
est
principiũ
moralis
meritorum
Christi.

Vasques.
Medio.
Delugo.

29.
Contraria
sententia.

Primum l.
illius argu-
mentum.

incarnatio, non vt exhibita, sed tantum præuifa, meriti etiam præuifi principium intelligitur. Ergo licet incarnatio illa, vt prædestinata, non potuerit cadere sub tale meritum, tamen vt reipsa facta, optimè potuit. Tertiò, Non implicat contradictionem velle Deum ita conferre humanitati gratiam vnionis, vt non omnino absolute donet, sed quasi sub conditione, & dependenter à futuris operibus, & in præmium eorum: atque adeo, vt licet tempore vel naturâ præeat vnio, non sit per modum gratiæ gratis datæ, sed per modum solutionis anticipatæ. Vt si Rex tribueret militi arma & equum in stipendium futuri laboris & militiæ, & quasi in præmium meritorum eodem equo & armis futurorum.

Secundum
argum.
tum.

30.
Tertium
argum.

Quartum
argum.

Vlteriùs, licet principium meriti, secundum eam rationem vel conditionem, quâ principium meriti est, non possit cadere sub idem meritum, quatenus causa meritoria est, seu ratio aliquid faciendi: eadem tamen res sub alia ratione, siue sub alio statu, potest cadere sub meritum. Atque ita incarnatio, quæ prout est tantum prædestinata, est principium meritorum vt futurorum; potest esse præmium eorundem prout in tempore traditur executioni. Et vt sic est principium meritorum actu existentium. Atque ita sub alia & alia ratione est principium, & præmium meritorum. Quintò denique addit Aegidius, mercedem habere rationem finis, respectu mercenarij; & meritum rationem mediij. Mercenarius enim vult laborem propter mercedem, & laborat vt illam consequatur. Contra verò, respectu retribuētis, meritum solet habere rationem finis, & merces rationem mediij. Rex enim v.g. vult militis laborem, & propter illum proponit mercedem: neque tantum proponit vt labore; sed etiam præcipue quia videt eum probabiliter laboraturum, si merces promittatur. Nisi enim hoc ita sciret, nullo modo promitteret, quia putaret se id frustra facturum. Idque commune est omni eligenti medium aliquod propter finem. Ideo enim illud adhibet, quia scit se eum assequuturum si illud adhibeat. Atque ita finis, & opus meritorium, præscita sub conditione futura, mouent voluntatem ad promissionem mercedis & electionem mediij. Sicut autem desiderium operis alieni, præuifi sub dicta conditione futuri, potest me mouere vt mercedem ei promittam: ita potest me mouere vt de facto eam dem, quando scio hoc esse necessarium, vel valde vtile, vt alterum moueam ad operandum. Si autem homo potest prudenter dare alteri mercedem, quia putat probabiliter ipsum laboraturum si det: multò magis Deus, qui certissime præscit quidquid futurum est. Quo in casu mouebitur vt det, quia videt opus sub hac conditione futurum. Hac illi.

31.
Sententia
Suarez non

Ad quæ Respondeo, quòd si, iuxta Suarezem, potuit Christus mereri executionem suæ incarnationis; potuit etiam mereri efficacem

eius prædestinationem. Nam si Christo in tempore data est vnio propter ipsius merita; decreuit Deus ab æterno efficaciter dare illi vnionem in tempore propter ipsius merita: quæ merita non minùs fuerunt causa decreti seu prædestinationis æternæ & efficacis, quàm executionis temporanæ: cum vtrumque sit propter Christi merita; & non tantum Deus det, sed etiam dare voluerit vnionem propter illa: quemadmodum iusti, qui merentur in tempore consecutionem gloriæ per propria merita, merentur etiam vt Deus ab æterno eos elegerit efficaciter ad gloriam propter eadem merita. Neque minùs est electio efficax ad gloriam propter merita, quàm collatio ipsa seu exhibitio gloriæ: idemque est motuum diuinæ voluntatis liberè eligentis efficaciter, seu volentis ab æterno exequi; & exequentis in tempore. Merita autem non operantur nisi mouendo voluntatem retribuētis vt velit retribuere. Atque hoc ipsum docet expressè Suarez disput. 4. sect. 4. col. 25. 5. Et confirmatur: vbi dicit, idem esse mereri aliquod præmium, & mereri voluntatem necessariam illud dandi. Ponere autem in Deo duplex decretum efficax, vnum ante merita præuifa, alterum post & propter illa, circa id quod in tempore non datur nisi ex meritis; vanum est & superfluum: Et quamuis ita esset, mererentur saltem iusti decretum secundum, seu prædestinationem consequentem vt vocant.

Secundò, vt rectè ait Suarez, & nos suprâ confirmauimus ex Trident. sess. 6. cap. 7. merita operantur per modum causæ efficientis, adeoque supponi debent, secundum actualem existentiam, saltem in præuisione præmiantis: ergo priùs debuerunt merita Christi præuideri existere, quàm operarentur: at non potuerunt præuideri existere, nisi ratione, & veluti causalitate, priùs essent absolute futura. Ideo enim Deus præscit res esse futuras liberè quia futura sunt, vt Iustinus, Origenes & alij Patres loquuntur. Non fuerunt autem futura nisi vi vnionis hypostaticæ actu exhibitæ, à qua habent vt futura sint: Ideo enim futura sunt, quia humanitas actu vnita Verbo, ea operabitur, & actu operatur suo tempore: Ergo priùs ratione, & veluti causalitate, est exhibitio vnionis hypostaticæ, quàm merita Christi præuideantur futura. Ergo vnio hypostatica non potest exhiberi simpliciter propter merita Christi futura, cum potius eius exhibitio præsupponatur naturâ priùs & causalitate meritis Christi futuris vi illius. Verum enim non est quod respondet Suarez, incarnationem non vt exhibitam, sed tantum vt præuifam, esse principium meriti etiam præuifi. Nam incarnatio non est principium meriti, nisi eo modo quo illud operatur. Non operatur autem, vt præuifa tantum, sed vt exhibitæ, & actu existens, atque influens actu in merita. Et hoc priùs velut præsupponitur Dei præuisioni. Ideo enim quia humanitas hypostaticè vnita tali tempore meretur, præuidit Deus ab æterno

facis sibi
coherere

32.
Et destruit
suum fun-
damentum,
quòd scilicet
causa
meritoria
operetur
per modum
efficientis.
Iustin. qu.
58. ad Or-
thodoxos.
Origenes
lib. 7. in
epist. ad
Rom. Vide
1. p. 418. 9.
sect. 4.

ipsam merituram, & tale meritum esse futurum: Cum vniuersim præscientia rerum liberè futurarum præsupponat ordine rationis, & quasi causalitatis, ipsarum existentiam, etiam respectu Dei, vt ostendimus in 1. parte, disputando de Scientia Dei.

33. Tertiò, si diuersitas ordinis intentionis sufficit, ad hoc vt idem, quò præuisum, mereatur seipsum vt traditum executioni: ergo homo per suum primum meritum posset mereri ipsummet primum meritum. Quod non minùs absurdum est, quàm si quis diceret, homines per suum primum peccatum vt præuisum, mereri ipsummet primum peccatum vt traditum executioni in pœnam eiusdem peccati. Cumque omne meritum, siue bonum, siue malum, mereatur per suam ipsius entitatem vt liberam, seu dignitatem moralem, vel actum positam, vel præuisam vt actum ponendam, non autem per ipsam præuisionem Dei, quæ non est meritoria, neque facit, vel augeat valorem operis meritorij, sequeretur idem, & secundum idem mereri seipsum, ac nullam penitus esse distinctionem inter meritum & mercedem, quod est impossibile. Quia meritum est causa efficiens mercedis, debetque illi necessariò præsupponi naturam prius, vt inducens remunerantem ad illam exhibendam. Probatur sequela: Quia entitas & dignitas, seu bonitas aut malitia actus in executione, est planè illa ipsa quæ est in Dei præuisione; neque enim Deus præuidit ab æterno esse futurum, nisi illud ipsum quod existit eo tempore, pro quo ante futurum erat. Denique si fieri potest quod ait Suarez: quare negat, Christum reipsa meruisse suam incarnationem. Cum alioqui gloriosus sit habere aliquid ex merito condigno, quàm sine merito, cæteris paribus: & nulla fuerit ratio, Christum priuandi hac gloria? Nam quod ait Suarez, ideo id non esse factum, quia ex natura rei meritum debet esse prius præmio: non satisfacit. Vel enim intelligit prius existentia & executione, vel prius præuisione solùm & intentione. Si primum: ergo non debuit mereri gratiam Patribus Veteris Testamenti. Si secundum: non obest, quia iuxta Suarem, & rei veritatem, merita Christi fuerunt prius in præuisione & in intentione Dei, quàm incarnatio in executione.

34. Ex his patet solutio duorum priorum argumentorum Suaris. Ad tertium Respondeo, Christum in eo casu non meritum primam donationem conditionatam, & incarnationem vt donatam sub conditione, quæ vt sic est principium meriti, eique necessariò præsupponitur in casu allato, ac proinde non potest ab illo pendere: sed meritum tantum donationem secundam absolutam, & plenam possessionem post meritum, vel continuationem incarnationis, quod non est contra conclusionem nostram, & paulò inferius fieri posse demonstrabitur. Idemque dico de milite cui arma data sunt sub conditione. Is enim non meretur equum & arma,

vt sibi primò data sub conditione laboris; sed vt data absolutè, & plenè sui iuris iam facta in præmium laboris, cuius exhibitio est natura prior tanquam causa illius donationis absolutæ, & plenæ possessionis.

Ad quartum: iam ostensum est incarnationem esse principium meritorum Christi vt executioni traditam, & non tantum vt prædestinatam. Ad quintum, alibi responsum fuit, posse quidem regem intendere militis laborem sub conditione futurum tanquam finem, & dare militi absolutè mercedem veluti medium propter illum finem: Sed in eo casu meritum & mercedem se habere tantum materialiter, id est, non exercere causalitatem meriti & mercedis in genere causæ efficientis, ad quam meritum, quò tale, pertinet; sed potiùs causalitatem finis & mediij, propter modum diuersum, quo se habent in intentione agentis, qui in eo casu dat quidem militi absolutè pecuniam propter laborem, veluti finem probabiliter saltem speratum; ita vt spes illius finis assequendi eum mouerit efficaciter ad donandum absolutè, sicut mouet ad alia media absolutè ponenda; sed non veluti propter meritum: alioqui enim hæc donatio esset tacitè saltem conditionata, & nulla labore non posito suo tempore. Licet enim rex possit absolutè donare pecuniam, desiderando laborem vt finem & motiuium donationis: non tamen vt causam meritoriam donationis absolutæ: quia si donatio non est absoluta nisi propter meritum, vt meritum, id est, vt causam moraliter efficientem: supponit meritum naturam prius existere in re ipsa, vel in præuisione præmiantis, quæ præuisio est naturam vel ratione posterior. Ideo enim verè præuidentur merita, quia sunt suo tempore: illaque est prima & vniuersalissima ratio cur à Deo ipso præuideantur, vt alibi ostendimus. Quare donec meritum naturam prius existat & præuideatur existere, donatio est necessariò tacitè saltem conditionata. Et miles quidem illam non meretur, quippe labori suo præuiam & naturam priorem: supponimus enim laborem pendere à tali donatione: Sed meretur tantum donationem absolutam, & plenam possessionem mercedis, naturam posteriorem labore, vt suprà dixi de equo & armis sub conditione donatis.

35. Posset etiam quispiam bis simul idem donare, id est, duplici titulo, quorum posterior esset causa secundæ donationis, seu potiùs confirmationis donationis factæ alio titulo: vno absolutè, ex liberalitate mera, vel ex spe assequendi aliquid: altero conditionatè, intuitu futuri meriti, quo posito saltem in præuisione præmiantis donatio conditionata transibit in absolutam, & iam incipiet possidere titulo meriti. Sed tunc res primò donata absolutè ex liberalitate, vel spe, non penderet vt sic à merito. Neque enim meritum est illius principium & causa, quin potiùs illa donatio absoluta est principium & causa meriti, si supponamus mereri

Solutio
obicitio

Satisfit
argumentis
contrariis.

militem per rem illam, ut sibi absolute donatam.

36. Christus potuit mereri condignam incarnationem alienam.

Dixi in conclusione, non meruisse Christum, neque potuisse mereri incarnationem suam: quia si sermo sit de aliena, certum est Christum potuisse illam mereri de condigno, accedente Dei acceptatione. Opera enim illius erant valoris sufficientis, ut propter illa Pater, aut Spiritus sanctus, aut etiam Filius, alteri vniretur. Imò etiam quia vnio ad Patrem vel ad Spiritum sanctum non erat principium meritorum Christi, sed tantum vnio ad Verbum; poterat Christus per vnionem ad Verbum mereri vnionem suam humanitatis ad Patrem & ad Spiritum sanctum, si sua opera in eum finem ordinasset, & Deus acceptasset. Et præsupposita vnione ad Patrem, si eam prius accepisset, potuisset per illam mereri vnionem, quam nunc habet ad Verbum. Verum supposito quòd vnica vnionem habuerit, ut reipsa habuit, non potuit illam simpliciter, & omni ratione mereri, ut in conclusione dictum est.

37. Contra quod tamen obiici possunt duo Scripturæ loca, quibus videtur asseri, Christum reipsa meruisse suam incarnationem. Primum habetur Psalm. 44. *Dilexisti iustitiam, & odisti iniquitatem: propterea vnxit te Deus, Deus tuus: pro eo latitia præconfortibus tuis.* Vbi de vnctione Incarnationis sermo est, ut plerique SS. Patrum & Interpretum exponunt. Secundus habetur Apocal. 5. *Dignus est agnus qui occisus est accipere virtutem, & diuinitatem, & honorem.*

Satisfit objectioni.

Respondeo cum Vasque disput. 1. cap. 7. & Patribus ac Interpretibus, particulam, *propterea*, non significare, loco Psalmi citato, causam meritoriam, sed finalem: ita ut sensus sit, Propterea vnxit te Deus vnione illa ineffabili, ut diligeres iustitiam, & odio haberes iniquitatem. In posteriori loco Apocal. accipere diuinitatem, idem est, atque, ut Deum laudari & adorari, id est, accipere in vera hominum æstimatione. Christum autem morte sua meruit illam adorationem, & nominis sui exaltationem, ut docet Apostolus Philipp. 2. v. 8. & sequentibus. Potuit etiam meruisse secundum quid ipsam acceptationem diuinitatis & vnionem hypostaticam, ut mox patebit.

38. Dixi præterea in eadem conclusione, Christum non meruisse, neque potuisse mereri incarnationem suam simpliciter, id est, ita ut omnem eius prædestinationem aut executionem meruerit: quia si sermo sit de iterata eius prædestinatione, vel datione nouo titulo, potuit ipsa cadere sub meritum Christi fundatum in Incarnatione prius donata alio titulo. Simili modo quò prima gratia habitualis, gratis donata, posset iterum dari eodem instanti nouo titulo propter actum meritorum ab eadem gratia cooperante productum. In quo casu gratia illa bis daretur, & bis produceretur physice, vel moraliter, duplici actione totali. Primum, à solo Deo

gratis & independenter ab actu. Tum secundò, dependenter ab actu, & vi illius ut causæ meritorie. Sic in physicis non implicat lumen A, producere lumen B: & lumen B, reproducere lumen A, non modò tempore diuerso, sed & eodem instanti, posita duplici actione totali, quarum vna produceret lumen A, independenter à lumine B: posteriori produceretur iterum natura posterioris, & dependenter à lumine B, & vi illius, quòd sicut potest eodem instanti producere naturaliter aliud lumen simile sibi, ita potest absolute determinari à Deo ad producendum lumen A, supposito quòd non repugnet idem bis simul tempore produci: ut verè non repugnat, & sit reipsa in mysterio Eucharistie, quando simul tempore multis in locis consecratur.

Item, si sermo sit de continuatione incarnationis, seu permanentia in tempus futurum in perpetuum, potuit Christus illam mereri, quia permanentia illa non est principium meriti. Loquor de permanentia seu duratione post meritum. Nam illa quæ est eodem instanti quo fit meritum, est causæ meriti, & illi naturæ prius præsupponitur. Effectus enim causæ efficientis est ab illa ut existente eo instanti quo operatur. Duratio autem pro illo instanti, est existentia pro illo eodem instanti. Similiterq; potuit Christus mereri extensionem incarnationis, quæ fiebat quando Christus partes alimenti sibi aggenerabat in nutritione: quæ partes Christo aggenerata, vniebantur hypostaticè. Atque etiam multiplicationem seu extensionem localem vnionis hypostaticæ, quæ fit quando Christus vi verborum ponitur sub speciebus Eucharisticis; per reproductionem corporis eius & sanguinis vniti Verbo per concomitantiam. Ad denique si quæ noua vnio hypostatica facta esset in resurrectione Christi ad formas aliquas parciales in morte corruptas, ut censent aliqui Theologi: potuisset Christus per mortem suam, & merita præcedentia, illam mereri: deberetque censeri illam de facto meruisse, æquè ac extensionem quæ fit in sacramento. Christus enim meruit suam resurrectionem. Sacramenta etiam habent, quidquid habent, ex Christi meritis, & eorum virtute operantur. Continuatio quoque, & vnio aggeneratiua, licet aliunde deberetur ratione primæ vnionis factæ in incarnatione: probabiliter tamen à Christo per meritum etiam obtenta fuit, cum id facile & sine miraculorum multiplicatione fieri poterit: Atque ita censet Suares factum esse disp. 10. sect. 4. Iterata verò datio incarnationis primo instanti quo facta est, quasi vnio in primo instanti incarnationis bis physice facta fuerit, id est, humanitas bis fuerit vnita Verbo eodem instanti, duplici actione totali, atque ita bis ex parte causæ: Hæc, inquam, iteratio multiplicat miracula sine necessitate, cum non sit necessarium, neque adeò intersit, habere nouo titulo. Quare non censeo fuisse illo instanti iteratam

39.

Et quoad continuationem.

Et quoad extensionem.

Ac probabile est illam meruisse.

propter Christi merita. Idemque censent sancti Patres, & præcipue August. locis à Suare & Vasque suprâ relatis, affirmantes, vnionem hypostaticam fuisse Christo datam nullis eius præcedentibus meritis, sicut gratia prima simpliciter nobis donatur nullis omnino præcedentibus meritis nostris. Gratia verò prima simpliciter, id est, prima vocatur, datur nobis reipsa omnino & omniratione sine merito nostro: ergo & vnio hypostatica Christo data fuit simpliciter sine vlllo ipsius merito.

40.

Ultima
Cōcl. Christi
meruit
circumstan-
tias Incar.

Varie fue-
runt circū-
stantiæ in-
carnatio-
nis

Et varie
possunt cō-
siderari

Neq; fue-
rit omne
beneficium
peculiare.

Cabrera.

41.

Opinio
Suarez.

Dico quartò & vltimò, Christum potuisse mereri, & reipsa meritum esse omnes circumstantias incarnationis suæ, siue tempore antecedentes, siue concomitantes, siue subsequētes, quæ non fuerunt per se necessariæ ad incarnationem, & fuerunt peculiare beneficium, siue respectu humanitatis ipsius Christi, siue respectu aliorum. Ita Vasques disp. 21. cap. 8. n. 74. Ad probationem suppono primò, circumstantias incarnationis alias fuisse tempore antecedentes, vt quòd fuerit prædicta per Prophetas, repræsentata per figuras legis antiquæ, annunciata per Angelum. Aliæ verò concomitantes: vt quòd incarnatio facta sit operâ Spiritus sancti, tali loco & tempore, ex Virgine de stirpe regum, consentiente cum magna humilitate, & mirabilibus gratiæ donis ornata. Aliæ denique fuerunt subsequentes: vt adoratio Magorum, exultatio & canticum Angelorum, visitatio pastorum. Suppono secundò, hæc omnia dupliciter spectari posse. Primò, vt pertinent ad incarnationem, suntque aliquod beneficium humanitatis, quatenus in bonum eius redundant. Secundò, prout pertinent ad aliorum sanctificationem vel bonum, non spectata habitudine ad incarnationem. Quod, vt ait Suar. disput. 10. sect. 4. est spectare circumstantias incarnationis materialiter, non formaliter vt circumstantiæ incarnationis sunt, & ad illam referuntur. Suppono tertio, non omnes circumstantias incarnationis fuisse beneficium peculiare, siue respectu humanitatis Christi, siue respectu aliorum; vt quòd in sæno iacuerit, noctu natus sit loco & tempore incommodo, contemptus à Iudæis, quæ sitis ad mortem ab Herode. Et hæc, quia non sunt bonum aliquod, quod sit materia meriti, reiciuntur à præsentī quæstione. De aliis verò circumstantiis fauorabilibus, & meriti capacibus, controuersia est. Nam Cabrera qu. 2. a. 2. disp. 11. §. 6. absolutè negat. Suares verò vtitur distinctione, ex communi, inquit, sententia.

Docet enim, Christum non meruisse circumstantias concomitantes: quia, inquit, hæ circumstantiæ, sicut & executio incarnationis, antecedunt meritum, saltem naturæ ordine, & ideo ex natura rei non cadunt sub illud, nec sunt multiplicanda miracula sine necessitate. Item quia hæ circumstantiæ, per modum vnus coniunguntur cum ipso mysterio, quatenus cum illo coniunguntur ad

constituendum in rerum natura Christum in statu, in quo possit operari & mereri. Nam ad hoc necessariæ sunt: & ideo non magis cadunt sub meritum eius, quàm ipsa, mer incarnatio.

De circumstantiis verò tempore antecedentibus negat similiter. Quia, inquit, ratio allata id probat à fortiori de circumstantiis multò anterioribus merito. Addit tamen se id intelligere de his circumstantiis formaliter sumptis, vt pertinent ad incarnationem: nam materialiter, & prout pertinerunt ad sanctificationem Beatæ Virginis, & aliorum eius progenitorum, & Sanctorum Veteris Testamenti, aut collatas fuisse ex Christi meritis.

De circumstantiis verò subsequētib; affirmat, Christum illas meruisse, quia in eis non procedit ratio facta, cum sint posteriores incarnatione, & non est alia quæ obstat.

Sed contrà: primò, non satis coherentè affirmat Suares, circumstantias antecedentes non cecidisse sub Christi meritum formaliter sumptas, secus autem materialiter vt pertinebant ad aliorum sanctificationem. Nam ratio quæ nititur, si bona est, æquè probat neutro modo cecidisse. Si enim, vt ait Suares, circumstantiæ illæ fuerunt natura priores incarnatione, æquè aut magis quàm circumstantiæ concomitantes, fueruntque necessariæ ad constituendum Christum in statu principij potentis ad merendum: non ceciderunt reipsa sub Christi meritum, quia principium meriti non cecidit sub meritum, sed illi præsupponitur plene & sufficienter constitutum in esse principij completè potentis ad merendum. Atqui, iuxta Suarem, circumstantiæ illæ fuerunt natura priores, & necessariæ vt constituerent Christum in statu principij potentis ad merendum. Constituerunt autem per suam ipsarum entitatem seu quidditatem: ergo illa non cecidit sub Christi meritum, siue hoc, siue illo respectu. Nec vlla ratio solida reddi potest à Suare, cur hanc distinctionem applicuerit circumstantiis tempore antecedentibus, & non applicuerit concomitantibus.

Deinde, non bene affirmat Suares circumstantias concomitantes, & antecedentes tempore, fuisse natura priores, & necessarias ad constituendum in rerum natura Christum in statu, in quo possit operari & mereri. Nam antecessio sola, vel concomitantia temporis, non dat illis hanc naturæ prioritatem & necessitatem, sed si aliqua eam habuit (vt certè habuit, v. g. circumstantia operæ Spiritus sancti, seu Dei, facientis vnionem hypostaticam, sine cuius influxu omnino fieri non potuit) eam habuit aliunde, nempe ex eo quòd talis circumstantia necessaria fuerit ex parte causæ & primi principij ad incarnationem, vel ad meritum. At euidentè falsum est, omnes circumstantias concomitantes & antecedentes habuisse talem necessitatem, vt patet inductione. Quòd enim incarnatio

42.

Non bene
negat Chri-
stum me-
ruisse cir-
cumstantias
antecedentes
formaliter sum-
ptas.

43.

Malè item
affirmat
circumstan-
tias concomi-
tantes, &
antecedentes
tempore, fuisse
natura priores
merito.

fuerit prædicta per Prophetas, repræsentata per figuras, per Angelum annunciata, facta ex Virgine de stirpe regum, summè Deo grata &c. Hæc, inquam, & similia sunt non-necessaria, & accidentaria vnioni hypostaticæ, quæ plane eadem esset inter hanc numero humanitatem & Verbum, quamuis non essent hæc circumstantiæ antecedentes, aut concomitantes, æquæ ac si non fuissent adoratio Magorum, visitatio pastorum, & aliz subsequentes. Quare hæc circumstantiæ non sunt natura priores, neque necessariæ ad principium meriti, quod completè constituitur ex humanitate & hypostasi Verbi vnitis. Quod verum etiam est de ipsa Christi matre sumpta, nō modò cum gratiis & ornamētis physicis, vel moralibus, quibus eximie decorata fuit: sed etiam simpliciter quoad substantiam. Nam illa quoque non fuit per se necessaria ad vnionem hypostaticam huius numero humanitatis, quæ sine matre potuit à solo Deo creari, & vniri Verbo. Et quamuis reipsa vnio hypostatica facta fuerit interuentu Beatæ Virginis, & aliorum eius progenitorum, à quibus humanitas Christi accepit esse: Christus tamen fuit in Dei intentione decretus efficaciter, & præuius quoad substantiam quæ est principium sufficiens meriti, independentem ab illa interuentione. Hoc autem satis fuit vt Deus propter illam, eiusque merita per se independentia à prædicta interuentione, potuerit velle circumstantias illas fauorabiles, concomitantes licet, vel etiam anteriores tempore, æquæ ac subsequentes. Nam præcessio temporis non hoc impedit, vt patet de gratiis collatis Patribus Veteris Testamenti.

Cum ergo solidum non sit huius opinionis fundamentum, & è contrario Christus in Dei intentione & decreto æterno habuerit independentem ab illis circumstantiis vim completam & sufficientem ad illas ipsas merendas, æquæ ac circumstantias tempore posteriores: dicendū est illas meruisse, cum nulla alia ratio obstat, & hoc magis pertineat ad Christi dignitatem, & amplitudinem causalitatis meritorum eius: Nec dubium sit quin Christus pro illis circumstantiis anterioribus aut concomitantibus se Deo obtulerit: Quæ oblatio sufficiebat ad meritum condignum; cumque non penderet ab illis circumstantiis vt principio meriti, sed ab humanitate Verbo vnita, quæ sine illis æquæ fuisset; poterat illis applicari vt meritum, id est, vt causa illarum meritoria, cuius intuitu Deus iam illas posuisset: ita vt tantum fuerint obiectum & effectus tum Christi merentis, tum Dei retribuētis, quippe qui prius tempore dedit, quia Christus pro illis erat se obtulurus: quod est dare propter oblationem futuram, velut ob causam meritoriam: secus autem si dedisset tantum vt Christus pro illis se offerret, quod esset dare propter oblationem velut causam finalem, vt nimirum Deus illam tali medio assequeretur.

Obiiciunt aliqui recentiores, ex dictis se qui potuisse, Christum mereri, & reipsa meruisse ipsam anticipationem gratiæ collatæ Patribus antiquis, quod est contra omnes Theologos, & satis refutatur ex ipso nomine anticipationis: qui enim anticipat solutionem mercedis, non tenetur tunc soluere, potestque dicere: Nō tenebar dare nisi post meritum, verumtamen ex liberalitate anteuertō. Vnde generatim de ratione meriti est, vt possit tempore præcedere mercedem. Et similiter de ratione mercedis est, vt possit subsequi meritum ordine temporis. Estque impossibile, vt id quod tempore posterius alio esse nequit, possit esse illius merces, & vt talis promitti. Hinc etiam fit, vt Deus possit quidem dare præmium per anticipationem, pro merito solum præuius, & nondum existente: quia potest præmiare supra condignum: at non potest inferre poenam per anticipationem pro peccato nondum commissō, quia non potest punire supra condignum. Porro id sequi quod intendunt Aduersarij, patet, inquit, quia ab illa anticipatione non dependit Christus, vel eius merita. Potuit enim idem esse, & idem operari, sine Patribus, & sine anticipatione, & Christus pro illa se obtulit Patri, voluitque illam compensare suis obsequiis erga Deum.

Respondet, huic argumento satisfieri posse per illud ipsum, quod alia occasione respondent iidem recentiores, cum ab illis queritur, quomodo potuit Christus mereri Patribus antiquis, & Beatæ Virgini, vt essent illius progenitores. Nimirum mercedis anticipationem, siue mercedem vt anticipatam, non posse quidem cadere sub meritum, omni ex parte rigorosum, & nihil habens admixtum liberalitatis. Secus autem si iustitiæ admisceatur aliqua liberalitas, & Deus statuat, aut promittat anticipare mercedis solutionem, contentus sola præuisione meriti. Hic autem ordo est possibilis, vt Deus prius ordinet absolute merita Christi in aliquo conceptu, seu præuisione, & hac antecedenti ordinatione meritorum, qualis in illius præuisione stare potest antecedenter, velut gratuito, ex meritis ita ordinatis, determinare quædam, quæ in tempore erunt priora illis meritis, at non fuerunt priora in præuisione. Potuit, inquam, Deus hac antecedenti ordinatione meritorum Christi, non consideratorum cum omnibus circumstantiis, quæ in illorum executione interuenerunt, velle dare quidquid gratiæ daturus est vnquam toti humano generi: Ac rursus illam ordinationem dandi gratiam potuit ex liberalitate, ita moderari, vt daret aliquibus gratiam ante Christi merita completa, & executioni traditæ. Itemque velle, vt illa gratia inserviret, tam ad suscitanda motiua, per quæ ipse amplius incitaretur ad exequendam incarnationem iam ordinatam (nimirum bona opera sanctorum Patrum, illo intuitu facta) quam ad determinandas eas circumstantias ortus Christi, quæ non inuoluebantur in antecede-

45.

Retorquetur obiectio.

44.
Vera sententia.

ipsius termini. Ergo esset prior & independens non modò ab actione, sed etiam à termino, nempe à sua causa. Et similiter illa causa debet esse prior & independens ab effectu, & ab omnibus quæ dependent ab effectu, inter quæ numeratur ipsamet causa iterum ab illo producta. Ergo debet esse independentem à seipsa, id est, potest intelligi sine seipsa, quod ex terminis repugnat. Hæc Delugo.

48. Ad quæ Respondeo primò, hæc non satis coherere cum eo quod idem auctor eadem disput. num. 56. permittit, & disput. 7. de Eucharistia num. 21. admittit, posse de potentia absoluta eundem effectum dependere simul à duplici causa adæquata. Si enim ita est, non repugnat effectum accipere à secunda causa adæquata ipsamet suum esse, quod simul iam nunc habet vi alterius cause: quodque iam nunc supponitur habere, si una ex illis causis agat post aliam, quod non repugnat magis quam utramque simul agere.

Satisfit primo eius argumento.

Deinde ad primum argumentum Respondeo, posse aliquem noua actione, & nouo titulo, accipere id quod alia actione vel alio titulo iam supponitur habere: quod tam in physicis, quam in moralibus verum est. Et quod iam meum est vno titulo, vel vna actione; potest fieri magis meum non formaliter, sed causaliter, ita ut magis mihi deuinctum sit, & difficilius adimi possit. Sic iuxta multos gloria prima respondet gratiæ primò infusæ, titulo hæreditatis; & contritioni gratiæ formatæ, titulo meriti. Sic Christi gloria, debita illi titulo hypostasis, debebatur illi etiam titulo gratiæ sanctificantis, & deberi poterat titulo etiam meriti bonis ipsius operibus. Et Regis filius potest suis egregiis facinoribus mereri à patre regnum, sibi alioqui debitum titulo successionis. Lex autem citata intelligenda est, quòd non potest quis accipere validè rem suam ab alio non habente ius ad illam. Secus enim potest ab illo accipere nouo titulo. Vel quòd non possit magis suam formaliter facere: secus autem causaliter. Quia non minùs potest aliquid fieri magis tuum causaliter, quam fieri non tuum, seu tibi auferri pluribus titulis totalibus. At hoc secundum fieri potest. Nà ut ait S. Thom. qu. 22. Supplementi, art. 6. ad 2. potest aliquis pluribus de causis totalibus esse exul, aut esse excommunicatus, id est, priuari patria, vel bonis communibus Ecclesiæ. Et damnati priuantur gloria tot titulis seu causis totalibus, quot habent peccata mortalia in exitu ex hac vita.

Ad secundum.

Ad secundum, Respondeo falsum esse, nihil eum accipere, qui non habet plus quam antea, & non fit ditior. Accipit enim in casu posito illud idem esse, noua actione, aut nouo titulo.

Ad tertium.

Ad tertium, Respondeo actionem non causari, sed terminum. Quando autem idem

Tomus IV.

reproducitur à suo effectu, atque ita mediata à seipso (quod fieri posse concedit etiam idem auctor disp. illa 8. nu. 71.) est prius, ut primò existens vi alterius cause, effectu suo, atque etiam mediata seipso, ut reproducto ab effectu suo. Et effectus similiter est prior ipso, non simpliciter, sed ut reproducto à se. Verum non propterea causa vel effectus pendet à seipso immediate: neque etiam potest intelligi sine seipso: quia in casu posito non potest intelligi causa sine iis omnibus quæ dependent ab effectu: quandoquidem ipsa est vnum ex illis quæ ab eo dependent, ratione secundæ productionis. Neque etiam effectus potest intelligi sine iis omnibus quæ pendent à causa quam reprodúcit: quia implet ab illa pendet, ratione primæ suæ productionis.

Sed obiicit idem qui supra num. 82. naturæ prioritatem dicere realem distinctionem, vel ex natura rei, seu modalem, inter prius & posterius. Debet enim, inquit, prioritas naturæ versari inter ea quæ realiter vel ex natura rei differunt. Atqui non est distinctio realis eiusdem ad seipsum: ergo non potest idem esse prius & posterius seipso. Etsi autem, si reproducetur à suo effectu, ergo, &c.

Respondeo, hæc non coherere cum dictis ab eodem auctore paulò ante, num. 71. posse mediata idem reproduci à seipso: verbi gratia posse Petrum reproducere Paulum, & Paulum posse postea Petrum mortuum reproducere. Nam Petrus primò & secundò productus, non distinguitur realiter à seipso: & tamen est prior seipso mediata, & causa mediata sui ipsius in casu posito. Illi ergo, quæ ac nobis, fatendum est naturæ prioritatem non dicere realem distinctionem inter causam mediatam seu remotam, & effectum ab illa positum mediante alio ab ipsa productum. Neque verum est quod addit vniuersim: Quidquid est prius natura posse intelligi sine posteriori: posteriori autem non posse intelligi sine priori. Nam v.g. causa ut causans, est prior natura effectu: & tamen sine illo non potest esse, neque intelligi, ut talis. Sic in diuinis Pater est prior origine filio, sine quo tamen non potest concipi.

492

Diluitur obiectio.

SECTIO V.

An Sancti, qui Christum præcesserunt, meruerint Incarnationem, aut eius circumstantias?

Respondeo, non meruisse, neque mereri potuisse Incarnationem, sed aliquas tantum eius circumstantias. Prima pars patet ex dictis sect. 3. quia scilicet eorum opera non habuerunt, neque habere potuerunt proportionem condignitatis, aut congruitatis, cum incarnatione. Adde, quòd secundum ordinem & modum, quo

503

Non meruerunt S. Patres, neque mereri potuerunt Incarnationem.

Deus re ipsa decreuit dare gratiam & auxilia sanctis Patribus ad merendum, incarnatio fuit causa sine qua non, & principium in Dei decreto necessario præsuppositum tali collationi gratiarum & auxiliorum. Quippe quia Deus nulli ea dare decreuit nisi propter Christi merita. Ergo merita omnia sanctorum Patrum supponunt incarnationem, tanquam principium sui remotum, per se ac necessario præsuppositam. Ergo non potuerunt eam mereri, quia principium meriti non potest cadere sub meritum cuius est principium. Hæc postrema ratio probat in ordine rerum à Deo posito, impossibile fuisse ut eam mererentur. Prior verò generalius probat id esse absolute impossibile, ex defectu condignitatis & congruitatis, qui nisi obstarer, potuissent sancti mereri incarnationem per gratias sibi datas ex mera Dei liberalitate, independentes ab incarnatione, ut sine dubio dari absolute potuerunt.

§ 1. Secunda pars responsi, quod scilicet meruerint aliquas circumstantias, probatur. Quia hæc circumstantiæ non fuerunt principium meriti sanctorum Patrum, ut nec meriti ipsius Christi: neque sunt parædignitatis cum Incarnatione ipsa, vel tantæ æstimationis, ut opera sanctorum Patrum, quoad dignitatem, aut congruitatem, prorsus excessisse censeretur debent: sed potius habuerunt illa proportionem condignitatis cum quibusdam saltem leuioribus circumstantiis; & cum aliis, congruitatem. Quod de singulis exacte definiri à nobis nequit, sed moraliter de vnaquaque comparata cum suo merito indicandum est. Probatur secundò, inductione. Nam Scriptura Genes. 22. vers. 18. significat Abraham, immolantem filium suum, meruisse suam obedientiam ut ex semine ipsius Christus nasceretur, *Benedicentur in semine tuo omnes gentes terræ, quia obedisti voci meæ.* Et 2. Reg. 7. vers. 12. David pro bonæ voluntate ædificandi templum Domino magnificentissimum, accepit hanc promissionem remuneratorem, *Suscipio semen tuum post te, &c. Et stabiliam thronum regni eius usque in sempiternum. Ego ero ei in Patrem, & ipse erit mihi in filium.* Quæ verba de Christo interpretatur Apostolus Hebr. 1. vers. 5. Similique modo Isaias, Daniel, & alij sancti, petendo incarnationis accelerationem, potuerunt illam impetrare atque mereri de congruo: Et Beata Virgo meruit esse Mater Dei, ut sequenti sectione probabitur.

Non meruerunt omnes, Dixi, aliquas circumstantias, non omnes: Quia non meruerunt, verbi gratia, ut defectu diuersorij Christus nasceretur in stabulo, turbaretur Herodes, & fureret in eius natiuitate, damnetur à Pilato, affligeretur & crucifigeretur ab his numero hominibus, & similia, quæ non sunt beneficia specialia, neque materia

meriti, sed potius inuoluunt peccatum alicuius.

Quod si obicias, Ex parte principii nostrorum meritorum, & Patrum, supponi non modò hanc humanitatem vnitam, sed hanc natiuitatem, hanc passionem, & alias actiones, quibus Christus nobis & Patribus antiquis meruit omnem gratiam. Hæc verò natiuitas, hæc passio, & alie actiones, pendent necessario ab hoc tempore, aliisque circumstantiis, adeoque supponuntur ex parte principij, & non potuerunt cadere sub meritum sanctorum Patrum, saltem simpliciter & absolute quare non potuerunt mereri accelerationem, & alia quæ supra diximus.

Respondeo, Natiuitatem non supponi simpliciter ut principium meriti, neque etiam supponi passionem, cum omnibus circumstantiis quibus re ipsa contigit; sed affectus internos voluntatis Christi in quibus meritum formaliter consistit, & per quos nobis, & Patribus meruit gratiam & auxilia quibus meremur, consummandos morte ipsius prout à Christo futura erat. Hoc enim Dei voluntati satis fuit pro illo signo rationis, ad decernendam gratiam sanctis Patribus. Huiusmodi autem affectus, licet re ipsa non fuerint sine talibus circumstantiis, atque etiam interdum aliquas pro parte obiecti habuerint: possunt tamen abstractius considerari, & aliqui re ipsa fuerunt in Christo affectus meritorij, non ex se & necessario alligati huiusmodi circumstantiis, nequidem obiectiue, ita ut earum existentiam nullo modo præsupponerent. Illi verò affectus qui obiectiue præsupponebant circumstantias ut existentes, non potuerunt ut tales, id est, secundum illam specialem differentiam & considerationem mereri illas circumstantias. Quia non potest vnum & idem præsupponere & præsupponi alteri secundum existentiam primò & simpliciter datam, ut ostendimus disp. 3. nu. 89. meritum autem causat per suam existentiam, pertinetque ad genus causæ efficientis, ut diximus num. 28. huius disp. & fusius alibi probauimus. Quare non assentior quibusdam affirmantibus Christum per gratiarum actionem meruisse antiquis Patribus beneficia quæ illis meruit: quatenus omnia sua merita obtulit in gratiarum actionem pro beneficiis iam collatis Patribus antiquis, adeoque pro illis etiam circumstantiis de quibus nunc sermo est. Nam illæ circumstantiæ supponebantur existere ab actu, quo attingebantur obiectiue, & cui obiciebantur tanquam præterita. Si enim Christus gratias pro illis agebat, gratiarum actio supponebat beneficium iam esse collatum; ergo talis actus secundum eam considerationem non potuit esse meritum talis beneficii: quia si esset causa illius meritoria, supponeretur illi quoad existentiam: ergo supponeretur quoad existentiam ei quod supponit existere, ac sibi ipsi consequenter, quod est impossibile.

Respondetur obiectiue

Vide Tau. 2. disp. 43. sect. 13. om. 137. & 138.

§ 3.

Respondent, talem actum supponi quoad existentiam non in executione iam posita, sed ponenda suo tempore, & præuisa à remunerante, qui prius tempore exequitur beneficium propter actum, quem præuidet fore suo tempore à Christo exercendum. Supponit ergo beneficium in executione iam positum, velut obiectum: & supponitur illi, non quoad suam existentiam iam actu positam, sed ponendam, non vi eiusdem beneficii, sed vi humanitatis Christo vnix, quæ est principium meriti.

Refutatur
euius.

Sed contrà: Primò, Quòd meritum non sit actu positum sed ponendum, non tollit mutuum dependentiam in existentia inter meritum & mercedem, vt ostendimus suprà contra Suarem nu. 32. & 33. Deinde, si Deus prius tempore exequitur beneficium propter actum quem præuidet, vt propter causam meritoriam; debet ratione prius illum præuidere secundum eam considerationem, quæ Deum mouet ad beneficium exequendum. Ergo si mouet quatenus est gratiarum actio de beneficio iam accepto, mouet quatenus supponit beneficium iam esse acceptum: actus enim ille supponit suum obiectum. Ergo supponit beneficium iam esse aliunde acceptum, ratione prius, quàm sit ille actus meritorius, qui necessariò præsupponit obiectum in quod tendit.

§ 54.

Contraria
sententia.

Consentit in vtraque parte responsi supra dati Valques disput. 22. cap. 4. & disp. 23. cap. 5. cum plurimis quos citat. Dissentiunt verò ex parte Suares & Delugo. Nam hic disput. 8. sect. 4. num. 33. distinguit circumstantias incarnationis, quæ sub meritum sanctorum Patrum cadere potuerunt, in tres præcipuè. Prima est, quòd Christus natus sit ex eorum progenie. Secunda est, circumstantia loci. Tertia est, circumstantia temporis. Ac duas quidem priores. fatetur eos meruisse. De tertia ait se valde dubitare, quia meritum in ratione meriti includit temporis durationem, & per consequens hoc meritum includit hanc durationem. Quod confirmatur, quia eadem operatio voluntatis, habens maiorem durationem, censetur duplex meritum: ergo in ratione meriti non includit solum entitatem præscindentem à duratione, sed includit durationem, & per consequens hoc meritum includit hanc durationem. Ergo non potuerunt prævideri hæc Christi merita, vt hæc sunt, nisi præuideantur cum hac duratione. Ergo vt sic præuisa, sunt priora, etiam quoad durationem, gratis Patribus collatis ad merendum, eorumque meritis. Ergo non potuit circumstantia temporis, seu duratio meritorum Christi cadere sub meritum sanctorum Patrum.

Circumstan-
tiæ tripli-
ces incarn.

§ 55.

Respondeo primò, Meritum, in ratione meriti, abstrahere ab instantaneo, & à durate. Poterat enim Christus mereri per actus instantaneos. Actus autè instantanei non durant, quia non perseverant in esse præaccepto. Quare non est verum generatim, quod ait

auctor ille, meritum in ratione meriti includere temporis durationem. Secundò, Duratio meriti durantis, vt & rerum aliarum quæ durant, id est, permanent in esse, distinguitur in extrinsecam & intrinsecam. Intrinseca est formaliter ipsamet res permanens in esse, id est, non desinens esse. Extrinseca verò est duratio temporis realis vel imaginarii, cum quo res permanens in esse comparatur, velut ei correspondens. De priori duratione non est hic sermo, sed de posteriori. Quæritur enim an sancti Patres meruerint vt Christus, eiusque merita, essent aliquanto tempore, antequam alioqui fuissent, id est, an meruerint accelerationem incarnationis? Merita autem Christi non includunt hanc durationem extrinsecam, vt ex terminis patet: si enim includeretur, non esset extrinseca. Neque habent necessariam connexionem ex natura sua cum hac vel illa duratione, seu differentia temporis extrinseci. Nam res aut actio meritoria, quæ nunc existit, potuit eadem cum tota sua duratione intrinseca existere vno sæculo ante, & tamdiu durare, id est, in esse suo perseverare, ac nunc durat; puta, hora integra.

Quare non est verum quod idem auctor ait, non potuisse prævideri, hæc Christi merita, vt hæc sunt, nisi præviderentur cum hac duratione; extrinseca scilicet, de qua est quæstio. Nam hæc substantia seu entitas indiuidua, & existentia ac duratio intrinseca horum Christi meritorum, est independens ab hac hora temporis realis vel imaginarii, neque cum illis est aliter necessariò connexa, sed potius est de se indifferens ad hanc vel illam differentiam temporis extrinseci. Neque ab illa differentia habet vt sit magis aut minus meritoria, sed ex propria substantia & duratione intrinseca. Ergo male infertur, merita Christi vt sic præuisa, id est, secundum illam differentiam temporis, esse priora gratis & meritis sanctorum Patrum. Nam quod se habet indifferenter & impertinenter ad meritum, non debet necessariò prævideri, præuiso merito, neque est tale, vt meritum sine illo præuiso Deum mouere nequiverit ad volendum conferre gratias Patribus; adeoque sit de complemento principij talium gratiarum. Atqui differentia hæc aut illa temporis extrinseci se habuit indifferenter ad Christi meritum, vt iam ostendimus: ergo, &c. Quare nulla est ratio cur sancti Patres non potuerint mereri, vt tum incarnatio, tum Christi merita, prius existerent, quàm alioqui exitura fuissent: sicut mereri potuerunt vt fierent hoc in loco, nempe in Iudæa, potius quàm in alio: & vt ex hac progenie Christus originem sumeret, potius quàm ex alia.

Neque fauet Aduersario D. Augustinus ab eo citatus num. 34. in fine. Tantum enim vult sanctus ille Doctor aduentum Christi fuisse opus diuinæ voluntatis & misericordię. Nam hominum peccata merebantur potius vt non veniret; neque bona eorum

§ 56.

credendo & amando: At verò gratia potest hoc saltem modo attingere vnionem hypostaticam, quod sufficit ad meritum de congruo.

§ 8. Refutatur affirmans sententia. Sed ad hæc dico primò, distinctionem illam inter prædestinationem incarnationis, & executionem, friuolam esse & inutilem quoad meritum, vt ostendimus sect. 4. assertionem 3. num. 31. & sequentibus. Quare si sancti Patres non potuerunt mereri prædestinationem incarnationis, quia illa secundum Dei præsentem ordinationem est principium meriti sanctorum Patrum: neque etiam potuerunt mereri eius executionem: quia executio incarnationis, id est, incarnatio non vt solum prædestinata, sed vt existens suo tempore, est principium omnis meriti sanctorum Patrum. Respondeo secundò, D. Thomam articulo citato probare, sanctos Patres non meruisse incarnationem tribus rationibus, quarum secunda æquè concludit non meruisse de congruo. Nimirum quia principium meriti non potest cadere sub meritum: quod tam verum est de merito de congruo, quàm de condigno. Quare non concedit vniuersim de merito de congruo, quod negat de condigno, quia alioqui sibi apertè contradiceret. Quòd si Patres petebant à Deo simpliciter incarnationem, de qua tamen certissimi erant, & non potius suum illius desiderium Deo exprimebant, aut accelerationem, vel aliam circumstantiam postulabant: non propterea erat congruitas inter huiusmodi orationem & incarnationem: sed potius sicut nulla oratio facta solis naturæ viribus habet congruitatem cum gratia: sic, &c. Neque sufficit Dei ordinatio. Nam si ex se non habent congruitatem opera gratiæ creatæ cum vnione hypostatica, non habent illam ex Dei ordinatione. Quemadmodum licet Deus ordinauerit dare gratiam non ponentibus obicem, & sequentibus lumen naturale; non propterea opera naturalia censentur habere congruitatem cum gratia. Non sufficit etiam quòd posita ordinatione diuina futuræ incarnationis, nulla possit esse conuenientior via, aut dispositio ad illius executionem, quàm per iustitiam coram Deo, & orationes ac bona opera ab illa procedentia. Nam similiter posita ordinatione diuina euehendi homines ad statum gratiæ è statu purè naturali, nulla potest esse conuenientior via aut melior dispositio ex parte ipsorum, quàm iustitia naturalis, & bona opera ab ipsa procedentia, seruando totam legem naturæ: & tamen hæc non sufficit ad merendum de congruo primam vocationem seu prima auxilia gratiæ. Nec denique sufficit posse attingere obiectiue vnionem hypostaticam per fidem, spem, orationem, & amorem supernaturalem: Nam posse quidpiam attingere obiectiue, non sufficit ad fundandam proportionem inter meritum & præmium.

Secundum dictum Suarls, quòd scilicet sancti Patres non meruerunt prædestinationem circumstantiarum, licet aliquarum executionem de facto meruerint, sic ab illo probatur: quia Deus ante præuisa omnium hominum merita prædestinavit & incarnationem fieri, & tali tempore & modo fieri, & ex tali gente, tali matre, aliisque circumstantiis. Ideoque res ita disposuit, vt illo tempore, & in illa gente esset opportuna dispositio ad tale mysterium suscipiendum. Confirmatur, inquit, quia dici nequit meruisse Beatam Virginem, etiam de congruo, suam electionem vt esset mater Dei: & Ioannem Baptistam, vt esset præcursor; & David, & Abraham, vt essent Christi progenitores; alioquin pari ratione dici posset populum Iudaicum meruisse vt Deus ipsum eligeret in populum peculiarem, contra illud Deuter. 9. *Neque enim propter iustitiam*, &c. Deinde sancti Patres ante omnia sua merita fuerunt præuenti speciali gratia & vocatione, quæ ex speciali eorum electione processit. Ergo electio præcessit omnia merita, & fuit causa omnium meritum. Rursus, per illam specialem gratiam ordinabantur vt congruè se disponent ad incarnationem. Ergo illa gratia supponebat incarnationem ad hæc munera, quæ sunt circumstantiæ incarnationis. Ergo hæc electio non cecidit sub meritum de congruo, sed potius ipsum meritum ab illa processit.

Ad primum Respondeo, Deum quidem simul tempore, seu æternitate, hæc omnia prædestinasse: ac non sine ordine rationis & quasi causalitatis, qui etiam fuit in executione. Ac si Beata Virgo non fuit electa efficaciter in matrem Dei, nisi præuiso ipsius consensu, & dispositionibus ac meritis de congruo, vt probabilius puto cum Vasque supra; dicendum est omnino Beatam Virginem meruisse suam electionem in matrem Dei. Quod enim in tempore non datur nisi propter merita; non fuit à Deo volitum efficaciter nisi propter merita. Et sicut merita sunt causa executionis; ita & volitionis, seu electionis æternæ. Voluntas enim habet idem motuum, cum eligit seu decernit efficaciter, & cum exequitur. Idemque dico de aliis exemplis in obiectione allatis. Parum autem efficaciter probat Suares ex Deuter. 9. non fuisse populum Iudaicum electum ex meritis in populum peculiarem. Nam ibi non est sermo de electione ex meritis in populum peculiarem; sed de ingressu in terram promissionis, quam Deus ait se illis dare propter suam promissionem, factam eorum progenitoribus; licet ipsi propter sua peccata in deserto commissis, & duritiem ceruicis, mererentur ea priuari; vt ex ipso textu manifestum est. Alibi verò sæpius Scriptura significat Deum sibi hunc populum specialiter adopsisse propter merita progenitorum, Abraham, Isaac, & Iacob.

§ 9.
Meruerint
ne SS. Pa-
tres præde-
stinatione
circumstan-
tiarum in-
carnat.

662
Refellit
sententiam
negantem

61.

Ad secundum Respondeo præcessisse electionem antecedentem, non efficacem, sed simplicis affectus seu desiderij, quæ non impedit quin sancti Patres meruerint efficacem & consequentem electionem, factam post præiusta merita. Quemadmodum ante media electis collata, præcessit intentio dandi gloriam conditionata & inefficax, quæ in signo rationis post præiustum consensum, & merita futura, transiit in absolutam & efficacem vi eorumdem meritum. Et electio quidem antecedens & conditionata non cecidit sub meritum, sed fuit eorum principium: secus autem posterior absoluta & consequens. Cæterum ut ostendimus sect. 4. assertione 3. quisquis meretur à Deo executionem alicuius beneficii, meretur pariter efficacem voluntatem, quæ Deus illud exequi voluit ab æterno. Adeoque meretur efficacem illius prædestinationem. Et contrà, qui non meretur prædestinationem eius beneficii quod Deus statuit non conferre nisi ex meritis, non meretur quoque eius executionem. Quare si sancti Patres non meruerunt, ut ait Suares, prædestinationem circumstantiarum incarnationis; neque meruerunt earum executionem: & vice versa, si meruerunt executionem; meruerunt & prædestinationem.

SECTIO VI.

*An Beata Virgo meruerit ut esset
Mater Dei?*

Beata Virgo meruit de congruo ut esset mater Dei. Vasques. Suares.

62.

Respondeo, Beatam Virginem id meruisse, non de condigno simpliciter, sed de congruo. Prima pars, quod meruerit, est communis Theologorum & sanctorum Patrum, quorum plurimos referunt Vasques disput. 23. cap. 2. & Suares disput. 10. sect. 8. Ecclesia quoque tempore Paschali sic canit: *Quia quem meruisti portare, &c.* Ac licet nomen meriti sumatur interdum improprie ab Ecclesia & Patribus, tribuaturque rebus libera actione carentibus, ut quando Ecclesia sic canit, *O felix culpa, qua talem ac tantum meruit habere Redemptorem!* & quando Cyprianus lib. 3. epistola 8. dicit, *Infantes lacrymis suis promereri gratiam Dei:* Nihilominus quando dicunt aliquem quidpiam mereri vitæ sanctitatem, & bonis operibus; de merito proprie intelligendi sunt. Sic autem de Beata Virgine loquuntur Basilii, Ambrosius, Hieronymus, Augustinus, & alij à Suare, & Vasque relati. Nec obest quod interdum alibi videntur meritum negare Beatæ Virgini. Loquuntur enim tunc de merito profecto ex solis naturæ viribus, ut expressius ait Fulgentius libro 1. de Incarnatione & Gratia Iesu Christi capite septimo.

Fulgent.

Secunda pars, quod non meruerit simpliciter maternitatem de condigno, est Suaris disput. citata sect. 7. & Vasques disput. 23. cap. 2. qui eandem communem esse testatur. Ratio præcipua est, quia si meruisset simpliciter maternitatem, vel id fuisset per opera subsequencia maternitatem, & ab illa trahentia vim merendi; vel per opera antecedentia & præsupposita. Non primum: alioqui principium meriti cecidisset sub meritum. Non etiam secundum: quia dignitas matris Dei est tantæ excellentiæ & æstimationis moralis, ut excedat omnia merita Beatæ Virginis pure consideratæ sine maternitate, quantumvis heroica & excellentia; ita ut non possint habere proportionem æqualitatis cum illa, sed conuenientiæ tantum & congruitatis. Accedit enim quodammodo ad ordinem vnionis hypostaticæ, & habet quandam dignitatem infinitam ex bono infinito, quod est Deus, cuius mater est, ut ait S. Thom. prima parte quæst. 25. artic. 6. ad 4. fuitque ratio finalis, propter quam Deus exemit Beatam Virginem à peccato originali, & gratijs excellentissimis illam præuenit, nulli alteri pure creaturæ concessis.

63.

Non meruit maternitatem simpliciter de condigno.

S. Thom.

Dixi non meruisse simpliciter maternitatem, ac ne quidem potuisse mereri de condigno, ut ratio facta bene concludit. Secundum quid autem, & nouo titulo potuisset Beata Virgo mereri de condigno maternitatem per opera eam subsequencia, si Deus eam duplici titulo illi dare voluisset; primò quidem, ex mera sua liberalitate, aut præiustis meritis de congruo; quæ ut sic data & præsupposita fuisset sufficiens principium meritum subsequenti: tum secundò ex meritis subsequenti, quæ cum sint à persona quodammodo infinitæ dignitatis, trahunt ab illa parem moralem dignitatem & vim meritoriam, adeoque sunt satis proportionata ad merendum nouo titulo dignitatem maternitatis. Simili modo, quo merita Christi trahunt moralem dignitatem infinitam à persona merente, potueruntque mereri nouo titulo ipsam incarnationem.

64.

Potuit tamen eam mereri secundum quid.

Obiicies primò, Beata Virgo fuit digna ut esset mater Dei; id enim affirmant sancti Patres, Ambrosius, Basilii, Chrysostomus, & alij apud Suar. disput. 10. sect. 7. Ecclesia quoque in oratione quadam de Beata Virgine dicit, *ut dignum filii tui habitaculum effici mereretur.* Hanc autem dignitatem habuit formaliter per gratiam & sanctitatem eximiam, quam habuit ante maternitatem; & hanc sanctitatem magna ex parte acquisiuit per merita de condigno. Licet enim primas omnino gratias, & merè præuenientes, acceperit sine vllò merito; & gratiam primam sanctificantem, sine merito de condigno; deinceps tamen illam auxit mirabiliter per merita condigna, ad eum modum quod iusti merentur de congruo augmentum gratiæ & gloriæ. Ergo Beata Virgo magna

65.

Obiectio bipartita: Suares.

ex parte meruit de condigno, ut esset digna Dei maternitate. Ergo habuit merita digna ipsa maternitate, quod est illam meruisse de condigno, accedente saltem ordinatione diuina, quæ ordinatio non defuit. Alioquin de congruo quidem illam meruisset. Deinde Beata Virgo meruit condignè id quod maius est, nempe augmentum gratiæ & Beatitude. Ergo & id quod minus est, nempe maternitatem. Minus enim est ventre Deum concipere, quam mente, iuxta illud Luc. 11. *Beatus ventris qui te portauit* &c. *Quinimo Beati qui audiunt verbum Dei, & custodiunt illud.* Vnde August. tract. 10. in Ioan. *Et mater mea, quam appellastis felicem, inde felix, quia verbum Dei custodit, non quia in illa verbum caro factum est.*

Augustin.

66. Aliquorum opinio contraria. Gabriel. Almain. Bonauent. Marfil.

Respondetur primæ parti objectionis.

Vasq.

Propter hæc argumenta recentiores quidam censent Beatam Virginem meruisse etiam de condigno maternitatem, quod probabile censet Gabriel in 3. dist. 4. quæst. vnica art. 3. dub. 3. & Almainus quæst. 1. dub. 3. Bonauentura verò ibidem art. 2. q. 2. & Marfil. q. 5. in tertium Sentent. art. 3. dub. 3. conclus. 2. & 3. meritum dignum illi tribuunt, non condignum, quam tamen differentiam non satis explicant.

Sed ad primum Respondeo cum Vasque disp. 23. cap. 3. num. 17. particulam, *digna*, ibi sumi pro apta & idonea, licet sine proportionem æqualitatis, & condignitate meriti. Quo etiam sensu dicitur in oratione Feriæ 3. post Dominicam Passionis, *Nostra tibi Domine sint accepta ieiunia, quæ nos expiando, gratia tua dignos efficiant.* Quis enim dicat ieiunia nostra mereri de condigno ut expiamur à peccatis, & Dei gratiam consequamur? Aut esse æqualia remissioni peccatorum nostrorum, & beneficio iustificationis?

67. Responsio quorundam ad 2. partem objectionis.

Ad secundum, respondet Vasques num. 15. concedendo antecedens & negando consequens. Quia qui potest maius, non ideo potest minus, nisi sit intra eandem speciem. Nam maius est ratiocinari, quam volare; & tamen non sequitur, potest quis ratiocinari, ergo potest volare. Idemque veram causam cur Beata Virgo non potuerit mereri de condigno maternitatem, hanc esse putat n. 13. quia meritum de condigno debet esse opus suapte natura dignum tali remuneratione. At merita Beatæ Virginis facta ex statu adoptionis, & gratiæ auxiliis, erant eiusdem speciei cum meritis aliorum iustorum, quæ non sunt digna maternitate ex natura sua: Alioquin omnes sancti veteris Testamenti meruissent esse matres Dei: sed tantum digna sunt augmento gratiæ & gloriæ: ergo &c. Suares quoque disp. 10. lect. 7. §. Dices, *posset tamen*, affirmat, causam cur Beata Virgo non meruerit de condigno maternitatem, non esse inæqualitatem operum, sed defectum promissionis diuinæ sub conditione operis, quæ si accessisset, Beata Virgo meruisset de condigno.

Suar.

68. Non satis. Sed uterque à veritate aberrare hac in parte mihi videtur, & minus æstimare, quam

par sit, dignitatem matris Dei; quæ si est minus æstimabilis quauis gratia adoptionis, quomodo verum est, quod ait S. Thom. supra citatus, illam esse vnum ex tribus omnipotentiarum diuinarum summis operibus, quibus maius seu melius in suo genere dari non potest, & esse dignitatem quodammodo infinitam? Et quod ait Ambros. lib. 2. de Virginitatibus sub initium, *Quid nobilius Dei matre* &c. aliique Patres, qui simili modo loquuntur, & mirifice illam dignitatem extollunt? Quomodo item verum est quod aiunt Patres, & Theologi, Deum propter hanc dignitatem dedisse B. V. exemptionem peccati originalis, & alias gratias singulares, nulli alteri puræ creaturæ concessas, eò quod status ille quodammodo illas exigeret debito conuenientiarum seu congruitatis? Quomodo denique verum est quod admittit Suares, & refert ex S. Bernardino Senensi serm. 51. Beatam Virginem, actu illo, quo consensit Angelo nuncianti Incarnationem, plus meruisse, quam omnes homines & Angelos omnibus suis actibus, quia nimirum illo meruit maternitatem? Hinc enim sequitur necessarium, maternitatem esse quid maius tota gratia, & gloria, quam omnes Angeli & homines promeriti sunt. Et quidem plus est esse veram matrem Regis, quam esse tantum filiam eius adoptiuam.

Maternitas B. V. est maximæ dignitatis.

Quare ad argumentum propositum respondendum potius est negando antecedens. Ad cuius probationem dico, Christum Luc. 11. non comparasse matris suæ felicitatem cum eorum felicitate qui verbum Dei audiunt & custodiunt: sed tantum voluisse impedire ne attentio, verbis ipsius debita, ad matris suæ considerationem auerteretur. Quasi diceret; Quinimò, non illud nunc agitur, an beata sit mater quæ me portauit; sed agitur de audiendo verbo Dei, quod qui audiunt, & custodiunt, beati sunt. Augustinus verò non ita intelligendus est, quasi Beata Virgo non fuerit aliquo modo, & quidem excellenti, beata, ex eo quod Christum pepererit; Id enim Scripturæ repugnaret Luc. 1. *Beata es quæ credidisti, quia perficientur ea quæ dicta sunt tibi à Domino*: sed quod Beata Virgo non fuerit completè beata ex hoc solo beneficio, sed quia insuper per fidem & bona opera, audiendo & custodiendo verbum Dei, æternam gloriam adeptæ est, quæ fuit consummatio felicitatis ipsius.

69. Vera responsio.

Quod autem dicit Vasques, meritum de condigno debere esse opus suapte natura dignum retributione; si per *dignum*, intelligit *æquale*, nihil proficit; cum in ipsius opinione non desit æqualitas operibus Beatæ Virginis, imò excedant maternitatem. Sin autem intelligit (ut verè intelligit) debere opus suapte natura referri ad tale præmium, in eoque consistere totam rationem meriti de condigno, & nullo modo in ordinatione aut promissione diuina, falsum hoc est, & à nobis refutatum in Tract. de Gratia, disput. vltima, de Merito.

702

quam Deus ut talem potuit alia multiplici via producere, potuitque eandem, ut talem, absolute prædefinire, & prævidere ab æterno, pro aliquo signo rationis, abstrahendo à circumstantia non necessaria, sumendi hanc humanitatem ex Beata Virgine, quam circumstantiam potuit determinare in posteriori rationis, prævisis meritis congruis Beatæ Virginis, in eadem humanitate, & Christo absolute spectato fundatis. Neque enim ista circumstantia fuit necessaria ad principium meriti, ut supra diximus de tempore, aliisque circumstantiis.

Instabis, quia licet non fuerit necessaria, tamen re ipsa Christi meritum ab illa pependit: nam Christus non meruit nisi per humanitatem acceptam à Beata Virgine. Ergo Beata Virgo fuit principium remotum, & mediatum meritorum Christi. Ergo si meruerunt ei maternitatem, meruerunt suum principium remotum, & mediatum. Atqui tam est impossibile principium meriti mediatum cadere sub idem meritum, quam principium immediatum: rationes enim implicatæ, sumptæ ex mutua dependentia, siue ex prioritate naturæ, & ex eo quod omne meritum postulat pro præmio aliquid aliud, præter id, quod merens iam censetur habere, & quo fiat ditior: rationes, inquam, illæ parem vim habent circa principium mediatum, & immediatum. Et alioqui S. August. non bene probaret contra Pelagianos primam gratiam non cadere sub meritum, quia est principium omnis meriti, neque enim omnis gratia prima est immediatum principium meriti: nam v. g. prima vocatio ad fidem est tantum principium remotum iustificationis, & meriti, quod post illam exercetur ab homine iusto.

Propter hoc argumentum quod fusiùs exponit Delugo, disput. 8. sect. 6. respondet ipse sect. sequenti, num. 85. reiectis aliis quibusdam modis respondendi improbabilibus, Christum meruisse Beatæ Virgini, & aliis suis progenitoribus, per actus factos paulò ante passionem, eo tempore, quo à Deo conseruabatur independenter ab illis, & supra exigentiam causarum naturalium, putà post illam summam tristitiam, quæ mortem illi naturaliter attulisset, nisi Deus maiore vi eum conseruasset, de qua ipse dicebat Matth. 26. *Tristis est anima mea usque ad mortem.* Verum, non est opus eo recurrere, sed potius dicendum, merita Christi, quibus meruit Beatæ Virgini maternitatem, & aliis, ut essent sui progenitores, pependisse ab hac humanitate, secundum se inempta, & simpliciter: cui per accidens fuit, quod re ipsa esset accepta à tali matre, talibusque progenitoribus. Quod autem ad meritum per accidens se habet, non est illius principium mediatum, vel immediatum: ideòque non sequitur principium meriti cecidisse sub idem meritum: sed tantum conditionem aliquam, aut circumstantiam personæ, accidentalem ad meritum, cecidisse sub meri-

tum: quod non est inconueniens, nec contra hoc procedit argumentum à Delugo propositum, de cuius robore, & veritate potest ex dictis alibi facillè iudicari.

Dices, Beatam Virginem, & alios Christi progenitores non se habuisse per accidens ad principium meriti, nempe ad hanc Christi humanitatem; quippe cuius fuerunt causa per se. Respondeo, esse per accidens ad Christi merita, & ad eius humanitatem, ut illa operantem, quod fuerit accepta à Beata Virgine, & à talibus progenitoribus, à quibus non pependit in eo signo rationis, in quo Deus simpliciter prædefiniuit incarnationem secundum se, id est, hanc humanitatem unitam Verbo, eiusque merita simpliciter, ut ab illa pendentia, quæ aliis mediis, & modis esse potuerunt, ac re ipsa fuissent, nisi Deus occasione eorundem meritorum simpliciter præuisorum, has circumstantias executionis elegisset in posteriori signo rationis, post intentionem, & præuisionem ipsorum simpliciter. Dico igitur Beatam Virginem influxisse quidem, ut causam per se, in Christi Domini humanitatem re ipsa: sed eius humanitati, & meritis ab ea exercitis, fuisse per accidens quod ipsa influxerit. Acque enim fuisset hæc humanitas, & operata fuisset, quamuis Beata Virgo non influxisset.

Instabis, quia non potuit prævideri hæc humanitas futura, nisi virtute alicuius causæ: & non fuit præuisa, nisi futura virtute illius causæ, per quam re ipsa est. Respondeo, causam aliam, præter Deum absolute necessarium, non fuisse determinatam, & præuisam pro illo priori rationis intentionis diuinæ, abstrahentis, & independentis à mediis non necessariis, quorum electio, & determinatio fuit natura posterior, sicut in nobis electio mediorum est posterior intentione finis. Fuit itaque Beata Virgo causa per se re ipsa, sed per accidens applicata, & non necessario, sed ex libera electione Dei, post, seu propter Christi merita simpliciter præuisa.

Superest querere, per quamnam merita præuisa Christus meruerit Beatæ Virgini, & patribus antiquis, gratias, quibus illi instructi circumstantias incarnationis mereri potuerunt? Respondent aliqui, Christum illis inter alia meruisse per gratiarum actionem, ita ut Deus hæc beneficia illis contulerit, quia præuidebat id Christo gratum fore, & Christum suum grates illi acturum. Sicut nos solemus alicui benefacere, quia scimus hoc eius parenti, vel domino, vel alteri nobis amico, gratum esse futurum, & ipsum nobis gratias acturum. Neque obest, inquit, quod gratiarum actio de beneficio accepto, præsupponit beneficium esse acceptum: quasi idcirco non possit esse causa meritoria eiusdem beneficii, ne præsupponatur ei, quod præsupponit. Quia non repugnat, id quod præsupponitur, aut importatur tantum obiectiue, præsupponere natura prius, ut causam

78.

Quomodo
B. V. non
fuerit prin-
cipium
meritorum
Christi?

77.

Quibus
actibus
meruit
Christus
Beatæ Vir-
gini, & suis
progeni-
toribus?

79.

Meruerit
ne Chris-
tus per
gratiarum
actionem
beneficia
prius col-
lata?

sui finalem, aut efficientem, illud cuius obiectum est. Sic enim omnis finis, qui sit ab operante, præsupponitur ab illo, ut obiectum suæ cognitionis, & intentionis, non tantum ut possibilis, sed ut futurum sub spe certa, vel probabili opinione, communiter saltem loquendo. Et tamen causatur ab illa cognitione, & intentione, estque naturâ posterior in genere causæ efficientis: & desiderium rei futuræ cognitæ, ut talis certissime, mouet desiderantem ad eius prosecutionem, & est causa moralis ut res sit. Sic etiam voluntas Dei efficax, ut aliquid sit, habet pro obiecto illud ipsum, ut sit. Sic denique meritum, cum sit formaliter propter mercedem, habet illam pro obiecto, & quidem ut futuram: & tamen est causa illius meritoria, neque illam supponit aliunde futuram. Hæc illi.

Respondetur
negatiue.

Verum ex dictis supra num. 52. & 53. constat esse impossibile Christum meruisse beneficia illa per actionem gratiarum de illis, ut talem. Quia impossibile est idem secundum realem suam, & actualement existentiam præsupponi, & præsupponere respectu eiusdem, loquendo de existentia primò, & simpliciter data, id est, non iteratò data per reproductionem: idque siue in eodem, siue in diuerso genere causæ. Cum autem nos alicui benefacimus, quia hoc alteri gratum erit, & grarias agat: particula, *quia*, denotat causam finalem, sensusque verus est, quia intendimus, & volumus illi gratificari, seu coniequi, vel fouere, vel augere ipsius amicitiam, & bonam gratiam.

80.
Satisfit ar-
gumentis
contrariis.

Neque obliunt alia argumenta vel exempla allata. Ad primum enim Respondeo, non quamcunque præsuppositionem obiectiuam repugnare: sed eam tantum quâ obiectum præsupponitur necessario, ut existens actu, quem præsupponit existentem, ut causam suæ existentie. In quo est mutua dependentia, & mutua præsuppositio vtriusque secundum existentiam, quæ est impossibilis. Ad secundum Respondeo, cognitionem, & intentionem agentis propter finem illum, prout sunt priores & causæ executionis, non præsupponere obiectum, ut existens actu, sed ut possibile existere per talia media, si applicentur. Quod enim mouet ad desiderandum, & prosequendum finem à nobis efficiendum, non est finis ipse ut existens; sed bonitas eius, ut possibilis haberi, seu fieri à nobis per talia media; vel cognita ut extitura conditionatè, si illa media applicentur. Quare actus illi, quatenus sunt causæ, & priores effectui, sunt ita resoluendi: Cognosco me posse consequi finem illum per talia media, vel assecuturum si applicem: & volo, seu desidero illum coniequi, motus illius bonitate, ita possibilis, aut futuri conditionatè, motus, inquam, ad ipsum intendendum, & desiderandum. Volo denique media applicare ut consequar, & ut absolute futurus sit.

81.

Ad tertium Respondeo similiter, Dei vo-

luntatem efficacem non præsupponere obiectum, ut existens, sed ut possibile existere, si Deus velit; potiusque tendere ad dandam illi existentiam. Neque Deus hoc vult, quia erit: sed contrà, hoc erit, quia Deus vult. Actus autem voluntatis non præsupponunt obiectum, nisi quatenus præit in cognitione, suæque bonitate, vel malitia, mouet ad volendum, aut nolendum. Et actus practici voluntatis non supponunt esse suum obiectum, sed potius dant illi esse. Ad quartum idem dicendum est de operante meritorie respectu mercedis, quam velut finem, aut velut effectum intendit practice per actum meritorium. Neque enim actus ille supponit mercedem existere, sed ad hoc tendit ut existat.

Aliter respondet Delugo disp. 27. n. 34. Examina-
tur alia
responsio,
& sequentibus, ubi docet Christum per gratiarum actionem non potuisse quidem mereri gratiam antiquis Patribus, quia gratiarum actio supponit donum pro quo gratiæ aguntur: ergo non potest esse meritum illius doni; nam meritum, saltem in præuisione, debet antecedere ad præmium, ita ut præmiansex visione meriti moueatur ad dandum præmium. Inde verò concludit, alia tantum duplici via Christum illis mereri potuisse. 1. Per merita à Christo ipsis peculiariter non applicata, sed ex se sufficientia, ut eis prodesse. 2. Per merita, quæ à Christo ipsis specialiter applicarentur per orationem, vel alio speciali modo. Potest enim oratio fieri pro præteritis obtinendis. Sicut Ecclesia orat pro iam defunctis, ut liberentur à pœnis inferni, ne absorbeat eos tartarus; cum tamen hoc in ipso mortis instanti factum sit.

Verum hic secundus modus incurrit incommodum allatum à Delugo contra gratiarum actionem. Nam oratio pro beneficio præterito, non minus supponit beneficium præteritum, quàm gratiarum actio de eodem. Deinde vanum, & inutile videtur orare pro accipiendo beneficio iam accepto: neque potest hoc prudenter cadere in mentem illius, qui certissime sciat se accepisse, ut Christus sciebat. Neque etiam Ecclesia id facit: sed orationes illæ referuntur ad tempus mortem antecedens, & iudicium particulare de animabus illis. Solet enim Ecclesia in suis orationibus publicis, & in officio diuino respicere ut præsens, id quod præteritum est. Nec obest quod opponit Delugo, hinc sequi posse, similiter orari pro sanctis ut saluentur, si oratio referatur ad tempus ante quod mortui sunt. Respondeo enim ita esse, si Ecclesia non esset certa de eorum beatorum, ut non est certa de statu talium defunctorum.

82.

Quare reiecto illo merendi modo velut impossibili, dico Christum meruisse matri suæ sanctissimæ, & patribus antiquis, per alios actus non præsupponentes existentiam gratiarum, quas illis merebatur. Idque partim per actus non specialiter illis applicatos


à Christo, sed ex se sufficientes, ut eis prodesse, & ut propter eos Deus illis conferret beneficia, quæ contulit: partim etiam per actus specialiter illis applicatos sine mutua præsuppositione meriti, & mercedis, quoad existentiam. Potuerunt enim illis aliter applicari, quam per gratiarum actionem, vel orationem de præterito: puta, per sui oblationem pro illis, abstrahendo à be-

neficio accepto, vel præterito: aut per specialem Christi commendationem illorum apud Deum, aut particularem, & eximium Christi affectum erga eos futurum independentem ab huiusmodi beneficijs, ex Christi electione, & beneplacito antecedente. Et hætenus de causa efficiente, dispositiva, & meritoria Incarnationis Dominicæ dictum sit.

DISPUTATIO QVINTA.

De modo vnionis hypostaticæ, siue de termino formali Incarnationis.

- Sectio I. *Vtrum actio Incarnationis fuerit tantum vnitiua humanitatis cum Verbo?*
 Sectio II. *Vtrum vnio hypostatica sit terminus formalis Incarnationis: & quis sit terminus à quo eiusdem actionis?*
 Sectio III. *An vnio Verbi incarnati facta sit in natura, vel in hypostasi Verbi?*
 Sectio IV. *Refutantur alie sententie contrarie.*
 Sectio V. *Refelluntur alia quorundam Recentiorum argumenta.*
 Sectio VI. *An vnio hypostatica sit aliquid creatum, & distinctum ab extremis unitis? Ac primò, præmittuntur aliqua de distinctione modali.*
 Sectio VII. *Probat, unionem hypostaticam esse quidem aliquid creatum, sed non distingui ab extremis.*
 Sectio VIII. *Respondetur argumentis contrarie sententie.*
 Sectio IX. *Quid, & qualis sit vnio hypostatica?*
 Sectio X. *An vnio hypostatica sit maxima omnium unionum?*
 Sectio XI. *Vtrum vnio hypostatica sit maximum omnium donorum?*



DE modo vnionis hypostaticæ tractat S. Thomas quæst. 2. deque illo septem præcipuè docet ad præsentem disput. spectantia, omisis aliis quæ alibi commodius explicabuntur. Primum est, Vnionem Verbi incarnati non potuisse fieri in natura diuina: quia ex duabus naturis secundum suam rationem perfectis non potest fieri vnum per se: sed factam esse in persona Verbi, & in hypostasi diuina, ad constituendum vnicum suppositum ex natura diuina & humana. Secundum, Hypostasim Christi esse quidem in se omnino simplicem, sicut est natura Verbi: personam tamen Christi esse compositam, inquantum vnum in duobus subsistit: nam persona Christi subsistit in duabus naturis. Ter-

tium, Vnionem Dei & hominis factam esse non secundum essentiam & naturam, neque etiam secundum accidens: sed secundum subsistentiam siue hypostasim: vt docet fides Catholica, contra Euthychetem, & Nestorium, eorumque sequaces. Quartum, Vnionem illam esse aliquid creatum, quia est relatio quædam realis in natura humana existens, per cuius immutationem talis relatio nascitur. Quintum, Vnionem differre ab assumptione: quia vnio est relatio naturæ diuinæ & humanæ, secundum quod conueniunt in vna persona. Assumptio verò est actio, secundum quam aliquid dicitur assumens: aut passio, secundum quam dicitur aliquid assumptum. Item assumptio dicitur sicut in fieri: vnio autem, in facto esse. Et vnio, cum sit relatio æquiparantiæ, æqualiter se habet ad extrema. Assumptio verò, cum sit actio, vel passio, diuersimodè se habet ad agens & patiens, & ad diuersos terminos. Et ideo assumptio determinat terminum à quo, & ad quem: dicitur enim assumptio, quasi ab alio ad se sumptio. Vnio autem nihil horum determinat. Vnde indifferenter dicitur, quòd humana natura est vnita diuinæ, & è conuerso. Non autem dicitur diuina natura assumpta ab humana, sed è conuerso: quia humana natura adiuncta est ad personalitatem diuinam, vt scilicet persona diuina in natura humana subsistat. Sextum est, Vnionem duarum naturarum in Christo esse maximam vnionem, non ex parte eorum quæ coniunguntur, sed ex parte eius in quo coniunguntur. Nam vnitas personæ diuinæ, in qua vniuntur duæ naturæ, est maxima. Septimum, Gratiā vnionis non posse dici naturalem Christo, quasi causatam in illo ex principiis humanæ naturæ: sed tamen posse dici naturalem, quasi prouenientem in naturam humanam Christi causante diuina natura ipsius: atque etiam quatenus à natiuitate illam habuit: quia ab initio conceptionis fuit natura humana diuinæ personæ vnita. Huc vsque D. Thomas.

SECTIO I.

Primum actio Incarnationis fuerit tantum vnica humanitatis cum Verbo

I.
Hoc mysterium
factum est
per veram
actionem.

Suppono 1. In hoc mysterio efficiendo veram aliquam, & realem actionem interuenisse. Quotiescunque enim fit aliquid de nouo, per aliquam actionem fit. Ergo cum Verbum caro factum est, per aliquam actionem tale factum est. Quatuor autem actiones ad hoc mysterium efficiendum concurrerunt eodem temporis instanti, sed cum aliquo naturæ ordine. Prima fuit, organizatio corporis. Secunda, creatio animæ Christi, quam organizatio corporis naturaliter exigebat. Tertia, vnio corporis cum anima. Quarta, vnio corporis, & animæ, siue humanitatis cum hypostasi Verbi, quæ saltem ex parte corporis fuit naturæ posterior vnione cum

anima, vt ostendemus alio loco.

Suppono 2. Actionem incarnationis præcisè & formaliter sumptam, id est, actionem, cuius per se proxime, & immediate Verbum homo factum est, esse vnionem hypostasis Verbi cum humanitate, constante ex corpore, & anima physice vnitis. Quemadmodum enim per vnionem caloris cum subiecto, fit calidum: sic per vnionem Verbi cum humanitate, Verbum factum est homo, siue humanatum, id est, humanitate affectum. Hæc autem actio potest variè considerari, indeque varias appellationes sortiri. Nam 1. prout est effectio vnionis substantialis inter hypostasim Verbi, & naturam humanam, potest dici vnio, & compositio. 2. Prout est affectio naturæ humanæ, adiungens illi hypostasim Verbi, efficiensque vt in illo subsistat, potest dici personalizatio naturæ humanæ. 3. Prout respicit Verbum, & quodammodo illud afficit, adiungens illi naturam humanam, potest dici Incarnatio Verbi,

2.
Actio Incarnationis formaliter est vnio Verbi cum humanitate, quæ actio potest variè considerari, & appellari.

Damasc.
lib. 1. de
fide c. 13,

Verbi, vel ut significantius loquitur Damascenus; *ἡσυχασμός*, id est, inhumanatio. 4. prout est actio verbi nō modò ut agētis (quod tribus personis Trinitatis commune est) sed etiam ut terminantis humanitatem, & illam sibi vniens, potest dici assumptio, vel ut loquitur Paulus Heb. 2. apprehensio. Significat enim apprehensio actionem quodammodo ad agentem reflexam, per quam aliquid sibi ipsi adiungit, & ad se sumit. Atque ita assumptio Verbi propria est. Nam Pater, & Spiritus sanctus non adiungunt sibi ipsis humanitatem. Natura quoque humana non potest dici assumens, sed assumpta: quia non agit, sed patitur solum, & assumitur.

His præmissis, sensus quæstionis est, utrum actio Incarnationis, præcisè sumpta, fuerit actio tantum vniens humanitatem Verbi: vel etiam produxerit ipsam humanitatem? De Verbo enim dubium esse non potest, an illud quoque produxerit, vel ipsius hypostasis: cuius alia productio non est, neque esse potest: quàm absolutè necessaria, atque inuariabilis Patris æterni generatio.

3.
Actio incarnationis fuit tantum vniens, non autem productiva humanitatis.

Respondeo, Actionem incarnationis fuisse tantum vniens, & non productivam humanitatis. Ita S. Thom. Alenf. Scot. Durand. & alii quos refert & sequitur Suar. disp. 8. sect. 1. Probatur 1. ratione sumpta ex D. Thom. quæst. 4. a. 2. vbi docet illud quod assumitur debere præintelligi assumptioni; sicut quod mouetur localiter, præintelligitur motui. Atqui humanitas assumitur per actionem Incarnationis. Ergo humanitas illi præsupponitur. Ergo non fit per illam, sed per aliam actionem præsuppositam assumptioni, seu incarnationi. Minor est euidens: Maior autem probatur, quia id quod assumitur, vnitur alteri. Vniri autem præsupponit naturā prius esse rei, quæ vnitur, cum vnio sit vnus quidam, siue exercitium, & actus secundus, qui necessariò supponit primum, naturā saltē, vel ratione prius, cum fundamēto in re. Quod etiam de formis accidentibus verum existimo, quidquid dicat Suar. sect. cit. 9. *Secunda sententia.* Quocirca idem S. Doctor in 3. dist. 5. quæst. 3. art. 1. & 2. merito ait id quod assumitur præexistere assumptioni, non tempore sed naturā, seu secundum nostrum modum intelligendi. Probatur secundò ex eodem D. Thom. quæst. 6. a. 3. vbi affirmat, animam Christi eodem modo, & eodem genere actionis fuisse creatam, quo aliæ animæ rationales. Atqui aliæ animæ rationales non creantur per vnitionem, aut actionem incarnationis, sed per productionem ex nihilo, natura priorem vnitione cum corpore: unde etiam quando separantur à corpore, existunt vi eiusdem actionis, quæ fuerunt primò creatæ. August. quoque Epist. 99. ad Euodiu versus finem, & Hieron. Apolog. 1. contra Ruffin. aliquantò post initium, significant animam Christi fuisse productam ex nihilo, simili modo, quo aliæ creantur. Verba D. August. hæc sunt: *Ita sibi creauit animam Dei filius, ut ceteris creat.* Ex

Tomus IV.

quo sic argumentor: Animæ nostræ creantur actione naturalis ordinis, & vera creatione: Atqui actio Incarnationis non est actio naturalis ordinis, sed planè supernaturalis: neque etiam est creatio, quia non est actio ex nihilo, sed ex aliquo præsupposito, tanquam materia, & subiecto, iuxta sententiam eorum omnium, qui affirmant vnionem esse modum à parte rei distinctum; & in humanitate receptum, atq; ex illa eductum: iuxta nostram verò & probabiliorē multorum aliorum sententiam, est simplex modificatio extremorum: non autem productio rei ex nihilo: cuiusmodi debet esse creatio. Ergo, si anima Christi creatur ut nostra (quemadmodum verè ait S. August.) non fit per ipsam Incarnationem. Tertiò, vbi sunt diuersi termini, qui sunt, & quorum vnus potest fieri sine alio: sunt & diuersæ actiones: nam actiones distinguuntur arguitiue penes terminos: & fieri vnus termini, non est formaliter fieri alterius: ac sicut esse vnus non est formaliter esse alterius: ita positio vnus in esse non est formaliter positio alterius. Sed anima Christi, vel humanitas, secundum propriam substantiam, & eius vnio ad hypostasis Verbi, sunt diuersi termini, quorum prior esse potuit, & fieri sine posteriori. Ergo actiones, quæ ad illos tendunt, sunt diuersæ. Quare per aliam actionem facta est anima, vel humanitas Christi: per aliam vnio hypostatica, quæ est propriè Incarnatio.

Contrarium sentiunt moderni quidā Thomistæ, qui vt facilius excludant existentiam creatam ab humanitate Christi, dicunt illam productam fuisse, non in se, sed in Verbo, per eandem actionem, quæ fuit vnita hypostaticè, ita vt Incarnatio non fuerit actio merè vniens, sed etiam productiva humanitatis. Ita refert Suar. disp. 8. sect. 1. initio. Sed illi primò contradicunt apertè D. Thomæ locis supra citatis, & quæst. 6. a. 4. ad. 3. vbi affirmat prius carnem fuisse vnitam animæ, quàm Verbo: quia ex vnione ad animā, habet quoddam vnibalis Verbo in persona. Quod si verum est; prius natura fuerunt caro, & anima Christi, priusq; extitit humanitas per vnionē carnis; & animæ, quàm fuerit vnio cum Verbo. Ergo non est facta per illam vnionem, vel actionem vniendi præcisè, sed per aliam naturā priorem. Secundò, si anima, vel humanitas Christi producta est in Verbo, non aliam accipiendo existentiam, quàm ipsam existentiam increatam Verbi: ergo neq; anima Christi fuit creata, neq; humanitas generata. Illud enim non creatur, neq; generatur, quod accipit tantum existentiam increabilem, & ingenerabilem, cuiusmodi est existentia Verbi. Tertiò, productio rei est productio existentie ipsius, siue rei vt existentis: facit enim, vt quod prius erat solū possibile, iā sit actu extra causā: & ab esse tantum possibili, id est, à posse esse, trāsfert illud ad esse actuale, id est, ad esse actu: ita vt producere aliquid, nō sit aliud, quàm efficere, vt actu sit. Ergo si existentia

Contraria sententia.

M

Res non
possunt
existere
formaliter
per aliud.

humanitatis est ipsa Verbi existentia: productio humanitatis erit productio existentiae Verbi, quod est impossibile: nam existentia Verbi neque producitur, neque produci potest in Incarnatione, sed per aeternam generationem existit. Quartò, falsum est euidenter humanitatem existere formaliter per existentiam Verbi, & non habere propriam existentiam distinctam ab existentia Verbi. Existere enim nihil est aliud, quàm esse actu extra nihil. Vnumquodque autem seipso formaliter est extra nihil, & est actu, si est: & si non est actu ipsummet extra nihil, impossibile est, ut ponatur, & existat, quiddam aliud extra ipsum, vel ab illo distinctum, ponatur, aut existat. Non enim ideo ipsum est formaliter, quia aliud est: nec ponitur, si aliud tantum ponatur. Si autem ipsum simul cum alio ponatur; non ideo est actu formaliter, quia aliud ponitur, sed quia ipsummet ponitur in rerum natura. Atqui humanitas Christi est distincta à Verbo, & actu est in rerum natura, estque entitas actualis creata, ac non tantum possibilis, & creabilis. Ergo existit seipsa formaliter, habetque creatam existentiam, siue actualem entitatem distinctam ab existentia Verbi: imò impossibile est, ut actu sit per solam Verbi existentiam. Confirmatur, quia in Christo non est confusio, sed distinctio naturarum, & actualium entitarum, ut contra Eutychianos à Conciliis definitum est. Et Angeli ac Demones cognoscebant naturaliter quidditativè, & intuitivè, humanitatem Christi esse in rerum natura: adeoque cognoscebant illam, ut existentem, hoc est, eius existentiam. Et tamen non cognoscebant naturaliter ipsam Verbi existentiam increatam. Ergo cognoscebant illam existere per aliam existentiam, nempe creatam, & naturalem, quæ est ipsamet humanitas, prout est actu posita extra causas. Plura de his videri possunt apud Valq. disp. 71. c. 2.

5.
Prima ob-
iectio.

Fulgent.

Obiiciunt 1. Thomistæ illud epistolæ Sophronii approbatæ in VI. Synodo generalit. 11. ubi de Christi humanitate loquens, *In ipso*, inquit, hoc est, in Verbo, & non in se habuit existentiam. Item illud S. Leonis Papæ epist. 1. ad Iulian. *Natura nostra non sic assumpta est, ut prius creata, post assumeretur, sed ut ipsa assumptione crederetur.* Addunt simile testimonium Fulgentii lib. de Incarn. & gratia, cap. 3. ubi ait ipsam acceptionem carnis fuisse conceptionem virginalem: & vnam fuisse in utero Virginis conceptionem diuinitatis, & carnis. Acceptio autem carnis fuit incarnatio, & conceptio Virginalis fuit humanitatis productio. Ergo &c.

Ad primum Respondeo, mentem Concilii solum esse concludere contra Nestorium, humanitatem Christi non prius tempore existisse, quàm Verbo fuerit unita: & non in se, separatim à Verbo, vnquam existisse: sed semper in ipso existentiam suam habuisse, velut in supposito, quo ipsius existentia terminabatur, atque vltimò comple-

batur. Porro existere in alio, non est existere per existentiam ipsius formaliter, ut male instat Didac. Aluar. disp. 14. de Incarn. conclus. 2. Nam accidentia, & formæ substantiales materiales existunt in materia, vel in subiecto, ex quo educuntur: & tamen habent existentiam propriam.

Ad secundum & tertium Respondeo similiter, sanctos Leonem, & Fulgentium tantum contendere contra hæreticos, non prius tempore animam Christi fuisse creatam, aut carni unitam, quàm Verbo: ut ex verbis eorum antecedentibus, & sequentibus clarum est. Cùmque dicunt fuisse naturam ipsa assumptione creatam, & ipsam acceptionem carnis fuisse conceptionem virginalem, & vnam fuisse conceptionem diuinitatis, & carnis: intelligunt moraliter, non physicè: eò quòd licet non fuerit vna, & eadem simplex actio, & indiuisibilis: fuit tamen vna moraliter, ob simultaneam coniunctionem, & ordinationem, seu tendentiam ad vnum terminum totalem, ac subordinationem aliquam inter se. Nam organizatio corporis, perfecta illo instanti, tendebat naturaliter ad creationem animæ rationalis, eamque exigebat. Et ambo naturaliter tendebant eodem instanti ad vniionem mutuam, & generationem compositi naturalis ex corpore, & anima naturaliter unitis, quæ tunc etiam facta est. Ambo quoque debebant eodem instanti naturaliter subsistere propria, & naturali subsistentia, cuius loco diuinam acceperunt, ad quam diuinitus ordinabantur: atque ita ex omnibus illis actionibus partim naturalibus, & partim supernaturalibus, factus est Christus, constans anima rationali, & corpore unitis naturaliter inter se, & supernaturaliter cum hypostasi Verbi: in quem (Christum scilicet) velut terminum totalem, & vltimum, omnes illæ actiones desierunt, & propter illum possunt per modum vnius actionis totalis considerari. Vnius, inquam, moraliter, non physicè, cum sint ad terminos physicè diuersos, partim naturales, & partim supernaturales. Nam organizatio facta in instanti, & vniio corporis & animæ cum Verbo, fuerunt supernaturales: reliqua fuerunt naturalia.

Obiiciunt 2. eandem actionem indiuisibilem posse esse vnitivam, & productivam rei, quæ unitur: ut apparet in accidentibus, quæ eadem actione educuntur ex subiecto, & illi vniuntur. Fiunt enim dependenter à subiecto: dependent autem per vniionem, & inhaerentem. Ergo actio Incarnationis potuit esse indiuisibiliter vnitiva, & productiva humanitatis. Imò re ipsa talis fuit. Primò, quia humanitas facta est dependenter à Verbo: pender enim ab illius existentia, & existit in illo, atq; ab eo dependet in existendo quem admodum accidentia dependent in esse à subiecto, in quo sunt. Ad quod non sufficit actio solum vnitiva cum Verbo: nā anima rationalis unitur corpori, à quo tamen non pender. Secundo, quia anima Christi eadē actione, qua

6.

Quo sensu
Patres di-
cant hu-
manitatem
fuisse ipsa
assumptio-
ne creatā?

72

Secunda
obiectio.

creata est, facta est subsistens. Ergo eadem actione fuit vnita Verbo. Patet consequentia, quia nunquam fuit subsistens, nisi per hypostasim Verbi sibi vnitam. Antecedens verò probatur: Quia creatio terminatur ad rem subsistentem, sicuteductio ad rem inhzrentem: vt docet S. Thom. 1. p. q. 45. art. 4. Et quemadmodum formaeducta, eadem actione, quæ educitur, inhzret subiecto, habetq; modum suum cõnaturalem existendi, neq; prius est, quàm inhzreat: sic res creata, eadẽ actione, quæ creatur, subsistit cõnaturaliter, vel accipit modum supernaturalem subsistendi. Confirmatur, quia anima nostra non prius est existens, quàm subsistens. Ergo non prius natura accipit existentiam, quàm subsistentiam; sed eadem indiuisibili actione, quæ creatur, & fit existens, fit etiam subsistens. Atqui anima Christi habuit subsistentiam eodem instanti naturæ, & rationis, quo nostra: ergo nõ prius fuit creata vt existens, quàm vnita Verbo: sed eadem actione fuit creata, & vnita. Tertiò, si humanitas Christi fuit producta naturã prius quàm vnita Verbo, B. V. non fuit verè, ac propriè mater Dei. Nam illius actio terminata fuit ad aliquid, quod non est Deus, prout ab illa fit. Et quemadmodum creatio animæ rationalis non est productio hominis, sed actio naturæ prior hominis productione, quæ consistit formaliter in vnitione animæ cum corpore: & productio præcisa caloris non vniti subiecto, non esset effectio calidi, sed caloris: sic productio præcisa humanitatis non vnita Verbo, non est productio filii Dei. Atqui tota actio Beatæ Virginis stetit in humanitate producta natura prius, quàm vniretur Verbo, quæ vnio postea à solo Deo supernaturaliter facta est: Ergo &c.

Huic obiectioni respondet Vasq. d. 71. n. 13. Illa tantum eadem actione simul vniri, & produci posse, quorum esse est inesse, & ideo per creationem in suo esse naturali produci non possunt. Quales sunt formæ accidentariae, & substantiales corruptibiles. Quæ responsio mihi non satisfacit. 1. Quia esse huiusmodi formarum non est inesse actu, sed esse aptas inesse. Habent enim esse actu, quâvis non actu infini, vt patet ex mysterio Eucharistiae, in quo accidentia quæ remanent, vel omnia, vel aliquod saltem non inhæret ulli subiecto, & tamē retinet idem esse, quod antea habebat. Deinde Vasq. non satisfacit argumento supra proposito, quòd nimirum quidquid vnitur, naturâ prius debeat esse, quàm vniatur. Cùm omnis vnio sit vsus vniuitatis rei, quæ vnitur, & modus se habendi, sine quo res esse potest, non vice versa. Potest enim esse res sine vnione absolute loquendo: sed non vnio sine re quæ vnitur.

Aliter ergo respondendum est, actionem
eductiuam accidentium esse diuersam, & na-
turâ priorem eorundem vnitione cum subie-
cto, quamuis semper cōiuncta, & naturaliter
inseparabili. Nam prius naturâ est accidens
esse, quàm vniri, & inhxere: potestq; illud
esse supernaturaliter sine vnione, & inhxio-

ne, vt patet in speciebus Eucharisticis, cum & contrariò sit impossibile vniri accidens, & inhærere, nisi sit. Quare vnio pendet ab esse accidentis, atq; illud supponit essentialiter. Accidens verò non pendet propriè ab vnione, & inhæſione, neq; illam præſupponit, licet illa naturaliter, & neceſſariò exigit, velut con- naturalem modum eſſendi, cum quo neceſſariò & naturaliter inſeparabilem habet cõ- nexionem. Pendet nihilominus accidens à ſub- iecto, etiam quoad eſſe, velut à materia edu- ctinè concurrente, ex qua ſcilicet extunditur naturâ prius, quàm eidem inhæreat: & de- penderet ab eadem materia conſeruatur, ſi- ue per eandem actionem, vt fit in illis, quæ à Deo ſolo fiunt, vel concurrente cauſa ſecun- da, à cuius influxu continuo pendeant, vt lu- men, & a&us vitales: ſiue per diuerſam, vt fit in aliis pendentibus ſolùm in fieri à cauſa ſe- cunda, & non in conſeruari. Tunc enim a&io, quæ conſeruatur, à Deo ſolo eſt totaliter in genere cauſæ efficientis; concurrente tamen ſubiecto, quia ſemper eſt educatiua: differtq; à priori actione, tum cauſæ primæ cõcurren- tis cum ſecunda, tum etiam cauſæ ſecundæ concurrentis cum prima, & partialiter tã- tùm influente.

Atque hanc duplicem actionem circa accidentia agnoscere debent illi omnes, qui dicunt, formarum omnium, siue accidentalium, siue substantialium, causalitatem esse vnitionem, ita vt vnio cum materia, vel subiecto, sit verus illarum effectus : & cōsequenter sit naturā posterior. Minus verò coherentē negat illam Suar. disp. 8. sect. 1. §. *Secunda sententia*, motus hac ratione : quia, inquit, cum forma accidentalis non fiat, nisi per educationem de potentia subiecti : non potest alia actione fieri, & alia vniri. Nam vel illa actio, quā fit, est cum materiali concursu subiecti, vel non. Si non : ergo est creatio. Si sic : ergo illa actio quantumvis præcisè, & formaliter sumpta, pendet essentialiter à subiecto, cuique vnitur. Ergo vi illius terminus illius fit in subiecto, & vnitur subiecto. Ergo non est necessaria actio vnitionis distincta. Hæc Suar. Ad quæ dico, actionem illam non esse sine cōcursu materiali subiecti educiuo, (quamuis ipsamet non educatur, neque fiat, neque vniatur subiecto, vt putat Suar, sed sit causa ipsa agens aliquid aliud) Veruntamen esse priorem altero cōcursu subiecti, qui est concursus vnitiuus, posterior naturā concursu educiuo, & formā educiā ex subiecto, quæ per vsum suæ vnibilitatis cōcurrit ad vnitionē : idēq; post actionem educiuam est opus actione vnitiua. Est verò impossibile id quod Suar. ipse in Methaphys. & alii pleriq; docēt, vnitionem esse actionē, quā fit forma materialis, tam substantialis, quàm accidentalis : & tamen eandem vnitionem esse causalitatem formæ circa materiam, & compositū. Nam si est actio, quā fit forma, est prior illa. Si autē est ipsius causalitas, est posterior, maximè in sententia Suaris, existimantis causalitatem causarum physicarum esse aliquid ab eis di-

Suar. disp.
15. Meta-
phys. lect.
4. n. 3. &
lect. 6. n.
6. & 7.

Adio edu-
ctius acci-
dentium
est natura
prior: ipse-
rum vni-
de.

stinatum, & vi earum existens.

9. *Humanitas non pendet ab hypostasi Verbi in existendo, sed in subsistendo.*

Ad primam rationem in obiectione allatam Respondeo, humanitatem non pendere ab hypostasi Verbi in existendo, sed in subsistendo: id est, non pendere ut à dante existentiam per unionem: sed ut à terminante illam, & supplente aliquatenus vicem propriæ subsistentiæ, velut in genere causæ formalis. Sicut enim res, quæ subsistit, non pendet propriè in esse à propria subsistentia, quæ potius supponit rem esse, veluti modus quidam illius, & in eo consistit formaliter, quoddam res vi sua, id est, ratione naturalis suæ perfectionis, & sufficientiæ existat per se incommunicabiliter, & independenter à subiecto, aut sustentante, vel terminante ipsius existentiam: ita neque pendet ab eo, quod supplet tantum vicem propriæ subsistentiæ. nec par est ratio accidentium, quæ naturaliter fiunt, & fouentur semper, seu conseruantur concurrente subiecto, innitunturque ipsi non tantum velut terminanti eorum existentiam, & ultimo complenti per modum connaturali inhaerentiæ, sed veluteductiue concurrenti ad fieri, & conseruari.

Dependētia propriè quia sit?

Dixi, humanitatem non pendere propriè ab hypostasi Verbi in existendo: quia ut rectè notat Suar. disp. 8. sect. 1. dependentia propria est, quando res vna pendet ab alia, tanquam à propria, & per se causa, influente in eam illud esse, penes quod dicitur pendere ab illa: ultra quam alia, sed impropria, potest dici dependentia (& magis propriè, connexio necessaria) quando res aliqua sic cum alia connexa est, ut licet ab illa non accipiat propriè esse: tamen ita illam requirit ad existendum (quamvis à posteriori, & cōsequenter) ut sine illa, neque naturaliter esse possit, neque ei debeat conseruatio in esse, si tali re vel modo careat, nisi supernaturaliter suppleatur. Sic accidens pendet improprie ab inhaerentia, & natura substantialis à subsistentia: & ut aliqui addunt, materia ab aliqua forma substantiali, quia sine omni non potest existere naturaliter, id est, non debetur illi existentia secundum exigentiam eius propriam, vel aliarum causarum naturalium. Ratio est, quia res ut esse naturaliter possint, non tantum requirunt proprias, & per se causas: sed etiam conditiones aliquas, aut dispositiones, vel modos intrinsecos, propter suam indigentiam, & imperfectionem naturalem. Et hoc sensu potest admitti, existentiam humanitatis pēdere improprie ab hypostasi Verbi.

10.

Ad secundum, nego creationem terminari formaliter ad rem, ut subsistentem: solum enim terminatur ad existentiam rei ex nihilo productæ: subsistentia verò est modus quidam existentie eiusdem rei sufficientis ad standum per se, re vel ratione saltem distinctus, & naturā, vel ratione posteriori creatione. D. Thom. autē loco citato non aliud dicit quàm creari cōuenire propriè subsistentibus; quia creari est quoddam fieri: & fieri ordinatur ad esse rei. Vnde illis propriè conuenit fieri & creari, quibus cōuenit esse. Quod quidem cōuenit propriè subsistentibus, siue sim-

plicibus, siue compositis. Illi enim propriè conuenit esse, quod habet esse, & quod est subsistens in suo esse. Formæ autem & accidentia non dicuntur entia quasi ipsa sint, sed quia eis aliquid est. Vnde sicut sūt magis inexistētia vel cōexistētia quàm entia: ita magis debent dici concreata, quàm creata. Ad exemplum educationis antea dictum fuit. Ad confirmationem Respōdeo, animam nostrā prius natura, vel ratione existere per creationem, quàm subsistere propria vi, habereque vltimum terminum & complementum naturale suæ existentie, sine quo potest esse supernaturaliter, & terminari alieno supposito. Falsum est autē quod additur, hypostasim Verbi respectu humanitatis habere eundem ordinem prioritatis naturæ, vel rationis, quem habet propria subsistentia, ut ostendimus disp. 4. sect. 2.

Ad tertium Respōdeo, matrem dici non ex eo quoddam producat subsistentiam, aut subsistēs, quā tale (quod non magis necessariū est, quàm ut producat ipsam animam rationalem: neque illud fit in naturalibus generationibus: nam subsistentia materiæ, & animæ rationalis sunt à sola virtute diuina) sed quoddam materiæ generationis subministrat, corpus disponat, & organizet, illique perfecte disposito vniet animam, fœtumque modo quodam peculiari alat, & foueat in vtero. Quod totum Beata Virgo præstitit erga filium Dei. Nam purissimum sanguinem subministravit generationi Christi, eiusque corpus organizauit concurrente Spiritu sancto, & eleuante Beatam Virginem ad eiusmodi organizationem, quæ ut communiter creditur, facta est in instanti. Deinde animam à Deo creatam coniunxit corpori per naturalem generationem, per quā extitit humanitas iuncta hypostasi Verbi eodem instanti, virtute diuina: Ac denique fœtum illum diuinum in vtero fouit, & aluit.

Denominatio materis vnde sumatur?

SECTIO II.

Utrum unio hypostatica sit terminus formalis Incarnationis; & quis sit terminus à quo eiusdem actionis?

Per notandum est, terminum actionis esse id, ad quod intrinsecè, & essentialiter tendit actio. Actio autem tendit intrinsecè, & essentialiter ad id, quod per ipsam fit, aut ponitur in rerum natura: Ideoque terminus actionis est aliquid per ipsam effectum, aut positum, & naturā posterius, atque ab illa pendens, ipsamque præsupponens. Diuiditur autem in totalem, & formalem. Quæ diuisio non habet locum in illis actionibus, quarum terminus est aliquid omnino simplex, & simpliciter factū: cuiusmodi est creatio Angelicæ, vel animæ rationalis: sed in actionibus, quarum terminus est aliquid totum, id est, non omnino simplex, aut simpliciter factum, sed quodammodo vi actionis cōpositum, aut modificatū. Tunc enim terminus totalis est totū illud quod fit, aut ponitur vi actionis. Formalis verò propriè loquēdo est ille, quo con-

11. *Quid sit terminus actionis?*

Constituitur formaliter terminus integer, & totalis, productus, aut positus per actionem, quatenus per eam producitur, aut ponitur. Hic enim est vltimus communis illius vocis apud philosophos, & theologos, ut testatur Vasq. disp. 19. cap. 2. ubi praterea monet, non esse utendum nominibus prout libet, more, inquit, Nominalium, qui arbitratu suo varias nominum acceptiones assignant, ut cum de re aliqua controuertitur, vim argumentorum pro hac, aut illa parte facile eludant.

112.
Terminus
formalis
incarnat
ionis est
vnio hy
postatica.

His præsuppositis, dico primò terminum formalem Incarnationis, id est, vnionem naturæ humanæ cum Verbo, esse ipsam vnionem eiusdem naturæ cum Verbo. Ita Scot. in 3. dist. 1. quæst. 1. & Durand. dist. 5. q. 2. ubi docent hanc actionem terminari formaliter ad relationem: nam per relationem intelligunt ipsam vnionem, quæ est transcendentalis quædam relatio. Idem expresse docent Valentia quæst. 2. punct. 5. Suar. disp. 8. sect. 3. dubit. 1. Tanner. quæst. 3. num. 169. & alii recentiores. Probat, quia terminus integer, & totalis, productus aut positus per Incarnationem, siue actionem vnionem naturæ humanæ cum Verbo, est totum compositum existens vi talis vnionis, id est, compositum ex natura humana, & Verbo diuino. Sicut enim terminus integer, & totalis siue adequatus generationis, est compositum genitum, vi illius existens: sic terminus totalis vnionis est totum compositum, quod vi illius positum est. Sed vnio est id, quo formaliter constituitur compositum ut tale: & in mysterio, de quo agimus, vnio naturæ humanæ cum hypostasi Verbi, est id quo formaliter constituitur totum constitutum ex natura humana, & hypostasi Verbi. Ergo vnio illa est terminus formalis Incarnationis. Maior propositio, quod nempe Christus, seu totum existens per vnionem ex natura humana, & hypostasi Verbi, sit terminus totalis Incarnationis, est communis theologorum: patetque exemplo termini totalis aliarum actionum, & definitione termini totalis, qui est totum id, quod per actionem fit, quodque constituitur in ratione effectus talis actionis, per terminum eius formalem. Minor autem ex terminis ipsis est manifesta: & confirmatur, quia diuinitas vel hypostasis Verbi, ut sic & simpliciter sumpta, non constituit formaliter compositum ex ipsa, & ex humanitate, sed tantum prout vnitur, & coniungitur realiter humanitati. Prout autem vnitur, est ipsa vnio, considerata quatenus se tenet ex parte Verbi. Idemque dico de humanitate, quæ similiter non constituit, nisi prout vnitur: ut sic autem est ipsa vnio, quatenus se tenet ex parte humanitatis. Suppono enim ex dicendis sect. 7. vnionem illam non differre realiter ab extremis vnitis, sed esse ipsa extrema taliter se habentia ad inuicem, seipsisque immediate cõiuncta: quæ admodum actiones non differunt ab agentibus, cõtractus à tangentibus,

& similia. Vnde sequitur terminum formalem, qui est vnio adequatè sumpta, non distinguatur realiter à termino totali, qui est extrema inter se vnita, seu compositum ex partibus vnitis. Differt nihilominus conceptu & modo loquendi: quia terminus totalis concipitur & exprimitur per modum concreti, & suppositi constantis ex natura humana, & hypostasi Verbi: terminus verò formalis concipitur, & exprimitur per modum abstracti, & proportionem ac virtualiter responderet ei, quo formaliter aliquid constat: licet re ipsa propter indistinctionem modi à re modificata, sit ipsum totum, & extrema identicè, seipsis ita se habentia, & vnita formaliter per seipsa, non per aliud distinctum in re.

Contrarium sentit Vasq. loco sup. citato, contendens terminum formalem Incarnationis esse ipsam humanitatem. Primò, quia terminus formalis productionis, est id, quod est forma producti. Sed humanitas est forma Verbi facti hominis per incarnationem, siue incarnati, & humanati. Et quamuis non constituat Verbum hominem, nisi mediante vnione: illa tamen vnio non est forma producti, sed tantum conditio sine qua non. Secundò, in resurrectione hominis, anima erit terminus formalis, non vnio. Et in æterna Verbi generatione terminus formalis est essentia diuina, non relatio personalis: quibus duobus exemplis conuincitur, non esse necessarium, ut ipse terminus formalis productionis producatur, & nouiter fiat: sed sufficit ipsum esse formam producti. Anima enim non producitur in resurrectione; nec essentia diuina, in æterna generatione.

Ad primum Respondeo, terminum formalem productionis esse id, quod est forma producti, quatenus productum est, siue id, ratione cuius terminus totalis dicitur productus, Humanitas autem ut sic, non est forma Verbi incarnati, & vniti naturæ humanæ, ut talis: sed humanitas, ut vnita, id est, vnio humanitatis cum Verbo. Christus enim non constituitur per humanitatem purè, & simpliciter consideratam, neque per hypostasin similiter, sed per utramque substantialiter vnitam: adeo ut hoc ipsum, siue humanitati, siue hypostasi, ut constituenti, non sit accidentale, sed substantiale penitus: quia non cõstituunt nisi ut substantialiter componentia: neque possunt concipi constituere, nisi ita concipiantur. Quare non est verum quod addit Vasq. vnionem esse tantum conditionem. Nam quod est conditio tantum, est aliquid extrinsecum, & sine illo res concipi potest. Ut actio v. g. bene concipitur sine approximatione, concipiendo dumtaxat aliquid existere & poni vi alterius. At verò vnio adeo est necessaria partibus componentibus, quæ componentibus; ut sine illa tales concipi non possint. Quare vnio est de cõceptu quidditatio partium, ut componentium: Ergo non est extrinseca tantum conditio, sed aliquid intrinsecum, & substantiale.

Adde, quòd sicut humanitas est forma quo-

137
Humanitas
non est
terminus
formalis
incarnat
ionis.

dammodo Verbi ut humanati & incarnati : sic hypostasis Verbi est forma quodammodo humanitatis, ut deificata, & subsistentis : seu Christi ut suppositi diuini. Ergo sicut humanitas est terminus formalis secundum Valsq. quia est forma producti : hypostasis quoque debet esse terminus formalis, quia est forma, & quidem potior, ac nobilior eiusdem producti. Neque satisfacit quod responderet Valsq. hypostasim esse potius subiectum, cui adiungitur humanitas : eo quod Incarnatio eo tendit ut Deus fiat homo, non ut homo fiat Deus. Non satisfacit, inquam, quia neutrum propriè subiectum est : impropriè verò utrumque est æquè subiectum cui alterum adiungitur. Sicut enim adiungitur humanitas hypostasi, sic & hypostasis humanitati, quam quodammodo informat, seu afficit per modum formæ constitutentis illam per se formaliter in esse suppositi. Ac sicut Incarnatio eo tendit, ut Deus fiat homo per susceptionem naturæ humanæ : ita etiam eo tendit ut homo fiat Deus, id est, ut humanitas subsistat per diuinam hypostasim. Nam Verbum caro factum est, ut caro fieret Deus, inquit Ambros. lib. 1. de Virginibus.

15.
Terminus
formalis
resurre-
ctionis est
vnio ani-
mæ cum
corpore.

Ad secundum Respondeo, terminum formalem in resurrectione hominis non esse animam rationalem, quæ præexistit resurrectioni, & non fit per talem actionem : sed vnionem animæ cum corpore, quæ vnio tunc fit, & sine illa anima rationalis neque informat, neque constituit compositum. Cum autem vrget Valsq. vnionem illam non esse formam producti totalis, sed animam : nihil proficit. Etenim anima rationalis, per seipsam considerata, non est actu forma : sed tantum potentia, potestque sine actu suo, & sine materia existere. Est verò actu forma per actuale compositionem substantialem, per quam constituitur forma actu, & actus materiæ, atque pars compositi. Prout verò anima secundum primum suum esse substantiale fit, non fit ut forma materiæ, aut pars compositi actu : sed per actuale compositionem fit actu forma materiæ, & compositi. Vnio ergo substantialis ipsius formæ, est maximè formalis terminus eius actionis, per quam fit substantia totalis, & completa : estque forma ipsius compositi, ut talis. Similique modo calefactio non habet pro termino formali purum calorem. Nam quamuis calor fieret, non esset calefactio, nisi calor induceretur in subiectum, eique coniungeretur. Et hoc est formale calori, prout constituit calidum.

16.

Similiter essentia diuina non est terminus formalis generationis Verbi, ut Valsques supponit, sed filii proprietates, realiter producta à Patre, & logicè veluti adiuncta, seu potius identifica essentia, ut explicauimus in tract. de Trinit. Manifesta verò est abusio vocum, si quis actionis alium terminum constituat, quam id, quod per illam est. Nam manifestè in id quod agitur, terminatur & fertur actio. Cumque formalis terminus productionis sit id quod est formale in termino totali produ-

cto, ut producto : necessarium est ipsum produci proximè, & immediatè, tanquam id, à quo totalis terminus denominatur productus, & quo mediante producitur : sicut necessarium est id cognosci, quod est formale in obiecto totali cognito, & quo mediante cognoscitur materiale. Quare cum essentia diuina non producat in æterna generatione, nec anima rationalis in resurrectione : non sunt terminus formalis actionis, quæ ad illas ut sic non tendit, sed potius illas præsupponit : neque constituunt formaliter productum ut tale ; sed illud, quod per tales actiones producitur immediatè, aut ponitur, & ratione cuius terminus totalis dicitur produci, aut poni in rerum natura.

Quæres, quis sit terminus à quo eiusdem actionis vnitiuæ humanitatis cum Verbo : id est, terminus à quo receditur formaliter, & præcisè per illam actionem, ac vi illius introducitur oppositus ?

17.
Quis sit
terminus
à quo In-
carnatio-
nis ?

Respondeo, & dico secundò esse negationem formalem vnionis hypostaticæ, quæ respectu Verbi se habuit per modum priuationis, quatenus Verbum exiit prius tempore, quam vniretur humanitati, vnde fuit aptum vniri, & nondum vnitum ; ex parte verò humanitatis se habuit per modum simplicis negationis : quia nunquam fuit humanitas Christi, quin fuerit vnita Verbo : & tamen non fuit vnita, cum non fuit humanitas, id est, quando nondum existeret. Humanitas inquam : quia materia quoque ipsa, ex qua humanitas facta est, præexistit tempore ipsius vnioni. Probat conclusio : quia terminus positivus nullus hic assignari potest ; neque alius negatiuus, aut priuarius, nisi iam explicatus : ut patebit ex refutatione aliarum opinionum.

Primò enim, dici nequit quod ait Caiet. ad art. 8. quæst. 2. in fine, humanitatem esse terminum à quo. Nam terminus à quo actionis alicuius, & terminus ad quem, debent esse oppositi, & impossibiles : ita ut vnus alterum excludat, & vi actionis abiiciatur terminus à quo, dum acquiritur terminus ad quem. Atqui humanitas non excluditur, neque abiicitur in Incarnatione, sed potius vnitur, & assumitur, manetque in termino totali. Secundò, eodem argumento probatur, neque Verbum, aut eius hypostasim, fuisse terminum à quo : quia utrumque manet cum termino ad quem, componens Christum cum humanitate, cui vnitur. Tertiò, dici etiam nequit subsistentiam creatam humanitatis fuisse terminum à quo. Nam subsistentia creata non præcessit in natura humana, quæ fuit eodem instanti temporis producta, & vnita hypostaticè. Atqui terminus à quo debet præcedere tempore terminum ad quem, quia debet relinqui, & excludi per accessum termini ad quem. Quæ-
rè, dici quoque non potest terminum à quo huius actionis esse propriè non-hominem, ut sentit Valsq. disp. 29. c. 3. n. 43. Cum enim, inquit, per hanc actionem fiat Deus homo,

Humanitas
non est
terminus
à quo, nec
hypostasis
Verbi, ne-
que sub-
sistentia
humana.

Neque
etiam non
homo.

non tamen homo fiat Deus, & ita Deus comparetur veluti subiectum, cui aduenit forma, quia reipsa est suppositum, cui aduenit natura: sequitur terminum à quo huius actionis esse non-hominem, id est, negationem hominis in supposito diuino. Qui terminus à quo è regione opponitur termino ad quem eiusdem actionis. Nam terminus formalis est homo, aut humanitas in Verbo: ei autem opponitur non esse hominis, aut humanitatis in Verbo. Hæc ille.

18.

Ad quæ dico, negationem humanitatis esse quidem terminum negatiuum & à quo actionis illius, quæ sit humanitas, & per quam transit à non esse ad esse: sed non actionis vnitiuæ, quæ coniungitur Verbo: quia per illam non transit humanitas de non-esse ad esse, sed potius naturâ prius supponitur illi actioni secundum se, si secundum se immediatè assumitur, vt sentit Valsq. aut secundum partes suas, si, vt alij volunt, secundum illas immediatè assumitur. Quidquid autem dicatur, alia est actio productiua humanitatis secundum se, quæ dicitur generatio: alia vnitiua eiusdem humanitatis cum Verbo, quæ dicitur incarnatio, vel inhumanatio, per quam humanitas non transit simpliciter de non esse ad esse, sed de non esse vnitam Verbo, transit ad esse vnitam. Similiterque Verbum transit de non esse vnitum, ad esse vnitum. Illud autem non esse vnitum formaliter est negatio vnionis hypostaticæ: quare negatio vnionis hypostaticæ est terminus à quo incarnationis, & non negatio humanitatis. Ad confirmationem Valsqui, Respondeo, Deum fieri hominem per humanitatem vnitam vt sic: eandemque vt talem esse terminum formalem. Vnde ex opposito terminus à quo negatiuus, est negatio humanitatis vt vnitiuæ, siue negatio vnionis cum Verbo. Reliqua eius argumenta, quatenus nobis nocent, fuerunt superius impugnata.

19.

Neque etiā
negatio
vnionis
virtualiter
præexistens
in humani-
tate.]

Quintò denique, dici nequit, quod probabilius putat Suar. disp. 8. sect. 3. dubit. 2. terminum à quo esse negationem vnionis virtualiter præexistentem in humanitate, naturâ prius, quàm vniri concipiatur: quæ negatio virtualis in eo consistit, quòd, inquit, humanitas prius naturâ intelligi potest existens, quàm vnita. Et vt sic intellecta, antequam intelligatur in ea facta aliqua mutatio, vel actio, non intelligitur ab illa humanitate exclusa negatio vnionis hypostaticæ: ideoque humanitas in illo priori sic concipitur, ac si careret vnione: non conceptu negatiuo, qui falsus esset: sed præcisivo, in quo non est falsitas. Statim verò ac in secundo signo naturæ intelligitur fieri vnio in humanitate, intelligitur etiam excludi carentia vnionis. Et hoc satis est ad rationem termini à quo priuatiui.

Sed contra: quia terminus à quo debet excludi per terminum ad quem, vt supra diximus. Atqui negatio virtualis vnionis non excluditur per vnionem. Nam ea licet posita in re, potest humanitas naturâ prius intelligi

existens, quàm vnita, conceptu præcisivo, quo non intelligatur eius vnio. Secundò, aliud est præscindere solum ab vnione: & aliud, concipere negationem vnionis in natura, id est, concipere naturam carere vnione; qui conceptus falsus est: quia cum non sit carentia vnionis reipsa; malè concipitur esse; id est, malè concipitur naturâ non esse vnita in re, cum sit vnita. Si autem negatio non est; quomodo est terminus à quo? & quomodo verè excluditur per terminum ad quem?

207

Opponit Suares: Si incarnatio fuisset ab æterno, non habuisset terminum à quo, quem assignauimus: ergo non assignauimus terminum à quo incarnationis adæquatam, & per se simpliciter, ac necessariò cum illa connexum. Item creatura ab æterno producta, verè diceretur facta ex nihilo: & tamen nihilum non præcessisset, nisi virtualiter. Item si aer creetur lucidus, verè dici potest, de non-lucido, virtualiter scilicet, factus esse lucidus.

Ad primum Respondeo, incarnationem in eo casu non habituram terminum à quo; vt neque haberet generatio, quæ esset ab æterno: nullus enim terminus abiiceretur in eo casu per positionem termini ad quem. Aristot. autem lib. 1. Physic. ideo posuit tria principia cuiuscunque generationis; priuationem vt terminum à quo, materiam, vt subiectum, & formam, vt terminum ad quem; quia existimauit mundum, & generationes esse ab æterno: nullamque ex illis esse, ante quam non præcesserit materia priuata, id est, carens forma, quàm accipit. Simpliciter tamen, & absolute ad aliquid accipiendum, non est necesse eius carentiam præcessisse in recipiente: vnde non est necessarium quamcunque effectiorem habere terminum à quo. Ad secundum dico, creaturâ in illa hypothesi non fore ex nihilo, vt termino à quo, sed ex nihilo subiecti: vel etiam esse ex nihilo hoc sensu, id est, ex se nihil esse, sed habere esse liberè à Deo. Ad tertium Respondeo, aerem lucidum in tempore creatum, dici posse factum de non lucido lucidum, hoc sensu, quòd cum antea non esset, neque lucidus esset, etiam simul esse, & lucidum esse acceperit. Consentit nobis hac in parte Delugo disp. 11. sect. 2.

Diluitur
obiecti]

SECTIO III.

Utrum vnio Verbi incarnati facta sit in natura, vel in hypostasi?

Respondeo, vnionem illam factam fuisse immediate in hypostasi Verbi cum humanitate: non autem in natura diuina, quæ non fuit vnita humanitati, nisi mediante hypostasi Verbi: neque cum subsistentia creata naturæ humanæ, quæ per talem vnionem exclusa, siue impedita fuit. Ita D. Thom.

217

Vnio facta
est im-
mediatè in
hypostasi
Verbi, non
in natura
diuina.

M 4

quæst. 2. art. 1. & duobus sequentibus: Suar. Vasq. Medin. ibid. alique communiter circa eundem articulum.

Probat
ex Scriptu-
ra.

Prima pars, quod hæc vnio facta sit immediate in hypostasi Verbi, non autem in natura diuina, probatur primò, ex Scriptura, iuncto discursu theologico. Nam Scriptura soli Verbo, seu filio, vt distincto à Patre, & à Spiritu sancto, tribuit constanter, & vbique esse incarnatum, passum, mortuum, sepultum, &c. Ioan. 1. *Verbum caro factum est.* Ioan. 3. *Sic Deus dilexit mundum, vt filium suum unigenitum daret.* Hebræor. 1. *Nonisimè diebus istis locutus est nobis in filio.* Idemque habet symbolum Apostolicum, & Nicænum. Atqui si vnio non esset facta immediate ad solam hypostasim Verbi, sed ad ipsam quoque naturam, seu essentiam diuinam: quamuis Verbum solum contulisset hypostasim; tamen ratione naturæ Deus absolute, & communiter fuisset incarnatus, natus, passus, & mortuus. Ergo & Pater, & Spiritus sanctus, quod hæreticum est. Probat sequela: quia ea quæ conueniunt naturæ absolute, id est, sine relatione ad intra, & sine oppositione originis inter personas, conueniunt tribus personis, sicut creare, velle, intelligere, & similia: quia non possunt ab aliqua earum excludi, nisi propter oppositionem originis. Dixi autem, sine relatione ad intra, & sine oppositione originis inter personas: quia valde notandum est, non quæcunque conueniunt naturæ diuinæ immediate, conuenire tribus personis: sed ea quæ conueniunt naturæ immediate, & non sunt relationes, vel in relatione fundata. Ex. gr. Paternitas conuenit quidem naturæ immediate: sed non Filio, & Spiritui S. quia est relatio.

21.
Referatur
causio.

Neque dicas, naturam non simpliciter, sed prout est in Filio, esse vnitam, vt loquitur concil. Rhemense: sicut eadem natura, prout est in Filio, est communicata, & non prout est in Patre. Et intellectus generat in Patre, non in Filio: Vnde non sequitur extensio denominationis ad omnes personas. Respondeo enim, sensum Concilij esse, quod natura diuina sit vnita mediatè, prout pertinet ad Filium, cuius hypostasis vnitur immediate, denominatque solum filium vnitum secundum illam: ita vt proprietates Filij sit medium vnionis, & causa denominationis vniri. Neque potest rectè aliter intelligi, quod natura vnatur secundum se, & tamen vnatur tantum, prout est in Filio. Non potest etiam aliter reddi ratio, cur denominatio vniti & incarnati non extendatur ad alias personas, cum neque sit relatio originis, neque in illa fundetur, si sit immediate in natura diuina. Alia vero est ratio de denominationibus relatiuis ad intra, vel in relatione fundatis: cuiusmodi sunt generare, vel generari, communicare, aut communicari, &c. Hæc enim propter oppositionem relatiuam non possunt omnibus personis conuenire, sed vni aut duabus, in ordine ad aliam, cui opponitur talis ratio relatiua, aut in relatione fundata.

Atque ita generare, & communicare essentiam, conuenit Patri in ordine ad Filium: generari verò, & accipere essentiam per communicationem, conuenit Filio in ordine ad Patrem. Similiterque spirare conuenit solum Patri, & Filio, in ordine ad Spiritum sanctum: Spirari verò, & accipere essentiam per communicationem spiratiuam, conuenit tantum Spiritui sancto in ordine ad Patrem, & Filium. At vnio cum natura humana nullam habet relationem, vel oppositionem ad intra, non magis, quam creatio, conseruatio, aut gubernatio: neque in ea fundatur, posito quod immediate, & secundum se vnatur natura diuina. Ergo non esset ratio, cur denominatio vniti, incarnati, passi, & mortui, non conueniret tribus personis.

Non etiam dicas, actus esse suppositorum: idèoque incarnari, nasci, & reliqua, conuenire tantum illi supposito diuino, quod personauit, & hypostasim contulit. Respondeo enim actus esse suppositorum denominationè, id est, tribui toti supposito, quatenus ab vnica illius parte fiant, aut in ea sola recipiantur. Sed quemadmodum alij actus ad extra, qui sunt immediate ab essentia diuina, sunt communes tribus personis, illaque denominantur sic vnio cum humanitate, si fieret immediate cum essentia diuina, esset communis tribus suppositis diuinis, illaque denominaret: ceteraque prædicata, quæ in illa vnione fundantur, vt nasci, pati, mori, resurgere, similiter essent communia tribus, & non propria solius Filij, qui licet plus conferret, quam Pater, & Spiritus sanctus, quippe qui conferret hypostasim suam vltra essentiam: non impediret tamen prædictam communicationem, & denominationem aliarum personarum, fundatam sufficienter in vnione immediata essentiarum diuinæ cum humanitate.

23.
Altera causa
est refellitur.

Probat secundò efficaciter ex Conciliis, quæ non modò semper affirmant vnionem factam esse secundum subsistentiam, nunquam verò secundum naturam seu essentiam, vt videre est in Synodo V. generali collat. 8. can. 4. & 5. & in Lateran. sub Martino I. can. 8. verum etiam negat factam esse secundum naturam seu essentiam. Nam in VI. Synodo generali act. 8. longè ante finem, dicitur Patrem, & Spiritum sanctum, in incarnatione nihil habere commune, præter benignissimam voluntatem. Et in Conciliis Toletanis VI. & XI. in ipsa fidei professione, sic habetur: *Solus Filius assumpsit humanitatem, in eo, quod proprium est Filij, non quod est commune Trinitati.* Ergo non in essentia, quæ est communis. Propter quæ Suar. disp. 12. sect. 2. conclus. 1. meritò dicit, hanc sententiam tam certam esse, vt contraria nullo modo probabilis censenda sit.

Probat tertio ratione: quia duobus tantum modis coniungi possunt immediate duæ naturæ ad constituendum vnum ens per se. Primò scilicet, ad constituendam vnā naturam completam, seu perfectam essentiam, id est, vnum totum essentiale: sicut

24.
Probat
3. ratione.

coniunguntur materia, & forma substantialis. Secundò, ad constituendum vnum totum integrale: sicut duæ guttæ aquæ constituunt totum constans ex utraque, quando vniuntur: & membra corporis humani constituunt hominem constantem illis, ut partibus. At natura diuina, & humana neutro modo potuerunt vniri immediatè. Non primo: quia, quæ sic vniuntur ad constituendum vnum per se, debent esse naturæ incompletæ in esse naturæ. Atqui naturæ diuina & humana, non sunt incompletæ in esse naturæ. Ergo non potuerunt sic vniri ad constituendum vnū per se. Christus autem est vnum per se: ergo, &c. Nō etiam secundo modo: quia totum integrale, vnum per se, constituitur ex partibus materialibus, id est, quantitatiuis: vel homogeneis, sicut ex duabus guttis aquæ fit vna: vel heterogeneis, naturaliter ad inuicem, & ad totum ordinatis, ad perfectam ipsius constitutionem, & ad bene esse, vel operari: sicut ex diuersis membris constituitur corpus humanum. Atqui natura diuina non est huiusmodi, respectu humanitatis: neque enim est pars materialis, neque ordinata naturaliter ad humanitatem.

25. Secunda pars conclusionis, quòd vnio non fuerit facta cum subsistentia creata naturæ humanæ, sed potius illam excluderit, seu impedierit, substituendo loco illius subsistentiam increatam Verbi, probatur, quia Christus est vna persona in duabus naturis, sicut definitur in Laterā. cap. 1. de Summa Trinit. & Fide Catholica. Ergo subsistentia vna terminat utramque naturam, & vnica est in Christo personalitas, ratione cuius duæ naturæ in illa coniunctæ dicuntur esse vnica persona: sicut ex opposito, quia in Trinitate vna est Deitas cum tribus hypostasibus, tres personæ dicuntur, & sunt vnus Deus. Idem sapientius definitum fuit contra Nestorium in Conc. Ephes. & in Chalcedon. act. 1. & in V. Synodo Generali collat. 8. can. 2. & in Symbolo Athanasij sic dicitur: *sicut anima, & caro vnus est homo*, (adeoque vna persona) *ita Deus, & homo, vnus est Christus*. Scriptura quoque passim de Christo, seu de Verbo incarnato, loquitur tanquam de vnica persona, quam eandem verum Deum, & verum hominem esse pronunciat: *Verbum caro factum est, & habitauit in nobis: & vidimus gloriam eius, gloriam quasi unigeniti*, &c. Ioan. 1. *Scimus quia Filius Dei venit, & dedit nobis sensum, ut cognoscamus Deum verum, & sumus in vero filio eius Iesu Christo. Hic est verus Deus, & vita aterna*. 1. Ioan. 3. *Quorum patres, & ex quibus est Christus* (secundum humanitatem) *qui est super omnia Deus benedictus in secula*. Rom. 9. v. 5. Si autem Christus constans ex duabus naturis, diuina & humana, est nihilominus vnica persona, necessarium est, ut illæ naturæ subsistant vna, & eadem personalitate, siue hypostasi: alioquin essent duæ personæ. Nam si in Trinitate sunt tres personæ, non obstante vnitæ essentia, propterea quòd essentia diuina terminatur tribus personalitatibus:

multò magis essent duæ personæ in Christo, si duæ naturæ in illo terminarentur duabus hypostasibus. Porro ex hac vnione naturæ diuinæ, & humanæ, in eadem hypostasi Verbi, oritur quòd possint ambæ de se inuicem prædicari in concreto substantiuo, vera prædicatione per se, dicendo, Deus est homo: Homo est Deus: & non tantum adiectiuè, Deus est humanatus: aut, Homo est deificatus.

Contra hanc secundam partem conclusionis errarunt Nestor. & impius Theodorus Mopsuestenus, affirmantes, vnionem factam esse inter personam Verbi, & personam Christi, eamque tantum accidentalem, & secundum affectum, quatenus Christus, qui purus homo de virgine Maria natus erat, quam idcirco *Stirius* vocare reuebant, meruit vitæ sanctitate, ut diuinitas se illi coniungeret speciali quadam ratione secundum affectum maiorem, quam ceteris iustis. Vnde Christum aiebant esse instrumentum, & templum diuinitatis, & hominem Deiferum, & Emmanuelem hoc sensu. Addebantque, Christum propter affectualem cum Verbo coniunctionem, & singularem cum illo amicitiam, accepisse illius vicem, & auctoritatem, atque ita gessisse, & aliquo modo fuisse illius personam, moraliter scilicet: physicè enim distinguebant subsistentiam humanitatis à subsistentia Verbi: atque ita Christum & Verbum duas esse personas asseriebant: quidquid interdum dissimularent Nestoriani quidam post condemnationem Ecclesiæ factam in Conciliis Ephes. Chalcedon. & V. Synodo Generali. Clarissimè vero & distinctissimè explicatur hæc hæresis à D. Thom. quæst. 2. art. 6. his verbis: *Alia fuit* (inquit) *hæresis Nestorii, & Theodori Mopsuesteni, separantium personas. Posuerunt enim aliam esse personam Filij Dei, & filij hominis, quas dicebant sibi inuicem esse vnitæ, primò secundum inhabitationem, in quantum Verbum Dei habitauit in illo homine, ut in templo. Secundò, per vnitatem affectus, in quantum voluntas illius hominis est semper conformis voluntati Verbi Dei. Tertiò, secundum operationem, prout scilicet dicebant hominem illum esse Verbi Dei instrumentum. Quartò, secundum dignitatem honoris, prout omnis honor, qui exhibetur filio Dei, exhibetur filio hominis, propter coniunctionem ad Filium Dei. Quintò, secundum æquiuocationem, id est, communicationem nominum, prout scilicet dicimus illum hominem esse Deum, & Filium Dei. Manifestum est autem omnes istos modos accidentalem vnionem importare. Hucusque S. Thomas.*

Sed hic error manifestè repugnat Scripturæ. Nam si Christus fuit tantum vnitus Deo, aut Verbo, secundum affectum, non est verè Deus, nec Verbum caro factum est: sicut alij iusti non sunt verè Deus, nec Verbum, aut Deus factus est Mater Dei, quamuis secundum affectum specialem illi coniunctus

261

Hæresis Nestorii, & Theodori Mopsuesteni.

272

fuerit. Neque sufficit maior affectus erga Christum, aut maior affluentia bonorum gratiæ, quæ differunt tantum ab aliis iustis secundum magis, aut minus, nec possunt Christum constituere verè, & propriè Deum. Ideoque Nestoriani renuebant Christum sic appellare, sed hominem Deiferum. At hoc repugnat apertè Sacris literis, quæ de Christo sic loquuntur: *Hic est verus Deus, & vita æterna*, 1. Ioan. 5. & Roman. 9. vers. 5. *Qui est super omnia Deus benedictus in sæcula*. Et Ioan. 20. vers. 28. *Dominus meus, & Deus meus*. Et alibi sæpe Scriptura non minus affirmat Christum esse Deum, quàm esse hominem: utrumque autem æquè propriè intelligendum est. Adde, affectum Dei erga creaturas esse cõmunem toti Trinitati æquè, ac voluntatem: & dona gratiæ ab illa tota procedere per communem potentiam. Quare si Verbum Christo coniunctum est tantum secundum affectum, & dona gratiæ, non magis Verbum coniunctum est, & incarnatum physicè, & realiter; quàm aliæ personæ, quibus non minus conuenit ille affectus voluntatis, & effectus gratiæ. Dicere autem quòd Christus Verbum specialiter repræsentauerit, illamque esse causam, cur Verbum specialiter dicatur incarnatum; est incarnationem in mera repræsentatione, & figura constituere: cum tamen Ioannes cap. 1. asserat simpliciter, & propriè, *verbum caro factum est, & habitauit in nobis*. Dici etiam nequit, Christum fuisse specialiter instrumentum Verbi ad faciendâ opera mirabilia, quæ fecit acùm omnia eius opera æquè processerint à tota Trinitate, quippe concurrente per vnâ, & eandem omnipotentiam tribus personis communem.

28. *Hæresis Eutyche- tis.* Contra priorem verò partem conclusionis errauit Eutyches damnatus in Concilio Chalcedon. act. 1. & 2. passim: & act. 5. in secunda definitione fidei. Et in V. Synodo Generali collat. 8. can. 8. aliisque pluribus Conciliis. Siue tantum existimauerit duas naturas ita fuisse immediatè vnitas, vt ex duabus per compositionem vnâ natura resultauerit, utrâque in suo esse integrâ manente, factâque solum mutatione in vnione, ad eum modum, quo ex anima & corpore, vnâ natura humana constituitur. Quo pacto hæresim Eutychetis exponunt à Castro verbo *Christus*, hæresi 4. & Vasq. disp. 14. cap. 1. num. 29. ob verba quædam libri falsò tributi Gelasio Papæ. Siue potius asseruerit humanitatem fuisse conuersam in diuinitatem, vt referunt Leo Papa epist. 10. ad Flavianum, Vigilius lib. 1. & 2. contra Eutychem, August. lib. de Hæresib. hæresi 79. (vel potius auctor ipso recentior, qui hoc, & alia quædam addidit in appendice ad finem huius libri. Augustinus enim viginti fere annis mortuus est, ante hæresim Eutychetis) Theodoretus lib. 4. Fabularum hæreticarum in fine: & in Dialogo *Inconfusus*, Nicephorus lib. 18. cap. 45. & Euthymius in Pano-

plia parte 2. tit. 20. Quam verè fuisse sententiam Eutychianorum, sed diuersimodè ab illis explicatam, doctè probat Cardinalis Perronius lib. 2. de Eucharistia in Theodoro, siue auctore 24. cap. 8. & 13. & in Gelasio seu auctore 25. aliisque locis. Siue denique, vt dicunt alij, voluerit, vnionem diuinitatis cum natura humana factam esse per confusionem, mixtionem, & transmutationem duarum naturarum in vnâ tertiam, vt contingit in productione mixti ex elementis substantialiter transmutatis.

29. *Refutatur in omni sensu quo à variis explicatur.* Verum primus modus explicandi hunc errorem manet satis refutatus ex dictis pro prima parte conclusionis. Secundus verò, & tertius planè absurdus est, æquè ac quartus additus ab Apollinari affirmante partem aliquam diuinitatis, ab ea decisam, fuisse conuersam in humanitatem. Etenim si humanitas conuersa est substantialiter in diuinitatem, Christus non est verus homo. Si autem diuinitas conuersa est in humanitatem, Christus non est verus Deus, & si ambæ conuersæ sunt in aliud tertium, Christus nec homo, nec Deus est, sed est illud tertium: quemadmodum mixtum nec terra est, nec aqua, nec aer, aut ignis, sed aliud quippiam. At hæc omnia repugnant apertè Scripturæ. Deinde terminus à quo conuersionis, siue id quod conuertitur in aliud, debet desinere esse id quod est, vt fiat illud in quod conuerti dicitur: & terminus ad quem, id est, illud in quod conuertitur aliud, debet fieri, vt id quod est terminus à quo, vere dicatur in illud conuerti, & fieri illud ipsum per conuersionem. Præterea debet aliquid esse commune utrique termino, quod maneat in conuersione. Ex gr. quando aqua in aërem conuertitur, desinit esse aqua, & sic aër manente communi materia, & aliquibus accidentibus. Atqui natura diuina est planè incorruptibilis, & improducibilis: est enim à se, & nulli causæ subest, siue vt destruat, siue vt fiat: nihilque magis ipsi repugnat, quàm destrui, aut fieri. Ergo nec ipsa potest conuerti in humanitatem, vel in aliquid aliud, quia sic diuinitas deberet destrui, & desinere esse: nec humanitas potest in ipsam conuerti, quia sic deberet diuinitas fieri. Tertio, si diuinitas conuersa est in humanitatem: ergo tota, quia est impartibilis, & simplex omnino. Ergo tota desinit esse, & nihil illius remansit. Ergo Christus est pura creatura, nihilque illi ad salutem nostram confert diuinitas, quæ amplius non est. Similiter si humanitas conuersa est in diuinitatem, Christus est purè Deus: adeoque neque nasci potuit, neque pati, & mori. Denique si diuinitas secundum se immediatè vnita est, quocunque modo ex illis tribus, quibus hæresis Eutychiana refertur à variis: sequitur Filium non magis fuisse incarnatum, quàm Patrem, aut Spiritum sanctum: quia natura diuina communis est, & non magis ad Filium pertinet, quàm ad Patrem, & ad Spiritum sanctum. Hoc autem est contra Scriptu-

ras supra citatas.

30.

Opponit sibi hoc loco Delugo disp. 9. nu. 23. videri de facto vnionem hypostaticam fuisse ordinatam ad componendam aliam tertiam naturam compositam ex vtraque. Natura enim est principium, & radix motus, & quietis eius, in quo est, &c. vt definit Aristot. 2. Physic. cap. 1. Per hanc autem vnionem resultauit principium diuersum operandi : quia licet naturæ humanæ non debeantur operationes, & actus supernaturales: Christo tamen debentur illi actus, atque habitus, à quibus producuntur. Ergo id, quod fuerit principium, & radix talium operationum, erit natura in Christo. Id autem non est sola natura humana, cui soli non debentur: ergo est compositum ex vtraque natura; atque adeo illud compositum erit natura resultans ex vtraque.

Exponitur
Aristotelica
definitio
naturæ.

Omissa eiusdem auctoris responsione, quia minus mihi satisfacit, dico, naturam ab Aristot. loco cit. definiri principium, & causam motus, & quietis eius in quo inest primò, ac per se, & non secundum accidens, id est, vt Hurtad. Conimbric. alique ibid. exponunt, de cuius primo, & essentiali conceptu est, tanquam pars essentiae totius. Hoc enim significat particula, *Eius, in quo inest primò*, id est, cuius pars est primaria, & essentialis, componens cum alia : cuiusmodi est materia, & forma in compositis naturalibus. Vnde Aristot. ibid. addit, *Natura aut subiectum est, aut subiecto inest* : id est, natura est aut materia, aut forma substantialis : *Id autem quod ex his est compositum, natura quidem non est, sed est, & constat natura, vt homo.* Hæc Aristot. Similiter ergo compositum resultans ex duabus naturis Christi, non est vna natura, sed constat diuersis naturis mediata vnitis. Frustra ergo obicitur definitio illa Aristotelis, ad probandum ex duabus Christi naturis fieri vnā : cum manifestum sit hanc definitionem non conuenire toti composito relutanti ex duabus naturis, diuina & humana, vnitis in hypostasi Verbi. Neque verò quodcunque principium operationis coniunctum, & constitutum ex pluribus, vna natura est.

31.

Dices, quidquid sit de illa naturæ acceptione, & definitione Aristotelis, sumendo latius naturam pro essentia, vt metaphysicè sumi solet, videtur quoddam ex duabus naturis in Christo facta sit vna per compositionem. Nam omne ens vnum per se habet vnā essentiam. Christus autem est ens vnum per se. Respondeo negando maiorem, si sumat terminum, *vnā*, pro vnica. Nam ens per se vnum constare potest ex rebus habentibus diuersas essentias : vt homo constat sanguine aliisque humoribus, quorum essentiae sunt diuersae inter se, & ab essentia naturæ rationalis, manentque illa per mortem destructā : neque cum illa constituunt vnā essentiam vnus generis, & differentiae.

SECTIO IV.

Refutantur alie sententiae contrariae.

Contra eandem partem conclusionis sentit Durand. in 3. dist. 1. quæst. 2. & dist. 5. quæst. 1. ad 2. affirmans, naturam humanam prius fuisse vnitam substantiæ comuni naturæ diuinæ, & deinde proprietati Filii; & Capreol. in 3. dist. 1. quæst. vnica art. 1. conclus. 4. docens humanitatem fuisse quidē primò vnitam proprietati Verbi; deinde tamē secundariò, sed immediatē substantiæ comuni, quam putat esse ipsam existentiam diuinam, per quam existat humanitas. Item Franc. Victoria & Domin. Sor. asserentes humanitatem fuisse vnitam substantiæ comuni, prout modificata, & determinata proprietate relatiua Filii, vt ex ipsis refert Vasq. disp. 26. cap. 2. Denique Nominales volunt rationem terminandi non esse solam proprietatem relatiuam, vel rationem absolutam essentiae seu naturæ diuinæ : sed totam Verbi entitatem secundum se totam, quæ vtramque rationem includit.

32.

Durand.

Capreol.

Tres primæ opiniones nituntur falso fundamento, quod detur substantia communis in Deo, vltra tres relatiuas: quam sententiam falsam esse ostendimus disp. 6. sect. 2. & 1. p. disp. 26. sect. 2. & 3. Et quamuis vera esset, pugnat contra Concilia supra citata, dicere vnionem factam esse in illa substantia: quia sic facta esset in aliquo communi, & non in eo solum, quod Verbi proprium est. Deinde si, vt vult Durand. vnio facta est primariò ad substantiam essentialem, & absolutam, & secundariò ad proprietatem Verbi : ergo licet Verbum specialiori modo factum sit homo, negari tamen non potest, quin vi primariæ vnionis Deus communiter, id est, natura diuina communis, subsistens essentiali, & absoluta substantia, factus sit homo. Sicut enim Verbum fit homo, quia vnitur secundum se humanitati in hypostasi propria : ita Deus fit homo, si verè vnitur secundum se humanitati in substantia propria, & essentiali Deitatis. Atqui Deus ita sumptus est quid commune tribus personis. Ergo tres personæ communiter sunt incarnatæ. Quidquid enim conuenit huic Deo simpliciter, & communiter sumpto, conuenit tribus personis : & tam commune est hic homo, id est, compositum ex tali vnione, quam hic Deus. Ergo cuiusque communicatur hic Deus, communicatur hic homo. Ergo sicut Pater, & Spiritus sanctus sunt hic Deus ratione huius communicationis ; sunt etiam hic homo. Confirmatur, quia Deus est hic homo tam secundum se, quam in omnibus personis, in quibus existit : retinet enim in omnibus vnionem cum humanitate. Sed Pater, & Spiritus sanctus sunt hic Deus. Ergo pariter sunt hic homo.

Vnio hypostatica non est facta in substantia communis & essentiali, vel absoluta, vel vt modificata.

33.

Iisdem argumentis impugnatur opinio Capreoli dicentis esse contrarium unionem fuisse primò factam ad proprietatem Verbi, & secundò ab subsistentia communem, immediatè etiam. Victoria verò, & Dominicus Sotus & aliqui recentiores eos sequuti, vim eorumdem argumentorum non effugiunt, cum dicunt naturam humanam in Christo terminari subsistentia absoluta, ut modificata, & determinata per proprietatem relationum secundarum personarum: ideoque illam solam esse incarnatam. Sicut (inquit Mazarinus disput. 16. col. 5. num. 3.) sola persona Patris generat, quia vis generandi convenit naturæ divinæ, non secundum se, & præcisè spectat, sed ut contractæ veluti, ac modificatæ per relationem paternitatis.

Sed contra: si subsistentia illa absoluta, ut modificata, & determinata per proprietatem personalem Filii, terminat naturam humanam: ergo vel ipsa terminat ratione sui, vel ratione proprietatis tantum, vel ratione unius totius, ex utraque constati. Si dicatur terminare solum ratione proprietatis personalis, & non vi propria: ergo reuera non terminat: quia non ipsa ex vi propria, & secundum se, fungitur munere terminantis: sed tantum secundum proprietatem. Si autem dicatur terminare vi propria: ergo vel immediatè terminat vi propria, vel non. Si terminat immediatè: redit sententia Durandi, & non convenienter asseritur, quod subsistentia absoluta, ut modificata, & determinata per Verbi divini proprietatem, terminat naturam humanam. Quod enim per se immediatè terminat aliud, non terminat ut formaliter modificatum aliquo alio, sed simpliciter ratione sui. Superest ergo ut subsistentia absoluta modificata per proprietatem personalem fortasse dicatur terminare naturam humanam, quia cum proprietate constituit unum terminum. At hoc modo subsistentia absoluta non rectè dicitur terminare, ut modificata: sed potius unum ex duobus constatum terminat naturam. Et iam qua parte subsistentia absoluta terminat immediatè, redeunt argumenta contra Durandum facta, cum quo hæc opinio convenit eatenus. Necessarium enim est, ut Deus per se immediatè factus sit homo, non autem solum ratione Verbi: & per consequentiam, ut Pater, & Spiritus sanctus dicantur unus homo cum Verbo.

34.
Refutatur
enasis.

Nam exemplum quod affert Mazarinus, nihil proficit. Essentia enim divina non generat, neque generatur, ut ait Lateran. cap. Firmiter. Sed Pater est, qui generat, & Filius qui generatur: uterque per suam proprietatem immediatè, & mediatè solum per essentialitatem. Quia debet necessariò esse distinctio realis inter principium generans, & terminum genitum: & inter producentem, & productum realiter: alioqui non esset in divinis realis distinctio ratione productionis, seu relationis originis: propterea quod in divinis omnia sunt unum, quantum fieri potest. Si autem distinctio necessaria est, propter

realem productionem, ac vi illius formaliter ergo maximè inter id quod maximè producit, quodque est maximè relatio originis, seu productio activa; quæ est causa formalis distinctionis, & oppositionis realis. Ergo si essentia maximè producit, modificata solum, & contracta per proprietatem Patris, ut ferrum per figuram sigilli ferrei (quemadmodum nonnulli imaginantur) essentia divina maximè distinguitur à filio realiter: quod falsum est. Adde quod si essentia divina verè generat. Et quidem maximè, ut isti volunt: quomodo potuit Lateranense Concilium absolute sic definire, *Essentia non generat*? Nam explicare Concilium hunc in modum, *Essentia non generat, sola, concedo: Cum proprietate, nego: planè incongruum est.* Sic enim dici posset solem non illuminare, ignem non calefacere, leonem non rugire: quia sola, & sine Dei concursu hæc non faciunt, vel etiam sine qualitate distincta. Quis autem dicat Concilia in fidei definitionibus sic statuere, & ita loqui absolute, sol non illuminat? Neque melius Concilij verba exponunt illi qui dicunt sensum illius esse, quod essentia non generat, *ut quod, sed ut quo.* Etenim id quod generat *ut quo*, maximè generat, & verissimè: ergo Concilium negat generare, id quod verissimè, & maximè generat, quodque est ipsamet virtus agendi: perindeque facit ac si definiret calorem non calefacere.

Obiicies primò, non sufficit naturam esse improductam ad hoc ut pater dicatur improductus, sed oportet hypostasim quoque esse improductam. Ergo non sufficeret naturam esse incarnatam ad hoc ut Pater diceretur incarnatus, sed oportet eius quoque hypostasim esse incarnatam. Respondeo negando paritatem: quia terminus ille, *improductus*, est terminus negatiuus, negans omnem bonum, & verum sensum, quo quippiam possit esse, & dici productum: iuxta id quod dicunt logici, negationem esse malignantis naturæ, & tollere quidquid post se invenit. Est autem evidens totum aliquod in bono sensu denominari productum, dummodo aliqua eius pars verè, ac formaliter producta sit.

Obiicies secundò, argumentum supra factum in nos retorqueri posse: quia verè, & realiter Deus est incarnatus, & accepit humanitatem: & duæ naturæ, divina, & humana, sunt unitæ in una hypostasi, ut loquuntur Concilia supra citata. Unde 1. Ioan. 3. dicitur Deus animam suam pro nobis posuisse: & 2. Corinth. 5. *Erât Deus in Christo mundum reconcilians sibi.* Ergo quidquid essentialiter, & formaliter est Deus fuit incarnatum. Sed aliæ personæ sunt Deus: ergo sunt incarnatæ. Respondeo, Deum esse incarnatum non secundum naturam immediatè, & per se, sed in persona Verbi, & in eo, per quod Verbum distinguitur realiter ab aliis personis: ideoque cæteras personas non esse incarnatas, quia illud non convenit Deo, nisi

352
Diluitur
obiectio

Altera ob-
iectio.

ratione

ratione Verbi, & quatenus Verbum est, realiter quidem non distinctum à natura diuina, sed tamen distinctum realiter ab aliis personis: & secundum id, quo ab aliis distinguitur, vnita est ei natura humana. Simpliciter autem nunquam concedendum est, naturam per se primò, & immediatè ratione sui, fuisse incarnatam: neque id vsquam asseritur in Scriptura, & Conciliis, sed potius oppositum. Quo sensu intelligè id quod aiunt Damasc. lib. 3. de Fide cap. 11. & Nicetas lib. 3. Theophrasti cap. 11. Nusquam auditum esse, quòd diuinitas homo facta sit, aut incarnata, neque id posse sine errore asseri.

36. Vrgebis, quia sicut natura diuina verè dicitur fuisse incarnata, mediatè saltem, ratione Verbi, propter identitatem Verbi cum natura: ita cum aliz personæ habeant identitatem cum natura, poterunt dici fuisse mediatè incarnatæ, ratione naturæ incarnatæ in Verbo. Habent enim identitatem immediatam cum natura, & mediatam cum hypostasi Verbi. Respondeo, differentiam esse: quia non ita se habet persona ad personam, sicut natura ad personam. Nam persona, comparata cum natura, non est quid realiter diuersum: sed persona, comparata cum persona, est aliquid distinctum realiter: Deinde natura est in qualibet persona, vt eius ratio, & quidditas: persona verò non sic est in persona. Terriò, natura identificatur immediatè cum hypostasi Verbi, in qua immediatè fit vnio hypostatica: aliz verò personalitates mediatè solum, nempe natura communi mediante: nam immediatè distinguuntur realiter: ratione cuius distinctionis non possunt dici fuisse vnitz per vnionem factam immediatè in eo solo, à quo realiter distinctæ sunt. Præualer enim hæc distinctio, & impedit denominationem vniri. Sicut licet natura diuina sit idem re cum paternitate generante, & cum fecunditate voluntatis spirante; non potest dici quòd filius generet aut quòd Spiritus sanctus spiraret; quamuis proprietates Filij, & Spiritus sancti sint idem re cum natura immediatè, & mediatè cum virtute generandi, & spirandi.

37. Superest vltima sententia Nominalium, quæ omnino reiicienda est, vt Conciliorum doctrinæ repugnans. Nam Concilia Toletana VI. & XI. in ipsa fidei professione affirmant solum filium assumpsisse humanitatem in eo, quod proprium Filij, non quod est commune Trinitati, id est, non in essentia, quæ est communis tribus personis, sed in proprietate filij. Quare, velint, nolint Nominales, admittenda est distinctio rationis inter naturam, & proprietatem Filij: dicendumque aliquid esse in Filio commune, & aliquid proprium. Et in VI. Synodo generali, actione 11. in epist. Sophronij, quæ approbatur actione 13. docetur manifestè distinctionem esse rationis inter essentiam diuinam, & proprietates personales, his Verbis: *Et iuxta quod Deus, id ipsum existit vnumquodque*: id est, vnaquæque persona,

Tomus IV.

quatenus Deus est, siue secundum deitatem, vnum & idem est cum aliis personis, quia non differunt secundum diuinam essentiam. *Dum seorsim consideratur*, id est, dum præcisè concipitur persona diuina, quatenus Deus est, siue secundum Deitatem, ipsa intelligentia, quod non separabile, s. parante, id est, separante per conceptum præcisum intellectus nostri, id quod realiter non potest separari, nempe Deitatem à proprietate personalia, à qua non potest auelli realiter: *Vt Pater & Filius, & Spiritus sanctus aliud, & aliud, & aliud non dicantur*, id est, ita vt non dicantur differre essentia, quamuis differant proprietatibus. Quia enim vox, *aliud*, significat diuersum in essentia: non possunt dici aliud & aliud: sed tantum aliud, & aliud, id est, alia, & alia persona.

Eadè distinctio apertè supponitur ab eodè Concilio Generali VI. actione 8. sub finem, affirmante Patrem, & Spiritum S. in incarnatione nihil habere còmune, præter benignissimam voluntatem. Hinc enim sequitur non totam entitatem Verbi secundum se totam, id est, quoad essentia, & proprietatè, terminasse vnionem: alioqui Pater, & Spiritus S. habuissent aliquid commune in illa terminatione, nempe essentiam, quæ ipsis equè ac Filio còuenit. Si autem Filius terminauit secundum proprietatem, non secundum essentia: est manifestè præcisio, & distinctio rationis inter essentiam, & proprietatè. Quia id quod affirmatur, seu includitur in affirmatione, præcinitur ab eo quod non affirmatur, seu non includitur in affirmatione, sed ab illa excluditur. Estq; euidenter impossibile duo verè còtradictoria prædicari de aliquo, sine aliqua distinctione reali, vel rationis. Atqui affirmatur de proprietate, quòd terminet: idemq; nõ affirmatur, sed negatur de essentia. Ergo impossibile est essentia non distingui à proprietatibus saltem ratione. Item in Concilio Florent. sess. 18. 5. *Diuina substantia*, Ioan. Theologus, Ecclesiæ Latinæ doctrinam exponens, approbatam à Marco Theologo nomine Græcæ Ecclesiæ, toto Concilio tacitè consensiente, imò etiam expresse locis mox citatis ex sess. vlt. sic ait: *Diuina substantia, & persona requidem sunt idem, secundum autem modum intelligentiæ nostræ differre videntur. Nam persona ex substantia proprietatibusque consistit: quæ tamen si ratione ac secundum nostram intelligentiam (vt supra dictum est) differant: ipsa tamen substantia cum personis communicat, proprietates verò nequaquam communicabiles sunt.* Ex sess. vltima in confessione Fidei, missa à Latinis ad Græcos, sic dicitur. *Ne substantiam re, non autem sola ratione ab hypostasis, & personis differre, credere videamur: necnon ne quispiam credendo sanctum Spiritum ex solo Patre procedere; tres in partes vnitam illam diuinam substantiam diuidi mente concipiat, idcirco verbum, ex Filioque, necessarium in Symbolo duximus esse, &c.* Quibus verbis significant Patres Ecclesiæ Latinæ, se nolle quidè videri credere, substantiam diuinam distingui in re

N

Damasc.
Nicetas.

36.

37.

Est distinctio
quo virtua-
lis, seu ra-
tionis inter
essentiam,
& proprie-
tatè Verbi.

382

Probarur
ex Concilio

à personis: secus autem quòd distinguantur ratione. Et eadem scilicet in literis vnionis, id est, in fidei definitionibus, sic dicitur: *Omnia, quæ Patri sunt, ipse Pater unigenito Filio suo dedit quænam, præter esse Patrem: Vbi Concilium manifeste distinguit cum essentiam communem à paternitate, affirmans illam dari Filio, non illam: tum etiam ipsa attributa essentialia. Qui enim propriè loquitur, (ut faciunt Concilia in fidei definitionibus) & dicit, *omnia*, dicit multa. Qui autem dicit multa, dicit distinctionem aliquam, sine qua impossibile est esse multa. Ex his facile apparet verum esse, quod initio diximus, contrariam sententiam Conciliorum doctrinæ repugnare.*

39.
Exponitur
Concilium
Rhemense.

Obijciunt 1. illud Concilij Rhemenfis sub Eugen. III. *In Theologia inter essentiam, & personam, ratio non distinguit.* Verum, ut alibi respondimus, locus ille Concilij, secundum veram illius mentem acceptus, nocet magis, quam faueat Aduersarijs. Nam ut rectè ait Valq. 1. p. disp. 130. cap. 1. & 2. error Gilberti Porretani in eo Concilio damnati in eo erat, quòd diceret essentiam, & personam in diuinis distingui, non solum secundum rationem mathematicam, quæ per mentem præscindit, & distinguit ea, quæ non sunt in re distincta: ut lineas, & superficies, & extensionem quamlibet, à re extensa: & numerum, à rebus numerabilibus: verum etiam secundum Theologiam, seu rationem Theologicam, distinguentem ea solum, quæ à parte rei sunt distincta. Sic enim auctor ille accipiebat, & opponebat inter se Mathematicam, & Theologiam: ut rectè ostendit Valq. loco citato, testimonio Otthonis Frisingensis, auctoris illius temporis, qui acta illius Concilij scripsit: necnon ex variis locis S. Bernardi, qui eiusdem Concilij auctor præcipuus, & quasi mens fuit. Concilium itaque Rhemense verbis relatis damnat solum, & prohibet distinctionem Theologicam iuxta sensum Porretani, id est, distinctionem in re inter essentiam, & personam diuinam: distinctionem verò mathematicam, id est, distinctionem solum rationis, seu præcisionis, non damnat, neque prohibet, sed omnino permittit, & accitè saltem approbat. Quare eius auctoritas nocet potius Nominalibus, quàm faueat.

40.
Soluatur
aliud ar-
gu. n. No-
minal.

Obijciunt 2. Vbi non est vnum, & aliud in re, non potest vnum vniri in re mediata, & alterum immediate. At in Verbo non est vnum, & aliud in re, quia est res simplicissima. Ergo &c. Confirmatur, quia vniri mediata, est vniri per aliud, tanquam medium. Ergo si non est aliud in re, non est medium in re. Ergo vnio non est mediata in re, Ergo in re est immediata: atque ita tota entitas Verbi vnitur immediate humanitati. Respondeo 1. Eodem argumento probari pariter, quia in Patre non est vnum, & aliud, Patrem non posse communicare Filio essentiam, nisi communicet illi suam proprietatem, quod hæreticum est: & similiter Filium non posse produci à Patre secundum suam proprietatem relati-

uam, nisi producat secundum essentiam, quod etiam est hæreticum. Quare maior propositio, eo sensu, quo proponitur in obiectione, est erronea, & fidei repugnans.

Respondeo 2. Sufficere quòd sit vnum & aliud virtualiter, & æquiualeuter in re: id est, sufficere amplitudine illam entitatis Verbi diuini, & æquiualem ad multa, quam vocamus distinctionem rationis fundamentalem, (id est, fundamentum formandi conceptus diuersos, & multiformes) & distinctionem virtualem in re sufficere, inquam, ad hoc, ut ratio secundum quam formaliter, quæ talem, fit vnio humanitatis cum Verbo, fit entitas Verbi, quatenus habet vim terminandi hypostaticè, secundum quam æquiualeat hypostasibus creatis. Quemadmodum anima rationalis, quæ virtualiter, & per æquiualem multiplex est, vegetandi vim habens, ut animæ plantarum; & sentiendi, ut animæ brutorum; & intelligendi, ac volendi, ut Angeli: intelligit formaliter, quatenus æquiualeat Angelis per vim intelligendi à se distinctam: sentit, quatenus æquiualeat animæ brutorum, per vim sentiendi; & vegetat, quatenus æquiualeat animæ plantarum, per virtutem vegetandi. Atque etiam secundum aliquos vnitur ossibus vegetantibus tantum, & non sentientibus, ut vegetans tantum formaliter, quæ talis, per se, & immediate: & ut rationalis iis solum partibus corporis, quæ ratiocinio proximè inseruiunt. Imò Cajet. & alij quidam, sed pauci, & non sequendi, censent nulli corporis parti vniri, quæ rationale; seu quatenus mens est. Putant enim ut talem corpori supereminere: & sicut actus intelligendi non communicantur materiæ, ipsam informando: ita neque formam intelligendi, ut talem ei communicari: quia actus non est abstractior à materiæ, quàm forma, secundum quod actus ab illa prouenit.

Ad confirmationem, Respondeo esse aliud in re virtualiter, sensu suprà explicato: & hoc sufficere ad vnionem aliquo modo mediata. Nec obest, quòd vnio, de qua loquimur, est actualis, & formalis, ac non tantum virtualis; quasi verò propterea medium debeat esse aliud in re formaliter, & actualiter, ut illa vnio sit mediata in re, id est, fiat actu, mediante alio in re actu, & formaliter distincto. Sufficit enim, quòd fiat mediante alio virtualiter distincto in re, id est, fiat formaliter, & secundum se cum Verbo quatenus æquiualeat hypostasi creatæ, ad terminandum hypostaticè, quam vim non habet formaliter, prout est natura. Vnde Verbum non terminat quæ natura formaliter, sed quæ hypostasis. Sicut idem Verbum non producit formaliter, & actuali productione, quæ natura formaliter, sed quæ Filius, ratione proprietatis relatiuè oppositæ Patri producenti.

Obijciunt 3. Si diuinitas non est vnita secundum se, & immediate: ergo Christus non est *icdio*. Deus formaliter, & intrinsecè, ac per se. Pater, quia componitur solum intrinsecè ex natura humana, & hypostasi Verbi. Consequens

autem est hæreticum. 2. Deus non poterit dici incarnatus, passus, mortuus : vel similiter poterit dici Pater incarnatus, & passus: quod iam pridem fuit damnatum in Patropassianis. Probatur, quia si mediata unio cum natura sufficit ad communicationem idiomaticam cum natura: sufficeret ad eandem communicationem cum Patre, & Spiritu sancto identitatem eorundem cum natura divina. Confirmatur, quia quæ non conveniunt essentia divine secundum se, non possunt illi tribui, quamvis conveniant alicui proprietati. Atque ita essentia neque generat, neque generatur, nec dici potest generare, vel generari: licet Pater generet, & Filius generetur. Ergo similiter quævis Filius incarnetur, & patiat, non poterit Deus dici incarnari, & pati, si hoc tantum Filio convenit ratione proprietatis.

41. Ad primum Respondeo, nomē *Christus* significare personam compositam ex duabus naturis, divina, & humana, unitis in hypostasi Verbi, quarum quælibet æquè componit intrinsecè personam illam, licet natura divina non uniat, immediate humanitati. Aliud enim est componere immediate Christum, & aliud uniri immediate humanitati. Ad secundum Respondeo, denominationes, quæ sunt in concreto, cadere in totum suppositum. Natura autem divina cum subsistentia Verbi, & cum natura humana constituit unum suppositum. Quare illi, ut constituenti tale suppositum, & subsistenti in persona Verbi cum natura humana, potest tribui in concreto denominatio incarnati, passus, & mortui: non autem Patri, & Spiritui sancto, qui non constituunt tale suppositum, sed potius illi relativiè opponuntur: unde sicut à se excludunt Filij relationem, seu hypostasim; ita & affectiones, & denominationes in illa peculiariter fundatas. Ad probationem dico aliam esse rationem de unionem mediatam, per quam natura Verbi, ut subsistens in eadem personalitate cum natura humana, constituit cum illa unum & idè suppositum, sicut tres hypostases divine constituant cum essentia unum Deum in illis subsistentem tripliciter: & aliam, de sola identitate mediatam Patris, & Spiritus sancti cum hypostasi Filij, quæ omnino per accidens se habet ad Christi constitutionem. Denominationes verò prædictæ fundantur in unitate personæ, propter quam Deo tribuuntur & homini, ut subsistenti in eadem hypostasi: & non sumuntur à natura divina, (alioqui possent de tribus personis dici) sed à natura humana subsistente in Verbo, à qua toti supposito communicantur, adeoque naturæ divine, non simpliciter, sed ut subsistenti cum humana in eadem hypostasi Filij: quæ natura humana est ratio, & radix talium denominationum.

Ad confirmationem Respondeo, ea quæ conveniunt proprietati, non posse quidem tribui essentia in abstracto: secus tamen in concreto. Potest enim dici Deum generare, & Deum generari: iuxta illud Symboli Nicæni, *Deum de Deo, lumen de lumine, Deum verum de Deo vero, genitum, non factum, &c.* Similiterque de-

nominationes nati, passus, mortui, & similes, non tribuuntur Deitati in abstracto; sed Deo in concreto, sumpto pro Filio incarnato, id est, pro Christo. Dicunt tamen Concilia, naturam Verbi esse incarnatam; quia id nihil aliud significat, quam esse unitam humanitati: quod etiam de illa absolute sumpta verum est mediatè: quia scilicet subsistit in eadem hypostasi, cui humanitas immediate unita est, & est pars eiusdem suppositi.

SECTIO V.

Refutantur alia argumenta quorundam Recentiorum.

Præcedenti doctrinæ aduersantur etiam Peruditi quidam recentiores, qui cōtēdunt unionem hypostaticam fuisse adæquatam ex parte Verbi; tam secundum naturam ipsam immediate unitam, quam secundum hypostasim, se tota quoque in finitè & immediate unitam, in mediatione rationis. Ac primò quod natura divina immediate unita fuerit, probant, quia alioqui non posset dici, quod ait Paulus, omnem plenitudinem divinitatis habitare in Christo corporaliter, id est, uniri in illo naturæ corporeæ. 2. Christus non esset Deus quantus est, si ne quidem formaliter esset Deus. Non est autem formaliter Deus, nisi divinitate unita humanitati. 3. Merita Christi non sunt simpliciter infiniti valoris, sed operans non est formaliter Deus. 4. Non solent, neque debent usurpari propositiones, in quibus prædicatum non convenit propriè subiecto, licet eius significatum identifice- tur cum aliquo propriè conveniente subiecto. Ex. gr. dici nequit, quod Beati videant omnia Dei consilia: etiam si verum sit, quod videant essentiam Dei, quæ identificatur cum omnibus Dei consiliis. Non dicitur etiam, quod Ethnici Philosophi cognoverint Trinitatem; licet cognoverint verum Deum, qui re ipsa est Trinitas. Nec dicitur quod Deus generet per voluntatem, licet intellectus ab ea non distinguatur. Atque Patres & Concilia dicunt, quod humana natura iuncta est divine. Ergo non tantum unita est alicui identificato cum natura divina. Minorem probant ex S. Leone in epist. ad Flavian. August. serm. 58. de Verbis Domini, Damasc. lib. 4. de Fide cap. 4. & ex Concilio Rhemen- si, cuius hæc verba sunt: *Natura divina est incarnata; sed prout est in filio.* Quorum sensus non est, quod natura uniat, non secundum se, sed prout identificatur hypostasi Verbi. Nā absurda est, & inaudita hæc propositio, Natura divina, sed prout est in filio, est distincta à Patre: & tamen verum est quod hypostasis filij, quæ est idem cum natura, distincta est à Patre. Ergo ut vera sit hæc propositio Rhemen- sis, *Natura divina incarnata est, sed prout est in filio*, non sufficit, quod natura divina dumtaxat identificetur hypostasi filij.

Deinde verò quod hypostasis Verbi fuerit unita totaliter, & adæquatè humanitati Christi, probant primò, Quia si quemadmodum

431

Prima pars contrariæ sententiæ.

Coloss. 2. v. 9.

Cur Pater & Spiritus S. non dicuntur incarnati & passus?

441

Secunda pars sententiæ contrariæ.

anima Christi Deum non cognoscit adæquatè, ita nec humanitas vnitur hypostasi adæquatè, sequitur nos posse eodem modo loqui de vnione hypostatica, ac de cognitione, quam habet anima Christi de Deo. Consequens est absurdum. Sequela probatur: Nā quia anima Christi non habet virtutem infinitam, & Deo æqualem, non potest Deum comprehendere cognoscitiuè, vt affirmat Concil. Basileense sess. 21. Sed propter defectum comprehensionis Doctores sacri dicunt, quod videntes Deum, plenam diuinitatis naturam non vident, vt loquitur August. lib. 2. de Trinit. & Beda in 1. epist. Ioan. cap. 3. Ergo similiter si Verbum non est adæquatè vnitum hypostaticè, non posset dici, quod omnis plenitudo diuinitatis in Christo inhabitet corporaliter, contra Paulum Coloss. 2. v. 9. Neque enim plus habitat, quam vnitur. Itē sicut non potest dici, humanitas Christi videt Deū, quantus est: ita nec posset dici, Christus est Deus quātuſ est: nō enim est Deus aliter, quā vnitate suppositi, siue vnione hypostatica formaliter, quæ non attingeret Deum, quantus est. Consequens est absurdū, & contra Apostolum Philip. 2. v. 6. *Non rapinam arbitratus est esse se æqualem Deo.* Denique sicut Cyril. catechesi 6. dicit Deum communicantem se Beatis pro cuiusque captu, se dimetiri; & solum Spiritum sanctum, quia est Deus, scrutari profunda Dei: ita deberet dici, quod Deus pro captu naturæ humanæ se dimittens est per vnionem hypostaticam. At contra, Ioannes Baptista, loquens de Christo, vt de cœlo venit, id est, vt per vnionem hypostaticam constitutus est, ait Deum non dedisse illi spiritum ad mensuram. Et Christus ipse Pater alloquens Ioan. 17. v. 10. *Omnia tua,* inquit, *mea sunt.* Non habebat autem illa formaliter vt homo, nisi per vnionem hypostaticam.

45. Probant 2. quia vnio hypostatica (inquiunt) in eo consistit quod humana Christi natura sit propria Verbi, quia ineffabili modo est ei subiecta, & Verbum ei dominatur. At dici non potest, quod Verbum secundū aliquas tantum partes sui virtuales habeat subiectam naturam humanam Christi. Nam Verbum omnino, & adæquatè cōtinet, ac sub se habet naturam illam assumptam. 3. Si vera esset cōtraria sententia, nō essent actiones elicite ab humanitate Christi, meriti simpliciter infirmi. Quia non dignificantur, nisi quantum pertinent ad Verbum. Atqui pertinerent diminutè tantum, si non ad adæquatam eius maiestatem pertineret: quod non esset, si illa maiestas diminutè, & imperfectè esset communicata humanitati. 4. Hypostasis Verbi integre, & adæquatè sumpta, constituit Christū. Ergo vnitur adæquatè humanitati. Sequela probatur. Nam quidquid componit cum alio vnum tertium, illi alteri vnatur necesse est, tam propriè, & formaliter, quā componit. Nam omne compositum, quā tale, est vnum; & quando extrema distincta faciunt vnum, necesse est vt adunentur, & vniantur. Et sicut constituunt compositum adunatione: ita &

vnione inter se. Ergo si Verbum adæquatè constituit vnum cum humanitate, adæquatè etiam ei vnitur. Antecedens Aduersarij concedunt. Ex hac autem concessione, & probatur conclusio, & solvuntur eorum argumenta: quorum potissimum est, quia vt natura humana Christi vnatur personæ Verbi secundum aliquem gradum illius personæ, oportet in illa humanitate esse aliquid virtutis vnitiuæ, quam exerceat circa illum gradum hypostasis. Ergo vt circa plures, oporteret esse plus virtutis. Ergo vt circa infinitos virtualiter, debet esse virtus infinita. At finita humanitas non potest habere virtutem infinitam. Responderi enim potest, 1. Indirectè, inde sequi personam Verbi adæquatè sumptam non constituere Christum: quia vt humanitas cum illo constituat, requiritur aliqua virtus. 2. Et directè responderetur, aliquos esse vsus rerum, quasi passiuos, ac neutros circa infinita, qui non arguunt virtutem infinitam in rebus habentibus illos vsus. Talis est vsus vnibilitatis ex parte naturæ humanæ. Requiritur enim aliqua quidem perfectio in natura assumpta: nam nisi esset ens, assumi non posset: sed non requiritur perfectio cum ea proportionem, vt quod persona assumens est potentior, eò plus requiratur virtutis in natura assumpta. Nam ex D. Thom. Opusculo 3. cōtra Græcos, & Armenos cap. 6. §. *Est autem*, Assumens superat perfectione assumptum, & sibi illud subordinat. E contra verò, assumi est subiecti, & subordinari assumenti. Itaq; quod potentia assumens magis vincit imbecillitatē naturæ assumptæ, eò minùs requiritur perfectionis in natura assumpta. Addunt alia esse exēpla, in quibus exercitium aliquod simile virtutis apprehendimus in rebus, quæ tamen vt illud exercitium habeant circa plura, & plura in infinitum, non debet crescere earum virtus. Ita obiecta corporea aliquo modo afficiunt sensus, & carnales hominum, & cœlestes Angelorum, vt loquitur August. id est, necessarium est obiecta occurrere, vt in eorum occursu excitetur virtus visiva hominum, & Angelorum, & tamen malè aliquis imaginaretur ad eò posse augeri numerum Angelorum v. g. occurrentium alicui obiecto, putà Soli, vt videre illud non possent. Quæ imaginatio per se videtur incredibilis. Nullum enim est experimentum, quod res vel tenuissima, quò à pluribus videtur, eò minùs perfectè videatur. Est itaque vltus virtutis, quæ obiecta determinant potentiam videntē, quasi passiuus: & in eo potius consistit, quod facultates cognoscentes, in obiectorum occursu, ex illis exprimant suam cognitionem. Quanquam igitur exercitia virtutis productiuæ, vel etiā subiectiuæ, vt ad maius obiectum extendantur, debeant cum proportionem crescere: tamen non sunt tales omnes vsus quasi passiuus cuiusmodi est vsus vnibilitatis, qui est in humanitate respectu Verbi. Hæc illi.

Ad quæ Respondeo primò negando sequelā trium priorū argumentorū: nam vt verè dicatur plenitudo diuinitatis habitare in Christo

August. lib.
12. de Trinit.
cap. 7.

46.

Verbum non
fuit adæ-
quatè vni-
tum imme-
diatè.

corporaliter, sufficit, quod tota physice, & realiter in illo sit, & tota uniatur eius humanitati mediatè, vel immediatè, præsertim cum illa mediatio sit tantum rationis. Id etiam sufficit ut Christus sit formaliter Deus, & ut eius merita sint infiniti valoris, tanquam operationes personæ diuinæ seipsam totam impendentis in Dei honorem, & obsequium. Præterquam quod natura diuina est de conceptu intrinseco hypostasis Verbi, quæ unitur immediatè humanitati: adeoque quatenus etiam unitur illi immediatè, Christum formaliter Deum constituit.

Ad quartum dico, ut aliquid verè & propriè dicatur unum esse alteri, sufficit esse unum mediatè, etiam realiter: & multò magis ratione solum, id est, mediante aliquo ratione tantum distincto, ut contingit in vnione hypostatica Verbi cum humanitate. Nam in continuo v. g. omnes eius partes verè, & propriè dicuntur esse vnitæ, & omnes simul vnum totum constituunt: quamuis non omnes uniantur immediatè, sed aliquæ mediantibus aliis. Neque similia sunt exempla in obiectione allata. Nam videri propriè non dicitur id quod latet, & quatenus latet. Ut enim alibi dicemus cum Molina 1. p. qu. 28. art. 2. disp. 3. Proprium est nostrorum actuum animæ extrinsecè denominantium aliquid visum, cognitum, apprehensum, &c. ut solum supponant pro re cognita quoad id præcisè quod de illa percipitur. Vnde qui vilu solum aliquam partem montis attingit, non dicitur verè, & propriè totum montem videre. Ac verò vniri propriè dicitur id quod alteri mediatè, vel immediatè coniungitur. Sicut in exemplo allato, pars montis, quæ videtur, verè, & propriè dicitur esse vnita omnibus aliis partibus vltioribus, quæ non videntur. Similiter non verè dicitur producere formaliter & præcisè, ut tale, id quod non influit per se ut tale in rem productam: quo pacto diuina voluntas, ut distincta virtualiter ab intellectu, non generat. Dicitur tamen verè vniri alteri, id quod illi coniungitur secundum se ut tale, quamuis mediante alio, re vel ratione distincto. Sicut in corpore humano caput verè dicitur esse unum non solum collo, verum etiam pectori, & omnibus aliis partibus corpus humanum constituentibus.

Quod verò attinet ad Cœcilium Rhemense, sensus illius est, ut supra dixi, quod natura diuina sit incarnata mediatè, prout pertinet ad filium, cuius hypostasis immediatè unitur humanitati, atque ex illa denominatio vniri redundat in filium solum, & in naturam diuinam prout in illo existentem: non autem in alias personas diuinas: quia attributa quæ naturæ diuinæ conueniunt, ratione alicuius proprietatis personalis, non tribuuntur aliis personis, quibus illa proprietates non conueniunt, ut diximus supra num. 21. & fusius in tract. de Trinit. præcipue disput. 31. sect. 1.

Ad secundam partem sententiæ aduersa-

riorum, & argumenta in fauorem eius allata, Respondeo primo, humanitatem Christi vniri adæquatè hypostasi diuinæ, mediatè, vel immediatè secundum rationem, non minùs quàm ipsi toti naturæ diuinæ: quod sufficit, ut verè dicatur omnem plenitudinem diuinitatis in ipso inhabitare, & Christum esse æqualem Deo, & non accepisse spiritum ad mensuram; & quæcunque sunt Patris, esse Christi, ratione naturæ diuinæ, quam totam illi communicat. Deus enim in Christo inhabitat, & Christi est, secundum id omne, quod illi mediatè, vel immediatè communicat: potestque dicere. Christus verè, & propriè hoc totum sibi datum esse, & totum illud tuum esse. Ad secundum Respondeo, vnionem hypostaticam non consistere in qualicunque subiectione naturæ humanæ, aut dominio Verbi (quod cuiusmodi sit non satis explicant Aduersarij) sed in eo quod natura humana physice, & substantialiter uniatu hypostasi Verbi diuini, & ratione illius vnionis dicatur fieri Verbi, & Christum cum illo componere. Quæ vnio non fit sine concursu physico ipsius humanitatis: & si distinguitur a parte rei, ut plurimi existimant, educitur ex ipsa, & in eadem, ut subiecto recipitur. Non apparet autem, quod humanitas, cum sit perfectionis, & virtutis finitæ, possit ex parte sua præbere concursum infinitum, qui esset necessarius ut Verbo immediatè vniretur adæquatè, iam secundum naturam diuinam, quàm secundum hypostasim. Nam illa vnio non minùs debet esset infinita, quàm esset visio, qua Deus adæquatè videretur à Beato.

Ad tertium Respondeo, merita Christi dignificari ab eo toto, quod Christus est: & tam naturam humanam, quàm eius actiones meritorias, pertinere adæquatè ad totam Verbi diuini maiestatem: quippe quæ tota, mediatè, vel immediatè vnita est humanitati, & cum illa constituit personam operantem. Ad quartum dico, aliud esse hypostasim Verbi vniri adæquatè humanitati, & aliud, vniri adæquatè immediatè. Primum est verum: vnitur enim illi adæquatè partim mediatè secundum rationem, partim immediatè: atque ita etiam Christum adæquatè constituit, quippe qui constituitur ex omnibus suis partibus seu componentibus, mediatè, vel immediatè vnitis inter se: sicut totum continuum constituitur ex omnibus eius partibus; tametsi aliæ aliis mediatè uniantur. Secundum autem falsum est, & malè cum primo confunditur ab Aduersariis. Malè etiam retorquetur argumentum contra illos factum. Nam propter vnionem mediatam non plus virtutis requiritur, quàm necessarium sit ad vnionem immediatam: quippe ad quam solam terminatur influxus physicus humanitatis finitæ. Quemadmodum si daretur continuum aliquod infinitum, quolibet eius pars non vniretur infinitè alteri proximæ: neq; magis influeret in vnionem cum illa, & cum aliis, quàm si continuum finitum esset. Probabilius autem

Fuit tamen vnium adæquatè immediatè, aut immediatè,

497

N 1

Nellus influxus virtutis finit ex potest esse infinitus.

existimo nullum influxum realem, & physicum, simpliciter infinitum, posse dari à virtute finita, cuiusmodi est virtus humanitatis Christi. Quare si obiecta concurrunt aliquo reali, & physico influxu; cum potentiis videntibus, siue per specierum impressionem, siue per aliam determinationem, vt docent ipsimet. Aduersarij: probabilius cenſeo non posse infinitè influere cum potentiis infinitis simul presentibus ad videndum: Quamuis tam facile concurrant, vt nō appareat eorum influxum minus sensibiliter, propter multiplicationem videntium, quanta solet illis occurrere: vt neque apparet ignem minus calefacere, siue multos, siue paucos, æquè presentes, aut æquè distantes. Sicut autem experimur non posse ignem æquè calefacere magis distantes, aut suam vim extendere ad quamcunque distantiam, sed in illo, & alijs agentibus naturalibus, datur certa distantia, & sphaera actiuitatis, ultra quam agere non possunt: Ita experimur obiecta visibilia, si nimis distant, minus perfectè videri, eoque imperfectius, quò distantia maior est; & non posse videri ad quamcunque distantiam: quod etiam de Angelis docent alibi recētiore illi quos modò impugnamus. Affirmant enim, & probant ex Scriptura, Angelos non videre ad quācunque distantiam, sed ea tantum, quæ sunt ipsis debite propofita, & sufficienter presentia: propter quod egent motu locali, & accessu, vt aliqua videant, quæ alioquin non possunt intueri.

SECTIO VI.

An unio hypostatica sit aliquid creatum & distinctum ab extremis unitis. Ac primò præmittuntur aliqua de distinctione modali.

50.
Sententia
Modificalium.

VLtra realem distinctionem & rationis, multi recentiores contendunt cū Suare disp. 7. Metaphys. sect. 1. & 2. admittendum esse tertium genus distinctionis, quàm vocant mediam, & modalem, & ex natura rei, & realem minorem: quàm à reali maiori, seu reali simpliciter ita distinguunt, vt velint realem maiorem, seu realem simpliciter esse illam, quæ est à parte rei inter rem, & rem, id est, inter duas res, quæ possunt saltem per diuinam potentiam mutuo ab inuicem separari, & existere separatim. Modalē verò, seu realem minorem esse illam, quæ est inter rem, & modum, id est, inter duo, quorum vnum potest quidem existere sine alio, & ab eo separari, saltem de potentia Dei absolute: sed non vice versa. Hoc enim signum illius distinctionis tradit Suar. sect. illa 2. num. 8. & probat, quia, inquit, si alterum ex illis duobus tale est, vt per potentiam Dei absolutam non possit sine alio conseruari: magnum argumentum est illud essentialiter esse tantum modum quendam, & non veram entitatem. Quia si esset vera entitas, non posset

habere tam intrinsecam dependentiam ab alia entitate, vt non posset Deus illam supplere sua infinita potentia. Ergo solum potest id provenire ex eo quòd illud extremum in sua intrinseca essentia, non est entitas, sed tantum modus.

A distinctione verò rationis eam distinguunt, quia distinctio modalis est verè actu à parte rei in extremis ipsis, quæ dicuntur distinguui. At distinctio rationis non est actu à parte rei in extremis ipsis, quæ dicuntur distinguui ratione: sed ad summum est in rebus virtualiter, per æquiualemiam eiusdem rei simplicis ad multa; & fundamentaliter, quatenus illa virtualis æquiualemia, & amplitudo rei simplicis, præbet intellectui fundamentum formandi de illa conceptus varios, & difformes, à quibus per denominationem extrinsecam dicitur res distinguui ratione, & dicuntur esse multi eiusdem rei conceptus obiectiui, ratione distincti.

Ad modalem hanc distinctionem probandam supponit Suar. sect. 1. num. 17. in rebus creatis, præter entitates earum, quasi substantiales, vel radicales, inueniri quosdam modos reales, qui & sunt aliquid positium, & afficiunt ipsas entitates per seiplos, dando illis aliquid, quod est extra totam essentiam, vt indiuiduam, & existentem in rerum natura. Cuiusmodi est actualis inhaerentia accidentis in subiecto. Nam quod nouam entitatem propriam non afferat (inquit paulò post) vix potest in dubitationem venire; quia si esset noua omnino entitas: non posset esse actualis vnio inter accidens, puta inter quantitatem, & subiectum; sed ipsa potius indigeret, quo vniretur subiecto, & quantitati, sicut quantitas ipsa indiget inhaerentia, quâ subiecto vnatur. Quòd si inhaerentia non indiget alia vnione vel inhaerentia, quâ vnatur, vel inhaereat; ideo est, quia ipsa non affert propriam entitatem, quæ inhaereat, & vnatur; sed tantum est quidam modus, qui per se est ratio vnionis, & inhaerentiae. Cuius signum est, quia hæc inhaerentia per nullam potentiam esse potest, nisi actu coniuncta illi formæ, cuius est inhaerentia: & quòd hæc numero inhaerentia non potest afficere, seu potius vnire, nisi hanc numero formam, cui est veluti affixa: qui modus afficiendi nunquam reperitur in formis, vel in rebus, quæ habent ex se proprias entitates. Idem autem est de inhaerentia qualitatis, vel de vnione formæ substantialis cum materia, & de subsistentia respectu naturæ, de presentia, motu locali, actione, seu dependentia termini ab agente, & similibus. Dantur ergo in entitatibus creatis modi aliqui afficientes ipsas, quorum ratio in hoc videtur consistere, quòd ipsi per se non sufficiunt constituere ens, seu entitatem in rerum natura; sed intrinsecè postulant, vel actu afficiunt entitatem aliquam, sine qua esse nullo modo possunt, & quibus per se immediatè vniuntur sine vlllo modo intermedio, vt addit Suar. num. 18. in fine.

51.
Fundamēta illius sententiae.

52. *Iam verò modos illos distingui actu à parte rei à rebus modificatis probat Suar. sect. 1. num. 3. quia res possunt esse sine modis à parte rei, quamvis modi sine rebus esse non possint. Si autem duo ita separantur in re, ut vnum existens maneat, & non aliud: necesse est, ut saltem modaliter distinguantur. Primo, quia impossibile est, ut idem sit, & non sit. Ergo si hoc non existit, quod antea existebat, & aliquid manet existens; non possunt esse in re idem omnino: alioquin idem simul existeret, & non existeret. Secundo, quando hac duo ita separantur, aliquid positivum est, quod in re tollitur ab alio, & definit esse, sumendo latè, aliquid, ut distinguitur contra nihil, pro omni re, vel modo reali. Illud ergo positivum postquam separatur, non est: ergo quando erat, distinctum aliquo modo erat ab eo quod existens manet. Terrio, non minus est impossibile separari idem omnino à seipso, destructo altero extremo, quam conservato utroque. Sed non potest idem à seipso separari, manente utroque extremo, ergo neque poterit altero non manente. Ergo quoties fieri potest talis separatio, supponitur in re distinctio. Hæc Suar, qui pro sua auctoritate, & eruditione singulari doctrinam istam de modali distinctione, maxime promouit.*

53. *Verum est, res habere varios se habendi modos, sed sine distinctione in re.*

In qua doctrina verum est quod ait res habere varios se habendi modos reales, & positivos, sine quibus ipsæ esse possunt, quamvis modi sine illis esse non possint, ne de potentia quiddam absoluta. Est enim prorsus inintelligibile, & impossibile, esse inhærentiam sine aliquo, quod inhæreat: esse unionem sine extremis, quæ uniantur: esse extensionem sine entitate aliqua extensa: esse præsentiam, aut motum localem sine aliquo præsentente, vel moto localiter. Quamvis ex opposito accidens possit esse, & non inhære, ut in Eucharistia: esse forma, & non uniri, ut anima rationalis extra corpus: esse corpus, & non esse extensum, ut corpus Christi in Eucharistia indivisibiliter positum: esse mobile, & non moveri localiter, aut non esse præsens huic aut illi loco determinatè, ut experientia manifestum est. Sed non puto verum esse quod ait, res non posse constitui formaliter tali, vel tali modo se habentes intrinsecè, nisi per aliquid, quod à parte rei ab illis distinguatur. Nam eius argumenta id non satis efficaciter probant, ut ostendimus sect. 8. Contrà verò, puto evidentibus argumentis convinci, res ipsas posse seipsis tali, vel tali modo se habere formaliter, sine additione ullius rei, vel recurre à parte rei distinctæ: quamvis talis se habendi modus non sit illis essentialis, sed contingens. Quod ostendo multis exemplis, & inductione facta per ea omnia, quæ modaliter distingui censentur ab auctoribus contrariæ sententiæ.

De modo inhærentiæ.

54. *Primum sit illud ipsum, quod in exemplum attulit primo loco Suarès, nempe*

inhærentia accidentium. Si enim accidens formaliter seipso, id est, sua ipsius entitate inhæret: non inhæret tamen per aliquid distinctum à se: imò illud distinctum est superfluum accidenti, & inutile, ut det illi formaliter id quod accidens iam per seipsum habet formaliter, quatenus distinctum ab illo addito. Atque omne accidens seipso formaliter, id est, sua ipsius entitate inhæret: ergo &c. Maior est evidens quoad primam partem. Quoad secundam verò probatur, quia si accidens, totum quantum est, inhæret seipso formaliter: non eget alio distincto, à quo accipiat inhære formaliter: & superflua est, atque inutilis forma distincta, ut res per illam habeat formaliter, id quod per seipsam formaliter habet: quemadmodum superflua est, & inutilis existentia distincta, per quam res existat formaliter, si res per seipsam formaliter existit, & actu est in rerum natura. Ac licet modus inhærentiæ distinctus fingatur superaddi accidenti, toti per se inhærenti: non propterea accidens magis inhæret, quippe quod iam per se totum inhærebat: neque potest magis inhære formaliter, quam si totum, & omni sui parte inhæreat. Quare multiplicantur tantum inhærentiæ diversorum, quando loco unius ponuntur duæ, vñ accidentis, & altera modè supervenientis, siue ab eo distinguatur siue non: sed unius inhærentia non facit, ut alterum magis inhæreat. Deinde admissio modo illo inhærentiæ distinctæ, accidens, quatenus per se formaliter inhæret, aliter se habet, quam si non inhæreret. Et tamen quatenus per se formaliter inhæret, non inhæret formaliter per aliquid à se distinctum. Ergo respondet aliter se habere seipsa formaliter, & non tantum per aliquid à se distinctum. Ergo fuit præcipuum fundamentum adversariorum, quod res non possint aliter se habere tali, vel tali modo intrinsecè, nisi per aliquid distinctum in re.

Minor verò primi argumenti propositi probatur, quia tota entitas cuiuscunque accidentis est seipsa formaliter educta à subiecto, ipsique tota incumbit, & innititur, tanquam sustentanti, quippe quæ tota est impotens ad per se existendum. Ergo tota inhæret per seipsam formaliter, & immediatè quia tota per se formaliter est in alio, indigens subiecto naturaliter, atque illi innitens. Et quemadmodum accidens est totum formaliter, & immediatè ens ab alio, quia secundum se totum immediatè, & non tantum secundum aliquid distinctum produciatur, & pender à Deo, ita ut non tantum produciatur aut pendeat à Deo immediatè, modus nescio quis dependentiæ (de quo infra) & accidens tantum mediatè per illum: sed ipsummet accidens secundum suam ipsammet entitatem à Deo sit, quippe quod secundum se totum creatura est, indigens Deo à quo sit, & ens omni ex parte ab alio, ac nullo modo, nullaque ratione à seipso: Sic etiam accidens secundum se totum, & im-

Inhærentia accidentium non distinguitur ab illis in re;

55.

mediate est ens in alio, & pendens naturaliter à subiecto: ita ut non tantum sit in subiecto, vel pendeat ab illo per modum inherentiæ à se distinctum: sed etiam per seipsum formaliter, quia per se formaliter indiget subiecto, ipsique ut sustentanti innititur totum quantum est.

De modo extensionis.

§ 6.
Neque extensio à re
extensa.

SECONDUM exemplum sit extensio cuiuslibet rei extensæ: siue quantitatis, siue distincta ab aliis rebus materialibus, & extensis, siue qualitatis, aut ipsius materiæ, vel cuiuscunque formæ, aut accidentis materialis. Quæ extensio est modus aliter se habendi intrinsicè, quando res de non extensa sit extensa, vel sit magis, aut minus extensa, ut naturaliter contingit in rarefactione, & condensatione. Et tamen evidens est res illas extendi formaliter seipsis sine aduentu formæ aut modi distincti in re. Sic enim argumentor: Illud non est extensum formaliter per aliquid à se distinctum, quod per se formaliter, & ut distinctum ab illo, est extensum. Sed res quælibet extensa, est per se formaliter extensa, ut distincta à quouis alio: ergo non est extensio formaliter per aliquid à se distinctum. Maior est evidens: nam quod est tale formaliter per aliquid aliud, non est tale formaliter per se solum, & ut distinctum ab illo: Ex gr. quod est formaliter lucidum per lucem à se distinctam, non est lucidum formaliter per se solum, & seorsum sumptum à luce. Minor verò probatur, quia si res esset extensa formaliter per aliquid distinctum à se, putà, per modum extensionis distinctum ex natura rei; deberet ille modus constare partibus positis aliis extra alias; quæ ut educerentur, & ut inhaererent subiecto, deberet subiectum natura prius in genere causæ materialis habere partes suas alias extra alias, ex quibus partes modi educerentur, ipsique inhaererent. Est enim impossibile, per aduersarios, ut sint sine subiecto, quod modificant: & non possunt illi uniri & inhaerere, nisi ubi ipsum intimè præsens est. Quare ut partes modi, extensivè positæ aliz extra alias, inhaereant partibus subiecti, debent partes subiecti natura prius esse aliz extra alias. Atqui hoc ipso quod partes sunt positæ aliz extra alias, subiectum est extensum localiter: nam esse extensum localiter nihil est aliud, quàm habere partes extra partes in ordine ad locum. Ergo subiectum est extensum per se formaliter, & quidem natura prius, quàm causet materialiter, & subiectet modum distinctum extensionis, qui frustra, & inutiliter illi affingitur, ut det illi effectum formalem, quem iam habet, quemque necessariò præsupponitur habere, ut modum illum distinctum recipiat.

§ 7.
Confirmatur
tripliciter.

Confirmatur, quia quidquid causat, debet habere natura prius omnes condiciones necessarias ad causandum. Vna verò ex his con-

ditionibus est propinquitās vel indistincta, in qua causare potest: & subiectum non potest causare materialiter accidens aut modum à se distinctum, nisi sit illi intimè præsens, & in eodem loco in quo causandum est. Extensio autem non potest causari ne per divinam quidem potentiam, ut dicunt aduersarii, nisi in partibus diuersis spatii: ergo subiectum debet natura prius esse in partibus diuersis spatii, secundum partes sui diuersas, à quibus causentur diuersæ partes modi extensionis, quæ aliter causari non possunt, imò ne quidem in maiori, vel minori spatio, ut ipsi imaginantur, debentque dicere consequenter ad sua principia.

Confirmatur 2. quia partes subiecti debent esse necessariò ubi sunt partes formæ, aut modi accidentalis: alioqui partes illæ formæ, aut modi accidentalis, essent alicubi sine subiecto, quia essent alicubi, ubi nihil esset subiecti. Atqui si subiectum, ut distinctum ab extensione, non esset extensum; non esset secundum se, id est, per suam entitatem formaliter, & per diuersas eius partes, ubi sunt partes diuersæ extensionis: ergo partes illæ extensionis essent alicubi sine subiecto. Si verò partes subiecti, sunt ubique sunt partes extensionis, sunt extensæ formaliter per seipsas, quia per se formaliter sunt aliz extra alias in ordine ad locum: ita ut non modò concretum, seu constitutum ex re, & modo extensionis, sit extensum formaliter, quemadmodum solum concretum ex subiecto & calore, est calidum formaliter; sed & ipsamet res, quæ subest modo extensionis, & prout ab illo distincta, ac præcisè considerata, sit extensa formaliter, quia habet partes extra partes in ordine ad locum: in quo consistit formaliter esse extensum: quemadmodum existere formaliter consistit in eo quod res sit actu in rerum natura, & omnis alius modus distinctus, est ad hoc superfluous.

Confirmatur 3. quia si extensio uniretur alicui subiecto, quod ut ab ea distinctum est, non esset extensum; subiectum illud, ut ab ea distinctum, esset inextensum, & in indivisibili positum. Ergo extensio, quæ necessariò, & essentialiter, iuxta doctrinam aduersariorum, constat partibus positis aliis extra alias, uniretur subiecto posito in indivisibili, & non habenti partes suas alias extra alias. At hoc implicat, quia partes subiecti debent correspondere partibus formæ in eodem loco: alioqui partes formæ essent ubi nihil esset subiecti, & unirentur illi ubi non est; quod est evidenter impossibile: Ergo implicat extensionem esse formam distinctam à subiecto extenso, eo modo quo volunt aduersarii: ita ut nihil sit extensum formaliter nisi componatur ex duobus: ex re extensa, velut subiecto; & ex modo extensionis, veluti forma superaddita.

Confirmatur 4. quia extensio, si est modus distinctus, est quoque ipsa extensa: constat enim partibus aliis extra alias posi-

tis. Vel igitur est extensa per alium modum superadditum: vel per seipsam formaliter. Si primum: abitur in infinitum, quia de isto modo redibit eadem quæstio, & de aliis deinceps. Si secundum: ergo esse extensum generatim loquendo, non est habere modum distinctum. Deinde, ideo dicitur extensio esse formaliter extensa per seipsam, quia per seipsam habet partes extra partes in ordine ad locum. Atqui res extensa habet similiter partes suas extra partes in ordine ad locum, ut supra ostendimus: ergo ipsa quoque est extensa formaliter per seipsam. Denique quidni possit à Deo conservari res cum suis partibus aliis extra alias sine illo modo ab ipsis distincto? Et quidem eo desistente res non posset in instanti confluere tota in indivisibile: alioqui partes remotiores, vel transirent in distans, non pertransito medio: vel eodem instanti essent, & non essent in eadem parte spatii. Ergo maneret necessario aliquandiu extensa sine extensione, quod implicat.

De Figura.

59.
Neque figura à re figurata.

Tertium exemplum sit figura: quæ est modus se habendi intrinsecus rei figuratæ: & tamen non distinguitur à re figurata, tanquam res aut reclusa ipsi superaddita. Nam figura formaliter in eo consistit, quod res extensa claudatur undique vno, aut pluribus terminis. Vno, inquam, ut in circulo sit, vel in globo: quorum ille clauditur undique vnica linea, iste vnica superficie: vel pluribus, ut sit in triangulo, in quadrato, in pentagono, hexagono, & similibus figuris. Atqui res quævis extensa localiter, & undique terminata, seipsa formaliter, & intrinsecè terminatur: ergo seipsa formaliter est figura. Maior est ipsa definitio figuræ. Minor probatur, quia quælibet res est seipsa formaliter undique terminata hoc ipso, quod eius partes non ulterius tendunt, sublato, reipsa, vel per mentem, quocunque alio, re, vel ratione distincto. Ergo superfluous est modus distinctus, ut sit aut intelligatur esse undique terminata formaliter. Ac si modum distinctum habet; quemadmodum partes illius modi undique terminantur seipsis, quatenus non ulterius protrahuntur: sic & partes rei figuratæ terminantur seipsis formaliter, eo ipso quod non ulterius protrahuntur. Item quælibet res est figuræ circularis, aut rotundæ, eo ipso formaliter, quod ab eius centro ad circumferentiam omnes lineæ ductæ sunt æquales inter se. Atqui res circularis, aut rotunda hoc habet per seipsam formaliter, & haberet, aut intelligeretur habere, quamvis ab ea realiter, vel per intellectum remoueretur modus ille distinctus rotunditatis circularis, aut globosæ, qui frustra ei affingitur ad hunc effectum formalem illi præstandum. Tam enim sunt æquales inter se lineæ rei circularis, aut globosæ; quam lineæ modi: ac necessariò etiam lineæ rei, & modi debent esse æquales inter se.

Confirmatur; quia si talis modus datur: non tantum ipse rotundus est, sed etiam res, cui inhaeret, & ex qua educitur. Nam partes extremæ ipsius rei non minus distant æqualiter ab eius centro, quam partes extremæ ipsius modi distant æqualiter à centro ipsius modi & lineæ vtriusque, ductæ à centro ad circumferentiam, non sunt minus æquales inter se. Imò natura prius res debet per seipsam formaliter ita esse disposita in ordine ad locum, ut possit esse subiectum talis modi distincti, illumque causare materialiter, ut supra dicebamus de extensione. Neque tantummodò concretum ex se, & modo illo est rotundum formaliter: sed & ipsum subiectum à modo condistinctum, & præcisiu, atque naturā prius illi præsuppositum in tali dispositione, in qua sola potest esse causa illius modi. Quod signum evidens est, rem non esse rotundam formaliter per modum illum distinctum: quia quod constituitur tale, per formam distinctam, non habet illum effectum formalem naturā prius quam formam recipiat, neque seorsim sumptū à tali forma. Ex.g. id quod constituitur calidum per calorem à se distinctū, non est calidum naturā prius quam calorem recipiat, neque seorsim sumptum à calore. Denique figura sit sapissime per solam detractionem, & separationem partium, ut sit in arte statuaria: & ex quadrato v. g. secto per diametrum, fiunt duo triangula. Atqui sola destructio, vel separatio non est productiva alicuius entitatis, aut entitatus: quæ etiam, vel seipsa, vel per mentem detractā, erunt æque, aut concipientur esse duo triangula.

De Actione.

Quartum exemplum sit actio, quam Suar. & alii modorum distinctorum assertores volunt esse entitatem intermediam inter agens, & effectum: eamque, si siteductio, esse in subiecto: si sit creatio, esse in termino, ab eoque pendere essentialiter; licet sit illo prior, ut via ad illum ponendum in esse. Quæ doctrina primò sibi contradicere videtur. Nam inde sequitur terminum creationis esse priorem seipso, quia est prior creatione priore se. Sequitur etiam creationem esse priorem, & posteriorem termino suo, prioritate vtrius & realis dependentiæ in existendo. Priorem quidem, quia est via ad ponendam illius existentiam: posteriorem, quia pendet ab illo, ut existente, quippe in quo recipitur, & ex quo aliquo modo educitur: modi enim, iuxta sententiam modistarum, educuntur ex rebus modificatis, suntque illis ita affixi, ut sine illis sustentantibus, ne quidem per absolutam Dei potentiam esse possint. Secundò, si actio est modus distinctus ab agente: ergo ponitur in rerum natura vi agentis, neque enim à seipso est. Vel ergo ponitur vi agentis immediatè, vel mediante alio modo. Si secundum: de isto idem quæretur, & proce-

60.

61.

Neque actio ab agente.

detur in infinitum. Si primum: ergo poni ab agente non dicit in suo conceptu necessario modum distinctum intermedium: quandoquidem modus ipse actionis est ab agente sine modo distincto intermedio. Deinde si modus actionis potest esse ab agente immediate: quidni & terminus, qui est illi magis proportionatus, & simplicissime univocus, ut calor calori, ignis igni, lumen luminis?

62. **Refutatur** **causio.** Dicent actionem esse modum, & non rem: eumque non produci, ut quod, sed ut quo. Verum neutrum horum satisfacit. Non primum: quia figura, extensio, & motus localis, ac presentia in loco, sunt tantum modi, per aduersarios: & tamen illi fiunt per actionem ab ipsis distinctam. Ergo quod actio sit modus, non impedit, quin debeat fieri per actionem distinctam. Non etiam secundum: quia quidquid secundum se, & ut distinctum à quolibet alio, est ab agente: est eatenus aliquid, quod est ab agente: atque ita est ab agente ut quod. Minus verò satisfacit quod aliqui respondent, actionem non proprie fieri. Nam quidquid est extra Deum, pendet verè, & proprie à Deo in fieri, & conseruari, secundum esse totum, quod habet distinctum à Deo. Ergo si actio est modus distinctus à termino, pendet ut talis verè, & proprie à Deo in fieri, & conseruari.

Deinde sicut id, quod est immediate in subiecto aliquo, non minus est verè ac proprie in subiecto, imò magis, quam id quod tantum mediatè: sic actio, quæ secundum aduersarios est immediate ab agente, est ab illo magis verè, & proprie, quam terminus, siue effectus, qui est ab illo tantum mediatè. Esse autem ab agente, est ab illo fieri, seu vi illius existere: Ergo &c. Confirmatur, quia cum agens à passo remouetur, desinitque in illud agere, quæro cur eius actio desinat? Respondebunt, quia agens non potest illam continuare propter nimiam distantiam à passo. Ergo quando eam continuabat, præstabat aliquid, quod iam non præstat erga illam. Hoc autem, iuxta doctrinam aduersariorum, non potest esse aliud, quam aliqua entitatura: ergo continuabat, seu conseruabat suam actionem per aliam entitaturam. Si autem actio eget alia entitatura, ut conseruetur ab agente: ergo etiam ut ab illo fiat: & hæc iterum egebit alia, & sic in infinitum. Atque hoc quidem argumentum manifestius, & efficacius probat in causis liberis, quæ debent agere seipsis, & à seipsis determinari ad agendum, ex potestate indifferenti ad oppositum: non autem recipere aliunde modum illum actionis sibi impressum.

63. Tertio, si actio est modus, qui fiat immediate à causa, quæ agit: vel est vi illius ex eo præcisè, quod causa est: vel non. Si primum: ergo quandiu est causa, est actio, seu modus ille causalitatis agentis: quia est totum id, vi cuius præcisè ponitur, & nihil aliud requiritur in villo genere causæ, ut sit.

Si secundum: ergo iuxta doctrinam aduersariorum, requiritur aliquod medium præter existentiam. Nam causalitas potest non esse, causa licet existente. Ergo ut causalitas sit, & ponatur in esse, opus est aliquo alio, cuius defectu non est causalitas, quandoque causa existit. Quarto, illud ipsum formaliter debet esse produciens, quod est aptum esse produciens: effectus enim non produciatur formaliter ab alio, quam ab eo, à quo formaliter erat aptus produci. Sed causa ut distincta à quocunque alio, est formaliter apta producere: quippe quæ formaliter est vis, & potentia completa produciendi. Ergo causa formaliter producit, ut distincta à quocunque alio. Ergo produciens non est aliquid aliud constitutum ex causa, & ex modo actionis distincto. Ex iis quæ diximus de actione, patet quid de aliis causalitatibus sentiendum sit. Superiunt alia quatuor, quæ ab aduersariis censentur distinguimodaliter ex natura rei: vnio, substantia, presentia, & motus localis. Verum de vnione dicemus sect. sequenti: nunc de aliis agendum superest.

De substantia,

64. Quintum ergo exemplum sit substantia, quam Suarez, & alii, quos impugnamus, volunt esse entitaturam distinctam à re subsistente, ut colligi putant ex mysterio Incarnationis, in quo natura humana priuata est modo illo sibi connaturali, & loco illius accepit hypostasim Verbi, in qua subsistit. Sed contra, primo, Natura diuina non subsistit per modos ex natura rei distinctos à se: nam tres hypostases relativiæ personarum diuinarum, non distinguuntur in re à natura. Ergo substantia, ex vi sui conceptus generalissimi, non est modus ex natura rei distinctus à re subsistente. Et reddenda est ratio, cur natura creata, quæ est seipsa incommunicabilis pluribus sibi identificatis, non possit subsistere seipsa per simplicem vsum indistinctum suæ sufficientiæ, & aptitudinis ad existendum vi sua, id est, ratione suæ perfectionis naturalis, sine subiecto, aut supposito distincto, cui innitatur, vel à quo terminetur hypostaticè, atque ita seipsa vltimò compleri, & terminari in esse suæ existentie: cum tamen natura diuina, quæ est communicabilis tribus sibi identificatis, ad quæ quodammodo sese diffundit, sit nihilominus subsistens, & vltimò conclusa, & terminata, atque vltimò incommunicabilis in sensu composito, prout est sic modificata, absque villo modo ex natura rei distincto. Maxime cum ratio substantiæ dicatur in eo consistere generatim, quod sit vltimus terminus, & vltimum complementum naturæ substantialis, redens illam in sensu composito, id est, simul cum tali modificatione, ineptam vltimò terminari, & communicari alteri, ut terminanti hypostaticè, vel sustentanti. Secundo, illud debet subsistere

64.

Neque
substantia
à re subsistente

per se, quod est aptum per se subsistere. Alioquin aliud est aptum subsistere, & aliud subsistit: & non est idem, quod potest subsistere, & quod subsistit: quod est aperte impossibile. Atqui natura substantialis est apta per se subsistere: ergo per se subsistit. Ergo non subsistit per modum ex natura rei distinctum: nam subsistere per aliquid à se distinctum, non est subsistere per se: & contradictio est in terminis dicere, quod res subsistat per se, & tamen subsistat per modum à se distinctum. Vt si quis diceret rem existere per se, & tamen existere formaliter per aliquid à se distinctum, id est, habere formam, seu rationem formalem existentiae per aliud à se distinctum. Tertiò, si subsistentia in rebus creatis est modus ex natura rei distinctus: ergo iuxta conditionem aliorum modorum, essentiali omnibus modis, est entitacula tam imbecilla, ut rei, tanquam subiecto inhaereat, & ne diuina quidem potentia possit ab illa auelli. Ergo subsistentia innititur, & incumbit naturæ. Ergo natura subsistit formaliter per aliquid, quod ipsa sustentat, & fulcit. Vt si diceret, fundamentum stare, & subsistere per parietes, qui ipsi inniuntur. Et si munus subsistentiae est sustentare, ut quidam aduersariorum imaginantur: omnino hoc est fulcrum, & sustentaculum facere id quod imbecillius est, egerque tanquam fulcro naturam ipsam, quæ tamen dicitur stare, & subsistere formaliter, per talem reculam imbecillam sibi innixam, ab illaque sustentari. Et contra rationem asseritur, entitaculam illam tam imbecillam, ut neque per Dei omnipotentiam sustentari queat sine fulcro subiecti, sustentare tamen subiectum suum, id est, naturam substantialem, quæ est res vera, & solida, modo illo perfectior, & à qua modus ille pendet essentialiter, iuxta doctrinam aduersariorum.

De Motu locali.

65.
Neque motus à mobili.

Sextum exemplum sit motus localis: quem si idem volunt esse modum, siue entitaculam distinctam ex natura rei à mobili: cuius partes sint in continuo fluxu, & simul impossibiles, atque ita affixæ spatio, in quo sunt, ut neque per Dei omnipotentiam alibi esse possint. Contra quod prius sic argumentor: Moueri localiter est transire ab vno spatio ad aliud successiue. Ergo id quod per seipsum formaliter, id est, per suammet entitatem, ut distinctam à quocunque alio, transit ab vno spatio ad aliud successiue, mouetur per seipsum formaliter, ut distinctum à quocunque alio. Sed mobile per seipsum formaliter, id est, per suammet entitatem, ut distinctam à quocunque alio, transit successiue ab vno spatio ad aliud: ergo mobile mouetur per seipsum formaliter, id est, per suammet entitatem ut distinctam à quocunque. Maior est ipsa definitio motus localis. Minor probatur: quia ipsum mobile, secundum

suam entitatem, ut distinctam à quolibet alio, relinquit spatium, in quo antea erat, & modò est in alio, & alio deinceps, quādiu motus localis durat. Ergo ipsum mobile transit ab vno spatio ad aliud successiue secundum suammet entitatem, ut distinctam à quolibet alio. Probatur antecedens: quia non tantum constitutum ex mobili, & modò superaddito, erat antea in loco A: sed ipsummet mobile præcisè sumptum, quatenus distinctum à modo illo, ibi erat, & natura prius ibi esse debuit, ut modus ille, qui non potest alibi educi, educeretur ex mobili tanquam subiecto. Et similiter non tantum constitutum ex mobili, & modo, est postea in loco B: sed & ipsum mobile secundum suam entitatem, ut distinctam à modo, cui etiam ibidem præsupponitur, ut modus ex illa ibi educatur. Ergo mobile secundum se, & ut distinctum à quouis alio, est modò in vno loco, modò in alio. Ergo secundum se, & ut distinctum à quouis alio, transit ab vno loco ad alium. Hoc autem est moueri formaliter. Ergo mobile mouetur formaliter secundum se, ut distinctum à quolibet alio. Ergo non mouetur formaliter per aliquid à se distinctum: & ille modus distinctus est superfluous, & inutilis ad hoc ut mobile dicatur per illum formaliter moueri, habeatque per illum formaliter id, quod habet per seipsum, & quidem naturam prius, ut paulò ante ostendimus.

Secundò, sine ratione dicitur, & non alia de causa, quàm ad tuendam opinionem male anticipatam, motum localem esse entitaculam distinctam, cuius partes sint de potentia absoluta inter se impossibiles, quæque vi diuina non possint alibi esse. Nam nullum ens physicum, & positiuum, habet oppositionem contradictoriam cum alio distincto: neque enim positio vnius est negatio alterius: neque opponuntur contradictoriè ens, & ens: sed ens & non ens. Ergo nisi aliunde sit contradictio (ut est in actibus oppositis intellectus, & voluntatis, ex parte obiecti) non implicat, vnum ens esse simul cum alio. Ergo saltem per diuinam omnipotentiam simul esse possunt. Ergo partes motus, quæ sunt reales, physice, & positivæ, id est, quæ sunt ens, & ens, possunt esse simul per diuinam omnipotentiam: malèque id negatur ab aduersariis ea solum de causa, ne si hoc dicatur, res loco immota, existensque immobiliter in eodem spatio, censeri tamen debeat moueri localiter, accipiendo in eodem loco varias partes motus localis successiui, à quibus partibus volunt mobile dici moueri formaliter. Eademque sola de causa dicunt partes motus localis, & præsentias locales ita vni spatio esse affixas, ut per absolutam Dei potentiam alibi esse non possint. Quod est sine ratione sufficienti valde restringere Dei omnipotentiam: imò & contra rationem. Nam res potest moueri localiter extra cælos, ubi nullum est spatium reale. Quomodo ergo partes mo-

tus localis sunt affixæ essentialiter partibus spatii quod non est? Et quamuis spatium, per quod mouetur, sit reale, cur potius vni parti spatii sunt affixæ, quam alteri: cum frequenter partes spatii reales, puta aëris, aut aquæ, sint homogeneæ, id est, eiusdem, planè rationis? Idemque dico de partibus spatii imaginarii, si est reale, ut aliqui falsò imaginantur. Præterea si partes motus localis sunt in continuo fluxu, & inter se incompossibiles, debet motus localis constare ex indiuisibilibus, quod Suares, & alii aduersarii negant. Nam nulla pars vniri potest alteri non existenti: siquidem vnio actualis est necessariò inter duo extrema actualia, id est, actu existentia, quando vniuntur. Atqui vna pars motus localis non est, quando altera existit: ergo non potest illi vniri. Ens autem, quod caret omni vnione, caret omni compositione. Et quod caret omni compositione, est simplex, & indiuisibile. Ergo partes motus localis sunt indiuisibiles. Aquæ ita motus localis constat ex indiuisibilibus.

67. Tertiò, res quæ mouetur localiter, potest tardius, aut velocius moueri. Quando autem mouetur velocius, quæro per quid formaliter moueatur velocius, siue quid sit illa velocitas? Respondebunt, iuxta sua principia, esse modum motus, seu entitatem afficientem motum, quæ sine motu locali esse non potest, sed motus localis potest esse sine illa, potest enim esse tardior. Sed contra: Contendo ipsam quoque velocitatem esse motum aliquem localem, quia successiue afficit subiectum per partes transeuntes, & impossibiles, & cõstituit mobile in variis partibus spatii successiue. Ergo si motus fiat velocior, & velocior; superueniet priori velocitati alia entitatus; & isti alia, & sic in infinitum, quò magis, ac magis fiet motus velocior. Hoc autem est absurdum, & contra sensum communem: nam moueri velocius non est formaliter multiplicari entitatus illas, & addi modos modis, qui si adderentur rei in eodem loco, maneret tamen immota: & videre rem moueri velocius, non est videre addi illas entitatus plures, ac plures: sed videre rem tempore breuiori spatium æquale transire. Sicut videre rem moueri simpliciter, non est videre entitatum, cuius partes impossibiles successiue fluant, ac momento sint, & desinant; sed est videre mobile transire successiue ab vno spatio ad aliud, & singula sua ipsius entitate implere successiue. Quod omnino sufficit ad motum localem bene concipiendum, sicuti est reipsa, rationem sensui accommodando, qui in eo non fallitur: quidquid verò superadditur, est inutile, & fictitium, ut iam ostendimus.

De Præsentia locali.

68. Sæptimum exemplum sit præsentia localis: quam aduersarii volunt esse modum

intrinsecum realem, & positium, ex natura rei distinctum à re locata: quia res sine tali præsentia esse potest, quamuis præsentia non possit esse sine re: & potest præsentia talis variari, re tamen in se inuariata. Verum ille modus distinctus merito reicitur tanquam superfluus à multis recentioribus, inter quos sunt Toletus lib. 3. Physic. cap. 3. quæst. 3. Aegid. Conink tom. 1. de Sacram. quæst. 75. num. 68. & 69. vbi in eandem sententiam citat Aristotelem 8. Physic. tex. 59. affirmantem, mobile nihil sibi intrinsecum mutare in motu locali, id est, nihil intrinsecum distinctum acquirere. Si enim tale aliquid acquireret, verè aliquid in ipso mutaretur. Neque sensus Aristotelis est, mobile nihil mutare intrinsecum suæ substantiæ, acquirendo hunc modum accidentalem, distinctum ex natura rei. Quia neque per alios motus alterationis, & augmentationis, mutatur ipsa mobilis substantia secundum se. Et tamen hoc tanquam peculiare motui locali tribuit Aristot. verbis supra relatis. Qui etiam lib. 3. Phys. textu 4. affirmat, motum nihil esse præter res ipsas, quæ mouentur ut iuxta vim textus Græci legendum est. Quare iuxta doctrinam Aristotelis, motus localis nihil est aliud, quam ipsum mobile, quod localiter mouetur. Si verò motus localis nihil est, præter ipsum mobile, quod mouetur: par est ratio ut præsentia in ipso nihil sit, præter rem ipsam in ipso constitutam. Iisdem enim argumentis vtrumque conuincitur, ut patebit ex sequentibus.

Aristoteli accedit D. Thomas 1. p. q. 110. art. 3. c. dicens mobile secundum locum non esse in potentia ad aliquid intrinsecum, in quantum huiusmodi: sed solum ad aliquid extrinsecum, scilicet ad locum. Et 12. Metaphys. lect. 7. versus fine m, Quod mouetur, inquit, secundum alios motus, id est, generationem, & corruptionem, augmentum, & diminutionem, & alterationem, necesse est quòd aliter, & aliter se habeat secundum aliquid, quod in ipso est: scilicet secundum substantiam, quantitatem, & qualitatem. Sed quod mouetur secundum loci mutationem, habet quidem se aliter, & aliter secundum locum, qui est extrinsecus locato, sed non secundum substantiam, vel secundum aliquam intrinsecam dispositionem substantiæ. Accedunt etiam eidem sententiæ Scot. in 1. dist. 2. quæst. 6. 9. Ad propositum: Gabr. q. 2. a. 2. conclus. 4. Gregor. q. 2. a. 2. & plures alii affirmantes Angelos esse in loco per suam ipsorum substantiam.

Probatum primò, quia si res quælibet per seipsam formaliter est in loco, eo solo, quòd est realiter indistans à spatio reali, vel imaginario, in quo est; falsò, & inutiliter fingitur esse in loco formaliter per modum aliquem à se distinctum à parte rei. Sed quælibet res per seipsam formaliter est in loco, eo solo præcisè, quòd est realiter indistans à spatio reali, vel imaginario, in quo est. Ergo falsò, & inutiliter fingitur esse in loco forma-

Neque præsentia localis à re locata.

Toler. Conine. Aristot.

D. Thom.

Scot. Gregor. Gabriel.

69.

Probatum ratione.

formaliter per modum aliquem à se distinctum à parte rei. Maior probatur: quia quod est tale formaliter per seipsum, falsò, & inutiliter fingitur esse tale per aliquid à se distinctum. Nulla enim res eget formâ vel modo distincto, ut per illum formaliter habeat idipsum, quod habet per seipsam, & sine illo. Quare si res qualibet per seipsam formaliter est in loco, non eget formâ, vel modo distincto, ut per eum formaliter constituatur in loco. Minor verò, quod scilicet res qualibet sit per seipsam formaliter in loco, eo solo, quod est realiter indistans à spatio reali vel imaginario, in quo existit, probatur, quia esse in loco iuxta Aristot. est esse intra superficiem alicuius corporis ambientis immobilem, aut immobiliter consideratam: vel iuxta alios, esse in loco generaliter est esse in aliquo spatio reali, vel imaginario, veluti intimè illud replendo. Sed res qualibet est per seipsam formaliter intra superficiem corporis quo ambitur, aut in spatio, quod replet, eo solo, quod ipsamet eius entitas est realiter intra illam superficiem, vel est indistans ab illo spatio reali vel imaginario. Est autem intra illam superficiem, vel in illo spatio, per seipsam: imò impossibile est, ut sit formaliter per aliud, id est, sit ibi, quia res alia, vel modus aliquis ab illa distinctus ibi est, nisi etiam ipsamet secundum se ibidem sit. Ita ut licet modus illi præterea aduenire fingatur: non tantum per modum illum, sed ipsa quoque secundum se sit intra superficiem, vel in spatio illo, æquè ac ipse modus. Quod signum manifestum est non constitui rem in loco formaliter, per modum illum distinctum. Nam quod constituitur tale formaliter per aliquam formam distinctam, non est tale sine huiusmodi forma, & ut præcisè sumptum ab illa. Ex. gr. aer, qui est lucidus per lumen à se distinctum, non est lucidus ut præcisè sumptus à lumine; sed ab illo præcisus, & separatim sumptus, perinde se habet, ac si lumen non esset. Idque non minus verum est, de constituto formaliter in esse tali, per aliquem modum distinctum. Nam si res non est talis formaliter, nisi per illum modum: præcisè sumpta ab illo modo non est talis.

70. Ratio à priori est, quia impossibile est effectum formalem haberi sine forma, cum nihil aliud sit, quam forma ipsa ut communicata subiecto, vel compositum ipsum ex subiecto, & forma. Quare si aliquod subiectum in seipso habet aliquam conditionem, etiam ut distinctum à quavis forma superaddita: necessarium est, subiectum illud non habere eam conditionem formaliter per talem formam. Atqui v. g. corpus constitutum in aliquo spatio, etiam si illi superadditus sit aliquis modus præsentia, tamen ut distinctum à tali forma vel modo, verè & propriè replet spatium, in quo est: & non tantum compositum ex corpore, & tali modo. Nam corpus illud, ut ita distinctum, est verè intra illud spatium: & verè non est in alio spatio, sed in illo ipso, in quo fingitur illi aduenire modus ille

Tomus IV.

distinctus. Imò prius natura debet esse in illo spatio, quam modum ibi recipiat: quia causa materialis debet esse natura prius suo effectui, & quidem in ea conditione, in qua potest causare materialiter effectum ex illa educendum. Modus autem ille educitur à corpore, velut à subiecto & causa materiali, iuxta doctrinam Aduersariorum: & non potest educi, ne per potentiam quidè absolutam Dei, nisi intra tale spatium, iuxta eorundem doctrinam. Quare sicut agens debet esse natura prius in ea propinquitate loci, ex qua potest agere in subiectum: ita corpus illud debet esse natura prius in ea parte spatij, in qua sola potest modum illum causare & recipere.

Confirmatur, quia sublato per absolutam Dei potentiam, vel per intellectum, tali modo præsentia distincto, manente corpore immoto, corpus est verè, & realiter, ac positiuè præsens per seipsum, id est, secundum suam substantiam, & entitatem totam, illi eidem spatio, in quo antea erat. Quod signum manifestum est non esse in spatio illo formaliter per modum. Alioquin enim modo illo realiter, aut per mentem, sublato, impossibile foret corpus esse, aut concipi esse in spatio. Cum enim, ut supra dixi, & fatentur omnes philosophi, effectus formalis nihil aliud sit quam ipsa forma ut communicata subiecto, vel compositum seu constitutum ex subiecto & forma, euidenter implicat effectum formalem alicuius formæ esse, aut concipi sine ipsa forma: v. g. esse, aut concipi album, ut tale, sine albedine.

Male autem respondent Aduersarij corpus seipso formaliter esse quidè indistans à spatio, & præsens negatiuè, id est, non distans: & in eo casu, quo Deus non odù præsentia tolleretur, aut impediret ne ille educeretur à corpore indistante, fore adhuc corpus præsens spatio negatiuè: modum verò præsentia distinctum necessarium esse, ut per illum formaliter constituatur præsens positiuè. Nam contra: Primo, malè dicitur corpus non esse præsens spatio positiuè, quando quidè est illi præsens per realem positionem suæ substantia, & per suam substantiam realiter in illo existentem, quæ sine dubio positiua est. Secundo, hæc responsio destruit fundamentum propter quod ipsi putant necessarium esse modum præsentia distinctum. Nimirum quia, inquiunt, corpus potest existere, & non esse in tali spatio, atque ab illo recedere: Ergo id, per quod constituitur in hoc loco, à quo recedere potest, distinctum est ab ipso, quia non potest à seipso recedere. Hoc enim argumentum, si quid valet, æquè probat indistantiam illam corporis per seipsum, quam vocant negatiuam, distinguere à corpore. Quia corpus potest existere, & non esse indistans ab hoc spatio, potest enim ab illo recedere. Ergo id per quod constituitur indistans negatiuè, debet esse distinctum ab illo, quia non potest à seipso recedere. Terriò, hoc effugium nihilo melius est, quam si quis ad eludendam vim argumenti, quo efficaciter probatur existentiam non distinguere ab es-

Quilibet res est præsens seipsa.

71. Confirmatur secundum.

72. Refutatur oppositio.

sentia posita extra causas, quia res seipsa formaliter existit, eo ipso quod est actu in rerum natura: responderet rem quidem existere negatiue per seipsam; sed modum existentia distinctum necessarium esse ut existat positiue. Quasi verò non existat positiue eo ipso quod per se formaliter posita est extra causas, & existit actu extra nihil, & extra puram possibilitatem essendi. Corpus autem seipso est similiter in spatio, quod occupat & replet per suammet substantiam. Quartò, inepte vocatur hæc indistantia negatiua. Nam omnis negatio est alicuius entis, seu positiui negatio, tanquam formæ oppositæ & incompatibilis. At dici non potest cuiusnam entis, seu formæ sit illa negatio.

73. Neque enim dici potest illam esse negationem modi positiui præsentia, cuius respectu, & comparisonem indistantia corporis per seipsum vocetur indistantia negatiua. Etenim omnis negatio tollitur formaliter per positionem formæ, cuius est negatio. At indistantia corporis per seipsum à spatio, non tollitur per modum positiuum præsentia, sed ambo sunt simul, ac necessariò esse debent in sententia Aduersariorum. Neque enim definit corpus esse præsens spatio per seipsu, quando modus positiuus illi aduenit in eodè spatio: imò necessariò ibi esse debet, ut modus præsentia ex illo educatur, & in illo cõseruetur.

Dici etiam nequit esse negationem distantia. Tum quia non est maior ratio, cur indistantia sit negatio distantia, potiùs quàm distantia sit negatio propinquitatis. Tum etiam quia negari non potest, quin corpus per se præsens loco aut spatio sine modo præsentia distincto (impediente absoluta Dei potentia ne resulter). vel conceptum sine illo, verè, & propriè, & assertiue, ac positiue occupet locum, & repleat sua entitate reali, & positiua, spatium in quo est: aut verè concipiat illud occupare, & in illo esse realiter, & positiue: quare talis indistantia seu præsentia corporis per seipsum est quid positiuum; Tù deniq; quia negatio non potest amitti, nisi per positionem formæ negatiue oppositæ. At hæc indistantia à spatio, quam vocant negatiua, potest perire, sine acquisitione vllius formæ. Perit enim hoc ipso, quod corpus localiter motum acquirit aliam indistantia per seipsum ab alio spatio. Quare neutra potest vocari mera negatio. Neque dicas, corpus localiter motum acquirere nouum modum positiuum præsentia. Tum quia potest absolute Deus impedire ne resulter modus ille distinctus. Tù etià quia non perit per se primò, & immediatè per aduentum illius modi, sed per hoc, quod corpus secundu se non est ampliùs in spatio, quod antea occupabat: sed iam aliud replet successiue, aut in quiete, per suam ipsius substantia.

74.

Idem probatur ab absurdis quæ sequuntur ex sententia contraria.

Probat secundò nostra conclusio ab absurdis & incommodis, quæ sequuntur ex contraria sententia. Nam ex illa sequitur tot esse modos præsentia in re qualibet, quot in illa formæ substantiales aut accidentales existunt, ex. gr. quorū habitus, aut species in intellectu, & memoria, quæ sunt innumera-

biles: imò etià quot sunt modi cuiuslibet rei, excepto ipso modo præsentia, qui tamen cum non minùs sua entitula repleat spatium, quàm quilibet alius modus, non video cur non egeat alio modo præsentia, æquè ac alij. Respondent Aduersarij, quia cum ipse sit formalis præsentia, participat per se effectum suum formalem: & cum sit essentialiter determinatus ad hoc numero spatium, neque per vllam potentiam possit alibi esse: non eget alia forma per quæ determinetur ut sit in tali spatio. Sed hoc ipsum videtur incredibile, dari scilicet entitula essentialiter affixam huic parti spatij imaginarij, quæ realiter nihil est: vel huic parti spatij realis, quod sepius est uniforme, & homogeneu, id est, eiuusdè rationis quoad omnes suas partes idq; tanta necessitate, ut impossibile sit de potètia Dei absoluta inde auelli cum suo subiecto, aut alibi produci: modisq; illos, & entitulas toties variari, momentòq; oriri, & interire, quot sunt partes motus, quibus mobile in alio, & alio spatio successiue constituitur, quæ partes infinitæ sunt iuxta doctrinam Aristotelis. Deinde sicut ille modus eo ipso, quod per se implet spatium, satis constituitur præsens formaliter, estque sua ipsius præsentia in spatio, nec alio modo indiget ut sit præsens, vel ad effectum formalem præsentia habendum: quidni etiam res alia, quæ non minùs per seipsas, implent formaliter spatium in quo sunt?

Sequitur præterea non posse nos virtute naturali mouere Christum positu sub speciebus eucharisticis. Quia ut illu moueremus localiter, oporteret nos illi dare nouum modum præsentia corporeum indiuisibiliter positu, & supernaturalem saltem quoad modum: cuius modi productio superat nostram facultatem naturalem: nihil enim possumus supernaturale producere solis viribus naturalibus. Et quando homo fertur equo, aut naui vento impulsu, vel impetu fluij vehitur, sequitur, equum, aut nauem, siue fluium, aut ventu, quo impellitur, producere entitula spiritualem in anima, per quam constituatur formaliter præsens successiue spatis, quæ decurrit. Per se autem absurdum videtur posse naturaliter res materiales formam illa spirituale producere.

Sequitur etià fore, ut si Deus homini Romæ dormienti daret modum præsentia, seu entitula, quam Parisiis habuit: homo ille quiescens Romæ, indeq; immotus, foret præsens, non Romæ, vbi est, sed Parisiis, vbi non est: quo nihil potest fingi absurdius. Neque sufficit respondere, suppositionem esse impossibilè. Tum quia parum probabiliter id responderetur de modis eiuusdè corporis. Tum etià quia hæc suppositio, quauis esset impossibilis, euidenter ostendit veru conceptum quod aliquis sit Romæ, non esse quod modum, & entitula quadam distinctam recipiat, quam licet alibi reciperet, non propterea Romæ esset: sed quia per suam entitatem est in eodè spatio, in quo est Roma: quo posito, & sublato quouis alio per diuinam potentia, aut per intellectu, non potest non esse Romæ, aut verè intelligi non ibi esse: & quidquid aliud ponatur,

nisi hoc sit, non est Romæ: ac nisi hoc intelligatur, non intelligitur esse Romæ.

76.
Contraria
sententia
non sibi
cohæret.

Probatur tertio, quia Aduersarij parum cohærenter loquuntur, quando affirmant præsentiam localem esse modum à parte rei distinctum; & tamen fatentur vi argumentorum adacti, existentiam non distingui ab essentia actuali, neque durationem à re durante. Nam eodem planè argumento, quo probatur existentiam non distingui ab essentia actuali, æquè probatur non distingui præsentiam à re præsentente. Argumentum illud est, quia existere nihil est aliud, quàm esse actu in rerum natura: qualibet autem res seipsa formaliter, & non per aliud est actu in rerum natura. Et deinde essentia actualis, citra illam existentiam modale, & vt ab illo distincta, ac seorsim sumpta, existeret: componeret enim cum illa ens actuale ex vtraque parte: imò prius naturâ existeret, quàm modum existentie superuenientem reciperet: causa enim materialis, ex qua aliquid educitur, naturâ prius esse debet, & quidem in ea conditione seu dispositione, quæ necessaria est, vt ex ea aliquid educatur. Non potest autem quippiam è subiecto educi, nisi ipsum existat. Ergo &c. Simili, inquam, argumento conuincitur, præsentiam localem non distingui modaliter à re locata. Nam similiter esse in loco, nihil est aliud, quàm esse actu in spatio: qualibet autem res seipsa formaliter, & non per aliud est in illo. Deinde res citra illam modalem præsentiam, & vt ab illa distincta, præsens esset: imò prius naturâ deberet esse præsens, quàm modum illum præsentie reciperet: quia prius naturâ debet esse in ea cōditione, quæ necessaria est vt modum illum recipiat & materialiter causet. Sicut enim prius natura debet esse agens, vbi agere potest, & esse sufficienter propinquum patienti: sic naturâ prius debet esse causa materialis, vbi pati & recipere possit. Non potest autem pati & recipere modum illum, nisi in tali differentia spatij, quia nusquam alibi esse potest, neque alibi educi, vel recipi, iuxta sententiam Aduersariorum: Ergo naturâ prius causa illius materialis debet esse in illa differentia spatij. Sed res locata est causa materialis illius, siquidem ex illa educitur, vi agentium naturalium: ergo naturâ prius debet ibi esse, quàm modum illum recipiat. Similiter sicut efficaciter probant, durationem non distingui à re durante, quia duratio est permanentia rei in esse: res autem permanet seipsa formaliter eo ipso quòd non definit esse. Sic præsentia ad locum est inexistencia rei in loco: res autem inexistit formaliter seipsa, eo ipso, quòd non est extra locum. Quare pari euidencia conuincitur, præsentiam in loco non distingui à re præsentente. Et quemadmodum vt aliquid existat in hoc vel illo tempore, non est opus reali modo distincto, quo formaliter sit in tali tempore: sed seipso formaliter est in illo, hoc ipso, quòd existit simul cum illo: sic vt res aliqua, siue corporea, siue spiritalis, sit

in tali, vel tali loco, nihil aliud requiritur; quàm intima ipsius inexistencia in spatio. Nam hoc ipso quòd intra tale spatium est, aut esse concipitur, licet per diuinam potentiam, vel per intellectum omnes illi modi auferantur, aut præscindantur, necessario tamen res est, & concipitur esse in tali loco.

Denique neque ratione, neque experimento constat modum præsentie distinctum produci. Non ratione quidem, vt liquet ex iam dictis, & ampliùs liquebit ex solutione argumentorum, quæ in fauorem illius afferuntur ab Aduersariis. Non etiam experientia. Nam illa per sensus haberetur. At nullus experitur per sensus talem modum produci: Sed potiùs simpliciter videt corpus nunc esse in hoc loco, postea in alio, hoc ipso quòd illo concluditur secundum se, quòdque ipsius entitas intra illum existit: absque eo quòd aduertat quidquam noui produci, siue in corpore, siue in loco. Et ceterè corpus non magis eget modo distincto, vt sit coniunctum, & præsens loco; quàm ipse locus, vt sit coniunctus, & præsens corpori: sicut non magis ego modo distincto vt sim intra domum, quàm domus egeat modo distincto vt me contineat. Quare frustra exclamant aliqui esse inimaginabile, & concipi non posse, quomodo corpus mutet locum, nisi aliquid noui in illo, vel in loco producat. Nam si potest id sensu ipso percipi, neque aliud ab illo percipitur, vt iam ostendimus: quidni possit æquè per intellectum, & imaginationem concipi. Imò sic omnes imaginantur naturaliter, & intelligunt, æquè ac sentiunt exterius, illis solum exceptis, qui contraria opinione sunt præoccupati.

Meliùs ergo sentiunt, qui de loco vt de tempore, & de *ubi*, vt de *quando*, cum proportionem philosophantur. Primò enim, sicut tempus cœleste, quo aliorum durationem mensuramus, bonum quidem, & philosophicum est, sed non necessarium vt res dicantur aliquando esse: tempus verò primarium, & vniuersale, ratione cuius per se primò, quidquid est, aliquando esse concipimus, est tempus illud imaginarium, quod ab æterno, & in æternum necessariò fluens imaginamur. Ita locus ab Aristotele definitus *superficies corporis ambientis*, &c. bonus quidem, & philosophicus est: sed extrinsecus, & non necessarius vt res alicubi esse dicatur. Locus autè vniuersalis, ratione cuius quidquid est, siue corporeum, siue spiritale, dicimus esse alicubi, est spatium imaginarium, quod necessariò permanens, & viquequaque in infinitum patens imaginamur. Secundò, sicut spatium fluens imaginarium, non est positium, reale, & actuale; sed merè imaginarium, ac proinde tempus imaginarium, sine quo tamen rerum duratio à nobis concipi, & explicari nequit: ita nec spatium permanens imaginarium, est reale, positium, & actuale; sed merè imaginarium, ac locus imaginarius, sine quo tamen vicationem

77.

Neque ratio, neque experientia fauet contrarie sententie.

78.

Vera sententia de præsentia locali.

rerum vniuersalem, & primam concipere nequimus. Tertiò, sicut forma prædicamenti *Quando*, abstrahit ab existentia in tempore imaginario diuisibili, & extenso, quæ propriè duratio vocatur; & ab inextensa, seu momentanea, quæ proprium nomen non habet: itemque à finita, & infinita: ita forma prædicamenti *Vbi*, abstrahit à diuisibili, & indiuisibili; finito, & infinito. Quartò, sicut forma prædicamenti *Quando*, non est modus à re distinctus, sed ipsamet res, prout seipsa implet tempus imaginarium, vel secundum se totum, vel secundum aliquam ipsius differentiam: ita forma prædicamenti *Vbi*, quæ vbiario dicitur, non est modus à re distinctus, sed res ipsa, prout seipsa spatium implet imaginarium, vel secundum se totum, vel secundum aliquam ipsius differentiam. Quintò, sicut quando res transit per durationem, vel aliter, ab vna temporis differentia in aliam, non deperditur modus realiter distinctus, neque nouus acquiritur; sed res seipsa utramque temporis differentiam implet, hoc ipso, quod vtrique coexistit: ita cum transit per motum localem, vel aliter, ab vna loci differentia in aliam, non perdit, neque acquirit modos realiter distinctos; sed vtrique seipsa præsens est, eo ipso, quod intimè, & quasi penetratiuè vtrique coexistit. Cum autem locus variè sumatur ab Aristotele, & aliis, pro communi, proprio, reali, imaginario, frustra laborant aliqui omnia, quæ de loco dicuntur, vni accommodare.

79. Soluitur prima obiectio contrariæ sententiæ.

* Obijciunt modistæ primò, multa verè dici de præsentia, quæ non possunt verè dici de substantia rei præsentis, vel aliis eius accidentibus. Ergo distinguitur ab illis à parte rei. Respondeo, consequentiam non valere, quia ad diuersitatem prædicationis, quæ sine dubio est opus rationis, sufficit ratione distinguere penes aliquod connotatum, vel aliter, & inadæquate concipi ea, de quibus fit prædicatio. Sic licet in homine non distinguantur à parte rei esse animal, & esse rationale; multa de illo verificantur, ut est rationalis, quæ non sunt vera de illo præcisè ut est animal: ut quod ratiocinetur; quodque ut sic conueniat cum Angelis, & differat à brutis: & licet in Deo intellectus, voluntas, & omnipotentia sint realiter vnum & idem simplex & indiuisibile à parte rei: verum tamen est dicere, quod intellectus generet filium & non spiret Spiritum S. Contra verò voluntas spiret, & non generet: omnipotentia autem neque generet, neque spiret. Pater quoque, & essentia diuina sunt idem. Et tamen Pater generat, essentia non generat.

80. Secunda obiectio.

Obijciunt 2. motum localem esse motum realem. Ergo debet habere terminum realem. Hic autem non potest esse alius, quàm aliquis modus distinctus præsentia localis. Ergo &c. Item non potest concipi quomodo res, quæ non erat præsens huic spatio, fiat illi præsens, nisi vel in ea, vel in spatio fiat aliqua mutatio. Ergo cum non fiat in spatio, debet fieri in ipsa re. Ad primum Respondeo,

motum localem habere terminum realem intrinsecum: nempe, quod corpus sit præsens realiter loco, in quo per motum constituitur: sed nego terminum esse modum intrinsecum, in re distinctum à corpore. Habet præterea terminum realem extrinsecum, quando acquirit locum realem, & physicum, id est, fit præsens alicui corpori ambienti: Sed nego locum illum esse modum intrinsecum mobilis. Ad secundum Respondeo, ut res fiat præsens spatio sufficere vtrumque coniungi, & indistare. Possunt autem coniungi, & indistare per seipsa. Neque magis res locata eget modo distincto, ut fiat indistans à loco, quàm locus illo eget, ut fiat indistans à re locata: essentque ambo indistantia per seipsa, sublato quouis modo distincto.

Obijciunt tertiò: rem esse indifferentem ut sit in hoc aut illo spatio: ergo eget aliquâ forma vel modo, per quem ad illud determinetur. Respondeo, si sermo sit de determinatione actiua, re non alia egere, quàm ut vi sua, vel aliena, constituatur secundum suam entitatem in tali spatio. Si autem de formaliteres per ipsammet entitatem suam tam est determinata ut sit realiter præsens tali spatio, posito quod ipsius entitas in illo constituatur; ut eo solum posito, & quocunque alio re aut ratione sublato, impossibile sit rem non ibi existere, & illi spatio realiter ac verè præsentem esse.

81. Obijciunt 4. Illa sunt distincta in re, quorum vnum potest esse sine alio. Sed corpus secundum suam substantiam, quantitatem, & alia accidentia, potest esse sine præsentia in tali spatio: Ergo hæc præsentia distinguitur à corpore præsentem. Confirmatur: quia corpus potest acquirere aliquam præsentiam, dum mouetur localiter, & aliam perdere. Ergo distinguitur præsentia, tam quæ acquiritur, quàm quæ deperditur, à corpore, quod idem manet. Respondeo, in hoc argumento, & similibus, usurpari modum loquendi improprium, & vulgare magis quàm philosophicum, cum termini abstracti contra rectum usum loquendi, & contra rationem usurpantur. Quando enim dicitur in minori propositione, Corpus potest esse sine hac præsentia; dici deberet, Corpus potest esse non præsens huic spatio: & non est sensus, qui tamen videtur indicari, Corpus potest amittere aliquam entitatem vel modum præsentia. Quare in hunc modum distinguenda est minor, & neganda consequentia argumenti propositi. Similiter quando corpus dicitur acquirere præsentiam, impropria est locutio, dicendumque est potius corpus fieri præsens spatio: quod non fit per productionem alicuius rei, vel modi, sed per ingressum in tale spatium: idque aliquid esse aliud, quàm productionem modi alicuius seu præsentia distinctæ, facile sensus communis assequitur, & euidenter patet ex suppositione paulò ante facta. Si enim ingredi in aliquod spatium esset producere vel habere aliquem modum distinctum constituentem in tali spatio

Tertia obiectio.

sequeretur, quòd si modus corporis constituti Romæ transferretur in corpus existens Parisiis, corpus illud immotum manens, & quiescens Parisiis, foret Romæ.

81. Retorque-
tur argu-
mentum.
Adde, hoc argumentum, & alia prædicta, æquè probare, si quid roboris habent, durationem distinguere à re durante, & creationem à conseruatione, & relationem à fundamento proximo. Quod tamen Suar. & alii plerique aduersariorum meritò negant, ideoque parum cohærenter philosophantur. Nam v. g. quod dicunt rem constitui posse in variis locis, & recedere ab illo, in quo iam existit, ideoque id, quo formaliter constituitur in tali loco, à quo potest recedere, esse distinctum ab illa: quia non potest recedere à se ipsa. Hoc similiter probaret, durationem distinguere ab existentia, & creationem à conseruatione, & relationem à fundamento proximo: quia res potest existere & non durare: potest creari, & non conseruari: potest esse fundamentum proximum relationis, & non referri ad aliud, defectu termini ad quem referatur. Sic etiam quemadmodum res creatæ sunt indifferentes vt sint in hoc aut in illo loco: ita sunt quoque indifferentes vt durent tali vel tali tempore. Item quòd dicunt, non posse intelligi quomodo res fiat præsens huic spatio, cui antea non erat præsens, nisi fiat aliqua mutatio in illa, vel in spatio: quòdque res esse possit sine tali præsentia, ideoque distinguatur ab illa: & quòd multa verè dicantur de præsentia, quæ de re sola verè dici non possunt. Hæc similiter in aduersarios possunt ita retorqueri: Intelligi nequit, quomodo res de non durante fiat durans, & de non conseruata, fiat conseruata, sine aliqua mutatione. Res potest esse, & non durare: potest creari, & non conseruari: fundamentum esse potest, & non referri: multa de relatione, duratione, conseruatione verificantur, quæ non verificantur de solo fundamento, vel de re sola, quæ durat, & conseruatur. Ergo hæc omnia distinguere debent, si præsentia localis distinguitur.

82. Quarta
obiectio.
Obiicit quartò Delugo disp. 5. de Eucharist. num. 103. & 111. Non potest esse denominatio realis absque forma aliqua reali, à qua proueniat: neque noua denominatio sine noua forma. Si enim res omnes eodem modo se habent, semper eodem modo denominant. Quid enim aliud est denominatio formalis, nisi propositio, quæ de rebus loquimur, & res significamus? Si ergo res omnes sunt, quæ prius, & eodem modo: denominationes erunt eadem. Rursus denominatio vbicati non est à forma extrinseca. Nam semotis omnibus extrinsecis, res erit vbierat antea, & poterit moueri localiter per spatium imaginarium acquirendo nouum, & nouum vbi. Ergo præsentia localis est aliqua noua forma intrinseca vbicato.

Respondeo negando maiorem, intellectam de forma distincta in re, & non de simplici modo se habendi indistincto, qui sufficere potest ad nouam denominationem. Et quam-

uis sint eadem res omnes, quæ prius, sufficit vt non sint omnes eodem modo. Dicitur autem res esse vbicata sine forma intrinseca distincta, per hoc solum formaliter, quòd sua entitate replet intimè spatium reale, vel imaginarium, in quo est, aut esse concipitur, ad differentiam vbicationum percipiendam: quæ licet secundum se à tali spatio non pendeant, neque ad illud referantur intrinsecè: tamen non possunt à nobis concipi, & distinguere, sine respectu, & comparatione ad spatium reale, vel imaginarium, consideratum vt immobile.

De Duratione.

83. Probatur
duratio
non distin-
gui à re
durante.
Idem Auctor subtilis & eruditus, disp. 8. de Incarn. n. 102. videns sine dubio argumenta, quibus aliorum modorum distinctio probatur, æquè concludere durationem rerum creatarum distinguere à re durate (quod tamen Suar. disp. 50. Metaphys. sect. 2. & alii plerique Modistarum censent, & meritò, esse impossibile, euidenterque demonstrari oppositum) affirmat durationes distinguere modaliter à rebus durantibus: & distinguere inter se per diuersum tempus imaginarium, cui sic alligantur, vt ne per diuinam quidem potentiam possint esse in alia eius parte. Vnde etiam vult omnes durationes esse successiuas, & in continuo fluxu positas, propter correspondentiam ad nouas, & nouas partes temporis imaginarii fluentis, & successiuæ. Quæ opinio fuit iam satis refutata disp. 4. sect. 5. n. 56. & ea omnia, quæ contra distinctionem modalem motus, & præsentia localis, iam diximus, possunt illi æquè valide applicari. Tantum addo eundem auctorem disp. 8. de Euchar. n. 34. & 35. tradere, vel admittere principia, quibus illa distinctio durationis, & aliarum modales distinctiones conuincuntur esse superfluas. Docet enim actualement extensionem partium in ordine ad locum, non esse aliquod accidens, quale ab aliis ponitur, distinctum ab vbicationibus partium, quod idem numero perseveret, quando corpus localiter mouetur: sed esse ipsasmet vbicationes partium. Nam, inquit, eò præcisè quòd intelligatur caput in hoc loco, & collum in alio, & singulæ partes in diuersis partibus spatii, ablato quocunque alio accidente, intelligitur extensio localis partium. Eodemque modo, inquit, situs non est aliquod accidens posituum physicè distinctum ab vbicationibus omnium partium animalis, & loci. Sedere enim hominem, v. g. nihil est aliud, quàm partes hominis esse in talibus locis taliter distantibus inter se, & sedem esse in tali loco. His quippe positis, & ablato quolibet alio accidente positiuo, intelligitur homo sedere. Hæc ille. At, inquam ego, præterquamquòd incredibile videretur extensionem rei extensæ, putà marmoris, deperdi per solum motum localem, & toties variari intrinsecè, quoties locus variatur & vbicatio: quæ extensio si distinguitur, extensa est, & debet vniri subiecto naturæ prius extenso, cum non possit vniri subiecto indiuisibili,

aut indiuisibiliter posito, sed eius partes natura prius supponant partes subiecti extensas, id est, potius alias extra alias, e quibus educantur, quibusue vniantur, & inhæreant. Similiterque per motum localem siue à vento, siue ab aqua fluminis impellentis nauim, siue ab equo, aut quouis alio causatum, infinities variari & produci extensionem rerum plurimarum, tam artificiosè dispositam, tantoque labore, tam diuturno tempore, & tanta industria primò factam, vt vestium statuarum, picturarum, & similium: quod per se incredibile & absurdum esse mihi videtur. Hoc, inquā, prætermisso, & pluribus aliis quæ contra illam sententiam dici possent: contendendo, per eundem philosophandi modum, debere cohærenter loquendo reiici distinctionem aliorum modorum. Nam si extensio non est accidens positium distinctum ab vbicatione, quia ex eo precisè, quòd intelligatur caput in hoc loco, & collum in alio, ac singulæ partes in diuersis partibus spatii, ablato quocunque alio accidente, intelligitur extensio localis partiū: ergo neq; duratio est accidens positium distinctum ab existentia rei durantis: quia eo ipso, quòd intelligitur res existens non desinere, sed existere in hac, & illa differentia temporis, ablato quocunq; alio distincto, intelligitur res durare formaliter, id est, permanere in esse. Similiter extensio non est accidens positium distinctum à re extensa: quia eo ipso, quòd partes rei intelliguntur esse vna in hoc spatio, alia in illo, putā entitas substantialis capitis in spatio superiori, collum in inferiori, & sic de aliis, intelligitur homo esse extensus. Et motus vel præsentia localis non est accidens positium distinctum à mobili, vel à re locata: quia eo ipso, quòd res secundum suam substantiam est in spatio, illudque implet, seipsa, est præsens illi localiter, & hoc ipso, quòd implet seipsa diuersa spatia successiue, mouetur localiter.

SECTIO VII.

Probat, unionem hypostaticam esse quidem aliquid creatum, sed non distingui ab extremis.

84.
Unio hypostatica est aliquid creatum.

His præmissis dico primò, unionem hypostaticam esse aliquid creatum, non strictè, prout creatio significat productionem alicuius rei ex nihilo: sed latè prout sumitur pro facto liberè à Deo, virtute suæ omnipotentia, atque ab illo pendente. Probat, quia unio hypostatica non est productio alicuius rei ex nihilo, sed est simplex modificatio, quæ præsupponit duo extrema naturæ prius existentia: Quare unio hypostatica non propriè, & strictè creatur. Idque multò magis dicendum est in eorum sententia, qui volunt, unionem illam esse modum à parte rei distinctum eductum, ab humanitate, & in ea sola receptum. Nam quod pro-

priè creatur, sit ex nihilo subiecti. Attamen unio hypostatica sit quodammodo, quatenus ponitur vi actionis Dei liberæ, existitque de nouo in rerum natura, qua de causa terminus totalis eiusdem actionis verè dicitur factus, Galat. 4. v. 4. *Misit Deus Filium suum, factum ex muliere*. Eodemque sensu potest dici creatus, & creatura, non pura quidè, neque ratione Verbi, aut hypostasis diuinæ: sed ratione humanitatis, & vnionis in illa factæ. Consentunt D. Thom. quæst. 2. art. 7. Suarez. disp. 7. sect. 5. & alii communiter.

Dico secundò, unionem hypostaticam non distingui realiter ab extremis vnitis, sed tantum virtualiter, esseque ipsa extrema tali modo se habentia per simplicem usum, & exercitium suæ vnibilitatis, quæ non per aliquid distinctum in re, sed per seipsa immediate vniantur. Probat, primò, quia extrema vnibilia per se, non indigent formaliter, vt vniantur, nisi usu suæ vnibilitatis: qui non debet esse ab ipsis in re distinctus, sicut actio non distinguitur ab agente, quod per se agit, nec passio à patiente, quod per se recipit, nec sessio à sedente, nec alii usus, & exercitia, à potentiis, quarum sunt immediate. Argumenta enim quæ demonstrant hæc non distingui, idem probant de vnione. Neque enim v.g. minùs abiretur in infinitum, si quidquid vnitur, per vnionem distinctam vnitur: quàm si quidquid agit, per actionem distinctam agit, & si quidquid recipit, per aliquid distinctum recipit. At hypostasis Verbi, & natura humana, sunt per se vnibiles: Verbum quidem, ex infinita sufficientia, nullius alterius indigente, vt formaliter vniri possit: natura verò humana; per potentiam obedientialem, per quam apta est terminari à Verbo hypostaticè. Neque apparet quid ex parte corporis interponi possit, quod sit aptius vniri Verbo per se, quàm anima rationalis.

Confirmatur, quia materia & forma substantialis, accidens & subiectum, & generaliter omnis actus & potentia naturalis, vniantur ad inuicem per se immediate, vt docent Aristot. 8. Metaphys. sect. 16. & S. Thom. ibid. & 1. 2. quæst. 110. art. 1. ad 2. vbi sic habet: *Inter materiam & formam non cadit aliquod medium, quia forma per seipsam informat materiam vel subiectum, & quæst. 49. art. 1. c. Quædam sunt, inquit, in quibus nihil est medium inter habens, & id quod habetur: sicut inter subiectum, & qualitatem, vel quantitatem, nihil est medium. Quædam inter quæ est sola relatio, vt habere socium vel amicum &c.* Et lib. 2. contra Gent. cap. 71. affirmat animam immediate vniri corpori: nec oportere ponere aliquod medium, quasi animam corpori vnens; eò quòd anima vnitur corpori, vt forma eius: forma autem vnitur materiæ absque omni medio. Per se enim competit formæ, quòd sit actus corporis, & non per aliquid aliud. Vnde nec est aliquid vnum faciens ex materia & forma, nisi agens quod potentiam reducit ad actum. Hucusq; D.

85.
Non distinguitur realiter ab extremis.

Probat, primò.

86.
Confirmatur.

Thom. Nimirum quia quilibet actus per se & sine villo superaddito, est actus potentiz: & vicissim potentia est per se potentia ad actum. Ergo & ille per se informat, & ista per se recipit, non per aliud quocunque modo distinctum in re. Ac sicut v.g. calor, qui est per se naturalis potentia ad calefaciendum, per se immediate calefacit, id est, calorem producit in subiecto, non autem per modum vel formam interpositam inter ipsum & calorem productum: Ita potentia passiva per se immediate recipit, & forma per se immediate afficit materiam à qua recipitur: nec eget aliquo distincto vt afficiat: sicut materia non eget alio quo mediante recipiat, estque impossibile vt quicquid recipit, per aliud intermedium recipiat. Sanè Aristot. lib. 1. Physic. enumerans principia rerum naturalium, non meminit huius vnionis intermedia, quæ tamen si distinguitur in re à materia & forma, erat numeranda inter principia corporis naturalis in facto esse, æquè ac potiori iure, quàm priuatio numeretur inter principia eiusdem corporis in fieri. Nam hæc minùs est necessaria, & minùs considerabilis, quàm vnio substantialis distincta in re à materia & forma: magisq; ab illis distinguitur, & numerum cum illis facit, quàm priuatio distinguatur à materia. De quo argumento plura videri possunt apud Tiphani. lib. de Hypostasi cap. 45. num. 8. & sequentibus, vbi variis Aduersariorum effugiis occurrit.

87. **Secunda probatio.** Secundò, vniri alteri est adhærere physice alteri, eique connecti: & vniri immediate, est adhærere immediate. Ergo si natura humana adhæret Verbo immediate, vnitur illi immediate. Atqui natura humana adhæret Verbo immediate: quippe quod illam terminat immediate: hæc autem terminatio est adhæsiō humanitatis ad Verbum. Ergo natura humana vnitur Verbo immediate. Ergo non mediante entitate, vel entitula distincta, quæ sit modus vnionis. Illæ enim entitula esset medium interpositum inter Verbum, & naturam humanam, quod solum immediate vniretur Verbo, natura verò humana tantum illo mediante.

Respondet Tannerus q. 3. de Incarn. dub. 4. Naturam humanam vniri Verbo immediate, quia non vnitur illi, mediante altero extremo: quamuis vnatur mediante vnione distincta. Sed contra: euidens est non vniri immediate ea, inter quæ mediat aliquid distinctum vt vniantur, quidquid illud sit, & cui extrema vniri debent, nec nisi mediante vnione cum illo, vniantur ipsa inter se: adeò vt sola vnio extremorum cum illa entitula, sit immediata: extremorum autem inter se, sit tantum mediata. Sic autem res in præsentem se habet, vt patebit ex sequenti argumento.

88. **Tertia probatio.** Tertiò enim, si entitula illa interponitur inter Verbum, & humanitatem, tanquam vinculum vtriusque, & nexus à parte rei distinctus; debent humanitas, & Verbum, vt

inter se vniantur, vniri illi entitula. Nisi enim vtrumque illi vnatur, non poterunt per illam vniri, sed manebunt distincta à se inuicem. Vel ergo vniantur illi per se immediate, vel mediante alia entitula, & modo distincto vnionis. Si secundum, itur in infinitum, & impossibile est vnionem vnquam perfici. Si primum: Ergo vniri formaliter non est recipere modum distinctum vnionis, ita vt sine illo mediante, non possit fieri vnio: quandoquidem extrema vniantur illi entitula, sine modo distincto intermedio. Deinde si extrema possunt per se immediate vniri entitula: cur non possunt per se quoque, & immediate vniri inter se? Quandoquidem ratio formalis vnionis non postulat de se modum distinctum: & extrema supponuntur esse per se apta vt vniantur. Sanè argumenta præcipua, quibus Aduersarij probare conantur vnionem distingui, vel nihil probant, vel probant de omni, vt videbimus paulò post. Quare cum necessario, & euidenter conuincantur fateri, esse impossibile omnem vnionem (etiam illam, quæ fit cum entitula intermedia) distingui à parte rei: non est cur asserant, extrema ipsa non posse inter se vniri sine media entitula: quasi vnio sine aliquo distincto intermedio fieri nullo modo possit.

Neque valet responsio, quam adhibent huic argumento, vnionem vniri extremis per se immediate, quia non vnitur vt quod, sed vt quo, id est, non est aliquid quod vnatur, sed quo extrema vniantur. Contra enim: ostensum iam est vnionem ipsam, si est aliquid distinctum ab extremis, vt volunt Aduersarij, debere necessario vniri extremis, quia alioqui non possunt extrema vniri inter se. Ergo est aliquid quod vnitur, & non tantum quo alia vniantur. Ergo vnitur vt quod, & non tantum vt quo. Neque minùs ipsa secundum se, id est, secundum suam entitatem, aut entitulam qualemcunque, quæ distinguitur ab extremis, vnitur, & adhæret ipsis extremis, quàm extrema vniantur, & adhæcant eidem entitula, aut inuicem sibi ipsis.

Quartò, incredibile est dari aliquam entitulam creatam, aut etiam possibilem esse, tantæ perfectionis, vt naturaliter & essentialiter constituat Deum, & Dei filium naturalem, velut effectum formalem sibi connaturalem, ita vt aliter esse nequeat de potentia absoluta, id est, non possit esse talis entitula sine tali effectū. Atqui huiusmodi esset illa entitula ab Aduersariis asserta. Nam secundum illos non potest esse, quin modificet humanitatem; neque potest eam modificare, quin vniat hypostaticè, ita vt de potentia absoluta aliter esse nequeat. Nam si posset absolute esse sine Verbo sibi coniuncto, & incarnato, ruit præcipuum argumentum Aduersariorum, impossibile esse transitum à contradictorio in contradictorium, sine acquisitione, vel deperditione alicuius positiui distincti. Ponamus enim entitulam illam

89. **Quarta probatio.**

cum humanitate, cui identificatur realiter, aut potius necessario inhaeret, existere separatim à Verbo. Ergo iam fit transitus humanitatis ab unita ad non unitam sine deperditione positiui distincti: quia neque perit Verbum, neque humanitas, neque entitatula. Item supponamus rursus coniungi: ergo fit transitus à non unita ad unitam, sine acquisitione noui positiui distincti. Præterea illa entitatula, cum partim corpus, partim animam afficiat, magnam deberet habere varietatem, esseque partim corporea, partim spiritalis. Si enim est spiritalis ex parte corporis: quomodo potest illi per se immediate adherere, cum anima rationalis, quæ magis illi proportionata est, non possit tamen per Aduersarios corpori adherere, & vniri, sine modo vnionis intermedio? Sed etiam, si materialis est, quomodo potest Verbo immediate adherere, cum anima rationalis, quæ Verbo magis proportionata est, non illi adhaereat sine modo intermedio? Item si est materialis, quomodo potest identificari realiter animæ spiritali? Et si est spiritalis, quomodo potest identificari realiter corpori? Modi autem, iuxta Suar. & alios, identificantur realiter rei modificatæ: quia non distinguuntur ab illa realiter, & simpliciter, id est, distinctione reali maiori: quo autem modo non distinguuntur ab illa realiter, identificantur cum illa realiter: quia, quæ non sunt distincta, sunt idem eo omni modo, quo distincta non sunt. Præterea vnio illa corporis cum Verbo, se tenens ex parte corporis, cum sit materialis, debet esse extensa, & constare variis partibus, quibus totum corpus adæquatè vnietur Verbo diuino. Et illæ partes vnionis debent esse vnitæ inter se. Ergo per aliam vnionem distinctam iuxta doctrinam Aduersariorum. Nam potest absolute quælibet illarum esse sine altera: sicut potest absolute loquendo pars vna corporis Christi esse unita Verbo sine alia: & reipsa in passione, & morte, sanguis fuit à corpore separatus, & in varias guttas diuisus, manente cuiusque vnione cum Verbo. Ergo tot erunt vniones vnionis, & modorum modi, quot sunt partes corporis, & sanguinis vniti, atque vnionis per illud totum extensæ. Et rursus quilibet horum modorum habebit modum præsentis localis distinctum. Tot autem multiplicare modos, & omnia modis & modorum modis peragere in Philosophia res valde ludicra videtur, inquit merito Vasq. licet alioquin modorum distinctorum assertor, Tom. 1. in 3. p. disp. 32. cap. 4. num. 21.

Quintò, humanitas secundum se immediate pendet à Verbo, vt terminante substantialem ipsius existentiam: ita vt Verbum diuinum terminet illam immediate sua ipsius hypostasi: & eius terminatio immediate attingat humanitatem. Hæc autem terminatio est ipsa vnio hypostatica: ergo Verbum & humanitas vnuntur secundum se immediate, vnum per modum terminan-

tis seipso immediate; & alterum, per modum terminati.

Confirmatur: quia sunt aliquæ res vnibiles, quæ necessario vnuntur per se, & immediate, quamuis res eadem possint existere separatim, deque illis fieri possit argumentum Aduersariorum, Impossibile est fieri transitum à contradictorio, &c. Quod argumentum, quia non concludit de illis, non cogit vt in aliis vnio distincta ponatur. Probo antecedens exemplo partium extensionis. Nam si partes extensionis non vnuntur immediate inter se, ac per se, sed aliquid in eis producit à parte rei distinctum, quo vniantur: non est maior ratio cur in altera tantum producat aliquid, potius quam in vtraque, quando par est vtriusque natura, & conditio: vt dum aqua aquæ vnitur, vel aëri aëri, gluten glutini. Nam agens necessarium agit similiter in subiecta, æquè apta, & disposita. Partes autem extensionis in exemplis allatis, sunt ambæ æquè dispositæ, & aptæ ad vnionem: ergo non est ratio cur in vna potius producat vnionem, quam in altera, vel quam in vtraque. Atqui superuacaneum est vt in vtraque producat vnio: nam vnica vnio est duorum vnio, quæ debet vtrumque attingere, & vtrumque complecti. Vnica verò non potest in vtraque parte extensionis produci. Alioqui vel partes extensionis essent simul penetratiue: vel vnio illa esset in duobus locis, & educeretur à duobus subiectis. Non potest etiam dici, quod vnio sit extra vtramque partem: nam vnio per Aduersarios est modus: modi autem per illos ne quidem diuina virtute possunt esse extra suum subiectum, quod modificant. Addo, non tantum esse superuacaneum, sed & incommodum Aduersariis, dicere, produci duas vniones, vnā in qualibet parte; quæ scilicet producta in vno vnibilium, non tendat immediate in alterum vnibile; sed in aliam quasi partem vnionis in ipso productam. Nam si vnio tota habet illo modo partes, quarum vna sit in vno vnibili, & altera in altero realiter distincto: non minor est difficultas intelligendi quo pacto duæ illæ partes vnionis coalescant in vnā, quam intelligendi, quo modo vnibilia ipsa iungantur per se ipsa in vnum: maxime cum modus partis A, identificatus cum ipsa realiter, & modaliter tantum ab ea distinctus, vt volunt Aduersarii, non minus differat realiter ab altero modo partis B, similiter illi identificato: quam pars A, differat realiter à parte B. Sicut sessio Petri tam realiter differt à sessione Pauli, quam Petrus ipse differt à Paulo. Denique dici non potest, quod vnio tantum producat in vna parte: tum quia non est maior ratio de vna, quam de altera, vt supra dixi: tum etiam quia vna pars continui non minus verè, ac propriè vnitur alteri, quam hæc illi: ergo debet esse vtraque intrinsecè unita: adeoque vnio deberet in vtraque produci, & non tantum in altera: alioqui enim esset diuersi;

90.
Retorque-
tur argu-
mentū Adu-
ersariorū.

tas, æquivocatio, & improprietas, vt ostendam paulò post.

91.
Si vnio distinguere-
tur, debe-
ret recipi
in Verbo,
æquè ac in
humanita-
te.

Similiterque cum Verbum diuinum sit vnitum humanitati non minùs verè, ac propriè, quàm humanitas Verbo: deberet in Verbo, æquè ac in humanitate esse entitatu-
la producta, per quam formaliter vnitur. At hoc de Verbo sine errore dici nequit: ideò-
que omnes auctores contrariæ sententiæ dī-
cunt in sola humanitate produci. Verbum autem diuinum terminatiuè tantum ad illam se habere. Sed hoc etiam sine incommodo dici nequit. Primò, quia hinc sequitur Ver-
bum diuinum vniri tantum extrinsecè per vnionem existentem in sola humanitate, quæ sola per illam intrinsecè vnitur, & formaliter afficitur. Hoc autem falsum est: quia tam propriè Verbum est vnitum humanita-
ti, quàm humanitas Verbo: aut pars vna continui, quàm altera ipsi coniuncta. At-
qui si vnum tantum esset intrinsecè vnitum, alterum verò extrinsecè solùm, & denomi-
natiuè ab vnione existente in alio: esset di-
uersitas, analogia, & improprietas: vt est in illis, quorum vnum dicitur sanum à sanitate sibi intrinseca, vt animal: alterum denomi-
natiuè à sanitate sibi extrinseca & existente in alio, vt pulsus, aut medicina. Secundò, quia si vnio solùm terminatur ad Verbum sine ip-
sius adhæsiōe ad illam entitatu-
lam, & ad humanitatem illa mediante: quomodo Verbum vnitur physicè humanitati, cui tan-
tùm indistans, & intimè præsens est? Quo-
modo item Pater & Spiritus sanctus non æquè terminant vnionem illam, cum sint illi æquè præsentés, & indistans, ac Verbum? Sin autem Verbum adhæret illi entitatu-
læ; ergo non tantum illam terminat, sed circa illam habet vsum suæ vnibilitatis: qui vsum non est aliquid intermedium, aut distinctum à Verbo: alioquin aut Verbum non vniretur: aut deberet adhære illi intermedio, & cir-
ca illud habere vsum suæ vnibilitatis, quod nisi fiat per simplicem vsum indistinctum à Verbo, itur in infinitum: De isto enim redit eadem quæstio, an Verbum illi per se forma-
liter adhæreat, an per aliquid distinctum; & sic deinceps. Idemque argumentum fieri po-
test de humanitate: quæ debet ipsa quoque adhære illi entitatu-
læ distinctæ, vt illa me-
diante adhæreat Verbo diuino: nisi enim illi adhæreat, non adhæret per illam Verbo.

In eo quod diximus vnionem hypostati-
cam non distinguī in re ab extremis, nec esse modum ex natura rei distinctum, consen-
tiunt Gregor. Arimin. in 1. distinct. 28. q. 2. in responsione ad 17. & 18. argumentum. Maior in 3. distinct. 1. qu. 1. Ocham. in 1. dist. 30. quæst. 1. §. Ad secundum inconnueniens, licet postea victus aliqua difficultate con-
trarium senserit qu. 4. post 3. conclusionem. Caiet. ad quæst. 2. 2. 7. §. In hoc articulo cautif-
simè: & art. 10. circa ad 1. Valent. qu. 2. p. 5. & Did. Aluar. d. 13. de Incarn. conclus. 1. n. 12. qui addit hanc sententiam esse commu-
nem inter Thomistas.

SECTIO VIII.

Respondetur argumentis contrariæ
sententiæ.

92.
Contrarium verò sentit Gab. in 1. dist. 30. qu. 4. art. 2. & n. 3. dist. 1. quæst. 1. art. 1. citans pro se Ochamum & Alensem: sed immeritò; non enim dicunt id, quod illis ipse tribuit: & licet, vt notauī paulò ante, Ochamus vacillauerit circa indist. ntionem vnionis: nusquam tamen sensit idem, quod Gabriel, affirmans Verbum, & humanitatem vniri formaliter per qualitatem quandam absolutam, & supernaturalem, quam vocat gratiam vnionis, realiter distinctam ab ex-
tremis. Quæ opinio absurda est. Nam sub-
stantia non potest constitui intrinsecè, & formaliter per aliquod accidens, sed per ali-
quid substantiale: ex substantia enim, & ac-
cidente non potest fieri, nisi vnum per acci-
dens, & compositum accidentale. Christus autem est compositum substantiale vnum per se.

Secundò, Suar. disput. 8. de Incarn. sect. 3. Vasq. ibid. disput. 18. Tanner. qu. 3. dub. 4. Delugo disp. 11. num. 2. Less. lib. 12. de per-
fect. diuin. cap. 6. & alij recentiores, do-
cent vnionem hypostaticam esse modum substantialem, seu entitatu-
lam in humanita-
te sola productam. Sed hæc sententia Suaris non bene coheret cum eo, quod ait disp. 18. sect. 3. §. Sed quamuis hac: gratiam vnionis in-
cludere intrinsecè, & formaliter ipsam per-
sonam diuinam, & ipsum ens per essentiam. Si enim vnio est entitatu-
la distincta ab ex-
tremis, & in humanitate sola producta; & consequenter in doctrina Suaris de modis, illi solùm realiter identificata, non includit intrinsecè, & formaliter ipsam personam di-
uinam, & ipsum ens per essentiam. Argumen-
ta vero Suaris, & aliorum supra citatorum, hæc præcipua sunt.

Primum argumentum: Omnis vera actio positiua, & realis habet terminum realem, & positiuum immediate productum. Sed in-
carnatio est actio realis, & positiua: ergo &c. Respondeo, non omnem actionem realem, & positiuam, esse productiuam: sed aliquam esse tantum modificatiuam, cui sufficit habere terminum realem, & positiuum visua non simpliciter positiuum, sed taliter modificatum: vt facile est ostendere de motu locali, exten-
sione, retentione, & similibus, de quibus diximus sect. 6. Quamquam in huiusmodi mo-
dis simplicibus taliter se habendi locutio per abstracta est impropria, & causa æquivoca-
tionis, cum dicitur, vnio ponitur, vnio fit, vnio definit, vel destruitur. Potius enim dicendum est: Extrema incipiunt, aut desinunt esse vnita, & taliter se habere.

Dices, relationes diuinas Filij, & Spiritus sancti, verè produci: & ratione illarū perso-
nas Filij, & Spiritus sancti dici esse produ-

Vnio hy-
postatica
nō est quæ-
litas.

Necq; mo-
dus distin-
ctus in re.

Nō omnis
actio realis
est produ-
ctiua.

Gregor.

Maior
Ocham.

94.

Cur relationes diuinae Filii, & spiritus sancti producantur, & non alii modi?

Etas. Et tamen illarum relationes sunt tantum modi essentiae diuinae indistincti: ergo male negamus produci unionem, eo quod sit modus indistinctus ab extremis. Respondeo, relationes diuinas non esse modos similes nostris, sed ita esse modos, ut sint etiam aequiualeuter, & formaliter res, unde ratione illarum personarum diuinarum verè dicuntur esse plures res, ut loquuntur sancti Patres, & Theologi communiter, à nobis relati in tract. de Trinitate. disp. 2 §. sect. 12.

In stabis, generationem hominis consistere præcisè, & formaliter in vnitione animae & corporis, per quam, si nihil indistinctum producat, ruit argumentum, quo probatur Patrem distinguere à Filio in diuinis, quia hic ab illo generatur. Item si productio physica, & realis requirit necessariò terminum distinctum, ut patet ex diuinis: ergo & omnis alia actio physica, & realis: nulla enim reddi potest ratio differentiae. Ergo actio vnitiua, loco-motiva, & quacunque alia ratione modificatiua debet habere terminum distinctum, atque ita modi distinguuntur in re à modificato, quod sapissime non tantum est subiectum, sed & causa efficiens modi, quia seipsum actiue modificat. Ac si modi distinguuntur in re à modificato, actiue simul, & passiue se habente, distinguuntur pariter à modificato passiue tantum se habente. Rationes enim quae probant modos non distinguere in re; probant de omnibus vel de nullo.

95.
Quid producat in generatione hominis?

Respondeo primò, in generatione hominis naturali & ordinaria, multa realiter produci, propter quae homo generis denominatur verè, & realiter productus: videlicet non modò ultimam dispositionem, in qua consummatur alteratio, sed & formas substantiales partiales, & organicas, atque animam ipsam rationalem, quae creando infunditur, & infundendo creatur. Secundò, quamuis generatio præcisè sumpta, & metaphysicè, quoad id, quod est formaliter, & intrinsecè, consistat in vnitione: plus tamen significatur, & connotatur nomine generationis viuientium: sic enim definitur: Est origo viuentis à principio viuente coniuncto in similitudinem naturae. Qua definitione importatur manifestè distinctio inter generans, & genitum, sine qua non potest esse origo viuentis, à viuente coniuncto, neque similitudo naturae: coniunctio enim, & similitudo non potest esse nisi inter duo. Tertiò, quamuis in hominis generatione non producatur vnio, quia est pura modificatio extremorum, & simplex se habendi modus; alia tamen est ratio proprietatum diuinarum Filii, & Spiritus sancti, quae non sunt tantum modi, sed, & aequiualeuter, ac formaliter res excellentissimae, ut supra notauimus. Quartò denique, in generatione hominis terminus totalis, qui est filius siue homo genitus, semper distinguitur realiter à generante, & ab vniente, saltem in adu quare. Neque enim ipse totus, nec ipsius materia (quidquid sit de ani-

ma) est causa efficiens unionis, quae fit in generatione. Quare nostra sententia non officit distinctioni reali personarum diuinarum, ex quibus similiter procedens distinguitur realiter à producente. Cur autem vera, & realis productio requirat terminum distinctum à producente, & non quauis alia actio purè modificatiua, ut motio localis sui ipsius, extensio, sessio, & similes, ratio hæc est: quia productio dat simpliciter esse rei productae. At modificatio pura non dat simpliciter esse rei, sed tantum rem habentem iam esse, facit tali quopiam modo se habere.

Secundum argumentum: Impossibile est de eodem verificari duo contradictoria, nisi facta in illo aliqua mutatione intrinseca, vel extrinseca: Si enim manet idem quod antea, non potest de illo verè negari, quod antea verè affirmabatur. Nam ex eo quod res est, vel non est, propositio vera, vel falsa est. Atqui de humanitate vnita Verbo affirmatur verè, quod sit vnita, & de eadem per se considerata, ac non assumpta (sicut potuit non assumi) negaretur verè, quod esset vnita. Ergo est vnita per aliquam mutationem intrinsecam, aut extrinsecam. Non sufficit autem extrinseca loci, vel temporis: quia humanitas posset esse tali loco, & tempore, & non esse vnita: idemque dico de quibuscunque aliis extrinsecis. Non sufficit etiam mutatio intrinseca per priuationem propriæ subsistentiae: quia non est idem formaliter humanitatem esse priuatam propria subsistentia, & terminari diuina. Deinde hæc priuatio non fit nisi consequenter ad positionem modi incompossibilis in humanitate. Et incarnatio, cum sit actio positiua, debet habere terminum positium, nempe modum illum substantialem unionis incompossibilem cum propria hypostasi. Superest ergo, ut fiat hæc mutatio per productionem talis modi in humanitate.

Respondeo, sufficere virtualem mutationem, & modificationem indistinctam, ad verificanda duo contradictoria: ut manifestè patet exemplo Dei, qui ab æterno nouit multa contingenter, quae potuit non cognoscere, sicut ipsa potuerunt non esse: & multa libere voluit, quae potuit non velle, ac loco illorum velle opposita: ex quibus actibus denominatur intrinsecè Deus cognoscens, & volens: ac, si non essent, verè diceretur non esse cognoscens, aut volens tale obiectum: sine vlla tamen reali mutatione facta in ipso Deo, à qua sumatur hæc denominatio intrinseca. Quod enim Deus cognoscat aliquid, aut velit, est vitalis actus, adeoque immanens, & intrinseca perfectio, atque tendentia ipsius Dei in obiectum. Quare denominationes, & propositiones contradictoriae in eo fundatae, fundantur in aliquo intrinseco: ac, si necessariò requirunt aliquam mutationem, ut possint verificari: mutatio illa debet esse intrinseca. Non est autem realis, & physica, quia actus diuini nihil reale distinctum addunt: ergo tantum virtualis, & per aequiualentiam.

96.

Secundum
argumentum
Aduersarij

Modificatio indistincta sufficit ad verificanda duo contradictoria, ut patet in diuinis.

96.
Modifica-
tio Dei per
actus libe-
ros non est
formaliter
ab obiecto.

Dices, esse mutationem realem in obiecto: quia si Deus nouit ab æterno Petrum peccaturum, supponit illum esse peccaturum: & si voluit mundum creare, mundus extitit, prout Deus voluit. Respondeo primò, mutationes illas obiecti esse temporaneas, cum tamen Deus ab æterno fuerit cognoscens, & volens, Ergo non constituitur intrinsecè cognoscens, & volens per talem mutationem, sed per actum intrinsecum, qui ab æterno præcessit, & quo Deus carere potuit, vel habere oppositum per mutationem virtualem. Secundò, licet mutatio extrinseca sufficiat ad denominandum extrinsecè, & ad verificanda contradictoria, de aliquo extrinsecè denominato: secus tamen ad denominandum intrinsecè, cuiusmodi est denominatio intelligentis, & volentis. Tertiò, sicut aliud est Solem esse, & Solem à nobis videri, neque à nobis videtur sine actu interno visionis: sic aliud est, Petrum esse peccaturum, & cognosci à Deo esse peccaturum: neque cognoscitur sine actu vitali, & intrinseco Dei, à quo denominatur cognoscens, & non ab ipso peccato. Similiter cum Deus vult mundum creare, aliud est mundum esse, & aliud, Deum velle ut sit. Neque Deus ideo vult creaturam, quia in illa facit mutationem, siue quia illa aliter se habet ex voluntate, & efficacia diuina: sed potius è contrario, quia Deus vult efficaciter creaturam, ideo dat illi esse, seu transfert illam de non esse ad esse; & ideo creatura est: ita ut volitio necessariò præeat tanquam causa existentie creaturæ. Quartò, non omnes actus liberi Dei mutant obiectum, aut supponunt realem, & actualem illius mutationem: ut actus scientiæ medix, & actus simplicis complacentiæ, vel desiderij inefficacis circa plurima obiecta; defectu conditionis requisitæ ex parte creaturarum.

97.
Modifica-
tio indi-
stincta suf-
ficit etiam
in creatis
ad vniendam
contradictionem.

Idem secundò patet in rebus creatis. Nam duratio, seu permanentia in esse, est denominatio intrinseca rei durantis. Et tamen aduenit sine reali mutatione intrinseca. Duratio enim non distinguitur in re à durante, nec conseruatio à creatione, ut Suar. ipse fatetur: tamen si res quæ durat, possit non durare; & quæ conseruatur, possit non conseruari. Imò in eo casu in quo Deus nihil, nisi vnū Angelum creasset, posset ille durare, & non durare, conseruari, & non conseruari; sine vlla reali mutatione neque in Angelo, neque in Deo, neque in vlllo alio, quia nihil aliud est, ut supponimus. Patet etiam exemplo motus, & præsentia localis, quæ fieri possunt in spatio imaginario, sine reali mutatione, vel ipsius mobilis (quod nihil intrinsecum, à se distinctum acquirit per motum localem, ut affirmat Aristot. & nos supra ostendimus) vel alterius rei mutabilis, quæ nulla est, ut supponimus. Item exemplo extensionis, & figuræ quantitatis, quæ variari potest, sine accessu, aut decessu rei, vel reclusæ distinctæ. Est enim extensa formaliter eo solo, quòd eius partes, sunt aliæ extra alias, quocunque alio subla-

to, re vel ratione distincto: & est v. g. figuræ circularis, eo solo, quòd partes omnes eius extremæ distant æqualiter à centro. Ac denique exemplo actionis, passionis, & aliis similibus, quæ supra ostendimus non distingui in re ab eo quod intrinsecè denominant: Adde, illud argumentum retorqueri posse in ipsum vsum vnibilitatis Verbi, quo necesse est ipsum immediatè vniri illi entitatulæ, ut antea probauimus. Ab hoc enim vñ Verbum denominatur intrinsecè vnium, & non ab illa entitacula.

Tertium argumentum: Fieri non potest, ut quæ per se iuncta non sunt, euadant iuncta, & vnita nullo à parte rei distincto intercedente. Neque possunt duo extrema ita coniungi, ut ex illis aliquid vnum resulet, nisi saltem alterum illorum aliter se habeat à parte rei. Alioquin enim manent extrema eadem, quæ ante, & omnino eodem modo à parte rei. Idem autem manens idem, semper natum est facere idem. Si ergo extrema manent eadem sine accessione cuiusquam à parte rei distincti, non possunt vniri, & constituere in re aliquid noui.

Respondeo, fieri posse, ut quæ non sunt vnita, euadant vnita per simplicem vsum suæ vnibilitatis, sine aliquo distincto. Quo pacto necesse est fateri Aduersarios Verbum vniri illi entitulæ. Tuncque extrema non se habent eodem modo, ac si iuncta non essent: Sed vi causæ efficientis habent vñ; & actū secundum suæ aptitudinis, qui tamen non est in re distinctus ab eo, cuius est vñ; licet vñ; & actualitas vnus importet aliquid aliud, nempe alterum extremum sibi quoque adhærens per vñ suæ vnibilitatis, iuxta naturam, & conceptum vnionis, quæ necessariò duorum est. Sic agens, quæ agens, importat terminum ut ipsius vi positum: & contactus, aut tangens, quæ tale, importat alterū, quod tangitur, velut immediatè contiguum, sine quo nec esse tale, nec intelligi potest. Ac sine illo importato non est formaliter vnio à parte rei, id est, non est secundum totum suum conceptum formalem sufficientem ad denominationem vniti.

Quartum argumentum: Humanitas ut vnita, dicit aliquid præter humanitatem, ut per se constat, & aliquid etiam præter substantiam Verbi, quia concipi potest, & esse aggregatum ex humanitate, & Verbo, quamuis humanitas non sit vnita. Et hoc verè à parte rei est, distinguiturque à Verbo, & humanitate, quæ sine illo possunt existere: quia si duo possunt ita separari in re, ut vnum existens maneat, & non aliud, necesse est, ut saltem modaliter distinguantur. Euidèter enim est impossibile ut idem sit, & non sit. Ergo si hoc non existit, quod antea existeret, & aliquid manet existens, non possunt esse in re idè omnino: alioquin idem simul existeret, & nō existeret. Confirmatur, quia, quando hæc duo separantur, aliquid posituum est, quod in re tollitur ab alio, & definit esse, lumendo latè aliquid prout distinguitur contra nihil,

98.
Tertium
argum.

Ad vniendum
sufficit
simplex
vñ vnibi-
litaris ex-
tremorum.

99.
Quartum
argum.

pro omni re, vel modo reali. Talem enim supponimus esse utrumque eorum, quæ prædicto modo separabilia sunt. Illud ergo positum, postquam separatur, non est: ergo quando erat, distinctum aliquo modo erat ab eo; quod manet existens. Confirmatur, quia non minus impossibile est separari idem omnino à seipso, destructo altero extremo, quam conseruato utroque. Ergo quoties fieri potest talis separatio, supponitur in re distinctio. Imò hæc ipsa separatio est distinctio, & diuisio.

Humanitas, ut vnita, quid addat supra humanitatem simplices.

Respondeo, humanitatem ut vnitam dicere vnionem super humanitatem, non tanquam rem distinctam, sed tanquam vsum simplicem; quæ vnio verè est à parte rei, est que vere realis, sed non distincta realiter. Quod de Verbo per se immediate vnito illi entitativè, dicere debent Aduersarij. Imò ne quidem concipienda est vnio, velut aliquid ratione præcolum ab extremis, & tanquam ratio, vel formalitas intermedia: sed tanquam modus simplex sic se habendi, absque compositione reali, vel rationis inter ipsam, & extrema: ita ut solum distinguatur ab extremis præcisione non mutua: quatenus extrema possunt sine illa concipi: sed non ipsa sine extremis. Alioquin enim vnio malè concipitur, & abitur in infinitum: quia hæc ratio præcolum, vel formalitas, debet concipi iungi extremis per aliam, & sic deinceps in infinitum, ut supra diximus contra entitativam in re distinctam.

100. Variæ instantiæ contra Aduersarij.

Nec obest, quòd humanitas sine vnione esse possit: seu potius esse possit humanitas, & non esse vnita. Nam similiter potest esse Deus, & non cognoscere Petrum peccaturum, posito quòd non peccet; aut non velle mundum creare: potest esse vis agendi, & non agere: potest esse quantitas, & non esse extensa, aut figurata: potest esse mobile, & non moueri: potest esse Verbum, & non vniri illi entitativè. Atque ut exemplis utar à Suarez concessis, potest res esse, & non durare: potest creari, & non conseruari: potest esse fundamentum relationis, & non referri: cum tamè duratio non distinguatur in re à re durante; nec conseruatio à creatione, nec relatio à fundamento. Contra quæ exempla, quæ pugnant omnes illæ instantiæ sumptæ ex Suarez disp. 7. Metaph. sect. 1. nu. 3. Ad quas dico non inde sequi idem esse & non esse simplices: sed, esse absolutè, ac secundum entitativitatem; & non esse tali modo se habens: Neque verè, ac propriè separari vnum ab alio, quia duo non sunt, nec est vnum, & aliud, sed est vnum simplex tali modo se habens per seipsum, quo modo potest non se habere: sicut Deus seipso tali modo liberè vult, aut cognoscit contingentèr, & agens seipso agit, & quantitas seipsa extenditur.

101. Quintum argum.

Quintum argumentum: Si vnio nihil est præter extrema, quomodo ergo fit per incarnationem, cum non fiant extrema? Et quomodo Christus ratione illius potest dici factus, sicut dicitur ab Apost. Rom. 5. & Ga-

lat. 4. Si respondeas fieri vsum: Ergo cum Verbum diuinum habeat suum vsum, & quæ ac humanitas, fiet aliquid in Verbo ipso, & Verbum realiter & identicè erit factum, & creatum, quatenus est idem cum illo vso: quod est absurdum, & malè sonat.

Respondeo, fieri vnionem, licet non fiant extrema: sicut fit motus, licet non fiat mobile: & fit figura, licet non fiat quantitas, & fit domus, licet non fiant lapides, calx, & alia materialia præsupposita ædificationi, coniungenti tantum & disponenti. Fieri, inquam, vnionem, hoc sensu, id est, extrema fieri vnita, cum antea non essent vnita: non autem quòd fiat tertium quid re vel ratione distinctum, & præcolum ab extremis. Vnio enim malè ita concipitur, & potius est ipsa extrema seipsis ita se habentia. Hoc autem sensu verum est de ipso etiam Verbo, quòd factum sit vnitum, sicut Scriptura de illo affirmat factum esse carnem, Ioan. 1. per vnionem scilicet, non per conuersionem: & in Symbolo Nicæno dicitur Filium factum esse hominem, id est, factum esse vnitum humanitati.

Dices, si fit ille vsum: ergo etiam actio fit, quod antea negauimus. Respondeo negando consequentiam. Nam actio non existit vi actionis alicuius, sed est ipsum agens exercès vim suam, & per illam aliquid aliud ponens. Neque agens, cum agit transeuntèr, ponit quidquam noui in seipso, sed tantum aliter se habet ad aliud, efficiendo aut afficiendo illud vi sua. Cætera, quæ hic obiici possunt, diluentur inferius dist. 8. sect. 1. n. 6. & sequentibus.

Quomodo fit vnio, licet non fiant extrema?

Actio non fit.

SECTIO IX.

Quid, & qualis sit vnio hypostatica?

Prima conclusio: Vnio hypostatica est vera & propriè dicta compositio realis ex hypostasi Verbi, ut terminante personaliter, & ex natura humana terminata, ad constituendam vnā personam compositam ex natura humana, & ex hypostasi Verbi, Christum scilicet ex vtraque compositum, arque ex duabus naturis in vna substantia, & vnitate personæ. Hæc conclusio patet ex dictis sect. 3. Vbi ostendimus hanc vnionem fuisse veram, & physicam coniunctionem humanitatis cum hypostasi Verbi immediate, ad constituendam vnā personam ex duabus naturis, diuina & humana, vnitis in eadem hypostasi. At omnis vera, & physica coniunctio est vera & realis compositio, ut ex terminis patet: & quidquid sit vnum ex multis per veram, & realem coniunctionem, fit per veram compositionem: adeoque verè, & realiter compositum est.

Confirmatur ex Conciliis, quorum auctoritas præferenda est nonnullis verentibus cum D. Thoma admittere compositionem in hoc

102. Vnio hypostatica est vera compositio.

Probatur ex Conciliis, & ratione.

in hoc mysterio. Nam in V. Synodo Generali collat. 8. can. 4. sic dicitur: *Si quis non confiteatur unitatem Verbi Dei ad carnem animatam anima rationali, & intellectu, secundum compositionem, siue secundum substantiam factam esse, sicut sancti Patres dixerunt, anathema sit.* Et in Conc. Lateran. sub Martino I. can. 8. sic statuitur: *Si quis non confiteatur verè, & propriè secundum compositionem, id est, secundum substantiam naturarum unionem, ex quibus unus, & solus exiit Christus, &c. sit condemnatus.*

103. **Refutatur enasio Aduersarij.** Malè autè respondent Aduersarij, Concilia citata improprie loqui. Nam potius prudenter, & proprie locuta, præsertim in fidei definitionibus, censenda sunt. Alioquin enim Concilia lites non terminarent, nisi sententiam suam claris, & propriis verbis, atq; usitato loquendi modo pronunciarent. Deinde Lateran. citatum expressè dicit, *verè & propriè.* Adde quòd SS. Patres, vt Athanasius in oratione, *Quòd unus sit Christus,* Et Damasc. lib. 3. de Fide, cap. 3. 4. & 5. eandem in Christo compositionem disertè prædicant. Paterque ex ipsa definitione vnionis, & cõpositi. Est enim compositum, id quod constat ex pluribus realiter distinctis, & inter se cõiunctis. Vnio verò est coniunctio duorù, vel plurium distinctorum, ad vnum ex illis cõstituendum: vnum inquam, non simplici vnitate, siquidem vnio est multarum, sed vnũ coniunctione, seu compositione ex multis inter se vnitis. An verò propterea hypostasis Verbi dici possit esse pars Christi, dicemus alio loco: interea videri potest Vasq. disp. 16. cap. 4. vbi refert nonnullos antiquorum ita locutos. An item, & quomodo Verbum diuinum per hanc vnionem & compositionem non mutetur, què, ac humanitas, exposuimus disp. 1. sect. 4.

104. **Vnio hypostatica est substantialis, & naturalis, atque essentialis Christus.** Secunda conclusio: Vnio hypostatica est substantialis, atque etiam est Christo naturalis, & essentialis. Prima pars probatur, quia est nexus duarum substantiarum ad constituendam vnã substantiam completam, & vnum ens per se substantiale, videlicet vnum suppositum, quod est Christus, Deus & homo. Quidquid autem est de ratione intrinseca, & constitutione entis substantialis, substantiale est: cum substantia nonnisi ex substantiis, aut substantialibus constituitur: ex substantia verò, & accidente non fiat nisi ens per accidens.

Secunda pars, quòd hæc vnio sit Christo naturalis, & essentialis, patet, quia vnicuique rei naturale, & essentialè est id, ex quo intrinsecè & essentialiter constat. Christus autem cõstat intrinsecè, & essentialiter vnione hypostatica, siue humanitate, & hypostasi Verbi vnitis: sicut homo cõstat intrinsecè, & essentialiter corpore, & anima vnitis, quorù vnio idcirco naturalis, & essentialis homini est. Maior est evidens. Minor probatur, quia vnicuique rei essentialè est id omne, sine quo tanquam intrinsecè inexistente non potest res esse, nec concipi, vt docent Metaphysici. Atqui vnio ita se habet respectu Christi.

• Tomus IV.

Dixi, vnionem hypostaticam esse Christo naturalem, & essentialem, id est, toti composito, non autem partibus seorsim sumptis: nam illis logicè accidentaliter est, id est, de illis accidentaliter, seu contingenter prædicatur. Et Verò quidem est prænaturalis: humanitati autem est supernaturalis, id est, supra vires, & debitum totius naturæ, supraque naturalem ipsius capacitatem, & respectum ad causas connaturales, ac denique ordinis superioris toto ordine naturali, in quo est humanitas. Neque propterea humanitas est in statu violento, quamvis loco propriæ, & naturalis substantiæ habeat alienam, & supernaturalem. Quia licet non sit negandum humanitatem habere appetitum naturalem ad propriam hypostasim, vt contra Suarezem & Caiet. fuse probat Vasq. disp. 34. cap. 2. propterea quòd hic appetitus nihil est aliud, quam ipsa naturalis capacitas humanitatis propriæ substantiæ: non est ramen existimandum humanitatem habere naturalem inquietudinem, & reluctantiam, seu auersionem diuinæ hypostasis violentum autem non est, nisi, quod sit ab extrinseco, reluctantè passio. Habet enim humanitas potentiam obedientialem ad hypostasim Verbi: & hic status est illi melior, quam habere propriam substantiam, continetque huius perfectionem, & longè amplius. Quocirca sicut materia, licet sit capax aliarum formarum, habeatque ad illas naturalem appetitum, id est, potentiam naturalem ad illas successiuè, aut diuim recipiendas, non propterea est violenter sub anima rationali, cum qua simul alias recipere non potest, imò melius sub illa est, sic humanitas &c.

Aliam rationem reddit Vasq. disp. cit. cap. 4. quia ex Aristotele lib. 2. Moral. ad Eudem. violentum est cum foris quippiam contra internum impetum mouerit, seu auerit. At priuatio propriæ substantiæ non est contra internum impetum humanitatis, quia vis solum inferri potest, aut causæ efficienti, aut formali, si contra internum impetum effectus illarum impediatur. Materie verò nulla vis inferri potest in eo quòd careat aliqua perfectione, quantumvis sibi naturali: quia in materia, & subiecto ad recipiendum nullus est internus impetus, contra quem vis aliqua inferri possit. At humanitas non est causa efficiens, neque formalis suæ substantiæ, sed ad illam se habet tantum per modum materiæ, & subiecti, quia natura est tantum materia, & subiectum recipiens propriam personalitatem. Ergo &c.

Verum hæc ratio Vasquis perperam assumit, non esse violentum, nisi quod sit contra impetum causæ efficientis, aut formalis. Nam iuxta communem sensum philosophorum, materiæ primæ violentum esset carere omni forma substantiali, aut non esse extensam. Materia tamen non est causa efficiens, aut formalis formæ. Vacuū similiter repugnat

105. Non est naturalis aut essentialis partibus Christi.

Non est humanitati violentum quare.

106.

naturæ inclinationi in genere causæ finalis, potius quam efficientis, aut formalis: abhorret enim natura vacuum propter rerum corporearum coniunctionem localem ad multa utilem, quam amat, & intendit. Quare ratio prius à nobis reddita melior est. Ut omit- tam, iuxta multorum sententiam naturam substantialem vi sua habere usum subsisten- tiæ propriæ, in genere causæ efficientis, nisi impediatur supernaturaliter. Quod verò ait Valq. naturam esse illius subie- ctum, non est verum propriè loquendo. Nam subsistentia non incumbit alteri, neque in- haret tanquam subiecto: sed est modus san- di per se incommunicabiliter, & ultimus ter- minus existentie substantialis, non egentis subiecto & sustentante.

107.
Solvitur
obiectio.

Obijcies contra conclusionem, sanctos Patres & concilia dicere, vnionem hyposta- ticam esse naturalem, & esse naturā, non per gratiam. Respondeo, sanctos Patres, & con- cilia sic loqui contra Nestorium, sumendo naturam, & naturale, prout opponitur mora- li: & tantum velle hanc vnionem factam esse, non per solum affectum, & gratiæ dona; sed per physicam, & realem coniunctionem hu- manitatis, & Verbi, in eodem supposito. Quo sensu non negamus vnionem hypostaticam posse dici naturalem, id est, physicam, & fa- ctam in natura ipsa diuina physicè, & reali- ter, mediante hypostasi: non autem morali- ter solum secundum affectum, & dona gratiæ creata. Potest & alio sensu dici naturalis hu- manitati, quatenus illi conuenit à primo eius ortu: Quo sensu Paulus de peccato originali sic ait, *Eramus naturā filii iræ*, Ephes. 2.

108.
Vnio hy-
postatica
est relatio
transcen-
dentalis,
termina-
tionis ex
parte Ver-
bi, & in-
existentiæ
ex parte
humanita-
tis

Tertia conclusio: Vnio hypostatica est modus se habendi ad aliud, & transcen- dentalis relatio adhesionis humanitatis ad Ver- bum vt terminans hypostaticè, & Verbi ad humanitatem, vt terminatam, inexistentem, & dependentem à Verbo, velut à terminante hypostaticè, & concludente ipsius existen- tiam. Relatio verò categorica in tali vnione fundata, ficta est, & superflua.

Prima pars conclusionis, quod scilicet vnio hypostatica, sit modus se habendi ad aliud, est D. Thomæ quæst. 2. art. 7. Scoti in 3. distinct. 1. quæst. 1. Durandi dist. 5. quæst. 2. Valq. disp. 18. cap. 3. & patet, quia essentia vnionis non potest concipi sine or- dine ad extrema, quæ vnit. Est enim modus se habendi cuiusque extremorum, non abso- lute in seipso, vt subsistere naturaliter, stare, iacere, & similia: sed in ordine ad aliud, nempe ad alterum extremum, cui vnitur: sicut actio est modus se habendi in ordine ad ef- fectum; & informatio, vel inhesio, ad subie- ctum informationis, vel inhesionis. Notan- dum enim obiter, modos rerum esse in dupli- ci differentia: aliquos absolutos, quibus res aliter se habent in seipsis, sine ordine ad aliud: & alios relativos, quibus res modifica- ntur in ordine ad aliud.

109. Secunda pars, quod hæc vnio sit relatio terminationis ex parte Verbi, & inexisten-

tia, ac dependentia ex parte humanitatis, atque adhesionis ex parte vtriusque, liquet ex dictis suprā de natura, & veluti effectu formali huius vnionis, quæ in eo consistit, quod vniat Verbum humanitati immediate secundum hypostasim terminantem existen- tiam humanitatis, illamque concludentem quodammodo passiue, & terminatiue, dan- temque illi formaliter subsistere in Verbo, loco naturalis, & propriæ subsistentiæ, quæ subsisteret in seipsa, seu per seipsam, vi pro- priæ sufficientiæ, seu naturalis perfectionis non indigentis alieno termino, vel subiecto & sustentaculo. Vnde fit, vt humanitas per illam vnionem constituatur formaliter de- pendens ab hypostasi Verbi, & in illo exi- stens, ultimòq; cōclusa, & terminata perseiut subsistentiam. Verbumque vice versa con- stituatur terminans, & concludens existen- tiam humanitatis in seipso, ex propria, & peculiari ratione specifica istius vnionis.

Tertia pars eiusdem conclusionis, quod non sit ponenda relatio categorica, in vnio- ne fundata, est Scoti, Durandi, & aliorum plurium, qui præter ipsam vnionem nullam relationem hinc admittunt, & merito, quia præter relationes transcendentales, nulla est vera relatio à parte rei; sed illa, quæ prædi- camentales, siue categoricæ appellantur, ni- hil aliud sunt, quam denominationes ex- trinsecæ, vel relationes secundum dici, sumptæ ex aliqua relatione transcendentali præce- dente, vel ex comparatione dierum abso- lutorum, facta ab intellectu conferente illa inter se, & denominante nomine relatio- nis, vel connotatio, propter huiusmodi compa- rationem. Ex. gr. quod paries sit mihi dex- ter, est mera denominatio extrinseca, à co- existentia parietis in parte illa, in qua est mea dextera. Quod Philippus sit pater Ale- xandri, præter generationem, quæ fuit vera relatio transcendentalis, nihil aliud est, quam denominatio sumpta à generatione præterita, connotando filium vi illius exi- stentem, & coexistentem ei, qui pater eius appellatur. Dicitur enim pater ex eo quod illum genuerit, & quod ambo coexistent. Duo verò alba esse similia, vel duo quæta ef- se æqualia, nihil aliud est, quam vtrumque habere albedinem, aut vtrumque v.g. habere palmarem extensionem. Hæc enim ipso, quod vtrumque habet albedinem, aut palmarem extensionem, est simile, & æquale, quocun- que alio dempto re, vel ratione distincto. Quare non constituitur simile, aut æquale, per aliquid re, vel ratione superueniens per modum respectus realis: sed vtrum- que absolutum est; album, & album; pal- mare, & palmare: dicitur verò simile vel æquale, nomine comparatio, & connota- tivo, propter actum intellectus vtrumque cōparantis. Relationes verò categoricæ, quæ dicuntur aduenire, non modò sunt superflue, sed & valde importunæ, ac per se incredibi- les. Quis enim credat posita vel vnica re in rerum natura, resultare in omnibus aliis,

110.
Non est
ponenda
vtra illa
relatio ca-
gorica.

vbicunque illa sint, in cælo, & in terra, in mari, & in omnibus abyssis, relationes similitudinis, vel dissimilitudinis, per quas sint illi similes, vel dissimiles, excepto solo Deo, qui tamen non minus est per se dissimilis, aut diuersus à tali creatura, sed multò magis. Et res qualibet, eo solo, quòd est talis naturæ, est seipsa formaliter similis omnibus aliis rebus talem naturam habentibus: & dissimilis omnibus constantibus aliis naturis: estque planè impossibile, vt non sit illis similis, aut istis dissimilis, sublata licet quacunque relatione, vel formalitate superueniente. Ex quo apertè sequitur relationem illam esse superfluum, vt res sit similis, aut dissimilis: quandoquidem illa sublata realiter, aut per mentem, non minus est similis, aut dissimilis: & naturà prius, quàm resulet talis relatio, est similis, aut dissimilis per se ipsam formaliter. Quando autè res habet aliquid per se formaliter, ineptè additur illi alia forma distincta, qua dicatur talis constitui.

SECTIO X.

An vnio hypostatica sit maxima omnium vnionum.

111.
Vnio hypostatica est quodammodo maxima materialiter.

Respondeo, vnionem hypostaticam esse maximam omnium vnionum, consideratà materialiter ex parte eius, in quo veluti medio, & vinculo communi vniantur duæ naturæ, diuina & humana: secus autè consideratà ex parte extremorum, & coniunctionis formalis inter illa, quæ est vnio formaliter. Ita D. Thom. q. 2. a. 9. in c. & ad 2. Vasq. d. 20. cap. 2. & Delugo d. 11. sect. 4. n. 47. Ratio primæ partis est, quia mediū illud est hypostasis Verbi, quæ est maximè simplex, & maximè vna, magisque quàm vllus alius nexus & vinculum, in quo alia vniantur. Quo autè est simplicior nexus & vinculum, quo aliqua coniunguntur, eò maior est vnio ex parte illius. Ergo vnio hypostatica maior est ex parte eius, in quo veluti medio & vinculo communi sit vnio duarum naturarum in Christo.

112.
Quid sit vnio formaliter?

Pro secunda parte conclusionis nota primò, vnionem formaliter esse coniunctionem duorum, vel plurium in vnum. Duo autè possunt inter se coniungi vel mediatè, vel immediatè. Coniunguntur mediatè, quando vtrumque est coniunctum alicui tertio: vt duo lapides cemento interposito vniantur, & duæ tabulæ mediante glutino. Immediatè verò coniunguntur, quando inter vnum, & alterum nihil est: scilicet quādo alterū alteri secundum se, & ratione sui coniungitur. Quo modo anima corpori vnitur. Vtraque vnio terminatur ad vnum quid, siue ex duobus immediatè, siue ex duobus in tertio.

113.
Vnde dicitur maiore vnio formaliter?

Nota secundò, vnionem formaliter dici maiorem, non ex eo quòd nobilior sit: neque ex eo quòd difficilius soluitur, quā ratione potest dici fortior: sed ex eo quòd maior sit

vnitas, in quam conueniunt multa per coniunctionem. Sunt enim aliqui gradus vnitatis, & ea quæ coniunguntur, sunt magis, minusque vnibilia, id est, sunt apta vt in maiorem, vel minorem vnitatem conueniant. Quæ aptitudo non est sumenda ex maiori similitudine extremorum: nam duæ formæ substantiales, puta duæ animæ rationales, vel formæ stanni & argenti, sunt magis similes inter se, quàm cum materia: & tamen non possunt coniungi in vnum per se, sicut possunt cum materia: sed est sumenda ex proportionem extremorum inter se in ordine ad vnionem. Sic materia & forma substantialis vniantur magis, quia constituunt vnum per se essentiale: quàm partes integrales, quæ constituunt vnum per se integrale: & quàm subiectum, & accidens, quæ constituunt tantum vnum per accidens.

Nota tertio, Christum esse vnum non ipsa sola vnitate subsistentiæ. Verbi, quod per se solum non est Christus: sed vnitate compositionis, & coniunctionis naturæ humanæ cum Verbo; quæ vnitas non est tanta, quanta est ipsius Verbi: cum Verbum sit simplicissimum, Christus verò sit compositus, & sit Verbum incarnatum.

Hoc ergo vnum adæquatè sumptum dico non esse maximè vnum, & vnionem formalem, seu coniunctionem extremorum, ex quibus constat, non esse omnium maximam, vt fateatur S. Thom. locis cit. & docent Vasq. alique plures ab eo suprà relati. Quia vnio materiæ cum forma substantiali maior est; & compositum, siue vnum ex illis effectum, est magis vnum, quàm compositum ex duabus naturis in Christo, vel ex natura humana, & hypostasi Verbi: licet hæc vnio sit alioqui nobilissima, & fortissima, nullaque vi creata solubilis. Ratio est, quia vnio hypostatica est inter extrema maximè distincta realiter, valde disproportionata, diuersique ordinis, quæ non habent ordinem essentialem, aut naturalem ad huiusmodi vnionem, sed illa Verbo est omnino præternaturalis, humanitati verò est supernaturalis, & gratuita: ex qua vnione existit vnum compositum diuersorum ordinum, & naturarum in finitè differentium, partim creatum, & partim increatum. At vnio materiæ, & formæ constituit vnum vnus essentia, & in vno genere & ordine, & ex duobus, quæ secundum suas essentias incompletas tendunt ad illam coniunctionem, quæque sunt magis apta, & proportionata vt vniantur: ergo, &c.

Contrarium docet Suar. disput. 9. sect. 1. post Paludan. Capreol. & alios Thomistas. Ac primò opponit aliqua Patrum testimonia, quæ tantum loquuntur de perfectione vnitatis ipsius Verbi, vel de nobilitate, insolubilitate, & supernaturalitate vnionis hypostaticæ, vt rectè Vasq. ostendit. d. 20. cap. 3. Deinde opponit Suar. compositum quod resultat ex hac vnione, esse magis vnum, quàm omne aliud compositum ex rebus realiter distinctis. Ergo hæc vnio est maxima.

P. 2

Qualis sit vnitas Christi?

114.
Vnio hypostatica non est maxima formaliter.

115.
Contraria sententia.

Probat antecedens, quia primò est magis vnum, quàm omne compositum ex substantia, & accidente. Hoc enim est vnum tantum per accidens: illud verò est vnum per se. Secundò, est etiam magis vnum, quàm omne compositum substantiale ex materia, & forma, vel ex partibus integralibus: quia totum integrale includit infinitam quandam compositionem partium, quæ tantum copulantur secundum aliquem extremum terminum, & non secundum se totas: materia verò, & forma est minus simplex quàm Verbum diuinum, & actus minus perfectus: ut verò actus quò perfectior est, eò potest perfectius, & intimius coniungi alteri extremo, & cæteris paribus, maior simplicitas, & vnitas componentis conferre sine dubio ad maiorem vnitatem compositi. Deinde vnitas suppositi, quæ resultat ex natura, & subsistentia, maior est ex suo genere, quàm ea quæ resultat ex materia, & forma. Cuius signum est, quòd illa in Angelis reperitur, non ista. Denique per hanc vnionem fit vt Verbum dicatur homo propriè, & substantialiter. At nulla alia vnio facit aliquid simile.

116. Ad primum Respondeo negando antecedens: ad cuius primam, & secundam probationem dico, compositum resultans ex vnione hypostatica, esse quidem magis vnum, quàm compositum ex substantia, & accidente, ob rationem allatam; sed nò magis, quàm omne compositum substantiale, & essenziale ex materia, & forma. Nam vnio non est maior formaliter, ex eo quòd extrema sint simpliciora, sed ex eo quòd sint magis apta, & proportionata ad vnionem, seu compositionem vnus, cæteris paribus, id est, facta comparatione inter ea, quæ similimodo vnũ sunt vnitate scilicet, vel essentiali, id est, totius essentialis vel integrali, id est, totius integralis vel hypostaticæ, id est, totius hypostaticæ: vel accidentali, id est, totius quòd est vnum tantum per accidens. Ad tertiam respondeo, vnitatem quidem suppositi ex natura, & propria subsistentia, esse maiorem vnitate compositi ex materia, & forma, quia illa est simplex vnitas (cùm natura, & subsistentia propria, neque realiter, neque modaliter differant) ista verò est composita ex partibus realiter distinctis. Secus autem vnitatem suppositi constituti ex natura creata, & subsistentia increata realiter distincta, & diuersi ordinis, ac planè supernaturalis naturæ creatæ. Ad quartam dico rationem cur Verbum de homine prædicetur, & homo de Verbo, nò esse, quòd sit maior formaliter vnio: sed ex eo quòd sint duæ integræ naturæ in eodem supposito constituentes vnum per se, quæ naturæ in concreto de se inuicem prædicari possunt. Partes verò de se inuicem prædicari non possunt, vt materia, & forma. Neque etiam partes humanitatis de Verbo. Vt, Verbum est sanguis, pes, aut manus, licet vera vnio cum sanguine, & aliis partibus humanitatis intercedat. Qua de re plura dicemus inferius disp. 8. sect. 2. & 3.

SECTIO XI.

An vnio hypostatica sit maximum omnium donorum?

Respondeo, vnionem hypostaticam, & esse substantiale per illam collatum humanitati, esse maximum omnium donorum. Ita S. Thom. q. 1. a. 1. vbi affirmat communicationem Dei per vnionem hypostaticam, esse omnium maximam: & q. 2. a. 10. ad 1. dicit hanc vnionem esse donum maius gratia, & quacunque Dei similitudine participati. Ratio eiusdem est, quia vnio hypostatica constituit in esse Dei, non per similitudinem tantum, sed per identitatem, & per ipsam diuinam subsistentiam, atq; naturam personaliter communicatam. Maius autè est ipsa res, quàm similitudo eius participata. Et quantò maior est persona diuina, quàm eius participatio: & filiatio naturalis, quàm adoptiua: tantò maius est donum collatum per hanc vnionem, donis omnibus aliis. Simili modo argumentatur Apost. Hebr. 1. *Tendit melior Angelis effectus, quantò differentius præ illis nomen hereditauit. Cui enim dixit aliquando Angelo am, Filium meum es tu?* Confirmatur, quia plus honoris, & reuerentiæ debetur Christo ratione huius vnionis hypostaticæ, quàm vlli puræ creaturæ, ratione cuiuscunque excellentiæ naturæ, gratiæ, vel gloriæ. Vnde Paulus supra; *Et adorent eum, inquit, omnes Angeli eius.* Inde etiam fit, vt Christo ipsi debeatur omnis excellentia gratiæ, & gloriæ, & impeccabilitas, ratione eiusdem vnionis, quàm hac omnia veluti quædam proprietates consequuntur.

Aliam huius veritatis rationem vnica, velut optimam proponit Vasques disp. 20. cap. 4. Quoniam, inquit, maximum bonum nostrum est iustificatio: & hæc fieri potest duobus modis: altero per aliquam Dei similitudinem, altero per ipsam Deitatem. Quorum modorum hic præstantior est, & continens eminenter priorem. Quare vnio hypostatica, quæ iustificat posteriori modo, est maximum omnium donorum. Quod verò iustificatio sit maximum bonum nostrum probat Vasques, quia licet desiderare carentiam beatitudinis, propter gloriam Dei; & in ipsa beatitudine, nihil est maius, & optabilius, quàm iustificatio, & amicitia Dei.

Sed hæc ratio infirmior est. Potest enim facile, & debet negari antecedens. Ad cuius probationem respondeo, tam posse desiderari carentiæ iustitiæ supernaturalis propter gloriam Dei, quàm carentiam beatitudinis, si ad gloriam Dei pertineat vt aliquis hac, aut illa careat. Estque maius bonum, magisque Deo gratum perfecta beatitudo nostra, quàm sola iustificatio, quæ in beatitudine includitur, & per illam consummatur. Nò potest quidem ab aliquo desiderari, vt Deum odes-

117.
Vnio hypostatica est maximum omnium donorum.

Probat ratio.

118.
Altera ratio inefficax.

ne, aut in peccato. Ut verò careat actibus, & habitibus supernaturalibus, ipsaque Dei amicitia, si id Deo gratum esset, & ad maius bonum expediret, posset desiderari: quo sensu nonnulli interpretantur illud Moïsis ad Deum Exod. 32. v. 32. *Aut dimitte illis hanc noxam, aut si non facis, dele me de libro tuo, quem scripsisti.* Deinde iustificatio non in eo solo consistit, quod aliquis sit gratus Deo, sed ulterius, quod sit instructus principiis supernaturalibus ad bene operandum. Hypostasis autem, quia talis, secundum id quod naturæ superaddit, facit quidem gratum Deo: at non est principium effectuum actuum supernaturalium, quia nihil ad extra operatur.

119. *Refutantur contrariæ sententia.* Marfil. verò in 3. quæst. 3. art. 2. in corollario post 3. conclusionem: Durand. ibid. dist. 2. quæst. 2. Gabriel dist. 1. quæst. 2. art. 29. docent beatitudinem esse maius donum vnione hypostatica: quia beatitudo est summum bonum nostrum, ac proinde maius vnione hypostatica. Item beatitudo, id est, visio, & fructio Dei non potest communicari brutis: secus autem vnio hypostatica: quæ etiam est ens miris perfectum & minus supernaturale. Recentiores quoque nonnulli distinguunt donum secundum se, & modum doni: aiuntque, vnionem esse maximum donum ratione modi, quia per illam communicatur Deus personaliter: at non esse maximum donum absolute, quia plus est, quod Deus seipsum det in iustificatione, & glorificatione: tanquam principium effectuum habituum, & actuum supernaturalium, & tanquam inhabitantem secundum tres personas, & essentiam ipsam: quam quod det esse hypostaticum, quod ut sic, non est principium effectuum habituum, & actuum supernaturalium: Deus enim non operatur ad extra per hypostasies: sed per essentiam, seu per potentiam communem. Addi potest, Eucharistiam esse donum saltem æquale secundum se: imò etiam maius extensivè: quia Christus totus in eo datur: Christus autem est plus extensivè, ratione humanitatis, quam solum esse divinum, quod datur humanitati per vnionem hypostaticam.

120. *Vnio hypostatica est donum maius beatitudinis.* Ad primum Respondeo beatitudinem obiectivam esse summum bonum nostrum, quia est ipsemet Deus: sed non summo modo communicatum. Ad perfectionem autem doni plurimum confert modus, quo communicatur, & quo fit eius, cui datur. Formalem verò beatitudinem præcisè sumptam ab obiecto, non esse summum bonum nostrum simpliciter, sed esse possessionem summi boni nostri, id est, esse actus intellectus, & voluntatis, quibus Deum summum bonum nostrum attingimus. Ac ne quidem esse maximum bonum nostrum formale possibile, quasi nulla sit possibilis forma, vel modus se habendi excellentior: sed tantum esse ultimam perfectionem, & perfectissimam ex suo genere operationem circa summum bonum nostrum obiectivum.

121. Ad secundum Respondeo negando sequentiam. Simili enim argumento probaretur vim sentiendi esse quid perfectius vnione hypostatica, quia non potest communicari rebus insensibilibus: secus autem vnio hypostatica, saltem quibusdam, ut alibi dicemus. Quamquam respectu irrationalium non haberet rationem doni, quia doni capaces non sunt. Fallium verò est vnionem illam esse ens minus perfectum, & minus supernaturale beatitudine formali. Nam quatenus identificatur Verbo, est ens infinite perfectius, & magis supernaturale, quam vlla creatura possibilis. Imò etiam quatenus est usus & modificatio humanitatis, multò magis excedit vires naturæ, & debitum rerum naturalium, quam formalis beatitudo, & alia res pure creata.

122. *Donum autem getur ex modo quod datur.* Ad tertium, iam dixi donum moraliter spectatum augeri in ratione doni ex modo, quo datur, neque posse vnum ab alio separari. Plus autem est, quod Deus seipsum det substantialiter ad constituendum vnum esse personæ, ita ut per seipsum quasi formaliter perficiat physicè, & actuet, seu terminet ipsum esse creaturæ, & cum illa vnum per se componat: quam quod se det, & vniet accidentaliter in iustificatione, & glorificatione, vel communionem Eucharisticam. Ad vi vnionis hypostaticæ Deum secundum essentiam, & tres personas perfectius in Christo, quam in iustis & beatis inhabitare, illique consequenter ex debito & exigentia veluti proprietatis connaturalis, dari principium effectuum habituum, & actuum supernaturalium excellentiorum in Christo, quam in quolibet alio.

123. Sunt etiam qui putant gratiam habitua-lem esse maius donum vnione hypostatica, moti præcipue hoc argumento: quia illud bonum est verè maius, quod Christus eligeret, si ex duobus optio illi daretur: & cuius amissionem præferret privationi alterius, si alterutro carendum esset. Atqui si daretur illi optio vel amittendæ amicitia divina, quæ est per gratiam habitua-lem, vel vnionis hypostaticæ: Christus eligeret carere potius vnione hypostatica: ergo &c. Respondeo 1. amicitiam Dei erga hominem esse posse sine gratia habituali creata. 2. Amicitiam Dei, abstrahendo ab illa quæ est per gratiam habitua-lem, vel aliter, sequi ex vnione hypostatica cum humanitate Christi, vel illi coniunctam esse, multò magis quam cum gratia habituali. 3. Posito, quod carendum esset gratia solum habituali, vel vnione hypostatica: Christum electurum potius carentiam gratia habitualis. 4. Supposito etiam quod humanitas Christi posset à Deo non amari amore amicitia, absque alia occasione à se data, quam retentione vnionis hypostaticæ, & absque vilo peccato præferret Christus vnionem hypostaticam soli amicitia, quoad æstimationem; quamvis non necessitaretur ad illam eligendam se ipsa, posset enim pro sua libertate minus bonum eligere.

DISPUTATIO SEXTA,

De persona assumente.

Sectio I. *An sit proprium persone diuine assumere naturam alienam, ita ut persone create illi communicari non possit?*

Sectio II. *An solum persona diuina possit assumere naturam creatam: an verò etiam natura diuina secundum se?*

Sectio III. *An possit una persona plures humanitates simul assumere?*

Sectio IV. *An plures persone diuine possint assumere simul eandem naturam?*



DE persona assumente disputat S. Thomas tota quæst. 3. Et art. 1. docet propriissimè competere persone assumere naturam: quia assumptio importat principium actionis, & terminum: dicitur enim *assumere*, quasi aliquid ad se sumere. Huius autem assumptionis persona est principium & terminus. Quia persone propriè competit agere: & vnio facta est in persona, non in natura. 2. Non conuenire diuinæ nature assumere secundum seipsam: quia licet illi secundum seipsam conueniat esse principium assumptionis, quæ illius virtute facta est: tamen non illi conuenit secundum seipsam esse terminum assumptionis, sed tantum ratione persone. 3. Abstracta personalitate per intellectum, posse adhuc intelligi naturam assumentem. 4. Vnam personam diuinam posse assumere naturam creatam sine alia: non ex parte actionis, quippe quæ procedit ex diuina virtute, quæ est communis tribus personis: sed ex parte termini assumptionis, qui est persona. 5. Quamlibet personam diuinam potuisse naturam humanam assumere. Quia quælibet potuit esse principium assumptionis, ratione naturæ, seu virtutis communis; & terminus, ratione propriæ personalitatis. 6. Posse duas aut tres personas diuinas assumere eandem naturam humanam: sed non posse assumere vnam hypostasim, vel vnam personam humanam. Quia talis est conditio personarum diuinarum, ut vna earum non excludat aliam à communionem eiusdem nature, sed solum à communionem eiusdem persone. 7. Posse eandem personam diuinam assumere plures naturas humanas: quia potentia persone diuinæ est infinita, neque potest limitari ad aliquid creatum. 8. Conuenientissimum fuisse personam Filii incarnari: Quia conueniens fuit creaturam reparari per Verbum, & similitudinē seu exemplar, à quo formata fuerat: & per conceptum æternæ sapientiæ erudiri & proficere ad sapientiam, & consummatam perfectionē suam: & per naturalem Dei Filium, alios adoptari: & denique per Verbum veræ sapientiæ hominem reduci ad Deum, qui per inordinatum appetitum scientiæ recesserat à Deo. Huc vsque D. Thomas.

SECTIO I.

An sit proprium personæ divinæ assumere naturam alienam, ita ut persona creata id communicari non possit?

Aliud est assumere, & aliud terminare.

Nota primò, aliud esse assumere; & aliud, terminare solum naturam alienam. Nam assumere ultra terminationem significat eam fieri pervim, & actionem terminantis, ad se summentis effectivè. Quo pacto persona Verbi integrè sumpta assumpsit humanitatem: terminando per hypostasim, & eam sibi adiectivè coniungendo per virtutem, & actionem naturæ suæ divinæ. Hæc tamen quaestio tractari solet à Theologis indistinctè, vel solum in secundo sensu: de quo cum id negant communiter, à fortiori negant de primo: quia plus est assumere, quam solum terminare.

Variæ sententiæ Theologorum.

Nota secundò, tres esse de quaestione proposita sententias in posteriori sensu. Prima affirmat posse hypostasim creatam terminare naturam alienam. Ita Scot. in 3. dist. 1. q. 4. Gabr. ibid. q. 2. art. 3. dub. 5. Maior q. 5. Almain. qu. 2. in fine. Ocham in 3. dist. 1. dub. ult. Mazar. disp. 17. sect. 3. Bernal. disp. 24. sect. 3. Ysambert. in 3. p. quaest. 3. disp. 1. art. 1. Becan. cap. 4. de Incarn. quaest. 5. eorum fundamenta proponuntur inferius, & simul refellentur.

Secunda sententia est Valent. quaest. 3. de Incarn. p. 6. prope finem, affirmantis nullam quidem substantiam iam creatam terminare posse naturam alienam: secus tamen creabilem. Ratio discriminis est, quia non est necesse substantias omnes rerum creabilem esse adæquatas naturis suis æquè ac sunt substantiæ iam creatæ. Sed hæc ratio valde infirma est. Primò enim, unde habet Valent. omnes substantias iam creatas esse adæquatas naturis suis, posito quòd possibiles sint aliquæ inadæquatæ? Secundò, sint omnes adæquatæ naturaliter: cur non possunt excedere supernaturaliter? Quemadmodum licet vnica anima rationalis sit naturaliter adæquata vni corpori informando: potest tamen supernaturaliter plura simul informare, ut vna albedo plures parietes: & vnum corpus plura simul loca implere. Tertio, sicut substantiæ iam creatæ sunt connaturales naturis iam existentibus, ac proinde illis naturaliter commensuræ, seu proportionatæ, & adæquatæ: ita substantiæ creabiles sunt connaturales naturis creabilibus, quarum propriæ sunt, ac proinde illis commensuræ, & adæquatæ. Quare si substantiæ iam creatæ non possunt terminare naturam alienam, quia sunt adæquatæ naturis suis: neque id poterunt substantiæ creabiles; ob eandem rationem.

Tertia, & communior sententia est D. Thom. quaest. 3. art. 1. in c. & ad 2. Vbi docet proprium esse divinæ personæ propter ipsius infinitatem, ut fiat in ea concursus duarum naturarum secundum subsistentiam. D. Thomam sequuntur Caiet. ibid. & Thomistæ communiter. Durand. Henric. & alij quos citant & sequuntur Suar. disp. 13. sect. 1. Valq. disp. 25. cap. 3. Tanner. qu. 4. n. 11. Delugo d. 12. n. 91. alique recentiores, quibus in summa rei adhæreo, rationes tamen impossibilitatis, quas aliqui eorum afferunt, non probò. Nam quod ait Caiet. si posset suppositum creatum sustentare duas naturas, posset, & tres, & plures in infinitum: hoc autem requirit perfectionem infinitam: quia posse sustentare naturam alienam perfectio quædam est: & maior, posse plures. Hoc inquam parvi momenti est, quia sequela negari facile potest, si de pluribus simul in infinitum sermo sit. Eodemque argumento æquè probaret Caiet. nullam creaturam posse quicquam agere. Deinde perfectio aliqua infinita non repugnat supposito creabili, licet enim nullum purè creatum re ipsa infinitum sit: probabilius tamen est infinitum creari posse.

Vera sententia affirmans.

Probatum à variis in effectibus.

Secundò, quod aiunt Durand. & Valq. hanc vim personalitati creatæ neque naturaliter, neque supernaturaliter convenire posse. Non naturaliter, quia vnaquæque substantia creata est finita, & limitata, & adæquata suæ naturæ: & si esset vis huiusmodi naturalis in hypostasi creata, deberet esse aliquod agens naturale, quod eam posset ad actum secundum reducere, ne alioqui maneret otiosa. Non etiam supernaturaliter, quia deberet esse superaddita, vel intrinsecè, & ita esset accidens, & non posset suppositare, ac substantialiter constituere personam: vel extrinsecè tantum, per solam assistentiam Dei eleuantis ad maiorem effectum, quam res possit naturaliter. Et hoc etiam fieri nequit, quia huiusmodi assistentia, & eleuatio fieri tantum potest in genere causæ efficientis. At terminatio personalitatis pertinet potius ad genus causæ formalis. Forma autem non potest eleuari ad alium effectum formalem, quàm eum, quem naturaliter præstare potest subiecto sic disposito. Ergo &c.

Hoc inquam parum roboris habet. Neque enim verum est quod vltimò asseritur, assistentiam, & eleuationem fieri tantum posse in genere causæ efficientis. Nam forma potest per eleuationem informare maius corpus, quàm posset naturaliter. Et cum naturaliter possit tantum vnum subiectum adæquatum informare potest supernaturaliter duo, & plura simul, si ponatur simul in locis, & subiectis diuersis. Materia quoque potest adiuta supernaturaliter plus recipere, & sustentare, quàm posset naturaliter. Sic ergo posset creata personalitas plus terminare, quàm posset naturaliter, si nihil aliud obstar. Et verò si non potest aliquid eleuari nisi in genere causæ efficientis, non potuisset

Durand. Valq. 4.

natura humana eleuari ad vnionem hypostaticam, cuius certè non est causa efficiens, sed materialis, & subiectiua iuxta sententiam Valquis. Non potuit etiam eleuari ad constituendum Verbum in esse hominis, veluti in genere canis formalis: quod illi certè naturaliter non conuenit. Quare ratio à Valque allata nulla est, & in ipsum manifestè retorqueri potest.

5.
Suar.
Tanner.
Delugo.

Tertio, Suar. Tanner. & Delugo hanc rationem afferunt, quod subsistentia est modus naturæ subsistentis: modus autem vnius rei, ab illa realiter indistinctus, non potest nisi rem illam modificare, nec alteri, quàm illi communicare suum proprium effectum formalem. Sed hæc ratio in hunc modum proposita, & si nihil aliud addatur, non satisfacit: quia negari non potest aliquos esse modos, qui modificant in ordine ad aliud, ad quod extendunt suum effectum formalem. Sic enim in præsentī vnō hypostatica, quæ iuxta auctores proximè citatos, est modus in sola humanitate productus, & ab illa non realiter, sed solum ex natura rei distinctus, eam modificat in ordine ad hypostasim Verbi, quam attingit, & denominat vnitam, communicando illi suum effectum formalem. Vnde restat integra difficultas, cur similiter hypostasis creata non possit alteri naturæ communicari per vnionem, & modificare naturam propriam in ordine ad alienam sibi vnitam? Addendum ergo est, vt hæc ratio valeat, quæ inter omnes probabilior esse mihi videtur, subsistentiam creatam esse modum absolutum naturæ subsistentis, non ordinantem illam ad aliud ex natura sua, vt manifestum est: ideoque non posse nisi illam modificare, illique soli effectum suum formalem communicare: tamque esse impossibile vt naturam alienam modifiet, quàm vt fiat modus relatiuus, id est, alterius rationis & essentia, quod est planè impossibile: essentia enim modorum, æquè ac rerum, sunt inuariabiles. Quæ ratio maiorem vim habet iuxta probabiliorē sententiam, quam secuti sumus disp. 5. num. 64. affirmantem subsistentiam esse modum indistinctum à natura sufficiente ad standum per se, purum, inquam, & simplicem modum quo talis natura completur, & terminatur secundum existentiam. Quemadmodum actio est purus modus agentis, sessio sedentis, & motus mobilis. Quare sicut repugnat quippiam agere, & compleri in ratione formali agentis per merum vium virtutis alterius sibi vnitum; aut sedere per purum & simplicem modum sessionis alterius, aut moueri formaliter per motum mobilis à se distincti: sic repugnat compleri naturam substantialem, siue vltimò terminari formaliter secundum existentiam, per purum & simplicem modum existentia rei alterius, sibi vnitum substantialiter. Hanc rationem indicat S. Thom. qu. 3. artic. 1. ad 1. cum ait, proprium esse diuinæ personæ, propter eius infinitatem, vt fiat in ea concursus duarum naturarum secundum

subsistentiam. Nimirum quia diuinæ hypostases non sunt meri vñs, & modi similes nostris: sed sunt etiam æquiuallentes, & formaliter res excellentissimæ; infinitè nobiliores rebus omnibus creatis, & creabilibus, infinitè formaliter in suo genere, & identicè infinitè simpliciter in omni genere perfectionis. Vnde non mirum est, si ratione tantæ perfectionis possint complere, & terminare naturam alienam, quod non possunt hypostases creata.

Dices cum Mæratio disp. 17. sect. 2. verba D. Thomæ relata posse intelligi, quod sit proprium diuinæ personæ vt in ea fiat concursus duarum naturarum secundum subsistentiam non quocunque modo, sed tantummodo sibi connaturali, vel secundò etiam per assumptionem adæquatè sumptam, id est actiue efficiendo vnionem hypostaticam, & non tantum passiuè terminando naturam alienam. Sed contraprimam expositionem dico primò S. Thomam sine dubio respondere quæstioni propositæ, secundum sensum, quo proponi solet à Theologis. Atqui non est sensus Theologorum, vt id fieri possit à creaturis, modo, seu potius vi connaturali: nullus enim Scholasticorum ambigit id fore creaturæ supernaturale. Contra secundam, dico secundò, D. Thomam loco citato affirmare simpliciter, & in terminis proprium esse diuinæ personæ propter eius infinitatem, vt in ea fiat (non autem solum vt faciat, actiue scilicet assumendo) concursus duarum naturarum secundum subsistentiam.

Aliam huius veritatis rationem reddit Tiphanius lib. de hypost. cap. 67. fundatam, vt ipse putat, in verbis D. Thomæ relatis. Quia, inquit, subsistentia nihil est aliud, quàm totalitas primæ substantia, siue esse substantiam indiuiduam totam, id est, non existentem in alio, vt in toto per additionem alterius, cuius sit pars, à quo scilicet perficiatur hoc enim putat esse de ratione partis propriæ dictæ, ideoque negat Verbum esse partem Christi. Est autem proprium personæ diuinæ, ratione suæ infinitæ perfectionis substantialis, vt licet alteri naturæ coniungatur substantialiter, tamen eius totalitas, atque adeo personalitas, eadem semper maneat, nec vllius vnquam naturæ aduentu, atque societate perire possit, eò quod quicunque ad eam quarumcunque, & quocunque naturarum creatarum concursus fiat, non euadat substantialiter perfectior; sed contra, illa vna alias omnes, quæ in eam concurrunt, naturas, sui communicatione reddat infinitè substantialiter perfectiores: ideoque earum omnium extinguat subsistentias, suâ prorsus illas, & eadem omnino remanente. Contra verò persona, & hypostasis creata, non potest aliam naturam assumere, & terminare. Quia cum sit finita, eiusque ad alteram accessione, & coniunctione cum ea, fiat aliquid substantialiter melius, & perfectius, quàm sit qualibet separata: neutra

6.
Diluitur
obicitur.

7.
Altera ratio
uo l. 1. n. 2.

hypostasis manet, ideoque neutra alteram assumit (quod enim non est, nec assumit, nec assumitur) sed ex illis duabus naturis, si uniri possunt, constituitur tertia quædam hypostasis, ut patet in partibus totius homogenei, v.g. aquæ, vel etiam heterogenei, quæ diuisæ, & ut sunt tota quædam, sunt hypostases propriæ: Cum primum autem uniantur, unumque aliud totum constituunt, amittunt rationes proprias suppositi, & faciunt, constituuntque quoddam aliud tertium, & nouum. Hæc ille qui hanc suam expositionem confirmat ex eo quod idem S. Doctor addit eodem art. in solutione 1. argum. *Dicendum quod cum persona diuina sit infinita, non potest ei fieri additio: sicut in unione hominis ad Deum, quæ est per gratiam adoptionis, non additur aliquid Deo, sed illud, quod diuinum est, apponitur homini, unde non Deus, sed homo perficitur.*

Et hæc quidem ratio facilis esset, si fundamento solido niteretur, ex eodemque principio posset facile reddi ratio, cur eadem natura creata non possit subsistere propria subsistentia simul, & aliena, creata, vel increata: quia non potest simul totalitatem suam amittere, & retinere: siue esse simul, & non esse in aliquo toto per additionem alterius, à quo perficiatur. Item cur non possit absolute esse sine propria, vel aliena subsistentia: quia non potest esse, nisi in aliquo toto, vel extra, id est, sine compositione cum alio: & eo ipso, quod non componit, est tota, adeoque subsistens: loquimur enim de natura completa. Item cur non possit virtute diuina subsistere natura creata simul pluribus subsistentiis propriis: quia non potest esse simul plura tota, id est, plures substantiæ indiuiduæ, & seorsim existentes, non in alio, neque ut inferiori, neque ut subiecto, neque ut toto: Et tamen possit simul subsistere pluribus subsistentiis diuinis, quia quilibet personarum diuinarum eandem naturam creatam assumens retineret suam totalitatem, cum non perficiatur per additionem naturæ creatæ.

Sed hoc fundamentum fuit à nobis alibi reiectum, & iterum reicietur inferius disp. 7. sect. 3. Primò, quia est manifestè contra doctrinam S. Thom. 1. p. qu. 75. ar. 2. affirmantem animam rationalem subsistere, etiam quando est in toto, & pars actu componens naturam humanam. Secundò, quia verbo tantum differt à sententia Scoti, communiter reiecta à Theologis, atque etiam à Tiphano, quod scilicet subsistentia nihil addat naturæ præter negationem existendi actu, vel aptitudine in alio, ut in toto. Tertiò, quia iuxta illam definitionem personæ, & doctrinam Tiphani, essentia diuina esset persona, & non esset in Deo tres personæ, sed vnica: vel esset in Deo tres essentia, seu naturæ. Quartò, quia iuxta eandem sententiam non potest reddi ratio, cur ex natura diuina, & humana fiat vnum per se, magis quàm ex duobus liquoribus permixtis, aut arboribus insitis:

Curue magis prædicari de se inuicem possint in concreto substantiuo. Ac denique, quia iuxta illam ridiculæ sunt quæstiones variæ D. Thomæ, & aliorum grauiorum Theologorum, imò etiam Conciliorum definitiones. Quæ omnia fusiùs loco citato persecutus sumus. Neque etiam ille est sensus verborum D. Thomæ à Tiphano relatorum ex 3. part. qu. 3. art. 1. ad 1. & 2. Nam quod priori loco dicit, personam diuinam non perfici per naturam humanam tantum dicit eo fine, ut ostendat vnionem hypostaticam non dedecere personam diuinam summè perfectam, neque repugnare infinitæ illius excellentiæ, ut patet ex argumento primo, collato cum eius solutione. Posteriori autem loco docet tantum non repugnare personæ, quod plura de illa prædicari possint, vel quod ita communicetur, ut subsistat in pluribus naturis, quia etiam, inquit, in personam creatam possunt plures naturæ concurrere accidentaliter: sicut in persona vnius hominis inuenitur quantitas, & qualitas. Hoc autem est proprium diuinæ personæ propter eius infinitatem, ut fiat in ea concursus naturarum, non quidem accidentaliter, sed secundum subsistentiam: hoc est, sicut in naturam creatam possunt naturaliter concurrere plura accidentia, quæ ab illa sustententur, siueque in eodem supposito, velut in subiecto: ita in personam diuinam, propter illius perfectionem infinitam ad hoc sufficientem, possunt concurrere plures naturæ substantiales, quæ per illam subsistant: plures, inquam, naturæ creatæ, quæ ab illa terminentur secundum existentiam, & vltimò compleantur substantialiter, subsistantque eadem hypostasi, quæ persona diuina.

Obijcit Mærat. in fauorem primæ sententiæ, nullam esse impossibilitatem, neque ex parte vnionis, neque ex parte subsistentiæ creatæ. Neque minùs subsistentiam Verbi esse proportionatam, & adæquatam naturæ diuinæ, quàm subsistentiam creatam naturæ creatæ. Quare si ea proportionem non obstante, potest hypostasis Verbi terminare naturam alienam: quidni idem possit hypostasis creatæ? Respondeo, illam impossibilitatem non clarè quidem, sed tamen satis apparenter ostensam fuisse: neque in omnibus, quæ censentur meliori, & communiori iudicio impossibilia, implicantiæ contradictionis posse clarè ostendi: ut in eo quod oculus corporeus non possit Deum videre: & quod creatura non possit creare. In re verò vtrunque obscura satius esse iudicamus adhærere D. Thomæ, & communiori sapientum sententiæ. Porro cum natura diuina necessariò terminetur tribus hypostasibus; sola hypostasis Verbi non est illi adæquata. Et quamuis esset: hoc argumentum nobis non obest, qui non reddimus rationem impossibilitatis, ex adæquatione inter naturam, & propriam subsistentiam; sed ex imperfectione subsistentiæ creatæ.

Opponit 2. Ysambertus artic. supra cit. Altera obijctio, quæ requiritur ad terminationem iectio,

10.
Soluitur
obijctio

Refutatur.
Vide T. 1.
disp. 16.
sect. 1.

personalem naturæ alienæ, siue ex parte naturæ, siue ex parte personalitatis, sufficienter reperiri in personalitate creatâ. Nam ut aliqua personalitas terminet hypostaticè naturam alienam, hæc tria sufficiunt. 1. Quod propria personalitas impediatur produci. 2. Ut aliena substantia naturæ in tali statu positæ uniatur. 3. Ut hæc aliena substantia habeat vim sufficientem ad terminandum etiam naturam alienam, illam ultimè complendo, ut sic cum illa possit constituere aliquod subsistens per se. Atqui per absolutam Dei potentiam hæc tria possunt habere locum in aliqua natura, & aliqua substantia creatâ, illi naturæ alienæ, ut ad se invicem comparatis in ratione naturæ, & termini substantialis. Nam primò quidem, tam bene Deus potest impedire ne propria substantia Petri producat, vel resultet ex sua propria substantia: quàm de facto impediuit ne propria substantia humanitatis Christi produceretur, vel resultaret. Secundo, unio substantiæ alienæ cum natura quæ privatur substantia propria, importat solam intimam coniunctionem entitativam unius extremi cum alio, præscindendo à terminatione, de qua mox. Hanc verò coniunctionem Deum facere inter substantiam creatam, & substantiam creatam sibi alienam, non magis implicat, quàm illud idem facere inter humanitatem Christi, & personalitatem Verbi: cum substantia creatâ tam sit apta facere aliquam compositionem cum aliqua substantia creatâ, ut ex duobus præcisè unitis inter se: quàm personalitas Verbi divini est ad id apta. Hæc enim est magis simplex, quàm illa. Tertiò denique, quod substantia creatâ habeat aliquam vim terminandi, patet, quia de facto terminat propriam substantiam. Quod verò habeat vim sufficientem ad terminandum alienam substantiam creatam, non quidem naturaliter, sed per absolutam Dei potentiam, probatur, quia personalitas creatâ, est magis adæquata propriæ suæ substantiæ totaliter terminandæ, & complendæ in ratione subsistentis. Quia substantia Verbi terminat tantum inadæquatè naturam divinam, relinquendo locum aliis duabus personalitatibus Patris, & Spiritus sancti: substantia verò creatâ complet totaliter, & adæquatè propriam suam substantiam. Atqui personalitas Verbi divini, non obstante illa inadæquata terminatione, & completionem essentia divina, potest adhuc extraordinariè terminare substantiam creatam. Ergo pari iure personalitas creatâ, quæ habet vim sufficientem terminandi adæquatè propriam suam substantiam, habebit etiam, ut per potentiam absolutam possit complere, & terminare hypostaticè alienam substantiam creatam. Hæc ille,

11.
Refutatur.

Quibus Respondeo concessa maiore, negando minorem. Licet enim Deus possit impedire, ne natura creatâ subsistat propria substantia, saltem illam uniendo hypostaticè personæ divinæ: licet etiam possit duas

substantias creatas coniungere, quod etiam interdum naturaliter fit: tamen non potest merum & simplicem modum essendi absolutum unius substantiæ creatæ, & actualitatem per se standi, unire alteri substantiæ ad suppleendam illius substantiam: idque non satis probat tertia pars argumenti allati, quam præcipuè negamus, quæque, si valeret, probaret non modò supernaturaliter, & per potentiam obedientialem posse creatam substantiam terminare, & complere naturam alienam creatam: Verum etiam virtute naturali, Sicut hypostasi Verbi naturale est posse terminare, & complere hypostaticè naturam creatam. Idque eò magis quod illa valet ad terminandam adæquatè naturam propriam: hæc verò tantum inadæquatè.

Neque valet distinctio eiusdem auctoris art. 4. disp. cit. 6. *Quartò patet*: substantiam creatam considerari posse in ratione modi, & in ratione termini, quæ duæ formalitates distinguuntur, inquit, in substantia, & una se tenet ex parte materialis, nempe esse modum: altera ex parte formalis, nempe terminare. Et quamvis primum suppleri non possit, id est, quamvis nequeat substantia creatâ modificare substantiam sibi alienam: sicut nec una, & eadem numero figura potest duas quantitates realiter à se invicem distinctas figurare; nec eadem sessio facere ut duo distincti homines sedent: nec eadem actualis inhaesio, ut duo accidentia realiter distincta diversis subiectis inhaereant: non sequitur, secundum suppleri pariter non posse: id est, substantiam creatam non posse terminare solum naturam alienam: potest enim terminare, & non modificare: sicut potest Deus supplere speciem impressam, quæ ipse videretur, absque eo quod Deus inhaereat intellectui Beati. Supplere enim munus illius speciei, non est inhaerere subiecto.

Non valet, inquam, quia substantia creatâ, quidquid est supra naturam, est purus modus existendi per se, & modale complementum existentia naturæ substantialis aptæ stare per se: maleque in illa distinguuntur prædictæ formalitates, quasi una illarum sit modus, altera non: tota enim est modus: & quid quid præstat naturæ cuius est, præstat, ut modus: cum præstet in genere causæ formalis, communicando id quod est. Quare si supplet substantiam naturæ alienæ, illamque terminat, supplet, & terminat eam modificando: ac si non potest modificare naturam alienam, ut fatetur auctor citatus, non potest quoque illam terminare hypostaticè, & supplere illius substantiam. Neque est simile exemplum allatum: quia Deus non supplet munus speciei in genere causæ formalis: sicut substantia creatâ modificat, & terminat existentiam naturæ, cuius est, deberetque in eodem genere causæ terminare naturam alienam, si posset illi communicari.

Obijcitur tertiò, nonnullos veterum sensisse, Angelos reipia assumpsisse hypostaticè ictio. Tertia obij

naturam humanam. Senferunt enim aliqui Malachiam, Aggæum, & Ioannem Baptistam fuisse Angelos incarnatos, vt testatur S. Hieronymus in præfat. ad Malach. & in cap. 1. Aggæi ad v. 13. Fuerunt etiam, qui dicerent Antichristum fore dæmonem incarnatum. Et Tertull. lib. 3. contra Marcion. cap. 9. aliisque locis significat Angelos assumpsisse hypostaticè corpora, in quibus Abraham, aliique Prophetis apparebant.

13. **Angeli non assumunt corpora hypostaticè.** Respondeo antiquos illos, quorum meminit Hieronymus, fuisse deceptos nomine Angeli, quod in Scriptura tribuitur sanctis prædictis, ratione officii, non autem naturæ. De Antichristo absurdum est id opinari. Nam quamuis id esset possibile: absit vt Deo, tanquam causæ speciali, & supernaturaliter operanti, tale opus tribuatur, tendens ad tam malum finem. Dæmon autem non potest vi naturali assumere hypostaticè, & fieri Antichristus. Multoque minus potest natura humana Antichristi vnire se hypostaticè Angelo. De corporum assumptione facta ab Angelis, diximus alibi suo loco, vbi ostendimus Angelos non assumere hypostaticè, neque informare, vel animare, sed tantum peculiariter assistere huiusmodi corporibus, ad se repræsentandos in illis, eaque mouere, velut formas assistentes, propriam formam animantem imitantes.

SECTIO II.

An solum persona diuina possit assumere naturam creatam: an verò etiam natura diuina secundum se?

14. **Natura diuina non potest assumere secundum se immediate.** Respondeo, naturam diuinam non posse assumere secundum se immediate. Ita S. Thom. qu. 3. art. 2. Alenf. parte 3. qu. 2. memb. 3. Bonauent. in 3. dist. 5. art. 1. qu. 4. & alij, quos citant, & sequuntur Vasq. disp. 27. cap. 2. & Tanner. qu. 4. de Incarn. num. 16. Probat Vasq. 1. ex SS. Patribus, & Conciliis. Quando enim disputant contra Eutychetem & Nestorium, non meminerunt alterius vnionis, quam in natura, & in persona: & illam dicunt esse impossibilem, hanc verò possibilem, & reipsa factam. Neque tantum affirmant illam esse impossibilem, posita hypothefi, quæ nunc est, quod nempe solus Filius sit incarnatus, & Deus decreuit non alio modo incarnari: sed simpliciter, & absolute, quia non potuit vnio fieri immediate in natura communi. Ad quod ostendendum adducit Vasq. testimonia Conciliorum, Toletani VI. & XI. in professione fidei, & S. Anselmi lib. de Incarn. Verbi cap. 4. Sed non satis efficaciter. Melius ergo probatur 2. quia natura diuina abstracta à personis non habet substantiam, secundum quam possit vniri hypostaticè naturæ creatæ: sed habet tantum existentiam, secundum quam non potest terminare naturam alienam: neque appa-

ret quomodo aliter possit immediate illi vniri. Vel enim ita terminaret, vt natura per illam existeret formaliter: & hoc implicat, quia nulla res potest existere formaliter existentia aliena, & extrinsecâ, sed intrinsecâ solum, & propriâ. Vel faceret cum natura creata vnum totum essentiale: & hoc non: quia totum essentiale non fit, nisi ex essentiis incompletis. Aut totum hypostaticum: & hoc etiam dici nequit: quia essentia diuina, præcisâ à tribus hypostasibus relatiuis, non est subsistens. Aut totum quoddam integrale: & hoc quoque fieri non potest: quia natura diuina non est pars naturaliter ordinata ad integrandum aliquod totum extensuum, aut intensuum. Vel denique alio quopiam modo vnum per se cum natura illa immediate ad se assumpta constitueret: & hoc est prorsus inintelligibile, neque ab vllò Adversariorum asseritur.

15. **Soluitur instantia.** Dices: natura diuina secundum se sumpta, & præcisâ à personalitatibus, est res perfectissima, continens eminenter omnem vsum, & exercitium naturarum creaturarum, & per se sufficiens ad similem vsum, modò non inuoluet imperfectionem. Cur ergo, sicut materia, & forma possunt vniri immediate, & natura integra aqua potest vniri immediate naturæ vini, & ignis ferro, & arbor arbori per infusionem, & accidens subiecto, & elementa formaliter vniuntur in mixto, iuxta multorum opinionem, & metalla per mixturem in vnum transeunt, ex quo sine noua generatione separari queunt, vt experientia constat: cur, inquam, nequeat simili quodam modo natura diuina immediate vniri creatæ?

Respondeo, has omnes vniones naturarum creaturarum inuoluere imperfectionem, vel partis incompletæ essentialiter, & ad aliud naturâ suâ ordinatæ, vt sunt materia, & forma: vel partium quantitatiuarum, quæ inter se permiscuntur, aut continuantur: vel accidentis, & subiecti: quorum nihil potest naturæ diuinæ competere.

16. **Contraria sententia.** Contra responsum sentiunt Scotus, Durand. Ricard. Ockham, Gabriel, Caiet. & alij quos citat & sequitur Suar. disp. 13. sect. 1. conclus. 2. & disp. 11. sect. 3. conclus. 1. affirmantes, naturam diuinam secundum se habere substantiam absolutam, & essentialem, secundum quam posset naturam creatam assumere, & terminare ipsius existentiam. Sed hanc sententiam refutauimus in tract. de Trinit. tom. 1. disp. 26. sect. 2. & 3. vbi ostendimus, naturam diuinam, præcisâ à tribus hypostasibus relatiuis Patris, Filij, & Spiritus sancti non habere substantiam communem, & absolutam: quia id quod naturæ diuinæ nomine significamus præcisè à personis, non est res per se solum vltimò completa, & terminata secundum existentiam, atque incommunicabilis alteri vt terminanti: neque est aliquid imum, & vltimum in existendo, sed potius descendit vltius, & communicatur, ac terminatur

tribus realiter distinctis : quæ licet singula sint idem re cum natura tamen non sunt natura sola, sed aliquid amplius, quo vnum differt realiter ab alio. Atqui id quod non est res vltimè per se solam completa, & terminata secundum existentiam, sed est in aliis vt terminantibus, non est subsistens, nec habet sub ea ratione subsistentiam, quæ est modus vltimus complementi existentie substantialis: igitur id, quod naturæ diuinæ nomine significamus, non est subsistens, nec habet sub ea ratione subsistentiam. Quod autem non habet subsistentiam, non potest vniri, & assumere secundum illam. Ergo id quod naturæ diuinæ nomine significamus, non potest assumere, & vniri secundum subsistentiam.

17. Huic doctrinæ fauent Concilia & SS. Patres: qui postquam constitit de significatione vocis subsistentia, tres tantum subsistentias in Deo agnouerunt: relatiuas scilicet, quibus Pater, Filius, & Spiritus sanctus constituuntur in esse trium personarum. Idque conuenienter virtuti vocis: nam subsistere est esse fundamentum, & imum: quale non est id, quod est in alio vt terminante ipsius existentiam, quo modo natura diuina est in Patre, Filio, & Spiritu sancto. Adde, subsistentiam & hypostasim, in natura intellectuali completa, re & ratione idem esse, ac personalitatem. Quare si natura diuina abstracta à personis esset verè subsistens, esset verè persona, & tres personæ diuinæ essent vna persona, sicut sunt vna natura, quod inauditum est.

Argumenta
Caier in
contrariū.

Opponit Caier. tres personæ sunt vnus Deus. Ergo sunt hic Deus. Ergo datur hic Deus communis tribus personis. Sed hic Deus dicit hanc Deitatem subsistentem. Ergo datur etiam subsistentia communis tribus personis. Confirmatur ex D. Thom. qu. 3. art. 3. in c. vbi docet, abstracta personalitate per intellectum, posse adhuc nos intelligere naturam diuinam assumentem: nempe, quia adhuc intelligimus subsistentiam communem, & absolutam, atque essentialem, secundum quam potest assumere.

18. Quomodo
tres personæ
diuinæ
sunt hic
Deus.

Respondeo, nomen, hic Deus, adæquatè sumptum significare constitutum ex Deitate, vna numero, & ex subsistentia triplici realiter, sed per modum vnius confusè concepta, & abstractè significata, velut vna secundum conceptum, seu rationem vniuocam. Eoque sensu tres personæ sunt vnus Deus, & hic Deus. Hic, inquam, & vnus realiter secundum Deitatem, sed trinus secundum subsistentias, seu personas, quarum communis, & confusus conceptus significatur nomine, Deus, ex parte materialis. Dixi, adæquatè sumptum, &c. Nam in adæquatè summi potest pro singulis personis, siue pro constituto ex Deitate expressè significata, & ex proprietate relatiua vnius personæ confusè significata: Vt cum dicimus, Pater est hic Deus: Hic Deus generat. Quocunque verò

sensu sumatur, nulla est subsistentia realis vnica, & communis re ipsa: sed triplex realiter, & communis tantum ratione, quando confusè concipitur abstracta à tribus. Sentius autem D. Thomæ loco cit. est, vt liquet ex solutionibus primi, & secundi argumenti, quod præcisè per mentem naturæ diuinæ à personalitatibus, adhuc manebit aliquid subsistens identice: quia in Deo idem est id quod est, & id quo est. Vel quod manebit in intellectu eius, qui, vt Iudæi, putat Deum vnicum esse in persona & quæ, ac in natura: manebit, inquam, in eius intellectu vna personalitas Dei, ad quam secundum ipsius imaginationem poterit terminari assumptio, sicut nunc dicimus eam terminari ad personam Verbi.

Opponit etiam Suar. disp. 11. sect. 3. dari in natura diuina propriam, & essentialem existentiam absolutam, quam habere concipitur, etiam si ab ea præcindamus per mentem omnes relationes personales. Natura enim diuina est essentialiter ens à se, id est, vt propria existens, includitque intrinsecè existentiam, vt perfectionem simpliciter simplicem: & prout est prior originibus, ac velut earum fundamentum & radix, est actualis entitas, & vt talis communicatur personis, contrahiturque per relationes, quæ non adueniunt essentia, vt dent illi existens formaliter, sed vt terminent incommunicabiliter ipsius existentiam, id est, vt constituent vnum veluti compositum ex essentia, & relatione personali, incommunicabile alteri, vt terminanti. Quæ relationes, cum ipsæ quæque actu sint, & actu terminent, habent pariter suam intrinsecam existentiam, quæ seipsis formaliter existunt secundum id, quod concipiuntur addere communi essentia, & existentia, quam terminant. Ideoque in Deo totaliter sumpto est vna existentia absoluta, & tres relatiuæ. Deinde addit Suar. existentiam illam absolutam, & essentialem, ex vi suæ perfectionis præcisè sumptam, esse non tantum rationem existendi, sed etiam existendi in se, & per se: ita vt diuinitas, quatenus per illam existit modo perfectio, intelligatur per se existere, & non egere aliquo sustentante, neque aliquo alio modo re, aut ratione distincto, vt in se, ac per se existat. Et in hoc sensu subsistere per se: quia natura diuina non est concipienda eo modo imperfecto, quo concipitur existentia naturæ creatæ, puta humanitatis in Verbo, quæ spoliata propria subsistentia non per se existit, sed manet imperfecta, & quasi in potentia, vt per modum potius inexistentiæ, quam per se existentia, afficiatur, seu terminetur. Hoc enim repugnat perfectioni infinitæ simpliciter ipsius esse per essentiam, cuiusmodi est esse diuinum absolutum. Nam illud esse, vt sic conceptum, est simpliciter, & in genere entis infinitè perfectum (alioqui Deus non esset simpliciter, & in genere entis infinitè perfectus: quia non habet hanc infinitatem à relationibus personalibus, quæ sunt tantum

19. Alia argumenta
Suar.

tantum infinitum secundum quid, & nec solam; nec alteri finito simpliciter additur; possunt facere cum illo infinitum simpliciter.) Ergo illud esse includit in suo formali, & essentiali conceptu, non solum existere, sed etiam modum in se, & per se existendi. Probat consequentiam: Primum, quia ens simpliciter infinitum non potest concipi, ut quippiam essentialiter incompletum, & tanquam id quo aliquid est, non autem tanquam id quod est. Et idem est de substantia infinite perfecta in ratione substantiae. Quomodo enim erit substantia infinita, si non est substantia completa? Secundum, quia, si illud esse per essentiam est ex se ens infinitum simpliciter: Ergo est Deus, & non tantum Deitas. Ergo est in se, & per se existens. De natura enim abstracta, nisi intelligatur per se existens, non potest concretum predicari. Tercium, ille modus per se existendi est perfectio simpliciter simplex, quia non repugnat meliori, aut aequali. Si cui enim, maxime communicabilitati essentiae. At hoc non: quia essentia per se existens potest tribus communicari identice: & aliud est existere per se, & aliud existere incommunicabiliter. Denique addit Suarez, existentiam illam absolutam, & essentialem, quatenus est ratio per se existendi, posse convenienter dici subsistentiam, quia sancti Patres & Theologi communiter ita loquuntur. Et D. 1. om. 1. p. qu. 29. artic. 2. Res, inquit, dicitur subsistere ex eo, quod per se existit. Et qu. 9. de potentia 3. ad 13. ait, divinam essentiam esse secundum se subsistentem. Similique modo loquuntur Hilar. Hieron. August. & alij Patres. Hec Suarez.

20. Sed ad primum Respondeo, naturam divinam habere suam essentialem existentiam absolutam: & illam esse quidem existentiam per se eo sensu, quo omnis existentia naturae completae substantialis dicitur existere per se, id est, apta vi propria stare, ratione naturalis suae perfectionis, & sufficientiae, non indigentis naturaliter alio, ut subiecto, vel sustentante, quemadmodum egent accidentia, & formae substantiales materiales. Quo pacto natura humana existit per se, etiam cum est in Verbo. Quo etiam pacto quaelibet natura creata substantialis & completa existit per se, considerata praecise ab actualitate suae subsistentiae. Et ipsa essentia divina, praecise sumpta ab illa subsistentia communi, quam ponunt Aduersarij, existit per se eodem modo, id est, est apta vi propria stare, & non eget alio, tanquam subiecto, vel sustentante. Quare hoc esset subsistere, natura divina subsisteret adhuc, praecise illam communi subsistentiam. Sed ultra hoc requiritur ad denominationem subsistentis formaliter, ut natura siue creata, siue increata, apta & sufficiens ad standum per se, sit ultimo terminata, & completa secundum existentiam, ita ut qualis, & in sensu composito, neque sit, neque possit esse in alio, siue ut terminante, siue ut

sustentante: atque ita existat in se & per se incommunicabiliter. Quo termino & complemento, seu modo existendi per se potest natura creata privari, & loco illius pendere ab alieno supposito. Natura vero divina, tametsi non potest eo spoliari: non est tamen concipienda illum habere ante personalitates, sed solum prout tripliciter subsistit in tribus personis. Ante quod non habet existentiam in se, & per se, eo sensu, quo subsistere formaliter definitur esse per se: id est non in alio ut sustentante, vel ut terminante, & ultimo concludente ipsius existentiam aptam per se stare. Nam est reipso in tribus personis, ut terminantibus, & ultimo concludentibus.

Ad secundum Respondeo, nullam in eo esse imperfectionem naturae divinae, quae a parte rei non est tantum id quod abstracte concipitur, sed est realiter terminata per unum triplicem ab ipsa realiter indistinctum: neque propterea naturam abstracte conceptam non esse ens infinitum simpliciter, vel potius naturam, & essentiam entis simpliciter infiniti in omni genere entis: quia continet formaliter omnes perfectiones simpliciter simplices, & eminenter perfectiones secundum quid, inter quas est modus tripliciter subsistendi. Ad rationem autem entis infiniti simpliciter non est necessarium includere formaliter omnes perfectiones secundum quid: alioqui deberet natura divina includere personalitates, & modos subsistendi incommunicabiliter: quod Suarez non admittit, estque contra Lateran. cap. 2. de Summa Trinit. ubi ait, Patrem communicare Filio totam essentiam, cui tamen non communicat paternitatem.

Ad primam probationem consequentiae Respondeo, ens essentialiter infinitum, seu potius essentiam entis simpliciter infiniti, posse concipi ut quid incompletum, non essentialiter, siue in ratione essentiae, sed in ratione subsistentis. Sicut iuxta Suarem essentia divina, quamvis infinita simpliciter, debet, ac potest concipi incompleta in ratione suppositi, seu personae. Idemque dico de substantia infinita in ratione essentiae, & non completa ut sic in ratione subsistentis, & personae.

Ad secundam dico, illud Esse per essentiam infinitum simpliciter, esse quidem Deum identice, & non adaequate conceptum, sed praecise tantum quoad essentiam, seu deitatem; ultra quam Deus est realiter triplex subsistentia, & tres personae in una Deitate, quae confuse significantur nomine, Deus. Et Deitas abstracte sumpta non est hoc totum formaliter secundum rationem, sed identice, & secundum rem.

Ad tertiam Respondeo, modum per se existendi, id est, non in alio, ut supposito, non esse perfectionem simpliciter simplicem, cum repugnet communicabilitati multis personalitatibus, quae melior est, quam

Essentia simpliciter infinita potest concipi ut incompleta in ratione subsistentis.

Subsistentia non est perfectio simpliciter simplex.

incommunicabilitas opposita : ut patet ex eo, quod communicabilitas pertinet ad quandam illimitationem, & ad naturam bonitatis, quæ est sui diffusiva: Incommunicabilitas verò pertinet ad rationem quandam entis limitati, & restricti. Item per communicabilitatem naturæ divinæ factam multis personis, natura divina est aliquid quasi superius, & supereminens: cum personalitates sint quid imum & infimum.

23. **Existencia per se rei substantiæ repugnat communicabilitati.** Neque verum est quod ait Suares, existentiam per se, qualis est rei substantiæ formaliter, non repugnare communicabilitati identicæ, quæ sit tribus personis. Etenim quod descendit ulterius, & est in alio, ut subsistente, non est per se subsistens formaliter, neque est imum, & infimum, & veluti basis, quod significatur nomine latino substantiæ, & græco hypostasis: quæ perperam distinguit Suares contra communem usum. Neque aliud est existere per se substantialiter, sumptum pro subsistere, quàm existere incommunicabiliter alteri, ut subiecto, vel ut subsistenti, & terminanti existentiam. Denique existentia illa divina absoluta non est aliter existentis per se formaliter, neque magis meretur nomen substantiæ, quàm natura angelica, vel humana præcise sumpta, ut paulò ante diximus. Theologi verò communis nobis assentiuntur, & SS. Patres idem sentiunt, postquam de nomine substantiæ constitit, quod aliquandiu apud Patres obscurum fuit, & à multis usurpatum pro substantia ipsa, ut ab August. Hieron. aliisque à Suare citatis. Deinceps verò Patres & Concilia substantiam acceperunt constanter pro hypostasi, & personalitate, ac tres solum in Deo agnoverunt substantias, ut fusè ex eorum testimoniis ostendit Vasques 1. p. disp. 124. & 125. D. Thomas autem priori loco citato loquitur de existere per se, id est, non in alio, ut supposito. Posteriori intelligit essentiam divinam esse secundum se subsistentem identicè; quod ipsum repetit 3. p. qu. 3. art. 3. ad primum, quia, inquit, in divinis idem est quo est, & quod est.

Vasques.

SECTIO III.

*An possit una persona plures
humanitates simul
assumere?*

24. **Conclus. affirmat. 8. Thom.** **R**espondeo affirmativè cum D. Thom. quæst. 3. art. 7. & aliis communiter. Ratio est, quia non repugnat neque ex parte humanitatum, quæ sunt omnes assumptibiles, & non habent oppositionem, aut absolutam impossibilitatem inter se in or-

dine ad unionem cum eadem hypostasi: neque ex parte personæ divinæ, cuius vis terminandi naturas creatas infinita est. Et licet hypostasis cuiusque personæ divinæ terminet naturam divinam infinitè in suo genere, & quantum ipsam terminare potest: non tamèn inde sit, ut non possit ulterius terminare naturas creatas, siue unam, siue plures, & infinitas: quasi tota eius vis exhauriatur penitus, & omni modo unica terminatione essentiae divinæ, sicut vis generandi, & vis spirandi, exhauriuntur unica generatione, & unica spiratione. Quemadmodum enim licet voluntas divina Deum amet infinitè, & quantum amare potest, non sequitur quod exhauriatur Dei bonitate, & non possit amare creaturas: similiterque intellectus non exhauritur Dei cognitione, sed ad alia omnia extra Deum se diffundit: sic hypostasis &c.

Difficultas verò est, utrum in eo casu persona illa divina, unita pluribus humanitatibus, esset dicenda unus homo, an plures?

Qua de re censeo probabilius esse debere dici plures homines, ut sensit D. Thom. in 3. distinct. 1. quæst. 2. art. 5. ad 2. Capreolus in 1. distinct. 4. quæst. 1. art. 1. ad primum, Aureoli, Altfiodorensis lib. 3. tract. 1. cap. 1. quæst. 5. & Vasques in primam partem disput. 155. per totam. Ratio est, quia, ut docet S. Thom. 1. p. quæst. 39. artic. 3. & fere idem docet Vasques suprà capite 4. unitas vel pluralitas nominis concreti substantiivi ac substantialis, id est, substantiam rei vel aliquid ei substantiale significantis, sumitur ex unitate vel pluralitate formæ expressè significatæ: adeo ut si illa sit unica, nomen concretum non possit in plurali usurpari: secus autem si multiplex sit. Ideoque in Trinitate dicuntur esse tres personæ, quia forma personalitatis, expressè significata nomine personæ, triplex est. Contra verò dicuntur tantum unus Deus, quia Deitas est unica. Et Pater ac Filius dicuntur esse, non duo principia, sed unicum principium Spiritus sancti, & unicus spirator, in Concilio Lugdunensi capite unico de Summa Trinitate & Fide Catholica in sexto, quia una & eadem virtute & actione spirant. Cuius rei ratio esse videtur, quia huiusmodi concretum significat rem per modum substantiæ & suppositi, præcipuè ut constituitur formali & expresso significato, cuius proinde in pluralitate, aut unitate nominis, maior habenda est ratio. Sic igitur si una & eadem persona divina assumeret plures humanitates, esset multiplex homo, seu plures homines; quia forma expressè significata nomine hominis, nempe humanitas, esset multiplex. Contra verò, si plures personæ divinæ assumerent

252

Personæ unitæ pluribus humanitatibus deberet dici plures homines.

Probat ex modo accipiendi concreta substantiæ substantia.

Conc. Lugdun.

eandem humanitatem, essent vnus homo, sicut sunt vnus Deus; quia humanitas vnica esset, & quæ ac Deitas.

26. **Alia est ratio de nominib. adiectiuis.** De nominibus verò adiectiuis alia est ratio, quia significant formam, vel quasi formam, per modum adiacentis. Vnde, iuxta communem modum loquendi, supponunt pro subiecto vel supposito cui forma tanquam adiacens significatur, ideoque quoad vnitatem aut pluralitatem huiusmodi nominum habetur ratio subiecti, aut quasi subiecti. Quare si illud sit multiplex, nomen potest pluraliter efferri. Secus non, licet formæ sint multe. Vnde non dicimus, v. g. hominem habentem multas vestes esse multos vestitos, sed vnum vestitum multis vestibus. Nec qui habet multas qualitates dicitur multa qualia vel qualificata, sed vnus qualificatus multis qualitatibus, scientia, virtute, pulchritudine, &c. Ultra verò prædicta concreta substantiua substantia, & nomina adiectiua, quædam sunt nomina substantiua quæ significant formam accidentariam, aut aliquid per modum accidentis, vt artifex, opifex, doctor, creator, gubernator & similia. Et hæc, vt rectè norat Vasques disputatione citata capite 8. ex parte sequuntur naturam & regulam adiectiuorum. Quia cum plures huiusmodi formæ, aut quasi formæ, seu significata accidentaria, vni & eidem subiecto conuepiunt; non enunciantur de illo nomina eas significantia in plurali, sed in singulari. Exempli gratia non dicimus hominem callentem multas artes esse multos artifices; vel habentem multas scientias, esse multos Doctores: aut habentem multos filios, esse multos Patres. Ratio est, inquit Vasques, quia huiusmodi nomina significant magis principaliter naturam illam substantialem, cui conuenit talis forma aut quasi forma: quæ si vna est, non debet nomen multiplicari. Dixi, naturam substantialem: non hypostasim aut suppositum quæ tale: quia huiusmodi nomina non multiplicantur propter solam pluralitatem hypostasicon aut suppositorum. Vnde non dicimus tres personas diuinas esse tres creatores, tres opifices, tres mundi gubernatores: quia hæc denominatio formæ quasi accidentariæ per modum substantiui, non extenditur vltra ipsam substantiam & naturam rei per se stantis, inquit Vasques loco citato. Quorum omnium summa ratio ex veteri & communi modo loquendi sumenda est. Nominibus enim est vtendum secundum quod sunt ad significandum imposita, & communitervsurpata.

Et de concretis substantiis accidentibus.

Vasquez.

27. **Contraria sententia.** Contra id quod diximus, personam diuinam assumentem plures humanitates fore plures homines, & ita dici debere, sentiunt D. Thomæ quæst. 3. artic. 7. ad 3. vbi retrahit id quod docuerat in 3. dist. 1. Marsilius, Gabriel, Almainus, & alij quos refert & sequitur Suares disput. 13. sect. 3. quibus accedunt Delugo disp. 13. num. 17. Tannerus qu. 4. num. 50. & alij recentiores. Ratio D. Thomæ est, quia nunquam nomen ab aliqua forma impositum pluraliter dicitur, nisi propter pluralitatem suppositorum. Cui si opponas cum Scoto in 3. dist. 1. quæst. 3. inde sequentes personas diuinas posse dici plures Deos, quia iuxta hanc doctrinam, concretum, Deus, habere debet vnitatem aut pluralitatem ex vnitatem vel pluralitate suppositorum. Respondet Caietanus ad locum D. Thomæ citatum, negando sequelam, quia S. Thom. non affirmat multiplicari concreta, multiplicato supposito: sed tantum negat multiplicari vnquam nomen ab aliqua forma impositum (quam scilicet expresse significat, vt Deus Deitatem, homo humanitatem, persona hypostasim seu personalitatem) nisi propter pluralitatem suppositorum. Quæ regula, inquit, vera est tam in concretis adiectiuis, quàm in substantiuis, tam substantiis quàm accidentalibus. Ita vt semper ad pluralitatem concretorum exigatur pluralitas suppositorum. Sed cum hoc fiat, quod pluralitas suppositorum non sufficiat quandoque, & exigatur etiam pluralitas formæ significatæ; nempe in concretis substantiuis: vt patet, inquit, ex prima parte quæstione 39. articulo 3. Et propterea licet vnitatem suppositi optime inferat singularitatem concreti substantiui, quale est homo in casu proposito; non tamen multitudo suppositorum infert pluralitatem substantiui; Deus, respectu personarum diuinarum. Hæc Caietanus. Iuxta quam sententiam, hæc regula duplex statuenda est. Prima: in concretis substantiuis nomen non efferatur pluraliter, nisi sint multa supposita, & forma per nomen expresse significata sit realiter multiplex. Secunda, in concretis adiectiuis habenda est ratio vnitatis aut multitudinis suppositi, vel subiecti, vt nomen in singulari aut in plurali efferatur: quidquid sit de forma, aut quasi forma expresse significata.

28. **Regula circa multiplicationem nominum substantiuorum & adiectiuorum.** Contra quæ dico primò, hanc Caietani expositionem esse contra S. Thomam, copio loco quem citat, nempe prima parte, quæstione 39. artic. 3. in corpore, initio, vbi sic habet: *Ea quæ substantiuè essentiam significant, prædicantur de tribus personis, singulariter tantum, & non pluraliter. Quæ verò adiectiuè essentiam significant, prædicantur de tribus personis in plurali.* Cuius ratio est, quia nomina substantiua significant aliquid per modum substantiæ: nomina verò adiectiua significant aliquid per modum accidentis quod subiecto inhaeret. Substantia autem, sicut per se habet esse, ita per se habet vnitatem, vel multitudinem. Vnde & singularitas vel pluralitas nominis substantiui attenditur secundum formam significatam

Regula circa multiplicationem nominum substantiuorum & adiectiuorum.

28. Refutatur Caietani.

29. **Regula circa multiplicationem nominum substantiuorum & adiectiuorum.** Contra quæ dico primò, hanc Caietani expositionem esse contra S. Thomam, copio loco quem citat, nempe prima parte, quæstione 39. artic. 3. in corpore, initio, vbi sic habet: *Ea quæ substantiuè essentiam significant, prædicantur de tribus personis, singulariter tantum, & non pluraliter. Quæ verò adiectiuè essentiam significant, prædicantur de tribus personis in plurali.* Cuius ratio est, quia nomina substantiua significant aliquid per modum substantiæ: nomina verò adiectiua significant aliquid per modum accidentis quod subiecto inhaeret. Substantia autem, sicut per se habet esse, ita per se habet vnitatem, vel multitudinem. Vnde & singularitas vel pluralitas nominis substantiui attenditur secundum formam significatam

Valquez.

per nomen. *Accidentia autem, sicut esse habent in subiecto, ita ex subiecto suscipiunt unitatem, vel multitudinem. Et ideo in adiectiuis attenditur singularitas & pluralitas secundum supposita.* Hactenus S. Thom. cuius verba, ut bene Vasques expendit prima parte, disputatione 155. capite 4. omnino significant unitatem aut pluralitatem concreti substantiui sumendam esse, iuxta ipsius mentem, ex formæ vel naturæ subsistentis unitate aut multitudine, velut ex regula seu causa integræ & sufficienti; quemadmodum unitas, aut pluralitas adiectiui, sumitur ex unitate aut multitudine suppositorum. Probatur, quia eodem modo loquitur de vtriusque. Ergo sicut iuxta Caietanum unitas adiectiuorum, aut pluralitas, sumitur adæquate ex unitate aut pluralitate suppositorum: sic unitas aut pluralitas substantiuorum, ex unitate aut pluralitate naturæ substantialis. Secundo, Quia vox illa, attenditur, id significat: Et alioquin applicatur æquiuocè substantiuis, & adiectiuis, in regula tradita à D. Thoma verbis supra relatis. Tertiò, Ratio ab ipso allata id perspicue indicat: quia nimirum substantia habet esse per se, ideoque habet per se unitatem aut multitudinem: At accidens habet esse in subiecto, ideoque habet ex illo unitatem aut multitudinem. Quartò denique, intentio D. Thomæ id omnino postulat. Nam intentio eius est assignare regulam necessariam, & sufficientem, ad iudicandum de unitate aut pluralitate nominum diuinorum: alioqui enim non bene probaretur cur adiectiua possint multiplicari, non substantiua.

29.

Dico secundò, durum admodum videri, & alienum à communi modo loquendi, dicere quòd in eo casu, quo eadem persona diuina assumeret duas naturas humanas, quarum vna assumpta vocaretur Petrus, alia Paulus: non forent duo homines. Quorum certè vnus de alio negari posset, æquali, aut maiori ratione, quàm Pater in diuinis possit negari de filio, aut de Spiritu sancto, sub nomine personæ. Si autem vnus potest negari de alio sub illo nomine, non sunt vnum sub illo nomine: quia ea quorum vnum potest negari de alio sub aliquo nomine, sunt diuersa seu distincta sub illo nomine: & quæ sunt diuersa, sunt non idem, & non vnum, in eo in quò diuersa sunt.

30.

Aliud argumentum.

Suares verò disput. 13. sect. 3. ait ideo personam diuinam assumentem plures humanitates non debere dici plures homines, quia ex illis omnibus naturis constitueretur vnum suppositum & vna persona humana. Suppositum autem non dicitur simpliciter plura sub aliqua appellatione, seu forma, licet habeat plures formas, seu rationes, à quibus possit illa denominatio sumi; ut patet inductione. Nā vnus homo est vnus artifex, vnus qualis, vnus yestitus; quamuis

habeat multas artes, qualitates, aut vestes. Et in diuinis Pater est vnum principium Filij, & Spiritus sancti, quamuis habeat plures proprietates, seu relationes generandi & spirandi. Vnde colligimus, inquit, nomina concreta non dici pluraliter nisi propter multitudinem suppositorum: licet plura supposita dicantur singulariter aliquid vnum, quatenus in aliqua forma vel ratione conueniunt. Et ita licet plures personæ dicantur vnus homo, si conueniant in vna humanitate assumpta: vna tamen persona non posset dici plures homines propter plures humanitates. Nimirum quia ut aliqua sint vnum sub aliqua ratione, sufficit ut sub illa ratione vniantur. At verò ut sint plura, requiritur ut absolute & simpliciter diuidantur, & non vniantur ad componendum vnum. Hæc Suares.

Ad quæ Respondeo 1. Nullam esse rationem cur in concretis substantiuis, & substantialibus, significantibus expresse naturam, non sit habenda ratio multitudinis naturarum ad nomen pluraliter efferendum, non obstante suppositi unitate: sicut in nominibus concretis substantiuis, & substantialibus, significantibus expresse personam, habetur ratio multitudinis personarum, ad pluraliter efferendum nomen personæ, non obstante naturæ unitate, ut patet fieri in diuinis: dicuntur enim tres personæ, quamuis vnica sit natura.

Responso prima.

Respondeo 2. Aliam esse rationem substantiuorum substantialium, & adiectiuorum aut substantiuorum tantum accidentalium, ut supra ostendimus: Ideoque non valere argumentum ab vno ad aliud. Nomen verò, principij, idcirco non multiplicatur in Patre propter virtutem generandi & spirandi, quia illæ virtutes non distinguuntur realiter in Patre, sed ratione solum. Vnde non est cur efferatur nomen illud de Patre in numero plurali ex parte formæ expresse significatæ, magis quàm ex parte suppositi. Ideoque hoc exemplum non aptè affertur à Suare ad probandum quod intendit: quasi verò nisi habenda esset ratio unitatis suppositi in Patre, deberet nomen principij efferri de illo pluraliter ob multitudinem formatum, id est, virtutem generandi & spirandi. Neque valet discrimen vltimo loco à Suare allatum. Quia quæ sunt diuersa sub aliqua ratione, sunt multa in illa; licet sint vnum sub alia ratione. Quare si denominatio debet attendi secundum illam rationem, in qua sunt multa; debent ea numero plurali denominari, non obstante unitate in ratione alia. Neque propterea dicuntur esse plura simpliciter, & omni ex parte: sed plura secundum illam rationem quæ multiplex est. Sicut tres personæ diuinæ denominantur tres personæ, licet non sint simpliciter & omni ex parte diuersæ seu distinctæ: sunt enim idem ratione essentiz.

Responso secunda.

32.
Tertium
argumen-
tum.

Tertiò denique P. Ioan. Delugo disp. 13. num. 17. putat sententiam nostram contrariam à se conuinci hoc efficacissimo argumento à posteriori ; quia si vna persona cum tribus naturis constitueret tres homines : ergo cum duabus animalitatibus , duo animalia. Ergo cum duabus naturis viuentibus constitueret duos viuentes substantiuè. Consequens est falsum , nam in Christo est vna persona cum duabus naturis viuentibus , & non sunt duo viuentes. Alioqui si sunt duo : ergo significato vno, possumus dicere , hoc viuens , nempe Deus, non est illud viuens , scilicet homo. Nam ubi sunt duo , bepe potest vnum de alio negari. Ergo dicendum est Christum non esse duos viuentes , sed vnum, vt dicitur in Symbolo Athanasij : *Quia li. et Deus sit et homo, non duo tamen, sed vnus est Christus.* Ergo non esset tres homines, quamuis essent tres humanitates. Addi potest, Christum fore duos filios ; quia Filius est concretum substantium , & substantiale, expresse significans naturam : sunt autem in Christo duæ naturæ.

Soluitur
pari posse
not argu-
menti.

Sed ad hoc vltimum Respondeo cum Vasque citat disp. 155. n. 36. nomen filij, esse quasi adiectiuum. Est enim filius idem quod, genitus. Vnde non potest efferri pluraliter nisi suppositum multiplicetur. Christus autem est vnicum suppositum. Addi potest, secundum communem loquendi modum nomina patris & filij sumi vt concreta accidentalia, aut quasi accidentalia ; quorum multiplicatio sumitur penes multitudinem suppositorum, aut subiectorum : vt diximus num. 22.

33.
Soluitur
prius eius-
dem parti.

Ad prius argumentum Respondeo, Christum esse ac verè dici posse duo viuentia, substantiuè & præcisè sumpta, id est duas naturas viuentes subsistentes, quarum vna negari potest de alia sub eodem nomine eodem modo sumpto. Possumusque dicere, Hoc viuens substantiuè & præcisè sumptum pro natura diuina subsistente hypostasi Verbi, non est illud viuens substantiuè quoque & præcisè sumptum, id est, non est natura humana subsistens eadem hypostasi Verbi. Præcisè inquam : quia sumendo nomen viuentis adæquatè, prout de Christo integro dicitur, significando vel ex parte formalis, vel ex parte materialis, totam substantiam Christi, non est Christus duo viuentia totalia, neque potest vnum hoc sensu de alio negari. Quia de causa verum etiam est, & non negandum, quòd Deus sit homo, id est, quòd idem suppositum constans natura diuina, constet etiam substantialiter natura humana. Nomen enim, *Deus*, & nomen, *homo*, vt de Christo dicuntur simpliciter, significant totum illud suppositum ; ita vt nomen, *Deus*, ex parte formalis, seu expresse, significet Deitatem ; ex parte verò materialis seu confuse, quidquid cum illa constituit hoc integrum suppositum. Nomen autem hominis

significat expresse & formaliter humanitatem ; reliquum confuse & materialiter. Athanasius verò tantum asserit Christum non esse duos adiectiuè, vt patet ex his verbis, *Non duo tamen, sed vnus est Christus.* Debebat enim alioqui dicere, *sed vnum est Christus*, substantiuè in neutro genere. Fatemur autem nomina adiectiua non multiplicari nisi propter multitudinem suppositorum.

SECTIO IV.

An plures personæ diuinæ possint assumere simul eandem humanitatem?

Respondeo affirmatiuè, cum D. Thom. qu. 3. a. 6. Caietano, Capreolo, Durando, Oxamò, Gabr. & aliis, quos citant & sequuntur Suares disput. 13. lect. 2. & Vasq. disp. 29. cap. 2. Probatur, quia id non implicat contradictionem, neque ex parte personarum diuinarum, quæ habent æqualem vim terminandi, & possunt simul terminare eandem naturam, sicut terminant reipsa diuinæ : neque ex parte humanitatis, quæ licet sit finita, potest tamen obedientialiter terminari finito modo per plures hypostases diuinas, sicut terminatur per vnam : ad eum modum quo natura diuina terminatur naturali necessitate, & absoluta, per tres simul hypostases Patris, Filij, & Spiritus sancti. Nam tres illæ terminationes si fierent, attingerent immediatè naturam humanam, & tres subsistentiæ illam solam terminarent. Vnde natura terminata per vnam subsistentiam, non terminaretur per alteram vt terminata per aliam, id est, vna subsistentia non terminaretur ab alia, quemadmodum neque potest terminari.

Contrarium sentiunt ex parte Scot. in 3. distinct. 1. quæst. 2. Ricard. ibid. quæst. 1. art. 4. & multò magis Delugo disp. 12. num. 81. vbi præterea citat Albertum, Paludanum, & S. Anselmum. Primò, quia proprium est naturæ diuinæ, propter infinitatem, vt possit tribus subsistentiis terminari. Ergo id non potest conuenire naturæ finitæ. Secundò, si tres personæ assumerent eandem humanitatem, ille homo esset Pater, Filius, & Spiritus sanctus. Ergo per communicationem idiomatum Pater esset Filius, & contra. Tertiò, si posset eadem humanitas terminari simul à duabus personis diuinis ; posset quoque simul terminari à propria personalitate, & à diuina ; quia eadem est ratio propriæ & alienæ. Quartò, idem effectus non potest simul pendere à pluribus causis totalibus in eodem genere ; quia dependentia effectus à causa, est ex indigentia, quæ sublata per vnam causam totalem, non potest tolli per aliam ; quia iam non est, nec esse potest. Probatur Maior : quia pendere ab alio, est illo indigere. Item pen-

34.
Conclusio
affirmatiua

35.
Contraria
opinio

dere gem ab aliquo ut à causa totali, est ita pendere ab illius influxu, ut sine illo res non esset. Atqui humanitas terminata tribus hypostasibus diuinis, penderet ab illis ut à causis totalibus in eodem genere. Quintò, inquit auctor postremò citatus, subsistètia aliena facit naturam subsistere in supposito alieno. Ergo facit eam ibi sistere & terminari. Ergo non potest simul terminari ab alio supposito. Sicut enim repugnat terminari in se, & in alio. Sic etià repugnat terminari v.g. in supposito Verbi, & terminari in alio supposito Spiritus sancti. Terminari enim est sistere ibi, & non progredi ulterius.

36.

Satisfit primo eius argumèto.

Ad primum Respondeo, proprium esse naturæ diuinæ propter summam ipsius infinitatem ut essentiali & absoluta necessitate exigit terminari tribus hypostasibus distinctis realiter inter se, quibus tamen omnibus & singulis ipsa realiter identificetur: quod est singulariter proprium naturæ diuinæ, & incommunicabile creaturis: secus autem posse terminari obedientialiter, ex libera Dei voluntate, & sine reali identificatione cum hypostasibus diuinis terminantibus.

Ad secundum,

Ad secundum, Nego consequentiam. Quia communicatio idiomatum fieret tantum inter naturam diuinam concretè significatam nomine, *Deus*, & inter naturam humanam concretè significatam nomine, *Homo*, sicut nunc in Christo fit. Itemque inter naturam humanam concretè significatam, & inter singulas & omnes personas diuinis: at non inter personas ipsas inter se. Nam Pater non posset de Filio prædicari: neque ea quæ sunt propria Patris, ut generare, & esse ingenuit: quia si unio vel potius vnitas Filij, & Patris, in eadem natura diuina id non facit: multò minùs id faceret unio Patris, & Filij, cum eadem humanitate realiter ab utroque distincta.

37.

Soluitur instantia.

Dices, in eo casu bonus esset hic syllogismus expositivus: Hic homo est Pater, hic homo est Filius, Ergo Filius est Pater. Respondeo negatiuè, quia terminus, *hic homo*, non distribuitur, id est, non sumitur adæquatè in maiori propositione, neque in minori, pro eo omni quod est hic homo. In eo enim casu, *hic homo*, esset terminus vniuersalis, ratione materialis significati: sicut & nomen, *Deus*, significans Deitatem subsistentem in tribus personis. Quare syllogismus allatus isti similis est: Hic Deus est Pater, hic Deus est Filius, ergo Filius est Pater. In eo ergo casu homo ille esset Pater, Filius, & Spiritus sanctus: quia sicut nunc hic homo Christus, cuius humanitas est vnita Filio, est verè Filius: sic ille cuius humanitas esset vnita Patri, Filio, & Spiritui sancto, esset verè Pater, Filius, & Spiritus sanctus. Item quæcunque conueniunt Deo ut Deo, possent per idiomatum communicationem de homine illo prædicari propter unionem naturæ diuinæ cum illo: & quæcunque conueniunt tribus personis specialiter, possent etiam de illo dici, propter unionem cum illis: sicut

non tantum communia, sed etiam propria Filij, de Christo prædicantur. Ac denique ea quæ naturæ illi humanæ conueniunt, possent tum de Deo ut sic, tum de omnibus & singulis personis enunciari: sicut nunc reipsa enunciantur de Deo, & Filio, ea quæ conueniunt Christi humanitati, ut nasci, pati, mori, &c. At non propterea enunciarentur personæ de personis, neque propria vnus de altera; quia ad hoc non sufficit concursus vnionum suarum personalitatum in eandem naturam assumptam hypostaticè ab omnibus sed deberet ab illis assumi vna numero natura in vnitate personæ: quod est impossibile.

Ad tertium respondebitur disputatione sequenti, sectione secunda. Vbi ostendemus probabilius esse implicare contradictionem, quod eadem natura terminetur simul propria & aliena subsistentiâ. Magnumque esse discrimen inter hæc duo: quod natura humana simul possit terminari triplici subsistentia diuina: & quod eadem possit terminari simul subsistentia propria & aliena, nempe diuina.

Ad quartum, Nego antecedens cum eius probatione. Neque enim illa multitudo causarum totalium est ex necessitate, vel ex indigentia; sed ex abundantia: Deo plures causas totales determinante ad eundem effectum, quem producere aptæ sunt: non augendo earum virtutem, sed tantum determinando extraordinariè omnes ad vnum & idem indiuiduum. Falluntur autem, & petunt principium Aduersarij, quando dicunt pendere totaliter ab aliqua causa in aliquo genere, idem esse, atque nullo modo pendere ab alia: vel non posse absque tali causa totali simpliciter existere. Potius enim hoc nihil aliud est, quam influere virtute & actione sufficienti ut res sit, ita ut esset vi talis actionis, quamuis alia causa non influerent. Cætera quæ recentiores quidam opponunt soluentur inferiùs disp. 24. sect. 2. conclusionem 3. Addo, in eo casu non fore eundem omnino effectum. Nam licet eadem esset humanitas; illa tamen non est effectus secundum se simpliciter, sed ut vnita & terminata hypostaticè. Tot verò essent uniones, & terminationes, quot personæ terminantes; quarum vnaquæque non terminaret humanitatem infinite, vel quantum absolute terminabilis est, sed finito modo & temperato, ita ut locum aliis personis relinqueret. Potest enim terminare inadæquatè magis & minus quodammodo intensiuè eandem naturam, pro Dei libertate.

Ad quintum Respondeo, sicut natura diuina terminata à Patre, & in illo subsistens, terminatur nihilominus à Filio, & à Spiritu sancto, in quibus æquè subsistit: sic humanitatem subsistentem in Verbo, & ab eo terminatam, posse nihilominus terminari à Patre, vel à Spiritu sancto, & in illis subsistere: Quod verò aliqui respondent naturam diuinam non sistere, seu terminari, in tribus

382

Ad 3. Argumèntum.

Ad quartum.

39.

Ad quintum.

suppositis diuinis, sed sistere in seipsa, quia naturam aliquam subsistere per propriam subsistentiam, non est naturam sistere, seu terminari in tali supposito, sed sistere in seipsa; non est verum, si intelligent naturam sistere in seipsa formaliter & præcisè, sine modo subsistendi, id est, sine supposito, & sine eo quod suppositum proprium addit supra naturam. Sin autem intelligunt subsistere tantum apertudinaliter, siue esse de se aptam & sufficientem ad standum per se, fierique formaliter subsistentem per modum essendi per se: non ostendunt cur sicut natura diuina sit subsistens formaliter per triplicem modum essendi per se, constituentem tria supposita diuina, in quibus natura sic est modificata & determinata; ita non possit humanitas subsistere denominatiuè per plures hypostases diuinas, à quibus terminetur substantialiter: & cur non possit terminari triplici termino alieno, sicut natura diuina terminatur triplici proprio. Denique hypostasis generatim reddit quidem vltimò sistens, & incommunicabile alteri ut terminanti, id quod constituit; sed non naturam talis suppositi, sicut Pater v. g. est quidem incommunicabilis alteri ut terminanti; at non essentia seu natura diuina, quæ vltèrius communicatur Filio, & Spiritui sancto, ut terminantibus.

Supereft quærere vtrum in eo casu quo vna persona assumeret plures naturas, ut diximus fieri posse in priori sectione, vel plures personæ eandem, ut dicimus in præsentī, fieret vnum per se ex tali assumptione?

Respondeo fore plura entia per se, & vnum tantum collectiue. Nam in secundo casu essent plures personæ diuersæ realiter inter se, ac ne quidem identificatæ in natura assumpta, quippe quæ realiter ab omnibus illis distinguitur. In quo secus se habet ac diuina essentia, quæ tribus personis est realiter identificata: Propter quod tres personæ sunt vnum per se identicè in essentia, quatenus scilicet tres hypostases, & tres personæ, sunt illa vnica res simplicissima, quæ est substantia, essentia, seu natura diuina, ut ait Lateran. cap. *Damnamus*. In primo autem casu non facerent vnum per se naturæ illæ plures vnitæ eidem personæ; sicut nunc reipsa faciunt natura humana & diuina in Christo. Quia in eo casu plures humanitates non ita essent vnitæ inter se, sicut essent vnitæ ipsi naturæ diuinæ, ac sicut nunc reipsa natura humana in Christo est vnita diuinæ. Nam natura diuina, quæ est eadem res cum hypostasi cuiusque personæ diuinæ, vniretur ipsamet identicè secundum hypostasin omnibus naturis assumptis, & eas completeret in esse hy-

postatico. At natura assumpta non est eadem re cum hypostasi, ideoque vni naturæ assumptæ non ita vniretur natura aliæ assumpta, sicut naturæ diuinæ. Quoniam naturæ diuinæ vnitur quælibet, tanquam ei quæ est eadem re cum hypostasi: alteri verò naturæ assumptæ non vnitur altera assumpta, tanquam ei quæ sit eadem re cum hypostasi: est enim re diuersa. Vnirentur tamen plures naturæ assumptæ ab eadem persona, alio modo, quia scilicet essent omnes in eadem persona. Sed non esset natura assumpta vna in altera compositiue seu constitutiue: quia non est necesse ut in quocumque est persona diuina componens, in eodem sit quoque ut componens natura assumpta, quæ non est de ratione illius, neque eadem re cum illa, sed tantum accessorie coniuncta.

Eademque de causa naturæ illæ omnes simul sumptæ non facerent vnum per se, sicut natura diuina & humana faciunt vnum per se in Christo, quia vna natura assumpta, putà humana, non faceret cum altera, putà angelicā, ens vnius generis, præcisè habens ea quæ ad essentiam, vel complementum, vel integritatem talis entis in suo genere intrinsecè requiruntur. Sic enim definitur ens per se à Metaphysicis, nominatim à Suarez disp. 4. Metaphys. sect. 3. nu. 6. Cuiusmodi ens, aut est simplex, ut natura Angelica: aut compositum ex multis ad vnam essentiam completam necessariis, ut natura humana constituta ex corpore & anima: vel ex natura & complemento substantiali, ut suppositum, seu totum hypostaticum: vel ex partibus integrantibus, ut totum integrale, putà homo ex variis membris, & partibus sui corporis. At vna natura assumpta non ita se haberet respectu alterius, neque cum illa totum ali-quod vel essentiale, vel hypostaticum, vel integrale, constitueret; ut manifestum est. Secus autem diuina hypostasis Verbi, quæ complet substantialiter naturam humanam loco propriæ subsistentiæ: natura verò diuina concurret quoque ad tale complementum tanquam hypostasi Verbi immediatè identificata, & in illius cōceptu inclusa iuxta probabiliorē sententiam, atque ad Verbi constitutionem intrinsecè pertinens. Quare eatenus saltem facit vnum per se cum natura humana.

Nota præterea, quòd licet hypostasis in-adæquatè tantum vnatur humanitati vnione immediata, ut paulò ante diximus; totum tamen Verbum vnitur illi adæquatè, mediātè, vel immediatè; quia tota natura Verbi, & tota hypostasis identificatur adæquatè ei quod præcisè vnitur immediatè humanitati, & cum illo Verbum constringit.

Plures naturæ si mul assumptæ essent plura entia per se.

Lateran.

Ratio affer-
tione.

suarez

DISPUTATIO SEPTIMA.

De natura assumpta, deque modo & ordine assumptionis.

- Sectio I. *An conuenienter Verbum assumpserit naturam humanam potius quàm aliam, & utrum aliam assumere potuerit?*
- Sectio II. *An Verbum diuinum assumpserit personam, vel assumere potuerit?*
- Sectio III. *Refutatur sententia contraria.*
- Sectio IV. *An Verbum assumpserit veram humanitatem, & omnes eius partes, sanguinem, capillos, &c.*
- Sectio V. *Respondetur argumentis contrarie sententie.*
- Sectio VI. *Quo ordine Verbum assumpserit humanitatem, & eius partes?*
- Sectio VII. *Refelluntur contrarie sententie.*



E argumento proposito disputat S. Thomas quæst. 4. 5. & 6. In quarum prima docet Verbum conuenienter assumpsisse naturam humanam præ aliis, propter eius dignitatem, & necessitatem; indigebat enim reparatione, cum subiaceret originali peccato: & non assumpsisse personam, neque hominem propriè loquendo, alioquin essent duæ personæ in Christo: neque debuisset assumere naturam humanam abstractam ab omnibus indiuiduis, quia non datur talis, neque dari potest: aut existentem in omnibus indiuiduis, quia sic tolleretur multitudo suppositorum humanæ naturæ, quæ est ei connaturalis. Nam omnes naturæ humanæ, vni personæ diuinæ coniunctæ hypostaticè, essent vnicum suppositum. Hoc etiam derogaret dignitati Filij Dei incarnati, prout est primogenitus in multis fratribus secundum naturam humanam: essent enim tunc omnes homines æqualis dignitatis. Et denique conueniens est, quòd sicut vnum suppositum diuinum est incarnatum, ita vnā solam naturam assumeret, vt ex vtrāque parte vnitas inueniretur. Quamuis autem poterat aliunde quàm ex Adamo naturam humanam assumere; conuenientiùs tamen sumpsit ex illius stirpe. Primò, quia ad iustitiam pertinet vt ille satisfaciat, qui peccauit: & ideo de natura per peccatum corrupta, debuit assumi id, per quod satisfactio erat implenda pro tota natura. Secundò, quia hoc etiam pertinet ad maiorem hominis dignitatem, dum ex illo genere victor Diaboli nascitur, quod per Diabolum fuerat victum. Tertiò, quia per hoc etiam Dei potentia magis ostenditur, cum de

natura corrupta, & infirma, assumpsit id, quod in tantam virtutem, & dignitatem est promotum.

In secunda quæst. affirmat Verbum assumpsisse verum corpus: quia fuit verus homo, pro salutē hominum verē passus & mortuus: & non decuit ipsum fingere, cum sit ipsamet veritas. Corpus, inquam, non phantasticum, vt voluit Manichæus: neque cœleste, vt Valentinus: sed terrestre, & nostro simile: alioqui non fuisset verus homo, neque verē esuriisset, & sitisset, nec etiam passionem & mortem sustinisset. Ac denique sicut assumpsit verum corpus, ita & veram animam intellectu præditam: tum quia sine illa non fuisset verus homo: tum etiam quia decuit animam assumi, vt quæ primi parentis peccato sauciata fuerat, sanaretur per filium Dei, qui humanæ naturæ sanandæ gratiā in mundum venerat.

In tertia quæst. asserit 1. Carnem fuisse assumptam mediante anima; & animam mediante spiritu siue mente: quia Verbum assumpsit carnem in ordine ad animam: & animam, propter mentem, seu partem rationalem. Quod enim fuit dignius, fuit causa aliud assumendi. 2. Vtramque tamen simul tempore fuisse assumptam: quia anima Christi non ante fuit creata, quàm vnita. 3. Non prius fuisse carnem assumptam à Verbo, quàm animæ vnitam: quia non debuit ante assumi, quàm esset caro humana, quod factum est anima rationali adueniente. 4. Verbum assumpsisse partes humanæ naturæ mediante toto: quia sicut assumpsit corpus, propter ordinem quem habet ad animā rationalem, ita assumpsit corpus & animam, propter ordinem quem habet ad humanam naturam. 5. Hanc vnionem non fuisse factam per gratiam, sicut per medium; sed sicut per causam efficientem: sumendo gratiam pro voluntate Dei gratis aliquid donante aut faciente. Nam si sumatur aliter pro gratia vnionis, vel pro gratia habituali & sanctificante: gratia vnionis est ipsum esse personale: gratia verò habitualis est effectus quidam consequens ipsam vnionem. Huc vsque D. Thomas.

SECTIO I.

*An conuenienter Verbum assumpserit naturam humanam, potius quàm aliam:
& vtrum aliam assumere potuerit?*

**Conclusio
affirmat.**

RESPONDEO affirmatiuè ad vtramque partem quæstionis. Prior traditur D. Thom. qu. 4. art. 1. Cuius rationes in textu claræ & faciles sunt. Deque illa sufficiunt quæ diximus disp. 2. sect. 1. Vbi præterea exposuimus quare conueniens fuerit Verbum singulariter præ Patre, & Spiritu sancto, naturam humanam assumere.

Posterior pars responsi probatur, quia potuit saltem assumere naturam Angelicam, vt satis indicat S. Thom. quæst. 4. artic. 1. ad

3. & expresse docent Theologi communiter contra Albertum, sumiturque ex Apostolo Hebr. 2. *Nusquam Angelos apprehendit, sed semen Abrahamæ apprehendit*: Vbi iuxta communem interpretationem, quidquid dicat Ribera, sermo est de apprehensione facta per incarnationem. Hæc autem commendatio prælationis gratuitæ naturæ humanæ, vana foret, si angelica non poterat assumi: neque id fuit allegandum, si erat impossibile assumi naturam angelicam. Si enim non est factum quod fieri non potuit, nihil noui est, neque est vllius considerationis. Confirmatur quia natura angelica non est minus assumptibilis, & terminabilis per hypostasim diuinam, quàm humanitas, vel anima rationalis, quæ, vt infra ostendemus, fuit Verbo vnita per seipsam. Similiterque quæuis alia natura intellectualis creabilis potuit assumi, quia est capax subsistentiæ, potestque Deum attingere per cognitionem & amorem, &

habet omnia quæ ad vnionem hypostaticam requiri iure possunt.

2. Difficultas verò est 1. An etiam natura irrationalis assumi possit? Quæ de re tres sunt sententiæ. Prima negat penitus assumi posse naturam irrationalem, nisi habeat aliquem ordinem ad rationalem. Quæ exceptio additur propter corpus, sanguinem, & alios humores Christi, assumptos à Verbo propter humanitatem. Rationes huius sententiæ sunt. 1. Quia esse est propter operari: ergo cui non potest communicari operatio, non potest communicari esse. At operatio diuina non potest communicari naturæ irrationali, siquidem, neque Deum videre, neque ipso frui potest: ergo nec illi potest communicari diuinum esse. Secundò, Quod non est capax gratiæ & sanctitatis, non est capax vnionis hypostaticæ. Tum quia ipsa vnio gratum & sanctum reddit: Tum etiam quia quod non est capax minoris doni, non est capax maioris. Atqui natura irrationalis non est capax gratiæ & sanctitatis. Tertiò, Impossibile est Deum facere aliquid indecens. At indecens est Deum vnire sibi naturam irrationalem. Ex cò enim sequerentur multa Deo indecentia, propter idiomatum communicationem, & propter cultum adorationis tali naturæ debitum & exhibendum. Quartò, natura irrationalis non potest constituere personam. Ergo non est capax hypostasis diuinæ, quæ personalitas est, & constituit naturam, quam afficit, in esse personæ. Ita Alensis, Bonauentura, Henricus, Picus Mirandulanus, & alij à Vasque relati disp. 30. cap. 1.

3. Secunda sententia affirmat absolutè naturam irrationalem posse assumi: quia est capax subsistentiæ, & non implicat aut dedecet vt loco propriæ accipiat diuinam, sicut in corpore & sanguine Christi factum est. Ita Vasq. supra cap. 2. vbi quæcunque naturam irrationalem assumi posse affirmat: & Suar. disput. 14. sect. 2. post D. Thom. Scot. Ocam. Durand. Palud. Capreol. Caiet. Almain. & plures alios ab illo citatos. Quod confirmat primò auctoritate D. Augustini lib. de Vera Religione cap. 16. Greg. Nyss. oratione Catechetica cap. 27. & Tertulliani lib. de Carne Christi cap. 4. Deinde solutione argumentorum pro prima opinione propositorum: & hac ratione generalis: quia res quælibet subsistens naturâ suâ, est obedientialiter capax terminari diuina hypostasi loco propriæ subsistentiæ, vt ex eo patet, quòd res quædam inanimæ fuerunt assumptæ hypostaticè à Verbo, vt sanguis & alij humores corporis Christi. Item ex eo quòd vnio hypostatica terminatur per se proximè ad subsistentiam. Quælibet autem natura substantialis est capax subsistentiæ. Ergo est capax huius vnionis.

4. Tertia sententia quorundam recentiorum vtitur distinctione. Dupliciter enim, inquirunt, spectari potest Dei potentia. Primò, absolutè secundum se, & sine ordine ad sapi-

entiam diuinam, cui subest quodammodo, quatenus per eam regitur, & applicatur. Secundò, spectari potest, vt subest sapientiæ. Priori modo non repugnat (ex parte scilicet potentie spectatæ absolutè sine ordine ad sapientiam) vt Deus vnatur naturæ irrationali: quia in illa reperitur quidquid ex parte potentie requiritur, nempe capacitas subsistendi, quantum est de se, hypostasi aliena: quæ capacitas, per se loquendo, non minus est in Leone, vel in lapide, saltem ratione materiæ, quàm in corpore, vel in sanguine Christi; cum materia vtriusque sit eiusdem speciei, & eadem numero sub vtraque forma successiue esse possit. Posteriori verò modo, nempe ex parte sapientiæ, repugnat Deum vniri naturæ irrationali sine ordine ad rationalem: quia id Deum dedecet. Repugnat autem diuinæ sapientiæ facere aliquid indecens: & quia simpliciter impossibile est Deum facere aliquid indecens, ideo simpliciter impossibile dicendum est, Deum vniri posse tali naturæ.

Ex his tribus sententiis media, quæ communior est, cum aliquo temperamento amplectenda videtur. Dico igitur probabilius esse, ne quidem ex parte sapientiæ repugnare aliquam naturam irrationalem, etiam quæ non habeat ordinem ad rationalem, assumi hypostaticè: non tamen omnem esse huiusmodi, sed de aliquibus id repugnare specialiter. Prima pars huius assertionis probatur auctoritate sanctorum Patrum pro secunda opinione citatorum, qui vt minimum id manifestè docent: necnon D. Thom. in 3. dist. 2. qu. 1. art. 1. quem communius sequuntur reliqui Theologi. Ad eandemque confirmandam valet ratio superius allata, cum hoc temperamèto accepta: Quòd scilicet ea quæ habent naturalem aptitudinem subsistendi, habent quoque capacitatem obedientialem terminationis hypostaticæ, quantum est ex parte potentie absolutæ: cum possint ipsa, quantum est de se, terminari aliena hypostasi, & spoliari propriâ: Diuinaque hypostasis sit potens ad terminandam quæcunque naturam de se terminabilem, quantum est ex parte potentie absolutæ, nisi repugnet ordo sapientiæ.

Posterior verò pars eiusdem assertionis, probatur, quia licet indecentia nulla appareat in quibusdam, putà in sole, in agno, in columba, in pane, vino, & similibus: cum videamus in Eucharistia species panis, & vini, corpori, & sanguini Christi, eiusque diuinitati fuisse mirabiliter, (quamuis non hypostaticè) coniunctas, & propositas simul cum ipso coadorandas: alia tamen sunt, in quibus satis apertè indecentia apparet, & quæ sine horrore cogitari non possunt, saluè Dei reuerentiæ: puta, quòd dicere pudor est, stercus & excrementa humana. Quale enim esset hæc Deo vniri hypostaticè, & proponi adoranda, & verè dici posse Deum esse stercus? Nec sufficit, quòd respondet Vasq. Deum ab his nihil pati propter vnionem,

Quarta sententia præcedens concilianda.

Deum ab his nihil pati propter vnionem, sicut nec patitur, aut inficitur propter præsentiam essentiae per immensitatem. Quamuis enim Deus nullam inde patiatur alterationem, sicut neque pateretur à natura peccato infecta, si illi vniretur (quod Valq. merito impossibile esse fatetur) tamen illa coniunctio in vnum ens per se, aut velut formalis affectio, est Deo indecora, & moraliter decent, quæ inde consequuntur.

Huic temperamento non repugnat D. Augustinus loco supra citato: vbi tantum affirmat potuisse Deum assumere corpus æthereum, & non tantum humanum. Alij tamen duo, præcipue Nyssenus, generaliter loqui videntur, sed non id probant. Quod enim ait Tertullianus, *scilicet mundi elegit Deus*, &c. non probat omnia assumi posse. Alioqui posset assumi natura infecta peccato. Similiter quod Nyssenus asserit, omnes creaturas à Dei infinitate æquè distare, id eoque non magis vnā esse aptam vt assumatur, quā aliam: non est verum in rigore, & est contra S. Thomam quæst. 4. art. 1. in corp. contraque apertam rationem: atque inde sequeretur naturam peccato infectam æquè posse assumi.

Ad primum autem argumentum primæ opinionis Respondeo primò, esse hypostaticum non esse propter operari, sed propter modum essendi. Secundò, falsum esse consequens, quodd scilicet non possit communicari esse illi, cui non potest communicari operatio, loquendo de potentia absolutā. Tertiò, licet naturæ irrationali communicari non possit Dei visio, & fructio; possunt tamen aliquæ aliz operationes mirabiles, (quas Dionysius, & Damascenus diuinas vocant) eius obedientiali potentie proportionatæ: sicut corpus ipsum Christi multa miracula operabatur. Quartò denique, eodem argumento probaretur, neque corpus, & sanguinem Christi, neque alias eius partes materiales, & incapaces visionis diuinæ, potuisse assumi.

Ad secundum Respondeo, gratiam, & sanctitatem posse sumi dupliciter. Primò, pro quacunque forma, aut quasi forma supernaturali, reddente gratum, id est, acceptum specialiter Deo: & sanctum, id est, sacrum, & Deo dicatum. Atque ita natura irrationalis, vnita hypostaticè, esset grata, & sancta; quia vnio ipsa per se præstat hanc gratiam, & sanctitatem. Secundò, sumitur pro forma non tantum Deo gratum reddente, sed etiam præbente moralem rectitudinem actibus liberis, & meritoriis, in quæ aliquo modo influit, & præparante ad Dei fructiōem: Et hæc forma, licet secundum se, & prout est principium habituale supernaturale talium operationum possit absolute vniri naturæ irrationali: non tamen posset illi præbere moralem illam rectitudinem in actibus liberis, quorum capax non est: neque præparare ad Dei fructiōem, quam habere non potest.

At hinc non sequitur vnionem hypostati-

cam cum illa natura impossibilem esse; quia non est coniuncta necessariò cum actibus liberis, vel cum Dei fructiōe. Et axioma illud, quod non est capax minoris, non est capax maioris, debet intelligi, quando res sunt eiusdem ordinis, & speciei, cuiusmodi non sunt vnio hypostatica, & libera operatio, vel Dei visio. Nam Angelus v.g. non est capax sensationis, & tamen est capax intellectiōnis, & visionis beatificæ: & corpus Christi non est capax visionis Dei, & tamen est capax vnionis cum illo.

Ad tertium Respondeo, non esse indecentiam in omnibus naturis irrationalibus, quamuis sit in aliquibus. Quod maximè confirmat exemplum adorandi sacramenti Eucharistiæ.

Ad quartum: Hypostasis, & personalitas differunt tantum connotato naturæ, cuius sunt, quatenus vna eademque subsistentia, si est naturæ intellectuales, dicitur personalitas: si irrationalis, dicitur simpliciter hypostasis, subsistentia, vel suppositualitas: & si veramque naturam simul afficit, dicitur personalitas, prout afficit naturam intellectualem: hypostasis, prout irrationalem. Eadem ergo subsistentia Verbi, in eo casu, naturam illam constitueret in esse suppositi, non personæ; & ratione illius haberet tantum denominationem hypostasis, & non personalitatis: respectu verò naturæ diuinæ diceretur personalitas, & constitueret Verbum in esse personæ.

His argumentis aliud addunt eruditi quidam recentiores; quo putant efficaciter conuinci, nullam creaturam purè irrationalem posse à Deo assumi hypostaticè. Nimirum quia, inquiunt, traditur tanquam certum à VI. Synodo Generali act. 28. in confessione Fidei Constantinop. missa ad Leonem II. & ab eodem per epistolam decretalem approbata, carnem fuisse assumptam mediante anima rationali. Idemque docent Origenes, Greg. Nazianz. Augustinus, Ruffin. Damasc. locis à Suare relatis disp. 17. sect. 4. initio. Cuius assertiōnis sensus est, rationem cur Deus corpus humanum assumpsit, esse, quia anima rationali præditum est. Hoc autem Concilia, & Patres tanquam certum tradere non possent, nisi vel ex reuelatione, vel ex rei euidencia haberent, non posse à Deo conuenienter naturam aliam, quā rationalem assumi: ita vt vel tota sit rationalis & spiritalis; vel si ex parte materialis est, assumatur hæc pars materialis propter alteram rationalem: Nimirum quia tam arcta coniunctio, ex qua fit vt natura assumpta sit propria Dei, sicut natura cuiusque est illius propria, & per vnionem substantialem vnum constituat cum illa suppositum, de quo verè possit enunciari, quod sit Deus, non conuenit naturæ brutæ, cum qua Deus nullam potest habere communicationem consiliorum, & amicitie.

Neque potest, inquiunt, hæc ratio retorqueri contra assumptionem carnis, sangui-

6.
Responde-
tur aucto-
ritatibus
Patrum.

S. Thom.

Ad primū
argumentū
primæ sen-
tentie.

7.
Ad secun-
dum.

8.
Ad tertium.

Ad quartū;

Noua ob-
iectio.

9.

nis, & aliarum partium materialium naturæ humanæ. Nam illæ quoque non fuerunt assumptæ, nisi ut partes naturæ rationalis, & in ordine ad animam rationalem: quæ intentio tollit indecentiam futuram alicui in eiusmodi partium assumptione. Multoque minus potest retorqueri contra moralem unionem corporis, & sanguinis Christi cum speciebus Eucharisticis. Quippe quæ distat infinitè à physica, & substantiali unionem naturæ creatæ in unitatem suppositi cum Deo; ex qua unionem natura creata ad statum planè diuinum attollitur, redditurque multò excellentius, & per se quodammodo adorabilis cultu latræ.

Hanc igitur indecentiam generalem esse putant & communem omnibus creaturis purè irrationalibus: neque admittunt temperamentum à nobis adhibitum: quia licet indecentia in quibusdam esse videatur: re vera tamen illa non est nisi respectu nostri, quibus aliqua sunt dissimilitudo & ingrata, vel horribilia: quæque vni apparent talia, non apparent alteri. Respectu autem Dei, nihil tale est: Verissimumque est quod ait Tertull. lib. de Carne Christi contra Marcion. cap. 4. Non esse diuinam sapientiam humano sensu iudicioque metiendam. Nam, inquit, *Si re vera de lupa, aut de sue, aut vacca prodire voluisset, & fera aut pecoris corpore indutus, regnum cælorum predicaret, tua opinio illi censura præscriberet: turpe hoc Deo, & indignum Dei filio, & stultum propterea qui ita credas. Sit planè stultum, si de nostro sensu iudicemus Deum. Sed circumspecte Marcion (si tamen non delecti, id est, si de Scriptura illud non expunxisti & reieicisti) stulta mundi elegit Deus, ut confundat sapientes.* Hæc illi.

Deus naturæ hominū se accommodat.

Verum ut ab hoc postremo incipiam, negari non potest Deum, qui suauiter pro sua sapientia omnia disponit, habere rationem horrois sensuum, & rectæ rationis naturæ sensitiuæ in iis, quæ facit in ordine ad homines, & ad aliquos eorum vsus. Ut videmus fecisse in sacramentis instituendis: assumpsit enim res humanis sensibus, & rationi humanæ congruentes. Atque, ut ait Dionys. cap. 1. de cœlesti Hierarch. *Non aliter faserat infirmitati humana lucere radium diuinum, nisi sacrorum varietate velaminum opertum. & vestitum iis, quæ nobis sunt familiaria: providentiâ paternâ Dei nostræ naturæ se accommodante.* Rectè quoque notauit Cyrill. Alexand. relatus à D. Thoma in cap. 22. Lucæ, voluisse Christum hac de causa corpus suum, & sanguinem dare edendum, & bibendum modo inuisibili, sub speciebus panis, & vini: ne aliquin horrore esset visibilis eius comestio, & potio. Idemque S. Doctor quæst. 4. art. 1. in corp. affirmat, naturam creatam non esse assumptibilem nisi secundum congruentiam ad unionem hypostaticam; quam congruentiam negat inesse omnibus: imò in fine solutionis secundi argumenri videtur illam soli naturæ rationali concedere, & retractare id quod docuerat in 3. dist. 2. quæst. 1. art. 1.

posse quamcunque aliam naturam assumi. Itaque potius existimandum est Deum in opere suæ omnipotentia præstantissimo, & summo exequendo, id est, in vnione hypostatica, habere necessariò rationem ideceti, quæ esset in communicatione idiomatum, & participatione adorationis, aliisque consequentibus ex tali vnione, respectu quorundam, quibus secundum prudentem hominum sensum, & æstimationem non posset sine indecentia, imò nec sine horrore conuenire. De obiecto autem iusto horrois iudicandum est, non ex sensu corrupto aliquorum, sed ex sensu, & iudicio sapientum.

Ad argumentum verò supra propositum, quo Aduersarij contendunt non modò huiusmodi naturas purè irracionales, sed neque ullam aliam posse assumi hypostaticè: Respondet, merito potuisse tradi ut certum à V. I. Synodo generali, & à Patribus supra citatis, carnem fuisse assumptam mediante anima rationali, id est, propter animam rationalem, seu quia tale corpus anima rationali præditum est: propterea quod certò id habetur ex iis, quæ de intentione diuina in hoc mysterio Deus ipse per Scripturas manifestauit. Docent enim pluribus locis Verbum Carnem factum esse, ut ille Homo-Deus esset caput hominum, & Angelorum, & in eos vitam supernaturalem influeret per sua merita, essetque princeps, & exemplar Prædestinatorum, Pastor, & Sponsus Ecclesiæ, atque etiam redemptor hominū supposito peccato. Imò, iuxta Aduersarios, qui hæc nobis obijciunt, prima Dei intentio fuit de illo mittendo, ut redemptore per mortem voluntariè, & meritoriè obitam. Hæc autem ut præstaret, utque talis esset; debuit natura assumpta esse rationalis, & assumpta fuit quia talis: nam ut talis dumtaxat erat idonea ad merendum, aliaque munia supradicta præstanda. Itaque pars rationalis in illa primò, & principaliter spectata fuit: pars verò materialis, de se incapax istorum munerum, fuit assumpta tantum ut compars rationalis, & in ordine ad illam, cuius erat mereri, & satisfacere, seu voluntariè, & liberè agere, & pati, exempla virtutum præbere, fundare, & regere Ecclesiam, esseque principem prædestinatorum, & caput hominum, & Angelorum, moraliter in eos influens per suam meritam. Sed aliud est loqui de vnione hypostatica, qualis reipsa facta est, & ex tali intentione diuina: & aliud loqui de eadem, prout est absolute possibilis: quo sensu dicimus cum communiori sententia Theologorum, non esse impossibile naturam aliquam irracionalem assumi in unitatem suppositi ad alios fines diuinæ sapientiæ, quamuis sit incapax communicationis consiliorum, & amicitia. Ad illudque probabiliter persuadendum valere exemplum ex mysterio Eucharistiæ desumptum: quia licet vnio specierum Eucharisticarum cum corpore, & sanguine Christi sit longè diuersa ab vnione hypostatica; dat tamen

103

Dilectus obiectio.

ramen illis aliquam participationem, supremæ adorationis delatæ Christo sub illis existenti, & cum illis vnum cibum, & potum diuinum constituenti, verè adorabilem, & supremo cultu latræ dignum, similique modo habendum, quoad cultum externum, quo Christus ipse adoraretur in specie visibili; aut panis, qui ad eundem effectum cibi diuini & sacramentalis constituendi, esset hypostaticè Verbo, aut Christo vnitus, vt aliqui referunt sensisse Rupertum lib. 2. de Diuin. Offic. cap. 2. Nec defuerunt ex antiquis Patribus, qui existimauerint columbam, quæ supra Christum baptizatum apparuit Matth. 3. & nubem lucidam, de qua in monte Thabor exiit illa vox, *Hic est filius meus dilectus*, &c. fuisse hypostaticè vnitas.

11. Secunda difficultas est, an etiam partes, siue integrales, siue essentielles naturæ rationalis, aut irrationalis assumi possint, & vniri hypostaticè?

Quænam partes possunt assumi hypostaticè?

Respondeo, posse assumi integrales, atque etiam essentielles illas quæ, naturaliter sunt capaces subsistere per se: idque siue sint in toto, coniunctæ inter se, siue extra totum, & separatæ. Declaratur, & probatur responsum. Primò, partes integrales dicuntur illæ, ex quibus totius integritas coalescit, quamuis sine illis eius essentia possit consistere: cuiusmodi sunt in homine pedes, manus, brachia, &c. Essentiales verò sunt illæ quæ totius essentiam constituunt: vt in eodem homine materia, & forma; siue corpus, & anima rationalis. Illæ verò partes siue hominis, siue rerum aliarum, duplicem statum habere possunt naturaliter, aut supernaturaliter: nempe vel coniunctionis in toto, vel separationis ab inuicem. Item quædam sunt naturaliter capaces subsistentiæ, ac per se stant, neque inniuntur alteri vt sustentanti: cuiusmodi sunt partes omnes integrales hominis, & aliorum compositorum naturalium, siue existant simul in toto, siue extra & separatim: huiusmodi etiam est materia prima, & anima rationalis, quæ stant naturaliter propria vi. Aliæ verò sunt, quæ alteri inniuntur, nec aliter possunt existere naturaliter: cuiusmodi sunt omnes formæ materiales eductæ de potentiâ materiæ, & illi velut subiecto innixæ. Priores partes esse capaces vnionis hypostaticæ, siue in statu coniunctionis, siue in statu separationis, docet mysterium incarnationis, in quo partes omnes Christi substantiales, & ad integritatem, vel ad essentiam pertinentes fuerunt Verbo vnitæ immediatè, manseruntque vnitæ, etiam post separationem à se inuicem, corpus, anima, sanguinis guttæ effusæ, &c. vt ostendimus sect. 4. De posterioribus non apparet quomodo possint vniri hypostaticè, & accipere alienam loco propriæ subsistentiæ: cum propriam habere non possint. Cum enim subsistentia sit complementum, & vl-

timus terminus naturæ substantialis, non cuiuscunque, sed illius tantum, quæ est apta & sufficiens ad per se standum propria vi: non apparet quomodo possit diuina hypostasis supplere seipsa in accidentibus, & formis materialibus, id quod habere apta non sunt, & esse in illis terminus, seu complementum existentia aptæ & sufficientis ad per se standum, cum eorum existentia non sit talis.

Dices, huiusmodi formas materiales esse capaces supernaturaliter standi per se, non minus, quam accidentia, quæ vi diuina possunt eximi à dependentia subiecti, & per se stare, vt patet in Eucharistia.

Respondeo, accidentia Eucharistica non stare per se, id est, vi propria, seu ratione naturalis suæ perfectionis: sed stare virtute diuina supplente effectiue concursum subiecti, à quo deberent naturaliter sustentari: neque recipere modum quendam positium essendi per se, vt Suar. & alij quidam imaginantur; sed tantum conseruari per maiorem Dei solius influxum effectiuum: æquivalentem causalitati subiecti, & Dei, quæ prius conseruabantur. At hypostasis diuina non est effectiua ad extra, neque tribueret subsistere, quamuis simili modo influeret in formas illas sibi vnitas, quemadmodum accidentia Eucharistica non subsistunt proprie, & formaliter per illum influxum diuinum. Patum autem cõphænter philosophari mihi videntur illi, qui dicunt formas materiales, & accidentales esse capaces modi positium essendi per se, quem à Deo accipiunt, cum extra materiam conseruantur; & tamen negant posse assumi hypostaticè. Quidni enim modum illum supplere possit diuina hypostasis terminando vice illius easdem formas, sicut terminat humanitatem loco proprii, & naturalis modi subsistendi?

Instabis: quia nisi formæ materiales substantiales habeant propriam, & partialem subsistentiam: bruta, & alia composita merè materialia subsistent tantum ex parte materiæ, & imperfectè, quod est absurdum: nam substantiæ completæ, & perfectæ debet esse completa, & perfecta subsistentia, vt sit naturæ proportionata. At subsistentia materiæ solius non est completa, & perfecta subsistentia, cum sit tantum subsistentia partis, & sit apta componere cum subsistentia animæ rationalis vnam totalem subsistentiam hominis, & vnum per se.

Respondeo, composita merè materialia, non quidem tam perfectè subsistere, atque hominem: sed tamen subsistere perfectè in suo gradu, quatenus habent sufficienter vi materiæ, vt per se stent: quæ subsistentia est quidem partis formaliter, sed denominatiue est totius. Et est completa, quatenus non exigit complementum

12.

Occurrit instantia.

13.

Altera instantia.

Formæ materiales, nō potuerunt assumi.

ulterius, quamvis possit illud accipere. Sicut aqua, quæ est in vase, est ens completum, & completè subsistit, licet uniri possit alteri aquæ, & ex utraque fieri unum suppositum constans duabus entitatibus, & subsistentiis utriusque aquæ inter se coniunctis.

14. Hinc tollige quid de formis accidentalibus sentiendum sit: non posse scilicet assumi hypostaticè per se immediatè: quia non sunt capaces subsistentiæ. Porro in eo, quod diximus, formas materiales non posse assumi hypostaticè, consentit Vasq. disput. 30. cap. 5. contra Suarem disput. 14. sect. 3. De accidentibus verò consentiunt ambo, Vasq. ibid. & Suar. sect. 4. alique plures, contra Valent. quest. 4. p. 1. 5. *Nihilominus contraria sententia*, affirmantem contrarium non esse impossibile: quia, inquit, in persona diuina est perfectio simpliciter infinita: ergo potest eminenter supplere omnem vim, à qua res aliqua extrinsecè dependeat. Ad quod Respondeo primò, personam diuinam esse quidem simpliciter infinitam ratione naturæ, sed non ratione hypostasis, seu proprietatis personalis quoad id quod superaddit essentia: secundum quod etiam non est actiua ad extra, ideoque non potest supplere vires causarum secundarum. Secundò dico non sufficere ad unionem hypostaticam accidentium supplere illorum dependentiam à subiecto, creando illa, vel conseruando sine concursu subiecti: quod non est Deo impossibile: sed oportere ut accidens loco propriæ subsistentiæ, cuius naturaliter capax sit, terminetur aliena supplente illius defectum. At hoc est impossibile, cum accidens non sit capax propriæ, & connaturalis subsistentiæ.

SECTIO II.

An Verbum diuinum assumpsit personam, vel assumere potuerit?

15. **S**uppono ex dictis 1. p. disput. 26. sect. 1. differentiam aliquam esse inter naturam, & personam: quæ differentia nobis per se innotuit, ex mysteriis Trinitatis, & Incarnationis. In quorum primo est vnica natura, & tres personæ: in secundo sunt duæ naturæ, & vnica persona. Hæc autem differentia consistit in aliquo positiuo re vel ratione distincto, quod persona, vel suppositum addit supra naturam. Fallitur enim Scotus in 3. distinct. 1. quest. 1. 5. *Id eo propter istum*, & distinct. 6. qu. 1. (à cuius opinione in re ipsa non abluunt Typhani, & alij quidam recentiores, quos sequenti sect. impugnabimus) affirmans personam vel suppositum nihil addere supra naturam, nisi duplicem negationem actuales, & aptitudinalis dependentiæ ab alio

suppositiua scilicet, ut natura, quæ dicitur esse persona, vel suppositum, neque pendeat actu, neque apta naturaliter suspendere ab alio supposito, sed per se seorsum, & solitarie existat connaturaliter. Fallitur, inquam, quia vera, & propria ratio diuinarum personalitatum non consistit in tali negatione, sed in aliquo positiuo, & naturæ diuinæ superaddito. Alioquin Verbum terminaret naturam Christi humanam sola negatione: & tres personæ diuinæ constituerentur formaliter, & distinguerentur per negationes; nihilque aliud adderet naturæ diuinæ mysterium Trinitatis, nisi negationes: quæ omnia sunt absurda. Item personalitas est complementum substantiale personæ, constituens naturam in esse substantiali completo, atque perfecto: sed negatio non est complementum substantiale, nihilque addit perfectioni: ergo, &c. Item omnis negatio intrinseca, id est, negatio alicuius exclusi ab intrinseco, debet fundari in aliquo positiuo: sicut v. g. negatio incommunicabilitatis indiuidui, fundatur in hac numero entitate indiuidui. Ergo intrinseca negatio incommunicabilitatis suppositi, qualiscunque illa sit, fundatur in aliquo positiuo, quod est in supposito, ultra naturam de se communicabilem. Adde, quod illa sententia reddit vanas, & ineptas definitiones Conciliorum affirmantium Verbum diuinum assumpsisse naturam humanam, non personam: hoc est, in sensu Scoti, vniuisse sibi naturam humanam, & non reliquisse illam non-vnitam. Et quod dicitur in quinta Synodo generali collat. 8. can. 5. Dei Verbum carni secundum subsistentiam vnitum esse, & propter hoc vniam eius esse subsistentiam, seu vniam personam, diuinam scilicet, non humanam: hoc est, in sensu Scoti, quia Verbum humanitati vnitum est, & humanitas ab illo pendet, velut à supposito, propter hoc humanitas non habet negationem dependentiæ ab illo, velut à supposito. Quod est dicere, humanitatem pendere à Verbo, propterea quod ab illo pendet.

Non placet autem quod aiunt aliqui recentiores, argumentum supra factum contra Scotum ex hypostasis diuinis, parum efficax sibi videri: quia, inquit, potest negari consequentia à supposito diuino ad creatum, eo quod natura diuina non habet à seipsa formaliter negationem communicabilitatis. Quare sicut ex mirabili communicabilitate naturæ diuinæ, non potest colligi similis communicabilitas in aliqua natura creata: sic ex eo quod natura diuina indigeat aliquo positiuo superaddito, ad hoc ut reddatur incommunicabilis, non potest sumi argumentum probans naturam creatam reddi incommunicabilem per aliquid positiuum superadditum. Contra enim insto, quia neque etiam natura creata habet per

Personalitas addit naturæ aliquid positiuum.

16. Refutatio eius.

seipsam formaliter, & præcisè sumpta, negationem omnimodam communicabilitatis: siquidem potest communicari, non eo modo, quo diuina pluribus personis sibi identificatis: sed eo modo, quo natura humana in Christo fuit communicata alteri personæ distinctæ. Ergo si natura diuina eger aliquo positiuo, quia non est à seipsa formaliter incommunicabilis, eger quoque natura creatâ propter eandem rationem. Neque respondeas discrimen esse, quia natura diuina est naturaliter communicabilis tribus personis: natura verò creata est naturaliter incommunicabilis: & Scotus loquitur de negatione illius communicabilitatis, naturalis scilicet. Contra enim: si ex naturali communicabilitate naturæ diuinæ, sequitur eam terminari, & compleri in esse hypostatico per aliquid positiuum: idem sequitur ex obedientiali communicabilitate naturæ creatæ. Nam si communicatur supposito diuino, terminatur obedientialiter, & completur per aliquid positiuum, nempe per hypostasim diuinam substitutam loco proprii, & naturalis complementi, & dantem illi aliquod esse, & quasi effectum formalem, loco illius, quem haberet naturaliter per propriam subsistentiam: ergo haberet à propria subsistentia aliquod esse per complementum positiuum. Confirmatur, quia ideo accidentia non possunt vniri hypostaticè, quia sunt incapacia talis modi positiui per se essendi, cuius loco accipiunt alienam hypostasim, à qua compleantur, & terminentur, atque denominentur subsistere adiectiuè.

17.
Illud positiuum non est existentia, vel proprietates characteristicæ.

Suppono secundò, positiuum illud, quod personalitas addit supra naturam non esse existentiam naturæ substantialis, vel characteristicas eius proprietates accidentarias, vt putant aliqui Thomistæ. Nam humanitas Christi habet propriam existentiam, & accidentia naturæ humanæ propria, & connaturalia. Est enim per seipsam formaliter actu à parte rei, habens propriam existentiam, siue entitatem actualem, & positam extra causas; realiter distinctam ab existentia Verbi, & constituentem cum illa Christum Dominum. Atque vt definiunt Concilia Constantinopol. III. siue VI. Synodus Generalis act. 4. & Lateran. sub Martino I. can. 5. & 9. Vnaquæque natura Christi proprietatem naturarum retinet: & habet diuina, omnia quæ diuina sunt: & humana, omnia quæ humana sunt, absque villo peccato: Neque in villo fuit diminuta, vel spoliata vlla naturali proprietate natura assumpta. Et tamen certum est, naturam Christi humanam non habere propriam personalitatem, sed illius loco habere subsistentiam, seu personalitatem Verbi diuini, vt ostendimus paulò post: Ergo personalitas propria naturæ humanæ, non est propria illius existentia, vel accidentia eius con-

naturalia. Omissis autem pluribus aliorum sententiis (nam in hac re obscurissima Theologi valde diuersa opinantur) probabilius cenſeo id, quod diximus loco supra citato, positiuum illud, quod suppositum, aut persona à dit supra naturam, esse complementum existentie naturæ substantialis aptæ naturaliter stare per se, & modum essendi per se, realem, & positiuum, oppositum modo essendi in alio, siue vt terminante hypostaticè, quo pacto humanitas Christi est in Verbo, siue vt subiecto sustentante, quo pacto accidentia, & formæ materiales existunt in subiectis è quibus educuntur. Quem modum licet multi putent esse realiter, vel ex natura rei distinctum in creatis à natura: verius tamen puto quod diximus disput. 5. huius tractat. sect. 6. esse modum existendi simplicem, & indistinctum, rei per se existentis, & sufficientis ad standum. Si formaliter, id est, ratione propriæ perfectionis, sine dependentia ab alio supposito, vel hypostaticè terminante; aut à subiecto sustentante: quo modo non existit humanitas Christi, quæ pendet à Verbo, vt terminante hypostaticè: neque accidentia, & formæ materiales, quæ non sufficiunt ad standum vi sua, sed egent aliquo, à quo sustententur, habentque pro naturali complemento suæ existentie modum essendi in alio.

Sed est
modus
essendi
per
se.

Suppono tertio, ad vocum intelligentiam, aliquid esse discriminis, inter personalitatem, suppositualitatem, & subsistentiam, siue hypostasim: & consequenter inter personam, suppositum, & subsistens. Nam subsistentia, & subsistens latius patet, quàm suppositum; & suppositualitas. Et hæc etiam latius, quàm personalitas, & persona. Subsistentia est modus essendi per se, & vltimum complementum existentie cuiuscunque substantie aptæ, & sufficientis stare per se, id est, independentem à subiecto, vel sustentaculo, vel ab alieno supposito: siue illa sit totum aliquod substantiale, & natura completa, siue tantum sit pars. Nam ex D. Thom. 1. p. quæst. 75. artic. 2. Anima rationalis, etiam in corpore, est per se subsistens; secus ac animæ brutorum, vt addit ibid. artic. 3. Et quidquid creatur connaturaliter, est subsistens: quia creati connaturaliter conuenit tantum subsistentibus, id est, non indigentibus subiecto, è quo educantur, & à quo sustententur, quorum etiam magis proprium est esse: nam accidentia, & formæ materiales, & huiusmodi quæ non subsistunt, magis sunt coexistentia, quàm entia, vt idem sanctus Doctor tradit 1. p. quæst. 45. artic. 4. corp. Atqui materia prima, & anima rationalis sunt connaturaliter actione creatiua, & independentem à subiecto. Estque manifestum illas differre hac in parte, à formis accidentalibus, & materialibus, habereque modum existendi

18.

Quomodo
differant
subsistentia,
suppositum,
& persona.

R 2

diuersum, qui non potest aprius alio nomine, quam subsistentia significari: neque aliud illi significando impositum fuit. Quare subsistentia, & subsistens, abstrahit à toto, vel à parte, id est, non significat solum modum essendi totius, verum etiam partis sua vi stantis & per se. Ideoque latius patet, quam suppositum, & suppositivitas: nam hæc nomina restricta sunt ad significandum totum per se subsistens. Similiter autem suppositum, & suppositivitas latius patent, quam persona, & personalitas. Nam hæc dicuntur solum de toto subsistente naturæ rationalis, siue intellectualis. Vnde persona definitur à Boëtio libro de duabus naturis, *Naturæ rationalis individua substantia*. Suppositum verò, & suppositivitas dicuntur de quocunque toto subsistente, siue rationali, siue irrationali; animato, vel inanimato. Vnde lapis, planta, Leo, sunt supposita, sed non sunt personæ, ut Deus, Angeli, & homines. Hæc tamen differentia, ut alibi notauimus, est interdum penes connotata dumtaxat, & non intrinsecè in ipsa hypostasi, siue subsistentia. Nam eadem hypostasis Verbi vnita naturæ rationali, constituit personam: vnita verò naturæ Bruti, non constitueret illam in esse personæ, sed suppositi. Et hypostasis materiæ primæ separatim existentis ab omni forma substantiali, constitueret illam subsistentem, at non suppositum: accedente verò vnione materiæ cum forma substantiali materiali, constituit suppositum: tamen si compositum ex materia, & ex tali forma substantiali, non habeat aliam subsistentiam, quam ipsius materiæ, vi cuius totum stat, & existit per se, sine indigentia subiecti vel sustentantis.

19. His præmissis de subsistentia, & personalitate, de qua plura videri possunt loco citato initio sectionis, sensus quæstionis propositæ est, an Verbum diuinum assumpsit naturam humanam cum modo eius proprio essendi per se, quo constituitur in esse personæ humanæ: & an saltem cum illo potuerit assumi, & vniri Verbo diuino hypostaticè.

Verbum non
assumpsit
personam
humanam.

Dico primò, Verbum diuinum non assumpsisse personam humanam, sed naturam dumtaxat. Sic enim definitum fuit à Concilio V. Generali collat. 8. can. 5. Ephes. Tomo 1. seu parte prima, can. 2. & 4. Et Chalcedon. act. 1. in epistola Cyrilli ad Nestor. Verba Synodi V. Generalis can. cit. hæc sunt: *Si quis vniam subsistentiam Domini nostri Iesu Christi sic intelligit, tanquam suscipientem plurimarum subsistentiarum significationem: & per hoc conatur introducere in mysterio Christi duas subsistentias, seu duas personas: & duarum personarum, quas introducit, vniam personam dicit, secundum dignitatem, & honorem, & adorationem, sicut Theodorus, & Nestorius insanientes conscripserunt: & calomniantur sanctam Chalcedonensem Synodum, tanquam secundum istum*

impium intellectum, vniam subsistentia vrentem vocabulo: sed non confitetur Dei Verbum, carni, secundum subsistentiam vnium esse, & propter hoc vniam eius subsistentiam, seu vniam personam, & sic, & sanctum Chalcedonense Concilium vniam subsistentiam Domini nostri confessum esse, talis anathema sit. Nec enim adiectionem personæ, vel subsistentia suscepit sancta Trinitas ex incarnato vno de sancta Trinitate Deo Verbo. Confirmatur ex Scriptura, quæ vbique de Christo loquitur, ut de vnica persona: Verbum caro factum est, & habitauit in nobis, & vidimus gloriam eius, gloriam quasi unigeniti à Patre, Ioan. 1. Ego veni in nomine Patris, Ioan. 5. Ego, & qui misit me Pater, Ioan. 8. Pater clarifica me ex hac hora, Ioan. 12. Si autem in Christo essent duæ subsistentiæ, & quæ ac duæ naturæ, non esset vnica persona, sed duæ: & quæ ac in Trinitate sunt tres personæ propter tres subsistentias relatiuas vnias, & eiusdem naturæ diuinæ.

Nec obest, quòd interdum SS. Patres dicunt Verbum diuinum assumpsisse hominem: homo autem est nomen personæ humanæ, ut post Damasc. docet S. Thom. qu. 4. art. 3. in corp. Nam Patres, qui sic loquuntur, sumunt concretum hominis, pro abstracto naturæ, ut eos exponit idem S. Doctor art. cit. ad 1. Et minùs propriè, ac præcisè loquuntur, quàm Concilia, & alij Patres expressè negantes Verbum assumpsisse hominem, ut videre est in Concilio Ephes. relato à D. Thom. cit. art. 3. & sed contra.

Dico secundò, naturam humanam non potuisse assumi hypostaticè, retenta propria hypostasi, siue personalitate humana. Ita communius docent Theologi cum Suarez disput. 14. sect. 1. Valq. disput. 33. cap. 2. contra Hurtadum disput. 11. Metaphyl. & in tractat. de Christo Deo, & homine, & August. Bernal. disput. 25. de Incarnat. sect. 2. Probatur primò, quia Concilia, & sancti Patres, ex eo quòd vnio hypostatica facta est inter naturam humanam, & personam diuinam, inferunt Christum esse vnica personam, & humanitatem sola hypostasi diuina subsistere. Quæ illatio nulla esset, si potuisset natura humana terminari simul hypostasi propria, & diuina. Neque respondeas id, quòd Suarez supra dicit posse responderi probabiliter, Patres, & Concilia non definire Christum esse vnica personam, ex eo præcisè, quòd natura humana sit vnita hypostasi Verbi; sed ex eo, quòd Scriptura semper loquatur de Christo, ut de vna persona, nec vnquam significet esse duplicem: quo loquendi modo negat, saltem virtualiter, plures esse in Christo personas: sicut quia non reuelat nisi tres in Trinitate personas, virtualiter negat esse quatuor. Hoc, inquam, non satisfacit, quia in V. Syn. generali, Collat. 8. can. 5. expressè habetur, & præcisè illatio, quam prætendimus,

20.

Natura humana non potuit assumi retenta propria personalitate.

Sic enim habet : *Si quis non confitetur Dei Verbum carni secundum substantiam unitum esse, & propter hoc unum eius substantiam, seu unam personam, anathema sit.*

Probatur 2. hac præcipue ratione, omis-
sis aliis, quibus facilius responderi potest :
quia naturam humanam assumi hypostati-
cè à Verbo, est priuari naturali complemen-
to suæ existentiae aptæ stare per se, vi suæ
perfectionis, & sufficientiæ naturalis; inde-
pendenter à subiecto, vel ab alieno supposito,
ipsam terminante hypostaticè : ac loco
illius, compleri & terminari à Verbo, ab il-
loque pendere. Eandem verò naturam hu-
manam retinere propriam personalitatem,
est illam stare per se, id est, vi suæ perfectio-
nis naturalis, independenter à subiecto, vel
à supposito alieno, seipsaque terminari &
compleri. Implicat autem hæc duo simul
& eodem loco competere eidem natu-
ræ quia involunt contradictionem. Di-
xi autem, simul, & eodem loco : quia,
vt bene notat Suar. sup. cit. non impli-
cat, eandem naturam diuerso tempore, &
loco subsistere vi propria in vno, & in
alio vniri hypostaticè : sicut eadem linea
potest hic esse curua, & alibi recta, loquen-
do de potentia absoluta, de qua nunc ser-
mo est.

21.
Responde-
tur argu-
mentis co-
trariæ sen-
tentiae.

In contrarium obijciunt præcipuè, quòd
natura diuina terminetur simul triplici hy-
postasi, quòdque eadem natura huma-
na posset simul terminari duplici, aut
triplici hypostasi aliena, Patris, Filij, &
Spiritus sancti. Ergo potest absolute lo-
quendo terminari simul duplici hyposta-
si, propria, & aliena. Nulla enim po-
test ostendi contradictio in eo quòd na-
tura creata terminetur simul duplici perso-
nalitate, propria, & aliena : sicut po-
test terminari simul duplici aliena, & si-
cut natura diuina terminatur simul tripli-
ci propriis. Imò tanta videtur in vtro-
que similitudo, vt sufficiens ratio differen-
tiæ assignari non possit. Cur enim magis
propria substantia reddat naturam in-
communicabilem alteri, quàm substan-
tia aliena ? Aut cur substantia creata pro-
pria, & naturalis reddat naturam simplici-
ter incommunicabilem, cum substantia di-
uina id non faciat, sed substantia Patris
permittat eandem naturam communicari
Filio, & Spiritui sancto, ac terminari per eo-
rum hypostasies ?

Respondeo, differentiam esse, quia na-
turam diuinam terminari triplici hypo-
stasi propria, nihil est aliud, quàm per
seipsam & per naturale complementum
suæ existentiae subsistere tripliciter : & na-
turam humanam subsistere adiectiuè mul-
tiplici hypostasi aliena, Patris, Filij, &
Spiritus sancti, nihil est aliud, quàm ab
illis terminari tripliciter, velut à causis
totalibus, & ab illis per modum causæ
formalis constitui tripliciter substantem
adiiectiuè. In quo nulla apparet contra-

dictio. Secus autem in eo quòd natura
per se, & vi sua stet, independenter à sub-
iecto, vel ab alieno supposito, quod est ha-
bere propriam personalitatem : & simul non
per se stet, sed dependenter ab altero suppo-
sito, vt terminante hypostaticè id est, sit per
se independenter, & non sit per se, indepen-
denter, sed ab alio pendeat, vt sustentante,
vel vt terminante. Itaque magis repugnant
modus existendi per se, & modus existendi
in alio, quàm duo modi existendi per se, aut
duo modi existendi in alio. Eodem reci-
dit ratio quam Suar. & Vasq. locis supra
cit. alique recentiores afferunt. Quia, in-
quiunt, propria, & creata substantia, est
solum modus quidam intrinsecus per se
existendi : hic autem modus habet forma-
lem, & immediatam repugnantiam cum
illo modo vnionis, quem habet natura as-
sumpta in supposito alieno. Quia esse
per se, & esse in alio sunt modi ita re-
pugnantes inter se, vt vnus inferat neces-
sariò negationem alterius, sicut impossi-
bile est lineam simul esse rectam, & cur-
uam : aut accidens simul inherere, &
esse per se : & sic de aliis modis inuicem re-
pugnantibus. Simul, inquam, & in eodem
tempore, ac loco : nam in diuersis non
repugnat, vt paulò ante diximus : diuersi-
tas enim loci, vel temporis, tolleret con-
tradictionem.

Hinc collige, multò minùs posse ipsam
personam, quàm personam, id est, secun-
dum propriam personalitatem, assumi hy-
postaticè, ita vt ipsa hypostasis propria,
terminetur aliena. Tum quia repugnat na-
turam quatenus per se stantem, & inde-
pendenter, esse in alio, & ab illo pendere.
Tum etiam quia implicat contradictionem
id, quod est infimum, & ultimus terminus
in genere substantiæ, descendere inferius,
& ab alio terminari. Hypostasis autem est
ima basis, & infimum, seu terminus vlti-
mus naturæ substantialis. Vnde in diui-
nis, tametsi natura terminata hypostaticè
à Patre, descendit vterius ad Filium, & ad
Spiritus sanctum, illique vt terminanti-
bus communicatur : tamen hypostasis Pa-
tris non descendit, neque potest illis com-
municari, vt terminantibus, licet in diuinis
sit summa communicatio, quanta absolute
potest esse.

Dices, non repugnare absolute vt na-
tura vi sua stet, & simul ab alio pen-
deat vt terminante hypostaticè, non ex in-
digetia (quod manifestè implicat con-
tradictionem, esset enim egere, & non
egere simul) sed ex abundantia. Sicut ab-
solute loquendo potest idem effectus esse à
pluribus causis totalibus in eodem genere :
sicut etiam non repugnat, vt quamuis na-
tura humana sufficienter subsistat vna hy-
postasi diuina Verbi, subsistat nihilominus
alià superadditâ, Patris, aut Spiritus sancti
simulque assumatur à pluribus personis di-
uinis.

22

Persona,
quæ talis,
non potest
assumi hy-
postaticè.

Saris fit ob-
iectioni.

Respondeo, naturam subsistere vi propria, non esse causalitatem aliquam in se, sed exercere, vel in subsistentiam: sed esse tantum ratione naturalis suæ perfectionis existere per se, independenter ab alio, ut terminante, vel ut sustentante, esseque seipsa intrinsicè completam & ultimò terminatam secundum existentiam. Hoc autem ipso quod natura pendet ab alio ut terminante, vel ut sustentante, non habet modum illum essendi per se, sed habet tantum sufficientiam, & velut actum primum, abique actualitate existendi per se, hoc est, vi suæ naturalis perfectionis, independenter à quouis alio. Quare licet non repugnet absolute loquendo, plures esse causas totales eiusdem effectus in eodem genere: repugnat tamen simul esse modos essendi tam oppositos, ut ex vno inferatur negatio alterius. Non ignoro aliquid amplius opponi posse, & rationi superius à nobis allatæ ad probandam contradictionem, aliquid responderi verisimiliter. Sed scio etiam multas esse latentes contradictiones, quæ non aperte deteguntur, sed ex eo colliguntur, quod iudicio naturali, & sensui communiori prudentum repugnent. Communis autem sensus Theologorum, & inter eos doctissimorum, est implicare contradictionem, assumi posse hypostaticè naturam creatam, retenta propria personalitate. Quare illi malo adherere, præsertim cum magis conveniat cum definitione quintæ Synodi generalis supra relatæ num. 19.

SECTIO III.

Refutatur contraria sententia.

23.
Tiphon.
lib. de hy-
post. cap. 11.
& quinque
sequentib.

Contra doctrinam sectione 1. & 2. propositam, longè aliter de hypostasi, deque vnione hypostatica philosophantur Tiphonius in lib. de Hypost. & aliqui recentiores eum secuti, qui dicunt hypostasim idem esse re, & ratione, quod suppositum in substantiis irrationalibus, & personam in rationalibus; constanterque ab antiquis autoribus pro vno & eodem usurpari ac nihil aliud esse, quàm substantiam perfectam individuum, & singularem, per se, & seorsim existentem, id est, non in alio, siue ut in subiecto, siue ut partem in toto. Quæ doctrina si vera esset, facilè redderet rationem cur humana persona ne de potentia quidem absoluta potuerit assumi à Verbo: quia scilicet euidenter implicat, naturam humanam esse per se, & seorsim existentem, id est, non in alio, siue ut in subiecto, siue ut partem in toto: & simul existere in alio velut in toto. Implicat enim manere totum, & fieri partem totius.

Prima pro-
batio sen-
tentie con-
stat.

Suam verò doctrinam probant 1. Quia hæc acceptio hypostasis, & suppositi apprimè conuenit cum definitionibus vulgò re-

ceptis; ut cum illa Boëtij, Persona est natura rationalis individua substantia. Et cum illa, quæ suppositum definitur, substantia perfecta subsistenti, vel per se existens, id est, seorsim existens, non in alio. Et cum illa, quæ definitur, natura ultimò terminata, vel ultimò completa, vel incommunicabilis alteri per modum partis, in quo compleatur. Idem enim sonat esse terminatum, & esse completum, perfectum & totum. Totum enim, & completum, ex Aristot. est id, cuius nihil est extra. At ex eodem, terminus est id, intra quod omnia, & extra quod nihil est accipere. Incommunicabile verò in hac definitione dicitur, quod neque est actu communicatum, ut pars, neque postulat communicari. Denique, inquit, ab eadem definitione non abhorret ea quæ hypostasis definitur ultimò terminus naturæ substantialis, siue ultimum illius complementum: modò bene intelligantur, & sumantur illius termini, ut æquivalentes concretis. Sicut enim multitudo hominum idem est, quod multi homines: ita naturæ terminus, & natura terminata pro eodem sumi possunt.

Probant 2. Quia iuxta doctrinam Conciliorum, & sanctorum Patrum, humanitas Christi vnita Verbo diuino, non fuit priuata aliqua entitate, neque modo distincta à parte rei, qui sit in aliis hominibus. Hoc autè fallum esset, si humana hypostasis, quæ Christus est priuatus, adderet naturæ humanæ formam, vel modum in re distinctum. Maiorem putant fere manifesta consequentia deduci ex Conciliis, & Patribus. In re autem, quam sola reuelatione didicimus, & capimus, nihil potius est, quàm sequei eos, quorum traditione venit ad nos reuelatio. Primò enim Concil. Lateran. sub Martino I. consultatione 5. in Confessione Fidei can. 5. & 9. definit, quod in nullo est diminuta, deminorata, spoliata, vlla naturali proprietate natura assumpta. Similique modo loquuntur S. Leo serm. 3. de Natiuit. Cyrill. Alex. in lib. de Fide ad Reginas. August. cap. 24. Enchir. Damasc. lib. 3. de Fide cap. 13. Maximus Constant. in epistola ad Maximum Presbyterum, & in epistola ad Nicandrum: qui dicunt Verbum assumpsisse quidquid est hominis, præter peccatum, & per alia omnia nobis similem esse. Item Concilia, & SS. Patres asserunt humanam Christi naturam ex eo præcisè non esse personam distinctam, & fieri vnā personam cum Verbo, quod sit vnita Verbo. Item humanitatem Christi futuram personam distinctam à Verbo, quemadmodum sunt alij omnes homines, eò præcisè quod separaretur à Verbo. At hæc falsa essent in contraria sententia. Oporteret enim, ut humanitas sit vna persona cum Verbo, prius destrui, vel extinguere illam formam realem, quæ omnes homines constituuntur personæ: eaque destructio multò magis requireretur, quàm vnio ad Verbum. Item ex facta separatione

242
Secunda
probatio.

Tiphon.
cap. 11.
& 19.

non inciperet humanitas esse persona, sed oporteret illi addi formam hypostasim. Maior habetur, inquit, ex August. tract. 19. in Ioan. Cyril. in epistola ad Nestorium, quæ refertur in Calcedon. & lib. 1. de Recta Fide ad Theodosium. Et in Concilio Ephes. passim, atque apud sanctos Patres idem est Christum hominem esse personam distinctam à Filio Dei, & esse nudum hominem: id est, eo ipso quod esset nudus homo, esset distincta persona à Filio Dei, & contra. Atqui fieret nudus homo sola separatione à Filio Dei, nulla forma reali noua inducta in humanitatem Christi, ut fiat persona creata.

25. Tertia pro-
batio. Probat 3. Quia eo ipso humanitas Christi non constituit distinctam personam, & reducitur ad unitatem personæ cum Verbo, quod est pars constituens Christum hominem Deum, qui est constitutum substantia- liter ipsa perfectius. Et eo ipso esset persona distincta, quod non esset amplius pars illius constituti. At primum fieret sola vnione, nulla detracta ab humanitate forma, vel entitate reali. Secundum fieret sola eius separatione à Verbo, nulla in eam inducta forma. Ergo ut constituatur persona, non est necessaria forma realis superaddita. Maior est nota. Minor, inquit, est Damasc. cap. 65. Logica, iuncto cap. 42. & 44. Theod. Abucarz Dial. 2. contra Acephalos disp. 19. Hugon. Viêt. opusc. de Verbo Incarn. col. lat. 2. & D. Thom. 3. p. qu. 16. art. 12.

26. Altera pars
contrariæ
sententiæ. Addunt 4. Multo magis immutare conceptionem huius mysterij traditam à Patri- bus, eos, qui definiunt conceptum personalitatis, siue substantiæ, per exercitium quoddam virtutis, & sufficientiæ ad standum per se, oppositum modo inherendi accidentium; tametsi velint vsum illum virtutis esse in re distinctum: & per hoc priuari humanitatem Christi substantia propria, fierique vnā personam cum Verbo, quia priuatur illo exercitio, quod suppletur à Verbo terminante, & fulcimente humanitatem Christi. Primum, quia ex sententia Patrum, suppositum, & persona idem est, ac substantia singularis, separatim existens, & constituens totum, nec se habens per modum partis. Sed ut constitutum ex corpore, & anima rationali, sit ita substantia tota, non est opus virtutis exercitio: sat enim est illam non addi alicui tertio perfectiori, in quo includatur. Et ut ait August. lib. 15. de Trinit. cap. 7. vna persona idem est, quod singulus quisque homo. Vel, ut ait Boët. lib. de Duabus naturis, Persona est naturæ rationalis indiuidua substantia. Sed non est opus vilo exercitio virtutis naturæ humanæ ita perfectæ, ut fiat singulus homo, vel ut sit indiuidua substantia. Nihil enim aliud requiritur, quam ut sit seorsim, & non includatur in alio. Item ex sententia Patrum hæc duo sunt idem, naturam humanam Christi fieri personam humanam, & fieri nudum hominem. Sed ut inciperet esse nudus homo, sufficeret eam dumtaxat separari à Verbo, nec

oporteret addi vllum exercitium virtutis. Ergo subsistere non consistit formaliter in illo exercitio. Tertiò, si vera esset contraria sententia, Patres & Concilia explicuissent hoc mysterium dicendo, quod in Christo substantia humana perfecta ex corpore, & anima rationali, non est persona, propterea quod priuata sit vlu virtutis suæ ad standum per se, & redacta ad indigentiam alieni sustentaculi. At nusquam his terminis vsi sunt Patres: imò dixerunt, quod natura humana in Christo, nulla sua proprietate, vel operatione, vel exercitio caruit. Si autem caruisset vel exercitio virtutis ad mouendum se localiter, hæc propositiones essent falsæ: quamuis exercitium se mouendi localiter non sit aliquid re distinctum, & sit aliquid minus perfectum, quam exercitium virtutis ad se constituendum in statu opposito accidentibus. Nusquam etiam dicunt, quod substantia Christi facta sit fragilior, tenuior, minus firma, aut egentior sustentaculo. Item si vera esset contraria sententia, Patres dixissent; Verbum diuinum in hoc mysterio fulcire, sustentare, sustinere humanitatem. Atqui nō explicant hoc mysterium nomine sustentationis, aut fulcimenti naturæ humanæ à Verbo; sed dumtaxat nomine susceptionis, & assumptionis à Verbo; vel nomine copulationis, coniunctionis, & adhesionis cum Verbo: Similique modo illam exprimit vbiq; D. Thom. & speciatim opusc. 2. in cōpend. Theologiz cap. 211. Vltèrius si conceptus subsistentis, prout idem est ac esse personam, esse virtute sua constitui in statu opposito accidentibus, sequeretur animam rationalem extra corpus esse personam, & in toto quolibet, singulas partes, non indigentes vlla causalitate materiali subiecti, esse propriè supposita. Quia illis omnibus conuenit definitio illa subsistentis.

Natura hu-
mana non
sustentatur
à Verbo,

Item ex opposita sententia non potest stare conceptus personæ in diuinis, qui saltem genericè est vniuocus cum personis humanis. Quia non potest fingi, quod natura diuina proprio exercitio suæ virtutis seipsam fulciet: aut quod ut præcisè concepta à proprietatibus personalibus, sit fragilis, tenuis, & in statu accidentium, atque indigens subiecto sustentante. Abhorret etiam à communi sensu ille conceptus personarum in Deo. Etenim sicut Deus non seipsum efficit, & cum dicitur esse à se, locutio est intransitiua, id est, non ab alio: ita neque Deus seipsum portat, aut sustentat subiectiue: & si dicitur per seipsum stare, locutio est intransitiua. Denique hæc sententia tribuit rebus, quod per exercitium, & causalitatem suæ virtutis existant: quod implicat: oportet enim prius naturam rem existere, quam vllum exercitium virtutis habere. Probatur antecedens, quia illius exercitii, & vltus virtutis, debet esse aliquis terminus, & fructus. Omnis enim virtus est ad aliquem influxum: & influxus est via & tendètia ad aliquem terminum. Cum ergo dicatur subsistere esse vltus

272

virtutis, quem natura habet ad standum per se; subsistere non potest esse sine termino, & fructu illius virtutis. At non potest dici quis sit ille terminus positus, & proficiens ab illius virtutis exercitio, nisi sit existere. Non enim est subsistere, quod est usus virtutis, & distinguitur ratione à fructu, & termino illius exercitii.

28. Confirmatur, nam subsistere definitur per se existere. Si ergo illud *per se*, significat exercitio suae virtutis; significatum quod restat, est *existere*. Confirmatur secundò, quia naturam subsistere usu suae virtutis, est quod natura sibiipsi innitatur, & in se recumbat, ut loquitur Suar. disp. 15. de Incarn. sect. 1. col. 6. §. *Sed dices*. At quidquid sustentatur, nisi sustentetur, eadit, casu æquè propriè dicto, ac dicitur sustentari: nam sustentari est prohibere à lapsu. Si ergo natura neque se sustentaret, neque sustentaretur à Verbo, laberetur. In quid verò laberetur, nisi in nihilum? Neque dicas cadere in statum similem accidentibus, quæ non stant per se. Nam hoc esset ad extremum cadere in nihilum. Quia cadere in statum indigentiae necessarii ad existendum, & carere illo necessario, est cadere in nihilum. Status autè accidentis est indigentia necessarii ad existendum. Confirmatur tertio, quia si natura humana sustentatur à Verbo, præstante ipsi quod ipsa per se haberet, foritur ab illo suam existentiam. Illud enim, quod humanitas consequitur à Verbo ut subiecto, vel quasi subiecto eam sustentante ipsique vnito, non est Verbum ipsum, aut aliquid identificatum Verbo: quia subiectum est distinctum ab effectu, qui illius virtute, & influxu causatur in eo quod sustinet, ut patet in omnibus formis. At Verbum se habet ut subiectum. Illud ergo, quod ex virtute Verbi subiectiva existit, est aliquid identificatum humanitati: nihil enim est aliud in Christo, præter Verbum, & humanitatem. Sed nihil potest excogitari indistinctum ab humanitate, quod ipsa consequatur media vnione Verbi, nisi existentia. Nam dici non potest quod sit substantia, alioqui Christus esset duæ personæ, creata, & diuina. Quia essent duæ substantiæ, una Verbo identificata, altera humanitati. Quam verò sit absurdum, posse aliquid virtute sua dare sibi existentiam, patet, quia quicquid operatur, vel vitur quacunque virtute sua, operatur ex fecunditate, & non indiget illa operatione ad existendum: prius est enim existere, quàm operari. Hæc illi: qui ex hoc conceptu hypostasis, & personæ alia duo inferunt sententiæ nostræ contraria.

29. Vnum est, non bene, & propriè dici substantiam humanitatis suppleri à Verbo: quod etiam, inquit, nunquam SS. Patres, & veteres Theologi asseruerunt; sed impediri, vel excludi, aut consumi. Ratio est, quia supplere, est suppletentem præstare ei, in cuius fauorem vices alterius supplet: præstare, inquam, illud ipsum, quod præstabat, aut

præstitisset illud, cui succedit. Sed Verbum, aut vnio ad Verbum non dat humanitati, id quod propria substantia daret. Nam per illam esset tota, & integra substantia, seorsim existens: & vnione ad Verbum impeditur potius ne sit talis.

Alterum est, non posse dici verè, & propriè, quod humana Christi natura subsistat substantiâ Verbi. Ad quod probandum vtuntur primò rationibus, quibus specialem quorundam modum loquendi solum impugnant. Deinde hac generali ratione, quæ nobis, & omnibus aduersatur: quia, inquit, subsistere est per se existere, & non esse in alio. Sed humanitas Christi per vnionem ad hypostasin Verbi non existit per se, & non in alio, quin è contra opposito modo se habet. Item esse subsistens, est esse totum quoddam perfectum substantiale, nullius partem. Sed implicat, humanitatem Christi per vnionem ad Verbum constitui totum eiusmodi: cum per eam vnionem fiat propriè pars. Denique cum subsistere sit aliquo modo se habere: implicat aliquid aliquo modo se habere, per modum alterius: hoc est, se habere in se aliquo modo, quia aliud eo modo se habet: ut patet inductione in omnibus modis. Implicat enim aliquem sedere per sessionem alterius, moueri, figuratum esse, &c. Et si quid subsisteret per substantiam Verbi, illud tantum esset, quod constituitur ex Verbo, tanquam aliquo sibi intrinseco. Forma enim est pars intrinseca eius, quod constituit tale. Itaque non humanitas subsisteret, sed constitutum ex humanitate, & Verbo. Huc vsque partim Typhanus, partim alij recentiores eum securi.

Verum conceptus illè substantiæ siue hypostasis, cui totus eorum discursus innititur, mihi non probatur. Ac primò falsum est veteres omnes constanter sumere pro eodem hypostasin, & suppositum, vel personam. Contrarium enim apparet ex ipso testimonio Cyrilli Alexand. relato ab Aduersariis, & à nobis referendo paulò post, ex epistola ad Monachos Aegypti. *Si quis eum, quem sacra Virgo peperit, solum, hoc est, in propria substantiam hypostasi, &c.* Si enim hypostasin tumeret pro persona, & subsistente; sensus esset, *solum, hoc est, in proprio subsistentem subsistente.* Et multò magis id apparet ex Basilio lib. 4. contra Eunomium, Maximo Martyre apud Euthymium in Panoplia tit. 2. & Damasceno lib. 1. de Fide cap. 9. qui per hypostasin intelligunt modum quandam existentiam, *ὑπόστασις*, & differentiam quandam aduenientem naturæ siue substantiæ, & *ὑποστασίου ἰδιότητα*, quæ illam ab *ἐσσει*, id est, ab essentia & natura discernit. Interdumque significant aliqui Patrum propriam illius rationem consistere in proprietatibus quæ in vnoquoque considerantur, illumque ab aliis discernunt, ut videre est apud Gregorium Nyssenum in lib. ad Ablaium, *Cur non sint tres Dii*, Tom. 2. pag. 449. Quapropter licet antiqui Patres in-

Substantia
humanitas
substantia
Verbi?

302

Refutatur
contraria
sententia.

piissime hypostasin acceperint in concreto, & cum persona vel subsistente & supposito confuderint: interdum tamen non obscure sumpserunt in abstracto, veluti modum naturæ, constituentem aliquo modo suppositum: ut nunc etiam faciunt Theologi, qui subtilius ista considerant, exactiusque distinguunt.

Est contra D. Thom. & non differt ab opinione Scoti. Deinde hæc sententia est manifestè contra S. Thom. 1. p. quæst. 75. art. 2. ubi differtè affirmat, animam rationalem subsistere, etiam quando est in composito. Et tamen anima non est substantia tota, & completa: sed est pars essentialiter ordinata ad componendum hominem, & est in toto, quando actu componit. Tertiò, hæc sententia differt tantum verbo tenus à Scoto, affirmante subsistentiam nihil addere naturæ, nisi negationem: quam tamen sententiam Tiphani ipse, & recentiores eum secuti, meritò improbant cum D. Thoma & aliis communiter. Probatur: quia, iuxta Tiphani, natura humana eo ipso, quòd non esset vnita Verbo, esset persona, quia esset tota, & non iam pars. Cùmque assumitur à Verbo, nihil positivum amittit eorum, quæ naturaliter habere debet, quæque habuisset, si vnioni præexistisset: in quo casu non desisset esse persona humana per deductionem alicuius, sed tantum per additionem personæ diuinæ, id est, eo solo, quòd Verbum illi adderetur, & coniungeretur substantialiter, quia eo ipso humanitas Christi desinit esse tota: sicut qui in suis bonis haberet tantum mille aureos, ita ut hæc esset tota eius substantia; amitteret illam totalitatem, si decem millia aureorum illi darentur, & præcedentibus adderentur: & linea bipedalis desinit esse tota, quamvis nihil perdat, eo solo, quòd alteri pedali adiungitur: ut docet idem auctor cap. 1. 23. & 29. aliisque locis. Atqui manifestum est non perire illam totalitatem quoad vllum positivum: manent enim quæcunque erant antea: sed tantum quoad negationem vltioris: quatenus, esse totum, dicit habere hæc omnia, & nihil amplius habere. Quorum primum, nempe habere hæc omnia, manet in humanitate, & in bonis, & in linea in exemplum allatis: secundum verò, nempe nihil habere amplius, perit per additionem eius, quod superuenit.

31. Verbum iuxta illam non subsisteret in Christo. Quartò, iuxta doctrinam Tiphani, Verbum in Christo non subsistit magis, quam humanitas; cum non sit totum id, quod est Christus, neque existat seorsim prout Christum componit, sed in toto illo composito includatur, tamque sit verè, & propriè illius pars intrinseca, quàm verè, & propriè illud constituit cum altera eius parte, quæ est humanitas. Respondebit Tiphani id, quod ait cap. 67. num. 5. alibique sæpius, Verbum subsistere in Christo, quia retinet suam totalitatem: & non esse partem, quia non est in aliquo perfectiori se, neque perficitur per accessum humanitatis, sed illam infinitè per-

ficit. Sed hoc est grauem quæstionem Theologicam reducere ad quæstionem de nomine, & restringere voces ad placitum, vitanda magis, quàm explicanda difficultatis causa; & propter aliquas auctoritates Aristotelis à Tiphani allatas cap. 12. quæ sunt potius explicationes Totius, & Partis, qualia sunt in creatis, & qualia erant Aristoteli nota, quàm definitiones, aut conditiones necessariæ partis, vel totius generalissimè sumpti. Cùm alioqui manifestum esse videatur quidquid componit cum altero per modum entitatis realiter ab illo distinctæ, esse partem compositi; & id, quod ex illis componentibus existit, esse totum quoddam ex utroque constitutum: sitque de fide Verbum solum non esse totum Christum, & tamen esse aliquid Christi realiter distinctum ab eius humanitate; atque, ut à Conciliis definitum est, componere cum humanitate Christum Dominum, qui est vnica persona composita ex duabus naturis secundum subsistentiam. Tam verè autem potest dici esse pars, quàm potest dici componere. Gratilque asseritur requiri ut perficiatur, ad hoc ut dicatur pars: & non requiri, ad hoc ut componat intrinsecè Christum, sitque aliquid illius, & non ipse totus.

Deinde dato, & non concesso quod assumit Tiphani; ipsa essentia diuina esset persona, ita ut non essent in Deo tres personæ, sed vnica. Nam essentia diuina est infinita simpliciter: & ut colligitur ex eius doctrina cap. 1. num. 8. & cap. 67. nu. 5. non sit perfectior ex additione proprietatum personarum: tum quia infinitum in perfectione non potest fieri perfectius accessione vllius alterius, ut ipse docet capite proximè citato, aliisque locis, eaque de causa negat sæpiissime Verbum amittere suam totalitatem in incarnatione. Tum etiam quia sicut Pater, Filius, & Spiritus sanctus non sunt aliquid perfectius, quàm solus Pater; ita ut aliorum proprietates nihil addant perfectionis supra perfectionem primæ personæ, ut idem habet cap. 1. num. 8. & cap. 64. in fine; probatque ex D. Augustino lib. 6. de Trin. cap. 8. ubi sic habet: *Tantus est solus Pater, vel solus Filius, vel solus Spiritus sanctus; quantus est simul Pater, Filius, & Spiritus sanctus*: & ex D. Thom. 1. p. quæst. 42. art. 4. ad 3. sic affirmante: *Neque omnes relationes sunt maius aliquid, quàm vna tantum: neque omnes personæ maius aliquid, quàm vna tantum: quia tota perfectio diuinæ naturæ est in qualibet personarum*. Ita, loquendo coherentè, debet idem auctor dicere proprietatem Patris, & aliarum personarum diuinarum nihil addere perfectionis essentiae diuinæ infinitæ simpliciter, & vel formaliter vel eminentè omnia continent. Ergo essentia diuina est substantia tota in sensu Tiphani, & retinet suam totalitatem, non obstante aduentu proprietatum, seu relationum diuinarum. Ergo est persona. Et sicut Verbum accessu plurium humanitatum non fieret plures personæ,

32. Essentia diuina præcisè esset personæ,

sed vnica semper esset, & eadem quæ ante, quia retineret suam totalitatem; & quando reipsa vnitum fuit naturæ humanæ, non desit esse persona, quia non desit esse substantia tota, cum ex aduentu humanitatis non accesserit illi maior perfectio, ut ipse docet cap. 67. num. 5. & 6. Sic natura diuina non debet fieri plures personæ, neque debet desinere esse persona per accessionem relationum diuinarum, iuxta sententiam Tiphani.

33. Quinto, cum in diuinis nomina concreta substantiua non multiplicentur, id est, non efferantur in numero plurali, nisi multiplicetur forma, quæ per illa directè, formaliter, & expresse significatur, ut probauimus in tract. de Trinit. si persona formaliter, directè, & expresse significat totalitatem primæ substantiæ, ut vult Tiphani; & totalitas illa est formaliter, & expresse, siue re & ratione, ipsa prima substantia tota, iuxta eundem auctorem cap. 2. 3. & 4. ad hoc ut nomen personæ multiplicetur in diuinis necessarium est totum illud directè, formaliter, & expresse significatum, multiplicari, id est, esse in Deo plures substantias primas, totas. Cumque nomine substantiæ intelligat Tiphani in hac definitione essentiam, vel speciem, seu naturam rei subsistentis, quæ contrahitur per particulas *Prima*, & *Tota*, ut patet ex pluribus eius locis, & præcipue ex cap. 21. & 22. ubi probat naturam, & suppositum, siue subsistens (quod apud illum idem est) in eo differre; quod natura est nomen speciei: suppositum verò, & subsistens est nomen individui, addens naturæ singularitatem, adeoque ratione solum ab illa differens. Cum, inquam, hæc ita sint: ergo ut nomen *persona* multiplicetur in diuinis, & verè dicantur esse tres personæ, debent esse tres essentiae, seu naturæ diuinæ primæ, & totæ. Sed hoc est falsum, & hæreticum: neque vnquam Patres, & Concilia ita loquuntur: sed potius constanter affirmant tres personas diuinas esse vnā essentiam, seu naturam eandem omnino: ut speciatim videre est in Concilio Lateran. sub Innoc. III. cap. *Damnamus*. Quare potius dicendum est, nomen personæ significare in recto expresse, & formaliter, non totam substantiam primam, sed modum essendi illius per se, quem vocamus subsistentiam. Quo sensu definitur à Boëtio, Naturæ rationalis individua substantia, id est, incommunicabilis subsistentia, ut exponunt Ricard. Victor. & omnes alij, teste Ysamberto loco citando paulo post.

Ysambert.
q. 2. disp. 2.
art. 6.

34. Sexto, iuxta eiusdem auctoris doctrinam non potest explicari quomodo faciant vnū per se natura diuina, & humana, magis quàm duo liquores permixti, putà vinum, & aqua; vel duæ arborum species insitæ. Et quomodo possint natura diuina, & humana prædicari de se inuicem in concreto substantiuo, magis quàm illæ duæ species arborum, aut liquorum. Respondebit fortè non esse

Non potest
explicari
quomodo
Verbum
faciat vnū
per se cum
humana
natura.

hic vnionem hypostaticam, quia neutra species liquorum, aut arborum, retinet suam totalitatem. Sed contra: quia quod persona diuina retineat suam totalitatem, impedit potius ne prædicari possit de natura humana in concreto substantiuo; cum totum de parte sic prædicari nequeat. Septimò, iuxta doctrinam Tiphani ridicula esset quæstio proposita à D. Thom. 3. p. qu. 3. art. 3. & ab alijs Theologis communiter, vtrum natura diuina possit assumere abstracta personalitate? & falsa esset euidenter D. Thomæ resolutio, quod abstracta per intellectum personalitate à natura, possumus adhuc intelligere naturam assumentem. Sensus enim quæstionis esset, an quod non est totum, possit aliud sibi vnire, retinendo suam totalitatem? Et sensus resolutionis D. Thomæ esset, naturam diuinam præcisam per intellectum à totalitate, posse intelligi eam retinere, quod euidenter implicat contradictionem. Ridicula quoque foret alia quæstio ab eodem D. Thoma, & ab omnibus proposita, an natura humana possit assumi à persona diuina, retenta propria personalitate creata? & an Verbum assumere potuerit non naturam solum, sed etiam personam humanam? Sensus enim esset, an natura humana potuerit vniri Verbo, absque eo quod vniretur perfectiori se, siue absque eo, quod esset pars alicuius totius, & haberet adiunctum aliquid, cuius additione perficeretur? Item ridicula esset definitio Conciliorum, Verbum per vnionem substantialem assumpsisse naturam, non personam. Sensus enim esset, Verbum vnuisse sibi substantialiter naturam imperfectiorem, & non reliquisse illam non vnitam substantialiter, ac per se seorsim existentem in sua totalitate.

Propter quæ omnia, & alia multa; quæ contra illam sententiam dici possent, probabilius existimo, subsistentiam esse perfectionem quandam, & modum essendi substantiæ naturaliter aptæ, & sufficientis ad standum per se, id est, sine adminiculo subiecti, à quo sustentetur: & sine indigentia modi aut rei alterius, à qua compleatur secundum existentiam, & terminetur hypostaticè. Quæ perfectio conuenit omnibus substantiis completis: per illamque differunt ab accidentibus, quæ generaliter habent oppositam indigentiam naturalem, & imperfectionem indigentiam subiecti, cuius adminiculo existant. Sicut autem, quando accidens definitur *Ens in alio*, Philosophi, & Theologi hac particula, *in alio*, designant illā imperfectionem & indigentiam accidentis: ita quando definiunt substantiam categoricam *Ens per se*; id est, non in alio: designant hac particula *per se* sufficientiam illam, & perfectionem substantiæ potentis naturaliter stare sua vi, id est, sine concursu subiecti, & sine alio complemento secundum existentiam, siue modi, siue alterius subsistentis à quo terminetur. Dixi hanc perfectionem conuenire omnibus substantiis perfectis; non autem

35.
Subsistentia
quid sit?

absolutè omnibus : propter formas materiales, quibus non competit : neque enim finis egent concursu materiæ, ut existant, quàm accidentia : à quibus tamen in eo differunt, quòd illæ constituunt cum materia vnum per se, & totum substantiale, secus ac accidentia. Non tamen solis perfectis, & completis substantiis conuenit illa perfectio : sed etiam quibusdam incompletis : ut materiæ primæ, & animæ rationali, & partibus integralibus totius substantialis : quæ omnia manifestè habent modum existendi differentem à modo existendi tam formarum materialium, quàm accidentium, in eo quòd non indigent subiecto, cui nitantur, neque alieno complemento aut termino suæ existentie. Atque iste modus existendi est aliqua perfectio naturalis huiusmodi substantiarum, quæ non alio nomine significatur, quàm hypostasis, & subsistentiæ : nec vllum aliud ab Aduersariis proferri potest. Sicut autem per mysterium Eucharistiæ didicimus accidentia posse existere, & non inherere : ita ut in hæc non sit illorum esse præcisè sumptum, sed modus se habendi, sine quo esse possunt per absolutam Dei potentiam (quod Aristot. alique Philosophi ethnici ignorauerant) ita ut Deus possit illa priuare tali modo connaturali essendi in subiecto, & aliter eà conseruare, aut producere, sine vlla dependentia à materia. Sic per mysterium incarnationis intelligimus substantiam completam ex materia, & forma, esse posse abique illo modo essendi per se, & cum opposita dependentia, ratione cuius verè dicatur esse in alio. Quòd cum sit, priuatur natura actu secundo suæ aptitudinis & sufficientiæ, naturalique complemento. Hoc est, non per se stat modo supradicto, tamen potest naturaliter stare per se, staretque nisi impediretur supernaturaliter per vnionem hypostaticam cum alio. Itaque in hunc potius sensum intelligendæ sunt definitiones subsistentiæ, & subsistentis, allatæ numero 33. Sicut etiam à pluribus Theologis & Philosophis recentioribus intelliguntur.

Et quidem prima, sumpta ex Boët. lib. de Duab. nat. Persona est natura rationalis indiuidua substantia, ita exponitur à Rich. Victor. lib. 4. de Trinit. cap. 18. & ab omnibus, ut testatur Ysambertus quæst. 2. disp. 2. artic. 6. ut per indiuiduam substantiam, intelligant incommunicabilem existentiam, siue subsistentiam : incommunicabilem scilicet alteri, ut sustentanti, vel hypostaticè terminanti, ut supra exposuimus. Et alioqui si prædicta definitio sumeretur præcisè, ut verba sonant, natura diuina, ut præcisè per conceptum à proprietatibus, esset persona, quia est natura rationalis indiuidua substantia. Eundem sensum faciliè admittunt aliæ definitiones ibidem relatæ, quibus dicitur suppositum esse natura substantialis, vltimò terminata, & completa, id

est, habens vltimum terminum, & complementum suæ existentie substantialis, qui est stare per se, modo supra exposito : & hypostasis definitur esse vltimus terminus naturæ substantialis, aut substantiæ apertè per se stare : vltimus, inquam, terminus secundum existentiam.

Ex quibus patet solutio primi argumenti aduersariorum. Ad secundum dico primò, subsistentiam, iuxta nostram, & probabiliorē sententiam, non esse formam, neque modum à parte rei distinctum, ut ostendimus disput. 5. sect. 5. Secundò, Concilia, & sanctos Patres ab Aduersariis citatos, non esse in rigore metaphysico intelligendos : sed moraliter, quòd scilicet Christo nihil desit de illis quæ faciunt ad perfectionem naturæ humanæ, & non sunt absolutè impossibilia cum vnione hypostatica, sicut est propria & naturalis subsistentia. Quod Patribus & Conciliis sufficit ad condemnationem & refutationem hæreticorum, quos damnant, vel impugnant. Hæc enim dicunt contra Eutychianos, Photinianos, Monothelitas, & similes hæreticos negantes veritatem naturæ humanæ in Christo, aut Christum habere animam rationalem, vel voluntatem, & affectus humanos. Alioquin enim certum est Christum non habuisse aliqua nobis communia, præter peccatum : ut ignorantiam rerum plurimarum, & fomitem peccati, seu temperamentum, & complexionem qualitatuum talem, ut potenter inclinet ad sensibilia, rectæque rationi sæpe resistat. Non habuit etiam modum essendi per se, quem tamen ipsi Aduersarij, posituum esse fatentur, ne alioquin aperte videantur planè sentire cum Scoto communiter reiecto, & supra refutato. Si autem sancti Patres in rigore metaphysico intelligendi essent locis in obiectione relatis, dicendum esset, Verbum assumpsisse personam, & hypostasim creatam, quod est hæreticum : aut istam nihil posituum esset quod falsum est, & contra doctrinam Conciliorum, quæ cum dicunt Verbum diuinum non assumpsisse humanam personam, sed naturam, satis illo modo loquendi significant personalitatem humanam esse aliquid posituum, & reale. Nam assumptio est aliquid realis, & positui, ad se sumptio : Quare negant illam assumptionem de aliquo positui, & reali. Item dicunt, humanam personalitatem fuisse consumptam à Verbo, id est, impeditam, ne existeret. Et denique personalitas creata conuenit saltem analogicè cum increatis, & diuinis, quæ certè sunt aliquid reale, & posituum : constituunt enim, & distinguunt ab inuicem tres personas diuinas.

Tertiò, quando Patres & Concilia dicunt, humanam Christi naturam ex eo non esse distinctam personam, quia est vnita Verbo, futuramque distinctam ex eo, quòd separaretur : non videntur particula præcisè, ex eo ipso, quam de suo addunt Aduersarij,

37.

Soluntur
argumenta
contraria
sententiæ.

36.

Explicatur
definitio
subsistentiæ.

38.

Explicatur
Sancti Patres.

Sed dicunt duntaxat, id quod verissimum est, & nobis non obest, quodque ad hæreticorum errorem damnandum sufficiebat, humanitatem factam esse vnam personam cum Verbo, per vñionem substantialem, & ineffabilem cum ipso: quem modum ipsi, qualis fuerit, & quem effectum veluti formalem habuerit, relinquunt Theologis examinandum, ut facere solent in aliis fidei mysteriis: & non esse nudum hominem, vti esset, si à Verbo non assumeretur, aut ab illo dimitteretur, suoque statui naturali relinqueretur. Verba enim D. August. loco ab Aduersariis citato ex tract. 19. in Ioanni longè ante finem, hæc sunt: *Ipsè est filius hominis, qui est Filius Dei; hærendo enim ad unitatem persone, filius hominis, Filio Dei, facta est una persona, eademque Filius Dei, quæ est filius hominis.* Et Cyrill. in epist. (quæ est numero quarta iuxta nouam editionem Græco-Latinam) ad Nestor. prope finem, *Verbum carnem fieri, nihil est aliud, quàm quòd perinde ac nos, carni, & sanguini, communicauit: nostroque corpore sibi adiuncto ex muliere prodierit, Deitate interim, aut ex Patre natiuitate non abiecta.* Et lib. de recta Fide ad Theodof. ante medium, *Nemo post vñionem, diuisionem mihi fingat: neque Emanuelem in hominem seorsim, & in Deum rursus dispescens, duas personas efformet.* Et in epistola 1. ad Monachos Aegypti, circa medium, *Siquis eum, quem sacra Virgo peperit, solum, hoc est, in propria subsistentem hypostasi, vñctum, & sanctificatum arbitretur, atque ad id Christum appellatum contendat: eiusmodi in medium prodeat, nobisque exponat, solane illa vñctio sat sit, ut vñctus cum Deo, qui est super omnia, equalis gloriæ, parisque potentie & Maiestatis esse censeatur?*

In quibus verbis Cyrillus per solum, intelligit non vñitum hypostaticè, sed naturali suo statui relictum, quoad substantiam, & modum essendi substantialiter, ut sequentia verba declarant. Idemque intelligit Concilium Ephes. postremò citatum ab Aduersariis, quando pro eodem sumit Christum fore nudum hominem, & fore personam distinctam à Verbo. Ad has enim omnes propositiones verificandas, iuxta communem, & vsitatum modum loquendi, sufficit illos essendi modos esse impossibiles, assumi hypostaticè naturam humanam, & stare per se: vel, non assumi hypostaticè naturam illam, & non stare per se. Eodem quoque modo intelligendum est, quod vltimò proferunt ex Damasc. Theodoro Abucara, Hug. Victor. & D. Thoma, naturam humanam Christi non esse personam, quia est pars, & nunquam per se seorsim fuit, quod requirit ratio personæ. Nimirum quia talis modus essendi in alio hypostaticè assumente, repugnat, saltem naturaliter, modo standi per se, id est, subsistendi. Præterquàm quòd ratio, & nomen personæ, & suppositi plus importat quàm subsistentia, vel hypostasis præcisè: est enim nomen, & ratio totius sub-

stantialiter completi, & seorsim existentis, ut alibi notauimus.

Confirmatur: quia quando sancti Patres dicunt naturam Christi humanam fuisse ipsa assumptione creatam, ut loquitur S. Leo I. in epistola Decretali 11. quæ est ad Iulianum Episcopum, longè post medium: *Natura, inquit, nostra non sic assumpta est, ut prius creata, post assumeretur: sed ut ipsa assumptione crearetur.* Et Fulg. lib. de Incarnat. cap. 3. *Vna quippe fuit in vtero Mariæ Virginis conceptio diminitatis, & carnis: & vnus est Christus Dei Filius in utraque natura conceptus.* Et Greg. lib. 9. Regist. epist. 61. prope finem. *Nec ante conceptus, & postmodum vñctus est: sed hoc ipsum de spiritu sancto ex carne Virginis concipi, à sancto spiritu vñgi fuit.* Quando, inquam, sancti Patres ita loquuntur, non sunt intelligendi in rigore metaphysico, ut verba sonant: quasi velint humanitatem Christi fuisse productam præcisè eo ipso, quòd vnita fuit Verbo, eandemque prorsus, & vnicam fuisse actionem, quæ fuit producta humanitas, & quæ fuit hypostaticè assumpta: fatentur enim Aduersarij cum communi sententia, fuisse prius naturam productam, quàm vñitam: Sed nihil aliud volunt Patres, nisi docere contra Nestorium non prius tempore extitisse naturam Christi humanam, quàm vniretur Verbo: simulque Beatam Virginem Deum, & hominem concepisse, quia conceptio, & vñio simul fuerunt ab initio factæ in eius vtero. Ergo similiter quando Patres dicunt in nullo esse diminutam humanitatem assumptam, & Verbum assumpsisse quidquid est hominis, præter peccatum, perque alia omnia nobis similem esse, & Verbum carnem fieri nihil esse aliud quàm ineffabiliter carni vñiri, & similia in obiectione relata: non debent necessariò intelligi in rigore metaphysico, sed in sensu moralis, supra explicato, & accommodato erroribus hæreticorum, quos damnant, & impugnant.

Ad id, quod addunt recentiores quarto loco, omissis duobus prioribus argumentis iam refutatis, Respondeo sequentibus, 1. Nò affirmare nos naturam humanam fulciri & sustentari à Verbo, sicut accidentia fulciuntur à subiecto, factamque esse tenuiorem, fragiliorem, & imbecillio rem: sed solum dependere & terminari hypostaticè à Verbo, atque ab illo compleri substantialiter secundum existentiam loco proprii & naturalis complementi, quo vltimò terminaretur, & statet in seipsa ac per seipsam, ratione naturalis suæ perfectionis, nisi assumeretur à Verbo. Quod ut minimum docent sancti Patres, quando dicunt Verbum factum esse subsistentiam humanitati Christi, ut loquuntur Athanasius, Euthymius, & Damascenus, locis citandis in fine sectionis: & humanam Christi naturam non in seipsa, sed in Verbo habere existentiam, ut loquitur Sophronius in VI. Synodo Generali act. 11. in epistola quæ ibi recitatur, posteaque ap-
probat

392

Confirmatur
prædicta
explicatio.

402

Natura hu-
mana non
fulcitur
à Verbo ut
accidentia
à subiecto

August. probatur act. 13. Quin etiam D. August. lib. 13. de Trinit. cap. 18. prope finem, de Christo sic ait: *Quia Deus humiliter, non quomodo alios sanctos, regebat illum hominem, sed gerbat.* Quo modo loquendi fauet illis Theologis, qui dependentiam humanitatis à Verbo explicant per sustentationem. Nam, *gerere*, hoc loco, non potest aliud significare, quam sustentare: & nomine hominis, Augustinus intelligit humanitatem, ut alibi lapissimè, dicens hominem fuisse assumptum.

41. Respondet secundò, malè inferri ex nostra sententia, animam rationalem, & partes integrantes substantiæ fore personas, vel supposita. Quia licet illis conveniat definitio subsistentis: secus tamen definitio suppositi, aut personæ, quæ plus importat, & est ratio totius, ut supra diximus. Tertio dico naturam divinam subsistere, non seipsam fulciendo & sustentando: sicut neque natura substantialis creata seipsam fulcit & sustentat, ut paulò ante diximus: sed ratione infinitæ suæ perfectionis naturalis stando per se, completam secundum existentiam triplici modo substantiali relatiuè opposito: seu terminatam tribus proprietatibus personalibus, per quas constituitur in triplici esse hypostatico, quæque sunt tres diversi modi, quibus natura divina per se existit, non planè similes modo essendi per se creaturarum, earumque complemento naturalis: neque purè modi essendi per se, sed simul principia proxima, vel termini processuum diuinarum, quibus personæ opponuntur relatiuè inter se, & distinguuntur realiter. Essentia enim diuina propter suam illimitationem, & perfectionem simpliciter infinitam, non expletur, & completur vnico modo essendi per se, ut substantiæ creatæ: sed essentialiter exigit tripliciter subsistere in tribus suppositis realiter distinctis, quibus tamen ipsa realiter identificatur, quæque non possunt ab inuicem distingui sine relatiua oppositione originis vnus ab alia: propterea quòd in diuinis est summa communicatio, & identitas, quanta esse potest.

42. Respondet 4. non propterea substantias existere per vsum, & exercitium suæ virtutis, & causalitatis: sed tantum esse tales naturæ suæ, ut non egeant alio, quo sustententur, possintque existere naturaliter, & re ipsa existant sine subiecto, aut sustentaculo, ratione suæ perfectionis essentialis ad hoc sufficientis. Per vsum enim sufficientiæ non intelligimus causalitatem, & exercitium virtutis influentis in aliquem effectum: sed statum illum connaturalem, quem habet natura substantialis, ratione suæ perfectionis, absque vlla alia causalitate, nisi illa per quam à Deo connaturali modo producit, & in suo statu naturali constituitur, si loquamur de natura creata. Nam modus ille essendi, si eget aliqua causalitate, non fit vi ipsius substantiæ creatæ: sed vi illius, à quo substantia in se producit in statu connaturali: sicut in hæsi accidentium non est efficiens ab ipsis

accidentibus, sed à causa, per quam producuntur, & educantur ex subiecto. Sicut enim existentiam sibi dare non possunt, ita neque modum illum essendi sine quo naturaliter existere nequeunt, quique iuxta probabilem sententiam plurimorum fit præcisè ipsamet educatione accidentis ex subiecto. Nomine etiam virtutis, cuius hunc vsum esse dicimus, non intelligimus causam aliquam, & virtutem influendi: sed ipsam perfectionem naturæ substantialis, potentis existere naturaliter sine subiecto, & sine alieno supposito terminante. Ac denique nomine actus secundi, & vñs illius virtutis, non aliud intelligimus, quàm quòd natura substantialis actu existat connaturaliter completa & terminata in seipsa, independentique à subiecto, vel alieno termino hypostatico. Quando autem humanitas Christi terminatur à Verbo, non sortitur ab illo suam existentiam, vi vnionis præcisè: nam potius illa præexistit vnioni, ratione, vel naturæ prius: sed sortitur modum subsistendi adiectiuum, & denominatiuum, similem illi, quo formæ materiales subsistunt in composito substantiali: id est, natura Christi humana fit pars totius substantialis subsistentis per hypostasim Verbi. Neque propterea sunt duæ personæ in Christo, sed vnica; propter vnitatem hypostasis, à qua sumitur denominatio personæ.

43. Quintò, cum dicimus subsistentiam propriam humanitatis suppleri à Verbo, non aliud intelligimus, quàm quòd modò dictum est, id est, fieri ut adiectiuè subsistat in Verbo, & per Verbum, quæ alioqui per seipsam subsistisset. Quod non minus verè dici potest, quàm quòd Deus suppleat concursum subiecti in accidentibus eucharisticis, quando actione potentiore facit, ut à se solo pendeat, quæ alioqui deberent naturaliter à subiecto pendere: & loco essendi in alio, facit ut sine quodammodo in se, & per se, id est, seorsim à subiecto. Neque est necesse, ut quidquid dicitur supplere vices alterius, idem præstet, aut eodem modo: sufficit enim præstare æquiualens, & multò magis præstare aliquid perfectius, & conducibilius.

44. Alia duo argumenta postrema, quibus contendunt Aduersarij non posse dici verè, & propriè, quòd humanitas Christi subsistat subsistentia Verbi, soluta fuerunt dis. 1. sect. 3. n. 25. & 27. Ad quem locum malo lectorem remittere, quam idem inutiliter repetere. Addo dumtaxat malè ab illis reprehendi modum loquendi, quo non modò Theologi, sed etiam sancti Patres frequenter vsi sunt: Verbum diuinum scilicet supplere hypostasim humanitatis, & humanam Christum naturam subsistere per subsistentiam Verbi. Idem affirmant Athanasius, Euthymius, Damascenus, & alij, quando dicunt Filium Dei seu Verbum diuinum factum esse subsistentiam humanitati Christi & eius carni. Quod in re ipsa, & æquiualeenter est dicere subsistentiam Verbi esse loco propriæ subsistentiæ humanitatis, & humanitatem fieri

432
Quomodo
subsistentia
humanita-
tis verè dis-
citur sup-
pleri à Ver-
bo?

Quomodo
res dicatur
subsistere
per vsum
suæ suffi-
cientiæ?

Sed dicunt dumtaxat, id quod verissimum est, & nobis non obest, quodque ad hæreticorum errorem damnandum sufficiebat, humanitatem factam esse vnam personam cum Verbo, per unionem substantialem, & ineffabilem cum ipso : quem modum ipsi, qualis fuerit, & quem effectum veluti formalem habuerit, relinquunt Theologis examinandum, vt facere solent in aliis fidei mysteriis : & non esse nudum hominem, vti esset, si à Verbo non assumeretur, aut ab illo dimitteretur, suoque statui naturali relinqueretur. Verba enim D. August. loco ab Aduersariis citato ex tract. 19. in Ioanni. longè ante finem, hæc sunt : *Ipsè est filius hominis, qui est Filius Dei : herendo enim ad unitatem personæ, filius hominis, Filio Dei, facta est vna persona, eademque Filius Dei, quæ est filius hominis.* Et Cyrill. in epist. (quæ est numero quarta iuxta nouam editionem Græco-Latinam) ad Nestor. prope finem, *Verbum carnem fieri, nihil est aliud, quàm quod perinde ac nos, carni, & sanguini, communicauit : nostroque corpore sibi adiuncto ex muliere prodierit, Deitate interim, aut ex Patre naturitate non abiecta.* Et lib. de recta Fide ad Theodos. ante medium, *Nemo post unionem, diuisionem mihi fingat : neque Emanuelem in hominem seorsim, & in Deum rursus dispescens, duas personas efformet.* Et in epistola 1. ad Monachos Aegypti, circa medium, *Siquis eum, quem sacra Virgo peperit, solum, hoc est, in propria subsistentem hypostasi, vñctum, & sanctificatum arbiuretur, atque ad id Christum appellatum contendat eiusmodi in medium prodeat, nobisque exponat, solane illa vñctio sat sit, vt vñctus cum Deo, qui est super omnia, equalis gloriæ, parisque potentie & Maiestatis esse censeatur?*

In quibus verbis Cyrillus per solum, intelligit non vnitum hypostaticè, sed naturali suo statui relictum, quoad substantiam, & modum essendi substantialiter, vt sequentia verba declarant. Idemque intelligit Concilium Ephes. postremò citatum ab Aduersariis, quando pro eodem sumit Christum fore nudum hominem, & fore personam distinctam à Verbo. Ad has enim omnes propositiones verificandas, iuxta communem, & vñctum modum loquendi, sufficit illos essendi modos esse impossibiles, assumi hypostaticè naturam humanam, & stare per se : vel, non assumi hypostaticè naturam illam, & non stare per se. Eodem quoque modo intelligendum est, quod vltimò proferunt ex Damasc. Theodoro Abucara, Hug. Victor. & D. Thoma, naturam humanam Christi non esse personam, quia est pars, & nunquam per se seorsim fuit, quod requirit ratio personæ. Nimirum quia talis modus essendi in alio hypostaticè assumente, repugnat, saltem naturaliter, modo standi per se, id est, subsistendi. Præterquàm quòd ratio, & nomen personæ, & suppositi plus importat quàm subsistentia, vel hypostasis præcisè est enim nomen, & ratio totius sub-

stantialiter completi, & seorsim existentis, vt alibi notauimus.

Confirmatur : quia quando sancti Patres dicunt naturam Christi humanam fuisse ipsa assumptione creatam, vt loquitur S. Leo I. in epistola Decretali 11. quæ est ad Iulianum Episcopum, longè post medium : *Natura,* inquit, *nostra non sic assumpta est, vt prius creata, post assumeretur : sed vt ipsa assumptione crearetur.* Et Fulg. lib. de Incarnat. cap. 3. *Vna quippe fuit in utero Mariæ Virginis conceptio diuinitatis, & carnis : & vnus est Christus Dei Filius in utraque natura conceptus.* Et Greg. lib. 9. Regist. epist. 61. prope finem. *Nec ante conceptus, & postmodum vñctus est : sed hoc ipsum de Spiritu sancto ex carne Virginis concipi, à sancto Spiritu vñgi fuit.* Quando, inquam, sancti Patres ita loquuntur, non sunt intelligendi in rigore metaphysico, vt verba sonant : quasi velint humanitatem Christi fuisse productam præcisè eo ipso, quòd vnita fuit Verbo, eandemque prorsus, & vnicam fuisse actionem, quæ fuit producta humanitas, & quæ fuit hypostaticè assumpta : fatentur enim Aduersarij cum communi sententia, fuisse prius naturam productam, quàm vnitam : Sed nihil aliud volunt Patres, nisi docere contra Nestorium non prius tempore extitisse naturam Christi humanam, quàm vniretur Verbo : simulque Beatam Virginem Deum, & hominem concepisse, quia conceptio, & vñio simul fuerunt ab initio factæ in eius utero. Ergo similiter quando Patres dicunt in nullo esse diminutam humanitatem assumptam, & Verbum assumpsisse quidquid est hominis, præter peccatum, perque alia omnia nobis similem esse, & Verbum carnem fieri nihil esse aliud quàm ineffabiliter carni yniri, & similia in obiectione relata : non debent necessariò intelligi in rigore metaphysico, sed in sensu morali, supra explicato, & accommodato erroribus hæreticorum, quos damnant, & impugnant.

Ad id, quod addunt recentiores quarto loco, omittis duobus prioribus argumentis iam refutatis, Respondeo sequentibus, 1. Nò affirmare nos naturam humanam fulciri & sustentari à Verbo, sicut accidentia fulciuntur à subiecto, factamque esse tenuiorem, fragiliorem, & imbecillioresed solum dependere & terminari hypostaticè à Verbo, atque ab illo compleri substantialiter secundum existentiam loco proprii & naturalis complementi, quo vltimò terminaretur, & staret in seipsa ac per seipsam, ratione naturalis suæ perfectionis, nisi assumeretur à Verbo. Quod vt minimum docent sancti Patres, quando dicunt Verbum factum esse subsistentiam humanitati Christi, vt loquuntur Athanasius, Euthymius, & Damascenus, locis citandis in fine sectionis : & humanam Christi naturam non in seipsa, sed in Verbo habere existentiam, vt loquitur Sophronius in VI. Synodo Generali act. 11. in epistola quæ ibi recitatur, posteaque approbatur

39.
Confirmatio
prædictæ
explicatio.

40.
Natura hu-
mana non
fulcitur
à Verbo vt
accidentia
à subiecto

August. probatur act. 13. Quin etiam D. August. lib. 13. de Trinit. cap. 18. prope finem, de Christo sic ait: *Quia Deus humiliter, non quomodo alios sanctos, regebat illum hominem, sed gerbat.* Quo modo loquendi fauet illis Theologis, qui dependentiam humanitatis à Verbo explicant per substantiationem. Nam, gerere, hoc loco, non potest aliud significare, quam sustentare: & nomine hominis, Augustinus intelligit humanitatem, ut alibi laxissime, dicens hominem fuisse assumptum.

41. Respondet secundò, malè inferri ex nostra sententia, animam rationalem, & partes integrantes substantiæ fore personas, vel supposita. Quia licet illis conveniat definitio subsistentis: secus tamen definitio suppositi, aut personæ, quæ plus importat, & est ratio totius, ut supra diximus. Tertiò dico naturam divinam subsistere, non seipsam fulciendo & sustentando: sicut neque natura substantialis creata seipsam fulcit & sustentat, ut paulò ante diximus: sed ratione infinitæ suæ perfectionis naturalis stando per se, completam secundum existentiam triplici modo substantiali relatiuè opposito: seu terminatam tribus proprietatibus personalibus, per quas constituitur in triplici esse hypostatico, quæque sunt tres diversi modi, quibus natura divina per se existit, non planè similes modo essendi per se creaturarum, earumque complemento naturalis: neque purè modi essendi per se, sed simul principia proxima, vel termini processuum divinarum, quibus personæ opponuntur relatiuè inter se, & distinguuntur realiter. Essentia enim divina propter suam illimitationem, & perfectionem simpliciter infinitam, non expletur, & completur unico modo essendi per se, ut substantiæ creatæ: sed essentialiter exigit tripliciter subsistere in tribus suppositis realiter distinctis, quibus tamen ipsa realiter identificatur, quæque non possunt ab invicem distingui sine relativa oppositione originis unius ab alia: propterea quòd in divinis est summa communicatio, & identitas, quanta esse potest.

42. Respondet 4. non propterea substantias existere per usum, & exercitium suæ virtutis, & causalitatis: sed tantum esse tales naturæ suæ, ut non egeant alio, quòd sustententur, possintque existere naturaliter, & reipsa existant sine subiecto, aut sustentaculo, ratione suæ perfectionis essentialis ad hoc sufficientis. Per usum enim sufficientiæ non intelligimus causalitatem, & exercitium virtutis influentis in aliquid effectum: sed statum illum connaturalem, quem habet natura substantialis, ratione suæ perfectionis, absque ulla alia causalitate, nisi illa per quam à Deo connaturali modo producit, & in suo statu naturali constituitur, si loquamur de natura creata. Nam modus ille essendi, si eget aliqua causalitate, non fit vi ipsius substantiæ creatæ: sed vi illius, à quo substantia ipsa producit in statu connaturali: sicut inherens accidentium non est efficiens ab ipsis

accidentibus, sed à causa, per quam producantur, & educantur ex subiecto. Sicut enim existentiam sibi dare non possunt, ita neque modum illum essendi sine quo naturaliter existere nequeunt, quique iuxta probabilem sententiam plurimorum fit præcisè ipsamet educatione accidentis ex subiecto. Nominè etiam virtutis, cuius hunc usum esse dicimus, non intelligimus causam aliquam, & virtutem influentem: sed ipsam perfectionem naturæ substantialis, potentis existere naturaliter sine subiecto, & sine alieno supposito terminante. Ac denique nomine actus secundì, & vius illius virtutis, non aliud intelligimus, quàm quòd natura substantialis actu existat connaturaliter completa & terminata in seipsa, independentique à subiecto, vel alieno termino hypostatico. Quando autem humanitas Christi terminatur à Verbo, non sortitur ab illo suam existentiam, vi unionis præcisè: nam potius illa præexistit unioni, ratione, vel naturæ prius: sed sortitur modum subsistendi adiectivum, & denominarium, similem illi, quo formæ materiales subsistunt in composito substantiali: id est, natura Christi humana fit pars totius substantialis subsistentis per hypostasim Verbi. Neque propterea sunt duæ personæ in Christo, sed unica: propter unitatem hypostasis, à qua sumitur denominatio personæ.

43. Quintò, cum dicimus subsistentiam propriam humanitatis suppleri à Verbo, non aliud intelligimus, quàm quòd modò dictum est, id est, fieri ut adiectivè subsistat in Verbo, & per Verbum, quæ alioqui per seipsam subsisteret. Quod non minus verè dici potest, quàm quòd Deus suppleat concursum subiecti in accidentibus eucharisticis, quando actione potentiore facit, ut à se solo pendeat, quæ alioqui deberent naturaliter à subiecto pendere: & loco essendi in alio, facit ut sint quodammodo in se, & per se, id est, seorsim à subiecto. Neque est necesse, ut quidquid dicitur supplere vices alterius, idem præstet, aut eodem modo: sufficit enim præstare æquivalens, & multò magis præstare aliquid perfectius, & conducibilius.

44. Alia duo argumenta postrema, quibus contendunt Aduersarij non posse dici verè, & propriè, quòd humanitas Christi subsistat subsistentia Verbi, soluta fuerunt dis. 1. sect. 3. n. 25. & 27. Ad quem locum malo lectorem remittere, quam idem inutiliter repetere. Addo dumtaxat malè ab illis reprehendi modum loquendi, quo non modò Theologi, sed etiam sancti Patres frequenter vsi sunt: Verbum divinum scilicet supplere hypostasim humanitatis, & humanam Christi naturam subsistere per subsistentiam Verbi. Idem affirmant Athanasius, Euthymius, Damascenus, & alij, quando dicunt Filium Dei seu Verbum divinum factum esse subsistentiam humanitati Christi, & eius carni. Quod in re ipsa, & æquivalenter est dicere subsistentiam Verbi esse loco propriæ subsistentiæ humanitatis, & humanitatem fieri

Quomodo
subsistentia
humanitatis
verè dici
catur sup-
pleri à Ver-
bo?

Quomodo
res dicantur
subsistere
per usum
suæ suffi-
cientiæ?

subsistentem per illam, communicantem ipsi suum veluti formalem effectum, dum sit illius subsistentia. Verba D. Athanasij contra Valentinum, citati ab Euthymio in Pannoplia parte 1. tit. 9. cap. 2. pag. 180. versu Ipse, sic habent: Ipse quidem filius & Deus passus esse dicitur propter unam hypostasim diuinitatis, quæ & ipsi humana natura facta est hypostasis. Sic enim legendum est, iuxta Græc. Manuscript. *ὅτι τὸ Ἀποθνήσκειν οὐκ ἔστιν ἐν αὐτῷ*: Et Euthymius ipse in fine tit. 7. pag. 149. Quoniam, inquit, Filius Dei & Deus ipse factus est subsistentia ei quod assumptum est: quod quia sine semine conceptum est, non propriam subsistentiam constat. Græcè, *ὅτι οὐκ ἔστιν ἡ οὐσία τοῦ υἱοῦ ἡ οὐσία τοῦ πατρὸς, ἀλλὰ τὸ ἕκαστον, ἰδιότης*. Et Damasc. lib. 3. de Fide cap. 2. vel iuxta Græcum, cap. 49. *ὁ υἱὸς ἐκ οὐκ ὄντος καὶ οὐκ ἐκ τῆς οὐσίας τοῦ πατρὸς γεννητός, ὁ υἱὸς οὐκ ἔστιν ἡ οὐσία τοῦ πατρὸς, ἀλλὰ τὸ ἕκαστον, ἰδιότης*. Verbum factum subsistentia carni.

SECTIO IV.

An Verbum assumpserit veram humanitatem, & omnes eius partes, sanguinem, capillos &c

45.
Verbum
assumpsit
veram hu-
manitatem.

Prima conclusio, Verbum assumpsit veram humanitatem constantem vero corpore; & vera anima rationali. Est de fide, definita in Concilio Ephes. can. 13. Chalcedon. act. 5. in definitione Fidei; & in VI. Synodo act. 13. can. 4. affirmantibus Verbum assumpsisse carnem animatam anima rationali: quod idem est, ac dicere carnem unitam animæ, ac proinde veram humanitatem. Habetur etiam eadem veritas expressè in Conc. Lateran. sub Innoc. III. cap. Firmiter, de Summa Trinit. & in Symbolo Athanasij.

Assumpsit
verum cor-
pus.

Deinde speciatim quodd assumpserit verum corpus humanum eiusdem rationis cum nostro, non autem phantasticum, ut somniarunt, Marcion, Cerdon, & Manichæi, vel diuersæ rationis à nostro, ut voluerunt Apelles, Apollinaris, & Priscillianistæ apud August. Epiph. & Philastr. de hæresibus, patet ex Ioan. 1. Verbum caro factum est. Luc. 24. Videte quia spiritus carnem, & ossa non habet, sicut me videris habere. Roman. 1. Factus est ei ex semine David secundum carnem. Hebr. 1. Semen Abraham apprehendit. Et cap. 2. Quia pueri communicauerunt carni, & sanguini, & Filius Dei communicauit eisdem. Denique tota historia Evangelica testatur, Christum sumpsisse originem secundum carnem ex Maria Virgine, & secundum eam vidisse, audiuisse, edisse, doluisse, & alias functiones humani corporis obuisse, quæ omnia fuissent simulatoria, nisi Verbum verum corpus humanum assumpsisset. Hoc etiam expressè definiunt Concilia pro sequenti parte citanda. Nec obest illud 1. Corinth. 15. Primus homo de terra terrenus, secundus homo de celo celestis. Dicitur enim Christus homo celestis, non

quodd corpus celeste habuerit, sed quia vitam celestem, id est, sanctam duxerit: vnde subiungit Paulus. *Qualis terrenus, tales & terreni: qualis celestis, tales & celestes*. Addit S. Thom. qu. 5. art. 2. ad 1. Christum dici de celo alia duplici de causa. Primò, quia naturam habet diuinam, quo sensu dicitur Ioan. 3. Nemo ascendit in celum, nisi qui descendit de celo, Filius hominis, qui est in celo. Secundò, ratione originis miraculosæ, ac planè diuinæ à Spiritu sancto, sine operatione viri.

Secundò, quodd veram quoque animam rationalem assumpserit patet ex Ioan. 12. Nunc anima mea turbata est. Et Matth. 26. Tristis est anima mea usque ad mortem. Et Luc. 22. Non mea voluntas, sed tua fiat. Et cap. 25. Pater in manus tuas commendo spiritum meum. Et Psalm. 15. Non derelinques animam meam in inferno. Quod de Christo interpretatur Petrus Actor. 2. Idem etiam definierunt Concilia, Roman. sub Damaso, ut testatur S. Hieron. in additamento ad Chronicon Eusebii sub Anno 379. Ephes. Chalced. & VI. Synodus generalis locis supra relatis nu. 28. Toletan. XI. in professione Fidei, Constantinopolit. II. Act. 8. can. 4. contra Arianos affirmantes Verbum non assumpsisse animam, sed fuisse corpori loco animæ. Et contra Apollinarem aiètem Verbum assumpsisse animam sentientem, & non mentem seu rationalem, quippe quæ in Christo non esset. Confirmatur, quia Christus alioqui non potuisset orare, mereri, satisfacere. Hæc enim Verbo per se non conueniunt, nec animæ tantum sentienti. Item, cum Verbum venerit ad hominem redimendum; debuit præcipuè assumere id, quodd præcipuè ceciderat, id est, animam rationalem.

Tertiò, quodd assumpserit corpus & animam unita inter se, adeoque veram humanitatem, patet, quia passim in Scriptura Christus vocatur homo & filius hominis, filius Abraham, filius David, (filius autem debet esse eiusdem naturæ cum eo cuius filius dicitur) narraturque exercuisse vitales operationes quæ sunt totius compositi, & supponunt unionem animæ cum corpore: itemque esse mortuus, per dissolutionem scilicet unionis animæ cum corpore; & resurrexisse, restaurando scilicet unionem. Idem quoque disertè definitur in Conciliis Ephesino can. 13. Chalcedonensi actione 5. in definitione Fidei, & VI. Syn. actione 11. in epist. Sophronij, & actione 13. cap. 4. & in Symbolo Nicæno ubi dicitur Dei Filius factus esse homo. Non esset autem homo nisi constaret corpore & anima rationali unitis. Hæc enim est essentia hominis, quæ est homo formaliter quidquid est homo. Deniq; in Symbolo Athanasij de Christo dicitur. *Deus & homo est. Deus est ex substantia Patris ante sæcula genitus: & homo est ex substantia matris in sæculo natus. Perfectus Deus, perfectus homo, ex anima rationali & humana carne subsistens*.

Secunda conclusio: Verbum non tantum assumpsit corpus & animam, & partes

8 Thom.

46.

Assumpsit
veram ani-
mam ratio-
nalem.

Concil.
Romanum.

Ephes.
Chalced6.
VI. synod.
Toletan.

47.

Assumpsit
corpus &
animam
unita inter
se.

Ephesina;

48.

a. Concl.
Verbum af-
sumpsit
omnes par-
tes naturæ
humanæ.

Illas corporis quæ animâ informantur : Sed etiam omnes alias quæ pertinent ad integritatem, aut veritatem, vel munimentum, aut ornamentum corporis humani naturaliter spectati, ut sanguinem & alios humores, ungues, dentes, capillos, &c. Declaratur & probatur conclusio. Primò, sermo hic est de vnione immediata huiusmodi partium in seipsis, & non tantum in alio seu per aliud. Neque enim dubium est, quin omnes aliæ partes Verbo vnitæ fuerint, saltem mediatis partibus essentialibus humanitatis, corpore scilicet & anima, quæ duo saltem fuisse immediatè vnita hypostasi Verbi, constat ex eo quòd post mortem, & separationem à se inuicem, mansit vtrumque hypostasi Verbi vnitum, ut ostendemus sectione sequenti.

Partes hu-
manitatis
sunt dupli-
ces.

Secundò, partes humanitatis duplices sunt. Quædam sunt essentielles, sine quibus humanitas nec esse nec intelligi potest. Aliæ integrales, sine quibus licet possit esse vel concipi, pertinent tamen ad eius complementum & naturalem integritatem; ita ut sine illis manca & defectuosa, atque imperfecta foret. Et hæc rursus duplices sunt. Quædam animatæ & viuentes, seu vita tantum vegetante, ut ossa; seu etiam sentiente, ut caro, nerui, muscoli. Aliæ sunt inanimatæ, ut sanguis, & alij humores primarij, pituita, bilis, & melancholia, spiritus vitales, & animales, itemque ungues, & capilli, quos probabilius est non viuere, sed crescere tantum per iuxta-positionem, ut docet experientia. De dentibus verò probabilius est viuere vita vegetante, ut ossa; videntur enim crescere similiter ut illa per intus-susceptionem. Porro hæc omnia esse aliquo modo de veritate, integritate, & perfectione humanitatis; patet, quia sine illis homo esset mancus & imperfectus naturaliter, ac defectuosus, imò sine quibusdam v.g. sine sanguine, non posset naturaliter viuere. Valent etiam hæc partes, quamuis inanimatæ, vel ad fomentum & conseruationem vitæ, vel ad iuuandas vitales operationes, vel ad munimentum, & ornamentum naturale corporis.

49.

Quædam
sunt in cor-
pore huma-
no merè
adscititia.

Præter hæc verò quædam alia sunt in corpore humano vel merè adscititia, ut cibus & potus in stomacho receptus, & chylus, ac cremor ex eo formatus, antequam vertatur in sanguinē: vel merè excrementitia ut saliva superabundans, sputum, sudor, lachryma, & similia. Dixi, saliva superabundans: Illa enim quæ naturaliter necessaria est ad os irrigandum, videtur esse de integritate, ut alij humores supra dicti: quippe sine qua homo esset imperfectus & æger. Magnam enim siccitatem in ore pateretur, neque loqui posset, & cibos deglutire. Vnde saliva, quanta ad hunc effectum necessaria est, non est merè excrementitia: ut ex eo confirmatur, quòd corporibus Beatorum non deerit, ut neque sanguis, & humores supradicti, neque capilli & ungues, & alia sine quibus corpus

humanum foret imperfectum.

De huiusmodi merè adscititiis, aut excrementitiis, nulla est ratio affirmandi fuisse secundum se hypostaticè vnita: cum priora nondum in partem corporis humani transierint: posteriora nunquam pars eius fuerint, vel iam esse desierint. Vnde etiam non erunt in Beatis, in quibus tota & integra erit humana natura.

De prioribus verò ratio generalis cur fuerint assumpta hæc est: quia cum Verbum assumpserit naturam humanam, non debet existimari sumpsisse mancā & imperfectā. Dei enim perfecta sunt opera, & multò magis istud omnium operum maximum. Ergo quæcumque pertinent ad integritatem naturæ humanæ, fuerunt per se assumpta à Verbo, ut vi assumptionis verè dici possit fuisse assumpta perfecta & integra natura. Deinde speciatim de partibus omnibus animæ informatis, quas nemo ferè ambigit fuisse immediatè assumptas, ratio specialis est, quia hæc sunt verissimè & propriissimè partes humanitatis, sine quibus mutila esset & deformis: neque rationaliter dubitari potest quin Verbum omnes saltem huiusmodi partes, & adæquatum animæ subiectum sibi vniuerit: maximè cum illa vnio facta sit ad corpus humanum per se, & quā tale: & omnes illæ partes sint de constitutione intrinseca corporis humani quā talis: vnde non fuit ratio cur aliqua excluderetur.

De sanguine quoque rem certam esse existimo: nec desunt qui affirmant id definitum fuisse à Clemente VI. in decreto misso ad Inquisitorem Catalauniæ, necnon à Pio II. & à Paulo II. Sed hoc incertum faciunt, tum quæ refert P. Ioan. Delugo disp. 14. sect. 7. n. 103. & 104. cui diu exercita, & magnopere probata in Societate Iesu virtus & pietas, tum verò in Hispania ac Romæ Theologia magnā cum laude pluribus annis tradita, multisque deinde voluminibus peruulgatis spectata singularis eruditio, suffragatæ sunt apud Urbanum Summum Pontificem eius nominis octauum, ut eum cum hæc typis ederemus, in Purpuratorum Patrum Collegium ascisceret, summo tamen prius obedientiæ imperio, ne refugeret, atque ex instituto Societatis excusaret eam dignitatem, interposito: Tum etiam id quod scribit Henricus Spondanus Apamiensis Episcopus in Annal. Ecclesiasticis ad Annū Christi 1462. n. 12. vbi narrat, Brixia sub id tempus motam fuisse grauem controuersiam inter Minores & Fratres Prædicatores, illis negantibus, istis contra affirmantibus sanguinem fuisse in triduo mortis fuisse vnitum hypostaticè. Pium II. aduocatis vtriusque ordinis Theologis re discuti inter eos fecisse, deinde cum Cardinalibus de ea plerisque diebus tractasse. Maiorē partem sententiā Prædicatorum approbasse, paucos cum Minoribus sensisse. Pium quoque in maiori parte fuisse: sed non esse vilius eo tempore decretū fieri declarationis, ne multitudo Minorum,

50.

Probat
partes hu-
manitatis
fuisse as-
sumptas.

51.

Probat
sanguinem
fuisse as-
sumptum.

S 2

quorum erat contra Tarcos prædicatio necessaria, offenderetur: ac propterea in aliud tempus decisionem referri placuisse. Quam tamen ei nunquam placuit plenè decidere: sed biennio post, anno 1464. die ante obitum 15. Constitutionem edidit, quæ, ad pacem inter illos ordines, & in vniuersa Ecclesiæ conseruandam, statuit nulli Fratrum prædictorum, aut aliorum quoruncunque ordinum, deinceps licere de supradicta dubitate disputare, prædicare, vel publicè, aut priuè verbum facere, seu aliis suadere, quoddam hæreticum, vel peccatum esset tenere, vel credere sacratissimum Christi sanguinem triduo illo ab ipsa diuinitate quomodolibet fuisse, vel non fuisse diuisum, vel separatum: donec super ea dubitate, quid tenendum esset, foret per ipsum, vel Sedem Apostolicam definitum: pœnâ excommunicationis, & inhabilitatis ad quoscunque actus legitimos huius decreti violatoribus irrogatâ. Quod tamen statutum non fuit eo rigore seruatum, & vsu receptum, vt qui secuti sunt Theologi ab ea quæstione in scholis agitando, & scriptis libris tractanda abstinuerint, non modò Vasques, & Suares, quos solos nominat Spondanus, & obiter carpere videtur, velut huius decreti ignaros, aut immemores: sed & Gabriel in Canon. lect. 53. Maior in 3. distinct. 25. Syluester in Rosa aurea tract. 3. quæst. 30. Dominic. Sotus in 4. distinct. 10. quæst. 1. art. 2. Caiet. Bart. Medina, Alvarez, Gamachæus, Yzambertus, ad 3. p. D. Thom. qu. 5. & quotquot alij alicuius nominis Theologi de Incarnatione ab eo tempore scripserunt: vt omittam plures alios ab istis citatos, quorum non pauci contrariam sententiam graui censura notant.

Clemens
VI.

Indubitata verò est definitio Clemētis VI. in Extrauag. *Vnigenitus*, de pœnitentiis & remissionibus, vbi de Christo sic loquitur: *In ara crucis innocens immolatus, non guttam sanguinis modicam, que tamen, propter unionem ad Verbum, pro redemptione totius humani generis suffecisset (ob dignitatem scilicet effundentis) sed velut quoddam profluvium noscitur effudisse.* Vbi verba illa, propter unionem ad Verbum, ad sanguinem, de quo proximè loquutus est, melius & planius referuntur, quàm ad Christum ipsum, de quo remotius sermo est. Imò non possunt ad Christum aptè referri. Nam Christus non est vnitus Verbo, sed natura humana Christi, eiusque partes, inter quas sanguis numeratur. Confirmatur ex Scriptura quæ ad Hebr. 2. æquè dicit Filium Dei participasse, id est, vnitum fuisse, carnī, & sanguini, eodemque modo loquitur de vtroque, significans fuisse simili modo vnita: Similiterque Cyrillus Alexandr. & Epiphanius relati à Suare disput. 15. sect. 6. circa medium, affirmant Verbum carnem & sanguinem assumpsisse, & non tantum animam humanam, sed etiam carnem & sanguinem participasse.

§ 2.

Fauet etiam ratio philosophica, iuncto

hoc principio Theologico, sumpto ex Damasc. lib. 3. de Fide cap. 6. Verbum diuinum totam naturam humanam assumpsit, id est, omnes eius partes. Atqui sanguis est pars naturæ humanæ. Ergo assumpsit sanguinem. Assumere autem substantiam capacem vniōis hypostaticæ per se, est illam sibi vnire hypostaticè immediatè, terminando illam loco propriæ subsistentiæ: ergo &c. Minor, quod scilicet sanguis sit pars humanæ naturæ, probatur ex Galeno lib. 2. de Elementis in principio: Vbi quatuor humores sanguinem, bilem &c. vocat elementa corporis animalium. Et lib. 1. Elementorum dicit elementum vocari, partem rei minimam. Itaque sanguis & alij humores sunt partes corporis humani, cuius sunt elementa. Probatum etiam ex Aristotele lib. 2. de partibus animalium cap. 1. initio, vbi sanguinem numerat inter partes animalis. Galeno autem & Aristoteli ceteri omnes Medici & Philosophi communiter assentiuntur. Idem etiam docent Theologi cum D. Thoma qu. 54. art. 2. ad 3. & qu. 76. art. 2. ad 2. Trident. denique idem supponit sess. 13. cap. 3. cum ait sanguinem Christi esse sub speciebus panis Eucharistici, vi naturalis illius connexionis, quæ partes Christi Domini inter se copulantur. Quo loquendi modo apertè docet sanguinem esse partem corporis humani. Scriptura quoque humanitatem sæpe vocat *carnem & sanguinem*: Matth. 16. ad Galat. 1. ad Ephes. 6. ad Hebr. 2. Neque tantum requiritur sanguis per modum nutrimenti, alioqui posset sine illo aliquandiu animal conseruari, & non deberet esse in Beatis qui non indigent alimento: sed simpliciter ad corporis consuetudinem, ad fouendum omnia membra, ad conseruandum calorem naturalem vitæ per necessarium, & velut quoddam generale organum ad operationes animæ exercendas, præsertim ad effectus iræ, audaciæ, & similes, ad spiritus vitales & animales conseruandos, qui ad vitæ conseruationem & vsum sensuum maximè necessarij sunt, iuxta doctrinam Medicorum. Cum ergo Verbum integrè & perfectè naturam humanam assumpsit, debuit vi assumptionis vnire sibi sanguinem qui est de perfectione & integritate naturæ humanæ. Nec obest quod Aristoteles & S. Thom. dicunt interdum, sanguinem non esse partem viuētis, vel non esse partem actū sed potentiā. Id enim intelligūt de parte viuente & informata anima, quæ non informatur sanguis nisi postquam per nutritionē conuersus est in substantiam viuētis.

De aliis humoribus, & partibus inanimatis, res non est adeo certa: quia nullam de his habemus Ecclesiæ definitionem. Verumtamen cum hæc quoque sint de perfectione & integritate naturali corporis humani, & ad conuenientem illius statum requirantur, ideoque futura sint in corporibus resurgētium; probabilius est assumpta fuisse, vt docent Caietanus, Syluester, Sotus, & alij quos refert & sequitur Suares disput. 15.

Idem probatur ratione.

Sanguis est pars naturæ humanæ.

Galeni.

Aristoteli.

D. Thom.

Confirmatur
ex Scriptura.

§ 3.

Idem probatur de aliis humoribus.

sect. 7. Idemque sentio de rore, cambio, & glutine, qui sunt humores quidam medij ex sanguine facti, priusquam fiat vltima eius conuersio in substantiam viuientis, posito quòd tales humores sint partes corporis humani, & de illius integritate, quod Medicis iudicandum relinquo. Sed non assentior Suari supra, cum ait hos humores fieri ex cibo priusquam vertatur in sanguinem. Hoc enim est contra experientiam, & doctrinam Medicorum. Cum autem dico hæc omnia fuisse immediatè vnita Verbo hypostaticè; intelligo secundum materiam, quæ constant, capacem subsistentiæ: non autem secundum formas eorum materiales, & accidentia, quæ vt alibi ostendimus, non possunt assumi hypostaticè secundum se.

SECTIO V.

Respondetur argumentis contrariæ sententiæ.

§ 4. **C**ontra secundâ conclusionem senserunt Durandus in 4. distinct. 10. quæst. 1. num. 19. & Gabriel Lectione 53. in can. littera K. affirmantes sanguinem non fuisse immediatè vnitum Verbo hypostaticè, sed tantum remotè fuisse assumptum, quatenus erat coniunctus naturæ humanæ quæ erat vnita Verbo. Cuius sententiæ, ab aliis communiter reiectæ, & à non paucis grauiter reprehensæ, fundamenta præcipua hæc sunt. Primum: Quia ex nostra sententiâ sequeretur absurda & indecens communicatio idiomatum, quòd Deus esset sanguis, esset effusus, esset diuisus, &c. Imo quòd sanguis esset caro, & esset homo, & similia, quæ videntur intoleranda. Similiter si Verbum assumpsisset alia prædicta, factum esset dentes, & pili, & ungues, quod videtur esse ridiculum. Deinde si Verbum sanguinem assumpsisset; maxime vt illi daret pretium infinitum & sufficiens ad nostram redemptionem, vt Theologi à Pio II. consulti supponere videbantur. At hoc non est necessarium. Sanguis enim habebat infinitum valorem meritorium & satisfactorium, ex dignitate fundentis & offerentis: sicut & sudor, & lachrymæ, licet non secundum se vnitæ. Et satisfactionis, aut meriti infinitudo petitur ex dignitate satisfaciæntis aut merentis, non autem ex dignitate rei oblatæ. Alioquin Beata Virgo offerens filium in cruce, meruisset aut satisfecisset infinitè: & contrâ, Christus sudans, aut lachrymans, non meruisset infinitè. Denique si Verbum assumpsisset sanguinem, nunquam eum dimisisset, iuxta axioma Damasceni lib. 3. de Fide cap. 27. *Quod semel assumpsit, nunquam dimisit.* Atqui partem illius dimisit, & in terris reliquit post resurrectionem, vt patet ex læcea, clauis, spinis, & aliis Christi sanguine tinctis, religiosè asseruatis, & quibusdam eius guttis seu particulis, quæ

Mantuz, Billomi, alibique adhuc extare dicuntur.

Ad primum Respondeo negando sequentiam. Quia communicatio idiomatum non fit inter Verbum, & partes illas quæ in communi modo loquendi non solent accipi pro toto; sed inter totum & totum, inter Verbum & hominem. Totum, inquam, vel physicè, vel moraliter secundum partes illas quæ communiter solent pro toto accipi: Quod addo, quia, vt rectè notat Cardinalis Delugo disp. 14. num. 53. & sequentibus, prædicata partium, quæ tribui solent homini simpliciter & absolute, dici etiam possunt de Verbo; non verò ea quæ de homine non dicuntur. Ratio est, quia vnio facit vt Verbum dicatur homo: atque adeo vt quæ dicuntur de homine, dicantur etiam de Verbo. Cum ergo de homine dicatur v.g. sepultum esse ratione corporis, & esse in cælo ratione animæ (sic enim solemus loqui de sanctis, & de Christo ipso Symbolum Apostolorum ita loquitur) hinc est quòd Verbum dici potest fuisse sepultum ratione corporis Christi, & descendisse ad inferos ratione animæ. Homines autem non loquuntur de parte aliqua perinde ac si esset totum, nisi pars illa sit principalis. Nam v.g. licet dicamus sanctum Petrum iacere Romæ ratione corporis; non tamen id diceremus si sola eius manus, vel sanguis etiam totus ibi esset: quare idiomatum communicatio non potest ad huiusmodi partes extendi. Sed neque prædicata partium principalium, corporis scilicet & animæ, quæ significant officium partium, tribui solent toti. Neque enim dicimus homo informat, homo componit cum anima; licet anima informet, & corpus componat cum anima. Quare similiter dicendum non est Verbum informat, Verbum subiecit formas partiales, & cum illis componit, vel cum anima, vt corpus.

Ad secundum Respondeo, sanguinem quidem ab vnione cum Verbo fuisse infinitè nobilitatum, vt supra vidimus assertum à Clemente VI. in Extrauag. *Vnigenitus*: tamen si voluntaria eius effusio per Christum facta, aliunde fuisset infinitè meritoria. Verum hæc non est sola vel præcipua ratio cur affirmet Theologi communiter sanguinem fuisse assumptum: sed quia Verbum integrâ naturam humanam assumpsit, vt fert traditio veterum Conciliorum, Ephesini, Chalcedon. Synodi V. & VI. Generalis, & sanctorum Patrum, quorum testimonia videri possunt apud Suar. & Vasq. locis supra citatis.

Ad tertium respondent aliqui, resumpsisse Christum in resurrectione sanguinem totum quem in passione effuderat, nihilque in terris reliquisse, sed in passionis instrumentis mansisse tantum colorem sanguinis: & eum qui diuersis in locis religiosè asseruatur, non esse verum Christi sanguinem, sed miraculosum, qualis ille erat qui Berici effluxit ex imagine Christi à Iudæis percussa, vt narratur in Nicæno II. actione 4. referturque ex cuiusdam Athanasij libro de

§ 5. Soluitur primum eorum argumentum.

Delugo

Communicatio idiomatum inter quæ fit.

§ 6. Diluitur secundum

Ad 3. solutio quorundam in sufficiens.

Turrecr.
S. Thoma.

An Christi
aliquid
sanguinis
sui relique-
rit in cla-
uis, spinis
&c.

57.
Aliorum
responsio.

Passione imaginis, qui extat inter opera sancti Athanasij magni, quamvis illius omnino non sit. Nam historia illa diu post magnum Athanasium contigit. Ita Turrecremata, in caput *Inuitat*, distinct. 2. D. Thomas qu. 4. art. 2. ad 3. & Athanasius idem qui supra, eodem libro. Verum negari non potest quin in passionis instrumentis, & reliquiis, spinis, clavis, sudario &c. manserit aliquid sanguinis, sicut hucusque apparet: siue retenta forma sanguinis, siue corrupta. Nam reliquiae illae in talem colorem mutari non poterant, nisi mutata sua substantia & temperamento. Haec autem mutatio non contigit, nisi quis velit multiplicare miracula sine necessitate. Deinde Pius II. in Bulla à Sylvestro relata, ad Abbatem quendam Xantonensem, ait non repugnare fidei, affirmare Christum partem aliquam sui sanguinis in terra reliquisse: sicut Abbas ille & Christiani eiusdem loci credebant à tempore, cuius memoria non extabat, habere se portiunculam quamdam eius sanguinis. Platina quoque in vita Leonis tertij narrat Pontificem illum inuisisse sanguinem Christi, qui Mantuae asseruatur, & approbasse propter frequentiam miraculorum, eaque de re Carolum magnum certiores fecisse. Et verò Christus resurgens non egebat toto sanguine quem ante mortem habebat: nam Beati non habent opus sanguine velut alimento ad nutritionem, propter quam maior eius copia in vita mortali requiritur, & propter spirituum consumptionem.

Propter hæc & similia respondent alij, Christi, quemadmodum & hominum aliorum, duplicem fuisse sanguinem: vnum nutritivum, qui non informatur anima, neque est pars humanitatis, vel de eius integritate; sed solum deferuit in alimentum. Alterum perfectum, magis decoctum, & informatum anima rationali. Priorem non fuisse unitum vnquam hypostaticè, neque à Christo post passionem resumptum; & illius adhuc reliquias & partes extaressecus autem posteriorem. Atque ita Christum non dimisisse quod assumpsit. Verum hæc distinctio sanguinis nullum habet fundamentum in Philosophia & Medicina, neque in experientia. Nullum enim est indicium talis distinctionis substantialis inter sanguinem & sanguinem, sed potius totus sanguis apparet vniformis & eiusdem rationis, totusque potest seruire in alimentum, & eò melius, quod purior & decoctior est. Deinde hæc distinctio repugnat definitionibus Summorum Pontificum, & Conciliorum supra citatorum, quæ absolute & indefinite pronunciant, Verbum assumpsisse sanguinem, & mansisse unitum illi post effusionem, & vnâ eius guttam suffecisse ad totius mundi redemptionem. In doctrinalibus autem locutio indefinita æquivaleret vniuersali. Neque vnquam sancti Patres, vel Concilia, & Summi Pontifices meminerunt talis distinctionis.

Propterea censeo dicendum, totum sanguinem à Christo effusum fuisse Verbo unitum ante effusionem, & mansisse unitum post effusionem, donec à Christo planè dimissus est, vt contigit illis sanguinis guttis, quas Christus resurgens reliquit in terris nunquam amplius assumendas. Probabile autem est aliquas reliquisse in clavis, spinis, & aliis passionis reliquiis. Non enim verum puto quod ait Vasques disput. 36. cap. 8. nu. 42. Sanguinem in reliquiis passionis relictum, fuisse subito mutatum in aliam substantiam rubri coloris, quæ sola remanserit in prædictis reliquiis. Vnde enim tam subita mutatio? Non certè naturaliter, vt per se notum est. Miracula autem non sunt hic multiplicanda sine necessitate, vt idem monet num. 43. Postquam ergo illa sanguinis particulae fuerunt penitus à Christo dimissae in resurrectione, & reipsa seu in executione separatae ab aliis resumptis; deserunt vniri Verbo, cui non vniebantur nisi in ordine ad humanitatem, & tanquam eius partes. Quemadmodum ante passionem deserunt esse unitæ Verbo partes illæ corporis Christi, quæ numquam amplius assumendae relinquebantur, vt pili decedentes, ungues resecti, sanguis & spiritus vitales consumpti per vitales operationes, caro præputij abscissa in circumcisione, & Romæ asseruata in Basilica Lateran. Quod autem refertur ex Damasceno, *Quod semel assumpsit, nunquam dimisit*, nusquam ab illo sic pronunciatum est: sed cap. illo 27. tantum ait, licet per mortem anima fuerit separata à corpore, vtrumque tamen mansisse Verbo unitum. Eoque sensu axioma illud commune intelligendum est: quod nimirum Verbum nunquam dimiserit animam semel sibi unitam, neque corpus moraliter sumptum prout idem numero mansit, non obstante aliqua partium variatione: ac neque partes ipsas dimisit quamdiu fuerunt Christi partes actu vel potentia, vt de sanguine diximus. Humanitatem verò ipsam dimisit sine dubio in triduo mortis, quo tempore illa non fuit: & similiter dimisit particulas corporis quæ per diminutionem effluebant & peribant, quando nudis pedibus ambulabat, & manibus laborabat ante annum trigesimum; quando nutritur & patiebatur à reactione cibi, quando consumebat spiritus vitales & animales, fatigabatur, sudabat, & alia nobis similia patiebatur.

58.
Vera solutio.

Vasquez.

Sanguis relictus & nunquam resumptus desinit esse unitus Verbo.

SECTIO VI.

*Quo ordine Verbum assumpsit
humanitatem, & eius
partes?*

NOta primò, triplicem esse ordinem de quo quaestio proposita moueri potest. Ordo triplex.

præcedit duratione, seu prius alio existit. Secundus est ordo intentionis, quo vnum est alteri ratio cur appetatur, aut cadat sub voluntatem. Ut quando volumus mediū propter finem. Finis enim prius intenditur, quam medium, quod non appetitur nisi dependenter à fine, id est, propter finem. Tertius est ordo executionis, quo vnum alio prius est, aut fit, naturā saltem, ob dependentiam aliquam vnius ab alio in ipsa existentia, & non solum in intentione operantis. Puta, quia vnum est physicē causa alterius, vel est via & dispositio ad illud.

60. De primo ordine nulla est controuersia inter Catholicos. Est enim de fide non fuisse ordinem temporis in assumptione humanitatis, & omnium eius partium quæ extiterunt in instanti generationis: sed hæc omnia fuerunt simul tempore eodemque instanti assumpta. Nam humanitas Christi fuit assumpta in ipso utero Virginis, primo scilicet instanti, quo extitit, ut contra Cherynthum & Nestorium definitum fuit in Concilio Ephes. can. 13. Corpus quoque & anima non præextiterunt generationi, & vnioni hypostaticæ, ut contra Origenem & alios hæreticos definitur ibidem, & in VI. Synodo generali actione XI. in Epist. Sophronij, quæ approbatur actione XIII. Dixi autem, *partes quæ extiterunt in instanti generationis*: quia partes aliæ, quæ deinde acceperunt per aggenerationem & nutritionem, non fuerunt vnitæ in primo instanti generationis, quippe quæ tunc non erant: sed postea fuerunt vnitæ, cum primum partes humanitatis Christi factæ sunt.

61. De secundo ordine conuenit inter Theologos fuisse ordinem intentionis in assumptione humanitatis & eius partium. Nam corpus propter animam assumptum est, & anima propter mentem nobilissimam eius partem. Corpus verò & anima propter humanitatem. Quare humanitas fuit prior in ordine intentionis diuinæ, quia fuit ratio motiua cur Verbum corpus & animam assumeret. Et similiter anima fuit prior corpore, quia fuit ratio motiua propter quam corpus assumptum est à Verbo. Ratio est, quia Verbum assumpsit id quod erat minus perfectum, propter id quod erat perfectius. Ergo assumpsit corpus propter animam; & animam propter mentem, nobilissimam eius partem: id est, assumpsit animam quia erat rationalis & intellectualis. Mentem denique propter humanitatem: quia illud quod per se primò intentum fuit in hoc mysterio, est ut Verbum fieret homo. Quare assumptio totius humanitatis fuit per se primò intentum: partes verò assumptæ sunt propter humanitatem, quia ad illam componendam sunt necessariae. Legatur S. Thom. qu. 6. art. 1. & sequentibus.

62. De tertio ordine, nempe executionis, magna est controuersia, obscura, & perplexa apud auctores. Quæ ut explicetur, Nota secundò, medium executionis in

assumptione multiplex posse intelligi. Vnum est medium necessitatis, sine quo scilicet assumptio fieri nequiverit. Alterum est congruitatis: sine quo fieri quidem potuerit, sed non adeo conuenienter. Et rursus medium necessitatis potest intelligi, vel respectu ipsius substantiæ rei, id est, respectu assumptionis ipsius, & incarnationis secundum se: vel respectu finis alicuius ad quem refertur, puta, respectu satisfactionis & redemptionis. Tertio, utrumque medium, siue necessitatis, siue congruitatis, diuiditur in medium quod, & medium quo. Prius est illud quod prius natura assumitur, ut mediante illius assumptione aliud assumatur. Posterius est illud quod non prius quidem assumitur, sed tamen præparat & disponit aliud ut assumatur. Ita ut istud pendeat ab illo, non ut assumpto, sed ut præparante & disponente ad assumptionem alterius. Quarta denique medium vnum est distantia, seu colligantia, ut loquitur Richardus in 3. dist. 2. art. 2. qu. 2. ad 1. nempe quod est commune vinculum inter ea quæ vniuntur, ut gluten inter duo agglutinata: Alterum dicitur vnionis, seu assumptionis, quod nempe est ratio assumendi aut vniendi aliud.

His præmissis, Dico primò perfectam corporis organizationem (quæ ut docent communiter Theologi cum D. Thom. quæst. 33. facta est in instanti, per infinitam virtutem Spiritus sancti, concurrente obedientialiter Beata Virgine) perfectam, inquam, organizationem, non modò accidentalem per dispositiones, sed & substantialem per formas partiales carnis, ossis, neruorum, & aliarum partium dissimilariarum, fuisse medium quo respectu assumptionis corporis. Probat, quia corpus non fuit assumptum à Verbo, nisi quia erat corpus humanum, habens ordinem ad animam rationalem, ut ait S. Thom. qu. 6. art. 1. in corpore. Humanum, inquam, saltem perfectè, & proximè aptum ad recipiendam animam rationalem. Atqui fuit tale per organizationem perfectam modò explicatam: quare organizatio perfecta fuit illi causa, velut dispositio prærequisita, ut assumeretur à Verbo hypostaticè. Quod autem est alteri dispositio, ut assumatur, est naturā prius illius assumptione, tanquam medium executionis ad illam: ergo &c.

Notandum tamen, medium illud fuisse tantum medium quo. Nam dispositiones illæ, & formæ partiales organice non fuerunt prius assumptæ quàm corpus: imò ne fuerunt quidem assumptæ. Item fuit illud medium tantum congruitatis. Nam absolute poterat corpus assumi sine tam perfecta dispositione: quemadmodum mansit etiam vnitum hypostaticè in triduo mortis Christi, dispositione illa corrupta. Vnde tertio collige, medium illud non fuisse ad conseruari simpliciter, sed ad fieri assumptionis, ut docet S. Thom. quæst. 6. art. 1. ad 3. Potest autem quidpiam pendere ab aliquo in fieri, à quo

Non fuit
o tēp-
ris in as-
sumptione.

VI. synod.

Fuit tamen
ordo inten-
tionis.

S. Thom.

62.
Difficultas
est de ordi-
ne execu-
tionis.

Ricard.

63.
Perfecta
corporis
organiza-
tio præiuit
vnioni hy-
postaticæ.

64.

non pendeat in conseruari. Sicut, inquit S. Thom. ibidem, amicitia duorum potest in fieri pendere ab aliquo tertio cuius interuentu sit; & non pendere in conseruari, quia eo remoto permanet. Sic Eucharistia pendet in fieri à physica prolatione Verborum, & à præsentia Sacerdotis consecrantis; à quibus non pendet in conseruari.

65. Dico secundò, vnionem corporis cum anima fuisse quoque *medium quo*, respectu assumptionis corporis, adeo ut ordine executionis corpus fuerit naturà prius vnitum animæ, quàm hypostasi Verbi. Ita expresse affirmat S. Thom. qu. 6. art. 4. ad 3. vbi sic habet: *Prius secundum intellectum oportet quòd caro vnietur animæ, quàm Verbo: quia ex vnione ad animam habet quòd sit vnibilis Verbo in persona.* Et art. 1. in corpore, ait, carnem fuisse assumptam mediante anima, non solum secundum ordinem dignitatis, sed etiam causalitatis, eo modo, quo causa est prior naturà effectui: quia, inquit, ipsa anima est aliquantulum causa carnis vnietur Filio Dei. Non enim esset assumptibilis, nisi per ordinem quem habet ad animam rationalem, secundum quem habet quòd sit caro humana. Ex quibus verbis D. Thomæ hanc rationem colligo: Id quod est alteri dispositio ut assumatur, est naturà prius illius assumptione, & medium ordine executionis. Atqui vnio corporis cum anima est illi dispositio ut assumatur à Verbo: Ergo vnio corporis cum anima est naturà prior assumptione corporis à Verbo, & medium assumptionis corporis secundum ordinem executionis. Huc pertinet quod ait Concilium Ephesinum can. 13. Verbum sibi copulasse carnem animatam animæ rationali. Quod in sententia nostra verum est in sensu formali, & magis proprio.

66. Dixi autem fuisse *medium quo*, non quòd: neque enim vnio corporis cum anima fuit prius assumpta, imò neque anima ipsa, ut dicam paulò post. Item fuit dumtaxat medium congruitatis respectu substantiæ assumptionis. Neque enim vnio illa fuit simpliciter necessariò prærequisita, ut corpus assumeretur; sed tantum ut magis conuenienter assumeretur iam ab anima informatum, factumque viuum & perfectè humanum. Absolutè enim & sine indecentia poterat assumi sine præià vnione cum anima, sicut in triduo mortis Christi mansit vnitum Verbo, facta dissolutione vnionis cum anima. Ad finem tamen satisfactionis, necessarium fuit assumi naturam intellectualem, quæ per suas liberas operationes satisfaceret; neque enim hoc poterat præstare corpus rationali animæ destitutum. Sed non propterea corpus debuit necessariò prius vniri animæ, quàm hypostasi Verbi. Item vnio cum anima, & anima ipsa, fuit quidem medium necessarium ut assumeretur corpus quòd viuum & perfectissimè humanum; quia per animam rationalem sibi vnitam constituitur in tali esse: at non debuit necessariò

præsupponi ut corpus assumeretur simpliciter. Consentunt in hanc sententiam cum D. Thoma omnes antiqui Theologi, ut restatur Vasq. disp. 37. num. 46. quæ idcirco Vasq. tum propter consensum Theologorum, tum propter rationem allatam valde probabilis est. Ex qua sequitur, corpus fuisse assumptum mediante anima, non solum ordine intentionis: sed etiam executionis; quatenus anima corpori vnita, fuit illi ratio & dispositio congruentius assumere.

Dico tertio, vnionem animæ cum corpore non fuisse vice versa medium animæ ut assumeretur à Verbo: neque etiam prius ordine executionis fuisse assumptam animam, quàm corpus: aut corpus, quàm animam: aut animam secundum mentem, id est, secundum gradum intellectualem, prius quàm secundum partem inferiorem & sensitiuam, quæ simpliciter anima dicitur. Ratio primæ partis est, quia anima non est assumpta mediante corpore, tanquam illam disponente, & aptam reddente ad vnionem: cum potius corpus acceperit illam dispositionem & aptitudinem perfectam ab anima, quæ seipsa erat satis apta & disposita. Neque fuit aliud genus causalitatis physice, vel præsuppositionis inter animam & vnionem cum corpore, respectu assumptionis animæ, ut patebit refutando contrarias opiniones.

67. Secunda pars probatur: quia licet anima, eiusque vnio cum corpore, fuerit ipsi corpori medium ut assumeretur à Verbo: non tamen eiusdem animæ assumptio. Neque enim per illam factum est corpus perfectè humanum & viuum, aptumque ut conuenientius assumeretur. Nec similiter assumptio corporis, respectu animæ: nec partis rationalis animæ, respectu sensitiuæ: sed hæc omnia concomitanter se habuerunt sine vlla causalitate, vel præsuppositione vnus assumptionis ad aliam. Et quamuis sicut anima corpori, sic pars rationalis animæ fuerit parti inferiori ratio cur assumeretur: Non propterea tamen debuit assumptio animæ quæ rationalis, præire assumptioni eiusdem quæ sensitiuæ: ut neque assumptio animæ assumptioni corporis. Aliud enim est res ipsa, & aliud eius assumptio. Neque cui præsupponitur res, præsupponitur eiusdem rei assumptio, nec dici debet præsupponi, nisi reperiantur aliquis ordo causalitatis, vel dependentiæ in executione, qui inter prædictas assumptiones non fuit, ut patebit ex sequentibus.

68. Dico quartò, fuisse ordinem executionis inter partes & totam humanitatem, ita ut partes fuerint naturà prius assumptæ tanquam *medium quòd*. Ita D. Thom. qu. 6. art. 5. ad 1. cuius verba sunt: *Verbum assumendi partes humanæ naturæ, assumpsit totam humanam naturam, & sic assumpti prius est prior in via operationis (id est, ordine executionis) intellectu (id est, natura) non tempore. Assumptio autem naturæ est prior in via intentionis.*

Vnio corporis cum anima fuit medium quo: ut assumeretur corpus.

67. Vnio animæ cum corpore ad fuit medium quo respectu animæ.

68. Partes fuerint prius assumptæ quòd respectu totius humanitatis.

Idem communiter Thomistæ, Suares, Mar-
tius, & alij plures ad articulum citatum. Ra-
tio est, quia tota humanitas non fuit vnita
hypostaticè Verbo, nisi per vnionem hypo-
staticam ad corpus & animam rationalem,
quæ loco propriæ & naturalis subsistentiæ
acceperunt diuinam, quæ subsistunt tum si-
mul ad inuicem vnita in composito, tum se-
parata à se inuicem, vt in triduo mortis. Si-
cut ergo esse totius humanitatis pendet in
esse suo naturali à partibus sigillatim sum-
ptis, vel simul sine vnione, eo quod existat in
esse totius, & fiat humanitas ex partium
vnione & coniunctione ad inuicem: sic esse
hypostaticum totius humanitatis pendet ex
esse hypostatico partium singularum, eo
quod fiat tale, & existat in esse totius hypo-
statici, ex assumptione hypostatica par-
tium, accedente vnione naturali earundem
inter se.

SECTIO VII.

Refutantur contrariæ sententiæ.

70.
Prima sen-
tentia con-
traria Du-
randi.

Contrarium sentit primò Durandus in
3. distinct. 2. qu. 2. affirmans nullum à
parte rei fuisse ordinem in assumptione hu-
manitatis, & eius partium: sed tantum esse
penes nostram considerationem, ordinan-
tem res illas propter diuersum gradum no-
bilitatis, quem in illis agnoscit, & propterea
quod fructus incarnationis, qui est redemp-
tio, magis ad vnā quā ad aliam pertinet.
Fundamentum Durandi est, quia non potest
esse ordo à parte rei, neque ex parte assump-
tionis, neque ex parte ipsarum rerum assump-
tarum. Non primum, quia vbi non est di-
stinctio à parte rei inter plura, non potest es-
se ordo à parte rei. Est enim ordo habitudo
plurium ad vnum primum. Atqui non est di-
stinctio à parte rei ex parte assumptionis:
quia vnica tantum est assumptio totius &
partium. Non etiam secundum: quia ordo
secundum rem non potest esse inter ea quæ
sunt idem secundum rem. Atqui totum &
partes vt assumptæ, sunt idem secundum
rem, quia non fuerunt assumptæ quatenus se-
paratæ inter se, sed quatenus vnitæ: partes
autem, vt vnitæ, sunt ipsum totum secundum
rem: ergo &c.

71.
Refutatur.

Respondeo, esse realem distinctionem, &
ex parte assumptionis, & ex parte ipsarum
rerum, inter assumptionē corporis & animæ.
Differunt enim realiter illæ partes inter se: &
assumuntur assumptione partiali diuersa à par-
te rei. Alia enim est assumptio animæ, & alia
corporis, quæ fuerunt sigillatim assumptæ se-
cundū suas entitates realiter distinctas. Vn-
de destructa vnione mutua, manserunt ni-
hilominus vnita Verbo in triduo mortis ea-
dem vnione, quæ per mortem dissolui non
potuit. Humanitas verò, licet non differat
realiter, aut ex natura rei, à partibus vnitis

simul sumptis, & inter se iunctis; differt ta-
men ab illis seorsim sumptis, & seorsim Ver-
bo vnitis. Neque vi illius vnionis vnitur ip-
sa Verbo, nisi accedente vnione mutua par-
tium inter se, quæ vnio est naturā posterior
partibus, & diuersa ab vnione partium ipsa-
rum cum Verbo, estque aliquid quod non est
in natura partium præexistentium natura
prius, etiam vt Verbo vnitarum. Quare fun-
damentum Durandi vtrique ex parte fal-
sum est. Et, quod amplius est, potest in ip-
sum retorqueri. Nam si, vt ipse vult, assump-
tio facta est ad partes vt vnitas, quæ sunt ip-
summet totum formaliter, etiam conceptu
& ratione; ergo non potest esse ordo digni-
tatis inter totum & partes vt assumptas.
Quia vbi non sunt plura, non est ordo. Ne-
que partes vt assumptæ potuerunt referri ad
totum velut aliquid nobilius & magis perti-
nens ad fructum redemptionis: quia partes
simul sumptæ vt vnitæ, sunt re & ratione ip-
sum totum formaliter: adeoque non sunt ali-
quid ignobilius aut minus pertinens ad fru-
ctum redemptionis. Sin autem assumptio
facta est ad partes humanitatis sigillatim:
non tantum fuit ordo rationis secundum in-
tellectū inter totum & partes quoad assump-
tionem: sed etiam realis. Totum enim dif-
fert realiter à singulis partibus, & ex illis, vt
naturā prioribus, existit per compositionem
realem, estque realiter perfectius qualibet
parte.

Secundò, Gabriel in 3. dist. 1. qu. 2. con-
clusionem 3. & Almainus dist. 1. qu. 2. concl.
3. & dub. 1. post 3. conclusionem, censent
esse probabile vnionem hypostaticam fuisse
factam immediatè ad solam animam ratio-
nalem; corpus autem non fuisse vnitum hy-
postaticè secundum se, sed tantum per ani-
mam rationalem tanquam medium quod, &
medium distantia, seu vinculum interme-
dium. Verum pro certo habendum est, cor-
pus, æquè ac animam, fuisse vnitum imme-
diatè vt quod, secundum seipsum, & non tan-
tum remotè per aliud. Et doctrina Gabrie-
lis tanquam periculosa & erronea merito
reiiicitur ab omnibus aliis Theologis, teste
Suarez d. 17. sect. 4. §. *Dico secundò*. Pro certo
enim habendum est, corpus in triduo, imò &
sanguinem à Christo effusum, mansisse vni-
tum hypostaticè. De sanguine id ostendi-
mus sect. 4. De corpore patet à fortiori: ma-
gis enim & principalius ad hominem perti-
net corpus, quā sanguis. Quare si sanguis
secundum se fuit assumptus tanquam pars
naturæ humanæ, mansitque vnitus in triduo
mortis, multò magis corpus. Si autem fuis-
set vnitum mediare tantum & remotè per
animam, non mansisset vnitum hypostati-
Verbi, postquam fuisset auulsus ab anima.
Sicut in catena, annulus A, iunctus annulo
B, mediante annulo intermedio C, non ma-
net vnitus annulo B, rupta vnione cum an-
nulo C.

Quod autem respondet Gabriel quæst. il-
la 2. conclusionem 3. ad 8. Corpus mansisse

72.
2. Sententia
contraria
Gabrielis
& Almaini.

Reiiicitur
vt erronea.

Suarez;

Corpus fuit
immediatè
vnitum hy-
postaticè.

73.

vnitum, non per vnionem sibi inhærentem, sed per gratiam vnionis inhærentem animæ Christi: Nam, inquit, caro Christi mortua in sepulchro, quia non fuit alia formâ substantiali specificâ informata; adhuc dependebat immediatè ad animam, inclinatione naturalis appetitus, quo materia inclinatur ad formam: & mediante anima, ad suppositum diuinum cui anima fuit vnita, non minusquàm si fuisset animæ coniuncta. Hoc, inquam, friuolum & falsum est, malèque confirmatum testimonio Alexandri Alenfis quod perperam mox ibidem Gabriel citat. Nam corpus mortuum non habet naturalem inclinationem ad resumendam animam, magis quàm corpora brutorum mortua ad animarum suarum resurrectionem: Multòque minus ad vnionem hypostaticam, quæ est illi supernaturalis, æquè, ac magis, quàm resurrectio. Et quamuis haberet, non propterea dependeret immediatè ab anima; sicut corpora brutorum non penderent immediatè ab anima sua destructa, quamuis ad illam inclinarentur. Aliud enim est inclinari ad aliquid; & aliud, pendere ab illo, præsertim supposititaliter. Deinde habere inclinationem naturalem ad aliquid vnitum hypostasi Verbi, non est propterea esse vnitum hypostasi Verbi. Estque euidenter impossibile, corpus Christi esse verè vnitum hypostasi, nisi vel illi sit vnitum immediatè secundum se per vnionem sibi inhærentem, seu potius identificatam: vel sit vnitum mediatè per aliud, cui ipsum vnatur, & hoc vnatur hypostasi. At in triduo mortis Christi neutrum fuit, iuxta sententiam Gabrielis: quia neque caro Christi mortua fuit vnita immediatè secundum se: neque mediatè per animam, quia caro non erat animæ vnita. Quare licet tunc anima esset vnita hypostasi, non tamen caro erat vnita hypostasi per animam; quandoquidem caro non erat animæ vnita, & non poterat vniri hypostasi per animam, nisi ipsi animæ vniretur, velut communi vinculo inter carnem & hypostasim. Denique vel corpus Christi habebat tunc propriam suam partialem & naturalem subsistentiam creatam, ita vt in se sisteret, & seipso terminaretur: vel non habebat. Si primum: non erat vnitum hypostaticè. Si secundum: ergo diuina hypostasis supplebat eius subsistentiam, ipsumque immediatè complebat vltimò & terminabat secundum existentiam. Notandum enim iuxta veram sententiam ipsiusmet Gabrielis, Suarez, & aliorum loco infra citando, partes humanitatis habere suam partialem subsistentiam, & quidem naturalem, si non habent diuinam.

74. Terriò, Suarez disput. 17. sect. 1. & sequentibus, censet corpus & animam fuisse prius ordine executionis vnita hypostaticè, quàm vnita inter se. Ita vt fuerint vnita hypostaticè separatim & sigillatim, in signo rationis priori vnione naturali, quàm ad inuicem habent per generationem: Et ex hu-

ijsmodi vnionibus hypostaticis sigillatim factis, priorem fuisse vnionem hypostaticam seu assumptionem corporis, quàm animæ. Probat primò & præcipuè, quia corpus fuit assumptum à Verbo eo instanti, quo debuisset habere propriam subsistentiam. Atqui debuisset habere propriam subsistentiam prius naturâ, quàm anima crearetur; quia corpus organicum perfectè dispositum supponitur naturâ prius productioni animæ, quæ propter eius exigentiam naturalem producit, atque in eo priori exigere habere perfectum & naturalem existendi modum, velut sibi magis intimum & connexum, adeoque priorem ex parte subiecti, quàm sit anima rationalis: ergo prius quoque subsistit per subsistentiam Verbi, adeoque prius assumptum fuit. Similiter anima subsistit per Verbum naturâ prius quàm corpori vniretur, & quàm esset humanitas quæ per talem vnionem existit. Nam prius natura est creari animam & esse, quàm vniri corpori: esse, inquam, completè modo essendi seu existendi connaturali, qui est subsistere, nisi loco illius substituat aliquid esse hypostaticum. Nam ille modus essendi est prior naturâ ex parte subiecti, tanquam magis intimus & connexus animæ, quàm modus vnionis cum corpore: ergo anima fuit naturâ prius vnita Verbo, quàm humanitas. Probat 2. Quia naturâ prius est creari animam, quàm vniri corpori. Creatur autem vt subsistens. Nam creatio terminatur ad rem subsistentem, sicuteductio ad rem inhærentem. Subsistit autem per hypostasim Verbi loco naturalis subsistentiæ: ergo prius natura fuit assumpta hypostaticè, quàm corpori vnita. Item corpus natura prius quàm vnatur animæ, & quàm anima creetur, est subiectum dispositionum quibus organizatur. De ratione autem subiecti est vt sit subsistens. Ergo naturâ prius corpus fuit subsistens, quàm vniretur animæ. Non fuit autem subsistens illo instanti per subsistentiam propriam. Ergo per hypostasim Verbi: Sed hæc argumenta non satis efficaciter concludunt id quod Suarez intendit. Ad primum enim Respondeo non esse verum, vnionem hypostaticam, vel hypostasim Verbi diuini, habere eundem ordinem prioritatis ex parte subiecti, quem habet naturalis & propria hypostasis respectu corporis & animæ rationalis. Contrarium enim, satis euidenter ostendimus disp. 4. sect. 2. num. 12.

Ad secundum Respondeo, creationem non terminari ad rem subsistentem quæ subsistens, id est, quoad illum modum se habendi; sicut nequeeductio ad rem inhærentem quæ talem: sedeductio terminatur formaliter ad entitatem rei productæ ex materia concurrente: & creatio terminatur ad simplicem entitatem rei ex nihilo productæ. Modus autem ille subsistendi non fit ex nihilo, sed est rei præexistentis, naturâ vel ratione prius, modificatio. Et quidem manifestum est, hypostasim diuinam non fuisse

Verbi, quæ
inter se.

75.

Respondetur
illius argu-
mentis.

creatam, quando creata fuit anima Christi. Est enim ab æterno, & incapax creationis. Et quamvis ex parte subiecti prius sit animam à Deo creatam habere modum subsistendi, si habet proprium & connaturalem: secus tamen alienum & supernaturalem, qui non habet eundem ordinem prioritatis ex parte subiecti, ut iam diximus, & probauimus loco supra citato.

76. Instantia Suarez repellitur. Instat Suarez sect. 1. §. Unde sumitur, quia si in aliis hominibus anima naturā prius subsistit, quā corpori vnatur: ergo ut in Christo impediatur ne habeat propriam subsistentiam, debet habere diuinam in eodem priori. Ergo necesse est ut in illo assumatur.

Respondeo, sufficere quod assumatur eodem instanti temporis: ut autem sit in eodem priori ex parte subiecti, in quo esset propria subsistentia, est plane impossibile, ut ostendimus disput. & sect. supra citata.

Alia instantia reuocatur. Dices, licet non habeat eundem ordinem prioritatis ex parte subiecti, conueniens tamen fuit corpus & animam prius compleri in esse suo substantiali per hypostasim diuinam, loco propriæ subsistentiæ, quā vniri inter se. Atque ita melius explicatur quomodo Beata Virgo fuerit verè ac propriè Mater Dei, concurrente ad generationem Christi per vnionem partium iam hypostaticè vnitarum: ita ut eodem instanti rationis, seu naturæ, quo fuit Mater, fuerit etiam Mater Dei, neque prius filium habuerit, quā Filium Deum: cum non prius intelligatur constituta humanitas, quā homo-Deus.

77. Respondeo, completum illud esse prorsus impertinens ad vnionem naturalem partium inter se: ideòque non debuisse præsupponi velut dispositionem ad illam. Contra verò, debuisse potius disponi corpus, & reddi aptius ad vnionem hypostaticam, per vnionem cum anima, quā sit viuum & perfectè humanum. Decuit enim Verbum diuinum tale corpus assumere. Fuit autem Beata Virgo Mater Dei nihilominus verè ac propriè, quia præstitit erga Christum quidquid alix Matres erga filios præstant, ut alibi exposuimus: Et, ut affirmat ipse Suarez disp. 8. sect. 1. §. Ad argumenta primæ sententiæ, ut Beata Virgo dicatur concepissee Deum, satis est quod eius actio vel conceptio in eodem instanti (temporis scilicet) ad Deum terminata sit: quia conceptio & generatio, sicut & creatio, denominat vltimum terminum, & propriè tribuitur rei subsistenti.

Suarez. Ad tertium Suarez argumentū Respondeo, non esse de ratione subiecti ut sit subsistens, sed ut sit id ex quo alterum educitur, aut cui inhæret. Et quædam sunt subiecta quæ non subsistunt. Ut quantitas, iuxta Suarez, alioque multos, est subiectum aliorum accidentium materialium: & humanitas priuata omni subsistentia esset nihilominus subiectum suorum accidentium & operationum. Neque

enim propterea maneret otiosa, cum subsistentia non sit ratio agendi aut recipiendi, neque conditio ad id simpliciter necessaria: ut patet ex multis quæ agunt, aut recipiunt, tametsi non subsistant, ut animæ brutorum, & alix formæ materiales.

At obiicit Suarez disp. 17. sect. 2. §. Dico 2. S. Thomam quæst. 6. art. 5. ad 1. dicere, ordine executionis partes prius naturæ esse assumptas, quā totam humanitatem: Ex quo, inquit Suarez, apertè sequitur secundum eundem ordinem executionis carnem prius naturā esse assumptam, quā informatam anima. Quia si prius deberet informari, & media hac informatione assumi: cum per illam informationem constitueretur humanitas tota, necessariò prius natura esset assumenda humanitas tota, quā caro.

Respondeo, id nullo modo sequi. Licet enim per illam informationem constitueretur humanitas tota; tamen assumptio totius humanitatis non præsupponitur naturā prius assumptioni carnis, sicut vnio carnis cum anima: sed potius est naturā posterior, tanquam resultans ex illa vnione carnis cum Verbo, iuncta altera vnione partiali animæ cum eodem Verbo, & vnione naturali carnis & animæ inter se.

Quartò denique Vasques disp. 39. cap. 3. post Scotum & Almainum in 3. dist. 2. censet prius ordine executionis fuisse assumptam humanitatem, quā eius partes. Primò, quia nulla est in partibus humanitatis per se sumptis subsistentia, sed vnica est totius subsistentia indiuisibilis & simplex, ac per se primò & immediatè toti conueniens, ut docent omnes antiqui Philosophi. Ergo vnio hypostatica est per se primò, & immediatè ad humanitatem cui dat subsistere: ad partes verò, tantum consequenter & dependenter ab vnione hypostatica totali & indiuisibili humanitatis totaliter sumptæ. Quare ordine executionis prius naturā est vniri partes inter se, & constituere humanitatem, quā vniri hypostaticè per humanitatem, quatenus illam constituunt, & dependenter ac consequenter ad illius constitutionem. Quartò, addi potest, quod si partes ordine executionis fuerunt naturā prius vnitæ Verbo, quā humanitas: vel humanitas fuit vnita Verbo alia noua vnione in posteriori naturæ, vel non. Si primum: ergo cum humanitas non sit aliud id re, quā partes ipsæ vnitæ inter se; partes fuerunt bis Verbo vnitæ, & bis terminatæ ipsius subsistentiæ. Si secundum: ergo humanitas per se & formaliter sumpta non fuit vnita Verbo, nisi remotè & mediatè, ratione partium.

Ad primum Respondeo, negando antecedens. Verius enim est quod docet Suarez disput. 34. Metaphyl. sect. 5. post Richardum, Alaisiodorensem, Heruzum, Capreolum, Gabrielem, & alios quos citat, quamlibet partem hominis subsistere & modificari per suam partialem subsistentiam. Etenim corpus, & anima rationalis, seipsis per

78. Soluitur altera obiectio.

79. 4. Sententia opposita Vasques, humanitatem fuisse prius assumptam, quā eius partes.

80. Refutatur, & primo eius argumentum refutatur.

Corpus &
anima ra-
tionaliter
sua par-
tiales sub-
sistentias
in toto.

D. Thom.
1. p. qu. 71.
a. 2. & qu.
45. art. 4.

81.

Confirmatur
respōsum.

se stant naturaliter, etiam tunc cum sepa-
rantur à se inuicem. Ergo subsistunt propria
& partiali subsistentia, quam tunc retinent.
Est enim subsistentia modus proprius &
connaturalis, ac naturaliter inseparabilis rei
cuiuslibet apte stare per se independentem ab
alio ut sustentante, vel ut supposito. Ne-
que propterea corpus & anima seorsim sunt
suppositum aut persona. Quia nomen sup-
positi aut personae, est nomen totius. Subs-
istere autem latius patet, & abstrahit à toto,
vel à parte, ut alibi probauimus, praeipue ex
D. Thom. qui variis locis affirmat animam
rationalem, etiam in composito, esse subs-
istentem. Ait etiam creationem terminari ad
rem subsistentem, cuius proprium est esse:
cum alia potius coexistent & inexistat: ex
quo sequitur materiam, & animam ratio-
nalem, quae sunt seorsim per creationem,
subsistere quoque seorsim, id est, per se si-
gillatim, iuxta sententiam D. Thomae.

Confirmatur secundò, Quia si subsistentia
naturalis hominis est vnica, simplex, & in-
diuisibilis, ut volunt Aduersarij: vel est spiri-
tualis, vel materialis. Si spiritalis: ergo to-
tum ad quod non subsistit per illam forma-
liter: quia totum ex parte materiale est: er-
go distinguitur realiter à subsistentia illa
spiritali: ergo non subsistit formaliter per
illam, quia subsistentia naturalis est simplex
quidam modus se habendi, non distinctus
realiter à re subsistente, ut alibi ostendimus.
Si autem dicitur esse materialis, redit idem
argumentum ex parte animae. Nam totum
ex parte illa, spirituale est: ergo non potest
subsistere ad quod per aliquid materiale.
Potius ergo dicendum est corpus humanum
subsistere naturaliter vi propria, similiter-
que animam rationalem, quando sunt vnita
inter se: quemadmodum etiam subsistunt na-
turaliter post separationem: Vnde subsistunt
independentem ab huiusmodi vnione, ac
prius illa: quia vi propria id habent ut com-
plementum naturale propriae entitatis, &
modum proprium existendi magis intimum
& quasi magis connexum cum illis magis-
que inseparabilem, quam sit vnio mutua,
quae pereunte, retinent tamen modum illum
essendi per se. Eius autem loco corpus & ani-
ma Christi acceperunt vnionem hypostati-
cam, quam in triduo mortis retinuerunt dis-
soluta vnione animae cum corpore. Vnde non
leue sumitur argumentum contra Vasquem.
Si enim vnio hypostatica partium facta es-
set consequenter ac dependenter à toto, per
se primò & immediatè vnito; non mansisset
pereunte toto.

82.

Refellitur
causio.

Leo.
Bernard.

Quod autem Vasques respondet, periisse
priorem vnionem, & nouam partium vnio-
nem substitutam fuisse: gratis dicitur, & stu-
dio tantum tuendi opinionem malè antici-
patam. Nec conuenit cum doctrina Patrum,
S. Leonis serm. 9. de Natiuit. & serm. 17. &
19. de Passione; Bernardi lib. 5. de consi-
derat. cap. 10. & aliorum affirmantium
mansisse priorem vnionem indissolubilem,

fuisseque fortiorē vnione animae cum cor-
pore. Quod verò alij dicunt, vnionem par-
tium pependisse in fieri ab vnione totius,
non autem in conseruari: friuolum est. Nam
si in Christo non est vnio partium hypostati-
ca, nisi vnione vnionis hypostaticae totius
humanitatis à qua partes denominantur vni-
tae; impossibile est manere hanc denomi-
nationem, pereunte vnione totius: sublato
enim fundamento denominationis, perit
denominatio. Et quod non est vnitum, nisi
per vnionem alterius; non manet vnitum
pereunte illius vnione.

Ad secundum argumentum supra propo-
situm pro Vasquis opinione, Respondeo hu-
manitatem non fuisse vnitam Verbo alia
vnione, quam partium ipsarum: eoque sensu
partes dici naturae prius vnitas Verbo, qua-
tenus tota vnio hypostatica humanitatis
existit ex vnionibus partium suarum ad Ver-
bum: sicut quodlibet totum existit ex parti-
bus quibus constat, quae idcirco dicuntur es-
se natura priores toto. Nec obest quod cor-
pus prius vnatur animae, quam Verbo, ut
supra diximus cum D. Thom. Hoc enim non
impedit quin assumptio totius humanitatis
pendeat à singulis assumptionibus partium,
ut ex illis existens. Neque propterea vnitur
humanitas Verbo remotè tantum & me-
diatè; quia est proximè & immediatè vnita
per partes quibus constat formaliter, & quae
sunt ipsamet humanitas, quae non est aliter
assumptibilis, quam per illas. Nam vnio na-
turalis partium inter se non est assumptibi-
lis formaliter, & ut sic, quoad id quod addit
partibus, re vel ratione distinctum: cum non
sit capax subsistentiae. Non est autem aliud
in humanitate praeter partes & vnionem: &
ut dicatur vnita esse humanitas, sufficit eius
partes esse Verbo vnitas, & esse vnitas inter
se. Neque enim est opus vniri partiales as-
sumptiones, siue vniones, aliter quam per
vnionem terminorum seu extremorum qui-
bus identificatur. Hoc enim ipso quod vni-
untur termini, vniuntur & ipsae inter se suffi-
cienter. Aliaque vnio formalis vnionum in-
ter se, nihil faceret ad vnionem humanitatis
cum Verbo, quae non propterea magis illi
vniretur.

Contra hanc obicit Suares dis. 17. sect. 5.
hinc sequi non fuisse vnitam totam humani-
tatem ut est vna natura quae distinguitur in
re à suis partibus, etiam collectiue sumptis,
possuntque partes, etiam collectiue sumptae
esse vnita Verbo, & non erit vnita humani-
tas, ut in triduo mortis Christi. Et quamuis
humanitas partibus collectiue sumptis nihil
addat praeter earum vnionem: hanc vnio ta-
men est aliquid substantiale pertinet ad
constitutionem totius humanitatis. Assum-
pta est autem proximè & immediatè tota
natura humana: Ergo & illa vnio fuit assum-
pta praeter partes collectiue sumptas. Se-
cundò, in proprio supposito humano, sicut
natura integra est vnita: ita habet vniam subs-
istentiam, siue simplicem siue compositam ex
par-

83.

Soluitur se-
cundum ar-
gumentum.

Humanitas
non fuit
vnita Ver-
bo alia
vnione,
quam par-
tium ipsa-
rum.

84.

Suarez.

partialibus subsistentiis : ita tamen ut ipsa verè sit vna, saltem per compositionem. Ergo idem esse debet in præsentis mysterio. Hæc Suares sect. illa §. 5. *Primo quia*, &c. Qui paulò post, §. *Dico quarto*, addit animam & carnem, ut inter se unitas, fuisse assumptas media humanitate, quæ per hanc unionem ut perfectam, & completam, fuit per se primum vnita. Ita ut totum ipsum sit quasi medium secum necessariò afferens unionem partium sub hac ratione : adeo ut non possint partes manere vnitæ sub hac ratione ad Verbum, nisi tota natura maneat vnita.

85.
Satisfit
aliis duob.
argumētis.

Sed ad primum Respondeo, totam humanitatem, prout est vna natura, fuisse vnitam Verbo quantum est illi vnibilis hypostaticè : non est enim vnibilis hyposta-


ticè, nisi per partes aptas subsistere. Et quamuis vnio partium ad inuicem debeat accedere ut fiant vna natura ; vnio tamen illa non est assumptibilis hypostaticè, nisi prout est ipsæ partes quibuscum identificatur.

Ad secundum Respondeo, illam subsistentiam esse vnā totalem & compositam eo ipso quod partes vniuntur inter se, neque egere alia vnione & compositione. Est autē improbable & inintelligibile id quod addit Suares. Nam si partes vnitæ & collectiue sumptæ sunt ipsa humanitas, ut docet idem auctor in Metaphys. disp. 36. sect. 3. & verissimum est : quomodo potuerunt assumi sub illa consideratione, media humanitate? Idem enim non est medium respectu sui ipsius.

DISPUTATIO OCTAVA,

De composito facto ex persona assumente, &
natura assumpta : deque eius unitate, &
communicatione idiomatum.

- Sectio I. *An compositum illud distinguatur in re à partibus simul sumptis & unitis?*
Sectio II. *An Christus sit vnum vel plura?*
Sectio III. *De communicatione idiomatum.*
Sectio IV. *Corollaria ex præcedentibus, & resolutio multarum difficultatum circa idiomatum communicationem.*



DE materia huius disput. agit S. Thomas quæst. 16. & 17. In quarum posteriori affirmat Christum non rectè dici esse duo, sed vnum: quia est vnum suppositum, & vnica persona, licet constet duabus naturis. Cumque natura humana coniungatur Filio Dei hypostaticè, non autem accidentaliter: consequens esse quod secundum naturam humanam non adueniat ipsi nouum esse personale, sed solum habitudo noua esse personalis præexistentis (Verbi scilicet) ad naturam humanam: ita ut persona illa iam dicatur subsistere, non solum secundum diuinam naturam, sed etiam secundum humanam.

In priori quæst. docet quomodo prædicata duarum naturarum possint de se inuicem, vel de Christo enunciari? Et Vtrum istæ propositiones sint veræ? Deus est homo: Homo est Deus: Christus est homo dominicus: Filius Dei factus est homo: Homo factus est Deus: Christus est creatura: Iste homo, demonstrato Christo, incepit esse: Christus secundum quod homo, est creatura: Christus secundum quod homo, est Deus: Christus secundum quod homo, est hypostasis vel persona. Quæ omnia sequentibus sectionibus explicanda sunt.

SECTIO I.

An compositum ex persona assumente, & natura assumpta, distinguatur in re à partibus simul sumptis & unitis?

1.
Conclusio
negativa.

RESPONDEO negativè. Probat^{ur} primò ex Symbolo Achanasij: sicut anima rationalis & caro unus est homo, ita Deus & homo unus est Christus. Et, quod ex eo sumptis S. Augustinus epist. 57. ad Dardanum, sicut unus homo est anima rationalis & caro, sic unus Christus est unum verbum & homo. Hæc autem propositio asserta in Symbolo Achanasij, & ab Augustino, anima rationalis & caro est homo, falsa esset, si totum distinguatur in re à suis partibus simul sumptis & unitis. Quia, si distinguatur, non esset idem: Ergo verum esset dicere, anima rationalis & caro non est homo. Ergo falsa esset propositio eius contradictoria, Anima rationalis & caro est homo. Nam duæ contradictoriæ non possunt simul esse veræ. Idemque dico de altera propositione locis citatis tradita, Deus & homo unus est Christus. Similiterque falsum esset quod ait Paulus 1. Corinth. 12. v. 12. Omnia autem membra corporis, cum sint multa, unum tamen corpus sunt. Et v. 14. Nam corpus non est unum membrum, sed multa.

Totum, nō
distingui-
tur à parti-
bus unitis
simul sum-
ptis.

Probat^{ur} secundò iisdem rationibus, quibus in physica probari solet totum non distinguari à partibus simul sumptis & unitis: nihil enim peculiare est in hoc mysterio quoad propositam quæstionem. Sunt autem illæ tres præcipuæ. 1. Quia positis & intellectis partibus simul sumptis & unitis, ponitur & intelligitur totum, quocumque alio re vel ratione distincto circumscripto. Ergo totum nihil aliud est. Probo antecedens: quia impossibile est non esse & non intelligi totum quoddam, eo solo præcise quod sunt, aut intelliguntur esse multa unita physicè inter se, & constituentia unum quoddam, nō simplici quidem unitate, sed per unionem & compositionem. 2. Si totum distinguatur in re à partibus simul sumptis & unitis: vel distinguatur ut tercia entitas simplex: vel ut constas illis, & aliquid superaddes. Non primum: quia totum constat intrinsecè multis partibus: ergo non est entitas simplex. Et evidens est hominem, leonem, lapidem, non esse simplices entitates, sed ex multis compositas. Non etiam secundum: tum quia illud additū est superfluum, ut antea ostendimus: tum etiā quia vel illud additum non componit cum partibus unitis, neque illis unitur: & ita totū erit quoddam aggregatum per accidens ex multis nō coniunctis inter se. Vel si componit cum illis ut tercia entitas illis addita & coniuncta, debet ex illa coniunctione & compositione resultare quarta entitas: de qua eadē quæstio redibit, & sic in infinitum. Argumenta enim, quibus Aduersarij probant totum compositum distinguari à partibus simul sumptis & unitis: idem probant de toto resultante ex

partibus unitis, & tercia illa entitate ipsis adueniente & cum illis unita. 3. Totum per aggregationē nō distinguitur in re ab omnibus partibus simul sumptis & aggregatis, puta in unum locum coaceruatis, ut cumulus lapidū, aut nummorum. Ergo nec totum per compositionem, à partibus simul sumptis & unitis. Solum enim est ea differentia inter hæc duo tota, quā talia, quod in vno est unio physica; in alio non est. Similiterque totum per accidens, seu compositum accidentale, nihil est aliud, quā subiectum, & accidens ipsi inherens, simul sumpta, & unita per inhesionem. Atque ita communiter censent Philosophi & Theologi, quorum plurimos refert & sequitur Suar. disp. 36. Metaphys. sect. 3.

Contrarium tamen sentiunt D. Thom. & Scotus cum suis, & aliqui recentiores, inter quos erat vir doctissimus & de me optimè meritus, P. Gabriel Aporta in Manuscriptis de Incarnat. ad qu. 2. tertiæ partis D. Thomæ. Vasques quoque disp. 19. cap. 2. n. 28. & sequentibus censet humanitatem esse aliquid in re præter partes eius simul sumptas & unitas. Idemque docet de quolibet alio composito viuentis: & instar eorum de aliis, inquit, rebus philosophandum est. Ratio eius est, quia de huiusmodi compositis viuentibus aliter philosophandū est, ac de composito per accidens ex subiecto & accidente ipsi inherente. Hoc enim compositum nihil est præter subiectum, accidens, & modum inhesionis: quia accidens nihil aliud communicat quā seipsum per inhesionem. At in viuentibus materia non solum in se recipit animam, sicut paries recipit albedinem solam: sed etiam ipsa materia viuificatur. Ita ut eius esse deinde sit viuere: neque solum anima viuat, sed etiam materia per animam informata, ratione cuius materia est principium operis vitæ, lōgè alia ratione quā subiectum habens calorem est principium calefaciendi. Nam subiectū habēs calorem, non concurrit vllō modo. Sed est tantum vehiculū formæ agentis. At verò in animantibus, materia per se agit opera vitæ, ut principium animæ. Quod signū est ipsam non solum recipere animā, sed etiam per eam viuificari, & habere nouum esse, quod est viuere. Nam ex Aristotele 1. de Anima cap. 4. textu 37. viuere viuentibus est esse. Materia, inquam, per se concurrit ad opera vitæ, illa scilicet quæ sunt communia toti composito: ut sentire, irasci, texere, & edificare, &c. quæ non animæ soli, sed homini propriè tribuuntur, ut ait idem Aristoteles 1. de Anima cap. 4. textu 64. Secus ac intelligere, velle, sapere, quæ sunt animæ propria, ut idem docet 3. de Anima cap. 1. textu 1. Si autem priores illæ actiones essent effectiue ab anima sola, ut posteriores, & materia tantum passiuè se haberet: possent æquè tribui animæ soli, ac calefactio tribuitur calori: rectèque diceretur anima texere & edificare, ut calor dicitur calefacere: quia modus hic loquēdi denotat solum principium efficiens actionis. Secundò, anima rationalis, quæ est forma secundum se

2.
Contraria
sententia.

spiritualis, tribuit materiæ non solum esse hominis, sed etiam animalis, viuentis, & corporis. Tribuit enim omnem rationem genericam quæ est in prædicamento substantiæ. Cum igitur tribuat esse corporis, & ipsa non sit corpus, sed spiritus; sequitur non solum communicare seipsam materiæ, sed etiam alium effectum. Nam si seipsam solum daret, non daret esse corporis. Neque dicas rationem corporis conuenire solum homini ratione materiæ. Nam hinc sequeretur rationem corporis non prædicari vniuocè de viuente, animali, & homine. Si quidem hæ tres posteriores rationes proueniunt ab anima ipsa, ut à forma: esse autem corporis prouenit à sola materia in homine: imò conuenit toti ratione solum illius. Sequeretur insuper non minus posse dici hominem spiritum, quam corpus. Nam sicut ratione partis, nempe materiæ, est corpus: ita ratione alterius est spiritus. Tertio denique, si materia solum diceretur habere vitam per animam, quia habet ipsam animam, non autem quia habet aliquid deriuatum ab anima; non diceretur vita ipsius materiæ, vita corporalis & corruptibilis: quia anima ipsa spiritualis & incorruptibilis est. Atqui materia dicitur habere vitam corruptibilem: ergo habet vitam distinctam ab ipsa anima, licet ab ea procedentem. Hucusque Vasques, qui inde infert idcirco ex materia & forma dici fieri vnum per se, quia sit tertia quædam entitas constituta in aliquo prædicamento, habens proprias passiones & operationes. Ex subiecto verò & accidente non fieri vnum per se, sed per accidens, quia ex illis non fit talis entitas.

Sed ad primum Respondeo materiam viuificari, & viuere, nihil esse aliud, quam materiam fieri & esse actu partem substantialem compositi viuentis: quod habet formaliter per vnionem cum anima, cum qua est apta naturaliter vniri & constituere ens completum, vnum per se, & commune principium quarundam operationum, atque concurrere effectiue ad opera vitæ communia toti composito. Quamuis enim per se solam non sit actiua, ut dicunt Philosophi: est tamen apta efficere cum anima sibi vnita: & cum illa concurrat effectiue ad huiusmodi actus vitales. Quod non debet Vasquez negare. Alioquin eius argumentum in ipsum retorqueri potest. Nam si materia per se non agit, sed tantum per illum effectum distinctum, seu vitam quam ab anima recipit: ergo est tantum vehiculum formæ agentis.

Ad secundum Respondeo animam rationalem tribuere materiæ formaliter ut sit corpus prædicamentale, id est, substantia corporea essentialiter completa, hoc ipso quod materiam complet & cum illa compositum substantiale perficit essentialiter, æquè, ac multò magis, quam formæ materiales. Eoq; sensu esse corporis compleri non prouenit à sola materia, sed & ab anima complete & perficiente materiam. Ita ut anima sit etiam

pars substantialis, essentialis, & formalis corporis completi. Homo autem non dicitur spiritus: quia *spiritus* est nomen substantiæ quæ in sua entitate est purè immaterialis & incorporea, ut Deus, angelus, anima rationalis: homo verò est substantia mixta ex materiali & spirituali. Dicitur tamen corpus: quia nomen corporis non est nomen rei purè materialis dumtaxat, sed cuiuscunque substantiæ corporeæ complete essentialiter, siue purè materialis, siue tantum ex parte.

Ad tertium Respondeo vitam materiæ esse ac dici corporalem, quia ipsa materia est corporalis: & dici corruptibilem, quia non plus durat, quam vnio cum anima, quæ vnio corruptibilis est. Est enim ea differentia inter materiam, & animam rationalem: quod hæc viuit extra compositum, quando à materia separatur. Vnde non tantum viuit vitâ compositi, id est, prout cum corpore organico constituit viuens, quod est vnū per se substantiale, & principium commune quarundam operationum vitalium: sed etiam viuit vitâ sibi propriâ & peculiari, quam retinet & exercet extra compositum, dissoluta vnione. Ecce hæc eius vita est immortalis & incorruptibilis. At verò materia non habet aliam vitam, quam per vnionem cum anima, id est, non habet vitam sibi peculiarem, sed vitam totius compositi viuentis, quamdiu illud componit, ut altera eius pars substantialis & essentialis. Vita autem totius compositi est corruptibilis: æquè ac ipsum compositum.

P. Gabriel Aporta hæc duo argumenta proponere solebat. 1. Partes rei per se vnus debent constituere rem per se vnā. At partes, etiam ut vnitæ, & simul sumptæ, non sunt per se vnum, sed sunt multa vnita & coniuncta, ut talia. 2. Christus constans ex natura humana, & hypostasi Verbi, est vera & realis substantia noua, includens quidem naturam & hypostasin, sed non inclusa in illis: & verè sit per compositionem, ac posset dissolui per diuisionem: & habet veram vnitatem vnus substantiæ completæ; cum tamen hypostasis diuina & natura humana habeant non vnitatem propriè, sed vnionem & coniunctionem in illa, & ad inuicem. Quare à parte rei est aliqua distinctio.

Ad primum Respondeo 1. negando minorem. Partes enim simul sumptæ ut vnitæ, sunt vnum per se, non simplici vnitatem, sed vnionis & compositionis. 2. Argumentum in ipsum retorqueo. Nam neq; partes vnitæ, & formalitas illa seu entitas superaddita, sunt vnum per se magis quam partes vnitæ. Neq; minùs est propria illa locutio, partes vnitæ legunt, texunt, edificat: quam ista, partes vnitæ & formalitas superaddita legunt &c. Ac si ex partibus vnitis, & tertia entitate superaddita, existit vnum per se, sine resultaria alterius formalitatis (alioqui enim in infinitum abiretur) potest quoq; ex partibus vnitis fieri vnū per se sine illa tertia entitate aut formalitate. Adde quod vel ex qualibet parte humanitatis vnitæ cum hypostasi Verbi resul-

Ad tertium

42
Alia duo
argumenta
soluuntur.Partes ut
vnitæ sunt
vnū per se3.
Ad primum
argumentū
contrariæ
sententiæ.Materia
quomodo
uiuificatur
per formā.

Ad secundū.

Quomodo
anima ratio-
netur materiam
esse corpus.

eat formalitas, vel non. Si secundum: ergo neque resultat ex tota humanitate vnita cum hypostasi Verbi: est enim par ratio. Si primum: ergo tot resultat formalitates, quot sunt paria partium quæ vniuntur. Sunt autem illa infinita ex parte corporis, iuxta opinionem Aristotelis de continuo. Quæro igitur an istæ formalitates vniuntur inter se, an non? Si vniuntur: resultabit ex illis vnitis alia formalitas, & sic in infinitum. Si non vniuntur: ergo totum conflatum ex illis non est vnum per se, sed aggregatum quoddam per accidens, aut numerus discretus infinitarum formalitatum. Totum autem, per Aduersarios, consistit formaliter in illa tertia entitate seu formalitate: quare totum erit vnum per accidens.

Ad secundum Respondeo, Christum includere naturam humanam & hypostasin Verbi, eiusque naturam diuinam mediatè vnitam, seorsim sumptas, vel sine vnione: sed non collectiue sumptas vt vnitas. Sic enim sunt ipsum totum: Totum autem non includit seipsum. Et Christum esse quidem veram substantiam nouam, habentem vnitatem veram vnius substantiæ completæ: sed vnitatem vnionis & compositionis, non autem simplicis entitatis, quod inimaginabile & impossibile est, etiam posita tertia entitate. Habet autem illam vnitatem eo solo quod partes vniuntur: quare tertia entitas vel formalitas distincta ab illis simul sumptis vt vnitis, est superflua.

5. Obiiciunt alii præcipuè: Partes etiam simul sumptæ & vt vnitæ causant totum. Ergo non sunt ipsum totum. Consequentia pater, quia nihil causat seipsum. Antecedens probatur, quia partes causant vt componentes & constituentes intrinsecè totum. Atqui componunt & constituunt intrinsecè totum, etiam simul sumptæ vt vnitæ: imo seorsim ac singillatim sumptæ, aut sine vnione, impossibile est vt componant & constituent totum intrinsecè. Vna enim pars non componit sine alia, & non componit sine vnione.

Respondeo negando antecedens. Ad cuius probationem dico partes causare vt componentes singillatim, id est, prout se altera alteri exhibet, materia subiectando vel recipiendo: forma verò perficiendo & informando materiam. Eodemque modo constituunt totum intrinsecè. Et vna quidem non componit neque constituit totum sine alia, & sine vnione cum illa: sed componit nihilominus & constituit dumtaxat per suam entitatem, non per aliam simul & vnionem, aut per totum conflatum ex ipsa & ex alia sibi vnita, quod est ipsum compositum: nam compositum non componit seipsum.

6. Obiici etiam potest, ex nostra opinione sequi hominem viuum & mortuum non differre in re, sed solum ratione. Nam partes vnitæ, & non vnitæ, non distinguuntur in re per nos, sed tantum ratione: quia vnio per nos distinguitur tantum ratione ab extremis. Ergo si totum nihil est aliud in re, quam

partes vnitæ; homo viuus, qui est partes vnitæ, non differt in re à partibus iisdem non vnitis, id est, ab homine mortuo. Mors enim consistit formaliter in dissolutione vnionis animæ cum corpore.

Respondeo, hominem viuum, vt communiter de illo loquimur, dicere multa quæ in morte destruuntur, & per quæ homo viuus differebat realiter à mortuo. Nempe meliores saltem dispositiones quibus vita conseruabatur, vel maiorem humorum proportionem quoad quantitatem & qualitatem. Metaphysicè verò loquendo, sublata sola vnione, cætera remanentia non essent homo viuus: & tantum differrent à viuo per carentiam vnionis. Partes enim vnitæ non differunt à seipsis non vnitis, nisi per vnionem aut eius carentiam. Sed hæc differentia non est solum rationis ratiocinantis, sed ratiocinatæ, id est fundata in re, & in modo aliter se habendi à parte rei, quam antea, nullo intellectu cogitante, quamuis sine re aut recula distincta superueniente rei taliter se habenti. Sufficit enim ipsa rei entitas vt possit aliter & aliter se habere. Loquor autem de partibus simul sumptis. Nam partes singillatim sumptæ differunt realiter à toto composito, atque à seipsis vt vnitis, quatenus vnio vnius partis importat alteram partem ipsi adiunctam.

Dices, in eo esse apertam contradictionem, quod asserimus rem aliter se habere à parte rei nullo intellectu cogitante, & tamen non esse distinctionem in re, sed tantum rationis ratiocinatæ. Nam si est aliud & aliud in re; est distinctum, & diuersum, seu non idem in re. Et si aliter & aliter se habet in re; distinctè & diuersimodè se habet in re. Item si se habet in re alio & alio modo: ergo in re est aliud & alius modus. Si autem est aliud & alius in re, est non idem, & distinctus in re. Nam quæcunque sunt in re, & non sunt vnum & idem in re; sunt distincta in re.

Respondeo, non esse aliud & aliud in re, sed esse vnum & idem diuersimodè se habens per vsum simplicem suæ sufficientiæ. Cumque dicimus habere se aliter & aliter in re, seu rem habere alium & alium modum se habendi à parte rei nullo intellectu cogitante; sensus est, rem per eandem entitatem, & simplicem vsum suæ sufficientiæ, fundare aliam & aliam denominationem vnitæ aut non vnitæ, motæ vel immotæ localiter, extensæ aut inextensæ, stantis vel sedentis &c. Non autem sensus est quod sit alia & alia entitacula distincta à priori, vel à re ipsa tali modo se habente, à qua proueniant hæ denominationes. Nam vt ostendimus disp. 5. sect. 6. impossibile est quidpiam moueri formaliter, vel extendi, per aliud à se distinctum.

Instabis, quia ille vsum sufficientiæ vel idem est qui antea formaliter, vel est alius in re. Si primum: non potest fundare diuersas denominationes. Si secundum: ergo est distinctus in re, quia est alius in re.

Homo viuus per quid differt à mortuo?

7. Quomodo potest res aliter se habere sine distinctione in re?

8.

Respondeo, esse eundem formaliter à parte rei hoc sensu, id est, esse rem eandem seu entitatem, quæ per seipsam, & non per formam reatiter à se distinctam, hoc aut illo modo se habet: quia seipsa sufficit ad utrumque, & tantum eget usu suæ sufficientiæ, neque aliter potest talis aut talis constitui formaliter: quidquid enim distinctum addetur, superfluum est & inutile ut formaliter talis sit, & rectè concipiatur talis esse, ut sect. citata probauimus. Illa tamen entitas non fundat talem aut talem denominationem, nisi prout habet hunc aut illum usum suæ sufficientiæ.

SECTIO II.

An Christus sit unum vel plura?

9. **R**espondeo, constare ex dictis Christum esse ens per se vnum non simpliciter unitate, sed unitate compositionis ex multis realiter distinctis, per physicam unionem coniunctis: nimirum ex humanitate & hypostasi Verbi, atque etiam ex natura diuina, mediane hypostasi. Quo autem modo Christus est vnus, & vnum ens per compositionem; habet etiam vnum esse, non simplex, sed compositum. Nam esse est propria ratio entis actualis. Quare vnumquodque eodem modo habet esse, quo est ens actuale. At Christus est vnum ens actuale: quia licet componatur ex rebus diuersis actualibus, id est, actu existentibus; ex illis tamen fit vnum quid per realem unionem: ergo Christus habet vnum esse. Atque ita Christus est vnum, & non plura simpliciter.

10. **S**ecundò, quia omnis compositio realis fit ex pluribus entibus actualibus inter se unitis; constat in Christo esse multa entia actualia, & multas existètijs partiales, adeoque esse existentiæ Christi non esse simplex, ut Thomistæ imaginantur, sed compositum ex multis existentijs partialibus vnam totalem constituentibus. Alia enim est existentiæ humanitatis, alia Verbi. Et in ipsa humanitate, alia est existentiæ corporis, alia animæ rationalis. Et in corpore alia est existentiæ materiæ, alia formarum substantialium organicarum. Ratio est, quia existentiæ cuiusque rei est res ipsa prout posita extra nihil, seu extra potentiam obiectiuam essendi, seu prout actu à parte rei est, & non purè possibilis. Quid enim aliud requiritur ut res dicatur verè ac propriè existere? Ergo quidquid est actu à parte rei, existit formaliter. At vnaquæque res quæ actu est, seipsa formaliter, & prout distincta à qualibet alia, est actu à parte rei: ergo seipsa formaliter existit, & non per aliam. Ergo quot sunt res actuales seu entia actualia, tot sunt existentiæ: quia quælibet res formaliter existens per seipsam, est sua existentiæ. Atqui Verbum, &

humanitas Christi partesque humanitatis, sunt entia actualia, quia sunt actu in rerum natura: ergo per se formaliter existunt, & sunt sua ipsorummet existentiæ. Ergo sicut habent entitates actuales diuersas, ita & diuersas existentiæ; quia quælibet entitas per se formaliter ut distincta à qualibet alia existit, & est sua ipsius existentiæ. Ergo quot sunt in Christo entitates actuales, tot sunt existentiæ. Ergo esse existentiæ totius Christi non est simplex, sed compositum ex multis partialibus existentijs. Confirmatur, quia Verbum diuinum non amisit suam existentiæ in vnione hypostatica, ut manifestum est. Corpus autem organicum naturâ prius existit, quam assumeretur hypostaticè. Anima quoque naturâ prius fuit creata, quam vnita corpori & hypostasi Verbi: creatio verò terminatur ad esse, siue ad existentiæ rei creatæ. Quare anima prius naturâ existit, quam vniretur. Per unionem autem & assumptionem hypostaticam non amittitur illa existentiæ: sed corpus actu est quando vnitur, & post unionem manet in suo esse actuali: anima quoque similiter, & humanitas ipsa. Vnde Concilia & Patres sæpius dicunt, hoc mysterium factum esse per ineffabilem compositionem vnus personæ ex duabus naturis realibus & actualibus, minimèque confusis: adeo ut sicut Verbum persistit in suo esse actuali: sic & humanitas est actualis entitas creata, & distincta à Verbo, sine quo posset eadem numero per absolutam Dei potentiam conseruari, sicut potuit ab initio sine illo existere. Sic etiam anima rationalis habet propriam existentiæ, distinctam ab existentiæ corporis, sine quo eadem numero permanet, & existit, quando separatur à corpore. Et manus habet existentiæ partialem distinctam à brachio. Et aliz partes compositi similiter.

Quæ autem in contrarium obijciunt Thomistæ ex sua philosophia, parum habent momenti. Quæ ex autoritate; vel supposititia sunt, ut quod affert Medinæ ex epistola Sophronij in VI. Synodo actione XI. *In ipso* (Verbo scilicet) *non in se habuit existentiæ vnam cum Verbo*. Nam illud, *cum Verbo*, perperam additum est Verbis Concilij: Sentusque Sophronij est, humanitatem habuisse vnam semper & eandem existentiæ inuariatam, contra hæreticos affirmantes fuisse conuersam in diuinitatem. Vel tantum significant humanitatem extitisse in Verbo, & non per se substituisse. Vel denique solum affirmant non prius & seorsim extitisse, quam fuerit Verbo vnita: cuius modi est id quod obijciunt ex Epistola 11. Leonis I. Quomodo autem nihilominus Beata Virgo sit verè ac propriè Mater Dei, alibi explicatum fuit.

Tertiò, quia in Christo est vnica hypostasis Verbi, in qua duæ naturæ vniuntur, diuina, & humana; ideo Christus habet vnicum

Occurrit Thomistarum obiectionibus.

VI. Synod. in epist. Sophronij.

Leo.

12.

Christus
habet unum
esse hypo-
staticum.
S. Thom.

esse hypostaticum seu personale, simplex realiter & indiuisibile, sumptum formaliter, id est, ex parte formæ seu hypostasis constituentis Christum in esse hypostatico. Quo sensu intellige quod ait D. Thom. qu. 17. art. 2. in Christo esse tantum unum esse personale. Indeque Christus est vnica persona indiuisibiliter: quia licet constet ex duabus naturis integris; ambæ tamen constituuntur in esse personæ personam & eandem hypostasis. Sicut è contrario, tres personæ diuinæ sunt vnus Deus, quia constituuntur in esse Dei per vnā & eandem Deitatem communem tribus hypostasis. Quoniam verò in eadem Christi persona sunt duæ naturæ, diuina & humana, distinctæ realiter, & inconfusæ, vt contra Eutychianos alibi ostendimus; sequitur in Christo esse duas voluntates, diuinam, & humanam; & similiter duas potentias effectiuas: diuersasq; operationes vtriusque voluntatis, & vtriusque potentie. Neque enim voluntas & potentia executiua naturæ humanæ sunt in Christo otiosæ. Quare de re plura dicemus inferius disp. 11. sect. 1. & 2.

13.
Quomodo
loquendum
de Christi
vnitate.

Quartò denique, quod attinet ad modum loquendi, notandæ sunt hæc duæ regulæ. Prima: quia Christus est verè & simpliciter vnus ens per realem & substantialem compositionem, ac licet multa in eo sint, non sunt tamen sine vnione & compositione: vitandi sunt illi loquendi modi quibus significaretur esse multa sine tali vnione. Vt cum dicitur sine addito, Christus est duo, Christus est multa, Christus est aliud & aliud. Sine addito, inquam, & simpliciter: quia cum addito rectè dici potest, Christus est duo realiter vnita. Christus est multa physicè in vnum coniuncta. Christus est duæ naturæ vnite secundum subsistentiam. Christus est aliud secundum diuinitatem, & aliud secundum humanitatem. Christus est vnum simul & multa.

14.

Secunda regula: quia Christus est vnica persona, & vnica hypostasi diuina constituitur in ratione personæ; vitandi sunt illi loquendi modi, quibus significatur pluralitas suppositorum. Vt, Christus est plures: Christus est duo, in genere masculino: Christus est alius & alius. Nam masculina adiectiua absolute prolata significant diuersitatem suppositorum quando prædicantur: sicut neutraliter sumpta significant diuersitatem naturarum. Vnde in diuinis Pater & Filius dicuntur alius & alius, non aliud & aliud. Dixi, absolute, id est, sine addito; alioqui enim rectè & orthodoxè dicas, Christus est plures naturæ vnite in eadem hypostasi: Christus est duo quoad naturam, siue est duæ naturæ coniunctæ in eandem personam. Christus est alius & alius quoad naturam, non quoad subsistentiam.

15.

Christus
nō est duo
simpliciter.

Sed quæres, an dici possit duo in neutro genere, vel aliud & aliud? Respondeo cum D. Thoma qu. 17. art. 1. ad 2. & 7. & communi sententia, non posse id dici simpliciter.

Quia quod est vnum simpliciter, non potest verè dici esse duo simpliciter. At Christus est vnus simpliciter per veram & realem vnionem: ergo non potest dici duo simpliciter. Ergo nec aliud & aliud simpliciter, quia hoc idem sonat, vt rectè contra Vasquem ostendit Cardinalis Delugo disputatione 24. numero 17. apud quem plura vide, & apud S. Thom. qu. iam cit. Vasquem & Suarem ibidem, aliosque interpretes, quorum tamen aliqui minutiofius hæc persequuntur, & nisi fallor scupulosius propter quædam Conciliorum & Patrum loca non bene intellecta, neque ad mentem Conciliorum, & Patrum, qui interdum quosdam loquendi modos repudiarent, sed propter sensum quo ab hæreticis proferebantur ad profitendum aut regendum verbis ambiguus errorem Nestorianum. Neque omnes eodem modo loquuti sunt. Prudentis verò erit propositiones ambiguas distinguere, vt vitetur erroris suspicio.

Delugo:
S. Thom.
Vasq.
Suar.

Aduersus hæc multa sibi obiicit S. Thom. qu. 17. art. 1. & imprimis, Christum, vt ait S. August. lib. 1. de Trinit. cap. 7. esse vtrumque, Deum simul & hominem. Vtrumque autem dici non potest nisi sint duo: ergo Christus est duo. Secundò, ex eodem August. in Enchiridio ca. 35. Christus est aliud propter Verbum, & aliud propter hominem. Ergo est aliud & aliud. Tertiò, Christus non est tantum homo, quia sic esset purus homo. Ergo est aliquid aliud, quam homo; & ita in Christo est aliud & aliud. Quartò, Christus est aliquid quod est Pater, & aliquid quod nō est Pater. Ergo est aliquid & aliquid. Ergo est duo. Quintò, Sicut in Trinitate Pater, Filius & Spiritus sanctus sunt vnum propter naturæ vnitatem, non obstante pluralitate personarum: sic Christus est duo propter naturarum pluralitatem, non obstante vnitatem personæ.

16.
Argumenta
in contrariū.

S. August.

Ad primum Respondeo, Christum esse vtrumque coniunctum, per meram & substantialem vnionem: quæ autem sunt physicè vnita & coniuncta in vnum, non sunt duo simpliciter, sed sunt vnum per vnionem.

Ad secundum Respondeo, sensum D. Augustini esse, quod Christus sit aliud & aliud, non simpliciter, sed secundum quid; nempe secundum naturam: hoc est, habeat aliam & aliam naturam: quæ tamen naturæ, quia sunt vnite in eadem hypostasi, non faciunt aliud & aliud simpliciter, sed vnum simpliciter per vnionem. Legatur S. Thom. art. cit. ad 2.

Ad tertium Respondeo, Christum non esse purum hominem, sed aliquid aliud, nempe Deum. Aliud, inquam, non simpliciter, id est, diuisum; sed vnitum, & factum vnum, seu indiuisum in se, per vnionem.

Ad quartum Respondeo, Christum esse aliquid quod est Pater, nempe quatenus est essentia diuina subsistens in eadem hypostasi Verbi cum humanitate: & simul esse aliquid

17.

quod non est Pater, tum ex parte hypostasis Verbi, quæ realiter distinguitur à Patre; tum ex parte naturæ humanæ, quæ distinguitur realiter ab hypostasi, & ab essentia Patris. Nō tamen propterea Christus est aliquid & aliquid diuissim, ac proinde duo simpliciter: quia essentia diuina, quæ est idem cum Patre, seu est aliquid quod est Pater, nō est diuisa à filiatione seu hypostasi Verbi, per quā, filius distinguitur realiter à Patre; sed hypostasis Verbi est idem realiter cum essentia diuina, quæ est realiter communis Patri & Filio, atque vtriusque proprietatibus identificata, & vnum quid realiter simplex cum qualibet earum constituit. Natura quoque humana, per quam differt Christus realiter à Patre adæquatè, non est tamen diuisa ab essentia diuina, quā Verbum & Christus est idem cum Patre; sed cum illa vnita est mediante hypostasi Verbi, atque ita cum illa facit vnum simpliciter non duo.

Ad quintum, Nego paritatem: quia vt tres personæ diuinæ sint & dicantur vnum simpliciter sub nomine *Deus*, sufficit vnitas naturæ diuinæ expressè eo nomine significatæ, non obstante pluralitate suppositorum. Nomen enim concretum substantiuum & substantiale non effertur pluraliter, nisi sit pluralitas formæ eodem nomine expressè significatæ, vt diximus disp. 6. sect. 3. At nomen Christi significat expressè vnum quid, nempe constitutum ex duabus naturis vnitis in hypostasi, quod constitutum vnicum est. Sicut enim nomen, Petrus, significat expressè Petreitatem, id est, vt loquuntur Philosophi, formam totius, hoc est, quidquid cum hypostasi constituit Petrum: sic nomen Christus significat expressè Christeitatem, vt ita dicam, id est, quidquid cum hypostasi Verbi constituit Christum substantialiter & essentialiter, vt formam essentialem totius Christi.

SECTIO III.

De communicatione idiomatum.

18 **Q**uid sit communicatio idiomatum? Communicatio idiomatum, prout hic sumitur, nihil aliud est, quàm proprietatum seu attributorum diuinorum, & humanorum, inter Deum & hominem mutua prædicatio, per nomina concreta supponentia pro supposito seu persona: quando scilicet, ratione vnionis hypostaticæ, diuina & humana prædicata verè enunciantur de eadem persona quæ simul est Deus & homo. Quotiescunque enim duæ naturæ, vel formæ, vniuntur realiter in eodem supposito; possunt verè de illo prædicari sub nomine concreto supponente pro supposito illo ex vtrâque naturâ vel formâ constituto, aut illis affecto. Cum enim illud vnum idemque suppositum sit verè à parte rei constitutum vtriusque naturæ, vel formæ; potest vtrum-

que constitutum verè de illo affirmari per nomina concreta supponentia modo prædicto. Sensus enim est, quòd suppositum constans seu constitutum v.g. Deitate, sit etiam constitutum humanitate, quod verissimum est: quia est vnum idemque suppositum constans vtrâque naturâ. Vel, quòd id quod habet vnâ ex illis naturis aut formis, sit etiâ habens alteram. Quod æquè verum est. Omnis autem propositio affirmatiua verificatur per hoc, quòd rectum prædicari est idem cum recto subiecti: siue, quòd prædicatum & subiectum pro vno eodemque supponunt. V.g. quia Christus est verè habens Deitatem & humanitatem; potest verè dici, Christus est Deus, &, Christus est homo: & consequenter homo est Deus; aut, Deus est homo; supponendo in his propositionibus pro materiali & confuso significato, quod est suppositum humanitate simul & diuinitate constitutum. Valet enim vi formæ hic syllogismus expositivus: Christus est Deus: Christus est homo: Ergo homo est Deus. Quia medius terminus, Christus, sumitur pro eodem planè singulari & indiuisibili supposito. In quo differt prædictus syllogismus ab isto: Hic Deus est Pater: Hic Deus est Filius: Ergo Filius est Pater. Quia medius terminus, *Hic Deus*, supponit pro supposito non vnico & indiuisibili, sed realiter triplici, constituto hac numero Deitate, quod in maiori & minori propositione non sumitur vniuersaliter pro toto suo significato, sed indefinitè pro aliquo supposito diuino, in hunc sensum: Aliquod suppositum diuinum est Pater: Aliquod suppositum diuinum est Filius: Ergo Filius est Pater. Ideoque prædictus syllogismus neque est expositivus, quia syllogismus expositivus debet constare medio termino planè singulari: neque bene concludit, quia procedit ex puris particularibus, & medius terminus communis non distribuitur in antecedente.

Quæ vt melius intelligantur, Nota primò radicem seu causam communicationis idiomatum in Christo esse vnionem hypostaticam, & identitatem personæ ex vtrâque natura constitutæ, atque vnitatem per se totius ex vtrâque natura compositi. Hinc enim fit vt non modò concreta adiectiua attributorum vtriusque naturæ possint adiectiue & denominatiue de supposito illo, aut de se inuicem enunciari, supponendo pro supposito: sicut albedo v.g. & dulcedo enunciantur de lacte, & de se inuicem, dicendo, Lac est dulce, Lac est album: Album est dulce, Dulce est album: verum etiam concreta naturarum substantiua possint de Christo, vno eodemque supposito vtriusque naturæ, & de se inuicem verè affirmari: dicendo, Christus est Deus, Christus est homo: &, Deus est homo, Homo est Deus. Supponendo in his & similibus propositionibus pro eodem supposito, quòd simul est Deus & homo, quòdque ex vtrâque natura simul & collectiue sumpta constituitur ens vnum per se: cuius vnitatis

19.

Radix seu causa communicationis idiomatum.

habetur etiam ratio in prædictis propositionibus: & cuius defectu, si duæ humanitates uniretur Verbo simul, non fieret inter eas talis communicatio. Neque enim verè diceretur, Ioannes est Petrus, Petrus est Ioannes, &c. eò quòd illæ humanitates simul sumptæ non facerent unum ens per se, sicut faciunt natura diuina & humana in Christo, mediante hypostasi Verbi. Consequenter autem ad mutuam naturarum prædicationem de eodem supposito, & de se inuicem, sit ut proprietates & attributa vnius naturæ possint enunciari non modò de supposito alterius naturæ, sed etiam de se inuicem, sub nominibus concretis supponentibus pro eodem supposito. Neque enim tantum verè dicitur, Christus est mortalis, Christus est immortalis: Deus est passus, mortuus, & sepultus: Homo est æternus, immensus, omnipotens: sed etiam verè dici potest, Mortalis est immortalis: Immutabilis est passus, mortuus & sepultus: Aeternus est temporalis: Immensus est exiguo loco conclusus: Omnipotens est imbecillus.

20.
Communicatio idiomatum debet fieri per concretum.

Nota secundò, huiusmodi prædicationes debere fieri per nomina concreta substantiua, vel adiectiua, quæ significant totum & per modum totius. Totum enim de parte verè prædicari non potest, nec pars de toto, nec pars vna de altera. Nomina autem concreta in eo differunt ab abstractis, quòd abstracta significant formas, aut quasi formas, per se seorsim, & velut auulsas à compositione, aut ab identitate cum alio. Concreta verò significant per modum compositi aut constituti. Et directè quidem, siue in recto, significant id quod habet naturam, vel formam, aut quasi formam, pro eoque supponere solent in propositione, quotiescunque scilicet suppositio non determinatur aliunde ad formale & expressum significatum, ut interdum contingit: obliquè verò formam aut naturam ipsam important, quam expressè significant. Exempli gratia, Concretum, *Deus*, significat in recto suppositum constitutum Deitate: *Homo*, suppositum constitutum humanitate: *persona*, id quod constituitur hypostasi seu personalitate: siue ut alij loquuntur, habens Deitatem, habens humanitatem, habens personalitatem. Est autem hæc differentia inter nomina concreta naturæ, ut *Deus*, *homo*, *leo*, & inter nomina concreta personæ, ut *persona*, suppositum, subsistens: quòd ista significant expressè, sed obliquè hypostasin; & confusè sed in recto naturam. Illa è contrariò significant expressè, sed obliquè naturam; & confusè, sed in recto hypostasin. Falleretur enim si quis existimaret nomina personæ aut suppositi significare in recto & confusè hypostasin: quia si ita esset, significant idem in recto & in obliquo, idemque esset confusum & expressum significatum. Supponunt ergo potius pro natura habente hypostasin, materialiter & confusè significata: obliquè verò & expressè significant hypostasin ut afficientem naturam.

Verum etiam non puto quod ait Vasques disput. 63. cap. 4. & 1. p. disput. 157. cap. 4. nomina concreta naturæ significare in recto naturam, & in obliquo suppositum, id est, significare naturam existentem in supposito. Nam si ita esset, dicere, Deus est homo, vel, homo est Deus: esset dicere, Natura diuina existens in supposito, est natura humana existens in supposito: qui sensus falsus est. Dicere item, Deus generat, vel Deus generatur; esset dicere, Natura diuina existens in supposito generat, vel generatur. Probatur sequela, quia omnis propositio affirmatiua enuncians absolute prædicatum de subiecto, affirmat prædicatum & subiectum esse idem secundum quod illud de hoc enunciat. Fit enim hæc enuntiatio per verbum, *est*, formaliter, aut æquiualeuter. Dicere autem absolute, Hoc est illud, est dicere, Hoc est idem cum illo. Nisi enim essent idem, essent diuersa; & si essent diuersa, vnum non esset aliud. Hæc autem identitas non est necessariò inter adæquatum significatum prædicati & subiecti, nisi in propositionibus in quibus idem omnino sunt prædicatum & subiectum, ut Petrus est Petrus, Petrus est homo, Deus est omnipotens, &c. Sed est inter rectum prædicati & rectum subiecti pro quibus scilicet subiectum & prædicatum supponunt in propositione. Illa enim affirmamus esse idem, de quibus loquimur in recto, & quibus in recto significatis addimus particulam, *est*, ut asseramus vtrumque esse vnum & idem. Nam obliquè significatis non potest hæc particula absolute apponi. Si ergo vox, *Deus*, significaret in recto naturam diuinam, & vox, *homo*, humanam: dicere, Deus est homo, esset dicere, Natura diuina est natura humana, quod est falsum.

Obiicies primò, si concretum, *Deus*, significat idem quod, *habens Deitatem*; ergo tres personæ diuinæ possunt dici tres Dij, quia sunt tres habentes Deitatem.

Respondeo negando sequelam. Quia id significaret esse tres etiam ex parte Deitatis. Nam, secundum consuetum loquendi modum, concreta substantiua substantialia non multiplicantur, nisi multiplicatà formā, vel quasi formā quam expressè significant, ut ostendimus disp. 6. sect. 3. quare multiplicare nomen, *Deus*, esset significare multitudinem Deitatum.

Obiicit secundò Vasques disput. 63. cap. 4. num. 23. Si tres personæ diuinæ assumerent eandem humanitatem, eodem modo communicarentur idiomata, & concreta naturarum eodem modo inuicem prædicarentur, sicut nunc prædicantur. Hoc autem fieret prorsus inuariata nominum significatione quæ antea erat, & quæ nunc est; neque enim Ecclesia post mysteriorum reuelationem eam variavit. In eo igitur casu vera esset hæc propositio, Tres diuinæ personæ sunt vnus homo: & contra, Vnus homo est tres personæ diuinæ. Si verò in his propositionibus pro concreto illo, *homo*, poneretur, *habens*

21.
Vasques.
Nomina concreta naturæ quomodo significant?

22

Deus significat idem ac habens Deitatem substantiuè. Et homo, habens humanitatem.

23

Vasq.

humanitatem, falsæ essent propositiones, ut constat: ergo concretum naturæ non potest per id quod est, habens naturam, explicari. Similiter vera est hæc propositio, Tres personæ sunt vnus Deus: & hæc pariter, Vnus Deus est tres personæ. Si autem pro, *Deus*, poneretur, *habens Deitatem*; vtrique falsa esset: ergo concretum illud malè ita resoluitur.

Respondeo negando Minorem vtriusque syllogismi, si sumatur, *habens Deitatem*, & *habens humanitatem*, pro concreto substantiuo æquivalente terminis substantiuis *Deus*, & *homo*. Nam hoc sensu tres personæ diuinæ essent vnum habens humanitatem, vnum, inquam, suppositum, non re, sed ratione & conceptu confuso. Sicut tres personæ diuinæ sunt vnus Deus, id est, vnum ratione suppositum, & realiter triplex, habens Deitatem. Et eodem sensu, vnus homo, id est, vnum suppositum ratione, & re triplex habens humanitatem, esset tres personæ diuinæ: sicut Deus, id est, vnum ratione suppositum & re triplex habens Deitatem, est tres personæ. Dixi autem, si sumatur substantiuè; quia adiectiuè sumptum multiplicaretur, seu pluraliter efferretur, iuxta pluralitatem suppositorum, ut diximus loco supra citato.

24. Vsq. Obiicit tertio Vasques 1. parte disp. 157. cap. 4. num. 14. Si Deus significat idem quod, *habens Deitatem*: ergo perinde est dicere, Deus genuit Deum; atque dicere, habens Deitatem genuit habentem Deitatem. Quare sicut licet dicere, habens Deitatem genuit alium habentem Deitatem; licebit etiam dicere, Deus genuit alium Deum, quod est absurdum.

Respondeo negando consequentiam. Quauis enim dici possit adiectiuè, habentem Deitatem genuisse alium habentem Deitatem; secus tamen substantiuè. Quia, ut supra diximus, nomina concreta substantiuia non multiplicantur, nisi multiplicatâ formâ quam expresse significant. Nomen autem, Deus, substantiuum est.

25. Obiicit quarto ibidem num. 15. sequeretur ex nostra doctrina hanc propositionem esse veram, Deus non generat, quia sensus esset, habens Deitatem non generat. Quæ propositio cum sit indefinita, sicut hæc, Aliquod habens Deitatem non generat, & hæc sit vera: erit quoque ipsa vera. Item istæ non essent contradictoriæ, Deus generat, Deus non generat; sed ad formandam contradictionem, oporteret addere, nullus Deus generat, veluti si diceremus, nullus habens Deitatem generat. Hoc autem est absurdum, quia termino, *Deus*, addere particulam, *nullus*, blasphemum est. Denique si cum dicimus, Deus generat Deum, subiectum & prædicatum supponerent pro supposito quod in recto significaretur, nempe pro Patre & Filio: quia Filius est alius à Patre, dicere etiam possemus, Deus genuit alium Deum.

Respondeo negando primam sequelam,

quia terminus, *Deus*, non supponit indefinitè, sed vniuersaliter ex parte suppositi seu materialis & directi significati. Est autem falsum de illo vniuersaliter quod non generet. Vnde pariter nego id quod secundo infert Vasques. Neque propterea voci, *Deus*, addenda est vox, *Nullus*: nam materiale eius significatum ratione vnum, & re multiplex, satis distribuitur per syncategorema, *non*: Neque addi rectè potest, quia hoc significaret nomen, *Deus*, posse pluraliter accipi, quod est falsum, quia Deitas per illud expresse significata est vnica. Eademque de causa quamuis Filius sit alius à Patre, non potest dici alius Deus à Patre, neque Deus genuisse alium Deum: quia concretum, *Deus*, non potest multiplicari propter solam suppositorum pluralitatem in vnica natura diuina expresse per illud substantiuum significata.

Obiiciunt quintò aliqui recentiores, Si hæc propositio, *Deus est homo*, resolveretur per istam, *Deus est habens humanitatem*, sine vlla additione; mysterium Incarnationis exprimeretur adæquatè hac propositione, *Deus est humanatus*; significat enim habens humanitatem. Consequens ostenditur falsum ab exemplis: quia non adæquatè exprimitur mysterium Incarnationis his propositionibus: Christus est homo diuinus, Christus est homo deifer, Christus est homo Dominicus, quæ sunt denominatiuæ, sicut ista, Christus est Deus humanatus. At reiciuntur hæc propositiones ab Athanasio, Nazianzeno, & Damasceno, ut videre est apud Vasq. disput. 63. cap. 2. non quidem quod hæc propositiones sint falsæ, quæ usurpantur ab Epiphano. hæresi 69. August. lib. 83. Qu. qu. 53. Imò ab ipso Athan. in epistola ad Epict. Sed quia imperfectè explicant hoc mysterium. Nam habens deitatem, vel habens humanitatem, non determinat, quod habeat plusquam vnione accidentaria. Imò nec perfectè exprimitur hoc mysterium dicendo, Deus est incarnatus: nam sine vnitate personali potest vna substantia de alia prædicari denominatiuè: Puta, homo est armatus, est vestitus, id est, habens arma, & vestes. At Deus est incarnatus, vel humanatus, est etiam prædicatio denominatiua. Propositio ergo, quæ plenè hoc mysterium explicat, est ista, Deus factus est homo: siue, Deus iam est homo. Quia hæc secunda prædicatio non tribuit vnâ substantiam alteri, ut ad eam pertinentem, vel eam afficientem accidentaliter: sed denotat vnitatem personalem: Quare hæc propositio Deus est homo, non significat simpliciter Deus est habens naturam humanam, quod non determinaret modum habendi plusquam accidentalem: sed significat est habens naturam humanam, ut suam, & propriam sibi naturam, ac non, ut sibi coniunctam accidentaliter.

Respondeo, quando dicimus propositionem illam, *Deus est homo*, resolui per istam,

Deus est habens humanitatem, nos sumere, *habens humanitatem*, pro concreto substantiuo, & prout æquiualeat termino substantiuo *Homo*, ut diximus num. 22. non autem in sensu adiectiuo solum, & denominatiuo, de quo procedit obiectio. Neque diffitemur posse commodè addi, ad id magis explicandum, particulam, *ut suam, & propriam sibi naturam, & non accidentaliter tantum coniuunctam*: vel potius, ut sibi vnitate hypostaticè, siue in vnitate suppositi: sed contendimus vocem, *Habens humanitatem*, sumptam in sensu substantiuo, his particulis æquiualeat, quoad sensum implicite per illam significatum.

27. Nota tertio, tria genera prædicationum hic distinguenda esse. Primum earum quibus naturæ in concreto prædicantur de Christo, id est, de illo vno eodemque supposito, Christus est Deus, Christus est homo. Secundum earum in quibus naturæ in concreto prædicantur de se inuicem, Deus est homo, & homo est Deus. Tertium earum in quibus attributa naturæ diuinæ prædicantur de natura humana in concreto, id est, de homine: vel e contrario attributa & proprietates naturæ humanæ prædicantur de natura diuina in concreto, id est, de Deo, atque etiam de se inuicem. Homo est immortalis, æternus, omnipotens: Deus est mortalis, temporalis, passibilis: Mortalis est immortalis: Passibilis est impassibilis: Temporalis est æternus. Et hoc tertium genus illud est quod proprie dicitur communicatio idiomatum seu proprietatum, fundatum in communicatione naturarum, & in duobus prioribus generibus prædicationum.

28. Porro non tantum Deus prædicatur de Christo, sed etiam Verbum. Quia Christus est Verbum in vnitate suppositi. Et consequenter non tantum attributa, & proprietates naturæ diuinæ secundum se sumptæ, possunt de Christo prædicari; sed etiam proprietates Verbi: ut quod generetur à Patre, quod sit imago Dei, quod spirat Spiritum sanctum. Valet enim hic syllogismus expositorius, Verbum est imago Dei, generatur à Patre ab æterno, & spirat Spiritum sanctum. Sed Christus est Verbum: Ergo &c. At non ita proprietates Patris aut Spiritus sancti peculiare, & non conuenientes Verbo, vel naturæ diuinæ secundum se. Nam in illis non habet locum syllogismus expositorius quo probatur communicatio idiomatum: sed potius oppositio relatiua, quam habent ad inuicem, impedit talem communicationem. Item, quia hæc natura humana singularis, nempe Christi humanitas, fuit Verbo vnita, quæcumque illi speciatim conueniunt, possunt de Verbo & de Deo prædicari, ultra ea quæ naturæ humanæ per se & specificè conueniunt; ut quod sit conceptus ex Maria Virgine, crucifixus, mortuus, sepultus, ascenderit in cælum &c. At non ea quæ propria sunt aliorum hominum, & neque Christi humanitati singulari, neque humanæ naturæ se-

cundum se conueniunt. Ratio enim cur aliquid, quod sit hominis, tribuatur Deo; aut aliquid, quod sit Dei, tribuatur homini, est quia conuenit Christo qui est Deus & homo, & quia Deus & homo in aliquo sunt vnum, & vtrumque nomen implicite dicit vnum quoddam: videlicet Deus & homo sunt vnum in hypostasi Verbi, & formaliter est vnum suppositum ex duabus naturis constitutum. Propter quam vnitatem cum Deus sit homo, & homo sit Deus; id quod conuenit Deo & Verbo, tribuitur etiam homini: & id quod conuenit homini & Christo, tribuitur etiam Deo & Verbo. Atque ita id quod hominis est, non tribuitur Deo secundum formale & explicitum illius nominis, *Deus*, significatum, sed secundum implicitum & materiale. Similiterque quod Dei est, non tribuitur homini secundum explicitum & formale illius nominis, *homo*, significatum, sed secundum implicitum. Deus enim non per se & immediate, ut natura constans, factus est homo, sed ut Verbum. Vnde quæ sunt hominis ut natura humana constituti, non sunt per se proximè communicata Deo ut natura constans, sed Verbo. Et quæ sunt Dei, non conueniunt constituto naturæ humanæ ut tali per se proximè, sed supposito illius naturæ. Vnde etiam fit ut dum ea, quæ hominis sunt, tribuuntur Deo, sit longè alius sensus, quam dum tribuuntur homini. Etenim homo per se formaliter passus est, & mortuus, ut homo, siue secundum humanitatem. Deus verò passus & mortuus est non ut Deus formaliter & secundum diuinitatem, sed secundum humanitatem. Quare idiomatum communicatio fit in sensu tantum specificatiuo, non in reduplicatiuo. Falsum enim est dicere Deus ut Deus est passus, & mortuus. Homo ut homo est impassibilis, æternus, omnipotens, immensus.

Quæres an quæcumque dicuntur de Christo, vel de hoc homine qui est Christus, possint dici de Deo? Ratio dubitandi est, quia diuersius præcedens id inferre videtur. Contra verò, de Christo, vel de hoc homine enunciatur quod sit persona composita ex duabus naturis, quod non potest de Verbo enunciari.

Respondeo discursum à nobis factum regulariter & communiter intelligendum esse, quando scilicet prædicatum supponit in propositione pro materiali significato, id est, pro supposito, ut regulariter & communiter fieri solet. Secus autem si aliquando supponit pro formali, vel pro toto, ut in exemplo allato & similibus. Addendum etiam est id, quod alibi notauimus, prædicata naturæ humanæ quæ ei conueniunt per modum partis, id est, explicando officium partis, ut pars est, in ordine ad compositum vel suppositum, non tribui ipsi supposito vel composito. V.g. quamuis humanitas terminetur à supposito diuino, non dicimus suppositum terminari à supposito diuino: Et quamuis humanitas componat, non dicimus com-

29.

Non quæcumque possunt dici de Christo, possunt dici de Deo.

positum componere. Item quamvis humanitas mutata fuerit per vnionem hypostaticam & adiunctionem hypostasis Verbi, non propterea Verbum aut compositum debet denominari mutatum ab illa mutatione, vel assumptum & terminatum hypostaticè.

SECTIO IV.

*Corollaria ex precedentibus, & resolutio
multarum difficultatum circa idio-
matum communicationem.*

30. **E**X his collige primò, in his omnibus prædicationibus habendam esse maxime rationem vnionis hypostaticæ. Ita vt neque in re ipsa negetur, neque in modo concipiendi & significandi ab ea præcindatur. Quippe quæ est fundamentum totius huius communicationis prædicatorum diuinorum & humanorum, & proprietatum vtriusque naturæ.

Abstracta de abstractis, aut abstracta de concretis, vel contra, prædicari non posse in sensu proprio & formali. Quia abstracta significant naturas aut rationes secundum se: ideòque significant vnum esse alterum, aut vnum alteri conuenire secundum se, & non ratione vnionis hypostaticæ. Quare in rigore falsæ sunt huiusmodi propositiones, Deitas est passa, incarnata, mortua: Deitas est homo, Homo est Deitas: quia in modo enunciandi significant sensum formalem. Et multò magis ista, Deitas est humanitas: quæ ne quidem in sensu identico est vera, propter realem distinctionem extremorum ab inuicem. Aliquando tamen Patres vtuntur his locutionibus, Deitas est passa, incarnata, mortua. Sed intelligendi sunt synecdochicè, pars pro toto: vel in sensu identico, quatenus suppositum, quod est realiter idem cum Deitate, est passum denominatiuè per humanitatem: aut etiam in sensu mediato & remoto, nempe quòd Deitas sit incarnata mediante hypostasi Verbi, & passa mediante humanitate hypostaticè sibi vnita. Sanè si iuxta Lateran. cap. 2. de Summa Trinit. essentia diuina non dicitur generans neque genita, licet sit idem cum Patre qui generat, & cum Filio qui generatur, & mediante paternitate generet: quantò minùs Deitas, quæ per se proximè non vniuit sibi naturam humanam sed Verbo, dicetur passa aut incarnata?

31. **D**ices: Nonne valet syllogismus iste expositorius, Verbum est incarnatum: Verbum est Deitas: ergo Deitas est incarnata? Respondeo non valere: quia mutatur suppositio de materiali in formalem. Verbum enim est incarnatum ex parte materialis: & est Deitas ex parte formalis præcisè sumpti. Simili de causa non valet hic syllogismus, Filius Dei est Deitas: Hic homo est Filius Dei: ergo hic homo est Deitas: & consequenter Deitas

est hic homo. Non valet, inquam, quia in Maiori sentius est identicus: in conclusione, formalis. Sicut in isto, Pater generat: Deitas est Pater: ergo Deitas generat: variatur sentius, qui est identicus in Minori, & formalis in Maiori & in conclusione.

Collige tertio, propositiones illas quæ repugnant vnioni hypostaticæ, & ea attributa quæ important negationem suppositi diuini, vel inuoluunt hypostasim creatam in Christo, & distinctionem personarum, non posse tolerari. Cuiusmodi sunt istæ: Christus est pura creatura: vel, hic homo est pura creatura. Christus est purus Deus. Item, Christus est homo dominicus, vel diuinus, vel Deifer, si particula illa, Dominicus, Diuinus, Deifer, sumantur adiectiuè & purè denominatiuè accidentali denominatione. Sic enim significant Christum secundum se esse purum hominem, & tantum accidentali quodam modo habere adiunctam diuinitatem. Ideòque negantur hæ propositiones à multis Patribus: vt ab Athanasio, Nazianz. Damasc. & aliis quos refert Vasques disp. 63. cap. 2. num. 7. & sequentibus. Quamuis alio sensu catholico ab aliis admittantur. Nam Epiphanius in Anchorato longè post medium, Didimus lib. 3. de Spiritu sancto longe post initium, tomo 9. Bibliothecæ sacræ, Athan. in expositione fidei, sub finem, & August. lib. 83. qu. qu. 57. circa finem, Christum appellant hominem dominicum. Item negatur ab aliquibus Patribus vt à Cyrillo Alexand. Damasc. & Petro Diacono hæc propositio, Homo factus est Deus, eo sensu quo innuit hominem, prius existentem in propria hypostasi, factum esse Deum: sicuti Verbum, prius subsistens in propria hypostasi, factum est homo. Alio tamen sensu significante solum vnionem humanitatis cum Verbo, admittitur quòd homo factus sit Deus, asseriturque expressè ab Augustino lib. 1. de Trin. cap. 13. initio, Nazianz. orat. 35. quæ est secunda de Theologia num. 86. Cyrill. in epist. ad Nestor. quæ refertur in Concilio Chalcedonensi actione 1. & Damasc. lib. 3. de Fide cap. 11. Minùs tamen propria videtur hæ locutio. Quia cum propriè dicitur aliquid fieri, non simpliciter & absolutè, sed tale vel tale, per aliquid physicè ipsi adueniens vera & reali actione: significatur propriè loquendo quòd tempore vel natura prius sit, quàm fiat tale vel tale. Christus autem non prius tempore vel natura fuit homo quàm Deus. Homo enim non est nomen solius naturæ, sed suppositi. Non fuit autem prius suppositum, quàm esset Deus. In casu verò quo Verbum assumpsisset humanitatem præexistentem per propriam hypostasim, propriè diceretur, homo factus est Deus, quamuis hypostasis creata desineret per assumptionem. Sicut propriè dicitur lignum fieri ignis, & vnum fieri aliud per conuersionem, quamuis aliquid illius pereat in conuersione. Quare non assentior Vasqui contrarium asserenti disp. 64. num. 16. In

32. Propositiones repugnant vnioni hypostaticæ non admittendæ.

Vasques

Epiphanius
Didymus

Athanasius
Augustinus

Augustinus
Nazianzus

Cyrillus
Damascenus

Vasques

vniversum autem quando aliqua communicatio idiomatum, propter aliquam rationem videbitur deteriorem aliquam speciem præ se ferre, breui adiecta declaratione poterit mala significatio vitari.

33.

An hæc
propositio,
homo est
Deus, sit
propositio
per se?
Vasq.

Collige quartò verum esse quod docent S. Bonavent. Scotus, Palud. Durand. Maior, Gabriel, Bassolius, Almainus, & alij quos citat, & sequitur Vasques disput. 68. cap. 2. num. 4. has propositiones, Deus est homo, & Homo est Deus, non esse propositiones per se, vt istæ, Petrus est homo, & homo est risibilis: aut sicut istæ, Christus est homo, Christus est Deus: Iesus est homo, Iesus est Deus, si tamen Iesus est nomen totius compositi, & non tantum huius individui naturæ humanæ, vt sentit Cardinalis Delugo disp. 23. num. 55. & 56. contra Vasquem loco supra citato. In quo calu vltima propositio non esset per se, sed contingens, vt illæ, Deus est homo, & Homo est Deus. Ratio est quia, cum iuxta Aristotelem 1. Poster. cap. 4. sint tantum quatuor modi dicendi per se: nempe per se primò, quado prædicatum est de definitione seu essentia subiecti: Per se secundò, quando subiectum est de essentia seu definitione prædicari, & saltem obliquè in ea ponitur. Per se in essendo, quo pacto substantia per se subsistens dicitur esse per se: & per se in causando: quo pacto dicitur causa per se, illa quæ propriè & per se influit in effectum, opponiturque causæ per accidens: vt Architectus ædificat, Musicus canit, Iugulans interficit: Duo postremi non pertinent ad propositas enunciationes. Quia in illis non enunciat de Deo, vel de homine modus per se essendi vel causando, id est, quod per se subsistat, aut per se aliquid causent, vt ex terminis earum manifestum est. Quare non sunt in tertio vel quarto modo dicendi per se. At neque etiam sunt in primo vel secundo. Quia neque prædicatum est de essentia subiecti formaliter, vt debet esse in primo modo dicendi per se: neque subiectum est obliquè in definitione prædicati, vt debet esse in secundo modo dicendi per se. Neque enim homo est de essentia Dei, neque Deus de essentia hominis formaliter sumpti. Imò ne quidem necessariò vnum alteri conuenit. Nam vtrumque prædicatum significat aliquid contingenter adueniens subiecto. Contingens enim est diuinitatem & humanitatem vniri in vnum suppositum. Vnde rectè infert Scotus nec per se conuenire; quia prædicatum, quod alicui subiecto per se conuenit primo vel secundo modo prædicationis, necessario ei conuenit.

34.

Hæc pro-
positio,
Deus est
homo, est
propria.

Malè verò inde concludit Durandus in 3. distinct. 4. quæst. 2. num. 9. & sequentibus, hæc propositionem, Deus est homo, non esse adeò propriam, atque istam, Petrus est homo, Quia, inquit, cum propositio affirmatiua sit vera, & propria, ex identitate prædicati cum subiecto; vbi est maior identitas, ibi est maior veritas & proprietas. Sed dicendo, Petrus est homo, ibi est maior identitas prædi-

cati cum subiecto: ergo ibi maior est veritas & proprietas. Imò, quod deterius est, grauiusque carpitur ab alijs Theologis, addit Durandus num. 12. & sequentibus, hæc propositionem, Deus est homo, &, Beata Virgo est Mater Dei, non esse veram in sensu omnino proprio, & seruatò rigore sermonis: sed potius dicendum esse, Deus est humanatus. Quia de quocumque prædicatur homo omnino propriè, prædicatur in quid, cum non sit denominatiuum. Sed homo non potest prædicari de Deo in quid: quia ad interrogationem factam, Quid est Deus: non propriè respondetur, homo. Item proprietas prædicationis denominatiuæ non stat cum omnimoda proprietate prædicationis in quid, nec è conuerso. Vnde non propriè dicitur, Sortes est humanatus; quia propriè dicitur, Sortes est homo. Atqui iuxta Damascenum lib. 3. de Fide cap. 2. ista propria est, Deus est humanatus: Ergo ista non est omnino propria, Deus est homo. Denique, inquit, diuersæ naturæ existentes in eodem supposito non prædicantur omnino propriè de se inuicem, nisi vtræque, vel saltem altera sumatur denominatiuè: Vtræque, vt dicendo, Album est musicum: vel altera, vt Sortes est albus. Nimirum quia duæ naturæ in aliquo supposito se habent aliquo modo vt partes totius subsistentis. Partes autem non prædicantur omnino propriè de toto, vel de alia parte, nisi denominatiuè. Hæc Durandus.

Damasc.

Quorum primum non est verum, neque bene probatum. Quamuis enim homo dicatur de Petro per se & essentialiter, de Deo autè contingenter; nō idcirco minùs propriè & verè dicitur: quia non minùs verè & propriè prædicatur, quod cōtingēter, atq; etiam denominatiuè, vt Petrus est albus, quàm quod essentialiter, vt Petrus est homo. Neque enim minor est identitas inter rectum subiecti & prædicari in vna propositione, quàm in alia. Hæc autem est quæ asseritur per copulam, est, in propositione affirmatiua. Et tamen propositio contingens est, quia prædicatum significat in obliquo aliquid contingenter conueniens subiecto. Licet, inquam, Petrus sit homo essentialiter, Deus autem sit factus homo contingenter, & accidentaliter logicè: hoc tamen non impedit quò minùs sit verè, & propriè identitas inter prædicatum, & subiectum in hac propositione, Deus est homo: sicut in ista, Petrus est homo. Nam in vtræque terminus, Homo, significat habens humanitatem, siue constitutum natura humana. Tam autem verum est, quod Deus habeat humanitatem, & per illam constituatur in esse hominis; quàm quod Petrus per eandem sit homo. Tamen si non eodem modo id in vtræque propositione verificatur. Nam in prima verificatur, quia Deus est habens humanitatem mirabiliter assumptam, & substantialiter sibi coniunctam in vnitatem suppositi. In secunda verò propositione verificatur, quia Petrus est habens humanitatem, non vt assumptam, sed vt per se primò, & essentialiter

35.

Impugnatur opinio
contraria
Durandi.

liter ipsum constituentem. Nihilominus tamen in prima propositione tam verè idem sunt Deus, & habens humanitatem; quàm in secunda sunt idem Petrus & habens humanitatem.

36. Alterum verò Durandi pronunciatum temerarium & erroneum est: quippe repugnans Concilio Lateran. sub Martino I. Consult. 5. can. 3. *si quis non confitetur verè & propriè Dei genitricem sanctam semper Virginem immaculatam Mariam, sit condemnatus.* Et VI. Synod. Synodo VI. generali actione 11. ubi in epist. Sopronij, quæ approbatur actione 13. asseritur, Beatam Virginem propriè & veraciter esse Matrem Dei. Non est autem Beata Virgo verè & propriè Mater Dei, nisi in quantum est mater hominis, qui verè ac propriè Deus est: quare repugnat Conciliis citatis asserere hanc propositionem, Homo est Deus, aut, Deus est homo, non esse veram & propriam. Neque dicas Durandum negare solum id dici posse omnino propriè. Nam particula *omnino*, additur tantum à Durando ad tegendum errorem: rationes autem ab eo allatæ contendunt id non posse dici propriè. Deinde Concilia citata pronunciant id dici propriè simpliciter & sine addito. Quod autem dicitur propriè & simpliciter, dicitur omnino propriè & simpliciter, id est, dicitur sine metaphora & impropriate, & absque ullo abusu vocis.

37. Ad primam autem Durandi rationem, Respondeo, in hac propositione, Deus est homo, subiectum supponere pro Verbo incarnato, materialiter & confusè seu implicite significato, de quo, interroganti quid sit tam aptè & propriè responderetur quòd sit homo, quàm quòd sit Deus.

Ad secundam, Nego maiorem. Nam v.g. de sanctissima Trinitate propriè dicitur, quòd sit Deus, & quòd sit divina: & de persona Patris verè ac propriè dicitur, Hæc persona est Deus, & hæc persona est divina: de essentia quoque propriissimè dicitur, Hæc essentia est Deitas, & hæc essentia est divina: item de Petro propriè dici potest, Hoc suppositum est homo, & hoc suppositum est humanum. Vel, Hoc animal est homo, & hoc animal est humanum. Quare non assentior Vasqui disp. 63. num. 12. & 14. affirmanti, regulam Durandi valere in nominibus concretis ipsarum formarum substantialium, & deficere solum in nominibus suppositorum. Nam liquet ex exemplis allatis deficere in utrisque. In his autem prædicationibus modus communis loquendi sequendus est, & vitandæ sunt illæ prædicationes quæ non sunt in usu, ut Petrus est humanus: quamquam in usu sit ut dicatur esse animal humanum, substantia humana, persona humana. Non potest etiam dici Petrus est humanatus, quia hæc propositio innuit naturarum diuersitatem in Petro, quarum vna humanitatem assumpsit, quod de Petro falsum est. Cum autem Damascenus à Durando citatus ait, Deum esse humanatum, sumit

Tomus IV.

humanatum participialiter pro incarnato, ut patet ex participio Græco, *ἡνωσέντο*, quo Damascenus ibi usus est.

Ad tertiam Respondeo, diuersas naturas existentes in eodem supposito, sed vnitas substantialiter, & ens vnum per se constituentes, posse de illo, & de se inuicem enunciari, non modò denominatiuè substantiali denominatione, seu potius adiectiuè: sed & substantiuè in concreto supponente pro supposito ex vtraque natura constituto. Qui modus aprior est ad exprimendam vnionem earum substantialem & vnitatem suppositi, ut supra diximus num. 24. Ita verò se habent natura humana & diuina in Christo. Cum autem sic enunciantur, non affirmatur pars de toto subsistente, quod non nisi figuratè & impropriè per synecdochē fieri potest. Nam naturæ non enunciantur in abstracto, & velut partes totius, sed in concreto nominibus totum significantibus partim confusè & materialiter, partim expresse & formaliter.

Collige quintò quid sentiendum sit de prædicationibus à D. Thoma propositis & explicatis tota quæstione 16. Deus est homo: Homo est Deus: Christus est homo dominicus: Deus factus est homo: Homo factus est Deus: Christus est creatura: Iste homo (demonstrato Christo) incepit esse: Christus secundum quod homo, est creatura: Christus secundum quod homo, est Deus. Christus secundum quod homo, est persona.

De quinque prioribus sufficiunt quæ diximus. Sexta & septima sunt veræ in rigore de subiecto stante formaliter pro toto composito, licet ad vitandam suspitionem Ariani erroris, bonum sit addere, secundum humanitatem, ut ait S. Thom. art. 8. & 9. vel, secundum quod est compositum ex natura humana & hypostasi Verbi, quod compositum effectum est, adeoque creatum latè. Si enim creatum sumatur strictè pro producto immediatè ex nihilo, sola materia prima, & anima Christi sunt hoc sentu creatæ. Quamuis autem, ut supra diximus, concreta in subiecto propositionis supponere soleant pro materiali significato, id est, pro supposito: interdum tamen determinantur à prædicatis, ut stent formaliter, id est, ut supponant pro formali significato, ut sit in prædictis duabus propositionibus. Quòd enim Christus sit creatura, quòdque hic homo Christus inceperit esse, conuenit illi non ratione suppositi, seu ex parte hypostasis diuinæ, quæ increata est & æterna; sed ratione humanitatis, vel ratione compositi ex illa & hypostasi, formaliter sumpti ut compositum est. Legatur Vasques disp. 65. cap. 2. & 3. ubi nobiscum sentit.

Nota præterea aliquos Patres non tantum de Christo dicere quòd sit creatura, seu quòd creatus sit, vel inceperit esse: sed etiam de ipso Verbo & Deo, per communicationem idiomatum ratione humanitatis. Sic

V

38.

Ad testif.

39.

S. Thom.

Positne verè dici Christus est creatura, & Christus incepit esse,

40.

VI. Synod.
Leo.
Nazianz.

Hieron.
August.

Sophronius in epist. quæ habetur in VI. Synodo act. 11. Leo serm. 3. de Pentecoste, Nazianz. oratione 38. quæ est de Natiuitate, non longè ab initio : & orat. 42. quæ est secunda de Paschate, longe post initium, Hieronym. in cap. 2. ad Ephes. ad illa verba, *Ipsius enim factura sumus*, & August. serm. 12. de Tempore, initio. Propriè tamè & simpliciter non potest dici Deus aut Verbum incepisse, quamuis inceperit esse homo. Quia licet aliquid antea existens incipiat esse tale vel tale; non propterea dicitur propriè incipere esse simpliciter, quasi tunc primò suum esse simpliciter accipiat : sed cum addito tantum, dicitur incipere esse tale: v.g. qui anno ætatis quadragesimo fit Rex aut Pontifex, non dicitur simpliciter incipere esse, sed incipere esse Rex aut Pontifex.

41.

Christus
secundum
quod ho-
mo est
creatura.

Sequitur octaua propositio, Christus secundum quod homo est creatura: quæ verissima est, & propriissima, si particula, *secundum quod*, referatur ad formale significatum hominis, vt aptissime refertur specificando seu determinando eam Christi rationem, secundum quam conuenit illi esse creaturam.

S. Thom.

Christus
secundum
quod homo
est Deus.

Nona vt vera sit, debet particula, *secundum quod*, referri ad suppositum, non ad naturam, vt ait S. Thom. qu. 16. art. 11. quia verò particula illa potius stat pro natura, quam pro supposito; debet potius hæc propositio negari, quam concedi, vt addit S. Thom. ibidem. Ratio est, quia particula illa duobus modis tantum propriè sumi potest. Nempe vel vt nota perfectitatis, & reduplicatiuè: vel vt nota specificationis, & determinationis. Priori modo non potest verè sumi in propositione de qua loquimur. Quia Deus non prædicatur per se de homine, vt supra ostendimus. Ergo non potest affirmari de homine cum nota perfectitatis. Ergo non potest verè dici, Christus secundum quod homo est Deus, sumendo, *secundum quod*, vt notam perfectitatis. Posteriori etiam modo non est vera: quia sensus esset, Christus est Deus per illam naturam quæ determinatur particulâ, *secundum quod*, nempe per humanam. Adde quòd aliqui istæ propriè veræ essent, Christus secundum quod homo est increatus, æternus, impassibilis. Si enim secundum quod homo est Deus; etiam secundum quod homo est increatus, æternus, impassibilis.

42.

Christus
secundum
quod homo
est perso-
na.

Decima & vltima, Christus secundum quod homo est persona vel hypostasis, seu suppositum, est vera: siue particula, *secundum quod*, accipiat ratione suppositi: quia suppositum naturæ humanæ in Christo non est aliud, quam persona Filij Dei. Siue etiam accipiat ratione naturæ, & intelligatur hoc sensu, quòd naturæ humanæ competat esse in aliqua persona, abstrahendo tamen à propria personalitate, quam in Christo non habet; quia Christi humanitas nō est per se seorsim, subsistens à natura diuina, & si hoc significaretur per huiusmodi propositionem, esset falsa. Ita S. Thom. q. 16. art. 12. Et de his hætenus. Neque enim in huiusmodi difficulta-

S. Thom.

tibus ad modum tantum loquendi pertinentibus lubet diutius immorari.

Tantum moneo iterum, quando aliqua diutius enunciari videbuntur, vel inferri per syllogismum expositorium, distinctione vtendum esse. v.g. Si quis ita inferat: Christus est creatura: Christus est Verbum: Ergo Verbum est creatura: Item, Hic homo Christus incepit esse: Verbum est hic homo Christus: ergo Verbum incepit esse. Maior horum syllogismorum distinguenda est, & conclusio similiter, Christus est creatura & incepit esse secundum humanitatem, vel prout est compositum: Concedo. Secundum hypostasim vel diuinitatem, Nego. Item si quis inferat, Deus creauit omnem creaturam: Christus est Deus: ergo creauit omnem creaturam. Sed Christus ipse est creatura: ergo creauit seipsum. Distinguenda est maior in hunc modum: Deus, quæ Deus, creauit omnem creaturam, Concedo: alia ratione quæ potest illi aduenire, quemadmodum ipsi aduenit esse hominem, Nego. Sed Christus est Deus: Distinguo: Deus tantum, Nego. Deus & homo simul, Concedo. Ergo Christus creauit omnem creaturam: Distinguo: Quæ Deus, Concedo: quæ homo, Nego. Sed Christus est creatura, distinguo: quæ homo, Concedo: quæ Deus, Nego. Ergo Christus creauit seipsum: Distinguo: Christus quæ Deus creauit seipsum vt hominem, Concedo: vt Deum, Nego. Idemque dico de sequenti syllogismo, Hic homo est Deus: Verbum factum est hic homo: ergo Verbum factum est Deus. Maior enim distinguenda sic est: Est Deus tantum, Nego. Deus & homo simul, vel compositum ex duabus naturis in vna hypostasi diuina, Concedo. Et similiter consequens distinguendum est: factum est simpliciter, Nego. Factum est Deus-homo, seu compositum ex duabus naturis, Concedo. Eodem recidit quod alij respondent, propter diuersitatem suppositionis in antecedente & in consequente, committi fallaciam accidentis in huiusmodi syllogismis, id est, mutari sensum materialem in formalem: vel esse quatuor terminos, saltem æquiuenter. Quia terminus mutans suppositionem æquiualeat duobus. Verbi gratia, in hoc syllogismo, aliud est fieri hominem, vt dicitur in antecedente: & aliud, fieri Deum, vt dicitur in consequente, id est, fieri in esse Dei, sicut fit in esse hominis, formaliter scilicet & quæ talis.

Eandem verò ob causam, nempe ob naturarum in Christo diuersitatem, diuersamque nominum appellationem, non sunt contradictoriae propositiones quibus opposita de Christo enunciantur: vt esse passibilem, & impassibilem: æternum, & temporaneum: creatorem, & creaturam: finitum, & infinitum &c. Quia referuntur ad diuersas naturas: & secundum illarum vnā conuenit Christo esse impassibilem, æternum, increatum, infinitum: secundum aliam, esse passibilem, & creatum in tempore.

43.

Distinctio
prudens et
achibenda
in huius-
modi pro-
positioni-
bus.

44.

DISPUTATIO

NONA,

De Gratia Christi.

- Seçtio I. *An Christus ad suam sanctitatem eguerit gratia creata
sanctificante?*
- Seçtio II. *Soluantur obiectiones contra doctrinam præcedentem.*
- Seçtio III. *An Christus habeat gratiam creatam habitualem?*
- Seçtio IV. *De virtutibus animæ Christi infusis, deque donis Spi-
ritus sancti, & gratis gratis datis.*
- Seçtio V. *Quanta fuerit gratia Christi, & quando ipsi data?*
- Seçtio VI. *An gratia habitualis constituat Christum formaliter caput
Ecclesiæ?*



DE Gratia Christi disputat S. Thomas quæst. 7. & 8. & in priori docet fuisse in Christo gratiam habitualem, propter unionem animæ illius ad Verbum, & dignitatem eiusdem animæ, utque de eius plenitudine omnes acciperent. Fuisse quoque in Christo virtutes: quia sunt quædam deriuationes gratiæ. Fidem tamen in eo non fuisse: quia ab initio suæ conceptionis vidit plenè Deum per essentiam. Neque etiam spem, nisi eorum quæ nondum erat adeptus: putà circa immortalitatem, & gloriam corporis, quam poterat sperare. Fuisse quoque in illo excellentissimè dona Spiritus sancti, quippe cuius anima perfectissimè à Spiritu sancto mouebatur. Etiamque donum timoris Dei, non quidem secundum quod respicit malum separationis à Deo per culpam, neque etiam secundum quod respicit malum punitionis pro culpa: sed secundum quod respicit ipsam diuinam eminentiam: prout scilicet anima Christi, quodam affectu reuerentiæ mouebatur in Deum à Spiritu sancto acta. Fuisse præterea in eo gratias gratis datas, sicut in primo & principali Fidei doctore, ut per illas suam doctrinam manifestaret: atque etiam donum prophetiæ, quatenus ea, quæ procul erant ab aliorum viatorum notitia, & cognoscebat & annunciabat. Cùmque anima Christi à principio suæ conceptionis fuerit vnita diuinitati: fuerit quoque vniuersale principium in genere omnium habentium gratiam: debuit habere maximam gratiam secundum modum perfectissimum quo haberi potest, & plenitudinem

omnium effectuum gratiæ, qui sunt virtutes & dona. Et hæc plenitudo Christi est propria, nullique alteri conuenit: licet alij plenitudinem quandam habeant gratiæ secundum suam conditionem, siue quoad intensiorem, secundum terminum à Deo sibi præfixum: siue etiam quoad virtutem, quatenus habent facultatem gratiæ ad omnia quæ pertinent ad suum officium, siue statum. Gratia tamen Christi habitualis finita est secundum suum esse: quia est in ipsius anima, velut in subiecto: & anima Christi est creatura quædam, habens capacitatem finitam: unde esse gratiæ, cum non excedat suum subiectum, non potest esse infinitum. Potest tamen aliquo sensu dici infinita, eo quod non limitatur, & non datur ei ad aliquam certam mensuram. Neque potuit in illo augeri: cum haberet summam & perfectissimam, atque ab initio esset comprehensor & beatus secundum animam. Fuit autem unio hypostatica prior natura infusione gratiæ habitualis: quia missio filij per incarnationem, debuit esse prior missione Spiritus sancti per infusionem gratiæ sanctificantis in anima Christi: atque etiam quia unio hypostatica fuit causa infusionis gratiæ: ac denique quia unio ordinatur ad esse suppositi, gratia verò ordinatur ad operari. Est autem prius esse, quàm operari: Actiones enim sunt suppositorum. Unde actio, & per consequens gratia ad illam ordinans, præsupponit hypostasim operantem.

In posteriori quæst. docet Christum esse caput Ecclesiæ, secundum similitudinem humani capitis; influereque in homines primariò & principaliter secundum animam, & secundariò quantum ad corpus. Esse autem caput hominum diversimodè. Aliquorum in potentia tantum; aliorum secundum fidem dumtaxat; aliorum etiam secundum charitatem: quorundam denique secundum gloriam. Esse quoque caput Angelorum: quia Ecclesia, cuius est caput, constat ex hominibus & Angelis: gratiam verò quâ caput Ecclesiæ constituitur, ratione solùm differre à gratia personali; quâ eius anima sanctificatur: quia ex eminentia illius gratiæ provenit quod in alios influat. Proprium quoque unius Christi esse, quod sit caput Ecclesiæ secundum interiorem influxum: quippe cuius humanitas sola, ex eo quod est diuinitati coniuncta, habet virtutem iustificandi; quantum verò ad exteriorem gubernationem, commune esse Christo cum aliis quod sit caput Ecclesiæ: cum differentia tamen, quia Christus est caput omnium eorum, qui ad Ecclesiam pertinent, quouis loco, tempore, & statu: alij autem homines dicuntur capita secundum quædam specialia loca, sicut Episcopi suarum Ecclesiarum: vel secundum tempus determinatum, sicut Papa est caput totius Ecclesiæ tempore sui Pontificatus: & secundum statum determinatum, prout scilicet sunt in statu viatoris. Item quia Christus est caput Ecclesiæ propriis virtute & auctoritate: alij verò solùm prout gerunt vicem Christi. Addit denique Diabolum esse caput omnium malorum quoad exteriorem

gubernationem: & Antichristum, quoad malitiæ perfectionem. Sicut enim in Christo omnis plenitudo diuinitatis inhabitauit: ita in Antichristo erit omnis malitiæ plenitudo. Non quòd eius humanitas sit assumpta à Diabolo hypostaticè, sicut humanitas Christi à Filio Dei: sed quia Diabolus suam malitiam eminentiùs in illum quàm in alios influet suggerendo. Hucusque D. Thom.

SECTION I.

An Christus ad suam sanctitatem eguerit gratia creata sanctificante?

1.
Duplex indigentia gratiæ.



Vobis modis intelligi potest Christum eguisse gratia creata sanctificante. Primò, vt esset Deo gratus, id est, dilectus supernaturaliter, & proportionatus ad merendum. Secundò, vt esset bene dispositus & instructus in actu primo permanente, ad bene operandum supernaturaliter. Pro quo nota sanctitatem, seu iustitiam supernaturalem creaturarum tria includere in suo integro & perfecto conceptu. Primum est reddere gratum Deo, id est, dilectum supernaturali dilectione, hoc est, tendente ad finem & effectus supernaturales, præcipuèque ad Dei fruitionem. Secundum est, esse immunè ab omni peccato mortali, atque etiam veniali si perfecta sanctitas est. Tertium est, esse bene dispositum permanenter ad operandum supernaturaliter circa honestum, id est, habere principium habituale, vel aliud, naturam suam permanentem, & supernaturale, sibi adiunctum, atque paratum constanter concurrere ad exercendas operationes bonas & supernaturales. Loquimur autem nunc de illa sanctitate, non de alia morali & minus strictè sumpta, quæ rebus etiam inanimatis conuenit, & quæ dicuntur sancta quæcumque sunt Deo specialiter consecrata, seu deuincta & dicata, vt dies, templa, vestes, & vasa diuino cultui dicata: vel ea in quibus specialiter Deus inhabitat, aut quæ speciali modo suæ præsentie honorauit. Quo sensu intellige illud Exodi 3. *Locus in quo stas, terra sancta est.* Et 2. Petr. 1. *Cum essemus cum illo in monte sancto*, id est, in monte Thabor, in quo Christus gloriosus apparuerat. Hoc autem genus sanctificationis habuit Christus vi vnionis hypostaticæ formaliter, per quam eius humanitas fuit Deo coniuncta in vnitate suppositi, multò magis quàm templa, vestes, vasa, & similia, Deo deuinciantur: & per quam Deus in Christo inhabitauit & apparuit, multò magis quàm in locis eius præsentia sanctificatis. De priori vero genere sanctitatis,

Sanctitas dupliciter sumitur, pro vna, & pro morali.

2.
Christus non eguit gratia creatam vt esset Deo gratus.

Dico primò Christum non eguisse gratia creata sanctificante, vt esset Deo gratus, id est, à Deo dilectus supernaturaliter. Ratio est, quia ipsa vnio hypostatica hanc ei amabilitatem formaliter conferebat, multò excellentiùs quàm gratia quæ reliqui iusti san-

ctificantur, fiuntque Deo grati supernaturaliter. Est enim vnio hypostatica ex parte Verbi, hypostasis ipsa diuina vt per se immediatè coniuncta naturæ humanæ, atque ipsamet natura diuina coniuncta eidem naturæ humanæ mediante hypostasi Verbi diuini. Hæc autem hypostasis & natura diuina est ipsamet sanctitas substantialis & essentialis, infinitè amabilior, quàm vlla forma creata supernaturalis: estque perfectiùs coniuncta naturæ Christi humanæ, quàm vlla qualitas supernaturalis possit esse coniuncta naturæ alicui intellectuali: quia cum natura Christi humana constituit vnū suppositum. Quocirca si accidentia supernaturalia possunt reddere subiectum gratum formaliter, sique adiunctum vllum potest tribuere decorem & amabilitatem supernaturalem alicui rei: multò magis illa hypostasis & natura diuina per eam communicata, reddit gratam, & placentem, & acceptabilem ad omnia alia bona supernaturalia, naturam cui coniuncta est tam arctè, vt vnum ens per se, & vnā cum ea personam constituat. Adde quòd illa vnio constituit formaliter Christum Filium Dei naturalem, in quo Patri bene complacuit. Si autem vi illius formaliter est Dei filius naturalis; ergo & Deo summè gratus, & consequenter hæres vitæ æternæ, ad quam ius habet Christus ratione diuinæ hypostasis & naturalis filiationis, multò magis quàm alii iusti ratione gratiæ sanctificati, & adoptionis. Ex hac item vnione fit vt bona Christi opera sint infinitæ æstimationis, & dignitatis moralis apud Deū infinitè maioris, quàm sit vis meritoria iustorum per gratiam creatam sanctificantem habita. Quod signū est vnionem hypostaticam infinitè plus dare Christo dignitatis ad merendum, & amabilitatis supernaturalis, quàm sit illa quæ datur per gratiam creatam sanctificantem.

Huc pertinent multa Scripturæ & Patrum testimonia, in quibus Christus (nimirum vt talis formaliter, & ratione vnionis hypostaticæ) dicitur fuisse vnctus in sanctum sanctorum Danielis 9. & natus sanctus, vi nimirum ipsius natiuitatis, seu conceptionis & constitutionis substantialis: *Quod enim ex te nascetur sanctum, vocabitur Filius Dei*, Luc. 1. & dilectus, quia filius, *Hic est filius meus dilectus in quo mihi bene complacuit*, Matth. 3. & 17. Dicitur item eius humanitas fuisse sanctificata, vnctā, delibata, & Deificata ipsa diuinitate, & coniunctione cum diuina persona, vt loquuntur Dionysius Alexandrinus, Athanasius, Basilus,

3.
Probat ex scriptura.

Vasquez.
Suarez.

Nazianzenus, Augustinus, & alij Patres, locis à Vasque relatis disp. 41. cap. 3. & à Suarez disp. 18. sect. 1. Et verò cum vnaquaque forma constituat secundum gradum suum & ordinem id cuius est forma, & det esse tale, qualis ipsa est (effectus enim formalis est ipsum esse formæ vt communicatum subiecto) dubitari non potest quin hypostasis Verbi diuini, quæ est quasi forma constituens Christum in esse suppositi, det illi esse diuinum, sanctissimum, Deoque gratissimum, & infinitæ dignitatis: cum ipsa sit planè diuina, ac proinde sanctissima, Deoque gratissima, infinitæque dignitatis, sitque identicè ipsa essentia diuina, quam secum vnit mediàtè naturæ humanæ.

4.

Christus
fuit sancti-
ficatus for-
maliter &
immediatè
per hypo-
stasis Ver-
bi.

Fie autem hæc sanctificatio formaliter & immediatè per ipsammet hypostasis Verbi, humanitati vnitam, vt docent S. Thom. qu. 6. art. 6. Valentia, Suarez, Lorca, & alij recentiores quos citat & sequitur Delugo disp. 16. n. 31. Quemadmodum enim gratia creata sanctificat animam, eo ipso quòd illi vnitur & inhæret, eamque facit participem, seu confortem naturæ diuinæ, vt loquitur Petrus Apostolus, & capacem merendi: sic hypostasis Verbi sanctificat formaliter & immediatè humanitatem, eo ipso quòd illi vnitur. Quia verò per hypostasin Verbi vnitur etiam mediàtè ipsa diuinitas, seu essentia diuina: hinc est quòd illa quoque mediàtè sanctificat humanitatem, quatenus illi quasi formaliter coniuncta est per hypostasin. Quo sensu Nazianzenus oratione 42. quæ est 2. de Paschate, ante medium, alijque Patres dicunt humanitatem fuisse diuinitate delibutam, & Christum fuisse vnctum à Deo, id est, sanctificatum, oleo diuinitatis. Et quidem infinitè plus est humanitatem vniri mediàtè diuinitati, quàm vniri immediatè gratiæ habituali.

Naziana.

5.

Hæc sancti-
ficatio est
physica.

Hæc verò sanctificatio physica est, id est, per formam physicam, aut quasi formam, sanctificantem, physicè vnitam. Vltra quam intelligunt aliqui ex præsentia & coniunctione diuinitatis & hypostasis diuinæ resultare in humanitatem splendorem quendam moralem sanctitatis & dignitatis infinitæ, in qua sola constituunt totam Christi sanctificationem formaliter. Sed vt alibi diximus disp. 2. sect. 5. splendor ille in re ipsa nihil aliud est, quàm vnio, seu status vnionis humanitatis cum Verbo, ex qua vnione humanitas fit infinitè Deo grata formaliter, eiusque opera infinitè dignificantur, id est, eò plus infinitè æstimantur, quòd fiunt à natura Verbo vnita hypostaticè. Nam sicut formalis iustitia & sanctitas creata informando constituit physicè iustum & sanctum, aptumque ad merendum de condigno, absque alio splendore morali resultante à gratia: ita Verbi diuini hypostasis terminando, & velut informando, constituit non modò suppositum cum humanitate, sed etiam humanitatem sanctam & Deo gratam, aptamque ad merendum infinitè.

Neque etiam verum puto quod aiunt 6.

Vasques & Suarez locis suprà citatis humanitatem fuisse sanctificatam ipsa Deitate, vel hypostasi diuina, mediante vnione vt conditione. Licet enim hypostasis eam non sanctificauerit nisi vt vnitam: tamen vnio illa non fuit tantum conditio, sed substantialis ratio hypostasi & diuinitati vt sanctificanti. Quemadmodum enim hypostasis diuina non fuit actu hypostasis humanitatis, nisi eam actu terminando: ita neque fuit humanitati sanctitas, nisi eodem modo. Et sicut actualis terminatio non fuit conditio hypostasi diuinæ vt personalizanti, sed fuit illi substantialis seu essentialis ratio in esse terminantis: ita non fuit illi conditio tantum vt sanctificanti seipsa, sed fuit vt tali substantialis ratio, sine qua hæc terminatio & sanctificatio nullo modo esse neque intelligi potest. Sic denique vnio formæ cum materia non est tantum conditio ipsi vt informanti: sed est de ratione intrinseca ipsius vt actus informantis, & est ipsemet effectus formalis, qui nihil est aliud, quàm forma vt vnita & communicata materiæ. Sic denique causalitates aliarum causarum, non sunt tantum conditiones illis vt causantibus.

Vnio hy-
nitatem
posita
non fuit
tūm condi-
tio necessa-
ria ad illius
sanctifica-
tionem.

Dico secundo Christum non eguisse gratia creata sanctificante vt esset perfectè immunis à peccato. Ratio est quia ipsamet vnio hypostatica multò magis immunem reddit ab omni peccato, quàm gratia creata sanctificans. Nam vnio hypostatica est absolute incompatibilis cum omni peccato, mortali & veniali, actuali & habituali, originali & personali, vt ostendimus disp. 13. sect. 3. & 4. At verò gratia creata sanctificans compatitur de potentia & lege ordinaria peccata venialia in subiecto in quo est: & de potentia absoluta potest compati mortalia, vt ostendimus in Tractat. de peccatis, & in Tract. de Gratia: neque sola vi sua ea excludit sine Dei gratuita condonatione: quia cum sit entitatis & virtutis finitæ, non est sufficiens per se sola ad extinguendū debitum peccati mortalis, quod infinitum est, & non potest tolli sufficienter & condignè nisi per infinitam satisfactionem eius malitiæ æquivalentem: aut per gratuitam Dei condonationem. Cum autem dico gratiam sanctificantem posse absolute compati peccatū mortale, loquor de gratia habituali præcisè sumpta: non autem de toto statu sanctitatis & iustitiæ supernaturalis in quo includitur puritas à peccato mortali, cum qua est impossibile coniungi peccatum mortale in eodem subiecto. Neque etiam de statu adoptionis, quæ conuenienter, & infallibiliter secundum legem præsentem, coniungitur cum gratia habituali, & formaliter consistit in eo quòd Deus acceptet iustificatum ad vitam æternam, detque illi ius ad eam obtinendam si in gratia decesserit. Cum quo iure non potest stare peccatum mortale, saltem quoad reatum seu debitum pænæ æternæ. Nam ius habendi vitam æternam, &

7.
Christus
non eguit
gratia crea-
ta vt esset
immunis à
peccato.

debitum illa carendi perpetuò, simul esse non possunt. Item si, ut putat Lessius lib. 12. de perfect. diuin. cap. 11. adoptio consistit formaliter in speciali inhabitatione spiritus diuini in anima iusta, seu Deo grata, & moraliter participatione ipsius naturæ diuinæ specialiter inhabitantis, & regentis, ac mouentis ad bene operandum supernaturaliter: valde probabile est hunc statum esse planè incompossibilem cum peccato mortali, ut docet auctor citatus ibidem: Quia non decet spiritum diuinum tam specialiter sese communicare, & tam arctè coniungere, atque tali modo inhabitare in corpore subdito peccatis. Sed hæc sententia fuit à nobis alibi reiecta. Et quamuis esset vera: adhuc tamen magna est differentia inter filiationem adoptiuam & naturalem, quoad exclusionem peccati. Nam peccatum multò magis est incompossibile cum naturali filiatione, quàm cum adoptiua. Quia multò magis repugnat esse infectam peccato naturam quæ per vnionem hypostaticam facta est Dei propria, & vna cum illo persona: quàm naturam tantùm adoptatam & extraneam. Licet enim adoptio iuxta illam sententiam, sit aliqua participatio ipsiusmet naturæ diuinæ, & non tantum donorum creatorum: tamen non transfert personam adoptatam ad veram vnitatem & proprietatem esse diuinam, ut facit vnio hypostatica. Deinde filiatio naturalis est incompatibilis cum omni peccato, tam mortali quàm veniali: vtrumque enim summè dedecet personam diuinam & cum illius sanctitate infinita est prorsus impossibile. At adoptio compatitur peccata venialia. Neque enim iusti peccantes venialiter, desinunt esse filij adoptiui, Christique fratres & coheredes. Vltèrius filiatio naturalis est perpetua, & excludit omne peccatū in futurū, neque potest per peccatum amitti, quia impossibile est peccare naturam hypostaticè vnitam, ac proinde non potest per peccatum mereri priuationem vnionis hypostaticæ: deberet enim peccare saltem naturā prius quàm vnio dissolueretur, quod impossibile est. At verò adoptio non excludit in futurum peccata mortalia. Multi enim excidunt à iustitia & adoptione per peccatum mortale, & ex Filiis Dei, sunt gehennæ filij.

8. Dico tertio Christum, ut esset bene dispositus seu instructus. permanentè ad bene operandum supernaturaliter, nō eguisse gratia & habitibus creatis, quibus formaliter potens constitueretur. Probatur, quia licet vi hypostasis præcisè, & ratione vnionis hypostaticæ quatenus ad hypostasim Verbi terminatur, non constituatur formaliter potens ad operandum supernaturaliter (nam hypostases diuinæ non sunt actiue ad extra; & sicut oculus Christi non melius videt, vi solius hypostasis diuinæ cui vnitur; sic neque anima melius intelligit, aut vult, si nihil aliud addatur) consequenter tamen poterat Christum sufficienter potentem constituere, quatenus illi naturam diuinam adiungebat

(quæ per seipsam efficere potest quidquid possunt habitus supernaturales, & infinitè plus) atque moraliter exigebat ut si desissent habitus creati; natura diuina per seipsam eleuaret animam Christi ad actus supernaturales ipsi conuenientes. Exigit enim vnio hypostatica ut natura à se sanctificata, & ad fastigium diuinitatis quantum potest euecta, eleuetur ad operationes supernaturales ipsi proportionatas, & quarum capax est. Quod addo, quia res omnes Verbo vni-biles non sunt capaces eiusdem sanctitatis & eleuationis. Alio enim modo sanctificat & eleuat corpus; alio, animam capax amoris mutui & visionis ac fruitionis Dei, iurisque ad illam fruitionem. At tamen vnio hypostatica hoc tribuit omni naturæ quam sanctificat, ut ei conuenienter debeat elevatio ad modum operandi proportionatum tantæ dignitati, & ad actus supernaturales quorum capax est.

SECTIO II.

Soluantur obiectiones contra doctrinam præcedentem.

ADuersus hæc multa obijciuntur de quibus fusè Delugo disp. 16. sect. 1. & tribus sequentibus. Ac primò, contra id quod diximus humanitatem Christi sanctificari & Deo gratam reddi per hypostasin Verbi, & diuinitatem sibi vnitam, obijciunt quòd in casu possibili, vel impossibili, quo natura humana vniretur hypostaticè Angelo iusto & sancto, non propterea esset sancta & Deo grata per sanctitatem seu gratiam Angelo inhzrentem: imò natura illa posset simul esse in peccato habituali, atque etiam actu peccare mortaliter: neque opera quæ exercet, essent condignè meritoria vitæ æternæ.

Respondèdo disparem esse rationem de gratia tantùm inhzrente Angelo, & nullo modo immediatè secundum se communicata humanitati, ne quidem identicè. Illa enim sicut nullo modo informat humanitatem, sed impertinenter se habet, & per accidens, ad hypostasin Angeli ipsi vnitam: ita nec vllò modo sanctificat eā sanctitate de qua nunc loquimur, nempe specialiùs sumptà pro statu animæ Deo gratæ, & specialiter ab eo dilectæ in ordine ad vitam æternam. Licet alioqui ex illa vnione humanitas foret honorabilior & amabilior, quàm sine illa, cæteris paribus. At verò hypostasis Verbi, quæ immediatè vnitur humanitati, est forma sanctissima & amabilissima per se formaliter: & identicè est ipsa diuinitas, quæ est omnimoda sanctitas substantialis.

Secundò, contra id quod diximus, humanitatem reddi sanctam formaliter & substantialiter per vnionem diuinitatis, quæ est sanctitas substantialis, & fundamentalis omnis alterius sanctitatis, obijciunt humanita-

9.
Prima ob-
iectio in
contrarium;

Gratia in-
hazens An-
gelo non
sanctifica-
ret aliū ipsi
vnitum;

10.
Secunda
obiectio.

tem reddi debere pariter intelligentem & volentem formaliter, immensam, æternam, & omnipotentem, per vnionem diuinitatis. Si enim redditur sancta formaliter & substantialiter, quia sanctitas Dei substantialis ei vnitur & communicatur: debet similiter reddi formaliter & substantialiter intelligens per diuinam intelligentiam, & volens, & immensa, æterna, omnipotens: quia hæc omnia attributa diuinitatis illi vnuntur & communicantur.

Cur humanitas reddatur magis sancta per vnionem, quam immensa, æterna, &c.

[11.
Tertia
obiectio.

Respondeo negando paritatem. Quia ad denominationem sancti formaliter, nihil aliud requiritur, quam habere sibi adiunctam & informantem, aut velut informantem, vel identificatam formam sanctificantem. Vt verò quis dicatur formaliter intelligens & volens, debet actus illos vitales exercere vi propria, & vitaliter tendere per se ipsum in obiectum. Vt verò dicatur formaliter immensus & æternus, debet esse per se vbique, & sine initio & sine essendi. Vt dicatur omnipotens, debet omnia posse. Hæc enim sunt propria & formalia vocum illarum significata.

Tertiò, contra id quod diximus, humanitatem sanctificari per ipsam hypostasim Verbi, obicitur hypostasin, prout virtualiter distinguitur à natura diuina, non sanctificare formaliter ipsum Verbum: ergo non potest sanctificare formaliter humanitatem. Probatur consequentia, quia quod non est sanctitas, non potest formaliter sanctificare. At hypostasis Verbi præcisè sumpta non est sanctitas formaliter, quia aliqui Verbum sanctificaret. Quod autem non sanctificet Verbum, patet quia non est id à quo Verbum habet formaliter primam radicem suæ beatitudinis, sed sola natura diuina: sicut in nobis solus habitus gratiæ sanctificat formaliter, quia solus habitus gratiæ est prima radix visionis & beatitudinis æternæ.

[12.]

Huic argumento respondent aliqui recentiores concedendo antecedens, & negando consequentiam. Quia licet hypostasis non sit Verbo prima radix suæ beatitudinis: secus tamen humanitati. Nam ita perficit naturam humanam, & ita illam reddit pulchram, decoram, & amabilem, ut ratione illius communicetur etiam illi à Deo hæreditas æternæ beatitudinis. Et licet eam accipiat intuitu quoque naturæ diuinæ sibi communicatæ: non minùs tamen accipit intuitu hypostasis immediatè sibi vnire, per quam non minùs perficitur, & amabilis redditur, quam per diuinitatem mediatè sibi vnitam. Quare non minùs est prima radix vna, quam altera: quia beatitudo communicatur humanitati non minùs intuitu vnius, quam alterius, sistendo in seipsa, ac propter ipsam ut per se amabilem tali tantoque amore qui sufficiat ad communicandam ei beatitudinem æternam. Illud autem est prima radix beatitudinis, cuius intuitu, sistendo in ipso, communicatur beatitudo. Hæc illi.

Quibus oppono primò, Verbum esse formaliter vnde quaque sanctum, sicut est vnde quaque diuinum: & Trinitas, qua Trinitas, est formaliter sancta per hypostasim & origines diuinas, quæ sunt aliquid sanctius infinitè, & Deo gratius, quam gratia creata, qua iusti sanctificantur. Secundò, voluntarie restringi formam sanctificantem ad illam solam, quæ est prima radix beatitudinis. Etenim iusti non solum sanctificantur per habitum gratiæ: sed etiam per alios habitus supernaturales, & dona Spiritus sancti, ex quibus omnibus exurgit sanctitas totalis habitualis. Vlteriùs verò sanctificantur etiam sanctitate actuali per opera virtutum supernaturalium, de quo genere sanctificationis aiebat Christus Ioan. 17. *Ego pro eis sanctifico meipsum*, actuali scilicet sanctitate: neque enim crescebat habituali sanctitate, quam ab initio conceptionis accepit quantam nunc habet. Tertiò denique, si hypostasis Verbi est humanitati prima radix beatitudinis, quia sistendo in ipsa, seu propter ipsam, humanitas est digna beatitudine, æquè ac propter diuinitatem, propter quam non est magis amabilis, quam propter hypostasim, ut dicunt Aduersarij: ergo hypostasis est quoque Verbo prima radix beatitudinis, quia sistendo in ipsa, ac propter ipsam, Verbum non est minùs dignum beatitudine, quam propter diuinitatem, quæ non est amabilior hypostasi, ut iidem auctores asserunt. Quod tamen non est verum quoad id quod hypostasis veluti superaddit essentiæ; præsertim in opinione eorum qui volunt hypostasim & diuinitatem mutuo præscindere. Nam hypostasis præcisà à diuinitate est tantum infinita secundum quid, nempe in genere paternitatis, filiationis, aut spirationis passiuæ. At essentia diuina est simpliciter infinita in omni genere perfectionis: ideòque infinitè magis amabilis & æstimabilis. In opinione verò aliorum qui volunt essentiam includi in quocumque conceptu hypostasis, quippe quæ mutuo non præscindit, hypostasis adæquate sumpta, quoad omnia quæ sunt intrinsecè de ipsius conceptu, se habet ad essentiam, ut includens ad inclusum; estque extensiuè amabilior, quam essentia præcisà ab hypostasi.

Quartò, contra id quod diximus humanitatem sanctificari formaliter per ipsam diuinitatem mediatè vnitam, obicitur inde sequi tres personas sanctificare formaliter eandem humanitatem: quia effectus provenientes ab ipsa diuinitate sunt communes tribus personis.

Respondeo id non sequi. Quia licet omnes effectus provenientes ab ipsa diuinitate in genere causæ efficientis, sint communes tribus personis: secus tamen effectus formales qui proveniunt ex ipsa ut communicata mediante aliqua proprietate, & cum illa formaliter constituyente aliquid. Cuiusmodi est effectus formalis sanctificandi, & Deificandi naturam humanam, qui non conuenit diui-

13.
Hypostasis
sanctificat
formaliter,

14.
Quarta ob-
iectio.

Tres per-
sonæ diu-
inæ non san-
ctificat for-
maliter hu-
manitatem,

nitati nisi ut vnita humanitati mediante hypostasi Verbi, & ut cum illa componenti Christum intrinsecè. Quo pacto non se habent ad humanitatem Pater, & Spiritus sanctus: ideòque non sanctificant illam formaliter. Quamuis enim humanitas ex identitate mediata hypostasis Verbi, & immediata diuinitatis cum Patre, & Spiritu sancto, sit amabilis & estimabilis infinitè: non tamen ab illis sanctificatur formali & intrinseca sanctitate: quia non constituunt formaliter Christum, & non sunt illius forma aut quasi forma, vel pars intrinseca. Simili modo Pater, Filius, & Spiritus sanctus sanctificantur formaliter & intrinsecè per Deitatem: & tamen Pater non ita sanctificatur per Filium, & Spiritum sanctum: neque Filius per Patrem, neque Spiritus sanctus per alias personas, quæ non sunt de ipsius constitutione intrinseca.

15. *Quinto obicitur, Si humanitas Christi sanctificatur per ipsam diuinitatem: ergo tam est sancta, quam ipse Deus, & consequenter tam amabilis formaliter. Quod est absurdum & falsum. Deus enim necessariò & infinitè magis amat suam diuinitatem, quam Christi humanitatem, cuius amor est Deo liber & contingens. Probatur sequela, primò, quia humanitas est sancta formaliter per eandem formam, seu sanctitatem, quæ Deus ipse. Ergo tam est sancta, quam ipse Deus. Secundò, quia bonitas & sanctitas reddit subiectum bonum & sanctum secundum totam suam perfectionem, quippe quam totam illi communicat secundum omnes suos gradus. V.g. bonitas ut octo, reddit subiectum bonum & amabile ut octo. Ergo bonitas & sanctitas infinita simpliciter, cuiusmodi est diuinitas, reddit humanitatem bonam & sanctam infinitè simpliciter. Ergo æqualiter ac Deum ipsum.*

Humanitas Christi non tamen est sancta formaliter, quam est ipse Deus. Respondeo negando sequelam. Ad cuius primam probationem nego pariter consequentiam. Aliter enim se habet diuinitas ad Deum, cui conuenit per essentialitatem: aliter ad humanitatem, cui conuenit tantum per participationem & adiectiuè. Sicut licet diuinitas sit eadem ratio formalis, propter quam Deus amatur propter se, & proximus propter Deum: non propterea reddit proximum æquè amabilem, ac Deum ipsum: quia aliter se habet ratio illa formalis ad Deum, aliter ad proximum. In forma igitur distinguo antecedēs. Humanitas est sancta formaliter, sed adiectiuè tantum, id est, ab adiecto, & participatiuè, per eandem formam, seu sanctitatem, quæ Deus ipse essentialiter & per se, atque ita modo longè diuerso: Concedo. Eodem prorsus modo: Nego. Ergo æqualiter ac Deus: Nego consequentiam. Modus enim diuersus habendi formam, addit vel detrahit perfectioni effectus eius formalis, & denominationis ab ea sumptæ, respectu eius à quo perfectius, vel imperfectius habetur. Perfectius autem est habere per essen-

tiam & per identitatem, quàm habere solum per unionem gratuitam. Quare meritò Suarez disp. 53. sect. 3. *5. Plus ad dicendum*, ait sanctificationem humanitatis per gratiam unionis, longe minorem esse sanctificatione per essentialitatem, quam Verbum aut natura diuina per se habet.

16. Ad secundam probationem Respondeo, non omnem formam reddere subiectum tam amabile, aut sanctum, aut perfectum, quàm ipsa est absolute & per se: sed quantum illud reddi potest ex communicatione talis formæ, quæ quamuis se totam communicet, non propterea mutat naturam intrinsecam subiecti, neque facit illud esse in seipso paris dignitatis cum ipsa forma sibi communicata. Adde, quòd sicut gratia sanctificans inherens lapidi v.g. non illum redderet tam gratum, atque animam vel Angelum cui inhaereret, neque posset in illo sortiri perfectè illum effectum formalem amabilitatis aut sanctitatis, quem sortitur in anima vel in Angelo: ita nec diuinitas sortitur partem effectum formalem, ut ita loquar, in humanitate Christi, atque in Deo ipso. Imò neque exhauritur ab humanitate, quasi illi formaliter immediatè uniatur, & non tantum idèticè, secundum totam suam amplitudinem virtutalem intensiuè & extensiuè infinitam in omni genere perfectionis, & inexhaustibilem à creatura, non minus in esse seu communicari, quàm in cognosci seu comprehendendi cognitione.

17. Instabis, quia humanitas Christi, licet non propter se ac seorsim, tamen ut coniuncta Verbo, coadoratur eodem cultu patriæ: ergo ut sic est æquè sancta, excellens, & amabilis.

Respondeo, coadorari quidem eodem cultu externo, qui fertur in Christum totum indiuisibiliter, propter supremam excellentiam Verbi: sicut cultus hyperdulæ fertur in totam Beatam Virginem, & cultus dulæ fertur in sanctum, propter excellentiam gratiæ & beatitudinis animæ. Neque enim alius cultus externus redditur eius animæ, & alius corpori: affectus tamen internus estimationis & honoris non eodem modo & æqualiter tendit in Christum secundum omnes eius partes. Nam in Verbum tendit ut per se supremum ens necessariò & essentialiter, atque ratione sui adorabile. In humanitatem verò solum ut coadorabilem, propter excellentiam Verbi non necessariò sibi unitam. Quare in Verbum fertur propter excellentiam propriam: in humanitatem verò, propter excellentiam Verbi. Et quamuis hæc coadoratio non vocetur respectiua, quia excellentia, propter quam redditur humanitati, est in eodem supposito, in quo est humanitas; unde non est respectiua ad aliquid extrinsecum, ut imago ad prototypum: reuera tamen non est tam absoluta ut adoratio Verbi, quæ simpliciter absoluta est respectu Verbi, quatenus Verbo redditur propter intrinsecam, essentialitatem, & propriam

ipsiusmet excellentiam : qui modus adorandi longè nobilior est. Utque supra diximus, non eodem modo & æquè perfectè sanctificari humanitatem per diuinitatem, ac Verbum ipsum per eam sanctificatur : ita neque dignificatur eodem & aquali modo. Notandum autem aliud esse loqui de humanitate : & aliud loqui de Christo, qui intrinsecè includit hypostasim & diuinitatem : atque ea ex parte est æquè sanctus & adorabilis, ac Deus ipse : quia est verè & essentialiter Deus. Notandum secundo, licet humanitas non fiat sancta æqualiter ac Deus, per vnionem hypostaticam : fieri tamen infinitè sanctam physicè, ac non tantum moraliter infinitè æstimabilem : quatenus per veram & physicam vnionem habet formam, quàm multò magis sanctificatur physicè, quàm anima per gratiam intensiue infinitam, si illius capax esset. Ostendimus autem alibi vnum infinitum posse altero esse perfectius. Quod necessario fateri debent quicumque admittunt posse infra Deum dari aliquod infinitum.

SECTIO III.

An Christus habeat gratiam creatam habitualem?

18.
Christus
habuit co-
uenienter
gratiam
creatam.

S. Thom.

Respondeo, conueniens fuisse Christum ornari & sanctificari gratia creata habituali, & virtutibus infusis ad operandum supernaturaliter instrui, illisque reipia instructum fuisse. Ita communi consensu Theologi. Probatur primò, quia gratia, & virtutes infusæ, sunt qualitates supernaturales excellentissimæ, Christi que dignitati valde conuenientes, & vtiles ad operandum supernaturaliter. Secundò, vt rectè argumentatur S. Thom. qu. 7. art. 1. si ceteri homines gratiam obtinent propter vnionem cum Deo, cuius influxum recipiunt : multò magis anima Christi, quæ Deo magis coniuncta fuit. Quantò enim aliquod receptiuum est propinquius causæ influenti, tantò magis participat de influentia ipsius. Tertio, cum ceteri iusti & sancti gratia creata habituali sanctificentur, instruanturque virtutibus supernaturalibus, vt docet Trident. sess. 5. cap. 7. conueniens fuit Christum illis quoque sanctificari & instrui, quoad eius dignitati non repugnabat : vt sic caput esset membris homogeneum, quantum fieri poterat, & nos de ipsius plenitudine acciperemus, vt dicitur Ioan. 1. Adde, Christum non modò esse caput, sed & exemplar iustorum & prædestinatorum, ad Rom. 8. Ergo sicut iusti & prædestinati accipiunt formas supernaturales creatas, quibus sanctificantur, & instruuntur ad operandum supernaturaliter : sic &c. Confirmatur, quia illi quoque possent cum remissione peccati sanctificari moraliter per assistentiam & specialem præsentiam Dei, atque ab

eodem immediatè eleuari ad omnes actus supernaturales, sicut reipsa eleuantur ad actus illos supernaturales, qui præcedunt iustificationem & infusionem habituum supernaturalium. Illi enim non possunt procedere ab habitibus naturæ posterioribus, sed à Dei concurru & auxilio speciali suppleto defectum habitus, qui simili modo semper suppleri posset. Et tamen quia conaturalius & melius est vt iusti physicè sanctificentur per formas inhærentes, & per eas constituentur permanentes & intrinsecè potentes ad operandum actus supernaturales dignos vitam illa spiritali, quam per gratiam sanctificantem accipiunt ; ideo Deus habitus illos infundit. Ergo similiter quamuis Christus posset constitui potens per assistentiam specialem diuinitatis sibi vnite mediata, decuit tamen vt per formas intrinsecas, & immediatè sibi vnitas, vim illam plenam & completam acciperet.

Quæres, an Christus fuerit sanctior per gratiam creatam sanctificantem, quàm esset per solam hypostasim Verbi, aut diuinitatem sibi vnitam : ita vt sanctitas hypostatica fuerit per gratiam aduenientem aucta, vel ex utraque maior quædam sanctitas totalis extiterit. Negat Vasq. disput. 41. cap. 4. vers. ultimo. Quoniam, inquit, sanctificatio per Deitatem, quæ est Deificatio, est infinita, & ita omnem alium modum sanctificationis absorbet, vt nihil perfectionis in genere sanctificationis possit ipsi accrescere. Confirmatur, quia alioqui ex bonis operibus, quæ Christus quotidie exercebat, aduenisset illi aliquid sanctitatis, & perfectionis, ac consummationis iustitiæ, quod est contra doctrinam Patrum. Adde, quòd sanctificari propriè, est fieri Deo gratum in ordine ad vitam æternam. Ergo magis sanctificari, est fieri magis gratum Deo in ordine ad maiorem Dei visionem. At Christus non erat Deo gratior, neque ordinatus ad maiorem Dei visionem propter gratiam creatam adiunctam, quàm propter solam vnionem hypostaticam, ratione cuius erat Deo gratissimus, & dignus summa sibi possibili visione Dei.

Dicendum tamen est Christum fuisse quidem hypostasi diuina, & Deitate ipsa sanctiorem, quàm vllà forma creatà esse posset, & eam sanctitatem non potuisse intendi per habitus creatos superadditos, qui erant diuersi ordinis (sicut iustitia supernaturalis non intenditur per naturalem) & continebantur eminenter, non quidem in hypostasi, nisi prout includit essentiam, sed in diuina essentia mediata sanctificante : exterius tamen creuisse illam sanctitatem per habitus infusos, qui, vt Vasques ibidem fatetur, contulerunt Christo aliquam sanctitatem. Quare per illos habuit Christus aliquam sanctitatem, quam sine illis non habuisset formaliter, sed tantum en inenter in diuina essentia, & quæ habuit formaliter plus sanctitatis, quàm vi solius hypostasis & Dei-

Vasquez

19.
Fuit per illam sanctior
excellentior

tatis habuisset : atque ex vtraque sanctificatione conflata est vna quædam totalis , quæ extensiuè maior est qualibet sui parte ; cum præter illam partem contineat aliam , & non tantum habeat perfectionem totam illius partis , sed etiam alterius.

21.

Soluitur 2.
argum. in
contrariū.

Ad primum argumentum Vasquis Respondeo posse aliquid accedere infinito non formaliter in ipso contentum. Ac certum est, gratiam creatam non contineri formaliter in hypostasi, nec in diuinitate : licet hæc eminenter omne aliud genus sanctificationis absorbeat, neque per vllum aliud intendi possit, nec propriè perfici & consummari, sed tantum illi velut extensiuè adiungi, & cum illo componere vnam totalem sanctitatem extensiuè maiorem.

Ad secundū.

Ad secundum Respondeo, Christum non fuisse quidem per opera magis sanctificatum in actu primo & habituali, quem ab initio conceptionis habuit, quantum deinceps habere potuit, vt dicemus inferius : fuisse tamen magis per illa sanctificatum in actu secundo, de quo potest intelligi quod ipse ait Ioan. 17. *Ego pro eis sanctifico meipsum.* Etenim Christi opera sancta erant, & Christus fuit sanctus operibus dum ea exercuit : & habuit opera quæ non habebat antequam operaretur : & per opera meruit, non autem præter illa, aut ante illa. Est autem penitus impossibile vt Christus dum haberet actu opera sancta, quæ ante non habebat, non haberet aliquid sanctitatis actualis, quod non habebat formaliter antequam opera illa exerceret. Etenim illa non sunt, antequam sint : & dum sunt actu, impossibile est vt non sint aliquid boni & sancti, siquidem ipsa intrinsecè & inseparabiliter bona & sancta sunt.

Ad tertium.

Ad tertium Respondeo, Christum fieri magis gratum, & magis ordinari ad vitam æternam, id est, pluribus titulis amari à Deo, & ordinari efficaciter ad vitam æternam, seu acceptari ad idem bonum ob plures causas totales. Simili modo Deus amaret plus extensiuè tres humanitates hypostaticè vnitas, quàm vnam. At non plus intensiuè : quia ratione diuinitatis sibi vnitz, quælibet esset digna tanto amore intensiuè, & tanta visione Dei, quanta tres simul. Valet enim diuinitas vnita humanitati ad dandum illi tantum ius, ratione suæ infinitatis in omni genere perfectionis.

22.

Non est de
fide Christi
habuisse
se gratiam
creatam.

Quæres secundò, an sit de fide Christum fuisse sanctificatum habituali gratia creata? Affirmat Suarez disp. 18. sect. 2. conclusione 2. Idemque probabilius esse ait Valentia quæst. 7. puncto 1. quæsito 1. conclusione 4. Sed cum Vasques disp. 41. cap. 1. Delugo disp. 16. sect. 5. num. 92. & aliis recentioribus dicendum censeo, fore quidem temerarium id negare contra communem consensum Scholasticorum : non tamen fide diuina certum esse : quia neque in Scriptura, neque in vlla fidei traditione satis docetur, vt patebit examinando fundamenta Suaris : quorum

primum est huiusmodi : Communis, inquit, consensus Sanctorum Patrum & Scholasticorum conspirantium in assertionem alicuius veritatis vt indubitata, & in Scripturis contentam, facit certitudinem fidei. Atqui res proposita habet talem consensum : ergo habet certitudinem obiecti fidei. Minorem ait se ostendisse in prima conclus. vbi plurima Sanctorum Patrum testimonia retulit.

Respondeo, minorem non esse veram, nec bene probatam. Nam neque Patres, neque Scholastici conspirant in hanc sententiam, velut indubitata, & certò in Scriptura contentam. Sed dumtaxat nonnulli Patrum interpretantur quædam Scripturæ loca iuxta illam assertionem, quæ tamen alij multi & fere omnes intelligunt de sanctificatione per hypostasim, aut per opera : neque satis fideliter referuntur à Suare, vt bene notat Vasques cap. cit. vbi diligentius loca illa Patrum expendit. Scholastici verò conspirant quidem nunc omnes in hanc sententiam velut moraliter certam, ad eamque accommodant quædam Scripturæ loca : sed non dicunt, nisi pauci, esse de fide, & satis certò in Scriptura contineri, vel ex ea deduci. Et quamuis omnes Scholastici in eo consentirent : non propterea res esset de fide. Nam consensus Scholasticorum non est regula fidei, sicut est consensus sanctorum Patrum, vt ostendimus in Tract. de Fide. Imò neque consensus Patrum conspirantium tantum in aliquid tanquam probabilius contentum in Scriptura, vel ex ea deductum : quia quod credi debet, plus requirit quàm probabilitatem. Præterea cum agitur de eo quod est probabile per illationem, videndum est siue illatio bona ; & num possit oppositum ex aliis locis melius deduci.

Secundum argumentum Suaris : De fide est animæ Christi fuisse charitatem infusam : hoc enim donum commune esse omnibus iustis, quorum Christus Princeps est, docet passim Scriptura, & Paulus vniuersè dicit sine charitate nihil cætera valere. Quis ergo sine nota hæresis negare potest charitatis donum fuisse infusum animæ Christi? Respondeo negando maiorem, si sermo sit de charitate habituali, quæ licet sit in omnibus iustis, vt docet Scriptura, & Trident. sess. 6. cap. 7. non sequitur esse pari certitudine in Christo, de quo Scriptura & Concilia id non ita exprimunt, & in quo est aliquid eminentius charitate habituali, valensq; ad ea omnia, ad quæ charitas valere potest. Quod autem ait Paulus 1. Corinth. 13. sine charitate cætera nihil valere, vel non dicitur de charitate habituali : vel intelligendum est, sine charitate aut aliquo eminentiori. Quemadmodum quod idem ait Hebr. 11. *Sine fide impossibile est placere Deo*, intelligendum est, sine fide, aut cognitione nobiliori. Christus enim Deo maximè placuit, in quo tamen fides non fuit.

Tertium argumentum : De fide est quod

Soluitur
primum ar-
gum. in cō-
trarium.

23.
Secundum
argum.

24.

Tertium
argumentum.

Vasquez.

De fide est,
iustificatis
infundi ha-
bitum cha-
ritatis, etiā
adultis.

in omnibus iustificatis sit charitas infusa habitualis. Atqui par aut maior est ratio ut sit in Christo, in cuius anima Scriptura & Patres non minus dicunt inhabitare Spiritum sanctum per sua dona, quam in anima iustorum: ergo &c. Respondet Vasquez supra n. 11. negando antecedens, propter adultos: nam de paruulis fatetur id esse de fide. Sed de adultis malè id negat, & non satis conformiter definitioni Trident. sess. 6. cap. 7. ubi formam iustificationis adultorum distinguit ab actibus, eamque definit remissione peccatorum, & infusione gratiæ ac donorum: & paulò post ait, in iustificatione, cum remissione peccatorum, hæc omnia simul infundi, fidem, spem & charitatem, quam, inquit, iubentur renati conseruare, ut eam perferant ante tribunal Christi. Et cap. 16. dicit gratiam, quā iustificantur homines, esse in illis fontem aquæ salientis in vitam æternam. Et can. 3. eam iterum apertè distinguit ab actibus credendi, sperandi, diligendi, & poenitendi. Et sess. 7. can. 6. 7. & 8. definit, sacramenta conferre gratiam non ponentibus obicem. Gratiam scilicet sumptam vniuocè, & eodem sensu, quo eam sumptat sess. 6. cap. 7. ubi eam ab actibus velut à dispositionibus distinguit. Ex quibus sic argumentor: Gratia iustificans, etiam adultos, distinguitur per Trident. ab actibus, ut forma à dispositionibus: & est quid permanens, & conseruandum vsque ad tribunal Christi: & instar fontis ex quo riuus salutes emanant: & infunditur omnibus, etiam paruulis, non ponentibus obicem in susceptione sacramentorum. At hæc apertè non conueniunt actui, sed habitui. Nam actus fidei, spei, aut charitatis, non distinguitur ab actibus fidei, spei, aut charitatis, ut forma à dispositionibus: neque est quid permanens & solæ simile; neque conseruari potest vsque ad mortem: neque est fons iugis aliorum actuum ut riuorum salutarium: neque datur paruulis in susceptione Baptismi, cum paruuli non sint eius capaces: sed neque adulti experiuntur infundi sibi tales actus, cum sacramenta perficiuntur, licet ea ritè suscipiant. Ergo ex definitione Trident. certum esse debet, gratiam iustificantem non consistere in actibus, sed in habitibus.

Quare concessa maiore argumenti supra propositi, nego minorem. Quia licet in aliis iustis sit habitus charitatis secundum se permanens: tamen de humanitate Christi nihil tale sufficienter ad fidem diuinam reuelatum est: & illa aliunde sancta fuit & est: potuitque singulari privilegio habere aliud principium agendi supernaturaliter, nempe Deum ipsum physicè sibi vnitum multò perfectiùs, quàm gratia seu charitas, & aliæ virtutes infusæ, vniantur iustis. Neque est necesse ut inter Christum & alios sanctos sit conformitas maxima, & vniuoca secundum omnia, licet Christus sit caput & exemplar prædestinatorum. Quodque ait Paulus Rom. 8. Quos præfinit, & prædestinavit, conformes

fieri, &c. intelligi potest in rigore de conformitate per opera.

Quartum argumentum: Licet Christus per vñionem hypostaticam habuerit aliam priorem & excellentiorem sanctificationem: tamen ad debitam illius animæ pulchritudinem, & dispositionem, & ad connaturalem operandi modum, atque ad perfectam participationem diuinitatis, & consummatam iustificationem, tam necessaria fuit hæc gratia animæ Christi, sicut aliis. Aliunde verò hæc illi magis, quàm aliis conferenda erat, propter vñionem hypostaticam, propter quam etiam habuit perfectissimam dona sapientiæ, & scientiæ, ac visionis Dei. Atque etiam eius corpori, quamuis vñito Verbo, imò quia vñito, data sunt tempore conuenienti dona gloriæ. Quod non minus de illo certum est, quàm de aliis iustis, quorum corpora futura sunt conformia corpori claritatis eius. Cur non ergo idem existimandum est de donis animæ? Addit Suar. hanc veritatem doceri ab omnibus Patribus & Conciliis, tradentibus vtramque naturam, diuinam & humanam, fuisse in Christo perfectam omnibus proprietatibus & perfectionibus ad vtramque pertinentibus.

Respondeo negando antecedens. Neque enim Christo aliunde sanctificato, & instructo ad bene operandum sufficienter & excellentissimè per ipsam diuinitatem physicè vñitam ipsius animæ, tam fuit necessaria gratia habitualis, atque aliis qui nullam habent aliam formam eminentiorem quā sanctificantur. Neque est de fide, fuisse in Christo dona creata habitualia sapientiæ, & scientiæ, ac luminis gloriæ ad Deum videndum: quæ omnia poterant suppleri per diuinitatem vñitam eius animæ, operantem loco habitus, & præstantem quidquid ille præstat in genere causæ efficientis. De gloria verò corporis alia est ratio. Nam euident est, corpora gloriosa, tam Christi, quàm aliorum Beatorum, non posse esse perpetuò lucida instar solis & stellarum, sine luce permanente: similiterque non posse habere meliores dispositiones & affectiones, sine qualitatibus in quibus formaliter consistunt huiusmodi dispositiones & affectiones. Quare quàm certum est corpora gloriosa Christi, & Beatorum, esse, aut fore lucida, & mutata in melius: tam certum est, habere aut habitura esse qualitates, sine quibus talis immutatio fieri nequit. Fore autem lucida corpora Beatorum docet Scriptura Mat. 23. *Tunc iusti fulgebunt sicut sol in regno Patris eorum.* Esse item mutanda in melius docet Apostolus 1. Corinth. 15. v. 51. *Omnes quidem resurgemus, sed non omnes immutabimur:* in melius scilicet, etiam secundum corpus, cuius est cadere per mortem, & resurgere. Et vers. 42. *Stella differt à stella in claritate: sic & resurrectio mortuorum. Seminatur corpus in corruptione, surgat in incorruptione: seminatur in ignobilitate, surgat in gloria: seminatur in infirmitate, surgat in virtute.*

25.

Quartum
argumen-
tum.

26.

Gratia ha-
bitualis nō
tam fuit
necessaria
Christo,
quàm aliis
iustis.

tute : *seminatur corpus animale , surget corpus spirituale.* Non tamen constat fide divina quot omnino , & quales futuræ sint omnes illæ qualitates corporum Beatorum. Et quamvis admodum conueniens fuerit, animam Christi conuenientibus quoque habitibus supernaturalibus ornari, maximèque gratia sanctificante : id tamen neque fuit adeo necessarium : neque sufficienter à Deo reuelatum. Non enim , vt ait Suar. Patres omnes & Concilia id docent : sed tantum definiunt contra Eutychianos , vtramque naturam habuisse in Christo suas omnes proprietates & perfectiones naturales , quia manserunt integre & inconfusæ. Neque in contrarium quidquam ex Patribus , aut ex Conciliis profertur à Suare , cui respondere amplius opus sit.

SECTIO IV.

De virtutibus animæ Christi infusis : deque donis spiritus sancti , & gratiis gratis datis.

27.
Fides non fuit in Christo.

Prima conclusio : Fides habitualis non fuit in Christo, sed loco illius habuit lumen gloriæ, & scientiam supernaturalem. Ita communi consensu Theologi cum D. Thom. qu. 7. art. 3. vel cum Magist. in 3. dist. 23. Ratio est, quia fides in omni suo actu includit essentialiter imperfectionem Christo disconuenientem, nempe obscuritatem, vt suppono ex tract. de Fide. Ergo Christus non potuit vllum fidei actum exercere. Ergo nec habitum fidei habuit. Ad quid enim habitus, cuius nullum vsum habere poterat, quique ex natura sua ipsi disconueniebat?

Fides non manet in Beatis.

Dices, habitum fidei manere in Beatis, in quibus tamen nullum vsum habere potest, & in quibusdam nunquam habuit, neque habere potuit : nempe in paruulis post baptismum morientibus. Ergo ratio allata non concludit. Respondeo primo, antecedens esse incertum, & à Theologis communiter negari, nominatimque à D. Thom. quem sequuti sumus disput. 12. de Fide sect. 4. conclusione 3. Deinde dico non valere consequentiam : quia diuersa hac in parte est ratio Christi, & aliorum Beatorum. Nam alij Beati habuerunt fidem habitualement in via, eaque per se loquendo vti potuerunt, licet per accidens mors quosdam impediuerit. Et quicumque non tantum iure hæreditario, vt paruuli, sed per opera dispositiua aut meritoria Beatitudinem assequuti sunt ; fide habituali reipsa vti sunt, & per eam triumpharunt de Diabolo. Cum autem fides habitualis sit ex natura sua permanens, posset manere in Beatis, non ad operandum in statu Beatitudinis, cui non conuenit obscuritas reuelationis.

Tomus IV.

nis : sed ad insigne victoriæ, vel ornamentum animæ.

Loquimur autem de fide propriè sumpta , prout est habitus credendi, siue assentiendi certò, sed obscurè, veritatibus à Deo reuelatis. Non autem prout sumitur pro constantia in dictis & factis, quæ sine dubio in Christo fuit, de eaque potest intelligi illud Ilaiz 11. *Eri fides cinctorum renum eius:* Nisi potius de populo credentium intelligendum sit. Neque etiam prout significat pium affectum voluntatis erga res fidei, ad eis acquiescendum, & sibi complacendum in honestate, quæ est in eo quòd homines vel Angeli assentiantur veritatibus à Deo reuelatis, quia reuelatis. Talis enim affectus habitualis Christo non disconuenit, neque eius actus, siue actualis complacentia circa honestatem obedientiæ, quam Deo exhibemus captiuando intellectum in obsequium fidei. Nam huius virtutis affectus versari potest tam circa fidem alienam, quam circa propriam, & circa fidem per se consideratam, abstrahendo ab hoc aut illo subiecto. Quare licet in Christo non habuerit locum circa fidem ab ipsomet exercendam : habuit tamen circa fidem per se consideratam, & circa fidem alienam. Eodè modo quo iustitia, temperantia, fortitudo, magnificentia, versantur quoad affectum circa iusta, fortia, temperata & magnifica per se : atque tam circa propria, quam circa aliena.

Secunda conclusio: Aliæ virtutes Theologicæ fuerunt Christo infusæ, spes scilicet, & charitas, quam à gratia sanctificante non distingui realiter probabilius est. Prima pars, de spe, traditur à Suare in Commentario articuli 4. quæstionis 7. Ratio eius est, quia spes Theologica est virtus supernaturalis quæ per amorem concupiscentiæ prosequimur proprium bonum supernaturale, & auersamur oppositum. Quæ virtus licet ab actu desiderandi aliquid arduum & difficile, qui speciatim vocatur spes, nomen acceperit: valet tamen ad omnem actum voluntatis circa bonum proprium supernaturale vt tale, & circa malum oppositum : siue ad amandum illud bonum simpliciter & per se consideratum, abstrahendo à præsentia, vel absentia : siue ad illud desiderandum quando est absens : siue ad gaudendum de illo quando est præsens. Idemque dico de actu odij simplicis circa malum oppositum simpliciter consideratum : vel timoris circa illud abiens & imminens : & tristitiæ circa præsens. Hi enim omnes actus sunt inter se connexi, & vnus ex alio sequitur in subiecto capaci, pertinentque ad eandem virtutem supernaturalem, quæ per modum potentie valet ad plures species actuum, perficitque subiectum circa obiectum proprium, secundum omnem modum, quo potest in illud conuenienter tendere. Quamuis autem Christus, qui ab instanti suæ conceptionis fuit beatus secundum mentem, non potuerit habere

28.

Fuit in Christo pius affectus voluntatis erga res fidei, eiusque honestatē,

29.

Spes & charitas fuerunt in Christo, Suarez.

X

actum specialem spei, id est, desiderij circa propriam Beatitudinem animæ per media ardua & difficilia consequendam: neque actum timoris incurrendi malum oppositum: potuit tamen habere actum amoris circa propriam Beatitudinem, & gaudij de illa: itemque actum detestationis oppositi. Præterea cum Christus non habuerit ab initio Beatitudinem & gloriam corporis, eamque per mortem & per opera difficilia consequi debuerit: potuit circa illam habere actum proportionatum & supernaturalem, sicut habuisse fatetur S. Thom. art. cit. Ac proinde debuit habere habitum supernaturalem, qui esset principium talis actus supernaturalis. Habitus enim per se infusi ponuntur in Christo, & in nobis, propter actus supernaturales conuenienter exercendos. Et hic habitus non fuit alius quam spei Theologica, cuius est versari circa finem supernaturalem eiusque media & annexa, prout sunt bonum nostrum supernaturale, ac circa eorum opposita.

30.

Charitas habitualis non distinguitur à gratia sanctificante.

Secunda pars conclusionis, quod charitas in Christo fuerit, tam quoad habitum, quam quoad actum, est citra controuersiam. Quod verò probabilius sit, non distingui realiter quoad habitum à gratia sanctificante, probatur, quia licet D. Thom. qu. 7. art. 2. & 1. 2. q. 110. art. 3. & 4. alique multi putent realiter distingui: huius tamen distinctionis nullum sufficiens argumentum ex Scriptura vel ex Conciliis aut aliunde proferunt. Scriptura enim tribuit charitati quæcumque tribuit gratiæ, nec vnquam significat distingui, vt ostendimus in tract. de Gratia. Concilium verò Trident. sess. 6. cap. 7. loquens de forma iustificationis, initio quidem mentionem facit gratiæ & donorum, quæ cum remissione peccatorum ait infundi in iustificatione: sed paulò post declarans quid intelligat per gratiam illam & dona, sic ait: *Vnde in ipsa iustificatione cum remissione peccatorum hæc omnia simul infusa accipit homo per Iesum Christum cui inferitur, fides, spes, & charitatem.* Nec vquam ibi aut alibi meminit gratiæ distinctæ, quam certè omittere non debuisset: maxime cum, iuxta aduersarios, ea sit tota forma vel magis præcipua iustificationis.

31.

Exertitur fundamentum contrariæ sententiæ.

Præterea, fundamentum contrariæ sententiæ est infirmum & minùs probabile. Supponit enim intellectum & voluntatem distingui realiter à substantia animæ: & ideo gratiam infundi & inhærere immediatè ipsi substantiæ animæ, vt eam attollat ad esse supernaturale, eique det esse primarium & veluti substantiale vitæ supernaturalis, à quo fluant virtutes supernaturales, sicut potentiæ & proprietates fluunt à substantia animæ. Sed illa distinctio potentialium animæ ab ipsius substantia est superflua & minùs probabilis, estque omnino impossibile animam non per se immediatè intelligere & velle, vt ostendimus in tract. de Angelis. Deinde, charitas & aliæ

virtutes supernaturales, cum habeant aliquod esse supernaturale; hoc ipso quod informant subiectum, tribuunt illi formaliter aliquod esse supernaturale. Quare non est opus alia forma supernaturali distincta, vt subiectum attollatur ad esse supernaturale. Nam virtutes, quæ simul sunt naturæ aliquæ seu entitates, & potentiæ supernaturales, tribuunt simul esse supernaturale subiecto, & posse supernaturaliter operari. Vtteriùs, si virtutes fluunt à gratia, vt potentiæ naturales & proprietates à natura: ergo quemadmodum destructa natura pereunt potentiæ & proprietates: ita pereunte gratia peribunt fides & spes. At hoc est contra Trident. sess. 6. cap. 15. affirmans, quouis peccato mortali amitti quidem gratiam, sed non fidem, quæ scilicet non tollitur nisi per peccatum infidelitatis, directè ipsi oppositum. Denique si volunt Aduersarij cætera omnia fluere physicè à gratia, velut à vita supernaturali substantiali & primaria, vt potentiæ & proprietates fluunt à natura: ergo & lumen gloriæ & cætera dona supernaturalia fluunt ab illa, idque naturaliter & necessariò, cum gratia non sit principium liberum. Cur ergo non insunt omnibus quibus inest gratia? Et quomodo Deus non infert illi vim, cum impedit ne ab ea fluant: sicut inferret violentiam animæ, si impediret ne potentiæ & proprietates naturales orirentur ab ipsa? Consentit Vasq. 1. 2. disp. 198. nu. 17. post Alensem, Henric. Albert. Scor. Durand. Gabr. Ricard. & alios citatos ibidem num. 1.

Vasquez.

Tertia conclusio: Præter virtutes Theologicas fuerunt in Christo virtutes morales, tum supernaturales & infusæ per se, tum naturales & infusæ per accidens: licet non omnes cuiusque actus exercere potuerit, ob specialem aliquorum disconuenientiam. Prima pars de virtutibus moralibus per se infusis, & in substantia supernaturalibus (quæ scilicet non possunt aliter quam per infusionem haberi, vnde ex natura earum est quod infundantur) probatur: quia si, vt probabilius est, infunduntur simul cum gratia huiusmodi virtutes omnibus iustis: non est negandum fuisse Christo infusas, cum nulla sit earum quæ multos actus in Christo exercere non potuerit. Conueniens enim fuit vt Christus, æquè ac alij iusti, haberet principium permanens & intrinsecum ad huiusmodi actus velut connaturaliter exercendos. Huiusmodi virtutes sunt prudentia, iustitia, fortitudo, temperantia: & earum partes potentiales aut subiectiue, religio, pietas, obediëntia, & similes, quas in Christo locum habere potuisse, & operari plurimos actus, per se manifestum est.

32.

Virtutes morales fuerunt Christo infusæ.

Secunda pars de virtutibus naturalibus in substantia, & per accidens tantum infusis, quæ nimirum similes sunt & eiudem naturæ cum illis, quas homines longo vltu & exerci-

33.

Etiā illæ quæ sunt

naturales
in substan-
tia.

tio per proprios actus acquirunt, quæque natura sua non postulant infundi, sed possunt naturaliter acquiri: probatur, quia conueniens fuit ut Christus à primo instanti conceptionis haberet illa bene operandi subsidia, in gradu heroico & perfecto; ut sic esset omni ex parte optimè instructus ad bene operandum, tam naturaliter, quam supernaturaliter, circa obiecta naturalia, & supernaturalia, & ex proprio cuiusque virtutis motiuo. Etenim modus bene operandi naturaliter circa obiecta naturalia, & usus rationis naturalis, Christum non dedebat; neque impediabatur, aut excludabatur per gratiam, quæ non destruit naturam, sed perficit. Quin potius maxime decuit ut per huiusmodi habitus, tum intellectus & voluntas, tum sensus internus & appetitus sensitivus Christi, melius subderentur rationi, eique facilius obsequerentur; qui modus subiectionis valde connaturalis est. Adde, quod huiusmodi habitus sunt magna perfectio naturæ rationalis, quæ Christus carere non debuit.

34. Non tam
omnes earum
actus Christo
conueniebant.

Tertia pars conclusionis, quæ diximus non omnes huiusmodi virtutū actus Christo conuenisse propter aliquam imperfectionem, quam aliqui eorum inuoluunt aut supponunt, patet, quia Christus non poterat habere actum pœnitentiæ, qui est dolor de propriis peccatis iam commissis: neque enim potuit peccare. Neque actum continentiae ad refræandos motus rebelles concupiscentiæ, & stimulos carnis frangendos: talium enim motuum expers fuit. Et idem est de similibus actibus. Quo non obstante habuit tamen habitus qui per se valent ad huiusmodi actus, & in subiecto capaci illos exercent. Puta, habitum iustitiæ erga Deum, ad quam pertinet actus specialis pœnitentiæ, id est, dolor de peccatis ut Deo iniuriis, cum proposito satisfaciendi: & habitum temperantiæ vel castitatis, qui non tantum valet ad actus virgineos, & nulla ex parte indecoros: sed etiam ad refræandos pudendos illos motus, & retundendos carnis rebellis stimulos. Habuerunt enim huiusmodi habitus in Christo amplitudinem quandam, quæ per se valerent ad plures actus, quorum aliqui Christum non dedebant, sed potius erat conueniens ut illos subinde exerceret.

Suar.
Vasq.

Consentiunt in his omnibus Suar. disput. 19. sect. 1. & 2. & alij plures quos citat. Vasques autem disput. 42. n. 3. negat prudentiam naturā suā acquisitam, Christo fuisse infusam per accidens, sed cum scientia decursu temporis fuisse per consultationem comparatam. Verum Christo omnia sibi occurrentia & necessaria præscienti sine vlla difficultate, non fuit opus consultatione, ut quæreret quid hic & nunc sibi agendum esset, & sic prudentiam sensim sibi compararet. Aliunde autem conuenientius fuit, ut aliæ virtutes morales naturales, Christo infusæ ab initio, haberent quoque ab initio ducem suum con-

naturalem, qui est prudentia naturalis. Potuit autem infundi ab initio, non obstante acquisitione scientiæ experimentalis, ut ostendemus disput. sequenti sect. vltima.

Quarta cōclusio: Fuerunt etiam in Christo septē dona Spiritus sancti, siue ea distinguatur realiter à virtutibus infusis, siue non. Probatur ex Isaia 11. v. 2. ubi de Christo dicitur, *Requiescet super eum Spiritus Domini, spiritus sapientiæ & intellectus, spiritus consilij & fortitudinis, spiritus scientiæ & pietatis, & replebit eum spiritus timoris Domini.* Estque id de fide quoad rem his nominibus significatam, abstrahendo, siue ibi sermo de ipsomet Spiritu sancto, qui per seipsum hæc omnia operetur in Christo, & in aliis iustis, dicaturque Spiritus sapientiæ, quia sapere facit: Spiritus intellectus, quia dat intelligentiam: & sic de cæteris: vel de habitibus quibusdam à Spiritu sancto infusis, qui valeant ad huiusmodi actus: vel de solis actibus mediante auxilio Spiritus sancti elicitis. Neque enim fide diuina constat, quidnam horum verbis illis Isaia intelligatur, ut ostendimus in tract. de Fide disput. 13. sect. 2. & 3. Vbi etiam probabilius esse diximus huiusmodi dona non distinguari realiter à virtutibus infusis respicientibus eadem obiecta: sed esse ipsasmet virtutes prout aptæ sunt operari supra regulas ordinarias, per vehementiorem & extraordinarium Spiritus sancti impulsu. Quo etiam sensu vitia, prout vehementiore Dæmonum tentatione & impulsu iuuantur, & extraordinariè operantur, dici possunt Spiritus nequitiæ. Siue autē distinguantur à virtutibus, siue non, debent in Christo admitti: tum propter Verba Isaia citata: tum etiam quia tota ratio cur in aliis iustis admittantur, est, quia sunt in Christo, à quo in alios deriuantur: & de quo id affirmant sancti Patres propter locū illum Isaia: ac denique quia sunt magnæ perfectiones, & subsidia ad bene operandum, Christo conuenientia.

Dices, modum, quo huiusmodi dona dicuntur operari, non conuenire Christo. Dicuntur enim operari supra regulas communes, per motum extraordinarium Spiritus sancti, quo quis ita mouetur, ut agatur magis, quam agat; neque bene percipiat quomodo aut qua ratione moueatur. Qui modus operandi, licet ex parte Spiritus sancti sit valde perfectus: tamen ex parte moti imperfectus est, & non conuenit Christo, qui in omnibus suis operationibus se perfecte mouebat, prospiciendo qua ratione, & propter quid moueretur. Deinde non apparet quomodo timor Dei locum in Christo habuerit. Timor enim versatur circa malum imminens. At Christus nullum à Deo malum sibi imminens timere potuit.

Ad primum Respondeo cum Suar. disput. 20. sect. 2. modum operandi horum donorum, quamuis specialiter consistat in eo, quod sit ex speciali & extraordinario instinctu Spiritus sancti, supra regulas ordinarias, tam naturales, quam supernaturales mouentis,

35.
Fuerunt
etiam in
Christo 7.
dona Spiritus
sancti.

36.
Obiectio
bipartita.

37.
Ad primam
partem ob-
iectionis.

& cum quodam impetu & vehementia impellentis : non tamen necessario requirere ut is, qui mouetur, non bene percipiat ad quid, & quâ ratione moueatur : sed hoc in nobis oriri ex imperfectione intellectus nostri qui per fidem ambulat, & non plenè capit Spiritus sancti numen cum maiori quadam vehementia irruentis. Quæ imperfectio licet à Christo abesset : conueniebat tamen ut supra regulas ordinarias ex pleno impulsu Spiritus sancti interdum operaretur. Ut reipia fecit quando Spiritus sanctus mouit illum ad ieiunandum quadraginta diebus sine ullo cibo, Matth. 4. & quando veluti furore quodam, & zelo Domus Dei extraordinario, illum impleuit ad omnia fideique euertenda, ejiciendo vendentes & ementes de templo, Ioan. 2.

38. Ad secundū. Timorem Domini locum habuisse in Christo. Primò, Timorem reuerentialem, quo Christus, secundum humanitatem, Deum propter suam eminentiam reuerabatur; atque etiam nunc reueretur, formidatque ac refugit (sine anxietate tamen) illi se comparare, & incomprehensibilem eius maiestatem curiosius inuestigare, aut nimis familiariter cum illa versari. Qui timor etiam in Beatis est: de quo illud intelligi potest quod Ecclesia canit de sanctis Angelis in præfatione Missæ, *Adorant Dominationes, tremunt Potestates*. Et Job. 26. *Columnæ cæli contremiscunt*. Eundemque Dionys. cap. 13. de cælesti Hierarch. vocat, sacram ac plenam horrore venerationem, ac religionem, qua sancti celsiorem mysteriorum imaginem perhorrescunt: atque designari per Seraphinos velantes pedes suos duabus alis, Isaia cap. 6. De eodem timore reuerentiali loquitur D. Thom. qu. 7. art. 6. Præter hunc fuit secundò in Christo Domino timor filialis, qui ad charitatem pertinet, versaturque præcipue circa peccatum ut malum Dei, estque auersio ab illo ut imminenti. Christus autem quanquam non poterat timere peccatum, ut sibi ipsi imminens, cum esset impossibile ipsum peccare posita vnione hypostatica: poterat tamen habere auersionem peccati imminenti aliis. Timor enim versatur circa malum alienum, & non tantum circa proprium. Non poterat etiam timere Deum fore sibi infensum: sed poterat Deum fore infensum aliis apprehendere ut maximum malum, atque ab illo ut imminenti aliis abhorre. Poterat etiam suspicere & vereri potentiam illam, quæ potest quamlibet creaturarum miseram reddere. Timor autem in Scriptura sumitur aliquando pro huiusmodi suspicientia & admiratione: ut Apocal. 16. *Magna & mirabilia sunt opera tua Domine, quis non timebit te, & magnificabit nomen tuum?* Et Luc. 5. & 7. timor vocatur admiratio cernentium potentiam & miracula Christi. Poterat ulterius habere auersionem, & horrorem peccati, ut absolutè possibilis in sua

humanitate naturaliter spectata, & non assumpta hypostaticè. Quo pacto sancti quoque in cælo, ubi tamen propter beatitudinem impeccabiles sunt, dicuntur habere timorem quendam peccati, sine anxietate tamen & sollicitudine. De quo D. August. lib. 14. de Ciuit. cap. 9. *Timoris August. casti nomine, inquit, ea voluntas significata est, quâ nos necesse erit nolle peccare, non sollicitudine infirmitatis ne forte peccemus, sed tranquillitate charitatis*. Præterea habere potuit timorem alium qui terribilis dici solet, & ad virtutem spei attinet, versaturque circa malum proprium, aut aliquo modo ad se pertinet, quâ tale. Potuit enim Christus habere auersionem à peccatis, & à damnatione aliorum hominum ut sibi coniunctorum. Itemque timorem propriæ mortis & tormentorum, de quo Marc. 14. vers. 33. idque etiam respectu Dei sibi irati propter peccata hominum quæ in ipso vlsciscatur. Ac denique timorem Dei generatim loquendo fuisse in Christo tam certum est, ut Abaylardus id negans merito fuerit damnatus ab Innocentio II. teste D. Bernardo epist. 130. longe ante Bernard. medium, & ep. 194. Quæ de re plura videri possunt apud Alphonsum A Castro V. *Christus, hæresi 9.*

Ultima conclusio: Fuerunt etiam in Christo gratiæ quæ vocantur gratiæ datæ, id est, gratiæ ordinatæ ad aliorum bonum & vtilitatem, potius quàm ipsius operantis, quem non sanctificant, nec gratum Deo seu acceptum reddunt ad vitam æternam. Quæ gratiæ nouem communiter numerantur, sumunturque ex 1. Corinth. 12. vers. 8. *Alij quidem per spiritum datur sermo sapientiæ: alij autem sermo scientiæ secundum eundem spiritum: aliter fides in eodem spiritu: alij gratia sanitatum in uno spiritu: alij operatio virtutum: alij prophetia: alij discretio spirituum: alij genera linguarum: alij interpretatio sermonum*. Quorum omnium fulam expositionem vide apud Suarem in Prolegomeno 3. de Gratia suar. cap. 5. & disput. 8. de Fide. Sufficiet dicere in præsentia, plures ex his gratiis habitualibus non distingui à virtutibus intellectus aut voluntatis Christi, de quibus supra diximus. Nam sermo sapientiæ & scientiæ, & fides, id est, fiducia (non obscura in Christo, sed clara & euident) impetrandi miracula; vel specialis intelligentia mysteriorum fidei, conueniens Doctori euangelico, ut possit ea explicare: vel facilitas eorundem simpliciter & accommodatè omnibus proponendorum, ut à rudibus etiam facile capiantur: item Prophetia, & discretio spirituum, genera linguarum: & interpretatio sermonum: non distinguebantur in Christo à scientia eius beatifica & infusa, vicuius poterat hæc omnia præstare. Licet fides nobis infusa id non possit: itaque ad hæc præstanda opus sit nobis aliis ha-

Multiplex timor fuit in Christo, reuerentialis, filialis, &c.

Dionys.

S. Thom.

Bernard. Castro.

39.

Gratiæ gratis datæ fuerunt in Christo.

Suar.

bitibus vel auxiliis supernaturalibus. Aliæ duæ gratiæ, nempe gratia sanitarum, & operatio virtutum, pertinent ad donum miraculorum, de quo dicemus infra disp. 12.

40. Porro nulla est ex his gratiis quæ non deceat Christum: & quædam illi aperte tribuuntur in Scriptura: ut sermo scientiæ & sapientiæ, Coloss. 2. vers. 3. *In quo sunt omnes thesauri sapientiæ & scientiæ absconditi.* Et Ioan. 7. vers. 46. *Nunquam sic loquutus est homo.* Fiducia miraculorum, Ioan. 11. *Ego autem sciebam quia semper me audis.* Gratia sanitarum, & operatio virtutum, passim in toto Evangelio. Prophetia, Deuteron. 18. *Prophetam sicut me, &c.* & Luc. 4. *Non est propheta sine honore, &c.* Et cap. 7. *Propheta magnus surrexit in nobis.* Vnde collige, falli Abulensem in caput 11. Numerorum quæst. 64. negantem Christo verum donum Prophetiæ: eò quod putet inuoluere essentialiter obscuritatem Christo repugnantem, & in Beatitudine euacuandam, 1. Corinth. 13. Ad quod dico, essentialiter tantum esse Prophetiæ posse prædicere futura vi extraordinaria & supernaturali: siue id fiat sine imperfectione obscuritatis, ut in Christo: siue cum illa, ut in aliis, quæ imperfectio in cælo euacuabitur. Denique ratio generalis cur hæc & alia omnia dona gratis data, in Christo fuerint, licet genere linguarum nunquam usus fuisse legatur in Scriptura, est, quia decebat in Christo residere omnes gratias, sicut in capite resident omnes sensus, ut de ipsius plenitudine cæteri acciperent. Pertinebatque ad ipsius dignitatem, & gratiæ plenitudinem, & ad officia sibi imposita conuenienter obeunda, ut his omnibus subsidiis & ornamentis instrueretur, dignis summo Doctore Evangelico, qui esset potens opere & sermone, & plenus omni scientia & sapientia.

Fuerunt illæ omnes Christo cōuenientes,

Abulen.

Verum donum Prophetiæ fuit in Christo.

SECTIO V.

Quanta fuerit gratia Christi, & quando ipsi data?

41. Gratia Christi non fuit infinita simpliciter.

Prima conclusio: Gratia Christi habitualis non fuit infinita simpliciter, sed fuit quanta in illo esse potuit moraliter loquendo. Non tamen summa physicè, vel tanta, ut maior absolute non potuerit esse in Christo. Prima pars est D. Thomæ q. 7. a. 1. ubi docet esse finitam in entitate, licet in esse gratiæ sit quodammodo infinita. Quod puto intelligendum esse moraliter, quatenus trahit infinitam moralem dignitatem ex vnione Verbi, sicut & humanitas, & bona Christi opera. Ratio eiusdem sancti Doctoris est, quia gratia habitualis, quæ est in anima Christi ut in subiecto, non potest excedere capacitatem subiecti. At anima Christi est finitæ capacitatis, cum sit finitæ entitatis, & capacitas non possit esse maior entitate, cum non sit aliud, quam ipsa entitas animæ prout à Deo potest gratiam recipere: ergo anima non potest recipere gratiam infinitam. Confirmatur, quia

anima Christi est verè causa physica tum educiua, tum subiectiua gratiæ habitualis quam recipit. Atqui non habet vim causandi physicè infinitam.

Secunda pars conclusionis, quod gratia illa sit quanta esse potuit moraliter loquendo, probatur, quia dignitas vnionis hypostaticæ exigebat ut haberet quantā habere poterat, cum quæcumque possibilis esset adhuc minor dignitate illius: quemadmodum si eam per merita obtinisset, habuisset quantā habere potuit, etiam infinitā, si possibilis in eo fuisset: quia ipsius opera erant digna tanto præmio propter vnionem hypostaticā. Sanè nulla fuit ratio cur Deus Christi capacitatem non impleteret: cum id facile posset, & Christi dignitas id exigeret. Fauet etiam Scripturæ loca, quæ docent Christum non accepisse spiritum ad mensuram, sed nimirum quantum capere potuit, Ioan. 3. *Et omnem plenitudinem in Christo inhabitasse,* Coloss. 1. *Et plenum gratiæ & veritatis fuisse,* Ioan. 1. Quamquam prior locus intelligi potest de ipsa vnione hypostatica, vel de diuinitate, quatenus tota filio & Christo communicatur. Et alia possent in rigore explicari, ut illa quibus aliis sanctis tribuitur gratiæ plenitudo, id est, perfectio & abundantia eximia, iuxta cuiusque statum: *ut impleamini in omnem plenitudinem Dei,* &c. Ephel. 3. *Stephanus plenus gratia & fortitudine.* Actor. 6. & similia.

Dixi, quanta in illo esse potuit moraliter loquendo, id est, loco relicto aliis formis & qualitatibus animæ Christi conuenientibus. Neque enim totam physicè aut mathematicè capacitatem animæ impleuit Deus gratia. Alioqui nihil aliud recipere potuisset. Nam si cōpleta mathematicè, seu physicè fuisset per gradus finitos gratiæ quos accepit: non potuisset alias formas supernaturales, & actus, vel quidquā amplius recipere. Est enim fictitiū & absurdum dicere, capacitatem potentia expletam per vnā formam, relinquere locū aliis specie vel ordine diuersis. Ut qui diceret arcam nucibus plenā, relinquere locū pomis, vel nummis. Et experientia docet, animā occupatā in vno genere actuum, non esse potentem ad alios, quāuis specie vel ordine diuersos. Neque enim aliter cōtingit ecstasis, nisi quia anima occupata vehemētissimè actibus supernaturalibus, non potest incumbere actibus naturalibus. Sicut occupata in digestionē, non potest incumbere contēplationi, aut vice versa.

Contrarium sentit Maior in 3. distinct. 13. qu. 3. affirmans, gratiam habitualement Christi fuisse infinitam simpliciter. Quæ sententia probari potest primò, quia non repugnat dari gratiam simpliciter infinitam, cum in eo nulla sit contradictio. Non repugnat etiam illam à Christo recipi, quia eius potentia obediēcialis est infinita, & crescit per acceptū, ac proinde quod plus accipit gratiæ, magis crescit, ut docet S. Thom. q. 29. de verit. 2. 3. ad 3. & 2. 2. q. 24. art. 7. in fine corporis. Ergo debuit Christo dari gratia infinita propter dignitatem infinitam personæ;

42.

Fuit tamen quanta esse potuit moraliter.

43.

At non quanta esse potuit physicè.

44.

Contrariæ opinionis argumēta.

S. Thom.

quia quæcumque minor non est ei conueniens. Secundò, Christus est capax recipiendæ hypostasis diuinæ, quæ infinita est. Ergo habet capacitatem infinitam respectu illius. Quidni ergo respectu gratiæ? Tertiò, unusquisque potest crescere in gratia sine fine. Ergo capacitas gratiæ non est finita. Probatur antecederet ex Clementina 3. de Hæreticis, ubi damnatur error eorum qui dicunt posse homines ad eum statum peruenire, in quo non possint crescere sanctitate.

45.

Ad primū.

Ad primum, concessa Maiore, nego Minorem. Ad cuius probationem dico S. Thomam, re melius considerata, pronunciaſſe aperte in tertia parte qu. 7. art. 11. capacitatem obedientialem animæ Christi esse finitam. Estque manifestum eam non crescere per acceptum: quia acceptum non est ratio subiecti, neque tribuit capacitatem subiecto, quæ capacitas est ipsa entitas, & natura subiecti, quam gratia non auget.

Ad secundū.

Ad secundum Respondeo 1. differentiam esse: quia humanitas nullam exercet causalitatem physicam circa hypostasim diuinam, cui tantum vnitur: secus autem circa gratiā, quæ tota educitur & inhæret subiecto. Secundò, Hypostasim diuinam non terminare humanitatem adæquatè ex parte sui secundum totam vim suam infinitam terminandi: sed tantum quātum ipsa terminabilis est, licet identicè tota terminet. Ad quem modum non repugnaret, gratiam infinitam creari & vniri inadæquatè animæ Christi, sicut vnitur illi hypostasis. Imò etiam secundum aliquid sui educi & inhærere, reliquo supereminente. Sed hîc non loquimur de tali casu non connaturali gratiæ, neque modo quo exigit informare subiectum.

Ad tertiū.

Ad tertium Respondeo, sermonem ibi esse de puris hominibus, quorum nullus hac in vita peruenit ad tantam gratiam, qua maiorem habere non possit; quia secundum ordinem diuinæ providentiæ res ita sunt dispositæ, ut semper crescere possimus; quamuis nequeamus in infinitum crescere, ac ne quidem futurum sit, ut quisquam perueniat ad tantam gratiam, quanta in Christo est.

46.

Alia opinio
contraria
Suaris.

Contradicit etiam magna ex parte Suar. disp. 2. 2. sect. 1. & 2. ubi licet fateatur gratiam Christi esse finitam; ait tamen capacitatem humanitatis esse infinitam, & non fuisse impletam, quia impossibilis est gratia infinita, quā impleatur: sed accepisse gratiam eximiam secundum determinationem diuinæ providentiæ, quā tamen maiorem accipere potuisset, atque in accepta crescere.

Impugna-
tur.

Sed contra: Primò, non bene supponit Suar. impossibilem esse gratiam infinitam: nulla enim in eo ostenditur contradictio, & sine causa sufficienti limitatur omnipotentia diuina ad gradus gratiæ finitos. Quodque obicit Suar. fore quoque possibile lumen gloriæ infinitum, & visionem Dei infinitam quā Deus comprehenderetur, parui momen-

ti est. Concedo enim esse possibile lumen & visionem infinitam. Neque propterea Deus comprehenderetur, quia licet infinitè videretur secundum vnum aut plura attributa, non tamen cognosceretur quantum omnino cognoscibilis est. Secundò, Non bene asserit, potentiam obedientialem & capacitatem gratiæ esse æqualem in omni creatura intellectuali, & posse gratiam recipere in quocunque gradu. Nam potentia obedientialis, siue ad agendum, siue ad recipiendum, est ipsa natura & entitas rei, prout potest eleuari à Deo ad agendum vel ad recipiendum aliquid supernaturale. Ad quod cum debeat ipsa physicè concurrere; debet habere vim inchoatam ex natura sua, quæ iuari à Deo & eleuari possit. Hæc autem vis non est eadem in omnibus; sed maior, aut minor, & diuersa pro diuersitate rerum quæ sunt ipsamet vis & potentia obedientialis, quatenus respiciunt agens supernaturale à quo eleuari & compleri possunt. Vnde iuxta Suarem, & Theologos omnes, non potest oculus corporeus attolli ad Deum videndum: potest tamen intellectus creatus. Tertiò, Si, ut vult Suarez, capacitas obedientialis Christi respectu gratiæ est infinita, & tamen est impossibilis gratia infinita, ergo est potentia ad impossibile. Ac si repugnat, ut supponit Suar. dari quidquam infinitum actu præter Deum, quomodo capacitas obedientialis est infinita? Neque enim dicas esse tantum infinitam syncategorematicè, quatenus potest accipere gratiam maiorem & maiorem in infinitum, licet non infinitam simpliciter, siue actu & categorematicè. Nam capacitas Christi tota est actu. Ergo si est infinita, est actu infinita. Ac si habet actu omnem potentiam necessariam ad recipiendam gratiam supra quemcunque gradum finitum, habet potentiam carentem fine & termino suæ capacitatis, quemadmodum nullus est finis seu terminus ex parte gratiæ, quam respicit. Sicut enim potentia actiua, quæ actu tota est, potest quæ simul plura & plura sine fine, est infinita actu, ut potentia Dei: sic potentia passiua, quæ tota est actu, potestque simul plura & plura recipere sine fine, infinita est. Nobiscum sentiunt de Christi capacitate præter S. Thom. loco sup. cit. Bonau. in 1. distinct. 17. parte 1. distinct. art. 1. quæst. 4. Ricard. eadem distinct. quæst. 2. principali artic. 4. Durand. in 3. dist. 13. quæst. 1. Carthusianus qu. 2. & alij. Ex dictis autem de gratia collige quid de virtutibus & donis supernaturalibus, deque actibus à Christo elicitis sentiendum sit quoad eorum infinitatem.

Potentia
obedientia-
lis rei fini-
ta, est fini-
ta.Bonau.
Ricard.Durand.
Carthuf.

47.

Secunda conclusio: Gratia Christi fuit illi tota infusa in primo instanti conceptionis: & quidem probabiliter natura posterius vnione hypostatica. Prima pars est communis Theologorum, teste Suar. disp. 18. sect. 3. conclusione 1. traditurque nominatim à D. Thom. quæst. 7. art. 12. & 13. Ratio eius est, quia debuit illi dari modo perfectissimo,

Gratia fuit
Christo in-
fusa primo
instanti
conceptionis.Non est
impossibi-
lis gratia
infinita.

Perfectius autem est ut ab initio totam acceperit, simul cum vnione hypostatica, cuius illi debebatur quasi connaturaliter in genere causæ moralis. Eodem applicari potest illud Luc 1. *Quod ex te nascetur sanctum vocabitur filius Dei.* Quanquam intelligi etiam potest de sanctitate per vnionem hypostaticam, ut exponit Tolet. in caput 1. Lucæ annot. 104. adducens in eandem sententiam Basilium Homil. in Psal. 45. & Damascen. lib. 4. de Fide cap. 6.

Secundò pars probata fuit disp. 4. sect. 2. ubi ostendimus, probabile esse, non tamen certum, ut Vasques & Suares & alij quidam existimant, quòd vnio hypostatica præcesserit tanquam radix & causa gratiæ, ut docet S. Thom. quæst. 7. art. 13. & Thomistæ communiter, affirmantes, gratiam accidentalem secutam esse ex vnione hypostatica, ut proprietates ex natura. Quod non est physice intelligendum. Quia hypostasis & vnio hypostatica non est physice productiua ad extra; sed moraliter, quatenus vnio exigebat gratiam illam, veluti debitam connaturaliter perfectioni & dignitati subiecti, ut fusiùs exponit Suares loco citato.

48. Quæres, utrum præter gratiam habitualement necessaria fuerit Christo gratia actualis, excitans illum, vel adiuuans ad bene operandum supernaturaliter?

Gratia præueniens nõ fuit Christo necessaria.

Respondeo affirmatiuè de gratia adiuuante seu concomitante, cum Suar. disp. 18. sect. 4. Neque enim poterat elicere actus supernaturales sine concursu Dei supernaturali & proportionato. Hic autem concursus dicitur gratia adiuuans: estque supra debitum humanitatis naturaliter spectatæ. De gratia verò excitante seu præueniente, distinguendum est. Si enim loquamur de Christo, qualis fuit ab initio plenus scientia beatifica & visione, atque amore Dei, aliisque supernaturalibus donis; non fuit illi opus alia gratia excitante. Quia ex parte intellectus satis excitabatur per talem cognitionem, quâ Beati norunt quidquid ad statum ipsorum pertinet; & ex parte voluntatis, per talem amorem continuum. Illa enim satis intellectum illustrabat: & iste satis voluntatem piè mouebat ad opera supernaturalia. Si autem loquamur de Christo, qualis absolute esse potuit, constante solùm ex humanitate & hypostasi Verbi vnitis, ac de cætero relicto in puris naturalibus, & quales nos essemus sine peccato. Tunc non minùs egeret gratia excitante, quàm cæteri homines in simili statu constituti, siue ad seruanda præcepta diuina, siue ad alia opera supernaturalia. Quia vnio hypostatica nihil per se formaliter confert potentiis quod operandi vim augeat, supplendo per se formaliter huiusmodi auxilia.

49. Dices, Christum esse impeccabilem ab intrinseco ratione vnionis hypostaticæ. Ergo per illam constituitur potens ad seruanda præcepta, & ad omnia opera necessaria, tam naturalia, quàm supernaturalia.

Respondeo, Christum esse impeccabilem ab intrinseco ratione vnionis hypostaticæ: quatenus vi illius debetur ei quasi connaturaliter & necessario auxilium necessarium ad non peccandum: idque tanta necessitate, ut omnino non possit eo carere. Impossibile enim est naturam assumptam peccare. At non constituit formaliter potentem seipsa ad implenda præcepta, sine aliis præsidij & subsidiis, quæ non habet formaliter per vnionem hypostaticam, inter quæ sunt gratiæ actuales excitantes ad bene operandum supernaturaliter, id est, inspirationes seu illuminationes intellectus, & pia moriones immittæ voluntati ut eam excitent, & similia.

SECTIO VI.

An gratia habitualis constituat Christum formaliter caput Ecclesiæ?

SUPpono primò cum D. Thom. qu. 8. art. 1. Christum esse caput Ecclesiæ non tantum ut est Deus, sed etiam ut homo est, id est, secundum suam humanitatem. Id enim docet expressè Paulus ad Ephes. 1. v. 20. 22. & 23. ubi de Christo sic loquitur: *Suscipiens illum à mortuis, & constituens ad dexteram suam in caelestibus, &c. Et omnia subiecit sub pedibus eius, & ipsum dedit caput super omnem Ecclesiam, quæ est corpus ipsius & plenitudo eius, qui omnia in omnibus adimpletur.* Hæc Paulus. Quæ de Christo ut homine manifestè intelligenda sunt. Nam ut Deus non fuit à Patre suscitatus, neque eius beneficio constitutus ad dexteram suam, & rebus omnibus præpositus: cum naturaliter & absoluta necessitate sit eiusdem essentia, & æqualis dignitatis cum Patre. Quatuor verò in capite considerantur. Nempe coniunctio cum aliis membris, ordo, perfectio, & virtus influendi. Nam in corpore animalis, puta hominis, Primò, caput habet coniunctionem cum reliquis membris. Secundò, Habet etiam ordinem eminentiæ: nam caput est prima & suprema pars corporis. Tertiò, Est etiam pars perfectissima corporis; quia in capite vigent omnes sensus interni & externi, cum in cæteris membris non ita sit. Quartò denique influit in cætera membra: quia virtus & motus cæterorum membrorum, & gubernatio eorum in suis actibus, est à capite, propter vim sensitiuam & motiuam ibi dominantem.

50. Christus ut homo est caput Ecclesiæ.

Quatuor in capite considerantur.

Hæc autem omnia Christo conueniunt respectu Ecclesiæ. Nam est illi moraliter coniunctus, iuxta illud ad Ephes. 4. vers. 15. & 16. *Crescamus in illo per omnia, qui est caput Christus, ex quo totum corpus compactum & connexum, &c.* Deinde est primus ordine intentionis, iuxta illud ad Rom. 8. *Quos præsciuit, & prædestinuit conformes fieri imaginis filij sui, ut sit ipse primogenitus in multis fratribus.*

51. Hæc omnia conueniunt Christo respectu Ecclesiæ.

Tertiò, Habet gratiam & perfectionem maiorem omnibus aliis, iuxta illud Ioann. 1. *Vidimus gloriam eius, gloriam quasi unigeniti à Patre, plenum gratia & veritatis.* Quartò, Habet vim influendi gratiam in omnia membra Ecclesiæ, iuxta illud Ioan. 1. *De plenitudine eius nos omnes accepimus.* Quapropter merito dicitur caput Ecclesiæ morale & metaphoricum, per analogiam ad caput naturale corporis animalium. Quòd si quæras an etià cor Ecclesiæ dici possit, quia ut cor influit vitam in cætera membra viventis, sic Christus in membra Ecclesiæ? Respondet idem S. Thom. art. cit. ad 3. caput habere manifestam eminentiam respectu cæterorum exteriorum membrorum: Cor autem habere occultam quandam influentiam. Ideoque cordi comparari Spiritum sanctum, qui invisibiliter Ecclesiam vivificat & unit. Capiti verò comparari Christum secundum visibilem naturam, secundum quam homo hominibus visibiliter præfertur. Membrum item respectu totius Ecclesiæ dici posse innuit Paul. 1. Corinth. 12. cum ait, *Vos autem estis corpus Christi, & membra de membro,* illo scilicet primo & principali, Christo. Non tamen ita solet appellari, quia membrum videtur importare dependentiam ab aliis membris: Christus autem non pender à corpore Ecclesiæ.

Possine dici cor & membra Ecclesiæ.

§ 2. Christus est caput Angelorū, æquè ac hominū.

Suppono secundò cum eodem D. Thom. quæst. cit. art. 2. 3. & 4. Christum non modò esse caput hominum secundum animas & corpora, sed etiam Angelorum, atque etiam quodammodo cæterarum omnium creaturarum. De hominibus patet ex 1. Corinth. 15. ubi Apostolus Christum cum Adamo in eo comparat, quòd uterque fuerit constitutus caput omnium hominum. *Et sicut in Adam omnes moriuntur, ita & in Christo omnes vivificabuntur.* Dominatur autem Christus & influit in homines non tantum quoad animas, sed etiam quoad corpora, quatenus debent Christo servire, & exhiberi velut arma iustitiæ, ut ait Paulus ad Rom. 6. vers. 13. Et ab eodem recipiunt auxilia gratiæ quibus stimuli carnis vincantur, 2. Corinth. 12. v. 9. Ac tandem ab eo immortalitatem & vitam beatam accipient Rom. 8. vers. 11.

§ 3.

De Angelis idem docet Apostolus Ephes. 1. ubi de Christo sic loquitur. *Suscitans illum à mortuis, & constituens ad dexteram suam in cælestibus, supra omnem principatum, & potestatem, & virtutem, & dominationem, & omne nomen quod nominatur non solum in hoc sæculo, sed etiam in futuro: & omnia subiecit sub pedibus eius: & ipsum dedit caput supra omnem Ecclesiam, quæ est corpus ipsius, & plenitudo eius, qui omnia in omnibus adimpleretur.* Hæc Paulus. Vbi nomine Ecclesiæ non tantum homines, sed & Angelos comprehendit. Alioquin Ecclesia non rectè diceretur plenitudo Christi: quia ultra homines habet Christus Angelos, quorum vniuersitas est magna pars, & fortè maior, plenitudinis Christi. Loquiturque Apostolus de Christo ut homine: quam-

uis Chrysostomus, Theophylactus, & alij Chrysof. Theophyl. quidam existiment Christum à Paulo dici caput hominum, ut hominem: Angelorum verò, ut Deum. Confirmatur ex Coloss. 2. *Estis in illo repleti (Christo scilicet) qui est caput omnis principatus & potestatis.* Et Hebr. 12. v. 22. *Accessistis ad Sion montem, & civitatem Dei viventis Ierusalem cælestem, & multitudinem millium Angelorum frequentiam, & Ecclesiam primiuorum, id est, Angelorum, qui conscripti sunt in cælis.* Ex quibus patet nomine Ecclesiæ, cuius Christus dicitur caput, comprehendi non tantum homines, sed etiam Angelos, qui respectu hominum sunt primitivi, id est, primi donati beatitudine, quam homines tantum post Christi mortem adepti sunt. Faut etiam ratio, quia ex Angelis & hominibus, maxime verò in cælesti beatitudine, sit vna spiritalis respublica, quam conveniens est vni capiti Christo subesse. Et quidem Christus est pars nobilissima illius reipublicæ totius. Est item primus in intentione diuina, & omnibus præest, atque in omnes influxum aliquem habuit, ut explicabitur paulò post. Quare habet illa omnia quæ requiruntur ad rationem capitis respectu totius illius reipublicæ ex Angelis hominibusque compositæ.

De reliquis omnibus creaturis, quòd Christus sit etiam caput earum aliquo modo, patet, quia & præit omnibus dignitate: & prior est ordine intentionis, *primogenitus omnis creaturæ*, Coloss. 1. & in omnes vim regendi habet, & applicandi ad varios fines, quam vim frequenter exercuit. Omnia enim ipsi subiecta sunt, Psalm. 8. & Hebr. 2. & omnibus uti potest ad bonorum salutem, iuxta illud Pauli, *Omnia vestra sunt, vos autem Christi, Christus autem Dei*, 1. Corinth. 3. vers. 21.

§ 4. Christus est caput etiam reliquarum creaturarū.

Suppono tertiò, Christum non esse caput omnium prædictorum eodem modo. Nam rerum irrationalium, & Dæmonum, vel hominum iam damnatorum, est caput modo imperfectiori, & potius Dominus vel Princeps. Quia cum illis non propriè componit vnum corpus morale per unionem voluntatum, & subiectionem voluntariam membrorum seu subditorum: neque vnum corpus mysticum, in quod influat vitam spiritalem, cuius neque res irrationales, neque damnati capaces sunt. At verò in omnes Angelos gratiæ vitam influxit: & in perseverantes, vitam gloriæ, & auxilia quibus steterunt & perseverarunt, ut magis significat Paulus cum ait Ephes. 1. v. ult. Christum omnia in omnibus adimpleri, id est, omnia gratiæ beneficia omnibus propter ipsum conferri. In eoque præcipuè consistit officium capitis, ut vitam substantialem influat in membra. Quare Christus non influit tantum in Angelos beatos aliquas illuminationes, & gaudia accidentalialia, ut Vasques & quidam alij volunt: sed vitam ipsam substantialem gratiæ & gloriæ, ut docent Suarez disput. 42. sect. 1. Valentia qu. 8. puncto 3. sentent. 3. & alij Valent.

§ 5. Sed non eodè modo est caput omnium.

quos isti citant. Et quidem cum Angeli de se sint improporcionati ad gratiam & gloriam, æque ac homines: conueniens fuit, vt interuentu Christi, veluti capitis & mediatoris, illam acciperent, propter ipsius merita & influxum moralem. Nec obest quod Angeli non sunt eiusdem naturæ cum Christo. Neque enim est necesse caput morale esse in omnibus homogeneum. Sufficit esse in gratia, quæ maximè attenditur in hoc corpore mystico. Confirmatur, quia Deus est caput Christi vt hominis, à quo tamen magis differt, quàm Christus secundum humanitatem ab Angelis: iuxta illud 1. Corinth. 11. *Caput mulieris est vir, caput viri Christus, caput Christi Deus.*

56. De hominibus verò norandum est ex D. Thom. qu. 8. art. 3. Christum esse eorum caput secundum quinque diuersos gradus. Primò enim & principaliter est caput eorum qui actu ipsi vniuntur per gloriam, vt Beati. Secundò, Eorum qui actu ipsi vniuntur per gratiam & charitatem in via, vt iusti. Tertiò, Eorum qui actu vniuntur per fidem aut spem, sine charitate, vt fideles in statu peccati existentes. Quartò, Eorum qui vniuntur ipsi solùm in potentia nondum reducta in actum, sed tamen reducenda, vt infantes ad baptismum peruenturi. Quintò, Eorum qui tantùm in potentia nunquam in actum reducenda, vt infantes in vtero sine remedio morituri. Qui tamen quando moriuntur (vt & alij omnes decedentes in peccato mortali) desinunt esse membra corporis Christi mystici: quia non sunt ampliùs in potentia vt Christo vniantur ad accipiendam vitam spiritalem ab ipso. Quamdiu verò sunt in via, possunt ab illo accipere influxum vitalem per media ab ipso instituta: sicut etiam infantes in vtero morientes acciperent, nisi culpâ parentum, vel aliorum staret, vt explicauimus in tract. de Prædestinat. vbi etiam ostendimus Adamum in statu Innocentiæ fuisse iustificatum propter merita Christi: atque ita omnes homines, in quocumque statu viæ, fuisse Christo subiectos vt capiti. Qui autem docent oppositum, nituntur fundamento minùs probabili de prædestinatione Christi post præuissum peccatum.

57. His præmissis, quæstio est, per quid formaliter Christus, quatenus homo, constituitur in esse capitis morales corporis illius mystici? An per gratiam habitualement? An per vniõnem hypostaticam? An per aliquid aliud?

Per quid constituitur Christus formaliter caput Ecclesiæ? Respondeo, constitui formaliter per moralem denominationem ab actu voluntatis, quo Deus statuit Christum esse caput totius Ecclesiæ, & mediatorem vniuersalem salutis omnium membrorum, deditque illi potestatem influendi, regendi, & alia præstandi quæ ad officium capitis pertinent: gratiamque Christi habitualement, atque vniõnem hypostaticam, esse quidem fundamentum propter quod fuit conueniens Christum in caput eligi, fuitque ipse aptus influere, & offi-

cia capitis exercere: verumtamen non per hoc formaliter & præcisè esse caput, sed per illam moralem denominationem à voluntate Dei instituentis efficaciter vt Christus esset caput.

Declaratur & probatur responsum: quia ratio capitis, vt hic sumitur, est ratio quædam moralis, & denominatio extrinseca; sicut ratio & dignitas Summi Pontificis, Regis, Doctoris, & similes. Quæ denominationes sunt entia voluntatis, & velut eius effectus morales. Vnde sicut Cardinalis, qui propter vitæ sanctitatem, doctrinam, prudentiam, & zelum boni communis, aptissimus est vt eligatur in summum Pontificem, & caput visibile fidelium sub Christo; nondum tamen est talis; sed tunc tantùm quando voluntate & consensu aliorum Cardinalium eligitur in summum Pontificem, & per eorum electionem legitimam & efficacem accipit talem dignitatem, & potestatem vniuersalem regendi Ecclesiam: sic Christus per vniõnem hypostaticam, & gratiam excellentissimam, quam habet, aptus quidem fuit vt caput Ecclesiæ institueretur, ad regendum, merendum, redimendum, & ad alia capitis officia præstanda: non fuit tamen per hoc formaliter caput Ecclesiæ, sed per Dei institutionem, quâ omnes fuerunt ei subiecti, vt ab ipso reciperent influentiam, & per denominationem moralem ex ea institutione sequutam: cuius fundamentum aliquod fuit gratiæ plenitudo, apta vt esset fons & exemplar gratiarum omnium cæteris communicandarum: & multò magis vniõ hypostatica, quæ Christo confert dignitatem sufficientem ad merendum infinitè, & satisfaciendum in rigore iustitiæ pro peccatis contra Deum commissis.

Loquimur autem hic de Christo prout homine, id est, spectato secundum humanitatem. Nam prout Deus est, habet formaliter & præcisè à diuinitate vt sit omnium caput & Dominus supremus, etiam ipsius Christi, iuxta illud 1. Corinth. 11. ver. 3. *Omnis viri caput Christus est, caput autem mulieris vir, caput verò Christi Deus.* Omnia enim creata Deo subsunt necessariò, velut supremo Domino, & causæ primæ & vniuersali omnium rerum: sine cuius influxu nec esse possunt, nec quidquam operari. Verùm non loquimur de Christo vt capite & Domino supremo rerum omnium quatenus Deus est, æqualis Patri & Spiritui sancto, & eadem cum illis potestatem dominandi habens, id est, eandem essentiam, intelligentiam, voluntatem, & omnipotentiam: sed de Christo quatenus, vt homo, est mediator vniuersalis inter Deum & homines, & caput inferiori quadam ratione, Deo subiectum & inferius, hominibus autem & Angelis superius, iuxta Pauli verba proximè relata ex Ephes. 1. Christus enim ita consideratus est minor Deo, illiq; subest tanquam capiti absolutè supremo: quemadmodum homines & Angeli subsunt eidem Christo vt homini, tanquã capiti subalterno.

Tom. 1. disp. 20. s. 4. num. 30. & disp. 21. s. 4. n. 35.

58.

59.

60.
Christus
est caput
formaliter
per morale
denomina-
tionem.

Christo igitur ita considerato conuenit esse caput mysticum totius Ecclesie formaliter & precise per denominationem moralem à libera Dei institutione, quâ efficaciter voluit & constituit ut ei præesset, regendo, influendo, & alia capitis munia obeundo. Non autem per unionem hypostaticam, quæ absolute potuit dari humanitati absque eo quod institueretur in caput nostrum morale, ut eius opera & satisfactiones nobis prodesse. Quo in casu non esset caput mysticum & subalternum. Neque etiam per gratiam creatam habituales, quæ licet in Christo fuerit excellentissima; potuit tamen esse, æquæ ac unio hypostatica, sine prædicta institutione, neque per se solam constituit formaliter Christum caput morale, à quo aliæ creaturæ intellectuales pendeant ad influxum gratiæ ab eo recipiendum: ut patet ex eo quod gratia habitualis Christi est eiusdem speciei cum gratia aliorum iustorum, qui tamen aliis ne vel minimum quidem gratiæ mereri possunt de condigno.

Confirmatur
exemplo
Adami.

Confirmatur exemplo Adami, qui quamuis esset primus omnium parens, & haberet permultum gratiæ, per quam esset idoneus ut tanquam caput omnibus suis posteris, qui naturali ordine ex ipso nascituri erant, præficeretur: tamen nisi re ipsa per Dei ordinationem fuisset præfectus, bonum eius meritum, aut malum seu peccatum, non fuisset communicandum posteris: sicut aliorum parentum merita bona vel mala non sic afficiunt posteros, defectu talis ordinationis. Ac licet Adamus per penitentiam recuperauerit gratiam: tamen eius penitentia non profuit nobis, quia per diuinam ordinationem non erat constitutus caput, ita ut posset restituere nos, aut per suam restitutionem prodesse nobis, sicut sua destituitio & suo casu nobis nocuerat. Ita ergo Christus per hypostasim diuinam, quâ constat, & per gratiam habituales, ac principia supernaturalia operandi, erat quidem dignus præcellentia & officio capitis morales: factus est tamen caput alio Dei dono, quod est morale quid, quatenus Dei voluntate fuit præpositus omnibus, cum morali potestate illos regendi, & in illos influendi: Hic autem ordo est quidem aliqua gratia, facta humanitati, sumendo latè gratiam pro quocunque dono gratuito, quatenus liberaliter & gratis à Deo donatur: sicut officia & potestates, licet dentur proportionatis & idoneis, tamen sunt dona gratuita: quia non simpliciter debentur, nec sunt eorum quibus dantur: sed non est gratia physica habitualis, de quâ hic disputamus.

61.
Confirmatur
ex
Scriptis.

Confirmatur secundo ex Apostolo Ephes. 1. vbi de Christo sic ait: *Ipsam dedit caput super omnem Ecclesiam*, &c. Deus enim constituendo sua voluntate & potestate Christum in caput, dedit illum caput, & fecit illum caput, cui ad finem vite supernaturalis deberent omnes uniri & subiici. Et ad Hebr. 5. *Nec quisquam sibi sumit honorem, sed qui vocatur*

à Deo tanquam Aaron: sic & Christus non solum per ipsum clarificauit ut Pontifex ferret: sed qui legitur est datus, *Filius meus es tu*, &c. Et Psalm. 2. *Postula à me, & dabo tibi gentes hereditatem tuam, & possessionem tuam terminos terre*. Per quæ verba satis ostenditur Christum fuisse constitutum à Deo Pontificem, & ab illo accepisse gentes in donum. Quare similiter fuit constitutus caput Angelorum & hominum. Nec satis est si quis dicat Christum, eo quod sit à Patre, accepisse pontificatum & gentes. Plus enim significant illa verba, *Postula à me*, &c. Et in prædictis locis non est sermo de Christo ut est Verbum, sed ut est homo. Nam Christus, ut Verbum, & ut Deus, non est Pontifex, neque postular. Consentit Delugo disp. 29. n. 46. vbi ait ad complendam denominationem formalem & proximam Mediatoris, ultra unionem hypostaticam, requiri voluntatem Dei constituendi Christum mediatorem, vel acceptandi eius intercessionem & satisfactiones pro hominibus: per hanc enim voluntatem intelligitur Christus ex officio mediator completè Dei & hominum.

Delugo.

Neque contradicit S. Thom. quæst. 8. art. 5. in corpore, cum ait, competere gratiæ Christi, ex eminentia summa, quam habet, ut deriuetur ad alios, aliquid scilicet in eis cauendo, quod pertinet ad rationem capitis: & ideo eandem esse secundum essentiam gratiam personalem, quâ anima Christi est iustificata: & gratiam eius secundum quod est caput Ecclesie iustificans alios. Notandum enim est, aliud esse quod Christus influat per illam gratiam: & aliud, quod illa gratia sit formalis ratio capitis. Item, aliud esse quod eadem sit gratia, quâ Christus iustificatur in seipso ut persona particularis, & quâ influit in alios tanquam caput: & aliud, quod eadem gratia sit formalis ratio capitis. Prius membrum vtriusque diuisionis est verum, & traditum à D. Thoma. Posterius est falsum, & extra mentem illius. Prius quidem ratione fuit data Christo gratia illa accidentaliter propter personam, & deinde propter alios. Quia conueniens fuit Christo, etiam ratione illius gratiæ, ut esset caput Angelorum & hominum, tanquam gratia plenus omnino, & capax effluere in alios. Duo tamen distinguenda sunt. Alterum est, id quo Christus est valens & sufficiens, atque idoneus ad omnia capitis officia cumulativè & plenè exequenda. Alterum est, subordinatio Angelorum & hominum sub Christo tanquam ipsis præposito. Quorum prius est humanitas infinitè dignificata per hypostasim Verbi, & ornata simul gratia habituali, ut principio conueniente operationum congruentium tali personæ. Posterius autem est denominatio moralis, per modum cuiusdam dignitatis aut principatus. Non secus enim ac in republica bene instituta ille qui sapientissimus & optimus & potentissimus est, eo ipso est idoneus ut præsit aliis; sed nondum præst,

62.

Sententia
D. Thomæ
non est con-
traria.

nisi eorum voluntate & potestate, quorum interest, præficiatur. Ita & Christus per gratiam vnionis, quâ fuit infinitè excellens; & per gratiam habitualement, quâ fuit potens ad congruenter suæ personæ operandum, fuit dignissimus excellentia capitis: tamen per diuinam voluntatem & potestatem constitutus fuit caput, sicut & Sacerdos seu Pontifex, & iudex. Vtremque, considerandum est non idem esse formalem rationem capitis, & gratiâ capitis, id est, eius qui caput est, conferentem ad officia & functiones capitis. Ratio enim formalis capitis consistit in eo, quod Christus fuerit moraliter præpositus Angelis & hominibus ad agendum in eos: & Angeli & homines sint illi subiecti & subordinati ad aliquem finem & influxum. Gratia verò quæ est fundamentum illius dignitatis moralis, est tum dignitas humanitatis vnitæ Verbo, tum principium agendi conueniens tali personæ, id est, gratia sanctificans, & alij habitus infusi. Quocirca ratio capitis se habet vt dignitas principatus in eo qui Princeps est constitutus: gratia verò capitis se habet vt ea, per quæ is qui Princeps constituitur, est dignus principatu.

63. *Contraria quorundam opinio reii-
citur.* Suares disp. 23. sect. 2. post medium, Vasques disput. 48. cap. 4. & Valentia quæst. 8. puncto 1. censent, Christum fuisse caput ipsa vnione hypostatica præcipue & primò: cui subordinata fuit accidentalis gratia ad operandum. Ratio est, quia maximè per vnionem hypostaticam Christus est potens ad omnia capitis officia, & ad condigne sa-

rificiendum pro peccato. Quæ sententia si intelligatur de eo, per quod Christus est maximè dignus & idoneus vt sit caput: vera est. Si verò intelligatur quod omnino Christus per vnionem hypostaticam constituitur in esse capitis: non est vera. Superest enim adhuc aliquid aliud vt sit verè caput. Nempe superest vt ordinetur ad compagem vnâ, & ad mēbra & corpus, cuius sit caput. At Christus sine illo ordine potest intelligi, & esse constans diuina hypostasi, & habens tantum gratiæ accidentalis ad agendum, quantum nunc habet. Neque dicas ordinem illum esse quid accidentarium Christo vt capiti, & esse vel conditionem, vel proprietatem; non autem esse substantiam, aut substantiæ partem: quoniam ad operandum, & ad merendum quiduis plenissimè aliis, Christus est potens per diuinam hypostasin, & principium operandi quod habet; superestque tantum vt applicetur. Respondeo enim, nomen ipsum capitis esse nomen officij, & ordinis seu relationis, cuius complementum non est in quauis aptitudine & sufficientia: sed adhuc requirit, vt qui caput est, sit constitutus in tali gradu & officio. Et sicut non quicumque est aptus imperio, est statim Imperator, sed fit Imperator quando accipit potestatem, & ius atque authoritatem imperandi: sic ad perfectionem, & ad esse capitis, non est satis esse dignissimum & aptissimum: sed oportet à Deo omnium supremo Domino esse constitutum in eo gradu & officio.

DISPUTATIO

DECIMA,

De Scientia Christi.

- Sectio I. *An, & qualis, & quotuplex sit scientia in Christo?*
 Sectio II. *De scientia beata animæ Christi.*
 Sectio III. *Soluntur aliquot difficultates circa scientiam beatam Christi.*
 Sectio IV. *De scientia per se infusa animæ Christi, eiusque obiectis.*
 Sectio V. *De actibus scientiæ infusæ Christi, eorumque principiis.*
 Sectio VI. *De alia duplici scientia Christi, infusa per accidens, & acquisita.*

Doctrina
D Thom.
de scientia
Christi in
genere,



De scientia
illius bea-
tifica,

De scientia
infusa,

De scientia
acquisita,

DE Scientia Christi disputat S. Thom. quæst. 9. & tribus sequentibus. In quarum prima docet, præter ipsam scientiam diuinam in Christo inhabitantem, fuisse triplicem aliam: nimirum beatificam, infusam, & acquisitam. Quia perfectio animæ Christi partim supernaturalis, & partim naturalis, triplicem illam scientiam exigebat; conueniensque fuit, ut omnis eius potentialitas reduceretur ad actum. In secunda, affirmat Christum per scientiam beatificam non comprehendisse diuinam essentiam: quia infinitum non potest comprehendi à finito: anima verò Christi, eiusque scientia beata est finita. Neque nosse omnia quæ sunt in potentia diuina: quia non illam comprehendit. Nosse tamen omnia quæ sunt, fuerunt, vel erunt: quia ad Christum, & ad eius dignitatem spectant quodammodo omnia, in quantum ei subiecta sunt omnia: quilibet autem Beatorum cognoscit in Verbo omnia quæ ad ipsum spectant. Tamen si Verbum non comprehendit, neque omnia planè in illo videt. Non nouit etiam infinita, nisi in potentia. Sed tamen perfectiùs Deum videt omnibus aliis creaturis: quia propinquiùs Deo coniungitur per vnionem hypostaticam: ideoque plenius recipit influxum luminis quo Deus videtur. In tertia quæst. asserit, Christum per scientiam infusam cognouisse quæcunque ab homine cognosci possunt lumine naturali: quæque per diuinam reuelationem hominibus innotescunt: siue pertineant ad donum sapientiæ, siue ad donum prophetiæ, siue ad quodcunque aliud donum Spiritus sancti. Et Christum hac scientia uti potuisse sine conuersione ad phantasmata: quia fuit ab initio comprehensor: est autem hæc conditio animæ comprehensoris, ut nullo modo subdatur suo corpori, aut ab eo dependeat, sed totaliter ei dominetur. Addit, illam Christi scientiam fuisse multò excellentiorem scientiâ Angelorum, & quantum ad multitudinem cognitorum, & quantum ad scientiæ certitudinem: quia lumen spiritualis gratiæ, quod est inditum animæ Christi, est multò excellentius, quàm lumen quod pertinet ad naturam Angelicam. Licet inferior esset quantum ad modum cognoscendi, qui est naturalis animæ humanæ: videlicet per conuersionem ad phantasmata, & per collationem & discursum. Ac denique scientiam illam fuisse habitualement, quâ Christus poterat uti quando volebat: quia fuit infusa iuxta modum conuenientem subiecto & recipienti. Eademque de causa fuisse diuisam in multos habitus: quia fuit indita secundum modum connaturalem animæ humanæ. Est autem illi connaturale, ut recipiat species in minori vniuersalitate, quàm Angeli: ita scilicet ut diuersas naturas específicas per diuersas species intelligibiles cognoscat: unde oritur in nobis diuersitas habituum circa diuersa obiecta scientiarum. In quarta & postrema docet, Christum per scientiam acquisitam sciuisse omnia illa quæ possunt sciri per actionem intellectus agentis. Et Christum in illa profecisse secundum effectum, sicut & in ætate: quia scilicet secundum augmentum ætatis opera maiora faciebat, quæ maiorem scientiam & gratiam demonstrabant. Atque
etiam

etiam quoad ipsum habitum, qui per abstractionem specierum intelligibilium, ab intellectu agente facta, potuit augmentari. Inconueniens enim videtur quod talis actio intelligibilis Christo defuerit. Denique Christum nihil ab hominibus, vel ab Angelis didicisse. Fuit enim constitutus caput & Doctor omnium hominum: ideoque non fuit conueniens eius dignitati ut ab ullo homine doceretur. Et sicut supra communem modum creaturæ anima Christi fuit vnita Verbo in vnitæ personæ: ita supra communem modum hominum, immediatè ab ipso Dei Verbo repleta est scientia & gratia. Non autem mediantibus Angelis, qui etiam ex influentia Verbi, rerum scientiam in sui principio acceperunt. Hucusque D. Thom.

SECTIO I.

An, & qualis, & quod simplex sit scientia in Christo?

1. **S**ermo hic est non de scientia Christi ut Dens est, sed de scientia eius creata ut homo est, constans anima rationali. Primum enim certum est Christum habuisse veram animam rationalem, & intellectum creatum, ut definitur in Concilio Chalcedonensi actione 5, in definitione Fidei, & in VI. Synodo Generali actione 4. in epist. Synodica approbata actione 8. ubi dicitur, Christum habere duas naturas, & unamquamque proprietates naturales habere: diuinam, omnia quæ diuina: humanam, omnia quæ humana sunt, absque ullo peccato. Et actione 11. definitur Verbum assumpsisse animam rationalem, animabus nostris contr. bntem, & mentem menti nostræ comparatam. Mens autem significat animam secundum partem superiorem, quæ est intellectiua. Nec dubitandum est quin ille Christi intellectus fuerit præstantissimus. Siue præstantia intellectus humani consistat in maiori perfectione entitatiuæ vnius animæ præ alia, & vnius intellectus præ alio, ut quidam volunt: siue potius in maiori perfectione & meliori dispositione organorum intellectiui seruientium, ex qua fiat ut alij melius aliis intelligant, & ratiocinentur. Assumpsit enim Verbum naturam humanam integram, & valde perfectam (qualis decebat vniionem hypostaticam) non humano & communi modo, sed speciali Spiritus sancti operatione formatam.

2. Secundò, certum pariter est intellectum creatum Christi non fuisse otiosum, sed habuisse multiplicem operationem. Tum quia operatio est perfectio intellectus, qui ad illam ordinatur: tum etiam quia Christus orauit, meruit, & alia multa fecit ut homo, quæ sine actu intellectus & voluntatis creatæ fieri non poterant. Concilia quoque supra cit.

Tomus IV.

rata definiunt in Christo esse duas operationes, diuinam & humanam. Quæ definitio non minùs habet locum in intellectu, quàm in voluntate. Imò nihil potest velle, nisi intelligat. Neque dici potest animam Christi intellexisse formaliter per intellectiōem diuinam & increatam. Tum quia intellectio diuina non fuit illi immediatè vnita: tum etiam quia impossibile est animam intelligere formaliter, nisi per actum à seipsa vitaliter & cum attentione elicitem. Actus enim vitalis cognitionis consistit essentialiter in productione & attentione principij viuētis, quod producendo attendit, & attendendo producit, mouetque seipsum vi propria ad obiectum, ut ostendimus disput. 10. de Fide sect. 4. Vnde meritò Agatho Papa in epist. synodica relata in VI. Synodo generali actione 4. & approbata actione 8. dicit non posse vnā esse operationem in Christo vtriusque naturæ: quia impossibile est propriam operationem vnius naturæ fieri operationem alterius.

3. Tertiò, omnis cognitio Christi, siue naturalis, siue supernaturalis, fuit perfecta, & digna personā diuinā: adeoque vera, certa, & euident. Sicut enim fides supernaturalis remouetur à Christo, propter imperfectionem obscuritatis quam inuoluit: sic & magis error, opinio, aut quæuis alia cognitio obicūra. Et quidem error, & actus falsus, dedecet simpliciter personam diuinam, nec potest illum pari diuina sapientia in natura à se assumpta, sicut neque peccatum. Id etiam nostræ saluti nihil prodesset: & de Christi auctoritate multū detraheret quod decipi posset: de quo etiam Scriptura loquitur tanquam de personā infallibilis auctoritatis. Fides autem, & opinio vera, quæ uis non adeo repugnet, ac falsitas; habet tamē ex obiecto formali, & ex modo tendendi in obiectum, illa obscuritatem, hæc incertitudinem: propter quam non conueniūt dignitati personæ diuinæ: neque ita determinant intellectum, ut non reliquant falsitati expositum, quantum est de se. Ac licet Christus aliunde impedire posset per superiorem cognitionem, ne obscuritate, vel incertitudine decip

3. Omnis cognitio Christi fuit perfecta

Y

peretur: non decuit tamen ut haberet cognitiones de se adeo imperfectas: sed intrinsecè certas & claras. Neque decuit ut in ferendo iudicio niteretur fundamento obscuro, ut fides; vel incerto, ut opinio. Hinc collige, omnem cognitionem Christi esse scientiam, sumendo scientiam latè prout hic sumitur, pro quacumque cognitione vera, certa & evidenti, siue habeatur per discursum, siue non.

4. Dices, Christum multa ignorasse per intellectum creatum. Ergo potuit in illis errare: ut reipia erravit circa ficulneam, Matth. 21. v. 19. Item fuit per omnia similis nobis, absque peccato, ut dicitur Hebr. 2. & in Concilio Chalcedonensi actione 5. At error non est peccatum. Item subiectus fuit errori sensuum: vidit enim res procul positas, ut solem & lunam v.g. longè minores, quam sint. Quidni ergo subiecti potuit errori intellectus, qui sæpe oritur ex errore sensuum. Vtcrius, Christus credebatur iis quæ sibi ab hominibus narrabantur: & cognoscebat rationes probabiles omnium opinionum. Ergo potuit saltem habere actum fidei, & opinionis.

5. Ad primum Respondeo, Christum ab initio suæ conceptionis sciuisse omnia, quæ scire potuit & debuit, iuxta conditionem & capaciter naturæ humanæ, ac rationem & statum sui officij: vnde nunquam fuit subiectus ignorantie privatiæ, & propriè dictæ: licet omnia penitus non cognoverit, nisi ut Deus, cuius solius scientia est infinita, respondens adæquatè omni intelligibili. Nihil tamen erat quod non sciret si vellet, ut ostendimus sect. 3. & 6. Circa ficulneam verò non error fuit, sed mysterium reprobationis Iudæorum, ut interpretes ibidem ostendunt.

Ad secundum Respondeo, illud, *per omnia*, esse commodè, non in rigore intelligendum: alioqui similis nobis fuisset in modo generationis, in fomite peccati, & motibus concupiscentiæ. Et Paulus tantum ait fuisse tentatum per omnia absque peccato: Chalcedonense verò intelligendum est de iis, quæ ad salutem nostram prodesse poterant, & Christum specialiter non dedebant.

6. Ad tertium, Nego antecedens cum Suarez disp. 24. sect. 3. 5. *Ad secundam confirmationem*: sensit enim prout erant, non per solam virtutem sensuum, aut obiectorum vel specierum, sed per auxilium speciale divinum, quo sensus supra naturam confortabantur, aut virtus specierum, vel determinationis obiectorum. Deinde quamvis sensus errassent, ratio tamen eorum errorem correxisset: nec decuit tantam imperfectionem esse in parte suprema animæ Christi.

Ad quartum, Dico Christum cognovisse evidenter, essentia vera quæ sibi narrabantur ab aliis, & an rationes probabiles opinionum essent veræ vel falsæ. Quare non habuit de illis fidem solum, & opinionem: sed cognitionem veram, certam, & evidentem, quam hic nomine scientiæ intelligimus,

cum de scientia Christi generatim disputamus.

Contrarium sentiunt Vasques disp. 61. cap. 9. Delugo disp. 21. sect. 3. n. 26. & alii multi, qui opinantur potuisse absolute esse errorem inculpabilem in humanitate assumpta, licet de facto non fuerit. Ratio principia eorum est, quia talis error est tantummodo malum pœnæ: & sicut potuit Deus assumere naturam bruti cum suis imperfectionibus, ut talpæ cæcitatem, asini stoliditatem: sic & naturam rationalem inculpabiliter deceptam.

Respondeo, errorem non tantum esse malum pœnæ, sed etiam esse aliquid turpe & indecens obiectivè, sicut mendacium, adulterium, blasphemia, infidelitas, & similia intrinsecè mala: vnde voluntariè admitti nequit sine peccato culpabili, & turpitudine formali. Tale autem malum non potuit esse in natura assumpta. Et contrarium dicere, est non parum detrahete de Christi autoritate, quæ certè tanta non erit, si non est absolute infallibilis. Admisso enim quod potuit errare inculpabiliter, consequenter poterit loqui falsa inculpabiliter, & decipere inuoluntariè. An verò & quatenus possit Deus assumere naturam brutam, illiusque defectus, alibi dictum est.

Quartò denique certum est fuisse in Christo principia convenientia ad exercendos omnes actus scientificos ipsius dignitari & statui proportionatos: partim supernaturalia, ad actus supernaturales; partim naturalia, ad naturales. Id enim constat iisdem argumentis, quibus disputatione præcedenti probavimus fuisse in Christo gratiam & virtutes infusas naturales, & supernaturales: quod sine temeritate negari non posse ostendimus. Quare non tantum habuit scientiam actualement consistentem in actibus; sed & habitualement, ac per modum complementi actus primi, consistentem in habitibus naturalibus, & supernaturalibus, ac speciebus superadditis intellectui, ad eum plenè constituendū in actu primo intelligendi. Quadruplex autem fuit generatim scientia creata Christi, siue actualis, siue habitualis. Nempe scientia beatifica, consistens habitualiter in lumine gloriæ, & actualiter in visione beatifica: scientia supernaturalis & per se infusa, consistens habitualiter in habitibus & speciebus supernaturalibus, & actualiter in actibus ope illorum principiorum elicitis: scientia naturalis sed infusa per accidens, consistens habitualiter in habitibus, & speciebus naturalibus in substantia, & similibus iis, quos homines propria industria acquirunt, infusis tamen Christo in instanti conceptionis, sicut Adamo, & Salomoni, & aliis forte quibusdam infusi fuerunt: actualiter verò in actibus naturalibus ope talium habituum & specierum elicitis. Ac denique scientia acquisita, quæ non alia fuit in Christo, quam experimentalis, ut ostendimus sect. vltima. De his enim scientiis singillatim disputandum iam est.

Vasques.
Delugo.

Christus
habuit
principia
convenientia
ad perfectè
cognoscendū.

Scientia
Christi fuit
quadruplex.

SECTIO II.

De scientia beata anime Christi.

8.
Anima
Christi ab
initio suæ
creationis
habuit
scientiam
beatificam.

Prima conclusio : Anima Christi ab instanti suæ creationis habuit lumen gloriæ, & visionem beatificam. Ita omnes Theologi cum Magistro in 3. dist. 14. & cum D. Thoma 3. p. quæst. 15. art. 10. Ratio præcipua est, quia anima Christi primo instanti suæ creationis fuit vnita hypostaticè, & Christi s. primo instanti suæ conceptionis fuit Filius Dei. Ergo debuit ab eo instanti habere dona, & ornamenta, quæ decebant talem personam, & non erant nostræ redemptioni obfutura. Huiusmodi autem est gloria animæ, & visio beatifica, iuxta illud Ioan. 1. *Vidimus gloriam eius, gloriam quasi unigeniti à Patre, plenum gratiæ & veritatis.* Secundò, Christus primo instanti conceptionis fuit caput & Dominus Angelorum, æquè ac hominum, vt docet Paul. Hebr. 1. *Et iterum cum introducit primogenitum suum in orbem terræ, dicit, & adorant eum omnes Angeli Dei.* Atqui non decebat vt cum Angeli iam essent Beati, & viderent Deum, Christus, qui erat illorum Dominus, non videret. Tertiò, Si Deus primum hominem repleuit ab initio scientia eximia, conueniente illius statui, vt dicitur Eccles. 17. atque etiam gratiâ, eo quod ipse erat institutus in caput & fontem gratiæ originalis; ergo similiter ornauit Christum scientia & cognitione, quæ statum eius decebat. Hæc autem est cognitio beatifica, & quidem maior, quàm vllius puræ creaturæ, cum ipse ceteris omnibus esset causa & origo gratiæ & gloriæ. Confirmatur ex Scriptura, quæ pluribus locis magis probabiliter asserit, Christum vidisse Deum in hac vita mortali, ac proinde ab instanti conceptionis, quia non fuit maior ratio de vno tempore vitæ mortalis, quàm de alio. Ioan. 1. v. 18. *Deum nemo vidit vnquam: unigenitus filius, qui est in sinu Patris, ipse enarrauit.* Et cap. 3. v. 11. *Quod scimus, loquimur, & quod vidimus testamur.* Et vers. 13. *Nemo ascendit, Græcè ἀνέβη, in cælum, nisi qui descendit de cælo, Filius Hominis, qui est in cælo.* Et vers. 31. & 32. *Quide cælo venit, super omnes est. Et quod vidit, & audiuit, hoc testatur.* Et cap. 8. v. 38. *Ego quod vidi apud Patrem loquor.* Quibus verbis videtur sermo esse de Christo vt homine, qui vt talis loquebatur, & testabatur, & enarrabat: quique descenderat de cælo vt Verbum per incarnationem, ascenderat autem vt homo per visionem beatificam simul illi communicatam. Veruntamen quia hæc loca possunt in rigore de Christo vt Deo intelligi, qui loquebatur per humanitatem, & ascendit in cælum per effectus naturales, & supernaturales, quos ab initio mundi ibi operatus est: Idcirco res non est de fide, cum nulla eius certior traditio diuina proferatur. Est tamen adeo certa propter communem consensum Theologorum, suffragante Patrum auctoritate, vt saltem sine temeritate negari non

possit. Quemadmodum rectè monet Suar. disp. 25. sect. 1. sub finem.

Obiicitur primò quædam Scripturæ loca quibus significatur Christum non fuisse glorificatum ante passionem: Ioan. 7. *Nondum erat Spiritus datus, quia Iesus nondum erat glorificatus.* Ioan. 17. *Clarifica me tu Pater apud te ipsum, claritate quam habui prius, nam mundus fieret apud te:* Luc. 24. *Oportuit Christum pati, & ita intrare in gloriam suam.* Respondeo, sensum primi loci esse, quod Spiritus sanctus nondum descendisset in Apostolos, quia Iesus nondum ascenderat in cælum ad dexteram Patris. In secundo, petit Christus vt gloria, quam ab æterno habuit apud Patrē vt Verbū, cōmunicetur eius humanitati eleuata ad dexteram Patris: vtque homines cognoscerent qualis & quartus apud Patrem sit. In tertio, sermo est de gloria maiestatis & regis magnitudinis, nominisque sui exaltatione, quam Christus post passionem accepit, quamue per illam promerit it.

Obiicitur 2. gloriā beatitudinis animæ non bene cōuenisse cum statu & officio Christi vt redemptoris in hac vita mortali, ideòq; non debuisse illam habere, sicut nō habuit gloriā & beatitudinē corporis. Si enim Christus secundum animam erat beatus, non poterat secundū eam tristiari & pauere, vt fecit Matth. 26. & Marc. 14. Non poterat etiam mereri per mortem, & alia sibi à Deo præcepta, quia Beatus non potest esse liber circa Dei mandata, vt ea faciat vel omittat: alioquin esset liber ad peccandum. Non poterat deniq; incumbere in tot alios actus cognitionis sibi in hac vita necessarios, si per visionem beatificā intensissimam totus in Deum absorptus erat.

Ad 1. Respondeo nō repugnare, & diuinitus propter redemptionē nostram factū esse, vt anima Christi simul cum visione & fruitione Dei pateretur dolorem, non modò in parte sensitiua, sed & in rationali, atq; in ipsa parte superiori animæ, circa obiecta formaliter saltem diuersa ab obiecto Beatitudinis. Vnde non erat contrarietas inter huiusmodi actus, vt alibi fusius declarabitur.

Ad 2. Respondeo, Beatum non esse quidem liberum ad peccandum: posse tamen habere actus plurimos liberos, tum circa alia, tū etiā circa præceptum diuinum, non quoad omnia determinatum, vt explicabitur disp. sequenti.

Ad 3. Dico, visionem Beatificam nō fatigare organa, & eo minùs impedire ne anima exerceat actus cognitionis inferioris, secundū capacitatem quam ad illos habet. Et quāuis naturaliter non potuisset anima Christi sufficere ad tam multa: poterat tamen per præteritā obedientialem, quā subordinabatur Deī omnipotentis, & ab illa confortabatur. Nunc etiam cum in cælo est, Beatus sine dubio, alia plurima præstat circa regimen Ecclesiæ militantis & triūphantis, de quibus quæri similiter posset, quomodo visio beatifica id permitteat.

Secunda conclusio: Visio beatifica animæ Christi non fuit infinita: fuit tamen ab initio quanta moraliter in ipso esse potuit, ita vt

9.
Occurrit
primæ ob-
iectioni.

10.
Altera ob-
iectio.

Soluitur
primū si eius
argumentū.

11.
Ad secundā;

Ad tertiam.

12.
Visio bea-
tifica Chr-
sti non fuit
infinita.

deinceps non creuerit. Fuitque maior quam visio beatifica cuiuscumque alterius Angelorum, vel hominum. Per eam tamen anima Christi non comprehendit Deum, id est, non eum cognoscit adæquate, quantum cognoscibilis est: neque per eam videt Christus in Deo omnia possibilis, neque omnia quæ Deus cognoscit scientiæ visionis, id est, quæcumque existunt in quacunque temporis differentia. Prima pars liquet ex dictis disp. 8. sect. 3. concl. 1. neque eget maiori declaratione, aut probatione. Secunda pars est D. Thomæ qu. 10. a. 1. cuius ratio optima est, quia infinitum non potest comprehendi à finito. Atqui Deus est infinitus, & infinite cognoscibilis: visio autem Christi est finita: ergo &c. Idemque fuit sensus Patrum Concilij Basileensis sess. 23. ubi expressè dicitur, Deum non comprehendere ab anima Christi: estque communis consensus Theologorum affirmantium, nec ab illo Beatorum scripta, nec ab illa creatura possibili, quantumvis per gratiā perfectibilis, comprehendere posse: eoque sensu exponendum Scripturæ loca Ierem. 32. v. 10. *Magnum consilio, & incomprehensibilis cognitio. Rom. 11. O altitudo diuitiarum scientiæ & scientiæ Dei! quam incomprehensibilia sunt iudicia eius, & inuestigabiles viæ eius!* Et 1. Cor. 2. v. 10. ubi spiritui diuino veluti proprium tribuitur, quod omnia scrutetur etiam profunda Dei: & alia huiusmodi, de quibus plura in prima parte diximus disp. 8. sect. 5.

D. Thom.

13. Christus & cognoscit omnia possibilis, neque omnia quæ Deus nouit scientiæ visionis. Tertia pars eiusdem conclusionis, quod scilicet Christus per scientiā beatificā non videat in Deo omnia possibilis, vel quæcumque Deus cognoscit scientiæ visionis, probatur, quia infinitum non potest simul distinctè cognosci ab intellectu finito. At intellectus Christi est finitus: & possibilis, atque ea quæ Deus cognoscit scientiæ visionis futura per totam æternitatem, sunt infinita: ergo non possunt ea omnia simul à Christi anima cognosci scientiæ visionis beatificæ. Loquimur autem hic de cognitione simultanea: nam de successiua dicemus in fine disputationis.

D. Thom.
Ricard.
Bonau.
Gabriel.
Almain.
Adam.
Scot.
Suar.
Salas.

Consentiunt quoad possibilis S. Thom. q. 10. a. 2. Ricardus in 3. dist. 14. qu. 2. principali art. 3. Bonauent. ibid. art. 2. qu. 3. Gabriel. qu. vnica, conclus. 2. Almainus ibidem propositione 1. Adam ad eandem dist. 14. qu. 10. cōcl. 4. Scot. ibidem in solutione 2. quæstionis, 9. sed si ista: Suar. disp. 26. sect. 2. conclus. 1. & alij per multi. Quod ea verò quæ Deus cognoscit scientiæ visionis, sentiunt nobiscum S. Bonauent. Richard. Scot. & Gabriel. locis citatis, & Ioan. de Salas Tom. 1. in 1. 2. tract. 2. disp. 4. sect. 7. ubi docet, Christum non cognouisse omnia futura cognitione actuali, sed tantum habituali: pro qua sententia quamplurimos auctores citat.

14. Prima contraria sententia.

Contrarium verò sentiunt primò Magister in 3. dist. 14. littera B. Albertus ibidem art. 1. Durandus q. 2. Maior q. 4. post secundā positionem: existimantes animam Christi scire omnia quæ Deus scit, & in eo tantum ponentes differentiam inter animā Christi, & Deū;

quod anima Christi non tam clarè & perspicuè omnia capit, sicut Deus. Ratio eorum præcipua est, quia si non nouit omnia: ergo habet ignorantiam eorum omnium quæ non nouit. At hoc est contra communem sensum Patrum, & Catholicorum, remouentium à Christo ignorantiam, & quæcunque peccatum.

Respondeo, non propterea esse in Christo ignorantiam, neque prauæ dispositionis seu erroris, quia in nullo fallitur: neque puræ negationis, aut potius priuationis, quia scit omnia quæ debet, ac potest scire. Nō dicitur autem homo ignorans propriè loquendo, eo quod careat scientiā Angelicā, vel diuinā, sed quia caret scientiā naturæ suæ cōueniente, vel debita. In eumque sensum intelligendi sunt Antiqui illi quorum meminit Valques disp. 51. cap. 2. dum asserunt, non fuisse vel esse in Christo ignorantiam. Quod intelligendum est, non quasi Christus nihil omnino nō nouerit secundum humanitatem: sed quia ignorantia propriè & priuatiue sumpta, non est in eo, qui cognoscit quidquid eius natura nosse debet. Adde, quod Christus habet quodāmodo scientiā habituales, siue in actu primo, omnium scibilium: quatenus habet Deum substantialiter sibi vnitum, & paratum concurrere ad sciendum quidquid ipse scire voluerit, aut quidquid eum scire expedierit.

Non fuit in Christo ignorantia.

Obiici etiam possunt Isidorus & Hieron. quorum ille lib. 1. Sentent. cap. 3. sic ait: *Trinitas sibi soli integrè nota est, & homini assumpto.* Hieron. verò instante morte dixisse fertur Christo, *Tua anima, statim ac inseparabiliter fuit unita diuinitati, omnia sibi & potuit, quæ ipsa scit & potest diuinitas.* Sed ad primū Respondeo, locum illū Isidori corruptè referri: sic enim habet in correctis exemplaribus: *Sola sibi integrè nota est Trinitas, & humanitas à Christo suscepta.* Quo modo nobis potius fauet. Affirmat enim, Trinitatem, & Incarnationem ipsam, soli Deo integrè notam esse. Ad secundum, quidquid sit de veritate historiarum illius relataz tom. 9. operum Hieron. in epist. Eusebij ad Damasum Papam, de ipsius morte, quæ epistola nouitatem suam manifestè prodit, & imperitiam, ut merito ait Bellarminus in lib. de Scripturis Ecclesiasticis, circa nonum tomum sacri Hieronymi: Respondeo, verba relata sic explicari posse, quod anima Christi omnia scierit & poruerit, quæ scit & potest diuinitas, vel per communicationem idiomatum: vel moraliter in actu primo, quatenus habuit concursum Dei paratum ad sciendum & faciendum, quidquid scire & facere vellet.

15.

Occurrunt objectioni.

Secundò, cōtra id quod diximus de scientiā visionis sentiunt Suarez disp. 26. sect. 4. Vasq. disp. 51. alique multi, quibus fauere videtur S. Thom. q. 10. a. 2. affirmantes, animā Christi in Verbo cognoscere omnia quæ quocumque modo sunt, vel erunt, vel fuerūt, vel facta, vel dicta, vel cogitata à quocumque, secundum quodcumque tempus. Ratio D. Thom. loco cit. est, quia vnusquisque Beatus cognoscit in Verbo omnia quæ ad

16.

Secunda sententia contraria.

ipsum spectant. Ad Christum autem & ad eius dignitatem spectant quodammodo omnia, in quantum ei subiecta sunt omnia. Ipse etiam est iudex omnium constitutus à Deo, *quia si ius hominis est*, id est, in quantum est homo, ut dicitur Ioan. 5. Ergo cognoscit in Verbo omnia existentia secundum quodcumque tempus, & omnes hominum cogitatus, quorum est iudex. Eodemque articulo ait Christum cognoscere omnia, quæ Deus cognoscit scientia visionis.

17.
Nouissime
Christus
omnia fu-
tura?

Verum hæc doctrina D. Thomæ, quæ hic videtur esse generalissima, limitari debet ex dictis ab eodem, articulo sequenti in medio corporis, ubi tradit, animam Christi non scire infinita, *quia non sunt infinita actu, etiamsi accipiantur omnia, quacumque sunt in actu secundum quodcumque tempus: eo quod status generationis & corruptionis non durat in infinitum. Unde est certus numerus non solum eorum quæ sunt absque generatione & corruptione (ut Angeli & cæli) sed etiam generabilium & corruptibilium.* Hæc D. Thom. Ex quibus patet eum loco priori locutum esse de iis, quæ extra Deum sunt, fuerunt, velerunt, vique ad consummationem sæculi, & finem generationum & corruptionum. Ratio quoque ab ipso subiecta non probat omnia distinctè cognosci à Christo. Nam nullus Beatorum cognoscit adæquatè & distinctè quidquid ad ipsū pertinet. Alioqui cognosceret distinctè infinitam durationem suæ beatitudinis: licet euidenter cognoscat se fore in æternum beatum. Et quamuis omnia Christo subiecta sint, debeatq; Christus pro hoc Dei beneficio gratias agere: non est necesse ut per humanitatem comprehendat quodlibet beneficium. Nam neque per humanitatem comprehendit seipsum, qui tamen Dei gratia est id quod est. Præterea licet sit constitutus iudex: non tamen omnia subiiciuntur iudicio: & de iis, quæ Beati post iudicium acturi sunt, non iudicabitur singillatim. Item actiones naturales tam animalium, quam cæterarum rerum quæ fuerunt, sunt, velerunt, non pertinent specialiter ad statum Christi, sed ordinariè subsunt tantum communi prouidentie. Item quamuis Christus sit constitutus Dominus omnium generatim: tamen non est constitutus ad cognoscenda omnia singularia, circa quorum plurima nihil vnquam habuit quod ageret. Siue ergo spectetur actus iudicandi, siue actus prouidendi, siue actus regendi, non pertinet ad statum Christi, secundum humanitatem, ut cognoscat omnia præterita, præsentia, & futura. Neque propterea tribui potest Christo ignorantia quæ sit propriè priuatio. Quia scit omnia quæ potest & debet scire secundum statum suum, ad quem non omnia pertinent omni modo: neque ita ut debeant ab eo distinctè cognosci, quod simul fieri est impossibile, cum omnia futura per totam æternitatem infinita sint, puta, infiniti actus hominum & Angelo-

rum. At anima Christi non est capax infinitorum simul distinctè cognoscendorum. Quia anima Christi, etiam beata & gloriosa, finita est: Ad infinita autem distinctè cognoscenda, requiritur vis infinita. Quia sicut cognoscere distinctè plura, plus est quam cognoscere pauciora: & hoc semper ascendendo cæteris paribus crescit proportionem arithmetica: Ita cognoscere distinctè & clarè infinita, est infinitè plus, quam cognoscere finita.

Neque dicas, huiusmodi futura esse tantum infinita syncategorematicè, quatenus nunquam erunt actu infinita, sed alia & alia in infinitum erunt semper futura per successionem quæ nunquam exaurietur. Respondeo enim quamuis per successionem sint futura, & cognoscatur eorum successio: tamen non cognoscuntur successiue, sed simul comprehenduntur omnia cognitione vna, & tota successio comprehenditur. Ideoq; non sunt in potentia quoad cognitionem, sed tantum quoad existentiam successiuam nunquam exauriendam. Cumque in cognitione illa tot sint obiectiue, ut careant ultimo & fine; sunt infinita actu in cognitione; id est cognoscuntur actu tot obiecta, ut finis eorum nullus sit.

Tertiò, contra eandem partem & præcedentem sentiunt Nominales & Vasques disp. 50. affirmantes, Christum & Beatos non cognoscere in Verbo, id est, in Deo ipso creaturas, siue ut possibles, siue ut aliquando existentes. Addunt aliqui Recentiores non cognoscere vllum actum Dei liberum & contingentem in seipso. Sed eorum argumentis responsum fuit parte 1. disp. 8. de Visione Dei, sect. 9. & 10. Ex opposito fuerunt qui dicerent Christum aliqua ignorasse quæ sine dubio pertinent specialiter ad ipsius statum, ut diem iudicii, propter illud Marc. 13. *De die illonemo scit, neque Angeli in cælo, neque Filius, nisi Pater.* Quæ verba non possunt intelligi de filio, ut Deus est, & idem cum Patre: Quare debent intelligi de filio ut homo est, qui diem iudicii penitus ignorauerit. Ita senserunt Origenes, Athanasius, Cyrillus Alexandr. locis à Vasq. relatis disp. 51. cap. 1. & à Iansenio in concordia Evangelica, cap. 123. ubi hanc expositionem non damnat. Sed respondendum est cum communi sententia, sensum verum esse, quod Christus nesciret diem illum, non simpliciter & absolute, cui enim plus datum est, scire scilicet omnes actus iudicandos, quomodo negatum est id quod est minus, nempe circumstantia diei iudicii? Sed quod nesciret secundum scientiam, quam acceperat ut Doctor Ecclesie, communicandam per seipsum hominibus. De qua eadem scientia loquebatur, cum diceret Ioan. 15. *Omnia quacumque audiu à Patre meo, nota feci vobis.* Cum tamen paulò post addat capite 15. *Adhuc multa habeo vobis dicere, quæ non potestis portare modo. Cum autem venerit ille spiritus veritatis, docebit vos omnem veritatem.* Quo

18.

Futura sunt
infinita.

19.

Tertia sen-
tentia op-
posita.

Vasq.
Iansen.

Christus
ut homo
non igno-
rauit diem
iudicii.

etiam sensu Legatus vere diceret se nescire ea quæ nescit vi legatus, quæque Princeps non commisit dicenda ei ad quem mittitur, & à quo interrogatur, dum legatione sua fungitur.

30.
Occurritur
obiectioni
duplici.

Dices, Patrem quoque eadem ratione nescire, quia non scit ut aliis reuelet: & tamen dicitur, *Nisi Pater*. Respondeo, differentiam esse, quia Pater non accepit ab alio illam scientiam ut aliis traderet, vel non traderet. Idcirco non sustinet conditionem & officium alterius personæ, ratione cuius dici possit nescire.

Instabis, quia saltem Angeli vi illius loci non magis dici possunt nescire diem illum, quam Filius: nimirum non absolute, sed tanquam Dei nuncij ut eius cognitionem hominibus communicent. Respondeo, verum esse non excludi Angelos vi illius loci: neque etiam includi. Sicut neque vi eiusdem conuincitur Christum, ut hominem, illum scire: sed ex ratione ante allata: cui non officit locus ille Marc. 13. & similis, atque idem quoad sensum Matth. 24. *De die autem illa & hora nemo scit, neque Angeli eorum, nisi solus Pater*, cum libertate scilicet & potestate communicandi cui voluerit. Quo modo loquendi obscuro vius est Christus, ut interrogantium importunitatem retunderet.

31.
Vasq.
Suar,

Plura de huius loci expositione videri possunt apud Vasq. disp. 5. 1. cap. 3. & Suar. qu. 10. art. 2. in Commentar. Sed non assentior Vasqui in eo quod ait initio capitis 2. indubitatz esse traditionis, quod Christus omnia futura nouerit, loquens de Christo secundum humanitatem. Quomodo enim fuit indubitatum id quod non pauci ex Patribus grauioribus, & multi ex Theologis antiquis ac recentioribus supra citati negauerunt? Neque Vasques ibidem rectè probat traditionem illam: sed quædam testimonia, quæ profert, debent intelligi de Christo secundum diuinitatem. Verum quoque non puto esse quod ait Suares, eos qui dicunt Christum ut hominem ignorasse diem iudicij, damnatos fuisse in VI. Synodo generali, in fidei professione Sophronij, quæ habetur actione 11. & approbatur actione 13. Tantum enim damnatur ibi Themistius, quod diceret Christum esse purum hominem, quia Marc. 13. profiteri visus erat se nescire diem iudicij. Sed non aperte asseritur damnandum esse illum, qui confitens esse Deum & hominem, asseruerit eum secundum humanitatem non sciuisse diem iudicij.

VI. Synod.

SECTIO III.

Soluntur aliquot difficultates circa scientiam beatam Christi.

32.
S

uperest querere primò, an Christus per scientiam beatam, vel in Verbo, id est, in

Deo ipso, cognoscat ipsammet visionem An Christus suam perfectè & adæquatè Ratio dubitandi est, quia ut hoc fiat, opus est infinitis reflexionibus. Nam Christus non modò videt Deum; sed etiam videt se Deum videre: & sic iterum per aliam reflexionem videt se hoc ipsum cognoscere; & sic in infinitum.

Respondet vnus è recentioribus disp. 19. de Incarnat. sect. 1. & tribus sequentibus, admittendo has infinitas reflexiones in visione Christi, æquè, inquit, ac in visione Dei circa suam ipsius visionem: & tamen negat illam visionem esse infinitam categorematicè, sed tantum syncategorematicè: quia illa visio est simplex & finita. Quia tamen cognoscit Deum, & cognoscit seipsam: ideo potest ratione nostra diuidi in duas formalitates, cum fundamento in ipsa visione, quatenus ipsa est similis & dissimilis alteri visioni, quæ cognoscit Deum, & non cognoscit seipsam. Et quia hæ duæ formalitates sunt etiam cognoscibiles; rursus possumus concipere aliam tertiam formalitatem, quæ cognoscatur secunda: & sic in infinitum. Quod solum arguit esse possibles syncategorematicè infinitas præcisiones in nostro intellectu, quibus possumus iterum & iterum præscindere plures formalitates in illa visione, per comparisonem ad alias visiones possibles syncategorematicè infinitas, quæ haberent minus reflexionis, quàm habet hæc visio: & non cognoscerent se omnino adæquatè, sicut se cognoscit hæc visio. Hæc ille.

33.
Expenditur
prima
reflexio.

Sed non intelligo quomodo hæc visio sit finita categorematicè, cum actu tota sit, & æquiualeat infinitis actibus reflexiuis, qui si omnes simul essent, sine dubio essent infiniti categorematicè: tot enim actu essent, ut nullus esset vltimus, nullusque finis in eorum multitudine actu tota existente. Aequiualeat, inquam, non geometricè tantum, sed arithmeticè, totam illam perfectionem in se colligendo, ut opinatur auctor supra citatus. Nam iuxta illius doctrinam, perinde facit Christus, ac qui tota æternitate perpetuò actibus aliis atque aliis sine fine se supra suas cognitiones reflecteret. Deinde illa multitudo reflexionum, tam in Dei visione, quàm in visione Christi, frustra requiritur ad magis perfectè & adæquatè cognoscendam visionem. Neque enim magis perfectè & adæquatè cognoscitur visio per reflexionem supra cognitionem visionis, & aliis deinceps in infinitum. Sicut non magis perfectè cognosco solem, ex eo quod per aliam cognitionem reflectam me supra cognitionem solis: & iterum per aliam, & sic in infinitum. Alioqui Beati reflectentes se in infinitum successiuè supra visionem beatificam, & essentialem Beatitudinem, viderent Deum perfectius & perfectius in infinitum: quod est fallum. Nam illa visio non crescit, sed tota est ab initio, quanta esse debet pro mensura gratiæ habitæ in via. Ratio est, quia visio, & reflexio supra visionem, sunt diuersa obiecta, sicut sol & visio solis, aut Deus &

Dei visio: quorum vnum non attingitur magis perfecte & adæquate, ex eo quod aliud per cognitionem attingatur, vel ex eo quod reflexiones alix supra alias sine fine multiplicentur.

24. Vtcrius, omnis intellectio est intrinsecè & essentialiter sui ipsius perceptio. Est enim attentio principij viuentis, quod producendo verbum, attendit; & attendendo producit: atque eo ipso quod intelligit, necessariò & formaliter intelligit se intelligere. Sicut omnis volitio est intrinsecè & essentialiter voluntaria, ac volitio sui ipsius. Hoc enim ipso quod quis aliquid vult, vult illud velle. Quòque magis perfecta est cognitio, eò est magis sui ipsius perceptio. Vnde cognitio diuina, quæ est perfectissima cognitio, est perfectissima sui ipsius perceptio. Quare male fingitur illa reflexio infinita diuinarum cognitionum: cum directa cognitio diuina sit perfectissima sui cognitio, quanta esse potest, nulla egens reflexione, neque apta vt per illam melius cognoscatur. Idemque dico cum proportionem de visione beatifica. Quæ, quia valde perfecta est, est etiam valde perfecta sui ipsius perceptio: & reflexiones super illam sunt beatis inutiles, vt magis perfecte & adæquate cognoscatur. Tota enim per seipsam, & totaliter, id est, omni ex parte, ac perfecte planèque cognoscitur: quia tota fit à principio viuentis perfecte attendente quid fiat. Quare non placet quod ait idem auctor, visionem illam, quia cognoscit seipsam, posse diuidi in duas formalitates cum fundamento in ipsa visione, quatenus ipsa est similis & dissimilis alteri visioni, quæ cognoscit Deum, & non cognoscit seipsam. Nam nulla est formalitas in tali visione quæ sit visio, & non sit, quæ talis, sui ipsius visio, ac viuentis attentio viua & vitalis. Nulla item est visio quæ cognoscat Deum, & non cognoscat seipsam. Quia omnis intellectio est intrinsecè & essentialiter sui ipsius perceptio.

Male fingitur in Deo reflexio infinita supra suas cognitiones.

25. Hinc ad rationem dubitandi Respondeo, illam ex falsa suppositione procedere: nullamque in re ipsa esse difficultatem, quomodo Christus videre possit perfecte & adæquate visionem suam in Verbo, in quo tota perfecte & adæquate repræsentatur, æquæ ac alia obiecta creata, quæ à Beatis cognoscuntur in Verbo. Totam, inquam, quoad substantiam. Nam de duratione, & perpetuitate, mox dicam.

An Christus per suam visionem beatificam cognoscat eius perpetuitatem? Queritur secundò, an Christus per visionem beatam cognoscat durationem & perpetuitatem ipsius visionis? Ratio dubitandi est, quia si eam cognoscit, sequitur visionem illam, postquam semel producta est, esse incorruptibilem, etiam de potentia absoluta. Nam visio illa est essentialiter vera & infallibilis. Ergo si videt se perpetuò duraturam, non potest non durare perpetuò: alioquin esset falsa, quod est contra essentiam illius visionis. Ergo posito quod existat, non po-

test non perpetuò durare, etiam de potentia absoluta. At hoc absurdum est, & contra Theologos, & Philosophos affirmantes nihil creatum esse quod absolute destrui non possit, ob perfectissimum Dei dominium in res omnes creatas.

Respondet idem qui suprà, disp. 19. n. 22. visionem beatam Christi non repræsentare seipsam, neque suam perpetuitatem. Quia si visio illa asseratur esse permanens: vrget argumentum iam factum, quod scilicet deberet essentialiter durare per totam æternitatem; absque vlla prorsus defectibilitate. Si autem dicatur esse successiua & in continuo fluxu posita, vt ipse putat: vrget aliud argumentum. Quia scilicet, si visio terminatur ad seipsam; terminatur etiam ad totam suam intensionem: & quidem ita vt per singulos gradus suæ intensionis videat totam suam intensionem. Omnes enim gradus illius versantur circa idem obiectum: alioquin non videretur intensius. Ergo vnus gradus non potest esse sine alio; quia per vnum videtur alius vt existens: & cum visio illa sit essentialiter vera, non potest vnus non esse existens, existente alio à quo videtur vt existens, & à quo essentialiter repræsentatur vt existens. Neque enim esset idem gradus, qui nunc est, nisi hoc repræsentaret. Sequitur ergo hos gradus habere essentialem & mutuum inseparabilitatem inter se, ita vt nec de potentia Dei absoluta potuerit alter eorum sine altero poni. Hinc autem videtur tolli inter ipsos omne vestigium distinctionis realis: cum sit mutua & omnimoda inseparabilitas immediata inter illos. Et consequenter non faciunt intensionem: Quippe quæ non fit nisi per gradus realiter distinctos. Neque vniuntur inter se. Ad quid enim vnio inter illa quæ sunt mutuo essentialiter & absolute coniuncta inseparabiliter per seipsam immediatè?

Sed contra: primò, de essentia Beatitudinis, vt probabilior sententia docet, vel (quod à nemine negari potest) de complemento saltem necessario illius est, vt Beati sint certi de perpetuitate suæ beatitudinis. Ergo debent illam cognoscere actu certo, & non minùs infallibiliter vero, quàm sit ipsa visio beatifica. Ergo illo actu semel posito non possunt non esse perpetuò Beati. Ergo non repugnat Dei dominio super res omnes creatas, neque absurdum est, aut contra omnes Theologos, dicere aliquid esse, quod ex aliquo præsupposito sit prorsus indefectibile. Ergo propter hoc argumentum non est negandum videre Christum in Verbo, id est, in Dei cognitione aut decreto, perpetuitatem suæ visionis. Parum enim interest ad perfectionem domini diuini, quod hæc necessitas oriatur ab aliquo creato, extrinseco potius quàm intrinseco rei necessariò duranti. Secundò, non magis absurdum est, vel contra Dei dominium, non posse aliquid non durare perpetuò simultaneè, posito quod semel sit: quàm non posse non durare successi-

26.

Sententia negans.

27.

Non probatur.

Non repugnat aliquid creati esse indefectibile ex suppositione.

uè, id est, per partes fluentes sine fine. Ex. gr. non magis absurdum esset, vel contra Dei dominium, dicere, cælum posito quòd simul sit, non posse non temper durare: quàm motum cæli (qui à multis putatur esse ens intrinsecè successiuum & distinctum à mobili) non posse non semper durare, posito quòd semel inchoatus sit. Atqui, iuxta Aduersarium, non est absurdum, sed planè verum, visionem Dei non posse non durare per continuam successionem, posito quòd vna pars visionis repræsenteret alias partes visionis futuras, vt fieri posse concedit num. 20. & 21. Frustra ergo veretur admittere, non posse non durare permanenter, propter illud incon modum.

28. Tertiò, sine sufficienti fundamento asseritur contra communem sententiam, visionem beatificam esse in continuo fluxu & successionem positam. Nam quod ait idem auctor n. 20, actus intellectus & voluntatis esse entitates intrinsecè successiuas, eo quòd non fiant per actionem distinctam, sed seipsis pendeant essentialiter à suis principiis: Omnis autem actio quæ durat in tempore, debet esse intrinsecè successiua: eo quòd actio non distinguitur à duratione: & duratio rei durantis in tempore, debet esse intrinsecè successiua: Hoc inquam, est à veritate alienum. Actio enim est vsus potentie agentis, seu potentia se actu exercens: quæ, vt sic, est causa effectus, & ab illo distinguitur. Quare actio quæ fit actus intellectus aut voluntatis, non est ipsemet actus, sed aliquid ab eo distinctum & naturà prius. Duratio verò rerum permanentium est ipsamet res, quæ durat formaliter eo solo quòd non desinit esse. Quare modus superadditus, successiuus, & fluens, est inutilis vt formaliter duret. Estque impossibile vt res per illum formaliter duret, vt contra eundem auctorem ostendimus disp. 7. sect. 6. num. 83. Contra verò, cum visio beatifica habeat semper idem principium, & idem obiectum semper æquè præsens, atque omnes causas easdem: nulla est ratio cur in instanti desinat, & noua semper ac noua succedat. Sed potius eadem semper est, sicut est idem lumen gloriæ. Et frustra ac inutiliter desineret hæc, vt alia & aliæ in infinitum succederent, versantes circa idem obiectum, & nihil amplius præstantes subiecto, quàm quod prima permanens præstaret, id est, Dei perceptionem in tanta & tali intensione, & extensione obiectiua.

29. Dico itaque Christum per visionem beatificam cognoscere durationem & perpetuitatē suæ visionis. Et ad rationem dubitandi Respondeo, visionem illam non esse propterea incorruptibilem de potentia absoluta, id est, spectando tantum absolutè potentiam, & non prout subest diuinæ sapientiæ, quæ tenetur actum illum conseruare ex suppositione quòd eum talem produxerit, ob rationem mox afferendam. Ad probationem, nego visionem illam esse essentialiter veram & infallibilem. Neque enim veritas, id est, con-

formitas illius cum obiecto, & infallibilitas, est de conceptu illius primario: sed dicitur vera per extrinsecam denominationem ab existentia obiecti existentis eo modo quo videtur & asseritur esse: Infallibilis autem dicitur, ex eo quòd falli non possit, quia non potest non esse conformis obiecto. Vnde infallibilitas dicit conformitatem seu veritatem: & addit constantiam ac necessitatem conformitatis inter actum & obiectum.

Dices: quamuis non essentialiter, tamen est necessariò vera & infallibilis ab intrinseco. Quia est actus intrinsecè supernaturalis, quique sine speciali Dei concursu vel auxilio supernaturali fieri non potest. Talis autem actus est necessariò verus ab intrinseco & ex natura sua: tum ratione suæ excellentiæ supernaturalis intrinsecè: tum etiam quia implicat Deum concurrere specialiter ad actum falsum, sicut & ad peccatum. Respondeo distinguendo Maiorem. Visio illa est necessariò vera & infallibilis ab intrinseco, necessitate absoluta & in ordine ad potentiam Dei absolutè consideratam: Nego. Necessitate petita ex Dei sapientia, quam non decet specialiter concurrere ad actum falsum, & permittere in actu intrinsecè supernaturali difformitatē cum obiecto, quæ etiam naturaliter repugnat eius perfectioni: Cōcedo. Et hæc necessitas habet quidem fundamentum in natura actus qui est intrinsecè supernaturalis, exigitque ratione suæ excellentiæ esse verus & conformis obiecto; atque etiam fieri nequit sine speciali Dei auxilio, naturæ non debito. Verumtamen natura actus non est tota causa, vel prima & præcipua huius necessitatis: sed ipsa Dei sapientia & relictio summa in agendo quidquid agit. Quæ sicut non potest promissis non stare, ideòque non potest non esse perpetuò Beatitudo, & quidquid semper fore promissit: ita neque potest esse causa specialis actus turpis & indecentis naturæ rationali: qualis est actus falsus intellectus, & actus malus voluntatis: præsertim verò contra naturam ipsius actus exigentis oppositum. Neque magis vnum est contra perfectum Dei dominium, quàm aliud. Hinc collige quid sentiendum sit de actibus supernaturalibus qui enunciarent se semper esse, se nunquam mutatum iri, se esse mediatur Verbo vnitos hypostaticè, & de aliis similibus. Notandum tamen totam perpetuitatem visionis nunquam simul cognosci à Christo distinctè. Quia cum sit obiectum infinitum, non potest cognosci distinctè actu finito, neque tota simul ab intellectu finito: cuiusmodi est intellectus Christi humanus & creatus, de quo loquimur.

Quæritur tertiò, an Christus cognoscat in Verbo suos actus liberè futuro: Ratio dubitandi est, quia ex vna parte, cum repræsententur perfectè in Verbo, possunt in illo cognosci. Ex alia verò parte, si videntur in Verbo, non potuerunt liberè fieri à Christo. Erunt enim necessarij ex aliquo præsupposito antequam fiant, & antecedente libertate,

30.
Obiectio diluitur.

31.
An Christus cognoscat in Verbo suos actus liberè?

rem. Nam aliquæ sunt operationes in Christo, quæ oriuntur ex visione beata, & respectu quorum illa visio non est consequens, sed antecedens. Verbi gratia Christus videns in Verbo preces & miseriam Lazari; videt ex illa se motum iri ad actum miserendi. Ergo actus ille misericordie oritur ex visione, ut ex aliquo antecedente. Quod si respondeas oriri ex visione miserie, & per consequens, ut ex aliquo antecedenti, sed non ex visione ipsiusmet actus misericordie: Inso, quia idem est actus, quo Christus videt verba que in Verbo inseparabiliter ex parte actus. Nam ratio actus quæ tendit in miseriam pauperis, non potest separari à ratione, quæ tendit in actum misericordie prævisum. Neque enim esset actus qui nunc est, si alterum horum deesset. Ergo ille actus, prout est visio miserie, habet necessariò coniunctam, seu potius identificatam sibi visionem actus misericordie. Ergo non est vera indifferentia ad vnam sine alia. Ergo posterior non est libera præsupposita priori. Ergo denique actus misericordie oritur necessariò ex aliquo antecedenti, nempe ex visione miserie.

32. **Sententia negans.** Propter hoc argumentum idem auctor qui supra, disp. 19. de Incarnat. nu. 29. affirmat, Christum per visionem ipsam formaliter non videre suas operationes liberas, quæ ab ipsa visione prodeunt: sed tantum casualiter, quatenus ex ipsa visione oritur habitualis notitia suorum actuum. Sed contra: primò, Hoc argumentum probat solum non videri in Verbo per ipsam visionem beatificam, vel aliam necessariam, id est, non liberam Beato, attingentem simul aliquam rationem antecedentem ad actum liberè futurum, & velut causam ipsius. Sed non probat non videri absolute in Verbo: quia possunt videri aliter, per actum, qui solum repræsentet speculative actus liberè futuros, ex suppositione quod liberè futuri sint. Qui actus cognitionis est naturæ posterior exercitio libertatis circa actum futurum, eiusque futuritione. Ideo enim prævidetur futurus, quia liberè futurus est. Secundò, Non bene colligit Aduersarius actum illum misericordie oriri necessariò ex aliquo antecedenti, ex eo quod oriatur ex cognitione miserie pauperis cognite in Verbo. Nam posito, quod iam diximus, cognosci per actum distinctum à cognitione actus misericordie: potest Beatus ex cognitione miserie moveri liberè ad miserendum. Neque enim illa cognitio Beatorum necessitat ad miserendum. Potest etiam Beatus liberè utrumque cognoscere in Verbo, per visum liberum Verbi, ut speculi voluntarij, repræsentantis ipsi quod vult. Ad eum modum quo Angeli videntur liberè suis speciebus: & nos liberè applicamus intellectum nostrum ut hoc aut illud cogitemus, quemadmodum experientià notum est. Sicut autem Dei notitia à Beato, & prævisio nostrorum actuum liberorum, non adimit nobis libertatem eos exercendi,

sed potius eam supponit: sic neque notitia Beati eorundem actuum in Verbo, seu in Dei prævisione, quæ posterior est & consequens ad Dei prævisionem, & ad id quod ipsa præsupponit. Nec obest quod Beati cognitio simul repræsentat miseriam pauperis, seu motuum actus miserendi, eodem actu indivisibili visionis. Repræsentat enim sicuti est, id est, ut liberè connexam cum actu misericordie liberè posito ex tali motivo. Sicut tamen pendet à Beati voluntate ut sit talis connexio inter obiecta: ita pendet ab eius libertate, in radice, ut videat in Verbo eodem actu indivisibili miseriam pauperis & actum misericordie ex ea sequutum. Nisi enim actum illum liberè habiturus esset ex tali motivo: non videret se vi illius esse ita operaturum.

33. **Quæritur quartò, an posito quod Christus comprehendat creaturas quas videt in Verbo, cognoscat infinita possibilia diversa specie, vel saltem numero?** Negat primum idem auctor qui supra, & affirmat secundum disp. 19. de Incarnat. sect. 2. sed non placet ratio differentie quam reddit. Verius enim existimo non posse comprehendi (id est, perfecte cognosci quantum est cognoscibilis) potentiam v.g. obedientialem creaturarum, quin cognoscantur omnes species effectuum ad quas potest elevari. Quare si potest elevari ad infinitas (ut potest poster intellectus elevari ad species cognitionis infinitas: & voluntas ad infinitas specie volitiones supernaturales) non potest comprehendi amplitudo illius potentie sine earum omnium cognitione distincta & perfecta. Alioquin enim confusè tantum cognoscitur, si tantum sciamus posse elevari ad has & illas species distinctè, & confusè ad quidquid aliud non implicat per eam fieri. Estque sine dubio perfectius cognoscibilis, multoque melius cognoscitur à Deo, penetrante distinctè quantum se extendat. Similiter non potest comprehendi potentia intellectiva & volitiva Angelorum, quin distinctè cognoscantur species infinitæ actuum naturalium, quos cum Dei, & obiectorum aut specierum concursu elicere possunt. Nec virtus quatuor primarum qualitatium, nisi cognoscantur species infinitæ mixtorum, ad quas possunt disponere, vel solæ, vel saltem cum aliis possibilibus permixtæ, & infinitis modis possibilibus attemperatæ. Idemque dico de effectibus solo numero diversis, qui siue simul, siue successivè possunt à tali creatura produci, & ad quos omnes virtus illius in actu primo sese extendit naturaliter, aut obedientialiter. Melius enim penetratur virtus causæ quando illi omnes distinctè cognoscantur, quam si tantum confusè sciatur posse causam producere hunc effectum & quemcunque alium similem, excepta seipsa, si effectus est univocus. Magis tamen cognoscitur virtus causæ ex diversitate specifice effectuum, quam ex sola individuali. Unde ad comprehensionem puto magis requiri

An Christus cognoscat infinita possibilia, posito quod comprehendat creaturas?

notitiam specierum, quam indiuiduorum ad quæ virtus causæ se extendit.

34.
Occurrit
obiectioni.

Obiicit præcipue idem auctor sufficere ad comprehensionem, vt cognoscatur habitudo determinata causæ ad effectum. Angelus autem v. g. non habet habitudinem determinatam, distinctam & expressam ad cognitionem talis obiecti. Alioquin deberet esse alligata immediatè possibilitas Angeli cum possibilitate talis obiecti: Ita vt si repugnaret hæc formica v. g. repugnaret Angelus per locum intrinsecum immediatum, propter connexionem immediatam, & habitudinem Angeli ad hoc obiectum in indiuiduo. Respondeo primò, nullam esse habitudinem indeterminatam causæ ad effectum. Omnis enim causa potest determinatè quidquid potest. Eiusque habitudo ad effectum nihil aliud est, quàm virtus ipsa & entitas causæ, quæ determinatè est quidquid est: & potest distinctè ac singillatim quidquid potest. Neque enim est tantum hoc aut illud: sed est distinctè & determinatè id quod est. Neque potest confusè hoc aut illud: sed potest distinctè & determinatè hunc effectum, & quemcunque alium qui potest ab ipsa prodire. Ac sicut nullum ponit nisi determinatè & distinctè; estque impossibile aliter poni & existere re ipsa: ita non potest ponere nisi distinctè & determinatè hoc, & illud, & quidquid aliud potest producere. Quare Angelus v. g. habet determinatam & distinctam habitudinem ad cognoscendum quidquid cognoscere potest, & ad quamcunque cognitionem specie aut numero diuersam, quam exercere potest.

35.

Deinde ad inconueniens allatum Respondeo, Deum ipsum, vt ostendimus in prima parte, disput. 10. sect. 3. esse necessariò connexionem immediatè cum rerum omnium possibilitate, ob necessariam & intrinsecam habitudinem suæ omnipotentis cum rebus possibilibus. Nisi enim essent possibiles, non esset omnipotens. Et si non esset omnipotens, & tam potens atque nunc est, non esset Deus. Quia non esset Deus qui nunc est: nec alius, quia omnis alius est impossibilis. Quid ergo mirum videri debet, si Angelus habeat necessariam connexionem immediatam cum rerum possibilitate, ratione habitudinis quam habet ad earum cognitionem possibilem, id est, quam ex intrinseca sua & naturali ac necessaria virtute potest elicere? Quæ virtus nisi esset, non esset Angelus is qui est; Suppono enim esse per se ipsum virtutem intelligendi & volendi. Imò in aliorum sententia, non esset is qui nunc est substantialiter, nisi eius substantia esset radix tantæ virtutis intelligendi, ab ipsa profluens naturaliter & necessariò, per modum proprietatis, vt ipsi arbitrantur. Cætera quæ ab eodem auctore obijciuntur contra nostram sententiam, sunt minoris momenti, & ex dictis facillè solui possunt.

SECTIO IV.

De scientia per se infusa anime Christi, eiusque obiectis.

Prima conclusio: ultra scientiam beatificam, habuit Christus ab instanti conceptionis aliam scientiam inferiorem, supernaturalem tamen in entitate, & per se infusam. Ita D. Thom. quæst. 9. art. 3. & tota quæst. 11: & alij communiter. Ratio est, quia hæc scientia possibilis est: & anima Christi est illius capax: estque de se magna perfectio, & conueniens officio & dignitati Christi: Neque fuit ratio cur non daretur primo instanti conceptionis: quia debebatur vi vnionis hypostaticæ, quæ fuit ab initio; & neque nostra utilitas, neque quidquam aliud exigebat vt tardius daretur: ergo non debuit illi negari, neque tardius differri. Consequentia patet supposito axioma tradito à D. Thom. q. 11. a. 1. quod in hac materia vt per se notum supponi debet, conueniens fuisse vt omnis animæ Christi potentialitas, seu capacitas perfectionis, in actum reduceretur (id enim exigit maiestas vnionis hypostaticæ) nisi utilitas nostræ salutis, & aliquod officium Christi aliud exigat. Quæ exigentia nulla hic fuit: cum potius talis scientia Christo vt Doctori & magistro salutis, ac redemptori, valde conueniens fuerit, vt constabit ex dicendis paulò post. Antecedens verò probatur: quia sicut ultra visionem beatificam est possibilis fides supernaturalis circa Deum, & res alias supernaturales, atque etiam circa naturales supernaturali modo cognoscendas propter diuinum testimonium: Ita circa easdem possibilis est scientia seu cognitio clara supernaturalis, fide quidem superior in euidencia, visione verò beatifica inferior, eò quod non attingat Deum intuitiue, sed tantum abstractiue; neque res creatas, aut creabiles cognoscat in Deo ipso clarè viso; sed in seipsis, aut per alia media. Non repugnat autem vtramque scientiam simul esse in Christo. Nam eadem res potest ab vno & eodem simul cognosci pluribus actibus. Quod enim v. g. videt anima sensu externo, simul idem percipit sensu interno, atque etiam intellectu. Possumus quoque idem obiectum sensibile diuersis sensibus simul percipere. Vt v. g. motum, aut figuram, visu simul & tactu. Possumus item simul idem obiectum per diuersa media, siue vno actu, siue pluribus, intellectu cognoscere: vt Dei existentiam per effectus euidenter, & per obscuram, Dei reuelationem. Neque is qui vt Philosophus cognoscit euidenter Deum esse ex creaturis; desinit id posse cognoscere quando fit ex Philosopho Christianus, & id iam credit propter reuelationem. Neque Beati desinunt cognoscere ex effectis Deum esse, licet id co-

36.

Christus habuit scientiam supernaturalem directam à beatifica.

Gabriel.

gnoscant immediatè per visionem. Quare fallitur Gabriel in 3. dist. 14. art. 3. dub. 1. putans non posse in Christo duplicem scientiam esse, beatificam & infusam, circa idem obiectum, quia altera esset superflua. Neque enim propterea superflua est, sed magna perfectio intellectus, quâ idem obiectum diuerso modo cognoscit.

37.

Confirmatur, quia per scientiam beatificam nihil videtur, aut cognoscitur immediatè & per se, nisi solus Deus. Alia verò entia, supernaturalia aut naturalia, mediatè tantum in ipso cognoscuntur. Sicut per fidem superna uralem, cui lumen gloriæ succedit & visio beatifica, cognoscimus tantum immediatè diuinam reuelationem sufficienter propositam: cætera verò, illa mediante, & quatenus sub ipsam cadunt. Atqui magna perfectio est posse cognoscere creaturas etiam immediatè in seipsis: idèque Deus Angelis, ultra visionem beatificam, species proprias rerum aliarum infundit, quibus immediatè eas cognoscerent. Ergo valde conueniens fuit ut Christus præter notitiam mediatam in Verbo, haberet notitiam immediatam huiusmodi rerum in seipsis. Quæ notitia, ut esset proportionata obiecto suo potiori & nobiliori, nempe rebus supernaturalibus, debuit esse supernaturalis. Denique eadem scientia fuit valde conueniens Christo ut viatori, loco fidei supernaturalis: & ut Doctori mysteriorum supernaturalium, & ut Redemptori ad merendum per actus voluntatis illi scientiæ proportionatos, ut nos mereretur per actus voluntatis fidem sequentes: visio enim beatifica non pertinet ad viatorem, & merentem, ut talem.

38.

Multiplex fuit obiectum huius scientiæ.

Secunda conclusio: Obiectum huius scientiæ fuit multiplex. Primum enim per hanc scientiam Christus cognouit Deum & mysterium Trinitatis: non intuitiue, sic enim fuisset scientia beatifica; sed abstractiue; euidenter tamen & quidditatiue, ac propriè seu germanè, vi alicuius mediæ. 2. Cognouit etiam possibilia, non omnia, sed iuxta suam capacitatem. 3. Cognouit quoque per eandem mysteria gratiæ, & entia supernaturalia. Itemque actus liberos & cordium secreta, atque futura contingentia. Ac denique entia merè naturalia, sensibilia, & insensibilia, materialia & immaterialia, per eandem scientiam altiori & perfectiori modo cognouit.

39.

Cognouit per illum Deum euidenter & quidditatiue.

Prima pars conclusionis, de Deo, & mysterio sanctissimæ Trinitatis, probatur, quia Christus cognouit euidenter per hanc scientiam veras esse reuelationes diuinas in Scriptura contentas de Deo vno & trino, quas nos obscurè per fidem cognoscimus, quia minùs perfectè illas attingimus. Deinde nouit etiam euidenter Deum ut vnum, ex creaturis quidditatiue & perfectè cognitis, multò magis quàm Philosophi, vel Angeli, ex iisdem creaturis Deum esse intelligent. Maxime cum vi huius scientiæ non tantum naturales creaturas, sed & supernaturales Deo

viciniores euidenter cognouerit. Cumque inter huiusmodi creaturas supernaturales aliquæ sint quæ Deum repræsentant intentionaliter sicuti est vnus in essentia & trinus in personis, nempe visiones beatificæ, tum Christi ipsius, tum aliorum Beatorum: Christus huiusmodi visiones intuendo, & perfectè cognoscendo, cognoscebat in illis, ut in medio cognito, Deum vnum & trinum, etiam propriè & quidditatiue, prout in visione seu specie expressa Beatorum repræsentatur: ad eum modum, quo & qui veram Regis imaginem videt, cognoscit propriè Regem: in ipsius imagine. Quare non tantum potuit Christus cognoscere Deum analogicè per creaturas, sed etiam propriè & germanè per aliquas. Hæc tamen cognitio Dei quidditatiua in visione beatifica, ut medio cognito, non erat intuitiua ipsius Dei, neque tam perfecta & viuua eius perceptio, atque est ipsa immediata visio Dei in seipso. Quamuis enim distinctè percipiat quidquid illa visio enunciat de Deo; minùs tamen perfectè id percipit, quasi ex auditu & relatione visionis, & non ex ipsa Dei experientia visuâli.

Nec obest quod opponit Suar. disp. 27. sect. 5. non posse Deum cognosci quidditatiue, quin cognoscatur intuitiue, quia existentia actualis est de eius essentia. Respondeo enim non omnem cognitionem quidditatiuam esse adequatam, & perfectissimam, attingentem omnia essentialia. Deinde potest cognosci existentia esse de Dei essentia, licet non videatur in seipsa: sicut reipsa nos qui Deum nondum videmus, scimus tamen existentiam esse de eius essentia: visio autem plus requirit. Est enim cognitio experimentalis rei in seipsa immediatè perceptæ secundum præsentem & actualement existentiam, ad eum modum, quo lux & color præsententes percipiuntur ab oculo corporeo.

Non item obest quod idem opponit sect. 3. Christum cognoscere suam visionem beatificam per ipsammet visionem beatificam. Quamuis enim verum sit, visionem beatificam, ut & quemuis alium actum intellectus, esse virtualiter in se reflexam & experimentalem sui ipsius: hoc non impedit quin dari possit alius actus super ipsam formaliter reflexus, ut in nobis experimur. Item, licet Christus visionem suam beatificam cognoscat per virtualem reflexionem eiusdem in seipsam: non tamen ita visiones beatificas aliorum Beatorum. Nec quidquam impedit quo minùs eas possit intueri & directè cognoscere in seipsis. Non tamen sicut eas videt in seipsis, ita & Deum, quem abstractiue tantum cognoscit: sicut Regem non videt, qui eum tantum cognoscit in imagine visuâ.

Quæres an, Christus, cognoscendo per scientiam infusam vnionem hypostaticam, cognouerit in illa mysterium Trinitatis? Respondeo affirmatiue. Nam cognoscebat illam terminari ad proprietatem filij relatiue oppositam Patri, atque etiam Spiritui

Et mysterium huiusmodi.

sancto, propterea quodd de ratione filii est accipere naturam cum fecunditate ad intra, ut suo loco ostendimus. Neque aliter poterat cognosci distinctè vnio hypostatica secundum propriam suam rationem, quā differt ab alia vnione possibili ad Patrem, vel ad Spiritum sanctum. Quare non assentior Suari disp. 27. sect. 5. affirmanti satis esse cognosci, quodd hæc vnio terminetur ad diuinam hypostasim: quemadmodum sufficit cognoscere creaturas pendere à Deo, non cognita eius fecunditate ad intra. Non assentior, inquam, quia dispar est ratio. Nam vnio hypostatica est ad proprietatem Verbi ut distinctam ab aliis personis. Creatura verò non est à Deo ut fecundo ad intra, sed ut potente operari ad extra.

Suarez,

43.
Et possibilia.

Secunda pars conclusionis de possibilibus, probatur quia, conueniens fuit ut Christus huiusmodi possibilis cognosceret in seipsis, ac per proprias species, iuxta mensuram suæ capacitatis; quæ tamen, quia finita est, non potuit simul recipere species infinitas, nec scientiam infinitam in actu secundo, ad æqualem omnibus possibilibus quæ infinita sunt. Recepit tamen habitum de se sufficientem ad cognoscendū vnumquodq; possibile, posita eius specie, aut concursu diuino loco speciei cum intellectu potente intelligere. Atque ita saltem in actu primo potest dici habere scientiam omnium ex parte habitus. Neque enim repugnat dari habitum finitū, qui valeat diuim ad infinita intelligibilia; sicut noster intellectus, quamuis finitus, valet ad infinita obiecta, & infinitos actus diuim aut successiue. Similiterque putant aliqui nō repugnare dari speciei impressam finitam, quæ iuuat ad actus infinitos circa obiecta infinita, quæ tamen non perfectè repræsentet neque satis intellectum determinet ad hæc omnia distinctè cognoscenda, sed egeat Dei concursu & maiori determinatione, ad quā potest Deus Christo se paratum exhibere. Sicut enim species expressa non potest esse distincta notitia infinitorum, nisi ipsa sit infinita: ita neque species impressa potest distinctè repræsentare infinita, nisi sit infinita: quia vtriusque repræsentatio tota simul est, & adequatur infinito. Quodd si Christus talem speciem accepit cum Deo in actu primo velut habitualiter coniuncto & præparato, habuit actum primum completum ad omnia diuim aut successiue scienda vi huius scientiæ. Verūm quid de illa specie sentiendum sit dicemus in fine sectionis quintæ. Sine illa verò Christus fuit sufficienter potens ad omnia illa scienda, vi habitus infusi, & concursus Dei in actu primo ad omnia parati.

44.
Et entia supernaturalia.

Tertia pars, de supernaturalibus, facilis est. Nam propter illa præcipue in seipsis immediatè cognoscenda ponitur hæc scientia supernaturalis, estque illis obiectis maximè proportionata. Decuit etiam specialiter Christum habere notitiam immediatam huiusmodi entium in seipsis, cum omnium

gratiarum & donorum supernaturalium author sit. Cum autem duo genera sint entium supernaturalium: alia quoad substantiam, ut gratia & gloria: alia quoad modum, ut modus existendi accidentium in Eucharistia, & modus essendi indiuisibiliter corporis Christi in eodem sacramento: Christus per hanc scientiam perfectè & intuitiue cognouit vtraque, etiam ipsam vnionem hypostaticam quoad vsum qui se tenet ex parte humanitatis. Eum verò qui se tenet ex parte Verbi, nouit quidem euidenter, sed non intuitiue, quia videri non potest non viso ipso Verbo: Hæc autem scientia non est intuitiua Verbi, neque Dei, ut initio diximus; alioquin esset scientia beatifica.

Quarta pars de actibus liberis, seu præsentibus, seu præteritis, seu futuris, atque vniuersim de aliis futuris contingentibus, est Suaris disp. 27. sect. 2. & plurimum quos citat. Ratio eius est, quia Christus hæc sapius reuelauit, ut testatur Evangelistæ; & eorum cognitio est obiectum proportionatum huic scientiæ infusæ, æquè ac lumini prophetico: maximèque conueniebat Christo ut viatori & Doctori fidei, ut per huiusmodi reuelationes mysteria fidei confirmaret. Quare ut Christus, qua viator, & Doctor, esset optimè instructus, debuit ea cognoscere non modò per scientiam beatificam, quæ ad eum pertinet ut comprehensorem; sed & per aliam inferiorem ac propriam viatoris. Notitia quoque actuum omnium liberorum iudicandorum, siue præteritorum, siue præsentium, siue futurorum vsque ad mundi consummationem, maximè pertinet ad Christum ut iudicem.

45.
Et actus liberos aliaque futura contingentia.

Porro cogitationes cordis præsentis, & actus liberos internos poterat Christus vi huius luminis superioris immediatè & in seipsis intueri. Futura verò contingentia, & præterita, non poterat intueri, quia non erant: poterat tamen euidenter cognoscere per eorum species distinctè repræsentatiuas, à Deo infusas, eo modo, quo nos distinctè & euidenter recognoscimus actus nostros præteritos per species ex illis relictas: vel per euidentem reuelationem diuinam, quam Christus euidenter nouit esse infallibilem: adeoque vi illius euidenter notæ, cognoscit euidenter ea quæ reuelantur. Prior cognitio erat directæ & immediata. Posterior verò, mediata; quia fiebat mediante alio cognito, nempe mediante reuelatione diuina. Potest autem Christus per hanc scientiam infusam cognoscere euidenter Dei reuelationem, Deo ipso non viso. Ut enim is qui distinctè & perfectè nouit vocem alterius, eum cognoscit ex voce & modo loquendi, licet illum non videat: Ita qui perfectè & distinctè cognoscit modum, quo solus Deus potest interiori animam immutare, & ei loqui per species, & conceptus, tales, ut non possint ab alio, quàm à Deo immitti: cognoscit Deum euidenter ex modo loquendi eius proprio. Sic etiam qui per-

46.

fectè

fectè cognoscit habius in substantia supernaturales, cognoscit esse tales, ut non possint nisi à Deo fieri.

47. *Et entia naturalia.* Quinta pars, de entibus naturalibus, est D. Thom. q. 11. a. 1. & communis, teste Suarez disp. 27. sect. 1. cōclusionē 1. Ratio eiusdem est, quia in Christo est capacitas cognoscendi hæc omnia lumine & modo superiore. Ac si Deus Angelis infudit in instanti creationis species rerum naturalium: conueniens fuit ut earundem rerum species Christo infunderet, & lumen habituale, quo adiutus eas cognosceret, non tantum quoad externa & sensibilia quædam accidentia, ut nos facimus: sed intimè & perfecte quoad ipsarum substantias, proprietates, & cætera naturalia: atque non tantum substantias corporeas, verum etiam spirituales, conceptu proprio & perfecto, etiamque intuitiuo, quando erant per se præsentēs. Hoc autem potuit habere per habitum supernaturalem & infusum, qui simul valuerit ad entia supernaturalia, & ad naturalia actu supernaturali & altiori, modoque perfectiore cognoscenda: sicut eadem fides supernaturalis valet ad omnia reuelata, siue naturalia, siue supernaturalia: & idem intellectus utraque comprehendit. Habitus enim supernaturales sunt potentie quædam, multa obiecta complectentes. Sic etiam eadem charitas supernaturalis valet ad Deum & ad proximum propter se diligendum.

48. Falluntur autem qui putant non posse actum supernaturalem versari circa naturalia, atque naturalē circa supernaturalia. Etenim actus diuinus, qui totus est in entitate supernaturalis, versatur circa omnia naturalia. Et actus, quo heretici credunt mysterium Trinitatis, est in substantia naturalis. Ac denique nisi actus naturalis versari posset circa supernaturalia, aut supernaturalis circa naturalia, impossibile esset ea inter se comparare, & differentiam aut conuenientiam eorum cognoscere. Actus enim comparatiuus debet necessariò versari circa duo extrema quæ comparantur. An autem per hanc scientiam cognouerit Christus omnia naturalia & supernaturalia quæ sunt, fuerunt, aut erunt in quacunque temporis differentia, iudicandum est ex his quæ diximus de scientia beatifica: nimirum ea saltem omnia cognouisse, quæ specialiter ad eius statum pertinebant: maximè verò tunc, cum specialiter expediebat ea scire.

49. *Quomodo Christus fuerit confortatus ab Angelo?* Contra quod solet obiici, Christum fuisse confortatum ab Angelo Luc. 22. quæ confortatio alia esse non potuit, quam propositio nouorum motiuorum, & cōsiderationum, quibus Christus ad passionē subeundam animaretur. Si autem Christus iam eas nouerat, non poterat earum propositione confortari ab Angelo.

Respondeo Primò, verba illa Lucæ, *Confortans eum*, significare posse idem quod, laudās eius fortitudinem, & robur animi quo dixerat, *Non sicut ego volo, sed sicut tu*. Nam phrasi Scripturæ, *confortare*, significat aliquando

laudare fortitudinem, ut pluribus exemplis ostendit Vasques disp. 56. c. 2. ubi hanc expositionem cæteris præfert, maximè quia ex contextu Lucæ patet, Christum perstitisse in agonia, imò & eam auxisse post Angeli apparitionem: unde, inquit, non fuit propriè leuatus, & recreatus, seu confortatus. Ita quoque hunc locum exponunt Chrysost. term. de Trinit. Epiphani. hæres. 69. & Theophylact. in caput Luc. 22.

Respondet secundò, confortans, hoc loco idem significare posse, ac, faciens ea quæ ad confortandum per se valebant, & valuissent in Christo, nisi quæcunque proponebatur ab Angelo, fuissent illi iam ante optime nota. Nec obest quod opponit Vasq. Deū non fuisse missurum Angelum ob hoc solum. Misit enim non necessitatis aut utilitatis, sed honoris & obsequii causā. Fuit enim honorabile Christo & Angelis, ut Angelus ei visibiliter adesset in agonia. Tertiò, & melius dici potest, confortasse secundum partem sensitiuam, & secundum corpus, sustentando illud, abstergendo sudorem, ac visibili sua specie recreando eius imaginationem tot obiectis tristibus afflictam. Quæ non est necesse à Luca exprimi, neque eodem ordine narrari quæ gesta sunt. Confortans denique, id est, solatium aliquod afferens suā præsentia, loco discipulorum dormientium, & compassione qualem Beati habere possunt miseris alienis, & laudando fortitudinem, & gratias ago, aliaque præstando quæ ad solatium, licet non ad instructionem, iuuare possunt.

Contra quintam partem conclusionis propositæ, sentit aliquatenus vnus ex Recentioribus disp. 20. de Incarnat. num. 11. ubi docet Christum per scientiam infusam cognouisse tantum de obiectis naturalibus ea, quæ melius & perfectius attingebat, quam per suam facultatem naturalem poterat: & ea quæ ex reuelatione & magisterio diuino cognoscebat. Et de his quidem specialis est ratio ac necessitas. Immeritò tamen excluduntur cætera ab obiecto adequato scientiæ infusæ, quæ potest valere ad alia perfectiori modo ex parte actus cognoscendæ, quamuis non ex parte obiecti. Potest enim, ut supra diximus, versari actus supernaturalis circa obiectum naturale modo perfectiori: & quæ ac actus naturalis, circa obiectum supernaturale modo imperfectiori: ut fatetur idem Author eadem disputatione num. 29.

Dices cum eodem num. 27. Si Christus per scientiā infusā cognoscebat obiecta purè naturalia, solūmq; erat differentia in eo quod entitas cognitionis erat supernaturalis; videtur iam omnino superflua scientia naturalis de iisdem obiectis. Imò videtur esse contra experientiam. Neque enim experimur nos habere simul hunc duplicem actum. Quæ tamen experitemur, & quæ ac intensionem actuum nostrorum, seu multiplicationem graduum cognitionis circa idem obiectum. Item simili modo essent in voluntate actus naturalis & supernaturalis circa idem obiectum naturale.

Vasquez.

Chrysost.
Epiphani.
Theophyl.

50.

51.

*Quomodo
Christus
cognoscebat
obiecta
naturalia per
scientiam
infusam?*

Delugo.

52.

Quorum prior esset meritorius præmii naturalis: posterior, præmii supernaturalis in homine iustus: quod videtur esse contra mentem omnium Theologorum.

Respondet 1. Actus supernaturales non differre solū à naturalibus in eo, quod illorum entitas sit supernaturalis: sed etiam quia perfectiori quodā modo, & laudabili, si sunt liberi, attingunt obiectū, ut diximus in tract. de Fide disputando de actu interpo. fidei. 2. His argumentis nō probari quod salte successe non possint exerceri huiusmodi actus, prout Christo placuerit hoc aut illo modo operari. 3. Certum est nos simul idem obiectū sensibile, v. g. albedinē, videre oculis corporis, sentire sensu interno, & intelligere actu spiritali. Et tamen illam diuersitatē actuum non experimur. Ergo argumentum supra allatum ab experientia, est inefficax ad probandum non simul exerceri actū naturalem & supernaturalem circa idem obiectū. Et certum esse debet, differentiam quę est inter actus naturales, & supernaturales ordinarios huius vitę, non esse nobis notā experientia, quęcūque illa sit: alioquin illos discerneremus, & prodederetur mysteriū fidei evidenti notitia, cuiusmodi est experimētalis cognitio rei in se ipsa. 4. Sicut non est superfluum & inutile, sed est aliqua perfectio, idem videre, sentire interiori, & intelligere simul: sic & idem cognoscere actu entitatis naturalis, & supernaturalis. 5. Quod mereamur efficaciter & re ipsa apud Deū aliquo actu naturali aut supernaturali, pendet ex Dei ordinatione, de qua alibi dictū est disp. de Merito. Si autem mereamur aliquod præmium naturale per actus naturales, quando exercentur separatim sine supernaturalibus, ut supponit obiectio: nulla est ratio cur non mereamur aliquid per eodem etiam tunc, cum exercentur cōiunctim. Neque enim amittunt aliquid suę bonitatis. Aliquid, inquā, siue naturale solum, siue etiā supernaturale, propter coniunctionem illius actus naturalis cum alio supernaturali.

SECTIO V.

De actibus scientiæ infusę Christi, eorumque principis.

52. **P**rima conclusio: Actus huius scientię non fuit vnicus, nec inuariabilis, nec ab initio totus, neque pendens ab imaginatione & visu phantasmatum, neque omnino incapax cōpositionis & discursus. Prima pars est Ricardi, Bonauent. & aliorum in 3. dist. 14. colligiturque non obscure ex D. Thom. q. 11. præsertim art. 3. & 5. Ratio eiusdem art. 5. est, quia hæc scientia fuit Christo libera quoad vium & actum secundum. Cum enim non sit suprema, neque beatifica; non imponit necessitatē animę Christi ut perstet semper in vno & eodem illius actus: sed potius est accommodata illius naturę & conditioni, quę talis est, ut in actibus non beatificis habeat libertatem, & ab vno ad alium transeat: neque omnia quę potest, vnico actu intelligat, sed successiue alia & alia. Maxime verò

cum huius scientię habitus valeat per se ad tam multa intelligenda, ut non possint omnia simul distincte cognosci ab anima Christi, cuius capacitas ad agendum simul, non est tanta, quanta est ad simul recipiendū & sustinendū, siue species, siue habitus. Quia longē operiosius est agere vitaliter, quā recipere: ut in nobis experimur, qui licet multa sciamus habitualiter, de paucis tamen possumus simul cogitare. Cum igitur hic habitus valeat ad tā multa, & nulla sit necessitas persistēdi in quouis eius actus: melius est ut Christus actus multiplicauerit, & pluribus actibus intellexerit ea, quę vnico nō poterat. Atque ita huius scientię actus neque vnicus fuit, neque inuariabilis; quia Christus de vno ad aliū transiuit. Imò etiam potuit interdum carere omni actu collectiue huius scientię infusę, si voluit, contentus scientia beatificā, vel infusā per accidens, vel acquisitā: ut S. Thom. indicat art. cit. in corp. licet probabilius sit versatū semper esse in aliquo eius actu: quia est magna animę perfectio, non repugnans ulli alteri perfectioni.

Omnino tamen liberum illi hoc fuit. Neque assentior Suari disp. 28. sect. 1. conclusionem 3. si putat parem in eo esse rationem animę Christi, & Angelorum, qui omni cognitione collectiue carere non possunt. Aliud enim est carere omni penitus, quod Angeli non possunt, ob rationem suo loco explicatam: aliud, omni tantū in aliquo genere, quod tum anima Christi, tum Angeli similiter possent. Existimo autem Christum priusquam aliquid noui contingeret, quod ad ipsum aliquo modo pertineret scire specialiter, præuidisse tempestiue vnumquodque, vi huius scientię, vel beatificę. Sicut præuidit Ioan. 16. quod discipuli vellent eum interrogare. Et Matth. 17. præuenit Petrum qui erat cum interrogaturus de tributo soluendo. Et Ioan. 18. Sciebat omnia quę ventura erant super se.

54. **S**ecunda pars conclusionis, quod hic actus non fuerit ab initio totus, sequitur ex præcedenti. Quia, ut dixi, actus adæquatus huius scientię maior est, quā ut anima Christi totū simul habere possit. Neque enim vim habet ad tam multa simul cognoscenda, quā potest successiue per hanc scientiam cognoscere. Quare licet in primo instanti conceptionis habuerit aliquem actum huius scientię, ut Paulus significat ad Hebr. 10. cū de Christo sic ait: *Ingrediens mundum dixit: Hostiam oblationem nolui, corpus autē apasti mihi, &c.* vbi Christus videtur loqui ut homo, & secundum eam rationem quę erat futurus hostia & oblatio pro mundi redemptione. Adeoque ut talis in ipso suo in hunc mundū ingressu, id est, in ipsa conceptione, agnouit Patris voluntatem, eique se voluntariē obtulit: licet, inquā, in primo instanti conceptionis habuerit Christus aliquem actum huius scientię: non tamen tunc cognouit omnia quę deinceps per eandem potuit intelligere, & successiue recipia intellexit.

Tom. 2.
disp. ult.

Actus illius scientię multiplices.

Ricard.
S. Bonau.
S. Thom.

SWAL.

Non fuerit
omnes ab
initio.

§ 55. Neque vrget quod opponit Vasquez contrarium: sentiens disp. 53. cap. 2. fuisse alioquin in Christo ignorantiam multarum rerum ad ipsum pertinentium, quia neque actu, neque habitu propriè eas sciisset. Non quidem actu, vt supponimus: neque etià habitu, quia non dicimur scire habitualiter, nisi ea quæ antea cognouimus, eorumque habitum retinemus, in quo habitu manet quodammodo actus. Respondeo enim primò, Christum eas sciuisse per scientiam beatificam. Secundò, sciri habitualiter id, cuius sciendi habitum habemus, quo vtamur cum volumus: siue ille habitus sit relictus, ex præcedenti actu cognitionis, vt naturaliter contingit: siue à Deo infusus, vt in præsentì.

§ 56. Tertia pars eiusdem conclusionis, quòd scilicet Christus non pependerit à phantasmate in vñ huius scientiæ, patet ex præcedenti. Si enim Christus à primo instanti conceptionis, eius actum habuit: non habuit dependenter à phantasmate, nisi miracula multiplicemus sine necessitate. Tunc enim organa non erant naturaliter disposita ad vñ rationis. Similiter, natus annos tantum duodecim plus ostendit sapientiæ ac scientiæ, quàm ætas illa naturaliter ferebat. Vnde stupor audientium super prudentiâ & responsis eius Luc. 2. v. 47.

§ 57. Nec obest quod Durandus obiicit, datam fuisse hanc scientiam Christo vt viatori: viatores autem non intelligunt sine conuersione ad phantasmata. Respondeo enim, quid sit de viatoribus, qui forte interdum operantur sine conuersione ad phantasmata in ecstasi & altissima cõtemplatione, vel reuelatione prophetica: Christum non fuisse purum viatorem; sed etiam cõprehensorem, & sensibus supereminentem. Non obest etiam quod ait D. Thom. q. 11. a. 2. ad 3. potuisse Christum vti hac scientia cum conuersione ad phantasmata. Nam vt rectè Suar. exponit, intelligendū est illud de obiectis quorū habebat phantasmata; non autem de rebus insensibilibus vt propriè & germanè cognoscendis. Item quòd Christus posset mouere phantasiam ad cogitandum de iisdem rebus sensibilibus: non autem quòd propriè illa cognitio, altior sensibili cognoscendi modo, penderet à phantasmate.

§ 58. Quarta pars, quòd hæc scientia non fuerit incapax compositionis & discursus, est D. Thom. q. 11. art. 3. in corp. vbi affirmat scientiam hanc, licet quoad habitum tota simul fuerit à Deo indita, nō autem per compositionem vel discursum acquisita: fuisse tamen discursiuam, & collatiuam seu compositiuam, quantum ad vñ: quatenus poterat Christus, si volebat, vñ cum alio componere vt prædicatum cum subiecto, & ex vno aliud concludere. Sicut Matth. 17. cum quæsisset à Petro, à quibus Reges terræ tributum acciperet, à filiis, an ab alienis? Petro respondente quòd ab alienis: conclusit, Ergo liberi sunt filii. Ratio præcipua est, quia licet Christus plurima per hanc scientiam simplici in-

tuitu vel notitia cognosceret, sine vlla compositione mentali vel discursu, more Angelorum: & quidem perfectius, quàm Angeli, quia eius scientia erat perfectior angelica & eius vis intelligendi naturalis, licet inferior virtute naturali Angelorum; tamen adiuta lumine illo supernaturali tam potenti, poterat plus & melius cognoscere per scientiam actualement infusam, sicut melius & plus cognoscit per scientiam beatificam. Nihilominus tamen poterat pro sua libertate multiplicare actus huius scientiæ, & eorum obiecta componere inter se, & vñ ex alio inferre, iuxta humanum operandi modū: quod ipsum etiam possunt Angeli, vt suo loco ostendimus.

Loquimur autem hñc de compositione & discursu formali: quia dubium non est, quin hæc scientia sit virtualiter saltem aut eminenter compositiua, & discursiua, id est, habeat quidquid est perfectionis in iudicio & discursu. Hæc enim est magna scientiæ perfectio, quæ etiam beatificæ & diuinæ competit, vt diximus 1. parte disputando de scientia Dei. Quare cognitio Christi infusa fuit generatim quadruplex. Prima rerum immediatè in seipsis: vt Angelorum, gratiæ, gloriæ &c. Secunda rerum in aliis eas representantibus, vel cum illis habentibus aliquam cõnexionem: vt Dei in creaturis, eliciendo hunc simplicem assensum, Creaturæ habent ordinem ad Deū vel, Creaturæ pendent à Deo, aut sunt eius vestigia & imagines. Tertia, rerum ex aliis vt ex medio cognito per discursum simplicem virtualem: vt v. g. Quia creatura est à Deo, Deus est. Quarta, per discursum formalem, id est, per actuum successionē & multiplicationē, quorū vnus est causa alterius vi bonæ illationis: vt, Filii regis sunt liberi à tributo. Ego sum filius regis: ergo sū liber à tributo.

Contra hanc postremam partem opinantur Suar. disp. 28. sect. 2. & quidam alii recentiores, qui præcipuè opponunt, non posse intellectum vt medio ad cognitionem veritatis, quam perfectissimè possidet per assensum immediatum: sicut voluntas non eligit medium ad finem quem perfectè possidet. Respondeo, differentiam esse: quia non est locus acquisitioni finis iam possessi: secus autem cognitioni mediæ & immediatæ eiusdem rei. Neque obstat quòd, vt ait Suarez, lumen hoc habituale est perfectissimum, & superius Angelico. Quia non est necesse vt Christus semper vtatur tota eius perfectione. Et ille modus operandi per simplicem intuitum non est adequatus, vel ita proprius scientiæ habituali infusæ, vt alius ei non possit conuenire: sed potius complectitur vtrumque modum, tanquam superior & vniuersalior.

Non assentior quoque Suar. ibidem affirmanti non potuisse Christum cognoscere multa vñico actu huius scientiæ, nisi in vna & eadem specie impressa essent connexa. Nam illa connexio non magis erat Christo necessaria, quàm Angelis, qui mul-

Tom. I.
disp. 40.
sect. 3. & 4.

§ 59.

Opinio
contraria
reicienda,
Suar.

§ 60.

ta simpliciter non aliunde vilo modo connexa cognoscunt, & non aliter vnita quàm denominatiue ab actu, quo vno simul cognoscuntur, & cuius obiectum adequatum constitunt: vt diximus disp. 40. de Angelis sect. 2. num. 19.

62.

Quænam
fuerint
principia
huius sci-
entiz?

Secunda conclusio: principia actuum huius scientiæ, præter intellectû Christi, & Deû concurrentem vt causam generalem, fuerunt habitus infusus supernaturalis; & obiecta per se determinantia, quando erant sufficienter præsentia, & cadebant sub notitiâ intuitiuam: vel species obiectorum quando erant absentia, & cadebant sub notitiâ abstractiuam, quæ per se immediatè cognoscebantur: Si verò tantum mediatè, in alio, vel per aliud; non erat opus eorum specie: quia mediû cognitû determinabat sufficienter ad mediatam eorû cognitionem in medio, aut per medium.

63.

Habitus
supernatu-
ralis.

Secunda pars huius conclusionis patet ex dictis 1. p. disp. 38. sect. 1. & tribus sequentibus, de necessitate concursus & determinationis obiecti per seipsû, vel per speciem sui ad notitiâ directam Angelorum: vel mediû cognitû, ad notitiâ indirectam. Simili enim modo de Christo hac in parte, ac de Angelis philosophandû est: & rationes, quibus ibidè vti sumus ad probandam hanc necessitatem, generales sunt, possuntque Christo faciliè applicari. Prima verò pars eiusdem conclusionis, de habitu supernaturali, probatur, quia intellectus Christi non habet ex se vim effectiuam sufficientem ad eliciendos actus supernaturales, sicut habet ad naturales; ita vt tantum egeat concursu & determinatione obiecti per se, vel per speciem: alioquin actus illi non essent ei supernaturales; & species illæ, vel concursus obiecti, deberentur ei naturaliter ad actus quorû efficiendorum completè capax esset. Ergo debet illi addi cõprincipium & concausa efficiens ex parte potentiz, quæ est habitus ille supernaturalis: Sicut intellectui nostro additur habitus fidei, & voluntati habitus spei & charitatis supernaturalis, vt possimus elicere actus supernaturales fidei, spei, & charitatis. Neque enim satis eleuatur intellectus Christi per solas species infusas: quæ, tametsi supernaturales, concurrunt tantum determinando vice obiecti, sed non conferunt efficaciam necessariam ex parte potentiz: sicut species naturales non cõferunt intellectui vim eliciendi actû naturalem, sed eam potius supponunt cõpletam ex parte potentiz, & iuuat tantum ex parte obiecti. Hinc etiam in visione beatifica, præter concursum Dei, velut obiecti determinantis ad modû speciei impressæ, necessarius est habitus luminis gloriæ, quo intellectus eleuetur, & cõpleatur in ratione potentiz efficientis, de se insufficientis. Necessarius est, inquit, habitus, posito, quod nolit Deus per seipsû in genere causæ efficientis supplere eius defectum, vt supponimus non fieri in visione beatifica, & in scientia Christi, sed Deum dare principium intrinsecû, & permanens, atq; informans potentiam, constituensque in

actu primo completo, cui tantum sit opus concursu Dei generali. Confirmatur exemplo volûntatis, quæ licet habeat obiectû propositum per cognitionem; non tamen potest se sola, sine cõprincipio efficiente supernaturali, elicere actum volitionis supernaturalis. Ergo nec intellectus, quamuis habeat obiectum sibi propositum per se aut per speciem: potest sine cõprincipio efficiente supernaturali elicere cognitionem supernaturalem.

Consentiunt D. Thom. q. 11. a. 6. ad 3. Bonau. in 3. dist. 14. art. 3. q. 2. Ricard. ibidem q. 3. principali art. 4. Suares disp. 29. sect. 2. contra nonnullos Thomistas affirmantes sufficienter species. Cum alii è contrario præter species & habitum supernaturalem, requirât aliam qualitatem, quam vocât lumen supernaturale. Sed illa qualitas superflua est. Sicut enim in fide supernaturali non est aliud lumen, quàm ipse habitus fidei supernaturalis, qui lumen fidei dicitur, quatenus valet ad manifestandum obiectum, eleuando intellectum, & concurrente ad actû fidei: & in visione beatifica nõ est aliud lumè, præter habitû supernaturale eleuantem intellectû: sic &c.

Tertia conclusio: Incertum est an habitus scientiæ infusæ sit realiter vnicus, an multiplex: distinguitur tamè realiter à lumine gloriæ. Prima pars probatur, quia rationes pro vtraq; parte sunt probabiles tantum, & sententiz Doctorû diuerzæ. Suar. disp. 29. sect. 3. & alii quidam affirmant esse vnicum; quia nullum est sufficiens fundamentû distinguendi, cum vnus ad hæc omnia obiecta, & ad omnes actus supradictos sufficere possit, cõquam vniuersale principium. Sicut vnus habitus fidei supernaturalis sufficit ad omnia reuelata & reuelabilia, siue naturalia, siue supernaturalia: & ad actus fidei tam multos, & tam specie diuersos, quàm sunt obiecta quæ attingunt per se & secundum se. Actus enim attingentes diuersa obiecta secundum se, & secundum suam differentiam specificam, sunt specie diuersi. Nimirum quia habitus supernaturales in eo differunt à naturalibus, quod sint veluti potentiz quædam amplissimæ, & infinita complecti possint; cum è contrario naturales habitus sint cõmensuri actibus per quos gignuntur. Vnde licet plurimi sint habitus fidei naturalis: vnicus tamen est supernaturalis: & vnicus habitus luminis gloriæ in quolibet Beato, vnica spes, vnica charitas. Sed responderi facile potest, sufficiens fundamentum distinguendi habitus scientiæ infusæ esse tam magnam diuersitatem obiectorum, & modi tenendi, propter quam reipta multiplicantur in iustis habitus infusi tam intellectus, quàm voluntatis. Alius enim est habitus fidei, alius prudentiæ supernaturalis: alius spei, charitatis, iustitiæ, &c.

Contrà verò, multos esse habitus scientiæ infusæ in Christo docent S. Bonauent. Caietanus, Delugo, & alii cum D. Thoma quæst. 11. art. 6. Quamuis Suares in suam sententiam illum trahere conetur. Ratio D. Thomæ est, quia hæc scientia habet mo-

64.

S. Thom.
S. Bonau.
Ricard.
Suarez.

65.

Incertum
est an ha-
bitus huius
scientiæ sit
vnicus.

Suar.

66.

D. Thom.

dum cōnaturalem animæ humanæ, qui est ut multas species, & multos habitus scientiarum recipiat, plures quàm Angeli. Sed hoc incertum est, & insufficiens ad distinctionē asserendam pliusquam probabiliter. Responderi enim facile potest hanc scientiam nō fuisse infusam iuxta modum cōnaturalem, sed iuxta potentia obedientialem: sicut infunditur fides supernaturalis, & lūmē beatificū. Nō est etiam certa necessitas multiplicandi hos habitus ob diuersitatem modi operandi dependenter vel independenter à phantasmate, ut vult Delugo disp. 20. sect. 1. ubi idem asserit de charitate viæ & patriæ, aliisque habitibus voluntatis. Nam idem habitus valere potest ad vtrumque operandi modū, ut docet S. Thom. quæst. 11. art. 2. ad tertium. Et communis sententia est, eundem habitum charitatis qui est in viā, manere in patria ad exercendos actus beatificos, perfectius Deū amando ob perfectiorem eius cognitionem: sicut manet eadem voluntas, & valet ad vtrumque genus actū. Neq; magis vrget quod idem auctor ait num. 59. disp. cit. gratiam habitualement exigere plures habitus intellectuales, tam in Beatīs, quàm in viatoribus. Nam incertū est, & minus probabile, gratiam distingui ab ipsa charitate habituali, cui est impertinens, & indifferens, quod habitus intellectui nostro infusi distinguantur aut non distinguantur inter se. Deinde quamuis habitus huius scientiæ per se infusus vnicus esset: non desinerent aliunde multi esse habitus intellectui infusi, tam in Beatīs quàm in Viatoribus. Saltem enim habitus infusus prudentiæ distinguitur ab habitu fidei, & à lumine gloriæ.

Secunda pars conclusionis, quod scilicet hic habitus sit distinctus à lumine gloriæ, communis est Theologorum, teste Suar. disp. 29. sect. 4. in fine. Ratio eius est, quia lumen gloriæ habet pro obiecto adæquato Deū ut in seipso immediatē videndum, & alia in ipso tantū cognoscenda, ut in medio cognito: Hic autem habitus scientiæ infusus valet ad creaturas immediatē in seipsis cognoscendas. Item visio beatifica est actus adæquatus lūmini gloriæ, existens in vnoquoq; Beato iuxta mensuram quantitatis luminis gloriæ. Ergo actus scientiæ supernaturalis, qui sunt simul in Christo cum visione beatifica, non sunt à lumine gloriæ exhauriente totam vim suam circa visionem beatificam.

In contrariam sententiam propendit Suarez sect. cit. & planē descendit Lessius lib. 2. de Summo bono, n. 155. & 158. Rationes autem quibus præcipuē mouetur Suar. sunt, Primò, Quia lumen gloriæ est principium sufficiens ad cognoscendum seipsum, & alia lumina sibi similia, per seipsum seu per propriā speciem. Nullū enim aliud lūmē intellectuāle videtur esse apertius ad illud cognoscendū. Nō quidem imperfectius, ut patet. Neque etiam perfectius: quia non est ratio cur perfectius requiratur. Ergo est etiam sufficiens ad perfectē cognoscendam gratiam, aliaq; dona supernaturalia. 2. Quia licet lumen gloriæ habeat Deum pro obiecto immediato, & ma-

ximē proprio ac proportionato: potest tamen valere ad alia cognoscenda in seipsis. Sicut intellectus angelicus non modò cognoscit essentiam Angeli, quæ est obiectum ipsi maxime proprium & proportionatum: sed etiā eius passiones & operationes, & alia obiecta, in seipsis. Addit 3. Lessius, minus esse cognoscere res supernaturales in seipsis, quàm in Deo. Ergo lumen gloriæ quod potest secundum, potest & primum: adeoque non est opus habitu distincto. Sed hæc argumenta non conuincunt.

Ad primum enim Respondeo cum Delugo citata disput. 20. num. 61. lumen gloriæ sufficere ad cognoscendum seipsum in Deo, quemadmodum cetera creatura; sed non in seipso: sicut charitas valet ad amandā seipsam propter Deum, sed non propter se: ob modum agendi determinatum vtriusque habitus, qui non valet ad quemcūque modum cognoscendi, vel amandi. Ad 2. Nego paritatem. Quia lumen gloriæ non est principium cognoscendi vniuersalissimē, sicut intellectus: sed particulare & determinatum ad talem modum cognoscendi. Ad 3. Respondeo, non quidquid valet ad maius, valere ad minus. Nam charitas non valet ad actus speciei, vel iustitiæ, quamuis minores actibus charitatis: neque ad obiecta earum volenda ex motiuo ipsarū, inferiori motiuo charitatis.

Superest querere quales sint species Christi infusæ, quæ huic scientiæ supernaturali inserviunt ad cognoscenda immediatē & in seipsis obiecta non præsentia? Respondeo esse similes angelicis in vniuersalitate seu representatione actuali & distincta multorū, imo probabiliter esse vniuersaliores angelicis, ut sentit D. Thom. in 3. dist. 14. a. 3. quæstiunc. 2. & 6. licet 3. p. q. 11. art. 6. contrarium opinetur, motus eo argumento, quod scientia indita animæ Christi habuit modum connaturalem animæ humanæ: est autem connaturale animæ humanæ ut recipiat species in minori vniuersalitate, quàm Angeli, ita scilicet ut diuersas naturas específicas per diuersas species intelligibiles cognoscat. Verū, ut iam suprā dixi, incertum est vtrum hæc scientia fuerit infusa secundum modum connaturalem, & non potius secundū potentiam obedientialem animæ Christi, cuius capacitas impleta fuit per scientiam infusam longē superiorem quauis scientia angelica, & valentem ad actus vniuersaliores; propter quod conueniens fuerit infundi species vniuersaliores & proportionatas. Et quidem modus specierum non est necessariò metiendus ex naturali modo operandi potentiæ; sed peti potest ex perfectione debita ipsi scientiæ, ad quam potentia eleuatur. Quæ scientia omnium consensu fuit in Christo perfectior Angelicā, adeoque species perfectiores requirebat. Atque ita sentiunt Scotus in 3. dist. 14. q. 4. Ricardus ibid. q. 4. principali art. 2. in fine corp. & Suarez disp. 29. sect. 1. dict. 3.

Notandum verò est, cum anima Christi esset finita capacitatis, nec vllam speciem actu infinitam subiectare potue-

Delugo.

S. Thom.

67.

Est tamen distinctus à lumine gloriæ.

Suar.

68.

Contraria sententia.

Lessius.

69.

Refutatur.

70.
Quæ species infusæ huius scientiæ?

D. Thom.

Scot.
Ricard.
Suar.

71.

Et: nullam illi infusam fuisse tanta ampli-
tudinis, ut infinita distinctè repræsentet:
quia hæc esset actu infinita. Definiri tamen
nequit ad quam multa hæc species se extende-
runt. Philolophando autem de illis, ut de an-
gelicis infusis: probabile est se extendisse
ad tam multa obiecta, quot poterant vno
actu per hanc scientiam à Christo intelligi.
Neque dubito, vnam & eandem potuisse
extendi ad naturalia & supernaturalia, sicut
idem habitus, & eadem species expressa po-
test veraque complecti ut supra ostendimus.

72.

Præterea, licet circa obiecta huius sci-
entiae, maxime verò circa naturalia, po-
tuerint infundi species naturalis entitatis,
quæ determinando iuuarent ad actus super-
naturales: sicut obiecta naturalia, quando
per eam videntur, iuuant per se imme-
diatè, determinando ad supernaturalem sui
intuitionem, iuxta ea quæ diximus in
tract. de Angelis disput. 38. sect. 3. Exi-
stimo tamen non tantum eas quæ repræ-
sentant obiecta supernaturalia, esse super-
naturales, ut sint obiectis suis proportio-
natæ: verum etiam illas quæ repræsen-
tant naturalia obiecta: non propter ipsa
obiecta, sed ut sint magis proportionatæ prin-
cipio & actui supernaturali huius scientiæ,
ad quem ut concurrant, fuerunt à Deo infu-
sæ, & ex cuius perfectione præcipue metien-
dæ sunt. Quanquam species naturalis entita-
tis possunt sufficienter concurrere ad noti-
tiam obiectorum naturalium. Sunt enim vice
obiectorum. Obiecta autem naturalia per se
satis determinant ad sui cognitionem,
etiã tunc, cum actu supernaturali co-
gnoscuntur: sicut obiecta materialia de-
terminant Angelos seipsis ad cognitionem
spiritualem, ut probauimus in prædicta dis-
put. de Angelis. Et confirmatur ex habitu
fidei, qui quamuis sit supernaturalis, vtiur
tamen speciebus naturalibus. Neque enim
communiter infunduntur fidelibus superna-
turales species ad credendum, ut diximus
disput. 12. de Fide, sect. 2.

73.

An obie-
cta super-
naturalia
cognosci
possint per
species na-
turales?

Quod si quæras, an similiter obiecta su-
pernaturalia possint cognosci per species na-
turalis entitatis? Respondeo non posse nisi
valde imperfectè & analogicè. Ratio est,
quia species perfecta, germana, & quidditati-
ua entis intrinsecè & substantialiter super-
naturalis, non minùs est supra debitum & ex-
igentiam potentiae naturalis, quàm cog-
nitio ipsius perfecta, germana, & quidditati-
ua. Nec obest quòd nos recordamur naturaliter
actuum nostrorum supernaturalium per spe-
cies ab ipsis relictas: & Dæmones recordan-
tur se fuisse à Deo sanctificatos in primo in-
stanti creationis. Respondeo enim Primò, nos
valde cōfuse & imperfectè cognoscere actus
nostros supernaturales, quos non discerni-
mus experimentaliter à naturalibus. Secun-
dò, species connaturaliter impressas ab acti-
bus supernaturalibus non esse naturales po-
tentiae naturali intellectus nostri aut angeli-
ci, si tales sint ut eos perfectè ac germanè re-

præsentent: Alioqui verò species naturalis
imperfecta entis supernaturalis non minùs
dari potest, quàm imperfecta cognitio natu-
ralis entis supernaturalis, quàm dari posse
alibi ostendimus. Tertiò dico vel Dæmones
tantum imperfectè & confusè recordari sta-
tus sanctificationis: vel retinere species su-
pernaturales illius status ad poenam: ut re-
miniscantur melius, & doleant unde excide-
runt. Sicut in multorum sententia, character
manet in damnatis ad ipsorum confusionem.

Tom. 2.
disp. 1.
sect. 3. &
tom. 3.
disp. 10.
sect. 2.

Marsilius in 3. q. 10. art. 2. p. 4. conclu-
sione 2. putat infusam Christo fuisse vnicam
speciem vniuersalissimam, quæ sit principium
sufficiens cognoscendi omnia, quæ sub sci-
entiam supernaturalem cadere possint. Sed
hoc verum esse non puto. Cum enim infinita
possibilia, & existentia, possint diuissim aut
successiue cadere sub scientiam supernatura-
lem: oporteret speciem illam esse infinitam,
ut sufficienter ad hæc omnia determinaret,
per actualem & distinctam eorum omnium
repræsentationem. Neque etiam censeo po-
tuisse infundi vnicam speciem vniuersalissi-
mam valentem ad omnia, non quidem satis
distinctè, sed egentem magis speciali Dei
concurru ad distinctè determinandum. Nam
illa species non esset species, cum non ha-
beat naturam & officium speciei, quod est
determinare: quandoquidem nõ determinat
ad obiecta diuersa illius scientiæ, sed eget à
Deo determinari, ut intellectus, vel habitus.

Dices: Qui cognoscit ens confusè, ha-
bet speciem entis confusam, valentem im-
perfectè ad infinita cognoscenda, nempe
quidquid est ens. Respondeo, non valere per
modum speciei nisi ad rationem communem
entis, ad quam determinat vniuersalem: pro spe-
ciebus verò vel inferioribus entis cognos-
cendis, opus est propriis eorum speciebus,
vel eorum occurru.

SECTIO VI.

De alia duplici scientia Christi; infusa per acci-
dens, & acquisita.

PRIMA conclusio: Ultra scientiam beatifi-
cam, & scientiam supernaturalem ac per
se infusam, habuit Christus scientiam natu-
ralè circa obiecta naturaliter ab hominibus
cognoscibilia, quæ ab initio cōceptionis fuit
illi habitualiter infusa. Prima pars probatur,
quia huiusmodi scientia est vna de maximis
perfectionibus naturæ humanæ naturaliter
consideratæ. Ergo Christus nõ debuit eā ca-
rere, sed potius debuit perfectissimam habe-
re. 2. Christus in volūtate habuit omnes vir-
tutes naturales. Ergo debuit habere pruden-
tiam naturalem à qua reguntur. Ergo & om-
nes alias scientias naturales, id est, omnes ha-
bituales cognitiones euidentres, siue de rebus
speculabilibus, siue de practicis, tam agibili-
bus, quàm factibilibus & artificialibus, per
se vel per aliud cognitis, quæ naturali vir-
tute intellectus, & humanâ industriâ

75.
Fuit in
Christo
scientia
infusa per
accidens.

acquiri possunt. Nomine enim scientiæ comprehendimus hic intellectum, siue intelligentiam primorum principiorum naturaliter cognoscibilem, sapientiam, prudentiam, scientiam, & artem quamlibet naturalem, quoad notitias certas & evidentes naturali virtute ingenij humani comparabiles.

76.
Idque ab
initio con-
ceptionis.

Secunda pars conclusionis, quod scilicet Christus habuerit ab instanti conceptionis huiusmodi scientiam habitualiter infusam quoad habitus perfectos omnium huiusmodi cognitionum, cum speciebus ad eorum vltimè necessariis, quales possunt humana industria acquiri: Probat, quia si primus parens plenus scientiæ & intellectus creatus fuit, ut ait Scriptura Ecclesiastici 17. v. 5. & 6. & Angeli in instanti suæ creationis species rerum naturalium à Deo acceperunt non fuit conueniens Christum non frui ab initio creationis simili beneficio; cum ea sit magna perfectio naturalis humanitatis, conueniens & debita vniioni hypostaticæ, neque repugnans vlli Christi officio, vel utilitati nostræ salutis propter quod deberet differri. Adde, quod longum fuisset & laboriosum Christo, excellentissimum licet ingenium sortito, ac forte impossibile, tam brevis vitæ tempore, tam multiplicem rerum cognitionem habitualement perfectam acquirere rerum metaphysicarum, physicarum, mathematicarum, logicarum, moralium, & omnium artium quæ pene infinitæ sunt. Nec decuit Christum eo labore occupari. Neque melius simpliciter est hos habitus propriâ industriâ sensim acquirere, quam diuino beneficio simul omnes & perfectos recipere.

77.
Prima opi-
nio contra-
ria reuerti-
tur.

Consentiunt D. Thom. qu. 26. de Veritate art. 2. c. & in 3. distinct. 14. quæstiuncula 3. Bonaventura, Richard. Scotus, Palud. Gabr. Durand. & alij ad eandem distinctionem, Suar. disp. 30. sect. 2. Bernal disp. 37. Ysambert. ad quæst. 12. disput. vnic. art. 1. & alij recentiores. Dissentiunt verò idem S. Thomas, & Thomistæ communiter 3. parte qu. 22. art. 2. & Vasques disp. 55. cap. 2. affirmantes, nullam scientiam fuisse Christo infusam, nisi supernaturalem. Si enim scientiam quoque ordinis naturalis infusam habuisset, nihil de nouo potuisset discere, contra illud Hebr. 5. *Didicit ex illis, quæ passus est, obedientiam.* Et Luc. 2. *Prospicebat prudentia, et sapientia coram Deo & hominibus.* Item intellectus agens fuisset in Christo otiosus, quia nihil per eum acquisiuisset. Caruisset enim propria operatione, nempe abstractione specierum à phantasmate, si anima Christi à principio illas infusas habuisset.

78.
Vide rem.
disp 37.
sect. 4.

Sed ad primum Respondeo, loca illa Scripturæ debere intelligi de scientia experimentalis, de qua mox. Ad secundum dico, intellectum illum agentem abstrahentem species à phantasmate, malè fingi, cum nullus verè sit intellectus, nisi is, qui vim habet intelligendi, seu cognoscendi obiecta, determinatus si sufficiat ab ipso phantasmate,

propter identitatem eiusdem animæ imaginantis & intelligentis. Si enim potest phantasma determinare intellectum agentem ad speciem abstrahendam, ut volunt Aduersarij: quidni & possibilem, seu verum intellectum, ad formandam cognitionem seu speciem expressam eiusdem obiecti: cum alioqui res omnes sint de se & per se formaliter intelligibiles; neque possint per aliquid extrinsecum reddi formaliter intelligibiles: non magis quam possint per aliquid extrinsecum esse formaliter ens & verum.

Contradicit etiam huic secundæ parti conclusionis Cardinalis Delugo disp. 21. sect. 1. affirmans hanc scientiam non fuisse ab initio infusam, sed postea, quando organum fuit dispositum ad phantasmata, à quibus pendebat hæc scientia similis nostræ: & fuisse infusam non simul totam, sed successiue, sicut successiue organa phantasiæ melius disponebantur ad species recipiendas & viuandum intellectum. Ratio eius præcipua est, quia Christus non habuit huius scientiæ operationem nisi dependenter ab organis; quemadmodum & alias operationes humanas, id est, proprias animæ corpori unitæ, ut ambulare, loqui, comedere cibos solidos, &c. Sed responderi facile potest, non inde sequi id quod intenditur: quia licet Christus in infantia non fuerit capax naturaliter vsus istius scientiæ: potuit tamen habere ab initio habitum & species, quibus postea uteretur, organis sufficienter dispositis. Neque propterea ficta fuit Christi infantia: cum secundum corpus verè infans esset, tenellus, & imbecillus, ac pusillus: quamuis secundum mentem instructus esset scientia perfectissima. Alioquin negandum esset fuisse in infantia instructum scientia beatifica, & scientia per se infusa, quæ nobiliores sunt ea, de qua nunc loquimur.

Secunda conclusio: Obiectum adæquatum huius scientiæ non fuit tam multiplex, atque scientiæ per se infusæ: sed tantum ea complectitur, quæ vi naturali intellectus humani possunt clarè cognosci. Eiusdem vsus seu actus secundus pepenit à phantasmate, fuitque multiplex & variabilis. Habitus quoque non fuit vnicus, sed multiplex, & similis illis qui naturali industria acquiri possunt, citra imperfectionem obscuritatis & incertitudinis. Ratio generalis totius conclusionis est, quia hæc scientia quoad obiectum, actum, & habitum, est accommodata capacitati & virtuti naturali animæ Christi, ut facientur communiter Theologi, ne miracula multiplicentur sine necessitate. Quare ad ea tantum se extendit, ad quæ potest cognitio naturalis euidenter pertingere: nempe, ut probabilius arbitror, ad obiecta tantum sensibilia, & ea quæ possunt ex illis euidenter deduci: & ad quædam principia per se nota, & conclusiones euidentes, quæ inde possunt inferri. Neque assentior Suar. disp. 30. sect. 1. affirmanti, Christum per hanc scientiam cognouisse omnes res naturales,

79.
Secunda
opinio con-
traria refutatur.

80.
Obiectum
huius scientiæ
multiplex.

Suar.

tam immateriales, quàm materiales : & tam substantias, quàm accidentia : quia hæc omnia putat cognosci posse naturaliter, & quidem clarè & intuitivè, ab anima separata. Anima verò Christi, quamvis esset coniuncta corpori, habebat tamen perfectiones naturales & supernaturales animæ separatæ. Non assentior, inquam, quia minus probabile existimo, posse animam separatam sola virtute naturali plus cognoscere extra corpus, quàm in corpore. Alioqui enim vnio cum corpore esset illi contranaturalis & violenta, priuans illam operatione præstantissima. Falsum etiam puto quod dicunt aliqui, scientias naturales habituales non esse aliud, quàm species obiectorum quæ intenduntur & remittuntur; & si intentæ sunt, faciunt potentiam. Nam species se tenent solum ex parte obiecti quod proponunt; habitus verò, ex parte potentie. Ac sicut in voluntate vltra obiecti propositionem, factam per cognitionem, admittuntur habitus, quibus voluntas pronior fit circa idem obiectum, licet eodem modo cognitum & propositum; sic &c.

81.
Habitum etiam
Christus
scientiam
experimentalem.

Tertia conclusio : Præter triplicem scientiam hucusque explicatam, habuit Christus aliam purè acquisitam, & nullo modo infusam, quæ non alia fuit, quàm experimentalis, consistens in actuali cognitione obiectorum quæ ipsi occurrebant; & in speciebus & habitibus relictis ex huiusmodi cognitionibus, valentibus ad recordationem eorundem actuum, & obiectorum, vt ante cognitorum. Atque hæc scientia non fuit tota in Christo ab initio, sed sensim acquisita. De qua potest optimè illud Luc. 2. intelligi, *Proficiebat puer Iesus prudentia, ætate, & sapientia, coram Deo & hominibus.* Et Hebræor. 5. *Didicit ex iis quæ passus est obedientiam:* Didicit, inquam, experimentaliter, quando ipsam exercuit, & expertus est in seipso, factus obediens vsque ad mortem, mortem autem crucis. Ratio totius conclusionis est, quia Christus sine dubio percipiebat externis sensibus obiecta sibi occurrentia: alioquin eius visio, auditio, & alie sensationes externæ, fuissent simulatoriæ: similiterque sensu interno, & intellectu eadem percipiebat, vt nos facimus. Cognitionis enim beatifica, & supernaturalis, non impediabant naturalem, vt antea ostendimus: neque etiam scientia naturalis per accidens infusa; vt patet in Adamo, qui licet ab initio scientiam infusam accepisset; intelligebat tamen deinceps naturali modo, & more aliorum hominum, obiecta occurrentia. Christus ergo habebat de nouo cognitionem obiectorum quæ ipsi occurrebant, per quam ea in seipsis experiebatur, & vi cuius, ac speciei ab ipsa relictæ in memoria, poterat recordari se tale obiectum antea expertum esse: sicuti nos recordamur nostrorum actuum, & obiectorum antea perceptorum. Talis autem noticia experimentalis non potuit ab initio tota esse in Christo; neque actualiter, quia Christus tunc

non est expertus omnia obiecta, quippe quæ tunc non ipsi occurrerunt: neque quoad species, quia illæ habent in representando ordinem essentialem ad actum præteritum, & ad obiectum vt antea perceptum experimentaliter: Quare non possunt infundi ante actus, alioqui falsò representarent: neque habent opus infusione, cum actus habeant vim naturalem sufficientem eas producendi. Idemque dico de habitibus facilitantibus ad recordationem. Actus enim illi vtrumque producant, speciem nempe & habitum, vt in nobis experimur. Neque ille habitus superfluous est, aut repugnans habitibus naturalibus infusis, magis quàm istæ species experimentales repugnent speciebus naturalibus scientiarum infusarum. Est enim diuersus ab illis, & purè experimentalis, essentialiter determinatus ad experientiam, vt ad obiectum adæquatum.

Circa eandem scientiam Nota 1. Christum acquisuisse scientiam experimentalem obiectorum externorum occurrentium, & actuum naturalium, atque etiam supernaturalium, quorum omnium poterat deinde recordari. Neque mirabile, aut singulare videri debet quod actus supernaturales producerent in intellectu Christi species & habitus naturales experimentales: siquidem in nobis actus supernaturales fidei speciem sui relinquunt, & iidem actus fidei, & spei, & charitatis gignunt facilitatem in potentia circa illos se exercente, non minus quàm actus naturales. Vnde fit, vt experientia nequeamus discernere actus supernaturales à naturalibus: quod certè faceremus indicio notissimo, si isti relinquerent species & habitus facilitantes, illi non.

Nota 2. Christum propter ingenij perspicacitatem naturalem, maiorem ceteris hominibus, & propter concomitantiam & directionem scientiæ infusæ, & beatificæ, multò perfectius acquisuisse scientiam experimentalem circa obiecta occurrentia, quàm alij possint. Alij enim, vt docet Aristoteles 1. Metaphys. cap. 1. egere solent inductione quadam repetita per memoriam plurium rerum ante perceptarum, & quatenus perceptæ sunt. At Christus ex vnico singulari poterat perfectam experientiam acquirere: Neque falsitatis periculum incurrebat, vt alij homines, quorum sæpius experimentum fallax est. Intellectus enim Christi, lumine scientiæ infusæ illustratus, cognoscebat euidenter effectus naturales, quos in vno individuo experiebatur, esse similes in omnibus alijs indiuiduis eiusdem speciei.

Nota 3. Hanc scientiam fuisse circa singularia occurrentia, ex quibus tamen Christus de speciebus & generibus rerum poterat facile iudicare. Naturaliter tamen Christus non discernebat differentias ipsas indiuiduales per hanc scientiam naturalem: quia hoc excedit vires naturales intellectus humani, vt in nobis experimur, qui confusis singularia sentimus & intelligimus; ita vt

82.

Notanda
quædam de
scientia ex-
perimentali.

83.

84.

verum ab alio planè simili, substituto in eius locum, nequeamus discernere. Per scientiam verò beatificam, & supernaturalem infusam, puto Christum distinctè cognovisse ipsas differentias individuales, quemadmodum Angeli faciunt naturaliter. Hæc enim scientia est superiôr angelica, & operatur secundum potentiam obedientialem, quæ ad hoc elevari potest. Falluntur autem qui putant, intellectum non verari circa singularia ut talia, propter illud vulgare, Intellectus est vniuersalium, & sensus singularium. Nam singularia ut talia, sunt entia vera & intelligibilia, æque illis ut talibus potest esse clara cognitio, ac sine dubio intelliguntur & sciuntur à Deo. Et Deus ipse, qui est obiectum scientiæ beatificæ, est ens maximè singulare. Vera autem explicatio illius axiomatis vulgaris est, quòd sensus sit singularium tantum, intellectus verò sit etiam vniuersalium, in eoque superet sensum, quòd & singularia, & vniuersalia, intelligere possit.

85. *Quam latè se extendit tota Christi scientia?* Si quis iam interroget, quàm latè se extendit tota Christi scientia, quæ, ut diximus, est partim beatifica, partim infusa per se ac supernaturalis, partim naturalis infusa per accidens, & partim acquisita: atque in quatuor illa membra adæquatè distributa?


Respondeo, in actu primo valuisse ad omnia, posito quòd, ut probabile est, lumè gloriæ valeat de se diuissim ad omnia Dei attributa cognoscenda: quòdque Christus habitum scientiæ supernaturalis acceperit de se similiter valentem ad omnia creata, tam

naturalia, quàm supernaturalia, in seipsis cognoscenda; ac speciem, vel Deum in actu primo præparatum & coniunctum ad determinandum circa obiecta, ad quæ Christus se liberè applicaret. Valde autem probabile est, & Christo dignum, hæc omnia accepisse: ut sic completè in actu primo sciret omnia, & in actu secundo sciret quidquid vellet ex possibilibus, aut existentibus in aliqua temporis differentia. Quod verò attinet ad actum secundum scientiæ Christi adæquatè sumptum, existimo illum sciuisse ultra plurima possibilia, omnes rerum creaturarum species, & omnia individua, tam quoad substantiam, quàm quoad accidentia; & actus & operationes quæ fuerunt ante ipsius aduentum, & sciuisse ac scire deinceps quæcumque sunt, & fiunt, saltem eo tempore quo fiunt, siue per experientiam, siue per euentem reuelationem, aut aliud medium scientificum. Cum enim cætera omnia sint propter Christum: credibile est Deum, ita rerum aliarum multitudinem & seriem disposuisse, ut Christus possit semper cognoscere distinctè omnia tunc existentia. De cuius cognoscendi capacitate obedientiali non demissè sentiendum esse patet ex eo, quòd simul & brevissimo tempore de omnibus iudicabit in consummatione sæculi, cum reddet unicuique secundum opera eius. Et quamvis non possit visione beatifica, aut vlla alia cognitione, simul cognoscere omnia quæ sunt, fuerunt, & erunt in quacumque temporis differentia, ut suprà diximus: potest tamen multiplici & successiva cognitione, per totam æternitatem multiplicandâ.

DISPUTATIO VNDECIMA.

De Voluntate Christi, eiusque actibus.

- Sectio I. *An præter diuinam voluntatem fuerit in Christo humana & creata?*
- Sectio II. *De actibus voluntatis creatae Christi.*
- Sectio III. *An voluntas humana Christi fuerit libera?*
- Sectio IV. *Maiores explicatio proposita difficultatis de Christi libertate.*
- Sectio V. *Soluntur obiectiones contra doctrinam præcedentem.*
- Sectio VI. *De merito Christi: ac primum per quos actus, & quando, & quandiu meruerit?*
- Sectio VII. *Quid Christus sibi meruerit?*
- Sectio VIII. *Quibusnam aliis Christus meruerit, & quid?*



DE Voluntate Christi, & eius actibus disputat S. Thom. quæst. 18. & 19. In quarum priore docet Primò, Duas in Christo esse voluntates, diuinam & humanam. Quia Filius Dei naturam humanam perfectam assumpsit: & nihil propriæ naturæ amisit. Secundò, Fuisse quoque in illo appetitum sensitium. Quia Filius Dei assumpsit naturam humanam cum omnibus quæ pertinent ad perfectionem ipsius. Tertiò, Vnicam in Christo fuisse voluntatem humanam quoad potentiam: multiplicem verò quoad actus. Quartò, Habuisse quoque liberum arbitrium. Quintò, Christum secundum voluntatem sensualitatis, id est, secundum appetitum sensitium; & secundum voluntatem rationis, quæ consideratur per modum naturæ, potuisse aliud velle, quàm Deus velit. Sed secundum voluntatem quæ est per modum rationis, semper idem volebat, quod Deus: iuxta illud Matth. 27. *Verumtamen non sicut ego volo, sed sicut tu.* Volebat enim secundum rationem voluntatem diuinam semper impleri: quamvis aliud diceret se velle secundum quandam aliam eius voluntatem. Sextò, Nullam in Christo fuisse repugnantiam vel contrarietatem voluntatum. Quia licet voluntas naturalis, & voluntas sensualitatis in Christo aliquid aliud voluerit, quàm voluntas diuina, & voluntas rationis ipsius, putà, non mori: tamen neque voluntas naturalis, neque voluntas sensualitatis repudiabat illam rationem, sub qua diuina voluntas, & voluntas rationis humanæ in Christo, passionem volebat. Et neque voluntas diuina, neque voluntas rationis, impediebatur aut retardabatur per voluntatem naturalem, aut per appetitum sensualitatis. Similiter etiam nec è contrario voluntas diuina, vel voluntas rationis in Christo refugiebat aut retardabat motum voluntatis naturalis humanæ, & motum sensualitatis. Placebat enim Christo secundum voluntatem diuinam, atque etiam secundum voluntatem rationis, vt voluntas naturalis in ipso, & voluntas sensualitatis, secundum ordinem naturæ suæ mouerentur. Vnde patet, quòd in eo nulla fuit repugnantia vel contrarietas voluntatum.

In posteriori quæstione affirmat fuisse in Christo duas operationes secundum voluntatem: quia duæ naturæ, diuina, & humana, habebant ynaquæque propriam formam & virtutem, per quam operabatur. Operationem tamen humanam in Christo fuisse multò magis vnā, quàm in quocunque alio homine: quia in eo nullus erat motus sensitivæ partis, qui non esset ordinatus à ratione. Ipsæque etiam operationes naturales, & corporales, aliquantulum ad eius voluntatem pertinebant, inquantum voluntatis eius erat vt caro eius ageret & pateretur, quæ sunt sibi propria. Christum denique meruisse sibi gloriam corporis, & ea quæ pertinent ad exteriorem eius excellentiam (sicut est, ascensio, veneratio, & alia huiusmodi) quia ab initio illa non habuit: & melius fuit vt haberet illa per meritum, quàm sine merito. Neque tantum sibi meruisse,

sed aliis. Quia in Christo non solum fuit gratia, sicut in quodam homine singulari, sed sicut in capite totius Ecclesiae, cui omnes uniuntur, sicut capiti membra, ex quibus constituitur mysticè una persona. Et exinde est, quod meritum Christi se extendit ad alios, in quantum sunt ipsius membra: sicut in vno homine actio capitis aliquo modo pertinet ad omnia eius membra: quia non solum sibi sentit, sed omnibus. Hucusque D. Thom. cuius doctrina sequentibus sectionibus elucidabitur.

SECTIO I.

An prater diuinam voluntatem fuerit in Christo humana, & creata?



ONCLUSIO affirmatiua est de fide, definita in VI. Synodo Generali contra Monothelitas, & in Lateranensi sub Martino I. consultatione 6. can. 12. 13. & 14. patetque ex pluribus Scripturæ locis clarè affirmantibus Christum habuisse humanam voluntatem, eiusque operationem, vt Matth. 26. *Non sicut ego volo, sed sicut tu.* Luc. 22. *Non mea voluntas, sed tua fiat.* Ioan. 5. *Non quero voluntatem meam, sed voluntatem eius qui misit me.* Ratio est, quia vbi sunt duæ naturæ intellectuales, sunt duæ voluntates, sicut & duo intellectus, cum hæ facultates non distinguantur à naturis ipsis, vel sint proprietates naturaliter inseparabiles. At in Christo sunt duæ naturæ intellectuales, diuina & humana: ergo &c. Confirmatur, quia sicut natura diuina nullam est passa diminutionem in assumptione; ita natura humana integrè fuit assumpta cum suis omnibus partibus, facultatibus, & proprietatibus naturalibus, excepta hypostasi; quæ per diuinam hypostasin Verbi consumpta siue impedita fuit, estque impossibilis cum vnione hypostatica.

Ob eandemque causam fuit in Christo verus appetitus sensitivus, id est, facultas eliciendi affectiones sensibiles & animales. Nam hic appetitus est de perfectione & integritate naturæ humanæ. Eiusque operationes Christo sapissime tribuuntur in Euangelio: cum secundum illum narratur doluisse, fleuisse, & multa passus esse in corpore, vnde dolor sensibilis naturaliter oriebatur. Dolebat enim sensibilibus sub flagellis, & sub clavis: & secundum eundem appetitum non est dubium quin marrem suam v. g. & bona sensibilia sibi conuenientia sensibili amore dilexerit, & absentia desiderauerit, vt cibum & potum necessarium, & de præsentibus gaudium sit, & circa opposita contrarios actus habuerit odij, fugæ, timoris, & tristitiæ sensibilis, atque etiam actus vehementiores qui tribuuntur parti irascibili, spei, audaciæ, metus, & iræ.

Neque propterea fuit in Christo fomes peccati. Quia fomes peccati non est appetitus sensitivus utique, sed vt dispositus & expeditus, atque adeo sibi relictus, vt possit exire in actum contra rationem, & inclinare ad peccatum circa bona vel mala sensibilia. In Christo autem fuit perfectè subditus rationi, & frænatus per virtutes morales intensissimas, vigiliam rationis perpetuam, & optimum corporis temperamentum rationi conuenientissimum. Qualem subiectionem ad rationem habuisset noster appetitus sensitivus in statu innocentie, ideoque non fuisset in nobis fomes peccati.

Non fuit etiam pugna in Christo inter appetitum sensitivum, & rationalem; quia omnes actus appetitus sensitivi fuerunt in Christo ex consensione rationis & voluntatis, quam nunquam præuenerunt, sed ab ipsa prius aduertente, vel imperante, vel saltem permittente, pependunt. Ideoque ab Hieronymo in caput 5. Matth. & ab aliis, passionibus potius, quam passionibus, appellantur. Præueniente, inquam, vel per imperium: vt quando Christus Ioan. 11. *Turbauit semetipsum:* vel saltem permittendo: vt cum dolebat naturaliter sub flagellis, & aliis cruciatibus, & malis sensibilibus. Neque enim opus erat hunc dolorem sensibilem imperari à voluntate, sed sufficiebat permitti, seu non impediri. Prior tamè operandi modus vt est perfectior, ita videtur fuisse communior. Omnino autem ad perfectionem Christi pertinet vt nullam passionem nisi præuisam & saltem permissam habuerit, nullam subrepticam & indeliberatam, vt docent communiter Theologi & sancti Patres relati à Suarez disp. 34. sect. 1.

Similiter nulla fuit pugna & contrarietas inter diuinam & humanam voluntatem in Christo, vt malè timebant Monothelitæ: sed omnis affectus voluntatis humanæ fuit conformis diuinæ, ita vt nihil verè ac propriè repugnans voluerit; iuxta illud Psal. 36. & Hebr. 10. *In capite libri scriptum est de me vt facerem voluntatem tuam, Deus meus volui.* Et Ioan. 8. *Ego que plicata sunt ei facio semper.* Quæ loca & similia in hunc sensum exponunt Concilia & sancti Patres, vt videre est in VI. Synodo generali actione 4. in epistola Agathonis, vbi plura referuntur sanctorum Patrum testimonia; & in professione fidei Sophronij, actione 11. & in def-

1.
Fuit in Christo voluntas creata.

2.
Et appetitus sensitivus.

3.
Sed non fomes peccati.

4.
Neque pugna inter appetitum sensitivum & voluntatē.

Hieron.

Suarez.

5.
Neque inter voluntatē diuinam & humanam.

VI Synod.

nitione Fidei, actione 17. Quare Christus nihil voluit efficaciter, nisi quod sciebat Deum velle ut ita prolequeretur. Neque etiam affectu inefficaci in aliquid tetendit, nisi eo modo, quo Deo gratum esse sciebat ut tenderet. Ratio est, tum quia propter visionem & statum beatificum non poterat esse discordia inter ipsius voluntatem, & diuinam, ut neque in Beatis est, in tanta vnione intellectus & voluntatis cum Deo clarè viso, & totis viribus dilecto: tum etiam quia propter vnionem hypostaticam non decebat, neque poterat permitti tanta imperfectio in Christo: cui præterea facillimum fuit, tantâ scientiâ, tamque intensis virtutibus prædito, & auxiliis Spiritus sancti præstantissimis adiuto, suam voluntatem in omnibus cum diuina conformare, æquè ac appetitum sensitium cum ratione & cum voluntate componere.

6. Neque assentior Scoto in 3. dist. 15. quæ vnica artic. 3. principali, §. *Si quis tamen velit*, Gabr. ibid. art. 2. prima parte art. concl. 9. & Suar. disput. 38. sect. 4. affirmantibus non repugnare de potentia absoluta esse repugnantiam & contrarietatem inter creatam voluntatem Christi, & diuinam, supposito saltem quòd Christus careret scientia beatifica, & infusa, quam habet; neque sciret in singulis rebus & obiectis quid de illis Deus efficaciter velit: quæ suppositio non est impossibilis: eâ verò positâ, Christus (inquiunt) poterat per humanam voluntatem actu efficaci ex parte sua, intendere aliquid bonum & honestum, v. g. orare, vel aliud simile, quamuis forte absolute esset à Deo definitum ne id fieret. Quia hic modus operandi, supposita illa imperfectiōe ignorantiz, est bonus & honestus, neque inuoluit imperfectiōem Christo repugnantem de potentia absoluta: & Angeli beati interdum ita operantur, ut videre est Danielis 10. in pugna Angeli custodis Persarum, cum Angelo custode Iudæorum. Non assentior, inquam, propterea quòd sicut probabilius est repugnare absolute ut sit error positivus in intellectu Christi, propter turpitudinem & indecentiam illius actus, ut fateatur Suar. disp. 24. sect. 3. Ita & esse peccatum materiale, & actum turpem, atque deformem materialiter, in voluntate cuiusmodi esset actus verè contrarius & repugnans diuinæ voluntati: utque in eo casu pertingeret ad Dei providentiam impedire omnino ne Christus in imperfectiōem & turpitudinem erroris incideret; ita & ne in turpitudinem malitiæ materialis in voluntate per huiusmodi contrarietatem. Deinde Christus, qui non potest non prudenter se gerere, nihil vellet efficaciter, nisi sub conditione quòd Deus idem vellet. Hanc enim limitationem, & prudentem ac piam moderationem adhibent homines prudentes, & sancti, iuxta monitum Iacobi Apostoli cap. 4. epistolæ suæ canonice: & antequam vellet, deberet explorare diuinam voluntatem, ac nihil velle absolute, nisi eo

modo quo Deo gratum id esse sciret: vel tantum velle conditionatè, si Deo gratum illud sit. Quo pacto Angeli apud Daniele supponebant Deum velle ut quisque suum affectum, erga populum sibi commissum ostenderet. In quo nihil mali erat, sed potius erat affectus charitatis bonus, & Deo gratus. Neque volebant efficaciter retineri aut dimitti Iudæos, nisi ex hypothesi quòd Deus id vellet.

7. Non obest id quod solet obijci ex Lucæ 22. & Matth. 26. *Pater, si fieri potest, transfer à me calix iste; verumtamen non sicut ego volo, sed sicut tu*. Quibus verbis videtur Christus significare, se noluisse mortem, quam Pater volebat efficaciter ut vellet. Respondet enim, Christum non propterea noluisse efficaciter mortem quam Deus volebat efficaciter, neque obstisse, aut resistere voluisse diuinæ voluntati efficaci: sed tantum habuisse affectum simplicem displicentiz & horroris erga mortem, non prout à Deo volitam propter gloriam suam & redemptionem generis humani; sed prout naturæ contrariam & per se malam. Qui affectus non erat malus, sed naturalis & rectus. Neque etiam erat voluntati diuinæ contrarius. Nam potius Deus oderat simplici affectu displicentiz Christi mortem, ut talem: volebatque ut Christus talem affectum haberet horroris & doloris naturalis, ad maiorem satisfactionem & meritum: utque talem affectum verbis illis exprimeret, propter exemplum nostrum. Sicut autem Deus non obstante affectu suo displicentiz simplicis de Christi morte ut mala, volebat eandem efficaciter ut bonam & utilem ad satisfaciendum sibi, & ad redimendum genus humanum: sic Christus eandem ut talem volebat efficaciter & generosè, idèque addebat, *Verumtamen non sicut ego volo* (inefficaciter & simplici affectu) *sed sicut tu*, vis, supple, efficaciter, quod ego etiam efficaciter volo. Neque hi duo affectus Christi, efficax & inefficax, pugnant inter se. Quia inefficax non retrahebat ab efficaci, sed illi perfectissime subdebatur. Sicut etiam appetitus sensitivus mortem simplici affectu refugiens cum voluntate, consideratam ut inimicam naturæ & dolorosam: tamen efficaciter conspirabat cum affectu efficaci voluntatis illam acceptantis: eique non modò magna cum pace subiacebat, verum etià positiuè cooperabatur. Neque propterea Christus habebat affectus verè contrarios: quia nolitio inefficax mortis ut per se mala & disconuenientis naturæ, & volitio efficax mortis ut bonæ & utilis ad gloriam Dei, ad redemptionem hominum, & ad alios fines, non sunt impossibiles in eodem subiecto.

8. Notandum verò aliam esse repugnantiam impossibilitatis respectu eiusdem subiecti: & aliam, resistantiæ: quarum neutram fuisse in Christo inter actus voluntatis diuinæ, & humanæ, & appetitus sensitivi, iam ostendimus. Notandum etiam falli

Quomodo
Christus
mortem
noluerit
ne repug-
nantia cum
voluntate
Dei?

Repugnan-
tia duplex.

Nemo potest idem simul velle & nolle efficaciter, etiam propter diuersa motum.

falli eos qui tantum excusant diuersos Christi affectus à contrarietate, eò quòd non essent circa idem obiectum formale: sed tantum circa idem materiale: putà quia volitio mortis vt necessariz ad redimendum genus humanum, & nolitio eiusdem vt dolorosa & molestia naturæ, erant circa mortem sub diuerso motiuo formali consideratam. Falluntur inquam, quia non sufficit diuersitas formalis obiecti in actibus efficacibus & planè absolutis. Est enim euidenter impossibile, velle efficaciter mori, quia salus hominum hoc postulat: & nolle efficaciter mori, quia natura hoc refugit. Velle efficaciter proicere merces in mare ad vitandum naufragium: & velle efficaciter retinere eas in nauis propter lucrum. Quare hæc distinctio locum non habet nisi in actibus inefficacibus voluntatis: vel inter actum vnum efficacem, & alium inefficacem. Voçantur autem illi actus inefficaces, *conditionati*: non quasi absolute non sint id quòd sunt, & habeant tantum suum esse sub conditione pendentis, quòd est impossibile: sed quia in obiectum suum feruntur cum aliqua limitatione & restrictione, tacita vel expressa: non absolute, quemcumque casum possibilem, aut quamcumque conditionem comprehendendo. Nota denique ita in Christo fuisse duas voluntates efficaces, diuinam nempe & humanam, vt diuina voluntas non alio modo concurreret ad operationes humanæ voluntatis, quam si ei vnica non fuisset in eodem supposito. Efficacitas enim illius non fuit immutata ex vnione: neque Verbum concurrebat per hypostasim, aut per vnionem: sed tantum per voluntatem & potentiam communem Patri & Filio, quæ Deus velut prima causa concurret ad omnes effectus creaturarum. Dicebantur tamen eadem operationes Theandricæ, seu Deiuires, eò quòd essent suppositi Deiuires, seu Theandri, id est, Dei simul & hominis: ex quo moralem dignitatem infinitam trahebant.

SECTIO II.

De actibus voluntatis creatæ Christi Domini.

Omissis facilioribus, Quæritur primò, an Christus secundum partem animæ superiorem potuerit tristiari, cum secundum illam esset perfecte beatus ab instanti conceptionis?

Respondeo affirmatiuè: ac secundum illam timuisse mortem, & doluisse, cum in agonis positus sic orabat, *Pater, si fieri potest, transiit à me calix iste. Verumtamen non sicut ego volo, sed sicut tu.* Quæ verba non de appetitu sensitiuo, sed de ipsa voluntate interpretatur Synodus VI. generalis actione 4. & 11. Indeque probat contra Monothelitas, duas fuisse in Christo voluntates. Verba quoque ipsa id propriè significant, *Non sicut ego volo, sed sicut tu.* Illud etiam Matth. 26. *Tristis est anima mea usque ad mortem*, de tristitia vo-

luntatis exponit Agatho Papa in epist. quæ refertur in eadem VI. Synodo generalis act. 4. & recipitur act. 8. Cum autem hæc tristitia non fuerit tantum de morte vt naturæ incommoda, sed & præcipuè de hominum peccatis tanquam Dei offensis, deque ruina spiritali ludæorum, perdicione ludæ, & aliis malis spiritalibus, vt docent Patres, & Scripturæ interpretes, afferentes causas illius tristitiæ & sudoris sanguinei, agonizque Christi mortem in horto deprecantis: coniequens est dolorem illum fuisse in ipsa parte superiori animæ, ad quam pertinet consideratio offensæ Dei, & damnationis æternæ, aliarumque rationum superiorum.

Ad fundamentum autem difficultatis propositæ respondet Canus lib. 12. de Locis cap. 14. in solutione vltimi argumenti, prope finem capitis, Christum caruisse gaudio beatifico quādo hanc tristitiam patiebatur. Sed hoc dicitur ad vitandam difficultatem, & tanquam falsum aut temerarium reicitur communiter: coherenterque loquendo deberet Canus dicere, non solum gaudio, sed & visione beatifica caruisse, non modò tempore passionis, sed toto fere vitæ decursu, quoties nempe, & quamdiu doluit vehementer de mortis suæ apprehensione. Illam autem semper præsentem habuit, iuxta illud Psalm. 37. v. 18. de Christo mysticè dictum. *Quoniam ego in flagella paratus sum, & dolor meus in conspectu meo semper.* Et Psalm. 87. v. 16. *Pauper sum ego, & in laboribus à iuuentute mea.* Quoties item grauiter doluit de infantis incommodis, vitæque pauperis & ærumnosæ; de lassitudine, fame, siti, vigiliis, aliisque malis & afflictionibus corporis; de ruina Hierusalem, & morte Lazari, pro quibus lachrymatus est. Ratio est, quia naturaliter loquendo gaudium beatificum hæc non compatiebatur, neque visio beatifica. Nam experientia docet, quòd notauit Arist. 7. Ethic. cap. 14. summum gaudium de aliquo obiecto, impedire tristitiam & dolorem de alio obiecto quamuis diuerso. Item quando occurrit obiectum aliquod doloriferum, sed iunctum cognitioni longè maioris boni delectabilis, cognitio illa facit vt obiectum malum, vel non omnino, vel parum ad dolorem & tristitiam mouere possit, quia non est motiuum sufficiens & expeditum, vt esset malum occurrens sine solatio; sed impeditur omnino, aut temperatur admodum à consortio tanti boni simul præsentis & occurrentis cognitioni. V.g. si cui annuncietur quòd in vno loco equum perdiderit, sed alibi centum millia aurèorum lucratus sit, vel sit pinguem Episcopatum assequutus in quo procurado equum perdidit; parum ille admodum, vel nihil dolebit de morte equi. Sic ergo visio beatifica debebat naturaliter impedire dolorem & tristitiam de morte, aliisque incommodis. Ac si, vt existimat Canus, nò modò naturaliter, sed & absolute gaudium beatificum non compatiebatur dolore & tristitia tempore passionis; non poterat eam compati-

Y 6
Quomodo tristitia potuerit esse cum gaudio beatifico?

Aristot.]

Fuit in Christo tristitia.

alio tempore quories intense grauiusque dolēbat Christus. Neque etiam poterat tunc esse visio beatifica, quæ æquæ aut fere æqualiter impedit dolorem & tristitiam, ut iam ostendimus.

Dicendum ergo est cum D. Thom. Vasq. Suar. & aliis eius interpretibus, gaudium summum de Deo clarè viso, & tristitiam de morte aliisque malis, non esse actus absolute impossibiles, & perfectè contrarios: quia sunt de diuersis obiectis. Et quamuis connaturaliter summum illud gaudium excludat omnem alium dolorem; miraculose tamen, & Dei dispensatione factum est, ut anima Christi esset capax tristitiæ de se non malæ & vitiosæ, neque Dei voluntati oppositæ, sed potius conformi & gratæ, atque ad satisfaciendum pro peccatis utilissimæ. Ac licet anima Christi fuerit ab instanti creationis perfectè beata quantum ad præcipuam partem beatitudinis, consistentem in Dei visione & fruitione per intellectum & voluntatem: non fuit tamen omni ex parte perfectè beata, quamdiu fuit capax doloris & tristitiæ. Quia perfecta beatitudo est aggregatio bonorum omnium, & remotio omnium malorum.

Obiectio.

Obicit Delugo disp. 22. n. 26. videri esse repugnantiam non modò naturalem, sed etiam essentialē & absolute insuperabilem, inter huiusmodi actus vitales: ex eo quod vnus actus destruat obiectum motuum alterius, quatenus obiectum vnus facit obiectum alterius esse minus malum. Quare sicut assensus & dissensus, vel amor & odium eiusdem rei, non possunt esse simul, quia vnus actus destruit obiectum alterius: sic neque gaudium & tristitia.

Prima illius solutio.

Respondet idem auctor num. 27. repugnantiam illam potuisse superari: quia materia gaudij non impedit affectum tristitiæ, nisi quando apparet pro priori signo, pro quo proponitur materia tristitiæ. Nam quod pro illo signo non apparet, non potest esse solatium minuens vel temperans motuum tristitiæ. Materia autem gaudij beatifici non apparebat Christo pro priori signo, pro quo proponebatur ei materia tristitiæ de passione sua, & similibus malis: sed pro posteriori. Deo sic dispensante, ut affectus tristitiæ præueniret pro priori, & pro posteriori sequeretur visio & fruitio beatifica. Hanc verò prioritatem affectus tristitiæ respectu visionis, ait fuisse vel per modum obiecti (actus enim ille tristitiæ videbatur à Christo in Verbo: vnde pendebat ipsius visio beatifica ab illo actu & obiecto: verum enim erat dicere, quia Christus habiturus est hunc affectum, ideo visio ad ipsum terminatur: non è contra) vel per modum meriti: quatenus saltem ille actus tristitiæ concurrebat de facto ut meritum partiale ad conseruationem visionis beatæ in Christo. Hæc ille; in cuius doctrina quædam mihi difficultia videntur.

22.

Primo enim, materia gaudij iam præxi-

stent tempore, & præcognita, impedit affectum tristitiæ, quomodocunque hic affectus ad gaudium & materiæ gaudij noticiam comparatur, siue per modum meriti, siue per modum obiecti, ut experientia notum est. Nempe quia tam prius tempore præoccupat & ligat potentiam, quæ præoccupatio non potest deinceps impediri, aut tolli per illum ordinem, seu comparisonem prioris aut posterioris, obiectiue aut meritorie. Christus autem ab instanti conceptionis fuit præoccupatus à visione & gaudio beatifico, quæ nunquam cessarunt. Quomodo ergo deinceps potuit dolere vel tristari? Secundo, Si, ut ait Delugo, materia gaudij non impedit affectum tristitiæ, nisi quando apparet pro priori signo, pro quo proponitur materia tristitiæ: nam quod pro illo signo non apparet, non potest, inquit, esse solatium minuens vel temperans motuum tristitiæ: & per consequens, ne quidem naturaliter loquendo illud minuit aut temperat: ergo prioritas obiectiua doloris respectu visionis beatificæ in Christo, ad hoc sufficiens, iuxta doctrinam illius auctoris, faciet ut visio & gaudium beatificum non impendant affectum tristitiæ in Christo. At hæc prioritas semper est: nam semper obiectum est prius actu obiectiue. Ergo semper, atque etiam nunc Christi voluntas erit naturaliter capax tristitiæ. Tertiò, Esse materiæ gaudij pro illo priori signo, pro quo proponitur materia tristitiæ, est actum tristitiæ pendere & causari à materiæ gaudij, sicut pendet & causatur à materiæ seu obiecto tristitiæ. Illa enim prioritas nihil aliud est: ut in simili ostendimus disp. 3. sect. 1. & 1. p. disputat. 14. sect. 6. Sed est aperte impossibile materiæ gaudij ita se habere: ergo est impossibile in eodem priori esse. Quartò, Dicere quod Christus per affectus tristitiæ meruerit animæ suæ beatitudinem, est contra communem sententiam Theologorum, ut ostendemus sect. 7. Neque hoc etiam dicit auctor citatus: sed tantum, meruisse saltem eius conseruationem nouo titulo. Verum si meruit tantum conseruationem: ergo visio & gaudium beatificum iam præexistebat & præoccupabat potentiam, impediēbatque ne posset tristari, ut supra ostendimus.

Aliiter ergo respondendum existimo, illum actum non destruere simpliciter & absolute obiectum alterius; sed tantum naturaliter illud impedire. Quod impedimentum vi maiore, nempe vi diuina, fuit in Christo superatum. Fuit enim miraculosum, & supernaturale, quod Christus tam ingenti gaudio præoccupatus, quantum nec omnes alij Beati simul sumpti habent, posuerit dolorem concipere de morte & aliis incommodis, à quorum sensu sancti Martyres, per ecstasin, aut consolationes minores beatifica, planè abstrahantur.

Queritur secundo, an voluntas humana Christi fuerit semper impleta? Respondeo negatiue. Fuerunt enim in voluntate Christi

Non satisfaci.

13.

Vera solutio.

14.

Voluntas
humana
Christi nō
fuit semper
impleta:

actus inefficaces & conditionati; ut patet ex Matth. 26. *Pater, si possibile est, transcat à me calix iste: verumtamen non sicut ego volo, sed sicut tu.* Quæ verba ad voluntatem & partem animæ superiorem pertinere iam ostendimus. Nihil tamen Christus voluit absoluta & efficaci voluntate, quod effectum non sit, siue ab ipso solo penderet, siue ab aliis. Etenim cum omnia prudentissimè vellet, non potuit velle efficaciter facere per seipsum, quod facere non poterat: Id enim imprudentiæ est. Neque siue vitio inconstantia poterat desistere ab eo quod prudenter voluerat efficaciter & absolute. Quare fecit quidquid voluit efficaciter facere se solo & independentem ab alio. Quoad ea verò quæ ab alio pendebant, habebat Christus moraliter sibi adiunctam Dei omnipotentiam, paratam ad id omne, quod Christus absolute & efficaciter volebat. Id enim postulat tantæ personæ maiestas, quæ per scientiam beatificam vel infusam directâ, non poterat nisi prudenter, sanctè, & conformiter diuinæ voluntati velle: neque decuit absolutam penitus & efficacem ipsius voluntatem non impleri, quidquid vellet; cum esset voluntas suppositi diuini. Conuenit Suarez. disp. 38. sect. 5. vbi ait, rem esse certam ex Conciliis & Patribus.

Suarez.

15.
Contraria
opinio.

Contrarium tamen sentiunt Caiet. ad art. 4. qu. 13. & Valq. disp. 58. cap. 2. affirmantes Christum non esse assequutum quidquid absolute & efficaciter per humanam voluntatem volebat, quando id pendebat ab aliorum arbitrio. Fundantur in eo quod de Christo dicitur Marc. 7. *Neminem voluit scire, & non potuit latere.* Quibus verbis significatur, voluisse Christum efficaciter, quantum in se erat, latere; & omnia media sibi possibilia adhibuisse: alioquin Euangelista non rectè diceret, *voluit latere, & non potuit*; si poterat alia media efficacia ad latendum adhibere, & non adhibuit. Nam sic potius debuisset dici non latuisse, quia non satis voluit: & non, quia non potuit: siquidem poterat latere, si voluisset adhibere maiora & efficacia media. Quemadmodum medicus non verè diceret, non potuisse se curare ægrotum, quem poterat curare, si voluisset adhibere remedia efficaciora, quæ ad manum habebat. Addunt auctoritatem Agathonis Papæ in epist. recitata in VI. Synodo Generali, actione 4. & recepta actione 8. vbi supponit Christum latere voluisse efficaci voluntate. Nam inde probat Christum id voluisse humana voluntate, non diuina cui nihil potest resistere. Atqui si sermo esset de voluntate inefficaci, inepta esset probatio Summi Pontificis. Certum enim est voluntati etiam diuinæ inefficaci resisti posse, eamque non semper impleri: ergo supponit Pontifex Euangelistam loqui de efficaci voluntate, ut etiam verba præ se ferunt, significant enim Christum plus voluisse, quàm potuerit.

16.
Refutatur.

Respondeo, Christum voluisse latere efficaciter, non omnino, sed secundum quid:

nimirum quantum poterat per media naturalia, & per vires naturaliter subiectas ipsius voluntati humanæ, sine recursum ad miracula, & ad diuinam omnipotentiam; ita ut si non sufficerent omnia media quæ naturaliter poterat adhibere, vellet permittere oppositum, neque recurreret propterea ad inuisibilitatem, aut aliam miraculosam occultationem. Eoque sensu rectè ait Euangelista, *voluit latere*: nempe quantum poterat humanitatis, siue humano modo; occultè intrando domum, & sese occultando quantum humano & communi modo fieri potest: *Nec tamen potuit*, id est, huiusmodi media non fuerunt sufficientia, neque per ea obtinuit ut lateret. Et hoc sensu rectè supposito, ut in verbis Euangelistæ bene fundato, optima est argumentatio Agathonis. Nam illa voluntas quæ non potuit assequi quod volebat, applicando omnia media sibi naturaliter possibilia, & per omnes vires connaturaliter sibi subiectas, non potuit esse voluntas ipsa Dei, de cuius natura est omnipotentia, cuique omnia subiunt connaturali potestate iuris & facti, ad faciendum quidquid vult.

SECTIO III

An voluntas humana Christi fuerit libera?

Questio est de libertate, non prout opponitur seruituti, aut captiuitati: quo sentio homines in Adamo libertatem amisissent, & serui peccati facti sunt, donec per Christum libertatem contrariam sunt adepti. Neque prout opponitur violentiæ & coactioni: quo sensu liberè fiunt, quæcumque sunt spontaneè & non coactè, licet fiant necessariorum ex naturali impetu voluntatis aut appetitus; ut ea quæ fiunt sponte à brutis non coactis: Sed prout opponitur necessitati operandi, & in eo consistit, quod voluntas habeat in sua potestate operari & non operari, vel hoc aut illo modo operari: ac si operatur, operetur quia vult, non autem quia non potest non operari: similiterque si abstinere ab operatione, abstineat quia vult, non autem quia non potest non abstinere. In quo dominio suæ actionis, & potentiæ ad vtrumlibet consistit libertas voluntatis specialiter & propriè dicta, ut patet ex communi consensu Philosophorum cum Aristotele 3. Ethic. Aristot. cap. 5. Theologorum cum D. Thom. 1. p. qu. 8. Thom. 19. art. 10. & in 2. dist. 24. & 25. Sanctorum Patrum, quorum plurima testimonia refert Didacus Ruis de scientia Dei toto libro 3. Ruis: id est, disp. 38. & seq. denique ex definitione Pij V. & Gregorij XIII. in Bullis contra Michaellem Baium, inter cuius propositiones damnatas hæc numeratur 38. *Quod voluntariè sit, liberè sit, quamuis necessariò fiat.* Qua damnatione inuoluuntur Neoterici quidam, qui libertatem constituunt

17.
Status quæ
stionis.

Aristot.

s. Thom.

Ruis:

in sola quadam amplitudine mentis & indifferentia mediorum ad finem, licet ex ea sequatur necessarium operatio voluntatis pro ea hypothefi, qua medium spectat ad ordinem finis: adeo ut in amore beatifico, & quod intolerabilius est, in ipsa Verbi diuini generatione, & Spiritus sancti productione libertatem admittant: neque horreant dicere, Patrem æternum liberè filium generare. Qui error fuit iam pridem damnatus sub anathemate à Concilio Syrmienti, ut ostendimus alibi, tom. 2. disp. 8. sect. 2. num. 23. Itemque illi qui libertatem constituunt in spontaneitate libera à coactione, sed non à necessitate antecedente, qui error, æquè ac præcedens damnatus fuit à Pio V. & Gregorio XIII. in Bullis supra dictis, & recentissimè ab Urbano VIII. eas renouante & confirmante, contra nonnullos qui hoc tempore errorem illum Michaelis Baij, & plures alios, magno Ecclesiæ scandalo, & sedis Apostolicæ contemptu intolerabili, stabilire conati sunt, veritatemque catholicam huic errori contrariam inter errores præcipuos & capitales Pelagij recensere. Quo nihil poterat fingi ineptius. Sed de his plura diximus suo loco, ubi ex professo de libertate disputauimus, & hunc errorem fusiùs refutauimus. Nunc supposita libertatis propriè dictæ definitione, quam tradidimus, Quæritur, an voluntas humana Christi habuerit huiusmodi libertatem positam in indifferentia & potestate agendi & non agendi, ut lubet?

18. Conclusio affirmatiua est de fide, & probatur primò, ex Scripturæ, quæ Christo liberam electionem sæpe tribuit, & sic à Patribus communiter intelligitur: Isaia 7. *Batrum & mel comedet, ut sciat reprobare malum, & eligere bonum.* Et cap. 53. *Oblatus est, quia ipse voluit,* id est, ut exponit Hieron. non necessitate, sed voluntate crucē subiit. Ioan. 10. *Ego pono animam meam, ut iterum sumam eam. Nemo tollit eam à me, sed ego pono eam à meipso, & potestatem habeo ponendi eam, & potestatem habeo iterum sumendi eam.* Hoc mandatum accepi à Patre. Vbi Christus de se ut homine loquitur, sic enim mandatum acceperat à Patre: affirmatque fuisse mortem in sua voluntaria & libera potestate. Videatur Suar. disp. 37. sect. 2. ubi hæc loca fusiùs expendit, & testimoniis Patrum illustrat. Probatur secundo, quia libertas est magna hominis perfectio, remota imperfectione potentiz ad peccandum, sine qua potest consistere, ut in Beatis, & in Deo. Ergo non est cur tanta perfectio Christo negetur, cum neque vnioni hypostaticæ, neque vlli eius officio repugnauerit, imò potius ad obediendum & ad merendum planè necessaria fuerit. Nam voluntas quæ non est libera & domina sui actus, non est capax obedientiæ & præcepti: neque meretur specialem laudem & præmium, cum agit tantum id quod non potest non agere: sicut neque meretur penam & vituperium, si id omittat quod agere non potest. Vnde S. Thom. qu. 6. de Malo,

art. 1. in corp. relatâ quorundam opinionum aientium, voluntatem hominis, quamuis neque cogatur, neque violentiam patiatur, moueri tamen ex necessitate ad aliquid eligendum: Pronunciat hæreticam esse hanc opinionem. Tollit enim, inquit, rationem meriti & demeriti in humanis actibus. Non enim videtur esse meritorium vel demeritorium quod aliquis sit ex necessitate agit, quod vitare non possit. Hucusque S. Thom. Quam ergo certum est fuisse in Christo meritum, tam certum est fuisse libertatem oppositam necessitati.

Obiicitur primò, libertatem hanc non potuisse consistere cum scientia Christi beatifica; per quam in Deo cognoscebat distinctissimè omnes & singulos actus suos tota vita mortali futuros: cognoscebat, inquam, exactissimè descriptos quoad substantiam, & omnes circumstantias loci, temporis, intentionis, durationis, &c. Nam hæc scientia determinauit Christi voluntatē ad huiusmodi actus, & abstulit indifferentiam seu potentiam ad oppositum, cum videret Christum esse impossibile, ut aliud à se fieret, quam quod in Dei præuisione videbat; neque posset velle efficaciter aut conari ad actum, quæ sciebat esse impossibilem: aut velle efficaciter abstinere ab actu, quem sciebat non posse non esse, stante præuisione diuina. Nec patet ratio de præuisione diuina respectu nostri. Cum enim nobis ignota sit, & penitus extrinseca; non afficit nostram voluntatem. Vnde non mirum est si nos non prædeterminet ad actus nostros futuros, quia nobis est prius extrinseca & ignota. At verò Christo intrinseca erat clara cognitio præuisionis diuinæ. Cognitio verò, & iudicium intellectus afficit voluntatem: Ac si est tale ut voluntas non possit illi repugnare, tollit indifferentiam, & determinat voluntatem.

Respondeo cum Suar. disput. 37. sect. 5. præuisionem diuinam ratione prius, & veluti ordine causalitatis præsupposuisse actus Christi futuros eo modo, quo futuri erant: ac proinde liberè futuros, si aliunde erant liberè futuri. Ideo enim Deus eos præuidebat, quia futuri erant; non contra. Vnde licet posita præuisione impossibile sit non esse futuros: Hæc tamen impossibilitas est tantum consequens ad vsum libertatis, & ad liberam futuritionem, quam supponit: neque impedit quin voluntas antecederet sit liberè operatura: quamuis de facto sit operatura id, quod Deus videt: & ex suppositione quod sit operatura, non sit non operatura: nec possit esse simul operatura, & non operatura in sensu composito, coniungendo simul actum & negationem actus. Quare Dei præuisio non magis per se tollit libertatem Christi, quam nostram. Scientia verò Christi, quæ cognoscit talem præuisionem, supponit naturā prius & causalitatem ipsam præuisionem, & multo magis actus liberè futuros, ut tales, qui sunt obiectum præuisionis, eamque ratione, & veluti causalitate præcedunt,

19. Prima obiectio.

Suar.

Quomodo sit liber tas Christi cum præuisione suorum omnium actuum?

Quare Christus cognoscit tantum se liberè operaturum, & ideo, quia liberè operaturus est, cum indifferentia & potestate antecedenti ad oppositum. Quam indifferentiam, eiusque usum & exercitium liberum non tollit Christi cognitio: alioqui tolleretur suum obiectum, & seipsam destrueret: sed potius præsupponit, & sequitur naturâ posterius: ideoque videt se liberè operaturum, quia liberè operabitur. Et quamvis reipsa non sit non operaturus, & ex suppositione quod sit operaturus, quodque prævideatur verè operaturus, impossibile sit ut non sit operaturus, quia non potest simul operari & non operari: Hæc tamen impossibilitas est tantum ex suppositione consequente usum libertatis, ideoque libertatem non destruit, sed supponit. Neque determinat voluntatem ad huiusmodi actus, sed ad illos speculatiue se habet, prævidendo quid voluntas pro sua libertate operatura sit. Speculatiue, inquam, & consequenter; adeo ut causa cur Christus prævideat se ita operaturum, sit, quia operaturus est; & sit in eius libera potestate ponere obiectum prævisionis, vel non ponere, ideoque prævisio ab eius pendeat libertate. Quare suppositio huius scientiæ non est suppositio alicuius prædeterminantis physice voluntatem, sed potius consequentis ad liberam eius determinationem. Estque par ratio quoad hoc illius scientiæ Christi, ac diuinæ; quod licet utraq; supposita, infallibile sit actum esse futurum; hoc non ideo est, quia scientia determinat voluntatem, sed potius quia supponit talem esse futuram voluntatis determinationem.

20.
Solutur
Instancia.

Dices, illam omnem necessitatem esse antecedentem, quæ influit in operationem voluntatis, vel in suspensionem, & abstinentiam ab operatione. Atqui experienciâ notum est, cognitionem, quam habemus, quod conatus noster in oppositum non succederet, retrahere nos ab operando, atque adeo influere in suspensionem ab operatione. Quæ de causa non posset ex natura rei sperare aliquid futurum esse, ille, cui reuelatum esset, illud futurum non esse.

Respondeo, maiorem propositionem non esse veram, loquendo de necessitate simpliciter antecedente, & tollente usum libertatis. Non enim est antecedens simpliciter illa necessitas, quæ oritur ex aliquo præsupponente usum libertatis: cuiusmodi est prævisio nostra, vel aliena, quod simus liberè hoc aut illud facturi. Et quamvis aliqua sit differentia inter nostram prævisionem, & alienam, respectu actuum nostrorum liberè futurorum; quod nostra retrahat aliquantulum à conatu, quem prævidemus fore irritum: non tamen ita retrahit, ut non possimus conari, si velimus: atque etiam debeamus, quando conatus est moraliter necessarius, id est, debitus ex præ-

cepto. Sicque B. Petrus Apostolus, cui reuelatum fuerat, fore ut ter Christum negaret, tenebatur nihilominus non negare, & conari ad oppositum, etiam posito quod non esset immemor reuelationis. Et ille, cui reuelatum esset, fore ut suâ culpâ excideret ab æterna salute, teneretur nihilominus conari in oppositum, & sperare non quidem fore ut saluetur absolute (quod nemo potest credere & sperare sine certa reuelatione) sed fore ut saluetur, si per eum non staret: Quo tantum modo sperant alij, quicunque carent speciali reuelatione de sua perseverantia, vel statu bono finali, ut diximus in tract. de Spe.

Obiicitur secundò, eandem libertatem non posse stare cum Christi impeccabilitate. Nam si Christus fuit liber ad seruanda præcepta; ergo potuit non seruare; ergo potuit peccare; quia non seruare præcepta, est peccare.

Respondeo 1. Hanc difficultatem tantum habere locum circa præcepta: ultra quæ, multa sunt alia obiecta libertatis, quæ possunt absque ullo peccati periculo fieri vel omitti, ut patet in Deo & in Beatis. Quare aliud est esse liberum simpliciter: & aliud, esse liberum circa præcepta. Quia tamen Christus fuit etiam liber aliquo modo circa præcepta, siquidem meruit per suam obedientiam, & per actus qui erant in præceptis.

Respondeo secundò cum Vasq. dispu. 74. cap. 5. & Suar. dispu. 37. sect. 4. in fine, ubi post longam hætationem, & aliorum responsum discussionem, hanc tandem cogitur admittere, Christum fuisse liberum ad seruanda præcepta, non ita, ut simpliciter & omnino posset non seruare, atque à genere vel specie actus præcepta omnino abstinere, vel eius oppositum admittere; sed quia, cum nullus actus in singulari esset illi præceptus, hic potius quam alius, neque eorum frequentia, ut nimirum toties vel toties iterarentur, neque tempus exercendi, neque species aut multitudo omnium motiuorum propter quæ poterant exerceri, neque intensio & duratio, similesque circumstantiæ; nullus fuit actus internus (in quo consistit formaliter ratio meriti, & ratio liberi) qui non fuerit ei liber, etiam quoad totam substantiam suam seu entitatem: quia poterat quilibet distributiue omitti sine peccato. V. g. Cum Christo præceptum esset ut moreretur, liberè scilicet & voluntariè, acceptando & volendo mori; potuit Christus id acceptare centum aut mille actibus, quorum nullus distributiue necessarius erat ad vitandum peccatû. Non primus, quia secundus sufficiebat. Non etiam secundus, quia primus erat sufficiens, & sic de cæteris. Similiterque liber erat ut acceptaret propter plura motiua, quæ non omnia erant præcepta, neque necessaria ad seruandum præceptum. Item pluribus vel paucioribus actibus, intensioribus, diuturnioribus, &c. Poterat etiam mortem differre si voluisset: idque ut minimum significauit verbis illis

21.
Secundæ
obiectionis.

Quomodo
Christus
fuit liber
ad seruanda
præcepta.

Vasquez

Matth. 26. vers. 53. *An putas, inia non possum rogare Patrem meum, & exhibebit mihi modò plusquam duodecim Legiones Angelorum?* Deus enim præcepit Christo simili modo quo nobis, quibus nihil tale determinat. Ineptumque esset sine graui fundamento existimare, Deum minutiosius ac minùs liberaliter cum filio, quam cum seruis egisse.

22. **Tertia obiectio.** Quod autem obicit Suar. sect. 3. modum præcipiendi, quo singula determinantur, perfectiorem esse: & Deum Exod. 25. singula Moyfi præscripsisse, cum diceret, *Inspecte, & fac secundum exemplar, quod tibi in monte monstratum est*: Et Christum ipsum id de te significasse Ioan. 14. cum diceret, *Sicut mandatum dedit mihi Pater, sic facio*: Hoc, inquam, parum vrget. Potius enim de perfectione præcepti est, ut sit humano mori accommodatum, & non nimis minutiosum: cum in moralibus minutiositas magna imperfectio sit, & valde importuna. Nec par est ratio de exemplari, de quo tantum sermo est Exod. 25. quia de ratione exemplaris est, ut breui compendio repræsentet exactè omnia, quæ pertinent ad substantiam & ad ornatum operis: ideoque Deus tale exemplar Moyfi proposuit, cui tamen libertatem reliquit moralem, siue iuris, circa actus obediendi & exequendi id quod imitari iuebatur, qualem supra diximus esse in aliis præceptis. Christus verò Ioan. 14. affirmat tantum se facere id quod Pater præcepit, & nihil omittere eorum quæ præcepit; sed non ait omnes actus quos faciebat, omnesque eorum circumstantias, fuisse ipsi præceptas; nec vllus est Patrum, aut Scripturæ interpretum, qui sic hunc locum intellexerit. De præfinitionibus autem diuinis, ex quibus aliud argumentum sumit Suares, dicemus paulò post.

23. **Aliz infirmitate repelluntur.** Dices, Christum significare Ioan. 10. ipsam mortem fuisse sibi liberam, ita ut posset non mori si voluisset: & tamen mors erat ei præcepta, ut ibidem affirmatur, & confirmatur Philipp. 2. *Factus est obediens usque ad mortem*. Ergo non tantum fuit liber ad actus indiuiduos distributiue sumptos, vel ad circumstantias modo supra explicatas; sed & ad speciem aut genus, siue ad omissionem præcepti simpliciter. Si enim mortuus non fuisset, non impleuisset præceptum moriendi. Antecedens patet ex verbis Christi loco Ioan. cit. *Ego pono animam meam, ut iterum sumam eam. Nemo tollit eam à me, sed ego pono eam à meipso. Et potestatem habeo ponendi eam, & potestatem habeo iterum sumendi eam. Hoc mandatum accepi à Patre meo*. Vnde August. 4. de Trinit. cap. 13. sic infert: *Qui potuit non mori si nollet, procul dubio quia voluit mortuus est*. Et Chrysost. homil. 28. in Epist. ad Hebr. *Erant igitur arbitri illius non venire ad crucem, si voluisset*. Et paulò post: *Si igitur nullam necessitatem habuit ut crucifigetur, crucifixus est propter nos*. Et Cyprianus ser. de Passione, initio, *Voluntariè obedisti Patri, & non te ut patereris cogit necessitas*. Et Hieron.

ron. in illud Isaia 53. *Oblatus est quia ipse voluit*: Non necessitate, inquit, sed voluntate crucem sustinuit. Idemque dicunt Euthymius in caput. 10. Ioan. Theophylactus in cap. 14. Ioan. proptè finem, Anselmus in Opusc. de Meditatione redemptionis cap. 3.

24. **Vasquez.** Respondeo cum Vasq. disp. 74. n. 32. sensum illius loci esse, quòd Christus ita se spontè obtulerit morti, ut nulli humanæ potestati concessum esset ipsum vi comprehendere, & opprimere, vitamque adimere, nisi voluisset.

Respondeo secundo, etiam in Christi potestate fuisse nolle mori simpliciter, atque omnino non mori, quod loca posteriùs citata satis apertè significant. Non quidem posito & vigente præcepto moriendi: sed quatenus hoc præceptum non fuit illi in instanti conceptionis impositum, nisi depèdenter ab ipsius consensu libero, ita ut nisi voluisset, & ad mortem pro hominibus se liberè obtulisset, Pater id minimè præcepisset: iuxta illud Psalm. 39. & Hebr. 10. *Sacrificium & oblationem noluit &c. tunc dixi, ecce venio*. Vel potius quia non erat ei tam absolute præceptum mortis impositum, ut non posset eius dispensationem obtinere, si voluisset, iuxta illud Matth. 26. *An putas, quia non possum rogare Patrem meum, & exhibebit mihi modò plusquam duodecim legiones Angelorum? Quomodo ergo implebuntur Scripturæ? (de morte mea) quia sic oportet fieri: ut impleantur scilicet prædictiones in ea contentæ, quæ tamen mortem Christi præsupponebant, qualis erat futura, neque illi necessitatem antecedentem inferebant*. Christus autem ibi loquitur de se ut homine, & de sua voluntate humana, cuius erat rogare. Nam Deitas non rogat, neque Christus ut Deus. Quare illi, etiam ut homini, mors libera erat.

25. **Occurrunt obiectioni.** Parum verò vrget quod in contrarium opponit Suares, non esse probabile negotium nostræ redemptionis, quod est tam eximie prædestinationis, pependisse à voluntate Christi, & habuisse aliunde determinationem, quam à Dei voluntate. Nam ipsa Christi maiestas & dignitas reddit hoc maximè credibile, quòd nimirum de ipsius morte nihil absolute & efficaciter decretum sit, nisi præuiso ipsius consensu ad mortem tam indignam. Deque tali decreto consequente facile potest intelligi illud Act. 4. *Conueniunt aduersus sanctum puerum tuum Iesum facere, quæ manus tua, & consilium tuum decreuerunt fieri*. Et Luc. 23. *Filius hominis vadit secundum quod definitum est de illo, & similia*. Quæ certe non possunt intelligi de voluntate antecedente ad præuisionem malitiæ Iudæ, & Iudæorum Christum crucifigentium: alioqui Deus antecederet voluisset peccatum.

26. **Aliz de obiectione diluuntur.** Non obest etiam quod Vasques opponit citata disput. 74. num. 21. hinc sequi opera Christi, quibus præceptum obseruauit, non fuisse meritoria secundum se, eo tempore quo fiebant, sed solum voluntatem illam quæ

liberè præceptum postulauit, aut admisit, meritoriam fuisse.

Respondeo enim, meritum non consistere in sola morte physica, sed in ea ut coniuncta cum liberis actibus voluntatis acceptantis & subeuntis mortem. Illi autem actus fuerunt Christo liberi, etiam tum cum præceptum seruabat, ut supra exposuimus. Nullus enim actus distributiue necessarius erat, nec tot motus: nec tanta intensio & duratio, nec tot pati dolores, & tot flagellis, sputis, & cruciatibus vexari: tantum pati in cruce, vel tam breui viuere, & moriendi ac patiendi tempus non vterius differre. Et tamen actus illi erant circa præceptum, ac per illos præceptum verè implebat, ita ut illis positus obligatio præcepti cessaret.

27. Minus est quod obiciunt alii, Christum non liberè acceptasse præcepta naturalia, nec potuisse petere dispensationem ab illis. Nos enim hic loquimur solum de præcepto positiuo moriendi, de quo Scriptura, & Patres citati significant peperdisse simpliciter à Christi voluntate. Neque id asserimus ad hoc solum, ut tueamur libertatem & meritum Christi in subeunda morte, sed ut explicemus Scripturam, & Patres aientes, mortem ipsam physicam Christo fuisse voluntariam & liberam, adeo ut posset non mori si voluisset, & posset velle absolute non mori, aut simpliciter & efficaciter nolle mori.

SECTIO IV.

Maiores explicatio proposita difficultatis de Christi libertate.

28. Præcepta Christo imposita, duplicia sunt.

UT hæc grauissima difficultas melius declaratur, considerandum est primò, Præcepta Christo imposita fuisse duplicia. Quædam naturalia, & quædam purè positiua. Item quædam fuisse affirmatiua, & quædam negatiua: inter quæ est hæc differentia, quod positiua non obligant pro semper, secus autem negatiua: Semper enim ab actu verito abstinendum est. Item positiua non possunt seruari sine aliquo actu libero & vsu voluntatis, quo ponatur actus præceptus. Secus autem negatiua, quæ hoc ipso seruantur, quod non sit actio prohibita, licet de ea non cogitetur. Sed huiusmodi observatio merè negatiua, non est meritoria, cum non sit actio libera & positiua. Poterat tamen Christus abstinere cum aduertentia, sicuti nos plerumque facimus, & cum actu volendi abstinere, aut nolendi facere id quod prohibitum est. Et hæc abstinencia erat illi libera, non simpliciter, quasi posset actum oppositum facere; sed quoad rationem & modum abstinendi, puta, quia abstinerebat propter tale vel tale motuum non necessarium. In actibus verò positiuis circa præcepta positiua, libertas Christi magis elucet, de quibus, ea quæ supra diximus, intelligenda sunt.

Considerandum secundo, Christum fuisse non moraliter tantum, sed & physicè impeccabilem ab intrinseco, ex duplici capite. Primò, ratione vnionis hypostaticæ, quæ quamuis per se non ageret, nec immutaret intrinsece, aut prædeterminaret physicè voluntatem creatam Christi: non poterat tamen absolute compati cum peccato, sed necessario requirebat talem modum prouidentie diuinæ circa Christum, ut Deus omnino impediret ne peccaret, & non esset paratus ad concurrendum cum illo, eo modo qui necessarius erat ut peccaret: sed potius, si opus esset, cum foret physicè prædeterminaturus ad non peccandum. Vnde Christus non erat physicè potens ad peccandum, quia non habebat omnia ad potentiam illam completam prærequisita, inter quæ vnum est concursus Dei præparatus ad peccandum si vellet, qui concursus repugnat Christo ab intrinseco, ut est suppositum diuinum. In quo differt Christus ab iis qui solum in gratia confirmati sunt, ut fuerunt Beata Virgo, & Apostoli post descensum Spiritus sancti: quibus ab intrinseco non repugnat absolute peccare, sed tantum ab extrinseco, ex suppositione decreti diuini de non permettendo ut peccent, vtendo scientiâ mediâ ut eos præueniat eo modo, quo præuidet non esse peccaturos, quamuis ex se peccare possint, quia nihil habent intrinsece repugnans peccato. Secundo, Christus fuit impeccabilis ratione visionis beatificæ, quæ voluntatem necessitat, ac physicè prædeterminat ad Deum amandum super omnia, ita ut non possit non amare: & consequenter ad auerſandum omne peccatum, seu mortale seu veniale, quod cum tali & tanto amore est incompatible. Vnde tum Christus, tum omnes alii Beati, ab intrinseco sunt impeccabiles physicè: quia habent voluntatem ita præueniam, & physicè determinatam per visionem & amorem beatificum, ut non possint quidquam velle facere vel omittere, quod Deo summè super omnia dilecto quacunque ratione displiceat. Hoc tamen non impedit quin Christus & Beati liberi sint ad alia, quæ sine peccato possunt fieri, vel omitti; aut eo modo, quo possunt sine peccato fieri, vel omitti. Quemadmodum Deus ipse, qui per suam essentiam sanctissimus est & beatissimus, atque ex summa intellectus & voluntatis suæ perfectione determinatissimus ad verum & bonum: est tamen liber ad ea omnia quæ sine peccato & indecentia possunt ab ipso fieri, vel omitti.

Considerandum est tertio, multa in aliis respondendi modis esse improbabilia, vel euidenter falsa. Primò enim quod respondent Thomistæ cum S. Thom. quæst. 18. art. 4. ad 3. Christi voluntatem propter impeccabilitatem fuisse determinatam ad bonum, non tamen ad hoc aut illud bonum: non satisfacit, nisi intelligatur, ut potest facile intelligi, iuxta id quod supra diximus de determinatione ad singulos actus, vel ad

29.

Christus fuit physicè impeccabilis ab intrinseco, duplici ex causa.

30.

Reiicitur duplex modus Thomistarum explicandi Christi libertatem.

circumstantias. Alioquin enim Christus fuit impeccabilis & determinatus ad bonum quale illi præcipiebatur. At non tantum ei præcipiebatur bonum in genere, sed singulariter mori pro hominibus, & alia bona in particulari.

30.

Secundò, quod respondent aliqui Thomistæ, necessitatem consequentem & ortam ex aliqua suppositione, non tollere libertatem, dummodo voluntas possit facere vtrumlibet absque tali suppositione: ideoque licet voluntas Christi supposito præcepto non posset facere eius oppositum, libera tamen erat, quia de se poterat illud non facere, si præceptum non fuisset præsuppositum. Hoc, inquam, nullo modo satisfacit. Vel enim intelligit, nullam omnino suppositionem tollere libertatem: & hoc aperte falsum est, alioquin amor beatificus esset liber Beatis, quia possent non amare, non supposita visione beatifica: & nullus actus voluntatis erit necessarius, quia potest fieri liberè mutata suppositione. Vel intelligit indefinire aliquam suppositionem non tollere libertatem: & hoc quidem verum est, sed præsentī difficultati malè applicatum. Duplex enim suppositio esse potest. Vna, quæ præsupponit actum. Et hæc non facit ut actus necessariò processerit à voluntate; quia in illum non influit, neque vllō modo voluntatem antecedenter afficit, sed præsupponit liberum eius vsum.

Quæ necessitas ex suppositione tollit libertatem, & quæ non?

Cuiusmodi est præsuppositio diuinæ præscientiæ circa actus nostros liberè futuros, aut necessitas quòd ego operer, ex suppositione quòd operer. Altera est quæ præcedit vsum ac determinationem voluntatis. Et hæc si est talis, ut eā positā non possit voluntas non operari, prædeterminat voluntatem ad operandum, tollitque indifferentiam, quia tollit potentiam non operandi. V.g. quia voluntas Beati, supposita visione Dei, non potest eum non amare, & visio præit exercitio voluntatis circa Dei amorem: non amat liberè, sed necessariò, quia amat præuenta & prædeterminata physicè à visione ad amorem, qui ex illa necessariò sequitur. Atqui similiter vnio hypostatica, & visio beatifica, quæ Christus redditur impeccabilis, præcedit omnem actum liberum creaturæ voluntatis Christi; & ex suppositione vtriusque non potest non seruare præceptum: ergo hæc suppositio tollit eius indifferentiam & libertatem ad non seruandum præceptum.

31.

Ad explicandā tantam Christi libertatem non sufficit libera præcepti acceptatio.

Alii tertio confugiunt ad vsum libertatis Christi in acceptando præcepto, vel non petenda eius dispensatione. Sed hoc licet locum meritò habere possit in præcepto speciali moriendi, ut suprà diximus, propter auctoritatem Scripturæ & sanctorum Patrum id significantium: secus tamen in aliis præceptis, saltem naturalibus, & penitus indispensabilibus. Tum quia nullum id asserendi est fundamentum. Tum etiam quia non pependit à voluntate libera Christi, neque fuit dispensabile præceptum non inhono-

randi Deum, vel non odiendi, non blasphemandi & similia. Nec potuit Christus recusare velle Deum amare, & colere, rectæque rationis præscriptum seruare. Quomodo ergo circa huiusmodi liber fuit iuxta Doctorum istorum sententiam?

Alii quartò, ut Victoria apud Medinam quæst. 47. art. 2. Velasques in caput secundum epistolæ ad Philipp. vers. 9. num. 8. & Petrus Lorca quæst. 19. de Incarn. disp. 63. dicunt, Christum non habuisse præceptum propriè dictum, sed regulam & directionem, similem regulis quorundam Religiosorum quæ non obligant sub peccato. Sed primò, id dici non potest de præceptis naturalibus non mentiendi, non odiendi Deum vel proximum, seruandi charitatem, iustitiam, religionem, &c. Secundò, in aliis præceptis purè positiuis, ut patiendi mortem, cuius rei præceptum Christus se habere affirmat Ioan. 10. 14. & 15. sine causa sufficienti, & solum ad vitandam difficultatem deseritur sensus Scripturæ proprius: quod non licet. Præsertim quando ex aliis Scripturæ locis colligitur sensum proprium esse retinendum: sicut in præsentī colligi potest ex illis Christi verbis Ioan. 15. vers. 10. *Si præcepta mea seruaueritis, manebitis in dilectione mea, sicut ego Patris mei præcepta seruaui, & maneo in eius dilectione.* Vbi nota, comparisonem illam præceptorum Patris ad Christum, & Christi ad nos: & nomen præcepti in utroque membro propositionis sumendum esse eodem sensu, ne sit ambigua locutio. Quare sicut præcepta Christi ad nos sunt vera præcepta, & moraliter obligant: sic & præcepta Patris ad Christum.

32.

Medina, Velasq. Lorca.

Præcepta Christo data fuerunt vera præcepta.

Alii quintò, ut Suares disp. 37. sect. 3. & 4. dicunt Christum fuisse liberum ad seruanda præcepta, quia licet non posset non seruare: tamen hæc impotentia non oriebatur ex aliquo planè antecedente vsum libertatis, quòd voluntatem physicè prædeterminaret: sed ex vsum scientiæ mediæ, quæ Deus præuidebat quomodo Christus esset operaturus, si tali modo præueniretur; & secundum exigentiam vnionis hypostaticæ Christum ita regebat, ut nunquam peccaret; atque eum semper eo modo præueniebat, quo præuidebat esse liberè operaturum. Et quamuis Deus non posset absolute aliter Christum præuenire; manebat tamen eius voluntas libera ad operandum, quia præueniebatur eo modo, quo præuidebatur liberè, quamuis infallibiliter, bene operatura.

Sed contra: Primò, ipsa vnio hypostatica, quæ nullo modo supponit actus Christi liberos, sed præit etiam tempore omnes post eius conceptionem exercitos, priuat eius voluntatem præparatione concursus diuini necessarij ad peccandum. Ergo priuat illam potentia seu libertate peccandi, quia nunquam voluntas Christi habet, neque habere potest omnia ad peccandum, vel ad proximam peccandi potentiam, prærequisita: libertas verò in eo consistit ut

33.

Non bene explicatur libertas Christi per solū vsum scientiæ mediæ.

potentia positis omnibus prærequisitis ad agendum possit agere, & non agere. Neque par est ratio de eo qui solum est in gratia confirmatus. Nam cum ille operatur, Deus habet concursum præparatum ad utrumlibet, quamvis præsciat esse bene operaturum: Neque talis præparatio repugnat illi ab intrinseco, sicut repugnat Christo. Est enim eius personæ indignum, & impossibile ut peccare possit. Aliis verò id non est ita indignum, & penitus impossibile. Neque illos Deus ita confirmat in gratia, ut non sit paratus ad concurrendum, aut permittendum, si peccare vellent: sed tantum per usum scientiæ mediæ vitat occasiones in quibus vellent peccare.

Deinde Christus, ultra unionem hypostaticam, habet visionem Dei, & amorem beatificum, nullo modo supponentem liberos eius actus: & ex eo necessitatur physicè ad auersionem efficacem omnis peccati; quia impossibile est, ut eadem voluntas amet Deum super omnia, & simul aliquid præferat eius voluntati, eumque offendat propter aliquid aliud. Ergo Christus, vi illius visionis, & amoris beatifici, non est liber, sed planè determinatus intrinsecè & physicè ad non peccandum. Ergo non est liber ad seruandum præceptum simpliciter. Ergo Deus non habet scientiam mediæ, quæ præsciat eum liberè seruaturum, si tali vel tali modo præueniatur; quia nullus modus est possibilis, in quo Christus fruens Dei visione, & amore beatifico, possit peccare, aut ita seruare mandatum, ut possit non seruare simpliciter.

34. Respondet Suar. Amorem beatificum stetit in parte superiori animæ, & miraculosè impeditum fuisse, ne in inferiorem redundaret: ideoque non obsticisse quo minùs voluntas Christi secundum illam partem libera esset: sicut gaudium beatificum sistens in eadem superiori parte animæ, non obsticit quominùs pars inferior tristitiam summam & angorem pateretur. Sed contra: Impossibile est eandem voluntatem, velle idem & nolle secundum eandem rationem, & habere simul duos actus, quorum vnus destruat obiectum alterius. Sicut impossibile est eundem intellectum assentiri simul & dissentire eidem propositioni, & habere iudicia contraria. Quod etiam de voluntate & intellectu posito in duobus locis distàtibz affirmat Suar. tom. 3. in 3. partem, disp. 48. sect. 6. propter realem identitatem eiusdem intellectus & voluntatis, quam impossibile est vitaliter exercere simul actus verè contrarios. Atqui voluntas Christi per amorem beatificum detestatur necessariò peccatum sub omni ratione utilitatis, delectabilitatis, & aliis quibus illicitè expeti potest: ergo impossibile est ut peccatum expetere possit sub vlla ratione. Ergo non habet potentiam & libertatem ad peccandum, & ad non implendum præceptum, eo modo, quo non implere, esset peccatum. Contradictorium enim est,

ut eadem voluntas beata peccatum detestetur secundum quamcunque rationem utilitatis, aut delectabilitatis, &c. & simul velit peccatum propter utilitatem, aut delectabilitatem. Nec par est ratio de gaudio & tristitia. Nam gaudium erat de Deo, ut clarè viso; tristitia verò, de morte, ut naturæ inimica: vnde habebant diuersa obiecta, neque erant actus propriè contrarii.

Idem Suares disp. illa 37. sect. 4. in fine ait, in eo casu quo Deus Christo præcepisset moriendi voluntatem, & alios actus quoad omnes circumstantias, Christum non fore liberum ad illos, posito, quòd nos dicimus, non esse liberum nisi circa actus, qui sine peccato omitti vel aliter fieri possent. Sed nihilominus fore liberum circa actus reflexos, quibus illi placerent tales actus, & quibus vellet eos exercere, quamvis præcepti non essent. Verùm si omnes & singuli Christi actus præcepti essent quoad omnes circumstantias, illæ quoque reflexiones essent præceptæ, ac proinde non liberæ.

Respondet Suares non posse præcipi, quia procedunt in infinitum. Sed, si omnes & singuli Christi actus tota vita mortali, imò & tota æternitate exercendi, fuerunt à Deo antecederè prædefiniti, ut saltem de prioribus affirmat ibidem Suarez: cur non potuerunt præcipi, ita ut Christus nunquam alios exerceat, quàm quos Deus præcepit: sicut nunquam alios exercebit, quàm quos Deus prædefiniuit? De huiusmodi autem prædefinitionibus quid sentiendum sit generatim, diximus 1. par. d. 19. num. 74. & sequentibus. Deinde, quæstio in præsentia est quomodo Christus sit liber circa præcepta: non autem circa ea, quæ non modò præcepta non sunt, sed neque possunt præcipi, ut Suares existimat.

Si omnes actus Christi si fuissent ipsi præcepti, non fuisset liber circa actus reflexos.

SECTIO V.

Soluntur obiectiones contra doctrinam præcedentem.

Obicitur 1. Si sufficit libertas seu indifferentia in circumstantiis, ut actus laudi & merito tribuatur; sufficiet quòd Christus posset eligere hunc numero actum præ alio æquali, & planè simili in individuo, pari in hoc ligno præ alio, dare denarium hunc præ illo, & curare hunc paralyticum præ alio, cæteris paribus. Atqui nemo id solum hominibus laudi & merito tribuit: ergo nec Christo.

Respondeo, Non quamcunque physicam electionem, & indifferentiam seu libertatem, sufficere ad laudem specialem & meritum; sed illam quæ simul moralis est, id est, considerabilis & æstimabilis in genere moris, propter aliquem excessum vnius præ alio; cuiusmodi non sunt quæ afferuntur in obiectione, & aliæ similes: ut quòd hoc tem-

36. Prima obiectio.

Quoniam indifferentia requiritur ad laudem & meritum.

pore aut alio res fiat, aut detur quidpiam citius aut tardius, quando perinde moraliter est, siue tunc, siue aliàs fiat: aut quòd per te ipsum vel per alium facias, aut des, si hoc nihil refert.

37. At, inquires, vel circumstantiæ illæ morales circa quas Christus erat liber, erant illi à Deo præceptæ, vel non. Si primum: vel non fuit liber circa illas, vel fuit liber ad peccandum, & faciendum aut omittendum aliquid oppositum præcepto. Si secundum: Ergo non liberè obediuit, quia obedientia non est nisi circa ea quæ præcepta sunt, non autem circa circumstantias non præceptas.

Quomodo
ratione cir-
cumstan-
tiarum
Christus
liberè obe-
diuerit?

Respondeo, non fuisse præceptas, & tamen Christum liberè obediuisse, quia fuit liber circa præcepti obseruationem per actus omnes voluntatis quibus reipsa obediuit, & substantiam præcepti impleuit: singuli enim actus fuerunt omnes omnino liberi, etiam quoad substantiam suam & essentiam, seu totam entitatem; & non tantum quoad circumstantias durationis, intensiōis, multitudinis, aut quid simile: potuitque Christus à singulis, id est, à quolibet sigillatim abstinere, quamuis non ab omnibus collectiue, omittendo totam substantiam præcepti obiectiue. Quod enim dicimus, Christum fuisse liberum ad circumstantias præcepti, non ad ipsam substantiam quoad præcepta indispensabilia; intelligendum est de obiecto præcepti, hoc sensu, quòd non potuerit non facere omnino, id est, nullo actu & nunquam, id quod ei indispensabiliter iniunctum erat & præceptum à Deo: licet potuerit liberè implere præceptum, id est, potuerit exercere actus liberos circa materiam præceptam, per quos impleverit obligationem præcepti circa eandem materiam, puta circa Deum colendum, amandum, & similia. Hoc enim ipso impletur præceptum, quòd exercentur actus liberi circa eius materiam, quibus traditur executioni, & quibus positus impletur, aut cessat illius obligatio.

38.

Fueritne
Christus
necessita-
tus ad opti-
mum ope-
randi mo-
dum?

Obiicitur 2. Christus ratione suæ summæ sanctitatis erat determinatus & necessitatus ad optimum modum operandi, quo hic & nunc poterat operari, ita ut non posset eligere actum minus perfectum præ alio magis perfecto. Ergo non erat liber ad circumstantias intensiōis, durationis, multitudinis actuum, vel moriuorum, & quasunque alias circumstantias morales; quippe quæ reddunt actum magis æstimabilem, magisque bonum & laudabilem in genere moris. Antecedens probatur, quia omnis imperfectio moralis repugnat summæ sanctitati. Est autem aliqua imperfectio moralis, non intensius, diuturnius, excellentius, ac sapius bene operari, cum possis.

Responsio
quorūdam
impugnat-
ur.

Respondent aliqui recentiores, Christum fuisse quidem antecedenter physicè determinatum & necessitatum ad optimum modum operandi: sed tamen fuisse liberum, quatenus à duobus æqualibus potuit hoc præ illo eligere. Atque ita è duabus circum-

stantiis æqualibus potuit vnam eligere, quamuis ex inæqualibus non posset non amplecti meliorem. Verum, ut supra dixi, non est laudabile in genere moris, & æstimabile, eligere vnum præ alio prorsus æquali. Quare si Christus tantum hoc potuit; non habuit libertatem moralem, id est, sufficientem in genere moris, sed physicam dumtaxat, & insufficientem ad laudem & ad meritum.

Dices, cum qui perplexa conscientia putat utrinque se peccaturum æqualiter, siue agat, siue omitat; peccare nihilominus eligendo vnum è duobus æqualibus. Ergo similiter bene agit moraliter & laudabiliter, qui eligit vnum è duobus æqualibus. Respondet negando antecedens cum Delugo disp. 26. num. 137. & sequentibus, ubi hac de re fusè & eruditè disputat. Talis enim non habet sufficiens iudicium, & vsum libertatis sufficientem ad peccandum. Neque potest illi iure vituperio tribui, quòd cum non posset alterutrum omittere, vnum elegerit præ alio æquali. Dico, æquali: Quia si iudicaret plus esse mali in vno, quàm in alio; peccaret maius malum eligendo. Ut è contrario, bene faceret minus eligendo, in suppositione iam facta, quòd non possit utrumque vitare. Bonum enim est è duobus malis eligere minus, quando non potest utrumque vitari. Vnde etiam licitum & bonum est consulere minus malum ei, qui paratus est facere maius, à quo aliter ipsum impedire non potes: v. g. ut percutiat potius, quàm occidat.

Aliter respondet Delugo disp. citata num. 132. & sequentibus: Christum habuisse impotentiam moralem ad eligendum opus minus perfectum: sed tamen habuisse potentiam physicam. Nomine autem potentie physice intelligit eam potentiam, quæ ratione difficultatis annexæ nunquam reducitur ad actum, sed tamen sufficit ad libertatem simpliciter. Qualis potentia datur ad vitandum omnia venialia collectiue cum auxiliis ordinariis, licet nunquam vitentur propter defectum potentie moralis. Hanc potentiam physicam fuisse in Christo probat, quia alioqui non habuisset libertatem moralem sufficientem ad meritum & laudem in genere moris. Habuisse verò impotentiam moralem non eligendi optimum probat primò ex Ioan. 5. vers. 19. & cap. 6. & 8. ubi dicitur Christus non posse facere quidquam, nisi quæ Patrem viderit facientem: & facere semper voluntatem Patris, quæque sunt illi placita. 2. Quia nemo crederet Christum in aliqua occasione, in qua poterat feruentem actum elicere, eliciisse remissum. Ac si quis hoc credat, poterit sine nouo inconuenienti credere id frequenter accidisse: & per consequens, Christum remissè se gessisse in exercitio virtutum, quod est absurdum: cum etiam de Beata Virgine pie credatur ipsam in omnibus virtutum occasionibus attigisse vltimum gradum perfectionis, quem tunc poterat attingere secun-

392

Instantie
faciunt.

Delugo.

402

Alia re-
sponso.

nam totam fatiendinē habituum & auxilii presentis. Tertiò, deniq; ratio à priori est, quia sanctitas Christi perfectissima, & visio eius beatifica, eum moraliter determinabat ad optimum & magis Deo placent.

41. Sed contra: primò, Potentia solùm physica, cum impotentia morali ad singulos actus, parum differt ab impotentia physica, & parum habet estimabilitatis ad laudem & meritum in genere moris. Parum enim laudabile est qui facit id, ad quod non faciendum tantam habet difficultatem, ut moraliter tam imperare non possit. Dico, ad singulos actus: Quia aliud est, ad collectionem plurimorum actuum, & longi temporis diuturnitatem: cuiusmodi est impotentia moralis vitandi venialia. Quare hæc responsio non parum detrahit Christi laudi & merito. Deinde, si Christus est moraliter necessitatus ad melius: non est ab illo sollicitè petendum, id quod melius est ipsum nobis dare. Hoc enim esset perinde ac petere sollicitè ab aliquo, ut faciat quod illi tam est difficile facere, ut sit moraliter impossibile: ita ut propter summam illam difficultatem nunquam faciat.

42. Respondet Delugo num. 147. Christum posse moraliter eligere vnum è duobus equalibus, & ad vnu præ alio propter orationem inclinari. Verùm fideles non tantum petunt sollicitè à Christo vnum è duobus equalibus, sed etiam quæ meliora sunt, Deoque magis grata: & nos de illis loquimur. Propterea addit Delugo hæc à Christo peti vtiliter, quia per orationem fieri potest ut sit melius, & iam Christum necessitet moraliter, quod antea tale non erat: nempe quia melius est misereri pauperis sic petentis, vel quid simile. Et ad hoc, inquit, potissimum tendit oratio, ut adiungamus aliquod novum meritum, quod obiectum illud proponatur ut melius & amabilius. Sed contra: Nam fideles petunt à Christo non tantum ea, quæ per orationem inæqualia seu meliora sunt: sed etiam ea, quæ antecessenter ad orationem talia sunt. Ut, quod regnum suum amplificet: atque à pluribus & melius cognoscatur & colatur. Deinde si melius est nos sic orare, & tale meritum Christo proponere, Christus est necessitatus ad nos movendos efficaciter ut oremus: si quidem est necessitatus ad melius. Quare non est quod fideles de Christo sic orando sint solliciti.

43. Tertiò ad primum eius argumentum Respondeo, hæc impotentiam moralem non bene deduci ex locis Scripturæ citatis. Nam verba illa Christi Ioan. 7. ver. 19. Non potest Filius à se facere quidquam, nisi quod viderit Patrem facientem: hunc habent sensum, ut rectè exponit Tolerus in eundem locum: Filius quæ Deus, nihil potest facere nisi per eandem potentiam & scientiam, (æquæ ac voluntatem) eum Patre, ab ipso acceptam. Nam particula, nisi, non est ibi sumenda exceptivè, sed aduersativè. Ac si dicas: non potest facere Filius à se quid-

quam, sed quod viderit Patrem facientem. Id est, facit semper quod videt Patrem facientem, per potestatem à Patre acceptam, & non à se. Ibi quoque speciatim sermo est de miraculis, ex occasione cæci nati à Christo illuminati. Adde, Deum non semper facere meliora, neque ad hoc necessitari moraliter, ut dicam paulò post. Alia duo loca minùs urgent. Christus enim faciebat semper voluntatem Patris, & quæ erant ei placita, dummodo Deus veller, & Deo placeret, ipsum operari ut operabatur; quamvis non semper optimum eligeret, vel aliquid aliud quod magis Deo placuisset.

Ad secundum Respondeo, posse tunc credi Christum ac Beatam Virginem non semper toto conatu potentie operatos esse, Quod si pie creditur contrarium: non debet credi ex morali necessitate factum esse, sed ex maiori perfectionis studio, & virtutis amore: propter quod sancti eximii solent intensius, & quàm optimè possunt moraliter, operari. Aliud autem est, interdum & rarò remissius quàm possis operari: & aliud, frequenter & ordinariè. Istud Christum non deperet in virtutum operibus. Aliud verò non dedecet.

Ad tertium Respondeo, sanctitatem Dei, & visionem quæ seipsum comprehendit, esse longè perfectiorem sanctitate & visione beatifica animæ Christi. Neque tamen illa Deum necessitat moraliter ad eligendum optimum, ut fatetur Delugo disput. 2. sect. 1. & disput. 26. sect. 11. num. 145. Ergo sanctitas & visio beatifica animæ Christi non eum moraliter determinat, seu necessitat, ad optimum & magis Deo placens. Respondet auctor citatus differentiam esse, quia actus divini non sunt moraliter meliores pro maiori bonitate obiecti: sed quicumque actus moralis Dei habet infinitam perfectionem moralem, propter identitatem cum infinita honestate divina. Ideoque Deus eligit obiectum minùs perfectum, non habet imperfectionem moralem, quia non caret aliqua maiori perfectione, quam posset habere eligendo obiectum perfectius. Secus verò humanitas Christi, cuius actus accipiunt inæqualem perfectionem moralem ex obiecti inæqualitate. Quam differentiam quodam priorem eius partem fusus exponit Delugo disput. 2. num. 63. & sequentibus. Vbi docet, Deum non minùs perfecte moraliter operari quando minùs eligit: quia, inquit, omnes Dei volitiones, & cognitiones, ac denique omnes perfectiones tam necessariae, quàm contingentes & libere, sunt æqualis perfectionis, eò quod virtualiter qualibet continet omnes alias: quatenus quia divina est, est necessario identificabilis cum illis. Sed hæc opinio fuit à nobis sufficenter refutata disput. 2. sect. 3. Addimus tantum in presenti, quod si omnes

actus Dei liberi essent æquales, Deus non esset laudabilis, eò quòd hunc potius quàm illū exerceret aut quòd ageret potius, quàm non ageret. Pura enim omisso libera, si dari potest in Deo, debet iuxta hanc sententiam esse æqualis perfectionis moraliter actioni oppositæ: alioqui Deus agens, putà creans mundum, aut incarnans Verbum, esset perfectior moraliter, quàm non agens, quod Delugo ibidem negat. Probo antecedens: quia non est specialiter laudabile facere vnum præ alio prorsus æquali. Illa enim electio non est considerabilis in genere moris, vt supra ostendimus.

47. Respondet Delugo num. 149. Licet Deus non sit indifferens ad actus inæquales: est tamen indifferens ad obiecta inæqualia. Et ideo eligendo obiectum melius, operatur laudabiliter. Sed contra: primò, Non laudatur specialiter in genere moris obiectum, sed actus bonus & moralis, ratione suæ formalis bonitatis. Ergo si illa non crecit ex obiecto respectu Dei, vt ait auctor citatus; actus non est magis laudabilis: & electio vnius actus præ alio non est laude digna. Secundò, si excessus obiecti melioris imputatur Deo ad laudem, non obstante æquali perfectione actus: defectus obiecti minus boni, cum à Deo eligitur, debet illi imputari ad defectum perfectionis moralis. Si enim est magis laudabile eligere obiectum magis bonum, est minus laudabile eligere obiectum minus bonum.

Vera solutio:

His ergo reiectis concludendum est, non esse verum antecedens obiectionis supra propositæ: Christum scilicet fuisse antecedenter necessitatum, & prædeterminatum, siue physicè, siue moraliter, ad optimum modum operandi. Ad cuius probationem Respondeo, imperfectionem positivam aut priuativam repugnare quidem perfectissimæ sanctitati morali: at non negatiuam tantum, id est, negationem alicuius perfectionis formaliter sumptæ, putà alicuius operationis perfectioris, quàm posses habere, sed non debes, neque teneris habere: ideoque potes illā carere sine morali imperfectione. Quod præcipue locum habet in Christo, & in Deo qui continet eminenter perfectissimè in natura diuina quicquid est perfectionis in actibus quibuscumque liberis quos exercere possit.

48. Tertia obiectione.

Obiicitur tertio, Si fuit in Christo omnimoda necessitas quoad substantiam præcepti, & solum indifferentia quoad circumstantias: non erit tribuendum Christo ad laudem & meritum, quòd mortuus fuerit simpliciter & absolute, nec pro eo gratiarum illi agendæ, neque dicendum quòd redemerit homines quia mortuus, sed quia velle libentiùs, vel ex tali motu mortuus fuerit, vel cum alia simili circumstantia, quam non urgebat necessitas omnimoda, cum

impotentia ad oppositum. Consequens autem est contra Scripturam, Philipp. 2. vers. 8. Isaia 53. vers. 10. & alibi scriptum.

Respondeo, hoc argumentum non habere vim contra nos, qui fatemur non modò circumstantias, sed & substantiam mortis Christi liberam fuisse: quatenus potuit obtinere à Deo dispensationem præcepti, si voluisset. Quam sententiam diu ante amplexus eram, quàm in manus meas veniret tractatus de Incarnatione non ita pridem in lucem editus ab erudito quodam recentiore qui eandem docet, fusiùsque exponit disp. 36. num. 102. Sed non probo, quòd ad saluandam integram libertatem circa substantiam mortis, recurrit ad diuersa instantia temporis, quasi necessaria. Quia non putat eodem instanti potuisse esse præceptum mortis, & negationem acceptationis. Censeo enim, eodem instanti quo præceptum fuit Christo impositum & intimatum, potuisse ipsum petere dispensationem, seu potius virtutem eius ligare, quæ erat tacite vel expresse conditionata, non obligandi scilicet, si Christus peteret dispensationem, aut non acceptaret: cuius petitionis aut dissensus vis fuisset fortior, quàm præcepti, secundum Dei ordinationem, & modum præcipiendi. Quemadmodum enim in nobis, vel in Angelis, potest eodem instanti temporis esse vocatio diuina, & liber consensus vel dissensus: sic eodem instanti potuit esse intimatio præcepti diuini conditionati, & dissensus Christi, vel petitio & impedimentum ne absolutum esset.

Similiter non probo quòd ait num. 117. Christum eo instanti, quo voluit mori, habuisse quidem obligationem moriendi, sed non necessitatem: quia necessitas est ita se habere in actu primo, vt non possit oppositum. Christus autem tunc quando voluit mori, ita se habebat in actu primo, vt posset non velle mori tunc, nec postea: Quia poterat non velle tunc: & postea poterat petere dispensationem infallibiliter obtinendam. Ergo tunc nullam habebat necessitatem moriendi. Obligatio enim moriendi, eò quòd non esset obligatio ad illud instans, non afferebat secum necessitatem moriendi. Sed contra: primò, Necessariò coincidunt obligatio & necessitas, non modò moralis, sed etiam physica, in eo qui absolute non potest agere contra obligationem. Illum enim obligatio necessitat, quia tollit illi potestatem physicam ad oppositum. Et tantum ac tandiu se extendit necessitas, quantum & quandiu obligatio: ita vt vnà possit vel sublatà, alia quoque ponatur vel tollatur. Secundò, ad minorem Respondeo, Sicut Christus tunc quando voluit mori, ita se habebat in actu primo, vt posset non velle mori tunc, nec postea; petendo & obtinendo dispensationem: sic

49. Quomodo mors fuit Christo liberata?

10. Refutatio aliorum placita.

hic etiam ita se habebat in actu primo, ut non esset obligatus pro tunc, neque postea, petendo & obtinendo dispensationem. Et vice versa, sicut erat obligatio moriendi postea, non petita neque obtenta dispensatione: erat etiam necessitas moriendi: quia erat necessitas obediendi praecepto obliganti & vigenti, id est, necessitas non peccandi.

§ 1. Multo minus placet quod aliqui recentiores respondent, mortem quoad substantiam fuisse Christo liberam: quia fuit illi libera secundum diuinitatem. Nam Christus, ut Deus, non habebat praeceptum cuius est incapax: & absolute poterat impedire ne moreretur. Atque hoc aiunt sufficere, ut mors illa, etiam quoad substantiam, fuerit laudabilis in genere moris, atque meritoria. Sed falluntur. Quia Christus ut Deus, seu per diuinam voluntatem, non merebatur. Neque coniunctio voluntatis diuinæ in eodem supposito cum voluntate humana, sufficit ut istius actus necessarii, sint liberi & meritorii atque laudabiles in genere moris: non magis quam in eo casu, quo Verbum bruto uniretur, aut naturæ inanimatae, eius actus essent propterea liberi & meritorii. Nimirum quia aliud est, esse quidpiam liberè à Deo; & esse liberè ab humana voluntate, de qua in presenti questione sermo est, non de diuina. Nullus autem actus est illi liber, nisi is qui sic ab illa procedit, ut ipsa antecedenter sit indifferens, & vi sua se determinet: adeo ut positus omnibus ad agendum praequisitis, possit ipsa agere & non agere pro libito.

§ 2. Non satisfacit etiam obiectioni supra propositæ quod aliqui respondent, sufficere libertatem quoad circumstantias ut mors dici possit simpliciter libera & laudabilis quoad substantiam. Quia Martyres, inquit, dicuntur simpliciter liberè mori, eò quod mortem sponte à persecutoribus admittunt hic & nunc: quamvis alio tempore, & forte proximè imminenti (ut si quis in ægitudine mortali pro fide occidatur) mori necessariò debuissent. Respondeo enim, propriè loquendo, mortem non fuisse liberam Martyribus quoad substantiam, sed quoad occisionem quam poterant vitare, negando fidem si voluissent. Poterant etiam velle mori pro fide, quamvis aliqui immortales futuri fuissent, & nunquam morte naturali defungendi: exercendo scilicet huiusmodi actum voluntatis; Vellem mori nunc pro fide, quamvis in mea potestate esset nunquam mori. Sed neque hoc sufficit ut mors quoad substantiam dicatur fuisse illis simpliciter & absolute libera. Christo autem non solum mors, sed etiam mors crucis, id est, occisio & passio fuit necessaria ex praecepto, iuxta illud Philipp. 2. *Factus obediens usque ad mortem, mortem autem crucis.* Et Ioan. 18. vers. 11. *Calicem quem dedit*

mihi Pater, non vis ut bibam illum? Quod Chrysostomus & alii communiter interpretantur de calice passionis Christo dato, sub praecepto.

Instabis, quia nostra responsio data obiectioni propositæ num. 48, non potest locum habere in praeceptis naturalibus indispensabilibus. Ergo Christus circa illa non fuit liber quoad substantiam praecepti. Respondeo ita esse; idque nos in antea affirmasse num. 27. ubi tacitè hanc obiectionem præoccupauimus. Neque contrarium asseritur in Scriptura, vel à Sanctis Patribus, ut de morte asseritur, de qua etiam maior fuit ratio, cum fuerit causa præcipua redemptionis, & opus Christo difficillimum. Circa illa verò praecepta naturalia sufficiebat Christum esse liberum quoad circumstantias multitudinis actuum, durationis, intensionis, motuorum, & similes.

SECTIO VI.

De merito Christi: ac primum per quos actus, & quando, & quamain meruerit?

Christum reipsa meruisse apud Deum citra controuersiam est. Scriptura enim sapius id affirmat, Isaia 53. *Pro eo quod laborauit anima eius*, &c. Rom. 5. *Sicut enim per inobedientiam unius hominis peccatores constituti sunt multi: ita & per unius obeditionem iusti constituentur multi.* Philipp. 2. *Factus obediens usque ad mortem, mortem autem Crucis: propter quod & Deus exaltauit illum*, &c. Hebr. 5. *Consummatus, per passionem & mortem, factus est omnibus filiis obtemperantibus causa salutis aeternae.* Propter quæ & similia Scripturæ loca, Trident. sess. 6. cap. 7. meritò definit, Christum esse causam meritoriam nostræ iustificationis.

Et verò condiciones omnes, quæ ad merendum apud Deum requiruntur, Christo certissimè conueniunt. Sūt autem illæ septem omnino, iuxta eorum sententiam qui plures exigunt ad meritum de condigno, id est, meritum perfectum & propriè dictum. Quarum conditionum quatuor requiruntur ex parte operis: duæ ex parte personæ operantis: una ex parte Dei apud quem meretur. Ex parte operis requiritur ut sit liberum, id est, non necessariò factum: bonum moraliter: factum ex charitate erga Deum: & condignum, id est, æqualis valoris cum mercede. Ex parte personæ operantis requiritur ut operans sit viator, & Deo gratus. Ex parte Dei denique requiritur promissio mercedis, sine qua Deus non obligaretur ex iustitia ad mercedem retribuendam, ac proinde non esset meritum ex iustitia. Opera enim de se non inducunt talem obligationem apud Deum supremum omnium Domineum, qui nihil cuiquam debet nisi se ipse liberè

debitorem constituerit. Ut patet ex eo quod opera libera charitatis quæ nunc fiunt à Christo & à Beatis, vel ab animabus quæ expiantur in Purgatorio, non sunt minus bona, neque minoris valoris, quantum est ex se, quàm ea quæ ab iisdem fiebant in hac vita mortali: Et tamen non sunt merita de condigno, obligantia Deum ex iustitia: defectu nimirum promissionis, quæ si accederet, obligarent sine dubio. Condicio enim Viatoris, quæ adhuc illis deest, ideo solum requiritur, quia promissio non est facta nisi viatoribus, & pro statu viæ, seu vitæ huius mortalis, quæ est via & tendentia ad beatitudinem. Quin etiam inter homines, ille qui laborat pro alio, non meretur ex iustitia nisi pactum expressum vel tacitum intercedat. Imò si opus aliquod alteri factum, non affert illi commoditatem ullam & utilitatem considerabilem; quam ipse vellet & deberet prudenter aliquà impensa sibi comparare, non est illi beneficium, sed superuacaneum: neque illum obligat per se, ne quidem ex honestate. Talia verò sunt nostra, & creaturarum omnium, etiam Christi ipsius, opera Deo facta; qui nullo indiget. Ac proinde si propter illa nihil retribueret, non faceret contra honestatem. Adde, quod Deus posset illa omnia exigere titulo gratitudinis: satisque esset quod ea acceptaret, & sibi grata esse ostenderet. Secus est inter homines, qui multorum egeni sunt, alique aliis indigent: & non tantum sibi mutud debent, quantum Deo: nec tantæ sunt dignitatis & maiestatis, quantæ est Deus. Vnde debent ex honestate recognoscere beneficia sibi ab aliis collata: quamvis pactum iustitiæ non intercesserit.

§ 6.
Illæ omnes
repetuntur
in operibus
Christi.

Iam verò nullam ex his conditionibus deesse plurimis Christi operibus manifestum est. Fuerunt enim plurima eius opera libera, & bona moraliter, ex præstantissimo affectu charitatis, & valoris infiniti propter unionem hypostaticam: Christus etiam fuit viator, & tendens ad gloriam corporis, perfectamque beatitudinem consequendam post mortem: quamvis non fuerit purus viator, sed ex parte comprehensor, & beatus Dei visione ac fruitione excellentissima. Fuit etiam Deo gratus, tum per gratiam habitualement sanctificantem, tum & multò magis per unionem hypostaticam. Dei verò promissio habetur Isaïæ 53. *Si posuerit pro peccato animam suam, &c.*

Hoc præsupposito, tria sunt de quibus est inter Theologos controversia. 1. Per quos actus meruerit? 2. Quando, & quandiu? 3. Quid, & quibus?

§ 7.
Christus
non meruit
per amorē
beatificum,
sed per a-
lium iose-
riorem.

Circa primum, Dico primò Christum non meruisse per amorē beatificum, sed per alium inferiorem & liberum, & per aliarum virtutum opera, saltem ex amorē Dei liberè facta. Prima pars probatur, quia amor beatificus non est liber. Ergo deest illi prima

conditio requisita ad meritum.

Secunda pars est contra Vasquez^o disp. 74. cap. 3. Alentem, Bonaventuram, Scotum, & alios affirmantes Christum non habuisse vllum actum amoris Dei liberum, neque per illum meruisse. Sed falluntur omnino, quia præter amorē beatificum, necessarium & inuariabile, Christus liberè exercuit multos alios actus amoris erga Deum, circa obiecta non necessaria, & cum beatitudine non necessariò connexa: quemadmodum Deus ultra amorē, quo se amat essentialiter, habet amorē sui liberum circa infinita: ut circa sui communicationem & gloriam suam in mundi creatione, in peccatorum conuersione, in patrandis miraculis, in omnibus denique suis operibus, tam naturalibus, quàm supernaturalibus, quæ omnia propter semetipsum operatur, ut dicitur Prouerb. 16. Quemadmodum etiam Beati, licet Deum necessariò ament, prout est obiectum ad essentialē beatitudinem pertinet: nō tamen amant necessariò omni actu, aut omni modo & ratione obiectiua possibili charitati, sed liberè volunt Deum hunc aut illū iuuare suis precibus, impetrare alicui sanitatem aut conuersionem, gaudere propter Deum de peccatoris alicuius salute, & similia opera charitatis non necessaria ad statum Beatitudinis. Sic ergo Christus, quamuis perpetuò ac necessariò versaretur in amore beatifico: liber tamen erat ad Deum multis aliis modis amandū in procuranda hominum salute, in amplificanda eius gloria apud homines, & similibus obiectis cum amore beatifico non necessariò connexis. Nec quidquam Vasques opponit in contrarium quod sit magni momenti.

Potuit autem hic amor liber oriri ex cognitione inferiori visione beatifica: ita ut sicut multiplex fuit Dei cognitio in Christo: multiplex quoque fuerit amor proportionatus illis cognitionibus. Potuit etiam oriri ex ipsa visione beatifica, quæ non determinat ad amandum necessariò quidquid representat. Ut neque Dei ipsius actus, quo se ipsum cognoscit, determinat ipsum ad amandum necessariò propter se, quidquid in se cognoscit, & ad illud volendum efficaciter. Quanquam, quia visio beatifica non pertinebat ad Christum ut viatorem, existimo Christum esse potius vsum ad merita, quæ ab illo ut viatore exercebantur, alia inferiori cognitione viatoris propria.

Ultra hos actus liberos charitatis erga Deum, habuit Christus actus charitatis erga proximum, religionis, obedientiæ, iustitiæ, fortitudinis, aliarumque virtutū infusarum, & naturalium. Quos fuisse quoque meritorios, saltem quando exercebantur ex affectu vel imperio charitatis supernaturalis erga Deum, dubitari non debet. Si enim omnes huiusmodi actus sunt in iustis meritorii, ut suppono ex disp. de Merito: multò magis in Christo, de quo etiam dubitari nequit perfectissimè ex affectu charitatis eximia erga Deum, operatum esse frequentissimè

§ 9.
Meruit
etiam per
alios actus.

huiusmodi virtutum opera. Ex quo affectu etiam morti fortiter se obtulit, & praeceptum moriendi implevit, iuxta illud Ioan. 14. *verū, vltimo. Ut cognoscat mundus quia diligo Patrem, & sicut mandatum dedit mihi Pater, sic facio.* Sed quamvis non fuissent elicit ex imperio charitatis; habebant ratione vnionis hypostaticae sufficientem dignitatem moralem ad merendum condignē. In quo differunt à similibus actibus iustorum: qui actus quoniam longē distant à perfectione charitatis seu gratiae, quae est merces; neque aliunde dignificantur tantopere: censentur à non paucis, quos in disput. de Merito securi sumus, non esse meritorii de condigno, nisi fiant ex imperio charitatis erga Deum: accedente verò charitatis imperio, habere huiusmodi actus iustorum, etiam eos qui sunt purē naturales quoad substantiam, sufficientem supernaturalitatem, & proportionem cum prämio supernaturali, quatenus constituunt vnum moraliter cum actu charitatis supernaturali à quo imperantur. Probabilius tamen mihi videtur debuisse ipsa quoque opera Christi, vt apud Deum mererentur, referri aliquo modo ad Deum, & fieri in eius gratiam vel obsequium, atque exerceri vt aliquo modo ad Deum pertinentia: siue id fieret singulis actibus: siue per aliquem superiorem & generalem, quo omnes alii Deo offerrentur, & ad ipsum referrentur, vt in ipsius bonum aliquo modo exercendi.

60. Singula Christi merita fuerunt per se infinita valoris.

Dico secundò, Singula Christi operamertoria fuisse per se infiniti valoris: non fuisse tamen perfectè & efficaciter meritoria redemptionis nostrae, & exaltationis ipsius Christi, nisi quatenus fuerunt per mortem consummata: non defectu valoris de se sufficientis; sed quia promissio diuina, à qua pendet ius & efficacia meriti, fuerat de prämio non aliter ipsi retribuendo, quàm vt consummanti per mortem voluntariam cetera sua merita. Prima pars patet, ex eo quòd dignitas personae operantis, siue vnionis hypostaticae, conferebat infinitum valorem moralem singulis eius operibus meritoriis & satisfactoriis. Secunda probatur ex Scriptura Isaia 53. *si posuerit in morte animam suam, videbit semen longevum, &c.* Ioan. 12. *Nisi granum frumenti cadens in terram mortuum fuerit, ipsum solum manet. Sin autem mortuum fuerit, multum fructum affert.* Luc. 24. *Nonne haec oportuit Christum pati, & ita intrare in gloriam suam?* Philipp. 2. *Factus est obediens usque ad mortem, mortem autem Crucis, propter quod & Deus exaltauit illum, &c.* Hebr. 9. *vers. 22. Sine sanguinis effusione non fit remissio. Et vers. 15. Ideo noui Testamenti mediator est, ut morte intercedente, repromissionem accipiant, qui vocati sunt, aeternae hereditatis.* Quibus & similibus locis significatur, Christum non consummasse meritum nostrae redemptionis, & glorificationis corporis,

& nominis sui, nisi per mortem. Quam ob causam morti proximus dixit, *Consummatum est: & inclinato capite tradidit spiritum.* Ioan. 19.

Non tamen omnia Christi merita penderunt à morte consummante, quoad omnia prämia ipsis proposita, vt Vatiq. & alii multi existimant. Nam merita, quibus Angeli, & primi parentes ante peccatum, fuerunt sanctificati, non penderunt à morte, quae pro illo instanti rationis non fuerat prauisita, neque decreta. Mors enim Christi, æquē ac aliorum hominum, non fuit decreta, nisi post prauisum peccatum primi parentis, ad satisfaciendum pro illo. Idemque dico de aliis Christi pœnis & satisfactionibus, vt talibus. Præuisio autem peccati fuit ratione posterior sanctificatione primorum parentum, quam in sua creatione adepti erant, & à qua per peccatum exciderunt inuidia Diaboli, qui similiter prius quàm peccaret, sanctificatus fuerat, & ad gloriam vocatus, independentē à prauisione peccati primi parentis, & proinde independentē à morte Christi. Quare gratia data primis parentibus & Angelis, non fuit ex prauisione meriti fundati in morte Christi, sed fundati absolute in charitate, & aliis bonis Christi operibus à morte independentibus.

61. Non omnia operantur defuncti à morte consummante.

Nec obest illud Isaia 53. *si posuerit in morte animam suam, &c.* Vbi videtur generaliter loqui de omni fructu & prämio meritorum Christi: vel illud Ioan. 12. *Nisi granum frumenti cadens in terram mortuum fuerit, ipsum solum manet: quasi Christus neminem fuerit iustificaturus, & adoptaturus in fratres, nisi mortem subiisset: adeoque neque Angelos, neque primos parentes in statu innocentiae.* Respondeo enim Isaia loqui specialiter de redemptione peccatorum, vt patet ex contextu. At enim paulò superius vers. 5. *Ipsa autem vulneratus est propter iniquitates nostras, attritus est propter scelera nostra.* Et Deinceps vsque ad locum citatum de peccatoribus loqui pergit. Ioan. verò 12. Christus tantum intendit significare vim & necessitatem mortis suae ad peccatores viuificandos: & se alioqui fuisse manurum sine fructu redemptionis, ac sine multitudine redemptorum, qui per ipsius mortem de terra & sepulchro peccati emerierunt. Quemadmodum granum frumenti, nisi moriatur, manet solum, id est, sine multitudine granorum, ex ipso veluti mortuo, & in spicam renascente prodeuntium.

62. Occurritur obiectioni.

Dico tertio, Christum meruisse ipso primo instanti suae conceptionis, & continuo deinceps vsque ad instantem mortis exclusiue. Prima pars est communis Theologorum cum D. Thom. quæst. 34. art. tertio, & Magistro in tertio dist. 18. contra Durandum ibidem quæstione secunda,

63. Christus meruit à primo instanti conceptionis vsque ad mortem.

Bb 2

& Bonauenturam art. 1. quæst. 1. quorum prior probabile censet, Christum nec primo instanti conceptionis, nec totâ infantia meruisse, quia, ut ipse putat, carebat vltimo rationis, propter indilpositionem organorum. Posterior censet probabilius meruisse tantum immediatè post primum instans conceptionis: quia operatio debet sequi esse substantiæ: idcòque necesse fuit animâ Christi prius esse quam agere: præsertim eo actionis genere, quod spectat ad vsum virtutis deliberatiuæ, cuiusmodi est actus meritorius. Nimirum quia, ut quidam alii addunt, libertas respicit tempus futurum, & non potest exerceri primo instanti quo res est, ita ut actus secundus sit simul cum potentia libera: alioqui potentia esset determinata simul & indeterminata. Sed hi omnes perspicuè falluntur. Cum enim Christus ab instanti conceptionis Deû viderit, & amauerit perfectissimè, habuit sine dubio vsum rationis. Huiusmodi etiam ab eodem instanti scientiam per se infusam, eiusque vsum qui non pendeat ab vso organorum & phantasmatum. Cognouit autem per vtramque scientiam illo instanti Deû ut authorem sui esse, Deique voluntatem circa hominum redemptionem, & alia à se præstanda, itemque homines & Angelos esse sibi ut capiti subiectos. Quidni ergo notuit Deo tunc gratias agere, ei; ad hominû salutem se offerre? Quod reipia fecisse significat Apostolus Hebr. 10. cum de Christo sic ait, *Ideo ingrediens mundum dicit: Hostiam & oblationem nolui, corpus autem operasisti michi. Holocaustumata pro peccato non tibi placuerunt: tunc dixi, Ecce Venio: ut faciam Deus voluntatem tuam.*

64. Causa libera potest operari cum primò est.

Confirmatur, Quia quo instanti habet voluntas omnia ad liberè operandû requisita, potest liberè operari, cum sola prioritate nature vel rationis inter potentiam & actum: qualis est in actibus Dei liberis, qui sunt æterni, & quæ ac ipsa voluntas. Ergo si Christus habuit eo instanti omnia necessaria ad liberè operandum & merendum, debet censeri meruisse: quia id perfectius est, & non est dubitandum quin Christus perfectissimè se gesserit. Confirmatur 2. Quia causa libera non minus est potens ad agendum, positis omnibus requisitis ad agendû, quàm causa necessaria. Atqui causa necessaria potest agere, & agit reipsa primo instanti quo est, si tunc habet omnia prærequisita, ita ut sit tantum natura prioritas inter causam & effectum, quæ nihil est aliud quàm dependentia vnius ab alio: v.g. inter solem & lumen: Ergo causa libera potest agere, & agit reipsa si vult, primo instanti quo est, si tunc habet omnia ad agendum prærequisita. Confirmatur 3. Quia iuxta communem sententiam Theol. Angeli & primi parentes primo instanti sue creationis fuerunt à Deo sanctificati, mediante libero vso & conuersione voluntatis suæ in Deû. Estque valde conueniens, ut vnusquisque cum primò potest, & aduertit, conuertat se ad Deum, velut ad finem suum vltimum. Imò D. Thom. id sub peccato mortali necessarium

esse putat, adeo ut infantes mortaliter peccent nisi in primo rationis diluculo actum conuersionis & amoris erga Deum, ut finem suum vltimum, exerceant. Quod licet communiter non admittatur, negari tamen nequit, quin decentissimum sit ad Deum se conuerrere, cum primò de eo cogitatur. At Christus primo illo instanti de Deo cogitauit: ergo, &c. Ad rationem verò Aletis & Bonauent. Respondeo, voluntatem non esse simul determinatam & indeterminatam: sed esse determinatam vi sua, ex potestate de se indifferenti; id est, quæ loco huius actus potest ponere oppositum, vel ab eo abstinere: ut patet in Dei voluntate respectu actuum eius liberorum.

Secunda pars conclusionis intelligenda est, non quòd Christus eundem semper actum meritorium continuauerit, id enim neque constat, neque necessarium fuit: sed quòd aliquem semper, modò hunc, modò illum, totâ vitâ habuerit. Cum enim visio beatifica, & vltus scientiæ per se infusa, neque illum fatigaret, neque penderet à phantasmate: non interrompebatur per somnum, neque per alias necessitates corporis, sed per vtramque Christus versabatur semper in cognitione Dei, & occasionum merendi. Ergo secundum voluntatem erat quoque semper in aliquo affectu meritorio. Id enim multò perfectius est, & de Christo iure præsumitur: quippe qui vitam egit excellentissimam virtutis exercitio.

Tertia pars conclusionis, quòd Christus meruerit vsque ad instans mortis exclusiue, & non amplius, probatur: quia tempus merendi à Deo constitutum, est tempus huius vitæ mortalis, ut patet ex pluribus Scripturæ locis relatis alibi in disput. de Merito. Quod de se quoque affirmat Christus Ioan. 9. cum sic ait: *Me oportet operari opera eius qui misit me, donec dies est. Venit nox quando nemopotest operari.* Vbi secundum communem interpretationem, nomine diei & noctis, vitam & mortem intelligit: & per opera, intelligit ea quæ meritorie fiunt. Confirmatur, quia mors fuit consummatio meritorum Christi, ut lepius docet Apostolus Hebr. 2. *Decebat eum qui multos filios in gloriam adduxerat, authorem salutis eorum per passionem consummare.* Et cap. 5. *Consummatus (per passionem) factus est omnibus obtemperantibus sibi causa salutis æternæ.* Et cap. 10. *Vna oblatione consummavit in æternum sanctificatos.* Nec vquam à die passionis dicitur in Scriptura nos redimere, satisfacere, aut mereri pro nobis: sed nos redemisse, nos lauisse à peccatis nostris. Apocal. 1. & 7. aliisque locis.

Nec obest, quòd Christus in cælo pro nobis orer. Non enim orat, ut de nouo mereatur, sed ut nobis applicentur eius merita, quæ Patri repræsentat, ac voluntatem suam ut nobis profinet: quemadmodum neque alii Beati merentur, cum pro nobis orant. Ac licet Christus semper exaudiatur, quoties orat efficaciter; non est ta-

65.

66. Christus non meruit in ipso instanti mortis, neque post.

67.

Respondetur variis obiectio-nibus.

men ei promissa impetratio tanquam merces orationis, sed tanquam merces meritorum precedentium.

Dices, Impetrationem ipsam esse meritum, iuxta illud Augustini Epist. 105. *Sed neque ipsa remissio peccatorum sine aliquo merito est, si fides hanc impetrat.*

August.

Respondeo, Augustinum non ibi loqui strictè de impetratione prout præcise est effectus orationis, quæ ratione non est meritum: sed latè de impetratione, id est, obtentione seu assequutione quæ provenit ex actu fidei non petente, sed merente. Et idem est de alijs similibus virtutum actibus. Vel etiam Augustinus loquitur ibi de merito congruo; nos autem loquimur in præsens de merito condigno, & ex iustitia.

68.

Instantia
humilis.

Instabis, Quia Christus per mortem suam nos redemit, suæque merita consummavit. Ergo saltem in ipsa morte meruit. Item per lateris effossionem meruit nobis vim & efficaciam sacramentorum & mundiciem ac salutem animæ, ut Ambrosius, Augustinus, alique Patres significant. Tertiò, *Christus mortuus est propter delicta nostra, & resurrexit propter iustificationem nostram*: ad Rom. 4. Ergo per resurrectionem meruit nobis iustificationem.

Ad primum Respondeo cum D. Thom. quæst. 50. art. 6. ad primum, Christum nos redemisse per mortem, ut est in fieri, non ut est in facto esse: id est, meruisse toto eo tempore, quo tormenta passus est: non autem eo instanti, quo anima desinit esse unita corpori. Tunc enim sicut vita non fuit, ita neque meritum. Fallunturque si qui putant, animam Christi & aliorum iustorum mereri in instanti mortis, tanquam in termino viæ. Nam illud instans est extrinsecum vitæ ac viæ, cum homo non sit eo instanti quo moritur & desinit esse: quia desinitio terminatur ad non esse; sicut generatio, & inceptio terminatur ad esse. Eodem autem instanti temporis quo est actio, est necessariò illius terminus. Sicut ergo eo instanti non est amplius vita seu via; ita neque meritum.

69.

Repellitur.

Ad secundum Respondeo, Effossionem illam non fuisse meritoriam nisi in acceptione, quatenus Christus ante mortem acceptavit hanc iniuriam corpori suo inferendam: & eatenus etiam valuit ad efficaciam sacramentorum, & ad mundiciam atque salutem nostram. Cum autem dicunt Patres ex latere effosso exiisse Sacramenta: intelligunt, figuratiuè quia sanguis & aqua, quæ inde exierunt, representant Eucharistiam & Baptismum, quæ sunt præcipua Sacramenta Ecclesiæ.

Ad tertium Respondeo, Christum resurrexisse propter nostram iustificationem, non ut per resurrectionem illam nobis mereretur: sed ut posset nobis applicari eius meritum, per fidem nostram in ipsum. Quia si Christus non resurrexisset, vana & inanis existimata fuisset eius prædicatio, ut dicitur primæ Corinth. 15. Imò & falsa, quia Christus falsò resurrexisset se prædixisset. Vel etiam resurrexit propter nostram iustificationem representatione,

id est, ut eius resurrectio repræsentaret nostram resurrectionem à peccato.

SECTIO VII.

Quid Christus sibi meruerit?

Respondeo, Christum non sibi meruisse vñionem hypostaticam: neque, ut probabilius est, gratiam & gloriam animæ, aliaque dona ipsi infusa: sed tantum gloriam corporis, & sui nominis exaltationem. Prima pars de vñione hypostatica, explicata iam fuit disp. 4. sect. 3. Secunda pars de gratia & gloria, aliisque donis ipsius animæ infusis, probatur, quia hæc est cõmunior Theologorum sententia, ut videre est apud Suarez. disp. 41. sect. 2. & Valquem disp. 78. cap. 2. contra Albertum, Altfiodor. alioque paucos, nulli grauiori fundamento nixos. Deinde quia cõuenientius fuisse videtur Christi maiestati, & dignitati vñionis hypostaticæ, ut Christus ea omnia in primo instanti cõceptionis sibi infusa acceperit, independenter ab omni merito, veluti proprietates cõnaturaliter debitas eidem vñioni. Id enim eius dignitas conuenienter postulat, & salutis nostræ remedium non aliud exigebat, neque Scriptura vquam significat Christum hæc meruisse. In quo discrimen est inter huiusmodi dona, & gloriam corporis, ac nominis Christi exaltationem. Nam salus nostra exigebat, ut veniret passibilis & humilis: & Scriptura docet aperte Christum hæc duo meruisse, Philipp. 2. *Humiliauit semetipsum, factus obediens usque ad mortem, mortem autem crucis. Propter quod & Deus exaltauit illum, &c.* Vbi nota particulam crucisalem, propter quod. Et Hebr. 2. *Videmus Iesum propter passionem mortis gloria & honore coronatum.* Et Apoc. 5. *Dignus est agnus qui occisus est accipere diuinitatem, &c.* id est, agnolci ab omnibus, & coli ut Deus, quia occisus est. Ex quibus & similibus Scripturæ locis indubitata apud Catholicos esse debet, etiam pars responsi supra dati.

Contra secundam partem sentiunt Altfiodor, Albert. Mayronis, Rubio, Maior, & Basol. locis à Vasque relatis sup. c. 1. affirmantes Christum sibi meruisse gratiam & gloriam. Fundamentum præcipuum illorum est, quia potuit eam mereri. Si autem potuit mereri, conuenientius est ut meruerit: quia id perfectius est: & Scriptura id significat Psal. 44. cum de Christo sic ait: *Dilexisti iustitiam, & odisti iniquitatem: propterea vixit Deus, Deus tuus oleo lætitiæ.* (id est, lætitiæ te perfudit, beatifica scilicet) *pro confortibus tuis.* Respondent aliqui negando maiorem, sed im meritò. Licet enim hæc primo instanti cõceptionis fuerint Christo infusa: potuerunt tamen infundi dependenter ab actu Christi libero, naturâ tantum priori. Nam Christus eo instanti liber fuit, & libere operatus est, & quamvis, ut pro-

Bb 3

267

Christus
sibi meruit
gloriam
corporis, &
nominis
exaltationem.

Sum:
Vasq;

71

Non meruit sibi gratiam & gloriam, potuit tamen mereri.

babilius existimo, operatus sit ex habitu naturā prius infuso, quia hic modus operandi est magis Christo connaturalis: potuit tamen operari naturā prius infusione habitus, concurrente Dei auxilio speciali loco habitus, ut sit in actu contritionis elicto à peccatore: tum naturā posterius accipere habitum vi illius actus: sicut peccator, qui conteritur, accipit eodem instanti gratiam dependentem à contritione, velut dispositione: & iustus, quando meretur augmentum gratiæ, accipit eodem instanti augmentum quod meretur. Causa enim & effectus, dispositio & forma, meritum & merces, possunt esse eodem instanti, cum solo ordine naturæ, seu dependentiæ vnus ab alio. Deinde, licet prius tempore accepisset habitus, quam esset operatus; potuisset tamen eos mereri per actus subsequentes: sicut meruit antiquis Patribus gratiam prius illis collatam per modum anticipatæ solutionis.

72. *Refutatur opinio contraria.* Neque obiciās, principium meriti non cadere sub merito. Quia illi habitus non sunt principium necessarium talium meritorum, quibus sufficeret vnio hypostatica ad dignificandam personam, & Dei auxilium speciale ad operandum, & merendum etiam simpliciter & omnino huiusmodi habitus. Neque item obiciās, habitus illos fuisse aliunde debitos connaturaliter vnioni hypostaticæ. Quia quod debetur aliunde, potest cadere sub merito. Quemadmodum regnum filio Regis debitum iure hæreditario, potest ab eodem armis & merito acquiri: & prima gloria, secundum multos, cadit sub merito, licet debeatur primæ gratiæ titulo hæreditatis: & quod negari nequit, Christus meruit gloriam corporis; licet non minus deberetur connaturaliter vnioni hypostaticæ, quam gloria animæ. Nec obest, quod gloria animæ fuerit data ab initio, non gloria corporis. Quia, ut ante ostendimus, meritum & merces possunt esse eodem instanti. Imò merces potest antecedere meritum. Et licet sit connaturalius ut sequatur: potest tamen aliqua de causa rationabili contrarium fieri. Non item repugnat actualis vnus libertatis circa multa obiecta, cum visione beatifica, ut in Beatis patet. Neque erat indecens, aut planè repugnans, Christum naturā prius incipere ab aliqua cognitione imperfectiori; & per illam, atque per actum voluntatis ex ea liberè secutum, acquirere cognitionem beatificam.

73. *Vasquez* Denique magni momenti non est quod ait Vasquez disp. 78. cap. 3. opera bona Beatorum esse ex natura sua fructus Beatitudinis, neque posse à Deo veluti merita Beatitudinis reputari & compensari. Quidni enim possit Deus efficere, ut eodem instanti, quo beantur, opera aliqua, naturæ ordine, præeant gloriæ Beatitudinis, ut ipse alibi fatetur posse præire gratiæ: ac tunc eorum intuitu, naturā possit

beare? Non probo etiam quod ait Delugo disp. 27. num. 10. non potuisse Christum sine miraculo mereri gratiam & gloriam animæ, quia quilibet actus supernaturalis supponebat ex natura rei habitum infusum: & quilibet habitus infusus supponebat gratiam: gratia verò & habitus infusi, ac visio beata debebantur ex natura rei humanitati à Verbo assumptæ, quasi passionibus connaturaliter debite vnioni hypostaticæ: hæc autem vnio data fuit humanitati antecedenter ad merita: quia licet de potentia absoluta potuerit operatio præcedere subsistentiam: tamen ex natura rei id fieri non poterat: Quia ex natura rei humanitas exigit subsistentiam independentem ab operatione: & per consequens, independentem ab operatione debuit eam accipere: sicut temperamentum, & alias passionibus.

Nam contra: Primò, Non est verum actus supernaturales ita supponere habitum infusum ex natura rei, ut illum ordinem invertere sit miraculosum. Nam actus supernaturales non exigunt ex natura sua necessariò, & determinatè habitum infusum à quo procedant: sed tantum principium sufficiens & proportionatum. Quemadmodum calor non exigit determinatè esse ab igne, sed ab aliqua causa sufficiente, siue sit ignis, siue sol, aut quævis alia. Secundò, quod ille auctor ait, habitus infusos supponere gratiam: non est verum de omnibus: ut patet de habitibus fidei & spei, qui manent gratiæ perdita per peccatum mortale. Et probabilius est, gratiam non distingui ab habitu infuso charitatis. Tertiò, quod idem asserit, ex natura rei humanitatem exigere subsistentiam independentem ab operatione: verum quidem est de subsistentia propria & naturali, utpote priori ex parte subiecti: at non de supernaturali, quam humanitas non exigit, quæque proinde ex parte subiecti non est prior, sed posterior actionibus & accidentibus naturaliter necessariis. Alijs verò operationibus aut accidentibus conuenientibus, quamvis supernaturalibus, non est prior ex parte subiecti, quia non magis exigitur. Quare non fuisset miraculosum, Christum habere naturā prius ordine causalitatis operationes aliquas supernaturales, quam vnionem hypostaticam dependentem moraliter ab illis ex Dei ordinatione. Addo, non esse miraculosum quidquid sit contra naturalem exigentiam subiecti. Alioqui miraculum esset, lapidem sursum moueri, aut aquam calefieri.

Propter hæc igitur censeo admittendam esse maiorem argumenti propositi. Sed neganda est minor. Ad cuius probationem dico, non magnā esse perfectionem ut Christus habeat titulo meriti, id quod plenissimè & excellentissimè possidet ab initio iure naturali: Neque eam perfectionem tanti esse, ut pro-

pter eam fuerit inuertendus ordo connaturalis antecessoris meriti ad mercedem, vel ei postponendus modus agendi connaturalior ex habitu infuso, & principio intrinseco completo. An verò Christus gratiæ & gloriæ continuationem meruerit, licet non primam infusionem, iudicandum est ex dictis de continuatione vnionis hypostaticæ disp. 4. sect. 3. vbi etiam locus Plalmistæ in objectione citatus fuit satis expositus. Moneo denique cum Suare, sententiam contrariam, quod scilicet Christus gratiam & gloriam suam meruerit, non esse improbabilem, immeritoque à nonnullis damnari temeritatis.

76. **Hæresis Caluini circa meritum Christi.** Contra tertiam quoque responsi partem errauit Caluinus lib. 2. Instit. cap. 17. nu. 6. vbi ait Christum nobis tantum meruisse, non sibi. Primò, quia Scriptura testatur, Christum non venisse propter suam vtilitatem, sed tantum propter nos. Secundò, quia Paulus Rom. 5. commendat Christi charitatem quod pro inimicis mortuus sit. Quæ commendat. o, inquit Caluinus, frigeret, si etiam pro se mortuus esset. Vnde ipse quasi sui oblitus, totum suum meritum ad nos transfudit, dicens Ioan. 7. *Pro illis ego sanctifico me ipsum.* Tertio, Quid opus fuit descendere Filium Dei, vt sibi aliquid noui acquireret? Et quo merito assequi potuit, vt esset iudex mundi, vt esset caput Angelorum, vt potiretur summo Dei imperio, vt in eo maiestas Dei resideret? Hæc Caluinus, quæ inscitæ & temeritatis hæreticæ plena sunt, contra Scripturæ testimonia tam expressa, & Patrum ac Theologorum autoritatem.

77. **Refellitur eius argumenta.** Ad primum Respondeo, Scripturam nobis loqui, & id nobis maxime commendare, quod nostra maxime interest, maximeque mouere potest ad gratiarum actionem: sed non negare, quod Christus gloriæ & exaltationis suæ curam habuerit, eiusque mors & passio ad hoc vtilis ei fuerit: imò contrarium expressè affirmare Ioan. 17. *Pater veni hora, clarifica filium tuum,* & Philipp. 2. *Propter quod & Deus exaltauit illum, &c.*

Ad secundum, Dico potius augeri charitatem Christi ex eo quod voluerit propter nos, gloriâ sui corporis, & nominis exaltatione naturaliter sibi debita, carere aliquandiu, ac non nisi per mortem eam acquirere. Non esse verò sui oblitum, & pro nobis ita sanctificatum, vt sui corporis & nominis claritatem neglexerit, docet ipsemet verbis ex Ioan. 17. proximè relatis. Et iterum ibid. vers. 5. *Clarifica me tu Pater, claritate quam habui, priusquam mundus esset, apud te.*

78. **Christus meruit sibi & ita intrare in gloriam suam?** Gloriam, inquit, non animæ, quam habuit ab instanti conceptionis: sed corporis & nominis sui, quam post passionem adeptus est. Hæc autem necessitas non fuit absoluta, sed ex Dei ordinatione, qui propter nostram salutem &

vtilitatem ita constituit. Porro Christus non meruit, vt in eo maiestas Dei resideret per vnionem hypostaticam. Dominium verò, seu imperium creaturarum, per mortem acquisuisse testatur Paulus Rom. 14. *Christus in hoc mortuus est, & resurrexit, vt vivorum & mortuorum dominetur.* Et Christus ipse Matth. ult. *Data est mihi omnis potestas in celo, & in terra.* Ex quo etiam constat, meruisse capitis dignitatem in eo dominio consistentem. De ratione verò capitis ad influendum merito-riè in homines & Angelos dicemus paulò post. Hæc autem intellige de dignitate dominij & capitis conueniente Christo respectu humanitatis: non autem de illâ quæ per idiomatum communicationem competit ipsi ratione diuinitatis. Hanc enim non meruit, sed vi solius vnionis hypostaticæ habuit eodem instanti, quo ipsam vnionem. Denique de iudicis potestate Christus idem significat Ioan. 5. cum de se ait: *Dedit illi iudiciū facere, quia filius hominis est.* Iuxta illud à Iob prædictum, cap. 36. *Causa tua tanquam impii iudicata est: causam iudiciumque recipies.* Demissè autem nimis sentit Caluin. de Christi operibus, si putat eorum valorem non esse infinitum, aut non sufficere ad promerenda quæ diximus.

SECTIO VIII.

Quibusnam alijs Christus meruerit, & quid?

Respondeo, Christum meruisse Angelis & hominibus plurima gratiæ beneficia, non tamen omnia. Declaratur & probatur responsum. Primò, quod Christus meruerit Angelis, æquè ac hominibus, patet ex dictis disp. 3. sect. 2. vbi ostendimus, Christum fuisse à Deo decretum ante peccati præuisionem, & ante homines & Angelos. Quo supposito nulla est ratio eximendi Angelos ab influxu Christi: cum Christus iam decretus, potuerit illis esse mediator, æquè ac hominibus: ipsique sint per se impropor-tionati gratiæ: & hoc magis ad gloriam & dignitatem Christi faciat: sitque conuenientius prouidentie diuinæ, vt vnum principium vniuersale gratiæ & gloriæ constituerit, & omnia ad vnum reduxerit, qui omnia in omnibus adimpleatur, vt ait Paul. Ephes. 1. Sitque vnum caput Ecclesiæ ex Angelis & hominibus compositæ, à quo omnia eius membra influxum & vitam acceperint.

Notandum tamen Angelos non fuisse propriè redemptos à peccato, sed præuentos: neque pro illis Christum mortuum esse, aut sua passione illos sanctificasse & glorificasse: cum mors & passio Christi non fuerit decreta nisi ex occasione & præuisione peccati, à qua non pendit Angelorum sanctificatio & glorificatio. Videatur Suar. tota disp. 42. Suarez,

79. **Christus meruit Angelis & hominibus plurima gratiæ beneficia.**

80. **Non propriè redempti Angeli.**

vbi nobiscum sentit, fuséque docet Christum eadem Angelis, quæ hominibus meruisse, exceptis iis quæ ad remedium peccati pertinent. Meruisse, inquam, per opera charitatis, religionis, & alia à morte & pœnis ac satisfactione independentia.

81. Parum verò coherentem loquuntur illi, qui sentiunt, Christum fuisse primò decretum propter peccatum & redemptionem hominum: & nihilominus affirmant Christum meruisse Angelis & hominibus in statu innocentiz: inter quos sunt aliqui recentiores affirmantes Christum meruisse, aut mereri potuisse in prædicta hypothesi, si non perseverantiam in via gratiæ, quod aiunt esse difficile: saltem aliquem gradum gratiæ Angelis, ultra illum, quem in prima sanctificatione acceperant: & primis parentibus fidem incarnationis, quam habuerunt antequam peccarent. Etenim Christus, in illa opinione, eiusque merita, non fuerunt præuisa absolute nisi post absolutam præuisionem peccati Adami. Quæ præuisio fuit ratione posterior decreto Dei absoluto de permittendo lapsu Adami, præuiso per scientiam conditionatam quòd in tali occasione positus haberetur, si Deus id permitteret. Ergo Christus & eius merita sunt posteriores hoc decreto. Ergo & omnes effectus qui pendent à Christo, & ab eius meritis. Atqui sanctificatio & gratia tota Angelorum in via, ac primorum parentum in statu innocentiz, non fuit posterior illo decreto, à quo nullo modo pendebat, sed omnino per accidens & habuit ad talem statum Angelorum, & primorum parentum, peccatum Adæ & decretum de illo permittendo; Ac si Adam non peccasset, nihilominus Angeli & primi parentes fuissent sanctificati, & donis supernaturalibus, quæ tunc habuerunt, ornati. Quòd autem Adam habuerit iam tunc fidem incarnationis, ostendit illam fuisse decretam prius & independentem à permissione peccati, ut alibi expendimus.

82. Meruit hominibus remissionem peccatorum, gratiam & gloriam. Secundo, Certum est Christum meruisse sufficienter omnibus hominibus remissionem peccatorum, & gratiam seu iustificationem, atque etiam vitam æternam, ut patet ex sequentibus Scripturæ testimoniis. Ipse est propitiatio pro peccatis nostris: non pro nostris tantum, sed etiam pro totius mundi. 1. Ioan. 2. *Vnus enim Deus, vnus & mediator Dei & hominum homo Christus Iesus, qui dedit semetipsum redemptionem pro omnibus.* 1. Timoth. 2. *Factus est omnibus obtemperantibus sibi causa salutis æternæ, Hebr. 5. ver. 9. Nec aliud nomen est, sub celo datum, in quo oporteat nos saluos fieri.* Act. 4. ver. 12. Re tamen ipsa eam non consequuntur, nisi illi quibus prosunt media à Christo instituta ad participanda ipsius merita efficaciter ad illum finem consequendum. Quamuis enim Christus meruerit sufficienter omnibus, id est, obtulerit sufficiens meritum, quo omnes uti possent, ut remissionem peccatorum, & gratiam ac gloriam consequerentur, quod-

que ad omnes iustificandos & saluandos sufficeret, si illis debite applicaretur, illique vterentur: tamen non meruit efficaciter ut omnibus applicaretur; alioqui omnes iustificarentur: sed potius hanc applicationem & vsum reliquit libertati creaturarum. Meruit tamen efficaciter ut ii omnes, quibus applicaretur debite, iustificarentur infallibiliter vi applicationis, & participationis meritorum ipsius.

Terriò, Non tantum meruit Christus vitam æternam hominibus, sed & ipsam destinationem ad illam: siue simplicem, & generalem ac communem omnibus: siue specialem & efficacem, propriam electorum, quæ specialiter dicitur prædestinatio, vel electio. Cum enim Christus fuerit prædestinatus ante omnes alias creaturas, ut ostendimus citata disp. 3. sect. 2. potuit Deus velle alijs creaturis intellectualibus vitam æternam propter illius merita præuisa: tum voluntate illa antecedenti & simplicis desiderii, quæ præcessit præuisionem operum, vel occasionis datæ ex parte creaturarum: tum etiam voluntate consequenti & efficaci, post præuisionem: præsertim cum opera illa, vel occasio data ex parte creaturarum, fundetur in Christi meritis, ut dicam paulò post. Posito autem quòd potuerit Deus vtramque voluntatem habere propter Christi merita: convenientius est dignitati Christi, velut capitis omnium prædestinatorum, ut Deus re ipsa sic voluerit. Idque dicere videtur Apostolus Ephes. 1. cum ait, Deum nos benedixisse in omni benedictione spirituali in cœlestibus in Christo; & nos in ipso elegisse & prædestinasse in adoptionem filiorum per Iesum Christum.

83. Nec obest quod obiciunt aliqui, destinationem illam esse actum diuinæ voluntatis: actus autem diuinæ voluntatis nullam habent causam. Respondet enim non habere quidem propriam causam, quia non sunt: sed habere motiuum & rationem meritoriam: mouetur enim v. g. Dei voluntas reprobatorum peccatis tanquam malis meritis, ut eos velit damnare: & iustorum operibus bonis, ut velit ea remunerare. Similiterq; mouetur Christi operibus, ut eorum intuitu velit homines iustificare & saluare. Neque dicas mereri quidem effectum, qui est iustificatio aut salus æterna: sed non ipsam voluntatem iustificandi & saluandi. Nam qui meretur aliquod præmium, quod consequi non potest nisi per alterius voluntatem: meretur etiam ut ipse velit tribuere; & ad hoc ipsum obligat, si meretur de condigno & ex iustitia. Atque ita iusti, qui bonis suis operibus merentur vitæ æternæ consecutionem, merentur etiam ut Deus ipsis velit illam tribuere.

84. Non obest etiam quòd ratione prius quàm Christus mereretur hominibus & Angelis, debuit Deus velle & acceptare ut eius opera illis prodesse: voluit autem ut prodesse ad aliquem finem supernaturalem, nempe

83. Meruit etiam hominibus ipsam destinationem ad vitam æternam.

84. Occurrit obiectioni.

85. Altera obiectio.

ad vitam æternam: ergo prius voluit illis vitam æternam, quam Christus illis mereretur. Ergo prima Dei voluntas de vita æterna hominibus & Angelis danda, non fuit propter Christi merita. Respondeo enim illam Dei voluntatem constituentem Christum Mediatorem, volentemque ut eius merita nobis prodesse, pro eo signo rationis non fuisse determinatam ut prodesse ad vitam æternam: sed fuisse generalem & confusam, ut prodesse ad eum finem, ad quem Christus vellet & determinaret: ita ut quod Deus determinare voluerit ut prodesse ad vitam æternam, fuerit consequens ad prævisionem voluntatis Christi, volituri ut sua opera nobis ad illum finem specialem prodesse.

86.

Meruit omnia gratiæ beneficia quæ sequuntur ex illa voluntate.

Quartò, Meruit etiam Christus omnia gratiæ beneficia quæ sequuntur ex illa Dei voluntate antecedenti dandi nobis vitam æternam, quibus ad illam consequendam disponimur: ut vocationem, iustificationem, auxilia ad bene operandum, merendum, & perseverandum. Sicut de vocatione specialiter affirmat Apostolus 2. Timoth. 1. vers. 9. De iustificatione Rom. 5. vers. 1. & 2. & 1. Corinth. 6. vers. 11. & Ephes. 4. vers. 8. De auxiliis ad bene operandum & merendum, Ioan. 15. vers. 4. & 5. & Ephes. 4. v. 15. & 16. De perseverantia Philipp. 1. vers. 6. cum sequentibus usque ad 11. & generaliter de omnibus, Ephesior. 1. v. 3.

87.

Nō meruit tamen omnia penitus gratiæ beneficia.

Dixi autem, omnia gratiæ beneficia quæ voluntatem illam sequuntur: non autem absolute, omnia, quia Christus non meruit nobis omnia penitus gratiæ beneficia. Neque enim meruit seipsum simpliciter, qui tamen est maximum beneficiorum nobis à Deo collatorum. Non meruit etiam voluntatem illam, quæ Deus voluit, & acceptavit, ut eius merita nobis prodesse. Nam

illa Dei voluntas, quæ fuit causa vel conditio necessaria ut nobis mereretur, debuit necessario antecedere omne ipsius meritum nobis profuturum. Neque etiam meruit Christus illam voluntatem, quæ voluit ipse nobis prodesse, quæque sua opera eò retulit, ut nobis gratiam & gloriam mereretur. Quia nemo meretur de seipso. Supposita verò hac voluntate Dei & Christi, existimo Christum meruisse de cætero omnia gratiæ beneficia hominibus deinceps vel Angelis impertita: ita ut quidquid aliud gratiæ ipsis collatum est, fuerit datum propter merita Christi, ut probant argumenta & Scripturæ loca hac tota sectione proposita, aliaque plura quæ in hac sententiam, diximus 1. parte disputatione 21. sectione 4. & 5. Vbi etiam illorum argumentis respondimus, qui putant gratiam primæ vocationis non dari propter merita Christi: contra satis expressam definitionem Tridentini sessione 6. capite 5. ubi declarat ipsius iustificationis exordium in adultis à Dei per Christum Iesum præueniente gratia sumendum esse, hoc est, ab eius vocatione.

Superest observare, merita Christi duplici modo nobis applicari. Primò, in destinatione: quatenus Deus, & Christus, voluerunt ut ea merita nobis prodesse. Secundò, in executione: quando aliquod donum gratiæ nobis reipsa confertur propter ipsius merita: siue vocatio, siue applicatio sacramentorum, siue iustificatio, & alia dona supernaturalia, vel etiam naturalia in substantia, intuitu meritorum Christi collata: Nam ista etiam, præsertim in ordine ad salutem, solent ab Ecclesia per merita Christi postulari: quod signum est, propter illa conferri.

88.

Dupliciter nobis applicantur merita Christi.

DISPUTATIO


DUODECIMA,

De Potentia Christi.

Sectio I. An Christus sit homo sit omnipotens?

Sectio II. Qualis fuerit virtus Christi ad patranda miracula, & opera supernaturalia?

Sectio III. Errores, & opiniones contrariæ refutantur.



E Potentia Christi disputat S. Thomas qu. 13. Et art. 1. docet, Animam Christi non esse omnipotentem; quia est pars humanæ naturæ finitæ & circumscriptæ. Secundò, Animam Christi non habuisse omnipotentiam respectu immutationis creaturarum, ne quidem ut instrumentum Verbi, & per potentiam obedientialem: quia non poterat creare, seu producere ex nihilo, neque annihilare. Tertiò, Animam Christi secundum quod est instrumentum Verbo Dei unitum in persona, habuisse omnipotentiam respectu proprii corporis: quia subdebaturs eius potestati quoad omnem dispositionem: secus tamen spectatam secundum propriam naturam & virtutem: secundum quam sicut non poterat mutare exteriora corpora à cursu & ordine naturæ: ita neque proprium corpus à naturali dispositione. Nam anima Christi secundum propriam naturam habet determinatam proportionem ad suum corpus. Quartò denique, Animam Christi virtute propria ea omnia efficere potuisse; quæ per seipsam efficere voluit. Non enim conveniret sapientiæ eius, ut aliquid vellet per se facere, quod suæ virtuti non subiaceret. Quæ verò virtute divina fieri voluit, ut resurrectionem proprii corporis, & alia huiusmodi miraculosa opera, potuit efficere ut instrumentum divinitatis. Huc usque D. Thomas.

SECTIO I.

An Christus ut homo sit omnipotens?

1.
Status
questionis.



ON est questio, an Christus ut homo sit omnipotens per idiomatum communicationem? vel an divina omnipotentia fuerit ei communicata, & unita mediante hypostasi Verbi? Vtrumque enim citra controverfiam est: sed an Christi humanitas, ultra potentiam effectivam naturalem, acceperit ratione unionis hypostaticæ vim supernaturalem creatam, valentem ad omnia possibilia, & similem divinæ omnipotentia: sicut secundum intellectum & voluntatem accepit scientias & virtutes infusas, quibus divinas perfectiones cognoscendi & volendi imitabatur.

2.
Christus
non accepit
virtutem
creatam
valentem
ad omnia
possibilia.

Respondeo & dico primò, Christum nullam talem vim accepisse, quæ valeret ad omnia possibilia, ad quæ Dei omnipotentia se extendit. Probaturs, quia non valeret saltem ad seipsam producendam, cum tamen ipsa producibilis sit per Dei omnipotentiam. Nihil enim potest producere seipsam realiter & physice, id est, primò aut simpliciter & absolute dare sibi esse: quidquid sit de reproductione sui iostus, quæ etiam, saltem immediate, impossibilis est. Quia inter produciens & productum immediate debet esse necessariò realis distinctio, ratione talis originis vel de-

pendentiæ realis. Vnde in mysterio Trinitatis, non obstante summa identificabilitate divinatorum, personæ tamen distinguuntur realiter propter originem aliarum ab aliis. Imò etiam causa efficiens tantum moraliter, siue principaliter, siue ut morale instrumentum, debet supponi habere aliunde esse ut efficere possit: ideoque non potest seipsam primò producere, aut absolute & omnino efficere. Addo, non esse verisimile, sed potius incredibile, possibilem esse ullam vim creatam, quæ ad omnia possibilia, etiam extra seipsam, se extendat physice: siue ut causa principalis; sic enim deberet continere formaliter vel eminenter omnes alias perfectiones extra Deum possibiles, quod ad divinam infinitatem simpliciter in omni genere perfectionis prope accedit, & creaturæ capacitem longè superat: siue ut causa instrumentalis; quia impossibile est naturam limitatam in ordine creaturarum, cuiusmodi est omnis creatura, posse assumi physice ad omnia: cum capacitas obedientialis non sit alia, quàm ipsa rei natura, quæ proinde finita est in natura finita. Debet enim esse vis inchoata ad id quod assumitur: & non est vis ad omnia in creatura, quæ habet speciem seu naturam aliquo modo limitatam in ordine ipso creaturarum.

Dico secundò, Christi humanitatem non esse factam potentioris physice ad operandum, quàm esset ex natura sua, præcisè & formaliter per unionem hypostaticam. Probaturs, quia unio hypostatica, vel hypostasis Verbi non est activa physice, secundum id

Christus
non est factus
potentior per
unionem hypostaticam

præd
sumptam.

quo differt à natura diuina : neque humanitatem intrinsecè & in seipsa immutauit : ergo per illam non est facta potentior humanitas : quomodo enim potest fieri quidpiam potentius per aliud præcisè , nisi vel illud sit potentia superaddita, vel ipsius naturam mutet : Si enim manet in se immutatum, aut potentiam adiunctam non recipit, manet æquè imbecillum, atque erat ante.

Richard.

Contrarium sentit Richardus in 3. dist. 14. art. 5. qu. 2. affirmans, animam Christi fuisse potentiorē ad agendum, vi vnionis hypostaticæ, quàm sit natura humana, cuius est pars. Ratio illius est, quia posse agere realiter, vel pati, non est, nisi actus entis. Ens autem comprehendit essentiam, & actualem existentiam. Vnde non tantum attenditur maioritas potestatis in ente ex parte essentiz, sed etiam ex parte actualis existentiz. Essentia ergo manens eadem, creiscit in potestate, accipiendo nobiliorem existendi modum. Cum ergo anima Christi incomparabiliter nobilius existat actualiter, quàm si natura humana, cuius est pars, esset existens in supposito creato : sequitur, quod sit potentior, quàm si natura humana, cuius est pars, existeret in creato supposito. Hæc ille. Cui Respondeo, actualem existentiam cuiusque rei non distingui vllō modo, ac ne ratione quidem, ab essentia actu existente : & naturam Christi humanam, eiusque animam existere formaliter per seipsam, neque nobilius existere intrinsecè, & formaliter per vnionem cum Verbo, sed eandem omnino existentiam habere, quàm à Verbo separata retineret, quamue haberet, si per seipsam subsisteret. Neque enim à Verbo recipit perfectionem nobilioris existentiz, qua formaliter existat, sed nobilioris subsistentiz. Vnde cum posse agere realiter, vel pati, sit entis actu existentis, ratione suæ actualis essentiz, seu existentiz : natura humana in Christo non habet perfectiorem potentiam agendi, vel recipiendi ; quia non habet perfectiorem actualem essentiam, seu existentiam.

4.

Potuit
Christus
habere
qualitates
aliquas ad
operandum
supernatu-
ralia.

Dico tertio, Christi humanitatem potuisse ab initio habere qualitates aliquas, aut virtutes physicas ad operandum supernaturalia, aut supernaturali modo : non tamen constare quod illas habuerit. Non loquor de qualitatibus eius intellectui & voluntati infusis ad intelligendum, & volendum : sed de illis quæ valent ad aliter efficiendum, aut resistendum, aut mouendum &c. quæque pertinent ad potentiam effectiuam, aut ei similes sunt. Tales autem aliquas potuisse dari Christo ab initio conceptionis, patet, quia potuit iam inde habere dotes corporis gloriosi in actu primo : agilitatem, claritatem, subtilitatem, & impassibilitatem, id est, vim resistendi lædentibus aut corrumpentibus. Potuit item habere robur humano maius. Et sicut in plantis, & lapidibus quibusdam, aut paribus animalium, aliisque rebus, sunt virtutes quædam mirabiles contra mor-

bos, & ad alios effectus : ita similes quædam in Christo esse potuerunt, non ex naturæ debito, sed ex Dei beneficio in gratiam vnionis hypostaticæ. Non tamen constat habuisse Christum ab initio dotes corporis gloriosi in actu primo : sed potius sicut nondum immortalitatem induerat ; ita neque permanenter, & formaliter, habebat dotes corporis gloriosi, quas per meritum passionis consequutus est ; licet obiter specimen aliquod agilitatis ediderit, quando super aquas ambulauit : & claritatis, quando in monte Thabor transfiguratus est : & subtilitatis, quando illæso matris utero exiit. Non apparet etiam habuisse robur humano maius, & quantum nunc habet in cælo ; sed potius lassitudinem more aliorum patiebatur, & fatigatus ex itinere sedebat supra fontem, Ioan. 4. licet ob eximium temperamentum haberet robur non vulgare : sicut ea de causa tolerauit facilius ieiunium 40. dierum, post quod tamen eluriiit Matth. 4.

Quod si quæras, cur humanitas Christi, quæ secundum intellectum & voluntatem accepit omnia ornamenta supernaturalia, quorum erat capax, ab ipso instanti conceptionis, non similiter acceperit huiusmodi qualitates ad potentiam executiuam pertinentes ? Respondeo, id nostra causa factum esse, vt pro nobis pateretur, & exemplo suo nobis prodesset, disceretque experientiâ compati nostris infirmitatibus, vt ait Paulus Hebr. 4. Itemque vt verum hominem se esse ostenderet. Et quamuis possent esse actus primi, seu potentiz, absque actu secundo, & cum actu contrario ordinario patiendi affectiones corporis & infirmitates humanas : non sunt tamen faciliè multiplicanda miracula in hoc mysterio sine maiori necessitate. Fuisset autem valde miraculosum coniungi has potentias cum ordinario actu ipsis repugnante. Eademque de causa existimo incertum esse, an Christus habuerit virtutes illas physicas, quales in herbis, metallis, lapidibus & similibus rebus, eas saltem quæ cum naturali hominis temperamento non bene conueniunt, & cum humanitatis Christi dispositionibus. Id enim fuisset miraculosum, & non erat necessarium, siue vt Christo bene esset, cum supponamus hæc non bene cum eius temperamento conuenire : siue vt operaretur ea, quæ mirabiliter fecisse narratur, vt patebit ex sequentibus.

Dico quarto, Christum vt hominem fuisse moraliter quodammodo omnipotentem, quatenus habuit paratum semper, & velut habitualiter coniunctum sibi concursum diuinæ omnipotentiz ad omne genus miraculorum, & operum supernaturalium, & ad quidquid efficaciter veller. Probatur ex Ioan. 11. vers. 42. Vbi Christus mox Lazarum suscitaturus, ita Patrem alloquitur. Ego autem sciebam, quia semper me iuuas. Et Matth. 9. vers. 6. Vt autem scitis quis filius hominis habet potestatem in terra dimittere peccata,

Non constat
habuisse
Christi ab
initio dotes
corporis
gloriosi.

§2

Cur nō ha-
buerit do-
tes illas, &
alias quali-
tates mira-
biles?

6.

Christus vt
homo fuit
moraliter
omnipotēs.

tunc ait paralytico: Surge, tolle lectum tuum, &c. Patet denique ex tota historia Euangelica, Christum habuisse potestatem suscitandi mortuos, fugandi Dæmones, sanandi morbos naturaliter insanabiles, multiplicandi panes, conuertendi vnam substantiam in aliam, & alia omnia præstandi quæcumque veller.

Nec obest quod obiici solet ex Marc. 7. voluisse Christum aliquando latere, & non potuisse. Nam id non est intelligendum de voluntate omnino efficaci, sed aliquatenus tantum & secundum quid, ut alibi exposuimus.

7. Dico quintò, Huiusmodi potentiam fuisse Christo datam ab instanti conceptionis, & semper in eo perseverare. Ratio est, quia data est Christo velut proprietas morali quodam debito & exigentia consequens unionem hypostaticam, ob dignitatem personæ: nec ullum fuit impedimentum cur ab initio daretur, vel ratio exigens ut differretur, vel ut aliquando cessaret. Potuit enim Christus illa uti ab initio in Pastorum illuminatione, stella Magorum, Ioannis Baptistæ exultatione & sanctificatione in utero matris, in propria natiuitate sine læsione claustrum virginis, aliisque mirabilibus quæ in infantia Christi contigerunt. Quod enim dicitur Ioan. 1. *Hoc fecit initium signorum Iesus in Cana Galilee, & manifestauit gloriam suam*, intelligi potest de signis palam & publicè ac notoriè factis, quibus cœpit doctrinam suam confirmare. Nunc quoque in cælo usum habet multiplicem illius potestatis in miraculis quæ lubinde fiunt ipsius nomine: in transubstantiatione Eucharistiæ, in remissione peccatorum & sanctificatione, in glorificatione Sanctorum, tum essentiali, tum etiam accidentali per nouas reuelationes, in corporum resurrectione, &c. Hæc enim omnia manant à Christo ut capite, & ab eodem fiunt velut instrumento vniuersali diuinitatis, debenturque ipsius dignitati & meritis.

18. Neque obicias ex D. Thom. 2. 2. q. 178. art. 1. ad 1. gratiam miraculorum non posse communicari creaturæ per modum habitus, id est, permanentem. Respondeo enim cum Suarez disp. 3. 1. lect. 2. sensum D. Thomæ esse, quòd nō possit communicari per qualitatem aliquam permanentem, quæ sit principium vniuersale omnium miraculorum: sed non negare posse constanter haberi concursum Dei paratum ad miracula, sicut Sacerdos habet ad consecrandum, qui idcirco dicitur habere consecrandi potestatem permanentem, & per modum habitus.

SECTIO II.

Qualis fuerit Virtus Christi ad paranda miracula, & opera supernaturalia?

9. **O**pera supernaturalia sunt duplicia: quædam quæ dicuntur miraculosa, quia sunt

extraordinaria & manifesta; alia quæ non vocantur miracula, quia sunt ordinaria, & secundum legem & providentiam communem, atque etiam occulta; licet sint verè supernaturalia: Cuiusmodi sunt effectus sacramentorum remittendi peccata & infundendi gratiam, actus & habitus supernaturales, transubstantiatio Eucharistica, & similia. Christus ad vtraque vim quandam habuit vniuersalem, quatenus habuit constanter & permanentem paratum Dei concursum ad operandum quidquid veller efficaciter in vtroque genere operum, quo cum summa quadam libertate & vniuersalitate usus est, præsertim triennio toto prædicationis suæ. Quæstio verò superest, quanam virtute ipse cum Deo concurreret ad huiusmodi opera: physica, an moralis?

Respondeo, Christum potuisse quædam supernaturaliter operari physicè per qualitates sibi diuinitus inditas: Quædam etiam per seipsum concurrente obedientialiter cum Deo eleuante: at neque per seipsum, neque per inditas qualitates potuisse ad omnia supernaturalia physicè concurrere. Prima pars responsi probatur, Quia potuit v.g. accipere dotem agilitatis, cuius vi physica ambularet super aquas: & dotem claritatis, quæ corpus suum & circumstantem aërem luce mirabili perfunderet in transfiguratione: & dotem subtilitatis, quæ penetraret corpora. Et similiter aliæ quædam qualitates physicè actiue potuerunt illi dari, ut maius robur, maior videndi & sentiendi vis, & virtutes occultæ ad morbos quosdam sanandos, ut ad sistendum sanguinem, ad curandam hydropisim, vel paralytim, &c. cuiusmodi virtutes, imperfecte saltem, quibusdam aliis rebus naturalibus insunt.

Secunda pars probatur, Quia sicut in intellectu & in voluntate Christi est potentia obedientialis ad actus supernaturales, quæ potentia non est aliud, quam ipse intellectus & voluntas, prout potest à Deo eleuari, id est, iuuari concursu speciali & supernaturali, ad effectus, quos solis viribus naturalibus non posset producere: ita in eius sensibus, aliisque potentiis, est vis obedientialis, quæ possunt cum Deo eleuante concurrere ad effectus, qui naturalem facultatem excedunt. Sic puto Stephani oculos fuisse eleuatos ut à terra Christum in cælo ad dexteram Patris stantem intueretur. Sic etiam sine dote agilitatis, potuit Christi potentia motiua eleuari ad corpus eius super aquas ferendum: & vis motiua animæ Christi, ad pellendos corporibus Dæmones, eo modo, quo Angeli alij alios possunt loco mouere, & vi pellere: & alia multa mirabiliter à Christo facta sunt, ad quæ non repugnabat ipsum physicè concurrere cum Deo eleuante.

Tertia tamen responsi pars, quòd non ad omnia nec per seipsum, nec per inditas qualitates potuerit physicè concurrere, Probatur primò, Quia effectus quidam erant purè morales, ut remissio peccatorum, ad quos non

Opera supernaturalia sunt duplicia.

10. Christus potuit operari physicè aliqua supernaturaliter, per qualitates sibi inditas.

11. Quædam etiam per seipsum.

12. Non tamè omnia.

Non potuit
eius huma-
nitas phy-
sicè concur-
rere ad om-
nia.

non potuit concurrere physicè, quia non sunt physicè, sed moraliter tantum. Secundo, Quidam alij fiebant per simplicem negationem concursus diuini, ad quam negationem, & ad non esse, non potuit Christus physicè concurrere, ut Eclipsis solis vniuersalis, seu defectio luminis quæ contigit tempore passionis, similis illi quæ sub tempus iudicii generalis continget, quando sol obscurabitur, & luna non dabit lumen suum. 3. Non videtur credibile potuisse Christum per se, vel per additam qualitatem, concurrere physicè ad illa omnia quæ fiebant, aut fieri poterant miraculose ipsius interuentu. Ex. g. si in mysterio Eucharistiæ corpus Christi producit integrè, etiam quoad materiam primam, non apparet quomodo Christus per se, aut per qualitatem aliquam, concurrat physicè ad productionem materiæ primæ, quæ non potest fieri nisi per creationem. Item, cum entitas Christi, & cuiuscumque qualitatis quæ illi potest superaddi, sit finita, ac proinde finitæ virtutis, siue naturalis, siue obediencialis; non potest naturaliter, aut etiam obediencialiter concurrere ad quidlibet; sed ad ea dumtaxat, quibuscumque aliquam habet proportionem, & ad quæ vim saltem inchoatam habet in seipsa: Alioquin non esset ratio cur oculus corporeus non posset eleuari ad Dei visionem (quod Theologi communiter negant) & intellectus humanus ad Dei comprehensionem, & auris ad videndum sonos, oculus ad audiendos colores, & similia planè impossibilia, non alia de causa, quàm quia carent omni proportionem cum talibus potentiis, quæ ad illa ne inchoatam quidem vim habent, quæ possit à Deo adiuuari.

attolli. Quænam verò erat Christi, aut eius qualitatibus proportio cum repentina Lazari suscitatione, cæcinati illuminatione, claudorum erectione & similibus, quæ sola vi diuinâ, præsertim tam repente, fieri possunt: Ideoque non immeritò multi & graues Theologi affirmant, hæc non nisi moraliter à Christo fieri potuisse, physicè verò à diuina omnipotentia, ad Christi voluntatem, ob personæ dignitatem, operante.

Sic planè docent Alensis, Altisiodor. Bonauent. Richard. Scot. Durand. Gabriel, & alij quos sequuntur Vasq. disp. 57. cap. 5. Aegidius Coninx tom. 1. de Sacram. qu. 62. art. 4. Becan. cap. 10. de Incarnat. n. 6. Ruys in 4. controu. 8. & Barradas tom. 2. in Euangelia lib. 5. cap. 24. ad illa verba Matth. 9. *Ego non vi virtutem de me exiiss.* Fauet etiam D. Thom. pluribus locis. Nam qu. 13. art. 3. ad 3. sic loquitur: *Gratia virtutum, seu miraculorum, datur animæ alienius sancti, non ut propria virtute ei conueniat miracula facere, sed ut per virtutem diuinam huiusmodi miracula fiant.* Ibi loquitur de Christo. Et ad 2. ait, non omnem immutationem quæ potest fieri circa creaturam, posse fieri à creatura: sed quædam immutationes posse fieri à solo Deo. Deinde 2. 2. quæst. 178. art. 1. ad 1. sic habet: *Operatio virtutum se extendit ad*

Tomus IV.

omnia, quæ supernaturaliter fieri possunt: quorum quidem causa est diuina omnipotentia, quæ nulli creaturæ communicari potest. Et ideo impossibile est, quod principium operant miracula sit aliqua qualitas habitualiter manens in anima. Sed tantum hinc potest contingere, quod sicut mens Prophete mouetur ex inspiratione diuina ad aliquid supernaturaliter cognoscendum: ita etiam mens miracula facientis mouetur ad faciendum aliquid, ad quod sequatur effectus miraculi quod Deus sua virtute facit. Et paulò post: Deus principaliter operatur, qui utitur instrumentaliter vel interiori motu hominis, vel eius locutione, vel etiam aliquo exteriori actu, seu etiam aliquo contractu corporali corporis etiam mortui. Vnde Iosue 10. cum Iosue dixisset quasi ex potestate, Sol contra Gabaon ne moueatis, subditur postea: Non fuit antea, & postea, tam longa dies, obediens Deo voci hominis. Hucusque D. Thom. Fauet etiam vtrumque sancti Patres (qui tamen ut bene notat Vasq. disp. citata num. 35. vix huius controuersie meminerunt) Sophronius in epist. synodica quæ habetur in VI. Synodo Generali aetione vndecima, Leo Papa epist. 10. cap. 4. Damasc. in lib. *Quomodo ad imaginem Dei facti sumus*, circa finem, ubi ait, sicut quando ferra ignita vrit, altera est actio vrendi, altera secan. i. à diuersis principiis procedentes: sic, inquit, quando diuinitas tactu carnis sanabat infirmum, alia erat propria actio diuinitatis, altera humanitatis. Et finis humanæ actionis in manus extensione & tactu positus erat: diuinæ autem naturæ, in excitatione puellæ.

SECTIO III.

Refutantur errores & opiniones contrariæ.

Contrarium senserunt primò perfidi Iudei, qui arti magicæ Christi miracula tribuebant. Quasi verò Dæmones & artes magicæ possint mortuos semiputridos & fœtentes, ut Lazarum, repente suscitare, cæcos à natiuitate illuminare, & alia facere quibus Christus omnes Prophetas Veteris Testamenti longè superauit. Plura enim & maiora solus fecit miracula, quàm omnes illi simul: eaque facilitate, diuturnitate, vitæ sanctitate, aliisque omnibus adiunctis, quibus solent, & possunt vera miracula comprobati, atque à falsis discerni, quibus solis constat vera fuisse Moysis aliorumque Prophetarum miracula. Adde, quod nulla maior virtus hucusque illis se opposuit: cum tamen Deus soleat, & ad eius prouidentiam pertineat, falsa miracula, cum sunt, veris refutare ac vincere; ut patet in Magis Pharaonis superatis à Moyse Exod. 7. & 8. & in tota lege antiqua seu naturæ, seu gratiæ. Pro pauculis enim Dæmonum præstigiis, miraculorum similibus, quæ inter Ethnicos fiebant: edebantur apud vo-

Cc

Christus
miracula
multa
moraliter
tantum op-
eratus est.

13.

Vasquez.
Coninx.
Becan.
Ruys
Barrad.

S. Thom.

142

Refutatur
primus er-
ror contra-
rius, mira-
cula Chri-
sti arti ma-
gicæ tri-
buens.

ros Dei cultores longè plura miracula : & quædam tam illustria, ut eorum fama facile ad omnes penetrauerit : ut Pentapolis incendium de cælo : diluuium & arca Noë : plagæ Aegypti, & interitus Pharaonis : internecio repentina exercitus Sennacherib : miraculum trium puerorum in fornace Babylonis, & alia ibidem coram Nabuchodonosore potentissimo rege per Daniele gesta, & alia multa his similia. Alia verò miracula, quæ continuò fiebant Hierosolymis in probatica piscina, in templo Salomonis, in rationali summi Sacerdotis, aliisque locis, poterant facile per Iudæos toto orbe variis locis habitantes, & vtrò citroque commeantes, disseminari. At nihil est quod ita possit opponi Christi miraculis innumeris, tum per ipsummet, tum per alios hucusque eius nomine factis. Adde item, Christum miraculis suis atque doctrina, vitiorum & Dæmonum regnum destruere conatum esse. Quis autem credat Dæmones ad hoc ipsum per euentita miracula cooperari voluisse? Adde denique, Christum ipsum, eiusque vitam, mortem, atque miracula, longè ante per Dauidem, Isaiam, aliosque Prophetas fuisse prænuntiata, ut ostendimus disp. 1. sect. 5. & 7. Potuimus Christus antequam natus esset, efficere arte magica ut à Prophetis tot ante sæculis prænunciaretur?

15.
Secundus error, illa tribuens temperamento corporis.

Secundò, Nefarij quidam apostataz, ut testatur Michael Medius lib. 2. de Recta in Deum Fide cap. 7. Christi miracula tribuerunt corporis eius temperamento, quod optimum fuisse dicebant, & ad pondus, siue ad iustitiam : ratione cuius poterat virtute naturali super aquas incedere, & in quouis elemento se collocare, claudos erigere, leprosos mundare, cæcos illuminare, & omnibus rebus imperare. Quia sicut homo imperat rebus omnibus, cæterisque dominatur, eò quòd illis præstet temperamenti bonitatem : sic quia Christus omnibus rebus & toti generi humano præstitit temperamenti perfectione, potuit illis omnibus imperare & dominari, non modò virtute ingenij & scientiæ, quæ præcellebat cæteris, sed virtute temperamenti.

Verum hic error stolidissimus est. Nam, ut omittam quærere an optimum temperamentum humanum sit temperamentum iustitiæ, & quomodo locum habere possit in corpore constante tot partibus organicis, tam inter se diuersis? Quomodo potuit Christus vi temperamenti imperare Dæmonibus, qui puri spiritus sunt, & quibus ratione temperamenti non præcellebat? Quomodo item potuit corpus graue sistere super aquas leuiiores humano corpore, quantumvis optimè temperato? Quomodo etiam subitò sanare morbos incurabiles, & quod mirabilius est, solo imperio mortuos suscitare? Aegrotos, etiam absentes, ut Reguli Filium Ioan. 7. & seruum Centurionis Matth. 8. momento sanos reddere? Absentia cognoscere, futura li-

bera prædicere, cordis secreta reuelare, & similia naturam humanam quantumvis optimè temperatam excedentia.

Hinc etiam manet confutatus error stolidus Auicennæ in quarta sexti Naturalium cap. 6. miracula Christi tribuentis virtuti & efficacitati imaginationis : aientisque posse animam hominis, per vehementem affectum, & cogitationem imaginationis, non modò corpus suum, sed & alia transmutare, homines interficere, quoslibet morbos curare, pluuias, grandines, & ventos excitare. An verò etiam mortuos ad vitam reuocare, & cæco nato visum momento restituere, breuiori claudorum pedi iustam quantitatem solo nutu addere, futura libera prædicere, absentia cognoscere, & cordium secreta reuelare? Hoc certè nemo nisi extincto lumine rationis persuadere sibi possit, ut & illud quod ait de morborum omnium curatione, & pluuiarum, grandinum, ventorumque excitatione vi solius imaginationis.

His erroribus explosis supersunt duæ Theologorum opiniones nobis aduerstæ. Prima est Paludani in 4. distinct. 1. quæst. 1. n. 32. & sequentibus, & aliorum quorundam Thomistarum, existimantium Christi humanitati datam fuisse qualitatem aliquam superioris ordinis, quæ esset virtus instrumentalis physica ad omnia. Posterior est Suarez disp. 31. sect. 3. & 5. affirmantis ipsammet Christi humanitatem immediatè concurrissè physicè ad miracula omnia, quæ actione aliqua positiua & physica fiebant : concurrissè, inquam, cum Dei auxilio speciali & supernaturali, à quo eleuabatur, & ratione cuius poterat etiam creare, & effectus distantes attingere. Fundamentum vtriusque sententiæ idem est : quòd scilicet Christus censendus est concurrissè physicè ad huiusmodi miracula. At nò potuit còcurrere physicè nisi per suam humanitatem eleuatam, ut vult Suarez : vel per inditam qualitatem, ut alij malunt. Maiorem probant, Primò, ex Scriptura, quæ pluribus locis insinuat Christi humanitatem concurrissè modo maximè proprio. Ut quando Christus ait, *sensu virtutem de me exisse*, Luc. 8. & *Virtus de illo exibat, & sanabat omnes*, Luc. 6. Quæ & similia possunt intelligi de propria & physica effectione, idque Christi dignitati conuenientius est, & modo quo Christus hæc miracula operabatur per actiones humanitatis, tangendo & imperando. Probant 2. ex Conciliis & Patribus, qui carnem Christi vocant viuificatricem, ut loquitur Concilium Ephesinum can. 11. aiuntque Verbum per humanitatem fecissè opera, quæ erant indicia diuinitatis, ut loquitur Sophronius in VI. Synodo generali, actione vndecima : & Christum perfectiori modo, quàm Moysen, fuisse miracula operatum, eiusque carnem fuisse cooperatricem, ut loquitur Cyrillus Alexandrinus in epistola prima quæ est ad Monachos Aegypti : & communiter iidem affirmant humanitatem fuisse organum

16.
Tertius error illa ascribens virtuti imaginationis.

17.
Referuntur duæ Theolog. opiniones contrariæ, & eorundem fundamenta.

Ephesin.

VI. Synod.

Cyrril.

seu instrumentum diuinitatis.

Probât tertio ratione: quia creaturæ pos-
sunt eleuari ad opera supernaturalia physicè
producenda, vt sacramenta ad producen-
dam gratiam, ignis inferni ad spiritus
comburendos, intellectus & voluntas huma-
na ad actus supernaturales. Cumque huma-
nitas Christi sit participatio primi entis, &
illi subordinata; non est mirum si possit ad
quidlibet operandum physicè applicari à
Deo, nec, nisi appareat contradictio de-
bet diuinæ omnipotentiae illud negari.
Addit 4. Suares hanc esse apertam senten-
tiam D. Thomæ qu, 13. art. 1. & 2. vbi ita
concedit Christi animam potuisse efficere
miracula, sicut negat potuisse assumi ad
creandum, vel annihilandum. Constat au-
tem, si sermo esset solum de concursu mora-
li, vel de conditione sine qua non, seu ad cu-
ius præsentiam operatur Deus ex pacto cer-
to & infallibili, potuisse animam Christi
concurrere ad creationem & annihilatio-
nem: loquitur ergo D. Thomas de vera &
physica effectione.

S. Thom.

19.

Quomodo
virtus de
Christo
exiret fa-
ciendo mi-
racula.

Ad primum Respondeo, Illa Scripturæ lo-
ca intelligi posse de Christo secundum diui-
nitatem, à qua virtus exibat non secundum
se, sed secundum effectum ab ea productum
ad extra. Nec obest quod ibidem additur,
*Omnes querebant cum tangere, quia virtus de
illo exibat.* Licet enim tactus ille intelliga-
tur necessario de Christo secundum huma-
nitatem, exitus tamen virtutis potest facile
intelligi de eodem secundum diuinitatem.
Non etiam obest quod ipse ait, *sensi virtu-
tem de me exisse*: Nam, *sensi*, hoc loco, idem
est ac, *cognoui*. Neque ille exitus virtutis,
quatenus fuisset ab humanitate, erat sensibi-
lis, sed tantum intellectu cognoscibilis. De-
nique ex D. August. lib. 2. de Ciuit. cap. 9.
sufficit moralis concursus humanitatis ad ex-
plicanda ea, quæ de Christi miraculis dicun-
tur in Scriptura. Physicus autem in quibus-
dam non apparet possibilis, propter improp-
ortionem. Neque propterea derogatur Chri-
sti dignitati, cum ei conceditur quidquid cō-
cedi potest. Et non minuitur Dei potentia,
cum ei negatur quod impossibile & nihil est.
Falsum item est causare moraliter, non esse
verè ac propriè causare, secundum vltim lo-
quendi communem, vel id esse exiguae per-
fectionis: cum plerumque nobilius causet
qui moraliter, quàm qui physicè: vt iu-
dex qui iussu suo fontem occidit, quàm car-
nifex: aut herus qui per seruum eleemosy-
nam pauperi dat: & in præsentem magnum ac
supra modum mirabile sit habuisse Chri-
stum omnipotentiam Dei paratam, & ve-
lut obsequentem ad omnia quæ voluit. Sa-
nè Christus per suam passionem fuit verè ac
propriè causa salutis hominum: & tamen
passio non fuit causa physica, nec potuit esse
respectu eorum qui ante vel post illam san-
ctificati sunt: quod enim non est physicè, non
potest physicè operari.

August.

20.

Ad secundum Respondeo, Concilium

Ephefinum vocare carnem Christi viuifica-
tricem, adiectiuè: quia, inquit, facta est pro-
pria Verbi cuncta viuificare valentis; contra
Nestorij errorem negantis fuisse vnitatem
hypostaticè diuinitati: ratione cuius vnio-
nis, dici potest caro Christi viuificasse, etiam
physicè, propterea quod vnio illa facit vt
actiones diuinitatis ad extra sint specialiter
proprie humanitatis, & iure illitribuantur.
Diuinitas autem physicè viuificat. Præter-
quam quod ipsamet caro Christi secundum
se dici potest moraliter viuificatrix: quia si-
cut mors ipsa Christi nos viuificauit, &
à morte æterna liberauit, non efficiendo
physicè, sed concurrente moraliter cum
virtute diuina physicè viuificante, illi scilicet
mouendo efficaciter ad vitam non is
largiendam: Ita caro Christi propter vnio-
nem cum Verbo dici potest secundum se vi-
uificatrix, eò quod propter vnionem illius
cum Verbo decreuit Deus viuificare eos om-
nes qui legitimè, & sicut oportet ei coniun-
cti sunt. Eodem modo intelligi potest quod
aiunt alii supra citati; humanitatem fuisse
operatam & cooperatam diuinitati: fuisse
organum seu instrumentum, id est, causam
minus principalem, subordinatam, & impe-
tratoriam, perfectius tamen quàm Moysem
aliosque Prophetas & sanctos, quibus non
aderat concursus diuinus vniuersaliter, &
perseueranter, ac semper ad omnia paratus,
sed ad quædam dumtaxat & transeunter:
quorumuè natura non erat Verbo hæc om-
nia physicè operanti vnita.

Caro Chri-
sti quomodo
de viuifica-

Ad tertium Respondeo, Creaturas posse
quidem eleuari ad ea omnia ad quæ vim in-
choatam habent, quæ necessario præsuppo-
nitur eleuationi: nam si non est potentia,
non magis potest eleuari, quàm Chymæra.
Sed non esse potentiam in creaturis ad om-
nia. Alioquin posset oculus corporeus eleuari
ad Deum videndum, & appetitus bruti ad
Deo fruendum. Ac licet creatura sit partici-
patio primi entis: est tamen finita & limita-
ta, adeoque virtutis limitatæ & non valen-
tis ad omnia. Estque in eo contradictio, quod
possit plusquam possit, aut quod vis finita sit
in finita, possitque quidquid non implicat
contradictionem. Exempla verò allata ele-
uationis physica sunt in quæstione, excepto
vltimo. Ac probabilius est sacramenta
non producere physicè gratiam, nec ignem
inferni vrere physicè spiritus, sed torque-
re per apprehensionem modo alibi expli-
cato. In intellectu autem & voluntate hu-
mana est vis inchoata ad cognoscendum &
amandum supernaturaliter Deum, & alia
obiecta, quæ ipsa possumus etiam naturali-
ter, sed minus perfectè, cognoscere &
velle.

21.

Humanitas
Christi vel
alia creatu-
ratum non
potest ad
quidlibet
eleuari.

Instabis, Quia intellectus humanus potest
eleuari à Deo ad quiduis intelligendum, li-
cet non quouis modo. Ergo potentia execu-
tiua, & extra se effectiua, potest eleuari ad
quiduis efficiendum.

22.

Instantia
repellitur.

Respondeo, Differentiam esse inter intelle-

¶ c 2

ctum hominis, & eius potentiam effectivam. Non enim quicquid potest homo intelligere, potest illud efficere, quamvis aliqui illud sit effectibile. Etenim homo potest intelligere omnia corporalia, non tamen ea efficere, & quamvis possit aliquid generare aut producere; non tamen quodlibet generabile, intellectum & cognitum à se, potest efficere. Dum autem homo elevatur ad cognoscendum quidvis, non elevatur ultra sphaeram obiecti sui, quia vim habet naturaliter ad omnia aliquo modo cognoscenda.

23. Ad quartum Respondeo, D. Thomam loco citato id eo negare animam Christi potuisse assumi ut instrumentum ad creandum, quia ut apparet ex 1. parte, qu. 45, art. 5. & lib. 2. contra Gentes, cap. 21, ratione 6. putat ad rationem instrumenti, etiam moralis, necessariam esse praevidiam aliquam physicam actionem, vel applicationem circa subiectum, ut dispositionem vel causam intermediam ad effectum peculiariter intentum: & eam non posse fieri circa rem producendam ex nihilo. Vnde apud S. Thomam latius patet causa impetratoria, quam instrumentum morale. De annihilatione verò fortè ideo negat, quòd existimet, & verè, non per causalitatem physicam siue influxum causae principaliter annihilantis, sed per meram negationem & subtractionem influxus con-

servantis fieri posse: & ad quod non est verè causalitas causae agentis principaliter, ad illud etiam propriè non esse causalitatem instrumentalem, quae non dicitur esse nisi quatenus instrumentum assumitur à causa principali ad causandum & efficiendum id quod ipsa principaliter efficit, & ad quod efficiendum assumpsit instrumentum.


Ex dictis facile solui potest quaestio proposita à Suar. disp. citata sect. 7. & 8. an virtus miraculorum Christi se extenderit ad effectus loco vel tempore distantes, id est, ad operandum ubi non erat, vel quando nondum actu erat? Dicendum enim, virtutem illam moralem operari potuisse ubi non erat, quemadmodum fecisse narratur Ioan. 7. & Matth. 8. satis enim erat Christum velle ibi operari. Potuisse item moraliter concurrere cum esset tantum in Dei praevidione; id est, cum nondum Christus actu existeret, sed à Deo praevidebatur futurus, & voliturus opera mirabilia, quae illius intuitu & causâ fiebant. Sicut merita Christi praevisa fuerunt causa moralis sanctificationis veterum Patrum, Nimirum quia ad causandum moraliter, sufficit esse morale, quod esse iam res illae habebant in Dei praevidione & estimatione. Debet tamen causa moraliter efficiens, esse moraliter saltem naturâ prius quam operetur, ideoque non potest seipsam primò vel absolutè efficere, ut alibi ostendimus.

24. Virtus miraculorum Christi se extendit ad effectus loco & tempore distantes.

DISPUTATIO DECIMA-TERTIA.

De Defectibus à Christo assumptis.

- Sectio I. *An, & quos defectus assumpserit Christus secundum corpus?*
- Sectio II. *An, & quos defectus assumpserit secundum animam? Ac primò de ignorantia & peccato.*
- Sectio III. *Qua de causa repugnet absolutè Christum peccare?*
- Sectio IV. *Soluntur tres quaestiones circa impossibilitatem peccati actualis in Christo.*
- Sectio V. *An peccatum habituale, vel originale potuerit esse in Christo?*
- Sectio VI. *An fomes peccati fuerit, vel potuerit esse in Christo de potentia absoluta?*
- Sectio VII. *An passiones animae fuerint in Christo?*



DE defectibus à Christo assumptis secundum corpus & animam : disputat S. Thomas quæst. 14. & 15. In quarum priore docet Primò, Conueniens fuisse corpus assumptum à Filio Dei, humanis infirmitatibus & defectibus subiacere, vt Christus pro peccatis hominum satisfaceret, fidem incarnationis astrueret, & patientiæ exemplum daret. Secundò, Christum naturali necessitate, quæ oritur ex principiis humanæ naturæ, fuisse subiectum morti, & aliis huiusmodi defectibus corporis : atque etiam necessitate coactionis repugnante naturæ corporali, subiactuisse necessitati, & clauis perforantis, & flagelli percutientis : non tamen necessitate coactionis repugnante voluntati, siue diuinæ, vt manifestum est; siue humanæ absolutè spectatæ, prout sequitur rationem deliberantem : sed solùm secundum naturalem motum voluntatis, prout scilicet naturaliter refugit mortem, & alia corporis nouementa. Tertiò, Christum non contraxisse hos defectus quasi ex debito peccati (sicut alij homines) sed illos propria voluntate suscepisse. Accepit enim naturam humanam absque peccato, in illa puritate, in qua erat in statu innocentia. Et simili modo potuisset illam sine defectibus assumere. Quartò, Christum non assumpsisse omnes defectus siue infirmitates humanas; neque fuisse conueniens vt assumeret. Cùm enim defectus humanos assumpserit vt satisfaceret pro peccato naturæ humanæ, ad quod requirebatur vt haberet perfectionem scientiæ & gratiæ in anima : illos defectus assumere debuit, qui consequuntur ex peccato communi totius naturæ, nec tamen repugnant perfectioni scientiæ & gratiæ. Sunt autem quidam defectus illi repugnantes, sicut ignorantia, pronitas ad malum, & difficultas ad bonum. Quidam etiam non consequuntur communiter totam humanam naturam propter peccatum primi parentis, sed causantur in aliquibus hominibus ex quibusdam particularibus causis : sicut lepra, & morbus caducus, & alij huiusmodi : siue ex culpa hominis, puta ex inordinato victu : siue ex defectu virtutis formatiue : quorum neutrum conuenit Christo. Sunt denique alij defectus omnibus conuenientes ex peccato primi parentis, sicut mors, fames, sitis, & alia huiusmodi. Et hos omnes Christus suscepit; quos Damasc. vocat naturales, & indetractibiles passionibus : naturales quidem, quia consequuntur communiter totam naturam humanam : indetractibiles autem, quia defectum scientiæ, & gratiæ non important.

In posteriori quæst. affirmat, Christum nullo modo assumpsisse defectum peccati, nec originalis, nec actualis. Quia suscepit nostros defectus, vt pro nobis satisfaceret, & vt veritatem humanæ naturæ comprobaret, nobisque fieret exemplum virtutis. Ad quæ tria peccatum non prodest, sed obest. Nam & satisfactionem potius impedit : & contra naturam humanam est : & virtuti contrariatur. Neque etiam fomitem peccati in illo fuisse : cùm iste defectus non sit ordinabilis ad satisfaciendum, sed potius inclinet ad contrarium

Cc 3

satisfactioni : & in Christo fuerit virtus secundum perfectissimum gradum : Virtus autem quò perfectior est, eò magis vim fomitibus debilitat, & animam rationi subiicit. Non fuisse quoque in Christo ignorantiam : quippe quæ repugnet plenitudini scientiæ quam habet. Passiones verò animæ fuisse quidem in illo : aliter tamen quàm in nobis, quantum ad tria. Primò quidem, quantum ad obiectum : quia in nobis plerumque huiusmodi passiones feruntur ad illicita ; quod in Christo non fuit. Secundò, quantum ad principium : quia huiusmodi passiones frequenter in nobis præueniunt iudicium rationis : sed in Christo omnes motus sensitiui appetitus oriebantur secundum dispositionem rationis. Tertiò, quantum ad effectum ; quia in nobis quandoque huiusmodi motus non sistant in appetitu sensitiuo, sed trahunt rationem : quod in Christo non fuit : quia motus naturaliter humanæ carni conuenientes, ita manebant in appetitu sensitiuo, vt ratio per eos nullo modo impederetur. Addit S. Thomas art. 5. & sequentibus, fuisse in Christo verum dolorem sensibilem, tristitiam, & timorem, semota incertitudine euentus, cuius habebat scientiam perfectam : non autem admirationem, nisi quoad scientiam experimentalem : cum alioqui nihil nouum & insolitum illi accideret secundum scientiam diuinam & humanam. Iram quoque in illo fuisse, non inordinatam & vitiosam, sed secundum ordinem iustitiæ, quæ dicitur ira per zelum. Ac denique Christum fuisse simul comprehensorem, in quantum habebat beatitudinem propriam animæ : & simul viatorem, in quantum tendebat in beatitudinem. Secundum id quod ei de beatitudine deerat, nempe secundum gloriam corporis, impassibilitatem, & immortalitatem. Huc vsque D. Thomas.

SECTIO I.

An, & quos defectus assumpserit Christus secundum corpus ?

Quid & quod duplex sit defectus ?

DEFFECTVM nomine intelligimus imperfectiones humani corporis : seu priuatiuas (quæ magis propriè defectus dicuntur) seu positiuas : & siue ex naturali ipsius conditione, siue aliunde prouenientes. Huiusmodi autem defectus sunt duplices, vt notat S. Thom. qu. 14. art. 4. quidam sunt communes toti naturæ : vt esse obnoxium fami, siti, lassitudini, dolori, læsioni à contrariis, senectuti, & morti. Qui defectus oriuntur ex ipsa naturali conditione corporis humani, ideòque sunt omnibus communes. Alij sunt priuari & peculiare quorundam, ortique ex causis peculiaribus : vt deformitas, imbecillitas, cæcitas, surditas, morbus comitialis, & similes, qui vel ex malo temperamento, vel ex defectu virtutis formatiui, vel ex intemperantia, aut alio accidenti contingunt.

Prioris generis defectus fuerunt in corpore Christi, quantum ad nostram salutem expediebat, & ipsius dignitatem non dedecerebat. Est enim verè passus famem, sitim, lassitudinem, dolores, vulnera, & mortem, vt sæpius testatur Euangelica historia. Et Isaias cap. 53. *Verè languores nostros ipse tulit, & dolores nostros ipse portauit. Vulneratus est propter peccata nostra, attritus est propter scelera nostra.* Et Hebr. 2. *Debuit per omnia fratribus similari, vt misericors fieret, &c.* In eodem in quo passus est ipse & tentatus, potens est & eis qui tentantur auxiliari. Quare Iustinianus Imperator apud Nicephorum lib. 17. Historiæ cap. 29. Hilar. lib. 10. de Trinit. Hesichius homil. 2. de B. Virgine, & si qui alij veterum contrarium senserunt, contra Scripturam errarunt. Triplicem autem huius rei rationem reddit S. Thom. art. 1. qu. cit. Primò, vt Christus sic pro peccatis hominum satisfaceret. 2. Vt se verum hominē esse probaret. 3. Vt exemplum patientiæ exhiberet. Propter hæc tria habuit Christus corpus obnoxium communibus incommodis, quorum permulta re ipsa passus est. Vt famem, Matth. 4. sitim, Ioan. 19. fatigationem &

Christus assumpsit defectus corporis communes.

Nicephori Hilar. Hesich.

S. Thom.

Christus
erat de se
obnoxius
lenecturi
& morti
suscipi.

lassitudinem, Ioan. 4. dolores, vulnera, & mortem, Luc. 23. Et quamvis nunquam futurum fuerit ut Christus senesceret, & morte naturali moreretur, quandoquidem æterno Dei consilio, in flore ætatis, violenta morte abreptus est: habebat tamen corpus ita dispositum, ut more aliorum hominum lenuisset, & tandem morte naturali obisset, deficiente paulatim & consumpto humido radicali, per internam partium heterogenearum pugnam, alimentiq; & potus reactionem, & causarum externarum læsionem, ex quibus mors naturaliter contingit, ut fufius docent Philolophi & Medici. Tardius tamen id Christo accidisset, propter optimum eius temperamentum, victus temperantiam, & cognitionem rerum sibi conuenientium ac dilconuenientium, quã vtendo, poterat vitare noxia, & vitæ conseruandæ idonea adhibere. Quod autem dicunt aliqui, esse in rebus naturalibus remedia, quæ si cognoscerentur & adhiberentur, posset vita in perpetuum conseruari; credibile non est: licet non sit impossibile: nam lignum vitæ erat huiusmodi, ut illius esu posset humidum radicale perfecte reparari, & vita immortalis reddi, quemadmodum Scriptura indicat. Gen. 3. ver. 22. Videtur tamen hæc arbor sola è rebus creatis vim illam habuisse, ideoque specialiter ligni vitæ nomen obtinuisse. Alioqui non erat, cur propter illam Deus primos parentes paradiso eiiceret, si alia erant extra paradysum, quorum esus vel usus parem effectum habere posset: quod Adamum non latuisset, quippe qui rerum omnium naturalium creaturarum scientiam à Deo acceperat.

3. Similiter, quamvis Christus nullum morbum reipsa sit passus, ut communiter Patres & Theologi docent, ob perfectionem temperamenti ipsius, & prudentissimum viuendi modum, & quia id propter salutem nostram non erat necessarium, neque ita decebat eius personam: tamen dubium non est, quin ex nimio labore, si eum subiisset, vel ex aëris intemperie, aliisque causis extetnis, si illis se supra modum exposuisset, in eos morbos naturaliter incidisset, qui ab illis sequuntur naturaliter. Neque enim verum est quod aliqui dicunt, omnes morbos oriri vel ab imperfectione virtutis formatiuz, seu mala complexionem naturali, vel à cibi & potus intemperantia, quæ duo certè à Christo longissime abfuerunt. Ab aliis verò causis, à quibus morbi oriri poterant, Christus prudenter abstinuit, eiusque parēs sapientissima, cuius regimini in infantia commissus fuit.

4. Posterioris generis defectus non fuerunt in corpore Christi. Quia non erat defectus communes naturæ, neq; ad salutem nostram necessarii, neque eius dignitati conuenientes. Quare non fuit Christus deformis, ut perperam Clemens, Alexand. Tertull. & alii pauci imaginati sunt, decepti iis Scripturæ locis, quæ de illo ut per passionem deformato loquuntur Isaïæ 53. Sed ut Hieron. August. Chry-

soft. & alii melius ac cõmunius sentiunt, indicatque Psalmista Psal. 44. v. 3. habuit eximiam pulchritudinem corporis, quæ ex tribus confurgit: scilicet ex membrorum omnium integritate, ex eorum debita proportionem, & ex conuenienti colore nativo, qui oritur ex bonitate temperamenti. Pulchritudinem, inquam, nõ mollem & fœmineam, consistentem in venustate & specie blandissima: sed virilem, & plenam maiestatis, quæ amorem illi, & auctoritatem, ac venerationem simul conciliaret. Qualis tam sanctum Euangelii prædicatorem decebat, & qualem exhibent imagines antiquæ Christi & Beatæ Virginis, descriptionesque eorumdem apud Nicephorum lib. 1. Historiæ, cap. 40. Corporis quoque firmitatē & robur habuit eximium ad ferendū tot labores, quot pertulit. Nam totis diebus laborabat prædicando, iter agendo, & alia operando: noctes verò transigebat in oratione Dei, id est, phrasi Hebraica, iugi & vehementi, raròque potum cibumue sumebat, ut Euangelistæ testantur, ac totos quadraginta dies & quadraginta noctes perstitit sine cibo. Sensus verò exteriores habebat excellentes: sensum communem, & imaginationem similiter, æstimationemque rectissimam: memoriam ad conseruandas species exquisitam & admirabilem: partesque omnes quibus motiones appetitus excitantur, temperatissimas & rationifacile obsequentes. Gestus verò, & motus, & exterior corporis compositio, quæ pendet ab arbitrio & affectu personæ, tales in Christo fuerunt, ut nullus ei similis extiterit, propter clarissimam eius cognitionem, rectissimumque appetitum, & perfectum dominium, quo se totum & sua habebat in potestate, & regebat. Neque illi quidquam excidebat nolenti, aut non volenti. Semper enim ratio omnes eius motus tam internos, quàm externos, vel permittendo vel imperando præueniebat: cum per scientiam infusam præcognosceret semper quidquid in quocumque casu sibi euenturum erat.

Circa priores defectus triplex fuit differentia inter Christum & nos. Prima, quod non omnes penitus assumpsit, sed fere omnes: iis scilicet exceptis qui specialiter eius personam dedebant, & ad nostram salutem non erant necessarii. Sicut enim quoad animam non assumpsit ignorantiam, neque peccatum: ita neque secundum corpus seu partem sensitiuam, habuit fomitem peccati, id est, dispositionem illam partis sensitiuæ nimis pronā ad sensibilia, & rebellē rationi, quam omnes experiuntur: neque vllum turpem motum est passus in parte sensitiua aut vegetatiua, quales nos sæpius in somnis, vel vigiles naturaliter experimur. Vera enim est regula tradita à Magistro in 3. dist. 15. littera A. Christum suscepisse eos omnes defectus, quos homini eum assumere expediebat, & suæ dignitati non derogabat: id est, non indignos seu indecentes, & dignitati personæ, atque officio minimè derogantes.

Cc 4

Pulchritudo corporis Christi.

Nicephor.

Corporis eius firmitas.

Sensus & cetera omnia in Christi corpore perfectissima.

Christi defectus communes assumpsit cum triplici differentia.

Magist.

6. Secunda differentia est, quod huiusmodi defectus nobis sunt adeo naturales ac necessarii, ut nullo modo pendeat à nostra voluntate eos suscipere. Non possumus enim, quidquid velimus, non esse obnoxii fami, siti, lassitudini, passibilitati, & morti. At Christus eos voluntariè suscepit dupliciter.

1. Quatenus liberè consensit in priuationem seu carentiam dotium corporis gloriosi, animæ suæ beatæ debitarum ab instanti conceptionis, ut patiēdo nobis proderet: neque enim Deus Christum illis incommodis subiecit independentē à libero eius consensu, ut de morte alibi diximus. 2. Quatenus poterat miraculosè effectum eorum impedire, si voluisset illis incommodis se subtrahere. Licet enim voluntas eius humana non posset viribus solis naturalibus ea impedire, postquam eorum causæ erant debitè applicatæ; & eatenus illi defectus essent Christo naturales ac necessarii: poterat tamen per potentiam miraculorum, cuius applicatio penderat ab ipsius voluntate, vitare omnia incommoda, recurrendo ad diuinam omnipotentiam, paratam ad id omne quod Christus veller efficaciter.

7. Tertia differentia est, quod hi defectus dicuntur propriè assumpti fuisse à Christo: ab aliis verò omnibus dicuntur fuisse propriè contracti. Nam ut rectè ait S. Thom. q. 14. art. 3. in verbo *contrahendi* intelligitur ordo effectus ad causam: ut scilicet illud dicatur contrahi, quod simul cum sua causa ex necessitate trahitur. Causa autem mortis, & horum defectuum, in humana natura est peccatum, Rom. 5. Et ideo illi propriè dicuntur hos defectus contrahere, qui ex debito peccati hos defectus incurrunt. Ut omnibus aliis contingit, etiam ipsi Beatæ Virgini, quæ licet fuerit exempta à peccato Originali, non tamen ab ipsius debito: cuius causa non fuit ab his pœnalitatibus immunis, cum eius dignitatem non dedecerent, ut peccatum ipsum. At verò Christus hos defectus non habuit ex debito peccati, cum ab Adamo per naturalem generationem non descenderit, neque in pacto fuerit comprehensus: sed ex propria voluntate illos suscepit.

8. Dices, hi defectus oriuntur naturaliter ab ipsa natura humana, quam Christus accepit. Ergo accepit hos defectus cum sua causa. Item Christus suscepit munus satisfaciendi pro peccatis, ad quod fuit necessarium pati & mori. Ergo accepit hos defectus cum causa ex qua sequuntur necessariò.

Obiectio
bimembri
diluitur.

Respondeo ad primum, Naturam humanam esse per se quidem causam sufficientem & necessariam huiusmodi defectuum, consideratam in puris naturalibus. Verumtamen in statu innocentie talis erat à Deo facta, & iis prædiis munita, ut incommodis illis non subiaceret, si in eo statu perstitisset. Hinc est quod de facto peccatum solum est causa necessaria, & sine qua non, huiusmodi defectuum.

Ad secundum Respondeo, Potuisse Christum absolute loquendo satisfacere sine huiusmodi defectibus: & sponte illis, etiam ad satisfaciendum, se subiecisse. Posita verò acceptatione præcepti diuini necessarium quidem illi fuit pati & mori: sed non erat simpliciter necessarium id, quod in radice penderat ab eius libertate.

Disputant hic Suares disp. 32. sect. 4. & alii recentiores contra Vbiquistas, probantque corpus Christi fuisse subiectum circumscriptioni, & mutationi locali. Sed hoc magna probatione non indiget. Nam inepti sunt Vbiquistæ cum putant Christi humanitatem necessariò debere esse vbique, quia Verbum, cui vnitur, est vbique. Perinde ac si quis diceret manum necessariò esse in pede, vel in cerebro, quia anima, cui vnitur, est in pede & cerebro. Et aperte repugnant Scripturæ, Ioan. 6. *Cum vidisset turba quod Iesus non esset ibi: & cap. 11. Ut sciatis quia non eram ibi.* Marc. 16. *Surrexit, non est hic.* Act. 1. *Assumptus est in cælum & sic veniet, quemadmodum vidistis eum euntem in cælum.* Ac denique evertunt præcipua fidei dogmata & mysteria vitæ Christi. Hinc enim sequitur, Christum non fuisse inclusum in vtero Virginis, neque verè ex illa natum esse, neque in Aegyptum fugisse, indeque rediisse, nec Galilæam, Iudæam, aliaque loca peragrassè, nec in crucem actum esse, descendisse ad Inferos post mortem, surrexisse ex sepulchro, ad cælum tandem ascendisse, indeque ad iudicandos homines venturum esse: quia qui est vbique indiuisibiliter, non potest moueri localiter, cum non possit esse bis in eodem loco simul: ac denique sequitur ex eodem errore, Christum non magis esse in speciebus Eucharisticis, quàm in quibuslibet aliis rebus corporeis: sed vbique esse indiuisibiliter: quia vbique est Verbum, cui omnes corporis partes vnitæ sunt, ac proinde omnes & singulæ partes debent esse vbique, si valet argumentum Vbiquistarum. Atque ita Christus totus erit in toto mundo, & totus in qualibet eius parte, imò & in toto spatio imaginario; quæ omnia stoliditatis plena sunt.

Quoniam autè Lutherani Vbiquitarii sunt in duas partes diuisi: Quidam enim putant Christi humanitatem fuisse vbique ab instanti conceptionis: Alii tantum ab instanti Resurrectionis, vel Ascensionis in cælum: Contra priores valent omnia argumenta superius allata: Contra posteriores pugnant illud Act. 1. *Assumptus est in cælum, & sic veniet quemadmodum vidistis eum euntem in cælum:* Et illud aliud de Sacramento Eucharistiæ, & spatiis imaginariis. Præterquam quod si ratione & vi vnionis hypostaticæ debet necessariò esse vbique post ascensionem: debet pariter esse vbique ab instanti conceptionis, cum primum fuit illa vnio. De hoc secundo genere Vbiquistarum fuisse videntur Protestantes in celebri collatione præcipuorum Ministrorum habita cum Calvinistis, præside

9.

Christus
secundum
humanita-
tem non est
vbique.

10.

Ignorantia
Vbiquita-
riorum.

seu moderatore disputationis vna ex parte Duce Virtembergensi; ex alia, Comite Palatino. Vbi, ut refertur in libro edigo Virtembergæ ab ipsismet Hæreticis, inscripto *Proclamation*, post longam concertationem, iussu sunt Ministri utriusque partis unico syllogismo efficacissimo pro sua parte concludere. Et Protestantes quidem sic concluderunt: *Dextera Dei est ubique. Christus est ad dexteram Dei: ergo Christus est ubique.* Contra verò Calvinistæ sic retorserunt argumentum contra Protestantes: *Dextera Dei est ubique. Christus non est dextera Dei: ergo Christus non est ubique.* Et tam mirabili, inauditoque argumentandi modo docta illa concertatio finita est, in qua nullus fuit qui tam crassos errores contra principia Dialecticæ agnosceret. Posterior enim syllogismus, tametsi nobis non obest, nihil valet. Quia concludit ex minore negativa in prima figura, & modo directo. Similique modo argumentandi probaretur Filium, & Spiritum sanctum non esse ubique: Solem non esse in cælo: & similia, dicendo sic: Pater est ubique. Filius non est Pater, ergo filius non est ubique. Spiritus sanctus non est filius: ergo Spiritus sanctus non est ubique. Deus est in cælo. Sol non est Deus: ergo sol non est in cælo. Prior quoque syllogismus est ineptus, quia constat quatuor terminis. Non enim est idem terminus *dextera Dei*, & *Existens ad dexteram Dei*. Dicendum erat in maiori. Quicquid est ad dexteram Dei, est ubique. Quod est falsum. Eodemque argumentandi genere concluderetur, quamlibet creaturam esse ubique: hunc in modum: Deus est ubique. Quilibet creatura est in Deo (in ipso enim vivimus, & mouemur, & sumus) Ergo quilibet creatura est ubique. Vel: Manus Dei est ubique, quilibet creatura est in manu Dei. Ergo quilibet creatura est ubique. Non quidquid est alicubi cum Deo, vel in Deo, est propterea ubicunque Deus est.

Neque illis fauet quod ait Paulus Ephes. 4. vers. 10. *Qui descendit, ipse est & qui ascendit super omnes cælos, ut impleret omnia.* Sensus enim est, quod Christus qui de terra descenderat ad inferos, postea ad cælos ascendit, ut sua præsentia, virtute, gloria, & victoria, successivè impleret omnia: media, infima, & suprema: seque Dominum vniuersorum esse probaret: ut exponunt S. Bernard. Theopylact. Occum. & alii, quos citant & sequuntur Cornelius in hunc locum, & Beccan. cap. 7. quæst. 4. apud quem plura videri possunt.

SECTIO II.

An, & quos defectus assumpserit Christus secundum animam? Ac primò de ignorantia, & peccato.

11.
Non fuit in
Christo
ignorantia.

Prima conclusio: In intellectu Christi nulla fuit ignorantia propriè dicta: po-

tuit tamen absolute loquendo esse aliqua. Prima pars patet ex dictis disp. 11. Est enim duplex ignorantia propriè dicta. Vna positiua seu prauæ dispositionis, quæ est error aut falsa opinio: altera priuatiua, seu puræ negationis, quæ est carentia scientiæ debite vel conuenientis subiecto: in quo differt à simplici nescientia, & ignorantia quadam, latius sumpta pro carentia scientiæ nec conuenientis, nec debite: cuiusmodi nescientia fuit quidem in intellectu humano Christi, qui nec Deum comprehendit, nec infinita possibilia distinctè nouit: attamen neque vllum errorem aut falsam opinionem habuit: neque vlla cognitione caruit sibi debita, vel conueniente, ut citata disput. ostendimus. Quare nec ignorantiam positiuam, nec priuatiuam propriè dictam passus est. Vnde meritò in VI. Synodo act. 11. in epist. Sophronii approbata act. 13. damnatur The mistius author Agnoitarum ignorantiam Christo affingentium. Quod autem aiunt aliqui Patres, Verbum assumpsisse naturam ignorantem, & induisse carnem ignorationi obnoxiam: intelligendum est de natura illa & carne secundum se spectata: non autem prout ornata donis scientiæ, qualis in Christo est. Augustinus quidem expositione 2. in Psal. 21. ait, Christum in Cruce orantem & clamantem, *Deus, Deus meus, quare me dereliquisti:* ignorasse causam cur eum Deus dereliquerit: sed intelligendus est, quod in specie externa, seu apparenter tantum, & non verè ignorauerit; quodque locus sit velut ignorans, aut potius benigne conquerens, & derelictionem suam lamentans.

Secunda pars probatur, Quia si non repugnat absolute assumi à Verbo naturam aliquam brutam, ut alibi ostendimus: multò minus repugnat assumi naturam humanam cum aliqua ignorantia priuatiua, id est, non ornatam donis omnibus scientiæ, quibus ornari potest. Et quamuis, ut aliqui probabilius putant, repugnaret ex parte sapientiæ diuinæ, assumere naturam aliam quàm intellectualem, vel in ordine ad illam: tamen non ita repugnaret diuinæ sapientiæ pati aliquem defectum inculpabilem cognitionis in natura intellectuali assumpta, ita ut non habeat scientiam & perfectam notitiam eorum omnium, quorum habere posset. Nulla enim lege vel debito honestatis aut iustitiæ tenetur Deus hanc totam illi dare, ita ut faciat indecenter aut iniuste, si non det. Quare potuit esse in Christo ignorantia aliqua priuatiua, id est, carentia alicuius scientiæ, cuius capax est. Notandum autem est, ignorantiam priuatiuam esse duplicem: vnam culpabilem, vel imputabilem vitio, aut imperfectioni morali, quæ est carentia cognitionis, quam quis potest & tenetur habere: vel quam si non habet, tribuitur imperfectioni morali hominis: idque vel in genere, spectata naturali dignitate & conditione animæ rationalis: vel in particulari, prout scilicet hic aut ille, talis vel tale munus ha-

12.

Potuit tamen esse absolute loquendo.

bet : Alia verò inculpabilis est & non imputabilis : quæ est ignorantia rei, quæ licet absolute sciri possit, si tamen nesciatur, non tribuitur id moraliter imperfectioni. Prior ignorantia non potuit locum habere in Christo, propter specialem indecensiam, & moralem deformitatem : secus autem posterior, in qua nulla moralis turpitudine est. Neque magis inconueniens esse videtur dicere per communicationem idiomatum, Deus ignarus est, hoc genere ignorantiz; quam dicere, Deus mortuus est : vel est infans, est infirmus & imbecillus.

13.
Non tamen
positiua,
seu error.

Addit Vasquez disput. 61. cap. 9. n. 59. ignorantiam, etiam positivam, sed speculationem tantum, & inculpabilem, potuisse esse in Christo: Et num. 57. refert Victoriam sensisse, Christum fuisse aliquando deceptum per sensus, sicut nobis interdum contingit. Ipse verò putat Christum non fuisse quidem in intellectu deceptum per sensus, sed eos correxisse, aut causam erroris impedivisse. Veruntamen negari non posse, Christum habuisse modum naturalem sentiendi, ita ut eius oculo res magis distantes minores apparerent : & lux refracta in nubibus, ut in Iride, color appareret, cum re vera non esset. Hæc tamen, inquit, non potest dici deceptio sensus, eo quod sit naturalis modus cognoscendi ipsius: ac proinde hoc pertinet ad veritatem naturalem sensus humani, potius quam ad errorem, aut deceptionem aliquam: neque Deus corrigere debuit aut impedire modum illum operandi naturalem & proprium sensus humani: quia id multum derogaret probationi veritatis naturæ humanæ assumptæ.

14.

Sed quod ad primum attinet, Existimo nullam ignorantiam positivam, id est, nullum errorem aut falsam opinionem, in intellectu Christi esse potuisse. Primum, Quia est per se turpis & indecens, & maximum malum voluntatis: neque ad aliquem finem honestum utilis esse potuit, ut propter illum expeteretur aut permetteretur. 2. Quia æquè absurdum videtur dicere per communicationem idiomatum, Deum errare, & falsum iudicare: ac dicere, Deum peccare. 3. Id plurimum derogaret authoritati Christi loquentis, si posset, quamvis sine culpa, decipi, & falsum enunciare. 4. Ad prudentem gubernationem suppositi rationalis attinet, non admittere falsitatem, & errorem in propria natura. Ergo ad Verbum pertinet hæc non admittere in natura humana à se assumpta. Ergo non potest hæc admittere, quia non potest non prudenter naturam illam gubernare.

15.
Neque per
sensum ip-
sos erravit.

Quoad secundum, Probabilius est quod alii dicunt, quorum confuse meminit Suarez, supra, & noscum Suarez secuti sumus disput. 11. sect. 1. Christum ne quidem per sensus errasse, & aliter res apprehendisse quam sint, (quod certe est species quædam erroris, licet ordinarii, & naturaliter inevitabilis) sed divina virtute ita fuisse sensus eius corrobora-

ratos, ut obiecta semper apprehenderent, qualia erant in seipsis. Probatio autem veritatis humanæ naturæ satis aliunde consistit. Cætera quæ Vasquez opponit rationibus ante allatis, nituntur falsis fundamentis, & per se satis improbabilia sunt.

Secunda conclusio : Nullum in Christo fuit peccatum; nec esse potuit de potentia absoluta. Prima pars patet ex Scriptura 2. Corinth. 5. *Eum qui non novit peccatum, pro nobis peccatum fecit*: id est, hostiam pro peccato. Hebræor. 7. *Talis enim decebat ut nobis esset Pontifex, sanctus, innocens, impollutus, segregatus a peccatoribus*. Quibus, & similibus locis omne peccatum à Christo remouetur, non solum actuale, sed & originale, de quo dicitur Psal. 50. *Ecce enim in iniquitatibus conceptus sum, & in peccatis concepit me mater mea.* & Job. 14. *Quis potest facere mundum de immundo conceptum: semine? & ibidem, iuxta Septuaginta interpretes, Nemo munus à sorde, neque infans cuius est unius diei vita super terram.* Et quidem originale ad Christum non pertinuit, cum per viam naturalis generationis ab Adamo non descenderit, sed speciali operatione Spiritus sancti, conceptus simul & sanctus, ac filius Dei naturalis extiterit, iuxta illud Luc. 3. *Spiritus sanctus superueniet in te, &c.* Quod enim ex te nascetur sanctum, vocabitur filius Dei. De actuali verò patet insuper ex 1. Petri 2. *Qui peccatum non fecit.* & Hebræor. 7. *Tentatus per omnia pro similitudine, absque peccato.* & Ioan. 8. *Quis ex vobis arguet me de peccato?* Id quoque ut minimum affirmant sancti Patres, quorum testimonia congerit Vasquez disput. 61. cap. 3. Ratio ex visione beatifica, & ex dignitate personæ Christi sumi debet, ut patebit ex sequentibus. Ineptæ verò sunt & refutatione indignæ quæ in contrarium obijciunt hæretici, de oratione facta in orto, & in cruce: quasi Christus illic officium redemptoris detrectauerit, quantum potuit, contra Dei voluntatem: hic verò in desperationem inciderit: ut horribiliter blasphemaret Calvinus in Harmonia, ad cap. Matth. 26. vers. 39. & cap. 27. vers. 47.

16.
Non fuit
in Christo
peccatum.

Vasquez.

Calvin.

Secunda pars conclusionis est contra Durandum in 3. dist. 12. qu. 2. & alios paucos asserentes Christum absolute potuisse peccare, remota visione beatifica, & aliis gratiæ donis, præter unionem hypostaticam, quæ absolute remoueri potuerunt: si nimirum Verbum assumpsisset naturam humanam, in puris naturalibus. Fundamentum Durandi est, quia potentia, quæ non est alia perfectior in ratione actus primi, seu in essendo; non est eadem perfectior in ratione actus secundi, siue in operando. Sed stante prædicta suppositione nulla maior perfectio esset in humana natura in ratione actus primi, quam si esset sibi relicta: Ergo nulla maior perfectio esset respectu actus secundi. Sed constat quod natura humana sibi relicta potest peccare: Ergo sic assumpta peccare poterit. Maior patet: quia actus secundus supponit

17.
Neque esse
potuit ab-
solutè.

primum: & agere supponit esse. Minor vero est evidens, admissa suppositione. Confirmatur, quia in eo casu quo natura humana esset destituta omnibus aliis gratiæ donis, præter unionem hypostaticam: neque esset sapientior, neque fortior ad resistendum peccato, quam sint alii homines. Quia unio hypostatica non est actiua, neque per illam solam Christus melius intelligit aut vult, ut neque melius videt vel audit. Sicut ergo reliqui homines possunt peccare ex ignorantia, & fragilitate: sic & Christus in prædicto casu peccare potuisset. Confirmatur 2. Quia si quid obstarat in eo casu, maxime quia Deus diceretur peccare, per communicationem idiomatum. At hoc non magis absurdum est, quam dicere Deum mori. Neque enim minus repugnat mors vitæ diuinæ, quam peccatum sanctitati: & Deus non minus est essentialiter vita, quam sanctitas.

18. **Refellitur argumenta Durandi.** Sed hæc opinio merito à Theologis communiter reicitur ut temeraria, vel alia graui censura digna. Ad cuius fundamentum respondeo, non fore maiorem perfectionem in natura sic assumpta, in ratione actus primi physice: secus autem moraliter. Et ad primam confirmationem dico similiter in eo casu naturam assumptam, non esse quidem physice sapientior, aut fortior, ratione unionis hypostaticæ præcise, & formaliter: neque ipsam physice extinguere peccatum, aut illud impedire, sed moraliter tantum: quatenus quia natura, quæ assumitur, sit Dei per unionem; & turpitudine peccati atque malitia, est offensa, & iniuria Dei: non potest fieri ut Deus patiatur in natura assumpta, & aliquo modo in seipso peccatum. Ad secundam confirmationem dico pias omnes & doctas aures, omnesque Theologos, exceptis paucis hac in parte nimis audacibus, offendi hac propositione, Deus est peccator, aut Deus potest peccare, potest esse pessimus, potest damnari. Neque sine horrore audiunt quod Gabriel in tertio dist. prima quæst. 2. art. 1. propè finem ait: *Iste, propositiones, sunt possibiles, Deus est lapsus, Deus est asinus, Deus est homo damnatus, Deus est Diabolus.* Neque verò par est ratio de morte, quæ de se est indifferens, & propter bonum finem potest esse honesta, & expetibilis, maximeque laudabilis, ut fuit mors Christi propter Dei gloriam, & hominum redemptionem. At peccatum est de se turpe, nec propter quicquam aliud potest esse honestum, & decenter expetibile: sed potius tenetur intellectuale suppositum illud in se, quoad potest, vitare, ut mox ostendemus.

qua variè sentiunt Theologi. Ac primò Henricus Quodlibeto 6. quæst. 6. censet non esse aliam quam visionem beatificam, cum qua peccatum esse nequit absolute. Visio autem beatifica tam necessario fluit ex visione hypostatica, ut Deus absolute eam impedire non possit. Si tamen non fluere, Christus peccare posset.

Sed quidquid de maiori sentiendum sit, Non fatetur de qua diximus alibi: minor est falsa. Potuit enim Deus, absolute loquendo, differre gloriam animæ Christi, æque ac corporis: potuit etiam utramque negare. Nulla enim est connexio essentialis inter hæc dona, & unionem hypostaticam: nec vlla, sit vel probabiliter apparens, contradictio in eorum separatione. Falsum item est potuisse Christum peccare semora visione beatifica, ut patebit ex sequentibus.

Secundò, Aliqui dicunt id repugnare absolute, quia sequeretur Deum peccare posse. Verum si hoc intelligant de communicatione idiomatum, quod scilicet Deus posset denominari peccator, humanitate assumpta peccante: petunt principium. Idem enim est dicere humanitatem assumptam posse peccare, & Deum posse denominari peccatorem ab illa peccante. Sin autem intelligunt hinc sequi Deum, quia Deum, peccare posse: debent id aliunde probare.

Idcirco alii tertio dicunt, sequi ex opposito Deum peccare posse: quia cum suppositum ex natura humana, & hypostasi diuina constitutum, non possit peccare naturaliter, & de potentia ordinaria: oportet Deum concurrere specialiter, & supernaturaliter, ut peccaret. Sic autem Deus esset causa specialis peccati: & peccaret, quia faceret aliquid indecent. Dedecet enim Deum esse causam specialem, & authorem peccati, æque ac mentiri, vel falsum testificari. Et quamuis Deus nullum habeat superiorem, cuius legibus aut præceptis obedire teneatur: tenetur tamen ratione suæ naturæ, ex rectitudine naturalis honestatis, nihil facere quod rectam rationem dedecet, & vitare omnem agendi turpitudinem moraliter disconuenientem naturæ suæ rationali seu intellectuali.

Verum auctores isti non ostendunt, neque satis exponunt quomodo repugnet naturaliter peccare suppositum constans ex natura humana, & hypostasi Verbi. Duobus autem modis intelligi potest id repugnare naturaliter. Primò, quia unio hypostatica ita per se resistit peccati commissioni, ut humanitas viribus suis naturalibus non possit illam resistantiam vincere, & committere peccatum aliquod, præuolendo contra impedimentum unionis. Quo pacto visio beatifica, & amor eam consequens, resistunt omni peccato actuali in Beatis. Secundò, quia unio hypostatica non impedit quidem naturaliter quin peccatum committatur à natura humana sed tamen naturaliter debet desinere, si peccatum ab ea committatur. Et quia Deus non vult permittere ut desinat: non

tio ear peccatum non potest esse in Christo Henric.

Non fatetur

Secundò ratio, cuiusque refutatio.

16. Tertia ratio.

17. Non sufficit.

SECTIO III.

Qua de causa repugnet absolute Christum peccare?

19. Prima. Difficultas verò est in assignanda vera ratione huius impotentiae absolute. De

vult etiam permittere peccatum in natura assumpta. Quo pacto consent multi gratiam habitualem repugnare naturaliter peccato mortali: non quia impedit ne committi possit à iusto, multi enim iusti mortaliter peccant: sed quia definit connaturaliter, peccato mortali commissio, neque cum illo naturaliter stare potest. Vnde, si Deus statuatur aliquem confirmare in gratia, tenetur non permittere ut mortaliter peccet.

22.

Hoc secundo modo Deus non peccaret, quamvis supra & contra naturæ exigentiam conseruaret vnionem hypostaticam in natura peccante: sicut non peccaret conseruando gratiam in eo qui peccat mortaliter: vel dando visionem beatificam ei qui mortaliter peccauit, & propter mortale peccatum nondum remissum, illa indignus est, deberetque potius illa priuari in perpetuum.

23.

De primo autem modo verum est Deum peccaturum, id est, turpiter, & indecenter facturum, si auxilio & concursu speciali confortaret potentiam naturalem ad peccandum, & ad vincendam resistantiam vnionis hypostaticæ obfistentis peccato insuperabiliter solis viribus naturalibus. Sic enim Deus esset causa specialis peccati, & ad illud committendum iuaret maiori, & speciali auxilio, id est, non debito ex officio causæ primæ, quod planè Deum dedecet. Nec obest quod respondet Delugo d. 26. n. 6. Deum tunc concurrerum ad peccandum per concursum indifferentem, & subordinatum omnino causæ secundæ quoad exercitium, à qua determinaretur quoad illud: Deus verò ex se potius tenderet, & inclinaret ad negationem peccati: sicut de facto cōtingit quando Deus nunc re ipsa, concurrat cum iis qui peccant. Quare sicut Deus non peccat nunc eo modo quo concurrat: ita neque tunc peccaret, si per potentiam absolutam concurreret. Hoc, inquam, non obest: quia Deus quidem nunc est indifferenter paratus ad concurrendum, aut non concurrendum ad actum peccati, ut causa secunda voluerit: & hoc solum sensu dici verè potest concursum Dei esse indifferentem. At alio sensu, qui forte à Delugo, ut à Molina, Bellarmino, Lessio, Becano, aliisque nonnullis intenditur, falsum est concursum quem re ipsa Deus exhibet peccanti, esse indifferentem & indeterminatum. Talis enim concursus est impossibilis: cum quidquid est, sit determinatè, & distinctè id quod est: & hic concursus Dei sit hic numero vsus determinatus, & distinctus virtutis diuinæ ad hunc numero actum vel effectum, secundum specialem, determinatam, & propriam ipsius differentiam, ut ostendimus in tract. de Peccatis tom. 2. disp. 22. sect. 5. Deinde non eodem modo tunc cōcurreret Deus quo nunc concurrat cum peccantibus. Nam tunc concurreret ut specialiter confortans potentiam ad peccandum, vincendo resistantiam vnionis hypostaticæ: Nunc autem concurrat tantum ut causa generalis, & ex

Delugo.

officio causæ primæ sese accommodantis naturali exigentiæ causarum secundarum, ne priuentur actibus naturalibus, & concursu sibi naturaliter debito, planeque necessario ut possint operari modo connaturali. In quo Deus nihil agit indecenter, sed potius suauiter creaturis se accommodat.

Supereft tamen in prædicta responsione ostendendum, quomodo vnio hypostatica ita resistat peccato, ut sit opus speciali Dei auxilio ad peccandum, & ad vincendam ipsius resistantiam. Neque enim hoc authores illi probant: & illos vrget argumentum Durandi, quodd scilicet vnio hypostatica non sit de se actiua, neque reddat formaliter naturam humanam sapientiore, aut fortiore ad agendum: quare semotis omnibus aliis donis supernaturalibus, non est minùs impotens ad peccandum.

Propter hoc D. Thom. in 3. dist. 12. quæst. 2. art. 1. Paludanus, & Capreolus ibidem, Suares disp. 33. sect. 2. Valentia quæst. 15. punct. 2. & alii communiter, ac multò melius respondent, Deum peccaturum si Christus peccaret: quia Verbum sine indecentia & turpitudine permittere non potuit, ut humanitas assumpta peccaret. Nam quando plures sunt appetitus aut voluntates in eodem supposito, in eadem aut pluribus naturis illud componentibus, pertinet ad superiorem voluntatem dirigere inferiorem, & in officio continere. Et hoc si negligat, defectus est & indecentia ipsius superioris voluntatis. Sic homo tenetur per voluntatem regere appetitum sensitium, eiusque turpes motus impedire, aut cohibere, si potest: & vitio illi tribuitur, atque imputatur peccato, si non faciat. Ergo similiter tenetur Verbum ita regere naturam assumptam in vnitate suppositi, ut impediatur ne peccet.

Dices, non esse parem rationem: quia homo subiacet legibus: at non Verbum diuinum, quod nullum habet superiorem. Respondeo, Verbum diuinum legibus quidem non subiacere: sed tamen ex rectitudine naturæ suæ, à qua non potest deficere, teneri prudenter gubernare naturam assumptam: sicut tenetur non mentiri, non velle quidquam indecenter, & contra rectam rationem non agere.

Instabis, quia ista qualiscunque obligatio est specialis Verbi diuini, propter quod non potest tota natura communis tribus personis obligari. Atqui prudens illa gubernatio est opus naturæ communis, nempe intellectus, voluntatis, & potentia essentialis. Respondeo cum Suare sect. cir. 5. sed vrgebis, naturam diuinam ita esse communem tribus, ut sit etiam tota propria singulorum, non minùs perfectè, quàm si vnus cuiusque tantum esset. Quare licet hæc obligatio fundetur specialiter & immediatè in Verbo: consequenter tamen pertinet ad Patrem & ad Spiritum sanctum, qui ha-

24.

Quarta re-
tio vera &
solida.S. Thom.,
Suar.
Valent.

25.

Occurrit
primæ ob-
iectioni.Occurrit
secundæ.

bent eandem voluntatem cum Verbo, & ab ea non possunt discordare.

26. Soluitur tertia ob-
iectio. Urgebis, quia si Angelus hypostaticè as-
sumeret naturam humanam, & hæc peccaret
peccatum non imputaretur Angelo. Respon-
deo si Angelus impediret quantum posset,
ei non imputaretur peccatum naturæ hu-
manæ assumptæ, quod non potuit impedi-
re. Secus autem si negligenter se gereret,
At inter Angelum & Verbum differentia
est, quod Verbum potest omne peccatum
impedire, non Angelus;

27. Quanta ob-
iectio. Obiicit præterea vnus è recentioribus
cui hæc communis ratio non satisfacit;
disp. 26. num. 12. & sequentibus: non
esse parem obligationem Verbi ad regen-
dam naturam assumptam, & voluntatis ad
regendum appetitum inferiorem: sed in
tribus deficere. Primo; quia non quali-
bet coniunctio inducit obligationem regi-
minis: sed illa sola, ratione cuius oritur sub-
ordinatio & dependentia vnus ab alio: omnis
enim dependentia videtur fundari aliquam
superiorem, ratione cuius superior pos-
sit & debeat regere inferiorem: Talis au-
tem dependentia non est inter Verbum &
naturam assumptam ex vi vnionis hypo-
staticæ: vt non esset inter hominem & na-
turam leonis, aut fluminis, sibi vnitam hy-
postaticè: neque enim teneretur homo ille
impedire ne leo sæuaret, vel ne fluminis
aeros inundaret. Secundò, quia licet præ-
dicta dependentia, & potestas regendi na-
turam humanam vt inferiorem, oriretur
ex vnione hypostatica: non tamen fun-
daret in Verbo obligationem illam regendi;
sicut fundat in creaturis. Quia depen-
dentia serui à Domino, & filii à patre,
fundat quidem in creatis obligationem
gubernationis in domino, & in Patre: at
non in Deo; qui non tenetur ex officio
& honestate continere seruos, vel etiam
filios suos adoptiuos: sed potest iustas ob-
causas eorum lapsum & perditionem per-
mittere: nimirum quia supremus princeps
& dominus, qualis est Deus, adeo ab-
solutè dominatur, vt possit pro suo libi-
to permittere ruinam & culpas suorum
subditorum, & filiorum, quas facile po-
terat impedire: licet domini vel parentes
creati hoc non possint. Tertiò, quia de-
ficit in Verbo fundamentum obligationis,
quam voluntas habet ad regendum appe-
titum inferiorem. Ad hoc enim tenetur
voluntas, ne prauis motus, & inordina-
tio appetitus inferioris sint ei culpabiles:
idque duplici ex causa. Primo, propter
periculum consensus, quod semper debet
aliqua timere, & propter quod solum
consent aliqui teneri sub peccato volun-
tatem eos cohibere, vt refert Desalas tom. 2.
in 1. 2. tract. 13. disp. 6. n. 30. Deinde 2.
quia alioqui voluntas deficit in regula rectæ
gubernationis: non quidem quia permittit
culpas in potentiis inferioribus (ipsæ enim
non sunt capaces culpæ, quæ solum est in vo-

luntate libera) sed quia recta gubernatio di-
cat subditos non solum à culpa coërcere, sed
etiam eorum actiones ita dirigere, vt subser-
uiant in ordine ad finem principalem totius;
qui est in homine bonum rationis: sicut v.g.
tenetur dominus cohibere seruum amen-
tem, si potest, ab otio, vel à vociferatione
familie incommoda, propter bonum fami-
lie. Hæc autem duo deficiunt in Verbo:
Primò, enim non est in eo periculum con-
sentiendi peccato: Secundò, non est in
illo obligatio sic regendi humanitatem:
quia leges vel regulæ rectæ gubernationis
quæ obligant hominem, non obligant
Deum: potest enim Deus permittere rui-
nam omnium hominum, quam facile pos-
set vitare, & hoc solum (inquit) pro sua vo-
luptate captanda: Cur ergo non possit
Verbum permittere lapsum humanitatis as-
sumptæ pro sua etiam voluptate? Alioquin
si Deus tenetur his regulis: ergo sicut
voluntas tenetur ratione regiminis non per-
mittere motus inordinatos in appetitu, licet
ipsi appetitui non sint culpabiles: & sicut
dominus tenetur impedire otium & clamo-
res serui amentis: ita tenebitur Verbum non
permittere otium, etiam inculpabile, in hu-
manitate assumpta, vel motus indeliberatos
& inculpabiles eiusdem humanitatis: quod
est falsum. Item sicut voluntas tenetur ita
regere appetitum, vt ex eius operatione non
sequatur damnum alterius, etiam sine culpa
appetitus: ita Deus teneretur sic regere na-
turam assumptam, vt ex eius inculpabili
operatione non sequatur damnum alterius.
Atque ita si v.g. assumeret naturam ignis,
teneretur eam cohibere ne combureret do-
mum pauperis iusti, aut ædes sacras: quod
est absurdum & ridiculum. Hæc ille.

Ad quæ Respondeo primò, coniunctionem
hypostaticam naturæ inferioris cum super-
iori, inducere ex natura rei subordinatio-
nem inferioris ad superiorem, & obligatio-
nem superioris ad regendam inferiorem:
non minùs quàm ex natura rei sequatur
similis subordinatio inter patrem & filium
ratione generationis: vel inter virum &
uxorem ratione matrimonii. Inò maior est
coniunctio inter naturas hypostaticè unitas,
quàm sit inter Patrem & filium per gene-
rationem: aut inter virum & uxorem, per
vinculum matrimonii: adeoque de se ma-
gis apta inducere prædictam subordina-
tionem. Exemplum autem allatum in con-
trarium ab aduersario, est impossibile: & eo
dato, teneretur homo ille, quantum pos-
set, ignem & fluvium bene regere quan-
diu esset sibi vnitus hypostaticè.

Secundò, licet non tanta sit obliga-
tio Dei regendi mundum providentia ge-
nerali, quanta est parentis creati erga
filios, & domini erga seruos, ob supre-
mum & absolutissimum Dei dominium,
propter quod potest multa permittere,
quæ alii non possunt: specialem tamen
providentiam multò maiorem debet adhi-

28.

Pars supe-
rior tenetur regere
inferio-
rem.

29.

bere erga naturam sibi unitam hypostaticè, & tam intimè sibi coniunctam, ut constituat cum ipso vnum idemque suppositum, & vnum ens per se. Quæ coniunctio longè maior est, quàm coniunctio Dei cum creaturis per creationem, vel per gratiam, & alia dona creata, quantumcunque excellentia. Iureque merito indecens videtur rectè de rebus æstimanti (qua in æstimatiue magna iudicii & sententiæ communis prudentum & doctorum habenda est ratio) Deum permittere peccatum actuale in natura sibi tam arctè intimèque coniuncta. Peccat ergo argumentum propositum, in eo quod non distinguit providentiam generalem, aut eius obligationem, à speciali providentia quam Deus debet erga naturam assumptam habere.

30. **Deus non potest pati naturam assumptam peccare.** Tertiò, hinc sequitur quod Deus deficeret in regula rectæ gubernationis, si pateret naturam assumptam peccare: quamvis non deficiat cum secundum providentiam generalem, & ex debito vel officio causæ primæ & vniuersalis, permittit homines peccare, & perire, utendo sua naturali libertate, quam Deus, iustas ob causas, neque vult, neque tenetur impedire: quanquam semper id ægrè fert. Neque enim verum esse puto quod dicit auctor citatus, *Deum posse permittere ruinam omnium hominum solum pro sua voluptate captanda*. Et quamvis maior ratio sit ut Deus non permittat peccatum actuale in natura assumpta, quàm motus inordinatos indeliberatos & inculpabiles: verius tamen existimo, nec istos posse permittere, nec orium turpe, aut quidquam aliud materialiter indecens, & inhonestum, atque culpabile naturæ rationali aduertenti & potenti impedire. Cuiusmodi etiam sunt actiones iniustæ, aut contrarationem damnosæ & perniciosæ alteri. Deus autem, pro suo summo iure & dominio in res omnes creatas, posset sine iniustitia & turpitudine permittere multa naturæ assumptæ, quamvis fierent in damnum alterius, ut domorum & ædium sacrarum combustionem, naturæ ignis assumptæ, si potest illam assumere.

31. **Alia ratio cur peccatum non potuerit esse in Christo.** Potest & alia ratio reddi impossibilitatis absolutæ peccati in natura assumpta, quam tradit Suarez disp. 33. sect. 2. 6. *sed iam afferamus*, & post eum Delugo disp. 26. n. 19. nimirum quia hypostasis diuina, & diuinitas vnica natura assumptæ mediante hypostasi, perfectissimè eam sanctificat, & summè, quantum sanctificari potest natura creata, eamque planè deificat substantialiter. Summè autem & perfectissimæ sanctitati repugnat incompatibiliter peccatum actuale. Deinde vnio hypostatica reddit naturam intellectualem assumptam perfectissimè & summè Deo gratam, & amabilem, summèque aliis venerabilem & adorabilem. Tanta verò amicitia & veneratio repugnat incompatibiliter peccato actuali, quod non modo est de se dignum odio & vituperio: sed & naturam peccantem reddit odibilem,

atque vituperabilem. *Similiter enim odio sunt Deo impius & impietas eius*, Sapient. 4. vers. 9. & *Qui me contemunt, erunt ignobiles*, 1. Regum 2. vers. 30. Contra quam postremam rationem non vrgent quæ opponit Delugo, disput. 26. num. 8. & 18. **Delugo.** Neque enim dicimus peccatum fore venerabile in Christo: fatemurque non omnia quæ ad Christum intrinsecè aut extrinsecè pertinuerunt esse adorabilia; sed ea in quibus adorandis nulla est indecentia: ut esset in extremis quæ honestas nominare non sinit: vel in adoratione cadaueris asinæ quæ Christum tulit, aut manus quæ ipsum alapa percussit, aut cruci affixit: quamvis alia, ut crux, clauis, lancea, sponsa, quæ Christum contigerunt, propter ipsius contactum adorentur. Fatemur etiam posse quempiam reddi ex parte amabilem, & ex parte odibilem: ut eum qui simul esset in gratia, & in peccato mortali. Ac si posset suppositum creatum, puta Angelicum, terminare naturam humanam; posset illud suppositum esse odibile secundum naturam humanam peccantem, & amabile secundum hypostasim & naturam Angelicam existentem in gratia, & puram à peccato. Sed dicimus tale suppositum non esse summè Deo gratum, & perfectissimè Deo amabile, sicut est Christus per vnionem hypostaticam: & cum tanta perfectione gratiæ, & amoris non posse existere peccatum actuale.

SECTIO IV.

Soluntur tres quæstiones circa impossibilitatem peccati actualis in Christo.

SVperest quærere primò, An si per possibile, vel impossibile, natura diuina vniretur naturæ creatæ mediante solum subsistètia creata, natura illa assumpta esset æquè impeccabilis de potentia absoluta? Secundò, An natura assumpta possit peccare, dissoluta eodem instanti propter peccatum, vnione hypostatica? Tertiò, An possit assumi natura quæ antea peccauerit, vel quæ post vnionem dissolutam peccatura sit?

Prima conclusio respondens ad primam quæstionem: In eo casu natura creata vnita diuinæ esset absolutè impeccabilis, æquè ac nunc est. Ratio est, quia natura diuina æquè teneretur illam regere providentia speciali, eò usque, ut nullum in ea peccatum permitteret; & æquè illam sanctificaret, sibi quæ summè gratam & aliis adorabilem redderet: aliaque incommoda quæ sequerentur ex Christo peccante, nempe quod Deus denominaretur peccator &c. sequerentur ex tali natura sic assumpta peccante: quia illa quoque pertineret intrinsecè & substan-

32. **Proponitur prima quæstio.**

Prima conclusio. Natura creata vnita diuinæ mediante hypostasi creata, foret a huc impeccabilis.

tialiter ad diuinitatem, & ad suppositum constans ex natura diuina & natura creata in vnica hypostasi propria creaturæ.

33.
Obiectio.

Obiicies: Talis natura non tam sanctificaretur à diuinitate, atque nunc sanctificatur humanitas Christi. Ergo non esset æquè impeccabilis. Probaturs antecedens: quia diuinitas non tam perfectè illi vniretur (si quidem vniretur illi tantum mediante hypostasi creata) atque vnitur humanitati Christi: quippe, cui vnitur mediante tantum hypostasi increata Verbi, solum ratione distincta à diuinitate. Modus autem quo forma sanctificans participatur, aut conuenit alicui, multum confert ad eius sanctificationem. Qua de causa diximus alibi Deum magis sanctificari per Deitatem sibi identicè & essentialiter ac per se conuenientem: quam naturam assumptam, per solam participationem eiusdem deitatis, & coniunctionem hypostaticam cum illa. Quia prior modus habendi deitatem infinitè melior est, & excellentior. Atqui etiam est melior modus habendi deitatem mediante hypostasi increata, quam creatæ: ergo ille modus magis sanctificat & consequenter magis impeccabile reddit naturam vnità deitati.

34.
Responsio
quorundam
non satis
facit.

Respondet vnus è recentioribus disp. 26. de Incarnat. n. 27. sub finem, nō esse quidem æquè perfectam in se illam sanctificationem: cum perfectius communicetur deitas quādo communicatur immediatè, quā cum solum communicatur mediātè: sed tamen æqualiter sanctificare, & non minùs quā nūc sanctificet deitas Christi humanitatem: quia potest forma minùs perfectè sanctificare quā nunc, & tamen non minùs sanctificare quā nunc: vt ait ibidem initio numeri citati. Sed nō intelligo quomodo sanctificatio quæ non est æquè perfecta in se, æquè perfectè sanctificet: cum nihil nisi seipsam formaliter tribuat sanctificato: & sanctificare formaliter æquè perfectè, ac sanctificari æquè perfectè, sint correlatiua, re & conceptu inseparabilia: similiterque se habent minùs perfectè sanctificare: & minùs perfectè sanctificari. Quod si minùs perfectè sanctificat: quomodo æqualiter & non minùs sanctificat? Vbi enim est defectus perfectionis, est manifestè inæqualitas, & magis ac minùs inter ea quæ comparantur, in eo in quo comparantur, & in quo est excessus in vno, & defectus in alio. Neque verū esse puto quod addit auctor citatus ibidè, tūc dici magis sanctificari humanitatem, quando per formam sanctificantem ordinatur radicaliter & intrinsecè ad maiorem gloriam & beatitudinem: & non minùs sanctificari, si ordinatur sufficienter ad quemlibet gradum gloriæ. Nam in casu possibili, vel impossibili, quo humanitas haberet gratiam creatā infinitam, ordinaretur sufficienter ad quemlibet gradum gloriæ: & tamen multò minùs sanctificaretur per illam, quā per vnionem hypostaticam.

35.
Vera solutio.

Aliter ergo respondeo, primò hypothesin esse impossibilem. Secundò, illā datā, non

minùs sanctificatum iri naturam creatam per talem communicationem deitatis, quā nūc per eam quæ fit Christi humanitati. Quia nō minùs intimè illi vniretur. Nunc enim vnitur mediante hypostasi Verbi, à qua virtualiter solum & ratione distinguitur. Tunc autem vniretur mediante hypostasi creata, virtualiter solū & ratione distincta à natura creata. Quare in vitroque casu esset tantum mediatio virtualis & rationis inter naturas vnitas.

Dices: etsi non magis intimè & propinquè; perfectius tamen vniri. Quia perfectius est vniri immediatè in hypostasi increata, quā in creatæ. Item natura creata perfectius vnitur, quando vnitur immediatè hypostasi increatæ, & ea mediante, naturæ diuinæ: quā cum solum vnitur immediatè naturæ diuinæ. Perfectior autem vnio perfectius sanctificat. Respondeo perfectius vniri extensiuè, non intensiuè. Sicut enim diuinitas & hypostasis Verbi sunt quid perfectius extensiuè tantum, quā sola diuinitas ita vtrique vniri est perfectius extensiuè, non intensiuè, quā vniri tantum vniri. Itaque illa sanctificatio esset æquè summa & perfecta inter siuè: quod sufficit ad reddendam naturam æquè impeccabilem de potentia absoluta, quamuis in vno fundamentum impeccabilitatis sit extensiuè maius. Addo, quamuis in hypothesi data, & non concessa, Deitas minùs intensiuè sanctificaret: adhuc tamen, sufficienter sanctificaret ad excludendum peccatū actuale de potentia absoluta, eo solo quod talis natura assumeretur à Deo in vnitatem suppositi, licet modo minùs perfectio. Repugnat enim, Deum permittere vt peccet natura tam arctè sibi coniuncta, & substantialiter deificata. Idemque dico, si natura creata assumpta terminaretur simul substantia propria, & substantia increata, atque ita esset duo supposita coniuncta & physice vnita. Itemque si, vt multi putant, hypostasis creata distingueretur in re à natura creata, assumpta mediante sua hypostasi.

36.
Obiectio
diluitur.

Inslabis, quia non sufficit ad sanctificationem vniri deitatem mediante hypostasi à se distincta, & à natura cui vnitur: alioqui pari ratione Pater & Spiritus sanctus vniri mediātè cum humanitate Christi per hypostasin Verbi à se distinctam, & identicè per Deitatem cui identificantur; sanctificarent formaliter humanitatem, illamque redderent absolute impeccabilem. At hoc est falsum: quia non sanctificatur formaliter nisi à Verbo.

37.
Instantia
repellit.

Respondeo negando paritatem. Nam Pater & Spiritus sanctus non sunt formaliter in Christo secundum suas proprietates, neque vnum per se cum illius humanitate constituent: vnde nec illum formaliter & intrinsecè sanctificant. At in casu posito natura diuina esset intrinsecè & formaliter in supposito ex duabus naturis vnitis in hypostasi naturæ creatæ: quamuis vnio fieret in substantia creata, distincta in re ab vtraque natura.

De d.

38. Secunda conclusio respondens ad secundam & tertiam questionem: Potuit Verbum diuinum absolute loquendo assumere naturam quæ antea peccasset: sublata tamen ante assumptionem, vel per illam, peccati macula. Potuit item naturam ad tempus assumptam, dimittere, & permittere ut peccaret: dissoluta tamen ante peccatum, saltem natura prius, vnione hypostatica. In neutro verò casu esset peccatum in Christo: quia Christus non esset eodem tempore, vel eodem instanti, quo peccatum.

Potuit absolute assumptam naturam quæ peccasset ante. Prima pars probatur, quia id non est per se indecens, & valere potest ad commendandam Dei misericordiam & charitatem erga peccatores. Certè in Christi genealogia censentur quidam adulteri & adulteræ: ut Iudas & Thamar, Dauid & Bersabee, ex quorum adulterio mediatè Christus secundum carnem descendit. Estque valde verisimile materiam carnis in ipso assumptam fuisse infectam peccato in aliquo progenitorum.

39. Occurrit obiectio. Dices hinc sequeretur Deum aliquando peccasse. Valeret enim hic syllogismus propter communicationem idiomatum: Hic homo est Deus: Hic homo aliquando peccauit: ergo Deus aliquando peccauit. Sicut valet iste: Deus creauit aliquando cælum & terram: Hic homo est Deus: ergo hic homo creauit aliquando cælum & terram.

Respondeo negando sequelam. Et ad eius probationem dico, vel naturam assumptam supponi peccasse antea, priuatam omni subsistentia: vel subsistentem in proprio aut alieno supposito. Si primum: falsum est dicere, hic homo peccauit. Nam hæc tantum humanitas peccauit in statu repugnante huic homini: repugnat enim esse simul hypostaticè assumptam, & esse priuatam omni subsistentia. Si secundum: falsa est minor primi syllogismi, vel in eo sunt quatuor termini. Falsa: si terminus, *hic homo*, supponit pro eodem in minori, & in maiori. Quatuor termini: si supponit pro alio, nempe pro supposito diuino, quod non peccauit, sed suppositum humanum. Simili modo responderi solet huic syllogismo: Hic Deus generat. Filius est hic Deus: ergo filius generat.

40. Altera obiectio. Obiicies secundò: Peius & odibilius est peccasse, quam posse peccare. Sed hoc posterius repugnat Christo absolute, ut suprà ostendimus: Ergo & prius. Item natura illa perfectius sanctificatur, cui non modò repugnat peccare aut posse peccare; sed etiam peccasse aut peccare potuisse. Atqui diuinitas sanctificat perfectissimè humanitatem, quantum natura creata sanctificari potest: ergo, &c.

Ad primum Respondeo, Peccatum quidem commissum, esse peius & odibilius, quam potentiam peccandi: seu remoram, quæ est ipsa voluntas creata: seu proximam, quæ est libertas expedita, & completè potens vndeque ad peccandum, quæ in Christo non fuit: ac non ita simplicem & solam denominationem à peccato commissò, id est, quod quis

tantum dicatur peccasse, absque villo residuo ex peccato, quod reddat in præsentem malum & odibilem. Hoc enim nihil dicit mali & odibilis de præsentem: sed tantum significat fuisse antea, & esse desisse, aliquid peius & odibilius, quam sit potentia peccandi.

Ad secundum Respondeo, Formam non tribuere subiecto suum effectum formalem, nisi eo tempore, & pro eo tempore, quo est in subiecto aut quasi subiecto: cum non aliter illum tribuat, quam seipsam illi communicando. Ideoque diuinitas reddit quidem formaliter impeccabilem humanitatem, quando illi coniuncta est: ac non ante vel post coniunctionem. Neque enim potest effectum suum formalem communicare, nisi quando seipsam illi communicat.

41. Secunda pars conclusionis, quod apte, vel per assumptionem, debuerit tolli peccati macula, patebit ex conclusione sequenti, ubi ostendemus omnino repugnare, esse peccatum habituale in Christo. Dubitari verò potest an sit pariter necesse tolli reatum pænæ, aut habitus vitiosos, si qui peccando contracti fuerunt? Respondeo id probabilius mihi videri de reatu pænæ æternæ. Valde enim esset indignum, & indecens filium Dei naturalem meritò priuari in æternum hæreditate, aut dignum esse ut ea in æternum priuaretur & damnetur: maxime cum minima eius pænæ, vel actio meritoria, sufficiat toti pænæ æternæ reatu expiando. De reatu verò pænæ temporalis non apparet indecentia, vel repugnantia. Sed potius sicut Christus ex charitate & misericordia erga homines, & obsequio erga Deum, suscepit debitum patiendi mortem, & satisfaciendi pro peccatis hominum: ita posset propter honorem & amorem iustitiæ diuinæ manere debitor satisfaciendi pro peccato à natura propria ante assumptionem commissò: quemadmodum rectè docet Suarez disp. 33. sect. 2. sub finem. Posset tamen statim satisfacere vnico actu, si Deus cum vellet in eum finem acceptare. De habitibus autem vitiosis cenfeo cum eodem Doctore debuisse prius extinguere. Tum quia hæc vitia sunt magis detestanda & fugienda, quam error vel falsitas, quæ suprà ostendimus non potuisse assumi. Tum etiam quia quilibet prudens debet vitare hæc vitia in propria natura, quantum potest: quia per se turpia sunt & indecora, neque ad finem honestum per se conferre possunt.

42. Tertia pars conclusionis probatur, Quia non repugnat absolute Verbum diuinum assumere naturam ad tempus, putà, ad peragendum officium redemptionis, posteaque eam dimittere, sublata quoque vel nunquam illi concessa visione beatifica, vel alio dono creato, quo redderetur impeccabilis. Tunc autem sublata vnione hypostatica, cessaret obligatio diuinæ providentiæ, & natura suæ fragilitati relinqueretur: vnde causa illa sola impeccabilitatis, quæ amplius non esset, non impediret quò minus peccaret. Ac licet minus conueni-

Peccatum habituale, non potuit manere cū assumptione: neque reatus pænæ æternæ: secus verò temporalis.

Suar;

Natura assumpta posset peccare perditam prius vnione hypostatica.

ens sit dimitti naturam quæ semel fuit assumpta, aut permitti peccare postquam semel ad tantam fuit dignitatem euecta: non tamen apparet id esse turpe, & omnino impossibile.

43. Dices, valde durum & incredibile videri, naturam quæ tantopere fuit à Deo dilecta, permitti postea peccare & damnari, & ex summo amore in summum odium diuinum incidere: maxime cum hæc permissio ad nulum bonum finem utilis esse possit: & dona Dei sint sine penitentia, Roman. 11.

Satisfit argum. contra. Respondeo, Sicut non repugnat absolute naturam antea peccatricem, & Deo exosam atque damnabilem, postea assumi, & euehi ad tantam dignitatem & amabilitatem: sic, &c. Valeret autem hæc permissio ad ostendam summam Dei independentiam & libertatem. Neque propterea eum doni sui peniteret, quod ab initio conferre tantum ad certum tempus decreuisset.

44. Instabis, Quia posse peccare in futurum est præsens defectus, & infirmitas in bono, seu carentia perfectæ firmitatis in sanctitate à qua potest deficere. At diuinitas ut sanctificet perfectissime humanitatem, quantum fieri potest, debet tollere omnes defectus præsentis: ergo debet tollere potentiam peccandi in futurum: ita ut repugnet absolute naturam semel assumptam posse vnquam peccare.

Respondeo, Impossibile esse ut tollat potentiam remotam & radicalem, quæ est ipsa voluntas, id est, ipsamet anima rationalis: itemque ut tollat potentiam proximam per se formaliter, impediendo peccatum, & potentiam proximam ad peccandum, nisi pro eo tempore quo est vnita humanitati: quia non potest aliter effectum suum formalem ei tribuere. Cum autem vnio hypostatica pendeat à libera Dei voluntate in fieri, & in conseruari: sicut potuit non fieri, ita absolute posset non conseruari: & non conseruata, non amplius redderet per se formaliter naturam impeccabilem.

45. Deberet prius cessare vnio hypostatica, quàm natura peccaret. Quarta pars conclusionis, quod videlicet omnino tamen deberet prius cessare vnio hypostatica, quàm peccatum committeretur, ideoque non posset vnio tolli in penam peccati prius naturam commissi, sicut gratia tollitur in penam peccati mortalis naturam prius admissi: Probat, quia summa & perfectissima sanctificatio deitatis substantialiter vnitz tollit potentiam proximam & completam peccandi, quandiu ipsa est: & debet prius ipsa non esse, quàm sit talis potentia, adeoque peccatum. Ergo non potest ipsa tolli per peccatum prius saltem naturam commissum. Deinde Verbum, quandiu suppositat, tenetur prudenter gubernare naturam, & impedire ne peccet, neue sibi peccando subtrahatur, ac suo malo merito tantum damni ipsa patiat. Ergo quamdiu est suppositatio Verbi, tandiu est impedi-

mentum permissionis peccati. Ergo prius debet tolli suppositatio; quàm peccatum permittatur. Sic etiam necessarium esset prius tolli visionem beatificam, quàm posset peccare is qui Deum videbat: quia visio quandiu est, & ex hypothesi quod est, excludit potentiam peccandi. Nam, ut fusiùs alibi diximus, visio Dei cum primùm est, & quamdiu est, trahit voluntatem vi insuperabili ad amorem Dei super omnia; ac proinde imponit illi necessitatem antecedentem ad amandum Deum super omnia: eademque necessitate insuperabili retrahit voluntatem à peccato: quia implicat contradictionem voluntatem esse necessitatem antecedentem ad amorem Dei super omnia: & simul esse liberam ad eliciendum peccati affectum, oppositum amoris Dei super omnia.

SECTIO V.

An peccatum habituale, vel originale potuerit esse in Christo?

Dico primò, De potentia absoluta non potuit in Christo, vel alia natura assumpta, esse vllum peccatum habituale. Explicatur & probatur conclusio. Dicitur à Theologis peccatum in actuale, quod est actus malus & culpabilis quando sit actu & existit physice, aut ommissio libera actus debiti: & in habituale, quod ut ego arbitror, est ipsummet peccatum actuale, non prout actu existens & physice præsens; sed prout moraliter manens ob aliquem effectum; in ordine ad quem retinetur in memoria diuina; & perinde se habet, seu perinde æstimatur, ac si re ipsa præsens esset: nempe ad statum odiosis & inuisi Deo, si peccatum mortale est: vel frigiditatis cuiusdam amicitie propter ipsum, si veniale tantum est. In quo nobiscum sentit Delugo disput. 5. de Incarnat. sect. 7. num. 121. vbi ait maculam peccati habitualis (etiam venialis) esse peccatum præteritum moraliter pericuerans; in ordine ad hoc, quod Deus rationabiliter indignetur in hominem; sicut si actu peccaret. Quæ moralis permanentia fundatur in actu præterito non compensato sufficienter, nec condonato. Peccatum enim habituale est peccatum præteritum non condonatum, nec sufficienter compensatum. Hæc Delugo.

De actuali huc vsque diximus, ostendimusque repugnare absolute naturæ assumptæ, quandiu assumpta est. Iam de habituali idem dicendum est. Quia non minus repugnat cum summa sanctitate, & amicitia Dei perfectissima, quàm peccatum actuale. Et quidem duobus modis fingi potest esse posse peccatum habituale in Christo, vel in alia natura assumpta. Primò,

46. Diuisio peccati in actuale & habituale.

Quid sit peccatum habituale.

Delugo.

47. Peccatum habituale non potest esse in natura assumpta.

ita ut fuerit commissum actu ab eodem supposito, in quo postea moraliter perseveret. Et hoc est impossibile. Quia tale suppositum, quippe diuinum, non potuit peccare, ut supra ostendimus. Secundò, ita ut natura assumpta peccauerit ante assumptionem, cuiusque peccatum moraliter maneat in assumptione, & post illam. Sed neque hoc possibile est, saltem in sensu composito: quia repugnat summæ & perfectissimæ sanctitati, quam necessariò confert diuinitas substantialiter vnita: multòque magis dedecet, quàm remanere habitus viciosos peccando contractos, quos negauimus supra remanere posse.

48. Dixi autem, *saltem in sensu composito*: id est, ita ut natura assumpta tempore ipsius vnionis sit odibilis, & inuisa Deo: quia concipi potest alius sensus diuisus. Nempe quòd Deus retineat in memoria peccatum ab illa natura commissum antequam assummeretur, non ad illam odio habendam quandiu erit sibi vnita: sed postquam deserit vnio, ad tempus tantum concessa. Sicut posset eandem punire tunc pena æterna, nisi tempore vnionis condignè satisfecisset, aut iatis-passa esset pro peccato mortali ante assumptionem commissio. Sed neque hoc fieri posse existimo. Fieri enim nequit tam perfecta sanctificatio naturæ quæ assumitur, quanta est necessariò deitatis substantialiter vnitæ sanctificatio, nisi Deus perfectè illi naturæ reconcilietur. Repugnat autem perfectæ reconciliationi reuerentiò odii in futurum pro peccato ante commissio, præsertim odii æterni & coniuncti æternæ damnationi.

49. Superest difficultas, an idem sentiendum sit de peccato originali, quod ut rectè notat Delugo disp. 26. num. 31. diuidi potest in habituale, & actuale. Habituale originale est peccatum Adæ prout moraliter participatum ab infante in instanti conceptionis, quo infans incipit non quidem peccare, sed esse in peccato, id est, in statu odiosi & inuisi Deo propter peccatum Adæ, habitualiter hoc modo ab infante contractum. Quæ participatio & peccatum ut moraliter participatum, tam multiplex est, quàm multi sunt infantes à quibus participatur. Tot enim sunt status odiosi, & inuisi Deo: cum quilibet suum proprium habeat. Quo sensu intelligo Tridentinum, cum ait, *test. 5. can. 3. Actus peccatum quod origine vniuersale, & per propagationem, non imitatione transfusum omnibus, inesse unicuique proprium.* Actuale verò originale est ipsummet peccatum Adæ, prout actu commissum, & physicè existens, quatenus moraliter fit actio cuiusque posteriorum, qui verè dicuntur peccasse in Adamo, *In quo omnes peccauerunt*, Rom. 5. vers. 12. quatenus scilicet omnium voluntates fuerunt in ipso comprehensæ moraliter, velut omnium capite, & omnium personam sustinente ex Dei ordinatione.

Ita ut quod ille boni vel mali fecisset, ad omnes pertineret, ut membra illius capitis, ei subiecta; & omnibus tribueretur. Sicut quod homo facit liberè per suam voluntatem, toti homini tribuitur: aut quod facit legatus Communicatis, omnium nomine; ab omnibus moraliter fit in ipso, id est omnibus tribuitur, & perinde æstimatur, ac si reipsa fieret ab omnibus.

De peccato originali habitualiter sumpto idem sentiendum est, ac de peccato habituali proprio & personali: de quo diximus, non potuisse absolute esse in Christo, vel alia natura assumpta. Quia repugnat perfectissimæ sanctitati deitatis formaliter & substantialiter sanctificantis. De originali autem actualiter sumpto, Delugo supra num. 32. censet distinguendum esse. Nam si loquamur de Christo integrè sumpto, siue de hoc homine: non potuit ille peccare in Adamo, etiam de potentia absoluta. Quia continentia moralis posteriorum in Adamo peccante, nihil aliud est, quàm voluntates nostras taliter in eum fuisse transfusas, ut actio Adæ moraliter loquendo censeatur actio nostra: & Petrus v. g. censeatur moraliter peccasse, non minùs quàm si tunc extitisset & peccasset. Cum ergo hic homo Christus, si tunc existeret, non posset vllò modo peccare: consequens est, ut non possit per actionem Adæ censerì moraliter tunc peccasse. Quia subiectum incapax omnino de se peccandi, non potest censerì moraliter antea peccasse. Quis enim dicat Deum ipsum, qui de se est omnino incapax peccandi, potuisse transfundere voluntatem suam in alium, ita ut illo peccante censeretur ipse peccare? Si autem loquamur de humanitate Christi in abstracto: potuit illa secundum se contineri in Adamo, & peccare. Quia, inquit, non magis repugnat vnioni hypostaticæ, quòd natura quæ assumitur peccauerit antea moraliter per actum alterius: quàm quòd peccauerit physicè per seipsam. Peius enim est hoc, quàm illud. Sed potuit absolute fieri secundum: ergo & primum. Hæc Delugo, cui assentire si loqueretur tantum de humanitate, quæ extitisset ante assumptionem. Sicut enim hæc potuit peccare physicè actu proprio ante assumptionem: ita & moraliter alieno.

Verum, quia, ut constat ex iis quæ addit n. 34. loquitur de humanitate nunquam existente sine assumptione, cuiusmodi fuit Christi humanitas: puto eodem argumento quo rectè probat Christum non potuisse peccare in Adamo: non potuisse quoque talem humanitatem. Nam illa natura, quæ nunquam fuit in statu potentie completæ ad peccandum, nunquam potuit peccare: & si extitisset in eo statu quando Adamus peccauit, non potuisset tunc peccare. Ergo consequens est ut non possit per actionem Adæ, censerì moraliter tunc peccasse. Quia subiectum incapax omnino peccandi de se,

50.
Peccatum originale absolute non potuit esse in Christo.

51.

vel ex statu in quo semper existit, non potest censeri moraliter antea peccasse. At humanitas quæ nunquam existit, nisi vnita Verbo, nunquam existit, nisi in statu incapaci omnino peccandi: ergo non potest censeri moraliter peccasse in Adamo, quia si tunc existisset in eodem statu, non potuisset villo modo peccare. Tamen enim repugnat humanitatem in statu assumptionis peccare, quàm Christum ipsum peccare.

§ 2. Neque satisfaciunt quod ait Delugo num. proxime cit. contentam fuisse moraliter in Adamo hanc humanitatem, quoad entitatem, non quoad modum essendi, & taliter subsistendi: Quia, inquit, potuit Adamus esse caput huius humanitatis, & non vt subsistentis. Sicut enim, inquit, potuit esse hæc humanitas, & operari sine illa subsistentia: ita potuit secundum se contineri taliter in Adamo, vt operante Adamo, censetur operari hæc humanitas, perinde ac si tunc existeret sine subsistentia, licet tunc non existat sine illa: & ad peccandum perinde se haberet, ac si tunc physicè existeret sine subsistentia, & operaretur cum Adamo. Hoc, inquam, non satisfaciunt: quia non potuit contineri moraliter in Adamo hæc humanitas quoad entitatem, quandiu fuit in statu efficaciter impediende ne contineretur. Atqui nunquam fuit nisi in tali statu: ergo nunquam potuit contineri. Ergo non potuit Adamus esse caput huius humanitatis ad peccatum suum illi moraliter communicandum. Et sicut hæc humanitas si extitisset physicè, vt nunc existit, præuenta subsistentiâ increatâ, non potuisset peccare physicè: ita non potest censeri moraliter peccasse, atque ita se habuisse cum Adamo peccante, ac si tunc extitisset sine vlla subsistentia, & vt talis operaretur cum Adamo.

SECTIO VI.

*An fomes peccati fuerit, vel esse
potuerit in Christo de po-
tentia absoluta?*

§ 3. **R**espondeo negatiuè. Ac primò, quòd re ipsa non fuerit, docent S. Thom. & omnes Scholastici, teste Vasque disp. 61. cap. 8. num. 48. & probatur, Quia fomes peccati duplex est, habitualis scilicet, siue in actu primo: & actualis, siue in actu secundo. Posterior est motus inordinatus appetitus sensitiui inclinans fortiter, & alliciens voluntatem ad aliquid contra rationem, eique vehementer resistens. Prior verò est ipse appetitus sensitiuus, non nudè spectatus, sed prout dispositus & expeditus ad huiusmodi motus causandos, sibi que relictus vt in tales motus exire possit. Nimirum quia bona sensibilia, delectabilia, vel vtilia, ad quæ prosequenda sensus inclinatur naturaliter, sunt plerumque opposita honestati, & secundum rectam ra-

tionem debent vitari, quia illicita sunt & turpia. Contra verò, mala sensibilia, à quibus sensus naturaliter abhorret, sunt plerumque ex necessitate subeunda. Cum igitur appetitus sensitiuus in hæc bona vel mala fertur impotenter, neque facile voluntati obsequitur, sed contra illam nititur, & ad consensum trahere conatur, dicitur fomes peccati, eò quòd materiam peccati præbeat voluntati, & ad illud accendat.

Porrò, licet voluntas quoque, seu appetitus rationalis tales in nobis motus habere possit: non vocatur tamen ipsa, vel eius actus inordinatus, fomes peccati: sed hoc nomen restringitur ad partem sensu suam, in qua sola constituitur fomes peccati. Aliqui tamen vt Becanus cap. 12. qu. 5. num. 14. in voluntate etiam fomitem constituunt. Sunt item qui dicunt pertinere ad fomitem, rerum æstimationem & sensum corruptum, quo circa bonum vel malum accenditur appetitus, prout magis appetendum aut fugiendum vitiosè æstimatur. Cum enim appetitus sensitiuus sit expers libertatis; appetit naturaliter vnumquodq; prout offertur per æstimationem. Quæ quia variis temporibus, pro varia dispositione humorum, aut aliunde, diuersa est in vno eodemque subiecto: hinc modò magis, modò minùs ad idem obiectum sensibile afficitur, iuxta prouerbum vulgare, *Musica in lætu, importuna narratio*. Experientia verò certum est, esse in multis sensum reprobum, & peius iudicare de rebus sensibilibus, quàm būta ipsa: vt in avaris, libidinosis, & gulosis quibusdam supra belluas ipsas intemperantibus. Et quidem hæc vitiosa æstimatio, quia accendit immediatè appetitum sensitiuum, & mediatè voluntatem, trahitque fortiter ad peccandum; potest non male dici fomes quidam peccati.

Quomocumque verò sumatur fomes peccati, constat in Christo non fuisse. Nam modus ille corruptè iudicandi, sensusque reprobis & erroneus, longè ab eo absuit, vt supra diximus de errore & falsitate intellectus. Motus quoque inordinati circa obiecta turpia, & illicita, sunt per se turpes & pudendi, Christique maiestate indigni, & si præuidentur, ac sine grauiore incommodo vitari possunt, & impediri à supposito in quo sunt, debent vitari: alioqui sunt culpabiles & imputabiles. Poterant autem vitari sine incommodo à Verbo diuino, per specialem prouidentiam & regimen naturæ assumptæ: ab eodemque præuidebantur, imò & ab ipsa humanitate, cui nihil improuisum accidebat. Adde, quòd Christus habebat optimam corporis complexionem, & ad virtutem accommodatissimam, adeoque rationi minimè refragantem & importunam: vt inter homines videmus aliquos ad virtutem quodammodo natos, qui in frangendo appetitu sensitiuo non tantam patiuntur difficultatem. Adde etiam visionem beatificam, cuius vi credibile est ita compesci appetitum, vt non resistat: sicut in ecstasi & altissima contem-

platione non modò non resistit, sed & penitus absorbetur. Adde item abundantiam scientiæ, gratiæ, & virtutum omnium in Christo, & specialem Dei providentiam in præveniendis huiusmodi motibus, non minùs atque in impediendo peccato. Qui modus providentiæ, si erat necessarius ultra omnia suprà dicta, non poterat Christo deesse. Quia negligentia & defectus illius fuisset ipsi Verbo diuino imputabilis & indecorus.

§ 6. Vnde collige, non modò fomitem peccati actualis non fuisse in Christo, sed neque habituale: ac ne esse quidem potuisse. Quia fieri non potuit, ut appetitus Christi esset dispositus & expeditus, atq; sibi relictus ad habendos motus inordinatos & rebelles, circa turpia, & illicita. Quod malè negant Vasquez cap. cit. nu. § 5. & aliqui recentiores eum secuti.

Nō potuit in illo esse fomes peccati ne quidem habitualis.

Vasquez.

Obiicies primò, Christum debuisse per omnia fratribus assimilari, Hebræor. 2. & fuisse tentatum per omnia pro similitudine absque peccato, Hebr. 4. Atqui naturaliter omnibus hominibus inest inclinatio illa vehemens ad sensibilia, quæ dicitur fomes peccati: eademque est materia tentationum frequentissima, iuxta illud Iacobi 4. v. 13. *Nemo cum tentatur, dicat quoniam à Deo tentatur, &c. Unusquisque verò tentatur à concupiscentia sua abstractus & illecebratus*: eademque non est peccatum, sed tantum ad peccandum inclinatio: ergo debuit Christus in ea nobis assimilari, atque re ipsa fuit assimilatus, & per eam tentatus: maxime cum ad salutem hominum id expediret, ut suo exemplo eos doceret: atque etiam ad perfectum virtutis exercitium: nam *virtus in infirmitate perficitur*, 2. Corinth. 12.

§ 7. Soluitur prima obiectio.

Fomes peccati est nobis naturalis.

Respondeo, Particulam, *omnia*, in utroque loco, ut & in pluribus aliis, non esse in rigore mathematico & vniuersalissimè intelligendam: sed moraliter & cum accommodata restrictione: quòd nimirum Christus assimilatus fuerit in omnibus, & tentatus per omnia, quæ ipsius personam specialiter non decebant, & ad salutem nostram pertinebant, quæ sanè plurima fuerunt. Verum autem est quòd peccati fomes inest naturaliter, id est, vi causarum naturalium, & naturalis complexionis, omnibus hominibus, etiam sanctissimis. Nam Paulus ad Rom. 7. & 2. Cor. 12. de illo conqueritur; nec nisi specialissimo privilegio fuit extinguitus in B. Virgine. Naturaliter, inquam: absit enim ut Deus in pœnam peccati eum specialiter procurauerit: siue morbidam qualitatem immitendo, ut aliqui imaginantur: siue humores corporis & complexionem aliter temperando, quàm natura ipsa ferret, ut ad peccandum proniores essemus. Vtrumque enim Deo indignum est: & repugnat Iacobi verbis suprà relatis: cuius oppositio & diuisio non esset bona, si concupiscentia, quæ tentatur, esset à Deo. Verum, quia specialiter Christum dedecet, non debuit in eo nobis assimi-

lari, ut neque in errore, & ignorantia, quantumvis inculpabili. Satisque nobis profuit exemplo suo, fortiter resistendo externis tentationibus vehementibus, & magis apparentibus, quàm lucta illa interna, quæ caro concupiscit aduersus spiritum, ut loquitur Apost. ad Galat. 5. vers. 17. Dicitur autem ab eodem 2. Corinth. duodecimo, virtus perfici in infirmitate. Non quòd perficiatur per ipsam infirmitatem, per quam potius retardatur & attenuatur: sed quòd exerceatur ad perfectionem, dum infirmitas urget. At Christus habuit initio virtutes omnes perfectissimas: ideòque non eguit illo exercitio infirmitatis.

Explicatur locus Apost.

Obiicit secundò Delugo suprà, motus illos inordinatos habere tantum malitiam obiectiuam in genere moris, quæ non est culpa nec peccatum, imò potest esse cum merito: potest enim aliquis cum merito exigere vsuras, bona fide existimans licitum esse illum contractum: vel occidere amicum, putans esse hostem Reipublicæ. Cur ergo repugnabunt absolute tales actus humanitati Christi? Non certè quidem ratione sanctitatis: quomodo enim repugnet sanctitati actus meritorius & Deo placens? Item, quis neget de potentia absoluta Christi humanitatem potuisse agrotare, & incidere in amentiam, delirare, & proferre aliqua verba inordinata, quæ si scienter & liberè proferret, peccaret: infantem obuium, quem non aduerteret, suffocare: & his similia: quæ tamen habent malitiam obiectiuam, id est, sufficientem ad terminandum actum malum moraliter, si procederent ex aduertentia rationis, & libertate. Denique huiusmodi actus antecederent ad consentum voluntatis, vel permissionem liberam illius, nullo modo sunt culpabiles, sed naturales: sicut esset in leone affectus vindictæ: vel in equo ferocitas. Quare sicut natura leonis, vel equi, posset assumi cum his affectibus naturalibus: sic etiam natura humana, cum suis, excepto peccato.

§ 8. Secundæ obiectio bimembre.

Ad primum Respondeo, Motus illos dedecere naturam rationalem, eo ipso quòd sunt mali obiectiue in genere moris, & peccatum materiale. Fateor enim non esse peccatum formale & culpabile, sine aduertentia rationis, & vsu libertatis: sed nihilominus sunt de se turpes moraliter, id est, rectæ rationi seu honestati contrarii. Repugnat autem tale quidquam in Christo esse potuisse. Idque tum ratione specialis regiminis, quo natura diuina debuit talem inordinationem impedire in proprio supposito: tum etiam ratione perfectissimæ sanctitatis humanitatis deificatæ substantialiter, cui repugnat huiusmodi actus, quatenus turpes & inhonesti. Perfectissima enim sanctitas est perfectissima honestas. Quare non assentior eidem auctori affirmanti numero 66. disput. cit. incapacitatem talium motuum non provenire formaliter à sanctitate, etiam in Deo: sed à scientia excludente omnem ignorantiam & inaduertentiam. Manifestum enim puto re-

§ 9. Actus materialiter mali non potuerunt permitti in Christo.

pugnare formaliter sanctitati, & summa honestati, omnem turpitudinem moralem & inhonestam.

60. Neque verum est, tales actus esse meritorios, & Deo placere simpliciter, quando fiunt ab ignorantibus malitiam inculpabiliter, & bona fide existimantibus se bene facere. Nam quamvis Deo placeat actus prudētiā, quo iudicamus dictamen conscientiae sequendum esse, & actus obedientiae, quo illud sequimur, praevis ut est actus obedientiae: displicet tamen ut est actus in rei veritate inordinatus & inhonestus, id est, disconueniens secundum veram & rectam rationem obiecto, fini & circumstantiis: nec potest esse meritorius: quia ut suppono ex disp. de Merito, omnis actus meritorius est aliquo modo supernaturalis, & non fit sine speciali Dei concursu. At illi motus inordinati non possunt fieri cum speciali Dei concursu: Deus enim non potest esse causa specialis actus moraliter mali: sicut non potest specialiter concurrere ad peccatum: sed tantum ut causa generalis ex officio causae primae. Addo, huiusmodi actus non potuisse fieri à Christi humanitate existimante se bene facere; quia, ut supra ostendimus, non potuit error esse in humanitate Christi.

Vide tom. 1. disp. 43. num. 74. & seq.

61. Ad secundum Respondeo repugnare pari ratione, Christi humanitatem incidere in amentiam moraliter indecentem, in qua faceret aliquid turpe & inhonestum. Repugnare, inquam, & ratione regiminis Verbi: & ratione perfectissimae sanctitatis: Ac licet huiusmodi actus antecederent ad usum libertatis sint naturales: tum quia necessarii, id est, non liberi: tum quia ex inclinatione naturali appetitus humani sibi relictis: tamen sunt mali moraliter, id est, turpes, inhonesti, & indecentes naturae rationali, cuius sunt. Cuiusmodi non sunt appetitus vindictae respectu naturae leonis, aut ferocitas respectu equi: in quibus non est ratio, ut in nobis, id est, pars animae superior & rationalis, quae contrarium postulat: Quare dato, aut supposito quod natura leonis aut equi potuerit assumi cum tali inclinatione naturali: non sequitur naturam rationalem potuisse assumi cum huiusmodi actibus indecentibus.

Neque vultus actus indecentis.

62. Fuerunt in Christo passiones non vitiosae.

62. Conclusio: In Christo fuerunt verè ac formaliter dolor, tristitia, timor, admiratio, ira, & aliae passiones & affectiones minime vitiosae. Probatum primò ex Scriptura, quae huiusmodi affectus Christo tribuit. Isai. 53. Verè languores nostros ipse tulit, & dolores nostros ipse portauit. Matth. 26. Tristis est anima mea usque ad mortem. Marc. 14. Caput pavere & cadere. Matth. 8. Audiēs Iesus (verba scilicet Centurionis) miratus est: & Ioann. 3. nar-

ratur Christum ira & indignatione commotum cecidisse flagello vendentes & ementes in templo, mentas subuertisse, & nummulariorum effudisse, atque in eo illud Psalm. 68. impletum esse, *Zelus domus tua comedit me.* Probatum secundò, quia haec omnia pertinent ad veritatem naturae humanae, neque habent quidquam propter quod specialiter Christum dedecent, & ad salutem hominum contulerunt. Legatur S. Thom. quaest. 18. artic. 4. & sequentibus, ubi haec fusè & clarè prosequitur.

Tantum aduerto primò, huiusmodi affectus non modò existisse in appetitu sensitivo Christi, in quo sunt sensibiles, & vocantur passiones: sed & in voluntate. Nam v. g. doluit Christus atque tristatus est de hominum peccatis, ut sunt offensae Dei, de obduratione Iudae, & Iudaeorum reprobatione, aliisque obiectis quae sensuum captum excedunt. Quomodo autem potuerit esse dolor in voluntate Christi simul cum gaudio beatifico, alibi explicatum est. Porro ut huiusmodi affectus existerent in parte sensitiva, non erat opus illam applicari à voluntate per imperium, ut debet potentia motiva animalis applicari ab appetitu: sed satis erat non impediri: alioquin enim manabant naturaliter ab appetitu in praesentia & applicatione obiectorum. Ex gr. ad fixationem clauorum in manibus, & pedibus, sequebatur naturaliter dolor sensibilis: ut è contrario, delectatio ad tactum rei conuenientis & suavis. Est tamen differentia inter Christum & nos: quòd nulli tales affectus Christo contingebant, qui non essent ab eo ante prauii. Quippe qui ab initio totum vitae suae cursum notum habebat, & opportuno tempore singula providebat: idèoque à nonnullis vocantur potius propassiones. Quamquam etiam possunt dici non malè passiones: quia anima ab illis patitur sensibiliter, & immutatur. Item Christus poterat illas impedire, si voluisset efficaciter, quod nos non possumus.

63. Non tantum in appetitu sensitivo sed & in voluntate.

Fuerunt potius propassiones.

Aduerto secundò, Non omnes huiusmodi passiones, vel affectus, esse propriè defectus naturae humanae; sed eos tantum à quibus malè afficiuntur: cuiusmodi sunt dolor, tristitia, timor anxius, ira commouens & turbans corporis complexionem. Nam licet oriuntur naturaliter huiusmodi affectus ab appetitu, posito & applicato obiecto: sunt tamen ipsi naturae molesti & incommodi. Idèoque absunt à statu Beatitudinis, multòque magis à Deo ipso. Possunt tamen omnes dici defectus aliquo sensu, quatenus in hominibus imperfectionem aliquam adiunctam habent, longèque absunt à diuinis affectibus immaterialibus, indistinctis, & improductis.

64. Non omnes passiones sunt defectus naturae.

Aduerto tertio, Non propterea fuisse in Christo pugnam internam, & tentationes internas: licet interdum vincendi fuerint, ex terea fuerint praescripto rationis aut praeccepti diuini, vehementes affectus: cuiusmodi fuit tristitia summa, & angor de morte imminente, tertia.

65. Non propterea tentationes in Christo.

SECTIO VII.

An passiones animae fuerint in Christo?

322 Disput. XIII. de Incarnat. Sect. VII.

Matth. 26. vers. 37. 38. & 39. & Luc. 22. vers. 43. & 44. Quia illi affectus, & similes, exercebantur tantum permissu rationis, & quantum, & quandiu ipsa permittebat, & que vlla resistentia ad nutum rationis cohibere volentis. Non est autem pugna quando quis cedit, & obedi: sine resistentia, nec quidquam facit nisi alio liberrimè consentiente. Non est etiam tentatio propriè, apprehensio & affectus potens de se mouere ad fugam mortis v.g. quamuis ex præcepto necessaria, aut similis obiecti; nisi vel sit in subiecto quod possit ad peccandum allicere, vt in nobis contingit, qui etiam nostris internis cogitationibus & affectibus retamur: vel ab extrinseco immittatur animo hostili, & ad peccatum inducere conante: qualis fuit tentatio Christi à Damone in deserto, vt fufius exponit Delugo disp. 22. num. 4. & sequentibus. Neque verò potuit Dæmon huiusmodi passiones aut cogitationes, vel vllas alias excitare in Christo (vt in nobis facit) per se immediatè, & sine externa propositione obiecti. Illa enim subiectio ad Dæmonem, Christum dedecebat: ac ne id quidem licuisset Dæmoni erga homines in statu innocentiz. Qua de re plura idem author num. 7. vbi nonnulla refert Sanctorum Patrum testimonia in eius confirmationem.

66. **Dupliciter dolor accipitur.** Aduerto quartò circa dolorem & tristitiam, dupliciter accipi dolorem. Primò, pro obiecto dolorifero, quod est læsio aliqua, vel mala affectio corporis, sensu tactus percepta, loquendo de dolore sensibili: vt cùm aliquis vulneratur, flagellatur, comburitur. Cui læsioni aliz similes respondent perceptæ aliis sensibus, sed non vocantur dolores: vt sctor perceptus odoratu: amaritudo cibi & potus, gustu: sonorum dissonantia, auditu: obiectorum visibilium horror seu deformitas horribilis & molesta, visu. Secundò, pro actu vitali displicentiæ molestæ circa tale obiectum; qui actus est in appetitu sensitiuo, loquendo de dolore sensibili, & sequitur cognitionem obiecti doloriferi. Tristitia verò est displicentia vitalis & molesta de aliis obiectis disconuenientibus non sensu tactus perceptis: vt de amissione bonorum temporalium, de incuria alicuius inimicitia, de carcere, minis, & similibus obiectis disconuenientibus, sensu tantum interno apprehensis vt talibus: loquendo similiter de tristitia sensibili existente in appetitu inferiori. Vltra quam est tristitia voluntatis de peccatis, de ira diuina, de amissione gratiæ, & aliis obiectis disconuenientibus, per intellectum cognitis, & propositis voluntati vt malè afficientibus.

Opinio nostra de dolore & gaudio. Sunt tamen aliqui Recentiores qui dicunt dolorem, & gaudium seu voluptatem sensibilem non esse actus potentiz cognoscitiuæ, nec procedere ex cognitione. Cùm enim, inquit, aliquis ens percipitur, dici non potest cuius ille dolor sit representatio. Non enim ens; neque motus: eundem enim

sine gladio scindente potest experiri dolorem. Item cùm dentes dolent: is dolor cuiusnam, inquit, obiecti est representatio? Idem putà de dolore qui remanet facta læsione, cùm amplius nulla est læsio quæ fiat actu. Idè de dolore qui ex fame oritur in orificio vetriculi. Conimbricenses quidem lib. 2. de Anima cap. 11. quæst. 2. art. 2. & Dandin. Dand. in eundem lib. digress. 60. assignant causas doloris sensibilis, seu tactus, de quo ibi loquuntur, excessum primæ qualitatæ in subiecto viuenti, aut solutionem continui, aut distensionem. Verum licet hæc omnia dolorem causent: non sunt tamen adæquata causa doloris: nam quòdcunque corpus durum, siue naturæ frigidæ, siue calidæ, applicatum immediatè carni cuticula denudatæ, dolorem causat, qui etiam auulso illo corpore aliquantulum remanet. Ridiculum autem est dicere, dolorem illum esse perceptionem calidi aut frigidi. Qui enim ita dolet, nec de calore, nec de frigiditate corporis tangentis conqueritur. Est item ridiculum, & contra sensum, existimare, eum qui dolet dentibus, conqueri tantum quòd percipiat calorem aut frigus in dentibus. Imò vniuersaliter qui dolet, sæpe de nulla primarum qualitatum cogitat, nec de vlla partium separatione, aut distensione. Mitto, quòd dolere potest aliquis ex continui solutione, qui tamen ignoret à qua causa sit ille dolor, cùm non putet se vulneratum. Cùm itaque non sit vlla cognitio clarior sensitiuâ: omninò mirum videtur, quòd voluptas & dolor cognitiones sensus dicantur, cùm ignoretur quid per eos actus representetur. Itaque commodius isti actus dicentur esse actus potentiz vitalis, sed non representatiuæ: ita vt tactus operatio sit perceptio vitalis alicuius è primis qualitativis: dolor autem & voluptas sint operationes vitales animæ, quibus anima bene aut malè habetur, vt ea, à quibus ad huiusmodi actus determinatur, prolequi aut fugere possit. Hæc illi, qui alibi idem asserunt de dolore & gaudio voluntatis.

58. **Refutatur.** Sed dicendum est primò, Communem sententiam Philosophorum, circa voluptatem & dolorem sensibilem, non esse quòd sint cognitiones sensus, vt isti videntur significare his verbis proximè relatis, *Omnino mirum videtur &c.* Sed potius quòd sint vitalis quædam complacentia, vel actus vitalis displicentiæ molestæ, & malè afficientis sentientem. Qui actus præsupponit quidem cognitionem; sed non est cognitio formaliter, neque cum illa est ita connexus, vt absolutè nequeat esse cognitio sine tali affectu. Etenim tota perfectio illius cognitionis, & multò maior, est in Deo, tum circa illa eadem obiecta, tum circa alia sibi displicentia, vt peccata; in quo tamen non est dolor, neque tristitia. Et quādo in Martyribus impediabatur talis actus displicentiæ molestæ, & anxiz, malèque afficientis: impediabatur dolor, licet non impediretur cognitio tormenti, siue obiecti doloriferi.

69. Secundò, Non est verum, omnem cognitionem sensitivam talem esse, ut nulla sit clarior: sunt enim multæ obscuræ, à quibus obiectum non bene discernitur: & quidem nulla discernit perfectè obiectum in individuo: multæ autem nec speciem, nec genus: ut cum homo procul videtur, visu nondum discernente sine lapis, aut stipes, aut animal. Quare non bene colligunt dolorem non procedere ex cognitione sensitiva, neque in ea villo modo consistere, ex eo quòd non discernimus sapissimè causam doloris, sed confusè cognoscimus, seu sentimus aliquid nobis molestum & inconueniens: ut sit in exemplis in obiectiōe allatis. Nec obest, quòd illa obiecta sint proximè applicata. Nam potentia sensitiva nondum est satis expedita, & applicata ad cognoscendum, aliquo alio præuenta, aut occupata, & impedita: vel non habet vim perfectè & distinctè cognoscendi talia obiecta: quemadmodum sensus internus non potest cognoscere distinctè actus sensuum externorum: nec intellectus, suos proprios actus, aut voluntatis. Neque enim discernit sine, substantia, vel accidens: distincti à potentia, vel indistincti: naturales, vel supernaturales in entitate. Imò neque ipsi intellectui humano, & philosophis supra citatis, aut aliis, puto distinctè noras esse causas omnes doloris sensibilis, & ab illis sufficienter assignatas. Tertiò, Cuiusnam potentia vitalis erunt illi actus vitales, si non sunt potentia cognoscitivæ, neque appetitivæ? Certè enim non sunt vegetativæ tantum, aut loco-motivæ. Alias autem potentias vitales in hominibus, & in animalibus nullus hæcenus Philosophorum aut Theologorum agnovit: quibus nolumus, sine maiori fundamento; contradicere, & novas potentias vitales inuhere.

70. Aduerto quintò circa timorem, S. Thomam quæst. 15. artic. 7. c. videri removere à Christo perfectam rationem timoris: ed quòd, inquit, apprehensio mali futuri, si omnimodam certitudinem habeat, non inducit timorem. Vnde Arist. 2. Rhetor. cap. 5. circa medium, *Timor non est, nisi ubi est aliqua spes evadendi. Quando enim nulla spes est evadendi, apprehenditur malum ut præsens: & sic magis causat tristitiam, quàm timorem.* Christus autem habebat omnimodam certitudinem, & scientiam perfectam circa omne malum sibi eventurum.

Respondent Caietanus, & Thomistæ communiter, sanctum Thomam removere solummodo timorem à Christo in parte superiori animæ, in qua erat cognitio certissima mali futuri. Sed aberrant omnino ab eius mente. Nam D. Thom. tota illa quæst. 15. aperte loquitur de timore, & aliis passionibus animæ Christi in parte inferiori. Deinde hæc responsio minùs bene consulit honori & doctrinæ D. Thomæ. Nam est contra Scripturam & Sanctos Patres, dicere, Christum non timuisse mortem, & quædam alia, secundum voluntatem, & partem superio-

rem, ut fusè ostendit Vasques disp. 62. cap. 3. Vasques num. 17. & sequentibus.

Alii, ut Suares in commentario articuli 7. quæst. 15. & Vasques ibidem num. 26. aiunt Aristotelem loqui tantum de timore malæ, sicasi, & inducente ad illius fugam efficaciter, & ad quærenda, atque applicanda media quibus vitetur: ad quem solum timorem conantur Rhetores inducere auditores. Sed neque illi bene assequuntur mentem Aristotelis, qui tantum loco cit. ait eos non timere qui vel putant se nihil posse pati, ut illi qui sunt in magna fortuna: vel spe neglecta melioris status, non curant quidquid ampliùs patiantur, velut iam malis immortui: siue sit spes mali illius imminētis evadendi, siue non sit: ut rectè ex verbis Aristotelis ostendit Delugo disp. 22. num. 37. Sed non placet quod ait num. 36. posito quòd iuxta sententiam Thomistarum supra relatam timor esse non possit in voluntate, cum certitudine mali imminētis: posse nihilominus esse pro priori signo rationis actum timoris de malo imminētis: etiamsi in eodem instanti reali, pro posteriori naturæ, cognoscatur illud malum ut certissimè futurum: si tamen pro priori nondum cognoscebatur ut certò futurum, sed ut possibile, & ut imminuens: quia, inquit, illa motiva quæ pro illo signo apparent, mouent ad aliquam fugam illius mali: quæ cum sit fuga mali imminētis, nondum apparentis ut certò futuri, erit perfectus actus timoris. Et quidem in Christo fuisse talem actum timoris, probat, quia timor ille inducebat ad consultationem & electionem mediorum. Ab illo enim timore mortis motus fuit Christus ad orandum Patrem pro auertendo periculo mortis. Ergo ille timor non oriebatur ex præscientia mortis certò futuræ. Quomodo enim posset ex tali præscientia excitari ad orandum pro auertendo malo imminente? Ergo oriebatur solum ex cognitione possibilitatis & periculi imminētis. Hæc Delugo.

Sed imprimis existimo certitudinem mali futuri non excludere actum timoris, etiam efficacis, & inducentis ad consultationem, & electionem mediorum auertendi malum imminens, pendens à nostra libertate ut sit vel non sit: quemadmodum neque actum spei, seu veri desiderii efficacis, & mouentis ad media procurandi bonum oppositum, ut ostendimus tom. 3. disp. 16. de Spe, sect. 5. Deinde si excluderet, ut supponit & sentit auctor citatus; non sufficeret prioritas signi, quam ipse ponit in Christo. Nam Christus per scientiam beatificam erat præuentus & præoccupatus, per quam certissimè cognoscebat omne malum sibi eventurum, priùs tempore quàm timeret in horro, & oraret. Ergo non poterat timere perfectè, quia timor perfectus non potest esse sine obiecto sibi necessario. Neque satis est dicere, quòd non procederet ex illa cognitione certa. Cum aliunde iam ante haberet voluntas impedimentum insuperabile ut non procede-

71.

Delugo.

72.

Certitudo mali futuri non excludit timorem.

ret, independens à sua libertate, etiam antecedenter: sicut visio beatifica impedit ne Beatus peccet deinceps per illos actus: atque etiam per illos qui non procedunt ex visione beatifica, sed ex alia cognitione. Vide quæ supra diximus disput. 10. sect. 2. quæst. 1. contra similem modum philosophandi eiusdem authoris, de gaudio & tristitia Christi.

73. **Adversus** sextò circa passionem admirationis, duplicem illam esse. Vnam, quæ oritur ex ignorantia, vel defectu cognitionis: ut quando effectus insolitus videtur & causa ignoratur: unde oritur in appetitu desiderium sciendi causam: vel quando cognoscitur res aliqua magna & admirabilis, quæ nostram cognitionem excedit: ut Deus, qui licet videatur à Beatis, est tamen illis semper admirationi, quia eorum notitiam excedit infinita sua magnitudine, & desiderant semper in eum aspicere. Alteram, quæ oritur solum ex apprehensione & æstimatione rei magnæ & singularis: etiam si causa cognita sit, si causam habet: ex qua oritur in appetitu affectus delectationis ex rei magnitudine proveniens, & in eius laudem inclinans. Magnæ, inquam, vel in seipsa: vacuum magnum aliquem virum miramur, solis splendorem, maris amplitudinem, cælorum magnitudinem: vel respectu in ordine ad aliquem: ut quando miramur scientiam pueri, & fidem hominis parum instructi. Sed ulterius ut locus sit tali admirationi, debet res illa magna vel superare naturam, aut vires naturales admirantis, quippe qui, v. g. in tali ætate tantam scientiam habere non potuisset, nec tantam fidem cum tam parva instructione: vel occurrere supra admirantis expectationem, & superare modum eorum obsectorum quæ communiter illi occurrunt, & ordinariè ab ipso cognoscuntur: vel excedere captum naturalem cognoscentis, licet aliunde supernaturaliter scientiam ipsius habeat: vel denique nouo quodam modo cognosci, & aliter ac melius quàm antea immediatè: quo pacto qui mare sæpius vidit, miratur tamen illud cum de nouo prope accedit, meliusque cognoscit intuendo, quàm antea cum abstractuè cognosceret. Dicit enim admiratio defectum quendam admirantis, propter quod locum in Deo non habet.

74. **Vasquez** Hanc distinctionem admirationis sumptam ex D. Augustino fusiùs exponit Vasques disp. 61. cap. 4. eandemque tandem post exactam discussionem admittit Delugo disp. 22. sect. 4. n. 50. in fine, in qua tota sectione longè latèque hæc de re disputat. Sed non placet quòd num. 44. ut tueatur veram admirationem in Christo, recurrit ad priori-

tatem naturæ, quatenus scilicet euentus mirabilis superabat cognitionem quam Christus habebat pro priori naturæ. Illa enim prioritas cognitionis alterius, respectu admirationis, posita scientià beatificā prius tempore præcedente, ac semper perseverante, patitur easdem difficultates, quas prioritas cognitionis ad timorem Christi, de quo supra: & ad tristitiam, de qua diximus disp. 10. sect. 2. qu. 1.

Christus tamen fuit capax admirationis propriè dictæ: & quidem vtriusque modi supra explicati. Primò scilicet, ex defectu cognitionis rei alicuius magnæ respectu animæ Christi, & eius captum, etiam supernaturalem, excedentis: ut Maiestatis Dei, quem etiam Beati, licet videant continuò, mirantur tamen eandem ob causam, eique se submitunt, ut suum omnem captum superantem infinita sua magnitudine: captum, inquam, omnem, etiam supernaturalem: neque enim Deum comprehendere possunt, id est, cognoscere quantum cognoscibilis est: unde in eo contemplando se deficere sentiunt. Secundò, etiam ex occurssu alicuius obiecti singularis & insoliti, superantis cognitionem quam Christus relictus solis naturæ viribus habuisset. Cuiusmodi fuit fides Centurionis Matth. 8. & Chananeæ, Matth. 15. Solis enim viribus naturalibus Christus non iudicasset tam excellentem fidem futuram fuisse in homine gentili militiæ addicto, & parum instructo: vel in muliere alienigena & infideli, qualem & quantam in Israël, id est, in populo fidei, & per Prophetas, ac per se ipsum instructo, non inuenerat: Similique modo poterat Christus admirari non modò secundum voluntatem, res spirituales: sed & secundum partem inferiorem (in qua sunt passionēs) euentus sensibiles, stupendos, atque mirabiles naturæ humanæ, quantumvis naturaliter perfectæ, solis viribus naturalibus relictæ. Cuiusmodi est celeritas motus cælestis, solertia multorum animalium, vis magnetis, & similia. Quod verò ait S. Thom. 1. 2. quæst. 32. art. 8. in corp. admirationem esse desiderium sciendi causam occultam: non est intelligendum formaliter, vel identicè, sed causaliter tantum: quia scilicet causas desiderium sciendi causam occultam adque non semper, neque de omni admiratione: sed frequenter & ut plurimum: quia plerumque causa rei, quam miramur, est occulta: ut docet Aristoteles 1. Rhetoric. cap. 11. Quem S. Thom. ibidem allegat 9. *Sed contra.* Quare poterat Christus mirari etiam ea, quorum causam aliunde sciebat: ut nos diu miramur aliqua artificia, etiam postquam eorum causa nobis fuit detecta.

75. **Fuit in Christo propria admiratio.**

S. Thom.

Aristot.


DIS.

DISPUTATIO

DECIMA-QUARTA,

De Subiectione, Filiatione, & Prædestinatione Christi.

- Seçtio I. *An Christus fuerit subiectus Deo, vel hominibus?*
 Seçtio II. *An Christus ut homo sit verè servus Dei, aut Filius adoptivus?*
 Seçtio III. *Refutantur quæ responderi solent testimoniis ex Concilio Francoford. allatis.*
 Seçtio IV. *Respondetur argumentis contrariæ sententiæ pro Christi servitute.*
 Seçtio V. *Soluntur argumenta contrariæ sententiæ pro Christi adoptione.*
 Seçtio VI. *Quomodo Christus in quâtum homo sit Filius Dei naturalis?*
 Seçtio VII. *An Christus fuerit prædestinatus ut esset Filius Dei?*



DE materia huius disputationis agit S. Doctor quæst. 20. 23. & 24. In quarum prima docet Christum fuisse subiectum Patri: & quia ab illo acceperat id quod erat: & quia suberat illius potestati, & dispositionis & quia tenebatur ei obedire. Sibi metipso verò non fuisse subiectum, si subiectio ad personam eius divinam referatur: secus autem, si ad humanam respectu divinæ. In secunda affirmat Christum non esse Filium Dei adoptivum, ut sunt alij iusti: quia est filius naturalis: filiatio autem adoptiva est tantum participata similitudo filiationis naturalis. In tertia asserit dici posse Christum esse prædestinatum: quia unio duarum naturarum in Christo fuit à Deo præordinata ab æterno. Prædestinatio autem, propriè accepta, est quædam divina præordinatio ab æterno, de his quæ per gratiam Dei sunt facienda in tempore. Et Christum, secundum quod est homo, fuisse prædestinatum ut esset Filius Dei. Quia hoc dicimus convenire alicui secundum quod homo, quod ei convenit ratione naturæ humanæ. Natura verò humana fuit in tempore Verbo unita secundum præordinationem Dei æternam: & hoc per gratiam ei collatum est ut Filio Dei in persona uniretur. Ideòque solum ratione naturæ humanæ prædestinatio comperit Christo. Et denique Christi prædestinationem esse exemplar & causam nostræ prædestinationis: quia filiatio adoptiva est quædam participatio & imitatio filiationis naturalis: & Deus ita præordinavit ab æterno salutem nostram prædestinâdo, ut per Iesum Christum compleretur: iuxta illud Ephes. 1. *Prædestinavit non in adoptionem filiorum per Iesum Christum.* Hucusque D. Thom.

SECTIO I.

An Christus fuerit subiectus Deo,
vel hominibus

1.
Christus ut
homo fuit
Deo sub-
iectus.

Dico primò Christum, secundum quod homo est, fuisse verè subiectum Dei potestati, tam iuris, quam facti. Ita D. Thom. qu. 20. art. 1. Probat, quia potestas facti est vis & facultas agendi aliquid re ipsa: ut producendi, destruendi, alterandi, mouendi &c. Potestas vero iuris est potestas agendi aliquid licitè, vel iustè & honestè: vel etiam potestas domini & iuri dictionis ad regendum, præcipiendum, prohibendum &c. Christus autem cum sit creatura secundum quod homo formaliter, potuit à Deo produci, conservari, & destitui absolute loquendo: licet ex Dei voluntate & decreto non sit amplius moriturus, sed in æternum cum Patre regnaturus. Item etiam quatenus creatura est, & creatura rationalis, subest supremo dominio & potestati iuris, quam Deus habet titulo creationis in omnem creaturam, secundum quam potest licitè de creatura disponere prout vult: & speciatim potestati regendi & præcipiendi, quam Deus habet circa omnem creaturam intellectualem capacem præcepti, & moralis regiminis. Quæ omnia patent ex Scriptura, & ratione manifesta: neque egent maiori explicatione, vel confirmatione.

2.
Difficultas solum est primò, an Christus non tantum Deo subiectus fuerit, sed etiam hominibus, quoad potestatem iuris?

Sed non
hominibus
nisi volun-
tate.

Respondeo & dico secundò, Christum voluntariè quidem se illis subiecisse: ut matri beatissimæ, & sancto eius fratri, de quibus dicitur Lucæ 2. *Et erat subiectus illis*: in rigore tamen non fuisse obligatum ut illis se subiceret, neque ullis legibus aut præceptis humanis subiectum fuisse, licet de potentia Dei absoluta non repugnauerit subiici. Ita Suarez disput. 43. sect. 2. Ratio eius est, quia Christus, etiam ut homo, habuit potestatem excellentiæ, & dominium, ac ius superioris ordinis supra vniuersos homines, ut ostendimus sect. 4. Ergo non magis potuit eorum legibus & præceptis obligari, quam rex possit obligari lege, vel præcepto, ab aliquo sibi subiecto. Et hoc Christus significauit Matth. 17. cum tributum postulari, solui. illud quidem, sed prius indicauit se ab illo esse liberum, ut filium regis regum: Ferturque Ioannes XXII. damnasse erroris sententiam contrariam Marsilii Patavinii, quam hodie Nouatores in odium exemptionis clericorum auidè amplectuntur. Ineptè autem opponunt illud Christi Domini ad Pilatum Ioan. 19. *Non haberes potestatem aduersum me ullam, nisi tibi datum esset desuper*. Id enim permissiuè intelligendum est, id est, nisi Deus permisisset me capi à Iudæis, & tibi tradi, atque tandem occidi. Neque enim sermo ibi est de potestate iuris, sed facti: de quo idem Christus dixe-

rat Luc. 22. *Hæc est hora vestra, & potestas tenebrarum*. Quis enim tam horribiliter blasphemet, ut asserat tenebras, id est, Dæmones, potestatem iuris habuisse in Christum, & pro suo iure fecisse quæ scelestissime in eum commiserunt? Sanè Christus contrarium significauit, quando Pilato ita respondit Ioan. 19. *Propterea quæ me tradidit tibi, maius peccatum habet*. Notandum tamen potuisse Christum inire pacta seu contractus cum hominibus: & sic illis dare aliquam iuris potestatem in seipsum: non tanquam in inferiorem, sed tanquam in debitorem ex iustitia. Quo pacto Deus ipse obligat se hominibus ad nonnulla: ut ad augmentum gratiæ, & ad gloriam promeritis retribuendam. Notandum etiam Christum potuisse absolute carere illa potestate excellentiæ, quæ est donum morale distinctum à dono vniionis hypostaticæ: ideoque potuisse per Dei voluntatem hominibus esse subiectum, ut in postrema parte conclusionis dictum fuit, quæ maiori probatione non indiget.

Secunda difficultas est, an Christus fuerit subiectus omnibus legibus & præceptis diuinis?

3.

Respondeo & dico tertio, Christum fuisse subiectum omnibus legibus & præceptis diuinis confirmantibus ius naturale: aliis verò purè positiuis, non fuisse subiectum, nisi iis quæ specialiter ad ipsum dirigebantur: ut fuit speciale præceptum moriendi pro hominibus. At non communibus legibus & præceptis, siue in lege naturali, siue in Mosaica, siue in Euangelica latis. Declaratur & probatur responsum. Præcepta diuina duplicia sunt. Quædam ex parte naturalia, nimirum ratione materiæ & obiecti, quibus scilicet ea solum præcipiuntur aut prohibentur, quæ iure ipso naturali, & vi rationis naturalis præcepta vel prohibita sunt: ut adorare Deum, honorare parentes, non peierare, non mentiri, non occidere iniuste, non fornicari, non furari: & his omnibus Christus ut homo subiectus fuit, quia tenebatur viuere secundum regulam rectæ rationis confirmatam ab auctore naturæ. Tenebatur, inquam, non solum eo modo quo Deus tenetur, seu potius, non potest mentiri, peierare &c. ex essentiali perfectione & rectitudine suæ veritatis & bonitatis, à qua non potest deflectere: sed vi regulæ naturalis & diuinæ, seu obligationis à superiore impositæ: cum ipse secundum humanitatem non sit supremus Dominus, neque regulæ suarum actionum.

Alia Dei præcepta sunt purè positiua, quibus præcipit aliquid non aliunde necessarium, aut prohibet aliquid non aliunde illicitum. Et hæc iterum duplicia sunt: quædam priuata, quæ vni aut paucis sunt: Alia communia; cuiusmodi fuit in lege naturæ præceptum circumcisionis: & in lege Mosaica, præcepta omnia cerimonialia, tam positiua: quam negatiua: & in lege euangelica, præcepta quæ pertinent ad sacramenta

Fuit subiectus
omnibus
legibus
diuinis
confirmantibus
ius naturale.

4.
Præcepta
Dei
positiua
multa
sunt.

baptismi, poenitentiz, Eucharistiz, &c. Præcepta diuina communia legis Euangelicæ lata sunt ab ipso Christo eius legis authore: & lata sunt propter remedium peccati, & augmentum gratiæ: puris scilicet viatoribus, ytriunque capacibus. Ergo non obligant Christum: quia princeps non obligatur legibus à se latis, ne directiue quidem, quando leges respiciunt subditos vt tales, id est, secundum eam rationem, secundum quam princeps non potest, aut non debet secundum rectam rationem, se illis conformare. In his verò in quibus recta ratio dicat debere Principem illis conformari, tenetur, non vi legis proximè, sed vi rationis naturalis, leges suas seruare: quatenus turpe est Principem in illis discordare à subditis.

Præcepta positiua legis Moisaicæ, & præceptum circumcisionis datum tempore legis naturæ, licet non à Christo, sed ab ipso Deo sint data, non obligauerunt Christum, vt rectè docent S. Thom. quæst. 37. art. 4. c. & D. August. lib. quæst. in Matth. quæst. 10. Idque Christus ipse significat, cum ait Matth. 12. *Domini est filius hominis etiam sabbati*: Quasi diceret, vt exponit August. loco cit. se non esse subiectum legi, quia erat verus Rex & dominus legis. Deinde lex antiqua propter transgressionem posita est: *donec veniret semel promiserat*: id est Christus: & vt esset noster pædagogus in Christo, donec veniret fides euangelica, vt ait Paulus ad Galatas cap. 3. ver. 19. & 24. id est, posita fuit hominibus imperfectis ex natura sua, & peccato subiectis, directioneque & remedio indigentibus. Talis autem Christus non fuit, qui vltimè cum esset finis & complementum totius legis antiquæ, eamque esset abrogaturus, non debuit illi subijci.

Nec obest illud Matth. 5. *Non veni legem solvere, sed implere*. Et ad Galat. 4. *Misit Deus filium suum factum ex muliere, factum sub lege*. Et cap. 5. *Testificor omni homini circumcidenti se, quia obnoxius est vniuersæ legis faciendæ*. Christus autem fuit circumcissus. Ergo fuit debitor legis faciendæ.

Ad primum enim Respondeo Christum impleuisse legem, perfecte eam seruandos: quamuis ei non esset subditus, sed solum vt exemplum præberet, & calumniandi occasiones vitaret, & vt eam esse diuinam & sanctam facto suo confirmaret; vel etiam impleuisse, id est, consummasse per mortem suam, & passionem, aliaque omnia in lege præfigurata & promissa: ad eum modum, quo veritas implet figuram, & donatio promissionem.

Ad secundum Respondeo Christum fuisse factum sub lege quoad executionem suæ incarnationis, non quoad ius: id est, factus est tempore legis, quamuis non legi subiectus.

Ad tertium, dico Paulum loqui de hominibus peccato obnoxiiis, pro quibus solis circumcisionis lex fuerat lata, & consequenter illa, quæ ex ea sequebantur, præcepta.

Superest ergo vt Christus iis solum præceptis diuinis positiuis subiectus fuerit, quæ priuatim ad ipsum pertinebant, vel ad paucos alios cum illo. Cuiusmodi fuit præceptum fugiendi in Aegyptum, & ibi manendi aliquot annis, quod ipsum cum sancto Ioseph & Beata virgine comprehendebat: & præceptum redimendi homines, ac moriendi pro illis, quod mandatum se à patre accepisse profiteretur Christus Ioan. 10. ver. 18. & cap. 14. ver. vlt. *Sicut, inquit, mandatum dedit mihi pater, sic facio*: & alia quædam, de quibus ait generatim Ioan. 15. v. 10. *Si præcepta mea seraueritis, manebitis in dilectione mea: sicut & ego præcepta Patris mei seruabo, & manebitis eius dilectione*. Quibus verbis non consonat falsa interpretatio Theophylacti existimantis Christum ita loquutum, vt audientium infirmitati se accommodaret: non autem quod verè vllis mandatis obnoxius esset. Sed vltimè refellitur, quia, vbi non est verum mandatum, non est vera obedientia: At Christus fuit verè obediens, vt patet ex Philipp. 2. v. 8. & clariùs Rom. 5. v. 19, vbi Christi obedientia comparatur cum Adam inobedientia, quæ sine dubio fuit verà & propria. Et quidem valde conueniens fuit non in eis perditos per inobedientiam primi Adæ reparari per obedientiam secundi: & bonis eius operibus addi laudem & meritum obedientia non repugnantis personæ maiestati, plurimè que facientis, ad Dei gloriam & hominum exemplum.

SECTIO II.

An Christus vt homo sit verè ac propriè seruus Dei, an filius adoptiuus?

Respondeo negatiue. Sic enim puto cum Vasque, Delugo, & aliis Recentioribus, definitum fuisse à Concilio Nationali Francofordiensi trecentorum Episcoporum, ex Italia, Gallia, & Germania; & ab Adriano I. in epistola præmissa eidem Concilio. Vbi damnantur scilicet & Elipandus hispani Episcopi, quod Christum filium adoptiuum & seruum appellarent. Verba Adriani sunt, column. 5. illius epistola, *Tanta nimirum vos temeritatis dementia deluait, vt adoptiuum eum filium, quasi per vnum hominem, calamitatem humanæ subiectum, & (quod pudet dicere) seruum eum, impii & ingrati tanti beneficii, liberatoris nostri non perimesseis venenosa seuce susurrare: Cur non veremini quæsi ob relictos, pro adhibiles, illum seruum nuncupare?* Quibus verbis Adrianus in illos acrius inuehitur, quod seruum appellarent, quàm quod filium adoptiuum, vt patet ex parenthesi (quod pudet dicere) atque vtrumque aperte damnat, sed magis secundum, quàm primum improbat, quod notent Medina, Didac. Alvarez, Suarez, & alij infra citandi, qui

Ee 2

Vide totam
2. disp. 28.
sect. 3.

Non fuit
subiectus
præceptis
positiuis
legis Mo-
isaicæ.

Soluerunt
argumenta
in contra-
rium.

Quomodo
Christus &
eius legem
impleuit?

7:
Quibus
præceptis
vbi positi-
uis fuerit
subiectus?

Illæ fuerint
veræ præ-
cepta ref-
pectu Christi.

8:
Conclusio
negatiua.

Adrianus

filium adoptivum esse negant, sed servum esse contendunt. Concilium verò in epistola ad Episcopos Hispaniæ non longe à fine, intelligit, inquit, in hac professione vestra duplici & diabólica fraudis latuisse dolos, &c. Dum & Dominum nostrum Iesum Christum, quem Deum colimus, & adoramus, servum prædicatis, & adoptivum.

9. **Probat ex Concilio Franco.** In eodem Concilio refutatur aperte illa distinctio, quod Christus sit filius naturalis & dominus secundum naturam divinam, adoptivus autem & servus secundum humanam. Afferiturque Nestorizare, & Christum in duas personas dividere eos qui illud asserunt quia servitus, & adoptio dicunt personam extraneam, & alienam ab eo cuius servus aut filius adoptivus est. Verba Synodi hæc sunt in libro sacrosyllabo col. 5. initio: Porro adoptivus dici non potest nisi is qui alienus est ab eo, à quo dicitur adoptatus, & gratia ei adoptiva tribuitur. Nec enim non ex debito, sed ex indulgentia tantummodo adoptio præstatur. Sicut nos aliquando cum essemus peccando filii, alieni eramus à Deo: & per proprium & verum filium eius, qui non eguit adoptione, adoptio nobis filiorum donata est, &c. proprius filius facinus est ex muliere, non adoptivus. Et columna penult. initio, Conde credamus ad iustitiam, ore autem confiteamur ad salutem, Dominum nostrum Iesum Christum verum Dei filium, non putativum, proprium in utraque natura, non adoptivum. Et in epistola Concilii ad Episcopos Hispaniæ, columna 16. initio: Quid est adoptio, nisi charitatis copulatio quæ pater adoptione sibi copulat filium, qui in proprium non habet & certissimum est, si præfati sumus, alium esse proprium, alium filium adoptivum. Nonne tunc duo filii erunt Deo Patri, unum proprius, & alter adoptivus, quod nullus Catholicus aucter ducere? Quid est aliud dicere eandem virginem adoptivum vel servum genuisse, nisi negare Deum illam genuisse? Si Deus generatus est: nequaquam adoptivus, sed filius. Quia alia persona est proprii filii, alia adoptivi vel servi.

10. Rursus Adrianus in epistola sua, columna 5. in fine, & duabus sequentibus, improprie & metaphoricè interpretatur loca veteris Testamenti, in quibus Christus vocatur servus. Quod necesse non erat si aliquod genus veræ & propriæ servitutis in Christo agnovisset. Potuisset enim de illo explicare in sensu vero ac proprio, additque in novo Testamento, in quo, cessante umbra & figura, veritas fuit manifestata, nusquam vocari servum, sed filium & dilectum. Nam, inquit, etsi in umbra prophetiæ dictus est servus propter servilis forma conditionem quam sumpsit ex virgine, &c. Nunquid propterea servi nomen ei imponere debemus? Et paulò post, allatis, Iob, Davidis, Isaïæ, Ambrosii, & Gregorii magni locis, quibus Eligendo sanere videbantur, subdit, Nunquid docuerunt eum servum vel adoptivum prædicare, cum universalis Ecclesia evangelicis atque apostolicis imbua lucidissimis documentis, Deum ac dominum suum totis medullis cordis, tota animi devotione, in dextra cum Patris profectur se-

dentem. Postquam autem cessavit umbra veritatis, & ipsa in præptum manifestata est veritas, quæ sub allegorica sylva latebat: nusquam cum à Patre vocatum servum legimus, sed filium & dilectum, & suum: nec filium, Dominum suum appellasse, sed Patrem. Nam Deus & homo erat qui secundum Deum dicebat, Ego & Pater unum sumus: & secundum hominem, Pater maior me est. Et tamen non ait, Pater dominus meus est, sed maior.

Ad idem confirmandum plura Scripturæ & Patrum testimonia adducit Valsques disput. 80. cap. 6. & 7. quem consule. Ratio verò ex Concilio citato reddi potest, quia quod attinet ad servitutem, illa non naturæ solius, sed personæ alienæ & inæqualis nomen est: id est, ille qui strictè ac proprie dicitur servus, debet esse persona diverfa à Domino: debet item esse talis, ut cum Domino nec in bonis, nec in honore, nec in sede communice ex debito, saltem ad æqualitatem. Propterea enim filii, quamvis parvi, non sunt servi, neque uxores: quia habent, per se loquendo, ius ad æqualem participationem, aut successionem bonorum & honoris. At Christus ratione unionis hypostaticæ est personæ eadem cum Deo, cui propter unionem humanitatis suæ cum Verbo competit Dominium in creaturas, & æqualitas bonorum, & honoris ac sedis, cum Deo, propter quam dicitur ad dexteram eius sedere. Hanc rationem tradit Concilium verbis supra relatis, cum ait: Alia est personæ proprii filii, alia adoptivi vel servi. Et Adrianus supra, cum ideo negat Christum servum dici posse, quia Ecclesia in dextera eum Patris profectur sedentem, id est, in æquali gloria, quæ æqualitas sequitur necessariò ex identitate personæ: illa verò est quæ maxime opponitur servituti strictè & proprie dictæ.

11. Quod verò attinet ad adoptionem, ea quoque personæ non naturæ nomen est: significatque personam, quæ non naturaliter, sed adoptivè tantum, filius est, id est, affectu voluntatis. Est enim adoptare, optare aliquem in filium, & velle ut sit filius, cum non sit talis naturaliter, sed alienus & extraneus. Alia enim est personæ proprii filii, alia adoptivi, ut ait Concilium citatum in epistola ad Episcopos Hispaniæ col. 16. & Adoptio nihil est aliud, nisi charitatis copulatio, quæ pater adoptione sibi copulat filium, quem proprium non habet, ut dicitur initio eiusdem columnæ. Et in libro sacrosyllabo eiusdem Concilii col. 7. Adoptivus non nisi affectu locutionis alienus dicitur filius. Omnis enim adoptio ex affectione ducit vocabuli sui originem, &c. Ita namque ex utraque parte, utinam, adverbium eleganter insertum, ut dicas, utinam sis mihi in filium adoptivum: & contra: utinam merear à te in filium adoptari. Ex quibus Concilij verbis sic rectè arguit Valsques disput. 89. capite 11. numero 71. Ille qui adoptatur in filium, non secundum naturam, sed solo affectu coniungitur adoptanti. Id

11.

Probat ratione.

Adoptio & servitus & conventio nisi personæ alienæ, & inæquali.

12.

Adoptio quæ sit

namque ipsa vox, adoptio, significare videtur, est enim vox optantis seu desiderantis, Quare adoptare aliquem in filium nihil aliud est, quam voluntate, & desiderio, loco filii naturalis aliquem sibi subrogare. Et perinde est, sibi adoptare filium; atque desiderare sibi habere pro filio eum, qui alioqui secundum naturam sibi coniunctus non est, ad curam & gubernationem paternam, & ad hereditatem illi dandam tanquam filio naturali. Atque ita nos adoptamur à Deo, quando per iustificationem gratis à Deo, à quo sumus extranei, & nullo modo filii naturales, in filios & heredes vitæ æternæ assumimur. At Christus ratione hypostaticæ vnionis est persona Dei propria, & naturaliter coniuncta per generationem, non autem extranea. Ergo non potest dici filius adoptiuus, sed proprius & naturalis.

13.
Christus
inquantum
homo ad-
plicatur,
non fuit
seruus, aut
Filius Dei
adoptiuus.

Ex his collige Christum, ne quidem reduplicatiue inquantum hominem, seruum propriè aut filium adoptiuum dici posse. Siue reduplicatio sumatur eo sensu, quo denotat causam propter quam, vel id ratione cuius prædicatum tribuitur subiecto simpliciter: vt cum dicitur, Christus quæ homo mortuus est, crucifixus, sepultus, ascendit in cælum: siue alio sensu, quo denotat partem aliquam secundum quam prædicatum tribuitur subiecto non simpliciter, sed secundum illam dumtaxat, vt cum dicitur Aethiops est albus secundum dentes, Homo est immortalis secundum animam: neque enim propterea dicitur simpliciter & sine addito Aethiops albus, aut homo immortalis: qui duo modi reduplicandi notandi sunt. Dico igitur neutro sensu verè dici ac propriè Christum, inquantum hominem, esse seruum aut filium adoptiuum secundum humanitatem: tum quia, vt Concilium Francford, sæpius affirmat, nomen serui & filii non est nomen naturæ, sed personæ extraneæ: tum etiam quia licet humanitas, vt sic, præcindat ab vnione hypostatica, sitque indifferens ad seruitutem & adoptionem, aut ad eius oppositum: tamen in Christo est re ipsa hypostaticè vnita: seruitus autem, & filiatio adoptiua, includunt in suo conceptu & denominatione non præcisionem solum, sed & negationem vnionis hypostaticæ, id est, vt natura eius, qui dicitur seruus, aut filius adoptiuus, non sit re ipsa vnita personæ diuinæ, & per talem vnionem facta persona propria, non extranea; & particeps ad æqualitatem honoris & cultus diuini. Propter quod Patres Concilii Francford, in epistola ad Episcopos Hispaniæ colum. 12. post medium, sic aiunt: *Vnitas persona, quæ est in Dei filio & filio Virginis, adoptionis tollit iniuriam.* Et Damascenus lib. 3. de Fide, cap. 11. *seruitutis*, inquit, & dominationis nomina non naturæ, indicant, sed ex eorum sunt genere quæ aut aliud referuntur (id est, significant suppositum) relatiue ad dominum, vel ad seruum)

Damasc.

quemadmodum & paternitatis & filietatis voces. Et paulò post, *Si exilibus quibusdam cogitationibus, hoc est, subtilibus mentis imaginationibus, id quod creatum ab eo quod increatum est se iunxeris: sanè seruilis ordinis esset caro, nisi Deo Verbo copulata esset.* At cum semel et personaliter vnita est: quoniam iam pacto in seruilem classem redigetur. Indeque sic concludit: *Ex quo perspicue constat eum appellatione duntaxat, ac nomine tenus seruum dici, eum hoc minime sit, verum nostræ causæ serui formam suscepit, ac seruus nobiscum vocatus sit, id est, acceperit naturam humanam de se seruilem, atque etiam conditionem seruilem serui officium obeundo, & seruilia munia exercendo, non modò erga Deum, sed & erga homines ipsos. Verè enim dicebat Apostolis Lucæ 22. vers. 27. Ego autem in medio vestrum sum sicut qui ministrat.*

SECTIO III.

Refutantur quæ responderi solent testimoniis ex Concilio Francfordiensi allatis.

Contra id quod diximus, Christum non posse dici strictè ac propriè seruum Dei, sentiunt Suares disp. 44. Valentia quæst. 20, Tannerus qu. 7. dub. 3. num. 17, Paludan. in 3. disp. 12. qu. 3. Medina, Didac. Aluar. Cabrera, & alii Thomistæ ad qu. 20. art. 1. vel 2. quorum authorum primus rem ferè certam esse pronunciat: postremus ait contrariam sententiam esse improbabilem, temerariam, & periculosam in fide, si intelligatur de seruitute connaturali naturæ humanæ. Fauet etiam S. Thom. qu. 20. art. 1. ad 2. vbi admittit Christum non minùs posse dici secundum naturam humanam, esse seruum, quàm esse Deo subiectum: est autem verè & propriè subiectus: ergo & seruus. Et qu. 23. art. 4. ad 3. discrimen esse ait inter filiatiōnem adoptiuam, & seruitutem: quòd seruitus, vel subiectio ad Deum, non solum respicit personam, sed etiam naturam: secus autem filiatio. Vnde Christus non est filius adoptiuus: quia quæ persona, est naturalis Dei filius: est tamen seruus, quia secundum naturam humanam est supremo Dei domino subiectus.

Testimoniis autem ex Concilio Francford, allatis, cuius auctoritatem recipiunt aduersarii, quia licet diu latuerit (propter quod D. Thomæ non fuit notum) & non ita pridem opera Laurentii Surii in lucem prodierit: tanta tamen Ecclesiæ consensione receptum est: vt temerarium videatur auctoritatem velle illi adimere, quemadmodum Suares ipse fateretur disput. 44. sect. 1. 5. *Ad definitionem igitur: & quidem plurimi antiqui historici indubitanter asserunt Felicem & Elipandum in Concilio Francford, sub Adriano I. & Carolo magno fuisse con-*

Et 3

147

Opinio
quorūdam
Christum
esse seruū
Dei.

152

Refutatur
prima co-
rum euasio:

Suar;

damnatos : Illis inquam testimoniis respondent aliqui nihil de Christi seruitute ibi definitum fuisse, sed de adoptione tantum, de qua sola ex professo tractabatur.

At hoc aperte repugnat epistolæ Adriani, & toti Concilio : nam magna utriusque pars insinuitur in errore de seruitute refutando atque damnando.

Secunda
eufio.

Alii dicunt damnari tantum Elipandum quod irreuerenter & insolenter de Christo loqueretur : & non quod seruum simpliciter assereret. Verum aperte patet ex Adriani & Concilii verbis supra relatis, non damnari tantum insolentiam, sed & appellationem serui.

16.
Tertia
eufio.

Alii tertio respondent Concilium loqui tantum de speciali seruitute fundata in conditione serui, quæ, is qui seruus est, non ex amore paret & reueretur dominum, sed ex timore pænæ, & quasi coactè. At si ira erat, debuisset Concilium testimonia & rationes asserere, quibus ostenderet Christum ex amore paruisse. Hoc autem in domino non facit, sed aliis rationibus & testimoniis probat Christum non esse seruum, propter maiestatem personæ : aitque Christum non esse seruum secundum humanitatem, quia eadem persona non potest esse serui & domini : Et quia ille qui adoratur ut dominus, esse seruus non potest. Item Adrianus ait loca Veteris Testamenti de seruitute Christi esse metaphoricè intelligenda. Quod non diceret, si tantum spiritum timoris seruilis damnaret. Denique ex epistola Elipandi in eodem Concilio relata, constat Elipandum non in coerrasse, ut fusiùs ostendit Vasquez disput. 80. cap. 5.

Vasquez.

17.
Quarta
eufio.

Quarto, respondent alii Concilium loqui solum de seruitute pænali ex peccato contracta, aut de seruitute ipsa peccati. Quod, inquit, constat ex his verbis epistolæ Concilii : *Vnde Adam seruus factus est, nisi ex peccato? Christus autem non fecit peccatum. Ideo seruus non est peccati, sed magis liberator & redemptor eorum qui serui sunt peccati.* Respondet Concilium ibi per inductionem cauere omnes species seruitutis, ut eas omnes à Christo excludat. Vnde subdit : *sed forte seruus hominis eum fuisse dictis? At est dominus omnium. Anne Angelorum eum seruum vultis dicere? &c. Quia dicitis de Deo Patre, &c.* Patet ergo Concilium & Adrianum generalius loqui, & conditionem quamcunque seruilem à Christo excludere : eque de causa Scripturæ loca metaphoricè interpretari de seruitute tantum quoad appellationem, aut quoad officium & obedientiam. Deinde ex nullo testimonio constat Elipandum adeo desipuisse ut Christo seruitutem peccati, vel ex peccato ortam tribuerit. Eius autem mens satis erat nota Concilio per ipsius epistolam, quam refutat. Quod enim ait Lorca disput. 78. num. 22. id constare ex Elipandi confessione, in qua Christum captiuum vocat : non est verum. Nam per captiuum, in-

Lorca.

telligit captum seu comprehensum & ligatum ab hominibus, flagellatum, & crucifixum &c. ut ex ipsius verbis rectè ostendit Delugo disput. 28. nu. 21. apud quem plura vide contra hanc euasione. Adde quod Adrianus remouet etiam à Christo eam seruitutem, quam Iob, & aliis sanctis concedit : ac sancti non sunt serui peccati. Et vel nullam aliam seruitutem propriè dictam agnoscit, quam peccati : vel contra. Si primum : ergo ex definitione Adriani Christus non est propriè seruus ullo modo. Si secundum : quare Adrianus dicit omnia Scripturæ loca de Christi seruitute esse impropriè intelligenda : cum possint propriè intelligi de seruitute naturali, id est, de subiectione creaturæ ad Deum, ut volunt Aduersarij?

Quinto denique, Suares respondet damnari tantum Elipandum quod Christum purum seruum, & purum filium adoptiuum cum Nestorio affirmaret. Quod probat ex quibusdam Concilii verbis, & ex antiquis ac nouis historicis. Additque parum consilium famæ illius Concilii, & Adriani, eos qui contendunt damnatum ab illis fuisse Elipandum simpliciter, ac tam acriter reprehensum ab Adriano, propter modum loquendi à Scriptura & Patribus tam frequenter usurpatum.

18.

Quinta
eufio.

Sed hæc euasio euidenter à Vasque disput. 89. cap. 8. refellitur his argumentis. Primo, si Elipandus planè fuisset Nestorianus, & duas in Christo asseruisset personas : non adeo suæ causæ confideret, ut Carolum Magnum, quem Catholicum & doctum agnoscerebat, sollicitaret per literas, ut coacto Concilio Episcoporum Latinorum suam sententiam approbaret, ut constat ex epistola Caroli, quæ habetur in fine Concilij Francford. Quomodo enim sperasset Carolum Magnum, & Latinos, in errorem Nestorii, generali Concilio damnatum, consensuros? Secundo, Patres Concilii loquuntur de errore Elipandi ut nouo, & diuerso ab antiquo errore Nestorii. Nam in epist. ad Episcopos Hispaniæ col. 15. initio sic aiunt : *Dices, cur times adoptiuum Christum Dominum nominaret? Dico tibi, quia nec Apostoli cum sic nominauerunt, nec sancta Dei Ecclesia Catholica consuetudinem habuit eum sic nominandi, imò nec credere eum adoptiuum esse.* At si cum Nestorio Elipandus planè sensisset : neque huiusmodi interrogatio tam aperto errori conueniens fuisset : neque solum respondissent Patres id non esse consuetum in Ecclesia, sed olim fuisse expressè damnatum. Et col. 17. in fine dicunt Elipando & sociis, *Nolite per humanas inuentiones fluctuare.* Et col. 18. *Nolite nouas versare quasiunculas.* Si autem Elipandus aperte Nestorizabat : non fluctuabat per humanas inuentiones, sed post veteres hæreses certò abibat : neque nouas versabat quasiunculas, sed veterem & insignem errorem sequebatur. Præterea Carolus Magnus in epistola sua, de sententia Elipandi velut noua &

20.

inaudita loquuntur. Et quod tertio loco valde notandum est, Adrianus & Concilium supponunt tanquam concessum, & certum apud Elipandum, veritatem esse in Christo personam indeque inferunt, non esse seruum, nec filium adoptiuum: quia alia est persona filii; alia adoptiui, vel serui. Et ex eo quod dicatur seruus vel adoptiuus, inferunt duas in Christo asseri personas, adeoque Elipandum incidere in errorem Nestorii. At non esset ad hoc absurdum deducendus, si hoc ipsum ab initio fatebatur: sed eius error iidem erat argumentis refellendus, quibus Nestorius in Concilio Ephesino fuit conuictus & damnatus. Quartò, non fuisset ratio cur Adrianus diceret loca veteris Testamenti de servitute Christi, metaphoricè intelligi debere. Sat enim fuisset respondere Elipando loca illa de Christo secundum naturam humanam intelligi: & Christum esse seruum, sed non purum: atque ita Scripturæ proprietatem seruare quantum fieri poterat.

31.

Quintò, Elipandus in sua confessione, & epistola, fateatur expressè Dei filium, Deitate exinanita, hominem factum: & Bonosum (quem Nestorius est sequutus) apertè damnat, quod crediderit Christum non fuisse de Patre ante sæcula propriè genitum, neque incarnatum: & suam, ac suorum cum Beato & Heterio controuersiam in eo consistere affirmat, quod isti dicerent vnā personam non posse ex parte esse proprium filium, & ex parte adoptiuum: proprium filium diuinitate, & adoptiuum humanitate. Quod si Concilium aliquando dicit Elipandum Nestorizare: hoc facit per illationem, vt antea diximus: deducendo illum ad incommodum, nempe ad errorem Nestorii: quod signum est illum ab eius hæresi abhorruisse. Eademque de causa veteres illi & recentes Historici adiunt Elipandum & Fœlicem fuisse Nestorianos, quod in eorum errorem per consequentiam inciderent. Ionas ceterè Aurelianensis, illius temporis scriptor, lib. 1. de cultu imaginum ipso initio, & Ado Viennensis in Chronico ad annum 793. apertè docent damnatos fuisse Fœlicem & Elipandum, quod Christum secundum humanitatem, & secundum quod homo est, adoptiuum Dei filium esse dicerent: quo etiam sensu seruum esse dicebant. Denique Concilium eodem modo negat dici posse Christum esse seruum, ac filium adoptiuum. Atqui non potest dici adoptiuus secundum humanitatem: ergo nec seruus ex mente Concilii.

Ionas Aurelianensis.
Ado Viena.

32.

Quare damnati
Fœlix & Elipandus in
Concilio
transford.

Merito autem damnati fuerunt Fœlix & Elipandus, quod alio sensu, nempe stricto & proprio, non autem lato solum & improprio, vt Scriptura & Patres, seruum esse contenderent, Ecclesia resistente & scandalum patiente. Sicut olim propositiones aliquæ à Patribus usurpate, fuerunt damnatæ in Pelagianis alio sensu eas usurpantibus. Concilii vero authoritatē detrahunt potius aduersarii, cum, vt ostendimus, sæpius fateri coguntur

Adriani Papæ argumenta fuisse inefficacia, & inepta ad probandū quod intēdebat, & quod definiebat, si definiuit solum id quod volunt aduersarii: quā nos qui Adriani & Concilii verba generaliter iunimus vt sonant, sine limitatione ipsorum argumentis repugnante, quasi Concilium aut Adrianus sibi ipsis contradixerint. Quomodo autem Scriptura & Patres Christum seruum appellauerint, mox dicemus. Patet ergo ex dictis non esse certum, imò neque verum id quod Suares cum aliis initio citatis affirmat. Censura vero Cabreræ tam faciliè contemnitur ab assertoribus huius sententiæ, quam leuiter ab illo ferri solent. D. Thomas denique in 3. dist. 10. quæst. 2. art. 2. quæstiunc. 3. ad 3. dixit tantum Christum aliquo modo posse dici seruum: quod in 3. par. quæst. 20. art. 1. exponit de subiectione seruitutis, secundum quod omnis creatura Deo seruit, eius ordinationi subiecta: iuxta illud Sapient. 16. *Creatura tibi factori d. seruientis*: secundum quod etiam filius Dei Philipp. 2. dicitur formam serui accepisse.

D. Thom.

SECTIO IV.

Respondetur argumentis contrariæ sententiæ pro Christi seruiente.

O Biicit primò Suares loca veteris Testamenti, in quibus Christus vocatur sæpius seruus Dei: Isaia 42. *Ecce seruus meus, suscipiam eum*, &c. & cap. 52. *Ecce inteligit seruus meus, exaltabitur*, &c. vbi utroque loco in Hebræo est *Hened*, quæ vox seruum vilioris & durioris conditionis significat. Et cap. 53. *In scientia sua iustificabit ipse iustus seruus meus multos*. Ezechiel. 34. *Suscitabo super eas pastorem vnum qui pascat eas, seruum meum Dauid*. Zacharia 3. *Adducam seruum meum orientem*, &c. Respondeo cum Adriano Papa, & Damasceno supra relatis, hæc omnia non esse eo sensu intelligenda, quod Christus fuerit propriè seruus statu & conditione: sed vocari seruum, quia talis fuit similitudine, propter naturam eandem cum aliis hominibus, ex Virgine assumptam: vel etiam quia talis fuit officio & ministerio, vt ait Concilium Francford. in Epistola ad Episcopos Hispaniæ columna 12. post medium, cuius verba hæc sunt: *Et si cum propheta seruum nominasset; non tamen ex conditione seruitutis, sed ex humilitatis obedientia, quæ factus est Patri obediens vsque ad mortem*.

23.

Prima obiectio.
Quo sensu
Christus
vocatur
seruus in
Scriptura?

Opponit secundò loca noui Testamenti, in quibus Christus videtur seruus tacitè vel expressè dici. Nam Matth. 12. repetitur illud Isaia 42. tanquam de Christo dictum, *Ecce seruus meus, suscipiam eum*, &c. Nec obest quod in Matthæi textu pro seruo, est, *puer*, Græce, *μω* iuxta LXX. Nam voces illæ seruum quoque significant: præ-

34.

Secunda obiectio ex
nouo Testam.

Ee 4

Chrysoft.

Respondendo primò, Adrianum in epistola supra citata aperte dicere Christum in nouo Testamento nusquam vocari seruum: nec patrem vocare dominum suum. Secundò, non sine mysterio Matthæum cap. 12. vñum esse nomine Pueri significante filium, & quæ ac seruum, cap. vero 11. Christus Deum, patrem suum dicit dumtaxat: dominum vero cæli & terræ vocat: quibus nominibus non est necesse vt omnia contenta, adeoque se ipsum comprehendat. Cap. 4. tantum respondet Dæmoni non alium, quàm Deum, esse adorandum cultu latræ: eundemque non esse tentandum: verbis delumptis ex Deuter. 4. quæ ad ipsum pertinebant quantum opus erat ad Dæmonem refutandum. Addo, quamuis Christus Deum vocasset dominum suum: non tamen eo rigore, quo significat dominatum seruuturi & conditioni mancipii relatiuè oppositum: sed eo tantum, quo dominatum politicum & honorarium: quo sensu vir est dominus vxoris, pater filiorum, magistratus ciuium, Princeps subditorum. Terriò, verum est Deum esse Deum Christi, posseque vti eius humanitate prout voluerit: neque tamen Christum esse propriè seruum, ob dignitatem & æqualitatem personæ: Neque Deo subiectum esse cum negatione æqualis participationis honorum & honoris, vt requirit serui condicio. Debet autem Deo

262

Leo:

August:

Chrysoft:

17.

**Tertia ob-
iatio ex
Paribus.**

August 19

Hicron!

382

Quo sensu
Patres
Christum
seruum esse
dixerint,

ἢ ἡ τοῦ θεοῦ φύσις καὶ ἀϊδιότης ἀλλοτρίως ἀντι-
 ὡς ἰδὲ τοῦ ἰσχυροῦ ἰσχύς, καὶ τῆς τιμῆς, ἐν τῷ
 ὅτι τὸ λόγος, ἀλλὰ τὸ ἰσχυρὸν ἀντὶ τῆς ὑποστάσεως
 ὁμοῦ. Id est, verbo ad verbum: Sine factus
 sit, sine creatus, sine formatus, sine seruus,
 sine filius ancillæ, sine filius hominis, sine
 constitutus in loco, sine peregrinus, sine spon-
 sus, sine pater, sine frater. Hæc enim
 omnia vocabula substantiæ humanæ propria
 sunt, & huiusmodi non substantiam Verbi, sed
 ipsum hominem fuisse significat. Id est, hæc
 omnia vocabula conueniunt Christo, ei-
 que tribuuntur secundum naturam huma-
 nam, non secundum diuinam. Ita ut vox
 illa Athanasii, propria sunt, non appellet
 proprietatem significationis vocis, seruus,
 & aliarum prædictarum: sed proprietatem
 subiecti, seu naturæ, propter quam Chri-
 sto tribuuntur hæc vocabula, & cuius sigil-
 latim sunt propria, id est, cui specialiter &
 secundum se conueniunt. Cum enim in
 Christo sint duæ naturæ, diuina & humana:
 huiusmodi nomina non ei conueniunt ratio-
 ne viri, sed specialiter & singulariter
 ratione humanæ:

29.

Expenditur
locus.

Athanasii.

Hunc esse sensum Athanasii probo Primò,
 ex eo quod immediatè subiicit, explicans id
 quod antea dixerat: καὶ τὰ ταῦτα, &c. Id est,
 hæc enim omnia vocabula substantiæ huma-
 næ propria sunt. Secundò, quia eodem
 modo ait non in sponsi, patris, & fra-
 tris, de Christo dicta, propria esse huma-
 næ substantiæ, æquæ ac nomen serui. Atqui
 manifestum est illa non tribui Christo se-
 cundum propriam vocis significationem:
 Christus enim est tantum sponsus, patris, &
 frater, latè & metaphoricè: ergo per τὰ
 propria sunt, non intelligit proprietatem
 significationis, sed subiecti huiusmodi at-
 tributorum, designando illud, & distin-
 guendo ab alia Christi natura, cui secun-
 dum se non conueniunt. Tertio, quia Atha-
 nasius eodem loco negat Christum esse pro-
 priè seruum: & Verbum per Incarnationem
 factum esse seruum, ne quidem adiectiuè, &
 denominatiuè à natura assumpta. Nam eo-
 dem modo negat factum esse seruum, quo
 asserit factum esse Christum. Sic enim ait
 non multo post, pag. mihi 196. lit. D.
*Fieri enim homini proprium est. Verum non
 simpliciter eum hominem fecit: sed ut om-
 nium dominaretur, omnesque chrismate sancti-
 ficaret, hominem fecit. Nam quamvis spe-
 ciem serui acceperit Verbum, quod in forma
 Dei subsistebat: non tamen assumptiq; illa car-
 nis, verbum seruum, aut mancipium reddidit,
 quod natura rerum dominus erat: Sed potius
 inde omnium hominum libertas confecta est.
 Verbum autem naturaliter dominus, postquam
 homo natus esset per formam serui, dominus
 & Christus omnium factus est. Similia ha-
 bet multò post in eodem Sermone pag.
 215. lit. C. & D.*

30.

S. Augustinus loco cit. in obiectione non
 ait Christum esse propriè seruum: sed nos
 illum euidentissimè confiteri esse seruum:

eo scilicet modo, quo seruus est. Sicut
 euidentissimè confitemur Christum esse vi-
 tem veram, ostium, viam, lapidem angu-
 larem, & similia, eo tenore, quo de Christo
 in Scriptura asseruntur.

D. Hieronymus potest & debet intelli-
 gi de seruo quoad appellationem, ratione
 officii: quidquid sit de conditione seruili,
 aut non seruili, secundum quam Christus
 differt ab aliis sanctis. Iuxta ea quæ ad-
 dit paulò post: Si moueat quempiam Domi-
 num saluatorem, qui vniuersitatis est conditor,
 seruum dici, non mouebitur si ipsum ad Apo-
 stolos audit loquentem: Qui voluerit inter vos
 esse maior, sit omnium minister: & Filius ho-
 minis venit non ut ministraretur sibi, sed ut
 ministraret. Plura de hoc argumento ex
 Patribus desumpto vide apud Delugo disp. Delagæ
 28. lect. 4.

Opponit quartò Suares hanc rationem:
 Christus, quia homo, est verè creatura
 ex nihilo producta: ergo ratione creatio-
 nis subest supremo Dei dominio: à quo
 producta est, & à quo pendet essentialiter,
 eique subest ad omnem vsum quem vo-
 luerit. Tale enim dominum Deo competit
 in res omnes ab ipso creatas, & quidem tam
 necessariò & connaturaliter, ut eo se priua-
 re non possit. Vnde meritò Cyrill. Alexand. Cyrilli
 lib. 4. dialogi de Trinitate col. 6. lit. D.
*Seruile, inquit, factum est quidquid productum
 ex nihilo. Ita & diuinus nobis exclamat David
 ad dominum vniuersorum: quoniam omnia ser-
 uiunt tibi.*

Respondeo ex Concilio Francford. hanc
 subiectionem & dependentiam non sufficere
 ad conditionem seruilem, sed vterius re-
 quiri distinctionem & inæqualitatem per-
 sonæ, cui non debeat æqualis partici-
 patio bonorum & honoris, sicut debetur
 Christo ratione hypostasis & diuinitatis.

Instabis quia non est æqualitas inter Chri-
 stum secundum humanitatem, & Deum.
 Nam humanitas non est æquæ sancta &
 beata & adorabilis, ac ipse Deus, qui
 essentialiter est beatus & sanctus: & non
 modo respectiuè, sed & absolute adora-
 bilis. Ergo licet ad rationem serui pro-
 priè dicti, requiratur carentia æqualitatis;
 illa sufficienter reperitur inter Deum, &
 Christum ut hominem.

Respondeo carentiam æqualitatis, quæ
 præcipuè requiritur ad rationem serui pro-
 priè dicti, esse carentiam æqualitatis in
 sede, id est, in honore debito. Christus
 autem, ut homo, sedet ad dexteram Pa-
 tris, id est, ut explicat S. Leo Serm. 1. de
 ascensione, æquali fruitur honore cum
 ipsa diuinitate. Terminat enim humani-
 tas eandem adorationem cum diuinitate,
 propter vnionem in eadem hypostasi: om-
 nium creaturarum, cælestium dignitatè su-
 pergressa, supraq; omnes Angelicos ordines
 & Archangelorum altitudinem eleuata, atq;
 illius gloriæ sociata in throno, cuius naturæ
 copulabatur in filio: inquit S. Leo loco cit.

31.
Quarta ob-
iectio de-
luitur.32.
Refellitur
instantia.

Leo

Disp. XIV. de Incarnat. Sect. III. & IV.

non sunt huius, neque naturales, neque adoptiui. Et verum est quod ait Paulus: *si filius & haeres*. At non vice versa: si haeres, & filius.

Vasquez.

Ad id quod addunt Gabriel & Maior supra relati, respondeo cum Vasq. disp. 89. cap. 13. initio, humanitatem, licet gratuitò assumptam ad vnionem hypostaticam, & ad participationem aeternae hereditatis; non tamen posse dici adoptiuam: Quoniam ille qui adoptatur, est natura sua extraneus adoptanti, ita vt etiam post adoptionem maneat re ipsa extraneus, neque sit naturali coniunctione & filiatione propinquus. At humanitas Christi, etiam si natura sua sit extranea, gratuitòque fuerit assumpta: post assumptionem tamen naturaliter mansit vnita, & non amplius extranea: neque enim amplius affectu solo, sed re ipsa Dei est.

38.
Expli-
catur
locus
Hila-
rii.

Locus verò Hilarii qui à nonnullis obicitur ex lib. 2. de Trin. *Potestas uigilantis non amittitur, dum carnis humilitas adoptatur*: corruptus est, & emendatus in aliis exemplaribus, quae habent, *A oratu*; vt rectè monet Vasques cap. 15. vel improprie est intelligendus, vt respondet S. Thom. quaest. 23. a. 4. ad primum.

Porro cum dicimus Christum esse filium naturalem, etiam secundum humanitatem: non est sensus quòd humanitas sit filia: sed quòd humanitas sit ratio, secundum quam conuenit etiam illi, esse filium naturalem. Simili sensu, quo dici solet Christum secundum humanitatem esse filium virginis. Quia de re plura secl. sequenti, precipue num. 48.

Iuuandus hic mihi videtur & corrigendus Vasques citata disp. 89. cap. 15. num. 93. vbi perplexè laborat in intelligendo sentiu loci cuiusdam epistolae Caroli Magni ad Elipandum, quae habetur post Concilium Francford. Sic autem habet: *Exemplum in hi Constantini Imperatoris proposuisti, cuius initium B. Isidorum laulasse dixisti, & finem doluisti. Quod ne mihi accidat per quendam Beatum, quom Antiphrasin nominasti, benignè suaderis. Labor & error Vasquis in eo versatur, quòd particulam, per Beatum, coniungat cum, suaderis: cum potius ad verbum, accidat, referenda sit. Sensus enim est: suaderis ne patiar me decipi per Beatum in quaestione praesenti. Erat autem Beatus ille Presbyter apud Astures, vir in sacris literis eruditus: qui cum Heterio Vxumentis Episcopo, se fortiter opposuit Elipando, & scripto eum potenter refutauit. Ideòque rogat Elipandus Carolum Magnum ne patiat se ab ipso decipi, sicut Constantinus post praecleara initia, fuit tandem ab Arianis in fraudem & errorem inductis, vt ipse & quidam alii existimarunt. Quae de re vide Baron. ad annum Christi 336. Constantini 31. num. 63. & seq. Vbi hanc falsam existimationem refutat pluribus Scriptorum veterum testimoniis, Sozomeni lib. 2. Historiae cap. 30. in fine, Athanasii in ep. ad Solitarios, Epiph. haer. 69. Hil. l. 1. ad Constantium, & Theodor. lib. 2. Hist. c. 5.*

SECTIO VI.

Quomodo Christus in quantum homo sit filius Dei naturalis?

Ratio dubitandi est quia Christus in quantum homo non procedit à Deo per naturalem generationem, quae definitur à philosophis, *Origo viuientis à principio viuente coniuncto in similitudinem naturae*. Christus enim in quantum homo non procedit in similitudinem naturae diuinæ, à Deo v. principio viuente coniuncto: similitudinem, inquam; perfectam & sufficientem ad naturalem generationem, quae ex se tendit ad specificam similitudinem; licet interdum in generationibus imperfectis creaturarum eam non assequatur; vt quando mulus ex asino & equa generatur.

39.
Proponi-
tur diffi-
cultas.

Respondent aliqui Recentiores, quorum confusè meminit De Lugo disp. 31. num. 12. totam illam definitionem generationis naturalis Christo verè ac proprie conuenire: quia primò procedit à Deo, *vt viuens à viuente*; vterque enim est substantia viuens. Secundò procedit etiam *in similitudinem naturae*; quia homo factus est ad imaginem & similitudinem Dei. Tertio procedit quoque, *à principio coniuncto*; quia in Christo intrinsecè est substantia & essentia Dei, vnita eius humanitati, mediante hypostasi Verbi.

Responso
quorum-
dam Theo-
logorum.

Sed contrà: primò, hinc sequeretur, in eo casu, quo persona Patris aut Spiritus sancti esset vnita humanitati loco personae Verbi, Christum vt hominem non minùs fore filium Dei naturalem, quàm nunc sit: quod esse falsum ostendemus inferiùs. Secundò, sequeretur Christum esse filium naturalem totius Trinitatis, id est, trium personarum diuinarum aequaliter: quia non minùs ab vna quàm ab alia procedit vt viuens à viuente, in similitudinem naturae, & à principio coniuncto per essentiam diuinam mediare vnitam humanitati: iuxta explicationem datam illius definitionis. Tertio, hæc explicatio inducit nouum genus filiationis naturalis inauditum, & corrumpit sensum veterum philosophorum ac theologorum, qui intellexerunt generationem naturalem esse originem viuientis à viuente, tendentem ex se ac per se ad similitudinem naturae vniuocæ. Idemque docent sancti Patres, vt Hilarius in lib. de Synodis contra Arianos, Anathematismo 7. vbi sic ait: *Pater itaque non potest aliena à se ac dissimilis substantiae pater dici, &c. quia diuersitatem paternae naturae naturitas naturalis non recipit*. Christus autem, vt homo, est diuersæ naturae à Deo, ac similis tantum imperfectè & analogicè. Neque vnio hypostatica tendit ad dandam illi hanc similitudinem qualemcunque, sed potius eam naturam prius præsupponit. Neque enim est productio extremorum quæ vniuntur, sed eorum naturæ

40.
Non sa-
tisfacit.

Hilarius.

definienti Christum ut hominem esse verè ac propriè filium Dei naturalem, idque deducenti ex Scripturæ verbis propriè intellectis, adeoque de propria filiatione, Matth. 3. & 17. aliisque locis, ut sect. 5. ostendimus.

44.

S. Th. m.

B. fil. Leg.
De Lugo.

Denique sequeretur Christum ut hominem esse filium naturalem ipsius Verbi, & Spiritus sancti, æquè ac Patris. Quam sequelam Vasquez & Suarez admittunt: Sed contra Sanctum Thom. quæst. 32. a. 3. in fine corp. ubi ait Christum non debere dici filium Dei, neque ratione creationis, neque ratione iustificationis; sed solum ratione generationis æternæ, secundum quam est filius Patris solius. Et ideo, inquit, nullo modo debet dici Christus filius Spiritus sancti, nec etiam totius Trinitatis. Item est contra antiquos theologos, qui nunquam huiusmodi filiationem admisserunt, sed vel de illa penitus tacent, vel eam expressè negant: ut Alexander Alensis, S. Bonaventura, Albertus, Gabriel, & Durandus, quos citant Basilus Legionensis tom. 1. Variarum disput. select. 4. & Cardin. Delugo disput. 31. num. 21. qui hanc quæstionem tractat accuratissimè. Item est contra D. Augustinum loco supra citato, affirmantem Christum nullo modo filium Spiritus sancti credi vel intelligi posse. Et denique contra Concilium Francford. quod explicans ex professo filiationem Christi naturalem, nusquam ait Christum esse filium totius Trinitatis, aut Verbi, & Spiritus sancti: sed Patris solum, per æternam generationem: & matris, per temporalem. Tertiæ vero filiationis naturalis ad totam Trinitatem, quam Vasquez & Suarez inducunt, nusquam meminit. Atque ad probandum Christum esse filium naturalem, non alia profert Scripturæ loca, quàm ea quibus affirmatur Christum esse Verbum Dei, & Filium Patris æterni, qui nunquam non fuit pater, per æternam scilicet generationem Verbi divini.

45.

In positur
Adriano.

Neque verum est quod dicunt auctores nominati, Adrianum in fine suæ epistolæ referre ad totam Trinitatem illud Matth. 3. & 17. *Hic est filius meus dilectus, in quo mihi bene complacuit*: quasi tota Trinitas Christum his Verbis filium suum nominet. Nam quod ait Adrianus ponderans Verbum illud, *complacui*, si secundum divinitatem (Christi) dixisset, nequaquam diceret, in quo mihi bene complacui, sed tantummodo, in quo mihi bene placui. Sed dum dicit, *complacui*, totam simul Trinitatem comprehendit, quia in homine Christotota complacuit Trinitas: hoc inquam facile alio sensu explicari potest. Nempe quod pater solus loquatur, & Christum secundum humanitatem filium suum nominet, in quo sibi ipse placeat cum aliis duabus personis divinis, easque tantum in obliquo comprehendat. Complacere enim

est cum alio sibi placere.

Quodd si dicas Patrem æternum sibi etiam placere in divinitate Christi, cum Verbo & Spiritu sancto: ideoque argumentum illud Adriani fore inefficax. Respondetur primò, hanc instantiam posse in aduersarios retorqueri. Secundò, dico argumentum Adriani esse probabile, & fundatum in communi vocis acceptione, *complacui*, quæ communiter sumitur pro libero consensu plurium in aliquo sibi placentium. Personæ autem divinæ non liberè sed naturali necessitate consentiunt in amando & sibi placitam habendo divinitatem: quare potius in ea bene sibi placent, quàm complacent. Christi verò humanitatem libero consensu, id est, libera actione tribus personis communi, creant, & gratam sibi fecerunt per unionem hypostaticam: atque ita liberè in ea sibi complacuerunt. Sane si tres personæ loquebantur, significantius id expressissent dicendo, *Hic est Filius noster dilectus, in quo nobis bene complacuit*, sicut Genesis primo, cum tres personæ de homine formando loquerentur, dixerunt in plurali numero: *Faciamus hominem ad imaginem & similitudinem nostram*. Cum ergo verba Adriani facile possint hunc sensum recipere: debent omnino sic explicari, ne voluntariè dicatur contradixisse Concilio Francford. quod approbat in eadem epistola, & Concilio Tolerano primo contrarium disertè affirmanti in assertionem fidei contra Priscillianistas.

Propter hæc censeo cum Delugo disputat. cit. num. secundo & sequentibus, & Basilio Legion. supra, plurimisque aliis quos iste citat, Christum in quantum hominem non aliter esse filium Dei naturalem, quàm per æternam generationem, id est, per unionem hypostaticam cum filio à Patre genito ab æterno, ratione cuius est filius Patris: ac, si Pater & Spiritus sanctus uniretur humanitati; non esset propterea homo ille filius, sed Pater, aut Spiritus sanctus. Quam doctrinam sumo ex D. Thom. quæstio 32. a. 2. ubi affirmat Christum debere dici filium Dei solum ratione generationis æternæ, secundum quam est filius Patris solius: & ex Concilio Francfordiensi non aliter probante Christum esse filium Dei naturalem, quàm per ea Scripturæ testimonia, quibus dicitur esse Verbum Patris, & Filius ab æterno genitus: in quem sensum accipienda est Concilii definitio.

Dupliciter autem intelligi potest hæc propositio: *Christus in quantum homo, vel secundum humanitatem est filius Dei naturalis*, ut rectè notat Delugo supra num. 25. & sequentibus. Primò, in sensu tantum specificatio, non reduplicante naturam, velut

46.

47.

Veta ref-
positio:
quomodo
Christus ut
homo sit
filius Dei
naturalis.

D. Thom.

48.

rationem propter quam ei conuenit filiatio naturalis; ut cum dicimus, Christus in quantum homo natus est, passus, mortuus; & sepultus: sed tantum designando subiectum, cui conuenit hæc denominatio per communicationem idiomatum; sicut eidem conuenit esse Verbum, & esse Deum. Et hoc tantum sensu definitur à Concil. Francford. Christum ut hominem esse filium Dei, ut fatetur Suarez, & fusc probat De-lugo loco citi. Secundò, in sensu reduplicatiuo cadente non in solam humanitatem, sed in suppositum: id est, non in solum formale & expressum significatum hominis, sed in confusum & materiale, quod in Christo est hypostasis filii. Et hic sensus verus est. Christus enim quia tale suppositum, & secundum hypostasim Verbi, naturamque diuinam mediatè unitam in hypostasi, est formaliter filius Patris æterni, per æternam generationem ab eo productus ut viuens à viuente principio coniuncto in similitudinem naturæ.

49. **Obiectio bimembri** Dices hac ratione Christum non magis esse filium Dei naturalem, quam esset laps Verbo vnitus hypostaticè, quod est absurdum. Item si Pater aut Spiritus sanctus vnirentur humanitati, persona ex tali vnione resultans esset filius Dei, & hæres naturaliter, haberet enim ius naturale ad bona diuina: & tamen non esset filius modo iam explicato, sed per simplicem deificationem substantialem, ratione vnionis hypostaticæ cum aliqua persona diuina.

Ad r. membrum ob- iectionis. Respondeo ad primum, nomen filii & denominationem, vndeunque sumatur, non tribui propriè nisi viuentibus, ut docet S. Thom. quæst. 32. a. 3. in corp. & quidem communiter ac magis propriè solis animalibus: maximè verò intellectualibus seu rationalibus.

50. **Ad secundum.** Ad secundum, nego talem personam fore filium naturalem, sed fore Patrem aut Spiritum sanctum. Nec obest quod esset naturaliter hæres, & haberet ius naturale ad bona diuina. Non enim quicquid ius tale habet, est filius: alioqui Spiritus sanctus esset filius, quia habet ius naturale & essenziale ad bona diuina. Nec quicunque est hæres naturalis, est filius: ut patet in humanis. Neque enim illi quibus filii defuncti, desinunt habere hæredes naturales: sed filius tantum dupliciter dicitur ex antiquo & comuni vso vocis: nempe vel per naturalem generationem, ut filius naturalis: vel per adoptionem, id est, assumptionem personæ extraneæ ad curam paternam, & ad hæreditatem: ut filius adoptiuus. Neutrum autem haberet persona de qua loquimur: quare non esset filius, quamuis esset Deo magis coniuncta, & plus iuris haberet ad Dei bona, quam persona solum adoptata in filium.

SECTIO VII.

An Christus fuerit prædestinatus ut esset filius Dei?

§ 1. **S**uppono primò prædestinare ex vi vocis, & vso frequenti Scripturæ, nihil esse aliud, quam prædecernere, præordinare, præconstituere, prius velle ut aliquid sit, vel fiat. Componitur enim ex voce, *destinare*, id est, ordinare, constituere, decernere, iuxta illud 1. Corinth. 7. *Vnusquisque prout destinauit in corde suo*, id est, statuit, decreuit, ordinauit: & ex particula, *præ*, quæ antecessionem temporis, vel rationis, aut naturæ significat inter decretum, & rem decretam, quæ est aut fit vi decreti: Quasi dicas, ante decernere, prius constituere. Ex vso tamen communi theologorum restricta fuit vox prædestinandi ad voluntatem diuinam efficacem & absolutam circa beatitudinem supernaturalem, & alia gratiæ beneficia, quæ ad illam ordinantur. Vnde simpliciter & sine addito non dicuntur prædestinati, nisi illi qui efficaciter ad tale bonum ordinati sunt.

§ 2. **S**uppono secundò, dupliciter posse dici aliquid prædestinari, aut esse prædestinatum, id est, præordinatum, & prædecretum. Primò, absolute & secundum se: quatenus decretum est ut esset, aut fieret ab eo à cuius voluntate pendet ut sit aut fiat. Secundò, respectiue: quatenus per antecedentem voluntatem, seu præconstitutionem, ordinatur ad aliquid aliud: puta ad gratiam, gloriam, & similia. Et tunc id ad quod ordinatur, debet esse diuersum ab eo quod ordinatur ad ipsum: quia non potest ordinari ad seipsum: & vana esset ac inutilis huiusmodi ordinatio.

§ 3. **H**is præmissis, Dico primò Christum fuisse prædestinatum filium Dei absolute, atque ita posse dici simpliciter prædestinatum ratione illius maximi gratiæ beneficii, atque ad beatitudinem maximè ordinari, quo scilicet per vnionem hypostaticam ex humanitate & hypostasi Verbi ac natura diuina, libera Dei actione unitis, constitutus est, atque ut talis ab æterno destinatus. Probat quia Christus ut talis, fuit à Deo præordinatus ab æterno, id est, volitus & decretus ut esset, & à libera Dei voluntate pependit ut Christus esset, id est, suppositum illud constans ex humanitate & hypostasi Verbi. Eoque sensu Concil. Tol. XI. cap. 1. affirmat credendum esse Christum & factum & prædestinatum fuisse, secundum quod de Maria Virgine natus est. & in eundem sensum S. Anselm. in caput 1. epist. ad Romanos, versu 4. Theologi communiter cum D. Thoma 3. par. quæst. 24. art. 1. & Cornelius à lapi-

§ 1.
Prædesti-
nare quid
sit?

§ 2.
Prædesti-
natio du-
plex.

§ 3.
Christus
fuit prædo-
stinatus & fi-
lius Dei,
absolute.

Anselm.
Concil.

de, aliique interpretes exponunt illud Pauli ad Rom. 1. vers. 3. & 4. *Qui factus est ei ex semine D. uel secundum carnem: qui prædestinatus est filius Dei in virtute secundum spiritum sanctificationis.* Quamvis nonnulli hunc locum aliter intelligant, quos refutat Cornelius ad versus citatos. Eaque est aperta D. Thomæ sententia art. citato, in corp. ubi sic ait: *Prædestinatio proprie accepta est quedam diuina præordinatio ab æterno, de his que per gratiam Dei sunt faciendæ in tempore. Est autem hoc in tempore factum per gratiam unius à Deo, ut Deus esset homo, & homo esset Deus. Nec potest dici quod Deus ab æterno non præordinauerit hoc se facturum in tempore, quia signetur quod diuina menti aliquid de nouo accideret. Et ideo oportet dicere quod ipsa unio naturalis in persona Christi cadat sub æternam Dei prædestinationem, & ratione huius Christus dicitur esse prædestinatus.* Huc vsque D. Thom. Eodemque sensu puto, quicquid dicat Delugo disp. 32. num. 51. de Christo dici posse, *Hic homo est prædestinatus.* Nam, *hic homo*, est nomen suppositi, quod in Christo existit per maximum gratiæ donum collatum humanitati, id est, per unionem hypostaticam Verbi.

Dico secundò Christum, ut est hic homo non fuisse prædestinatum ut esset filius Dei respectiue, quasi ad aliud. Probat, quia id ad quod aliquid prædestinatur hoc modo, debet esse aliquid aliud ultra & extra substantialem eius constitutionem: neque enim dicimus, v. g. prædestinari hominem ad animam rationalem, vel ut sit animal: cum hæc ipsa sint de intrinseca & essentiali constitutione hominis. At Christus est hic homo substantialiter, per id quod est filius Dei. Nam, *hic homo*, significat hoc suppositum per hypostasim Verbi: quare Christus ut est hic homo, non potest dici prædestinatus ad hoc, tanquam ad aliud, scilicet ut esset Dei filius; imò neque ut esset Deus, quia licet Deitas medietate solùm uniatur humanitati: vnitur tamen ex omni necessitate vi ipsius unionis hypostasis: adeo ut Christus, vi ipsiusmet constitutionis sue substantialis, sit necessario Deus, nec quoad hoc pendeat ab alio Dei decreto. Consentunt Durandus in 3. dist. 7. q. 3. Toletus in cap. 1. epist. ad Rom. & Becanus de Incarnatione cap. 19. quæst. 2. conclus. 1.

Contrarium verò sentiunt Suarez disp. 50. sect. 2. Vasquez disput. 90. cap. 3. & Delugo disput. 32. sect. 2. Ratio eorum est quia hic homo, ut sic, non includit in suo proprio conceptu suppositum filii Dei; sed solum vagè & confuse suppositum huius naturæ humanæ, siue id quod subsistit in hac humanitate: vel, ut ait Vasquez, significat solum directè naturam humanam singularem, connotando indirectè, & vagè, seu confuse, suppositum hoc aut aliud. Præconcepitur ergo hic homo ut sic, prius ratione quàm concipiatur esse filius Dei: & per

diuinam prædestinationem ordinatur ut sit filius Dei naturalis.

Respondeo, licet hic homo non includat in suo conceptu rationem suppositi filii Dei formaliter & explicitè: Tamen à parte rei, non alio est hic homo, quàm eo ipso, quo est suppositum filii Dei: & id quod subsistit in hac humanitate, non est aliud, quàm diuinum suppositum filii Dei. Quare non rectè dicitur ad hoc prædestinari, tanquam ad aliud: siquidem verè non est aliud, sed illud ipsum iam est à parte rei independentè ab ulteriori Dei ordinatione, & decreto libero. Vnde ad hoc non ordinatur per diuinam prædestinationem, tanquam ad aliquid ulterius, quod iam non habeat: necessariò vi iuxta constitutionis substantialis, & ad quod possit esse utilis alia Dei ordinatio, diuersa à decreto de hoc homine, id est, Christo constituendò.

Alia tamen est ratio humanitatis, quæ rectè dici potest fuisse prædestinata ad unionem hypostaticam, ut loquuntur & sentiunt D. Thom. in 3. distinct. 10. quæst. 3. quæstiunc. 1. Gabriel ibidem quæst. unica 2. 3. dub. 2. Bonaventura distinct. 7. art. 2. quæst. 3. Durandus, ibidem quæst. 3. num. 10. Ricard. quæst. 2. principali art. 4. Scor. ibid. quæst. 3. Vasquez disp. 91. cap. 2. num. 10. Suarez disp. 50. sect. 4. Ratio est quia humanitas Christi fuit ab æterno prædestinata ad unionem. Deus enim nihil facit in tempore, quod ab æterno non præordinauerit. Sicut ergo in tempore dedit humanitati unionem hypostaticam: ita eandem ab æterno illi præordinauit. Et, quod est idem, præordinauit humanitatem ad unionem hypostaticam. Quæ præordinatio est prædestinatio.

Obiicies ex D. Thom. quæst. 24. 2. 1. ad 2. non conuenire naturæ, sed personæ ut sit prædestinata: quia, inquit, prædestinari est dirigi in salutem, quod quidem est suppositi agentis propter finem beatitudinis.

Respondeo, quidquid ad aliud præordinatur, siue sit natura, siue sit persona, & siue ordinetur ad salutem, siue ad aliud quidpiam, posse ex vi vocis & vsu frequenti Scripturæ dici ad aliud prædestinari. Atque ita humanitas Christi potest dici prædestinata respectiue non modo ad unionem hypostaticam, sed & ad gratiam, & gloriam, aliaque dona ipsi collata, & ab ipsa distincta. Quod tamen attinet ad modum loquendi communiorè, distinguendum est. Quando enim est sermo de termino prædestinationis, qui personæ attribui potest: solet tunc dici persona ad illum fuisse prædestinata, & non natura sola. Nam personæ & supposita sunt subiecta, quibus attribuntur ea, quæ ipsis conueniunt, ipsaque ab illis denominantur. Quando verò naturæ soli conuenit aliquid, & non potest conuenire supposito: potest natura

Refutatur

56.

Humanitas Christi fuit prædestinata ut scilicet.

De Lugo.

54.

Christus non fuit respectiue prædestinatus ut esset filius Dei.

Durand. Tolet. Becan.

55.

Opinio contraria.

57.

Non solum supposita, sed & naturæ partes dici possunt prædestinari ad aliquid.

dici ad illud prædestinata: quo modo natura humana fuit prædestinata ad unionem, quia ipsa unita est per se purè, & non in aliqua persona existens, unione sibi propria, id est, unione ipsius naturæ carentis propria & naturali subsistentia. Neque enim subsistens aut suppositum fuit unitum Verbo, sed humanitas sola.

§ 8. Potest etiam recte dici Christus fuisse prædestinatus ad gratiam & gloriam accidentalem, & ad dignitates morales quas habuit, ut rex, ut sacerdos, ut mediator, ut caput Angelo um & hominum, ad aliaque dona accidentaria. Nam Christus propriè est suppositum illud naturæ humanæ constans ex natura humana, & hypostasi Verbi, cuius esse primarium non consistit in sanctitate accidentali, neque in gloria, neque in titulis illis & donis commemoratis: sed in eo quod sit suppositum constans ex humanitate, & diuina hypostasi. Illi autem supposito Deus ab æterno decrevit sanctitatem accidentariam, & beatitudinem, & officia, & dignitates, aliaque dona, quibus absolute poterat carere: atque ipsum ordinavit, & destinavit ad illa eadem, cum posset absolute non destinare. Quæ destinatio cum longè ante præcesserit executionem, quatenus hæc longè posterius fuerunt executioni tradita; potest rectè dici prædestinatio, & Christus potest dici prædestinatus ad illa eadem: ut bene docent Alfrisd. in summa lib. 3. tract. 1. cap. 2. Scotus & Durandus in 3. dist. 7. quæst. 3. Valentia quæst. 23. punct. 2. Suarez disp. 50. sect. 3. Vasquez disp. 93. cap. 2. fauet etiam Scriptura Actor. 10. ubi Christus dicitur constitutus iudex vivorum & mortuorum, græcè ἀποκρίτωρ, id est, destinatus, decrevit: & Psalm. 2. Propheta in persona Christi sic loqui ut: *Ego autem constitutus sum rex ab eo super Sion montem sanctum eius.* & Hebr. 5. vers. 4. & 5. *Nec quisquam sumit sibi honorem, sed qui vocatur à Deo, tan-*

quam Aaron. Si & Christus non s. metipsum elapsi aut ut Pontifex fieret: sed qui locutus est ad eum, &c.

Contrarium sentiunt Thomistæ quidam, asserentes Christum non posse dici propriè prædestinatum ad gratiam, gloriam, & alia prædicta: quia prædestinatio propriè & simpliciter dicitur esse ad id, quod est præcipuum & supremum in prædestinato: cuiusmodi non sunt in Christo, gratia, gloria, & alia prædicta: sed unio hypostatica, & filiatio naturalis. Deinde nullus dicitur propriè prædestinari ad ea, quæ naturaliter consequuntur eius substantiam, quæque non sunt ei gratuita. Prædestinatio enim dicitur ordinem ad aliquod gratiæ beneficium, quod sit gratuitum ipsi prædestinato. Indeque fit ut Verbum non possit dici prædestinatum, neque absolute ut esset filius Dei, neque respectu ut esset homo & uniretur hypostaticè humanitati: quia hæc non fuerunt illi beneficia gratiæ. Gratia autem, & gloria, & cætera prædicta, consequuntur unionem hypostaticam, ut proprietates connaturaliter debite: & non sunt illi beneficia gratiæ: ergo Christus non potest dici fuisse ad illa prædestinatus.

Respondet hanc restrictionem prædestinationis ad id quod est primum & præcipuum, fieri ad placitum; cum ex vi vocis & usu Scripturæ, Patrum, & Theologorum, latius extendatur. Quamvis autem gratia, & alia dona Christo collata, sequantur moraliter unionem hypostaticam, eique plurimum conveniant: non tamen physice ex illa sequuntur, danturque per aliam actionem Dei liberam. Et quamvis physice sequerentur ex unione, non propterea non essent gratuita, & indebita humanitati secundum se. Ac sine dubio erant Christo materia gratiarum actionis, æquæ ac unio hypostatica: sufficit enim quod sint gratuita alteri parti compositi.


§ 9. Contraria sententia.

Reijctur!

DISPUTATIO DECIMA-QUINTA.

De Officiis Christi.

- Sectio I. De oratione Christi.
 Sectio II. De Christo ut Sacerdote, eiusque Sacerdotio.
 Sectio III. De Regno Christi.
 Sectio IV. De Christo ut Propheta, Iudice, Legislatore, Capite Ecclesiæ, & Mediatore.
 Sectio V. An præter Christum possint esse alii Mediatores inter Deum & nos?



DE officiis Christi disputat S. Thomas partim q. 7. art. 8. ubi docet Christum fuisse prophetam, quatenus ea quæ procul erant ab aliorum viatorum notitia & cognoscebat, & annunciabat, cum tamen esset ex parte viator. Partim quæst. 21. 22. & 26. In quarum prima docet Christo ut homini conuenisse orare secundum partem animæ superiorem: non autem secundum inferiorem, nisi quatenus pars superior illius affectum, tamquam eius aduocata exprimebat; ut nos doceret se veram naturam humanam suscepisse cum omnibus naturalibus eius affectibus: licereque homini secundum naturalem affectum aliquid velle, quod Deus non vult: & hominem debere affectum proprium diuinæ voluntati subiicere. Addit conueniens fuisse Christum pro se orare, ut nobis orandi exemplum daret, & patrem suum omnis boni authorem ostenderet. Semperque ipsius orationem fuisse à Patre exauditam, quia eius voluntas absoluta semper erat Deo conformis.

In secunda quæst. affirmat, Christo maximè conuenire esse Sacerdotem: quia est mediator inter Deum, & homines, per quem bona diuina hominibus sunt collata: & pro peccatis satisfaciens, se ipsumque offerens in sacrificium, humanum genus Deo reconciliauit. Et Christum, in quantum hominem, non solum fuisse Sacerdotem; sed & hostiam perfectam, simul propitiatoriam ad remissionem peccatorum, & pacificam ad conseruationem gratiæ, & holocaustum ad consummationem vnionis cum Deo per gloriam. Habereque plenam vim expiandi peccata, & quoad culpam, per infusionem gratiæ; & quoad pœnam, per satisfactionem abundantem. Non conuenisse tamen Christo effectum sui sacerdotii in se recipere, sed potius ipsum aliis communicare: quia non indigebat medio ut ad Deum accederet, eratque fons totius sacerdotii. Denique illius sacerdotium manere in æternum, esseque secundum ordinem Melchisedec: tum quia vi illius bona æterna consequimur: tum etiam propter consummationem sacrificii Christi, & excellentiam veri eius sacerdotii præ figurali sacerdotio legis.

In tertia quæst. asserit conuenire Christo soli esse perfectum mediatorem inter Deum & homines, quatenus morte sua genus humanum Deo reconciliauit: nihil tamen prohibere aliquos alios dici mediatores secundum quid, prout cooperantur ad vnionem hominum cum Deo dispositiuè, aut ministerialitè. Est autem Christus mediator secundum quod homo: quia ut sic distat ^{est} a Deo in natura: & ab hominibus in dignitate, & gratia, & gloria. Scque mediusest inter Deum & homines. Eidem quoque ut tali conuenit homines cum Deo coniungere, præcepta & dona Dei hominibus exhibendo, & pro hominibus satisfaciendo, & interpellando. Est autem vtrumque de ratione mediatoris: quod videlicet habeat rationem medii, per distantiam ab utroque extremorum: & officium coniungendi, ea quæ sunt vnus deferendo ad alterum. Huc vsque D. Thomas.

SECTIO I.

De Oratione Christi.

1.
Christus ut
homo vere
orauit hac
in vita.



P R I M A Conclusio: Christus ut homo verè orauit hac in vita mortali, tum pro se, tum pro aliis. Ita S. Thom. quæst. 21. 2. 1. Patetque ex pluribus Scripturæ locis. Matr. 14. *Et dimissa turba ascendit in montem solus orare.* Marc. 14. *Pro. idit super terram, & orabat ut si fieri posset transiret ab eo hora.* Luc. 22. *Rogami pro te Petre, &c. Ioannis 17. Pater venit hora, clausifica filium tuum: & paulò post, Ego pro eis rogo.* Et denique ad Hebr. 5. *Qui in di. bus carnis sue preces supplicationesque ad eum qui posuit illum saluum facere à morte, cum clamore valido & lachrymis offerens, exauditus est p. osu reuerentia.* Quæ omnia propriè intelligenda sunt, sicut veritas historiarum, & Scripturæ sinceritas, & Ecclesiæ Patrumque auctoritas postulat: maximè cum tam frequenter & constanter in Scriptura idem asseratur, nihilque cogat ad improprium sensum recurrere. Neque enim vera & propria oratio, id est, prout hic strictè sumitur, supplicatio Deo facta tanquam superiori, Christum ut hominem dedecebat, sed potius ei valde conueniebat. 1. ut Deo hunc religionis cultum exhiberet. 2. ut orandi nobis exemplum præberet. 3. ut modis omnibus salutem nostrum operaretur, merendo, satisfaciendo, & impetrando. 4. ut ea fierent quæ non nisi propter eius orationem futura Deus statuerat. Addit 5. S. Thom. ut se Dei filium esse demonstraret. Contra quod potest obijci Christum potius orando demonstrasse se esse filium hominis, cum oratio illi non ut Deo, sed ut homini tantum conueniret. Orare enim est inferioris, respectu superioris.

Sed respondendum est Christum se filium Dei demonstrasse non orando quomodo-cunque Deum, sed illum ut Patrem suum naturalem apertè inuocando, & per Lazari suscitationem, aliaque omnia, quæ efficaciter ab eo postulabat, infallibiliter impetrata, hanc veritatem confirmando, propter quod Christus dicebat ante Lazari suscitationem Ioan. 11. vers. 41. *Pater gratias ago tibi quoniam audivisti me. Ego autem sciebam quoniam semper me audis, se propter populum qui circumstat, dixit ut crederet quia tu me misisti.*

2.
Obiectio:
ex Damasc.

Obiicias Damasc. 4. de fide c. 9. post medium, asserere Christum non v. sed simulatè orasse; ut quædam alia simulatione tantum fecit, v. g. quando ad sicum accessit querens ex ea fructum Marc. 11. & quando se abscondit ne lapidaretur à Iudæis, Ioan. 8. & cum de Lazaro interrogavit, *ubi posuisti eum*, simulans se nescire, Ioan. 11. & quando finxit se longius ire, Luc. 24. *His enim & similibus* (inquit Damasc.) *neque ut Deus, neque ut homo opus habebat: verum ratione humanitatis congruente ad id se conformabat, quod usus æquus utilitas poscebat, v. g. ab eam causam precabatur,*

ut se impium quendam Deique aduersarium minime esse demonstraret, atque ut Patrem, à quo originem aucebat, honore afficeret.

Respondeo cum Suar. disp. 45. sect. 1. sensum Damasceni non esse quod Christus simulauerit tantum se orare, ac non verè orauerit, qui sensus apertè repugnaret locis Scripturæ citatis, ex quibus constat orasse Christum etiam tunc, cum nulla simulatione, vel simulationis specie opus erat: ut cum solus pernoctabat in oratione Dei Luc. 6. cum solus in horto ante passionem ter prolixè orauit usque ad sudorè sanguineum, Luc. 22. Quibus temporibus & locis simulationis similitudo erat superuacanea. Neque etiam tantum simulauit, quando, ut ait Paulus Heb. 5. supplicauit in cruce cum lachrymis & clamore valido. Sed sensus Damasceni est, quod licet Christus verè orauerit, sicut & verè ad sicum accessit, & verè se abscondit, verè de Lazaro interrogavit: aliqua tamen simulatio fuit in eius oratione, quatenus Christus videbatur ostendere se egere oratione, cum tamen eà non egeret, sed posset aliter facere ea quæ impetrabat: sicut non egebat accedere ad sicum, abscondere se, interrogare de Lazaro: & tamen accedendo, abscondendo se, & interrogando, videbatur ostendere se non posse aliter cognoscere sicum, aut locum sepulture Lazari, aut Iudæorum vim effugere: eamque simulatè agebat. Eodè sensu Euthymius & alii quidam loqui videntur, qui an sit omnino verus, examinabitur sequenti conclusione.

Minus verò placet quod respondet Vasq. disp. 81. c. 2. n. 11. Orationem Christi posse spectari dupliciter. 1. comparatione solum naturæ humanæ, quæ erat proxima causa efficiens orationem: & sic verè & non simulatè orabat, quia egebat auxilio diuino, tanquam ex se imbecillis & impotens ad ea, quæ à Deo postulabat. 2. potest considerari ut relata ad naturam & personam diuinam: & sic habuit aliquid simulationis. Dum enim humanitas Christi exteriùs coram hominibus orabat, indicare videbatur personam, in qua orabat, impotentem & imbecillam esse ad ea quæ postulabat, & se non esse æqualem Deo, à quo illa petebat. Non placet, inquam, hæc expositio: quia pars eius prior non conuenit illis Damasceni verbis, *His & similibus, neque ut Deus, neque ut homo opus habebat.* Et in fine non aliam reddit causam cur Christus ut homo orauerit, quam exemplum pietatis & honorem Patris.

Obiicias 2. ex eodem Dam. lib. 3. de fide c. 24. Oratio est ascensio mentis in Deum. At Christi mens, Deo vnica beatificè ab instanti conceptionis, non potuit de nouo in Deum ascendere: ergo nec orare. Item Christus ab instanti conceptionis sciuit certissimè quidquid futurum erat, saltè quod ad ipsum specialiter pertinebat ergo sciuit futura esse vel non esse futura ea, quæ postulabat. Nemo autè prudenter postulat id quod iam scit futurum esse, aut quod iam scit non esse futurum. Si enim scit futurum, non est opus ut postulet: Si non futurum;

Fuerit
aliqua si-
mulatio in
oratione
Christi.

3.
Vasquez:

4.
Obie-
ctio.

Inutiliter postulat ut sit futurum. Respon-
deo Christi in, licet Deo unitum beatificè,
potuisse de nouo ascendere in Deum per actus
intellectus & voluntatis inferiores visione &
amore beatifico, per quos Deo sua desideria
pro se vel pro aliis proponeret. Sicut Beati in
cælo simili modo pro nobis orant, atque
etiam pro seipsis Apocalyp. 6. vers. 9. *Vi-
si subitus autare animas intersectorum*, &c. Præ-
scientia verò Christi non impediuit utilita-
tem aut necessitatem orationis ipsius, quia
præsciebat suam ipsius orationem esse me-
dium utile, vel etiam necessarium iuxta Dei
decretum, ut essent futura quæ postulabat.
Prudenter verò postulamus, & utiliter, id
quod scimus interuentu nostræ orationis ef-
fic futurum.

Secunda conclusio: Christus ex vera ne-
cessitate interdum orauit: neque orando af-
secutus est quæcunque simplici tantum, &
inefficaci, licet vero, desiderio postulauit:
Secus autem quæcunque voluit efficaciter.
Prima pars huius conclusionis est Suar. disp.
45. sect. 1. §. *Discendum tamen est*: ubi docet
æterna Dei ordinatione constitutum fuisse,
ut multa per Christum non aliter fierent,
quàm interuentu orationis, & per viam im-
petrationis. Ac sicut propter homines redi-
mendos necessarium fuit illum mori, secun-
dum Dei ordinationem: ita propter aliqua
obtinenda necesse fuit illum orare. Verum-
tamen sicut necessitas moriendi non fuit ex
insufficiencia personæ, quasi non posset ali-
ter nos redimere, si Deus voluisset: sic ora-
tionis necessitas non fuit ex indigentia per-
sonæ: quasi remota Dei præordinatione non
posset aliter efficere, quidquid orando impe-
trauit: sed quia Dei voluntas erat, ut non nisi
orando illa efficeret.

Secunda pars eiusdem conclusionis est D.
Thom. qu. 37. art. 2. Caiet. Medinæ, & alio-
rum Theologorum ad art. 4. eiusdem quæst.
Alberti, Bonau. Ricardi, Durand. Gabr. Ma-
ior. in 3. distinct. 17. *Qui doctores distin-
guunt duplex genus orationis in Christo.*
Vnum procedens ex desiderio, & voluntate
efficaci: & hoc dicunt semper impletum
fuisse in Christo, iuxta illud Ioannis vn-
decimo. *Ego autem sciebam quia semper me
audis*, & alia multa, quæ diximus alibi
de voluntate efficaci Christi semper imple-
ta. Alterum procedens ex simplici deside-
rio, vero quidem, sed non omnino efficaci
& patiente permissionem oppositi. Cuius-
modi fuit oratio in horto de morte vitanda.
Et huiusmodi orationes non semper fuisse
exauditas, patet ex Scriptura Psal. 21. vers.
3. ubi David in persona Christi sic loqui-
tur: *Deus meus clamabo per diem, & non exau-
dis: & nocte, & non ad insipientiam mihi*, id est,
non imputabitur mihi ad stultitiam diu no-
ctuque clamare. Vel, quod me non exaudias,
non tribuetur insipientiæ & delictis meis,
quæ non habui: sed peccatis hominum quæ
in me luenda suscepi. Et Matth. 26. vers. 39.
orauit ter Christus ut calix passionis ab eo

transiret, nec impetrauit.

Contrarium sentit Valques disp. 82. cap.
5. affirmans Christum nihil orasse, quod non
impetrauerit, voluisseque efficaciter quic-
quid orauit, ac proinde illud omne obti-
nuisse. Et obicit præcipue, Primò, Quid-
quid petimus fieri, efficaciter desideramus,
& ad illud consequendum omnia media quæ
nouimus adhibemus, si veraciter ex animo
postulamus. Secundò, Qui ex desiderio rel-
orat, iam adhibet aliquod medium ad rem
obtinendam, ac proinde eius desiderium non
est solum simplex & inefficax. Tertiò, Chri-
stus sperare non poterat quod sciebat im-
possibile: atqui sciebat esse impossibile ut
non pateretur, propter Dei decretum sibi
notum: ergo non poterat illud sperare. Er-
go nec orare. Quis enim dicat orationem
esse illam quæ est sine vlla prorsus spe &
confidentia? Aut quis tribuat Christo ora-
tionem cum desperatione & diffidentia im-
petrandi id, pro quo orabat? Adde illud Ia-
cob. 1. vers. 6. *Postulet autem in fide nihil hæsitan-
s. Qui enim hæsitat, similis est fluctui maris,*
qui à vento mouetur, & circumfertur. Non ergo
assimet homo ille quod accipiat aliquid à Domino.
Ex quibus D. Iacobi verbis constat oratio-
nem debere esse cum fiducia & certa spe ob-
tinendi quod petitur.

Ad primum Respondeo, nos frequenter
desiderare tantum secundum quid, & sub
conditione, id quod ex animo postulamus:
neque velle id quocunque medio & labore
possibili assequi, ac ne quidem precibus im-
portunis, sed si illi, quem oramus, non in-
commodum vel graue sit, vel si facile obti-
neri possit.

Ad secundum: Qui orat vult eatenus effi-
caciter, id est, eò vique ut tale medium ad-
hibeat: sed non propterea vult omnino ef-
ficaciter & absolute, ita ut non sit paratus
permittere euentum oppositum quantum est
ex se: ac si tale medium non succedat, pa-
ratus sit adhibere quodcunque aliud possi-
bile. Quemadmodum Deus vocans repro-
bos, eisque præbens auxilia sufficientia; vult
eatenus efficaciter eorum salutem. At non
omnino, neque absolute, ita ut non sit per-
missurus oppositum.

Ad tertium, Nego omnem orationem de-
bere esse cum fiducia & certa spe impetran-
di id quod petitur absolute. Certè enim cum,
iuxta sanctorum consilium, bona tempora-
lia, opes, valetudo, & similia petuntur à Deo
sub conditione, si eius gloriæ & nostræ saluti
expediant: non petuntur cum fiducia impe-
trandi absolute. Iacobus autem eos tantum
reprehendit, qui non credunt aut hæsitant
circa Dei potentiam & bonitatem, similes
illis qui dicebant Psalm. 77. *Nunquid poterit
Deus parare mensam in deserto? Nunquid & panem
poterit dare, aut parare mesam populo suo?* sed nō
eos qui certissime credentes Deum esse om-
nipotentem, & summè bonum, dubitant de
euentu orationis, vel quia Deo fortè non
placet quod petunt, vel propter suam indig-

7.
Contraria
sententia
eiusque ar-
gumenta.

9.
Christus
orauit ex
necessitate.

6.
Fuerunt
semper ex-
audita eius
oratio?

8.
Ad primum;

Ad secundum;

Ad tertium;

nitatem, vel ob aliquid aliud. Et quamvis Christus certissime sciret non euenturum id quod petebat; poterat tamen inefficaciter id desiderare, & suum desiderium offerre Deo, atque exponere, ad Deum honorandum, ad exemplum submissionis nobis exhibendum, suumque affectum Deo nobisque testandum.

10. Tertia conclusio: Christus etiam nunc orat in cœlo pro hominibus, non tantum interpretatiue, merita sua præterita; & seipsum Patri præsentem exhibendo: sed etiam expressè nobis diuina beneficia postulando. Ita D. Thomas in 4. dist. 15. qu. 4. art. 6. quæstionc. 2. ad 1. Abulensis in cap. 14. Matthæi quæst. 142. Tolet. in caput. 16. Ioannis annotat. 35. ubi addit contrariam sententiam esse improbabilem, Suar, disput. 45. sect. 2. Et quidem aliquo modo saltem interpretatiuo orare constat certissime ex Scripturæ ad Rom. 8. vers. 24. *Qui est ad dexteram Dei, qui etiam interpellat pro nobis.* 1. Ioan. 2. vers. 1. *Sed & si quis peccauerit, aduocatum habemus apud Patrem, Iesum Christum iustum.* Quod verò non tantum interpretatiue, sed etiam expressè oret, docent multi Sanctorum Patrum, in eumque sensum exponunt loca citata. Vigilus lib. 1. contra Eutychetæ in fine: *Di ite ergo o Doctores egregii, cum Patrem hoc filius interpellat, secundum deitatem suam, an se unum dispensationem humanitatis postulat?* Iustinus in lib. quæstionum ad Or. hodoxos, quæst. 105. *Si enim carnis imbecillitatibus superior resurrectione effectus, tamen ut confessionis nostræ Pontifex pro nobis loquatur & rogat: quanto magis cum etiam corporis imbecillitatibus erat obnoxius, magno clamore & firmo, atque lacrymis agebat, cum quibus preces ei qui se liberare à morte posset, offerret?* Augustinus in præfat. Psalm. 85. *Oratur in forma Dei, orat in forma serui. Et paulò ante dixerat, Orat pro nobis, & orat in nobis, & oratur à nobis. Orat pro nobis ut Sacerdos nostræ. Orat in nobis ut caput nostrum. Oratur à nobis, ut Deus nostræ.* Et epist. 59. in solutione 5. quæst. de Christo sic ait: *Nunquid interpellat, & non etiam postulat? Imò verò quia postulat, pro eo positum est, interpellat.* Ambrosius in cap. 8. epist. ad Rom. circa illa verba, *Quis accusabis aduersus electos Dei?* sic ait: *Christus resurgens semper causas nostras agit apud Patrem, cuius postulatione contemni non potest, quia in dextera Dei est.* Gregorius Magnus in 5. Psal. penitenti. Item, paulo post initium, *Quotidie Christus orat pro Electis, de quorum statu Apostolus Petrus, quia sedens ad dexteram Patris interpellat pro nobis.*

11. Ratio demum est, quia oratio non dedecet Christum in cœlo, neque quia est Deus, cum sit etiam homo, & alioqui neque in hac vita mortali orasset: neque etiam, quia est beatus: alioqui sancti non possent pro nobis orare. Aliunde verò est per se decens & utilis, cum sit actus religionis valens ad Deum honorandum, & ad impetrandum quod petitur, si expediât. Cumque Christus in cœlo

Deum colat adoratione, gratiarum actione, & aliis actibus patriæ; quidni etiam oratione? Quidni etiam nunc salutem nostram operetur tali medio sibi decenii, nobis utili, & Deo glorioso?

Contrarium sentiunt Valques disp. 82. cap. 2. Becan, cap. 17. qu. 4. Delugo disput. 27. num. 63. post Medinam, Spencæum, & alios quos Valques citat, affirmantes Christum in cœlo orare tantum interpretatiue quatenus eius orationes fuscæ in hac vita mortali, & merita ac passionis, sunt in conspectu & memoria Dei, & à Christo præsentem, scilicet, enteque ad dexteram Patris, exhibentur illi quodammodo obiectiue, Deumque sollicitant ad exequendum id quod promerita sunt. In quem etiam sensum conatur Valques cap. 4. exponere, loca Scripturæ & Patrum supra citata. Sed non satisfacit. Primò, quia ad tale genus intercessionis non esset necesse Christum viuere: neque enim ut Christi merita moueant Deum obiectiue, est opus actu vitali, neque Deus eget præsentia reali & viua Christi, ut meminerit meritorum ipsius, nihilque efficacitatis inde accedit ipsius meritis. Atqui Paulus Hebr. 7. affirmat Christum etiam nunc in cœlo viuere, ut pro nobis interpellat, eo scilicet modo ad quem necessarium est viuere: *Semper viuens*, inquit, *ad interpellandum pro nobis.* Secundò, Vigilus probat contra Eutychianos Christi humanitatem non esse exinanitam post resurrectionem, aut consumptam per diuinitatem, ex eo quod Christus, etiam post resurrectionem, secundum illam postulat. Quod argumentum nullam vim haberet, si non postularet eo modo, ad quem vita est planè necessaria. Non est autem necessaria, ut merita Christi, ante ipsius mortem facta, maneant in Dei conspectu & memoria, indeque habeant vim impetrandi suo valore morali. Iustino etiam quadrare non potest expositio Valquis, ut ipsemet fateatur. Neque Augustino, qui eodem modo affirmat Christum orare pro nobis, quo oratur à nobis. Atqui oratur à nobis quotidie de nouo formaliter & expressè. Et posteriori loco, Pauli verba ad Hebr. de vitali interpellatione, exponit de vitali postulatione & oratione. Ambrosius quoque loquitur de postulatione quæ nunc in cœlo fiat; quam ait contemni non posse, quia fit ab eo qui in dextera Dei est. Certè enim oratio facta in terris & in hac vita mortali, non trahit vim & dignitatem ex eo quod Christus iam in cœlo sit. Quippe quia hoc est posterius eius oratione, aliisque operibus, quibus illam exaltationem in cœlo ad dexteram Dei promeritus est. Adde quod Ambrosius loquitur de præsentem: *Christus agit causas nostras apud Patrem*, postulando scilicet, ut indicant verba sequentia. Gregorius denique loquitur aperte de noua & quotidiana oratione, vitalique interpellatione, post Apostolum quem citat.

Deinde opponit Valques cap. 2. aliqua

12. Contraria sententia.

Non satis facit de ipse & Patrum autoritate.

13.

Responde-
tur iis quæ
opponit ex
audientia-
te.

Patrum testimonia. Sed primum quod affert ex Concilio Francford. non excludit à Christo modum orandi expressum, licet de interpretatione tantum loquatur. Similiterque alii quidam Patres cum vnum asserunt, non propterea alium negant, aut excludunt. Quia simplex assertio vnius, non est negatio alterius non inconpossibilis. Nazianz. verò videtur solum negare modum orandi seruilem. Subiicit enim post verba à Vasq. relata: *Advocatum habemus Iesum, non si nostra causa ad Patris pedes aduocentem, sed iuxtaque abiciantem. Procul sit isti seruili sine suspiro, spirituque indigne.* Alij quidam, & Chrysost. hom. 15. in epist. ad Rom. citatus à Vasq. cap. 3. tantum docent Christum non orare in cælo ex necessitate & indigentia, sed ex charitate: cum possit aliter quæcumque vult præstare. Rupertus verò, & Simeon Thessalonicensis, vel Cabasilas, qui aperte cum Vasq. sentiunt, neque numero, neque auctoritate comparandi sunt cum Patribus à nobis ante citatis.

14.
Satisfit
enim argu-
mentis ex
ratione.

Tertio opponit Vasques cap. 3. has rationes: Christum morte sua, & meritis totius vitæ, obtinuit quicquid vnquam Pater hominibus concessuruserat; & omnem potestatem spirituales accepit, ut ea vratur prout voluerit, & opus nostræ redemptionis perfecit. Ergo nihil amplius postulat: frustra enim peteret quod iam impetravit & perfecit, & cuius dandi plenissimam habet potestatem. Probat antecedens ex Scriptura, Matth. 28. *Data est mihi omnis potestas in cælo & in terra.* Hebr. 10. *Vna enim oblatione consummavit in æternum sanctificator.* Et cap. 9. *Per proprium sanguinem introiuit semel in sancta, æterna redemptione inuenta:* Re autem inuenta, frustra pro illa inuenienda fit oratio, sed gratiæ agendæ sunt. Sicut etiam frustra quis postulat id, quod est iam possum in sua potestate, aut impetratum, vel perfectum. Item si Christus nunc in cælo pro nobis oraret, mereretur: quia eius oratio esset digna effectu quem impetraret. Tertio, Possimus nunc Christum orare ut pro nobis oret: quod in Ecclesia inauditum est.

Oratio
Christi in
cælo non
repugnat
eius meri-
tis & impe-
trationi in
hac vita.

Ad primum Respondeo, Quemadmodum Christi impetratio hac in vita, & potestas ei collata, & consummatio atque inuentio nostræ redemptionis, non impedit quo minus nos Deum orare debeamus, & Sancti ipsi pro nobis orent, ut per huiusmodi orationes Christi merita nobis applicentur: sic neque impediunt quin Christus possit orare de nouo, & merita sua per orationem nobis applicare, sicut applicat per sacrificium Eucharistiæ, per sacramenta, & per alia media. Nec obest quod iam omnia generatim impetravit hac in vita. Possunt enim speciatim per orationem nouam applicari merita, quibus olim impetravit: Quemadmodum gratias omnes impetravit olim; & tamen applicatio impetrationis, & meritum, fit per causas nouas, quas non excludit generale meritum, vel impetratio generalis, sed eas

potius requirit secundum Dei & Christi ordinationem: sicut causæ generales, requirunt causas particulares sibi subordinatas in ordine ad speciales effectus. Adde quod licet Christus iam olim specialiter omnia impetrasset, sine ordine ad orationes nunc fundendas, omniaque in manu & potestate sua absolute haberet; id tamen non obstaret quod minus Christus, etsi non ex indigentia vel necessitate, tamen ex affectu religionis ad Deum colendum, eique se submittendum, peteret iterum, cum executio facienda est, id quod satis iam olim impetrauerat, suasque preces cum nostris coniungeret, aduocatum nostrum & intercessorem agendo, ut loquuntur Scriptura, & Patres citati.

Ad secundum: Nego propterea Christum mereri: quia tempus merendi ad vitam huius mortalis spatium Christo, & que ac nobis, definitum est à Deo, sine cuius ordinatione nihil possumus apud eum mereri. Przcisè autem impetrare vi orationis, non est mereri, ne quidem de congruo, ut alibi diximus.

Ad tertium Respondeo, cum Suare supra, in orationibus priuatis posse eum, qui bene sciat distinguere Christum ut hominem in cælo pro nobis orantem, illum orare ut suæ orationis nos participes efficiat, & efficacem meritum suorum, quæ Patri repræsentat, applicationem nobis obtineat. Item ut nostram orationem suæ coniungat, & Patri offerat. In orationibus verò publicis seruanda est Ecclesiæ consuetudo, quæ nunquam dicit, *Christe ora pro nobis*, sed, *exaudi nos*, vel, *misere nostri*. Tum ad vitandos errores Arij, & Nestorij: Tum quia Ecclesia dirigit orationem ad personam, quæ est diuinum suppositum: Tum denique quia quando aliquid postulamus ab aliquo, præsertim publicè, oportet illum titulo magis honorifico compellere, & supremam illius potestatem agnoscere.

Obiicit etiam Delugo supra, orationem, propriè & strictè loquendo, connotare vel includere carentiam potestatis plenæ & absolute in eo qui orat. At Christus accepit à Deo plenam potestatem & absolutam disponendi de omnibus in cælo & in terra Matth. 28.

Respondeo id verum esse de oratione ex indigentia: at non de illa quæ fit ex reuerentia solum, & ex abundantia. Vtraque autem est vera oratio & propriè dicta, quia est supplicatio facta Deo ut superiori.

SECTIO II.

De Christo ut sacerdote, eiusque
Sacerdotio.

PRIMA Conclusio: Christus fuit verus
Sacerdos, & semetipsum Deo in verum

16.
Christus
non mere-
tur in cæ-
lo.

Possunt
Christus
orari ut
pro nobis
oret?

Vtrū ora-
tio sit sem-
per signum
defectus
potestatis?

Christus
fuit verus
sacerdos.

sacrificium obtulit. Ita D. Thom. qu. 22. art. 1. & 2. definiturque expresse in Concilio Ephes. can. 10. & in Trident. sess. 22. cap. 1. traditur verò aperte à D. Paulo, variis locis, quibus affirmat Christum fuisse Pontificem à Deo constitutum, secundum ordinem Melchisedech Hebr. 5. vers. 6. & Tradidisse semetipsum pro nobis oblationem & hostiam Deo in odorem suavitatis. Ephes. 5. vers. 2. & Qui non habet necessitatem quotidianæ, quemadmodum Sacerdotes prius pro suis de istis offerre, deinde pro populi: hoc enim fecit semel seipsum offerendo, Hebr. 7. vers. 27. Si enim sanguis hircorum, & taurorum, & cuius vitula aspersus, inquinatos sanctificat ad emundationem carnis: quanto magis sanguis Christi, qui per Spiritum sanctum semetipsum obtulit immaculatum Deo, emundabit conscientiam nostram ab operibus mortuis Hebr. 9. vers. 13.

18.
Sacerdotii
munia.

Ad declarationem nota, licet Sacerdoti alia multa munera soleant convenire, ut orare, docere, preces populi Deo offerre, sacra & divina populo traderet specialiter tamen dici Sacerdotem in ordine ad sacrificium. Unde licet possit quis alia munia præstare: propriè tamè non dicitur Sacerdos, si non possit sacrificare. Est autem sacrificium propriè dictum oblatio Deo facta per immutationem rei oblatæ ad protestandam supremam Dei excellentiam. Ut quando in lege veteri occidebantur animalia ad protestandum Deum esse authorem vitæ & necis, comburebantur fruges, incendebantur suffitus, & similia. Potest tamen intentio sacrificantis referri ad aliud cum protestatione excellentiæ divinæ coniunctum. Ut ad aliquid impetrandum à Deo tanquam bonorum omnium authores ad gratias illi agendas de acceptis: ad Deum propitiandum & placandum pro peccatis. Sicque in lege veteri aliqua erant sacrificia pacifica, ad impetrandum vel gratias agendum: alia propitiatoria pro peccatis: quas omnes differentias & perfectiones sacrificium Christi & legis Evangelicæ comprehendit.

19.
Sacrificiū
multiplex.

Rursus sacrificium potest esse (generatim loquendo, & abstrahendo ab hac aut illa lege) vel priuatum, vel publicum. Priuatum est, quod offertur ab aliquo ut priuato, & priuata autoritate: cuiusmodi erant in lege naturæ sacrificia Abelis & Caini, de quibus Paul. Hebr. 11. vers. 4. Fide plurimam hostiam Abel quam Cain obtulit Deo. Publicum est, quod offertur nomine alicuius communitatis à persona ad id munus constituta autoritate publica: Cuiusmodi olim fuerunt sacrificia apud omnes Gentes exultas, apud quas fuerunt publici Sacerdotes, & sacrificia publica. Porro Sacerdos propriè & specialiter dicitur is, qui publica autoritate, id est, communitatis, vel Principis, aut Dei domini vniuersorum, constituitur ad offerendum sacrificium publicum, id est, nomine communitatis: Cuiusmodi erant Sacerdotes legales siue Aaronici: Cuiusmodi etiam nunc sunt Sacerdotes Evangelici.

Sacerdos
propriè
quis dicitur.

Christus autem autoritate ipsa Dei, qui summus omnium communitatum, & totius Ecclesiæ Princeps & caput est, & ad quem maxime pertinet Sacerdotes & sacrificia, ceteraque omnia, quæ ad suum cultum pertinent, instituere & decernere, fuit constitutus Sacerdos ut docet Paulus ad Hebr. 5. versu 1. & quinque sequentibus. Et ab eodem mandatum accepit offerendi seipsum in sacrificium, ut post Psalmistam testatur idem Apostolus Hebr. 10. vers. 5. & sequentibus, iuncto cap. Ioan. 10. vers. 18. Duplíciter verò Christus seipsum obtulit Deo in sacrificium. Primò, In cruce in Eucharistia, per mysticam immolationem sui ipsius mortuo quodam modo positi sub speciebus eucharisticis, ut dicemus alibi: aut per mysticam (ut alii malunt) separationem corporis sui à sanguine sub speciebus panis & vini, aut per realem vtriusque productionem sub iisdem speciebus. De qua oblatione sermo est Matth. 26. Marc. 14. Luc. 22. & 1. Cor. 11. De eademque Sancti Patres disertissime: Cyprianus epist. 63. ad Cæciliū, Hieron. ep. ad Marcellam ut migraret Bethleem, & epist. 126. ad Eugrīum. August. lib. 2. de doctrina Christiana cap. 21. & lib. 16. de Ciuit. Dei cap. 22. & epist. 95. ad Innocentium Papam: Ambrosius lib. 5. de Sacram. cap. 1. quorum verba fideliter relata vide apud Bellarm. lib. 1. de Missa cap. 6. & Iaubertum de Batault tom. 3. Clypei cap. 12. §. 2. & 3. Et hanc ob causam inter alias dicitur Christus esse Sacerdos secundum ordinem Melchisedech, cuius sacrificium in pane & vino, fuit typus specialis sacrificij Eucharistici.

Obtulit
seipsum
in cruce
in Eucharistia.

Cyprian.
Hieron.

August.

Ambros.

Batault.

Secundò, Christus seipsum obtulit cruce in cruce, quando in cruce animam suam & vitam Deo obtulit ad protestandam ipsius excellentiam, in remissionem peccatorum nostrorum, aliosque finas. De quo sacrificio loquitur Paulus capite citato, & alibi sæpius in eadem epist. ad Hebr.

21.

Christus
obtulit
se in cruce.

Quod si quæras quomodo Christus in cruce sacrificauerit, cum seipsum non interfecerit non magis quam Martyres, qui quando mortem pro Christo patiuntur, non censentur propriè sacrificare. Respondeo Christum verè sacrificasse, quia voluntariè & propria vi spiritum tradidit atque à corpore separauit, quem tormenta non poterant illi eripere, si retinere voluisset. Tradidit, inquam, ad protestandam supremam Dei excellentiam per sui immutationem, in quo consistit ratio sacrificij. Et hoc Christus significauit Ioan. 10. cum sic dixit: Propterea me diligit Pater, quia ego pono animam meam. Nemo tollit eam à me, sed ego pono eam à me ipso. In quo Christus differt à Martyribus: atque etiam in eo quod Martyres tales dicuntur, eo quod passi sunt ex virtute charitatis & fortitudinis pro causa fidei, vel ad fidem pertinente: Christus autem ex virtute speciali religionis, ad protestandum Deum esse authorem & vitæ necis, &

supremum omnium rerum dominum; Item Christus autoritate publica; id est, diuina erat constitutus ad offerendum Deo tale sacrificium: Vnde erat proprie Sacerdos respectu illius. At non Martyres, quorum licet permulti fuerint Sacerdotes instituti ad offerendum sacrificium Eucharistiae: non tamen ad offerendum seiplos in verum sacrificium.

22.
Fuit Sa-
cerdos se-
cundum
naturam
humanam.

Secunda Conclusio: Christus fuit Sacerdos secundum naturam humanam; & secundum eandem fuit simul hostia, templum, & altare: non autem secundum naturam diuinam. Ratio primae partis est, quia natura secundum quam Christus est Sacerdos; id est, à qua debent elici proprie illius ut Sacerdotis operationes; debet esse naturam Deo inferior & subiecta, quae ipsum colat, & apud ipsum per sacrificium & supplicationes intercedat. At Christus ut Deus, siue secundum naturam diuinam, non est inferior: ergo non est Sacerdos ut Deus; sed ut homo. Denominatiue tamē per communicationem idiomatum dici potest Deus esse factus Sacerdos, & sacrificasse; sicut dicitur factus homo, passus, mortuus, & sepultus. Vnio quoque hypostatica contulit infinitam dignitatem & efficiam Sacerdotio Christi, & sacrificio aequae ac eius meritis & satisfactionibus: quatenus sacrificans erat persona diuina, per hypostasim Verbiconstituta.

23.

Secunda pars conclusionis, quod scilicet Christus secundum naturam humanam fuerit etiam hostia, seu victima Deo oblata, & templum, & altare, Probatum quia licet Christus ipse fuerit oblatus & immolatus; natura tamen, secundum quam conuenit illi offerri per sacrificium, & immolari seu occidi, non fuit natura diuina, quae est immortalis & immutabilis, cuique potius immolatio & sacrificium oblatum fuit: sed natura humana, quae ad protestandam supremam Dei excellentiam fuit immutata & destructa. Atque ita Christus secundum illam fuit victima, siue hostia: & secundum eandem fuit etiam templum, id est, locus Dei cultui specialiter deputatus & consecratus, in quo sacrificium illud peractum est, metaphora ducta ab Ecclesiis & edificis materialibus, in quibus Deus colitur specialiter: Quo sensu Paul. 1. Cor. 4. Sic loquitur fidelibus: *Templum enim Dei sanctum est, quod estis vos.* Eadem quoque, quoad corpus praecipue, fuit altare illius cruenti sacrificij: quatenus sanguine victimae fuit perfusa. Quamquam etiam crux ipsa, supra quam victima fuit caesa, conuenienter ara dici potest. Praecedentia confirmant sancti Patres, Fulgent. lib. de Fide ad Petrum cap. 2. in fine, *Solus (Christus) sacerdos sacrificium, & templum.* Et haec omnis Deus secundum formam serui, id est, hominis. Et Ambros. 3. de Fide cap. 5. *Idem Sacerdos, idem & hostia. Sacerdotium tamen & sacrificium humanae conditionis officium est.* Et paulo post; *Nemo igitur ubi ordinem cepit humanae conditionis, ibi ius diuinitatis ascribat.* Similia habet

August. lib. 1. de Consensu Euangelistarum cap. 3. August.

Contrarium verò sentiunt Calvin. & sectarij, assignantes Christum secundum Deitatem fuisse sacerdotem: secundum verò humanitatem fuisse victimam. Sed nihil obiciunt magni momenti: & ratio superius allata, sumpta ex officio & conditionibus Sacerdotis, quae Deo conuenire non possunt, euidenter conuincit Christum secundum Deitatem non fuisse Sacerdotem.

Tertia Conclusio: Christus non pro nobis solum, sed etiam pro seipso orauit ut Sacerdos; & sacrificium obtulit, tamen non eodem modo. Prima pars colligitur ex Hebr. 5. vers. 6. & 7. Vbi postquam Apostolus de Christo dixit, *Tu es Sacerdos in aeternum secundum ordinem Melchisedech*: subdit immediate, *Qui in diebus carnis suae preces supplicationesque ad eum qui posuit illum saluum facere à morte, cum clamore valido & lachrymis offerens, exau. itus est pro sua reuerentia.* Quae conuexio verborum Pauli probabiliter indicat orationes illas suas à Christo fuisse secundum eam considerationem, secundum quam de ipso dixerat, *Tu es Sacerdos in aeternum, &c.* Et fuisse eo fine Deo oblatae, ut per resurrectionem & gloriam tui corporis saluus fieret à morte, id est, à morte non absorberetur; sed ipse potius eam absorberet: iuxta illud 1. Corinth. 15. vers. 54. *Absorpta est mors in victoria.* Nec obest quòd in contrarium opponit vnus de recentioribus disput. 29. de Incarnat. nu. 28. Eius enim interpretatio non tam aperte quadrat textui; sed minùs apte coniungit ea, quae Paulus diuidit.

24.

Christus
orauit etiam
pro seipso
ut Sacer-
dos.

Confirmatur, quia cum oratio & sacrificium Sacerdotis non tantum valeat ad peccatorum expiationem; sed & ad gratiarum actionem pro beneficiis iam acceptis, & ad noua impetranda; nulla est ratio negandi Christum eò suam orationem & sacrificium retulisse ut Deo gratias ageret de beneficiis sibi collatis, & ad gloriam corporis, sui-que nominis exaltationem impetrandam, quam etiam interdum à Deo postulauit, Ioan. 12. *Pater saluifica me ex hac hora*: Et cap. 15. *Pater venit hora, clarifica filium tuum, &c.* Paulus quoque Philipp. 2. clare docet mortem Christo profuisse ad nominis ipsius exaltationem, cum de illo sic ait: *Humiliauit semetipsum factus obediens usque ad mortem; mortem autem crucis. Propter quod & Deus exaltauit illum, &c.* Neque dicas profuisse tantum per modum meriti: Cum enim potuerit aequè ad hoc prodesse per modum sacrificij, existimandum potius est voluisse Christum ut omni optimo modo sibi prodesset. Adde quòd Christus ut homo tenebatur Deum adorare cultu laetiae, veluti authorem vitae & necis, atque principium rerum omnium, supremumque largitorem omnium bonorum, siue acceptorum, siue accipiendorum. Cumque ipsius sacrificium esset aptissimum ad huiusmodi cultum & protestationem excellentiae diuinæ; probabilius est Chris-

25.

Fulgent.

Ambros.

tum hoc excellentissimo genere protestationis vsum fuisse, pro tuo illo debito erga Deum, suo etiam nomine, persolvendo.

26.

Sed non
eodem mo-
do ac pro
nobis.

S. Thom.

Suarez.

Vasquez.

Delugo.

Secunda pars conclusionis, quod non eodem modo pro se, & pro nobis Christus sacrificauerit, patet, quia pro nobis sacrificauit etiam ad expiationem peccatorum nostrorum, qua ratione non potuit pro seipso sacrificare. Eoque sensu intelligo quod ait Concilium Ephes. can. 10. referturque à D. Thom. qu. 22. art. 4. §. Sed contra: Si quis dicit Christum pro se obtulisse oblationem, & non magis pro nobis solum (non enim indiguit sacrificio qui peccatum nescit) anathema sit. Intelligo, inquam, cum Suar. in Comment. art. cit. de sacrificio vt propitiatorio, & prout refertur ad peccatorum expiationem, quâ ratione Christo prodesse non potuit. Quæ autem Vasq. disp. 84. cap. 2. obiicit in contrarium, non sunt magni momenti, vt fateatur Delugo disp. 29. n. 21. & sequentibus vbi ea refutat. Ipse verò idem cum Vasq. sentiens opponit num. 24. Licet Christus sacrificium suum, siue incruentum in Eucharistia, siue cruentum in cruce, obtulerit in gratiarum actionem pro beneficiis sibi collatis, vel pro gloria corporis obtinenda: id tamen non sufficere vt dicatur pro se sacrificasse: alioqui Sacerdotes possent dici sacrificare pro sanctis in cælo regnantibus, cum gratias Deo agunt sacrificando, de beneficiis illis collatis, aut cum illis à Deo postulant canonizationem, vel maiorem populi deuotionem, & similem gloriam extrinsecam. Concludit autem rationem veram cur Christus non possit dici pro seipso sacrificasse, vel orasse vt Sacerdos, esse quia Sacerdos, vt Sacerdos, est minister publicus seu medius inter Deum & alios, qui per seipsum non possunt, cum tanta auctoritate ad Deum accedere, ideoque pro illis intercedit ex tali auctoritate, quando fungitur officio Sacerdotis.

Possint
pro sanctis
sacrificium
offerri

Sed contra: primò, ex hoc vltimo sequeretur non posse vnum Sacerdotem pro alio sacrificare: quod est abiurdum, & contra praxim Ecclesiæ, quilibet enim Sacerdos pro ipso etiam Summo Pontifice quotidie sacrificium offert ex præscripto Ecclesiæ, vt patet ex initio Canonis Missæ. Secundò, Ad primum argumentum dico, non esse negandum verè dici posse id, quod vniuersa Ecclesia Latina dicit in ipso Missæ sacrificio. Sic autem ipsa loquitur in oratione secreta Missæ de S. Bartholomæo, die 24. Augusti, *Beati Apostoli tui Bartholomæi solemniter reuerentes, quæsumus Domine, vt eius an illo tui beneficiis capiamus, pro quotibi lan'is hostias immolamus.* Terriò, Si Sacerdos verè dicitur sacrificare pro illis quibus petit prosperum iter, vt in Missa pro iter facientibus; vel pacem temporalem, vt in Missa pro pace; vel scèlicem exitum alicuius negotii temporalis; vt quotidie fit secundum praxim Ecclesiæ à nemine reprehensam, & secundum modum loquendi ab omnibus vsurpatum: quidni

etiam Christus dici possit sacrificasse pro se ipso, offerendo mortem suam pro gloria corporis sui obtinenda, siueque nominis exaltatione, quæ longe maius bonum est illis supra enumeratis? Eodemque modo dici potest offerre pro sanctis, qui illis orat maiorem honorem: sicut ex præscripto Ecclesiæ quotidie offerimus sacrificium Eucharisticum *vt illis pro sit ad honorem, nobis autem ad salutem: & illi pro nobis intercedere dignentur in cælis, quorum memoriam agimus in terris: vt dicitur in oratione Missæ post manuum ablu-tionem.*

27.

Frustra verò conatur idem auctor, cum Vasque supra citato, extendere canonem Ephesinum ad omnem rationem sacrificij: cum manifestum sit loqui Concilium de sacrificio tantum vt propitiatorio, & rationem ipsius Concilii non plus probare, quàm quod Christus non indiguerit tali sacrificio, cum esset sine peccato. Verum quamuis homines nunquam peccassent, vel non essent peccaturi: possent nihilominus & deberent offerre sacrificium alia intentione. Non obest etiam quod ait Paulus Hebr. 5. vers. 1. *Omnis Pontifex ex hominibus assumptus, pro hominibus constituitur in iis quæ sunt ad Deum, vt offerat dona & sacrificia pro peccatis.* Etenim Paulus asserit quidem vnum, quod re ipsa est; sed non enumerat alia omnia Sacerdotis officia, quorum aliqua possent absolute consistere sine illo primo offerendi pro peccatis. Nam quamuis homines non peccarent, tenerentur tamen lege naturali protestari per sacrificia Dei excellentiam, & gratias ei agere de beneficiis acceptis, & alia sibi necessaria postulare.

28.

Quo autem sensu Christus à Paulo Hebr. 7. vers. 17. post Dauidem Psalm. 109. v. 4. dicatur esse Sacerdos in æternum secundum ordinem Melchisedech, vide apud Cornelium & alios Pauli interpretes loco citato. Breuiter dico particulam, *in æternum*, quæ sola habet difficultatem, intelligendam esse de æternitate à parte post: vel moraliter sumpta, id est, vsque ad mundi consummationem, quouique durabit sacrificium Eucharisticum, ab ipso oblatum principaliter per Sacerdotes vt legatos suos & ministros: vel physice & in rigore, quatenus semper orabit & interpellabit ex potestate Sacerdotali ad impetrandum sanctis varia beneficia. Sufficit enim manere in perpetuum functionem aliquam Sacerdotalem, ad hoc vt semper duret denominatio Sacerdotis, quamuis non duret amplius functio sacrificandi, à qua velut præcipua Sacerdos dictus est. Quia sufficit illam habuisse, & deinceps aliquod officium circa sacrificium à se oblatum exercere ex potestate Sacerdotali, quæ latius patet, quàm ad sacrificandum: vt faciet Christus in perpetuum applicando suis precibus sacrificium in cruce peractum, vt sanctis impetret varia beneficia, & gaudia accidentalia. Hinc etiam factum est vt Christus non habuerit simpliciter successores, vt Sacerdotes

Christus
est Sacer-
dos in æ-
ternum se-
cundum
ordinem
Melchise-
dech.

dotes Aaronici : quemadmodum affirmat Apost. ad Hebr. 7. Licet enim Christus Matth. 26. Apostolos constituerit Sacerdotes, & ad offerendum sacrificium Eucharistiz suos quodammodo successores : id tamen non obest, quin Christi Sacerdotium sit æternum simpliciter & sine successore. Quia Apostoli, & alii deinceps, non illi successerunt, sicut Levitici Leviticis succedere solebant : nempe in locum ipsorum subrogati cum æquali dignitate & potestate, eò quod ipsorum sacerdotium omnino morte finiretur : sed tantum ita succedunt Christo, ut ab eo semper manente Sacerdote supremo simpliciter, & principalem suam potestatem ac dignitatem incommunicabiliter retinente, habeant longè inferiorem & dependentem ab illo, eiutque beneficio participatam & subordinatam, ac vicariam potestatem, per quam ipsius nomine sacrificent, & visibiliter nobis ministrent ; ut amplius patebit ex sequenti conclusione. Contentit Cardinalis Delugo disp. 29. sect. 3. ubi Valquis & aliorum quorundam explicationes minus probabiles refutat.

29. **Primum Pontifex Ecclesie.** Quarta conclusio : Potestas Christi Sacerdotalis fuit Pontificalis, & suprema quædam potestas in uniuersam Ecclesiam, soli Deo subordinata, nullique alteri communicata cum tanta excellentia & independentia : unde etiam merito dicitur potestas excellentiæ. Christum quidem fuisse Pontificem docet Paulus cap. cit. vers. 26. *Talis enim decebat ut nobis esset Pontifex, sanctus, innoxius, impolutus.* Et capite 8. versu 1. *Talem habemus Pontificem, qui confedit in dextera sedis magnæ in cælis.* Habuisse verò potestatem in Ecclesia uniuersam, patet ex Matthæi cap. ultimo, *Datæ est mihi omnis potestas in cælo & in terra. Eunt ergo docete omnes gentes, baptizantes eos, &c.* Patet etiam ex eo quod Christus totam Ecclesiam fundauit, & modum quo regenda erat constituit, legesque generales & æternas illi imposuit, superioresque à quibus deinceps nomine suo regeretur, constituit, & potestatem tam ordinis, quam iurisdictionis, omnem quam habent, illis dedit, sacramenta denique omnia quibus homines sanctificarentur instituit. Quæ omnia constant ex historia euangelica, & epistolis Pauli Ephes. 4. v. 11. aliisque locis. Hæc autem Christi potestas non fuit quidem omnino suprema : Nam omnis potestas Christi ut hominis, Deo inferior est, & ab eo pendet : ideòque non fuit potestas absoluta & independentis authoritatis, sed ministerialis respectu Dei. Fuit tamen inter ministeriales suprema & excellens, cui nulla alia par est. Nam omnes alie potestates Ecclesie sunt ab illa dependentes, & ab illa institutæ. Et omnes alii Sacerdotes sunt Christi ipsius ministri, ut de Apostolis ipsis testatur Paulus 1. Cor. 4. vers. 1. Nullus alius habet potestatem instituendi Ecclesiam, & mutandi ea quæ in perpetuum

sunt à Christo sancita. Nam omnis alia potestas manauit à Christo, qui non dedit potestatem ea mutandi quæ ipse voluit esse perpetua. Nullus alius potest instituire sacramenta, imò neque eorum substantiam mutare, ut patet ex Trident. sess. 21. cap. 2. initio. Nullus alius potest nomine suo, & meritis propriis, remittere peccata, & sanctificare per sacramenta, ut Christus aut sine illis efficere id quod sacramenta efficiunt, quemadmodum Christus sacramentorum author, & ab ipsis independens, remittebat sine illis peccata, quibus volebat, ut Paralytico, Mag. alenæ, Latroni. Nullus alius potest sacrificium instituere, sed omnes alii tenentur modum sacrificandi ab eo præscriptum seruare. Quibus de causis potestas Christi Sacerdotalis vocatur à Theologis potestas excellentiæ, & potestas principalis, licet ministerialis, & non simpliciter suprema, sed diuinæ subdita. Ratio verò est quia propter dignitatem vnionis hypostaticæ debebatur Christo ut esset Sacerdos, non quocunque, sed excellentissimo modo ac perfectissimo.

Pro quo nota, ad officium Sacerdotis potestate non modo ut sacrificium offerat, sed etiam ut præstet alia quæ ad salutem pertinent animarum : licet non omnibus & singulis Sacerdotibus hæc omnia officia conueniant. Etenim Sacerdos constituitur ut sit medius inter Deum & homines : habetque duplicem habitudinem. Alteram ad Deum quem orat, laudet, & colat sacrificiis aliisque actibus religionis, nomine totius populi. Alteram ad populum, quem de rebus salutis doceat, regatque & dirigat per doctrinam, per præcepta, per leges, & alia media ad finem supernaturalem : eundemque pro potestate sibi tradita sanctificet, & cum Deo coniungat. Quæ omnia licet non conueniant omnibus Sacerdotibus, par enim omnibus potestas non datur : debent tamen in supremo & principali Sacerdote reperiri. Alioquin enim non esset satis consultum bono Ecclesie regimini. Christus ergo summus Ecclesie Sacerdos, & pontifex excellentissimus, debuit excellentissimo modo hæc omnia præstare. Quanquam necesse non fuit ut parem potestatem tribueret illis, quos operis sui vicarios constituit, ad exequendum id quod supererat usque ad finem mundi. Imò nec potuit tanta potestas ulli puræ creaturæ conferri. Nulla enim pura creatura potest offerre sacrificium, aut instituere sacramenta, quæ ex merito offerentis & instituentis habeant vim satisfaciendi de condigno ex rigore iustitiæ pro peccatis. Nulla pura creatura potest offerre Deo orationes, & alia opera, quibus officium Mediatoris inter Deum & homines exerceat, tanti valoris ad Deum honorandum, demerendum, aut placandum, quanti sunt Christi orationes & opera, ob dignitatem personæ offerentis. Quamuis non repugnet communicari puræ creaturæ potestatem Christi multiplicem,

30. **Officium Sacerdotale multiplex.**

omnem scilicet illam quæ sine vnione hypostatica esse potest. Cuiusmodi est potestas influendi aliquo modo in alios per modum capitis, potestas instituendi sacramenta, & sacrificia, ad effectus quos Deus voluerit, &c. Quanta verò potestas fuerit reipsa concessa summo Pontifici supremo Christi vicario, non est huius loci explicare.

SECTIO III.

De Regno Christi.

31. **E**X his collige Christum habuisse potestatem spirituale, regiam, & monarchicam supra totam Ecclesiam, iuxta illud Ps. 2. *Ego autem constitutus sum rex ab eo super Sion montem sanctum eius, prædicans præceptum eius.* Et Daniel. 2. *In diebus autem regnorum illorum suscitabit Deus cæli regnum, quod in æternum non dissipabitur &c.* Et Luc. 1. *Regnabit in domo Iacob in æternum, & regni eius non erit finis.* Questio autem superest, an Christus non modò spiritalem, regiam potestatem, sed & temporalem habuerit, ita ut fuerit rex temporalis alicuius regni, puta Iudaici, vel omnium, & totius vniuersi? An item habuerit dominium temporale in res omnes?

32. **R**espondeo & dico primò, Christum non solum habuisse potestatem spirituales & indirectam in res omnes temporales, quatenus erat necessarium ad finem regiminis spiritualis: sed habuisse quoque ius regium directum seu temporale, & potestatem in totum vniuersum excellenti quodam modo: licet ea potestate circa nullum regnum particulare usus sit, nec reges temporales suo iure vel usu priuauerit. Ideoque fuit rex temporalis tantum in actu primo, id est, quoad ius & potestatem legitimam: non in actu secundo, id est, quoad usum & exercitium talis potestatis. Ita S. Antoninus, Almainus, Turrecremata, Nauarr. Durand. Ostiensis, & alij, quos citant & sequuntur Vasq. disp. 87. cap. 2. nu. 11. Suar. disp. 48. sect. 2. & Delugo disp. 30. lect. 1. num. 4. Probatum primò, Quia talis potestas decebat Christi maiestatem, & nulli eius officio repugnabat. Secundò, Scriptura eam Christo variis locis tribuere videtur. Nam Apocal. 1. dicitur *Princeps regum terræ.* Et cap. 19. dicitur habere scriptum in femore suo, id est, in humanitate *Rex regum, & Dominus dominantium.* Et Matth. ultimo, *Data est mihi omnis potestas in cælo & in terra.* Quæ & similia non possunt aprè intelligi de sola potestate spirituali, ut putat Vasq. quia Summus Pontifex, quamuis habeat potestatem spirituales in reges Christianos velut subditos Ecclesiæ, non dicitur Rex simpliciter, & Princeps regum terræ, Rex regum, & Dominus dominantium. Neque verè dicere potest, datam sibi esse omnem potestatem, cum non habeat temporalem directam. Neque in lege antiqua Sum-

mus Sacerdos dicebatur rex Iudææ, aut rex regum & Principum Iudææ. Adde quod ex opposito absurdum sequeretur: nempe Christum non potuisse ut hominem præcipere hominibus, & Angelis, nisi ea quæ pertinent ad regimen spirituales: atq; in aliis nos illi obedientiam iure negare potuisse, tanquam limites suos transgredienti, si plus præcepisset per possibile vel in possibile.

Abstinuit tamen Christus ab illius potestatis exercitio, neque vllum penitus temporale regnum administravit: quia non decuit omnino ut potestatem purè civilem exerceret: cum illa, comparatione spiritualis & diuinæ, vilis sit. Et quemadmodum non decet ut Rex exerceat minora officia, ad quæ tamen et exercenda habet potestatem: ita autem est si per alios illa exerceat: ita cum Christus propter fines maiores venisset, & omnium maximos, ut sanctificator, ut glorificator, ut redemptor &c. non decebat ut per se exerceret potestatem merè ad finem naturalem & politicum. Præterea exercitium regie potestatis non bene conueniebat cum exemplis patientiæ, paupertatis humilitatis, & obedientiæ utique ad mortem crucis, quæ Christus nostra causa debebat exhibere. Propterea aiebat ipse Matth. 21. vers. 21. *Filius hominis non venit ministrari, sed ministrare, & dare animam suam redemptionem pro multis.* Et Luc. 22. vers. 25. *Reges gentium dominantur eo eum, &c.* Et Ioan. 18. vers. 36. *Regnum meum non est de hoc mundo. Si ex hoc mundo esset regnum meum, ministri mei utique decertarent, ut non traderer Iacobi, id est, haberem ministros & satellites more Regum temporalium, qui me contra Iudeos defenderent.* Habuit ergo Christus potestatem solum generalem, & diuinæ similem, non præiudicantem particulari potestati cuiusque Regum temporalium, nec vsui huius potestatis circa suum regnum: neque iuri communitatum in eligendis aut continuandis regibus suis, iure electiuo, aut hereditatio, ut communiter sit.

33. **D**ico secundò, Christum habuisse similiter per se & directè dominium quoddam in actu primo, generale, excellens, ac diuino simile, ad vtendum rebus omnibus creatis in ordine etiam ad finem temporalem: licet dominium in actu secundo, id est, usum illius potestatis, & peculiare dominium non habuerit, nisi tantum rerum paucissimarum, quæ ipsi donabantur, vel quas aliter acquireret, ita ut earum dominio peculiari alij priuarentur, nec possent sine Christi iniuria eas, ipso inuito, sibi vendicare. Posterior pars definitur à Ioanne XXII. in Extrauagante, *Cum inter nonnullos, de verborum significat. omnibus, ubi definit habuisse Christum rerum paucarum dominium, proprium scilicet & exclusiuum dominij peculiaris aliorum: quod quàm exiguum fuerit & pene nullum docet Christus ipse Matth. capite 8. versu 20. cum sic ait: Vulpes foueas habent, & volucres cæli nidus, filius autem hominis non habet*

33.
Abstinuit
tamen ab
illius vsu.

34.
Habuit
etiā domi-
nium in
actu primo
generale.

Vasquez.
Suarez.
Delugo.

vbi caput suum reclinat : Idemque confirmat Scriptura aliis locis in quibus Christi paupertas prædicatur. Habuit tamen tale dominium circa pecunias v. g. sibi datas in suam & Apostolorum sustentationem. Propter quod Iudas eas vituperans, vocatur fur & latro, Ioan. 12. ver. 6.

35. Prior verò pars est Suar. suprà assertionem 2. Nauar. in caput *Nemine manens*, notabili 3. num. 8. & sequentibus, & aliorum quos citat. Quibus accedunt Delugo disp. 30. sect. 2. Tannerus qu. 7. dub. 4. & alij recentiores. Probatur quia tale dominium optimè Christo conueniebat, tanquam hæredi vniuersorum, & Filio Dei naturali, neque ulli eius officio repugnabat, imò interdum conueniebat illo uti, ut cum Matth. 21. absolute præcepit adduci sibi asinam, & pullum eius, & si quis aliquid diceret, responderi, *Dominus is cepit habere*. Deinde absurdum esset, & Christo indignum non potuisse ipsum uti rebus temporalibus pro libito, & de illis disponere, si voluisset, ad finem & vltimum temporalem, sine hominum licentia, vel sine iniuria & obligatione ad restitutionem, ipsis iniuris. Cum que Christus fuerit Rex & Dominus omnium, etiam temporalis in actu primo, ut antea probauimus: negari non potest quin habuerit saltem dominium alium & generale in res omnes in actu primo. Hoc enim ius continetur in regia potestate. Sed neque decet ipsius maiestatem dicere quod non habuerit ius amplius & vniuersalius disponendi de subditis suis, eorumque bonis, non modò iure alto, quantum exigit bonum commune: sed & aliter ad suum bonum peculiare, vel quouis alio modo, sine cuiusquam iniuria.

36. Contrarium sentiunt primò Marsilius, & Iardunus, existimantes Christum non modò non habuisse ius in reges temporales; sed etiam iure illis subiectum fuisse, & tributum soluere debuisse. Qui error damnatus fuit à Ioanne XXII. teste Vasque supra cap. 1. & repugnat Scripturæ Matth. 17. vbi Christus tributum postulat, significat aperte se ab illo soluendo liberum esse, & non soluere ex debito, sed ad vitandum scandalum.

Secundo Armacanus, Baconus, & alij paucis sententiam Christum, ratione generationis temporalis ex familia David, habuisse ius speciale regni temporalis in Iudæa. Quod confirmant ex Luc. 1. *Dabit ei Dominus factum David patris eius*. Et Matth. 27. *Tu es Rex Iudæorum*? Tu di. 13. Et Ioan. 12. *Benedictus qui venit in nomine Domini, rex Israel*. Verùm hæc de regno Christi spiritali intelligenda sunt, vel de temporali in actu primo: Deinde regnum iudæicum potius pertinuisset ad Ioseph, qui à Davide per Salomonem descende-
bat; quàm ad Christum, qui per Nathan, ex quo Beata Virgo. Neque constat Ioseph fuisse primum inter eos, qui in linea Salomonis descenderant; & quamvis ita esset, non potuisset ipse regnum in filium tantum putatum, aut ad summum adoptiuum,

transferre, in præiudicium successoris legitimi.

Tertio Franciscus Victoria, Bartholomæus Medina, & alij quidam censent Christum habuisse tantum ius regni spiritale, non autem vllum ius temporale in alios reges & regna. Probant primò ex Ioan. 18. *Regnum meum non est de hoc mundo*. Et ex hymno illo Ecclesiastico in festo Innocentium, *Non constituit mortalia, qui regna dat celestia*. Si enim Christus habuisset ius temporale in omnia regna: abstulisset aliis regibus ius regni, quia duo reges eiusdem regni esse nequeunt; & ad summum omnes alij reges essent tantum vicarii Christi in regia dignitate. Secundò, Sequeretur Summum Pontificem, qui Christi potestati successit, esse regem temporalium omnium mundi regnorum. Tertio, Christus non habuit ius regni temporalis, iure hæreditario, ut ante ostendimus de regno Iudæico; de quo solum potest esse suspicio: neque electione populi, ut constat, quia nulla talis fuit efficax. Neque Dei concessione, quæ sine fundamento asserenda non est: nullum autem est fundamentum asserendi, & frustra fuisset in Christo ius regni temporalis; cum nunquam esset illo vlturus.

Ad primum respondent aliqui Christum tantum asserere suum regnum non ducere originem à mundo, sed à Deo. Verum legitimus eius sensus, ut colligitur ex sequentibus in textu, est, quod Christus non regnaret in hoc mundo, in quo si actu & quoad vltimum regnasset, habuisset satellites qui impedirent ne à Iudæis traderetur. Eademque de causa Christus non eripuit aliis Regibus vltimum regnandi, quia eos reliquit & permisit regnare, ne ullam illis legem circa politicam gubernationem impoluit, sicut re vera poterat. Imò nec ius particulare illis abstulit: quia ius illud Christi generale & excel-
lens, est simile & propinquum diuino generali, quod non impedit iura particularia creaturarum circa idem obiectum. Vnde etiam ceteri reges non sunt proprie Vicarii Christi, in iure temporali: quia non sunt priuati proprio dominio & potestate regia: neque illam à Christo acceperunt, ut eius vice exerceant.

Ad secundum Respondeo Christum non dedisse Summo Pontifici omnem potestatem, quam habebat, ne spirituale quidem: cum Summus Pontifex non possit instituere sacramenta, dare gratiam extra sacramenta, remittere peccata absque sacramentali confessione & absolutione, & alia nonnulla Christi singulariter propria.

Ad tertium Respondeo Christum fuisse regem Dei constitutione, sicut per eandem fuit caput & Sacerdos. Cuius constitutionis sufficiens fundamentum in probatione assertionis fuit suprà explicatum. Neque frustra ius illud fuit, licet vsu caruerit: Fuit enim magnum decus & ornamentum humanitatis Christi, quod in semore suo scriptum habet-

Gg 3

372

Tertio sententia Christi nullum ius temporale habuisse.

Respondet totius argumentis.

38.

ret *Rex regum, & Dominus dominantium.*

39.
Quarta
sententia
contraria:
Christum
nō habuisse
suis domi-
nii in
res tempo-
rales.

Quarto denique Vasques disp. 87. cap. 6. contendit Christum non habuisse ius domini in res temporales, exceptis iis paucis quarum habebat proprietatem. Primò, quia nullus hoc ius Christo tribuit, exceptis paucis recentioribus. Secundò, Quia Ioannes XXII. in Extravagante, *Cum inter nonnullos, De verborum significationibus*, ait Christum rerum paucissimarum dominium habuisse. Tertiò, Quia omne dominium sufficienter dividitur in dominium excellentiæ, & utilitatis: quorum prius, est illius Dei, ratione creationis & conseruationis omnium rerum, ex qua prouenit ut possit rem quamlibet destruere, vel ad alium transferre, sine cuiusquam iniuri. Posterius verò non potest esse duorum circa eandem rem, aut partem illius, in solidum, ut dicitur lege, *ut cerio. 9. si duobus, ff. commodati, & contra.* Ratio est quia non potest in vtriusque utilitatem æquè referri: unde fit ut dominium vnius impediat dominium alterius. Quare si Christus haberet dominium rerum omnium in solidum, priuaret alios suo dominio. Habuit ergo Christus ius quidem regium in omnes, id est, iurisdictionem seu facultatem supremam ius dicendi in omni controuersia ciuili, ferendi leges, & verbo etiam præcipiendi, cui ceteri parere debeant. At non habuit dominium omnium rerum, quia ius regium rectè potest ad aliquem pertinere, abique dominio earum rerum aut personarum, in quas habet prædictam facultatem & iurisdictionem. Neque enim Rex est dominus fundi, aut domus Petri, & aliorum subditorum. Hæc Vasques.

40.
Satis sit
eius funda-
mentis.

Ad quæ Respondeo primò, non paucos, etiam antiquiores & grauiore, tale dominium Christo tribuere locis cit. à Suare disp. 48. sect. 2. §. *Secunda sententia.* Secundò, Ioannem XXII. Extravag. citata loqui de dominio proprio & peculiari, priuatiuo domini aliorum hominum circa eandem rem: de quo dominio quæstio est in Extravag. illa, occasione domini, aut non domini Mendicantium ordinis S. Francisci. Tertiò, Ultra dominium excellentiæ supremæ, quod in Deo est, dari inter creaturas duplex dominium: aliud directum, quod potest esse sine vlla utilitate: aliud vtile. Quæ duo dominia possunt esse in diuersis in solidum circa eandem rem, v. ostendimus in tract. de iustitia. Lex verò citata debet intelligi de duobus dominiis eiusdem rationis & eiusdem ordinis. Sicut autem eadem res potest esse simul sub dominio Dei & creature, quia potest simul pendere à Deo propositus voluntate, & nihilominus Deo permittente nec destruyente rem illam, potest homo ea uti prout voluerit, atque ita habere dominium vtile in solidum (imò & directum subalternum) ut ait Vasques ibidem num. 46. Ita potest esse sub dominio Christi excellenti & generali, & simili dominio Dei, in eo quod licet uti posset creaturis, & alios illis priuare,

Vasques

relinquit tamen aliis earum vsum & proprietatem, perinde ac si circa illas nullum haberet ius.

De cætero, verum est quod addit Vasques, aliud esse dominium iurisdictionis, quale est dominium Regis in eo ipso quod Rex est: & aliud dominium proprietatis vel utilitatis in res aut personas, quod Rex non habet nisi in res illas vel personas quæ alio titulo peculiariter ipsi deuinctæ sunt, tanquam propriæ, aut eius utilitati subiectæ. Habet tamen Rex dominium proprietatis & peculiare in ius regnandi, eo ipso quod Rex est: & qui ab eius vfu sine causa illum impediret, vel tali iure spoliaret; peccaret sine dubio contra iustitiam commutatiuam. Vnde argumentum Vasques potest in ipsum retorqueri. Fateatur enim Christum fuisse Regem temporalem in actu primo totius vniuersi. Ergo simul fuerunt duo reges eiusdem regni, putà Imperii Romani vel Iudaici: vel alii Reges non fuerunt verè Reges, sed Christi vicarii & ministri. Item, vel alii Reges non habuerunt dominium proprietatis, & peculiare circa ius suum regnandi: vel dominium eiusdem rei fuit penes duos. Si autem dominium vnius rei potuit esse penes duos, nempe dominium illius iuris: non apparet quidni æquè esse possit dominium rerum aliarum. Quare Vasques, æquè ac nobis, fatendum est posse dari duos dominos in solidum eiusdem rei, æquè ac duos Reges eiusdem regni: non æquales & independentes, sed subordinatos, quorum scilicet vnus alteri subdit: sicut re ipsa Reges omnes subsunt Deo supremo omnium Regi ac domino: quod tamen non impedit ne illi subordinati, sint verè Reges & domini, etiam supremi in suo ordine, quatenus à Deo vel à Christo non priuantur potestate ante accepta legitimè. Supremi, inquam, inter puros homines, quamvis subiecti Deo & Christo. Nullum enim alium superiorem agnoscunt in temporalibus, ut nec Summus Pontifex in spiritalibus.

Dices, si Christus habuit dominium rerum omnium & singularum in actu primo; ergo peccant contra iustitiam, & furtum committunt respectu Christi, illi omnes qui contra eius voluntatem re aliqua vtuntur. Respondeo negando sequelam, cum Delugo supra num. 22. Nam quamdiu Christus retinet solummodo actum primum, & cedit actu secundo, id est, vfu sui iuris, relinquit res in statu in quo antea erant, eodemque modo licitas & illicitas. Si quid tamen sibi proprium faceret iure peculiari; peccaretur contra iustitiam erga Christum circa huiusmodi: quemadmodum Iudas verè peccauit peccato furti surripiendo loculos Christo dados ad vi & subsidium. At eiusmodi non sunt bona Ecclesiastica, quorum dominium peculiare non est penes Christum, sed est penes clericos beneficia ius, vel penes Ecclesias, quibus applicantur, ut docuimus in tract. de iustitia cum Molina, Lessio, Delugo hoc loco, aliisque pluribus.

41.
Dominium
iurisdictionis
est diuersum à
dominio
proprietatis
vel utilitatis.

Dominium
eiusdem
rei in solidum
posse esse
penes duos
simul.

42.
Occurrit
obiectioni.

43.
Christus
simul pau-
per & di-
uer, Rex &
non Rex,
&c.

Exdictis haecenus de regia Christi pote-
state & dominio possunt facile conciliari
Scripturae loca specie tenus pugnantia. Quo-
rum aliqua tribuunt Christo regiam pote-
statem, & dominium omnium rerum, asse-
runtque ipsum fuisse Regem Iudaeorum, do-
minum vniuersorum, Regem Regum, & Do-
minum dominantium. Alia affirmant ipsum
fuisse pauperem, & fere nihil habuisse. Item
quaedam affirmant regnasse, vt Luc. 1. *Reg-
nabit in domo Iacob in aeternum*: Et Itai 23.
Et regnabit Rex, & sapiens erit. Alia, non
regnasse in hoc mundo, neque venisse domi-
nari & ministrari, sed ministrare, Ioan. 18. &
Luc. 22. Christus enim habuit regiam po-
testatem & iurisdictionem non solum spiri-
tualem, sed etiam temporalem in actu pri-
mo, & dominium cellens rerum omnium,
similiter in actu primo, licet non regnauerit
temporaliter in actu secundo, neque vsum
dominii aut cominium peculiare, & vsum
rerum nisi paucissimarum habuerit, adeoque
fuerit pauper. Item regnauit Christus spiri-
tualiter condens leges, sacramenta insti-
tuens, praescribens ordinem & regimem Ec-
clesiae velut spiritalis Monarchiae, consti-
tuentique Pastores & duces spirituales. Non
regnauit autem temporaliter, neque more
Regum temporalium dominatus est, stipatus
satellitio, famulatio, & pompa regali.

SECTIO IV.

*De Christo vt Propheta, Indices, Legislatore,
capite Ecclesiae, & mediatore.*

44.
Christus
fuit pro-
pheta.

HAEC omnia officia Christo vt homini
competere docet Scriptura disertissime
variis locis. Propheta enim nuncupatur Deu-
teron. 18. vers. 15. *Prophetam de gente tua, &
de fratribus tuis, sicut me, suscitabit tibi Domi-
nus Deus tuus*. Quae verba Petrus de Christo
exponit Actor. 3. vers. 22. Et Luc. 7. *Pro-
pheta magnus surrexit in nobis*. Et cap. 24. vers.
19. *Qui fuit vir propheta, potens opere & ser-
mone*. Et quidem constat ex Euangelio Chri-
stum omnia Prophetarum munia excellenter
praestitisse. Nam futura praedixit, occulta re-
uelauit, docuit populum & instruxit more
Prophetarum, vitia reprehendit, & errantes
ad rectam viam salutis reducere studuit,
vt videre est passim in historia Euange-
lica.

45.
Christus
Legislator.

Secundò, Legislator dicitur Itai 33. vers.
22. *Dominus iudex noster, Dominus legis noster*,
Dominus rex noster ipse saluabit nos. Et
Matth. cap. quinto, sexto, & septimo Chri-
stus multas leges pronunciat: estque ipse au-
thor legis Euangelicae, de qua lege Paulus
sic ait 1. Cor. 9. vers. 29. *Illis qui sine lege
erant, id est, Gentilibus, factus sum tanquam
sine lege essem: cum sine lege Dei non essem, sed in
lege essem Christi*. Notat autem recte Becanus
cap. 25. Leges seu praepcepta perpetua à Chri-

sto lata esse triplicia. Moralia, de quibus
Matth. 5. 6. & 7. Sacramentalia, de qui-
bus Ioan. 3. *Nisi quis renatus fuerit ex aqua*.
Et cap. 6. *Nisi manducaueritis carnem filii ho-
minis, &c.* Luc. 22. *Hoc facite in meam com-
memorationem*. Et denique praepcepta fidei,
Ioan. 14. vers. 1. *Credite in Deum, & in me
credite*. Et Marc. ultimo, *Qui crederit, &
baptizatus fuerit, saluus erit*. Ex quo tri-
plici genere praepceptorum, sola sacramen-
talia fuerunt à Christo proprie & simplici-
ter instituta: alia verò duo, aucta vel magis
explicata, atque etiam Christi auctoritate
confirmata, vi cuius nos obligant, non vi
Legis Moisaicae iam abrogatae. Attamen om-
nia praepcepta moralia erant ante Euange-
lium. Antiqui etiam credebant implicite
quaeunque in lege Euangelica explicite
creduntur. Notat praeterea Suarez disp. 47.
sect. 2. potestatem legislatiuam Christi
fuisse cum singulari excellentia nulli al-
teri concessa. Primò, quia fuit diuina quo-
dammodo, ratione suppositi diuini. Vnde
ius ab ipso conditum vocatur diuinum sim-
pliciter. Secundò, propter excellentiam le-
gum & praepceptorum. Tertiò, quia per il-
lam potuit abrogare legem veterem. Quar-
tò, quia fuit amplissima in vniuersum mun-
dum, *Euangelizantes ergo docete omnes gentes, &c.* &
Data est mihi omnis potestas in caelo & in terra.
Quintò denique, quia potuit hanc potesta-
tem vicario suo impertiri, licet non aequa-
lem communicauerit.

Tertiò, Iudex vocatur Actor. 11. vers. 42.
*Ipse est qui constitutus est à Deo iudex viuorum
& mortuorum*: Et Ioan. 5. *Potestatem dedit ei
iudicium facere, quoniam filius hominis est*. Et
Matth. 25. vers. 31. *Cum venerit filius homi-
nis in maiestate sua, &c.* Vbi etiam forma ex-
tremi iudicii per Christum vt hominem exer-
cendi describitur. Nec obest quod dicitur
Ioan. 3. *Non misit Deus filium suum in mun-
dum, vt iudicet mundum, sed vt saluetur mun-
dus per ipsum*. Sensus enim est, Christum non ve-
nisse primo aduentu ad mundum condem-
nandum, sed ad salutis viam illi aperiendam,
& media suppeditanda. Porro sicut diximus
supra de sacerdotio, haec omnia officia fue-
runt in Christo cum singulari quadam ex-
cellentia, quae nulli purae creaturae commu-
nicata fuit: Quemadmodum fundamentum,
propter quod tanta cum excellentia fuerunt
ei concessa, fuit in Christo planè singulare,
nempe vnio hypostatica, cui erant veluti
connaturaliter debita.

Quartò, Caput Ecclesiae dicitur Ephes. 1.
vbi Paulus de Deo loquens sic ait: *Suscipiens
illum à mortuis, & constituens ad dexteram
suam in caelestibus supra omnem principatum, &
virtutem, & dominationem, & omne nomen
quod nominatur non solum in hoc saeculo, sed
etiam in futuro. Et omnia subiecit sub pedi-
bus eius: & ipsum dedit caput supra omnem eccle-
siam, quae est corpus ipsius & plenitudo eius,
qui omnia in omnibus adimpletur*. Et cap. 4.
eiusdem epistolae. *Veritatem facientes in cha-*

46.

Christus
Iudex.

47.

Christus
caput Ec-
clesiae ho-
minum &
Angelorum.

Becan.

354 Disput. XV. de Incarnat. Sect IV.

ritate, crescimus in illo per omnia, qui est caput, Christus, ex quo totum corpus compa-
ctum & connexum per omnem iunctionem sub-
ministrat, augmentum corporis facit. Item
Coloss. 1. Ipse est caput corporis Ecclesie, qui
est principium, primogenitus ex mortuis, ut
sit in omnibus primatum tenens. Quia in ipso
complectitur omnem plenitudinem i. habitare, &
per eum reconciliari omnia in ipso: pacificans
per sanguinem sui is eius, sine qua in terris,
sive que in celis sunt. Ratio quoque con-
venientissima in Pauli verbis includitur. Sci-
licet quia Christi dignitas ex vna parte po-
stulabat ut ipse omnibus praefereretur: &
propter ipsam, omnis sanctitas, & gratia, ac
gloria, tribueretur: & ex alia parte, ut omnia
sub vno, & ad vnum, vnirentur: quo modo
vniuersitas non dispersa, neque dissipata, sed
vnita & collecta, non tantum ad Deum, sed
etiam ad praestantissimum Dei opus, quod
est Christus, perfectionem & vnitatem ma-
iorem acciperet.

Si quis dicat Deum ipsum, sicuti est prin-
cipium omnis creaturae, & causa sanctitatis
omnis, ita potuisse esse caput hominum &
Angelorum. Respondeo non esse talem pro-
portionem inter Deum & creaturam, qualis
est inter Christum & creaturam: cum Chri-
stus ut homo sit factus & creatus: Vnde ma-
gis proprie quoad illud est caput creatura-
rum, tanquam habens maiorem cum illis si-
militudinem.

48. Porro Ecclesia, cuius Christus est caput,
comprehendit etiam Angelos, ut significat
Apostolus verbis relatis ex Ephes. & Coloss.
1. quae nos alibi in eundem finem expendi-
mus disp. 9. sect. 6. Ibidemque ostendimus
Christum non esse Caput Ecclesiae formaliter
per aliquid physicum sibi intrinsicum,
puta, per vniionem hypostaticam, aut per
gratiam & virtutes, quibus idoneus est ut sit
caput ad regendum & influendum vitam
spiritalem in membra: sed per Dei consti-
tutionem, qua ipsum dedit caput supra omnem
Ecclesiam, ut ait Paulus Ephes. 1. id est, ho-
mines & Angelos ei subiecit ut ab ipso pen-
derent, & non nisi per ipsius merita, gratiae
beneficia vitamque spiritalem participa-
rent. Quod est aliquid amplius quam esse
tantum Regem aut Dominum. Quamuis
enim Rex & Dominus sit caput suorum sub-
ditorum per praerminentiam, quam habet ad
mouendum illos & regendum: non tamen
est caput per influxum vitae naturalis, aut
supernaturalis in subditos. Vnde non est
idem penitus in Christo esse Regem aut Do-
minum, quod Christo conuenit respectu
omnium creaturarum: & esse caput ad in-
fluxum vitae spiritualis, quo pacto est Caput
Ecclesiae. Hoc enim plus includit: nempe ut
per influxum meritum Christi apta sint
membra participare vitam spiritalem: & ut
haec vita per ipsum deriuetur ad omnes qui
talis vitae sunt participes. Dominus vero &
Rex est caput ratione iuris quod habet re-
gendi & gubernandi, secundum quod pen-

dent ab illo subditi. Sic quoque 1. Corinth.
11. cum dicitur, Caput mulieris vir, non est
similis ratio capitis, sed consistens in iure &
dominio gubernandi.

Quintò denique Christus, secundum quod
homo, est perfectus mediator inter Deum
& homines, solusque principalis & perfec-
tus mediator: licet alij secundum quid me-
diatores inter Deum & homines dici possint.
Ita S. Thom. quaest. 26. art. 1. & 2. Ac pri-
mò quidem Christum esse mediatorem in-
ter Deum & homines patet ex 1. Timoth. 2.
Vnus Deus, vnus & mediator Dei & hominum,
homo Iesus Christus, qui dedit semetipsum re-
demptionem pro omnibus. Patet item ex dictis
de Christi Sacerdotio. Omnis enim Sacer-
dos est mediator inter Deum & homines;
licet non omnis mediator sit Sacerdos. De o-
bus autem modis praecipue Christus dicitur
mediator, ut notat Vasq. disp. 83. cap. 1. ini-
tio. Nimirum primo, quatenus eius persona-
litas, tanquam commune vinculum, con-
iunxit duas naturas, diuinam & humanam.
Quo sensu Basilus, Gregor. Nyssenus, Epi-
phan. Tertull. Hilari. Fulgent. & alij Patres
Christum frequenter vocant mediatorem.
Quamquam hac ratione non tam est pro-
prie mediator, quam medius, per participa-
tionem & coniunctionem vtriusque ex-
tremi: sicut homo est medius inter An-
gelos & res pure corporeas. Mediator
enim est nomen officij, non naturae.

Secundò, & magis proprie dicitur media-
tor ratione officij intercessoris inter Deum
& nos. Quod officium quadrupliciter Chri-
stus exercuit. Tot modis scilicet, quot solet
exerceri, ut notat Vatiq. loco citato. Pri-
mò enim mediator quis constitui solet per
modum iudicis arbitri, ad causas discernen-
das & iudicandas, litesque amice compo-
nendas. Secundò, Per modum proxenetae,
qui ab vna parte ad aliam pacis & conuen-
tiones deferat: quo sensu Moyses Deuteron.
5. ait: *Ego si quae sit & medius fui inter Do-*
minum & vos, in tempore illo, ut annuncia-
rem vobis verba eius. Et de eodem Paulus
ad Galat. 3. *Dedit est lex per Angelos in manu*
mea i. tui. Tertiò, Per modum deprecatoris,
interpellando apud vnum pro alio. Quar-
tò, Per modum satisfactoris, satisfaciendo
alteri pro eo qui debet. Christus autem hac
omnia praestitit. Nam primò, fuit arbiter à
Deo constitutus inter ipsum & nos, qui de
causis peccatorum nostrorum iudicaret, nos-
que ipsi amice reconciliaret: non pro merito
nos condemnando, sed poenam peccatorum
nostrorum in se suscipiendo, ut Deus nobis
parceret. Secundò, Dei voluntatem & pacis
nobis detulit. Quo sensu Malach. 3. vers. 1.
vocatur *Angelus*, id est, nuncius, *testamenti.*
Tertiò, Pro nobis orauit & interpellauit,
adhucque in caelis interpellat, ut dicitur
Hebræor. 7. Et denique quartò, Pro no-
bis Deo plenissime satisfecit, cum dedit se-
metipsum redemptionem pro omnibus 1. Ti-
moth. 2.

49.
Christus
Mediator
Dei & Ho-
minum.

Christus
quatuor
officia me-
diatoris
exercuit.

50. Est mediator secundum naturam humanam.

S. Thom.

Vnio rationis et hypostatica fuit necessaria ut esset tam perfectus mediator.

Cum autem duæ sint in Christo naturæ, diuina & humana: officium & actiones mediatoris exercuit secundum naturam humanam, ut rectè docet S. Thom. q. 26. a. 2. Illius enim est, & non diuinæ naturæ, discernere & componere causas inter Deum & nos, prænam nostrorum peccatorum in se suscipiendo. Illius item fuit Dei pacta & conuentiones ad nos deferre, tanquam vnus à se diuersi, ad alterum. Est enim de ratione mediæ & mediatoris, ut differat ab utroque extremorum. Christus autem secundum naturam diuinam non differt à Deo. Illius denique fuit, & non naturæ diuinæ, orare pro nobis, sacrificare, pati, mereri, nosque perfectè redimere ac pro peccatis hominum plenè satisfacere. Necessarium tamen fuit naturam illam esse vnitam hypostaticè: non tantum quia conueniens erat mediatorem participare naturam vtriusque extremorum: sed quia ita omnino oportebat ut ea munera cum tanta perfectione exerceret, traheretque ab hypostasi dignitatem moralem infinitam, sine qua non potuisset plenè Deo satisfacere, & cum tanta efficacitate orare, mereri, &c. Ab illa verò vnione accepit Christus excellentiam mediatoris quæ nulli alteri conuenit, nec potest ulli puræ creaturæ conuenire. Nulla enim potest ex perfecta iustitia pro peccatis hominum satisfacere, & cum tanta plenitudine mereri, aliaque munia mediatoris exercere. Nam Christus Dei filius naturalis, per se Deo gratissimus, & ad quiduis consequendum aptissimus, fuit maior quouis alio interuatore, qui inter Deum & homines esse posset. Fuitque mediator inter Deum, & vniuersum genus Angelorum & hominum. Quocirca fuit summus & generalis mediator, qualis nullus est alius. Eaque de causa Apost. 1. Timoth. 2. ait Christum esse vnum, id est, vnicum mediatorem, excellentem scilicet & perfectum, supremum & vniuersalem, vel ut vulgò dicitur, mediatorem redemptionis. Nisi porius sensus Pauli sit, vnum esse Deum, & vnum esse Iesum Christum, qui est mediator inter Deum & homines. Ita ut particula, *vnus*, referatur ad Christum: particula verò, *mediator*, sit tantum Christi epithetum: eodem modo ac si dixisset, vnus est Deus, vnus & Iesus Christus iustus vel sanctus. Qua de re plura sectione sequenti.

§ 1. Sunt præter Christum alii mediatores

Quocumque verò sensu Paulus intelligatur, non impedit quin alii possint esse mediatores secundum quid, & Christo inferiores, inter Deum & homines. Nam simili modo licet dicatur Matth. 5. *Vnus est magister vester Christus*: alios tamen ipse constituit in Ecclesia magistros, & Doctores, ut dicit Apost. Ephes. 3. & per se notum est. Licet item ipse solus sit lux prima & principalis, quæ illuminat omnem hominem, ut dicitur Ioan. 1. quo sensu asseritur de Ioanne Baptista ibidem, *Non erat ille lux*, & de quolibet Apostolo, alioque homine idem asseri potest: nihilominus tamen idem Christus Aposto-

los vocat lucem mundi Matth. 5. *Vos estis lux mundi*: nimirum quia à Christo acceperunt unde possent aliis hominibus lucere.

Atque ita Moyles fuit mediator inter Deum & homines, quando Iudæis legem à Deo per Angelos acceptam tradidit: sicque à Paulo vocatur cap. 3. ep. ad Galat. 19. Et cum pro populo intercessit ut Deus eum non deleret, fuit mediator intercessionis Exod. 32. Et Isaac Gen. 22: quando pro sua vxore sterili Rebecca intercessit ut conciperet. Et Iob c. 42. quando amicis veniam impetrauit. Quo etiam acto S. Angeli, & Beati cum Christo regnantes, & iusti hac in vita alii pro aliis orantes, iuxta consilium Iacobi Apostoli cap. 5. possunt dici mediatotes intercessionis. Neque vilius momenti sunt quæ in contrarium obijciunt Hæretici, ut ostendimus paulò post. Est autem differentia inter Christum, & alios mediatotes apud Deum, quod Christus per seipsum accedit ad Deum, & interpellat: alii verò per Christum, id est, per virtutem ab illo deriuatam. Qua etiam ratione, vltra alias supradictas, Christus est mediator excellens & supremus, id est, independens ab alio mediatore, & à quo pendent ceteri.

Et quamuis Apostolus 1. Timoth. 2. & Hebr. 9. loquens de Christo ut mediatore meminerit tantum redemptionis: certum tamen est: Christum fuisse mediatorem, non solum ut redemptorem, sed etiam ut sanctificatorem, & glorificatorem: non per passionem dumtaxat, sed & per orationes, aliaque merita & opera bona. Eaque ratione Christus fuit mediator etiam inter Angelos & Deum: & inter primos parentes & Deum, ante peccatum, cum nondum opus erat redemptione & passione. Neque tantum nos redemit à peccato post lapsum: sed insuper omnibus hominibus obtinuit omnia gratiarum dona, & adoptionem filiorum Dei, & sanctitatem, & gloriam, atque augmentum gratiarum sanctificantis, & gloriæ, quam vnquam consecuti sunt, siue tempore legis naturæ, siue Mosaicæ, siue Evangelicæ: Quæ omnia differunt à pura remissione peccati, suntque aliquid magis ad Deum accedens, nosque magis illi coniungens. Verum enim est quod ait Paulus Ephes. 1. *Benedixit nos Deus, in omni benedictione spiritali in cælestibus in Christo*. Scriptura tamen frequentius meminit redemptionis: quia illud fuit beneficium speciale hominum, quibus Scriptura loquitur: & quia continet liberationem à malo, cuius homines communiter maiorem sensum habent, quam adaptionis boni & quia magis commendat Christi humilitatem, obedientiam, & charitatem, quarum virtutum exemplo homines maximè indigent. Non desunt tamen Scripturæ loca, quibus Christi mediatio commendatur generalius in ordine ad gratiam & gloriam, etiam respectu Angelorum: ut in secunda disput. ostendimus. Cum autem Paulus Hebræor. 9. vers. 15. sic de Christo ait: *Ideo*

§ 2.

Christus non fuit mediator solum vti redemptor.

Inter-
tur spe-
tim media-
tor noui
Testamen-
ti, licet
fuerit etiam
veteris

noui Testamenti mediator est, ut morte intercedente in redemptionem eorum prauaricationum, quæ erant sub priori testamento, repromissionem accipiant qui vocati sunt æterna hereditas: explicat quidem vnum effectum & finem illustrem Christi ut mediatoris: sed non omnem: neque alios excludit. Causa verò cur specialiter eum vocet noui Testamenti mediatorem, tum ibi, tum cap. 8. & 12. eiusdem epistolæ, est quia Christus Testamentum nouum per seipsum immediate condidit & executus est. Ad eum tamen pertinuerunt etiam illi qui ante noui Testamenti celebrationem fuerunt sanctificati per merita Christi veniuri, quorum anticipatio quædam per fidem & expectationem fuit illis tributa. Atque eo sensu fuit Christus mediator etiam veteris Testamenti, & omnium hominum, atque Angelorum, in quocunque statu quo gratiam vel gloriam adepti sunt.

SECTIO V.

An præter Christum possint esse alii mediatore inter Deum & nos?

§ 3.
Prima ob-
iectio hæ-
reticorum,
ex Script.

Contra id quod supra diximus mediationem Christi excellentem, & principalem, non impedire quin inter Deum & nos possint esse alii mediatore, sentiunt Hæretici huius temporis, & obijciunt primò illud primæ Timoth. 2. vers. 5. *Vnus Deus, vnus & mediator Dei & hominum, homo Christus Iesus, qui dedit redemptionem semetipsum pro omnibus.* Vbi ponderant Paulum eodem modo dicere Christum esse vnum mediatorem, id est, vnicum, ad exclusionem omnium aliorum: quo dicit Deum esse vnum, id est, vnicum, ad exclusionem omnium aliorum Deorum: neque magis terminum, Mediator, admittere posse distinctionem vllam, quam terminum, Deus. Respondeo primò, sententiam illius loci hunc esse: vnus est Deus, & vnus Iesus Christus qui est mediator Dei & hominum. Ita vt particula, vnus, cadat in Christum, non in mediatorem: excludatque dumtaxat plures Christos, sicut excludit plures Deos, vt diximus sectione præcedenti. Secundò, dato quod volunt Nouatores, particulam, vnus, cadere in mediatorem, quod etiam volunt aliqui Patres & Scriptores Catholici, sed non est necessarium: Respondeo Paulum verbis sequentibus significare & determinare quo sensu velit Christum esse vnicum mediatorem: nempe redemptionis: subiicit enim immediate post: *Qui dedit redemptionem semetipsum pro omnibus.* Quare non excludit nisi plures mediatore redemptionis: neque contradicit ei quod dixerat ad Galat. 3. Moysen fuisse mediatorem inter Deum & populum Israël. Quin etiam immediate ante verba relata in obiectione, idem Apostolus vers. 1. & sequentibus capituli illius 2. epist. 1. ad Ti-

§ 4.
Diluitur.

moth. manifestè docet debere fideles esse pro aliis mediatore intercessionis apud Deum, orando pro illis, idque bonum & Deo gratum esse: sic enim ait: *Obsecro igitur vos primum omnium fieri orationes, orationes, postulationes, gratiarum actiones pro omnibus hominibus: pro Regibus, & omnibus qui in sublimitate sunt, ut quietam & tranquillam vitam agamus in omni pietate & castitate. Hoc enim bonum est, & acceptum coram saluatore nostro Deo. Et Coloss. 4. vers. 2. & 3. Orationi instate vigilantes in ea, in gratiarum actione: orantes simul & pro nobis, ut Deus nobis aperiat ostium, &c.* Quare sentius, quem Paulo affingunt Nouatores, est plenus contradictionis, & planè alienus à verbis & à mente Apostoli.

Obijciunt secundò illud Tertull. cap. 30. Apologet. *Hæc ab alio orare non possum, quam a quo me scio consecuturum. Quoniam ipse est qui solus præstat: & ego sum cui impetrare debetur, famulus eius, qui eum solum obsecro, qui propter eius disciplinam occido, qui ei offero optimam & maiorem hostiam.* Respondeo primò, locum illum à Nouatoribus corruptè refertur. Nam verba illa, *qui eum solum obsecro*, non leguntur in vllis exemplaribus antiquis aut recentibus, nequidem per Typographos hæreticos excusis: sed vbique habetur, *Qui eum solum obsecro.* Secundò, dico Tertull. per illa verba, *Hæc ab alio orare non possum, &c.* & per illa, *Qui eum solum obsecro*, data & non concessa lectione Hæreticorum: loquitur de illo quem ipse oraret & obsecraret vt authorem bonorum quæ postulabat: qui est solus & verus Deus, quique solus vt talis orandus est. Loquitur enim eo loco Tertull. contra Gentiles petentes à Diis suis salutem Imperatorum totiusque reipublicæ, quam præstare non poterant, quamque solus verus Deus, vt author omnium bonorum, præstare potest propria potestate & auctoritate: eo scilicet modo: quo Gentiles putabant Deos suos eam præstare posse.

Obijciunt tertio illud Origenis lib. 8. contra Celsum: *Solus Deus super omnia inuocandus est, & eius vnigenitus: & Ambros. in oratione de obitu Theodosii post medium, Sed tamen tu solus Domine inuocandus es, tu rogandus.* Respondeo primo, Origenem eodem libro disertè affirmare *infinis millia sanctorum Angelorum pro nostro genere humano intercedere.* Secundo, Origenem loqui de inuocatione facta alicui, vt Deo: iuxta mentem Celsi, quem refutat, contendentis orandum & sacrificandum esse Dæmonibus, vt Deo. Quemadmodum patet ex iis quæ dicit Origenes, præcipue paulò post initium libri citati, iterumque versus finem. Tertio, locum Ambrosii malitiosè truncari. Sic enim habet integrè: *Sed tamen tu solus Domine inuocandus es, tu rogandus vt eum in Filiis representes. Tu Domine custodiens etiam paruulos in hac humilitate, filios facito sperantes in te. Da requiem perfectam seruo tuo Theodosio, requiem quam præparasti sanctis tuis.* Ex quibus

§ 4.
1. Obiectio
ex Tertull.

§ 5.
3. Obiectio
ex Origenis
& Ambrosio.

verbis patet, quod sensu dixerit Ambr. Deum solum inuocandum esse & rogandum. Nempe tanquam eum cuius sit Theodosium in filiis representare, & æternam illi beatitudinem impertiri. Quod nos fateamur ad Deum solum pertinere. Aliorum enim non est hoc dare, sed impetrare à Deo largitore.

56. Obiectio ex D. August. Obiiciunt quartò, illud August. lib. de quantitate animæ, c. 34. *Deus solus ei (animæ) colendus est, qui solus eius est author. Homo autem quilibet alius, quanquam sapientissimus & perfectissimus, vel prorsus qualibet anima rationis compos, atque beatissima, amanda tantummodo & imitanda est, eique pro merito atque ordine, quod ei congruit, deferendum. Nam Dominum Deum tantum adorabis, & illi soli seruias.* Et tractat. 21. in Ioan. Christus excludit omnes alios mediatores, cum iuxta mentem August. dicit, *Non habes quod das, nisi ad me: non potes ire, nisi per me.* Et lib. 2. contra epist. Parmeniani cap. 8. *Homines omnes Christiani inuicem se commendant orationibus suis. Pro quo autem nullus interpellat, sed ipse pro omnibus, hic unus verusque mediator est.* Et paulò post: *Nam si esset mediator Paulus, essent etique & ceteri eo possibiles eius, ac se multi mediatores essent: nec ipsi Paulo constaret ratio, quã dixerat: Unus enim Deus, unus & mediator Dei & hominum homo Christus Iesus.* Vbi notant Hæretici Augustinum loqui de mediatore intercessionis, & non redemptionis: Quia disputat contra Parmenianum, qui dicebat Episcopum esse mediatorem inter Deum & homines.

57. Ad primum respondeo D. August. ibi tantum asserere nullum alium esse animæ colendum ut Deum, & ut superiorem seipsa: quod pro uno & eodem sumit ibidem Augustinus. Putat enim eo loco, quem alibi correxit, ne Angelos quidem esse superiores animæ, Deoque propinquiore: ut patet ex initio cap. cit. ubi sic habet: *Quemadmodum fatendum est animam humanam non esse quod Deus est: ita præsumendum nihil inter omnia quæ creauit, Deo esse propinquius.* Et paulò post: *Hic ergo solus Deus animæ colendus est, neque discere neque confusi.* Quidquid enim anima colit ut Deum, necesse est ut melius esse quàm seipsam putet. Cum autem ait verbis in obiectione relatis, *Qualibet anima rationis compos, atque beatissima, amanda tantummodo & imitanda est, eique pro merito atque ordine, quod ei congruit, deferendum: non excludit mediationem intercessionis, quæ satis includitur in postremis illis verbis, Quod ei congruit, &c.* Alioqui fideles hac in vita non possent alii alios orare ut pro se intercedant: Quod est contra Scripturam, & ipsius Dei consilium aut præceptum, Iob 42. vers. 8. & contra Pauli exhortationem, & exemplum, ad Ephes. 6. vers. 18. & 19. & Coloss. 4. vers. 2. & 3.

Ad secundum respondeo, cum omnes alii mediatores inter nos & Deum sint Christo subordinati, eiusque meritis nitatur eorum intercessio: nos per illos non aliò quàm ad Christum ire, & per Christum ad Deum: nec nisi per illum, id est, non sine vi & influxu

meritorum ipsius, ire posse quò tendimus, nempe ad æternam beatitudinem.

Ad tertium dico Augustinum, eo capite negare Episcopos esse mediatores, eo sensu, quo Parmenianus & alique Donatistæ asserabant suos Episcopos esse mediatores: nempe nullis peccatis obnoxios: quoniam alioquin (ut ipsi existimabant) non possent à Deo exaudiri, iuxta illud Ioan. 9. vers. 31. *Deus peccatores non audit: & non indigentes ut ullus alius pro eis intercedat: cum ipsorum sit pro ceteris omnibus intercedere.* In quo Episcopos suos Christo similes esse volebant, qui est omnis peccati expertus, & ita pro nobis est mediator intercessionis apud Deum, ut pro ipso nullus interpellat, sed ipsi pro omnibus: Hoc ita esse patet ex his quæ dicit August. cap. 7. lib. 2. contra epist. Parmeniani. Omitto dicere, inquit, *quam sceleratâ superbâ dicant neminem esse inter collegas suos vel seipsos, cum aliqua mala & vitio, non membrorum, sed quoniam peius est morum.* Et paulò post: *Nullamne maculam habuit & vitium non dicitur, sed ipse Parmenianus, aut ipse Donatus? Sed tanto isti amore hominum cæci sunt, ut corde impuili a ceteris mentis suæ, uni legitimo viro coequare non dubitent. Ut quod de solo Domino Iesu Christo dicitur, etiam in Donato perfectum esse contendant.* Et cap. 105. eiusdem libri, *Ita vos miseris plebibus veniatis, commemorantes ex Propheta, Si peccauit populus, orabit pro eo sacerdos. Si autem sacerdos peccauerit, quis orabit pro eo? ut vos sine peccato esse credant, & peccata sua vestris orationibus purganda committant. Magni homines vos, excelsi, celestes, ciuili, non iam homines, sed Angeli, qui pro plebibus oratis, & pro vobis plebes orare non vultis.* Et cap. ipso octauo in obiectione citato respondens illi Scripturæ loco, *Si peccauerit populus, &c.* 1. Reg. 2. vers. 25. & alteri, quo Donatistæ simul abutebantur, *Deus peccatores non audit,* Ioan. 9. vers. 31. opponit illis hæc verba primæ Ioan. 2. *Fratres hæc scribo vobis ut non peccetis. Et si quis peccauerit, aduocatum habemus apud Patrem Iesum Christum iustum, & ipse est propitiatio pro peccatis nostris.* Quem locum sic expendit Augustinus: *Hoc quàm verum & pia humilitate dictum sit auctor Donatistæ, si habent aures unde audiant. Ioannes enim dicit: Hoc scribo vobis ut non peccetis. Si itaque sequeretur & diceret: Et si quis peccauerit, aduocatum habetis apud Patrem, Iesum Christum iustum, & ipse est propitiatio pro peccatis vestris: seipsum à peccantibus quasi segregasse videretur, ut iam non ei opus esset propitiatione quæ sit per mediatorem scientem ad dexteram Patris, interpellantem pro nobis: Quod utique non solum superbi, sed etiam, si scilicet diceret. Si verò ita diceret: Hæc scripsi vobis ut non peccetis: & si quis peccauerit, mediatorem me habetis apud Patrem, & ego exoro pro peccatis vestris: sicut Parmenianus quodam loco mediatorem posuit Episcopum inter populum & Deum (nempe in sensu explicato cap. 7. & cap. 105.) Quis enim ferret honorum & dignitatem Christianorum? Quis scilicet Apostolum Christi, &*

58. Exponitur locus difficultatis D. Augustini.

non sicut Anti christum intueretur? Tum in eundem sensum subiicit verba in obiectione relata: *Homines enim omnes Christiani inuicem se comen- ant orationibus suis. Pro quo autem nullus interpellat, sed ipse pro omnibus, hic unus ve usque mediator est, &c.* Videri potest Iauertus de Barrault parte 2. Chypei cap. 2. ubi hæc omnia fusiùs & diligenter prosequitur. Itaque August. contendit tantum vnum & solum Christum esse talem mediatorem intercessionis: vt ipse pro omnibus interce-

dat, & nullius intercessione indigeat, ac neque vnquam indiguerit. In quo differt à sanctis & beatis Angelis vel hominibus, qui non sine Christi interuentu beatitudinem adepti sunt, eiusque & aliorum intercessione indiguerunt, cum essent in statu viæ seu tendentiæ ad beatitudinem, vt probat ibid. August. exemplo Pauli Apost. Coloss. 4. veri. 3. Eodemque sensu negat Paulum cæterosque Apostolos fuisse mediatores, verbis vltimis in obiectione relatis.

DISPUTATIO DECIMA-SEXTA.

De Adoratione Christi.

- Sectio I. *Pramittuntur quedam de adoratione in communi.*
 Sectio II. *Quotuplex sit adoratio?*
 Sectio III. *An & quomodo Christus, eiusque humanitas possit adorari?*
 Sectio IV. *Confirmatur amplius doctrina proxime proposita, & respondetur argumentis contrariis.*
 Sectio V. *An & quo cultu Beata virgo Christi Mater, & Sancti sint adorandi?*
 Sectio VI. *De adoratione Crucis, Reliquiarum, & imaginum, tum Christi, tum Sanctorum.*
 Sectio VII. *Refutatur contraria sententia.*
 Sectio VIII. *Soluntur aliqua dubia circa venerationem imaginum & reliquiarum.*



DE adoratione Christi disputat S. Thomas tota quæst. 25. & art. 1. docet vnã esse Christi adorationem, & vnum honorem, ex parte eius qui adoratur; quia in Christo est vnica persona, & vnica hypostasis, vnumque suppositum: sed ex parte causæ quâ honoratur, posse dici esse plures adorationes: vt scilicet alio honore colatur propter sapientiam increatam, & alio propter sapientiam creatam. 2. Vnam eandemque personam Christi adorari adoratione patriæ, propter suam diuinitatem; & adoratione dulciæ, propter creatas perfectiones humanitatis. 3. Cum Christus adoretur adoratione patriæ; consequenter eius imaginem eodem cultu adorandam esse. Nam imagini exhibetur solum reuerentia in quantum est imago. Quia reuerentia non nisi rationali naturæ debetur. Vnde motus reuerentiæ, qui est in imaginem in quantum est imago, est vnus & idem cum illo qui est in prototypum. 4. Christi Domini crucem, in qua crucifixus est, patriæ cultu adorandam esse, tum propter Christi re-

præsentationem; tum etiam propter membrorum eius contactum. Crucis vero illius effigiem in alia quavis materia, priori tantum ratione, patriæ cultu adorandam esse. Ratio est, quia honos seu reuerentia non debetur nisi naturæ rationali per se: Creaturæ autem insensibili non debetur nisi ratione naturæ rationalis. Idque dupliciter: nimirum vel in quantum eam repræsentat, vel in quantum ei quocumque modo coniungitur. Priori modo consueverunt homines venerari regis imaginem: posteriori eius vestimentum. Vtrumque autem venerantur eadem veneratione, quâ venerantur regem. 5. Beatam Virginem non esse adorandam cultu patriæ cum sit pura creatura; sed cultu Hyperdulia, propter eius eminentiam supra cæteras creaturas, in quantum ipsa est mater Dei. 6. Denique cum sanctos in veneratione habere debeamus, eorum quoque corpora & reliquias venerari nos oportere: quia ut rectè sanctus August. lib. 1. de ciuit. cap. 1. Si paterna vestis & annulus ac si quid est huiusmodi tantò carius est posteris, quantò eiga parentes est maior affectus: nullo modo ipsa spernenda sunt corpora, quæ utique multò familiariùs atque coniunctiùs, quàm quælibet indumenta gestamus, hæc enim ad ipsam naturam hominis pertinent: Itaque qui habet affectum ad aliquem; etiam ea, quæ de ipso restant post mortem, veneratur, non solum corpus aut partes corporis, sed etiam aliqua exteriora, ut vestes, &c. Cum igitur sanctos Dei venerari debeamus tanquam membra Christi, Dei filios & amicos, & nostros intercessores: debemus pariter eorum reliquias honore congruo prosequi; & præcipuè eorum corpora, quæ fuerunt templa & organa Spiritus sancti in eis habitantis & operantis, quæque sunt corpori Christi configuranda per gloriosam resurrectionem. Vnde & ipse Deus huiusmodi reliquias conuenienter honorat, miracula operando in earum præsentia. Huc vsque D. Thomas.

SECTION I.

Præmittuntur aliquæ de adoratione in communi.

1.
Quid sit
adoratio?



ADORATIO in communi definiri potest, Actus reuerentiæ quo quis alterum tanquam sibi præcellentem honorat, propter eius excellentiam: illum ut talem agnoscendo, eique se voluntariè submittendo, & submissionem suam signo aliquo idoneo ipsi exhibendo. Quæ definitio sumitur ex D. Thom. 2. 2. quæst. 84. art. 1. & 2. Nam art. 1. in corp. dicit adorationem ordinari in reuerentiam eius qui adoratur. Et in solutione primi respondet Deum debere adorari; & nihilominus posse etiam adorari creaturas aliquo modo Deo inferiori: quia Deo debetur reuerentia propter eius excellentiam, quæ aliquibus creaturis communicatur, non secundum æqualitatem, sed secundum quandam participationem. Deinde art. 2. in corp. affirmat

duplicem ab hominibus, qui anima, & corpore constant, offerri Deo adorationem. Vnam spirituales, quæ sistit in interiori mentis deuotione, illa scilicet, quâ noster affectus se Deo subiicit propter ipsius excellentiam, ut explicat in fine corporis; atque etiam talem affectum signo aliquo spiritali ei exhibet. Alteram corporalem, quæ consistit ultra affectum Internum supradictum, in exteriori corporis humilatione: puta, genuflexione, prostratione, & similibus talem affectum submissionis significare apti. Et quia, inquit, in omnibus actibus patriæ id quod est exterius refertur ad id, quod est interius, sicut ad principalius: ideo ipsa exterior adoratio fit propter interiorem. Ut videlicet per signa humilitatis, quæ corporaliter exhibemus, excitetur noster affectus ad subiiciendum se Deo: quia connaturale est nobis, ut per sensibilia ad intelligibilia procedamus. Postremò in solutione secundi addit, quòd sicut oratio primordialiter est quidem in mente, secundariò autem verbis exprimitur: ita etiam adoratio principaliter quidem in interiori Dei reuerentia consistit: Secundariò autem in quibusdam corpora;

libus humilitatis signis : sicut genu flectimus nostram infirmitatem designantes in comparatione ad Deum , prosternimus autem nos , quasi profitentes nos nihil esse ex nobis. Huc usque S. Thom. q. citata, ubi ex professo de adoratione disputat.

3.
Explicatur
debeat
adoratio
nis.

In hac definitione particula , *Actus reuerentie, quo quis alterum honorat* , ponitur loco generis : latius enim patet reuerentia, & honoratio , quam adoratio , ut dicemus paulo post : Et ut ait S. August. in lib. contra Sermonem Arianorum, *Honorat quidem omnis qui adorat : non autem adorat omnis qui honorat*. Reliquæ particulae simul sumptæ tenent locum differentia, restringuntque genus honorationis , & reuerentia ad specialem illam, quæ proprie dicitur adoratio.

Addidi autem in fine eiusdem definitionis, *Et submissionem suam aliquo signo illi exhibet* : quia, ut rectè notat August. Bernal disp. 68. de Incarn. sect. 1. num. 8. & 10. ad conceptum adorationis necessarium est, ut signum submissionis exhibeatur ab adorante, rei, quæ adoratur, illamque afficiat aliquo modo, & respiciat non solum tanquam obiectum, cui : verum etiam tanquam subiectum, seu causam recipientem, vel physice, sicut humilis deosculatio v. g. afficit Christi pedum imaginem, aut pedes summi Pontificis; vel saltem moraliter, sicut genuflexio, vel prostratio coram illis facta, ad nostram submissionem animi, & internam reuerentiam ipsius, vel aliis significandam. Alioquin enim, si quis v. g. genibus flexis cum summo Pontifice loqueretur de alio, tanquam sibi præcellente, & superiore, deque sua erga illum submissione : non propterea istum adoraret, sed laudaret dumtaxat : quamvis illius præcellentiam respectu sui, & suam erga illum submissionem animi significaret verbis humilibus iunctis tali corporis gestui, non ad ipsum, sed ad Pontificem directo.

3. Vnde collige 1. quo sensu intelligenda sit vulgata definitio adorationis sumptæ ex D. Damasc. Orat. 1. de Imag. pag. 5. ante medium : Adoratio est submissionis, & humiliationis nota. Et orat. 3. Est animi cedentis, submissi, atque humilis significatio.

Quomodo
differt ab
aliis acti-
bus reli-
giosis

Collige 2. adorationem differt ab honore, & laude : quia laus, & honor versantur etiam circa personas non præcellentes, sed æquales, aut inferiores. Nam Deus ipse honorat sanctos, & laudat. Secus autem adoratio : ideoque Deus neminem adorare potest, quia nullum habet excellentiorem, cui se submittat. Differt etiam à cultu, veneratione, & reuerentia : quia hæc latius patent, quam adoratio. Cultus enim comprehendit omnes actus religionis. Veneratio autem, & reuerentia, tametsi propriè & strictè sumptæ respiciunt superiorem, & præcellentem, in eoque cum adoratione conveniunt : tamen adoratio, ut dicam paulo post, maiorem quandam submissionis notam requirere mihi videtur, quam quæ ad simplicem reuerentiam, aut qualemcumque venerationem sufficeret.

Collige 3. quos actus includat, vel importet adoratio. Nimirum ex parte intellectus importat, velut actum sibi præuium, existimationem, aut apprehensionem excellentia alterius. Ex parte autem voluntatis, in qua formaliter consistit adoratio, quippe quæ virtus moralis est, includit affectum, & intentionem recognoscendi illam excellentiam per aliquam submissionem, cuiusque significationem exhibitam rei adorata. Et denique signum aliquod, seu notam talis submissionis quæ consummatur adoratio, voluntariè exhibitam actu aliquo interno, vel externo, spiritali, aut corporali. Potest enim hic actus esse multiplex. Nempe vel corporeus, ut genuflexiones, prostrationes, pectoris percussiones cum profunda corporis submissione, & similia : vel spiritalis, si nimirum ab aliqua potentia spiritali exerceatur aliquis actus qui procedat ex affectu adorandi, & sit aptus ad profitendam & indicandam submissionem animi, nostramque intentionem eam profitendi. Cuiusmodi possunt esse aliqui actus, intellectus & voluntatis, atque etiam potentia motus spiritalis. Ut v. gr. si ex affectu colendi Deum applicetur intellectus ad recognoscendam & protestandam diuinam excellentiam, asserendo se recognoscere Deum ut supremum omnium Dominum, atque hanc ipsam recognitionem illi exhibendo & offerendo in cultum & adorationem. Item si applicetur ad cogitandum de Dei Maiestate, & simul de propria vilitate : quod ex se nihil sit, quod in omnibus bonis à Deo pendeat, quod peccare possit & in nihilum redigi : applicetur, inquam, ad id firma asseueratione significandum & protestandum. Hæc enim cogitatio & asserio, sicut animi submissionem erga Deum gignere & fouere potest : sic aptissimum est signum eiusdem submissionis, & intentionis eam significandi. Multoque magis anima genuflectit spiritualiter coram Deo per illam recognitionem & protestationem mentalem, ad hunc finem ordinatam ex affectu colendi Deum, ipsique Deo exhibitam : quam corporaliter genuflectat per poplitis inflexionem & demissionem usque ad terram. Item sicut per internam & mentalem locutionem possumus ipsis conceptibus intellectus significare Deo desiderium, quod habemus in voluntate, aliquid ab ipso obtinendi, & intentionem id illi significandi, ut sit in oratione mentali : sic per mentalem locutionem, seu per conceptus possumus illi exprimere submissionem quæ est in voluntate, & intentionem nostram eam exprimendi, quæ multo melius significatur per tales conceptus, quam per signa corporea. Sunt enim conceptus signa naturalia, & viuz expressiones earum rerum, quarum sunt notæ. Neque propterea non differt adoratio à laude. Laus enim non tendit directè ad significandam submissionem animi, ut facit adoratio : sed ad excellentiam laudari prædicandam : vnde laudamus interdum etiam eos qui non sunt nobis

Signa in-
terius ado-
rationis
posse esse
multiplex

nobis excellentiores, quibusve nos propterea non submitimus. Possunt tamen ambæ in eundem actum coincidere, & frequenter coincidunt.

Similiter voluntas ex affectu submittendi se Deo, potest in signum illius affectus & submissio: is imperare sibi actum quo coram Deo illam approbet, atque intentionem se Deo submittendi, gaudeatque de tali submissione & intentione, ac Dei maiestatem præ sua vilitate admiretur, id est, veneretur, & quasi obstupecat: vel actum timoris reuerentialis, quo à Deo quodammodo se retrahat, & intra suam vilitatem se colligat, reformidetque ad tantam maiestatem accedere, vel eam contemplari. Hi enim actus voluntatis, & similes, sunt valde apti naturæ suæ ad protestandum affectum primum submissio, à quo procedunt, & intentionem significandi talem submissio.

Denique etiam per potentiam motiuam spiritalem possunt Angeli v. g. sine corpore assumpto demittere se coram Deo per motum localem sursum deorsum, in signum venerationis: ad eum modum quo nos caput demittimus, corpus inclinamus, genufleximus, aut prosternimur. Sic cum ad Christum in præsepi iacentem descenderunt Angeli; potuit ille motus descensus, & mansio in loco illo vili & inferiori, assumi ab Angelis in signum adorationis Christi, quem hoc actu, & aliis interitis adorauerunt, iuxta illud Hebræorum. 1. *Et cum iterum introierit per unigenitum in orbem terræ, ait: Et adorabit eum omnes Angeli eius.* Vide Guar. tom. 1. de Relig. tract. 2. lib. 1. c. 1. ubi in his omnibus fere nobiscum sentit.

Contrarium docet Vasquez disput. 93. ubi contendit internam submissio voluntatis non esse propriè adorationem: neque ullam esse adorationem propriè dictam, nisi eam quæ consummatur per actus externos, & corporales, ut per genuflexionem, & similes: sicut temperantia propriè non est, nisi quæ consummatur in actu externo moderati vltus cibi, & potus, & voluptatum: aliaque id genus, quorum affectus est quidem in voluntate; species verò propria non est sine actu externo & corporeo, quo affectus ille mandatur executioni, ut homicidium, adulterium, & similia.

Primum argumentum Vazq. cap. 3. num. 37. est, quia si esset aliquis actus adorationis interius consummatus, adoratio non esset potius constituenda inter actus exteriores religionis, quàm inter interiores: sicut ob eandem rationem D. Thom. 2. 2. quæst. 82. initio, non ponit orationem inter actus exteriores religionis, sed inter interiores, eo quòd non solum habeat exteriorem operationem, sed etiam internam quæ interius consummatur. Atqui adoratio constituitur inter actus religionis exteriores, ut patet ex D. Thom. 2. 2. q. 84. inir.

Respondet D. Thom. eadem quæst. 84. a. 2. in corp. aperte docere, duplicem esse

adorationem. Vnam spiritalem, quæ consistit in interiori mentis deuotione, de qua generatim disputauit quæst. 82. Alteram corporalem, de qua differit quæst. 84. Et in solutione 2. argumenti comparat illam adorationem spiritalem cum mentali oratione, aitque illam esse adorationem primariam. Item quæst. 103. eiusdem partis, art. 1. dicit, honorem relatum ad Deum non postulare actum exteriorem, sed in solo interiori reperiri, cum tamen honor erga homines postulet. Sicut autem honor erga Deum non postulat simpliciter actum exteriorem: ita nec animi submissio illi exhibita & significata.

Secundum arg. Actus ille interior adorationis, qui intus confirmatur, siue dicatur reuerentiæ, siue adorationis circa Dei excellentiam, cum sit actus voluntatis, nihil aliud esse potest quàm complacentia aliqua de diuina excellentia. Hic autem affectus nulla ratione ad virtutem religionis, sed ad varias alias virtutes pertinere potest. Quod ex eo confirmatur, quia opposita displicentia, vel odium, non esset peccatum sacrilegii contra virtutem religionis, sed contra charitatem, vel humilitatem. Respondeo primo, illam internam adorationem posse fieri multipliciter, & consummari per varios actus non modò voluntatis, sed etiam intellectus, & potentie executiue, ut paulò ante ostendimus. Secundo, eandem pertinere ad virtutem religionis, quia est specialis Dei cultus (si loquamur de eius adoratione) sique ex affectu colendi Deum, ob specialem honestatem in cultu illo consistentem, exhibendo illi tale testimonium ipsius excellentie, atque intentionis nostræ eam protestandi. Et similiter displicentia opposita esset contra virtutem religionis, si exerceretur ex affectu inhonorandi Deum, ut testimonium inhonoracionis & contumeliæ. Imò licet alio affectu formali exerceatur; induit nihilominus malitiam sacrilegii ut qui furatur propter luxuriam, induit nihilominus malitiam iniustitiæ: & qui ex odio Dei blasphematur, peccat non modò contra charitatem, sed & contra religionem.

Tertium arg. Si submissio illa animi nullo signo externo exhibita, esset adoratio, sequeretur quemlibet actum elicitum, seu affectum religionis, versari circa adorationem, quia versatur adæquatè circa cultum, id est, honorem cum submissione exhibitum. Consequens autem est absurdum. Nam adoratio est specialis actus religionis, qui debet à deuotione, oratione, laude, oblatione, sacrificio, voto, & iuramento distingui, sicut etiam distinguitur à D. Thom. enumerante & exponente religionis opera, 2. 2. q. 82. & seqq.

Respondeo primo, Virtutem religionis esse affectum non modò colendi Deum, sed etiam honorandi conuenienter, abstrahendo ab expressa submissione animi, de qua non semper cogitatur laudando, vouendo, iurando, &c. Secundo, Non esse necessarium illos actus à D. Thoma enumeratos ita distingui, ut alii

Quomodo
conueni-
t ratio
adoratio-
nis?

5.
Veram in-
terna sub-
missio sit
propriè
adoratio?

8. Thom.]

7.
Non om-
nis actus
religionis
est adora-
tio.

S. Thom.

in aliis non includantur. Nam sacrificium includitur in oblatione: siquidem omne sacrificium est oblatio: licet non omnis oblatio sit sacrificium. Et ex D. Thom. 2. 2. quæst. 84. a. 2. in Corp. adoratio interna deuotio quædam est. Tertiò, Alios esse actus adorationis præter illam internam submissionem animi, nempe illius signa & notas internas vel externas: secundum quos actus adoratio magis distinguitur ab aliis actibus religionis. Quartò, Non quamcunque submissionem internam, eiusque significationem esse propriè adorationem, sed profundam: Quemadmodum adoratio externa non est quicumque corporis gestus, aut reuerentia & nota honoris ac submissionis: sed profunda demissio, iuxta vim vocis hebraicæ *Hifstachaut*, quæ in Scripturis exprimitur adoratio: iuxtaque vulgatum loquendi, & sentiendi modum. Neque enim v. g. dicitur adorare ille, qui alium licet præcellentem capite sed à aperto salutat. Eoque putant aliqui pertinere illud Anastasii Episcopi Theopoleos citati in vii. Synodo Act. 4. *Quid enim aliud est, quàm honoris aliui exhibiti velu i emphasis Adoratio id est, honor, & submitio exhibita modo quodam excellenti.* Verùm vt bene aduertit Bernal. disp. 68. n. 4. Interpres parum fideliter hunc locum reddidit, in quo non aliud dicit Anastasius, nisi *quod iudicium i præcedens* Id est, *Honoris indicium seu manifestatio est adoratio.* Et vt paulò post ait Tharastius Anastasii sententiam referens, *honoris symbolum.*

8.

Quartum argumentum: Si adoratio posset interius consummari per aliquos actus internos, factos ex affectu Deum colendi, eique se submittendi, maximè per actus fidei, spei, & charitatis. Hoc autem dici nequit: alioqui per omnes alios virtutum actus internos, & externos, iustitiæ, fortitudinis, temperantiæ, &c. posset consummari adoratio. Et reddere ius, comedere temperatè, & similia, essent adorare: quod est absurdum. Probatur sequela: quia vel actus fidei, spei, & charitatis, sunt materia & obiectum affectus adorationis tanquam signa naturalia submissionis, vel tanquam signa ex instituto. Primum dici nequit, quia tales actus non significant naturaliter submissionem animi Deum colentis. Si secundum: Alii omnes actus virtutum possunt æquè assumi ex instituto & beneplacito, atque referri ad talem submissionem protestandam.

9.

Resp. 1. Si adoratio posset tantum consummari per actus externos & corporeos, vt vult Vasq. sequeretur Angelos non posse verè & propriè Deum adorare, quia non habent actus corporeos. At hoc non est verum. Scriptura enim frequentissimè & constantissimè affirmat Angelos Deum adorare. Quæ locutiones Scripturæ tam frequentes, debent in vero & proprio sensu accipi, quoad fieri potest. Imò Scripturam loqui de propria adoratione satis constat aliquibus locis, vt Psal. 96. vbi postquam dixit: *Confundantur omnes qui adorant seu prila, & qui gloriantur in simu-*

Angeli vere & propriè adorant Deum.

lactris suis: immediatè subiicit: *Adorate eum omnes Angeli eius.* Opponens adorationi Gentilium circa Idola, adorationem Angelorum circa Deum, propriam scilicet, æquè ac illam. Vnde D. August. in eund. locum: *Discent, inquit, Paganæ adorare Deum. Angelos volunt adorare: Angelos imitentur, & illum adorent, qui ab Angelis adoratur.* Neque dicas Angelos Deum adorare in corpore assumpto. Primò, quia etiam si corpus assumant, non exerceant in illo actus vitales corporeos. Secundo, dubitari nequit quin in republica Angelica, independente à corpore, alii alios honorent, eisque tanquam superioribus se submittant, illisque honorem & submissionem aliquo signo spiritali testentur: putà, mentis conceptibus, aut speciebus, vel motu locali spiritali: quæ non minus apta sunt ad animi submissionem significandam, & intentionem nostram eam significandi; quàm inflexiones & motus corporis. Ergo similiter possunt suam submissionem & reuerentiam erga Deum testari.

August.

Resp. 2. Ea quibus tanquam signis & notis submissionis completur adoratio, quæque sunt propria materia affectus adorandi, debere naturalem proportionem habere ad significandam directè & expressè submissionem animi, nostramque intentionem illam significandi: vel si hoc à natura non habent tanquam signa naturalia; debent habere ex publica institutione, facta cum autoritate. Quam proportionem aut institutionem non habent omnia virtutum opera: sed tantum illa quæ in sententiæ nostræ explicatione protulimus, & quæ sunt his similia. Est autem differentia inter materiam propriam alicuius virtutis, & inter ea quæ solum possunt ad eam pertinere per imperium vel directionem. Nam v. g. vltus moderatus cibi, potus & voluptatum, est materia propria affectus temperantiæ, quæ virtus per hos actus consummatur. At non oratio, vel elemosyna, quæ possunt tamen ad eam impetrandam ordinari, eoque sine imperari ab affectu temperantiæ: & omnes actus virtutum possunt à qualibet ad se referri: at non propterea sunt propriè ipsius actus, & materia siue obiectum proprium. Porro licet omnes actus religionis contineant aliquam submissionem animi, eamque naturaliter significant: itemque actus obedientiæ significant aliquam submissionem erga superiorem, cuius mandatis obtemperamus: non tamen expressè, & speciali intentione præcipua & primaria, eò tendunt vt significant nostram intentionem submittendi nos: quemadmodum facit adoratio. Sed laus v. g. directè ac præcipuè tendit ad prædicandam Dei excellentiam: oratio, ad impetrandum: votum, ad firmandam voluntatem in bono promisso: Iuramentum, ad assertionem confirmandam: obedientia, ad implenda mandata superioris: humilitas, ad nos continendos intra proprios terminos, ne plus quàm par est, extollamur respectu Dei, vel

19.

Non omnis actus virtutis est adoratio.

aliorum: charitas, ad amandum Deum ut in se bonum: spes ad eundem diligendum, ut bonum nostrum, & sic de aliis. Ex quibus facile est intelligere quomodo differat adoratio ab aliis virtutum actibus.

SECTIO II.

Quotplex sit adoratio?

11.
Adoratio
diuiditur
1. in inter-
nam & ex-
ternam.

EX dictis patet adorationem diuidi posse primò in internam, quæ sit actibus internis: & externam, quæ externis. Per internos intellige spirituales: per externos verò, omnes corporeos & materiales. Ita ut interna adoratio sit illa quæ sola mente fit. Externa verò, illa quæ quomodocumque exercetur per corpus. Hanc autem diuisionem præter D. Thom. 2. 2. quæst. 84. art. 2. verbis relatis initio sectionis præcedentis, tradit etiam disertè S. Damasc. lib. 4. de Fide cap. 13. initio, ubi sic ait: *Nam quia ex visibili sumus & inuisibili, hoc est, ex ea natura quæ intelligentia percipitur, & ex ea quæ in sensum cadit, constat; apti quoque adorationis genere illum rerum omnium parentem & architectum affimus: quænammodum videlicet, & mente, & corpore utriusque psauimus.*

2. In la-
triam, du-
liam, hy-
perduliam,
& obser-
uantiam
politicam.

Secundò, diuiditur ex parte obiecti, seu excellentiæ rei adoratæ, in latrîam, duliam, hyperduliam, & obseruantiam civilem seu politicam. Latrîa non tam ex vi vocis, quæ significat seruitutem, æquæ ac dulia; quàm ex usu & placito sanctorum Patrum, & Theologorum, significat singularem & excellentem adorationem, qua Deo propter summam eius excellentiam tribuitur. Dulia similiter ex usu & accommodatione Patrum, & Theologorum, significat cultum religiosum inferiorem, siue adorationem quæ Sanctis exhibetur. Quod si illa sanctitas sit singulari quadam ratione excellens, cuiusmodi est sanctitas Dei Matris immaculatæ; adoratio illi respondens vocatur hyperdulia: si denique submissio & adoratio tribuitur alicui, non ut sancto & Dei amico, aut personæ sacræ; sed ut sapienti, potenti, superiori, &c. Talis adoratio est civilis & politica obseruantia, quæ frequenter in Scripturis adoratio appellatur Gen. 23. 33. 42. 43. 49. 50. aliisque locis, ubi dicitur Abraham adorasse filios Heth; & Iacob, fratrem suum Etai; & filios Iacob adorasse fratrem suum Ioseph, & Bethlabæ adorasse Dauidem. Hæc tamen adoratio non pertinet ad virtutem religionis, sed ad civilem obseruantiam.

12.
In quo
consistat
hæc differ-
entia ado-
rationum.

Porro hæc differentia adorationum non est in solis actibus & signis externis & corporeis, quæ fere omnia (exceptis nempe perpaucis, cultum supremum significantibus, quod tamen non habent ex natura sua, sed solum ex instituto, ut verba quædam latræ propria, & sacrificia) sunt de se indifferen-

tia ad cultum supremum; vel ad inferiorem; & ad sacrum, vel ad civilem; possuntque licite hominibus tribui, ut genuflexiones, incuruationes corporis, prostrationes &c. sicut patet ex Gen. 43. v. 26. & cap. 50. v. 18. aliisque locis. Sacrificia verò licet hominibus offerri non possint: ex instituto tamè est quod actus ille externus restringatur ad significandum Deum esse authorem rerum omnium. Alioquin enim mactatio animalium, liquorum effusio, thuris incensum, & similia possent ad alium finem referri. Ab interno igitur affectu & estimatione atque intentione pendet qua specie honoris & cultus deferantur hæc signa. Sique per illa intendit quis se alteri submittere ut Deo, latrîa est: si ut sancto, dulia: si ut viro sapienti, potenti, dominanti &c. obseruantia politica.

Circa hanc diuisionem quæri solet an conceptus adorationis ab illis omnibus abstractus sit vniuocus? siue, an omnes illæ adorationes conueniant vniuocè sub nomine adorationis? Resp. affirmatiuè: conueniunt enim in communi ratione cultus excellentiæ alienæ, confusè concepta, abstrahendo à variis differentiis huiusmodi excellentiarum, & variis modis eam colendi. Quare non habent tantum commune nomen adorationis: sed & rationem nomine significatam, id est, conceptum formalem vniuocum, & conceptum obiectiuum ei respondentem. Nec obest quod opponit Vasq. contrarium sentiens disp. 28. num. 18. & seq. inde sequi eandem virtutem contineri sub duplici genere proximo & disparato. Respondeo enim nihil in eo esse absurdum, facta diuersimodè generum & specierum distributione ac serie; quæ ad placitum facta est, & variè adhuc fieri potest, secundum varias rerum considerationes & comparationes ad inuicem. Qua de re plura vide apud Delugo disp. 33. n. 8. & 9. Neque enim lubet in re leui & purè logica immorari.

Tertiò, diuiditur adoratio in absolutam, & respectiuam. Absoluta est illa; quæ aliquid adoratur propter se, seu propter intrinsecam excellentiam, quam habet in seipso. Respectiua est, quæ aliquid adoratur propter excellentiam alterius, ob habitudinem vel coniunctionem quam habet cum illo cuius est talis excellentia. Priori modo conuenienter adorantur ea solum quæ sunt perfectiora ipso adorante: quia nemo potest conuenienter se submittere rebus inferioribus propter seipsas: Posteriori verò modo possunt etiam res aliæ adorari. Possimus enim nos illis submittere non propter seipsas, sed propter excellentiam naturæ adorabilis, ad quam pertinet aliquo modo: seu propter coniunctionem vel habitudinem quam habent cum natura adorabili. Quod iterum potest dupliciter fieri: propriè scilicet, vel impropriè. Propriè adoratur id quod verè in seipso adoratur, licet adoretur propter aliud. Impropriè verò, id quod adoratur tantum loco alterius: ita ut licet signa externa adorationis ipsi exhibeantur, seu coram ipso fiant: affectus tamen internus & in-

13.
Conceptus
adorationis
sine illis
vniuocus?

Vasquez:

Delugo:

14.
3. Diuidi-
tur in abso-
lutam, &
respecti-
uam.

Dupliciter
potest ali-
quid ado-
rari, pro-
priè & im-
propriè.

S. Thom.

in aliis non includantur. Nam sacrificium includitur in oblatione: siquidem omne sacrificium est oblatio: licet non omnis oblatio sit sacrificium. Et ex D. Thom. 2. 2. quæst. 84. a. 2. in Corp. adoratio interna deuotio quædam est. Tertio, Alios esse actus adorationis præter illam internam submissionem animi, nempe illius signa & notas internas vel externas: secundum quos actus adoratio magis distinguitur ab aliis actibus religionis. Quarto, Non quamcunque submissionem internam, eiusque significationem esse propriam adorationem, sed profundam: Quemadmodum adoratio externa non est quicumque corporis gestus, aut reuerentia & nota honoris ac submissionis: sed profunda demissio, iuxta vim vocis hebraicæ *Hifstachauz*, quæ in Scripturis exprimitur adoratio: iuxtaque vulgatum loquendi, & sentiendi modum. Neque enim v. g. dicitur adorare ille, qui alium licet præcellentem capite solo aperto salutat. Eoque putant aliqui perinere illud Anastasii Episcopi Theopoleos citati in vii. Synodo Act. 4. *Quid enim aliud est, quam honoris aliui exhibiti velu i emphasis Adoratio?* id est, honor, & submitio exhibita modo quodam excellenti. Verum vt bene aduertit Bernal. disp. 68. n. 4. Interpretæ parum fideliter hunc locum reddidit, in quo non aliud dicit Anastasius, nisi *quod in præteritis i præteritis* Id est, *Honoris indicium seu manifestatio est adoratio.* Et vt paulò post ait Tharastius Anastasii sententiam referens, *honoris symbolum.*

8.

Quartum argumentum: Si adoratio posset interius consummari per aliquos actus internos, factos ex affectu Deum colendi, eique se submittendi, maximè per actus fidei, spei, & charitatis. Hoc autem dici nequit: alioqui per omnes alios virtutum actus internos, & externos, iustitiæ, fortitudinis, temperantiæ, &c. posset consummari adoratio. Et reddere ius, comedere temperatè, & similia, essent adorare: quod est absurdum. Probatür sequela: quia vel actus fidei, spei, & charitatis, sunt materia & obiectum affectus adorationis tanquam signa naturalia submissionis, vel tanquam signa ex instituto. Primum dici nequit, quia tales actus non significant naturaliter submissionem animi Deum colentis. Si secundum: Alii omnes actus virtutum possunt æquè assumi ex instituto & beneplacito, arque referri ad talem submissionem protestandam.

9.

Resp. 1. Si adoratio posset tantum consummari per actus externos & corporeos, vt vult Vsq. sequeretur Angelos non posse verè & propriè Deum adorare, quia non habent actus corporeos. At hoc non est verum. Scriptura enim frequentissime & constantissime affirmat Angelos Deum adorare. Quæ locutiones Scripturæ tam frequentes, debent in vero & proprio sensu accipi, quoad fieri potest. Imò Scripturam loqui de propria adoratione satis constat aliquibus locis, vt Psal. 96. vbi postquam dixit: *Confundantur omnes qui adorant seu primum, & qui gloriantur in sinu-*

Angeli verè & propriè adorant Deum.

lactris suis: immediatè subiicit: *Adorate eum omnes Angeli eius.* Opponens adorationi Gentilium circa Idola, adorationem Angelorum circa Deum, propriam scilicet, æquè ac illam. Vnde D. August. in eund. locum: *Disceant, inquit, Paganæ adorare Deum. Angelos volunt adorare: Angelos imitentur, & illum adorent, qui ab Angelis adoratur.* Neque dicas Angelos Deum adorare in corpore assumpto. Primum, quia etiam si corpus assumant, non exerceant in illo actus vitales corporales. Secundò, dubitari nequit quin in republica Angelica, independente à corpore, alii alios honorent, eisque tanquam superioribus se submittant, illumque honorem & submissionem aliquo signo spiritali testentur: puta, mentis conceptibus, aut speciebus, vel motu locali spiritali: quæ non minùs apta sunt ad animi submissionem significandam, & intentionem nostram eam significandi, quàm inflexiones & motus corporis. Ergo similiter possunt suam submissionem & reuerentiam erga Deum testari.

August.

Resp. 2. Ea quibus tanquam signis & notis submissionis completur adoratio, quæque sunt propria materia affectus adorandi, debere naturalem proportionem habere ad significandam directè & expressè submissionem animi, nostramque intentionem illam significandi: vel si hoc à natura non habent tanquam signa naturalia; debent habere ex publica institutione, facta cum autoritate. Quam proportionem aut institutionem non habent omnia virtutum opera: sed tantum illa quæ in sententiæ nostræ explicatione protulimus, & quæ sunt his similia. Est autem differentia inter materiam propriam alicuius virtutis, & inter ea quæ solum possunt ad eam pertinere per imperium vel directionem. Nam v. g. vilius moderatus cibi, potus & voluptatum, est materia propria affectus temperantiæ, quæ virtus per hos actus consummatur. At non oratio, vel eleemosyna, quæ possunt tamen ad eam impetrandam ordinari, eoque fine imperari ab affectu temperantiæ: & omnes actus virtutum possunt à qualibet ad se referri: at non propterea sunt propriè ipsius actus, & materia siue obiectum proprium. Porro licet omnes actus religionis contineant aliquam submissionem animi, eamque naturaliter significant: itemque actus obedientiæ significant aliquam submissionem erga superiorem, cuius mandatis obtemperamus: non tamen expressè, & speciali intentione præcipua & primaria, eò tendunt vt significant nostram intentionem submittendi nos: quemadmodum facit adoratio. Sed laus v. g. directè ac præcipuè tendit ad prædicandam Dei excellentiam: oratio, ad impetrandum: votum, ad firmandam voluntatem in bono promisso: Iuramentum, ad assertionem confirmandam: obedientia, ad implenda mandata superioris: humilitas, ad nos continendos intra proprios terminos, ne plus quàm par est, extollamur respectu Dei, vel

19.

Non omnis actus virtutis est adoratio.

aliorum: charitas, ad amandum Deum ut in se bonum: spes ad eundem diligendum, ut bonum nostrum, & sic de aliis. Ex quibus facile est intelligere quomodo differat adoratio ab aliis virtutum actibus.

SECTIO II.

Quotuplex sit adoratio?

11. Adoratio dividitur 1. in internam & externam.

EX dictis patet adorationem dividi posse primò in internam, quæ sit actibus internis: & externam, quæ externis. Per internos intellige spirituales: per externos verò, omnes corporeos & materiales. Ita ut interna adoratio sit illa quæ sola mente fit. Externa verò, illa quæ quomodocumque exercetur per corpus. Hanc autem divisionem præter D. Thom. 2. 2. quæst. 84. art. 2. verbis relatis initio sectionis præcedentis, tradit etiam disertè S. Damasc. lib. 4. de Fide cap. 13. initio, ubi sic ait: *Nam quia ex visibili sumus & invisibili, hoc est, ex ea natura quæ intelligentia percipitur, & ex ea quæ in sensum cadit, constat; cupit quoque adorationis genere illum rerum omnium parentem & architectum affigimus: quænammodum videlicet, & mente, & corpore actibus perficimus.*

2. In latram, dulam, hyperdulam, & oblationem politicam.

Secundò, dividitur ex parte obiecti, seu excellentiæ rei adoratæ, in latram, dulam, hyperdulam, & oblationem politicam. Latria non tan. ex vi vocis, quæ significat servitutem, æquæ ac dulia; quàm ex usu & placito sanctorum Patrum, & Theologorum, significat singularem & excellentem adorationem, qua Deo propter summam eius excellentiam tribuitur. Dulia similiter ex usu & accommodatione Patrum, & Theologorum, significat cultum religiosum inferiorem, siue adorationem quæ Sanctis exhibetur. Quod si illa sanctitas sit singulari quadam ratione excellens, cuiusmodi est sanctitas Dei Matris immaculatæ; adoratio illi respondens vocatur hyperdulia: si denique submissio & adoratio tribuitur alicui, non ut sancto & Dei amico, aut personæ sacre; sed ut sapienti, potenti, superiori, &c. Talis adoratio est civilis & politica observantia, quæ frequenter in Scripturis adoratio appellatur Gen. 23. 13. 42. 43. 49. 50. aliisque locis, ubi dicitur Abraham adorasse filios Heth; & Jacob, fratrem suum Etai; & filios Jacob adorasse fratrem suum Ioseph, & Bethsabee adorasse Davidem. Hæc tamen adoratio non pertinet ad virtutem religionis, sed ad civilem observantiam.

12. In quo consistat hæc differentia adorationum.

Porro hæc differentia adorationum non est in solis actibus & signis externis & corporeis, quæ fere omnia (exceptis nempe perpaucis, cultum supremum significantibus, quod tamen non habent ex natura sua, sed solùm ex instituto, ut verba quadam latriæ propria, & sacrificia) sunt de se indifferen-

tia ad cultum supremum, vel ad inferiorem; & ad sacrum, vel ad civilem; possuntque licet hominibus tribui, ut genuflexiones, incurvationes corporis, prostrationes &c. sicut patet ex Gen. 43. v. 26. & cap. 50. v. 18. aliisque locis. Sacrificia verò licet hominibus offerri non possint: ex instituto tamè est quoddam actus ille externus restringatur ad significandum Deum esse authorem rerum omnium. Alioqui enim mactatio animalium, liquorum effusio, thuris incensum, & similia possent ad alium finem referri. Ab interno igitur affectu & æstimatione atque intentione pendet qua specie honoris & cultus deferantur hæc signa. Sique per illa intendit quis se alteri submittere ut Deo, latria est: si ut sancto, dulia: si ut viro sapienti, potenti, dominantis &c. observantia politica.

Circa hanc divisionem quæri solet an conceptus adorationis ab illis omnibus abstractus sit univocus? siue, an omnes illæ adorationes conveniant univocè sub nomine adorationis? Resp. affirmativè: conveniunt enim in communi ratione cultus excellentiæ alienæ, confusè concepta, abstrahendo à variis differentiis huiusmodi excellentiarum, & variis modis eam colendi. Quare non habent tantum commune nomen adorationis: sed & rationem nomine significatam, id est, conceptum formalem uniformem, & conceptum obiectivum ei respondentem. Nec obest quod opponit Vasq. contrarium sentiens disp. 98. num. 18. & seq. inde sequi eandem virtutem contineri sub duplici genere proximo & disparato. Respondeo enim nihil in eo esse absurdum, facta diuersimodè generum & specierum distributione ac serie; quæ ad placitum facta est, & variè adhuc fieri potest, secundum varias rerum considerationes & comparationes ad invicem. Quæ de re plura vide apud Delugo disp. 33. n. 8. & 9. Neque enim lubet in re levi & purè logica immorari.

Tertiò, dividitur adoratio in absolutam, & respectivam. Absoluta est illa; quæ aliquid adoratur propter se, seu propter intrinsecam excellentiam, quam habet in seipso. Respectiva est, quæ aliquid adoratur propter excellentiam alterius, ob habitudinem vel conjunctionem quam habet cum illo cuius est talis excellentia. Priori modo convenienter adorantur ea solùm quæ sunt perfectiora ipso adorante: quia nemo potest convenienter se submittere rebus inferioribus propter seipsas: Posteriori verò modo possunt etiam res aliæ adorari. Possimus enim nos illis submittere non propter seipsas, sed propter excellentiam naturæ adorabilis, ad quam pertinet aliquo modo: seu propter conjunctionem vel habitudinem quam habent cum natura adorabili. Quod iterum potest dupliciter fieri: propriè scilicet, vel impropriè. Propriè adoratur id quod verè in seipso adoratur, licet adoraretur propter aliud. Impropriè verò, id quod adoratur tantum loco alterius: ita ut licet signa externa adorationis ipsi exhibeantur, seu coram ipso fiant: affectus tamen internus & in-

13. Conceptus adorationis siue illis univocus?

Vasquez?

Delugo?

14. 3. Dividitur in absolutam, & respectivam.

Dupliciter potest aliquid adorari, propriè & impropriè.

tentio honorandi, sit tota ad aliud quod in illo representatur. Exempli gratia, legatus Regis aliquando honoratur ut legatus, & tunc vocè ac propriè honoratur in seipso, licet propter Regem: Aliquando honoratur loco Regis, honore proprio Regibus. Et tunc ipse impropriè honoratur: propriè verò Rex in ipso honoratur.

15. Rursus dupliciter potest aliquid adorari vel honorari. Per se scilicet, vel per accidens. Per se honoratur, tum suppositum vel compositum, in quo est causa venerationis: Tum etiam ipsa causa venerationis. Suppositum vel compositum, ut quod: causa venerationis, ut quo. Per accidens verò honoratur id, quod est coniunctum accidentaliter rei quæ honoratur, neque est ipsa causa venerationis, sed tamen ad ipsam aliquo modo pertinet. Ut quando v. g. summus Pontifex honoratur, per se honoratur ille homo qui est summus Pontifex: materialiter quidem homo, formaliter verò ut Pontifex: Per accidens verò tharsa, purpura, & reliqua illi homini adiuncta per accidens, ad dignitatem illam aliquo modo pertinentia, excepta tamen Pontificia dignitate quæ honoratur per se ut quo. Dixi, adiuncta per accidens: notandum enim ex Suarez disput. 53. sect. 2. ea quæ sunt per se coniuncta rei quæ per se adoratur et quod, debere dici per se coadorari, & non tantum per accidens. Atque ita partes coadorantur per se cum toto: & Christi humanitas per se coadoratur cum Verbo, quia Verbo per se unita est, & Christo per se inest tanquam illius pars intrinseca & essentialis. Quare non tantum adoratur per accidens, ut purpura Regis cum ipso adoratur, quia per accidens ei coniuncta est. Licet interdum sancti Patres ut Epiphanius in Anchorato, & Augustin. sermone 58. de Verbis Domini in fine, utantur exemplo purpuræ regis, ad explicandum quomodo Christi humanitas coadoretur cum Verbo. Argumento scilicet sumpto à fortiori, ad probandum, quod si purpura, quia Regem induit, est cum ipso adoranda: multò magis humanitas, quæ non modò indurum est Verbum diuinum, sed est cum ipsa substantialiter coniunctum, & per se unitum in unitate suppositi. Dixi præterea, adiuncta per accidens aliquo modo pertinentia ad excellentiam, propter quam res honoratur: Quia si v. g. summus Pontifex peccator est; non honorantur peccata, cum ipse honoratur: quia ad illam dignitatem non pertinent, sed potius eam dedecent.

Suarez.

Epiphanius.
August.

16. Obiectum adorationis duplex: quod, & quo, seu propter quod. Notandum præterea, aliud interdum esse id cui exhibetur honor aut adoratio: & aliud, id ratione cuius ei exhibetur. Itemque aliud esse id cui formaliter exhibetur: & aliud, id cui materialiter. Nam formaliter exhibetur excellenti, siue ei quod formaliter constituitur per excellentiam: ut Regi, tanquam Regi: & Præsuli, tanquam Præsuli: non tanquam huic vel illi homini.

Quocirca prout ipsum excellens formaliter est diuerium; sic agnitio excellentiæ, cuiusque protestatio, & submissio illi exhibita, debet esse diuersa. Ideoque quoniam in vnum possunt conuenire multe dignitates, & multe excellentiæ diuersarum specierum; potest idem honorari diuersis honoribus, ratione excellentiarum diuersarum: & honor qui illi conuenit sub vna ratione excellentiæ, non conuenit sub alia. Sicut Rex qui simul est Dux aut Comes, non est honorabilis regia adoratione, spectatus solum ut Comes aut Dux: ut etiam rectè aduertit Suarez sect. cit.

Potest quibus esse multis titulis diuersimode adorari.

Nota denique, licet honor præcipuè tribuatur personis, seu suppositis intellectualibus, ut ait S. Thom. quæst. 25. a. 2. in corp. aliarum tamen rerum, etiam in actionibus consistentium, esse quandam venerationem, ut sacramentorum v. g. & sacrificiorum, itemque etiam rerum non intellectualium, ut imaginum, reliquiarum, & vestium aut valorum sacrorum. Quin etiam non est idem personas honorari per se, & esse id, quod per se formaliter honoratur. Etenim id quod per se formaliter honoratur, est ipsum excellens prout tale est: quod non semper est ipsa persona per se: sed interdum quidem habent supposita in seipsis intrinsecam excellentiam propter quam honorantur: & tunc sunt ea quæ per se formaliter honorantur, quia per se sunt excellentia: quo modo Christus est per se adorabilis, aut Deus ipse, ratione excellentiæ intrinsecæ & substantialis. Interdum verò habent excellentiam extrinsecè adiunctam, aut accidentariam: & ita se habent materialiter, honoranturque non formaliter ipsa, sed excellens illud formaliter, quod per talem excellentiam constituitur honorabile. Quo modo Rex honorat Sacerdotem ut Sacerdotem, quamvis alioqui minimè dignum ipsius honore, & veneratione, ob vilitatem personæ per se consideratæ: & imago fictilis honoratur, non ex parte materiæ, sed ex parte representationis. Confirmatur & declaratur ab opposito. Nam cum aliquis iuste inhonoratur, ut v. g. fur aut homicida: non inhonoratur persona per se, quæ naturaliter, ut est suppositum naturæ rationalis, habet excellentiam: sed inhonoratur ut prauus & malefactor. Propterea verò dicitur honor aut inhonoratio tribui supposito: quia suppositum est illud cui tribuitur, licet non sit illud cui formaliter exhibetur.

17. Honor non solum personis tribuitur, sed etiam rebus aliis.

Personæ non semper per se formaliter honorantur.

His de adoratione in communi præmissis, explicandum est primò, an & quomodo Christus, eiusque humanitas possit adorari? Secundò, an etiam Christi mater, & sancti? Tertiò, quo cultu crux & imago Christi, aliorumque sanctorum reliquiæ, & imagines, possint honorari? De quibus D. Thom. tot. quæst. 25. cuius doctrina sequentibus sectionibus fusiùs explicabitur.

S. Thom.

SECTIO III.

An, & quomodo Christus eiusque humanitas possit adorari?

18. **P**rima propositio: Christus ut Deus est adorandus adoratione latræ, per se propriè & formaliter, seu propter se. Patet, quia in Christo ut Deo est excellentia naturæ supremæ, cui per se propriè ac propter se debetur cultus supremus latræ, seu protestatio supremæ excellentiæ. Nec obest, quod Deus in Christo sit humana carne indutus. Neq; enim propterea desinit esse Deus, & honore diuino dignus. Sicut Rex retinet regiam dignitatem, licet vestibus vilioribus induatur.

19. **S**ecunda propositio: Christus ut Christus, & in quantum hic homo, constans humanitate & hypostasi Verbi, est adorandus suprema adoratione latræ: Ita ut eadem adoratione coadoratur ipsa eius humanitas: nec tantum Deus, sed etiam homo, ut homo specificatiuè, adoretur. Ita Suar. disp. 5. 3. lect. 2. conclus. prima: Vasq. disput. 9. 5. cap. 2. & alii communiter cum D. Thom. quæst. 2. 5. 1. & 2. Probatur prima pars, quia tale suppositum habet in seipso supremam excellentiam, quæ est causa supremæ venerationis, nempe ipsam diuinitatem inhabitantem corporaliter, & realiter identificatam hypostasi, propter quam identificationem ipsa hypostasis est digna cultu latræ. Christumque reddit ab intrinseco & propter se formaliter adorabilem, quia verè & realiter continet in seipso causam supremæ venerationis, nempe diuinam excellentiam. Secunda pars probatur, quia licet humanitas non sit suprema excellentia, nec ratio propter quam Christus est adorandus adoratione latræ: ideoque Christus ut homo duplicatiuè, id est, propter humanitatem ut sic, non sit dignus tali adoratione: neque humanitas propter se adoretur cultu illo supremo: Quia tamen est pars intrinseca eius totius, cui adoratio latræ exhibetur, & est per se vnita Verbo in vnitatem suppositi: coadoratur eadem adoratione cum toto & cum Verbo: eadem ratione qua corpus animæ vnitum, adoratur eadem adoratione dulæ, quâ ipsa anima Sancti alicuius, propter sanctitatem animæ inhaerentem: Vel potiùs sicut eadem adoratione quâ adorantur aliæ personæ, coadorantur partes quæ illas constituunt. Sic enim persona Christi constans ex diuinitate & natura humana, cum non sit minùs vna per se, quàm quilibet homo; adoratur vna adoratione, qua per se primò ipsa persona adoratur, concomitanter verò humanitas coadoratur.

20. **V**nde collige differentiam esse inter humanitatem, & inter Christum, in ordine ad adorationem. Nam humanitas non adoratur latræ propter se, sed tantum propter Verbum coadoratur in toto. Christus verò, qui est persona diuina, non debet dici coadorari, sed adorari ut homo Deus: quia verbum coadorandi, adiunctum personis, signi-

ficat distinctionem vnius ab alia. Neque adoratur propter aliud, sed propter se, quia verè in seipso continet causam supremæ adorationis, quæ est diuina excellentia. Quemadmodum tamen totus homo sanctus adoratur cultu dulæ propter sanctitatem animæ inhaerentem, velut causam formalem adorationis: sic totus Christus adoratur cultu latræ propter diuinitatem corporaliter in ipso habitantem. Et sicut eodem cultu dulæ, quo sanctus adoratur propter animæ sanctitatem, coadoratur corpus vnitum animæ, quamuis corpus non sit homo, nec tantam habeat excellentiam, quantam habet homo vel anima eius: sufficit enim vnio corporis cum anima, ut adoratio totius ab illo participetur: sic licet humanitas non sit Deus, nec excellentiæ diuinæ; potest tamen latræ coadorari propter vniionem cum Verbo diuino: quia, ut rectè Suar. affirmat loco supra citato, de ratione latræ solum est ut persona adorata sit verus Deus: non est autem necesse ut quidquid coadoratur, sit etiam Deus, sufficit enim si personæ Dei coniunctum sit. Quia licet hæc summa adoratio ad naturam assumptā aliquo modo pertineat, non tamen æquè principaliter, ac pertinet ad ipsam personam per se primò adoratam, & ad propriam & connaturalem eius naturam.

Confirmatur eadem veritas ex Conciliis generalibus, à quibus satis apertè definita fuit. Præcipuè ab Ephel. & Alexandr. in epist. ad Nestor. & in 8. anathematismo: & à V. Synodo generali collatione 8. can. 9. vbi de finitur sub anathemate, vna adoratione Deum Verbum incarnatum cum eius carne adorari debere. Fauet etiam Trid. sess. 13. c. 5. & can. 6. decernens, sacramentum Eucharistiæ latræ adoratione venerandum esse, ob præsentiam ipsius diuinitatis: Eademq; est doctrina sanctorum Patrum: Cyrilli l. 1. de Fide ad Reginas, aliquantò post initium vbi ait, in Christo non esse vnā naturā quæ adoratur, & aliam quæ non adoratur, sed vnā Verbi naturam incarnatā, adorabilem cum carne sua, vna adoratione. & Athanasii lib. de Incar. Christi, longè post initium, cuius hæc verba sunt: *Et quia increati corpus factum est, ideo eius corpus dicitur, cuius factum est. A proinde illi sacra offeris, adhibensque vestram adorationem: eaque de causa ritè legitimaque ratione adoratur, & diuina adoratione colitur.* Diuina, inquit, id est, suprema & Dei propria. Et Epiph. in Anchorato circa medium vbi affirmat Christi carnē cum Verbo coadorari, sicut cū Rege purpura coadoratur. Quod ex ipso repetit Dam. l. 3. de fide c. 8. & lib. 4. c. 3. & orat. 1. de Imaginibus sub initium, vbi constanter docet Christi carnem vna adoratione cū diuinitate esse colendam. Et Chrysost. hom. 5. in ep. ad Hebr. fere initio, *Reuerentia, inquit, magis & admirabile, & supere plenum est, carnem mox in se sumere & adorari ab Angelis.* Adhuc mirum illud vult Epiph. in Anchorato circa medium Parris, vbi dicit, *in seipso deum esse secundum humanitatem.*

111
Ephel.

Cyrr.

Athanas.

Epiphani.
Damasc.
Chrysost.

de Ascē. exponit, cum de Christi humanitate in celum ascendere sic ait, *Nec vltis sublimitatibus modum suae promotionis habitura, nisi aeterni Patris recepta confessione, illius gloria sociaretur in throno, cuius naturae copulabatur in Filio.* August. denique in illud Psalm. 98. *Adorate scabellum pedum eius*, per scabellum intelligens Christi humanitatem, ait, propter vnionem cum Verbo simul eadem adoratione esse venerandam. Quod idem docent Cassiodorus ibidem, & Ambros. lib. 3. de Spiritu sancto cap. 12. & plures alii sanctorum Patrum.

August.
Cassiodor.
Ambros.

22. Obiicies primò, Non sufficere vnionem cum Verbo ut humanitas eadem & æquali cum Deo adoratione colatur: sicut non sufficit eadem vnio, ut humanitas ametur æquali amore cum Deo, id est, super omnia. 2. Sacrificium non potest Christo ut homini offerri, sed tantum ut Deo. Ergo nec alii cultus latræ. Antecedens probatur ex August. lib. 10. de Cinit. cap. 20. ubi de Christo sic loquitur: *Cum in forma Dei sacrificium cum Patre sumat: tamen in forma serui sacrificium maluit esse, quam sumere. Ne uel hac oca, o equisquam existimaret cuilibet sacrificandum esse creaturæ.*

August.

Vnio hypostatica sufficit humanitati ut coadoretur cultu latræ, & coanetur super omnia.

Ad primum Respondeo, Non sufficere quidem vnionem cum Verbo ut humanitas absolute omnino & propter se adoretur cultu latræ, vel ametur super omnia: secus tamen ut coadoretur eadem adoratione quæ Deus, & coanetur super omnia propter diuinitatem sibi unitam, considerata ut pars totius per se constituti ex illa atque ex humanitate & hypostasi Verbi in unitatem suppositi diuini, adorabilis cultu latræ propter excellentiam diuinam sibi intrinsecam, & essentialem toti composito. Cum hac tamen differentia & inæqualitate tendendi actus interni adorationis, vel amoris: quod diuinitas adoratur & amatur super omnia propter se, qui modus excellentior est: Humanitas verò coadoratur & coanatur super omnia propter diuinitatem, ob vnionem substantialem cum illa. Nam propter se & simpliciter non est adorabilis tanto cultu, neque amabilis tanto amore: illum tamen participat, & eodem ac æquali honore atque amore gaudet per participationem, ob vnionem hypostaticam.

23. Ergo, inquires, Deus amat necessariò & essentialiter Christi humanitatem Verbo unitam: siquidem illam amat super omnia, & eodem amore quo ipsam diuinitatem, quam necessariò & essentialiter amat.

Humanitas Christi non amatur à Deo essentialiter & necessariò

Resp. Negando sequelam: nam humanitatem tantum coanatur per participationem, ex hypothesi quod sit physice unita diuinitati, & pars vnus suppositi cum illa: quæ hypothesi contingens est: unde amor in illa fundatus est contingens.

24. Possitne sacrificium offerri Christo ut homini

Ad secundum Respondeo, absolute loquendo sacrificium posse offerri Christo ut homini specificatiuè, æquè ac alios cultus latræ: Reipsa tamen sacrificium legis Euangelicæ non ipsi offerri, quia nullum in ea sacrificium

est aut fuit, præter sacrificium cruentum in cruce, & inuentum in Eucharistia. In primo Christus solus fuit offerens & sacerdos, quæ hominibus. Ergo non sibi obtulit ut homini, sed Deo. Sacrificium enim est actus sacrificantis, protestantis Deo suam submissionem, & summam eius excellentiam, ac dominium vitæ & necis. Christus autem ut homo solum, & non ut Deus, erat Deo subiectus. In secundo quoque Christus est semper principaliter offerens, sacerdotes verò Euangelici sunt tantum eius ministri, in ipsius persona sacrificantes, & loquentes, cum sacrificant, ut docent sancti Patres Ambros. lib. 4. de Sacram. cap. 4. & 5. Chrysost. hom. 83. in Marth. Concil. Florent. in decr. Eugenii 6. *Forma huius sacramenti*, & Trident. sessione 22. cap. 2. ubi sic ait: *Vna enim eademque est hostia, idem nunc offerens sacerdotum ministerio, qui seipsum tunc in cruce obtulit, sola offerendi ratione diuersa.*

Ambros.
Chrysost.

Nec obest locus citatus ex D. August. sed potius nobis fauet. Cum enim ait Christum ut hominem maluisse sacrificium esse, quam sumere: significat, potuisse absolute sacrificium sumere, alioqui non posset Christi humilitas hinc commendari. Neque rationem reddit ex intrinseca repugnantia & impossibilitate; sed ab incommodo extrinseco: *Ne, inquit, vel hac occasione quisque existimaret cuilibet sacrificandum esse creaturæ.* Quæ tamen existimatio non habuisset par fundamentum in aliis creaturis: sicut non est quod quisque existimet quamlibet creaturam posse adorari absolute, & per se propriè, cultu latræ, ex eo quod Christus ut homo tali cultu adoratur.

25.

Tertia propositio: Christus ut homo, spectatus secundum excellentias creatas, quibus eius humanitas unitatur, est adorabilis propter illas, non cultu latræ, sed hyperdulia. Ratio est, quia Christus secundum illas excellentias, & propter illas, est dignus adoratione; cum secundum illas, omnibus aliis rebus creatis superemineat. At non est dignus propter illas adoratione latræ, cum illæ excellentiæ, seu perfectiones, non sint increata & suprema excellentia: ergo tantum inferiori, simili illi quæ sancti coluntur ob sanctitatem & gloriam: quæ tamen, quia longè supereminent omnibus sanctorum aliorum perfectionibus supernaturalibus, hyperdulia potius quam dulia dici debet. Confirmatur, quia, ut paulò ante diximus, quando in vnum & idem concurrunt multæ excellentiæ diuersæ rationis; illud est formaliter adorabile diuersimodè, propter diuersas excellentias. Adoratio enim sicut præcipuè respicit formale, propter quod exhibetur: ita ex eo diuersitatem vel unitatem recipit, & proportionatur excellentiæ, in qua fundatur. Atqui in Christo sunt diuersæ excellentiæ, creata & increata: ergo potest propter illas adorari diuersimodè, adoratione utriusque proportionata. Sic etiam Rex, qui simul est Dux aut Comes, est multipliciter hono-

26.

Christus propter excellentias creatas quashabet, est adorabilis cultu hyperdulia

rabilis. Et spectatus ut Rex, est dignus regio honores. Secus autem spectatus solum ut Comes, vel ut Dux. Eodem sensu D. Thom. qu. 25. art. 1. in corp. ait, cum in Christo sit tantum una persona, unam esse Christi adorationem, ex parte eius qui adoratur. Sed ex parte causæ quæ honoratur, posse dici plures adorationes: id est, unam esse Christi personam adorabilem, quæ non potest ut duæ adorari: licet plures habeat causas adorationis propter quas potest pluribus & diversis adorationibus honorari, ut clariùs liquet ex art. 2. ad 1. ubi dicit, carni Christi sciuntur per mentem à Verbo, deberi adorationem, non quidem latriæ, quia condita seu creata est: sed dulci excellentioris, quam hyperduliam vocant.

27. Porro, sicut quando Christus ut homo-Deus adoratur cultu latriæ propter divinitatem, eadem adoratione latriæ coadoratur eius humanitas: sic vice versa cum adoratur cultu dulci propter excellencias creatas, coadoratur eodem cultu eius divinitas. Dixi, cum adoratur ut homo-Deus, aut Deus-homo: quia si mente præscindatur humanitas à divinitate, & sine illa consideretur: sine illa quoque & sola adorabitur. Quamvis autem in Christo divinitas & humanitas sint unitæ; possunt tamen scorsim considerari & adorari: Nam Christus ipse ut homo adorabat perfectissimè divinitatem, eique se plenissimè submittibat: Neque tamen adorabat humanitatem; non enim se sibi ipsi submittibat humanitas. Adoratio autem est ad alium cui adorans se submittit. Imò quamvis simul consideretur, potest voluntas intendere se submittere uni, & non alteri, actu præcisivo, quoad præsentem affectum adorationis.

28. Inter illas non est censenda unio hypostatica, & unio ipsa prout se tenet ex parte humanitatis, estque usus quidam illius. Respondeo, usum illum non posse spectari sine divinitate adiuncta, cum essentialiter non sit aliud, quam natura humana ut adiuncta Verbo. Quare Christum aut eius humanitatem adorari propter illum usum, est adorari propter Verbum humanitati adiunctum, quæ adoratio debet esse latriæ. Dignitas quoque unionis hypostaticæ reipsa non est aliud, quam status naturæ humanæ Verbo unitæ, per quam unionem attollitur natura humana ad fastigium divinitatis. Quare adorare Christi humanitatem propter illam dignitatem vel sanctitatem & Deificationem, est illam adorare propter Verbum ipsi adiunctum. Falluntur enim Vatiæ & alij qui putant hanc dignitatem vel sanctificationem humanitatis esse aliquid distinctum ab unione hypostatica, & ab ipsa resultans, ut ostendimus disp. 2. sect. 6. num. 60. Neque illis assentimur, qui putant unionem esse entitativam tenentem se ex parte humanitatis, & realiter adæquatè distinctam à Verbo, quos refutauimus disp. 5. sect. 7.

Dices cum Delugo disp. 35. num. 43. humanitatem adorari specificatiuè propter excellentiam Verbi, siue unionis, absque eo quòd illa adoratio terminetur ad Verbum. Sicut possumus adorare hominem iustum, propter iustitiam quam habet, absque eo quòd ille actus terminetur ad ipsam iustitiam adorandam. Potest enim aliquid esse ratio propter quam aliud adoratur; & tamen non esse, neque intrare intrinsicè in rem quæ adoratur: adeoque non adorari. Nam, inquit, adoratur solum id, cui nos submittimus. Licet autem aliquid sit ratio, propter quam nos alteri submittimus: non propterea tamen nos ei rationi submittimus: imò interdum est talis, ut ei convenienter nos submittere nequeamus. Nam licet ego submitter Petro, quia iustus vel sapiens est: ipsa tamen iustitia, vel sapientia, non est digna, nec apta cui ego me submittam. Nō ergo adoratur necessario ratio formalis, præcisè ex eo quòd sit ratio formalis. Quia non semper habet proportionem ut ipsi submittamur. Imò quamvis habeat proportionem, sicut habet divinitas, propter quam adoratur humanitas: Potest tamen ex intentione nostra submissio non ad illam ferri, ut ad id cui nos submittimus. Sed solum ut ad rationem, propter quam nos humanitati submittimus. Quemadmodum si diligerem Christi humanitatem amore amicitie supernaturalis, ob participationem divinitatis quam habet per unionem hypostaticam, sicut amantur alij homines per charitatem supernaturalem ob conjunctionem aliquam supernaturalem cum Deo: non propterea Deum amarem tali actu amore amicitie, quamvis sit capax talis amoris. Sic etià cum Deum proximo diligimus, tanquam summum eius bonum: non amatur Deus tali actu amore amicitie, sed proximus. Et contra, si proximum diligo propter Deum: non amatur proximus amore amicitie, sed Deus. Hæc Delugo, qui inde infert num. 54. adorationem illam humanitatis Christi præcisè propter unionem hypostaticam, non esse latriam, sed hyperduliam in gradu excellentissimo, vel aliam adorationem mediam innominatam.

Respondetur, Aliud quidem esse id cui exhibetur honor, aut adoratio, siue submissio: & aliud, id ratione cuius exhibetur. Siue, aliud esse, id cui nos submittimus: & aliud, id propter quod nos submittimus, quod sæpissime diversum est ab eo, cui nos submittimus, & terminat tantum adorationem ut ratio formalis & causa, seu motivum submissionis. At inde non sequitur adorationem humanitatis Christi, propter unionem hypostaticam, non esse verè latriam. Nam, ut suprà diximus, & alibi probauimus, unio hypostatica essentialiter nihil aliud est, quam humanitas Verbo adiuncta, & Verbum adiunctum humanitati substantialiter & physicè. Ergo adorare humanitatem propter unionem hypostaticam, est eam adora-

Possitne præiudici unio hypostatica Verbo in adoratione humanitatis propter illam?

362

re propter Verbum ei adiunctum substantialiter & physice in vnum ens per se. Ergo hoc est illam adorare propter excellentiam diuinam sibi intrinsicè adiunctam. Quod autem adoratur propter diuinam excellentiam sibi intrinsicè adiunctam, adoratur cultu latriz, & quidem absoluto: sicut quod adoratur propter excellentiam gratiæ & gloriæ intrinsicè sibi adiunctam & inherenterem, adoratur cultu absoluto dulci, vel hyperdulci, vt Sancti & B. Virgo. Ergo Christus adoratur cultu latriz, quando adoratur propter vnionem hypostaticam. Atque ita vnio hypostatica non est censenda inter excellentias creatas, propter quas Christus potest adorari cultu hyperdulci. Nimirum quia non est excellentia purè creata, sed includit, aut est ex parte excellentia increata, quatenus vnio hypostatica est ipsa extrema sibi mutuo per se immediatè adhærentia, quorum vnum, nempe Verbum, est increatum & diuinum.

Ex quibus sequitur non esse verum quod idem auctor addit num. 47. & tribus sequentibus: vnionem, totam scilicet & adæquatè sumptam, non includere intrinsicè ipsum Verbum; sed solam humanitatem & vnionem, seu concretum ex humanitate & vnione, quæ à parte rei (vt ipse quidem existimat) sunt duæ entitates distinctæ adæquatè à Verbo. Quare, inquit, potest considerari illud concretum, non quidem sine eo quod consideremus Verbum in obliquo & extrinsicè, quia vnio dicit ordinem essentialem ad Verbum: sed sine eo quod includamus Verbum intrinsicè in illo concreto. Ac per consequens poterit adorari humanitas prout coniuncta cum vnione, & prout faciens concretum cum ipsa, non adorato Verbo, quod non includitur in illo concreto quod adoratur. Atque ita humanitas vt vnita Verbo, etiam reduplicatiuè, potest adorari, absque eo quod adoretur personalitas Verbi. Hæc ille: quæ procedunt ex fundamento alibi refutato, quod nimirum vnio totaliter, & integrè sumpta, sit entitacula intermedia, inherens soli humanitati, & realiter à Verbo distincta: adeoque concretum ex humanitate, & vnione, sit aliquid purè creatum, & adæquatè distinctum à Verbo. Cum è contrario vnio, sumpta adæquatè, includat intrinsicè Verbum æquè ac humanitatem, sitque duo illa sibi mutuo adhærentia per seipsa, id est, per simplicem vsum suæ vnibilitatis: adeoque concretum vnionis includat intrinsicè Verbum, sitque ipsum compositum, id est, extrema simul sumpta vt sibi mutuo adhærentia: & adorare tale concretum vt tale, sit adorare ipsum Verbum & humanitatem, vt adiuncta, sibi que mutuo adhærentia substantialiter & physice in vnitatem suppositi. Quæ omnia clariora euadent ex sequentibus considerationibus, & solutione argumentorum contrariorum.

SECTIO IV.

*Confirmatur amplius doctrina proximè
proposita, & respondetur ar-
gumentis contrariis.*

IN eo quod diximus, Christi humanitatem præcisam per mentem à Verbo, & ab vnione hypostatica, posse adorari cultu hyperdulci propter excellentias creatas gratiæ & gloriæ, consentiunt Scotus, Durand. Gabriel, Almainus, Henricus, Paludanus, Caietan. & alij quos refert & sequitur Suar. disp. 53. sect. 3. Eademque est aperta doctrina S. Thom. qu. 25. art. 2. ad 1. vbi referens verba Damasceni lib. 4. de Fide, cap. 3. aientis humanitatem subtili cogitatione à Verbo distinctam, & præcisam, non esse adorandam vtpote conditam: subiungit, Damascenum intelligendum esse de adoratione latriz. Tunc enim, inquit, sic intellecta vt separata à Dei verbo, deberetur adoratio dulci, non cuiusumque, sed cuiusdam excellentioris, quam hyperdulci vocant. Ratio est, quia humanitas Christi potest sine vllò errore, & sine vlla culpa, concipi præcisè, non concepta vnione hypostatica. Nam in tali præcisione simplici non est error, cum non negetur esse vnita, sed tantum simplici præcisione abstrahatur, id est, consideretur non considerata vnione: Abstrahentium autem non est mendacium. Neque etiam in ea præcisione est culpa, aut virium voluntatis: quia non tenemur semper cogitare de vnione hypostatica: aut nunquam cogitare de Christi humanitate non considerata eius diuinitate & vnione hypostatica. Sed potius sicut liberum est & licitum cogitare præcisè & inadæquatè de Dei attributis, & de rebus aliis quæ metaphysicè aut physice constant ex multis: & naturam diuinam præscindere à personis: sic &c. Iam verò humanitas ita præcisè considerata habet gratiam & gloriam excellentem, aliaque dona supernaturalia, propter quæ manet adorabilis, tanquam superior omnibus aliis rebus creatis. Et quemadmodum voluntas potest in illam ita consideratam ferri per amorem, admirationem, & laudem: ita & per adorationem excellentiæ, quæ in tali natura intelligitur, præcisà licet ab vnione.

Confirmatur: Quia talis adoratio nihil habet vitij, nec per excessum, nec per defectum: Non quidem per excessum, quia humanitas tam excellens, est digna tali honore. Neque etiam per defectum: quia sicut non tenemur cogitare semper de vnione, aut de Verbo, quando cogitamus de humanitate: ita neque tenemur semper adorare diuinitatem Verbi, cum adoramus humanitatem: aut nunquam adorare humanitatem, nisi simul adorando diuinitatem, & alioquin abstinere ab actu adorationis. Imò melius est affici ad humanitatem, dum ita

31.
Vnio hypostatica
includit intrinsicè
ipsum Verbum.

32.
Humanitas
præcisà ab
vnione hypostatica,
potest coli
hyperdulci.

33.
Talis adoratio
nihil
habet vitij.

consideratur, per amorem & adorationem: quam abstinere ab huiusmodi actibus, quando nondum cogitatur de diuinitate & vnione hypostatica. Confirmatur secundò, Quia si reipia humanitas esset à Verbo separata, & tamen haberet huiusmodi excellentias: multò magis esset propter illas adorabilis, quam Sancti, & Beata Virgo. Ergo in illa per mentem præcisè considerata ab vnione, manet sufficiens obiectum adorationis hyperdulia. Et quauis reipia sit vnita; non est solum adorabilis propter vnionem, sed & propter alias excellentias, adoratione proportionata; sicut propter illas est amabilis, & laudabilis.

34.
Contraria
sententia
Vasque.
Delugo.

Contrarium sentiunt Vasques disput. 96. cap. 1. & sequentibus, & Delugo disput. 35. num. 57. quorum prior contendit humanitatem sine Verbo non posse per se adorari cultu hyperdulia, neque de facto, neque de iure, seu licite. Posterior negat licite posse id fieri, quamuis de facto possit: quorum argumenta, quia continent aliquam difficultatem, & maioris explicationis occasionem nobis præbent, singillatim proponenda & diluenda sunt.

Cyrril.

Ac primò quidem opponit Vasquez epistolam decimam Cyrilli, quæ est Concilij Alexandrini, approbata in Ephel. vbi damnatur hæc propositio, *P. o p t e r e u m q u i h o m i n e m i n u n d u m q u i n a u s e s t, e n e r o r i p r o p t e r i n i j l l u m a d o r a b i l e m.* Et in 8. anathematismo eiuſdem epist. damnatur qui dixerit assumptum hominem vnà cum Deo Verbo adorandum & glorificandum, & Deum tanquam alterum cum altero appellandum esse: & non magis vna adoratione Emmanuelem honorat, & vnā illi glorificationem adaptat. Item in Synodo V. Generali, seu Constantinop. II. Collat. 8. cap. 9. sic dicitur: *S. q u i s u t a n t u s n a t u r i s a d o r a r i d i c i t C h r i s t u m, e x q u o d u a s a d o r a t i o n e s i n t r o d u c i t, s e p a r a t i m D e i V e r b o, & s e p a r a t i m h o m i n i: v e l s i q u i s a d i n t e m p t i o n e m c a r n i s, v e l a d c o n f u s i o n e m D e i t a t i s & h u m a n i t a t i s, v n a m n a t u r a m s i n e s u b s t a n t i a m c o r u m q u a c o n u e n i u n t, i n t r o d u c e n s, s i c C h r i s t u m a d o r a t: s e d n o n v n a a d o r a t i o n e D e u m V e r b u m i n c a r n a t u m c u m p r o p r i a i p s i u s c a r n e a d o r a t, a n a t h e m a s i t.*

Constant

35.
Quo sensu
prohibea
tur duplex
Christi
adoratio?
Cyrilli.

Respondeo, Duas priores propositiones damnari in sensu Nestorij & Theodori, qui duas in Christo personas ponebant, & duas adorationes, duabus personis exhibendas introducebant: vt patet ex eodem Cyrilli. in Apolog. vbi exponens anathematismum citatum, sic ait: *Igitur factus est anathematismus contra eos, qui modis omnibus diuidunt Emmanuelem in hominem propriè, & Deum Verbum propriè.* Vbi per particulam, propriè, videtur intelligere seorsim. Et in lib. ad Euoptium in expositione contra Theodoretum pro eodem 8. anathematismo, sic habet: *Non hominem assumptum esse dicimus à Deo Verbo, & copulatum vbi secundum habitum quandam, quæ est in se, intelligatur: sed hominem cum deum esse dicimus.* Quibus verbis aperte

significat per hominem indutum, & assumptum, Concilium non intellexisse solam humanitatem, sed humanum suppositum, quod negat assumptum fuisse moraliter per habitudinem quandam, & tantum vt tale esse adorandum, sicut Nestorius & Theodorus asserbant. Neque magni sunt momenti quæ contra hanc solutionem (insinuatam ab ipso D. Thoma qu. 25. art. 1. in fine corp.) opponit Vasq. cap. 5. num. 26. quasi Concilium variis canonibus vnum & idem in substantia definire nequiverit, diuersasque propositiones Nestorianorum, eundem errorem regentes, condemnare.

S. Thomæ
Vasquez.

36.

Tertius verò locus ex Synodo V. Generali, quem magis vrget Vasq. est similiter intelligendus de iis, qui dicebant Christum in duabus naturis adorari tanquam duo supposita: ex quo duas adorationes obiectiue completas, id est, circa duo completa & perfecta supposita introducebant: quales erant Nestorius & Theodorus. Verum sicut illud Concilium declarauit naturas in Christo mansisse inconfusas: ita non negauit quin plurium naturarum excellentiæ possent in eodem supposito agnosci. Atqui diuersarum excellentiarum agnitio, & professio, non est vna eademque adoratio. Quare Concilium non damnauit tales adorationes, sed eas tantum, quæ pluralitatem personarum in Christo ponebant. Confirmatur, quia humanitas Christi, ex eo quod sit vnita Verbo, non amittit suam essentiam, nec desinit esse creatura, nec fit per se intrinsecè diuina, nec habet parem cum Verbo dignitatem. Quare nemo potest profiteri eius excellentiam intrinsecam esse parem cum diuina: nec potest propter illam adorari latrâ, sed tantum propter excellentiam diuinam adiunctam.

Secundò opponit Vasq. num. 35. illud VII. Synodi actione 6. Tom. 6. *Cum Ecclesia Catholica Christum pingit humanâ figurâ, non eum diuidit à diuinitate illi vnita:* Et actione 3. prope finem: *Adoramus Christi imaginem, quemadmodum facies eius visa est, non tamen à Deitate separata: absit vti ita sentiamus, cum ab ipsa conceptione cum Deitate vnita sit.* Quibus verbis non vult Concilium admittere adorationem humanitatis sine diuinitate. Atqui si hæc præcisè, & coniuncta adorari posset, debebat virumque modum adorationis admittere, & ab errore contra Iconoclastas impugnantes defendere: non autem Catholicam doctrinam vno solum modo, adorandi nempe humanitatem cum diuinitate, explicare.

37.
VII. Syn.
od.

Resp. Concilium loqui de diuisione & separatione non præcisè solum, sed negatiua, secundum mentem Hæreticorum illorum qui ad hoc absurdum Catholicos deducere conabantur, quod nimirum Christum in suis imaginibus adorarent vt purum hominem, cum imago nō possit hypostasim diuinam & Deitatem repræsentare. Ex quo inferebant, Christum non posse pingi, nec adorari in sua

Quo sensu
Christus
non sit se-
parandus à
diuinitate?

immagine picta, sine separatione negatiua humanitatis à Verbo, repræsentando scilicet & profitendo illum esse purum hominem: Quo sensu negat Concilium, adorari humanitatem sine diuinitate realiter coniuncta. De adoratione verò præcisua non erat ibi quaestio, neque necessitas illam explicandi.

38. **Cyrrill.** Opponit tertio, Testimonia Patrum Cyrrilli Alexand. Athanasii, Theodoretii, & Augustini. Quorum primus in Apologet. pro duodecim capitibus, in defensione 8. docet filium Dei cum carne sua, vna confidentia esse honorandum & adorandum: non duabus; ita vt vna corpori tribuatur, altera Verbo. Addit Valq. confidentiam esse necessario rationem adorationis: quare qui plures admittit adorationes scorsim, plures etiam debet admittere sedes & confidentias humanitatis: ac proinde Christum in duos diuidere, ne duas sedes & confidentias vni & eidem tribuat, idèoque Patres & Concilia duas adorationes semper dant narrant. Athanas. verò in epistola contra Arianos ad Adelphiū fratrem, aliquantò post initium, sic habet: *Nec ipsum medi corpus, (Christi scilicet) scorsim discriminatum à Verbo adoratione prosequimur: nec Verbum adoraturi, Verbum à carne longè seponimus.* Et Theodoretus in ep. ad Ephes. cap. 1. ver. 6. ait, non videri differentiam esse adorationis inter humanitatem assumptam, & Verbum. Augst. denique in Psalm. 98. monet non esse cum cogitatione remanendum in carne, quando Christum adoramus, ne à spiritu non viuificemur.

39. Respondeo, Cyrillum loqui de carne vt coniuncta Verbo: quo pacto vnā, & non duabus adorationibus colitur, & vnā habet confidentiam cum Verbo. Quæ tamen confidentia non est causa sola, neque necessaria adorationis cuiuscunque, sed patriæ solū. Sicut enim humanitas, considerata sine illa, habet aliquam excellentiam adorabilem: ita propter illam adorari potest. Quæ excellentia sit dicenda sedes, quaestio est de nomine. Melius autem videtur nomine sedis metaphoricè intelligere thronum gloriæ in quo quiescit humanitas, quæ cum præcisè consideratur secundum alias excellentias, habet quò ascendat vterius, & non ibi quiescit. Athanas. verò loquitur de reali discriminatione seu separatione: vt patet ex illis verbis: *Neque Verbum adoraturi, Verbum à carne longè seponimus.* Quis enim negat Verbum à carne præcisum per mentem, id est, sine humanitate consideratum, esse adorabile? at non separatim realiter ab humanitate, quia reipsa non est tale, vt Athanas. addit ibid. immediate post: *Sed cum sciamus, inquit, Verbum esse carnem, illud iam in carne suum Deum agnoscimus.* Theodoretus non citatur fideliter: tantum enim ait Christum semper fuisse adoratum ab Angelis vt Deum: & fuisse quoque ab illis adoratum vt hominem. Et quamuis diceret id quod ex illo refertur in obiectione, posset facili iuxta no-

stram sententiam explicari: quòd nimirum loquatur de natura humana vt assumpta, quam verum est adorari eadem & non differenti adoratione, quā Verbum. Quamquam alioqui differentia aliqua est in modo, quo hæc adoratio tendit in Verbum, & in humanitatem. Nam tendit in Verbum propter excellentiam intrinsecam: in humanitatem verò tendit propter Verbum, & propter excellentiam adiunctam. Augustinus ænique monet solum non esse cogitandum Christum non esse aliud quàm carnem, sine spiritu diuino, à quo non viuificantur qui sic de Christo cogitant. Quare Patres citati nihil habent contra adorationem de qua loquimur. Quòd si neque etiam illam asserunt aut illius meminerunt, non est mirum, cum huiusmodi præcisiones non speculantur, sed eas Scholæ relinquunt. Damasc. tamen de ea non obscure loquitur loco supra citato & explicato à D. Thom. quaest. 25. art. 2. 3. Thom. ad 1.

40. Opponit quarto duplicem rationem. Primo enim licet cultus & honor rebus deferatur media cogitatione: vt tamen digna sit illis adoratio & decenter exhibeatur, debent apprehendi secundum maximam dignitatem, quam in se habent. Ergo humanitas Christi non potest conuenienter adorari, nisi apprehensa vnione hypostatica, & propter illam. Secundò, Non tantum indecens est Christi humanitatem aliter apprehendere & adorare: verum etiam, si adsit recta fides, & ignoratio non impediatur, non possumus humanitatem Christi vnitam Verbo non considerare, cum eam adoramus. Sicut cum aliquis videt Ludouicum XIII. quem bene nouit, aut ipsius imaginem: statim apprehendit in ipso regiam dignitatem, imò ratione illius ipsum ab aliis distinguit.

Respondeo ad primum: sicut Christus potest conuenienter amari & laudari secundum omnem rationem amabilem & laudabilem: sic & adorari, etiam propter inferiores, non quidem excludendo supremam, sed tantum ab ea præcindendo per cogitationem, vt non necessaria ad huiusmodi adorationem.

Ad secundum: sicut qui rectam de Deo fidem habent, neque ignorant esse trinum, possunt tamen præcindere essentiam à personis, & eam præcisam mirari, amare, laudare, adorare: sic &c. Neque est necesse vt qui nouit Ludouicum XIII. cogitet semper de regia eius dignitate, sed potest de aliis eius perfectionibus cogitare, eaque mirari, laudare, & venerari.

Instabis cum Delugo disp. 35. num. 57. & sequentibus, Christum non posse decenter adorari in tali statu præcisionis, quia ex tali præcisione sequitur quòd ipsius prætextu tractetur persona indecenter, & aliter ac reipsa tractari deberet: vt qui tractaret Regem instar Comitum tantum, quia Comes est. Ratio, inquit, à priori est, quia cultus, quem alicui exhibemus, est significatio distantie

Damasc.

3. Thom.

40.

41.

Positum
Christus
decenter
coli hypostasis?

quam profitemur esse inter nostrā dignitatem, & illius, cui exhibetur. Quare quō maior & excellentior est cultus, eō maiorem fatemur distantiam nostrā conditionis ab eo qui colitur. Et quo minor est cultus, eō minorem significamus esse istam distantiam & inaequalitatem, eoque magis nos aquare volumus illi quem colimus, atque illum e sedē superiori ipsi debita ratione maioris excellentiā quam habet, ad inferiorem & nobis viciniorem deiicimus.

Respondeo negando antecedens. Potest enim sine indecentia reddi honor proprius cuiusque excellentiā, modo maior qui debetur maiori excellentiā, non excludatur positivē, aut fiat aliquid quo excludi videatur, vel non fiat hac praevisio modo aliunde disconuenienti, aut contra debitum. Idcirco enim posse aliunde in eo peccari, praesertim in externa significatione talis praevisio, & in significatione ratione illius exhibitis. Idque solum probant exempla aliqua à Delugo allata num. 64.

Ad rationem verò ab eodem propositam Respondeo nos expresse profiteri distantiam quā est inter nos, & personam quam colimus, ut excellentem tali genere excellentiā, non excludendo distantiam maiorem quam habet ratione maioris excellentiā, cui non propterea nos aequamus, neque personam ab illa deiicimus. Et quidem vñū communi receptum est, ut habentibus varias dignitates, maiores & minores, reddantur certis temporibus & locis honores modō maiores, modō minores illis proportionati. Ex. gr. Reges qui sunt canonici, vel Abbates quarundam Ecclesiarum, habent ibi sedem canonici, vel Abbatis: alibi honorantur & considerantur ut Comes, vel Dux talis Ducatus, aut Comitatus, alibi alios titulos recipiunt, & honores eis proportionatos.

Addo iuxta doctrinam auctoris supra nominati, citata disp. 35. num. 65. posse licitē orari Christi humanitatem praevisā à Verbo: & paulō ante num. 64. affirmat Christum ut hominem potuisse exercere actum dulcis, & cultum circa alios homines, & Angelos: ut erga matrem & S. Ioseph, quibus fuit subditus: erga Sacerdotes, Principes, & nobiles, quibus sine dubio signa conuerti honoris & reuerentiā exhibebat: alioqui rotam singularitatis & superbiā incurrisset. Neque verò fide ea exhibebat, sed ex vera submissione interna, quā non erat illi impossibilis: quia tamen esset simpliciter & absolute longē superior & excellentior illis omnibus: considerando se tamen praevisē secundum naturam humanam distinctam ab aliis ornamentis, inueniebat se inferiorem Angelis & hominibus, vel gratia & sanctitate, vel Sacerdotio, nobilitate, aliisque titulis. Sicut etiam Principes & Praelati exhibent signa reuerentiā suis subditis, considerando in illis aliquam qualitatem, propter quam sunt excellentiores ipsis Principibus,

aut Praelatis, secundum naturam spectatis. Secus tamen Deus, qui nulla ratione est inferior suis creaturis: unde non potest eas colere. Hæc ille. Ex quibus duplex argumentum in favorem nostrae sententiā delumo.

Primum denique, si potest Christi humanitas praevisē orari sine indecentia, ut verē affirmat auctor citatus: ergo potest sine indecentia coli ut talis: quia oratio erga Deum, & Christum, & Sanctos, est cultus quidam religionis. Atque hoc ipsum subtiliter aduertit Delugo obiici sibi posse. Respondet autem num. 67. differentiam esse: quia licet per orationem recognoscamus implicite excellentiam illius, quem oramus: non tamen collocamus illum in tali gradu vel sedē determinata respectu nostri, sicut facimus per propriam adorationem: quā collocatio non potest fieri praevisē, sed necessariō est totius suppositi. Sicut enim si physicē poneretur quis in sede reali, non posset poni cum praevisione: sic nec quando ponitur significatiuē per titulum aut notam honoris, potest poni cum praevisione: quia ille titulus substituitur pro ipsa reali collocazione in sede & loco debito.

Sed contra: quia illa collocazione in tali gradu, vel sede, est planē metaphorica, intellecta de interna adoratione, & submissione animi recognoscentis hanc aut illam excellentiam: vel de signis externis de se indifferentibus ad excellentias maiores & minores significandas, iuxta intentionem adorantis: nihilque est aliud, quā praevisio mentis & voluntatis, versantis circa minorem excellentiam, illam æstimando ut par est, & personam propter illam honorando. Sicut ergo potest licitē & sine indecentia praevisi excellentia humanitatis ab excellentia diuinitatis, & ut talis coli, orari, amari, laudari: quidni & æstimari quantum par est, atque huius æstimationis & submissionis nostrae erga illam signum aliquod exhiberi?

2. Si Christus ipse sine indecentia potest circa honorem aliis exhibendum praevisi suam humanitatem à gratia ornamentis, atque ab ipsa vnione hypostatica & excellentia diuina, ut se Angelis, & hominibus submittat ex animo: quidni etiam possimus nos praevisi sine indecentia varias Christi excellentias, non ut ipsum Angelis hominibusque submittamur, quemadmodum se ipse submittebat per actus internos: sed ut seorsim singulas eius excellentias pro merito æstimemus & honoremus?

Dices esse differentiam: quia Christus per humanitatem poterat cedere suo iure, seque voluntariē demittere e sedē sibi debita, & in inferiori collocare: nos autem cum deiicere non possumus sine indecentia, & iniustitia. Sed respondeo non esse hīc propriē & verē deiictionem e sedē superiori, ac collocazione in sede inferiori: sed esse tantum praevisiōem vnus excellentiā ab alia, sine vitiosa alterius exclusionē. Qui enim praevisē cogitat de Christi humanitate, non pro-

Christus in terris viues honorem aliis deferbat.

preterea negat eam esse unitam hypostaticè, & ornari aliis gratiæ donis. Quare argumentum manet in sua vi: quòd scilicet possit hæc præfatio fieri à nobis sine indecentia, sicut re ipsa facta est à Christo.

48. Instabis, quia D. Thom. quæst. 25. 2. 1. & 2. asserit adorationem propriè deberi toti rei subsistenti, id est, supposito. Ergo non est verum quod diximus, humanitatem ipsam posse adorari præciliam à Verbo. Respondeo D. Thomam non sine causa dixisse, propriè: nimirum quia maximè, & præcipuè tolet adoratio exhiberi rebus subsistentibus, seu personis. Verumtamen præter res subsistentes, sunt etiam res aliæ, quibus honor conueniens tribui potest. Sicut tribuitur v. g. sacramentis, quæ in actione consistunt; & crucis figuræ manu formatæ in aère, quæ similiter consistit in motu: & imagines à materia abstractæ non minùs essent venerabiles. Neque enim honorantur propter aurum, vel lignum, aliamve materiam, sed propter sacram repræsentationem aut consecrationem. Moneo denique, in publica adoratione sequendum esse morem Ecclesiæ, quæ non alio cultu publico, quàm latræ, Christum adorât: sicut etiam non aliter ipsum, quàm ut Deum orat. Licet priuatim orari possit eius humanitas ut pro nobis oret: similiterque possit priuatim hyperdulæ cultu adorari propter creatas excellentias præciliè spectatas.

S. Thom.
Adoratur
propriè &
præcipuè
res subsi-
stentes sine
ratione.

SECTIO V.

An, & quo cultu Beata Virgo Christi mater, & sanctissimi adorantur

49. **O**missis facilioribus, vel tritis & vulgaribus apud Scriptores controuersiarum, cuiusmodi est quòd B. Virgo, & sancti, tam Angeli, quàm homines, non possint ob excellentiam suam creatam adorari strictè & propriè, id est, cultu latræ Dei proprio: possint tamen adoratione impropria & latius sumpta, quæ respectu B. Virginis vocatur hyperdulia; & respectu aliorum, dulia: Quòdque ille cultus non sit tantùm civilis, sed sacer & religiosus; quia cultus debet esse proportionatus excellentiæ ob quam deferretur: at excellentia propter quam colitur B. Virgo, non est civilis tantùm, sed sacra & supernaturalis, nempe gratia, & gloria, & dignitas matris Dei: excellentia quoque, propter quam sancti coluntur, est ordinis longè excellentioris, quàm sit quacumque civilis dignitas, nempe sanctitas supernaturalis, & dignitas filiorum Dei, atque hæredum regni cœlestis, & cum Christo regnantium: quare adoratio illi excellentiæ proportionata, maior est quacumque civili adoratione. His, inquam, omissis,

50. **D**ico primò, non modò B. Virginem, & sanctos vita functos & cum Christo regnantes coli posse hyperdulia, & dulia, id est, cul-

tu sacro fundato in motivo sacro & supernaturali: sed etiam iustos adhuc viuos. Probat- fundi pos-
tur primò, quia illa excellentia sacra & su- sunt coli
pernaturalis, ubicumque reperitur, est digna religiosè,
tali veneratione. Ergo quando reperitur in sed etiam
iustis hac in vita, possunt iusti & sancti hac viui.
in vita propter illam honorari. Probat-
ur secundò, exemplo sanctorum in Scriptura. Nam 3. Reg. 18. Abdias Eliam adorauit, quia sanctus erat & Propheta Domini, quamuis Abdias esset in maiori dignitate civili constitutus. Et filii Prophëtarum adorauerunt Elisæum, postquam viderunt spiritum Eliæ in eo requieuisse, 4. Reg. 2. Honor autem fundatus in huiusmodi excellentia dignitatis prophetiæ & sanctitatis, non est honor merè civilis, sed altioris ordinis, quippe fundatus in altiori excellentia. Perfectio enim adorationis sequitur naturam excellentiæ, in qua fundatur: quæ quò maior est, debet maior esse adoratio, & estimatio, atque submissio personæ præciliè. Quare ille cultus non fuit civilis, sed sacer & religiosus: qualis etiam fuit cultus quo Saul animam Samuëlis adorauit, 1. Reg. 28. & quo Abraham, Loth, Iosue, Manuë, & alii viri sancti adorauerunt Angelos, Gen. 18. & 19. Iosue 5. Iudicum 13. Qui non propterea reprehenduntur, ut alioqui debuissent, ne factum illud in exemplum traheretur: sed potius illud factum ut laudabile narratur. Ex quo habent Hæretici cultum sacrum & religiosum non ita esse Dei proprium, ut nulli alteri possit licitè tribui.

Confirmatur ex D. August. lib. 20. contra Faustum c. 21. ubi sic ait: *Colimus Martyres eo cultu dilectionis & societatis, quo in hac vita coluntur sancti Dei homines, &c. sed illos tantò deuotius, quanto securius possit incerta omnis superata.* Differentia tamen est, quia licet utraque adoratio fundetur in excellentia eiudem ordinis: tamen sicut status Beatorum longè perfectior est & gloriosior, ratione visionis beatificæ, & adhesionis perfectæ cum Deo per amorem excellentem & indefectibilem, ac denique propter Dei fruitionem, eiusque honoris, potentæ, & gloriæ participationem, quippe qui iam cum Christo regnant, sedentque in throno gloriæ cum ipso, ut dicitur Apocalyp. 3. vers. 22. Ita coli possunt ac debent longè maiori veneratione, & quidem solemnè & publica, si sunt in canonem Sanctorum relati, & ab Ecclesia propositi; ut sancti, vel Beati. Alii verò possunt quidem priuatim coli ab iis quibus constat moraliter de ipsorum beatitudine: sed non publicè, quia sapienter propter bonum Ecclesiæ regimen id prohibitum est cap. 1. & 2. de Feriis.

Dico secundò, Beatam Virginem & sanctos, homines vel Angelos, non modò coli posse adoratione respectiua, propter ipsam diuinam excellentiam in illis ut in viuis imaginibus & templis elucens: quæ adoratio ad latræm pertinet, si excellentia ipsa diuina immediatè & proximè in ipsis adoretur, æstque

52.
Sancti pos-
sunt coli
non modò
adoratione
respectiua,
sed etiam
absoluta.

estque propriè adoratio ipsiusmet Dei, co-
adoratio verò Sactorum, vt sunt aliquid Dei
eodem modo, quo dicemus inferius de ima-
ginibus: verum etiam coli posse adoratione
absoluta, propter intrinsecam excellentiam,
treatam supernaturalem & à Deo participa-
tam, quæ est propriè B. Virginis & SS. adora-
tio, & hyperdulia vel dulia vocatur. Ita doc-
et Adrianus Papa in epist. ad Constantinum
& Irenem, verius finem, cum ait sanctos à
vobis venerari & coli, quia decet eos honor
& veneratio propter iustitiam eorum. Ratio
est, quia Sancti sunt digni honore & veneratione,
non tantum spectati vt Dei templa, &
imagines viuæ, per gratiam reformatæ, & di-
uinæ gloriæ illustratæ, vel vt amici & dome-
stici Dei, & vt cum illo coniuncti tanquam
aliquid ipsius: verum etiam propter gratiam
& gloriam intrinsecè ipsis inherentem, ipsos-
que in excellenti gradu sanctitatis super-
naturalis constituentem. Quæ veneratio ab-
soluta dicitur, quia fundatur in perfectione
propria & intrinseca, & non tantum in rela-
tione ad excellentiam extrinsecam. Quem-
admodum proximus est amabilis per chari-
tatem supernaturalem non tantum propter
Deum, sed etiam propter se, & propter in-
trinsecas perfectiones supernaturales, vero
amore amicitia, qui ad ipsum terminetur ve-
lut obiectum propter se diligibile. Quia ta-
men, vt rectè notat Suar. disp. 5. 2. sect. 2.
excellencia illa supernaturalis creata & in-
trinseca, propter quam cultus hyperdulæ &
dulæ tribuitur absolutè B. Virgini & SS. An-
gelis vel hominibus, est coniunctio superna-
turalis cum Deo per gratiam & gloriam, &
confortium quoddam naturæ diuinæ, vt lo-
quitur Petrus Apost. Epist. 2. cap. 1. v. 4.
vel vt ait D. Thom. 1. 2. quæst. 110. art.
3. est suprema quædam participatio naturæ
diuinæ, pertinens aliquo modo ad ordinem
diuinum, atque ad Dei gloriam ex natura sua
tendens: idcirco honor qui Beatis tribuitur
propter hanc sanctitatem, dicitur totus in
Deum referri: quia in Deum vt illius autho-
rem terminatur aliquo modo, & refunditur:
sicut honor filiorum redundat in parentes.
Quo sensu possunt intelligi SS. Patres, cum
dicunt, Deum in sanctis honorari: & hono-
rem Sactorum redundare in Dominum: &
Christum honorari, quâdo honorantur Mar-
tyres: & honorem quem Sanctis exhibemus,
esse argumentum nostræ erga Deum bene-
uolentiæ.

Quod si quæras, an vterque modus adorā-
di Sanctos, propter Deum scilicet, & prop-
ter excellentiam propriam, pertineat ad eā-
dem virtutem, & ad ipsam virtutem religio-
nis, an verò potius ad habitum distinctum?
Respondeo, Ex dictis alibi de Religione, cō-
stare probabilius esse eundem habitum su-
pernaturalem religionis extendi ad Deum
colendum propter se, & ad Sanctos quoque
colendos, non tantum propter Deum, sed et-
iam propter se. Quemadmodum eadem cha-
ritas supernaturalis extēditur ad Deum pro-

Tomus IV.

pter se amandum, & ad amandos proximos,
tam propter seiplos, spectatos in ordine su-
pernaturali, quàm propter Deum: & eadem
virtus pœnitentiæ supernaturalis valet ad do-
lendum de quacumque offensa, siue contra
Deum, siue contra homines commissa, spe-
ctata in ordine supernaturali, prout ad Deum
aliquo modo pertinet. Aliter enim non est
obiectum virtutis supernaturalis, sed pœni-
tentiæ merè humanæ. Consentit Marsilius in
3. q. 8. art. 1. idemque probabile censet Su-
ares sect. 3. disp. cit. 5. *Circa hanc difficulta-
tem*: & Delugo disp. 35. num. 22. vbi tan-
tum ait sententiam contrariam probabilem
sibi videri. Rectèque notat n. 14. & seqq.
posse dari habitus abstractos & ampliores,
vnius & eiusdem speciei, qui versentur circa
cultum alteri debitum ob eius excellentiam,
propter honestatem generalem, quæ est in
cultu debito exhibēdo: abstrahendo à variis
differentiis excellentiarum: sicut dari potest
virtus honestatis quæ versetur circa honestū,
quæ tale, abstrahendo à differentiis & speci-
ebus honestatis. Et talis habitus iuuat ad
quoscumque actus virtutis, quatenus in om-
nibus reperitur ratio formalis generica circa
quam versatur. Similiterque dari potest ha-
bitus, tam acquisitus, quàm infusus, circa ra-
tionem generalem iustitiæ, temperantiæ, ali-
arumque virtutum: abstrahendo à speciali-
bus obiectorum rationibus formalibus, quæ
sub illa ratione generali continentur.

Aduerſus prædicta de cultu B. Virginis &
Sactorum opponunt præcipuè Nouatores,
1. Illud Deuteron. 6. *Dominum Deum tuum a-
dorabis, & illi soli seruias*: Notantque illud à
Christo repeti Matth. 4. v. 9. & opponi Sa-
thanæ qui non ab eo cultum latræ petebat.
2. Quod Mardocheus, Ester 13. Amanum
adorare recusauerit, *Ne*, inquit v. 14. *hono-
rem Dei mei transferrem ad hominem, & ne quæ-
quam adorarem excepto Deo meo*. 3. Quod Pe-
trus Apostolus Cornelium prohibuerit ne se
adoraret, Act. 16. & Angelus Iohannē, Apoc.
19. Item 4. quod Paulus Coloss. 2. v. 18. re-
prehendat eos qui Angelos religioſe cole-
bāt: & Canon 35. Concilii Laodiceni, atq;
Irenæus lib. 2. cap. 58. damnet aliquas in-
uocationes & nominationes Angelorum. 5.
Quod Epiphanius hæresi 79. grauiter repre-
hendat, & hæresis damnet mulieres aliquas
quæ in Syria statuam Mariæ circumferebant,
eique liba & munera offerebant. 6. denique
Quod Adrianus Papa in epist. ad Constant.
& Iren. dicat, non alium Sanctis honorem
tribuendum esse, nisi eum, quem hac in vita
nobis inuicem tribuimus per saluationem &
dilectionem: nempe humanum & civilem.

Ad primum iampridem respondit S. Au-
gustinus lib. 1. quæst. super Genes. quæst.
61. non ibi dictum fuisse *Dominum Deum tu-
um solum adorabis*: sicut dictum est, *& ei soli
seruias*, græcè *ἀρτρεύς* quia, inquit, licet
tum est alios adorare, vt variis Script. locis
& exemplis ibidem ostendit: quamuis non
liceat alteri seruitutem & cultum latræ ex-

Ii

Suarez.

S. Thom.

57.
Vterque
modos ado-
randi SS.
pertinet ad
eandem vi-
rtutem re-
ligionis.

Marsili-
Suarez

Delugo

142

Laodicea;
Irenæus.
Epiphanius

Adrianus

55

August.
Quoniam o-
mnis
Deus solus
adorandus

hibere. 2. Respondeo Deum quoque solum adorandum esse absolute ob propriam excellentiam, adoratione latræ, quam adorationem Sathan à Christo postulabat, ut faceret Calvin. in Harmonia, ad locum Matth. cit. quamque ab initio affectavit & ab Idolatræ obrinuit. Ideoque merito Christus locum illum Scripturæ eius impudentiæ opposuit. Quamquam neque villo alio cultu dignus est Diabolus, propter summam nequitiam, & statum damnationis.

§ 6.

Cur Mardocheus Amanum adorare recusavit?

Ad secundum Respondeo, Mardocheum noluisse quotidie genua flectere Amano palatium ingredienti, ne cerimoniam genuflexionis (frequenter soli Deo apud Iudæos exhiberi solitam, aliis verò non nisi raro, & grauiori de causa) exercens quotidie erga Amanum, recederet à Iudaicis institutis & moribus, scandalumque præberet Iudæis, quasi honorem Deo debitum ad hominem transferret: neue illum honorem, Deo tantum sic tribui solitum, transferret ad hominem, & ne quenquam alium excepto Deo suo sic adoraret. Neque verò ignorauit Mardocheus posse tum Amanum, tum alios homines in potestate & dignitate præcellenti constitutos adorari ciuilitè: & tamen Aman adorationem tantum ciuilem postulabat, sed Iudæis scandalosam, propter rationem allatam.

§ 7.

Coræctus Coræctum & Angelus Ioannem adorare se prohibuit?

Ad tertium: Si Petrus Cornelium prohibuit ne se adoraret, & Angelus Ioannem: primum factum est modestiæ causa: ut quotidie inter homines sit, licet alii ab aliis debeant honorari: Secundum, ut ostenderet Angelus quanti ab Angelis homines fierent ob dignitatem naturæ ipsorum à Deo assumptæ: præferri verò Apostoli, familiares ipsius Christi, & Principes Ecclesiæ, supra Angelos fortè glorificandi: de quorum numero Ioannes erat.

Religio angelorum, quid sit?

Ad quartum: Id quod dicitur à Paulo Coloss. 2. v. 18. *Nemo vos seducat volens in humilitate & religione Angelorum*, dicitur de iis qui Angelos Christo, tanquam puro homini, præferebant. Vel potius de iis qui Iudaicam legem Christi legi anteponebant, tanquam ignobiliori, quod I. & ab homine puro tradita esset: illa per Angelos, ut dicitur Galat. 3. v. 19. Vnde eam vocabant Religionem Angelorum: ut exponunt suæ & eruditè Card. Perron, in responsione ad Regem Angliæ pag. 1051. & Iaubertus de Barrault parte 2. Clypeic. 4. §. 28. Canon verò 35. Concilii Laodicensi, & Irenæus, loquuntur de nominationibus & inuocationibus magicis Angelorum: vel de iis qui, Christo excluso, Angelos nominabant, vel nomina vana, instar Basilidis, Angelis affingebant, ut fusiùs iidem authores prosequuntur.

§ 9.

Mariæ cultus damnatus ab Epiphano, quoniam?

Ad quintum Respondeo, Epiphanium damnare meritò eiusmodi mulieres, tum quod Mariæ sacrificarent Collyrida, id est, tortam panis, ut idem Epiphanius testatur: tum etiam quod publicum sacrificandi munus sibi arrogarent. Nam soli Deo sacrifi-

candum est. Et sacrificandi munus, non mulieribus, sed viris solis ritè ordinatis, conuenit. Idem autem Epiphanius, hæc. 79. dicens proficitur Mariam Virginem cæteris esse honoratiorem propter mysterium Incarnationis, id est, honorandam esse ut matrem Dei sanctissimam: qui titulus honoris est sacer & religiosus, quamuis diuino longè inferior. Formulæ verò quædam alloquendi Beatam Virginem quas obijciunt Hæretici, vel piè explicari possunt, vel ad sensum Ecclesiæ non sunt.

Ad sextum: Adrianus Papa, quando in epist. cit. non multò ante finem sic ait de adoratione Sanctorum: *Qualis verò iste est adorationis honor & profectio non alius, quam is, quo nos peccatores quoque inuicem prosequimur, saluantes nos inter nos, per honorationem & dilectionem*: Non hoc, inquam, ait ad asserendum adorationem Sanctorum esse merè ciuilem: sed in eo nostræ similem esse vult, quod neutra est latræ, siue suprema adoratio, sed longè inferior & honoraria, quamuis fundata in diuersa excellentia. *Honorantur enim Sancti propter eorum iustitiam & sanctitatem, ut qui eorum imagines viderint, ad eorum imitationem inducantur*: Quemadmodum idem Pontifex immediate antea dixerat.

SECTIO VI.

De adoratione crucis, reliquiarum, & imaginum, tum Christi, tum Sanctorum.

Suppono primò, Crucem Christi Domini aliam esse veram, id est, illam ipsam ex qua pependit, cuius adhuc extant particule, & pluribus in locis visuntur: aliam esse pictam, & veluti illius ac Christi pendentis imaginem: siue in aère solùm manu formatam: siue auro, ære, ligno, charta, vel alia materia expressam. De priori, ut de reliquiis Sanctorum, & rebus vsu vel tactu eorum consecratis, philosophandum est: quemadmodum & de clauis, lancea, spongia, spinis, aliisque velut Christi reliquiis. De posteriori verò censendum est cum proportionem, ut de Sanctorum imaginibus. Ita nimirum ut propter Christum hæc omnia coli possint, simili & proportionali modo, quo Sanctorum reliquiæ vel imagines coluntur propter ipsos. Est tamen adoratio huiusmodi crucis magis respectiua, quam adoratio imaginis Christi, vel reliquiarum. Refertur enim primò & immediate ad crucem Christi veram, quam repræsentat: secundò & mediatè ad Christum. Item crux vera adoratur secundum suas particulas, quamuis non in modum crucis dispositas: secus autem crux picta, iuxta illud Authoris questionum ad Antiochum apud Athanasium questione 41. *Si quis infidelium nos reprehendat tanquam lignum adorantes; possumus diuisis duobus crucis brachiis, & figurâ crucis sublatâ, contemnere ligna illa ut inutilia: ostend-*

§ 9.

Crux Christi duplex: una vera, alia picta.

Posterior magis respectiue adoratur.

Athanasius.

dereque infidelinos non lignum sed formam crucis adorare. Ratio differentie est, quia crux picta non est honoranda, nisi quia veram crucem representat, & Christum in ea pendentem. Sublatâ autem crucis figura non eam amplius representat. At verò crux vera non est adorabilis propter figuram crucis duntaxat: sed ob physicum contactum corporis Christi, cuius fuit ara ad se immolandum, & instrumentum triumphi de peccato, dæmone, & morte reportati.

Suppono 2. Omnia in titulo sectionis commemorata, honore aliquo & cultu sacro propter Christum & Sanctos esse digna: ut definitum fuit in Concil. Nicæno II. & contra hæreticos huius temporis fuisse probant Bellarm. tom. 2 lib. 2. de Sanctis, Barraut tom. 2. clyp. c. 32. & seqq. & plures alii. Summa probationum est: 1. usus & praxis Ecclesiæ antiquæ, apud quam omnia supra dicta fuerunt in honore, ut testantur sancti Patres, & historici antiquissimi, Ambrosi. Hieron. August. Chrysost. Theodoret. & alii. 2. Miracula diuinitus edita in honorem prædictorum, & in fauorem eorum qui sacrum illis cultum deferrebant, ut testantur iidem Patres & historici. 3. Quia ad honorem Christi & Sanctorum pertinet, ut non tantum ipsi, sed & illa quæ ad ipsos aliquo modo pertinent, honorentur propter ipsos, cultu respectiuo, & sacro seu religioso, quippe fundato in Christi & SS. excellentia supernaturali.

His præsuppositis, quæstio est an crux vera vel picta, & imagines Christi possint latræ cultu adorari: ex cuius controuersie decisione patebit, quid de cultu dulæ & hyperdulæ Sanctorum & B. Virginis sentiendum sit quoad eorum reliquias & imagines.

Qua de re Dico primò, imagines Christi duobus modis adorari posse. Priori modo scilicet, ita ut ipsæ sint tota materia proxima directa & immediata adorationis: Christus verò tantum materia remota, vel potius ratio propter quam adorantur, quæque solum adoretur in obliquo, quatenus imago propter ipsum adoratur: sicut quando diligitur proximus propter Deum, materia proxima dilectionis est proximus: Deus verò est ratio propter quam proximus diligitur: Et quando elemosyna datur pauperi propter Christum; elemosyna fit immediate soli pauperi: Christus verò est ratio propter quam fit. Posteriori modo possunt adorari imagines, ita ut ipsæ non sint tota materia proxima, seu terminus immediatus & directus adorationis: sed tantum pars & adiunctum quoddam termini directi & immediati, quia nimirum adoratio proximè & immediate terminatur ad prototypum representatum in imagine: imago verò consideratur velut adiunctum quoddam prototypi, vnum quodammodo constituens cum illo: atque ita simul cum illo coadoratur, & adoratio prototypi in illam quodammodo redundat: sicut purpura regia cum Rege coadoratur, & alia eidem Regi coniuncta coadoran-

tur per accidenti.

Inter hos duos adorandi modos magna est differentia: quia adoratio imaginum Christi, & Dei, priori modo facta (quæ est propria imaginum adoratio: tunc enim imagines adorantur per se: posteriori autem modo adoratur potius prototypum, quàm imago) adoratio, inquam, imaginum Christi & Dei priori modo facta, non est latræ; sed cultus inferior, ut rectè docent Suar. disp. 34. sect. 4. 5. *At primum ergo suauamentum contrarie sententiae, & sect. 5. 9. Atque hinc potest, Bellarm. lib. 2. de Sanctis c. 24. & alii quos isti citant. Probatur primò ex Concil. Nicæno II. act. 7. in definitione fidei, ubi dicitur expresse, imagines habendas esse, & maxime imaginem Domini & Dei Saluatoris nostri Iesu Christi: quo per earum inspectionem, omnes qui contemplantur, ad prototyporum memoriam & recordationem, & aspectum veniant: ut si que salutationem & honorarium adorationem exhibeant: non tamen secundum statum nostram veram latræ, quæ solum diuine nature impetit: sed quæ admodum typo veneranda & vniuersi antistitu is, & sanctis Evangelii, & reliquis sacris oblationibus, sacrificiorum & luminarium reuerenter accendimus. Imaginis enim honor in prototypum refertur. Et qui adorat imaginem, in ea adorat quoque descriptum argumentum. Hucusque Concilium. In cuius extremis verbis nota particulam, quæque, quæ clarè in dicat non adorari solum exemplar, sed & ipsam imaginem. Negat verò aperte Concilium verbis relatis imaginem Christi & crucem coli latræ adoratione: sed tantum cultu inferiori, ut Evangeliorum librum & similia. Probatur 2. Quia licet imago representet prototypum, semper tamen est ab illo distincta, & non est eius excellentiæ, cuius est prototypum. Ergo honor qui conuenit prototypo, non conuenit imagini per se. Ergo non potest imago eodem cultu adorari per se. 3. Quamuis propter Deum velim bonum proximo: tamen non idem volo bonum quod Deo. Ergo similiter licet honor tribuatur imagini propter Christum: tamen non tribuitur honor idem. Et quia honor recipit varietatem, ut id quod honoratur, quia est protestatio excellentiæ: ideo si id quod honoratur in imagine non est Deus, nec aliquid eiudem excellentiæ cum Deo: non apparet quomodo honor ille appelletur latræ: nisi etiam quiuis cultus, qui tribuitur propter Deum, appelletur latræ, quod nequaquam fit. Si verò quis obiciat: Ratio propter quam colitur imago Christi & Dei est infinita: nempe excellentia ipsius Christi & Dei. Ergo summus honor debetur eius imagini. Respondeo negando consequentiam, quia imago non est adæquata prototypo, neque capit excellentiam illius. Alioquin sequeretur etiam proximum, dum diligitur propter Deum, esse summè diligendum: quod non est verum.*

Posteriori modo adorantur imagines, seu potius coadorantur per accidenti, eodem cultu, quo prototypum, vnoque & eodem actu,

62. Priori modo non coluntur eodem cultu quo prototypum, sed inferiori.

Suar.

Bellarm.

Nicæno.

60. Crux imagines & reliquias sunt cultu sacro dignæ.

Imagines Cultu duob. modis adorari possunt. Primò, ut tota materia proxima directa & immediata adorationis.

2. Ut pars & adiunctum termini directi & immediati adorationis.

63. Posteriori modo coadorantur eodem cultu.

tu quo
prototy-
pum.

Suarez.
Bellarmia.
S. Thom.
Caiet.

Nicæa.

Trident.

Basil.

64.

quid rectè & principaliter fertur in prototypum imagine repræsentatum: in imaginem verò concomitantem, ut in adiunctum illius, & unum cum illo moraliter constituens. Ut rectè docent Suarez, disp. 54. sect. 4. 5. Dicendum ergo est, & Bellarm. lib. cit. cap. 23. post D. Thom. 3. p. q. 25. a. 3. Caiet. ibid. alioque plurimos. Quod adhuc dupliciter fieri potest. 1. Impropiè; ita ut solum prototypum adoretur actu interno, sola verò signa externa, genuflexiones, &c. imagini exhibeantur vice exemplaris quod in illa honoratur. 2. Etiam propriè, sed per accidens, ita ut ipsa quoque interna veneratio redundet in imaginem, & ab ea participetur tanquam ab adiuncto exemplaris. Et hunc secundum modum adorationis imaginum probant ea quæ diximus de coadoratione humanitatis Christi cum Verbo: & corporis viri sancti, cum ipso sancto: possunt enim imaginibus, & aliis adiunctis, cum proportionem applicari. Quod amplius confirmabitur paulò post ex iis quæ cõtra Durand. & Vasq. subiiciemus. Nunc autem abstrahendo ab utroque modo, probatur hæc imaginum coadoratio Concil. & Patrum testimoniis. Nam in Concil. Nicæno II. act. 4. sic dicitur: *Christiani imagines Christi & martyrum tenentes, & osculantes, animo videmur nobis Christum ipsum, aut martyres amplecti.* Et actione 6. tom. 6. *Cum divinam crucis effigiem, & venerandas imagines amore & desiderio amplectimur, ad ipsum prototypum respicimus.* Trid. sess. 25. in decr. de sacr. Imag. *Per imagines quas osculamur, & coram quibus procumbimus, Christum adoramus, & sanctos veneramus.* Vbi per, *adoramus*, videtur intelligere latriam, ut vulgò sumi solet: per, *veneramus*, duliam. Basil. lib. de Spiritu sancto c. 18. *Rex, inquit, dicitur Regis imago: & non duo Reges. Neque imperium dividitur, neque gloria diuiditur. Quia sicut potestas est una, ita & orificatio est una.* Similia dicunt alii Patres à Suare vbi supra relati. Ratio demum est, quia talis modus adorationis est possibilis: & non est inordinatus, sed conueniens. Sicut enim sanctitas & excellentia personæ redundat in alia ipsi adiuncta: ita honor illi tributus primò & per se, potest in alia redundare, quatenus illi adiuncta sunt, & velut unum cum illo apprehenduntur animo.

Dico 2. Veram Christi crucem, aliasque eius reliquias, spongiam, lanceam, spinas, clavos &c. posse similiter duplici modo adorari, eodemque genere cultus, quo eius imagines. Idemque dico de SS. imaginibus & reliquiis, tum eorum corporibus aut illorū particulis, tum vestibus, aut rebus aliis, vsu vel tactu eorum consecratis. Quæ omnia propter ipsorum animas B. honorantur, siue ut animo coniuncta, & tanquam pars materiæ proximæ adorationis: siue ut tota materia proxima, ad animas tamen B. relata, & propter illarum excellentiam honorata: qui posterior cultus est priori inferior, ut supra dixi de Christi imaginibus quando per se honorantur. Ratio huius conclusionis eadem est quæ præcedentis, & ex seqq. amplius declarabitur.

SECTIO VII.

Refutatur contraria sententia.

Contra doctrinam præcedentem sentit ex parte Vasq. disp. 108. c. 3. & seqq. vbi contendit, imaginem non nisi cum exemplari posse adorari: non autem per se, ita ut ipsa sit tota materia proxima seu terminus immediatus adorationis. Deinde docet, quando imago cum exemplari adoratur, solum signum externum adorationis, quod ipse vocat adorationem in signo, exhiberi imagini vice exemplaris: totum verò affectum internum & æstimationem, quam vocat adorationem in spiritu & veritate, terminari ad solum prototypum. Ex utroque verò, externo scilicet & interno, constari unicam adorationem. Quia adoratio propriè sumpta non est solum signum externum sine affectu interno honorandi, sine quo simulatio vel irrisio est. Neque affectus internus sine signo externo est adoratio, sed tantum affectus adorationis. Ac proinde adoratio vni ibi est, communis imagini ac prototypo. Hoc idem ante Vasq. docuerant Durand. in 3. dist. 9. q. 2. Holchor in Sapientiam lect. 158. & Acastro contra hæreses, Verbo *Adoratio*.

Sed hæc opinio videtur esse planè à vero aliena. Nam Concilia definiunt simpliciter, & SS. Patres affirmant, imagines esse adorandas, easque vocant venerandas & honorabiles, aiuntque honorabiliter adorari, honorem debitum illis exhiberi, ex animi desiderio venerari, & similia. At hæc vera non essent si sola signa externa ad imaginem, totus verò affectus internus ad prototypum dirigeretur: ergo, &c. Maior probatur. Nam in Concilio Nicæno II. act. 7. in definitione fidei, definitur sub anathemate imagines esse adorandas. Ibid. act. 3. dicitur non tantum adorari exemplar in imagine, sed etiam imaginem propter exemplar adorari. Et act. 4. referuntur hæc verba Leonii: *Imaginem adorans, non materiam aut colores, sed inanimatum Christi characterem adorat.* Et act. 7. in ep. Synodi ad omnes Ecclesias: *Quare eas honorabiliter adoramus & salutamus, imagines scilicet.* Et act. 6. in fine: *Non indignas habemus imagines honore, salutatione, & veneratione, debitamque illis venerationem & adorationem dare debemus.* Et act. 2. Euthymius Episc. Sardens. sic loquitur: *Ob eam causam venerandas imagines ex toto corde cum debito honore & salutariora adoratione suscipio.* Et Trid. sess. 25. decr. 2. ait, *Debitum honorem & venerationem eis esse impartendam.*

Minor autem, quod scilicet in opinione Durandi & Vasq. hæc vera non essent, probatur, quia si signatantum externa possent ad imagines dirigi: ipsa non nisi impropriè & abusive possent adorari. Quare Concilia definiunt imagines esse adorandas, impropriè & abusive locuta essent. Contra verò Hæretici ab illis damnati, negantes imagines esse adorandas, essent, verè & propriè locuti. Probo antecedens: quia sola exterior actio, sine inten-

65.

Contraria
sententia
Vasquez.

Durand.
Holchor-
Castro.

66.

Refutatur.

Nicæa.

67.

tione colendi rem quæ dicitur adorari, non est adoratio, nisi fortasse ficta vel apparens. Est enim adoratio signum seu emphatis honoris, ut loquitur Nicænum II. act. 4. id est, signum honoris qui exhibetur illi rei quæ dicitur adorari. Nam ut per se constat, adoratio non est signum alieni honoris, sed proprii eius qui adoratur, id est, submissionis illi exhibitz. Absurdum enim & ridiculum est dicere, Petrum à me adorari, quando coram illo tantum, exhibeo signa submissionis meæ & reuerentiz erga Paulum. Ergo si signa externa diriguntur ad imaginem sine intentione ipsam honorandi, sed solum prototypum: non adoratur imago sed prototypum. Et nisi exhibeam ipsi imagini notam alicuius submissionis erga illam, non possum propriè dici ipsam adorare.

Confirmatur, Quia adoratio est species honoris. Ergo nemo adoratur, nisi id quod honoratur. Ergo si osculando Christi crucem, non ipsam honoro, sed Christum solum: non ipsam verè adoro, sed Christum. Confirmatur 2. Quia sicut ille qui ad præsentiam creaturæ exurgit per affectum ad Deum laudandum & amandum, non propterea verè dici potest laudare & diligere creaturam, licet præsentia creaturæ excitetur, & coram illa exhibeat signa externa laudis & amoris: sic, &c. Adde, quod si intentio honorandi non dirigitur ad imaginem, neque dirigi potest: verè ipsæ non sunt honorabiles & venerandæ, sicut terra non est honorabilis & adorabilis, vel paries, licet coram illo genu flectatur, vel aliud signum honoris erga Deum & sanctos exhibeatur. Estque planè incredibile, Concilium non aliter definiuisse imagines esse adorabiles quàm terram. Item si intentio honorandi non dirigitur ad ipsas etiam Christi & Sanctorum imagines, neque dirigi potest: ergo ipsæ neque honorabiliter adorantur, neque ex animi desiderio & toto corde honorantur, & cum debito honore & veneratione coluntur, ut aiunt Concilia locis citatis, neque illis verè salutationem & honorariam adorationem exhibemus, ut affirmat Concilium Nicænum II. act. 7. in definitione fidei.

Neque respondeas, veram quidem adorationem exerceri non posse sine intentione cultus siue honoris interni: non tamen esse necessarium ut adoratio, & intentio cultus ad idem referantur. Nam ut rectè Suar. disp. 54. sect. 3. sicut vera adoratio, ut sic essentialiter & formaliter requirit intentionem adorandi: ita adoratio huius vel illius rei requirit essentialiter proportionalem intentionem adorandi talem rem. Adoratio enim generatim est submitio interna vel externa, id est, nota internæ submissionis erga adoratum. Item, quia honor vnus non potest verè esse honor alterius rei distinctæ, nisi in illam aliquo modo redundet, aut ab ea participetur: ergo non potest honor prototypi dici honor imaginis, nisi in illam aliquo modo redundet. Ergo sub ea ratione potest ac debet

intendi ut sit vera adoratio imaginis. Confirmatur, quia si quis ex mera intentione submittendi se Deo, terram deosculatur, vel coram pariete genu flectit, vel pectus suum percutit in signum reuerentiz: non propterea verè ac propriè adoratur terram, parietem, aut pectus suum, licet coram illis reuerentiz signa exhibeat, sed solum Deum. Ergo ut actio exterior habeat rationem vera adorationis respectu illius rei circa quam proximè versatur, non sufficit simplex voluntas exercendi talem actionem coram illa re, aut in illa, ex intentione cultus circa aliam rem: sed necesse est ut intentio cultus se extendat ad omnem rem quæ propriè dicitur adorari. Ac si sufficeret ut imago dicatur adorari, coram ipsa genu flectere, vel ipsam deosculari humiliter, & in ipsa vel coram ipsa exhibere signa externa adorationis, ad significandam internam submissionem, quam habemus erga solum exemplar: sufficeret quoque flectere genu coram pariete, terram osculari, vel pectus suum percutere ad significandam internam submissionem nostram erga Deum & sanctos, ad hoc ut paries, terra, & pectus nostrum, diceretur à nobis adorari: quod per absurdum est.

Respondebis, differentiam esse: quia genuflexionem fieri præcité coram pariete, non est eam fieri ipsi parieti, sicut fit imagini. Sed contra: quæro quid hoc sit, genuflexionem fieri ipsi imagini, & non tantum coram imagine? quæque sit differentia inter parietem & imaginem quoad meum affectum, & intentionem, nisi quod inter ipsam imaginem honorare, illique me aliquo modo submitti esse propter prototypum, eam que submissionem tali nota externa significare: hoc autem circa parietem non intendo? Cùmque illa genuflexio sit aliquis honor, & cultus externus exhibitus ipsi imagini, debet procedere à voluntate, seu affectu interno, illum ipsi exhibendi. Hic autem affectus est submitio interna, quam contendimus fieri ad ipsam imaginem propter exemplar. Neque enim volumus probare, debere adorantem se submittere imagini, tanquam suo superiori & Domino, vel excellentiori seque existimatio & submitio esset inepta & irrationabilis: sed quod habeat affectum internum exercendi erga imaginem genuflexionem, & alia signa externa honoris quæ exhibentur superiori, ob excellentiam exemplaris, id est, Dei vel sancti, qui meretur honorari etiam in sua imagine.

Pro contraria sententia multa opponit Vasq. disp. 108. c. 3. & seqq. Ac prin. adducit auctoritatem D. Thomæ, & aliorum plurium Scholasticorum, qui non solum docent imaginem cum exemplari eodem modo adorationis posse adorari: verum etiam ipsam per se, nisi exemplar contineat, & cum eo coniungatur, non esse alicuius venerationis & adorationis capacem: ac proinde non nisi cum exemplari, cum quo integrum & proximum terminum adorationis constituit, esse colendam.

68.

Nicæna.

69.

Refutatur eunio.

Suar.

70.

Altera eius
fio refellit
eum.

71.

Vasquez.

Explican-
tur testi-
monia ad-
ducta pro
contraria
sententia.

72.
Omnino
ex Trident.

Respond. D. Thomam, & aliquos alios à Valq. citatos primum quidem asserere: at secundum non negare: sed tantum quod imagines materialiter sumptæ, & secluse exemplari non tantum ut termino, verum etiam ut ratione formali adorationis, non sint dignæ adoratione: quod nos & quæ asserimus.

Opponit secundo, autoritatem Trident. sess. 24. in decret. de sacris imaginibus, ubi sic dicitur: *Imagines potro, in templis præsertim habendas, eisque debitum honorem & venerationem impertientiam: non quod credatur inesse aliquæ in his diuinitas, vel virtus, propter quam sint colendæ: sed quoniam honor, qui eis exhibetur, refertur ad prototypum, quæ illæ representant: ut per imagines quas osculamur, & coram quibus caput sperimus & procumbimus, Christum adoremus, & sanctos quoniam illæ similitudinem gerunt, veneremur.* Hæc Trid. Ex quibus infert Valquez 1. Imagines non posse per se coli: alioqui deberet illis inesse aliqua diuinitas, aut virtus & excellentia cultu digna. 2. Signa externa ita terminari ad imagines, ut per illas & in illis, exemplaria ex corde veneremur: atque ita imagines coniunctas exemplari, & nullo modo ab eo diuisas adoremus. Cùmque Concilium non loquatur de aliquo modo peculiari venerandi imagines, sed generatim de honore eis debito, ac proinde de quouis modo & ratione ob quam dignæ sunt adoratione: dicendum est, non aliter posse adorari imagines iuxta mentem Concilii, quod alioqui non satis explicasset debitum modum venerationis ipsis exhibendæ.

73.

Resp. ad primum, Ut aliquid propter aliud honoretur & adoretur, non esse necessarium ut in ipso sit aliqua virtus & excellentia; sed sufficere, si sit in illo propter quem honoratur. Atque ita sufficit esse in Christo & in sanctis excellentiam, propter quam eorum imagines adorantur: licet in ipsis nulla diuinitas, aut virtus inesse credatur.

Ad secundum resp. Quocumque modo honoretur imago ut imago, siue per se, siue per accidens: semper eius honorem referri ad prototypum, tanquam ad terminum remotum vel proximum, mediatum vel immediatum, talis adorationis. Quia nimirum vel imago adoratur tantum propter prototypum, ut rationem formalem proximam adorationis: vel per modum vnus cum ipso coadoratur. Porro Concilia definiunt tantum imagines esse adorabiles; modum autem quo possint adorari, Theologis explicandum & examinandum relinquunt.

74.

Tertio, Opponit Concil. Nicænum II. act. 7. cuius verba initio retulimus. Sed ea potius nobis fauent, cùm negant Christi imaginibus cultum latriæ: quod necessario debet intelligi de imaginibus per se: nam alioqui per accidens coadorantur cultu latriæ Dei & Christi imagines, ut fateretur Valq. disp. 110. cap. 3. num. 15. qui frustra respondet Concilium negare tantum imaginibus latriam in spiritu, id est, internam ado-

Valquez.

rationem quæ à Concilio intelligitur per veram latriam: quia scilicet latria in signo, siue adoratio externa sola, terminatur ad imaginem, eique vice exemplaris exhibetur. Quod putat confirmari verbis illis Concilii: *Imaginis enim honor in prototypum refertur: & qui adorat imaginem, in ea adorat quoque descriptum argumentum*, id est, prototypum: & nonnullis Tharassii testimoniis, quæ refert & expendit cap. 13.

Verum hæc verba possunt facile explicari eodem modo, quo alia paulò ante relata ex Trident. & Valqui potius aperte aduerfantur. Primum patet, quia siue imago adoretur directè propter prototypum, siue cum illo coadoretur: honor illi exhibitus redundat in prototypum, ratione cuius adoratur, aut coadoratur: & prototypum in ea adoratur: sicut Deus diligitur in proximo, quando proximus propter Deum, vel ut aliquid Dei diligitur. Secundum ostendo, quia Concilium dicit, *Honor imaginis*. At iuxta Valq. non tribuitur honor imagini, sed exemplari. Item Concilium sic ait: *Qui adorat imaginem, in ea adorat quoque descriptum argumentum*. Vbi particula, *quoque*, significat imaginem verè & simili quodam modo, quo exemplar adorari. Tharassius verò per latriam in ipso, intelligit cultum diuinum, affectu ad aliquem ut supremum numen terminato, exhibitum: ut colligi potest ex Anastasio cit. paulò post. Deinde Concilium Nicænum affirmat simpliciter exhibendam esse imaginibus salutationem & honorariam adorationem, non autem veram latriam. At signum externum tantum non est honoraria adoratio. Imò neque est verè imaginis adoratio, ut rectè obseruat Suar. loco supra cit. Quia sicut adoratio exterior nisi ex intentione cultus procedat, non est vera, sed ficta adoratio, si absolute consideretur: ita etiam respectiue non potest adoratio exterior esse vera adoratio alicuius rei, si nullo modo ex intentione colendi illam, sed aliam, procedat: multoque minus dici potest honoraria adoratio eiusdem rei, si non sit ex intentione honorandi illam. Neque est magis dicenda honoraria, quam latria. Imò potius latria, quia signa externa latriæ Dei vel Christi imaginibus exhibentur, neque aliter illis honor ullus defertur iuxta Valquem. Quare eius interpretatio est omnino aliena à mente Concilii. Vnde neque, ut ipse putat, Concilium loquitur de vnica adoratione duobus diuisa; imagini, quoad signum externum; & exemplari quoad affectum internum: sed potius distinguit duas adorationes, Vnam honorariam, & latriam inferiorem, quæ tribuatur imaginibus: aliam supremam & latriæ, quæ conuenit soli naturæ diuinæ, per se scilicet, & propter se. Cum autem idem Concilium dicit actione 4. non esse duas adorationes, sed vnam imaginis & primi exemplaris: intelligit duas absolute & independentes, ita ut imaginis adoratio non pendeat ab adoratione exemplaris. Illa

75.

Explicatur
Concilium
Nicænum

enim verba sunt Ioannis legati orientis, qui post relatum Athanasii testimonium ex sermone 4. contra Arianos, & Basilii magni ex lib. de Spiritu sancto, dicentis, *Qui adorat imaginem, in ea ipsum Regem adorat.* sic infert, approbantibus aliis Concilii Patribus: *Vade B. Pater inquit non esse datus adorationes, sed tantum, imaginis & primi exemplaris.* Duas scilicet absolute: ita ut imago adoretur sine exemplari, & non cum ipso aut propter ipsum: iuxta illud eiusdem Concilii actione 6. tom. 6. *Cum duntaxat crucis effigiem, & venerationes imagines amore & affectu amplectimur, et ipsum prototypum respiciamus.*

76.

Concil. Nicæn. agnoscat duplicem adorationem imaginum.

Malè verò supponit Vasq. ibid. non alibi loqui Concilium de modo adorationis imaginum: & Patres antiquiores prius in synodo allegatos, ut in eorum traditione definitionem suam fundaret, non loqui de alia adoratione imaginum, quam per accidens, & qualem Vasquez totam admittit. Nam ex textu Concilii, & quibusdam etiam à Vasq. ipso relatis, contrarium satis apparet. Cuiusmodi est id quod Concilium ait act. 7. in definitione fidei, imaginibus exhiberi honorariam adorationem, tamen si non veram latrariam: quod, ut supra expendimus, debet necessario intelligi de imaginibus Christi & Dei, quatenus per se adorantur. Item, quod ibidem ait, honorem imaginis redundare in prototypum: & cum qui adorat imaginem, adorare quoque descriptum in ea argumentum, id est, prototypum per eam representatum. Cuiusmodi etiam est testimonium Anastasii Episcopi Theopoleos, allegatum ab eadem synodo act. 4. Vbi, ut fateatur ipse Vasq. disput. 108. cap. 4. n. 27. duplicem imaginum adorationem adstruere videtur, cum dicit imagines, etiam Dei & Christi, esse adorandas, sicut sanctos, quibus non exhibetur latraria: quod de adoratione per accidens, aut coadoratione intelligi non potest, ut antea probauimus, & ostendemus iterum paulò post.

Vasquez.

77.

Idemque faciunt SS. Patres.

Quartò, opponit plurima Sanctorum Patrum testimonia: qui vel de vno modo adorationis loquuntur, & alium non negant: vel ex dictis facillè explicari, & cum nostra sententia conciliari possunt: tantumque negant imagines materialiter sine ordine ad exemplar, ac non propter illud vel cum illo, esse adoratione dignas. Quin etiam eorum aliquos videri loqui de adoratione imaginum per se, & duplicem earum adorationem adstruere fateatur Vasq. cap. 4. n. 27. de Anastasio Episcopo Theopoleos, & de Adriano summo Pontifice in scripto de Imagin. idem etiam fateatur paulò post. Nec obest quòd Patres dicunt interdum non honorari vel adorari imaginem, sed exemplar. Hoc enim in rigore non est accipiendum. Alioqui Vasqui, æquè ac nobis obesser, cum ipse fateatur imagines aliquo modo adorari, neque illi sine hæresi negari possit, cum à Nicæno II. expresse definitum sit. Sicut autem Vasquez hæc loca Patrum exponit de negatione so-

lùm adorationis in spiritu, id est, ut ipse explicat, de submissione interna: ita nos ea explicamus de negatione solùm adorationis absolute, sine respectu ad exemplar, propter cuius excellentiam debent adorari. Quæ adoratio respectiua tam parua est respectu absolute, ut præ illa nulla dici possit. Sicut amor concupiscentiæ erga bonum quod volumus alteri, nullus esse dicitur, respectu amoris amicitie erga personam. Sicut etiam dicere solemus cum qui amat alium propter seipsum, non illum amare, sed seipsum. Ita Delugo disput. 36. num. 47. apud quem plura vide de hoc Vasquis argumento.

Delugo.

78.

Soluuntur rationes pro contraria sententia.

Quintò opponit Vasquez triplicem rationem. Prima est, quia nulla res inanima, aut irrationalis, sine rationali, capax est secundum se honoris, cultus, & reuerentiæ, seu adorationis: neque potest illi homo conuenienter se submittere, nec nisi irrationaliter & stultè illi seruire. Sed imago est res irrationalis & inanima; quantumvis ut imago, sine exemplari tamen consideretur: ergo secundum se, sine exemplari, non est capax adorationis & reuerentiæ. Secunda ratio est, quia religio est pars potestatiua iustitiæ. At iustitia est semper ad alterum rationis participem, non ad rem inanimatam aut irrationalem: ergo & religio: ergo & adoratio, quæ est actus religionis. Tertiò, imago & quævis res inanima vel irrationalis secundum se non est capax iniuriæ: ergo nec venerationis & honoris, nisi coniuncta cum rationali. Nam si ut aliquid habeat rationem iniuriæ, non potest in imagine aut in re inanima sistere, sed transire debet in rem rationalem, tanquam in id cui proximè sit iniuria: ita etiam ut aliquid habeat rationem honoris, non ad imaginem solam, sed ad exemplar referri debet. Quibus etiam argumentis contendit Vasq. non posse internum affectum adorationis ad imaginem terminari per coadorationem: quia imago est res inanima & irrationalis, carens excellentia, cui homo se submittat, quæque sit capax veri honoris & adorationis internæ. Idemque docet de Sanctorum reliquiis disput. 113. cap. 2.

Vasquez.

79.

Quomodo res inanimæ sunt capaces adorationis?

Ad primum respondeo, Rem inanimam non esse capacem adorationis propter se: neque sine rationali, ut motiuo saltem & ratione formali, propter quam adoretur: secus autem sub tali motiuo, digno ut non tantum ipsi propter se, sed etiam alteri propter illud tribuatur honor & adoratio. Neque vllum est inconueniens submittere se rei irrationali, non propter ipsam, sed propter exemplar: ut imagini propter Deum quem representat. Quia hoc non est seruire imagini propter seipsum, sed propter Deum; quod est seruire Deo in ipsa. Vnde per talem adorationem homo non ita se submittit imagini, ut profiteatur se inferiorem illi: sed solum proficitur imaginem pertinere, seu esse aliquid eius qui superior & excellentior est,

Ita Suar. supra sect. 5. 5. *Ad replicam.*

Ad secundum Resp. Religionem poni inter partes potestatis iustitiae, quia est ad alterum, licet non planè eodem modo, quo iustitia, sed vel proximè vel remotè, directè vel obliquè. Semper autem veneratio imaginis veritatur circa Deum vel sanctum: quatenus vel cum illo coadoratur per modum totius: vel si est tota materia proxima adorationis; respicitur tamen Deus aut sanctus, & honoratur in obliquo siue indirectè. Ideò enim imaginem eius honoramus, ut ea adoratione reddamus illi cultum, quem ei debemus, non tantum in seipso, sed & in aliis ad ipsum pertinentibus, propter ipsum.

80. **Tamen non sunt capax iuris & iniuriae.**
Ad tertium: Nego paritatem. Nihil enim inanimum aut irrationale est capax iuris & iniuriae, ideòque non potest illi propriè fieri iniuria, neque debitum reddi, aut quidquam propriè illi deberi: secus autem honoris & venerationis. Et quamvis excellentia digna per se & propter se adoratione, non sit intrinsecè in imagine, sed in extrinseco exemplari, propter quod honoratur: hoc tamen sufficit ut affectus quoque internus submissionis & adorationis ad illam terminetur immediatè propter exemplar. Non tanquam ad habentem in seipso huiusmodi excellentiam, aut veluti digna tali affectu propter seipsam: sed ut relatum ad exemplar, à quo habet extrinsecè rationem cur honoretur. Sicut legatus Principis magis honoratur propter Principem, quam alioquin mereretur. Et aliquis amore indignus propter se, potest propter Deum amari intensissimè.

SECTIO VIII.

Soluntur aliqua dubia circa Venerationem imaginum, & reliquiarum.

81. **Imago Christi non potest orari, neque potest illi sacrificari.**
Vbi est primò, an sicut Imago Christi potest in recto simul adorari seu coadorari cum exemplari: ita possit simul orari, aut simul illi sacrificari. Respondeo negativè cum Suar. disp. 54. sect. 4. in fine, Vsq. disp. 109. num. 23. & Delugo disp. 36. n. 76. & seqq. Prima pars probatur, quia oratio est allocutio naturae intellectualis, à qua petimus ut aliquod bonum nobis faciat, aut malum aliquod auertat. Hæc autem non potest dirigi nisi ad naturam intellectualem, quæ nos audiat, & ex sua libera voluntate possit facere id quod postulamus, possitque nostris precibus moveri ut facere velit. Quare alia est ratio honoris ac venerationis; & alia orationis. Secunda vero partis ratio est, quia sacrificium est protestatio supremæ excellentiæ, & potestatis vitæ ac mortis, residentis immediatè in eo, cui fit. Quare non potest nisi summè excellenti in seipso, id est, Deo ipsi fieri.

82. Utamque partem responsi confirmat Trid. Priorem quidem, sess. 25. in decreto de

Imag. vbi dicit imagines Christi, Deiparæ Virginis, & aliorum sanctorum, in templis præsertim, habendas & retinendas esse, eisque debitum honorem & venerationem impertiendam. Non quòd credatur inesse aliqua in eis diuinitas, vel virtus, propter quam sint colendæ: vel quòd ab eis sit aliquid petendum: vel quòd fiducia in imaginibus sit figenda, &c. Posteriores confirmat sess. 22. cap. 3. vbi ait, Quamvis in honorem & memoriam sanctorum nonnullas interdum Missas Ecclesia celebrare consueverit: non tamen illis sacrificium offerri, sed Deo soli qui illos coronauit.

83. **Objicies primò, Quando Christum oramus, oratio ad ipsum totum dirigitur, adeoque non ad solam eius diuinitatem, & animam; sed etiam ad corpus.** Resp. dirigatur totum, quia totum illud est compositum intellectuale vnum per se, quamvis non intelligat, neque velit ex parte corporis: estque principium totale beneficiorum quæ ab ipso postulantur. At compositum, seu potius aggregatum ex imagine & exemplari, non est tale.

Objicies secundò, Interdum solum Christi corpus orari, ut in illa vulgari oratione, *Anima Christi sanctifica me. Corpus Christi salua me. Sanguis Christi inebria me.* Resp. Hæc dici synecdochice, sumendo partem pro toto: ita ut oratio repleta ad totum Christum dirigatur, non ad solum corpus vel sanguinem.

84. **Objicies tertio, Crucem Christi, & imagines interdum orari.** Ut cum sic canit Ecclesia, *O Crux æque spes vniuersa, Auge pios iustitiam, Reisque dona veniam.* Et, *salua sancta facies Christi redemptoris*, &c. Quæ tamen postrema oratio non est recepta à tota Latina Ecclesia, ut prior. Respondeo. Hæc dici figuratè: vt illa Scripturæ, *Terra, terra, audi verbum Domini. Obscurescite celi. Audite celi quæ loquor: audiat terra verba oris mei. Benedicite sol & luna Domino. Benedicite stella celi Domino.* Figuratè, inquam, vel alloquendo & orando Christum in sua cruce vel imagine, in qua representatur: ut fit in illis duabus primis orationibus. Vel sumendo continens pro contento, cælum & terram pro Angelis & hominibus ibi degentibus: ut in tribus prioribus Scripturæ locis modò allatis: vel ad exprimendum aut excitandum nostrum affectum erga aliquid putà ad reuerentiam verbi Dei, ad stuporem improbitatis & stultitiæ hominum, ad Dei laudem & benedictionem, id est, prædicationem ipsius excellentiæ: quo sensu possunt omnia loca Scripturæ citata intelligi.

85. **Objicies quarto: Sacrificium potest offerri Christo toti, ac non tantum eius diuinitati, aut Christo præcisè ut Deo.** Ergo & eius imagini. Resp. Id ideo fieri posse, loquendo absolutè, quia suprema excellentia verè residet immediatè in toto illo composito ex naturis diuina & humana, conuenientibus in vnum ens per se. At aggregatum ex Christo & imagine non est vnum per se con-

84. **Orationes Ecclesiæ directæ ad imagines, sunt figuratè accipiendæ.**

85. **Sacrificiū potest offerri Christo**

tinens immediatè supremam excellentiam in sua essentiali & substantiali constitutione. Dixi id fieri posse loquendo absolute: Nam re ipsa non fit. Neque enim aliud in Ecclesia offertur sacrificium, quàm Eucharistia: quod à Christo ipso ut homine & sacerdote semper offertur principaliter. Non offert autem sibi ipsi ut homini, & quoad est idem cum hostia seu re oblata: sed Deo. Sacrificium enim est actus religionis, & religio est ad alterum: quippe quæ est pars potestativa iustitiæ: vel pars subiectiva principalis. Poterat tamen aliud sacrificium institui, quod toti Christo posset offerri. Quod autem ait Athanas. lib. 1. de Incarn. Christi, aliquantò post initium, sic loquens de Christi corpore: *Et quia Increati corpus factum est, ideo corpus eius dicitur cuius factum est. Ac proinde illi sacra offertis, adhibetisque vestram adorationem, eaque de causa ritè, legit: magne ratione adoratur, & diuina adoratione colitur.* Hoc, inquam, non est ita intelligendum, ut per hanc particulam, illi sacra offertis, intelligantur sacrificia propriè dicta: sed dona sacra, vel signa religionis, ut variæ oblationes frugum, & terræ fructuum, suffitus, luminaria, & alia huiusmodi quæ corpori Christi in sacramento Eucharistia religiose à fidelibus exhibebantur: ut rectè exponunt Vasq. disp. 96. num. 62. & Delugo disp. 34. num. 48.

Dubium est 2. An reliquæ Sanctorum adorentur propter excellentiam quam nunc habent Sanctorum animæ? An verò propter excellentiam quam habuerunt eo tempore, quo reliquæ ad eos pertinuerunt? Resp. propter utramque adorari posse, & diuisim, & coniunctim. Vtraque enim diuisim, & coniunctim, sufficit ad dulcè venerationem. Quin etiam illa potest alicui deferri propter excellentiam nondum in eo existentem. Sicut legimus S. Antonium Patavinum solitum honorare eximie ciuem quendam Aniciensem, alioqui non ita honorabilem secundum statum præsentem, præsciens diuinitus illum Martyrem Christi futurum. Notandum tamen non posse adorari, propter sanctitatem futuram, omnia quæ ad sanctos pertinuerunt antequam sancti essent & Deo grati. Aliqua enim sunt quæ sine indecentia non possent adorari: ut peccandi instrumenta per se mala, quibus ad Deum offendendum vsi sunt. Putà, epistolæ quas Paulus acceperat à Principe sacerdotum ad Christianos comprehendendos Act. 9. si adhuc extarent: aut magici characteres quibus sanctus Cyprianus martyr Iustinam decipere conatus est. Solent tamen honorari specialiter cubacula in quibus Sancti nati sunt: & alia similiter quæ ad ipsos pertinebant specialiter, & quorum veneratio nullam continet indecentiam.

Dubium est 3. An possint similiter adorari propter sanctitatem præteritam reliquæ eorum, qui postea in peccato mortui sunt, & ad eos pertinuerunt cum sancti essent? Item, an si sanctorum animæ desine-

rent esse, possent adhuc eorum reliquæ adorari propter sanctitatem præteritam?

Ad primum Resp. negatiue. Quia talis adoratio continet indecentiam: & quia status finalis peccati præualet, quoad hunc effectum, sanctitati præteritæ; redditque peccatorem, & quæ ad eum pertinent, indignum adoratione. Alioqui possemus Diabolum adorare propter sanctitatem quam habuit initio suæ creationis: quod per absurdum est.

Ad secundum respondet Delugo disp. 37. sect. 3. num. 27. & sequentibus, posse quidem remorè adorari propter Deum, ad quem specialiter pertinuerunt Sanctorum corpora, tanquam instrumenta ipsius gloriæ, & vasa ac templa Spiritus sancti: sed non posse adorari propter sanctitatem, & dignitatem illius sancti qui exiit, & cuius illæ reliquæ fuerunt, si non amplius existeret ipsius anima. Quia omnis actus religionis est actus iustitiæ protestatiuæ. Ergo est ad alterum cui redditur debitum per illum actum. Sicut ergo non esset detractio iniusta erga hominem penitus extinctum anima & corpore: sic neque esse potest adoratio religiosa. Perit enim omne ius, & debitum ei respondens, subiecto iuris penitus extincto. Adeoque non est amplius locus actibus iustitiæ, & religionis, qui non versantur nisi circa debitum alteri.

Contrarium mihi probabilius videtur. Primo, quia si, ut idem auctor fatetur num. 32. charitas & odium possunt versari circa hominem non existentem: quidni & religio, id est, honor & cultus religiosus. Nam charitas est virtus ad alterum, sicut religio. Et verum non est omnem actum religionis versari circa debitum rigorosum & strictè sumptum: imò ne quidem circa debitum honestatis. Multi enim actus religionis, æquè ac ciuilibus obseruantia, versantur circa cultum, qui sine vlla indecentia omitti posset. Et quando dicitur generatim religionem versari circa cultum debitum alicui reddendum: oportet per, *debitum*, intelligere conuenientem & decentem. Conuenit autem & decet honorare excellentiam personæ quæ fuit, quamuis amplius non sit: & propter ipsam honorare reliquias quæ ad ipsam specialiter pertinuerunt: præcipue verò corpus, quod fuit hospitium & compars tam sanctæ & excellentis animæ, quamuis hæc amplius non extaret. 2. Aliquis actus religionis versari potest circa aliquid, quod in honore religioso habeatur propter excellentiam supernaturalem alicuius personæ futuræ. Quidni ergo & propter excellentiam alicuius personæ præteritæ? Probo antecedens: quia negari nequit quin Abraham, David, & alii Christi progenitores, præcipue B. Virgo, haberi possent in honore eximio, propter excellentiam Christi ex ipsis nascituri, ab iis quibus id reuelatum fuisset. Et quidem Abraham Gen. 24. iurare fecit Eliezer super femore suo, ut super materiâ iuramenti & religionis, propterea quod

Non possunt adorari reliquæ eorum qui aliàs iusti, obierunt in statu peccati mortalis.

882

Si SS. animæ deficerent, adhuc possent honorari eorum reliquias, ob sanctitatem præteritam.

Athanas.

Vasquez.
Delugo.

86.

Reliquiæ SS. adorantur propter excellentiam quam illi olim habuerunt: atq; etiam propter illam quam nunc habent.

87.

Christus ex eo femore erat nasciturus, iuxta doctrinam aliquorum interpretum, quam admittit Delugo.

89.

Respondet verò idem auctor num. 30. femur Abraham iam tunc fuisse rem sacram & adorabilem, non propter Christi humanitatem, quæ non existerat, sed propter Deum, qui iam tunc sibi deputauerat Abrahamum, tanquam suum progenitorem consanguineum. Sed contra: primò, Interpretes huic expositioni adhaerentes, causam huius venerationis ad Christum ipsum ex eo nasciturum referunt. Secundò, Abraham non fuit progenitor & consanguineus Dei ut Dei, sed ut incarnati, id est Christi. Ergo si femur Abraham fuit tunc adorabile eam ob causam; fuit adorabile propter Incarnationem & propter Christum post futurum.

90.

Sintne reliquæ adorandæ sub conditione

Dubium est 4. An reliquæ sint adorandæ sub conditione? propterea quòd fieri potest ut aliquæ falsæ proponantur adorandæ. Resp. primò, Non esse adorandas sub conditione expressa, si non est legitima causa dubitandi, an sint veræ reliquæ. Ratio est, quia talis modus adorandi in tali casu est indecens: ut si quis patri vel regi, de quo non esset legitima dubitatio, sic diceret: Honoro te si tu es pater meus: vel si tu es Rex meus. Et quamvis non sit de fide has reliquias in particulari esse veras: sufficit esse de fide, quòd veræ reliquæ Sanctorum sint adorandæ, adiuncto altero iudicio prudentiæ, quòd omnibus expensis, hæ reliquæ sint pro veris habendæ. Ex quibus duobus iudiciis sequitur adoratio supernaturalis circa veras reliquias, concurrente Spiritu sancto, ut alibi diximus generatim de virtutibus. Quamvis item prudenter iudicetur generatim fieri posse ut aliquæ falsæ reliquæ proponantur pro veris: id non sufficit ad prudenter dubitandum de his & illis in particulari; sed debet esse aliqua ratio specialis. Sicut licet prudenter iudicetur generatim aliquos esse filios illegitimos: id non sufficit ad prudenter dubitandum de hoc aut illo in particulari, si non sit ratio specialis de illo dubitandi.

91.

Resp. 2. Quando est legitima ratio dubitandi de aliquibus reliquiis, eas non posse licite adorari à dubitante, sine conditione ex-

pressa. Quia si absolute adorat: exponit se idololatriæ materialis periculo. Idemque dico de hostia consecrata à sacerdote, de quo merito dubitaretur, an verè consecraverit, vel an sit verè sacerdos.

Resp. 3. In omni adoratione legitima reliquiarum inesse virtutalem & tacitam conditionem: quatenus scilicet legitime adorans, quamvis reipia adoret absolute, & ex iudicio absolute quòd sint pro veris reliquiis habendæ: ita tamen affectus est, ut si non essent veræ reliquæ, non vellent adorare. Quod tamen non impedit quo minus præsens affectus adorationis sit absolutus. Quemadmodum Episcopus ordinans in sacerdotem, aliquem quem putat esse Diaconum, & non est: vult & intendit absolute illum ordinare. Quamvis si sciret non esse Diaconum; non vellent, neque licite posset velle eum ordinare.

Supereft notare, cauendum esse ab indecentia in adorandis sanctorum reliquiis. Cuiusmodi esset, si tunc adorarentur cum iam amplius non censentur moraliter esse eorum reliquæ: puta, quia per transmutationem corpus eorum transit in vermes, aut serpentes, aut ab aliquo animali deuoratum est, & in substantiam eius conuersum, sicut olim martyres interdum à feris deuorabantur. Qualis item esset in adorandis reliquiis a sine quæ Christum portauit, vel manu eius quæ Christo alapam impexit, & similibus. Quæ licet Christum attigerint immediate, ut vera Crux: non possunt tamen sine indecentia adorari: maxime verò ea quæ sceleratè & nefariè Christum contigerunt, ut manus illa, & manus crucifigentium, & os Iudæ osculum proditorie infigentis. Et hætenus de adoratione imaginum & reliquiarum. Nam quæ in contrarium obiciuntur ab Hæreticis huius temporis, fuerunt plenissime soluta à Cardin. Bellarm. lib. 2. de Sanctis, Iauberto de Barraute Archiepisc. Arelatensi parte 2. Clypei cap. 38. & aliis controuersiarum scriptoribus, apud quos legi possunt. Vtrum verò adoratio crucis, imaginum & reliquiarum non solum sit licita & honesta, verum etiam sub præceptum cadat, videtur apud Suar. disp. 54. sc. 7.


92.

Cauenda indecentia in adoratione reliquiarum.



TRACTATUS SECUNDVS,

DE SACRAMENTIS IN GENERE.



EXPLICATIS Incarnationis & Vita Christi misteriis, disputat S. Thomas de Sacramentis noua Legis, qua à Christo specialiter instituta sunt, & ab ipsius meritis sanctificandi vim habent. Sunt enim media quibus Christo coniungimur, & veluti instrumenta, quibus ipsius merita nobis communicantur, & gratia propter eadem omnibus ritè suscipientibus infunditur. Seu potius, quia Christus est causa vniuersalis totius hominum sanctificationis, omniumque beneficiorum, qua illis à Deo conferuntur in ordine gratiae, quippe de cuius plenitudine omnes accipimus: Sacramenta sunt veluti causa particulares ab eo constituta, ut per eas generalis eius influxus applicetur, & determinetur ad varios effectus: sicut in rerum naturalium productionibus causa particulares determinant influxum causarum generalium. Vel etiam quia Ecclesia hortus Sponsi caelestis est, manu ipsius confitus, & excultus: sunt illa veluti septem diuini fontes, & perennes scaturigines aqua viua salientis in vitam aeternam, quibus illa perpetuò irrigatur, & fertilis faciendaque redditur. Fontes, inquam, illi de quibus Isaias spiritu propheta-

tico dixerat: Haurietis aquas in gaudio de fontibus Saluatoris. Vel etiam, quia Ecclesia regnum cœlorum est, ad enarrandam Dei gloriam toto orbe expansum; sunt illa veluti septem eius sidera dominantia, quales respectu mundi corporei Planetas esse dicunt Astrologi; quibus Christus mirabiles effectus gratiæ iugiter in homines influit: per quæ scilicet, ut ait Trident. initio sess. 7. Omnis vera iustitia vel incipit, vel cœpta augetur, vel amissa reparatur. Sunt, inquam, septem stellæ mysticæ, quas in manu tornatili Regis nostri munifici vidit Ioannes Apostolus, Apocal. 1. Quarum perpetua conuersione, benignoque aspectu, & influxu fauorabili; sua erga nos beneficia continuo dispensat. Vel denique, quia Ecclesia est domus Dei viuentis, cuius fundamenta in montibus sanctis, dilecta super omnia tabernacula Iacob: sunt illa veluti septem eius columna, manu ipsius sapientiæ incarnata excisa; quibus Ecclesia superadificata, in æternum firma, tectaque stat.

Bipartitam autem disputationem de Sacramentis sanctus Doctor instituit. Et in priori quidem parte, quam præsentî tractatu explicandam suscipimus, tradit ea, quæ septem Sacramentis nouæ legis communia sunt. In posteriori verò, quæ est de singulis sacramentis in specie; declarat ea, quæ sunt cuiusque propria. Priorem expedit quæstione sexagesima, & quinque sequentibus. In quibus disputat primò, de natura, siue ratione, & definitione communis sacramentorum. Secundò, de illorum necessitate. Tertio, de effectibus. Quarto, de causa. Quintò, de numero, & ordine eorum inter se. Quæ omnia sequentibus disputationibus, eiusdem S. Thomæ ductu, & diuini luminis ope declarare conabimur: eoque accuratius, quòd cognitio sacramentorum admodum utilis, & necessaria est, ignorantia verò valde periculosa, & error maximè perniciosus, præcipuè in iis, quæ pertinent ad illorum substantiam, vel ad dispositionem necessariam ex parte recipientis: de qua tamen nonnulla sunt, & non leues inter Theologos controuersie.

De iisdem disputant scholastici cum Magistro in 4. dist. 1. Alensis 4. parte Summa quæst. 1. Hugo de S. Viç. lib. 1. parte 9. Vvaldens. tom. 2. de Sacram. Alan. lib. de Sacram. in genere. Bellar. tom. 2. controu. 1. Perronius lib. 1. de Euchar. & alii recentes controuersiarum

fiarum scriptores. Ambros. verò, & si qui alii Patres de Sacramentis scripserunt, de illis solum in particulari tractant. Generaliores enim has considerationes, & abstractiones, Theologis relinquunt.

DISPUTATIO DECIMA-SEPTIMA.

An detur aliqua communis, & generica ratio
Sacramentorum?

- Seçtio I. *Exponitur vera, & communis sententia.*
Seçtio II. *Confirmatur amplius eadem sententia auctoritate, & ratione.*
Seçtio III. *Respondetur argumentis Nominalium.*
Seçtio IV. *Aliæ eorundem obiectiones solvantur.*
Seçtio V. *Duodecim alia Nominalium argumenta contra communes conceptus obiectivos refutantur.*
Seçtio VI. *Satisfit octo postremis eorum argumentis contra quascunque distinctiones rationis.*



OTERAT huius quæstionis decisio supponi ex Philosophia, nisi, propter instantiam nouorum Nominalium, qui tum istic, tum pluribus aliis locis recens exorti sunt, operæ pretium videretur communem sententiam, quam plerique illorum vel non sincerè proponunt, vel non satis intelligunt, exponere breuiter, & confirmare: tum contrariis eorum argumentis respondere. Ita tamen, vt totam hanc quæstionem theologicè magis, quàm philosophicè tractemus. Dabit veniam lector huic digressioni necessariæ hoc loco, & tempore; atque, vt existimo, non ingrata, neque inutiles futuræ illis omnibus, quibus cum nouis Nominalibus subtilibus, & eruditis, vel intercedit, vel nota est contentio. De qua licet multa dixerim in tom. 1. disp. 3. sect. 5. 6. & 7. ad tuendam distinctionem rationis inter attributa diuina: longè tamen plura supersunt hoc loco addenda; vbi breuiter tactis dumtaxat rationibus theologicis, & philosophicis, quas ibi fusiùs prosecuti sumus, conabimur veram sententiam pluribus aliis confirmare, & magis illustrare, præcipuisque aduersariorum argumentis satisfacere.

SECTIO I.

Exponitur vera, & communis sententia.

1. **D**ico primò, dari vnum conceptum formalem representantem expresse sacramenta nouæ legis, prout conueniunt inter se, & non expresse representantem eadem sacramenta, prout differunt inter se: ita vt concipiens non cogitet expresse & distinctè de huiusmodi differentiis. Hoc vel ipsa experientia evidens est. Qui enim tantum expresse cogitat de sacramento nouæ legis vt sic, id est, de signo efficaci gratiæ ex opere operato; non cogitat expresse, quòd aliquod tale signum consistat in ablutione aquæ naturalis, & tali verborum formula, *Ego te baptizo*, &c. aliud in vnditione chrismatis, aliud in speciebus eucharisticis cum corpore & sanguine Christi: neque de aliis differentiis & speciebus sacramentorum à Christo institutis, aut possibilibus institui; poterant enim aliæ infinitæ institui. Sic etiam evidens est, eum qui tantum expresse cogitat de animali, id est, de principio substantiali ter fitino, non cogitare expresse de differentiis & speciebus omnium animalium, siue existentium, siue possibilium in infinitum: quarum differentiarum plurimæ nobis ignotæ sunt, cum tamen omnia animalia tam existentia, quàm possibilis, represententur expresse illo conceptu, prout conueniunt in principio substantiali sentiendi.

2. Datur etiam vnum obiectiuum.

Dico secundò, sacramenta prout expresse representantur conceptu illo vniiformi, ea tantum exprimente prout conueniunt, & non prout specie vel numero differunt, posse dici esse vnum obiectiuè, id est, vnum obiectum vniiforme, vel vnum conceptum obiectiuum: vnum, inquam, ratione seu conceptu, per extrinsecam denominationem à conceptu illo formali, quo representantur: quatenus scilicet ea, quæ à parte rei multa sunt, aut esse possunt, specie & numero differentia, sunt obiectum vnius conceptus formalis, à quo vniiformiter representantur, & expresse cognoscuntur per modum vnius, id est, non expressis ipsorum differentiis specificis, aut numericis. Ac multa quidem reipsa sunt quæ cognoscuntur: sed non cognoscuntur expresse vt nra sunt: sed potius sunt vnum prout obiectantur cognitioni, quatenus cognoscuntur sine differentiis, & sine pluralitate. Probatur, quia sicut res concepta solet dici conceptus, ex eo quòd concipitur, quemadmodum & res visa dicitur visio, & res volita dicitur voluntas seu volitio, quibus loquendi modis Scriptura ipsa sæpius vtitur, Isaia 1. vers. 1. & cap. 38. vers. 5. Ezech. 1. vers. 1. & 13. Matth. 7. vers. 22. & cap. 12. vers. 50. & alibi:

ita, quæ vno conceptu formali vniiformi concipiuntur, dici possunt vnum conceptu, & vnum obiectum vniiforme talis conceptus, siue vnus conceptus obiectiuus terminans illum conceptum formalem vniiformem. Quod satis patet ex communi vsu Philosophorum & Theologorum, exceptis paucis Noninalibus, qui neque numero, neque autoritate sunt cum aliis comparandi, neque ius habent terminos & modos loquendi vsitatos immo utandi pro libito, contra sensum & vsu communem.

Quam penes ratio est, & res, & norma loquendi.

Scio quidem non illa omnia quæ dicuntur de conceptu formali, posse dici per extrinsecam denominationem de obiecto. Nam ex gr. obiectum non dicitur spirituale, cò quòd concipitur conceptu spirituali: at non propterea negari debet quævis denominatio, neque potest, nisi repugnante Scriptura, & communi vtu Doctorum. Præterquam quòd specialis est ratio, vt obiectum denominetur vnum ex vniiformi representatione multorum, per modum vnius, id est, non expressis eorum differentiis & pluralitate. Quia scilicet, vt rectè aduertit Molina in primam partem quæstione 28. 2. disput. 3. terminus ille, *concepius obiectiuus*, est terminus connotatiuus, qui de formali significat conceptum mentis, prout extrinseca denominatione rem ipso apprehensam denominat conceptam, sicut coloratum denominatur extrinsece visum à visione: de materiali verò supponit pro re ipsa concepta, quoad id præcisè quòd de ea concipitur. Est enim, inquit, proprium nostrorum actuum animæ extrinsece denominantium aliquid cognitum, apprehensum, &c. vt solum supponat pro re cogita quoad id præcisè, quòd de ea percipitur. Nec valet argumentatio, quæ ex identitate quam habet aliquid cum re cognita, infertur illud esse etiam cognitum aut apprehensum. Quin potius vel committitur fallacia accidentis; vel secundum alios Dialecticos, variatur appellatio. Vt si cognoscas aliquem venire, nescias tamen quis sit; non valet argumentatio, Cognoscis illum esse venientem: sed ille veniens est Petrus: ergo cognoscis Petrum. Quia ergo vocabulum, *conceptus obiectiuus*, nomen est connotatiuum, supponens solum pro re concepta quoad id præcisè quòd de ea concipitur, fit, vt licet multa sint reipsa quæ concipiuntur; si tamen non concipiuntur quatenus multa sunt, id est, secundum pluralitatem & differentias, sed potius confunduntur in vnum, & sine illis differentiis exprimuntur; exprimantur & attingantur per modum vnius, & quasi vnum quid, ideòque merito denominentur vnum obiectiuè, & vnus conceptus obiectiuus.

Dico tertio, huiusmodi conceptum obiectiuum esse communem siue vniuersalem, & 4. Ille est conceptus com-

munis est genericum. Vniuersalem, quia est vnum in multis, vel aptum esse in multis, vt definitur Vniuersale ab Aristotele 7. Metaphys. cap. 13. id est, vnum ratione seu conceptu, & multa realiter actu vel aptitudine, de quibus idcirco aptum est predicari eo modo quo cum illis realiter identificatur, diuisim scilicet de quolibet. Cum enim dico Baptismum esse sacramentum, non est sensus quod Baptismus sit omne sacramentum, aut sit id omne quod conceptu sacramenti expresse representatur: sed dumtaxat quod sit aliquod sacramentum, siue aliquid conceptu sacramenti representatum, nempe istud ipsum quod est Baptismus. Habet ergo iste conceptus obiectiuus quod sit vniuersalis ex duobus. Primò scilicet, ex eo quod sit multa à parte rei actu vel aptitudine. Secundò, ex eo quod illa multa vno conceptu formali vniuersaliter represententur, à quo vnum ratione seu conceptu dicuntur per extrinsecam denominationem. Quod verò sit genericus, ex eo habet, quod conueniat vniuersaliter pluribus essentialiter differentibus, aptusque sit de illis predicari in quaestione quæ queritur, quid res sit. Ex quo collige, vniuersale obiectiuum non esse sine mentis operatione, à quo sortitur unitatem per extrinsecam denominationem à conceptu formali, quo ea quæ sunt multa, representantur expresse non vt multa, sed quasi vnum quid, vnius formæ & rationis, in qua omnia conueniunt, seu similia sunt; non expressis differentiis quibus multiplicantur, id est, non expresse conceptis iisdem prout à parte rei multa sunt, & prout inter se differunt. Quam doctrinam expresse tradit sanctus Thom. Opusc. 56. his verbis. *Vniuersale ergo est vnum & plura: plura, inquantum in pluribus est, alioquin non posset predicari de pluribus: vt homo in re est plura, quia de pluribus predicatur. Est autem vnum in cognitione. Quia licet plura, secundum quod plura, non constituunt vnum intellectum, (id est, vnum conceptum vniuersalem) tamen plura, secundum quod similia sunt, constituunt vnum intellectum, ita quod intellectus non potest distinguere inter similia: & item intellectus cum apprehendit hominem & leonem inquantum conueniunt in vna operatione, scilicet sensitua (& consequenter in principio talis operationis) vnicointellectu apprehendit, etsi in re sint multa. Talis enim unitas (per intellectum) non opponitur illi multitudini, reali scilicet. Hucusque D. Thomas: qui his ultimis verbis occurrit tacite præcipuo Nominalium argumento: non posse simul vnum & idem esse vnum & multa. Quasi verò non possit esse multa realiter, & vnum ratione.*

Perperam autem obiciunt hinc sequi, terminum aut conceptum animalis significare animal quoddam constatum ex omnibus animalibus, quod est impossibile. Neque enim significat vnum quoddam animal, sed omnia confuse, non expressa plu-

ralitate, & differentiis quibus distinguuntur. Similiterque vox ista, *Sacramentum*, non significat vnum quoddam Sacramentum constatum ex omnibus sacramentis nouæ, & antiquæ legis: sed omnia confuse, quatenus in eo conueniunt, quod sunt signum sacrum & sensibile gratiæ, permanentes à Deo institutum: non exprimendo speciales differentias, quod huiusmodi signa vel sint inefficacia gratiæ, vt sacramenta antiquæ legis: vel efficacia, vt sacramenta legis nouæ: & adhuc specialius, quod sint efficacia gratiæ per modum regenerationis, vt Baptismus: aut corroborationis, vt Confirmatio: aut nutritionis, vt Eucharistia: & sic de aliis.

Dico quartò, in hoc concipiendi modo nullam esse falsitatem, aut deceptionem: sed tantum præcisionem, & inadæquationem: quatenus non expresse concipitur quidquid res est. Probat, quia qui ita concipit, non affirmat esse distincta, quæ distincta non sunt: aut esse vnum ea, quæ sunt distincta: neque etiam unitatem, aut distinctionem intrinsecam rebus affingit: sed tantum exprimit inadæquatè rei vnius, & eiusdem perfectionem. Cum enim res non tantum conueniat essentialiter cum aliis, verum etiam differat: concipitur quidè expresse prout cum aliis conuenit, at non prout ab illis differt. Et licet eodem realiter conueniat & differat (quod enim concipitur per conceptum genericum, non differt à parte rei ab eo quod concipitur per conceptum specificum & differentialem in vna & eadem re), nihilominus illud ipsum non concipitur expresse secundum totam suam amplitudinem virtutalem, & æquivalentiam ad multa, à qua non tantum habet vt cum quibusdam aliis conueniat, sed etiam vt ab illis essentialiter differat. V.g. homo licet eodem realiter sit substantia seu res per se subsistens, corpus, viuens, animal, & rationalis: tamen eius essentia non concipitur expresse adæquatè, quando concipitur tantum vt substantia corporea, viuens, aut sentiens, in quo conuenit cum aliis substantiis corporeis: quia vterius habet vt sit rationalis, in quo longè supereminet brutis, & conuenit ex parte cum Angelis. Sic etiam diuina substantia non concipitur expresse adæquatè quidquid est, & secundum totam virtutalem amplitudinem, quando expresse concipitur tantum vt intellectiua, non concipiendi expresse quod sit etiam volitiua & operatiua, quodque sit Pater, Filius, & Spiritus sanctus per proprietates relatiuas. Denique per huiusmodi concipiendi modum non concipiuntur res aliæ quàm sint (quod sæpius obiciunt & inculcant Nominales) sed tantum non concipiuntur quolibet conceptu perfecte omni modo quo sunt, aut quidquid sunt. Perfectè, inquam, & expresse, quamuis identice tota res simplex concipiatur. Quemadmodum quando, vt fatentur aduersarii, concipiuntur confuse ea quæ sunt distincta,

In hoc concipiendi modo non est falsitas, sed præcisio.

non propterea concipiuntur peruerse & aliter quam sibi; sed tantum concipiuntur imperfecte conceptu confuso respondente termino communi & confuso significanti. Et quando absoluta concipiuntur comparatiue, & comparantur inter se: non propterea concipiuntur peruerse; quia non concipiuntur ut relatiua intrinsece, sed extrinsece tantum comparatione referuntur, & ab illa denominantur relatiue.

6. Dico quinto: In hoc præsciendi & inæquate concipiendi modo, id quod non concipitur expresse quatenus tale, cognoscitur tantum identice: hoc est, re ipsa idem est cum eo, quod expresse cognoscitur: ipsa tamen non concipitur secundum propriam rationem ut talem, quæ differt virtualiter ab eo quod expresse cognoscitur, & secundum quam aptum est terminare alium conceptum dissimilem, quo ipsa exprimatur. Exempli gratia, qui cognoscit sacramentum, ut sic; non cognoscit differentias Baptismi, & Eucharistie, vel aliorum sacramentorum, ut tales. Qui concipit Deum præcisè, non concipit proprias rationes & differentias Patris, Filii, & Spiritus sancti, ut tales sunt, & prout faciunt eos inter se differre: non concipit, inquam, formaliter ut tales, sed tantum identice, quatenus concipit aliquid, quod à parte rei est idem cum illis. Probatur primo, quia ille concipit multa per modum unius: ergo non illa concipit ut multa sunt. Secundo, ille conceptus est unisformis. Atqui non esset unisformis, si repræsentaret proprias cuiusque formas & differentias, ut tales. Tertiò, illud non cognoscitur illo conceptu, quod ut illius penitus ignoratur, aut eo alio penitus potest ignorari. Atqui talis conceptus animalis, possunt ignorari penitus differentie animalium, ut tales, & re ipsa infinite ignorantur. Saluo etiam conceptu Dei confuso & præcisò, qualem homines habent, potest ignorari Trinitas personarum ut talis, & à multis re ipsa penitus ignoratur: ergo, &c. Confirmatur. Quia de fide est Ethnicis Philosophis Dei notitiam ex mundi fabrica esse assecutos, Rom. 1. vers. 20. Atqui ex mundi fabrica non potuerunt assequi notitiam mysticis Trinitatis: *Nemo enim nouit Filium, nisi Pater, neque Patrem quis nouit, nisi Filius, & qui uoluerit filius reuelare.* Matth. 11.

7. Obiectum merito denominatur præcisum, à præcisione mentis, & distinctum à diuersis conceptibus dissimilibus.

Dico sexto, Licet ille præcisè & inæquate cognoscendi modus non mutet obiectum: res enim cognita non mutantur à nostra cognitione: merito tamen dum præcisè cognoscitur denominatur præcisum, per extrinsecam denominationem à formalis præcisione quæ est in intellectu, id est, à cognitione præcisua & inæquate exprimente. Dumque distinctis conceptibus dissimilibus, seu dissimilibus eadem res inæquate exprimitur, merito dicitur distingui ratione, & esse distincta ratione,

per extrinsecam denominationem ab actibus intellectus, quibus respondet diuersi modè, quique in illam tendunt velut in diuersa obiecta. Probatur, quia sicut res denominatur extrinsece cognita à cognitione, diciturque conceptus obiectiuus, prout respondet conceptui formali quem terminat: ita potest denominari præcisè à præcisione: & dici conceptus obiectiuus præcisus, prout respondet conceptui formali præcisuo. Item sicut quando multa cognoscuntur per modum unius unius conceptu formali unisformi, dicuntur esse unum conceptu, & unus conceptus obiectiuus: sic quando unum cognoscitur ut multa, diuersis conceptibus dissimilibus (id est, diuersas veluti formas seu rationes intrinsecas repræsentantibus, & inæquate expressiuis) dici potest multa conceptu & ratione distincta, per extrinsecam denominationem à conceptibus intellectus distinguentibus, & inæquate exprimentibus. Cuius distinctionis fundamentum est in re ipsa, quatenus propter suam virtuale amplitudinem capax est terminare plures conceptus dissimiles: formaliter uero distinctio est in solo intellectu distinguente, id est, distinctis actibus & dissimilibus concipiente, à quibus res extrinsece tantum denominatur distincta obiectiue, sicut à cognitione denominatur cognita. Hæc omnia satis patent ex ipso usu & modo communi loquendi: sic enim omnes loquuntur & sentiunt, exceptis paucis Nominalibus, quos certe neque genus humanum, neque Philosophia, vel Theologia loquendi magistros sibi constituit, quique possunt ac debent merito & prudenter aliis tam multis & tam doctis postponi: maxime cum Scripturæ diuinæ, Concilia ecumenica, & sancti Patres ita loquantur, ut videbitur sectione sequenti.

Confirmatur: quia, ut antea dixi cum Molina, terminus iste, *Conceptus obiectiuus*, est nomen connotatiuum, significans de formali conceptum formalem, à quo res extrinsece denominatur concepta: & de materiali supponens solum pro re concepta, quoad id præcisè quod de illa concipitur. Ergo si res concipitur inæquate, non exprimendo quidquid est, conceptus obiectiuus supponit pro illa inæquate sumpta secundum id quod exprimitur: & aliter supponit, quam alius conceptus obiectiuus denominatus à formali conceptu aliter rem eandem exprimente, & quasi nouam perfectionem intrinsecam delegendem. Ergo est alius & alius conceptus obiectiuus, quia res aliter & aliter concipitur & exprimitur. Quare licet, uerbi gratia, sapientia, iustitia, misericordia, ceterique Dei attributa, in sua reali formali que ratione sint à parte rei unum quid simplicissimum: in ratione tamen conceptuum obiectiuorum, per comparationem ad con-

8. Conceptus obiectiuus, pro quo supponat.

ceptus formales inadæquatos quos de illis formamus, sunt multa: adeoque dici possunt multi conceptus obiectiui, respondentes diuersis conceptibus formalibus, & diuersis nominibus non synonymis significati. Multi, inquam, non intrinsecè & in re ipsa, sed per extrinsecam denominationem à multis & difformibus conceptibus formalibus.

• Simili autem modo intelligendum est quod dici solet à Realibus, quodque vel dissimulatur, vel malè intelligitur à Nominalibus, speciem componi ex genere & differentia: genus contrahi per differentiam ad speciem constituendam: res ipsas subiici & prædicari, quando affirmatur Baptismus est sacramentum, Petrus est homo, & similia: intelligenda, inquam, hæc sunt per extrinsecam denominationem ab actibus intellectus componentibus, contrahentibus, subiicientibus, aut prædicantibus, &c. Alioqui enim sicut in re non est intrinsecè distinctio: ita nec compositio, contractio, vel subiectio. Intellectus verò est qui per actus suos formaliter componit, contrahit, subiicit, prædicat rem eandem diuersimodè conceptam: concipiendo, v. g. hominem non solum esse id quod expresse respondet conceptui animalis, sed insuper esse rationalem, & non posse concipi expresse adæquatè, nisi expresse concipiatur ut animal, & ut rationalis: quorum primum confundit hominem in modo concipiendi cum aliis animalibus: secundum verò ab illis distinguit, concipiturque ut quid magis determinatum & distinctum, ac distinctum generis communioris.

Quod autem dicunt Nominales, terminos vocales, aut mentales, seu conceptus ipsos formales, prædicari & subiici, vel est euidenter alienum à veritate, vel in sententiam nostram coincidit. Si enim intelligant terminos aut conceptus formales prædicari & subiici secundum se: id apertè repugnat veritati propositionis, quæ cum affirmet prædicatum esse idem cum subiecto, siue esse realiter ipsum subiectum, Petrus est homo, Homo est animal: Certè non potest id esse verum de terminis aut conceptibus formalibus: Nam vnus horum terminorum non est alius, sed realiter differt ab illo. Conceptus quoque formalis Petri differt realiter ab altero conceptu, quo concipitur homo. Debent ergo intelligere, quod subiiciantur termini illi, vel prædicentur, secundum suum significatum: nam in nullo alio identificantur, neque secundum aliud potest verè affirmari prædicatum & subiectum esse idem realiter. Hoc autem est quod nos asserimus: ergo Nominales differunt tantummodo loquendi. Quod etiam patet ex eo quod aiunt, voces prædicari in suppositione personali, hoc est, intelligendo identitatem esse in significatis, in eo saltem pro quo vterque terminus supponit. v. g. cum dicitur Petrus est homo, prædicatur, inquiunt, nomen, homo, de nomine Petrus, non supponendo pro se, sed pro signi-

ficato: alioqui propositio esset falsa: nam nomen, homo, non est nomen Petrus.

Neque respondeant, sensum proprium & immediatum harum propositionum esse, terminus, Petrus, supponit pro eodem, pro quo supponit terminus, homo. Etenim illa expositio violenta est, & aliena à sensu communi: nullus enim præter Nominales opinione sua præoccupatos, ita eas intelligit aut resoluit, possuntque multò melius planiusque intelligi: nempe quod de rebus ipsis immediatè loquamur, easque per conceptus & per voces enunciemus. Deinde illa expositio ridicula est. Sic enim v. g. quando in foro litigabitur, An hic ager sit meus? lis in eo posita erit, An terminus *hic ager*, supponat pro eodem pro quo supponit terminus, *meus*? Et cum quæretur in iudicio, an Petrus Paulum interfecerit? Sensus erit, An terminus, *Petrus*, supponat pro eodem, pro quo supponit terminus, *interfecerit*? Cum denique quæretur, an Petrus propter homicidium sit suspendio dignus? Sensus erit, an terminus, *Petrus*, supponat pro eodem, pro quo supponit, *suspendio dignus*? Quæ omnia quàm sint à vero & à communi sensu remota, nemo non videt. Aut igitur falsum, aut ridiculum asserunt Nominales; vel nobiscum in eo sentiunt.

Eodem vitio puto eos laborare in doctrina de Vniuersalibus, & de præcisione ac distinctione rationis: magisque in modo loquendi, quàm in re ipsa dissentire à communi sententia, ut Suarez observauit parte 1. lib. 1. de Essentia Dei cap. 13. n. 3. vbi dicit vereri se, ne Nominales vtantur nominibus æquiuocè, & magis differant à communi sententia in modo loquendi, quàm in re. Videntur enim, inquit, solum negare omnem veram distinctionem inter attributa indistincta in re. Nam distinctio quæ dicitur esse per conceptus nostros non est vera distinctio: quia quod est in se indiuisum, non potest per extrinsecos actus mentis distinguui. Hoc enim est argumentum, quo maxime vtuntur: & probat quidem distinctionem rationis non esse veram & intrinsecam rebus: non tamen probat non esse aliqualem distinctionem nostro modo concipiendi, & quasi per extrinsecam denominationem: seu esse distinctionem non rerum secundum se, sed prout menti nostræ obiciuntur. Hæc ibi Suarez. Et in Metaphys. disp. 6. sect. 9. num. 8. ait vix esse credibile, venisse in mentem Nominalium, aut vllius Philosophi, opinionem asserentem genus & differentiam, similiaque attributa, nec re, nec etiam ratione distinguui; sed esse omnino idem, etsi diuersis vocibus significantur. Gabriel quoque in primo dist. secunda, quæst. vndecima in fine ait se & alios nominales non tam in re differre, quàm in modo loquendi, quoad formalem distinctionem inter naturam & relationes diuinas personales, de quibus ibi disputat.

10.
Termini
vocales
non præ-
dicantur
secundum
se, sed pe-
nes signi-
ficatum.

SECTIO II.

*Confirmatur amplius vera & communis
sententia.*

13. **S**ive autem in modo loquendi, siue in re ipsa dissentiant, probatur amplius vera & communis sententia. Primò, quia opinio negans vniuersalia obiectiua, & distinctiones rationis præcisiuas, repugnat apertè philosophorum Principi Aristoteli 7. Metaph. (vel vt alii numerant 6.) cap. 13. definiendi vniuersale, *unum in multis*, vel, *apertum esse in multis*. Et lib. 1. de Interpretatione cap. 5. *Vniuersale est id quod de multis apertum est prædicari*. Quæ definitiones, neque nominibus, neque conceptibus formalibus conueniunt. Hæc enim non sunt vnum in multis, sed tantùm sunt vnum multa significans aut representans. Neque sunt vnum aptum prædicari de multis, quia quidquid de aliquo prædicatur in recto (vt prædicantur vniuersalia de inferioribus) affirmatur esse idem cum illo. At nomina, vel conceptus formales, non sunt idem cum rebus significatis & representatis, neque cum nominibus & conceptibus minùs communibus: ergo non sunt apta de illis prædicari. Denique nomina & conceptus formales possunt quidem esse vniuersale in significando aut representando, quando multa per modum vnius significant aut representant vniformiter: at non sunt vniuersalia in essendo & prædicando, qualia agnoscit & definit Aristoteles locis citatis.

14. Idem Philosophus lib. 1. de Interpret. cap. 5. initio sic habet: *Cum autem verum alia sunt vniuersales, alia singulares; vniuersale accommodatè per vnum est prædicari, quale est homo. Si quare autem, quod non, quale est color*. Et 1. 1^a 2^a cap. 2. ait, Ea quæ sunt maxime vniuersalia, esse à sensibus remotissima: propinquissima verò, singularia ipsa. Quod idem repetit 1. Metaphys. cap. 2. Hoc autem non potest intelligi de nominibus simplicibus, quæ omnia sunt æquè sensibus exposita: neque de conceptibus nostris formalibus, qui sunt æquè omnes à sensibus remoti & spirituales. Idem lib. 3. Physic. cap. 3. dicit, actionem & passionem esse idem re, sed differre secundum rationem. Et in Categ. cap. 1. dicit vniuoca esse, quorum ratio nomine significata est eadem: sicut è contrario, Acquivoca sunt, quorum ratio nomine significata est diuersa. Denique tam aperta est doctrina Aristotelis, vt Nominales quidam, à perspecta, respicerint, quemadmodum de Burlao & Paulo Veneto referunt Conimbric. quæst. 1. in Præfationem Porphyrii art. 1. §. *Demum accedit*.

15. **S**ecundò, Eadem opinio non minùs apertè repugnat Theologorum Principi D. Thomæ 1. parte quæst. 55. art. 3. ad 1. & 2. &

quæst. 87. art. 3. ad 1. & 1. 2. q. 29. art. 6. in corpore, aliisque locis, vbi perspicuè admittit naturas vniuersales abstractas à singularibus. Et 1. parte quæst. 13. toto articulo 4. manifestè admittit distinctionem rationis per conceptus inadæquatos inter attributa diuina, & aliqua soluit argumenta Nominalium in contrarium, siue ab ipso inuenta, siue ab alijs iam ante proposita; atque in fine corporis, ita concludit: *Sicut diuersis perfectionibus creaturarum respondet (in Deo) vnum simplex principium representatum per diuersas perfectiones creaturarum variè & multipliciter: ita variis & multiplicibus conceptibus intellectus nostri respondet vnum omnino simplex, secundum huiusmodi conceptiones imperfectè intellectum*. Et ideo nomina Deo tributa, licet significant vnam rem; tamen quia significant eam sub rationibus multis, non sunt synonyma. Et ad 3. ait, Deum esse vnum re, & plures secundum rationem: quia intellectus noster ita multipliciter apprehendit eum, sicut res multipliciter eum representant. Nimirum quia, vt rectè exponit Molina, intellectus noster ea quæ sunt in Deo, ex his quæ sunt in rebus creatis concipit: vt sapientiam diuinam ex creatis, iustitiam diuinam ex creatis, & sic de reliquis. Quare sicut diuersæ perfectiones creaturarum sunt simpliciter & indiuisè in Deo tanquam in causa, nullaque earum adæquatè ac plenè imitatur perfectionem diuinam: Ita diuersi conceptus perfectionibus creaturarum proportionati, quos de Deo formamus, significant quidem in Deo vnam simplicissimam entitatem, in se simpliciter & indiuisè habentem rationes omnes formales perfectionum simpliciter quæ in rebus creatis sunt diuisæ: nullus tamen eorum eam adæquatè quoad perfectiones omnes, quas indiuisim habet, representat. Ideoque licet illa in se indiuisim sit sapientia, iustitia, misericordia, & cætera huiusmodi perfectiones: conceptus tamen & nomen sapientiz solum illam significat, quia est sapientia, & non quia est iustitia, aut misericordia, nec secundum iustitiz & misericordiz rationem. Vnde fit, vt illa simplicissima entitas sit distincti conceptus obiectiui, conceptibus illis formalibus respondentes; ita scilicet vt distinctus conceptus obiectiuus sit Deus vt habet rationem sapientiz, à seipso vt habet rationem iustitiz vel misericordiz: distinctus, inquam, non re, neque ratione formali à parte rei, quasi in Deo alia res, aut alia ratio formalis sit sapientia à iustitia, à misericordia, aut quouis alio attributo: sed ratione solum & denominatione extrinseca, propter diuersos conceptus formales, quos de Deo formamus inadæquatè conceptu.

Idem S. Doctor 1. parte quæst. 28. 2. 2. in fine corporis asserit essentiam diuinam ratione distingui à relatione, prout, inquit, in relatione importatur respectus ad suum oppositum, qui non importatur in nomine essentiz. Et ad 1. 1^a Deo, inquit, non est alia res, sed vna & eadem, quæ non perfectè exprimitur.

Quomodo
& cur Deus
sic nomen
per rationem
nomen.

D. Thom.

relationis nomine, quod sub significatione talis nominis comprehensa. Et ad 3. addit, Quod si in divina perfectione nihil plus contineretur, quam quod significat nomen relationum, sequeretur quod esse eius esset imperfectum, utpote ad aliquid aliud se habens: sicut si non contineretur ibi plus quam quod nomine sapientie significatur, non esset aliquid subsistens. Hæc D. Thomas.

16.
Repugnat
etiam SS.
Patribus.

Ruis.

Basilium.

Anselmus.

Tertio, Eadem opinio repugnat Sanctis Patribus, qui communi consensu essentiam divinam à relationibus, seu proprietatibus personalibus, & attributa essentia divinæ affirmant inter se ratione distinguere: ut videre est apud Didacum Ruis disp. 12. de Trinit. sect. 3. ubi Basilium, Epiphani, Iustinum, Theodorum, Gregorium N. Irenæum, Nazianzenum, Cyrillum, Chrysostomum, Ioannem Damascenum, Ambrosium, Hilarium, Augustinum & aliorum Patrum luculenta testimonia refert. Basilij verba lib. 1. contra Eunomium hæc sunt: *Quæcumque res per se in comprehensione simpliciter videtur, & varia verba de multiplici si subtiliter exquirantur: hæc cum mente mutantur, opinione sola cunctis circumstantur.* Quod paulo post Deo applicans addit: *Incomprehensibilem ac ingentem Deum dicimus, diversis modis & locis (id est, diversis conceptibus obiectivis) non multis appellantes.* Et lib. 5. contra eundem Eunomium sub initium: *Quæcumque, ait, Patri ut Deo, non ut Patri insunt, & quæcumque Filio ut Deo non ut filio insunt, et etiam Spiritui insunt.* Vbi nota Basilium loqui de attributis essentia divinæ ut de multis: ubi autem est multitudo, est distinctio. Similia sunt quæ ex aliis Patribus refert Didacus Ruis, quibus addo illud ab eo prætermisum, ex Anselmo lib. de Incarnat. Verbi cap. 2. *Antisimè, inquit, ad sacra pagine quæstiones accedant, sunt monendi illi utique nostri temporis Dialectici, imò & Dialectica heretici, qui quidem non nisi statim & is putant esse substantias universales.* Et inferius. *Qui enim novum intelligi quomodo plures homines in specie sint unus homo: qualiter in illa secretissima & altissima Natura comprehendet, quomodo plures personæ, quam singula quæque est perfectus Deus, sint unus Deus:* Hæc Anselmus. Notat etiam Did. Ruis disp. 12. de Trinit. sect. 1. Nominales habere pro ducibus Arianos & Eunomianos, qui acriter impugnabant distinctionem rationis, eò quod viderent illam Catholicis esse necessariam ad explicandum & defendendum mysterium Trinitatis.

17.

Non ignoro aliqua in contrarium proferri à novis Nominalibus ex Aristotele, D. Thomas & aliquibus Patribus: sed ea tam levia sunt, ut mirum sit viros doctos & subtile, eorum levitatem non videre. Vnicum est eiusdè Anselmi in Prologo cap. 18. quod habet aliquam speciem difficultatis: Deo enim sic loquitur. *Tu es ipsa unitas, nullo intellectu divisibilis.* Ergo vita, & sapientia, & reliqua non sunt partes tui, sed omnia sunt unum. Addi potest definitio Concilii Rhemenfis sub Eugenio III. In Theologia inter essentiam & personam ratio non distinguitur. Sed Respondeo, Con-

lium loqui de distinctione à parte rei, iuxta mentem Gilberti Porretani, ibi damnati: ut rectè ostendit Vasques 1. par. disp. 120. c. 1. & 2. & nos fusiùs alibi diximus. Anselmi verò sensus est, nullum esse intellectum, quantumvis subtilem & perspicacem, qui possit in naturæ divinæ unitate, & simplicitate, distinctionem ullam intrinsecam, & realem apprehendere: ac vitam, sapientiam, & reliqua non esse partes realiter: sed non negat posse ratione distinguere. Imò discretè id affirmat ibidem, cum apud paulò ante verba relata: *Certe vitæ es, sapientiæ es, veritatis es, bonitatis es, beatitudinis es, æternitatis es, & omne verum bonum es. Multa sunt hæc: non potest angustius intellectus meus totum uno summatu intuitu videre, ut omnibus delectetur.*

Vide rom 1
disp. 3 sect.
7. n. 49.

18.

Repugnat
etiam Con-
cilio.

Quarto, Eadem sententia repugnat Scripturæ, & Conciliis: ut Florentino sess. 18. & 19. ubi læpius asseritur, relationes sola relatione distinguere ab essentia divina. Quod licet non sit definitio Ecclesiæ, quia non dicitur in definitionibus Concilii, sed in disputatione circa processionem Spiritus sancti, habita inter Ioannem Theologum agentem partes Latinorum, & Marcum agentem partes Græcorum: Magnè tamen debet esse auctoritatis, quia Concilium annuere videtur, & approbare hanc illius asseritionem, de qua nulla fuit contentio, sed unanimis consensus inter Græcos & Latinos, ut rectè notat Molina in 1. partem disp. 2. ad art. 2. quæst. 28. Imò Concilium illam speciatim & discretè approbat sess. ult. in Confessione fidei missa à Latinis ad Græcos: cum sic ait, *Ne substantiam re; non autem sola ratione, ab hypostasis, & personis differre, credere videamur &c.* Videri possunt quæ diximus supra disp. 2. sect. 4. num. 36. ubi alia duo illustria testimonia Conciliorum addidimus, & expendimus. Vnum ex Tolet. VI. & XI. affirmantibus solum Filium assumpsisse humanitatem in eo quod proprium est Filii, non quod est commune Trinitati. Alterum ex VI. Synodo generali act. 8. sub finem, ubi dicit Patrem & Spiritum sanctum nihil in incarnatione habere commune nisi benignissimam voluntatem. Quibus verbis manifestè asseritur aliqua distinctio inter essentiam communem, & proprietatem Filii: diciturque aliquid esse in Filio commune, secundum quod non unitur humanitati: & aliquid proprium, secundum quod unitur. Quod amplius idem Concilium affirmat act. XI. in epistola Sophronii, quæ approbatur act. 13. asserens, tres personas divinas esse unum, & idem realiter, secundum quod Deus sunt, id est, secundum Deitatem: *Dum scilicet consideratur, ipsa intelligentia, quod non separabile separante: id est, cum distinguitur per mentem id quod in re distinctum non est, Deitas scilicet à proprietatibus personalibus.*

Christus quoque Ioan. 16. v. 15. de attributis divinis, sibi ut Verbo communicatis tanquam de multis loquitur, (ubi autem est multitudo, est distinctio) cum sic ait: *Om-*

19.

Repugnat
etiam Scrip-
turæ.

Kx 4

nia quaecunque habet Pater, mea sunt. Quod enim Christus de essentia diuina, cuiusque attributis ibi loquatur, docent Sancti Patres, & interpretes; ac series contextus id exigit. Nam, ut rectè ait Cardinalis Tolet. ibidem, Christus his verbis respondet tacitè objectioni. Nimirum cum Spiritus sanctus à Patre procedat (ut ipse paulò ante affirmauerat) & ab illo accipiat quidquid habet: quo modo verè ipse dicat, *De meo accipiet*? Respondet, inquam, quia eadem est essentia Patris, & mea; omnia quæ Patris sunt, mea etiam sunt. Nec excludo Patrem, quando meum hoc esse dico: sed vnam vtriusque substantiam, & essentiam ostendo. *Omnia, inquit, quaecunque habet Pater mea sunt: propterea dixi, Quia de meo accipiet, & annuntiabit vobis.* Sed, quod amplius est, & omni exceptione maius, hanc expositionem apertè tradit Concilium Florent. sess. vii. in literis vnionis, id est, in decreto fidei, vbi sic definit: *Omnia quæ Patris sunt, ipse Pater vnigenito Filio suo dedit gignendo, præter esse Patrem.*

Paulus quoque Roman. i. i. vers. 33. de Dei attributis, tanquam de multis loquitur, cum sic ait: *O altitudo diuitiarum sapientie, & scientie Dei. Quam incomprehensibilia sunt iudicia eius!* Et Isai. 55. vers. 8. & 9. *Non enim cogitationes meæ, cogitationes vestræ: neque viæ vestræ, viæ meæ, dicit Dominus. Quia sicut exaltantur celi à terra, sic exaltata sunt viæ meæ à viis vestris, & cogitationes meæ à cogitationibus vestris.* Et Psal. 102. vers. 7. *Notas fecit vias suas Moysi, filiis Israël voluntates suas.* Et Psal. 144. vers. 9. *Suauis Dominus vniuersis, & miserationes eius super omnia opera eius.* Et Prou. 16. vers. 11. *Pondus, & statera iudicia Domini sunt.* Ex quibus, & infinitis aliis similibus Scripturæ locis perspicuè intelligitur Spiritum sanctum, & scriptores Canonicos ab ipso inspiratos, longè abfuisse à sententia Nominalium, qui hos loquendi modos tantopere refugiunt, & tam seuerè damnant. Patet insuper eosdem Nominales, quando existimant se solos rectè hac in parte, ceteros autem peruersè sentire, & loqui; non solum Aristotelem, D. Thomam, & totam fere scholam Philosophorum, & Theologorum ita loquentem, sentientemque damnare: sed & Concilia, & sanctos Patres, & Scripturam ipsam diuinam: quod certè, ne quid grauius dicam, minùs decere mihi videtur Christianum Philosophum.

20.
Repugnat
denique ra-
tioni.

Quintò denique eadem opinio repugnat rationi. Nam ut fusiùs alibi diximus, necessarium est distingui saltem virtualiter, & ratione cum fundamento in re, ea de quibus verificantur duo contradictoria: cum euidenter impossibile sit idem de eodem & secundum penitus idem verè affirmari, & negari. Atqui de natura diuina v. g. & de proprietatibus personalibus, de quibus ipsis attributis essentialibus verificantur duo contradictoria. Verum enim est, & de fide, quod Pater seu paternitas generet, essentia non generet: voluntas spiret, intellectus non spiret, sed

generet. Ergo necessarium est essentiam diuinam distingui saltem ratione à paternitate, & intellectum à voluntate. Deinde, nisi essentia, & proprietates diuinæ distinguerentur, ratione saltem, & virtualiter: itemque intellectus, & voluntas diuina, non possent distingui principia formalia diuinarum processuum, siue origines actiue Filii & Spiritus sancti: ita ut ille verè dicatur generari per intellectum, non per voluntatem: iste spirari per voluntatem, & non per intellectum. Nam quæ nullo modo differunt, ac ne ratione quidem, sunt penitus idem. Ergo si intellectus, qui est principium generationis, nullo modo differt, ne ratione quidem, à voluntate, quæ est principium spirationis, est penitus idem cum illa. Ergo non est diuersum ab illa principium, sed idem penitus re & ratione. Sequeretur præterea personas diuinas non distingui realiter inter se. Quia non distinguuntur per essentiam, ut fide diuina certum est. Neque etiam per proprietates personales, si illæ sunt penitus idem cum essentia re, & ratione: & si in Deo nihil est aliud re, & ratione, quàm ipsa essentia: nihil autem est aliud, si nihil est in Deo, ratione distinctum ab illa. Vbi enim non est aliud re & ratione, quàm essentia; non est, per quod distinguantur personæ, quæ non distinguuntur per essentiam. Sequeretur etiam Filium, & Spiritum sanctum non produci verè, & realiter. Quia de fide est non produci essentiam. Ergo si in illis nihil aliud est, quàm essentia, ne ratione quidem, & virtualiter ab illa distinctum, nihil est, quod verè, & realiter producat. Quæ argumenta, quia fusiùs alibi prosecuti sumus, sufficit hoc loco ea breuiter indicasse.

Addo dumtaxat nihil aduersarios contra eorum vim iuuare exemplum, quo recentiores quidam vtuntur, ceræ videlicet vnus, & eiusdem tribus in locis simul constitutæ sub diuersis figuris triangulari, quadrata, & orbiculari. Quo in casu, inquit, ceræ illa vna numero, & realiter eadem, esset tres figuræ realiter distinctæ, quæ tamen figuræ nec re, nec ratione à cera distinguuntur. Nihil, inquam, id iuuat. Est enim pariter impossibile tres illas figuras eiusdem ceræ realiter distingui inter se, si neque virtualiter, neque ratione distinguuntur à cera. Vel enim cera distinguitur realiter à seipsa per seipsam, quod euidenter implicat: vel figuræ, per quas distinguitur, non sunt sola ipsa cera, sed aliquid aliquo modo ab ea distinctum. Et quidem patet euidenter ceram posse totam esse & concipi sine illis figuris: quamuis figuræ illæ necesse possint, nec concipi sine cera saltem consue concepta: quare distinguuntur ratione saltem, præcisione non mutua. Argumenta verò quibus contendunt aduersarii nulla ratione distingui, tantùm probant, figuram non esse formam re aut ratione distinctam & mutuò præcisam. Et absurdum est, existimare figuras illas eiusdem ceræ distingui realiter inter se, posito quod

Tomo I.
disp. 3. sect.
6. n. 36. &
seq.

21.
Refellitur
effugium.

non differant realiter ab ipsa. Hoc enim est contra sensum omnium antiquorum, & totius Ecclesie inducere mysterium Trinitatis in res quaslibet creatas, etiam vilissimas, quoad id quod in ipso singulare, difficillimum, ineffabile, & summe mirabile omnibus visum est, nempe quoad unitatem realem eiusdem numeribus realiter distinctis inter se, & tamen indistinctis realiter ab illo. Deinde si simplices modi se habendi realiter indistincti ponunt nihilominus realem distinctionem, neque plus distinguuntur personae divinae, quam res eadem diversimode modificata per modos indistinctos: sequitur primum, Christum tribus in hostiis possum distinguere realiter, & tam distinguere, quam tres personas divinas. Habet enim tres modos intrinsecos praesentiae, diversis actionibus acquisitos, tribus nempe transubstantiationibus. Praesertim vero si hostiae sint diversae figurae, & consequenter Christus diversimodo illis accommodetur, ut unicuique intus & adaequate praesens sit. At hoc nullus Catholicorum asserit, neque sine absurditate dici potest.

22. Altera ratio contra Nominal.
Sequitur secundo, Deum volentem mundum creare, & nolentem mundum creare: vel Deum amantem Petrum quando est in gratia, & odio habentem quando est in peccato mortali (quos actus aliqui eorum quos impugnatus, affirmant esse temporaneos in Deo, & unum alteri succedere) sequitur, inquam, Deum ita se habentem distinguere realiter, ita ut illi modi intrinseci se habendi ponantur in Deo distinctionem realem: quod minus dici nequit. Sic enim Deum non tantum esset trinitas, sed & quaternitas, & innumerabilis multitudo realis, contra Concilium Lateranense cap. Damianum. Et quidam argumenta quibus probant figuras illas distinguere realiter, idem probant de huiusmodi actibus divinis, scilicet modis se habendi. Nempe quod illae figurae sint impossibiles in eodem simul & semel: nam cera eadem eodem in loco non potest esse simul rotunda & quadrata, quodque sint principium diversarum actionum: quia si est rotunda, est proxima aera ut celeriter circumvolvatur, quod non habet ut quadrata. Haec, inquam, idem de Deo probant. Nam similiter illi actus non possunt Deo convenire simul, in opinione adversariorum: & sunt principium diversarum actionum: Nam Deus ut amans Petrum, quando est in gratia, vult illi dare vitam aeternam, & re ipsa dabit illi actus, si moriatur in gratia: secus autem ut odio habens existentem in peccato mortali. Quod item a iure ad idem probandum, Quoties ita multiplicentur modi se habendi intrinseci, ut nihil sit aut esse possit, quod seipso simpliciter possit esse quilibet illorum modorum, toties est realis oppositio inter illos modos: At ita se habent tres figurae eiusdem cere: ergo &c. Hoc, inquam, Deo aequè applicari potest. Nam Deus seipso simpliciter non magis est efficax voluntas munitionum creandi, & nolens

efficax eiusdem; quam cera sit seipsa simpliciter, aut possit esse seipsa simpliciter tres illae figurae. Intelligunt autem per esse simpliciter, esse secundum essentiam pure sumptam, & non ut aliquammodo se habentem, aliter quam sit ei essentiale se habere. Argumentum vero quod ulterius sumunt à sensu discernente huiusmodi figuras, inefficax est. Nam sensus quoque discernit durationem rei sensibilis à prima existentia, id est, cognoscit rem durare, si durat. Et tamen duratio non distinguitur realiter à re durante, & à prima eius existentia, ut rectè censent ipsi met adversarii. Quare facendum est, differentias etiam virtuales rerum sensibilibus posse sensibus discerni. Verum de hoc effugio, aliisque similibus excogitatis circa mysterium Trinitatis ad tuendas & promouendas opiniones Nominalium diximus fusius suo loco: ubi etiam ostendimus haec argumenta, si quid valerent, aequè probare modos distinguere realiter à re modificata; quod tamen negant adversarii.

His duabus rationibus theologicis adiungi possunt aliae philosophicae. Tertiò enim ad distinctionem rationis ratiocinatae sufficit ex parte obiecti amplitudo quaedam virtualis, & aequivalentia ad multa, propter quam possit concipi diversis conceptibus inadaequate, & imperfectè illam exprimentibus: à quibus conceptibus res ipsa denominetur ratione, seu conceptu distincta. Est autem evidens dari talem amplitudinem in Deo, & in pluribus aliis rebus, licet à parte rei simplicibus, & indistinctis. Neque minus evidens est, posse huiusmodi res inadaequate concipi à nobis, ita ut aliquas earum perfectiones exprimamus, de aliis vero ut talibus non cogitemus, neque minus eas ignoremus, quam si non essent. Nam philosophi Ethnici, qui naturali lumine cognoscebant ex creaturis Deum esse, non cognoscebant esse trinum in personis, quod non nisi per revelationem cognoscere potest. *Nemo enim novit Filium nisi Pater, neque Patrem qui novit, nisi Filius, qui voluerit Filius revelare.* Matth. 11. v. 27. Neque etiam cognoscebant secreta Dei consilia, quae, ut ait Paulus, sunt hominibus inscrutabilia: *Quis enim cognovit sensum Domini, aut quis consiliatus eius fuit?* Rom. 7. v. 34. Ipsi etiam Beati, qui Deum clare vident, non illum vident adaequate quantum est, neque cognoscunt comprehensum, & quantum cognoscibilis est: soli enim sibi notus est quantum est, ut rectè ait Minutius Felix in Octavio: Et est de fide, aut fidei proximum, Deum esse cuius alteri incomprehensibilem, praeterquam sibi ipsi, ut alibi ostendimus, tom. 1. disp. 8. lect. 7. n. 58.

Præterea, ad praecisionem, & distinctionem rationis ratiocinatae sufficit cognoscere imperfectè, & inadaequate rem aliquam: ita ut quaedam illius attributa perinde ignorentur à cognoscente, ac si non essent re ipsa. Evidens autem est res multas sic à nobis cognoscere. Ergo evidens est dari praecisionem, &

Vide tom. 1
disp. 25.
sect. 8.

23.
Distinctio
rationis
quid requi-
rat?

24.
Et in quo
consistat,
scilicet quomo-
do fiat?

distinctionem rationis ratiocinatæ. Maior patet ex ipsa definitione præcisionis, & distinctionis rationis. Nam præscindere, & distinguere ratione, nihil est aliud, quam secernere cognitione ea, quæ sunt indistincta à parte rei. Fit autem illa secretio hoc ipso quòd cognoscimus rem, secundum aliquam illius perfectionem, non cognita alià quamvis realiter indistincta. Minor autem probatur inductione. Nam Ethnicus Deum cognoscens lumine naturali, non minùs ignorat trinitatem personarum, & relationes, seu proprietates notionales, realiter licet indistinctas ab essentia diuina, quàm si re ipsa non essent. Quare ut tales non sunt obiectum cognitionis respectu illius: sed tantum identice, quatenus cognoscit aliquid, quod à parte rei est idem cum illis, nimirum deitatem, seu diuinam essentiam, quam penitus ignorat esse tripliciter subsistentem, neque id potest sine lumine reuelationis cognoscere: iuxta illud Christi Matth. 11. verſ. 27.

Nemo nouit Filium, nisi Pater: neque Patrem quis nouit, nisi Filius, & cui voluerit Filius reuelare. Item Philosophus Ethnicus de Deo cogitans, non minùs ignorat aliqua eius cõsilia libera, præsertim circa prædestinationem, & alia mysteria supernaturalia, quàm si re ipsa non essent. Ergo præscindit per mentem Deum, de quo cogitat, ab huiusmodi actibus eius liberis, licet re ipsa indistinctis, quos Deum habere penitus ignorat, quique non magis sunt obiectum cognitionis illius, quàm si Deus re ipsa nihil tale deliberasset.

Item, licet in hæsis accidentium non distinguatur ab illis in re, ut alibi ostendimus: non tamen de illa cogitur necessariò, quotiescunque cogitur de illorum entitate. Imo neque sensibus percipitur, sed perinde ab illis ignoratur, ac si re ipsa non inhaerent. Qui enim v. g. videt species consecratas, non aliter eas videt post consecrationem, quàm ante: neque possumus visu discernere species consecratas, à non consecratis. Sicut autem illa sensuum præcisio prouenit ex ipsorum imperfectione: sic intellectus nostri limitatio facit ut multa inadæquate, & imperfectè concipiamus, non penetrando vno & simplici mentis intuitu quidquid res est, quantaue sit eius perfectio. Idque eò magis, quòd rerum plurimarum essentiam non cognoscimus, nisi ex earum effectibus, qui sensum, & successiue à nobis cognoscuntur, causæque suæ perfectionem, & amplitudinem virtuales sensum & successiue nobis detegunt.

Rursum illa quibus per se primò, id est, conuertibiliter cõueniunt diuersæ proprietates, differunt saltem ratione: alioqui cur non omnes eidem, æquè primò conuenirent. Atqui attributis eiusdem rei conueniunt per se primò diuersæ proprietates. Nam attributo entis conuenit per se primò esse vnum, verum, bonum: attributo substantiæ, esse aptum per se subsistere: attributo corporis, esse naturaliter impenetrabile: attributo animalis,

esse sensitiuum: attributo rationalis, esse risibile. Similiter, quod prædicatur de aliquo in primo modo dicendi per se, id est, tanquam aliquid ingrediens ipsius definitionem & conceptum essentialem, distinguitur saltem ratione ab eo, quod non potest ita prædicari: quia non est de tali conceptu obiectiuo, ut sic, alioqui per se primò prædicaretur. Atqui attributa quædam eiusdem rei indistincta realiter, prædicantur de illa in primo modo dicendi per se: alia non. Ex. gr. de homine prædicatur per se primò, quòd sit rationalis, non quòd sit mobilis, aut risibilis: de Deo dicitur per se primò, quòd sit intelligens, volens, omnipotens; non quòd sit Pater, & Filius, & Spiritus sanctus: de anima ut rationali, dicitur quòd sit principium intelligendi, & volendi; non autem, ut præcisè est sensitiua, aut vegetatiua: & de eadem ut intellectiua affirmatur, quòd sit principium intelligendi, non autem quòd sit principium volendi, quod non est de conceptu essentiali intellectiui ut sic: cum vel in Deo ipso debeant necessariò distinguiratione, ut sint principia diuersa processionum Filij, & Spiritus sancti, verèque dici possit Filium generari per intellectum, non per voluntatem, ut paulò ante diximus.

Uterius, visio quæ simul est albi & nigri, minùs est similis visioni albi solius, quàm duæ albi visiones sunt similes inter se: & quàm esset ipsamet, si esset visio albi tantum. Ergo est similis inadæquate. Vbi autem est minus & inadæquale, est distinctio, & quantitas aliqua, saltem virtualis. Ergo visio illa, quæ simul est albi & nigri, habet quantitatem aliquam saltem virtuales: & quidem manifestum est illam visionem esse duplicem virtualiter, & æquiualese duabus, quarum vna sit albi solius, altera nigri solius. Hoc posito, nihil prohibet illam visionem concipi ut est albi solius, non cogitando de illa prout est etiam visio nigri. Ergo potest cognosci præcisè & inadæquate. Sic etiam potest diuina intellectio cognosci ut est aliquorum obiectorum: Et nullus Beatorum est qui adæquate illam cognoscat: cum non possit cognosci adæquate nisi actu infinito terminato distinctè ad obiecta infinita. Sic peccatum commissum in duplici specie, puta furti, & sacrilegij, cum aliquis rem sacram furatus est: potest cognosci & explicari ut furtum, non ut sacrilegium. Neque sufficit in confessione explicari ut furtum: sed si quis circumstantiam sacrilegij per obliuionem omisisset, teneretur postea eam confiteri, & dicere se in peccato aliquo ante confessio omisisset confiteri circumstantiam sacrilegij. Non tamen iterum confiteri tenetur peccatum furti, ut furtum est. Quod aperte ostendit posse hæc conceptu distingui.

Denique, Attributa diuersa eiusdem rei differunt definitione: & superiora in serie categorica, sunt quidem de conceptu perfecto & definitiuo inferiorum: at non inferiora, de conceptu superiorum. Ex. gr. alia

25.
Attributa
eiusdem
rei differunt
ratione.

26.
Confirmat
variis ex-
emplis.

27.

Attributa
inferiora
non sunt
de conce-
ptu supe-
riorum.

est definitio substantiæ ut sic, alia corporis aut animalis. Et substantia quidem est de definitione corporis & animalis; at non corpus, neque animal est de definitione substantiæ, ut sic. Ergo hæc differunt conceptu, non formalitatem, sed etiam obiectiuo significato per conceptum formalem: aliud enim mihi obiectio, & plus cognosco, quando hominem cognosco ut est corpus aut animal, quam prout est substantia. Confirmatur, quia illa quorum vnum non est de conceptu alterius prout obicitur & expressè cognoscitur, distinguuntur conceptu, tum formali, tum etiam obiectiuo. Atqui attributa diueria eiusdem rei ita se habent: ergo, &c. Maior est clara: nam quod non obicitur, differt obiectiuè, id est, in ratione obiecti, ab eo quod obicitur: cum istud sit obiectum, illud non. At id quod non est de conceptu eius quod obicitur, prout obicitur, non obicitur: ergo, &c. Minor verò patet exemplis manifestis. Rationale enim non est de conceptu animalis, prout obicitur & cognoscitur tantum quia animal est: Nec animal est de conceptu corporis: nec corpus de conceptu substantiæ: nec substantia de conceptu entis: nec iustitia de conceptu misericordiæ in Deo; nec Paternitas de conceptu essentiæ. Sed hæc omnia sunt nouum obiectum respectu intellectus, non cognitum priore conceptu, neque ingrediens in prioris obiecti definitionem intrinsicam & absolutam.

SECTIO III.

Respondetur argumentis Nominalium.

28.

Sufficiunt quæ hucusque diximus ad veritatis adeo manifesta confirmationem. Superest ut respondeamus argumentis præcipuis, quibus tum veteres, tum recentes Nominales eam labefactare conati sunt.

Primum igitur Gabriel in lib. 1. Sentent. dist. 2. quæst. 1. 2. 1. Maior dist. 8. quæst. 1. Gregor. dist. eadem quæst. 2. a. 1. & alii veteres Nominales negantes attributa diuina, & alia huiusmodi distingui ratione, hoc præcipue argumentum opponunt: Obiectum quod in seipso à parte rei est indiuisum, non potest per aliquid extrinsecum distingui. Intellectio autem nostra est extrinseca obiecto: ergo per illam obiectum non potest distingui. Minor est evidens. Maior probatur. Quia per illud idem res distinguitur formaliter, & intrinsicè, per quod est aut constituitur formaliter in suo esse intrinseco. Quod enim facit ens, facit vnum, id est, indiuisum in se, & diuisum à quolibet alio: & per id, quo res est id quod est, non est quilibet aliud, adeoque distinguitur à quolibet alio.

Respondeo cum Vasque disput. 117. in 1. part. cap. 1. in fine, hoc argumentum

friuolum esse: nam quamuis in se, & intrinsicè nihil re ipsa diuidi, & distingui possit formaliter per aliquid extrinsecum, ut bene probat argumentum propositum in confirmationem maioris: rectè tamen per extrinsecum aliquid potest denominari diuisum, & distinctum: multa enim talia appellantur ab aliquo extrinseco. Distinctio autem rationis non tribuitur rebus, tanquam ipsis intrinsicè, sed per extrinsecam denominationem à ratione, seu conceptu distinguente, id est, inadæquate concipiente. Cuius distinctionis fundamentum quidem est in re ipsa, quatenus capax est concipi distinctis, & inadæquatis conceptibus, ob virtutem suam amplitudinem: ideoque dicitur distinctio rationis esse fundamentaliter, seu virtualiter in re ipsa: formaliter tamen in solo intellectu est.

Secundò, Hurtadus, qui primus ex recentioribus scriptoribus mihi notis Nominalissimum in situ & puluere cum suis authoribus & libris gothicis sepultum suscitare conatus est, disput. 5. Metaphys. sect. 10. num. 116. & sequentibus primæ editionis, aliqua obicit, quibus tantum probat cognitionem vniuersalem terminari immediate ad omnia singularia contenta intra speciem vel genus, ut sunt similia in aliqua ratione, propter quam similitudinem omnia cognoscuntur consule tantum per modum vnius: neque ex parte obiecti respondere formalitatem aliquam obiectiuam distinctam ratione à singularibus, ut similibus. Quod verum quidem est, sed nobis non obest, neque ostendit rationem illam obiectiuam omnium ut similibus, & per modum vnius conceptorum, non præcindi, neque distingui ratione ab eisdem singularibus conceptis ut dissimilibus, & secundum propriam cuiusque differentiam priore conceptu non expressam. Disputatione verò sexta sect. 4. hanc præcisionem & distinctionem rationis impugnans, obicit primò, num. 46. distinctionem rationis esse formaliter in intellectu, & non in obiecto. Ergo obiectum esse ratione distinctum, non est formaliter in obiecto, sed in intellectu. Ergo distinctio conceptuum non se tenet ex parte obiecti. Vbi enim non est ratio per quam aliquid sit formaliter distinctum, non potest aliquid esse distinctum: quia distinctum est tale formaliter à distinctione, sicut album ab albedine, & ubi non est albedo non potest esse formaliter album.

Respondeo, Distinctionem rationis non esse formaliter & intrinsicè in obiecto, neque se tenere ex parte obiecti formaliter & intrinsicè: sed dumtaxat obiectum denominari distinctum ratione, per extrinsecam denominationem ab actibus intellectus formaliter distinguuntibus: qui actus sunt ipsa distinctio formalis denominans obiectum distinctum: sicut cognitio, quæ est formaliter in intellectu, denominat ob-

29.

Hurtad.

30.

Distinctio
rationis est
formaliter
in intelle-
ctu, & de-
nominati-
ue tribuitur
obiecto.

iectum cognitum denominatione extrinsecam.

31. Sed instat Hurtadus, hinc sequi distinctionem illam non attingere duas formalitates sibi respondentes ex parte obiecti, prout obiectum condistinguitur adæquatè à cognitione. Quia obiectum, ut distinguitur adæquatè à cognitione, non habet plures formalitates. Ergo cognitio ut adæquatè distincta ab obiecto non attingit plures formalitates. Implicat enim attingi per cognitionem obiecti ea, quæ non sunt in obiecto. Probat antecedens: quia sine pluralitate formalitatum non possunt esse plures formalitates: nam in ratione plurium constituuntur per pluralitatem. Sed in obiecto, ut adæquatè distincto à cognitione, non est pluralitas formalitatum: quia ipsæ cognitiones sunt plures formalitates & distinctiones. Cognitiones autem non sunt in obiecto, ut adæquatè distincto à cognitionibus ipsis: ergo pluralitas formalitatum non est in obiecto, ut distinguitur à cognitione. Ex his itaque sic arguuntur: Vbi non est distinctio rationis, non est pluralitas formalitatum. Atqui distinctio rationis non est in obiecto, sed in intellectu, quia est actus distinguens: ergo pluralitas non est in obiecto, sed in intellectu: neque in obiecto sunt plures formalitates, quæ esse non possunt sine pluralitate.

32. Respondeo, Distinctionem intellectus non attingere duas formalitates ex parte obiecti, quæ sint duæ à parte rei in obiecto spectato absolute, & sine ordine ad cognitionem: sed quæ sint duæ, seu potius duæ dicantur, per extrinsecam denominationem ab actibus intellectus difformibus, & inadæquatè concipientibus, ac velut in duo diuidentibus secundum modum concipiendi & exprimendi id, quod in re vnum & idem est. Quo sensu intellectum seu cognitionem attingere duas formalitates in obiecto, non est aliud, quàm attingere obiectum conceptibus diuersis & inadæquatis. Ad quod non est necesse pluralitatem formalitatum esse intrinsecè in obiecto, & præsupponi cognitioni, aut conuenire obiecto per se formaliter sine ordine ad cognitionem: sed sufficit, obiectum esse tale, ut possit fundare & terminare diuersos conceptus difformes & inadæquatos, quibus diuersimodè & inadæquatè exprimitur: quos dum terminat, dicitur distinguere ratione seu conceptu, per extrinsecam denominationem ab huiusmodi conceptibus. Neque propterea necesse est cognosci illam denominationem, aut obiectum cognosci formaliter & expresse ut distinctum: Quemadmodum ad hoc ut res cognita denominetur à cognitione, non est necesse cognosci illam denominationem, aut cognitionem, terminari ad rem ut cognitam, cognoscendo non modò rem, sed & ipsam cognitionem. Hoc enim

ipso quòd res cognoscitur, habet sufficienter unde cognita denominetur: & eo ipso quòd distinctis conceptibus inadæquatis attingitur, habet unde denominetur ratione distincta.

Ad vltimum argumentum Respondeo, Distinctionem rationis esse virtualiter seu fundamentaliter in obiecto, modo supra explicato; formaliter verò esse in intellectu, & tribui obiecto per extrinsecam denominationem. Idemque dico de pluralitate formalitatum, quæ non sunt in obiecto plures nisi virtualiter, formaliter verò & actu plures denominantur per extrinsecam denominationem à cognitionibus inadæquatè exprimentibus. Nihilque aliud est in sententia nostra, obiectum distinguere in plures formalitates obiectiuas, quàm, obiectum vnum & idem re, inadæquatè ab intellectu exprimi. Et totum quidem id quod concipitur est realiter in obiecto, siue est vnum & idem obiectum à parte rei: pluralitas verò seu distinctio non est formaliter in obiecto, sed tribuitur illi per extrinsecam denominationem, quatenus respondet pluribus & diuersis conceptibus inadæquatè rem eandem exprimentibus.

Obiicit secundò num. 49. Antequam cognoscatur animal, exempli gratiâ, non habet ex parte sui aliquid per quod formaliter sit aliud à rationali. Ergo cognitio de animali, non attingit illud, quasi aliud à rationali: & consequenter non cognoscit animal sine rationali. Probat consequentiam: quia non potest cognosci animal ex parte sui quasi aliud formaliter à rationali, nisi ex parte animalis sit aliud à rationali, & habeat per quod sit aliud: sicut non potest cognosci ut album, nisi habeat albedinem. Respondeo, admissio antecedente, distinguo consequens. Non attingit animal quasi aliud à rationali intrinsecè & in re ipsa: concedo. Non attingit, id est, non exprimit, id quod in re ipsa est animal rationale, prout est animal, & non prout est rationale, & consequenter non cognoscit animal non expresse seu non cognito rationali, ut sic: Nego. Ad probationem consequentiæ Respondeo, Animal non cognosci quasi aliud intrinsecè & formaliter à rationali, sicut album cognoscitur ut formaliter & intrinsecè album: sed id quod à parte rei est animal rationale, cognosci & exprimi ut animal, & non cognosci & exprimi ut rationale; atque ita distinguere cognitione, & dici distinctum, per extrinsecam denominationem. Cuius distinctionis fundamentum est virtualis amplitudo obiecti capacis terminare diuersas cognitiones inadæquatè expressiuas essentia ipsius rei. Quod fundamentum malè impugnatur Hurtadus cum addit: Vbi non est aliud & aliud ex parte obiecti, non posse fundari cognitionem vnius sine alio, quia obiectum non

Quomodo
attingat
duas
formalitates.

332

non fundat cognitionem eorum quæ non sunt in ipso. Respondeo enim sufficere ut sit aliud & aliud virtualiter ex parte obiecti, id est, sit obiectum capax ratione sua amplitudinis virtualis terminare conceptus diuerfos inadaquatè expressiuos. Et quemadmodum in diuinis sufficit hæc virtualis amplitudo, & distinctio virtualis ex parte rei, ut possit essentia communicari sine paternitate, & ut filius generetur per intellectum, non per voluntatem; seu per essentiam diuinam, quæ intellectiua est, non quæ volutiua: sic &c. Cui arguitur. Non in. satisfacere non possunt.

34.

Opponit tertio Hurtadus n. 3. Cognitio de animali, v. gr. per se non terminatur nec immediate, nec formaliter ad rationale. Ergo distinguuntur à parte rei animal & rationale. Probat consequentiam: tum quia à parte rei conuenit vni aliquod prædicatum, quod à parte rei non conuenit alteri; quod in creaturis est magnum signum distinctionis: tum etiam quia cognitio se tenens in intellectu, non attingit formaliter rationale, & attingit formaliter animal. Ergo non tota est diuersitas in cognitione ipsa, sed etiam in obiecto cognito: quia non solum cognitio est in se distincta, sed etiam illi respondet obiectum distinctum. Respondeo, Cognitionem de animali terminari immediate ad rationale identicè, sed non terminari ad rationale formaliter, id est, exprimendo illud prout est rationale: quia non concipitur res expresse quæ rationalis est, quamuis sit rationalis realiter & intrinsecè. Ad probationem consequentiæ dico. Prædicatum quod conuenit vni, conuenire à parte rei alteri identicè: & cognitionem quæ attingit formaliter & expresse animal ut sic, attingere rationale identicè, quamuis illud non exprimat prout rationale est. Vnde non sequitur esse formalem seu actuale diuersitatem in obiecto ipso per se inspecto, vel sine ordine ad diuersas cognitiones: sed vnum & idem exprimi diuersimodè, & denominari distinctum extrinsecè à diuersis cognitionibus, quatenus illis subest, & ab illis quodammodo diuiditur, seu diuisim attingitur per expressiones inadaquatas: quando vno conceptu exprimitur ut animal, altero ut rationale: vnde ab vno extrinsecè denominatur cognitum & expressum ut animal est, & non expressum prout est rationale.

35.

Instat Hurtadus: Animali non potest conuenire aliquod prædicatum intrinsecum vlllo modo, quin idem conueniat rationali. Ergo nec extrinsecum. Quia sicut intrinsecè prædicato non potest subiici per partes, ita neque extrinsecè: propterea quod comparatione vtriusque est indiuisibile. Respondeo, Animali illi quod à parte rei est rationale, id est, homini, nihil conuenire, quod non conueniat rationali identicè: posse tamen hominem, & rem aliam quamlibet virtualiter multiplicem, multipliciter concipi, & secundum diuersas rationes, & quasi partes virtuales, pati diuersas denominationes,

Tom. IV.

& intrinsecas, & extrinsecas, diuersaque prædicata quæ affirmantur de conceptibus obiectiuis, aut virtualiter diuersis per se, aut formaliter & actu per extrinsecam denominationem à conceptibus distinguuntur. Sic enim, verbi gratia, substantia diuina, quæ essentia est, nec generat, nec generatur: quæ paternitas est, generat: quæ filiaris, generatur: quæ essentia est, comunicatur tota, quæ paternitas non comunicatur. Sic etiam homo, quæ animal est, sentit: quæ rationalis, discit & intelligit.

Malè autem supponit Hurtadus num. 36. & alibi sæpius, ex parte obiecti esse tantum diuersa connotata, vel diuersos effectus in quibus fundetur distinctio rationis: verbi gratia, hominem concipi ut animal, quando concipitur cum operatione sentiendi: ut rationale verò, quado concipitur cum operatione discurrendi: & per illas tantum operationes distinguuntur ratione, seu respectu horum connotatorum. Etenim intellectus non distinguit tantum illas operationes, aut concipit tantummodo obiectum in ordine ad illas, sed intelligit in obiecto ipso esse virtuale quandam amplitudinem, à qua habet ut sit radix & principium talium operationum: quam amplitudinem penetrat & cognoscit expresse diuersis conceptibus, inadaquatè totum illud virtuale exprimentibus. Exempli gratia, homo habet talem amplitudinem essentialem, ut vi suæ essentia sit principium vegetandi, sentiendi, intelligendi, & volendi. Quorum primum exprimitur conceptu viuientis corporei, seu vegetantis: secundum, conceptu animalis tertium, conceptu rationalis. Et Deus habet substantiam tam amplam virtualiter, & multiplicem eminenter, ut contineat quidquid alia continent, & infinite plura: sitque potens ad generandum, spirandum, creandum, iustificandum, glorificandum, & ad omnem effectum possibilem: cognoscat, velit, prouideat, prædestinet, &c. Neque hæc differunt tantum penes connotata. Nam cognitio essentialis, verb. gr. & volitio, comparatæ ad eadem obiecta, non differunt penes connotata: & tamen distinguuntur ratione: quia illa est principium generationis Filii, non ista. Cognitio, inquam essentialis, quam Deus habet de seipso, & de possibilibus, est principium generationis Verbi: Secus autem volitio essentialis eorundem obiectorum. Et omnipotentia non generat nec spirat: licet ex parte obiecti non differat à cognitione atque volitione possibilem. Quod verò idem auctor affirmat disputatione sexta, sectione quarta, numero 55: sententiam nostram verbis tantum differre à Scoti opinione: non est verum: neque ab ipso bene refertur illius sententia. Omitte enim quod præcipuum est, Scotum scilicet affirmare, distinguere re ipsa intrinsecè ea, quæ nos tantum extrinsecè distin-

36.

Distinctio rationis non est tantum penes connotata extrinsecè, vel diuersos effectus eiusdem rei.

qui asserimus. Sic enim habet in 1. dist. 8. quæst. 2. loquens de distinctione, quæ est inter sapientiam, & veritatem diuinam: *Est ergo, inquit, ibi distinctio præcedens intellectum omni modo: unde sapientia in re formaliter non est veritas in re, &c.* In eumque sensum Gregorius Ariminensis ibidem, & alii melius intelligentes, Scotum interpretantur. Idem confirmant quæ ex Scoto retulimus & refutauimus tom. 1. disput. 3. sect. 4. Quod denique obiecit Hurtadus de Petro Tarantasio, siue Innocentio V. nullius est momenti, vt fatetur author mox citandus, eiusdem licet opinionis cum Hurtado.

SECTIO IV.

Alie Nominalium obiectiones soluantur.

37.
Arriaga.

Rodericus de Arriaga recens & accuratus Philosophiæ scriptor disp. 5. Logicæ, sect. 2. spreto aliis quorundam Nominalium argumentis, quæ magnam vim non habere fatetur, hæc opponit. Primò, non minùs contradictoriè opponuntur cognosci & non cognosci, respondere, & non respondere ex parte obiecti; quàm existere, & non existere, produci, & non produci. Sed repugnat existere hominis animalitatem, & non existere eius rationalitatem: Item produci animalitatem, & non produci rationalitatem, quantumuis distinguantur virtualiter: Ergo etiam implicat cognosci animalitatem, & non cognosci rationalitatem: & respondere ex parte obiecti animalitatem, absque eo quòd respondeat rationalitas. Maiorem, in qua est difficultas, sic probat: Existere, & non existere opponuntur contradictoriè, eò quòd particula, *non*, cadens supra verbum, *existere*, negat illud quod per idem fuerat affirmatum. Atqui eadem particula cadens supra verbum, *cognosci*, non minùs negat id quod per ipsum fuerat affirmatum: ergo &c. Si respondeas, cognosci, esse quid extrinsecum obiecto: Instat, quia non minùs sunt contradictoria affirmatio & negatio formæ extrinsecæ, quàm affirmatio & negatio formæ intrinsecæ: cum contradictio consistat præcisè in affirmatione & negatione eiusdem rei, siue in forma & negatione formæ. Si iterum respondeas, cognosci realiter & identicè rationalitatem, quando cognoscitur animalitas, licet formaliter & expressè non cognoscatur: Instat, quia tam contradictoria sunt, cognosci formaliter, & non cognosci formaliter; quàm cognosci, & non cognosci absolute. Quando enim negatio cadit supra modum, tam facit contradictionem de modo, quàm si esset propositio simplex. Hæc ille à numero 25, ad 29.

Cui Respondeo primò, Ipsum non satis, meo quidem iudicio, coherentem loqui, cum paulò post num. 43. respondens huic argumento Realium: Quando eminens video animal se mouens: cognosco clarè esse animal, & non cognosco esse rationale: ergo præcindo animal à rationali: concedit in terminis, me posse cognoscere de Petro esse animal, non cognoscendo esse rationale. Ex quo concessio, sic argumentor: Qui cognoscit de Petro esse animal, non cognoscendo esse rationale, cognoscit & non cognoscit vnum & idem: quia in Petro animal & rationale sunt vnum & idem. Sed per te, possum cognoscere de Petro, esse animal, non cognoscendo esse rationale: ergo possum cognoscere, & non cognoscere vnum & idem. Ergo malè antea contendebas id esse impossibile; neque video, quomodo possint hæc duæ assertiones excusari à contradictione.

Respondet Arriaga, non inde sequi, quòd aliquid cognoscatur ex parte obiecti, & aliquid non: sed tantum quòd obiectum cognoscatur aliqua claritate, non verò totali. At hoc effugium nullum est. Nam rationale se tenet ex parte obiecti. Sed per te non cognoscitur rationale: ergo non cognoscitur aliquid ex parte obiecti. Item rationale est quid intrinsecum & essenziale Petro. Et hoc non cognosco nisi identicè, cum tamen expressè cognoscam esse animal, possumque hoc de Petro affirmare, non illud: ergo aliquid intrinsecum cognoscitur expressè, & aliquid non.

Respondet idem auctor num. 44. Rationale vel posse sumi pro rationalitate obiectiua: & in hoc sensu falsum est, me non affirmasse illam: affirmavi enim animalitatem, quæ est idem formalissimè cum rationalitate. Vel posse sumi pro ipsa rationalitate, vt clarè cognita: & in hoc sensu verum est me illam non cognouisse, id est me non habuisse cognitionem omnino claram de illa entitate, eam scilicet cognitionem quæ explicatur per vocem, *rationale*. Ex hoc autem non inferitur aliquid defuisse ex parte obiecti, quod non cognosceretur: sed tantum defuisse perfectam cognitionem obiecti.

Sed contra: Primò, Rationale prout facit differre Petrum à brutis, est rationalitas obiectiua. Atqui non cognosco expressè rationale, prout facit differre Petrum à brutis, sed tantum confuse & identicè, quatenus idem est realiter cum animalitate: ergo non cognosco expressè rationalitatem obiectiuam, sed tantum confuse & identicè. Nec obest, quòd à parte rei animalitas Petri sit formaliter rationalitas: id est, eadem entitas Petri quæ est animalitas, sit per seipsam, & non per formam realiter distinctam, & superadditam, rationalitas. Non enim quæstio est, an sit realiter formaliter talis, sed an expressè cognoscatur vt talis: quod non fieri, euident

38.
Non est contradictio, idem cognosci, & non cognosci secundum quid, confusè & expressè.

39.

40.
Refellitur euasio.

est ipsa experientia. Secundò, Rationalitas clarè cognita, est rationalitas obiectiva: Cognosci enim, & obiecti cognitioni idem est. Ergo malè distinguuntur rationalitas in obiectivam, & clarè cognitam, quasi in membra diuisionis opposita. Tertiò, Per te verum est, me non cognouisse clarè rationalitatem, id est, me non habuisse cognitionem omnino claram de illa entitate, quæ est animalitas & rationalitas, & tamen cognouisse clarè animalitatem, id est, cognouisse clarè eam entitatem prout est animalitas: ergo cognoui clarè, & non cognoui clarè eandem entitatem, quod tu contendis esse contradictorium. Cognoui clarè secundum quid, & non cognoui clarè omnino & adæquatè, sed quasi ex parte: cognoui clarè prout animal est, non cognoui clarè prout rationale est. Ergo non tantum deest perfecta cognitio obiecti: sed etiam est aliquid ex parte obiecti, quod non clarè & expressè cognoscitur, quia tale est, sed tantum confule & identice.

41. Deinde idem Author sectione quarta, disputationis citatæ fatetur, & suæ probationi citatæ fatetur, dari præcisionem obiectivam in diuinis inter essentiam & relationes, hoc præcipue argumento: quia si in conceptu Patris corresponderent simul cum essentia diuina relationes Filii & Spiritus sancti, idem prorsus ex parte obiecti cognosceretur per conceptum Patris, quod per conceptum totius Trinitatis. Vnde sicut dici non potest, Tota Trinitas non est tota Trinitas: nec, Pater non est Pater: ita non posset dici, Pater non est Filius, neque Spiritus sanctus: Item Verbum diuinum solum immediate vnitum est humanitati: Verbum diuinum generatur: Spiritus sanctus non generatur: Pater à nullo procedit. Quæ propositiones, si non daretur præcisio inter Verbum, & alias personas, quamuis eadem essentia constantes, essent omnino falsæ: quia æquialerent istis, Tota Trinitas immediate vnita est humanitati: Tota Trinitas generatur: Tota non generatur, sed procedit: Tota à nullo procedit: quæ sunt omnino falsæ. Hæc ille numero sexagesimo quinto, & sexagesimo nono. Ex quibus sic argumentor: Datur præcisio obiectiva inter essentiam & relationes diuinas, quamuis essentia & relatio sint vna res simplicissima à parte rei, cum sola distinctione virtuali: Ergo non implicat idem re cognosci, & non cognosci. Ergo in creatis vbi erit distinctio virtualis, quamuis non æqualis diuinæ inter essentiam & relationes, poterit idem cognosci & non cognosci, expressè scilicet & formaliter ex parte cognitionis. Ergo argumentum cui innititur tota probatio Arriagæ, & machina præcipua Nominalium, corruit. Confirmatur, quia vel præcisio repugnat creaturis propter simplicitatem,

quia nimirum si sunt vnum quid simplex & indiuisibile, non potest vnum cognosci sine alio: vel specialiter propterea quod creaturæ sunt. Si primum: ergo non minus Deo repugnat, quippe qui non minus simplex est physicè & realiter: Si secundum: assignanda est ratio differentie, quæ cum nulla specie probabilitatis assignari potest.

Ad argumentum autem supra propositum numero trigesimo septimo Respondeo in forma, negando minorem in sensu quo proponitur ab aduersario. Magis enim opponuntur contradictoriè existere, & non existere, produci, & non produci: quam Petrum cognosci expressè vt animal, & non cognosci expressè vt rationale. Imò, in hoc secundo nulla est contradictio propter diuersitatem cognitionum quæ connotantur per verbum, *cognosci expressè*, à quibus cognitionibus obiectum denominatur extrinsecè cognitum expressè, prout tali, vel tali expressæ cognitioni respondet per amplitudinem suam virtuales inadæquatè & non omnino expressam. Sensus enim est, Petrum, quando solum cognoscitur expressè vt animal, terminare cognitionem claram & expressam animalis: & non terminare cognitionem claram & expressam rationalis. Diciturque illa cognitio non penetrare, seu non exprimere, & attingere clarè quidquid res est. Secundò, ad confirmationem minoris dico cognosci expressè vt animal, & non cognosci expressè vt rationale: vel contra: non esse affirmationem & negationem eiusdem; ob diuersitatem connotatorum, & distinctionem virtuales rei, in qua fundantur huiusmodi connotata. Tertiò, ad minorem Respondeo, Quamuis repugnet produci, vel non existere animalitatem Petri, & non existere, vel produci rationalitatem eius: plurima tamen esse indistincta realiter, quæ possunt non produci, & non existere secundum quid. Nam modi intrinseci non distinguuntur realiter à re modificata: & tamen res potest sine illis produci & existere, id est, potest res produci & existere, & non ita se habere. Quando enim, verbi gratia, producit anima rationalis, non producit omnis motus, nec omnis informatio quam potest habere: & quandiu homo existit, non existunt omnes modi intrinseci, quos habere potest, imò neque simul omnes possunt existere, cum multi sint impossibiles, vt sedere & stare, quiescere & moueri, ascendere & descendere. Sic potest esse quantitas, & non esse extensa, quamuis extensio non distinguitur in re: potest esse accidens, & non inherere: potest esse substantia, & non subsistere substantiæ propriæ. Ex his patet, hoc primum argumentum Arriagæ non tanti esse momenti, vt propter illud Ouidius, & alii quidam recentiores in illius sententiam ire deberent.

43. Opponit secundò numero trigésimo primo, non posse dari præcisiones obiectiuas per notitiam intuitiuam in sententia Realium. Ergo neque dari possunt per notitiam abstractiuam. Ergo per nullam. Respondeo, licet antecedens admittatur à plerisque Realibus: melius tamen ab aliis negari, sicut à nobis iam sapius alibi negatum & impugnatum fuit. Nam Beati qui Deum vident, non vident adæquatè eius infinitatem, quæ finita visione adæquari nequit: neque comprehendunt totam eius intelligentiam, omnipotentiam, immensitatem, & alia attributa singillatim infinita. Oculus quoque corporeus cum lumen & colorem videt, non videt inhaesionem, licet re indistinctam, nec potest species consecratas distinguere à non consecratis: ut faceret si clarè & expressè inhaesionem attingeret. Sic etiam cum actus nostros interius intellectus & voluntatis intuitiue cognoscimus & experimentaliter, non discernimus, an à potentiis distinguantur, & an sint spirituales: sed quoad hoc confusè tantum & identicè eos cognoscimus.

Notitia intuitiva potest esse præcisiua.

44. Opponit tertio numero trigésimo tertio, naturam genericam vel specificam non posse præscindi à singularitate ex parte obiecti. Quod sic probat: quia vnitas ita includitur in conceptu entis, ut nullo modo, nec ratione ratiocinata ab illo distinguatur, etiam in sententia Realium. Ergo non potest ens concipi sine vnitate. Ergo nec sine singularitate, quia vnitas & singularitas idem sunt. Confirmatur, quia si singularitas distingueretur virtualiter à natura; non posset per eam natura multiplicari, ut patet exemplo naturæ diuinæ, quæ quia est ex se vna, quantumvis identificetur cum pluribus personis, nihilominus non multiplicatur in illis. Ergo singularitas naturæ non potest vllò modo ab illa distingui, ne quidem ratione, aut virtualiter. Ergo nec potest correspondere ex parte obiecti natura sine singularitate. Ergo nec præscindi obiectiue.

Natura cōn nō potest præscindi à singularitate.

Respondeo, negando antecedens cum eius probatione, intellectum de numerica vnitate, de qua loquitur aduersarius. Nam, vel ipso Arriaga fatente paulò post, inter concipi ut vnum & ut plura, datur medium, scilicet præscindi ab utroque: sicut quando concipio hominem: neque concipio illum ut album, neque ut non album, sed præscindo. Dico igitur posse concipi expressè ut sic, substantiam, animal, hominem, & similia: non expressè concepto, quòd à parte rei sint vnum numero, vel multa: licet quidquid existere verè concipio, sit à parte rei vnum, vel multa singularia: sicut homo qui concipitur, est à parte rei albus, vel non albus.

45. Ad confirmationem, Respondeo negando sequelam antecedentis: quòd videlicet si singularitas distingueretur virtualiter à na-

tura creata, non posset per eam natura multiplicari realiter: sicut natura diuina non multiplicatur realiter per proprietates personales virtualiter à se distinctas. Aliiter enim natura creata vniuersalis est vna: & aliter natura diuina. Neque enim propterea natura creata ita cōfusè cōsiderata, singularitatibus nō expressè cognitis, est vnica numero, & immultiplicabilis, ut natura diuina: Sed est re ipsa multiplex, & multiplicata cōties, quot sunt singularia, quibus non expressè cognitis, potest ipsa cognosci, atque ita potest præscindi à singularibus, non tantum formaliter in conceptu, sed etiam obiectiue per extrinsecam denominationem. Dixime negare antecedens intellectum de numerica vnitate: notandum enim, triplicem à Philolophis distinguí vnitatem: numericam scilicet, formalem, & vniuersalem. Ex quibus numerica sola est vera, & propria vnitas. Formalis verò est conuenientia multorum, & similitudo in natura. Vniuersalis est, non-expressio pluralitatis, quam natura concepta habet, vel habere potest à parte rei. Quam vnitatem non nego habere naturam genericam, & specificam, præcisiuam à singularitate.

Valtas triplex: numerica, formalis, & vniuersalis

SECTIO V.

Vndecim alia Nominalium argumenta contra communes conceptus obiectiuos refutantur.

Superioribus argumentis plura Recentiores addunt, quæ breuius poterunt expediri, supplectis iis, quæ in præcedentium refutatione diximus. Sunt autem illa duplicis differentia. Priora impugnant speciatim vniuersales conceptus obiectiuos. Posteriora, genericum omnes præcisiones, & distinctiones rationis. De istis dicemus scctione sequenti: prioribus verò nunc satisfaciendum est: quorum primum sic habet: Vniuersale quod traditur à Realibus inutile est, nec enim Physicus aut Metaphysicus disputans de rebus realibus, habet quidquam pro obiecto, quod reale non sit. At quodcumque reale, secundum quod est reale, singulare est: ergo hi philosophi nihil præter singularia speculantur, per conceptus tamen vniuersales.

Respondeo, Vniuersale, quod à nobis assignatur, esse scientiis utilissimum. Cum enim multa inter se conueniant, debent simul, & vno loco exponi ea, quæ communia sunt, & præmitti tractationi particularium, ne in eorum expositione superius communia repetantur. Atque ita Physicus prius disputat de corpore naturali, ut scilicet, id est, de compositis naturalibus per modum vnius consideratis, prout conueniunt inter se, abstrahendo à differentiis corporis

46.

Vniuersale est scientiis utile

ris celestis, vel sublimaris; simplicis; vel mixti; inanimati, vel animati: quas differentias, & species postea contemplatur. Sic etiam Metaphysicus prius disputat de ente, ut sic; quam de eius inferioribus. Et Theologus, prius de actibus humanis, de peccatis, de virtutibus, de Sacramentis in genere; quam de eorum speciebus, & differentiis. Neque propterea habent aliquid pro obiecto, quod reale non sit. Et quidquid est reale, est quidem singulare à parte rei vnum; aut multiplex: sed non consideratur ut singulare, cum multa singularia vno communi conceptu vniformi confuse cognoscuntur.

47.
Quomodo
scientiæ
verfentur
circa vni-
uerfalia?

Secundum argumentum: Vniuersalia sunt obiecta scientiarum. Sed constituta ex materiali, & aliquo formali distincto à singularibus, non sunt obiecta scientiarum. Ergo non sunt vniuersalia: Respondeo, Scientias, & conceptus formales vniuersales, terminari ad singularia confuse concepta per modum vnus, quia ratione sunt vniuersalia, non per aliquam formam intrinsecè constituentem; sed per extrinsecam denominationem à conceptu vniuersali, sine quo impossibile est concipi tali modo, & quo posito impossibile est non esse concepta tali modo: sicut impossibile est cognosci sine cognitione, & posita cognitione, non esse cognitum id quod cognoscitur. Quare non fingitur illud formale extrinsecum, à quo denominatur vniuersale vnum: cum non sit aliud, quam cognitio confusa, & vniformis, tendens in multa vniformiter, & per modum vnus, id est, non expressis eorum differentiis, & reali multiplicitate.

Tertium argumentum: Vel id quod terminat cognitionem vniuersalem, secundum id, secundum quod terminat, est aliquid vnum essentialiter aptum esse in multis secundum se; vel non. Si primum: datur vniuersale à parte rei ante omnem operationem intellectus, & aliquid vnum essentialiter identificatum cum multis realiter distinctis. Si secundum: ergo cognitio vniuersalis non terminatur ad aliud, quam ad ipsa singularia. Respondeo, Id, quod terminat cognitionem vniuersalem, esse realiter multa, & vnum dumtaxat per extrinsecam denominationem, quatenus confuse per modum vnus cognoscuntur, id est, non expressa pluralitate, & differentiis, quibus distinguuntur. Et cognitionem vniuersalem non terminari ad aliud, quam ad ipsa singularia, sed per modum vnus confuse representata.

Id quod
terminat
cognitionem
vniuersalem
est multa
realiter, &
vnum ra-
tione per
extrinsecam
denomina-
tionem.

48.

Quartum argumentum: Nihil identificatum cum vno, id est, cum vna re, potest identificari cum multis realiter distinctis, distinctione maiori strictè sumpta. Sed vniuersale illud, si daretur, identifi-

caretur cum multis eiusmodi: Ergo, &c. Respondeo, data, & non concessa maiori, ob mysterium Trinitatis, distinguendo minorem: Identificaretur cum multis secundum vnum, & idem realiter, nego. Secundum multa realiter, & vnum tantum ratione, diuisim illis identificatum, concedo.

Quintum argumentum: Si darentur vniuersalia, ratio hominis esset in Petro v. gr. Atqui nihil est in seipso, nec pars sui, & oppositum nonnisi peruersè concipi potest. Respondeo, hoc argumentum frivolum esse, & minus philosopho Christiano conueniens. Ex eo enim sequeretur, Scripturam diuinam, & Concilia œcumenica, & Sanctos Patres, peruersè concipere, & loqui, quando dicunt, in Deo esse virtutem, sapientiam, potentiam, & similia, à Deo aequè indistincta, atque ratio hominis à Petro indistincta est: Item essentiam diuinam totam Filio communicari, à quo tamen non distinguitur in re: totam esse in tribus, & singulis personis, quibuscum tamen identificatur, neque pars illarum est. Explicent ergo aduersarii has locutiones Scripturæ, Patrum, & Conciliorum; tum eodem sensu propositiones nostras intelligant.

Sextum argumentum: Si daretur tale vniuersale, illud constitueretur multis realiter diuersis. Sed tale vnum constitutum ex realiter diuersis non potest esse idem cum quolibet: ergo non esset vnum in multis. Item illud deberet esse commune homini, & bruto: & ita homo participaret aliquid, quod esset realiter brutum: & brutum participaret aliquid realiter rationale. Respondeo ad minorem, tale vnum non esse idem re cum quolibet secundum se totum, & collectivè, sed diuisim: esseque vnum ratione tantum, multiplex verò in re. Vnde homo nihil participat, quod est realiter brutum; sed tantum, quod est simile bruto aliquatenus, & propter illam similitudinem vnitur conceptu, seu concipitur eodem conceptu confuse.

49.
Vniuersale
quomodo
vnum in
multis?

Septimum argumentum: Quidquid est à parte rei, singulare est, & res ipsa incommunicabile. Ergo nullum singulare potest esse vniuersale. Sed multa etiam singularia non sunt communia cuilibet singulari: ergo multa singularia non sunt vnum quid vniuersale. Respondeo, nullum singulare solum esse vniuersale: sed multa singularia confuse concepta per modum vnus, esse vniuersale; quia sunt vnum in multis, id est, vnum ratione, & realiter multa, quibus illud, vnum ratione, diuisim identificatur.

Octauum argumentum: Nihil quod non sit de essentia alicuius, potest fieri de eius essentia per operationem intellectus. Sed ante operationem intellectus nullum vni-

50.

43.

Notitia intuitiva potest esse præcisa.

Opponit secundò numero trigésimo primo, non posse dari præcisiones obiectiuas per notitiam intuitiuam in sententia Realium. Ergo neque dari possunt per notitiam abstractiuam. Ergo per nullam. Respondeo, licet an ecdens admittatur à plerisque Realibus: melius tamen ab aliis negari, sicut à nobis iam sapius alibi negatum & impugnatum fuit. Nam Beati qui Deum vident, non vident adequatè eius infinitatem, quæ finita visione adæquari nequit: neque comprehendunt totam eius intelligentiam, omnipotentiam, immensitatem, & alia attributa singillatim infinita. Oculus quoque corporeus cum lumen & colorem videt, non videt inhesionem, licet re indistinctam, nec potest species consecratas distinguere à non consecratis: ut faceret si clarè & expressè inhesionem attingeret. Sic etiam cum actus nostros interros intellectus & voluntatis intuitiue cognoscimus & experimentaliter, non discernimus, an à potentiis distinguantur, & an sint spirituales: sed quoad hoc confusè tantum & identicè eos cognoscimus.

44.

Opponit tertio numero trigésimo tertio, naturam genericam vel specificam non posse præscindi à singularitate ex parte obiecti. Quod sic probat: quia vnitas ita includitur in conceptu entis, ut nullo modo, nec ratione ratiocinata ab illo distinguatur, etiam in sententia Realium. Ergo non potest ens concipi sine vnitate. Ergo nec sine singularitate, quia vnitas & singularitas idem sunt. Confirmatur, quia si singularitas distingueretur virtualiter à natura: non posset per eam natura multiplicari, ut patet ex exemplo naturæ diuinæ, quæ quia est ex se vna, quantumvis identificetur cum pluribus personis, nihilominus non multiplicatur in illis. Ergo singularitas naturæ non potest villo modo ab illa distingui, ne quidem ratione, aut virtualiter. Ergo nec potest correspondere ex parte obiecti natura sine singularitate. Ergo nec præscindi obiectiue.

Natura cõmuni potest præscindi à singularitate.

Respondeo, negando antecedens cum eius probatione, intellectum de numerica vnitate, de qua loquitur aduersarius. Nam, vel ipso Arriaga fatente paulò post, inter concipi ut vnum & ut plura, datur medium, scilicet præscindi ab utroque: sicut quando concipio hominem: neque concipio illum ut album, neque ut non album, sed præscindo. Dico igitur posse concipi expressè ut sic, substantiam, animal, hominem, & similia: non expressè concepto, quod à parte rei sint vnum numero, vel multa: licet quidquid existere verè concipio, sit à parte rei vnum, vel multa singularia: sicut homo qui concipitur, est à parte rei albus, vel non albus.

45.

Ad confirmationem, Respondeo negando sequelam antecedentis: quod videlicet si singularitas distingueretur virtualiter à na-

tura creata, non posset per eam natura multiplicari realiter: sicut natura diuina non multiplicatur realiter per proprietates personales virtualiter à se distinctas. Aliter enim natura creata vniuersalis est vna: & aliter natura diuina. Neque enim propterea natura creata ita cõfusè cõsiderata, singularitatibus nõ expressè cognitis, est vnica numero, & immultiplicabilis, ut natura diuina: Sed est re ipsa multiplex, & multiplicata toties, quot sunt singularia, quibus non expressè cognitis, potest ipsa cognosci, atque ita potest præscindi à singularibus, non tantum formaliter in conceptu, sed etiam obiectiue per extrinsecam denominationem. Dixime negare antecedens intellectum de numerica vnitate: notandum enim, triplicem à Philosophis distinguí vnitatem: numericam scilicet, formalem, & vniuersalem. Ex quibus numerica sola est vera, & propria vnitas. Formalis verò est conuenientia multorum, & similitudo in natura. Vniuersalis est, non expressio pluralitatis, quam natura concepta habet, vel habere potest à parte rei. Quam vnitatem non nego habere naturam genericam, & specificam, præciscam à singularitate.

Vnitas triplex: numerica, formalis, & vniuersalis

SECTIO V.

Vndecim alia Nominalium argumenta contra communes conceptus obiectiuos refutantur.

Superioribus argumentis plura Recentiores addunt, quæ breuius poterunt expediri, suppeditis his, quæ in præcedentium refutatione diximus. Sunt autem illa duplicis differentia. Priora impugnant speciatim vniuersales conceptus obiectiuos. Posteriora, generatim omnes præcisiones, & distinctiones rationis. De istis dicemus sectione sequenti: prioribus verò nunc satisfaciendum est: quorum primum sic habet: Vniuersale quod traditur à Realibus inuile est, nec enim Physicus aut Metaphysicus disputans de rebus realibus, habet quidquam pro obiecto, quod reale non sit. At quodcumque reale, secundum quod est reale, singulare est: ergo hi philosophi nihil præter singularia speculantur, per conceptus tamen vniuersales.

46.

Respondeo, Vniuersale, quod à nobis assignatur, esse scientiis vtilissimum. Cum enim multa inter se conueniant, debent simul, & vno loco exponi ea, quæ communia sunt, & præmitti tractationi particularium, ne in eorum expositione sapius communia repetantur. Atque ita Physicus prius disputat de corpore naturali, ut scilicet, id est, de compositis naturalibus per modum vnius consideratis, prout conueniunt inter se, abstrahendo à differentiis corporis

Vniuersale est scientiis vtile

ris celestis, vel subllunaris; simplicis; vel mixti; inanimati, vel animati: quas differentias, & species postea contemplatur. Sic etiam Metaphysicus prius disputat de ente, ut sic; quàm de eius inferioribus. Et Theologus, prius de actibus humanis, de peccatis, de virtutibus, de Sacramentis in genere; quàm de eorum speciebus, & differentiis. Neque propterea habent aliquid pro obiecto, quod reale non sit. Et quidquid est reale, est quidem singulare à parte rei vnum; aut multiplex: sed non consideratur ut singulare, cum multa singularia vno communi conceptu vniformi confuse cognoscuntur.

Secundum argumentum: Vniuersalia sunt obiecta scientiarum. Sed constituta ex materiali, & aliquo formali distincto à singularibus, non sunt obiecta scientiarum. Ergo non sunt vniuersalia: Respondeo, Scientias, & conceptus formales vniuersales, terminari ad singularia confuse concepta per modum vnus, quia ratione sunt vniuersalia, non per aliquam formam intrinsecè constituentem; sed per extrinsecam denominationem à conceptu vniuersali, sine quo impossibile est concipi tali modo, & quo posito impossibile est non esse concepta tali modo: sicut impossibile est cognosci sine cognitione, & posita cognitione, non esse cognitum id quod cognoscitur. Quare non fingitur illud formale extrinsecum, à quo denominatur vniuersale vnum: cum non sit aliud, quàm cognitio confusa, & vniformis, tendens in multa vniformiter, & per modum vnus, id est, non expressis eorum differentiis, & reali multiplicitate.

Tertium argumentum: Vel id quod terminat cognitionem vniuersalem, secundum id, secundum quod terminat, est aliquid vnum essentialiter aptum esse in multis secundum se; vel non. Si primum: datur vniuersale à parte rei ante omnem operationem intellectus, & aliquid vnum essentialiter identificatum cum multis realiter distinctis. Si secundum: ergo cognitio vniuersalis non terminatur ad aliud, quàm ad ipsa singularia. Respondeo, Id, quod terminat cognitionem vniuersalem, esse realiter multa, & vnum dumtaxat per extrinsecam denominationem, quatenus confuse per modum vnus cognoscuntur, id est, non expressa pluralitate, & differentiis, quibus distinguuntur. Et cognitionem vniuersalem non terminari ad aliud, quàm ad ipsa singularia, sed per modum vnus confuse representata.

Quartum argumentum: Nihil identificatum cum vno, id est, cum vna re, potest identificari cum multis realiter distinctis, distinctione maiori strictè sumpta. Sed vniuersale illud, si daretur, identifi-

caretur cum multis eiusmodi: Ergo, &c. Respondeo, data, & non concessa maiori, ob mysterium Trinitatis, distinguendo minorem: Identifieretur cum multis secundum vnum, & idem realiter, nego. Secundum multa realiter, & vnum tantum ratione, diuisim illis identificatum, concedo.

Quintum argumentum: Si darentur vniuersalia, ratio hominis esset in Petro v. gr. Atqui nihil est in seipso, nec pars sui, & oppositum nonnisi peruersè concipi potest. Respondeo, hoc argumentum frivolum esse, & minus philosopho Christiano conueniens. Ex eo enim teneretur, Scripturam diuinam, & Concilia œcumenica, & Sanctos Patres, peruersè concipere, & loqui, quando dicunt, in Deo esse virtutem, sapientiam, potentiam, & similia, à Deo aequè indistincta, atque ratio hominis à Petro indistincta est: Item essentiam diuinam totam Filio communicari, à quo tamen non distinguitur in re: totam esse in tribus, & singulis personis, quibuscum tamen identificatur, neque pars illarum est. Explicent ergo aduersarii has locutiones Scripturæ, Patrum, & Conciliorum; cum eodem sensu propositiones nostras intelligant.

Sextum argumentum: Si daretur tale vniuersale, illud constitueretur multis realiter diuersis. Sed tale vnum constitutum ex realiter diuersis non potest esse idem cum quolibet: ergo non esset vnum in multis. Item illud deberet esse commune homini, & bruto: & ita homo participaret aliquid, quod esset realiter brutum: & brutum participaret aliquid realiter rationale. Respondeo ad maiorem, tale vnum non esse idem re cum quolibet secundum se totum, & collectivè, sed diuisim: esseque vnum ratione tantum, multiplex verò in re. Vnde homo nihil participat, quod est realiter brutum; sed tantum, quod est simile bruto aliquatenus, & propter illam similitudinem vnitur conceptu, seu concipitur eodem conceptu confuse.

Septimum argumentum: Quidquid est à parte rei, singulare est, & repleta incommunicabile. Ergo nullum singulare potest esse vniuersale. Sed multa etiam singularia non sunt communia cuilibet singulari: ergo multa singularia non sunt vnum quid vniuersale. Respondeo, nullum singulare solum esse vniuersale: sed multa singularia confuse concepta per modum vnus, esse vniuersale; quia sunt vnum in multis, id est, vnum ratione, & realiter multa, quibus illud, vnum ratione, diuisim identificatur.

Octauum argumentum: Nihil quod non sit de essentia alicuius, potest fieri de eius essentia per operationem intellectus. Sed ante operationem intellectus nullum vni-

47.
Quomodo
scientiæ
verrentur
circa vni-
uersalia?

Id quod
terminat
cognitionem
vniuersalem
est multa
realiter, &
vnum ra-
tione per
extrinsecam
denomina-
tionem.

49.
Vniuersale
quomodo
vnum in
multis?

50.

uersale est de essentia rerum. Ergo, &c. Neque respondeas, vniuersalia materialiter sumpta esse de essentia singularium. Nam vniuersalia materialiter sumpta, sunt ipsa singularia. Atqui singularia non sunt de essentia singularium, sed sunt ipsa essentia singularium. Ergo falso dicuntur esse de essentia, & esse in singularibus, & contrahi per singularitates. Respondeo, hanc instantiam eandem esse cum quinto argumento, cui iam responsum est. Sensus huiusmodi propositionum est, vniuersalia materialiter sumpta esse idem essentialiter cum singularibus: Petrum esse hominem essentialiter: & nec esse posse, nec concipi, quin sit, & concipiatur homo: Petrum cum aliis conuenire vt homo est, distinguere verò prout hic est, & non concipi expresse vt distinctum, quamdiu non concipitur vt est hic.

Vniuersale
quomodo
constituitur?

Nonum argumentum: Ratio vniuersalis hominis vel constituitur ex vna ratione existente à parte rei identificata cum Petro, vel ex illa, & aliis omnibus possibilibus præcisè, & formaliter conceptis. Quo posito, quæro, an actus, quo cognoscitur præcisè homo, qui est in Petro (si præcisè cognoscitur) sit formaliter idem cum eo, quo alie rationes hominis cognoscuntur? Si non: ergo illa est diuersa ab aliis. Et ita cum omnes cognoscuntur, actus ille vniuersalis fertur in infinitas rationes diuersæ: adeoque illius significatum non potest esse vniuersum cuiuslibet homini: & omnes homines differunt inter se plusquam numero, scilicet in ratione hominis præcisè. Si verò ille actus etiam alias repræsentet, quæ multiplicatæ sunt, & consequenter plures in pluribus; sequitur quodd idem actus possit esse vniuersalis imago multorum. Ergo ex vniuersalitate actus malè inferitur vniuersalitas obiectiua. Respondeo, rationem hominis non constitui vniuersalem ex vnica ratione identificata realiter cum Petro, sed ex illa, & aliis realiter distinctis, per modum vnius confusè conceptis. Et actum, quo cognoscitur præcisè homo, qui est cum Petro identificatus (non prout Petrus est, realiter distinctus ab aliis, & illis tantum similis) repræsentare quiddam aliud Petro simile est in ratione hominis, esseque vniuersalem imaginem multorum. Sed ex illa vniuersalitate actus bene, & necessariò inferri vniuersalitem obiectiuam, eo sentio, quod à nobis asseritur: nempe per vnitatem & denominationem extrinsecam obiecti ab illo conceptu vniuersali, multa per modum vnius representante.

§ 1.
Quomodo
fit in multis.

Decimum argumentum: Id quod esset essentialiter vniuersale, deberet intrinsecè constitui ex materiali aliquo, & aliqua vnitatem non reali: nempe que ex vniuersalitate resultante, aut certè conceptu formali vniuersali. Sed nullum tale constitutum intrinsecè posset esse in multis diuisim, nec identificari cum singularibus: singularia enim non sunt realiter talia constituta. Ergo vniuersale non est quicquam huiusmodi. Sed etiam

res, vt distinctæ ab illa vniuersalitate, & vnitatem secundum se, non sunt essentialiter vnum quid aptum esse in multis: ergo nihil est, de quo dici possit, quod sit essentialiter vnum quid aptum esse in multis. Respondeo, res sumptas primò intentionaliter, non esse vniuersales essentialiter: sed dici tales accidentariò per extrinsecam denominationem à conceptu vniuersaliter multa representante. Et esse in multis diuisim, seu identificari cum multis secundum suum esse reale; non autem secundum illam vnitatem rationis, & extrinsecam denominationem. Ac sicut nihil est, de quo dici possit, quod sit vltimum essentialiter, sed quidquid videtur, dicitur vltimum per extrinsecam denominationem à vidente: ita nihil est, de quo dici possit, quod sit essentialiter vniuersale: cum vniuersale non sit aliud, quàm multa realiter per modum vnius representante vniuersaliter: semper autem accidentale, & extrinsecum est multis illis, representante per modum vnius, & tali conceptui responderè. At forma extrinseca nunquam est essentialis denominatio, etiam vt denominatio: quippe quod denominatur extrinsecè ab illa. Dixi, *res sumptas primò intentionaliter*: quia secundæ intentiones sunt quidem essentialiter id quod sunt: & aggregatum per accidens ex illis, & ex primis intentionibus, est quidem essentialiter id quod est; verum vniuersale non est tale aggregatum, sed solum est multa per modum vnius concepta: vnum extrinseca vnitatem per rationem: ac realiter, & intrinsecè multiplex.

Vndecimum argumentum: Reales dicunt dari communem rationem Vniuersalis, quæ genus fit ad genus, speciem, differentiam, proprium, & accidens. Sed hoc posito dati processus in infinitum, & nulla omnino sunt individua sub istis vniuersalibus. Nam inferiora Vniuersalis debent esse essentialiter Vniuersalia, siquidem ratio superioris participatur essentialiter ab eius inferioribus: & rursus hæc inferiora, quia sunt essentialiter Vniuersalia, debent habere alia inferiora, quæ sint quoque essentialiter Vniuersalia, & sic in infinitum. Adde, quod species tam latè pateret, quàm genus, quod est ridiculum. Quia nulla res potest esse vniuersalis, quæ non possit esse genus. Ratio enim generica potest dari a quæ, ac ratio Vniuersalis, in quibuslibet rebus creatis, tam substantiis, quàm accidentibus. Ergo genus tam latè patet, quàm Vniuersale. Et tamen genus est species Vniuersalis: ergo species tam latè patet, quàm genus, cui subiicitur: quod est impossibile, cum genus debeat latius extendi, quàm species vnica, & conuenire pluribus specie differentibus.

Respondeo, Communem rationem Vniuersalis comparari posse ad Genus, Speciem, Differentiam, Proprium, & Accidens, vel materialiter sumpta, & primò intentionaliter: & sic non est genus ad illa, sed est accidens logicum, illis tantum conueniens per

§ 2.

Quomodo
ratio vni-
uersalis fit
genus ad
genus, spe-
ciem, diffe-
rentiam,
proprium,
& accidens.

extrinsecam denominationem, ut paulò ante diximus: vel secundò intentionaliter: & sic vniuersalitas est genus ad genericitatem, specificitatem, & alias secundas intentiones speciales quinque Vniuersalium, quæ specie differunt inter se sub ratione communi Vniuersalitatis. Neque propterea datur processus in infinitum, aut huiusmodi Vniuersalia nulla habent singularia sub se. Nam hæc, & illa genericitas, sūt singulares solo numero differentes: itemque hæc Specificitas, & illa, & sic de cæteris. Differunt enim solum ex parte materialis, cui applicantur: formaliter verò sunt omnino similes. Et qualibet est quidem essentialiter vniuersalitas *ut quo*, id est, ratio formalis, & extrinseca alicuius vniuersalis: sed non est vniuersalis, *ut quod*, id est, non est vnum ratione, & multa realiter de quibus aptum sit prædicari. Vniuersalitas autem ab illis abstracta, duo habet: nempe & quòd sit ratio vniuersalis *ut quo*: & quòd ipsa sit re multiplex, & vna ratione per aliam, secundam intentionem, & extrinsecam denominationem, atque ita sit vniuersalis, etiam *ut quod*. Nam secundæ intentiones possunt alia aliis aduenire: Et vniuersalitas quando abstrahitur ab hac, & illa vniuersalitate, se habet, ut animal, quod abstrahitur ab homine, & leone: vel ut homo, qui abstrahitur à Petro, & Paulo. Primum illud, nempe ratio vniuersalis *ut quo*, est id quod est essentialiter vniuersalitatibus inferioribus, specie, vel numero differentibus, quodque de illis prædicatur essentialiter; non autem secundum. Sicut cum homo dicitur esse essentialiter in Petro, & Paulo, deque illis prædicari essentialiter; sermo est de homine sumpto primò intentionaliter; non autem de ratione extrinseca speciei, ut sic. Hinc etiam fit, ut species, quæ species est, non tam latè pateat, quàm genus, cui subiicitur. Quia vniuersalitas non tantum est genericitas, sed & specificitas, & quæuis alia secundarum intentionum, quibus quinque vniuersalia formaliter spectata; & secundò intentionaliter, differunt specie. Huc vique priora Recentiorum illorum argumenta contra rationes communes, siue vniuersales obiectiuas, Sequuntur alia, quibus generatim impugnant quæcunque præcisiones seu distinctiones rationis.

SECTIO VI.

Satisfit aliis Nominalium argumentis contra quæcunque distinctiones rationis.

53.
Distinctio
rationis
non affi-
git rebus
diuersitatē.

Sic igitur habet duodecimum illorum argumentum. Cognitio nihil fingens, si nulla sit in rebus diuersitas, nullam in eis deprehendere potest. Atqui nulla est in re simplici diuersitas ante operam intellectus: ergo si quæ deprehendatur, ei affingitur. Sed hoc posito non sunt in rebus plures rationes

obiectiuæ (loquor enim de obiecto secundum id, quod cognoscitur) ergo, &c. Respondeo, nullā obiecto affingi diuersitatem, neque in eo deprehendi: sed obiectum extrinsecè denominari diuersum: & distinctum prout respondet diuersis conceptibus difformibus inadæquatè exprimentibus: quorum conceptuum fundamentum est in ipsa virtuali amplitudine obiecti multiformiter conceptibili: multiformiter, inquam, & non tantum magis, aut minus clarè secundum eandem formam, cuiusmodi sunt conceptus definitionis & definiti; ut conceptus hominis, & conceptus animalis rationalis, qui tantum differunt ratione ratiocinante, & nihil noui intellectui obiciunt, neque habent duos conceptus obiectiuos, sed eundem magis aut minus clarè cognitum: quod non sufficere ad distinctionem rationis ratiocinantis, seu virtualem, rectè docet Molin. 1. p. quæst. 28. disp. 3.

Decimum tertium: Si darentur in Deo multe rationes obiectiuæ, sequeretur Deum non esse ens simplicissimum: & Deum esse diuersum à seipso, ac non esse Deum. Nam vna Dei formalitas formaliter sumpta, esset simpliciter Deus. Sed illa esset diuersa ab alia, quæ etiam esset Deus. Ergo Deus esset diuersus à Deo. Item Deus posset desinere, & incipere esse. Nam per formalistas, aliqua ratio obiectiua Dei, putà creatio, seu actio ad extra, potest incipere, & desinere. Sed illa ratio formaliter sumpta est re ipsa Deus. Ergo aliquid, quod est realiter Deus, potest incipere, & desinere: Ergo Deus ipse potest incipere & desinere, incipiente, vel desinente eo, quod est Deus. Præterea idem posset esse sine seipso realiter: quia si idem posset esse sine aliquo, cum quo est idem: potest esse sine seipso realiter: cum *idem*, & *ipsum* sint termini synonymi. Vltèrius idem esset necessarium, & contingens, quod est impossibile, sumendo necessarium pro eo, quod non potest non esse, & contingens pro eo, quod potest non esse: Nam Deus est ens necessarium: eius verò actio ad extra est contingens: sed Deus, & eius actio sunt vnum, & idem realiter. Ergo, &c.

Ad hæc alibi iam respondimus. Primò, 54. Deum non obstante illa distinctione rationis fundata in eius perfectione infinita, & amplitudine virtuali, esse realiter simplicissimum: quia distinctio rationis non est distinctio in re, sed æquiualentia perfectionis rei simplicis ad multa distincta. Secundò, Deum propterea non differre à seipso realiter; sed solummodò consideratum inadæquatè secundum vnā rationem expressè conceptam, putà iustitiam aut misericordiam, intellectum aut voluntatem, differre à seipso considerato secundum aliam. Tertio, Deum non posse simpliciter desinere, vel incipere: sed solum posse desinere, vel incipere taliter se habere ad extra, quando desinit, vel incipit agere. Quarto, idem similiter non posse esse sine seipso simplici,

ter: sed solum posse esse sine seipso ut taliter se habente: id est, posse esse, & non taliter se habere; v. g. posse Deum esse, & non creare; aut non esse unitum humanitati: posse hominem esse, & non moueri localiter. Quinto, idem posse esse necessarium simpliciter quoad esse, & contingens quoad modum taliter se habendi. Siquis Deus est necessarius, sed contingenter creat, contingenter intelligit futura libera, & contingenter, ac liberè vult efficaciter quidquid extra se vult efficere. Sexto, tres vltimas difficultates communes esse aduersariis: qui negare non possunt, quin Deus aliter quodammodo se habeat intrinsecè, quando intelligit contingentia, quando vult aliquid liberè, quando creat, quando vnitur hypostaticè humanitati per hypostasis Verbi. Nam quod Deus intelligat contingentia, vel liberè velit, est aliquid à parte rei, nullo fingente intellectu: & non esset tale, si Deus, ut potuit, non intelligeret ea contingentia, aut non liberè velleret. Et hoc non est aliquid Deo extrinsecum: Nam Deus non intelligit, neque vult per aliquid extrinsecum; sed per actus vitales, & immanentes, quibus tendit in obiectum sibi extrinsecum. Item, hoc qualecunque est, non distinguitur in re à Deo, ut fatentur aduersarii: & tamen Deus sine eo esse potuit: & Deus si talis est, contingenter est talis, cognoscens scilicet, & volens hoc modo contingenti: & secundum aduersarios potest incipere & definire esse talis: nam secundum illos Deus potest incipere, & definire intelligere, & velle contingenter. Quod licet falsò de actibus intellectus & voluntatis dicatur, ut ostendimus alibi: omnino tamen verum est de actione creandi, & de quolibet usu potentie diuinæ operantis ad extra, deque vnione Verbi ad humanitatem. Nam vnio hypostatica se tenens ex parte Verbi (quod vnitur per seipsum, atque secundum se, non minus, quàm humanitas) est modus se habendi realis, & intrinsecus Verbo, sine quo tamen Verbum potest esse absolutè, quique incepit esse, & contingenter est. Tam enim propriè unitum est Verbum humanitati, quàm humanitas Verbo. Neque est tantum intimè præsens localiter humanitati, & eius modo intrinsecò se habendi per vnionem: nam hoc etiam Patri, & Spiritui sancto conuenit, qui tamen non vniuntur: sed ipsum vltèrius adhæret per se, & coniungitur humanitati; quod non habent aliæ personæ. Estque euidenter impossibile quidquam vniri alteri, sine vnione, & adhæsiōe, seu coniunctione reciproca vtriusque ad alterum, per usum suæ vniuitatis: qui usus æquè intrinsecus est, ac ipsa vniuitas. Et alienum est à veritate id, quod aliqui dicunt, vnionem esse in sola humanitate, & extrinsecè tantum terminari ad Verbum. Quomodo enim potest illud vniri, si vnio est illi tantum extrinsecà, & contingua solum, vel intima localiter? Et cur non dicitur vnio æquè terminari ad Patrem vel

ad Spiritum sanctum; cum Pater, & Spiritus sanctus non minus sint illi præsentès vbique & indistantes, quàm Verbum?

Similiter Deus, quando actu creat, se habet aliter ad extra, quàm ante, nullo fingente intellectu: operatur enim verè & realiter, cum antea non operaretur: & non operatur quia creatura est: sed è contrario ideo creatura est, quia Deus operatur. Ideo enim creatura incipit esse, quia Deus aliter circa illam se habet: id est, quia nunc illam producit, eiusque potentia est nunc actu producens, cum antea posset tantum producere. Si enim potentia eodem modo se haberet, quo antea: esset otiosa, & nihil produceret. Ut ergo creatura producat, necessarium est Deum vim suam exercere, & illa vi, & de puro actu primo transire ad actum secundum, & ad statum exercitii, id est, de potente agere, fieri actu agentem. Confirmatur, quia agere, & producere non dicitur per meram denominationem extrinsecam, ita ut causa in se manente, ut antea sine usu virtutis suæ, alibi oriatur effectus: sed ipsamet causa debet se impendere, & virtutem suam. Neque euadunt difficultatem, qui recurrunt ad complexum significabile. Nam vel res aliter se habet, quàm ante, & verè subest aliquid à parte rei signo complexo, vel non. Si primum: manet difficultas, & recurrunt argumenta supra facta. Si secundum: illud complexum significabile est merum figmentum, & nomen sine re: nec dici potest in quo fundetur: neque enim in exemplo allato de actione, fundari potest in sola existentia rei, quæ causa est, & rei quæ est effectus. Nam laxissime potest esse vtrique sine causalitate, & dependentia vnius ab alia: ut pater in causis creatis. Posset enim v. g. esse idem ignis, & idem calor, quamuis non esset ab igne.

Decimum quartum argumentum: Quidquid oritur de nouo, non erat antea secundum id formaliter, secundum quod existit de nouo. Sed formalitas oritur de nouo secundum aliquid reale, & positium: ergo illud positium, & reale, non erat antea secundum id, secundum quod de nouo existit. Ad maiorem respondeo, Id quod oritur, aut est de nouo, non fuisse antea eo modo quo de nouo est. Ac si est de nouo simpliciter, & secundum suum esse, non fuit antea simpliciter, & secundum suum esse. Sin autem est solum de nouo taliter se habens: non fuit antea taliter se habens, id est, non talimodo se habuit. Ad minorem dico, formalitatem v. g. vnionis hypostaticæ, non esse nouam entitatem aliquam, aut formam physicam, quæ oriatur de nouo secundum se: sed esse ipsamet extrema taliter se habentia, id est, immediatè coniuncta: quæ cum vniuntur de nouo, verum est illa tunc incipere taliter se habere; licet non incipiant neque oriantur simpliciter, & secundum esse, supposito quod secundum illud præextiterint vnioni, id est, fuerint reipso priusquam vniuntur. Sicut

seipsa Verbum præstitit vnioni hypostaticæ, id est, fuit Verbum ab æterno, priusquam tali modo se haberet respectu humanitatis. Et hoc argumentum debent etiam soluere aduersarii, vt patet ex iam dictis. Consent enim vnionem non distingui ab extremis.

87.

Decimum quintum argumentum : Omne visibile aut inuisibile est creatura Dei, ex Concil. Nicæno in Symbolo. Sed exercitium voluntatis creatæ v.g. quod Formalistæ admittunt, est visibile aut inuisibile. Ergo est creatura seu effectus Dei. Sed hoc est falsum. Nam si est à Deo, est natura prius in Deo exercitium potentia diuinæ, ad exercitium creaturæ ponendum. Sed hoc posito exercitium creaturæ erit ab aliquo priori, quo posito non potuit non sequi ab eo : ergo illud exercitium non est liberum, quod hæreticum est. Negare autem exercitium illud esse à Deo, est repugnare Concilio affirmanti omne visibile, & inuisibile esse à Deo. Deinde gratis Formalistæ eximerent diuinæ operationi istam formalitatem seu rationem obiectiuam, cum alias omnes fateantur esse Dei effectus, etiam si non sint entitates nouæ, vt dicunt.

Exercitium agentis siue actio siue aliquid productum

Respondeo primò, Hanc difficultatem æquè soluendam esse ab aduersariis: cum manifestum sit Deum, vel creaturam actu operantem, exercere vim suam, circa effectum, & verè ac realiter operari, cum antea non operaretur: atque omnem effectum, seu liberum, seu non liberum, prodire à causa, vt actu influente, non autem vt otiosa, quemadmodum paulò superius ostendimus. Secundò, dico actionem, siue *agere*, non esse formam re vel ratione distinctam à causa, eique superuenientem, & ab aliquo productam. Si enim talis esset, deberet re, vel ratione procedere à causa ipsa, saltem in agentibus liberis : & procederet à causa non vt otiosa ; sed vt se exercente. Quare ad actionem requireretur præuium aliud exercitium : & ad hoc aliud : & sic in infinitum. Sed actio, siue *agere*, est modus se habendi simplex, & incompressus re, & ratione : nec est aliquid productum vt sic, sed est causa per seipsam producens, & influens in aliud ; causa, inquam, aliter se habens, non aliquid in se recipiendo, sed in aliud per se influendo, & per se intrinsecè agendo, atque extenus tantum se aliter habendo intrinsecè. Valde enim notandum est non omnem modum aliter se habendi consistere in receptione, aut quasi receptione alicuius formæ, aut quasi formæ : sed aliqui in eo solo consistunt, quòd res seipsam circa aliud exerceat, aut per seipsam aliter alteri respondeat, aut simpliciter nouo modo se habeat in seipsa, vel in ordine ad aliud. Tertiò, hic modus se habendi qui dicitur actio, siue *agere*, est in causis creatis à Deo identicè. quatenus Deus dedit causæ entitatem, & vim se exercendi : atque etiam pender à Deo formaliter vt actio est, non vt in ipsam, vel in causam de nouo influente, sed vt cooperante, & con-

currente ad eundem effectum. Causa enim secunda pender à prima in operando : non quòd prima debeat in illa aliquid efficere præuium effectui : sed quia secunda non potest operari nisi prima coagente, & influente simul in effectum. Quartò, ad auctoritatem Concilii Nicæni respondeo, mentem illius esse, quòd nihil extra Deum sit, quod ab ipso non sit, & pendeat aliquo modo : idque de exercitio causæ creatæ verum est in sensu explicato. Quamuis non sit necesse vt Deus sit auctor & causa efficiens cuiuscunque modi se habendi formaliter, & quasi proximè, & immediatè : cum non omnes existant per veram actionem. Quod non tantum verum est de actione, siue exercitio causæ agentis : sed etiam de passione, seu exercitio causæ patientis : quod si fieret, deberet, saltem quando fieret à causis secundis, fieri cum concursu subiecti, & sic ante passionem daretur passio in infinitum. Item de duratione, quæ est modus intrinsecus, quo res durans aliter se habet, quàm si tantum in instanti esset. Hoc enim ipso, quòd res creata non desinit, durat ; neque opus est alia actione, quàm ea, qua primò producta fuit. Falsum ergo est id solum asseri de actione. Neque est eadem conditio modorum omnium se habendi. Quæ autem illa sit, partim experientiâ ; partim ratiocinatione colligendum est.

Non omnes modi se habendi existunt per veram actionem.

Instabis, quia cum quidquid est, sit à se, vel ab alio : illud exercitium debet esse à se, vel ab alio. Non est autem à se : neque etiam ab alio : quia si esset ab alio, & si esse à principio, est esse mediante exercitio inter principium, & id quod est à principio : dabitur aliquid medium inter principium, & hoc reale exercitium : & sic in infinitum. Respondeo, quidquid est simpliciter, esse à se vel ab alio : & quidquid est tali, vel tali modo, esse à se, vel ab alio, tali vel tali modo : id est, habere à se vel ab alio, vt sit tali modo. Causa creata simpliciter, id est, entitas, & vis causæ, ab alio est : quod autem tali modo sit, id est, causans & se exerrens, siue influens in effectum, à se habet, non aliquid in se producendo, sed producens actu effectum, seipsa, & per se. Quamquam & hoc ipsum aliquo modo est à Deo, atque à Deo pender : nempe quatenus causa creata à Deo habet vim illam se exercendi ; & non potest se exercere sine Dei concursu ad eundem effectum.

88.

Quomodo actio est causa ab alio ;

Decimum sextum argumentum : Idem realiter esset principium sui simpliciter & realiter. Ex. gr. quando res seipsam extendit, est realiter principium, & causa extensionis ; sed extensio est formalitas ab ipsa indistincta, & est ipsamet res extensa : ergo res extensa est principium sui ipsius realiter. Respondeo, extensionem non esse formam ratione distinctam, quasi inhzrentem rei extensæ, & constituentem illam formaliter extensam : sed esse simplicem modum se habendi, sicut actionem, presentiam localem, durationem, & similia : eadem enim

89.

Res modificant seipsas, quamuis seipsas producere dequant.

argumenta, quæ probant hæc non esse formas in re distinctas, probant similiter non esse formas ratione distinctas, constituentes aliquod compositum re vel ratione. Quomodo autem possit res esse causa suæ extensionis, licet extensio non distinguatur ut forma à re extensa, non est difficultas nobis specialis, sed communis aduersariis, qui fateri debent res habere vim modificandi seipsas per extensionem, & multos alios modos, sentiuntque nobiscum, modos non distinguere in re à rebus modificatis. Neque propterea res est causa sui ipsius simpliciter, sed tantum est causa ut taliter se habeat. Cum autem dicimus interdum rationes obiectiuas oriri alias ab aliis, & vnā ab alia præsupponi: Sensus est, non quod re ipsa oriatur, aut præsupponat; quemadmodum fingunt aduersarii: sed quod res æquiualeat per suam virtutem amplitudinem, aut similis sit duobus distinctis, quorum vnum ab alio oritur, & illud præsupponit. Sic verbi gratia volitio Dei realiter simplex æquiualeat intentioni finis, & electioni mediorum, quarum hæc ab illa causatur in creaturis, illamque præsupponit. Et intellectio diuina simili modo se habet respectu volitionis. Quam prioritatem virtutem si negant aduersarii, repugnant mysterio Trinitatis: nullam enim possunt rationem reddere, cur Filius sit secunda persona, & cur Spiritus sanctus procedat à Filio, ac non ambo æquè primò procedant à solo Patre. Neque etiam negare possunt diuinam entitatem simplicissimam æquiualeat multis prioribus, & posterioribus, in creaturis; quam æquiualentiam tantum intendimus explicare per huiusmodi prioritates.

60.

Decimum septimum argumentum ex multis conglobatum: Si pro diuersitate conceptuum formalium magis, aut minus communium, deberent multiplicari formalitates, seu rationes obiectiuæ; ratio entis in Deo differret à ratione sapientię: & ratio substantię, à ratione vitę vel potentię. Et ita Deus non esset ens formaliter per sapientiam, nec substantia per vitam, aut potentiam: quod est falsum. Nam sapientia vel est ens, vel nihil est. Vita quoque & potentia in Deo non est accidens, sed substantia per seipsam formaliter. Deinde si substantia distinguitur ab ente; substantia ut distinguitur formaliter ab ente, nihil est formaliter, quia non est ens formaliter: Et quod non est formaliter ens, formaliter nihil est. Si autem ratio substantię ut distincta à quacunque alia ratione sit ens, frustra affingitur ei ratio entis, per quam fiat ens. Idemque dico de ratione corporis comparata ad substantiam, & de aliis inferioribus comparatis ad superiores. Denique ratio substantię secundum se formaliter estne spiritualis, vel corporalis? Si primum: quomodo est realiter idem cum corporibus? Si secundum: quomodo est realiter idem cum spiritibus?

Ratio entis distincta

Ad primum Respondeo, Rationem entis differre à ratione sapientię præcisione tan-

tum non mutua, quatenus potest quidem gignitur ab expressè concipi ratio entis, non expressè concepta sapientia ut sic: licet non vice versa. Ratio enim entis imbibitur transcendentaliter in conceptu sapientię, & quouis alio conceptu reali. Neque ibi est proprie compositio rationis, sed quasi modificatio. Ratio quoque vitę, & potentię substantialis, & essentialis, qualis in Deo concipitur, includit rationem substantię in suo conceptu formali & expresso. Ad secundum dico substantiam, ut distinctam ab ente præcisione non mutua, esse formaliter tale ens: & iam concipi expressè, non ut ens simpliciter, sed ut ens tale, distinctum ab accidentibus. Neque propterea ei affingitur ratio entis: sed ipsa tantum extrinsecè respondet duobus conceptibus disformibus, quorum vno concipitur expressè ut ens: alio, ut substantia. A parte verò rei eodem indiuisibiliter est realiter formaliter ens, & substantia. Ad tertium Respondeo, rationem substantię communem non esse realiter vnā, sed multiplicem, per modum vnius confusè conceptam: & esse corpoream in rebus corporeis: spirituales in spiritualibus, viuentem in viventibus, rationalem in rationalibus, licet huiusmodi differentię non cognoscantur, ut tales, conceptu præciso substantię.

Decimum octauum argumentum: Ex hac imaginatione multiplicare rationes pro diuersitate conceptuum formalium, sequeretur in Petro verbi gratia esse innumeras singularitates, imò singularitatem non esse singularitatem. Nam singularitas est vltima determinatio entis. Sed daretur communis ratio singularitatis: ergo illa singularitas non esset singularitas, quia vltimè deberet contrahi, atque ita non esset vltima entis determinatio. Quod si contrahitur: ergo per aliam singularitatem. Et hæc in eo conueniret cum aliis contractiuis eiusdem, quod illam contraheret. Illa itaque ratio, in qua conueniret, deberet contrahi: & sic in infinitum. Simili argumento, probant indiuiduum non fore indiuiduum, sed fore vniuersale, falsòque definiri, quod de vno solo prædicatur. Respondeo, singularitatem quamlibet, prout est à parte rei, esse vltimam determinationem. Singularitas verò in communi, seu ratio communis singularitatis non est vnica singularitas, sed est multæ singularitates per modum vnius conceptę: expressè quidem, prout in eo conueniunt, quod quælibet est vltima determinatio: confusè verò, prout diuersæ numero inter se: quæ diuersitas expressè cognoscitur per alios conceptus, quibus res singulares magis innotescunt, & quibus prior conceptus obiectiuus magis determinatur: ad eum modum, quo ens determinatur ad substantiam, vel accidens. Neque propterea singularitas non est singularitas, sed tantum multæ singularitates per modum vnius conceptę, non sunt vnica singularitas. Neque etiam datur processus in infinitum: quia,

Quomodo possit abstrahi communis ratio singularitatis, & contrahi sine processu in infinitum.

licet singularitas in communi contrahatur per conceptum cuiuslibet particularis: illa tamen, prout cum aliis conuenit, & abstrahitur, non est aliud, quam communis ratio singularitatis: Neque potest alia ratio singularitatis abstrahi. Quare non abstrahitur noua, & noua ratio, ut aliud infert obiectio. Idem dicendum est de indiuiduo: quod cum definitur de vno solo prædicabile, definitur indiuiduum materialiter sumptum, prout conuenit cum aliis in communi ratione indiuidui. Quæ ratio est ratio sub qua definitur, id est, sub qua traditur vna definitio omnibus communis, & ut aiunt, est definitum quo. Indiuiduum verò materialiter sumptum, & prout est à parte rei, est definitum quod, id est, id cui talis definitio competit.

Decimum nonum: Si pro diuersitate effectuum arguendæ essent diuersæ formalitates, seu rationes obiectiuæ in principio eorum: essent infinitæ rationes intellectus humani, siue infiniti intellectus à se inuicem diuersi. Nam pro diuersitate obiectorum cognoscibilium ab intellectu, deberent esse alii, & alii intellectus simul. Atqui in rebus cognoscibilibus est processus in infinitum: nullumque est possibile cognosci, cui actu respondere non debeat peculiaris intellectus formaliter diuersus: quia respectu eius est productiuus actus formaliter diuersi ab actibus representatiuis aliorum obiectorum diuersorum. Atqui si intellectus humanus haberet actu formalitates infinitas, seu rationes obiectiuas diuersas, esset actu infinitus, quod est aperte falsum: ergo, &c. Idem putà de quocunque agente respectu effectuum numero diuersorum. Prout enim esset aptum concurrere ad vnā singularitatem, esset aliud à seipso, prout apto concurrere ad aliam: & ita in infinitum.

Respondeo, non esse arguendam rationum obiectiuarum diuersitatem in causa, ex quacunque diuersitate effectuum. Norandum est enim primò duplicem esse distinctionem rationis ratiocinatæ. Vnam, quæ consistit in mutua præcisione rationum conceptuum: cuiusmodi sunt verbi gratiā conceptus iustitiæ, & misericordiæ in Deo. Alteram, quæ est tantum maior, aut minor determinatio, vel conceptus prioris obiectiuī simplex modificatio: cuiusmodi sunt conceptus entis, & substantiæ; speciei, & indiuidui; rei simpliciter, & rei ut agentis, aut præsentis. Prior distinctio attingit rationes obiectiuas diuersas. Posterior non attingit propriè diuersas, sed eandem diuersimodè. Nam conceptus substantiæ non est conceptus rationis, quæ non sit ens: sed est conceptus entis taliter se habentis per seipsum intrinsecè, nempe apti per se subsistere. Quare illi conceptus non multiplicat rationes intrinsecas in vna, & eadem re; ut facit distinctio mutua præcisiua: sed eandem tantum determinant, aut modificant. Nota secundò, quod iam sæpius inculcauimus, & valde aduertendum est, distinctionem rationum obiectiuarum

mutuam præcisiuarum fundari in amplitudine virtuali obiecti, secundum quam æquiualeat rebus distinctis, & potest fundare plures conceptus difformes, quibus di. eris veluti formæ intrinsecæ apprehendantur, & noua perfectio obiecti detegatur. Alioquin enim, licet multiplicentur conceptus formales, non multiplicantur obiecti intrinseci. Ut quando homo concipitur conceptu hominis, & conceptu expressiori animalis rationalis: vel quando actio concipitur, ut motificans agens, & ut tendens ad terminum: aut albedo concipitur modò, ut visibilis, modò ut imaginabilis, modò ut intelligibilis: qui conceptus non differunt ex parte albedinis, sed ex parte extrinsecorum, quibus cum comparatur: eadem enim ratio obiectiuæ albedinis, quæ est visibilis, est etiam imaginabilis, & intelligibilis, ac sine dubio intelligitur à Deo: sicut eadem ratio, quæ amatur, cognoscitur: voluntas enim non fertur in rationem incognitam. Eadem quoque ratio obiectiuæ actionis, quæ est modus agens, est tendentia ad terminum & eadem est ratio obiectiuæ definiti, & definitionis, quæ est tantum clarior explicatio definiti.

Sic igitur ut ex diuersitate effectuum arguantur diuersæ rationes obiectiuæ in causa: debent esse tales effectus, ut ex illis arguatur amplitudo virtualis causæ, & æquiualentia ad multas alias virtutes re distinctas: quæ non bene arguitur ex diuersitate numerica effectuum, quos vel diuisim, vel successiue causa potest producere. Etenim nulla causa est potens ad vnum indiuiduum, quæ per se non sit potens ad quodlibet aliud à se distinctum diuisim, & successiue ad infinita, dummodo virtus causæ infinità duratione conseruetur: quandiu enim erit, poterit operari, modò adsint aliæ conditiones ad operandum requisitæ. Quare per hoc non æquiualeat pluribus, neque bene concipitur ut multiplex æquiuolenter, aut quasi habens nouam perfectionem, ex eo: sed tantum comparatur ad plura extrinseca, & distinguitur tantum ratione ratiocinante. Nec etiam qualibet distinctio specifica effectuum arguit illam amplitudinem & æquiualentiam causæ. Oculus enim verbi gratiā non æquiualeat pluribus potentiis visuius realiter distinctis, ex eo quod valeat ad plura visibilia specie diuersa: cum nulla sit, nec esse possit potentia visiva; quæ non valeat ad plura, quamuis in eo intensiue saltem differre possint. Intellectus quoque non est multiplex virtualiter ex eo præcisè, quod valeat ad plures actus specie diuersos, qualescunque illi sint: sed ex eo quod æquiualeat potentiis cognoscitiuis internis, & externis realiter distinctis: verbi gratiā, quia valet ad intelligenda omnia visibilia, ut oculus: audibilia, ut auditus, &c. Et insuper ad percipiendas rationes conuenientiarum, & disconuenientiarum rerum sensibilibus, ut sensus internus: & ulterius ad insensibilia, ut intellectus,

præcisè, in quo fundatur.

Quomodo ex diuersitate effectuum arguatur virtualis amplitudo causæ?

Distinctio rationis duplex: præcisiua, & solum determinatiua.

Distinctio rationum obiectiuarum mutua

angelicus, & diuinus. Sic etiam lux solis, vt exsiccatur, æquiualeat siccitati: & vt calefactura, æquiualeat calori, realiter distinctis inter se, & à luce. Sic etiam omnipotentia diuina distinguitur ratione, quatenus æquiualeat virtuti hominis ad generandum hominem: caloris ad calefaciendum: solis ad illuminandum: & infinitis aliis virtutibus realiter distinctis in creaturis existentibus, aut possibilibus: propter quod est capax distinctionis in infinitas rationes obiectiuas quasi extensiuæ, ultra infinitatem intensiuam virtualem, quam habet quatenus potest simul infinita. Intellectus verò, & voluntas diuina sunt infinita simpliciter intensiuæ: quia possunt simul velle, & intelligere infinita: atque etiam extensiuæ, si possibiles sint infinitæ potentia volitua, & intellectiua diuersæ ex parte obiectorum; & modo tendendi in illa; quibus diuinus intellectus & voluntas æquiualeant. Habent item actus ratione diuersos infinitos circa obiecta infinita, atque ita infinitæ sunt in actu secundo.

64. Vigessimus & vltimus: Qui ponunt rationes obiectiuas, ideo eas ponunt, quia putant non posse plura per aliquem terminum, vel conceptum vniformiter representari, nisi habeant aliquid commune, quod ab illis abstrahatur per actum præcisuum. At hoc apertè falsum est. Nam habeatur conceptus, cui subordinetur *Intelligibile*, qui terminus aptus est significare Petrum, Chimeram, non ens. Quænam igitur ratio communis ab illis abstrahi potest? Vel enim illa est formaliter ens, vel non ens. Si primum: quomodo educta est à chimera? Si secundum: quomodo potuit præcindi ab ente? Item dari potest conceptus vniformis contradictoriorum, vel contrariorum. At illa vt sic, non habent vnā rationem communem: alioqui per rationem communem præcisam à differentiis constituerentur opposita, quod est falsum; nam potius constituerentur conuenientia. Denique conceptus confusus, & distinctus possunt esse eiusdem obiecti. Ergo frustra multiplicantur rationes obiectiuæ propter conceptus confusos, & distinctos.

Quis conceptus respondeat termino *Intelligibile*?

Respondeo primò retorquendo: Si Petrus, Chimera, non ens, possunt concipi vno conceptu vniformi, qui respondeat huic termino, *Intelligibile*: Ergo debet vniformiter, & inuariabiliter representare vnum quodque illorum diuisim, vt ipsi loquuntur. Atqui si representat, seu exprimit vitaliter ens, quomodo potest idem inuariatus exprimere Chimeram, aut non ens? Secundo directè Respondeo, hunc terminum, *Intelligibile*, esse denominatum extrinsecè, seu denominationem extrinsecam significantem de materiali id quod intelligitur, aut intelligi potest: de formali, intellectum, aut intellectiōnem, tanquam formam extrinsecam, propter quam denominatur intelligibile. Hoc formale reale est, & secundum illud omnia intelligibilia conueniunt realiter, id

est, forma illa realis est omnibus communis, & propter illam possunt omnia verè denominari intelligibilia. Materiale verò abstrahit à reali, & non reali, & omnia intelligibilia, siue entia, siue ~~non~~ entia, aut fictitia, confusè concepta per modum vnius, id est, non conceptis differentiis, & diuersitate illorum inter se. Vnde sunt vnum obiectiuè, & vna ratio, seu consideratio obiectiua; id est, vnum per considerationem obiectum, & re ipsa multiplex, sed imperfectè, & confusè, sine multiplicitate, & sine differentiis apprehensum. At non sunt vna ratio alio sensu, quem aduersarii videntur intendere; nempe vnica quædam formalitas intima omnibus intelligibilibus, & eadem numero in omnibus existens, de qua aptè queratur, sitne ens, aut non ens? Et quidquid dicatur, quomodo potuerit abstrahi ab ente, & non ente? Est enim omnia intelligibilia, quæ partim sunt entia, partim non entia, sed confusè concepta, non expressis, neque conceptis talibus differentiis, prout sunt talia intelligibilia, sed tantum prout sunt intelligibilia simpliciter.

65. Similiter, quando vno conceptu vniformi cognoscuntur contradictoria, vel contraria: concipiuntur quatenus conueniunt in denominatione illa desumpta ex comparatione vnius ad aliud, aut ad negationem sui, cui contrariè, vel contradictoriè opponitur. Quemadmodum enim esse simile, vel dissimile; æquale, vel inæquale; duplum, vel subduplum; & similia, dicuntur per denominationem ex comparatione vnius ad aliud: sic contraria, & contradictoria dicuntur talia respectu, & comparatione alterius: in qua comparatione possunt conuenire, quia simili modo se habent respectu alterius. Atque ita omnia relatiuè opposita, conueniunt in eo, quod relatiuè opponantur: & priuatiuè opposita similiter: Itemque contraria, & contradictoria. Quemadmodum etiam omnia similia, omnia dissimilia, omnia æqualia, omnia dupla, omnia subdupla, conueniunt in eo quod simili modo, vel proportionem comparentur ad aliud, secundum has denominationes: & secundum hoc possunt concipi vno conceptu vniformi, cui respondent per modum vnius conceptus obiectiui. Ratio igitur communis oppositorum est ipsa opposita confusè concepta, quatenus conueniunt in eo quod opponantur. Et non constituit illa opposita, neque conuenientia, nisi hoc sensu, id est, est ipsa opposita confusè cognita prout conueniunt in comparatione & denominatione oppositionis, abstrahendo à specialibus rationibus, quibus differunt, & sunt incompatibilia inter se. Neque repugnat contraria, vel contradictoria conuenire formaliter in illo conceptu communi, & tamen esse opposita? quia in eo ipso conueniunt, quod habeant comparationem oppositionis: opponuntur verò secundum proprias rationes quæ subsunt tali comparationi. Atque ita dici possunt conuenire formaliter,

Quomodo contradictoria cognoscuntur vno conceptu vniformi?

liter, id est, secundum comparationem, & rationem communem oppositionis: opponi verò materialiter, secundum proprias rationes incompatibiles inter se. Denique potest quidem eiusdem obiecti secundum eandem rationem esse conceptus confusus seu minus expressus, & distinctus: ut definiti, & definitionis: at non propter quoscunque conceptus confusos, & distinctos, multiplicantur rationes obiectivæ: sed solum propter conceptus difformes, quibus multa veluti formæ, & perfectiones eiusdem rei representantur, & intellectui obijciuntur, ut iam superius diximus.

66. Instabis, quia hi termini sunt communes, & universales, individuum, intelligibile, ens, substantia. Et tamen quilibet eorum significat singularia adæquatè, licet confusè, & divisim. Ergo perverit ex terminis communibus, & universalibus arguitur in rebus ipsis universalitas, & rationes inadæquatæ, ac præcisæ. Probat minor. Nam hic terminus, *Singulare*, significat, id quod est distinctum à quocunque alio. At quodlibet existens à parte rei adæquatè sumptum est huiusmodi: ergo hic terminus *Singulare*, vel *Individuum*, significat quodlibet ens existens à parte rei adæquatè sumptum. Et hoc argumentum, inquit, remdemonstrat. Addunt esse impossibile, ut hic terminus *Individuum* significet aliquid commune, & prædictum. Quia nullum tale commune est vnum realiter distinctum à quocunque alio ente. Imò si esset, esset realiter plura entia. Ergo hic terminus *Individuum*, licet sit in significando communis, non significat aliquid commune. De hoc termino *Intelligibile* constat, inquit, significare formaliter id omne quod intelligi potest. Sed quodlibet singulare adæquatè sumptum est intelligibile, nihilque est omnino, quod non sit intelligibile sub omni ratione: ergo hic terminus significat quodlibet singulare adæquatè sumptum. Et tamen est terminus communis. Ergo, &c. De hoc termino, *Ens*, idem liquet. Nam singularia adæquatè sumpta, esse possunt: & quæcunque sunt, sunt adæquatè sumpta. Ergo sunt entia. Ea ergo significantur adæquatè per hunc terminum *Ens*, licet confusè. Item hic terminus, *Substantia*, formaliter significat id quod est aptum esse, & ineptum alteri inhzere. Sed quælibet singularis substantia adæquatè sumpta est talis: Ergo, &c.

Termini illi, individui- Respondeo, Terminos illos communes, siue vocales, siue mentales, hoc ipso, quod con-

fusè multa significant secundum aliquam convenientiam, quam exprimunt, non expressis differentiis, ut sic præscindere à differentiis, & esse inadæquatos secundum expressionem: neque attingere differentias, ut tales, nisi identicè: Alioqui enim vi horum terminorum perinde ignorantur, ac si non essent. Ut tales, inquam: quia totæ quidem attinguntur, ut sunt ens, intelligibile, singulare, aut substantia se totis intus, & adæquatè: at non prout se totis quoque differunt, & sunt ens tale, vel tale intelligibile, tale singulare, talis substantia, &c. In forma igitur, distinguo minorem primi argumenti. Quilibet horum terminorum significat singularia adæquatè, realiter, & identicè, prout se totis sunt *Ens*, *Intelligibile*, *Singulare*, &c. Concedo. Adæquatè formaliter, significando quod sint tale ens, tale intelligibile. Nego. Hoc enim, ut sic, non significatur, neque representatur intellectui. Neque dicitur huiusmodi differentias, ut tales, esse formaliter ens, singulares, intelligibiles: ergo significantur, & representantur ut tales, terminis, & conceptibus entis, singularis, intelligibilis. Respondeo enim non esse tantum formaliter ens, sed esse tale ens determinatum ad talem differentiam entis: & representari quidem formaliter ut ens, at non ut tale ens, quod, ut sic, latet vi illorum terminorum, & conceptuum.

Ad probationem minoris distinguo minorem iterum. Quodlibet existens à parte rei, adæquatè sumptum, est huiusmodi, nempe distinctum à quocunque alio, & singulare: tantum: Nego. Et tale distinctum à quocunque alio, & hoc singulare determinatum, quod ut sic non exprimitur termino, & conceptu singularis simpliciter: Concedo. Ad id, quod additur, nullum commune esse vnum realiter, distinctum à quocunque alio ente, ac proinde non esse singulare. Respondeo, non esse vnum singulare, nec vnum realiter distinctum à quocunque alio ente, sed esse multa singularia realiter, & multa distincta, concepta confusè, & inadæquatè formaliter; exprimendo solum ea quatenus conveniunt in eo, quod vnumquodque est distinctum à quouis alio ente: & non exprimendo, neque per se intelligendo, quomodo differant inter se, non obstante illa convenientia. Per hæc solvuntur aliz instantiæ de terminis communibus entis, substantiæ, intelligibilis; æque ita omnibus Nominalium obiectionibus abundè satisfactum videtur.

67

DISPUTATIO

DECIMA-OCTAVA.

Quid sit Sacramentum in genere ?

- Sectio I. *Referuntur, & expenduntur variae definitiones Sacramenti generalissimè sumpti.*
- Sectio II. *Vera sententia, & solutio objectionum.*
- Sectio III. *Quid sit Sacramentum prout est proximum genus ad septem legis novae sacramenta?*
- Sectio IV. *Difficultas circa doctrinam præcedentem.*
- Sectio V. *Quid sit vis significandi, & efficiendi sacramentorum?*
- Sectio VI. *An vis significandi, & efficiendi sacramentorum sit aliquid relatiuum?*
- Sectio VII. *An, & quis ordo sit inter vim significandi, & efficiendi sacramentorum?*



DE definitione Sacramenti in genere, id est, generalis eius conceptus, disputat S. Thomas quæst. 60. quatuor primis articulis. Quorum summa est, Sacramentum esse in genere signi, & esse signum rei sacræ sanctificantis homines. Quia verò in nostra sanctificatione tria possunt considerari: videlicet ipsa causa sanctificationis nostræ, quæ est passio Christi: & forma illius, quæ consistit in gratia, & virtutibus: & finis ultimus, qui est vita æterna. Hæc omnia per sacramenta significantur. Vnde sacramentum est signum rememoratiuum eius quod præcessit, scilicet passionis Christi: & demonstratiuum eius quod in nobis efficitur per Christi passionem, scilicet gratiæ: & prognosticum, id est, prænunciatiuum futuræ gloriæ. Cūque naturale sit homini ut per sensibilia perueniat in cognitionem intelligibilium: Sacramentum, quod homini spiritalia & intelligibilia bona significat, quibus homo sanctificatur, debet esse res sensibilis, & signum sensibile: quia sapientia diuina unicuique rei providet secundum suum modum. Addit art. 5. & sequentibus, significationem illam sensibilem consistere in quibusdam rebus & verbis à Christo determinatis. Qua de re dicemus disput. sequenti. Interea ex dictis colligi potest hæc definitio sacramenti, abstractè & genericè sumpti, iuxta doctrinam à D. Thoma traditam, Sacramentum est signum sensibile rei sacræ sanctificantis homines.

SECTIO I.

*Referuntur & expenduntur variae definitiones
Sacramenti generalissimè sumpti.*



SACRAMENTUM in genere potest dupliciter sumi. Primò, pro genere abstracto à quibuscunque sacramentis, siue legis antiquæ, naturalis, aut Mosaicæ; siue nouæ, & Euangelicæ. Secundò, pro genere abstracto à sacramentis legis nouæ: quæ acceptio sacramenti strictior est, quàm prima, de ea verò dicemus sect. 3. Nunc de priori quæstio est. Quærimus ergo quis sit conceptus genericus sacramenti, communis omnibus sacramentis cuiuscunque legis? Difficile autem est conceptum illum, & sacramenti tam generaliter sumpti definitionem assignare ipsi omnino propriam, & adæquatam.

Dicunt aliqui sacramentum ita sumptum definiri posse signum rei sacræ, ut definitur à Magistro in 4. initio primæ distinctæ. Sed hæc definitio latius patet, quàm sacramentum propriè dictum, ut hic sumitur. Multa enim sunt signa rei sacræ, quæ non sunt sacramenta. Ut Euangelium, Imagines Dei, & Christi, & Sanctorum, serpens æneus, arca fœderis, & alia signa sacræ veteris Testamenti, columba, & nubes lucida super Christum apparens in signum præsentis Spiritus sancti, Matth. 3. & 17. aliaque innumera. Quod si dicas cum D. Thom. quæst. 60. art. 2. in corp. nomine rei sacræ intelligi in prædicta definitione rem sacram homines sanctificantem, formaliter scilicet; idque sufficere ad communem definitionem sacramenti, ut putant Scot. Ledesm. & alii Thomistæ communiter: Manet adhuc difficultas: nam Euangelium loquens de gratia sanctificante, & de remissione peccatorum, est signum rei sacræ homines sanctificantis formaliter: & tamen non est sacramentum. Idemque dico de transitu maris rubri, qui significat educationem hominum de Dæmonis seruitute in libertatem filiorum Dei, quæ fit per gratiam, & remissionem peccatorum in Baptismo: & de serpente æneo, qui significabat liberationem à morte peccati, & vitam spirituales hominibus dandam per Christi passionem: quæ tamen, & similia, non erant sacramenta.

Propter hoc addunt aliqui, nomine signi in prædicta definitione intelligendum esse non qualecunque signum rei sacræ sanctificantis homines formaliter, neque signum merè speculatiuum: sed signum practicum, id est, quod sit causa eiusdem rei sacræ formaliter homines sanctificantis. Sed hæc opinio si loquatur de perfecta sanctificatione, quæ fit per gratiam habitualement, manca est: quia non conuenit sacramentis antiquæ legis, quæ ut ait Florent. in Decret. Eugenii, non causabant gratiam, sed eam

solum per passionem Christi dandam figurabant. Vnde à Paulo ad Galat. 4. vers. 9. vocantur infirma, & egena elementa: nimirum infirma ad conferendam iustificationem, & egena, seu vacua gratiæ, quam tantum significabant. Sin autem, ut vult Melch. Canus in relect. de Sacram. par. 1. sub finem, loquatur hæc opinio de sanctificatione perfecta, vel imperfecta; ita ut sacramentum dicatur esse signum illud, quod significat, & confert aliquam sanctitatem siue perfectam, quæ fit per gratiam habitualement, siue imperfectam, & legalem, qualem aliquæ ceremoniæ antiquæ legis conferebant: peccat tam hæc definitio per excessum: quia ex ea sequeretur professionem religiosam; benedictionem Abbatum, tonsuram Clericorum, consecrationem sumorum Pontificum, & unctionem regum, esse sacramenta: quia sunt signa, quæ significant, & conferunt moralem aliquam, & legalem sanctitatem, quatenus personas illas à communi hominum conditione secernunt, ut eas Deo speciali quodam modo deuinciant, & consecrent, propter quod altiori quadam, & sacra veneratione dignæ sunt. At certum est non esse sacramenta: alioqui plura essent sacramenta quàm septem in Euangelica Ecclesia, contra definitionem Florent. in Decreto, 9. *Nouæ legis, & contra sensum, ac fidem omnium Catholicorum.*

Ideirco Suar. disput. 1. de Sacram. sect. 2. conclus. 2. & 3. censet de ratione sacramenti esse, non modò ut significet, & conferat aliquam sanctificationem saltem imperfectam, verum etiam ut conferendo aliquam sanctitatem, significet veram sanctitatem animæ. Itaque, inquit, si hæc interna, & vera sanctitas per ipsum sacramentum, vel in ipso confertur: per illud etiam significatur. Si verò solum conferat legalem, & imperfectam sanctitatem; nihilominus, ut verum sacramentum sit, necesse est, ut aliquid aliud, ac diuinius, internam scilicet ac veram, & perfectam sanctitatem significet. Vnde concludit sect. 4. paulò ante finem, Sacramentum in communi sic esse definiendum: Est signum sensibile ad sanctificationem aliquam conferendam, & veram animæ sanctificationem significandam institutum. Vel, Sacramentum est sacra ceremonia, & sensibilis, homines aliquo modo sanctificans, & veram animæ sanctitatem ex institutione significans. Quas definitiones ait conuenire omnibus sacramentis, & habere particulas sufficientes ad excludenda omnia signa sacra, quæ non sunt sacramenta; qualia sunt sacrificium, usus aquæ benedictæ, & similia. Verum hæc definitio nimis latè patere mihi videtur: conuenit enim aliquibus, quæ sacramenta, non sunt, ut sacrificio Missæ, quod de se confert aliquam sanctitatem imperfectam ex opere operato, nempe remissionem peccatorum quoad liberationem à reatu pœnæ coram Deo: & significat ve-

ram sanctitatem; nempe Christum sub ratione cibi, & potus sacri sub speciebus constitutum ad specialem animæ nutritionem, per gratiam, & veram sanctitatem: & tamen sacrificium Missæ, quæ tale, seu consecratio corporis & sanguinis Christi non est sacramentum, ut ostendimus suo loco, & Suar. ipse fatetur disp. 1. de Sacram. sect. 1. §. *Dubitatio verò*. Item convenit hæc definitio vñctioni chrismatis in vertice baptizatorum; & applicationi salis, ac salivæ, linguæ, & auribus eorundem; quæ sunt ceremoniæ sacræ conferentes aliquam sanctificationem moralem, & imperfectam; & veram animæ sanctitatem significantes, nempe vñctionem per gratiam, & dona Spiritus sancti, atque ad hoc significandum, & moraliter sanctificandum sunt institutæ.

Suarez.

5. *Tanner.* Hac de causa Tanner. q. 1. de Sacram. in genere num. 27. sequutus Valentium quasi. 1. punct. 1. colum. 4. §. *Audendum est*, censeret sacramentum debere significare gratiam, quæ in ipso eius usu conferatur. Sed contra: Vel hic auctor intelligit gratiam conferri in usu sacramenti vi ipsius, & ex opere operato: vel aliunde ex opere operantis, id est, propter aliquem actum ipsius recipientis sacramentum, vel ministri, vel alterius, cuius intuitu detur gratia. Primus sensus est falsus: quia sacramenta veteris legis erant vera sacramenta; & proprie dicta. Sic enim simpliciter appellantur à Patribus, & à Conciliis, & tamen non conferebant gratiam ex opere operato, ut definit Florent. loco sup. cit. Secundus autem sensus est falsus, & inutilis. Falsus, quia sacramenta antiquæ legis non exigebant ex natura sua, vel ex Dei institutione, aut præcepto, opus operantis dignum gratia sanctificante, cuius vi gratia conferretur in eorum usu; puta, contritionem perfectam, vel amorem Dei super omnia: nullam enim extat talis institutio, aut præceptum divinum. Inutilis, quia deficiente tali institutione Dei, quæ reuera non est: licet ceremoniæ sacræ exercerentur cum actu contritionis, vel amoris Dei super omnia, seu fidei viæ, & charitate formatæ, non propterea ex eo sacramenta dici debent: sicut vis aquæ lustralis, unctio pectoris, etus panis benedicti, & similia non sunt dicenda esse sacramenta, quamvis exerceantur cum actu contritionis, aut dilectionis causativo gratiæ: neque enim tales actus interni sunt de essentia huiusmodi ceremoniarum, neque operantur ut sacramenta; sed ut merita, vel dispositiones ad gratiam sufficientes, eodem modo, quo sine talibus externis ceremoniis operarentur.

Aut quod
significet
gratiā quæ
in ipso eius
usu confe-
ratur.

Delugo.

6. *Delugo.* Aliter ergo hanc efficacitatem, & sacramenti definitionem exponit Delugo disp. 1. de Sacram. in genere: ubi postquam asseruit n. 8. Sacramentum non solum esse signum sanctitatis internæ præsentis, vel futuræ; sed etiam signum, & causam alicuius sanctitatis præsentis perfectæ, vel imperfectæ: Addit num. 26. ad complendam sacramenti defi-

initionem, omne sacramentum non solum debere significare veram, & internam sanctitatem præsentem, vel futuram; sed eam debere aliquo modo causare. Quomodo autem sacramenta veteris legis eam causarent, sic exponit num. 17. quia, inquit, licet non causarent gratiam in suscipientibus illa, & ideo dicerentur vacua, & egena: tamen significabant gratiam nobis dandam per Christum, quam quidem gratiam non significabant merè speculatiue, sed practice: quia illa sacramenta erant promissiones quædam divinæ, mediis quibus Deus promittebat, & repromittebat Christum venturum ad salvandos homines. Vnde ab Apostolo, & Patribus frequenter vocantur promissiones, & umbræ, & figuræ futurorum. Hinc autem fit, illa sacramenta non fuisse signa merè speculatiua nostre salutis & gratiæ, sed practica: quia promissio rei non se habet speculatiue circa rem promissam, sed practice, quam scilicet aliquo modo causat. Nam qui promittit, postea mouetur à sua promissione ad implendum quod promissit: atque adeò promissio est etiam causa moralis rei promissæ. Hæc Delugo.

Cuius doctrina subtilis licet, & ingeniosa, patitur tamen aliquas instantias. Primò enim, inde sequeretur sacrificium Eucharisticum esse sacramentum: id est, non modò cibum, & potum sacrum, ex corpore & sanguine Christi, ac speciebus panis & vini effectum, & permarentem: sed etiam ipsam consecrationem, & oblationem transeuntem; quod tamen & merito negat idem auctor n. 17. Probatur sequela, quia illa oblatio, & consecratio significat veram animæ sanctitatem, quippe quæ significat Christi corpus, & sanguinem sub speciebus constitutum per modum cibi, & potus, ordinati ad spirituales nutritionem, quæ fit per gratiam: & significat practice, atque, aut magis, quàm veteris Testamenti figuræ: quippe quæ non modò Christum venturum ad salvandos homines promittit, sed re ipsa exhibet in genere causæ efficientis physicæ, vel moralis. Secundò, oratio externa & sensibilis, quæ Ecclesia ipsa, vel aliquis priuatus petit à Deo, vel impetrat sanctificationem sibi vel aliis, aut augmentum gratiæ sanctificantis, esset sacramentum: quia hæc oratio significat veram animæ sanctitatem, & quidem practice, eam re ipsa conferendo, & sanctificando causaliter in genere causæ moralis, quatenus mouet Deum ad conferendam sanctitatem, vel eius augmentum. Tertiò, similiter omnis actus meritorius actu externo completus, esset sacramentum quia significat, & confert veram animæ sanctitatem per augmentum gratiæ ex promissione divina. Idemque dico de actu contritionis, vel dilectionis Dei super omnia, disponente ad primam gratiam, cui Deus in Scriptura promissit iustificationem, idcirco vi promissionis mouet Deum ad peccatorum remissionem, & primæ gratiæ infusionem, quam idcirco practice significat.

Denique Marx. disp. 1. de Sacram. in ge-

Vel quod
illam: an
quæ non
causet.

7.

8.

Mazar. nere sect. 1. & 2. sequitur Vasq. disp. 128. cap. 3. censet vim efficiendi sanctitatem, siue perfectam, siue imperfectam, non esse de ratione sacramenti, sed tantum vim significandi gratiam formaliter sanctificantem: & sacramentum in communi accurate, & clare definiri posse, si dicatur esse Rei sacræ, seu gratiæ formaliter sanctificantis homines, signum sensibile, sacrum, stabile, à Deo institutum. Per sacrum autem non intelligit sacramentum, aut efficienter, ut patet ex iis, quæ de eorundem auctororum doctrina subiiciemus. Verum, ut diximus in refutatione primæ opinionis, rota hæc definitio conuenit Euangelio, quod non est sacramentum, & tamen est signum gratiæ, sensibile, sacrum, stabile, à Deo institutum iuxta illud Marc. ult. vers. 15. *Prædicato Evangelium omni creaturæ, qui creaverit, & baptizatus fuerit, saluus erit, &c.* Quare ex allatis huc usque definitionibus nulla planè satisfacit.

9. Infirmum verò est argumentum, quo Vasq. & Mazar. præcipue mouentur ad asserendum vim sanctificandi non esse de ratione sacramenti: nempe quia vel sermo est de perfecta sanctificatione: & hæc non conuenit sacramentis antiquæ legis. Vel de abstracta à perfecta, & imperfecta: & hic conceptus non est uniuocus: quia sanctitas perfecta, & imperfecta, conueniunt tantum analogice: sanctitas enim imperfecta est tantum improprie sanctitas. Quare sacramenta nouæ, & antiquæ legis non conueniunt uniuocè. Leue, inquam, hoc argumentum est. Nam ut omitam S. Thom. in 4. dist. 1. quæst. 1. art. 10. quæstiunc. 3. ad 5. & alios quos refert Suar. disp. 1. sect. 2. 5. *Secunda sententia*, in fine, affirmare sacramenta nouæ & antiquæ legis non conuenire uniuocè: Respondeo, A sanctificatione perfecta, & imperfecta, posse abstrahi communem conceptum uniuocum sanctificationis sumptæ præcisè, pro consecratione, & coniunctione speciali cum Deo: speciali inquam, id est; non communi rebus, quæ ad Deum ex naturali tantum, & communi naturæ conditione pertinent: qui conceptus abstrahit à particularibus differentiis sanctificationis perfectæ per gratiam, & imperfectæ per emundationem à macula legali, aut per deputationem moralem ad cultum diuinum, & similibus modis.

Suarez.

SECTIO II.

Veræ sententiæ, & solutio obiectionum.

10. **P**ossit sacramentum institui in rebus insensibilibus, quæ seipsa fuerunt instituta: non autem qui-

buscunque possibilibus institui, puta signis insensibilibus & planè spiritualibus, quæ ad significandam, & efficiendam sanctificationem, quam significant, & efficiunt sacramenta sensibilia, potuisse à Deo institui merito affirmant Ocham in 4. q. 1. col. 1. Camerac. ibid. art. 3. Gab. dist. 1. q. 1. a. 1. not. 1. & Vasq. disp. 128. n. 35. Quidni enim v. gr. meditatio interna, & pure mentalis mortis Christi, potuit à Deo institui in signum efficacis sanctificationis, etiam perfectæ? Signum, inquam, cognoscibile ipsi meditati, & Angelis quibus vellet patefacere, & multò magis Deo, quem moueret efficaciter ad gratiam conferendam.

Ocham;
Camerac;
Gabr.
Vasquez.

Suppono secundo, Citra controuersiam esse, quòd Sacramenta omnia, in quacunque lege instituta, fuerint signa sensibilia: idque valde conuenienter naturæ hominum, qui solent à sensibilibus duci ad notitiam spiritualium, & insensibilium, cumque corpore & spiritu consent, debent utroque colesse Deum: nec poterant aptius congregari in vnum corpus Ecclesiæ visibilis, quam per sacrificia, & sacramenta sensibilia: cum denique peccando se rebus sensibilibus subiiciant frequenter, contra Dei voluntatem; conueniens fuit ut submitterentur à Deo sacramentis sensibilibus, ad querendum peccati remedium. Plura in huius rei confirmationem Sanctorum Patrum testimonia congerit Suar. disp. 1. sect. 3. conclus. 1.

11. Sacramenta omnia de facto instituta sunt signa sensibilia.

Suppono tercio, Certe esse apud omnes Theologos sacramenta omnia cuiuscunque legis, fuisse signa sacra, saltem ratione significationis, & ex parte rei significatæ: id est, fuisse, & esse signa alicuius rei sacræ. Nam ut ait S. August. epist. 5. *Longum est conuenienter disputare de veritate signorum, quæ cum ad res sacras pertinent, sacramenta appellantur*, id est, quando sunt signa rerum sacrarum, & diuinarum: ut confirmat lib. 2. de Doct. Christ. cap. 3. & patet inductione. Nam sacramenta omnia antiquæ legis erant signa Christi venturi, & gratiæ per ipsum conferendæ: nostra verò sunt signa efficaciam eiusdem gratiæ, conueniuntque cum sacramentis veteris legis, in eo quòd gratiam significarent: differunt autem, quia vetera gratiam significabant, sed non causabant: nostra verò eam non modò significant, sed etiam continent, & dignè suscipientibus conferunt, ut ait Florent. in decreto 5. *Nouæ legis*.

12. Sunt etiam signa sacra;

August.

Dixi, saltem ratione significationis, & ex parte rei significatæ: quia alio sensu intelligi potest sacramenta esse sacra secundum se, id est, esse sacras quasdam, & religiosas ceremonias ad Dei cultum pertinentes, & seipsis formaliter sacantes, & sanctificantes moraliter eos, quibus applicantur. Et hic sensus verus etiam est, quia sacramenta omnia sunt actiones quasdam, & ceremoniæ ex institutione saltem sacræ, id est, sacræ factæ, & ad Dei cultum religiosum specialiter deputatæ. Unde qui peccant malè administrando, aut

13.

Sacramenta sacrant formaliter seipsa.

M m 3

recipiendo sacramenta, peccant omnium consensu peccato sacrilegii contra virtutem religionis. Atque ex ea consideratione puto sacramentum non minus dictum esse, quam ex priori, nempe ex significatione rei sacre. Nam sicut vestimentum dicitur id, quo vestimur formaliter: & ornamentum id, quo ornatur: sic sacramentum, id quo formaliter sacramur: fauet etiam vox græca *μυστήριον*, respondens voci latinæ, *sacramentum*, in Scriptura: dicitur enim à græco *μυστήριον* quod est initio sacris, & confectio. Mysteria enim apud antiquos dicebantur initia, quibus mysteria consecrabantur, seu iniciabantur. Duplex autem est consecratio, & sanctificatio. Una legalis, & moralis, quæ est depuratio ad cultum diuinum, vel emundatio ab aliqua macula legali, aut alia quæpiam coniunctio cum Deo: conuenitque non solum hominibus, sed & rebus inanimatis, ut templis, & vasis, & vestibus, & locis sacris: & de hac in præsentem loquimur. Alia est per gratiam sanctificantem: & hæc non tribuitur formaliter per sacramenta, sed significatur quidem per omnia sacramenta, efficitur autem per ea sola, quæ nouæ legis propria sunt.

Solitur
obiectio.

Obiicies, Matrimonium esse nouæ legis Sacramentum, & tamen non esse ceremoniam sacra & religiosa, sanctificans seipsum formaliter, sed est contractus civilis, cui Christus addidit solum vim significandi, & efficiendi gratiam. Respondeo, matrimonium ex quo à Christo institutum est in sacramentum, & quatenus est tale inter Christianos, non esse amplius merum contractum civilem, sed actionem sacramentalem, & sanctæ obeundam à coniugibus, ut Christi ministris, qui peccant contra religionem, si secus faciant. Idemque dico de ceremoniis quibusdam veteris legis, quæ sine institutione erant merè profanæ.

14.

Alte a ob-
iectum tri-
membris.

Opponunt etiam eruditi quidam recentiores: Quamuis sacramentum sit res sacra, & sacra ceremonia: tamen effectus formalis, quem dat formaliter participant sacramentum, non est constituere eum in ipso formaliter sacrum, sed tantum participem rei sacre. Nam etiam sacramenta sunt res opiparæ, & benedictæ à Deo, non minus quam sacra: & tamen omnes suscipientes non constituunt formaliter optimos, aut à Deo benedictos: quod facerent, si verum esset, quod quia sacramentum est res sacra, reddat formaliter sacrum. Confirmatur, quia sacramentum Eucharistiæ est res sacratissima: & tamen non omnes, qui Eucharistiam recipiunt, constituuntur hoc ipso formaliter sacri: imò qui indignè suscipiunt, fiunt execrabiles. Atqui si rei sacre formalis effectus esset constituere recipientem sacrum per modum causæ formalis, hoc esset commune omnibus recipientibus: quia forma non potest esse in aliquo subiecto, sine effectus formali. Deinde secundò, Si sacramentum, quia est res sacra, formaliter sacrat recipientem: ergo & sacrificium sacrat

formaliter offerentem; quod tamen nos alibi negamus. Probatur sequela: nam & sacrificium est res sacra, & offerens sacrificium non minus ei virtutem, quam suscipiens sacramentum variatur sacramento. Neutrum enim se habet ut subiectum physicum, sed tantum ut habens habitudinem quandam moralem, quæ tanta est, aut maior aliquando, in offerente sacrificium. Terriò, sicut gratia, quam conferunt sacramenta nouæ legis, non est eorum effectus in genere causæ formalis, sed efficientis: ita sanctitas, quam sacramentum generalius sumptum confert, non est illius effectus formalis, sed efficientis: quo pacto sacramenta veteris legis dabant legalem quandam sanctitatem, quæ nihil erat aliud, quam ius cohabitandi populo Dei, & participandi sacris & religiosis eius ceremoniis.

Refutatur.

Ad primum Respondeo, Quando dicimus Sacramentum, generaliter loquendo, esse ceremoniam sacramentalem, intelligimus non quomodocunque sacramentum, sed talem ut sit initium ad sacrandum formaliter seipsum, & sanctificandi non orali quadam sanctitate: ita ut subiectum illam recipiens, hoc ipso maneat Deo deuinctum specialiter, tanquam ad ipsum peculiari modo pertinens: sicut consecrationes templorum, valorum, & vestimentorum sacrorum, sacrant illa formaliter, eo ipso, quod illis applicantur tales ceremoniæ, per Ecclesiam adhuc finem instituta. Non sic autem institutum est sacramentum, ut constituat formaliter optimum, aut benedictum à Deo. Quare non sequitur, quod si constituat formaliter sacrum modo prædicto, debeat etiam constituere optimum, & benedictum à Deo. Ad confirmationem Respondeo, recipientem Eucharistiam hoc ipso formaliter fieri sacrum, & sanctum non orali sanctitate prædicta, id est, peculiari modo ad Deum & ad Christum pertinentem, velut eius commensalem, & domesticum: quamuis non fiat sacer, & sanctus quoad veram sanctitatem consistentem in gratia, & iustitia supernaturali, sed potius execrabilis. Sicut ille, qui in statu peccati moralis ordinatur sacerdos; sit sine dubio hoc ipso Deo deuinctus speciali modo, tanquam sacrorum minister, & diuino cultui peculiariter deputatus: tamen quoad veram sanctitatem fiat execrabilis, & sacrilegus.

Ad secundum, nego paritatem. Sacrificium enim non comparatur ad offerentem, tanquam ad subiectum; sed solum ut ad causam efficientem: neque est institutum ad illum formaliter sacrandum; sed ad Deum colendum: neque versatur ex institutione circa vllum subiectum, à quo physicè, vel moraliter recipiatur; sed circa materiam, quæ offertur, & circa Deum, in cuius honorem immolatur. Sacramentum verò ex sua institutione versatur circa aliquod subiectum: debet enim necessariò ab aliquo recipi, & ad id tendit ex natura sua, seque habet ad recipientem, vel ad subiectum physicum, aut

morale cui applicatur, id est, in quo physice, vel moraliter recipitur, ut patet inductione per sacramenta legis nouæ, & veteris.

Ad tertium Respondeo, non omnem effectum sacramenti esse sanctitatem illam moralem, quam confert seipso formaliter, quamue sacramenta nouæ legis, æquæ ac alia conferunt: sed vltra illam contert effectiue aliam sanctitatem: siue veram, ut sacramenta nouæ legis: siue legalem, dando ius cohabitandi populo Dei, & participandi religiosi eius ceremoniis, ut sacramenta legis veteris. Falsum verò est nullam aliam esse sanctitatem, quam illa contulerint: est enim alia sanctitas moralis, qualem supra descripsimus, quæque etiam rebus inanimatis conuenit, ut vasis, templis, & vestibis diuino cultui deputatis: illaque per sacramenta veteris legis, æquæ ac nouæ conferebatur, hoc ipso quod sacramenta recipiebantur, & homines per illa initiabantur, iuxta vim vocis græcæ *μυστήριον*, à *μυσ*, id est, sacris initio, cui respondet vox *Sacramentum*, ut sup. diximus.

17.
Vis significandi & efficiendi sacramentorum est ex institutione.

Suppono quartò, vim significandi, & significandi sacramentorum non esse ex sola rei natura, sed ex institutione. Ita S. Thom. quæst. 60. a. 5. & alii communiter, sequiturque ex dictis: nam cum, ut modò diximus, sacramenta omnia sint signa gratiæ sanctificantis, vel tunc collata, vel aliquando conferendæ, sanctificentque seipsis aliquo modo morali formaliter: & tamen sint signa sensibilia, id est, consistant in rebus sensibilibus ex toto, vel ex parte: non potest tota illorum significatio, & vis, esse ex sola rei natura. Nam res sensibiles non significant naturaliter gratiam sanctificantem, neque sanctificant moraliter, id est, Deo dicant, & deputant specialiter, vel cum eo coniungunt peculiariter, sine Dei ipsius, vel alterius agentis liberi, & intelligentis ordinatione. Dixi, totam eorum significationem: quia non nego partem aliquam sacramenti significare naturaliter gratiam. Nam verbi gratia in sacramento Poenitentiae, attritio, quæ est vna pars eius essentialis, potest esse dolor de amissa pulchritudine gratiæ, cum spe, seu desiderio eam recuperandi. Hic autem actus significat naturaliter gratiam, ad quam, velut ad obiectum habet ordinem essentialem. Addunt aliqui recentiores, licet de facto verum sit omnia sacramenta fuisse signa ad placitum instituta; neque ex natura sua habere quod significant gratiam: de possibili tamen non repugnare dari aliquam rem sensibilem, quæ propter connexionem, quam ex natura sua habet cum gratia, possit illam significare. Nam vbicatio corporis Christi in Eucharistia est materialis, & tamen est accidens supernaturale, & in aliquotum sententia dicit ex se ordinem ad gratiam sacramentalem; quam corpus Christi potest ibi causare, ex eoque ordine intrinseco accipit supernaturalitatem. Item dotes corporis gloriosi sunt materiales, & tamen

sunt etiam supernaturales propter ordinem intrinsecum, quem habent ex se ad visionem beatam, & per consequens ad gratiam habitalem, quæ est semen gloriæ. Ergo similiter potest esse aliqua qualitas materialis ex natura sua significans gratiam præsentem, vel futuram. Hæc illi: quæ vera esse non putò: sed potius nullam esse rem naturalem, quæ habeat ex natura sua connexionem cum gratia, nec in genere causæ efficientis, nec materialis, vel formalis, aut finalis.

Ad primum autem illorum argumentum, dico vbicationem corporis Christi in Eucharistia non esse accidens, nisi logicum, & supernaturale tantum in modo, ut ostendimus suo loco: quatenus scilicet est supra vim causarum naturalium, quod Christi corpus tali modo constituitur totum in toto, & totum in qualibet parte, more connaturali angelis & animæ rationali. Quod verò ex se dicat ordinem ad gratiam sacramentalem, fictitium est: neque ex eo accipit denominationem supernaturalis: sed ex eo quod superet vim causarum naturalium. Ad secundum Respondeo, dotes corporis gloriosi esse tantum supernaturales quoad modum intrinsecum; aut extrinsecum; non autem quoad substantiam, neque propter ordinem intrinsecum, quem habeant ex se ad visionem beatam, & ad gratiam; qui ordo sine ratione asseritur: sed quia supra vim causarum naturalium est, ut tales qualitates (quibus aliquæ similes habentur in specie in aliis subiectis, quibus conueniunt vi causarum naturalium) conueniant humano corpori simpliciter, aut tam intense, & permanentes. Nam agilitas, claritas, subtilitas, & impassibilitas conueniunt naturaliter quibusdam aliis rebus creatis, & naturalibus. Ut agilitas igni, & Angelis; claritas soli, & stellis; subtilitas spiritibus, & accidentibus, etiam materialibus, ut luci & aliis; impassibilitas corporibus cælestibus. Quod tamen agilitas, saltem tanta; quodque aliæ dotes prædictæ corpori humano conueniant, supra naturam est.

17.
August.

Obiicies ex D. August. epist. 23. ad Bonifac. Si sacramenta quandam similitudinem earum rerum, quarum sunt sacramenta, non haberent, omnino sacramenta non essent. Quibus verbis significare videtur August. sacramenta debere naturalem quandam similitudinem habere cum rebus, quarum signa sunt, adeoque illas significare naturaliter, nempe naturali representatione. Respondeo primò, D. August. lib. 2. de Doct. Christ. cap. 3. comparare significationem sacramentorum, cum verborum significatione, quæ sine dubio ex instituto est. Et lib. 3. cap. 9. ait sacramentum esse signum diuinitus institutum. Secundò, ad locum in obiectione citatum respondent aliqui cum Suar. disput. 1. sect. 3. 5. *Sed obici potest*, Suarez: D. August. ibi loqui de similitudine imperfecta, & analogica, ad quam Deus attendit instituendo sacramenta ad gratiam perfecte significandam. Verbi gratia assumpsit cor-

poris ablutionem per aquam, ad significandam emundationem animæ à peccato per gratiam: quia est aliqua analogia inter utrūque. Sed hic non est sensus D. August. qui ibi loquitur de similitudine solum quæ convenit sacramentis per repræsentationem ex instituto, propter quam nomen rei significata tribuitur interdum ipsi signo, & sacramento. V. g. inquit, quia Baptismus est sacramentum, id est, sacrum signum fidei, vocatur fides. Sicut qualibet die Dominica dicimus Christum resurrexisse hac die: quia scilicet hic dies festus institutus est ad recordandam memoriam Resurrectionis. Liqueat autem quod non accipiant hanc denominationem ex sola naturali analogia, quæ non est maior in die dominica respectu resurrectionis, quàm in quavis alia: nec in ablutione Baptismi respectu fidei, vel gratiæ mundantis à peccato; quàm in ablutione manuum, vel totius corporis extra baptismum. Sensus ergo D. Augustini est, quod sacramenta non essent sacramenta, nisi haberent ex institutione quandam similitudinem, id est repræsentationem earum rerum, quarum sunt sacramenta: id est, nisi essent rerum illarum signa: qui sensus nobis omnino nihil obest.

18. **Omnia sacramenta fuerunt à Deo instituta per auctoritatem.** Suppono quintò & ultimò, ea omnia quæ communi sensu Theologorum, & Catholicorum nuncupantur, & censentur fuisse sacramenta in quacunque lege, fuisse à Deo instituta: idque permanentem, id est, publicam, stabili, & constanti lege, ut semper videlicet usurparentur, quandiu duraret status ille religionis, pro quo fuerunt instituta. Prima pars sumitur ex D. August. lib. 3. de Doct. Christ. cap. 9. ubi dicit, Sacramentum esse signum divinitus institutum. Est etiam communis Theologorum cum D. Thoma quæst. 64. aientium, non posse verum sacramentum institui, nisi à solo Deo; aut ex speciali Dei commissione, quorum utrumque hic intelligo. Utraque verò pars probatur inductione. Nam sacramentum legis naturalis institutum in remedium peccati originalis, siue circumcisio, siue quodvis aliud, fuit à Deo institutum, & datum hominibus, qui non poterant sine Dei institutione mederi peccato originali villo signo sensibili; duravitque, quandiu lex purè naturalis duravit: Nunquam enim ea lex destituta fuit tali aliquo remedio. Sacramenta quoque legis Mosaicæ, quæ successit naturali, fuerunt omnia à Deo instituta, ut patet ex libris Exodi, & Levitici: Duraruntque, quandiu lex eadem perseveravit, ut liquet ex Scriptura, & Historia veteris & novi Testamenti. Septem denique sacramenta legis novæ fuerunt omnia immediate à Christo instituta, ut ostendimus suo loco; durantque vi institutionis usque ad mundi consummationem: ut de Eucharistia speciatim affirmat Apost. 1. Corinth. 11. v. 26. De Baptismo quoque idem colligitur ex Math. ult. v. 19. & 20. & de Ordine, quo instituuntur

Ecclésiæ pastores & ministri, ex Ephes. 4. v. 11. 12. 13. De aliis verò par est ratio & necessitas. Et de omnibus constat ex consuetudine Ecclésiæ, semper ea sacramenta usurpantis: Ecclésia autem Evangelica usque ad mundi finem durabit, ut affirmat Apost. loco cit. epist. ad Ephes.

Conueniens autem fuit sacramenta à Deo ipso, & permanentem institui. Nam ad maiorem eorum venerationem facit, quod sint à Deo ipso instituta: indeque sacramenta sunt signa præstantissima, non modò ex parte significationis, & rei significatæ: sed etià ex parte instituentis ad significandum. Deinde pertinet ad Deum, qui solus est auctor gratiæ, instituere vera signa gratiæ infallibiliter conferendæ, siue in eorum usu, siue post, per Christi merita ad hunc finem applicata: Permanentia verò esse debuerunt, id est, stabili lege institui ad perpetuum usum: quia cum eo sine sint instituta, ut per ea fideles vel in vnam Ecclésiam visibilem congregentur, Deique cultum vniformiter suscipiant, & profiteantur: vel in unitate fidei, & diuini cultus conformitate contineantur: conueniens fuit ea durare, quandiu durat status religionis, in quo instituuntur. Cum denique sint velut Ecclésiæ columnæ, quo sensu Cyprian. August. & alii exponunt illud Prouerb. 9. *Sapientia edificauit sibi domum*, id est Ecclésiam Evangelicam, *Exiit columnas septem*, id est septem sacramenta instituit: debent columnæ firmiter stare, quādiu domus stat. Vnde etiam Trident. sess. 21. cap. 2. ait, Ecclésiam non habere potestatem in substantiam sacramentorum, sed eam semper saluam esse debere, quamuis accidentales ceremoniæ circa eorum usum, ab Ecclésia induci, vel tolli & mutari possint.

Nec obest quod obicit vnus è Recentioribus disp. 1. de Sacram. num. 48. dubitari posse, num manuum impositio facta super caput Iolue Deuter. ult. fuerit sacramentum consecretans Iolue in ministrum Domini, & significans gratiam legis novæ. Secundò, quidquid sit de hoc, & aliis similibus, non bene argui ab iis, quæ facta sunt, ut ex hoc solo negetur possibile aliud sacramentum non stabile. Tertiò, ad unitatem, & stabilitatem religionis sufficere, si omnibus fidelibus sint communes ceremoniæ principales, & ritus: licet aliquid extraordinarium obiter fiat. Sicut ad fidei unitatem sufficit, si omnibus proponantur articuli principales: licet alicui aliquando reueletur à Deo aliquod mysterium, cuius fides non pertineat ad totum corpus Ecclésiæ. Confirmatur exemplo sacrificii Abraham circa proprium filium in lege naturali, & sacrificii Christi in cruce, quorum neutrum transiit in exemplum; nec stabilitum fuit per legem permanentem: sed fuit ritus extraordinarius semel usurpandus.

Ad primum enim Respondeo, Id de quo auctor ille dubitat, negari ab aliis communiter, sicut etiam negatur communiter,

19. **Conueniens fuit ita institui.**

20. **Obiecta vniuersibus**

21. **Refutatur**

Vasquez. præterquam ab eodem num. 52. & à Vasq. disp. 239. in 3. p. num. 35. ceremoniam. qua Christus insufflauit in Apostolos dicens, *Accipite spiritum sanctum; quorum remiseritis peccata, &c.* Ioannis 20. & verba illa Christi ad Paralyt. Lucæ 5. v. 20. *Remittantur tibi peccata tua*: & similia ad Magdalenam; Lucæ 7. v. 48. fuisse sacramenta: idque non alia de causa, nisi quia hæc fuerunt tantum obiter à Christo usurpata, & non permanenter instituta, vt scilicet eadem ceremoniarum eodem modo factæ à ministris Euangelicis semper valerent ad sanctificationem, & peccatorum remissionem. In modis autem loquendi, & verborum significationibus explicandis, habenda est ratio sensus, & usus communis,

Quæ penes ratio est, & vsus, & norma loquendi.

22. Ad secundum Respondeo primò, Quæstionem esse in præsentia de iis, quæ facta sunt, vt antea præmonuimus, id est, de conceptu communi omnibus sacramentis in quacunque lege institutis. Secundò, ex cõmuni sensu, & vñu, vim significandi nominis huius *sacramentum* ita fuisse restrictam ad ceremoniam stabililege institutam, vt alia sub idem nomen venire non possint.

23. Ad tertium Dico, Omnia sacramenta esse ceremonias principales, & substantiales, ac fundamentales religionis, atque ad totum corpus Ecclesiæ pertinentes: vnde non est par ratio de particularibus illis reuelationibus, aut de sacrificio Abraham. Sacrificium verò cruentum Christi in cruce ex parte offerentis, & ex parte rei oblatæ, est idem cum sacrificio Eucharistiæ. Vna enim eademque est hostia, idem nunc offerens sacerdotum ministerio, qui seipsum tunc in cruce obtulit, sola offerendi ratione diuersa, vt ait Trident. sess. 22. cap. 2. Quare sacrificium illud stabilitum fuit per legem permanentem, quatenus Deus statuit, vt semper in Ecclesia immolaretur mysticè, & in cruentè, idem qui semel in cruce visibiliter, & cruentè immolatus est. Modus autem cruentè ipsum immolandi non debuit permanenter institui, & semper in Ecclesia continuari: quia repugnat Christi immortalitati, & impassibilitati, ac gloriæ corporis, quæ conuenientius fuit Christum frui peracto opere nostræ redemptionis.

Trident.

24. Soluitur instantia.

Instantis, Quia duratio non mutat speciem rei, quæ durat. Ergo si ceremonia durans ex stabili, & constantilege, est sacramentum; erit pariter, quamuis non duret. Respondeo, licet duratio sacramentorum, quam ex lege, & institutione Dei sortita sunt, accidentaliter sit logicè, rebus iis, quibus sacramenta constant, physicè spectatis, atque etiam virtuti significandi, & causandi (quod enim res magis aut minus duret, non variat eius naturam physicè loquendo, aut etiam metaphysicè quoad conceptum eius essentialem, & primarium) moraliter tamen, & in ordine ad vsus humanos plurimum differt

res eadem per modum actionis transcurrentis obiter usurpata, à se ipsa publica, & constanti lege instituta, vt religiosa ceremonia. Etenim illa institutio publica facta promulgatione, cum pacto diuino de effectu semper & infallibiliter præstando, videtur rem tali pacto, & promulgationi subiectam efficere moraliter alterius rationis, longèque aliter æstimabilem reddit, vt rectè docent Suares disp. 1. sect. 3. in fine, & Gregorius Ruis in 4. Cont. 4. in responsi. ad 6. argumentum. Addo, quidquid sit de differentia specifica, multa esse quæ non dicuntur aliquo nomine, nisi tali quodam modo se habeant: V. g. iussio Principis non dicitur lex, nisi sit stabilis, & perpetua: alioquin enim est simplex mandatum, seu præceptum: & in physicis aqua non dicitur nix, aut glacies, nisi tali modo concreta.

Ex his omnibus colligi potest definitio sacramenti in communi, quam quærimus, quæ sic breuiter tradi potest: *Est signum sacram, & sensibile gratiæ, permanenter à Deo institutum.* Per signum sacram, intellige sacram non modò ratione significationis, quod per particulam *gratiæ*, quæ post sequitur in definitione, satis exprimeretur: sed & ratione sui, quod nimirum est tale, vt scripto sacret formaliter, id est, in genere causæ formalis sanctificet moraliter eum cui applicatur, eo ipso, quod illi applicatur: sicut omnes causæ formales tribuunt subiecto suum effectum formalem eo ipso, quod illi vniuntur. Reliquæ partes definitionis ex dictis notæ sunt. Eam verò bonam esse, & adequatam probo, Quia nullum est sacramentum, cui non conueniat: & non conuenit vili rei, quæ non sit sacramentum: adeoque conuenit omni & soli sacramento: nihil etià continet, quod in conceptu sacramenti necessarium non sit ad excludenda ea omnia, quæ non sunt sacramentum, atque ad illius rationem propriam perfectè explicandam.

Ac primò, quod nullum sit aut fuerit sacramentum, cui non conueniat, ostendimus toto discursu præcedenti. Deinde, quod nulli rei conueniat, quæ non sit sacramentum, quodque per aliquam illius particulam excludantur alia omnia, quæ non sunt sacramenta, patebit inductione per ea omnia, quæ fuerunt contra aliorum definitiones allata, quibus similia sunt quæcunque alia afferri possunt. Nam Euangelium, imagines Dei, Christi, & Sanctorum, Serpens æneus, Arca fœderis, & similes figuræ veteris Testamenti, & columba, vel nubes supra Christum apparens, non sunt Sacramenta; quia non sunt signa sacra sacramentia formaliter seipfis. Idemque dico de transitu maris rubri, & ingressu in terram promissionis, qui etiam non fuit permanenter institutus, vt sæpius fieret. Professio vetè Religiosorum, tonsura Clericorum, benedictio Abbatum, consecratio, seu vnctio Regum, & summorum Pontificum, non est ceremonia

Suares: Ruis,

25. Vera definitio sacramenti in communi.

26. Probatur esse exacta.

à Deo instituta, sed ab Ecclesia sine speciali Dei commissione, ut & alia multa ceremoniarum. Idemque dico de vñctione chrismatis in vertice baptizatorum, & applicatione salis, ac saluæ, linguæ, & auribus eorundem. Sacrificium autem Eucharistiæ, non moraliter & legaliter sanctificat seipso formaliter: alioqui sanctificaret quemcunque, cui applicaretur, & eo solo, quo illi applicaretur: quod est falsum: nam sanctificatio, quam tribuere dicitur, est liberatio à pœna coram Deo. At illam non confert omnibus, quibus applicatur, sed solum homini iusto, cui applicatur ad hunc finem, ut docent Theologi communiter cum D. Thoma q. 79. art. 3. Deinde illam non confert formaliter, sed potius in genere causæ efficientis, quatenus mouet Deum, ut propter illam oblationem, tam ipsi gratiam, remittat pœnam debitam ab homine iusto, pro quo offertur. Sicut propter sacrificium iurorum, & arietum, iunctum precibus Iob, remisit Deus pœnam peccati Eliphaz Themanitæ, & duobus eius sociis. Similiter oratio, qua quis gratiam Dei postulat, & impetrat, non est signum sensibile à Deo institutum ad sanctificandum moraliter seipso in genere causæ formalis, ut neque actus meritorius, & contritio, vel dilectio Dei super omnia, disponens ad iustificationem. Si quæ fuerunt autem sacrificia in lege veteri sanctificantia formaliter seipsis legaliter, & simul gratiæ significatiua, & permanentiter instituta diuinitus: ut sacrificia, quibus in ea lege sacerdotes initiabantur, de quibus vide cap. 29. Exodit: ea fuerunt simul sacramenta, & sacrificia: quanquam diuerso respectu: sacrificium enim, ut sic, refertur ad Dei cultum, id est, ad supremam Dei excellentiam protestandam, ut auctoris omnium rerum, & domini vitæ, & mortis hominum: sacramentum verò, quia tale, refertur ad hominum sanctificationem.

27.
D. Thom. Colligi etiam potest ex dictis, verum esse quod ait S. T. om. q. 60. a. 1. in c. & ad 1. sacramentum communissimè sumptum, ut hic sumitur, non poni in genere causæ efficientis, sed in genere signi: quia, inquit, non oportet quod sacramentum semper importet causalitatem. Nimirum quia sufficit ad rationem sacramenti, ut seipso formaliter sanctificet aliquo modo legali imperfecto, & simul sit signum sensibile gratiæ permanentiter à Deo institutum: tamen verum est, sacramenta omnia tam legis veteris, quam nouæ, ultra formalem illam sanctitatem moralem, aliam contulisse, & conferre in genere causæ efficientis: illa quidem legalem solum, id est, ius liberè conuersandicum populo Dei, & participandi religiosi eius ceremoniis, aliisque privilegiis: ista verò gratiam verè, & coram Deo iustificantem.

Perperam verò obiciunt aliqui recentiores, non bene excludi sacramentalia à definitione sacramenti, per hoc solum, quod non fuerunt à Deo instituta, sed ab Ecclesia: tum quia, inquit, non constat aliquas Baptis-

mi v. g. ceremonias non fuisse à Christo ipso institutas: tum etiam, quia iuxta hanc sententiam, possent aliqui ritus à Deo non instituti esse omnino pares virtute, & efficacia sacramentis: & per hoc vnicum deficere à ratione sacramenti, quod non essent instituti à Deo. Cuius contrarium supponunt omnes Theologi, cum dicunt, nullam creaturam posse propria auctoritate instituere vllum sacramentum propriè dictum. Hoc enim frustra diceretur, & frustra Trident. sess. 7. can. 1. diceret anathema asserentibus, non omnia legis nouæ sacramenta esse instituta à Christo: nam hæc ratio loquendi usurpatur ad asserendum aliquam esse excellentiam in sacramentis propriè dictis, cuius homines non possunt esse auctores & causæ.

Ad quæ Respondeo primò, satis constare ex communi sensu Theologorum, qui sine dubio manant ab antiquorum traditione, ceremonias accidentales Baptismi, & aliorum sacramentorum, esse ex institutione Ecclesiæ: idque supponit Trident. sess. 21. cap. 2. cum dicit, posse Ecclesiam illas immutare, dummodo salua maneat sacramentorum substantia. Secundò, quod communiter docet Theologi, non posse vllam puram creaturam esse auctorem sacramentorum, & instituere ritus qui habeant parem efficaciam cum sacramentis: intelligendum esse, sicut expressè etiam ab illis asseritur, de sacramentis nouæ legis habentibus vim sanctificandi coram Deo per remissionem peccatorum, & infusionem gratiæ. Nam quod Ecclesia possit instituere ceremonias, & reipsa instituere aliquas, habentes vim sacrandi moraliter, & conferendi legalem aliquam sanctitatem, non negant Theologi, neque iure ipso dubium vocari potest: sique id negent aduertarii, aperte sibi contradicunt, cum alibi docent, quatuor Ordines minores esse ceremonias ab Ecclesia institutas: & tamen ordinem Exorcistarum magis sanctificare moraliter, & valere ad nobiliorem effectum, quam consecrationem sacerdotum legis Mosaicæ, quæ tamen erat sacramentum veteris legis à Deo institutum, & figura sacerdotii Evangelici. Docent etiā, sacramenta legis veteris non aliam contulisse sanctitatem, quam conuersandi liberè cum populo Dei, & participandi sacris eius ceremoniis. Atqui certum est, & euident, ritum absoluendi ab excommunicatione institutum ab Ecclesia habere parem effectum.

Perperam quoque obiciunt, definitionem à nobis datam non esse vniuocam, quia est relatiua ad effectus sub aliquo nomine æqui-uoco consideratos: nempe ad sanctitatem legalem, quam efficiebant sacramenta legis veteris: & ad veram sanctitatem, quam efficiunt sacramenta legis nouæ: quæ duæ sanctitates æqui-uocè tantum, vel analogicè conueniunt, & sub eodem nomine inuoluuntur in prædicta definitione. Respondeo enim duplicem sanctitatem poni à nobis in definitione communissima sacramenti, & duplici nomine significari. Vna est sanctitas imperfecta;

Dicitur
obiciunt.

28.

Definitio
sacramenti
communis-
simè sum-
pti est vni-
uoca.

& moralitatum, seu consecratio passiva, que significatur hac particula definitionis, *Est signum sacramenti*, id est, cerimonia sacrans formaliter scripta: & in suo conceptu nihil aliud includit, quam coniunctionem specialem cum Deo, siue specialiter esse Deo deuinctum. In eo autem conueniebant sacramenta legis veteris cum sacramentis nouæ legis, quod efficerent homines, quibus applicabantur, specialiter Deo deuinctos, per scripta formaliter. Quare conueniunt in illo conceptu communi, & confuso. Altera sanctitas est vera, & perfecta, quæ significatur nomine gratiæ, in eadem definitione. In eo autem conueniunt etiam sacramenta veteris, & nouæ, quod omnia significant veram sanctitatem, abstrahendo ab hac differentia, quod sacramenta veteris legis significabant tantum; at nouæ legis sacramenta significant practice, & effectiue; ita ut efficiant illud ipsum quod significant, veramque sanctitatem animæ, & gratiam iustificantem dignè suscipientibus conferant. Verum hæc sanctitas non ponitur à nobis in definitione sacramenti generalissimè sumpti, velut illius effectus in genere causæ efficientis, ut malè supponunt aduersarii: sed tantum velut terminus significationis sacramentalis: ita ut sensus definitionis sit, sacramenta omnia, tam veteris legis, quam nouæ, sacrare formaliter seipsis, id est, sanctificare modo quodam imperfecto, & morali, & vltius esse signa veræ, & perfectæ sanctitatis: quod de omnibus illis verum est, & vniuersali conceptu exprimi potest. Quare falsum est, definitionem nostram eodem nomine æquiuoco significare diuersos effectus æquiuocè tantum, vel analogicè conuenientes sub illo.

SECTION III.

Quid sit Sacramentum prout est proximum genus ad septem legis nouæ sacramenta?

29. **S**uppono in hac quæst. æquè ac in præcedenti, non inquiri definitionem *quid rei*, sed *quid nominis*, ut loquuntur philosophi: id est, non inquiri definitionem vnius alicuius rei cuius natura explicetur per principia eius intrinseca, & essentialia: sed descriptionem, & explicationem significati respondentis huic voci *sacramentum*: quod significatum non est vnica res, sed ex multis constat, & multa importat, partim intrinseca, partim extrinseca ei, quod in recto significat vox sacramenti, & pro quo dicitur supponere. Quæritur ergo quodnam sit integrum, & proprium significatum respondens huic voci, Sacramentum nouæ legis?

Respondeo sic definiti posse: Est signum sacram, & sensibile permanentè à Deo institutum ad significandam, & efficiendam gratiam infallibiliter, & ex opere operato. Quæ definitio bona esse probatur, quia nul-

lum tale signum est, quod non sit legis nouæ sacramentum: & nullum etiam est legis nouæ sacramentum, quod non sit tale signum: nihilque in hac definitione continetur, quod non sit necessarium ad conceptum Sacramenti nouæ legis, ut à sacramentis veteris legis, & à quibusdam aliis distinguatur, quemadmodum ex dicendis patebit.

Dixi primò, Sacramentum nouæ legis esse signum: quod illi conuenire ex genere suo affirmat S. Thom. quæst. 60. a. 1. Idemque docet Trident. sess. 7. can. 6. de Sacram. in genere, pronuncians sacramenta nouæ legis esse signa efficaciam gratiæ, quam significant: & Florent. in Dec. 5. *Nouæ legis*. Cum autem signum duplex sit; alterum naturale, quod significat ex natura sua, id est, quod aliquid aliud præter seipsum naturali or ingerit potentie cognoscenti, ut fumus, ignem; vestigium leonis, leonem. Alterum ex institutione, quod significat ad placitum, & ex impositione, non ex natura ipsa rei, ut bœdera appensa significat vinum vendibile: Sacramenta nouæ legis sunt signa huius secundi generis, nempe ex instituto, saltem quoad perfectam, & claram significationem, ut patet inductione. Quamuis enim torio aqua in Baptismo aliquam habeat analogiam cum lotionem, & sanctificationem animæ: & vnctio chrisuratica in Confirmatione, cum corroboratione interna, quæ per gratiam fit: & comestio cibi ac potus Eucharisticus, cum nutritione spiritali: & reliqua sacramenta habeant similem analogiam cum re, cuius sunt signa, eaque Christus sapienter instituerit seruata quadam proportione cum re significata: illa tamen imperfecta est, & insufficiens, ut ex sola rei natura possit is qui ignorat diuinam institutionem, intelligere vnatum ex alia.

Verba quoque sacramentalia, quæ sunt altera pars essentialis sacramentorum nouæ legis, non significant gratiam sanctificantem ex natura sua: nam si sunt verba propriè dicta, & ore prolata, (ut esse debent necessariò, & essentialiter in omnibus, excepto matrimonio) significant tantum ex instituto id, ad quod significandum fuerunt ab hominibus, vel à Christo imposita. Expressio verò consensus interni in matrimonio, facta per nutus, vel gestus naturales, non est, magis quam verba, signum naturale coniunctionis animæ cum Christo per gratiam sanctificantem: nihil enim naturale potest ex natura sua sola esse signum sensibile rei supernaturalis. Quin etiam nulla verba sacramentalia, aut quasi verba, qualia à Christo sunt assumpta in formam sacramentorum, significant clarè gratiam sanctificantem ex vi solius primariæ institutionis, ac sine noua institutione à Christo addita: multoque minus significant verè illam conferri infallibiliter. Nam verbi gratiâ, forma essentialis sacramenti Pœnitentiæ, *Absolue te à peccatis*, aut forma sacramenti Extremæ vnctionis, *Dimittat tibi Deus quidquid peccasti per visum, &c.*

septem sacramenta nouæ legis

30.

Probatur esse signum ex instituto

31.

Definitio sacramenti prout est genus proximum ad

non significat perfectè, & clarè gratiam sanctificantem, quæ à remissione peccatorum distincta est, ex Trident. sess. 6. cap. 7. initio, & circa medium. Aliæ verò sacramentorum formæ multò minùs eam significant, ut constat inductione. Quin etiam forma sacramenti Pœnitentiæ, seposita Dei institutione, significaret tantùm humanam remissionem peccati, quâ homines remittunt peccata prout in se, alioquin commissæ sunt, secundum potestatem, quam naturaliter à se, vel ex aliorum commissione habent, ut rectè notat Aegid. Con. ad quæst. 60. num. 15. Forma verò Extremæ-unctionis significaret tantùm illam optari, & peti à Deo, sed non infallibiliter fieri. Quare licet sacramenta nouæ legis habeant quandam analogiam, & similitudinem imperfectam cum re cuius signa sunt, itaque Christus sapienter, & ob iuuaiorem ordinem prouidentie instituerit, seruata quadam proportionem cum re significata: nullam tamen habent cum illa naturalem similitudinem, aut significationem perfectam.

32.
Quomodo
sit causa
gratiæ.

Diuisi secundò, Sacramentum esse signum sensibile permanentè institutum ad significandam, & efficiendam gratiam infallibiliter ex opere operato: quarum particularum duæ priores patent ex dictis sect. 1. Postrema verò sic intelligenda est, ut sacramentum efficiat gratiam per se, id est, non per accidens: & proximè in genere signi practici, id est, tanquam signum, cui promissio diuina est alligata immediate, quoue Deus excitatur immediate ad dandum effectum sacramentalem propter Christi merita: id est, quod Christus obtulit præcise Patri, ut sua merita applicaret usurpantibus hoc signum. Nam particula illa, *Per se proximè*, intelligenda est hoc sensu, quòd sacramentum per se proximè Deum moueat, ad gratiam conferendam propter merita Christi: quod non facit consecratio Eucharistica, nec consecratio Chrismatis. Non autem quòd sacramentum per se proximè gratiam ipsam efficiat. Causa enim moralis nunquam proximè efficit, sed tantùm mediante causa physica, quam mouet, aut applicat ad effectum ponendum.

33. Dixi præterea, *infallibiliter*: nempe quantum est ex se, si non sit obex, seu impedimentum gratiæ ex parte recipientis: Et, ex opere operato, id est, eo ipso, quòd tale signum ponitur, & tale opus religiosum exercetur; absque eo quòd requiratur actus ex parte suscipientis, aut ministrantis, qui gratiam collatam mereatur, aut sit eiusdem ordinis, & dignitatis cum illa, atque illi satis proportionatus in specie, & in gradu; vel qui ad eam impetrandam habeat vim de se sufficientem sine tali opere, vel cerimonia; cuiusmodi sunt actus supernaturales contritionis, aut dilectionis Dei super omnia, quos cum exercemus, iustificamur vi illorum ex opere operantis. Hanc autem partem definitionis tradit expressè Trid. sess. 7. can. 6. 7. & 8.

de Sacramentis in genere. Per eam verò reiciuntur primò sacramenta veteris legis, quæ non habebat vim conferendi gratiam ex opere operato: sed tantùm sanctificandi sanctitate quadam legali, id est, vi legis consistente; & morali, id est, æstimatiua. Secundò, Reiciuntur etiam sacramentalia nouæ legis, & quædam aliæ ceremoniæ Ecclesiasticæ: cuiusmodi sunt vñs aquæ lustralis, consecratio Abbatis, tonsura clericorum, & sacramentalium; vñctio regum, & imperatorum: quæ sanctitatem quandam moralem tribuunt: at non physicam, & præcipuam, gratiam scilicet supernaturalem, ex opere operato. Tertiò, Reiciuntur item actus virtutum, qui non ex opere operato, sed ex opere operantis sanctificant, tanquam condignæ dispositiones, vel causæ meritoria, aut impetratoriæ gratiæ, sufficientes, quantum est ex se, vi solius affectus interni, quamuis deesset actus externus, seu opus exterius operatum, vel alia ceremonia affectui interno adiuncta: ut actus contritionis, & amoris Dei super omnia, & oratio facta cum omnibus requisitis ad gratiam impetrandam. Quartò, Reicitur quoque consecratio Eucharistica, quæ non per se proximè valet ad gratiam efficiendam, tanquam signum, quo Deus immediate moueatur ad eam conferendam, & cui immediate promissionem suam alligauerit ad hunc effectum: sed ad ponendum corpus, & sanguinem Christi sub speciebus panis, & vini; & ad sacramentum efficiendum, per quod tantùm sanctificat. Idemque dico de consecratione Chrismatis, seu de cerimonia, quâ oleum balsamo miscetur, & benedicitur ab Episcopo, ad sacramentum Confirmationis efficiendum.

Quintò denique, Per eandem particulam reiciuntur hæreticorum definitiones de quibus latè Bellarm. tom. 2. lib. 1. de Sacram. in genere cap. 14. & sequent. Quas definitiones licet familiari leuitate, & inconstancia sapius cudant, atque reforment: omnes tamen in eo conueniunt, quòd sacramenta velint esse tantùm inania quædam, seu vacua signa gratiæ, id est, extrinseci cuiusdam fauoris diuini: aut signacula externa promissionis diuinæ, & prædestinationis nostræ, aut sigilla iustitiæ Christi per fidem apprehensa, & nobis applicata: quam fidem excitant velut externa quædam motiua: vel denique, ut Caluino placet 4. Instit. cap. 14. num. 1. Externa quædam symbola quibus beneuolentiæ erga nos suæ promissiones conscientias nostris Dominus obsignat, ad sustinendam fidei nostræ imbecillitatem: & nos vicissim pietatem erga eum nostram tam coram eo, & Angelis, quam apud homines testamur. Quam definitionem, reiectis aliis, simplicem, & propriam sacramenti esse ait. Sed hic error commodius refutabitur disp. 21. sect. 1. Interea legi potest eius, & aliorum hæreticorum expressa condemnatio in Trid. sess. 7. can. 6. 7. & 8. de Sacramentis in genere.

Quomodo
alia reici-
tur à defi-
nitione sa-
cramenti.

34.
Definitio
sacramenti
data ab
hæreticis.

Calui-

Circa

35.

Sacramen-
ta præter
gratiam al-
ia multa
significant.

Sunt signa
rememora-
tium, demon-
stratiua, &
prognosti-
ca.

Circa eandem particulam definitionis Nota primò, Sacramenta nouæ legis non tantum vim habere significandi gratiam, sed & alia multa. Nam vt rectè notat D. Thom. q. 60. art. 5. in c. Sacramenta nouæ legis significant præterea causam meritoriam nostræ sanctificationis, eiusque finem vltimum, qui est vita æterna. Vnde, inquit, sacramentum est signum rememorative eius quod præcessit, videlicet passionis Christi: & demonstratiuum eius, quod in nobis efficitur per Christi passionem, scilicet gratiæ: & prognosticum futuræ gloriæ. Sic Baptismus v. g. præter interiorem animæ lotionem per gratiam, significat mortem, & sepulturam, & resurrectionem Christi gloriosam, & nostram; vt dicitur Rom. 6. v. 3. & sequentibus. Sacramentum Eucharistiæ Christi mortem annunciat 1. Corinth. 11. v. 36. Et sacramentum Matrimonii significat mirabilem Christi coniunctionem cum Ecclesia, siue per naturam in mysterio Incarnationis, siue per gratiam, vt in iustificatione fit, Ephes. 5. v. 32. Vnde collige, non omnia quæ significantur à Sacramentis, effici ab illis: significant enim prædicta mysteria, quæ non efficiunt.

36.

Sacramen-
ta præter
gratiam al-
ia quædã
efficiunt.

Nota secundò, Sacramenta nouæ legis, præter gratiam sanctificantem, consistentem in remissione peccatorum, & infusione habituum supernaturalium, alia quædam efficere. Nam Baptismus, Confirmatio, & Ordo imprimunt characterem, id est, signum aliquod spiritale indelebile, vt definit Trident. sess. 7. can. 9. de Sacramentis in genere. Tribuunt etiam singula ius ad auxilia fini suo conuenientia, quæ Deus dabit infallibiliter tempore opportuno, nisi ponatur obex. V. gr. Baptismus, quo in vitam spiritalem renascimur, dat ius ad auxilia necessaria, vt vitam homine Christiano dignam viuamus. Confirmatio verò, quæ in fide corroboramur, & veluti Christi militiæ adscribimur, tribuit ius ad auxilium speciale, quo confirmatus possit fortiter Christi fidem profiteri, cum opus est, & resistere oppugnationibus. Eucharistia sacramentum amoris, valet ad amorem diuinum excitandum. Sacramentum Pœnitentiæ, ad peccata vitanda. Extrema vñctio, ad pellendum morbum, aut patienter ferendum, & mortem feliciter obeundam. Ordo denique, ac Matrimonium, ad statum vtrumque decenter exercendum. Insuper sacramenta quædam tribuunt aliquod aliud esse, aut posse morale: v. g. Baptismus constituit in esse Christiani subditi Ecclesiæ, & capacis aliorum sacramentorum: sacramentum Ordinis Sacerdotalis dat moralem potestatem conficiendi corpus Christi, & absoluedi à peccatis. Ordo Episcopalis confert potestatem confirmandi & ordinandi, quam alii Sacerdotes ex vi suæ ordinationis non habent.

37.

Quid si sa-
cramentis
conferre gra-
tiam opere
operato,

Nota tertio, particulam illam, *Ex opere operato*, aliter à quibusdam explicari: quorum aliqui tantum in modo loquendi, alii etiam sensu à nobis discrepant. Nam Vasq. disput. 135. n. 30. ait, ex opere operato aliquem iu-

Tom. IV.

ustificari, nihil esse aliud, quàm ita virtute solius operis tali modo facti iustificari, vt licet in ministro non sit fides, neque bonus motus animi, imò potius malus: sed tantum voluntas faciendi opus illud intentione instituentis: nihilominus opere illo exteriori fiat iustificatio, & Deus illam concedat respiciens solum opus illud ita factum, non autem bonum affectum, aut dignitatem ministri: cum potius si illam respiceret, gratiam suam negare deberet, nempe quando minister huiusmodi opus prauo affectu efficeret. Iustificari autem ex opere operantis, esse, iustificari aut proprio opere, aut etiam alieno per modum dispositionis, seu impetrationis, & cuiusdam meriti. Hæc Vasq. Cui opponi potest, ex ea definitione sequi, Matrimonium non conferre gratiam ex opere operato, quia non iustificat coniuges, qui sunt eius ministri, sine aliquo actu fidei supernaturali, & bono motu animi. Sed nihilominus verum est quod ait Vasq. sacramenti efficaciam non pendere à bono affectu ministri, à quo tantum requiritur vt faciat opus à Christo institutum, eum intentione faciendi iuxta illius institutionem: Itaque docent communiter SS. Patres, & Theologi, vt ostendemus disp. 22. sect. 6. & habetur expressè causa 1. q. 1. c. *Multi secularium*: vbi dicitur, sacramenta operari, vt instrumenta Dei, quia illorum effectus non pendet à sanctitate ministri. Neque amplius Florent. in decreto Eugenii requirit ex parte ministri, quàm intentionem faciendi id quod Christus instituit. Ad instantiam verò in contrarium allatam respondendum est, coniuges esse simul ministros, & subiectum sacramenti matrimonii (quod huius sacramento peculiare est) & bonum illum affectum non requiri in illis, vt sunt ministri sacramenti, sed quatenus sunt subiectum ab illo sanctificandum. Cuius rei signum est, quod si vnus coniugum sit bene dispositus, & alter malè: huius malitia (qui tamen est minister) non oberit, quo minus alter bene dispositus sanctificetur vi sacramenti matrimonii. Itaque illa Vasq. interpretatio bona est, & à nostra reapse non differens. Prior tamè à nobis data n. 33. paulò clarius rem explicare videtur. Quæ verò contra illam opponuntur à quibusdam recentioribus soluentur in fine sectionis.

Secundò Aegid. Coninx q. 62. a. 1. dub. 1. num. 4 dicit, sacramenta causare gratiam ex opere operato, idem esse, atque eam causare in omni sufficienter disposito, siue non habente obicem: non per modum meriti, & prout habent rationem actionis laudabilis: sed prout considerantur secundum suam entitatem & quatenus habent rationem entis quodammodo naturaliter operantis, abstrahendo ab omni dignitate conferentis, & merito suscipientis. Contra verò, illud opus causare gratiam ex opere operantis, quod eam causat quatenus est actio laudabilis, & veræ virtutis, habetque rationem meriti saltem de cõgruo. Hæc Aegid. Cui oppono, in sacramento Pœnitentiæ

N n

381

Altera ex-
plicatio op-
eris ope-
rati.

contritionem, vel attritionē causare gratiam, quatenus sunt contritio vel attritio libera, & laudabilis, & actus veræ virtutis: Deus enim talem exigit à pœnitente, & ab illa, ut tali, mouetur ad peccatorum remissionem, & collationem gratiæ in sacramento: & tamen contritio, & attritio causant ex opere operato in eodem sacramento. Ergo non bene definitur ab Aegidio efficacia operis operati. Neque responderi potest, sacramentum præscindere ab eo quodd attritio sit opus laudabile. Nam implicat sacramentum Pœnitentiæ requirere attritionem prout est attritio: & non illam requirere prout est actus virtutis, adeoque ut opus laudabile. Atqui illam requirit prout est attritio, id est, dolor de peccatis ex honesto motu, cum proposito non peccandi de cetero. Dicit etiam nequit, attritionem pœnitentiæ non esse causam gratiæ, sed totam efficaciam sacramenti Pœnitentiæ consistere in absolutione: id enim manifestè est contra Trid. sess. 14. cap. 3. initio: ut suo loco amplius confirmabitur.

39.
Tertia &
nova eius-
dem expo-
sitiō.

Alii tertio dicunt, hanc particulā, ex opere operato, triplicem sensum habere. Primo enim, inquit, opus operatum significat id quod circa aliquem fit, ipso passivè se habente: quod contingit, inquit, in omnibus sacramentis circa recipientes sacramenta, ut patet in Baptismo, Confirmatione, &c. cuius operis, quando habetur ratio, non attenditur is circa quem fit, & in quem fructus illius reddat. Non attenditur, inquam, ut operans, cum hoc non operetur, sed ab alio passatur. Secundo, opus operatum significat opus externum, ultra voluntatem operantis aliquid ex se conferens ad effectum. Nam in operibus meritoriiis, aut quasi meritoriis tantumdem valet actus voluntatis efficax sine opere externo, quod præstaret, si posset, quantum valeret cum ipso opere externo, ceteris paribus. Quando autem ex opere externo accedit aliquis gratiæ effectus, qui non accederet, nisi opus externum esset; tunc habet rationem operis operati. Nam tunc non attenditur solus affectus liber, & imputabilis operantis, qui consistit in solo affectu voluntatis proximè, & immediatè libero. Tertio, & maxime propriè, operari ex opere operato significat non tantum opus externum, quod fit, peculiare quandam vim addere supra affectu operantis: sed etiam habere vim infallibilem. Ratio est, quia hoc est perfecte habere effectum ex opere operato, si ex eo ipso, quodd opus positum est, infallibiliter sequatur effectus. Hæc illi. Ex quibus inferunt primo, quodd si aliquod opus externum, ut eleemosyna, aspersio aquæ lustralis &c. habeat aliquam vim impetrandi auxilia ad pios affectus, quibus deleantur peccata, sed non impetret infallibiliter non operatur ex opere operato talem effectum. Et contra, licet aliqua vim infallibilem habeant ad suum effectum, quæ tamen ex opere externo non habent vim maiorem, aut non habent opus externum, non dicuntur operari ex opere operato. Ita contri-

tio extra sacramentum, licet infallibiliter conferat effectum, non confert ex opere operato. Et oratio, quam pro se quisque facit, omnibus circumstantiis requisitis comitata, est infallibilis circa necessaria ad salutem: & tamen non dicitur ex opere operato vim habere: quia quodd exterius fiat oratio, aut quodd in loco sacro, vel aliter, non addit novā vim infallibilem. Inferunt secundo, ut aliquid habeat vim operis operati, egere speciali quadam promissione, & institutione divina, alligata operi externo. Nam communiter promissiones divini in Scriptura fiunt bene operantibus. Laus autem, & imputabilitas boni operis, est tota in affectu voluntatis. Ut ergo opus ipsum externum vim contineat, debet hoc habere ex speciali promissione. Cumque non habeat de se illam proportionem quam habet actus internus virtutis liber, & imputabilis, ut à Deo acceptetur; debet id habere ex institutione Dei, qui det illi propter merita Christi id, quod non habet suo merito, & ex sua natura.

Quæ doctrina non est vera omni ex parte. 40.
Nam primo, Passum est quod ait, opus operatum, primo sensu acceptum, habere locum in omnibus sacramentis circa recipientes sacramenta. Etenim quædam sunt sacramenta, in quibus recipiens, & is, in quem fructus sacramenti redundat, attenditur ut operans, non modò dispositivè, ut contingit in omnibus sacramentis novæ legis, quæ recipiuntur ab adultis, & rationis usum habentibus, quibus non sunt sacramenta sine ipsorum intentione, & non sunt utilia sine convenienti dispositione: sed etiam, ut conferens aliquam partem sacramento essentiali, ut contingit in sacramentis Pœnitentiæ & Matrimonii. Nam actus quidam pœnitentis sunt de essentia sacramenti pœnitentiæ: & consensus coniugum per signa de præsentibus expressus, est de essentia sacramenti matrimonii.

In secundo, & tertio sensu, si per opus externum intelligatur actus externus sensibilis, ut videntur doctores illi intelligere, præsertim in exemplo orationis, quo utuntur, male restringitur opus operatum ad actum huiusmodi. Nam actus interni, & per se insensibiles, operantur gratiam; ex opere operato in sacramentis pœnitentiæ & matrimonii, non minus, quam opus externum sensibile confessionis, aut expressionis consensus interni: & tam non potest efficere gratiam actus ille externus sine interno, quam internus sine externo. Virtus enim sacramentalis fundatur in utroque indivisibiliter: id est, intuitu utriusque simul, & non separatim, Deus movetur efficaciter, ut gratiam conferat propter Christi merita. Omitto, quodd (loquendo generalius) posset solus actus internus ex institutione Dei operari gratiam ex opere operato. Nam si Deus instituisset unicuique meditati Christi passionem infundere gratiam, modò non sit obex: meditatio illa quamvis purè interna, & æque efficax siue in loco sacro fieret, siue non, & siue aliquo signo proderetur

Refutatur
prædicta
expositio.

externis, siue non; operaretur gratia ex opere operato, æquè ac facit ablutio baptismi, aut unctio confirmationis. Quo pacto diximus sect. 2. post Ochamū, Gab. & alios, potuisse Deum instituere aliqua sacramenta purè interna, & insensibilia.

41.
Cui oratio
non dicitur
operari ex
opere ope-
rato.

Tertiò, Ratio vera & propria cur oratio, omnibus conditionibus requisitis comitata, non dicatur operari ex opere operato ea, quæ sunt ad salutē oranti necessaria, non est, quia nulla vis infallibilis ei additur, ex actu externo sensibili, nèpe ex eo, quòd exterius fiat oratio, aut quòd in loco sacro: sed ex eo quòd vel sit de se satis proportionata tali effectui, cum debeat esse oratio hominis iusti ex fide viua; vel quòd non impetret infallibiliter, quoties petit, vel etiam semper id ipsum quod petit; sed vel hoc, vel aliud, quod ad orantis salutē, aut Dei gloriam magis expedit. Certè quidem non impetrat infallibiliter aliis, pro quibus oratur, vt docet S. August. tra. 8. 1. 1. in Ioan. init. quod ne quidem facit oratio Ecclesiæ ipsius, vt notat Vatq. t. 4. in 3. p. dub. 1. ad art. 3. q. 87. n. 16. & experientia id notum est. Ecclesiæ enim sæpius orat pro conversione Infidelium, quam non impetrat.

Quartò, iuxta hanc explicationem operis operati non apparet, quomodo circumcisio, & aliud remediū peccati originalis paruulorum ante circumcisionem, non contulerit gratiam ex opere operato, vt faciunt sacramenta nouæ legis. Nam posito actu fidei viuæ offerentis paruulum, conferebatur gratia infallibiliter paruulis: & non conferebatur sine intuitu operis externi, id est, signi sensibilis, sine quo actus fidei viuæ parentum nõ profuisset paruulis ad impetrandā illis gratiam: & tamen certum est ex Florent. in Decreto, sacramenta nouæ legis in eo differre ab antiquis, quòd conferunt gratiam, ex opere scilicet operato, vt ait Trident. sess. 7. can. 8. De sacramentis in genere.

Soluuntur
obiectiones
contra
nostram
sententiam

Contra nostram expositionem datam n. 33. obijciunt aliqui recentiores 1. Ex illa sequi, quòd si iam Deus institueret, vt omni attrito daretur gratia, attritio diceretur iustificare ex opere operato, quia non est proportionata ex se gratiæ obtinendæ: quantumvis Deus eā spectaret, vt opus laudabile pœnitentis, sicut nunc contritionem considerat. Sed consequens est falsum, quia tunc nihil haberet attritio, vnde non esset dicenda opus operantis: quandoquidem consideraretur, vt opus merentis imperfectæ, & nullam haberet analogiam ad vim huius vocis, *opus operatum*. Ita probabiliter multi censent paruulos, qui iustificabantur in veteri lege precibus parentum, vel Ecclesiæ, non necessariò eguisse, vt parètes haberent actum dilectionis Dei super omnia, sed longè inferiorem: & tamē dicunt, paruulos illos fuisse iustificatos ex opere operatis, quia dumtaxat per vim impetratiuam operatiū. Secundò, inquirunt, Ex nostra sententia sequeretur, contritionem iustificare ex opere operato, quia ex nullo alio cap. possemus in casu su-

pra posito attribuere attritioni iustificanti, denominationē iustificatis ex opere operato, nisi quia Dei misericordia suppleret attritionis imperfectionem, & plus faceret, quàm attritio de se, & seclusa Dei promissione mereatur. At si hoc est, etiam nunc contritio extra sacramentum iustificat ex opere operato. Nam cōtritio non iustificat ex natura sua, nec cōtinet perfectam satisfactionem offensæ diuinæ, sed summa est Dei benignitas, quod contritione cōtentus sit. Cōfirmatur: nam attritio nõ est penitens disproportionata gratiæ, sed est opus Spiritus sancti, quod sine eius gratia non possumus exercere, vt docet Trid. sess. 14. c. 4. Quòd autē attritio minùs habeat proportionis, quàm contritio, non variat speciē. Denique, inquirunt, iuxta nostrā sententiā sacramentum pœnitentiæ non iustificaret ex opere operato, quando pœnitens accedit cum actu perfectæ contritionis: quia tunc non iustificatur vi operis disproportionati gratiæ.

Ad primum Respondeo in eo casu fore adhuc vim operis operati, nõ omnino qualis est in sacramentis nouæ legis: re ipsa institutis: in quibus licet ex parte recipientium ad ultorū requiratur aliqua bona dispositio, & pius animi affectus: secus tamen ex parte ministri, prout minister est: qui modus iustificandi ex opere operato eò perfectior est, quòd signum externum minoribus aut paucioribus conditionibus requisitis iustificat, eo ipso quòd ponitur. Adhuc, inquam, fore vim aliquā operis operati, in eo quòd infallibiliter posito tali actu, & vi illius tanquam signi Deum mouētis efficaciter, & infallibiliter, daretur gratia sanctificans, ad quam ille non habet sufficientem proportionem ex genere suo, cum sit in gradu longe inferiore habitu charitatis, qui est forma præcipua nostræ sanctificationis. Qui autem dicunt paruulos in circumcissione fuisse iustificatos vi illius ceremoniæ, cum attritione sola parentū, & sine fide viuā, id est, informata actu charitatis, re ipsa concedūt id quod verbo tenus negant, circumcissionē scilicet habuisse vim aliquā iustificandi ex opere operato, vt ostendimus disp. 20. sect. 3.

Ad secundum, Nego sequelā: nam contritio perfecta, tamen non est par remissioni peccati mortalis; est tamen naturaliter proportionata gratiæ sanctificanti, id est, charitati habituali: cum sit eiusdē generis, & perfectionis cum illa: Sicut actus naturales sunt eiusdē generis & perfectionis, cum habitibus naturalibus sibi respondentibus. Ac sicut isti producuntur vi physica suorum actuum: ita illi debent quodammodo connaturaliter, id est, naturali quadam congruitate, produci vi moralis actuum eiusdē generis & perfectionis: Sunt enim illis proportionati in genere causæ moralis, & merentur de congruo illorum infusionē. Quomodo verò peccatorū remissio sequatur ex infusione gratiæ, seu charitatis, diximus suo loco in tract. de Iustific. Sed attritio non est huiusmodi, cum sit actus longè inferior, & differat ab actu charitatis

non intensioe solùm, aut alia differentia accidentalì, sed essentiali perfectione, secundùm quam falsum est magis, & minus non variare speciem, & non ponere aut tollere proportionem.

Sacramen-
tum pœni-
tentia, cu-
ius pars est
contritio,
operatur
nihilomi-
nus ex ope-
re operato.

Disp. 13.
sect. 4.

Ad tertium Respondeo, Sacramentum pœnitentia in eo casu operari nihilominus ex opere operato: non solùm quia ex se non requirit actum contritionis, sufficit enim attritio ut operetur: sed etiam quia in eo casu cōfert gratiam, supra proportionem contritionis, & multò maiorem, quàm respōdeat operi operantis, id est, quàm illa mereatur de congruo. Cum enim sacramenta melius operentur vi sua in melius dispositis, maior cōfertur gratia vi ipsius sacramenti, & operis operati, accedenti cum contritione, quantò hæc dispositio melior est simplici attritione. Ac sic-
ut martyrium adultorū, quamvis nō iustificet sine aliquo actu charitatis, & fidei viæ, ut alibi dicimus; tamen eam cōfert ex opere operato: quia longè maiorem dat vi operis externi, id est, mortis reipsa obitæ, quàm solus actus charitatis mereatur: Sic sacramentum pœnitentia operatur ex opere operato in pœnitente accedente cum actu contritionis; quia plus illi gratia cōfert, quàm mereatur contritio.

SECTIO IV.

Soluntur difficultates circa doctrinam præcedentem.

43.
Prima diffi-
cultas de
sacramen-
talibus.

2. diffi-
cultas de cir-
cūcisione.

3. diffi-
cultas de marty-

CONTRA datam definitionem obiicitur 1. OMNIA in ea posita convenire quibusdā sacramentalibus, ut vocantur, quæ tamen sacramenta novæ legis non sunt, neque eorum numero septenario comprehenduntur. Ut y, g. aqua lustrali, quippe quæ valet ad delenda peccata venialia, & consequenter ad infundendam gratiam, sine cuius infusione nulla peccata remittuntur in hac vita. Vnde in Can. *Aquæ. de Consecrat. dist. 3.* eadem aqua dicitur mundare, purificare, atque etiā sanctificare. Secundò, data definitio non satis distinguit sacramenta novæ legis, à sacramentis veteris legis, & speciatim à circumcissione, quæ videtur habuisse quiddam in hac definitione positum est, etiā vim sanctificandi præcipua sanctitate, iuxta illud Pauli Rom. 4. *Accepti Abraham signum circumcissionis, signum in iustitia, fidei, &c.* Et Gen. 17. *Moseus, cuius præputii caro circumcisa non fuerit, deletur anima illa de populo suo.* Quod intelligit D. August. etiam de infantibus, & de pœna damni, quam patiebantur ob peccatum originale non remissum, defectu circumcissionis. Vnde per argumentum à contrario colligitur, circumcissionem habuisse vim delendi peccatum originale, & consequenter sanctificandi eos omnes, quibus rite applicabatur.

Tertiò denique, de martyrio specialis est

difficultas, quippe quod per se, & non solùm ratione actus fortitudinis, sanctificandi vim habet: ut patet in Innocentibus ab Herode occisis, quos omnes indifferenter colit Ecclesia ut martyres, & sanctos, eorumque omnium reliquias vbicumque reperras veneratur. Supponit ergo illos fuisse iustificatos, & eximie sanctificatos vi martyrii per se, & ex opere operato, non autem ratione actus fortitudinis, cuius exercendi nondum erant capaces. Neque dicas, Innocentes illos fuisse aliunde iustificatos, nempe vi circumcissionis. Primò, quia circumcisio sola non contulisset illis tantam sanctitatem, quam in illis, ut eximie sanctis, & non vulgaribus, veneratur Ecclesia. Secundò, incredibile, & falsum est, omnes fuisse circumcisos: cum ex lege non possent ante octavum diem circumcidi, & multi ante eum diem fuerint interfecti: iussit enim Herodes omnes interfici à bethaniam, & infra. Tertiò, inter Iudæos versabantur Gentiles, quorū filii non circumcidebantur, & permixtim cum aliis occisi sunt, iussu Herodis neminem excipientis, sed omnes suo edicto crudeli, ne vnus Christus effugeret, includentis. Quartò, laus, quam illis tribuit Ecclesia, cum sic orat: *Deus, cuius hodierna die præconium Innocentes Martyres non loquendo, sed moriendo confessi sunt.* &c. omnibus convenit, non circumcisis æquè, ac circumcisis. Neque enim eos laudat Ecclesia à circumcissione, sed à morte. Quintò, Sancti Patres eos omnes commendant indiscriminatim, ut sanctos & martyres. Cyprian. ser. 5. de Stella, & Magis, post medium, Leo in serm. de Epiphan. sub finem, August. epist. 28. Bern. serm. 66. in Cantic. longè post medium, & alii, qui etiam hanc doctrinam extendunt ad quosvis alios infantes pro Christo occisos.

Neque item respondeas martyrium aliunde excludi à definitione sacramenti hac particula, *Institutum*: eò quòd martyrium non sit à Deo vel à Christo institutum, sed à persecutoribus iniuste illarū: vel quia sacramentum debet esse cerimonia sacra, & religiosa, unde qui violant sacramenta, sunt sacrilegi, & peccant contra virtutem religionis: martyrium verò per se, & prout est opus externum, non est sacra cerimonia, sed potius homicidium iniustum.

Nam contra primā expositionem sic insto: Vel sensus est, quòd martyrium secundum se non fuerit à Christo institutum, vel quòd non fuerit institutum secundum quod est signum, & causa efficax gratia. Si primum, ergo neque matrimonium erit sacramentum, quia non fuit institutum à Christo secundum se, sed est contractus naturalis. Si secundum: falsum est, Christum aut Deum non instituisse martyrium in signum, & causam sanctificationis; & consequenter in signum. Nam omnis causa est signum sui effectus. Atqui martyrium ex institutione divina est causa gratia sanctificantis: Deus enim statuit dare gratiam martyrium patientibus,

44.

Respondeo
variæ res-
ponsonæ.

paruulis quidem simpliciter, adultis verò maiorem saltem, quàm ex opere operantis essent consecuti: vnde coluntur martyres, vt eximie sancti: Ergo, &c. Contra secundam verò responsionem dico primò, non omne sacramentum esse cerimoniam sacram. Nam Eucharistiæ sacramentum consistit essentialiter non in sacra cerimonia, seu actione religiosa, sed in corpore, & sanguine Christi, sub speciebus consecratis. Secundò, matrimonium secundum se, & physicè spectatum, non est sacra cerimonia, sed contractus ciuili: & accidentariò tantum est sacra, & religiosa cerimonia, quatenus refertur ad coniugium Christi cum Ecclesia representandum, & ad querendam à Deo gratiam vt auctore omnis sanctitatis, in quo est quædam veneratio religiosa, & protestatio supremæ illius excellentiæ. At martyrium etiam referri potest ad sacram representationem, putà mortis Christi; & ad Dei cultum, vt agnoscatur auctor vitæ, & necis, quemadmodum fit in sacrificiis. Quid enim vetat, vel martyres ipsos, si possunt, vt adulti, passionem suam eo referre: vel, si non possunt, vt paruuli, Ecclesiam eorum defectum supplere? Confirmatur, quia passio, & mors Christi fuit verum sacrificium: omne autem sacrificium est aliquo modo sacra cerimonia, ac religiosa, seu ritus Deum colendi. Et tamen Christi passio, prout erat opus crucifigentium, erat peccatum, & homicidium iniustum. Ergo similiter passio martyrum, licet, prout est à persecutoribus, sit peccatum: potest aliunde esse sacra cerimonia, & religiosa, prout acceptatur ad Christi mortem representandam, & ad Deum colendum, ad fidem Christianam suo sanguine obfignandam, & ad alios fines sacros.

Hæc sunt quæ præcipuè contra datam Sacramenti nouæ legis definitionem obiici possunt, ex quorum solutione clarior euadet. Ad primum autem, Respondendum est aquam lustralem, & alia sacramentalia, non operari remissionem venialium, neque gratiæ infusionem ex opere operato: sed vel impetratiuè, vel excitatiuè ad illam conferre: quatenus scilicet vel impetrant nobis sufficientem dispositionem ad huiusmodi effectum, præsertim ob Ecclesiæ preces, atque suffragia, quæ per illa sacramentalia nobis applicantur: vel iuuant ad excitandum animam ad sufficientem dolorem peccatorum, quem dolorem sequitur ex opere operantis, & meritoriè de condigno, vel de congruo, remissio venialium, & gratiæ infusio. Canon verò citatus sic intelligendus est, vel quòd aqua lustralis valeat ad sanctificationem veram, & propriè dictam impetratiuè, aut excitatiuè, vt modò dictum est: vel potius loquitur de quadam sanctitate, & purificatione morali, quæ rebus etiam inanimatis, vt vasis, templis, & vestibis conferri potest: qualem in lege veteri conferebant cerimonie legales: & qualis erat sanctificatio populi Israëlitiçi per cinerem vitulæ sanguine

aspersum, quo exemplo canon citatus vtitur.

Ad secundum Respondeo cum D. Thom. q. 70. art. 4. in fine corp. circumcisionem non contulisse gratiam ex opere operato: sed fuisse tantum signaculum iustitiæ fidei, id est, iustitiæ, & gratiæ per fidem acceptæ, hoc est, per actum internum, & protestationem externam fidei viuæ, seu affectiua, & actui charitatis coniunctæ. Nam, vt ait D. Thom. in circumcisione conferebatur gratia, non ex virtute circumcisionis, sed ex virtute fidei passionis Christi, cuius signum erat circumcisio: ita scilicet quòd homo, qui accipiebat circumcisionem, profitebatur se suscipere talem fidem, vel adultus pro se, vel alius pro paruulis. Vnde & Apostolus dicit Rom. 4. quòd Abraham accepit signum circumcisionis, signaculum iustitiæ fidei: quia videlicet iustitia erat ex fide significata, non ex circumcisione significante. Potest & alia dari huiusce loci explicatio, de qua alibi. Alter verò sumptus ex Gen. 17. exponitur communiter à Doctoribus de adultis, & de pœna mortis, vel excommunicationis, cuius illi rei fiebant, ob transgressionem mandati circumcisionis. Quod mandatum non transgredebantur infantes incapaces præcepti, & obligationis moralis præceptiua, aut prohibitiua: ac si moriebantur ante diem octauum, ante quem circumcidi non poterant, non deerat aliud remedium, quòd à peccato originali mundari possent: vt neque deerat fœminis, quibus nequibat ritus ille circumcisionis applicari.

Ad tertium Respondeo, Martyrium non esse Sacramentum, vt perperam concessit Maior in 4. dist. 4. q. 3. in fine; Vbi ne videatur apertè repugnare sensui Ecclesiæ de septenario numero sacramentorum, quem sensum postea expressit Florentinum in Decreto Eugenii, & Trident. sess. 7. can. 1. de Sacram. in genere, ait, martyrium sub baptismo contineri, ideoque non augere numerum septenarium. Sed neque hoc Durandum excusat. Nam Ecclesia non agnoscit aliud sacramentum Baptismi, quam Baptismum fluminis; vt satis liquet ex Trident. sess. cit. can. 2. de Baptismo, vbi definit aquam veram & naturalem esse illi efficiendo necessariam: & ex Florent. in Decret. Eugen. 6. Hæc omnia Sacramenta, iuncto 5. proxime sequenti, vbi materiam & formam illius assignat, à Martyrio longè differentem. Martyrium, inquam, non est sacramentum duplici de causa. Primò, quia non est signum sacram formaliter, id est, sanctificans seipso moraliter, & legaliter martyrem, tanquam sacra cerimonia ad hoc instituta. 2. Quia ad rationem sacramenti non sufficit, quòd sit opus externum, in quo detur gratia: sed oportet vt ipsum opus illam efficiat, tanquam causa instrumentalis effectiua ad hoc à Christo instituta, & assumpta, vel posita ab ipsius ministro: id enim significat nomen causæ positum in definitione sacramenti. In mar-

Nn 3

Circumcisio non conferebat gratiam ex opere operato

46.

Martyrium non est sacramentum duplici de causa

45.

Sacramentalia non tollunt venialia, neque gratiæ infusionem ex opere operato: sed excitatiuè vel impetratiuè.

tyrio autem, licet detur gratia vel simpliciter sine opere operantis, ut paruulis; vel maior quam ex opere operantis, ut adultis, qui multò plus accipiunt gratiæ, quam mereatur solus actus virtutis sine martyrio consummato: ipsa tamen passio non illam efficit, quia non est ad hoc à Christo instituta, ut causa instrumentalis, nec ibi operatur homo ut minister Dei, & ideo non dicitur illud opus operari per virtutem latentem Spiritus sancti sibi moraliter inditam, & coniunctam ut causæ instrumentali: quemadmodum Baptismus, & alia sacramenta: sed solum dicitur Spiritus sanctus ibi operari ex speciali privilegio, sine causa instrumentali coëfficiente. Ita fere Suar. disput. 29. sect. 3. §. Ad secundum argumentum. Qua de re plura inferius cum de Baptismo sanguinis disputabitur.

47. Interea vero instari potest, quia sacramenta concurrere, & coëfficere sacramentaliter, non est aliud, quam Deum mouere ad gratiam propter Christi merita infundendam. Atqui martyrium hoc facit. Ergo, &c. Respondeo, Coëfficere instrumentaliter non esse Deum mouere quocumque modo. Certum enim est non quidquid Deum mouet, & valet ex Dei institutione ad gratiam obtinendam, valere ut causam instrumentalem ad illam efficiendam. Nam contritio supernaturalis valet quidem ut dispositio sufficiens ex Trident. sess. 14. cap. 4. Nec tamen est causa efficiens, & instrumentum morale, quo Deus utatur ad gratiam efficiendam; sed tantum pertinet ad genus causæ materialis, & dispositiue, ut Trident. ibid. ait. Efficiens autem & materialis, ac formalis causa debent distingui in moralibus æquè, ac in physicis: dicuntur enim per analogiam ad causas físicas, ob aliquam earum imitationem, & similitudinem. Vnde causæ morales, quæ in modo causandi imitantur dispositiones físicas, aut causam materiale; debent dici causæ dispositiue, & per modum materiæ: quæ autem propius accedunt ad modum causæ physicæ agentis, & efficientis; debent dici causare effectiue: quæ denique imitantur causas formales físicas, debent censerì habere formalem causalitatem morale. At verò sacramenta sunt causæ instrumentales iustificationis, & gratiæ: ut de Baptismo affirmat Trident. sess. 6. cap. 7.

Et quamuis non sit facile intelligere in quo consistat ratio mouendi moraliter effectiue, id est, in genere causæ efficientis, & quomodo differat à motione dispositiua, vel meri privilegii, aut similibus: dici tamen potest motionem hanc effectiuam, & instrumentalem sacramentorum in eo consistere, quòd sacramenta sint artefacta quædam moralia à Christo per eius ministros applicata subiectis, ex intentione gratiam in illis efficiendi, virtutis causæ principalis, quæ meritorie quidem Christus, physicè verò Deus est, adiungens se illis sacramentis, & vnā causam totalem efficientem cum illis constituens,

cui partim physicè, partim moraliter respondet effectus: Deo quidem physicè, moraliter verò sacramentis, tanquam moralibus instrumentis à Deo assumptis, & eleuatis ad gratiam producemdam: sicut artifex assumit, & tractat ferram, malleum, & similia instrumenta, ad efficienda opera artificialia. Ac sicut instrumenta física agunt per contactum physicum motu causæ principalis applicatum: ita sacramenta non agunt nisi à Deo per ministros applicentur subiectis recipientibus, egentque aliquo eorum contactu, ut operentur, vel sufficienti propinquitate, & morali coniunctione, ut patet inductione in omnibus sacramentis. Differentia quidem in eo est, quòd illa physicè concurrunt, suntque instrumenta física; sacramenta verò moraliter tantum: vnde sunt tantum instrumenta moralia, quibus moraliter, id est, æstimatiue, tribuitur effectus. Sed nihilominus ratio concurrendi per modum instrumenti moralis post intelligi, ac declarari per analogiam ad modum, & rationem instrumenti physici. Opus verò externum Martyrii se habet tantum per modum obiecti mouentis Dei misericordiam, ut det gratiam, & vitam æternam ei, qui pro se perdit temporalem: ad eum modum, quo miseria pauperis mouet ad dandam elemosynam: vel miseria naufragorum posset regem mouere, ut cuicunque patienti naufragium in portu Aquitanico v. g. darentur centum aurei ex publico ærario.

48. Aliter responderet vnus ex recentioribus disput. 1. de Sacramentis num. 24. Martyrium, licet conferat gratiam ex opere operato, eamque significet, non tamen esse sacramentum, ac ne quidem sacramenti communissimè sumpti definitionem ei conuenire: quia non est cerimonia sacra instituta ad significandum per illam. Nam si esset talis, deberet poni à ministro ex huiusmodi intentione. Sic enim omnia sacramenta, ut valida sint, debent fieri à ministro cum intentione explicita, vel implicita faciendi sacramentum, & significandi id, ad quod institutum est tale sacramentum. Nam huiusmodi signa non significant nisi ex intentione operantis. Non est autem necesse, ut minister Martyrii, siue sit carnifex, aut persecutor fidei, siue ipse martyr voluntarie moriens, habeat talem intentionem, ac ne quidem, ut mori velit, ut patet in infantibus, & in eo, qui occiditur pro fide nolens eam negare, sed tamen mortem fugiendo quantum alioqui potest.

Verum licet sit necessaria intentio ministri in septem sacramentis propriis nouæ legis, iuxta Florent. in Decreto Eugenii 5. *Hæc omnia sacramenta*: Tamen de quolibet alio, & de sacramentis omnibus veteris legis, sine sufficienti fundamento id assereretur. Et sacramentum per se loquendo significare potest ex institutione diuina, quamuis minister non intendat explicite, vel implicite significare per illud. Addo martyrem, qui fugit, ne fidem neget, & occiditur fugiendo, velle

Non quicquid mouet Deum ad dandam gratiam, coëfficit illam instrumentaliter.

Causa dispositiua, & efficiens distinguuntur etiam in moralibus.

Martyrium non est causa instrumentalis gratiæ.

Refutatur alius respondendi modus.

explicitè, aut implicitè mori si necesse sit ad fidem non negandam, & occidi potius, quàm eam negare: quamvis capiat & conetur, si possit, vitam cum fide conseruare. Denique illa intentio ministri à nullo ponitur in definitione sacramenti, siue communissime sumpti, siue specialius, ut est genus proximum ad sacramenta nouæ legis. Ideoque responso data non ostendit quomodo sacramenti definitio communissima non conueniat martyrio, qua de re tamen disputat auctor ille loco citato.

49.
Valquez.

Aliter etiam responder Vasq. disp. 1 § 3. cap. 4. num. 41. Martyrium non esse sacramentum, quia si esset signum rei sacræ, ac proinde sacramentum, deberet esse non tantum quatenus est passio martyris, sed quatenus est actio Tyranni. Omne enim sacramentum debet esse signum rei sacræ, quatenus ab aliquo alicui adhibetur, ut patet in omni sacramento tam nouæ, quam veteris legis, nempe quatenus actio alicuius est. At non est credibile Deum instituere voluisse peccatum Tyranni ad gratiam significandam. Martyr autem, si infans est, nihil confert: si autem adultus est, requiritur tantum ex parte eius, ut se disponat conuenienter ad martyrium, & ad gratiam, quam recipit. Adde quod sacramentum debet esse remedium à Deo institutum, quo homo via ordinaria uti possit cum volet, ad suam utilitatem: huiusmodi autem non est martyrium. Hac Valquez.

Reiicitur
altera res-
ponso.

Verum hæc responsio, & similes in eo non satisfaciunt, quod non ostendunt definitionem allatam sacramenti in communi, non conuenire martyrio. Nullam enim assignant eius particulam, quæ excludatur martyrium à ratione sacramenti; sed assignant aliquas condiciones sacramenti, in definitione non comprehensas, quæ idcirco manca est, si condiciones illæ sunt essentielles, & non continentur in definitione. Nam definitio sacramenti non habet quod sacramentum debeat esse signum rei sacræ, in quantum est actio, & non solum, quatenus est passio: nec quod debeat esse remedium à Deo institutum, quo homo via ordinaria uti possit, cum velit. Huiusmodi enim ne ipsi quidem ponunt in ea, quam assignant, definitione generali sacramenti: ut patet ex eorum definitionibus supra relatis sect. 1. num. 6. & 8.

Aliter denique Respondent eruditi quidam recentiores, triplicem esse causam cur martyrium non sit sacramentum. Primam, quia de ratione sacramenti est, ut sit signum, non qualecunque, & ex mero instituto, sed habens aliquam similitudinem cum gratia significata: iuxta vulgatam definitionem sumptam ex Hug. Victor. Sacramentum est inuisibilis gratiæ signum visibile, simul eius similitudinem gerens, & causa existens: & D. August. epist. 23. ad Bonif. *Si sacramenta similitudinem quandoque earum rerum, quarum sunt sacramenta, non haberent, omnino sacra-*

menta non essent. Martyrium autem non habet talem similitudinem cum gratia. Secundam, quia sacramentum ita producit gratiam ex institutione, ut institutio illa purè se teneat tota ex parte Dei; atque id quod est, & dicitur sacramentum, nullam habeat ex parte hominum proportionem, quæ quodammodo efficiantur digni Dei gratia, & salute. Qua de causa dicitur esse causa instrumentales gratiæ. Instrumentum enim habet motum ex parte causæ principalis, cuius virtus per illud operatur. Sic v.g. ablutio per aquam, nullam habet proportionem cum sanctificatione animæ per gratiam, sed eius causa se tenet omnino ex parte meræ voluntatis Dei gratiæ. At martyrium habet proportionem cum salute animæ. Congruum enim est, ut qui mortem pro Christo subit, vitam ab illo æternam consequatur. Tertiam, quia martyrio deest aliquod genus institutionis, quæ continetur in nomine, & definitione sacramenti. Nam sacramentum nouæ legis, debet esse quædam sollemnis cerimonia, quam Deus ad sanctificationem suæ Ecclesiæ per se proponit, & ideo vult per se in Ecclesia esse perpetuam. At verò Deus non inuitat ad martyrium per se, sed solum ex occasione, quod id exigat malitia persecutoris: neque vult martyrium in Ecclesia sua esse perpetuum: unde multis sæculis potest esse Ecclesia sine martyrio, nunquam autem sine sacramentis: vult etiam Deus semper esse in Ecclesia, qui conferant sacramenta; at non qui inferant martyrium.

Sed hæc Responsio mihi quoque non satisfacit. Nam contra primam rationem obijci potest, dato quod talis similitudo sacramenti nouæ legis necessaria sit. (quamquam alium esse sensum D. Augustini ostendimus num. 17.) martyrio non deesse aliquam similitudinem cum morte Christi resurrectionem vitæ, & consequenter cum morte vitiorum, cuius mors Christi similitudo est. Ac sicut Baptismus sanctificandi vim habet ex institutione, quia Christi mortem aliquo modo repræsentat: ita martyrium, idque etiam magis, quia nos Christo morienti similes facit recipi, Baptismus autem solum in figura, ut ait Clem. Rom. lib. 5. Constit. cap. 7.

Contra secundam dico, non esse verum vniuersaliter, quod in sacramentis nouæ legis non requiratur aliqua proportio ad gratiam, quam significant. Nam in sacramento Pœnitentiæ requiritur attritio, vel contritio supernaturalis, tanquam vna de partibus sacramenti, quæ habet aliquam proportionem cum gratia reconciliationis. Neque dici potest illud esse sacramento per accidens, & attritionem, aut contritionem non considerari, ut est bonum opus, & supernaturale, quatenus in sacramento est causa partialis gratiæ ut opus operatum, & non ut opus operantis. Nam cum determinatè requiratur ad constituendum sacramentum, prout est attritio, aut contritio supernaturalis, per se, &

502

Tertia
quorum-
dam ex-
plicatio
refellitur;

tyrio autem, licet detur gratia vel simpliciter sine opere operantis, ut paruulis; vel maior quam ex opere operantis, ut adultis, qui multo plus accipiunt gratiæ, quam mereatur solus actus virtutis sine martyrio consummato: ipsa tamen passio non illam efficit, quia non est ad hoc à Christo instituta, ut causa instrumentalis, nec ibi operatur homo ut minister Dei, & ideo non dicitur illud opus operari per virtutem latentem Spiritus sancti sibi moraliter inditam, & coniunctam ut causæ instrumentali: quemadmodum Baptismus, & alia sacramenta: sed solum dicitur Spiritus sanctus ibi operari ex speciali privilegio, sine causa instrumentali coëfficiente. Ita fere Suar. disput. 29. sect. 3. §. 5. *Ad secundum argumentum.* Qua de re plura inferius cum de Baptismo sanguinis disputabitur.

47. Interea vero instari potest, quia sacramenta concurrere, & coëfficere sacramentaliter, non est aliud, quam Deum mouere ad gratiam propter Christi merita infundendam. Atqui martyrium hoc facit. Ergo, &c. Respondeo, Coëfficere instrumentaliter non esse Deum mouere quocumque modo. Certum enim est non quidquid Deum mouet, & valet ex Dei institutione ad gratiam obriendam, valere ut causam instrumentalem ad illam efficiendam. Nam contritio supernaturalis valet quidem ut dispositio sufficiens ex Trident. sess. 14. cap. 4. Nec tamen est causa efficiens, & instrumentum morale, quo Deus utatur ad gratiam efficiendam; sed tantum pertinet ad genus causæ materialis, & dispositiua, ut Trident. ibid. ait. Efficiens autem & materialis, ac formalis causa debent distinguí in moralibus a quæ, ac in physicis: dicuntur enim per analogiam ad causas phyficas, ob aliquam earum imitationem, & similitudinem. Vnde causæ morales, quæ in modo causandi imitantur dispositiones phyficas, aut causam materiale; debent dici causæ dispositiua, & per modum materiz: quæ autem propius accedunt ad modum causæ physicæ agentis, & efficientis; debent dici causare effectiue: quæ denique imitantur causas formales phyficas, debent censerí habere formalem causalitatem moralem. At verò sacramenta sunt causæ instrumentales iustificationis, & gratiæ: ut de Baptismo affirmat Trident. sess. 6. cap. 7.

Et quamuis non sit facile intelligere in quo consistat ratio mouendi moraliter effectiue, id est, in genere causæ efficientis, & quomodo differat à motione dispositiua, vel meri privilegii, aut similibus: dici tamen potest motionem hanc effectiuam, & instrumentalem sacramentorum in eo consistere, quòd sacramenta sint artefacta quædam moralia à Christo per eius ministros applicata subiectis, ex intentione gratiam in illis efficiendi, virtute causæ principalis, quæ meritorie quidem Christus, physicè verò Deus est, adiungens se illis sacramentis, & vnā causam totalem efficientem cum illis constituens,

cui partim physicè, partim moraliter respondet effectus: Deo quidem physicè, moraliter verò sacramentis, tanquam moralibus instrumentis à Deo assumptis, & eleuatis ad gratiam produendam: sicut artifex assumit, & tractat ferram, malleum, & similia instrumenta, ad efficienda opera artificialia. Ac sicut instrumenta phyfica agunt per contactum physicum motu causæ principalis applicatum: ita sacramenta non agunt nisi à Deo per ministros applicentur subiectis recipientibus, egentque aliquo eorum contactu, ut operentur, vel sufficienti propinquitate, & morali coniunctione, ut patet inductione in omnibus sacramentis. Differentia quidem in eo est, quòd illa physicè concurrunt, suntque instrumenta phyfica; sacramenta verò moraliter tantum: vnde sunt tantum instrumenta moralia, quibus moraliter, id est, æstimatiue, tribuitur effectus. Sed nihilominus ratio concurrendi per modum instrumenti moralis post intelligi, ac declarari per analogiam ad modum, & rationem instrumenti phyfici. Opus verò externum Martyrii se habet tantum per modum obiecti mouentis Dei misericordiam, ut det gratiam, & vitam æternam ei, qui pro se perdit temporalem: ad eum modum, quo miseria pauperis mouet ad dandam eleemosynam: vel miseria naufragorum posset regem mouere, ut cuicumque patienti naufragium in portu Aquitanico v. g. darentur centum aurei ex publico arario.

48. Aliter respondet vnus ex recentioribus disput. 1. de Sacramentis num. 24. Martyrium, licet conferat gratiam ex opere operato, eamque significet, non tamen esse sacramentum, ac ne quidem sacramenti communissimè sumpti definitionem ei conuenire: quia non est cerimonia sacra instituta ad significandum per illam. Nam si esset talis, deberet poni à ministro ex huiusmodi intentione. Sic enim omnia sacramenta, ut valida sint, debent fieri à ministro cum intentione explicita, vel implicita faciendi sacramentum, & significandi id, ad quod institutum est tale sacramentum. Nam huiusmodi signa non significant nisi ex intentione operantis. Non est autem necesse, ut minister Martyrii, siue sit carnifex, aut persecutor fidei, siue ipse martyr voluntariè moriens, habeat talem intentionem, ac ne quidem, ut mori velit, ut patet in infantibus, & in eo, qui occiditur pro fide nolens eam negare, sed tamen mortem fugiendo quantum alioqui potest.

Verum licet sit necessaria intentio ministri in septem sacramentis propriis nouæ legis, iuxta Florent. in Decreto Eugenii §. *Hæc omnia sacramenta*: Tamen de quolibet alio, & de sacramentis omnibus veteris legis, sine sufficienti fundamento id assereretur. Et sacramentum per se loquendo significare potest ex institutione diuina, quamuis minister non intendat explicitè, vel implicitè significare per illud. Addo martyrem, qui fugit, ne fidem neget, & occiditur fugiendo, velle

Non quicquid mouet Deum ad dandam gratiam, coëfficit illam instrumentaliter.

Causa dispositiua, & efficiens distinguuntur etiam in moralibus.

Martyrium non est causa instrumentalis gratiæ.

Refutatur alius respondendi modus.

explicitè, aut implicitè mori si necesse sit ad fidem non negandam, & occidi potius, quam eam negare: quamvis cupiat & conetur, si possit, vitam cum fide conseruare. Denique illa intentio ministri à nullo ponitur in definitione sacramenti, siue communissime sumpti, siue specialius, ut est genus proximum ad sacramenta nouæ legis. Ideoque responso data non ostendit quomodo sacramenti definitio communissima non conueniat martyrio, qua de re tamen disputat auctor ille loco citato.

49.
Vasquez.

Aliter etiam respondet Vasq. disp. 1 § 3. cap. 4. num. 41. Martyrium non esse sacramentum, quia si esset signum rei sacræ, ac proinde sacramentum, deberet esse non tantum quatenus est passio martyris, sed quatenus est actio Tyranni. Omne enim sacramentum debet esse signum rei sacræ, quatenus ab aliquo alicui adhibetur, ut patet in omni sacramento tam nouæ, quam veteris legis, nempe quatenus actio alicuius est. At non est credibile Deum instituere voluisse peccatum Tyranni ad gratiam significandam. Martyr autem, si infans est, nihil confert: si autem adultus est, requiritur tantum ex parte eius, ut se disponat conuenienter ad martyrium, & ad gratiam, quam recipit. Adde quod sacramentum debet esse remedium à Deo institutum, quo homo via ordinaria uti possit cum volet, ad suam utilitatem: huiusmodi autem non est martyrium. Hac Vasquez.

Reiicitur
altera res-
ponso.

Verum hæc responsio, & similes in eo non satisfaciunt, quod non ostendunt definitionem allatam sacramenti in communi, non conuenire martyrio. Nullam enim assignant eius particulam, quæ excludatur martyrium à ratione sacramenti; sed assignant aliquas conditiones sacramenti, in definitione non comprehensas, quæ idcirco manca est, si conditiones illæ sunt essentielles, & non continentur in definitione. Nam definitio sacramenti non habet quod sacramentum debeat esse signum rei sacræ, in quantum est actio, & non solum, quatenus est passio: nec quod debeat esse remedium à Deo institutum, quo homo via ordinaria uti possit, cum velit. Huiusmodi enim ne ipsi quidem ponunt in ea, quam assignant, definitione generali sacramenti: ut patet ex eorum definitionibus supra relatis sect. 1. num. 6. & 8.

Aliter denique Respondent eruditi quidam recentiores, triplicem esse causam cur martyrium non sit sacramentum. Primam, quia de ratione sacramenti est, ut sit signum, non qualecunque, & ex mero instituto, sed habens aliquam similitudinem cum gratia significata: iuxta vulgatam definitionem sumptam ex Hug. Victor. Sacramentum est inuisibilis gratiæ signum visibile, simul eius similitudinem gerens, & causa existens: & D. August. epist. 23. ad Bonif. *Si sacramenta similitudinem quandam earum rerum, quarum sunt sacramenta, non haberent, omnino sacra-*

menta non essent. Martyrium autem non habet talem similitudinem cum gratia. Secundam, quia sacramentum ita producit gratiam ex institutione, ut institutio illa pure se teneat tota ex parte Dei; atque id quod est, & dicitur sacramentum, nullam habeat ex parte hominum proportionem, quæ quodammodo efficiantur digni Dei gratia, & salute. Qua de causa dicitur esse causæ instrumentales gratiæ. Instrumentum enim habet motum ex parte causæ principalis, cuius virtus per illud operatur. Sic v.g. ablutio per aquam, nullam habet proportionem cum sanctificatione animæ per gratiam, sed eius causa se tenet omnino ex parte meræ voluntatis Dei gratiæ. At martyrium habet proportionem cum salute animæ. Congruum enim est, ut qui mortem pro Christo subit, vitam ab illo æternam consequatur. Terriam, quia martyrio deest aliquod genus institutionis, quæ continetur in nomine, & definitione sacramenti. Nam sacramentum nouæ legis, debet esse quædam sollemnis cerimonia, quam Deus ad sanctificationem suæ Ecclesiæ per se proponit, & ideo vult per se in Ecclesia esse perpetuam. At verò Deus non inuitat ad martyrium per se, sed solum ex occasione, quod id exigat malitia persecutoris: neque vult martyrium in Ecclesia sua esse perpetuum: unde multis sæculis potest esse Ecclesia sine martyrio, nunquam autem sine sacramentis: vult etiam Deus semper esse in Ecclesia, qui conferant sacramenta; at non qui inferant martyrium.

Sed hæc Responsio mihi quoque non satisfacit. Nam contra primam rationem obijci potest, dato quod talis similitudo sacramentis nouæ legis necessaria sit. (quamquam alium esse sensum D. Augustini ostendimus num. 17.) martyrio non deesse aliquam similitudinem cum morte Christi in resurrectionem vitæ, & consequenter cum morte vitiorum, cuius mors Christi similitudo est. Ac sicut Baptismus sanctificandi vim habet ex institutione, quia Christi mortem aliquo modo repræsentat: ita martyrium, idque sed magis, quia nos Christo morienti similes facit recipi, Baptismus autem solum in figura, ut ait Clem. Rom. lib. 5. Constit. cap. 7.

Contra secundam dico, non esse verum vniuersaliter, quod in sacramentis nouæ legis non requiratur aliqua proportio ad gratiam, quam significant. Nam in sacramento Pœnitentiæ requiritur attritio, vel contritio supernaturalis, tanquam vna de partibus sacramenti, quæ habet aliquam proportionem cum gratia reconciliationis. Neque dici potest illud esse sacramento per accidens, & attritionem, aut contritionem non considerari, ut est bonum opus, & supernaturale, quatenus in sacramento est causæ partialis gratiæ ut opus operatum, & non ut opus operantis. Nam cum determinatè requiratur ad constituendum sacramentum, prout est attritio, aut contritio supernaturalis, per se, &

N n 4

507
Tercia
quorundam
explicatio
refellitur;

ex natura ipsius sacramenti, iuxtaque ipsius institutionem: falsum est non requiri prout est opus bonum, & supernaturale, adeoque habens aliquam proportionem cum gratia reconciliationis.

Contra tertiam dico, Deum non minus velle vt martyrismum patiantur fideles, supposito quod id exigit malitia Tyranni: quam velit vt accedamus ad sacramentum Pœnitentiæ, supposito peccato mortali post Baptismum commissio: neutrum autem Deus per se vult, & antecedenter: quia non potest antecedenter, & per se velle aliquid necessarium inuoluens, aut præsupponens peccatum. Non minus etiam vult Deus, vt martyres in tali occasione semper mori velint, posita scilicet necessitate moriendi pro Christo, aut fidem negandi: quam vt non desint sacerdotes, qui velint absolvere à peccatis post Baptismum commissis: vel vt ipsi pœnites velint de peccatis dolere, & confiteri, perque sacerdotalem absolutionem Deo reconciliari. Posito autem quod martyrismum esset sacramentum: illius ministri essent ipsi martyres voluntarie mortem acceptantes, & offerentes Deo: non autem Tyranni, vel carnifices mortem illis iniuste inferentes. Sicut Christus, & non tortores. fuit sacerdos seipsum immolans, & offerens Deo sacrificium cruentum corporis & sanguinis sui.

SECTIO V.

Quid sit vis significandi, & efficiendi sacramentorum

§ 1.
Quid sit vis
illa si signifi-
candi & ef-
ficiendi?

Respondeo, vim significandi sacramentorum esse ipsammet eorum entitatem, prout ratione institutionis apta est mouere intellectum ad cognitionem eius, quod significant: vim autem efficiendi esse eandem entitatem, prout ratione institutionis, & patris diuini, apta est nobis applicare merita Christi, & Deum mouere, vt operetur effectum sacramentalem. Probatur, quia hoc solo posito, & quocunque alio re, vel ratione remoto, intelliguntur sacramenta habere vim significandi, & efficiendi gratiam sacramentalem eo modo, quo illam significant, & efficiunt, vt patebit refutatione contrariarum opinionum.

Non est
proprie re-
latio ratio-
nis.

Primò enim, Sunt qui putant vim significandi ex instituto, siue in sacramento, siue in rebus aliis esse relationem rationis. Vnde inferunt sacramentum formaliter esse ens rationis: quia significatio ad placitum nihil est aliud, quam relatio rationis. Sed hæc opinio, si loquatur de relatione rationis proprie dicta, est planè improbabilis, & absurda: quia nemine quicquam fingente sacramenta, & huiusmodi alia signa habent vim significandi hoc ipso, quod ad hæc instituta sunt. Institutio autem non est figmentum rationis, sed actus intellectus, & voluntatis instituen-

tis sufficienter promulgatus. Adde secundò, quod sacramenta sunt opera diuina, & habent, quidquid sacramentaliter habent, ab institutione Christi. At Christus non finxit entia rationis, nec illa instituit in signa, & causas instrumentales gratiæ. Tertiò, Vis efficiendi sacramentorum fundatur in sacramentali eorum significatione, vt ostendetur sect. 6. Atqui vis efficiendi gratiam non potuit à Deo fundari in ente rationis, ita vt Deus ad fingendum, & errandum nos obligauerit, vt ab eo iustificemur vi illius figmenti, & erroris. Quid enim absurdius? Dixi vim significandi non esse relationem rationis proprie dictam, & sumptam pro figmento intellectus: alioquin enim, si per relationem rationis intelligatur aliquid reale, quod à nobis relatiue, seu comparatiue concipitur, & explicatur, quodque melius dicitur relatio secundum dici, verum est signum sacramentale tale esse, vt ostendemus sect. sequenti.

Secundò, Nonnulli opinantur vim significandi ex instituto in sacramentis, vel aliis signis, esse formam moralem intrinsecam rei, quæ in signum assumpta est, & in ea resultantem vi institutionis. Sed contra: Primò, Talis forma superflua est: posita enim, & cognita institutione, vox, aut alia res significat eo ipso, quod ad significandum instituta fuit, semota realiter, aut per mentem quacunque formam intrinsecam, quæ ex institutione dicitur resultare: ergo non habet quod significet à forma illa intrinseca, alioquin eam remotam non significaret: sicut quia paries est albus formaliter per albedinem, non est albus eam remotam. Quotiescunque enim aliquid est tale sine aliqua forma, non constituitur tale formaliter ab illa. Atqui res instituta ad significandum, est signum, & potens ad significandum sine illa forma morali intrinseca: hoc enim ipso, quod est instituta ad significandum, potest deducere in cognitionem rei significatæ eum, cui institutio nota est. Ergo, &c. Secundò, Signum ex instituto debet cognosci, vt inducat in cognitionem rei significatæ: definitur enim, id, quod cognitum, ducit in cognitionem alterius, ad quod significandum est institutum. Ergo si constitueretur in ratione signi per formam illam moralem intrinsecam, deberet ipsa cognosci: hoc autem falsum est. Cum enim voces ex instituto significantes audimus, non cognoscimus illis inesse formam illam moralem, neque illam cognosci necessarium est: sed cognita re, quæ est signum, & institutione extrinseca, sufficienter deducimur in cognitionem rei significatæ. Tertiò, dicere id quod est tale moraliter dumtaxat, esse tale per nouam formam intrinsecam, est ignorare naturam mutationis, seu potius denominationis moralis: quippe quæ nihil ponit noui in re denominata: sed in eo tantum consistit, quod res sit alterius æstimationis quoad humanum vsum, vel actiones morales, quam antea esset. Vnde verbi gratia pecunia in se intrinsecè immutata mutat valo-

§ 2.
Non est
forma mo-
ralis intrin-
seca.

rem sola principis voluntate, ita statuente. Idque satis intelligunt homines: licet de noua forma intrinseca non cogitent. Et fundatur quidem denominatio moralis in aliquo physico intrinseco, vel extrinseco; sed nihil noui intrinsecum addit. Ex. gr. quod aliquis dicatur peccator moraliter, seu habitualiter, fundatur in eo, quod peccauit actu. Quod aliquis sit, & dicatur summus Pontifex, fundatur in eo, quod fuit electus legitime à Cardinalibus. Quod nummus tantum valeat, fundatur in actu, quo principis voluntas ita statuit. Sed hæc nihil noui intrinsecum addunt: ac sine villo tali additamento verificantur optimè morales illæ denominationes, esse peccatorem, esse Pontificem, &c.

53.
Sacram. en-
ta & alia si-
gna ex in-
stitutione non
significant
sola sua na-
tura

Tertiò, Sunt qui putent sacramenta, & alia signa ex instituto, sola sua natura, & entitate significare, ita vt institutio sit tantum conditio sine qua non, aut potius causa huiusmodi signorum in fieri, quatenus illis dedit moraliter, vt significarent: de cetero tamen non esse opus recordari institutionis, quando signum actu significat id, ad quod semel institutum est. Probant, quia illud est formaliter signum per se ex instituto, quod secundum se cognitum ducit in cognitionem alterius. Sed verbi gratia vox sola secundum se cognita ducit in cognitionem alterius: ergo per se formaliter est signum ex instituto. Maior patet ex definitione signi ex instituto. Minor probatur: quia si opus esset alio cognito, esset nimirum opus, vt institutio cognosceretur. Sed hoc est falsum: nam animalia bruta, audita voce, ducuntur ad alterius recognitionem, cum tamen non cognoscant institutionem. Præterea quoties auditur vox, & percipitur eius significatio: toties mens recordaretur institutionis. Sed ad illam recordationem duceretur à voce. Ergo vox per se duceret ad cognitionem illius, atque ita formaliter esset signum, quod cognitum duceret in cognitionem alterius: vel si ad hoc esset opus alia institutione, daretur processus in infinitum. Itaque quàm facile quis dicet audita voce sola, animum cogitare de institutione, tam facile dicere potest cogitare de eius significato. Hæc illi. Qui non satis subtiliter distinguunt signum ex instituto vt tale, significans scilicet vi, & ratione institutionis, ab eo, quod tantum ducit in notitiam alterius ratione simplicis connexionis specierum. Etenim signum ex instituto formaliter est illud, quod secundum se cognitum ducit in cognitionem alterius vi institutionis, & impositionis, tanquam causæ moralis: non autem vi solius connexionis specierum vtriusque, & causalitate naturali consistente in connexionem vtriusque, qui est alius cognoscendi modus: propter quam connexionem animalia bruta, audita voce sola cogitant de eius significato, eodem modo, quo cogitant de cibo visâ mensâ, & mappa. Sed hoc non est vt signo ex instituto vt tali: eodemque modo nos, audita voce sola,

recordamur institutionis propter connexionem specierum vtriusque: possumusque etiam recordari rei ipsius, cuius pariter species est connexa cum specie vocis ipsius. At hoc non est vt signo, vt signo ex instituto, sed vt solum connexionem specierum, quæ, si esset sine vlla institutione (vt est in plurimis) haberet eandem vim, & effectum. Vti verò aliquo tanquam signo ex instituto, est illud tanquam voluntariè impositum ad aliud representandum, velut eius imaginem voluntariam, & quasi vicarium, cognoscere vi impositionis, & mutationis illius moralis. Quod sine noticia actuali impositionis fieri nequit: nisi enim cognoscatur impositio, non est medium cognitum: sed perinde se habet, ac si non esset, respectu eius, à quo ignoratur. Quare non potest illum determinare tanquam medium, & ratio cognoscendi; & ducere ad notitiam alterius, ad quod significandum res per se indifferens est.

Ex his in forma ad argumentum Respondendo negando minorem in sensu iam explicato: quod scilicet vox sola, secundum se cognita, ducat in cognitionem rei significatæ vi institutionis, tanquam causæ moralis, & non tantum vi solius connexionis specierum vtriusque, naturali causalitate. Ad probationem minoris, dico animalia bruta non vt signo ex institutione: sed propter solam connexionem specierum cognoscere rem significatam. Quo etiam modo cognoscimus institutionem audita voce sola, sed tunc ratione posterius, à quo, deuenimus vi institutionis in cognitionem rei significatæ, si vtimur signo ex instituto, vt tali, quemadmodum frequenter vtimur. Et quidem experientia docet nos facilius meminisse nostræ institutionis confusæ, quàm rei, propter quam signum aliquod instituimus. Vnde solemus vt notis quibusdam sensibilibus, & visui frequenter occurrentibus, vt meminerimus alicuius negotii, pro quo nobis in memoriam reuocando tales notas apponimus.

Quartò, existimant aliqui vim efficiendi sacramentorum esse motionem, aut qualiter aliquam transeuntem diuinitus ipsis impressam, quæ physicè producant gratiam. Alii verò dicunt esse ipsammet sacramentorum entitatem obediencialiter eleuatam ad concurrendum physicè cum Deo vtente sacramentis, velut physicis instrumentis. Verum suppono ex disp. 17. probabilius esse sacramenta moraliter tantum operari; quia vis illa physica obediencialis non apparet possibilis vniuersim. Qualitas verò superaddita, & quævis alia causalitas physica sacramentorum non est necessaria ad ea intelligenda, quæ de ipsorum efficacia dicuntur. Scriptura, Conciliis, & Patribus. Non sunt autem multiplicandæ difficultates mysteriorum fidei sine necessitate. Posito autem quod sacramenta moraliter tantum operentur, vis eorum optimè intelligitur in eo consistere, quod ratione institutionis, & pacti diuini, apta sunt Deum mouere infallibiliter

54.
Vis efficiendi sacram. non est motio vel qualitas transiens

ad ponendum effectum sacramentalem per modum causæ principalis ipsis coniunctæ, velut instrumentis, quotiescunque ritè suscipiuntur. Hoc enim primum posito, & quocunque alio sublato, sacramenta sunt completè potentia moraliter, & causæ morales efficaces, quibus moraliter, hoc est, æstimatoriè secundum prudens iudicium, tribuatur effectus.

Quid sit agere moraliter, & ens moraliter

Pro quo nota primò, agere moraliter nihil esse aliud, quam tali modo se habere aliquid, ut ei effectus iure imputari possit, tanquam agenti. Dicitur enim morale formaliter per ordinem ad æstimationem: verbi gratia, actus humani dicuntur morales, quatenus sunt æstimabiles, & imputabiles operanti, à quo liberè procedunt: ita ut propter eos, si boni sunt, possit iure laudari: si mali, vituperari. Quod est summe difficile, dicitur moraliter impossibile; & impotentia moralis dicitur illa, quæ vix potest in actum reduci: quia potentia tam difficulter operativa habetur pro nulla æstimatoriè, id est, iure reputatur, & æstimatur quasi non esset. Qui ad peccandum hortatur, consulit, præcipit, aut aliter inducit, dicitur causa moralis peccati, quod tamen physicè non fecit: quia iure ei imputatur, ut facienti, id, quod per alium facit, vel ad quod iuvit, aut induxit. Sic etiam sacramenta dicuntur efficere gratiam moraliter, quia cum ex vi institutionis excitent Deum ad eam physicè producendam, idem est fere, ac si producerent; & iure sententur aliquo modo concurrere ad physicam eius productionem: quare reputantur illam producere.

§ 5. Institutio & impositio ad quid valeat.

Nota secundò, Non tantum effectus físicos, sed etiam morales posse esse ex natura rei, sine institutione extrinseca ut valeat ad talem effectum. Sicut enim calor ex natura sua vim physicam habet calefaciendi: ita consilium, & exhortatio habet ex natura sua vim moralem persuadendi: & imperium habet vim moralem urgendi subditum; & deprecatio, fleetendi animum: & miseria, excitandi affectum commiserationis.

Nota tertio, ex Suar. disp. 1. de Sacram. Sect. 3. 5. penult. Institutionem, & impositionem, quamvis nihil physicè ponat in re, sed sit tantum causa extrinseca denominationis à reali actu provenientis: moraliter tamen reddere rem aptam & completè potentem ad significandum, & efficiendum morali modo, & ad alia, ad quæ institutio, vel impositio facta est. Nam hæ denominationes extrinsece, quatenus manent in memoria, & in existimatione Dei, vel hominum, multum valent ad huiusmodi actiones morales: ut exemplis facile potest declarari in potestate iurisdictionis, in gradu Doctoratus, & similibus. Hæc enim solum per quandam extrinsecam deputationem, & denominationem fiunt. Hæc Suar. Atque ita sacramenta, licet nullam physicam qualitatem seu permanentem, seu transeuntem, aut motionem, recipiant à Deo, ut aliqui malè imaginantur: neque etiam

physicè concurrant propria entitate, & potestate obedientialiter eleuata ad productionem gratiæ, quod ostendimus suo loco esse minus probabile, & in aliquo casu esse evidenter impossibile: tamen habent vim moralem sufficientem eo ipso, quod vi institutionis movent Deum efficaciter, & infallibiliter ad gratiæ productionem.

Vide infra disp. 22 § 6.

SECTIO VI.

An vis significandi & efficiendi sacramentorum sit aliquid relatiuum.

Respondeo, non esse aliquid relatiuum, licet relatiue concipiatur, & significetur. Tam enim falsum est existimare omnia quæ relatiue significantur, & concipiuntur, esse relatiua in seipsis, quam est à vero alienum negare penitus omnes veras, & reales relationes, tam in Deo, quam in creaturis. Declaratur, & probatur responsum. 1. Sacramenta, cum ex genere suo sint signa, & causæ gratiæ, sunt relatiua saltem secundum dici: id est, secundum nomen, & secundum conceptum illi nomini respondentem. Nam vox illa *signum*, dicitur in ordine ad significatum, & causa dicitur in ordine ad effectum. Vis quoque significandi, & efficiendi dicitur per respectum ad aliud quod significetur, & efficiatur, aut effici possit. Ita ut huiusmodi voces, quoad suum integrum significatum, præter rem, quæ est signum, vel causa, seu vis significandi, vel causandi, quam in recto significant, & denominant, importent in obliquo, & connotent aliquid aliud correlatiue significatum, & enunciabile ad conuertentiam. Signum enim est significati signum: & significatum est signi significatum. Causa est effectus causa: & effectus est causæ effectus: ut Pater est filii pater, & Filius est patris filius. Sacramenta ergo dicuntur signa, & causæ, seu habere vim significandi, & efficiendi in ordine ad gratiam, quam significant, & efficiunt. Et gratia similiter dicitur effectus, & significatum in ordine ad sacramenta, à quibus significatur, & efficitur.

§ 6. Conclusio negativa.

Vis sacramentorum est relatiua secundum dici: non intrinsece.

Non tamen propterea putandum est, id quod directè significatur nominibus illis relatiuis signi, & causæ, seu vim significandi, & efficiendi sacramentalem, esse intrinsece quid relatiuum. Etenim illud totum non est aliud, quam materia, & forma intrinseca, seu entitas sacramentorum, prout ratione institutionis apta est mouere intellectum ad gratiam intelligendam, & Deum ad gratiam physicè producendam. At entitas sacramentorum non habet ex seipsa ordinem intrinsecum ad gratiam: neque illum capit ab institutione, quæ non mutat rerum entitatem, sed tantum est causa & fundamentum æstimationis moralis, & denominationis extrinsece. V. gr. ablutio aquæ naturalis in Baptismo, & vox in hæc verba formata, Ego te

§ 7.

baptizo, &c. non habet ex natura sua ordinem intrinsecum ad gratiam significandam, & efficiendam: sed tantum habet non repugnantiam, ut possit assumi ad eam significandam, & moraliter efficiendam. Cum autem re ipsa assumitur per institutionem, id est, quando instituitur ad significandum, & efficiendum, nihil accipit novi, seu morale, seu physicum, à quo mutetur intrinsecè. Quare institutio non facit ut intrinsecè referatur: sed tantum est fundamentum relationis extrinsecæ, & comparationis, quæ fit per intellectum, atque denominationis relationis respondentis conceptui relativo, & comparativo, quo scilicet entitas sacramenti comparatur cum gratia, quam apta est significare, & efficere.

§ 8.
Relata categorica sunt rationum secundum dici.

Porro ex modo denominandi, & concipiendi relatione non bene inferitur, res denominatas, & conceptas, esse intrinsecè relativas. Multa enim sunt relativa tantum secundum dici, ut facientur omnes philosophi. Et est manifestum res absolutas posse per intellectum ad invicem comparari, & relative significari. Cuiusmodi esse puto relativa, quæ dicuntur categorica, distincta à transcendentibus, & alia id genus relative significata, cum manifestè absoluta sint. Nam relationes categoricæ primi generis, quæ dicuntur fundari in identitate, & diversitate, siue in unitate, & multitudine, nihil aliud sunt à partem rei, nisi res quædam absolutæ, comparatæ inter se per intellectum, & propter illam comparationem relative significatæ, quando dicuntur esse similes, aut dissimiles, æquales, vel inæquales, eiusdem essentia, vel diversæ, distantes, vel indistantes, &c. Quamvis totum fundamentum huius comparationis, & denominationis relationis absolutum sit, nihilque sit aliud, quam substantia, vel forma aliqua accidentaliter utriusque extremi, nullum habens respectum intrinsecum ad aliam. Nam v. gr. ut duo homines sint, & dicantur esse idem inter se, id est, similis naturæ, & eiusdem essentia, sufficit utrumque esse hominem, siue constitui naturam humanam, & ambos existere in rerum natura. Estque impossibile, ut ambo sint homines, & non sint idem, id est, similes in essentia, quantumvis re, vel ratione semoveatur omnis respectus intrinsecus. Quare nomine illo *Idem*, non significatur talis respectus intrinsecus, qui est impertinens ut illi sint eiusdem naturæ, id est, ut quilibet eorum sit homo, & ambo existant à parte rei. Similiterque duo alba, sunt inter se similia eo ipso quod utrumque est album, semoto quovis respectu intrinsecò: Et duo quanta unius palmi sunt inter se æqualia, hoc ipso quod utrumque palmarem habet quantitatem. Similiter homo per se ipsum eo solo præcise, quod est homo, est diversus à leone, & à quovis alio constante alia natura, quam humana. Et albedo est dissimilis nigredini eo solo præcise, quod sunt albedo & nigredo: & palmus est inæqualis cubito, eo solo quod ille palmus, iste cubi-

tus est. Eadem res distant, vel indistant ab invicem eo solo, quod inter illas immotas potest, vel non potest aliquid aliud interiri. Et duo homines, duæ quantitates, duæ qualitates, coexistunt, eo solo quod utrumque existit hoc tempore. Existunt autem hoc vel illo tempore formaliter per se ipsa, eo solo quod unumquodque illorum est in rerum natura, absque eo quod se mutuo respiciant, & semoto re, vel ratione, tali respectu. Quare relationes categoricæ quæ dicuntur fundari in unitate, & multitudine, vel identitate, & diversitate, ut omnes supradictæ, sunt superflue, & sine fundamento sufficienti excogitatæ. Idemque dico de relationibus categoricis secundi generis, quæ dicuntur fundari in actione, & passione. Nam ut ille qui alium genuit, pater denominetur, falsò concipitur relatio resultare ex generatione, & coexistentia filii. Quia sine tali resultantia potest verè dici pater, eo ipso quod filium genuit: ita ut nomen patris denotet personam, quæ genuit, & connotet generationem, & filium vi illius existentem, significetque hunc qui dicitur filius, genitum esse ab alio, qui dicitur pater. Illeque est conceptus, quem naturali lumine formant omnes non preoccupati contraria opinione. Denique relationes tertii generis, quæ dicuntur fundari in mensura, inter scientiam, & scibile, &c. sunt æque superflue, ac præcedentes, si per illas intelligatur aliud, quam relatio transcendentalis scientia ad obiectum: quæ relatio est ipsamet natura scientia seu cognitionis tendentis per seipsam intrinsecè ad obiectum, eo ipso, quod est vitalis eius expressio, & intentio, seu tendentia intellectus, vel habitus ad illam inclinans. Quare superflua est alia relatio categorica resultans ex scientia, & obiecto. Mitto alia plura argumenta philosophica, quæ apud alios videri possunt, præsertim apud Aureol. in 1. Aureol. dist. 30. art. 2.

At non propterea negandæ sunt relationes transcendentales rerum, quæ per seipsas ad aliquid aliud tendunt, & ad illud ordinantur ex natura sua, sine quo etiam non possunt perfectè concipi: ut materia ad formam, & forma ad materiam: accidentia ad substantiam, potentia ad actus & effectus: actus ad obiecta: actiones, siue agentia ut sic, ad effectum: unio ad extrema: species intentionales ad obiecta, quorum sunt semina naturaliter: creatura ad Deum, à quo pendent essentialiter, cum ex natura sua sint entia ab alio, multò magis quam accidentia ex natura sua pendeant à subiecto, & sint entia in alio. Etenim materia est essentialiter propter formam, & propter compositum, illudque naturaliter appetit, nec sine forma est in statu naturali: forma est propter materiam: accidentia simili modo se habent ad substantiam. Vis efficiendi est id quod est naturaliter in ordine ad effectum possibilem, neque potest intelligi sine illo ut vis efficiendi. Et actus vitales intelligendi verbi gratia, &

§ 9.
Dantur verè relationes transcendentales.

volendi sunt essentialiter tendentia vitales ad obiectum: & manifestum est experientia, quod nunquam actus nostri intelligendi, & volendi, cognoscantur à nobis, (vt certe cognoscuntur experientia ipsa) nisi comparatiue, & in ordine ad obiectum: estque omnino inintelligibile, quomodo possint aliter concipi. Confirmatur, quia omnis cognitio est attentio ad suum obiectum: Ergo est tendentia, & respectus seu relatio ad illud. Nam qui attendit ad aliquid, tendit ad illud: tendentia autem ad aliud est relatio, & respectus ad illud. Item intentio finis est tendentia ad finem, & qui intendit finem, sine dubio tendit in finem: sunt enim hæc synonyma.

60. Denique hæc omnia esse absoluta plane gratis, & sine probabilitate affirmatur. Neque sine errore negari potest dari veras, & reales relationes inter personas diuinas producentes, & productas. Hoc enim D. Thom. affirmat esse alienum à fide orthodoxa q. 8. de potentia a. 1. in corp. nec immerito, quia in Concilio VVormat. in ipsa professione fidei, initio sic habetur: *Quod Pater est, non ad se, sed ad filium est: & quod Filius est, non ad se, sed ad Patrem est.* Vbi notandum est Concilium non dicere, quod Pater dicitur non ad se, sed ad Filium esse dicitur: quasi loquatur tantum de nominibus relatiuis, vt perperam interpretantur aduersarii: sed dicere, *Quod Pater est, à parte rei scilicet, non ad se, sed ad Filium est.* Et Concilium Tolet. 1. 1. in confessione fidei initio, affirmat personas diuinas hoc solo numero multiplicari, quod ad inuicem sunt: & in hoc numero carere quod in se sunt. Idem quoque in Concilio Flor. sess. 18. 5. *Dixi equidem* docet Ioannes Theologus, additque hunc esse sensum omnium Græcorum, & Latinorum, quorum etiam commune istud axioma est, sumptum ex Conciliis Tolet. & VVormat. supra citatis, *In diuinis omnia sunt vnum, & ibi non obuiat relationis oppositio.* Idem denique affirmant Athanas. August. alique Patres, quorum aliqua testimonia retulimus, & expendimus 1. p. disp. 25. sect. 1. & plura videri possunt apud Didac. Ruis. disp. 9. de Trinit. sect. 2. & 3. Propter quæ omnia, contraria sententia damnatur merito erroris in fide à grauissimis theologis, vt à D. Thom. loco supra citato, Molin. 1. p. quest. 28. a. 1. initio commentarii, Cumel, & Bañez, ibid Suar. lib. 5. de Trinit. cap. 1. Granad. 1. p. tract. 1. de Trinit. disp. 1. n. 2. Ruis disp. 9. de Trinit. sect. 1. num. 5. & aliis, quos iste citat. Sed de his plura suo loco. Alienum enim esset à præfati instituto fusiùs hæc tractare. Monéo tantum, ex diuinis relationibus inter producents, & productum, optimum sumi argumentum pro realibus relationibus inter causas, & effectus in creatis. Cui enim producere, & effectus in creatis. Cui enim produci, & effectus in creatis? Quare qui tollunt omnes relationes creatas, impetunt diuinas. Et quidem argumenta, quibus impugnant

relationes creatas transcendentales, æque impugnant diuinas, vt patet ex dictis 1. p. disp. 25. sect. 1. num. 9. & sequentibus, vbi præcipuis illorum argumentis respondimus. & 1. 2. disp. 4. sect. 2. num. 10. & sequentibus.

Auerte præterea, id quod paulò ante diximus, causam & vim efficiendi esse id quod est in ordine ad effectum possibilem, adeoque esse relatiuum intrinsecè, non repugnare responso initio sectionis dato, quo diximus sacramentum, tamen est causa gratiæ, & vis illam efficiendi, non habere tamen ordinem transcendentalem ad gratiam, neque esse intrinsecè relatiuum. Nam illud priùs à nobis dictum fuit de causis physicis, quæ ex natura sua causant, & habent vim efficiendi, adeoque ex natura sua, & ab intrinsecò tendunt ad effectum. At sacramentum non est causa gratiæ ex natura sua, sed tantum ex instituto, & pacto diuino non mutante rei naturam, sed tantum faciente, vt sacramentum æstimetur moraliter agere, quatenus Deus vi pacti sui mouetur ad præsentiam sacramenti, vt gratiam producat, & infundat recipienti debitè sacramentum.

SECTIO VII.

An, & quis ordo sit inter vim significandi & efficiendi Sacramentorum?

61. CIta dubium est vim efficiendi esse priorem ordine dignitatis, id est, nobilitatem vi significandi, plus enim est efficere gratiam, quàm significare. Itemque ordine intentionis eandem vim efficiendi priorem esse, tanquam magis principaliter intentam ab auctore sacramentorum. Deus enim censendus est se accommodare rerum naturæ, & principalius intendere, id quod in obiecto principalius est, quando contrarium non apparet. Sed questio est de ordine naturæ & executionis: vtra re, vel ratione, aliam veluti fundamentum præcesserit?

Opinantur aliqui nullum esse talem ordinem inter vim significandi, & efficiendi sacramentorum, sed illa esse æque primo significatiua, & operatiua. Quia licet aliud sit significare, & aliud operari: in sacramentis tamen vnum & idem, quod est significatiuum, est etiam simul effectiuum; & vnus idemque effectus, qui producit, simul & semel designatur. Ita vt neutra ratio, significandi scilicet, & efficiendi, possit ab altera separari, stante natura sacramenti: neque significatio prior sit veritate, sed se habeant simul & semel, & concomitanter essentialiter: quia nempe Deus simul tempore, & sine dependentia, vtramque vim sacramentis dedit, ea simul, & independentem instituens ad significandum, & efficiendum. Vnde inter vim significandi, & efficiendi neque est ordo temporis, neque naturæ, vel rationis.

Alii

61. Vis efficiendi est prior ordine dignitatis, & intentionis.

Varie sententia de ordine naturæ.

62.

Alii secundò putant vim efficiendi fundari non modò in vi significandi, sed & in veritate significationis. Ideo enim sacramenta operantur suum effectum, quia verè illum significant, & quia sunt signa practica instituta à prima veritate, ac consequenter necessariò vera, & infallibiliter operantur. Adde, quòd licet in propositionibus sacramentalibus, & similibus practicis propositionibus tria sint distinguenda: nimirum quòd significant, quòd sint verè, & quòd sint practica, & effectius eius, quod significant: potueritque efficiendi vis fundari solum in significatione, quæ veritate prior est, quia non pendet ab existentia obiecti, à quo veritas pendet: cum tamen ut verè, perfectiores sint, quàm ut tantum significantur; probabilius est Deum fundasse vim efficiendi, non simpliciter in significatione, sed in ea simul cum veritate, vel in significatione, ut vera.

Alii tertio, censent vim efficiendi fundari in significatione, & veritatem in utraque; ita ut significatio sit naturà, vel ratione, prior efficacià: & efficacia sit prior veritate. Quæ postrema opinio est Suar. disp. 58. sect. 6. Valq. disput. 202. & aliorum plurium, ubi disputant de forma sacramenti Eucharistiæ: magisque accedit ad veritatem, quàm aliæ duæ præcedentes. Ex opposito tamen existimari posset vim significandi fundari in vi efficiendi. Omnis enim causa, quæ causa est, est signum sui effectus; & si bene cognoscatur, in cognitionem illius inducit. Sicut vice versa effectus quia effectus est, est signum suæ causæ, potestque in notitiam illius inducere.

63.

Triplex significatio spectari potest in sacramentis nouæ legis.

Existimo distinguendum esse. Triplex enim est significatio sacramentorum. Prima est inchoata, & imperfecta quæ conuenit eorum materiæ, & formæ, ante, & citra diuinam institutionem. Materiæ enim sacramentorum habent quandam analogiam, & imperfectam similitudinem cum eorum effectibus supernaturalibus, qui adhuc magis per eorum formas significantur. V. g. ablutio externa corporis per aquam, habet analogiam cum ablutione interna animæ per gratiam: quæ significatio analogica magis determinatur per formam, *Ego te baptizo in nomine Patris*, &c. Quibus verbis secundum sensum ipsum, quem habent ab humana institutione, innuitur fieri sacra quædam ablutio. Secunda significatio, est significatio completa, & perfecta, quam habent sacramenta ab institutione diuina, & quam haberent, licet causæ non essent, & habent reipsa respectu aliquorum, quorum causæ non sunt. Sacramenta enim significant aliqua, quæ non efficiunt. Ut Baptismus mortem, sepulturam, & resurrectionem Christi. Et sacramenta legis antiquæ significabant perfectè gratiam ex institutione Dei, quam tamen non efficiebant. Tertia significatio est illa, quæ connaturaliter conuenit illis ut causis. Eodem enim modo, quo cæteræ causæ, eò quòd sint causæ, significant effectum suum,

possuntque ducere in eius cognitionem: ita sacramenta eo ipso quòd instituta sunt in causas aliquorum effectuum, illos significant, & significant, quamuis alia institutio deesset. Et quamuis sacramenta non sint causæ gratiæ naturaliter, sed ex Dei institutione: posito tamen, quòd sunt causæ per institutionem, non possunt ut tales intelligi quin ducant in notitiam effectus.

Hæc postrema significandi vis est ipsa vis causandi ex instituto, quatenus in cognoscendo suum importat effectum. Sicut tamen veritas propositionis dicitur esse proprietas illius, & posterior affirmatione, vel negatione, eo quòd eius conceptus importat aliquid, quod non importat affirmatio, vel negatio, nempe obiectum esse prout affirmatur aut negatur: ideòque conceptus affirmationis, vel negationis est magis simplex; & independens, quàm conceptus veritatis, qui ultra affirmationem dicit obiecti existentiam, & consistit in conformitate vtriusque: sic quia vis hæc significandi importat in suo conceptu aliquid, quod non importat vis causandi, nempe respectum ad intellectum, quem deducere possit in notitiam effectus, eo quòd causa illius sit: idcirco vis ista significandi est aliquo modo proprietas, & posterior vi causandi considerata ut tali.

Secunda verò significatio ex tribus supra enumeratis fundatur sine dubio in prima, & est illa posterior: ideo enim Christus tales materias, & formas assumpsit, & instituit ad perfectè significandam, & efficiendam gratiam; quia habebant aliquam analogiam, & proportionem imperfectam cum gratia, ut tali vel tali modo significanda, & efficienda: ut in eo seruaret Christus suauiore providentiæ ordinem. Vnde etiam fit ut corrupto planè sensu verborum formæ, sacramentum non existat: quia nimirum Christus vim significandi, & efficiendi sacramentali fundauit in tali sensu verborum.

Inter secundam autem vim significandi, & vim efficiendi, est prioritas subsistendi consequentiæ: quatenus vis significandi in sacramentis latius patet vi efficiendi: multa enim significant, quæ non efficiunt: licet nihil efficiant, quod non significant. Comparando autem vim significandi, & efficiendi, respectu eiusdem, quod sacramentum significat simul, & efficit: incertum est, an sit ordo naturæ, & dependentiæ inter utramque. Potuit enim Christus æquè primò, & independentè instituere sacramenta in signa, & causas gratiæ. Potuit quoque incipere ab eo, quod imperfectius est, & commune sacramentis veteris legis: nempe instituere primò in signa, independentè à causalitate: tum ratione posterius, & dependentè ab ista institutione, prouehere vterius, & instituere in causas, quod nobilius est. Et hoc secundum probabilius videtur: quia solet Deus ab imperfectioribus incipere, & prouehere ad perfectiora, & nobiliora fundare in ignobilioribus.

64.

65. Vis efficiendi sacrament. fundatur in significatione.

Certum est
illam non
fundari in
veritate si-
gnificatio-
nis.

Sive tamen vis efficiendi fundetur in illa significatione, siue non omnino certum, & evidens existit, o non fundari in ipsa veritate propositionum sacramentalium, ita ut verba operentur, quæ vera sunt, & non tantum, quæ significatiua. Ratio est, quia verba sacramentalia, quatenus fundant vim efficiendi, debent esse natura saltem priora effectu. Atqui ut vera, non sunt priora: quia ut vera supponunt esse id quod significant, adeoque supponunt effectum, qui significatur: ex eo enim, quod res est, aut non est, propositio est vera, vel falsa: ergo verba sacramentalia, ut vera sunt, supponunt esse id, quod significant: adeoque non sunt illo priora, sed posteriora; & consequenter non sunt illius causa. Exempli gratia, Verba illa, *Ego te baptizo*, &c. intellecta de lotionne spiritali per gratiam, ut vera sint, supponunt illam lotionem esse prout significatur. Et ista, *Hoc est corpus meum*, quatenus vera sunt, supponunt esse corpus Christi, prout significant. Ergo eatenus non sunt priora natura, sed posteriora: ac proinde, ut sic, non possunt esse illius causa. Dico igitur cum Valq. & Suar. supra citatis verba formarum sacramentalium non operari, ut vera sunt, sed potius ut vera sint: adeo ut veritas formæ sit potius causa finalis, quam effectiua: sola autem significatio practica, utpote prior veritate, sit causa instrumentaria effectiua existentia obiecti significari, & consequenter ipsius veritatis, quæ pendet ab existentia obiecti, nempe ab eo, quod obiectum sit, prout esse affirmatur.

66.

Refutatur
contraria
sententia.

Nec valet, quod respondet Aegid. Conin. quæst. 78. c. 5. num. 44. veritatem propositionis perdere ab existentia rei, non absolute, & necessariò præsentem, sed vel præsentem, vel præteritam, vel futuram, prout in propositione affirmatur esse. Veritas autem propositionis practica de præsentem requirit quidem, ut res, quæ asseritur, existat eodem instanti temporis, quo habet completum suum esse: sed posterius naturam, quam ipsa sit, quia hoc implicite affirmat. Quare sicut relatio, quæ respicit terminum absolute futurum, potest eo prior esse tempore: sic quæ respicit futurum posterius naturam, potest eo prior esse naturam. Talis autem est veritas propositionis practica. Ergo, &c. Non valet, inquam: quia si, ut fatetur Aegid. veritas propositionis practica de præsentem pendet ab existentia rei, ut futura, naturam posterius, quam propositio sit completa: ergo non potest esse causa illius, ut ita futuræ: ergo neque potest esse causa existentia illius. Quia id, quod est causa cur aliquid existat eo tempore, vel instanti, quo existit, est etiam causa cur sit futurum pro eo tempore, vel instanti, quo est futurum: & significare aliorum

futurum, nihil est aliud, quam significare ut existens pro ea temporis differentia, pro qua futurum est. Ergo si veritas propositionis practica, id est, effectiua, non potest esse causa futuritionis rei, quam potius supponit: non potest etiam esse causa existentia eiusdem rei pro ea temporis differentia, quæ extitura est. Itē illud prius natura, vel est intelligibile, & impossibile; vel significat tantum rem existere eodem instanti, quo propositio absoluitur; existere, inquam, dependenter ab eius veritate, ut causa suæ existentia. At non potest existere dependenter ab illa, si potius veritas propositionis existit dependenter ab existentia rei significatæ: alioquin idem esset prius priore se in existentia, & penderet à seipso, quia penderet à pendente à se.

Ex his facile est respondere fundamentis aliarum opinionum, quatenus nobis aduersantur. Vnum tamen superest, quod potest obijci: nempe vim significandi ex instituto effectum sacramentalem esse planè superfluum, cum sacramenta per vim causandilatis illum significant, & eo ipso, quod sunt instituta in causas, sint si sufficienter signa conaturaliter. Respondeo, Sacramenta perfectius significare, cum non significant tantum, ut causæ, sed etiam ut signa peculiariter à Christo instituta ad effectum representandum vi diuinæ impositionis: in eoque continere sacramenta nouæ legis cum sacramentis antiquæ legis, & differre à contritione, & ab aliis actibus sufficienter dispositiuis, aut meritoriis gratiæ, qui significant quidem gratiam, ut causæ: at non peculiariter, ut illius signa ex institutione.

Dices vanum esse instituere peculiariter causam in signum sui effectus: verbi gratia ignem fumi, vel calor. Resp. Verum id esse de rebus, quæ sunt causæ ex natura sua: secus autem de iis, quæ habent tantum ab institutione, ut significant, & causent. Et quidem in sacramento Matrimonii clara est distinctio significationis ex instituto præcedentis causalitatem, & significationis conaturaliter eam sequentis. Nam Matrimonium in lege naturæ, & Mosaica habebat ex instituto diuino vim significandi coniunctionem Ecclesiæ cum Christo per gratiam, quam tamen tunc non efficiebat. Nota denique sacramentum per idem intrinsecè, etiam formaliter esse signum, & causam; idem enim est quod causat, & quod significat gratiam, nempe materia & forma sacramenti, ut talis: & differre tantum in ordine ad extrinsecam institutionem in signum, vel in causam. Quod tamen non impedit, quia potuerit prius institui in signum, quam in causam modo supra explicato.

67.

Sacramen-
ta N. L. non
sunt fru-
stra in-
stituta ad si-
gnifican-
dum.


68.

DISPUTATIO

DECIMA-NONA.

De Materia, & Forma Sacramentorum.

- Seçtio I. *Utrum omnia sacramenta perficiantur rebus, ut materia; & verbis, ut forma?*
- Seçtio II. *An sacramenta omnia nouæ legis, non modò perficiantur, sed etiam consent rebus quibusdam, ut materia; & verbis, ut forma?*
- Seçtio III. *An sacramenta componantur ex significatione ut ex forma?*
- Seçtio IV. *An intentio ministri intret ad componendum intrinsecè sacramentum?*
- Seçtio V. *An res, & verba, quibus fiunt sacramenta, sint determinata?*
- Seçtio VI. *An quæuis mutatio materie, aut forme tollat substantiam, & veritatem sacramentorum?*
- Seçtio VII. *An pendeat à scientia, vel ab intentione ministri, ut mutatio materie, vel forme sit substantialis, vel accidentalis?*
- Seçtio VIII. *An liceat mutare materias, vel formas sacramentorum, & uti aliquando materia, vel forma dubia?*



DE materia & forma Sacramentorum disputat S. Thomas quatuor postremis articulis quæst. 60. In quorum primo docet, in sacramentis nouæ legis, quibus homines sanctificantur, utendum esse rebus ex diuina institutione determinatis. Quia non pertinet ad aliquem determinare illud quod est in potestate alterius. Quia ergo sanctificatio hominis est in potestate Dei sanctificantis, non pertinet ad hominem suo iudicio determinare res, quibus sanctificetur, sed hoc debet esse ex diuina institutione determinatum. In secundo affirmat, necessarium fuisse verba rebus adiungi, tum ut sacramenta essent conformia causæ sanctificanti, quæ est Verbum incarnatum, in eo quod rei sensibili verbum adhibetur, sicut in mysterio Incarnationis, carni sensibili est Verbum Dei vnitum. Tum etiam ut homini, qui est subiectum sanctificationis, magis proportionarentur: quippe qui componitur ex corpore, & anima. Cui proportionatur sacramentalis medicina, quæ per rem visibilem corpus tangit, & per verbum ab anima creditur. Tum denique propter perfectionem significationis. Nam ut rectè ait D. August. lib. 2. de Doçt. Christiana

cap. 3. Verba inter homines obtinuerunt principatum significandi. In tertio, asserit in sacramentis res sensibiles se habere per modum materiae; & verba, per modum formae. Cumque in illis requirantur determinatae res sensibiles, quae se habent sicut materia: multò magis requiri determinatam formam verborum: Nam in omnibus compositis ex materia & forma, principium determinationis est ex parte formae, quae est quodammodo finis & terminus materiae. Et ideo principaliter requiritur ad esse rei determinata forma, quam determinata materia: materia enim determinata requiritur, ut sit proportionata determinatae formae. In quarto, dicit mutationem formae posse irritum Sacramentum reddere dupliciter. Vno modo, ex parte ministri proferentis verba, cuius intentio requiritur ad sacramentum: & ideo si intendat, per mutationem formae, alium ritum inducere, qui non sit ab Ecclesia receptus; non videtur perfici sacramentum: quia non videtur quòd intendat facere id quod facit Ecclesia. Alio modo, ex parte significationis verborum. Si enim mutatio talis est, ut corrumpat debitum sensum & essentialem: sacramentum est irritum. Verba enim operantur in sacramentis quantum ad sensum quem faciunt. Huc usque D. Thomas, cuius doctrina sequentibus sectionibus explicabitur.

SECTION I.

Utum omnia Sacramenta perficiantur rebus ut materia, & verbis ut forma?

1.

Non est de ratione sacramenti generalissime sumpti perfici rebus ut materia, & verbis ut forma.



VAE STIO esse potest vel generaliter de sacramentis quibuscumque, siue legis antiquae, siue novae: vel specialiter de sacramentis tantum à Christo institutis in lege Evangelica. De priori sensu quaestionis, dico primo; Non esse de ratione sacramenti generalissime sumpti, prout omnia cuiuscumque legis sacramenta complectitur, ut perficiatur rebus, & verbis; tanquam materia, & forma. Ita S. Thom. quaest. 60. 2. 6. ad 3. & alii communiter. Probatur, quia neque ex Scriptura, neque aliunde colligi potest sacramenta omnia veteris legis fuisse perfecta verbis quibusdam ad eorum essentiam pertinentibus, ita ut sine illis fieri non possent. Nam de circumcisione, quae in lege naturae instituta fuit Genes. 17. nihil tale habetur. Ultra circumcisionem verò, quae in lege Moisaica perseveravit, fuerunt in eadem lege alia sacramenta, ut cerimonia Agni Paschalis, eius panum Propositionis, ordinatio sacerdotum Aaronicorum, ablutiones quaedam, & sacrificia omnia expiatoria pro peccatis, quae tollebant aliquam immundiciam legalem, ut docet S. Thom. 1. 2. quaest. 102. Sed neque in his omnibus reperiuntur fuisse instituta diuinitus aliqua verba, quae ad ea perficienda pertinerent essentialiter, ita ut sine illis non fierent. De aliquibus tamen id probabiliter asseri potest, ut de ritu

sacrificii expiatorii pro peccato, de quo dicitur Leuit. 4. vers. 26. *Rogabitque pro eo sacerdos, (pro eo scilicet, pro quo expiando offerebatur sacrificium) ac pro peccato eius, & dimittetur ei.* Qui loquendi modus videtur esse similis illi Iacobi 5. vers. 14. & 15. *Infirmatur quis in vobis? Inducat Presbyteros Ecclesiae, & orent super eum, ungentes oleo in nomine Domini: & oratio fidei saluabit infirmum, & alleviabit eum Dominus, & si in peccatis sit, remittentur ei.* Ex quo loco Catholici colligunt verba deprecatoria, à sacerdote prolata, esse de essentia sacramenti Extremae unctionis.

Ratio verò, cur sacramenta antiquae legis non debuerint perfici rebus, ut materia, & verbis ut forma, hæc redditur à D. Thoma quaest. 60. art. 6. *Quia cum essent obscuriora, & figuræ tantum, & umbræ Christi venturi, non debuerunt ita expressè significare, ac sacramenta novae legis à Christo ipso instituta. Significatio autem quæ fit per verba expressior est.* Nam, ut ait S. August. lib. 2. de Doctr. Christ. cap. 3. circa medium, Verba inter homines obtinuerunt principatum significandi, quia verba diversimodè formari possunt ad significandos diversos conceptus mentis: & propter hoc per verba magis distinctè possumus exprimere, quod mente concipimus.

De posteriori sensu quaestionis dico secundò, Fide diuina certum esse sacramenta omnia novae legis perfici rebus quibusdam, ut materia, & verbis, ut forma. Quod tamen intellige de rebus, & verbis vel propriè sumptis, vel secundum aliquam proportionem. Prima pars conclusionis patet ex Florent. in decreto. 5. *Hæc omnia sacramenta tribus perfici-*

2.

Cur sacramenta legis veteris non debuerint perfici verbis.

3.

Sacramenta legis veteris non debuerint perfici rebus, ut materia, & forma.

cūntar, videlicet rebus, tanquam materia, verbis tanquam forma, & persona ministri conferentis sacramentum, cum intentione faciendi quod facit Ecclesia: quo unum si aliquid desit, non perficitur sacramentum. Huculque Concilium. Patet etiam inductione per omnia sacramenta novæ legis. Ratio verò à priori est institutio Christi, quæ partim constat ex Scriptura, partim ex antiqua traditione, ut ostendemus, cum de singulis sacramentis disputabitur. Huius vero institutionis tres rationes congrue redduntur à D. Thom. q. 60. art. 6. in corp. quas in procemio disputationis retulimus. Nimirum 1. ut sacramenta novæ legis sint conformia Verbo incarnato, in quo Verbum rei sensibili adiunctum est. 2. Ut homini constanti corpore, & anima, proportionetur sacramentalis medicina, quæ per rem visibilem corpus tangit, & per verbum ab anima creditur. 3. Quia ad perfectionem significationis sacramentalis necesse fuit, ut significatio rerum sensibilium per aliqua verba determinaretur: verba enim inter homines sunt aptiora ad significandū ex instituto, quàm res.

Nomine autem rerum intellige vel substantias aliquas, ut aquam in Baptismo, Chrisma in Confirmatione, Corpus & Sanguinem Christi in Eucharistia, vel actus aliquos conferentis, aut recipientis sacramentū: ut actus pœnitentis in sacramento pœnitentiæ, consensum coniugum in Matrimonio, ablutionem, & vñctionem in sacramentis Baptismi, & Confirmationis: neque enim sufficit aqua sola, sed eius usus, & ablutio necessaria est: idque significat forma Baptismi, *Ego te baptizo*. Vnde dici solet aqua esse materia remota, ablutio proxima: sicut in Confirmatione Chrisma est materia remota, vñctio proxima. Idemque dico de aliis sacramentis, in quibus aliqua actio materialis ministri, aut subiecti sacramenti circa aliud quidpiam necessaria est, tanquam circa materiam intrinsecam, & ex qua; vel extrinsecam, & circa quam: ut circa aquam, aut Chrisma, vel oleum; circa substantiam panis, & vini; circa peccata; circa ordinandos; circa corpora coniugum, quæ mutuò traduntur.

Dixi in secunda parte conclusionis, *Rebus, & verbis vel propriè sumptis, vel secundum aliquam proportionem*: propter ea, quæ mox dicenda sunt de sacramentis Pœnitentiæ, & Matrimonii, de quibus est specialis ratio, & difficultas.

Primò enim obicitur, sacramentum Pœnitentiæ perfici potius verbis ut materia: nam confessio est eius pars materialis, & essentialis: confessio autem verbis fit. Neque dicas Concil. Florent. suprà loqui de materia non tantum proxima, sed etiam remota, ut patet ex quibusdam quæ pro materia assignat, explicando materiam, & formam singulorum sacramentorum: peccata autem sunt materia remota sacramenti Pœnitentiæ, ut materia circa quam: & sunt aliquæ res à verbis distinctæ. Nam contra: sequitur ex hac responsione, saltem pro aliqua parte materiæ assignari

verba eo ipso, quod conceditur confessionem vocalem esse partem materiale sacramenti Pœnitentiæ. Hoc autem videtur esse alienum à mente Concilii, quippe quod hæc duo distingui: & res solum assignat pro materia; verba solum, pro forma. Deinde aliqua sunt peccata, quæ sunt tantum peccata oris, id est, verbo commissa: & de illis solis fieri potest confessio sacramentalis ab eo qui non habet alia mortalia adiuncta: æquè ac de solis peccatis cordis, vel operis. Similiterque satisfactio, quæ est altera pars materialis sacramenti Pœnitentiæ, fieri potest solis verbis, ut quando à sacerdote iniungitur tantum aliqua vocalis oratio.

Respondeo 1. Ultra has duas partes materiales sacramenti Pœnitentiæ esse aliam tertiam, nempe contritionem cordis, aut attritionem, quæ est res à verbis distincta, per se quidem insensibilis, sed tamen sensibilis per verba, vel per alia signa externa dolorem internum testantia. Non est autem necesse sacramentū esse sensibile se toto, & omnium parte, ut dicemus paulò post. 2. Dico confessionem peccatorum communiter quidem voce fieri, id tamen non esse sacramento essenziale neque necessarium; quia potest fieri scripto, vel nutu, vel gestu, sicut à mutis. Cūque sit voce; habet nihilominus rationem rei per quamdam proportionem: quatenus scilicet est actus pœnitentis, & accusatio sui ipsius, cui accidentarium est, quod verba adhibeantur: sufficit enim quævis dolorosa, & sensibilis accusatio, quæ prout est inchoatio actus iudicialis, habet rationem materiæ, respectu sententiæ iudicis, quæ est eius perfectio. Similiterque satisfactioni accidentarium est, quod verbis fiat: potest enim eleen oylis, si gelationibus, peregrinationibus, templorum, carcerum, & xenodochiorum visitationibus, & aliis piis operibus fieri. 3. Dico peccata oris non esse peccata formaliter, & materiam accusationis sacramentalis sine consensu formali, aut virtuali voluntatis. Quare peccata illa continent aliquid præter verba. Concilium autem non ita assignat, & distinguit res ex parte materiæ, & verba ex parte formæ, ut intèdat excludere penitus res omnes à sacramento cuiuscunque formæ, & verba à materia: alioquin sibi apertè contradiceret, cum paulò post §. *Quartum sacramentum*, dicit oris confessionem esse materiam sacramenti Pœnitentiæ. Et §. *Septimum est sacramentum Matrimonii*, ait Matrimonium regulariter contrahi per verba de præfenti mutuum consensum exprimentia: significans posse aliter contrahi sine verbis propriè sumptis, per nutus, & alia signa, sicut à mutis contrahitur. Sed Concilii sensus est in omnibus sacramentis novæ legis esse aliquid ex parte materiæ, quod est res aliqua à verbis distincta, siue in hoc solum sit tota materia, siue non: & ex parte formæ esse verba in Matrimonio regulariter; in aliis non modò regulariter, sed necessariò, penitus, & essentialiter. Hac enim de causa Flor. in hoc sacramento solo utitur hac voce, regulariter.

Quomodo sacramentum pœnitentiæ perficitur rebus ut materia.

6.
Quomodo
res & ver-
ba distin-
guantur in
sacramen-
to matri-
monii.

Obiicitur secundò non posse res & verba distinguì in sacramento Matrimonii, vt materiam, & formam, quibus perficiatur. Nam interdum Matrimonium solis verbis perficitur, vt quando contrahitur per verba de presenti. Vnde tunc temporis perficitur verbistam ex parte materiæ, quàm ex parte formæ. Interdum etiam fit solis rebus, vt cum aliqui nutibus contrahunt. Certum enim est verba non esse necessaria, sed sufficere quamlibet expressionem consensus interni, siue scripto fiat, siue nutu, aut gestu.

Huic difficultati varii varia respondent. Omisiss autem aliis respondendi modis suo loco sigillatim examinandis, & refutandis, dico breuiter materiam contractus, & sacramenti Matrimonii remotam quidem, & circa quam, esse corpora coniugum, quæ mutud traduntur proximam verò, & ex qua, esse mutuum consensum internum. Formam verò esse signa externa consensum internum exprimentia, quæ regulariter solent esse verba. Quam sententiam tenent Rebellus 2. p. de iustitiæ obligationibus lib. 2. quæst. 4. sect. 3. num. 12. Couarr. & Iuristæ communiter, aliique plures, qui citantur à Rebello, & à Sanche lib. 2. de Matrim. disp. 5. num. 1. Quibus accedit S. Thom. in 4. dist. 26. quæst. 2. art. 1. ad 1. & 2. affirmans actus contrahentium esse materiam huius sacramenti, sicut actus pœnitentis sunt materia sacramenti Pœnitentiæ: formam verò esse verba, quibus consensus maritalis exprimitur. Vbi per actus contrahentium quos ait esse materiam, distinctos à verbis; quæ ait esse formam, D. Thomas nihil aliud intelligit, quàm internum vtriusque consensum. Nam ad Matrimonium nulli alii actus requiruntur essentialiter, quàm consensus internus vtriusque coniugis; & verba, vel alia signa externa; quibus ille consensus exprimitur: siquidem, vt definit Trid. & Florent. in Decreto Eugenii 5. *Septimum est sacramentum*, Matrimonium efficiatur mutuo contrahentium consensu, regulariter per verba de presenti expresso.

Iuxta hanc verò sententiam facile est distinguere in sacramento Matrimonii materiam à forma: & res quæ sunt loco materiæ, à verbis, quæ sunt loco formæ: non enim minùs distinguuntur in Matrimonio, quàm in aliis sacramentis: cum hac solùm differentia, quòd in aliis loco formæ requiruntur necessariò, & essentialiter verba propriè dicta, id est, ore prolata; in Matrimonio autem regulariter quidem, id est, communiter, & ordinariè adhibentur: sufficiunt tamen scripta, nutus, vel alia signa, loco verborum consensum exprimentia, semperque habentia locum formæ, quatenus complent, determinant, & perficiunt consensum internum in esse signi sensibilis.

7. Nec obest, quod obiiciunt aliqui, consensum internum non esse sensibilem, ideòque non posse esse materiam sacramenti. Respondeo enim sacramentum non debere esse

sensibile omni ex parte; sed sufficere; si ex aliqua sit, ex qua totum denominetur sensibile: sicut homo ex parte corporis denominatur corporeus, quamuis anima sit spiritalis. Non est etiam necesse, vt quidquid est materia sacramenti, sit sensibile. Nam contritio in sacramento Pœnitentiæ est vna de partibus materialibus; & in sacramento Eucharistiæ corpus, & sanguis Christi posita indiuisibiliter, & insensibiliter sub speciebus, sunt vel tota materia interinseca, vel pars materiæ eiusdem sacramenti: & tamen hæc non sunt per se sensibilia. Si autem pars materiæ sacramenti potest esse insensibilis per se, quidni etiam tota? neque enim sacramentum definit esse sensibile, dummodo constet altera parte sensibili, vt paulò ante diximus.

Frustra quoque opponunt alii, fore vt intentio in aliis sacramentis sit eorum materiæ: & consensus Episcopi ordinantis, consensus inquam tradendi potestatem quam confert ordinato, sit materia Sacramenti Ordinis. Respondeo enim primò, hoc argumentum retorqueri posse in aduersarios: quippe qui non negant consensum coniugum, saltem vt signo externo expressum, esse materiam sacramenti Matrimonii: ex quo sequeretur intentionem, vt signo externo expressam (exprimitur autem hoc ipso, quòd sacramentum ritè confertur) fore materiam aliorum sacramentorum: similiterque consensum ordinantis fore materiam sacramenti Ordinis: si de istis, vt de consensu coniugum philosophandum esset.

8. Respondeo secundò, de materia, & forma sacramentorum tam in genere; quàm in particulari iudicandum esse ex traditione diuina, partim per Scripturam, partim per Ecclesiæ, & Conciliorum declarationem nobis significata. Nusquam autem Scriptura significat intentionem, aut consensum ordinantis esse materiam sacramentorum. Concilia verò, præcipue Florent. in decreto Eugenii 5. *Hæc omnia*, significant intentionem se tenere ex parte causæ efficientis, in omnibus sacramentis. Consensus autem Episcopi ordinantis ad tradendam ordinato potestatem, quam illi confert per sacramentum Ordinis, non est necessarius, nisi prout est intentio faciendi id, quod Christus instituit: sufficit enim illa intentio absoluta. Quare ille alius consensus, prout distinguitur ab intentione sicut non est necessarius, ita neque est materia sacramenti.

Respondeo tertio directè, negando sequentiam: quia sacramentum Matrimonii est essentialiter contractus. De ratione autem intrinseca, & essentiali contractus est consensus mutuos contrahentium. Est enim contractus voluntas efficax se mutuo obligandi, vel vt definitur. *L. Labcoff. de verborum significationibus*, Contractus est vltro citroque obligatio: effectiua scilicet, id est, conuentio causans, & inducens obligationem mutuat. Itaque contractus Matrimonii est

8.
Solutur
obiectio.

essentialiter consensus mutuus coniugum: qui contractus, ut sit humanus, & sensibilis, debet esse consensus non purè internus, qui est insensibilis, sed externo aliquo signo, & sensibili manifestatus. Quod signum, quia determinat, & perficit consensum internum in esse sensibili, ideo iure dicitur habere locum formæ in sacramento Matrimonii. Consensus verò internus habet locum materiæ: per analogiam ad composita naturalia, in quibus pars illa, quæ perficit, & determinat, est forma; altera determinabilis, & perfectibilis est materia.

At Ordo, & alia sacramenta non sunt contractus, sed sacræ quædam ceremoniæ in alio genere institutæ: quarum aliquæ possunt exerceri circa infantes, & amentes absque vñ eo eorum consensu. In adultis verò, & ratione utentibus requirunt intentionem recipientis, non ut partem, sed ut conditionem necessariam. In conferente autem, aut ministro requiruntur omnes intentionem faciendi id quod Christus instituit, non ut componentem intrinsecè sacramentum, sed ut applicantem potestatem moralem efficiendi sacramentum, quæ potestas non operatur sine libera motione, & applicatione ministri, cui subest, ut dicemus disput. 22. sect. 3.

Cætera, quæ contra eandem sententiam obijciuntur, diluentur alibi, ubi de materia, & forma Matrimonii ex professo disputabitur.

SECTIO II.

An Sacramenta omnia nouæ legis non modò perficiantur, sed etiam consistant rebus quibusdam ut materia, & verbis ut forma?

NOta primò aliud esse perfici, & aliud constare intrinsecè, seu componi: neque enim omnia, quæ necessaria sunt ad aliquid perficiendum, illud componunt. Nam intentio ministri v.g. necessaria est ad sacramenta perficienda: nec tamen componit, sed est causa efficiens, & extrinseca, vel conditio illius causæ. Substantia panis, & vini necessaria est ad efficiendum sacramentum Eucharistiæ: nec tamen illud componit, sed perit, & destruitur per effectiōnem illius sacramenti.

Nota secundò differentiam esse inter sacramentum Eucharistiæ, & sex alia nouæ legis sacramenta. Quod hæc physice consistant in vñ, & applicatione, & in aliqua actione transeuntī, sintque tantum quando fiunt, neque eorum effectio non distinguatur ab applicatione, sive vñ, & susceptione: unde non possunt fieri sine subiecto, seu persona, cui applicantur. At verò sacramentum Eucharistiæ consistit in re permanenti, manetque physice post effectiōnem: eiusque vñ, & applicatio distinguitur, & po-

sterior est eius effectiōne. Consistit enim in corpore Christi, ac sanguine, & speciebus consecratis: manetque, quandiu sub iisdem speciebus maneret substantia panis, & vini naturaliter, & sensibilibiter: eiusque effectio est consecratio, seu prolatio horum Christi verborum super panem, & vinum, *Hoc est corpus meum: Hic est calix sanguinis mei*: vñs verò est sumptio cibi illius, & potus sacri, qui vñs est posterior consecratione, seu effectiōne eiusdem cibi, & potus sacri.

His præmissis, Respondeo probabilius esse sacramenta omnia nouæ legis, siue in vñ, siue in esse permanenti posita, constare intrinsecè rebus quibusdam, ut materia, & verbis quibusdam, ut forma: intelligendo res, & verba, ut in priorī sect. exposuimus. Probat primò ex D. Thom. quæst. 60. art. 6. ad 2. Vbi generatim ait ex rebus, & verbis fieri quodammodo vñum in sacramentis: sicut ex forma, & materia: in quantum per verba perficitur significatio rerum. Et art. 7. in corp. probat sacramentorum formam debere esse determinatam, quia in sacramentis verba se habent per modum formæ: res autem sensibilis per modum materiæ: in omnibus autem compositis ex materia, & forma, principium determinationis est ex parte formæ, quæ est quodammodo finis, & terminus materiæ: & ideo principaliter requiritur ad esse rei determinata forma, quàm determinata materia. Huc vsque D. Thom. cui plures alii Theologi assentiuntur. Faut etiam Concilium Florent. supra citatum, affirmans omnia sacramenta nouæ legis perfici rebus quibusdam, & verbis, ut materia, & forma. Nomina enim materiæ, & formæ magis propriè sumpta, sunt nomina partium intrinsecè constituentium. Quamuis non omnia, quæ Florent. assignat pro materia, sunt materia componens intrinseca. Faut item modus loquendi Catechismi Pii V. parte 2. cap. 1. Vbi ait materiam, & formam sacramentorum esse partes, ex quibus vñumquodque sacramentum necessariò conficitur, & constituitur. Et S. Thom. quæst. cit. & quæst. 86. 2. ultimo. Et in 4. dist. 1. quæst. 1. 2. 3. ubi ait sacramenta fieri, constare, & consistere ex materia, & forma, sicut Christus ex Verbo, & carne.

Ratio demum est, quia ex iis constituitur sacramentum nouæ legis, id est, sacræ rei signum, efficax gratiæ; ex quibus constituitur sacræ & sensibilis ceremoniæ à Christo instituta ad significandam gratiam, quam efficit. Atqui in omnibus sacramentis nouæ legis illa ceremoniæ constituitur non ex solis rebus, neque ex verbis solis: sed ex vtriusque: ergo omnia sacramenta nouæ legis constituuntur ex rebus, & verbis. Et quia res habent rationem imperfecti, inchoati, & perfectibilis, ac determinabilis quoad significatiōnem, respectu verborum, quæ perfecti, & magis determinatè significant: ideo res dicuntur componere sacramentum, ut materia: verba, ut forma. Componere, inquam,

107

Omnia sacramenta nouæ legis consistant rebus & verbis, ut materia & forma.

Eucharistiæ sacramentum habet esse permanentes, alia non.

112

non physicè, sed moraliter, morali quadam, seu æstimatoria vnione, qualis est in exercitu, oratione, & similibus artefactis. Confirmatur, quia nullum est sacramentum nouæ legis, in quo res aliqua, & verba, non possint considerari vt concurrentia ad intrinsecam ipsius constitutionem, non omnino per accidens, aut per meram aggregationem; sed per se moraliter, & artificialiter ad vnum quoddam artefactum morale componendum, quod in rebus inchoetur, ac fundetur essentialiter, vt in materia: verbis autem, quasi formâ, compleatur, determinetur, ac perficiatur, quoad vim significandi, & efficiendi, vt ex solutione obiectionum constabit. Ergo nullum est, quod non constet intrinsecè aliquibus rebus, vt materiâ, & aliquibus verbis, vt formâ.

12. **Contraria sententia.** Contrarium sentiunt Aegid. Conin. ad art. 6. quæst. 60. num. 41. Vasq. disput. 129. cap. 3. num. 36. Bellarm. lib. 1. de Sacram. cap. 18. propos. 5. asserentes omnia quidem sacramenta nouæ legis, quæ in usu solo consistunt, componi ex rebus, & verbis, vt ex materia, & forma: secus verò Eucharistiam: quia sacramentum Eucharistiæ, cum sit res permanens, non potest intrinsecè constitui ex aliquo transeunti, cuiusmodi sunt verba, quæ statim desinunt. Addit Aegid. componi tamen ex illis aliquo modo extrinsecè. Quod valde in propriè, & abusuè dictum est. Quidquid enim componitur ex aliquo, componitur intrinsecè ex illo: repugnatque principia componentia esse extrinseca, cum non component, nisi conferendo seipsa, & constituendo totum ex seipsis. Sorus verò, quidquid dicat Vasq. supra, negare videtur in 4. dist. 3. a. 1. & dist. 8. & 14. art. 1. verba, seu formam esse partem intrinsecam sacramentorum Baptismi, Pœnitentiæ, & Eucharistiæ, quia, inquit, in artificialibus materia est tota ipsorum substantia, & pro illa sola supponunt nomina, quæ significant res artificiales. Vt Baptismus supponit pro sola ablutione. Quæ ratio, si vera est, probat æquè de omnibus aliis sacramentis nouæ legis. Scot. denique in 4. dist. 16. quæst. 1. §. De Pœnitentiâ, docet sacramentum Pœnitentiæ consistere in sola absolutione. Et alibi generatim affirmat sacramentum quandoque consistere in sola forma, quandoque in sola materia, & aliquando in vtraque.

Quomodo
verba con-
secrationis
sint forma
Eucharis-
tiæ.

Ad fundamentum Aegidii & Vasqui Respondet, verba, postquam physicè desierunt post consecrationem panis, & vini, remanere moraliter, & æstimatoriè in hominum memoria, ac sine illis ita remanentibus species solas cum corpore & sanguine Christi non esse signum sensibile nutritionis spiritualis. Corpus enim, & sanguis Christi sunt in sacramento insensibili modo. Species verò consecratæ non differunt sensibiliter se solis à non consecratis, neque possunt sensibus discerni. Quare ad constituendum signum sensibile debent adiungi verba, quibus signifi-

catur sensibiliter latere corpus, & sanguinem Christi sub speciebus panis, & vini, tanquam alimentum, & potum spirituale. Estque probabilius eadem verba fuisse à Christo instituta, & adhibita, vt partem totius ceremoniæ, vel signi sensibilis sanctificantis: non minus quàm verba in baptismo & aliis sacramentis requisita, ad determinandam & perficiendam significationem materiæ, de se non satis significantis sensibiliter effectum sacramentalem. Neque verò sacramentum Eucharistiæ consistit totaliter in re permanenti physicè, sed tantum maxima, & nobilissima ex parte, nempe ex parte corporis, & sanguinis Christi, ac speciebus.

Ad 2. argumentum pro Sori opinione alatum Respondet nomina artificialium non supponere solum pro materia, sed etiam pro forma, seu figura, quæ est de substantia, seu essentia artefacti, vt talis, quamuis interdum nomen sumatur à sola materia.

Ad 3. dico perfectam significationem consistere semper in vtroque, etiam in sacramento Pœnitentiæ, in quo, vt rectè ait S. Thom. quæst. 84. art. 1. actus pœnitentis significant ipsum à peccato recedere, & accedere ad gratiam, & reconciliationem. Adde, quod valde notandum est contra Scotum, Concil. Trident. sess. 14. cap. 3. de actibus pœnitentis sic loqui: *Qui quatenus in pœnitente ad sacramenti integritatem, ad plenamque, & perfectam peccatorum remissionem ex Dei institutione requiruntur, hac ratione Pœnitentiæ partes diuidentur.* Hæc Concilium. Partes autem componunt intrinsecè id, cuius sunt partes, & ad cuius integritatem pertinent. Dixit autem Concilium *integritatem*, non essentiam simpliciter, propter satisfactionem, quæ non est de essentia, sed tantum de integritate sacramenti Pœnitentiæ, vt suo loco explicabitur. Eodem capite Tridentinum ipso initio affirmat vim huius sacramenti præcipuè sitam esse in illius forma, hoc est, in his verbis Sacerdotis, *Ego te absoluo*, &c. Cumque dicat, *præcipuè*, significat vim illam consistere quoque aliquatenus, licet minus præcipuè in materia. In quo autem consistit vis significandi & efficiendi sacramentorum, consistit quoque illorum substantia. Quare fallum est, & alienum à mente Concilii Trident. id quod ait Scot. sacramentum Pœnitentiæ consistere in sola absolutione.

Obiici potest efficacius primò, causam efficientem non esse partem intrinsecam, neque de essentia sui effectus. At forma consecrationis Eucharistiæ est causa efficiens sacramenti Eucharistiæ: ergo, &c. Secundò, si verba consecrationis essent forma intrinseca sacramenti, deberent esse illius forma vel vt physicè prolata, vel vt moraliter remanentia. Non primò: quia physicè non manent, quandiu manet sacramentum Eucharistiæ. Non etiam secundum, id est, moraliter: alioqui sacramentum Eucharistiæ non esset eo instanti ultimo, quo verba essentialia formæ physicè perficiuntur. Quia illo

Argumenta
contra hæc
sententiam.

instanti non moraliter existunt, ^{sed adhuc physice sunt} ad eum modum quo successiva dicuntur esse physice, quandiu aliquid illorum est. Terrio, sacramentum totum comeditur, & bibitur: ergo & verba, si sunt forma eius intrinseca; quod est absurdum. Quarto, sacramentum Eucharistiae multiplex numero, vnica formam verborum consecrari potest: vt cum super plures hostias, quae simul consecrantur, proferuntur semel tantum haec verba, *Hoc est corpus meum*, aut quando vnica hostia consecrata diuiditur postea in plures, vt pluribus distribuatur. Ergo vel forma illa non est illis sacramentis numero diuersis intrinseca: vel vna numero forma est intrinseca multis: vel de vna sit multiplex, quod repugnat, cum non sit alia, quam illa ipsa numero vnica quae physice super hostiam vniam, aut plures fuit pronunciata. Quinto, si actus poenitentis essent pars materialis sacramenti poenitentiae, sequeretur, poenitentem esse ministrum partialem eiusdem sacramenti, quod est absurdum, & contra Florent. in decret. 5. *Minister huius sacramenti est sacerdos*. Probat sequela, quia poenitens exercet actus illos, qui dicuntur esse materia; sicut sacerdos exercet actum absolutionis, qui dicitur esse forma. Sexto denique, si res & verba essent materia & forma sacramenti, deberent esse simul, alioqui non concurrerent ad componendum. At hoc est moraliter impossibile in his sacramentis quae in vsu consistunt: & sacramenta illa redderet valde incerta: Est enim moraliter impossibile abluionem v. g. & prolationem horum verborum, *Ego te baptizo*, & c. incipere & finire simul praecise & indiuisibiliter. Est etiam contra vsu & sensum Ecclesiae, quae pro certo habet, baptismum esse validum, licet ablutio aliquantulum praecedat, vel sequatur prolationem verborum.

140
Solvitur r.
organimen-
tum.

Ad primum Respondeo, Causam efficientem saepe esse partem compositi, quod ipsa efficit, non quidem seipsam producendo, sed aliud quod sibi adiungit, aut se alteri vnendo. Sic aqua est causa efficiens frigoris, ad quod vi propria se reducit; & simul est pars intrinseca compositi ex aqua & frigore constituti. Et anima rationalis, quando in aggeneratione seipsam vnit materiae dispositae, est causa formalis compositi quod efficit. Sic igitur forma consecrationis est causa efficiens, non sui ipsius, sed corporis & sanguinis Christi sub speciebus panis & vini, quae significat & efficit; & simul est pars intrinseca cibi illius & potus sacri, ex corpore & sanguine Christi sub speciebus, & ex forma verborum constituti, tanquam signi sensibilibus, & causae efficaciae nutritionis spiritualis.

Diluitur
secundum.

Ad secundum Respondeo, verba consecrationis esse formam intrinsecam sacramenti, eo modo quo sunt: physice, quando sunt physice: moraliter vero, quando moraliter tantum existunt. Neque propterea est duplex forma. Quia verba physice prolata &

moraliter remanentia, sunt eadem: sicut peccatum habituale & moraliter manens, est idem plane quod actuale, id est, est illud ipsum quod commissum est actu, & moraliter manere censetur, donec remittatur.

Tertium
refellitur.

Ad tertium, Nego totum sacramentum comedi aut bibi, proprie loquendo, sed tantum secundum id quod comestibile & potabile est. Quemadmodum etiam licet hypostasis Verbi, & diuinitas sit in hoc sacramento, talem concomitanter: non propterea comeditur aut bibitur secundum se, quia cum sit immensa & immobilis localiter, non potest traici per os & guttur ad stomachum. Nec obest, quod hoc Sacramentum sit sacer cibis & potus. Nam in eo quod sacer dicitur, significatur aliquid non proprie comestibile. Est enim sacer sensibiliter per verba consecrationis, & non sine illis.

Quartum
refutatur.

Ad quartum: Sicut quando plures baptizantur simul sub vnica forma & prolatione horum verborum, *Ego vos baptizo in nomine Patris, & Filii, & Spiritus sancti*, illa forma est moraliter tam multiplex, quam multi sunt qui baptizantur, (quisque enim illorum totum & integrum sacramentum baptismi recipit) quatenus scilicet propositio illa, licet physice vnica, ad omnes dirigitur, & aequiualeat istis, *Ego te baptizo Petre*, & *Ego te baptizo Paule*, & c. Propositio enim vniuersalis aequiualeat omnibus particularibus in illa contentis: Ita quando plures hostiae consecrantur simul vnica formam; illa forma moraliter, & aequiualeat, tam multiplex est, quam sunt multae hostiae; imò & quam sunt multae partes sensibiles eiusdem hostiae, sub quibus diuisis conseruari potest sacramentum. Verum est enim de singulis diuisis aut designatis dicere, *Hoc est corpus meum*; & haec propositio physice prolata, tanquam vniuersalis, aequiualeat his omnibus. Sicut etiam cum dicitur de aliquo toto sensibili, *Hoc totum est quantum*: aequiualeat haec propositio omnibus particularibus, quae de variis eius partibus fieri possunt.

152

Dices, ergo illa hostia quando est indiuisa, & vnum numero sacramentum, habet plures formas intrinsecas, tot scilicet, quot essent post diuisionem, & quot sunt designabiles partes sensibiles, in ea quantitate vt sensui appareant.

Occurrit
instantia.

Respondeo, habere vnica physice, sed multis aequiualem. Non est autem inconueniens, formam physice vniam, esse formam intrinsecam multorum sacramentorum actu vel virtute numero diuersorum. Etenim non est eorum forma per vnionem physicam, aut localem coniunctionem: sed per moralem habitudinem seu coniunctionem materiae ad illa verba super eam prolata: quatenus scilicet, vt intelligatur integrè sacramentum; debet intelligi talis materia, & verba super illam fuisse pronunciata; debentq; verba illa per mentem adiungi materiae moraliter vbi-cumque ipsa sit, id est, debent considerari verba cum tali materia coniungi moraliter,

concurrando ad significandum cum illa, & efficiendo vnum integrum signum sensibile. Possunt autem eadem verba physicè, supra diuersas materias pronuciari, & moraliter ad illas referri, id est, considerari vt super illis pronunciata: Qua ratione censetur cum illis constituere vnum, vel multa signa sensibilia, constituta partim ex illis verbis, partim ex rebus super quas proferuntur, & distincta physicè ex parte rerum, licet physicè non distinguantur ex parte verborum, quando per eandem formam verborum res plures sacrantur. Denique verba se habent tantum extrinsecè ad res, neque illas intrinsecè afficiunt, aut informant, licet sint pars intrinseca moraliter totius aggregati moralis ex rebus & verbis constituti. Sicut autem possunt verba physicè eadem multas res designare; ita possunt ad multas pertinere extrinsecè designando, & illas in significando iuuare, atque ita cum qualibet illarum integrum quoddam signum constituere.

16.

Quare pœnitens non est minister sacramenti. Pœnit. sed solus sacerdos.

Ad quintum Respondeo, nō esse ministrum sacramenti quicumque exhibet, aut facit illius materiam; alioqui pistor esset minister sacramenti Eucharistiæ, aut Diaconus, vel Acolythus, qui exhibet sacerdoti panem & vinum consecrandum: sed minister est propriè ille, qui sacramenti partes eleuat ad statum sacramentalem, eas assumens per potestatem sibi datam à Christo, ad significandam & efficiendam gratiam. Vt in sacramento pœnitentiæ facit solus sacerdos, qui per potestatem ordinis & iurisdictionis sibi concessam approbat actus pœnitentis, & assumit, tanquam idoneos, atque ex illis constituit sacramentum, quod consummat per absolutionem. Qua ratione actus pœnitentis sunt quodammodo actus ipsius ministri, qui illis tanquam instrumento quodam vtitur ad significandam & efficiendam remissionem peccatorum. Quemadmodum enim, vt rectè dicit Aegid. ad art. 6. quæst. 60. actio regis Ioas 4. Reg. 13. Elitzi iussu terram percutientis, prout erat præcisæ Regis actio, significabat solum in eo voluntatem obsequendi Prophetæ: prout verò à Propheta vterius ex destinatione Dei assumebatur ad significandam victoriam contra Syrios, sic erat quodammodo actio & instrumentum ipsius Prophetæ: Simili modo actus pœnitentis, prout ab eo præcisè procedunt, nondum habent rationem sacramenti, nec sunt pars eius in actu secundo; sed tantum prout à Sacerdote per clauium potestatem ad hoc eleuantur, & sunt quodammodo ipsius actus. Vnde fit, vt solus sacerdos sit verus & totalis minister sacramenti huius. Simile quid videre est in actibus tangendi materiæ eius qui ordinatur, qui tangendi actus dicuntur communiter esse materia proxima, sed non constituunt sacramentum Ordinis, nisi prout assumuntur, & eleuantur ab ordinante, qui solus est verus minister sacramenti Ordinis.

17.

Eodem recidit quod aliqui Recentiores

respondent cum Bellarm. lib. 1. de Pœnit. cap. 16. in solutione penultimæ obiectionis, non esse ministrum sacramenti nisi eum, qui agit pro potestate & auctoritate, tanquam dux & author operis: vt facit Episcopus in ordinatione, & sacerdos in sacramento pœnitentiæ. In quibus sacramentis, ordinandi, & pœnitentes, agunt tantum vt subordinati, & subiecti, vel Episcopo danti ius tangendi, vel sacerdoti vt iudici exigenti à pœnitente confessionem dolorosam criminis, à quo absolui postulat.

Contra quod tamen obiici potest in sacramento Matrimonii, nullum coniugum agere pro auctoritate in alium: & quando plures sacerdotes simul concurrerent ad eundem baptizandum, ter in aquam immergendo more antiquo, vel simul eidem administrarent sacramentum Extremæ vñctionis, vngendo partes diuersas corporis, nullus eorum esset minister baptismi, vel extremæ vñctionis, posito quod, vt fieri potest, nullus eorum haberet auctoritatem in alium. Respondeo, vtrumque coniugum esse æqualiter auctorem operis: habent enim parem, & æqualem potestatem celebrandi contractum matrimonii sacramentalem, tradendo se mutuo alter alteri. Quare habent æqualem auctoritatem in opus, quamuis non habeant auctoritatem in se inuicem, nec vnus in alterum, quoad hanc actionem contrahendi. Quando autem plures ministri concurrunt ad idem sacramentum, vt ad baptizandum, absoluendum, consecrandum, vngendum oleo extremæ vñctionis, non est opus, vnum habere auctoritatem in alium, vt minister verè dicatur Sacramenti: sed sufficit, vt quilibet sit auctor operis, & non alteri subordinatus; quoad actionem, qua concurrunt.

Soluitur obiectio.

Ad sextum Respondeo cum Aegid. Con. disp. cit. n. 40. Formam physicam, id est, vñctionem physicam informantem, debere quidem physicè simul esse cum materia: moralem autem (qualis est sacramentalis) solum moraliter: ad quod sufficit ea coniunctio, per quam, secundum moralem æstimationem, & communem loquendi vsum, verba dicantur esse simul, & forma verè intelligatur cadere supra materiam. Hinc quædam sacramenta maiorem, quædam minorem admittunt disunctionem. Quantam autem singula admittant, prudenti iudicio æstimandum est. Baptismus enim, Confirmatio, Extrema vñctio, & Ordo, requirunt talem coniunctionem, vt dum minister verba pronunciat, secundum moralem æstimationem, & communem loquendi vsum, possit verè dici lauare, vngere &c. ad quod parua disunctio videtur admittenda. Contra verò in confessione potest absolutio satis diu differri; sicut in iudiciis absolutio, aut condemnatio, solet sæpe diu post sequi causæ examen. Similiter in matrimonio tam diu potest consensus vnus sequi consensum expressum alterius, quamdiu hic moraliter censetur permanere, sicut in aliis contractibus. Hinc;

18.

Quomodo materia & forma sacramenti debent simul esse?

usque Aegid. & idem fere Suar. disput. 2. sect. 2. §. Di endum ergo. post Scotum, Richard. & alios antiquiores. Notant etiam Bonacina, & plures alii, contritionem quoque vel attritionem, ordinatam ad sacramentalem absolutionem, posse diu praecedere, dummodo non retractetur. Et denique de illis actionibus sacramentalibus iudicandum esse, ut de aliis similibus humanis & civilibus. Nimirum quia Christus in sacramentis instituendis, ut entibus moralibus, & in usu communiter ponendis, & a quibuslibet usurpandis, rusticis etiam & agrestioribus; voluit institutionem facilem reddere, & ad morem usumque humanum eam accommodare. Vltus autem humanus, & mos loquendi, ad veritatem, non maiorem similitudinem requirit, quam supra expositam.

SECTIO III.

An Sacramenta compoundantur ex significatione, ut ex forma?

19.

Nota 1. significationem posse sumi vel in actu primo, vel in actu secundo. Priori modo, est ipsa vis significandi completa & proxima. Posteriori, est ipsa actualis significatio, cum videlicet signum re ipsa ducit aliquem in cognitionem rei significatae.

Significatio perfecta sacramentorum est ab institutione Christi.

Nota 2. res assumptas à Christo, ut ex illis sacramenta institueret, habuisse quidem ex se fundamentum ut assumerentur ad significandum id, quod sacramentaliter significant: propter quod dicunt aliqui habuisse fundamentalem & radicalem significationem in actu primo: secus tamen vim completam significandi gratiam infallibiliter ponendam ex opere operato: hanc enim vim non habent nisi ex divina institutione. Ex. gr. ablutio corporis per aquam, habebat quidem proportionem ut assumeretur ad significandam abluitionem animae per gratiam: sed quod eam complete significet modo iam explicato, habet ex Christi institutione. Similiter verba, quae Christus assumpsit in formas sacramentorum, habebant ex humana impositione vim significandi aliquid, quod etiam nunc in sacramentis significant: sed quod significant verè, practice seu efficaciter, & infallibiliter gratiam dandam ex opere operato, habent solum ex Christi institutione, qui priori significationi humanae, & prophanae, divinam hanc & sacramentalem adiunxit.

20.

His praemissis: Quaestio est utrum sacramenta componantur ex sacramentali significatione, tanquam forma; & ex rebus, & verbis assumptis à Christo ad significandum, tanquam materia. Ratio dubitandi est, quia sacramentum integrè sumptum est quoddam artefactum morale in genere signi, cuius forma videtur esse significatio, quia

est id quod ultimò complet & determinat; & à quo res & verba constituuntur in esse signi sacramentalis: ac sicut forma albi, quae talis, est albedo: & forma domus est eius figura: & forma exercitus est eius dispositio: sic forma signi ex instituto, quae talis, est eius significatio.

In contrarium verò est, quod significatio ex instituto est denominatio extrinseca ab institutione, id est, ab actu instituentis. Nam esse signum ex instituto nihil aliud est, quam esse institutum ad significandum. Institutum autem denominatur tale formaliter ab institutione: sicut vitum denominatur tale formaliter à visione. Et sicut visio est forma extrinseca rei visae: sic & institutio, respectu rei vel vocis institutae ad significandum.

Huic difficultati respondet vnus è recentioribus disp. 2. de Sacram. num. 39. In sacramentis reperiri duplicem compositionem: Vnam ex sacramento; & sacramentalitate, seu vi significandi: Alteram priorem in ipso sacramento, quod se habet ut subiectum significationis. Sicut, inquit, in moneta aerea est duplex compositio. Altera ex aere & sigillo Principis; à quo accepit valorem: altera in ipso aere, ex materia & forma substantiali aeris, quae potest etiam dici forma monetae. Quando ergo dicimus, inquit, verba esse formam sacramenti, non est necesse ut loquamur de illa vltima forma, per quam constituitur vltimo in ratione signi instituti ad infallibiliter significandam gratiam: Hæc enim est institutio, seu vis significandi: Sed loqui possumus de forma componente ipsum sacramentum, pro materiali sumptum antecedenter ad institutionem.

Hæc responsio non placet: quia cum, ut fatetur idem auctor ibidem num. 44. illa vis seu potestas significandi proxima, quam sacramentum habet; non sit aliquod accidens intrinsecè & verè rebus ac verbis inherens; sed præter ipsas res, & verba, nihil aliud sit, quam extrinseca denominatio ab institutione divina: sicut in vocibus humanis vis significandi nihil in rei veritate aliud est, quam ipsæ voces, & extrinseca denominatio ab institutione humana, per quam assumptæ sunt ad hoc aut illud significandum: voces, inquam, & institutio denominans: quia vis significandi non est institutio sola, sed est vox ipsa quae subest institutioni, quæque nos ducit in notitiam rei significatae, non se sola, sed cum institutione, cui per mentem eius recordantem coniungitur. Cum, inquam, ita sit; vis significandi sacramentalis non componit cum sacramento materialiter sumpto pro rebus & verbis præsuppositis divinae institutioni: adeoque vis significandi non est forma componens sacramentum integrè sumptum ut signum sacramentale: Neque in sacramento est duplex illa compositio, quam auctor citatus affirmat. Probo antecedens: quia extrinseca denominatio, siue id quod extrinsecè tantum denominat aliud,

Significatio ex instituto est denominatio extrinseca ab institutione.

21.

Opinio affirmans respondet ex significatione.

Refutatio.

Itemque
vix efficien-
di gratiam.

ad eandem significationem, quæ idcirco dicitur convenire illis indivisibiliter. Idemque dico de vi efficiendi gratiam, quæ similiter convenit materiæ & formæ sacramenti indivisibiliter. Est enim vis totius, & non partium singillarum. Sic etiam Iubilum datum, ut fieri solet, iis omnibus qui peccata sua rite confitebuntur, ieiunabunt aliquot diebus, & visitabunt aliquot Ecclesias, orando pro bono publico Ecclesiæ, & Principum, populique Christiani, convenit indivisibiliter totæ comploxo ex illis omnibus bonis operibus: ita ut qui omnia non præstat, nihil lucretur vi Iubilæ.

26.

Quod autem ait Suar. duplicem esse significationem partialem materiæ & formæ sacramenti: & eam quæ est formæ, distinctioris & clariorem esse: non est verum de significatione sacramentali: sed solum de humana, quam habent verba ex primæ impositione hominum; & de radicali, id est, de proportionem quam habebant res & verba, ut assumerentur à Christo ad significandum sacramentaliter.

Significa-
tio sacra-
mental-
is non est re-
latio ratio-
nis.

Minus verò probabile est quod ait Vasq. cap. cit. significationem sacramentalem esse relationem rationis existentem indivisibiliter in materia & forma sacramenti. Nam si loquatur de ente rationis propriè dicto, id est fictitio: sacramentum non constituitur per figmentum, sed est nullo intellectu fingente; essetque absurdum existimare, Deum alligasse gratiæ efficaciam entibus fictitiis, obligasseque homines ad fingenda entia rationis, si salui esse velint. Sin autem per ens rationis intelligat tantum extrinsecam denominationem, ex qua potest quis sumere occasionem fingendi ens rationis: minus propriè rem explicat, & perperam dicit eam existere in materia & forma, illique inesse indivisibiliter. Nam extrinseca denominatio non inest rei denominatæ. Alioquin enim esset denominatio intrinseca, quia intrinsecè afficeret subiectum quod denominat.

27.

Sacramen-
ta non com-
ponuntur
ex signifi-
catione sa-
cramentali

His ergo reiectis Concludo, Sacramenta, propriè loquendo & verè, non componi ex significatione sacramentali: neque in actu primo, id est, ex vi significandi, quæ ultra res & verba, nihil aliud est quam institutio Christi, id est, actus vitalis internus & externus voluntatis Christi assumentis illa ad significandum sacramentaliter, ut bene in secunda ratione dubitandi dictum est supra: Neque in actu secundo, id est, ex usu significandi actu, siue ex actuali significatione, & deductione alicuius potentie cognoscetis in cognitionem gratiæ: quæ ultra res & verba & institutionem divinam, dicit actualem exhibitionem signi factam potentie, cognoscenti ad quidnam significandum talia signa instituta sint. Non primum: quia actus ille Christi denominat tantum extrinsecè sacramentum. Quod autem tantum extrinsecè denominat, non componit. Absurdumque est dicere sacramenta componi ex actibus Christi vitalibus, tanquam ex forma. Non etiam secundum: tum ob eandem causam: tum etiam quia sacramentum non potest esse sine sua

Tom. IV.

forma. At potest esse sine significatione in actu secundo, id est, absque eo quod actu cuiquam significet, cumque ducat in notitiam rei significatæ. Ut sacramentum Eucharistiæ v. g. maneret, quamvis nullus de illo cogitaret actu. Hoc enim illi accidentarium est. Tum denique quia significatio actualis est effectus sacramenti & signi, ipsumque præsupponit: ergo sacramentum non constituitur formaliter per illam. Alioquin sacramentum esset, antequam esset, & esset posterius seipso, tempore, vel natura.

Obiicies 1. Verba quæ aliquid significant, denotant tantum extrinsecè significatum id, quod significant. Ergo non componuntur cum illo, si verum est quod supra diximus. Ergo verba sacramentalia non componuntur cum materia sacramenti, quam significant. Ergo sacramentum non componitur ex rebus & verbis, ut ex materia & forma. 2. Si divina institutio non potest esse forma componens signum ex instituto: Ergo nec humana. Ergo verba quæ significant ex humana institutione, prævia divinæ, non potuerunt assumi, ut essent forma sacramenti. Quia non sunt voces seu soni articulati, sed sunt voces significantiæ: & sunt tales per humanam institutionem. Hæc autem institutio, quia est mera denominatio extrinseca respectu vocis, non componit cum illis: Ergo nec cum materia. Ut enim componeret cum materia Sacramenti, deberet esse vel tota forma, vel pars formæ.

29.

Ad primum Respondeo, In sacramentis transeuntibus, siue in usu & actione consistentibus, ut sunt omnia præter Eucharistiam, verba non tantum significare materiam, & extrinsecè tantum denominare eam significatam: sed prout actu proferuntur à ministro sacramenti (quo pacto sunt eius forma) id est, secundum actualem prolationem, quæ est actus ministri, constituere unam moraliter actionem totalem & ceremoniam sacram, cum alia actione quæ est materia proxima sacramenti: sicut ex actu interno & externo ad idem tendentibus, puta ex interna volitione furandi, & actione externa, fit unus moraliter actus, qui dicitur furtum. Exempli gratia, forma Baptismi, *Ego te baptizo*, aut Confirmationis, *Signote signo crucis, & confirmo Christum te salutis*, non significat tantum ablutionem per aquam, aut confectionem Chismaticam: sed illa verba actu proferuntur eo fine, ut eorum prolatio sit pars illius ceremoniæ sacræ, quæ ex divina institutione vim habet sanctificandi, debentque iuxta institutionem ita proferri. Idemque dico de forma Pœnitentiæ, Extremæ unctionis, Ordinis & Matrimonii. In Eucharistia verò distinguendum est, fieri, & factum esse. Nam quando fit, prolatio actualis verborum super panem & vinum debet præsentia, est sacra ceremonia, quæ panis & vinum transubstantiantur in corpus & sanguinem Christi, positum sub speciebus per

Pp

Soluntur
obiectiones.

tur tota entitas physica baptismi: nego. Non datur denominatio moralis signi efficacis gratiæ: concedo. Hæc enim denominatio non convenit ablutioni & prolationi verborum, physicè tantum considerata, aut quomodocunque facta: sed facta eo modo, quo Christus instituit ut valeret ad significandam & efficiendam gratiam, id est, cum certis conditionibus, puta, à persona humana, ratione utente, & intendente facere id quod Christus instituit, & in subiecto rationali & humano, atque consentiente seu intendente recipere sacramentum, si subiectum sit persona adulta, & ratione utatur.

33.

Opponit 2. Materiam sacramenti matrimonii, iuxta omnes Theologos, esse contractum legitimum. Nihil autem est magis intrinsecum & essenziale contractui, quam consensus contrahentium. Quando enim consensus deest, non datur verus contractus, sed fictus & apparens. Ergo consensus ille est intrinsecus sacramento Matrimonii. Ergo idem dicendum est de consensu interno seu de intentione in Baptismo, & Confirmatione: cum baptizans non minus debeat habere intentionem faciendi verum & legitimum Baptismum: ac coniux debet habere intentionem faciendi verum & legitimum contractum. Similiter non minus requiritur consensus internus in Episcopo conferente potestatem Ordinis, quam in coniuge dante potestatem in corpus suum alteri coniugi. Ergo uterque est intrinsecus sacramento. Et in sacramento Pœnitentiæ, remissio, ut remissio, non consistit in his solis verbis, *Ego te absolvo*, prolatis sine animo remittendi: sicut donatio, aut promissio, non est sine animo donandi, vel obligandi se. Denique in eodem sacramento dolor internus est intrinsecus sacramento. Ergo & intentio Ministri quæ non est minus necessaria essentialiter, quam contritio vel attritio.

34.

Secundum
arg. refelli-
tur. 2.

Respondeo primò, Non omnes Theologos ita sentire de materia sacramenti matrimonii, ut videre est apud eundem auctorem eadem disp. sect. 1. n. 7. & sequentibus. Secundo, aliud esse consensum contrahentium se mutuo dantium & accipientium in coniuges: & aliud intentionem eorundem faciendi id, quod Christus instituit. Quorum primum est in infidelibus sine secundo: & in fidelibus distinguitur saltem virtualiter hæc intentio à consensu & contractu sacramentali, ut causa ab effectu. 3. In contractibus quidem omnibus consensum internum contrahentis esse partem intrinsecam & præcipuam contractus, qui est intrinsecè actus moralis & humanus. At non ita in omnibus aliis operibus. Quis enim dicat consensum aut voluntatem architecti esse de essentia ædificii, aut actus externi ædificandi? consensum ablucendi vestes esse de essentia ablutionis? voluntatem deambulandi esse de essentia deambulationis, & similia? 4. Non requiritur in Episcopo alius consensus dandi potestatem ordinis, quam prout virtualiter

includitur in intentione conferendi ordinem sicut Christus instituit. Idemque dico de sacerdote remittente peccata. Dolor autem internus non est materia & pars intrinseca sacramenti pœnitentiæ ideò, solum quia requiritur essentialiter: sed quia Deus ceremoniam sacram remittendi peccata, seu signum efficax talis remissionis, constituit ex contritione, confessione, & satisfactione pœnitentis, tanquam materia: & ex absolutione sacerdotis consistente in illis verbis, *Ego te absolvo*, &c. tanquam forma: ut Concilia nobis declararunt ex traditione Ecclesiæ, Florentinum in decreto §. *Quartum sacramentum*, & Tridentinum sess. 14. cap. 3. Cur autem hæc aut illa sint pars intrinseca alicuius sacramenti, summa ratio est Christi institutio, quæ per Ecclesiam nobis maximè declaratur.

35.

Opponit 3. Ministrum in sacramentis novæ legis operari ut ministrum Christi, & nomine ipsius, à quo delegatus est ad absolvendum, consecrandum &c. iuxta illud 1. Cor. 4. *Sic nos existimet homo ut ministros Christi, & dispensatores mysteriorum Dei*. Operari autem ut ministrum alterius, est operari ex autoritate ab illo accepta, & nomine ipsius. Quod non fit sine voluntate operandi illius nomine, & utendi autoritate seu potestate accepta. Similiterque dispensatio est actus humanus exigens voluntatem dandi, transferendi, condonandi &c. Si ergo ministri sacramentorum constituti sunt ministri Christi, & dispensatores; non possunt intelligi operari ut dispensatores, nisi quatenus operantur cum intentione. Quare intentio est aliquid integrans operationem illam in ratione dispensationis & actionis ministri Christi. Confirmatur, quia actio sacramentalis non habet suam efficaciam præcisè quatenus est ab hoc ministro; sed quatenus est moraliter actio Christi operantis per hunc, tanquam per suum ministrum. Hoc autem est ministerium operari nomine Christi ex intentione utendi potestate à Christo sibi concessa: atque adeo hæc actio, ut sacramentalis, non solum exigit, sed & includit illam intentionem ministri, à qua formaliter habet talem denominationem sacramentalis.

36.

Refutatur
tertium
arg.

Respondeo ad primum, negando vltimam consequentiam. Nam operatio sacramentalis, sumpta pro sacramento ipso, de quo quaestio est, non est actio seu operatio dispensandi; sed est res dispensata. Et sicut intentio dispensandi dando eleemosynam non est operatio integrans eleemosynam in seipsa: sic neque intentio dispensandi sacramentum, integrat vel componit intrinsecè sacramentum. Ad confirmationem, nego pariter consequentiam. Nam actio sacramentalis, sumpta pro sacramento ipso, non includit intentionem ministri, quamvis illam necessario exigit, & sine illa non habeat denominationem sacramenti, neque efficaciam sacramentalem.

Addo, coherenter loquendo dicendum esse potius, si intentio ministri est intrinseca reliquis sacramentis in usu consistentibus, esse quoque sacramento Eucharistiae. Idque colligo ex verbis eiusdem Doctoris n. 136. disput. cit. ubi affirmat, verba consecrationis intrare ad componendum sacramentum Eucharistiae in ratione sacramenti, quia per illa constituitur in esse signi sensibilis gratiae. Nam, inquit, corpus Christi non est ibi sensibile per se, sed per species & verba consecrationis: Nec species solae significant sufficienter sensibilibiter corpus Christi, vel gratiam: Sed oportet videre species panis v. g. & audire, vel scire, prolata esse verba consecrationis super illas species, ut aliquis veniat in cognitionem corporis Christi, & gratiae quam potest cibis ille causare. At verò intentio, inquit, non intrat partialiter ad constituendum sacramentum Eucharistiae in ratione signi sensibilis, cum ipsa intentio non sit sensibilis, sed debeat sentiri per verba. Quare intentio ministri non constituit intrinsecè sacramentum Eucharistiae, licet intret in alia sacramenta. Hæc ille.

37. Sed contendo eandem rationem, quæ probat verba ipsa constituere intrinsecè sacramentum Eucharistiae, quia sine illis reliquum non est signum sufficiens sensibile gratiae, sed oportet audire vel scire, prolata esse verba consecrationis super illas species &c. æquè probare intentionem ministri ingredi in idem sacramentum. Quia reliquum sine illa non est signum sufficiens sensibile gratiae, sed oportet audire, vel scire verba consecrationis prolata fuisse super illas species, non quomocumque, nec à quocumque, sed à vero sacerdote habente intentionem faciendi quod Christus instituit. Quod licet non sit sensibile per se ex parte intentionis: sentitur tamen, & cognoscitur per indicia externa, sufficientia ut prudenter iudicemus ita factum esse.

Nec obest quod addit num. 137. Verba consecrationis posse dupliciter considerari. 1. Ut sunt causa ponendi corpus vel sanguinem Christi sub speciebus: & ad hoc debent considerari ut verba Christi, seu ministri loquentis in persona & nomine Christi: includuntque, ut sic, intentionem sacerdotis. 2. Possunt considerari prout sunt forma sacramenti ipsius quod componunt in ratione signi sensibiliter significantis & causantis gratiam. Et sic non considerantur illa verba ut prolata nomine Christi, neque ut verba dicta à Christo per suum ministrum; quia verba solum intrant ad componendum sacramentum in ratione signi sensibilis gratiae, non in ratione causæ. Hanc autem sensibilitatem non complet aut componit formaliter intentio, quæ non est sensibilis, sed verba externa: ergo sola verba possunt intrare ad componendum sacramentum cum speciebus & corpore Christi, non autem intentio, quævis necessariò requisita.

Nam contra: Primò, verba quæ sunt forma sacramenti Eucharistiae in facto esse, seu in esse permanenti, sunt illa ipsa quæ fuerunt causa ponendi corpus & sanguinem Christi sub speciebus, non nudè sumpta, sed ut efficacia & causativa, seu verè & practicè significativa. Non enim cognoscimus species illas esse consecratas, neque eas discernere possumus à non consecratis, nisi quia scimus verba illa fuisse prolata à vero sacerdote, cum intentione faciendi id quod Christus instituit, atque adeo proferendi practicè & efficaciter. Quare sine illis ut talibus reliquum non est signum sufficiens sensibile gratiae. Ergo si ut talia includunt intentionem ministri, illam includunt considerata ut forma sunt, & distinctio allata est inutilis. 2. Cum efficacia sacramentorum sit fundata in eorum significatione, quippe quæ practica est, atque effectiva, & non merum signum speculativum gratiae; quidquid in sacramentis assumptum est ad gratiam significandam, assumptum pariter est ad efficiendam. Quare quidquid constituit intrinsecè sacramentum in ratione signi sensibilis gratiae, constituit pariter in ratione causæ. Ergo si verba consecrationis constituunt sacramentum Eucharistiae in ratione signi sensibilis gratiae, debent pariter dici constituere in ratione causæ. 3. Cum, ut supra diximus, verba cum speciebus & corpore Christi non sufficient ad significandum sensibilibiter corpus Christi verè ibi esse ut causam gratiae, per modum cibi spiritualis: sed necessarium sit intelligere verba illa fuisse prolata à ministro legitimo cum debita intentione: non potest negari sensibilem significationem sacramenti compleri aliquo modo per intentionem ministri sufficienter notam ex externis indiciis.

38.
Refellitur
effugium.

SECTIO V.

An res & verba, quibus fiunt sacramenta, sint determinata?

Prima conclusio: Res & verba, quibus sacramenta perficiuntur tanquam materia & forma, sunt determinata ex ipsa Christi institutione: ita ut neque ullus particularis, neque tota Ecclesia, possit aliud substituere in materiam & formam sacramentorum. Hæc conclusio admittitur communiter à Theologis. Et probatur 1. ex Tridentino sess. 7. can. 1. de Sac. in genere, ubi definit sacramenta omnia novæ legis fuisse à Iesu Christo Domino nostro instituta. Et sessione vigesima prima, capite secundo initio, docet, posse Ecclesiam in sacramentorum dispensatione ea statuere, vel mutare, quæ suscipientium utilitati, vel sacramentorum ipsorum venerationi, pro rerum, temporum, atque locorum varietate magis expedire iudicaverit: saluà nihilominus semper Sacramentorum substantia, in

39.
Res & verba sacramenta sunt determinata ex Christi institutione.

quam scilicet immutandam, aut aliter statuendam, non habet potestatem. Ex quo sequitur, materiam & formam sacramentorum, in quibus eorum substantia consistit, fuisse à Christo inuariabiliter institutam, & non ab Ecclesia quæ habet potestatem commutandi quidquid ipsa sua autoritate constituit. 2. Florent. in decreto Eugenii 5. *Hæc omnia Sacramenta*, & sequentibus, enumerat res & verba quædam determinata, tanquam materias & formas sacramentorum, *Quorum*, inquit, *si aliquid desit, non perficitur sacramentum*. Hæc autem omnia fuisse à Christo ipso tradita & determinata partim constat ex Scriptura, partim & multò magis ex traditione antiqua sanctorum Patrum, & vñ continuo totius Ecclesiæ, qui est optimus interpret legum diuinarum & institutionum, præsertim earum quæ in frequenti vñ posita sunt, cuiusmodi sunt sacramenta.

40. Ex Scriptura quidem constat, Christum instituisse aquam veluti materiam Baptismi necessariam, cum dixit Ioan. 3. *Nisi quis renatus fuerit ex aqua, & spiritu sancto, non potest introire in regnum Dei*. Formam verò expressam habemus Matth. ult. *Baptizantes eos in nomine Patris, & Filii, & Spiritus sancti*. Nam quòd sola intentione non sufficiat ablui in nomine Trinitatis, (vt alioqui fieri posset) sed debeat expresse Trinitas inuocari super eos qui baptizantur, satis aperte colligitur ex Act. 19. vbi Paulus cum aliquos antea baptizatos interrogasset, an accepissent Spiritum sanctum? illique respondissent, se ne quidem audiuisset an sit Spiritus sanctus, se iterum interrogauit: *In quo igitur baptizati estis?* aperte supponens nemini solitum conferri Baptismum Christi sine expressa inuocatione Spiritus sancti, & consequenter omnium personarum diuinarum: alioqui malè Paulus coniecisset non fuisse Baptismo Christi baptizatos, ex eo quòd non audiuissent Spiritum sanctum. Neque dicas Paulum id coniecisse, quia saltem debuerant edoceri mysterium Trinitatis, prius quàm Baptismum Christi suscipere. Si enim ita est, debuit quidem Paulus interrogare, quomodo ergo tam malè edocti Christi Baptismum suscepistis? at non dicere simpliciter, *In quo ergo baptizati estis?* Neque illud, tunc morem fuisse statim post Baptismum dari Confirmationem, in qua visibiliter infundebatur Spiritus sanctus. Nam etiam tunc non rarò, defectu Episcopi differebatur, vt patet ex Act. 8. vbi Samaritani, baptizati à Philippo Diacono, non fuerunt confirmari usque ad aduentum Petri & Ioannis Apostolorum. Denique verba illa adhiberi in Baptismo non tanquam simplicem ceremoniam, sed tanquam signum efficax concurrens ad peccati remissionem & sanctificationem, colligitur ex Ephes. 5. vers. 26. vbi dicitur Christus sanctificare Ecclesiam, illam mundans in uero aqua in verbo vite.

De Eucharistia constat similiter ex Matth.

26. Marc. 14. Luc. 22. & 1. Corinth. 11. Eucharistia. Christum panem & vinum accepisse, ac super illis hæc verba pronunciasse, *Hoc est corpus meum: Hic est calix sanguinis mei, &c.* Ac demum Apostolis, eorumque successoribus in sacerdotio, præcepisse vt hoc idem facerent in sui commemorationem, *Donec veniat*, inquit Paulus, id est, usque ad consummationem sæculi. Quia tamen Christus his verbis, *Hoc facite*, non præcepit quidquid ipse fecerat, aut omni modo quo fecerat: Alioqui post cœnam, & etiam Agni paschalis, communicandum esset, noctu, in cœnaculo, & cum aliis circumstantiis tunc à Christo adhibitis: ideo ex vi sola verborum non satis constat, an præceperit vt eadem verba tanquam consecratoria ac planè necessaria proferrentur super panem & vinum consecrandum. Quin etiam in Baptismo non satis constat ex solis testimoniis supra relatis, an tota illa forma, aut æquiualens sensu, sit essentialis, *Ego te baptizo in nomine Patris, & Filii, & Spiritus sancti*. Verum quòd deest expressionis in Scriptura, habetur aliunde ex vñ Ecclesiæ, & antiqua traditione, cuius testimonia referentur suis locis de his & aliis sacramentis.

Ratio verò à priori huius determinationis est institutio Christi, qui licet absolute loquendo potuerit instituere sacramenta non determinando hanc vel illam materiam aut formam, sed liberum hominibus relinquendo, vt his aut illis vterentur ad placitum: qualia censentur fuisse omnia fere legis naturæ sacramenta: neque enim de vñlo constat fuisse à Deo determinatum, excepta vnica circumcisione data Abraham ante legem Mosaicam: aliter tamen Christus re ipsa instituit, & valde sapienter. 1. Quia conueniens fuit signa gratiæ efficacia ab ipso gratiæ authore definiri, multò magis quàm sacramenta & sacrificia legis Mosaicæ. 2. Id facit ad dignitatem Sacramentorum, & deuotionem ac reuerentiam suscipientium, cum intelligunt sacramenta ritu, quem Christus ipse determinauit, celebrari. 3. Facit etiam ad Ecclesiæ vnitatem, & consensionem, quod in sacramentis, & in sacrificio, qui sunt præcipui ritus externi Deum colendi, vniuersa conueniat in res ab ipso Christo determinatas inuariabiliter.

Notandum tamen, determinationem à Christo factam non esse in omnibus æqualem: sed in quibusdam esse velut specificam & magis contractam; vt aquæ naturalis in Baptismo, olei in Confirmatione, Extremæque vñctione: In aliis velut genericam, qualis est materia Pœnitentiæ, seu remota, seu proxima. Peccata enim alia sunt mortalia, alia venialia: & vtrique differunt specie multipliciter. Confessio quoque de peccatis specie diuersis, est specie diuersa, & contritio de iisdem, si illa attingat secundum proprias rationes específicas. Actus enim vitales habentes obiecta adæquata specie diuersa, sunt specie diuersi. Similiter in Eucharistia

Pp 3

412
Cuius illa determinatio est.

Hæc determinatio ubi est æqualis in omnibus sacramentis.

Idem probatur de

matariam Christus instituit panem triticeum, & vinum virgineum, licet forte vtriusque sint species diuersæ. In sacramento Ordinis diuersitas non parua est inter Latinam Ecclesiam, & Græcam, vt dicemus in fine sectionis: Et in Matrimonio requiritur tantum contractus legitimus, qui pro diuersa Ecclesiæ constitutione diuersus esse potest. Quemadmodum ante Trident. valebat contractus clandestinus, quia legitimus, seu validus: nunc autem non valet vbi recepta est constitutio Tridentini irritantis tales contractus, pro potestate quam accepit Ecclesia in Matrimonia Christianorum, ex quo fuerunt in sacramentum nouæ legis instituta. Potest enim statuere talem contractum fore inualidum nisi seruetur aliqua forma, vel solemnitas, ab ipsa præscripta: sicut principes sæculares possunt per leges irritare testamenta, & alios contractus ciuiles, nisi tali vel tali modo ineantur. Item forma sacramento Matrimonii multiplex esse potest. Sufficit enim consensus internus quomodo-cumque exprimi, siue voce, siue scripto, gestu, aut alio signo externo. Aliorum verò sacramentorum formæ quamuis necessariò ex Christi determinatione debeant voce fieri; sufficiunt tamen quauis verba Synonyma, & cuiuscumque idiomatis, modò sensum essentialē exprimant.

43.
Eror hæreticorum, verba determinata non esse formā sacramentorum, sed concionem requiri.

Bellarmin.

Hieron.

Secunda conclusio: Verba à Christo determinata ad sacramenta efficienda non sunt concionatoria, sed ritualia seu consecratoria. Hæc conclusio est contra Calvin. 4. Instit. cap. 14. num. 4. contendentem cum aliis sectariis verbum sacramentale à Christo institutum non esse pauca & certa quædam verba super elementum seu materiam pronuncianda, quæ magicis incantationibus & demurmurationibus ait esse similia: sed esse concionem, quā promissio diuina clarā voce à Ministro prædicatur, vt plebs eò manu ducatur, quò signum tendit ac nos dirigit. Quæ etiam de causa volunt sectarii verba, quæ adhibentur in sacramentis, idioma te vulgari proferri. Contra hunc errorem fuisse scribit Bellarm. lib. 1. de Sacram. c. 19. breuiter autem hæc sufficiunt. Primò, Christus Eucharistiam celebrans non præmisit concionem, sed tantum adhibuit verba panis & vini consecratoria. Cumque post Eucharistiam celebratam longum sermonem habuit cum Apostolis, nullum in eo verbum de Eucharistia fecit, vt ostenderet quò signum illud tenderet, ac nos dirigeret. Quæ omnia constant ex Matth. 26. Marc. 14. Luc. 22. Ioan. 13. & sequentibus. Matth. verò cap. ultimo doctrinam à Baptismo subiunxit, cum dixit, *Docete omnes gentes; baptizantes eos in nomine Patris, & Filii, & spiritus sancti, docentes eos seruare omnia quæcumque mandavi vobis.* Quibus verbis, vt sapienter Hieronym. aduertit, in comment. huius loci, præcepit Christus tria fieri: hoc ordine, vt primum Apostoli docerent omnes gentes (quia scilicet adulti doctrinæ capaces, prius

catechizandi sunt & instruendi.) deinde fidei intingerent sacramento: & post fidem & baptismum, quæ essent obseruanda præciperent.

Secundò, Paulus 1. Corinth. 1. vers. 17. apertè Baptismum à concione distinguit, cum ait: *Non enim me misit Christus baptizare, sed euangelizare.* Et Act. 10. Petrus quidem Cornelium & domesticos eius instruxit, & concionem habuit: non tamen ipse dicitur baptizasse eos, sed iussisse baptizari. Tertiò, Calvinus apertè repugnat SS. Patribus affirmantibus Baptismum verbis perfici, celebrari, & consecrari, vt aiunt Basil. lib. de Spiritu sancto cap. 15. Cyprian. in sermone de Baptismo Christi, & epist. 73. ad Iuba-num: Ambros. lib. 2. de Sacram. cap. 5. & August. lib. 3. de Baptismo contra Donatistas cap. 10. quorum verba relata vide apud Bellarm. cap. sup. cit.

Quartò, Si concio requiritur tanquam necessaria, & essentialis ex Christi institutione: ergo Calvinus, Beza, & alii primi hæretici, baptizati sine concione, latino idiomate, more Ecclesiæ Romanæ, non fuerunt verè baptizati, ideoque fuerunt rebaptizandi: & qui ab Ecclesia Romana ad ipsos deficiunt essent similiter rebaptizandi. Quod tamen ipsi non faciunt. Quintò, Si concio requiritur necessariò: nempe requiritur ad excitandam veram fidem, vt Calvinistæ imaginantur. Ergo baptizati ab hæreticis falsam fidem prædicantibus, & excitantibus, non essent verè baptizati, quod tamen est contra eorum doctrinam, & sensum antiquæ Ecclesiæ, teste D. August. lib. 3. de Baptismo cap. 5. Innocentio 1. epist. 22. cap. 5. & Concilio Arelatensi can. 8. ex quibus constat baptizatos ab Arianis, & aliis hæreticis quamuis errantibus circa mysterium Trinitatis, fuisse habitos pro validè baptizatis, eò quòd super aquam fuissent hæc verba pronunciata, *Ego te baptizo, &c.* Sextò, Quid prodest concio paruulis qui eam audire non possunt, neque fidem ex illa concipere? Quòd verò ad sint alii, est per accidens, & non necessarium: neque fides illorum iustificat infantem. Fides quoque ipsius baptizantis necessaria non est: alioqui hæretici non validè baptizarent. Quid etiam opus est concione adultis iam ante sufficienter instructis de rebus fidei, deque sine sacramenti, quique ad fidem seipsos excitant, & cum illa ad sacramentum accedunt? Quid, inquam, illis opus est concione ad fidem excitandam? Denique Calvinistæ qui ex Scriptura omnia metiuntur, vnde habent sacramenta non esse valida & legitima sine concione? Nullum enim Scripturæ textum ad id probandum efficaciter proferre possunt.

Præterea verò obiciunt illud August. tract. 80. in Ioan. *Vnde ista virtus aquæ vt corpus tangat, & cor abluit? nisi facient verbo, non quia dicitur, sed quia creditur.* Sensus enim est, quòd ista virtus non sit in nudo sono materiali verborum, quia dicitur, seu ore

43.

August.
Innocent.
Arelat.

44.

August.

formatur & protetur: sed in significatione myſterii fidei, quod ab Eccleſia creditur, & omnibus fidelibus credendum proponitur. Sentius ergo eſt, verbum in Baptiſmo mundare, non quia dicitur ſolum materialiter, id eſt, quia ore profertur talis ſonus articulatus, ſignificans ſimpliciter ablutionem per aquam: ſed quia creditur, id eſt, quia continet myſterium fidei credendum: nempe veram emundationem à peccato, & gratiæ infuſionem, factam per talem ceremoniam. Qua de re plura vide apud Bellarm. lib. 1. de Sacram. cap. 20. Quod autem addunt de magicis incantationibus, ineptiſſimum eſt. Quasi verò Chriſtus ſine magiæ vitio non potuerit inſtituere verba determinata, æque ac res determinatas; & verbis illis dare vim moralem benedicendi & conſecrandi res ſeu materiam ſacramentorum, iuxta illud 1. Cor. 10. verſ. 16. *Calix benedictionis cui benedicimus, nonne communicatio ſanguinis Chriſti eſt?* Neque propterea hæc ſacra ceremonia non longiſſimè differat à magicis incantationibus, ſicut Chriſtus longiſſimè differt à Cacodæmone; & ſacrificia veteris legis longiſſimè diſtabant à ſacrificiis ſimilibus quæ Dæmonibus & Idolis fiebant per Idololatrias: quantum ſcilicet vera Religio diſtat ab Idololatria: Pudeat igitur Nouatores tam leui argumento fidem antiquæ Eccleſiæ deſeruiffe.

Tertia conſuſio: Determinatio materiæ & formæ ſacramentorum à Chriſto facta, eſt vniuerſalis pro tota Eccleſia: adeo vt vbi que terrarum, & in quauis Eccleſia, tam Græca, quàm Latina, eadem eſſentialiter ſit & ſufficiat materia & forma. Ratio eſt, quia Chriſtus ſacramenta inſtituens nullam fecit diſtinctionem inter loca vel Eccleſias particulares: ſed generaliter locutus eſt, vt patet ex Matth. ult. de Baptiſmo: *Euntes docete omnes gentes, baptizantes eos in nomine Patris, & Filii, & ſpiritus ſancti.* Vbi vniuerſaliter eundem Baptiſmum, eandemque formam omnibus Gentibus applicandam præſcripſit. Ac ſicut voluit vnā eſſe ſuam Eccleſiam ex omnibus gentibus collectam: ſic eadem pro omnibus ſacramenta inſtituit, vnā eademque inſtitutione ac determinatione, propter maiorem Eccleſiæ vnitatem: neque magis eam voluit eſſe diuerſam pro diuerſis locis, quàm pro temporibus diuerſis, licet in ritibus accidentariis, aliqua ſit diuerſitas: vt quòd Græci conſecrent in fermentato, Latini in azymo: quodque in Baptiſmo dicant Græci, Baptizatur ſeruus Chriſti, &c. pro eo quod Latini dicunt, *Ego te baptizo*, &c.

Falluntur itaque Innocentius in cap. 1. de Baptiſmo. & Felinus in cap. *Quæ in Eccleſiarum, de Conſtitutionibus* num. 26. & alii quidam Canoniſtæ, affirmantes Latinos non valide baptizare in forma Græcorum in Latina Eccleſia, & iis in locis in quibus forma Eccleſiæ Latinæ recepta eſt: neque valide conſecrare in fermentato: & contra. Falluntur, in-

quam, quia licet peccent Græci & Latini, dum à ritu ſuæ Eccleſiæ ſine cauſa diſcedunt, eò quòd illa conſuetudo legitima cuiusque Eccleſiæ vim præcepti habeat, & ab vnoquoque ſeruanda ſit, dum in illa Eccleſia verſatur: ſi tamen adhibent omnia ſacramento eſſentialia, vt in exemplis allatis ſit, neque conſuetudo, neque præceptum Eccleſiæ, aut aliud quid impedire poteſt, quin vere ſacramentum exiſtat. Poterit quidem Eccleſia præcipere aliquid circa ceremonias accidentales: ſed non habet poteſtatem in ſubſtantiam ſacramentorum, vt ſupra oſtendimus ex Trident. ſeſſ. 21. cap. 2.

Obiicies 1. Contractum clandestinum valere ad matrimonium iis in locis, vbi nondum recepta & promulgata ſunt conſtitutio Trident. ſeſſ. 24. in decreto de reformatione matrimonii: alibi autem non valere. Ergo diuerſis in locis diuerſa eſt materia ſacramenti matrimonii. Item ſi Eccleſia non habet poteſtatem in ſubſtantiam ſacramentorum, quomodo potuit immutare contractum matrimonii, & efficere vt non valeret ille, qui ſecundum Chriſti inſtitutionem valebat, & multis ſæculis vbique valuit? Reſpondeo cum Suare diſp. 2. ſect. 6. Chriſtum non inſtituiſſe in ſacramentum matrimonii hunc aut illum contractum in ſpecie, ſed in genere contractum legitimum. Vnde idem contractus ſi de legitimo fiat illegitimus, non poteſt ampliùs eſſe materia ſacramenti. Quia verò Eccleſia habet poteſtatem in Chriſtianos contrahentes matrimonium: poteſt pro ſua authoritate apponere aliquam conditionem, ſine qua contractus legitimus non ſit, adeoque non ſit ampliùs materia ſacramenti, quia iam moraliter corruptus eſt & nullus: ſicut ſi quis panem aut vinum corrumpere, efficeret vt non poſſet eſſe materia Eucharistiæ. Quod autem dicitur, Eccleſiam non habere poteſtatem in ſubſtantiam ſacramentorum, hunc habet ſenſum, quòd non poſſit loco illius quæ à Chriſto inſtituta fuit, aliam ſubſtituere: neque item efficere vt ſacramentum non exiſtat poſita eius materiâ & formâ, aliſque ex Chriſti inſtitutione requiſitis, vel vt quod erat materia & forma validâ ſeu legitima, ſine ſui mutatione incipiat eſſe inualida: Sicut tamen corrumpendo aquam & vinum, poteſt efficere vt non ſint ampliùs materia Baptiſmi & Eucharistiæ: ſic irritando contractum clandestinum, effecit vt non ſit ampliùs materia ſacramenti vbicunque irritus eſt iure Eccleſiaſtico, non minùs ac ſi iure naturali propter impotentiam vel amentiam contrahentium irritus eſſet. Atque ita materia ſacramenti non eſt diuerſa in diuerſis locis ſecundum Chriſti inſtitutionem: ſed tantùm eſt diuerſitas quoad Eccleſiæ determinationem circa contractum legitimum. Neque Eccleſia irritauit Chriſti inſtitutionem, quæ non fuit de contractu clandestino in ſpecie, ſed de contractu legitimo in genere.

Obiicies 2. Aliam nunc eſſe apud Græcos

Bellarmin.

45.

Determinatio à Chriſto facta, eſt vniuerſalis pro tota Eccleſia.

Innocent. Felin.

46.

Quomodo Eccleſia irritans contractum clandestinum non mutat materiam ſacramenti matrimonii

47.

Magis va-
rietas in
Ecclesia
Græca &
Latina cir-
ca sacram.
Ordin.

materiam & formam sacramenti Ordinis, aliam apud Latinos. Ergo vel Christus duplicem instituit, & diuersam pro diuersis Ecclesiis: vel Ecclesia Latina habuit potestatem mutandi materiam & formam à Christo traditam, & ab Apostolis, & antiqua Ecclesia, atque etiam nunc à Græca usurpatam, in aliam quàm ipsa post aliquod tempus vti cœpit, atque hucusque vtitur, & quidem velut essentiali. Nam Florent. in decr. Eugenii 5. *Sextum sacramentum est Ordinis*, ait eius materiam esse illud per cuius traditionem confertur Ordo: Sicut Presbyteratus traditur per calicis cum vino, & patenæ cum pane porrectionem. Diaconatus verò per libri Euang. oblationem. Subdiaconatus per calicis vacui cum patena vacua superposita traditionem. Et alii ordines inferiores, per rerum ad ministeria sua pertinentium assignationem, Formam verò Sacerdotii talem esse, Accipe potestatem offerendi sacrificium in Ecclesia pro viuis & mortuis in nomine Patris, & Filii, & Spiritus sancti: & sic de aliorum Ordinum formis. At verò tempore Apostolorum, & in primitiua Ecclesia, conferebatur ordo per manuum impositionem, velut huius sacramenti materiam, de qua sola Scripturæ & Patres antiqui loquuntur. Et nunc etiam Græca Ecclesia vtiur solum illa materia, sciente & approbante summo Pontifice, ac tota Ecclesia Latina, quæ Sacerdotes sic ordinatos habet pro veris Sacerdotibus, neque eos reordinat. Et certè alioqui Summus Pontifex tam sacrilegum abusum, tamque perniciosum non permetteret in ipsa vrbe Roma, vbi Græci frequenter in Ecclesia sua Sacerdotes suos sic ordinant, vt Cardinalis Delugo infra citandus, & alii viri graues, se vidisse testantur. Pro forma verò Sacerdotii, & aliorum Ordinum, non vtitur Ecclesia Græca verbis assignatis à Florentino, & vtitur in latina Ecclesia: sed vt refert Arcudius lib. 6. de Sacram. c. 2. paulò post medium, Episcopus ordinat Sacerdotem, verbi gratia, hac formula verborum, quæ pronunciat manu cum pallio super caput ipsius imposita: *Diuina gratia, quæ semper infirma curat, & quæ defuncti supplet, promouet N. venerabilem Diaconum in Presbyterum. Oremus igitur pro eo*, &c.

Arcud.

48.
Que sit
materia &
forma es-
sentialis
sacramenti
Ordinis?

Respondeo breuiter, omittis multis, & reiectis in suum locum vbi de materia & forma sacramenti Ordinis disputabitur, Christum non instituisse determinatè, & in specie vltima, hanc aut illam materiam in sacramento Ordinis, neque hæc aut illa verba: sed confusus solum, & generalius instituisse vt ordo conferretur per aliquam actionem externam & sensibilem ordinantis, significatiuam potestatis quæ datur Ordinato, & per aliqua verba quæ magis determinatè & clariùs significarent eandem potestatem. Et hoc solum est essentialia sacramento Ordinis. Determinationem autem illius actionis sensibilis, & verborum in specie, liberam reliquit Ecclesiæ, quæ olim manuum imposi-

tione utebatur, & nunc quoque eadem vtitur Græca Ecclesia. Latina verò partim manuum impositione, partim aliqua alia actione magis determinatè significatiua potestatis, quæ traditur. Cuiusmodi est porrectio calicis & patenæ, & alia supra recensita à Florentino. Sed hæc determinatio, & differentia materiæ est Sacramento accidentalis. Ac si Græcus Episcopus ordinaret in Ecclesia Græca ritu Latino; faceret quidem illicitè, sed tamen validè ordinaret. Idemque dico vice versa de Latino Episcopo ordinante ritu Græco in Ecclesia Latina. Sicut ergo Ecclesia non mutauit materiam essentialem sacramenti Eucharistiæ, neque aliam instituit pro Græca Ecclesia, aliam pro Latina, quando statuit vt in Ecclesia Latina conficeretur Eucharistia ex pane azymo, quo Christus usus est; in Græca, ex fermentato: sed tantum induxit accidentalem differentiam materiæ essentiali: sic, &c. Idemque dico de differentia verborum formæ, quæ reperitur in ordinatione Ecclesiæ Græcæ & Latinæ. Consentit Delugo disput. 2. de Sacrament. num. 86. vbi pro eadem sententia citat Innocentium IV. Bellarm. & Petrum Arcudium, qui postremus lib. 6. de Sacram. cap. 4. 5. *Est autem duplex*, affirmat hanc esse sententiam Doctissimorum.

Delugo

Arcud.

SECTIO VI.

An quævis mutatio materiæ, aut formæ, tollat substantiam & veritatem sacramentorum?

Respond. negatiuè: sed illam solum quæ substantialis siue essentialis est, quæ scilicet destruitur substantialiter vera materia, vel forma à Christo instituta & determinata. Pro quo nota duplicem esse posse mutationem materiæ vel formæ sacramentorum essentialem scilicet, & accidentalem. Prior tollit substantiam & veritatem sacramentorum: quia per huiusmodi mutationem tollitur vera materia, & vera forma essentialis. Sublato autem toto, vel parte essentiali, res non potest consistere. Posterior verò non tollit substantiam sacramentorum, quia relinquit quicquid est substantiale, siue essentialis, materiæ & formæ, iuxta Christi institutionem: manet autem sacramentum, quantum est ex parte materiæ & formæ, quamdiu manet salua earum essentia. Dixi manere, id est, existere sacramentum, quantum est ex parte materiæ & formæ: quia licet aliunde sacramentum irritum reddi possit: puta si desit intentio Ministri, aut adulti recipientis, aut capacitas subiecti: hic tamen agimus de solo defectu, qui contingere potest ex parte materiæ ipsius vel formæ sacramentorum, propter ipsarum corruptionem vel alterationem.

49.
Conclusio
negatiua.

Mutatio
materiæ
vel formæ
vna est es-
sentialis,
altera ac-
cidentalis;

Dicitur autem mutatio materiæ essentialis fieri, quando mutatio materiæ tanta est, vt Mutatio

essentialis
quæ sit,
quæve ac-
cidentalis?

iuxta communem usum, & æstimationem hominum, non conveniat ratione & nomine cum materia usitata ab Ecclesia, & à Christo præscripta, cuius præscriptum ex traditione & usu Ecclesiæ communiter recepto cognoscimus. Vt si in Baptismo, loco aquæ elementaris, adhibeatur vinum, aut aqua rosacea: & in Eucharistia, panis hordeaceus pro triticeo. Accidentaliter verò mutatio materiæ tunc fit, quando servatur quidem materia à Christo instituta, & ab Ecclesia usurpari solita, sed non eodem modo. Vt si aqua lutosa, vel calida adhibeatur in Baptismo; vel si panis in Eucharistia mutetur ex azymo in fermentatum. In his autem mutationibus non est semper spectanda materia physice secundum essentiam: sed iuxta divinam institutionem, & usum Ecclesiæ, quæ errare non potest in re tanti momenti, iuxta caput, *Ad abolendam, De Hæreticis*. Unde licet diceremus mutationem massæ triticeæ in panem, physice loquendo, esse tantum accidentalem: tamen iuxta Christi institutionem, & usum Ecclesiæ, essentialis est: quia massa non est panis humano modo loquentibus, nec habet usum panis secundum morem humanum. Item licet Chrisma benedictum ab Episcopo, differat tantum accidentaliter à non benedicto; istud tamen non est materia sufficiens sacramenti Confirmationis, ut dicemus suo loco: quia non est quale à Christo institutum fuit, & determinatè præscriptum velut essentialiter & omnino necessarium.

§ 1.

Similiter mutatio formæ essentialis tunc fit, quando vel non adhibentur verba vocalia, siue ore prolata, ubi essentialiter necessaria sunt; ut sunt in omnibus sacramentis, excepto matrimonio: unde si absolutio sacramentalis detur scripto non valet: vel, etiam si adhibeantur verba; ita tamen mutantur ut non maneat sensus à Christo institutus, & determinatus tanquam essentialiter & absolute necessarius, qui cuiusmodi sit dicemus cum de singulis sacramentis disputabitur. Extra hos duos casus mutatio formæ accidentaliter tantum est. Vt si in matrimonio, loco verborum, adhibeantur gestus, aut nutus si sufficienter consensum exprimentes: vel si in aliis sacramentis addatur aliquid verbis, aut detrahatur, quod non corrumpat sensum necessarium, ut si quis ita baptizet, Ego indignus peccator te baptizo in nomine Dei Patris omnipotentis, & Filii eius unigeniti, & Spiritus sancti paracleti. Aut si detrahat huic formæ particulam, Ego: vel formæ Eucharistiæ particulam, Enim. Secus autem si detraheret verbum, *Baptizo*, aut nomen, *Corpus*. Aut si baptizando diceret, Ego te baptizo in nomine Patris maioris, & Filii minoris & ab eo creati, & Spiritus sancti utroque inferioris. Hæc enim additio tollit sensum necessarium, & contrarium ponit. Idemque dico de eo qui sic consecraret, Hoc est corpus meum non re, sed figura. Item, si verba transponantur, aut male pro-

nuncientur, sufficienter tamen secundum moralem æstimationem retento sensu necessario, qui non obstante tali mutatione satis intelligatur, mutatio solum accidentaliter est: ut si quis dicat consecrando, Meum corpus est hoc: Aut baptizando, In Spiritus sancti, Filii, & Patris nomine Baptizo te ego. Aut etiam, si per imperitiam linguæ Latinæ diceret, Ego te baptizo in nomine Patria, & Filia, & Spiritua sancta. Hanc enim formam ex imperitia sic prolatam sufficere declaravit Zacharias Papa, ut habetur in capite *Retentum*, de Consecratione, dist. 4. Item si per balbutiem, aut impedimentum linguæ sic pronunciet, Ego te battiso, aut, Hoc est torpus meum. Tales enim more suo secundum usum idem dicunt, quod alii melius exprimunt. An verò qui sine imperitia, vel balbutie sic diceret, formam destrueret, dicemus sectione sequenti.

Accidentaliter item est si absque sensus eversione eadem verba sæpius repetantur, ut à scrupulosis fit: aut si pronuntiatio parumper interrumpatur, ita scilicet ut non tollatur sensus neque moralis unitas orationis, de quo ex circumstantiis, & modo ac duratione interruptionis, prudenter iudicandum est. Aut si verba formæ mutantur in alia planè synonyma, siue eiusdem idiomatis, siue diversæ, aut etiam si multa idiomata miscantur. Christus enim non determinavit hoc aut illud idiomata, sed sensum dumtaxat: alioquin deberent omnes eodem idiomate uti, putà syriaco, quo Christus usus est. Potest tamen Ecclesia propter uniformitatem, aut decentiam, unum præ alio præscribere: & hoc ex præcepto servandum est, licet non ex necessitate Sacramenti, cui quicumque verba æquæ apta sunt, modò sensum illum exprimentem quem Christus determinavit. Unde falluntur Novatores qui putant vulgare idiomata ubique necessariò usurpandum esse. Sed hoc dicunt, quia putant verba sacramentalia esse tantum concionatoria, ad instructionem populi instituta.

Notandum tamen, Ecclesiæ præceptum non ita obligare ut non possint imperiti uti vulgari idiomate, quando periculum est ne ignotum idiomata corrumpant. Unde monent Emmanuël Sa verbo *Baptismus*, Victoria de Sacram. q. 18. & Aegid. Con. q. 60. n. 84. Satiùs esse feminas baptizantes uti lingua vernacula. Idemque sentio de rusticis & æquè imperitis.

Nota præterea quod dixi, si mutantur in alia planè synonyma eundem planè sensum exprimentia. Alioquin enim fieri potest ut mutatio essentialis sit: ut si quis dicat, Ego te baptizo in nomine Trinitatis. Nam expressa invocatio Trinitatis, est Baptismo essentialis, & non sunt synonyma ea verba quorum unum significat tantum implicite, id quod alterum expresse. Quamquam non semper expressio eorum omnium, quæ in forma consueverunt significari, essentialis est: ut patet ex diversitate Pontificalium, aut Ritualium,

§ 2.

Exempla
mutationis
accidentalis.

§ 3.

Sa.
Victor.
Conin.

quæ sunt in usu in varijs Ecclesijs, & à sede Apostolica approbata vel tolerata sunt. Debent præterea verba illa esse synonyma secundum publicam institutionem, & non solum secundum privatam proferentis, aut aliorum paucorum intentionem, utentium verbis alio sensu quam communiter & publice significant. Quia sacramenta sunt communes & publicæ ceremoniæ, verbis communibus & publicis celebrandæ. In verbis autem sensus & significatio præcipuum est. Si tamen verba, in quæ mutatio fit, sint ambigua, & proferens bonum sensum intendat: mutatio tantum accidentalis est. Quia verba illa secundum publicam institutionem ferunt sensum bonum, & ad illum determinantur ex intentione proferentis. Nec obest vocum ambiguitas: quia in omnibus fere verbis, respectu eiusdem idiomatis, aut diversorum, reperiri potest: & ex usu loquendi determinatur ad hanc aut illam significationem.

SECTIO VII.

Appendat à scientia, vel ab intentione ministri, ut mutatio materiæ, vel formæ sit substantiæ, vel accidentalis?

54. **R**atio dubitandi est, quia D. Thom. quæst. 60. a. 8. in corp. ait. si minister per additionem, aut diminutionem formæ intendat alium ritum inducere, qui non sit ab Ecclesia receptus, non videtur perfici sacramentum: quia non videtur quod intendat facere id quod facit Ecclesia. Et quod amplius est, Zacharias Summus Pontifex in ep. Decret. ad Bonifac. ut refertur in cap. *R. tulerunt*, de consecr. dist. 4. respondit formam illam, *In nomine Patris*, &c. valere, & sufficere, si ex ignorantia prolata sit, & non ex intentione inducendi novum ritum in Ecclesia, vel hæresim. Unde à contrario sequi videtur, non sufficere talem formam; si non ex ignorantia, vel si ex tali intentione prolata sit. Refert quoque Henric. lib. 1. de Sacram. in genere cap. 9. num. 12. aliquos asserentes sacramentum non fieri, quando minister putat aliquid non esse de essentia formæ, quod tamen est de eius essentia: licet illud non omitrat: Itemque si quis proferat tanquam partem essentiali, illam quæ verè non est essentialis.

55. **D**icendum est tamen 1. Non pendere à scientia, vel ab intentione ministri, quod materia, vel forma sacramentorum valida sit: neque posse per illam reddi invalidam, si vera forma, & materia adhibeatur, & aliunde non contingat mutatio, vel corruptio. Ratio est, quia substantia materiæ, & formæ consistit in re ipsa, & in sensu, ac significatione verborum, iuxta Christi designationem: non autem in scientia, vel intentione ministri, quæ non potest derogare Christi insti-

tutioni, neque impedire, quin sacramentum validum sit, quantum est ex parte materiæ & formæ, quando tales adhibentur re ipsa, quales à Christo sunt institutæ: cum ne universa quidem Ecclesia potestatem acceperit in substantiam sacramentorum; ut sæpius diximus cum Trident. sess. 21. cap. 2. Quare nisi corrumpatur vera materia, aut forma, valebit sacramentum, quantum est ex parte illarum; quidquid sit de ignorantia, vel de intentione ministri. Quantum, inquam, est ex parte illarum: quia hic solum agimus de defectu sacramenti ex parte materiæ vel formæ, non autem ex parte intentionis ministri simpliciter. Scimus enim veram materiam, & formam non sufficere sine intentione ministri, ut Florent. definit in decreto, 5. *Hæc omnia*. Sed tunc defectus non contingit ex parte materiæ vel formæ, quasi illæ non sint bonæ; sed ex eo quod ulterius intentio ministri secundum Christi institutionem necessaria sit ad formam, & materiam valide applicandam, & ad tale ens morale constituendum.

Dico 2. Quando verba formæ mutantur in alia quæ secundum publicam institutionem, & communem usum, faciunt sensum ambiguum secundum modum & circumstantias quibus proferuntur hic & nunc: nisi tunc minister sensum legitimum intendat, Sacramentum irritum est, non solum defectu intentionis, sed etiam defectu veræ formæ. Ratio est, quia in eo casu significatio verborum pendet secundum communem usum, & publicam institutionem, ab intentione & determinatione loquentis: & habet quisque ius utendi verbis ambiguis in sensum à se determinatum. Licet autem sit idem sonus materialis verborum; non est eadem forma, si non est eadem significatio; neque sunt propriè eadem verba, quæ ex significatione, maxime æstimanda sunt.

Dixi, si faciant sensum ambiguum secundum publicam institutionem & communem usum, eo modo & circumstantiis quibus proferuntur hic & nunc: alioqui enim si ex communi usu & publica institutione sunt satis determinata: defectus erit solum ex intentione ministri: ut esset, si formam profferret non ambiguum, non intendendo verum eius sensum, sed alium privata sua intentione, quæ non potest derogare publicæ institutioni, & usui communi, in his publicis Ecclesiæ ceremoniis. Quare non assentior Suar. dispo. 2. sect. 5. conclus. 2. absolute & generaliter affirmanti corrumpi formam per quamcumque ambiguitatem & defectum intentionis boni sensus. In quem etiam sensum non bene exponit responsum Zachariæ supra relat. Nam in eo casu defectus solum fit ex parte intentionis, ut ostendimus paulo post. Nec valet ratio Suar. quia, inquit, in eo casu formaliter & propriè aliud est signum quod minister exhibere intendit, quam quod Christus instituit. Resp. enim esse aliud non secundum se, & secundum publicam insti-

56. Si verba formæ sunt ambigua minister non intendens sensum legitimum, irritat sacramentum.

Suar.

tutionem; sed secundum intentionem priuatam ministri, qui non potest validè tollere publicam significationem verborum sacramentalium, ut neque nouam illis dare, utendo verbis non publicè synonymis, in sensu priuato synonymo. Quod postremum cum fateatur Suar. debet quoque prius fateri: nam vtriusque par est ratio.

57. **Intentio inducendi errorem in Ecclesiam non irritat sacramentum.** Dico 3. Quando aliquis ex scientia, vel ex intentione inducendi nouum ritum aut hæresin in Ecclesiam, mutat accidentaliter materiam vel formam sacramentalem, sacramentum validum est, modò intendat, generaliter saltem & absolute, facere id quod Christus instituit, aut quod facit vera Ecclesia: secus autem si id non intendat. Sed tunc defectus est ex parte solius intentionis: & non ex parte materiæ vel formæ, quæ de se valida & sufficiens est. Probat, quia talis intentio relinquit formam & materiam substantialem, ut supponimus. Et quidem eam corrumpere non potest, si nihil aliud contingat, ut patet ex prima & secunda conclusione. Neque est incompatibilis cum iniectione generali & absolute faciendi quod Christus instituit. Potest enim quis mutare scienter materiam vel formam sacramentorum accidentaliter, & tamen velle facere sacramentum, quia scit posse fieri non obstante tali mutatione. Potest quoque velle inducere nouum ritum aut hæresin in Ecclesiam, mutatione quam facit: & tamen velle sacramentum efficere, atque intendere quicquid pertinet ad substantiam sacramenti: quia scit eius substantiam saluam esse posse, non obstante tali intentione & mutatione. Ac multò magis si id intendat ex ignorantia, putans Ecclesiam uti peruerso ritu, & volens illum errorem corrigere: ut faciunt Græci schismatici, qui putant esse Baptismo essentiale ut sic dicatur, *Baptizetur seruus Christi, N. &c.* vel, *Baptizatur meis manibus seruus Christi, &c.* & esse essentiale Eucharistiæ, ut adhibeatur panis fermentatus, atque in eius consecratione addatur, *quod pro vobis traditur*: & tamen validè baptizant, & consecrant. Neque ab Ecclesia Latina rebaptizantur qui fuerunt in Græca baptizati. Idemque dico de eo qui per errorem omitteret aliquid, quod putaret essentiale: & tamen vellet per reliquum efficere quicquid fieri potest secundum Christi institutionem: quæ intentio non est absolute impossibilis.

58. **Potest tamen & debet interdum presumi intentionis faciendi quod Christus instituit.** Neque obstant quæ initio ex D. Thoma, & Zacharia Papa relata sunt. Neque enim D. Thom. ait absolute, non perfici sacramentum in casu ibi posito: sed, non videri perfici: quia scilicet talis non videtur serio agere, & intendere id quod intendit Ecclesia, ut ipsemet D. Thom. exponit verbis proximè sequentibus: quia, inquit, non videtur quòd intendat facere, id quod facit Ecclesia. Eodemque sensu exponendum est Zachariæ responsum, qui non dixit talem formam esse validam in eo casu, & alioqui

non esse: sed tantum respondit talem non esse rebaptizandum: quia nimirum forma de se valida erat; & baptizans ex ignorantia, ac sine praua intentione, presumendus erat egisse bona fide, & intendisse facere quàm optimè poterat. Sin autem ex scientia formam sic vitiaasset, aut hæresin vel errorem inducere intendisset, presumendus erat non habuisse intentionem conficiendi sacramentum: ut presumendum est, nisi satis appareat contrarium, quemadmodum apparet in Græcis schismaticis, qui certissimè intendunt communiter, facere id quod Christus instituit, putantque se eius institutioni sincerè adhærere.

59. **Quid sentiendum de hæretico suum errorem significante per formam sacramenti.** Ex his collige quid sentiendum sit de Ministro sacramenti hæretico, qui formam sacramentalem sic profert, ut simul intendat significare suum errorem circa eandem formam. Quod dupliciter fieri potest. 1. Si tantum in mente hoc intendat. 2. Si verbis formæ additis errorem illum detegat: ut si Arianus dicat, Ego te baptizo in nomine Patris, & Filii, & Spiritus sancti, qui tres non sunt vnius individui naturæ. Aut si Sacerdos Calvinista sic consecret: Hoc est corpus meum figuræ tantum, non re ipsa. De priori enim calu, cum scilicet error non exprimitur, dicendum est quòd si talis habet tantum intentionem significandi suum errorem, nihil efficit, non defectu formæ per se; sed defectu intentionis Ministri, qui nullo modo intendit significare & facere quod Christus instituit. Secus autem, si habet duplicem intentionem: vnam particularem, erroneam: alteram generalem, & rectam, per quam priuata deroget, ita ut absolute intendat significare & efficere per verba formæ, id quod Christus instituit, quicquid sit de suo errore. Ratio est, quia talis absolute & simpliciter intendit debitum sensum, & exterius illum exprimit, cæteraque apponit sacramentum efficiendo necessaria, eiusque idoneus minister est. Nec obest quòd male sentit contra fidem. Nam recta fides in ministro non est necessaria, iuxta Caput, *Mulier*, Caput, *In necessitate*, Cap. *A quodam*, de consecrat. dist. 4. & Cap. *Firmiter*, de Summa Trinitate. Quibus adde Conciliorum definitiones, & testimonia Augusti, relata supra sect. 2. conclus. 2.

60. De eo verò, qui ad errorem suum exprimendum apponit aliquid verbis formæ, distinguendum est. Vel enim id quod apponit, reddit sensum ambiguum, vel diuersum substantialiter, vel accidentaliter tantum. Si ambiguum: sacramentum validum est, modò ministrans intendat sensum rectum, saltem absolute. Tale putat exemplum illud Aegid. Coninx, si hæreticus Valentinianus dicat, *Conia*, Hoc est corpus meum spirituale, quod vltimum verbum intelligi potest vel ratione Beatitudinis, qui sensus formam non destruit essentialiter: vel ratione priuati erroris, cui nisi per absolutam & generalem intentionem derogaret, nihil faceret. De se-

cundo autem & tertio casu patet ex supra dictis quid sentiendum sit. Nempe si per erroris appositionem leuiter tantum & accidentario mutetur sensus verborum sacramentalium, remanente sensu necessario substantialiter secundum vltimum loquendi; id non impedit valorem sacramenti, modò minister habeat generalem intentionem faciendi id, quod facit Ecclesia. Quæ intentio generalis non est impossibilis cum priuata erronea cui deroget. Ideoque non assentior quibusdam affirmantibus absolute, & sine distinctione, sacramentum non valere cum intentione priuata inducendi errorem contrarium significationi legitimæ sacramenti. Secus autem destructo tali sensu, vt contingere arbitror in istis formis. Ego te baptizo in nomine Patris increati, & Filii creati, & Spiritus sancti à Patre solo procedentis. Aut, Hoc est corpus meum figurâ tantum. Hæc enim sensum planè diuersum, imò contrarium veræ formæ habent. Non ita tamen si quis dicat, In nomine Patris, & Filii, & Spiritus sancti, & B. Virginis, non intendens significare æqualitatem harum quatuor personarum, sed existimans inuocationem B. Virginis necessariam esse. Similiter si quis errorem suum formæ adiectum distinguere à vero sensu formæ, quem satis intelligendum daret, non mutaret substantialiter: vt dicens: Hoc est corpus meum, id est, vt ego arbitror, non res, sed figura: aut si sacerdos diceret: Hoc est corpus meum, quod non pro vobis tradetur, neque morietur. Sunt enim ibi duæ propositiones, quarum secunda non falsificat primam.

61.
Quid si minister putat aliquid esse essentiale, quod non est?

Ille verò qui tantum errat putando aliquid non esse essentiale, quod tamen est essentiale: aut è contrario, esse essentiale, quod non est; & tamen adhibet re ipsa quidquid est essentiale, conficit sacramentum sine dubio. Alioquin incerta essent omnia sacramenta, cum nullum sit de cuius essentialibus non sit aliqua dubitatio, vt patebit disputando de singulis. Quare falluntur auctores ab Henrico relati supra num. 54. nisi loquantur de eo qui non modò errat circa essentiam formæ; verum etiam limitat suam intentionem ad errorem: ita vt non velit facere sacramentum nisi sit essentiale id quod falsò putat esse essentiale: aut nisi non sit essentiale id quod falsò putat non esse essentiale. Tunc autem non conficitur sacramentum defectu intentionis: at non defectu materię & formæ, quæ bona est, quæque tota essentialiter adhibetur, vt supponimus.

SECTIO VIII.

An liceat mutare materias vel formas sacramentorum: & vti aliquando materia vel forma dubia?

62.
Tenetur

Dico primò, teneri quemlibet priuatum in sacramentis administrandis sequi

morem legitimum eius Ecclesiæ, in qua est, & cuius membrum est, circa materiam & formam sacramentorum, & ritus adhiberi solitos, atque præscriptos: ita vt semper sit peccatum mortale, aut veniale, sine causa rationabili mutare in materia vel forma sacramentorum, & eorum administratione, modum ab Ecclesia præscriptum, quamuis aliqui essentialia seruentur. Probatur primò, ex Trident. sess. 7. can. 13. de Sacramentis in genere; vbi anathematizat eos qui dixerint, Receptos & approbatos Ecclesiæ Catholice ritus in solemnibus sacramentorum administratione adhiberi consuetos, aut contemni, aut sine peccato à ministris pro libito omitti, aut in nouos alios per quemcunque Ecclesiarum Pastorem mutari posse. Vbi licet Concilium loquatur solum de solemnibus administratione sacramentorum, propter rationem in conclusione sequenti afferendam: par tamen est ratio vt ea quoque seruentur, quæ in priuata administratione sunt præscripta per legem, aut consuetudinem vim legis habentem. In ea tamen non tam multa requiruntur, vt dicemus paulò post. Per ritus autem Ecclesiæ Catholice, intelligit Concilium non tantum ritus qui sint vniuersales in tota Ecclesia, & vbiq; seruati: sed ritus cuiuscunque Ecclesiæ quæ Catholica sit. Probat 2. quia Ecclesia habet potestatem condendi leges, quæ obligent in conscientia; atque inducendi consuetudines, quæ habeant vim legis. Nam si Principes seculares habent hanc potestatem, vt docet Scriptura Rom. 3. v. 1. & 5. & sequentibus, & 2. Petri 2. vers. 9. & 10. Quamò magis Principes Ecclesiastici, de quibus etiam specialiter id satis colligitur ex Matth. 18. v. 17. Luc. 10. v. 16. & Hebr. 13. v. 17. Hac autem potestate constat Ecclesiam vsum esse in multis præscribendis pertinentibus ad sacramentorum administrationem, tanquam ad rem grauissimam: vt patet tum ex modo præscribendi, tum ex verbis Trident. relatis. Cum autem in condendis suis legibus Ecclesiæ rerum naturæ & conditionibus sese accommodet, vt est communis Doctorum sententia; sequitur transgressionem legis esse peccatum mortale, si materia præcepti sit grauis. Vnde si v. g. sacerdos Latinus in Ecclesia Latina consecraret in fermentato, peccaret mortaliter: aut si sciens volensque magnam partem cerimoniarum Missæ, omitteret. Venialiter autem, si tantum omitteret particulam, enim, in consecratione, aut aliquid aliud leue.

Dixi teneri quemque sequi morem eius Ecclesiæ in qua est, & cuius membrum est: quia in diuersis Ecclesiis diuersus esse potest quoad accidentaria, tam ex parte materię, quàm verborum & cerimoniarum sacramentalium: ad quæ mutanda pro diuersis locis & temporibus potestatem habet Ecclesia, vt docet Trident. sess. 21. cap. 2. At non ita priuatus quisque, vt idem Concilium tradit sess. 3. can. 13. Cum autem ritus in diuersis Ecclesiis diuersus est, debet quisque qui est membrum

quisque in sacram. administrandis seruare morem Ecclesiæ.

63.
Quid faciendum quando diuersarum Ecclesiarum consuetudo diuersa est?

membrum illius Ecclesiæ, dum in ea versatur, seruare ritum ab ea præscriptum. Extra verò potest vel eundem seruare, si generalis est totius illius Ecclesiæ, & non merè localis (modò id fiat sine scandalo) vel consuetudini Ecclesiæ, in qua peregrinatur, se accommodare. Vnde Leo IX. in Epist. ad Michaëlem Cerularium, monet vt vnusquisque iuxta suæ Ecclesiæ ritum celebrare sinatur, etiamsi in alieno solo versetur: vt cum v. gr. sacerdos Græcus transit per loca Latinorum, vel sacerdos Latinus inter Græcos peregrinatur, aut moratur aliquandiu. Quia scilicet hæc consuetudines non tam sunt diuersorum locorum particularium, quam generales veriusque Ecclesiæ, quas vnusquisque seruare debet in propria Ecclesia: ac potest etiam seruare alibi, quandiu parseius est. Tamen si tunc potest, si velit, conformare se eorum ritui & consuetudini, inter quos versatur, iuxta caput *illa autem*, dist. 12. Si tamen sint aliqua templa inter Latinos Græcis concessa, vt ibi propriam Ecclesiam habeant, solis Græcis licitum est ibi celebrare ritu græco: quia Latini non censentur ibi esse vt peregrini. Similiterque in templis Latinorum, si quæ sunt in Græcia, Latinis tantum licet celebrare ritu latino. In vtrisque verò tenentur Græci & Latini seruare consuetudinem antiquam suæ Ecclesiæ, quia ibi censentur esse in sua Ecclesia, cuius illa consuetudo vim habet præcepti respectu eorum qui sunt illius pars, & in illa versantur. Idem puta de ritu diuerso conferendi baptismum inter Græcos & Latinos, vel sacramentum Ordinis & alia sacramenta.

64.
Accidentalibus
sacramen-
torum pos-
sunt muta-
ri pro cau-
sa rationa-
bili.

Dico secundò, existente causa rationabili, licitum esse mutare aliquid accidentarium, licet alioqui præceptum, in materia, vel forma, vel cerimonia sacramentorum. Ratio est, quia huiusmodi præceptum merè positium non obligat in quocumque casu, & cum quouis incommodo; sed ex æquitate benignè interpretandum est, vt patet ex sensu & vñu communi fidelium, à Prælati non reprehensio, imò in quibusdam casibus expressè approbato. Sic instante necessitate licitum, imò debitum est, baptizare sine solemnitate, id est, sine cerimonia ab Ecclesia adhiberi solitis, quas omittere satius est, quam animam sine Baptismo perire. Sic etiam probabile est tempore pestis licere in Extrema vnctione omittere plures vnctiones, & plures formas partiales in vnã coniungere, ob periculum, dicendo celeriter, Dimittat tibi Deus quicquid peccasti per visum, auditum, gustum, &c. Sunt etiam casus in quibus licet Matrimonium contrahere sine omnibus cerimonia ab Ecclesia præscriptis, de quibus suo loco. Item si quis mortem aut graue incommodum intentans cogeret (sine contemptu tamen) ministrum aliquid mutare accidentarium, esset iusta causa mutandi. Vt si quis bona fide existimans, ita baptizandum esse, cogeret ministrum dicere, Ego te baptizo in no-

Tomus IV.

mine Patris omnipotentis, & Filii vnigeniti, & Spiritus sancti paracleti, & Beatæ Virginis: aut consecrare in fermento, deficiente alio pane, & mortem intentante nisi quis ita celebraret, aut sine sacris vestibus.

Dico tertio, Grauius peccare eum, qui per mutationem, quam inducit, reddit irritum sacramentum, nisi excuset inaduer-tentia vel indeliberatio, vel suppetat iusta causa fingendi, & subtrahendi veram materiam vel formam sacramenti. Ratio primæ partis est, quia talis graue sacrilegium committit, & grauem iniuriam Christo, Ecclesiæ, & suscipienti, facit. Secunda probatur, quia in quacumque materia, in- aduer-tentia & indeliberatio excusat à peccato, vel toto, vel tanto. Tertia ponitur propter illos qui fidè contrahunt matrimonium graui metu & iniusto adacti. Habent enim ius sic eludendi violentiam, quam aliter vitare non possunt. Neque peccant omnino, si restrictione mentali vtuntur ad vitandum mendacium. Si autem mentiuntur, peccant tantum venialiter in eo casu. Sed non possunt sine graui peccato Matrimonium consummare, licet ad id per metum adigantur. Nisi prius consentiant liberè & non propter vim, & cum aliis conditionibus ad valorem contractus requisitis. Non enim possunt sine peccato scienter & liberè fornicari. Possunt etiam concurrere causæ grauissimæ in quibus ministri aliorum sacramentorum dissimulare possint: ex vna parte, proprium malum valde graue: & ex alia, prophanatio sacramenti, quod hic & nunc non possit dignè conferri aut omnino celebrari; modò tamen qui vim infert non id faciat in contemptum Dei vel religionis, cui sine graui peccato nemo potest cooperari, etiam cum quouis periculo.

65.
Grauius
peccat qui
per muta-
tionem ir-
ritat sacra-
mentum.

Dico quarto, Relinquere materiã, vel formam certam pro dubia esse peccatum mortale, si fiat absque necessitate. Quia talis se exponit periculo non conficiendi sacramentum: quod non licet sine causa notabili & necessitate, vt si infans baptizetur aqua dubia, quia moritur, & non suppetit alia: vel si in solo digito baptizetur, quia periculum est ne moriatur in vtero, priusquam exeant reliquæ partes corporis. Notant autem Henriquez & Aegid. Coninx facilius occurrere necessitatem vtendi materia dubia, quam forma: quia forma certa magis in manu nostra est. Potest tamen aliquando occurrere: vt, si infante moriente, nemo præsentium sciat formam, nisi eam de qua dubitet: aut si quis sacerdotem, quem bona fide putat esse peritum, cogat metu graui ad vtendum formam per se dubiam, quam ipse credit esse certam, & ab Ecclesia adhiberi solitam. Tunc enim minister potest vt tali forma sub conditione, ad vitandum graue malum, nisi grauius aliunde immineat.

66.
Et qui vt-
tur materia
vel forma
dubia, sine
necessitate,

Q


Quotiescumque autem iure dubitatur de valore sacramenti, vel ob diuersas Doctorum opiniones circa mutationem factam, vel ob aliam causam; iudicandum est in fauorem personæ egentis sacramento, contra valorem sacramenti dubii, & conferendum sacramentum denuo sub conditione. In quo non est periculum malè iterandi sacramentum quod non potest iterari: quia non censetur iteratum quod non censetur esse factum, vt dicitur cap. vnico *de Clerico per suum promot.* & cap. *Solemmitates* 1. de Consecratione dist. 4. Præter quam quòd periculum, qualecumque sit, meritò postponitur saluti hominum. Sacramenta enim sunt instituta propter homines: idcòque eorum sa-

luti seruiendum est potius, quam sacramentis timendum. Verùm iteratio, seu potius intentio iterandi sacramentum initerabile, contingere non potest ministro rectè sentienti. Hic enim semper circa eum, de quo dubitatur, verbi gratia, si ne baptizatus validè, habet intentionem non baptizandi, si iam est baptizatus. Et quicquid sit de ministri intentione, sacramenta initerabilia nunquam iterantur reipsa verè ac propriè, neque habent vim ponendi effectus iteratò: sed dicuntur iterari intentionaliter, id est, secundum intentionem eius qui vult ea iterare: quod potest contingere ex errore, si quis putet illa sacramenta non esse initerabilia.

DISPUTATIO VIGESIMA,

De necessitate Sacramentorum.

- Sectio I. *An sacramenta necessaria sint: & utrum semper aliqua fuerint?*
 Sectio II. *Soluntur obiectiones contra prædicta de Sacramentis legis naturæ.*
 Sectio III. *Soluitur alia difficultas de circumcisione, & Sacramentis legis Moisaicæ.*
 Sectio IV. *De necessitate sacramentorum nouæ legis, posita eorum institutione.*
 Sectio V. *Soluntur obiectiones contra doctrinam propositam.*



DE necessitate Sacramentorum disputat S. Thomas tota quæst. 61. & art. 1. docet sacramenta esse necessaria ad humanam salutem triplici de causa. Vt scilicet homines, conuenienter suæ naturæ, deducantur per sensibilia, ad spiritualia: & qui per affectum se rebus corporalibus subdiderunt, per res corporales medicinam peccati accipiant: & qui difficile possunt totaliter abstrahi ab actibus & exercitiis corporalibus, per hæc sacramentalia salubriter exerceantur. 2. In statu innocentiz non indiguisse homines sacramentis. Neque pro remedio peccati, quod tunc non erat: neque pro perfectione animæ; quia in eo statu superiora inferioribus dominabantur, nulloque modo ab eis pendebant. Sicut enim mens suberat Deo: ita menti suberant inferiores animæ vires, & ipsi animæ corpus. Contra hunc autem ordinem esset, si anima perficeretur vel quantum ad scientiam, vel quantum ad gratiam, per aliquid corporale, quod sit in sacramentis. 3. Post peccatum, necessarium fuisse sacramenta quædam institui

ante Christi aduentum. Quia cum sacramenta necessaria sint ad humanam salutem, inquantum sunt quædam signa sensibilia inuisibilium rerum, quibus homo sanctificatur; & nemo possit sanctificari post peccatum, nisi per Christum: oportuit ante Christi aduentum esse quædam signa visibilia, quibus homo fidem suam protestaretur de futuro Saluatoris aduentu. 4. Cum sicut antiqui Patres saluati sunt per fidem Christi venturi, ita & nos saluemur per fidem Christi iam nati, & passi; & sacramenta sint signa quædam protestantia fidem, quâ homo iustificatur: oportet alia quædam sacramenta esse in lege noua, quibus significantur ea quæ præcesserunt in Christo, præter sacramenta veteris legis, quibus prænunciabantur futura. Oportet enim aliis signis significari futura; aliis præterita, vel præsentia. Huc vsque D. Thomas.

SECTIO I.

An sacramenta necessaria sint, & an semper aliqua fuerint?

1.
Necessarium dici-
tur multi-
pliciter.

NECCESSARIUM potest sumi dupliciter. Primò, simpliciter, & absolute. Secundò, Respective in ordine ad aliquem finem. Et hoc quoque dupliciter: nimirum, vel simpliciter, & omnino, quia sine illo impossibile est finem obtineri: vel secundum quid, putà ex hypothese quòd hic, & nunc non suppetunt alia media, quibus finis obtineatur, licet possibilia sint: vel quòd is, à quo pendet affectus finis, statuerit efficaciter, ut non nisi per tale medium obtineri possit re ipsa. Quo pacto nemo secundum legem diuinam potest consequi gloriam, sine gratia. Potest tertio, sed minus propriè, necessarium dici id, per quod valde conueniens est finem obtineri, licet sine illo alioquin haberi possit. Solet enim & hoc dici necessarium cum addito, nempe congruentiæ necessitate. Verbi gratiâ viro nobili, ut eat Parisios, dicitur equus esse necessarius, & apparatus conueniens eius dignitati, licet alioqui pedes, & sine apparatu ire posset. Sed hoc potius necessarium est ad congruendum, quàm ad eundum simpliciter. His præmissis,

Sacramen-
ta non sunt
simpliciter
necessaria.

Certum est 1. Sacramenta non esse simpliciter, & absolute necessaria, nihil enim ita necessarium est, nisi illud, quod per nullam potentiam potest non esse. At nihil est ita necessarium præter Deum. 2. Certum est sacramenta non esse simpliciter necessaria respectiue propter finem, id est, propter hominum salutem, seu beatitudinem supernaturalem. Potest enim Deus, si velit, illam conferre sine sacramentis: quemadmodum contulit Christo, & Angelis: & primos parentes sine ullo sacramento sanctificauit: & nunc etiam saluantur aliqui sine ope sacramentorum: illi scilicet, qui præuenti Dei vo-

catione, ad ipsum conuertuntur per actum contritionis, & dilectionis supernaturalis, moriunturque priusquam sacramentum possit illis applicari. Tales enim saluantur solo baptismo fluminis, qui non est sacramentum: sicut olim multi martyres solo Baptismo sanguinis saluati sunt. Confirmatur, quia Deus non alligauit potentiam suam sacramentis, quasi sine illis efficere non possit, quidquid illis concurrentibus efficitur: maxime cum sacramenta concurrant tantum moraliter ex libera Dei institutione. Sicut enim liberè ordinauit conferre gratiam, & gloriam per sacramenta: ita potuit alium ordinem instituere, & sine morali motione sacramentorum illam se solo tribuere, & sine Christi meritis, aut extrinseco alio motiuo. Ex hypothese tamen quòd Deus statuerit non saluare homines re ipsa, nisi per sacramenta, tanquam media regulariter necessaria, id est, si non excuset suscipiendi impotentia; vel aliquid aliud, quasi sacramenti vicarium, suppleat eius defectum; sacramenta sunt eatenus ad salutem necessaria ex hypothese talis institutionis. Atque ita de facto in lege Euangelica ex suppositione diuinæ ordinationis Ioan. 3. *Nisi quis renatus fuerit*, &c. Baptismus regulariter necessarius est: nec potest quisquam sine illo saluari, aut sine eius voto vel vicario, quando excusat suscipiendi impotentia. Idem de Pœnitentia dicendum est, supposito mortali post Baptismum commisso, ut definit, Trident. sess. 14. cap. 4.

Certum est tertio Sacramenta esse valde vtilia hominum saluti quatuor præcipue de causis, quas luculenter exponit S. Thom. quæst. 61. art. 1. Prima sumitur, inquit, ex conditione naturæ humanæ, cuius proprium est, ut per corporalia, & sensibilia, in spiritualia, & intelligibilia deducatur. Pertinet autem ad prouidentiam diuinam, ut unicuique rei provideat secundum modum suæ conditionis. Et ideo conuenienter diuina sapientia homini auxilia salutis confert sub quibusdam corporalibus, & sensibilibus signis, quæ sacramenta dicuntur. Rationem

27.
Sacramen-
ta sunt val-
de vtilia sa-
luti homi-
num.

hanc sumpsit D. Thom. ex Dionys. cap. 7. de Cœlest. Hierarch. ubi sic habet: *Nec enim aliter fīs erat infirmitati nostra lucere radium diuinum, nisi sacrorum varietate velaminum opertum, & vestitum iis, quæ nobis sunt familiaria, prouidentia paternā Dei nostra natura se accommodante.* Eademque de causa voluit Christus sacramenta nouæ legis instituere in rebus habentibus aliquam similitudinem cum effectu spiritali, quem causant: ita ut sint sacra quædam symbola, & formæ visibiles, id est, repræsentationes formæ inuisibilis, ut ait Trident. sessione 13. cap. 3. ut dum illa nobis adhibentur exterius, apprehendamus per fidem interius fieri in mentibus nostris id, quod illæ repræsentant. Exempli gratiā, dum exterius abluimur, aut unguimur sacro chrismate, intelligimus nos interius mundari à peccatis, aut per gratiam, & virtutem sancti Spiritus corroborari. Et dum audimus sacerdotem, vice & auctoritate Christi pronunciantem, Absoluo te à peccatis, videmur nobis audire Christum ipsum ore proprio nos absoluentem. Et hæc symbola cum certa fide habeantur à Christo ipso tradita, & instituta; multò maiorem vim habent excitandi viuam huius rei apprehensionem, & pium affectum voluntatis ei proportionarum; quàm alia signa merè humana, vel quàm fides nuda, & signis istis sensibilibus destituta.

Confirma-
tur.

Secunda ratio sumitur, inquit D. Thomas, ex statu hominis, qui peccando se subdidit per affectum corporalibus rebus. Ibi autem debet medicinale remedium homini adhiberi, ubi patitur morbum: & ideo conueniens fuit, ut Deus per quædam corporalia signa homini spirituales medicinas adhiberet: nam si spiritualia nuda ei proponerentur, eius animus illis applicari minus facillè posset, corporalibus deditus. Diuinam quoque sapientiam decebat morbum à rebus sensibilibus illatum, remediis sensibilibus tollere. Sicut eandem ob causam voluit hominem esu fructus prohibiti lapsum, per lignum crucis reparare, *Damna ligni ut solueret, & medelam ferret inde hostis unde leserat*, ut ait Fortunat. in Hymno quodam Ecclesiastico: & ut habet S. Leo serm. 14. de Passione cap. 1. *Maximè congruebat, ut nequitia hostilis aduersitas de eo quod vicerat, vinceretur: & per ipsam materiam naturalis repararetur libertas, per quam generalis fuerat illata captiuitas.*

Tertia sumitur ex studio siue affectu actionis humanæ, quæ præcipuè circa corporalia versatur. Nam ut ne homini durum esset, si totaliter à corporalibus actibus abstraheretur, inquit D. Thom. art. citato, proposita sunt ei corporalia exercitia in sacramentis, quibus salubriter exerceatur, ad euitanda supersticiosa exercitia, quæ consistunt in cultu Dæmonum, vel qualitercunque noxia, quæ consistunt in actibus peccatorum. Atque ita per sacramentorum insti-

tutionem homo conuenienter suæ naturæ eruditur per sensibilia: humiliatur, se corporalibus subiectum cognoscens, dum illi per corporalia subuenitur: præseruatur etiam à noxiis actionibus, per salubria exercitia sacramentorum.

His tribus rationibus quartam addit sanctus Doctor eodem articulo, §. *Sed contra*: sumptam ex Diuo Augustino libro 19. contra Faustum cap. 11. ubi affirmat debuisse homines adunari in vnum veræ religionis nomen, & professionem. At in nullo nomen religionis seu verum, seu falsum coadunari homines possunt, nisi aliquo signaculorum, seu sacramentorum visibilibus consortio colligentur. Per quæ scilicet in illius religionis communem societatem ingrediantur, & eiusdem publicam professionem identidem exerceant, per eademque constituantur visibiliter sacrorum ministri, qui alii aliis sine interruptione succedant. Similem rationem reddit Tertullian. lib. de Præscript. cap. 20. ubi dicit, unitatem Ecclesiæ, & communionem pacis, non alia ratione conseruari posse, quàm eiusdem sacramenti vna traditione. Nec obest quod Pammelius annot. 126. & quidam alii sacramenti nomine iuramentum hic intelligi volunt. Farentur enim illi ipsi, Tertullianum alludere ad iurandum, quo tanquam sacramento militari nos Christo adstringimus in Baptismo. Quamquam potius sacramenti nomine Baptismum ipsum intelligere mihi videtur: de quo paulò ante dixit, Christum regredientem ad Patrem post resurrectionem iussisse Apostolis, ire & docere nationes omnes, tingendas in Patrem, & in Filium, & in Spiritum sanctum. Et vniendas scilicet per vnum baptismum omnibus collatum, in vnam fidem, vnum Dominum, & vnam Ecclesiam.

His igitur de causis fuit valde conueniens sacramenta institui non modò in lege noua, sed etiam in lege veteri ad instituendos, iuuandos, præseruandos à malo, & vniendos inter se veræ religionis professores. Si tamen loquamur de sacramentis excellenter sic dictis, eò quod maxime sacrant vi sua, suntque signa & causæ gratiæ infallibiliter ex opere operato: non semper fuerunt huiusmodi sacramenta, sed soli statui legis Euangelicæ data sunt. Quod ut probem, suppono triplicem fuisse hominum statum, ante legem Euangelicam. Nimirum statum innocentie, qui breuissimus fuit: statum legis naturæ, à lapsu Adæ ad Moysen; & statum legis veteris scriptæ, à Moise ad Christum.

In primo statu fuisse quidem aliqua sacramenta, latissimè sumpto eo nomine pro quacumque signo rei sacræ. Nam matrimonium, inter primos parentes in eo statu initum, fuit signum coniunctionis Ecclesiæ cum Christo: idque Adam intellexit & significauit verbis illis, *Hoc nunc vos ex ossibus meis,*

August.

Tertull.

42
Fuerint
aliqua sa-
cramenta in
statu inno-
centiæ?

S. Thom. &c. ut docet S. Thom. 2. 2. quæst. 2. a. 7. & fauet Apost. Ephes. 5. vers. 31. Item lignum vitæ symbolum fuit Christi: & eius esus, Eucharistice communionis: quo sensu sacramentum vocatur à D. August. lib. 13. de Ciuit. cap. 20. & formatio Euz ex Adamo dormiente, signum fuit effossionis lateris Christi ad formandam ex eo moriente Ecclesiam, & ad præcipua eius sacramenta in aqua & sanguine instituenda: doctore eodem D. Aug. st. tract. 120. in Ioann. Sed non apparet vlla in eo statu fuisse sacramenta strictè sumpta pro signis efficacibus gratiæ ex opere operato: imò nec latius sumpta pro signis aliquo modo morali sanctificantibus, & veram ac physicam animæ sanctitatem significantibus, sed non efficientibus: qualia dicemus fuisse in lege naturæ & Mosaica. Scriptura enim nihil tale reuelauit: neque ex vlla traditione, aut alio argumento colligitur. Cumque ille status prouideretur à Deo futurus esse breuissimus: & iam primi parentes sanctitatem eximiam, & eius conseruandæ augendæque summam facilitatem, per iustitiam originalem adepti essent; magnamque notitiam rerum supernaturalium: non eguerunt sacramentis, siue ut moraliter tantum, siue ut physicè per illa sanctificarentur.

Fuissentne illi conuenientia? An verò, posito quòd ille status diutius durasset, conueniens fuisset sacramenta pro illo institui, controuersum est. D. Thom. q. 61. a. 2. 5. Sed contra, & in corp. ait sacramenta non fuisse necessaria in statu innocentie: quia sacramenta sunt quedam spirituales medicinae quæ adhibentur contra vulnera peccati: ergo non fuerunt necessaria ante peccatum. Item quia restitudo illius status exigebat ut superiora dominarentur inferioribus, & nullo modo ab eis dependerent. Ergo fuisset contra ordinem & reſtitutionem illius status, si anima perfici debuisset vel quoad scientiam, vel quoad gratiam, per aliquid corporale, ut fit in sacramentis. Loquitur autem S. Thom. de necessitate congruentiæ, secundum quam docet art. 3. & 4. necessarium fuisse sacramenta institui in statu post peccatum. Idemque clariùs affirmant Gabriel in 4. distinct. 1. quæst. 2. a. 2. conclus. 1. alique multi.

f. Alensis. Scotus. Suarez. Contrarium, tamen sentiunt Alensis, Durand. & Scot. quos refert & sequitur Suarez. disp. 3. sect. 3. idque probabilius mihi videtur: quia siue sacramenta spectentur ut signa, siue ut causæ; nihil habent repugnans cum statu innocentie; sed multas illi poterant utilitates asferre. Nam ut signa, valere poterant ad profitendam fidem interiorem, ad excitandum intellectum & voluntatem ad notitiam & affectum erga res diuinas: ad consensum & uniformitatem hominum in exercitio eiusdem religionis, quia tunc etiam constituisſent homines visibilem Ecclesiam: ac de-

num ad repræsentationem & apprehensionem faciliorem mysteriorum supernaturalium: nam etiam in eo statu homines non cognouissent res diuinas & supernaturales clarè in seipsis; sed per speciem & in ænigmate: nec potuissent spiritalia intelligere nisi per corporea: hic enim est modus naturalis cognoscendi animæ; saltem in corpore. Ut causæ verò gratiæ multum etiam prodesse potuissent: quia multum fuisset media tam facilia, tamque efficacia, diuinitus institui ad gratiam augendam, ad vnionem mirabilem cum Christo obtinendam per Eucharistiam, & ad alios fines independentes à peccato. Neque enim verum est sacramenta esse tantum, aut fuisse necessariò, medicinas peccati, neque posse propter alios fines independentes à peccato institui: Sed potiùs, sicut gratia & gloria per se non pendet à peccato, ut patet in Christo & in Angelis: ita potest significari & causari independentes à peccato. Per quæ soluitur argumentum primum contrariæ opinionis.

Ad secundum verò Respondeo primò, Sacramenta potuisse institui in rebus insensibilibus. Secundò, homines in eo statu, licet secundum mentem plus haberent dominationis in corpus & corporea: non tamen omnino ab illis fuisse futuros independentes, siue naturaliter, siue etiam moraliter. Nam tunc quoque naturali subiectione & conditione cognouissent spiritalia per corporalia: & posteri à prioribus per signa sensibilia edocti fuissent. Adamus ipse per coniugium suum didicit mysterium Incarnationis, ut fatetur D. Thom. supra citatus. Et ligno scientiæ boni & mali subiectus fuit, seu potiùs Deo in illius viù, quoad conseruationem gratiæ & iustitiæ originalis. Ac denique à ligno vitæ pendeat eius & posterorum immortalitas. Quidni ergo poterant subiici signis sensibilibus ad obtinenda gratiæ beneficia?

Quòd si quæras, quid re ipsa futurum fuerit in eo statu, si perseverasset? An scilicet instituta fuissent sacramenta, quandoquidem poterant conuenienter institui? Respondeo, rem esse planè incertam, & pendere à Dei libertate, de qua nihil est reuelatum. Existimo autem probabilius, Adamo non peccante, ipsum posterisque fuisse confirmandos in gratia: tum propter incommoda grauià & perplexitates, quæ sequuntur ex contraria hypothesi, de quibus aſibi, cum de hominis creatione diximus: tum etiam quia Deus prouidet ad bonum, quàm ad malum inferendum: ergo sicut iustitiam originalem subiecit irrecuperabiliter illi primo peccato Adami; sic & illius conseruationem inamissibiliter subiecit bono actui opposito, si Deo obtemperasset. Quare in eo statu non fuissent sacramenta quæ necessariò præsupponunt peccatum: cuiusmodi sunt sacramenta Pœnitentiæ & Extremæ vnctionis. Posito

6. Quid si staret ille per se iustus?

Vide sem. 1. disp. 4. sect. 3. n. 48.

Suarez.
Contra.

autem quoddam Christus venisset Adamo non peccante (quod etiam sentio probabilius colligi ex Dei decreto nobis manifestato in Scripturis) probabile esse dicunt Suarez. disp. 3. lect. 3. conclus. 3. & Aegid. Conin. q. 61. num. 7. instituendum fuisse sacrificium & sacramentum Eucharistiae, non in commemorationem mortis Christi, quae non fuisset: sed ad perfectissimum Dei cultum, qui statum illum decuisset: & ad coniunctionem mirabilem Christi cum hominibus innocentibus, minus indignis eo beneficio, quam nunc sint in statu peccati. Addit Aegidius consequenter futurum fuisse sacramentum Ordinis ad ministros tanti sacrificii & sacramenti convenienter instituendos. De Baptismo autem non est par ratio asserendi futurum fuisse cum Eucharistia & alia sacramenta potuerint independentem ab illo institui: & alioqui non esset necessarius ad spiritalem regenerationem: siquidem omnes in primo instanti generationis fuissent sanctificati. Confirmatio quoque non erat opus, ubi non fuissent persecutores, & fidei impugnatores; neque peccandi pericula. Matrimonii denique sacramentum non erat necessarium contra concupiscentiam, quae tunc non erat inordinata. Potuisset tamen institui ad coniuges magis sanctificandos, & ad mysterium Incarnationis melius representandum. Alia quoque sacramenta alterius speciei potuissent institui: & quidem gratiae efficacia, qualia statum illum perfectissimum decebant, æque ac nostrum. Sed, ut dixi, res omnino incerta est, & pendens à Dei voluntate libera, nobis minimè revelata. Quare nihil de finire satius est, quam divinando aliquid affirmare.

7.
Vasquez.

Perperam autem opponit Vasquez. disp. 130. num. 25. etiam si Christus veniret Adamo non peccante, nulla futura apud homines sacramenta etiam ex iis quae Christus instituit: quia tunc Christus non veniret in carne mortali, neque pro nobis mortem pateretur: Ergo id quod habuimus ex merito passionis ipsius & mortis, tunc non haberemus: siquidem ablata causa in decreto Dei, aufertur etiam id quod ex illa derivatum est. Atqui omnia sacramenta quae nunc habemus, ex meritis passionis & mortis Christi derivata sunt: ergo tunc nullum illorum haberemus. Respondeo enim primò, eodem argumento æque probari homines in eo casu nihil habituros per merita Christi, iuxta Vasquezem, qui putat omnia Christi merita nihil esse operata nisi per mortem consummata. At est incredibile homines in eo statu nihil fuisse obtenturos per Christi merita, qui esset, & merita infiniti valoris plurima exerceret in carne impassibili. Respondeo secundò, Mortem Christi non esse causam solam totalem & adæquatam sacramentorum. Sed sicut eius adventus fuerunt multae causae seorsim sufficientes: sic & institutionis sacramentorum. Porro non dicimus vi præcisè decreti quod nunc est de statu rerum qui traditur execu-

tioni, futura fuisse efficaciter aliqua tunc sacramenta ex iis quae nunc sunt, quamvis Vasquez velit questionem hoc sensu proponi debere: sed tantum asserimus probabilius esse futura fuisse, philosophando proportionaliter ad amorem erga homines quem Deus nobis manifestavit in hoc suo decreto. Et haec tenet de statu innocentiae.

In secundo vero statu, legis scilicet naturae, fuerunt quidem aliqua sacramenta moraliter sanctificativa, & veram animae sanctitatem significantia: sed non illius effectiva ex opere operato. Secunda pars asseritionis huius probabitur in fine sectionis. Prima vero patet ex circumcisione data Abrahamo tempore legis naturae, quam fuisse sacramentum aliquo modo valens ad dandam moralem sanctitatem, significantemque gratiam, vel ex opere operantis, id est, ex fide viva collatam, vel olim suo tempore per Baptismum conferendam, docent communiter sancti Patres & Theologi, favente Paulo ad Rom. 4. vers. 11. Deinde in eadem lege naturae ante circumcisionem, fuit aliud remedium sensibile & sacramentale pro parvulis moraliter sanctificandis, & per fidem parentum à peccato originali liberandis, ut docet August. lib. 3. contra Iulianum cap. 11. cui Gregor. Mag. Beda, Innocent. III. & Theologi omnes assentiuntur: nec inmerito: quia licet Scriptura, quae brevissimè statum naturae lapsae ab Adamo ad Abraham perstringit, nihil de tali sacramento loquatur, pietas tamen & convenienter divinae bonitati, ac studio salutis hominum, creditur Deum non reliquisse suae remedio tot parvulos morientes ante adultam aetatem. Tamen si sine ulla iniustitia eos relinquere potuerit: quemadmodum re ipsa perire patitur sine remedio eos qui in materno utero moriuntur.

Illud autem remedium potuit à Deo ipso determinari. Potuit etiam liberè hominum determinationi relinqui, & variè à variis poni. Ita nimirum ut Deus statuerit sanctificare parvulos cum primò à parentibus ex fide viva per externam cerimoniam ipsi applicatam sibi offerrentur, & suo cultui dicerentur: quam cerimoniam ipsi eligerent; quemadmodum propria voluntate eligebant sacrificia, quae in eo statu offerebant antequam de illis quicquam Deus determinaret. Et hoc secundum affirmat S. Thom. quæst. 61. a. 3. ad 2. videturque probabilius: quia simplicitati & puritati legis naturalis conformius. Licet non sit existimandum eam fuisse adeo puram, ut caruerit omni præcepto positivo, & libera Dei determinatione circa nonnulla, præsertim ad statum gratiae pertinentia. Contrarium enim constat ex libro Genes. Non sunt tamen præcepta positiva in ea lege facillè multiplicanda. Et aliunde natura sacramenti non exigit talem determinationem: potuit enim Deus utroque modo instituere.

Omnino autem existimo remedium illud

8.
In statu legis naturae fuerunt aliqua sacramenta.

August.

Sacramentum pro parvulis iustificandis.

9.

D. Thom.

10.

Erat sensibi-
bilis ali-
qua cari-
monia.

fuisse sensibilem aliquam cerimoniam circa
infantes exercendam, & ipsis reipsa sensibi-
liter applicandam, ut circumcisio & Baptis-
mus debet reipsa applicari. Primum, quia, si so-
la fides interna parentum sufficiebat, ut ali-
qui existimant: quidni potuissent in utero
sanctificari? Tunc enim illis fides interna
aque applicari poterat. Sed inaudisum est
infantes in utero fuisse sanctificatos; & tan-
quam singulare, atque extraordinarium di-
citur de Ieremia, Iohanne Baptista, & De pa-
ra Virgine, quod in utero matris sanctificati
fuerint. Deinde, si Deus vllum sacramen-
tum, aut tale remedium pure spirituale insti-
tuere voluisset: maxime certe in lege Evan-
gelica, quæ maxime spiritualis est. At hæc
nullum tale habet. Vltimus, modis hic agen-
di externus & sensibilis erat homini magis
accommodatus ad fidem tuam quodammodo
alteri communicandam, illumque Eccle-
siae visibili aggregandum. Tum ut Ecclesiae
constaret de applicatione & communicatione:
tum ut coniunctio ad corpus visibile Ec-
clesiae, fieret per actum sensibilem: & pec-
catum actione sensibili contractum (culpam
scilicet primi parentis, & naturali generatione
ex illo) deleretur quoque sensibili reme-
dio, quo parvuli Deo reconciliarentur & eius
filiis aggregarentur.

Adde, quod illa fides parentum debebat
esse aliquo modo moralis & æstimatorie fides
infantium, qui cum per se non possent cre-
dere in Christum, seque Deo offerre, & obli-
gare, atque eius Ecclesiae visibili aggrega-
re; per fidem & actum parentum, creden-
tium, offerentium, & aggregantium, cense-
bantur hoc facere. Ergo actus ille parentum
debebat esse externus. Nam inter homines
actus unus pure internus non obligat alterum,
neque illi imputatur modo prædicto.

Nota præterea; non solum à parentibus,
sed & ab aliis infantium curam habentibus
potuisse valide hoc remedium adhiberi. Exi-
stimo etiam fidem illam parentum, aut alio-
rum qui eorum loco remedium hoc parvulis
applicabant, debuisse esse viam, etiam in
actu secundo: id est, debuisse esse actum fidei
coniunctum actui charitatis supernaturalis.
Quam sententiam sumo ex S. August. lib. 1.
de Nuptiis cap. 11. ubi vim mundandi par-
vulos tribuit eidem fidei, cui vim tribuit
mundandi adultos. In adultis autem requi-
ritur fides cum actu charitatis supernatura-
lis. Vasquez etiam disput. 145. c. 4. n. 36.
affirmat ex mente sancti August. fidem il-
lam debuisse esse viam & formatam chari-
tate. Quanquam non loquitur ibi expressè
de actu charitatis, sed potius de habitu.
Quod verò multi contrarium sentientes ob-
iiciunt, hinc sequi remedium illud fuisse
valde difficile & incertum: nullius est mo-
menti. Nam adulti, ut iustificarentur, non
habebant tunc, & toto tempore legis Mo-
saicæ, aliud medium, quam actum fidei viam
& coniunctum actui charitatis supernaturalis,
contritionis scilicet, vel amoris Dei super

omnia. Divina autem providentia fuit in-
uare homines efficaciter ad exercendos hu-
iustmodi actus, quamvis de se difficiles & ex-
cellentes. Neque debuit parvulis melius
prospici, quam adultis, ita ut possent illi
faciliori medio iustificari.

Si quaeras quomodo te habuerit fides illa
viam parentum ad parvulorum iustificatio-
nem? Respondeo, te habuisse ut meritum de
congruo; sicut te habet oratio unius iusti pro
alio, vel actus contritionis, ad propriam iu-
stificationem peccatoris contriti: sed non ut
meritum de condigno. Tum quia nullus præ-
ter Christum meretur alteri gratiam de
condigno. Tum etiam quia nemo potest sibi
vel alius mereri de condigno remissionem
peccati mortalis; siue originalis, siue actualis.
Hæc autem iustificatio includebat remissi-
onem peccati originalis.

Ultra hæc duo fuerunt quædam alia legis
naturæ sacramenta: licet fortè non adeo
communis. Cuiusmodi fuit sacrificium Mel-
chisedech in pane & vino, quatenus valebat
ad sanctificandum moraliter eos à quibus su-
mebatur, & ad præsignificandam veram gra-
tiam vi sacramenti Eucharistiæ conferendam;
ut docent Clemens Alexandr. An brof. Au-
gust. alique Patres. Probabile item est sa-
cerdotes illius legis, saltem publicos, & no-
mine totius communis sacrificantes, fuisse
sacra aliqua cerimoniam consecratos, san-
ctificante moraliter, & veram sanctitatem
sacramento Orcinis conferendam præsigni-
ficante. Licet primogeniti cuiusque familie
fuerint, fortè sine vlla cerimoniam, privati sa-
cerdotes: imò & quisque habuerit ius pro se
& pro aliis sacrificandi, donec per legem di-
uinam, vel humanam, aliter fuit constitu-
tum. Constat enim ex Genesi Abelem, Ia-
cob, & alios, licet non primogenitos, sacri-
ficasse. Denique sicut in eo statu varia fuere
sacrificia, sic & varia potuerunt esse sacra-
menta moraliter sanctificativa, licet Scri-
ptura id minùs exprimat. Verumtamen quia,
ut suo loco diximus, de ratione sacramenti
est ut sit signum divinitus institutum: suppo-
nendum est, sacrificium Melchisedech, &
huiusmodi alia, vel illas cerimonias conse-
crandi sacerdotes, fuisse divinitus institutas.
Quod de tempore legis naturæ incertum
est. Videturque Anacletus Papa in Epist. 2.
decretali affirmare sacerdotium ex Dei au-
thoritate & institutione incepisse ab Aaron:
Quia etiam si Noë longè antea, & Melchise-
dech, Abraham, Isaac, & Iacob sacrificium
obtulerint: Spontanea, inquit, voluntate,
non sacerdotali auctoritate id fecerunt. Vel
potius licet aliqui eorum sacrificauerint ex
Dei iussu & auctoritate, ut Noë Genes. 8.
& Abraham Genes. 15. non tamen legitur
fuisse illos ex Dei institutione in iuratos sacer-
dotio aliqua sacra cerimoniam, ut Aaron &
filio eius Exod. 29.

In tertio statu legis veteris scriptæ, seu
Mosaicæ, certissimum est aliqua fuisse sacra-
menta, non tamen gratiæ esse divina ex opere

125

Fides illa
congrua
est venie-
ntium, de
congruo.

135

Fuerunt in
ealge alia
sacramen-
ta.

Clement.
alex lib. 4.
Stromatum
lib. 4. de
sacr. c. 11.
August. ep.
91.

Anaclet.

145

Fuerunt
aliqua sa.

cramenta
in lege Mo-
saica.

Operato. Id enim peripicue Florent. affirmat in decreto 9. *Nouæ legis*. Et quidem circumcisio in ea mansit usque ad promulgationem legis Evangelicæ. Item quia circumcisio non poterat nisi masculis applicari, idque non ante octauum diem à natiuitate, & posteris vel familiæ Abraham, aut illi sponte aggregari volentibus, quibus solis circumcisio & lex Mosaiica data erat, eosque solos obligabat: dicendum est pro fœminis & paruulis Abrahamitis ante octauum diem morientibus, & pro fidelibus alienigenis, valuisse, vt in lege naturæ, primam sensibilem ceremoniam quâ Deo paruulos ex fide viuæ offerebant: quandoquidem non apparet ex Scriptura vllum aliud remedium pro illis à Deo determinatum fuisse: & non est credibile, Deum per circumcisionem abrogasse aliud; & fœminas sine remedio reliquisse, prouidendo solis masculis; & ad octauum diem determinasse remedium simpliciter necessarium (quod etiam prius periclitantibus de vita, non poterat propter grauem dolorem sine mortis acceleratione applicari) ac demum reliquisse alienigenis circumcisionem liberam, si non poterant eorum paruuli sine ea saluari. Item præter hæc duo plurima erant legis Mosaiicæ sacramenta à Deo ipso determinata, vt esus Agni paschalis, expiationes & purificationes legales, Pontificum consecrationes & Sacerdotum, de quibus vide D. Thom. 1. 2. q. 102. art. 5. vbi ea recenset, & ad tria genera reuocat, appositæque cum sacramentis Evangelicis comparat. Primum genus pertinebat, inquit, ad cōsecrandos sacerdotes & Pontifices. Secundum, ad quendam vsum rerum sacratum, siue ad participationem diuinorum beneficiorum: vt esus Agni Paschalis. Tertium, ad expiationes irregularitatum legalium, & peccatorum purificationes. Quibus omnibus quatuor præcipua sacramenta nouæ legis fuerunt adumbrata. Circumcisione, vel illo altero remedio peccati originalis, Baptismus; consecratione sacerdotali, Ordo; Agno paschali, Eucharistia: expiationibus, Pœnitentia.

D. Thom.

15.
Non erant
efficacia
gratiæ.

Verum hæc omnia, siue legis Mosaiicæ, siue legis naturæ sacramenta, conueniebant quidem cum nostris in eo, quod erant aliquo modo sanctificatiua, & significatiua veræ sanctitatis: sed non erant eiusdem rationis & efficaciz. Neque enim valebant ad conferendam gratiam infallibiliter ex opere operato: vt docet Florent. in Decreto, 9. *Nouæ legis*: vbi recensitis septem nouæ legis sacramentis, sic addit: *Quæ multum à sacramentis differunt antiquæ legis. Illa enim non causabant gratiam, sed eam solum per passionem Christi dandam figurabant: hæc verò nostra, & continent gratiam, & ipsam dignè suscipientibus conferunt.* Nomine autem antiquæ legis, Concilium intelligit vel totam legem ante Christum: vel si solum intelligit Mosaicam; idem à pari vel à fortiori colligitur de lege noua. Neque enim putandum est in lege naturæ fu-

isse remedia efficaciora; cum potius legis perfectioris, perfectiora debeant esse sacramenta. Idem non obscure colligi potest ex Trident. sess. 7. can. 2. de Sacram. in gen. vbi damnat dicentes sacramenta nouæ Legis non differre à sacramentis antiquæ, nisi quia sunt aliæ ceremoniz, & alij ritus externi. Et can. 6. 7. & 8. definit illa continere gratiam, quam significant, eamque ex opere operato, & semper, conferre omnibus ritè suscipiētib. Confirmatur, quia si vllum ex sacramentis legis Mosaiicæ, aut legis naturæ, fuit efficax gratiæ, maximè circumcisio, & illud alterum remedium paruulorum ei respondens, quod certè non erat circumcisione efficacius: alioqui Deus Abrahamitis minùs bene quàm aliis consulisset. At hoc non consentit verbis Apostoli ad Galat. 4. vocantis ceremonias antiquæ legis (ad quas reuerti volebant Galatæ) infirma & egena elementa: nimirum infirma ad iustificandum, & egena seu vacua gratiæ, quam tantum significabant. Ac ne quis dicat id Apostolum dicere de illis sacramentis, prout iam cessauerant habere vim propter abrogationem: Idem Apostolus Heb. 7. vers. 18. ait, vetus mandatum (id est, veterem legem) reprobatum fuisse propter infirmitatem eius & inutilitatem. Idemque docet aperte S. Thomas q. 70. a. 4. in corp. & ad 2. & q. 62. a. 6. in corp. & ad 3. vbi tum speciatim de circumcisione, tum generatim de sacramentis omnibus legis antiquæ, negat gratiam contulisse ex opere operato, & sine fide in Christum venturum, cuius vi conferebatur, si quid gratiæ in illis tribuebatur. Nimirum quia si iustificabant, illud erat ex opere operantis, & non virtutis externæ ceremoniæ.

D. Thom.

SECTIO II.

*Soluantur obiectiones contra prædicta de
Sacramentis legis naturæ.*

Contra id quod diximus, fuisse in lege naturæ, ante circumcisionem, sacramentum, à Deo quoad externam ceremoniam indeterminatum, & ad arbitrium hominum determinandum, in remedium paruulorum: quod etiam post circumcisionem, & in tota lege Mosaiica perseuerauerit, respectu eorum quibus circumcisio non poterat, vel non debebat applicari: Obiicitur primò, nullam eius remedii fieri mentionem neque in Scriptura, neque apud antiquos ante D. Augustinum. Imò ante ipsum negarunt communiter SS. Patres circumcisionem ipsam fuisse institutam in remedium peccati originalis, vt videre est apud Bellarminum lib. 2. de Sacram. cap. 15. & Suar. disp. 5. sect. 1. Deinde ratio quæ mouit S. Augustinum, & alios posteriores, vt afferrent, Deum per circumcisionem, & per

16.

Bellarmino
Suarez.

illud aliud sacramentum, prouidisse de remedio peccati originalis, non est alia, quam pia quædam coniectura de Dei bonitate, à qua videtur alienum, quòd tot infantes ante baptismum institutum reliquerit sine remedio. At hæc coniectura leuis est. Nam Deus infantes pene innumeros morientes in veteris matrum in quacumque lege reliquit sine remedio: & in lege Evangelica pereunt alii pene innumeri sine Baptismo, vel ob defectum aquæ, vel ob ignorantiam Baptismi, aut eius necessitatis, vt apud infideles qui Christianis multò plures sunt. Terriò, Si sacramentum illud profuit paruulis ad delendum peccatum originale: ergo contulit illis gratiam iustificantem ex opere operato. Neque enim potuit conferre ex opere operantis ipsorum paruulorum, cuiuserant incapaces: neque ex opere operantis ipsius ministri sacramentum applicantis; quia nemo alteri gratiam meretur efficaciter & infallibiliter, præter Christum. Quartiò, Si sacramentum illud fuit indeterminatum à Deo, & relictum liberæ hominum determinationi; melius fuit prouisum paruulis in lege naturæ, quàm in lege gratiæ vbi remedium ad Baptismum restrictum est, & Baptismus ad aquam naturalem, & ad verba quædam essentialia determinatus, ita vt muti nequeant baptizare. Probatür sequela, quia remedium eò melius est, quòd facilius & generalius. Est autem eò generalius & facilius, quo minorem habet determinationem, & in re qualibet adhiberi potest. Vnde secundo sequitur, multò plures infantes daminari in lege gratiæ, quàm olim in lege naturæ, quod est prorsus incredibile. Probatür sequela: quia plures nunc moriuntur ante ætatem adultam propter naturæ debilitatem: & Baptismus, qui est vnicum ac determinatum remedium, ignoratur à plurimis nationibus: neque si desit eius copia, potest aliud remedium adhiberi ab iis ipsis à quibus non ignoratur: quia non subest eorum arbitrio vti alio remedio: idemque argumentum fieri potest de lege Moisaica, in qua dicitur viguisse illud remedium, & defectu circumcisionis applicari potuisse.

17.
Remedium
paruulorū
fuit notum
ante Augu-
stinum.

Ad primum Respondeo, Licet de illo remedio Scriptura tacuerit, quæ breuissimè perstrinxit ea quæ pertinent ad legem naturæ, præsertim quoad ordinem gratiæ: de illo tamen, deque circumcisione, eiusque ordinatione contra peccatum originale, longè ante Augustinum locutus est Cyprianus, vel alius eius contemporaneus, in libro de Cardinalibus Christi operibus cap. de Circumcisione: vbi postquam affirmauit, Originale peccatum omni tempore aliquibus remediis fuisse expiatum: subiungit, *Propter hoc cum iam fidei tempora appropinquarent, imperata est circumcisio.* Et paulò ante ait, Circumcisionem octauo die iussam esse celebrari, & nomen circumciso aptari, vt intimaretur his qui digni Sanctorum consortio censebantur, quòd eorum nomina scriberentur in cœ-

lis, & æternæ beatitudinis hæredes fierent & consortes.

Ad secundum, Nego maiorem: Augustinum enim, & alios plures eius sententiæ assertores, quòd scilicet in circumcisione ablatum fuerit peccatum originale, mouit ad id affirmandum Scripturæ locus Genes. 17. quem expendemus sect. sequenti. Quo posito, bene inferitur aliud fuisse remedium pro sceminis, quibus non minùs prouisum fuit ad salutem, quàm masculis. Cumque nullum pro illis specialiter Scriptura dicat fuisse institutum: censendum est remedium legis naturæ pro illis perseverasse, vt & pro alienigenis: adeoque ante circumcisionem fuisse aliud remedium. Deinde dico, piam illam coniecturam non immeritò mouisse D. Augustinum lib. 5. contra Iulian. cap. 11. Augusti Gregorium magnum, Bedam, Bernardum, Innocentium III. & omnes Theologos, teste Suare disp. 4. sect. 1. §. *Nihilominus*, vt asserent, non esse credendum paruulos caruisse aliquo remedio peccati originalis, etiam ante circumcisionem. Enimuerò contrarium non est adeo consentaneum diuinæ prouidentiae, & studio salutis hominum omnium, ad quod studium pertinet vt prouiderit de remediis, saltem iis, quibus humano modo possunt applicari: præsertim tanto numero morientibus ante ætatem adultam, iuxta conditionem humanæ fragilitatis. Neque par est ratio de infantibus in utero morientibus. Illi enim multò pauciores sunt, neque tot incurrunt moriendi necessitates. Et in eo statu non sunt capaces remedii, quod per homines, modo hominibus accomodato, illis applicari possit: præsertim cum multi eorum moriantur antequam cadant sub humanam cognitionem. Quòd verò Baptismus à multis ignoretur, & Euangelium non latius promulgetur, culpa hominum facit. Deus enim prouidit sufficienter eius promulgationi. Sed plurimi querunt & satagunt tantum quæ sua sunt, non quæ Iesu Christi.

18.
Fundamē-
tum
assc.

Ad tertium Nego, Sacramentum illud contulisse gratiam ex opere operato. Requiebat enim in adultis recipientibus sufficientem dispositionem ad gratiam, id est, actum fidei viuæ, cuius vi gratia conferebatur, & à sacramento tantum significabatur: in paruulis verò requirebat fidem viuam conferentis, cuius intuitu gratia paruulo conferebatur, posita applicatione sacramenti, vt conditione sine qua non poterat paruulo prodesse fides alterius, secundum Dei institutionem. Proderat autem non vt meritum de condigno & propriè dictum, de quo verum est quod opponit obiectio; sed tantum per modum impetrationis infallibilis propter Dei institutionem ac promissionem gratiæ, non vt mercedis debitæ ex iustitia; sed vt effectus simplicis aut doni, ex Dei misericordia & fidelitate securi ad talem orationem & oblationem paruulorum, propter eorum necessitatem.

19.
Non contulit gratiam ex opere operato.

20.
Fuit tunc
paruuli
generalius
proulum,
quàm nunc
set in d. me-
liù. simpli-
citer.

Ad quartum Respondeo, Fuisse quidem tunc temporis proulum paruulis generalius, & eatenus melius: at non ideo melius simpliciter: quia baptisumus multò maioris & certioris est efficaciz. Remedium autem generalius, & facilius, est quidem melius ceteris paribus: secus non. Potest enim excessus aliunde præponderare. Quòd autem aliquibus, aut secundum quid, melius proulum fuerit in lege naturæ, vel Mosaica, quàm in Evangelica, absurdum non est. Sufficit enim ad istius excellentiam, quòd totaliter sumpta illarum excellentiam multis partibus superet. Neque tamen propterea deterior est conditio paruulorum in lege noua, quàm in veteri, aut plures fuere saluati simpliciter & absolute. Quamuis enim secundum quid remedium melius esset, quia generalius: tamen simpliciter longè plures saluantur in lege Evangelica toto orbe diffusa, quàm tunc in fide parèrum. Pauci enim tunc erant fideles comparatiuè: & fides illa uiua non tam facile haberi poterat, & applicari certò & infallibiliter, ac baptisumus, cuius applicatio efficax omni ex parte facillima est, prodestque, siue à fidelibus, siue ab infidelibus fiat: maioremque gratiam præstat, quàm olim illa remedia.

Sententia
Caietani
infantes
posse sal-
uari sine
baptismo,
in fide pa-
rentum.

Aliter respondit Caietanus ad art. 2. q. 68. Sensit enim, deficiente opportunitate baptizandi paruulos, baptisumi votum, seu desiderium, à parentibus aut ab aliis conceptum, eis sufficienter prodesse ad salutem, & quidem ex lege vniuersali & infallibili. Fuerunt etiam qui dicerent, preces parentum pro filiis Deo oblatas in eum finem, posse interdum illis sufficere sine baptismo. Sed hæc communiter reiciuntur tanquam à Patrum doctrina & Ecclesiæ sensu dissentanea. Et iussu Pii V. opinio Caietani ex eius commentariis expuncta fuit, licet adhuc in quibusdam exemplaribus vetustis, aut Romæ non cufis, reperiatur.

SECTIO III.

Soluitur alia difficultas de circumcisione, & sacramentis legis Mosaicæ.

21.
An circū-
cisio & alia
sacramenta
V. L. con-
tulerint
gratiam.

EX opposito contra id quod diximus, Circumcisionem, & alia sacramenta veteris legis, non contulisse gratiam ex opere operato, obijci potest definitio Innocent. III. in cap. *Maiores*, de Baptismo, ubi conferens verba illa Ioan. 3. *Nisi quis renatus fuerit, &c.* cum istis Genes. 17. *Masculi cuius præputii caro &c.* sic ait: *Et si originalis culpa per mysterium circumcisionis remittebatur, & damnationis periculum vitabatur: non tamen perueniebatur ad regnum cælorum, quod usque ad mortem Christi fuit omnibus obseratum. Sed per sacramentum Baptisimi culpa remittitur, & ad regnum cælorum peruenitur.* Hæc Summus Pontifex: qui nullam aliam inter Baptisum &

circumcisionem differentiam ponit, nisi quòd Baptisumus statim perducatur ad regnum cælorum: adeo ut quoad remissionem culpæ circumcisio vim eadem habuerit cum Baptismo, qui sine dubio peccatum remittit & gratiam infundit ex opere operato. Imò illa alia differentia extrinseca est sacramentis Baptisimi & circumcisionis: atque in eo solùm consistit, quòd passio Christi nunc est exhibita, quæ antea non erat. Hinc enim est quòd cælum per Baptisum nunc pateat, per quem non magis patebat iis qui baptizati mortui sunt ante Christi passionem, quàm paruisset iisdem per circumcisionem. Et contra, æquè patebat per circumcisionem iis, qui ante Baptisimi promulgationem, post Christi passionem mortui sunt.

Secundò, Idem ante Innocentium docuerat S. Gregorius lib. 4. Moral. cap. 3. ubi sic habet: *Quod apud nos valet aqua Baptisimatis, hoc egit apud veteres vel pro paruulis sola fides, vel pro maioribus virtus sacrificij, vel pro his qui ex Abrahæ stirpe proierant, mysterium circumcisionis.* Quæ Gregorii verba habentur etiam in iure canonico, *De consecrat. dist. 4. can. Quod autem.* Vbi nota 1. Gregorium affirmare circumcisionem egisse apud Abrahamitas, quod apud nos agit Baptisma, & idem valuisse. Secundò, Eandem vim tribuere sacrificiis antiquæ legis. Tertiò, Dicit fidem solam pro paruulis fecisse, quod Baptisma nunc facit: id est, fidem internam solam sine externa & sensibili cerimonia: alioquin malè illam opponeret sacrificiis, & aliis actibus externis, de quibus subdit: *vel pro maioribus virtus sacrificij, &c.* Quartò, illis sacrificiis & circumcisioni tribuit id, quod fides illa valebat & præstabat: nempe deleere peccatum & sanctificare per se: sicut fides illa sola, ac per se, mundabat & sanctificabat.

Tertiò, Idem ante Gregorium docuerat Augustinus, vel alius author Hypognosticon lib. 5. cap. 5. ubi sic ait: *Circumcisio illa octaua diei gratiam Baptisimi gestabat: & paruulus qui eâ fraudatus est, delicto quod ex Adam traxit, non caruit.* Et lib. 4. de Baptismo cap. 24. *Cur, inquit, præceptum est Abrahæ ut paruulos circumcideret; nisi quia ipsum sacramentum per se ipsum multum valet?* Nemo ad remissionem peccati originalis, quam constanter plurimis in locis tribuit circumcutioni. Verba autem illa, *per se ipsum*, æquivalent illis Theologorum, *ex opere operato.* Item lib. 1. contra Cresconium cap. 31. Circumcisionem cum Baptismo æquiparat in eo quòd, data licet à ministro infideli, non magis erat iteranda, quàm Baptisumus datus ab hæretico. Ergo ut nunc talis Baptisumus sufficit ad delendum peccatum originale: ita & illa circumcisio: per se scilicet & ex opere operato, non autem in fide consentis, quæ tunc non erat.

Quartò, Idem Augustinus q. 84. in Leuit. satis perspicuè affirmat generatim sacramenta legis Mosaicæ gratiam contulisse:

cum exponens illud Leuit. 20. *Ego Dominus qui sanctifico vos*: sic ait, *Quomodo Moyses sanctificat, & Dominus? Moyses visibilibus sacramentis per ministerium suum. Dominus inuisibili gratia per spiritum sanctum, ubi est totus sanctus visibilibus sacramentorum. Nam sine ista sanctificatione inuisibilis gratia, visibilia sacramenta quid profunt? Quod etiam confirmat quæst. 25. in Numer. Et fauet Hieronymus in epist. ad Galat. ad illa verba cap. 4. *Infirmas & egenas elementa*, ubi ait, hoc esse intelligendum de sacramentis veteris legis post Euangelii promulgationem, quando illa vim suam amiserunt.*

Hieron.

24. Propter hæc aliqui senserunt circumcisionem contulisse gratiam ex opere operato. Id enim disertè & generaliter, tam de adultis, quam de paruulis, affirmant Sotus, Gabriel, & Paludanus in 4. dist. 1. De paruulis verò idem re ipsa docent Suarez, Aegidius Coninx, & alii quidam recentiores ad art. 6. quæst. 62. licet vereantur uti nomine operis operati: quod tamen parum referre ait tandem Suarez disp. 10. sect. 2. in fine. Et quidem parum vel nihil potius refert, cum rem ipsam affirmant. Aiunt enim circumcisionem paruulis gratiam contulisse, quamvis à ministro infideli daretur cum sola intentione faciendi quod Deus instituerat, aut quod vera Ecclesia faciebat: quia sufficiebat fides habitualis Ecclesie. Quemadmodum in Baptismo sufficit, & æque necessaria est. Addit Rubione in 4. distinct. 14. fuisse quoque in lege veteri sacramentum aliquod penitentiae remittens peccata actualia ex opere operato. Idemque iudicat Paludanus in 4. distinct. 1. quæst. 5. ubi præterea docere videtur matrimonium tam in lege naturæ, quam in Mosaica, dedisse gratiam ex opere operato. Durandus denique ibidem num. 11. affirmat generatim, ea sacramenta legis veteris, quæ ordinabantur ad actus qui non poterant exerceri conuenienter sine gratia, eam contulisse ex opere operato: quia Deus non deficit in necessariis, cuiusmodi erat, inquit, ordinatio seu consecratio Pontificum, & sacerdotum.

Rubion.

Palud.

Durand.

25. At hæc omnia repugnant Florentino in decreto §. *Nova legis*, definienti sacramenta nouæ legis multum differre à sacramentis antiquæ. *Illæ enim*, inquit, *non causabant gratiam, sed solum per passionem Christi dandam figurabant. Hæc verò nostra continent gratiam, & eam digne susipientibus conferunt.* Hæc concilium. Quod 1. apertè damnat Rubionem & Palud. posterius citatos, affirmantes in terminis aliqua sacramenta legis veteris contulisse gratiam, ut nostra, ex opere operato. 2. Alii quoque effugere non possunt dicendo circumcisionem non esse sacramentum legis veteris, neque eo nomine comprehendere, quia fuit data in lege naturæ, & illius legis potius sacramentum dici debet. Nam illa expositio nimis arbitraria est, ut fatetur inter eos Suarez. 1. Quia

Vera sententia negat.

Probatur ex Florent.

Concilium intendit tradere generalem differentiam sacramentorum nouæ legis, ab omnibus antiquis: & alioqui manca esset illius doctrina. Ergo nomine antiquæ legis intelligit legem tam naturalem, quam Mosaicam, quæ vno communi nomine dicitur antiqua, respectu Euangelicæ. 2. Licet nomine antiquæ Mosaicam solum intelligeret: non potest negari circumcisionem fuisse verè ac propriè vnum ex illius sacramentis, & quidem præcipuis. Nam Leuit. 12. præcipitur vnà cum aliis sacramentis aut cerimoniis, & in tota lege Mosaica perseverauit. 3. Absurdum est existimare sacramenta legis naturæ habuisse maiorem vim, quam sacramenta legis Mosaicæ: cum potius legis perfectioris sacramenta oporteat esse perfectiora. Quare licet Florent. loqueretur solum de sacramentis legis Mosaicæ, & circumcisionis inter illa non comprehenderetur: à pari tamen, vel à fortiori, deberet idem intelligi de circumcisione.

Deinde eadem sententiæ repugnant Apostolo pluribus locis. Nam Rom. 3. explicans ex professo utilitates circumcisionis: non modò vim iustificandi ei non tribuit, sed è contrario versu 20. planè affirmat ex operibus legis neminem iustificari: patetque ex contextu circumcisionem ab eo comprehendere inter opera legis. Et cap. 4. vers. 9. 10. & 11. apertè dicere videtur circumcisionem Abraham fuisse ipsi tantum signaculum iustitiæ fidei in præputio, id est, signum iustitiæ acceptæ per fidem ante circumcisionem, cum adhuc erat in præputio. Et ad Galat. 4. vers. 9. Sacramenta legis veteris vocat infirmas & egenas elementa. In illis autem comprehendere circumcisionem patet ex cap. 5. & 6. eiusdem epistolæ. Ac denique Hebr. 7. vers. 18. & 19. ait legem nihil ad perfectum adduxisse: ac vetus mandatum, id est, veterem legem, propter inutilitatem & infirmitatem reprobam fuisse. Nomine autem veteris mandati reprobatum comprehenditur sine dubio circumcisio, quæ cum aliis reprobata & abolita fuit, eiusque mandatum desit obligare.

26.

Probatur ex Scrip

Neque verò satisfaciunt Concilio Florent. & Paulo, qui respondent sacramenta veteris legis differre à nostris, quia illa causabant tantum moraliter gratiam, nostra physice. Primò, quia falsum est nostra physice causare, vel ut minimum, est incertum. Secundò, Florentinum ait illa gratiam tantum figurasse, & non causasse ut nostra. *Illæ*, inquit, *non causabant gratiam, sed eam solum, per passionem Christi dandam figurabant.* Ergo non eam causarunt moraliter. Tertiò, non fuissent egenas & inutiles, ut ait Paulus, si gratiam causassent moraliter. Nam respectu nostræ utilitatis, nihil interest siue physice siue moraliter causent gratiam, dum modo causent infallibiliter: neque putandum est, Concilium & Apostolum ad discrimen illud respexisse nobis prorsus inutile.

27.

Probat
3. ex Pa-
tribus.Circumci-
sio ad quid
instituta?
Suarez.
Bellarm.
Philo.

Vtherius, eadem opiniones repugnant apertè Patribus Græcis & Latinis Augustino antiquioribus. Omnes enim, vno aut altero dempto, asserunt circumcisionem non fuisse institutam in remedium peccati originalis, sed ad discernendum populum Dei à cæteris gentibus: vt perspicue dicunt Iustinus, Irenæus, Chrysost. Cyrill. & alii, locis relatis à Suare disp. 5. sect. 1. & à Bellarm. lib. 2. de Sacram. c. 15. Multumque fauet quòd Philo Iudæus lib. de Circumcisione, tom. 2. cum reddit causas cur circumcisio instituta fuit, non meminit remedii peccati. Quæ tamen causa, vt potissima, non fuisset omittenda, fuissetque sanè Iudæis notissima, præsertim verò Philoni eruditissimo inter eos, æquè ac disertissimo. Iosephus quoque nusquam illius meminit. Fauet etiam quòd Deus circumcissionem instituens Genes. 17. non meminit remedii peccati originalis: sed tantum, *Vt sit signum fæderis inter me & vos: vt sit pactum meum in carne vestra in fædus æternum.* Quod verò subditur ibidem, *Masculus cuius præputii caro circumcisa non fuerit, delebitur anima illa de populo suo, quia pactum meum irritum fecit,* debet intelligi de pœna mortis, vel excommunicationis, aut quasi excommunicationis, quòd videlicet non essent censendi incircumcisi inter filios Israël, ob violatum, vel non seruatum pactum illud initum inter Deum & Abraham, de quo proximè mentio fuerat.

August.

Nam quòd August. lib. 3. contra Iulian. cap. 18. & alibi sæpius, id refert ad pactum initum cum Adamo, & ad peccatum à posteris in illo, vt omnium capite, commissum, ac non remissum defectu circumcisionis, minùs conuenit textui, & aduersatur communiori Patrum Doctrinæ. Nec vrgent quæ idem August. aliique asserunt in confirmatione huius expositionis: quòd nempe illa comminatio loquatur etiam de paruulis, vt clarè patet ex versione LXX. quæ sic habet: *Masculus cuius præputii caro octauo die circumcisa non fuerit: & ex eo quòd immediatè antea dicatur, Infans octo dierum circumcidetur in vobis:* Item ex eo quòd modus loquendi sit vniuersalis, *Masculus cuius præputii caro circumcisa non facit,* &c. similis isti Ioan. 3. *Nisi quis renatus fuerit ex aqua,* &c. ex quo simili loquendi modo, debet intelligi par necessitas sacramenti vtriusque ad finem & effectum verbis illis expressum, qui quoad circumcisionem est vitatio deletionis à populo Dei, id est, vitatio mortis spiritualis separantis à iustis: non autem vitatio mortis temporalis aut excommunicationis: quia vt testantur Burgenfis & Glossa ordinaria à Lyrano Iudæo edita, Hebræi nunquam intellexerunt latam ibi fuisse pœnam mortis: neque morte puniebant paruulos vel adultos non circumcisos. Excommunicationes verò, & irregularitates non habuerunt locum ante legem scriptam, quam circumcisio longè præcessit. Hæc, inquam, non vrgent, quia verba illa LXX. interpretum, *Octauo die,* non sunt in textu Hebræo, &

omissa sunt à Vulgata velut perperam addita. Sed quamuis illa comminatio comprehenderet paruulos: ac ne quidem pro adultis intelligi posset de pœna mortis, vt aiunt Lyranus & Burgenfis, quod tamen valdè incertum puto: facile intelligitur de deletionem morali à populo Dei, quòd scilicet non essent inter filios Israël agnoscendi & computandi incircumcisi, sine causa legitima differendi circumcisionem; sed habendi essent pro alienigenis: quod etiam ante legem scriptam locum habere potuit, & ante excommunicationes scripto expressas. Sine causa, inquam, legitima differendi: qualis fuit in deserto per quadraginta annos, ob incommoda itineris, & profectiois incertitudinem, & alias causas, de quibus vide Serarium quæst. 3. in cap. 5. Iosue, inter quas maximè placet illa quæ à Masio & Perrerio traditur: id in pœnam parentum factum esse, vt id eorum animos vreret, quòd circumcisionis omissione filios suos è promissis Abraham factis quodammodo excludi viderent: iuxta illud Numer. 14. vers. 33. *Filii vestri erunt vagi in deserto annis quadraginta,* &c.

Senz;

Præterea denique, eadem sententiæ repugnant apertè D. Thom. quæst. 62. art. 6. in corp. vbi sic habet: *Sacramenta legis veteris non habebant in se aliquam virtutem quâ operarentur ad conferendam gratiam iustificantem.* Et ad 3. *Circumcisio, sicut & alia sacramenta legis veteris, erant tantum signum fidei iustificantis.* Et quæst. 70. a. 4. in c. *In circumcisione conferebatur gratia quantum ad omnes gratiæ effectus: aliter tamen quam in Baptismo.* Nam in Baptismo confertur gratia ex virtute ipsius Baptismi, quam habet in quantum est instrumentum passionis Christi iam perfectæ: in circumcisione autem conferebatur gratia, non virtute circumcisionis, sed fidei in passionem Christi, cuius signum erat circumcisio. Et paulò post: *Iustitia erat ex fide significatâ, non ex circumcisione significante.* Et ad 2. *Sicut ante circumcissionem sola fides Christi iustificabat; ita & datâ circumcissione.* Hæc D. Thom. Vbi quod vltimò dicit, *sola fides* non significat nullam tunc cerimoniam sensibilem fuisse adhibitam: sed excludit dumtaxat vim iustificandi ab externa & sensibili cerimoniam, quamuis etiam tunc simul aliqua adhiberetur in signum fidei. Quod autem ait, *In circumcisione conferebatur gratia,* &c. intelligit quoties vel adulti cum fide viua eam recipiebant: vel paruulis dabatur cum fide viua ministri, aut parentum offerentium. Sicut enim in lege naturæ fides viua parentum applicabatur paruulis, ex Dei misericordia subueniente eorum necessitati, per primam cerimoniam sensibilem, quâ eos Deo offerebant: applicabatur, inquam, per modum meriti de congruo, vt supra diximus, & affirmat Vasquez disput. 164. numero 18. Sic & in lege Mosaica, quæ non fuit deterius conditionis quoad hoc. Illa verò prima cerimoniam, respectu paruulorum

287

Probat
4.
ex D. Tho.Quomodo
circumci-
sio iustifi-
cabat par-
uulos?

Vasquez

paruulorum Abrahamitarum, erat circumcisio, vt colligitur probabiliter ex Leuit. 12. *Mulier si suscepto semine p. pererit masculinam, immunda erit septem diebus* (nimirum cum scitu suo, qui idcirco non poterit interea Deo offerri) & die octauo paruulus circumcitur. Fuit, inquam, prima ordinariè, & quoad fieri poterat. Nam in casu necessitatis poterat alia adhiberi, & omitti circumcisio: quemadmodum si paruulus ante octauum dem moriebatur: quemadmodum etiam Iosue 5. dilata fuit per quadraginta annos, vt paulò ante diximus. Eademque cerimonia erat aptissima ad excitandam fidem parentum, & amorem in Deum, propter quem paruulos suos tam graui dolori, & periculo mortis exponebant. Conueniens quoque erat, vt Iudæi eodem signo sanctificarentur, quo Dei populo aggregabantur, & discernebantur ab aliis: vt nunc baptismus Ecclesiæ nos aggregans, sanctificat & signat caractere. Monebat etiam illa ceremonia peccati originalis, & necessitatis illius delendi, cum fieret in ea parte corporis, per quam transfunditur ad posteros, via naturalis generationis ab Adamo descendentes.

29.

Explicatur
testi-
monia Pa-
trum.

Atque in hunc sensum intelligendum puto, vt verum sit, id quod Cyprianus libro de Cardinalibus Christi operibus, capite de Circumcisione, Augustinus, Innocentius, & alii dicunt, Circumcisionem fuisse ordinatam & institutam contra peccatum, originale: scilicet, non per se, ex directa, & peculiari Dei intentione: sed per accidens, eoquòd iuxta Dei institutionem erat prima cerimonia, sensibilis, quâ paruuli Abrahamitæ erant Deo offerendi, eiusque populo aggregandi: &, si accederet fides viuâ, vt ordinariè accedebat, paruuli iustificabantur vitalis fidei, ex misericordia Dei: sicut olim fiebat in lege naturæ, & tunc etiam pro fœminis, & aliis epigenis, prima sensibilis cerimonia, quâ Deo ex fide viuâ offerebantur: quæ prima cerimonia non legitur pro illis fuisse à Deo specialiter determinata: neque magis quàm circumcisio, erat causa instrumentalis iustificationis, sed conditio sine qua fides parentum, vel offerentium non poterat prodesse paruulis ad illum effectum. Sicut enim esse in statu viæ, non est causa instrumentaria & efficiens iustificationis, est tamen iuxta Dei institutionem, conditio necessaria vt per contritionem iustificemur: ita vt si anima post separationem à corpore actum contritionis eliceret, non propterea iustificaretur: sic esse aggregatum populo Dei per aliquam sensibilem ceremoniam, erat conditio necessaria ex institutione Dei, vt possent iustificari paruuli vi fidei parentum, aut offerentium. Sicut etiam quòd essent nati, & extra uterum educti, erat conditio necessaria ad eundem effectum.

Ad primum autem argumentum initio sectionis propositum Respondeo, Innocen-
Tom. IV.

tium ibi tantum definire id, de quo fuerat consultus, baptismum scilicet paruulis dari posse: cætera tantum ornatus gratia dicta esse. Secundò, quod ait, per mysterium Circumcisionis retractam fuisse culpam originalem; intelligendū est de Circumcisione cum adiuncto fidei viæ: ac ratione illius: non autem ratione externæ ceremoniæ, vt ait S. Thomas supra citatus. Tertio, quod addit de necessitate Circumcisionis, æquè ac Baptismi, dictum est ex priuata ipsius, & D. Augustini, aliorumque paucorum opinione minus probabili, & non bene fundata in verbis Genes. 17. supra expensis. Videatur Val-
ques 1. 2. disp. 130. & 184. vbi nobiscum sentit post Bellarmin. Deça, Ledesman, Ferrarientem, Canum, Capreolum, & alios ibidem citatos.

Ad secundū Respondeo, Gregorium similiter id dicere non definiendo, sed ex priuata opinione, tum de sola fide, tum de sacrificiis & de Circumcisione. Quæ opinio minus probabilis, est postponenda Flor. & aliorum Patrum longè plurium auctoritati, cæterisque argumentis, quæ pro sententia nostra adduximus. In aperto autem Patrum consensu nemini mirum videri debet nos ab aliquibus discedere, vt pluribus & valde grauib. adhæreamus, fauente præsertim Scripturæ, & Concilio œcumenico.

Ad tertium Respondeo, Circumcisionem gestasse gratiam Baptismi in figura: & ex illa vt ex figura, conicere nos posse quid valeat Baptismi sacramentum. Valebat autem Circumcisio per se ad gratiam Baptismi præfigurandam, & ad sanctificandum moraliter, aliaque de quibus Apostolus Rom. 3. Sed non ad peccati remissionem, quæ tantum fiebat virtute fidei: Cum autem dabatur à ministro infideli, neque offerentium fides viuâ supplebat ministri defectum: non erat propterea iteranda, sed ad remedium legis naturalis recurrendum erat, & aliâ ceremoniâ vtendum ex fide viuâ, ad paruulum iustificandum: relicta illâ quæ vel omnino, vel nisi longo post tempore, vel sine magna difficultate non potuisset iterari.

Ad quartum Respondeo, Sacramentalia legis Mosaicæ sanctificasse ex opere operantis, quando ex fide viuâ adulti ea recipiebant: & significasse exterius illam internam sanctitatem virtute fidei viuâ infusam per Spiritum sanctum. Semper enim bona opera, tam interna, quàm externa, facta ex fide viuâ, habuerunt vim sanctificandi bene operantes: quia secundum legem à Deo positam actus charitatis supernaturalis, saltem efficax & absolutus, est dispositio sufficiens, vel causa meritoria gratiæ. Hieronymi verò expositio non est Apostolo conformis, qui Hebr. 7. v. 18. ait vetus mandatum propter infirmitatem & inutilitatem fuisse reprobatum, nihilque ad perfectum deduxisse. Quibus verbis aperte docet, fuisse infirmum antequam repro-
baretur, & fuisse reprobatum, quia infir-
Rr

Valq;

302

Solutum
alia argu-
menta;

312

num erat. Durandi quoque ratio nulla est. Quia tales sibi providere poterant ex opere operantis, Deo excitante & auxiliante ad actus supernaturales contritionis, vel dilectionis Dei super omnia.

SECTIO IV.

De necessitate sacramentorum novæ legis, posita eorum institutione.

HVC vique diximus de necessitate sacramentorum antecedenter ad eorum institutionem, id est, an necessarium fuerit ea institui. Nunc supposita sacramentorum novæ legis institutione, qualis à Christo facta est; quaeritur quæ & quanta necessitate obligemur ad illa recipienda? Duplex autem distinguitur necessitas à Theologis, quarum una dicitur medij, altera præcepti. Prior est eius sine quo finis haberi non potest: Posterior est eius quod sine peccato non potest omitti scienter & libere, id est, ab eo qui novit obligationem, & habet liberam parendi potestatem. Ignorantia enim & defectus usus libertatis excusant à necessitate præcepti, licet non excusent à necessitate medij. Nam v. g. is qui ignorat gratiam finalem, & primam iustificationem necessariam sibi esse ut salvetur, & eam non procurat per contritionem, aut per alia media à Deo instituta, excusatur quidem à necessitate præcepti, id est, non peccat contra illam obligationem, neque damnabitur quasi contra illam peccaverit: sed non excusatur à necessitate medij, id est, ignorantia non facit, ut salvetur sine iustificatione, & gratia finali, ac non careat æterna salute, defectu illius medij necessarii.

Est alia differentia inter has duas necessitates, quod illa quæ dicitur medij, oritur ex connexionione illius rei cum fine, quæ tanta est ut sine illa finis nequeat obtineri: siue hæc connexio sit ex ipsa natura rei, ut est alimentum respectu conservationis vitæ: siue ex libera constitutione alicuius à quo finis consecutio pendet: ut si Rex statuat neminem fore iudicem, qui non sex annis iurisprudentiæ operam dederit. Posterior verò, quæ dicitur præcepti, oritur ex iure alicuius superioris, præcipientis & obligantis subditum pro iure suo: contra quam obligationem non potest subditus agere scienter & libere, sine peccato.

Porro hæc duæ necessitates aliquandò coincidunt in unum & idem: aliquandò separantur. Quædam enim sunt utroque modo necessaria: ut ea omnia quæ pendunt à libera nostra potestate, suntque media ad salutem necessaria. Tenemur enim sub gravi præcepto nostram salutem æternam procurare, adeoque om-

nia media necessaria, quantum possumus, adhibere. Unde ex eo quod aliquid sit medium necessarium ad salutem, oritur necessitas præcepti respectu adultorum, qui sunt capaces obligationis præcepti. Quædam verò sunt tantum necessaria necessitate medij, vel dumtaxat, necessitate præcepti; v. g. in exemplo supra posito, Petrus non tenetur dare operam sex annis iurisprudentiæ ex præcepto, quia Rex hoc illi non præcipit: sed solum necessitate medij, posito quod velit iudex fieri. Item colere parentes, restituere alienum, & similia, sunt quidem necessaria ex præcepto: at non sunt media sine quibus omnino salus æterna non possit obtineri: potest enim obtineri per finalem penitentiam, quamvis hæc culpabiliter fuerint antea prætermissa.

Rursus necessarium necessitate medij ad salutem duplex distinguitur à Theologis. Unum magis propriè & strictè, scilicet, sine quo in re ipsa habito non potest omnino salus obtineri secundum legem à Deo positam: cuiusmodi est gratia finalis. Alterum latius & minus propriè, sine quo, vel in re ipsa habito, vel sine aliquo tanquam eius vicario salus haberi nequit. Adhuc enim medium illud retinet aliquam necessitatem respectu finis, quatenus vel per seipsum, vel per vicarium à quo repræsentatur, & cum quo moraliter unum reputatur, necessarium est.

Hæc præsuppositis, Respondeo, aliqua esse sacramenta novæ legis quæ sunt tantum necessaria ad salutem ex præcepto: alia verò insuper necessitate medij, & quidem strictè ac propriè, sub hac distinctione, *in re vel in voto*: In re verò, hoc est, in seipsis, necessitate medij latius & minus propriè sumpta. Hæc conclusio est communis Theologorum cum D. Thoma c. 6 §. 2. 4. iuxta quam intelligendum esse canonem 4. sess. 7. Tridentini rectè monet Suarez in fine comment. eiusdem art. Prima pars probatur quia sacramentum Eucharistiæ est tantum necessarium ex præcepto, ut ostendimus suo loco. Ordo quoque & matrimonium sunt tantum necessaria ex præcepto per se loquendo: idque non singulis sed toti communitati. Per se, inquam, id est, ratione sui. Nam ratione absolutionis, & sacramenti penitentiae, quod non potest conferri nisi à Sacerdote, Ordo est necessarius necessitate medij ad salutem adultorum qui post baptismum lapsi sunt in peccatum mortale: & hoc sensu verum est quod ait Divus Thomas quaestione sexagesima quinta articulo quarto, Sacramentum Ordinis esse necessarium necessitate medij respectu communis, non solum quatenus est necessarium ad Duces & Rectores Ecclesiæ instituendos, sine quibus non potest conservari: sed etiam quatenus in communione Christianorum debent esse ali-

32.
Duplex
necessitas,
medij &
præcepti.

Necessarium ad salutem necessitate medij est duplex.

33.
Differentia
inter utraque,

Sacramenta quædam necessaria necessitate medij: alia necessitate præcepti.

Dux illæ
necessitates aliquandò coincidunt & aliquandò separantur.

D. Thom.

qui, qui possint alios à peccatis absolvere, & potestatem absoluendi conferre. De Confirmatione verò & Extrema-unctione ne quidem omnino agitur, an sint necessaria & ex præcepto saltem graui, vt dicemus in locis.

35.
Sacramenta
Baptismi
& Penitentiae
votum

Secunda verò pars probatur, quia sacramenta Baptismi & Penitentiae sunt ita necessaria ad salutem in re vel in voto: Baptismus quidem omnibus originali peccato infectis: Penitentia vero omnibus illis, qui post Baptismum lethaliter peccarunt. Ita docet aperte Trident. de Baptismo quidem sessione 6. cap. 4. vbi sic pronuntiat: *Translatio ab eo statu in quo homo nascitur filius primi Adam, in statum gratiae & adoptionis filii dei, post Euangelium promulgatum, sine lauacro regenerationis, aut eius voto fieri non potest: sicut scriptum est, nisi quis renatus fuerit ex aqua & Spiritu sancto non potest intrare in Regnum Dei.* De Penitentia verò sess. 14. cap. 4. vbi initio affirmat, contritionem fuisse quouis tempore necessariam ad impetrandam veniam peccatorum: Adultis scilicet capacibus contritionis, id est, doloris de peccatis à se commissis. Et paulò post docet, quamuis aliquando contingat, contritionem charitate perfectam Deo reconciliare hominem lapsum post Baptismum in peccatum mortale, priusquam sacramentum Penitentiae actu suscipiatur: ipsam nihilominus reconciliationem ipsi contritioni sine sacramenti voto, quod in illa includitur, non esse adscribendam.

36.
Quid intelligendum
per votum
sacramenti

Difficultas verò est quid per votum sacramenti intelligendum sit hoc loco? Respondent aliqui non aliud intelligi, quam propositum saltem virtuale sacramenti Baptismi: aut Penitentiae, suo tempore, si fieri potest, suscipiendi. Quod propositum includitur in contritione, seu potius est ipsa contritio, quae, virtualiter saltem, est voluntas efficax implendi omnia grauius à Deo præcepta, inter quae est susceptio sacramentorum Baptismi & Penitentiae. Cum enim contritio perfecta, & absoluta, imò & attritio absoluta & vniuersalis, auertat efficaciter voluntatem ab omni peccato mortali; est, virtualiter saltem, voluntas non peccandi amplius mortaliter: & consequenter implendi omnia præcepta quae non possunt sine mortali peccato violari.

Prima
applicatio
soluta.

Contra quam expositionem insto, quia ex ea sequeretur observationem cuiuscunque præcepti grauis esse medium necessarium ad salutem respectu adultorum. Quia eius implendi propositum continetur in contritione vel attritione, æquè ac propositum recipiendi Baptismum, aut confitendi suo tempore: atque ita nullus adultus saluatur vt adultus, nisi vel omne graue præceptum obseruet re ipsa, vel eius obseruandi propositum habeat.

Respondent aliqui differentiam esse, quia

vt quidpiam dicatur esse medium necessarium ad salutem: debet ipsum per se posse illam conferre, & ita se habere, vt vel ipsum; vel aliquid eius propositum includens, necessario requiratur ad salutem consequendam: cuiusmodi non est observatio præcepti cuiuscunque præcepti. Nam restitutio v. g. vel eleemosyna præcepta, non confert iustificationem seu remissionem peccati, & gratiam primam, quae sola sunt necessaria ad salutem. Sicut ergo dici non debet, Aut manus, aut oculus est necessarius ad videndum, quia manus ad hoc est impertinens: neque enim habet videndi facultatem per seipsum: bene autem dicitur, ad videndum necessarius est oculus dexter aut sinister, quia vterque per se ad hoc vim habet: sic &c.

37.
Relinquit
edictio.

Sed ad hæc dico primò, Præceptorum grauium observationem non impertinenter se habere ad salutem, cum valeat ad perseuerandum in prima gratia accepta, & consequenter ad obtinendam vitam æternam. Neque enim quisquam saluari potest secundum legem à Deo positam, sine gratia finali, id est, nisi moriatur in statu gratiae prius acceptae. Secundò, nullam esse præcepti observationem quae, si fiat ex charitate, non conferat primam gratiam & iustificationem, vt suppono ex tractatu de Iustificatione & merito. Potest autem impleri quodcumque præceptum ex motiuo nobiliori charitatis. Et è contrario potest aliquis adultus, qui actu peccauit mortaliter, recipere Baptismum sine contritione vel attritione, & per illum non iustificari. Tertio, dato eo quod dicitur ab aduersariis, vitari tamen ab illis non posse, quin Eucharistia, & alia sacramenta grauius præcepta, atque etiam dilectio Dei super omnia, sint medium necessarium ad salutem: quod tamen ipsi non admittunt, estque contra torrentem Theologorum, qui hanc necessitatem tribuunt tantum sacramentis Baptismi & Penitentiae, quibus etiam solis Concilium Trident. eam tribuit. Probo antecedens: Nam Eucharistia, & omnia alia Sacramenta quae viuorum appellantur, id est, omnia exceptis Baptismo & Penitentia, conferunt primam iustificationem bona fide accipientibus, cum ignorantia sui status, vel suae obligationis de non accedendo in statu peccati mortalis, & cum pio aliquo motu efficaci contra peccatum mortale, tamen non de se sufficienti ad illius remissionem dispositiue & de congruo: Dilectio autem Dei super omnia ex motiuo charitatis iustificat vt dispositio sufficiens ex Dei ordinatione. Quare illis conueniunt duo illa in quibus aduersarii ponunt totam rationem medii necessarii: nempe, & vt per se, id est, vi sua conferat primam gratiam & iustificationem, & illius propositum includatur in contritione, quae sine illo medio iustificat. Quarto, propositum illud virtuale non est in paruulis qui per martyrium iustificatur secundum legem ordinatam.

R r r

riam, sunt enim incapaces contritionis & attritionis, & omnis actus liberi voluntatis: & tamen illi tunc non iustificantur sine voto Baptismi iuxta Trident. sess. 6. cap. 4. ubi ait, generaliter post Evangelium promulgatum translationem ab eo statu in quo homo nascitur, filius primi Adæ in statu gratiæ & adoptionis filiorum Dei, non fieri sine lauacro regenerationis aut eius voto: eoque sensu intelligit illud Ioan. 3. *Nisi quis renatus fuerit ex aqua, & spiritu sancto, &c.* Quæ verba ad infantes quoque pertinere certum est.

38.

Tridentinum malè exponitur ab advers.

Quare responderi nequit, non esse eo loco sermonem de infantibus talis propositi incapacibus. Dicit quoque nequit, Trident. loqui disunctiue, de infantibus & de adultis: & illos circa martyrium, atque adeo in statu ordinario Ecclesiæ, de quo solo est mentio in Conciliis, nunquam sine Baptismo iustificari: adultos verò, sine Baptismo aut eius desiderio. Hoc, inquam dici nequit; quia in verbis Trident. nulum est verbum disunctiuum, sed propositio omnino absoluta est, disunctio autem gratis fingitur. Deinde, id quod frequenter contingit, & potest frequentissime contingere secundum legem à Deo positam seu ordinariam, est de statu ordinario Ecclesiæ. Atqui quod infantes pro Christo occidantur & iustificentur, frequenter contingit variis in locis, & potest frequentissime contingere secundum legem à Deo positam & ordinariam ergo, &c. Quis dicat non esse de lege ordinaria, & de statu ordinario Ecclesiæ, de quo Concilia loquuntur, quod adulti martyrium patiantur, & per illud saluentur: Par autem, vel similis est ratio de infantibus, qui martyrio sunt æquè expositi, & fugere non possunt ut adulti, atque non raro partim ab infidelibus virbes fidelium in odium fidei inuadentibus, & omnia interfectione delentibus interficiuntur: partim à fidei persecutoribus vnâ cum parentibus occiduntur, ut nunc etiam frequenter in Iaponia fit, ubi infantes aliquando crucifiguntur, aut membris mutilantur, aliquando tenelluli ex sinu matris abripiuntur, & clam interficiuntur, posteaque illi offeruntur occisi, & sanguinolenti, ut hoc spectaculo miserabili illam de fidei constantia deiciant: vel, quod inaudita crudelitatis genus est, ad matris genas alliduntur sæpius, & colaphorum instar impinguntur, donec illiso capite iteratis ictibus moriuntur, ut testantur historiæ fide dignæ. Cum ergo propositum illud non sit in paruulis martyrium patientibus, & tamen illi non iustificentur sine voto Baptismi: consequens est per votum illud, intelligendum hic esse aliquid aliud, quàm propositum suscipiendi baptismum.

39.

Vera explicatio difficultatis.

Hac igitur expositione reiecta, & aliis minus probabilibus; Respondeo, per votum sacramenti intelligendam esse specialem & directam obligationem aut sub-

iectionem ad sacramentum Baptismi aut Pœnitentiæ, si fieri potest, suo tempore recipiendum contra eadem peccata per aliud medium, tanquam vicarium sacramenti remissa. Cuiusmodi est martyrium in infantibus, & in adultis contritio charitate perfecta, & amor Dei super omnia ex motu charitatis, aut etiam martyrium voluntarie susceptum ex amore Dei. Nam secundum legem à Christo positam, Baptismus & Pœnitentiæ sacramenta sunt media per se, primò necessaria ad remissionem peccatorum mortalium ante & post Baptismum contractorum, & quodammodo vnica, quatenus ipsa vel per se eam conferunt, vel aliud substitutum & acceptatum eorum loco, tanquam vices illorum agens cum speciali & directa obligatione supradicta. Quæ obligatio, aut subiectione idè appellatur sacramentum in voto, aut votum sacramenti, quia in adultis debet esse speciale illius desiderium & propositum formale aut virtuale, tanquam medij per se primò requisiti ad effectum qui tribuitur in eius absentia, per aliud tanquam vicarium: quod desiderium seu votum sacramenti includitur in contritione, ut docet Trident. sess. 14. cap. 4. circa medium.

Quod amplius confirmatur ex Christi verbis Ioan. 3. *Nisi quis renatus fuerit ex aqua, & spiritu sancto non potest intrare in regnum Dei.* Et Ioan. 20. *Accipite spiritum sanctum, quorum remiseritis peccata, remittuntur eis, & quorum retinueritis, retenta sunt.* Quæ verba Christi prolata sunt, non per modum præcepti, alioqui priora non ligarent infantes, & ignorantia ab utrisque excusaret adultos; sed sunt lata per modum constitutionis de aliquo necessario ad finem salutis, & remissionis peccatorum, sine quo haberi non possit ita ut macula originalis non abluatur, & peccata baptizatorum retineantur, donec illa per Baptismum, hæc per absolutionem sacerdotum remittantur. Hoc autem ut sit verum, debet illa remissio fieri vel formaliter per sacramentum Baptismi & Pœnitentiæ: vel virtualiter quodammodo & repræsentatiue, ita ut si per aliud fiat, eorum vice & loco acceptetur tale medium, cum speciali obligatione ad illa eadem peccata subiicienda Baptismo & Pœnitentiæ, quippe quæ non fuerunt remissa sine ordine speciali ad illa tanquam media remissionis primaria.

Ex quo sequitur tertia pars conclusionis, nimirum hæc duo sacramenta non modò disiectiue in re vel in voto necessaria esse strictè & propriè necessitate medij: sed etiam determinatè in seipsis, seu formaliter sumpta, necessaria esse necessitate medij latius sumpta, & minus propriè, pro eo quod vel per se, vel per vicarium, necessarium est ad iustificationem & salutem.

40.

41.

Sacramenta Bap. & Pœnitentiæ sunt necessaria necessitate medij minus strictè

Hoc autem ita esse probatur, quia potuit Deus ita instituire, & nolle deinceps post Evangelium promulgatum acceptare ad iustificationem, nisi sacramentum, vel alia prædicta tanquam vicaria sacramentis sic autem ita re ipsa instituisse indicant Scriptura & Tridentinum locis supra relictis: nam aliter eorum verba non possunt commodè explicari; neque potest ratio reddi cur Concilium dicat iustificationem non conferri sine voto Baptismi aut Pœnitentiæ, potius quàm sine voto Eucharistiæ, aut amoris Dei super omnia: cum tamen Concilium non sine causa specialiter hoc asserat de sacramentis Baptismi & Pœnitentiæ, ad ostendendam specialem eorù necessitatem: ut merito agnoscunt cõmunissimè Theologi, nemine fere excepto: de iisdemque intelligunt id quod indefinitè dicitur à Trident. sess. 7. can. 4. d. Sacramentis in genere, non posse sine illis aut eorù voto, per solam fidem homines à Deo gratiam iustificationis adipisci. *Si quis dixerit, inquit, sacramenta novæ legis non esse ad salutem necessaria, sed superflua; & sine eis, aut eorum voto per solam fidem homines à Deo gratiam iustificationis adipisci, licet omnia singulis necessaria non sint, anathema sit.*

Neque dicas Trident. sess. 7. can. 5. de Baptismo, ostendere apertè idem esse, Baptismum, esse necessarium ad salutem adultis, & non esse liberum, quod est esse necessarium ex præcepto tantum. Respondeo enim Canonem sic habere: *Si quis dixerit Baptismum liberum esse, hoc est, non necessarium ad salutem, anathema sit.* Vbi primò Concilium loquitur vniuersaliter, & æquè damnat hæreticos huius temporis, qui dicunt Baptismum non esse necessarium infantibus fidelium. 2. Ille qui dicit Baptismum esse liberum, dicit non esse necessarium ad salutem, neque præcepti necessitate, neque medijs: nam omne medium necessarium ad salutem, est etiam necessarium ex præcepto in quantum à nostra libertate pendet, & in quantum est medium necessarium ad finem cuius affectio nobis præcepta est. Quare dicere Baptismum esse liberum, non est idem ac dicere non esse necessarium ex præcepto tantum, sed non esse necessarium neque ex præcepto, neque ex necessitate medijs, id est, ex connexionione cum fine cuius affectio nobis præcepta est, ob quam connexionionem non est nobis liberum abstinere à medio, quamvis aliundè non esset in præcepto secundum se. Denique Concilium can. cit. per *liberam*, intelligit non modò liberum in ordine ad obligationem moralem quæ est ex præcepto: sed etiam liberum, id est, indifferens in ordine ad finem, seu non necessarium ad salutem consequendam: quo sensu docent hæretici, quos damnat, Baptismum esse infantibus fidelium liberum, id est, indifferens & non necessarium.

SECTIO V.

Saluantur obiectiões contra doctrinam propositam.

Obiicitur 1. Contritionem non posse comparari ad Baptismum, vel ad sacramentum Pœnitentiæ, ut vicarium ad principalem agens, vel ut Chirographū in emptione ad pretij solutionem; quo exemplo Suar, Aegid. Conin. & alij quidam videntur, cum explicant hanc necessitatem, modo tamen aliquantum differenti à nostro. Probatur, comparationem non esse bonam: quia si ira esset, Deus non moueretur contritione nisi ut representante sacramentum, possetque dici quòd Deus illam non intueretur in se, quem admodum legato dici potest quòd eius non habetur ratio, sed eius à quo est missus. At hoc est falsum. Non enim minùs nunc Deo placent lachrymæ veræ contritionis, quàm olim; neque nunc requirit aliud, quàm ut sit integra conuersio ex toto corde, & ex motu charitatis, cui excellentiæ per accidens contingit, quòd iam imposita sint præcepta Baptismi & Pœnitentiæ, quæ olim non erant. Secunda quoque comparatio non est bona: quia venditor non traderet dominium propter chirographum obligans ad solutionem, si præuideret solutionem non esse futuram: eam enim immediatè in seipsa quærit, & ab illa mouetur, non à chirographo tantum. Sed est falsum, quòd Deus non iustificaret contritum, nisi præuideret absolendum sacramentaliter. Iustificat enim absolute: & multi morte præuerti, antequam possint suscipere sacramentum, saluantur ex sola contritione. Ergo sacramentum non influit moraliter cum contritione in iustificationis concessionem, quemadmodum solutio influit in traditionem rei emptæ cum chirographo. Confirmatur, quia non potest explicari quem dicat maiorem ordinem remissio peccatorum collata contrito, ad sacramentum Pœnitentiæ: quàm remissio peccatorum collata attrito & absoluto, dicat v. g. ad sacramenti Eucharistiæ susceptionem, vel ad amorem Dei super omnia. Neq. enim alium dicit ordinem, quàm quia est vera contritio, & vera contritio includit virtuale propositum seruandi omnia madata graui, quorum vnum & maximum est, diligere Deum ex toto corde, & in lege noua, præceptum sumendi Eucharistiam. At attritio dicit eundem ordinem: nam vera attritio requiritur: & vera attritio, non minùs quàm contritio, licet ex diuerso motiuo, habet propositum seruandi omnia præcepta: Atque adeo non minus continet votum sacramenti Eucharistiæ, vel amoris Dei super omnia, quàm contritio votum sacramenti Pœnitentiæ. Ergo contritio non est plus vicaria sacramenti Pœnitentiæ, quàm attritio sacramenti Eucharistiæ, vel amoris Dei super omnia.

44.
Quomodo
contritio
sit vicaria
sacramen-
ti?

Ad primum Respondeo, Quod contritio vim habet iustificandi, non esse ex sola natura rei, quasi formaliter seipsa iustificet, aut in alio genere causæ vim habeat sufficientem remittendi peccatum mortale, & gratiam infundendi: sed esse ex Dei ordinatione, qui bene potuit ordinare ut contritio, quamvis in se semper eiusdem perfectionis & virtutis naturalis, non acceptetur nunc attendendo solum ad illam perfectionem, sed & ad sacramentum quod Deus statuit esse medium necessarium ad salutem per seipsum, vel per aliud tanquam eius vicarium. Itaque Deus iam non intuetur contritionem ad effectum, de quo loquimur, secundum se solam, & secundum solam naturalem ipsius perfectionem, secundum quam non minus Deo placeat, quam antea: sed etiam secundum quod est substituta vice sacramenti Baptismi vel Pœnitentiæ, cui per se primò alligata est iustificatio, & illis concessa tanquam eius vicariis.

45. Ad secundum Respondeo, Obiectionem illam procedere ex malo intellectu sententiarum Suaris, Aegidii, & similium, qui videntur solum hoc exemplo, ut explicent directam & specialem obligationem, quam habet contritio, ut vicaria sacramenti, ad sacramentum, si fieri potest, recipiendum suo tempore: At non in eo quod Deus non iustificaret, si prævideret sacramentum non fore recipiendum, sicut venditor non traderet rem suam propter chirographum, si prævideret solutionem minime secururam. Nam Deus absolute iustificat per hoc medium, ut substitutum tamen vice alterius quod per se primò intendit, vultque adhiberi suo tempore, si fieri potest, contra eadem peccata tunc remissa.

Ad confirmationem Respondeo, Supra explicatum esse in quo consistat ille maior & specialis ordo: nempe in eo quod Christus primam iustificationem ita alligaverit sacramentis Baptismi & Pœnitentiæ, ut non obtineatur nisi per illa in re suscepta, vel per alia quædam media tanquam eorum vicaria, id est, eorum loco & vice substituta: quamvis cum hæc applicantur, iustificent absolute, id est, non conditionate, si nimirum suo tempore sacramentum applicetur, & alioquin non: ut qui veniit, chirographo accepto loco pretii, vendit conditionate, ita ut venditio non sit valida, nisi pretium solvatur suo tempore.

46. Obiectionem 2. Vbi sunt duo media ad finem? Vni accedit necessitas medii, alteri perit sufficientia medii. Necessitas enim vnius infert nullum aliud sine illo sufficere. Atqui nihil perit sufficientiæ medii contritionis, quæ in antiqua lege iustificabat sola, extra & citra omne sacramentum: ergo non accessit medii necessitas sacramento Pœnitentiæ. Probat minor, quia contritio vim suam habet ex promissione divina. Sed Deus nullatenus retractavit promissionem suam, In quacunque die ingemueris pec-

cat, &c. Ezech. 18. Ergo reliquit medii sufficientiam, quæ est tantum validitas ad ponendum effectum sine alterius confortio. Quod si ad concedendam iustificationem contritis Deus adiungeret intuitui contritionis, intuitum Sacramenti, quasi supplens ex eo insufficienciam contritionis, aliquid perisset de contritionis efficacia, cum nihil perierit de promissione divina.

Ad maiorem propositionem Respondeo, Si vni accedit necessitas medii strictè sumpta, perit alteri sufficientia: Concedo. Si latius sumpta tantum, distinguitur iterum: Perit illi ut absolute sumpto si ita sumi posset: Concedo. Perit illi respectuè considerato ad sacramentum, quo pacto semper à Deo consideratur: Nego. Christi enim ordinatio Ioan. 3. Nisi quis renatus fuerit ex aqua, &c. & Ioan. 20. Quorum remiseritis peccata, remittuntur eis, & quorum retinueritis, &c. facit ut contritio non possit amplius absolute considerari, prout à tali homine in tali statu exercetur, id est, non ut vicaria sacramenti. Quemadmodum fatentur aduersarii non posse in illo considerari sine voto sacramenti, quod votum in antiqua lege non habebat, & sine illo iustificabat. Promissio verò divina Ezech. 18. tantum hoc fert, quod quotiescumque peccator perfecte conteretur, iustificabitur. Quod semper verum manet. Sed contritio nunc spectatur à Deo ut vicaria sacramenti, & ut talis semper acceptatur ad iustificationem. In antiqua verò lege acceptabatur sine tali consideratione, quemadmodum & sine voto seu proposito sacramenti, iuxta sententiam aduersariorum.

Obiectionem 3. Supponamus Deum primò instituisse sacramentum Pœnitentiæ liberum: in quo casu habuisset solam sufficientiam medii. Et deinde supponamus, post aliquod tempus Deum adiungere nudum præceptum hoc Sacramentum suscipiendi. Et ipso inciperent esse veræ omnes propositiones quæ à Suare & ab aliis afferuntur. Nempe quod contritio includeret votum sacramenti, & non iustificaret sine illo aut ipsius voto. Ergo iuxta Suar. inciperet esse necessarium necessitate medii. At implicat illud quod habebat tantum sufficientiam medii, adiuncta præcisè necessitate præcepti, eundem necessarium necessitate medii: Sunt enim distinctæ necessitates. Ergo vnâ præcisè posita, non ponitur alia.

Respondeo, Si nihil aliud Deus ordinet, non fore verum in eo casu, id quod nos asserimus, quodque ante nos Cardinalis Delugo disp. 3. de Eucharist. num. 24. & sequentibus, & plures alii docuerunt, contritionem, aut aliud medium fore vicarium sacramenti, & à Deo acceptari ad primam iustificationem loco sacramenti ad hoc per se primò instituti, & quodammodo necessari, quatenus nihil confert primam iustificationem nisi vel ipsum sacramentum, vel aliud tanquam eius vicarium, & loco illius accepta-

47.
Perieritne
aliquid ob-
iunctionis?

48.
Tertia ob-
iectio.

Delago

tum cum directa & speciali obligatione ad ipsum suo tempore, si fieri potest, suscipiendum contra eadem peccata virtuti sacramenti submitienda: ut manifestè sit in sacramento Pœnitentiæ, in quo absoluihur à peccatis antea per contritionem remissis, & tamen necessario confitendis. Et de originali, aliisque ante Baptismum commissis par est ratio, ex Trident. sess. 14, cap. 2. in fine. Neque enim hæc sunt minus deuincta Baptismo: quam illa Pœnitentiæ sacramento.

49.
Quarta
obiectio,

Obicitur 4. Ille ordo voti aut vicarii ad sacramentum, nihil aliud est, quam denominatio extrinseca ex eo quod Deus præceperit sacramentum Baptismi & Pœnitentiæ. At hæc nihil confert ad iustificationem extra sacramentum. Nam Deus ad concedendam alicui iustificationem, non mouetur sua nuda institutione, & præcepto non tradito executioni. In d. illa denominatio non attenditur ab iis qui verè conuertuntur, non cogitando de sacramento: ergo non est liberum. Ac Deus iustificans extra sacramentum, respicit tantum opus operantis, quod est essentialiter liberum. Quod autem est incognitum, liberum esse non potest. Frustra verò recurritur ad obligationem specialem contritionis ad sacramentum, quam Deus illi annexuisse dicitur. Nam obligatio Baptismi iuxta gratiam nihil confert ad obtinendam regenerationem. Satisfacere enim obligationi, sed non habere obligationem, prodest apud Deum.

Quomodo
Deus iustificat per
contritionem intuitu
sacramenti?

Respondeo, Deum iustificare extra sacramentum non moueri solum à contritione, vel simili n. edio, ex eo quod habet tantum ex natura rei, quod, ut supra diximus, est de se insufficientes ad remissionem peccati mortalis; sed ex eo quod habet moraliter secundum diuinam institutionem. Deus autem

instituit ut tale medium in lege Evangelica non valeret, nisi ut vicarium sacramenti, & ut tale acceptatur à Deo, quemadmodum colligimus ex locis Tridentini initio citatis. Non dicimus autem obligationem per se iustificare: Sed dicimus iustificationem conferri per contritionem habentem specialem & directam obligationem ad recipiendum, si fieri potest, suo tempore sacramentum cuius vicaria est. Contra quam obligationem peccant specialiter illi qui eam norunt, neque tamen postea sacramentum recipiunt. Similiterque martyrium paruulorum, in quo nihil est illis liberum, tamen à Deo non acceptatur ad iustificationem, nisi ut Baptismi vicem gerens, cui per se primo deuincta est, & subiecta remissioni peccati originalis. Quam ob causam paruuli dicuntur à Trident. sess. 6, cap. 4. iustificari per Baptismum in voto.

Concludo igitur hæc argumenta non tanti esse, ut propter illa, sententia communissima fuerit deiecer de. Communissima, inquam, atque ut testatur Vasquez disp. 152, cap. 2. initio, sine vlla controuersia ab omnibus concessa, Baptismum scilicet necessarium esse non modo præcepti necessitate, sed etiam medii. Est autem Sacramentum Pœnitentiæ, lapsus post Baptismum, ad salutem necessarium, ut nondum regeneratis ipse Baptismus, inquit Trident. sess. 14, cap. 2. in fine. Quare de illo par est ratio, & par debet esse consensus: licet nonnulli contrarium tulerint, relati à Suar. disput. 17. de Pœnit. sect. 2. qui paulò post, num. 3. ait, rem, de qua disputamus, esse definitam à Trid. & ante Trid. à Sixto IV. in Extrauag. contra Petrum de Olma, quam refert à Castro de hæresibus, verbo, Confessio. Quare non debet in dubium reuocari, multoque mirus contrarium affirmari.

50.

Suar.

Castro;

DISPUTATIO VIGESIMA-PRIMA.

De efficacia & effectibus Sacramentorum.

Sectio I. *Utrum Sacramenta sint causa gratiæ?*

Sectio II. *Quid sit gratia sacramentalis? & de aliis virtutibus cum illa infusis.*

Sectio III. *Utrum omnia Sacramenta nouæ legis conferant primam gratiam, & equalem omnibus recipientibus?*

Sectio IV. *An sacramenta conferant semper gratiam, & quo instanti illam producant?*

Sectio V. *Quid requiratur ut sacramentum renouet, & quo modo renouet?*


Sectio VI. *An sacramenta producant gratiam physicè, vel moraliter?*

Sectio VII. *Refutantur contraria sententia.*

Sectio VIII. *Solutio argumentorum.*

Sectio IX. *An, & quæ sacramenta imprimant characterem, & quid ille sit?*

Sectio X. *Soluntur tres quaestiones de characterem.*



E efficacia & effectibus Sacramentorum disputat S. Thom. quæst. 62. & 63. In quarum priore docet 1. Sacramenta esse causas gratiæ per modum instrumenti: adhibentur enim ex diuina ordinatione hominibus, ad gratiam in eis causandam. 2. Gratiam sacramentalem, super gratiam virtutum & donorum, addere quoddam diuinum auxilium ad finem sacramenti consequendum: sicut dona, & virtutes, addunt super gratiam, perfectionem quandam determinatè ordinatam ad proprios actus potentiarum perficiendos. 3. Sacramenta nouæ legis continere gratiam, eo modo, quo causa instrumentalis effectum continere dicitur. 4. Esse in sacramentis instrumentalem quandam virtutem ad gratiam efficiendam: non permanentem quidem, sed transeuntem: sicut instrumentum, nisi à principali agente motum, non operatur. 5. Sacramenta Ecclesiæ specialiter habere virtutem ex passione Christi, cuius virtus quodammodo nobis copulatur per susceptionem sacramentorum. Quia cum duplex sit instrumentum: vnum quidem separatum, vt baculus; aliud coniunctum, vt manus: per instrumentum autem coniunctum moueatur separatum, vt baculus per manum; Principalis causa efficiens gratiæ est Deus: ad quem comparatur humanitas Christi, vt instrumentum coniunctum: sacramentum verò, vt instrumentum separatum: ideoque oportet virtutem salutiferam à diuinitate Christi per eius humanitatem in ipsa sacramenta deriuari. 6. Sacramenta veteris legis non habuisse in seipsis aliquam virtutem, quâ operarentur ad conferendam gratiam iustificantem: sed tantum significasse fidem, per quam homines iustificabantur. Quia neque habebant virtutem illam per seipsa: alioqui non fuisset necessaria passio Christi: iuxta illud Apost. ad Galat. 2. *Si ex lege iustitia, Christus gratis mortuus est.* Neque etiam ex passione Christi: quia id quod nondum est in rerum natura, non mouet secundum vsum exteriorum rerum: tamen potest mouere per fidem & apprehensionem, vel desiderium, prout præcedit in actu animæ. Vnde causa efficiens non potest esse posterior in esse, ordine durationis; sicut causa finalis.

In posteriori quaestione, quæ est de characterem sacramentali, affirmat 1. Cum Christi fideles per sacramenta ad aliquid diuinum, & ad Dei cultum pertinens, deputentur; oportere illos per sacramenta aliquo spiritali characterem insigniri. 2. Characterem esse quandam potentiam spiritalem, ordinatam ad ea quæ sunt diuini cultus, qui consistit vel in recipiendo aliqua diuina, vel in tradendo aliis. Ad quorum

primum requiritur potentia passiva: ad secundum, activa. 3. Characterem sacramentalem esse specialiter characterem Christi, cuius sacerdotio configurantur fideles secundum sacramentales characteres, qui nihil aliud sunt, quam quædam participationes sacerdotii Christi, ab ipso derivatæ. 4. Characterem esse in potentiis animæ; quia ordinatur ad suscipiendum, vel aliis tradendum ea, quæ sunt divini cultus. Divinus autem cultus in quibusdam actibus consistit. Et ad actus propriè ordinantur potentie animæ, sicut essentia ordinatur ad esse. Idcirco character non est, sicut in subiecto, in essentia animæ; sed in eius potentia. 5. Characterem esse indelebilem: quia est participatio quædam sacerdotii Christi, quod æternum est. 6. Tria tantum sacramenta imprimere characterem: Baptismum scilicet, Confirmationem, & Ordinem. Quia per illa tria sola ordinantur fideles directè ad divinum cultum. Huc usque D. Thomas.

SECTIO I.

Utrum Sacramenta sint causa gratiæ?

1. Probatur, sacramenta esse causas gratiæ ex Scriptis.



CONCLUSIO affirmativa est de fide Catholica. Probatur primò his & similibus Scripturæ testimoniis id non obicere significatibus. De Baptismo quidem dicitur Ioan. 3. *Nisi quis renatus fuerit ex aqua, & Spiritu sancto, non potest introire in regnum Dei. Quod natum est ex carne, caro est: & quod natum est ex spiritu spiritus, est.* Quibus verbis indicatur eos, qui per Baptismum renascuntur, accipere novum esse, & novam vitam spiritualem, quæ renati sunt similes Spiritui sancto: sicut per vitam naturalem filii sunt similes parentibus. Quæ vita non est alia, quam vita gratiæ, seu iustitiæ supernaturalis, beneficio iustificationis accepta: & hoc fieri per Baptismum significatur tum illis verbis, *ex aqua & Spiritu sancto*: tum istis ad Ephes. 5. *Mundans eam laudero aqua in verbo vite.* Et ad Tit. 3. *Saluos nos fecit per laudacrum regenerationis.* ubi nota particulam, *Per*, manifestè causalem.

2. De Confirmatione, iuxta communem sanctorum Patrum & interpretum expositionem, constat ex Actor. 8. & 19. quod per manuum impositionem in illa factam darent Apostoli Spiritum sanctum. De Eucharistia Christus ipse Ioan. 6. vers. 58. sic ait: *Sicut misit me vivens Pater, & ego vivo propter Patrem, & qui manducat me, & ipse vivet propter me: Et paulò post vers. 55. Qui manducat meam carnem, & bibit meum sanguinem, habet vitam æternam: nimirum vitam illam gratiæ, quæ peccatores destituuntur, iuxta illud 1. Ioan. 3. Omnis homicida non habet vitam æternam in semetipso, & quæ per se æterna est, atque æternæ gloriæ semen & pignus certissimum.*

De Pœnitentia verò Ioan. 11. scriptum est, *Accipite Spiritum sanctum, quorum remiseritis peccata, remittuntur eis.* Similiterque de Extrema-unctione Iacob. 5. dicitur, *Si in peccatis fuerit, remittentur ei.* Remissio autem peccatorum sine infusione gratiæ hac in vita non fit. De Ordine 1. ad Timoth. 4. scriptum est, *Noli negligere gratiam qua in te est; quæ data est tibi per prophetiam cum impositione manuum presbyterii.* Et 2. Timoth. 1. *Admonete, ut resuscitatis gratiam qua in te est per impositionem manuum mearum.* De Matrimonio denique par est, ac de aliis, ratio, tametsi de illo in Scripturis res est minùs expressa. Videtur tamen id supponi ab Apostolo 1. Timoth. 2. cum de Christiana muliere coniugata sic ait: *Salvabitur tamen per filiorum generationem, si permanserit in fide, & dilectione, & sanctificatione.* Cum enim non dicat, *Si acquisierit*, sed, *si permanserit*: videtur supponere bona illa fuisse iam per matrimonium acquisita.

Secundò, Probatur eadem veritas Catholica testimoniis sanctorum Patrum, qui diserte affirmant per Baptismum abstergeri peccata, ut loquitur Clemens Alex. lib. 1. *Pædagogici* cap. 6. animam depurgari, & per illum conferri Spiritum sanctum, quem Ioannis baptisma non conferebat, ut ait Basil. in lib. de Baptismo: item Baptismum Evangelicum facere novos homines, & omnia peccata delere: ut dicit August. lib. 1. contra duas epistolas Pelagianorum cap. 13. & lib. 1. de Peccat. meritis, cap. ultimo: atque in Trinitate consecratum conferre gratiam, ut habet Optatus Milevit. lib. 5. contra Parmenianum, initio: & alia plurima id genus, de quibus vide Bellarm. lib. 2. de Sacram. cap. 6. & 7. Suar. disput. 7. sect. 1. Valq. disp. 131. cap. 4. & Cœcium, qui fusissimè tom. 2. lib. 5. art. 1.

Probatur tertio ex consensu totius Ecclesiæ, & Conciliorum definitionibus, Nicæni 1. & Constantinopol. 1. in Symbolo, Milevit. can. 3. Arausic. can. 25. Florent. lit.

Idem probatur ex Patribus.

Probatur ex Conci.

in decreto vñionis 6. *Nova legis septem sunt sacramenta*, vbi definit hęc nostra sacramenta multum differre ab antiquis, quod hęc non cauarent gratiam, sed eam solum per passionem Christi dandam significarent. Hęc vero nostra, & continent gratiam, & ipsam dignè suscipientibus conferunt. Idem quoque definiuit concilium Senon. can. 10. vbi contrarium Lutheri errorem supra relatum damnauit. Et denique Trident. sess. 7. can. 8. *de Sacram. in genere*, sic pronunciauit: *si quis dixerit per ipsa noua legis sacramenta ex opere operato non conferri gratiam, sed solum fidem diuinę promissionis ad gratiam consequendam sufficere, anathema sit.* Et can. superiori anathematizauerat eos, qui dixerint non dari gratiam per huiusmodi sacramenta semper, & omnibus ritè suscipientibus. Et cap. 7. sess. 6. definit Baptismum esse causam instrumentalem iustificationis. Qui autem Ecclesię definitiones spernunt, Christum spernunt: & qui Ecclesiam non audiunt, Publicanorum & Ethnicorum loco habendi sunt, vt ait Christus Luc. 10. vers. 16. & Matth. 18. vers. 13.

6.
Probat
ratione.

D. Thom.

Ratio denique à priori est Christi Domini sacramentorum institutoris voluntas atque institutio, cuius varię congruentię reddi possunt. Valde enim conueniens fuit hanc causalitatem, alioquin non impossibilem, vt patebit inferius, dari sacramentis nouę legis, ad ipsorum maiorem dignitatem, ad perfectionem legis gratię, necnon ad nostram utilitatem, & ad virtutem & mirabilem efficaciam meritorum Christi, summamque Dei sapientiam, liberalitatem, & potentiam manifestandam, iuxta ea quę diximus disp. 20. sect. 1. His rationibus aliam addit S. Thomas quęst. 63. art. 1. quia, inquit, sacramenta faciunt Christi membrum. At omne Christi membrum est tale per gratiam, ergo, &c. Sed hęc propositiones intelligendę sunt de Christi membro viuo: Nam membrum Christi mortuum sine gratia esse potest.

7.
Contrarius
error hęre-
ticor.

Contra hanc doctrinam senserunt olim Massiliani, seu Euchitę aut Enthusiastę, à prece, & raptu seu Enthusiasmo, cognominati, quorum meminerunt Epiphanius hęresi 80. D. August. lib. de Hęresibus hęresi 57. Theodoretus lib. 4. Historię c. 10. eoque hodie sequuntur Nouatores, qui quicquid dissimulent, & verbo tenus extollant efficaciam sacramentorum, non aliter volunt concurrere ad gratiam conferendam & remissionem peccatorum (vel, vt ipsi sentiunt, ad fauorem Dei extrinsecum, & non imputationem peccatorum quę tegantur per iusticiam Christi fide apprehensam & sibi imputatam) quàm vt obiecta vel signa excitantia fidem, quę, veluti manu, iusticiam Christi apprehendant à Deo promissam, & peccata sua contegant: ad eum modum quo concio, vel pictura, vel quiduis aliud, eandem excitaret. Quia picturę similitudine vtitur nominatim Kemnicus Lutheranus in 2.

Kemnic.
Caluin.

parte examinis Trid. pag. 111. & Calvin. 4. Institut. cap. 14. §. 6. Sed quod attinet ad errorem de forma iustificationis, siue vera peccatorum remissio, & infusio gratię habitualis & intrinsecè inherētis animę, vt Catholici docent cum Trident. sess. 6. c. 7. an iustitia Christi extrinseca nobis, fide solum apprehensa, & mera non-imputatio peccatorum, vt Lutherus & Calvinus existimant, pertinet hoc ad Tract. de Iustificat. vbi de eo disputauimus. Quoad reliquum verò, quod huius loci proprium est, an scilicet gratia & remissio peccatorum, seu iustitia supernaturalis vera, qualis demum illa sit, conferatur per sacramenta, vt per veras illius causas, ita procedunt hęretici.

Primò, Ad errorem suum dissimulandum, & veritatem facilius impugnandam, multa malitiolè fingunt, & Catholicis imponunt. Cuiusmodi est quod dicunt, statum quęstionis in eo consistere, vtum sacramenta producant gratiam, Deo nihil agente, sed suas vices illis resignante. Hic quęritur (inquit Calvin. 4. Institut. cap. 14. num. 17.) *Propriane & intrinseca, vt loquuntur, virtute, operetur Deus, an externis symbolis resignet vices suas.* Et num. 14. conqueritur, Theologos à Deo sensim abstrahere simpliciores & imperitos, cum vim illam sacramentis affingunt. Sed non minùs iniuste conqueritur, quàm improbè calumniatur. Nam communis omnium Theologorum sensus est, sacramenta esse dumtaxat causas instrumentarias, Deo vt agenti principali subiectas, sine cuius eleuatione & influxu immediato gratiam non efficiant: subiectas etiam Christo vt causis meritorias; quippe à cuius meritis, & præcipue ab eius passione, vim suam omnem trahant. Quod asserere, non est homines à Deo vel à Christo abstrahere, sed potius ipsis coniungere. Pari versutia & malitia Kemnic. in 2. parte examinis Trident. cap. de efficacia sacramentorum, vanum suę imaginationis idolum sibi proponit impugnandum, loco veritatis Catholicę, cum physicum influxum Thomistarum, aut aliam similem opinionem quoad modum concurrendi, inter Theologos controuersam, & vel falsam, vel minùs probabilem, tanquam Catholicum dogma impugnat, quod & in aliis controuersiis est hęreticis familiare.

Kemnic.

Huiusmodi etiam est quod dicunt, sacramenta causare gratiam ex opere operato, nihil aliud esse iuxta sensum Theologorum, quàm eam causare sine fide, & vlllo pio motu suscipientis. Quod falsum esse, loquendo de adultis, patebit ex dicendis inferius de dispositione necessaria ad effectum sacramentorum recipiendum. De vero autem sensu illius locutionis sufficiunt, quę diximus disp. 18. sect. 3. num. 37. & sequentibus. Breuiter dico, Theologos distinguere duplicem modum obtinendi gratiam, vnum ex opere operantis, qui est quando obtinetur gratia vi boni operis ipsius operantis, vt meritorii gratię de condigno, vel de con-

gruo. Alterum vocant ex opere operato, qui est quando ratione operis externi, vt sacramenti applicati, datur gratia citra, vel vltra meritum operantis, tam de condigno, quam de congruo, eo ipso quod tale opus ponitur, & passivè operatur, id est, fit & exercetur, applicaturque subiecto sufficienter alioqui disposito, vel carenti obice: quantum non detur gratia sine actu fidei, & aliquo pio motu adulti recipientis sacramentum, sed alioqui de se, & absque tali opere, insufficiente ad talem, vel tantum effectum.

10. **Prima euasio Caluini refellitur.** Secundò, Omisissis iis, quæ non minùs ineptè, quàm superbè respondent Lutherus, & Calvinus SS. Patrum testimoniis, & Conciliorum definitionibus; Scripturæ loca initio citata conantur in hunc modum eludere. Ad primum locum ex Ioan. 3. *Nisi quis renatus fuerit*, &c. respondet Calvin. lib. 4. Instit. cap. 16. n. 25. Ibi virtutem, & efficaciam regenerandi non tribui Baptismo, sed Spiritui sancto, qui per metaphoram romine aquæ eo loco significatur, propterea quod instar aquæ mundet, & lauet à peccatis. Verùm si Evangelista idem per aquam & Spiritum sanctum intelligeret, inepta esset illa repetitio, *Ex aqua & Spiritu sancto*. Deinde non est ibi sermo de iustificatione sub metaphora mundationis, sed regenerationis: cui metaphora conuenientius erat Spiritum sanctum comparari semini, quasi principio generationis spiritalis, quàm aquæ, nisi de regeneratione per Baptismum vt instrumentum, sermo esset. 3. Apostolus ad Ephes. 5. vers. 26. Baptismo manifestè causalitatem tribuit, cum ait Christum sanctificare, & mundare Ecclesiam lauacro aquæ, in verbo vitæ; & Tit. 3. vers. 5. *Secundum suam misericordiam iam saluos nos fecit per lauacrum regenerationis, & renouationis Spiritus sancti*. 4. Denique Iustinus martyr, Tertull. Cyprian. Ambros. Hieronym. Basil. Nyssen. Nazianz. alique Patres, & omnes interpretes antiqui in eundem sensum locum illum Ioannis interpretantur: de quibus vide Vasq. disput. 131. cap. 4. Illis autem potiùs habendam esse fidem, quàm Caluino & aliis Nouatoribus, nemo prudenter dubitare potest.

Vasquez

11. **Alteracuasio.** Sed obiicit Calvin. illud Matth. 3. *Ille vos baptizabit in spiritu sancto & igne*: vbi conuertit per ignem, Spiritum sanctum intelligi: ergo similiter Ioan. 3. per aquam, intelligitur Spiritus sanctus, non autem Baptismus. Respondeo primò, multos è Patribus locum illum explicare de igne corporeo, sub cuius figura Spiritus sanctus in Apostolos & discipulos descendit in die Pentecostes. Deinde licet locus ille de Baptismo Evangelico intelligatur, quem suo Baptismo Ioannes opponat & præferat; suum inefficacem esse affirmans; illum, efficacissimum gratiæ; respondeo secundò, per ignem metaphoricè intellexisse Ioannem vim illam efficacissimam diuinitus datam aquæ Baptismi Evangelici. Sic enim dixerat paulò ante: *Ego quidem baptizo vos in aqua* (nuda, & destituta

virtute seu efficacia iustificationis præstenda) *Ille (Christus scilicet) vos baptizabit in spiritu sancto & igne*, id est, non in aqua solum, vt ego, destituta virtute illa: sed in aqua Spiritus sancti plena, & ad agendum, instar ignis, efficacissima. Nam per ignem efficacia maximè denotatur, eò quod inter elementa efficacissimum sit. Quò alludens Cyrillus Alexandr. l. 2. in Ioan. cap. 42. in fine, sic ait: *Quemadmodum enim viribus ignis intensus aqua calefacta non aliter quàm ignis calefacit: sic Spiritus sancti operatione ad diuinam aqua reformatur virtutem, quæ baptizati corpus absterguunt*.

Cyrill.

Ad locum Actor. de manuum impositione, & Ioan. 20. de vi peccata remittendi in sacramento Pœnitentiæ, respondent Calvinistæ, & Lutherani, nihil aliud probare, quàm sacramenta valere ad obtinendam gratiam siue remissionem peccatorum, excitando fidem, modo superiùs explicato ex ipsorum doctrina. Quo etiam responso priora loca de Baptismo, & alia de aliis, cum aliter non possunt, eludere conantur. Verùm illa Scripturæ loca aliquid ampliùs satis apertè significant, & in eundem sensum ab Ecclesia vniuersa ante Lutherum & Calvinum intellecta fuerunt, exceptis Messalianis, & paucis sortè aliis, hæreseos eam ob causam damnatis. Deinde tota hæc euasio & doctrina absurdissima est. Primò enim, si ita esset vt volunt hæretici, non possent infantes vtiliter baptizari in remissionem peccatorum: quia baptismus non potest in illis excitare actum fidei, quo iustitiam Christi apprehendant, huius enim actus non sunt capaces. Eaque de causa Anabaptistæ rebaptizant in adulta ætate eos, qui in infanzia baptizati fuerunt. Quod verò illis respondet Lutherus in lib. de Captiuit. Babilon. cap. de Baptismo, & in lib. contra Cochleum, Infantibus pro eo tempore concedi vsum rationis; magnum sanè miraculum est, ab iis inductum, qui miracula ampliùs patrari negant, quia ipsi nulla patrare possunt. Aut merum potius figmentum est, repugnans experientiæ. Nullo enim indicio apparet infantes vllum actum fidei & religionis, cum baptizantur exercere: sed flere potius, & ægrè atque inuitò pati asperisionem aquæ vel immersionem. Quod non facerent, si cuius boni fiant participes intelligerent: neque licitè, imò nec validè possent inuiti & reluctantes baptizari, si vsum rationis haberent. Deinde, si Baptismus prodest tantum ad fidem promissionum Dei excitandam, ad ualem scilicet, nam habitalem non admittunt hæretici: quomodo potest regenerare, id est, ad iustitiam & vitam spiritalem primò transferre adultos? Nam priusquam baptizentur, debent habere actum fidei, velut necessariam dispositionem, iuxta illud Actor. 8. *Si credis ex toto corde, licet*. Ergo si per actum fidei regenerantur, debent prius regenerari, quàm baptizentur, & effectus est ante causam, fru-

12

Tertium effugium.

utraque applicatur sacramentum ad excitandam fidem iustificantem, quæ ante fuit excitata & exercitata. Præterea, si baptismus Christi tantum iustificat excitando fidem: ergo idem faciebat Baptismus Ioannis, & Circumcisio, aliaque veteris legis sacramenta. Neque verò Baptismus, & concio Ioannis minus per se valebat ad excitandam fidem, quam Baptismus, & concio Caluini: & tamen Ioannes Marc. 1. & Matth. 3. Baptismum Christi maximopere suum extollit. Et Apostolus ad Galat. 4. & ad Hebr. 4. & 1. Corinth. 7. & alibi passim sacramenta veteris legis, cum Euangelicis collata mirum in modum deprimit, vocans infirma, & egena elementa, & munditias carnis quæ conscientias mundare non valent, & umbras futurorum. Ergo sacramenta nouæ legis aliquid amplius faciunt, & sunt aliter causa gratiæ.

14. Tertiò denique, Scripturæ testimoniis alia quædam opponunt, vt illud 1. Petri 3. *Octo animæ saluæ factæ sunt per aquam* (loquitur de diluuiio) *quod & nos nunc similis formæ saluos facit Baptisma: non carnis depositio sordium: sed conscientia bonæ interrogatio in Deum, per resurrectionem Iesu Christi Domini nostri.* Quibus verbis significari videtur Baptismum non saluare per externam ablutionem: sed ratione bonæ conscientia, & interioris fidei. Cui expositioni fauet D. Augustinus tract. 80. in Ioan. vbi ait Baptismum non habere quod sanctificet nisi à verbo Christi, non quia dicitur, sed quia creditur. Alia his similia opponunt in quibus Scriptura iustificationem videtur tribuere fidei: vt Act. 15. v. 9. *Fide purificans corda eorum.* & Rom. 5. vers. 1. *Iustificati ex fide, pacem habemus ad Deum.* & cap. 10. vers. 6. *Quæ autem ex fide est iustitia, &c.*

15. Sed vt ab vltimo incipiam, non pauciora Scripturæ loca eandem tribuunt sacramentis, vt supra vidimus. Quare vtrumque suo modo verum esse debet: neque ex vno, negatio alterius non repugnantis inferenda est: sicut malè quoque negarent tribuendam esse charitati, & meritis Christi, quia tribuitur fidei. Deinde vel loquuntur de fide habituali, vel de actuali. Si de habituali: cum in ea iustitia supernaturalis, saltem ex parte, consistat formaliter, vt in tract. de Iustificatione ostendimus; sicut valent immediate sacramenta ad eam conferendam, ita ad iustitiam supernaturalem valent eatenus. Sin autem loquuntur de actuali fide quæ iustitia Christi apprehendatur, vt reuera loquuntur: ergo infantes per sacramenta iustificari non possunt, & alia sequuntur incommoda quæ paulò antè diximus. Quamquam & ipsa valet dispositiue ad iustificationem adultorum, iuxta doctrinam Catholicam, vt diximus in tractatu citato.

16. Ad locum Petri, Respondeo cum Aegidio Coninx quæst. 62. num. 11. sensum illius esse, quòd nos saluos faciat Baptisma, non carnis depositio sordium, id est, non tantum

abluendo exterius sordes corporis, vt baptismata Iudæorum: sed conscientia bonæ interrogatio in Deum, id est, sed mundando interius animam à peccatis: adeo vt cum Deus conscientiam nostram interrogat siue examinat, vel nos coram Deo eam examinamus, reperiatur bona & pura à peccatis, per resurrectionem Iesu Christi, factam scilicet mysticè in nobis baptizatis, iuxta illud Pauli ad Rom. 6: *Quicumque baptizati sumus in Christo, in morte ipsius baptizati sumus, consepulti enim sumus cum illo per Baptismum in mortem, vt quomodo Christus surrexit à mortuis per gloriam Patris, ita & nos, &c.* Potest & aliter hic locus explicari: nempe quòd nos saluos faciat Baptisma, non carnis depositio sordium, id est, non solum ablutio corporis, quæ de se valet solum ad eluendas externas sordes corporis: sed conscientia bonæ interrogatio in Deum, id est, sed mysterium fidei verbis illis expressum, Ego te baptizo in nomine Patris, & Filii, & Spiritus sancti. Quod mysterium vocatur interrogatio bonæ conscientia, obiectiue, quia de illo sunt interrogandi illi qui baptizantur, debentque bona conscientia, & sincera respondere, ac credere, iuxta illud Act. 8. *Si credis ex toto corde, licet, baptizari supple.* Interrogandi, inquam, vel ipsimet, si adulti sunt: vel propriis, offerentes, si paruuli. Sicut autem visio sumitur non solum pro actu videndi, sed etiam pro obiecto: & conceptus, non tantum pro actu concipiendi, sed etiam pro illius obiecto: ita interrogatio sumitur non tantum pro actu interrogandi, sed etiam pro eo de quo interrogatur.

Ad Augustini locum plura dicuntur inferius, cum de forma Baptismi, de qua ibi speciatim loquitur sanctus Augustinus. Nunc breuiter respondeo cum Diuo Thoma quæstione sexagesima articulo septimo ad primum, & Suare disputatione septima, sectione prima in fine, aquam Baptismi habere vim sanctificandi, non per se, & ex se, sed quatenus coniungitur verbo Christi, id est, formæ verborum, per quæ veluti consecratur ablutio, & constituitur in esse sacramenti. Verbum autem formæ habet illam vim, non quia dicitur, id est, non secundum sonum materiale verborum, aut significationem merè humanam: sed quia creditur: non subiectiue, vt ita loquar, sed obiectiue, id est, quia fidei Christi confessionem in se continet. Ita vt sensus sit, hæc verba esse assumpta ad effectum sanctificandi, non propter sonum materiale, aut humanam significationem; sed propter fidei mysterium quod continet, & omnibus credendum proponunt. Similem habent similia loca Augustini explicationem. Quæ verò ex aliis Patribus obijciunt; vel negant tantum efficaciam principalem, vel etiam physicam, vel ad modum D. Augustini explicanda sunt.

SECTIO II.

Quid sit gratia sacramentalis? Et de aliis virtutibus cum illa infusis.

18. **P**rima conclusio: Gratia sacramentalis, id est, quæ datur per sacramenta ex opere operato, non differt specie à non sacramentali, id est, ab illa quæ datur per alia media ex opere operantis: sed dicitur tantum sacramentalis, derominatim à causa: & prout datur à diuersis sacramentis differt moraliter, & extrinsecè, ex parte finis specialis ad quem ordinatur: ad quem etiam finem habet annexum ius accipendi suo tempore infallibiliter auxilia proportionata.

Gratia sacramentalis quomodo differat à non sacramentali

19. Prima pars probatur, quia gratia habitualis & supernaturalis est eiudem speciei in omnibus: & quæ parata fuit per sacramenta, intenditur per bona opera, quando iusti crescunt in accepta iustitia, per opera meritoria. Eademque numero quæ fuit primò infusa per sacramentum, potuit infundi per opus operantis, sicut per idem opus potuit intendi. Ratio secundæ partis est, quia sacramenta diuersa instituta sunt propter diuersos fines: Baptismus, ad regenerandum. Confirmatio, ad robur in fide, & ad fortiter pro illa pugnandum. Eucharistia, ad unionem specialem cum Christo, & quasi unitatem, & transformationem per amorem; sicut alimentum & alium ununtur, & vnum in alterum transformatur. Pœnitentia, ad medicinam peccati commissi. Extrema-unctio, ad morbum pellendum, aut patienter ferendum, & animam leuandam, atque ad felicem exitum præparandam, si moriendum sit. Ordo, ad dignè exercenda sacraministeria. Et Matrimonium, ad vitam conjugalem sanctè & piè degendam, patienterque & fideliter subeunda onera Matrimonii. Ad hos ergo fines ex Dei destinatione refertur gratia vi cuiusque sacramenti collata. Ad eisdemque datur simul vi sacramenti ius speciale ad auxilia necessaria vt obtineri possint. Ex. gr. Baptismus dat gratiam per modum renascentiæ spiritualis, cum iure ad auxilia vti vitam illam conseruemus & exerceamus. Cum enim vita spiritualis sit obnoxia multis difficultatibus: & habitus supernaturales non tollant per se difficultatem, neque dent facile posse, sed simpliciter posse operari supernaturaliter, imò neque operentur nisi motu Spiritus sancti, eiusque præuia inspiratione & directione: opus est gratiis auxiliantibus ad habitus exercendos, & ad fines illos supernaturales obtinendos, quæ gratiæ dantur infallibiliter suis temporibus, quando nimirum id expedit, nisi obex impediatur: quemadmodum enim gratia perditur per peccatum mortale: sic & ius illud annexum gratiæ. Potest tamen tum gratia,

Sacramenta tribuunt ius ad auxilia gratiæ fini suo convenientia.

Tomus IV.

tum ius ad auxilia propter eosdem fines, impetrari, & acquiri ex opere operantis: sed non ita facile & certò, ac per sacramenta. Et quoties gratia quomodocunque acquiritur, obtinetur ius ad auxilia generalia, quæ debentur ei consuetudinaliter, sicut entibus naturalibus debetur auxilium generale ad suos fines & operationes. Sed Sacramenta tribuunt ius ad auxilia specialia finibus suis accommodata modo suprà explicato.

Quæres, an sit necessarius ille diuersus ordo & finis ad distinguenda sacramenta, ita vt non potuerint aliter diuersa sacramenta institui? Affirmare videntur nonnulli qui dicunt, ex eo præcisè quòd Christus instituit diuersa sacramenta, colligi posse, gratiam sacramentalem addere præuia sanctificantis ius ad auxilia diuersis finibus accommodata, quasi non alia esse causa potuerit instituendi distincta sacramenta. Sunt etiam qui affirmant frustra fuisse instituta à Christo diuersa sacramenta, nisi quodlibet sacramentum produceret specialem quandam gratiam habitualement sibi propriam, quam vocant sacramentalem, distinctam tum à gratia sanctificante, tum à gratia sacramentali cuiusuis alterius sacramenti.

Sed neutram harum opinionum veram existimo. Nam vt à postrema incipiam: illa gratia specialis habitualis, distincta à sanctificante, & diuersa prout causatur à diuersis sacramentis, fictitia est, & sine vllò fundamento excogitata. Neque enim vllum est eius fundamentum in Scriptura vel in traditione: neque vllum indicium: neque vlla necessitas, cum possint facile aliunde distingui sacramenta per gratiam solum moraliter diuersam, id est, datam ad finem diuersum cum iure speciali ad auxilia illi fini conuenientia. Sed neque istud simpliciter necessarium est ad distinctionem sacramentorum, vt vult prima opinio. Nam absolute loquendo, potuisset Christus instituere distincta sacramenta Baptismi, & Pœnitentiæ, verbi gratia, ea solum de causa, vt qui turpius post Baptismum peccauerint, id est, vt ait Tridentinum, post fidem Christo datam, & donum Spiritus sancti acceptum, scientes templum Dei violare, & Spiritum sanctum contristare non formidauerint, liberentur à peccato per medium laboriosius, in quo exigitur à peccatore humiliatio maior, & aliqua satisfactio. Quamuis alioqui sacramentum Pœnitentiæ, & Baptismus non referrentur ad alium finem, quàm ad iustificandum simpliciter, neque conferrent ius ad auxilia diuersa, sed ad ea tantummodo quæ iustificatio & gratia sanctificans quasi connaturali iure postulat, vt operari possit. Sicut enim vitæ naturali, siue illius principii, debentur diuina, quibus conuenienter naturæ suæ operari possint: sic vitæ supernaturali, eiusque principii, debentur connaturaliter auxilia vitæ illi & eius operandi modo proportionata.

Similiterque sacramenta Confirmationis,

§ 1

30.

31.

Ordo diuersus sacramentorum ad fines varios non fuit simpliciter necessarius ad illa distinguenda.

Trid. sess. 14. c. 1.

Eucharistia, & alia omnia poterant simpli-
titer institui ad conferendum tantummodo
augmentum gratiæ sanctificantis, vel ad ma-
iorem commendationem misericordiæ &
amoris diuini, nobis tot mediis succurren-
tis, & tam abundè prouidentis saluti no-
stræ, ac prouidentis ad perfectionem vitæ
supernaturalis, iisdem fere modis ac mediis,
quibus sensim progredimur ad perfectio-
nem vitæ naturalis, bonumque illius sta-
tum, priuatum & publicum. Conuenien-
tius tamen fuit institui Sacramenta eo mo-
do, quo re ipsa fuerunt instituta, in ordine
ad fines diuersos, & cum iure speciali ad au-
xilia fini suo consentanea. Præsertim ea qui-
bus est aliquod onus speciale annexum, vt
Baptismo onus subiaccendi Ecclesiæ, & ser-
uandi illius leges: Confirmationi, onus pa-
tienter ferendi Christi opprobria, & pro
fide certandi vsque ad mortem: Pœnitent-
iæ, onus satisfaciendi: Ordini, onus mi-
nistrandi Ecclesiæ: Et Matrimonio, debi-
tum sustinendi onera Matrimonii. Extrema
verò vñctio non minùs conuenienter po-
stulat auxilia gratiæ in tanto, tamque dif-
ficili periculo, pro quo est instituta. Et
Eucharistia, sacramentum amoris, conue-
nienter exigit gratias actuales, quibus ad
amorem diuinum frequenter & seruentur
excitemur, atque ita Christo per affectum
suauissimè vniamur, & constantissimè adhz-
reamus.

22. Notandum tamen ius illud speciale, ac-
quisitum per sacramenta, posse non modò
extingui, perditur per peccatum mortale
gratiæ sacramentali, in qua fundatur, &
cui annexum est, vt supra diximus: verum
etiam quoad effectum impediri posse ne ope-
retur, per nimiam distractionem, & effu-
sionem ad res temporales, vel alias ad sa-
lutem & Dei cultum non pertinentes. Qua-
re vt illi effectui sacramentorum non po-
natur obex, debet quisque attendere salutem
suar & profectum spirituale, conarique auxiliis
à Deo datis semper & fideliter cooperari.

23. Secunda conclusio: Cum gratia habi-
tuali, quæ realiter est ipsa charitas habi-
tuali & supernaturalis, infunduntur simul
per sacramentum ex opere operato aliæ
virtutes theologice, fides & spes, nisi an-
te infusa fuerint; atque etiam morales su-
pernaturales, & dona Spiritus sancti, si
à virtutibus distincta sunt. Ratio est, quia
ipsa dat formam; dat etiam, si perfectè
agat, ea quæ veluti connaturaliter præ-
supponuntur in subiecto, aut comitantur
formam: idque cum intentione & perfe-
ctione proportionata formæ. Atqui om-
nia supradicta sunt huiusmodi, vt per se
quodammodo pertineant ad statum per-
fectum ipsius gratiæ, & totius iustitiæ su-
pernaturalis, quæ est finis sacramenta-
rum: ergo, &c. Similique modo quan-
do ex opere operantis extra sacramentum
conferuntur gratia, illæ virtutes simul, atque
dona conferuntur. Sed non assentior Suari

disputatione septima, sectione secunda, af-
firmanti infundi semper pari gradu cum
gratia. Nam ratione dispositionis peculia-
ris, vel exigentiæ, potest excessus pro-
portionis interdum reperiri. Neque id ne-
gari puto à communi sententia: sed tan-
tùm asseri, quòd aliqui sacramentum æ-
qualiter hæc omnia infundat. Imò inter-
dum vna virtus potest infundi sine alia,
atque etiam sine gratia: sicut & conser-
uari sine illa: vt is contingit, qui suffi-
cienter de fide instructi, eliciunt actum
fidei supernaturalem, Deo specialiter au-
xilante: illis enim eodem instanti infun-
ditur habitus fidei supernaturalis, ad quem
suffICIENTER se disposuerunt per actum fi-
dei: nondum tamen infusa spe, vel cha-
ritate seu gratia, aliisque virtutibus, do-
nec exerceant actum spei & charitatis, aut
sacramenti ope iustificentur. Vt è contra-
rio, potest quis, retenta fide integra, pri-
uari gratia, ob peccatum mortale. Nam
quoduis peccatum mortale non tollit fi-
dem, licet gratiam tollat; sed solum pec-
catum infidelitatis, vt docet Concilium
Tridentinum sessione sexta, capite decimo
quinto. Idemque sentiendum est de vir-
tute spei supernaturalis, quòd scilicet in-
fundatur posito actu ipsius proprio, iuxta
fidei fundato, nondum licet infuso habi-
tu charitatis. Possunt etiam quædam do-
na supernaturalia impetrari, non impe-
tratis aliis. Alioquin si omnia simul æquè
impetrarentur, vno impetrato: perinde ef-
fet hoc aut illud petere & impetrare. Nec
adeo magna esset ratio cur Christus ali-
quando ad fidem, alias ad constantiam pe-
tendam hortetur. Denique actus virtutum
supernaturalium, vt sunt eiusdem ordinis
& naturæ cum habitu supernaturali sibi
proportionato: ita specialius ad illum dis-
ponunt: & secundum excessum actuum dis-
ponentium, par est infundi habitus cum si-
mili excessu. Contra hæc nihil opponit
Suarez magni momenti. Neque verò de
aliis virtutibus respectu gratiæ, vt de pro-
prietatibus naturalibus respectu suar for-
mæ, omnino & in rigore philosophandum
est. Cum moraliter tantum, & secundum
Dei institutionem, partim eam præcedant,
vt fides & spes: partim eam comitentur, vt
virtutes morales, & dona Spiritus sancti,
si distinguuntur à virtutibus.

SECTIO III.

*An omnia sacramenta nouæ legis conferant
primam gratiam, vel gratiam æqualem
omnibus recipientibus?*

Prima conclusio: Sacramenta quædam
per se primò sunt instituta ad dandam
primam gratiam, vt Baptismus & Pœni-
tentia: quæ tamen per accidens conferunt
super secundam. Quædam ad secundam,

Non infun-
duntur se-
per pari
grado cum
gratia, &
possunt ali-
que sepa-
ratim in-
fundi.

24. Sacra-
menta quædam
per se con-
ferunt pri-
mam gra-

nam, alia secundam. ut Confirmatio. & reliqua; quæ similiter per accidens conferunt primam. Nominè primæ gratiæ intelligo gratiam sanctificantem quæ primū infunditur subiecto nondum habenti vllum gratiæ gradum, adeoque existenti in peccato mortali, quod definit esse quando gratia infunditur. Per secundam verò, intelligo eam quæ aduenit subiecto iam grato, estque augmentum gratiæ præhabita. Quo supposito, patet conclusio ex fine sacramentorum. Nam vnumquodque sine dubio est fini suo proportionatum. Quia ergo Baptismus est institutus ad dandam primam vitam spiritalem per modum regenerationis, & ad tollendum peccatum originale, simulque actualia mortalia si quæ contracta sint ante Baptismum: non supponit per se primò, siue ex primaria ratione institutionis, vitam spiritalem iam præhabitam, & peccatum iam sublatum: sed per se valet ad transferendum hominem à statu corruptionis primi Adæ, ad nouitatem vitæ secundi, id est, Christi. Idemque dico de sacramento Pœnitentiæ respectu peccatorum post Baptismum commissorum, contra quæ per se primò institutum est, & ad gratiam, amissam per peccatum, recuperandam.

25. Prioris generis sunt baptis- mus & Pœnitentia. Contra verò, quia confirmatio per se primò instituta est ad corroborandum in fide, vitæque spiritali; & Eucharistia, ad nutritionem animæ: vtrumque horum sacramentorum gratiam præsupponit in subiecto per se, & quantum est ex ratione primariæ institutionis. Corroboratio enim, & nutritio, supponit vitam quæ corroboretur & nutriatur. Reliqua tria sacramenta non sunt quoque instituta per se primò ad delendum peccatum mortale: sed Extrema-unctio, ad leuamentum corporis & animæ, ad tollendas reliquias peccatorum, & ad confirmandum ægrotum in extrema illa lucta: Ordo, ut detur potestas validè aut legitimè exercendi diuina officia; Matrimonium, ad legitimam & conuenientem propagationem generis humani inter membra Ecclesiæ. Quæ omnia supponunt suscipientem viuere: ideoque non infundunt primam gratiam, sed infusam præsupponunt & perficiunt. Et hæc omnia appellantur sacramenta viuorum, quia debent à viuis, id est, antea iustificatis, accipi; neque possunt licitè recipi in statu peccati mortalis, nisi exulet ignorantia. Duo verò priora, Baptismus scilicet & Pœnitentia, vocantur sacramenta mortuorum, quia possunt licitè recipi à reis & conscientis peccati mortalis nondum remissi: ut satis apertè de Pœnitentia declarauit Trident. sessione decima quarta, capite quarto. Et par est ratio de Baptismo, qui æquè contra peccatum mortale institutus est. Quare falluntur, & Tridentino repugnant Gabriel, Maior, & alii qui putant hæc sa-

cramenta nunquam facere de attrito contritum, id est, nunquam iustificare solum attritos: cum Trident. cap. cit. affirmet, Attritionem, Quamuis sine sacramento pœnitentiæ, per se ad iustificationem perducere peccatorem nequeat; tam. enim ad Dei gratiam in sacramento Pœnitentiæ impetrandam disponere: & nimirum cum illo ad eam perducere. Hoc enim postulat diuisio & oppositio facta à Trident. verbis relatis, & aliis præcedentibus, insti. utaque comparatio inter contritionem & attritionem, quoad vim iustificandi. Quidni verò possint fideles contra peccatum mortale vii remedium facillimo & certissimo, quod Christus ipse contra illud directè instituit? & cur sacramentum non possit sortiri effectum, ad quem per se primò institutum fuit, & efficaciam à Christo accepit? Quomodo item Christus faciliorem viam iustificationis adulterum instituisset in lege noua, quam erat in Mosaicæ, si nunquam possent iustificari sine perfecta contritione, ut asserunt illi Authores sine sufficienti fundamento. Nam quod præcipue opponitur ex Gregorio Magno Homil. 26. super Euang. non debere nos per pastoralem auctoritatem soluere, nisi quos auctorem nostrum per suscitantem gratiam cognoscimus viuificare: Non aliud significat, quam non debere sacerdotes absoluerè sacramentaliter, nisi eos qui gratia Dei excitante & suscitante præuenti concipiunt motum doloris de peccatis, sicut oportet, incipiuntque viuificari saltem dispo- sitione.

Porro si contingat baptizandum aut pœnitentem contriti ante sacramentum, vel al. quem confiteri de solis venialibus, aut de mortalibus iam remissis: non propterea sacramentum frustratur effectum. Nam de fide est, sacramenta conferre gratiam non ponentibus obicem, ex Trid. sess. 7. can. 6. De sacramentis in genere. At tales obicem non ponunt, sed potius accedunt optimè dispositi quando contriti sunt. Verum per accidens est sacramentis illis quod gratiam in subiecto reperiant: quodque gratia, quam infundunt, sit re ipsa secunda, & augmentum prioris. Neque est existimandum, Christum, qui voluit ut hæc sacramenta possent prodesse mortuis, noluisse ut viuis quoque prodesse, quod facilius est. Et vice versa, sentiendum est de Christi bonitate, voluisse quoque, ut sacramenta quæ per se sunt viuorum, possent per accidens prodesse mortuis accedentibus bona fide, & ad opem sacramentorum piè confogientibus: cum scilicet sibi conscientia non sunt peccati mortalis, aut credunt se contritos esse cum sint tantum attriti, aut sunt ignari sui officii, nec tamen sine aliquo pio motu & supernaturali contra peccatum, accedunt. Tales enim non ponunt obicem gratiæ. Et sicut sacramenta, quæ sunt per se primò instituta ad dandam gratiam primam, possunt per accidens dare secundam: sic vice versa sacramenta illa quæ sunt per se instituta ad

26.

Priora contriti ferunt interdū gratiam secundam: & posteriora cōferunt ali- quando primam.

dandam gratiam secundam, possunt per accidens dare primam: ut recte docet Diuus Thom. quæst. 79. artic. 3. & in 4. distinct. 17. quæst. 3. artic. 4. & quæst. 30. Supplem. artic. 1. in corpor. quem Thomistæ communiter, & Suarez disputatione 7. sectione 2. §. *Nihilominus*, aliique plures sequuntur.

Neque dicas impossibile esse nutriri spiritualiter per Eucharistiam eum qui mortuus est; sicut impossibile est nutriri corporaliter non viuentem. Respondeo enim talem non esse plane mortuum, neque omnino similem mortuo corporaliter: siquidem cum pio motu supernaturali accedit: & exactam proportionem non esse attendendam in comparatione progressus & mediorum vitæ spiritualis, & corporalis. Aduertendum tamen est hanc sententiam non superare gradum probabilitatis: & non deesse graues auctores qui contrarium sentiant, moti non leuibys rationibus, præcipue circa sacramentum Eucharistiæ, ut dicemus inferius disput. 33. sect. 1. num. 4. & sequentibus, vbi fusius hac de re differemus.

27. **Sacramenta non conferunt æqualem gratiam:** & singula operantur melius in subiecto magis disposito, & plus gratiæ illi conferunt. Prima pars conclusionis deduci potest probabiliter ex Trident. sess. 7. can. 3. de Sacramentis in genere, vbi definit septem sacramenta nouæ legis non esse ita inter se paria, ut nulla ratione aliud sit alio dignius. Nimirum quia saltem Eucharistia præstat cæteris dignitate, quatenus continet ipsum Christum corpus & sanguinem: cætera verò in rebus longe inferioribus instituta sunt, neque ad finem adeo nobilem ordinantur, nempe ad arduissimam coniunctionem, & velut identitatem cum Christo. Est autem probabile, ut dignitate, ita & efficacia cæteris antecellere, quod innuit quoque Trident. sess. 13. cap. 2. initio, cum ait Christum in hoc sacramento diuitias sui erga homines amoris velut effuisse. Similiterque de aliis sacramentis probabile est alia aliis præstare efficacia, cæteris paribus, prout ad finem nobiliorem ordinantur, & alia aliis digniora sunt, ut docet Lessius lib. 12. de Perfection. diuin. cap. 12. in fine. Quanquam id non est necesse in iis quæ possunt iterari. Loquor autem de efficacia sacramentorum respectu gratiæ. Nam respectu remissionis pænæ, Baptismus id habet speciale præ Eucharistia, & cæteris, ut semper totam pœnam cum culpa remittat, nisi sit obex. Sed ratio est, quia pœna peccatis ante Baptismum commissis debita remittitur per Baptismum ex pura misericordia. Alia verò remittitur admixta & seruata quadam proportionem iustitiæ. Deus enim aliter in gratiam recipit eos, qui ante Baptismum per ighorantiam deliquerunt. Aliter verò eos qui semel à peccati & Dæmonis seruitute

liberati, & accepto per Baptismum Spiritus sancti dono, scientes templum Dei violare, & Spiritum sanctum contristare non formidauerint, ut habet Trident. sess. 14. cap. 8.

Secunda pars conclusionis, quod videlicet, singula sacramenta melius operentur in subiecto magis disposito, est D. Thomæ quæst. 69. art. 8. Richardi, Soti, & aliorum quos refert & sequitur Suarez disput. 7. sect. 5. Et probatur ex Trident. sess. 6. cap. 7. vbi loquens de iustificatione quæ fit per Baptismum, ait vnumquemque iustitiam recipere, *Secundum suam mensuram, quam Spiritus sanctus paritur singulis prout vult, & secundum propriam cuiusque dispositionem & cooperationem.* Quæ postrema verba significant melius dispositum recipere maiorem. Hoc enim est propriè vnumquemque recipere gratiam secundum propriam dispositionem & cooperationem. Alioqui non seruatur mensura seu proportio inter gratiam & dispositionem. Ratio à priori est institutio Christi, qui sapienter sic statuit. Primò scilicet, Quia suauitatis ipsius providentiæ iustissimæque distributioni id magis conuenit. Secundò, Quia hoc magis facit ad excitandos susceptores sacramentorum, ut cum meliori dispositione accedant. Tertiò, Sic melius seruatur analogia inter sacramenta & causas naturales, quæ melius operantur in subiectis melius dispositis, licet illæ dispositiones non concurrant effectiue. Quemadmodum exempli gratia anima rationalis melius intelligit in corpore melius disposito.

Sunt tamen qui existimant sacramenta ex opere operato semper æqualem gratiam conferre quemodocunque dispositis: ac si maior interdum conferatur in susceptione sacramenti, id non esse ex opere operato, neque virtute sacramenti: sed ex opere operantis: quando nimirum dispositio est huiusmodi, ut de se sit sufficiens ad gratiam, cuiusmodi est actus charitatis supernaturalis. Sed hi non satis sincere Tridentinum exponunt: & quæ obiciunt nullius sunt momenti.

Alii putant in Sacramentorum susceptione inæqualiter gratiam infundi æqualiter licet dispositis. Non quidem virtute sacramenti: sed vel ob solum Dei decretum de hominibus inæqualiter iustificandis, ut Angelorum loca inæqualia replant: vel quia Christus vnus magis quam aliis sua merita in cruce applicauit: quemadmodum Scorus, Gabriel, & Paludan. imaginantur. Siue etiam, ut Caietan. & alii malunt, ratione dignitatis & deuotionis ministri sacramentum conferentis, ita ut dignior & sanctior plus conferat.

Sed priores diuinando id asserunt: & falsò supponunt prædestinationem respectu hominum non fuisse factam per se,

28. Melius operantur melius disposito. D. Thom. Suarez.

29. Contrarie sententia.

Lessius.

sed per accidens tantum ex occasione peccati & ruinæ Angelorum. Ac Deum efficaciter & absolute prædestinasse homines, ante prævisionem conditionum vel operum, ad talem & tantum gradum gloriæ: vi cuius destinationis sacramenta melius operentur in subiecto alioqui non melius disposito.

30. An bonitas ministris faciat ut melius operentur? Cyprian. Nazianz.

August.

Posteriores verò, si volunt sacramenta habere maiorem virtutem & efficaciam immediatè à bonitate ministri; loquuntur contra doctrinam sanctorum Patrum, Cypriani in sermone de Baptismo Christi, aientis valorem sacramenti non pendere à bonitate ministri: Nazianzeni oratione 40. in sanctum Baptisma, ubi eleganter comparat bonum vel malum sacramenti ministrum sigillo aureo vel ferreo, quod eundem habet effectum: Et Augustini tractat. 6. in Ioan. affirmantis Baptismum datum à meliori ministro, non esse meliorem, neque pendere ab eius meritis, sed Christi. Item si volunt ministrum sacramenti immediatè mereri aut impetrare gratiam suscipienti sacramentum, ratione sanctitatis, absque proprio actu suscipientis; falluntur, quia solus Christus meretur hoc modo aliis gratiam in lege Evangelica, ut suppono ex tractat. de merito. Alioqui quidni mererentur homines gratiam infantibus morientibus sine Baptismo in utero materno? Quidni etiam possent impetrare ut alicui remitteretur peccatum mortale sine contritione, vel usu sacramenti Baptismi aut Pœnitentiæ? Quidni posset aliquis dormiens, aut nihil cogitans, concipere vno momento maximum gratiæ augmentum, si plures viri sancti pro ipso simul orarent? Quidni etiam parvulis non modò primam gratiam, sed & eius augmentum sine propriis actibus, quos habere non possunt, impetrarent? Quæ in Ecclesia audita hætenus non sunt. Nec quisquam est qui alteri primam gratiam vel eius augmentum obtineat, nisi obtinendo illi bonum aliquem motum, quo ad illam se disponat, vel sacramenti applicationem. Cætera verò sunt præter statum & ordinem legis Evangelicæ. Si autem id solum intelligunt, quòd minister sacramenti, ratione suæ sanctitatis, possit impetrare, vel mereri de congruo plus dispositionis & deuotionis, vel ad eam exemplo suo excitare: verum id quidem est, & confirmatur à Diuo Thoma quæstione sexagesima quarta, articulo primo ad secundum, ubi sic ait: *Effectus sacramenti non datur melior per meliorem ministrum. Aliquid tamen annexum impetrari potest recipienti sacramentum per deuotionem ministri.* Et quæstione octuagesima secunda articulo sexto, docet eam ob causam sacrum à meliore sacerdote celebratum, fructuosius esse ex deuotione sacerdotis offerentis. Et pariter aliis plus prosunt boni, quam mali ministri: quia aptiores sunt ut effica-

citer excitent suscipientem ad meliorem dispositionem; ad quam etiam auxilium Dei speciale impetrare possunt. Sed hæc opinio iam in nostram incidit, quòd nimirum sacramenta melius tantum operentur in subiecto magis disposito. Priori verò sensu omnino falsa est; quem tamen præ se ferunt verba aduersariorum, quique apertè traditur à Gabriele in quarto distinctione quarta, quæstione secunda, articulo secundo conclusione septima, & vnicunque significatur à Caieran. ad articulum primum quæstionis sexagesimæ quartæ, sed ambo nihil aliud afferunt dignum refutatione.

Gabriel.

Caier.

SECTIO. IV.

An sacramenta conferant semper gratiam, & quo instanti illam producant?

Dico primò sacramenta omnia nouæ legis conferre gratiam semper, & omnibus recipientibus sine obice. Est de fide, definitum in Trident. sess. 7. can. 6. & 7. *De Sacramentis, in genere.* Quæ definitione refellitur error Gabrielis in 4. distinct. 6. quæst. 2. artic. 2. conclus. 2. affirmantis Baptismum aliquando non conferre gratiam; quando scilicet ille, qui baptizatur, accepit ante Baptismum omnem gratiam, quam Deus præuidit eum habiturum. Quæ suppositio est aequè falsa, atque id, quod in ea fundatur. Deus enim non statuit de gradu gratiæ cuiusquam, ante præuisa media. Et inde sequeretur posse aliquem millies confiteri, aut Eucharistiam recipere, cum maxima animi præparatione, nihil gratiæ recipiendo vi sacramenti; ex eo solum quòd Deus statuit nihil amplius dare. Quæ omnia damnantur can. 7. cit. ita pronunciante: *Si quis dixerit non dari gratiam per eiusmodi sacramenta semper & omnibus, quantum est ex parte Dei, licet caritè suscipiant, sed aliquando, & aliquibus, anathema sit.* Neque video quomodo illa Gabrielis doctrina cohæreat cum altera eius assertionem, distinct. 4. quæst. 1. artic. 2. conclus. 4. *Omnibus ritè, (id est, non fide & indigne) Baptismum suscipientibus gratia gratum faciens, si non inest, de nouo infunditur: si præfuit, augmentatur.*

31.

Sacramenta conferunt semper gratiam recipienti sine obice. Gabriel.

D. Thom.

Sensus autem nostræ conclusionis & Tridentini est, quòd sacramenta conferant semper & omnibus gratiam si non sit obex; & non conferant, si sit obex, id est, si sit impedimentum gratiæ. Loquitur enim hic de obice gratiæ, non de obice sacramenti: id est, de obice non impediante valorem sacramenti; sed tantum eius effectum, quasi moraliter ligando & suspendendo eius vim. Unde dicitur tale sacramentum esse ratum, seu validum, sed informe, id est, sine effectu gratiæ.

32.

Ratio assertionis est, quia promissio Christi, alligata sacramentis, est vniuersalis & infallibilis: quantum est ex parte Christi & sacramentorum, modò non desint conditiones à Christo requisitæ ex parte recipientium. Alioquin enim si desint, vel si, quod peius est, adsint contrariæ dispositiones cum gratia impossibiles: sacramenta non operantur gratiam, quamdiu desunt conditiones necessariæ, vel adsunt contrariæ. Ex. gr. licet Christus promiserit vniuersaliter & infallibiliter Ioan. 6. *Qui manducat hunc panem, vivet in æternum*; id tamen Paulo interprete 1. Corinth. 11. intelligendum est cum conditione requisita ex parte recipientis, ut non indignè accedat. Alioquin enim *iudicium sibi manducat et bibit*. Et ut rectè ait Cyprian. in serm. de Cœna Domini: *sacramenta quantum in eis est, sine propriis virtutibus esse non possunt. Non possunt tamen Spiritus sancti esse participes, quorum in se iustitias, vel indignas tantæ sanctitudinis contrahit*.

Cyprian.

33.
Obex sacramenti
quia fit, &
quod operetur

Est autem obex generatim, vel carentia necessariæ dispositionis; vel præsentia contrariæ, cum quis non modò non se disposuit ad gratiam, sed etiam actu peccat mortaliter, quando recipit sacramentum. Pro quo nota, Deum in paruulis per sacramenta iustificandis nihil ex parte ipsorum requirere, præter sacramenti capacitatem. Quia iustificat illos ut paruulos, id est, ut incapaces alicuius actionis liberæ: & qui actu solùm alieno primi Parentis contraxerunt peccatum, iustificantur actu solùm & ministerio alieno. Nomine paruulorum intelligo etiam perpetuò amentes, quorum par est ratio, quique sensu paruuli sunt, licet grandes ætate. Adultos verò, id est, eos qui vsum rationis habent, aut habuerunt aliquando, Deus iustificat ut adultos, id est, ut volentes & libere consentientes, ac non sine aliquo actu proprio. Quare necesse est, ut credant, & consentiant in id quod fit, velintque serio amicitiam diuinam, cum proposito in ea perseverandi: ut a quissimum est, cum ne homines quidem sapientes, dignos censeant sua amicitia illos, qui eam sine tali proposito ambiunt. Item, si peccauerunt actu mortaliter, necessarium est, ut propria voluntate retractent quod malè commiserunt, doleantque se Deum offendisse, cum proposito saltem virtuali non peccandi de cætero. Ideo Philippus Eunuchò baptizari volenti Act. 8. *Si credis*, inquit, *ex toto corde, licet*. Et Petrus Iudæis, mortis Christi, & aliorum criminum reis, sed conuerti volentibus, & quid sibi agendum postulantibus Act. 2. *Pœnitentiam agite*, inquit, *& baptizetur unusquisque vestrum*. Sufficit tamen hunc dolorem esse virtualem in iis, qui status sui & officii sunt ignari: excepto sacramento Pœnitentiæ, in quo dolor formalis, qui fit attritio vel contritio, est pars essentialis. Ac si ad Baptismum vel ad sacramentum Pœnitentiæ accedatur, sufficit attritio. Ad alia verò requiritur per se contritio, vel absolutio sacramen-

talís, si accedens est in peccato mortali propria voluntate commissio. Potest tamen ignorantia excusare ab hac obligatione, quæ tantum est præcepti, non medii. Hos autem omnes actus debere aliquo modo esse supernaturales, satis constat ex Conciliis Arausicano can. 7. Mileuit can. 4. & Trident. sess. 6. can. 3. ubi definit non posse homines credere, sperare, diligere, aut pœnitere sicut oportet ut iustificationis gratiam consequantur, sine præueniente Spiritus sancti inspiratione, atque eius adiutorio. Loquitur autem de iustificatione generatim, siue quæ vi sacramentorum, siue quæ aliter confertur, ut patet ex tota sess. præsertim ex cap. 4. 5. & 6. & alioquin eius doctrina non esset generalis & perfecta.

Quod si adulti non modò non asserant eiusmodi dispositiones ex impotentia, vel ignorantia inculpabili: sed, quod peius est, actu peccent mortaliter in ipsa susceptione sacramenti per liberam omissionem necessariæ dispositionis, vel per aliquid aliud: multò magis ponitur obex gratiæ. Quia secundum legem à Deo positam, peccatum mortale & gratia simul esse non possunt. Quare non potest infundi gratia subiecto, eodem instanti quo peccat mortaliter. Alioquin peccatum mortale esset eo instanti, & non esset. Esset, quia committitur: non esset, quia gratia est, & cum gratia nunquam est peccatum mortale. Peccatum autem veniale non est obex, quia non repugnat incompatibiliter gratiæ. Neque est inconueniens diuersis actibus iniri vel augeri amicitiam diuinam, & simul admisceri leuem aliquam offensionem, quæ non repugnat amicitie incompatibiliter. Ut inter homines contingit, quando quispiam præstat alteri magnum aliquod beneficium, cum leui aliqua indecentia quoad modum conferendi.

Dico secundò, Sacramenta, si non sit obex, conferre gratiam eo ipso instanti, quo primum sunt perfecta essentialiter, aut sufficienter applicata. Quod vltimum addo propter venerabilis Eucharistiæ sacramentum, in quo effectio distinguitur ab applicatione, neque sufficit sine illa ad producendam gratiam. At in aliis omnibus, quæ in vfu consistunt, applicatio & effectio idem sunt. Quod ergo hæc sacramenta infundant gratiam non ponenti obicem, eo instanti quo sunt perfecta essentialiter; Eucharistia verò cum primum est sufficienter applicata, id est, cum primum dici potest species consecratas sufficienter sumptas esse, quantum ad comestionem vel potionem præcisè necessarium est; probatur, quia ante quidem non possunt operari, cum autem non sit posita causa completa & perfecta, vel non sit sufficienter applicata. Quod autem operentur cum primum sunt perfecta vel applicata, neque diutius debeat operatio differri, patet, quia causa efficax, & naturaliter operans, agit cum primum est sufficienter applicata, si ex parte effectus, aut subiecti,

34.

35.

Sacramenta conferunt gratiam eodem instanti quo applicantur

vel aliundè, nihil impedist. Atqui sacramentum est talis causa respectu gratia: Et ex parte ipsius gratia non repugnat statim fieri: ex parte verò subiecti non est obex, vt supponimus, nec quicquam aliud impedit: ergo &c.

36.

Auxilia nō dantur sen. per eodem instanti, sed gratia.

Loquor autem de gratia nudè sumpta, non de auxiliis adiunctis, quæ non dantur eodem instanti, sed opportuno tempore, quando illis opus erit: nisi tamen ponatur illis obex, qualis est, excidisse à gratia per sacramentum accepta, in qua fundantur auxilia, & ius ad illa: vel etiam dispositio repugnans huiusmodi auxiliis, seu morionibus diuinis aut illustrationibus. Quod non tantum contingit per peccatum mortale, verum etiam per venialia, & per voluntariam distractionem, seu attentionem ad alia, vt nos supra notauimus cum Suare disp. 7. sect. 4. Confirmatur, quia, nisi sacramentum operaretur cum primum est perfectum & applicatum, sed post; sequeretur aliquem legitime baptizatum, vel absolutum à peccatis sacramentaliter, non recipere gratiam in eo calu, quo recipiens moreretur immediatè post sacramentum perfectum & applicatum. At hoc est absurdum, & contra Concilia affirmantia, sacramentum iustificare quemcumque non ponentem obicem.

Suarez.

37.

Obiicies, Sacramenta quæ consistunt in usu, & applicatione sacramenti Eucharistia, fieri successiue; & more successiuorum incipere extrinsecè per ultimum sui non esse, & desinere extrinsecè per primum sui non esse. Ergo nullum est instans in quo primum possint illa dici esse perfecta, aut istud esse sufficienter applicatum. Ergo falsò asseruntur producere gratiam, quo primo instanti sunt perfecta & applicata.

Quomodo sac. amen- ta perficiuntur in instanti, cum successiue fiant.

Responderi potest primò, Sicut hoc negotium totum morale est, & sacramenta tantum agunt moraliter: ita moraliter illud instans accipiendum esse, non in rigore mathematico. Secundò Respondeo, quidquid sit de modo incipiendi & desinendi, deque tota compositione successiuorum; non deesse aliquod instans positium aut negatiuum, id est, per negationem tendentis ulterius, in quo verè dici potest sacramenti effectiōnem, vel applicationem, successiuam licet, esse vltimò completam essentialiter: ita vt absolutio v. gr. vel prolatio verborum, & significatio, sufficienter facta iam sit, cum toto tempore precedenti non esset. Illud enim complementum aliquando est. Est autem inimaginabile aliquid esse aliquando, de quo nunquam verum sit dicere, quòd est: & quòd nunc est, si aliquando incipit esse. Difficultas autem proposita orta est ex plurimorum imaginatione, quòd continuum componatur ex partibus & punctis intermediis, quòdque indiuisibile non possit respondere alicui diuisibili. Quæ omnia sunt falsa. Nam continuum, vel componitur ex solis indiuisibilibus, vel ex solis diuisibilibus. Et si hoc secundum dicatur: Deus, & Angelus,

& anima rationalis, respondent spatio diuisibili, in quo sunt, per suam entitatem indiuisibilem, cuius extensio virtualis, seu replicatio, non est aliud, quàm indiuisibile replicatum. Etenim tota extensio Dei per immenta spacia imaginaria, & Angeli in spatio quod occupat, & animæ rationalis in corpore quod informat, non est aliud quàm entitas indiuisibilis & punctum spiritale, quod vbiicumque est, indiuisibile est, licet in aliquo diuisibili sit: & sibi ipsi immediatum, ac pluries positum seu præsens per præsentias singulas indiuisibiles (sunt enim ipsa entitas rei indiuisibilis per se præsentis) implet totum illud sparium, non aliter ac si vnum punctum materiale, per seipsum pluries positum & pluribus æquiualens, tale sparium componeret, aut si loco vnius essent plura sibi immediata sine replicatione.

Verum quicquid de difficultate humanis ingenii insuperabili sentiendum sit: in authorum quos refutamus opinione, ponentium partes & puncta in continuo, necesse est dicere punctum indiuisibile respondere partibus diuisibilibus inter quas interijciuntur. Sicut autem dicunt in continuo permanente respondere indiuisibile diuisibili inadæquate: ita fateri debent, idem fieri posse in successiuo. Addo, propriè loquendo nihil incipere extrinsecè, aut desinere intrinsecè. Nā quod incipit esse, est cum incipit esse: & quod desinit esse, siue incipit non esse, non est cum desinit esse, seu incipit non esse. destructio enim & desitio terminatur ad non esse: sicut productio terminatur ad esse. Et quo instanti est actio, est eius terminus. Implicat enim agere, & nihil agi. Denique de quo verum est dicere, nunc non est, & immediatè postea erit; de eodem verum est dicere immediatè post, quòd nunc sit vel totum, vel secundum aliquid sui, saltem inadæquate. Et de quo verum est dicere, nunc non est, & immediatè antea erat; de eodem verum erat dicere immediatè antea, nunc vltimò est saltem secundum aliquid sui inadæquate, & immediatè post non erit. Vel enim falsum est quòd immediatè antea esset: vel erat immediatè antea secundum aliquid sui. Et quodcumque aliquid est, de eo tunc verum est dicere, nunc est.

38.

Per hæc soluitur alia difficultas, quæ hic Suarem torquet disput. 8. sect. 2. de eo cui Deus præciperet vt ante mortem eliceret actum amoris, quique ad mortem vsque perseueraret cum viurationis, non eliciendo. Queritur enim quando ille peccaret? Respondeo, peccaret quo instanti videret se, nisi nunc eliciat, nunquam eliciturum, quia immediatè post sequitur mors, vel tempus adeo breue & imperceptibile, vt non sit ipse eliciendi. Quòd si hoc non aduerat inculpabiliter; non peccabit excusante inaduer-tentia.

39. Altera difficultas.

Sicut autem cum tango baculi extremum, & dico, Hic est extremum: designo per, hic, aliquid diuisibile quidem intrinsecè, at

non extrinsecè ultra baculum, quia extra hoc nihil baculi est: sed non designo adequatè sumptum; quia non est extremum, secundū id totum quod est in re, neq; per quicquam sui adequatè sumptum, sed per minus & minus in infinitum: sic cum dico, Nunc est perfectum Sacramentum, Nunc hora est completa, &c. Porro verè & propriè loquendo, omnis res est, quando incipit esse: & non est, quando definit, seu quando incipit non esse. Estque impossibile ut non esse sit incipere esse, seu esse inchoatum: vel esse, sit incipere non esse, siue sit non-esse inchoatum. Quemadmodum res per esse nigram, non incipit esse alba, & per esse tenebrosam non incipit esse lucida. Ac si res est quando corrumpitur; multò magis erit quando non corrumpetur, id est, quando causa non eam corrumpet. Atqui non corrumpet post instans in quo solo corruptio est. Ergo, &c.

Hæc autem omnia dicta sunt iuxta sententiam eorum qui continuum componi volunt ex partibus in infinitum diuisibilibus. Iuxta contrariam verò sententiam, quòd continuum componatur ex indiuisibilibus finitis, si eius extensio finita est: nulla est difficultas quomodo gratia producat in instanti ultimo essentiali, id est, in indiuisibili Sacramenti, quo aliis addito perficitur sacramentum essentialiter.

40.
Sacramen-
ta reuiuif-
cunt obice
remoto.

August.

Valques

Dico tertio, Sacramenta cum obice suscepta, illo postea remoto reuiuiscere & conferre gratiam: quanquam de omnibus id non est æquè probabile. De Baptismo quidem Theologi communiter id affirmant, præcipue propter auctoritatem D. Augusti, lib. 1. de Bapt. contra Donatistas cap. 12. & lib. 3. cap. 13. Immerito autem Valq. disput. 159. cap. 3. conatur Augustinum aliter explicare: Cum sanctus ille Doctor loco prius citato aperte dicat Baptismum, obice remoto, ad remissionem peccatorum produsse: & posteriori loco asserat valere ad dimittenda peccata. Et lib. 6. cap. 5. affirmet illo Baptismo peccata dimitti, nimirum æquè ac initio si obex non fuisset: Alioqui non satisfaceret Donatistis contendentibus rebaptizandos esse baptizatos ab hæreticis, ne ab illis baptizati non haberent fructum Baptismi. De aliis sacramentis iterabilibus idem plerique affirmant, estque par ratio ac de Baptismo: ne videlicet qui cum obice ea receperunt, careant in perpetuum eorum fructu, seu gratiæ effectu ab ipsis conferendo. De omnibus verò id tanquam probabilius docent S. Thom. in 4. dist. 17. q. 2. 3. 4. Palud. Petrus Sotus, Caieran. & plures alii. Primò, quia ratio quæ mouit D. Augustinum ut assereret Baptismum reuiuiscere, idem concludit de omnibus aliis cum obice susceptis. Nempe quia ut ait Sanctus ille Doctor lib. 1. de Bapt. contra Donatistas cap. 10. Baptismus est quoddam semen Christi, quod mala suscipientium voluntate potest quidem impediri ne quamprimum operetur: at non planè corrumpi aut tolli. Vnde sublato impe-

D. Thom.

dimento operabitur, & filios Dei adoptiuos generabit. Quam ob causam lib. 6. de Baptismo cap. 5. loquens de baptizato in hæresi, & ab hæreticis, sic ait: *Et ideo si ab illa peruersitate correctus, & à separatione conuersus venerit ad catholicam pacem; sub eodem baptismo quod acceperat, peccata dimittuntur, propter vinculum charitatis* (id est, propter reconciliationem cum Ecclesia) *sub quo baptismo peccata eius tenebantur propter sacrilegium diuisionis. Quia illud & in homine iusto, & in homine iniusto semper sanctum est* (etiam effectiue, id est, semper vim habet sanctificandi) *quod neque aiquitate alicuius augetur, neque alicuius iniquitate minuitur.* Deinde non minor censenda est vis ad gratiam, meritorum Christi, quæ in sacramentis nobis applicantur; quàm sit meritorum nostrorum. Atqui merita nostra sunt huiusmodi, ut postquam transierunt physicè, maneat moraliter in Dei acceptatione, & valeant ad effectum gratiæ, quem semper obtinent, si non sit obex: Ac si per illum impediuntur, eo tandem remoto reuiuiscunt, & gratiam restitunt: Gratiam, inquam, in gradu sibi peculiariter respondente in modum proprii præmii: Ergo merita Christi per sacramentum semel nobis applicata, manent similiter in Dei acceptatione, ut non minùs reuiuiscant. Maior per se probabilis est. Minor verò supponitur extract. de Pœnitentia, eique plurimum fauēt Scriptura, Patres & Trident. sess. 6. cap. 16. & can. 32. Neque dicas discrimen esse, quia merita nostra sunt opera viuæ: Sacramenta verò cum obice suscepta sunt opera mortuæ. Etenim ut rectè ait Suares disp. 8. sect. 3. quamuis sacramentum in peccato susceptum sit opus mortuum, prout est opus hominis illud suscipientis: ut tamen opus Christi est, non est opus mortuum, sed viuum: quamuis quoad effectum gratiæ sit veluti mortificatum, propter indispositionem male suscipientis: sicut merita nostra mortificantur & impediuntur à suo effectu, quando peccatum mortale superuenit. Sed quemadmodum hæc reuiuiscunt sublato obice peccati; ita probabile est, Sacramenta reuiuiscere remoto obice.

His tamen non obstantibus existimo rem esse valde incertam, & non æquè probabile de sacramentis iterabilibus, & præcipue de Eucharistia, quæ cum frequentissime sumi possit, minùs fuit necesse Deum instituere ut reuiuisceret, quàm alia quæ non possunt iterari, vel simpliciter, ut ea quæ imprimunt characterem: vel inter eosdem, ut matrimonium: vel non nisi in diuersis mortis periculis ex morbo, ut Extrema vinctio. Pœnitentia verò iterari quidem potest, sed nunquam est informis, ut ostendam suo loco. Aliunde autem inconueniens videtur & incredibile, sacerdotem veneficum, qui totā vitā celebrauerit in malo statu, & ad veneficia, aliosque malos fines; si conuertatur in fine vitæ & cum attritione confiteatur, fieri repente sanctissimum, recipiendo effectum tot com-

41.
Non est
men id
tup.

Clares
Coninc
Delugo.

munionum sacrilegarum. Propter quod Sua-
res disp. 28. sect. 6. Aegid. Coninc q^ast.
62. 2. 1. dub. 5. Delugo disp. 9. de Sacra.
in genere n. 100. & plures alii probabiliter
sentent Eucharistiam excipi debere: & rati-
onem cur alia sacramenta reuiuiscant, non
esse solum eam, quam ante diximus, quæ nõ
est adæquata, sed adiungendam esse aliquam
necessitatem ut reuiuiscant, eò quod iterari
non possint modo superius explicato: quæ
necessitas Deum mouit probabiliter ad in-
stituendum ut reuiuiscerent, ne recipientes
carerent eorum effectui in sua necessitate.
Confirmatur, quia cum huiusmodi sacra-
menta conferant gratiam in ordine ad ali-
quos usus, & cum iure ad auxilia illis conue-
nientia: credibile non est, quod propter sa-
cramentum indignè susceptum, Deus volu-
erit eos perpetuò privari tali gratia, bap-
tizatis quidem, confirmatis, & ordinatis, in
perpetuum; quia hæc sacramenta abso-
lute iterari nequeunt: coniuges autem, toto cõ-
iugii sui tempore; & infirmos, durante ea-
dem ægitudine vel periculo mortis, in quo
non potest iterari Extrema unctio.

42. Obiicies cum Vasque disp. 161. n. 15.
hanc rationem probare solum gratiam sacra-
mentalem, quæ est auxilium quoddam ad
fipem sacramenti, dari virtute sacramenti,
recedente fictione: quod ait Vasques se non
negare: Ob id tamen non esse necessarium,
fateri, dari incrementum gratiæ habitualis,
de quo nunc disputamus. Nam auxilium il-
lud dari potest gratiæ habituali quocumque
modo comparata, id est, siue per sacra-
mentum, præteritum cum obice susceptum, siue
per aliud medium.

Satis fit ob-
iectioni.

Respondeo 1. Non quæri tantum hoc lo-
co, an sacramenta reuiuiscant ad dandum
augmentum gratiæ: sed simpliciter etiam ad
gratiam, & ad iustificationem peccatoris qui
eam nondum obtinuit. 2. Ius ad auxilia cõ-
uenientia fini cuiusque sacramenti, fundari
in gratia sanctificante, collata vi eiusdem sa-
cramenti; ita ut eâ perditâ, pereat tale ius.
Ergo si vi horum sacramentorum datur ius
ad illa auxilia, & ipsa conferuntur intuitu
sacramenti: debet quoque dari gratia habi-
tualis in qua fundatur. 3. Licet connatu-
raliter gratiæ sanctificantis debeantur auxi-
lia ad vitam illam spiritalem & supernatura-
lem, ac statum filii adoptiui conuenientia:
non tamen eo speciali iure quod acquiritur
per sacramenta, quæ non frustra ad illum fi-
nem fuerunt à Christo instituta. Contendi-
mus autem in argumento allato, non esse cre-
dibile, quod Deus statuerit privare perpe-
tuò simpliciter, aut secundum quid, malè
suscipientes huiusmodi sacramenta, quam-
uis postea ad Deum se conuertant ex toto
corde, obicemque gratiæ sacramenti remo-
ueant.

43.

Sacramen-
ta non ope-
rantur an-
tequam sint.

Existimant aliqui Sacramenta conferre
gratiam aliquando prius quam reipsa susci-
piantur: sicuti sæpe conferunt postquam sus-
cepta sunt, modo iam explicato. Nimirum

quia contingit aliquando ut quis admodum
egeat sacramento, nec possit illud recipere,
licet maximè cupiat. Cum enim Christus sa-
cramenta instituerit, ut subueniret hominum
necessitati: decuit eius benignitatem ita in-
stituere, ut in tali casu sacramenta per vo-
tum, seu desiderium sui, operentur effectum
suum: sicut fideles veteris Testamenti iusti-
ficabantur per fidem & desiderium Christi
venturi. Confirmatur, quia Doctores com-
muniter dicunt, sacramentum in voto con-
ferre gratiam, & fructum sacramenti quan-
doque recipi per votum sacramenti, ut ait
Trident. sess. 13. cap. 8.

Respondeo, Christum sufficienter proui-
disse hominum necessitati, instituendo sa-
cramenta quoad usum valde facilia, & quo-
ad vim valde efficacia: quorum si copia ali-
quando desit, potest iustificatio & gratia per
actus contritionis ex opere operantis ob-
tineri: atque eatenus sacramentorum defectus
suppleri: quoad characteres enim & potesta-
tem ordinis, & si quæ similia sunt, suppleri
non potest. Eoque sensu intelligendi sunt
Doctores & Trident. locò cit. nempe quod
peccator contritus, & quiuis iustus, per pi-
um sacramenti desiderium charitate forma-
tum, obtineat ex opere operantis gratiam
quæ conferri solet per sacramentum: licet
non vi sacramenti, sed vi propriæ dispositi-
onis: nec sine obligatione & desiderio saltem
virtuali recipiendi sacramentum Baptismi,
vel Pœnitentiæ, in eo qui peccatū mortale per
baptismū aut pœnitentiā nondū expiauerit.
Porro, si sacramentum operaretur antequam
recipiatur: vel postea cum reciperetur non
operaretur: vel haberet duplum effectum.
Et si hoc secundum dicatur, simili modo quis
imagineretur per piā eius recordationem
desiderio æquivalentem, iterum operari sæ-
pius atque sæpius. Quæ omnia sunt absurda,
& sacramenta suscipiendi negligentiam pa-
rerent & contemptum. Neque par est ratio
de Christi passione, remedio generali per fi-
dē, aut per sacram. omnibus applicando; & de
applicatione ipsa particulari singulis facien-
da per sacramenta. Adde, quod à Pio V. re-
probata est opinio Caietani assertentis, res-
pectu paruulorum sufficere baptismi deside-
rium in parentibus in casu necessitatis: cum
tamen maior sit necessitas paruulorum, qui
per proprios actus subuenire sibi non possunt
& defectum baptismi supplere, ut adulti.
Quare ratio aduersariorum nulla est.

Caiet. 3. p.
q. 68. art. 2.
in antiquis
exemplar.

SECTIO V.

Quid requiratur ut sacramentum reuiuiscat,
& quomodo reuiuiscat?

Superest quærere primò, Quid requira-
tur ad obicem remouendum, ut sacra-
mentum reuiuiscat. Respondeo, quando in sus-
ceptione sacramenti fuit commissum pecca-

44.

Si obex fuit
peccatum

more commiſſum in receptione ſacramenti, ſequi itur contritio, vel attritio cum alio ſacramento.

tum mortale, durans actu pro illo instanti quo Sacramentum operari debebat, aut post illam mortaliter peccauit ſuſcipiens: ut Sacramenti reuiuſcat neceſſaria eſt contritio ſupernaturalis, virtualis aut formalis: vel attritio cum alio ſacramento. Quando autem neque in ſuſceptione Sacramenti, neque poſt, commiſſum fuit ullum peccatum mortale: probabile eſt, ut Sacramentum reuiuſcat, ſufficere attritionem veram & ſupernaturalem, aut diſpoſitionem quæ defuit. Prima pars probatur, quia tollere tale obicem, eſt tollere peccatum mortale. Attritio autem ſola, ſine Sacramenti ope, non eſt ſufficiens ad peccatum mortale remittendum, ut definit Trident. ſeſſ. 14. cap. 4. Et Sacramentum ſuſceptum cum tali obice, non poteſt illam iuuare: quia Sacramentum non poteſt tollere peccatum ipſo poſteriori: Sacramenta enim non ſunt inſtituta ad remittenda peccata futura & poſteriora ſe. Neque etiam poteſt tollere illud, quod fuit in eius ſuſceptione commiſſum, & à quo fuit impeditum ne operaretur: impeditur enim ab eodem quamdiu manet.

45. Si fuit tantum, defectus diſpoſitionis, ſufficit illam ponere.

Secunda pars probatur à contrario, quia omnia ſacramenta vim habent remittendi attrito, bona fide ſuſcipienti, peccata mortalia prius commiſſa: ſicut & conferendi gratiam ex opere operato. Ergo accedente attritione, qualis defuit cum ſuſciperentur, remittent peccata ante ſuſceptionem commiſſa. Aut ſi nulla commiſſa fuerunt, ſufficit actus fidei & deſiderium iuſtificationis, ſeu diſpoſitio quæ defuit. Confirmatur, quia attritio illa, vel diſpoſitio, antea ſufficiebat ad effectum illum. Ergo & nunc ſufficiet, quia nullum nouum impedimentum peccati acceſſit, ut ſupponimus, & ſacramentum habet eandem vim quam antea, moraliter enim manet totum & integrum. Confirmatur 2. Quia tollere fictionem negatiuam de qua loquimur, id eſt, meram carentiam inculpabilem diſpoſitionis neceſſariæ, non eſt formaliter tollere peccatum: nam ablatio peccati debet eſſe potiùs effectus ſacramenti ſuſcepti antea cum tali obice negatiuo, & reuiuſcentis poſita attritione, vel diſpoſitione, cuius ſolus defectus fuit cauſa, & adhuc eſt, ut non operaretur. Quare tollere obicem negatiuum, eſt tantum ponere diſpoſitionem quæ defuit, quæque ſufficit ut ſacramentum operetur. Ponitur autem hæc diſpoſitio, quando ponitur attritio: ergo &c. Denique quoad hæc Baptiſmus v. gr. antea receptus, perinde tunc operatur, ac ſi tunc reciperetur: eandem enim habet habitudinem, tum ad peccata ipſum antecedentia (alia enim nulla ſunt ut ſupponimus) tum ad illam diſpoſitionem. Et de ſe ſemper efficaciſſimus eſt, modò nouum obicem non inueniat.

46. Sacramenta cum re-

Quæritur ſecundò, an ſacramenta, quando reuiuſcunt, magis aut minus operentur, iuxta maiorem aut minorem diſpoſitionem quæ remouetur obex? Reſpondeo affirmati-

uè cum Delugo ſuprà num. 71. & ſequentibus, idque non modò propter præſentem diſpoſitionem, quæ remouetur obex; ſed etiam propter eas quæ præceſſerunt ſacramenti receptionem. Putà, ſi is qui baptizandus erat, multum orauit & ieiunauit, ut ſe diſponeret ad Baptiſmum, quem tamen poſtea ſine attritione recepit ex inaduertentia. Ratio eſt, quia iuxta Trident. ſeſſ. 6. cap. 7. gratia datur adultis inæqualiter, ſecundum propriam cuiusque diſpoſitionem, ad gratiam ſcilicet. Vtraque autem diſpoſitio, ſiue illa quæ baptiſmum antecedit, ſiue illa quæ remouet obicem, eſt diſpoſitio ad gratiam, & ad effectum ſacramenti, ad quem eſt omnino neceſſaria, non autem ad eſſe ſacramenti. Ac ne quis putet Trident. id tantum dicere de diſpoſitione quæ antecedit ſacramentum, conſiderandum eſt Concilium ibi loqui de iuſtificatione vniuerſim: tam quæ ſit extra ſacramentum per contritionem, quàm quæ per ſacramentum. Quare iuxta illius doctrinam, quando aliquis contrititur, recipit gratiam ſecundum perfectiorem ſuæ contritionis, id eſt, ſecundum propriam ſuam diſpoſitionem ad gratiam. Ergo Concilium non loquitur tantum de diſpoſitione præcedente ſacramentum, ſed de quacumque diſpoſitione ad gratiam. Et quidem par eſt ratio, ut Deus ad vitamque attendat, utque forma perfectiùs recipiatur in ſubiecto meliùs diſpoſito, & agens meliùs in illud agat, cæteris paribus.

Per hæc ſoluitur primum argumentum Suarez contrarium ſentientis diſp. 28. ſeſſ. 4. poſt medium: qui obicit 2. Quando merita reuiuſcunt, non habetur ratio melioris diſpoſitionis quæ reuiuſcunt, ſed ſemper reuiuſcunt æqualiter, reſtituendo gratiam, & ius ad gloriam quam ab initio merebantur: ergo ſacramenta reuiuſcunt ſimili modo, ſublato obice.

Reſpondeo cum Delugo, negando paritatem. Nam gratia illa, & ius ad gloriam, reſpondent meritis, ut cauſa ſeu menſuræ adæquatæ: at gratia data per ſacramentum reuiuſcens, non reſpondet illi ut cauſa adæquatæ, vel menſuræ talis effectus: quippe quod ſolum nihil gratiæ operaretur, ſed cum diſpoſitione concurrente ad effectum ſacramentalem.

Obicit 3. Sacramentum, quando conferatur, acceptari à Deo ad effectum determinatum. Ergo eius effectus non pendet à maiori vel minori diſpoſitione poſt futura. Reſpondeo, acceptari ad effectum determinatum in intentione & ſimilibus circumſtantiis, ſecundum diſpoſitionem quam Deus, vel tunc præſentem videt; vel futuram agnoſcit antequam ſacramentum operetur. Aliter reſpondet Delugo ſuprà n. 78. acceptari ſacramentum à Deo ad effectum determinatum quoad remiſſionem peccatorum, non quoad inſuſionem gratiæ; Quia Baptiſmus v. gr. eſt ad illam determinatus: ad hanc verò indifferens eſt de ſe in homine adultæ, debet-

uiuſcunt operantur magis in meliùs diſpoſito.

47.

Sunt ſoluerunt argumenta contrariæ ſententiæ.

48.

que determinari per dispositionem. Vnde quando nondum est posita dispositio necessaria, non potest acceptari à Deo ad effectum gratiæ omnino determinatum.

Sed huic responsioni opponi potest, quod eum Deus certò prævideat dispositionem futuram, æquè ac præsentem agnoscat; potest iam secundum illam sacramentum acceptare ad tantum effectum. 2. Sicut gratia infunditur adultis inæqualiter per sacramenta, propter inæqualem dispositionem: ita & peccata remittuntur inæqualiter, non solum mortalia quoad pœnam, sed etiam venialia, quoad ipsam culpam: idque non modò in ipsa sacramenti susceptione, sed etiam post, remoto obice venialium. Vt de Baptismo docet idem author num. 91. remitti scilicet venialia, vi baptismi quoad illa reuiuiscunt, obice eorum remoto. Potest autem removeri quoad aliqua, non quoad omnia: nam attritio de aliquibus venialibus potest esse cum complacentia de aliis. Manebit ergo baptismus cum obice susceptus, indifferens quoad illam remissionem, æquè ac quoad gratiæ infusionem.

49. Obicit 4. Suarez, Sicut totalis carentia dispositionis est obex ad gratiam simpliciter: ita carentia melioris dispositionis est obex ad maiorem gratiam. Et tamen baptismus qui habuit effectum remissum, cum remissa dispositione, non confert postea maiorem effectum posita meliori attritione: ergo &c. Item gratia baptismalis amissa per peccatum mortale, & recuperata per pœnitentiam, non datur maior ob perfectiorem attritionem pœnitentis. Ergo nec datur maior obice remoto propter meliorem dispositionem.

Omissa solutione quorundam recentiorum, quæ planè mihi non satisfacit: Respondeo ad primam partem huius obiectionis, Differentiam esse inter baptismum, qui iam habuit effectum, & vim suam exhaustit, ut in primo casu allato à Suare, & eum qui nondum habuit effectum, ut in casu de quo disputamus. Prior non amplius operatur: Posterior debet operari, cum nondum effectum habuerit. Ad secundam partem eiusdem obiectionis Respondeo ut supra de meritis reuiuiscuntibus, illam gratiam respondere baptismi bene suscepto, ut causæ & mensuræ adæquatæ: ideoque non crescere vi attritionis pœnitentis vti concausæ.

SECTIO VI.

*An sacramenta producant gratiam
physicè vel moraliter?*

70. **R**espondeo, Non esse necesse, neque adeo probabile, quod physicè producat: sed potius concurrunt ut moralia instrumenta, quæ propter Christi merita moraliter sibi adiuncta ex Christi institutione, nobisque applicata, mouent Deum efficaciter & infal-

libiliter ad gratiam producendam. Prima pars huius responsi est Vasquez disput. 132. Aegidij Coninc ad art. 4. q. 62. Becani cap. 3. de Sacram. in comuniq. 2. & 3. Ruis in 4. Controuersia 8. & aliorum recentiorum, post Ricardum, Bonauenturam, Marsilium Scotum, & omnes Nominales in 4. dist. 1.

Vasquez:
Coninc-
Becanus-
Ruis.

Probat autem primò, Quia si necessariò asserendum esset Sacramenta producere gratiam physicè, vel id esset, quia non est alius modus possibilis; vel quia hic determinatè fuit à Christo institutus, quod cum sit admodum difficile, & apparenter impossibile: non est facile asserendum sine fundamento graui, in Scriptura, Conciliis vel Patribus, aut ratione certa. Sicut enim sequendo rationem naturalem nihil est affirmandum, nisi quod ratio naturalis conuincit: ita in credibilibus, siue in rebus fidei non est asserendum nisi quod fidei veritas, aut Scripturæ authoritas, aut Ecclesiæ determinatio, vel Patrum doctrina, vel certa ratio conuincit. Alioqui fides nostra supponeretur humanæ voluntati. Atqui nihil horum est. Nam modus agendi moraliter est possibilis, & valde facilis, ac necessariò admittendus in multis. Scriptura verò, Concilia, & Sancti Patres, nihil tale dicunt: quia non aliter loquuntur de efficacia sacramentorum, quàm de efficacia meritorum & passionis Christi, quæ certè non agunt physicè, sed moraliter tantum. Cum enim ab annis plusquàm mille sexcentis physicè esse defierint, impossibile est physicè operari. Siquidem agere supponit esse: & agere physicè, supponit esse physicè. Quod enim physicè non est, physicè nihil est. Et si physicè nihil est, non est physicè vis seu potentia agendi: neque se physicè exercet, si physicè non est. Ac sicut id quod mouet finaliter aut moraliter, requirit saltem esse apprehensum, consistens in cognitione: & implicat finem causare, aut quippiam aliud mouere moraliter causam physicè efficientem, nisi saltem apprehensum sit: ita causare physicè, & influere realiter per seipsum in effectum, dando illi visua esse actu secundum se realiter, & non tantum moraliter secundum æstimationem, & secundum esse æstimatum & apprehensum, requirit omnino illud esse secundum se: & vim illam efficiendi per se realiter, esse actu realiter. Estque omnino inintelligibile quod res agat per se realiter, quæ per se non sit realiter: cum actio nihil aliud sit, quàm vsus virtutis, seu exercitium causæ, quæ si non est physicè, quomodo potest physicè se exercere? Quomodo potest modus physicus se habendi esse sine re quæ physicè tali modo se habeat? Quomodo autem potest physicè & realiter tali modo se habere, si physicè non sit, & realiter nihil sit? Potestne quisquæ v. gr. ambulare aut sedere realiter, qui realiter non sit? Denique causa vel instrumentum physicum agendi non potest agere sine virtute agendi physica. Res autem quæ non existit physicè, nullam habet virtutem phy-

Non est ne-
cessarium
dicere, sa-
cramenta
producere
gratiam
physicè.

ficam agendi: quia, physice nihil est: si autem nihil est, nulla virtus est seu potentia agendi physica, nec naturalis, nec obediens. Cum ergo sacramenta non dicantur à Scriptura, Conciliis, & sanctis Patribus, operari aliter quam passio & merita Christi, ut infra dicemus: evidentissime sit impossibile hæc hunc physice operari: non est necesse ut propter eorum testimonia dicantur sacramenta physice gratiam producere. Rationes verò quas his addunt aduersarii non sunt magni momenti, ut patebit ex earum solutionibus: ergo nulla est necessitas asserendi sacramenta physice agere.

51. Deinde, ut rectè Vasquez argumentatur cap. 4. disp. citatæ, Authores efficaciz physice sacramentorum admittunt sacramenta, vel omnia, vel aliqua, sæpe esse informia, & non efficere gratiam, nisi multo, aut aliquo tempore, postquam physice defierunt, obice remoto: atque adeo coguntur admittere Sacramenta sæpe esse causas tantum morales gratiæ. Cum enim physice esse defierunt, non possunt physice operari. Et tamen tunc mundant, iustificant, aliaque præstant, quæ illis tribuuntur à Scriptura, Conciliis, & Patribus: Ergo propter eorum testimonia non est necessaria causalitas physica.

Confirmatur. Tertiò, Semper una aut altera pars essentialis sacramenti est tantum causa moralis gratiæ. Nam sacramenta omnia constant essentialiter aliquo successivo, quod non est physice secundum se totum, eo instanti quo sacramentum perficitur, sed tantum secundum aliquid ultimum & indivisibile positiue vel negatiue, per quod completur sacramentum essentialiter. Ergo vel reliquum, quod accessit, non agit; vel moraliter tantum agit: quia cum physice non sit eo instanti, quod sacramentum agit, non potest physice agere. Neque dicas sacramenta tantum agere per illud extremum aut indivisibile. Nam efficacia sacramentorum conuenit illis secundum id, secundum quod illis conuenit significatio perfecta: agunt enim quæ significant, & quia significant: ac si nihil significarent, nihil agerent: atqui significatio perfecta non conuenit tantum ratione illius indivisibilis ultimi: sed ratione totius significabilis: ergo, &c. Ne iten dicas cum Suarez, sacramentum totum agere per illud solum indivisibile: sicut globus perfectus tangit perfecte planum per punctum. Primum enim globus est physice, quando tangit: ac si non esset physice nisi secundum illud indivisibile, non rectè diceretur totum tangere. Secundò, Partes cunctæ globi concurrunt physice ad illum contactum, innitendo partem, vel partem suam extremam illi applicando; & ideo totum dicitur tangere. At partes aliæ sacramenti, quæ non sunt physice, non possunt concurrere physice, neque plusquam moraliter, quatenus scilicet gratia datur vi ultimi indivisibilis, quia illæ præcesserunt, ac nisi præcesserint, non daretur. Ergo totum sacramentum non potest dici

agere physice propter illud indivisibile.

52. Deterius verò est quod ex quodam recentiore refert Hurtadus disp. 8. Physicæ sect. 5. Sacramenta producere physice gratiam primo instanti quo non existunt, quia illud instans, ratione nostri, pertinet ad existentiam sacramenti, & sacramentum existit adhuc virtualiter, non in esse entis, sed in esse causæ. Sicut, inquit, dispositiones inductæ pereunt in instanti generationis formæ: & tamen sunt illius causæ: quia existunt virtualiter, non ut ens, sed ut causæ. Hoc, inquam, planè improbable est. Nam id quod physice non est, physice nihil est. Ergo non est virtus physica, & potentia physice actiua. Ergo non potest physice producere gratiam eo instanti quo non est. Dicere verò quod existat in ratione causæ physicæ, & non in ratione entis, est dicere apertam contradictionem. Quid enim est illa causa physica si non est ens? quomodo item illud instans in quo non existunt sacramenta, pertinet ad eorum existentiam ratione nostri. Nisi velit hic Author dicere nos falsò imaginari sacramenta existere eo instanti, quo non existunt. Quæ falsa imaginatio, si alicuius est, reiici debet, & corrigi: nihilque prodest ut sacramenta physice operentur, quando non sunt.

53. Secunda pars responsi, quod non sit adeo probabile sacramenta physice producere gratiam, probatur, quia non omnia creata possunt à Deo eleuari ad quidvis physice operandum: sed vnumquodque ad ea tantum quæ sunt intra sphaeram obiecti virtutis suæ obediens, quæ in rebus finitis est finita & limitata, cum sit ipsamet entitas causæ creata, quatenus potest à Deo iuari extraordinarie; & in rebus perfectioribus perfectior est: unde ex consensu Theologorum non potest v. g. oculus corporeus attolli à Deum videndum, ad quod tamen attolli potest intellectus. Atqui non est adeo probabile virtutem inesse omnibus sacramentis quæ possint physice producere gratiam: cum gratia sit ens admodum supernaturale & excellens: sacramenta verò pleraque sint instituta in rebus imperfectissimis, aqua, oleo, & pauculis verbis: à quibus gratia multò magis distare videtur, ac mirus esse illis proportionata, quàm visio Dei oculo corporeo, præsertim humano, qui ex parte animæ spiritalis est. Et tamen ut testantur summi Theologi, Suar. 1. parte tract. 1. lib. 1. cap. 6. num. 5. & Vasq. ibid. disp. 40. c. 2. fidei dogmati propinquum est, non posse Deum videri oculo corporeo, etiam humano, & contrarium est erroneum: ergo, &c.

54. Confirmatur 1. Quia gratia habitualis est eiusdem ordinis cum visione Dei, & principium effectiuum ac principale fruitionis beatificæ. Confirmatur 2. quia ut aliquid eleuetur ad agendum physice, debet in se habere vim per quam physice influat: quæ vim non accipit per eleuationem, sed illi supponitur, & completur per illam. Eleuare enim nihil est aliud, quàm Deum se adiun-

gere

52. Hurtad.

53. Non est adeo probabile sacramenta physice producere gratiam.

54. Suarez. Vasquez.

54. Non potest quidlibet eleuari ad quodlibet.

gere alicui causæ ad concurrendum extraordinarie cum illa coagente, & conferente vim suam: Ita ut effectus supernaturalis fiat à Deo simul & à creatura adiuta extraordinarie, simili modo, quo pondus fertur à duobus se iuvantibus, & ad ferendum concurrentibus. Atqui in quolibet non est illa vis inchoata ad producendum physicè quidlibet: alioqui esset in oculo ad Deum videndum, & in creatura ad creandum, quod D. Thomas ubique negat, ut infra videbimus: & in quolibet re esset immensa quædam vis, si haberet virtutem inchoatam ad ea omnia quæ, possunt omnia & singula entia materialia, omnesque & singulæ creaturæ immateriales, ac Deus ipse, ad omnia denique possibilia.

§ 55. Confirmatur 3. Quia ut rectè dicit Aegidius Coninc supra num. 113. ut aliqua res à Deo eleuata producat aliam physicè, non sufficit quòd Deus ad præsentiam illius rei alteram producat: sed necesse est ut ipsamet tanquam partialis causa in illam influat per vim actiuam sibi intrinsecam, seu per seipsam. Alioquin non ipsa, sed Deus solus physicè ageret. Debet, inquam, per se influere, sicut, verbi gratia, intellectus per se influit in visionem beatificam, eamque velut causa partialis producit, vnà cum lumine gloriæ, aut cum Deo eleuante. Nisi enim res eleuata influat per se in effectum, non potest dici physicè illum producere. Et nisi habeat vim aliquam intrinsecam actiuam aliquo modo proportionatam effectui, ita ut simul cum virtute concurrente causæ eleuantis apta sit constituere integram causam effectui proportionatam: intelligi nequit quomodo in talem effectum influat. Etenim actio supponit, non solum agens esse, sed etiam habere vim agendi, ideoque sicut quod non est, non potest eleuari ad agendum: sic neque id, quod nullam habet vim agendi, ad hoc eleuari potest. At in re quolibet non est talis vis inchoata, seu potentia intrinseca respectu cuiuslibet, ut in oculo ad Deum videndum, vel ad creandum, vel ad videndum sonum. Nec magis apparet, quòd sit in aqua, verbi gratia, vel in extremitate soni vnius syllabæ, ad producendam gratiam entitatis supernaturalis, & longè excellentissimæ, magisque disproportionatæ & remotæ à sono, vel ab aqua, quam visio Dei ab oculo. Nec valet quod aliqui respondent, esse discrimen inter agentia vitalia, & alia. Quasi verò alia non sint æquè finitæ & limitatæ entitatis, atque adeo finitæ potentie obedientialis, ac sunt agentia vitalia.

§ 56. Dixi, pleraque sacramenta fuisse instituta in rebus imperfectissimis, non autem omnia: propterea quòd in quibusdam materia nobilior est, & non ita gratiæ producendæ improporcionata: ut consensus internus in Matrimonio: attritio vel contritio in Pœnitentia: corpus & sanguis Christi, in Eucharistia: in qua etiam concomitantè existunt anima, & diuinitas Christi.

Tomus I.V.

sti. Et certè quidem diuinitas Christi producit gratiam physicè ac principaliter. Animam verò Christi posse physicè eleuari ad gratiam producendam verisimilius existimo: cum certò constet eandem eleuari physicè ad producendos actus charitatis supernaturales, eiusdem ordinis cum gratia. Veruntamen diuinitas, & anima Christi, aliæque concomitantia, extrinseca sunt & accidentaria sacramento Eucharistiæ essentialiter considerato: neque si illa producant physicè gratiam, potest idcirco sacramentum dici per se producere: quia illa non sunt sacramentum neque pars sacramenti, sed adiunctum illi accidentale. Et quidem si in triduo mortis Christi, Apostoli consecrassent; fuisset tota sacramenti essentia: & tamen anima non fuisset cum corpore, neque corpus cum sanguine. Diuinitas verò fuisset quidem: non tamen vi verborum consecrationis, sed propter diuinum decretum de inseparabilitate vnionis hypostasis diuinæ cum corpore Christi ubicumque sit. Illud enim est tantum vi verborum, & tanquam sacramento essenziale, quòd verba ita significant, ut illo non posito, non possint vera esse, nec sine illo possint intelligi esse vera.

§ 57. Fortassis etiam non repugnat, actum contritionis, & consensus interni, qui potest fieri ex charitate, eleuari physicè ad productionem gratiæ. Sed hoc esset miraculosum & supra rerum naturam. Nam habitus supernaturales non possunt naturaliter produci à suis actibus. Sunt enim verè potentie quædam supernaturales, dantque posse simpliciter, & non facile posse: in quo differunt ab habitibus naturalibus, & similes potius sunt ipsis potentiis naturalibus, quas complent simpliciter in ordine supernaturali. Ideoque sicut potentie naturales non possunt physicè per suos actus produci, aut intendi: ita nec istæ potentie supernaturales; quæ solum dicuntur habitus ob permanentiam: non autem quòd in aliis similes sint habitibus naturalibus. Quare cum hoc miraculosum sit, & alioqui minimè necessarium: non debet dici, sacramenta Pœnitentiæ & Matrimonii concurrere physicè per hos actus, ad gratiam: quia miracula non sunt multiplicanda sine necessitate, in explicatione mysteriorum fidei: & potius de omnium Sacramentorum efficacia simili modo philosophandum est: Cum quæ de illa sunt reuelata, vel à Patribus tradita, communia sint omnibus, & nulla ratio solida proferatur quæ cogat aliter philosophari. Alioqui pariter dicendum esset, actus bonos quibus extra sacramenta obrinemus iustificationem aut gratiam, physicè illam efficere: & non tantum dispositiue aut meritorie, id est, moraliter ad eam concurrere: Scripturæ enim, Concilia & Patres dicunt per actus illos nos iustificari, mundari à peccatis &c. ut dicunt de Sacramentis.

§ 58. Tertia pars responsi, præter multos ex authoribus initio citatis, est etiam Less. lib. 13.

T:

Sacramen-
ta causant
moraliter
gratiam.

de Perfect. diuin. c. 12. Probatur autē, quia sacramenta non sunt tantum nuda signa, quæ Deo significant quid faciendum sit ratione pacti, & ad quorum præsentiam simplicem Deus operetur: sed habent ex institutione virtutem Spiritus sancti, quæ est ipsemet Spiritus sanctus, infallibiliter sibi adiunctam & præsentem ad gratiam producendam, ita ut si per impossibile non esset ubique, esset tamen & applicaretur ubi sacramenta sunt & applicantur non indignè recipientibus: quæ de re plura inferius n. 67. Habent etiā sacramenta ex institutione Christi, merita ipsius sibi annexa moraliter, quæ nobis applicant, & eorum vi Deum obligant ad effectum sacramenti præstadium, tanquam debitum Christi meritis per sacramentum exhibitis, & ad usum illum applicatis. Vnde sacramenta dicuntur continere merita Christi, quatenus ex Christi voluntate, & Dei acceptatione, ita sacramentis annexa sunt, ut quibus hæc applicantur, eisdem merita Christi applicentur, per quæ ius acquirunt ad gratiam, perinde ac si per se illam promeriti essent. Quare sicut opus meritorium non est dumtaxat signum gratiæ, sed verè causa moralis eius, respectu Dei: sic sacramenta. Hinc etiā sacramenta non tam debent comparari chirographo, quam buræ plenæ pecunia, quæ alicui datur ut se redimat, aut necessaria cōparet. Quia sacramenta moraliter continent pretium nostræ redemptionis & iustificationis. Hinc etiā D. Thom. q. 62. a. 1. in corp. meritò negat sacramenta esse similia denario plumbeo, quem quis afferat ut accipiat centum libras ex Regis ordinatione: nō quod denarius ille quicquam operetur ad habendam hanc pecuniā, vel Regem habeat necessariò præsentem, ad restituendum physicè. Sed quia hoc operatur sola regis voluntas. Nam denarius ille solet tantum esse signum pecuniæ regi mutuo datæ in necessitate, aut alterius pacti; non autē exhibet rem pecuniæ regis æquivalentem & obligantē ex iustitia, ut sacramenta exhibēt pretium gratiæ, propter quod dari debet ex iustitia, & propter quod Deum mouent efficaciter, sicut illum mouent opera nostra meritoria. Hinc quoque multum differūt sacramenta à signis magicis, quæ mouent Dæmones, ut signa ex instituto, ad pacta nefaria exequenda. Nam illa signa nihil exhibēt cui debeat ex iustitia effectus, tanquam iusto illius pretio: nisi iurque pacto fallibili, & nō seruando ex iustitia, sed potius rescindendo. Quod si dæmones mouentur quoque à signis magicis, ut causis moralibus, & non tantum ut à signis, quibus positus ipsi mala sua voluntate operari velint: id tamen fit modo longè diuerso & inferiori eo, quo Deus mouetur à sacramētis propter Christi merita. Porro Dæmonem in multis imitari Dei opera, & similia agere, notissimum est: neque ad vitandam aliquam eiusmodi imitationem, censendum est sacramenta producere physicè gratiam.

59.
Duo præ-
cipui effe-
ctus sacræ,

Duo autem sunt præcipui effectus ad quos nobis applicatur merita Christi per sacramē-

ta: nempe remissio peccatorū, & infusio gratiæ. Ad priorem effectū applicantur infinitè & sine mensura, quantum est ex parte sacramenti, & quoad remissionem culpæ; quia per illam applicationem dantur ad remissionem omnium peccatorū, etiā infinitorum, si à nobis commissa forent. Similique modo in baptismo applicantur infinitè quoad remissionem pœnæ. In aliis verò sacramentis remissio pœnæ; & in omnibus, infusio gratiæ, fit ad mensuram quam Deus determinauit pro valore cuiusque sacramenti, & pro ratione dispositionis. Licet enim merita Christi sint infinita, & digna per se gratia infinita, eaque nobis donentur per sacramenta; non tamen ita ut vim suam totam in nobis exerāt, sed secundum mensuram diuinis præscriptam, & iuxta propriam cuiusque dispositionem, ut habet Trident. sess. 6. cap. 7.

SECTIO VII.

Refutantur contraria sententia.

Contrarium sentiunt Thomistæ communiter, alique non pauci, affirmantes sacramenta producere physicè gratiam. Plurimum tamen differunt in modo quo id fieri putant. Quidam enim dicunt, sacramenta non efficere gratiam physicè & immediatè, & secundū se: sed tantum efficere characterem vel ornatum aliquem, aut similem dispositionem in anima, ad quam sequatur necessariò infusio gratiæ facta à solo Deo: non secus atque ignis, inquit, efficit immediatè calorem in materia, ad quem sequitur substantialis forma. Ita Capreolus, & alii multi Thomistæ: Alii, ut Dom. Sotus, volunt sacramenta efficere quidem vniopem gratiæ cum anima; at non ipsius entitatem, quam putant fieri à solo Deo per creationem. Alii ut Paludanus, & Ferrariensis, volunt sacramenta producere physicè ipsam gratiam, sed per aliquam qualitatem aduentitiam, sibi superadditam, & transeuntem, id est, non permanentem. Alii malunt id fieri per motionē seu motum quendam artificiosum, quo Deus eleuet sacramenta ad producendam physicè gratiam, simili modo, quo instrumenta artis ab artifice eleuantur per motum artificiosum ad efficienda opera artificialia. Et hunc motum vocant instrumentariam virtutem, & adiuuitatem sacramentorum. Alii denique, ut Suarez disp. 9. sect. 2. affirmant, sacramenta producere physicè & immediatè gratiam per potentiam obedientialem, quæ est ipsummet esse sacramentorum concurrens physicè & effectiue cum omnipotentia diuina eleuante, id est, extraordinariè & supernaturaliter concurrente.

Sed hæc omnia sunt minus probabilia, & plena perplexitatis. Primum enim, producere physicè characterem solum, vel ornatum, aut quid simile, non est producere gratiam: cum gratia distinguatur realiter ab huiusmodi re-

60.
Varii modi
opinandi
aduersari-
orum.

61.
Impugnan-
tur qui di-
cunt sacra-
menta pro-

ducere phy-
sicè chara-
cterem vel
ornatum.

bus, & non sequatur necessariò, neque con-
naturaliter ex caractere, vel ornatu, vel hu-
iusmodi dispositione, ut paulò post videbi-
tur. Ergo si necesse est dicere, sacramenta
producere physicè gratiam propter Scriptu-
ræ, Conciliorum & Patrum testimonia, ut
authores illi imaginantur: non sufficit quòd
characterem producant, aut ornatum, vel
quid simile. Deinde si sacramenta possunt
physicè producere characterem, qui est qua-
litas supernaturalis, & eiusdem ordinis cum
gratia: cur non possunt gratiam producere?
Aut potius, si nequeunt gratiam producere
physicè, quomodo possunt producere chara-
cterem, æquè supernaturalem? Idemque di-
co de ornatu illo, vel dispositione, si ponun-
ture esse ent tatis supernaturalis. Sin autem
naturalis: apertè fallum est, quòd illis posi-
tis, necessariò & connaturaliter sequatur in-
fusio gratia. Al oqui daretur aliquid natura-
le sufficiens ex natura sua ad infusionem super-
naturalem, ut dispositio, vel alter, & ad ve-
ram peccatorum remissionem: maxime in
sententia Thomæ & affirmantium pecca-
tum physicè tolli per gratiã, ut tenebras per
lucem. Itaque aliquid naturale vi sua faceret
ex filio Diaboli filium Dei, iustum & sanctū
supernaturaliter: quod absurdum est, & à fi-
de alienum. Quin etiam, licet dicantur esse
entitatis supernaturalis, non propterea sequi-
tur gratia ex illis necessariò & connaturali-
ter, ut neque sequitur posito caractere. Nam
si ne quidem sequitur vi naturali, sed tantum
ex Dei ordinatione fundata in rei congruita-
te, ex actu contritionis, aut dilectionis su-
pernaturalis, qui est nobilior dispositio, &
magis gratiæ proportionata: multò minùs
sequitur ex caractere, aut illo ficto ornatu,
vel ex simili dispositione.

62.

Item, si character, aut ornatu, vel quid si-
mile, esset dispositio gratiæ connaturalis &
necessaria connaturaliter: gratia nunquam
sine illo produceretur: atque ita quãdo adul-
ti per proprios actus iustificatur extra sacra-
mentum, illum quoque reciperent: quod ta-
men non asseritur ab authoribus illis, & pla-
nè fictitium est. Probatur sequela, quia for-
ma requirens in subiecto dispositionem con-
naturaliter ut recipiatur, nunquam sine illa
secluso miraculo producit. Et vice versa,
nunquam esset character, vel ornatu, vel il-
lud aliud sine gratia: quia perfecta & ultima
dispositio nunquam est sine forma: quod ta-
men est fallum. Quia cum sacramentum Bap-
tismi, Confirmationis, vel Ordinis, est infor-
me; datur character, & non infunditur gra-
tia. Cùmque baptizati, confirmati, aut ordi-
nati, peccant mortaliter; non perdunt chara-
cterem, licet priuentur gratia. Si autem gra-
tia, quæ sine dubio fit propria actione, distin-
cta ab ea, qua fit character, cùm sit entitas ab
illo distincta realiter & separabilis: quemad-
modum & forma ignis fit actione distincta
ab illa, qua fit dispositio: si, inquam, gratia
non sequitur necessariò & connaturaliter ex
characterem, aut alio quopiam producto phy-

sicè per sacramenta, sed moraliter tantum;
quia scilicet eo posito Deus gratiã infundit
ex pacto: id non sufficit ad asserendum, sacra-
mèta causare gratiam physicè, quamvis phy-
sicè causarent characterem. Denique de fide
est tria tantum sacramèta imprimere chara-
cterem; Baptismum scilicet, Confirmatione,
& Ordinem ex Florent. in Decreto 5. *Hæc
omnia sacramenta*. Ornatus verò, aut quid si-
mile, quod loco characteris dicitur fieri ab aliis
sacramentis, gratis omnino fingitur ad
improbabilem opinionem tuendam. Et hæc
contra Capreolum & sequaces.

Secundò, contra Dom. Sotum sic arguo. 63.
Efficere solum unionem gratiæ cum anima,
non est efficere gratiam: sicut efficere in one
animæ rationalis cum corpore, non est effice-
re ipsam animam, quæ per creationem à solo
Deo fit. Ergo si Scriptura, Patres, & Concilia
cùm asserunt sacramenta producere gratiam,
debent intelligi de physica productione, ut
putat Sotus: non illis satisfacit, cùm ait solum
unionem produci. Deinde fallum est quòd ait
Sotus, quodque sumpsit à Nominalibus, gra-
tiam fieri per creationem propriè dictã. Nam
gratia est accidens, cui proinde connaturale
est educi ex aliquo subiecto, quemadmodum
etiam non cõservatur sine subiecto. Licet au-
tè anima rationalis non sit tale subiectum gra-
tiæ, ut ei debeat, vel ex eo connaturaliter
educatur: est tamen in illa vis obediẽtialis ad
ipsius educationem, non mirùs quàm ad edu-
ctionem actuum supernaturalium, qui sunt
eiusdem ordinis & dignitatis: quales sunt actus
charitatis supernaturalis, & fruitionis beati-
ficæ: quos actus, cùm vitales sint, valde im-
probabiliter dicunt iidem Nomina, à Deo so-
lo creari. Fallitur autem qui putant non pos-
se Deum eleuare nisi causas efficientes. Po-
test enim omnes causas physicas eleuare, id
est, iuuare extraordinariè ad plus quàm pos-
sint naturaliter: v. g. materiã ad plus recipi-
endum caloris simul & frigoris, quàm possit
naturaliter: aut plus formarum substantialiũ
simul: formã ad plures simul materias in di-
uersis locis informandas, ut animam eandem
ad duo corpora: & his similia, ad quæ Deus
quidem non cõcurrit in simili genere causæ,
sed activè confortando potentiam natura-
lem materiæ vel formæ.

Terriò, contra Paludanũ & Ferrariens. sic
infit. Qualitas aduentitia, quam isti ponunt,
vel est corporea, vel spiritalis. Si primũ: diffi-
cile est & obscurum quomodo possit physicè
influere in gratiam, quod non possunt sacra-
mèta per se. Item, estne diuisibilis, an indiui-
sibilis? in toto sacramento, vel in aliqua eius
parte aut pũcto? Si indiuisibilis, & tota in to-
to atque in qualibet parte, spiritalis est. Nam
hic modus essendi est proprius spirituum &
spiritualium. Et frustra ponitur in partibus
sacramenti prioribus, non existentibus quã-
do sacramentum perficitur, ut mox dicemus.
Si autem est diuisibilis: vel constat partibus
heterogeneis, vel homogeneis, id est, vel di-
uersæ, vel eiusdem rationis. Si primum: dàda

Refel-
untur qui vo-
lunt Sacram.
producere
solum uni-
onem gratiæ
cum anima

64.

Sacramèta
non produ-
cunt phy-
sicè gratiam
per qualira-
tem aduen-
titiã

est ratio cur sint heterogeneæ, præsertim in partibus subiecti eiusdem rationis, ut in partibus ablutionis respondentibus ad eundem effectum. Si secundum: Quælibet pars gratiam producat, antequam sacramentum perficiatur essentialiter. Quia quælibet habet totam essentialiter vim producendi gratiam: vim inquam, naturalem & necessariam, operantem cum primum est. Nam in homogeneis eadem est ratio, seu essentia totius, & cuiuslibet partis. Sicut quælibet pars albedinis est albedo: & quælibet pars caloris, est calor. Sin autem dicitur hæc qualitas esse spiritualis certe ipsis sacramentis, materialibus plerumque, secundum id quod solum existit physicè quâdo gratia producitur, non erit connaturalis, sed planè aduentitia. Atque ita sacramenta agunt tantum per accidens, ad eum modum quo aqua calefacit: neque propriè loquendo operabuntur physicè sacramenta, sed illa sola qualitas aduentitia. Deinde, illa qualitas spiritalis quomodo educitur ex subiecto materiali, sono, aqua, oleo, & similibus? Item, vel imprimitur toti sacramento, vel tantum alicui eius parti aut indiuisibili, illi nempe parti aut indiuisibili, quo sacramentum perficitur essentialiter, & quod existit, quando sacramentum physicè operatur. Si primum: ergo quando sacramentum successiue fit, inutili er imprimitur prioribus eius partibus ad physicè operandum. Cum enim partes illæ non sint physicè eo instanti, quo sacramentum operatur: non habent eo instanti qualitatem illam physicè: adeoque non possunt physicè per illam operari. Nam quod non est physicè, non operatur physicè. Si secundum: ergo solum illud extremum aut indiuisibile, est sacramentum: quia solum est signum efficax gratiæ, physicè scilicet, vñ isti authores definitionem sacramenti interpretantur.

65.
Neque etiam per motionem transuectem.

Idemque dico de motione illa, vel motu artificioso. De quo præterea quæro quid sit? & quomodo det sacramentis vim producendi gratiam physicè, si illam per se non habent? Nam in instrumentis physicis artificum videmus motum artificiosum non dare vim sciendi, aut secandi instrumeto, si per se illam non habet: sed potius vim illam supponere, & dirigere artificiose atque iuuare. Quare non possunt v. g. vei molli butyro, instar terræ ad secandum; aut securi ad intelligendum: eo quod res huiusmodi non habent de se vim & actiuitatē ad huiusmodi effectus, neque sunt illis proportionatæ. Et manifestum est in omnibus artis instrumentis inesse vim inchoatā & proportionatam effectibus artificialibus. Præterea malè vocatur ille motus actiuitas sacramentorum. Cum actiuitas in actu primo non sit aliud, quàm res ipsa prout agere potest: & in actu secundo, sit eadem prout se exercens, & vim suam exerens. Denique facile videre est hæc omnia tam inconstanter & sine fundamento excogitari ab aduersariis, ut quod sacramentis secundum suam entitatem conuenire nequit, tribuat vtrumque ratione illarum qualitarum aduentitiarum, aut mo-

dorum.

Quod autem vltimò ait Suares, sacramenta per se ipsa immediatè & physicè producere gratiā vi propria obedientiali eleuante Dei omnipotentia satis ex dictis scd. præcedenti apparet improbabile, imò impossibile loquendo generatim de omnibus sacramentis, vel de quolibet totaliter sumpto, vel de omni casu in quo operantur. Sunt enim instituta ex toto, vel ex parte, in rebus adeo vilibus, ut magis sint improporcionata gratiæ producendæ, quàm oculus corporeus visioni beatificæ. Et sæpe non sunt physicè, ne quidem vñico indiuisibili, aut extrema tui parte, quâdo gratia vi illorum producitur, remoto obice. Tunc enim etiam producitur vi sacramentorum antea susceptorum, propter quæ Deus illam infundit obice remoto. Ac denique etiam quando non est obex, sacramenta posita in successione non agerent nisi secundum vltimum sui, quod solum physicè existit eo instanti, quo gratia producitur: nempe secundum positium indiuisibile terminans motum successiuum, ut Suares philosophatur scd. 1. disp. citatæ, quod indiuisibile nullum est, si totus motus non coalescit ex indiuisibilibus: & non est totum sacramentum, & totum signum: Quare non debet solum operari, & esse efficax gratiæ: sicut solum non est signum illius.

Ex opposito Gabriel in 4. dist. 1. q. 1. a. 3. & 3. deflectens more Nominalium ad alterum extremum, ait, sacramenta esse tantum causas sine quibus non, id est, non causas influentes & propriè cauantes: sed tantum conditiones quibus positis, Deus ex pacto gratiam operetur. Negat tamè propterea sacramenta esse causas per accidens: quia, inquit, effectus non sequitur semper & infallibiliter iuxta legem ordinariam, ad causam per accidens, & ea remotā non minùs ponitur effectus. Sicut musicus, inquit, respectu ædificationis. Nam non sequitur ædificatio, quia musicus: nec si non fuerit musicus, remouetur ædificatio. Gratia verò sequitur positis sacramentis: & non ponitur illis non positis. Deinde nouam quādam opinionem proponit, non asserendo, inquit, sed tantum recitando, occasionem dare cupiens Doctoribus: sic autem habet.

Imprimis ait, 1. Notab. 3. ait, Causam cōmuniter sic definiri: Causa est ad cuius esse sequitur aliud: id est, inquit, causa est res, qua posita in esse, aliqua alia res ponitur in esse. Cui definitioni addendum esse dicit: Et qua non posita, aliud non ponitur eo modo quo ponitur. Alioqui quoties duo simul producerentur, vnum esset causa alterius. Et ita si duo infantes simul tempore generarentur à diuersis parentibus, vnus esset causa alterius. Et paulò post: Ex quo patet, inquit, quòd vnā rem causare aliam, nihil aliud est, nisi ad præsentiam vnus rei aliam rem produci, vel esse. Ut ignem causare calorem in aqua apposita, nihil aliud est, quàm ad præsentiam ignis calorem inesse aquæ. Deinde subdit, dupliciter posse vnā rem esse

66.
Neque etiam per se ipsa vi propria obedientiali.

67.
Error Gabrielis, quòd causas secundæ agant.

68.

vel incipere esse ad præsentiam alterius. Vno modo, quando ex naturatei ad esse & præsentiam vnius sequitur naturaliter esse alterius. Alio modo, quando ad esse vnius sequitur aliud ex sola voluntate alterius, illud ad præsentiam eius producentis. Primum dicitur causa propriè: quia est causa ex virtute propria. Secundum verò dicitur causa sine qua non. Ut si Rex statuat afferenti *denarium* plumbeum dari centum florenos. Postea denique artic. 3. dub. 3. ait videri sibi valde probabile quòd omnes causæ secundæ sint tantum causæ *sine qua non*. Et quod ita propriè sacramenta, post diuinam institutionem, sint causæ gratiæ, sicut quæcumque causa naturalis est causa sui effectus: quia utræque causæ, sunt causæ sine qua non: & inter causas sine qua non, non est diuersitas quantum ad rationem causæ: sed tantum in eo quòd statuit Deus ab initio creationis aliquarum, producere tales effectus ordinariè ad earum præsentiam, vt calorem ad præsentiam ignis. Et hæ vocantur causæ naturales, id est, ex ea natura in qua constitutæ sunt in earum creatione: de aliis verò Deus id statuit pro tempore, post earum creationem: vt ad præsentiam aquæ Baptismi, producere gratiam. Et hæ non dicuntur causæ ex natura sua; quia non à conditione suæ naturæ erant causæ: quinimò naturam propriam habuerunt, priusquam instituerentur esse causæ. Sed hæc differentia est accidentaria rationi causandi. Quia sicut tam calidum est, quod recipit calorem post suam productionem, quàm id quod à principio recipit: sic tam est causa, &c. Quare sacramenta ita attingunt effectum sacramentalem effectiue; sicut calor calorem, & sol splendorem. Quia verumque in hoc attingit effectum suum, quòd ad positionem eius Deus producit effectum: nec est alia attingentia hic vel ibi. Et paulò post: Propriè loquendo, inquit, nullus effectus producit de potentia materiæ sed omnis effectus immediatè verè & propriè à solo Deo creatur. Causa autem secunda habet se tantum vt causa sine qua non, secundum hanc imaginationem: & quicquid Philosophi locuti sunt de causalitate causarum secundarum, totum reducendum est ad causam sine qua non: & solum apud primam causam est vera & propria causalitas: quia ipsa sola est quæ actu suæ voluntatis propriè & verè producit rem de non esse ad esse. Hæc ille quibus alia multa admiscet æquè falsa.

69.
Sacramenta non sunt tantum conditiones sine quibus non.

Primò enim falsum est, & alienum à definitionibus Scripturæ, Patrum, & Conciliorum, sacramenta esse tantum conditiones sine quibus non. Nam conditio sine qua non, non dicitur propriè & simpliciter causare. Quis enim dicat propinquitatem ignis ad stupam calefacere & comburere? At sacramenta dicuntur causare gratiam, regenerare, mundare. Secundò, ex definitione causæ ab ipso tradita ex communi, inquit, sententia (Nominalium scilicet, inter quos ipse clarissimus est) sequitur Deum non esse causam

creaturarum. Nam Deo solum posito in esse, creatura non ponitur in esse, sed de fide est Deum fuisse per æternitatem nulla existente creatura. Item secundum hanc definitionem, eiusque expositionem, nulla est causa libera. Nam eà solum posita non sequitur effectus, sed potest illum suspendere, id est, potest agere & non agere, non tantum posita in esse, sed etiam positis omnibus conditionibus ad agendum prærequisitis. Tertiò, illa definitio & explicatio non conuenit causis seipsas tantum modificantibus, vel aliquid aliud: vt cum aliquis mouet seipsum locustiter: tunc enim re vna posita, non ponitur res alia. Quartò, posito Patre in diuinis ponitur filius: & tamen Pater non est causa filii. Quintò, posito embrione perfectè disposito, ponitur anima rationalis: & tamen embrio non est illius causa, sed à solo Deo creatur. Sextò, quid est hoc, Ad vnius esse, sequi vel poni aliud: & ad præsentiam ignis calorem inesse aquæ? Estne id tantum præsentia veri- usque, sine influxu vnius in alterum? An in vno est influxus, ita vt alterum existat vilius? Si primum, nulla est causalitas, sed mera concomitantia, & connexio necessaria, quæ in quo fundetur, & cur vnum sit potius causa, quàm aliud, dici nequit, nisi recurrendo ad figmentum mox refutandum. Si secundum: cur non potius definitur causa, Ad cuius influxum sequitur aliud, seu quæ influit in effectum & ad illum ponendum virtutem suam exerit? Sed talem vim eiusque usum seu exercitium Gabriel non satis agnouit: à quo non multum differunt quidam recentiores, qui dicunt causare non esse exercitium virtutis causatiuæ, sed complexum significabile, id est, merum figmentum à nobis alibi refutatum disp. 17. lect. 5. argumento 13. & fusius disp. 2. de Fide sect. 2. vbi eiusmodi complexa significabilia generatim explosimus. Euidens verò est quòd si tres ignes æquales, sint stupæ æqualiter propinqui, quorum tamen vnus solus eam comburat, Deo cum illo solo concurrente, non comburit eo solum quòd potest comburere, seu quia habet potentiam comburendi: nam alii æquè possunt, id est, habent æqualem potentiam intrinsecam: sed quia potentiam suam exercet & exerit cum Deo concurrente. Septimò, supra modum absurdum, imò erroneum, & hæreticum est, dicere Deum solum efficere per veram & propriam creationem omnes effectus, qui fiunt ad præsentiam solam causarum secundarum, non aliter influentium, neque cum Deo concurrentium. Id enim creatam libertatem planè destruit, & Deum solum authorem facit & executorem omnium blasphemiarum, sacrilegiorum, adulteriorum, odii ipsius Dei, omnium depique scelerum, quæ vsquam fiunt: quod ne Caluino quidem venit in mentem. Plura omitto, quia tædet cum huiusmodi monstro erroris diutius pugnare.

T. t. 3

SECTIO VIII.

*Solutio argumentorum pro causalitate
physica sacramentorum.*

70.
Testimo-
nia scrip-
turæ pos-
sunt
facile in-
telligi de
morali cau-
salitate.

O Misso Gabriele qui nihil affert dignum refutatione, Suarez doctissimus aduersariorum disp. 9. sect. 1. pro physica sacramentorum causalitate opponit primò loca Scripturæ quibus dicimur mundari, sanctificari, & regenerari ex aqua, aut per lauacrum regenerationis, & lauacro aquæ in verbo vitæ. Quæ verba si possint cum omni proprietate intelligi sine inconuenienti, imò maxime accommodatè ad res de quibus agitur, non est cur recurramus ad sensus improprios. Posita autem hac causalitate sacramentorum propriissimè intelliguntur omnes dictæ locutiones: iuxta alias verò sententias non nisi valde improprie. Respondeo primò, Scripturam eodem modo loqui de sanguine & morte seu passione Christi, quæ certè non mundat & sanctificat physice, cum ampliùs physice non sit. Imò cum sacramenta omnem vim suam trahant à passione & meritis Christi: immeritò plus causalitatis in illis equiritur, quàm in passione Christi. Secundò, quòd Baptismo causalitas physica non possit tribui sine inconuenienti satis patet ex dictis sect. 6. Neque propterea recurritur ad sensus improprios. Nam causæ morales dicuntur causæ, & dicuntur causare, secundum proprium & vsitatum modum loquendi. Inò interdum effectus magis illis tribuitur, quàm causis physicis: v. gr. Iudex magis dicitur esse causa mortis rei, quàm carnifex. Sanè quemadmodum Scriptura dicit aquam Baptismi mundare Ephes. 5. & saluare Tit. 3. sic Matth. 9. dicitur, *Fides tua te saluam fecit*: meritoriè scilicet, & moraliter: & Luc. 9. *Qui voluerit animam suam saluam facere, perdet eam: & qui perdidit animam suam propter me, saluam faciet eam*: moraliter scilicet: nam non est aliter causa salutis & damnationis suæ, quàm moraliter & meritoriè. Et ad Hebr. 5. de Christo dicitur: *Consummatus, (per passionem) factus est obtemperantibus sibi, causa salutis æternæ*: & similia multa.

71.
Obiicit secundò, quòd in Florent. & Trident. dicuntur sacramenta continere gratiam, & conferre: & quædam imprimere characterem: & virtute verborum Eucharistiæ confici corpus & sanguinem Christi: quæ omnia multum indicant efficientiam physicam. Item Trid. sess. 6. cap. 7. enumerans causas gratiæ, dicit Baptismum esse causam instrumentalem illius: omnia verò alia causarum genera quæ numerat, sunt propriissima, singula in rationibus suis: sentit ergo etiam Baptismum esse verè ac proprie instrumentum: quod esse non potest sine physica efficientia. Item Concilia Moguntinum, Se-

nonense, & Colonienfe, dicunt sacramenta esse apta instrumenta & signa efficacia, & habere vim diuinæ gratiæ conferendæ.

Respondeo hæc omnia posse facile intelligi de vi & efficientia morali. Et quidem primus locus nobis potius fauet. Nam sacramenta non continent physice gratiam, sed moraliter tantum: quæ sensu etiam dicuntur continere merita Christi, eaque nobis applicare. Ergo si conferunt gratiam eo modo, quo illam continent, conferunt tantum moraliter. Cùmque Concilia eodem modo loquantur de continentia, & de efficientia: debent moraliter intelligi de vtraque. Neque dicas Concilia loqui de continentia virtuali, quæ causa dicitur continere effectum, quæque physica est: siquidem sacramenta habent virtutem physice produciendi gratiam. Nam Florentinum, quod ita loquitur in decreto 9. *Nouæ legis*, id potius ait eo sensu, quo sacramenta dici solent esse vasa gratiæ: & in eo differre nostra à sacramentis antiquæ legis, quòd nostra sint vasa plena gratiæ quam significant: illa verò essent infirma & egena, id est, vacua elementa, vt Paulus loquitur ad Galat. 4. vers. 9. Continentia autem vasis, est continentia formalis proprie loquendo.

72.
Alter locus de verbis Eucharistiæ parum fauet Suari. Nam cùm, vt ipse docet, verba non sint physice quo instanti fit corpus Christi, nisi secundum vnicum indiuisibile: quomodo physice operantur verba, loquendo proprie. Nam illud solum indiuisibile non est verba, neque significat corpus Christi. Et vt rectè ait Valquez, recurrere ad huiusmodi indiuisibile, est dare ansam hæreticis irridendi mysteria fidei, & iactandi ad huiusmodi angustias indiuisibilium nos redigi pro defendenda illorum efficacia quam impugnant: cùm tamen possit multò faciliori via explicari & defendi. Tertius locus Trident. nocet Suari. Nam ibi sicut Baptismus ponitur causa instrumentalis iustificationis: ita & passio Christi dicitur esse causa meritoria. Atqui hæc tantum moralis est, & tamen est verè ac proprie causa: siquidem, iuxta Suarem ipsum, quæcùmque ibi enumerantur, sunt verè ac proprie causæ: ergo & Baptismus potest esse verè ac proprie causa instrumentalis, licet sit tantum moralis. Reliqua addita ex aliis Conciliis non sunt expressiora.

73.
Obiicit tertio aliqua Patrum testimonia, quæ videntur tribuere sacramentis virtutem physice efficiendi gratiam. Sed illa debent simili modo, quo Scripturæ & Concilia, explicari. Illud enim Leonis Papæ, *Virtus altissimi quæ fecit vt Maria pareret Saluatorem, facit vt regeneret vnda credentem*. Et Chrysost. *Ex quo Iordanis aluam ingressus est Christus, &c.* Et Cyrilli Alexandrini: *Sicut viribus ignis intensius aqua calefacta calorem efficit, &c.* intelligi debet de paritate non quoad modum operandi, sed quoad veritatem effectus. Nec obest quòd Sancti Patres sacramentorum vim admodum extollunt. Nam

Et consi-
lia simili-
ter.

Idem ostē-
ditur de te-
stimoniis
SS. Pa-
trum.

pari modo singularis est virtus meritorum Christi ad Deum placandum, & ad homines saluandos. Magna Ecclesiæ potestas ad soluendum & ligandum in cælis, quod soluit & ligat in terris per censuras Ecclesiasticas, & ad pœnas peccatorum abolendas apud Deum per indulgentias. Magna vis gratiæ ad gloriam æternam consequendam. Quæ tamen vires morales sunt. Eadem quoque vis sacramentorum admiratione magna digna est, & magnum opus diuinæ omnipotentis. Quis enim non miretur diuinam bonitatem & potentiam, quæ Christi merita rebus abiectis, & per se admodum infirmis, adnexuit ad res adeo mirabiles producendas infallibiliter, gratiam supernaturalem, characterem, corpus & sanguinem Christi, & ad quæuis peccata, ac quantocumque numero, abolenda? Et quidem sicut solius est omnipotentis diuinæ effectus illos ponere: ita illius solius est posse eisdem sacramentis vt instrumentis infallibiliter annectere propria vi.

74. Instabis pro Suare, causalitatem moralem sacramentorum non sufficere menti & locutionibus Scripturæ, Conciliorum, & Patrum. Nam homo generans hominem est causa moraliter productionis animæ rationalis, quatenus Deum mouet ad eam producendam postquam perfecta est organizatio. Et tamen hoc non sufficit vt dicatur esse causa creationis animæ: ergo similiter quod sacramenta moueant Deum ad gratiam producendam, non sufficit vt dicantur eam causare. Atqui Patres, Concilia, & Scripturæ, ita loquuntur: ergo illis non satisfacimus.

Respondeo, Generantem ideo non dici causare animam rationalem, quia ratione materiæ subiectæ sensus videretur esse quod causaret physicè, sicut physicè concurrat ad generationem. At in præsentī sermo est de effectu supernaturali, cuius materiæ ratione valde facile est intelligere sermonem esse de morali causalitate, quando dicuntur sacramenta causare gratiam.

75. Obiicit quartò, Ad veritatem horum verborum, *Ego te absoluo*, requiri vt Sacerdos verè absoluat: ergo etiam vt verè conferat gratiam quæ est forma per quam remittitur peccatum. Sed non potest Sacerdos dici verè conferre gratiam, nisi saltem verbo suo illam efficiat. Nam si solus Deus efficit ad præsentiam verbi: ergo solus Deus remittit & absoluit. Respondeo primò, verba illa non esse, iuxta doctrinam Suaris, nisi secundum vltimum indiuisibile, pro instanti quo remissio fit, & gratia confertur. Secundò, Sacerdotem verè absolueri per verba illa, potestate sibi à Deo delegata. Sed remissio peccati est tantummodò effectus moralis, & fit solum morali potestate, partim sacerdotis remittentis vice Dei: partim etiam gratiæ habitualis per sacramentum infusæ, cuius effectus quidam formalis est, sed moralis dumtaxat & secundarius, quatenus forma tam excellens mouet Deum ad remittendum peccatum, & ad amandum subiectum cui inhæret,

vt diximus in tract. de Gratia & Iustificat. Fit nihilominus verè & propriè effectus ille à sacerdote in genere causæ efficientis instrumentalis, licet moraliter tantum ab illo fiat per moralem potestatem quam accepit absoluedi sacramentaliter, & administrandi sacramentum Pœnitentiæ. Causa enim moralis est verè ac propriè causa, vt iam sæpius diximus, & Suarez paulò ante concessit. Vtque ille qui applicat ignem est verè causa combustionis: ita sacerdos qui applicando sacramentum, applicat simul vim diuinam ad infusionem gratiæ.

Obiicit quintò, Christus sua humanitate, tangendo, vel loquendo, faciebat miracula, & conferebat gratiam, per veram ac physicam efficientiam: ergo & sacramenta, quæ reputantur vt verba & actiones Christi. Respondeo, Christi humanitatem potuisse quidem ad multa miracula concurrere physicè per dotes sibi diuinitus inditas; vt v. gr. inambulare aquis, anima beata corpus suspensente, vel dote agilitatis, si ab initio fuit Christo concessa, vt potuit concedi. Potuerunt etiam ei communicari virtutes quædam, quales in herbis, lapidibus, & similibus rebus ad sistendum sanguinem & morbos quosdam pellendos: quas tamen reipsa fuisse communicatas non constat. Ad omnia verò, quæ mirabiliter effecit, physicè concurrisse, neque verum est, neque ex Scriptura, Conciliis vel Patribus bene deducitur. Idque negat Barradius post multos alios tom. 2. lib. 5. cap. 24. ad illa Matth. verba, *Ego noui virtutem de me exisse*.

Obiicit sextò, Supposita possibilitate efficaciz physicæ sacramentorum, decuit Deum illis vti hoc modo, tum ad maiorem dignitatem, sanctitatem, & excellentiam sacramentorum: tum etiam ad diuinæ omnipotentis ostensionem. Possibilitas verò huius efficaciz persuaderi potest, tum ex eo quod nulla apparet contradictio, tum ex aliis: vt ex eo quod intellectus & voluntas nostra eleuentur physicè ad actus supernaturales: ignis inferni, ad spiritus torquendos: humanitas Christi, ad vnionem hypostaticam, quæ etiam ad sanguinem & res per se vilissimas facta est physicè.

Respondeo primò, Non licere nobis fingere quicquid aliquo modo facere videtur ad dignitatem sacramentorum, & ostensionem omnipotentis diuinæ. Ac si ad dignitatem meritorum ipsius Christi non est necesse vt physicè influant: quid opus fuit eò vsque sacramenta euchi? Christus verò passionis & merito suo, ac sacramentorum institutione, salutis nostræ spiritalis curam præcipuè habuit: & in eo dignitatem Evangelii maximè constituit, vt profectui nostro per illa conuenientissimè ac sufficientissimè prouideret. Ad nostram autem salutem non magis refert assumi sacramenta vt instrumenta physica, quàm vt moralia, si eadem gratia vtroque modo tribuenda est. Neque discerni potest à nobis quomodo tribuatur, vt ex

76.

Humanitas Christi nõ erat causa physica omnium miraculorum,

77.

Sacerdos verè & propriè remittit peccata, quamuis non physicè.

modo physice concurrenti omnipotentia Dei magis nobis appareat: de qua in presenti questione non dubitatur: neque minuitur quando negatur posse ab illa fieri, id quod secundum se impossibile est.

78. **Sacramen-** **ti non pos-** **sunt gene-** **ratim ele-** **uati ad gra-** **tiam physi-** **cè produ-** **cendam.**
Secundò, Dico contradictionē non ostendi quidem euidenter, vt neque ostenditur in eo quòd oculus corporens eleuetur ad Dei visionem, vel creatura ad creandum. Sicut tamen impropor- tio rerum istarum cum effectibus illis, dat iustam suspitionem, aut potius fidem certam tacite contradictionis: sic, &c. Neque enim minor impropor- tio esse videtur rectè consideranti, inter extremum vnius syllabæ sonum, & producti- onem gratiæ: quàm inter oculum, & visionem Dei. Atque vt oculus est potentia obedientialis limitatæ, ita vt ad omnia nequeat extendi; quemadmodum est naturæ limitatæ, & in natura ipsa fundatur hæc potentia, imò est natura ipsa apta eleuari: ita non minus sonus, & aqua, & similia, naturam & potentiam obedientialem habent limitatam. Implicat autem quicquam eleuari ultra sphaeram propriæ adiuu- rati- obedi- entialis. 3. Ad instantias allatas Respondeo, actus & habitus supernaturales non distare tantopere à perfectione intellectus & voluntatis, ac gratia distat à sono. Ignem verò inferni nihil physice efficere in spiritibus, sed tantum Dæmones & animas separatas torquere, determinando eorum intellectum, velut obiectum disconueniens, ad apprehensionem, ex qua sequatur dolor in eorum voluntate. Sic tamen vt illi actus non fiant, physice ab igne, sed ab intellectu & voluntate Dæmonum & animarum: ignis verò se habeat obiectiue & determinatiue seu excitatiue, vt diximus tom. 1. disp. 44. de Angelis sect. 4. Denique sanctissima humanitas Christi in vnione hypostatica se habet merè passiue & adiunctiue, sine reali efficien- tia: quod facilius est, quàm efficere physice: vt Suari & aliis necessariò fatendum est. Nam oculus Christi fuit vnitus hypostaticè Verbo diuino: & tamen implicat attolli ad efficiendam visionem eiusdem Verbi: vt idem auctor certum esse docet cum communi sen- tentia Theologorum 1. p. tract. 1. lib. 2. cap. 6. n. 5. vbi etiam affirmat id fidei dog- mati propinquum esse.

79. **Quid san-** **ctus Tho-** **mas sen-** **sit de cau-** **sali- tate sa-** **cramen-** **torum?**
Obiici potest vltimò D. Thomas q. 62. a. 1. in c. vbi docet sacramenta non se habere vt denarium plumbeum, quo oblato accipiat quis centum libras ex Regis ordina- tione: sic enim sacramenta non forent nisi signa gratiæ: cum tamen ex multis autori- tatibus Sanctorum habeatur quòd sint cau- sæ. Et quæst. 13. a. 2. ait Christi humanita- tem fuisse instrumentum diuinitatis ad im- mutationem omnis creaturæ, præterquam ad creationem & annihilationem. Quibus vltimis verbis excludit omnem interpretati- onem de instrumento morali. Nam si de colo- queretur, non negaret posse hoc modo esse instrumentum creationis & annihilationis: quia certum est Christi humanitatem facile

à Deo impetrare potuisse tam creationem, quàm annihilationem alicuius rei.

Ad primum iam responsum est, sacramen- ta non tantum significare vt denarium illum: sed moraliter Deum inducere & obligare, propter Christi merita sibi annexa, ipsius- que Spiritus sancti virtutem, infallibiliter & inseparabiliter illis assistentem. Pro quo nota id, quod bene aduertit Delugo disp. 4. num. 72. & seqq. post Vasquem disp. 132. cap. 5. num. 91. aliqua concurrere vt meras condiciones morales: alia vt causas morales. Ex. gr. denarius plumbeus qui tantum reuo- cat in memoriam Regi id quod promissit, est tantum conditio moralis, vt det denarium argenteum. Promissio verò ipsa, vel actio propter quam promissit, vt meritoriam vel impetratoriam, est causa moralis: puta, si verum argenteum quis dedit, recipiendum suo tempore ostenso denario plumbeo: qua actione seu datione argenti, ex pacto indu- cit obligationem vt sibi tantundem refunde- retur posita exhibitione denarii plumbei ve- luti conditio. Idemque dico de chirogra- pho, quod solum habeat rationem signi con- tractus ante initi. Neque enim ipsum, sed contractus, cuius est signum, est vera causa solutionis. At sacramenta veteris legis non se habent vt mera signa promissionis diuinæ; sed vt actiones mouentes Deum ad dandam gratiam propter merita Christi, cuius nomi- ne fiunt ab ipsis ministris, suntque quodam- modo ipsius Christi actiones, si loquamur de sacramentis in vñ consistentibus. In Eucha- ristia verò ipsemet Christus, posita eius sum- ptione vt conditione, & applicatione causæ, mouet per se immediatè Deum ad gratiam infundendam sumentis sine obice. Præterea omnia sacramenta continent moraliter Chri- sti Domini merita, illaque exhibent & ap- plicant subiecto à quo recipiuntur, vt illo- rum intuitu conferatur gratia per virtutem Spiritus sancti infallibiliter ipsis adiunctam. Quare se habent quodammodo vt ille, qui ad captiuum redimendum bursam nummis ple- nam exhiberet redemptionis pretium conti- nentem: non autem vt ille qui dumtaxat chirographum daret velut signum promissio- nis de pretio aliàs exhibendo.

Ad secundum, iam alibi respondimus D. Thomam, vt manifestè patet ex quæst. 62. a. 1. ad 2. & 1. parte quæst. 45. artic. 5. & lib. 2. contra Gentes cap. 21. rat. 6. aliis- que locis, requirere duplicem actionem in instrumento, generatim loquendo. Vnam, secundum virtutem eius propriam: aliam, secundum virtutem agentis principalis. Do- ceretque, instrumentum non posse eleuari ad effectum agentis principalis, nisi per ali- quam actionem prauiam, sibi proportiona- tam, inducat dispositiorem, aut aliquid effi- ciat circa subiectum, propria vi, quod ad ef- fectum principalem ducat, tanquam dispo- sitio vel causa intermedia. Cuiusmodi erat quòd Christus tangeret sanandos, vel quid aliud circa illos ageret: quòd aqua corpus

Delugo.
Vasquet.

30.

Doctrina
S. Thomæ
de causali-
tate instru-
mentorum.

Cur neget
humanita-
tem Chri-
sti potuisse
assumi ut
instrumen-
tum ad cre-
andum vel
annihilan-
dum?

S. I hom.

Caus.
Ledesma.

81.

abluat ad animæ sanctificationem, & similia. Quia verò talis actio non poterat exerceri vi propria & naturali humanitatis Christi circa rem ex nihilo creandam: idcirco negat D. Thomas potuisse assumi ut instrumentum, etiam morale, ad creandum. De annihilatione verò ratio cur idem neget, est quia non fit per veram causalitatem, seu phyticum influxum causæ principaliter annihilantis: sed dumtaxat per subtractionem influxus conservantis, & ad quod non est vera causalitas causæ agentis principaliter, ad illud etiam proprie non est causalitas instrumentalis; quæ non dicitur esse, nisi quatenus causa principalis assumit instrumentum ad causandum aliquatenus & efficiendum id, quod ipsa principaliter efficit. Quare apud S. Thomam latius patet impetrare, quam causare instrumentaliter, etiam moraliter. Quod autem sacramenta gratiam operentur moraliter tantum, iuxta sententiam D. Thomæ, colligi potest ex quæst. 62. art. 4. ad 1. ubi illorum efficaciam comparat cum virtute quæ est in voce ad significandum, & ad excitandum intellectum in conceptum ultimum rei significatæ. Quæ virtus sine dubio purè moralis est, proveniens ex hominum institutione. Et ad 3. ait sacramentum consequi virtutem spiritalem ex Christi benedictione, & applicatione ministri ad usum sacramenti. Atqui benedictio Christi, & applicatio ministri, nihil ponunt physicum in sacramento. Item art. 5. in c. *Sacramenta*, inquit, *habent specialiter virtutem ex passione Christi, cuius virtus quodammodo nobis copulatur per suspensionem sacramentorum*. At virtus passionis Christi moralis tantum est, & moraliter tantum nobis copulatur. Vnde nonnulli de Thomistis nobiscum sentiunt, ut Causus in relectione de Sacram. in genere, parte 4. Et Ledesma 1. parte quarti quæst. 3. artic. 1. sub finem: licet aliis locis videatur D. Thomas favere contrariæ sententiæ, quæ tamen possunt ut duo modò explicata, non difficile iuxta nostram exponi.

Obiicit præterea Ylambertus, qui recens accuratissime hanc quæstionem tractavit ad quæst. 62. D. Thomæ disput. 4. & 5. Sacramenta efficere gratiam eo modo, quo Ecclesia postulat à Deo ut efficiant. Atqui Ecclesia postulat, ut physice operentur. Ergo physice illam efficiunt. Maior est certa. Minor probatur ex forma consecrationis aquæ baptismalis, quæ fit in peruvigilio Paschæ, & ex consecratione Chrismatis. Nam in primâ sic orat Ecclesia: *Deus, cuius spiritus inter ipsa mundi primordia super aquas ferebatur, ut iam tunc spiritum sanctificationis aquarum natura conciperet, &c. Fac ut tua maiestatis imperio hæc aqua sumat unigeniti tui gratiam de spiritu sancto, qui hæc aquam arcana sui numinis admixtione fecundet: & paulò post: Descendat in hanc plenitudinem fontis virtus spiritus sancti, totamque huius aquæ substantiam, regenerandi fa-*

cundet effectus. In secunda consecratione orat Ecclesia, ut illi inguento spiritualem gratiam largiendo, plenitudinem sanctificationis Deus infundat. Item ut illi virtutem spiritus sancti admiscere dignetur. Atqui si aqua, & Chrisma non operentur physice, non egent virtute physica, qualis est virtus spiritus sancti. Satis enim est ad moraliter operandum, quod aliquam dignitatem & non actiuam virtutem recipiant.

Verum huic argumento, aliisque pluribus ab auctore illo adductis pro causalitate physica sacramentorum, iam ab eruditissimis quibusdam recentioribus, nostra sententiæ propugnatoribus, abundè quoque & acturè satisfactum fuit. Summa responsionis est: Ecclesiam verbis relatis non aliud petere à Deo, quam ut virtutem spiritus sancti, id est, ipsummet spiritum sanctum, qui est sua virtus, immittat in aquam, hoc est, specialiter illi adiungat, & novo modo assistere faciat, ita ut ad eius contactum, & usum sacramentalem operetur spiritus sanctus gratiæ infusionem, & remissionem peccatorum, aliosque effectus baptismi, qui, si physici sunt, (ut sunt plerique) ab illo physice producuntur. Quo etiam sensu Tertull. lib. de Bapt. cap. 4. sic ait: *Supervenit spiritus de celis, & aquis superest, sanctificans eas de semetipso: & ita sanctificata, vim sanctificandi combibunt*. Sicut autem in sententiâ adversariorum sufficit ad verificandas huiusmodi locutiones Ecclesiæ, spiritum sanctum adesse aquæ infallibiliter, & inseparabiliter, ad utendum virtute illius diminuta, & obedienciali, in producendis huiusmodi effectibus, (qui tamen si morales sunt, ut remissio culpæ, & poenæ, non possunt physice produci per virtutem aquæ) vel ad imprimendam aquæ qualitatem supernaturalem, quæ sit physice productiva gratiæ, quando applicatur ad baptizandum: sic in nostra sententiâ sufficienter verificantur per hoc, quod virtus ipsa spiritus sancti adiungitur aquæ, & sit quodammodo illius virtus ad producendos effectus sacramentales per eius contactum. Imò sic multò melius verificatur quod petit Ecclesia, ut aqua fecundet arcana eius numinis admixtione, & virtus spiritus sancti in illam descendat, totamque eius substantiam regenerandi fecundet effectum. Sic etiam magis proprie verum est, quod supra retulimus ex Cyril. Alexand. lib. 1. in Ioan. cap. 42. *Quemadmodum aqua calefacta non aliter urit, quam ipse ignis: sic spiritus sancti operatione aqua baptismalis reformatur ad divinam virtutem, & potentiam: neque enim melius formari potest ad divinam virtutem, quam ipsam divinam virtutem, quæ est spiritus sanctus, accipiendo inseparabiliter sibi adiunctam, & speciali modo immixtam; ita ut sequatur eius applicationem & motum, atque contactum, sanctificetque eos omnes, quibus ritè applicatur: Sicut calor impressus aquæ sequitur eius motum, & applicationem; & calefacit omnes quibus applicatur.*

82.

Quo sensu
petat Ec-
clesia vir-
tutem Spi-
ritus san-
cti immitti in
aquam ba-
ptismi, & in
Christum.

83. Idem dicendum de similibus verbis, quibus chrisma consecratur. Eodemque sensu intelligendum est, quod idem Ylambertus obiicit ex Catechismo Tridentini, Omnipotentis Dei virtutem sacramentis inesse: quâ id efficiant, quod sua vi res naturales præstare non possunt. Ad id verò quod opponit ex Cyril. lib. 4. in Ioan. c. 14. & seqq. & ex Concil. Ephes. Anathematismo 11. carnem Christi in sacramento Eucharistiæ esse viuificam, adeoque physicè productiuam gratiæ, iuxta illud Ioan. 6. *Caro mea verè est eibus*, &c. Quod verum non esset, nisi caro Christi sit æquè principium vitæ supernaturalis, ac panis corporeus est principium vitæ corporis: Panis autem est principium physicum vitæ corporis. Respondent optimè iidem Recentiores, carnem Christi esse viuificam, & productricem gratiæ, non solum moraliter, vt alia sacramenta, propter virtutem Spiritus sancti moraliter sibi adiunctam: verum etiam physicè per diuinitatem hypostaticè sibi unitam, ratione cuius vnionis actiones diuinitatis ad extra, sunt specialiter propriæ humanitatis Christi, iurèque possunt illi tribui. De quo producendi modo loqui Cyrillum, non autem de eo, quem prætendunt aduersarii, colligi potest ex cap. 23. lib. cit. vbi affirmat soli carni Christi convenire, quod sit viuifica, non autem carni Pauli, aut cuiusvis alterius. Nimirum quia sola caro Christi est hypostaticè unita Verbo: & ex eo habet quoddam viuificatio sit illius propria modo quodam speciali & incommunicabili. Si autem loqueretur Cyrill. vt volunt aduersarii, de viuificatione, seu productione gratiæ facta physicè per potentiam obedientialem ipsius carnis, vel qualitatem illi impressam, vt ipsi volunt sacramenta operari: non sola caro Christi esset viuifica illo sensu, sed etiam caro Pauli manus imponentis, & cuiuscunque alterius ordinantis Episcopos, aut Presbyteros, & gratiam dantis per impositionem manuum suarum.

Nec obest, quod idem Cyrillus capite 4. eiusdem libri dicit de Christo, *Non solum verbo, atque imperio utebatur, vt Deus, verum etiam carnem suam, quasi cooperatricem nonnunquam adhibebat, vt re ipsa ostenderet carnem quoque suam, quoniam coniuncta est Verbo, viuificam esse*. Et cap. 14. addit non modò diuinitatem Christi, sed etiam eius carnem esse viuificam: quod valde improprie dicitur, si caro Christi viuificat tantum per diuinitatem. Respondetur enim verba illa Cyrilli, & similia, verificari sufficienter ex eo quod ad gratiam producendam non solum operatur diuinitas physicè, verum etiam cooperatur humanitas Christi applicans diuinitatem aliquo suo contactu, & ingressu in corpus eorum, qui per Eucharistiam sanctificantur. Nam per carnis Christi sanctissimæ applicationem, & veluti contactum, gratia producitur in omnibus dignè recipientibus. Qua de causa potest dici ca-

ro Christi cooperari diuinitati ad gratiam producendam: quatenus aliqua eius actio vel applicatio præit operationi diuinæ gratiam producenti. Sicut olim, Christo operante miracula, manus eius contactus, aut similis operatio corporea, præcedebat sapissimè miraculorum effectio nem. Quo etiam pacto D. Thom. exponit concursum instrumentorum eleuatorum à Deo, & cooperationem cum causa principali eleuante, locis supra relatis num. 66.

Adde, Cyrillum verbi relatis ex cap. illo 4. non loqui de productione gratiæ in Eucharistia, sed de agnorum curatione, suscitatione mortuorum, & aliis miraculis, ad quæ, vt supradiximus num. 65. poterat interdum caro Christi alio modo magis proprio cooperari physicè, per qualitates miraculosas singulariter ipsi datas ratione vnionis hypostaticæ: Exempli gratiâ producendo qualitates aliquas præuias, & conuenientes paralyti, & aliis morbis sanandis: visui, vel auditui restituendo, mortuis suscitandis, &c. Poterat enim physicè concurrere ad efficiendum, aut restituendum corporibus a gris, aut mortuis temperamentum conueniens sanitati, aut vitæ restituendæ. Poterat etiam per easdem qualitates sistere sanguinem, & alios quosdam effectus mirabiles præstare, quorum efficiendorum aliqua virtus apparet in rebus quibusdam naturalibus. Poterat inquam, Deus vti physico illarum qualitatum concursu ad repente producendos eiusmodi effectus, quia id non excedit obedientialem earum facultatem.

SECTIO IX.

An, & quæ sacramenta imprimant Characterem, & quid ille sit?

Prima conclusio: De fide est, Characterem imprimi à Baptismo, Confirmatione, & Ordine, vt patet ex Trident. sess. 7. can. 9. *De Sacramentis in genere*: & non imprimi ab aliis, vt aperte definit Florent. in decreto Eugen. 3. *Hæc omnia Sacramenta*. Idem conantur aliqui probare ex Scriptura, sed non satis efficaciter. Nam illud 2. Corinth. 1. *Qui vixit nos, Deus, & qui genuit nos, & dedit pignus spiritus in cordibus nostris*. dictum est de iustificatione & gratia in comuni, quâ vngimur spiritualiter, & in Filios Dei signamur, quæque pignus est certum nostræ futuræ electionis, vt explicant sancti Patres, & Trident. sess. 6. cap. 7. initio. Sufficit tamen Ecclesiæ definitio, & antiqua traditio, cuius testes sunt Augustinus lib. 6. de Baptismo contra Donatistas cap. 1. & epist. 23. in medio, & lib. 2. contra epist. Parmeniani cap. 13. & tract. 6. in Ioan. col. 8. Basil. Homil. 13. Cyril. in præfatione Catecheson, & alii, de quibus vide Suar. disp. 11. sect. 1.

85. Tria sacramenta imprimunt characterem.

86.
Quid sit
Character?

Secunda conclusio: Character est signum quoddam spiritale, & indelebile impressum animæ. Est de fide: traditur enim in terminis à Florent. & Trident. supra cit. Cur autem Christus voluerit huiusmodi signum imprimi à tribus sacramentis supra dictis rationem congruam reddit S. Thom. quæst. 63. 2. 1. Quia nimirum, inquit, quicumque ad aliquid certum deputatur, consuevit ad illud consignari: sicut milites qui ascribuntur ad militiam, antiquitus solebant quibusdam characteribus corporalibus insigniri, eò quòd deputabantur ad aliquid corporale. Conueniens ergo fuit, ut sacramenta illa, per quæ homines deputantur ad certum aliquem statum constantem, atque perpetuum, imprimant characterem, id est, signum illud spiritale indelebile, saltem pro hac vita, quidquid sit de damnatis. Qualia sunt Baptismus, Confirmatio, & Ordo. Nam per Baptismum constituimur in statu Christiani: per Confirmationem, in statu militum Christi ad fidem propugnandam, cum erit opus: per Ordinem, in statu ministrorum Ecclesiæ: qui status perpetui sunt per se: unde Character est perpetuus, & indelebilis, saltem pro hac vita: quia status, cuius signum est, & deputatio, perpetuus est. Et tria sacramenta, quæ illum imprimunt, sunt initerabilia: quia sunt instituta ad constituendum in statu indefectibili, & initerabili. Reliqua verò sacramenta non imprimunt characterem, quia non deputant ad statum immutabilem: sed Eucharistia nutrit, Pœnitentia sanat, Extrema-unctio sanat pariter, & ad extremum agonem comparat. Matrimonium verò constituit quidem in statu conjugatorum: sed ille non est de se immutabilis, aut perpetuus. Nam ante consummationem potest dissolui iustis de causis, & post mortem vnus coniugum alter manet liber ad alium statum. Sic etiam circumcisio characterem corporalem imprimebat. Et Dæmon æmulus operum diuinorum, quos sibi ut seruos perpetuos deuincit, notat in corpore. Et inter homines consuetum est, ut quæ sunt propria alicuius, ferant illius notam.

87.
Error Durandi de
charactere,
refutatur.

Ex his collige erroneum iam esse quod ait Durandus in 4. dist. 4. quæst. 1. Characterem non esse aliud, quam relationem rationis, seu denominationem extrinsecam, per quam aliquis ratione sacramenti suscepti dicitur esse ad certum munus vel statum deputatus. Quæ opinio, ut sapienter ait Suarez disp. 11. sect. 2. tempore Durandi temeraria, nunc non potest ab errore in fide vindicari, postquam à Conciliis Florent. & Trident. expressè definitum est, characterem esse signum spiritale impressum animæ. Nam relatio rationis, vel extrinseca tantum denominatio, non imprimitur animæ propriè loquendo. Conciliorum verò definitiones debent in proprio sensu accipi. Adde quòd Trident. id definit contra hæreticos huius temporis, qui non negant talem denominationem, aut relationem rationis, siue potius se-

cundum dici, ratione Baptismi suscepti. Pariter verò errarent si qui nunc dicerent, habitus supernaturales non distingui realiter ab anima, cui infunduntur; postquam à Trident. sess. 6. cap. 7. expressè definitum est, hominem sanctificari & renouari per susceptionem gratiæ & donorum: Iustitiam in omnibus recipi: Charitatem Dei diffundi in cordibus eorum qui iustificantur, atque ipsis inherere. Vnde in ipsa iustificatione peccatorum hæc omnia simul infusa accipit homo per Iesum Christum, cui inseritur, fidem, spem, & charitatem. Nam fides, nisi ad eam spes accedat & charitas, neque perfectè vnit cum Christo, neque corporis eius viuum membrum efficit. Iustitiam denique, quam accipimus, esse veluti primam stolam, quam iubemur conseruare immaculatam, ut eam perferamus ante tribunal Christi. Quæ Concilii verba propriè, ut debent, accepta, clarè sonant realem distinctionem gratiæ, & quæ ac characteris. Quare Suar. lib. 7. de Gratia cap. 15. num. 8. meritò asserit rem hanc esse certissimam, & sine magno errore in dubium reuocari non posse. Respondere verò hæc à Concilio dici, non quòd ita propriè & verè sit: sed quòd Concilium more vulgari loquatur, est aperire viam eludendis omnibus Conciliorum definitionibus: quæ temeritas non tam refutatione, quam censura digna est.

Suarez

Multò etiam minùs contra prædictam Concil. Tridentini definitionem tueri se possunt, si qui dicunt ne quidem ratione distingui habitus supernaturales: quia nihil apud illos distinguitur ratione, quod se non distinguatur, & aliunde negant distinguere. Quem enim sensum verisimilem dare possunt verbis Concilii allatis? Neque illos excusant Aucthores quos allegant. Nullus enim eorum qui scripserunt post Trident. dixit, ne quidem distinguere ratione. Imò vix vllus ab eo tempore negauit distinguere. Et quamuis aliqui sic sensissent, non sunt sequendi, sed grauius potius reprehendendi quicumque suis imaginationibus conantur ipsa Concilia subiicere. Adde, Trident. sic definire contra hæreticos huius temporis, qui errant in duobus circa iustificationem. 1. Quòd peccata non remittantur, sed tegantur solùm per iustitiam Christi. 2. Quòd gratia sit tantum fauor Dei extrinsecus amantis specialiter. A quo secundo errore non video quomodo differat istorum sententia: nihil enim dicunt quod hæretici non admittant, quoad illam secundam partem iustificationis. Quare mihi videntur damnari pariter à Trident. initio cap. cit. definiente iustificationem esse remissionem peccatorum, & renouationem interioris hominis, per susceptionem gratiæ & donorum, quæ ait postea infundi & inherere.

88.

Gratia distinguitur
realiter ab
anima.

Obiicies primò, Figuram imprimi, quæ tamen non distinguitur in re: itémque motum localem imprimi mobili, & similia. Respondet primò, illum loquendi modum fuisse ab

89.

illis inducitur, qui putant figuram, & motum distingui à parte rei. Proprie verò loquendo iuxta contrariam sententiam, non magis dicendum est figuram, aut motum imprimi, quàm acquiri vel perdi: incipere, aut desinere. De quo vide quæ diximus disp. 5. sect. 6. num. 81. Respondeo secundò, nihil indistinctum fingi posse commodè, quod indelebiter imprimatur animæ, & de quo Concilia explicari possint. Non enim figura, nec motus localis, aut quid aliud, Quare illi, qui ad tale quippiam confugerent, redderent verba Concilii intelligibilia.

Vasquez

Obiicit 2. Vasq. disput. 134. cap. 2. vbi Durandum exulare conatur, characterem posse dici imprimi in anima, licet sit aliquid morale. Sicut peccatum dicitur imprimere animæ maculam, quæ est morale quidpiam: Et peccatum originale dicitur à Trid. sess. 5. can. 3. inesse unicuique proprium: Et sacerdos dicitur accipere potestatem consecrandi & absolvendi: & iudex potestatem iudicandi authenticè: Rex regendi, & similia, quæ sunt tantum moralia.

90.
Verba Conciliorum quomodo intelligenda?

Respondeo cum Delugo disp. 6. num. 21. negando paritatem. Quia propria verborum significatio debet colligi ex subiecta materia, quæ si non possit proprium sensum pati, debent necessariò verba sumi metaphoricè. Ut illud Gen. 1. *Tenebrae erant super faciem abyssi*, debet improprie intelligi; nam privationes non proprie sunt, cum sint non entia: & dicere non ens esse, seu non existens existere, est sibi contradicere: sed sensus est, lux non erat super faciem abyssi. Item si ratione materiæ subiectæ non possunt verba explicari de ente physico, debent de morali. Et si non possunt intelligi de indistincto realiter, debent exponi de distincto. Quando verò, è contrario, verba sunt capacia propriæ significationis ratione materiæ subiectæ, verba simpliciter prolata debent accipi in sensu proprio, quantum fieri potest. Ut quando dicitur aqua in vinum conuersa Ioan. 2. debet intelligi de vera & physica conuersione veræ aquæ in vinum verè ac proprie dictum. Item si ratione materiæ subiectæ verba Scripturæ vel Conciliorum possunt optimè intelligi de ente physico & distincto realiter, difficulter verò de morali solum vel indistincto: debent in sensu priori accipi. Sic enim planior sit doctrina Scripturæ & Conciliorum, minùsque exponitur cavillationibus. Debent autem Concilia res simpliciter & communi modo loquendi definire, ne alioqui lites multiplicent potius quàm terminent.

91.

Quoniam ergo verba illa Concilii Trid. de characterè, *signum spiritale & indelebile, & in anima impressum*, possunt optimè intelligi de qualitate physica spiritali, indelebili, & realiter distincta ab anima cui imprimitur; quod tam facile intelligitur, ac fidei, spei, & charitatis habitus supernaturales illi infundi & ab ea distingui: sitque ille sensus verborum Concilii planior, & communi modo loquendi ac sentiendi conformior, vnde

à Theologis & ab omnibus Catholicis ita intelliguntur: iure videtur temerarium, & erroneum, sensu illo relicto, priuatum alium sequi de morali denominatione, vel signo indistincto: qui sensus Concilii definitionem intelligibile reddit, ut partim suprà ostendimus, partim amplius iam ostendemus. At non ita est in exemplis allatis in obiectione, quæ ratione materiæ subiectæ notum est debere intelligi in sensu aliquo morali, cum de entibus moralibus, aut moraliter tantum remanentibus sermo sit, quando de peccato habituali agitur, deque potestate sacerdotali, iudiciali, regali, & similibus.

Adde, quòd in sententia Durandi nulla esset ratio negandi characterem imprimi per omnia sacramenta nouæ legis: cum tamen sit de fide per tria solum imprimi, ex Trid. sess. 7. can. 9. de Sacram. in genere. Probo antecedens. Nam ex Matrimonio v. gr. illi potest aliqua denominatio extrinseca, per quam, ratione huius sacramenti suscepti, dicantur esse coniuges ad munus & statum coniugalem deputati. Character autem, iuxta Durandum, nihil est aliud, quàm similis denominationis.

Neque respondeat Durandus statum illum de se non esse perpetuum, talemque denominationem non esse indelebilem: ideòque non esse characterem, quia character est signum indelebile. Contra enim, non est per se de ratione characteris, ut sit indelebilis, & nota status de se perpetui. Nam characteres sensibiles quibus serui, pecora, vel res aliæ propriæ alicuius notantur, & à quibus sumptum est nomen & comparatio characteris spiritalis, non sunt notæ indelebiles status de se perpetui. quasi per se loquendo serui, pecora, & res aliæ, notæ Domini characterè, alienari non possint & transferri in dominium alterius, cuius notam accipiant, loco prioris deletæ.

Præterea intelligi non potest quomodo illa denominatio extrinseca possit esse signum quo discernantur baptizati, confirmati, vel ordinati ab aliis. Nam, ut valeat tanquam signum ad eos discernendos, debet valere tanquam signum ad cognoscendum quòd sint baptizati, confirmati, vel ordinati. Ergo debet esse notius cognoscenti, quàm tales esse baptizatos, confirmatos, vel ordinatos. At hoc est falsum & impossibile, si illud signum nihil est aliud, quàm denominatio extrinseca à Sacramento suscepto. Nam cum extrinseca denominatio formaliter nihil aliud sit, quàm forma ipsa extrinseca, comparata ad aliud quod denominat: cognoscere formaliter extrinsecam denominationem, est formaliter cognoscere formam denominationem comparatè ad id quod denominat. Itaque cognoscere extrinsecam denominationem sumptam à Baptismo, est formaliter cognoscere Baptismum in ordine ad baptizatum, id est, cognoscere talem fuisse baptizatum, & inde moraliter denominari baptizatum, & deputatum ad statum Christiani.

Sicut

92.

Omnia sacramenta imprimere characterem iuxta sententiam Durandi.

93.

Et character est signum inuolubile.

Sicut cognoscere extrinsecam denominationem, quā paries denominatur visus, est formaliter cognoscere visionem ter dere in parietem, seu oculum videre parietem, & ex eo parietem denominari vitum à visione oculi. Quare denominatio extrinseca Baptismi non potest esse signum ducens in noticiam Baptismi, aut baptizati: cum sit ipsummet esse baptizatum, aut Baptismus comparatus ad eum qui denominatur baptizatus, & deputatus per Baptismum ad statum Christiani. Sanè characteres sensibiles, qui nōducunt in noticiam Domini, vel insignia Magistratus, Doctoratus, Abbatis, Episcopi, Summi Pontificis, &c. non sunt extrinseca denominationes ab illis dignitatibus, quæ non possint cognosci nisi per ipsas dignitates: cum è contrario res significata debeat cognosci per signum.

SECTIO X.

Soluntur tres quaestiones de Characterē.

94. **S**uperest quærare primò, An character sit merum signum animæ impressum? Ratio dubitandi est primò, quia videtur esse inutilis si merum signum est: cum neque ab hominibus, neque à Dæmonibus videatur: & Deus ac Beati illo non egeant, cum optime nouerint quinam receperint sacramenta, & quo fine. 2. D. Thom. quæst. 63. a. 2. ait characterem non esse merum signum, sed esse potentiam quandam in secunda specie qualitatis, quam speciem Aristoteles in categoriis comprehendit nominibus naturalis potentiz & impotentiz. Idque probat sanctus Thomas ex eo quod per sacramenta, quibus imprimitur character, deputantur homines ad actus recipiendi & tradendi diuina. Hi verò actus requirunt potentias: & deputatio fit per potentias: ergo sacramenta quæ imprimunt characteres, eo ipso, tribuunt potentias quasdam. Deinde, quicquid est in anima, vel est potentia, vel actus, vel habitus. Sed character non est actus, quia actus citò transit: character autem est indelebilis. Non est etiam habitus: quia nullus habitus disponit ad bene & malè operandum: character autem disponit ad utrumque. Ergo est potentia. Addit tertio auctoritatem sancti Dionysii dicentis hominem per Baptismum fieri communicatorem diuinorum.

Dionys.

95. Character non est potentia, sed signum.

His non obstantibus probabilior mihi videtur sententia Suaris, Vasquis, & aliorum plurium, Characterem nihil aliud esse, quàm signum spirituale indelebile, animæ impressum, ut loquuntur Concilia. Quod signum non videtur quidem ab hominibus naturaliter, neque à Dæmonibus, si est entitatis supernaturalis, ut probabilius est: videtur tamen à Beatis, & est insigne coram Ecclesia triumphante, quæ vniuersim ac semper non nouit aliunde quinam sacramenta receperint. Non apparet au-

Tom. IV.

tem ad quid character sit potentia naturalis, imò neque moralis. Neque enim est potentia physica ad gratiam, & virtutes supernaturales, quæ à Deo solo physice producuntur, & in anima recipiuntur. Neque ad actus supernaturales, qui physice fiunt ab anima, concurrentibus habitibus supernaturalibus, & in eadem anima recipiuntur, quia sunt actus immanentes. Non etiam ad exercendos actus sacramentales, puta abluendi & proferendi verba: Hæc enim physice fiunt à potentia naturali motiua: & fieri possunt à non habente characterem. Possunt etiam homines sine illo iustificari, mereri, baptizare, & alia prædicta physice efficere. Neque apparet ad quid aliud possit character esse potentia physica. Sed neque etiam est potentia moralis. Licet enim in sacramentis imprimantur characteres (quemadmodum & in aliis) detur aliqua potestas moralis agendi vel recipiendi, ut in Baptismo, potestas recipiendi alia sacramenta, & communicandi bonis Ecclesiæ: in Ordine, potestas absoluendi & consecrandi: in Confirmatione, potestas resistendi fidei oppugnationibus per ius ad auxilia conuenientia: character tamen non est illa potestas, quæ tota posset manere, quamuis character tolleretur; sed est signum potestatis vel status. Sicut in humanis, quamuis soleant potestates morales aliquā notā designari, ut scepro, baculo, anulo, pedo, epomide; hæc tamen non sunt ipsæ potestates morales, sed earum signa apud homines, sine quibus signis essent illæ potestates vi solius institutionis: & prius sunt, quàm designentur huiusmodi insignibus. Confirmatur, quia iuxta sententiam plurimorum, character manet in damnatis ad eorum confusionem; in quibus tamen non manet potestas consecrandi corpus Christi, vel absoluendi à peccatis, aut ordinandi alios in sacerdotes, ut ostendimus disputat. sequenti, sectione secunda. Ergo character non est huiusmodi potestas, sed est tantum signum illius antea habitæ.

Ex his soluta manent ratio dubitandi, & primum argumentum Diui Thomæ. Ad secundum Respondeo characterem esse in prima specie qualitatis, & esse habitum, id est, qualitatem permanentem, persistentem non ad operari, sed ad esse. Qualem habitum vult Diuus Thomas esse ipsam gratiam sanctificantem, quam distinguit à virtutibus, atque dare tantum esse *supernaturale*, non autem *esse operari*. Nec potest quisquam characterē malè uti per se, & quasi vsu illius intrinseco: tum quia non refertur ad vsu intrinsecè & per se, sed ad esse. Tum quia per se, & secundum se, tantum bene disponit & ornat subiectum in quo est: quamuis extrinsecè & per accidens peccare possit contra ipsius dignitatem, & eo malè uti per vsu ipsi extrin-

962

Respondetur argum. sententiæ contrariæ.

Vu

secum: sicuti gratia & virtutibus, si verbi gratia de illis intumescat. Ad tertium dico sententiam Dionysii esse, quod homo per Baptismum fiat passivus communicator, id est, particeps divinorum: ex quo non sequitur characterem esse potentiam activam vel passivam.

97. *Character est signum naturale.* Queritur secundò, An character sit signum naturale, vel ex instituto? Respondeo esse naturale. Quia id conformius est Conciliis, & Patribus, naturam characteris exprimentibus per vim significandi, quæ si non esset naturalis, deberet ab illis aliter exprimi natura characteris prout in se est. Est autem signum naturale obiectivum, sicut gemitus est naturaliter signum doloris, & risus lætitiæ. Ita Cardinal. Delugo disputatione sexta, numero trigésimo octavo, post Desalas tomo primo in primam secundæ, Tractatu secundo, disputatione octava, sectione tertia, numero sexagesimo primo. Addit verò illo numero quadragésimo secundo. Characterem ita esse signum naturale, ut sit etiam physicè & intrinsicè in sua entitate potentia ordinata ad causandum aliquo modo, quatenus Deo & Angelis deferuit, ut viso characterè, specialem curam habeant illuminandi, protegendì, & gubernandi, quos vident habere signum Dei in frontibus suis. Item posse etiam dici potentiam in ordine ad resistendum: quia exigit ut tentationes internæ & externæ vel impediuntur, vel certè debiliores sint & minus molestant. Quos effectus licet non operetur physicè, tanquam causa efficiens physica: operatur tamen per exigentiam physicam qua illos exigit. Atque ita potest appellari potentia aliquo modo in ordine ad illos.

98. Sed hæc, meo quidem iudicio ad hoc non sufficiunt, ut character dicatur esse potentia physica ad illos effectus, ad quos tantum movet obiectivè & moraliter, eo modo, quo miseria pauperis verbi gratia movet ad succurrendum, & ad dandam elemosynam: vel ad summum postulat illos eo modo, quo materia disposita exigit formam, cuius tamen non dicitur esse causa activa. Loquitur autem præcitatus auctor de activitate, seu de potentia activa, ut patet ex num. 44. Neque verò character est potentia passiva, ut est materia disposita respectu formæ quam exigit. Nam character

non recipit in seipso effectus, quos exigit, & ad quos Deum vel Angelis movet. Neque est physica & naturalis dispositio ad illos: imò neque moralis, ut supra ostendimus. Addo, illam exigentiam esse potius respectu gratiæ, quam respectu characteris. Cuius rei signum est, quod est maior exigentia in eo, qui plus gratiæ habet, quam in eo qui minus: quamvis in utroque character sit æqualis: quippe qui est indivisibilis intensivè & extensivè, ut tenet communis sententia. Item, quod gratia desinente, desinit exigentia & ius ad talia auxilia: quamvis maneat character, quippe qui est indelebilis saltem toto vitæ tempore, ut mox dicam.

Queritur tertio, An character sit penitus indelebilis non tantum hac in vitæ, sed etiam post; & in quo subiecto immediate imprimatur, vel recipiatur? Ad primum Respondeo, de fide esse quod sit indelebilis, saltem in hac vitæ. Hoc enim ut minimum definiunt Florent. & Trident. locis supra citatis. Quod verò maneat etiam post, tam in damnatis, quam in Beatis, non est adeo certum & de fide. Communiter tamen affirmatur à Theologis cum Divo Thoma quæst. 73. art. 5. Tum quia Concilia loquuntur absolute. Tum etiam quia, ut ait S. Thom. Character est formalis quædam participatio sacerdotii Christi, quod æternum est. Cumque character à solo Deo pendeat ut à causa efficiente, & non destruat moraliiter per peccatum mortale, ut gratia: non est causa vel ratio sufficiens cur desinat.

Ad secundum Respondeo, characterem immediate imprimi ipsi substantiæ animæ. Cum enim sit qualitas spiritalis, non est ratio cur dicatur imprimi corpori. Posito etiam quod, ut multi sentiunt, intellectus & voluntas distinguantur realiter, tum ab anima, tum inter se: non est ratio cur potius imprimatur intellectui, quam voluntati. Verique autem non potest, cum sit indivisibilis; sed potius imprimatur ipsi substantiæ animæ, quæ Deo consecratur. Nos autem intellectum & voluntatem ab anima non distinguimus. Cumque character non disponat ad operandum, sed ad esse; non est cur in potentijs animæ potius, quam in eius essentia & substantia dicatur imprimi.

99. *Character est indelebilis, saltem hac in vitæ.*

100. *Imprimatur ipsi substantiæ animæ.*

DISPUTATIO

VIGESIMA-SECUNDA

De causis, & de numero Sacramentorum.

Sectio I. *De Sacramentorum institutore.*

Sectio II. *De Ministro sacramentorum : & primò de persona Ministri.*

Sectio III. *An intentio Ministri necessaria sit ad valorem sacramenti ?*

Sectio IV. *Qualis intentio Ministri esse debeat ad sacramentum efficiendum ?*


Sectio V. *Soluntur alie tres quæstiones circa intentionem Ministri sacramentorum.*

Sectio VI. *An bonitas Ministri ad sacramentum efficiendum necessaria sit ?*

Sectio VII. *De subiecto sacramentorum.*

Sectio VIII. *Quam dispositionem in subiecto requirant sacramenta ut gratiam producant ?*

Sectio IX. *De numero, & ordine sacramentorum.*



DE causis, & de numero sacramentorum disputat S. Thomas quæst. 64. & 65. In quarum priorè docet 1. Solum Deum operari interiùs in anima effectum sacramenti per modum principalis agentis: Ministrum tamen conferre aliquid per modum instrumenti. 2. Solum Deum esse institutorem sacramentorum: quia illorum virtus à solo Deo est. Sacramenta enim instrumentaliter operantur ad spirituales effectus. Instrumentum autem habet virtutem à principali agente. Agens verò respectu sacramenti est duplex: scilicet instituens sacramentum, & utens sacramento instituto, applicando ipsum ad inducendum effectum. Virtus autem sacramenti non potest esse ab eo qui vititur sacramento: quia non operatur nisi per modum ministerii. Unde relinquitur quòd virtus sacramenti sit ab eo qui instituit sacramentum. 3. Christum, inquantum Deus est, habere potestatem authoritatis in sacramentis: inquantum verò est homo, habere potestatem ministerii principalis, siue potestatem excellentiæ, quæ in quatuor consistit. Nimirum quòd meritum & virtus passionis eius operatur in sacramentis: quòd in eius nomine sacramenta sanctificantur: quòd ipse qui dedit virtutem sacramentis, potuit instituere sacramenta: quòdque potuit effectum sacramentorum sine exteriori sacramento conferre. 4. Addit non potuisse Christum authoritatem potestatis ulli creaturæ communicare: secus verò potestatem excellentiæ. 5. Ministros Ecclesiæ,

cum instrumentaliter operentur in sacramentis, posse illa conferre, siue boni, siue mali sint. Instrumentum enim non operatur secundum propriam formam, sed secundum virtutem eius à quo mouetur: nihil quo aliud ab eo exigitur, quam quod necessarium est ad rationem instrumenti. 6. Peccare tamen malos ministros in sacramentorum dispensatione: quia ministri debent Domino conformari, secundum illud Leuit. 19. *Sancti eritis, quoniam ego sanctus sum.* Esseque peccatum illud graue, & mortale ex suo genere: quia pertinet ad irreuerentiam Dei, & contaminationem sacramentorum, quantum est ex parte ipsius peccatoris, licet sacramenta secundum seipsa incontaminabilia sint. 7. Ad homines pertinere dispensationem, & ministerium sacramentorum, non autem ad Angelos. Quia tota virtus sacramentorum deriuatur à passione Christi, quæ illi conuenit secundum quod est homo, cui in figura conformantur homines, non Angeli: nam potius secundum passionem, dicitur modicò ab Angelis minoratus, Hebræorum 2. Sicut tamen Deus virtutem suam non sic alligauit sacramentis, ut sine ipsis nequeat effectum illorum conferre: ita etiam virtutem suam, non sic alligauit Ecclesiæ ministris, ut nequeat Angelis virtutem ministrandi tribuere. 8. Intentionem ministri necessariam esse ad effectum sacramenti. Quia quando aliquid est ad multa indifferens, oportet ut per aliquid determinetur ad vnum, si illud effici debeat. Ea verò quæ in sacramentis aguntur, possunt diuersimodè agi: sicut ablutio aquæ, quæ fit in baptismo, potest ordinari ad mundiciem corporis, & ad sanitatem. Quare oportet ut determinetur ad vnum, id est, ad sacramentalem effectum, per intentionem abluentis. 9. Non requiri tamen fidem ministri, ut neque charitatem: ita ut possint etiam infideles & peccatores sacramenta conferre validè, dummodo cætera adsint quæ sunt de necessitate sacramenti. Quia minister, instrumentaliter solum operans, non agit in virtute propria, sed in virtute Christi. Sicut autem ad propriam virtutem pertinet charitas: ita & fides. 10. Intentionem peruersam respectu sacramenti, tollere illius veritatem: puta cum aliquis non intendit sacramentum conferre, sed derisorie aliquid agere. Secus autem si est tantum peruersa quoad aliquid consequens: puta si quis foeminam baptizet, ut ea abutatur. Quod enim est prius, non dependet à posteriori.

In altera quæst. affirmat septem esse sacramenta Ecclesiæ: Baptismum, Confirmationem, &c. Quibus homo sufficienter perficitur in iis quæ pertinent ad vitam spiritalem, tam in ordine ad se, quam respectu communitatis. Et ordinem, quo enumerantur, convenientem esse. Porissimumque inter illa esse sacramentum Eucharistiæ, in quo Christus ipse substantialiter continetur, & ad quod, velut ad finem, cætera ordinantur. Ac denique tria illorum esse necessaria ad salutem. Duo quidem, personæ singulari. Baptismum, simpliciter & absolute: Pœnitentiam autem, supposito peccato mortali post baptismum: & Ordinem respectu Ecclesiæ. Cætera esse tantum eatenus necessaria, quatenus per ea commodius effectum salutis consequimur. Hæc D. Thomas.

SECTIO I.

De Sacramentorum institutore.



AVS SACRAMENTORUM, sicut & rerum aliarum compositarum quatuor sunt, efficiens, materialis, formalis, & finalis. De causis intrinsicis materia & forma, de que sine sacramentorum, id est, de effectibus ad quos sunt instituta, sufficiunt quæ diximus disput. 19. & 21. Superest efficiens, & subiectum cui applicantur. Efficiens autem duplex est: Institutor, & minister. De Institutore queritur primò, An Christus immediate omnia sacramenta nouæ legis instituerit? Respondeo affirmatiue: idque satisclare definitum fuisse existimo à Trident. sess. 7. can. 1. *De sacramentis in genere*, ubi sic pronunciat: *Si quis dixerit sacramenta nouæ legis non fuisse omnia à I. su. Christo Domino nostro instituta, anathema sit.* Licet enim Concilium omiserit verba illa, *per se immediate*, quorum vltus vix est nisi in scholis: hunc tamen esse illius sensum patet primò, quia Concilia in definitionibus communi & vltato modo loquuntur. Communiter autem & vltatè non dicuntur simpliciter à Christo instituta, tradita, vel præcepta, nisi quæ ab ipso met immediate instituta, tradita, vel præcepta sunt. Quis enim vnquam dixit simpliciter, & sine addito, sacramentalia, verbi gratia, aquam lustralem, & panem benedictum fuisse à Christo instituta, licet ab ipso mediata per Ecclesiam, id est, per potestatem Ecclesiæ à Christo concessam, fuerint instituta? Quis item dicat simpliciter præcepta Ecclesiæ esse præcepta Dei vel Christi?

Patet secundò, Quia idem Concil. sess. 14. can. 1. de Extrema-vnctione, de qua maximè dubitari poterat, ait à Christo fuisse institutam, & Iacobo Apostolo tribuit solum eius promulgationem. Nisi autem loqueretur de institutione immediata, non esset cur negaret à Iacobo, æquè ac ab aliis Apostolis, fuisse institutam. 3. Idem Concil. sess. 21. c. 2. docet Ecclesiam non habere potestatem ad mutandam substantiam sacramentorum. Ergo substantia sacramentorum non pendet ab Ecclesiæ institutione: aliqui posset eam mutare, sicut potest mutare alia omnia quæ instituit. Licet enim possit intelligi potestas à Deo vel à Christo concessa ad statuendum aliquid, non ad mutandum postea; tamen talis potestatis in Ecclesia circa sacramenta nullum est indicium in Scriptura, vel in traditione certa. Et Ecclesia potest validè mutare cætera omnia quæ potest instituire. Quare aliud de sacramentis asserere, diuinare est. Fuit etiam specialis ratio cur omnia legis nouæ sacramenta debuerint immediatè à Christo institui, quam reddit S. Thomas qua st. 6. Supplem. art. 6. corp. & in 4. dist. 17. qua st. 3.

art. 1. qua st. 5. Quia, inquit, cum ministri Ecclesiæ instituantur in Ecclesia diuinitus fundata, ideo Ecclesiæ institutio præsupponitur ad operationem ministrorum, sicut opus creationis præsupponitur ad opus naturæ. Et quia Ecclesia fundatur in fide & sacramentis; ideo non pertinet ad ministros Ecclesiæ novos articulos fidei edere, aut editos remouere, aut noua sacramenta instituire, aut instituta remouere. Sed hoc est potestatis excellentiæ, quæ soli debetur Christo, qui est Ecclesiæ fundamentum. Id est, sicut creatio Vniuersi præsupponitur operationi causarum secundarum, quæ non potuerunt ipsum creare, eiusque ordinem instituire, vt neque etiam possunt illum mutare aut inuerrere: Ita fundatio Ecclesiæ præsupponitur operationi Ministrorum, qui in ea iam fundata, & constituta in suo statu, instituuntur. Fundatur autem per fidem, & sacramenta. Idcirco institutio fidei, & sacramentorum non procedit ab operatione ministrorum Ecclesiæ, sed illi præsupponitur iam facta à Christo Ecclesiæ fundatore. Quæ ratio æque concludit de Apostolis: nam ipsi quoque sunt ministri Ecclesiæ, iuxta illud Apostoli 1. Corinth. 4. vers. 1. *Sic nos existimet homo vt ministros Christi, & dispensatores mysteriorum Dei.* Cyprianus verò & August. qui contrarium docere videntur benignè explicandi sunt de promulgatione quorundam sacramentorum, non de institutione propriè dicta: vt explicantur à D. Thoma in 4. distinctione 23. qua st. 1. a. 1. qua st. 1. cuncta 3. & fufius à Suar. disp. 12. sect. 1. col. 4. quem consule.

Queritur secundò, An Christus quæ Deus, vel quæ homo, id est, humana & creata voluntate sacramenta instituerit? Respondeo, Christum vt hominem fuisse causam specialem & authorem sacramentorum. Ita D. Thom. qua st. 64. a. 3. Ratio est, quia Christus vt homo, id est, vt constans natura humana & hypostasi Verbi, est mediator inter Deum & homines, & Ecclesiæ caput & institutor. Quare ad eum vt talem pertinuit iacere fundamenta Ecclesiæ, & instituire signa sensibilia, quibus sua merita nobis communicarentur, & quibus homines Ecclesiæ aggregarentur, atque in ea perficerentur ac promouerentur ad salutem æternam: quibus denique Ecclesiæ vnitas conseruaretur, & ipsa visibiliter indicaretur, atque discernereetur à sectis Infidelium. Conueniens enim fuit vt Christus, tanquam caput & Princeps Ecclesiæ, eiusque fundator, formam illi daret, quæ in sacrificio, sacramentis, & præceptis Euangelicis consistit.

Notandum tamen ex D. Thom. loc. cit. Christum vt hominem non instituisse sacramenta suprema autoritate & independenti. Hæc enim Dei solius propria est, & non conuenit Christo vt homini, sed vt Deo: verum illa instituit potestate ministerii principalis,

Christus vt homo, est auctor sacramentorum.

Non tamè auctoritate independenti, sed ministerii principalis

sue potestate excellentiæ: quæ in quatuor consistit. 1. In eo quod licet Christus, quæ homo, non sit principalis & supremus author gratiæ, neque sua sola potestate, & independentem à Deo, potuerit gratiam infallibiliter alligare sacramentis, sed tantum Deo se obstringente ut gratiam daret infallibiliter, si Christus vellet eius signa instituere: meritum tamen & virtus passionis Christi operatur in sacramentis: quatenus eius virtus meritoria & satisfactoria nobis quodammodo copulatur per sacramenta. 2. In eo quod eius nomine sacramenta sanctificantur: *Neque enim aliud est nomen sub Celo datum, in quo oporteat nos salvos fieri.* 3. In eo quod ipse, qui dedit virtutem sacramentis, potuit instituere sacramenta: quia sacramenta totam virtutem, quam habent, obriunt ab eius institutione. 4. Quod ipse potuit effectum sacramentorum sine exteriori sacramento præstare, tanquam causa illorum, ab illis non dependens. Causa enim non pendet ab effectu, sed potius est conuerso. Addi potest 5. Quod Christus à nullo alio ministro pendeat: ideoque sit principalis, & excellens minister, soli Deo subordinatus.

8. Dixi Christum ut hominem fuisse causam specialem sacramentorum: quia Deus, seu voluntas diuina se habuit tantum ut causa generalis, & indifferens, Christi que humanæ voluntati se accommodans, & ab ea determinata quoad speciem, in sacramentis instituendis, & aliis quæ ad statum substantialem Ecclesiæ pertinent, & à Christo eius auctore specialiter instituta sunt. Quia tamen gratia pendet à solo Deo, ut causa efficiente principaliter: & nulla rerum omnium quæ sunt, potest eam causare principaliter, nisi Deus: non potuit Christus sola sua voluntate creare, & independentem à diuina, tribuere sacramentis efficaciam gratiæ: cum efficacia illa sine diuina virtute esse non possit, nec ulli rei iam creatæ connaturalis sit. Independentem, inquam, à Deo non modò ut concurrente generaliter, sed etiam ut libere & supra debitum naturæ ordinante dare gratiam infallibiliter per ea signa, quæ Christus institueret.

Obiicies primò, Si ita est, Christus ut homo non instituit propriè sacramenta, sed tantum determinauit signa sensibilia, ad eum modum, quo in lege naturæ determinabant homines signum sensibile, quo paruuli iustificarentur, posita Dei institutione de paruulis iustificandis per aliquod signum sensibile ponendum ab hominibus pro eorum arbitrio. Secundò, Deus per se immediatè instituit omnia sacramenta legis Moisaicæ, & legis naturæ: ergo & omnia legis nouæ, quæ antequam essent in eo deterius conditionis.

7. Ad primum Respondeo, differentiam esse. Nam Deus ipse per se immediatè, & ut causa specialis, instituit sacramentum illud legis naturæ, statuitque ut esset signum aliquod sensibile coniunctum fidei internæ: li-

cet non determinauerit in specie, ut signum sensibile esset tale vel tale, sed hoc hominum arbitrio reliquerit determinandum; sicut aliqua in sacramentis nouæ legis non adeo determinauit. At verò Deus non per se specialiter statuit ut essent aliqua signa sensibilia efficaciam gratiæ in lege noua: sed tantum statuit dare Christo, propter ipsius merita, quicquid ipse postulet; & approbare formam Ecclesiæ, quam ipse institueret: non præscribendo illi formam, quam reipia instituit, neque ut signa sensibilia statueret ad sanctificandum: sed generaliter & indifferenter se habendo, & totum hoc statuendum Christo relinquendo. Quapropter Christus ut homo est verè ac propriè specialis institutor sacramentorum, sicut & legum seu præceptorum quæ specialiter Ecclesiæ tradidit: non minùs quàm homines sunt propriè auctores & institutores legum ciuiliū vel Ecclesiasticarum, quas tamen non condunt nisi per potestatem à Deo dependentem. Omnis enim alia potestas legitima, à Deo est, ut ait Apost. Rom. 13. vers. 1.

8. Plura ad huius argumenti solutionem affert Delugo disput. 7. num. 29. & sequentibus. Sed hæc facilius & planior mihi videtur. Verum tamen est, & notatu dignum quod ipse ait: aliud esse dare Deum homini tantum potestatem determinandi signum, cui Deus ipse det significationem & efficaciam, ut fecit in lege naturæ: & aliud, dare homini potestatem dandi significationem & efficaciam signo, ut Christo quæ homini dedit. Quemadmodum aliud est habere potestatem designandi tantummodò confessarium qui te absoluat auctoritate & iurisdictione sibi data à summo Pontifice, ut possunt Reges & alii privilegiati. Aliud, designare, seu eligere, & simul illi dare auctoritatem & iurisdictionem; ut facit Summus Pontifex suo Confessario. Et Christus quidem non tantum designauit & determinauit signa sensibilia, per quæ sanctificamur ex opere operato: imò etiam neque solum potestatem accepit instituendi ut essent talia signa in Ecclesia à se constituta, quam potestatem non repugnat puræ creaturæ communicari: verum etiam dedit per seipsum eiusmodi signis vim significandi practicè, & efficiendi gratiam, quatenus virtute suorum meritorum, quæ moraliter illis alligauit, acquisiuit ius ad gratiā hominibus distribuendam: ita ut eorum intuitu nobis in vltis sacramentorum detur gratia & remissio peccatorum, condignè debita Christi meritis. Quod neque homines in lege naturæ facere potuerunt determinando signum sensibile pro iustificatione paruulorum; neque vlla alia pura creatura potest.

9. Ad secundum, nego consequentiam. Neque propterea sacramenta nostra sunt conditionis deterius simpliciter, sed longè præcellunt in eo, quod sunt signa efficaciam gratiæ. Parum verò interest quod illa fuerint instituta sola Dei voluntate: hæc autem hu-

bile fecit
ut homines
faciebant
in lege na-
turæ.

8.
Delugo:

9.

manâ, sed hominis Dei per vnionem hypostaticam, & ab ipsa diuina voluntate approbata, obstringente se ab ipsa infallibiliter per ipsa conferendam. Imò hoc secundum integrè sumptum, melius & nobilius est.

10. Soluitur obiectio. Neque obicias, Christum instituisse sacramenta ex inspiratione diuina. Respondeo enim primò, Christum non eguisse ad bene operandum inspirationibus & motionibus diuinis, cum per dona intellectui & voluntati suæ infusa, esset sufficienter illustratus & dispositus ad bene operandum, vt ostendimus in Tract. de Incarnatione. Secundò, id non obesse quòd minùs Christus vt homo, dici possit sacramentorum nouæ legis institutor. Sicut enim Ecclesia dicitur instituisse ceremonias, quas tamen Spiritus sancti inspiratione & directione induxit: & fundatores Ordinum religiosorum verè dicuntur institutores regularum, quas ex Spiritus sancti inspiratione sectatoribus suis tradiderunt: Sic Christus est sacramentorum institutor, quamuis ex inspiratione & motione Dei præuia supponatur ea instituisse.

11. Potestas instituendi sacramenta potuit aliis communicari. Quæritur 3. An potestas instituendi sacramenta potuerit aliis communicari? Respondeo affirmatiuè cum D. Thoma q. 64. a. 4. & aliis communiter ad eundem articulum. Loquor autem de sacramentis efficacibus gratiæ ex opere operato. Ac primò, citra dubium est, potuisse Deum absolute plures Christos constituere, id est, plura supposita quæ constarent ex proprietatibus personarum diuinarum, & naturis creatis, eiusdem dignitatis, meriti, & potestatis, cum Iesu Christo Domino nostro. Christus tamen vt homo id non potuit physicè, præcisè sumptus, vt suppositum constans natura humana & hypostasi Verbi, secundum id quod hæc addit supra conceptum naturæ diuinæ, & quod vnitur immediatè humanitati. Nam hypostasis Verbi, vt sic non est actiua ad extra: Natura verò humana non habet vim actiuam ad efficiendam vnionem hypostaticam. Secundò, Potuit Deus constituere ministros, qui licet non constarent proprietatibus diuinis: à Deo tamen haberent tantum gratiæ & dignitatis, vt eorum meritum operaretur ad effectus sacramentorum: & ad inuocationem nominis ipsorum sacramenta sanctificarentur: & possent sacramenta instituire, ac sine sacramentis efficere solo imperio ea quæ per sacramenta efficiuntur: In quibus quatuor D. Thomas potestatem ministri principalis & excellentis constituit. Quare potuit Deus etiam puris creaturis dare potestatem instituendi sacramenta, & quidem illam quam vocant excellentiæ: cum in his omnibus nulla sit contradictionis implicancia. Tertiò, Christus, etiam vt homo, potuit absolute loquendo mereri vt Deus alios Christos institueret. Nam eius opera sunt per se digna tali mercede: multoque magis vt darentur puræ creaturæ quatuor illa modò enumerata ex D. Thoma. At non quintum quod addidimus supra, nempe in-

dependentiam à Christo, saltem remotam. Implicat enim, habere aliquid per merita Christi: & habere illud ipsum independentem à Christo, & ab eius meritis. Verum D. Thomas hanc conditionem non requirit ad potestatem excellentiæ: vt scilicet minister principalis non pendeat ab alio ministro: vel eius merita, quorum virtus operatur in sacramentis, sint independentia ab alterius meritis. Ideoque D. Thomas art. 4. quæst. cit. affirmat simpliciter, potuisse Christum vt hominem communicare aliis potestatem etiam excellentiæ. Attamen si Christus meritorie, vel aliter, sua autoritate potestatem illam aliis committendo, vt Deus illam ipsi commisit, constitueret talem ministrum: fieri non posset, quin ipse semper retineret aliquam proprietatem & dignitatem ministri magis principalis, à quo talis minister acciperet suam potestatem; ipse verò tantum à Deo. In quo casu summa excellentia ministerii non consisteret tantum in illis quatuor enumeratis ex D. Thoma: sed etiam requireretur, quemadmodum etiam semper requiritur, vt qui esset principalis omnino & præcellens minister, non subordinaretur alii ministro. Nam qui subordinatur, non est summus. Illam tamen potestatem supremi ministerii potuit Deus non tantum vni Christo tribuere, sed etiam multos constituere ministros, quorum nullus ab alio penderet, seu alteri subiiceretur, ne quidem Christo Domino, neque ab illo quicquam acciperet. Quamquam illi alii ministri, nisi, vt Christus, constarent proprietate diuinæ personæ, sed essent puræ creaturæ: essent quoque inferiùs, id est, ignobiliùs atque imperfectiùs sacramentorum ministri, quam sit Christus: esto, citra dependentiam ac subordinationem respectu illius. Nam vt nulla pura creatura potuit de condigno satisfacere pro peccatis: ita talis minister, quippe creatura pura, non esset tantæ dignitatis, vt eius meritis & satisfactionibus de condigno niteretur peccatorum remissio, quæ sit in sacramentis.

Contrarium sentiunt Scotus in 4. dist. 1. q. 3. a. 2. Gabriel ibid. q. 2. a. 3. dub. 2. Durandus dist. 2. q. 1. & Valq. disp. 135. cap. 2. affirmantes, potestatem instituendi sacramenta non posse vlli creaturæ communicari, si loquamur de propria sacramenti institutione, & non de sola determinatione signi ad cuius præsentiam Deus velit dare gratiam. Ratio illorum est, quia nullus potest instituere signum certum efficax gratiæ, nisi Deus. Nam Deus solus potest gratiam producere: ergo solus potest eam dare aut promittere infallibiliter, & certis signis alligare. Ergo solus potest sacramenta instituere, seu signa infallibiliter efficacia gratiæ. Respondeo primò, Si hæc ratio valeret, probaret ne Christum quidem, vt hominem, potuisse sacramenta instituere. Secundò dico cum Suare disp. 13. sect. 2. nullum quidem propria autoritate & independenti-

D. Thom.

12.

Contraria sententia.

nisi Deum, posse instituere signum certò efficax gratiæ: posse tamen ex commissione & potestate data à Deo obstringente se ad dandam gratiam infallibiliter quando & quomodo & per quid ipse voluerit: & si velit signa sensibilia instituere ad eum finem, instituat: sin minus, utatur mediis quibus voluerit. Ita ut tota in stitutiō & efficacia sacramenti pendeat à talis creaturæ voluntate & potestate, quamvis delegata & subordinata diuinæ voluntati, sine qua verum est, non posse homines gratiam signis sensibilibus aligare infallibiliter.

13.
Solutur
instantia.

Sed instat Gabriel, quòd licet institutio ad significandum simpliciter possit committi creaturæ: non tamen institutio ad certò & efficaciter significandum: quia illa non potest fieri nisi per determinationem diuinæ voluntatis ad assistendum signo, producendo effectum significatum. Hæc autem determinatio fieri non potest nisi per Deum: quia libertatem voluntatis nemo potest determinare nisi voluntas ipsa: alioqui voluntas non esset libera. Respondeo, libertatem debere quidem à seipsa determinari physicè, moraliter tamen posse ab alio determinari, id est, induci & obligari ad aliquid faciendum naturali necessitate, contra quam decenter agere non potest. Atque ita Deus determinaretur à sacramenti institutore, vi promissionis de gratia danda infallibiliter, per quæcumque media ipse voluerit & instituerit.

Possent etiam in contrarium obijci ratio initio sectionis allata ex D. Thoma, in resolutione primæ quæstionis. Sed illa ratio congrua tantum est, & rectè ostendit fuisse valde conueniens, ut Christus prius Ecclesiam perfectè fundaret per fidem & sacramenta, quam eius ministros, & sacramentorum dispensatores institueret. Non tamen probat esse absolute impossibile dari alicui potestatem instituendi aliquod sacramentum ante constitutionem perfectam Ecclesiæ, & Deum aliquam creaturam assumere ad illam ex parte saltem instituendam.

14.

Quæritur 4. An Deus vel Christus reipsa potestatem aliis communicauerit instituendi sacramenta efficacia gratiæ ex opere operato? Respondeo negativè: Quia nusquam talis communicatio apparet: neque vltus talis potestatis communicatur. Omnia enim sacramenta, quæ sunt in lege Evangelicæ, fuerunt à Christo ipso instituta, ut ante ostendimus: & ultra hæc nulla vnquam fuerunt alia efficacia gratiæ ex opere operato. Deinde, si cui potestas illa data fuisset, maximè Ecclesiæ Evangelicæ. At hoc non. Quia cum Ecclesia sexdecim iam sæculis experta sit casus & euentus innumeros, & omnimodam ferè temporum varietatem: nunquam tamen sacramentum vllum tenuit instituere: quod signum est non accepisse talem à Deo potestatem. Et Trident. sess. 21. cap. 2. tribuit solum Ecclesiæ potestatem in ceremonias & ritus accidentales sacramentorum, salutem semper eorum substantiæ. Adde ex D. Tho. q. 64.

Deus aut
Christus
non commu-
nicauit a-
liis pote-

2.4. ad 3. conueniens fuisse nulli alteri communicari hanc potestatem; sed omnia à solo Christo institui, tum ob rationem ab ipso allatam, ne scilicet multa capita in Ecclesia essent: tum etiam ne aliud esset sub celo nomen, in quo ut redemptore speraremus, & sanctificaremur, atque ad gloriam promoueremur. Item Christus sufficienter prouidit hominum salutem per sacramenta, quæ instituit. Quid ergo fuit opus dare potestatem alia instituendi?

statem i-
stituendi
sacramen-
ta.

Contrarium sensit Alensis parte 4. q. 24. membro 1. vbi docet hanc potestatem fuisse communicatam Ecclesiæ, eamque reipsa instituisse aliqua è septem Sacramentis. Sed hoc postremum defendi non potest post Tridentini definitionem supra relatum & expensam. Prius verò probatur ex Christi verbis Ioan. 20. *Sicut misit me pater; & ego mitto vos. Accipite Spiritum sanctum: quorum remissionem peccata remittuntur eis, &c.* Et Matth. 18. *Quæcunque solueritis super terram, &c.* Quibus verbis Christus videtur Apostolis dedisse potestatem, qualem ipse à Patre accepit, soluendi peccata ut voluerint: ergo & instituendi sacramenta, sicut Christus ea potuit instituere.

15.
Alensis.

Respondeo particulam, sic et, hoc loco non significare æqualitatem, sed quandam similitudinem missionis, & potestatis: quæ qualis sit & quanta in Apostolis, & in Ecclesiæ, iudicandum est ex traditione antiqua, & Ecclesiæ vtu atque sentiu. Nam Christus ut caput & fundator Ecclesiæ habet multa propria, quæ non communicauit aliis. Neque poterant Apostoli, vel Ecclesiæ tota, ligare aut soluere ea quæ Christus inuariabiliter ligauerat aut soluerat: aut substantia Ecclesiæ mutare: quæ non magis subsunt liberæ potestati hominum, quam substantia sacramentorum. Sed ad intelligendum quid soluere aut ligare possent, opus erat maiori reuelatione, siue prudentia supernaturali, & iudicio, quod Apostolis & Ecclesiæ datum fuit per Spiritum sanctum.

SECTIO II.

De Ministro sacramentorum: & primò de Persona ministri.

Conclusio: Ad sacramentum quodlibet efficiendum persona ministri est omnino necessaria. Patet ex Florent. in decret. 5. *Hæc omnia*, vbi id definitur expresse. Per ministrum autem intellige personam idoneam, id est, habentem potestatem efficiendi sacramentum. Nam generatim, sine causa ad agendum idonea nihil effici potest. Quis verò sit idoneus cuiusque sacramenti minister, dicetur suis locis. Nunc breuiter,

16.

Persona mi-
nistri est:
planè ne-
cessaria.

Aduerto primò, in omnibus sacramentis, exceptis Matrimonio & Eucharistia, personam efficientem debere necessariò esse di-

Non sem-
per distin-
guitur à
recipiente

sacramen-
tum,

distinctam à recipiente. Nemo enim potest se-
ipsum baptizare, confirmare, absolvere à
peccatis, vngere, aut ordinare valide. Sa-
cerdos tamen qui consecrauit Eucharistiam,
valide & licite eandem recipit propria ma-
nu, sibi que ipsi administrat. In matrimonio
quoque ipsi coniuges sunt ministri & subie-
ctum sacramenti, vt patet ex clandestinis
matrimoniiis validis ante Trident. Et nunc
licet Parochus requiratur, non tamen vt mi-
nister, sed vt testis eius quod fit, cum aliis
duobus aut tribus. Quod autem ait, *Ego vos
coniungo*, &c. non est forma sacramenti, sed
cerimonia, quâ nomine Ecclesiæ recipit, ap-
probat, & confirmat contractum coniugum:
qui tamen sine illa cerimonia, imò etiam in-
uito Parocho, modò præsente cum duobus
aliis validus esset & sacramentalis, vltimo lo-
co ostendetur.

17.

Nō omnes
possunt om-
nia mini-
strare.

Aduerto secundò, feminas etiam esse ca-
paces efficiendi aliqua sacramenta, nempe
Baptismum & Matrimonium. Nam ipsi con-
iuges mas & femina sunt ministri sacramen-
ti matrimonii. Femina quoque valide bap-
tizare possunt, atque etiam licite in casu ne-
cessitatis. Alia verò quinque sacramenta non
possunt nisi à certis hominibus fieri: nempe
Confirmatio ab Episcopis, aut ab alio Sa-
cerdote ex commissione Summi Pontificis.
Eucharistia, Pœnitentia, & Extrema vn-
ctio, tantum à sacerdotibus. Ordo denique
quoad Episcopatum & presbyteratum ab Ep-
iscopis tantum: Ordines verò inferiores
possunt conferri à non Episcopis ex conce-
ssione summi Pontificis. Nam Innocentius
VIII. anno 1489. concessit Abbatibus Ci-
sterciensibus vt sui ordinis Monachos possent
Diaconos & Subdiaconos ordinare: teste
Victoria, Nauarro, Vasque & aliis. Lega-
tur Florent. sess. 7. can. 10. de Sacram. in
genere, vbi damnat Lutherum, affirmantem
omnes Christianos habere potestatem in
omnibus sacramentis administrandis: licet
ad vitandam confusionem eâ solùm vti de-
beant illi quibus conceditur ab Ecclesia:
quod ineptè probat ex 1. Petri 2. vbi Chri-
stianos omnes vocat *Regale Sacerdotium*. Lo-
quitur enim Petrus de regno & sacerdotio
spiritali ac metaphorico, quo sensu contri-
tio, eleemosynæ, & alia bona opera vocantur
hostiæ & sacrificia in Scriptura Psalmo 50.
Hebr. 13. v. 16. & alibi. Vel si sermo est de
sacerdotio propriè sumpto, synecdoche est,
quâ tribuitur toti, id quod illi conuenit se-
cundum aliquam eius partem.

18.

Soli homi-
nes viato-
res sunt ido-
nei mini-
stri sacra-
mentorum,

Aduerto 3. Solos homines viatores, & ra-
tione vtentes, esse ministros idoneos sacra-
mentorum secundum legem ordinariam. So-
lis enim illis à Christo dictum est, *Baptizan-
tes eos*, &c. *Quorum remiseritis peccata, remit-
tuntur eis*: *Hoc facite in meam commemorationem*, & similia. Dixi 1. solos homines, quo
nomine sexum vtrumque intelligo, propter
sacramenta baptismi & matrimonii, quæ
possunt à feminis effici. Cum autem sacra-
menta pro solis hominibus fuerint instituta,

congruum fuit, vt per homines quoque effi-
cerentur. Sic enim magis sunt conformes
ministri susceptoribus, atque etiam Christo
institutori, qui est homo. Secundò, dixi vi-
atores, id est hanc vitam mortalem degentes,
quia sicut sacramenta fuerunt instituta pro
solis viatoribus, neque extra viam, id est, vitæ
huius mortalis statum possunt cuiquam ad-
ministrari: ita eorum ministri ordinarii in-
stituti sunt soli viatores: quibus etiam solis,
locis ante citatis & alibi vbique in Scriptura
tribuitur sacramentorum administratio. Ho-
mines enim & viatores erant quibus Chri-
stus aiebat, *Baptizantes eos*: *Hoc facite*: *Quo-
rum remiseritis peccata*: &c. Quare si sacer-
dos v. g. retinet post mortem potestatem
ordinis, non tamen illam potest exercere
quandiu extra viam est, defectu conditionis
necessariæ ex Christi institutione. Neque
contradicit S. Thomas q. 64. a. 7. ad 2. sed
tantum dato, & non concesso quòd sancti in
cælo existentes possint esse ministri sacra-
mentorum, negat parem esse rationem de
Angelis, propter disparitatem naturæ condi-
tionem. Suarez verò contrarium sentiens disp.
13. sect. 1. minùs coherentè loqui mihi vi-
detur cum eo quod addit disp. 14. sect. 1.
Sacramenta non posse nisi à viatoribus reci-
pi secundum legem ordinariam: propter ra-
tionem paulò ante allatam.

D. Thom.

Suarez.

19.

Dixi 3. *Ratione vtentes*: quia ministri sacram.
sunt: *Dispensatores mysteriorum Dei*, vt ait A-
postolus 1. Corinth. 4. v. 1. Dispensator
verò propriè dicitur ille, cuius potestati ar-
bitrioque committitur aliquarum rerum di-
stributio humano modo faciendâ. Quare sa-
cramentorum ministri debent habere vsum
rationis: ac si non possunt humano modo o-
perari, non sunt capaces efficiendi sacra-
menta, quæ non nisi humano modo fieri po-
ssunt. Ideoque Baptismum, ab Athanasio
adhuc puero collatum coztaneis securo lu-
dentibus, non ante validum iudicauit Ale-
xander Patriarcha Alexandrinus, quàm in-
terrogando comperit eum, satis competentem
rationis, ritè adhibuisse omnia Baptismo
essentialia.

Debet esse
rationis
competens

20.

Dixi 4. *Secundum legem ordinariam*: quia
de potentia absoluta, homines extra viam
positi & beati, imò etiam Angeli, & animæ
separatæ à corpore, possent à Deo deputari.
Vt de Angelis affirmat S. Thomas art. cit. in
corp. Posset enim Angelus vt. gr. in corpo-
re assumpto applicare aquam, & proferre
verba, cum intentione requisita. Neque se-
cundum viam saltem extraordinariam requi-
ritur ad sacramentum vox humana propriè,
id est, humano ore formata. Quare si sacra-
mentum ab Angelo bono conferretur, ha-
bendum esset ratum ex priuilegio. Neque
enim Angelus beatus hoc faceret nisi ex Dei
concessione. Atque ita Amphilochum fuisse
ab Angelo consecratum in Episcopum tradit
Nicephorus lib. 11. Hist. cap. 20. eiusque
consecrationem ab aliis Episcopis ratam fu-
isse habitam. Contra verò si à Dæmone con-

Extraordi-
nariè po-
ssunt Ange-
li & non-
viatores,

ferretur: credendus enim esset hominibus illudere. Porro per, *Ministrare*, intelligimus hic efficere: & per, *ministrum*, effectorem sacramenti. Nam si loquamur de Eucharistia cuius effectio distinguitur ab applicatione, Ceterum est Angelos eam facile administrare posse: & quemlibet tum sibi, tum aliis de facto: quamvis de iure non nisi à sacerdotibus, vel à Diaconis, extra calum necessitatis, applicari possit.

21. **P**lures ministri possunt conferre idem sacramentum. Aduerto quartò, plures ministros ad idem sacramentum efficiendum concurrere posse, siue ut causas parciales, siue etiam ut totales. Nam Matrimonium necessario efficitur à duobus, ut causis partialibus, nempe ab utroque contrahente. Ordo quoque Episcopalis debet conferri necessario à duobus vel tribus Episcopis. Et quando noui Sacerdotes initiantur, omnes simul cum Episcopo consacrant Eucharistiam, si simul verba consecrationis absolunt, ut causæ totales & independentes. Vnde etiam fit ut solus consecret, si quis primus verba absoluit cum absoluta intentione consecrandi. Similique modo possunt plures validè simul baptizare, confirmare, abolvere à peccatis, ungere, & ordinare vnum & eundem. An verò quilibet tunc debeat materiam simul ac formam per se conferre, sique tunc vnum vel plura sacramenta, patebit ex dicendis infra de Baptismo.

22. **M**inistri sacramentum sunt causa remota gratiæ & remissionis peccatorum. Quintò denique, aduerto ministros sacramentorum non esse tantum eorum causas, sed & gratiæ & remissionis peccatorum, aliorumque effectuum sacramentalium: non tamen immediate, sed remote in genere causæ efficientis moralis. Quia non aliter eam causant, quam mediante sacramento quod ponunt aut applicant. Sicut is qui testò comburendo ignem applicat, non comburit nisi mediante igne, quem accendit, & applicat ad comburendum. Neque vis sacramentorum est à ministris, sed à Christo eorum auctore & institutore. Propter quod dicemus ista eorum virtutem & efficaciam non pendere à fide & bonitate ministri. Est autem discrimen inter Eucharistiam, & alia sacramenta: quòd ista consistunt in vñ, eorumque fieri est applicari: neque possunt applicari, nisi à ministro, à quo possunt fieri. At Eucharistia fit antequam applicetur, potestque valide applicari à quolibet, quamvis à solo Sacerdote fieri possit. Qui tamen eo ipso quòd eam ponit per consecrationem, concurrat remote ad gratiam sacramenti virtute productam, quatenus scilicet fuit causa efficiens sacramenti, quod est causa propinquior instrumentalis ipsius gratiæ. Qui autem solum adnistrat Eucharistiam recipiendi, non est causa moralis instrumentaria gratiæ, eo sensu, quo nunc causam moralem accipimus, pro ea scilicet, quæ vel est causa sacramenti, vel moraliter Deum mouet ad gratiam conferendam. Neque enim ille Deum mouet, sed sacramentum, cuius ipse causa non est. Aliter tamen potest dici causa

moralis, quatenus aliquo modo cooperatur ad illum effectum ex intentione ipsius. Sicut ille qui vocat confessarium ut audiat ægrotum, dicitur causa moralis cur æger sit confessus & absolutus. Ita Delugo disp. 8. num. 5. & sequentibus, apud quem plura videri possunt. Delugo 237

Aliter verò hac de re philosophatur Vasquez disp. 135. num. 36. & 37. Docet enim in omnibus sacramentis, excepta Eucharistia, ministrum proximè concurrere ut instrumentum ad effectum sacramenti: & se habere sicut eum qui à Deo aliquid impetrat actione aliqua ab ipso Deo ad hoc constituta. Ut autem explicet quo pacto minister dicatur proximè concurrere ut instrumentum ad effectum sacramenti: ait ipsum non concurrere proximè ad prædictum effectum influxuali quo peculiari simul cum sacramento, ita ut ex æquo cum illo concurrat tanquam sint duo instrumenta diuersa sed vnum instrumentum ex ministro & sacramento confici, sicut ex terra & motu illius. Ita ut sacramentum sit actio præuia ipsius ministri, ratione cuius minister se habet instar physici & naturalis instrumenti, & per quam ipse impetrat à Deo effectum. Sicut humanitas Christi, & tactus illius, aut verbum ad sanandum, non erant duo instrumenta; sed vnum integrum cum sua præuia operatione. Hæc Vasquez.

24. **S**ed cum, iuxta meliorem sententiam, sacramenta causent moraliter gratiam, quatenus ex Christi institutione habent sibi moraliter annexa Christi merita, quæ mouent Deum immediate & proximè ad gratiam infallibiliter conferendam; vnde dicuntur esse vasa quædam sacra, quæ Christi sanguinem, & merita, & gratiam continent, comparanturque buris plenæ, continenti pretium nostræ redemptionis: non est verum minister sacramenti se habere per modum impetrantis, sed se habere per modum causæ efficientis vas illud sacrum, seu signum efficax gratiæ, in quo est tota vis immediate applicans merita Christi, non autem in ministro cuius vis est planè diuersa, nempe vis efficiendi tale signum sensibile applicatiuum meritorum Christi, & effectiui gratiæ. Si autem est diuersa virtus ministri & sacramenti, sunt diuersæ causæ & diuersa instrumenta, quorum vnum, nempe sacramentum, propinquius concurrat ad gratiam quam aliud; quia immediatius Deum mouet ut gratiam conferat propter Christi merita à se applicata. Quare minister & sacramentum, non se habent ut terra, & motus illius; sed ut terra mota, & artifex eam mouens, cuius virtus est diuersa à virtute terræ motæ, remotiusque concurrat ad effectum. Neque etiam se habent ut humanitas Christi, & tactus illius aut verbum ad sanandum: alioqui sicut præcipua vis moralis faciendi miracula erat in ipsa humanitate Christi, quæ maxime Deum mouebat, neque tactu aut verbo indigebat ut moueret, neque illis iuxta Vasquem utebatur tan-

Minister & sacramentum sunt causæ diuersæ gratiæ, & quod propius illam efficit.

quam instrumentis, sed tanquam actione praeuia humanitatis instrumentaliter operantis miracula: Sic praecipua vis efficiendi gratiam esset in ministro, non in sacramentis: neque ipsa proprie essent instrumenta, sed tantum essent actio praeuia ministri instrumentaliter gratiam producentis: quod est absurdum, & contra Trident. sess. 6. cap. 7. paulo post initium, ubi ait Baptismum esse causam instrumentalem iustificationis. Est autem par ratio de aliis sacramentis.

SECTIO III.

Utrum intentio Ministri necessaria sit?

25.
Intentio
ministri est
necessaria
ad valorem
sacrament.

Respondeo, Intentionem ministri, saltem faciendi id quod facit Ecclesia, siue quod Christus instituit, esse simpliciter necessariam ad valorem sacramenti. Est de fide, definitum à Florent. in decret. 9. *Hæc omnia*: & à Trident. sess. 7. can. 11. de *Sacramentis in genere*. Ratio est institutio Christi, qui non instituit sacramenta in certis rebus & verbis quomodocumque adhibitis, ita ut sint signa efficacia gratiae, quomodocumque, & à quocumque fiant: sed dumtaxat prout fiunt ex potestate ab ipso data ministris: ex cuius usu accipiunt esse morale, seu vim significandi & efficiendi gratiam: quam vim non habebant ante Christi institutionem; neque eam habent, nisi cum fiunt secundum illam, ex potestate ab ipso tradita. Hæc autem potestas moralis est, & non operatur naturaliter; sed usus illius subest voluntati, deberque ab illa applicari ad operationem. Ergo non operatur nisi minister habeat saltem confusam voluntatem eam utendi. Item hæc potestas est homini tradita, ut homo est, id est, prout ratione utitur. Neque enim existimandum est tam mirabilem, tamque diuinam potestatem tributam esse homini, veluti bruto modo & merè animali operanti. Ergo non potest illa uti nisi humano modo, id est, actione humana, propria voluntate & intentione ipsam applicando. Ergo non utitur illa ponendo tantum physicè res aut verba; sed ponendo ex intentione utendi morali potestate adtribuendum illis esse morale & sacramentale, iuxta Christi institutionem: qua sola ratione sunt actus proprii potestatis ab illo traditæ.

26.
Confirmatur.

Confirmatur, Quia res & verba, quibus constant sacramenta, non sunt totum id, quod significatur nomine sacramenti; sed sunt veluti materiale quid respectu institutionis, & esse moralis, quod ab illa habent: ac per se sola non haberent vim & efficaciam gratiae, neque essent sacræ actiones, nisi à Christo institutæ essent, & ordinatæ ad illi effectum. Ergo ut sacramenta fiant, non debent tantum fieri actiones illæ, sed debent fieri prout sunt sacramenta. Atqui hoc habent ex Christi institutione: ergo ut fiant

tanquam sacramenta, debent fieri ut à Christo sunt institutæ. Institutio autem Christi non fuit tantum ut hi vel illi actus fierent, & hæc vel illa verba proferrentur; sed ad certum finem, ad quem institutione sua actibus illis & verbis tribuit valorem. Et quemadmodum Christus, quando dixit, *Accipite, & comedite, Hæc est corpus meum*, ut non tantum diceret panem esse signum corporis sui, sed ex pane efficeret corpus suum, necessaria erat intentio, quæ verba illa ordinaret ad hunc effectum, eisque vim ad illum tribueret: ita etiam ut eius ministri idem faciant moraliter & humano modo, debent vel le idem facere, quod ipse fecit & instituit. Alioquin non agunt ut eius ministri, neque integrè faciunt id quod ipse fecit, vel instituit. Quandoquidem non nudas fecit illas actiones materiales quæ per se possent otiosæ esse ac ludicræ, & ad varios fines referri: sed fecit certo modo, & cum ordine ad finem & effectum aliquem, & præbendo eis vim & valorem ad illum. Idemque dico de baptizante, & proferente verba illa, *Ego te baptizo*, &c. iuxta Christi institutionem, Matth. ult. & de absolvente per illa verba, *Ego te absolvo à peccatis tuis*, &c. & de confirmante, ordinante, & aliis cuiusvis sacramenti ministris, quibus Christus præcepit & commisit has actiones ut morale & liberas, cum attentione & intentione humano modo exercendas.

Ut ex eo amplius confirmatur, quia ministri sacramentorum non sunt meri famuli, & executores: sed sunt ministri, quorum iudicio negotium commissum est; ut expressè de ministro sacramenti Pœnitentiæ affirmat Trident. sess. 14. can. 9. de *Sacram. Pœnit.* suntque *Dispensatores mysteriorum Dei*, ut loquitur Apostolus 1. Corinth. 4. v. 1. Dispensator autem proprie dicitur ille cuius potestati arbitrioque committitur aliquarum rerum distributio humano modo facienda, id est, cum intentione distribuendi: Ita ut v. g. is cui fuerunt commissi mille aurei dispensandi in varios pauperes, si alicui det 20. sine intentione transferendi dominium, sed ut paululum eos seruet: non dispenset tali actu, neque is quicquam iuris in talem pecuniam acquirat. Sic ergo neque validè mundat, aut dimittit peccata in Baptismo, Pœnitentiæ, & Extrema-unctione, neque dat potestatem sacram in ordinatione, neque sacramentaliter contrahit matrimonium, qui verbo tenus, serio quamvis modo, hæc facit sine interna intentione faciendi nomine Christi id quod facit, eo modo quo Christus ipse instituit. Adde quod è contrario sequeretur, Sacerdotem legentem in mensa, aut referentem aliter verba consecrationis serio modo, consecrare panem & vinum mensæ appositum: quod est absurdum. Denique ut rectè affirmat D. Thom. q. 64. a. 8. ad 1. minister sacramenti, quia rationalis est, & liberè agit, nec tantum mouetur, sed aliquo modo se mouet, debet habere intentionem,

27.
Ministri sacramentorum sunt dispensatores.

quā se subiiciat principali agenti, ut scilicet intendat facere, quod fecit Christus. Quibus verbis S. Thom. tangit præcipuum fundamentum huius sententiæ: nempe quod externi illi ritus non sunt sacramentales nisi cum fiunt à potestate tradita à Christo, sine qua & eius viū non magis possunt esse sacramenta, quā essent ante Christi institutionem. Hæc autem potestas non operatur nisi modo rationabili, id est, humano & libero.

28.
Non suffi-
cient intentio
faciendi a-
ctum ex-
ternum.

Ex his collige non sufficere intentionem faciendi solum actum externum, sed requiri necessariò intentionem faciendi illum ut sacramentalem, id est, ut Christus cum instituit: referendo illum ad finem institutionis, & volendo illum quia institutum, & prout institutum. Quare falluntur Catharini in opusculo. De intentione Ministri, & Scribonius disput. 1. de Sacram. quæst. 6. & 7. existimantes sufficere quod verba modo serio proferantur, prout solet exterius fieri ab Ecclesia, absque alia intentione interna, quā serio proferendi verba, & adhibendi materiam sacramenti. Contra quos pugnat Concil. Tridentinum sess. 14. cap. 6. ubi ait, absolutionem non esse validam si animus serio agendi & absoluendi desit. Vbi nota Concilium non dicere tantum, serio agendi; sed addere, & absoluendi. Quin etiam illud, serio agendi, debet potius referri ad intentionem internam, quā ad modum externum. Nam iuxta praxim & sensum Ecclesiæ, censentur esse validè baptizati parvuli infidelium, qui baptizantur interdum à Christiano habente quidem intentionem internam verè baptizandi, sed fingente exterius se alio fine infantem abluere, putà refrigerii aut medicinæ causa. Ergo intentio faciendi id quod facit Ecclesia, quam Concilia requirunt, non est intentio faciendi serio actum externum ut solet fieri exterius ab Ecclesia, quæ in casu illo non est; neque enim tunc exterius serio fit ut facit Ecclesia: sed est intentio adhibendi signum sensibile eo modo quo Christus instituit.

29.
Argumen-
ta in con-
trarium.

Obiicies 1. S. Thomam art. cit. in corp. & ad 2. affirmare intentionem Ecclesiæ, quæ satis exprimitur per verba sacramentalia, sufficere ad perfectionem sacramenti, nisi contrarium exterius verbis exprimitur ex parte ministri, vel recipientis sacramentum. Atqui fieri potest ut proferantur verba, & contrarium nihil exprimitur: & nihilominus non habeatur intentio aliud faciendi, quā exteriorem solummodo actum, neque de institutione Christi vllō modo cogitetur: ergo, &c. 2. Alexander ratum habuit baptismum ioco datum ab Athanasio adhuc puero coactaneis colludentibus, qui tamen non videtur habuisse intentionem faciendi quod Christus instituit, sed iocandi tantum. 3. D. August. lib. 6. de Baptis. cap. 53. dubitat an Baptismus irritus esset quando minister per iocum & irrisoriè ageret, ut olim Genesius in theatro: censetque expectandam esse reuelationem, antequam talis rebaptizetur. 4. A

August.

Christi institutione pendet ut requiratur talis intentio, vel non. Potuit enim Christus instituere ut sufficeret ponere actum externum, qui poni solet ab Ecclesia, sine alia intentione, quā, ad summum, ponendi actum externum. Convenientius autem fuit ita institui, ne alioqui sacramenta sint incerta, si pendeant ab intentione ministri, & eorum malicia noceat innocentibus. Ac sicut eam ob causam noluit Christus sacramenta pendere à ministri bonitate; ita probabilius est noluisse ut penderent ab eius intentione.

Adde quod cum aliquis utitur ministro, non est opus nisi ut hic exequatur opus externum. Nam si Dominus v. gr. mittat & donet alteri pecuniam per servum: licet hic non habeat intentionem donandi & transferendi Dominium; tamen propter voluntatem Domini donatur verè pecunia, & Dominium transfertur. Ministri autem sacramentorum sunt servi Christi. Ergo sat est si efficiant opus externum, sine alia intentione. Adde item quod omne signum sensibile, eo ipso quod publicè impositum est ad aliquid significandum, est verè signum sensibile vi solius institutionis publicæ, quācumque intentione proferatur. V. gr. vox homo, quācumque intentione dicatur, est verè signum sensibile & publicum (id est, secundum publicam impositionem) animalis rationalis. Atqui sacramentum est signum sensibile & publicum, institutum à Christo ad significandum talē actionem, & talibus verbis: ergo talis actio, & talia verba habent suam significationem ex impositione Christi, quicquid minister intendat: Imò licet contrarium intendat. Quia dum exhibet exterius talem ceremoniam, velit, nolit, facit signum à Christo institutum. Facit ergo sacramentum, neque potest tollere tali ceremoniæ significationem, inseparabilem ex Christi institutione. Sicut ille qui exhibet hostiam consecratam, velit nolit, exhibet sacramentum: quia ex vi consecrationis habet esse sacramenti inseparabile, neque potest minister illud tollere hostiæ consecratæ. Sicut etiam qui confert sacramentum, velit nolit, confert eius effectum subiecto bene disposito: quia non potest impedire efficaciam, quam sacramentum habet ex institutione Christi.

Ad primum Respondeo, mentem D. Thomæ constare magis ex iis quæ tradit eadem quæst. 64. 2. 10. in corp. & 2. 8. ad 1. ubi affirmat intentionem ministri requiri; & eum qui non intendit sacramentum conferre, sed derisorie agere, tollere veritatem sacramenti per illam peruersitatem, tamen si actum externum ponat. Quare cum D. Thom. non sibi contradicat verbis citatis in obiectione, benignè interpretandus est, ut explicatur à Suare & Caietano, de perfectione sacramenti præsumpta, non vera. Quia scilicet præsumendum est sacramentum valere, quando nihil exterius contrarium exprimitur ex parte ministri aut recipientis, & alioqui ponitur materia & forma legitima. Re tamen ipsa

Opinio S.
Thomæ de
intentione
Ministri.

nihil sit nisi minister ipse intendat actu proprio: quippe qui aliter non applicat potentiam quam habet efficiendi sacramentum, humano tantum modo applicabilem, ut ipsemet D. Thom. affirmat art. eodem ad primum. Vel potius loquitur S. Thom. verbis relatis in obiectone, de intentione generali & confusa, quam minister habet eo ipso quod vult nomine Ecclesie, aut eius more, facere id quod facit. Quae intentio sufficit, & vix deesse potest sine extrema malitia, operanti libere cum aduertentia proferendi verba sacramentalia: ut exponit Delugo disput. 8. sect. 4. & confirmat ex eo quod in illa responsione D. Thomae ad 2. pro, *mentaliter intentio*, legebatur in quibusdam codicibus, specialis intentio: ut testatur Sotus in 4. dist. 1. q. 5. a. 8. §. In 2. argumento.

Delugo.

Sotus.

32.

Ad 2. Respondeo, dupliciter aliquid ioco fieri. Primo ex animo tantum iocandi. Secundo, ex intentione quidem faciendi id quod efficiendum est, sed ulterius referendo ad iocum, & recreationem aliquam, velut ad finem extrinsecum. Primo modo sacramentum non fit: secus autem secundo. Nam id non magis obest valori sacramenti, quam quod ulterius referatur ad lucrum, vel ad vanam gloriam. Et in hunc sensum Athanasii factum, & Alexandri iudicium accipiendum est.

33.

Ad 3. Respondeo, id de quo dubitavit S. August. & definiti optavit, fuisse definitum à Trid. sess. 7. can. 11. *de Sacram. in gen.* & sess. 14. Cap. 9. *de Sacramento Penitentiae*. Nam priore loco affirmat vniuersim requiri in ministris sacramentorum intentionem saltem faciendi, quod facit Ecclesia. Posteriori, negat esse absolutum eum, quem Sacerdos non serio, sed ioco absoluit. Par verò est ratio de Baptismo & de aliis sacramentis. In casu autem, in quo rationabiliter dubitatur de valore Baptismi; non est expectanda reuelatio, sed prospiciendum saluti hominum, propter quos sacramenta sunt instituta, & potius exponenda sunt periculo nullitatis, quam anima periculo damnationis. Cumque D. August. eodem loco rectè censuerit eum non recipere Baptismum, qui fidei & sine intentione recipiendi accedit: Par fuit ratio ut non dubitaret eum quoque non verè baptizare, qui non serio, ac sine intentione baptizat. Potestas enim moralis efficiendi, non minùs pendet à voluntate & intentione, quam potestas recipiendi.

34.

Non fuit
conueniens
aliter insti-
tui sacram.

Ad 4. Respondeo, non fuisse conueniens ita institui, & Christum aliter fecisse, ut ex superioribus liquet. Quando enim v. gr. dixit Apostolis Ioan. 20. *Quorum remiseritis peccata, remittuntur eis*, &c. commisit potestatem arbitrio illorum, quae sine voluntario usu non poterat operari. Potestatem, inquam, non meri famulatus sed iudicalem, & talem ut eorum iudicio negotium absoluendi & retinendi peccata committeretur, cum recta ratione, & prout aequitas postulat, ut requirit negotium tanti momenti, & Trid. declar. sess. 14. can. 9. *de Penitentia*.

Tom. I V.

Ad contraria verò motiua dico 1. in actionibus humanis, etiam sacris, non esse expectandam certitudinem metaphysicam, sed sufficientem moralem, quae in presenti negotio est, quoties nulla, ex parte ministri, datur causa dubitandi legitima. Nec par est ratio de ministri bonitate, quae multò magis redderet sacramenta incerta, cum facillimum sit habere intentionem, saltem confusam & generalem, quae nulli nisi summè malitioso deesse potest: At non ita facile est esse semper in gratia. Quod si quis decipiatur à ministro: supplebit Deus excitando ad opus operantis, si eius est capax, id quod ad salutem necessarium est, nisi seipso tali gratia indignum praebeat. Neque verò tenetur magis Deus occurrere omnibus incòmodis, quae per hominù culpam contingere possunt in usu sacramentorù, quam teneatur impedire ne moriantur tot paruuli sine remedio peccati originalis. Nemini enim quicquid debet. Et tamen vindex grauissimus erit in eos, qui sua malitia nocuerint innocentibus. 2. Dico, id quod obicitur de ministro, verum esse quando est seruus aut nuncius referens tantum alterius còsensum, aut merus executor, & velut instrumentum physicum operis. At non quando ministro negotium ipsum committitur, ut licet nomine alterius, suo tamen iudicio illud peragat. Tunc enim ministri voluntas necessaria est. Ministri verò sacramentorù sunt tales, ut supra ostendimus. Dico 3. ex dictis supra constare res & verba non esse signa efficacia gratiae ex Christi institutione secundum se nudè sumpta, aut quomodocumque ponantur: sed tantum ut ponuntur certo quodam modo, quem idem Christus instituit, nempe ex legitima potestate, & intentione, atque usu libero talis potestatis, in subiecto idoneo. Ablutio enim v. g. & prolatio verborum, non est Baptismus sacramentalis, nisi haec omnia concurrant: eoque omnia Baptismi nomine significantur. Quare exempla allata in obiectione non sunt similia.

35.
Intentio
necessaria
facillime
habetur.

SECTIO IV.

Qualls intentio ministri esse debeat ad sacramentum efficiendum?

Queritur 1. Vtrum in quolibet sacramento requiratur intentio distincta & expressa secundum propriam eius institutionem? V. g. Vtrum in Baptismo requiratur intentio particularis secundum distinctam illius notitiam, quod sit institutus ad spiritalem regenerationem, aliosque effectus ipsi proprios? Respondeo negatiue: sed sufficere confusam & generalem intentionem faciendi id quod facit Ecclesia in tali cerimonia, siue id quod Christus instituit: licet in particulari ignoretur quid instituerit, & quo fine peculiari. Patet ex Florent. in decr. ubi definit sacramenta his tribus perfici, *rebus ut materia, verbis ut forma, & persona ministri conferentis sacramentum cum intentione faciendi quod facit Ecclesia*. Quibus verbis Concilium non aliam requirit intentionem, quam generalem, atque sacram.

36.
Non requiritur intentio distincta & expressa.

X x

mentia per illam perfici. Ergo distincta & particularis non est necessaria. Eodem sensu loquitur Trident. sess. 7. can. 11. de Sacram. in gen. ubi requirit solum in ministris intentionem saltem faciendi quod facit Ecclesia. Et cap. *Si quis per ignorantiam*, Cap. *Romanus Pontifex*, Cap. *A quodam Iudæo*, de Consecratione dist. 4. Et cap. *Firmiter*, de summa Trinitate & fide Catholica, in Concilio Lateran. asseritur Baptismus non tantum a doctoribus, scientibus peculiarem sacramentorum institutionem & differentiam, posse valide tribui: sed a quocumque etiam infidelium & impiorum, qui non aliam notitiam & intentionem, quam confusam & generalem habent.

37.
Non debet
necessario
ferri in ef-
fectum sa-
cramenti.

Quæritur 2. An intentio Ministri debeat necessario ferri in effectum sacramenti immediate & per se? Respondeo negativè. Sufficit enim intendere in causa, id est, in ipso sacramento; quod cum intenditur, id etiam intenditur, quod ex illo veluti naturaliter sequitur, & necessario cum illo connexum est, quantum est ex parte sacramenti. Quod si quis circa talem effectum non modò negativè se haberet, non intendendo scilicet formaliter & per se; verum etiam positivè per contrariam voluntatem; de illo iudicandum esset, ut de similibus voluntatibus contrariis, & reuera incompatilibus. Nam pisi hanc secundam voluntatem subiiciat priori, ita ut velit absolute conferre sacramentum, quicquid sit de illa sua voluntate non conferendi effectum quantum est ex se: nihil facit. Secus autem si subiicit. Ratio est, quia in priori casu vult absolute & intendit sacramentum. In posteriori autem non vult: destruit enim illam volitionem per contrarium actum prædominantem.

38.
Sufficit in-
tentio vir-
tualis.

Quæritur 3. An requiratur intentio actualis, dum fit sacramentum? Respondeo actualem intentionem circa ipsum sacramentum, quando actu fit, non esse necessariam: sed sufficere posse virtualem: non tamen habitua-lem: neque etiam remotam solum & interpretatam, siue in causa tantum. Declaratur & probatur responsum. Intentio actualis est, quando actus ipse intendendi est per se præsens formaliter & physicè hic & nunc; ita ut voluntas actu velit id, quod dicitur intendi. Ut quando minister conficiens sacramentum, vult actu illud conficere; illud, inquam, secundum se formaliter atque expresse cognitum & volitum: Et hæc omnium consensus sufficit ad sacram. efficiendum: Ac si quæ alia, sufficere debet. Non tamen determinatè necessaria est, quia sufficit etiam virtualis.

39.
Intentio
virtualis
est duplex.

Dicitur autem virtualis dupliciter. Primum, illa quæ actu quidem est, sed est confusa respectu obiecti, quod non intenditur formaliter & expresse secundum se, sed confusè tantum & virtualiter, aut æquivalenter, actu aliquo generali aut æquivalenti. Quod patet ille qui vult efficaciter finem, vult media virtualiter, licet de illis non cogitet. Et qui intendit confusè facere quicquid facit, habet virtualiter & latenter voluntatem re-

quæ conficiendi sacramentum, si tunc re ipsa conficit. Et hæc intentio partim virtualis est, partim actualis. Actualis, quatenus actu est. Virtualis, ratione obiecti cuiusdam quod occultè tantum intendit. Secundò, & purè virtualis dicitur, seu potius remanere virtualiter, illa ipsa quæ actu fuit, sed physicè esse desit, & manet tamen virtualiter in aliquo alio ab ipsa procedente, in quo manet aliquo modo vis illius tanquam in effectu ex ipsa proveniente, ut cum aliquis ex intentione actuali eundi Romam, dat se itineri, quod deinde prosequitur intendens semper virtualiter ire Romam, licet de Roma non semper cogitet. Aut cum sacerdos, ex intentione actuali faciendi sacrum, templum petit, vestes sacras induit, altare conscendit, incipit sacrum & prosequitur. In his omnibus manet intentio actualis virtualiter, nisi per actum contrarium retractetur. Ac verè talis consecrat, licet propter euagationem animi de consecrando non cogitet quando profert verba consecrationis. Talem enim intentionem virtualem quocumque modo sumptam sufficere docent communi consensu Theologi. Idemque est Ecclesiæ sensus, quæ sacramenta tali modo collata approbat. Ratio præcipua est, quia non est existimandum Christum sacramentorum effectum instituisse nimis anxiam aut difficilem: cuiusmodi esset, si vel distincta notitia, vel actualis intentio necessaria esset, adeo ut vel levis distractio, quæ plerumque est naturaliter inevitabilis, sacramenta irritaret.

Quod si quæras, quid illud sit, quod ex intentione præcedenti relinquitur, ratione cuius intentio virtualiter manet, & operis intenti executio peragitur? Dico, multa esse quæ vel ex consuetudine, vel ex vi imaginationis semel excitatæ, vel ex specierum connexionem, vel ex quadam fore pronitate virtutis motuæ ad continuandum motum, inseruiunt ut peragatur opus sine præsentè actuali intentione, ex vi nihilominus præcedentis intentionis. Quomodo ille, qui est assuetus vel itineri alicui faciendo, vel recitandis quibusdam precibus, vel aliis actibus; si semel incipiat, prosequitur postea, etiam non cogitans de eo, quod initio intendit. Sæpius quoque intentio actualis est, quamvis non advertatur. Sicut attentio est in cytharizante, vel legente, quamvis non videatur attendere ad modum pulsandi artificiosè cytharam, vel ad valorem characterum. Sed quamvis intentio actu non sit quando actio vi illius inchoata continuatur; sunt tamen alii actus intellectus aut voluntatis, aut partis inferioris animæ, qui necessarii sunt ut actio continetur, præsertim si artificiosè fiat, ut sunt actiones sacramentales cum suis ceremoniis, celebratio Missæ, & similia.

Habitualis verò intentio dicitur illa, quæ vel semel habita est, & non fuit retractata; nam Intentio

habitualis
non suffi-
cit & quid
illa sit?

donec retractetur, habitualiter manere di-
citur: vel quæ consistit in habitu, ex illo
actu & similibus acquisito; quo habitu vo-
luntas facilitatur & promptior fit ad exer-
cendos actus similes. Et hanc non esse suf-
ficientem docent communiter Theologi:
quia non influit in actum externum quo sa-
cramentum ponitur, neque cum illo physicè
vel moraliter connexa est; sed impertinen-
ter se habet, si nihil aliud sit, id est, si non
maneat virtualiter in aliquo effectu ex ip-
sa sequuto, & procedente vsque ad actum
illum externum vi ipsius causatum. Sed iam
non esset tantum habitualis, ut supponimus.
Quod si D. Thom. interdum significare vi-
detur habitualement intentionem sufficere: im-
proprie sumit pro virtuali, ut interpretantur
Thomistæ omnes, qui cum cæteris Theolo-
gis nobiscum sentiunt.

42.
Neque ig-
tentio re-
mota & in-
terpretati-
ua.

Intentio denique remota, vel interpre-
tatiua, & in causa tantum, est illa, quæ
quispiam vult aliquid tantum in causa. Ut
qui vult inebriari, prauidentem se inratum
in ebrietate. Iuramentum enim dicitur esse
illi voluntarium interpretatiue, remotè, &
in causa. Et hæc intentio non sufficit ad sa-
cramentum efficiendum: quia non influit
in effectum humano modo & rationabili,
quo pacto intentio debet esse causa Sacra-
mentorum. Quare si minister verbi gratiæ
sciat se solitum proferre formam Sacramen-
ti cum dormit, aut quando ebrius est; etiam-
si intentione dormiat, vel inebrietur, id
non sufficit: quia talis intentio non sufficit
ut actio externa sit satis propriè & perfectè
humana, cum eo tempore non possit esse
vltus rationis, ob statum positivè contra-
rium. Neque per se influit in actionem sa-
cramenti, sed tantum remotè, applicando
causam ex qua actus ille procedit modo po-
tius naturali vel animali, quam huma-
no. Neque par est ratio de distracto. Nam
actio procedens ab homine distracto tan-
tum, procedit ab homine libero, & ab in-
tentione faciendi sacramentum, physicè
quidem per distractionem interrupta, sed
non moraliter: idèoque hæc sufficit, non
illa.

43.

Differentia verò inter vtrumque operan-
di modum facilius ipsa experientia cogno-
scitur, quam verbis explicatur. Experi-
mur enim nos longè aliter nos habere quan-
do in vigilia, præeunte vsu rationis, & di-
stractione superueniente, pergitur loqui,
vel aliquid facere: & aliter, quando som-
no sopiti facimus aliquid, quod ante præ-
uidimus & volumus facere dormiendo.
Tunc enim facultas est multò magis liga-
ta, & bruto quodam modo se habet; quæ-
que tunc facit, non censetur esse actiones
humanæ, sed purè animales. Idèoque di-
co de operante tempore ebrietatis, vel amen-
tiæ. Quare eorum locutio tunc temporis non
est humana locutio, exprimens humano &
rationabili modo mentem seu conceptum
humanum, quem interius habeant: sed locu-

tio animalis, passionem aliquam vel effectum
animalium ad summum exprimens: aut in-
terdum similis est locutioni Picarum & Psit-
tacorum, voces articulatas formantium,
quarum sensum non habent. At sacramenta
debent humano modo fieri per actiones hu-
manas. Quare locutio sacramentalis, in qua
forma consistit, debet esse humana, & hu-
mano modo significare mentem præsentem
loquentis, & seriò agentis. Similiterque
actio abluendi, vel vngendi, vel alia, quæ est
materia sacramenti, debet humano modo
fieri, & significare id, ad quod significan-
dum Christus eam instituit. Hoc autem non
fit sine intentione saltem virtuali, per quam
continuetur modus agendi humanus, non
omnino interruptus, ut fit in somno, ebrie-
tate, & amentia; sed in statu & vigilia ratio-
nis perseverans, propter moralem, & suffi-
cientem moraliter connexionem actionum,
quæ fiunt, cum libera & actuali intentione,
ex qua fieri cœperunt.

Obiicies 1. remotam intentionem suffi-
cere, ex parte recipientis, ut patet in ægro-
to, qui ante phrenesin Baptismum petiit vel
sacramentum Pœnitentiæ, & in phrenesi
postea recipit. 2. D. Augustin. tract. 5.
in Ioan. ait Baptismum datum ab ebrio-
so bonum esse. 3. Voluntas habitualis suffi-
cit ad applicandum alicui sacrificium. Si
enim hodie destinem cras pro Petro sacrifi-
care; dummodo non retractem, id sufficit:
ut patet ex communi sensu fidelium. 4. Ma-
trimonium contractum per procuratores, va-
let, quamvis coniuges dormiant, aut ebrii
sint, aut etiam amentes facti sint, quando
procuratores contrahunt eorum nomine.

Ad primum Respondeo ex parte ministri,
qui se habet in modum causæ efficientis, plus
requiri, quam ex parte suscipientis, qui se
habet in modum subiecti passivè tantum. Ad
agendum enim plus requiritur perfectionis,
quam ad patiendum. Vnde paruuli possunt
sacramenta recipere, non conferre. Deni-
que ex parte ministri requiritur intentio ve-
lut principium actionis sacramentalis, quæ
debet humano modo fieri.

Ad secundum Respondeo ebriosum dici
eum, qui amat & solet inebriari, licet ebrius
non sit semper, neque tunc speciatim quando
Baptismum administrat validè. Ad tertium
dico, intentionem ut sacrificium prodest, de-
bere tantum mouere diuinam voluntatem, ut
illi prodest, cui volo: quod potest fieri ea in-
tentione & voluntate, de qua loquitur obie-
ctio. At intentio sacrificandi, vel conficiendi
sacramentum, debet actu applicare poten-
tiam executiuam ad actum externum huma-
no modo faciendum: Idèoque dispar est ratio
vtriusque. Item voluntas sacrificandi pro ali-
quo, est donatio fructus sacrificij pendens à
ministri potestate. Donatio autem rei post
futuræ in mea potestate, valida est. Ut si
quis donet iam alteri fructus, quos ex vi-
nea sua percipiet in autumnus. Nec obest
quod opponit Vasquez disputatione 138.

XX 2

44.

Remota in-
tentio suffi-
cienti reci-
pienti sa-
cram, sed
non minis-
tranti.

45.

Intentio re-
mota suffi-
cit ut sa-
cificium ali-
cui prodest.

cap. 6. num. 74. applicare alicui sacrificium nihil esse aliud, quam offerre pro illo sacrificium: non offert autem per voluntatem, quæ nullo modo est causa sacrificii. Respondeo enim, applicare alicui sacrificium non esse actu pro illo offerre, seu sacrificare: sed velle tuo tempore pro illo offerre, & nunc eius fructum illi donare, seu potius dare illi ius ad fructum eius recipiendum, quando actu offerretur suo tempore.

46. Ad quartum Respondeo, valere quidem Matrimonium contractum per procuratores, quamvis coniuges, quorum nomine contrahunt, sint tunc ebrii vel dormiant: dummodo tamen ipsi procuratores sint sui compotes, quando contrahunt nomine coniugum, & agant humano modo. Verum quando matrimonium contrahitur per procuratores, non coniuges, sed ipsi procuratores sunt immediati illius ministri. Sicut enim sunt causa proxima contractus, ita & sacramenti, dummodo habeant intentionem contrahendi prout Christus instituit, seu faciendi quod Ecclesia facit. At verò si contrahentes per procuratores incidant in amentiam, priusquam contractus ab istis perficiatur, matrimonium nullum est, ut bene docent Basilii Pontius lib. 2. de Matrimonio cap. 15. num. 14. & Delugo disp. 8. de Sacram. num. 108. contra Henricum, Sanchez, & Bonacinam, quos ille citat. Ratio eiusdem auctoris est, quia illi quorum nomine agunt, sunt iam incapaces contrahendi Matrimonium. Est enim amentia vnum ex naturalibus impedimentis irritantibus. Et deinde eorum mandatum procuratoribus datum expirat per amentiam. Sicut enim mandatum expirat morte naturali: sic etiam expirat morte civili eiusdem, si fiat amens aut furiosus, ut dicitur, lege, *Qui servum suum*, & lege, *Si quis alicui*, ff. de acquirenda hereditate.

47. Addit auctor postremò citatus ibidem num. 109. validum fore sacramentum Matrimonii, licet contingeret, ut postquam primus coniugum consensus præstitit aut expressit, alter suum consensum exprimeret, & statim amitteret rationis usum, antequam eius consensus à primo coniuge perciperetur: nihilominus enim validum, esset sacramentum & perfectum, cum primum coniux prior verba posterioris & eius consensum perciperet; & tunc perficeretur sacramentum, quando iam minister qui ultima verba protulit, non esset compos sui: quod facilius posset contingere, si mutuos consensus per epistolas sibi inuicem coniuges transmitterent, ut fieri posse docet Sanchez lib. 2. de Matrimonio disp. 12.

48. At hoc verum esse non puto, neque satis coherens cum superiori eius doctrina. Nam quando perficitur contractus Matrimonii, coniuges debent esse capaces contrahendi, id est, carere omni impedimento irritante. Atqui in casu posito vnus eorum est incapax, ob naturale impedimentum amentiae co-

stanti quo sacramentum Matrimonii perficiendum erat. Debat enim perfici cum primum coniux prior verba posterioris, & eius consensum perciperet, ut fateretur idem auctor: tunc autem coniux posterior supponitur esse amens, & consequenter incapax contrahendi: ergo tunc non fit contractus, impedimento prævalente, adeoque validum non est sacramentum Matrimonii. Item coniux ille non plus facit per epistolam, quàm exprimit suum consensum, quàm faceret per procuratorem. Atqui si in amentiam incidere priusquam procurator eius consensum significaret, & eius nomine contraheret; Matrimonium nullum esset, ut supra dixit & bene probavit idem auctor. Ergo non magis valet Matrimonium, si in amentiam incidat, interim dum epistola ad alterum deferretur ut suum illi consensum exprimat.

Nec obest exemplum ab illo allatum de donatione facta, & per nuncium vel per literas ad donatarium missa, quæ potest esse valida & acceptari, etiam si interim donator moriatur, priusquam epistola vel nuntius ad donatarium perveniat. Sic ergo, inquit, promissio coniugis valida esse poterit & acceptari, licet, antequam percipiatur ab altero, amiserit rationis usum.

Respondeo enim 1. non esse hanc questionem de promissione, sed de ipso contractu Matrimonii, qui consistit essentialiter in mutua corporum traditione & acceptance, per verba aut signa de presenti. 2. Differentiam esse inter simplicem donationem, & contractum Matrimonii, quo inducitur obligatio mutua & reciproca, ex mutuo consensu utrinque dato & acceptato. Nam simplex donatio obligat tantum donatorem, ut quantum est ex se transferat in alterum dominium rei, quam ei donat. Sic autem potest quisque se obligare sine consensu alterius. At contractus Matrimonii consistit essentialiter in mutuo consensu de presenti, sufficienter expresso. Unde non potest vnus coniugum se obligare, nisi simul alter se obliget. Ac si vnus est incapax obligationis, eo instanti quo obligatio est contrahenda: neuter se obligat, & contractus est invalidus.

Supereft notare intentionem actualem, quæ vel præsens physice, vel virtualiter remanens, sufficit ad sacramentum efficiendum, non debere necessario esse expressam & formalem voluntatem faciendi sacramentum secundum se cognitum & volitum ut sacramentum: sed sufficit confusa quædam intentio actualis, & virtualis primo modo, quæ haberi censetur, quando minister apprehendit & vult opus externum vel ut à Christo institutum, vel ut imperatum aut usurpari solitum ab Ecclesia, aut prout illud communiter faciunt alii Ecclesiæ ministri, vel cum apprehendit & vult actum illum tanquam ceremoniam religionis, vel denique cum operatur virtute aliquarum intentionum uniuersalium: ut cum statuit omnia operari ea intentione quâ obligatur: aut sicut rerum ista-

Matrimonium per procuratores contrahitur validè, coniugibus dormientibus aut ebriis.

Pontius. Delugo.

Quid si alter coniugum prius consensus vltimo rationis ante contractum vtriusque perfectum?

Sanchez.

49.

50.

Sufficit intentio confusa faciendi sacram.

tum vltius in religione Christiana postulat. Cum igitur vi alicuius ex his intentionibus actu præsente, aut virtualiter remanente, minister operatur; habet intentionem ad sacramentum sufficientem; quæ vix potest viri bonis deesse quando exercetur actio sacramentalis, id est, quando materia & forma coniunguntur: licet tunc animi distractio subrepat.

§ 1. Digressio circa verum sensum huius propositionis. Altero cuius est necessarius ad videndum: cuius finis est illa, Altera intentio, virtualis scilicet, aut actualis, est necessaria.

Quæres obiter quis sit sensus huius propositionis, Aliqua vel altera ex his duabus intentionibus, actualis scilicet aut virtualis, necessaria est ad sacramentum efficiendum? Respondeo, esse hunc sensum verum: quod quilibet harum intentionum sola & seorsim sufficit: & quilibet earum necessaria est deficiente altera: quia si vtraque simul defuit, sacramentum fieri non potest. Sicut aliquis oculus, seu alter oculus, dexter aut sinister, est ad videndum necessarius: id est, vterque seorsim & solus sufficit, & quilibet deficiente altero necessarius est, quia si defuit vterque simul, nemo videre potest. Potest autem indifferenter hic aut ille necessarius denominari in ordine ad visionem. Vnde hæc necessitas seu potius denominatio necessitatis dicitur esse confusa & indeterminata, quatenus quilibet indifferenter manere potest, altero deficiente. Hunc autem esse verum sensum harum & similium propositionum probatur, quia euidens est alterum, dextrum aut sinistrum, esse naturaliter necessarium ad videndum in sensu explicato: & hæc veritas potest aliqua propositione significari ex instituto. Ad eam verò significandam instituta est hæc propositio (vt patet ex communi usu Philosophorum, & hominum iudicio.) Aliquis oculus, vel, alter oculus ad videndum necessarius est: quæ potest facile in prædictum sensum resolui: sicque intelligitur & resoluitur communi usu, cui perperam opponunt se Recentiores quidam, vt alium sensum ridiculum substituant: hunc scilicet, quod aliquis oculus ad videndum est necessarius, id est, inquiunt, oculus dexter ad visionem quæ fit oculo dextro: & oculus sinister ad visionem quæ fit oculo sinistro. Quo pacto & quæ verum erit quod vtrique oculus sit necessarius ad videndum, nempe ad vtramque visionem quæ fit vtriusque oculo. At falsum est, vtriusque oculum esse necessarium ad videndum eo sensu, quo fatentur homines alterum esse necessarium. Quare aliud intendunt homines significare priori propositione.

§ 2. Doctrina Nominalium de suppositionibus relictis.

Verum etiam non est quod dicunt, terminum, qui est subiectum propositionis vocalis, debere supponere semper pro aliquo singulari determinato & distincto à quolibet alio, de quo prædicatum verificetur. Nam potest etiam supponere pro aliquo vniuersali, vt cum dicitur, Homo est animal: & pro pluribus collectiue sumptis, vt cum dicitur, Omnes Apostoli sunt duodecim: & pro pluribus speciebus aut generibus collectiue, vt cum dicitur, Omnia sacramenta nouæ legis sunt septem, nec plura, nec pauciora. Quam pro-

positionem si improbant iidem Recentiores, sicut dicunt hanc improbam esse, Logica dirigit tres mentis operationes, quia, inquiunt, non nisi improbo dicendi & concipiendi modo vocantur tres mentis operationes, tria genera operationum mentis, apprehensio, iudicium, discursus: sicut ineptum esset vocare tria animalia, tria genera animalium: intelligant illam propositionem traditam esse à Trident. sess. 7. can. 1. de Sacramentis in genere: & non esse damnanda improbitatis loquendi & concipiendi ipsa Concilia Occumenica in suis definitionibus. Sicut autem subiectum propositionis supponere potest pro pluribus collectiue sumptis: Ita & pro pluribus disiunctiue aut disiunctim: vt, Aliquis homo est iustus; Aliquis homo est necessarius ad baptizandum; Aliquis oculus est necessarius ad videndum.

Verum quoque non est quod dicunt iidem Nominales prædicatum non posse verificari, nisi subiectum supponat pro aliquo existente. Nam hæc propositio vera est & de fide, Iudas Christum prodidit: licet significatum subiecti iam non existat, sed extiterit: item hæc de futuro, Antichristus erit: & hæc de possibili, Possibile est possibile: Omnia possible sunt Deo possible: siue vt dicitur Marci decimo quarto, vers. decimo sexto, Omnia tibi, Deus, possible sunt: Item hæc de non ente & impossibili, Chimæra est impossibilis, vel, est non ens. Impossibile est Deum mentiri, deficere, &c. Item etiam hæc in sensu tacite hypothetico, Omne totum est maius sua parte: aut, Omnis homo est animal rationale, id est, Si est homo actu, est actu animal rationale: & si possibilis est homo, possibile est animal rationale: nec aliter est aut esse potest, ob inseparabilitatem prædicati à subiecto. Et denique in vniuersum ad veritatem propositionis sufficit, prædicatum & subiectum conuenire prout significatur, seu prout copula propositionis fert: quæ copula non significat semper existentiam subiecti & prædicati, vt male ipsi existimant. Qui non feliciter philosophantur cum dicunt identidem; Homo est, sed non est homo: Album est, sed non est album: Motus est, sed non est motus: peccatum est, sed non est peccatum: Actus Dei contingens necessarius est, sed non est necessarius actus Dei contingens, & similia. Quasi termini harum propositionum non possint eodem modo supponere; & distingui eodem modo in prædicato & subiecto: vel reipsa non sit idem, galerum album, & album galerum, vt vulgò dicitur. Quare tota illa doctrina Nominalium de suppositionibus, velut arbitraria, & à communi sensu aliena reicienda esse mihi videtur.

Frustra verò obijciunt ex nostra sententia sequi duas contradictorias esse veras, hanc scilicet, Aliquis oculus est necessarius ad videndum: & istam, Nullus oculus est necessarius ad videndum. Nam prior per nos vera est. Sed posterior, Solusque argumentum, Nonine-

terior quoque vera est: Quia ad veritatem vniuersalis propositionis sufficit quamlibet particularem sub illa contentam esse veram. Sic autem habet: quia hæc vera est, Dexter oculus non est necessarius ad videndum: & hæc etiam, Sinister oculus non est necessarius ad videndum: præter dextrum verò, & sinistram, non est alius. Respondeo hanc vniuersalem, Nullus oculus est necessarius ad videndum, negare omnes particulares in quocumque sensu. Negatio enim, ut aiunt Logici, est naturæ malignantis, quæ tollit quicquid post se inuenit. Quare negat dextrum esse necessarium in quacumque suppositione: & non modò in suppositione determinata, sed & in confusa & indeterminata: quo sensu falsa est. Ad illud verò quod iidem obiciunt, Quicquid est, est determinatè id quod est: ergo si est necessarium, est determinatè necessarium. Respondeo quicquid est, esse determinatè id quod est intrinsecè, aut quod verè esse dicitur intrinsecè, & absolutè secundum se: posse tamen esse indifferens ad finem aliquem, ad quem comparatur, & ad denominationes sumptas ex tali comparatione. Quo pacto indifferens est oculus dexter & sinister, ut sit & dicatur necessarius ad videndum deficiente altero.

SECTO V.

Soluantur alie tres quæstiones circa intentionem ministræ Sacramentorum.

§ 3.
Intentio ministræ sacram. debet esse determinata?

QUÆRITUR 4. An intentio ministri debeat esse determinata circa materiam, formam, subiectum, &c. absque ullo errore substantiali circa id ad quod intentio determinatur? Respondeo affirmatiuè, quoad ea omnia, quæ ad sacramenti effectum sunt simpliciter necessaria. Quod addo, propter Eucharistiam, in qua subiectum non est necessarium ad effectum, quia non consistit essentialiter in applicatione, ut cætera sacramenta. De illa tamen par est ratio quoad materiam circa quam, ita ut verbi gratia qui ex decem hostiis sibi præsentibus vellet aliquam consecrare, & nullam omnino determinaret; nihil faceret: aut qui vellet aliquam partem, aut aliquas partes hostiæ consecrare, non omnes, & non determinaret quas. Ratio est quia intentio ministri debet esse efficax & actiua. Actiones autem sunt circa singularem & quidem determinatam. Cùmque intentio debeat ferri in id, circa quod exercetur sacramentum, aut in quo consistit; & non possit sacramentum, quod est actio exterior, exerceri nisi circa rem singularem & determinatam, non autem circa aliquid vagum: necesse est etiam ut intentio sit circa rem determinatam & certam, ad quam applicetur potestas efficiendi sacramentum.

§ 4.
Error in

Item licet intentio sit determinata quidem, sed erret: quia id quod est in cognitio-

ne & intentione, non est verè in re, nihil fit si contingat error circa ea quæ sacramento efficiendo essentialia sunt, aut simpliciter necessaria. Ut si quis velit baptizare vel absolueret Petrum determinatè, circa quem fallatur, baptizans aut absolvens loco illius Paulum. Ratio est, quia intentio non cadit in illum nisi per absolutam intentionem errori suo derogat, intendens absolutè præsentem, quisquis sit, baptizare aut absolueret. Si autem intentio in illum non cadit: ad illum non dirigitur ex intentione actio sacramentalis. Quia in eo casu reseat tantum in cognitione, & non subest actui sacramentali, qui non fit circa rem secundum quod est tantum in cognitione, sed secundum se realiter. Quare intentio ministri debet verè cadere in illud, ad quod determinatur, & cui actio sacramentalis applicatur. Alioquin si intentio dirigitur ad vnum, & actio veritatur circa aliud; non procedit actio ex tali intentione, atque ita non est verè sacramentalis, nec procedens à ministro applicante potestatem moralem efficiendi sacramentum, ad huiusmodi actionem.

Loquimur autem de essentialibus sacramenti, vel absolutè necessariis. Nam error circa alia, vel defectus determinationis, non derogabit valori sacramenti, nisi redundet in essentialia vel necessaria. Præterea intentio ab initio ferri debet necessariò in essentialia & necessaria absolutè: adeo ut si quis partem formæ essentialis protulerit, nondum habita intentione; non sufficiat reliquam partem ex intentione ponere. Partem, inquam, essentialem. Nam si verba, quibus intentio defuit, non sint de essentia formæ sacramenti, validum erit sacramentum. Licet enim omnino omittantur, validum tamen esset. Ergo à pari, valet sacramentum, licet non proferantur ex intentione. Si verò sunt de essentia, ita ut eorum ommissio sacramentum irritet; defectus quoque intentionis circa illa irritabit sacramentum. Quia ad valorem sacramenti non sufficit proferre verba, sed requiritur ut proferantur ex intentione, quæ si desit, perinde est ac si non proferrentur. Satis verò est si ab initio in totam materiam & formam essentialem & alia necessaria ceciderit. Vnde si quis v.g. decem hostias ex intentione consecrandi detulerit, omnes consecrabit, licet dum actu consecrat, de vnâ tantum cogitet. Manet enim virtualiter & sufficienter intentio consecrandi omnes, nisi retractetur.

Quæritur 5. An sacramentum validè fiat quando minister habet duas intentiones contrarias inter se, quarum vna repugnat valori sacramenti? v.g. si intendat conficere Eucharistiam, seu consecrare corpus & sanguinem Christi, sed simul intendat non sacrificare, putans consecrationem non esse sacrificium. Si intendat dare verum baptismum à Christo institutum, sed intendat non dare illum quem dat Ecclesia Romana, quia putat illum non esse legitimum.

intentione circa essentialia irritat sacram.

§ 5.
Error circa non essentialia, aut non necessaria, non irritat sacramentum.

§ 6.
Quid si minister habet intentiones contrarias quarum vnâ repugnet valori sacramenti?

Resp. idem hic sentiendum esse de intentione, quod diximus alibi de forma: nempe valere sacramentum, dummodo per intentionem absolutam & prædominantem deroget contrariæ intentioni, impeditur alioqui valorem sacramenti. Ratio est, quia sufficit ut intendat absolute, conficere sacramentum, quicquid sit de suo errore privato. Tunc autem intendit absolute. Quod dupliciter facere potest 1. si habeat simul utramque intentionem, sed vnam absolutam & efficacem faciendi sacramentum, quicquid sit de suo errore privato: Alteram verò dependentem ab illa, eique subordinatam: v. gr. si ita animo affectus sit, ut velit absolute consecrare Eucharistiam, quicquid sit de sacrificio. Quo pacto derogat suæ intentioni erroneæ non sacrificandi: ac supra illam se virtualiter saltem reflectit, quasi apponendo illi mentalem clausulam derogatoriam. 2. Si successiue habeat prius intentionem contrariam valori sacramenti, absolutam, & efficacem: Posterius verò habeat intentionem faciendi sacramentum æque absolutam & efficacem. Et tunc etiam valide conficit sacramentum, quia posterior voluntas derogat priori, ut fit in testamentis. Si autem simul haberet utramque intentionem æqualem, nihil faceret: quia vellet facere impossibile.

57. Addunt aliqui recentiores idem dicendum esse etiam si voluntas vna esset post aliam: si tamen utraque influeret in actum. Tunc enim, inquit, non procedit regula supraposita, quod voluntas posterior prævaleret. Nam si utraque facit quod nunc exerceam hanc actionem: utraque est virtualiter præfens, & propter utriusque finem censetur operari. Tunc ergo posterior voluntas præualeat, quando prior solum manebat habitualiter. Hæc illi. Quibus non assentior: quia prior voluntas non manet virtualiter, ac ne quidem habitualiter, quando retractatur per posteriorem priori æqualem, & æque absolutam & efficacem, ut supponimus. Quare utraque iam non influit in actum, sed posterior sola, propter quam agens deinceps operatur. V. gr. qui sic apud se statuit, Nolo absolute sacrificare; & postea statuit, Volo absolute consecrare corpus & sanguinem Christi, tuncque profert verba consecrationis super panem & vinum; operatur ex intentione posteriori absolute & efficaciter mouente ad id quod facit, non obstante priori, cui derogat hoc ipso quod mutat voluntatem, vultque reipsa consecrare absolute & efficaciter: Ac proinde vult etiam sacrificare: cum non possit consecrare nisi sacrificando. Qui enim vult absolute & efficaciter finem, vult quicquid finis includit intrinsecè, & id omne sine quo finis obtineri nequit.

58. Queritur 6. An intentio ministri debeat esse absoluta, vel sufficiat conditionata? Respondeo, conditionatam non sufficere, nisi sit talis ut statim transeat in absolutam, ac reipsa sit absoluta, prius natura quam sacramentum efficiatur. Ratio est, quia sola intentio

absoluta est efficax de præfenti. Sicut enim propositio conditionalis, ut sic, nihil ponit in esse, ita conditionalis voluntas, quamdiu talis est, suspensa manet, & nihil operatur. Si ergo quando materia & forma sacramenti ponitur, intentio ministri non sit absoluta, vel non æquiualeat; & transeat in absolutam: non potest esse tunc sacramenti efficax: neque postea erit: quia non est in ministri potestate ut sacramentum sit futurum, quando non erit ipsius materia, neque forma, sed esse desierit.

59. Triplex autem conditio apponi potest intentioni. Prima de præterito: Secunda, de præfenti; Tertia, de futuro. Dux priores omnino destruunt intentionem, si conditio re ipsa non fuit vel non est: aut absolutam illam reddunt, si conditio fuit aut est, prout apponitur & significatur. Tertia verò plane suspendit intentionem & eius efficaciam, facitque ut minister non habeat absolute hic & nunc voluntatem efficiendi sacramentum. Quare hic & nunc non efficit: neque efficiet postea quando conditio implebitur, quia tunc præterierit actus sacramentalis, & non erit materia & forma sacramenti. Quod etiam de Matrimonio verum esse constabit suo loco, cum hac solum differentia, quod consensus, eiusque significatio, moraliter permanens sufficiat ad materiam & formam sacramenti. Possunt autem permanere sufficienter dum conditio de futuro impleatur, sed nihilominus Matrimonium non verè perficitur donec conditio ponitur in esse, & consensus de conditionato transit in absolutum, ut colligitur ex cap. 5. De conditionibus apposis, vi cuius capituli, si pendente conditione sponsus contrahit absolute cum alia per verba de præfenti; valet hic contractus, si aliud non obstat. Quod fieri non posset, si prior contractus fuisset vetus Matrimonium. Neque enim adeo leui de causa dissolui potest, sed solum per ingressum Religionis ante consummationem, aut aliam æquiualentem.

60. Notandum verò aliud esse id quod futurum est, & aliud veritatem futuritionis. Hæc enim non est futura, sed præfens est, aut omnino non est. Quare efficere intentionem tali conditione, non est efficere conditione de futuro, sed de præfenti: unde transit in absolutam, & sufficit ad sacramentum: modò tamen veritas illa futuritionis non pendeat ab ipso valore sacramenti. Tunc enim valor sacramenti præsupponeretur sibi ipsi & à se ipso penderet. Ut si quis diceret, Ego te baptizo, si verum est te fore Beatum vi eiusdem Baptismi & gratiæ per illum acceptæ. Sed quamuis non pendeat; hic modus baptizandi sub veritate futuri contingentis est illicitus, & Baptismus reiterandus sub conditione, ob periculum nullitatis: quia non constat moraliter, neque constare potest infallibiliter, citra reuelationem, futurum illud contingens, cuius veritas conditionatè apponitur sacramento. Quin etiam semper illicitum est sacramenta conferre sub condi-

tione quacumque, etiam de presenti vel de præterito, nisi necessitas vel ratio sufficiens excuset.

SECTIO VI.

An bonitas Ministrum ad Sacramentum efficiendum necessaria sit?

61. **R**espondeo, Ad valorem sacramenti non esse necessariam fidem ministri, ne quidem circa ipsam veritatem sacramenti: neque sanctitatem, aut rectitudinem intentionis, vel operis, præter ipsam substantiam sacramenti. Probatur 1. ex Scriptura, in qua legimus quidem, rebaptizatos fuisse eos, qui solum baptismo Joannis fuerant baptizati: at non eos, qui vel à Iuda, vel à Cerinthianis, vel similibus, baptismum Christi acceperant. Et 1. Corinth. 4. v. 1. Paulus aperte supponit ministros Christi, & dispensatores mysteriorum Dei, posse esse malos & non fideles. Et Apocal. 2. & 3. Episcopi mali non iubentur reordinare quos ordinaverant, sed poenitentiam agere.

Probatur 2. ex Florent. in decreto Eugenii, 5. *Hæc omnia*, ubi non aliud requirit in ministro, quam intentionem faciendi quod facit Ecclesia. Et deinceps quando ministros sacramentorum assignat, ait simpliciter Episcopum esse ministrum ordinationis & confirmationis: sacerdotem Eucharistiae, Poenitentiae, & Extremæ unctionis &c. Nec unquam addit, fidelem, aut iustum & pium; sed è contrario diserte affirmat baptismum etiam ab hæretico & pagano dari posse, dummodo seruet formam Ecclesiae, & intendat facere quod facit Ecclesia. Idem definit Trident. sess. 7. can. 4. *de Baptismo*: & can. 12. *de Sacramentis in genere*. Nam priori loco definit baptismum datum ab hæreticis esse validum. Posteriori ait ministrum in peccato mortali, modò ponat omnia quæ ad sacramentum pertinent, conficere & conferre sacramentum.

62. Idem etiam longè ante definiuerant Con. **Lateran.** cap. 1. de Sum. Trinit. & Nicæn. I. & II. In quorum primo Patres omnes ratum habuerunt sacramentum baptismi collati ab hæreticis, præter eum cui defuerat materia & forma debita. In secundo verò multi Episcopi hæretici permisi sunt in officio suo manere, & sacramenta administrare. Et deinde in cap. *A quodam Indæo*, & cap. *Romano*, de Consec. dist. 4. Baptismus à Iudæo collatus, definitus est validus: Et in Concilio Tarraconensi can. 6. statuitur, sacramentum Confirmationis collatum ab hæreticis, non esse repetendum. Quòd si interdum redeuntes ad Ecclesiam aliqua cerimonia per manuum impositionem reconciliabantur: non fuit illud repetitio Confirmationis vel Ordinis: sed vel sacramentum Poenitentiae, vel aliqua cerimonia ab Ecclesia instituta.

Idem quoque docent sancti Patres, Cyprianus in serm. de Baptismo Christi, ubi ait valorem sacramenti non pendere à bonitate ministri. Nazianz. oratione 40. in sanctum Baptisma, ubi eleganter comparat bonum vel malum sacramenti ministrum sigillo aureo vel ferreo, quod eundem habet effectum, siue aureum sit, siue ferreum. Hieronymus in Dialogo contra Luciferianos, August. lib. 2. contra epist. Parmeniani cap. 10. & alii passim. Verba D. Augustini sunt, *Omnia sacramenta, cum obsint indignè tractantibus, profunt tamen per eos suscipientibus*. Ex quibus præterea collige, ne quidem ad effectum sacramenti necessariam esse fidem aut bonitatem ministri. Quod insuper probatur efficaciter ex Trident. sess. 7. can. 6. & 7. *de Sacram. in genere*. ubi definit sacramenta conferre gratiam semper & omnibus non ponentibus obicem. Obex autem se tenet ex parte subiecti, non ex parte ministri. Ratio denique est institutio Christi, qui licet potuerit aliter instituere, noluit tamen sacramenta, nec quoad esse, nec quoad effectum, pèdere à meritis aut probitate ministrorum, ne salus nostra incertior esset, & regimen Ecclesiae turbaretur, aliasque ob causas, de quibus vide D. August. contra literas Petilian. lib. 1. cap. 3. & lib. 2. cap. 5.

64. Contrarium senserunt olim Agrippinus Carthaginensis Episcopus, & D. Cyprian. **Contrarius error Afric. Donatist. & Vvicel.** alique Africani Episcopi in Concilio Carthaginensi sub eodem Cypriano, qui tamen postea à Cornelio Papa monitus & correctus resipuit: existimantes, sacramenta collata ab hæreticis aut Schismaticis, esse invalida. Idem senserunt Donatistæ de ministro existente in peccato mortali. Vvicelssus autem ea tantum sacramenta valida esse censuit, quæ à ministris prædestinatis conferrentur. Alii à malis ministris confici quidem sacramenta putarunt, sed non per ea gratiam conferri.

Argumenta eorum sunt. Primò, Quòd Paulus dicat Ephes. 4. *Vnus Dominus, una fides, unum baptisma*. Ex quo inferebant Carthaginenses, Sicut hæreticorum non est fides, ita nec baptisma. 2. Hæretici non habent Spiritum sanctum: ergo nec dare possunt. 3. Scriptura damnat omnia illorum opera, qui sunt in malo statu, ita ut nec sibi nec aliis possint prodesse, Ezech. 34. Et Ambros. lib. de iis qui inicianur, *Non sanant, inquit, baptismus perfidorum, sed polluit*. 4. Cum mali administrant sacramenta, peccant mortaliter. Ergo non conferunt gratiam, quia Deus deberet peculiari modo ad illum actum concurrere: quod tamen dici nequit, cum sit malus moraliter.

Ad primum, nego consequentiam. Nam baptismus ideo non definit esse unus, aut esse Ecclesiae, cui per se primò datus est, & cuius nomine administratur. Ad secundum Respondeo, non esse necessarium, ut omnis qui habet potestatem dandi Spiritum sanctum per sacramenta, habeat ipse Spiritum san-

63.
Cyprian.
Nazianz.
Hieron.
August.

64.
Contrarius
error Afric.
Donatist.
& Vvicel.

65.
Respondetur
eodem
argum.

Etum per sacramenta, habeat ipse Spiritum sanctum. Sacramenta enim operantur ex opere operato, non ex opere operantis. Vulgarum autem illud, *Nemo dat quod non habet*, debet intelligi de eo quod nullo modo est in dantis potestate. At ram hæretici, quàm alii peccatores, habent potestatem à Deo datam efficiendi baptismum, per quem recipiens sanctificatur nisi obicem ponat, quia in eo est vis sanctificandi ex opere operato.

Ad tertium Respondeo, ab immundo non posse alium mundari ex opere operantis, posse tamen ex opere operato. Ambrosius autem loquitur de hæreticis qui non seruabant veram materiam aut formam sacramentorum. Vel est intelligendus simpliciter, quod polluant si recipiētes quantum est ex opere operantis; vel quod suscipientes male faciant, quando ab illis suscipiunt sine necessitate, aut iusta causa: quem in sensum Gelasius Papa can. *Sacrosancta*. 1. q. 1. & alii quidam à Patribus, interpretandi sunt.

Ad quartum Respondeo 1. Cum sacramenta conferant gratiam ex opere operato, non esse inconueniens actum ministrum, non ut peccatum est, sed ut est actus realis, & ex obiecto aliquo modo bonus, assumia Deo ad producendam gratiam instrumentaliter, modò omnia essentialia seruentur. Neque opus est ad talem actum exercendum speciali Dei auxilio seu concursu hic & nunc. Respondeo 2. Non semper malos ministros peccare mortaliter, administrando sacramenta in malo statu. Nam ignorantia inuincibilis, vel inaduerrentia excusare potest: itemque necessitas eius cui conferendum est sacramentum, cum impotentia morali confitendi prius, vel immorandi in exercendo actu contritionis. Præterea ministrum laicum, & quēuis alium non ex officio, sed ex necessitate conferentem sacramentum baptismi, excusant à peccato mortali, S. Thomas q. 64. a. 6. ad 3. Suarez, Aegidius Conine, & alii multi. De eo verò qui ex officio administrat sacramenta, fateor cum communissima Theologorum sententia, peccare mortaliter si est in malo statu; tamen ratio certa huius obligationis non facile redditur: propter quod fortasse hanc sententiam ut nimis duram reiecerunt nonnulli, quorum confusè meminit Gabriel in Can. lect. 2. litera E, quos duo Caluista è recentioribus non magis tamen nominis sequuti sunt.

Eorum autem fundamentum esse potuit, quia obligationes inducētes peccatum mortale, non sunt agnoscendæ, neque prædicandæ, sine vrgentiori ratione: propterea quòd oppositum esset ex incerto certum malum facere. Nam agnita & admissa tali obligatione, peccatum mortale est quicquid contra illam fit. Sed probabiliter reiecta, & repulsa tali obligatione, non erit peccatum, quòd fiat contra illam: Cumque obligatio, non minùs quàm lex, sit quoddam onus, & sit virtus peccati, ut dicitur 1. Corinth. 5. adeoque adducat mortem animæ, quod sum-

um malum est: obligationes inducētes peccatum mortale non sunt agnoscendæ nisi satis claræ sint. Sicut enim leges debent esse manifestæ, dist. 4. can. *Erit autem*: ita obligationes debent esse claræ, & non sunt recipiendæ priusquam declaratae sint, si per se sint ignotæ & incertæ. Cur enim, utrinque existente probabilitate, admitteretur potius, quàm reiiceretur obligatio; quæ onus est, & malum inducit; cum potius fauendum sit miserorum & infirmorum libertati? Atqui obligatio inducens mortale, nisi qui sacramenta administrant ex officio, sint in statu gratiæ non satis clarè neque certò ostenditur. Deberet enim id certò constare, vel ex ipsa rei natura, vel ex aliquo iure positivo diuino. Humanum enim constitutum nullum esse potest huiusmodi; quia non est humani iuris præcipere actus internos, & dispositionem omnino spiritalem & occultam, cuiusmodi est puritas interna à peccato mortali, ut docent S. Thomas 2. 2. q. 104. 2. 5. alique plurimi, quos in tractatu de Legibus sequuti sumus. Quapropter si vlla sunt decreta Ecclesiastica quæ prohibeant peccatores ministrare sacramenta: debent intelligi de peccatoribus exterius notis: quoniam qui sunt omnino occulti, & purè interni, non sub sunt huiusmodi præceptis ecclesiasticis. Si verò sunt iura ecclesiastica declaratiua tantum, aut definitiua, quæ ius naturale aut positium declarent; oportet ius illud diuinum vel Scriptura, vel traditione contineri, vel ex rei natura colligi. At verò ius positium diuinum, quod certò tale sit, à nemine profertur. Neque satis apparet unde credendum sit fuisse id à Deo constitutum.

Tridentinum quidem sess. 13. cap. 7. declarat ante celebrationem Eucharistiæ debere sacerdotem conscius sibi peccati mortalis præmittere confessionem, neque sufficere quòd sibi contritus videatur; propter illud 1. Corinth. 11. *Probet autem seipsum homo, &c.* At hoc est propter summionem Eucharistiæ, quæ præsupponit existere in gratia recipientem. Vnde etiam in laicis prærequiritur confessio: Et Paulus loquitur de omnibus. Illud autem Levit. 11. & 19. *Sancti estote, quia ego sanctus sum.* Et Isaia 52. *Mundamini qui fertis vasa Domini*: non est dictum de vera sanctitate, sed de legali quadam, quæ non est amplius in vsu. Quòd si inferas, mundiciam internam fuisse multò magis necessariam, & à Deo requisitam, cuius exterior erat tantum quadam representatio. Respondeo ita esse. Sed non constat ex illis verbis Deum illam præcepisse sub pœna peccati mortalis.

Quòd si dicas, præceptum Dei in materia graui censendum esse graue & obligans sub mortali. Responderetur: Ex natura ergo rei, antecederet ad Dei præceptum, iudicandum esse, utrum sit graue, peccatum non dum iustificatum administrare sacramentum, quod paulò post examinabitur. Afferuntur etiam multa decreta iuris ecclesiastici

Peccante mortaliter qui ministrant sacramenta in malo statu

Gabriel.

67.

68.

69.

70.

Suarez

ei, quæ citat Suarez disp. 16. sect. 3. nempe caput *Necesse est*, causa 1. q. 1. caput ult. causa 15. quæst. 8. caput ult. *De temporibus ordinationum*, caput ultim. *De cohabitatione Clericorum & mulierum*: & alia similia. Sed responderi facile potest, multa illorum capitum esse intelligenda de iis, qui non tantum sunt interiùs in statu, aut etiam in affectu peccati mortalis; sed etiam sunt noti peccatores & scandalosi. Cætera possunt intelligi de peccatoribus qui retinent affectum actualem peccati. Nullum verò ex illis capitibus asserit esse peccatum mortale, si quis ante iustificationem, & cum solo defectu sanctitatis internæ ministrat sacramentum. Adducuntur etiam quædam Scripturæ loca. Quæ tamen si quid valerent, probarent quæcumque sunt à Dei ministris, debere fieri in statu gratiæ sub pœna peccati mortalis: quod non recipitur à Doctoribus, neque est necesse loca illa sic intelligi. Sensus autem Scripturæ non necessarius, non vrget.

71.

Vasquez
D. August.

Denique Vasq. disp. 136. cap. 1. reiecit aliis autoritatibus tanquam inefficacibus, tres istas affert. Prima sumitur ex D. August. lib. 2. contra epist. Parmeniani cap. 10. post medium, ubi sic ait: *Omnia sacramenta cum ob sint indignè tractantibus, profunt tamen per eos dignè sumentibus*. Secunda petitur ex cap. ult. de temporibus Ordinationum, ubi Gregor. IX. loquens de sacerdotibus adulteris, periuris, aut falsi testimonii reis, dicit, nisi ea crimina notoria sint, vel in iudicio comprobata, non posse post pœnitentiam impediri, ne in susceptis ordinibus ministrent. Si autem non pœnituerint, monendi sunt, inquit, & sub interminatione diuini iudicii obtestandi, ut in testimonium suæ damnationis, in susceptis etiam ordinibus non ministrent. Tertia est Nicolai Primi in tertio tomo Concil. tit. 11. cap. 5. ubi postquam asseruit, sacramenta inquinari non posse à malo sacerdote, si bdit: *Idcirco ab eo qui iudicio Episcoporum reprobatur, communio percipiendâ est, quoniam nâ i bona administrando, se tantum modò ladunt*. Hæc Vasquez.

72.

Expenduntur
testimo-
nia pro par-
te affirmati-
ve.

Sed ad primam & tertiam Respondeo, Augustinum & Nicolaum I. non dicere tales se laedere mortaliter. Quod autem ait Vasq. tale peccatum non posse non esse graue cû sit in materia graui, supponit id quod est in quæstione, An hoc sit graue ex natura rei, de quo mox dicendum est.

Ad secundam Dico primò, Gregorium IX. cap. cit. loqui non solum de sacerdotibus, sed generatim de clericis omnibus, ut fatetur idem Vasq. cap. 4. disp. cit. Quare illa autoritas intellecta in sensu Vasquis, nimis probat. Ex ea enim sequeretur, Diaconum & Subdiaconum peccare mortaliter quando exercent actus suorum ordinum in statu peccati mortalis: quod tamen negat ipse Vasq. eodem cap. 4. & meritò. Expositio verò, & distinctio, quam ibidem reddere conatur, ita ut pars vna verborum ad

sacerdotes tantum pertineat, alia verò ad alios clericos, reiecit auctoritatem incertam & inefficacem, ut legenti patebit. Dico 2. Gregorium loqui de peccatoribus notis, licet non tam perfectè ut dicatur notorii (aliqui enim quomodo possent impediri à Prælati, vel moneri speciatim, & obtestationibus terreri ne ministrent) qui post graui crimina nota, nullo exterius edito pœnitentiæ signo, non sine graui scandalo, & contra præceptum Ecclesiæ graue, ad suorum ordinum exercitium accedebant. Quod peccatum non diffitemur esse graue in talibus circumstantiis. Sed hoc non est ex solo defectu sanctitatis internæ, de quo in præsentia est quæstio. Sed ex eo quod homines adeo scelerati, & tam malæ vitæ, publicèque infames quodammodo, accedant ad ministranda sacramenta. In quo meritò graue scandalum patiuntur fideles. At non est par ratio de eo qui peccati alicuius occulti remissionem à Deo nondum obtinuit.

Supere est ergo examinandum vtrum ex ipsa natura rei, posita institutione sacramentorum, oriatur ac certò constet tam grauis obligatio. In quo quidem simpliciter affirmando consentiunt auctores: sed in ratione naturali reddenda plurimum dissentiunt: nec quisquam vllam profert, quam multi alii non improbant, ut patebit ex sequentibus.

Caictarus ad art. 6. q. 64. 5. *In response* ad 1. hanc rationem reddit. Quod scilicet ministris consecratis ex officio ministrantibus conferatur gratia sacramentalis & bene administrent. Ergo tenentur grauitè in gratia administrare. Nam ex eo quod Christus instituerit sacramentum ad eos sanctificandos, colligimus grauem esse eius voluntatem ut sanctè conferant. Sed contrà: 1. Nemo consecratur ad baptismum conferendum. Quod si dicas sacramentum Ordinis conferre gratiam iuuantem ut sacramenta ab Ecclesiæ ministris bene administrentur. Respondeo, conferre etiam ut prædicatio Euangelii, & alia munia ecclesiastica bene obeantur: & tamen non peccant mortaliter qui obeunt sine gratia. Nam licet oppositum de conciliatore censeat Caietan. communiter tamen ab aliis reiecit. 2. Sequeretur Diaconum cantantem aut legentem Euangelium in peccato mortali, peccare mortaliter, si quidem ad hoc munus consecratur, & in sua ordinatione accipit gratiam, ut eo munere rectè fungatur. Idemque dico de aliis ordinibus inferioribus, posito quod sacramenta sint. Peccaret enim Subdiaconus cantando Epistolam, Acolytus seruiendo sacro &c. Item sequeretur, eum qui post Confirmationem profiteretur fidem in statu peccati mortalis, peccare mortaliter: Et coniuges similiter accedentes ad vñum coniugii, vel exercentes alia munia matrimonii. Quæ omnia sunt absurda. Plura aduersus hanc rationem Caietani vide aq. Vasquem disp. cit. cap. 2. ubi fusiùs eam impugnat.

Alii dicunt eum qui est in peccato mortali

73.

Prima ratio
Caietani
reiecitur

74.

li, habere Deum offensum, & displicere illi grauius, tanquam inimicum: ideoque non esse villo modo acceptabilem ad exercendum sacrum ministerium præbendi sacramentum: & eo ipso quod sit in peccato mortali, dehonestare & malè tractare sacramenta, tanquam valde indignum eorum exhibitione. Quod confirmant hac comparatione. Si enim officium publicum gerens ac exercens indecenti admodum habitu, peccat grauius contra officii publici dignitatem: quanto magis qui diuinum ministerium Christi vice exercet in torde peccati? Sique rex grauissimè ferret, quando infamis quispiam, aut aliter male notatus, vices illius & officium sustineret: quanto magis Deus grauius ferret, si aliquis in peccato mortali existens, quo nihil deterius est, peragat sacramentum sanctificationis, & diuinum ministerium, Christi vice?

75. **Secunda ratio refutatur.** At hæc ratio primò æquè probat quemcumque, siue ex officio, siue non, baptizantem in peccato mortali, peccare mortaliter, nisi excuset impotentia confitendi prius, aut exercendi actum contritionis: quod tamen D. Thomas, & alii multi non admittunt. 2. Inde sequeretur Prælatos, concionatores, & quoscuq; alia sacra ministeria Christi nomine aut vice exequètes in peccato mortali, peccare mortaliter, quod etiam non admittitur. 3. Discrimen est inter exempla allata, & calum de quo loquimur. Nam Regis aut magistratus autoritas pendet ex hominum estimatione & reuerentia, quæ imminueretur propter habitum indecentem, aut infamiam personæ regis vices obeuntis. At maiestas & reuerentia sacramentorum non minuitur apud alios per defectum internum, & occultum, sanctitatis, eius qui ministrat in statu peccati habitualis.

76. **Vasquez.** Alii vt Vasquez disp. 136. cap. 3. dicunt ministrum sacramentorum, illa conficiendo & administrando, debere & cum ipsis, & cum eorum authore, & causa principalis, quoad fieri potest, conuenire. Ac propinde debet esse sanctus, sicut Deus ipse sanctus est & sanctificator, & sacramenta etiam suo modo sancta sunt. Ita vt aliter sacramenta contaminentur, & grauis in Deum irreuerentia committatur. Quod ex eo confirmatur, quia minister, qui cum affectu actuali malo, non impediante tamen valorem sacramenti, v. gr. cum voluntate suffocandi hominem a quo in baptismo, conferret sacramentum; peccaret non tantum peccato homicidii, sed alio etiam peccato irreligiositatis. Ergo qui sciens & volens cum habituali peccato mortali confert sacramentum, peccat peccato irreuerentia.

77. **Suarez. Coni. k.** Verum quia hæc ratio sic exposita, & confirmata, concludit etiam de laico, & de quolibet baptizante in necessitate, nisi excuset inadvertentia, aut impotentia contritionis vel confessionis præiunctæ, quos tamen S. Thō. & alii multi negant peccare mortaliter, licet possint conteri aut confiteri: Idcirco Su-

ares disp. 16. sect. 3. & Aegid. Conine dubio 1. ad art. 6. q. 64. addunt obligationē administrandi sacramenta in gratia, oriri partim ex dignitate & sanctitate ipsius sacramenti, & actionis qua administratur: partim ex eo quod ministrans ex officio, aut speciali deputatione Ecclesiæ, sit ad rem tantam per sacramentum aliquod singulariter consecratus, & in eo opere se exhibeat publicum Christi & Ecclesiæ ministrum, speciarim deputatum ad illud munus ritè obeundum. Ratione cuius consecrationis & deputationis, maior in illo est obligatio, quam in laico, & quoniam alio non ministrante ex officio aut speciali deputatione. Minus quia cum huiusmodi minister per se, & ex particulari destinatione sit ad hoc deputatus, & spiritalia subsidia à Christo & Ecclesiā deputatè accipiat ad hoc munus pro dignitate exercendum: ideo magis obligatur vt cum debita dispositione id faciat; & quando aliter facit, grauem irreuerentiam & inordinationem committit. Cum verò priuata persona permittitur sacramentum dare propter necessitatem: non tam illicensetur commissæ administratio sacramenti, quàm permessa vt subueniat habenti necessitati. Et ideo non debuit tantum illi onus imponi, sed satis est quod sine contemptu, cum fide & reuerentia exteriori, sacramentum administret. Tunc enim cessat specialis illa deformitas, quia huiusmodi ministro solum per accidens permittitur tale ministerium. Ita Suarez.

Sed contra Vasquez obijci potest: Deus 78. **Tertia ratio refellitur.** quamuis sanctissimus, non iustificat aut sanctificat, vt sanctus formaliter: sed vt potens tota & causa efficax sanctitatis. Sacramenta quoque non sanctificant vt sacra & sancta formaliter: neque etiam ministri, vt sancti: sed vt instrumenta efficacia sanctitatis. Sacramenta quidem, vt instrumenta mortua, quæ non agunt nisi mota. Ministri verò, vt instrumenta viua, qui seiplos debeant applicare. Vtriusque autem vt instrumentis gratiæ efficacibus sanctitas formalis accidentaria est, & impertinens ad effectum per se. Secundò, Magna est differentia inter eum qui sacramentum ministrat cum affectu actuali peccati, & eum qui tantum est in peccato mortali habituali, sine tali affectu: imò & cum aliqua eius displicentia. Vnde non sequitur istum peccare peccato irreligiositatis, vt fatemur de priori. Et hoc apertè liquet in suscipiente baptismum, aut sacramentum penitentia. Peccat enim si recipit cum actuali affectu peccati, secus si tantum est in peccato habituali cui remedium querit. 3. Contra Suarem & Aegidium dico specialem Ecclesiæ deputationem per se non obligare ad aliquid merè internum, cuiusmodi est status gratiæ. Quia Ecclesia non habet ius ad ea quæ sunt purè interna. Deinde nemo consecratur ad baptizandum, quasi baptizandus egeat ministro consecrato specialiter, qui per consecrationem habeat potestatem bap-

tizandi. Nam in nullo sacramento datur potestas facti ad baptizandum, quasi sine sacramento non habeatur.

Quod si dicas, dari gratiam per sacramentum Ordinis Ecclesie ministris, quæ eos iuuat ad dignè cōferenda sacramenta, quorū administratio illis solis ab Ecclesia committitur solet, & dari ex officio. Respondeo, iuuare quodque gratiam illam ad alia ministeria sacra: ad concionandum, ad regimen Ecclesie, & alia, quæ tamen non tenentur facere in statu gratiæ sub pœna peccati mortalis, vt fatentur Suarez & Aegidius.

Quartò, Sequeretur quod peccarent etiam mortaliter exercendo omnia alia sacramenta magni momenti, quæ exercent vt publici ministri ex Ecclesie deputatione, & ad quæ similiter accipiunt subsidia spiritalia per sacram ordinationem & Ecclesie suffragia. Denique licet ministri publici magis teneantur administrare sacramenta dignè & conuenienter, quàm alii: non tamen ostenditur quomodo ex publico ministerio & officio sequatur tam grauis obligatio, vt mortaliter peccent, quoties sacramenta conficiunt in statu peccati habitualis.

80.
Quæ ratio
discuti-
tur.

Alii denique vt Cardinalis Delugo disp. 8. n. 149. dicunt rationem sumendam esse ex gravitate & sanctitate illius actionis, quæ sacramenta conficiuntur; quam minister operatur in persona ipsius Christi, & qua mediante operatur sanctitatem & gratiam habitualement, quæ sanctificat eos quibus sacramenta confert. Cum enim in ordine supernaturali, gratia habitualis, quæ homo fit filius Dei adoptiuus, supremum locum teneat, si excipias vnionem hypostaticam: grauissima indecentia est, exercere illam actionem in statu peccati mortalis. Sicut si scemina ex diuino beneficio Deum conceptura, auderet in statu peccati illum concipere.

81.

Sed huic rationi opponi potest 1. Quod inde sequeretur laicum baptizantem in necessitate peccare mortaliter, si est in statu peccati mortalis, & non conteratur cum possit. Quod licet admittat author citatus, est tamen contra S. Thomam, Suarem, Aegid. & alios magni nominis Theologos. Quare ex eorum sensu hæc ratio nimis prebat. Probo sequelam: Quia quisquis baptizat nomine Christi, baptizat tanquam eius minister & in persona ipsius Christi, & per baptismum operatur sanctitatem & gratiam habitualement in eo quem baptizat. 2. Quamuis minister sacramentorum representet Christum, & eius vicem obeat: tamen non representat quoad omnia, sed quoad potestatem, tanquam principalem Dei ministrum habentem à Deo, ratione humanitatis, potestatem instituendi sacramenta, propter quæ Deus sanctificat illos, qui ea rectè suscipiunt; non verò representat illum quoad alias perfectiones. Ergo non est adeò necessarium vt sit iustificatus. Præterea actio ministri non est principalis actio sanctificandi, sed inferior

multò, & illi præuia, quæque potest esse sine sanctificatione. Atqui non videtur necessarium vt sit idem ornatus inferioris & superioris: Ergo non propterea debet tanta necessitate minister sacramenti esse conformis Christo Domino in sanctitate, quamuis in persona ipsius operetur. 3. Ad exemplum allatum responderi potest, magnum esse discrimen inter illa duo: & in vno quidem satis apparere obligationem sub peccato mortali, secus autem in altero. Nam si grauis irreuerentia est Christum recipere in Eucharistia in statu peccati mortalis, & grauis Dei voluntas est, vt conscientia mundæ recipiatur, quemadmodum Paulus declarauit 1. Corint. 11. & Trid. sess. 13. cap. 7. non minor esset irreuerentia Christum concipere & recipere in statu peccati mortalis. At minister sacramenti non recipit Christum, ad ipso quod sacramentum ministrat, sed tantum facit & exhibet alteri signum sensibile à quo sanctificatur.

His non obstantibus, concludendum est cum communi sententia, & vnanimi consensu Theologorum huius temporis, & fere omnium antiquorum, grauiter eum peccare qui ex officio conficit sacramentum in malo statu, nisi excuset impotentia, vel ignorantia: & quamuis certa ratio huius tam grauis obligationis non facile reddatur: sufficit tamen communissimus sensus Theologorum consentientium in summa rei, ex quo colligere est communi hominum iudicio & luminis naturali grauem in eo indecentiam apparere, quamuis eius ratio non clarè liqueat. Sicut aliqua communi iudicio censentur impossibilia, quamuis non clarè ostendatur contradictio. In rebus autem moralibus magna communis iudicii & naturalis estimationis habenda est ratio, ac pro certo moraliter tenendum, id quod ab omnibus, præsertim sapientibus & doctis tale iudicatur. Ex rationibus autem supra relatis solidior illa esse mihi videtur, quæ fuit à Suare & Aegidio reddita, cum hac explicatione, aut modificatione intellecta, quod quicumque à Deo, vel ab Ecclesia deputatur ad sanctum aliquod munus exercendum, contrahit debitum conaturale ad illud exequendum in eo statu, qui respondeat tum ipsius deputationi, tum excellentiæ, & sanctitati talis ministerii. Quicumque autem à Deo, vel ab Ecclesia deputantur ad sacramenta ex officio administranda, id est, celebranda, & efficienda, accipiunt hanc deputationem mediata, vel immediate, fundamentaliter, aut proxime & perse, vi alicuius sacramenti, quo apti sunt simpliciter, vel magis idonei ad tale munus exequendum, constituunturque vi illius in statu gratiæ, & sanctitatis supernaturalis: ministerium quoque efficiendi sacramenta est res excellentissima, & sanctissima; vt pote effectio rei vi sua sanctificantis, & euentus ad statum gratiæ, & consortium naturæ diuinæ. Itaque merito creditur communi hominum iudicio eos, qui administrant sacramen-

82.
Resolutio
questionis

ta ex officio, & deputatione contrahere naturaliter grauem obligationem administrandi in statu gratiæ, vt sint in eo statu; qui respondeat sanctitati, & excellentiæ tum sacramenti, quo deputantur formaliter, aut fundamentaliter, tum etiam ministerii tam sancti, quod exercent. Qua etiam de causa scandalum patiuntur communiter, qui vident eos in malo statu ministrare.

83.
Soluuntur
argumenta
contraria.

Contra quam rationem hoc modo explicatam parum ioboris habent, quæ obiecta fuerunt n. 78. & 79. Ad primum enim respondeo, hanc obligationem non oriri ex sola deputatione Ecclesiæ: sed ex natura rei, posita deputatione Christi, vel Ecclesiæ, & sanctitate tam excellentis ministerii, ad quod persona tali modo deputatur. Ad secundum respondeo, consecrationem personæ non esse necessariam ad hanc obligationem contrahendam, sed sufficere duo illius fundamenta, quæ iam diximus, deputationem scilicet, & excellentiam tam sancti ministerii. Ad tertium dico, non esse parem rationem officii concionandi, vel regendi Ecclesiam, quoad politiam Ecclesiasticam; quod est longè inferioris sanctitate celebrationis sacramentorum, quemadmodum & officium Diaconi, Subdiaconi, & Ordinum inferiorum: & munus Episcopale efficiendi chrisma, vel consecrandi templa, & vasa sacra; vel Parochi assistentis Matrimonio: vel sacerdotis, aut Diaconi dantis solùm cōmunionem: aut coniugum exercentium munia coniugalitatis: quæ & similia longè differunt ab excellentia, & sanctitate effectus sacramentorum: ideoque non sequitur esse grauem obligationem hæc exercendi in statu gratiæ, sicuti est efficiendi sacramenta, vt bene inter alios recētiore docet Ysambertus q. 64. disp. 4. art. 7. Non est etiam par ratio de illo qui recipit sacramentum Baptismi aut Pœnitentiæ. Nam ille non est deputatus ad hæc sacramenta ex officio administranda, neque illa administrat, sed recipit: & cum sint per se primò instituta ad remissionem peccati mortalis: non est contra intentionem Christi, vel dignitatem & sanctitatem horum sacramentorum, accedere cum sufficienti dispositione ad remissionem vi illorum obtinendam.

SECTIO VII.

De subiecto Sacramentorum.

84.
Soli homines
viatores
sunt capaces
sacramentorum,
non
tamen omnes
omnium.

Subiecti nomine intelligimus eum qui recipit sacramentum. Nam sacramentum integrum se habet instar formæ cuiusdam moralis, respectu cuius, cui applicatur, & à quo recipitur. Quo supposito,

Dico primò, Solos homines viatores esse capaces sacramentorum, de illis enim solis dictum est, *Baptizantes eos*, &c. Nec tamen omnes omnium. Nam sœminæ non sunt capaces sacramenti Ordinis: neque infantes

Tom. IV.

Matrimonii, neque sani sacram. Extreme unctionis: neque illi qui non peccarunt actualiter, sacramenti Pœnitentiæ: neque vllius alterius sacramenti, illi qui nondum sunt baptizati: vt ostenditur cum de singulis disputabitur.

Dico 2. in adultis intentionem recipiendi sacramentum necessariam esse ad ipsius valorem. Ratio est institutio Christi, cuius testes antiquissimi sunt Concil. Carthaginense I II. cap. 34. Arausicanum cap. 12. & sancti Patres, de quibus vide Suarez disp. 14. sect. 2. Sapienter autem Christus ita instituit: quia sicut ad suam eius providentiam spectat nullum adultum, vt pote liberum, nisi volentem: & vt acultum ac liberi in iustificare, aut gratiam illi augere; sic ad eandem pertinet nullum huiusmodi per sacramenta initiare, nisi vt adultum & liberum, id est, non sine proprio & libero ipsius consensu. De paruulis autem, inter quos computantur perpetuantes, alia est ratio. Amentes verò qui aliquando ratione vti sunt, inter adultos hoc loco nunc erantur. Inualide enim sacramentum recipiunt: quod nullo modo experirentur, vt ex communi sententia refert Aegidius Coning ad art. 8. quest. 64. num. 100. Quæ tamen sententia, vt ibidem ostendit, auctoritate magis quam ratione nititur.

Intentio
recipiendi
est an sit
necessaria
ad valorem
sacram.

Cum autem dico intentionem adulti ad valorem sacramenti requiri, loquor de sacramentis quæ essentialiter consistunt in vsu. Nam de Eucharistia alia est ratio. Quamquam etiam ad illius vsum sacramentalem intentio recipientis necessaria est. Quia si inuito, aut non volenti detur: verum quidem sacramentum est, consistit enim essentialiter ante omnem vsum aut applicationem: talis tamen vsum non est sacramentalis, id est, sacer, aut sufficiens ad effectum; sed merè naturalis, vt notat Suar. sect. 2. ad disputationem 14. Vbi etiam rectè addit minorem concursum voluntatis requiri in suscipiente, qui passiuè tantum se habet; quam in ministro qui agit. Nam in isto intentio concurrit aliquo modo vt causa efficiens. In illo autem est tantum conditio necessaria ex parte subiecti, vt susceptio sacramenti sit voluntaria & valida. Debet autem hæc intentio ferri determinatè in substantiam sacramenti sine errore substantiali: & esse absoluta, vel transire statim in absolutam, vt supra diximus de intentione ministri.

Quali debeat
esse
illa intentio.

Contrarium sentit Caietanus ad articulum septimum quæst. sexagesimæ octauæ, & obicit primò auctoritatem Innocentii III. Cap. *Maiores, de Baptismo*, in fine, vbi sic ait: *Tunc characterem sacramentalis imprimit operatio, cum obtem voluntatis contraria non inuenit obstantem*. Respondeo, Innocentium loqui de voluntate contraria latè sumpta, vel positiuè per affectum contrarium, & notationem positiuam: vel negatiuè aut priuatiuè, per carentiam voluntatis & intentionis, etiam habitualis, qualis est in catechu-

86.

Innocent.

Soluuntur
argumenta
contrarie
sententiæ.

Y y

menis, de quibus ibi sermo est. Nam in §. Item queritur, ad finem capituli de dormientibus & amentibus loquens Innocentius, dicit eos tunc recipere characterem & baptismum, quando fuerunt catechumeni, & habuerunt propositum baptizandi. Quid autem opus erat addere propositum baptizandi, si satis erat non habuisse contrariam voluntatem exterius expressam? Item eodem §. sic ait: *Ille vero qui nunquam consentit, sed penitus contradicit, nec rem nec characterem suscipit sacramenti.* Et paulo post probat contradicentem non recipere baptismum, quia *plus est, inquit, expresse contradicere, quam minus consentire.* Quo argumento supponit baptismum non recipi à non consentiente, & ipsum tacite quodammodo contradicere.

87. Obiicit 2. Intentionem non esse necessariam in parulis: Ergo nec in adultis. Nam conditio vel dispositio quæ non est necessaria in vno subiecto, non est necessaria in alio, respectu eiusdem formæ. Baptismus autem idem est essentialiter, siue adultis, siue parulis conferatur. Ergo eadem utrobique dispositio illi sufficit: sicut in formis naturalibus, quæ dispositio sufficit in vno subiecto, & in alio sufficit. Adde, quod Florentinum in decreto §. *Hæc omnia*, enumerans omnia necessaria ad sacramentum perficiendum, non meminit intentionis recipientis, sed tantum intentionis ministri. Denique sacramentum Extremæ-vnctionis datur ægrotis carentibus vltimatione in periculo mortis, non expectata eorum voluntate.

88. Ad primum Respondeo negando consequentiam. Ad cuius probationem dico, veram tantum esse de formis naturalibus, quæ ideo easdem dispositiones ubique requirunt, quia ex natura sua illas exigunt, & natura ubique eadem est. At sacramenta tantum ex Dei institutione dispositionem requirunt, quæ institutio aliquid merito requirit ab adultis ad esse & effectum sacramenti, quod non requirit à parulis. Florentinum verò expressit tantum ea, quæ in omnibus sacramentis semper & ubique necessaria sunt: cuiusmodi non est intentio recipientis: quæ in parulis non requiritur. Eandemque ob causam non meminit personæ subiecti, seu recipientis, sicut meminit personæ ministri, quia Eucharistia perficitur sine subiecto recipiente. Denique Extremæ-vnctio non datur nisi vel tales ante petierint, vel iuste præsumantur habuisse voluntatem recipiendi in tali periculo, & viuendi ac moriendi ritu catholico in Ecclesia Christiana. Et quamuis non omnino constet ita esse; tamen tutior pars sequenda est; satiusque est exponere sacramentum periculo nullitatis, quam animam periculo salutis.

89. Instabis cum Delugo disputatione nona numero 123. quia si sufficit hæc voluntas generalis ad recipiendam Extremam-vnctionem, sufficit pariter ad recipiendam

sacramentalem absolutionem, quamuis ægrotus neque illam petierit, neque vlla signa doloris exhibuerit. Idem sufficit ad valorem Baptismi, ei qui de illo nunquam cogitavit, sed tantum vult bene viuere & mori ut saluetur. Atque ita Iudæus ægrotans & amens, poterit, ac debebit baptizari, modò antea voluerit confusè & generaliter bene viuere & mori ut saluetur: Ac denique sufficit ad hoc ut Eucharistia profit calu fumenti, putà dormiendo, vel existimando hostiam non esse consecratam.

Respondeo, nihil horum sequi. Non primum: Quia ad sacramentum Pœnitentiæ requiritur confessio dolorosa ex parte pœnitentis, tanquam pars essentialis sacramenti, satis propinqua absolutioni, & coniuncta moraliter cum illa, signoque aliquo sensibili facta. Nulla autem est confessio dolorosa, quando ægrotus nullum signum exhibet: Non secundum: quia Iudæus ille non habuit voluntatem bene viuendi, & moriendi secundum legem Christianam, (quæ voluntas habitualiter perseverans sufficeret) sed secundum legem Iudaicam quam proficetur, & veram esse putat. Non tertium: quia Carolus ille habet solum, sicut habere debet, intentionem generalem sumendi Eucharistiam & alia sacramenta more catholico, quando scilicet Christianis dari solent, ut in mortis periculo. At non more prophano, velut cibum commune per ignorantiam aut inadvertentiam. Quare talis receptio Eucharistiæ non est ei voluntaria, adeoque non causabit effectum. Videatur Delugo supra, ubi hac de re fusius disputat.

Dico 3. In nullo sacramento, præterquam Pœnitentiæ, dispositio adulti recipientis & capacis necessaria est ad eius valorem: nec quicquam aliud præter intentionem: secus tamen ad obtinendum eius effectum. Sensus primæ partis conclusionis est, quod neque fides habitualis vel actualis, neque gratiæ status, neque contritio vel attritio, aut alius bonus actus, necessarius est recipienti alia sacramenta, ut valide recipiat; sed tantum quod sit capax, & intendat recipere. Patet ex Conciliis & Patribus à Suare adductis disputatione decima quarta, sectione secunda, conclusionem 2. & disputat. 13. sect. 4. habentibus hæreticos baptizatos, vel ordinatos in hæresi, pro valide baptizatis & ordinatis, quando forma Ecclesiæ seruata fuerat. Neque contrarium docet S. Hieronym. lib. 4. Comment. in Matth. in fine cum sic ait: *Primum docent omnes gentes, deinde doctas intrinsecus aqua. Non enim potest fieri ut corpus Baptismi recipiat sacramentum, nisi ante animam fides susceperit veritatem.* Loquitur enim de adultis: & cum dicit non posse aliter fieri, intelligit si itè, non autem valide dumtaxat. Excipitur tamen sacramentum Pœnitentiæ, in quo attritio vel contritio est pars essentialis. Contritio autem vel attritio

Instantia repellitur.

90.

In nullo sacramento, præterquam Pœnitentiæ, dispositio recipientis est necessaria ad valorem.

supernaturalis non exercetur sine actu fidei praeiudicio; quare sine utroque sacramentum poenitentiae non potest valide recipi.

91. *Dispositio adulteri requiritur ad effectum sacram.*
 Secunda pars, quod scilicet in adultis aliqua alia dispositio, praeter intentionem, necessaria sit ad effectum sacramenti, non intelligitur de charactere, qui semper imprimitur, quoties validum est sacramentum illius imprimendi capax: Neque de potestate ordinis, vel de n. orali subiectione baptizati iuri Ecclesiae, vel de potestate part. p. di eius bonis aliisque sacramentis. Haec enim similiter dantur infallibiliter, quoties ordo & baptismus validi sunt: sed intelligitur de gratia sanctificante, & similibus effectibus cum illa coniunctis, quibus obex poni potest per defectum dispositionis conuenientis, aut per praesentiam contrarii, & obstitentis. Tantum enim abest ut iustificentur illi, qui sine conuenienti dispositione accedunt: ut potius graviter peccent, si scienter & libere hoc faciant: ut de Eucharistia docet Paulus 1. Corinth. 11. versu 29. & consentiunt omnes Theologi, ut testatur Suar. disp. 17. sect. 2. quia scilicet grauis Christi voluntas est ut sacramenta non frustrentur primario suo effectui, qui est gratia. Quin etiam peccat ipsi ministri, per se loquendo, quando indigne suscipientibus & indispositis conferunt sacramenta. Tenentur enim agere ut fideles & prudentes dispensatores, quorum est pro Dei reuerentia cauere ne indigni suscipiant, neue detur Sanctum canibus, aut margaritae proiciantur ante porcos. Vtique peccaret sacerdos Eucharistiam collocans in loco indecenti, vel in terram proiciens: sic & indigno praebens scienter & libere.

92. *Nisi necessitas excuset.*
 Per accidens tamen, ratione scandali, vel iniustae laesionis propriae aut alienae, quae ex negatione sacramenti emergeret, potest permitti & dari sacramentum indisposito. Neque minister tunc cooperatur moraliter peccato suscipientis, & iniquae susceptioni sacramenti, ut iniqua est: sed tantum ut susceptio est. Quia tunc vititur iure suo, & dat operam rei per se licitae, quam non potest eo tempore vitare. Supponimus enim ministrum propter scandalum, vel aliam causam, non posse moraliter negare sacramentum indigne accedenti.

Licet aliquando inducere alium ad recipiendum sacram. quod male recipiet.
 Quin etiam licet aliquando inducere aliquem ad recipiendum sacramentum quod praevideatur male recepturus, sua ipsius culpa & malitia, cum posset aliqui si vellet, se disponere sufficienter ad bene recipiendum. Ut si die festo non sit alius sacerdos qui sacramentum faciat, praeter eum qui indignè facturus praevideatur. Licet enim illum inducere ad faciendum, ne communitas priuetur sacrificio cui tenetur assistere: ut docent communiter Theologi. Item si valde expediat Matrimonium iniri ab aliquibus, qui praevidentur non fore satis dispositi, sua sola culpa, quia possunt si velint, licitum est inducere ut contrahant, utendo iure quod habemus procurandi nobis illud bonum magni momenti:

quo non tenemur nos priuare propter alterius malitiam. Neque hoc est inducere ad malum; cum istae actiones sint per se bonae, & possint ab illis bene fieri, ut supponimus: sed tantum permittere malitiam illi actioni adiungendam culpam alterius: quod propter nostram utilitatem licitum est: neque enim tenemur cum quouis nostro incommodo illam impedire. Quae de re plura dicemus inferius disputando de ministro Eucharistiae.

Quaeres an similiter peccent qui suscipiunt sacramenta à malis ministris? Respondeo breviter cum Suar. disput. 18. sect. 1. Graue peccatum esse petere vel recipere sacramentum ab eo, quem scias non nisi inualide conferre posse, aut non nisi si & inualide collaturum. Hoc enim est inutiliter & perniciosè inducere & concurrere ad actum sacrilegii. Secundò, esse quoque illicitum petere & sumere sacramentum ab eo, qui non potest nisi illicite praestare, defectu iuris aut potestatis legitimae. Quia cum petitur ab aliquo id, quod sine peccato praestare nequit, consequenter petitur peccatum ipsum: quod est intrinsecè malum. Tertiò, Petere & accipere sacramentum ab eo qui potest licite dare, ex malitia verò sua daturus non est sine peccato, non est intrinsecè ac perse malum: siue ille sit minister ex officio, siue non: & siue sit paratus ad dandum, siue non. Ratio est, quia malitia separabilis est ab illa actione, quippe quae illi tantum per accidens adiungitur ex prava ministri voluntate. Ergo qui petit actionem illam, non petit aliquid per se malum, nec ad illam ut malam inducit aut cooperatur.

Non licet tamen absque aliqua necessitate, vel notabili utilitate petere, vel accipere sacramentum ab eo, quem praevideas non daturum sine peccato. Quia lex charitatis obligat ut Dei offensam ab aliis committendam, & malum proximi impediamus, quando commodè possumus. Huiusmodi necessitas aut notabilis utilitas est, si desit alius, & praeceptum Ecclesiasticum urgeat ad communicandum tali tempore: vel tempus quo quis solet confiteri & communicare, nec potest sine aliquo detrimento spiritali consuetudinem suam interrompere: si egeat consolatione, & ope sacramenti contra tentationem aliquam, aut quid simile: si non sit alius qui sit idoneus ad dirigendam conscientiam, aut casus conscientiae difficiles explicandos. Quemadmodum enim propter temporalem aliquam utilitatem licet petere mutuum ab usurario, quamvis scias non daturum sine usura: sic, &c.

Cauendum item est hac in re à scandalo pusillorum, & ne censuræ Ecclesiasticae eneruentur in opinione hominum, quando acceditur ad ministros excommunicatos. Notandum enim, quod licet iure antiquo, servato tempore Divi Thomae, omnes excommunicati essent vitandi in participatione Sacramentorum

Vide inferius huius disp. 37. sect. 2.

93. *Licetne petere vel accipere sacram. à male administrato?*

94. *Non licet absque necessitate, vel notabili utilitate.*

95. *Et cavendum est scandalum.*

A tempore tamen Concilii Constantiensis, soli excommunicati nominatim denunciati, & notorii percussores clericorum, quorum crimen nulla potest tergiversatione celari, aut excusatione iuris defendi, vitandi sunt. Quare ab aliis possunt per se loquendo peti & accipi sacramenta, nisi scilicet suspensi sint, vel degradati: tunc enim non possunt sine peccato ministrare. Ab istis vero non nisi in casu grauis aut extremæ necessitatis: ut in periculo mortis, deficiente alio. Tunc enim licet à quolibet petere & accipere. Cum autem loquimur in presenti de malis ministris; intelligimus notos, & aliquo modo obstinatos, aut in consuetudine peccandi versantes, ut concubinos, & similes. Nam alioqui non debemus suspicari, nec sine graui causa existimare sacerdotem aliquem esse malum, & multò minùs, ministraturum in peccato mortali. Neque incumbit, aut commendata est hæc cura petenti sacramentum, ut inquirat curiosè num minister sit bene dispositus, vel sitne se dispositurus quando id potest, licet recens peccauerit: sed debet potius in bonum præsumere.

96. Porro hæc omnia, quæ diximus, locum habent in quocumque ministro, siue dante ex officio aut parato ad dandum, siue non. Cum hæc solùm differentia, quòd maior necessitas, aut utilitas requiritur ut licitè sacramentum petatur ab eo qui non dat ex officio, aut non est per se paratus ad dandum, quàm ab alio, cum præuidetur non daturus sine peccato: De eo verò qui inseruit ministro sacramentum malè conferenti, idem sentiendum est speculariè loquendo, ac de suscipiente à malè ministrante: peccare scilicet si inseruiat ei qui non potest sine peccato sacramentum conferre; quia tunc cooperatur actioni quæ non potest nisi malè fieri. Sin autem minister sacramenti potest, si velit, bene illud administrare, sed tantùm ex malitia sua malè ministraturus præuidetur: qui ei inseruit in tali actione, non peccat, nisi vitando tale ministerium, possit con modè impedire ut alius non peccet: tunc enim tenetur ex charitate impedire. Verumtamen praticè & moraliter loquendo, id rarò contingit. Quare ministri sacerdotum non sunt his scrupulis onerandi.

Licetne inseruire ministro malè facienti sacramentum?

SECTIO VIII.

Quam dispositionem in subiecto requirant sacramenta ut gratiam producant?

97. Sensus quæstionis propositæ non est, quid requiratur ex parte recipientis ut sacramentum sit ratum & validum; de hoc enim partim iam diximus sectione præcedenti, partim alibi disputabitur, cum agatur de singulis: Sed quæstio nunc est, quænam in illo requiratur dispositio, ut sacramentum ratum, & validum, sortiatur effectum gratiæ.

Statu quo quæstionis.

Dupliciter autem potest aliqua dispositio esse necessaria ad illum effectum. Nimirum vel primò, necessitate mediæ, ita ut sine illa non fiat; neque excuset ignorantia aut impotentia. Vel secundò, necessitate solùm præcepti, à quo potest excusare ignorantia vel impotentia, ita ut nihilominus effectus habeatur ab eo, qui bona fide sacramentum recipit sine tali dispositione.

Ut autem certa ab incertis separemus: Certum est primò, nullam in infantibus & amentibus perpetuis requiri dispositionem, neque mediæ necessitate, neque præcepti: sed solo Christi beneficio, & ministerio alieno, iustificari à peccato originali, quod nullà suâ culpâ, id est, nullo actu proprio contraxerunt. Et quidem alioquin inutiliter baptizarentur ad vitam æternam: essentque post baptismum rei æternæ damnationis: quod est contra fidem & praxim Ecclesiæ.

2. Certum est in adultis qui habent usum rationis, ac proinde iustificantur ut adulti, id est, mediante aliquo proprio ipsorum actu libero, requiri actum fidei, necessitate non modò præcepti, sed etiam mediæ. Iuxta illud Apostoli Hebr. 11. *Sine fide impossibile est placere Deo.* Vbi de fide actuali sermo est, ut patet ex verbis sequentibus, *Credere enim oportet accedentem ad Deum quia est, & quòd inquirentibus se remunerator sit.* Hunc verò actum debere esse supernaturalem definit Trident. sessio 6. can. 3. affirmans, neminem sine præueniente Spiritus sancti inspiratione, atque eius adiutorio, credere, sperare, diligere aut penitere posse, sicut oportet, ut ei iustificationis gratia conferatur. Idemque antea definiuerat Concil. Arausicanum secundum canone 6. & 7. & Mileuitanum can. 4.

Præterea 3. certum est, pium aliquem motum supernaturalem voluntatis in Deum æquè necessarium esse iisdem adultis. Nam actus fidei idcirco ab illis requiritur, ut mediante illo tendant in Deum per affectum voluntatis: affectum, inquam, actu fidei proportionatum, & finem quem dirigitur; adeoque supernaturalem; ut docent Concilia supra citata, & speciatim Arausicanum can. 6. Merito autem & valde conuenienter non vult Deus adultis ratione utentibus gratiam suam dare nisi volentibus, & seridè expetentibus, atque in ea perseverare firmiter statuentibus: cum vel homines ipsi soleant id exigere ab iis quibuscumque amicitiam incunt, aut magis magis eam augent, atque confirmant.

Quartò, Certum pariter est, iis omnibus qui actu peccarunt mortaliter, & nondum peccati commissi remissionem assequuti sunt, gratiam non infundi sine actu aliquo penitentis præuiò: siue ratione utantur tunc temporis cum sacramentum recipiunt; siue usu rationis tunc destituti sint; ut qui in phrenesin inciderunt. Patet, quia ne illa

Nulla dispositio requiritur in parvulis, neque in amentibus perpetuis.

98. Adultis necessarius est actus fidei supernaturalis.

99. Et pius actus voluntatis proportionatus.

100. In adultis qui peccarunt mortaliter requiritur actus penitentis.

videm sacramenta quæ directè ad peccatorum mortalium remissionem instituta sunt, nempe Baptismus & Pœnitentia, vim habent iustificandi sine aliquo actu pœnitentia: vt de Baptismo colligitur ex Actor. 2. *Pœnitentiam agite, & baptizentur unusquisque vestrum*: & de Pœnitentia id certissimum est, quia sacramentum illud sine attritione vel contritione nec esse potest nec operari; quippe quæ vna est ex partibus eius essentialibus, vt ostendimus suo loco. Et generatim vbi-cunque Scriptura promittit adultis iustificationem, requirit ab illis primum aliquem motum contra peccatum. Ideoque Trident. sess. 14. cap. 4. affirmat contritionis latè & generaliter sumptæ notum, fuisse quouis tempore ad obtinendam peccatorum veniam necessarium. Et sess. 6. cap. 6. loquens de necessitate præparationis ad iustificationem in adultis, ait illam debere fieri per liberam conuersionem à peccato ad Deum, assentiendo & cooperando gratiæ Dei, quâ vocantur & excitantur. Vnde collige sacramenta non posse licitè applicari talibus peccatoribus, nisi vel constet, vel probabiliter præsumatur, habere ipsos vel habuisse antea motum aliquem pœnitentiæ contra sua peccata, vt de moribundis qui piè antea vixerunt iure præsumitur. Ac si re ipsa talem motum non habent, non iustificentur: quippe qui necessarius est necessitate mediæ, æquè ac alii supra commemorati, vt probant argumenta allata.

1017
Ad iustificationem
sufficit attritio cum
sacram. baptis-
mi vel Pœnitentia.

Quintò, Certum esse quoque debere censéo attritionem supernaturalem perfectam, id est, excludentem peccati voluntatem, cum spe & desiderio veniæ, sufficere ad iustificationem obtinendam per sacramenta Baptismi & Pœnitentiæ. De sacramento Pœnitentiæ videtur mihi satis clarè id esse definitum à Trident. sess. 14. cap. 4. cum sic ait de attritione: *Et quamuis sine sacramento Pœnitentiæ per se ad iustificationem perducere peccatorem nequeat* (vt facit contritio perfecta charitate, quemadmodum paulò ante definit) *tamen eum ad Dei gratiam in sacramento Pœnitentiæ impetrandam disponit*. De sacramento autem Baptismi par est ratio, cum non minus habeat efficaciz circa peccatum originale, & adualia antè commissa; quàm sacramentum Pœnitentiæ circa peccata post Baptismum admissa: adeoque non plus debeat requirere dispositionis ex parte adultorum, vt illa deleat. Confirmatur, quia alioqui sacramenta nouæ legis non iuuarent adultos ad facilius impetrandam remissionem peccatorum; si cum illis requireretur dispositio de se sufficiens ad iustificationem, cuiusmodi est contritio perfecta, vel actus illi æquivalens, qui in omni lege vim habuit iustificandi. Confirmatur secundo, quia alioqui sacramenta per se directè instituta ad remissionem peccatorum mortalium, supponerent semper, antequam operarentur remissionem, illa iam esse remissa per contritionem aut per alium actum æquivalentem,

quem præsupponerent veluti præuiam dispositionem. Hoc autem perinde est dicere, ac si quis affirmaret medicinam aliquam fuisse institutam ad curandum morbum, quem semper præsupponeret esse curatum, nec posset aliter operari. Ex quo collige consciū sibi peccari mortalis posse licitè accedere cum attritione nota, ad hæc duo sacramenta: & per ea immediatè ac primò remissionem peccatorum suorum obtinere velle. Licitè enim possumus vti medio, à Christo instituto, ad finem ad quem instituit. Secus est de Eucharistia, & aliis quæ appellantur sacramenta viuorum: quibus saltem ex necessitate præcepti contritio, vel attritio cum Sacramento Pœnitentiæ aut Baptismi, præmittenda est, vt amplius ostendetur suis locis.

Dices Concil. Trident. cap. illo 4. sessione 14. probare attritionem disponere in sacramento ad gratiam, exemplo Niniuitarum, qui timore pœnarum vtiliter concussi ad Ionæ prædicationem, plenam terroribus, pœnitentiam egerunt, & misericordiam à Domino impetrarunt. At hoc exemplum tantum probat attritionem remotè & imperfectè disponere, quatenus inchoantes ab illa, proficimus & progredimur ad actum contritionis, & amoris Dei super omnia: iuxta de Arinam eiusdem Concilii sessione sexta, capite sexto, vbi exponens modum quo adulti debent disponi ad iustificationem, dicit eos incipere ab actu fidei, ex quo concipiunt actum timoris iustitiæ diuinæ, quo timore concussi conuerunt se ad cogitandam Dei misericordiam, & in spem eriguntur, fidentes Deum sibi propter Christum propitium fore, illumque tanquam omnis iustitiæ fontem diligere incipiunt. Et propterea, id est, propter eius amorem, siue ex amore præconcepto, mouentur ad odium & detestationem peccati: quæ detestatio est contritio, quia concipitur ex motu amoris Dei; & non ex metu gehennæ, aut turpitudine peccati, aut simili-bus motiuis inferioribus.

Respondeo, Tridentinum cap. cit. duo asserere. Primum est contra Lutheranos, attritionem conceptam ex turpitudinis peccati consideratione, vel ex gehennæ & pœnarum metu, non modò non facere hominem hypocritam & magis peccatorem: verum etiam donum Dei esse, & Spiritus sancti impulsus, non adhuc quidem inhabitantis, sed tantum mouentis, quo pœnitens adiutus viam sibi ad iustitiam parat. Alterum est, de quo antea Theologi dissentie-bant inter se, attritionem, licet sine sacramento Pœnitentiæ per se non possit ad iustificationem perducere (immediatè scilicet & proximè, vt facit contritio) tamen eum ad Dei gratiam in sacramento Pœnitentiæ impetrandam disponere: immediatè scilicet, sicut contritio facit sine sacramento. Primum probat ex Scriptura, quam solam fidei regulam esse volunt Lutherani.

Yy 3

102.
Difficultas
ex Trident.

103.
Enodatur.

Secundum non probat, quia Theologis sufficiebat Concilii definitio. Cap. autem sexto sess. 6. describit ordinem dispositionis ad iustificationem, non necessarium necessitate medii vel præcepti, sed qui frequenter esse solet, ut ostendimus alibi: Deo scilicet peccatores ad huiusmodi actus eo ordine excitante, & ipsis eodem ordine consentientibus vocationi diuinæ. Per amorem autem illum, quo peccatores Deum ut iustitiz fontem diligere incipiunt tanquam peccatis suis propitium futurum, intelligi facile potest amor spei ex motiuo proprii boni supernaturalis, id est, Dei ut nobis boni. Vnde etiam detestatio peccati, ex tali amore & motiuo sequuta, pertinet ad virtutem spei, estque imperfectior contritio, quæ procedit ex motiuo amoris Dei summè dilecti propter se. Qua fortasse de causa Concilium ibidem ait moueri tunc peccatores aduersus peccata *per odium aliquod*, sumendo particulam, *aliquod*, in sensu diminvente.

104.
Quomodo
ille qui ha-
bit vsum
rationis, &
incedit in
amentiam,
possit sa-
cramentum
recipere vel
illius effe-
ctum?

His præmissis, dubium est primò. Vtrum in adulto qui aliquando vsum est ratione, sed postea incidit in amentiam, eo tamen tempore exiguo quo ratione utebatur, non peccauit mortaliter: necessarius sit actus fidei & pius aliquis motus voluntatis in Deum, ut per sacramentum iustificetur, vel gratiæ augmentum recipiat?

Respondeo talem, si tempore vsum rationis non experiuit sacramentum, id est, non habuit intentionem illud recipiendi, non posse validè sacramentum recipere, ac multò minùs eius effectum. Quod tamen ex communi Theologorum consensu magis constat, quàm vlla certa traditione, vel ratione, quemadmodum ostendit Aegidius Conine quæst. 64. art. 8. num. 100. Pari autem ratione, quæ requiritur intentio ad valorem sacramenti in tali adulto, puto similiter requiri actum fidei & pium motum voluntatis erga Deum: non quidem formalis pœnitentiæ, cuius non est capax si nunquam peccauit actualiter, sed amoris charitatis, vel spei, vel obedientiæ circa Dei mandata, vel quid simile. Cohærenter enim loquendo dicendum est, quòd sicut Deus tales non eximit à necessitate intentionis tanquam medii necessarij ad valorem sacramenti, vel ad validam receptionem sacramenti, ut sacramenti: sic neque eximit à necessitate dispositionis, consistentis in illis actibus, tanquam medii necessarij ad effectum sacramenti.

105.
An dolor
formalis
requiratur
in illis qui
peccauerunt
mortaliter,
ut medium
necessariū
ad iustif.

Secundò, Dubium est an formalis pœnitentiæ, seu dolor formalis de peccatis requiratur determinatè & propriè ex necessitate medii in illis, qui per sacramenta volunt consequi remissionem peccatorum suorum? Respondeo negatiuè, excepto sacramento Pœnitentiæ. Ratio est, quia alioquin non possent excusari ab illa necessitate per ignorantiam aut impotentiam: neque vnquam per sacramenta iustificarentur sine formali dolore. Sed hoc est falsum. Quia ad cætera sacra-

menta (excepto vnico sacramento Pœnitentiæ, in quo formalis dolor requiritur necessariò necessitate medii strictè & propriè, non ut dispositio, sed ut pars essentialis) sufficit verus actus charitatis, id est, amor Dei super omnia, in eo casu quo potest haberi sine contritione. Quod certum esse de Baptismo affirmat Aegidius Conine quæst. 62. art. 1. dub. 2. num. 34. De aliis verò sacramentis par aut maior est ratio. Similiter autem puto sufficere posse in Baptismo virtutem attritionem: qualis est amor efficax & absolutus Dei ut summi boni nostri supernaturalis: voluntas efficax & absoluta obediendi omnibus Dei mandatis ex timore Dei concepta: & alij similes actus. Quod probabile sibi videri affirmat idem auctor dub. cit. num. 36. Ratio est quia, quando aliquis actus requiritur tantum ut dispositio moralis & æstimabilis, sufficit alius illi æquiualens. Eaue est causa cur licet Scriptura requirat contritionem perfectam à peccatore, ut possit extra sacramentum iustificari: intelligimus tamen quòd si incipiat à dilectione perfectæ charitatis, potius quàm à contritione, ut interdum fieri potest, consequatur nihilominus iustificationem, quia dilectio illa æquiualeat contritioni. Ergo cum actus supra dicti non minùs æquiualeant attritioni, dicendum est eos pariter sufficere cum sacramento bona fide suscepto, cum quo attritio sufficeret tanquam dispositio. Alia tamen est ratio de sacramento Pœnitentiæ, cuius vna pars essentialis est dolor formalis, id est, contritio vel attritio, ut sæpius monuimus. Res enim sine suis essentialibus nec esse potest, nec operari. Et determinatio diuina maior est circa essentialia sacramentorum, quæ sunt signa merè arbitraria: quàm circa dispositiones in quibus habetur ratio naturalis earum perfectionis. Neque in sacramento Pœnitentiæ requiritur necessariò necessitate medii formalis pœnitentiæ, quæ dispositio est, sed quæ, seu quia est pars sacramenti.

Tertiò, Dubium est an saltem in huiusmodi peccatoribus requiratur formalis pœnitentiæ per se, & ex necessitate præcepti, ad remissionem peccatorum obtinendam per sacramenta, id est, ex institutione & præcepto diuino, à quo non liceat recedere nisi ignorantia vel inaduerrentia excuset? Respondeo affirmatiuè cum communi sententia Theologorum omnium, excepto Medina, ut testatur Suar. disput. 9. de Pœnitentiæ sect. 1. num. 11. Ratio est, quia actus formalis pœnitentiæ est maximè aptus ad obtinendam veniam, & ad Deum placandum: idèoque Deus convenienter illum per se primò requirit, & ad illum peccatores hortatur in Scriptura. *Pœnitentiam agite, appropinquauit enim regnum celorum.* Matth. 3. vers. 2. & cap. 4. vers. 17. *Memento unde exis, & age pœnitentiam: sin autem, venio tibi, & nubo candelabrum tuum de loco suo:* Apocal. 2. v. 5. *Si pœnitentiam non egeritis, omnes similiter peri-*

106.
An saltem
requiratur,
ex necessi-
tate præcep-
ti?

bitis: Luc. 13. vers. 5. *Si impius egerit penitentiam*, &c. *ut ait uer*: Ezech. 18. & 33. Quæ loca & similia de penitentia propriè & formaliter sumpta intelligenda sunt. Scriptura enim debet in sensu proprio accipi, quantum fieri potest. Quare significant aliquam necessitatem penitentia formalis ad remissionem peccatorum: quæ necessitas talis esse censetur communi iudicio Doctorum, ut voluntas Dei sit peccatorem existentem in peccato mortali, debere veniam petere, & penitere formaliter, quoties vult remissionem peccati obtinere, & Deo reconciliari. Similiterque Trident. sess. 14. cap. 4. aienismo contritionis, id est, doloris de peccato ex motu amoris Dei, vel turpitudinis peccati, aut metu gehennæ, fuisse omni tempore necessarium ad remissionem peccatorum, loquitur de formalis contritione, ut ex textu patet, & ex illius definitione quam ibi tradit. Quare si non est omnino necessaria necessitate mediæ, debet saltem esse necessaria necessitate præcepti; imò & mediæ quodammodo per se vnitæ, id est, per se semper ac necessariò adhibendi secundum primariam intentionem Dei, ut meritò censent communi consensu Theologi: quamvis per alium actum suppleri possit per accidens in eo qui est ignarus sui status, vel sui debiti. Qui autem sui status sibi conscius est, & non ignarus sui debiti, neque vult cum Dei auxilio conari ad actum penitentia formalis eliciendum ut iustificetur: non iuvabitur à Deo ad habendum virtutem, puta amorem Dei super omnia: quia peccat graviter: non potest autem quis simul peccare graviter, & amare Deum super omnia, aut alio medio iustificari eodem instanti. Eoque sensu dicimus non sufficere in eo casu alium actum penitentia virtualis: sed tantum in agente bona fide, & ignaro sui status, vel sui debiti.

107.
Sufficiatne
autem ut
peccator
iustificetur
per alia sa-
cramenta
quàm bapt.
& poenit.

Quartò, Dubium est utrum attritio sufficiat peccatori ut iustificetur per alia sacramenta, quàm per Baptismum & Pœnitentiam? Respondeo per se requiri confessionem sacramentalem ad Eucharistiam recipiendam, ut docet Trident. sess. 13. cap. 7. Ad alia verò requiri perfectam contritionem: quia sunt sacramenta viuorum, quæ per se supponunt vitam spiritalem in eo, à quo recipiuntur: suntque per se primò instituta ad eam fovendam & augendam, non autem ad primò dandam: Confirmatio ad robur, Eucharistia ad nutrimentum, & sic de aliis. Vnde qui est sibi conscius sui status, & sui debiti; debet conteri, vel confiteri & absolui sacramentaliter, antequam illa sacramenta recipiat: alioqui peccat mortaliter: quia res pravis est recipere sacramentum sine dispositione per se requisita ad effectum eius primarium. Probabile tamen est sufficere per accidens attritionem formalem aut virtutem accedentibus bona fide, quia vel suum statum vel suum debitum ignorant inculpabiliter. Ratio est, quia probabiliter

& piè creditur hæc sacramenta posse per accidens iustificare eos, qui bona fide confugiunt ad Dei misericordiam, & ad Christi merita, sacramentot. m. ope applicanda. Quæ de re fufius alibi.

Quintò, Dubium est quæ dispositio requiratur in homine iusto ut gratiam recipiat ope sacramentorum? Respondet Aegid. Conine dub. cit. num. 44. ut iustus per quodvis sacramentum, (excepta penitentia) quod licet suscipit, accipiat gratiam, non requiri in eo aliam dispositionem, quàm intentionem illud suscipiendi: quamvis deceat, ob reverentiam sacramenti, & maiorem eius utilitatem, ac maiorem certitudinem de eius effectu consequendo, ut ad actuale pietatem sese excitet. Ratio eius est, quia iustus est semper capax augmenti gratia: nec sacramentum requirit in suscipiente capace gratia, siue qui nullum habet obicem gratia, v. l. ut actum ut effectum suum producat, nisi eum qui necessarius est ut humano modo suscipiatur: sicut patet in iis qui in phrenesi recipiunt sacramentum quod ante petierant. Sed existimo hoc non esse verum: quia Trident. sess. 14. cap. 4. in fine videtur mihi aliud indicare, cum generatim ait *f. s. d. hæretici & calumniarii Catholicos scriptores, quasi tradiderint sacramentum Pœnitentia absque bono motu suscipiendum gratiam conferre* (siue iustis, siue non) *quod nunquam Ecclesia Dei decuit nec sensit*. Etenim loquitur ibi Concilium de contritione, vel attritione, ut est dispositio ad gratiam: quemadmodum constat ex verbis antecedentibus. Dixerat enim paulò antea, attritionem, etsi non per se sufficiat extra sacramentum ad iustificationem: disponere tamen ad gratiam in sacramento consequendam. Si autem pius ille motus requiritur, etiam ut dispositio ad gratiam à quocunque, siue iusto, siue iniusto, accipiendam ope sacramenti Pœnitentia, ut docet Concilium verbis relatis, quæ generalia sunt: cenfeo pariter requiri ad eundem effectum, pius aliquem motum in reliquis sacramentis: & Deum, sicut non dat primò gratiam adultis sine aliquo pio ipsorum motu: ita neque augere. Quod verum etiam est de phreneticis illis: debent enim antea, pius aliquem motum habuisse, quemadmodum & sacramentum expetiisse, id est, intendisse recipere.

108.
Quæ dispositio
requiritur
in iusto ut
gratiam recipiat
per sacramenta?

SECTIO IX.

De numero, & ordine Sacramentorum.

Circa primum: De fide est septem esse legis novæ sacramenta. Sic enim definitur à Florent. in Decreto Eugenii, §. *Novæ legis septem sunt sacramenta*, & à Trident. sess. 7. can. 1. de Sacram. in genere, cuius verba hæc sunt: *Si quis dixerit sacramenta novæ legis non fuisse omnia à Iesu Christo Domino nostro instituta, aut esse plura, vel pauciora quàm*

109.
Probat
septem esse
L. N. sa-
cramenta.

Septem, Baptismum, Confirmationem, Eucharistiam, Pœnitentiam, Extremam-unctionem, Ordinem, & Matrimonium: aut etiam aliquod eorum non esse verè, ac propriè Sacramentum, anathema sit. Totidem numerarunt quotquot Theologi extiterunt, excepto Durando, qui negat de Matrimonio. Quare mentiuntur Nouatores, qui numerum illum recens exco- gitatum, & à Concilio Trident. obtrusum Armenis fuisse dicunt. Neque illi hunc numerum sacramentorum, velut à se inuentum tradiderunt, sed tanquam in Scripturis contentum, & ex Ecclesiæ declaratione, maiorūque traditione acceptum. Quocirca vel Ecclesia tam multis sæculis errauit circa numerum sacramentorum, id est, circa id, quod in Ecclesiæ præcipuum est, & quo præcipuè eam verbo Dei constare Ecclesiam hæretici ipsi fatentur: vel ille numerus sacramentorum est verus, & legitimus. Imò nullum est de quo possint Nouatores ostendere quando primum post Apostolos ceperit haberi sacramentum, & antea non fuerit habitum. Quod autem vniuersa tenet Ecclesia, nec à Conciliis statutum, sed temper retentum est, nonnisi auctoritate Apostolica traditum re- ctissime creditur, inquit D. August. lib. 4. de Bapt. cap. 24.

110.
Quia S.
Patres de
hoc nume-
ro senten-
tiant

Nec obest quod præcipuè opponunt hæ- retici, numerum illum septenarium nusquam exprimi in Scriptura, nullūque ex antiquis Patribus septem enumerare. Respondeo enim primò, quod attinet ad SS. Patres, ta- met si non vno, & eodem loco totidem sacra- menta enumerent, diuersis tamen locis illo- rum omnium mentionem facere. Ut v. gr. D. August. qui lib. 5. de Bapt. cap. 20. ex occasione quatuor numerat, Baptismum, Ex- tremam unctionem, Eucharistiam, & Pœ- nitentiam. Et lib. 2. contra literas Petiliani cap. 104. addit Confirmationem: & lib. 2. contra epist. Parmeniani cap. 13. Ordinem: ac denique Matrimonium lib. 1. de Nuptiis cap. 10. Iisdemque locis non modò hæc sa- cramenta vocat quomodocūque, sed effi- caciam gratiæ iuxta Christi institutionem, non obscurè illis tribuit, interdūque æqui- parat vel comparat cum Baptismo, & Eu- charistia, de quibus hæretici non dubitant affirmare esse verè, ac propriè sacramenta. Ratio autem cur SS. Patres non omnia simul enumerent, sed de vno aut paucis loquantur variis locis, est, quia nonnisi ex occasione de his, aut illis disputant. Exempli gratiâ D. Ambros. in lib. de Sacram. de tribus solum agit, Baptismo, Confirmatione, & Eucharis- tia: quia, vt ipse proponit initio eiusdem operis, instituit solum de illis tractare, quæ Catechumenis simul cum Baptismo daban- tur. Similiter Dionys. in lib. de Ecclesiast. Hierarch. differit tantū de illis, quæ Hie- rarchæ, id est, Episcopi solemniter adni- strare solebant: nimirum de Baptismo, Eu- charistia, Consecratione olei, & Ordinatione Clericorum. Et Irenæus lib. 1. cap. 9. ex occasione errorum Marci cuiusdam circa

Eucharistiam, de illa tractat. Tum de Baptis- mo cap. 18. eiusdem libri refutans deliria circa illum, hæreticorum illius temporis, Tum de Pœnitentia lib. 3. cap. 4. Et sic de aliis occasione aliorum errorum.

Respondeo deo secundò, si ad nomen, & ver- ba attendamus, neque etiam in Scriptura ex- primi numerum binarium, aut ternarium Sa- cramentorum: nusquam etiam SS. Patres af- firmare duo tantum, vel tria esse sacra- menta, vt volunt aduersarii. Sin autem ad rem ipsam, sicut oportet, animum aduertamus, dico nullum esse de septem sacramentis su- pra enumeratis, cuius non fiat sufficiens men- tio in Scriptura, & Patribus, æque ac Baptis- mi, & aliorum, quæ ipsi admittunt. Cum enim, iuxta illos, duo requirantur, & suffi- ciant ad rationem sacramenti, institutio ri- tus externi, & promissio gratiæ: sufficit hæc de aliis ostendere, æque ac de Baptismo, & Eucharistia. Vt autem probetur inductione per singula: agnoscunt ipsi mentionem fieri sufficientem Baptismi Matth. ult. *Baptizan- tes eos, &c. Qui crediderit, & baptizatus fue- rit, saluus erit: & Eucharistiæ Ioan. 6. Qui manducat hunc panem v. et in æternum, vel* Matth. 26. *A. c. pite, & comedite, Hoc est cor- pus meum, &c.* Quibus verbis dicunt exprimi sufficienter symbolum externum à Christo institutum cum promissione gratiæ illi an- nexa. Atqui similiter Act. 8. & 19. habet- ur per impositionem manus Apostolorum fuisse datum constanter Spiritum sanctum quibuscumque ipsi manus imponent. Qui effectus non fuisset infallibilis, neque Apo- stoli ad eum finem constanter hunc ritum vsurpassent, sine Christi institutione, & pro- missione gratiæ Spiritus sancti. Estque no- tandum SS. Patres hunc Apostolicum ritum intelligere de sacramento Confirmationis, quod etiam cum Baptismo comparant in ra- tione propria sacramenti. Vt Cyprian. epist. 72. ad Stephanum Papam, vbi de Baptismo, & Confirmatione loquitur: *Tum denum plenè sanctificari, & esse Filii Dei possunt si sa- cramento utroque nas- antur.* Et August. lib. 2. contra literas Petiliani cap. 104. *In hoc un- guento, inquit, Sacramentum Chrismatis vult Petilianus interpretari. Quod quidem in genere visibilibus signaculorum sacrosanctum est, sicut ipse Baptismus.*

111.
Habeat ut-
ne ex Scri-
ptura

Probat
de Confir-
matione

De Pœnitentia quoque habetur institu- tio, & promissio diuina adiuncta ritui ex- terno submitendi se Apostolis, & eorum successoribus, tanquam iudicibus ad remit- tenda, vel retinenda peccata constitutis Ioan. 20. *Quorum remiseritis peccata, remit- tuntur eis: & quorum retinueritis, retenta sunt.* Illumque ritum in ratione efficaciz remissio- nis peccatorum, id est, in ratione sacramen- ti, comparant, & æquiparant baptismo SS. Patres, vt Ambros. lib. 1. de Pœnitent. cap. 7. vbi de potestate concessa Sacerdotibus re- mittendi peccata, sic ait. *Quid interest utrum per pœnitentiam, an per lauacrum hoc ins ubi da- tum vendicent sacerdotes? Vnum in utroque mi-*

112.
Probat
de Pœni-
tentia.

nisterium est. Sed dices, quia in lauro operatur mysterium gratia. Quia in Pœnitentia, nonne D. nomen operatur? Et August. lib. 5. de Bapt. cap. 20. Si ad hoc valet quod dictum est in Evangelio, ut per peccatorem sacramenta non celebrentur: quomodo exaudit homi. idam deprecantem, vel super aquam Baptismi, vel super oleum, vel super Eucharistiam, vel super capita eorum, quibus manus imponitur; nimirum per reconciliationem.

113.
Et de Ex-
trema-un-
ctione.

De Extrema-unctione habetur institutio ritus externi, & promissio gratia Iacob. 5. *Infirmatur quis in vobis induat Presbyteros Ecclesie, & orent super eum; ungentes oleo in nomine Domini. Et oratio fidei saluabit infirmum, &c. Et si in peccatis fuerit, remittentur ei.* Et hunc quoque ritum Baptismo, & aliis sacramentis proprie dictis annuerant SS. Patres: vt Innocent. 1. epist. 1. ad Decentium Eugubinum cap. 8. vbi de oleo infirmorum sic ait: *Pœnitentibus (publicè, & solemniter) istud infundere non potest, quia genus est sacramenti. Nam quibus reliqua sacramenta negantur, quomodo vsum genus putatur posse concedi.*

114.
Et de Or-
dine.

De sacramento Ordinis institutio ritus externi per manus impositionem, & promissio gratia habetur 1. Timoth. 4. & 2. Timoth. 1. *Admonco te, vt resuscites gratiam que in te est per impositionem manuum mearum.* Eundemque ritum cum Baptismo comparat D. August. lib. 2. contra epist. Parmeniani c. 13. vbi sic loquitur de Baptismo & de Ordine: *Vtrumque sacramentum est, & quidam consecratione vtrumque homini datur: illud cum baptizatur, istud cum ordinatur. & paulò post. Si enim vtrumque sacramentum est, quod nemo dubitat: cur illud non amittitur, & istud amittitur? Neutri sacramento iniuria facienda est.*

Et de Ma-
trimonio.

Denique de Matrimonio habetur Ephes. 4. *Sacramentum hoc magnum est: ego autem dico in Christo & Ecclesia.* Neque tantum valere ad coniugium spiritale Christi & Ecclesie representandum ex institutione Dei, & Christi, verum etiam ad coniuges sanctificandos, indicat idem Apostolus 1. Timoth. 2. vbi dicit coniugem Christianam saluatum iri si permanserit in dilectione & sanctificatione, acquisita scilicet per sacramentum Matrimonii. Clarius verò id docent August. lib. de bono Coniugali cap. 18. & 24. & lib. 1. de Nuptiis cap. 10. alique Patres, quorum testimonia referemus & expendemus disputando de Matrimonio.

115.

Cum autem Christus plura vel pauciora instituere sacramenta potuerit: ratio cur septem illa instituerit, fuit eius voluntas, partim Scripturis sacris, partim & multò magis traditione declarata, cuius plura testimonia proferemus, quando agemus singulatim de illis quæ negantur à Nouatoribus: quorum inconstantiam in numerandis sacramentis modò duobus, modò tribus, aut pluribus, vide apud Bellarm. lib. 2. de Sacram. cap. 23. Congruentia verò institutionis huius triplex à D. Thoma redditur. Prima sumitur ex comparatione spiritualis vitæ, & cor-

pore, ad quam pertinet nasci per Baptismum, adulescere per Confirmationem, nutrir per Eucharistiam, sanari per Pœnitentiam, &c. Secunda sumitur ex ordinatione sacramentorum contra defectum peccati septemplex. Tertia, est correspondentia septem sacramentorum cum septem virtutibus; tribus Theologicis, & quatuor Cardinalibus, quæ omnia in textu D. Thomæ sunt clara.

Circa eundem verò numerum Notandum est non esse definitum à Trident. nec à Theologis assertum, quòd sint tantum septem sacramenta specie infimà: sed tantum septem totalia, licet ex his quædam sint quæ plures species subalternas, aut parciales contineant. Nam Ordo v. gr. continet saltem Episcopatum & sacerdotium, quibus alii Diaconatum, alii omnes alios inferiores ordines addunt. Eucharistia duas, species parciales, videlicet cibum & potum sacramentalem sub speciebus panis & vini, quæ duæ species parciales conflant vnam totalem, & vnum totale sacramentum, per modum perfecti coniuii; sicut & omnes ordines vnum totalem componunt tendentem ad consummationem perfecti ministri mysteriorum Dei, qui per varios gradus ad Episcopatus culmen ascendit.

Quoad secundam difficultatem de ordine sacramentorum, ille triplex spectari potest. Vnus est ordo generationis, quando scilicet vnum naturali ordine aliquo modo prærequiritur aut præsupponitur ad aliud. Secundus est, ordo perfectionis, quando vnum est nobilius alio. Tertius est, ordo necessitatis, quando vnum est magis necessarium quàm aliud. Hoc supposito,

Dico primò, inter sacramenta, prout vulgò numerantur, maximè reperiri ordinem generationis, & aliquem etiam perfectionis. Ita D. Thom. quæst. 65. art. 2. Ratio ex eodem est, quia quinque sacramenta primo loco numerata ordinantur per se primò ad propriam & priuam vniuscuiusque perfectionem. Baptismus, vt generatio: Confirmatio, vt corroboratio; Eucharistia, vt nutritio: Pœnitentia, vt curatio: Extrema-unctio, vt perfectio curationis. Duo verò postrema ordinantur per se primò ad perfectionem communitatis: nimirum Ordo, ad spiritalem eius propagationem, rectamque gubernationem per ministros & Patres spiritales: Matrimonium verò, ad conseruationem & propagationem corporalem. Sicut autem vnitas, naturæ ordine seu generationis, prior est quàm multitudo: & priuati homines sunt priores communitate: quippe quæ componitur ex priuatis hominibus, sicut multitudo ex vnitatibus: Ita eodem genere ordinis sacramenta spectantia ad perfectionem priuam, sunt priora spectantibus ad publicam. Ergo Baptismus, Confirmatio, Ordo, Pœnitentia, & Extrema-unctio, spectantes ad priuam cuiusque perfectionem, sunt priores Ordine & Matrimonio, spectantibus ad

116.

Quomodo
se intelli-
gendus nu-
merus ille
septenarius

117.

Triplex or-
do sacram.

Quæ ordi-
ne numeri-
ter 7. sacra-
menta.

Ordo ge-
nerationis
inter sacra-
menta.

communitatem. Rursus, ut in iis quæ spectant ad esse naturale, priora sunt ea quæ conueniunt illi per se, & à ea quæ per accidens, & ex casu vel nocumento: scilicet generatio, augmentatio, & nutritio; quàm curatio necessaria ratione morbi per accidens superuenientis: Ita Baptismus, Confirmatio, & Eucharistia, quæ sunt veluti generatio, augmentatio seu corroboratio, & nutritio spiritalis, priora sunt Pœnitentia, & Extrema-unctione, quæ sunt curatio à peccatis & morbis spiritalibus, eorumque reliquiis. Rursus sicut prius est nasci, tum corroborari, ac postea vesci solido cibo: sic Baptismus, quoniam nascimur, prior est Confirmatione, quæ corroboramur. Et hæc præit Eucharistia, qua veluti solido cibo vescimur. Pœnitentia verò prior est extrema-unctione: quia illa sanat à morbis, hæc à morbi reliquiis, & languore ex peccatis relicto. Ordine denique perfectionis sacramentum Ordinis est prius Matrimonio: eo quòd illud ordinetur ad propagationem spiritalem; istud ad carnalem. Vel ut habet D. Thom. id quòd plus habeat spiritualitatis Ordo, quàm Matrimonium.

118.
Ordo perfectionis
quisnam sit
inter cetera
sacram.

Dico 2. Ordine perfectionis Eucharistiam primum locum tenere inter omnia sacramenta. Ita D. Thom. art. 3. & ceteri communiter: Non solum quia consistit in esse permanenti, & non in fluxu vel usu, ut reliqua: sed & maxime propter Christi ipsius authoris gratiæ mirabili modo præsentis illudque intrinsecè componentis maiestatem, & propter miracula multa, ac singularia beneficia, quæ in eius effectione, & participatione existunt: in qua scilicet ut Trident. ait sess. 13. cap. 2. divini sui in nos amoris thesauros Christi effudit, & memoriam fecit mirabilium suorum misericors & miserator Dominus dans talem escam timentibus se. Addit ibidem D. Thomas Eucharistiam esse veluti finem ceterorum sacramentorum. Ordo enim ad eius consecrationem refertur: Baptismus, ad eius susceptionem; atque etiam Confirmatio, quatenus magna fide opus est ad dignè recipiendum & profitendum Eucharistiæ mysterium: Pœnitentia verò, ad eandem refertur ut præparatio necessaria ex occasione peccati. Extrema-unctio, ut utilis ad dignius communicandum sublati peccati reliquiis, etiam venialibus. Matrimo-

nium denique ratione significationis, quatenus significat coniunctionem Christi cum Ecclesia, quam Eucharistia perficit: & quia etiam moderando concupiscentiam carnalem, aliquo modo disponit ad communionem. Vnde etiam adulti in susceptione aliorum sacramentorum solent adiungere Eucharistiam, ut in quæcetera consummentur. Addit deinde S. Thomas post Eucharistiam sequi Ordinem, tum Confirmationem, Baptismum, Extremam-unctionem, Pœnitentiam, Matrimonium: sed huius Ordinis rationem non offert: & res per se valde incerta est.

Dico 3. Baptismus esse priorem, ordine necessitatis: tum Pœnitentiam, Ordinem, Matrimonium, Eucharistiam, Confirmationem, & Extremam-unctionem. Probat, quia Baptismus est necessarius: necessitate mediæ respectu omnium & singulorum. Deinde Pœnitentia, respectu plurimorum, eorum nempe omnium qui post Baptismum inciderunt in peccatum mortale. 3. Ordo est necessarius etiam necessitate mediæ, respectu communitatis; maxime ad ministrandum sacramentum Pœnitentiæ. Matrimonium est necessarium ex præcepto respectu communitatis, atque etiam medium est ad convenientem propagationem corporalem Ecclesiæ. Eucharistia tantum necessaria est necessitate præcepti propriè loquendo. Confirmatio verò & Extrema-unctio minùs certam necessitatem habent; quippe quam plurimi negant, alii verò dubitant. Quæ omnia suis locis fusiùs explicabuntur, cum de singulis sacramentis disputabitur.

Præter hanc triplicem comparisonem alia multa excogitari possunt. Nam quædam de sacramentis sunt simpliciter initerabilia, ut Baptismus, Confirmatio, & Ordo. Quædam secundum quid, ut Matrimonium inter eosdem coniuges, & Extrema-unctio in eadem infirmitate & eodem mortis periculo. Alia simpliciter iterari possunt, ut Pœnitentia & Eucharistia. Præterea quædam consistunt in actibus ministri distincti à suscipiente, ut Baptismus & Confirmatio. Matrimonium verò in actibus ipsis suscipientium: Pœnitentia, partim in actu ministri, partim in actibus suscipientis. De quibus & similibus vide interpretes D. Thomæ ad q. 65. Et hæc de Sacramentis in genere.


119.
Quis sit
ter illa o-
do necessi-
taria.

120.



TRACTATUS TERTIVS.

DE TRIBVS PRIORIBVS SACRAMENTIS, BAPTISMO, CONFIRMATIONE, ET EVCHARISTIA.



EXPLICATIS iis, quæ septem legis novæ sacramentis communia sunt, progredimur cum D. Thoma ad singulorum in particulari expositionem: & eorum imprimis, quæ per se pertinent ad propriam perfectionem unuscuiusque fidelium. Inter quæ Baptismus natura ordine primus est, veluti spiritualis regeneratio in Christo, cæterorumque basis, & fundamentum. Nam ut ait Florentinum in Decreto Eugenii, §. Horum quinque prima: Per Baptismum spiritualiter generamur, & nascimur. Per Confirmationem augemur in gratia, & roboramur in fide. Renati autem, & corroborati nutrimur divina Eucharistia, alimonia, quæ cibus perfectorum est, & panis fortium.

Totam autem horum trium sacramentorum explicationem complexus est D. Thomas viginti octo quæstionibus. In quarum septem prioribus disputat 1. Vtrum Baptismus sit vere, ac propriè sacramentum, & quo tempore fuerit à Christo institutum.

2. *Qua sit eius materia & forma?* 3. *An possit iterari, vel per Baptismum fluminis, aut sanguinis suppleri?* 4. *Quis sit minister eius legitimus?* 5. *Quibusnam, & quomodo valiaè, aut licitè administrari possit?* 6. *Sitne omnibus ad salutem necessarius, & qua necessitate?* 7. *Quinam sint illius effectus?* 8. *An & quomodo operetur remoto obice?* 9. *An, & quomodo Circumcisio fuerit preparatoria, & figurativa Baptismi: quare illius fuerit institutio, ritus, & efficacia?* 10. *De quibusdam preparatoriis simul cum baptismo concurrentibus: Catechismo scilicet, & exorcismo per sacerdotem baptizantem facto, tum ut cacodæmonis potestatem repellat: tum etiam ut ad percipienda salutis mysteria sensum baptizati aperiat.* Deinde sequenti questione, quæ est 72. disputat de sacramento Confirmationis: de quo eadem fere, quæ de Baptismo exponit. Tum q. 73. tractat de Sacramento Eucharistia secundum se, eiusque naturam, & proprietates aliquas prius considerat. Postea verò quatuor sequentibus questionibus agit de materia remota illius, & proxima. 3. de forma. 4. de effectibus. 5. de usu, & sumptione. 6. de ministro. 7. de ritu, quo debet celebrari, siue de sacrosancto Missæ sacrificio. Quæ omnia sequentibus disputationibus eodem ordine, quoad opus erit, elucidabuntur. De iisdem disputant Magister & Scholastici in 4. dist. 3. & undecim sequentibus. Ex Patribus verò præcipuè sanctus Ambrosius sex libris quos de sacramentis inscripsit. Vbi, ut initio libri I. faciendum sibi proponit, non loquitur nisi de tribus illis, quæ à Catechumenis sufficienter dispositis simul olim recipiebantur. Et de Baptismo in particulari, D. August. septem libris contra Donatistas, & lib. de Vnico Baptismo contra Petilianum, Basil. libris duobus de Baptismate, Nazianzen. orat. in sanctum Baptisma, Gregor. Nyssen. duabus orationibus, unâ de sancto Baptismate, alterâ contra eos qui diu illud differunt, Tertullian. in lib. de Baptismo. Cyprian. epist. 73. ad Iubaianum de Baptizandis hæreticis, & auctor libri de Cardinalibus Christi operibus, apud eundem Cyprianum, in serm. de baptismo Christi.

DISPUTATIO

DISPUTATIO

VIGESIMA-TERCIA.


De Institutione & essentia Baptismi.

Sectio I. *Quid sit Baptismus, & quando institutus à Christo?*

Sectio II. *De materia Baptismi.*

Sectio III. *De forma eiusdem Sacramenti.*

Sectio IV. *An Baptismus possit iterari: vel per Baptismum sanguinis, aut flaminis suppleri?*



DE Baptismi institutione & natura tractat S. Thomas quæst. 66. & art. 1. docet in Baptismo sacramentum tantum, esse ablutionem corporis sub forma præscripta verborum, significantem interiorem ablutionem animæ. Rem tantum, esse iustificationem interiorem. Rem & sacramentum, esse characterem baptismalem.

2. Sacramentum istud fuisse institutum in baptismo Christi: tunc enim accepit virtutem sanctificandi: sed eius necessitatem fuisse indictam post passionem & resurrectionem Christi: quia tunc cessarunt figuralia sacramenta legis Mosaicæ: & oportuit Christum prius pati, & resurgere, quàm hominibus indiceretur necessitas se configurandi morti & resurrectioni eius per baptismum. 3. Materiam huius sacramenti esse aquam veram & naturalem: formam in his verbis consistere, *Ego te baptizo in nomine Patris, & Filii, & Spiritus sancti*, quibus baptismi causam principalis, quàm instrumentalis exprimitur. Neque valere baptismum sine expressione Trinitatis personarum diuinarum, nisi ex speciali revelatione & dispensatione aliter fiat, vt olim Apostoli baptizauerunt in nomine Christi. 4. Immersionem non esse necessariam, sed aspersionem, vel effusionem sufficere. Ad baptismum enim per se requiritur ablutio: modus autem ablutionis per accidens se habet. Vnde etiam non requiritur trina immersio, sed vñica sufficit: licet Ecclesia variis de causis modò trinam, modò vnā adhibuerit. 5. Baptismus non posse iterari: tum quia est quædam spiritualis regeneratio: vnus autem non est nisi vna regeneratio, sicut & vna carnalis generatio. Tum etiam quia in morte Christi baptizamur: Christus autem semel tantum mortuus est. Tum denique quia baptismus imprimit characterem, & cum quadam consecratione datur: præcipuèque ordinatur contra peccatum originale: quod sicut non iteratur, ita neque baptismus. 6. Quæcumque præter essentialia baptismi adhibentur in Ecclesia, in eius solemnitate, conuenienter instituta esse, ad populi deuotionem excitandam, & reuerentiam erga sacramentum; ad fidelium instructionem, & ad vim dæmonis cohibendam ne impediat sacra-

mentalem effectum. 7. Præter sacramentum Baptismi, quod dicitur baptismus fluminis, alia esse duo baptismata, fluminis, & sanguinis. Quando scilicet aliquis per virtutem Spiritus sancti mouetur ad credendum, & diligendum Deum, ac poenitendum de peccatis per contritionem. Vnde etiam dicitur baptismus poenitentiae: vel quando aliquis mortem patitur pro Christo, eiusque passioni non figurâ tantum, sed & re ipsa conformatur. 8. Denique, inter hæc tria baptismata potissimum esse baptismum sanguinis quoad effectum. Nam passio Christi operatur quidem in baptismo aquæ per quandam figuralem representationem: in baptismo autem fluminis, per quandam affectionem, sed in baptismo sanguinis per imitationem operis. Similiterque virtus Spiritus sancti operatur in baptismo aquæ per quandam virtutem latentem: in baptismo autem poenitentiae, per cordis commotionem: sed in baptismo sanguinis, per potissimum dilectionis feruorem, iuxta illud Ioan. 15. *Maiores hac dilectionem nemo habet, ut animam suam ponat quis pro amicis suis.* Hæc D. Thomas, quæ sequentibus sectionibus suis exponitur.

SECTIO I.

Quid sit Baptismus, & quando institutus?

1.
Definitio
baptismi.



BAPTISMVM esse sacramentum ne hæretici quidem ambigunt. Definiri autem sic potest. Est sacramentum ad spiritualem regenerationem institutum, consistens in ablutione per aquam naturalem, & prolationem horum verborum aut æquivalentium, *Ecce baptizo in nomine Patris, & Filii, & Spiritus sancti*, facta à ministro cum intentione legitima circa personam idoneam. Quæ definitio fundatur in his Scripturæ verbis, *Nisi quis renatus fuerit ex aqua, & Spiritu sancto*, Ioan. 3. *Baptizantes eos in nomine Patris, & Filii, & Spiritus sancti*, Matth. ult. *Mundans eam lauacro aquæ in verbo vitæ*, Ephesior. 5. *Saluos nos facit per lauacrum regenerationis*, Tit. 3. Clarius verò traditur à Florent. in decreto, 8. *Materia huius sacramenti est aqua naturalis, &c.*

2.
Definitio
illa est quid
nominis, non
quid rei.

Notandum autem, hanc de finitionem non esse, *quid rei*, sed *quid nominis*, vt loquuntur Philolophi. Idemque intellige de definitione sacramenti in genere, & similibus. Non quòd nomina solum definiantur, & non res ipsæ vel conceptus obiectiui nominibus significati, vt malè asserunt Nominales. Nam si nomen Baptismi verbi gratiâ definiretur, dicendum esset quòd sit nomen trisyllabum, constans tot & talibus literis & syllabis, talis generis, & declinationis, significans ex instituto ablutionem corporis, &c. Quæ definitio quàm sit digna Theologo vel Philolopho nemo non videt. Est autem longè diuersa à Baptismi definitione Theologica su-

pra tradita: quæ tamen vocatur definitio quid nominis, & non quid rei; quia per illam non definitur, seu explicatur, natura alicuius rei simpliciter & absolute spectata: sed explicatur significatum illius nominis, *Baptismus*, seu conceptus obiectiui illi respondens. Qui conceptus obiectiui non est res sola quæ Baptismus denominatur: sed multa alia involuit, extrinseca vel accidentaria rei quæ denominatur nomine Baptismi, licet sint intrinseca & essentialia toti ipsius significato, quippe quod omnia hæc includit, nec sine illis potest esse aut concipi. Sunt, inquam, extrinseca vel accidentaria rei quæ Baptismus dicitur, quippe cui accidentarium & extrinsecum est, fuisse à Christo institutam in signum efficax gratiæ regenerantis, sine quo tamen non significatur neque concipitur vt Baptismus, id est, conceptu formali respondente voci, *Baptismus*. Et hoc idem significatum dicitur esse essentialiter signum & causa gratiæ, esseque relatiuum relatione secundum dici, extrinsecà rei quæ dicitur Baptismus, quatenus res vt nomini illi respondens, non potest concipi sine conceptu relatiuo seu comparatiuo, & nisi concipiarur rem illam, quæ dicitur Baptismus, fuisse assumptam in signum & causam moralem gratiæ. Quamuis neque relatio illa, neque assumptio sit essentialis vel intrinseca rei, seu conceptui obiectiui rei, præcise sumptæ.

Magni autem momenti non sunt quæ opponunt Nominales ad probandum nomina definiri, & non res aut conceptus obiectiuos nominibus significatos. Præcipuum illorum argumentum est: Quòd definitio debeat esse clarior definito. Non erit autem clarior definito, nisi nomina definiantur, quia res non potest esse clarior s. ipsa: ergo, &c. Respondeo enim quòd sicut facien-

Definitio
nunc ip-
sa, non est
ram nomi-
na.

tribus Nominalibus vox, *homo*, significat confusus, id quod clarius significatur hoc termino complexo, *animal rationale*: Ita conceptus obiectiuus respondens voci, *homo*, est minus clarus, quam conceptus obiectiuus respondens huic termino complexo, *animal rationale*. Conceptus autem obiectiuus vocis, *homo*, est definitum: & conceptus obiectiuus respondens termino complexo, *animal rationale*, est definitio: ergo definitio est clarior definito: & eadem res est clarior seipsa obiectiue, prout est diuersus conceptus obiectiuus magis vel minus expressus, respondensque conceptui formali magis aut minus claro. Etenim res non dicitur definitum aut definitio primò intentionaliter, id est, secundum quod est à parte rei simpliciter & ex se: sed secundò intentionaliter, id est, quatenus subest aut responderet conceptibus nostris formalibus & ab illis denominatur. Cætera quæ obiciunt æquè leuia sunt.

4. Refellitur obiectio. Cum enim quærent v. g. quid definiatur hac definitione definitionis, vocalis scilicet, aut mentalis, *Definitio est oratio explicans rei naturam*? Respondeo definiri significatum huius vocis, *definitio vocalis*, aut, *definitio mentalis*, id est, omnes definitiones vocales aut mentales confuse conceptas per modum vnius, prout conueniunt in eo, quod quælibet est oratio explicans rei naturam. Quod significatum est definitum prout responderet voci, *definitio*: est verò definitio, prout est conceptus obiectiuus respondens huic termino complexo, *Oratio explicans rei naturam*. Malè verò instant quia, vel illa definitio quæ definitur, clarius explicatur per illam definitionem, vel non. Si non: ergo illa non est eius definitio: Nam omnis definitio debet esse clarior definito. Sed definitio in cōmuni est definitum. Ergo illa definitio debet esse clarior definitione in cōmuni. Et ita erunt duæ definitiones in cōmuni obiectiue, communes omnibus definitionibus. Et quæro quomodo vna sit alia clarior? & quibus terminis constet vna, quibus non constet alia? quid item addant definitiones particulares illi cōmuni per modum differentiarum? V. gr. ista, *animal rationale*?

5. Alia instantia repellitur. Ad quam instantiam repellendam dicendum est, significatum respondens huic nomini, *definitio*, clarius explicari per significatum huius termini complexi, *Oratio explicans rei naturam*. Neque propterea sunt duæ definitiones in cōmuni obiectiue, communes omnibus definitionibus: sed tantum sunt duo conceptus obiectiui definitionis in cōmuni: Vnus confusus, respondens huic termino, *Definitio*: Alter distinctior & clarior, respondens huic termino complexo, *Oratio explicans rei naturam*. Qui conceptus obiectiui non sunt duæ definitiones: sicut duo conceptus obiectiui hominis & animalis rationalis, non sunt duo homines, sed idem homo diuersimodè conceptus.

Definitiones verò particulares, vt ista, *animal rationale*, & similes addunt hoc definitioni in cōmuni, per modum differentiarum

sub illo communi conceptu; quod sint talis vel talis oratio explicans talis rei naturam, & constans talibus terminis vocalibus, aut mentalibus conceptibus. Differunt enim seipsis expressè & distinctè cōceptis vt tales sunt: & conueniunt etiā seipsis confusè conceptis, in eo quod quælibet est oratio explicans alius rei naturam. Per hæc argumentum quod, nouis Nominalibus videtur insolubile, penitus euanesceat, vt pote sua solum leuitate subtile.

Circa secundum in titulo propositum, de Baptismi institutione: Dico tempus institutionis cuiusque sacramenti esse illud, in quo Christus statuit, id est, voluit efficaciter, & significauit, talem ceremoniam fore deinceps signum & causam gratiæ infallibiliter ex opere operato, deque ea re legem sanxit, & eius efficiendæ potestatem dedit. Quo autem tempore præcisè id statuerit de Baptismo non liquet. Quia Scriptura id non indicat, neque aliunde satis colligitur. Existimo probabilius instituisse paulò postquam à Ioanne baptizatus est. Cæpit enim tunc vel per se, vel per discipulos suos baptizare, suo baptismo scilicet, vt dicitur Ioan. 3. & 4. Et quidem illum non instituit antequam à Ioanne baptizaretur, quia non ante cæpit Euangelium prædicare, & nouam legem condere. Neque etiam tunc cum à Ioanne Baptismum suscepit. Nam tunc quidem aquas contactu sui corporis sanctificauit: & Baptismus Evangelicus, eiusque effectus, per ea quæ tunc contigerunt, præsignificatus est: nihil tamen Christus dixisse tunc aut fecisse legitur, ex quo Baptismi Evangelici institutio satis colligatur. Sed potius distulit eius institutionem, vt & Euangelii prædicationem, vsque ad tempus secutum ieiunium quædragesimalè: nec eò vsque legitur illos discipulos habuisse; aut Evangelica præcepta tradidisse.

Minus verò probabile est quod alii dicunt, instituisse post resurrectionem Matt. vlt. Nam tunc quidem præceptum dedit Apostolis, & discipulis, docendi & baptizandi omnes gentes, cum antea tantum circa Iudæos eorum opera versata esset: quia tamè leguntur prius baptizasse Ioan. 3. & 4. nimirum baptismo illo Christi efficaciori, quem Ioannes prædixerat, propter quem etiam omnes ad Christum concurrerunt, deque ea re Ioannis discipuli murmurauerunt: prius etiam Apostoli participarunt Eucharistiæ Matth. 26. & facti sunt ibidem Sacerdotes Evangelici: existimandum est Baptismum Christi fuisse ante passionem institutum, sine quo præhabito, neque Eucharistia, neque Ordo, neque vllum aliud sacramentum recipi potest: quippe qui prior est ordine generationis, & cæterorum sacramentorum veluti basis & fundamentum. Neq; gratis & diuinado dici debet Christum in lege communi dispensasse; cum non minus potuerit ante passionem Baptismum instituire, quam post: & conueniens fuerit ab eo incipere, velut à legis Evangelicæ fundamento. Illudque ipsum Christus insinuauit Ioan. 13. Cum loturus Apostolorum pedes dixit Petro: Qui

6. Quodnam sit tempus institutionis cuiusque sacramenti?

Quo tempore institutus baptismus?

Non fuit institutus post resurrectionem Christi.

beat esse liquida ut sit proximè apta ad baptizandum, patet quia baptizare græcè, idem est quod latine abluere. Ablutio autem fit vel per effusionem & applicationem successivam aquæ liquidæ ad corpus baptizati, vel per immersionem corporis in aquam liquidam & fluidam. Quare nix, grando, glacies, gelu, licet non differant physicè & substantialiter ab aqua; non sunt tamen materia proximè apta, donec liquefiant.

11.
Materia proxima Bapt. est ablutio.

Secunda conclusio: Materia proxima Baptismi est ablutio, id est, aqua in usu abluendi posita. Patet ex verbis formæ, *Ego te baptizo*. Neque enim aqua simpliciter sumpta significatur illis verbis, neque cum illis componit sacramentum proximè & immediatè: sed aqua posita in abluendi usu, qui licet re non differat ab aqua, est tamen modus aliqui ter se habendi, sine quo aqua non componit Baptismum. Ideoque aqua simpliciter dicitur esse materia remota, & ablutio proxima; quamvis non sit res distincta & intermedia inter aquam & verba. Ablutio autem, id est, totum significatum huius vocis, *Ablutio*, consistit essentialiter & formaliter in contactu aquæ liquidæ, & applicatione ad corpus baptizati: comprehenditque simul actionem baptizantis, & receptionem passivam baptizati; siue fiat per asperersionem aut effusionem aquæ ad corpus; siue per immersionem corporis in aquam. Non autem in remotione sordium, ut vulgus putat. Hæc enim est potius effectus ablutionis ac sine illa potest esse essentialiter ablutio: ut si quis planè mundus lauetur: aut si quis aqua lutosa & sordida perfundatur.

12.
Ablutio debet necessariò fieri à ministro baptismi.

Porro ablutio debet necessariò fieri à Ministro baptismi. Id enim forma essentialis significat, *Ego te baptizo*: vel ut Græci dicunt, *Baptizatur meīs manibus*, vel, *Baptizetur servus Christi*, prædicte scilicet & à me hic & nunc, in imperativo, pro *Ego*, aut *fit baptizatur*. Quæ de causa dixi supra ablutionem sacramentalem baptismi comprehendere simul actionem baptizantis, id est, applicationem aquæ, ut vi illius factam, & contactum aquæ liquidæ ad corpus baptizati. Sufficit autem una aspergio, vel immersio, ut patet ex usu Ecclesiæ: licet olim trinamersio diu fuerit in præcepto. Nec obest canon 49. Apostolorum, in quo præscribitur trinamersio. Præscribitur enim non ut à Christo præcepta, aut velut essentialiter requisita: sed ut convenienter trinitati personarum. At unica non minùs convenit unitati essentiæ, secundum quam tres personæ operantur in baptismo. Meritoque propter hæresin Arianorum trina in unam mutata fuit. Non item obest quod ait Pelagius Papa can. *Multi sunt*, de Consecrat. dist. 4. Evangelicum præceptum admonere nos, in nomine Trinitatis, in trina mersione sanctum baptismum unicuique tribuere. Etenim Pelagius ait, *admonere*; non autem cogere, vel præcipere, aut essentialiter id requirere: neque in præcepto dato Apostolis Math. ult. *Baptizantes eos*, &c. ad quod

alludit Pelagius, mentio vlla fit de trina mersione. Denique unicam mersionem sufficere docent Concil. Toletanum IV. cap. 5. & S. Gregor. Papa lib. 1. Registr. epist. 41. Sufficere quoque asperersionem docet S. Cyprianus lib. 4. epist. 7. 5. *insistit*. Et credibile est Apostolos sic baptizasse, quando unus multa millia vno die baptizabat: quod per immersionem fieri vix potuit. Quæ de re plura videri possunt apud Arcud. lib. 1. cap. 9. & 10. & Perron, cap. ult. Replicæ, qui aliis quibuldam objectionibus abundè satisfaciunt.

Toleranti
Gregor.
Cyprian.

Præterea, quando ablutio fit per immersionem, emersio non est necessaria ad valorem baptismi. Verè enim dicuntur abluī, qui in aquam proiciuntur, licet non educantur, hoc ipso quod pertunduntur aqua liquida, in qua circumfusione consistit essentialiter ablutio: in circumfusione, inquam, non in eam mixtione, ut cum vinum & aqua permiscuntur. Quare verè baptizaret qui inuentem in flumen aut in puteum proiceret, quamvis ibi extinguendum. Neque enim obest quod talis actio sit illicita. Alioquin ille qui aqua nimis calida infantem baptizaret illicitè, non verè baptizaret: cum tamen Florent. supra dicat nihil referre ad baptismum, siue aqua calida, an frigida. Nec valet quod obiiciunt aliqui, id non esse lauare secundum modum loquendi hominum, sed suffocare: ut mergere ferrum candens in aquam, non est lauare ferrum, sed ignem extinguere: ac non esse credibile Christum sua institutione comprehendisse modos illos applicandi: quam tam extrauagantes. Respondeo enim, in exemplis allatis utrumque verè fieri: nempe lotionem spectatam essentialiter, & suffocationem aut extinctionem: quamvis in modo loquendi soleat magis haberi ratio præcipue intentionis. Christi verò institutio generaliter accipienda est, ut verba sonant. Ne alioqui per restrictiones voluntarias reddatur incerta. Maxime verò cum certum sit, malitiam ministrum non obesse valori & effectui sacramenti, ut alibi ostendimus.

13.
Non est necessaria emersio ex aqua.

Dices, Immersionem, cui non succedit emersio, non esse signum sepulture & resurrectionis Christi: neque esse renascentiam ex aqua: & non esse ad viuificandum, sed ad suffocandum & mortificandum. At baptismus est signum sepulture & resurrectionis Christi, Rom. 6. & renascentia ex aqua, Ioan. 3. & ad viuificandum, Rom. 6. Respondeo, Baptismum esse figuram resurrectionis Christi, & renascentiam, ac viuificationem, quatenus per illum morimur peccatis, & ad gratiam resurgimus, nascimurque & viuificamur spiritualiter: quæ omnia sunt in casu posito. Cætera verò non pertinent necessariò ad baptismum: tamen valeant ad melius exprimendam sensibilibus sepulturam & resurrectionem Christi, & alia supra dicta.

14.
Solutio obiectio.

Non est quoque necessarium totum corpus baptizati abluī: sed satis est si abluatur pars aliqua, sufficiens ut totus homo mora-

Sufficit una ablutio, id est una aspergio, vel immersio.

ablui totum corpus.

liter denominari possit baptizatus: & si tantum aqua applicetur, quantum ad hoc sufficit. Actus enim sacramentales debent moraliter intelligi secundum communem sensum hominum. Communi autem sensu hominum censetur ablutus ille qui secundum aliquam partem sui notabilem lotus est. Certum verò est sufficere ablui caput, ut patet ex usu Ecclesie. Est enim caput præcipua pars hominis, à quo totus homo maxime potest denominari: in eoque sunt omnes sensus, & vitæ principatus. Imò non est necesse ablui totum caput, sed partem eius notabilem. Neque capilli, qui sunt pars aliquo modo capitis, videntur magis obesse valori Baptismi, quam scabies & sordes capitis, si impediant ne aqua ad cutem usque perueniat. De aliis quibusdam partibus corporis præcipuis solitariè sumptis, ut de pectore, & scapulis, res latis certa videtur. De aliis iure dubitant Theologi an sufficiant. Ideoque lotus solum in pede extracto ex utero, vel in manu, aut brachio, rebaptizandus est sub conditione. Quia tamen non est omnino certum quamlibet partem corporis non sufficere, debet in periculo mortis baptizari quæcumque pars infantis emergens ex utero, licet arida sit, aut paralytica, videaturque animâ destituta: modò non constet certò infantem esse mortuum: quia satius est exponere sacramentum periculo nullitatis cum minima probabilitate, quam arduam æternæ damnationi expositam relinquere, destitutam probabili remedio.

16.

Non sufficit minor pars corporis in casu necessitatis.

Falluntur tamen qui putant minorem partem sufficere in casu necessitatis, quam exera: sicut confessio peccatorum mortalium minor sufficit in casu necessitatis. Etenim ablutio simpliciter est de essentia Baptismi. Confessio autem peccatorum mortalium integra materialiter, id est, omnino & simpliciter, non est de essentia sacramenti Pœnitentiæ: sed integra formaliter, id est, quantum moraliter fieri potest. An autem infirmus, qui sine vitæ discrimine baptizari nequit, debeat baptizari; & an sacerdos ita baptizans, sit irregularis; controuersum est. Communior sententia negat debere, & posse sine irregularitate. Alii tamen affirmant: in quorum sententiam propendet Aegid. Conine in dub. 1. ad art. 7. quæst. 66.

SECTIO III.

De forma Baptismi.

17.

Forma Baptismi quædam sit?

Conclusio: Forma Baptismi consistit in prolatione horum verborum, aut æquivalentium: *Ego te baptizo in nomine Patris, & Filii, & Spiritus sancti.* Patet ex Florent. in decreto §. *Materia huius sacramenti*, ubi sic habet: *Forma est, Ego te baptizo in nomine Patris, & Filii, & Spiritus sancti. Non tamen negamus quin & per illa verba, Baptizetur N. ser-*

*uus Christi in nomine Patris, & Filii, & Spiritus sancti: vel, Baptizatur manibus meis N. in nomine Patris, & Filii, & Spiritus sancti, verum baptisma perficiatur. Quoniam cum principalis causa, ex qua Baptisma virtutem habet, sit sancta Trinitas: instrumentalis autem sit minister qui tradit expertus sacramentum: si exprimitur alius qui per ipsum ministrum exercetur, cum sancta Trinitas inuocatur, perficitur sacramentum. Hæc Concilium, Ex quibus liquet sufficere verba æquivalentia, quamvis non planè synonyma verbis formæ Latine Ecclesie. Similiter autem sufficerent ista, *Ego te baptizo in nomine genitoris, geniti, & spirati*, quia sunt planè synonyma in diuinis: vel, in nomine generantis, geniti, spirantis & spirati: vel, *Ego te baptizo in Deum Patrem, & Filium, & Spiritum sanctum.* Dubia tamen essent hæc formæ, si omitteretur in prioribus particula, *In nomine*: aut loco eius diceretur, ut dicunt Zuingliani & Ariani, *In nominibus*: vel si in postrema omitteretur particula, *Deum*. Quia non est certum quòd non sit necessaria expressio unitatis essentiae diuinæ (quæ unitas significatur hac particula, *In nomine*) æquæ ac expressio Trinitatis personarum. Quia si ex verbis Florentini proximè relatis non satis intelligatur id esse necessarium. Semper etiam persona baptizati aliquo modo exprimenda est, sicut & tres personæ diuinæ: idque communiter creditur esse de essentia formæ, ut forma ad illud expresse dirigatur. Secus tamen expressio personæ ministri, quæ non exprimitur in forma Græcorum, Baptizetur N. seruus Christi, &c. sed ad summum subintelligitur tacite. Quin etiam Græci dicuntur subintelligere à Christo: ad tollendum schisma ortum tempore Pauli, *Ego sum Pauli, ego verò Apollo*, &c. 1. Corinth. 3. sed sensus est: Baptizetur à Christo per me velut eius minister.*

Plura circa huiusmodi formarum varietatem prosequitur Gabriel in 4. dist. 3. quæst. vnicæ artic. 2. & 3. ubi tamen pleraque habet falsa & improbanda. Ut quando perperam reprehendit cum Scoto formam illam Græcorum, *Baptizetur seruus Christi*: Quia, inquit, non est seruus Christi, cum iam baptizatur, sed baptizatur ut sit seruus Christi. Quasi verò nomen *seruus*, non possit sumi ampliatiuè. Et propter hoc argumentum grammaticale fuerit improbandum id, quod Florent. quòdque tota Ecclesia Græca & Latina approbat. Item, quod ait conclusionem 3. Sacramentum irritari per quamcumque mutationem formæ, factam ministro, ut præcise necessariam, id est, existimante illam esse necessariam. Item conclusione. 4. Non sufficere alia verba, nisi sint planè synonyma: Imò non sufficere, *leuote*, vel, *ab uo*, loco, *baptizo*: aut si omittatur particula *in*, vel, &, ut addit art. 3. Quæ omnia ex dictis alibi constat esse falsa, & nimis scrupulosa. Idem quoque ibidem ait, Apostolos baptizasse in nomine Christi tantum, sed ex dis-

18.

Gabriel.

Apostoli non baptizant in nomine Christi tantum.

S. i hom.

penfatione. Quod etiam affirmat S. Thom. quæst. 66. art. 6. ad 1. vt fcilicet nomen Christi illuſtrius redderetur: idque colligit ex Aët. 19. Vbi dicuntur aliqui fuiſſe baptizati in nomine Domini Ieſu. Magiſter quoque, Adrianus, Catharinus, & alii pauci cenſent ſufficere impli- itam Trinitatis inuocationem. Quod confirmant ex reſponſo Nicolai Papæ in cap. *A quedam Iudæo*, de conſecra. diſt. 4. & ex Ambroſio lib. 1. de Spiritu ſancto cap. 3. Beda in cap. Aët. cit. & Bernardo Epist. 340. vbi Baptiſmum approbat ſub hac forma datum, *Ego te baptizo in nomine D. i. & ſanctæ & veræ crucis*: aitque Apoſtolos baptizaſſe non modò in nomine Patris, & Filii, & Spiritus ſancti, verum & in nomine Domini Ieſu Chriſti.

Sed ad hæc dico, malè colligi ex Aët. 19. Apoſtolos baptizaſſe in nomine Chriſti tantum. Nam particula excluſiua, *tenum*, non eſt in Scriptura, & que ex ea bene inferitur: quia qui vnum dicit, non excluſit aliud eo ipſo, ſi illud aliud non eſt incompoſſibile. Imò ex eodem loco Aët. ſaris apertè colligitur, Apoſtolos non baptizaſſe ſine expreſſa Trinitatis inuocatione. Nam Paulus ibi intellexit non fuiſſe Baptiſmo Chriſti baptizatos eos, qui non audierant an ſit Spiritus ſanctus: apertè ſupponens eius fieri mentionem in Baptiſmo, vt alibi expendimus. Exiſtimo autem Apoſtolos ad reddendum Chriſti nomen illuſtrius ſic baptizaſſe, *Ego te baptizo in nomine Patris, & Filii Domini noſtri Ieſu Chriſti, & Spiritu ſancti*: & illos de quibus ſermo eſt Aët. 19. fuiſſe ſic baptizatos, ideòque dici baptizatos in nomine Domini Ieſu.

Magiſter verò, & Adrianus, aliique Scholaſtici cum ſecuri, repugnant apertè definitioni Pelagii Papæ, cap. *Si reuera*, & cap. *Multi ſunt*, de Conſecr. diſt. 4. vbi dicitur expreſſe nullum eſſe Baptiſmum datum tantum in nomine Chriſti, vel, in nomine Domini. Et Cap. *In ſynodo Anglorum*, eadem diſt. vbi Zacharias Papa ſic pronunciat: *Si locus in fonte baptiſmatis fuerit ſine inuocatione Trinitatis, perfectus Chriſtianus non eſt, niſi in nomine Patris, & Filii, & Spiritus ſancti, fuerit baptizatus*. Additque ſi vel vna de Trinitate perſona in Baptiſmo non nominetur, illud baptiſma verum eſſe non poſſe. Et hæc Summorum Pontificum definitiones, priuatis Ambroſii, Bernardi, & aliorum opinionibus præponi debent. De Nicolao verò reſponderi ſolet, ipſum definiuè tantum reſponſiſſe vt Pontificem ad id, de quo à Bulgaris fuerat interrogatus: An ſcilicet Baptiſmus à Iudæo collatus eſſet validus? Cætera vt priuatum Doctorem addidiſſe ex ſua & Ambroſii opinione. Cur autem voluerit Chriſtus expreſſionem Trinitatis eſſentialem eſſe Baptiſmò, licet non ſit aliis omnibus ſacramentis, vide apud interpretes D. Thomæ q. 66. art. 5. qui plures afferunt rationes congruas. Præcipue ſunt, quòd conueniens fuerit in ſacramento regenerationis exprimi

eius principium: & in ſacramento fidei, exprimi præcipuum eius obiectum: & cognosci expreſſe eum, cui datur fides in Baptiſmo, & eum, cum quo contrahitur tanta obligatio: ac denique proponi finem vltimum, & obiectum præcipuum noſtræ beatitudinis; in ſacramento quod per ſe eſt initium noſtræ iuſtificationis, & tendentiæ ad beatitudinem ſupernaturalem.

Super eſt notare nomine materiæ & formæ Baptiſmi adæquatè, non ſignificari ablutionem, aut prolationem verborum abſolutè & quomodocumque, ſed cum certis circumſtantiis, id eſt, factam à miniſtro legitimo cum debita intentione, & in ſubiecto idoneo, id eſt, capaci, & conſentiente ſi ſit adultum. Quorum ſi aliquid deſit, non eſt eorum id quod ſignificatur non ine materiæ & formæ Baptiſmi, quodque reſpondet adæquatè formali eius conceptui. Neque etiam erit totum ſignificatum Baptiſmi, ſi ablutio & prolatio verborum fiat ſine talibus circumſtantiis. Verbi gratiâ, ſi deſit intentio miniſtri, vel ſubiectum non ſit idoneum, putà quia non eſt perſona humana, & viator: vel fuit iam validè baptizata: aut caret intentione propria, cum tamen ſit adulta. Idemque dico de aliis omnibus ſacramentis, quorum nomina, quibus vel iplà tota ſignificantur, vel eorum partes, materia ſcilicet & forma, exprimuntur, non ſignificant res & verba quibus conſtant, abſolutè, aut ſecundum eſſe phyſicum tantum: ſed prout ſunt certo quodam modo, & habent aliqua adiuncta extrinſeca, quæ includuntur in toto ſignificato: & quorum ſi aliquid deſit, non manet idem ſignificatum, licet res & verba integra maneant, neque defectus ſit ex parte ipeſorum.

SECTIO. I V.

An Baptiſmus poſſit iterari, vel per Baptiſmum flaminis aut ſanguinis ſuppleri?

Suppono ex D. Thoma quæſt. 66. a. 11. **S**triplicem diſtingui Baptiſmum, fluminis, flaminis, & ſanguinis. Primus eſt ablutio per aquam, cum aliis quæ ſupra expoſuiſimus, intelligiturque nomine Baptiſmi ſimpliciter, & ſolus eſt ſacramentum nouæ legis. De illo enim ſolo loquuntur Florent. & Trident. explicando naturam Baptiſmi ſacramentalis. Secundus eſt, actus de ſe ſufficiens ad iuſtificationem ex opere operantis: Cuiusmodi eſt contritio ſupernaturalis, vel dilectio Dei ſuper omnia. Tertiùs eſt, martyrium, ſue per ſanguinis effuſionem, ſue aliter illatum.

Dico primò, de fide eſſe Baptiſmum fluminis non poſſe iterari, id eſt, eidem ſubiecto ſemel verè baptizato iterum validè conferri. Pater ex Lateran. cap. *Firmiter*, Florent. decreto Eugenii, & Trident. ſeſſ. 7. can. 9. de Sacram. in genere. & can. 11. de Baptiſmo.

22. 4

Ambroſ.

Beda.

Bernard.

Vide diſp. 19. ſect. 3. num. 40.

19. Sufficiatne baptizare in nomine Chriſti, vel in nomine Trinitatis.

20.

Baptiſmus quid aoz- quare ſi- quibet?

21.

Baptiſmus triplex.

22.

Baptiſmus non poteſt iterari.

Quæ requirantur in adultis ad martyrium?

Herode occisis, quos omnes indiscriminatum ut eximie sanctos colit Ecclesia: qui tamen actu proprio caruerunt: & Christum non loquendo sed moriendo confessi sunt. Tertia pars, quod Deus plus requirat ab adultis, probatur, quia sicut quoad Baptismum fluminis non est eadem ratio de parvulis, ac de adultis, à quibus Deus plus requirit, quotque non nisi ut adultos & libere cooperantes iustificat: sic, &c. Ac primo sine controversia requiritur in adulto acceptatio voluntaria, saltem habitualis, mortis toleranda pro causa verè pia & iusta, quæ cum vera religione & fide sit coniuncta, cuiusque veritatem ipse teneat fide divina. Deinde illa acceptatio debet aliquo modo esse supernaturalis, ut & cætera opera quæ disponunt ad iustificationem. Tertiò probabilius est debere etiam esse ex charitate in Deum, ita ut mors propter ipsum acceptetur. Sic enim docet S. Thom. quæst. 66. art. 12. ad secundum ubi sic ait: *Effusio sanguinis non habet rationem Baptismi si sit sine charitate.* Et paulò post, *Baptismus sanguinis incluit in Baptismum fluminis, actum scilicet contritionis vel dilectionis Dei super omnia.*

S. Thom.

26.

Requirantur actus charitatis.

Quod potest confirmari ex 1. Corinth. 13. *Si aliquid habuerit in cibis pauperum omnes facultates meas, & si tradidero corpus meum ut ardeam, charitatem autem non habuerit, nihil michi prodest.* Vbi nota Apostolum loqui de martyrio eodem modo quo de fide, elemosyna, & aliis, quæ sine actu charitatis non iustificanc. Et in corp. art. eiusdem ait Spiritus sancti virtutem Operari in Baptismo aquæ per latentem virtutem: in Baptismo poenitentia seu fluminis, per cordis commotionem: in Baptismo autem sanguinis, per potissimum affectum dilectionis, iuxta illud Ioan. 15. *Maiorem hac dilectionem nemo habet, quam ut animam suam ponat quis pro amicis suis.* Scio quidem in multis codicibus esse effectum, non, affectum. Sed intellige effectum charitatis ut imperantis, iuxta alia eius verba mox referenda. Et secunda secundæ quæst. 124. a. 2. ad 2. de martyrio sic loquitur: *Quod sit meritorium, habet ex charitate, sicut & quilibet virtutis actus.* Et ibidem dicit, *Martyrium effectum charitatis ut imperantis; elicitive autem esse actum patientia & fortitudinis:* de quo actu, in 1. secundæ quæst. 114. art. 4. ad 3. generatim sic ait: *Actus patientia & fortitudinis non est meritorium nisi aliquis ex charitate hæc operetur.* Hucusque D. Thom. cui assentiuntur Alensis, Bonavent. Richard. Palud. Durand. Gabr. Canus, Vega, Dominicus, Sotus, & alii quos refert & sequitur Vasq. disput. 153. cap. 3. ubi affirmat hanc sententiam non solum esse communem in schola Theologorum, verum etiam testimoniis Patrum multò melius quàm oppositam confirmari. Proque eadem refert varia D. Augustini, Clementis, Cypriani, & Bernardi, testimonia. Ratio demum est, quia cum res pendeat à Dei voluntate, quæ nobis constat tantum

Vasquez.

revelatione: ipse autem non satis revelaverit martyrium prodesse adulto patienti sine charitate, non debet illud certò asseri: quamvis non careat probabilitate, ut alibi ostendimus, ubi plura hæc de re videri possunt, tom. 3. disp. 23. sect. 3.

Contrarium sentiunt Suar. disp. 29. sect. 3. conclus. 2. Aegid. Conine dub. 2. ad art. 12. quæst. 66. Less. lib. 3. de Iustitia cap. 1. dubitatione 4. & quidam alii, qui obijciunt 1. illud Christi Matth. 10. & Luc. 12. *Omnis ergo qui confitebitur me coram hominibus, confitebor & ego cum coram Patre meo.* Respondeo, id non esse intelligendum de quacumque confessione quovis modo facta: nam, facientibus aduersariis, non iustificaretur ille qui confitendo adhæreret affectu alicui peccato mortali: sed de illa quæ sequentibus verbis magis declaratur: *Qui perdidit animam suam propter me, inveniet eam,* Matt. 10. *Salvum faciet eam,* Marc. 8. & Luc. 9. In quibus omnibus locis illud, *Propter me,* significat affectum charitatis in Christum.

Inflabis cum Agid. Conine loco supra cit. n. 156. Perdere animam propter Christum non tantum esse perdere ex amore Christi: alioqui promissio illa non comprehenderet paruulos. Et secundum modum communem loquendi miles dicitur mori propter Principem, qui ne fidem ei datam frangat, occumbit fortiter pugnando: tamen neque eius amore id faciat, neque facturus esset nisi obligaretur. Respondeo 1. Si perdere propter Christum est tantum perdere materialiter seu physice in odium Christi, ut infantes; & promissio illa generaliter sic intelligenda est: ergo quamvis adultus peccator non atteratur, aut, quod peius est, affectu peccato adhæreat, iustificabitur & saluabitur; quod utrumque negant Agid. & alii Adversarii supra citati. Respondeo 2. Sicut prior promissio, *Omnis ergo qui confitebitur me,* &c. attingit paruulos ut paruulos, confitentes tantum moriendo, & non loquendo: adultos verò ut adultos, confitentes formaliter & libere: sic posterior, *Qui perdidit animam suam propter me,* attingit paruulos ut paruulos, ut perdentes propter Christum formaliter, id est, eius amore. Ille autem miles, de quo Aegid. non moritur propriè propter Principem, sed pro obsequio Principis & fide illi data. Quod fieri potest, licet alioqui Principem oderit. Propriè verò mori aut operari propter aliquem, idem est atque eius gratia & amore. *Omnis propter semetipsum operatus est Dominus,* Proverb. 16. id est, ut omnes intelligunt, sui amore.

Urgebis, quia Marci 8. dicitur, *propter me, & Evangelium:* At Evangelium non amatur amore amicitia: ergo particula, *propter,* non significat illum amorem. Respondeo primò, in Evangelio contineri mysterium Trinitatis personarum divinarum, obiectum præcipuum fidei Christianæ, summè ama-

271

Suarez. Conine. Lessius.

281

Solvitur obiectio.

291

Altera instantia.

DISPUTATIO VIGESIMA-QUARTA.

De Ministro & subiecto Baptismi.

Sectio I. *Quis sit idoneus Minister Baptismi?*

Sectio II. *An plures unam alium, vel unus plures, & idem seipsum baptizare possit?*

Sectio III. *Qui & quomodo possint validè & licitè baptizari?*

Sectio IV. *An filii Infidelium possint baptizari sine consensu Parentum?*

Sectio V. *Verum Baptismus sit omnibus necessarius ad salutem?*




DE Ministro & subiecto baptismi disputat S. Thom. q. 67. & 68. In quarum priore docet Sacerdotis esse proprium baptizare: posse tamen in eius absentia Diaconos: imò & laicos, & mulieres, atque etiam infideles, in casu necessitatis. Extra quem, peccarent quidem, validè tamen Baptismum conferrent. Posse quoque plures simul eundem baptizare: dummodo simul abluant, simulque proferant verba formæ. Et sicut paruuli recens nati carnali generatione, traduntur instruendi nutricibus & pædagogis: sic in spiritali per baptismum regeneratione aliquis requiritur, qui baptizatum de sacro fonte baptismatis suscipiens, ipsum tueatur & instituat in his quæ ad diuinum cultum pertinent. Qui tamen non nisi in casu necessitatis tenetur eum instruere: si nimirum animaduertat illum non satis à parentibus, vel ab aliis instrui.

In posteriore affirmat 1. Teneri omnes suscipere baptismum: quia sine illo non possunt salutem consequi. 2. Sufficere tamen ad salutem baptismum in re vel in voto. 3. Paruulis non esse differendum baptismum: quia non egent instructione: & propter periculum salutis, cui non potest aliter subueniri. Adultis verò, quibus desiderium & votum baptismi subuenire potest, non esse statim conferendum, sed postquam sufficienter probati fuerint, & plenè instructi de fide, & exercitati in his quæ pertinent ad vitam Christianam: atque etiam propter quandam reuerentiam sacramenti: Cum enim homines in solemnitatibus præcipuis, scilicet Paschæ & Pentecostes, admittuntur ad baptismum, deuotiùs illum recipiunt. Excipiendus tamen est casus necessitatis. 4. Peccatoribus non esse negandum baptismum propter peccata ante commissa: quia institutus est ut ab illis mundemur. Secus autem in voluntate peccandi persistentibus: quia sic non possunt Christo incorporari, ut viua membra scilicet, neque à peccato mundari, neque sine fictione aliqua sacramentum recipere. 5. Ei qui baptizatur, nullum satisfactionis opus iniungi: quia passio & mors Christi, cui per baptismum incorporatur, pro peccatis omnium plenè satisfecit: & nimirum plenè applicatur ad tollendum omnem reatum culpæ & pœnæ. 6. Non teneri etiam accedentem ad baptismum confiteri peccata sua, nisi Deo, de eis dolèdo: quia non indiget remissione per clauis Ecclesiæ, neque sa-

tisfactionis impositione. Si qui tamen baptizandi, ex deuotione sua peccata confiteri vellent, esset eorum confessio audienda: non vt eis satisfactio imponeretur, sed vt eis contra peccata consueta spiritualis informatio traderetur. 7. In adulto baptizando requiritur intentionem suscipiendi baptismum: quia cum per illum moriamur veteri vitæ peccati, & nouam vitam gratiæ inchoemus: sicut ad hoc vt homo moriatur veteri vitæ, requiritur in habente vsum liberi arbitrii voluntas quâ cum veteris vitæ pœniteat: ita requiritur voluntas, quâ intendat vitæ nouitatem: cuius principium est ipsa susceptio sacramenti. 8. Fidem etiam in illo requiri, vt gratiam & remissionem peccatorum consequatur virtute sacramenti. Secus autem vt characterem tantum, qui non pendet à dispositione baptizati. 9. Pueros esse baptizandos; quia sunt originali peccato infecti: & vt à pueritia in religione Christiana enutriti, firmitus in ea perseuerent. 10. Filios infidelium, si habent vsum liberi arbitrii, propria voluntate, inuitis parentibus, posse baptismum suscipere, sicut & Matrimonium contrahere: quia incipiunt suæ potestatis esse quantum ad ea quæ sunt iuris diuini, vel naturalis. Si verò nondum habent vsum liberi arbitrii, non debent baptizari parentibus inuitis: quia fit illis iniuria: quippe sub quorum cura sunt secundum ius naturale, quamdiu sibi providere non possunt, & periculum est ne redeant ad infidelitatem, propter affectum ad parentes. Ideoque non est talis Ecclesiæ consuetudo. 11. Infantes in utero materno existentes baptizari non posse: quia non potest eorum corpus ablui: ablutio autem corporis est de necessitate baptismi. 12. Amentes à natiuitate, nulla habentes lucida intervalla, & in quibus nullus apparet vsum rationis, baptizandos esse sicut infantes. Alios verò qui sanam mentem prius habuerunt, baptizandos esse, si tunc voluerunt baptizari: secus non. Qui etiam habent lucida intervalla, si tunc baptizari velint, possunt baptizari etiam in amentia constituti, & debent, si periculum timeatur. Alioqui melius est expectare tempus quo erunt iterum sanæ mentis, vt deuotius suscipiant sacramentum. Quidam etiam sunt, qui licet non omnino sanæ mentis existant, tamen intantum ratione vtuntur, vt possint de sua salute cogitare, & intelligere sacramenti virtutem. Et de talibus idem est iudicium, ac de his qui sanæ mentis existunt, qui baptizari possunt volentes, non autem inuiti. Hucusque D. Thomas.

SECTIO I.

Quis sit idoneus Minister Baptismi?



1. **CONCLUSIO:** In casu necessitatis potest quilibet validè & licitè conferre Baptismum, modò possit aquam & verba cum intentione applicare. Extra necessitatem verò nemo potest licitè baptizare, nisi cuius il-

lud & munus specialiter fuit commissum: validè tamen potest alius quilibet.

Prima pars est communis Catholicorum omnium, contra Caluinum. Et probatur primò ex cap. *Firmiter*, de summa Trinit. & ex Florentino in decreto, vbi sic definitur: *Minister huius sacramenti ordinarius est sacerdos, cui ex officio competit baptizare. In causa autem necessitatis non sacerdos tantum, aut Diaconus; sed etiam laicus, & mulier, paganus, ac hereticus validè baptizare potest, modò formam Ecclesia seruet, & facere intendat quod facit Ecclesia.* Loquitur autem de eo qui non

Quilibet potest validè baptizare.

non tantum habet potestatem facti ad faciendum simpliciter, verum etiam iuris ad licitè faciendum. Nam certum est sacerdotem cui ex officio competit baptizare, vtrâque habere potestatem. De aliis autem Concilium simili modo loquitur. Quare vtriusque eandem tribuit potestatem, validè scilicet & licitè baptizandi in casu necessitatis. Patet etiam ex Tertull. lib. de Baptismo cap. 17. Hieronymo in Dial. contra Luciferian. & aliis antiquis, licitum esse laicis baptizare in casu necessitatis. Idem quoque traditur de fidelibus laicis capite *Constat*, de Cōsecratione, dist. 4. & de fœminis cap. *Super quibus*, 38. q. 3. & de Paganis & Infidelibus cap. *A quodam Iudæo*, de Cōsecratione, dist. 4. Trident. etiam sess. 7. cap. 4. definit Baptismum hæreticorum esse simpliciter validum. Ratio denique à priori est institutio Christi, cuius optima congruentia datur cit. cap. *Constat*: nimirum maxima necessitas sacramenti baptismi: cum nisi per illud citra martirium, saluti paruulorum subueniri nequeat, neque etiam perfectè adultis; qui licet per proprios actus possint iustificari; non tamen recipere characterem, & ius ad bona Ecclesiæ. Quam ob causam voluit Christus vt quisque licitè possit subuenire proximo in necessitate baptismi constituto.

Neque obest responsum Gregorii II. scribentis Bonifacio, baptizatos à Paganis quibuldam esse rebaptizandos. Quia loquitur de Paganis qui non baptizauerant in nomine Trinitatis. Quod autem præcipitur in Concilio Eliberino, & cap. *Diacono*, dist. 30 vt ægroti in necessitate non baptizentur nisi à fidelibus non bigamis, & lauacrum suum integrum habentibus, id est solemniter baptizatis; intelligendum est, modò tales adsint, qui in absentia sacerdotum aliis præferendi sunt, & adesse faciliè poterant in tanta fidelium, quanta tunc erat, multitudine. Sed non negatur posse alios, etiam licitè, baptizare in istorum absentia. Quod denique dicitur cap. 2. q. 1. Causa 29. si quis per ignorantiam, &c. interrogatiue legendum est. Vel est relatio sententiæ alienæ planè falsæ, cui mox subiicitur responsio & sententia summi Pontificis, illi contraria: *Sed Romanus Pontifex*, &c. Denique Sancti Patres, si quando negare videntur posse laicos aut fœminas baptizare; intelligunt licitè extra necessitatem, vel præsentibus sacerdotibus, aut aliis dignioribus. Qua de re plura videri possunt apud Suar. disp. 23. sect. 1.

Secunda pars conclusionis est etiam communis Catholicorum omnium: traditurque à Florent. in decreto Eugenii, cum ait, *Ministrum huius sacramenti*, ordinarium scilicet, cui extra necessitatem licet, atque incumbit dare baptismum, esse sacerdotem cui ex officio competit baptizare: Quæ postrema verba addita sunt à Concilio, quia non omnis & quilibet sacerdos ratione suæ ordinationis potest.

licitè baptizare extra necessitatem; & sine Ecclesiæ deputatione: sed ille solum qui ius illud accepit: quod ius seu potestas licitè baptizandi non solet aliis conferri ab Ecclesia, quàm sacerdotibus, vt patet experientiâ, quamvis aliis quoque vt diaconis conferri posset. Porro vt rectè notat Aegid. Conine dub. 1. ad q. 67. num. 7. & seqq. Pertinet primò & per se ad Episcopos baptizare eos omnes qui in sua Dioecesi commorantur: quia asciscere aliquem in cōmunitatem aliquam, eique omnia illius privilegia communicare, pertinet primò & per se, vel ad ipsam cōmunitatem, vel ad ipsius Principem, Episcopum scilicet. Secundo verò pertinet ad Sacerdotes, non quidem ita vt suo iure id possint: sed ex Episcopi cōmissione: quia ipsi non sunt Principes Ecclesiæ, sed adiutores Episcopi, eique subiecti. Tertio, committi potest etiam Diaconis, non quidem ordinaria potestas baptizandi, propter canonem *Constat*, de Consecrat. d. 4. & can. *Diaconos* dist. 93. & alios quibus id prohibetur: sed extraordinaria, graui aliqua ex causa, aut notabili necessitate; etiam ad solemniter baptizandum. Vt si sacerdos non posset omnes sine magna difficultate vel incommodo. Aliis verò inferioribus Diacono non potest committi, nisi à summo Pontifice, vel ab Ecclesia vniuersa, potestas solemniter baptizandi, etiam in casu necessitatis baptismi, quem satis est non solemniter tradi, vt subueniatur indigentis necessitati, & periculo salutis.

Tertia denique pars conclusionis, quòd nihilominus quilibet extra casum necessitatis, validè quamvis illicitè, baptizet, patet quia Trident. sess. 7. can. 4. definit baptismum ab hæreticis collatum esse validum. Quamvis probè sciret, qui inter eos baptizant esse vt plurimum laicos, & simul infideles, ac citra necessitatem id facere. Deinde cap. *A quodam Iudæo*, Nicolaus approbauit baptismum à Iudæo quodam multis collatum, nulla mentione facta necessitatis: Et Alexander Episcopus Alexand. ratum habuit baptismum ab Athanasio puero laico datum cōtraneis citra necessitatem, vt Nicephorus, Soctates & alii testantur.

Porro in casu necessitatis non tantum potest licitè, verum etiam debet quilibet baptizare. Quia tenetur quisque subuenire proximo necessitatem patienti, si cognoscat necessitatem illius, & non sit alius qui possit & velit subuenire. Id enim iuris est naturalis. Et in re adeo graui & necessaria, grauius peccat qui non subuenit, nisi ignorantia excusetur. Duo autem ad prædictam necessitatem requiruntur, vt cuius obligetur alium baptizare. Primum, vt proximus grauius egeat, & non sit alius tertius qui velit & possit ministrare. Nam quando adest tertius qui velit & possit, non est necessaria opera secundi. Quamquam tunc etiam cum plures sunt qui velint & possint, ordo iste seruandus est; vt si adsit qui velit & possit, ac spo-

Extra necessitatem quisque va-
lidè bapti-
zar, quam-
uis non li-
citè.

In casu ne-
cessitatis
quisque te-
netur bap-
tizare.

Ordo ser-
uandus
quando
plures ad-

S. Thom.

cialiter debeat ex officio; non sit alii officio carenti licitum ministrare: quia hoc est inuadere in alienum. Præterea scēmina, præsentē viro qui velit & possit, non potest licitè baptizare: nec laicus præsentē Clerico: nec Clericus minor præsentē maiore, vt Subdiaconus præsentē Diacono: vel Diaconus præsentē sacerdote: vt docent omnes cum D. Thom. q. 67. a. 4. Sed ordo ille ita intelligendus est, si omnes illæ personæ teneant modum baptizandi. Nam si vir v. g. esset prorsus ignarus, aut malè prolaturus verba formæ, mulier tunc ipso præsentē licitè baptizaret. Idemque dico de aliis. Item supposito quòd Sacerdos sit Catholicus. Nam alioquin hæretico laicus, & mulier Catholica viro hæretico præferri debet. Magis enim dedecet hæreticum quàm Catholicam baptizare. Quantum autem peccatum sit prædictum ordinem inuertē sine causā, vide apud Aegid. Coninc dub. 2. ad art. 1. q. 67. Sotum dist. 4. q. vnica art. 2. Valent. disp. 4. q. 2. puncto 1. Suarem. disp. 31. sect. 4. Communis sententia est peccare mortaliter eum qui baptizat præsentē & inuito alio qui debet ex officio: de aliis, saltem inferioribus sacerdote, affirmant multi esse mortale, alii negant.

Coninc
Sotos.
Valent.
Suarez.

SECTIO II.

An plures vnum alium, vel vnus plures, vel idem seipsum baptizare possint

6.
Nemo seipsum baptizare potest.

Dico primò, baptizantem debere necessario esse alium à baptizato, ita vt nemo seipsum baptizare possit. Patet ex Cap. *Debitum, de Baptismo, & eius effectis*, vbi Innocentius III. consultus de Iudæo quodam, qui seipsum baptizauerat, respōdet esse rebaptizandum, vt ostendatur quòd alius esse debeat baptizatus à baptizante. Nec obest, quòd addit talem nihilominus saluandum fuisse, si tunc obiisset. Intelligit enim non vi Baptismi fluminis, sed flaminis, propter fidem viuam erga sacramentum, & erga Deum, cui volebat vniri per sacramentum. Idem satis datur intelligi ex forma Baptismi tam græcæ, quàm latinæ, & ex verbis Christi Matth. ult. *Baptizantes eos*: & ex similitudine sumpta à naturali generatione. Nemo enim seipsum generat. Baptismus autem est sacramentum regenerationis, & ianua vitæ spiritualis, vt ait Florent. in Decreto Eugenii.

7.
Plures si- mul ab vno baptizari possunt.

Dico secundò, plures simul ab vno baptizari posse validè, atque etiam licitè, exigente necessitate, vel causā rationabili: dicendo in numero plurali, *Ego vos baptizo*, &c. Ita S. Thom. q. 66. art. 5. ad 4. & alii communiter: estque credibile Petrum ita fecisse Actor. 2. quando vno die multa hominum millia baptizauit. Et quidem validum esse hunc modum baptizandi probatur, quia nihil illi deest eorum, quæ ad essentiam Baptismi necessaria sunt. Cùm vnusquisque illorum sufficienter abluatur in parte notabili corporis, vt supponimus: sitque capax sacramenti Baptismi:

& forma retineat totum sensum essentialem, sitque æquiualeuter multiplex: æquiualeat enim istis, Baptizo te Petre; & baptizo te Paule, &c. Neque etiam deest intentio ministrum ad faciendum id quod Christus instituit. Licitum verò esse in casu necessitatis, supposito eius valore, manifestum est. Potest enim licitè, imò tenetur quilibet succurrere proximo in necessitate salutis constituto; & non pati vt moriatur, & pereat sine remedio, quod ipse in manu habet. Quare sicut licitum est plures simul absoluerē in necessitate, vt in casu naufragii: sic & plures simul baptizare. Qui tamen id faciunt sine necessitate, vel sine causā rationabili, malè faciunt, & damnantur à multis peccati mortalis: ab aliis venialis tantum, secluso scandalo; quia de validitate sacramenti nulla est dubitatio, neque videtur esse grauis inordinatio.

Dico 3. plures etiam posse simul vnū & eundem baptizare: non tamē quouis modo. Multipliciter enim potest intelligi plures eundem baptizare. 1. Si duo sint, quorum vnus abluat, & alter verba proferat. Et iste modus cōsetur communiter esse inualidus, licet Marfilus, & Caiet. contrarium sentiant. Ratio præcipua est, quia hic modus baptizandi falsificat sensum essentialē formæ, significantis actionem abluendi fieri ab eodem qui profert verba: vel expressè, vt in forma latina, *Ego baptizo*: vel implicitè, vt in græca, *Baptizetur talis seruus Christi in nomine Patris*, &c. à Christo scilicet per ministerium meum prædicè hic & nunc. Nā quòd Græci non ita voluerint significare Christum baptizare præcipuè, vt suum ministerium excluderint, patet ex alia eorum forma relata à Flor. in Decr. *Baptizatur manibus meis N. in nomine Patris, & Filii, & Spiritus sancti*. Et verus sensus formæ Græcorum, & cuiuscunque alterius sufficientis ad Baptismum meriendus est ex sensu formæ, quā vitur Ecclesia Romana, quam certum est non posse errare in viū sacramentorū, Cap. *Ad abolendam, de hæreticis* ita vt alia non sufficiat, si quid contrarium significet, aut quoad sensum substantialē non illi æquiualeat. Atqui forma Ecclesiæ Romanæ significat eandem esse personam, quæ verba profert, & quæ abluit: & hunc esse substantialē illius sensum non modò verba præ se ferunt, sed & Catholicorum Doctorum cōmune iudiciū est. Ergo quæuis alia sufficiens debet hoc idem significare. Confirmatur ex Florentino suprā citato, affirmante requiri ad valorem sacramenti, vt per verba formæ exprimaturs actus, qui per ipsum exercetur ministerium tradentem exterius sacramentum. Quibus verbis significat eundem esse debere, qui abluit exterius physicè, & qui per verba formæ significat se abluere.

Notandum tamen in casu necessitatis hunc modum adhiberi posse, ac debere: vt si duo tantum adsint infanti moribundo, quorum alter sit mancus, & alter mutus; & vnus possit abluere, alter verba proferre. Tunc enim debent simul operam suam conferre per modū

8.
Plures si- mul eundē baptizare possunt.9.
Primus modus non nisi in extrema necessitate adhibendus.

vnus ministri, & causæ totalis compositæ ex duabus partialibus. Ratio est, quia in tali necessitate ne minima quidē probabilitas spernenda est. Opinio autem Marfilii, & Caietani non caret omni probabilitate. Tum quia non est evidens, formam baptismi essentialiter significare ablutionem fieri ab ipso proferente: id enim vtrūque obicūrum facit forma illa Græcorum, Baptizetur talis seruus Christi in nomine Patris, & Filii, & Spiritus sancti. Tum etiam quia, qui per alium facit, per se facit moraliter, ac vere dicitur facere. Ergo proferens verba, & vrens opera alterius ad abluendum, verē diceret aliquo sensu, Ego te baptizo, & non est evidens hunc sensum non iustificare.

10. Alter modus plures simul baptizandi.
Secundus modus, quo intelligi possunt plures eundem baptizare; est, si quilibet abluat sufficienter, & verba formæ proferat in numero singulari, Ego te baptizo; & quisque illorum intendat baptizare, siue alius baptizet, siue non. Et hunc modum sufficientem esse, sed illicitum, docent communiter Theologi, teste Suare disp. 23. sect. 3. §. *Nil illicitum*. Illicitum quidem: quia est contra vñum Ecclesiæ, habentem vim præcepti. Validum tamen; quia in eo casu quisque illorum est sufficiens minister baptismi, & subiectum aptum non est, nec quicquam aliud necessarium. Neque obest alterius baptizantis concomitantia. Nam eius actio non est repugnans, sed similis: & subiectum vtriusque capax est. Sicut enim eadem hostia potest simul consecrari à pluribus, vt fit quando recens ordinati cum Episcopo consecrāt, licet non possit pluries successiue consecrari: sic idem homo potest pluries simul baptizari, quamuis non possit pluries successiue. Quo solo sensu baptismus dicitur non posse iterari, id est, eidem iam semel baptizato, iterum validè applicari. Suppono autē plures illos simul mathematicè perficere essentialia baptismi: aliqui primus perficiens solus baptizat. Idemque dico de eiusdem hostiæ consecratione facta simul à pluribus, si quisque illorum intendit absolute consecrare.

11. Sint tunc plures baptismi.
In eo autem casu non datur vnus baptismus, sed multiplex, vt bene docent Gabriel in 4. dist. 6. q. 1. art. 3. dub. 4. versus finem: Maior ibid. q. 1. §. *Contra istas conclusiones*: & Caietanus ad art. 6. q. 67. contra Durandū, Scotum, Marfilium, & Dominicū Sotum, quos sequitur Vasquez disp. 148. cap. 2. Est enim tunc multiplex ablutio sufficiens, & multiplex prolatio formæ, quarū quælibet est significatiua, & effectiua gratiæ: adeoque habet totum id, quod ad essentiam sacramenti requiritur. Nec obest quod opponit Vasquez, non esse diuersam significationē in eiusmodi ablutionibus, & prolationibus formæ, quia significant eundem numero effectum, nempe eandem gratiam; & eundem characterem: vnitas autem signi ex vnitate significationis sumenda est.

12. Respondeo enim non esse vnitatem significationis formaliter sumptæ, vbi sunt diuer-

sa signa significantia, quamuis idem significant: sed tantum obiectiue sumptæ, id est, ex parte obiecti quod significant. Vnitas enim rei sumenda est ex formali. Sic gladius, & ensis sunt diuersa signa, seu diuersa nomina significantia formaliter; quamuis idem significet. Sunt, inquam, diuersa ex parte formalis, id est, ex parte vocis assumptæ ad significandū; quamuis non ex parte obiecti, seu rei quam significat. Sed quamuis in eo casu baptismus sit multiplex, non propterea maior effectus gratiæ datur baptizato, neque multiplex (regeneratio enim spiritalis est vnica, æque ac naturalis generatio) sed est idem à pluribus causis totalibus. Quod in causis moralibus naturaliter etiam fieri potest. In physicis autem saltem diuina virtute, cum in eo nulla sit contradictio.

Vanum enim est quod aliqui moderni obiciunt; fore vt talis effectus pendeat, & non pendeat à qualibet harū causā. ū. Pendeat ex suppositione, quia ab illa fit. Non pendeat, quia sine illa esse potest, & esset reipia, vialiarum eodē modo agentium. Respondeo enim aliud esse, ab aliquo pendere, id est, esse vi alius cuius causæ: & aliud, pendere necessariò ab eodem, id est, non esse nisi vi illius ita vt sine illo non esset. Addo hoc argumentum fieri posse de causis moralibus, in quibus tamen res evidens est experientia. Possumus enim aliquid facere propter multos fines totales, quorum quilibet satis mouet, & iuiceret. Et idem multis potest multis de causis totalibus esse excommunicatus. Et quot sunt in aliquo peccata mortalia, tot sunt causæ totales priuationis gratiæ, & gloriæ.

Instant, quia impossibile est causam plus facere, & nihil plus fieri. Respondeo causam non plus facere; sed pluries idem facere. Quemadmodum si idem reproduceret, non plus faceret, sed bis, aut pluries idem faceret. At, inquiunt, cum effectus sit aliqua participatio virtutis causæ, implicat causam se magis communicare, & à nullo plus participari. Respondeo causam non se magis communicare, nisi hoc sensu, quod bis eidem se communicat: vt faceret in reproductione, vel in productione eiusdem rei in pluribus locis.

Vrgent, quia non est maior ratio cur idem non possit esse in eodem loco simul pluries, quam vt pluries ibi poni possit. Sed primum est impossibile, ergo & secundum. Item, si potest bis produci: ergo & ter, & quater, & infinities. Atque ita virtus infinita infinitè operans terminaretur ad effectum finitū, purā ad murem producendū. Item Deus priuaret causas naturales sua operatione, cum illæ sint aptæ producere totaliter. Neq; intelligi potest quomodo Deus cōcurreret cū eiusmodi causis totaliter operantibus eundē effectum.

Ad primum Respondeo, ideo non posse eādem esse pluries simul in eodem loco: quia esse in loco non est aliud, quam in existentia formalis, siue indistantia intima ad spatium in quo res est. Quæ indistantia quando semel est, est quanta simul esse potest, neque habet

13. Idem effectus potest esse à pluribus causis totalibus.

14. Repellitur instantia.

15. Soluuntur alia argumenta.

vnde multiplicetur. At positio est exercitii causæ ponentis: & non implicat eandem plures, aut plures simul se exercere ad idem ponendum in loco. Quid enim implicat plures Angelos simul ponere, aut sistere lapidem in loco, tanta vi, ut quisque illorum sufficeret?

Ad secundum: Quenadmodum si Deus infinities idem reproduceret, successivè, aut simul in diversis locis: virtus eius operans infinitè, id est, infinities, terminaretur ad effectum finitum, puta ad eundem Angelum toties reproducendum: Sic &c.

16. Ad tertium: Deus cõtemperat suo concursu influxum, seu concursu in causam physicam, quando non est necessarium ut totaliter operentur. Si autem vellet concurrere cum pluribus, ut totaliter operantibus, non cõtemperaret: sed eundem, aut parem concursum unicuique singillatim præstaret, quæ præstat in omnibus fin ul partialiter cooperantibus: & unam causam totalem constituentibus: fieretque tantum quamlibet se impedire in effectum, quantum omnes fin ul se impendunt, quando partialiter operantur.

17.
Tertius
modus plu-
res simul
baptizandi

Tertius modus quo plures simul eundem baptizare possunt, est, si plures abluant una, vel diversis ablutionibus sufficientibus, & simul totam formam proferant in numero plurali, Nos te baptizamus &c. cum intentione concurrendi solum ut causæ partiales ad unicum sacramentum efficiendum, & intelligendo verba formæ in sensu colectivo, Ego, & ille te baptizamus. Simili modo, quo duo sacerdotes, audita ab utroque confessione integra pœnitentis, possent simul eum absolvere ut causæ partiales, dicendo in sensu colectivo, Nos te absolvimus. Et hunc modum probabiliter validum esse rectè docent Durandus, Palud. Ricard. Maior, Caiet. & alii, quos sequitur Valentia quæst. 2. de Pœnit. punct. 2. contra Suarè disp. 23. sect. 3. Vasq. disp. 148. cap. 5. Conincad quæst. 67. a. 6. dub. 1. & aliquos Thomistas, quibus fauet D. Thom. loco infra citando. Ratio est, quia non est contra essentiam baptismi, ut plures causæ partiales concurrant, vel ad lavandam modo prædictam, vel ad totam formam simul pronuntiandam, ut ex antiquo usu Ecclesiæ colligi potest. Nam cum olim baptismus etiam adultorum fieret per trinam immersionem, & emersionem: credibile est ministrum baptismi Episcopum, vel sacerdotem, aliorum ope uti solitum fuisse, saltem circa pinguiores, graviter ponderosos, qui non poterant unius manibus immergi. Similiter, si duo vas aquæ effunderent in baptizandum, & unus tantum illorum cum intentione baptizandi sacramentaliter proferret formam: omnino videtur quod baptizaret. Et tamen tunc ablutio externa foret tantum partialiter à ministro. Quare non est de necessitate sacramenti, ut unus sit integer, & totalis minister ablutionis, quemadmodum aliqui sine sufficienti fundamento supponunt: neque id forma latina essentialiter, & determinatè significat, vel institutio Christi necessariò id exi-

git: sed possunt plures collectivè abluere: similiterque possunt etiam plures simul omnia verba essentialia proficere, cum intentione concurrendi partialiter, & significandi actionem abluendi, quam exercent, dicendo, Nos te baptizamus, &c. & verba illa intelligendo in sensu colectivo, seu complexivo. In quo casu non est nisi unus baptismus: neque duplex esse potest, cum non sit nisi unica forma, eo sensu quo profertur, collectivè scilicet, seu complexivo; non autem copulativo, aut distributivo. His tamen non obstantibus probabilis est etiam contraria sententia; præcipue propter autoritatem D. Thome a q. 67. art. 6. & rationes tum ab eodem, tum ab aliis supra citatis allatas: quarum tamen nulla convincit. Neque etiam D. Thomas affirmat absolute, talem baptismum esse invalidum, sed, *Pieri*.

Quartus modus est, Si plures simul concurrant ad baptizandum, cum intentione confusa & indeterminata, Ego, vel ille te baptizamus. Et hic est invalidus: quia intentio indeterminata est inefficax, & insufficientis ad sacramentum efficiendum, ut alibi ostendimus disputando de Sacram. in genere, deq; intentione necessaria ad illa celebranda.

Quintus est, Si plures ita baptizent, ut quisque intendat baptizare sacramentaliter, alio non baptizante: & contra, non baptizare, alio baptizante. Et tunc si omnes simul absoluant essentialia baptismi, nullus baptismus est validus: quia valor baptismi cuiusque illorum pender, velut à conditione necessaria, ab invaliditate alterius: neque est ulla ratio, cur unus baptismus valeat potius quam alius. Quare illæ intentiones sese mutuo destruit: suntque similes propositionibus, quas logici vocant insolubiles, & se falsificantes. Sin autem unus eorum solus primò absoluit essentialia baptismi: distinguendum est. Nam vel intendit baptizare sub conditione quod prius absolvat essentialia, quam alius. Et tunc baptismus nullus est: quia eius intentio non est absoluta natura prius, quam baptizet, id est, quam absolvat essentialia: nam pender ab ipso baptismo absoluto, & perfectè posito quoad essentialia, velut à conditione de futuro. Sin autem absolute intendit, & vult atque conatur baptizare sacramentaliter, & ponere omnia essentialia cum omnibus aliis necessariis ad valoré baptismi, idq; conatur præstare quantum potest; baptismus eius validus est: quia nihil est quod eius valorem impediatur, nihilque deest necessarium. Abluit enim sufficienter, ut supponimus, & profert integrè formam, habetq; intentione absolutam circa subiectum idoneum.

18.
Quartus &
quintus
modus.

SECTIO III.

Qui, & quomodo possint valide, & licite baptizari.

Prima conclusio: Omnes tam parvuli, quam adulti cuiuscunque sexus, sunt ca-

19.

paces baptismi. Ita tenent indubitanter omnes Doctores Catholici. Et patet, quia quisquis est capax aeternae salutis, est capax sacramenti baptismi, sine quo veluti medio per se necessario in re, vel in voto, salus nemini contingit. At omnes cuiuscunque sexus sunt capaces salutis aeternae: ergo, &c. Deinde omnes illi possunt per baptismum regenerari in Christo, qui peccatum originale per naturalem generationem contrahunt ab Adamo, iuxta illud Rom. 5. *Sicut per unum uelut unum* &c. & 1. Corinth. 15. *Sicut in Adam omnes moriuntur, ita & in Christo omnes uiuificabuntur*. Atqui omnes contrahunt peccatum originale: ergo possunt quoque omnes per baptismum regenerari. Accedit denique usus vniuersalis Ecclesiae, quae omnes ad baptismum admittit.

Adde, licet aliquis speciali privilegio praeferatur à peccato originali, ut de Beata Virgine pie creditur, adhuc tamen esset capax baptismi, sicut reipsa Beata Virgo baptismi Christi baptizata fuit. Neberet enim nihilominus ingredi in Ecclesiam visibilem per baptismum, & fieri capax reliquorum sacramentorum. Neque obiciat formam baptismi non posse tali subiecto verè applicari, quippe quae significat ablutionem, non tantum materiale, sed etiam spiritualem à peccato. Vnde D. August. lib. de Peccat. meritis & remissione cap. 34. dicit, Pelagianos qui negabant peccatum originale, reddere fallacem & falsam in paruulis formam baptismi. Et lib. de Nuptiis, & Concupisc. cap. 20. dicit, errorem Pelagianorum, negantium peccatum originale, conuinci veritate sacramentorum. Et Concilium Mileuit. can. 2. qui refertur cap. 153 *Placuit*, de Consecrat. dist. 4. definit eos, qui negant paruulos trahere ex Adamo peccatum originale, efficere formam baptismi falsam. Et denique idem confirmat Tridentinum sess. 5. canone 4. repetens iidem ferè verbis canonem illum Concilii Mileuitani.

20. Ad hæc enim Respondeo 1. indirectè, eodem argumento probatum iri, non posse verè applicari formam baptismi adulto, qui iam ante, per actum dilectionis supernaturalis, vel contritionis perfectæ, à peccatis mundatus fuerit. 2. Directè Respondeo, formam baptismi, consistentem essentialiter in his solis verbis, Ego te baptizo in nomine Patris, & Filii, & Spiritus sancti, nihil aliud significare essentialiter, nisi ablutionem corporalem, factam in ordine ad sanctificationem animæ: quæ sanctificatio, respectu eorum, qui peccatis obstricti sunt, consistit in remissione peccatorum, & infusione gratiæ habitualis, per quam etiam formaliter remittitur peccatum: respectu verò aliorum consistit in infusione eiusdem gratiæ, quæ tamen de se valet ad peccatum originale, & actuale delendum, si esset in subiecto. Itaque forma essentialis baptismi in vtrisque verificatur, quia vtrique abluuntur in ordine

ad sanctificationem sibi conuenientem. 3. Quamuis forma baptismi significet essentialiter, saltem obliquè, lotionem & munditiâ spiritualem animæ, dico lauari, & mundari spiritualiter posse non solum eos, qui sunt infecti peccato: sed & alios ab illo mundos: possunt enim magis magisque mundari, id est, per augmentum gratiæ sanctificantis magis remoueri à statu peccati: sicut illi, qui iam peccato aliquo sunt infecti, possunt al. is magis, magisque infici, iuxta illud Apocal. 22. v. 12. *Qui in sordibus est, sordescat adhuc, & qui iustus est, iustificetur adhuc, & sanctus sanctificetur adhuc*. 4. Ad auctoritates Patrum, & Conciliorum allatas, Respondeo cum Delugo disp. 2. de Sacram. sect. 2. n. 35. nomen formæ locis citatis sumi latius quàm pro forma essentiali & propriè dicta: nimirum pro cerimonia exorcizandi, & insufflandi baptizandos, ad eos eruentes Dæmonum potestati. Interdum enim Patres extendunt nomen formæ sacramentorum ad formam aliquam, seu ritum accidentalem, & ceremoniam in illis conferendis obseruatam. Patetque manifestè August. vtroque loco cit. loqui de illa cerimonia exorcizandiant baptismum, dicereque illam fore vanam, & otiosam, si in paruulis nihil haberet Dæmon, quod non oporteat tolli, & vindicari ab eius potestate. De eadèque loquitur Concil. Mileuit. cui D. August. interfuit, & cuius canones ipsis verbis Augustini concepti sunt. Ac denique idem est sentius Trident. can. cit. vbi eodem sensu, quò Mileuit. non minùs, quàm iidem verbis locutum est. His itaque non obstantibus verum & probatum manet id quod diximus in conclusione, omnes tam paruulos, quàm adultos, cuiuscunque sexus, esse capaces sacramenti baptismi.

Loquimur autem de viatoribus, iuxta ea, quæ diximus de sacramentis in genere, disp. 22. sect. 7. Quod verò Paulus ait 1. Corinth. 15. *Alioqui quid facient, qui baptizantur pro mortuis, si mortui non resurgunt?* Vel non est intelligendum de Baptismo sacramentali, quo mortui perse vel per alios affici & iustificari possint, ut perperam explicarunt Cataphrygæ: sed de afflictionibus, & passionibus susceptis ad leuandas animarum pœnas. Vel 2. si sermo est de Baptismo, sensus est, quòd catechumeni eum suscipientes, orarent, atque intentionem suam referrent ad iuuandas animas prædictas, utque illis actione ista sua religiosa prodesse: ad eundem modum, quo dicitur quis pro alio orare, ieiunare, sacrificare, & alia bona opera exercere.

Ex hac vniuersali conclusione collige 1. Infantes validè baptizari: quod perperam negant Anabaptistæ huius temporis, post Henricianos, & Petrobusianos, contra apertissimam traditionem, cuius testis est Diuus Augustinus libro decimo de Genes. ad lit. capite decimo quarto: & libro quarto de Baptismo contra Donat. capite vigesimo quarto: & libro primo de Peccatorum

Forma sacramenti sumitur iuxta modum à PP. pro cerimonia accidentali.

317

Infantes baptizantur validè.

meritis cap. 26. vbi etiam traditionem Apostolicam esse affirmat, & contra Pelagianos peccatum originale negantes, ex hac traditione argumentatur. Eiusdem longè ante meminerant Dionys. de Ecclesiast. Hierarchia cap. 7. versus finem, Clem. Rom. 6. Constitut. cap. 15. Cyprian. lib. 3. epist. 8. & alii. Idem denique definitur expressè in Concil. Lateran. cap. 1. *De summa Trinitate*. §. *Vna verò*, Vienn. Clement. vnica, eodè titulo, §. *Ad hoc*, & Trident. sess. 5. can. 3. & sess. 7. can. 13. de Baptismo. Fauet etiam Scriptura Act. 16. v. 33. vbi tota domus custodis carceris dicitur fuisse à Paulo baptizata, & domus Lydiae ibidem, & domus Stephanæ 1. Corinth. 10. in quibus domibus nullum fuisse infantem parum est credibile. Quamquam non est dissimulandum particulam vniuersalem, *Totam*, non esse in duabus postremis. Sed efficacius est, quòd Christus Ioannis 3. generatim pronunciat, *Nisi quis renatus fuerit ex aqua, & Spiritu sancto, non intreibit in regnum cælorum*. Et tamen alibi Marc. 16. & Matt. 19. & Luc. 18. loquens de paruulis sibi oblati, ait illorum esse regnum cælorum. Vnde concluditur theologicè tales posse baptizari. Illa enim est via cõmunis, quâ in cælum ingradientur: quippe quia martyrium paucis conceditur. Loquimur autem de infantibus, qui possint aqua perfundi: quales non sunt, qui sunt adhuc in utero, nisi aliquid exerant, aut vterus scindatur: vt scindi potest, etiam licitè, si mater morte damnata sit, & periculum sit ne alioqui moriatur proles in utero, vt docet Suar. Aegid. Conine, & alii ad quæst. 68. art. 1. Quin etiam si spes esset, vt aqua à matre epota ad puerum in utero peruenire posset, tentanda esset via illa. Quia vel minima probabilitas sequenda est in tanto periculo.

Suar.
Conine

22.

Quomodo
Baptismus
sit confe-
rendus n. 6.
stro 1

Collige secundo, Peccatores, filios Infidelium, amentes, phreneticos, posse validè baptizari, vt docet S. Thom. quæst. 68. a. 4. & sequentibus. Quæ autem dispositio in peccatoribus, & adultis requiratur, dicitur paulò post. Item monstra humana, de quibus tamen obseruandum est, quòd si rationabiliter dubitetur, an verè consent naturâ humanâ: baptizari debent sub conditione: *Si es homo baptizote*, &c. Quia melius est exponere sacramentum periculo, quàm hominem. Ac si prius signo aliquo explorari potest, an sit homo; explorandum est. Item si dubitatur, an sit vnus, vel plures homines, putâ, quia monstrum constat duplici capite in vno corpore, vel duplici corpore sub vno capite; explorari debet similiter, si fieri potest, sintne duo, vel vnus. Vt si alterum ex capitibus acu punctum doleat, alterum interea gestiat; aut si contraria simul iudicent: vel vnus sciat, quod alius ignoret: quale monstrum in Gallia suo tempore visum fuisse affirmat Scotus. Ac si cõflet duos esse: duplici baptismo baptizandi sunt: si vnicum, vnico. Si explorari certò

nequit, an sint duo, vel vnus: del et vnus n. gr. ex capitibus duobus absolute latari, cum forma absolute prolata. Del de altero sub conditione, *Si es homo baptizote*. Ceterum non est dubitandum vnicum esse hominem, cum monstrum at undat tantum partibus quibuldam non precipuis, vt brachiis, manibus, vel digitis; aut esse plures, quando constant capite & corpore integrè diuersis, coherentibus tantum spina dorsa, aut fronte, qualia contigisse multi testantur. Sed de his plura Domin. Scotus in 4. dist. 3. quæst. vnica, art. 9. Palud. ibid. q. 4. Scot. dist. 6. quæst. 2.

Soror:
Palud.
Scotus.

23.

Secunda conclusio: Præter intentionem ad valorem sacramenti necessariam in adultis, requiritur etiam actus fidei, & expectatio amicitie diuinæ, vt baptizentur licitè, & cum fructu. Ac si actu peccauerunt mortaliter, necessaria illis est attritio, vel contritio vera, & aliquo modo supernaturalis: at non ita contritio determinatè, seu vera, seu præsumpta, sufficit enim attritio.

Prima pars de intentione est D. Thomæ quæst. 68. art. 8. & communis Theologorum. Ratio est, quia cum adultus sit dominus suorum actuum, sapienter à Christo institutum fuit, vt non sine consensu proprio spiritaliter regenerari possit, aut membrum Ecclesie fieri. At sufficit consensus virtualis, atque etiam habitualis, vt colligitur ex Concilio Arausico c. 1. can. x1. & ex cap. *Maiores*, de Baptismo: vbi præterea definitur sufficere, vt sit simpliciter voluntarius, etiam si coactus, & inuoluntarius secundum quid: vt etiam habetur in Concilio Toler. IV. can. 55. & refertur cap. *De Iudais*, dist. 45. Et confirmatur à simili de penitentia, quæ valet, quamuis metu mortis extorta.

Intentio
est necessa-
ria adultis,
vt validè
baptizentur.

Nomine autem adultorum intelligo ratione videntes, aut aliquando vsos: alii enim inter paruulos computantur, & sine vilo actu proprio baptizari possunt validè, & cum effectu iustificationis. Amentes verò prius vsi ratione, debent voluisse, implicitè saltem, vt possint baptizari: & debent etiam fuisse attriti, vt cum fructu baptismum recipiant, si antea peccauerunt mortaliter, vt docet S. Thomas quæst. 68. art. 12. & alii communiter ad eundem articulum. Surdi denique, cæci & muti, capaces vsus rationis, instrui debent, si possunt, vt velint. Si non possunt instrui defectu tot sensuum, censeri possunt inter infantes, & non satis vsus rationis habentes, defectu tot sensuum, ac proinde baptizari, non expectato consensu proprio, vt Aegidius ad quæstionem supra citatam, & plures alii docent.

24.

S. Thom.

Secunda pars de actu fidei adultis necessario, vt baptizentur licitè, & cum fructu, est D. Thom. quæst. cit. art. 8. in cuius confirmationem adducit illud Hier. 10. *Sine fide impossibile est placere Deo*. Cui adde

25.

Actus fidei
est illis ne-
cessarius vt
licitè, & cū

fructu hap- verba Philippi ad Eunuchum Act. 8. v. 37.
tizentur / *Si credis ex toto corde, li. et.* Trident. quoque
fess. 6. cap. 6. in dispositione ad iustifica-
tionem, siue per Baptismum, siue aliter con-
sequendam, actum fidei primo loco enume-
rat. Quare impudenter calumniantur secta-
rii; nos in adultis baptizandis non requirere
fidem, existimantes Baptismum eos iustifi-
care ex opere operato, id est, ut malè expli-
cant, sine vilo bono motu, etiam fidei. Cæ-
terum hunc actum fidei esse aliquo saltem
modo supernaturalem, sicut & actum attri-
tionis, patet ex eodem Trident. fess. 6. can.
3. ubi definit generatim de quacunque ius-
tificatione, siue in Baptismo, siue aliter ac-
cepta, ut patet ex capitulis antecedentibus.
quibus canones illi respondent: *Siquis dixe-
rit sine prauentione Spiritus sancti inspiratione,
atque eius adiutorio hominem credere, sperare, di-
ligere, aut penitere posse sicut oportet, ut ei ius-
tificationis gratia conferatur, anathema sit.* Ec-
fess. 14. cap. 4. de attritione sacramenti pœ-
nitentiæ, ait esse donum Dei & impulsium
Spiritus sancti. Qui loquendi modus non so-
let à Conciliis usurpari de rebus merè natu-
ralibus. Inò cum utrque actus ad fidem &
gratiam, supernaturalem entitatiuè, dispo-
nat; & dispositio debeat esse proportionata
formæ; probabilius arbitror esse entitatiuè
& secundum substantiam supernaturales.
Iungimus autem cum actu fidei, desiderium
diuinæ amicitiae: quia Deus non admittit
adultum in amicitiam suam, quæ per gra-
tiam initur, nisi volentem & expetentem, &
quidem seriò ut par est.

26.

Requirunt
etiam at-
tritione vel
contritio
vera, in illis
qui pecca-
runt mor-
taliter.

Tertia pars de attritione, vel contritione
vera, necessaria illis qui peccarunt mortali-
ter, est omnium Theologorum, teste Suare
qui ait certam esse de fide. Eiusdemque dis-
positionis meminit Trident. fess. 6. cap. 6.
Quamquam non omnia ibi enumerata sunt
simpliciter necessaria. In eundemque sen-
sum, Concilium citat illud Actor. 2. *Pœni-
tentiam agite, & baptizetur unusquisque ve-
strum.* Idem expressè docent sancti Patres,
ut August. lib. de vera & falsa Pœnitentia,
cap. 8. Baptismus, inquit, sine pœnitentia
nunquam profuit eis qui peccarunt sponta-
neè. Ab hac pœnitentia soli qui baptizantur
pueri immunes sunt.

Debent
quoque ha-
bere pro-
positum non
peccandi,
& seruandi
legem Chri-
sti.

Ibidem Trident. inter dispositiones po-
nit propositum non peccandi de cætero, &
seruandæ legis diuinæ: conformiter ad illud
Christi Matth. ult. *Euntes docete omnes Gen-
tes, baptizantes eos, &c. docentes eos seruare
omnia quaecunque mandavi vobis.* Iuxta quæ ver-
ba debent adulti, si fieri potest, ut etiam sit
vfu Ecclesiæ perpetuo, priusquam baptizen-
tur instrui de fine salutis, & de mediis, inter
quæ sunt sacramenta & leges diuinæ: & ro-
gari num renuncient Diabolo & operibus
eius: quibus ex animo respondeant necesse
est. Ac si profiterentur se talicarere propo-
sito, baptizandi non essent, ut non satis dis-
positi & perfundi suo munere profitendi ex-
teriori fidem & legem diuinam.

Per accidens tamen in casu necessitatis,
vel ignorantie, etsi non præmittantur ei-
usmodi præmonitiones & interrogationes, ne-
que concipiatur expressum & formale pro-
positum, puto sufficere virtuale, quale in-
cluditur in seria expetitione diuinæ amici-
tiæ: hæc enim virtualiter excludit omnem
voluntatem mortaliter peccandi, ac proinde
includit voluntatem seruandi omnes leges
diuinæ graues, quod satis est. Nam propo-
situm de venialibus non requiritur necessa-
riò, sicut nec dolor de iisdem, ad recipien-
dum Baptismum licitè, & cum fructu iustifi-
cationis. Ratio verò cur propositum virtuale
sufficiat, est quia sufficit in sacramento Pœ-
nitentiæ, ut dicemus suo loco. Baptismus au-
tem non est minoris efficaciz, & æquè ope-
ratur ex opere operato. Per se tamen loquen-
do, ut liberè contentiant adulti in statum
quem suscipiunt, & ut exterius verè profi-
teantur fidem ac legem diuinam, cuius Ba-
ptismus est per se prima & sollemnis profes-
sio, debent, ut dixi, edoceri prius fidem &
præcepta diuina. Debent etiam, per se lo-
quendo, dolere formaliter. Nam medium
per se tendens directè ad remissionem pec-
cati adhibendum est, quando directè & per
se quæritur eius remissio per medium per se
necessarium, & directè institutum ad eius re-
missionem, ut est Baptismus quoad peccata
ipsum antecedentia. Quod etiam intelligo
de peccatis mortalibus, prius licet per con-
tritionem remissis: quippe quæ non nisi vi-
ce Baptismi remissa fuerunt, & cum illius vo-
to, ac proinde ipsi directè & per se subiicien-
da sunt, ut sit proportionaliter in sacramento
Pœnitentiæ, quoad peccata post baptismum
commissa. Non tamen nego per accidens in
casu obliuionis, vel inaduertentiæ, virtua-
lem pœnitentiam sufficere hic posse: licet
nunquam sufficiat in sacramento Pœniten-
tiæ: quippe quod essentialiter constat for-
malis attritione, vel contritione, sine qua
non modò non iustificat, sed ne quidem va-
lidum est.

27.

Debent do-
lere forma-
liter de
peccatis

Loquimur autem de adultis qui mortaliter
peccauerint ante Baptismum. Nam si acce-
dant cum solo originali, non egent pœni-
tentia propriè dicta: quippe quæ dolor est
de propriis peccatis, & retractatio prauæ suæ
voluntatis præteritæ. Neque etiam si acce-
dunt cum solis venialibus: Nam si actualis
commissio peccati venialis in Baptismo non
impedit effectum iustificationis, ut affirmat
D. Thom. quæst. 69. a. 9. ad 3. & cæteri cum
illo communiter: multò minùs præsentia
tantum habitualis peccati venialis antea
commissi. Illa tamen venialia non remit-
tentur per Baptismum sine pœnitentia vir-
tuali. Et quamuis non impediunt effe-
ctum iustificationis simpliciter; impediunt
tamen ne tantum gratiæ infundatur, quan-
tum si dignius accederent, ut habet D. Thomas
a. 8. quæst. cit. & patet ex dictis
disput. 21. sect. 3.

28.

D. Thom.

Quarta pars conclusionis, quod contritio
Aaa 4

Contritio
determinatè
non est
necessaria.

determinatè necessaria non sit, est contra Gabriëlem, Marfil, Palud. Petr. Sotum, & Nauar, existimantes contritionem veram, vel præsumptam bona fide, necessariam esse ad iustificationem per Baptismum consequendam, respectu adultorum qui mortaliter ante ipsum peccauerunt. Probatum autem 1. ex D. Thom. quæst 79. art. 3. ad 2. ubi affirmat licitum esse ad Baptismum accedere cum conscientia peccati mortalis, quod falsum esset, si prærequireretur contritio vera vel præsumpta, quam sequitur remissio peccati mortalis vera vel præsumpta. 2. Ex Trident. sess. 14. cap. 4. sufficit attritio in sacramento Pœnitentiæ. Ergo & in Baptismo, qui æquè agit ex opere operato, neque minus est efficax circa peccata sibi subiecta. 3. Alioqui Baptismus in adultis nunquam esset formaliter regeneratio, si prius semper requireretur vera contritio. Patet, quia supponeret semper regenerationem factam per actum contritionis, quæ habet iustificandi vim per se, & citrà vsum sacramenti, ut clare docet Trident. sess. 14. cap. 4. Denique cum hoc sacramentum sit per se institutum ad remissionem peccati originalis, & actualium ante ipsum commissorum: non malè facit qui sibi conscius peccati mortalis, ex desiderio tamen remissionis, ad Baptismum recurrit. An verò in mortis articulo, contritio saltem necessaria sit, non solum ut tutius saluti consulatur, verum etiam quia præceptum contritionis circa id temporis obligat, dicemus inferius in tract. sequenti.

30. Occurrit
oblatio. Vt autem tacite occurramus argumentis Marfilii & aliorum supra nominatorum, Nota 1. differre attritionem à contritione, in eo quod contritio est dolor de peccatis ex motu charitatis, in quantum displicent Deo super omnia dilecto. Attritio verò est dolor conceptus ex motu inferioribus, ut timoris gehennæ, turpitudinis peccati, & similibus. Diciturque formalis, quando aliquis formaliter dolet de peccato. Virtualis autem, quando est alius actus in quo dolor includitur virtualiter. Ut quando est amor efficax virtutis, aut boni oppositi peccato. Sicut enim amare vitam, est virtualiter odisse omnia quæ sunt vitæ opposita: sic amare virtutem, est virtualiter odisse quæ illi sunt contraria.

Nota secundò, velle seruare omnia mandata, non esse actu & re ipsa ea seruare: ac proinde velle Deum diligere ex charitate, aut velle conteri, non est re ipsa diligere ex charitate, vel exercere actum contritionis. Quare licet propositum requiratur: non tamen dilectio vel contritio. Nota tertio, credere ex toto corde, non esse credere ex affectu charitatis: sed tota veluti extensione voluntatis, nihil admittentis fidei contrarium.

SECTIO IV.

An filii infidelium possint baptizari sine
consensu parentum?

31. **C**onclusio: Vt paruuli Infidelium filii licite baptizentur consensus parentum est communiter necessarius. Ita D. Thom. quæst. 68. art. 10. & alii communiter. Ratio est, quia vel relinquuntur sub cura parentum: vel ab illis inuitis abstrahuntur. Si primum: exponuntur periculo apostasiæ. Si secundum: fiet parentibus iniuria, quia priuabuntur naturali potestate, quam habent in filios vsque ad ætatem adultam. Confirmatur ex vlu Ecclesiæ, quæ tales neque baptizat, neque ad Baptismum admittit: quæ vsus præponderat omnibus rationibus in contrarium apparentibus.

Dixi, paruulos: nam adulti, cum ad vsum rationis peruenerint, sunt sui iuris, quoad hoc; & possunt, si velint, ac debent obedire Deo magis, quam hominibus. Quod si aliquando iure dubitaretur an talis qui Baptismum petit, perfectum habeat vsum rationis: siue ratione ætatis, siue aliunde: nisi instaret mortis periculum, differendus esset Baptismus, donec id satis constaret: ne aliquin incurratur periculum apostasiæ ex parte baptizati, aut læsionis patriæ potestatis, aut vtriusque. Sed in mortis articulo nullum est tale periculum: imò in illo baptizandus esset dissentiens, de cuius libertate dubitaretur. Quia satius esset exponere sacramentum periculo nullitatis, quam animam periculo salutis.

32. Dixi præterea, infidelium filios, nam de fidelium filiis, & hæreticorum, & apostatarum qui post Baptismum discesserunt à fide, de filiis certum est posse eorum filios licite baptizari, parentibus licet irrationabiliter inuitis; seclusis malis, quæ inde per accidens possunt euenire. Nam parentes huiusmodi sunt subditi Ecclesiæ, & illi tenentur obedire in iis quæ pertinent ad religionem, debitumque vsum sacramentorum, tam circa se, quam circa suos. Et cogi possunt ad seruandas leges diuinas, & Ecclesiasticas. Vnde nulla ipsis fit iniuria si eorum filii, quos baptizare negligunt, aut irrationabiliter differunt, baptizentur ab aliis, accepta ad id potestate ab Ecclesiâ. Si tamen inde timerentur graua incommoda, ut bella, seditiones, aut apostasiæ eius qui baptizatur, quia non poterit extrahi à cura & educatione parentum: Tunc non liceret eum baptizare.

33. Dixi tertio, consensum parentum: Nam consensus ipsorum paruulorum non requiritur, neque vlla alia dispositio morali, cuius etiam capaces non sunt. Neque vlla fit infantibus iniuria quando non consentientes subiiciuntur Ecclesiæ per Baptismum: quia illis omnino expedit subiectionem

31.
Vt filii infidelium baptizentur licite, requiritur consensus parentum.

32.
Secus est de filiis hæreticorum.

33.
Non requiritur consensus ipsorum paruulorum.

hanc ita suscipere, cum aliter saluari nequeant via communi, & in periculo moriendi versentur antequam adolescant; & iure diuino ad eam statim ac rationis capaces sunt sponte subeundam teneantur; atque ita nihil eis imponatur oneris, quod iure diuino non teneantur suscipere, si adolescant: Cum interea gratia diuinæ, & remissionis peccati, & iuris ad communia Ecclesiæ bona, & quod caput est, regni celestis, ut filii Dei adoptiui & coheredes Christi, participes fiant. Denique Trident. sess. 7. can. 14. damnat Erasmus & Lutheranos affirmantes oppositum. Præterea nomine parentum intelligo vel vtrumque, vel alterum. Nam consensus alterius tantum sufficit: ut colligitur ex cap. *In tali* 31. quæst. 1. ubi dicitur filios matris fidelis, & patris infidelis, debere sequi fidem & conditionem matris: ac vice versa. Quod idem repetitur in cap. *Ex literis, de conuersione Infidelium*. Hoc tamen intellige seculo apostasie periculo: ita ut quoad ius parentum, in illa æqualitate vtriusque parentis, in fauorem religionis Christianæ præferendum sit ius parentis consentientis, iuri alterius dissentientis: cum & ipse aliunde teneatur consentire ex præcepto diuino. Vtcrius parentum nomine intelligo etiam curatores, vel tutores, qui loco parentum in filiorum curam successerunt.

4. Denique dixi *communiter*: quia certi sunt casus excipiendi. Vnus est, si infideles victi fuerint in bello iusto à Christianis. Possunt enim iure belli filios à parentibus abstrahere, & baptizare. Imò quamuis essent per iniuriam abstracti à parentibus, nec amplius restituendi; possent tunc etiam licite baptizari, præsupposita aliunde tali ablatione, sine spe restitutionis. Quia nec esset periculum apostasie respectu paruulorum, nec parentibus fieret iniuria, sed illa supposita, bene fieret spiritualiter illorum filiis. Secundus est, in articulo mortis. Licet enim paruulos infidelium proxime morituros baptizare infideis aut inuitis parentibus, citra aliam tamen læsionem. Quia neque tunc est periculum morale apostasie: neque abstrahuntur à parentibus iniuriose: siquidem mors ipsa naturalis rapit illos ex eorum dominio. Tertiò, filii seruorum, id est, mancipiorum emptitorum, qualia sunt in Hispania Maurorum, possunt etiam licite baptizari sine consensu parentum. Quia tales sub sunt dominio reali vna cum filiis, ita ut possit Dominus pro suo libito vel apud se retinere, vel aliis vendere, vel etiam à se inuicem separare, retinendo filios, & distrahendo parentes, vel contra. Facta autem illa separatione, cessat periculum apostasie respectu paruulorum. Cessat etiam iniuria, ratione dominii. Neque verò tantum potest Dominus, verum etiam tenetur, per se loquendo, sua huiusmodi mancipia, siue domi sua nata, siue bello iusto capta, siue empti, baptizare in infantia & Christianè educare: quia parentes Christiani hoc debent suis li-

beris: Dominus autem succedit in ius & curam parentum. Et confirmatur, ex prima ad Timoth. 5. *Si qui suorum, & maxime domesticorum, curam non habet, fidem negauit, & infideli deterior est*. Dixi, *per se*: quia ratione circumstantiarum potest excusari. Ut si id nequit sine magnis incommodis aut difficultatibus. Cum enim illi non sint in extrema necessitate salutis; non tenetur eis ita subuenire, neque cum pari obligatione in ius & curam parentum succedit. Hinc excusantur milites qui filios infidelium redimunt, quia non possunt eos alere sine magnis difficultatibus & incommodis. Quarto, si gentiles, vel Iudæi, & alii infideles, ut ius habitationis obtinerent apud Catholicos, promiserunt se Christiano more viuuros, possunt, ipsis licet inuitis, eorum filii baptizari: quia seipsi subiecerunt in hoc potestati Ecclesiasticæ, aut politicæ coacti. Ut è contrariò si Principes Ecclesiastici derogent iuricogendi hæreticos, pacis causâ, vel alia quauis iusta: iam non poterunt illis inuitis baptizare ipsorum liberos, ut rectè notat Aegid. Coninc. num. 81. ad art. 10. quæst. 68.

Addunt quintò Scotus in 4. distinct. 4. quæst. 9. & Gabr. ibid. quæst. 2. art. 3. dub. 5. lit. S. Filios infidelium qui politice tantum & ciuilitate sub sunt Ecclesiæ, seu Principibus Christianis vel Ecclesiasticis, posse ipsis inuitis baptizari, publica saltem auctoritate Principis, vel communitatis. Sed hoc est contra communem Doctorum sententiam, & vsum Ecclesiæ. Nunc enim, & olim, Christiani Principes, atque ipsi summi Pontifices, quibus Iudæi multi iam à pluribus sæculis subiiciuntur politice, tale quid nunquam attentarunt: quod tamen non prætermisissent, præsertim Principes multi & Pontifices sanctissimi, si id licitum existimassent. Ratio nimirum est, quia iurisdictio ciuilis non tollit subditis dominium reale, aut quasi reale, quod singuli habent in res suas, in liberos, domos, agros, &c. Princeps autem politicus tantum, potest quidem ea præcipere, & prohibere, quæ ad iustitiam & honestatem naturalem & politicam pertinent: minimè verò quæ spectant ad supernaturalem & Ecclesiasticam, nisi subiiciantur vtræque subiectione, Ecclesiastica & ciuili: quales non sunt Gentiles & Iudæi politice tantum subiecti, & liberi. Vnde neque ad aliud cogi possunt licite, quam ad obseruationem legum ciuiliū, qualis non est lex suscipiendi Baptismum. Quod si grauiter delinquerent contra ciuile ius: tunc sicut in pœnam priuari possent bonis temporalibus, & vitâ propriâ; ita & filiis, qui tunc abstrahi possent & baptizari. Neque amplius probat argumentum Scoti, cum ait, Principis esse Christiani cogere subditos ut filios tuos bene instruant. Id enim verum quidem est quoad ea, quæ sunt iuris naturalis, & ciuilis; non autem quoad ea, quæ sunt iuris supernaturalis, aut Ecclesiastici, cui non sub-

Sufficit consensus alterius parentis.

Parentum nomine intelligo etiam curatores & tutores. 34.

Consensus parentum infidelium non requiritur in certis casibus.

Conink. Scotus. Gabriel.

35.

Infideles qui sub sunt tantum politice, non possunt cogi ad baptismum.

562 Disput. XXIV. de Baptismo, Sect. IV.

sunt infideles. D. Thom. verò quæst. 68. art. 10. ad 2. affirmans Iudæos esse seruos Christianorum, loquitur tantum de seruitute civili. Eodemque modo intelligendus est Innocentius III. in cap. *Et si Iudæos, Extra, De Iudæis & Sarac.* Quare neuter contradicte superiori doctrinæ.

36. Obiicies pro Scori & Gabriëlis opinione: Si pater infidelis vellet infantem suum occidere, aut nollet eum à periculo mortis, in quo esset, liberare, aut etiam pessimè educaret, prauisque moribus inficeret; posset Princeps eiusmodi infantem eripere de potestate patris abutentis patriæ potestate. Pertinet enim ad Principem vitam suorum tueri, & corrigere abusum patriæ potestatis in liberos. Ergo potest similiter eripere infantem patri nolenti eum erueri à morte peccati originalis, & à periculo euidenti æternæ damnationis, volentique illum praua doctrina & malis moribus infidelitatis imbueri. Neque enim minus sic abutitur patriæ potestate. Confirmatur, quia pater infidelis non habet ius, aut facultatem sibi concessam à Deo, ut ipse non baptizet filium, & impediat alios qui illum baptizare volunt. Imò potius tenetur iure diuino procurare, ut filius baptizetur, & saluetur. Ergo non fit illi iniuria præcisè in eo, quod eius filius ipso inuito baptizetur. Quia non fit contra ius aut facultatem ipsi à Deo, vel à natura concessam, quæ violatur à baptizante, faciente id solum, ad quod ipse tenetur iure diuino. Neque etiam fit illi iniuria in eo quod infans ei subtrahatur: quia charitas præcipit, & ius naturale permittit, ut proximo, præsertim innocenti, subueniamus in graui periculo.

37. Respondet, Principem posse subtrahere filium patri, quando id necesse est ad auerendam iniuriam quæ filio fieret contra ius naturale: vel ad impediendam prauam educationem contra civilem gubernationem exteriorem. Nam in eo potest Princeps corrigere, vel impedire abusum patriæ potestatis. At neutrum horum fit, quando pater infantem impedit, ne baptizetur. Peccat enim, non contra iustitiam naturalem, sed contra legem fidei: Neque facit contra mores qui iudicantur necessarii rectæ civili gubernationi exteriori. Aliunde verò Deus voluit Baptismum & fidem liberè suscipi ab infidelibus, & ius paternum in filios non violari: quia contrarium magnam rerum perturbationem induceret, & Christi Euangelium & sacramenta redderet gentilibus & infidelibus valde odiosa. Deum autem sic voluisse colligimus ex usu Ecclesiæ. Ad confirmationem respondeo minorem esse veram de graui periculo mali proximè imminentis, non aliter euitabilis. At infans non est in tali periculo, nisi sit in periculo mortis, in quo potest baptizari, parente inuito, ut supra diximus.

38. Superest notare, quamuis illicitum sit in prædicto casu baptizare filios infidelium, inuito parentibus: Baptismum tamen ratum & validum esse, ut rectè docent S. Thom.

quæst. 68. art. 10. ad 1. S. Antonin. Syluester, Caiet. & alii, quos refert & sequitur Valquez disp. 155. c. 6. ubi meritò ait hanc sententiam tam certam esse, ut infantes huiusmodi non debeant, neque possint ea de causa sub conditione rebaptizari. Ratio est, quia nihil tali Baptismo deest, quod ad essentiam Baptismi requiratur. Est enim materia & forma debita, intentio Ministri, & subiectum capax, ex cuius parte (cum sit infans) nullus actus voluntatis est necessarius. Parentum autem consensus non est necessarius ad valorem Baptismi: Alioqui filii hæreticorum non possent ipsis inuitis baptizari: quod falsum esse concedunt Catharin. & alii quidam contrariæ sententiæ assertores. Friuolum verò est quod respondet Catharinus in opusculo *de pueris Iudæorum recipiendis ad Baptismum*, differentiam esse, quia Ecclesia supplet consensum parentum hæreticorum: at non parentum non baptizantium, quia pro istis Ecclesia nihil supplet. Friuolum, inquam, hoc est, quia non est necesse suppleri ab Ecclesia, ut Baptismus sit validus, id quod non est necessarium ad valorem Baptismi. At consensum parentum necessarium esse, neque ex Scriptura, neque ex Conciliis, neque ex Patribus, aut usu Ecclesiæ colligi potest.

Proferunt quidem aduersarii id quod ait August. epist. 23. ad Bonifacium, paruulos dici credere, quando baptizantur. Sed Augustin. ibidem explicat quo sensu credere dicantur: Nempe quia recipiunt Baptismum, qui est sacramentum fidei, & appellatur fides, eo loquendi modo, quo interdum nomen rei significatæ tribuitur signo, ut pluribus exemplis ostendit. Dicuntur etiam credere, saltem in fide Ecclesiæ, quæ illos Deo offert, eo ipso quod Baptismi sacramentum sub forma à Christo præscripta illis exhibet, & eo ipso quod baptizans intendit facere id quod facit Ecclesia. Sed non est necesse, ut credant etiam in fide baptizantis, vel aliorum offerentium, siue parentum, siue aliorum, quam ipsius Ecclesiæ. Quasi verò Baptismus collatus à Ministris hæreticis non sit validus: aut paruuli quorum parentes, vel alii offerentes sunt hæretici, non sint validè baptizati: quorum vtrumque iam pridem contra Donatistas definitum est, & usu Ecclesiæ damnatum. Neque enim tales ab Ecclesia rebaptizantur.

SECTIO V.

Utrum Baptismus sit omnibus necessarius ad salutem?

R Ecolendum est id, quod alibi diximus disp. 20. sect. 4. Dupliciter dici posse quidpiam necessarium ad salutem. Necessitate scilicet vel præcepti, vel medii. Priori modo necessarium dicitur id quod est præ-

su parerum infidelium, est validus.

39. Quo sensu credere dicuntur paruuli?

40. Necessarium ad salutem dicitur dupliciter.

Baptismus paruulorum siue consensu

ceptum, & colere Deum, non furari, &c. Posteriori, id quod est medium ad salutem consequendam necessarium. Quod dupliciter tale esse & dici potest. 1. Magis strictè & propriè, id sine quo re ipsa habito non potest villo modo secundum legem Dei ordinariam, salus obtineri: qualis est simpliciter gratia finalis, sine qua nemo saluatur, neque saluari potest, secundum legem Dei ordinariam: qualis item est secundum quid, nempe citra Martyrium, Baptismus infantium in lege Evangelica. 2. Et paulò latius necessarium dicitur ad salutem, id quod ad primam iustificationem, sine qua salus obtineri nequit, ita est medium necessarium, ut sine ipso, aut alio veluti eius vicario nunquam obtineatur: ita ut quando illud re ipsa non ponitur, iustificatio non acquiratur per aliud, nisi cum directa & speciali obligatione ad ipsum, ut ad medium per se quodammodo necessarium, vice cuius tunc temporis iustificatio confertur: & iustificatio prout confertur hic & nunc, inducat, specialem obligationem ad illud suo tempore ponendum, velut ad id cuius vice iustificatio antea collata fuit per contritionem, aut quid aliud, in ordine ad ipsum ut ad medium per se quodammodo necessarium, & ut tale à Christo institutum. Sic Baptismus respectu adultorum nondum baptizatorum necessarius est, ut explicabitur paulò post: Et sacramentum Pœnitentiæ, respectu eorum qui post Baptismum in peccatum mortale inciderunt. Sic etiam solutio pretii est medium necessarium ad aliquid emptione comparandum: quia emptio obligat ad soluendum pretium: & quando fit per chirographum; datur dominium rei emptæ, pro pretii solutione, cuius vice substituitur chirographus cum obligatione soluendi suo tempore.

41.
Baptismus est aliquo modo necessarius omnibus ad salutem.

Non tamè simpliciter.

His præsuppositis, certum est primò, Baptismum esse aliquo modo omnibus necessarium ad salutem iuxta illud Ioan. 3. *Nisi quis renatus fuerit*, &c. quod idem expresse ex consensu Patrum & Ecclesiæ vniuersæ traditum & definitum fuit ab Innocentio I. contra Pelagian. epist. 26. ad Concil. Mileuit. Florent. in Decreto, 5. *Hæc omnia*, & Trident. sess. 7. can. 5. de Baptismo.

Secundò speciatim dico, respectu paruulorum, & adultorum nondum baptizatorum, non esse medium necessarium simpliciter priori modo. Ratio primæ partis est, quia paruuli sine Baptismo re ipsa suscepto possunt iustificari & saluari per Martyrium: adulti verò, per actus charitatis & per Martyrium formale. Ergo Baptismus non est illis simpliciter necessarius ad salutem primo illo modo. Dixi, *simpliciter*: quia secundum quid, citra Martyrium scilicet, est necessarius paruulis: cum non possint alia via iustificari: neque enim possunt per actus charitatis seu Baptismi fluminis, & sanguinis, necessarius est Baptismus fluminis: quia non possunt aliter iustificari ante Baptismum re

ipsa susceptum, neque enim aliorum sacramentorum sunt capaces, quorum vi cum attritione sola iustificentur.

Pro quo nota aliud esse, loqui de Baptismo in suppositione determinata, prout hic loquimur de illo quando negamus esse simpliciter & primo modo necessarium ad salutem; quia eius defectus potest suppleri per vicarium: & aliud, loqui in suppositione confusa & indeterminata de Baptismo in re vel in voto: quo sensu nemo sine illo saluari potest, ut patet ex Trident. can. cit.

Nota præterea, quando ad finem aliquem plura media seorsim & singula sufficiunt: licet nullum eorum, præsentibus aliis, necessarium sit determinatè: aliis tamen deficientibus, illud quod solum remanet, fieri determinatè & omnino necessarium. Atque ita deficiente occasione Martyrii, Baptismus est omnino necessarius paruulis ad salutem: quia sine alterutro saluari non possunt.

Dico tertio, Baptismum esse necessarium necessitate mediæ posteriori modo, tam respectu paruulorum, quam adultorum. Ratio est, quia, cum ante Baptismum iustificentur paruuli, vel adulti, per aliud medium: id non fit nisi veluti vice Baptismi, cuius etiam suscipiendi, si possint, obligationem specialem inducit; diciturque illa iustificatio fieri per baptismum in voto; siue, non fieri sine voto baptismi, ut loquitur Trident. sess. 6. cap. 4. similique modo loquitur de sacramento Pœnitentiæ, quoad mortalia post Baptismum commissa, sess. 14. cap. 4. Verba Concilii priori loco sunt: *Translatio ab eo statu, in quo homo nascitur filius primi Adæ, in statum gratiæ & adoptionis filiorum Dei, post Euangelium promulgatum, sine lauacro regenerationis, aut eius voto, fieri non potest: sicut scriptum est, Nisi quis renatus fuerit*, &c. Hinc est quod Cornelius Actor. 10. prius licet iustificatus, baptizatur à Petro: & alii similiter baptizandi sunt. Sicut chirographus non eximit à solutione pretii, sed potius obligat ad illam.

Addo quartò, Baptismum esse necessarium etiam necessitate præcepti, respectu adultorum, qui soli sunt capaces præcepti. Tum ratione salutis æternæ, quæ quia in præcepto est, ergo & medium ad illam necessarium, pendens à nostra libertate: tum ratione Eucharistiæ suscipiendæ, quæ ex præcepti necessitate suscipienda est, ut ostendimus suo loco, & sine Baptismo præuio recipi nequit: tum etiam ratione sui ipsius: sicut enim Circumcisio, etiam per se & ratione sui, erat præcepta in lege veteri, veluti notæ & professio Gentis & fidei Abrahamiticæ: sic baptismus per se quoque & ratione sui est in præcepto, ut aditus ad Ecclesiam Christi, & professio legis Evangelicæ.

Necessitas verò baptismi, tam ut mediæ, quam ut præcepti, cœpit ab eo tempore, quo lex Evangelica sufficienter fuit promulgata: ut indicat Trident. sess. 6. cap. 4. dicens, Post Euangelii promulgationem neminem sine lauacro regenerationis aut eius voto

42.

43.
Est mediū aliquo modo necessarium ad salutem.

44.
Est necessarius ex præcepto respectu adultorum.

45.

Quando cœpit necessitas baptismi?

iustificari. Quibus verbis significat necessitatem medii inde cœpisse. Multo magis autem necessitas præcepti non fuit ante promulgationem: quia præcepta positiua non obligant, antequam promulgentur, & intimentur sufficienter. Hæc autem promulgatio sollemnis & sufficiens quandonam facta fuerit, & an simul vel successiue per Apostolorum prædicationem toto orbe diffusam, non est huius loci discutere. * Tantum dico ad illam vique valuisse remedium in lege naturæ institutum pro paruulis iustificandis.

Vide hæc de re, quæ diximus tom. 2. disp. 27. de legib. sed. 2.

46. Præceptum baptismi quomodo obliget?

Porro Baptismi præceptum obligat adultos nondum baptizatos vt Baptismum suum non diu differant cum morâ vituperabili: quæ mora prudenti iudicio metienda est. Estque præceptum hoc diuinum, non Ecclesiasticum: Quia ecclesia non habet ius præcipiendi circa non baptizatos, qui nondum subiacent eius iurisdictioni. In paruulis vero baptizandis tenenda est Ecclesiæ consuetudo. Iurisque ac præcepti naturalis & diuini esse arbitror, vt parentes & pastores non diu sinant paruulos esse sub diabolica potestate, quos tam facile transferre possunt ad statum filiorum Dei. Quanquam nullum ea de re est expressum & speciale præceptum diuinum, aut Ecclesiasticum: neque certa mensura temporis determinata, vltra quam baptismus differri licet nequeat. Posset tamen Ecclesia eam determinare, & præcipere fidelibus vt paruulos suos baptizari curarent tali vel tali tempore. Subiunt enim illi iurisdictioni Ecclesiæ circa se & sua in spiritualibus.

47.

Contra secundam assertionem de necessitate Baptismi respectu infantium senserunt olim Pelagiani, teste D. August. variis locis, existimantes nullum esse peccatum originale: & paruulos omnes, tam fidelium, quam infidelium, habituros sine baptismo vitam æternam citra quoduis privilegium. Sed hic error iam pridem ab Ecclesia damnatus est: de quo plura videri possunt apud Vasq. disp. 149. cap. 1. Nouatores autem, eò quod legant apud Apostolum 1. Corinth. 7. vers. 14. filios fidelium vocari sanctos, docent nulli eorum imputari à Deo peccatum originale, licet illud verè contrahant, idque in gratiam parentum: ac proinde baptismum non esse illis necessarium ad salutem. Sed hoc quoque repugnat Scripturæ, ex qua constat originale peccatum imputari ad poenam, etiam filiis fidelium: iuxta illud Ephesiorum 2. *Eramus & nos naturâ filii iræ, sicut & ceteri.* Nos, inquit, Iudæi licet, ex fidelibus & Iudæis atque ex Dei populo nati, æquè ac ceteri nati ex infidelibus, eramus naturâ, id est, ab originè, & ex naturali generatione, filii iræ & damnationis æternæ: si enim filii iræ, filii vindictæ, filii poenæ, filii gehennæ, inquit D. August. tract. 44. in Ioan. Neque hæreticos iuuat quod Deus Genes. 17. vers. 7. promittit Abraham se fore Deum ipsius, & seminis ipsius. Hæc enim

promissio non est intelligenda sine quibusdam conditionibus requisitis ex parte Abraham & seminis ipsius, vt clarè patet ex Rom. 9. vers. 8. Neque illis magis fauet locus citatus ex 1. Corinth. 7. vers. 14. Nam Paulus ibi loquitur de filiis natis ex vno coniuge fidei, & altero infidei; qui aliquando sanctificantur, baptizati & conuersi curâ & operâ parentis fidelis: sicut etiam coniux infidelis non raro à fidei conuertitur: eoque sensu dicitur ibi sanctificari vir infidelis per mulierem fidelem.

Neque enim existimandum est virum infidelem, manentem infidelem, sanctificari per vxorem fidelem. Cum Paulus Hebr. 11. locus A. absolute pronunciet, *Sine fide impossibile est placere Deo*: & Marc. ult. *Qui non crediderit, condemnabitur.* Huius ergo tanti boni spe hortatur ibi Apostolus coniuges fideles, ad habitandum cum coniugibus infidelibus pacifice cohabitare volentibus. *Sanctificatus enim est, inquit, vir infidelis per mulierem fidelem, & sanctificata est mulier infidelis per virum fidelem: alioqui filii vestri immundi essent, nunc autem sanctificantur*: vel de facto, quia iam studio & cura coniugis fidelis baptizati sunt: vel in spe non essendi de cætero, id est, non permanendi in immunditia, & infidelitate, sed aliquando emergendi ex illa, ope parentis fidelis, sine qua immundi essent, id est, in immunditia perseverarent: *nunc autem sancti sunt*, in re scilicet, vel in spe aut proxima dispositione, & cura quam adhibet parens fidelis: vt interpretatur Hieronymus August. Tertull. & alii, qui ob eandem causam filios parentum fidelium ante susceptum baptismum vocant, candidatos fidei & sanctitatis, id est, destinatos ad illam à parentibus fidelibus. Videri potest Bellarm. lib. 1. de Baptismo cap. 4. vbi perspicue ostendit communem Patrum consensum repugnare hæreticorum temerit. Singulariter autem notanda sunt verba D. August. lib. 1. de Peccatorum meritis & remiss. cap. 23. *Nulla, inquit, ex arbitrio nostro salus æterna præter Baptismum Christi promittatur infantibus, quam non promittit Scriptura diuina humanis omnibus ingenuis præferenda.* Et lib. 3. de Origine animæ cap. 9. *Noli credere, noli dicere, noli docere infantes antequam baptizentur, peruenire posse ad originalium peccatorum indulgentiam, si vis esse Catholicus.*

Contra eandem assertionem opinatus est Caiet. ad art. 2. quæst. 68. existimans deficiente opportunitate baptizandi paruulos, votum baptismi à parentibus aut ab aliis conceptum, eis sufficienter prodesse ad salutem; idque ex lege vniuersali & infallibili. Gerson autem, & alii pauci, dixerunt preces parentum pro filiis Deo oblatas in eum finem, posse interdum illis sufficere sine Baptismo. At hæc communiter à recentioribus reiciuntur tanquam à Patrum doctrina, & ab Ecclesiæ sensu dissentanea: & iussu Pii V. opinio Caietani expuncta fuit, licet adhuc in quibusdam exemplaribus vetustioribus, aut

Romæ

49.

Error Caiet. paruos posse saluari sine baptismo.

Romæ non cufis reperiatur. Neque propterea deterior est conditio paruulorum in lege noua quàm in veteri, simpliciter & absolute. Quamuis enim secundum quid remedium tunc temporis melius eſſet, quia generalius: tamen simpliciter longè plures ſaluantur in lege Euangelica toto orbe diſſuſa, quàm tunc in fide parentum. Pauci enim tunc erant fideles comparatiuè. Adde quòd baptiſmus paruulis æquè prodeſt datus ab infidelibus,

atque à fidelibus, & vberiore gratiam præſtat, & citius ad gloriam perducit delecta ſimul omni culpâ & pœnâ quorumcunque peccatorum; quàm Circumciſio, aut aliud remedium legiſturalis aut Moſaicæ. Quomodo autem Deus ſalutem paruulorum in vtero morientium antecedenter voluerit diximus ſuo loco, prima parte diſputatione vigefima, ſeção 4. num. 37. & ſequentibus.

DISPUTATIO VIGESIMA QUINTA,

De effectibus Baptiſmi, & de obice.


Sectio I. *Qui ſint effectus Baptiſmi?*

Sectio II. *Quomodo obex Baptiſmi ſpectet ad pœnitentiam?*

Sectio III. *Quomodo peccatum obicis remittitur per pœnitentiam?*

Sectio IV. *Reſutantur contrarie opiniones.*

Sectio V. *An cum Baptiſmus reuiuſcit, conferat plus vel minus gratiæ, pro meſura diſpoſitionis poſitæ quando reuiuſcit?*



E effectibus Baptiſmi diſputat S. Thomas tota quæſt. 69.

& art. 1. docet omnia peccata tolli per Baptiſmum: quia

per illum moritur homo vetuſtati peccati, & incipit vi-

uere nouitati gratiæ. Omne autem peccatum ad priſti-

nam vetuſtatem pertinet. 2. Tollit etiam totum reatum

pœnæ: quia per Baptiſmum communicatur homini me-

ritum paſſionis Chriſti ad remedium, non ſecus ac ſi ipſe paſſus, & mor-

tuus eſſet. Paſſio autem Chriſti eſt ſufficiens ſatisfactio pro peccatis

omnium hominum. 3. Licet Baptiſmus præſentis vitæ pœnalitates au-

ferendi virtutem habeat; non tamen eas tollere ante reſurrectionem: ut

membra Chriſto incorporata capiti ſuo ſimilia ſint, & in pugna ſpiri-

tuali victoriam reportent; neue vllus propter præſentis, ſed futuræ po-

tius vitæ commoda ad Baptiſmum accedat. 4. Per Baptiſmum conferri

homini gratiam, & virtutes: quia Baptizati Chriſto incorporantur, ut

membra eius: à capite autem Chriſto, in omnia membra eius, gratiæ, &

virtutis plenitudo deriuatur: ſecundum illud Ioan. 1. *De plenitudine eius*

nos omnes accepimus. 5. Cum per Baptiſmum homines incorporentur Chri-

ſto, quaſi membra ipſius: ſicut à capite naturali deriuatur ad membra

ſenſus & motus: ita à capite ſpiritali, quod eſt Chriſtus, deriuatur ad

membra eius ſenſus ſpiritalis, qui conſiſtit in cognitione veritatis: &

motus ſpiritalis, qui eſt per gratiæ inſtinctum. Et ideo conſequens eſt,

quòd baptizati illuminentur à Chriſto circa cognitionem veritatis, &

17. foecundentur ab eo foecunditate bonorum operum per gratiæ inſuſio-

nem. 6. Cum etiam pueri in Baptismo Christi membra efficiantur, consequens est eos non modò characterem Christi; verum etiam gratiæ, & virtutum influxum recipere. 7. Apertionem ianuæ regni cœlestis esse effectum Baptismi. Quia aperire ianuam regni cœlestis est amovere impedimentum introeundi. Quod impedimentum est culpa, & reatus pœnæ. Baptismus autem omnem culpam, & omnem reatum pœnæ tollit. 8. Omnes æqualiter dispositos recipere æqualem effectum illum Baptismi, ad quem per se institutus est, videlicet regenerationem in vitam spiritalem per gratiam sanctificantem: secus autem effectus extraordinarios, miraculosos, ut extinctionem fomitis concupiscentiæ. 9. Fictiōnem impedire effectum Baptismi, quia ut aliquis iustificetur per Baptismum, requiritur voluntas amplectendi Baptismum, & eius effectum. Dicitur autem aliquis fictus per hoc, quod voluntas eius contradicit vel Baptismo, vel eius effectui. Vnde manifestum est quod fictio impedit effectum Baptismi. 10. Fictione remota per pœnitentiam, statim Baptismum consequi suum effectum. Quia Baptismus est quædam spiritalis regeneratio. Cum autem aliquid generatur, simul cum forma recipit effectum formæ, nisi sit aliquid impediens, quo remoto forma rei generatæ perficit suum effectum: sicut simul ac corpus graue generatur, mouetur deorsum, nisi sit aliquid prohibens, quo remoto statim incipit moveri deorsum. Et similiter quando aliquis baptizatur, accipit characterem quasi formam, & consequitur proprium effectum, qui est gratia remittens omnia peccata. Impeditur autem quandoque per fictiōnem: quare oportet, ut eâ remotâ per pœnitentiam, Baptismus statim consequatur suum effectum. Hucusque D. Thomas.

SECTIO I.

Qui sine effectus Baptismi?

I.
Sec bapt.
effectus.

PRECEPVS Baptismi sunt sex. Primus est character, nota domesticorum Dei & ciuium Christi: iuxta illud Ephes. 2. *Iam non estis hostes & aduersarij sed estis ciues sanctorum & domestici Dei,* &c. Secundus est vnio moralis cum Christo ut capite, ad participanda ipsius merita in ordine ad regenerationem spiritualem, de qua Trid. sess. 6. cap. 3. & Paulus ad Galat. 3. v. 27. *Quicumque in Christo baptizati estis, Christum induistis.* & Rom. 6. v. 4. *Consepulti enim sumus cum illo per baptismum in mortem: ut quomodo Christus surrexit à mortuis per gloriam Patris, ita & nos in nouitate vite ambulemus.* Tertius est, remissio peccati originalis, & omnium actualium Baptismum præcedentium, & infusio gratiæ & virtutum, seu perfecta iustificatio per modum regenerationis spiritalis: iuxta Trid. sess. 6. c. 3. & 4. & Ioan. 3. *Nisi quis renatus fuerit ex aqua & Spiritu sancto: & Tit. 3. Saluos nos fecit per lustrum regenerationis.* Quartus effectus est, ius ad auxilia specialia fini suo proportionata, nempe ad sanctæ & christianæ viuendæ, ut decet filios

Dei adoptiuos, Christi que fratres, & regni cœlestis hæredes: iuxta illud D. Leonis magni serm. 1. de Natiuitate, *Agnosce o homo dignitatem tuam, & diuinæ consors factus nature, noli in veterem vilitatem degeneri conuersatione redire.*

Quintus est, totius pœnæ, ob præcedentia peccata Deo debitæ remissio, absque satisfactione: & patefactio aditus in regnum cœlorum absq; dilatione, si quis post baptismum sine nouo peccato moriatur. De quo effectui Florent. in decreto Eugenii sic habet: *Huius sacramenti effectus est remissio omnis culpæ, originalis & actualis: omnis quoque pœna quæ pro ipsa culpa debetur. Propterea baptizatis nulla pro peccatis præteritis iniungenda est satisfactio: sed morientes antequam culpam aliquam committant, statim ad regnum cœlorum & Dei visionem perueniunt.* Hæc Concilium. Quæ intellige, dummodo baptizato non desit saltem attritio formalis aut virtualis, circa peccata mortalia, aut venialia, quæ commisit ante baptismum. Nullum enim peccatum actuale remittitur sine aliqua eius detestatione & retractione. Vnde fieri potest ut baptizato non remittantur venialia cum mortalibus, si de illis non attrahatur. Culpâ verò non remissâ, non remittitur pœna ei respondens. Idem etiam definit Concil. Trident. sess. 5. can. 5. & sess. 14. c. 8. ubi hanc ponit differentiam

Baptismus
tollit omnem
pœnam.

Disput. XXV. de Baptismo, Sect. I. 567

inter sacramentum Baptismi & Pœnitentiæ, quod in baptismo pœna omnis aboletur: quippe qui est regeneratio, & prima per se cum Christi corpore vnio. In sacramento autem Pœnitentiæ, quamuis peccata deleantur quoad reatum culpæ: non tamen sine satisfactiōe & pœna, vel eius debito. Quia in sacramento Pœnitentiæ, non est prima alieni receptio in amicitiam, quæ liberalior esse solet: sed est ingrati domestici reconciliatio, quæ sine pœna non est faciendā, ad coercendam hominum leuitatem, & peccandi licentiam. Per pœnas autem intellige, non fomitem peccati, neque mortem naturalem, aut ægritudines, & similes, quas pœnalitates vocant, propter peccatum quidem permissas, sed naturali hominum conditioni affixas: sed pœnas inferni, & illas quas Deus in expiationem vel præparauit in Purgatorio, vel commisit imponendas à suis vicariis.

2. Baptismus facit membrum Ecclesiæ.

Sextus & vltimus baptismi effectus est, quod ita constituat membrum Ecclesiæ, vt eius subiiciat potestati, tribuatque vicissim capacitatem aliorum sacramentorum, & ius ad illa, cæteraque Ecclesiæ communia bona. Primum constat ex Trid. sess. 14. c. 2. *Constat, inquit, Baptismi ministerium iudicem esse non oportere, cum Ecclesia in neminem iudicium exerceat qui non prius in ipsam per baptismi ianuam fuerit ingressus. Quis enim mihi, inquit Apostolus de iis, qui foris sunt, iudicet? Secus est de domesticis fidei quos Christus Dominus lauacro baptismi sui corporis, visibilis nempe Ecclesiæ, membra semel efficit.* Secundum, de capacitare scilicet aliorum sacramentorum, colligitur ex cap. 1. eiusdem sess. vbi ait nemini ante baptismum, Pœnitentiam esse sacramentum. De Ordine idem expresse traditur cap. 1. & 3. *de presbytero non baptizato*: de aliis verò par est ratio. Vtque olim Circumcisio ianua fuit Ecclesiæ Mosaicæ, sine qua Iudæi non erant capaces aliorum sacramentorum, & rituum illius legis: sic baptismus est ianua Ecclesiæ Euangelicæ. Ac sicut nemo potest corporaliter crescere, nutrirī, sanari, &c. Nisi prius generetur corporaliter: ita prius est baptizari & renasci exterius per baptismum, quàm crescere & corroborari per Confirmationem, nutrirī per Eucharistiam, sanari per Pœnitentiam, &c. vt rectè D. Thom. affirmat q. 65. art. 1. & 2. Ex quo sequitur, eos qui ante baptismum iustificantur, licet aliquo modo interiùs & apud Deum renascantur, non esse tamen capaces sacramentorum, priusquam exterius renascantur ex aqua; neque esse aliter Ecclesiæ visibilis membra, id est, cæti illius & corporis seu communitatis spiritalis, certis legibus viuētis, & subiectæ vni capiti visibili, Summo Pontifici: quamuis sint membra Ecclesiæ latius sumptæ pro collectione credentium aut iustificatorum quomodocunque.

3. Baptismus est fundamentum relictorum sacramentorum.

Atque hi sunt veri effectus baptismi, quibus nonnullos falsò addunt hæretici: Quod baptizatus non possit damnari etiam si velit,

nisi nolit credere: Quod baptismus liberet ab obedientia diuinæ legis: itémque ab humanarum legum obseruatione, & ab omnibus votis: Quod denique sola memoria baptismi iustificet à peccatis post baptismum commissis. Qui omnes errores damnantur à Trident. sess. 6. can. 6. 7. 9. & 10. de Baptismo: fusiùs autem refutantur à Bellarmin. lib. 1. de Baptismo cap. 14. & sequentibus.

Bellarmin.

Inter veros baptismi effectus supra recensitos differentia est, quod regenerationi spiritali obex poni potest ab eo qui accedit indispositus. Secus autem characteri, & aliis. Si enim baptismus est validus, imprimat characterem, subiicit Ecclesiæ iurisdictioni, & dat capacitatem recipiendi alia sacramenta. At non regenerat spiritaliter per remissionem peccatorum & gratiæ infusionem, si subiectum indispositum est. Quod tripliciter contingere potest. Primò, si caret inculpabiliter dispositione necessaria, ignarus sui debiti: & hic obex dicitur negatiuus. Secundò, si caret culpabiliter, id est, scienter & liberè contra debitum: & hic dicitur priuatiuus. Tertiò, si peccat eo instanti, quo baptizatur, aliquo alio genere peccati mortalis, exercendo aliquem actum positium malum atque culpabilem, vel omitendo aliquem necessarium: & hic obex dicitur contrariuus, atque etiam positiuus, si est peccatum commissionis, quia tale peccatum repugnat positiuè & incompatibiliter illi effectui baptismi, de quo loquimur, nempe remissioni peccatorum, & gratiæ infusioni. Nam peccatum non potest simul committi actu, & remitti: alioquin esset simul & non esset. Quod enim committitur, est: & quod remittitur, non est eo instanti quo remittitur & aboletur. Quare peccatum hoc non potest tunc remitti. Neque etiam alia: quia vnum mortale non remittitur sine alio, neque venialia sine mortali coniuncto, vt suppono ex tract. de Pœnitentia. Gratia quoque secundum legem à Deo positam non potest esse simul cum peccato mortali: quare non potest infundi peccanti mortaliter eo instanti quo peccat: alioquin peccatum & gratia simul essent eo instanti.

3. Potest poni obex regenerationi, non autem illi baptismi effectibus.

Obex potest et plerumque poni vnde tripliciter dicitur.

Potest autem obex positiuus poni, vel exercendo actum positiuum directè repugnantem dispositioni necessariæ, vel effectui baptismi: vt si quis positiuè nolit credere, nolit atteri, nolit iustificari, licet velit baptizari: vel committendo peccatum aliud, putà odii, vel malæ concupiscentiæ: Idque vel non ignorando quod teneatur ab eo abstinere, propter reuerentiam & exigentiam sacramenti; & tunc duplex peccatum est, id est, duplex peccati species: odii, & sacrilegii: vel ignorando non aduertendo inculpabiliter; & tunc est simplex peccatum odii, loquendo de peccato culpabili.

Obex positiuus potest poni dupliciter.

De obice baptismi, præter ea quæ gest.

4.

Bbb 2

neratim explicata sunt suprà disp. 21. sect. 4. & 5. nimirum baptismum, & cetera sacramenta, eo sublato reuiuiscere, & effectum sortiri: ad eum autem remouendum, si fuit obex tantum negatiuus, id est, sine nouo mortali peccato in ipsa baptismi susceptione commissio, sufficere, ponere attritionem aut similem aliam dispositionem quæ defuit, modo tamen ante reuiuiscenciam nullum fuerit mortale peccatum à baptizato commissum: sin autem obex priuatiuus aut contrarius fuit, id est, peccatum mort. omissionis aut commissio in ipsa bapt. susceptione commissum; aut si post susceptionem baptismi cum obice negatiuo, peccatum sit mortaliter antequam reuiuiscat; requiri contritionem vel attritionem cum alio sacramento, puta Pœnitentiæ per se, aut Eucharistiæ per accidens. Præter hæc inquam, superest explicandum speciatim de obice baptismi positiuo vel priuatiuo: Primò, an & quomodo spectet ad Pœnitentiæ sacramentum? Secundò, quomodo tale peccatum obicis remittatur per Pœnitentiam: priuine natura quàm peccatum originale remittatur per baptismum? an simul, aut posterius?

SECTIO II.

Quomodo obex Baptismi spectet ad sacramentum Pœnitentiæ?

5. **R**atio dubitandi est, quia sacramentum Pœnitentiæ non habet vim remittendi peccata nisi post baptismum commissæ ab homine subiecto iurisdictioni Ecclesiæ. At peccatum, de quo loquimur, non committitur post baptismum, sed simul cum baptismo, eodem tempore & in eodem quo perficitur: ergo, &c. Minor est clara ex suppositione: loquimur enim de peccato illo, quod committitur eo instanti, quo perficitur sacramentum, quodque sua præsentia actuali impedit ne baptismus gratiam conferat eo instanti, quo deberet conferre. Maior autem probatur ex Concil. Trident. sess. 14. cap. 1. ubi ait, per sacramentum Pœnitentiæ, lapsis post Baptismum, beneficium mortis Christi applicari. Et paulò post addit sacramentum Pœnitentiæ fuisse à Christo institutum quando Ioan. 20. dedit Apostolis & eorum successoribus, *Potestatem remittendi & retinendi peccata, ad reconciliandos fideles post baptismum lapsos.* & cap. 2. *Constat certè, inquit, Baptismi ministrum iudicem esse non oportere, cum Ecclesia in neminem iudicium exerceat, qui non prius in ipsam per baptismum ingressus. Quid enim mihi, inquit Apostolus, de iis, qui foris sunt, indicaret? Secus est de beneficiis fidei quos Christus Dominus, lauacro baptismi, sui corporis membra semel effecit. Nam hos si se postea crimine aliquo contaminauerint, non iam repetito baptismo ablui, cum id in Ecclesia Catholica nulla ratione liceat, sed ante hoc tribu-*

nal tanquam reos sibi uoluit. & c. p. 5. initio ait institutam esse à Domino & ceteram peccatorum confessionem, & ceteris post baptismum lapsis, iure distingo necessariam existere. Denique cap. 8. initio rationem reddens cur in sacramento Pœnit. satisfactio pro peccatis confessis iniungatur, ait, *Diuina iustitia rationem exigere ut aliter ab eo in gratiam recipiantur, qui semel à peccati & demonis seruitute liberati, & accepto spiritus sancti dono, scientes templum Dei violare, & spiritum sanctum contristare non formidauerint.* Hucusque Trident. Quibus omnibus locis videtur aperte docere non pertinere ad forum Pœnitentiæ nisi ea peccata, quæ post baptismum commissæ sunt.

Quapropter Suar. disp. 28. sect. 5. conclus. 3. concessa maiore argumenti propositi pro ratione dubitandi, negat minorem; aitque peccatum fictionis siue obicis computari inter ea, quæ baptismum subsequuntur. Quia, inquit, Baptismus in ordine ad suscipientem & ad dispositionem eius, prius natura imprimi characterem, quàm infundat gratiam. Tum quia ad imprimendum characterem nullam requirit dispositionem, quam requirit ad gratiam: tum etiam quia sicut character baptismalis est potentia passiva ad alia sacramenta, & ad eorum effectus: ita & ad effectum gratiæ baptismalis. Igitur quando homo ponit obicem gratiæ baptismali per fictionem sacrilegam, iam intelligitur insignitus characterem baptismali. Ergo tale peccatum, prout re ipsa fit, est ab homine iam baptizato. Tum quia est ab homine affecto characterem: tum etiam quia sicut prius natura est baptismum esse, quàm causare gratiam: Ita prius natura est baptismum esse, quàm actualiter illi ponere impedimentum ne causet gratiam. Ergo hoc peccatum, ut sic, est ab homine iam subiecto clauibus Ecclesiæ: Per characterem enim subiicitur. Est ergo materia sacramenti Pœnitentiæ. Hæc ibi Suar. qui addit paulò post se loqui de peccato fictionis, siue obicis, formaliter sumpto, id est, prout obex est. Non autem de eodem sumpto materialiter, puta de odio vel furto, commissio in ipsa susceptione baptismi, quæ peccata, ut talia, & secundum se, negat pertinere ad sacramentum Pœnitentiæ, sed tantum ut sunt obex. Ita ut postea in confessione satis sit pœnitentem dicere se indignè baptismum suscepisse: non explicando an oderit vel furatus sit. Quod probat 1. testimonio D. August. & D. Thomæ affirmantium remota fictione per pœnitentiam subsequentem, Baptismum auferre culpam, & reatum omnium peccatorum præcedentium baptismum, & baptismum comitantium. Probat 2. ratione: quia, inquit, sola fictio formalis, est quæ directè opponitur baptismum, & per se ex vi rationis suæ habet actualem repugnantiam cum effectu illius. Et ideo per se etiam est ut baptismus non habeat vim ad remittendum tale peccatum. Reliqua verò peccata per se non habent ut directè repugnent effectui baptismi, atque obicem illi ponant:

6. Peccatum obicis siue posterius baptismum

sed hoc per accidens contingit ex sola concomitantia temporis. Vnde baptismus non habet ex vi sua ut non tollat huiusmodi peccata, sed tantum per accidens, ex actuali indispositione voluntatis. Vnde etiam fit ut alia peccata merè concomitanter se habeant ad baptismum, & ad eius effectum, vel carentiam illius. At verò fictis formaliter sub ratione sacrilegii, & obicis baptismi quoad effectum eius, ex natura sua supponit baptismum.

Refellitur
Suaicz.

Hæc doctrina non satisfacit. Nam inter ea, quæ sunt simul tempore, non est prioritas naturæ, nisi vel propter ordinem causalitatis; eò quod vnum pendeat ab alio, & vnum sit alterius causa: vel propter ordinem necessitatis sumptum ex parte subiecti; eò quod vnum sit illi magis connexum, quam aliud, magisque ab ipso exigatur: quo pacto essentialia, vel ad complementum rei substantiale pertinentia, dicuntur esse priora accidentalibus. Atqui peccatum quod committitur eo instanti, quo perficitur baptismus, non pendet à baptismo, neque baptismus est causa illius: & baptismus non est magis connexus subiecto, quam peccatum: sed utrumque est illi æquè accidentarium & contingens: ergo non est prioritas naturæ inter baptismum & tale peccatum. Maior est definitio prioritatis naturæ. Minor probatur, quia causa talis peccati non est baptismus, sed voluntas peccantis qui non se disponit scienter & libere, aut committit aliud peccatum positivum, repugnans effectui baptismi. Et hoc peccatum quaecumque sit, siue omissionis, siue commissionis, non est minus intrinsecum & connexum subiecto, quam baptismus: neque subiectum vnum magis quam aliud exigit naturaliter. Idemque dico de charactere, qui merè per accidens se habet respectu peccati quod committitur in baptismi susceptione, estque omnino non naturalis subiecto.

7.
Pendeatne
à baptismo
ut obex est?

Dices, peccatum illud pendere à baptismo, & ipsum præsupponere ut natura prius existentem, non quia peccatum est simpliciter, sed quatenus est obex, id est, quatenus impedit effectum baptismi per se proximè & immediatè. Ut enim proximè & immediatè impediatur effectus baptismi, requiritur ut baptismus sit verus. Quoniam eius quod non est, non impeditur proximè & immediatè operatio; sed eius quod est, quodque operaretur nisi impediretur. Operatio autem baptismi, de qua loquimur, est sanctificatio, sine qua baptismus potest esse verus, ac prius est, naturā saltem, quam effectum illum habeat, aut ab illo habendo impediatur immediatè; ac veluti ligetur eius virtus aliquin operatione. In iis enim rebus creatis quarum esse non est ipsummet operari, esse natura prius est, quam operatio, aut privatio operationis propriè dicta & immediata. Ergo naturā prius sacramentum Baptismi essentialiter perfectum est, quam exerceat operationem sanctificandi, aut ab illa impediatur proxi-

mè & immediatè à peccato præsentè; & obstante per modum obicis. Quare huiusmodi peccatum, ut est obex operationis baptismi, est natura posterius ipso: & eatenus committitur à persona natura prius baptizata, & subiecta clauibus Ecclesiæ, quatenus fit à persona impediante proximè & immediatè effectum baptismi natura prius validi, & ab ipso merè peccante suscepti, qui eius effectum impedit in seipso, & impedit ut peccans priuatim aut positivè, eo instanti, quo baptismus iam validè susceptus deberet operari.

Respondeo 1. Peccatum mortale non esse obicem per aliud formaliter, quam eo ipso quod peccatum mortale est tali instanti commissum, in quo repugnat dispositioni, & effectui baptismi ponendo, nisi peccatum illud obstarer. Quare denominationes peccati, & obicis, non bene concipiuntur significare duas rationes formales intrinsecas peccati, aut duas species. Nam obicis denominatio connotat tantum aliquid extrinsecum, quod non connotat nomen peccati: nempe quod baptismi effectum impediatur, id est, quod propter ipsum non ponatur effectus baptismi.

Secundò, Respondeo committi æquivocationem in his verbis, *Per se proximè & immediatè impedire effectum Baptismi*. Vel enim sensus est, quod quis per se proximè & immediatè committat peccatum, ex quo fit aut futurum est ut baptismus validus, & per se aptus ad operandum, non operetur, propter diuinam ordinationem, quā Deus statuit non infundere gratiam ita peccanti; licet baptismum validè recipiat. Et qui hoc facit, peccat sine dubio, egetque remissione: sed in peccando non supponit baptismum existere natura prius: ut ex eo manifestè patet, quod posset peccare & impedire baptismum hoc sensu, hora ante, vel die, mense, anno, si Deus statuisset ut qui horā vnā, vel die, mense, anno ante baptismum non fecerit tale quid ut se disponat, aut commiserit tale peccatum positivum, careat effectui baptismi quando illum suscipiet. Vel secundò sensus est, quod baptismi virtus quasi ligetur actu, & suspendatur ab operatione, propter peccatum commissum eo instanti, quo recipitur: id est, quod Deus propter tale peccatum neget concursus suum baptismi, qui alioqui, eo instanti operaretur; atque ita impediatur baptismus immediatè in actu secundo. Et hoc quidem supponit baptismum tanquam naturā præexistentem virtualiter suæ operationi futuræ nisi impediretur: verumtamen hoc non est peccare, neque est peccatum ipsum formaliter ut peccatum est: sed est pœna peccati, & effectus eius moralis: quatenus Deus à peccato commissio mouetur ut gratiam non det, præsentè licet baptismi validè collato. De qua pœna non magis debet se accusare penitens in sacramento Penitentiae, quam de pœna inferni aut purgatorii, cui peccando se subiecit, deque aliis quæ non sunt actus

8.

Notabilis
æquivocatio.

humani interni vel externi. Neque hoc sufficit ut qui fide Baptismum suscipit, dicatur peccasse post eius susceptionem: quia in eo quod peccat, id est, quod committit peccatum impediens moraliter effectum baptismi, non præsupponit baptismum; licet peccati effectus moralis & pœnalis impediendi actu, supponat esse Baptismum quem impedit. Possêtque idem peccatum committi ab eo, qui non verè baptizaretur defectu intentionis ministri, & putaret se verè baptizari: licet tunc non esset verè talis pœna & effectus moralis peccati, impediendi scilicet causam, quæ non esset. Adde quod, sicut natura prius est baptismum esse, quàm operari aut privari operatione: ita prius natura est peccatum esse, quàm impedire actu effectum baptismi; id est, quàm Deum negare gratiam propter ipsum. Ergo naturâ prius est esse peccatum, quàm esse posterius baptismi ratione illius impeditionis.

9. Idem argumentis refutatur quod ait Vasq. disput. 160. cap. 2. num. 19. & 20. Peccatum indignæ susceptionis subsequi baptismum, quia prius ordine naturæ est baptizari, quàm indignè baptizari: ac proinde quàm peccatum indignæ receptionis. Neque enim (inquit) opere compleri potest hoc sacrilegium, nisi prius intelligatur baptismus re ipsa susceptus. Atque ita hoc peccatum subditur clauibus, quamvis sola voluntas indignè recipiendi baptismum non subderetur illis, si opere non completeretur. Vnde etiam infert non esse confitenda alia peccata in baptismo commissa, sed solum peccatum indignæ receptionis, opere consummatum. Refutatur, inquam, quia non est prius natura baptizari, quàm indignè baptizari, id est, committere peccatum propter quod baptismus indignè recipitur. Ac proinde non est prius natura baptismus, quàm peccatum indignæ receptionis, quatenus peccatum est formaliter, id est, id propter quod baptismus indignè & culpabiliter recipitur. Imò neque baptismus est naturâ prius, quàm ipsa indigna receptio opere externo consummata: quia baptismus consistit essentialiter in ipsa receptione, id est, in ablutione passiva sub tali forma verborum. Et ipsa receptio baptismi, est ipsa consummatio sacrilegii in eo qui indignè recipit. Quia tamen non omnis qui recipit baptismum, recipit indignè: contra verò quicumque recipit baptismum indignè, re ipsa illum recipit: est prioritas in subsistendi consequentia inter recipere, & recipere indignè. At non propterea est prioritas naturæ inter recipere, & peccatum indignæ receptionis, siue internum, in quo est tota culpa & malitia formalis, siue externum consummans sacrilegium.

10. Vera ratio cur tale peccatum pertineat ad sacramentum Pœnitentiæ non est quia est naturâ posterius baptismi: sed quia cum non possit tolli per ipsum, cuius potius vim enervat & impedit, debet tolli pos-

se à sacramento Pœnitentiæ. Illa enim duo sola sacramenta sunt per se primò & directè instituta contra peccata: & nullum peccatum mortale potest remitti sine illis, aut eorum voto, id est, obligatione speciali ea suscipiendi pro illis ipsis peccatis quæ per aliud medium ipsorum vice deleri sunt, per contritionem scilicet, aut quid aliud. Quare quæcumque peccata mortalia non possunt deleri per baptismum, debent posse deleri per sacramentum Pœnitentiæ. Nullum enim est peccatum, contra quod non sit directè institutum aliquod sacramentum.

Atque hinc collige nullam esse distinctionem Suaris de obice formali, & materiali. Omne enim peccatum mortale commissum in instanti, quo perficitur baptismus, impedit eius effectum: quia est incompatible cum gratia (neque enim potest remitti eo instanti quo committitur) & cum dispositione ad effectum baptismi necessaria, nempe cum absoluta detestatione formali aut virtuali omnis peccati mortalis: siue peccans aduertat se ponere impedimentum baptismi, quod Suarez vocat fictionem formalem: siue non aduertat suum peccatum fore impedimentum, quod Suarez vocat fictionem materiale. Nam hoc quoque peccatum tali instanti commissum repugnat per se & secundum se dispositioni baptismi, & gratiæ ac remissioni peccatorum, quæ cum ipso est incompatibilis eodem instanti.

Repugnat, inquam, directè & per se, ex vi suæ rationis quæ peccatum mortale est, quamvis non habeat moralem & formalem rationem sacrilegii, seu fictionis formalis propter inadvertentiam. Quodvis enim peccatum mortale per se & vi rationis suæ, dum actualiter durat, directè opponitur gratiæ, & quidem incompatibiliter secundum divinam ordinationem in natura rei fundatam: atque etiam dispositioni necessariæ ad talem effectum, quæ est efficax & absoluta detestatio omnium peccatorum mortalium quibus quis infectus est. Quare non minùs impedit effectum baptismi, quàm fictio formalis; quatenus per seipsum formaliter repugnat eius effectui & dispositioni. Verum itaque non est quod ait Suarez, oppositionem istam & impeditionem esse tantum per accidens, ex sola concomitantia temporis. Est enim formaliter & per se, ratione peccati mortalis, ut talis, oppositi gratiæ atque ipsius peccati detestationi absolutæ, necessariæ in peccatore ad effectum gratiæ baptismalis. Quamquam ad hoc ut hæc formalis oppositio exerceatur tunc cum baptismus perficitur, necesse est peccatum esse cum illo. Sed hoc etiam de formali fictione verum est. Ideoque si baptismum præcessisset voluntas sacrilegè recipiendi, non durans usque ad instans baptismi; non esset materia sacramenti Pœnitentiæ, sed ad baptismi vim pertineret, ut rectè contra Scotum docet in simili Suarez ibidem. §. Quod verò Scotus,

Verum illud est tam de obice materiali, quam de formali.

11. Obex materialis impedit effectum baptismi, siue formalis.

Neque illi fauent sancti Thomas, & Augustinus locis ab eo citatis. Nam per fictionem intelligunt quicquid est fictio, siue obex effectus baptismi, quo sublato tolluntur vi baptismi cetera peccata præcedentia baptismum, atque etiam concomitantia seu simul existentia, completa tamen ante ultimum instans baptismi essentialiter perfecti: nam alioqui induunt denominationem fictionis, & baptismi effectum impediunt, tantum abest ut ab eo tollantur. Addo D. Augustinum loco cit. à Suare non loqui ex propria sententia, sed ex sententia & hypothese Donatistarum, ut in textu clarum est.

12.
Explicatur
Trident.

Ad Trident. autem Respondeo, ipsum omnibus locis in obiectione relatis num. 5. loqui de eo quod sit re ipsa moraliter & practice in negotio practico & morali. Nam ut Suarez ipse fatetur, non est credibile aliquem peccare solum & præcisè eo instanti quo perficitur baptismus essentialiter, vel durare in aliquo actuali consensu prauo, toto tempore quo perficitur baptismus, usque ad illud instans in quo consummatur baptismus essentialiter: & in eo sistere præcisè, ita ut ulterius ne vel minimum quidem durer, quod discernere est hominibus impossibile. Addo, idem Concilium initio cap. 5. test.

14. pronunciare, *Ad indices & ad forum sacramenti Pœnitentia deferenda esse omnia mortalia crimina in quæ Christi fideles ceciderint.* Huiusmodi autem peccatum de quo loquimur, committitur à fidele & baptizato, non quidem naturâ prius quàm peccet, ut vult Suarez; sed concomitanter, & simul tempore. Est enim verè baptizatus in instanti quo peccat, aut peccatum continuat. Quod peccatum eo ipso quod continuatur usque ad instans quo perficitur baptismus, definit esse materia baptismi, & incurrit in forum sacramenti Pœnitentiæ, à quo totum & indiuisibiliter remitti debet. Peccatum enim non remittitur à Deo per partes. Addo præterea, Concilium non loqui de sola naturæ prioritate, quæ subtilitas Metaphysica ad scholâ magis pertinet: sed de prioritate durationis: ut clarè patet ex adverbio temporis, *postea*, quo utitur cap. 2. cit. Quare si Concilii verba in rigore mathematico & speculatio accipienda essent (ac non potius moraliter, ut par est in definitione & explicatio-
ne rerum moralium) explicatio Suaris illis non satisfaceret.

13.
Pœnitentia
debet esse
baptizatus
prius quàm
absoluatur.

Ad id verò quod maximè nos urgere videtur ex cap. 2. *Constat Baptismi ministrum iudicem esse non oportere, cum Ecclesia in neminem iudicium exerceat, qui non prius in ipsam per baptismi ianuam fuerit ingressus*, &c. Respondeo verum quidem esse, iudicium & absolutionem sacramentalem non exerceri nisi circa eum, qui prius, etiam tempore, fuit baptizatus: sed tamen exerceri circa peccatum quod commisit cum baptizaretur: quod peccatum cum remitti non possit à baptismo, cuius potius secundum diuinam institutionem vim eneruat & impedit effectum; debet po-

se remitti à sacramento pœnitentiæ: cum omnia mortalia ad alterutrum sacramentum pertineant. Licet autem necesse sit, reum prius subiici foro & iurisdictioni eius à quo iudicatur, quàm ab eo iudicari legitime: non tamen debet fuisse illi subiectus antequam committeret crimen de quo iudicatur; sed potest, ipsum committendo, incur-
rere talem subiectionem, in pœnam aut remedium peccati. ita ut peccatum sit naturâ prius, veluti causa talis subiectionis. Quem admodum patet in foro externo in iis qui in territorio alieno peregrinantur: qui eo ipso quod crimen aliquod committunt, incur-
runt illius territorii: quamuis alioquin non essent illi subiecti, neque tenerentur tales iudices agnoscere.

SECTIO III.

*Quomodo peccatum obicis remittitur
per Pœnitentiam?*

Difficultas in eo consistit, priusne per pœnitentiam remittatur peccatû obicis, quàm per baptismum tollatur peccatum originale? Qua de re dicendum est, quando baptismus reuiuiscit, prius natura esse, tolli peccatum fictionis per sacramentum pœnitentiæ, aut per contritionem cum eius voto, vel per aliud medium; quàm vi baptismi remitti peccatum originale, aliaque ad ipsum pertinentia; & gratiam vi eiusdem infundi. Cum enim virtus baptismi ligetur per peccatum fictionis, necesse est prius naturâ tolli peccatum illud, & expediri virtutem baptismi, quàm baptismum operari siue infusionem gratiæ, siue remissionem peccati originalis, & aliorum ante baptismum admissorum. Obex autem negatiuus, qui est defectus inculpabilis attritionis, aut alterius dispositionis necessariæ, tollitur formaliter per attritionem, aut dispositionem actu positam, naturâ prius quàm sacramentum reuiuiscat, & operetur ad præsentiam illius.

Duobus autem modis intelligi potest remitti naturâ prius peccatum obicis per pœnitentiam, quàm originale per baptismum; iuxta duas sententias Theologorum de remissione peccati, & infusione gratiæ. Nam in sententia eorum qui dicunt gratiam naturâ prius infundi, & naturâ posterius remitti peccatum mortale, illiusque remissionem esse effectum secundarium gratiæ habitualis, non quidem physice, ut multi putant, sed moraliter, Deo ad præsentiam gratiæ condonante peccatum, per fauorem extrinsecum gratiæ superadditum: In hac, inquam, sententia dicendum est naturâ prius infundi gratiam respondentem sacramento pœnitentiæ; & ad illius præsentiam condonari peccatum obicis directe; peccatum verò originale & alia ad baptismum pertinentia, non nisi fortè indirectè: prius, inquam,

14.
Prius natura
ta remitti-
tur peccat-
um obicis
per pœni-
tentiam,
quàm bap-
tismus ope-
retur.

15.
Quomodo
natura pri-
us remitti-
tur peccatû
obicis?

naturā, quam infundatur gratia respondens baptismo, & ad eius præsentiam deleantur directè peccata ad ipsum pertinentia.

Iuxta aliam verò sententiam, quæ vult naturā prius remitti peccatum mortale, quam infundi gratiam, dicendum est, prius naturā remitti peccatum obicis per sacramentum Pœnitentiæ, quam baptismus operetur remissionem originalis aliorumque ad se pertinentium, & infusionem gratiæ. Notandum enim iuxta hanc sententiam aliud esse remoueri obicem vi contritionis, vel sacramenti Pœnitentiæ; & aliud, infundi gratiam vi eorundem: primumque esse necessarium, & prius naturā, quā baptismus gratiam infundat: posterius verò concomitanter tantum se habere: quia baptismus ut operetur non exigit aut supponit gratiam esse in subiecto, seu virtute sacramenti pœnitentiæ, seu cuiusvis alterius: sed tantum obicem remoueri, quo expeditur, operatur remissionem peccati originalis, & aliorum, si quæ alia præcesserunt baptismum; atque etiam gratiæ infusionem, quæ naturā posterius infunditur in subiectum iam peccati remissione purgatum, & ad ipsius perceptionem præparatum. Itaque simul tempore, sed prius naturā remittitur peccatum obicis à sacramento Pœnitentiæ: tunc naturā posterius baptismus operatur remissionem peccatorum ad se pertinentium: sed remissio aliorum peccatorum, quæ fit per pœnitentiā, & infusio gratiæ vi eiusdem, non est naturā prior baptismi operatione consistente in remissione peccati, nisi illa peccata sint quoque obex respectu baptismi; cuiusmodi sunt peccata mortalia commissa post baptismum antequam suum sortiretur effectum, quæque impediunt ne cum sola attritione reuiuiscere possit, mortificatus obice negativo. Omnimoda verò remotio peccatorum mortalium, præsupponitur infusioni gratiæ: atque ita baptismus, quoad hunc effectum, pendet à remissione facta per sacramentum pœnitentiæ quoad omnia peccata mortalia ad ipsum pertinentia: sicut etiam sacramentum Pœnitentiæ quoad infusionem gratiæ, pendet à remissione peccati originalis, & aliorum mortalium pertinentium ad baptismum, facta vi ipsius. Gratiæ enim infusio præsupponit subiectum mundum ab omni peccato mortali, iuxta hanc secundam sententiam. Vtra verò illarum sit probabilior, diximus in tract. de Gratia, tom. 2. disp. 40. sect. 3. ubi priorem sententiam veluti Concilio Tridentino conformiorem, & communio-rem inter Theologos amplexi sumus.

SECTIO IV.

Refutantur contrariæ opiniones.

17. **C**ontra id quod diximus, prius naturā tolli peccatum obicis per sacramentum

Pœnitentiæ, aut per contritionem, quā vi baptismi remitti peccatum originale, & alia ad ipsum pertinentia, gratiamque vi eiusdem infundi, sentit Cardinalis Delugo disp. 9. *Delugo.* de Sacram. num. 41. ubi docet, verumque sacramentum concurrere simul in eo casu ad effectum gratiæ & peccatorum remissionem, nec ullo modo concurrere lacran. entum. Pœnitentiæ ante Baptismum: sed prærequiri quidem ablationem obicis ante effectum Baptismi; non tamen prærequiri operationem sacramenti Pœnitentiæ, quia obex non aufertur per operationem aut effectum sacramenti Pœnitentiæ, sed per aliquid antecedens. Obex enim in pedes effectum Baptismi, erat indispositio seu carentia dispositionis debitæ ad remissionem omnium peccatorum mortalium. Hæc autem carentia tollitur formaliter per ipsam dispositionem requisitam, quæ vel est contritio extra sacramentum, vel attritio cum sacramento Pœnitentiæ. Hæc autem est antequam sacramentum pœnitentiæ operetur: quare obex tollitur priusquam sacramentum pœnitentiæ operetur: ergo operatio Baptismi non pendet ab operatione sacramenti Pœnitentiæ, nec est illi posterior naturæ ordine, quia illam non præsupponit. Neque etiam vice versa pœnitentiæ operatio præsupponit operationem baptismi, sed in eodem signo rationis ambo sacramenta sunt expedita ad operandum, & pro signo subsequenti operantur simul gratiam & remissionem peccatorum, ad quam sese mutuo iuuant. Nam baptismus non remitteret peccatum originale, & alia peccata antecedentia baptismum, nisi adesset attritio cum sacramento Pœnitentiæ, id est, ablatio obicis. Sacramentum quoque pœnitentiæ non remitteret peccata post baptismum commissa, nisi inueniret dispositionem sufficientem ad ablationem originalis & aliorum commissorum ante baptismum, qui obex seu indispositio aufertur per baptismum præteritum, & per attritionem præsentem. Intelligitur ergo pro illo signo rationis ablati obex utrique sacramento, & posita dispositio sufficiens ad remissionem omnium peccatorum. Pro signo autem subsequenti utrumque sacramentum illam operatur. Neutrum enim inuenit remissa peccata vlla, sed solum inuenit ablatum obicem ad eorum remissionem. Hæc Delugo.

Cui oppono, tunc vnum sacramentum dici prius naturā operari quā aliud, quando ab vnius operatione pendet operatio alterius. Si ergo operatio baptismi pendet ab operatione sacramenti Pœnitentiæ in casu de quo loquimur; sacramentum Pœnitentiæ prius naturā operatur, quā baptismus. Atqui pendet: quia obex baptismi tollitur per operationem sacramenti Pœnitentiæ. Obex enim de quo loquimur, non est obex negatiuus, qui non eget sacramento Pœnitentiæ, nec ei potest subijci, cum non sit peccatum: sed est obex positius aut priuatiuus, id est, peccatum aliquod mortale commissionis aut

18.
Refutatur
sententia
S. Mansi
vtrumque
sacramen-
tum simul
operari.

omissionis; admissum in susceptione baptismi, quodque impediuit eius effectum, tam remissionis peccatorum, quam infusionis gratiæ. Hoc autem peccatum non tollitur sola præsentia attritionis & sacramenti Pœnitentiæ: sed per eius operationem, siue vim virtutis, quam habet ad peccata remittenda, siue qua operatione potest esse sacramentum Pœnitentiæ cum attritione, in sententia eiusdem authoris, qui putat sacramentum Pœnitentiæ posse esse informe, id est, sine effectu, eadem disput. num. 100.

19. *Alius modus explicandi eandem sententiam refellitur.* Contra eandem doctrinam opinatur quoque Aegidius Conine quæst. 62. n. 98. & sequentibus: quia, inquit, cum vnum peccatum mortale non possit remitti sine alio, neque gratia infundi sine remissione omnium peccatorum: sequitur neutrum sacramentum posse aliquem effectum habere sine alio. Conferunt itaque suum effectum simul naturæ, quia dependenter à se mutuò: sicut duo leuant idem pondus, quod neuter solus leuare potest. Nec obest, inquit, quod tale peccatum sit obex baptismi. Licet enim tale peccatum sit obex respectu Baptismi secundum se considerati, quia hic eo perseverante non habet per se vim sufficientem ad conferendam gratiam: tamen non est illi obex prout est coniunctus cum sacramento Pœnitentiæ: quia ut sic, habet ad illud vim sufficientem. Sicut nimia gravitas lapidis est Petro impedimentum cur eum per se leuare nequeat: non autem cur leuare nequeat cum alio, qui etiam solus eum leuare nequit.

Ad primum Respondeo, vnum peccatum mortale secundum legem à Deo positam non posse remitti sine alio, simul tempore: posse tamen non simul naturæ. Quare vnum sacramentum potest naturæ prius habere effectum remissionis alicuius peccati, quam aliud, saltem directè.

Ad secundum dico, duo illa sacramenta non se habere ut duos homines liberos & expeditos ad lapidem leuandum: sed ut duos quorum vnus vires haberet ligatas vinculis, à quibus prius soluendus esset per alium, ut cum illo concurreret ad lapidem leuandum.

Ad tertium dico, peccatum illud esse baptismi obicem, quandiu ligat eius virtutem. Ligat autem, donec tollatur vi sacramenti Pœnitentiæ; nec ipse baptismus illud tollit: quia tale peccatum non pertinet ad baptismum, sed ad forum sacramenti Pœnitentiæ. Sacramenta enim non habent vim ad delenda peccata, nisi ante se commissa.

20. *Satisfit alii argumentis pro eadem sententia.* Aduersantur etiam aliqui Recentiores moti his argumentis. Primum, quia non remittitur peccatum obicis, nisi remittantur omnes eius effectus. At vnus eius effectus est ut propter ipsum non remittatur peccatum originale vi baptismi, & alia ante baptismum. Imò si Deus voluisset, potuisset esse hic solus effectus peccati obicis, ut propter ipsum non remitterentur vi baptismi peccata ad ipsum

pertinentia. Secundò, peccatum obicis quatenus committitur actualiter in baptismo, impedit quidem demeritorie effectum baptismi, excitat enim Deum ne det gratiam peccatori. Sed peccatum quatenus manet vsque ad remissionem, non impedit. Nam ubi cessauit peccator ab actuali peccato, non excitatur Dei odium nisi ex recordatione peccati præteriti ut actualiter fuit. Vnde non aliter peccatum verè durat; nisi quia ex illa recordatione Deus odit. Sed Deus non habet ut causam odiendi peccatorem, quod ipse oderit: nihil enim est sui causa. Ergo non odit peccatorem quia peccatum in eo perseverat vsque ad remissionem: quia sic perseverare peccatum, est Deum perseverare in odio. Quare peccatum ut manens vsque ad remissionem, non est causa demeritoria impediens effectum baptismi. Et cum Deus tollit peccatum, cessatque ab odio: secundum non est effectus primi, sed est vnum & idem. Similiter, inquit, peccatum, ut committitur actualiter, propriè reddit indignum gratiâ Dei demeritorie: atque adeo omnino prærequiritur cessatio à peccato actuali, ut Deus illud condonet. Ex peccato autem transacto, is qui peccauit, manet indignus condonatione; donec afferat dispositionem, quæ mereatur obtinere condonationem. Sed ex permanentia illa morali non fit indignus: quia permanere peccatum, idem est quod Deum non condonasse. Ex negatione autem condonationis nulla est ratio meritoria non condonandi. Idem enim non est sibi ipsi causa. Confirmatur, quia si prius naturæ remittitur peccatum obicis, eò quod manens habitualiter reddit indignum effectum baptismi: Certè ut reddit indignum effectum baptismi, ita reddit dignum iræ Dei propter seipsum. Quemadmodum enim peccatum dicitur repellere gratiam baptismi: ita est verum excitare iracundiam Dei: & ita permanens peccatum retinet iram Dei. Sed est falsum quod prius debeat tolli peccatum habituale: quam tollatur iracundia Dei ex ipso concepta. Nam peccatum ipsum tollere, est iam remittere, & parcere, & cessare ab ira. Non autem prius debet cessare iracundia Dei, quam cesset: ergo nec prius tolli peccatum habituale, quam tollatur iracundia Dei. Hæc illi.

21. *Potest remitti peccatum manente peccato.* Sed ad primum Respondeo, negando maiorem. Nam ut peccatum mortale remittatur, non est opus remitti, seu potius tolli, omnes eius effectus: sed tantum non amplius retineri in memoria Dei in ordine ad odium abominationis, erga peccatorem; licet retineatur in ordine ad pœnam aliquam ut satisfiat iustitiæ Dei; quemadmodum fit ordinariè in sacramento Pœnitentiæ. Qua de re plura diximus in Tract. de Peccatis. In eo autem casu, in quo Deus retineret memoriam peccati obicis, solum ad hoc ut effectum baptismi impediret, & non ad odium abominationis: non remaneret peccatum illud habitualiter, sed tantum vnus eius ille

effectus existeret. Dico itaque peccatum habituale esse illud ipsum, quod fuit antea commissum, manens moraliter in memoria & aestimatione diuina, in ordine ad odium abominationis erga peccatorem, perinde ac si tunc peccatum illud committeret. Et hoc est quod tollitur in remissione peccati, licet pœnæ illius maneat. Odisse autem simpliciter, non est punire peccatum: nam omnes habent ius odiendi peccatum, & non habent ius puniendi.

22. **Odium Dei duplex erga peccatorem.** Ad secundum Respondeo, negando minorem. Impedit enim ut malum meritum moraliter manens & dignum tali pœna. Ad probationem minoris dico duplex esse odium Dei erga peccatorem. Vnum abominationis, in quo consistit permanentia moralis & habitualis peccati. Alterum est, voluntas puniendi priuatione alicuius boni, aut illatione alicuius mali: quæ priuatio boni, vel illatio mali, causatur à priori odio abominationis, & à peccato habitualiter manente. Odium ergo abominationis excitatur ex recordatione peccati physice præteriti, quatenus actualiter fuit, & ut manet moraliter in ordine ad odium abominationis, & consequenter ad malè habendum peccatorem per ablationem boni, aut illationem alicuius mali. Itaque sunt hæc duo odia, quorum neutrum est causa sui ipsius, sed vnum est causa alterius: & vnum etiam tollitur natura prius alio, cum Deus desinens esse auersus à peccatore propter peccatum obicis remissi per sacramentum Pœnitentiæ, desinit velle eum privare effectu baptismi propter illud peccatum. Quandiu autem peccatum illud non remittitur, manet causa demeritorie priuans effectu baptismi: quod manet moraliter seu habitualiter idem peccatum, siue meritum malum: & peccatum habitualiter manens non est quidem nouum demeritum, sed est idem quod antea fuit actu commissum, & moraliter durat, seu æstimatiuè, in ordine ad aliquem usum aut effectum humanum, seu rationabilem.

23. **Peccatum habitualiter manens reddit indignum gratia sanctificante.** Similiter peccatum non tantum reddit indignum gratia sanctificante, quandiu actu committitur; sed etiam quandiu moraliter manet idem demeritum. Quia permanere peccatum non est tantum Deum non condonasse, id est, negatio pura condonationis: sed est retineri in mente diuina in ordine ad odium abominationis, perinde ac si tunc committeretur. Non dico perinde ac si tunc physice continuaretur, talis enim continuatio peccati augeret: sed perinde & æquivalenter ac si tunc esset instans aut tempus quo commissum est. Ex tali autem permanentia sequitur indignitas, ut baptismus sortiatur effectum: & peccatum habitualiter manens est malum meritum habituale priuationis effectus baptismi.

Ad Confirmationem Respondeo, peccatum obicis actu commissum, & habitualiter manens in ordine ad odium abominationis, reddere dignum ira Dei, id est, voluntate

puniendi. Sed est falsum quod non prius debeat tolli peccatum habituale, id est, ut manens in ordine ad odium abominationis, quam tollatur iracundia Dei ex ipso concepta. Nam peccatum ipsum habituale tollere, non est cessare ab ira; sed est cessare tantum ab odio abominationis. Quare tota hæc obiectio, & superiores, procedunt ex indistinctione diuersorum Dei odiorum. Quæ tamen distinctio euidenter est. Cum per sacramentum Pœnitentiæ rite susceptum tollatur sine dubio odium abominationis, & non tollatur ira seu voluntas puniendi pœna temporali, in quam mutatur pœna æterna, quæ posset etiam remanere de potentia absoluta, ut ostendimus alibi. Quamquam voluntas puniendi peccatorem iam iustificatum, & factum Dei filium & amicum, non est amplius odium erga personam: sed tantum est odium peccati ab ipso commissi. Sicut Pater corripit Filium, non odit Filium; sed odit peccatum à quo vult eum resipiscere: & Medicus qui acerbis remediis curat ægrotum, odit morbum, sed amat ægrotum cui optat & procurat sanitatem.

SECTIO V.

Utrum quando Baptismus reuiuiscit, conferat plus vel minus gratia, pro mensura dispositionis posite quando reuiuiscit?

Respondeo affirmatiuè. Id enim magis consonat Trident. sess. 6. cap. 7. circa medium, absolute & generaliter desinenti vnumquemque recipere gratiam secundum suam mensuram, quam Spiritus sanctus partitur singulis prout vult, & secundum propriam cuiusque dispositionem. Magis etiam id cohæret cum alibi dictis. Sicut enim attritio per se solam ideo valet ad tollendum obicem negatiuum, & ad remittenda cum sacramento peccata præcedentia; quia eandem vim habet, quam habuisset si præsens fuisset in sacramenti susceptione: sic etiam valere debet ad plus gratiæ recipiendum, sicut tunc valuisset. Notandum tamen quod si aliquando vna & eadem dispositio, ut attritio v. gr. duobus aut pluribus sacramentis inseruit, puta baptismi reuiuiscit, & sacramento Pœnitentiæ; non valebit ad tantum gratiæ effectum singillatim in vnoquoque: sed eò minus valebit in quolibet, quo in plura diuiditur. Id enim æquitas postulare videtur. Neque propterea frustratur effectus. Tantum enim valet collectiue respectu omnium sacramentorum quibus inseruit: quantum valere potest, & valeret in vnico sacramento, si eius propria & peculiaris esset. Sed cum in plura vis eius dispertitur, tum in quolibet minor est, quam si vni soli applicaretur. Si enim maior dispositio esset, daretur maior gratia. Ergo si duplex dispositio esset, vna pro quolibet sa-

24. **Conclusio affirmatiua.**

cramento; daretur maior gratia.

25. Contrarium sentiunt Suarez disput. 28. sect. 5. conclus. 4. Tannerus disp. 4. n. 85. Delugo disp. 9. de Sacramentis in gen. n. 87. & quidam alii Recentiores: quia, in-

quiunt, si aliquis accipiat duo sacramenta simul, v. g. Eucharistiam & Extremam unctionem, non est verisimile quod singula dabunt minorem effectum gratiae propter consortium alterius.

Constatia
sententia
refellitur

Respondeo, non dari minorem effectum praecise propter consortium alterius: sed quia eadem dispositio quibus interuit: & subiectum est minus dispositum, quam si singulas dispositiones tales pro singulis haberet. Melius enim se disponderet ad haec duo sacramenta, si duas attritiones ut quatuor intentiones haberet: quam si unam totam intentionem ut quatuor. Et virtus dispositiva est minor ad singula, quando dispergitur ad plura.

Porro aliqui ex supra citatis fatentur quidem eum qui divisim accipit illa duo sacramenta, & ad singula se disponit cum aequali dispositione ut quatuor: maiorem gratiam habiturum per illa duo sacramenta, quam si simul cum unica dispositione ea susciperet; sed nostra quaestio, inquit, non est an accipiat tanta gratia per utrumque sacramentum sub unica dispositione ut quatuor susceptum, quam per illa duo sacramenta successively accepta sub duplici dispositione ut quatuor: sed utrum in primo casu singula sacramenta conferant ex parte sua tantam gratiam, quantam idem sacramentum cum aequali prorsus dispositione daret. Hac illi.

26.

Verum contendo primo, statum quaestionis deferri ab auctoribus huius responsi. Quaestio enim est, an cum dispositio unica duobus sacramentis inseruit, siue successively acceptis, siue simul (quod difficile est, & moraliter fere impossibile, nempe ita ut ambo simul mathematicè perficiantur eodem temporis instanti) an, inquam, dispositio illa tantum inseruiat utrique sacramento ad maiorem gratiam producendam, quam si vni tantum seruiret. Secundo, vel loquuntur illi auctores de duobus sacramentis successively acceptis, sed moraliter ita coniunctis, ut unica dispositio utrique inseruiat: vel ita disiunctis, ut unica dispositio non possit utrique seruire, sed noua omnino sit necessaria secundo sacramento. Si secundum: non loquuntur appositè ad statum quaestionis. Si primum: ergo sicut unica dispositio quamuis inseruiat duobus sacramentis successively acceptis, non tantum illis prodest, quam duplex, ceteris paribus; eo quod recipiens est melius dispositus per duplicem, quam per unicam: ita quando unica dispositio seruiet duobus sacramentis simul acceptis, minus utrique proderit, quam duplex, ceteris paribus; quia recipiens est melius dispositus. Bonitas enim maior, & excessus dispositionis duplicis, non est ex eo quod sacramenta successively aut simul recipi-

antur: sed ex eo quod plus valent, meliusque disponunt subiectum, duae bonae dispositiones, quam unica ceteris paribus. Tridentinum autem supra citatum generatim affirmat, gratiam infundi secundum mensuram Spiritus sancti, quam partitur singulis prout vult, & secundum propriam vniuersalemque dispositionem.

Qua vltima consideratione refutatur aliorum auctorum responsio, aientium, dispositionem se habere ut merum congruum. Meritum autem congruum potest diuidi ad plura & plura; quia non requirit aequalitatem, sed congruitatem, quam habet etiam in ordine ad plura. Vnde liberum est Deo acceptare illud merum ad plura in tali vel tali casu. Deus autem sic acceptat in casu de quo loquimur: quia licet sit vnum meritum congruum, multiplicancur tamen actiones sacramentales, quae sunt causae condignae quatenus continent merita Christi.

Contra quod dico primo, non omnem dispositionem esse meritum congruum gratiae. Nam attritio, vel oratio peccatoris, non est talis; nec alii eius actus, praeterquam actus contritionis supernaturalis, aut amoris Dei super omnia. 2. Meritum etiam congruum minus valere ad plura, quando in reddendo illi praemio habetur ratio proportionis eius & valoris ad praemia. Cum enim pars valoris illius impenditur ad vnum, minus superest ad aliud. Deus autem habet rationem proportionis & valoris, seu bonitatis dispositionis in conferenda gratia, ut docet Trident. sess. 6. cap. 7. ac posito quod ita statuerit, non est illi liberum acceptare dispositionem aequaliter ad plura. 3. Ratio qua praedicti auctores probant Deum acceptare dispositionem eo modo quo ipsi putant, non est bona & solida. Nam licet multiplicentur actiones sacramentales: illae tamen solae non sunt causa tantae vel tantae gratiae, sed cum concursu dispositionis: quae si melior est, melius concurrit, & sacramentum melius agit in subiecto melius disposito. Est autem melior dispositio duplex, quam unica, ceteris paribus.

Meritum
congruum
valet mi-
nus ad
plura quam
ad vnum.

Obiicies ex nostra assertionem sequi, posse in casu aliquo non reuiuiscere baptismum, posita licet dispositione, quae desuit ut operaretur. Nimirum si talis dispositio, puta attritio cum alio sacramento, vel contritio sit valde remissa: & antequam ponatur, plura sacramenta fuerint indignè suscepta defectu similis dispositionis, tot scilicet, ut praesens dispositio non possit in tam multa diuidi, & sufficere omnibus simul sumptis, si vnicuique eorum pars aliqua seorsim respondere debet, ut nos dicimus. Fieri enim potest ut aliquis interea laxissime ad Eucharistiam indignè accefferit.

Respondeo primo, nihil tale sequi; posito quod, iuxta doctrinam Aristotelis, & communioem Philosophorum sententiam, intensio qualitatum, & ac extensio quan-

27.

28.

citatis componatur ex semper diuisibilibus, in partes proportionales, & earum ratio haberi debeat ad hunc effectum. Nunquam enim tot fuerint accepta sacramenta ante reuiuiscantiam, ut non plures sint partes attritionis, quantumuis remissa. Secundò, data & non concessa contraria suppositione, dici potest in eo casu fore, ut non omnia reuiuiscant, sed illa solum, quibus potest sufficere praelens dispositio. Cur autem hæc potius, quam illa, pertinebit ad Deum determinare, si non est alia ratio ex parte subiecti, vel aliunde, cur hæc potius, quam illa reuiuiscant: id est, cur respectu istorum potius quam illorum, iustorum huic dispositioni, tantum gratiæ infundatur, cum non possit omnium haberi ratio intuitu tam exiguae dispositionis. Sicuti Deus determinat beatos, ut ex possibilibus hæc potius, quam illa cognoscant in sua omnipotentia, cum non possint districte attingere omnia, visione finita, & adeo limitata. Idemque dicendum est si, quamuis attritio, & contritio componatur ex partibus in infinitum diuisibilibus, non habeatur ratio quoad hunc effectum illius diuisionis infinitæ in tot partes proportionales, sed debeat moraliter considerari secundum partes non mathematicè, sed moraliter sumptas, prout possunt etiam seorsim humano modo exerceri liberè, & laudabiliter. Fortassis autem, sicut in soluendis debitis, qui prior est tempore, potior est iure, cæteris paribus: ita secundum Dei ordinationem sacramenta prius tempore suscepta reuiuiscerent vi talis dispositionis, quantum fert illius valor, & mensura. Quo posito baptismus, qui primus omnium suscipitur necessariò, semper reuiuiscet, nisi supponatur dispositio praelens esse prorsus indiuisibilis, quod nunquam contingit, neque potest humanitus saltem contingere. Et si contingeret, nullum tunc sacramentum reuiuisceret vi sacramenti de nouo suscepti cum illa dispositione indiuisibili, quippe quæ nulli alteri seruire posset. Secus ramentum vi contritionis, sine nouo sacramento iustificantis, quæ ultra effectum sibi respondentem ex opere operantis, concurreret cum sacramento prius suscepto ad plus gratiæ dandum ex opere operato: ut sit in sacramento Pœnitentiæ, quotiescunque contritio perfecta pœnitentis inseruit illi tanquam dispositio, & pars essentialis: quæ ultra gratiam vi sua prius datam, ante absolutionem sacerdotis, concurrat cum illa, & cum reliquis partibus sacramenti ad plus gratiæ conferendum.

29. Quid sit in Superest quærere quid in hoc sacramento sit sacramentum tantum, res tantum, & res

& sacramentum: Respondeo, Sacramentum tantum esse externam cerimoniam: viuendi, & proferendi verba sacramentalia: rem tantum esse gratiam baptismalem, rem & sacramentum esse characterem. Hæc quæstio proponitur ad explicandas locutiones Theologorum, qui ita distinguunt in quolibet sacramento: videlicet sacramentum tantum, rem tantum, & rem & sacramentum simul, id est, id quod tantum significatur & non significatur: id quod tantum significatur, & non significatur: & id quod partim significatur, & partim significatur, quæ omnia moraliter quodam & crassiori modo intelligenda sunt. Deinde in vnoquoque sacramento dicitur sacramentum tantum, esse signum externum & sensibile: quia significatur gratiam, & alios effectus, ab illis verò non significatur. Rem tantum, esse gratiam: quia tantum significatur, & non significatur. Rem & sacramentum aiunt esse characterem in tribus sacramentis, quæ characterem imprimunt: quia character partim significatur à signo externo, & partim significatur gratiam & statum spirituales, qui sacramento acquiruntur, & cuius ipse est nota indelebilis. In Eucharistia verò rem & sacramentum esse volunt corpus, & sanguinem Christi: quia partim significatur symbolis externis, speciebus videlicet, & verbis: partim significatur gratiam in modum nutritionis. In Pœnitentia, Extrema-unctione, & Matrimonio, difficilior est assignare rem, & sacramentum: neque de eo omnes conueniunt. Sed hac de re dicetur suis locis. Tantum hic aduerto, modum istum loquendi à Patribus quoque, & à Concilio, totaque latina Ecclesia in officio diuino usurpari. Quod notandum est contra eorum temeritatem, à quibus improbatum, vel contemnitur. Ut cum dicitur in Canone, *Hoc est*, de consecr. dist. 2. qui Canon tribuitur D. Augustino, licet potius sit Lanfranci, ut obseruauit Perron. Cardin. lib. 2. de Euchar. Auct. § 2. in fine, *Hoc est quod dicimus, hoc modis omnibus approbare contendimus, sacrificium scilicet Ecclesiæ duobus confici, ductus constare: visibili elementorum specie, & inuisibili Domini nostri Iesu Christi carne, & sanguine; sacramento, & re sacramenti.* & Trident. sess. 14. cap. 3. *Sane verò, inquit, res & effectus huius sacramenti (Pœnitentiæ) reconciliatio est cum Deo. Et in officio solenni de sanctissimo sacramento Ecclesia sic canit:*

*Sub diuersis spectibus,
Signis tantum & non rebus,
Lateat res eximia.*

DISPUTATIO

VIGESIMA-SEXTA,

De ceremoniis Baptismi,

- Seçtio I. *Sitne conueniens ceremonias aliquas sacramentales in Baptismo solemnè adhiberi?*
 Seçtio II. *De ceremoniis Baptismi in particulari.*
 Seçtio III. *Explicantur Scripturæ loca contra sacramentales ceremonias ab hæreticis obieçta.*
 Seçtio IV. *Vtrum ceremonia Baptismi habeant aliquem effectum?*



VAE D. Thom. docet quæst. 70. de Circumcisione, quæ fuit figura Baptismi, deque illius institutione, ritu, & efficacia, vel in textu sunt facilia, vel explicata superiùs disput. 20. sect. 3. De ceremoniis verò Baptismi disputat quæst. 71. & art. 1. docet Catechismus conuenienter præmitti Baptismo: quia Baptismus est sacramentum fidei, & quædam eius professio: vt autem quis fidem accipiat, debet priùs instrui, iuxta illud Rom. 10. *Quomodo credent ei quem non audierunt?* Ideò que Christus Matth. ult. sic præcepit Apostolis: *Euntes docete omnes gentes, baptizantes eos, &c.* 2. Conuenienter ante Baptismum expelli Dæmones per Exorcismos, ne hominis salutem impendant: quippe qui habent in illum potestatem ratione peccati originalis, vel actualis. Hanc autem expulsionem significat exsufflatio. Benedictio verò præcludit expulso viam, ne redeat. Sal denique in os immissum, & aurium, nariumque linitio significant receptionem doctrinæ fidei. 3. Addit has ceremonias esse efficaces: quia Cacodæmonis potestatem repellunt, & ad percipienda salutis mysteria sensum aperiunt, vi nimirum auctoritatis, & precum Ecclesiæ. 4. Denique affirmat pertinere ad sacerdotes, qui baptizant, instruere baptizandos per Catechismum Baptismo præmissum, & per exorcismum eosdem à potestate Dæmonis liberare: vt probat auctoritate Nicolai Papæ, & Gregorii Magni art. 4. §. *Sed contra.*

SECTIO I.

*Sine conueniens ceremonias aliquas sacramen-
tales in Baptismo solemniter adhiberi?*

1.
Cerimonie
sacramen-
tales
Quid sint?



OTA primò, Nomine cerimoniarum sacramentalium intelligi hoc loco actiones quasdam exteriores, vel circumstantias religiosas, quæ in celebratione sacramentorum obseruantur ex præscripto Ecclesiæ, præter eas, quæ sunt de substantia, seu essentia ipsorum sacramentorum. Cuiusmodi sunt in baptismo exorcismus, unctio Chrismatis in vertice baptizati, linitio aurium, & narium. Quorum cerimoniarum aliquæ sunt dumtaxat institutæ, vt sacramenta maiori cum decentia, veneratione, & deuotione celebrentur: vt quoddam baptismus v.g. non fiat sollemniter, nisi in loco sacro. Aliæ continent mysticam significationem: vt signum crucis, quod in omnium sacramentorum celebratione adhibetur, ad significandum eorum virtutem oriri à passione, & meritis Christi: & trinamersio in baptismo, ad representandum mysterium Trinitatis, vel triduum mortis Christi Domini. Aliæ valent ad quosdam speciales effectus, propter quos ab Ecclesiâ institutæ fuerunt: vt exorcismus in baptismo, ad Dæmonem pellendum, & liberandum hominem baptizandum ab eius potestate. Omnes autem id commune habent, vt referantur ad cultum Dei, adeoque sint religiosæ ceremoniæ, quatenus ordinantur ad reuerentiam, & modum conuenientem celebrandi, & administrandi sacramenta, quibus præcipue constat cultus Dei externus, in religione Christiana: maxime autem celebratione Eucharistiæ, seu Missæ sacrificio.

Nota secundà, Quæstionem propositam esse de baptismo solemniter, id est, publice celebrato per sacerdotem ad id deputatum ab Ecclesiâ, seruatis iis, quæ in Rituali præscripta sunt: non autem de baptismo priuatim tradito in casu necessitatis, in quo prætermittis quibuscumque ceremoniis, sufficit essentialia baptismi adhibere, id est lotionem aquæ, & verba sacramentalia, *Ego te baptizo, &c.* Neque debent, aut etiam licite possunt hæ ceremoniæ adhiberi à quolibet, & quouis in loco: sed eo tantummodo, quem Ecclesiâ in Rituali præscribit, aut quo permittunt priuilegia Magnatibus quibusdam concessa.

2.
Conueni-
ter adhibe-
tur in sa-
cramentis.

His præsuppositis Respondeo, Sacramentales ceremonias fuisse conuenienter ab Ecclesiâ institutas, tum generaliter pro quibusuis sacramentis, tum etiam specialiter pro baptismo solemniter. Et hoc quidem nullus verè Catholicus in dubium vocare potest. Primò, quia Ecclesiâ non potest errare circa doctrinam fidei, aut morum disciplinam, ad quam pertinent ea, quæ generaliter ab illa de ritibus sacramentorum statuta sunt,

Et specialiter in cap. *Ad abolendam*, de hereticis, anathematizantur, quicumque aliter de sacramentis sentire, aut docere non metuunt, quam sacrosancta Romana Ecclesiâ prædicat, & obseruat: adeoque qui improbant ritus ab illa propositos, & pro decenti eorum administratione generaliter præscriptos. Quæ de causa Trident. sess. 7. can. 13. de *Sacram. in genere*, explicat, aut extendit hoc anathema ad eos etiam qui dixerint receptos aut approbatos Ecclesiæ Catholicæ ritus in solenni sacramentorum administratione adhiberi consuetos, aut contemni, aut sine peccato à ministris pro libito omitti, aut in nouos alios per quemcumque Ecclesiarum pastorem mutari posse.

2. Fauet etiam ratio manifesta. Nam huiusmodi ceremoniæ non modò nihil indecens, aut superstitiosum continent, vt de illis quæ in baptismo adhibentur ostendimus inferius: ex quibus quid de aliis sentiendū sit, facile erit intelligere: verum etiam valde utiles sunt, & conuenientes vt sacramenta maiori cum honore, & reuerentia, populique æstimatione celebrentur. Cum enim in rebus specie tenuis vilioribus sint instituta, facile vilescerent apud homines, qui communiter rebus sensibilibus magis decuntur, nisi specioso quodam cerimoniarum apparatu excitarentur ad apprehendendam sacramentorum maiestatem, & venerationem illis debitam. Item, cum homines per res sensibiles, à quibus incipit eorum cognitio, sint deducendi ad intelligentiam rerum inuisibilium: conueniens fuit institui ceremonias, id est, sacras actiones externas, aut circumstantias, quarum mystica significatione docerentur magna mysteria contineri in sacramentis, debereque idcirco cum insigni reuerentia, & deuotione tractari. Nec obest quòd non omnes earum significationem distinctè percipiunt. Sufficit enim intelligi à Doctis, qui possunt aliis explicare, debentque si pastores animarum sunt, quibus eorum instructio, & gubernatio fuit commissa. Præterquam quòd rudibus, & ignaris non parum prodest externa grauitas & maiestas cerimoniarum, quæ permouentur ad concipiendum magnum aliquid sub illis contineri, licet earum significationem non bene intelligant.

4.
Tertio, Quòd specialiter valde conueniens fuerit vt baptismus solemniter quodam ritu in Ecclesiâ celebraretur, probatur, quia cum hoc sacramentum sit ianua Ecclesiæ, & prima fidei professio solemniter: conueniens fuit illam cum maiori quadam celebritate & sacra pompa fieri. Deinde, cum baptismus fuerit institutus in rebus vilioribus, quàm vllum aliud sacramentum, paucissimisq; rebus, & valde obuiis, substantialiter perficiatur, sicut expediebat, vt sacramentum tam necessarium, tantique momenti, posset facile adhiberi in casu necessitatis: maius periculum esset, ne illius maiestas vilesceret apud homines, præsertim rudes, & ignaros, minori que reuerentia, & deuotione, quàm

par sit, acciperetur, nisi grauitas & pompa externa ceremoniarum moueret illos excellentiæ in eo contentæ. Item cum Baptismus sit sacramentum fidei, conueniens est ut adulti prius de rebus fidei instruantur per Catechismum. Cumque per idem sacramentum eruantur homines de potestate tenebrarum, & transferantur in regnum filiorum Dei, expedit ut per exorcismum expellantur ab illis Dæmones, iubeanturque baptizandi abrenunciare Sathanæ, & operibus eius. Expedit etiam ut per istas, aliasque baptismi ceremonias doceantur sensibilibus mysteria inuisibilia in eo latentia. Et licet paruuli non sint capaces huiusmodi instructionis: profunt tamen illæ ministranti sacramentum, & fidelibus adstantibus, ut his signis sensibilibus moueantur ad intelligentiam prædictorum mysteriorum, & ad uenerationem sacramento debitam.

Opponunt Lutherani, & Caluinistæ primò, Baptismum in primitiua Ecclesia per Apostolos, & eorum discipulos traditum fuisse sine huiusmodi ceremoniis, quouis loco, & tempore, per simplicem abluionem in nomine Patris, & Filii, & Spiritus sancti: ut videre est Act. 8. ubi sermo est de tribus hominum millibus iubente Petro baptizatis: & cap. 16. de Baptismo Eunuchi Candacis reginæ Aethiopum: & cap. 18. de Baptismo Pauli: & cap. 19. de Baptismo Cornelii Centurionis: & cap. 16. de Baptismo Lydiae Purpurariæ, & custodis carceris in domo sua: & cap. 19. de Baptismo duodecim Asianorum. Addunt earum multitudinem esse valde onerosam, de qua etiam D. Augustinus conqueritur epist. 119. cap. 19. & plerasque non modò inutiles, ut Exorcismos, verum etiam ridiculas esse, ut exsufflationes, gustum salis, & inunctionem narium, & aurium, salina adhibita.

Ipsi hæretici adhibent aliquas ceremonias.

Respondeo primò, neque etiam ab Apostolis, & eorum discipulis fuisse tunc seruata nonnulla, quæ ab ipsismet Lutheranis, & Caluinistis seruantur. Nam Calvin. in libello *De formula ministrandi sacramenta*, statuit, ut infantes baptizentur die Dominico, aut alio, quo populus ad concionem conuenit in templum: & ut qui infantes afferunt, interrogentur an spondeant se illos, cum adoleuerint, de rebus fidei & morum institutos: & ut nomen imponatur infanti in Baptismo, & forma sacramenti pronuncietur lingua vulgari: & denique ut symbolum, oratio Dominica, alique preces recitentur. Addit Lutherus in suo Catechismo, ut baptizandus signetur signo crucis in fronte, & in pectore; & ut Sathanæ abrenunciet: Quæ omnia fuisse ab Apostolis, aut discipulis seruata in baptizando, vel exemplo Christi, aut Apostolorum fieri, nunquam ostendunt Caluinistæ, aut Lutherani ex Scriptura, cuius solius auctoritatem in rebus fidei, & religionis admittunt. Eorum certè nulla sit mentio in locis Actuum citatis, & aliis quibuscumque, ubi de Baptismo Christi tam

multis dato sermo est. Quare si eo nomine reiiciendæ sunt Ecclesiæ ceremoniæ, quod non fuerint ab Apostolis usurpatæ: debent ipsi pariter suas reiicere, & solis baptismi essentialibus contenti esse.

Respondeo secundò, minorem fuisse tunc temporis necessitatem adhibendi ceremonias, quibus fideles per res, aut actiones sensibiles docerentur inuisibilia Dei mysteria, & ad deuotionem, & reuerentiam erga baptismum excitarentur: nam seruator spiritus, qui tunc maximus erat, & abundantia gratiæ, multò melius id præstabat. Postea vero refrigerante seruire, opus fuit huiusmodi subsidiis: & conueniens fuit ut fundatâ Ecclesiâ, crescente rerum progressu ac temporum religionis honore; crederet pariter decus institutionum Ecclesiasticarum; & speciatim crederet huius mystici lauacri gradatim in maius celebratio: ut rectè ait Vvalfridus Strabo lib. de rebus Ecclesiasticis, cap. 16. Quamquam nonnullas è ceremoniis baptismi ab ipsis Apostolis originem duxisse patebit certis antiquorum testimoniis paulò post, licet earum non fiat mentio in Scriptura.

Ad reliquam partem obiectionis Respondeo, vitandam quidem esse nimiam multitudinem ceremoniarum, siue in baptismo, siue in aliis ministeriis sacris, ut sapienter monet D. August. lib. de Cura pro mortuis habenda cap. 19. cauendumque ne tanta sit, ut animum distrahat, & deuotionem impediat. Verum non tot ceremoniæ præscribuntur ab Ecclesia in baptismi solemnitate, vel aliorum ministeriorum celebratione, ut non facile possint seruari à ministris ad id deputatis, modica studio diligent aque adhibitis. Neque de illis loquitur D. August. loco citato in obiectione, quando conqueritur tot ab aliquibus multiplicatas fuisse ceremonias, ut tolerabilior sit Iudæorum conditio. Nam, ut locum consulenti patebit, sermo ibi est non de ceremoniis ab Ecclesia præscriptis, quæ non tam multæ sunt ut cum Iudaicis possint comparari. Sed de excogitatis & adhibitis à quibusdam priuatis, præcipueque à mulierculis, de quibus sic ait: *Omnia talia, quæ neque sanctarum scripturarum auctoritatibus continentur, nec in Conciliis Episcoporum statuta inueniuntur, nec consuetudine Ecclesiæ uniuersæ roborata sunt, sed diuersorum locorum diuersis moribus innumerabiliter variantur, &c. reseranda existimo.* Non sunt etiam tales illæ ceremoniæ ut animum distrahant, sed è contrario plurimum iuuant ad baptismum, alique sacra ministeria reuerenter, attentè, ac deuotè tractanda, ut vel ipsa experientiâ notum est. Et denique omnes baptismi ceremonias, de quibus specialiter hoc loco disputamus, graues esse, decentes, & utiles patebit ex iis, quæ de singulis dicemus paulò post, ex quibus idem facile poterit de aliis colligi.

Opponunt secundò, eiusmodi ceremonias non haberi in Scriptura, neque præcepto, vel

Ecc 2

6.
Cur nō tot adhiberentur ab Apostolis?

Nimiam earum multitudinem vitandam.

August.

71

Non omnis
cultus à
Deo non
præceptus,
est, super-
stitiosus.

exemplo Christi, aut Apostolorum in ea commendari: adeoque esse reiiciendas, velut humanas inuentiones, & superstitiosas. Nullus enim cultus religionis est licitus, nisi fuerit in Scriptura præceptus, aut exemplo Christi, vel Apostolorum commendatus. Respondeo primò, hoc argumentum contra ipsosmet retorqueri posse. Nam, ut suprà ostendimus, ipsosmet in baptismo non pauca obseruant, quæ neque in sacris literis continentur, neque præcepto, aut exemplo Christi, vel Apostolorum in ea commendantur. Secundò Respondeo, falsum esse, & absurdum dicere solum illum Dei cultum externum esse licitum, qui ab ipso Deo traditus fuit in Scriptura, vel præceptus, aut commendatus exemplo Christi, aut Apostolorum. Nam si omnis alius foret illicitus, & superstitiosus, vel id esset ex natura rei, vel ex iure positiuo propter Dei prohibitionem. Non primum: quia potius ratio naturalis dicitur, seposita omni reuelatione diuina, Deum cultu interno, & externo colendum esse ab hominibus: quia cum sit auctor animæ, & corporis, debet utròque coli. Cùmque non præscribat determinatè ut hoc aut illo ritu externo colatur, relinquit hominibus liberum & determinandum, ut hunc aut illum, dummodo, decentem, & conuenientem assumant: sicut reipsa factum videmus in lege naturæ ab Abele, Noëmo, Melchisedech, & aliis, antequam Deus de cultu suo quidquam iure positiuo præscriberet, & antequam ullus liber diuinus scriberetur à Moyse, & aliis sacris scriptoribus. Secundum quoque dici nequit, quòd scilicet omnis alius cultus sit iure diuino positiuo prohibitus: quia neque ex Scriptura, neque ex vlla traditione diuina non scripta, vel alio certo argumento potest ostendi talis prohibitio.

Proferunt quidem heretici ad hoc probandum plura Scripturæ testimonia: sed longè alium esse illorum sensum ostendimus inferius sect. 3. Contra verò, videmus in omni lege, & in quolibet hominum statu, permixtum illis fuisse, ut cultu aliquo non à Deo præcepto, aut tradito, sed voluntariè suscepto Deum colerent. Ut in lege naturæ Abel Genes. 4. offerens sacrificium de primogenitis gregis sui, & de adipibus eorum: & Melchisedech cap. 14. offerens panem, & vinum, erat enim sacerdos Abissimi. Et Iacob cap. 28. votum vouens Domino de decimis omnium bonorum suorum ipsi offerendis. In lege autem Mosaica licet Deus multa præscripsisset distinctissimè de cultu externo sibi præstando: non tamen omnem alium prohibuit: sed è contrario Leuit. 23. vers. 38. postquam multa præcepit de feriis in honorem suum celebrandis, deque oblationibus, holocaustis, & libaminibus, iuxta ritum vniuscuiusque diei offerendis: subiungit: *Exceptis Sabbatis Domini, donisque vestris, & quæ offeretis ex voto, vel quæ sponte tribuetis Domino.* Quibus ultimis verbis significat licuisse Iudæis quædam voue-

re, & offerre spontaneè, ac religiose, præter ea, quæ per legem diuinam præscribebantur. Denique in lege Evangelica nullibi extat talis prohibitio estque impossibile aduersariis vllam proferre ex Scriptura, multòque minùs ex antiqua traditione, quæ potius sacramentales has ceremonias fuisse iampridem in Ecclesia vfitatas, & nonnullas etiam Apostolicas esse, aut temporibus Apostolorum propinquas ostendit. Id enim de nonnullis testantur Tertullian. lib. de Corona militis cap. 3. & 4. Basil. lib. de Spiritu sancto cap. 27. Hieron. in Dialogo contra Luciferian. numero decimo quarto, & decimo quinto.

Tertull.
Basil.
Hieronym.

SECTIO II.

De Cerimoniis Baptismi in particulari.

UT autem breuiter ceremonias Baptismi percurramus, & earum antiquitatem, conuenientiam, & vtilitatem simul ostendamus: Prima ceremonia, quæ pertinet ad circumstantiam loci, est ut baptismus solemniter non administretur, nisi in loco sacro, qui olim baptisterium vocabatur. Quæ ceremonia sine dubio ad maiorem sacramenti venerationem conueniens est, & utilis ad deuotionem excitandam: sapienterque ad illum finem instituta fuit ab Ecclesia. Nam licet Apostoli, & primi Christiani in priuatis domibus, in carceribus, in plateis ciuitatis, in agris, in fluuiis, & fontibus, & vbicunque se dedisset occasio, baptizarent, propter exigentiam illius temporis, & necessitatem propagandi nascentem Ecclesiam: meritò tamen, quando res Ecclesiasticæ ad conuenientem statum, & ordinem reduci poterunt, constituta fuerunt certa loca sacra, in quibus propter maiorem venerationem baptismus solemniter celebrari deberet. Itaque in hunc finem extructa fuerunt baptisteria, quorum mentionem faciunt Cyrill. Catech. 1. mystag. vbi recens illuminatos sic alloquitur: *Primum ingressi estis in porticum baptisterii, &c.* Et Paulin. epist. 12. ad Seuerum initio, *Tu verò, inquit, etiam baptisterium Basilicis duabus interpositum condidisti.* Et Athanasius in epistola ad Orthodoxos in persecutione, vbi conqueritur, *in sacrum Baptisterium Christianitas Iudeos, & Atheos ethnicos nulla cum reuerentia ingressos, turpia & abominanda dixisse & fecisse.* Et Dionysius capite secundo Ecclesiasticæ Hierarchiæ parte secunda, vbi Baptisterium, aut illius fontem sacrum, *quod pariter & iuocatur,* id est, matrem adoptionis appellat: Et in Canone 59. Trullano statuitur ut ne quidem in priuatis oratoriis extra Catholicas Ecclesias Baptismus peragatur. Quod statutum confirmauit Concilium Viennense, ut habetur in Clementina vnica de Baptismo, lib. 3. tit. 15. privilegio tamen concessio Re-

8.
Baptizandum solemniter in loco sacro, seu Baptisterio.

Cyrril.

Paulin.

Athanas.

Dionys.

gibus, & supremis Principibus, ut in priuatis oratoriis filii eorum baptizari possint. Fontis quoque baptismalis in Baptisterio positi meminerunt Orig. homil. 12. in Numeros. Ambrosi. lib. 1. de Sacram. cap. 5. sub finem, & lib. 2. cap. 5. initio: Augustin. vel alius apud ipsum auctor sermonis 181. de Tempore, cap. 3. & plures alii.

9.

Aqua sanctificanda & consecranda.

Secunda cerimonia est, ut aqua ad baptismum parata sanctificari debeat, & consecrari addito oleo, & Chrismate vntionis mysticæ: tum ad maiorem sacramenti reuerentiam, tum ad significandum, atque etiam à Deo petendum illius effectum, per orationes, quæ in aquæ benedictione, & consecratione funduntur. Hanc autem ceremoniam antiquissimam esse patet ex Dionys. de Ecclesi. Hierarch. cap. 2. part. 2. ubi sic habet: *Pontifex aquas sancta prece, atque invocatione sanctificat, etque in eas ad crucis effigiem, sanctissimum fundit unguentum.* Et Cyprian. lib. 1. epist. 12. *Oportet, inquit, mundari, & sanctificari aquam prius à sacerdote, ut possit Baptismo suo peccata hominis qui baptizatur, ablucere.* Et Basil. lib. de Spiritu sancto cap. 27. *Consecramus aquam baptismatis, &c. Ex qua autem Scriptura? nonne à traditione? Apostolica scilicet.* Ibi enim loquitur de traditionibus Apostolicis, quarum multa profert exempla. Et Ambrosi. lib. 1. de Sacram. cap. 5. *Quare prius Christus descendit, postea Spiritus, cum forma baptismatis, & usus hoc habeat, ut ante fons consecratur, & tunc descendat, qui baptizandus est?* Et August. vel alius apud ipsum auctor serm. 19. de Sanctis, prope finem, *Huius crucis, inquit, mysterio rudes catechizantur: eodem mysterio fons regenerationis consecratur.* & tract. 118. in Ioan. dicit, nisi lignum crucis adhibeatur siue frontibus credentium, siue ipsi aquæ ex qua regenerantur, siue oleo quo chrismate vnguntur, siue sacrificio quo aluntur, nihil eorum ritè perfici, id est, debito & licito modo.

10.

Baptismus olim non dabatur nisi in Pascha & Penteco.

Tertia cerimonia, quæ ad circumstantiam temporis pertinet, erat ut olim baptismus non administraretur, nisi in Paschate, & Pentecoste, excepto casu necessitatis. Quæ cerimonia non amplius seruatur: antiquissimam verò esse constat ex Tertulliano lib. de Baptismo cap. 19. Syricio Papa epist. 1. ad Himerium Tarraconensem Episc. verbis relatis de Consecrat. distinct. 4. cap. *Non ratione: Gelasio Papa in epist. ad vniuersos Episcopos per Lucaniam, &c. relato eadem dist. Can. Baptizandi, Hieron. ad cap. 14. Zachariæ circa illa verba, Exhibunt aquæ vine de Ierusalem, ubi sic habet: Aquas viuentes multi ad baptismum referunt, quæ in vere, & estate, hoc est, in Pascha, & Pentecoste fuentibus largiendæ sunt: & Leo Papa epist. 4. ad vniuersos Episcopos per Siciliam constitutos, ubi grauitè eos admonet, ut non nisi in Paschali & Pentecostes die baptismum credentibus, & desiderantibus conferant. Cur autem hæc cerimonia ob reuerentiam,*

& maiorem celebritatem sacramenti instituta, iampridem non seruetur à tempore circiter Caroli Magni, rationem hanc affert Rupert. lib. 4. de Diuin. offic. cap. 18. Quia postquam multitudo Christianorum magnopere creuit, & sagena illa verbi Dei fuit impleta piscibus: quia periculosum erat tantam multitudinem differri propter occasiones mortis, quæ in tanto numero hominum permixtæ sunt, maximè propter turbam infantium ex fidelibus parentibus succrescentium, quorum tenera vita per sæpe leui occasione succiditur: visum est sanctæ Ecclesiæ cuncta pericula anteuertere, passim indulgentiâ baptizandi concessa quouis alio tempore.

Quarta cerimonia est circa personam baptizati, Catechismus siue instructio de rebus fidei, & morû: cuius utilitas, & necessitas aut conuenientia erga adultos, manifesta est, habetque fundamentum in illis Christi verbis Matth. ult. *Euntes docete omnes gentes, baptizantes eos in nomine Patris, & Filii, & Spiritus sancti. Docentes eos seruare omnia quæcunque mandauimus vobis: & in exemplo Petri Apost. circa Iudæos, & Cornelium Act. 2. & 10. & Philippi Diaconi circa Eunuchum Act. 8. Verum quod non tantum circa adultos, sed etiam circa infantes baptizandos præmitteretur olim Catechismus; ut nunc etiam sit, constat ex Dionys. de Ecclesi. Hierarch. cap. ult. in fine, August. epist. 23. & lib. 4. de Bapt. cap. 24. & ierm. 10. cap. 2. & 14. de verbis Apostoli cap. 1. Quamuis autem paruuli non sint capaces instructionis: non tamen frustra præmittitur eorum baptismo Catechismus ille ceremonialis, ut intelligant susceptores quibus de rebus teneantur eos instruere: & ut paruuli, cum adoleuerint, intelligant ad quid per baptismum fuerint obligati, aliis in gratiam, & commodum ipsorum spondentibus. Huic autem instructioni adiungitur professio fidei baptizandi, per se, si est adultus: aut per alium, si paruulus: cuius mentionem faciunt præter supra citatos Clem. lib. 7. Const. c. 40. Hilar. Can. 15. in Matth. Hieron. in Dial. aduersus Luciferianos num. 24. & August. lib. 8. confess. c. 2.*

11. Catechismus præmittendus.

Quinta cerimonia circa eundem est exorcismus, & exsufflatio Dæmonis. Cuius ceremoniæ meminerunt, exorcismi quidè Naz. orat. 40. in sanctum Baptisma, Cyril. in præfatione Catechesium, & Catech. 1. Cyprian. lib. 4. epist. 7. Ambrosi. lib. 1. de Sacram. c. 5. August. lib. 6. contra Iulian. cuius verba referemus paulò post: Leo ep. 4. c. 6. ubi dicit secundum Apostolicam regulam Catechumenos exorcismis scrutandos esse: & Cælest. 1. ep. 1. ad Episc. Gall. c. 12. ubi testatur eos, qui ad regenerationis veniunt sacramentum, non prius fontē vitæ adire, quàm exorcismis, & insufflationibus Clericorum spiritus ab eis immundus abigatur. Exsufflationis verò, quæ pars exorcismi est, mentionem faciunt præter Cælestinum verbis proximè relatis, August. libro secundo de Peccato Originali.

12. Exorcismus & exsufflatio dæmonis.

cap. 40. & lib. 2. de Nuptiis, & concupisc. cap. 18. ubi affirmat hanc esse vniuersalem Ecclesie consuetudinem: & lib. 6. contra Iulianum cap. 5. ubi sic ait: *Ecclesia filius fideliū nec exorcizaret, nec exsufflaret, si non eos de potestate tenebrarum, & a principe mortis erueret.* Et hanc quidem cerimoniam, ut inutilem, & ridiculam despiciunt Calvinistæ, in quo Iulianum Apostatam imitantur, qui, ut refert Gregor. Nazianz. exsufflationes symbolicas Baptismi in calumniam, & risum traherat. Sed longè aliam fuisse antiquæ Ecclesie fidem, & SS. Patrum iudicium constat ex verbis Augustini relatis: & ex Cyprian. lib. 4. epist. 7. ubi exponens illud 1. Corinth. 10. *Omnes in Moyse baptizati fuerunt, in nube, & in mari:* sic ait: *Hæc autem omnia figura nostra fuerunt. Quod hodie etiam geritur, ut per Exorcistas voce humana, & potestate diuina flagelletur, & vratur, & torqueatur Diabolus.* Et ex Optato Mileuit. lib. 4. contra Parmenianum, ubi loquens de pellendo Diabolo ante salutare lauacrum, *Hoc, inquit, exorcismus operatur, per quem immundus spiritus depellitur, & fugatur.*

13. **Gustus salis.** Sexta cerimoniam est gustus salis. Sacerdos enim tangit sale os Catechumeni. Cuius mentionem facit Origen. homil. 6. in Ezechiel. quando circa illa verba, *Aqua non est lora in salutem, neque sale salita,* sic ait: *Oportet ergo eum qui renascitur, utique in Christo renascentem rationabile & sincerum lac desiderare & priusquam rationabile & sine dolo lac desideret, debet sale saliri.* Ad eandemque cerimoniam alludere videtur D. August. lib. 1. Confess. cap. 11. cum sic ait: *Signabar iam signo crucis eius, & condiebar eius sale.* Eiusdem vero expressamentio fit in Concil. Carthagin. 3. cui S. Augustinus interfuit, Can. 5. & Can. Sal. de Consecrat. distinct. 4. sumpto ex Beda in Esdram lib. 2. cap. 9. cuius verba sunt: *Sal celestis sapientie, quo inicianur catechumeni, in cunctis operum nostrorum sacrificiis iubemur offerre.*

14. **Consignatio crucis.** Septima est, consignatio crucis in fronte baptizati, & impositio manus supra ipsius caput. Illius autem consignationis mentionem faciunt Dionys. de Eccles. Hierarch. cap. 2. parte 2. his verbis: *Imponit eius capiti manum, consignansque illum,* &c. Basil. lib. de Spiritu sancto cap. 27. ubi inter consuetudines Apostolicas, sine scripto traditas, enumerat eam, quæ signo crucis signamus eos, qui spem collocant in Christum, & consecramus aquam baptismatis, & oleum vntionis, & eum qui baptismum accipit: & August. tract. 118. in Ioan. sub finem: & lib. de Catechizandis rudibus cap. 20. ante medium: cuius verba sunt: *Crucis signo in fronte hodie, tanquam in poste signandus es (id est, sicut olim Iudæorum postes in Aegypto signati fuerunt, & tincti agni sanguine) omnesque Christiani signantur.* Impositio verò manuum fit exemplo Christi, qui sapius paruulis ad se venientibus manus imponebat, ut Matt. 19. vers. 15. & Apostolorum manus imponere

solitorum iis pro quibus orabant, ut Act. 8. 9. & 13. Deque illa baptismi cerimoniam loquuntur Dionys. c. 2. Eccles. Hierarch. Clemens lib. 7. Constitut. cap. 4. Concilium Carthagin. IV. Can. 85. August. lib. 2. de Peccat. meritis, & remissionibus cap. 26. cuius verba sunt: *Nam & Catechumenos secundum quendam modum suum, per signum Christi, & orationem manus impositionis puto sanctificari.* Fit autem hæc impositio manuum ad significandam reconciliationem, quæ qui fuerat extra Ecclesiam, iam illi aggregatur, & in eius amicitiam recipitur.

Octaua est linitio aurium, & narium saliuæ, dicendo *Ephraïm*, id est, adaperire: exemplo Christi Marc. 7. qui linguam muti sanandi simili modo tetigit, & oculos cæci nati Ioan. 9. Huiusque cerimonie meminerunt Ambros. lib. 1. de Sacrament. cap. 1. ubi tamen saliuam non exprimit: sed illam sine dubio subintelligit, cum dicit hoc fieri exemplo Christi, qui linguam muti & surdi expuendo tetigit Mar. 7. v. 33. Verba Ambros. sunt: *Mysteria celebrata sunt apertionis, quando tibi aures tetigit sacerdos & naves. Quod significauit in Euangelio Dominus noster Iesus Christus, cum ei oblatum esset surdus & mutus, & tetigit aures & os eius, &c.* Idcirco ergo tibi sacerdos aures tetigit, ut aperiantur aures tue ad sermonem & ad eloquium sacerdotis, &c. Quare naves? *Ut bonum odorem accipias pietatis æternæ, ut dicas: Christi enim bonus odor sumus Deo, quemadmodum dixit Apostolus, & sit in te fidei, deuotionisque plena fragrantia.* De eadem cerimoniam expresse loquitur Gregor. in Sacramentario. Cyrill. verò Hierosolymitanus Catech. 3. mystagogica 5. Caterum, testatur suo tempore adhibitum fuisse tactum aurium, & narium Catechumenorum, non saliuæ sed oleo. Et hanc etiam cerimoniam ut ridiculam, & inanem, imò scædam traducunt Calvinistæ. Sed antiquæ Ecclesie sensus, & auctoritas tot iam sæculis confirmata, plus apud omnes sapientes valere debet, quam Nouatorum scommata.

Nona est, abrenunciatio sathanæ, & pompis, & operibus eius. Cuius meminit Clemens Roman. lib. 7. Constitut. cap. 41. Dionys. cap. 2. de Eccles. Hierarch. Tertull. de Corona militis cap. 4. & lib. de Spectaculis cap. 4. ubi sic ait: *Cum aquam ingressi Christianam fidem in legis sue verba prostemur, renunciaſſe nos Diabolo, & pompa, & Angelis eius cre nostro contestamur.* Et Origen. homil. 10. in Numer. Recordatur unusquisque fidelium, cum primum venit ad aquas baptismi, cum signacula fidei primum suscepit, & ad fontem salutis accessit: quibus ibi tunc usus sit verbis, & quid denunciauerit Diabolo, hoc est, non se usum pompis eius, neque operibus eius. Et Ambr. lib. 1. de Sacram. cap. 2. Quando e interrogauit (Sacerdos) Abrenuncias Diabolo, & operibus eius? quid respondisti? Abrenuncio, &c.

Decima est, inunctio olei Catechumenorum interpectus, & scapulas ante baptismum, & post inunctio Chrisma in vertice bapti-

15. Linitio aurium & narium.

Abrenunciatio sathanæ.

16. Inunctio olei & chrisma.

zati. Cuius vñctionis meminerunt, Clemens Roman. lib. 3. Recognit. *Baptizabunt*, inquit, *unusquisque vestrum in aquis perennibus, nomine trine Beatitudinis super se innocato, per unum primum oleo per orationem sanctificato, ut ita demum per hæc consecratus possit percipere de sanctis: id est, de Eucharistia.* Chrysost. homil. 6. in cap. 2. epist. ad Coloss. *Inungitur*, inquit, *baptizandus more Athletarum, qui stadium iam ingressuri sunt: & Tertull. lib. de Bapt. c. 7. Basil. lib. de Spiritu sancto c. 27. Iustin. Mart. quæst. 137. Ambros. lib. 3. de Sacram. c. 1. & lib. de Initiandis c. 6. August. serm. 206. de Tempore, cuius verba hæc sunt: Denique omnes qui ad salutem baptismum consequendum Ecclesie offeruntur, & Chrisma & oleum benedictionis accipiunt, ut iam non vasa vacua, sed Deo plena, templam Dei esse mereantur.*

17. *Susceptores.* Undecima, Dabantur etiam olim, sicut, & nunc baptizandis susceprores, ut testantur Dionys. lib. de Eccles. Hierarch. c. 2. parte 2. in fine, ubi eos vocat *ἀνδρες*, hoc est, fideiuiusiores: Iustin. quæst. 56. ad Orthodoxos, ubi vocat *προσφύτας*, id est, Offerentes: Tertull. de Bapt. cap. 18. ubi vocat Sponsorem August. serm. 215. de Tempore, ubi vocat Fideiuiusiores: & Hyginus Papa Canone *In Catechismo, de Consecr. dist. 4.* ubi eos appellat Paternos: & Synodus Moguntina Can. 47. ubi Compadres nuncupat, iubetque illos filios suos spirituales Catholicè instruere.

18. *Impositio nominis.* Duodecima est, Impositio nominis in baptismo, sicut olim in circumcissione imponebatur paruulo, ut de Ioanne Baptista patet ex Luc. 1. & de Christo Luc. 2. Idque olim fuisse invsue testantur Scriptores antiqui mox referendi. Et adulti quidem nomen suum dabant ante baptismum, illud scilicet, quo deinceps appellari volebant, quodque interdum diuertum erat à priori. Quandoque enim Prophetarum, & Sanctorum nomina, pro nominibus Idolorum, quæ forte à parentibus acceperant, adulti baptismum susceprores sibi adsciscabant, ut colligitur ex Eusebio lib. 8. Histor. Eccles. cap. 21. Quo sensu illud Clementis intellige epist. 3. *Accedat, qui baptizari vult, ad sacerdotem suum, & ipsi nomen suum det.* Et Augustin. lib. de Cura pro mortuis cap. 12. *Pascha iam appropinquabat, dedit nomen inter alios competentes. Paruulis autem, qui nomen suum dare non poterant, imponebatur à susceprores, qui propter suam in Apostolos propensionem, crebrò eorum nomina illis imponebant, ut testatur Euseb. lib. 7. hist. cap. 20. ubi dicit multos Gentiles fuisse Ioannis Apostoli cognomines, propter singularem amorem, quo erga illum affecti erant: Quemadmodum nemina Pauli, & Petri, fidelium liberi crebro ferunt.* Et in Concilio Niceno Can. 30. prohibetur, *Ne fideles imponant filiis suis nomina gentilium: sed potius omnis natio Christianorum suis nominibus utatur, imponanturque nomina Christianorum in baptismo.*

19. Decima tertia: Fiebat etiam olim baptis-

mus per trinam mersionem, licet vnica sufficeret, in honorem sanctissimæ Trinitatis, & representationem tridui mortis Christi, ut præcipitur Can. 49. Apostolorum, & testantur Tertull. lib. contra Praxeam c. 26. in fine Cyrill. Cateches. 2. mystagog. Basil. lib. de Spiritu sancto cap. 27. Chrysost. homil. 24. in Ioan. Ambros. lib. 2. de Sacram. cap. 7. Hieron. in Dialogo aduersus Luciferianos, n. 15. Eiusque loco nunc fit vna, vel trina aspersio, siue aquæ effusio supra caput baptizati. Dabatur etiam baptizato cereus accensus in signum acceptæ gratiæ illuminationis, & ad futuræ vitæ gloriam præsignandam, ut ait Nazianz. orat. 40. in sanctum Baptisma, & vestis candida per octo dies ferenda ad innocentiam vitæ demonstrandam, ut testatur Ambros. lib. de Initiandis cap. 7. & apud August. auctor sermonis 157. de tempore: & mel cum lacte delibandum, ut aiunt Tertull. lib. 1. aduersus Marcionem cap. 14. & Hieron. in Dialogo aduersus Luciferianos num. 15. Sed hæc ceremonia non ampliùs seruatur, ut neque osculum pacis olim datum à sacerdote, ad significandum iam baptizatum esse fratrem nostrum. Cuius ceremoniæ illustre testimonium habetur apud Cyprian. epist. 59. ad Fidum, ubi affirmat non esse differendum baptismum paruulorum ultra octauum diem, propter difficultatem, quam pati possumus osculandi infantes recens natos: quia, inquit, *Nec aliquis nostrum id debet horrere, quod Deus dignatus est facere. Nam etsi adhuc infans à partu nouus est, non ita est, tamen, ut quisque illum in gratia danda, atque in pace facienda horrere debeat osculari: quod in osculo infantis, unusquisque nostrum, pro sua religione: ipsas adhuc recentes Dei manus debeat cogitare; quas in homine modò formato, & recens nato, quodammodo osculamur, quando id quod Deus fecit, amplectimur.* Plura de his ceremoniis videri possunt apud Durant. lib. 1. de ritibus Eccles. cap. 19. Vasq. disp. 166. & Bellarm. lib. de Bapt. cap. 25. & sequentibus.

Trina mersio.

Cereus accensus, & vestis candida.

SECTIO III.

Explicantur Scripturæ loca contra sacramentales ceremonias ab hereticis adducta.

19. **D**iximus supra non posse hæreticos ostendere vlllo Scripturæ testimonio illicitum esse, & superstitiosum quemcunque cultum religionis non à Deo præceptum, vel exemplo Christi, & Apostolorum non commendatum in Scriptura. Id ut melius constet, satisfaciendum nobis est illis Scripturæ locis, quibus præcipue ad hoc persuadendum abutuntur. Primus locus habetur Deuteron. 4. vers. 2. *Non adderis ad verbum quod vobis loquor, nec auferetis ex eo: custodite mandata Domini Dei vestri, quæ ego præcipio vobis.* Et cap. 12. vers. ult. *Quod præcipio tibi,*

30.

Ccc 4

hoc tantum facito Domino: nec quidquam addas, nec minuas. Quibus similis est alter Prouerb. 30. v. 8. *Ne addas quicquam verbis illius; ne arguaris, inueniarisque mendax.* Ex quibus Calvinus lib. 4. Institut. cap. 10. num. 17. alique sectarii inferunt reiciendas esse non solum omnes ceremonias ecclesiasticas, sed etiam omnes traditiones, & summorum Pontificum constitutiones.

21. Verum si amplissime, ut ipsi volunt, accipienda est illa sententia, *non addetis ad verbum, quod loquor vobis*, &c. peccassent contra illam Iosue, & alii Scriptores Sacri veterisque Testamenti, qui multa Pentateucho addiderunt. Peccassent etiam Reges & magistratus, quando multa addiderunt illis Dei legibus, & iudiciis, de quibus Moyses loquebatur. Et tamen è contrario Paulus præcipit illis obedire, etiam propter conscientiam, Rom. 13. Neque minus tenemur obedire superioribus Ecclesiasticis, quibus Moyses ipse Deuteron. 17. v. 10. & seqq. iubet obediri sub pœna mortis. Quin etiam fatentur ipsi Calvinistæ, Apostolos addidisse quosdam ritus, & ceremonias: idque de Paulo liquet ex 1. Corinth. 11. v. vlt. ipsique nouam formam orandi, regendi, & sacramenta administrandi instituerunt, ut videre est in ordinationibus ecclesiæ Geneuensis, & in eorum catechis.

22. Dico igitur cum Cornelio ad versum citatum cap. 4. Deuteronomii, verum huius loci sensum hunc esse: Ad præcepta mea, quæ hoc capite, & sequentibus præcepturus sum vobis, ô Iudæi, non addetis quicquam repugnans, præsertim circa cultum Idolorum, Beelphegor, & aliorum, de quibus ibi sermo est. Ita ut particula *ad*, hebraicè *hal*, sumatur ibi pro *contra*, ut Plal. 2. v. 2. Num. 14. v. 2. aliisque locis: & sensus sit, Non addetis ad verbum, id est, contra verbû tantumque præcipiat Deus, ut sua lex integra seruetur, nihilque ex ea vitietur, aut mutiletur addendo, vel minuendo. Quod tamen non obstat, quo minus superiores Ecclesiastici, & temporales possint aliquid aliud non repugnans præcipere. Vel etiam, Non addetis ad verbum, quod vobis loquor aliquid tanquam meum, aut à me dictum, aut iussum, quod tale non sit. Nulli enim hominum licet dicta sua, vel præcepta pro diuinis supponere: neque etiam quicquam Dei verbo detrachere, negando tale esse, quod verè ipsius verbum est. Adde quòd non adduntur simpliciter, sed magis includuntur lege Dei, ea quæ legitimè præscribuntur à superioribus, quibus Deus nos iubet obedire.

23. Simili modo intelligendus est alter locus ex Deuteron. 12. v. vlt. vel potius loquitur ibi Deus specialiter de ceremoniis, & cultu idolorum, ut patet ex præcedentibus immediate: prohibetque Israelitis ne illis vrantur, sed Deum colant prout ipse præceperat, id est, modo vel iam à se determinato atque præscripto; vel per suos vicarios legitimos,

sacerdotes scilicet, & Pontifices præscribendo: quos ea facultate vios esse, neque propterea reprehensos constat ex festo *Phurim*, id est, Sortium, sub Hester, & Encaniorum sub Machabæis, quæ non à Deo immediate, sed à Iudæis statuta fuerunt. Estque notandum, festum illud Encaniorum fuisse à Christo seruatum, adeoque approbatum Ioan. 10. v. 22.

Posterioris verò loci sumpti ex Prouerb. 30. v. 6. sensus est, ut colligitur ex verbis immediate præcedentibus, Cum sermo Dei instar auri purgatissimi, totus sit verissimus, ac sincerissimus, nihil illi ex tuo cerebro adijcere audeas: velut diuinum scilicet. Nam quidquid aliquis ex semetipso dicit, falsitati obnoxium est, longèque abest ab infallibilitate, & veracitate purissima verbi Dei. Ita Salazar: sapienter addens, hoc loco admoneri Prophetas, ne suas coniecturas diuinis reuelationibus interferant, ne fortè rerum eventu mentiente fides vatis periclitetur, in illis etiam, quæ verè Deus ei reuelauit, & falsi prophetæ nomen sibi accersat. Ex his autem Scripturæ locis in vero, & literalis sensu acceptis, quid inferri possit contra sacramentales ceremonias non apparet.

24. Opponunt secundo, Deum reprehendere in Scriptura, atque etiam seuerè punire eorum audaciam, qui nouis ceremoniis, à se non institutis, ipsum colere ausi sunt: idque non alia de causa, nisi quòd hominum inuenta in Dei cultu, impuræ sunt corruptelæ, inquit Calvin. lib. 4. Instit. cap. 10. num. 23. Cuius rei tria profert exempla. Vnum de quibusdam incolentibus Samariam, in quos Dominus immisit Leones, qui deuorarent eos, eò quòd ignorarent ritum Dei terræ: id est, cum colerent alio ritu, quàm ipse præscripserat, 4. Reg. 17. v. 26. Alterum est regis Ahas, qui grauiter à Deo reprehenditur, quòd altare nouum in templo posuisset, licet illud ad ornatum templi spectare posset 4. Regum 16. v. 10. & 11. Tertium est Regis Manassæ, cuius, inquit Calvin. hæc circumstantia crimen aggrauatur, quòd *extruxit aras in Domo Domini, de qua dixit Dominus, in Hierusalem ponam nomen meum*, 4. Reg. 21. v. 4.

Ad primum Respondeo cum Sanctio ad versum 25. cap. citati, novos illos incolas Samaritæ, ex variis Assiriorum locis eò adductos, ut dicitur v. 24. suos quemque Deos attulisse in terram Israël quam sibi Dominus elegerat: nouasque religiones, novos ritus, & noua sacrificia inuexisse: quæ Dominus eo in loco sibi peculiariter destinato fieri non permisit; atque ideo suæ hæreditatis vindicæ leones immisit, qui punirent scelus illud sacrilegum, & possessionem illam antiquam in diuina potestate retineret, ut dicitur v. 25. Quod intelligens rex Assiriorum, à quo illi missi fuerant, misit eis vnum aliquem sacerdotem de captiuorum grege, à quo noui illi habitatores discerent, quid ab ipsis exigeret antiqua illius regionis religio,

Esai. 3. 16. & 18. 1. Machab. 6. v. 59.

Qui cultus à Deo reprehensibilis & punitus?

quosque ritus Deus illius incolis iam ante præscripserat v. 26. & 27. Quem tamen illi non ita audierunt, ut non simul idola sua colerent, siue ritibus à Deo statutis pro religione Iudaica, siue etiam aliis. Nam unaquæque gens fabricata est Deum suum, posueruntque eos in fanis excelsis, ut additur ibidem v. 29. & nihilominus simul colebant Dominum: & cum Dominum colerent, Diis quoque suis seruiebant, iuxta consuetudinem gentium, de quibus transfugerant Samaritanam, ibid. v. 32. & 33.

25. Ad secundum Respondeo, Ahas reprehendi, non simpliciter, quod altare in templo crexisset ad ornatum: nam rex Salomon 3. Reg. 8. non fuit reprehensus eo quod, cum altare æneum non sufficeret tot victimarum millibus à se immolandis, iusserit mediam partem atrii sanctificari, ad holocausta ibi offerenda, in supplementum altaris ænei. Sed reprehenditur rex ille impius, eo quod altare æneum, siue holocaustorum, de loco suo mouerat, & reiecerat in angulum atrii Sacerdotum, ut eius loco alterum idololatriæ, quale viderat Damalci, & gentilitium supponeret, ut dicitur cap. illo 16. v. 10. & quatuor leqq. aliaque multa circa eiusmodi altaria, & lutheram, & mare æneum, & quædam alia statuit, ut additur ibidem v. 17. ac denique impiè, & temerariè mutauit, vel abiecit multa prius à Deo constituta, ut nouam religionem, & instrumenta illi accommodata in templum Domini induceret.

Ad tertium Respondeo, aras illas à Manasse extructas fuisse idololatricas, iuxta id quod immediate sequitur v. 5. *Et extraxit altaria uniuersa militia celi in duobus atrijs templi Domini.* Et paulò post: *Posuit quoque idolum luti, quem fecerat, in templo Domini.* Porro hæc impia Samaritanorum, & prædictorum regum facinora nihil commune habent cum ceremoniis ab Ecclesia institutis, ad maiorem venerationem baptismi, aliorumque sacramentorum, & instructionem, ac deuotionem fidelium. Quare inutiliter & ineptè contra illas proferuntur à Caluino, cuiusque partiaris.

26. Explican-
tur loca
Matth. &
Matthæi. Opponent tertio, Deum apud Isaiam cap. 29. v. 13. & Christum Matth. 15. v. 9. reprehendere eos qui Deum frustra & sine causa colunt, docentes doctrinas, & mandata hominum. Vbi per doctrinas, & mandata hominum intelligi volunt ceremonias, traditiones, & leges Ecclesiasticas. Verum ex verbis præcedentibus Matth. 15. liquet per humi redi doctrinas, & mandata hominum, intelligenda esse illa quæ Dei mandatis, & doctrinæ sunt contraria: iuxta id quod ibidem dicitur v. 3. & leqq. *Quare & vos transgredimini mandatum Dei propter traditionem vestram?* Quia scilicet cum Deus iussisset patrem, & matrem honorari, subsidiisque necessariis iuuari: Pharisei contra & Scribæ dicebant melius esse Deo offerre illa quæ parentibus erant necessaria. Quicumque dixerit patri, vel matri, minus quodcumque est ex me,

id est, quodcumque à me offertur Deo, tibi proderit, perinde ac si tibi dedissem: ideoque præstat offerre Deo, quam tibi dare: *Et non honorificabit patrem, aut matrem suam:* id est, & ita vobis auctoribus sit, ut patrem & matrem non honoret, subueniendo illorum necessitati. Et irritum fecistis mandatum Dei propter traditionem vestram. De his, inquam, traditionibus, & doctrinis præcepto Dei, doctrinæque contrariis loquitur Christus, & Isaias à Christo citatus ibidem: non autem de doctrina, & mandatis legitimis Ecclesiæ, & Prælatorum, quos Christus audiri iubet sicut semetipsum Luc. 10. *Qui vos audit, me audit:* vultque haberi Ethnicorum loco eos, qui Ecclesiam non audierint, Matth. 18. & Paulus Hebr. 13. v. 17. *Obedite præpositis vestris, & subiaceite eis.* Ipsi enim perungunt, quasi rationem pro animabus vestris reddunt. Addo ea quæ Ecclesia docet, aut statuit, non debere dici purè humana, cum auctore Spiritu sancto Ecclesiam gubernante doceantur, & instituantur. Merito enim Apostoli de quibusdam à se in Concilio Hierosolimitano statutis pronunciarunt, *U sum est Spiritui sancto & nobis:* quamuis illa non diuina, sed Ecclesiastica statuta essent. Et quicquid Ecclesia legitimè congregata definit, aut statuit, eodem loco habendum est. Quia ut rectè ait Maldonatus ad locum Matthæi citatum, Spiritus sanctus non minùs Ecclesiæ, quam Apostolis & promissus & exhibitus fuit, imò illi quodammodo magis. Nam Apostolis non propter ipsos, sed propter Ecclesiam, cuius membra erant: Ecclesiæ verò non propter Apostolos, sed propter ipsam datus est, ut eam doceret omnem veritatem, & cum ea maneret usque ad consummationem sæculi.

Opponent quarto, Paulum ad Gal. 5. non pati villo modo ut fidelium conscientiæ in seruitutem redigantur. Ergo non licet instituere ceremonias quæ obligent in conscientia. Et in epist. ad Colossenses cap. 1. & 2. idem Apostolus docet non esse de vero Dei cultu perendam ab hominibus doctrinam, quia Dominus fideliter nos & ad plenum instituit, qualiter sit colendus: damnareque omnes *idola & quæcumque* id est, fictitios cultus, quos homines sibi ipsis comminiscuntur, vel ab aliis accipiunt, & quæcumque de cultu Dei tradere præcepta ex se audient. Ita Caluinus lib. 4. Institutionum capite 10. numero 8. & 9.

Respondeo, Apostolum priore loco manifestè loqui de seruitute legis Mosaicæ, cui non vult Christianos subiici: quippe ab illa per Christum liberatos; ut patet ex initio citati capitis 5. *Stare, & nolite in iugo seruitutis contineri:* Ecce ego Paulus dico vobis, quoniam si circumcidamini, Christus vobis nihil proderit. Et ex sequentibus eodem capite, atque ex tota epistola liquet Apostolum in eo versari, ut doceat Galatas, quibus à Gentilismo ad Christum conuersis Iudei aliqui persuadere volebant legis Mosaicæ obseruationem esse

Quæ ceti
non iussim
probat A-
postolus.

eis necessariam: Doceat, inquam, Iudaismum non esse cum Evangelio suscipiendum; cum Christiani liberi sint à servitute legis veteris, neque possint aut debeant ei subiici: sitque professio illius legis tanquam adhuc necessaria mera Christianismi eversio: quia lex Christi docet, Iudaismum abrogatum esse, neque aliam religionem, præter Christianam, admitti debere, illamque solam & necessariam esse, & sufficere ad salutem. Sed non vult Paulus dicere, non esse vlllo modo ferendum, vt Christiani subiiciantur legitimæ servituti, aut obedientiæ suorum dominorum aut Principum: cum ipse potius variis locis iubeat vtrisque servire & obedire: vt Ephes. 6. versu 5. *Servi obedite dominis carnalibus cum timore & tremore, in simplicitate cordis vestri, sicut Christo &c.* & Rom. 13. v. 1. *Omnis anima potestatibus sublimioribus subdita sit, &c.* & Hebra. 13. v. 17. *Obedite præpositis vestris, & subiaceat eis.*

28. Posteriore loco, id est, cap. 1. & 2. epist. ad Coloss. insectatur Apostolus Simonem magum, & eius Sectatores hæreticos, qui Colossis atque, ac Ephesi, alijque locis sua dogmata disseminabant: Speciatimque docebant non Christum, sed Angelos esse nostræ salutis mediatores, & reconciliatores apud Deum: vt post Chrysost. Ambros. Theophylact. aliosque veteres rectè exponit Cornelius à Lapide. Illique dogmati adiungebant multas observationes Iudaicas & gentilitias: ac fortè etiam, vt aliqui non improbabiliè existimant, Religionem Iudaicam, vt potè ab Angelo traditam, quam idcirco vocabant Religionem Angelorum, præferebant Christianæ, à Christo homine traditæ, de cuius excellentia & diuinitate minus benè sentiebant. Ad quos errores refellendos Paulus cap. 1. extollit Christi maiestatem, affirmatque omnia in ipso condita esse in cælis & in terra, ipsosque etiam Angelos: & ipsum esse caput totius corporis Ecclesiæ, primogenitum omnis creaturæ; Deoque placuisse omnia per eum reconciliare in ipsum, pacificando per sanguinem crucis eius, siue quæ in terris, siue quæ in cælis sunt, atque ita nos habere in ipso redemptionem per sanguinem eius, remissionem peccatorum. Deinde cap. 2. postquam v. 1. & sex consequentibus hortatus est Colossenses vt radicentur & confirmentur in fide & charitate Christi, in quo sunt omnes thesauri sapientiæ & scientiæ absconditi: à versu 8. ad 13. iudaizantium & Pseudophilosophorum erroribus opponit Christum, in quo inhabitat omnis plenitudo diuinitatis corporaliter, & qui est caput omnis principatus & potestatis, & in quo circumcisi sumus spiritualiter, & cõsepulti in baptismo, atque à morte suscitati, qui denique deleuit Chirographum peccati, affigens illud cruci, & de dæmonibus triumphauit. Vnde concludit v. 16 & sequentibus, non amplius observationibus, & ceremonijs Iudaicis per Christum abrogatis, adhærendum esse;

quippe quæ vmbra tantum futurorum erant, Corpus autem Christi: Neque fictam angelorum in superstitiosa humilitate & abstinentia, sed veram Christi vnici mediatoris Religionem sectandam esse. Quæ omnia vt Pauli intentioni & dictisui sunt planè consentanea: sic à Caluini imaginatione sunt longè aliena: Itaque peridæmonius cap. 2. v. 23. quem præcipue vrget Caluinus, intelligit Apostolus, vel Iudaicas ceremonias iam à Christo abrogatas & reprobatas; vel religionem à Simone, Cerintho, & Angelicis confictam contra legem Dei, meraque ipsorum phantasia & voluntate adinuentam præter & contra legem Christi; quam idcirco vocat superstitionem & cultum voluntarium, purèque humanum. At nunquam ostendent hæretici tales esse ceremonias sacramentales ab Ecclesia Christi sponsa præscriptas, instinctu Spiritus sancti, à quo regitur & docetur, ad excitandam pietatem fidelium, & augendam venerationem sacramentorum.

SECTIO IV.

Utrum ceremonia Baptismi habeant aliquem effectum?

29. HÆC quæstio instituitur ad explicandam doctrinam D. Thomæ quæst. 71. art. 3. vbi docet primò, exorcismum qui in baptismo fit, habere potestatem expellendi Dæmonem: iuxta illud D. Augustini lib. 1. de Symb. fidei cap. 1. *Paruuli exsufflantur, & exorcizantur, vt pellantur ab eis Diaboli potestas inimica, quæ deceptis hominem, vt possideret homines.* Secundò, Per saluam typicam & Sacerdotis tactum, sapientiam & virtutem diuinam operari salutem Catechumeni, vt aperiantur ei aures ad audiendum mandata Dei, & vt aperiantur illi sensus in intimo corde ad respondendum: vt ait Rabanus lib. 1. de Institut. Clericorum cap. 27. post medium, Addit tertio, in solutione quarti argumenti, inunctionem Chrismaticam, quæ post baptismum fit in vertice baptizati, operari conseruationem gratiæ baptismalis.

Circa quæ nota primò, Non esse quæstionem de effectu quem huiusmodi ceremoniæ, quando consistunt in aliqua actione humana, possunt habere ex opere operantis, si fiant cum omnibus conditionibus requisitis ad merendum apud Deum de congruo, vel de condigno. Certum enim est, parem esse quoad hoc rationem huiusmodi actionum, atque aliarum quarumlibet honestarum & laudabilium: de quibus generatim diximus Tomo 2. Disputatione vlt. de Merito. Sed quæstio est de effectu qui velut ex opere operato illis respondeat, eo ipso quòd tales actiones externæ ponuntur, simili quodam modo quo sacramentis ipsis respondet effe-

Scarus
quæstionit

aus remissionis peccatorum & gratia sanctificatis, eo ipso quod sunt vel applicantur subiecto non indilposito, ratione diuinæ institutionis.

30.

Nota secundò, Non esse pariter quæstionem de effectu veluti connaturali huiusmodi ceremoniis; vt verbi gratiâ, quod ceremoniæ institutæ ad ornatum & maiorem decentiam baptismi, reuera quemdam splendorem illi conferant, & actio baptizandi augustior inde, speciosiorque appareat. Vel quod ceremoniæ propter aliquam mysticam significationem institutæ, inducant spectatores in notitiam rei significatæ. Hoc enim sequitur connaturaliter ex vi impositionis signi, respectu eorum quibus institutio nota est. Sed quæstio est de effectu aliquo gratuito, solum coniuncto cum tali cerimonia virtute diuina, propter institutionem Ecclesiæ, & promissionem Dei illi adiunctam. Qui effectus esse potest vel gratia habitualis, aut actualis: vel remissio culpæ, aut pœnæ: vel expulsio, aut cohibitio Dæmonis ne noccat: vel aliquod bonum temporale, vt bona valetudo, & alicuius morbi curatio.

31.

Quæ ceremoniæ baptismi sint efficaces?

His præmissis, Respondeo & dico primò, non omnes ceremonias baptismi habere aliquem talem effectum: sed eas solum quæ propter illum specialiter institutæ sunt. Ratio primæ partis est, quia talis effectus non est illis tribuendus sine sufficienti fundamento: Nullum autem est fundamentum tribuendi, posito quod Ecclesiæ, quæ huiusmodi ceremonias instituit, ad hunc effectum non illas ordinauerit. Atqui non omnes ordinauit, sed eas solum, in quarum institutione, aut celebratione, mentionem facit alicuius talis effectus: neque enim aliunde possumus de illius ordinatione & intentione iudicare. Alias verò, vel solum propter maiorem decentiam & reuerentiam sacramenti præscripsit, vt in Baptismo, apparatus loci, & baptizantis ornatum, decentemque & plenum maiestatis agendi modum: vel propter instructionem, vt Catechismum ceremonialem baptismi præmissum: vel ad mysticam tantum significationem, vt trinam immersionem ad Trinitatem personarum diuinarum, vel mortem Christi triduanam representandam.

32.

Virtus exorcismorum.

Secunda pars responsi, quod ceremoniæ illæ, quæ ad aliquem effectum instituuntur ab Ecclesiâ, sint illius efficaces, probatur, quia alioqui frustra Ecclesiâ ad eum finem eas institueret, nisi sua institutione, vel per specialem potestatem sibi concessam diuinitus, aut per preces & suffragia quæ applicat huiusmodi ceremoniis, vel alia ratione, aliquam eis efficaciam daret ad obtinendos effectus quos intendit. Atque ita sine dubio exorcismus adhibitus ante baptismum, habet vim aliquam abigendi Dæmonem, aut coercendi ne baptizando noccat; quia in hunc finem refertur ab Ecclesiâ, vtente facultate sibi à Christo concessa, Marci decimo

sexto, *In nomine meo Dæmones ei sent, vt ex ipsismet exorcismi verbis peripicuum est: vtitur enim in illis Ecclesiâ verbis imperatiuis. Neque tantum in hac cerimonia interponit nomen & crucem Christi, Dæmonibus per eam triumphatis formidabilem, vt terreantur & procul arceantur: neque etiam solum adhibet per illam sua suffragia, & vim impetrandi, quam habet apud Deum, in sanctitate totius Ecclesiæ fundatam, cuius personam sustinet minister baptismi: sed verè exercet potestatem imperandi Dæmonibus sibi concessam a Christo, quam communicat exorcistis, & specialiter annectit formæ exorcizandi, quam in baptismo, vel extra, seruandam instituit.*

33.

Esse autem in Ecclesiâ hanc potestatem dubitari nequit, tum propter verba Christi supra relata ex Marci decimo sexto, tum propter antiquorum testimonia, ipsamque experientiam, quæ ex perpetuo eius usu habetur. Nam etiam nunc videre est quod ait Iustinus in Dialogo cum Thryphone: *Illi per nomen Iesu Christi adiurati à nobis, parent.* Et quod ait Tertullianus in Apologetico capite vigesimo tertio, *Christum timentes in Deo (dæmones) & Deum in Christo, subiiciuntur seruis Dei & Christi.* Etiam de corporibus nostro imperio exsecrant inuiti & dolentes. Et quod ait Cyprianus in libro ad Demetrianum, *O si audire eos, & videri velles, quando à nobis adiurantur, & torquentur spiritualibus flagris, & orationis flagellis exire cogimus.* Et quod ait Lactantius libro quarto Institutionum capite vigesimo septimo initio, *Sicut Christus cum inter homines ageret, universos Dæmones verbo fugabat, &c. Ita nunc sectatores eius, eosdem spiritus inquinatos, de hominibus nomine magistri sui, & signo passionis excludunt.* Et denique, vt ait Augustinus libro sexto, contra Iulianum capite quinto, *Verum est quod antiquitus veraci fide Catholica prædicatur, & creditur per Ecclesiâ totam, quæ filios fidelium nec exorcizaret, nec exsufflaret: si non eos de potestate tenebrarum, & à principe mortis erueret.* Et auctor Hypognosticon apud eundem Augustinum libro quinto, capite octauo, *Parvuli propterea catechizantur, & exsufflantur, ac baptizantur, vt princeps huius mundi Diabolus ex eis foras mittatur.* Itaque iuxta fidem veteris Ecclesiæ, & sanctorum Patrum traditionem, valet hic exorcismus ad pellendum Dæmonem, liberandumque hominem baptizandum ab eius potestate.

34.

Quare meritò Diuus Thomas quæstione septuagesima prima, articulo tertio in corpore affirmat eos falli, qui dicunt, ea quæ in exorcismo aguntur, nihil efficere, sed solum significare. Quod falsum, inquit, esse patet, per hoc quod Ecclesiâ in exorcismis vtitur verbis imperatiuis ad expellendam Dæmonis potestatem: putâ cum dicit


quæ apud Deum magnam impetrandi vim habent ex eo quod Ecclesiam diligit sicut sponsam: tamen non infallibiliter assequitur quicquid postulat. Quod etiam verum esse existimo de remissione venialium, iuxta ea, quæ dicemus inferius de aqua lustrali, & quibusdam aliis disputando de remissione venialium, ad quæst. 87. D. Thomæ. Quod verò attinet ad remissionem pœnæ temporalis ex peccato mortali, aut veniali dimisso restantis; certum est posse Ecclesiam applicare, per modum Indulgentiæ, thesaurum satisfactionum Christi, & sanctorum, aliquibus sacramentalibus, ut eorum intuitu pœna remittatur: licet non satis constet Ecclesiam ad hunc finem instituisse ceremonias sacramentorum: neque id sit verisimile de ceremoniis Baptismi, quippe qui per se solum

sufficiens est ad omnem pœnam simul cum culpa tollendam: ideoque non eget subsidio sacramentalium ad hunc effectum. Possunt etiam institui, & reipsa fuerunt instituta aliqua sacramentalia præter exorcismos, ad coercendos, aut repellendos Dæmones: ut signum crucis, & aqua Lustralis. Atque etiam ad bona temporalia impetranda, vel auerenda mala: ut illa, quibus utitur Ecclesia ad impetrandam aëris serenitatem, ad auerendas tempestates, ad abigenda nociua animalia per adiurationes, quarum meminit Divus Thomas 2. 2. quæst. 10. artic. 3. Et interdum per illa, perque ipsa sacramenta Deus operatur sanitates miraculosas: ut de Constantino per Baptismum sanato à lepra refertur in vita S. Sylvestri Papæ.

DISPUTATIO VIGESIMA-SEPTIMA,

De Confirmatione.

- Sectio I. *An & quid sit Confirmationis sacramentum, & quando institutum?*
 Sectio II. *Respondetur Calvinistarum instantiis.*
 Sectio III. *De materia, & forma sacramenti Confirmationis.*
 Sectio IV. *De effectu, & necessitate Confirmationis.*
 Sectio V. *De subiecto, & ministro eiusdem sacramenti.*



DE sacramento Confirmationis disputat S. Thom. q. 72. & art. 1. docet præter Baptismum, vi cuius homo spiritalem vitam accipit per modum generationis, dari sacramentum Confirmationis, in quo accipit quandam perfectam ætatem spiritualis vitæ. Ut enim rectè dicit Melchiades Papa in epist. ad Episc. Hispaniæ, *Spiritus sanctus qui super aquas Baptismi salutifero descendit lapsu, in fonte plenitudinem tribuit ad innocentiam, in Confirmatione augmentum præstat ad gratiam. In Baptismo regeneramur ad vitam, post Baptismum confirmamur ad pugnam. In Baptismo ablui mur, post baptismum roboramur.* 2. Chrisma ex oleo, & balsamo confectum esse convenientem materiam huius sacramenti: quia oleum significat plenitudinem Spiritus sancti, quæ in Confirmatione datur ad robur spiritale competens perfectæ ætati, in qua, quia incipit homo communicare aliis suas actiones, cum antea sibi soli singulariter viveret, admiscetur oleo Balsamum, propter fragrantiam odoris, quæ redundat in alios, iuxta illud 2. Corinth. 2. *Christi bonus odor sumus*: atque etiam quia Balsamum incorruptionem præstat. 3. Chrisma debere benedici, priusquam adhibeatur ad usum huius sacramenti: quia Christus non est usus unctione visibili Chriftatis, ita ut eius usu aptitudinem

Patrum testimoniis, quæ contra hæreticos paulò post proferemus. Secunda verò pars, quæ continet huius sacramenti definitionem, partim colligitur ex Florentino in eodem Decreto §. *Horum quinqu prima*, & §. *Secundum Sacramentum*, &c. partim declarabitur, cum de materia, forma, effectu, ministro, & subiecto Confirmationis disputabitur.

2. **Quandom institutum** Secunda conclusio: Tempus quo præcisè institutum fuit à Christo sacramentum Confirmationis incertum est. Probabilius videtur non fuisse perfectè, & plenè institutum, nisi post resurrectionem, quando Christus Apostolos instituit in Episcopos, Ioan. 10. vers. 21. & 22. Episcopi enim sunt ministri ordinarii huius sacramenti; & soli, vi suæ Ordinationis, habent potestatem confirmandi, ut docet Concil. Trident. sess. 23. cap. 4. Institutio autem sacramenti alicuius, ut perfectè sit, ea esse debet, ut non modò sacramenti substantia, seu materia, & forma per eam constituatur: sed etiam detur potestas ad exequendum necessaria, nisi aliunde supponatur iam data, vel habita. Quod verò ait Concilium Senonense fuisse hoc sacramentum institutum à Christo, quando parulis sibi oblaris manus imposuit Matth. 19. intelligendum est de institutione non perfectè, sed inchoata in designatione: quatenus illa manus impositione designavit, & in figura quadam expressit eam, quæ facienda erat in sacramento Confirmationis. Similique sensu D. Thom. quæst. 72. artic. 1. ad 2. dicit Christum instituisse hoc sacramentum, non exhibendo, sed promittendo, pridie mortis suæ, quando Apostolis dixit Ioan. 17. *Si non abiero, Paracletus non veniet ad vos. Si autem abiero, mittam eum ad vos.*

Non ante passionem. Sed hæc non sufficiunt, ut Christus dicatur instituisse verè, & propriè sacramentum Confirmationis ante passionem. Nam aliud est instituere propriè, & formaliter, & aliud præsignificare tantum, vel promittere. Deinde promissio illa, de qua Divus Thomas, pertinebat potius ad missionem Spiritus sancti in die Pentecostes; in qua, licet quoad effectum confirmavit Apostolos Christus, non tamen adhibito sacramento Confirmationis, sed alio eminentiori modo per potestatem excellentiæ: sicut eisdem absque sacramento ordinaverat antea in sacerdotes, & Episcopos: & sine sacramento Pœnitentiæ remiserat peccata Paralytico, & Magdalenz.

3. **Contraria sententia.** Non sufficit etiam quod nonnulli obijciunt ad probandum hoc sacramentum fuisse omnino, & perfectè institutum pridie passionis: Christum scilicet post ultimam cœnam, egresso Iuda, longam illam concionem ad Apostolos habuisse, quam refert Ioan. cap. 13. & quatuor sequentibus: eosque multa docuisse de statu futuro Ec-

clesiæ, deque fidei persecutionibus: atque inter alia promississe se fidelibus daturum Spiritum sanctum, & virtutem proficendi fidem constanter; unde colligunt probabiliter docuisse simul modum, quo Spiritum sanctum ad illum finem dare decreuerat, quia Fabianus antiquissimus Papa in epist. ad Orientales cap. 1. (si tamen verè illius est) affirmat se à suis prædecessoribus, & illos ab Apostolis accepisse, quòd Christus Dominus, postquam cœnavit cum discipulis, docuit inter alia modum conficiendi chrisma in usum Confirmationis. Atque ita suo tempore sentire vniuersam Ecclesiam Romanam, Antiochenam, Hierosolymitanam, & Ephesinam.

Refutatur. Hoc, inquam, non sufficit ad probandum id quod intendunt aduersarii. Quia designare materiam sacramenti, & docere modum, quo sit conficienda, & adhibenda (quod probabiliter fecisse Christum post cœnam ultimam satis probat obiectio) imò etiam simul docere formam in sacramento usurpandam, non est adhuc perfectè illud instituire, donec detur potestas illud celebrandi: quæ potestas cum supponat ordinem Episcopalem, non fuit data antequam Christus Apostolos fecit Episcopos post resurrectionem. Sine causa enim diceretur Christum cum illis dispensasse: neque id gratis, & sine fundamento dici debet.

Contra primam conclusionem obijciunt Calvinistæ, sacramentum Confirmationis non haberi in Scriptura, sed esse inuentum Melchiadis Papæ, nullumque antiquorum vocasse propriè sacramentum: ac denique robur, & firmitatem spiritualemente debere acquiri cibo, & potu spirituali, sicut firmitas corporis acquiritur corporeo: Ideoque post Baptismum, quo spiritualiter renascimur, non esse opus nisi cibo, & potu Eucharistico: quæ duo sola sacramenta agnouerunt antiqui, Ambros. in libris de Sacram. August. epist. 118. & lib. 3. de Doctr. Christ. cap. 9. & alii. Qui si aliquando vocant aliquid aliud nomine sacramenti, latè illud sumunt, eo pacto, quo Euangelium quoque, & Incarnationem, aliaque mysteria vocant sacramentum.

5. **Non omnia credenda sunt expressè in Scriptura.** Resp. primò, Nunquam probatum esse à Calvinistis, neque probari posse, nihil esse tenendum fide diuina, nisi habeatur expressè in Scriptura: quasi verbum quodcunque diuinum, siue scriptum, siue non scriptum, non sit æquè dignum fide propter infallibilè Dei loquentis auctoritatè independentem à characteribus: vel certitudo diuinæ revelationis non possit aliunde haberi, quàm ex scripto, & characteribus, à quibus omnino pèdeat: Cum potius certitudo quam habemus quòd hæc Scriptura sit diuina, pendeat aliquatenus ex antiquorum traditione ad nos usque perueniente. Quasi verò etiam Scriptura ipsa diuina non commendat diuinas traditiones non scriptas, in rebus quoque ad fidem pertinentibus, 2. Thess. 2. v. 14. & 2. Timor. 1. v. 14. & ca. 2. v. 2. Quæ loca nos alibi expendimus.

dimus. Quasi denique non ipsimet hæretici multa credant de Trinitate, aliisque mysteriis, quæ in Scriptura non sunt prorsus expressa. Imò ne ipsam quidē Scripturam cered, & infallibiliter tenent esse verē diuinā, & tot libris, tot capitibus, tot versibus, totque verbis constare, nisi constanti traditione accepta per Ecclesiam: Cuius etiam est determinare, Spiritu sancto assistente, verum sensum Scripturæ, cum verba minus clara sunt: ne, si priuato sensu, & spiritu ducamur, circumferamur omni vento doctrinæ, vt ait Paulus Ephes. 4. vers. 14. Quod clara hæreticorum huius temporis in tot sectas diuisorum, & Scripturam tam variè interpretantium, experientia notissimum facit.

Confirmatio-
nis sa-
cram. pro-
bat ex
Scriptura.

Respondéo secundò, Non haberi quidem expressè in Scriptura quòd Confirmatio sit sacramentum: vt neque habetur de baptismo, & Eucharistia: nulquam enim legitur in Scriptura, Baptismus est sacramentum: vel Eucharistia est sacramentum: de quibus tamen Calvinistæ non dubitāt. Verum sicut mentio fit de baptismo, & Eucharistia, eorūque effectu Ioan. 3. Matth. vltimo, Luc. 22. aliisque locis, ex quibus iuxta sensum, & interpretationem Ecclesiæ, ac traditionem vsque ab Apostolis, habemus esse propriè sacramenta: Sic ceremoniæ Confirmationis, atque illius effectus, id est, Spiritus sancti per illam dati, mentio fit Act. 8. & 19. cum eodem Ecclesiæ sensu, & interpretatione, ac traditione. Quare non minus certum esse debet Confirmationem esse sacramentum, quàm baptismum, & Eucharistiam. Constat enim ex locis Act. citatis Apostolos constanti cerimonia conuenerunt baptizatis manum imponere, & Spiritum sanctum infundere. Vnde illud Act. 8. vers. 18. *Cum vidisset autem Simon quia per impositionem manus Apostolorum daretur Spiritus sanctus.* (nota particulam causalem, *Per*) obuiè expectatum di est: *Dare & mihi hæc potestatem, vt cuiusque impositione manus accipiat Spiritum sanctum.* Cui Petrus, Simoniam tantum reprehendens, *Pecunia tua recum sit in perditionem; quoniam conum Dei existimasti pecuniā potestatis.* Hac autem cerimonia constanter vsi non fuissent Apostoli ad effectum illum infallibilem infusionis Spiritus sancti, nisi Christus ita instituisset, & effectum illum infallibiliter annexuisset: neque enim possunt homines sua sola vi & auctoritate alligare infallibiliter Spiritum sanctum externæ alicui ceremoniæ, vt per se notum est, & agnoscit ipse Calvinus lib. 4. Institut. cap. 19. §. 2. En ergo duo illa, quæ idem eodem lib. cap. 14. §. 1. ad sacramenti constitutionem solum requirit, externum nempe symbolum, & promissionem gratiæ, quam Deus tali symbolo conscientijs nostris obfignet.

Caluin.

7.

Quod si vterius requirant Calvinistæ ad esse sacramenti, vt sit commune omnibus (quanquam id falsò, & sine Scripturæ fundamento requirunt in omne sacramento)

constat Apostolos indifferentē omnibus baptizatis manum impoluisse. Si requirunt vterius permanentiam, seu continuationem, constat ex Patribus vicinis Apostolorum illam ceremoniam fuisse deinceps in Ecclesia constanter usurpatam, vt scilicet Episcopi baptizatis manum imponent ad exemplum Apostolorum, eisque tali cerimonia Spiritum sanctum infunderent. Id enim aperte testantur Clemens Roman. 3. Constit. cap. 10. 16. & 17. Dionys. de Eccles. Hierarch. cap. 2. p. 2. Tertull. lib. de Resurrect. carnis cap. 8. Urban. in epist. Decret. cap. 7. Cyprian. epist. 73. ad Iubaian. Concilium Eliberinum can. 38. Euseb. Papa epist. 3. in fine, Melchiad. Papa & martyr in epist. ad Episc. Hisp. c. 2. Concil. Arelat. I. can. 8. & II can. 17. Vtrumque autem Concilium sub Syluestro Papa celebratum est. Cyrillus Hierosol. Catech. 3. mystag. Nazianz. orat. 40. in sanctum Baptisma, Hieron. in Dial. contra Lucifer. Ambros. lib. 3. de Sacram. cap. 2. August. lib. 15. de Trinit. cap. 26. & lib. 3. de Bapt. cap. 16. & tract. 6. in epist. Ioan. & lib. 2. contr. lit. Petil. cap. 104. Innocent. I. in epist. ad Decentium c. 3. Leo epist. 88. Theodoret. in cap. 1. Cant. Qui omnes quinque primis Ecclesiæ sæculis floruerunt, ad quos Nouatores prouocare solent. Eorum autem testimonia legi possunt apud Baron. ad an. Christi 35. Lorin. in cap. 8. Act. & Bellarm. lib. 1. de Confirm. cap. 3. & tribus sequentibus.

Ex quibus etiam constat, quàm falsum sit quod secundo loco obijciunt Calvinistæ, Confirmationem esse inuentum Melchiadis Papæ. Cum longè ante Dionysius, Clemens Rom. Clem. Alex. Tertull. Cyprian. Urban. Cornelius, & alii Confirmationis expressè meminerint, eamque ad vsum: & exemplum Apostolorum retulerint. Cyprianus enim epist. citata, postquam retulit factum Apostolorum Petri & Ioannis Act. 8. subiicit: *Quod nunc quoque apud nos geritur, vt qui in Ecclesia baptizantur, prapropis Ecclesiæ offerantur, & per nostram orationem, ac manus impositionem Spiritum sanctum consequantur, & signaculo dominico consummentur.*

Quod addunt tertio, Neminem antiquorum Confirmationem appellasse propriè sacramentum, aperte quoque falsum est. Nam non tantum ei tribuunt re ipsa quidquid sacramento propriè dicto conuenit, (quid autem de nomine litigatur, si res habetur?) sed & nomen sacramenti expressè illi dant, eodem sensu, quo baptismo. Cyprian. epist. 72. ad Stephanum Papam de Bapt. & Confirmat. loquens sic ait: *Tum demum plenè sanctificari, & esse filii Dei possunt, si sacramento utroque nascentur.* August. lib. 2. contra lit. Petil. c. 104. *In hoc unguento, inquit, sacramentum Chrismatis vult Petilianus interpretari. Quod quidem in genere visibilium signaculorum sacrosanctum est, sicut ipse baptismus: sed potest esse in hominibus pessimus. Et inferius: Discerne igitur visibile & sanctum sacramentum, quod*

8.

Probant
ex Patrib.
Confirmatio-
nem esse
sacram.

Cyprian.

August.

esse in bonis, & in malis potest; illi ad prænium: ipsi ad iudicium; ab inuisibili vñctione charitatis, quæ propria bonorum est. Vbi nota, Confirmationem non tantum sacramentum vocari, sed & baptismo æquiparari, & effectum sacramenti proprium illi tribui.

9. Ad quartum Respondeo primò, Falsum esse quod per solam nutritionem acquiratur robur, & firmitas: nam etiam vñctione, & exercitatione, & aliis modis acquiratur. Secundò, firmitas & corroboratio data per Confirmationem, non est quolibet, sed velut militaris, & athletica, ad fidem fortiter proficendam, & defendendam, vt docent Patres, & Concilia citata. Tertiò, corroboratio, & firmitas per nutritionem non nisi sensim, & longo tempore habetur. Deo autem placuit firmitatem spiritalem citius perficere, vt etiam fecit in Apostolis infusione illa mirabili Spiritus sancti in die Pentecostes, cui respondet, quoad effectum, Confirmatio sacramentalis, quæ aliis præstitit deinceps, quod tunc Apostolis missio illa visibilis Spiritus sancti, quoad spiritalem corroboracionem. Vnde Hieron., in Dialogo contra Luciferian. *Disce*, inquit, *hanc obseruationem*, confirmandi baptizatos, *ex ea auctoritate descendere*, quod post ascensum Domini Spiritus sanctus ad Apost. descendit.

Hieron.

10.

Ad quintum Respondeo, Ambrosi. in libris de Sacram. aperte numerare Confirmationem inter sacramenta propriè dicta cū Baptismo, & Eucharistia. Nam lib. 1. initio sic ait recens baptizatis: *De sacramentis, quæ hodie accepistis sermonem adorior*. Tum postquam egit de baptismo, incipiens agere de Confirmatione lib. 3. c. 2. *Sequitur*, inquit, *signaculum spiritale, quod audistis hodie legiti*, quia post fontem, id est, post baptismum, sequitur, vt perfectio fiat, quando ad inuocationem sacerdotis infunditur Spiritus sanctus. Deinde post Confirmationem agit de Eucharistia, in cuius explicatione finit libros de Sacram. quia, vt initio proposuit, non suscepit dicere, nisi de iis, quæ omnes baptizati adulti eodem die cum baptismo statim recipiebant: quæ erant illa tria, Baptismus, Confirmatio, & Eucharistia; vt constat ex historiis Ecclesiasticis. August. verò locis citatis in obiectione non ait duo tantum illa esse sacramenta: sed duo illa ponit loco exempli. Et in epist. illa 118. postquàm dixit Christum paucissimis sacramentis societatem noui populi colligasse, sicuti est Baptismus Trinitatis nomine consecratus, & communicatio corporis, & sanguinis ipsius, addit, *Et si quid aliud in scripturis canonicis commendatur*, innuens verbis illis se non omnia commemorare. Aperte verò plura esse docet conc. 1. in Psal. 103. ad illa verba, *Qui regis aquis superiora eius*, vbi sic inquit: *Respice ad munera ipsius Ecclesia, munus sacramentorum, in Baptismo, in Eucharistia, in cæteris SS. sacramentis*. Et epist. 119. ad Ianuar. c. 7. *Ad celebrationem*, inquit, *sacramentorum* *et inuisibilium rebus, aqua, frumẽto, vino, & oleo*. Vbi vides numerari materias omnium sacramentorum, exceptis Pœnitentia, & Maritonio; quæ non habent materiam conse-

cratam. Suprà quoq; ostendimus Cyprian. & August. vocare Confirmationem propriè sacramentum, & cum Baptismo comparare. Nec vñciam illi, vel alii Patres baptismum magis propriè sacramentum vocant, quàm Confirmationem. Adde Euseb. Papam epist. 3. & Melchiam in ep. ad Episc. Hispaniæ, vbi rogatus vtum maius esset sacramentum, Baptismus an Confirmatio? *Scitote*, inquit, *vtumque magnum esse sacramentum*. Et addit Confirmationem in eo præstare Baptismo, quod à solis Episcopis confertur: exemplo scilicet Apostolorum. Cùm enim ad Philippum Diaconi prædicationem recepissent Samaritani verbum Dei, & baptizati fuissent; missi sunt Petrus, & Ioannes Apostoli, & Episcopi, vt quod Philippus non poterat, baptizatis manum imponerent, eaque cerimonia Spiritum sanctum illis conferrent. *Nondum enim in quemquam illorum venerat, sed baptizati tantum erant in nomine Domini Iesu*, Actor. 8.

SECTIO II.

Respondetur Calvinistarum instantiis

AT, inquit Nouatores, non idem est quod nunc fit ab Episcopis, & quod ab Apostolis factum narratur Act. 8. & 19. Nam 1. ab Apostolis dabatur Spiritus sanctus cum dono linguarum; aliisque donis, quæ iam non dantur ab Episcopis. 2. Apostoli tantum manus imponebant: Confirmatio nostra fit vñctione Chrismatis. 3. Confirmatio nostra nõ potest iterari: Secus illa manuum impositio, teste August. lib. 3. de Bapt. c. 16. in fine vbi sic habet: *Manus autem impositio non sicut Baptismus repeti non potest*. Quid enim est aliud, quàm oratio super hominem? 4. Denique Calu. l. 4. Institut. c. 19. n. 6. huic manuum impositioni, inquit, nõ alius mysterium subesse cogito. Sed eiusmodi ceremoniam ab illis adhibitam interpretor, vt ipso gestu significarent se Deo commendare, & velut offerre eum, cui manus imponebant. Addit ibid. n. 12. Etiam si tota antiquitas à nobis staret, nos nihil conficeret. Quia sacramentum non est è terra, sed è cælo: non ab hominibus, sed ab vno Deo.

Calu.

Respondeo, Idem nunc fieri à nostris Episcopis, quod fiebat ab Episcopis quinq; priorum sæculorum Ecclesiæ, vt aperte constat ex locis Patrum, & Concil. supra cit. Idem verò Patres testantur Ecclesiam tunc fecisse per Episcopos, id quod fecerant Apostoli, eorūque exemplum esse secutam. Sic enim ait Cyprian. ep. 73. loquens de facto Petri, & Ioannis Apostol. Act. 8. *Quod & nunc quoque apud nos geritur, vt qui in Ecclesia baptizantur, Præpositis Ecclesiæ offerantur, & per nostram orationem, ac manu impositionem, Spiritum sanctum consequantur, & signaculo Domini confirmantur*. Hieron. in Dial. contra Luciferian. postquàm dixit Episcopos dare baptizatis Spiritum sanctum per manus impositionem, subiungit;

Idem quod fecerunt Apostoli, facit nũc Ecclesia in confirmatione.

D d d 3.

August. Exigis ubi scriptum sit in actibus Apostolorum. Sed etiam si Scripturae auctoritas non subesset, totius orbis in hanc partem consensus instar praecipi obtineret. D. August. 15. de Trin. c. 26. Orabant, inquit de Apostolis Act. 8. ut veniret Spiritus sanctus in eos quibus manus imponebatur. Quam morem in suis praepositis etiam nunc servat Ecclesia. Innocentius 1. Epist. 1. ad Decentium cap. 3. Hæc autem Pontificis solis debere ut vel consignent, vel paracletum Spiritum tradant, non solum consuetudo Ecclesiastica, demonstrat verum et illa lectio Act. Apost. quæ affert Petrum et Ioannem esse directos, qui iam baptizatis traderent Spiritum sanctum. Et Damianus Papa Epist. 4. de Chorepiscopis, &c. Quod autem solis Apostolis coramque successoribus proprium sit officium tradere Spiritum sanctum, liber actuum Apostolorum docet, &c.

Innocent. Ad primam instantiam in contrarium Respondeo verbis D. Augustini lib. 3. de Bapt. c. 16. Non amplius (inquit) temporibus et sensibilibus miraculis attestantibus per manus impositionem modò datur Spiritus sanctus, sicut antea dabatur ad commendationem rudis fidei, et Ecclesie primordie dilatanda. Quis enim nunc expectet ut quibus manus ad accipiendum Spiritum sanctum imponitur, repente incipiant linguis loqui? sed invisibiliter et latenter intelligitur per vinculum patris eorum coramque divina charitas inspirari, ut possint dicere, Charitas Dei diffusa est in cordibus nostris per Spiritum sanctum qui datus est nobis. Similia habet tract. 6. in Epist. Ioan. Dico igitur cum Augustino, licet donum linguarum cessauerit, ut et frequens usus aliorum miraculorum quæ propter Ecclesie nascentis necessitatem tunc fiebant: eandem tamen substantialiter fuisse illam ceremoniam cum ea quæ deinceps ab Episcopis usurpata est, eundemque effectum sacramentalem habere, nempe infusionem Spiritus sancti. Donum verò linguarum erat beneficium accidentariò illi coniunctum.

Damas. Ad secundam respondet primò S. Thom. q. 72. a. 2. ad primò, Apostolos aliquando sola manus impositione confirmasse, sæpius verò et communiter chrismare. Sed quia hæc distinctio seu varietas non habet solidum fundamentum, Respondeo 2. cum Vvaldensi, Bellarm. Valentia, & aliis, negando antecedens. Licet enim Scriptura tantum expresse loquatur de manus impositione; non tamen negat fuisse factam ungendo caput baptizati in fronte. Aliunde verò ex Antiquorum testimoniis clarè habemus ita ab Apostolis factum fuisse. Nam antiqui suprà citati aperte docent ceremoniam suo tempore usurpatam ab Episcopis, esse illud ipsum quod fecerant Apostoli Act. 8. & 19. Quod autem manus impositio Episcoporum illo tempore primitivæ Ecclesie quæ Apostolos vidit, aut proximè secuta est, fieret cum inunctione, docent expresse Patres illius temporis, Dionysius de Ecclesiast. Hierarch. cap. 2. parte 2. in fine, Baptizatum induit alba veste ad Pontificem ducunt. Ille divino ac deifico prorsus unguento virum signat, & cap. 4. parte 3. Sed et

August. ipsi qui sacratissimo regenerationis mysterio consecrantur aduentum Spiritus sancti consummans inunctio largitur. Tertul. lib. de Resurrect. carnis cap. 8. Caro abluitur, ut anima emaculetur. Caro ungitur, ut et anima consecratur. Caro signatur, ut et anima munatur. Caro manus impositione adumbratur, ut et anima spiritu illuminetur. Caro corpore et sanguine Christi vescitur, ut et anima de Deo saginetur. Cyprian. lib. 1. epist. ult. Unus quoque necesse est cum qui baptizatus sit, ut chrismate accepto, &c. Cyrillus Cathec. 3. myriagoga. Corpus quidem isto visibili unguento perungitur: anima vero sancto ac invisibili spiritu sanctificatur. Nazianz. orat. in S. Baptisma, Animum scilicet et corpus unctione et spiritu consignans. August. lib. 2. contra literas Petilianæ cap. 104. In hoc unguento sacramentum Chrismatæ, &c. Theodoretus comment. in caput primum Canticor. Qui in baptismate, post satanae abnegationem et confessionem fieri, veluti signo ac nota regi, spiritualis unguenti chrismate inuncti, sub ea visibili unguenti specie, invisibilem sanctissimi Spiritus gratiam percipiunt.

August. Ad certiam Respondeo, Præter manus impositionem confirmativam, de qua hic loquimur, aliam fuisse et esse nunc multiplicem; nempe curativam, de qua Marc. ult. Super ægros manus imponent, et bene habebunt: Ordinativam, de qua 1. Timoth. 4. Noli negligere gratiam quæ in te est, quæ data est tibi per impositionem manuum presbyterij. Reconciliativam, de qua Concil. Carthaginens. IV. can. 80. Arausicanum 1. can. 3. Agathense can. 11. Deprecativam, de qua Actor. 13. Tu autem ieiunantes, et orantes, imponentesque eis manus, dimiserunt illos. D. August. loco cit. in obiecti-
14. onibus loquitur de hac ultima: vel porius de reconciliativa, & specialiter de illa quæ in sacramento Pœnitentiæ fit ad reconciliandum pœnitentem cum Deo & Ecclesia. Vide Bellarminum lib. 2. de Confirm. cap. 7.

S. Thom. Ad quartam Respondeo, Caluini cogitationem esse ineptam. Nam aperte constat ex Actor. 8. & 19. Apostolos per manus impositionem dedisse Spiritum sanctum. Ergo alius quoddam mysterium hic suberat, quàm commendandi & offerendi Deo. Deinde cur Philippus Diaconus non imposuisset manus Samaritanis à se baptizatis, sed opus fuisset expectare Apostolos Petrum & Ioannem? Nam quisque poterat facillè baptizatos à se, commendare Deo, & offerre. Quid item opus fuisset Apostolos eò mittere, quasi non possent orare pro absentibus, eosque Deo commendare & offerre: aut quasi ad fidei commendationem non sufficerent alia miracula, quæ tam multa fiebant à Philippo apud eosdè Samaritanos à se cōversos & baptizatos. Alterum verò Caluini dictum æquè ineptum est. Non enim est questio, an sacramentum hoc sit ab hominibus, sed an fuerit à Christo institutum? Cuius institutionis testem proferimus totam antiquitatem, quam suis imaginationibus post 15. sæcula postponere, præsertim in quæst. facti, intolerabilis est impudetiæ & insanitiæ.

Tertull. ipsi qui sacratissimo regenerationis mysterio consecrantur aduentum Spiritus sancti consummans inunctio largitur. Tertul. lib. de Resurrect. carnis cap. 8. Caro abluitur, ut anima emaculetur. Caro ungitur, ut et anima consecratur. Caro signatur, ut et anima munatur. Caro manus impositione adumbratur, ut et anima spiritu illuminetur. Caro corpore et sanguine Christi vescitur, ut et anima de Deo saginetur. Cyprian. lib. 1. epist. ult. Unus quoque necesse est cum qui baptizatus sit, ut chrismate accepto, &c. Cyrillus Cathec. 3. myriagoga. Corpus quidem isto visibili unguento perungitur: anima vero sancto ac invisibili spiritu sanctificatur. Nazianz. orat. in S. Baptisma, Animum scilicet et corpus unctione et spiritu consignans. August. lib. 2. contra literas Petilianæ cap. 104. In hoc unguento sacramentum Chrismatæ, &c. Theodoretus comment. in caput primum Canticor. Qui in baptismate, post satanae abnegationem et confessionem fieri, veluti signo ac nota regi, spiritualis unguenti chrismate inuncti, sub ea visibili unguenti specie, invisibilem sanctissimi Spiritus gratiam percipiunt.

August. Ad certiam Respondeo, Præter manus impositionem confirmativam, de qua hic loquimur, aliam fuisse et esse nunc multiplicem; nempe curativam, de qua Marc. ult. Super ægros manus imponent, et bene habebunt: Ordinativam, de qua 1. Timoth. 4. Noli negligere gratiam quæ in te est, quæ data est tibi per impositionem manuum presbyterij. Reconciliativam, de qua Concil. Carthaginens. IV. can. 80. Arausicanum 1. can. 3. Agathense can. 11. Deprecativam, de qua Actor. 13. Tu autem ieiunantes, et orantes, imponentesque eis manus, dimiserunt illos. D. August. loco cit. in obiecti-
15. onibus loquitur de hac ultima: vel porius de reconciliativa, & specialiter de illa quæ in sacramento Pœnitentiæ fit ad reconciliandum pœnitentem cum Deo & Ecclesia. Vide Bellarminum lib. 2. de Confirm. cap. 7.

16. Ad quartam Respondeo, Caluini cogitationem esse ineptam. Nam aperte constat ex Actor. 8. & 19. Apostolos per manus impositionem dedisse Spiritum sanctum. Ergo alius quoddam mysterium hic suberat, quàm commendandi & offerendi Deo. Deinde cur Philippus Diaconus non imposuisset manus Samaritanis à se baptizatis, sed opus fuisset expectare Apostolos Petrum & Ioannem? Nam quisque poterat facillè baptizatos à se, commendare Deo, & offerre. Quid item opus fuisset Apostolos eò mittere, quasi non possent orare pro absentibus, eosque Deo commendare & offerre: aut quasi ad fidei commendationem non sufficerent alia miracula, quæ tam multa fiebant à Philippo apud eosdè Samaritanos à se cōversos & baptizatos. Alterum verò Caluini dictum æquè ineptum est. Non enim est questio, an sacramentum hoc sit ab hominibus, sed an fuerit à Christo institutum? Cuius institutionis testem proferimus totam antiquitatem, quam suis imaginationibus post 15. sæcula postponere, præsertim in quæst. facti, intolerabilis est impudetiæ & insanitiæ.

Vnctio
charismati-
ca fuit ad-
hibita ab
Apostolis,
in confir-
mac.

Dionys.

17.
Manus im-
positio fuit
multiplex
in primiti-
ua Ecclesia.

18.
Carthagi-
Agathense
Arausic. 1.

Maximè verò cum, spreto testimonio antiquitatis, non possit Calvinus magis probare efficaciter vel Baptismum, vel Eucharistiam esse propriè sacramenta; imò neque Scripturam ipsam esse verè & integrè diuinam.

SECTIO III.

Quæ sit huius sacramenti materia & forma?

27. **D**E materia & forma Sacramenti Confirmationis Florent. in Decreto sic pronunciat: *Secundum sacramentum est Confirmatio: cuius materia est chrisma, confectum ex oleo, quod nitorem significat conscientia; & balsamo, quod odorem significat bonæ famæ, per Episcopum benedicto. Forma autem est, Signo te signo crucis, & confirmato chrismate salutis, in nomine Patris, & Filii, & Spiritus sancti.* Hæc Concilium: Cuius priora verba intelligenda sunt de materia remota, quæ est chrisma, ut patet ex usu & sensu antiquissimo Ecclesiæ, cuius testes sunt Dionysius in lib. de Ecclesiast. Hierarch. cap. 2. part. 2. ubi illud vocat, *unguentum Deiſcum*: Cyrillus Catech. 3. Myſtag. ubi vocat *chrisma Christi*, quo frons perungitur, anima verò sancto ac viuifico spiritu sanctificatur: Cyprianus lib. de Cardinalibus Christi operibus Serm. de vñctione chrismatis initio, ubi sic habet: *sacrum chrisma conficitur, in quo mixtum oleo balsamum &c.* August. lib. 2. contra literas Petiliani cap. 104. *In hoc unguento Sacramentum Chrismatis vult Petilianus interpretari: Cornelius Papa, Innocentius I. Prudentius & Theodoretus, locis mox citandis & Gregorius Magnus in cap. 1. Canticor. ad illa verba, In vineis Engaddi: quæ allegoricè, sic interpretatur: In vineis Engaddi balsamum nascitur, quod cum oleo, Pontificali benedictione chrisma efficitur, quo dona Spiritus sancti exprimuntur.* Nomine autem olei intellige oleum oliuarum, quod propriè dicitur oleum, & maximè habetur in usu communi hominum, ubi haberi potest: aliud autem non nisi in supplementum: ut rectè ait S. Thomas q. 72. a. 2. ad 3. Nomen enim olei simpliciter & sine addito positum, tam verè & propriè significat oleum oliuarum; quàm nomina aquæ, panis & vini, significant aquam naturalem, panem triticeum, & vinum vitigineum. Quare sicut ex eo quòd Christus asseruit aquam esse materiam baptismi; & panem ac vinum, Eucharistiæ; Ecclesia intellexit, & Concilia definiuerunt aquam naturalem, panem triticeum, & vinum vitigineum, esse materias horum sacramentorum, Baptismi scilicet, & Eucharistiæ: sic per oleum, quod secundum institutionem à Christo per Apostolos, eorumque successores, acceptam, dicitur à sanctis Patribus esse materia sacramenti Confirmationis, oleum propriè dictum, id est, oliuarum, intelligendum est.

28. Materia verò proxima est vñctio & con-

signatio chrismatica, manu ministri facta in fronte confirmati: ut patet ex verbis formæ, & ex usu Ecclesiæ antiquissimo. Nam huius vñctionis & consignationis meminerunt Dionysius supra, Pacianus lib. de Baptismo, Theodoret in cap. 1. Cantic. Innocentius I. in epist. 1. ad Decentium cap. 3. & Prudentius in Psycomachia, his verbis, *Post inscripta oleo frontis signacula, per quæ Unguentum regale est, & chrisma perenne.*

Formæ quoque supra traditæ à Florent. aut potius æquivalentis quoad sensum necessarium, mentio fit in edicto Constantini Magni (si tamen verè illius est) quod habetur tom. 1. Concilior. ante Concilium Nicænum primum, ubi Constantinus Magnus refert se à Syluestro Papa, post baptismum, in fronte signatum & chrismate vñctum fuisse, in hæc verba: *Signet te Deus sigillo fidei sue, in nomine Patris, & Filii, & Spiritus sancti, in consignatione fidei.* Et apud Ambros. lib. 2. de Sacram. cap. 7. in fine hæc traditur: *Deus Pater omnipotens qui te regenerauit ex aqua & Spiritu sancto, concessitque tibi peccata tua, ipse te unget in vitam æternam.* Et in ordine quodam Romano, qui ante annos 800. citatus habetur ab Alcuino, formæ talis refertur: *Signa eos Domine signo crucis. Ego te confirmo in nomine Patris, & Filii, & Spiritus sancti.* Rectè autem obseruat Aegid. ad art. 4. q. 72. n. 69. Patres antiquos de forma Confirmationis obscurius quàm de materia esse locutos, ne mysterium proderent infidelibus. Vnde Innocent. I. epist. 1. ad Decentium cap. 3. agens de forma confirmationis: *Verba, inquit, dicere non possum, ne magis prodere videar, quàm ad consultationem respondere.*

Quæres, An omnia supra tradita à Florët. sint essentialia Sacramento Confirmationis? Respondeo, verba omnia pro forma tradita non esse essentialia: ut patet ex forma relata ab Alcuino, in qua omittitur, *chrismate salutis*: & pro, *signote*, dicitur, *signa eos Domine.* Quæ differunt plusquam synonyma. Similis & maior differentia cernitur in formis Constantiniana, & Ambrosiana. Græci verò his solis verbis vtuntur, ut refert Arcudius lib. 2. de Sacram. c. 6. ex ipsorum praxi & Euchologio, *Ἐν τῷ ὀνόματι τοῦ πατρὸς τοῦ υἱοῦ τοῦ ἁγίου πνεύματος ἐν σημειῶντι τοῦ κυρίου ἡμῶν ἰησοῦ χριστοῦ*, est, supple. Quæ forma cum sit valida, ut pote ab Ecclesiâ Romana tolerata palam & publicè, debet totum essentialium sensum continere. Eademque forma refertur in can. 7. secundæ Synodi generalis: & Bessarion Cardinalis lib. de Sacramento Eucharistiæ post mediū, restatur verbis illis *sacrum chrisma perfici*, id est, sacramentum Confirmationis. Idque confirmat Gregoriorum usus hodiernus, Romæ & alibi ab Ecclesiâ Romana palam toleratus, & tacitè saltem approbatus. Quapropter censeo tantum esse essentialia, ut actus ministri, & effectus sacramenti, aliquo modo significetur: ut sit in omnibus formis iam relatis: etiam in Constantiniana & Ambrosiana.

D d d 4

Materia proxima est vñctio chrismatica.

Dionys. Innocent. Prudent.

197

Quæ sit forma huius sacramenti

Ambros.

Coniug.

Innocent.

207

Quæ verba sint essentialia formæ?

Arcudius.

Bessarion.

fiana. Sensus enim est: *signet te Deus &c. Ipse te unget, &c. per me ministrum suum hic & nunc.*

Similiter in materia proxima, licet consignatio sit essentialis, ut patet ex verbis forme tam græcæ, quàm latinæ, quæ quoad sensum essentialem conveniunt: non est tamen essentialis ut illa consignatio & unctio fiat pollice dextro Episcopi chrismate imbuto: imò ne quidem ut ipsa manu immediate: Sed ex præcepto tantum necessarium illud est, quia præscribitur in Põtificali, Addit Ledesma, neque esse essentialis ut fiat in fronte confirmandi. Sed eius sententiam Suares & alij ut singularem & temerariam rejiciunt. Sufficit autem in fronte inungere, licet Græci alias quoque partes corporis simul ungent, ut testatur Arcudius lib. cit. eiusque n. oris antiquissimi meminit expressè Cyrill. Catech. 3. Mystag. Ideo autem in fronte, ubi verecundia sedes est, confirmandus inungitur, ne Christi nomen confiteri erubescat: & præcipue crucem eius, quæ Iudæis est scâdalum, gentibus autem stultitia. Propter quod signo crucis signatur, inquit Florent. in decreto, §. *Effectus autem*: additurque ceremonialis levis alapæ inflicto, ut doceatur contumelias pro Christi fide sibi fortiter esse ferendas.

22.

Varie sententia de materia remota confirmationis.

§ Thom Innocent.

De materia verò remota maior est controversia. Etenim existimant aliqui solam manus impositionem sufficere. Quia Apostoli Act. 8. & 19. sola manus impositione confirmaverunt. Ut interdum fecisse concedit S. Thom. q. 72. art. 2. ad 1. & significat Innocentius III. cap. *Cum venisset*, extra, de *Sacra unctio*, dicens, per frontis Chrismationem designari manus impositionem, quam faciebant Apostoli. Et Florët in decreto affirmas confirmationem dari loco illius impositionis manuum, quæ olim fiebat ab Apostolis. Idem denique in vñu fuisse tempore concilij Arausicani sub Leone I. docet Sirmondus in Antirrhenco n. 10. motus verbis canonis I. Arausicani à le correcti & explicati: ubi, inquit, præcipitur ut si quis in Baptismo chrismatus fuerit, non chrismetur iterum in Confirmatione: sed nimirum manus tantum ab Episcopo ipsi imponatur. Quod confirmat verbis quibusdam Hieronymi, Gennadij, Hilarij Arelatensis, & D. August. qui Confirmationem vocant manus impositionem.

23.

Alij 2. Balsami mixtionem accidentariam esse putant, & oleum solum esse essentialis. Quia Innocentius III. cap. *Pastoralis*, de *Sacramentis non iterandis*, respondet Sacramentum confirmationis datum oleo solo, non esse iterandum. Deinde oleum sine balsamo significat sufficienter effectum Confirmationis. Ergo non est credibile Deum astrinxisse naturam illius, rei non necessariæ, & alioqui cognitu & paratu difficillimæ. Materia enim Sacramenti communissimi debet esse communissima, & facillè parabilis. Verum autem Balsamum est cognitu difficillimum, & rarissimum.

Alij 3. content sufficere alterum indeter-

minatè. De oleo probant ex dictis: & quia parum balsami admisceri solet ab Episcopis magnæ olei copiz: unde credibile est plurimos solo inungi oleo. Balsamum verò solum sufficere probant, quia Florent. de utroque eodem modo loquitur, & sancti Patres similiter, parque videtur utriusque vis ad significandum.

4. Denique alij putant benedictionem Episcopalem non esse necessariam. Quia licet aqua Baptismi benedicatur, & panis ac vinum ante consecrationem: id tamen illis accidentarium est. Ergo similiter &c. Deinde multa præscribuntur in Rituali aut Pontificali Romano dicenda in benedictione & consecratione Chrismatis, quæ omnia Sacramento Confirmationis essentialia esse nõ est credibile. Quamnam autem ex illis, & cur hoc potius, quàm illud, definiri nequeat? Quicquid verò sit de benedictione, saltem non est essentialis ut fiat ab Episcopo. Nam in Concil. Toletano I. can. 20. significatur moris fuisse quibusdam in locis ut sacerdotes Chrisma benedicerent: neque propterea significatur Sacramentum fuisse irritum; sed statuitur tantum ne in posterum sacerdotes Chrisma benedicant. Denique sicut sacerdotes ex dispensatione summi Põtificis potest administrare confirmationem: quidni & Chrisma conficere? Nam qui potest conferre Sacramentum aliquod, videtur posse pariter illius materiam præparare, si eget aliqua præparatione ministri. Sicut in physicis, agens potens introducere formam præcipuam, potest disponere materiam.

Nec obest quòd Concil. Florent. omnia supra dicta assignat pro materia confirmationis, quia non omnia quorum mentionem facit in assignandis Sacramentorum materijs sunt essentialia: ut patet inductione. Pro materia enim Calicis Eucharistici assignat vinum cum aqua modicissima, quæ tamen de essentia non est. In Sacramento Pœnitentiæ satisfactionem numerat inter actus pœnitentis, qui sunt materia: & tamen satisfactio est tantum pars integralis. In Sacramento Ordinis ait materiam esse illud, per cuius traditionem confertur ordo: Sicut, inquit, *Presbyteratus traditur per calicis cum vino, & patenæ cum pane porrectionem: Diaconatus verò per libri Evangeliorum dationem, &c.* Et tamè Græci sola manu impositione ordinant, ut ex ipsorum praxi & libris refert Arcudius lib. 6. de Sacram. cap. 2. & sequentibus: simulque, atque una & eadem manus impositione & formæ verborum, dant utramque potestatem sacerdotalem, consecrandi scilicet, & absoluendi à peccatis non diuissim ut sit in latina Ecclesia. Neque usurpant eadè verba quæ Florent. tradit pro forma, *Accipe potestatem offerendi sacrificium &c.* Unde evidens sit non esse essentialia quæcumque traduntur à concilio Florent. Alioqui presbyteri Græci non essent veri Sacerdotes. Quos tamen ut tales agnouit Romana & uniuersa Ecclesia in eodem concilio, & quotidiè permittit eos celebrare inter latinos, nul-

Iunque eorum reordinat, quando à schismate ad unionem cum Ecclesia Catholica accedit.

26.
Quoniam
huiusmodi
sententia
materialis
est confirmatio.

Hæc quidem satis apertè ostendunt rem non omnino certam esse, de qua etiam post Florentinum varia sunt Theologorum sententia. Communior tamen, & in praxi tenenda sententia est, materiam remotam essentialem Confirmationis esse chrismi compositionem ex oleo & balsamo per Episcopum benedicto. Quod non tam colligimus ex verbis Florentini (licet ne leuiter quidem significauerit aliud posse sufficere: cum tamen de ministro agens ibidem, & aliens, ordinarium eius instrumentum esse Episcopum, addat, memoriam tamen produrum esse, quod dispensatione Apostolica sedis simplex sacerdos administrauerit aliquando sacramentum Confirmationis: sed in chrismate ex oleo & balsamo per Episcopum benedicto) quàm ex perpetuo usu totius Ecclesiæ, tam Græcæ, quàm Latine, quæ semper talem materiam adhibuit: neque enim id seruatum fuisset tam constanter & vniuersaliter, etiam in casibus, in quibus propter necessitatem permittitur Presbyteris confirmare, nisi essentiale & simpliciter necessarium iudicatum fuisset.

27.
Apostoli
sunt vni
cuiusque
in Confirmatione
& Episcopi in
Ecclesia
primi.

Ad primæ autem opinionis argumenta Responder, Patres Apostolorum contemporaneos, aut proximos successores, ut Dionysium cap. 4. de Ecclesiast. Hierarchia, Clementem Romanum lib. 7. Constitut. cap. 44. & 45. & Fabianum Papam Epist. 2. ad orientales, satis apertè testari, Apostolos chrismate fuisse vsos in hoc sacramento. Licet Lucas scribens compendiosius eius vñctionem non expresserit, sed manus impositione involuerit. Ipsa enim inunctionio in fronte confirmandi, ut ab Episcopis fit, manus quædam impositio est. Vnde sancti Patres indifferenter hoc sacramentum vocant modò vñctionem, modò manus impositionem. Quo sensu loquitur Innocentius tertius capite citato in obiectione *Cum venisset, d. sacra vnct.* quando sic ait: *Per frontis chrismationem manus impositio designatur*, id est, significatur, *cuius alio nomine chrismatio dicitur*, id est, hæc diuersa nomina idem significant. Florent. verò tantum dicit Episcopos nunc imitari Apostolos, quando illorum exemplo ceremoniam confirmandi exercent, non dissimilem quidem quoad substantiam, secus tamen quoad circumstantiam doni linguarum, & visibilem Spiritus sancti infusionem. Quæ de causa Confirmatio Episcopalis dicitur esse loco illius manus impositionis miraculosa, differentis secundum quid. Canon verò primus Concilii particularis Arauscani obscurus est, tum propter lectionum varietatem: tum etiam propter verborum perplexitatem: ita ut nihil certi possit ex illo colligi, quantamcunque lucem ei asferre conetur Simondus loco citato. Cui non assentior in eo quod ait, morem Ecclesiæ illius temporis fuisse ut Presbyteri baptizatos linirent in

fronte; Episcopi vero confirmantes, longo licet post tempore, manum tantum imponent, nisi supplenda esset chrismatio frontis omissa à Presbytero in baptismo. Hoc enim repugnat testimonio Leonis I. sub quo Concil. illud Arausic. celebratum fuit, Epist. 86. alias 88. declarantis non licere idem Presbyteris, quod Episcopis: sed licere solis Episcopis dare Spiritum sanctum per manus impositionem, & ungere chrismate in fronte. Et Innocentii I. qui paulò ante Leonem primum sedet, & in epistola 1. ad Decentium cap. 3. sic scribit: *Presbyteri chrismate baptizatos (in vertice supple, ut nunc etiam fit) ungere licet, sed quod ab Episcopo fuerit consecratum: non tamen frontem ex eodem oleo signare. Quod solum debetur Episcopis, cum tradunt Spiritum sanctum paracletum.* Quare vel canon Arausicanus non eum habet sensum, aut struam verborum, quam vult Simondus: vel fuit contra definitionem Innocentii I. & correctus fuit declaratione Leonis I. Quod secundum minus credibile videtur. Quis enim credat Concilium particulare Arausic. contra sententias Summ. Pontificum, & usum communem illius temporis Ecclesiæ Latine, siue occidentalis, statuisse? Neque Simondo satis fauent Patres ab eo citati, qui eodem sensu Confirmationem vocant manus impositionem, quo Innoc. III. cap. *Cum venisset*, supra explicato.

Leo I.

Innocentius I.

28.

Explicatur
locus ob-
scurus In-
nocentii I.

Ad argumenta secundæ opinionis Respondeo primò, Innocentium de pluribus sacramentis (Ordinis scilicet & Confirmationis) interrogatum, an deberent iterari propter aliquem defectum: breuiter tantum & confusè de omnibus simul respondisse: *In talibus non est aliquid iterandum, sed cautè supplendum quod incautè fuerat prætermisum.* Quæ verba, licet cum interrogatione collata, & cum sensu interrogantium, An scilicet Subdiaconatus datus sine impositione manuum, & Confirmatio non Chrismate sed oleo per errorem facta, deberent iterari; videantur significare non aliud esse faciendum, nisi addendum quod defuit: vni scilicet impositionem manuum: & alteri balsami vñctionem: cautius tamen & prudentius intelligi debent verba Pontificis, ut ipse significat cum ait, *Cautè supplendum esse quod incautè fuit prætermisum.* Et quod attinet ad Confirmationem, non est existimandum voluisse Pontificem ut solius balsami vñctio adhiberetur: tum quia talis vñctio sacra, est in Ecclesia inusitata, & inaudita: tum etiam quia fieri debuisset balsamo benedicto & consecrato: at nulla vnquam fuit in Ecclesia consecratio balsami sine oleo admixto, ut patet ex antiquis Pontificalibus, & ordinum aut rituum libris. Voluit ergo Pontifex ut vñctio chrismatis (quod fuerat prætermisum) adhiberetur. Et quia forma quoque fuerat verbo tenus tantum prolata: quoad sensum verò essentialem (significantem tacitè vel expressè vñctionem chrismaticam fieri hic & nunc) fuerat prætermissa, aut falsò tantum

Canon Arauscanus
obscurus.

pronunciata: voluit quoque Pontifex illam adhiberi, veluti prætermiffam quoad id quod præcipuum est, nempe quoad sensum verum & essentialem, qui sensus non poterat sine verborum repetitione suppleri. Illis ergo verbis, *In talibus non est aliquid iterandum*, voluit tantum Pontifex nihil, quod bene & valide factum fuisset, debere iterari: siue id esset sacramentis illis substantiale, siue tantum accidentale, vt mera cerimonia: qualis est in Confirmatione infusio alapæ, & adiunctio Patrini. Secus tamen quod vel omnino prætermiffum, vel inualidè factum fuerat, quod rectè quoque potest dici prætermiffum, neque enim factum censeri debet, quod inualidè factum est, aut sine quo non poterat verè adhiberi quod prætermiffum erat.

29. Respondeo 2. ad reliquum obiectionis, Rem pendere à Christi institutione, qui hanc materiam determinauit, licet aliis vti poterit, ad significandum & efficiendum æquè aptis. Quemadmodum Baptismum determinauit ad aquam naturalem: & Eucharistiam, ad panem triticeum, & vinum vitigineum, Ac licet verum balsamum sit rarissimum & pretiosissimum, neque facile dignoscatur à quolibet; non difficile tamen cognoscitur à peritis, & hucusque nunquam defuit in Ecclesia. Nam ex epistola Fabiani supra citata, constat, ne tunc quidem cum maximè vige-
bat persecutio, defuisse, & tantà copiam, vt singulis annis renouari posset: vt ibidem fieri præcipitur, & hucusque seruetur. Neque tantum in Iudæa, sed & in India nascitur. Quamuis autem à tempore Fabiani Papæ sit præceptum expressum confirmandi nouo chrismate quotannis renouato: vetus tamen sufficit ad valorem sacramenti, nisi substantialiter corruptum sit.

30. Ad fundamentum tertie opinionis Respondeo cum Aegidio Coninc ad q. 72. n. 39. hinc tantum sequi (quod verum esse existimo) sufficere talem mixtionem, vt licet balsamum non peruadat substantialiter omnes olei partes notabiles, quæ in materiam confirmationis assumuntur singillatim; peruadat tamen saltem secundum qualitates suas, & præcipuè secundum odorem significantem odorem bonæ famæ: hoc enim puto euinci ex illa praxi communi Episcoporum.

31. Ad quartam opinionem Respondeo 1. In rebus pendentibus ab institutione, argumentum à pari non valere. 2. Hæc aut illa verba non esse essentialia, sed tantum vt Chrisma benedicatur ab Episcopo cum inuocatione Spiritus sancti, vt communiter docent Theologi. Sufficit enim quæcumque oratio benedicendo chrismati apta, quantum attinet ad essentiam sacramenti: licet ex præcepto mos cuiusque Ecclesiæ seruandus sit. 3. Concilium Toletanum non approbare talem chrismatis benedictionem: neque affirmare Confirmationem ex illo factam fuisse validam. Imò ex verbis, quæ proximè subiungit, facile intelligitur tale Chrisma non

fuisse adhibitum ad confirmandum: sed ad cerimoniam accidentalem Baptismi, chrismati baptizatum in vertice capitis quæ chrismatio fiebat, vt nunc etiam sit, à Sacerdote baptizante. Peccabant tamen illi Sacerdotes, quia chrisma quo vtendum est, siue ad confirmandum, siue ad illam baptismi cerimoniam, vnum & idem esse debet, ab Episcopo consecratum: vt patet ex cap. 3. epist. 1. Innocentii I. qui eodem tempore sedit: quamuis id non pertineat ad essentiam & valorem baptismi, cui chrismatio accidentalis est. Licet autem Christus instituerit vt in casu necessitatis possit simplex Sacerdos confirmare ex commissione summi Pontificis: non sequitur instituisse vt possit pariter chrisma conficere: neque id necesse fuit. Chrisma enim confectum ab Episcopo facile quolibet deferri potest. Non est verò facile Episcopum quolibet loca adire, aut vbique constitui. Quare par fuit Christum huic difficultati prospicere. Item non omnis qui potest maius, potest quidlibet minus: vt homo potest generare hominem, non aquilam: Sacerdos potest consecrare corpus Christi, at non conferre ordinem Sacerdotij. Virtutes enim limitatæ, vel ex natura sua, vt naturales; vel ex institutione, vt morales; non valent nisi ad eos effectus, ad quos vel ex natura sua, vel ex institutione aptæ sunt. Atque ita potestas extraordinariè commissa sacerdoti, valet quidem ad confirmandum, sed non ad chrisma conficiendum, seu materiam præparandam. Sicut idem sacerdos potestate ordinaria per sacerdotium sibi collata, potest quidem consecrare corpus & sanguinem Christi: sed non alios sacerdotes ordinare: quod est minus, & veluti quædam præparatio ad Eucharistiam conficiendam. Denique moralia non sunt in omnibus similia physicis: & ex illis non valet argumentum à pari, vel à simili: quia libera voluntas instituentis potest eligere vnum præ alio pari, vel simili.

Reliquum obiectionis tantum probari, quod non diffitemur, sententiam nostram & communem, non esse omnino certam, Neque ex verbis Florentini satis apertè colligi. Quamuis Florentinum longè aliter loquatur de aqua vino admiscenda in Eucharistia, quam de mixtione olei & balsami in Confirmatione, vt expendemus alibi disp. 29. sect. 6. num. 48.

SECTIO IV.

De effectu & necessitate Confirmationis.

Effectus huius sacramenti triplex est. Character, nota militum Christi: gratia in modum ætatis perfectæ, & spiritalis corroborationis, ad fidem Christi fortiter profutendam: & speciale ius ad auxilia specialia fini illi proportionata. De primo constat ex

Non quicumque potest maius, potest minus.

32.

33.

S. Thom.
Character
Confirmatio-
nis.

Florent. in Decreto §. *Hæc omnia sacramenta*, & Trident. sess. 7. can. 9. *de sacramentis in genere*. De eodémque D. Thom. quæst. 72. art. 5. ad 6. affirmat characterem Confirmationis supponere characterem baptismi, quia nimirum Confirmatio supponit baptismum: quod & reliquis sacramentis commune est. Quippe quia baptismus est natiuitas spiritalis, ianua Ecclesiæ, & fundamentum reliquorum Sacramentorum. Prius enim est nasci, saltem in causa; quam corroborari, & nutriri, aliisque modis perfici in ordine ad seipsum, vel ad communiatem, ut habet D. Thom. art. 6. quæstionis citatæ. Porro iste character essentialiter differt à characterè baptismi: quippe qui essentialiter ad finem valde diuersum ordinatur: cum ille sit nota militum, iste domesticorum ut talium, qui status differunt essentialiter moraliter. Inde autem sit ut Confirmatio non possit iterari, ut definitur à Florent. & Trident. locis citatis. Et grauius peccat qui scienter iterare præsumit, quamuis nullam irregularitatem incurrat, quia nullo iure id exprimitur. Neque valet argumentum à pari de Baptismo. Nam irregularitas nunquam incurritur nisi in casibus iure expressis, ut habetur expresse cap. *Is qui in Ecclesia*, de sentent. excommunicat. in 6.

34.
Confirmatio dat gratiam per modum corroborationis.

De secundo & tertio effectu quæri potest unde constet Confirmationem dare gratiam in modum corroborationis spiritalis cum iure illo, &c. Respondeo, Sacramentum ipsum id ostendere, & testimonium commune SS. Patrum. Etenim unctio & consignatio, & verba formæ, *Confirmo te*, significant gratiam quæ confertur vi huius sacramenti, iuxta Trident. sess. 7. can. 6. dari in ordine ad certamen & luctum. Florent. quoque §. *Effectus huius sacramenti*, ait in hoc sacramento dari Spiritum sanctum ad robur, sicut datus fuit Apostolis in die Pentecostes, ut Christianus Christi nomen audacter confiteatur. Idem testantur antiquissimi Patres Dionys. Clem. Tertull. August. Cyprian. & alii, de quibus vide Coccium tom. 2. lib. 5. art. 20. Et Melchias antiquissimus Papa in epist. ad Episcopos Hispaniæ cap. 2. ut refertur de Consecratione dist. 5. cap. 2. *In Baptismo*, inquit, *regeneramur ad vitam, post baptismum roboramur*, &c. Et paulò post, *Confirmatio armat & instruit ad agones mundi huius & praelia seruandos*. Urbanus autem Epist. 1. cap. 7. *Omnes*, inquit, *fideles per manus impositionem Episcoporum Spiritum sanctum post baptismum accipere debent, ut pleni Christiani inuocantur. Quia cum Spiritus sanctus infunditur, cor fidele ad prudentiam & constantiam dilatur*.

Melchias.

Urban.

35.

Ratio eiuidem institutionis est, quia tamen Deus potuit semel quemlibet vel sacramento Baptismi, vel alio quouis medio perficere & corroborare: placuit tamen hac progressionem uti, ut in Apostolis usus est, quos non quamprimum induit virtute ex alto, ne per baptismum quidem & Eucharistiam, ut fidem fortiter constanterque profi-

terentur: quem in finem nos similiter instruit armatque robore per sacramentum Confirmationis. Hoc autem robur, præter gratiam in Confirmatione acceptam, additius speciale ad auxilia opportunè conferenda, & certissimè, si non ponatur obex, ad fidem fortiter profitendam & superandas difficultates, ut perfectos decet. Quo pacto ipsi Apostoli resistebant persecutionibus non per gratiam solum habitualement, sed per auxilia specialia quæ Deus tempore opportuno illis abundè suppeditabat, sine quibus neminem quamuis iustificatum posse diu perseverare satis constat experientiâ, & confirmatur à Trident. sess. 6. can. 22.

Quanta verò sit gratia quæ datur per hoc sacramentum, præcisè definiri nequit: ut neque illa quæ per baptismum, & per alia sacramenta confertur. Comparatiuè autem loquendo, D. Thom. quæst. 72. art. 11. præcipuè ad 3. affirmat potiorē esse effectum gratiæ sacramenti huius, quàm baptismi: sicut in naturalibus plus est, etiam seorsim sumptum, id quo constituimur in statu ætatis perfectæ & corroboratæ, quàm id quod ab initio natiuitatis nostræ habemus: & sicut Apostoli plus acceperunt die Pentecostes, quàm in baptismo. Idemque docent Magister in 4. dist. 7. & vtriusque interpretes communiter. Potestque confirmari ex eo quòd sancti Patres idem non obscurè significant, quando dicunt per hoc sacramentum homines ex infantibus fieri plenè Christianos, & viros perfectos, darique per illud plenitudinem Spiritus sancti: & ut loquitur Rabanus à D. Thoma relatus loco supra citato, in baptismo quidem descendere Spiritum sanctum ad habitationem Deo consecrandam: sed in Confirmatione eiusdem Spiritus sancti gratiam septiformem, cum omni plenitudine sanctitatis, & scientiæ, & virtutis venire in hominem.

Ex his collige primo, Sacramentum Confirmationis per se, & ex primaria intentione Christi instituentis, non conferre gratiam primam, sed secundam. Patet, quia per se gratiam confert in modum augmenti, & corroborationis, & ætatis adultæ Christiani. Atqui augmentum gratiæ, supponit gratiam esse: & prius est fieri Christianum, quàm corroborari & perfici: priusque est nasci, quàm adolescere, & in virum perfectum euadere. Per se, inquam: nam per accidens probabile est quod D. Thom. & alii plerique docent, posse prodesse peccatori attrito, bona fide accedenti, quia putat se esse contritum, vel ignorat se esse in peccato mortali, aut debere conteri. Quamuis enim Confirmatio non sit per se instituta ad remittendum peccatum mortale, sed sit sacramentum viuorum, ut Eucharistia, & quædam alia, supponatque gratiam & vitam in subiecto: sicut in naturalibus id quod augetur & adolescit, vivit: per accidens tamen potest prodesse mortuis: Non ita tamen mortuis, quin habeant vitam præsuppositam in actu pri-

37.
Confirmatio per se non dat primam gratiam: aliquid tamen obferre illam per accidens.

mo, in causa saltem, & quin pium aliquem motum fidei & attritionis exerceant. Neque in omnibus exigenda est proportio inter augmentum spiritale, & corporeum. Alioquin sicut corporeum, fit per nutritionem & successivè: sic & spiritale deberet fieri per cibum & potum Eucharisticum, non per Confirmationem.

38.

Quæ dis-
positio ad
sacramen-
tum re-
quiritur.

Collige 2. Dispositionem per se loquendo necessariam ad sacramentum Confirmationis licet recipiendum, eiusque effectum, esse contritionem, aut attritionem cum sacramento Pœnitentiæ, respectu eius qui est in peccato mortali. Patet, quia per se debet esse in statu gratiæ, & esse vivum Christi membrum. Liberum verò est alterutrum præmittere. Nam de confessione determinatè præmittenda nullum præceptum est divinum, vel ecclesiasticum. In aliis verò sufficit intentio & pia voluntas recipiendi sacramentum cum eius effectum, si sint adulti. Parvuli autem nulla egent dispositione: sed modò baptizati sint, validè & cum fructu confirmantur. Inter pueros autem perpetuò amentes numerantur: qui verò aliquando vti sunt ratione, debent petiisse; ut diximus de Baptismo.

29.

Probabi-
lius est a-
duitos ad
illam obli-
gati.

Collige 3. Probabilius esse teneri quemlibet adultum ad suscipiendum hoc sacramentum, si commodè possit. Cum enim institutum sit ut medium per se certum & ordinarium ad dandum robur & perfectionem vitæ Christianæ, & ad resistendum tentationibus & adversitatibus, quarum nullus adultus est liber: qui sacramento illo non utitur perspecta iam eius necessitate, non satis contulit suæ salutis, sed eius & auxilii divini negligens iure censeri potest, adeoque peccare. Quare ipsi divini institutioni, considerato fine, subiecto, & circumstantiis inest tacitè præceptum, & quidem per se grave (quia in re gravi) suscipiendi hoc sacramentum. Ut etiam indicavit Urbanus Episc.

Melchiad.

1. cap. 7. cum dixit, omnes fideles hoc sacramentum accipere debere, ut pleni Christiani inveniuntur. Et Melchiad. Papa in Epist. ad Episc. Hispaniæ c. 2. ait: *Quamvis continuò morituris sufficiant regenerationis beneficia, viciis tamen necessaria esse Confirmationis auxilia: idèque ita coniuncta esse hæc duo sacramenta, ut ab invicem nisi morte interveniente nullatenus possint segregari, & unum sine altero rite perfici non possit.* Quæ verba habentur tit. de Consecrat. distinct. 5. cap. 1. & 2. Postrema autem intelligenda sunt iuxta Ecclesiæ illius temporis consuetudinem his tantum quotannis solemniter baptismum conferendi in Paschate & Pentecoste, extra necessitatem, quæ est in mortis periculo, eique statim Confirmationem adiungendi. Consentiant Richard. VVald. Scot. Turr. & alii quos sequitur Bellarm. lib. 1. de Sacramento, cap. 22.

Bellarm.

40.

S. Thom.

Contrarium docent D. Thom. quæst. 72. artic. 8. ad 4. Dom. Sotus, Valent. Suar. Aegid. Coninc, & alii affirmantes Confir-

mationem per se loquendo non esse in præcepto, quamvis per accidens non possit lapsissime sine peccato prætermitti, ratione scandali, vel periculi negandi fidem instanti persecutione; aut impotentis resistendi tentationibus. Summa eorum ratio est, quia nullum tale præceptum extat: obligationes autem non sunt leviter & facile suscipiendæ. Sed ex dictis apparet probabilius esse contrarium: & aliam esse mentem Summ. Pontificum locis citatis, quos non ita ingenuè ipsi interpretantur. Et quamvis non desint alia media, quibus iuvare possimus ad robur: tamen videtur à ratione alienum relinquere medium certum & ordinarium, quando illud commodè adhiberi potest; & alia à Deo extra ordinem expectare. Commodè inquam: Nam ægroti & moribundi, qui etiam non adeo egent, ut neque pueri tentationum incapaces, non tenentur accersere Episcopum. Sed neque Episcopus tenetur singulos tales adire, ut in simili de Extremaunctione docet Innocent. 1. Epist. ad Decentium, circa finem: sed quemadmodum docet usus Ecclesiæ, sufficit aliquoties publicè & solemniter hoc sacramentum omnibus exigentibus conferre. Quamvis etiam consuetudo illa, de qua supra Melchades, mutata sit in eam quæ nunc est aliquoties administrandi Confirmationem separatim à baptismo; non sequitur præceptum, de quo ibi, cessasse quoad substantiam.

41.

Coninc.

Per hæc soluitur quod obiicit Aegidius Coninc quæst. 72. num. 88. Si Confirmatio esset in præcepto, etiam morituri tenerentur. Ad id verò quod addit, Ecclesiam neminem cogere ad Confirmationem, sicut nos cogit ad alia præcepta divina implenda. Respondeo primò, Ecclesiam non cogere speciatim ad omnia divina præcepta: & huius ratio specialis esse potest, quia obscurum est, & à Doctoribus plerisque negatur. Secundo dico Pontifices citatos, satis admonere unumquemque officii sui hac in parte. Porro, quicquid sit de communi obligatione Christianorum, certum est teneri Episcopos iure novo ex Concil. Trident. sess. 23. cap. 4. de Reformatione, neminem prima tonsura initiare, qui sacramentum Confirmationis non suscepit. Quæ constitutio suscipientem quoque attingit. Neutrum tamen obligare sub peccato mortali plurimi sentiunt. Sed quod graviter peccent Episcopi nunquam aut rarissime & negligentissime administrantes sacramentum Confirmationis, communis est sententia Theologorum & Caluistarum, Suar. disp. 58. sect. 2. Angeli verbo Confirmatio, Sylvestri eodem Verbo num. 2. Henric. lib. 3. de Confirm. cap. 1. num. 7. & aliorum quos iste citat. Nec refert, quòd sit probabile non teneri subditos, iuxta sententiam multorum. Nam Episcopi, cum sint Pastores animarum, tenentur illis suppeditare media quæ Christus instituit, ad earum præsertim universalem siue necessitatem, siue magnam utilitatem

Episcopi
tenentur
conferre
aliquoties
sacramen-
tum
Confirm.

utilitatem spiritalem, debentque sese paratos ostendere ad ea suppeditanda: maxime intelligant à multis tacite vel aperte expectari. Quare non est dubium quin Episcopi negligenter nimis omittentes collationem Confirmationis, aut illam longius differentes, peccent mortaliter: non secus ac Parochus qui intelligens magnam suarum ouium partem velle aliquoties in anno confiteri & communicare, earum petitioni & desiderio satisfacere negligeret, aut omnino recusaret: quamvis alioqui subditi non teneantur accedere ad illa sacramenta nisi semel in anno.

SECTIO V.

De subiecto & Ministro Confirmationis.

nibus qui sunt in Ecclesia exhiberi.

Illud etiam ex Catechismo Pii V. parte secunda, capite tertio, numero decimo quarto, observandum est, omnibus quidem, post Baptismum, Confirmationis sacramentum posse administrari: minus tamen communiter expedire hoc fieri ante rationis usum. Quia ubi non urget necessitas, maior est reuerentia sacramenti, ut cum propria fide & dispositione hominis suscipiatur. Secundo, Est etiam maior utilitas ipsius susipientis: quia maiorem gratiam ex opere operato accipiet, si cum propria dispositione accedat. Tertiò, Ut magis meminerit quod ei dicitur, cum ab Episcopo alapa caditur, se deinceps pro nomine Iesu contumelias libenter pati debere. Quarto, Ut magis vitetur periculum iterationis, ob ignorantiam & oblivionem Confirmationis iam acceptæ. Quintò denique, cum sacramentum Confirmationis sit veluti secunda fidei professio solennis; per se videtur expediens, ut quando prima in Baptismo facta est per alios, secunda in hoc sacramento fiat per ipsummet susipientem. Sufficit autem communiter ætas septem annorum: atque etiam licite præueniri potest iusta de causa, ut si puer, hac occasione prætermittitur, non sit diu post habiturus: præstat enim citius suscipere, quam diu differre vel omnino prætermittere. Quæ autem dispositio in adultis requiratur, superiori sectione dictum fuit.

Secunda pars conclusionis de Ministro ordinario, traditur à Florentino in Decreto, §. *Secundum sacramentum*, & Tridentino sessione septima, canone tertio de Confirmatione, ubi sub anathemate id definit, & sessione vigesima tertia, capite quarto, circa medium, ait Episcopos qui in locum Apostolorum successerunt, esse Presbyteris superiores, ac sacramentum Confirmationis conferre, ministros Ecclesiæ ordinare; atque alia pleraque peragere ipsos posse, quarum functionum potestatem reliqui inferioris Ordinis nullam habent. Nota, nullam, nec iuris scilicet, nec facti. Et can. 7. anathematizat qui dixerint potestatem confirmandi, & ordinandi, quoniam Episcopi habent, illis esse cum Presbyteris communem. Et quidem in Scriptura soli Apostoli (quorum locum tenent Episcopi in gradu illo, quo Presbyteris superiores sunt) leguntur illud sacramentum administrasse. Ut quando Petrus & Ioannes missi sunt Samaritaniam ad confirmandos Samaritanos recens baptizatos: quod nempe Philippus Diaconus, qui eos baptizauerat non esset Apostolus. Qui etiam Eunuchum baptizauit, quidem Act. 8. sed ei manus imponere non est ausus, quamvis non esset amplius eum visurus. Et D. Paulus, cum nunquam aut rarissime baptizaret, ut de se ipse testatur 1. Corinth. 1. vers. 14. solebat tamen ipse confirmare, ut constat ex Act. 19. Quod

Ecc

42. Conclusio: Subiectum capax Confirmationis est quilibet baptizatus. Minister autem ordinarius est Episcopus: Extraordinarius est simplex sacerdos ex commissione Summi Pontificis. Prima pars est Diui Thomæ, & omnium Catholicorum. Probatur primò, ex usu Ecclesiæ quæ diuersis saltem temporibus legitur administrasse sacramentum Confirmationis indifferenter tam paruulis, quam adultis cuiuscunque sexus. Probatur secundò, ex Urbano summo Pontifice & Martyre, qui in epist. sua decretali, verbis relatis in iure Canonico distinctione 5. de Consecrat. can. *Omnes*, ita loquitur vniuersaliter: *Omnes fideles per manus impositionem Episcoporum debent Spiritum sanctum post Baptismum accipere*. Tertiò, speciatim de adultis id patet ex Actis Apost. cap. 8. & 19. & ex iure Canon. de Consecrat. dist. 5. necnon ex Diuo Dionysio de Ecclesiast. Hierarch. cap. 2. parte 3. in fine: De infantibus verò patet ex D. August. tract. 6. in 1. epist. Ioan. ubi refert quomodo ipse soleret manus imponere infantibus. Denique in adultis & paruulis baptizatis, cuiusque sexus, reperiuntur omnia necessaria, ad hoc sacramentum recipiendum: sunt enim omnes capaces augmenti gratiæ in modum corroborationis: mediique ordinarii in eum finem à Christo instituti. Et sicut natura intendit ad perfectum ducere quos generat: sic Christus eos, quos per baptismum regenerat. Multò enim magis de intentione Dei est omnia ad perfectionem perducere, ex cuius imitatione, hoc natura participat: ut rectè ait S. Thom. questione 72. art. 8. in corp. & 5. *sed contra*, idem confirmat ex eo quòd Spiritus sanctus adueniens in die Pentecostes, Actorum secundo, repleuit totam domum, per quam Ecclesia designabatur: & quicumque erant in eadem domo, quæ Apostoli fuerunt omnes impleri Spiritu sancto. Ergo sacramentum Confirmationis, quod datur ad illam plenitudinem consequendam, debet om-

Urban.

Dionys.

August.

S. Thom.

Tom. IV.

43.
Minus con-
uenerunt
autem vsum
rationis.

44.
Minister
ordinarius
const. est
Episcopus.

moribus schismaticorum non posse sumi validum argumentum. Secundo, Plerosque aliter scribere de moribus Armenorum. Nam Guido Carmel, ait ipsos reicere Confirmationem. Græcis verò id aliquando concessum esse puto, & commissum à Summis Pontificibus: quandoquidem ante schisma, & iam olim ab initio, leguntur Presbyteri apud ipsos confirmasse, ut ex Arcudio supra retulimus. Porro in hac questione per ministrum ordinarium Confirmationis intelligimus, non eum qui frequentius hoc faciat: sed eum cui primò & per se id conveniat ex divina institutione.

47. **Contraria sententia.** Contra eandem partem conclusionis sentiunt quoque Albertus, S. Bonavent. Scurus, Durandus, & Gabriel in 4. distinct. 7. affirmantes solum Episcopum esse ministrum Confirmationis absolute, ita ut ne quidem extraordinarie, & ex commissione summi Pontificis, sacerdotes id possint. Primò, Quia Eusebius Papa Epistol. 3. ad Episcopos Thuscæ, ut refertur de Consecrat. distinct. 5. cap. 4. sic pronunciat: *Minus impositionis sacramentum magna veneratione tenendum est, quod ab aliis perfici non potest, nisi à summis sacerdotibus, nec tempore Apostolorum ab aliis, quam ab ipsis legitur aut situr peractum esse, neque ab aliis quam iis qui eorum tenent locum perfici unquam potest, aut fieri debet. Nam si aliter præsumptum fuerit, irritum habeatur & vacuum, & inter Ecclesiastica nunquam reputabitur sacramenta.* Similia habet Melchias, in epist. decretali ad Episcopos Hispaniæ. Hæc autem verba uniuersalissima sunt, neque videntur exceptioni locum relinquere. Secundo, Innocentius III. cap. 4. de consuetudine, noluit concedere ut simplices Presbyteri confirmarent; sed constituit ut fideles carerent potius sacramento Confirmationis, quam ut à Presbyteris illud accipere conarentur. Atqui si poterant Presbyteri ex commissione summi Pontificis, debuisset potius committere Presbyteris, quam priuare fideles illo sacramento, sine quo non sunt homines perfecte Christiani. Tercio, Confirmatio est actus Ordinis, requirens in Ministro potestatem Ordinis ad valide efficiendum, & iurisdictionis ad faciendum licite. Atqui simplices sacerdotes nullam talem potestatem habent, ut ait Concil. Trident. sessione 23. cap. 4. Neque per simplicem commissionem Summi Pontificis possunt eam accipere: nam potestas Ordinis non confertur nisi per sacramentum Ordinis: potestas quidem consecrandi & remittendi peccata, per ordinem sacerdotalem: confirmandi verò & ordinandi, per ordinem Episcopalem: ergo, &c.

Melchias. **Innocent.** 48. **Satisfit argum. t. s. contrariæ sententiæ.** Ad primum Respondeo, Hæc & similia intelligenda esse de potestate ordinaria. Ad secundum dico Innocentium III. cap. citato tantum damnare Presbyteros qui sua reuerentia confirmabant, pretendentes consuetudinem. Et affirmare satius esse carere

Confirmatione, etiam in necessitate, quam à talibus petere

Ad tertium Respondeo, Confirmationem esse actum ordinis Episcopalis ordinariæ, & sacerdotalis, extraordinariæ, quatenus commissio præsupponit in commissio sacerdotalem Ordinem, licet in conferente forte non præsupponat Episcopalem, sed ad hoc sufficiat. Summum Pontificem esse electum, licet nondum consecratum Episcopum, ut Suarez, & Aegidius, ac plerique alii putant. Qui etiam affirmant, si deur absolute commissio, eam non expirare morte Pontificis: quia est gratia Principis, quæ morte concedentis non expirat, ut colligitur ex cap. si nulla, de Præbendis in sexto. Denique hæc omnia Diui Gregorii magni & Concilii Florentini authoritati longè postponenda sunt. Quod autem aliqui respondent concessionem illam Gregorii non tam fuisse concessionem veram, quam prudentem quandam dissimulationem ad virandum schisma alicui futurum, est contra vim verborum, quæ omnino clara sunt, quæque Florentinum videtur intellexisse de vera concessionem. Deinde schismatis aut periculi nulla fit mentio à D. Gregorio, sed tantum contristationis aliquorum, quæ causa leuis erat & indigna, ut propter illam tam sanctus Pontifex tot sacrilegia dissimularet. Tercio, Gregorius ait expressè, *Concedimus*, ut refertur cap. 1. dist. 95. non autem, *permittimus*, aut *dissimulamus*.

Quod autem addunt, fortassis eo tempore omnes sacerdotes fuisse Episcopos simul ordinatione & consecratione, fallum est, & prorsus improbabile. Nam longè ante tempora D. Gregorii magni, simplices sacerdotes cœperant esse distincti ab Episcopis, tam ordinatione, quam iurisdictione, ut clarè intelligitur ex Eusebio & Melchias de Papa locis ante citatis. Quod item dicunt aliqui chismaticam illam vñctionem à Gregorio concessam non esse sacramentum Confirmationis, sed aliam cerimoniam Ecclesiasticam; est apertissime contra Florentinum, quod agens de sacramento Confirmationis, disertissime ait legi aliquando fuisse à sede Apostolica dispensatum, ut Presbyteri illud administrarent: alludique sine dubio ad illam dispensationem Gregorii, scriptis à seipso testatam, & relatum in iure Canonico.

Quod denique alii respondent, Presbyteros illa concessionem factos fuisse Episcopos, non est verum: quoniam Ordo Episcopalis non nisi viuenti & præfenti, idque per sacram Ordinationem conferri potest: cum tamen illa concessio fieret absentibus & futuris. Dicere autem quod tantus Pontifex tantæ authoritatis, sanctitatis, & doctrinæ, in re tam graui errauerit, aut errandi periculo sese volens exposuerit, post definitiones antecessorum Eusebii & Melchias, maxime cum illius factum à Concilio Florent. satis

49. Non erant tunc omnes sacerdotes Episcopi.

50. Neque illa concessio ne facta sit Episcopi

apertè, & à Tridentino tacitè approbetur, rameritatis magnæ videtur esse. Plura de ministro huius sacramenti videri possunt apud Suarez tota disput. 36. & 38. sect. 2. vbi sub finem addit, licet de iure teneantur Episcopi non confirmare nisi sibi subditos, & in propria Diœcesi: si tamen secus agant, non incurrere irregularitatem, aut censuram: quia in iure non exprimitur, neque imponitur. Idemque paulò ante affirmat de Episcopo, qui voluntariè hoc sacramentum irritaret, deficiendo in aliquo necessario. Posse

etiam quemlibet verum Episcopum quoad consecrationem hoc sacramentum validè conficere, quamvis sit excommunicatus, hæreticus, suspensus aut degradatus, peccetque grauiter ministrando, vnanimis est omnium Theologorum sententia, quam fusius exponit & confirmat Suarez citata disput. 36. sect. 3. Et hætenus de sacramento Confirmationis. Reliqua enim quæ his addit S. Thom. art. 10. & 12. de patrino, seu susceptore, & de ritu Confirmationis, sunt in textu facili.

DISPUTATIO VIGESIMA OCTAUA.

De sacramento Eucharistiæ secundum se.

Sectio I. *Verum Eucharistia sit sacramentum, & in quo consistat?*

Sectio II. *Solutio obiectionum.*


Sectio III. *Quid sit præcisè, & adequatè sacramentum Eucharistiæ.*

Sectio IV. *Refutatur quedam opinio contraria.*

Sectio V. *An sacramentum Eucharistiæ sit vnum specie, vel plura?*

Sectio VI. *An & quomodo sacramentum Eucharistiæ sit vnum vel plura numericè?*

Sectio VII. *Verum Eucharistia sit necessaria ad salutem?*



E venerabili sacramento Eucharistiæ secundum se disputat S. Thom. quæst. 73. & art. 1. docet Eucharistiam esse sacramentum ad spirituales nutritionem institutum. 2. Hoc sacramentum esse multa materialiter, sed vnum formaliter, & perfectiuè. Quia sicut ad corporalem refectionem integram duo requiruntur, videlicet cibus, qui est alimentum siccum: & potus, qui est alimentum humidum: sic ad integritatem huius sacramenti duo concurrunt, videlicet spiritualis cibus, & potus: iuxta illud Ioan. 6. *Caro mea verè est cibus: & sanguis meus verè est potus.* 3. Rem huius sacramenti, quæ est vnitas corporis mystici, esse necessariam ad salutem: ipsum tamen sacramentum non esse necessarium eadem necessitate, quàm Baptismum. 4. Hoc Sacramentum conuenienter appellari sacrificium, prout est commemoratiuum passionis Christi: & communionem, vel synaxim, prout est signum Ecclesiasticæ vnitatis, cui homines aggregantur per Eucharistiam: & viaticum, vel Eucharistiam, prout est præfiguratiuum fruitionis Dei, quæ erit in patria: & metalepsim, id est, assumptionem, ut vocatur à Damasceno, quia per hoc filii Deitatem assumimus.

5. Conuenienter hoc sacramentum fuisse institutum in vltima cœna: vt Christus in propria specie à discipulis recessurus, in sacramentali specie seipsum illis relinqueret: suæque passionis mox futuræ memoriale exhiberet: & hoc mysterium discipulorum mentibus altius imprimere, magisque commendaret. Solent enim ea, quæ vltimò dicuntur, maxime ab amicis recedentibus, magis memoriæ commendari: quia tunc magis inflammatur affectus ad amicos: ea verò, ad quæ magis afficimur, profundius animo imprimuntur. 6. Præcipuam figuram huius sacramenti fuisse Agnum Paschalem: quia perfectius representat omnia, quæ ad ipsum pertinent, quàm oblatio Melchisedech, Manna, & sacrificium expiationis, vel alia quælibet sacrificia veteris Testamenti. Huc vsque D. Thom.

SECTIO I.

Utrum Eucharistia sit sacramentum, & in quo consistat?

1.
Probatur
Eucharistiam esse
sacram.

Dico primò, Eucharistiam esse verè & propriè dictum legis nouæ sacramentum, per modum cibi & potus sacri ad spiritalem animæ refectiōem institutum. Probatur primò ex Scriptura, quæ licet idem expressè & in terminis non asserat: tam certo tamen id ex ea colligitur, vt ne ab ipsis quidem hæreticis in dubium reuocetur. Nam quòd Eucharistia sit sacramentum nouæ legis verè ac propriè dictum, hoc est, signum sensibile permanentè & constanter à Christo institutum ad significandam & efficiendam gratiam, quòdque insuper sit instituta in modum cibi & potus sacri ad spiritalem animæ refectiōem, in quo differt ab aliis nouæ legis sacramentis, colligitur ex Matth. 26. Ioan. 6. Luc. 22. & primò ad Corinth. 11. Christus enim Matth. 26. corpus suum & sanguinem sub speciebus panis & vini sensibilibiter demonstrauit, & per modum cibi & potus dedit, cum dixit: *Accipite & comedite, Hoc est corpus meum. Bibite ex hoc omnes, Hic est sanguis meus.* Cibus autem & potus conaturaliter significant & causant aliquo modo nutritionem aliquam. Quare Christus hoc ipso quòd dedit corpus & sanguinem suum sub speciebus sensibilibus panis & vini, dedit vt signum sensibile & vt causam alicuius nutritionis, nempe illius, quam Ioan. cap. 6. promiserat: *Panis quem ego dabo caro mea est pro mundi vita. Qui manducat hunc panem viuet in æternum. Nisi manducaueritis carnem filii hominis, & biberitis eius sanguinem, non habebitis vitam in vobis.* Vbi de vita spiritali gratiæ sermo est, ad quam per modum refectiōis spiritalis significandam & efficiendam cibus & potus Eucharisticus datus est. Constanter autem & permanentè vsque ad mundi finem institutam fuisse significauit Christus Luc. 22. quando post con-

secrationem addidit, *Hoc facite in meam commemorationem.* Quod interpretans Paulus ad Corinth. 11. *Quotiescunque, inquit, manducabitis panem hunc, & calicem bibetis, mortem Domini annuntiabitis, donec veniat, in fine sæculorum ad mundum iudicandum.*

Secundò, Eandem conclusionem quoad vtramque illius partem clarissimè tradunt Concilia, & sancti Patres. Nam quòd Eucharistia sit sacramentum nouæ legis expressè definiunt, aut profitentur Concil. Lateran. cap. *Firmiter*, de summa Trinit. & fide Catholica, Florent. in decreto Eugenii, §. *Nouæ legis*, & Trid. sess. 7. can. 1. de *Sacram.* in gen. vbi inter septem nouæ legis sacramenta verè & propriè dicta, Eucharistiam numerat. Idemque docent D. Dionys. de Ecclesiast. Hierarch. cap. 3. Cyprian. lib. de Cardinalibus Christi operibus, in serm. de Cœna, August. tom. 2. Epist. 23. Ambros. lib. 4. de Sacram. cap. 4. & alii. Quòd autem instituta sit per modum cibi & potus spiritalis, declarat Florent. vbi supra §. *Huius sacramenti effectus quem in anima causat*, & Trid. sess. 13. c. 2. cum ait voluisse Christum Sacramentum hoc sumi tanquam spiritalem animarum cibum, quo alantur & confortentur viuentes vita illius qui dixit, *Qui manducat me, & ipse viuet propter me.* Idem quoque affirmant præter supra citatos, Ignatius Martyr Epist. ad Rom. ante med. Iustinus Martyr. Apol. 2. sub finem, Tertull. lib. de Carnis resurrectione cap. 8. & alii, quorum verba commodius alibi referemus.

Tertiò, Ad eandem veritatem confirmandam hanc rationem congruam adducit S. Thom. q. 73. art. 1. Cum nouæ legis Sacramenta, inquit, in eum finem sint instituta, vt eorum ope in spiritali vita subueniretur hominibus: & vita eorum spiritalis sit corporeæ similis: manifestum est, quòd sicut ad vitam corpoream requiritur generatio, per quam homo vitam accipit: & augmentum, quo perducitur ad perfectionem vitæ: & alimentum, quo conseruatur in vita: sic ad vitam spiritali præter Baptismum, qui est spiritalis generatio; & Confirmationem, quæ est spiritalis augmentum; oportuit esse sacramentum Eucharistiæ, quæ est spiritalis alimentum.

Ecc 3

Dionys.
Cyprian.

August.
Ambros.

3.
D. Thom.

606 Disp. XXVIII. de Eucharistia, Sect. I.

Hæc D. Thomas. Cui obijci potest augmentationem, & nutritionem corpoream provenire ab eodem alimento materialiter, effectivè autem ab una eademque facultate viventis. Vnde potius videretur vnicum Sacramentum instituendum fuisse, quod in modum alimenti, vel facultatis activæ, sufficeret ad accretionem, & nutritionem spiritualis vitæ, si de illa similiter ut de corporea philosophandum est.

4. Rpondeo, Non esse exactam & perfectam omni ex parte similitudinem. Nam præter discrimen iam assignatum, alia tria sunt. Primum est, quod vis augendi & nutriendi corporaliter est in vivente ipso, quod se nutrit & auget per facultatem suam vitalem, quæ vertit alimentum in propriam substantiam. Vis autem augendi & nutriendi spiritualiter est in ipsis sacramentis Confirmationis, & cibi Eucharistici. Secundum est, quod augmentum corporeum successivè fit, per multiplicem usum cibi & potus: spirituale verò fit totum simul, per sacramentum Confirmationis, quod idcirco non potest iterari. Tertium est, quod accretio spiritalis, & deductio ad statum virilem, non fit ad modum nutritionis, sed in modum vñtionis cuiusdam athleticæ, & corroborationis. Vnde conveniens fuit, ut præter Confirmationem daretur cibi & potus Eucharisticus ad spiritalem refectiorem, quo vita perfecta & corroborata sustentari & conservari posset: sicut vita corporea, licet ad perfectum & virilem statum deducta, indiget alimento quo nutrir & conservari queat.

5. *Multa in Eucharistia consideranda.* Maior difficultas est in quo consistat sacramenti huius essentia: multa enim sunt de quibus dubitari potest. Primum est, consecratio seu conversio mirabilis panis & vini in corpus & sanguinem Christi: quæ consecratio duplicem habet considerationem. Una est immolationis mysticæ & incruentæ sacrificii, in quo Christus offertur Deo in cultum supremum religionis, immolaturque mysticè, quatenus vi verborum corpus & sanguis separatim ponuntur sub speciebus panis & vini, & Christus mortuo quodam modo sub speciebus illis constituitur. Altera est, quod fit effectio cibi & potus spiritalis ad animarum refectiorem compositi ex Christi corpore & sanguine, cum speciebus panis & vini. Nam ut definit Trid. sess. 22. cap. 1. Christus veramque intentionem habuit, offerendi scilicet Deo, & præterea exhibendi corpus suum & sanguinem per modum cibi & potus sub speciebus panis & vini. Similiterque sacerdotes consecrantes non tantum cibum & potum sacrum efficiunt; sed etiam verè ac propriè sacrificant, ut definitur can. 1. eiusd. sess. Deinde consecratio secundum utramque considerationem sumi potest vel pro actione illa mirabili & invisibili, quæ panis & vinum convertuntur in corpus & sanguinem Christi; vel pro sacra & sensibili cerimonia, à Christo

instituta in causam instrumentariam, seu moralem seu physicam; à qua est sacramentalis conversio. Tertiò, Præter consecrationem his modis sumptam, est terminus illius, id est, sacrificium per eam oblatum, & Eucharisticus cibus & potus per eam factus, & peracta consecratione manens: in quo præterea considerari possunt corpus & sanguis Christi, & species panis & vini, & verba consecrationis aliquo modo remanentia, vel habitudo quadam moralis specierum ad illa. Quartò denique præter hæc omnia superest usus, qui est participatio sacrificii oblari & consumptio cibi & potus sacri. Nam sicut olim sub lege veteri multa prius offerebantur Deo, quorum alii postea fiebant participes: ita voluit Christus sacrificium mysticum corporis & sanguinis sui cedere in usum fidelium: & cibum illum, ac potum sacramentalem, ut sumeretur, instituit.

Hæc omnia Eucharistiæ nomine latè sumpto comprehendere possunt, & inter se connexionem aliquam habent. Nam sacra & sensibilis ceremonia, quæ Christus immolatur & fit cibus, est una & eadem realiter, habens duos fines, quorum unus est sacrificandi, ad mortem Christi in cruce representandam, protestandamque diuinam excellentiam. Alter est constituendi cibum & potum sacrum ad spiritalem refectiorem animarum. Connectitur autem cum actione mirabili & invisibili, quæ Christus immolatur mysticè, & fit cibus & potus, cumque ipso sacrificio ac cibo & potu per eam constituto, ut causa cum actione & cum effectu suo. Et hæc denique cum sumptione connectuntur, ut usus rei cum re propter quem instituta est. Adde, quod Christus idem est qui & immolatur, & fit cibus & potus, & sumitur à fidelibus. Et species eadem panis vel vini adhibentur ad sacrificium, alimentum, & usum, per eadem verba quibus consecrantur.

6. *Est aliqua connectio inter illa.* Ex hac rerum Eucharisticarum multiplici- 7. *Varie sententiarum.* citate ortæ sunt variz Theologorum sententiarum, quorum aliqui volunt essentiam sacramenti Eucharistiæ positam esse in consecratione: alii in solis speciebus: alii in solo corpore Christi & sanguine, alii in corpore & sanguine cum speciebus sine verbis: alii in corpore, sanguine, speciebus & verbis: alii denique etiam usum addunt: ut testantur Suar. disp. 42. sect. 1. & seqq. Vasq. disp. 177. c. 2. & 3. & Aegid. Con. ad q. 73. n. 3. Quæ controuersia ut decidatur,

Supponendum est ex dictis de Sacram. in gen. licet, latè loquendo, signum quodcumque vel causa rei sacre sacramentum vocari possit, propriè tamen & strictè sumptum sacramentum nouæ legis duo requirere. Alterum est, ut sit signum sensibile permanenter & constanter à Christo institutum. Alterum, ut sit practicum & per se proxime, id est, non remotè per aliud signum effectuum rei sacre sanctificantis homines, hoc est, gratiæ habitualis propriè dictæ,

Disp. XXVIII. de Eucharist. Sect. I. 607

quam ex opere operato infallibiliter consecrat, nisi sit obex, ut exposuimus disp. 18. sect. 3. Senius ergo quæst. propositæ est, quid sit in Eucharistia quod sit signum sensibile permanenter & constanter à Christo institutum, & per se proximè effectuum gratiæ infallibiliter ex opere operato?

8. Respondeo & dico 2. Sacramentum Eucharistiæ consistere essentialiter non in consecratione, neque in usu: sed in cibo & potu sacro, constante ex corpore & sanguine Christi, ac speciebus consecratis. Hæc conclusio est contra Gabrielem in 4. dist. 8. q. 1. a. 3. dub. 2. ubi distinguit Eucharistiam in tria sacramenta: consecrationem, species consecratas, & usum siue sumptionem. Licet id non tam asserat, quam cum formidine proponat: eo modo quo solet novas opiniones inducere. Ratio eius est, quia definitio sacramenti his tribus convenit sigillatim. Ergo unumquodque illorum sacramentum est: Atque ita tria sunt Eucharistiæ sacramenta. Sed hæc opinio ab aliis omnibus merito reijcitur, & à Suarez disp. 42. sect. 2. initio, noua & absurda nominatur. Primò, quia Concilia de sacramento Eucharistiæ ex professo tractantia, Florent. in decret. & Trid. sess. 13. de Sacramento Eucharistiæ nunquàm nisi ut de vno loquuntur (aliud autem, præter illud quod Concilia agnoscunt, & quod vnum vocant Eucharistiæ sacramentum, asseri nequit sine temeritate) & Florent. ait illud verbis confici (nempe verbis consecrationis) *sacerdos enim in persona Christi loquens, hoc conficit sacramentum.* Trident. verò cap. 1. sess. cit. asserit, *In hoc sacramento post panis & vini consecrationem, Dominum nostrum Iesum Christum Deum atque hominem verè realiter, ac substantialiter sub specie illarum rerù sensibilium contineri.* Et c. 2. addit, Christum voluisse sumi hoc sacramentum tanquam spiritalem animarum cibum, quo alantur, & confortentur viuentes vita illius, qui dixit: *Qui manducat me, & ipse viuet propter me.* Et cap. 3. addit, hoc sacramentum existere ante usum, in eoque differre à reliquis sacramentis, quæ tantum in usu consistunt. Capite denique 5. & 6. docet, hoc sacramentum religiosè in processibus circumferri: in sacrario asseruari: ad ægrotos deferri: & latræ cultu adorari.

In quo consistat essentialiter hoc sacramentum?

Suarez.

Consecratio non est sacramentum Eucharistiæ.

9. Probat ex Trident.

Ex quibus omnibus sic argumentor: Sacramentum Eucharistiæ, de quo vno loquitur Concilia citata (aliud autem sine temeritate induci nequit) conficitur per verba consecrationis. Atqui consecratio non conficitur, id est, non fit per verba consecrationis, sed est ipsa verba consecratoria, sacerdotis ore prolata, quæ verba non sunt per seipsa: ergo consecratio non est sacramentum Eucharistiæ. Secundò, Sacramentum Eucharistiæ est post consecrationem, ex Trident. sess. cit. cap. 1. Sed consecratio non est post consecrationem: alioquin esset post seipsam: ergo consecratio non est sacramentum Eucharistiæ. 3. Christus verè,

realiter, ac substantialiter continetur in sacramento Eucharistiæ, ex Trident. ibidè. At Christus verè, realiter, ac substantialiter non continetur in consecratione, quæ nihil est aliud realiter ac substantialiter quam verba sacerdotis ore prolata. Ergo consecratio non est sacramentum Eucharistiæ. 4. Christus voluit hoc sacramentum sumi tanquam spiritalem animarum cibum, ex Tridentino cap. 2. At consecratio seu prolatio sacrorum verborum non sumitur, id est, non editur ut cibum: neque est cibum ipse, sed consecratio cibi & potus spiritualis: Ergo consecratio non est sacramentum Eucharistiæ. 5. Sacramentum Eucharistiæ habet esse permanens, & non est tantum quando fit, aut quando illo utimur, ut reliqua sacramenta, ex Trident. cap. 3. sess. 13. At consecratio non habet esse permanens, sed est tantum quando fit, quemadmodum ablutio & prolatio formæ Baptismi: Ergo consecratio non est sacramentum Eucharistiæ. 6. Sacramentum Eucharistiæ religiosè circumferitur in processibus, seruatur in sacrario, adoratur cultu latræ, ex Trident. cap. 5. & 6. sess. 13. At consecratio non circumferitur in processibus, non seruatur in sacrario, non adoratur &c. Ergo consecratio non est sacramentum Eucharistiæ. Si autem non est sacramentum Eucharistiæ: ergo nec est sacramentum nouæ legis propriè dictum. Nam non est vllum ex aliis. Dicere autem quòd sit aliud ultra Eucharistiam & illa lex, est apertè errare contra definitionem Florent. in decret. 5. *Nouæ legis.* & Trident. sess. 7. can. 1. *de Sacram. in gen.* affirmantis, sacramenta nouæ legis non esse plura nec pauciora quàm septem, Baptismum, Confirmationem, Eucharistiam &c. Sed neque Gabriel hoc contendit. Vult enim consecrationem esse vnum quoddam sacramentum Eucharistiæ, contra verba Conciliorum relata, & expensa.

7. Iisdem Conciliorum autoritatibus refellitur quòd ait Gabriel, non modò consecrationem, sed & usum esse sacramentum Eucharistiæ. Nam Florent. ait, sacramentum Eucharistiæ (de quo solo & tanquam vno semper loquitur) confici verbis consecrationis: *sacerdos enim in persona Christi loquens conficit hoc sacramentum.* At usus, id est, sumptio Eucharistiæ non conficitur verbis sacerdotis loquentis in persona Christi: sed est actio recipientis & traiectionis in stomachum, aut motus localis cibi & potus traiectionis. Deinde Christus voluit sumi hoc sacramentum ex Trident. sess. 13. cap. 2. ergo si usus est sacramentum Eucharistiæ, Christus voluit usum sumi, id est sumptionem summi, comestionem comedi, quòd est absurdum. Item sacramentum est cibum spiritualis, ex Trident. ibidem. At usus cibi non est cibum simpliciter, sed functio circa cibum, id est, applicatio, & sumptio, ac traiectionis in stomachum: vel passivè cibum sumptus & traiectus, ut sic. Vltèrius sacramentum Eu-

107
Vnus, siue sumptio non est sacramentum Eucharistiæ.

charistiae existit ante usum, & habet esse permanens ex Trident. eadem sess. cap. 3. At usus non existit ante usum, neque habet esse permanens, sed est tantum quando fit. Præterea ex Trident. ibidem cap. 1. initio, & cap. 3. circa medium, sacramentum Eucharistiae est statim post consecrationem. At usus non est statim post consecrationem, sed aliquandiu differtur, & interdum diutissime, potestque omnino non esse. Denique ex Trident. cap. 5. & 6. Sacramentum Eucharistiae circumfertur in processibus, servatur in sacrario, deferitur ad aegros. At usus non circumfertur in processibus, non servatur, non deferitur. Ergo &c. Adde, quod si usus esset sacramentum Eucharistiae, distinctum à cibo & potu sacro, ut vult Gabriel; sequeretur, nullum posse communicare, quin recipiat duo sacramenta Eucharistiae: sicut nullus recipit omnes eos ordines quorum singuli sunt sacramenta, quin recipiat plura sacramenta: & consequenter reciperet duplicem effectum gratiae. Illis enim duobus sacramentis deberent duo effectus responderi: maxime in sententia Gabrielis, & Nominalium aliorum, dicentium eundem effectum non posse fieri à duabus causis totalibus in eodem genere causae.

11.

Evadit
fundamen-
tum con-
secrationis sen-
tentiae.

Ad fundamentum Gabrielis, Respondeo, falsum esse quod assumit: definitionem Sacramenti convenire sigillatim tribus illis. Nam vera definitio sacramenti novae legis in genere, non est illa quam Gabriel ibidem supponit, aut malè exponit, sed illa quam suo loco tradidimus, *Est signum sensibile permanens in usum, ad significandam & efficiendam gratiam in, autibiliter ex opere operato*: idque per se proxime, id est, non remote per aliud signum. In quem sensum accipiendæ sunt vulgatae definitiones D. Thomae, & Magistri Sentent. *Signum rei sacrae sanctificantis humiter*: signum, inquam, practicum, & per se proxime in genere signi effectuum gratiae formaliter ac simpliciter sanctificantis homines: vel ut Magister definit, *Invisibilis gratiae visibilis forma*, id est, sensibilis, *et simul imaginem gerens, et causa existens*, id est, eam simul significans, & efficiens per se proxime infallibiliter, & ex opere operato. Hæc autem definitio non convenit consecrationi, nec usui Eucharistiae. Nam consecratio non est per se proxime effectiva gratiae sanctificantis, sed tantum cibi & potus sacri, à quo efficitur gratia sanctificans, & à signo immediate & proxime illius effectivum: mediante usu, non ut causa effectiva, & signo practico intermedio; sed tantum ut conditione sine qua non. Sicut enim in naturalibus comestio non est cibus, quo corpora nostra aluntur; sed est cibi applicatio, & conditio sine qua non nutretur: sic Eucharistiae sumptio non est cibus ille spiritalis, quo nutriuntur animæ, & in quo est vis nutriendi per gratiam, seu potius qui est vis ipsa instrumentalis nutritiva: sed est tantum applicatio cibi, & conditio sine qua non nutretur.

Contra verò, cibus ille & potus spiritalis constans ex corpore & sanguine Christi, ac speciebus consecratis, est signum sensibile permanenter institutum; & per se proxime, ac non per aliud signum, est effectivum gratiae in modum nutritionis spiritalis: ergo ille est, è tribus enumeratis, cui soli convenit definitio sacramenti. Illi etiam soli conveniunt quaecumque de sacramento Eucharistiae dicuntur à Florent. & Trident. locis supra allatis & expensis. Nam conficitur verbis sacerdotis consecrantis: & in eo Christus verè, realiter, ac substantialiter continetur: & Christus voluit eum sumi tanquam spiritalem animarum cibum & potum: & existit ante usum, habetque esse permanens præ reliquis sacramentis: & statim est post consecrationem: ac denique religiose circumfertur in processibus, servatur in sacrario, deferitur ad infirmos, & cultu latræ adorandus proponitur. Illi quoque soli tribuitur vis sanctificandi & nutriendi spiritaliter Ioan. 6. n. 52. & sequentibus: *Panis quem ego do, caro mea est pro mundi vita*. Quare ille solus est sacramentum Eucharistiae, iuxta mentem Conciliorum, non autem consecratio, neque usus. Ad idem confirmandum valent plura sanctorum Patrum testimonia, quæ apud Suar. disp. 42. & alios videri possunt.

12.

Eucharistia sacra-
mentum est
cibus in cibo
& potus spiri-
talis.

SECTIO II.

Solutio objectionum.

Obiectio 1. Verba consecrationis habere vim ponendi corpus & sanguinem Christi in speciebus infallibiliter, & ex opere operato. Ponuntur autem vi verborum, ut ait Trident. sess. 13. cap. 3. Hæc autem vis est sacramentalis; estque signi efficacia ad exhibendum id quod significat. Respondeo, vim illam esse sacramentalem late loquendo, quatenus est effectiva altius rei sacrae; quemadmodum & vis conficiendi chrisma, iuxta Christi institutionem, in materiam sacramenti Confirmationis: sed non esse strictè & propriè sacramentalem: quia non est vis per se proxime, in genere signi sensibilis, effectiva gratiae sanctificantis formaliter recipientes. Et verò si valeret obiectio, consecratio chrismatis non minùs esset ponenda in numero sacramentorum novae legis: quod inauditum est.

13.

Verba con-
secrationis
non sunt sa-
cramentum.

Instabis, quia verba consecrationis sunt per se proxime in genere signi effectiva gratiae, formaliter sanctificantis, nempe gratiae ipsius animæ Christi, quæ ponitur in sacramento unà cum corpore & sanguine & anima Christi. Respondeo primò, Gratiā illam non poni per se vi verborum, sed tantum per accidens, ob concomitantiam quam habent in statu Christi naturali. Neque enim posita fuisset in triquo mortis Christi:

14.

sed in sacramento corpus & sanguis fuissent separatim inter se, & ab anima: sicut erant extra sacramentum. Et tamen tunc sacramentum essentialiter idem fuisset, quod nunc est. Respondeo secundò per gratiam sacramentalem intelligi eam quæ formaliter sanctificat recipientem sacramentum: cuiusmodi non est gratia Christi, quæ formaliter quidem Christum sanctificat; at non eum qui sacramentum accipit.

15.

Error Calvinist. sacram. hoc consistere tantum in usu.

Deinde contra id quod diximus, usum Eucharistiae non esse sacramentum, nec eius partem: sed tantum esse applicationem, & conditionem sine qua Eucharistia non operatur gratiam, multa opponunt Calvinistæ, quicum Caluino lib. 4. Instit. cap. 17. n. 37. affirmant sacramentum Eucharistiae consistere tantum in usu, id est, in actu sumptionis, vel sine illa nullum esse: eaque de causa notat Calvinus Christum ita dixisse, *Hoc est corpus meum, Hic est sanguis meus*: ut simul dixerit, *Accipite, & manducate: Bibite, ex hoc omnes*: & promissionem prioribus verbis contentam annexerit præcepto posterioribus verbis explicato, ita ut ab eo separata, nullum sit sacramentum: adeoque vult Calvinus Eucharistiae sacramentum saltem ex parte in usu ipso consistere, ut amplius liquet ex argumentis, quibus tum ipse, tum eius sectarii hunc errorem præcipue stabilire conantur. Quorum primum est, quia de natura sacramentorum iudicandum est ex verbis institutionis. Atqui verba institutionis Eucharistiae non minus significant illam consistere essentialiter in usu, quam verba institutionis Baptismi id de Baptismo significant. Ergo Eucharistia non minus consistit in usu, quam Baptismus. Maior est evidens. Minor probatur: idcirco enim ex verbis institutionis Baptismi colligimus ipsum consistere essentialiter in usu; quia Christus illum instituens dixit, *Baptizate omnes gentes*, siue ut habetur Matth. ult. *Euntes docete omnes gentes baptizantes eos in nomine Patris, & Filii, & Spiritus sancti*: vox autem, *Baptizate*, actionem, & usum significat. Atqui similiter instituens Eucharistiam usus est verbis actionem significantibus, dicens, *Accipite, & manducate: Bibite ex hoc omnes, Hoc facite in meam commemorationem*.

Solvitur primum illorum argumentum.

Respondeo, Maiorem huius argumenti, ut vera sit, debere intelligi non de quibuscunque verbis in institutione sacramenti prolatis, & ad præparationem illius, verbi gratia, vel ad finem, aut præceptum eius celebrandi spectantibus: sed de illis, quæ formæ sacramenti sunt essentialia: quæ verba in institutione Eucharistiae sunt ista, *Hoc est corpus meum: Hic est sanguis meus*. In institutione autem baptismi sunt hæc, *Baptizate in nomine Patris, & Filii, & Spiritus sancti*. Est autem manifestum priora non significare usum, & actionem, sed rem consistentem, nempe corpus, & sanguinem Christi positum sub speciebus panis & vini per modum cibi, & potus sacri. Cibus autem & potus

existunt ante usum, & sumptionem: neque manducatio, & bibitio sunt illorum essentia, vel pars essentialis: sed sunt dumtaxat usus, & finis, ad quem referuntur. Usus autem & finis rei ad aliquem usum ordinatæ, non est de illius essentia: estque manifestum usum comestitionis, & potionis non esse de essentia cibi, & potus materialis, sed totam illorum essentiam existere ante usum. Quare verba illa Christi, *Accipite & manducate, Bibite ex hoc omnes*, non pertinebant ad declarandam sacramenti essentiam: sed ad significandum ipsius usum; vel etiam ad imponendum præceptum utendi Apostolis, quibus porrigebat; sicut & illa; *Hoc facite*, pertinebant ad præceptum sacrificandi, exemplo Christi: & alia, quæ immediate ante consecrationem fecit, ut lotio pedum, & admonitio illa, *Qui lotus est non indiget nisi ut pedes lauet*, &c. spectabant ad illius præparationem.

16.

Quilitor secundum.

Secundum illorum argumentum, omittis aliis leuioribus, est huiusmodi: Tunc tantum est sacramentum Eucharistiae, quando est signum sensibile efficax gratiæ nutrientis, vel illius promissionem conscientis nostris obsignans. Atqui Eucharistia id totum non habet nisi in usu: tunc enim tantummodo confert, vel obsignat gratiam nutrientem, iuxta illud Ioan. 6. v. 54. & sequentibus, *Nisi manducaueris carnem filii hominis, & biberis eius sanguinem, non habebis vitam in vobis. Qui manducat meam carnem, & bibit meum sanguinem, habet vitam æternam*, &c. Respondeo, maiorem propositionem, ut vera sit, debere intelligi de signo efficaci in actu primo, & quantum est de se, modò non desit conditio necessaria, ut tale signum operetur, & sit efficax in actu secundo. Hoc autem habet Eucharistia ante usum: quia ex Christi institutione est signum practicum, & efficax gratiæ in actu primo, id est, habens vim illius efficiendæ per modum spiritualis refectionis, posita conditione sumptionis sacri illius cibi, & potus spiritualis: simili modo, quo cibus, & potus materialis ante usum habet virtutem, & aptitudinem nutriendi, posita conditione manducationis, & potionis. Porro non esse de ratione, & essentia sacramenti, ut sit aliter efficax gratiæ, quam in actu primo, confirmari potest exemplo Baptismi, qui si ab adulto indisposito recipiatur, non habet effectum gratiæ sanctificantis, adeoque non est efficax in actu secundo: tamen habet veram, & totam Baptismi essentiam. Plura aduersus hunc errorem Calvinistarum, & alium finalem Lutheranorum, videri possunt apud Ysambertum q. 83. art. 2. 3. & 4. ubi fute, & accurate illum refellit, & reliquis eorum argumentis satisfacit.

17.

Obiici etiam potest in fauorem sententiæ Gabrielis supra relatæ num. 10. vltim. Eucharistiae esse sacramentum, à Christo institutam, significantem & efficientem gratiam infallibiliter; iuxta illud Ioan. 6. *Qui*

Tertium arg. Gabr. ad probandum usum esse sacr.

manducat meam carnem, &c. Ergo vel est sacramentum, vel saltem pars sacramenti Eucharistiae. Confirmatur, quia Eucharistia non causat gratiam nisi cum usu coniuncta, cui usui gratia promittitur verbis relatis, ex Ioan. 6. *Qui manducat meam carnem, & bibit meum sanguinem, habet vitam aeternam*: & alioqui sine manducatione conferret gratiam dummodo aliter applicaretur, ut cibus materialis, in stomacho positus quomodocumque, nutrirer. Neque satisfacit id quod supra respondimus, Eucharistiam fuisse institutam per modum cibi & potus: cibus autem & potus, & tota eorum vis nutriendi, est ante usum; ita ut usus, seu functio, sit tantum applicatio causae completae praexistens, & conditio sine qua non. Non satisfacit, inquam, quia Extrema-unctio fuit similiter instituta in modum medicinae, cuius tota essentia & vis est ante usum siue applicationem: Et tamen non solum oleum benedictum, sed ipse usus & unctio est de essentia sacramenti.

16.
Solutio
quo run-
dam refel-
litur.

Huic argumento respondent aliqui recentiores, oleum non esse institutum in ratione sacramenti per modum medicinae adaequatè causantis: sicut est Eucharistia per modum cibi adaequatè nutrientis. Alioqui sicut in naturalibus medicina à quolibet applicata operatur, & Eucharistia à quolibet data: sicut etiam oleum sacrum à quolibet ministro sine ullis verbis applicatum operaretur gratiam, quod est falsum. Nam ex Christi institutione requiritur unctio, facta à tali ministro cum tali forma verborum. Ex quo sequitur ipsum oleum benedictum non significare completè gratiam sine tali actione. Quae quidem actio etiam significat particulariter ex Christi institutione; adeoque est pars signi, seu sacramenti, & non mera applicatio.

17. Sed haec solutio non satisfacit. 1. Quia sacramenta non perficiuntur rebus & verbis physicè solum consideratis, sed moraliter, prout sunt à tali vel tali persona & in talibus circumstantiis; puta, cum intentione ministri, atque etiam recipientis, si adultus est. Quare licet oleum sacrum fuisset institutum per modum medicinae adaequatè sanantis, non sequeretur debere operari à quocumque applicaretur. Sanè baptismus est adaequatè causa regenerationis: & tamen non operatur, neque est baptismus sacramentalis, datus sine intentione ministri, aut sine intentione adulti recipientis. Absolutio quoque à peccatis cum praevia confessione & attritione, est causa adaequata remissionis peccatorum. Et tamen non operatur, neque sacramentum est, nisi fiat à sacerdote habente iurisdictionem cum debita intentione. 2. Sicut ex Christi institutione requiritur unctio facta à tali ministro, cum tali forma verborum: ita requiritur manducatio cum aliqua dispositione conveniente in adultis, ut Eucharistia operetur: & in omnibus sacramentis requiritur ex Christi institutione intentio ministri. Ex tamen inde non sequitur Eu-

charistiam non significare completè gratiam sine tali manducatione: aut alia sacramenta, sine ministri intentione: adeoque manducationem & intentionem esse partem signi seu sacramenti: ergo similiter non sequitur unctioem esse partem signi seu sacramenti Extremae-unctionis, ex eo præcisè quod requiratur ex institutione Christi.

18. Aliter ergo Respondeo ad primum, Usus Eucharistiae non esse faciam ceremoniam institutam à Christo ad significandam & efficiendam per se gratiam infallibiliter, & ex opere operato, sed ad applicandum signum efficax gratiae, & causam nutritionis spiritualis. Cum enim hoc sacramentum sit institutum in modum cibi & potus sacri ad spiritalem animae refectioem de illo philosophandum est ut de cibo & potu materiali, cuius vis reficiendi non consistit in usu, sed in ipsa eius substantia, quae res permanens est: usus verò, siue manducatio, est tantum applicatio, & conditio necessaria ut sumentis proficit.

Ad secundum dico usum requiri ut applicationem causae sanctificantis: & gratiam manducanti promitti propter corpus & sanguinem Christi sub speciebus constitutum, ut causam: propter manducationem verò, velut applicationem & modum applicandi necessarium ut causet. Nam ex Dei institutione debet applicari, & tali modo applicari; licet Deus per miraculum dispensare possit in tali modo applicationis, ut aliquando fecisse refert Cardinalis Delugo ex Salmerone, disp. 1. de Eucharist. num. 115.

19. Ad tertium Respondeo, differentiam esse inter Eucharistiam, & Extremam-unctionem; quòd Eucharistia fuit instituta per modum cibi & potus permanentis & existentis ante usum, ac sine usu: At Extrema-unctio fuit instituta in modum medicinae seu remediae transeuntis, & in usu ipso consistentis: ut sunt frictiones quaedam, & attractiones humorum, & corporis agitationes, & emissiones sanguinis, & similes. Quae differentia patet ex institutione utriusque sacramenti. Nam Christus instituens Eucharistiam sic pronunciauit: *Hoc est corpus meum*, &, *Hic est sanguis meus*, loquens de illis ut de rebus permanentibus. Iacobus verò Apostolus promulgans institutionem sacramenti Extremae-unctionis, sic ait cap. 5. suae epistolae, *Infirmatur quis in vobis? Inducat Presbyteros Ecclesiae, & orent super eum ungentes oleo in nomine Domini*. Sicut ergo Baptismus non est institutus in aqua permanente, sed in eius usu & applicatione, id est, in ablutione sub praescripta forma verborum, ut colligimus ex Christi verbis, *Baptizantes eos in nomine Patris, & Filii, & Spiritus sancti*, Matth. ult. sic ex illis Iacobi verbis, *Orent super eum ungentes oleo*, &c. bene colligimus hoc sacramentum non esse institutum in oleo sacro secundum esse permanens, sed in eius usu & applicatione, siue unctioem infirmi, cum oratione, seu forma verborum deprecatoria, simul adhibenda.

SECTIO III.

Quid sit præcisè & adæquatè sacramentum Eucharistiæ

20.

Respondeo, & dico tertio, Sacramentum Eucharistiæ adæquatè sumptum non esse solum corpus & sanguinem Christi sine speciebus: neque solas species sine corpore & sanguine Christi: neque simul corpus & sanguinem cum speciebus, sine verbis aliquo modo designantibus & determinantibus ad significandum sensibilibiter: sed hæc omnia in integro eius conceptu & directo Eucharistiæ significato includi. Prima pars huius assertionis probatur, quia sacramentum novæ legis est signum sensibile, ut patet ex eius definitione: idque sacramentum Eucharistiæ esse cum aliis commune affirmat Trident. sess. 13. cap. 3. initio. Atqui solum corpus & sanguis Christi, prout sunt in Eucharistia modo indivisibili, non sunt sensibilia: ergo solum corpus & sanguis Christi non sunt sacramentum. Neque respondeas esse sensibilia per species: sicut in sacramento Pœnitentiæ contritio est sensibilis per actum externum pœnitentiæ: & in matrimonio consensus internus est sensibilis per signum externum quo exprimitur. Nam contra: licet non sit quidem necessarium, ut quavis pars sacramenti sit per se sensibilis: integrum tamen sacramentum debet esse sensibile per se, aliqua saltem sui parte. Ideoque aliquid per se insensibile non potest esse integrum sacramentum. 2. Ex Trident. sess. 13. can. 1. In sacramento Eucharistiæ continetur verè, realiter & substantialiter corpus & sanguis Christi: Ergo Sacramentum Eucharistiæ non est solum corpus & sanguis Christi: alioqui containerentur in seipsis. Si enim sacramentum Eucharistiæ nihil est aliud, quàm corpus & sanguis Christi: dicere corpus & sanguinem Christi contineri in sacramento Eucharistiæ, erit dicere, corpus & sanguinem Christi contineri in seipsis. 3. Sancti Patres, & sacri Canones docent, Eucharistiam constare visibili elementorum specie. Ergo falsum est consistere in solo corpore & sanguine Christi. Nec obest quod iidem sancti Patres non raro vocant Eucharistiam, corpus Christi: intelligunt enim corpus non nudum, sed speciebus consecratis velatum, & verbis formæ designatum sensibilibiter: quod totum est integrum Eucharistiæ sacramentum cum sanguine similiter sub specie vini contento.

Solum corpus & sanguis Christi non sunt integrum sacramentum Eucharistiæ.

21.

Solas species non sunt totum sacramentum Eucharistiæ.

Secunda pars est contra Gabrielem in 4. dist. 8. q. 3. litera B. dicentem, solas species post consecrationem esse sacramentum Eucharistiæ, omnibus aliis semotis. Probatur autem, quia sacramentum Eucharistiæ conficitur per verba consecrationis, & adoratur cultu latriæ, & est cibus spirit. & causa vitæ

ac nutritionis animæ, ut loquuntur Concilia citata num. 8. At solæ species non sunt per verba consecrationis, neque solæ adorantur cultu latriæ, neque solæ sunt cibus spiritalis, & causa vitæ ac nutritionis animæ, cuius sanctificandi & vivificandi vis competit magis corpori & sanguini Christi, cuique tribuitur Ioan. 6. v. 53. & sequentibus. A iude, quod sancti Patres, Ignatius martyr in epist. ad Smyrnenes, vti refert Theodoret. Dialogo 3. Iustinus martyr in Apologia ad Antoninum, lib. 4. cap. 24. alique plures dicunt Eucharistiam esse carnem & sanguinem Christi: & in hoc sacramento esse Christum, quia est corpus Christi, ut ait Ambros. lib. de Initiandis, cap. 9. & constare duobus, visibili elementorum specie, & invisibili Christi carne & sanguine, veluti personæ Christi constat ex Deo & homine, ut dicitur can. Hoc est, de Consecrat. dist. 2. Quæ & similia non essent vera, si species solæ essent totum & integrum sacramentum Eucharistiæ.

Obiicies, capite Cum Martha, de Celebratione missarum expressè dici species panis & vini esse sacramentum tantum. Et can. Ego Berengarius, de Consecrat. dist. 2. coactum esse Berengarium fateri, panem & vinum, quæ in altari ponuntur, non solum sacramentum, sed etiam verum corpus & sanguinem Domini nostri Iesu Christi esse. Vbi apertè sacramentum distinguitur à corpore & sanguine Christi. Item can. Hoc est, supra cit. dicitur quidem sacrificium Ecclesiæ constare duobus, visibili elementorum specie, & invisibili Christi carne & sanguine: sed additur, Sacramento, & re sacramenti. Respondeo, Sacramentum his locis sumi, ut sequitur aliàs, pro eo quod dicitur Sacramentum tantum, iuxta eam divisionem, de qua alibi, in sacramentum tantum, rem tantum, & rem ac sacramentum: id est, id quod tantum significat, id quod tantum significatur, & id quod partim significat, partim significatur. Quorum primum fatemur esse in sacramento Eucharistiæ species consecratas, id est, verbis moraliter coniunctas, quæ significant tantum, non verò significatur. Corpus autem Christi, & sanguis, est res & sacramentum: quia partim significat gratiam nutritionis, partim significatur à speciebus consecratis. Gratia denique res tantum est: quia tantum significatur.

22.

Tertia pars conclusionis est contra Bellarm. Valsq. Aegid. Coninc, & alios affirmantes, species panis & vini vna cum corpore & sanguine Christi constituere, atque integrè componere sacramentum Eucharistiæ. Probatur autem primò ex dictis disp. 19. de Sacram. in genere, sect. 2. vbi conati sumus ostendere generaliter omnia sacramenta novæ legis constare rebus & verbis, ut materia & forma: ibidemque pluribus Aduersariorum argumentis respondimus. Secundò, speciatim probatur, quia sacramentum Eucharistiæ significat in recto illud totum quod à

Neque corpus & sanguis cum speciebus hac verbis

23.

610 Disp. XXVIII. de Eucharist. Sect. II.

manducet meam carnem, &c. Ergo vel est sacramentum, vel saltem pars sacramenti Eucharistiae. Confirmatur, quia Eucharistia non causat gratiam nisi cum usu coniuncta, cui usui gratia promittitur verbis relatis, ex Ioan. 6. *Qui manducet meam carnem, & bibit meum sanguinem, habet vitam aeternam*: & alioqui sine manducatione conferret gratiam dummodo aliter applicaretur, ut cibus materialis, in stomacho positus quomodocumque, nutrirer. Neque satisfacit id quod supra respondimus, Eucharistiam fuisse institutam per modum cibi & potus: cibus autem & potus, & tota eorum vis nutriendi, est ante usum; ita ut usus, seu functio, sit tantum applicatio causae completae praexistens, & conditio sine qua non. Non satisfacit, inquam, quia Extrema-unctio fuit similiter instituta in modum medicinae, cuius tota essentia & vis est ante usum siue applicationem: Et tamen non solum plenum benedictum, sed ipse usus & unctio est de essentia sacramenti.

16.
Solutio
quo run-
dam refel-
litur.

Huic argumento respondent aliqui recentiores, oleum non esse institutum in ratione sacramenti per modum medicinae adaequatè causantis: sicut est Eucharistia per modum cibi adaequatè nutrientis. Alioqui sicut in naturalibus medicina à quolibet applicata operatur, & Eucharistia à quolibet data: sicuti oleum sacrum à quolibet ministro sine ullis verbis applicatum operaretur gratiam, quod est falsum. Nam ex Christi institutione requiritur unctio, facta à tali ministro cum tali forma verborum. Ex quo sequitur ipsum oleum benedictum non significare completè gratiam sine tali actione. Quae quidem actio etiam significat particulariter ex Christi institutione; adeoque est pars signi, seu sacramenti, & non mera applicatio.

17. Sed haec solutio non satisfacit. 1. Quia sacramenta non perficiuntur rebus & verbis physicè solum consideratis, sed moraliter, prout sunt à tali vel tali persona & in talibus circumstantiis; puta, cum intentione ministri, atque etiam recipientis, si adusus est. Quare licet oleum sacrum fuisset institutum per modum medicinae adaequatè sanantis, non sequeretur debere operari à quocumque applicaretur. Sanè baptismus est adaequatè causa regenerationis: & tamen non operatur, neque est baptismus sacramentalis, datus sine intentione ministri, aut sine intentione adulti recipientis. Absolutio quoque à peccatis cum praevia confessione & attritione, est causa adaequata remissionis peccatorum. Et tamen non operatur, neque sacramentum est, nisi fiat à sacerdote habente iurisdictionem cum debita intentione. 2. Sicut ex Christi institutione requiritur unctio facta à tali ministro, cum tali forma verborum: ita requiritur manducatio cum aliqua dispositione conveniente in adultis, ut Eucharistia operetur: & in omnibus sacramentis requiritur ex Christi institutione intentio ministri. Ex tan.en inde non sequitur Eu-

charistiam non significare completè gratiam sine tali manducatione: aut alia sacramenta, sine ministri intentione: adeoque manducationem & intentionem esse partem signi seu sacramenti: ergo similiter non sequitur unctioem esse partem signi seu sacramenti Extremae-unctionis, ex eo præcise quod requiratur ex institutione Christi.

18. Aliter ergo Respondeo ad primum, Vsum Eucharistiae non esse faciem ceremoniam institutam à Christo ad significandam & efficiendam per se gratiam infallibiliter, & ex opere operato, sed ad applicandum signum efficax gratiae, & causam nutritionis spiritualis. Cum enim hoc sacramentum sit institutum in modum cibi & potus sacri ad spiritalem animae refectionem de illo philosophandum est ut de cibo & potu materiali, cuius vis reificandi non consistit in usu, sed in ipsa eius substantia, quae res permanens est: usus verò, siue manducatio, est tantum applicatio, & conditio necessaria ut sumentis proficit.

Ad secundum dico usum requiri ut applicationem causae sanctificantis: & gratiam manducanti promitti propter corpus & sanguinem Christi sub speciebus constitutum, ut causam: propter manducationem verò, velut applicationem & modum applicandi necessarium ut causet. Nam ex Dei institutione debet applicari, & tali modo applicari; licet Deus per miraculum dispensare possit in tali modo applicationis, ut aliquando fecisse refert Cardinalis Delugo ex Salmerone, disp. 1. de Eucharist. num. 115.

19. Ad tertium Respondeo, differentiam esse inter Eucharistiam, & Extremam-unctionem; quod Eucharistia fuit instituta per modum cibi & potus permanentis & existentis ante usum, ac sine usu: At Extrema-unctio fuit instituta in modum medicinae seu remedii transeuntis, & in usu ipso consistentis: ut sunt frictiones quaedam, & attractiones humorum, & corporis agitationes, & emissiones sanguinis, & similes. Quae differentia patet ex institutione utriusque sacramenti. Nam Christus instituens Eucharistiam sic pronunciauit: *Hoc est corpus meum*, &, *Hic est sanguis meus*, loquens de illis ut de rebus permanentibus. Iacobus verò Apostolus promulgans institutionem sacramenti Extremae-unctionis, sic ait cap. 5. suae epistolae, *Infirmatur quis in vobis? Inducat Presbyteros Ecclesiae, & orent super eum ungentes oleo in nomine Domini*. Sicut ergo Baptismus non est institutus in aqua permanente, sed in eius usu & applicatione, id est, in ablutione sub praescripta forma verborum, ut colligimus ex Christi verbis, *Baptizantes eos in nomine Patris, & Filii, & Spiritus sancti*, Matth. ult. sic ex illis Iacobi verbis, *Orent super eum ungentes oleo*, &c. bene colligimus hoc sacramentum non esse institutum in oleo sacro secundum esse permanentem, sed in eius usu & applicatione, siue unctioe infirmi, cum oratione, seu forma verborum deprecatoria, simul adhibenda.

SECTIO III.

Quid sit præcisè & adæquatè sacramentum Eucharistiæ

26.

Respondeo, & dico tertio, Sacramentum Eucharistiæ adæquatè sumptum non esse solum corpus & sanguinem Christi sine speciebus: neque solas species sine corpore & sanguine Christi: neque simul corpus & sanguinem cum speciebus, sine verbis aliquo modo designantibus & determinantibus ad significandum sensibilibiter: sed hæc omnia in integro eius conceptu & directo Eucharistiæ significato includi. Prima pars huius assertionis probatur, quia sacramentum novæ legis est signum sensibile, ut patet ex eius definitione: idque sacramentum Eucharistiæ esse cum aliis commune affirmat Trident. sess. 13. cap. 3. initio. Atqui solum corpus & sanguis Christi, prout sunt in Eucharistia modo indivisibili, non sunt sensibilia: ergo solum corpus & sanguis Christi non sunt sacramentum. Neque respondeas esse sensibilia per species: sicut in sacramento Pœnitentiæ contritio est sensibilis per actum externum pœnitentis: & in matrimonio consensus internus est sensibilis per signum externum quod exprimitur. Nam contra: licet non sit quidem necessarium, ut quævis pars sacramenti sit per se sensibilis: integrum tamen sacramentum debet esse sensibile per se, aliqua saltem sui parte. Ideoque aliquid per se insensibile non potest esse integrum sacramentum. 2. Ex Trident. sess. 13. can. 1. In sacramento Eucharistiæ continetur verè, realiter & substantialiter corpus & sanguis Christi: Ergo Sacramentum Eucharistiæ non est solum corpus & sanguis Christi: alioqui continerentur in seipsis. Si enim sacramentum Eucharistiæ nihil est aliud, quàm corpus & sanguis Christi: dicere corpus & sanguinem Christi contineri in sacramento Eucharistiæ, erit dicere, corpus & sanguinem Christi contineri in seipsis. 3. Sancti Patres, & sacri Canones docent, Eucharistiam constare visibili elementorum specie. Ergo falsum est consistere in solo corpore & sanguine Christi. Nec obest quod iidem sancti Patres non raro vocant Eucharistiam, corpus Christi: intelligunt enim corpus non nudum, sed speciebus consecratis velatum, & verbis formæ designatum sensibilibiter: quod totum est integrum Eucharistiæ sacramentum cum sanguine similiter sub specie vini contento.

Solum corpus & sanguis Christi non sunt integrum sacramentum Eucharistiæ.

27.

Solas species non sunt totum sacramentum Eucharistiæ.

Secunda pars est contra Gabrielem in 4. dist. 8. q. 3. litera B. dicentem, solas species post consecrationem esse sacramentum Eucharistiæ, omnibus aliis semotis. Probatur autem, quia sacramentum Eucharistiæ conficitur per verba consecrationis, & adoratur cultu latræ, & est cibus spiritus, & causa vitæ

ac nutritionis animæ, ut loquuntur Concilia citata num. 8. At solæ species non sunt per verba consecrationis, neque solæ adorantur cultu latræ, neque solæ sunt cibus spiritalis, & causa vitæ ac nutritionis animæ, cuius sanctificandi & vivificandi vis competit magis corpori & sanguini Christi, cuius tribuitur Ioan. 6. v. 53. & sequentibus. A Iude, quod sancti Patres, Ignatius martyr in epist. ad Smyrnenes, ut refert Theodoret. Dialogo 3. Iustinus martyr in Apologia ad Antoninum, Irenæus lib. 4. cap. 24. alique plures dicunt Eucharistiam esse eandem & sanguinem Christi: & in hoc sacramento esse Christum, quia est corpus Christi, ut ait Ambros. lib. de Initiandis, cap. 9. & constare duobus, visibili elementorum specie, & invisibili Christi carne & sanguine, veluti personæ Christi constat ex Deo & homine, ut dicitur can. Hoc est, de Consecrat. dist. 2. Quæ & similia non essent vera, si species solæ essent totum & integrum sacramentum Eucharistiæ.

Obiicies, capite Cum Martha, de Celebratione missarum expresse dici species panis & vini esse sacramentum tantum. Et can. Ego Berengarius, de Consecrat. dist. 2. coactum esse Berengarium fateri, panem & vinum, quæ in altari ponuntur, non solum sacramentum, sed etiam verum corpus & sanguinem Domini nostri Iesu Christi esse. Vbi aperte sacramentum distinguitur à corpore & sanguine Christi. Item can. Hoc est, supra cit. dicitur quidem sacrificium Ecclesiæ constare duobus, visibili elementorum specie, & invisibili Christi carne & sanguine: sed additur, Sacramento, & re sacramenti. Respondeo, Sacramentum his locis sumi, ut sequis aliàs, pro eo quod dicitur Sacramento tantum, iuxta eam divisionem, de qua alibi, in sacramentum tantum, rem tantum, & rem ac sacramentum: id est, id quod tantum significat, id quod tantum significatur, & id quod partim significat, partim significatur. Quorum primum fatemur esse in sacramento Eucharistiæ species consecratas, id est, verbis moraliter coniunctas, quæ significant tantum, non verò significatur. Corpus autem Christi, & sanguis, est res & sacramentum: quia partim significat gratiam nutritionis, partim significatur à speciebus consecratis. Gratia denique res tantum est: quia tantum significatur.

22.

23.

Tertia pars conclusionis est contra Bellarm. Vasq. Aegid. Coninc, & alios affirmantes, species panis & vini vna cum corpore & sanguine Christi constituere, atque integrè componere sacramentum Eucharistiæ. Probatur autem primò ex dictis disp. 19. de Sacram. in genere, sect. 2. vbi conati sumus ostendere generaliter omnia sacramenta novæ legis constare rebus & verbis, ut materia & forma: ibidemque pluribus Aduersariorum argumentis respondimus. Secundò, speciatim probatur, quia sacramentum Eucharistiæ significat in recto illud totum quod à

Neque corpus & sanguis cum speciebus sine verbis.

612 Disp. XXVIII. de Eucharist. Sect. III.

Christo assumptum est, & institutum ad significandam sensibiliter gratiam in modum nutritionis. Illud autem non est sola species cum corpore & sanguine Christi: sed simul etiam verba formæ, quæ hoc magis expressè significant: ergo &c. Maior probatur 1. inductione aliorum sacramentorum. Hac enim de causâ Baptismus significat in recto ablutionem & verba: Pœnitentia, actus pœnitentis & sacerdotis, & sic de aliis. Probatur 2. hac ratione generali: quia ex iisdem componitur integrum significatum directum sacramenti, ex quibus componitur eius significatio sacramentalis, id est, signum significans à Christo institutum: siue eadem sunt partes sacramenti, quæ sunt partes totius signi significantis, à Christo instituti. Minor autem probatur, quia Christus non assumpsit solum, & instituit in signum sensibile & efficax gratiæ sanctificantis, corpus & sanguinem suum cum speciebus dumtaxat: sed etiam verba adhibuit, quibus sensibiliter significavit corpus & sanguinem suum dari in cibum & potum sacrum & spiritalem: Sicut in Baptismo non instituit solum lotionem aquæ, sed etiam verba significantia ablutionem illam esse mysticam & spiritalem: quæ verba sunt pars totius ceremoniæ seu signi sensibilis instituti ad significandam & efficiendam spiritalem regenerationem. Et verò sicut ablutio sola non significat illam sensibiliter sine verbis: ita corpus & sanguis Christi simul cum speciebus, sine verbis aliquo modo denominantibus & determinantibus ad significandum sensibiliter, non sunt signum per se sensibile nutritionis spiritualis. Nam species cum corpore & sanguine Christi, sine verbis, non sunt per se signum sensibile gratiæ, neque sunt sensibiliter cibus & potus Sacer, cum discerni per se non possint à speciebus non consecratis, id est, à pane & vino communi.*

Atque hoc ipsum fatetur Aegid. q. 73. n. 21. ubi ait, species non posse significare, Christum ibi verè esse præsentem, nisi ad hoc determinarentur per formam consecrationis, & quandam habitudinem ad eam iam pronunciatam. Secluso enim respectu ad talem formam, hostiæ consecratæ non magis significant Christum ibi esse præsentem, quàm non consecratæ. Hinc per se non possumus vnas ab aliis distinguere: sed solum quatenus scimus super vnas prolatam esse formam, super alias non. Vnde, inquit, si Deus sine vlla sensibili consecratione poneret corpus Christi sub speciebus: hoc compositum non haberet rationem veri sacramenti, aut saltem non nisi imperfectam, aut alterius rationis ab iis quæ iam sunt. Quia non esset propriè sensibile signum inuisibilis effectus gratiæ. Addit tamen num. 22. nec verba formæ, nec habitudinem ad illa, esse partem essentialem & intrinsecam ipsius sacramenti. sed aliquid ad ipsius constitutionem prærequisitum: sicut institutio verborum significantium in oratione, vel habitu-

do ad illam, non est pars intrinsecè componens orationem.

Contra quæ insto, argumentando ad hominem: Primum, quia integrum sacramentum Est charitiæ essentialiter & per se est signum sensibile effectus gratiæ, ut idem Aegidius ait n. 19. in fine, iuncto numero 21. pariter in fine. Atqui compositum totum ex corpore Christi & speciebus, non est essentialiter & per se signum sensibile effectus gratiæ, siue verbis determinantibus, aut habitudine ad illa, ut idem fatetur n. 21. Ergo illud compositum non est integrum sacramentum Eucharistiæ, siue verbis determinantibus, aut habitudine ad illa.

2. Id per quod aliquid essentialiter & per se sensibile, constituitur formaliter sensibile, ita ut sine illo non sit sensibile, est pars illius intrinseca & essentialis. Sed sacramentum Eucharistiæ, quod essentialiter & per se est sensibile signum effectus gratiæ, constituitur formaliter sensibile, per verba formæ, aut per habitudinem ad illa, ac sine illis non est per se signum sensibile effectus gratiæ: ergo verba formæ, aut habitudo ad illa, est pars intrinseca & essentialis sacramenti Eucharistiæ. Maior est evidens. Vnicuique enim est essenziale id, quo formaliter in suo esse essentiali constituitur. Minor autem traditur ab ipsomet Aegidio: & consequentia legitima est.

3. Habitudo illa specierum ad verba formæ super ipsas pronunciatæ, fictitia est, si per illam Aegid. intelligat aliud, quàm quod verba remaneant moraliter in memoria actuali vel habituali, adeo ut cogitando de speciebus, cogitemus simul de verbis super eas prolati, id est, cognoscamus verba consecrationis fuisse super eas pronunciatæ legitime, ab habente potestatem & intentionem faciendi quod Christus instituit. Quo pacto verba formæ manent moraliter, id est, per recordationem, coniuncta materiæ, quam determinant, ad magis expressè, imo ad simpliciter significandum sensibiliter corpus Christi, & effectum gratiæ: ad quem tamen significandum in modum nutritionis, iuvant species panis & vini per verba determinatæ, quatenus significant Christum ibi esse per modum cibi & potus, loco panis & vini. Alia verò habitudo intrinseca speciebus, fictitia est. Cum species illas non habeant ex se: neque accipiant à verbis extrinsecè denominantibus: neque ab institutione, à qua tantum res extrinsecè denominatur instituta, sine vlla mutatione intrinseca per eam præcisè inducta. Adde, quod illa habitudo, si esset, non esset sensibilis. Nam neque est visibilis, neque audibilis, neque villo alio se nsu externo vel interno perceptibilis. Ergo illa non potest constituere sacramentum Eucharistiæ per se & essentialiter sensibile. Quare necesse est constitui per ipsa verba, quæ prout pronunciantur actu, aut cognoscuntur fuisse pronunciatæ subter tales species, determinant illas ad significandum id quod

24.
Probatur,
verba esse
de essentia
Eucharist.

25.
Confirmatur.

con-

continent (nempe corpus & sanguine Christi) & id quod possunt in nobis efficere, spiritalem scilicet nutritionem. Unde consequens est eadem verba, prout actu, aut moraliter sunt, esse formam constitutionem sacramenti Eucharistiae: quatenus sunt pars eius magis determinans, & magis significans sensibiliter, illudque constituens in esse signi per se & essentialiter sensibilis effectus gratiae, atque ipsius corporis & sanguinis Christi, qui alioqui latet insensibiliter sub speciebus. Ex his enim constituitur sacramentum, id est, sacrae rei signum, ex quibus veluti constituitur eius significatio. Et illud habet rationem formae quod magis determinat & perficit significationem rei sacrae.

26. *Probatur a simili.* Sicut ergo in Baptismo verbi gratia ablutio determinatur per verba ad significandam spiritalem abluionem: & ideo in esse sacramenti, talia verba sunt forma talis materiei? Simili modo in Eucharistia, verba consecrationis, quae sunt pars totius ceremoniae à Christo adhibita & instituta, & determinant species ad rei sacrae & spiritualis nutritionis significationem, sunt forma compositi ex corpore & sanguine Christi ac speciebus: & cum illis constituunt unum sacramentum, non per physicam unionem & informationem, sed per extrinsecam denominationem, & coniunctionem tantum moralem, quatenus verba profertur actu super species, aut cognoscuntur fuisse super eas prolata: sine quo non intelligimus species esse consecratas & significare aut continere Christum, esseque cibum & potum sacrum, ordinatum ad spiritalem nutritionem animae. Quare verba non sunt tantum aliquid praerequisitum ad constitutionem sacramenti Eucharistiae, ut vult Aegidius: sed aliquid sine quo non potest intelligi formaliter constitutum in esse signi essentialiter & per se sensibilis, quale à Christo institutum est; & sine quo ut moraliter remanente, non remanet tale postquam consecratio defuit esse physicè, id est, postquam verba defuerunt physicè pronuciari.

27. Ad instantiam verò Aegidii de institutione respectu orationis significantis ex instituto: Respondeo differentiam esse. Nam vox illa, *Oratio*, supponit tantum pro terminis certo quodam modo connexis. Connotatiue autem significat institutionem terminorum ad significandum. At verò terminus ille, *Sacramentum*, supponit apud Theologos pro aliquo morali composito per se sensibili, assumpto & instituto à Christo, ad significandam & efficiendam gratiam. Cuiusmodi compositum in Eucharistia non sunt tantum species cum corpore & sanguine Christi, sed & verba super species prolata, quae magis significant id quod fit. Sicut Baptismus non supponit solum pro ablutione, connotando verba; sed pro ablutione, & verbis, connotando Christi institutionem, quod scilicet

Tom. IV.

tota haec cerimonia sensibilis fuerit à Christo assumpta ad significandam, & efficiendam gratiam regenerantem. Ad quod significandum magis concurrunt verba, quam ablutio sola, secundum eandem Christi institutionem. Et in uniuersum ex iis componitur sacramentum, ex quibus componitur significatio, id est, signum rei sacrae, quale fuit à Christo assumptum, & institutum.

Obiicies 1. argumentum nostrum probare substantiam panis, & vini, ut moraliter remanentem in memoria, esse partem intrinsecam sacramenti Eucharistiae: quia non cognoscimus sensibiliter species esse consecratas, nisi recordemur verba fuisse prolata super panem, & vinum consecrandum. Neque verò esset, aut fieret Eucharistiae sacramentum, si per Dei potentiam, species panis, & vini praecessissent sine substantia, ac super illas verba fuissent prolata. Addunt aliqui recentiores, malè à nobis colligi verba consecrationis esse partem intrinsecam sacramenti Eucharistiae, ex eo quod sine illis species, & corpus, aut sanguis Christi, non sunt signum sensibile gratiae, cum per se solas non possint discerni à speciebus non consecratis: neque enim cognoscimus laicum numero hostiam esse sanctificatiuam, & sacramentalem, nisi ex recordatione, quod super illam prolata fuerunt verba consecrationis. Nam, contra, inquit, neque haec verba *Hoc est corpus meum*, cognoscimus consecrare, nisi ex recordatione institutionis Christi. Neque cognoscimus pronunciantem illa verba ponere hunc effectum, nisi ex praesuppositione, quae censetur esse sacerdos ordinatus ab Episcopo: & adhuc oportet praesupponere Episcopum fuisse tale, & ordinasse. Ergo institutio Christi, ordinatio sacerdotis, & potestas Episcopi, qui eum ordinauit, essent pars intrinseca formae consecrationis: In d, iuxta hanc sententiam, omnes ordinationes usque ad Christum, essent pars illius intrinseca. Hoc autem est absurdum. Et sequela est manifesta ex paritate rationis. Item nescimus haec verba *Hoc est corpus meum*, significare corpus Christi, nisi ex concomitantia aliorum verborum, cum quibus haec pronunciantur, aut pronuciari solent à sacerdote consecrante, & simili ex recordatione institutionis hominum. Et tamen verba concomitantia consecrationis, & institutio hominum, non sunt pars intrinseca formae consecrationis. Item consensus & verba contrahentium matrimonium nihil habent intrinsecum; quod determinet ad intelligendum ritum illum esse sanctificatiuum, aut villo modo sacrum: sed hoc nouimus ex sola institutione Christi, quae docet Ecclesia. Et tamen institutio Christi, aut doctrina Ecclesiae, non est pars intrinseca sacramenti matrimonii. Itaque non est necessarium, ut ea ex quibus constat intrinsece sacramentum, significant gratiam sensibiliter per se sola, & nudè sumpta: sufficit enim ut significant per comparisonem ad alia,

Pff

38.
A quibus
se tenet
contractus.

ex quibus tamen non componitur sacramentum. Nam etiam aspersio aqua, & verba illa, *Ego te baptizo*, &c. non demonstrant gratiam in baptismo, nisi comparentur cum institutione Christi, & cum intentione baptizantis: & tamen nihil horum est pars intrinsece componens sacramentum, sed tantum est terminus extrinsecus ad quem comparari debet baptismus, ut intelligatur esse sacramentum.

29. *Cur verba fiat de essentia magis quam substantia panis & vini, aliaque connotata?* Ad 1. Respondeo negando paritatem. Licet enim ex Dei institutione substantia panis, & vini requiratur omnino ad effectum Eucharistiae, sique necessarium nos recordari verba consecrationis fuisse super panem, & vinum legitime prolata, ut cognoscamus species esse consecratas: tamen substantia ipsa panis, & vini non est à Christo assumpta, & instituta, ut pars signi sensibilis secundum se; sed tantum ut materia transiens destruenda per verba consecrationis, quibus inducimur in hanc recordationem, quaeque sufficienter significant sensibilibus Christi corpus, & sanguinem sub speciebus contineri, velut cibum & potum sacrum, loco prophani & communis substitutum, fueruntque à Christo assumpta, & instituta ad constituendum cum illis signum sensibile nutritionis spiritalis: sicut verba illa, *Ego te baptizo*, &c. fuerunt à Christo adhibita ad componendum cum ablutione signum sensibile regenerationis. Quare substantia panis, & vini se habet tantum extrinsece & connotatiue ad sacramentum Eucharistiae: non autem ut pars signi à Christo instituti. Eandemque ob causam neque intentio ministri, neque illius potestas, neque institutio Christi est pars intrinseca sacramentorum, sed aliquid extrinsecum ad illa praerequisitum velut eorum causa efficiens, extrinsece, & connotatiue importata nomine sacramenti. Secus autem verba, & alia symbola externa, quae sunt partes totius ceremoniae à Christo adhibita ad significandam, & efficiendam gratiam, & efficiendae aut ponendae à ministro legitimo, tum intentione faciendi id quod Christus instituit.

30. Ad 2. Respondeo, Argumentum nostrum non integrè referri ab aduersariis: neque enim colligimus verba consecrationis esse formam intrinsecam ex eo præcisè, quod sine illis non possit cognosci sensibilibus species esse consecratas, & valere ad effectum sacramentalem: fatemur enim alia quadam ad hoc intelligendū requiri, quae tamen non sunt pars intrinseca sacramenti, sed tantum connotata, & termini extrinseci comparationis, ut bene probat obiectio. Sed ex eo quod, ut diximus n. 24. sacramentum Eucharistiae significat in recto illud totum, quod à Christo assumptum fuit & institutum, veluti signum quoddam sacrum & diuinum, ad significandam sensibilibus gratiam in modum nutritionis. Illud autem non est solè species cum corpore & sanguine Christi, sed simul etiam verba fomes consecrationis, quae fuerunt à Christo adhibita in hoc sacro signoinstituendo,

quaeque spiritualem refectioem animae magis expresse significant. Maior probatur ex comparatione Eucharistiae, cum aliis sacramentis. Sicut enim v. g. sacramentum Baptismi significat in recto totum illud, quod à Christo assumptum fuit & institutum ad significandam gratiam in modum regenerationis, nempe ablutionem, & verba illa, *Ego te baptizo*, &c. Et sacramentum Confirmationis significat in recto vñctionem chrismaticam cum verbis, quia Christus haec duo assumpsit, & instituit ad significandam, & efficiendam gratiam in modum corroboracionis & vñctionis militaris: par est ratio ut Eucharistia, de qua, cum proportionem ad alia sacramenta philosophandum est, quantum fieri potest, significet in recto verba à Christo adhibita ad significandum corpus, & sanguinem suum sub speciebus per modum cibi & potus sacri, & consequenter nutritionem spiritualem animae per gratiam vi talis sacramenti productam. Minor autem, quod Christus non solum species assumpserit cum corpore, & sanguine Christi ad id significandum, verum etiam verba quae hoc magis expresse significant, nota est ex euangelica narratione institutionis, neque in dubium reuocari potest.

Obiic. 2. Si verba consecrationis sunt forma essentialis sacramenti Eucharistiae sequeretur non fore idem essentialiter Eucharistiae sacramentum, quod nunc est, si Deus immediate per se solum sine verbis panem, & vinum conuerteret in corpus, & sanguinem Christi, ac sub speciebus eodem modo poneret. Hoc autem est contra communem omnium sensum, inquit Marat. disp. 1. de Eucharist. sect. 4. Ergo, &c. Secundò, inquit, sequeretur sacramentum Eucharistiae non fore permanens, quia vnam partem essentialem haberet transcentem. 3. Sequeretur etiam defitutum sacramentum Eucharistiae, si penitus definat sensibilis memoria habitualis consecrationis: quia tunc verba non remanebunt moraliter sensibilibus, si v. g. neque sacerdotes, neque ullus alius hominum recorderetur, neque recordari possit has species fuisse consecratas. 4. Concil. Trid. verbis supra relatis agnoscit totum sacramentum Eucharistiae in eo quod circumfertur in processionibus, seruatur in pixide, deferretur ad aegros. Hoc autem est solum corpus & sanguis cum speciebus. 5. Causa efficiens non est pars intrinseca, & essentialis sui effectus. At verba sunt causa efficiens sacramenti, ex Florent. in Decreto 5. *Tertium est Eucharistiae sacramentum.* 6. Denique illa res non est pars essentialis sacramenti nouae legis, quae gratiam sanctificantem nec significat proximè, nec efficit. Huiusmodi autem sunt verba consecrationis, quae nihil aliud, quam corpus & sanguinem Christi cum speciebus significant, & efficiunt.

Ad primum, Nego minorem, quam Aecid. quoque supra expresse negat, licet alioquin eiusdem sententiae cum Maratio, qui non bene tale omnium sensum esse affirmat.

31. Argumenta in contrarium.

32.

Diluentur.

Ad secundum Respondéo, Sacramentum Eucharistiae dici permanens, quia tota eius materia proxima, quodque in hoc sacramento præcipuum est simpliciter ac fere totum, permanet physicè: in quo differt ab aliis sacramentis, quæ tam ex parte materiæ proximæ, quàm ex parte formæ, existunt tantum in actione, siue usu.

Ad tertium dico id non magis esse inconueniens, quàm quòd sacramentum Eucharistiae desitutum esse dicatur, si diuisio specierum fieret usque ad partes insensibiles: quia tunc sacramentum desineret esse sensibile, & consequenter desineret esse sacramentum. Quod ipsum docet idem Mærat. disput. 4. sect. 4. & alibi fusiùs confirmabitur. Siue tunc maneat corpus Christi sub talibus speciebus donec corrumpantur, siue non maneat. Quod perinde est quantum ad præsentem quæstionem, & alibi examinabitur, cum de hoc secundo casu disputabitur. Idem enim dicendum esse puto in utroque casu.

33. **Torum sacramentum Euchar. nò circumfer-
tur in processio-
nibus &c.** Ad quartum, Nego Trident. agnoscere totum sacramentum Eucharistiae in eo, quod circumferretur, &c. Non enim videtur hac voce *Torum*, neque negat sanguinem sub speciebus vini esse partem totius sacramenti Eucharistiae, quæ tamen non circumferretur in processionibus, neque seruatur in sacrario. Addo nec hostiam consecratam circumferri sine morali habitudine, seu coniunctione per recordationem ad verba. Alioqui enim non circumferretur ut signum sensibilibus sacrum, & diuinum, nec potest prudenter adoranda proponi. Neque propterea verba circumferuntur, sed tantum cognoscitur verba fuisse aliquando, & alicubi prolata super huiusmodi species, quæ circumferuntur. Quo modo verba dicuntur moraliter coniungi tali materiæ, & concurrere cum illa ad significandum. Frustrà verò instant aliqui recentiores, gratis omnino responderi Trident. non loqui de toto sacramento, cum ait illud circumferri in processionibus, asseruari in sacrario, & deferri ad ægrotos, sed tantum de vna eius parte præcipua: Nusquam enim, inquit, meminit Trid. huius distinctionis: Et cum dicat simpliciter & propriè sacramentum Eucharistiae circumferri, & seruari, non debet hoc nomine intelligi id quod non constituit saltem vnum numero sacramentum. Atqui si verba consecrationis sunt forma intrinsecè constituens corpus Christi sub speciebus, non est vnum numero sacramentum, sed tantum pars sacramenti. Modus autem ille loquendi est communis toti Ecclesie: omnes enim dicimus nos recepisse, manducasse, adorasse sacramentum Eucharistiae, etsi verba manducari nequeant, solamque hostiam consecratam receperimus & adorauerimus.

Respondéo enim non gratis, sed cum fundamento auctoritatis D. Thomæ, & omnium fere Theologorum, & rationis, quæ illi nituntur, affirmari Tridentinum & Catholicos

loqui de sacramento Eucharistiae non integrè, & adæquatè sumpto, sed secundum aliquam eius partem præcipuam, quando dicunt circumferri in processionibus, seruari in sacrario, & deferri ad ægrotos, licet Christus sub specie panis tantum circumferatur, & seruetur, aut ad ægrotos deferatur. Nam ut ostendamus inferiùs sect. 5. ex doctrina D. Thom. & omnium fere Theologorum, sacramentum Eucharistiae integrè sumptum constat vtraque specie panis, & vini, cum corpore, & sanguine Christi sub illis existente, & seorsim posito, quantum est ex vi verborum: quia est institutum per modum perfecti conuiuii, cibo & potu constantis, ad explendam famem, & sitim spiritalem. Quod etiam docent plurimi eorum, qui contendunt formam verborum consecrationis non esse partem intrinsecam sacramenti. Ergo quando dicunt sacramentum Eucharistiae circumferri, aut seruari, latum, aut seruatum sub altera tantum specie, non loquuntur de integro sacramento: neque ille potest esse communis sensus Theologorum, qui alioqui sibi contradicerent. At neque etiam est ille sensus communis reliquorum fidelium; quippe qui non aliter sentiunt, quàm à pastoribus, & Doctoribus instruuntur.

Ad quintum alibi responsum fuit disp. 19. de Sacramentis in genere, sect. 2. num. 14. Ad sextum dico verba consecrationis dupliciter comparari ad sacramentum Eucharistiae. 1. Ut causam efficientem, & sic proximè significant, & efficiunt corpus, & sanguinem Christi sub speciebus. 2. Ut formam moraliter informantem, & constituentem in esse cibi, & potus sacri sensibilibus; & sic concurrunt ad significandam, & efficiendam proximè gratiam in modum nutritionis spiritalis, ad quam cibus ille, & potus sacer totus quantus est, per se proximè ordinatur.

Superest notare idem quod est sacramentum Eucharistiae, esse simul sacrificium; sicut consecratio est simul actio sacrificandi, & effectio sacramenti. Christus enim in Eucharistia immolatur, quatenus vi verborum ponitur indiuisibiliter, mortuo quodam modo, sub speciebus panis, & vini: atque etiam mysticè, & quantum est ex vi verborum corpus à sanguine separatur: quatenus vi illorum & directè corpus ponitur sub speciebus panis, & sanguis sub speciebus vini. Aliud tamen connotatur nomine sacrificii, aliud nomine sacramenti. Et Eucharistia quidem dicitur, & est sacrificium, quatenus Christus ponitur sub speciebus, modo dicto, immutaturque & immolatur ad protestandam supremam Dei excellentiam, cui tali actione, & immutatione offertur. Hic enim est proprius finis sacrificii. Sacramentum verò est, & dicitur, quatenus est cibus, & potus sacer institutus ad nostram sanctificationem, per modum nutritionis spiritalis infallibiliter efficiendam. Quam vim non habet prout sacri-

34.

Eucharistia est simul sacrificium, & sacrificium, diuerso respectu.

ficiunt. Neque enim infallibiliter impetrat gratiam iis omnibus, pro quibus offertur. At verò ut sacramentum est, sanctificat omnes non indignè recipientes.

SECTIO IV.

Refutatur quedam opinio contraria.

35.

IN eo quod diximus, verba consecrationis esse formam intrinsecam sacramenti Eucharistiae, consentiunt præcipuè S. Thomas quæstionis 60. articulo 6. ad 3. & articulo 7. in corp. & quæstionis 26. articulo 1. ubi generaliter de sacramentis novæ legis affirmat, ex rebus & verbis fieri vnum, sicut ex materia & forma: nullum penitus ab hac assertionem generali excipiens. Deque Eucharistia specialiter idem asserit in quarto, distinctione octava, quæstione secunda, articulo primo, quæstiuncula prima, Suarez disputatione quadragesima secunda, sectione secunda, sub finem, & Cardinalis Delugo disputatione prima de Eucharistia sectione quarta. In qua tamen disputatione duo habet sententiæ nostræ contraria.

Eucharistia non significat in recto solum corpus & sanguinem.

Ac primò quidem sect. 3. contendit sacramentum Eucharistiae in recto dicere solum corpus & sanguinem Christi: species verò sacramentales & verba, tantum in obliquo. Ratio eius est quia de modo significandi & supponendi huius vocis, *Eucharistia*, iudicandum est ex modo communi, quo illam Patres & Theologi usurparunt. Atqui sancti Patres per illam vocem significarunt solum in recto corpus Christi, quia passim asserunt Eucharistiam esse corpus Christi: quæ propositio falsa esset, si Eucharistia includeret etiam species in recto: sicut falsò diceretur, Homo est materia; quia homo plus dicit in recto, quàm materia. Sic autem Patres locutos esse probat ex Ambrosio, August. Chrysost. Cypr. Origene, Irenæo, Iustino, Ignatio, aliisque pluribus quorum verba ibidem refert.

36.

Explicatur testimonium SS. Patrum.

Respondeo 1. Patres qui sic loquuntur, intelligere corpus Christi non nudè sumptum, sed coniunctum speciebus consecratis sub quibus latet. 2. Patres aliter etiam loqui, & disertè asserere species esse sacramentum. Sic enim loquitur D. August. vel Lanfranc. aut quis alius author canonis, *Hoc est*, de Consecrat. distinct. 2. ubi ait Eucharistiam duobus constare, visibili elementorum specie, & invisibili Christi carne & sanguine: Sacramento & re sacramenti. Et can. *Ego Berengarius*, eadem distinctione, coactus est à Patribus Concilii hæreticus ille fateri panem & vinum, quæ in altari ponuntur, non solum sacramentum, sed etiam corpus & sanguinem Christi esse. Nota, non solum sacramentum, sed etiam corpus & sanguinem: quæ distinctio esset falsa, si ipsum cor-

pus & sanguis sola essent sacramentum: essent autem sola sacramentum, si sacramentum in recto pro illis solum supponeret. Illud enim solum est sacramentum, de quo potest prædicari sacramentum cum particula, est. Et Innocent. III. in cap. *Cum Marthe*, de celebratione Missarum, dicit species visibiles esse sacramentum tantum. In omnibus autem aliis sacramentis id quod vocatur *sacramentum tantum*, pertinet ad rectum significatum sacramenti, ut patebit inductione: ergo & in Eucharistia. Cyprianus quoque, vel quis alius eius contemporaneus author libri de Cardinali. Christi operibus in sermone de Cæna Domini, prope initium, sic habet: *Panis iste quem discipulis Dominus porrigebat, non effigie, sed natura mutatus, omnipotentia Dei factus est caro. Et sicut in persona Christi humanitas videbatur, & latebat divinitas: ita in sacramento visibili invisibiliter divina se infudit essentia.* ubi per visibile sacramentum, intelligit species sensibiles quibus essentia divina Christi, cum natura eiusdem humana, invisibiliter se infudit. Eodem sensu fatetur ipsemet Cardinalis Delugo num. 44. intelligendum esse illud August. epist. 23. ad Bonifacium, ubi postquam ostendit nomen rei significatz tribui interdum ipsi signo: sic ait, *Sicut ergo secundum quendam modum sacramentum corporis Christi, corpus Christi est: sacramentum sanguinis Christi: sanguis Christi est: ita sacramentum fidei, fides est.* Fatetur, inquam, Augustinum ibi nomine sacramenti intelligere species solas panis & vini in recto. Et quod gravius est, Concil. Trident. sessio 13. capite 3. initio sic ait: *Commune hoc quidem est sanctissima Eucharistia cum ceteris sacramentis, symbolum esse rei sacra, & invisibilis forma formam visibilem.* Itaque ex doctrina Concilii Tridentini Eucharistia in recto est signum sensibile & visibilis forma invisibilis gratiæ. At corpus & sanguis Christi sola, prout sunt invisibiliter in sacramento Eucharistiae, non sunt forma visibilis & signum sensibile: ergo Eucharistia plus dicit in recto, quàm corpus & sanguinem Christi.

Cyprian.

Delugo.

August.

37.

Confirmatur, quia in omnibus aliis sacramentis materia & forma significantur in recto, ut fatetur auctor supra citatus, numero trigésimo tertio. Nulla autem est ratio aliter sentiendi de Eucharistiae sacramento. Neque enim urget quod ipse ait numero quadragesimo primo. Corpus Christi se habere quasi suppositum respectu specierum, quia succedit substantiæ panis in munere sustentandi: sicut ergo alia nomina significantia compositum ex substantia & accidentibus, supponunt pro supposito seu pro substantia: & in obliquo significant accidentia quæ tali substantiæ inhærent: sic, &c. Respondeo enim minorem propositionem non esse veram de nominibus artefactorum, quæ in recto supponunt etiam pro forma artificiali, æquæ

ac pro materia, vt domus, statua, scamnum, & similia. Sacramentum autem est quoddam artefactum morale.

38. 2. Idem author disput. cit. sect. 6. docet actionem transubstantiativam, id est, actionem quâ ponitur corpus Christi sub speciebus loco panis, & ex vi cuius definit esse substantia panis, esse de ratione intrinseca sacramenti Eucharistiae. Quia, inquit, illa actio est unio corporis Christi cum speciebus. Quare sicut ad conceptum hominis pertinet intrinsecè unio materiae cum forma: sic etiam in Eucharistia unio corporis Christi cum speciebus pertinet intrinsecè ad conceptum sacramenti. Notat autem actionem illam posse dupliciter considerari: nempe vel sub ratione primæ positionis; vel sub conceptu conseruationis corporis Christi sub illis accidentibus. Quæ quidem actio dat semper eandem denominationem, scilicet corpus Christi esse unitum vel quasi unitum speciebus: Hæc enim denominatio provenit non ab aliqua unione vera, quâ species informant corpus Christi; sed ab unione effectiva, quâ Christus in genere causæ efficientis sustentat accidentia. Ergo actio ista debet intrinsecè pertinere ad conceptum Eucharistiae, non solum vt via ad eius productionem: sed etiam vt unio vel quasi unio corporis Christi cum accidentibus. Hæc ille.

39. Cuius doctrinæ opponi potest primò, Actionem quâ aliquid fit, aut conseruatur, non esse de illius essentia, seu ratione intrinseca, sed præsupponi illius essentia & rationi intrinsecæ, quippe tanquam id, vi cuius ponitur res secundum essentiam suam & rationem intrinsecam: & à quo pendet tanquam ab exercitio & influxu agentis, seu tanquam à potentia actiua se exercente, & ponente effectum. Actio autem transubstantiativa est actio quâ fit & conseruatur Eucharistia: ergo, &c. Secundò, Non esse de ratione intrinseca, vel de essentia Eucharistiae aliam unionem, quàm moralem coniunctionem corporis Christi & specierum, id est, præsentiam intimam vtrorumque, inseparabilem ex Dei ordinatione, quamdiu species manent incorruptæ: quatenus Deus statuit tamdiu conseruare sub illis corpus Christi. Actio verò physica, quâ corpus Christi sustentet accidentia, meo iudicio est impossibilis, cum Eucharistica accidentia non sustententur aliter quàm actione creatiua, quæ actio superat potentiam obedientialem creaturarum. Et quamvis non esset impossibilis; esset tamen non necessaria ad essentiam & conceptum sacramenti: & multiplicaret miracula sine necessitate. Idemque dico de alligatione corporis Christi ad species, ortâ ex vi quam habeant species ad trahendum secum corpus Christi, quæ vis sit qualitas supernaturalis indita speciebus, vt idem author affirmat numero 39. Illa enim vis & qualitas ponitur sine fundamento sufficienti, ad multipli-

canda miracula sine necessitate, potestque sine illa sufficienter concipi sacramentum Eucharistiae, modò concipiatur constitutum ex speciebus consecratis & corpore ac sanguine Christi, existente sub illis per modum cibi & potus sacri, ad spiritalem refectionem ordinati. Quod autem diuinitas sustentet actiue accidentia Eucharistica, est extrinsecum & logicè accidentarium sacramento per se considerato; neque diuinitas est in sacramento vi verborum, sed tantum per concomitantiam. Multoquæ minus eius actio conseruatiua accidentium, hoc est, ipsamet Dei potentia vt sustentans accidentia, est intrinseca sacramento.

SECTIO V.

An sacramentum Eucharistiae sit vnum vel plura specificè

Sensus quæstionis est, An duæ species consecratae, vna panis, & altera vini, constituent vnum specie Sacramentum? An verò sint plura specie diuersa sacramenta totalia? Respondeo, esse plura partialia specie diuersa, & constituentia vnum specie totale sacramentum Eucharistiae, ad quod moraliter ordinantur vi institutionis. Ratio primæ partis est, quia species consecratae panis & vini sunt per se seorsim & sigillatim signa practica gratiæ, per modum cibi & potus spiritualis: differuntque specificè; quia est alia materia & forma cibi, & alia potus illius spiritualis: quorum vterque per se seorsim ac solus significat & efficit gratiam in modum nutritionis.

Secunda verò pars probatur, quia sacramentum Eucharistiae est institutum in genere conuiuii, seu refectionis spiritualis, vt patet ex illis Christi verbis Ioannis sexto, *Caro mea vere est cibus*, &c. Vnde in officio diuino de sanctissimo Sacramento, vocatur, *Sacrum conuiuium, in quo Christus sumitur, recolitur memoria passionis eius, mens impletur gratia*, &c. Ad perfectum autem conuiuium, seu refectionem integram, requiritur cibus & potus, quibus fames & sitis expleatur. Quare sicut cibus & potus materiales constituunt vnum conuiuium materiale, tanquam partes ad moralem illius constitutionem necessariæ: Ita cibus & potus Eucharistici constituunt vnum totale sacramentum Eucharistiae, institutum velut conuiuium spiritale. Idque vi diuinæ institutionis, quæ hoc sacramentum ad animæ refectionem perfectam ordinauit.

In hunc sensum accipe quod ait Diuus Thomas Quæstionis septuagesimæ tertiæ articulo secundo, vbi docet, sacramentum Eucharistiae esse multa materialiter, id est, constare partibus diuersis, quæ sunt multa sacramenta partialia seorsim

Fff 3

significantia & efficientia gratiam. Esse vero vnum formaliter & perfectiue, in quantum ex eis perficitur vna refectio, vt ait ib. ad 2. id est, partes illas concurrere ad vnum perfectum & integrum sacramentum perfectæ refectiois constituendum, quod sine illis non esset integrum & perfectum. Quemadmodum enim domus integratur ex partibus necessariis ad inhabitandum: sic conuiuium, ex cibo & potu necessariis ad perfectè reficiendum. Quæcunque autem requiruntur ad constitutionem vnius perfecti sacramenti, & sine quibus non esset perfectum sacramentum, dicuntur vnum vnitatem sacramenti, siue vnum sacramentum.

Refellitur
prima sen-
tentia con-
traria

Contrarium sentit Gabr. in 4. distinct. 8. quæst. 2. art. 2. conclus. 2. affirmans species consecratas panis & vini non esse vnum sacramenti vnitatem. Ratio eius est, quoniam alioqui laicus recipiens corpus solum sub specie panis non acciperet integrum sacramentum. Addi potest Patres & Ecclesiam sæpius vocare sacramenta in plurali, vtramque speciem consecratam panis & vini. 3. Ad perfectum sacramentum nouæ legis requiri & sufficere vt sit seorsim & separatim signum efficax gratiæ ex opere operato. Si ergo verum est non solum species panis & vini coniunctim, sed etiam seorsim esse signa efficacia gratiæ: ergo tam diuisim, quam coniunctim erunt sacramenta perfecta, saltem essentialiter: quamuis alioqui possint conuenire ad componendum vnum quoddam totale sacramentum aliquatenus perfectius integraliter, aut etiam essentialiter, constans ex utroque.

43. Ad primum Respondeo, Laicum accipere integrum Christum: sed non accipere integrum signum sensibile, neque integrum sacramentum. An verò accipiat integrum effectum perfectæ nutritionis dicemus alibi. Ad secundum Respondeo, Sæpius quoque Patres & Ecclesiam vocare vtramque speciem sacramentum in singulari. Cur autem etiam in plurali, ratio triplex est. 1. Quia sunt multa sacramenta partialia. 2. Quia sunt sacra signa rerum diuersarum, quas vi verborum continent, nempe corporis & sanguinis Christi. 3. Quia Patres & Ecclesia quando Eucharistiam vocant sacramenta, loquuntur de multis totalibus sacramentis numero diuersis, & perceptis à variis fidelibus. Vnde ille loquendi modus ab Ecclesia solet usurpari in postcommunione, in qua sacerdos pro sua & aliorum communione Deo gratias agit. Ad 3. Dico requiri ad perfectum sacramentum nouæ legis vt sit signum & causa gratiæ secundum perfectam quandam rationem in eo genere in quo institutum est. Quemadmodum Baptismus est signum & causa gratiæ secundum perfectam rationem regenerationis, & Confirmatio secundum rationem corroborationis athleticæ. Eucharistia verò secundum vnam speciem non est signum & causa perfectæ nutritionis seu refectiois, sed tantum illius quæ

ex solo cibo, vel ex solo potu provenit. Vnde est quid imperfectum in ratione illius sacramenti quod ad integrè reficiendum institutum est, & ex vi institutionis debet cum alia specie constituere integrum sacramentum, quod sit signum & causa integræ ac perfectæ refectiois.

Contrarium quoque sentiunt eruditi quidam recentiores, qui docent primò Eucharistiam sub vnica specie, esse verum, & integrum, ac perfectum sacramentum nouæ legis. Quod probant 1. quia contraria sententia est contra sensum communem fidelium, qui communicantes sub sola specie panis, credunt se sumere perfectum aliquod, & integrum sacramentum. 2. Quia Trident. sess. 21. cap. 3. sic habet: *Fatenandum est sub altera tantum specie totum, & integrum Christum, ac vnum sacramentum sumi.* Sed omne verum sacramentum, est etiam integrum, & perfectum: nam verum & bonum conuertuntur cum ente, si per bonum intelligatur perfectum substantialiter. Itaque quod est verum sacramentum, est etiam integrum, & perfectum. 3. Quia panis Eucharisticus, separatim à calice sumptus, est res sensibilis, ex institutione diuina significans, & causans gratiam iustificantem ex opere operato. At hæc est vera definitio sacramenti. Ergo panis Eucharistico conuenit integræ definitio sacramenti nouæ legis, ac proinde est integrum sacramentum. Neque dicas requiri vt sit perfectum signum & causa gratiæ, secundum perfectam quandam rationem in eo genere, in quo institutum est sacramentum. Nam ordinatio sacerdotis non est perfectum signum, & causa, in genere ordinationis: neque habet quidquid in illo genere institutum est à Christo, puta gratiam, & potestatem ordinis Episcopalis: & tamen est integrum sacramentum distinctum ab ordinatione Episcopi, vel Diaconi. 4. Denique nisi panis Eucharisticus esset integrum sacramentum, non potuisset Ecclesia prohibere laicis vsum calicis: quia non habet potestatem in substantiis sacramentorum, id est, neque potest ea instituere, aut substantialiter immutare: neque etiam potest generatim interdicare & abolere alicuius sacramenti vsum per suam prohibitionem, neque detruncare fidelibus.

Docent secundò, Eucharistiam sub specie panis esse essentialiter totum sacramentum Eucharistiæ: ita vt Eucharistia sub vtramque specie collectiue habeat quidem aliquam diuersitatem materiale; sed non in iis, quæ diuersitatem specificam formaliter inducunt in sacramenta. Quæ assertio est diuersa à præcedenti. Nam sacerdotium v. g. est integrum, & verum, ac perfectum sacramentum nouæ legis: & tamen non est integra, & tota ordinatio sacramentalis, differt enim essentialiter ab ordinatione Episcopi: & qui recipit solum ordinem sacerdotalem, non potest dici recepisse totam ordinationem sacram, quæ est sacramentum in Eccle-

44.
Secunda
sententia
nostre con-
traria.

45.
Altera pars
eiusdem
sententiæ.

fia. Probant autem hanc secundam assertionem, 1. Quia sacramenta distinguuntur formaliter per significationem, & efficaciam diuersa gratia sacramentalis: Vbi enim est vnius gratia efficacia, & significatio, quamquam res subiecta illi efficaciz, & significationi, sint physicè diuersa, non est tamen diuersum specie sacramentum: puta sub diuersis verbis, græcis, aut latinis: vel sub ritu ordinationis diuerso inter Græcos, & Latinos. Atqui non est diuersa gratia sacramentalis, alia ex pane, alia ex calice Eucharistico. Neque enim par est conditio refectionis spiritualis, & refectionis corporeæ, ut quemadmodum ista distinguitur in duas specie diuersas, alteram cibi, alteram potus; ita etiam refectio spiritualis distinguatur in duas: ut patet ex eo quod vnius, & idem est appetitus iustitiæ, per quem dicimur esurire, & sitire iustitiam Matth. 5. Ergo & vnius iustitiæ implerione sub eadem formali ratione, fames & sitis expletur. Ergo resectio spiritualis non distinguitur in manducationem, & potum. Similiterque fruitio diuinæ essentia, quæ est consummata resectio, sub eadem ratione formali utrumque munus implet cibi, & potus: & aliquando nomine cibi significatur, ut Luc. 14. *Beatus qui manducabit panem in regno Dei*: aliquando nomine potus, ut Psalm. 35. *Inbibuntur ab uberibus domus tuæ*, & torrente voluptatis tuæ potabis eos: aliquando utrumque coniungitur, ut Ioan. 6. vbi Christus sic ait: *Ego sum panis vita, qui venit ad me non esuriet: Et qui credit in me, non sitiet in æternum*: insinuans sub sola specie panis esse utramque resectionem, & extinguere mem, & sitim. Eodem argumento vtitur Bellarminus lib. 4. de Eucharist. cap. 22.

46.
Confirmatio illius sententia.

Probant secundo, Quia alioquin Ecclesia non potuisset prohibere laicis vsum calicis: sicut non posset prohibere fidelibus hanc aut illam ordinationem, & præcipere, ut vna solùm contenti essent, si omnes essent à Christo omnibus, & singulis exposita. Tertio, nisi maneret integritas essentialis totius sacramenti Eucharistia, etiam de procalice, Ecclesia sustulisset sacramentum omnibus conueniens in sua integritate essentiali. At hoc Ecclesia profiteretur non esse in sua potestate: & cum aliquid variat in administratione sacramentorum, supponit non tolli fidelitatem, nec diminui essentialiter sacramenta. Ita Concil. Trident. sessione 21. cap. secundo, approbans constitutionem Concilii Constantiensis prohibentem vsum calicis, dicit se velle illam haberi pro lege: quia semper ea fuit in Ecclesia potestas, ut in sacramentorum dispensatione, salua eorum substantia, ea statueret, vel mutaret, quæ suscipientium utilitati, & venerationi sacramentorum, pro rerum, locorum, ac temporum varietate magis expedire iudicaret. Quibus verbis Tridentinum agnoscit Ecclesiam debere saluam substantiam sacramentorum seruare. Quod

est intelligendum etiam quoad vsum. Tum quia alioqui saluatio merè speculatiua parum momenti esset. Tum etiam quia Trident. hoc dicit contra calumniam hæreticorum accusantium Ecclesiam, quod arcens laicos à communione calicis, non præbeat illis integra sacramenta, sicut à Christolum instituta. Cum ergo Trident. ad hanc calumniam refellendam dicat Ecclesiam, prohibentem vsum calicis, saluare substantiam sacramenti integram, & dumtaxat dispensare in aliis: sine dubio supponit manere integrum in substantia sacramentum Eucharistia sub sola specie panis. Atqui hoc non esset, si sub vtraque specie esset diuersum substantialiter, & plenius sacramentum integritate specificè diuersa.

Quarto denique idem probant ex comparatione Eucharistia, cum sacramento Baptismi: quod cum olim, solemnius saltem, semper administraretur per immersionem, non per aspersionem solam: quia tamen ægri, & infirmi, dispensatione quadam Ecclesia, baptizabantur aspersione, Cyprianus loquens de hac consuetudine lib. 4. epist. 7. sic ait, *Existimamus in nullo mutilari, & debilitari posse beneficia diuina: nec minus aliqui illis posse contingere, &c.* At sim liter SS. Patres, qui sola aspersione ægros baptizabant, eisdem sub specie panis sola communicabant, ut patet ex communione Serapionis, miraculo etiam comprobata, apud Euseb. lib. 6. hist. Eccles. c. 36. Item deferabant secum Eucharistiam sub sola specie panis, ut in periculis possent eam sumere, quemadmodum colligitur ex Ambr. in oratione de obitu Satyri fratris. Sed in nullo credebant se posse mutilare, vel debilitare beneficia diuina, atque adeo, quando baptismus conferebatur per aspersionem, in eo consummari, ac perfici baptizatos, & totam Christi gratiam consequi. Ergo etiam putabant se, quando porrigebant Eucharistiam sub sola specie panis, non mutilare, aut debilitare beneficium Eucharistia: quam cum dico, totius beneficentia diuina fontem aperio. Hæc illi, quibus non est difficile satisfacere.

Ad primum argumentum, pro priori assertionem propositum, Respondeo communem sensum fidelium, non esse alium, quam communem sensum Theologorum, qui fere omnes cum D. Thom. quæst. 73. art. 2. in corp. docent sacramentum Eucharistia, non esse integrum, & perfectum, nisi constet vtraque specie. Quia, ut rectè ait ibi D. Thom. Vnum in perfectione, siue perfectum & integrum, est illud, ad cuius integritatem concurrunt omnia, quæ requiruntur ad finem eiusdem. Atqui cibus, & potus sacer requiruntur ad finem sacramenti Eucharistia: ordinatur enim ad spiritualem resectionem, quæ corporali conformatur. Ad corporalem autem resectionem duo requiruntur: scilicet cibus, qui est alimentum siccum: & potus, qui est alimentum humidum. Et ideo

47.

48.
Respondetur primo illius argumenti.

tiam ad integritatem huius sacramenti duo concurrunt, scilicet spiritualis cibus: & spiritualis potus, secundum illud Ioan. 6. *Caro mea verè est cibus, & sanguis meus verè est potus*. Credunt verò præterea fideles se sumere sub vna specie totum & integrum sacramentum, quoad rem præcipuè significatam, id est, quoad Christum: & quicquid ad implendum communicandi præceptum necessarium est, sufficientique ad spirituales animæ nutritionem, nullaque gratia necessaria ad salutem defraudari eos, qui vnā speciem solam accipiunt, ut ait Trident. eodem cap. 3. sess. 21. siue tantum gratiæ accipiam per vnā speciem, quantum per vtramque, de quo variæ sunt Theologorum sententiæ.

49.
Diluitur
secundum

Ad secundum Respondeo, Tridentinum non sine causa hæc duo distinxisse, sumi sub altera tantum specie totum atque integrum Christum, sumique verum sacramentum. Non sine causa, inquam, de Christo dixisse, sumi totum & integrum Christum: de sacramento verò nequaquam, sed duntaxat, sumi verum sacramentum, id est, verum signum efficax gratiæ sanctificantis: qua de causa sic infert verbis immediate sequentibus. *propterea quod ad finem attinet, nulla gratia necessaria ad salutem eos defraudari, qui vnā speciem solam accipiunt*. Est autem verum eiusmodi signum, quamuis non sit totum, & integrum sacramentum, à Christo institutum ut perfectum conuiuium ad reficiendum integrè per modum cibi, & potus: sed duntaxat sit vna pars illius sacramenti, & signum efficax solius refectionis per modum cibi, si loquamur de Eucharistia sub specie panis: aut per modum potus, si loquamur de illa sub specie vini. Quare falsum est quoddam omne verum sacramentum, quocumque sensu, id est, verum signum efficax, sit etiam integrum, & perfectum. Non enim est integrum, si desit aliquid, quod ad eius perfectionem, & integritatem necessarium est. Atqui, ut vidimus supra ex Diuo Thoma tale aliquid desit Eucharistiæ, quando desit altera species necessaria ad significandam, & efficiendam integram refectionem spirituales, qui est finis sacramenti Eucharistiæ.

50.
Verum &
bo. à quo-
modo con-
uertuntur.

Ad id verò quod additur in obiectione, verum & bonum conuerti cum ente, si per bonum intelligatur perfectum substantialiter: adeoque si Eucharistia sub vnica specie est verum sacramentum, est etiam totum, & perfectum sacramentum: Respondeo, *verum* conuerti cum bono, & cum ente, proportionaliter: ita ut vnumquodque intantum sit verum, & bonum, siue perfectum, in quantum est ens. Atque ita Eucharistia sub specie panis, quam est verum sacramentum, id est, signum efficax refectionis spiritualis per modum cibi: tam est perfectum, & totum signum talis refectionis partialis. Sed non est absolute totum, & perfectum sacramentum Eucharistiæ, institutum ad refici-

endum integrè per modum cibi, & potus: quia non est signum efficax vniuersaliter refectionis, sed vnus duntaxat. Porro sicut ens abstractè sumptum tam dicitur de parte, quam de toto: Ita verum, & bonum, quæ velut eius proprietates cum illo conuertuntur, æquè dicuntur de parte, & de toto. Vnumquodque enim, siue sit totum, siue pars, est verè id quod est, & est totum id quod est. Sed non propterea est totum simpliciter, vel totum id, cuius est pars. Itaque licet Eucharistia sub specie panis sit verè id quod est, & totum id quod est, id est, sit verum signum efficax gratiæ per modum cibi, & sit totum illud signum: non tamen est simpliciter totum sacramentum Eucharistiæ, institutum ad perfectè reficiendum per modum cibi & potus: sed pars duntaxat illius sacramenti, & conuiuii spiritualis.

Ad tertium Respondeo, Definitionem sacramenti nouæ legis bene intellectam non conuenire perfectè & integrè panis Eucharistici, præcisè sumpto ab altera specie: quia, ut supra diximus, debet intelligi de signo perfectò in genere institutionis sacramenti, & habente omnia requisita ad finem proximum, propter quem institutum est: quippe sine quibus non est integrum sacramentum, ut dixit S. Thom. verbis supra relatis ex art. 2. quæst. 73. Neque obest instàtia aduersariorum de ordinatione sacramentali. Nam quælibet ordinatio sacramentalis, purè sacerdotium, habet quicquid ad finem illius proximum requisitum est: id est, ad constituendum perfectum sacerdotem, habentem potestatem ordinis ad consecrandum corpus & sanguinem Christi, & absolvendum à peccatis. Sumendo integrè sacerdotium pro vtraque ordinatione partiali, quæ separatim confertur potestas consecrandi, & absolvendi à peccatis: ex qua duplici ordinatione constituitur integrum sacramentum ordinis sacerdotalis, sicut ex duplici specie eucharistica constituitur integrum sacramentum Eucharistiæ. Quod verò supra sacerdotium detur ordo superior Episcopatus, est impertinens ad sacerdotium, & ad finem proximum illius: ita ut non officiat eius integritati. Sicut in civili repub. non definit esse integra ordinatio, seu constitutio præsidum, ducum, præfectorum: licet ulterius detur ordinatio superiorum potestatum.

Quartum argumentum est idem cum tertio sequentis assertionis aduersariorum, illique satisfiet paulò post. Ad istius autem secundæ assertionis argumentum primum respondeo non esse vnicam, & eandem refectionem sacramentalem gratiæ, ex cibo, & potu Eucharistico, sed diuersam, respondentem analogicè refectioni corporali per panem confortantem, & per potum vini laticificantis cor hominis. Quamuis enim eadem sit gratia habitualis, quæ famem, & sitim spirituales explet, quæque eadem præstat regenerationem, corroborationem, reconciliationem, & alios effectus reliquorum

51.
Solutur
tertium as-
sertum.

52.
Non est
eadem re-
fectio cibi
& potus
sacri.

sacramentorum: idemque etiam sit appetitus illius gratiæ in actu primo, qui est anima ipsa rationalis, obedientialiter capax eam recipiendi: potest tamen diuersimodè dari per analogiam ad diuersos effectus materiales: potestque etiam appeti in actu secundo, id est, appetitu elicito, diuersis actibus, prout analogicè huic aut illi effectui materiali respondet. Atque ita sicut dari potest, & appeti ad finem, & effectum regenerationis spiritalis per baptismum, & corroboracionis per Confirmationem, &c. Ita similiter dari potest, & appeti per modum cibi confortantis sub specie panis Eucharistici, & per modum potus lactificantis sub specie vini, cum iure, & ordine ad auxilia illi fini proportionata: sicut in aliis sacramentis datur gratia habitualis, cum ordine, & iure aliquo ad auxilia finis cuiusque propria conuenientia: qua de re plura dicemus disput. 34. sect. 3. Interea aduerte in verbis relatis ex Ioan. 6. Christum non loqui de pane Eucharistico, de quo tantum incipit loqui à versu 52. illius capitis, ut dicemus inferiùs disput. 30. sect. 6. p. 37. & fusiùs probant Valq. tom. 3. in 3. p. disput. 179. cap. 4. & Iaub. de Barrault parte 3. Clypei cap. 30.

Ad secundum Respondeo, Sicut Ecclesia iustis de causis prohibuit sacramentum matrimonii omnibus ordinatis maioribus ordinibus, aut voto solemnè castitatis adstrictis, ita ut ne validè quidem contrahere illud possint absque dispensatione, propter Ecclesiæ constitutionem non modò prohibentem, verum etiam irritantem: & à sacramento ordinationis arcet omnes bigamos, spurios, deformes, & alio quouis modo irregulares: quamuis matrimonium, & ordinatio, secundum Christi institutionem fuerint omnibus exposita, id est, Christus non interdixit supradictis sacramentum ordinationis, aut Matrimonii, à quo tantum prohibentur ratione voti, aut constitutionis Ecclesiasticæ: ita potuit ob similes causas prohibere non omnibus quidem fidelibus, sed laicis & non sacrificantibus, vsum calicis: licet Christus illum omnibus exposuerit, id est, laicis non prohibuerit.

Ad tertium Respondeo, Ecclesiam non posse quidem mutare substantiam sacramentorum, instituendo alia, vel faciendo ut ea, quæ sunt à Christo instituta, non sint amplius talia, vel substituendo aliam materiam, & formam loco illius, quæ à Christo determinata fuit: neque etiam posse facere contra Christi præceptum quoad illorum vsum, priuando fideles omni illorum vsum, vel etiam aliquo necessario necessitate medii, vel præcepti. In quem sensum debet intelligi Trident. loco cit. ab aduersariis: non autem quòd non possit aliquos fideles iustis de causis prohibere ab aliquo eorum vsum, vel ab aliqua eorum parte, cuius receptio, neque est medium necessarium ad salutem, neque à Christo præcepta fuit. Euidens enim est Ecclesiam priuantem laicos vsum calicis,

priuare aliquo pertinente ad integritatem conuiuii perfecti Eucharistici, à Christo instituti sub vtraque specie: ita ut qui vnicam recipit, non recipiat quiddam à Christo in Eucharistia institutum fuit, id est, totum signum sacramentale, sed tantum vnam illius partem, quæ non plus habet significationis sacræ, & efficacis, quàm altera, iuxta Christi institutionem. Quare Tridentinum id non negat, neque negare potuit hæreticis Ecclesiam calumniantibus: sed affirmat dumtaxat, contra id, in quo consistit calumnia hæreticorum, Ecclesiam non facere contra institutionem, & præceptum Christi, qui non adstrinxit omnes fideles suo statuto ad vtramque speciem accipiendam, sed potius variis Scripturæ locis significauit vnam sufficere, ut dicit Trident. cap. 1. eiusdem sess. 21. Neque etiam facere supra potestatem sibi à Christo datam: quippe qui concessit Ecclesiæ ut in sacramentorum administratione, salutem illorum substantiam, modo supra dicto, ea statueret, vel mutaret, quæ suscipientium utilitati, seu ipsorum sacramentorum venerationi, pro rerum, temporum, & locorum varietate magis expedire iudicaret, ut ait initio cap. 2. & probat ex Apostolo 1. Corinth. 4. & 2. Corinth. 6. Neque etiam denique præiudicare salutem fidelium; quippe qui sub altera tantum specie totum, atque integrum Christum sumunt, verumque sacramentum: ac propterea quod ad fructum attinet, nulla gratia ad salutem necessaria defraudantur, ut addit cap. 3.

Ad quartum Respondeo 1. Cyprianum id non dicere tanquam certum ex communi Patrum consensu, ut volunt aduersarii, aut certa traditione: sed velut sensum suum priuatum, quem cum modestia, & formidine proponit. Sic enim habet loco citato, id est, lib. 4. epist. 7. alias epistola 76. num. 38. *Quæsiuisti etiam, fili carissime, quid mihi de illis videatur, qui in infirmitate, & languore gratiam Dei consequantur, an habendi sint legium Christiani, eo quòd aqua saluari non possint, sed perfusi. Qua in parte nemini verècundus & molestus nostra præiudicat, quo minus unusquisque, quod putat, sentiat, & quod senserit, faciat. Nos, quantum concepit mediocritas nostra, æstimamus in nullo mutilari, & debilitari posse beneficia diuina, nec minus aliqui: licet posse contingere, ubi plena, & tota fide & deuotio, & sumentis accipitur, quod de diuinis manibus hauritur. Et in fine eiusdem epistolæ: Rescripsi, fili carissime, inquit, ad litteras tuas, quantum parua nostra mediocritas valuit, & ostendi, quia nos, quantum in nobis est, sentiamus, nemini præscribentes, quò minus statuat, quod putat unusquisque Proposuit.*

Respondeo 2. Cyprianum eodem loco supponere totam essentiam & institutionem baptismi saluari in asperusione, seu perfusione, cum verbis legitimis formæ, æquè ac in immersione: ut patet ex eadem epistola, in quæ pluribus argumentis id probat. Vnde rectè concludit aspersos tantumdem gratiæ reci-

Valq.

Barr.

§ 3.

§ 4.

Explicit
locus Cy-
priani

§ 4.

Quomodo
intelligen-
dum Eccle-
siam non
posse me-
rare substā-
tiam sacra-
mentorum.

§ 6.

pere, & non minus integrè Christianos fieri, quàm immissos: quia, ut adeit paulò post verbainitio relata, *In sacramentis salutaribus, necessitate cogente, & Deo indulgentem suum largiente, totum credentibus conferunt divina compendit*, id est, essentialia sacramenti à Deo instituta, & paucis contenta, onissis ceremoniis, & additantentis accidentalibus. Ex quo porius per argumentum à contrario, inferri potest, quòd non totum conferret, nisi integrè sumantur divina compendia, id est, nisi sumatur, quicquid est de integritate sacramenti, prout à Christo institutum fuit. Est autem manifestum Eucharistia sacramentum mutilari, seu minui aliquo modo, & non sumi totum, & integrum beneficium divinum à Christo institutum, & collatum in Eucharistia, quando non sumitur sanguis sub speciebus Eucharisticis: quia sacramentum illud prout constat sanguine Christi, sub specie vini, est aliquod beneficium divinum à Christo nobis collatum in Eucharistia, distinctum ab altera eius parte, id est, à corpore sub specie panis: quod beneficium non accipiunt laici communicantes sub sola specie panis. Quare licet rectè senserit Cyprianus non mutilari, & debilitari beneficium & gratiam baptismi, eo quòd fieret per asperersionem, & non per immersionem; quia ad illius substantiam, & efficaciam, Christus non aliud requisivit, neque instituit, quàm ablu-tionem, quæ alterutro non modo fieri potest, & alterutro indifferenter ab initio Ecclesiæ per Apostolos ipsos facta fuit (cum enim verbi gratia Petrus Apostolus tria hominum mil-lia baptizavit eodem die, post habitam lon-gam concionem, quæ eos ad conversionem, & baptismum induxit Act. 2. non potuit tam brevi tempore tantam hominum multitudi-nem aquis immergere) contra tamen Eucha-ristia fuit instituta sub utraque specie, in modum integri, & perfecti conuiuii cibi, & potus constantis, ad perfectam refectio-nem animæ. Quare qui alteram tantum spe-ciem sumunt, non sumunt quicquid à Chri-sto institutum est: quamvis ab initio Eccle-siæ usus fuerit, ut quando fideles non pote-rant commodè utramque speciem, & refe-ctionem sumere, alteram, quæ facilius sub specie panis dari potest, acciperent: neque unquam crediderint utramque esse non sa-crificantibus necessariò accipiendam ex ne-cessitate præcepti. Quare de plura dicemus inferiùs, cum de præcepto communicandi disputabitur.

SECTIO VI.

An, & quomodo sacramentum Eucharistia sit unum, vel plura numerice?

57.
Sacramen-
tum Euch.

Circa unitatem sacramenti Eucharistia quæritur 2. An, & quomodo sacramen-tum Eucharistia sit numero multiplex? Res-

pondeo esse numero multiplex, propriè, & philosophicè loquendo, quando species con-secrata panis, & vini multæ sunt, nisi per modum vnius refectiois sumantur, & ad vnum numero conuiuium ipso usu ordinentur: tunc enim licet materialiter: & physicè multa sint; moraliter tamen vnum censeri debent, & per modum vnius operantur.

Ad quod probandum Nota prin. Vnum dici non modò id, quod est simplex & indi-uisibile, aut quod ex multis partibus physicè unitis compositum est; sed etiam id, quod licet multis constet entitatibus disjunctis, habet moralem quandam & artificialem coniunctionem, qualis scilicet ad perfectio-nem vel finem talis artefacti sufficere cense-tur. Sic oratio dicitur vna, quia constat multis vocibus ita connexis, ut ad vnum sensum, & bene coherentem, significandum aptæ sint: & exercitus dicitur vnus, quia constat milibus, signiferis, ducibus, variis-que præfectis, cum quadam subordinatione & proportionem, quæ ad bellum ordinatè ge-rendum apta sit: & domus est vna, quia con-sistat variis rebus ad commodam habitatio-nem dispositis. Et in vniuersum, cum ens & vnum conuertantur; multa possunt consti-tuere vnum, quo pacto constituunt ens: nem-pe aliquid quod ex illis componatur, & sine illis non sit, quodque sit indiuisum & indi-uisibile in multa tota, quale & quantum ip-sum est. Et hoc vnum ita ex multis compo-situm valere potest ad aliquid, ad quod par-tes seorsim sumptæ non valent. Ut parietes cum tecto valent ad aeris iniurias arcendas: cibus & potus, ad integram nutritionem: exercitus, ad consequendam victoriam.

Nota secundò, Ut aliquid propriè & phi-losophicè dicatur vnum in aliquo genere, debere rationem, ob quam dicitur vnum, su-mi ex aliquo pertinente ad illud genus. Nam quomodo vt rectè aduertit Vasq. disput. 168. cap. 2. num. 13. Concurfus moralis plurium rerum ad constituendum vnum sacramentum, vel aliquid artificialiter vnum, non est pro sola voluntate censendus; sed iudicari debet ex aliquo constituto, ex quo unitas artificialis sumi debet. Ita ut tunc multa dicantur ad vnum concurrere, quando ex illis sit vnum in eo genere. Quare cum Eucharistia sacra-mentum sit institutum in genere conuiuii, per modum cibi & potus sacri; unitas eius artificialis sumi debet ex aliquo pertinente ad rationem conuiuii, ita ut eius partes con-currant ad vnum quid in eo genere consti-tuendum. Cætera verò impertinentia ad ra-tionem conuiuii, sicut non faciunt ad eius esse in eo genere, ita neque ad unitatem.

Nota teritiò, Moralem unitatem rerum ar-tificialium non esse adeò constantem, quin possit faciliè variari: ita ut ipsæ modò ratio-nem partis, modò totius induant, & modò vnius, modò plurium, iuxta diuersam consi-derationem & acceptionem. Sic aliquot fer-cula seorsim apposita constituunt vnum to-tale conuiuium; apposita verò cum aliis

Vnum mul-
tipliciter
constituitur.

58.

Vnum ar-
tificiale
quomodo
constituitur.

Unitas re-
rum potest
variari.

67.
Altera ob-
iectio re-
fellit.

Opponit insuper, non posse multiplicari numero sacramentum Eucharistiae per intentionem, quā destinantur hostiae distribuendae pluribus, vel dandae vni. Quia illa intentio interna est nimis extrinseca sacramento, vt det illi vnitatem vel multitudinem: fierique potest, vt duo sacerdotes habeant contrarias intentiones, vnus dandi vni, alius dandi pluribus eadem hostias: in quo casu eritne vnum, an plura? & cur potius vnum, quam plura? Ac nemo dicit cibum in ferculo appositum esse vnum vel plures, ex intentione interna, quam quis habet comedendi totum, vel distribuendi sociis. Denique qui deferret sacramentum pro pluribus infirmis, non dicitur deferre sacramenta, sed sacramentum. Respondeo tria priora argumenta nobis non obesse, qui non dicimus sacramentum Eucharistiae fieri vnum aut multa numericè sola intentione interna; sed vel physica sua vnitatem: vel si ea non est, actuali constitutione vnus aut multiplicis conuiuii, siue sumptione & refectione vna, vel multiplici, quæ dat illi moralem vnitatem, aut multitudinem. Ad quartum Respondeo, Id dici modo loquendi vulgari, quo propter solam coniunctionem localem plures hostiæ consecratæ dicuntur esse vnum sacramentum: Licet philosophicè loquendo multa sint, cum nondum habeant sufficientem vnitatem moralem.

68.
Tertia ob-
iectio:

Instat, quia non potest etiam dici vnum aut multa, pro vnitatem aut multitudine sumptionum. Tum qui eadem est dissimilitudo de sumptionibus, quomodo multiplicentur. Tum etiam quia potest contingere, vt sit duplex sumptio eiusdem sacramenti. Vt si vna eademque hostia ab vno sumpta & non consumpta, sed integra reddita, sumatur ab alio. Respondeo ad primum, sumptiones, id est, refectiones Eucharisticas, facile intelligi esse vnam aut multas, per analogiam ad refectionem corporalem. Ad secundum dico, tunc esse vnum sacramentum sumptum à duobus successiue. Quia habet vnitatem physicam, cum sit vna numero hostia. Quamdiu autem est vnitas physica, sacramentum est simpliciter & physicè vnum: neque potest fieri multa numero diuersa, nisi accedente physica diuisione: quæ quando est: tot sunt numero sacramenta, quot hostiæ diuisæ, nisi plures illæ hostiæ accipiant moralem vnitatem in genere conuiuii, ex applicatione ad vnam numero refectionem.

SECTIO VII.

An, & quomodo Eucharistia sit necessaria ad salutem?

69.
Eucharistia est necessaria ex præcepto.

Respondeo esse necessariam necessitate præcepti, non medii. Prima pars patet ex Ioan. 6. *Nisi manducaueritis carnem filii hominis, & biberitis eius sanguinem, non habebitis vitam in vobis.* Cui præcepto diuino adiungitur. *Tom. I V.*

dictum fuit Ecclesiasticum annuæ communionis in Concilio Lateran. can. *Omnis vtriusque sexus*, & in Trid. sess. 13. can. 9. De quo præcepto plura dicemus alibi cum D. Thom. q. 80. Neque enim in præsentī de illo disputatur.

Secunda verò pars probatur: quia, vt iam alibi notauimus, necessarium ad salutem necessitate medii dicitur. 1. Quidem & strictè illud, quod est medium per seipsum necessarium ad salutem, ita vt salus sine ipso in re habito nequeat obtineri. Quo pacto prima iustificatio, & gratia finalis, secundum legem ordinariam necessaria est: nam sine illis in re habitis nemo saluari potest. Secundò, minus strictè ac propriè, id sine quo, aut sine alio tanquā eius vicario salus haberi nequit. Cuiusmodi est Baptismus respectu infantium, & adultorum non baptizatorum. Et sacramentū Pœnitentiæ respectu eorum, qui post baptismum mortaliter peccarunt. Nam neq; illi sine baptismo, neq; isti sine sacramento Pœnitentiæ in re suscepto, vel sine eius veluti vicario, cum spiritali & directa obligatione ad ipsum contra eadem peccata adhibendum, iustificari possunt: ac proinde neque saluari. Salus enim necessariò supponit iustificationem. At Eucharistia neutro modo necessaria est: cum & sine illa realiter suscepta salus haberi possit, & iustificatio ad salutem necessaria: atque etiam sine ipsius vicario, & speciali ac directa obligatione: quippe cuius specialis obligationis nullum indicium est.

Confirmatur, quia neque paruulis Eucharistia est medium necessarium: Trid. enim sess. 21. cap. 4. & can. 4. id definit, & alioqui non possent licitè eā priuari ab Ecclesia. Neque etiam adultis: quippe qui possunt sine illa suscepta, ac sine eius speciali obligatione iustificari per Baptismum, Pœnitentiam, aliaque media, atque in gratia decedere: quæ duo ad salutem consequendam sufficiunt. Denique Concilia, quando ex professo agunt de necessitate huius sacramenti, nunquam illi maiorem tribuunt necessitatem, quàm præcepti. Vt speciatim videre est in Lateran. & Trid. supra citatis: fictitiumque est existimare quòd Baptismus, & alia media supra dicta, non iustificent nisi agendo vicarium sacramenti Eucharistiae, cum directa & speciali eius obligatione vt medii per se quodammodo necessarii. Cuius obligationis nec in Conciliis citatis, nec alibi vllum fundamentum est. Sed potius sicut vnumquodque aliorum sacramentorum est per se sacramentum, & signum efficax gratiæ, distinctum à quolibet alio sita per se habet suam efficacitatem independentem ab alio sacramento.

Obiicies 1. Quòd sicut Ioan. 4. à Christo dictum est, *Nisi quis renatus fuerit ex aqua & spiritu sancto, non potest introire in regnum Dei:* ita Ioan. 6. dicitur: *Nisi manducaueritis carnem filii hominis, & biberitis eius sanguinem, non habebitis vitam in vobis.* Atqui ex priori loco colligimus baptismum esse medium necessarium

Non est
necessaria
necessitate
medii

70.
Confirmatur.

71.
Soluitur
obiectio

Præcepta
quomodo
intelligen-
da.

paruulis ad salutem: ergo ex posteriori idem de Eucharistia debet colligi. Respondeo non esse parem utriusque rationem. Nam prior sententia prolata fuit absolute in modum generalis constitutionis, *Nisi quis*, &c. Posterior verò prolata fuit in modum præcepti, directæ ad audientes, *Nisi manducaveritis*, &c. Ad audientes, inquam, ac proinde ad capaces audiendi & suscipiendi obligationem præcepti: quales non sunt paruuli, nec amentes, quia rationis usum non habent. Adde quod ut recte notat Aegid. Con. loco infra citando, ex fine rei quæ præcipitur, & conditione personarum, de præcepti latitudine iudicandum est. Nam si v. g. præcipiatur, ut omnes agant excubias: manifestum est non comprehendere infantes & scæminas. Finis autem sacramenti Eucharistiae est conservatio vitæ spiritualis per modum nutritionis, & reparationis detrimentorum à peccatis contingentium. Quibus detrimentis infantes & amentes obnoxii non sunt. Quare ut cibus corporeus ad nutritionem iis solum necessarius est, in quibus calor naturalis, & similes causæ, vires paulatim deterunt: sic nutritio Eucharistiae iis solum necessaria est, qui per concupiscentiam & per peccatum possunt vires & vitam animæ perdere.

72.

Instabis, quia quicquid dicendum sit de paruulis & amentibus, qui pro eo statu nullis obnoxii sunt tentationibus vel peccatis: adultis tamen videtur esse medium necessarium ad vitam spiritalem conservandam contra tentationes & peccandi pericula: ita ut sicut illi, de quibus modò diximus, sine cibo & potu corporali vitam corpoream conservare non possunt: sic neque isti spiritalem sine Eucharistia: quod non obscure videtur affirmare Trid. sess. 13, c. 2. cum ait: Sacramentum Eucharistiae institutum fuisse tanquam antidotum, quo liberamur à culpis quotidianis, & à peccatis mortalibus præservamur.

Aliæ iustitiae
repelluntur.

Respondeo primò, Conservationem diuturnam vitæ spiritualis non esse simpliciter necessariam ad salutem. Sufficit enim ante mortem resurgere à peccato. Secundò, Eucharistiam esse utriusque cibum admodum salutarem ad conservationem vitæ spiritualis: non tamen unicum, aut omnino necessarium. Nam per actus virtutum, maximèque charitatis, anima semel existens in gratia sufficienter nutrirî potest, & à contrariis defendi, deficiente Eucharistia. Quando autem multi sunt cibi, & singuli sufficientes; nullus tunc determinatè est necessarius, sed aliquis indeterminatè. Quod confirmatur à simili. Nam Confirmatio v. g. est valde utilis ad resistendum tentationibus contra fidem, & ad præservandum à peccato infidelitatis: & tamen non idèò sequitur illam esse necessariam necessitate mediæ ad hunc effectum, vel ad salutem. Tertiò, Verum quidem est frequentem usum huius sacramenti utilissimum esse, & medium moraliter ac communiter penè necessarium ad diu standum & perseverandum in gratia: quippe

quod peculiariter institutum fuit tanquam antidotum contra peccata mortalia & venialia, ut Trident. supra docuit. Imò quia in præcepto graui est, non potest simpliciter aut diutissime prætermitti sine peccato mortali & priuatione gratiæ, si eius copia sit. Sed non propterea necessariū est necessitate mediæ ad salutem: ad quam sufficit recuperare gratiam in articulo mortis, si ab illa excidimus. Gratiam autem haberi & recuperari posse sine Eucharistia veluti medio necessario, satis superius ostensum fuit.

Obiicies ultimò: Adulti, cum ad iustificationem se liberè disponant, debent habere votum saltem implicitum & virtuale seruandi omnia præcepta grauiora. Ergo cum Eucharistia sit in graui præcepto respectu adultorum, debent habere votum illius. Ergo Eucharistia saltem in voto est illis necessaria necessitate mediæ ad iustificationem, & consequenter ad salutem. Respondeo, verum quidem esse, quòd qui se liberè disponit ad iustificationem, debet habere votum seruandi omnia præcepta grauiora (adeòque Eucharistiae præceptum) saltem implicitum, & conditionatum, si nimirum non desit facultas communicandi suo tempore, & exequendi cætera præcepta grauiora. Sed hæc obligatio est generalis, & communis omnibus præceptis. Et hæc necessitas non est alia, quàm præcepti, quæ distinguenda omninò est à necessitate mediæ & supponitur esse distincta, quando quaeritur, An Eucharistia, vel quidpiam aliud sit necessarium ad salutem necessitate mediæ, an verò tantum necessitate præcepti? Vtremque verò ad necessitatem mediæ requiritur, sicut initio diximus, ut sine eo in re habito, vel saltem sine ipsius vicario cum speciali & directâ obligatione ad ipsum, velut ad medium per se quodammodo necessarium, & contra eadem peccata adhibendum, iustificatio vel salus obtineri non possit: ita ut illud ipsum sit adhibendum suo tempore, si fieri possit, contra eadem peccata, per vicarium prius remissat sicut solutio pecuniæ faciendâ est pro eadem traditione rei, per chirographum traditæ, quasi vicarium pecuniæ per se necessariæ, & exhibendæ pro emptione. Quod non conuenit aliis necessariis tantum ex præcepto, ut amor Dei, honor parentum, & similibus.

Estque diligenter notandum, quod licet adultis ad iustificationem necessarium sit habere votum seu desiderium explicitum, aut implicitum seruandi omnia præcepta grauiora: non propterea tamè rem, quæ solum ex præcepto necessaria est, dici propriè loquendo, esse necessariam in voto, aut nos per illam in voto iustificari, sicut qui iustificantur ante Baptismum, aut sacramentum Pœnitentiæ actu susceptum, dicuntur iustificari per Baptismum, aut per sacramentum Pœnitentiæ in voto. Nimirum quia, ut rectè notauit Arcud. lib. tertio de Sacramentis, capite 47. Aliud est esse necessarium ad salutem in voto: & aliud votum esse necessarium ad salutem. Nam necessarium in voto ad salutem est id,

73.

Sine Eucharistia
necessaria
in voto?

74.

Restantia
præcepta,
non est
propriè
necessaria
in voto?

quod ipsum est necessarium ut saluemur, ita ut vel actu ponatur, vel suppleatur per desiderium, aut per aliquid aliud velut eius vicarium, cum speciali obligatione ad ipsum suo tempore ponendum, si fieri potest. Votum autem est necessarium, quando necessitas fertur tantum immediate supra voluntatem rei, non supra ipsam rem: facitque ipsam voluntatem esse nobis necessariam ad salutem, non autem ipsam rem. Vnde neque dici potest, quod vi rei homo saluetur: sicut dicitur quod vi Baptismi, aut sacramenti Pœnitentiæ iustificatur ille, qui conteritur ante sacramentum. Præceptum enim fertur solum immediate circa actum meum, prout meus, & liber est: non autem circa rem ad quam est operatio. Vnde in tantum facit rem mihi esse necessariam, in quantum facit actum meum esse necessarium circa rem. Et consequenter necessitas est prius in actu, deinde in re. prout est actus circa illam. Ergo non ideo requiritur res, quia sine illa saluari non possum: sed quia sine actu ad illam, id est, sine executione præcepti in re ipsa, vel saltem in voto, seu desiderio, & proposito implicito, aut explicito saluari non possum. Ita fere Arcud. capit. 5. *Deinde verò.*

75.
Res huius
sacramenti
quomodo
necessaria?

Consentiunt Suar. disp. 40. Aegid. Con. in dub. ad art. 3. q. 73. Vasq. disp. 168. & alii communiter cum D. Thom. q. 65. art. 4. in corp. Quod autem ait a. 3. q. 73. rem huius sacramenti, id est, unionem per gratiam & charitatem cum Christo, esse necessariam ad salutem necessitate medii, quia sine charitate & vnione cum Christo & Ecclesia nemo saluari potest: debet intelligi de vnione aliqua, quæcunque illa sit, & quomodocunque fiat: non autem de ea quæ fit vi Eucharistiæ, quæque est propriè res huius sacramenti. Quia tamen quomodocunque fiat, est vnio cum Christo, qui continetur in hoc sacramento: idèd quamvis per baptismum, aut per aliud medium fiat, dicitur per appropriationem res huius sacramenti. Quod item addit, sacramentum hoc in voto esse necessarium: intelligendum est de voto generali, ratione præcepti. Quo etiam sensu ait paruulos, sicut in fide Ecclesiæ credunt, & proponunt seruare omnia præcepta, quando baptizantur: eodem modo habere votum Eucharistiæ suo tempore recipiendæ: atque etiam tunc quodammodo eam recipere in voto. Quod denique concludit Eucharistiam minus esse necessariam ad salutem, quàm Baptismum: non ita est intelligendum, ut velit utrumque sacramentum necessarium esse, propriè loquendo, necessitate medii. Alioquin apertè sibi contradiceret q. 65. a. 4. in corp. ubi disertè docet, tria tantum sacramenta esse propriè loquendo necessaria necessitate finis seu medii: Baptismum & Pœnitentiæ respectu priuatarum personarum: & ordinem respectu communis: cætera verò necessaria tantum esse respectu finis, ad melius esse: non autem ad consequendum finem simpliciter, quasi sine illis obtineri non possit.

D. Thom.

SECTIO VIII.

Soluantur argumenta in contrarium ex D. Augustino desumpta, aliisque Patribus.

Contra doctrinam præcedentem opinari videtur Innocent. I. apud August. epist. 93. ad Patres Concilii Mileuitani: ubi perspicue affirmat summptionem Eucharistiæ esse necessariam paruulis ad salutem: adeoque necessitate medii: nam respectu illorū non potest esse necessaria de necessitate præcepti, cuius non sunt capaces. Verba illius sunt: *Illud verò quod eos vestra fraternitas asserit prædicare, paruulos æternæ vitæ pramii, etiam sine baptismatis gratia posse donari, per factum est. Nisi enim manducauerint carnem filii hominis, & biberint eius sanguinem, non habebunt vitam in semetipsis.* Vbi loquitur Innocentius de reali summptione Eucharistiæ, æquè ac de reali summptione baptismi: sensusque illius est: Tantum abest posse infantes saluari sine baptismi summptione, ut etiam sine perceptione Eucharistiæ vitam gratiæ, & gloriæ habere nequeant. Eundemque locum Innocentii referens D. August. lib. 1. contra Iulian. c. 4. veluti definitionem Sedis Apostolicæ, sic ait: *Sancto Innocentio vide quid respondeas, &c. qui paruulos definit, nisi manducauerint carnem filii hominis, vitam prorsus habere non posse.* Ex quo iterum sic argumentor: Id, sine quo vitam gratiæ prorsus haberi non potest à paruulis, est illis necessarium ad salutem necessitate medii. Sed perceptio Eucharistiæ est huiusmodi, ut sine illa paruuli vitam gratiæ prorsus habere non possint. Ergo est illis necessaria necessitate medii.

Rursus idem S. August. lib. 1. de Peccat. meritis c. 20. hanc Christi sententiam, *Nisi manducaueritis carnem filii hominis, &c.* quam de Sacramento altaris, & reali eius manducatione ibidem exponit, affirmat æquè pertinere ad paruulos: adeoque necessariam illis esse, ut vitam habeant: nostramque expositionem huius loci datam n. 56. manifestè refutat. *An verò, inquit, quisquam etiam hoc dicere audebit, quod ad paruulos hæc sententia non pertineat, possintque sine perceptione corporis huius, & sanguinis, in se habere vitam, quia non ait, Qui non manducauerit, sicut de baptismo, Qui non renatus fuerit: sed ait, Si non manducaueritis, velut eos alloquens, qui audire, & intelligere poterant: quod utique non valent paruuli. Sed qui hoc dicit, non attendit, quia nisi omnes ista sententia teneat, ut sine corpore, & sanguine filii hominis vitam habere non possint, frustra etiam atrox maior id curat. Potest enim, si non voluntatem, sed verba loquentis attendas, eis solis videri dictum, quibus tunc Dominus loquebatur. Quia non ait: Qui non manducauerit; sed, Si non manducaueritis. Et ubi est quod eodem loco de hac ipsa re ait, Panis quem ego dederò, caro mea est pro sæculi vitæ & Secun-*

Ggg 2.

cum hoc enim etiam ad nos pertinere illud sacramentum intelligimus, qui tunc nondum finimus, quanc ista dicebat. Quia non possumus uicere ad seculum nos non pertinere, pro cuius vita Christus carnem suam dedit. Quis autem ambigit scire, si non hic homines significatos esse, qui nascendo in hoc seculum veniunt? Nam sicut alibi ait, *Fi lii sacra-
menti huius generant, & generantur.* Ac per hoc etiam pro paruulorum vita caro data est, quae data est pro seculi vita: Et si non manerent carnem filii hominis, nec ipsi habebunt vitam.

78.

Eandem expositionem illius loci Ioan. 6. & ex illo deducam necessitatem Eucharistiae respectu paruulorum, commendat alibi saepius idem S. Doctor: ut c. 24. eiusdem lib. 1. de Peccat. merit. & remiss. *Oprimè, inquit, Pater Christi Baptismum ipsum nihil aliud quam salutem; & sacramentum corporis Christi nihil aliud quam vitam vocant. Vnde, nisi ex antiqua, ut existimo, & Apostolica traditione, quae Ecclesiae Christi insitum tenent, prater Baptismum, & participationem Dominicae mensae, non modò ad regnum Dei, sed nec ad salutem & vitam eternam, posse quemquam hominum peruenire.* Hoc enim & Scriptura testatur secundum ea, quae supra diximus. Nam quid aliud tenent, qui Baptismum nomine salutis appellant, nisi quod dictum est, *Saluos nos fecit per lauemum regenerationis;* & quod Petrus ait, *Sic & vos simili forma Baptismi saluos facit.* Quid aliud etiam, qui sacramentum mensae Dominicae vitam vocant, nisi quod dictum est, *Ego sum panis vitae, qui de caelo descendendi;* & Panis, quem ego dederò, carnis est pro seculi vita: &, *Si non manducaueritis carnem filii hominis, & sanguinem biberitis, non habebitis vitam in vobis.* Si ergo, ut tot, & tanta diuina testimonia concinunt, nec salus, nec vita aeterna sine Baptismo, & corpore, & sanguine Domini cuius in speranda est, frustra sine his promittitur paruulis. Et lib. 1. Contra duas epistolas Pelagianorum c. 22. *Nec illud cogitatis* (sic enim omnino legendum est, prout habetur in omnibus correctis exemplaribus, & sensus manifestè postulat: non autem, *Nec illud cogitatis*, ut corruptè refertur à Gratiano c. 1. in Ecclesia, de Consecr. dist. 4. & à D. Thoma q. 73. 2. 3. §. *Sed contra*) *eos vitam habere non posse; qui fuerint expertes corporis, & sanguinis Christi.* Dicit ipse, *Nisi manducaueritis carnem meam, & biberitis sanguinem meum, non habebitis vitam in vobis.* Loquitur autem ibi de paruulis, ut ex antecedentibus manifestum est.

79.

Paruuli per
Baptismum
saluantur.

Ad hæc soluenda, Duo præmittenda sunt, quæ sapienter notauit Arcud. lib. 3. de Sacram. c. 45. Vnum est, non esse mentem D. Augusti, affirmare communionem Eucharisticam ita paruulis esse necessariam, ut sine illa realiter sumpta, salutem consequi non possint per Baptismum, si decedant in gratia per illum obrenta. Nam ipse contrarium expressè docet pluribus locis: ut epist. 23. ad Bonif. in fine, ubi dicit sacramentum Baptismi à paruulo susceptum valere ad eius tutelam aduersus omnes contrarias potestates: & tantum valere, ut si ante usum rationis ex hac vita emigrauerit, per ipsum sacramentum, com-

mendante Ecclesiae charitate, ab illo condemnacione liberetur. Et lib. 1. de Peccat. merit. postquam docuit peccatū originale remitti paruulis per Baptismum, addit cap. 19. in fine, *Ceteram quis ignorat quod baptizatus paruulus, si ad rationales annos ueniens non crediderit, nec se ab illicitis concupiscentiis abstinuerit, nihil ei proderit, quod paruulus acceperat.* Verumtamen si percepto Baptismate de hac vita emigrauerit, soluto reatu, cui originaliter erat obnoxius, perficietur in illo lumine veritatis, quod incommutabiliter manens in aeternum iustificatos presentia Creatoris illuminat. Peccata enim sola separant inter homines & Deum, quæ solumur Christi gratia.

80.

Quomodo
sic commu-
nio neces-
saria paru-
ulis ex
mente D.
Augusti

Alterum est, Negari non posse, quin ex mente D. Augustini sententia Christi Ioan. 6. *Nisi manducaueritis carnem filii hominis, &c.* pertineat aliquo modo ad paruulos: sed ad verum illius sensum intelligendum, considerandam esse occasionē disputationis, quæ illum mouit ad id affirmandum. Erat igitur illi contentio cum Pelagianis, qui dicebant infantes posse sine Baptismo saluari. Quos cum irgeret August. verbis illis Christi Ioan. 6. *Nisi quis renatus fuerit ex aqua, & Spiritu sancto, non potest introire in regnum Dei:* respondabant Pelagiani, negari quidem non baptizatis regnum Dei, sed non vitam eternam. Contra quam euasione adducit August. alterum locum ex Ioan. 6. *Nisi manducaueritis carnem filii hominis, & biberitis eius sanguinem, non habebitis vitam in vobis:* & tacite sic argumentatur: Ad habendam vitam eternam necessarium est esse participem corporis, & sanguinis Domini. Atqui nullus non baptizatus est particeps corporis, & sanguinis Domini. Ergo nullus non baptizatus habet vitam eternam. Cum autem dupliciter possit aliquis esse particeps corporis, & sanguinis Domini in Eucharistia, de qua participatione loquitur Augustinus: nimirum vel actu, quando actu recipitur: vel apertitudine, quia licet non actu recipiatur, aliquis tamen est apertus illi participare; & talis est, ut ad illum pertineat hoc conuiuium, habeatque capacitatem, & ius participandi: quod ius, & capacitas acquiritur per Baptismum, per quem Ecclesiae membrum efficiuntur, & Christo incorporantur, eiusque spiritu uiuificantur, ut possimus cibo illo spiritali, & diuino nutrirī. Hoc secundo modo vult D. August. comprehendere paruulos illa Christi sententiā, *Nisi manducaueritis* ut sine tali participatione, saltem spirituali, vitam eternam obtinere nequeant. Ut patet ex illius verbis quæ referuntur Can. Nulli, 131. de Consecr. dist. 4. *Nulli est aliquatenus ambigendum, tunc unumquemque fidei iunxit corporis, sanguinisque Domini partem fieri, quando in Baptismo membrum Christi efficitur: nec alienari ab illius panis, calicisque consortio, nisi, antequam panem illum comedat, & calicem bibat, de hoc seculo in uitam corporis Christi transfuerit abscedat.* Sacramentum quippe illius participatione, ac beneficio non privatur, quando ipse hoc, quod illud sacramentum est, inuenit. Itaque iuxta mentem Diui Augustini verba illa

Christus, *Nisi manducaueritis, &c.* Idem significant, atque Nisi per baptismum facti fueritis membrum Ecclesiae, mihi que incorporati, & spiritu meo uiuificari, factique idonei ad participandum corpori, & sanguini meo in conuiuio Eucharistico.

81.
Explicatur
primum il-
lius testi-
monium.

His praesuppositis non erit difficile ad singula testimonia initio sectionis obiecta respondere. Ad primum sumptum ex Innocentio dico sensum illius esse, non posse sine facultate praedicari paruulos aeterna praemia consecuturos sine gratia Baptismi, cum sine illo non fuerint uiuificari spiritu Christi, factique participes in actu primo, id est, capaces sumendi corpus Christi in Eucharistia. Hunc enim esse verum illius sensum patet ex verbis sequentibus. Postquam enim dixit eos qui non manducauerint, non habituros vitam: subiungit: *Qui hanc (vitam) sine regeneratione defendunt* (id est, sine Baptismo haberi posse credunt) *videntur mihi ipsum Baptismum velle cassare.* Cum praedicant eos (paruulos) habere, quod in eos creditur non nisi Baptismo conferendum. Per Baptismum enim eis vita confertur, ratione cuius manducant, hoc est, capaces sunt manducandi corpus Domini.

82.
Exponitur
secundum.

Ad secundum sumptum ex August. libr. 1. de peccat. merit. capite vigesimo, Respondeo primum, velle tantummodo Augustinum illam Christi sententiam pertinere ad paruulos in sensu supra explicato. Ex quo non sequitur ipsam Eucharistiam secundum se esse medium necessarium paruulis ad salutem: sed Baptismum, qui sine perceptione Eucharistiae, sufficit illis per effectum eius proprium uiuificandi, & constituendi capacem communionis, & nutritionis Eucharisticae. Secundò, ad priorem rationem D. Augustini ibidem propositam contra nostram explicationem, quae est etiam D. Thomae lect. 7. in Ioan. Iansenij in concordia cap. 59. Durandi, Palud. Caiet. & aliorum plurimorum, quos sequuntur è recentioribus Suar. Valent. Vasq. Aegid. Con. Delugo, Ysamb. Maldon. Cornel. & alij communiter; respondeo non sine causa Christum diuerso modo locutum esse de necessitate Baptismi dicendo, *Nisi quis renatus fuerit, &c.* Et de necessitate Eucharistiae, dicendo, *Nisi manducaueritis.* Cumque saepius cap. illo 6. Ioan. dixerit, *Qui manducat meam carnem, & bibit meum sanguinem, in me manet, & ego in illo, v. 57. Qui manducat me, & ipse uiuet propter me, v. 58. Qui manducat hanc panem uiuet in aeternum, v. 59.* Nunquam tamen dixisse, *Qui non manducat meam carnem, & bibit meum sanguinem, non habet vitam aeternam, non in me manet, non uiuet propter me, non uiuet in aeternum.* Non sine causa, inquam, Christum illo modo loquendi usum esse, *Nisi manducaueritis, &c.* qui quantum est de se, non plus significat, quam necessitatem praeccepti, directi ad capaces audiendi, & obediendi, cuiusmodi non sunt paruuli: non autem alio, *Nisi*

quis manducauerit, &c. Qui quantum est de se, significat necessitatem mediij, ortam ex lege lata per modum generalis constitutionis.

Dixi, quantum est de se: propterea quodd aliquando similis modus loquendi viurpatur de aliquo necessario necessitate mediij. Vt quando Christus dixit Luc. 13. *Nisi penitentiam egeritis, omnes similiter peribitis.* Verum necessitas illa non significatur praecise per talem modum loquendi: sed potius per naturam materiae subiectae, quando illa talis est, ut sit per se necessaria ad obtinendam remissionem peccatorum, & exitum è vita in statu gratiae: cuiusmodi est poenitentia respectu eorum, qui lethali ter peccauerunt. At Eucharistia, non est talis naturae. Neque enim fuit instituta veluti necessaria ad dandam remissionem peccatorum mortalium, quam potius supponit: vel ad obtinendum bonum exitum, & gratiam finalem, quam paruuli habent, sine reali assumptione Eucharistiae, quando post baptismum decedunt, antequam ad annos discretionis peruenerint, ut fatetur D. August. locis supra cit. num. 65. & 66. Quare neque ex modo loquendi Christi Domini, neque ex materia subiecta colligi potest necessitas mediij, sed dumtaxat necessitas praeccepti respectu adultorum eius capacium. Quod amplius confirmatur, quia ad decentem Eucharistiae assumptionem requiritur actualis fides, reuerentia, & deuotio, tanti Sacramenti maiestati conueniens: propter quod Apost. 1. Corinth. 11. sic praecipit: *Probet autem seipsum homo &c.* & Trident. sess. 13. cap. 7. affirmat, Si non decet ad sacras vllas functiones quempiam accedere, nisi sanctè, certè quò magis sanctitas, & diuinitas celestis huius sacramenti viro Christiano comperta est, eò diligentius cauendum illi esse, ne absque magna reuerentia, & sanctitate ad id percipiendum accedat. Quapropter non fuit conueniens naturae huius sacramenti, ferri constitutionem generalem obligantem etiam paruulos, qui non possunt hunc cibum diuinum discernere à prophano, & cum dispositione conuenienti ad illum accedere. Neque hinc sequitur quòd si praecceptum à Christo latum non obligat paruulos, similiter non obligabit vllos alios praeter adstantes, quos Christus alloquebatur, dicens, *Nisi manducaueritis.* Quia quando fertur aliquod praecceptum generale, licet coram aliquibus dumtaxat promulgetur, & ad illos dirigatur sermò promulgantis: omnes tamen obligat, quorum par est conditio. Vt praecceptum sacrificandi latum his verbis, Hoc facite, Matth. 26. & 1. Corinth. 11. Quod licet latum coram solis Apostolis, obligat tamen omnes sacerdotes, qui deinceps fuerunt & futuri sunt. Est autem par conditio aliorum adultorum, & eorum, in quorù praesentia Christus dicebat, *Nisi manducaueritis, &c.* Secus autem paruulorum, ut supra ostendimus.

83.

Exo-124p XXV III de Exo-124p XXV III



100

[illegible]

[The page contains extremely faint, illegible text.]

ecclesiis orientali, & occidentali seruat: & communiter penitentes peracta exomologesi ad Eucharistia participationem admittuntur: & extrema vnditioni adiungebatur viaticum: & matrimonii fœdus sacra communione sanciebatur quodammodo, sanctiusque reddebatur. Cuius loco nunc Græci, & Rutheni panem & vinum sponso & sponsæ porrigunt ad degustandum: sicut in locum communionis Eucharistice, quæ non adeo frequenter ac in primis ecclesiis fidelibus apud illos distribuitur, substituerunt in suis liturgiis panem eulogicum, quem aridius vocant, illumque passim loco Eucharistice populo distribuunt: quamvis certis temporibus ipsum quoque sacramentum distribuunt. Concludo igitur hæc non satis probare Eucharistiam esse necessariam necessitate mediæ

DISPUTATIO

VIGESIMA NONA.

De Materia sacramenti Eucharistice.

Sectio I. *Utrum materia huius sacramenti sit panis, & vinum?*

Sectio II. *An materia consecrandæ debeat esse præsens ministro consecranti, & certa ac definita in eius intentione?*

Sectio III. *An panis, & vinum quancunque magnitudinis puritatis consecrari possit?*

Sectio IV. *Utrum panis debeat esse triticum?*

Sectio V. *Utrum panis debeat esse azymus?*

Sectio VI. *De materia calicis.*

Sectio VII. *Utrum aqua vino mixta coheretatur in sanguinem Christi?*



DE materia venerabilis sacramenti Eucharistice disputat S. Thom. quæst. 74. & art. 1. docet panem & vinum esse materiam convenientem huius sacramenti: quia est aptissima ad illius usum, & ad passionem Christi significandam, & ad effectum Eucharistice designandum. 2. Quantitatem materie huius sacramenti non

esse determinatam: quia deberet determinari per comparisonem ad usum fidelium absolute. Numerus autem fidelium est indeterminatus. 3. Propriam materiam huius sacramenti esse panem triticum: quia eo communiter homines pro alimento utuntur: & convenientius effectum huius sacramenti significat, propter maiorem, quam habet, corroborandi vim. 4. Licet ex pane fermentato fieri possit, ut sit à Græcis: convenientius esse ut fiat ex pane azymo. Tum quia Christus ipse ita celebravit: tum etiam quia melius significat puritatem corporis Christi, quod sine corruptione conceptum fuit: & magis competit sinceritati fidelium, quæ requiritur ad usum huius sacramenti: iuxta illud I. Corinth. 5. Pascha nostrum immolatus est Christus: itaque epulemur in azymis sinceritatis, & veritatis. 5. Solum vinum vitis esse propriam materiam huius sacramenti: tum propter institutionem Christi: tum etiam quia ad materiam sacramentorum assumitur id quod proprie, & communiter habet talem speciem. Proprie autem vinum dicitur, quod de

viro sumitur: alii verò liquores vinum dicuntur secundum quandam similitudinem ad vinum vitis. 6. Aquam vino misceri debere: quia creditur Dominus hoc sacramentum instituisse in vino aquâ permixto: & hæc mixtio conuenit repræsentationi Dominicæ passionis, & significationi effectus huius sacramenti, qui est vnio populi ad Christum, & introitus in vitam æternam. 7. Appositionem aquæ non esse de necessitate sacramenti: quia significat vsum fidelium, & vnionem eorum cum Christo: qui vsum non est de necessitate sacramenti. Iudicium autem de signo sumendum est ex eo, quod significatur. 8. Parum aquæ apponendum esse, quia debet aqua in vinum conuerteri, & vinum in sanguinem. Hoc autem fieri non potest, nisi adeo modicum aquæ apponatur, ut in vinum verti possit. Huc vsque D. Thom. cuius doctrina sequentibus sectionibus fusiùs exponetur.

SECTIO I.

*Primum materia huius sacramenti sit panis
& vinum?*

1.
Panis & vinum sunt materia essentialis Eucharistie.



CONCLUSIO: Panis & vinum sunt materia necessaria sacramenti Eucharistie: neque potest vnum sine altero licitè consecrari: quamuis validè possit. Prima pars est de fide, ut patet ex verbis institutionis, iuncto Ecclesie sensu & conciliorum definitione. Nam Christus Eucharistiam instituens, & deinceps vsque ad mundi finem celebrari præcipiens Matth. 26. Marci 14. Luc. 22. & 1. Corinth. 11. non aliam materiam, quam panem & vinum adhibuit: & eam veluti necessariam determinauit, cum dixit, *Hoc facite*: nempe hoc ipsum quod me fecisse videris circa panem & vinum: efficiendo ex illis corpus & sanguinem meum: ita ut iuxta Christi institutionem non possit alia materia substitui: quemadmodum etiam Ecclesia semper intellexit, quæ olim Artotyritæ, Pepuziani, Aquarii, & similes, pro hæreticis habuit, eò quod in alia materia consecrarent. Et in Conciliis generalibus Lateran. sub Innocentio III. cap. 1. Florentino in Decreto 5. *Tertium est Eucharistia sacramentum*, & Trident. sess. 13. cap. 3. & 4. Eucharistiam semper ad panem & vinum restrinxit, nec aliam eius materiam, ex qua fiat, agnouit. Notandum verò panem & vinum non esse materiam ex qua componitur Eucharistia, sed tantum esse materiam remotam & transcurrentem, ex qua quoad totam substantiam destructa sit sacramentum Eucharistie, remanentibus tantum accidentibus, ut habet Trident. citato cap. 4. Neque tamen propterea per accidens se habent panis & vinum respectu Eucharistie: sed per se ac necessariò requiruntur, ut ex illis fiat Eucharistica transubstantiatio, suppedientique species quæ ad sacramenti huius essen-

Sunt tantum materia remota, & ex qua.

tiam & significationem sunt omninò necessaria.

Secunda pars, quòd nec panis sine vino, nec vinum sine pane licitè consecrari possit, probatur quia est in præcepto tum diuino, tum Ecclesiastico, ut vna species sine altera non consecratur. Præceptum quidem diuinum colligitur ex illis Christi verbis Luc. 22. *Hoc facite in meam commemorationem*, iuncta interpretatione Tridentini sess. 22. cap. 1. ubi ait Christum his verbis, Apostolis, quos tunc Noui Testamenti sacerdotes constituebat, eorumque successoribus in sacerdotio, præcepisse ut corpus suum & sanguinem sub speciebus panis & vini, similiter ut fecerat, offerrent. Quòdque per verbum, *Hoc*, utrumque simul intellexerit, ac præcepit fieri, seu offerri, confirmat Ecclesia in Canone Missæ, verba consecrationis ex Euangelio sumpta sic concludens: *Hæc quotiescunque feceritis, in mei memoriam facietis*. Idem etiam confirmat Trident. sess. 21. cap. 1. affirmans, *nullo præcepto diuino Laicos, & Clericos non conficientes, obligari ad Eucharistie sacramentum sub utraque specie, iumentum*. Quibus verbis non obicere indicat aliter esse sentiendum de Clericis conficientibus, iuxta axioma Iurisconsultorum, *Exceptio firmat regulam*. Adde quòd institutio Eucharistie, siue ut sacramentum est, siue ut sacrificium, postulat utramque speciem simul consecrari: institutio autem Eucharistie iuris diuini est. Ergo ius & præceptum diuinum postulat utramque speciem simul consecrari. Minor est clara. Maior probatur: quia sacramentum Eucharistie institutum est in modum conuiuii, & perfectæ refectionis spiritualis, quæ cibo & potu perficitur. Et quamuis laicis vna species sufficiat ad sumptionem, propterea quòd Christus totus & integer in ea continetur: ordo tamen consecrationis postulat sacramentum integrè fieri, & ab ipso saltem consecrante sumi, ut Trident. docet loco proximè citato. Similiter Eucharistia est sacrificium in quantum est incruenta & mystica immolatio Christi, constituti mortuo quodam modo sub speciebus per

2.
Vna sine altera consecrari licitè nequit.

consecrationem, atque etiam separatio sanguinis à corpore, quantum est ex vi verborum, & expressa representatio sacrificii cruenti quod per physicam & cruentam separationem sanguinis à corpore in cruce factum est. At hoc non fit, nisi quatenus ambæ species consecrantur, & sub illis corpus & sanguis separantur mysticè, atque expressè representantur, vt separata fuerunt in cruce.

3. Hinc collige, Ecclesiam, quæ non habet potestatem in substantiam sacramentorum, neque in substantiam sacrificii, & alia quæ velut Ecclesiæ fundamenta fuerunt à Christo invariabiliter instituta, non posse dispensare, vt vna species consecraretur sine altera. Quod etiam nunquam concessit. Falsum enim est & fabulolum, quod scribit Volaterranus, & ex eodem refert Onuphrius, Innocentium VIII. dispensasse cum Norvvegis, vt calicem sine vino sacrificarent, eò quod vinum in illa regione propter nimium frigus diu conservari non possit. Talis enim dispensationis nullum apparet vestigium in Pontificum bullis, tamen si Innocentius VIII. non à multo tempore sedem Apostolicam tenuit: & ipsa Volaterrani narratio, ab Onuphrio (qui tamen ex ipso sumpsit) paululum immutata, fidem sibi ipsa detrahit. At enim Innocentium concessisse Norvvegis, vt calicem sine vino sacrificarent, propter nimium frigus &c. Quasi verò calix vacuus, aut cum alio liquore quàm vino, sacrificari possit: & non potius vinum melius conservetur in locis frigidioribus: ac non diu ante Innocentium VIII. sufficienter conservatum ibi fuisset: vt nunc etiam conservatur, & habetur sufficienter ad consecrandum, in omnibus orbis novi partibus, quantumvis calidis aut frigidis. Videri potest Vasq. disp. 223. vbi nobiscum sentit post alios multos quoad hanc partem de præcepto diuino eiusque indispensabilitate. Itemque Suar. disp. 43. licet non desint qui dispensari posse existiment.

Vasquez.
Suar.

4. Præceptum verò Ecclesiasticum agnoscitur ab omnibus. Et satis liquet ex cap. *Nihil contra*. q. 1. & ex iis quæ habentur in Rubricis generalibus Missalis Romani titulo *de defectibus*. Vbi præscribitur, vt in omni casu quoad fieri potest, sacrificium integrum peragatur, & inter alia præcipitur, vt sacerdos, qui ex imprudentia aquam pro vino consumpsit, accipiat vinum & consecret atque consumat: non obstante præcepto Ecclesiastico de non sumenda Eucharistia nisi à ieiuniis. Cui præcepto, quamvis graui, præponderat aliud de consecranda simul vtraque specie, & consumenda ab ipso consecrante. Quod autem dicimus non licere vnam speciem consecrari sine altera, intelligimus per se loquendo, & ex natura sacramenti atque diuinæ institutionis. Nam per accidens ignorantia excusare potest: vel impotentia consecrandi alteram post vnam bona fide consecratam: purà si vinum haberi

nequeat, postquàm sacerdos per imprudentiam aquam pro vino consumpsit: aut si sacerdos moriatur hostiæ consecratæ, & non sit alius qui possit sacrificium peragere consecrando vinum. Nam si adest alius, debet. Item si mors imminet sacerdoti, si pergat, modò ne id in contemptum mysterii cedat, aut religionis, aut virtutis. At non si agrotus viatico egeat: hæc enim necessitas non est tanta, vt propter illam modus consecrandi communis & per se necessarius non debeat seruari, cum agrotus excusetur à præcepto communionis, propter impotentiam, & Eucharistiæ defectus possit alià via suppleri.

Tertia pars conclusionis, Quòd tamen validè vna species sine altera consecrari possit, probatur: quia vna ante aliam à Christo consecrata est, & simili modo à sacerdotibus consecratur hostia, populoque adoranda proponitur, ante calicis consecrationem. Ergo vna species consecrari potest prius quàm altera. Ergo etiam potest consecrari sine illa. Nam si per ignorantiam, vel malitiam, vel impotentiam sistat in ea sacerdos, neque, vt debet, paulò post aliam consecret: prior tamè verè consecrata est: neque efficere potest sacerdos per negligentiam vel malitiam, vt non sit consecrata. Quod enim iam factum est, infectum esse nequit. Confirmatur, quia consecratio sacramenti non pendet ex effectu futuro: neque præsentia corporis Christi sub speciebus panis, ex præsentia futura sanguinis sub speciebus vini. Nec dici potest, sacerdotem non posse vnam speciem consecrare, nisi & alteram speciem consecrare intendat. Nam quamvis ita esset: eà consecratà posset sententiam mutare, & nolite aliam consecrare. Sed fictum est quòd assumitur. Nam in omni sacramento satis est, si minister intendat efficere id, quod verba significant, & efficere possunt circa materiam subiectam. Ergo ad panis consecrationem satis erit intendere, efficere corpus Christi ex pane, prout verba significant, & possunt efficere. Addunt aliqui, Christum Luc. 24. v. 30. solam speciem panis consecrasse. Sed incertum est an consecrauerit, ac non panem tantum miraculosè fregit. Deinde poterat per potestatem excellentiæ facere supra & contra legem ordinariam & communem institutionis sacramenti, quod alii vel licitè, vel etiam validè facere nequeunt. Quare nihil ex eo potest colligi.

Obiicies cum Delugo disp. 19. sect. 2. num. 103. Christum instituisse hoc sacramentum in ratione sacrificii, ita vt fieri non possit, nisi fiat in ratione sacrificii: neque aliam dedisse Apostolis & sacerdotibus potestatem consecrandi, quàm potestatem sacrificandi: ita vt non sit duplex potestas ad verumque separatim, sed vnica. Ergo sicut non possunt sacrificare sub vnica specie, ita nec vnam solam validè consecrare. Hæc ille. Qui tamen num. 104. facit posse sacerdotem consecrare vnicam, modò non excludat intentione consecrandi aliam, quam

5. Potest validè vna species consecrari sine altera.

6. Deluitur obiectio.

uis postea ex impotentia non consecraret illam, vel ex malitia, aut ignorantia, ut addit num. 117. Respondeo primò, non constare, quòd vnus tantum speciei consecratio nò sit sacrificium Eucharistiæ imperfectum, quatenus sub illa ponitur Christus mortuo & indiuisibili modo, ineptoque actionibus humanis: in quo consistit ratio essentialis huius sacrificii, ut docet alibi Cardinalis De Lugo. Secundò, dato quòd non possit sacrificari sub vnica specie: responderi potest, non inde sequi, non posse vnā solam valide consecrari. Licet enim Christus vnācam dederit potestatem consecrandi & sacrificandi: potuit tamen illam dare valentem ad vtrumque tam coniunctim, quàm diuisim: nempe ad sacrificandum consecrando, & ad consecrandum non sacrificando, de facto, non de iure: in quo etiam non possit Ecclesiā dispensare, ut paulò ante diximus. Non video autem quomodo intentio sacerdotis faciat, ut valide consecret vnācam speciem si non habet potestatem consecrandi nisi sacrificando, & non potest sacrificare, nisi vtrāque speciem consecrando. Aut quomodo ille qui ex malitia vult vnācam solam speciem consecrare; habeat intentionem sacrificandi; aut non excludat intentionem sacrificandi, siquidem non potest per vnācam sacrificari, ut supponit auctor citatus. Hoc enim supposito, velle vnācam tantum consecrare, est velle non sacrificare. Velle autem non sacrificare absolute, ut facit is, qui vult & facit hoc ex malitia, excludit manifestè intentionem sacrificandi. Quare verum non est, in hac suppositione, intentionem sacrificandi posse stare cum intentione non consecrandi alteram speciem.

SECTIO II.

An materia consecranda debeat esse præsens ministro consecranti: & certa ac distincta in eius intentione?

7. **R**espondeo affirmatiuè, idque ita necessarium esse, ut alioqui consecratio nulla sit. Prima responsi pars est communis Theologorum, debetque intelligi de præsentia sensibili, quantum est ex se, quā scilicet aliquid externis sensibus sufficienter propositum est atque propinquum: non autem de præsentia tantum intelligibili vel imaginabili, quā res intellectu vel imaginationi per cognitionem quodammodo repræsentatur. Debet etiā intelligi nò de quacūque præsentia sensibili ex quocunque loco remoto, ex quo res sentiri possit: sed de illa, quā res ita est propinqua, ut moraliter præsens, id est, ferè indistans à cōsecrante censeretur, ut notat Tolet. lib. 2. Summæ cap. 25. num. 5. Et quidem Christus materiam sensibilibiter præsentem ac moraliter indistantem consecrauit, idque censetur exigere verba for-

ma demonstratiua, *Hoc est corpus meum, Hic est sanguis meus*. Nimirum ita ut corpus & sanguis sub speciebus quasi ad manum posita demonstrent. Et confirmatur, quia Eucharistia consecratur sacrificando. Res autem sacrificata, seu materia sacrificii, debet esse propinqua sacrificanti, & velut in manu illius posita, ut ab illo offeratur, & immutetur. Et verò nò potest aliter immutari à Sacerdote quoties immutatio fieri debet per actionem illius physicam & naturalem, ut fiebat in omnibus sacrificiis legis antiquæ: de Eucharistico autem simili modo quoad propinquitatem philosophandum est, cum proportionem. Licet non tam perfecta requiratur, ut dicemus paulò post, quia illius immutatio sit tantum moraliter à sacerdote. Etque inauditum, & absurdum existimare, posse sacerdotem consecrare simul omnem panem, qui est vbique terrarum, & vinum similiter, quantumcunque distent. Imò non sufficit partem materiæ consecrandæ esse sufficienter præsentem & propinquam: sed debet tota secundum se totam, ac non tantum secundum aliquid sui. Alioqui sacerdos iuxta mare stans, posset totum illud consecrare si vinum esset, aut si aqua esset materia calicis. Quare si materia sit tanta, ut secundum se totam non sit præsens sensibilibiter, & sufficienter propinqua, nō tota consecratur, sed id tantum quod est propinquum & præsens sufficienter. Et quidem reliquum non nisi valde improprie & denominatiuè præsens & propinquum dicitur. Alioqui totus aër, quātus est in sua sphaera, mihi propinquus esset, quando aliqua eius pars cum aliis continua mihi propinqua & immediata est.

Difficultas verò est, quanta & qualis esse debeat hæc propinquitas & præsentia sensibilis materię? Dicunt aliqui non debere distare ducentos passus, quamuis ibi videri possit. Neque esse ultra murum, vel quid simile, impediens ne possit sensibilibiter humano modo demonstrari. Cuiusmodi non sunt censenda ea, quæ ad includendam rem huiusmodi instituta sunt, vel tanquam mera adiuncta continentia se habent, ut pyxis sacra ad hostias continendas: & arca vel crumena ad aurum continendum. Ostensā enim crumenā in qua pecunia continetur, aptè diceres: Hæc est mea pecunia. Item materiam consecrandam non debere esse à tergo consecrantis: quia ibi non potest sensibilibiter demonstrari per verba physicè prolata, ac vi sola ipsorum. Verum hoc postremum non est certum. Possumus enim manu digitorum intento demonstrare sensibilibiter per pronome, *Hæc*, ea quæ sunt à tergo. Quod sufficit: æquè ac sufficeret vnā hostiam è multis designare digito, ad illam præ aliis consecrandam, & demonstrandam specialiter per verba, quæ alioqui per se sola non eam designarent potius, quàm alias. Quod etiam attinet ad propinquitatem, non potest illa certo & præcisè ab hominibus definiri, & certa regula præscribi: sed in dubio de illa mora-

Non sufficit partem materiæ esse sufficienter præsentem.

8. Quam propinquitatem materię requiratur?

Materia debet esse p & se sens consecranti.

liter & prudenter iudicandum est: in praxi verò vsus Ecclesiæ seruari debet. Nam sine dubio sufficit præsentia & propinquitas illa, quam Ecclesia iudicat sufficere: Quare non est necesse, vt tangatur materia, vel in manibus physicè habeatur, aut haberi vel tangi possit: Neque vt videatur siue tota, siue ex parte: neque vt verborum sonus ad illam vsque perueniat: cum ex vsu & sensu Ecclesiæ constet oppositum: quippe quæ calicem coopertum, & formas sub aliis existentes, & neque attrectatas manibus, neque visu perceptas, & materiam remotiorem, quàm vt extensa manu, vel sono verborum attingi possit à sacerdote demissius loquente, consecrari validè censet.

9. **Materia consecrationis debet esse determinata in intentione consecrantis.** Secunda pars responsi, quòd scilicet materia consecranda debeat esse certa & definita in intentione consecrantis, est communis Theologorum, & probatur primò ex verbis formæ consecrationis, *Hoc est corpus meum; Hic est sanguis meus*, quibus sacerdos, ea proferens prædicè, demonstrat aliquid determinatum & sensibile; nempe corpus & sanguinem Christi sub his speciebus sensibilibus. Probatur secundò ex dictis disput. 22. de Sacramentis in genere, sect. 4. & 5. nempe quia intentio ministrum sacramentorum debet esse practica, & operatiua ex dominio ipsius ministri, & determinatione, ac quasi dispensatione circa tale subiectum præ alio, aut circa talem materiam præ alia. Item vis & actio efficiendi sacramentum versari debet circa aliquid singulare & determinatum, quod efficiat, aut in quod agat. Hæc autem determinatio non est ex ipsa rerum natura, vt in agentibus naturalibus: sed ex determinatione intentionis ministri, qui potest è pluribus æqualibus eligere, quod velit; & agere in remotius, propiori relicto: Ergo intentio ministri debet versari circa materiam determinatam, ad quam vim suam applicet. Atque hæc ratio generalis specialiter locum habet in hoc sacramento: quia vt iam diximus, ipsius forma specialiter id exigat, cum demonstret sensibilibus id quod fit; adeoque postulet aliquid determinatum quod demonstret per has propositiones, *Hoc est corpus meum, Hic est sanguis meus*, quæ non significant neque demonstrant corpus & sanguinem Christi simpliciter & præcisè secundum se sola, sed vt posita sub his speciebus, & quodammodo sensibilia. Atqui intentio ministri respondere debet & quadrare verbis, quibus consecrat, & verba similiter intentioni. Cum igitur verba sint demonstratiua, quæ pro suo significato postulant aliquid certum & determinatum: talis etiam debet esse intentio. Ideoque materia indefinita non potest consecrari, quia non potest demonstrari & determinatè significari.

10. **Non potest vna inter plures indeterminari.** Vnde sequitur primò, Non consecraturum sacerdotem qui de tribus hostiis vellet vnâ tantum consecrare, non determinando quam. Ratio est, quia talis intentio est

indeterminata: Et deinde nulla est ratio, cur id consecrati. vnâ consecret magis, quàm aliam tali intentione: atqui non omnes consecrat, quia non intendit omnes consecrare: ergo nullam: cum non sit ratio, cur hanc potius, quàm aliam: siquidem non magis intendit consecrare hanc, quàm illam. Notandum tamen, quòd si quis duas loco vnus attulisset per errorem, sufficeret vt generali intentione vellet consecrare quicquid præsens haberet: quemadmodum communiter fit. Per hanc enim confusam & generalem intentionem satis derogaret errori suo, & vellet determinatè veramque consecrare posito quòd sint duæ. Idemque dico de eo, qui tulit duodecim hostias, putans se decem tantum attulisse, vult tamen, confuse saltem (vt ordinariè fit) consecrare quicquid habet præ oculis, seu super altare positum ad consecrandum. Etenim communiter intentio consecrantium est, atque esse debet, vt velint consecrare omnes hostias ad consecrandum allatas, vel sibi propositas super altare, more & modo communi, quo proponi solent. Hostias, inquam, non particulas exiguas, quæ ab illis excidunt ante consecrationem. Et similiter totum vinum quod in calice continuum est, non guttulus intra vel extra calicem à continuo diuisas, nisi facile sint in continuum fluxuræ, vt quæ prope à fundo absunt. Quod scrupulosis notandum est, ne de aliis sint nimis solliciti.

11. **Nec medietas hostiæ indeterminate.** Sequitur secundò, Non consecraturum eum qui vellet tantum mediam partem hostiæ consecrare, non determinando quam. Idemque dico de duobus, quorum vnus vellet consecrare vnâ medietatem, alter alteram. Nisi enim quisque determinet medietatem, quam consecrare intendit, non consecratur tota hostia. Imò nil consecratur, si neuter determinet. Si autem vnus determinat, alius non; qui determinat, consecrat suam medietatem; alius verò non consecrat.

12. **Nec alie quot partes proportionales.** Sequitur tertio, Falsum esse quod docet Maior in 4. distinct. 11. quæst. 2. posse sacerdotem consecrare omnes partes hostiæ proportionales impares, primam, tertiam, quintam, & sic de cæteris; relictis omnibus paribus intermediis, hoc est secundam, quartam, sextam, & sic de cæteris. Quia impossibile est determinare sensibilibus & demonstrare tales omnes partes impares, præcisè ab omnibus paribus, in sententia Aristotelis de compositione continui ex semper diuisibilibus, quam Maior cum aliis Nominalibus tenet. Partes enim proportionales sunt communicantes, & continent aliæ alias similiter diuisibiles in duas medietates in infinitum, in quarum qualibet sunt sine fine pares & impares: adeò vt nulla præcisè sit prima, tertia, quinta. Sitque impossibile, etiam per absolutam Dei potentiam, sumere primam proportionalem & tertiam, relictâ secundâ intermediâ: cum quæcunque sumatur, sit diuisibilis in infinitas, contineatque in seipsâ

infinitas secundas, infinitas tertias, & quartas, & sic deinceps sine fine: nullaque sit præcisè prima, quæ non sit etiam secunda, tertia, & alia infinitè, in quas diuidi potest.

72. Sequitur quartò, Eum non consecrare, qui ex decem hostiis vult duas tantum consecrare, quas Deus determinauerit: vel ex eadem hostia eas solum partes, quas Deus designauerit. Ratio est, quia neque ipse determinat, neque Deus determinabit, quia non concurret specialiter ad illum modum cõsecrandi illicitum & sacrilegum. Sed quid si supponamus Deum determinare? Respondeo, Si Deus determinauerit ante consecrationem, & suam determinationem consecranti significauerit, consecrationem fore validam: quia consecrans habet, ad quid determinet suam intentionem, quodque demonstret sensibiliter per pronomem, *Hoc*, illas nempe hostias, quas Deus illi significauit velle consecrari: aut potius corpus Christi sub illis speciebus. Sin autem Deus suam determinationem non significauerit: Existimo cum Suare, Vasque, Mazarat, & aliis consecrationem fore nullam. Idemque dico de eo, qui velleret decem consecrare duas, quas alius homo determinaret, nisi iste prius suam determinationem alteri significaret. Quia Ministri ipsius est determinare suam intentionem, & ad certum quid eam applicare, illudque determinatè designare & demonstrare per hæc verba, *Hec est corpus meum*. Si autem determinatio alterius ipsi occulta est, non potest intentio ministri per ipsummet, neque significatio verborum, præcisè prout ab illo proferuntur, ad certum aliquid referri: atque ita nihil poterit designare & determinatè demonstrare pronomine *Hoc*. Confirmatur: Quia intentio ministri debet quadrare verbis, & verba intentioni, ut paulò ante diximus. Atqui non quadrat in casu posito. Nam si ipse definire signare nequit duas illas hostias inter multas alias: nullo modo potest illas indicare sensibiliter, & significare determinatè pronomine *hoc*, atque ab aliis secernere sua demonstratione, & determinatione.

13. Obiicies 1, Sacrificium Eucharistiæ oblatum à ministro pro eo, cui Deus prodesse voluerit, potest ei prodesse per solam Dei determinationem. 2. Qui audita multorum confessione velleret eum solum absolueret, qui certum aliquod, & proprium sibi peccatum, putà homicidium, confessus esset, validè absolueret: licet eum inter alios non dignosceret, vt ad illum speciatim verba formæ dirigeret, *Ego te absoluo* &c. 3. Qui auditis multis venialibus, velleret à duobus solum absolueret, non determinando à quibus, absolueret tamen. 4. Pœnitens qui confusè tantum meminit se commississe peccatum mortale, & ignorat quodnam: potest tamen ac debet ab illo absolui: sicut & pœnitens moribundus confusè tantum significans se commississe aliqua peccata, quæ non potest speciatim proponere. 5. Sacerdos cæcus validè con-

secraret, qui super duas hostias è pluribus, ab alio tactas, aut in manus acceptas, formam proferret, dicens: Volo ex omnibus illis consecrare solas illas, quas tangis aut tenes in manibus: & tamen tunc determinatio æquè per aliū fieret, ac si sacerdos diceret Volo consecrare solas illas, quas tu intendis & vis consecrari. 6. Sacerdos potest sola intentione interna è duabus hostiis à què præsentibus vnā eligere & consecrare, absque vllò signo sensibili, quo significet se consecrare vnā potius, quàm aliam, vt sit ad probandos energumenos. Ergo non est necesse sacerdotem demonstrare sensibiliter, aut designare hostiam, quam consecrat. 7. Quidni possit sacerdos validè consecrare vnā è duabus secundum Dei intentionem, vel alterius, si illi constet vnā à Deo, vel ab aliquo alio intendi, licet ipse determinatè non nouerit quam? Tunc epim sacerdos illam determinatè intendit, & demonstrat, quatenus suam intentionem & verba formæ refert atque determinat ad intentionem alterius. Neque obest, quòd respectu sacerdotis, & aliorum ignorantium determinationem alterius, indicatio sit confusa: quia sicut ad esse sacramenti Eucharistiæ in conseruari sufficit confusa indicatio per verba formæ moraliter remanentia: vt fieret, si in sacra pixide hostiæ non consecratæ miscerentur consecratis, ita vt ab illis discerni non possent: aut quando aqua, vel vinum non consecratum, admixtum est consecrato, à quo discerni nequit, vt quotidie contingit: sic ad Eucharistiam in fieri, sufficit indicatio non omnino determinata, sed confusa respectu aliquorum, à quibus humanitùs discerni nequeat id quod consecratum est. 8. Denique potest quis validè consecrare, licet nolit consecrare minutissimas illas hostiæ particulas, quæ excident è toto post consecrationem inter sacrificandum aut vtendum: licet illas ipse non nouerit, neque ab aliis secernere dum consecrat, & determinare possit.

Ad primum Respondeo primò, negando consequentiam: Differentia enim est: quia qui offert sacrificium, non debet eum demonstrare sensibiliter, pro quo offert. Secundò, Nego antecedens: tunc enim nulli proderit sacrificium peculiari intentione: quia ministri est determinare, non Dei. Quare nisi minister aliquo modo determinet, putà, quia vult ei prodesse, quem Deus nouit magis egere, aut quid simile: nulli proderit specialiter, sed Ecclesiæ, & iis omnibus, pro quibus communiter offertur. Ad secundum Respondeo, Non esse de essentia sacramenti Pœnitentiæ, vt minister demonstret eum quem absoluit, ac sensibiliter secernat ab aliis. Neque hoc sonat particula, *Te*: sed tantum vt ad eum præsentem suam intentionem & absolutionem dirigat. Ad 3. Nego assumptum. Neque enim à duobus illis absolueret, nisi determinaret. Ad

4. Di-

14. Quæ intentio requiratur vt sacrificium prodest aliqui?

4. Dico, in priori casu intentionem ministri ferri determinate in hoc peccatum, qualecunque illud sit. In posteriori, ferri etiam determinate in omnia peccata penitentis, confute licet cognita. Aliud autem est ferri intentione confusa, id est, indeterminata, in hoc aut illud e multis: Et aliud, ferri determinata intentione in vnum quid, licet confute, id est, imperfecte cognitum, ita tamen ut illud intendamus qualecunque sit; aut in aliquod totum, quod velimus adæquare, qualecunque & quantumcunque sit; licet quale & quantum sit non nouerimus.

15. Ad quintum Respondeo, Sacerdotem illum & quæ tunc hostias consecrandas per se determinare, ac si diceret: Volo eas solas consecrare quæ sunt super Corporale, relictis aliis quæ sunt extra super altare. Ac licet oculis eas discernere non possit, est enim cæcus, ut supponimus: tamen potest tactu. At non ita est de mera Dei vel alterius intentione occulta. Tunc enim sacerdos non habet, quod per seipsum intentionem suam & demonstrationem dirigat, quodque per alios designet vi verborum prout à se prolatorum. Ad sextum, admissio antecedente distinguo consequens: Non est necesse ut sacerdos signo sensibili patefaciat aliis quod dirigat suam intentionem, & quid demonstret per verba formæ, concedo. Non est necesse, ut ipse formam sensibilem & sensibiliter demonstratiuam determinet ad aliquid certum, & applicet alicui vi suæ intentionis, & vi verborum ut à se prolatorum specialiter designato & indicato, nego.

16. Ad septimum: Sicut actio consecrandi debet tota esse à solo ministro: ita & intentio applicans potestatem consecrandi: est enim ministri intendere, sicut & agere: nam agit per potestatem sacerdotalem propria intentione applicatam, ac vi eius solius operantem: ab alio enim applicari nequit. Licet autem ad sacramentum Eucharistiæ in consecrari sufficiat confusa aliquo modo demonstratio verborum formæ moraliter remanentium: secus tamen in fieri. Quia plus requiritur ad fieri, quam ad consecrari. Quemadmodum consensu omnium requiritur ad fieri præsentia sensibilis materię consecrandæ, & ministri: secus autem ad consecrari. Item ad fieri requiritur physica verborum pronuntiatio, secus ad consecrari. Sic ergo aliquid requiritur ad modum demonstrandi, quando proferuntur verba, quod non requiritur, quando moraliter remanent.

Ad 8. Respondeo, Licet aliquis nolit consecrare particulas, minutissimas quæ exciderint à toto, adhuc esse materiam sufficientem quæ demonstratur determinate: nempe fere totum, præ quo illæ particule, & veluti atomi, nihil æstimantur. Sicut dicendum est de aqua modicissima vino infusa, si non conuertatur in vinum ante consecrationem, ac proinde neque in sanguinem Christi: quæ non impedit, quin vinum, quod præcipuum est & fere totum, sensibiliter demonstratur,

Tom. IV.

dicendo, *Hoc est vinum*: aut sanguis Christi sub speciebus vini, per hanc propositionem, *Hic est sanguis meus*. Puto autem hunc modum consecrandi, tamen validum, illicitum esse, & contrarium praxi Ecclesiæ, iubentis particulas illas exactissime colligi.

SECTIO III.

An panis & vinum quantacunque magnitudinis aut paruitatis consecrari possint?

17. **Q**uestio est de facto seu valide, non de iure seu licite. Peccaret enim sine dubio, qui plus materię consecraret, quam decenter conseruari, & à fidelibus contumipi possit: vel quam possit sensibus percipi, & reuerenter tractari vel sumi. Questio item est, an quantacunque magnitudo panis & vini consecrari possit, quantum est ex se, & quantum est ex vi formæ ac potestatis sacerdotalis, si aliunde non desit conditio præsentis sensibilis, de qua dictum fuit supra.

Hoc ergo statu questionis præsupposito Respondeo & Dico primò, Quantacunque panis & vini magnitudinem consecrari valide posse; & nullam esse adeò magnam, quæ maior consecrari non possit, dummodò sit sufficienter præsens consecranti. Ita Theologi communiter cum D. Thoma q. 74. art. 2. Ratio præcipua est: quia de fide est Christum dedisse sacerdotibus potestatem consecrandi panem & vinum: & nulla constar auctoritate, vel traditione, aut ratione, Christum limitasse hanc potestatem ad certum terminum magnitudinis, quo maior, licet sensibiliter præsens, consecrari non possit. Ergo temerè limitaretur. Maior est certa ex Scriptura & Conciliis. Minor patebit ex solutione obiectionum.

Contrarium enim sentiunt D. Bonavent. in 4. dist. 10. 2. parte distinctionis 2. 2. q. 4. Alensis p. 4. q. 34. membro 1. 2. 3. 5. 6. Angelus V. Eucharistia 1. num. 25. & pauci alii, affirmantes dari certum terminum quantitatis, ultra quem maior consecrari non possit. 1. Quia virtus sacerdotis & verborum finita est: virtus autem finita habet de se terminum certum, ultra quem non potest operari. 2. Cum hoc sacramentum sit institutum in usum fidelium, iudicandum est Christum dedisse tantum potestatem consecrandi quantitatem, quanta fidelium vsui accommodata esset: nam prudens modus institutionis id exigit; & contra prudentiam esset dare potestatem, quæ non foret in ædificationem, & fini suo consentanea.

Ad primum Respondeo, Virtutem sacerdotis & verborum consecrationis esse tantum moralem, ad Deum mouendum infallibiliter vi institutionis; & non esse à Deo limitatam ad certam magnitudinem, quæ maior dari possit sensibiliter præsens, sed quantum est de se, extendi ad omnem panis quan-

H h h

17. Status questionis.

Materia quantacunque magnitudinis consecrari potest.

18.

D. Thom. Soluuntur argumenta contraria sententiae.

titatem seu magnitudinem vltioris possibili-
lem: cōque sentu dici posſe infinitam ſeu illi-
mitatam, quamvis phyſicè ſit finita, quia eſt
ipſa verba à Chriſto inſtituta. Confirmatur
quia de iſta virtute philoſophandum eſt, vt
de virtute ſacerdotum remittendi peccata,
tūc Deus illi non magis, quàm iſti, limites
poſuerit in inſtitutione; ſed illi pro materia
circa quam, assignauerit panem & vinum ab-
ſolutè ac ſine limitatione, ſicut iſti pro mate-
ria assignauit peccata. Atqui ſacramenta v.
g. Baptiſmi & Pœnitentiæ, quæ peculiariter
& per ſe ſunt inſtituta ad peccata remitten-
da, valent ad plura & plura in infinitum, ac
ſine limitatione: Ergo, &c.

19. Ad ſecundum Reſpondeo, Quamvis po-
teſtas conſecrandi ſit collata ſacerdotibus
in vſum fidelium: non tamen ita vt plus con-
ſecrari non poſſit, quàm ſufficiat ad vſum fi-
delium. Quemadmodum licet collata ſit ea-
dem poteſtas in bonum vſum: non tamen ita
vt mali ſacerdotes eā malè vtī non poſſint, &
fidei pœnitentes non indignè & ſacrilegè,
ſi velint, accedant. Quare aduerſariorum
coniectura non eſt bona: ex qua præterea
ſequeretur hoc incommodum, quòd ſæpè in
dubio verſaremur, an poſſit fieri noua con-
ſecratio. Quis enim ſciat, num quis mali-
tioſè vel imprudenter iam conſecrauerit,
quantum ad vſum ſatis eſſe poſſit? & cum
plurimæ hoſtiæ ſimul conſecrantur, vt ſæpè
ſit; dubitari poſſet, num plures ſint quàm
ſufficiant ad vſum fidelium, & conſequenter
an omnes ſint conſecratæ, imò an vlla ex il-
lis: quia vel omnes, vel nulla: cum inten-
tio Miniſtri, & determinatio, non magis in
vna, quàm in aliis feratur. Neque prop-
terea contra prudentem modum inſtitutio-
nis quidquam factum eſt. Quin potiùs id
eximie ſapientie opus fuit. Cum enim Chri-
ſtus ex malo vſu, vel modo conſecrandi non
patiatur damnum: multum autem interſit,
vt poteſtas miniſtri certa ſit, ne de illa fa-
cilè dubitari poſſit: conſentaneum fuit ra-
tioni, vt ſemper haberet effectum, quoties
forma à Chriſto inſtituta ſuper materiam
ritè pronunciaretur. Neque idèò poteſtas
hæc non fuit data in ædificationem, licet per
accidens poſſit quis ea abuti ad deſtructio-
nem.

20. Dico ſecundò panem & vinum quantu-
cunque paruitatis conſecrari poſſe, dum-
modò ſenſibilis ſit. Probatur, quia eſt verè
panis & vinum, vt ſupponimus, quæ duo
à Conciliis assignantur pro materia Eucha-
riſtiæ: & cum ſenſibilia ſint, poſſunt per
verba formæ ſenſibiliter demonſtrari. Chri-
ſtus etiam poteſt ſub illis poni, quippe qui
ſpiritali & indiuiſibili modo eſt totus in to-
to, & totus in qualibet parte quantumvis
exigua. Quare nihil impedit, quo minùs
forma conſecrationis poſſit tali materie va-
lidè applicari: validè, inquam, quamvis
illicite. Vt enim licitè conſecratio fiat, ſer-
uandus eſt vſus Eccleſiæ, tam quoad parui-
tatem, quàm quoad magnitudinem: & hæc

benda eſt ratio decentiæ, & finis, propter
quem panis & vinum conſecrantur: vt ſcili-
cet commodè vſui eſſe poſſit ad ſumendum,
adorandum, & ad alios vſus ſacros.

Dixi, *Dummodò ſenſibilis ſit*: quia ſi pa-
nis & vini diuiſio procedere poſſit vſque
ad partes inſenſibiles, manente licet ſub-
ſtantia panis & vini (de quibus alioqui
nulla eſt ratio dubitandi) probabilius, imò
certum mihi videtur non poſſe conſecra-
ri, neque ſufficere ad materiam ſacramen-
ti Eucharistiæ, ſi tam exigua ſunt, vt acu-
tiſſimis ſenſibus naturaliter percipi non
poſſint, & humano modo ſenſibiliter de-
monſtrari. Nam verba formæ conſecra-
tionis ſunt demonſtratiua ſacramentaliter,
id eſt, ſenſibiliter; debentque aliquid de-
monſtrare humano modo ſenſibile: Sa-
cramentum quoque Eucharistiæ debet eſ-
ſe ſenſibile, non tantum ex parte formæ;
ſed etiam ex parte materie, quæ talis eſ-
ſe debet, vt per pronomina formæ de-
monſtratiua ſenſibiliter demonſtrentur: Er-
go particula panis & vini inſenſibiles non
poſſunt conſecrari. Quod intelligo de par-
ticulis illis ſiue extra totum ſumptis, ſiue
in toto aliquo ſolitarie ſpectatis, ita vt ſo-
la conſecrari intenduntur. Cum enim ſum-
ptæ ſolitarie non ſint ſenſibiles; non ſunt
aptæ conſecrationi, neque poſſunt ſolæ
per verba designari. Idemque dico de par-
ticulis, ſi quæ ſunt tales, vt ſub illis ſo-
lis forma panis & vini conſecrari non poſ-
ſit, ſi nimirum panis & vinum habeant mi-
nimum naturale, infra quod eſſe non poſ-
ſint. Nam quod per ſe ſolum non eſt pa-
nis & vinum, non poteſt etiam ſolum con-
ſecrari: ſolum, inquam, & ſolitariè: alio-
quin enim non eſt dubium, quin particu-
la quamvis exigua, & diuiſibiles in infi-
nitum, conſecrentur ſimul cum toto. De
fide enim eſt, totam planè hoſtiam ſe-
cundum omnes ſuas partes conſecrari, ita
vt nihil ſubſtantie panis remaneat: vinum-
que ſimiliter, vt docet Concilium Triden-
tinum ſeſſione decima tertia, capite tertio,
& canone ſecundo.

Conſentiunt Suarez, Vaſquez, Aegi-
dius Coninck, Maratus, & alii Recen-
tiores communiter poſt Alenſem, ſanctum
Bonauenturam, Diuum Thomam, & alios
antiquiores. Contrarium tamen docent Su-
tus in quarto, diſtinctione nona, quaſtio-
ne vnica, articulo ſecundo, & Valentia qua-
ſtione ſecunda de Eucharistiæ, puncto ſe-
cundo, dubio ſecundo, affirmantes parti-
culam quamlibet, etiam aded parua, vt
ſentiri non poſſit, conſecrari validè poſ-
ſe. Primò, Quia de ratione ſacramenti
ſolum eſſe videtur, vt ſit ſignum in ſua
ſpecie ſenſibile, cuiusmodi ſunt panis &
vinum, quæ ſunt ſpecies ſenſibiles. Quod
autem per accidens ratione parua quan-
tatis non ſint ſenſibiles, nihil obſtat.
Secundò, Vt ſacerdos hoſtiam conſecrare
poſſit, non eſt opus, vt ipſe eam videat;

21. Materie
inſenſibilis
non pot. ſt
conſecrari.

22. Contraria
ſententia.

Materia
quantu-
libet parua
conſecrari
poteſt, mo-
do ſenſibi-
lis ſit.

ant aliter sentiat. Nam sacerdos cæcus potest consecrare hostiam, quam nec videt, nec tangit, nec vlllo alio sensu percipit. Quod autem ab alio videri possit vel sentiri, nihil facit ad rem. Neque est necesse, ut à quoquam sentiatur actu. Valide enim sacerdos ille consecraret, quamuis nullus alius consecrationi assisteret. Ergo non est necesse, ut materia consecrationis sit sensibilis actu. Tertiò, Si talis particula separaretur à toto, in quo, & cum quo per modum vnius consecrata fuit, maneret consecrata, essetque sub illa corpus Christi. Ergo poterat separatim consecrari. Antecedens patet ex Concil. Trident. sess. 13. can. 3. affirmante totum Christum contineri sub singulis cuiusque speciei partibus separatione facta. Et confirmatur ex communi omnium Doctorum sententia, quæ docet species consecratas, siue continuas, siue diuisas, tamdiu manere consecratas, & continere corpus & sanguinem Christi, quamdiu panis & vini substantia sub iisdem speciebus naturaliter fuisset conseruata.

23.
Solutur
primum
illius ar-
gumentum.

Ad primum Respondeo primò, Id quod est insensibile in individuo, esse quoque insensibile in specie prout ad ipsum contracta: quia licet alia quædam eiusdem speciei sensibilia sint, ipsum tamen secundum se totum est insensibile. Secundò, Ut aliquid in individuo & secundum se sit sacramentum, debet esse sensibile in individuo ac secundum se; & sensibile humano modo, id est, humanis sensibus naturaliter proportionatum, ut sit humanum sacramentum, hominum vsui & naturæ accommodatum, ut supponimus esse omnia legis nouæ sacramenta. Tamen non est opus, ut sit sensibile omnibus, etiam iis, qui habent sensus imperfectos. Satis est enim, vtiis, qui habent sensus perfectos & acutos. Tertiò, Non per accidens tantum, sed per se esse insensibile id, quod per se caret proportionem quantitatis, vel qualitatis, ad sensum necessariam, qualis est particula panis aut vini de qua loquimur in præsentia. Licet alia multa eiusdem speciei sensibilia sint, habeantque sufficientem proportionem ad sensum, & eo sensu dicatur illa particula esse sensibilis secundum speciem. Quartò, Quamuis per accidens tantum esset insensibilis; esset quoque per accidens incapax consecrationis in tali statu. Quemadmodum licet panis & vinum secundum se possint sentiri: si tamen per accidens non possint demonstrari sensibiliter à consecrante propter nimiam distantiam, vel murum interpositum, quod illis est accidentarium, non possunt consecrari. Addo denique contra Valentiam supra, non satis esse particulam illam de se insensibilem, Dei reuelatione, vel aliqua certa aut probabilis ratione, vel nutu aut signo indicari. Neque enim potest consecrari, nisi ipsa per se humanis sensibus demonstrabilis sit, & quidem naturaliter: ita ut

quamuis humani sensus attollerentur per miraculum ad illam percipiendam, nihilo tamen magis consecrabilis esset: quia sicut Christus formæ significationem determinauit ad materiam sensibilem & proportionatam sensibus humanis secundum vim ipsorum naturalem, illique naturaliter demonstrabilem: sic ad eandem adstrinxit potestatem valide consecrandi, & efficiendi sacramentum Eucharistiæ.

Ad secundum Respondeo, Aliud esse de facto à nullo sentiri defectu attentionis, vel applicationis sensuum: & aliud, non posse sentiri defectu proportionis necessariæ cum sensibus humanis, in quantitate, colore, vel aliis qualitatibus sensibilibus: & ad consecrationem non esse quidem necessarium actu sentiri: omnino tamen necessarium esse, ut materia sit actu sensibilis, quia verba formæ sunt demonstratiua sensibiliter, constituuntque sacramentum humano modo sensibile.

Ad tertium Respondeo primò, Incertum esse, & non bene probatum, id quod assumitur, species scilicet insensibiles manere consecratas, id est, continere corpus & sanguinem Christi. Nam Trident. & Doctores Catholici possunt facile intelligi de diuisione moraliter & humano modo facta, quæ non peruenit ad particulas omnino insensibiles: non autem de diuisione mathematica, qualis à Deo, vel ab Angelo, in partes minutissimas & prorsus insensibiles, nullique vsui humano per se utiles fieri posset. Quod autem urget Suar. disput. 43. sect. 8. Concilia loqui absolute, & non licere eorum definitionem restringere ad particulam minimam vel maiusculam, potest in ipsum euidenter retorqueri. Nam similiter Concilia loquuntur absolute, cum aiunt panem triticeum, & vinum de vite esse materiam consecrationis & sacramenti Eucharistiæ, ut Florentin. in Decreto 5. *Tertium est Eucharistiæ*. Et tamen per Suarem ipsum, si panis esset tam exiguus, ut esset insensibilis, non posset consecrari: neque vlla panis particula siue in toto, siue extra totum, sola potest consecrari, nisi sit tanta, ut possit sensibus humanis subiici, quemadmodum asserit sectione 7. disputat. cit. Ergo sicut licuit Suari restringere verba Conciliorum ad panem sensibilem respectu consecrationis: quidni liceat restringere respectu conseruationis? Confirmatur: Nam etiam Concilia absolute definiunt, aquam veram & naturalem esse materiam Baptismi: & tamen constat ex ipsomet Suare disputatione vigesima, sectione secunda, & aliis communi consensu, non sufficere ad Baptismum quantulamcunque aquæ particulam, etiam insensibilem: estque communis sententia, necessarium esse ut corpus in aliqua principali parte, saltem mediocri aquæ quantitate tingatur. Ergo frustra Suar. in absoluta Conciliorum definitione viam facit.

24.
Diluitur
secundum.

Particula
insensibilis
manere enim
consecrata

Satis:

titatem seu magnitudinem virtutis possibilem: eoque sensu dici posset infinitam seu illimitatam, quamvis physice sit finita, quia est ipsa verba à Christo instituta. Confirmatur quia de ista virtute philosophandum est, ut de virtute sacerdotum remittendi peccata, tunc Deus illi non magis, quam isti, limites posuerit in institutione; sed illi pro materia circa quam, assignauerit panem & vinum absolute ac sine limitatione, sicut isti pro materia assignauit peccata. Atqui sacramenta v. g. Baptismi & Pœnitentiæ, quæ peculiariter & perse sunt instituta ad peccata remittenda, valent ad plura & plura in infinitum, ac sine limitatione: Ergo, &c.

19.

Ad secundum Respondeo, Quamvis potestas consecrandi sit collata sacerdotibus in usum fidelium; non tamen ita ut plus consecrari non possit, quam sufficiat ad usum fidelium. Quomodo licet collata sit eadem potestas in bonum usum: non tamen ita ut mali sacerdotes eam male uti non possint, & ficti pœnitentes non indignè & sacrilegè, si velint, accedant. Quare aduersariorum coniectura non est bona: ex qua præterea sequeretur hoc incommodum, quod sæpè in dubio versaremur, an possit fieri noua consecratio. Quis enim sciat, num quis maliciose vel imprudenter iam consecrauerit, quantum ad usum satis esse possit? & cum plurimæ hostiæ simul consecrantur, ut sæpè fit; dubitari posset, num plures sint quam sufficiant ad usum fidelium, & consequenter an omnes sint consecratæ, imò an vlla ex illis: quia vel omnes, vel nulla: cum intentio Ministri, & determinatio, non magis in vnas, quam in alias feratur. Neque propterea contra prudentem modum institutionis quidquam factum est. Quin potius id eximie sapientiæ opus fuit. Cum enim Christus ex malo usu, vel modo consecrandi non pariat damnum: multum autem interfit, ut potestas ministri certa sit, ne de illa facile dubitari possit: consentaneum fuit rationi, ut semper haberet effectum, quoties forma à Christo instituta super materiam ritè pronunciaretur. Neque ideo potestas hæc non fuit data in ædificationem, licet per accidens possit quis ea abuti ad destructionem.

20.

Materia
quantum
libet parua
consecrari
potest, modo
sensibilis sit.

Dico secundò panem & vinum quantumcunque paruitatis consecrari posse, dummodò sensibilis sit. Probatur, quia est verè panis & vinum, ut supponimus, quæ duobus Conciliis assignantur pro materia Eucharistiæ: & cum sensibilia sint, possunt per verba formæ sensibiliter demonstrari. Christus etiam potest sub illis poni, quippe qui spiritali & indiuisibili modo est totus in toto, & totus in qualibet parte quantumvis exigua. Quare nihil impedit, quo minus forma consecrationis possit tali materiæ validdè applicari: validdè, inquam, quamvis illicitè. Ut enim licitè consecratio fiat, seruandus est usus Ecclesiæ, tam quoad paruitatem, quam quoad magnitudinem: & ha-

benda est ratio decentiæ, & finis, propter quem panis & vinum consecrantur: ut scilicet commodè vsui esse possit ad sumendum, adorandum, & ad alios vsus sacros.

Dixi, Dummodò sensibilis sit: quia si panis & vini diuisio procedere possit vsque ad partes insensibiles, manente licet substantia panis & vini (de quibus alioqui nulla est ratio dubitandi), probabilius, imò certum mihi videtur non posse consecrari, neque sufficere ad materiam sacramenti Eucharistiæ, si tam exigua sunt, ut acutissimis sensibus naturaliter percipi non possint, & humano modo sensibiliter demonstrari. Nam verba formæ consecrationis sunt demonstratiua sacramentaliter, id est, sensibiliter; debentque aliquid demonstrare humano modo sensibile: Sacramentum quoque Eucharistiæ debet esse sensibile, non tantum ex parte formæ; sed etiam ex parte materiæ, quæ talis esse debet, ut per pronomina formæ demonstratiua sensibiliter demonstretur: Ergo particula panis & vini insensibiles non possunt consecrari. Quod intelligo de particulis illis siue extra totum sumptis, siue in toto aliquo solitariè spectatis, ita ut sola consecrari intenduntur. Cum enim sumptæ solitariè non sint sensibiles; non sunt aptæ consecrationi, neque possunt solæ per verba designari. Idemque dico de particulis, si quæ sunt tales, ut sub illis solis forma panis & vini consecrari non possit, si nimirum panis & vinum habeant minimum naturale, infra quod esse non possint. Nam quod per se solum non est panis & vinum, non potest etiam solum consecrari: solum, inquam, & solitariè: alioquin enim non est dubium, quin particula quamvis exigua, & diuisibiles in infinitum, consecrentur simul cum toto. De fide enim est, totam planè hostiam secundum omnes suas partes consecrari, ita ut nihil substantiæ panis remaneat; vinumque similiter, ut docet Concilium Tridentinum sessione decima tertia, capite tertio, & canone secundo.

21.
Materia
insensibilis
non potest
consecrari.

Consentiunt Suarez, Vasquez, Aegidius Coninx, Maratus, & alii Recentiores communiter post Alensem, sanctum Bonauenturam, Diuum Thomam, & alios antiquiores. Contrarium tamen docent Sotus in quarto, distinctione nona, questione vnica, articulo secundo, & Valentia questione secunda de Eucharistia, puncto secundo, dubio secundo, affirmantes particulam quamlibet, etiam aded parua, ut sentiri non possit, consecrari validdè posse. Primò, Quia de ratione sacramenti solum esse videtur, ut sit signum in sua specie sensibile, cuiusmodi sunt panis & vinum, quæ sunt species sensibiles. Quod autem per accidens ratione paruitatis non sint sensibiles, nihil obstat. Secundò, Ut sacerdos hostiam consecrare possit, non est opus, ut ipse eam videat;

22.
Contraria
sententia.

sunt aliter sentiat. Nam sacerdos cæcus potest consecrare hostiam, quam nec videt, nec tangit, nec vlllo alio sensu percipit. Quod autem ab alio videri possit vel sentiri, nihil facit ad rem. Neque est necesse, ut à quoquam sentiatur actu. Valide enim sacerdos ille consecraret, quamvis nullus alius consecrationi assisteret. Ergo non est necesse, ut materia consecrationis sit sensibilis actu. Tertiò, Si talis particula separaretur à toto, in quo, & cum quo per modum vnius consecrata fuit, maneret consecrata, essetque sub illa corpus Christi. Ergo poterat leparatim consecrari. Antecedens patet ex Concil. Trident. sess. 13. can. 3. affirmante totum Christum contineri sub singulis cuiusque speciei partibus separatione facta. Et confirmatur ex communi omnium Doctorum sententia, quæ docet species consecratas, siue continuas, siue diuisas, tamdiu manere consecratas, & continere corpus & sanguinem Christi, quamdiu panis & vini substantia sub illdem speciebus naturaliter fuisset conseruata.

Ad primum Respondeo primò, Id quod est insensibile in individuo, esse quoque insensibile in specie prout ad ipsum contracta: quia licet alia quædam eiusdem speciei sensibilia sint, ipsum tamen secundum se totum est insensibile. Secundò, Ut aliquid in individuo & secundum se sit sacramentum, debet esse sensibile in individuo ac secundum se; & sensibile humano modo, id est, humanis sensibus naturaliter proportionatum, ut sit humanum sacramentum, hominum vsui & naturæ accommodatum, ut supponimus esse omnia legis nouæ sacramenta. Tamen non est opus, ut sit sensibile omnibus, etiam iis, qui habent sensus imperfectos. Satis est enim, ut iis, qui habent sensus perfectos & acutos. Tertiò, Non per accidens tantum, sed per se esse insensibile id, quod per se caret proportionem quantitatis, vel qualitatis, ad sensum necessariæ, qualis est particula panis aut vini de qua loquimur in præsentia. Licet alia multa eiusdem speciei sensibilia sint, habeantque sufficientem proportionem ad sensum, & eo sensu dicatur illa particula esse sensibilis secundum speciem. Quartò, Quamvis per accidens tantum esset insensibilis; esset quoque per accidens incapax consecrationis in tali statu. Quemadmodum licet panis & vinum secundum se possint sentiri: si tamen per accidens non possint demonstrari sensibiliter à consecrante propter nimiam distantiam, vel murum interpositum, quod illis est accidentarium, non possunt consecrari. Addo denique contra Valentiam supra, non satis esse particulam illam de se insensibilem, Dei reuelatione, vel aliqua certa aut probabili ratione, vel nutu aut signo indicari. Neque enim potest consecrari, nisi in sola per se humanis sensibus demonstrabilis sit, & quidem naturaliter: ita ut

quamvis humani sensus attollerentur per miraculum ad illam percipiendam, nihilo tamen magis consecrabilis esset: quia sicut Christus formæ significationem determinauit ad materiam sensibilem & proportionatam sensibus humanis secundum vim ipsorum naturalem, illique naturaliter demonstrabilem: sic ad eandem adstrinxit potestatem valide consecrandi, & efficiendi sacramentum Eucharistiæ.

Ad secundum Respondeo, Aliud esse de facto à nullo sentiri defectu attentionis, vel applicationis sensuum: & aliud, non posse sentiri defectu proportionis necessariæ cum sensibus humanis, in quantitate, colore, vel aliis qualitatibus sensibilibus: & ad consecrationem non esse quidem necessarium actu sentiri: omnino tamen necessarium esse, ut materia sit actu sensibilis, quia verba formæ sunt demonstratiua sensibiliter, constituuntque sacramentum humano modo sensibile.

Ad tertium Respondeo primò, Incertum esse, & non bene probatum, id quod assumitur, species scilicet insensibiles manere consecratas, id est, continere corpus & sanguinem Christi. Nam Trident. & Doctores Catholici possunt facile intelligi de diuisione moraliter & humano modo facta, quæ non peruenit ad particulas omnino insensibiles: non autem de diuisione mathematica, qualis à Deo, vel ab Angelo, in partes minutissimas & prorsus insensibiles, nullique vsui humano per se utiles fieri posset. Quod autem vrger Suar. disput. 43. sect. 8. Concilia loqui absolute, & non licere eorum definitionem restringere ad particulam minimam vel maiusculam, potest in ipsum euidenter retorqueri. Nam similiter Concilia loquuntur absolute, cum aiunt panem triticeum, & vinum de vite esse materiam consecrationis & sacramenti Eucharistiæ, ut Florentin. in Decreto 5. *Tertium est Eucharistia*. Et tamen per Suarem ipsum, si panis esset tam exiguus, ut esset insensibilis, non posset consecrari: neque vlla panis particula siue in toto, siue extra totum, sola potest consecrari, nisi sit tanta, ut possit sensibus humanis subiici, quemadmodum asserit sectione 7. disputat. cit. Ergo sicut licuit Suari restringere verba Conciliorum ad panem sensibilem respectu consecrationis: quidni liceat restringere respectu conseruationis? Confirmatur: Nam etiam Concilia absolute definiunt, aquam veram & naturalem esse materiam Baptismi: & tamen constat ex ipsomet Suare disputatione vigesima, sectione secunda, & aliis communi consensu, non sufficere ad Baptismum quantulamcunque aquæ particulam, etiam insensibilem: estque communis sententia, necessarium esse ut corpus in aliqua principali parte, saltem mediocris aquæ quantitate tingatur. Ergo frustra Suar. in absoluta Conciliorum definitione vim facit.

24.

Diluitur
secundum.Particula
insensibilis
manere
consecrata

Suarez.

25. **Particula insensibilis non foret sacramentum, licet maneret consecrata.** Secundò tamen, dato, quod magis communiter asseritur, tanquam probabiliori, quodque verba Conciliorum reddit magis generalia, nempe species illas insensibiles manere consecratas, & continere adhuc corpus & sanguinem Christi; nego consequentiam argumenti supra propositi, posse nimirum eandem consecrari. Nam consecratio non potest fieri nisi verbis formæ sacramentalis physice prolatis, quæ necessario debent aliquid sensibile demonstrare, & præsens sensibilibus hic & nunc, saltem in actu primo. Nego pariter tales species fore sacramentum: quia de ratione sacramenti est, ut sit aliquid sensibile, cuiusmodi non essent illæ species, quamvis sub illis Christus contineretur. Neque verum est, quod ait Suar. supra, sensibilitatem requiri quidem in effectione sacramenti, non autem in consecratione eius: nam ex eodem Suar. disp. 1. sect. 3. & ut ibid. testatur, ex Theologo-um omnium sententia, de ratione sacramenti nouæ legis est, ut sit signum sensibile, & signum hominibus accommodatum ad Deum colendum corpore & anima. Ergo quicquid est sacramentum nouæ legis, debet esse signum sensibile non tantum in fieri, sed & in conservari. Implicat enim ut tale sit, & permaneat, sine ratione, per quam constituitur tale. Atqui particula insensibilis remanens non est signum sensibile: neque per se, quandoquidem supponimus esse insensibilem; neque per verba, à quibus demonstrati nequit humano modo, & sensibilibus designari. Ergo particula talis non potest esse sacramentum Eucharistiæ, neque in fieri, neque in conservari. Deinde licet ad consecrationem non sit amplius necessaria, prolatio formæ, ex qua forma Suarez cum aliis rectè colligit materiam quæ consecratur, debere talem esse, ut sensibilibus designari possit per pronominia demonstratiua, *Hoc est corpus meum*, *Hic est sanguis meus*: necessarium tamen est, ut eadem forma moraliter perseueret, & designet species consecratas, quæ non sunt alioqui per se solæ determinatæ ad sensibilem & sacramentalem significationem rei sacræ: neque distinguì à nobis possunt à speciebus non consecratis, ut fatetur Suar. disp. 42. sect. 2. 5. ultimo, ubi nobiscum sentit de forma intrinseca sacramenti Eucharistiæ. Ergo sicut dum consecrantur, debent esse sensibiles, ut sensibilibus demonstrantur per verba formæ realiter prolata: ita quamdiu permanent in esse sacramenti, debent esse sensibiles, ut sensibilibus demonstrantur per eadem verba moraliter remanentia.

Verum quidem est, quod ait Suar. plura requiri, ut aliquid fiat, quàm ut conservetur. Nam præter id quod ait de creatione animæ rationalis, & impressione characteris; certum est materiam panis & vini consecrari non posse, nisi ministro consecrante sit ita præsens, ut possit ab illo demonstrari sensibilibus. Quæ tamen præsentia non est necessaria, ut conserventur species conse-

cratæ, quia non pendent à ministro in conservari. Sed nihilominus quando aliquid est tale, ut sit de ratione rei intrinseca & essentiali: illud non minus est necessarium, ut res in suo esse permaneat, quàm ut fiat. Quapropter cum esse signum sensibile sit de essentiali sacramenti nouæ legis; implicat tale remanere, & non esse signum sensibile. Et speciatim cum de ratione sacramenti Eucharistiæ sit esse sensibile ex parte specierum, ut supponitur ad veritatem formæ sensibilibus demonstrantis; implicat esse sacramentum Eucharistiæ, & species esse insensibiles. Quare huiusmodi species insensibiles non essent sacramentum, quamvis re ipsa continerent corpus & sanguinem Christi.

Sed quæres, an si huiusmodi species coirent iterum in vnam sensibilem, essent hoc ipso sacramentum Eucharistiæ sine alia consecratione? Respondeo affirmatiuè: posito quod, ut iam supponimus, corpus & sanguis Christi sub illis transferint, & non perierit memoria formæ super eas prolata, ex qua id constet. Tunc enim illis nihil deest ad rationem sacramenti præter sensibilitatem, quæ aduenit eo ipso quod coeunt in vnum totum sensibile. Secus autem dicendum esset posito quod, ut Maior, Vasquez, & Mærat. docent, Christus non manserit, sub cuiusmodi speciebus insensibilibus. Est enim planè improbabile, quod dicit Maior in quarta, distinctione undecima, quæstione tertia, ut habetur in quibusdam exemplaribus, species illas insensibiles, si coeant iterum in vnam sensibilem, fore hoc ipso consecratas, & Christi corpus & sanguinem iterum continere. Nam si Christus desit sub illis esse, reddi substantia panis & vini. Et ut iterum Christus sub illis speciebus ponatur, atque in ipsum conuertatur substantia panis & vini, opus est noua consecratione & transubstantiatione. Neque enim villo modo id esse potest ex sola talium specierum coniunctione, sine actione alia, quâ Christus ibi constituitur, & panis aut vinum in ipsum conuertatur. Quia non minus actionis & virtutis requiritur ad reproductionem rei quæ esse desit, secundum id quod desit; quàm ad primam productionem.

SECTIO IV.

Utrum panis debeat esse triticus?

Constat inter Theologos materiam huius sacramenti panem verum & vsum esse debere. Qualis non est ille qui fit alicubi ex fructibus arborum, vel ex radicibus, aut leguminibus, aut aliunde quàm ex granis aristas & culmos proferentibus, quæ geno-

26. **Species insensibiles habent sacramentum si coeunt in vnum sensibile?**

Maior

27. **Debet esse panis verus & vsum.**

taliter frumenta nominantur, latè sumendo nomen frumenti, prout est genus ad triticum, hordeum, secale, auenam, & similia; ut sumitur à Plinio lib. 18. histor. Natur. c. 7. & 8. & ab Isidoro lib. 17. Ethymolog. cap. 3. & plerisque aliis; licet frequentius, tum in Script. tum apud Patres, & in communi modo loquendi, sumatur specialiter pro tritico: qua de re videri potest Ysambert. q. 74. disp. 1. art. 3. Imò neque sufficit massa farinæ frumenti aquâ subacta & incocta, vel oleo aut butyro frixa, vel aquâ elixa. Hæc enim & similia propriè, & secundum communem usum loquendi, non sunt verè panis, sed massa, lagana, pultes, placentæ, liba, aut aliquid huiusmodi, siue à vero pane differant specie, siue accidentariò tantum. Panis enim propriè dictus & usualis ille solum est, qui fit ex massa farinæ frumentaceæ aqua subactæ, & clibani vel simili calore decoctæ, & quasi assatæ, non autem elixæ vel frixæ. Controuersia verò est, an quilibet panis usualis & frumentaceus sufficiat?

28. **Gabr. Caic.** Affirmant Gabr. lect. 35. in can. & in 4. distinct. 11. quæst. 2. art. 2. conclus. 2. & Caietan. quæst. 74. art. 3. Eorum argumenta hæc sunt. 1. Quia Concilium Carthaginense III. dicit offerri posse de frumentis & uvis. Nimirum de frumentis in vniuersum, sicut de uvis. 2. Quia materia sacramenti debet esse communis & facillè parabilis in qualibet regione: cuiusmodi est frumentum in genere: at non triticum, quod in multis locis non reperitur. 3. Materia sacramenti debet esse certa & nota. Talis autem erit, si dicamus esse frumentum in genere. At verò triticum generaliter à non tritico distingui vix potest, ut controuersia ea de re inter Doctores satis ostendunt.

29. **Panis triticeus solus est materia Euchar.** Communis tamen & vera sententia Theologorum fere omnium, & in primis D. Thomæ quæst. 74. art. 3. præcedenti contraria est, asseritque solum panem triticeum esse materiam sacramenti Eucharistici. Quia nimirum ita fert institutio Christi; ut declarat usus antiquissimus, tum Florentinum in Decreto Eugenii, cum sic ait: *Tertium est Eucharistia sacramentum, cuius materia est panis triticeus, & vinum de vite.* Cum enim materiam consecrationis panis restringit ad triticeum, sicut materiam calicis ad vinum de vite: significat non minus esse necessarium & essenziale, ut sit panis triticeus, quam ut sit vinum de vite. Nemo autem dubitat vinum vitigineum esse materiam calicis necessariam & essenziale. Et paulò post: *Definimus item in azymo, siue fermentato, panem triticeum, corpus Christi veraciter confici.* Quibus verbis indicat nihil quidem referre ad veritatem & valorem consecrationis, siue panis azymus, an fermentatus: dummodò tamen sit triticeus.

30. Dices ibidem addi aquam vino admiscendam esse in calice, quod ex præcepto tantum necessarium est. Ergo ex Concilii ver-

bis non potest amplius colligi, quam panem ex præcepto triticeum esse debere. Item non omnia quæ Florentinum in aliis sacramentis assignat pro materia, sunt materia essentialis. Nam quæ assignat pro materia singulorum ordinum, non adhibentur ab Ecclesia Græca, quæ tamen validè ordinat.

Ad primum Respondeo, Concilium aliter loqui de mixtione aquæ, ac de pane triticeo & vino vitigineo. Nam de illa ait tantum *modicissimam aquam ante consecrationem admisceri debere*: nimirum ex præcepto, ad Christum imitandum, qui iuxta Patrum traditionem *credidit in vino aquas permixto hoc instituisse*, id est celebrasse sacramentum, & aquam miscuisse: non tamen ut essentielle & prorsus necessariam, sed ad alios fines sibi exponendos. De pane autem triticeo & vino vitigineo simpliciter pronunciat esse materiam, ut in Baptismo dixit de aqua: & de chrismate, in Confirmatione.

Ad secundum Respondeo, Licet non omnia pro materia assignata à Florentino in singulis sacramentis, sint materia essentialis, ut de sacramento Ordinis patet ex diuersoritu Ecclesiæ Græcæ, à Romæ & Latine Ecclesiæ tolerato & approbato; non esse tamen facillè, ac sine valde vrgenti & graui fundamento existimandum, non esse essentialia quæ assignantur à Florentino, ne alioqui tota eius doctrina de sacramentis sit dubia & suspecta.

Huic primæ & potissimæ rationi sumptæ ab institutione, ex qua essentia sacramentorum definienda est, addi possunt congruentiæ D. Thomæ quæst. 74. art. 3. quibus probat convenienter sic institutum esse. Primò, Quia panis triticeus communior & principalior est, cum communius eo utantur homines, & alii ob eius defectum introducti videantur. Secundò, Quia magis confortat, idèoque convenientius effectum huius sacramenti significat. Tertiò, Quia melius Christum repræsentat, qui Ioannis duodecimo, comparatur grano frumenti, id est tritici. Addi quartò potest, quia Christus in triticeo celebravit. Nam omninò credibile est, panem illum festiui & paschalem, in quo Christus celebravit, triticeum fuisse; imò ex flore farinæ triticeæ, præsertim verò in ea regione, quæ optimi tritici feracissima erat, ut ex Deuteron. 8. aliisque locis colligitur.

Ad primum ergo pro Gabriëlis opinionis argumentum Respondeo, Concilium Carthaginense sumere frumentum pro tritico, ut Deuter. 8. sumitur, ubi ab hordeo distinguitur. Et Genes. 44. initio, ubi frumentum repetitur pro tritico. Et Ioan. 12. *Nisi granum frumenti*, &c. id est, tritici, iuxta interpretationem D. Thom. q. 74. a. 3. 5. *Sed contra*, aliorumque plurium. Ad secundum Respondeo, ad effectum Eucharistiæ non magnam tritici quantitatem requiri, quæ satis facillè in quauis mundi regione comparari potest.

Soluuntur argumenta contraria.

Probat rationis congruis.

31.

D. Thom.

Ad tertium Respondeo, Differentiam inter triticum & aliaspecies frumenti non esse incertam, neque obscuram, aut difficilem agriculturæ peritis, penes quos totum huius rei iudicium esse debet, non autem penes Doctores Scholasticos, quibus ne ipsa quidem frumentorum nomina satis sunt nota & certa. Vnde existunt nonnullæ inter eos verborum potius, quam rerum controuersia. Plurimi enim inter se dissentiunt, quia per idem nomen diuersa intelligunt. Exempli gratiâ D. Thom. art. cit. ad secundum, negat ex farre confici posse materiam Eucharistiæ: quia per far non intelligit triticum, sed granum aliud simile tritico. Alii verò per far intelligunt optimum genus tritici, ex quo sine dubio fieri possit panis Eucharistiæ. Similiter alii per siliginem intelligunt secale, alii triticum præstantissimum, alii vt D. Thom. in solutione secundi argum. tritici speciem imperfectiorem. Quæ controuersia nullius sunt momenti, cum absolute & simpliciter constet materiam huius sacramenti necessariam ex omni & solo illo frumento confici debere, quod in quauis regione à peritis triticum esse certè creditur: siue omne huiusmodi frumentum sit eiusdem speciei, siue non: ac denique panem aptum vt assumatur in materiam Eucharistiæ, esse illum, qui sit ex tritico mola vel aliter contrito, & in farinam conuerso, admixtâ aquâ naturali, & factâ massâ, quæ clibani vel alio simili calore decocta verè ac propriè dicitur & est panis. Quod tamen ita non est intelligendum, ac si nullâ prorsus alterius rei admixtio interuenire possit, quin destruat sacramenti materia. Nam vt rectè ait D. Thom. ad 3. Modica permixtio alterius grani, quàm triticeæ, non impediret debitam consecrationis materiam. Idemque dico de modica permixtione alterius aquæ, quàm naturalis. Secus autem si magna & notabilis esset. Ratio D. Thomæ & communis hæc est, quia id quod est modicum, quodammodo absumitur à plurimo, & speciem non mutat. Quod moraliter potius quàm physicè intelligendum puto, in quo etiam genere parum pro nihilo reputatur.

SECTIO V.

Perum panis debeat esse azymus?

32. **C**onclusio: Non est de necessitate sacramenti, vt panis sit azymus, vel fermentatus, sed vtrique dummodò sit triticus, est sufficiens sacramenti materia. De necessitate verò præcepti est, vt à Latinis sacerdotibus in Ecclesia Latina seruetur eius consuetudo consecrandi in pane azymo: à Græcis verò in Ecclesia Græca, consuetudo, consecrandi in fermentato. Latina tamen consuetudo rationabilior & convenientior est. Hæc conclusio tota est D. Thomæ

Non refert ad valorem sacram. siue panis azymus an fermentatus.

quæll. 74. art. 4. & Doctorum Latinorum communiter: ac quæ quidem prius a uis partes confirmantur à Florent. cuius verba sunt, prout in compendio referuntur paulò post initium: *Definimus item in azymo, siue fermentato pane triticeo, corpus Christi veraciter confici, sacerdotesque in alio ipso Domini corpus conficere debere, unumquodque iuxta suam Ecclesiam, siue Occidentalem, siue Orientalem, consuetudinem.* Idemque prius docuerat Leo IX. in epistola ad Michaëlem Cerularium, ubi præterea monet, vt vnusquisque iuxta Ecclesiæ suæ ritum celebrare sinatur, etiam si in alieno solo versetur: vt cum v. c. sacerdos Græcus transit per loca Latinorum, aut in illis commoratur aliquandiu: vel cum sacerdos Latinus inter Græcos peregrinatur. Quia nimirum hæc consuetudines non tam sunt diuersorum locorum particularium, quàm generales vtriusque Ecclesiæ. Conueniens autem est, vt quisque seruet consuetudinem Ecclesiæ suæ, quandiu pars illius est: tamen tunc potest, si velit, conformare se eorum ritui & consuetudini, inter quos peregrinatur: iuxta caput *Illam autem*, dist. 12. ex Ambrosio & Augustino sumptum. Communiter tamen excipiuntur templa inter Latinos Græcis concessa, vt ibi propriam Ecclesiam habeant: in quibus solis Græcis licitum est celebrare ritu Græco: quia ibi non censentur Latini esse vt peregrini. Similiterque in templis Latinorum, si quæ in Græcia sunt, Latinis tantum licet celebrare ritu Latino. In vtrisque verò tenentur Latini & Græci seruare consuetudinem antiquam suæ Ecclesiæ. Quia ibi censentur esse in sua Ecclesia, cuius consuetudo legitima vim habet præcepti, & ab vnoquoque qui est illius pars, seruari debet dum in illa versatur.

Quod si quæras, vnde profluxerit hæc diuersitas consuetudinum? Respondeo originem esse obscuram. D. Thomas q. 74 art. 4. in fine corp. significare videtur consuetudinem Ecclesiæ Græcæ inductam fuisse in odium Nazæranorum, vel Ebionitarum, assistentium legalia esse obseruanda. Idemque docent Ricardus, Scotus, D. Bonauentura, Paludanus, Durandus, Alensis, & Dominicus Sorus, vt refert Vasq. disp. 174. cap. 1. num. 3. qui addunt Ecclesiam vtramque, Latinam & Græcam, à tempore Apostolorum Christum imitatum esse, & in azymo consecrassè. Exortà verò hæresi Ebionitarum, quæ ipsis Apostolorum temporibus erupit, vniuersam Ecclesiam in fermentato consecrare cœpisse. Deinde hac occasione cessante Latinam ad azymum rediisse: Græcam in fermentato constanter persistisse, sed non repugnante, neque contrarium præcipiente Romana, imò potius approbante, vt ex Leonis epistola citata manifestum est. Vnde tuncque verò profluxerit, constat ex eadem Leonis epistola antiquissimum esse, & mentiri hæreticos cum dicunt, Alexandrum III. primò hunc morem induxisse celebrandi in azymis, vt nouitate rei admira-

Leo IX.

Sacerdotes Latini & Græci tenentur ritum seminare suæ Ecclesiæ quâdo in illa celebrant.

33.

D. Thomæ. Vnde illa diuersitas inter Ecclesiam Latinam & Græcam

tionem concitaret. Nam Leo IX. Alexandro III. & II. antiquior est.

34. **Latina cō-
suetudo
melior est
Græc.**
Superest tertia pars conclusionis, latinam videlicet consuetudinem meliorem esse, quam probat D. Thomas art. cit. Primò, quia conformior est institutioni Christi, qui in azymis celebravit. Nam hoc sacramentum instituit primo die azymorum, ut habetur Matth. 26. Marci 14. & Luca 22. Quo die nihil fermentatum in domibus Iudæorum esse debebat, ut præcipitur Exod. 12. Secundò, quia panis azymus melius significat corpus Christi sine corruptione conceptum, & fidelium sinceritatem ac puritatem ad usum huius sacramenti necessariam. Melius etiam veritas sic respondet figuris. Nam & Agnus Paschalis comedebatur cum azymis Exod. 12. & panes Propositionis azymi erant, ut colligitur ex Levit. 2. v. 11. ubi præterea præcipitur, ut omnis oblatio quæ Deo offertur, abique fermento sit.

35. **Contraria
sententia.**
Contrarium sentiunt Græci schismatici, autore Michaelæ Cerulario Patriarcha Cō- stantinopol. qui anno Christi 1050. damnare cœpit Latinos, quòd panes azymos consecrarent. Fundamentum eorum præcipuum est: quia Christus celebravit in fermentato: ergo nec debet, nec potest aliter fieri. Pro- bant antecedens. Quia Christus non cele- brauit prima die Azymorum, ut aiunt Mat- theus, Marcus, & Lucas, locis supra citatis: sed ante diem festum Paschæ, ut scribit Io- annes aliorum corrector cap. 13. Confirma- tur, quia illo ipso die, quo Christus passus est, Iudæi Pascha comedebant, ut ostendit verba illa Ioan. 18. *Ipsi non introierunt in præ- torium, ut non contaminarentur, sed ut mandu- carent Pascha.* Adde quòd idem dies vocatur *Parascue Pascha*, id est, Parascue Sabbati, in quod Paschæ festum inciderat. Eadem- que de causa dicitur fuisse magnus dies ille Sabbathi Ioan. 19. v. 31. Deinde nisi ita esset, festum Pentecostes non incidisset an- no illo in diem Dominicum, ut fert Ecclesiæ traditio. Nam illi quinquaginta dies sicut cœpissent numerari à die Sabbathi, qui fui- set secundus azymorum: ita decessissent in diem sabathi, ut numeranti faciliè patebit. Deni- que non est credibile ipso die Paschæ Chri- stum fuisse crucifixum, & Iudæos criminali- ter in ipsum processisse, aliaque fecisse, die illo, utpote festo & solemni, prohibita. Maxime verò cum Christum Dominum vio- lantem legis accusarent, & ea propter in- terficerent. Sed & sanctæ mulieres, quæ die sabbathi quieverunt secundum legem, nec ausæ sunt ad monumentum ire, vel ut ait Lucas in fine capitis 23. *siluerunt secun- dum mandatum* die tamen passionis parave- runt aromata: & Ioseph emit sindonem, & Christum deposuit ac sepeliuit. Cum tamen nominatim Exodi 12. v. 16. die festo Pas- chæ, seu primo azymorum, interdictum esset omnibus operibus, iis exceptis, quæ ad vescendum pertinent.

Respondeo primò, Consequentiam nul-

lam esse. Christus enim siue azythum, siue fermentatum adhibuit ad consecrationem, non adhibuit ut azythum, vel fermentatum, ex necessitate sacrament aut præcepti; sed simpliciter ut panem triticeum. Quemad- modum siue vinum album adhibuit, siue ru- brum, non adhibuit secundum tales diffe- rentias, sed simpliciter ut vinum vitigineum. Quod non asserimus diiudicando, sed colligi- mus ex antiquissimo usu Ecclesiæ, cuius tes- tes sunt Gregorius Magnus in Registro ci- tatus à D. Thoma quæst. 74. art. 4. corp. & Leo. 1x. ad Michaelæ Cerul Nunquam enim antiqua Ecclesia passa esset in re adeò nota & usitata, ac tanti momenti, in duci morem institutioni Christi contrarium. Vnde merito Florent. in Decreto Eugenii, lo- quens de tertio sacramento, præteriam eius esse dixit panem triticeum: & vinum de vite absolutè, abstrahendo à differentiali fermentati vel azymi, rubei vel albi.

37. **Christus
celebravit
in azymis**
Respondeo secundò, Antecedens non esse verum. Ad cuius probationem dicendum est, quòd licet Christus, ut Græci volunt, an- ticipasset vno die etiam Agni Paschalis; pro- babilissimum tamen foret, comedisse cum panibus azymis, ut & cum lactucis agre- stibus, & aliis omnibus quæ Exodi duo- decimo præscripta erant, totamque pa- riter anticipasse cerimoniam dierum illo- rum, in quibus post inchoatum azyma, id est, post etiam Agni Paschalis, non licebat ad fermentum redire, sed septem diebus continuis comedebantur panes azy- mi. Verum hæc anticipatio manifestè repu- gnat tribus prioribus Evangelistis; asserman- tibus Christum edisse Pascha, & Eucharis- tiam instituisse primo die azymorum, quan- do *passi ha immolabant Iudæi*, ut loquitur Mar- cus cap. 14. &, *Vbi venit dies azymorum in qua necesse erat occidi pascha*, ut scribit Lucas cap. 22. ubi nota verbum, *veni*, in Græco esse præteritum *ἦν*. Nota etiam quod ait, *Necesse erat*. Nam necesse id non fuisset, nisi lex tali die occidi præcepisset, & nisi legis præceptum adhuc vigeret, quod peculia- riter obierandum est contra Burgensem, Maldonatum, & alios quosdam asserentes Christum quidem edisse pascha die 14. sicut præceptum erat Exod. 12. Iudæos verò die 15. ex dispensatione quadam à temporibus Eïdræ facta; quia, inquit, post exilium Babylonicum constitutum inter Iudæos fuit, ut quotiescunque Pascha in feriam sextam incideret, in sequentem diem Sabbathi transferretur, ne duo continenter dies festi consequerentur, quod populo graue erat, cum nec sepelire mortuos, nec alia eiusmodi, etiam pia opera, & non magnopere la- boriosa, facere possent. Hanc autem tradi- tionem confirmant primò Rabbīnorum No- tericonum testimoniis. Secundò argumen- tis, quæ contra Græcos diluenda super- sunt.

Sed hæc opinio repugnat Lucæ verbis paulò ante relatis, & cadit in incommodum

quod vitare conatur. Nam dies septimus Azy-
morum, qui æquè festiuis & solemnibus erat
ac primus, ut patet Exod. 12. v. 16. inci-
disset in feriam sextam, proximè ante Sab-
bathum: ut taceam de festo Pentecostes,
quod eodem anno dicitur accidisse, & cele-
bratum fuisse proximo die post Sabbathum:
quemadmodum & Hircani tempore, teste
Iosepho lib. 3. Antiquit. cap. 16. in fine.
Qui tamen Hircanus diu post Eldram, imò
post Machabzos fuit. Quare translatio illa
festorum à tempore Eldræ, commentitia est,
& repugnans Iosepho, cuius autoritas Rab-
binis Neotericis anteposenda est. Idem
quoque Ioseph. 3. Antiquit. cap. 10. ubi
festorum Paschalis & Pentecostes ordinè
ac ceremonias accuratè describit, nulquam
huius translationis mentio: & sapientio-
res Rabbinis Neoterici Burgensi aduersantur,
ut inter alios Isaac Arama, author lib. Achid-
dac, qui est inter Talmudicos. Ex quo con-
stat etiam suo tempore primum diem Azy-
morum proximè ante sabbatum celebratum
fuisse: secundum verò, die ipso Sabbati, non
obstante præcepto non merendi. Quare si
modò Iudæi festa transferunt; id potius fa-
ciunt lucris causa, quàm ex antiqua tradi-
tione. Neque verum est, prohibitum fuisse
diebus festis mortuos sepelire, ut adeo gra-
uis esset duorum festorum coniunctio: quem-
admodum in diluendis Græcorum argumē-
tis declarabitur. Quæ ut clarè, & breuiter
expediantur.

38. Nota primò, Deum Exod. 12. v. 18. &
Leuit. 23. v. 5. & Num. 28. v. 16. & Deu-
ter. 16. v. 5. præcepisse Iudæis, ut in me-
moriâ liberationis Aegyptiæ quotannis
die decimaquarta mensis primi in vespera
comederent pascha, siue Agnum paschalem.
Atque ab eo vespere per septem dies conti-
nuos vescerentur panibus azymis, nec quic-
quam fermentatum apud ipsos reperiretur.
Dies autem ille decimus quartus mensis pri-
mi, qui Nisan dicebatur, & mensi nostro
Martio circiter respondebat, erat semper
decimus quartus dies lunæ illius, cuius pleni-
lunium post Aequinoctium vernum proximè
incidebat. Vtebantur enim Iudæi mensibus
lunaribus, & annum semper incl. oabant ab
eo, cuius plenilunium subsequeretur
proximè Aequinoctium vernum, quod sole
arietem obtinente contingit. Hæc colliguntur
ex cap. Exod. cit. & Ioseph. lib. 3. Antiq.
cap. 10. Vbi tamen in noua versione
latina, & gallica aliquid perperam additum
est. Ex iisdemque locis refellitur opinio
Luiffi Legionensis existimantis agnum im-
molari, & edi debuisse post occasum solis
diei decimi tertii, inchoante tantum luna
decima quarta, nō autē exēte, ut cōmunis
opinio fert. Nam Exod. 12. v. 10. præci-
pit Deus ut non remaneat quidquam ex eo
vsque manè. Iosephus autem ait. *Nihil è vi-
ctimis in sequentem diem relinquentes, quæ est
quinta decima, & azy-morum festiuitas prima.*
Ergo manè proximè sequens post vesperam

esus agni Paschalis, erat manè diei decimæ
quintæ: ergo edebatur die decima quarta
exēte, siue quod idem est, in fine lunæ deci-
mæ quartæ.

Nota secundò, diem sequentem nempe
decimum quintum, fuisse Iudæis festiuum,
& solemnem, dictumque primum azy-
morum, & festum Paschæ, & solennitatem pri-
mam azy-morum, seu Paschæ: quo die, sicut
& septimo azy-morum interdictum erat
Exod. 12. v. 16. omnibus operibus, exce-
ptis iis, quæ ad vescendum pertinent. Quod
tamen de seruilibus intelligendum erat, ut
explicatur Leuit. 23. v. 28. ubi opus die-
bus festis prohibitum vocatur opus seruile.
A securi do autem azy-morum die, qui erat
mensis, seu Lunæ decimus sextus, post de-
messum, & oblatum manipulum primitia-
rum, numerabantur dies quinquaginta, quo-
rum vltimus festum erat Pentecostes, siue
Asartha, iuxta Ioseph. ubi supra, & Leuit.
23. v. 15. & Deuter. 16. v. 9.

Nota tertio, dierum computum apud He-
bræos duplicem fuisse. Nam ecclesiasticè
computabantur à primis vespers, ad secun-
das: id est, à vespera vel occasu solis diei
præcedentis, vsque ad vesperam, vel occa-
sum diei sequentis: iuxta illud Leuit. 23. v.
23. *A vespera usque ad vesperam celebrabitis
sabbata vestra:* Civiliter verò incipiebant
computari ab ortu solis, siue ab hora matuti-
na: ut ex Matth. 20. intelligitur, ubi pater
familias egreditur, ut vocet operarios pri-
mum summò manè, deinde hora tertia, po-
stea circa sextam & nonam, ac demum circa
vndecimam, cum vna tantum hora vsualis
diei superesset: vnde postea subditur: *Hi no-
uissimi vna hora fecerunt, & pares illos nobis
fecisti.*

Ex hac diuersa computandi ratione orta
est dissensio specie tenus inter Euangelistas.
Cum tres priores scribunt Christum Pascha
celebrasse primo die azy-morum; seu, quod
idem est, die festo Paschæ: computantes
diem illum ecclesiasticè à primis vespers, id
est, ab occasu solis diei decimæ quartæ. Ioan-
nes verò, ante diem festum Paschæ, siue ante
primum azy-morum; computans civiliter diē
illum ab ortu solis diei decimæ quintæ. Quod
autem dicunt Græci Schismatici, tres priores
Euangelistas fuisse deceptos, & à Ioanne
correctos, blasphemum est: Ac si tres deci-
pi potuissent, potuisset & vnus: nec propter
vnus testimonium, tribus derogandum esset,
si ab illo dissentirent, quod non faciunt,

Illud autem Ioan. 18. *Præmanducarent
Pascha:* intelligendum est de victimis Pas-
chalibus, quæ in festis Paschalibus, & totis
septem diebus azy-morum solebant immolari
nec nisi à mundis edi poterant, maximè si
pacificæ erant, ut patet ex Leuit. 7. v. 20.
Nam etsi quædam prorsus cōburebantur in
holocaustum: quædam tamen cedebant in v-
sum sacerdotum, & aliorum: ut de sacerdo-
tibus liquet ex Iosepho lib. 3. Antiq. cap.
10. De aliis verò colligitur ex 2. Paral. cap.

39.
Dies lunæ
15. erat
festiuis &
solca nix.

40.
Dierum cō-
putatio du-
plex & so-
lemnitas.

41.
Conuincuntur
Euangelistæ
circiter iu-
stitutionis
Eucharistie
& esum A-
gni pascha-
lis.

30. v. 22. Hæc autem sacrificia Pascha fuisse dicta (quamvis agni Paschalis id magis propriè nomen esset) constat ex Deuter. 16. v. 2. ubi dicitur *Immolabisque phase Domino Deo tuo de cuius, & de bobus, in loco, quem elegerit Dominus Deus tuus*. Et 2. Paralip. 35. v. 7. 8. & 9. ubi dicuntur Rex Iosias, & Duces dedisse multa animalia, agnos, hædos, boues &c. ad faciendum Phase, hebraicè *Lappesahin*, id est, in Paschata.

43. Dies autem Passionis vocatur Parasceue Paschæ, non quod fuerit pridie ante solennitatem, seu festum Paschæ; sed quia erat vnus de septem diebus Paschalibus, nempe Azymorum primus, & solennitas Paschæ. Vnde Parasceue Paschæ, id est, Paschalis appellatur.

Dices, Id non minùs absurdum esse, quàm si quis vigiliam festi Corporis Christi incidentem in diem S. Ioannis Baptistæ, vocaret vigiliam S. Ioannis Baptistæ. Respondet non ita esse. Nam vigiliæ nomen commune est vtrique festo, aliisque permultis: at Parasceue erat omnino propria Sabbathi: in quo quia non licebat cibos coquere, aliaque ad victum parare, coquebantur, & parabantur die præcedenti, Parasceue ideo dicta: Aliis verò diebus festis non erat interdictum operibus ad vescendum pertinentibus.

44. Dicitur autem fuisse magnus dies ille Sabbathi, non solum quia Paschalis fuit; sed præcipuè ob celebritatem eorum, qui ad Pascha celebrandum conuenerant, necdum discedere potuerant, siquidem sabbatum illud festo Azymorum, seu Paschæ proximè successit.

Vasq. disp. 172. n. 14. Iſambert 9. 83. disp. 4. art. 6. Dies autem quinquaginta Pentecostes numerabantur à secundo Azymorum exclusiue, inclusiue autem à tertio, vt Vasquez, Yſambert. & alii plerique docent: quibus nec Scriptura repugnat Leuit. 23. vers. 15. nec Iosephus 3. Antiq. cap. 10. Quanquam Suari, Aegid. Coninc, & quibusdam aliis magis placet, diem Pentecostes Iudaicum anno illo incidisse in diem Sabbathi, Christianum verò in diem Dominicum. Alii recurunt ad translationem festorum, & ceremoniarum, majè fundatam, & superius reiectam.

45. Denique non esse incredibile, Christum die festo Paschæ crucifixum fuisse, & Iudeos fecisse quæ narrantur, patet, quia odio excæcati, & Christi sanguinis avidissimi, poterant facillè præcepti diuini limites transgredi, & id ipsum facere, de quo Christum accusabant: iuxta illud Matth. 7. v. 5. *Hypocrita eijce primò trabem de oculo tuo*, &c. Constat tamen ex Ioan. 18. existimasse ipsos, aut finxisse, sibi licere Christum accusare, & Pilato ac Gentilibus occidendum tradere, etsi non per se occidere eo die, nimirum quia festus erat. Nam alioqui cur non licebat eishominem interficere, quem summè blasphemum, & morte dignissimum iudicabant? Quin etiam ex Num. 15. col-

ligere poterant, licere quoque interficere. Nam ibi ipso die Sabbati, quo tamen die multò plura interdicta erant, quàm vllis aliis diebus festis: neque enim licebat cibos coquere, iter facere, &c. Ipso, inquam, die Sabbati quidam eius transgressor iussu Dei, & Moſis lapidatus fuit: Et verò Ioan. 10. v. 22. 31. & 39. lapidare Christum, & apprehendere conati sunt ipso die festo Encaniorum. Et cum de Christo occidendo deliberarent Matthæi 26. versu 7. dicerentque *Non in die festo*: addebant, non ne festum violetur, sed, *ne forte tumultus fieret in populo*. Quo timore sublato, populo Phariseorum, & sacerdotum calliditate ad mortem Christi animato, ac Iudæ oblata opportunitate: consilium mutarunt, & ad facinus illo ipso die perpetrandum properarunt celeritate maxima. Quot enim peregrinationes ad Annam, ad Caipham, ad Pilatum, ad Herodem, iterum ad Pilatum; quotiæ supplicia tam breui tempore illata? Adde diebus aliis festiuis præter sabbata, opera tantùm seruilia ad edendum non pertinentia, prohibita fuisse: non autem opera pietatis. Sicut autem Iudæi, cum Apostolos, & Discipulos interficerent, existimabant se obsequium præstare Deo, vt dicitur Ioan. 16. vers. 21. Sic, &c. Imò ipsis diebus sabbathi, multa Iudæi faciebant, ac sibi licere credebant, vt patet Luc. 14. vers. 5. *Cuius vestrum asinus, aut bo in puteum cadet, & non continuo extrahet illum die Sabbathi?* & Matth. 12. vers. 5. *Non legis in lege: quia sacerdotes in templo sabbatum violant, & sine crimine sunt?* Et inferius vers. 11. repetitur quod ex Luc. allatum est, additurque vers. 12. *licere Sabbathis benefacere*.

Atque ex his liquet quid de Iosepho Christum sepeliente dicendum sit, cuius factum probari potest à simili, Tob. 2. vers. 4. ubi vir ille sanctus narratur die festo tulisse mortuum, vt sepeliret. Quod si noctu sepeliuit: non propter festum id fecit, sed ob metum. Liquet etiam quid dicendum de sanctis mulieribus, quæ tamen potiùs vespere Sabbati, finita eius festiuitate, emisse videntur, & parasse aromata, vt narrat Marc. cap. 16. licet Luc. cap. 23. per anticipationem rem velut priùs factam narret, vt interpretes melius sentientes intelligunt.

SECTIO VI.

De materia Calicis.

47. **M**ateria necessaria ad consecrationem Calicis est vinum vitigineum, id est, vinum verè, ac propriè dictum: cui aqua modica non ex necessitate sacramenti, sed ex præcepto tantùm Ecclesiastico admisceri debet. Prima pars est communis omnium Catholicorum cum D. Thom. qu. 74. art. 5. & probatur, quia Christus non modò ita

Vide S. Leonem serm. 7. de passione cap. 1. in fine.

46.

Vinum est materia calicis.

[illegible]

While support for gay, lesbian, and transgender rights has increased in the United States, it has also increased in the United Kingdom, according to a new survey by the Pew Research Center. The survey, conducted in 2013, found that 71% of Americans and 73% of Britons support gay, lesbian, and transgender rights. This is up from 61% and 65% respectively in 2007. The survey also found that support for these rights is highest among younger people and those with higher education levels.

Severely poor individuals in the upper middle-income country of Hungary, a country with a high level of economic development, are particularly vulnerable to the effects of the economic crisis. The authors of this paper have been studying the effects of the economic crisis on the health of severely poor individuals in Hungary. They have found that the economic crisis has had a significant negative impact on the health of severely poor individuals in Hungary. The authors of this paper have been studying the effects of the economic crisis on the health of severely poor individuals in Hungary. They have found that the economic crisis has had a significant negative impact on the health of severely poor individuals in Hungary.

1890-1891, 1891-1892, 1892-1893, 1893-1894, 1894-1895, 1895-1896, 1896-1897, 1897-1898, 1898-1899, 1899-1900, 1900-1901, 1901-1902, 1902-1903, 1903-1904, 1904-1905, 1905-1906, 1906-1907, 1907-1908, 1908-1909, 1909-1910, 1910-1911, 1911-1912, 1912-1913, 1913-1914, 1914-1915, 1915-1916, 1916-1917, 1917-1918, 1918-1919, 1919-1920, 1920-1921, 1921-1922, 1922-1923, 1923-1924, 1924-1925, 1925-1926, 1926-1927, 1927-1928, 1928-1929, 1929-1930, 1930-1931, 1931-1932, 1932-1933, 1933-1934, 1934-1935, 1935-1936, 1936-1937, 1937-1938, 1938-1939, 1939-1940, 1940-1941, 1941-1942, 1942-1943, 1943-1944, 1944-1945, 1945-1946, 1946-1947, 1947-1948, 1948-1949, 1949-1950, 1950-1951, 1951-1952, 1952-1953, 1953-1954, 1954-1955, 1955-1956, 1956-1957, 1957-1958, 1958-1959, 1959-1960, 1960-1961, 1961-1962, 1962-1963, 1963-1964, 1964-1965, 1965-1966, 1966-1967, 1967-1968, 1968-1969, 1969-1970, 1970-1971, 1971-1972, 1972-1973, 1973-1974, 1974-1975, 1975-1976, 1976-1977, 1977-1978, 1978-1979, 1979-1980, 1980-1981, 1981-1982, 1982-1983, 1983-1984, 1984-1985, 1985-1986, 1986-1987, 1987-1988, 1988-1989, 1989-1990, 1990-1991, 1991-1992, 1992-1993, 1993-1994, 1994-1995, 1995-1996, 1996-1997, 1997-1998, 1998-1999, 1999-2000, 2000-2001, 2001-2002, 2002-2003, 2003-2004, 2004-2005, 2005-2006, 2006-2007, 2007-2008, 2008-2009, 2009-2010, 2010-2011, 2011-2012, 2012-2013, 2013-2014, 2014-2015, 2015-2016, 2016-2017, 2017-2018, 2018-2019, 2019-2020, 2020-2021, 2021-2022, 2022-2023, 2023-2024, 2024-2025, 2025-2026, 2026-2027, 2027-2028, 2028-2029, 2029-2030, 2030-2031, 2031-2032, 2032-2033, 2033-2034, 2034-2035, 2035-2036, 2036-2037, 2037-2038, 2038-2039, 2039-2040, 2040-2041, 2041-2042, 2042-2043, 2043-2044, 2044-2045, 2045-2046, 2046-2047, 2047-2048, 2048-2049, 2049-2050, 2050-2051, 2051-2052, 2052-2053, 2053-2054, 2054-2055, 2055-2056, 2056-2057, 2057-2058, 2058-2059, 2059-2060, 2060-2061, 2061-2062, 2062-2063, 2063-2064, 2064-2065, 2065-2066, 2066-2067, 2067-2068, 2068-2069, 2069-2070, 2070-2071, 2071-2072, 2072-2073, 2073-2074, 2074-2075, 2075-2076, 2076-2077, 2077-2078, 2078-2079, 2079-2080, 2080-2081, 2081-2082, 2082-2083, 2083-2084, 2084-2085, 2085-2086, 2086-2087, 2087-2088, 2088-2089, 2089-2090, 2090-2091, 2091-2092, 2092-2093, 2093-2094, 2094-2095, 2095-2096, 2096-2097, 2097-2098, 2098-2099, 2099-2100, 2100-2101, 2101-2102, 2102-2103, 2103-2104, 2104-2105, 2105-2106, 2106-2107, 2107-2108, 2108-2109, 2109-2110, 2110-2111, 2111-2112, 2112-2113, 2113-2114, 2114-2115, 2115-2116, 2116-2117, 2117-2118, 2118-2119, 2119-2120, 2120-2121, 2121-2122, 2122-2123, 2123-2124, 2124-2125, 2125-2126, 2126-2127, 2127-2128, 2128-2129, 2129-2130, 2130-2131, 2131-2132, 2132-2133, 2133-2134, 2134-2135, 2135-2136, 2136-2137, 2137-2138, 2138-2139, 2139-2140, 2140-2141, 2141-2142, 2142-2143, 2143-2144, 2144-2145, 2145-2146, 2146-2147, 2147-2148, 2148-2149, 2149-2150, 2150-2151, 2151-2152, 2152-2153, 2153-2154, 2154-2155, 2155-2156, 2156-2157, 2157-2158, 2158-2159, 2159-2160, 2160-2161, 2161-2162, 2162-2163, 2163-2164, 2164-2165, 2165-2166, 2166-2167, 2167-2168, 2168-2169, 2169-2170, 2170-2171, 2171-2172, 2172-2173, 2173-2174, 2174-2175, 2175-2176, 2176-2177, 2177-2178, 2178-2179, 2179-2180, 2180-2181, 2181-2182, 2182-2183, 2183-2184, 2184-2185, 2185-2186, 2186-2187, 2187-2188, 2188-2189, 2189-2190, 2190-2191, 2191-2192, 2192-2193, 2193-2194, 2194-2195, 2195-2196, 2196-2197, 2197-2198, 2198-2199, 2199-2200, 2200-2201, 2201-2202, 2202-2203, 2203-2204, 2204-2205, 2205-2206, 2206-2207, 2207-2208, 2208-2209, 2209-2210, 2210-2211, 2211-2212, 2212-2213, 2213-2214, 2214-2215, 2215-2216, 2216-2217, 2217-2218, 2218-2219, 2219-2220, 2220-2221, 2221-2222, 2222-2223, 2223-2224, 2224-2225, 2225-2226, 2226-2227, 2227-2228, 2228-2229, 2229-2230, 2230-2231, 2231-2232, 2232-2233, 2233-2234, 2234-2235, 2235-2236, 2236-2237, 2237-2238, 2238-2239, 2239-2240, 2240-2241, 2241-2242, 2242-2243, 2243-2244, 2244-2245, 2245-2246, 2246-2247, 2247-2248, 2248-2249, 2249-2250, 2250-2251, 2251-2252, 2252-2253, 2253-2254, 2254-2255, 2255-2256, 2256-2257, 2257-2258, 2258-2259, 2259-2260, 2260-2261, 2261-2262,

As the year progresses, after a relatively steady and modest 10.5% increase in capacity, the number of units under construction is expected to increase. According to the research, between 2000 and 2001, the number of units under construction is expected to increase by 10.5% to 10,000 units. The number of units under construction is expected to increase by 10.5% to 10,000 units. The number of units under construction is expected to increase by 10.5% to 10,000 units.

præceptum: cum autem dicunt non posse aliter consecrari, intelligendi sunt de potestate iuris, non facti. Duriora quidem sunt aliqua verba D. Cypriani Epist. 63. ubi sic habet: *sic in sanctificando calice Domini offerri aqua sola non potest, quomodo nec in eum solum potest.* Et infra; *sic vero calix Domini non est aqua sola, aut vinum solum quomodo corpus Christi non potest esse farina sola, aut aqua sola, nisi utrumque adunatum fuerit.* Quibus verbis videtur clare significari, requiri aquæ mixtionem ex necessitate sacramenti. Sed nihilominus benignè interpretandus est de sola iuris necessitate. Sicut eū exponit D. Thom. q. 74. art. 7. ad. 1. Cui interpretationi favent quæ subdit ibidem Cyprian. cum ait: *Nam si vinum tantum quis offerat, sanguis Christi non impletur esse sine nobis.*

D. Thom.

50.

Quando & quantum aqua miscetur.

Porro in hac mixtione Ecclesiæ usus, & præscriptum servari debet quoad tempus, quantitatem, qualitatem, & alias circumstantias. Debet igitur admisceri tempore sacrificii, ut habet S. Thom. art. 8. Et quidem ut minimum ante oblationem Calicis: sic enim habet antiquus, & communis usus Ecclesiæ totius. Est tamen nonnulla diversitas in diversis Ecclesiis. Nam alibi fit ipso initio Missæ. Alibi immediatè ante lectionem Evangelii. Alibi ante oblationem calicis immediatè. Quæ postrema consuetudo communior est. Quod si quis ex oblivione, aut ex malitia, huiusmodi mixtionem non fecerit ante oblationem calicis: si antequam consecret advertat, debet adhibere. Si verò iam consecraverit, non debet. Quia iam præterit tempus præscriptum; & præceptum quidem est de miscenda aqua vino consecrando, non autem consecrato. Debet autem aquæ, quæ admiscetur, esse verâ, & naturalis, seu elementaris. Quamquam posset misceri alia, si Ecclesia permitteret. Hoc enim est indifferens naturæ sacramenti. Quantitas verò modicissima esse debet, iuxta usum passim receptum, & præceptum Florentini in Decreto, dicentis aquam modicissimam infundi debere. Quod restringitur, aut potius explicatur canon *Perniciosus*, quo tantum prohibebatur, ne plus aquæ, quam vini infundatur. Et corrigitur canon 19. Concil. Triburiensis (quod fuit tantum particulare, & non apparet fuisse quoad hoc usu receptum ab Ecclesia) ubi præscribitur, ut duæ sint partes vini, & tertia aquæ. Et verò si tantum aquæ infunderetur, ut vinum sensibilibiter, ac notabiliter discerni non posset, & sub eius speciebus sanguis Christi non posset demonstrari sensibilibiter per verba formæ: nulla esset consecratio, ut patet ex dictis art. 2.

tur, nisi sine aqua consecret, & in contemptum religionis id non fiat: puta si intentus existimet bona fide ita celebrari licitè posse. Aut si, ut ait Ledesma, ciues graviter egeat communionem in vrbe obiecta, ubi aquæ copia non sit, & sit vinum quantum sufficit ad celebrandum. Nam ad omittendum licitè aliquid præceptum, vel faciendum aliquid prohibitum solo iure positum non est semper necessaria expressa licentia: sed sufficit interpretatiua rationabilis, quam in casu proposito non deesse probabilius est.

Neque vrget argumentum, quo Suar. disp. 43. sect. 2. §. *Nihilominus*, & quidam alii oppositum contendunt. Nimirum quia non liceret, etiam in casu necessitatis, citra expressam dispensationem celebrare sine vestibus sacerdotalibus, ut videntur colligi ex iure can. de Consecr. dist. 1. C. vestimenta, aquæ etiam ex consuetudine. Gravius autem est omittere mixtionem aquæ, quam celebrare sine vestibus sacerdotalibus. Ergo &c.

Respondet enim primò Concil. Bractar. præterquam quod est tantum Provinciale, habens limitatam iurisdictionem, non loqui in omni casu. Canon autem ille, *Vestimenta*, nihil de te proposita dicit. Secundò, negò omittere mixtionem aquæ esse aliquid gravius, quam celebrare sine vestibus sacerdotalibus. Nam potius hoc posterius videtur habere multò maiorem rationem indecentiæ. Quamquam neque id in omni casu illicitum puto. Neque ille fuit sensus Luciani Presbyteri, & martyris, qui sine huiusmodi vestibus, imò planè nudus, & stratus, ac supinus super testarum aculeos, ut erat in carcere ligatus, celebravit, suo pectori imponi iussis divini mysterii signis, quo se ac suos communicavit die Epiphaniarum, pridie mortis suæ, ut ex Eusebio, & Origene refert Baron. ad annum Christi 311. Constantini sextum, Eusebii Papæ tertium,

51.

Suar.

Baron.

SECTIO VII.

An aqua vino mixta convertatur in sanguinem Christi?

Respondet negativè: Nisi convertatur in vinum ante consecrationem. Ita communiter Theologi cum D. Thom. quæst. 74. art. 8. Vbi eandem ob causam ait modicam aquam esse infundendam, ut in vinum vertatur, & deinde in sanguinem, in quem verti non potest, nisi prius in vinum versa fuerit. Quod confirmat ex doctrina Innocentii Papæ III. cap. *Cum Martha*, de celebratione Missarum §. *Quæsiisti etiam*: Vbi Pontifex tribus relatis opinionibus, quarum prima est, quod aqua mutetur in phlegma, siue in aquam illam, quæ de Christi latere fluxit, quæ opinio est falsa: quia verba consecrationis mutant tantum in id quod significant. Atqui non significant phlegma, sed

53.

D. Thom.

Aqua non vertitur in sanguinem, nisi prius in vinum versa sit.

51.

Positum ne in casu necessitatis aliter celebratur.

Quod si quætas, An hoc præceptum Ecclesiasticum de admixtione aquæ tale sit, ut seclusa expressa dispensatione (quæ certè ab Ecclesia fieri potest super proprio præcepto) in nullo casu liceat conficere Eucharistiam sine admixtione aquæ? Respondet negativè; sed posse v. g. si cui mors intente-

sanguinem: ergo si aquam mutant, in sanguinem mutant, non in phlegma. Deinde vera & naturalis aqua exiit de Christi latere. Ergo aqua mutaretur in aquam. Secunda est, quod mutetur in sanguinem, cum in vinum transeat mixta vino, id est, quia prius in vinum versa fuit. Tertia est, quod maneat integra, & immutata. His, inquam, tribus opinionibus relatis concludit Pontifex pro secunda, ut probabiliori, dicens, Inter prædictas opiniones probabiliorem eam esse, quæ ait aquam cum vino conuertere in sanguinem, posito nimirum quod in vinum prius conuersa fuerit. Secunda enim opinio id solum asserit: & nulla ex aliis opinionibus ab eo relatis aliud dicit, nempe conuertere in sanguinem immediate. Ex quo sequitur, quod si aqua non prius vertatur in vinum, non mutetur in sanguinem. Quandonam autem in vinum vertatur, ex quantitate, & æquitate vini, aliisque principiis naturalibus, & philosophicis iudicandum est. Nemo enim hic ad potentiam supernaturalem recurrit. Semper autem in vinum verti ante consecrationem credibile non est. Saltem, si ut permittebat Concil. Tribur. tertia pars aquæ infunderetur: vel si ut in Rubricis Missalis Romani præcipitur, sacerdos oblitus prius mixtionis aquæ, misceret immediate ante consecrationem.

54. Confirmatur, quia id solum mutatur in sanguinem, quod est materia consecrationis, & sacramenti Eucharistiae secundum diuinam institutionem, quam Ecclesia mutare non potest, nec quidquam substantiale illi addere. Atqui vinum solum est materia consecrationis calicis, non autem aqua, quæ tantum additur, ut ceremonia ex præcepto Ecclesiastico. Ergo, &c. Minor patet ex sect. præcedenti. Maior autem est euident. Illud enim omne sine dubio est materia consecrationis, & conuersionis, quod consecratur, & conuertitur in sanguinem. Neque potest consecrari, ac conuertere, nisi sit materia consecrationis: quæ non agit circa aliquid, nisi sit eius materia circa quam, neque illud conuertit, si non sit materia conuersionis secundum Christi institutionem.

55. Confirmatur secundò, Quoniam aliqui aqua rosacea, vel balsamum, oleum, & similes liquores, mutarentur quoque in sanguinem, si ex Ecclesiæ præcepto admiscerentur vino, ut aqua naturalis. Et consecratio non esset tantum conuersio totius substantiæ panis, & vini, in corpus, & sanguinem Christi, manentibus dumtaxat eorum accidentibus, id est, destructa tota illorum substantia, ut definit Concil. Trident. sess. 13. cap. 4. & can. 2. Sed & substantiæ aquæ, manentibus quoque solis eius accidentibus, sub quibus sanguis Christi sit, non minus, ac sub speciebus vini. Idemque dico, si panis consecrando Ecclesia misceret aliquam aliam substantiam.

56. Contrarium docent, & recentioribus Aegid. Con. in dub. ad art. 8. quæst. 74. Delu-

go disp. 4. sect. 3. & Augustin. Bernart. disp. 69. de Incarnat. num. 17. post Alan. lib. 1. de Euchar. cap. 13. & Baron. in fine anni 1188. Qui postremus (quod mirabile est) affirmat rem esse de fide, semperque fuisse ita creditum in Ecclesia: non aduertens se aperte contradicere Innocentio III. cap. Cum Martha supra relato. Alios quosdam citat Aegid. sed non omnes fideliter, aut appositè, cum plerique dicant tantum aquam infusam calici non conuertere in vinum ante consecrationem: de conuersione verò eius in sanguinem nihil definiant.

Primum argumentum Aegidii est, quia hoc vnanimi consensu docuerunt omnes sancti Patres, & Doctores Ecclesiæ Catholice, qui hanc rem aliqua ratione attigerunt, utque ad finem sæculi duodecimi. Quod probat allatis testimoniis Alexandri I. Cypriani, Can. 4. de Consecr. dist. 2. Paschasii, Algeri, August. Ambros. Iustini mart. qui dicunt aquam offerri, benedici, consecrari, & consecratione mutari in sanguinem.

Respondeo cum Vasq. disp. 178. cap. 3. initio, nullum esse de Patribus & Doctoribus citatis, qui non possint intelligi de consecratione, & conuersione mediata. Nullus enim eorum dicit aquam secundum se proximè conuertere in sanguinem; sed aquam simul cum vino in sanguinem transire: coniunctam nimirum non solum per infusionem, sed etiam per transmutationem in vinum. Neque hæc Patrum expositio extorta indicari debet, & ab eorum sensu aliena: cum & Innocentius III. supra relatus approbans secundam opinionem, quæ nostra est, eodem modo, quo ceteri Patres loquatur, & dicat aquam cum vino mutari in sanguinem, conuersione scilicet mediata, quam solam ibi approbat. Ut clariùs ex eodem Innocentio liquet lib. 4. de mysteriis Missæ cap. 31. ubi sic habet: *Quibusdam, inquit, non absurdum esse videtur quod aqua cum vino transiit in sanguinem, ea scilicet ratione, quod aqua per admixtionem transiit in vinum, & vinum per consecrationem transiit in sanguinem. Quis enim ambigat aquam in vinum transire, cum multo vltius modò vinum infunditur aquæ? Alioquin tota vini substantia propter guttam aquæ mutatur, ut quoddam fiat ex illis confusum, quod necesse aqua nec vinum. Sic ergo tota fontis vel fluminis aqua propter modicam vnam stillam in confessionis speciem mutaretur: nec panis ille posset in Eucharistiam consecrari, qui factus est de frumento, cui forte mixtum fuerat vnum hordei granum, vel auena.* Hæc Innocent. qui sententiam illam non reiecit ibidem, sed potius tacitè approbat: dubitanter tamen & opinariùs dumtaxat, iuxta illud quod ex eodem retulimus cap. Maiores, de Baptismo, & id quod paulò ante dixerat cap. 29. lib. cit. ubi postquam initio quæsiuit, *Utrum aqua cum vino conuertatur in sanguinem?* allatis breuiter rationibus pro vtraque parte quæstionis, rem sub dubio relinquit, ita concludens: *Quis hoc valeat (aliàs audeat) definire?* Idem Respon-

Delugo.
A'us.
Baron.

57.

Solutus
p'im arg.
contrariæ
sententiæ.

Vasquez.

deo

deo quibusdam aliis testimoniis à Delugorelatis ex Damasc. Hieron. Samona Gazensij, Nicolao Methonensi, & Martino Braccharenfi.

59.

Secundum argumentum Aegidii sumitur ex cap. citato, *Cum Martha*. Contendit enim Innocentium tertium suam sententiam, non nostram approbasse. Verum frivola sunt quæcunque ad hoc probandum affert Aegid. cum Innocentii verba sunt adeo clara, ut tenebras illis offundere non possit. Relatis enim tribus opinionibus supra commemoratis, expresse, & in terminis sic ait: *Perum inter opiniones predictas illa probabilior indicatur, quæ asserit aquam cum vino in sanguinem transmutari*. Quod asserit sola secunda opinio ex tribus relatis, loquens tantum de conversione mediata, de qua etiam idem Pontifex Innocentius iisdem verbis perspicue loquitur, clariusque sensum illius exponit loco supra relato ex libro quarto de Mysteriis Missæ capite trigesimo primo. Ex quo præterea liquet frivolum esse illationem Augustini Bernalii, planèque alienam à mente Innocentii, cum disputatione sexagesima nona de Incarnatione, numero decimo septimo, ex eo quod ille capite *Cum Martha*, dicit, *Aquam cum vino in sanguinem transmutari*, infert illam transmutationem aquæ in sanguinem immediate fieri, neque aliter posse Innocentii verba intelligi. Quod manifestè repugnat expositioni eiusdem Pontificis capite illo trigesimo primo, libri quarti de Mysteriis Missæ, ubi postquam dixit opinionem quorundam esse, quod aqua cum vino transit in sanguinem: addit immediate post, *et scilicet ratione, quod aqua per admixtionem transit in vinum, & vinum per consecrationem transit in sanguinem*. Itaque loquitur manifestè de conversione mediata, iisdem verbis, & eodem sensu, quo loquebantur illi Theologi, ut ipsemet exponit: illorumque sententiam eodem sensu, æquè ac iisdem verbis, magis approbat, quando capite, *Cum Martha*, dicit illam è tribus à se relatis probabiliorē esse, ceterisque præferendam videri.

Malè autem obiicit Aegidius quod aliqui Pontifex nullo modo respondisset ad quæstionem propositam: scilicet, inquit, an aqua immediate convertatur in sanguinem? Nam id non fuerat quæsitum à Pontifice: sed quod ipsemet initio proponit his verbis: *Quæsiisti etiam utrum aqua cum vino in sanguinem convertatur?* Super hoc autem opiniones apud scholasticos variantur, &c. Malè item probat ex disputatione Gaufredi cum aliquot Gallie Episcopis communem Ecclesie sententiam tunc fuisse, aquam absolute converti in sanguinem, siue in vinum convertatur, siue non. Quasi non manifestè pateat ex verbis Innocentii opinionem multorum Scholasticorum tunc fuisse aquam non con-

verti in sanguinem, sed manere in propria substantia speciebus vini coniunctam: Aliorum verò, quibus ipse subscribit, sententiam fuisse, converti prius in vinum, tum in sanguinem: Nullos verò ipse commemorat, qui dicerent aquam immediate in sanguinem converti. Falluntur ergo, & Innocentio aperte contradicunt Gauf. Baronius, & Aegidius in quæstione facti, cuius Innocentius Summus Pontifex est testis oculatus omni exceptione maior, & aliis longè ab eo sæculo remotis anteponendus.

Tertiò, Argumentatur Aegidius ratione. Multò, inquit, certius est totum, quod continetur in calice post legitimam consecrationem converti in sanguinem, quàm aquam prius converti in vinum. Atqui hoc esset falsum, si necessariò deberet prius converti in vinum, quàm in sanguinem, ut per se patet. Ergo, &c. Probat maiorem: quia multi putant fide tenendum esse, totum liquorem contentum in calice converti in sanguinem per consecrationem, ut patet ex Gaufredo, Alano, & Baronio, supra citatis, & convincitur ex sanctis Patribus communi consensu id asserentibus. Itemque ex Concilio Tridentino sessione decima tertia, canone secundo: Vbi definit totam substantiam vini converti in sanguinem, manentibus tantum speciebus. Vinum autem accipit pro toto contento in calice: quia hoc totum solemus vocare vinum. Et canone tertio, definit Christum totum contineri sub singulis utriusque speciei partibus. Quæ essent falsa, si substantia aquæ maneret sæpe integra. Adde quod aliqui falsa, & sacrilega foret forma calicis, sicut falsò & sacrilegè pronunciaretur absolute forma corporis super hostias, inter quas essent aliquæ charactæ, aut super calicem mixtum vino, & oleo: quia vox calicis significat totum id, quod per modum liquidi continetur, & forma absolute ex intentione & usu Ecclesie pronuntiatur de toto illo liquido. Contra verò, nunquam fuit in Ecclesia iudicatum pertinere ad fidem an aqua convertatur in vinum; cum semper plurimi fuerint, qui publice id negauerint, neque unquam fuerint ab Ecclesia reprehensi. Imò cum maxima probabilitate id negant. Primò, Quia Aristoteles, Plinius, & omnes Medici, & Chymici id negant. Secundò, Quia experientia docet posse separari aquam: licet modicam, multo vino infusam. Tertiò, Quia corpus simplex, cuiusmodi est aqua, non potest immediate converti in mixtum: Et aqua est naturæ tenacissimæ: ac ne viuentia quidem convertere possunt in suam substantiam totum cibum, & potum; quem tamen sumunt naturæ suæ accommodatissimum. Item experimur vinum semper proportionate

Tertium
argumentum.

anittere virtutem suam, pro multitudine aquarum, quæ illi imponitur, et si guttatim imponatur, & per tanta intervalla, quasi et alii requirunt, ut ipsa convertatur; ita ut tandem non percipiatur vinum, sed videatur in aquam conversum: quod non contingeret, si aqua in vinum verteteretur: neque contingit in vilo aliorum, quæ aliquid vertunt in suam substantiam: quantumcunque enim panem, verbi gratia, comedamus, nunquam tamen fiemus panis. Denique incredibile est vinum debilia tam cito aquam in se convertere: maxime si, ut permittebat Concilium Triburienſe, tertia pars aquæ infundatur: vel si, ut Missale Romanum præscribit, infundatur immediate ante consecrationem à sacerdote, qui tunc advertit, se non prius miscuisse aquam vino consecrando. Hæc Aegid.

Dilectus.

Ad quæ Respondeo, negando maiorem primi argumenti: & ad eius probationem dico Gaufridum, Alanum, & Baronium contradicere Innocentio tertio, cuius auctoritas longè maior est. Ille enim satis aperte significat rem non esse de fide, quando capite supra citato, refert ut probabilem sententiam plurium Theologorum sui temporis, affirmarent aquam manere post consecrationem, permixtam accidentibus vini. Neque, inquit, inconueniens creditur, aut absurdum, si aqua in corpore Christi esse credatur, cum legatur de ipsius latere processisse. Posteaquæ solum præfert ut probabiliorẽ alteram sententiam affirmantem aquam conuertere mediã in sanguinem, cum prius in vinum transeat, & ut supra tetulimus, libro quarto, de Myſteriis Miſſæ, capite vigesimo nono, hac quæſtione propoſita, Vtrum aqua cum vino conuertatur in sanguinem, & relatis breuiter argumentis vtriusque partis, affirmantis, & negantis; rem dubiam & indeciſam relinquit, concludens, *Quis hoc valet, vel audeat, definire?* Quod si oppositum fuiſſet de fide, & communis traditio Patrum, ut voluit aduerſarii, certè tam doctus, & tam ſanctus Pontifex Summus id non ighoraffet. Concilium verò Tridentinum per vinum intelligit id, quod propriè dicitur vinum: cuiusmodi non est aqua, nec totum mixtum ex aqua, & vino. Vinum enim accipit eodem modo, quo Florentinum definens materiam Eucharistiæ esse panem triticeum, & vinum de vite: quod vinum ab aqua, & à mixto manifestè diſtinguit: ſubdit enim: *Cui aqua modiciſſima ante consecrationem admisceri debet.* Unde immeritò Aegidius Coninc contendit numero centesimo octuagesimo tertio, aquam esse materiam sacramenti Eucharistiæ, & comprehendì nomine vini, quod pro materia assignatur à Conciliis & Patribus. Immeritò quoque, & nimis leuiter

affirmat numero centesimo sexagesimo quarto, non videri posse asseri sine errore aquam manere post consecrationem, postquam à Tridentino definitum est id, quod ex illo supra retulit, vinum scilicet in Christi sanguinem conuertere. Quasi nomine vini aquam necessariò comprehendat, ac totum in calice contentum.

Neque propterea forma calicis sacrilega est, & falsa; quamvis contingat modicam aquam insulam calici non fuisse conuersam in vinum ante consecrationem. Nam ut rectè ait Valq. supra numero vigesimo secundo, verba consecrationis supra totum calicem prolata demonstrant solum id, quod in calice præcipuè continetur, & ex quo denominatio ſumitur: & ratione illius solum verba vera sunt, & effectum suum habere in materia illius. Neque est alia intentio vel vltus Ecclesiæ. Illud enim solum adoratur cultu latræ, non aqua remanens in propria natura, ut neque puluisculus in calicem decidens, quemadmodum fere semper contingit. Non etiam propterea frangitur ieiunium, quale præcipitur ab Ecclesiâ ante communionem, vel in eo dispensatur eatenus, cum alicui permittitur his celebrare eodem die. Idemque dico si parum olei loco aquæ admisceretur vino. De hostiis verò chartaceis aliud est. Primo enim, illa admixtio, cum ad nihil utilis esse possit, non potest nisi sacrilegè fieri. Secundò, huiusmodi hostiæ chartaceæ essent planè disparatæ ab aliis, neque ab illis absorberentur, ac saltem speciatim in eas verterentur, sicut aqua modiciſſima vino calicis admixta, quæ idcirco moraliter pro nihilo habetur. Idemque dico de modiciſſimis corpusculis panis consecrando admixtis, & cum eo compactis, ut frequentiſſimè contingit. Vix enim hostia est vnquam adeo purè triticea, ut nihil alterius grani, aut substantiæ admixtum habeat. De huiusmodi enim mixtione, ut de mixtione aquæ censendum est. Tertio, licet impiè, & sacrilegè hostiæ chartaceæ triticeis admiscerentur, forma prolata super triticeas, ex intentione consecrantis, non propterea foret falsa: neque propterea non possent consecratæ solæ adorari: non tamen licitè possent cum aliis proponi adorandæ, sicut proponitur sanguis cum aqua in calice, aut corpus Christi cum atomis alterius substantiæ, ob differentiam ante allatam: quia modicum toti coniunctum, & ab illo moraliter absorptum, reputatur pro nihilo, eiusque ratio non habetur; seu non attenditur. Reliquum obiectionis probat tantum non esse certum, aquam in vinum verti ante consecrationem. Quamquam pro eo male citatur Aristoteles, qui perspicuè docet oppositum libro primo de

61.

Id non ob:
est forma
consecr. ca-
licis.

Generatione, capite ultimo, textu octuagesimo octavo, ut rectè Vaquez ostendit capite secundo, disputationis citatæ, & Conimbricenses in caput nonum, & decimum libri citati. Ex quo collige, quàm fideliter affirmet Aegid. omnes medicos, & chimicos ita sentire.

Verùm, quidquid de medicorum opinione sit, deque experienciis, & aliis ab Aegid. allatis, id nobis non obest asserentibus tantùm aquam conuerti in sanguinem. Si prius conuerſa in vinum; secus non. Implet autem conuerti non asserimus, nec probabile iudicamus. Ad illud autem quod obiicit Delugo disputatione quarta, numero quinquagesimo tertio, aquam illam in vinum conuertam, non esse vinum de vite: materia autem calicis, iuxta Concilia, est vinum de vite: Respondet esse vinum de vite, quoad speciem, non quoad modum immediatum, quo factum est. Quis autem neget vinum ex aqua factum in Cana Galilææ potuisse assumi in materiam calicis?

Addunt aliqui recentiores suam sententiam de immediata conuersione aquæ in sanguinem, certam sibi omnino esse, & videri tenendam, ut indubitatè conformem communi fidelium sensui, & traditioni omnium sæculorum. Ad quod probandum adducunt aliqua testimonia Patrum, iam antea prolata ab Aegidio Coninc, & Delugo. Deinde addunt præcipuè formam consecrationis calicis non fore exactè veram, nisi semper totum mixtum in calice ex vino, & aqua, conuertatur in sanguinem, licet sæpe contingat aquam non verti in vinum ante consecrationem. Sed hoc nimis confidenter affirmant, nimisque facile sibi persuadent. Cùm Innocentius III. cap. Cum Martha, supra citat. referens opiniones Theologorum sui temporis circa aquam calici infusam, nullam referat, quæ affirmet aquam immediatè conuerti in sanguinem: sed dumtaxat tres illas, quas diximus numero quinquagesimo tertio, quarum secundam approbat ut probabiliorē, asserentem aquam mediatè solùm conuerti in sanguinem. Cùm, inquit, prius in vinum transeat. Quæ clausula frustra addita fuisset ab auctoribus illius sententiæ, nisi transitum aquæ in vinum existimassent esse conditionem necessariam, ut aqua possit conuerti in sanguinem: certumque est aduersarios non ita loqui, & clausulam illam reiicere ut superfluam. Itaque nullus Theologorum illius temporis (si Innocentio III. credendum est) docuit aquam immediatè conuerti in sanguinem. Quæ ergo confidentiâ dicunt aduersarii certum sibi videri, fuisse semper illum communem fidelium sensum, & traditionem omnium sæculorum? Qui enim fieri potuit, ut cum Innocentius III. tum omnes illius temporis Theologi hunc communem sensum ignorauerint? Et quomodo potuit ref-

se communis sensus fidelium, qui tunc nullius Theologorum sensus fuit? Quomodo etiam illum ignorauit D. Thomas, qui non diu post Innocentium III. floruit, & eandem sententiam, quam Innocentius III. aduersariorum opinioni contrariam, ut probabiliorē secutus est quæstione septuagesima quarta, articulo octauo in corpore. Vbi similiter tres eadem sententias Theologorum refert, & postquam initio dixit primam, quæ affirmat aquam manere in vino consecrato, non posse stare, quia in sacramento altaris nihil est, nisi corpus, & sanguis Christi, ut ait Ambrosius libro de Officiis: & aliam, quæ affirmat aquam conuerti in phlegma, vel in aquam illam, quæ fluxit de Christi latere, non loqui rationabiliter: addit, aliorum opinionem esse probabiliorē, sicut dicit Innocentius III. qui dicunt aquam conuerti in vinum, & vinum in sanguinem. Hoc autem, inquit, fieri non posset, nisi adeo modicum apponeretur de aqua, quod conuerteretur in vinum, & ideo semper est tutius parum aquæ apponere, & præcipuè si vinum sit debile; ne alioqui scilicet aqua maneat, & in sanguinem non transeat, cùm prius non tranſierit in vinum. Itaque D. Thomas hæc duo coniungit, sicut etiam faciunt Alensis, Bonauent. Scot. & alii fere omnes veteres, & recentes Theologi, aquam non semper conuerti in sanguinem, quia non semper conuertitur in vinum ante consecrationem; ut contingit saltem quando vino debili multum aquæ apponitur. Quæ appositio si tanta fieret, ut solueretur species vini, non posset perfici sacramentum, inquit D. Thomas articulo citato.

Adde, fundamenta omnia aduersariorum, siue desumpta ex SS. Patribus, siue ex verbis consecrationis, fuisse expensa à Theologis grauissimis, & doctissimis huius temporis (neque præcipua illorum fuerunt antiquis incognita) quorum plerique, & longè plures, ut ingenuè fateatur Aegidius Coninc quæstione septuagesima quarta, articulo octauo, dubio vnicò, numero centesimo octuagesimo sexto, imò fere omnes, ut testatur Ysambertus ad quæstionem septuagesimam quartam, disputatione quinta, articulo primo, censent doctrinam aduersariorum de conuersione immediata aquæ in sanguinem, non modò non certam esse, sed ne quidem æquè probabilem, ac oppositam. Et verò quæ proferunt ex SS. Patribus, non dicunt expresse id, quod intendunt, ut attendenti ad verba satis patebit. Glossæ verò, quas ipsi Patrum testimoniis addunt, necessariæ non sunt, & potest illis probabiliter satisfieri, ut nos antea fecimus, & fusiùs Ysambertus ad quæstionem septuagesimam quartam, disputatione quinta, articulo quinto, & Vaquez disputatione

22.

Delugo.

Soluntur
alia argu-
menta.

63.

Coninc.

Ysambert.

centesima septuagesima octava, capite tertio. Quod vero præcipue vrgent, formam consecrationis calicis non fore exactè veram, nisi quidquid est in calice, conuertatur semper in sanguinem, nimis probat. Nam ex eo sequeretur non modò aquam, sed & puluisculum decidentem in calicem ante consecrationem, vel in vinum calici infundendum, ut nunquam fere non contingit, conuertere in sanguinem: & quidquid pani consecrando admiscetur, siue alterius grani quàm triticei, siue puluisculi, aut alterius rei (vix enim contingit vnquam nihil aliud misceri) conuertere in corpus Christi. Cum tamen certum sit non posse conuertere in corpus, & sanguinem Christi, nisi materiam sacramenti, quæ ex Florentino in decreto, non est alia, quàm panis triticeus, & vinum de vite, cui aqua modicissima admisceri debet. Denique, ut supra vidimus, Innocentius III. refert ut probabilem sententiam affirmantem aquam manere speciebus vini consecrati permixtam: neque inconueniens esse, vel abiurdum credere aquam in corpore Christi, siue in calice consecrato esse, cum legatur processisse de eius latere: utque iam sapius probauimus, præfert tanquam probabiliorē sententiam asserentem conuertere, sed mediātē. Et quamuis ut contendunt aduersarii, de conuersione immediata loqueretur: illam tamen dumeaxat velut probabiliorē eligeret, non verò tanquam omnino certam, & indubitātē tenendam: licet præcipua fundamenta aduersariorum ipsi perspecta fuerint, & communem fidelium sensum, certamque traditionem Ecclesiæ non ignorauerit. Plus ergo sapiunt, quàm oportet, & suum iudicium Innocentii III. iudicio anteponunt, aut potius opponunt, qui dicunt contrarium certum omnino sibi esse, & tenendum, ut indubitātē conforme communi fidelium sensui, & traditioni omnium sæculorum.

64. Superest explicandum an sufficiat conuertere aquam in vinum, quocunque tempore id

fiat, ut vertatur in sanguinem? Respondeo negatiuè. Primò enim, Si vertatur in vinum eo instanti, quo perficitur forma consecrationis, non propterea vertitur in sanguinem. Alioquin eodem instanti esset vinum, & non esset. Esset quidem per conuersionem naturalem, quam supponimus: & non esset, per transubstantiationem, quæ eodem instanti fieret sanguis Christi. Multòque minùs vertetur in sanguinem, si post consecrationem in vinum verà sit. Nam verba tantum consecrant materiam existentem, & præsentem; quando profertur physicè. Quare tunc manebit vinum mixtum sanguini. Sed neque etiam vertetur in sanguinem, si post inchoata verba essentialia consecrationis, antequam absoluantur, conuertatur in vinum: quia ab initio ipso, quo forma essentialis profertur, materia debet esse præsens sacerdoti consecranti. Ergo multò magis debet esse realiter, & existere actu. Atqui non existit ab initio, siquidem ab initio non fuit vinum: Ergo, &c. Nec sufficit, quod extiterit ut aqua: quia aqua, ut aqua, non est materia: & verba, quæ prolata sunt antequam esset vinum, perinde se habent respectu illius, ac si non fuissent prolata.

Dices in reliquis sacramentis sufficere materiam esse præsentem moraliter, id est, proximè futuram: Ergo sufficit aquam verti in vinum proximè post. Respondeo sacramenta non conuenire in omnibus: & in singulis esse aliquid quod physicè præsens esse debeat ab initio formæ. Cuiusmodi est persona, quæ demonstratur per hæc verba, Ego te baptizo: Ego te confirmo: Te absoluo, &c. quæ persona est materia & subiectum in quod operatur sacramentum: eisque in hoc similis est materia remota consecrationis, sub cuius accidentibus demonstrantur corpus, & sanguis Christi; & in quam exercetur actio transubstantiationis, ut sub eius accidentibus corpus, & sanguinem Christi constituat. Et hætenus de materia remota sacramenti Euchar.


65.

DISPUTATIO

TRIGESIMA.

De reali præsentia corporis & sanguinis Christi in Eucharistia.

- Seçtio I. *Utrum in hoc sacramento sit verè corpus Christi?*
 Seçtio II. *Prima probatio veritatis Catholice ex historia Ecclesiastica; & perpetuo sensu Ecclesie.*
 Seçtio III. *Probatum eadem veritas ex sanctis Patribus.*
 Seçtio IV. *Observationes quadam circa Patrum testimonia.*
 Seçtio V. *Probatum eadem veritas ex Scriptura?*
 Seçtio VI. *Proponitur secunda probatio ex Scriptura.*
 Seçtio VII. *Proponitur tertium argumentum ex Scriptura.*
 Seçtio VIII. *Proponitur quartum argumentum ex Scriptura.*
 Seçtio IX. *Confirmatur eadem veritas aliis argumentis.*
 Seçtio X. *Soluntur obiectiones Caluinistarum ex Scriptura.*
 Seçtio XI. *Soluntur obiectiones Caluinistarum ex Patribus.*
 Seçtio XII. *Soluntur eorundem argumenta ex rationibus humanis.*



De reali præsentia corporis, & sanguinis Christi in Eucharistia breuiter agit S. Doctor, ut de re tunc temporis minimè controuersa, quæst. 73. ait. 1. ubi affirmat, tamen si verum Christi corpus & sanguinem in Eucharistia esse, neque sensu, neque intellectu naturaliter deprehendi possit: fide tamen, quæ auctoritati diuinæ innititur, id certum esse. Vnde meritò Cyrill. super illud Luc. 22. *Hoc est corpus meum, quod pro vobis datur*, dicit: *Non dubites an hoc verum sit, sed potius suscipe verba Saluatoris in fide: cum enim sit veritas, non mentitur.* Additque tribus de causis id conueniens fuisse. Primò quidem, ob perfectionem nouæ legis. Debit enim sacrificium à Christo institutum continere in rei veritate Christum passum, quem sacrificia veteris legis in significatione, & figura solum continebant. Secundò, Quia competit charitati Christi, ut per veritatem carnis, & sanguinis sui, nos sibi coniungeret in hoc sacramento. Tertiò, Quia conueniebat etiam perfectioni fidei, ut sicut diuinitatem suam nobis exhibet Christus inuisibiliter in Incarnatione, sub forma hominis: ita & in hoc sacramento, carnem suam nobis exhiberet inuisibili modo, sub specie panis. Addit errorem Berengarii asserentis corpus, & sanguinem Christi non esse in sacramento, nisi sicut in signo, esse reiiciendum ut hæreticum, & verbis Christi contrarium. Idcircoque illum coactum fuisse errorem suum reuocare, & veritatem fidei confiteri: ut habetur in cap. *Ego Berengarius, de Consecrat. distinct. 2.*

Provincialibus synodis, atque ab innumeris scriptoribus catholicis refutati.

14.

Ex hac verò perpetua cōtradictione quam hæc hæresis in Ecclesia sēper passa est, liquet veritas antecessoris propositi argumenti: & consequenter aut nullam vnquam hæresim fuisse, aut sententiam Calvinistarum toties reiectam, & ab Ecclesia vniuersa, tot conciliis generalibus damnatam, hæresim esse.

Matth. 10.
c. 16. &
28.

Vix enim alia est ex illis propositionibus, quas ipsimet inter hæreses numerant, toties reiecta, totiesque damnata. Et vel Ecclesia, quæ est columna, & firmamentum veritatis, errauit turpiter, rectamque fidem, vt hæresim reiecit: vel opinio Calvinistarum toties damnata, non recta fides, sed certa hæresis est. Vel inquam, sententia de reali præsentia Christi in Eucharistia vera est, vel Ecclesiæ sponsus, qui via, veritas, & charitas est, non modo passus est, sed etiam causam dedit, vt sponsa dilectissima verbis illius, *Hoc est corpus meum*, &, *Hic est sanguis meus* persuasa in tam nefando, & abominando errore semper huc vsque hæserit, vt panis frustum pro ipso adorauerit, idque pro dogmate catholico constantissimè retinens, eos omnes, qui vnquam contradixerint, hæreticorum loco habuerit, atque vt tales represserit, & damnauerit. Nam vt partim liquet ex dictis, partim liquebit ampliùs ex dicendis, sole clarius est hanc semper fidem Ecclesiæ fuisse: & qui contra mutire ausi sunt, conciliorum cecumenicorum fulminibus, sanctorumque Patrum, & scriptorum catholicorum exercitiis mox oppressos fuisse. Contraverò Patres & scriptores catholicos, multa, & mira de veritate Eucharistica prædicasse, nunquam repugnante, sed approbante Ecclesia, quæ de sola figura importunissima, & falsissima essent. Vt inter alia, quoddam tam verè sub speciebus Eucharist. lateat Christi humanitas quàm sub eibz humanitate latebat diuinitas: vt ait Cyprian. in Serm. de cana Domini. Quoddam naturæ mutetur, & panis non sit ampliùs natura, sed effigie panis, ibid. Quoddam hæc mutatio magnum miraculum sit, opus diuinæ omnipotentiz, simile mundi creationi, & mutationi serpentis in virgam, virgæque in serpentem. Exod. 4. vt loquitur Ambros. lib. de iis, qui mysteriis initiantur cap. 9. Simile item conuersioni aquæ in vinum factæ in Cana Galilææ Ioan. 2. vt affirmat Cyril. Hierosolym. Catech. 4. Mystag. Non esse sensibus credendum, sed Christi verbo, & modum, quo id fiat ineffabilem esse, vt affirmant Cyril. ibid. & Chrysost. hom. 83. in Matth. Quæ, & similia de figura apertissimè sunt falsa, neque ab Ecclesia primitiua, in fide integra, & incorrupta, patienter audiri potuissent, si persuasum habuisset Eucharistiam præter Christi figuram nihil esse. Nunquam enim tulisset eos, qui tam graues difficultates contra communem sensum, & supra captum humanum induxissent. Nec error tam difficilis, tam contra fidem, & communem, ac naturalem

sensum, in re adeo nota, & apud primos Christianos vsitata, tam citò apud ipsos inualefcere potuisset. Nemo denique sani iudicii credat Martialem Ignatium, Dionysium, Clementem Romanum, & alios Christi vel Apostolorum discipulos, contra quàm fuerant ab ipsis edocti, de veritate Eucharistica sensisse, & scripsisse. Et tamen certum est primos illos Ecclesiæ Patres, & qui deinceps illam vitam sanctitate, & scriptis illustrarunt, realem Christi præsentiam in Eucharistia credidisse, & apertis testimoniis confirmasse, quorum aliqua proferemus, non quidem omnium, nam res infinita esset, sed duorum, vel trium è quinque primis sculis: tum vt in ore duorum, vel trium restium stet omne verbum: tum quia facilius annuit hæreticos, qui postea sequuntur, nostros esse. Qui plura vult consulat Bellarm. & Perron. Cardin. lib. 2. de Euchar. & Gaucher. in Tabulis chronol. verit. 1.

SECTIO III.

Probatnr eadem veritas ex
sanctis Patribus.

ERgo sæculo 1. Dionys. Pauli Apostoli discipulus in lib. de Ecclesi. Hierarc. cap. 3. in contemplatione, non longè ab eius initio, Eucharistiam sic alloquitur: *O diuinissimum & sanctum sacramentum, obducta tibi symbolicè operimenta anigmatum reuelans, dilucida nobis demonstrare, ac spirituales nostros oculos singulari, apertoque lumine imple.* Nota, obducta tibi symbolicè operimenta, &c. quibus verbis manifestè significat aliud esse præter symbolum, seu figuram: Christum scilicet quem sub signorum operimentis latentem inuocat. S. Ignat. marr. Ioannis Apostoli discipulus, & tertius à Petro Antiochenus Episcopus, in Epist. ad Rom. *Non gaudeo corruptibili nutrimento, nec voluptatibus huius vite. Panem Dei volo, panem: adestem qui est caro Christi filii Dei.* Et in Epist. ad Smyrn. vt refertur à Theodor. Dial. 3. de Saturnianis, & Simonianis hæreticis loquens, sic ait: *Eucharistia, & oblationes non admittunt, quoddam non confiteantur Eucharistiam esse carnem Saluatoris Domini nostri Iesu Christi, quæ pro peccatis nostris passa est.* Vbi nota Ignat. ferre affirmare Eucharistiam esse illam ipsam carnem Christi, quæ pro peccatis nostris passa est, & contrarium errorem Saturnianorum, vt hæresim reiecere.

Eodem sæculo Achaiz Presbyteri, B. Andreas Apostoli comites, & discipuli, cuius passionis testes oculati, & scriptores fuerunt, inter alia scribunt B. Andreæ Aegæ proconsuli, vt Diis suis immolare hortanti respondisse: *Ego omnipotenti Deo, qui viuus, & verus est, quotidie immolo non tantum carnes, nec hircorum sanguinem, sed immaculatam agnam in altari, cuius carnes, posteaquam*

Cyprian.

Ambros.

Cyril.

15.
Dionys.

Ignat.

16.

658 Disp. XXX. de Eucharistia, Sect. III.

omnis populus credentium manducauerit, agnus, qui sacrificatus est, integer persuerat, & uiuus. Nota 1. verba illa, Agnum in altari, &c. Secundò, Id ut mirabile à B. Andrea prædicari, quod de figura, vel spiritali manducatione ore mentis per fidem, mirabile non esset, sed supra modum hyperbolicè dictum, & obscurissimè, ineptissimèque propositum: nisi fortè Apostolus non Proconsulis conuersionem, sed veritatis odium, & contradictionem quærebat. Nam alioqui non debebat rem per se claram, & non difficilem, obscurissimam reddere, et diuque difficilissimam homini Gentili, cui mysteria fidei periuadere nirebatur. Porro huiusmodi narrationem indubitatè esse fidei testatus est ante sexcentos annos Petrus Damian. in serm. 2. de S. Andrea, ubi de hac Historia sic loquitur: *Non immeritò in singularem auctoritatis arcem suscepta est, quam qui viderunt, scripserunt, & ministri fuerunt sermonis.* Eandemque refert Metaphr. qui floruit ante annum Domini 859.

16.
Iustin.

Sæculo secundò, Iustinus mart. Apol. 2. sub finem de Eucharistia sic loquitur: *Quemadmodum per verbum Dei caro factus Iesus Christus, carnem, & sanguinem pro salute nostra habuit: sic etiam per preces verbi Dei ab ipso Eucharistizatum cibum, ex quo sanguis, & carnes nostræ per immutationem aluntur, illius incarnati Iesu carnem, & sanguinem esse edocti sumus.* Vbi nota primò comparisonem illam, Sicut Christus habuit carnem, & sanguinem: sic ab ipso Eucharistizatum cibum, carnem illius & sanguinem esse edocti sumus: verè nimirum, realiter, & substantialiter. Verba autem illa, *Ex quo sanguis, & carnes nostræ per immutationem aluntur,* sunt periphrasis panis. Et sensus est: Cibum, ex quo naturaliter immutato per naturalem nutritionem sanguis & carnes nostræ aluntur, Eucharistizatus per verbum Dei, & supernaturaliter immutatus, est caro, & sanguis illius incarnati Iesu: Nota secundò Iustinum ibi fidem communem Christianorum exponere, & apologiam illam ad Antoninum Imperatorem ethnicum, & ad Senatum Romanum pro Christianis omnibus scribere, cui mysteria fidei probare debebat, non autem verbis hyperbolicis, & obscuris, incredibilia reddere, gratique odium fidei, & persecutionem incendere; ut fecisset, si id, quod tantum figura carnis, & sanguinis est, carnem, & sanguinem esse asseruisset. Adde quòd, si Eucharistia figuratiuè tantum, & non realiter Christi caro erat: debebat id omnino Iustinus apertè declarare in apologia illa pro Christianis, qui inter alia accusabantur ab Ethnicis, quòd in sacris carnem humanam ederent, ut patet ex Athenagora in apologia ad eundem Antoninum Imperatorem, Tertull. in Apologet. cap. 7. & Minutius Felice in Octauio. Sed nimirum alia erat fides Christianorum illius temporis, cuius professio de vera carne Christi in Eucharistia accusationi illi cau-

sam dedit. Sicut eximius cultus externus, & adoratio Eucharistiz olim exhibita, occasio fuit gentilibus suspicandi Christianos colere Cererem & Bacchum, ut testatur D. August. lib. 20. contra Faust. cap. 13.

Eodem sæculo S. Irenæus lib. 4. aduersus hæres. cap. 34. disputans contra Resurrectionis corporum aduersarios: *Quomodo autem, inquit, rursus dicunt carnem in corruptionem deuenire, & non percipere vitam, quæ a corpore Domini, & sanguine alitur?* & paulò post: *Quemadmodum enim qui est à terra panis, percipiens vocationem Dei, iam non communis panis est, sed Eucharistia ex duobus rebus constans, terrena, & celestis: & corpora nostra percipientia Eucharistiam, iam non sunt corruptibilia, spem resurrectionis habentia.* Vbi nota 1. Irenæum probare corpora nostra fieri incorruptibilia, quia aluntur corpore Christi. Ergo corpus Christi non tantum mente, & ore fidei, sed & corpore ipso percipitur. 2. Eucharistiam constare, id est, componi intrinsecè ex re terrena, & ex re celesti, id est, corpore Christi. Ergo non tantum illud significat, sed & verè, & realiter continet, neque enim potest constare re absente. 3. Nota comparisonem illam, Sicut Eucharistia constat ex duobus rebus terrena, & celesti: sic & corpora nostra per Eucharistiam fiunt incorruptibilia incorruptibilia: Atqui corpora nostra non fiunt incorruptibilia sola significatione, sed verè, & realiter: Ergo Eucharistia non constat Christi corpore sola significatione, sed verè & realiter: Tertull. verò in lib. de Carn. Resurrect. cap. 8. *Caro abluatur, ut anima emaculetur. Caro ungitur, ut anima consecretur. Caro corpore, & sanguine Christi vescitur, ut & anima de Deo saginatur.* Nimirum sicut verè, realiter, ac substantialiter, & non solum per figuram, aut per fidem, caro abluatur in Baptismo, & ungitur in Confirmatione: sic in Eucharistia verè, realiter, ac substantialiter vescitur Christi corpore. Vbi præterea nota, cum Tertullianus totum obiectum communionis Eucharistiz distribuatur corpori, & animæ: & corpori quidem assignet perceptionem corporis, & sanguinis Christi; animæ verò perceptionem diuinitatis eiusdem Christi; non potest per corpus, & sanguinem Christi intelligere figuram solum corporis, & sanguinis Christi; alioqui verum corpus, & verus sanguis Christi, excluderentur ab obiecto communionis. Neque loquitur de comestione mentis per fidem; siquidem illam comestionem carni tribuit, affirmatque, cum caro corpore & sanguine Christi vescitur, mentem de Deo saginari. Et lib. de Idololat. cap. 7. contra indignos sacerdotes stylium acuens, *Prehæsus!* inquit, *semel Iudei Christo manus intulerunt: isti quotidie corpus eius laceffunt. O manus præcidende! Quæ magis amputanda sunt, quam quibus corpus Domini scandalizatur.* Frigida comparatio, & exclamatio, nisi realiter, & physicè ipsi corpus Christi laceffant, & scandalizent: sicut Iu-

17.
Iren.

Tertull.

dei physice sine dubio, non per fidem solam aut figuram, semel Christo manus intulerunt.

Origen.

Sæculo tertio, Orig. Homil. 7. in divers. loquens de puero Centurionis, apud Matthæum cap. 8. sic habet: *Quando sanctum cibum, illudque incorruptum accepis epulum, quando vitæ panem, & ubi fruieris: manducas, & bibis corpus, & sanguinem Domini. Tunc Dominus sub cæctum tuum ingreditur. Et tu humilians te metipsum, imitare hunc Centurionem, & dicito: Domine non sum dignus, ut intres sub tectum meum. Vbi enim indignè ingreditur, ibi ad iudicium ingreditur accipienti. Hæc Origen. quæ nisi de vero Christi corpore, & sanguine, ore corporis verè percepto, rectè dici non possunt: maxime iuxta Caluini doctrinam sect. 1. propositam. Nam si Origenes loqueretur de corpore Christi metonymicè, id est, de pane significante corpus; non rectè eum vocaret epulum incorruptum, nec ei dici vellet, Domine non sum dignus, &c. Si verò loqueretur de ipso Christo per panem significato, sed in cælo tantum existente, & per fidem dumtaxat ore mentis, in cælum fide seu cogitatione ascendentis, accepto, non diceret; *Vbi indignè ingreditur, ibi ad iudicium ingreditur accipienti.* Etenim iuxta Caluini doctrinam, Christus per fidem non potest accipi nisi à piis, & ad vitam: ab impiis verò, & infidelibus non sumitur nisi externum symbolum. Origenes autem ei qui ingreditur ad pios & impios, dignè vel indignè, ad vitam vel ad iudicium, vult dici, *Domine non sum dignus.* Ergo vel panem inuocari, & adorari vult: vel loquitur de corpore ipso Christi nobis proposito sub speciebus, & intrante sub tectum corporis nostri. Cyprian. verò in serm. de Lapsis, loquens de illis, qui post negatam fidem in perlecutione, ad Eucharistiam accedebant, nondum expiata per pœnitentiam conscientia: *Vis, inquit, inferatur corpori eius, & sanguini. Et plus modò in Dominum manibus, atque ore delinquant, quàm cum Dominum negauerunt.* Atqui si ore, & manibus, symbolum tantum, & figuram corporis, & sanguinis Christi accipiunt, non autem ipsum Christi corpus, & sanguinem: incredibile omnino est, existimasse Cyprianum plus ipsos tunc peccare, quàm cum fidem non sine magno scandalo in perlecutione negauerant. Idem Cyprianus, vel quis alius apud ipsum grauis & eruditus scriptor eiusdem ætatis, ut testatur titulus libri, Cornelio Papæ Cypriani contemporaneo dedicati, in lib. de Cardinalibus Christi operibus, sermone de *Cana Domini*, prope initium, sic ait: *Panis iste, quem discipulis Dominus porrigebat, non effigie, sed natura mutatur, omnipotentia Dei factus est caro. Et sicut in persona Christi humanitas videbatur, & latebat diuinitas: ita sacramento visibili ineffabiliter diuina se infudit essentia.* Nota 1. non effigie, sed natura mutatur. 2. Recurri ad omnipotentiam Dei, ut fiat hæc mutatio. Tertiò nota comparationem illam, *Sicut in persona Christi, &c.**

Cyprian.

nihil enim clarius dici potest.

Sæculo quarto, Concilium Nicænum primum (approbatum ab ipsomet Caluino cum tribus aliis proximis generalibus lib. 4. Instituitur. cap. 9. 5, 8.) sic habet lib. 3. editionis Pisani cap. de Sacra mensa: *In hac sacra mensa ne humiliter intenti sumus ad propositum panem, & calicem: sed attollentes mentem fide, intelligamus situm in illa sacra mensa agnum illum Dei tollentem peccata mundi, inueniendū à sacerdotibus immolatum: & pretiosum eius corpus, & sanguinem verè nos sumentes, credamus hæc esse nostræ resurrectionis symbola.* Vbi nota Concilium perspicue affirmare, Christum situm esse in sacra illa mensa; in qua symbola panis & vini proponuntur: in eademque inueniendū immolari à sacerdotibus, & à fidelibus verè recipi. Eodem sæculo Cyrillus Hierosolymitanus Catech. 4. Mystag. paulò post initium, affirmat Christum panem in corpus suum, & vinum in sanguinem transmutasse, sicut aliquando aquam mutauit in vinum in Cana Galilee. Et in fine eiusdem catechesis, *Hoc sciens, inquit, & pro certissimo habens panem hunc, qui apparet, non esse panem, etsi gustus panem esse sentiat, sed esse corpus Christi. Et vinum, quod apparet, tamen si gustus vinum esse videatur, non tamen vinum, sed sanguinem esse Christi.*

176

Nicænum
Caluin.

Cyrril.
Hieros.

Similiter habent Ambros. lib. de iis, qui mysteriis iniciantur, cap. 9. Et Chrylost. hom. 83. in Matth. quorum verba referemus sect. 7. Gregor. autem Nyssen. in orat. catechet. cap. 37. vbi considerandum esse dixit, quomodo possit vnū illud corpus, quod tam multis fidelium toto orbe semper distribuitur, totum esse in vnoquoque, & ipsum in se totum manere, respondet: *Residit ergo nunc quoque Dei verbo sanctificatum panem in Dei Verbi corpus credo transmutari.* Et paulò post: *Hæc autem dat virtute benedictionis, in illud transelementatâ eorum, quæ apparent natura: Ibidemque ait oportere sicut exitiale, ita etiam salutare medicamentum admitti intra viscera hominis. Id est, oportere, ut sicut vetus cibus corporaliter ab Adam comestus est: ita Christi corpus à nobis corporaliter, & intra viscera ipsa sumatur, adeoque non tantum mente per fidem: Præterea intra nos fuerit, (adeoque non tantum in cælo, mente sola per fidem apprehensum) hoc salutare medicamentum, veneni damnum, quod corpori fuerat inditum, per contrariam repellat actionem. Legatur totum illud caput, quo nihil clarius dici potest contra errorem Caluinistarum contententium spiritu tantum, & non etiam corpore à nobis percipi corpus, & sanguinem Christi. Hilar. quoque lib. 8. de Trinit. affirmat ratione huius mysterii Christum in nobis permanere carnaliter, & corporaliter nobis vniri. Ergo non tantum spiritualiter: ut volunt Calvinistæ. Idemque affirmat Cyrillus Hierosol. loco supra citato cum sic ait: *Sub specie panis datur tibi corpus, & sub specie vini datur tibi sanguis, &c. sic Christophori erimus, id est**

Hilar.

Cyrril.

Christum ferentes, cum eius corpus & sanguinem in membra nostra recipimus.

20. **Chrylost.** Sæculo quinto Chrylost. lib. 3. de Sacerd. O miraculum! O Dei benignitatem! qui cum Patre sursum sedet, in illo ipso temporis articulo omnium manibus pertractatur. Inepta exclamatio, si non ipse, sed variz particulæ panis, ipsius figuræ, omnium manibus pertractentur. Aliud eius testimonium luculentissimum ex hom. 83. in Matth. referemus sect. 7. ubi affirmat, non esse in hoc mysterio credendum sensibus, qui falli possunt, sed verbo Dei infallibili: esseque sine ambiguitate tenendum, non esse panem, ut sensibus apparet, sed esse corpus Christi, sicut ipse asseruit. Itemque ex August. concione 1. in Psal. 33. ubi disertè ait, Christum hoc sacramentum instituentem, impleuisse ad litteram illud quod de Dauide dictum fuerat, *Ferebatur in manibus suis*: seque ipsum tulisse propriis manibus, eo modo quo neque Dauid, neque ullus alius corpus suum in manibus portare potest: Realiter scilicet, & verè ac substantialiter: Nam figuram tantum & signum aliquod sui corporis portare propriis manibus, unicuique facillimum est.

Hieronym. His adde illud Hieron. in comment. Psal. 109. *Quomodo Melchisedec Rex Salem obtulit panem, & vinum: sic & tu offers corpus & sanguinem tuum, verum panem, & verum vinum. Iste Melchisedec ista mysteria, quæ habemus tradidit nobis: Ipse est qui dixit, Qui manducat meam carnem, & bibit meum sanguinem &c. Vbi nota primò Hieronymum non loqui de oblatione in figura solum. Alioqui non bene per hoc Christum distingueret à Melchisedec; quod Melchisedec panem, & vinum, Christus verò corpus & sanguinem suum obulerit. Nam Melchisedec obtulit quoque figuram corporis & sanguinis Domini, ut docet idem Hieron. in cap. Matth. 26. ubi sic ait. *Postquam typi vni Pascha fuerat impletum, & Agni carnes cum Apostolis comederat: assumpsit panem, qui confortat cor hominis, & ad verum Pascha transferebatur sacramentum. Ut quomodo in præfiguratione eius Melchisedec summi Dei sacerdos panem, & vinum offerens fecerat: ipse quoque veritatem sui corporis & sanguinis representaret: id est, præsentem exhiberet, & figuræ veritatem substitueret. Nam quod Hieron. sic accipiat verbum, Representaret, patet, quia antithesis tum Agni Paschalis cum Eucharistia, quam vocat verum Paschæ sacramentum; tum etiam Melchisedecis, quem ait præfigurasse, cum Christo, quem ait representasse veritatem corporis sui, & sanguinis; omnino postulat, ut ex sensu Hieronymi, in agno Paschali, & sacrificio Melchisedecis, fuerit tantum figura: in Eucharistia verò, exhibita sit veritas corporis, & sanguinis Domini. Nota 2. Per verum panem; & verum vinum, Hieronymum intelligere, non panem verum ratione naturæ, seu verum naturaliter (nam panis, & vinum Melchisedec non minùs erant vera naturali veritate) sed verum prout opponitur typico**

& figuratiuo. Quo etiam sensu vocat Eucharistiam verum Paschæ sacramentum, id est, oppositum typico, & figuratiuo agno Paschali: Iudæorum. Quo etiam sensu Cyprian. epist. 63. ad Cæcil. Melchisedecem cum Christo comparans, sic ait: *Præcedit ante imago sacrificii Christi in pane & vino constituta &c. Et veritatem præfiguratur in agnis adimpleuit.*

Eusebius denique Emisenus, aut alius grauis auctor eiusdem sæculi homil. 5. de Paschate, aliquantò post initium sic habet, *Inuisibilis sacerdos visibiles creaturas in substantiam corporis, & sanguinis sui verbosuo, secreta potestate conuertit. Et in fine, Vt tibi nouum & impossibile non debeat videri, quod in Christi substantiam terrena, & mortalia commutentur.* Nota in vitroque testimonio, quod visibilis, & terrena creatura in substantiam corporis, & sanguinis conuertatur. Item in priori, quod verbo Dei, & secreta potestate id fiat; Nihil autem facilius est sine potestate tanta, quam constituere aliquid signum, & figuram corporis, & sanguinis, quæ ob oculos posita Christum per fidem apprehendamus. Neque id nouum, & impossibile videri poterat, quod in omnibus sacrificiis, & sacramentis legis veteris factum iam sæpius fuerat. Omnia enim illa erant Christi figura. Addit idem auctor, *Quando benedicenda verba celestibus creatura sacris altaribus imponuntur, antequam inuocatione summi Numinis consecrentur, substantia illis est panis, & vini: post verba autem Christi, corpus & sanguis est Christi.* Quid mirum autem, si ea, quæ verbo creare potuit, post consecrata conuertere? Imo iam minoris videtur esse miraculi, si id quod ex nihilo agnoscitur condidisse, iam conditum in melius valeat commutare. Require quid ei potest esse difficile; cui facile fuit visibilia, & inuisibilia voluntatis imperio suscitare. Hæc ille: quæ, si panis Eucharisticus est tantum figura corporis Christi iuxta Caluini sensum, non nisi valde hyperbolicè, imò etiam fallò dici potuerunt.

SECTIO IV.

Observationes quedam circa Patrum testimonia.

Superioribus adde Patres antiquos, qui quinque primis illis Ecclesiæ sæculis flourerunt, multa expressè dicere, quibus nihil clarius à nobis dici potest contra errores Caluinistarum. Cuiusmodi est primò, quod asserunt disertè, Christum verè hic nobis commisceri, & vniri non fide tantum, sed & ipsa re. Verè, inquit Hilarius lib. 8. de Trinit. *cibo Dominico Verbum carnem sumimus, naturamque carnis sue sub sacramento nobis admiscuit.* Chrylost. hom. 83. in Matth. *Sem-ti ipsum nobis commiscet, & non fide tantum, verum & ipsa re nos suum efficit corpus.* Et hom. 45. in Ioan. cap. 13. *Non nos solummodo*

sed &c.

Christus in
Eucharistia
corpori no-
stro reali-
ter unitur.

45. in Ioan. *ut itaque non tantum per charitatem, verum etiam ipsa re in illam misceamur carnem, per esum efficitur, quam largitus est nobis.* Cyrill. Alexand. lib. 10. in Ioan. cap. 13. *Non negamus recta nos fide, charitateque sincera, Christo spiritaliter coniungi: sed nullam nobis coniunctionem secundum carnem cum illo esse, id profecto pernegamus, idque à divinis scripturis omnino alienum dicimus.* Et inferius: *An fortassis putat ignotam nobis mysti & benedictionis virtutem esse, quæ, cum in nobis fiat, nonne corporaliter quoque facit communicatione carnis Christi, Christum in nobis habitare?* Et paulò post: *Vnde considerandum est, non habitatione solum quæ per charitatem intelligitur, Christum in nobis esse; verum etiam & participatione naturali. Nam quemadmodum si quis igne liquefactam ceram, alii cera similiter liquefacta ita commisceuerit, ut unum quid ex utrisque factum esse videatur: sic communicatione corporis, & sanguinis Christi ipse in nobis est, & nos in ipso. Non poterat enim aliter corruptibilis hæc natura corporis ad incorruptibilitatem, & vitam trahi, nisi naturalis vitæ corpus ei coniungeretur.* Similia habet Gregor. Nyssen. in oratione Catechet. cap. 37. ubi docet ad salutem necessarium esse, ut anima Christo per fidem uniatur, corpus autem alio modo. Quem modum explicans, ait hunc esse, ut Christi corpus intra nostrum recipiatur. Oportet enim, inquit, sicut exitiale, ita etiam salutare medicamentum admitti intra viscera hominis, &c. *Sed fieri non potest, ut sit aliquid aliter intra corpus, nisi per esum, & potionem misceatur visceribus, &c. Ea de causa per suæ gratiæ dispensationem se per carnem inseruit omnibus credentibus, &c.*

23.
Moi anti-
quus adorandi
Euchar.

Secundò, Docent hoc sacramentum propter Christum in eo existentem, adorandum esse, moremque illum fuisse antiquæ Ecclesiæ: qui tamen Idololatria esset, nisi Christus, in eo verè containeretur. Cyrill. Hierosol. Catech. 5. Mystag. *Accede, inquit, ad calicem sanguinis illius prout, adorationis in modum.* Chrylost. Hom. 24. in 1. ad Cor. *Hoc corpus in præsepi venerunt Magi, & barbari cum timore, & tremore plurimo adoraverunt. Imitemur barbaros, nos, qui eorum ciues sumus. Illi enim in præsepi viderunt: tu verò non in præsepi, sed in altari, &c.* Theodoret. in Dial. 2. *Intelliguntur mystica symbola ea esse, quæ facta sunt, & creduntur, & adorantur, ut quæ verè existunt ea, quæ creduntur.* August. in Psalm. 98. explicans illud de carne Christi in Eucharistia, *Adorate scabellum pedum eius, Caro, inquit, Christi ex terra est, & nemo eam manducat, nisi prius adoret.* Quod tantum abest ut idololatriam esse censet August. ut contrario assermet fore potius peccatum manducare, & non adorare. Quod autem loquatur de carne Christi, prout est in Eucharistia, patet ex eo, quod adiungit: *Ideo & ad terram quamlibet, cum te inclinas, atque prosternis, non quasi*

Tom. IV.

terram intuearis, &c. Particula enim, *Quamlibet*, significat aliquam multipliciter, quæ non convenit carni Christi, nisi prout localiter multiplicatur in Eucharistia. Adde quòd alioqui non erat, cur mentionem faceret manducationis, & Eucharistiæ, si de adoratione carnis Christi simpliciter loquebatur, non autem de adoratione, prout fit in Eucharistia. Idem ex eodem eiusdem Psalmi versiculo docet Ambros. lib. de Spiritu sancto, cap. 12. ubi aperte dicit carnem Domini à nobis in mysteriis adorari, sicut Apostoli in propria specie illam adoraverunt. Et hoc esse adorare scabellum pedum Domini. *Per scabellum, inquit, terra intelligitur, per terram autem caro Christi, quam hodie quoque in mysteriis adoramus, & quam Apostoli in Domino Iesu, ut supra diximus, adoraverunt.* Denique occasione adorationis Eucharistiæ suspicabantur gentiles, Christianos Cererem, & Bacchum adorare, ut patet ex August. lib. 20. contra Faustum cap. 13.

Tertiò, Perspicue affirmant sancti Patres Christum occasione huius mysterii non tantum in cælo esse, ut volunt Calvinistæ, sed & in altari: ut disertè affirmat Chrylost. Hom. 24. in primam ad Corinth. Et Concil. Nicænum primum cap. de *secreta mensa*. Est autem illud Concilium primum è quatuor generalibus ab ipso Caluino receptis 4. Institut. cap. 9. 5. 8. Item Christum interris simul pluribus locis existere per magnum miraculum. Cuiusmodi est illud Chrylost. lib. 3. de Sacerdot. *O miraculum! O Dei benignitatem! qui cum Patre sursum sedet, eodem articulo temporis omnium manibus pertrahatur.* Et Hom. 2. ad populum Antioch. in fine. *Elias Meloten discipulo reliquit: filius autem Dei ascendens carnem suam dimisit. Sed Elias quidem exiit: Christus autem, & nobis reliquit, & ipsam habens ascendit.* Basil. in Liturg. *Veni ad sanctificandum nos, qui sursum Patri confites, & hic nobis inuisibiliter coet.* Gregor. Nyssen. Orat. de Pasch. *Si ut divinitas replet mundum, & tamen una est, ita innumerabilibus locis consecratur, & tamen unum corpus est.*

24.
Christus
est simul
in plurib.
locis pro-
pter my-
sterium Eu-
charistia.

Quartò, Idem Patres recurrunt ad omnipotentiam Dei, ut ostendant fieri magno miraculo quòd Christi corpus sub speciebus sit, quamvis contrarium sensibus nostris videatur, quibus non sit credendum in hoc mysterio, sed infallibili Dei verbo. Cuiusmodi sunt, quæ ex Cyrill. Hierosol. Catech. 4. Mystag. Ambros. lib. de Initiandis cap. 9. Chrylost. Homil. 83. in Matth. referemus sect. 7. Et Cyprian. lib. de Cardin Christi oper. in serm. de Cæna, *Panis iste non effigie, sed natura mutatus, omnipotentia verbi factus est caro, &c.* Et Gregor. Nyssen. orat. Catech. capite trigesimo seprimo, *Hæc enim dat (Deus supplere) virtute benedictionis in illud (corpus nempe Christi) transformatum eorum, quæ apparent, naturam.* Reddunt etiam rationem cur hic voluerit Christus

25.
Eucharistia est o-
pus omni-
potentia
Dei.

Kkk

adesse inuisibiliter sub aliena specie, panis scilicet, & vini: ut videlicet sine horrore caro ipsius ederetur, & sanguis biberetur. Sic Ambros. lib. 4. de Sacram. cap. 4. ait non videri hic speciem sanguinis, ut nullus horror cruoris sit, & pretium tamen sit redemptionis. Et Cyrill. Alex. relatus à D. Thom. in cap. 22. Luc. Dicebat, inquit, Christum nobis quodammodo uniri corporibus per sacram eius carnis, & pretium sanguinem, quæ accipimus benedictione vini. Atque in pane, & vino. Ne enim horreremus carnem, & sanguinem, apposita sacris altaribus: condescendens Deus nostris fragilitatibus, influit oblati vim vite, conuertens ea in veritatem propriæ carnis, ut corpus vite, quasi quoddam semen viuificationum innescitur in nobis.

26.

Christus in
Eucharistia
percipitur
ore corpo-
ris.

Quintò, Affirmant corpus Christi in Eucharistia percipi non tantum ore mentis per fidem, ut volunt Calvinistæ; sed ore ipso corporis. Cuiusmodi est, quod supra retulimus ex Cyrill. Alex. lib. 10. in Ioan. cap. 13. Gregor. Nyss. orat. Catech. cap. 37. Cyrill. Hierosolym. Catech. 4. Mystag. Tertull. lib. de Resurrect. Carn. cap. 8. Quibus addi potest illud S. Leonis serm. 6. de Ieiunio sep. mensis: sic sancta mensa communicare debetis, ut nihil prorsus de veritate corporis Christi, & sanguinis ambigatis. Hoc enim ore sumitur, quod fide creditur. Docent quoque etiam impios, & infideles Christi corpus, & sanguinem sumere in sacramento, non per fidem, quæ carent, secundum Calvinistas, sed ore corporis realiter, ac substantialiter. Ita Theodoret. in illud 1. ad Corinth. 11. Probat autem se ipsum homo, &c. Commentarius Ambrosio tributus, ibidem, August. lib. 5. de Baptism. cap. 8. & serm. 11. de Verb. Dom. cap. 11. Verba Augustini priori loco sunt. Si ut Inas, cui buccellam traiecit Dominus, non malam accipiendo, sed matrem accipiendo, locum in se Diabolus habuit: sic indignè quisque sumens domini sacramentum, non efficit, ut quia ipse malus est, malum sit, aut quia non ad salutem accepit, nihil acceperit. Corpus enim Domini, & sanguis Domini nihilominus erat etiam illis, quibus dicebat Apostolus. Qui manducat indignè, iudicium sibi manducat.

Theodor.

August.

27.

Eucharistia
celebatur
Catechu-
menis.

Sextò, Constat ex Theodoret. in Dialog. Inconfusus, August. Chrysost. & aliis Patribus passim, antiquam Ecclesiam celasse Catechumenos mysterium Eucharistiae. Quod signum manifestum est non eam credidisse ibi tantum esse signum corporis, & sanguinis Christi, per fidem apprehendendi, ut apprehenditur per baptismum, & per Evangelii prædicationem: sicut dicunt Calvinistæ in Catech. Dom. 52. Alioquin non magis Ecclesia Catechumenos celasset Eucharistiam, quam Evangelii prædicationem, aut baptismum: aut quam mysteria Trinitatis, & Incarnationis, longè difficiliora, quam sit Christum eiusque promissiones apprehendere per fidem, sumendo panem, & vinum in illius memoriam. Liqueat ergo Calvinistas

fidem antiquæ Ecclesiæ deseruisse.

Septimò denique, ex veritate præsentis realis corporis & sanguinis Christi in Eucharistia, tanquam ex certissimo fundamento, & notissimo fidei articulo, argumentantur non raro sancti Patres contra varios hæreticos, ad illorum errores refellendos. Sic Iren. lib. 3. contr. Hæres. cap. 2. probat contra Gnosticos Christum venisse in vera carne, quia, inquit, alioquin neque calix Eucharistiae communicatio sanguinis eius esset, neque panis, quem frangimus, communicatio corporis eius. Sanguis enim non est nisi à venis, & carnibus, & à reliqua, quæ est secundum hominem, substantia. Et Hilar. lib. 8. de Trinit. probat contra Arianos Patrem, & Filium esse vnum non tantum unitate voluntatis, sed etiam unitate reali, & naturali: sicut nos cum filio vnum efficimur reali, & naturali coniunctione corporum in hoc sacramento. Verè, inquit, cibo dominico Verbum carnem sumimus, naturamque carnis suæ sub sacramento nobis admiscuit. Et paulò post: Hæc à nobis ideo commemorata sunt, quia voluntatis tantum unitate hæretici personas diuinas unitas esse interpretantur, & ad id exemplo unitatis nostræ cum Deo utuntur: quasi nobis ad filium voluntate tantum religionis vnus, nulla per sacramentum carnis naturalis communionis proprietate indulgeretur. Eodem argumento utuntur Irenæus, Cyrillus Alex. Greg. Nyss. locis supra citatis, alique Patres ad probandam carnis resurrectionem, cuius resurrectionis semen accipimus, & ius speciale per coniunctionem realem corporis nostri cum corpore, & sanguine Christi, quæ in hoc sacramento fit. Hæc igitur, & similia, plurima, quæ breuitatis causa prætereo, sole clariùs ostendunt veteris Ecclesiæ fidem à metaphoris Calvinisticis longè abhorruisse; & vel rectam de Eucharistia sententiam, primitiùs Ecclesiæ incognitam fuisse; vel nostram rectam esse, Calvinisticam verò importunam, & hæreticam.

28.

SECTIO V.

Probatur eadem veritas ex Scriptura.

AD eandem veritatem probandam quatuor argumenta præcipua ex Scriptura delumi possunt, quæ fuscè & erudite prosequitur & expendit Cardinalis Bellarm. lib. 1. de Eucharistia cap. 4. & sequentibus. Primum sumitur ex figuris Eucharistiae, quæ præcesserunt in veteri testamento. Secundum ex eiusdem promissione, quæ habetur Ioan. cap. 6. Tertium ex institutione, de qua Matth. 26. Marc. 14. & Luc. 22. Quartum ex usu, de quo Paulus 1. Corinth. 10. & 11.

Primum argumentum ex figuris, est huiusmodi: Ea quæ representabantur figuris veteris testamenti, debent esse nobiliora figuris, quibus representabantur, Sed si Eucharistia

Prima probatio veritatis Eucharistiae.

charistia,
ex eius fi-
guris, agno-
Paschali &
Manna.

stia est tantummodò signum corporis Christi per fidem ipsum exhibens, non est nobilior figuris, quibus representabatur. Ergo Eucharistia non est tantummodò huiusmodi signum, sed aliquid nobilius, nempe ipsum mer corpus Christi. Maior est per se nota, & patet ex Apostolo Coloss. 2. v. 17. ubi figuram comparat umbræ: res autem representata, corpori. Minor probatur ex duabus potissimum, omisiss aliis, nimirum Agno Paschali, & Manna. Nam quòd Agnus Paschalis figura fuerit sacramenti Eucharistia, ostendit Christus ipse, quando in cœna ultima post esum Agni Paschalis Eucharistiam instituit, veluti figuræ veritatem substituens, ut notat S. Leo serm. 7. de Pass. Domini. Idemque affirmant Tertull. lib. 4. contra Marcion. cap. 40. Cyprian. lib. de Unitate Ecclesie, Hieron. in cap. 26. Matth. August. lib. 3. cont. Liter. Petil. cap. 37. & plures alii. Manna quoque eiusdem figuram fuisse Christus ipse significat Ioannis 6. vers. 59. & sequentibus: *Non si ut manducauerunt Patres vestri Manna, & mortui sunt. Qui manducat hunc panem, vivet in æternum. Hic est panis de cœlo descendens, ut si quis ex ipso manducaverit, non moriatur, &c. Et panis, quem ego dabo, carnis mea est pro mundi vita.* Idemque docent Ambros. lib. de iis, qui mysteriis initiantur cap. 8. & 9. Chrysost. Cyrill. Alex. August. & Theophyl. in cap. 6. Ioan. aliique eiusdem interpretes.

30. Iam verò quòd panis Eucharisticus non sit nobilior huiusmodi figuris, si nihil aliud habet, quàm quod ipsi tribuunt Calvinistæ; probatur, quia potius ipsæ nobiliores sunt, siue spectentur in entitate, siue in ratione signi. Ecce enim Agnus Paschalis est res præstantior pane naturali secundum entitatem, ut manifestum est. Manna quoque, quod de cœlo pluebat, & Angelorum artificio mirabili fiebat, præstantius erat pane communi, qui de clibano prodit, & manu pistorum fit. Quoad significationem verò melius significabatur caro Christi carne Agni; mors Christi, morte Agni; sanguis Christi sanguine Agni; innocentia Christi, & mansuetudo, innocentia illius Agni anniculi & sine macula. Effectus quoque sacramenti huius, qui est nutritio spiritalis animæ, melius significabatur per esum carnis Agni: caro enim mellis nutrit: maioremque habebat analogiam cum illa. Cùmque secundum Calvinistas nihil aliud sit effectus ille, quàm excitatio fidei ad apprehendendum Christum, quo spiritaliter nutriamur; melius fiebat per occisionem, & esum agni, quàm per esum panis. Magis enim id fidem excitat, quòd Christum melius representat. Similiterque Manna melius Christum representabat, quàm panis: cum quia de cœlo erat, Psal. 77. cum etiam quia saporem mirabilem continebat, Sapient. 16. vers. 2. & æquali mensurâ sumebatur ab omnibus, licet inæqualiter colligeretur, Exod. 16. vers. 18. Quare melius valebat ad fidem in Christum exci-

randam, & ad nutritionem spiritalem, quæ ex fide consequitur.

Atque hoc argumentum eò magis urget aduersarios, quòd ipsi asserunt Israëlitas in esu Manna Christum edisse per fidem, ut sit in esu Eucharistia: & in sacramentis veteris legis fuisse cum symbolo externo rem exhibitam per fidem, sicut in nostris. Quod Calvinus, Beza, Petrus Martyr, & alii affirmant, & confirmant ex 1. Corinth. 10. vers. 3. & 4. *Omnes eandem escam spiritalem manducauerunt, & omnes eundem potum spiritalem biberunt, Bibebant autem de spiritali consequente eos petra, Petra autem erat Christus, Quasi dicat Apostolus Israëlitas omnes eandem nobiscum Christianis escam edisse. Cùm tamen Apostolus Israëlitas tantum conparet inter se, non autem cum Christianis: neque affirmet Christum simili modo illis exhibitum fuisse in manna, & aqua de petra; quo nobis exhibetur in sacramento corporis, & sanguinis sui, ita ut à nobis non aliter quàm per fidem edatur, ut contendunt aduersarii.*

Notandum item, Negare aduersarios vlla esse verba essentialia sacramento: nam quæ nos volumus esse formam, irident ipsi ut magica, & incantatoria: neque alia eorum loco admittunt: ut videre est apud Calu. 4. Instit. c. 14. n. 4. Quare vanum est effugium Petri martyris parte 3. defens. de Euchar. respondentis sacramenta nouæ legis esse nobiliora; quia sunt clariora ratione verborum. Nam in sententia aduersariorum, hæc claritas est sacramento extrinseca; proueniens non ab ipso sacramento, & à verbis sacramentalibus, seu ritualibus, locum formæ habentibus, sed à verbis concionatoriis, id est, à concione Ministri docentis quòd sacramentum tendat, id est, quo fine accipiatur. A qua concione si petenda esset nobilitas sacramentorum, sacramentum esset nobilius, aut ignobilius, prout à Ministro magis, aut minus eloquenti, & finem sacramenti explicante, exhiberetur. Quod absurdum est, & contra S. August. aliòque Patres affirmantes dignitatem, & valorem sacramentorum à Christo peti, non ab ipsorum ministris. Nam si pro diuersitate meritorum baptisma sanctum est; quia diuersa sunt merita, diuersa erunt baptismata: & tantò quisque aliud melius putatur accipere, quantò à meliore videtur accepisse: inquit August. tract. 6. in Ioan. & paulò post: *Quare ergo, si unus ab illo v. g. in isto & sancto baptizetur, alius ab alio inferioris meriti apud Deum, inferioris gradus, inferioris continentia, inferioris vitz: unum tamen, & par, & æquale est quod acceperunt: nisi quia hic est, qui baptizat?*

Cætera, quæ Petrus mart. ibidem addit ad tuendam maiorem nobilitatem sacramentorum nouæ legis, minoris sunt momenti, & luculenter refutantur à Bellarm. lib. 1. de Eucharist. cap. 4. Certe Christus ipse Ioan. 6. & sancti Patres, quando Eucharistiam præferunt Manna, vel agno Paschali, aliisque figuris: non eam causam

afferunt: quia melius verba significant, vel alias à Petro mart. commemoratas: sed quia caro Christi est. *Panis quem ego dabo, caro mea est pro mundi vita*, inquit Christus cap. cit. verl. 52. & Origen. homil. 7. in lib. Numer. Tunc, inquit, in enigmate erat *Manna* cibus: nunc autem in specie caro verbi Dei est verus cibus: sicut ipse ait. *Quia caro mea verè est cibus*. Et Ambros. lib. de iis qui Myst. init. cap. 9. Considera nunc uter praestantior sit, panis Angelorum; an caro Christi, quae unguè corpus est vitae, &c. Et Hieron. in cap. 1, Epist. ad Titum, *Tantum interest inter panes Propositionis, & corpus Christi: quantum inter umbras, & corpora; inter imaginem, & veritatem; inter exemplaria verorum, & ea ipsa, quae per exemplaria praefigurabantur*. Vbi Hieronymus per corpus Christi Eucharistiam intelligit. Loquitur enim de illis, qui in Eucharistia volunt Christi corpus recipere, quos ait debere ab usu coniugii abstinere, æquè ac eos, qui volebant panes Propositionis edere: iuxta exemplum Achimelech sacerdotis, qui noluit Dauidi, & sociis dare panes Propositionis edendos, nisi postquam intellexit eos aliquandiu abstinuisse ab vxoribus. Et S. Leo serm. 7. de Pass. Dom. *Ut ergo umbra cedent corpori, & cessarent imagines sub praesentia veritatis: antiqua observantia nouo tollitur sacramento: Hostia in hostiam transit: sanguinem sanguis excludit: & legalis fœderitas, dum mutatur, impletur: Christi scilicet carne, & sanguine substitutis Agno Paschali, eiusque sanguini*.

SECTIO VI.

Propositur secundum argumentum ex Scriptura.

34.
1. Probatio veritatis Eucharistiae, ex eius promissione.

SECUNDUM argumentum sumitur ex cap. Ioan. 6. ubi Christus Eucharistiae institutionem promittit verbis illis v. 53. & seqq. *Panis, quem ego dabo, caro mea est pro mundi vita. Nisi manducaueritis carnem filii hominis, & biberitis eius sanguinem, non habebitis vitam in vobis. Qui manducat meam carnem, & bibit meum sanguinem, habet vitam aeternam. Caro enim mea verè est cibus, & sanguis meus verè est potus. Qui manducat meam carnem, & bibit meum sanguinem in me manet, & ego in illo*. Hæc Christus. Circa quæ nota primò, nulquam in Scriptura clariùs asseri Deum esse trinum, aut Christum esse Deum: quàm hic asseratur Christi carnem, & sanguinem esse cibum, ac potum, & comedi, ac bibi. Secundò, Verba Scripturæ in proprio sensu, quoad fieri potest, intelligenda esse: ne si ad metaphoras pro libito detorqueantur, nihil certi ex Scriptura possit intelligi. Propria autem comestio est illa, quæ ore corporis fit: nam comestio Calvinistica per fidem est æquè metaphorica,

atque os, dentes, & guttur fidei; seu mentis, metaphorica sunt. Tertiò, Nihil hic cogere ut a sensu proprio recedamus: contra verò multa cogere ad proprium sensum retinendum. Nam Christus promittit illis verbis, *Panis, quem ego dabo*, id scilicet, quod in fine vitæ præstitit Matth. 26. quando corpus suum sub specie panis discipulis edendum præbuit. Promissiones autem debent concipi propriis verbis, & clavis. Estque impostoris plus in specie verborum promittere, quàm dare. Deinde Iudæis murmurantibus verl. 58. ed quòd intelligerent Christum de carne sua propriè, & realiter manducanda locutum esse: non remouet Christus hanc cogitationem, sed addit verba, quæ magis, ac magis, proprietatem significant, dicens cum gemina asseueratione verl. 54. *Amen, amen dico vobis, nisi manducaueritis carnem filii hominis, &c. & verl. 56. Caro mea verè est cibus, & sanguis meus verè est potus*. Verè, inquit, non tropicè, & metaphoricè, ut esset, si panis, qui ore corporis sumitur, & editur, carnis eius in cælo existentis figura tantum esset: aut si caro ipsa fide sola ederetur, ut volunt Calvinistæ. Nam sicut os, & guttur animæ metaphoricum tantum est, neque est magis verè os, & guttur, quàm imago regis, sit verè rex: ita & eius cibus & potus, est tantum cibus & potus metaphoricè, non autem verè & propriè.

Quartò, Discipulis ipsis scandalum patientibus, & murmurantibus, ed quòd, ut Capharnaïtæ, existimarent Christum non solum carnem suam promittere edendam verè ac propriè ore corporis; sed vterius etiam edendam more communi, mortuam scilicet, & diuisam in frusta, ut bubulæ carnes, & veruecinæ edi solent: remouit quidem Christus hunc edendi modum, & cogitatum carnalem, ut notant S. August. tractat. 27. in August. Ioan. & Cyrill. lib. 4. in Ioan. cap. 12. 23. Cyrillus, & 24. verbis scilicet illis verl. 64. *Spiritus est, qui viuificat, caro non prodest quidquam. Verba, quæ ego loquor vobis, spiritus & vita sunt*. Quasi diceret: Ne putetis me daturum vobis carnem meam destitutam spiritu viuificante, sine quo nihil prodesset ad vitam æternam: aut modo illo carnali inhumano, & barbaro. Verba, enim, quæ ego loquor vobis, non sunt intelligenda de modo illo carnali, sed spiritali, & vitali. Verba, quæ ego loquor vobis, inquit Cyrillus cap. 24. spiritus sunt; id est, spiritalia, & tractantia de spiritu. Et vita sunt, id est, viuificantia, & tractantia de eo, quod vita est naturâ suâ, id est, de Diuinitate, sine qua caro nihil prodesset. Perstitit tamen Christus in asserenda reali manducatione carnis suæ; & ad faciendam fidem rei mirabilis, mentionem fecit miraculi futuræ ascensionis suæ, dicens verl. sexagesimo tertio, *Hoc vult scandalizari si ergo videritis filium hominis ascendentem ubi erat prius?* Quasi volens rem vnam mirabilem alia æquè mirabili confirmare.

Ac discipulis nihilominus retrò abeuntibus, & ab ipso discedentibus v. 67. nullum aliud verbum addidit, quo metaphoram Calvinisticam vel leuiter insinuat. Atqui facillimum erat, Christi; Domini, suorum amantissimi, beneuolentiam decebat, vnico verbo figuræ, aut manducationis per fidem, difficultatem omnem non modò eleuare, sed penitus adimere. Adde quòd solebat Christus, si quid obicurius turbis proposuisset, explicare discipulis id ab ipso exigentibus: vt patet ex Matth. 13. de parabolis seminantis, & zizaniorum; aliisque locis. Quæ autem fuit vnquam vel maior occasio, vel necessitas explicandi sensum tuum discipulis, & corrigendi eorum existimationem, si falsæ erat; quàm tunc temporis, cum vique ad defectionem pene omnes scandalizati sunt? Et tamen Christus illos, ob eam existimationem abire passus est, & ad duodecim Apostolos dixit vers. 68. *Nunquid & vos vultis abire* equati diceret: Non habeo aliud, quod faciam. Mystrium proposui, ad quod credendum fide opus est: qui non vult credere, abeat.

36.

Ad de præterea, Christum moueri debuisse ad sensum suum aperiendum, si is alius erat, non solum scandalo suorum pene omnium discipulorum, sed & totius Ecclesiæ, quam præuidebat occasione horum verborum, & similibus, credituram carnem ipsius, & sanguinem verè sub speciebus panis, & vini manducari, & bibi. Præuidebat, inquam, Christus omnes totius orbis Ecclesias, Syriacas, Aethiopicas, Arabicas, Græcas, Italicas, Gallicas, Hispanicas, Germanicas, Polonicas, Moscouiticas, Indicas, omnes denique, quotquot ante exortum sacramentarium extiterunt, verba sua ita intellegas, vt crederent carnem eius, & sanguinem sub speciebus verè contineri, ac recipi, atque vt ibi præsentem adorarent. Qui si error est, & Idololatriæ scelus: modus ille loquendi de re alioquin ad explicandum facili, totum terrarum orbem in errorem, & idololatriam induxit. Adde denique consensum sanctorum Patrum, prædicta Christi verba in sensu proprio interpretantium, Cyrilli vtriusque, Basilii, Chrysost. Gregor. Nyss. Theodoret. &c. de quibus vide Bellarm. lib. 1. de Euchar. cap. 5. & Vasq. disp. 179. cap. 4.

Bellarm.
Vasquez.

37.

Probat
Christum
loqui de
Eucharist.
Ioan. 6.

Malè verò respondent Calvinistæ Christum in cap. 6. Ioan. non loqui de Eucharistia, quod etiam nonnulli Catholicorum imprudenter, & minùs consideratè affirmant. Nam licet initio capitis agat de pane materiali, eiusque multiplicatione miraculosa pridiæ facta; cuius miraculi occasione turbæ iterum conuenerant ad Christum; vt iterum saturarentur simili miraculo: ac deinde occasione huius desiderii panis materialis, loquatur Christus de seipso, vt pane spiritali, appetendo, & edendo per fidem, credendo scilicet ipsius Incarnationem, & diuinitatem y. 27. & seqq. tamen quod postea à versu

52. transeat ab illa comestione spiritali per fidem, ad aliam, quæ carnem suam ore ipso corporis edendam, & sanguinem bibendum promittit, ostendunt ea omnia quæ notauimus expendendo verba superius relata ex eodem cap. Atque vterius primò, modus ille loquendi in futuro, *Panis, quem ego dabo, caro mea est pro mundi vita*. Vel, vt est in textu græco, *caro mea est, quam ego dabo pro mundi vita* vers. 52. Nam si loquebatur tantum de seipso, vt edendo per fidem, credendo ipsius diuinitatem, & incarnationem: iam pridem hoc acceperat. Quare panis, quem promittit se daturum, & quem nondum dederat, aliquid aliud est. 2. Idem ostendit crebra illa, & sæpius repetita eodem cap. distinctio manducandi, & bibendi: *Amen, amen dico vobis, nisi manducaueritis carnem filii hominis, & biberitis eius sanguinem, non habebitis vitam in vobis. Qui manducat meam carnem, & bibit meum sanguinem, habet vitam æternam: Caro enim mea verè est cibus, & sanguis meus verè est potus. Qui manducat meam carnem, & bibit meum sanguinem, in me manet, & ego in illo*: vers. 54. & sequentibus. Atqui si loquebatur Christus de sola manducatione per fidem extra sacramentum Eucharistiæ, illa distinctio erat inanis, & superflua: nam comestio, & potio per fidem, sunt vnum, & idem, nempe credere in Christum.

3. Idem patet ex eo quòd Iudæi intelligentes Christum verbis modò relatis loqui de alio modo manducationis magis difficili, quàm per fidem, murmurarunt iterum: sed longe aliter, quàm priùs, cum de fide sola loquebatur. *Quomodo potest, inquit, v. 53. hic nobis carnem suam dare ad manducandum?* Discipuli quoque, qui nullam passi erant difficultatem, quandiu intellexerant Christum de fide sola loqui, his posterioribus verbis scandalizati sunt dicentes vers. 6. *Quis est hic sermo, & quis potest eum audire?* Christoque nihilominus in eadem sententia perstante, & miraculum huius manducationis miraculo suæ ascensionis in cælum confirmante, *Multæ discipulorum eius abierunt retrò, & iam non cum illo ambulant*: vers. 67. quod signum manifestum est Christum verbis posterioribus de alia manducatione, quàm per fidem, magis mirabili, ac difficili ad credendum, loquutum esse. Quarrò, Si Ioannes eo capite non loquitur de Eucharistia, nusquam alibi loquutus est de illa: cum tamen soleat, a quibus instat, in summis, ac præcipuis fidei nostræ mysteriis explicandis immorari. Quare potius credibile est omnino, ipsum quidem more suo voluisse omittere; quæ ab aliis Evangelistis narrantur de institutione: promissionem, verò ab aliis omissam fusissimè prosequutum esse. Incredibile item est Christum Dominum, si de fide tantum in ipsum habenda loquebatur; rem explicatu facilem, verbis tam obscuris voluisse inuoluere, & aliud adeo præ se ferentibus, vt Capharna-

Confirmatur.

Kkk 3

tis, & discipulis ipsis, occasionem dederint ab ipso discedendi. Ac denique si de Eucharistia loqui voluisset, quid potuisset clarius dicere, magisque consentaneum iis quæ in Eucharistia institutione gesta sunt, ubi effectus huic promissioni planè respondere videtur, ut patèbit ex collatione verborum utrobique à Christo prolatorum. Plura in hanc sententiam videri possunt apud Bellarm. & Vasq. locis supra citatis.

SECTIO VII.

Proponitur tertium Argumentum ex Scriptura.

38.
Tertio probatio ex verbis institutionis.

Tertium argumentum sumitur ex verbis, quibus Christus hoc sacramentum instituit Matth. 26. vers. 26. & sequentibus. *Canantibus autem eis accepit panem, benedixit, ac fregit, deditque discipulis suis, & ait, Accipite, & comedite, Hoc est corpus meum: & accipiens calicem gratias egit, & dedit illis dicens, Bibite ex hoc omnes: Hic est enim sanguis meus novi testamenti, qui pro multis effundetur in remissionem peccatorum.* Similia habent Marc. cap. 14. Luc. cap. 22. & Paulus 1. Corinth. 11. Quæ verba si propriè, prout sonant, intelligantur; manifestè confirmant veritatem Catholicam de præsentia corporis, & sanguinis Christi, sub speciebus Eucharisticis. Ideoque contendunt Calvinistæ improprie, & metonymicè interpretanda esse, ita ut verbum *Est*, ponatur pro, significat; vel particula *Corpus*, & *Sanguis*, sumantur non pro vero, & naturali corpore, sed pro figura corporis & sanguinis, sensuque sit, Hoc est corpus meum, id est, hic panis est figura corporis mei, ut exponit Calvin. 4. Institut. cap. 17. num. 23. Adde panem Eucharistia non esse nudam figuram corporis Christi, sed esse figuram, quæ rem ipsam exhibeat, per fidem scilicet, iuxta ea, quæ tradit ibid. num. 5. & Catech. Gallicus Calvinistarum Domin. 92. Ideoque Christum non dixisse, Hic panis est figura corporis, sed corpus ipsum, ut ostenderet esse signum efficax, cum quo res ipsa exhiberetur.

39.

Verum prædicta Christi verba in sensu proprio intelligenda esse persuadent efficaciter, quæ sequuntur. Primò, consensus Evangelistarum, & Pauli, locis citatis; qui omnes, cum institutionem sacramenti referunt, nusquam utuntur voce, significat, aut nomine figuræ, vel signi Calvinistici: sed utuntur ubique verbo, *Est*, & vocibus Corporis & Sanguinis: existimantes scilicet proprietatem retinendam esse, neque hic locum relictum fuisse interpretationi, quam in locis difficilioribus mutò sibi præstare solent Evangelistæ. Secundò, Christus verba citata proferens, loquebatur solis Apostolis, quibus velut totius orbis futuris doctoribus Ma-

gister optimus arcana cœlestia palam, & sine ambagibus reuelare solebat: ac si quid turbis, aut Phariseis obscurius dixisset, & parabolicè, dilucidè exponebat. Et quidem scandalum ortum Ioan. 6. satis eum monebat, ut clarius loqueretur, si quid obscurum erat. Præterea loquebatur tum Christus eo loco, & tempore, quo minimè oportebat loqui obscurè, & metonymicè: nimirum cum Apostolos tanti sacramenti participes primùm faciebat. Nam ut cum affectu conuenienti illud recipere, necesse erat, ut planè intelligerent, quid sibi porrigebatur. Clarè ergo illud proponi debuit. Tertio, Christus verbis relatis Eucharistiam instituens testamentum condebat suum, iuxta illud Luc. 22. & 1. Corinth. 11. *Hic calix novum testamentum est in meo sanguine.* Testamenta autem à viris bonis, & prudentibus non nisi verbis propriis, & perspicuis condi solent: ne unde lites extinguere deberent, inde potius pullulent. Sanè testamentum vetus Exod. 24. disertis verbis, & perspicuis, antiquis patribus datum est. Nec decuit vetus testamentum, quod novi umbra, & figura erat, propriis vocibus, ac perspicuis proponi: Novum autem figuratis, & obscuris locutionibus tradi. Et in Lege *Non aliter ff. de Legatis 3.* statuitur, ut in significatione verborum alicuius testamenti non liceat recedere à proprietate verborum; nisi ubi manifestum est aliter sensisse testatorem, qui si prudens, & bonus est, debet ab ambiguis, & æquivocis vocibus abstinere.

4. Sicut antiquum illud testamentum, pactum etiam fuit, seu fœdus, ut patet Exod. 24. v. 8. & ad Hebr. 9. v. 20. Nam quod vocatur à Moyse fœdus, testamentum à Paulo appellatur: Sic verba Christi supradicta, non solum testamenti, sed & pacti vim continent; quibus nimirum Christus novum fœdus sanguine suo iectum, & pactum æternum inter Deum, & homines sanciebat. Atqui pactorum, fœderum, & contractuum formulæ debent, & solent esse inter bonos propriæ, & perspicuæ, ac nequaquam tales, quæ mille modis, huc, & illuc torqueri, flecti, & reflecti possint: ne non coniunctio, & confociatio inde sumatur, sed contentio interminabilis pro concordia, & pace nascatur. 5. Christus verbis illis statuebat de sacramento omnium præstantissimo, ut fatentur Calvinistæ, cuius præstantiam, necessitatem, & reuerentiam maximè commendavit, tum ipsemet Ioan. 6. tum etiam Apostolus 1. Corinth. 11. Atqui sacramenta, cum sint Ecclesiæ bases, & fundamenta, minimè debent, si quid aliud, tropicis verbis implicari; ne instabilitatis in fundamento ipso, grauissimique erroris circa eorum fidem, & usum, præbeatur occasio. Et quidem Circumcisio clarissimè instituitur Genes. 17. & Agnus Paschalis Exod. 20. Et in toto Levitico, ubi tot sacrificia, & expiationes, & aliæ sacræ ceremoniæ instituuntur, vix reperire est vocem ullam metaphoricam: Matth. quoque ult. & Marci

40.

ult. ubi de Baptismi institutione, seu potius usu, & præcepto agitur, omnia verba propriis atque perspicuis declarantur. Quis ergo sibi persuadeat, Christum in instituendo, & tradendo primario legis Evangelicæ sacramento, ita obicure & tropicè loquutū esse, ut inter ipsos legis doctores dubium sit, & controuersum, sitne panis, an corpus suum illud ipsi, quod instituit, & tradidit? Sexto, Christus iisdem verbis tradebat vnum è grauissimis, ac periculosissimis fidei Christianæ dogmatibus: ergo verbis propriis tradidit: dogmata enim fidei, grauiā præsertim, & periculosa, omnibusque ad credendum proposita, ineptè non nisi per tropos, & metaphoras traderentur: unde certissimæ dubitationes, & dissensiones emergere. Testes ipsimet Sacramentarii, qui ex ea, quam fingunt, paucorum verborum Christi ambiguitate, *Hoc est corpus meum*, *Hic est sanguis meus*, tam multas, & diuersas expositiones, seu potius deprauationes excogitarunt. Ex quibus octuaginta refert Claudius de Saintes Reper. 1. de Euchar. cap. ult. Ducentas verò libellus editus anno 1577. ut testatur Bellarm. lib. 1. de Euchar. cap. 8. Alius denique postea editus quadringentas, ut testatur Aegid. Conine ad art. 1. quæst. 75.

41. Denique Christus verbis citatis legem Ecclesiæ, & præceptum perpetuum imposuit eodem sacramento deinceps celebrando, ut Paulus 1. Corinth. 11. magis expressit, verbis illis, *Hoc facite in meam commemorationem* &c. Leges autem, & præcepta clarè proponi debent: & prudentis legislatoris, ac sapienter præcipientis est, puro, & sincero sermone mentem suam exponere, ut certo constet obtemperanti, quid imperatum, & exequendum sit: maxime verò, cum plurimi interesset, ut Apostoli, & successores, intelligerent quid sibi daretur, quovè affectu, & honore excipiendum esset. Aliter enim panis figura corporis, aliter ipsum corpus excipiendum est. Neque potest sine idololatia æqualis honor utrique exhiberi. Quid ergo causæ fuit, cur Christus minus propriè & clarè loqueretur, tot rationibus proprietatem, & perspicuitatem sermonis exigentibus? Adde consensum Sanctorum Patrum prædicta verba in sensu proprio interpretantium, quorum plurima testimonia legi possunt apud Bellarm. lib. 2. de Euchar. Perron. in opere de Euchar. Gauter. in tabulis Chronograph. verit. 1. per singula sæcula, & Coec. tom. 2. lib. 6. art. 1. Ego tribus, aut quatuor illustrioribus contentus ero.

42. Chrysost. homil. 83. in Matth. explicans verba Christi supra relatā: *Credamus*, inquit, *Deo, nec repugnemus ei, etiam si sensus, & cogitationis nostræ absurdum esse videatur, quod dicit. Et paulo post: Nam verbis eius defraudari non possumus: sensus vero noster deceptu facilissimus est. Quoniam ergo ipse dixit, Hoc est corpus meum, nullatenus ambiguitate: sed cre-*

Cyrril.

damus, & aulo intellectus id perspicimus. Cyrillus Hierosolimitanus Catechesi quarta Mystag. paulo post initium: *Cum igitur Christus ipse sic affirmet, atque deat de pane, Hoc est corpus meum; quis deinceps audeat dubitare? Atque eodem confirmante, & dicente, Hic est sanguis meus: quis, inquam, dubitet, & dicat non esse eius sanguinem? Aliquando mutauit in vinum, quod est sanguis propinquum in Cana Galilee, sola voluntate: Et non erit dignus cui credamus quod vinum in sanguinem transmutaret? Penin, ad nuptias corporis inuitatus stupendum miramur operari: si non multo magis corpus, & sanguinem suum filius sponsi dedisset illi censuimus? Quare cum omni certitudine corpus, & sanguinem Christi sumamus. Nam sub specie panis datur tibi corpus, & sub specie vini datur tibi sanguis: ut sumpto corpore, & sanguine Christi, con- corporatus illi, & consanguineus fiat. Et in fine eiusd. Catech. Hoc sciens, inquit, & pro certissimo habens plerumque hunc qui apparet, non esse panem, et si quis panem esse fectit: sed esse corpus Christi. Et vinum quod apparet, etiam si gustus vinum esse videatur, non tamen vinum, sed sanguinem esse Christi. Ambt. lib. de iis, qui myst. init. cap. 9. Porro dicit, inquit, aliud video, & quomodo mihi afferis quod corpus Christi accipimus? At hoc nobis adhuc superest, ut probemus &c. Quantis igitur vimur exemplis, ut probemus non esse id quod natura formauit, sed quod benedictio consecrauit, maioremque vim esse benedictionis, quam naturæ, quia benedictione etiam natura ipsa mutatur. Virgam tenebat Moyses. Proiecit eam, & facta est serpens &c. De totius mundi operibus legisti, quia ipse dixit, & facta sunt: ipse mandauit, & creata sunt. Sermo ergo Christi, qui potuit ex nihilo facere quod non erat, non potest ea quæ sunt in id mutare quod non erant?*

August. lib. 2. contra aduersarium legis & Prophetarum cap. 9. Mediatorem Dei & hominum hominem Christum Iesum, carnem suam nobis manducandam, bibendumque sanguinem dantem fidei corde, atque ore suscipimus. Quamuis horribilius videatur humanam carnem manducare, quam perimere: & humanum sanguinem potare, quam fundere. Quæ August. verba ineptæ omnino, & falsa essent, si de figura tantum, vel de comestione tantum spiritali, & Caluinistica per fidem loqueretur. Quis enim hoc horribilius putet, quam hominem perimere? Et cõcione. 1. in Psal. 33. Christum Dauidi comparans, coram Achis Gethorum rege infantiam simulanti, applicat verba illa Christo, *Rebatur in manibus suis*: atque Christum hoc sacramentum instituente, ipsummer corpus suum manibus propriis tulisse eo pacto, quo neque Dauid, neque quisquam alius hominum ferre potest: verè nimirum, & re ipsa, nam sui corporis figuram & imaginem facillè quisque ferat. August. verba hæc sunt, *Rebatur in manibus suis*. Hoc quomodo possit fieri in homine quis intelligat? Quis enim portatur in manibus suis? Manibus aliorum portari potest homo: manibus suis ne-

Ambros.

43. August.

Christus se ipsum docet in Eucharistia.

moportatur. Quomodo intelligatur in ipso David secundum litteram, non inuenimus: in Christo autem inueniamus. Ferebatur enim Christus in manibus suis, quando commendans ipsum corpus summat. Hoc est corpus meum: ferebat enim illud corpus in manibus suis. Nec obest quod concione sequenti eandem sententiam repetens, addit: Ipse se portabat quodammodo. Hoc enim addit, ut significet non portasse in propria specie, vel more communi, quo portantur corpora humana magno labore, in humeris, vel alio simili modo: sed non excludit corporis veritatem, cum manifestè falsum sit non posse alios homines seiplos in signo portare, & tamen negat August. de vilo alio dici posse, quod seipsum propriis manibus portauerit.

SECTIO VIII.

Proponitur quartum argumentum ex Scriptura.

44.
4 Probatio
ex vſu hu-
ius sacram.

Quartum argumentum ex iis sumitur, quæ de vſu eiusdem sacramenti tradit Apoll. 1. Corinth. 10. & 11. cuius verba priore loco sunt v. 16. Calix benedictionis, cui benedicimus, nonne communicatio sanguinis Christi est? Et panis, quem frangimus, nonne participatio corporis Domini est? Vbi, ut ex contextu apparet, comparat hanc communicationem, & participationem, cum ea, quæ Israelitæ edentes hostias participabant sacrificiis altaris Mosaiici, & Gentiles participabāt sacrificiis idolorum edentes Idolothya. Atqui Iudæi, & Gentiles participabāt verè & realiter sacrificiis illis, & nō tantū per figuram, aut per fidem. Ergo calix cui benedicimus, & panis, quem frangimus, est vera & realis communicatio, & participatio sanguinis, & corporis Domini; & non tantū per figuram, & per fidem. Ideoque Chrysost. hom. 24. in 1. Cor. expendens verba illa: Valde, inquit, fideliter dixit, & terribiliter. Hoc est autem quod dixit: Id quod est in calice, est id, quod fluxit ex latere, & illius sumus participes. Et paulò post: Quamobrem si sanguinem, inquit, cupis, non aram idolorum, brutorum eade, sed meum altare meo cruenta sanguine. Quid est hoc horribilius? Quid autem amabilius, dic quaeso? Hoc faciunt etiam, qui amant, cum viderint eos quos amant, aliena concupiscere, & propria despiciere, sua dante, persuadent, ut abstineant ab iis, quæ sunt illorum. Sed qui amant quidem, in possessionibus, pecuniis, & vestibus suam ostendunt liberalitatem, & magnificentiam: in sanguine autem nullus unquam. Christus autem etiam in eo suam nostri ostendit curam, & ardentem in nos charitatem. Hæc Chrysost. quasi diceret Christum, & Paulum cum ipso, verbis citatis, volentem auertere Corinthios à desiderio, & esu carnum idolis immolatarum, proponere eis vſum rei melioris, nempe corporis, & sanguinis sui. Sicut illi qui amant, cum vident personam ama-

tam concupiscere aliquid alterius, ut eam ab eius desiderio auertant, solent aliquid illi melius offerre. At certè non offerunt, neque dant in figura tantū, aut per fidem: purā, gemmam aut vēstem sericam pictam, vel fide solū apprehensam, ut eam auertant à vera veste serica concupiscenda: alioqui non assequerentur intentum. Ergo similiter Christus, & Paulus non offerunt Corinthiis carnem Christi tantū in figura, vel edendam solū per fidem.

Posteriore loco Apostolus repetita fideliter institutione Eucharistiz, ad eius vſum magnam præparationem requirit, sine qua accedentes reos esse pronunciat corporis, & sanguinis Domini, v. 27. Idque infert ex eo quod Christus tradendo panem, & calicem, dixerit: Accipite, & manducate, Hoc est corpus meum: & Hic calix novum testamentum est in meo sanguine. His enim verbis subiungit: Itaque quicumque manducauerit panem hunc, vel biberit calicem Domini indignè, reus erit corporis & sanguinis Domini. & v. 29. Qui enim manducat, & bibit indignè iudicium sibi manducat, & bibit non dijudicans corpus Domini. Vbi nota. 1. tantum abesse, ut Paulus verba institutionis metaphoricè interpretari ausus sit, quod Calvinistæ faciunt imprudenti temeritate contra tot sæculorum præcedentium fidem, ut potius ex ipsorum proprietate supposita, inferat indignè sumentes reos fieri corporis & sanguinis Domini. Nimirum quia corpus ipsum & sanguinem indignè recipiunt. Et ut ait commentarius, qui Ambrosio tribuitur, Ambros. Reus erit corporis & sanguinis Domini, quia corpus ipsum & sanguinem Domini concalcavit. Vel ut habet Cyprian. term. de lapsis, Vis infertur Cyprian. corpori eius & sanguini, & in Dominum manibus atque ore delinquitur, magis quàm cum in persecutione Christus negatur metu tormentorum, ut addit ibidem, quod tamen peccatum grauissimum est. Vel ut ait Theodoret. in Theodoret expositione eiusdem loci, Illud autem, Reus erit corporis, & sanguinis, hoc significat, quod quemadmodum tradidit ipsum Iudas, ipsi autem insultarunt, & eum probris, & coniciis affecerunt Iudæi: ita eum dedecore & ignominia afficiunt, qui sanctissimum eius corpus immundis manibus accipiunt, & in pollutum, & incestum os immittunt. Et Chrysost. hom. 45. in Ioann. Chrysost. eundem Pauli locum exponens: Si, inquit, qui Regis purpuram coinquant, haud secus, quam qui scindunt, puniuntur: quid mirum si qui immunda conscientia Christi corpus accipiunt, idem supplicium subeant, quod qui ipsum clavis affixerunt? Similia habent Basil. lib. de Bapt. Basil. cap. 3. Oecumen. in locum Pauli citatum, Oecum. & alii.

Quod autem respōdet Calv. 4. Inst. cap. 46. 17. n. 33. in fine, Reum esse corporis & sanguinis Domini, non quia corpus & sanguinem ore sumpsit, sed quia mysterium prophanauit: & nimirum iuxta eius doctrinam, corporis & sanguinis Christi sigillum seu figuram & imaginem, pignus sacræ cum Deo coniunctionis, violauit: dici non de-

45.

Ambros.

Cyprian.

Theodoret

Chrysost.

Basil.

Oecum.

46.

Caluin.

buit, ab eo qui sacris imaginibus cultum omnem ademit. Et inde sequitur ipsum, & eius similes iconoclastas reos esse corporis, & sanguinis tum Christi, tum Sanctorum. Deinde, quamvis manna, & agnus Paschalis, & alia legis antiquæ sacramenta, & sacrificia, essent figura corporis, & sanguinis Christi; nunquam tamen, qui ea indignè sumebant, accusantur, & damnantur ut rei corporis Christi, & sanguinis, nec illa unquam vocantur corpus & sanguis Christi. Aliud ergo est peccatum eorum, quos hic Apost. huius criminis damnat: nempe illud ipsum, quod, ut subdit Paulò post, *non distodi aut corpus Domini*, id est non discernunt, sed ita sumunt, ac si non esset corpus Domini, sine discretionem illius à rebus vulgaribus: Et ut loquuntur Patres citati, ipsum corpus, quod Iudæ crucifixerunt, malè tractant, immittentes in os incestum, & impurum, & sordida suscipientes animà.

47. Vnde 2. sequitur, iuxta Pauli doctrinam, corpus Christi & sanguinem non tantum sumi ore fidei, quod secundum aduersarios nunquam indignè fit: sed etiam ore corporis. Ex enim qui indignè sine fide accedunt, recipiunt nihilominus corpus & sanguinem Domini, sed ad iudicium, & condemnationem.

August. Quod præter verba Pauli, & Patrum testimonia iam relata, confirmat D. August. (quo tamen vno præcipue abuti solent hæretici in contrarium) libro 5. de Baptismo cap. 8. Sicut inquit Iudas, cui buccella tradidit Dominus, non malè accipiendo, sed malè accipiendo locum in se Diabolo præbuit: sic indignè quisquam sumens dominum sacramentum, non efficit, ut quia ipse malus est, malum sit: aut quis non ad salutem accipit, nihil accipit. Corpus enim Domini, & sanguis Domini nihilominus erat etiam illis, quibus dicebat Apostolus. Qui manducat indignè, iudicium sibi manducat. Et epist. 1. & 2. post medium: Tolerat ipse Dominus Iudam Diabolum, furem, & venditorem suum: sinit accipere inter innocentes discipulos, quod fideles nouerunt, pretium nostrum. Certè non panis figura corporis, sed ipsum Christi corpus, & verus eius sanguis pretium nostrum est. Et serm. 11. de Verb. Dom. cap. 11.

Christus sumitur in Eucharistia ab indignè recipientibus.

Illud etiam quod ait, Qui manducat carnem, & bibit sanguinem meum, in me manet, & ego in illo, quomodo intellectui sumus? Numquid etiam illos hæc poterimus accipere, de quibus dicit Apostolus, quod iudicium sibi manducant, & bibant, cum ipsam carnem manducant, & ipsum sanguinem bibant? Numquid & Iudas Magistri venditor, & traditor impius, quamvis primum ipsum manibus suis confectum sacramentum carnis, & sanguinis eius, cum ceteris discipulis, sicut aperte Lucas Evangelista declarat, manducaret, & biberet, mansit in Christo, aut Christus in eod? Multi denique, qui vel corde ficto carnem illam manducant, & sanguinem bibunt: vel cum manducauerint, & biberint, apostatae sunt: numquid manent in Christo, aut Christus in eis? Sed profectò est quidam modus manducandi illam carnem, & bibendi illum sanguinem, quo

modo qui manducauerit, & biberit, in Christo manet, & Christus in eo. Nota verba illa, *Cum ipsam carnem manducant, & ipsum sanguinem bibant*. Nota insuper D. August. hæc dicere, ut ex immediate præcedentibus, & sequentibus liquet, ad ostendendum, propositionem illam Christi Marc. 3. *Qui blasphemauerit in Spiritum sanctum, non habet remissionem in æternum*, patialiquam exceptionem: & intelligendam esse non de quavis blasphemia in Spiritum sanctum, sed de al. qua peculiari: æquè ac ista Ioan. 6. *Qui manducat meam carnem &c.* debet intelligi de aliqua peculiari manducatione. Exceptio autem cadere debet in res contentas sub eodem subiecto propositionis vniuersaliter sumptis. Inepre enim applicaretur aliis, de quibus nulla suspicio esse potest, si de illis in propositione nullo modo sit sermo, ita ut terminis eius vniuersalibus claudi non videatur. Itaque sicut prior exceptio fit à propositione generali de verè blasphemantibus cetera Spiritum sanctum: ita posterior fieri debet à generali propositione de verè sumentibus corpus & sanguinem Christi.

SECTIO IX.

Confirmatur eadem veritas aliis argumentis.

Præcedentibus Scripturæ, & Patrum testimoniis adde primò consensum totius Ecclesiæ pluribus Conciliis œcumenicis expressum, Nic. 1. & Ephes. (quæ sunt duo è primis quatuor generalibus à Caluino receptis 4. Inst. c. 9. n. 8.) Nicen. II. Romano œcumenico sub Nicolao II. Lateran. sub Innoc. III. Constantinensi, Florentino, Trident. vt omittam Turonense Verceil. Senonense & alia provincialia. Sane Berengarius, qui primus hæresim oppositam vulgauit, mox in quinque conciliis damnatus fuit, quorum duobus ipse interfuit, & hæresim suam ter abiurauit, ac tandem in fide catholica cum magna erroris sui penitudine vitam finiuit. Eundem etiam consensum testantur Ecclesiæ schismaticæ, Græca, Armena, Chaldaica, & aliæ, quæ licet iamdiu à Romana defecerint, fidem tamen de veritate corporis Christi in Eucharistia, vt Apostolicam constantissimè tuerentur.

Adde secundò miracula in eiusdem veritatis confirmationem facta, de quibus vide Cyprianum lib. de Lapsis, Chrysost. lib. 6. de Sacerd. ubi refert visos fuisse sapient. Angelos Christum super altare in Eucharistia adorantes: Optat. Mileuit. lib. 2. contra Donatistas, ubi ait eos lanatos fuisse à propriis canibus, quibus Christi corpus obiecerant, Greg. Magnum lib. 2. Dialog. cap. 24. Bernardum in vita Sancti Malachia lib. 2. cap. 7. & alios antiquos, & sanctos, omnique prorsus exceptione maiores. Eorum

481
Consensus
Ecclesiæ
circa veri-
tatem Eu-
charisticæ.

492
Miracula
ad illam e-
ssentiam.

658 Disp. XXX. de Eucharistia, Sect. III.

omnis populus credentissimè manducaverit, agnus, qui sacrificatus est, integer persueverat, & vivus. Nota 1. verba illa, Agnum in altari, &c. Secundò, Id ut mirabile à B. Andrea prædicari, quod de figura, vel spiritali manducatione ore mentis per fidem, mirabile non esset, sed supra modum hyperbolicè dictum, & obscurissimè, ineptissimèque propositum: nisi fortè Apostolus non Proconsulis conversionem, sed veritatis odium, & contradictionem quærebat. Nam alioquin non debebat rem per se claram, & non difficilem, obscurissimam reddere, crediturque difficillimam homini Gentili, cui mysteria fidei persuadere nitebatur. Porro huiusmodi narrationem indubitatz esse fidei testatus est ante sexcentos annos Petrus Damian. in serm. 2. de S. Andrea, vbi de hac Historia sic loquitur: *Non immeritò in singularem auctoritatis arcem suscepta est, quam qui viderunt, scripserunt, & ministri fuerunt sermonis.* Eandemque refert Metaphr. qui floruit ante annum Domini 859.

16.
Iustia.

Sæculo secundò, Iustinus mart. Apol. 2. sub finem de Eucharistia sic loquitur: *Quemadmodum per verbum Dei caro factus Iesus Christus, carnem, & sanguinem pro salute nostra habuit: sic etiam per preces verbi Dei ab ipso Eucharistizatum cibum, ex quo sanguis, & carnes nostræ per immutationem aluntur, illius incarnati Iesu carnem, & sanguinem esse edocti sumus.* Vbi nota primò comparisonem illam, Sicut Christus habuit carnem, & sanguinem: sic ab ipso Eucharistizatum cibum, carnem illius & sanguinem esse edocti sumus: verè nimirum, realiter, & substantialiter. Verba autem illa, *Ex quo sanguis, & carnes nostræ per immutationem aluntur*, sunt periphrasis panis. Et sensus est: Cibum, ex quo naturaliter immutato per naturalem nutritionem sanguis & carnes nostræ aluntur, Eucharistizatus per verbum Dei, & supernaturaliter immutatus, est caro, & sanguis illius incarnati Iesu: Nota secundò Iustinum ibi fidem communem Christianorum exponere, & apologiam illam ad Antoninum Imperatorem ethnicum, & ad Senatum Romanum pro Christianis omnibus scribere, cui mysteria fidei probare debebat, non autem verbis hyperbolicis, & obscuris, incredibilia reddere, gratique odium fidei, & persecutionem incendere; ut fecisset, si id, quod tantum figura carnis, & sanguinis est, carnem, & sanguinem esse asseruisset. Adde quòd, si Eucharistia figurativè tantum, & non realiter Christi caro erat: debebat id omnino Iustinus apertè declarare in apologia illa pro Christianis, qui inter alia accusabantur ab Ethnicis, quòd in sacris carnem humanam ederent, ut patet ex Athenagora in apologia ad eundem Antoninum Imperatorem, Tertull. in Apologet. cap. 7. & Minutio Felice in Octavio. Sed nimirum alia erat fides Christianorum illius temporis, cuius professio de vera carne Christi in Eucharistia accusationi illi cau-

sam dedit. Sicut eximius cultus externus, & adoratio Eucharistiz olim exhibita, occasio fuit gentilibus suspicandi Christianos colere Cererem & Bacchum, ut testatur D. August. lib. 20. contra Faust. cap. 13.

Eodem sæculo S. Irenæus lib. 4. aduersus hæres. cap. 34. disputans contra Resurrectionis corporum aduersarios: *Quomodo autem, inquit, rursus dicunt carnem in corruptionem devenire, & non percipere vitam, quæ a corpore Domini, & sanguine alitur? & paulò post: Quemadmodum enim qui est à terrâ panis, percipiens vocationem Dei, iam non communis panis est, sed Eucharistia ex duabus rebus constans, terrena, & celestis: & corpora nostra percipientia Eucharistiam, iam non sunt corruptibilia, spem resurrectionis habentia.* Vbi nota 1. Irenæum probare corpora nostra fieri incorruptibilia, quia aluntur corpore Christi. Ergo corpus Christi non tantum mente, & ore fidei, sed & corpore ipso percipitur. 2. Eucharistiam constare, id est, componi intrinsecè ex re terrena, & ex re celesti, id est, corpore Christi. Ergo non tantum illud significat, sed & verè, & realiter continet, neque enim potest constare re absente. 3. Nota comparisonem illam, Sicut Eucharistia constat ex duabus rebus terrena, & celesti: sic & corpora nostra per Eucharistiam fiunt è corruptibilibus incorruptibilia: Atqui corpora nostra non fiunt incorruptibilia sola significatione, sed verè, & realiter: Ergo Eucharistia non constat Christi corpore sola significatione, sed verè & realiter: Tertull. verò in lib. de Carn. Resurrect. cap. 8. *Caro abluitur, ut anima emaculetur. Caro virginatur, ut anima consecratur. Caro corpore, & sanguine Christi vscitur, ut & anima de Deo regnatur.* Nimirum sicut verè, realiter, ac substantialiter, & non solum per figuram, aut per fidem, caro abluitur in Baptismo, & virginatur in Confirmatione: sic in Eucharistia verè, realiter, ac substantialiter vescitur Christi corpore. Vbi præterea nota, cum Tertullianus totum obiectum communionis Eucharistiz distribuat corpori, & animæ: & corpori quidem assignet perceptionem corporis, & sanguinis Christi; animæ verò perceptionem diuinitatis eiusdem Christi; non potest per corpus, & sanguinem Christi intelligere figuram solum corporis, & sanguinis Christi; alioqui verum corpus, & verus sanguis Christi, excluderentur ab obiecto communionis. Neque loquitur de commestione mentis per fidem; siquidem illam commestionem carni tribuit, affirmatque, cum caro corpore & sanguine Christi vescitur, mentem de Deo saginari. Et lib. de Idololat. cap. 7. contra indignos sacerdotes stylium'acuens, *Proh sceus!* inquit, *semel Iudei Christo manus intulerunt: isti quotidie corpus eius laccunt. O manus præcidenda! Quæ magis amputanda sunt, quam quibus corpus Domini scandalizatur.* Frigida comparatio, & exclamatio, nisi realiter, & physicè ipsi corpus Christi laccunt, & scandalizent: sicut Iu-

17.
Iren.

Tertull.

daiphysicè sine dubio, non per fidem solam aut figuram, semel Christo manus iniecerunt.

Origen.

Sæculo tertio, Orig. Homil. 4. in divers. loquens de puerio Centurionis, apud Matthæum cap. 8. sic habet: *Quando sanctum cibum, illudque incorruptum accipis epulum, quando vitæ panem, & solo frueris: manducas, & bibis corpus, & sanguinem Domini. Tunc Dominus sub rectum tuum ingreditur. Et tu humilians te mensum, imitare hunc Centurionem, & dicito: Domine non sum dignus, ut intres sub rectum meum. Vbi enim indignè ingreditur, ibi ad iudicium ingreditur accipienti. Hæc Origen. quæ nisi de vero Christi corpore, & sanguine, ore corporis verè percepto, rectè dici non possunt: maxime iuxta Caluini doctrinam sect. 1. propositam. Nam si Origenes loqueretur de corpore Christi metonymicè, id est, de pane significante corpus; non rectè eum vocaret epulum incorruptum, nec ei dici vellet, Domine non sum dignus, &c. Si verò loqueretur de ipso Christo per panem significato, sed in cælo tantum existente, & per fidem dumtaxat ore mentis, in cælum fide seu cogitatione ascendentis, accepto, non diceret; *Vbi indignè ingreditur, ibi ad iudicium ingreditur accipienti.* Etenim iuxta Caluini doctrinam, Christus per fidem non potest accipi nisi à piis, & ad vitam: ab impiis verò, & infidelibus non sumitur nisi externum symbolum. Origenes autem ei qui ingreditur ad pios & impios, dignè vel indignè, ad vitam vel ad iudicium, vult dici, *Domine non sum dignus.* Ergo vel panem inuocari, & adorari vult: vel loquitur de corpore ipso Christi nobis propositio sub speciebus, & intrante sub rectum corporis nostri. Cyprian. verò in serm. de Lapsis, loquens de illis, qui post negatam fidem in persecutione, ad Eucharistiam accedebant, nondum expiata per penitentiam conscientia: *Vis, inquit, inferatur corpori eius, & sanguini. Et plus modò in Dominum manibus, atque ore delinquant, quam cum Dominum negauerunt.* Atqui si ore, & manibus, symbolum tantum, & figuram corporis, & sanguinis Christi accipiunt, non autem ipsum Christi corpus, & sanguinem: incredibile omnino est, existimasse Cyprianum plus ipsos tunc peccare, quam cum fidem non sine magno scandalo in persecutione negauerant. Idem Cyprianus, vel quis alius apud ipsum grauis & eruditus scriptor eiusdem ætatis, ut testatur titulus libri, Cornelio Papæ Cypriani contemporaneo dedicati, in lib. de Cardinalibus Christi operibus, sermone de Cæna Domini, prope initium, sic ait: *Panis iste, quem discipulis Dominus porrigebat, non effigie, sed natura mutatus, omnipotentia Dei factus est caro. Et sicut in persona Christi humanitas videbatur, & latebat diuinitas: ita sacramento visibili ineffabiliter diuina se infudit essentia.* Nota 1. non effigie, sed natura mutatus. 2. Recurri ad omnipotentiam Dei, ut fiat hæc mutatio. Terriò nota comparationem illam, *sicut in persona Christi, &c.**

Cyprian.

nihil enim clarius dici potest.

Sæculo quarto, Concilium Nicænum primum (approbatum ab ipsomet Caluino cum tribus aliis proximis generalibus lib. 4. Instituit. cap. 9. 5, 8.) sic habet lib. 3. editionis Pisanæ cap. de Sacra mensa: *In hac sacra mensa ne humiliter intenti sumus ad propositum panem, & calicem: sed attollentes mentem fide, intelligamus situm in illa sacra mensa agnum illum Dei tollentem peccata mundi, inuenientem à sacerdotibus immolatum: & pretiosum eius corpus, & sanguinem verè nos sumentes, credamus hæc esse nostræ resurrectionis symbola.* Vbi nota Concilium perspicuè affirmare, Christum situm esse in sacra illa mensa; in qua symbola panis & vini proponuntur: in eademque incurruentem immolari à sacerdotibus, & à fidelibus verè recipi. Eodem sæculo Cyrillus Hierosolymitanus Catech. 4. postag. paulò post initium, affirmat Christum panem in corpus suum, & vinum in sanguinem transmutasse, sicut aliquando aquam mutauit in vinum in Cana Galilee. Et in fine eiusdem catechesis, *Hoc sciens, inquit, & pro certissimo habens panem hunc, qui apparet, non esse panem, etsi gustus panem esse sentiat, sed esse corpus Christi. Et vinum, quod apparet, tamen gustus vini esse videatur, non tamen vinum, sed sanguinem esse Christi.*

176

Nicænum
Caluina.

Cyrill.
Hierosol.

Similia habent Ambros. lib. de iis, qui mysteriis initiantur, cap. 9. Et Chryl. hom. 83. in Matth. quorum verba referemus sect. 7. Gregor. autem Nyssen. in oratione catechet. cap. 37. vbi considerandum esse dixit, quomodo possit vnum illud corpus, quod tam multis fidelium toto orbe semper distribuitur, totum esse in vnoquoque, & ipsum in se totum manere, respondet: *Respondeo ergo nunc quoque Dei verbo sanctificatum panem in Dei Verbi corpus credo transmutari.* Et paulò post: *Hæc autem dat vinctæ benedictionis, in illud transselementatæ eorum, quæ apparent natura: Ibidemque ait oportere sicut exitiale, ita etiam salutare medicamentum admitti intra viscera hominis. Id est, oportere, ut sicut vetus cibus corporaliter ab Adam comestus est: ita Christi corpus à nobis corporaliter, & intra viscera ipsa sumatur, adeoque non tantum mente per fidem: *Primum intra nos fuerit, (adeoque non tantum in cælo, mente sola per fidem apprehensum) hoc salutare medicamentum, veneni damnum, quod corpori fuerat inditum, per contrariam repellat actionem.* Legatur totum illud caput, quo nihil clarius dici potest contra errorem Caluinistarum contententium spiritu tantum, & non etiam corpore à nobis percipi corpus, & sanguinem Christi. Hilar. quoque lib. 8. de Trinit. affirmat ratione huius mysterii Christum in nobis permanere carnaliter, & corporaliter nobis vniri. Ergo non tantum spiritualiter: ut volunt Calvinistæ. Idemque affirmat Cyrill. Hierosol. loco supra citato cum sic ait: *Sub specie panis datur tibi corpus, & sub specie vini datur tibi sanguis, &c. Sic Christophori erimus, id est**

Hilar.

Cyrill.

Christum ferens, cum eius corpus & sanguinem in membra nostra recipimus.

20.
Chrysol.

Sæculo quinto Chrysol. lib. 3. de Sacerd. O miraculum! O Dei benignitatem! qui cum Patre sursum sedet, in illo ipso temporis articulo omnium manibus pertractatur. Inepta exclamatio, si non ipse, sed variz particulæ panis, ipsius figuræ, omnium manibus pertractentur. Aliud eius testimonium luculentissimum ex hom. 83. in Matth. referemus test. 7. ubi affirmat, non esse in hoc mysterio credendum sensibus, qui falli possunt, sed verbo Dei infallibili: esseque sine ambiguitate tenendum, non esse panem, ut sensibus apparet, sed esse corpus Christi, sicut ipse asseruit. Itemque ex August. concione 1. in Psal. 33. ubi disertè ait, Christum hoc sacramentum instituentem, impleuisse ad litteram illud quod de Dauide dictum fuerat, *Ferebat in manibus suis*: seque ipsum tulisse propriis manibus, eo modo quo neque Dauid, neque ullus alius corpus suum in manibus portare potest: Realiter scilicet, & verè ac substantialiter: Nam figuram tantum & signum aliquod sui corporis portare propriis manibus, vnicuique facillimum est.

Hieronym.

His adde illud Hieron. in comment. Psal. 109. *Quomodo Melchisedec Rex Salem obtulit panem, & vinum: sic & tu offers corpus & sanguinem tuum, verum panem, & verum vinum.* Iste Melchisedec ista mysteria, quæ habemus tradidit nobis: Ipse est qui dixit, *Qui manducat meam carnem, & bibit meum sanguinem &c.* Vbi nota primò Hieronymum non loqui de oblatione in figura solum. Alioqui non bene per hoc Christum distingueret à Melchisedec; quod Melchisedec panem, & vinum, Christus verò corpus & sanguinem suum obtulerit. Nam Melchisedec obtulit quoque figuram corporis & sanguinis Domini, ut docet idem Hieron. in cap. Matth. 26. ubi sic ait. *Postquam typi unius Pasche fuerat impletum, & Agni carnes cum Apostolis comederat: assumit panem, qui confortat cor hominis, & ad verum Pasche transferebatur sacramentum. Ut quomodo in præsfiguratione eius Melchisedec summi Dei sacerdos panem, & vinum offerens fecerat: ipse quoque veritatem sui corporis & sanguinis representaret: id est, præsentem exhiberet, & figuræ veritatem substitueret.* Nam quod Hieron. sic accipiat verbum, *Representaret*, patet, quia antithesis tum Agni Paschalis cum Eucharistia, quam vocat verum Paschæ sacramentum; tum etiam Melchisedecis, quem ait præfigurasse, cum Christo, quem ait representasse veritatem corporis sui, & sanguinis; omnino postulat, ut ex sensu Hieronymi, in agno Paschali, & sacrificio Melchisedecis, fuerit tantum figura: in Eucharistia verò, exhibita sit veritas corporis, & sanguinis Domini. Nota 2. Per verum panem; & verum vinum, Hieronymum intelligere, non panem verum ratione naturæ, seu verum naturaliter (nam panis, & vinum Melchisedec non minùs erant vera naturali veritate) sed verum prout opponitur typico

& figuratiuo. Quo etiam sensu vocat Eucharistiam verum Paschæ sacramentum, id est, oppositum typico, & figuratiuo agno Paschali Iudæorum. Quo etiam sensu Cyprian. epist. 63. ad Cæcil. Melchisedecem cum Christo comparans, sic ait: *Præcedit ante imago sacrificii Christi in pane & vino constituta &c.* Et veritatem præfigurati imaginis adimpleuit.

Eusebius denique Emisenus, aut alius grauis auctor eiusdem sæculi homil. 5. de Paschate, aliquantò post initium sic habet, *Inuisibilis sacerdos visibiles creaturas in substantiam corporis, & sanguinis sui verbosuo, secreta potestate conuertit.* Et in fine, *Ut tibi nouum & impossibile non debeat videri, quod in Christi substantiam terrena, & mortalia commutantur.* Nota in utroque testimonio, quod visibilis, & terrena creatura in substantiam corporis, & sanguinis conuertatur. Item in priori, quod verbo Dei, & secreta potestate id fiat; Nihil autem facilius est sine potestate tanta, quam constituere aliquid signum, & figuram corporis, & sanguinis, quæ ob oculos posita Christum per fidem apprehendamus. Neque id nouum, & impossibile videri poterat, quod in omnibus sacrificiis, & sacramentis legis veteris factum iam sapius fuerat. Omnia enim illa erant Christi figura. Addit idem auctor, *Quando benedicenda verba celestibus creatura sacris altaribus imponuntur, antequam in invocationi summi Numinis consecrentur, substantia illis est panis, & vini: post verba autem Christi, corpus & sanguis est Christi.* Quid mirum autem, si ea, quæ verbo creare potuit, posset creata conuertere? Imo iam minoris videtur esse miraculi, si id quod ex nihilo agnoscitur condidisse, iam conditum in melius valeat commutare. Require quid ei potest esse difficile; cui facile fuit visibilia, & inuisibilia voluntatis imperio suscitare. Hæc ille: quæ, si panis Eucharisticus est tantum figura corporis Christi iuxta Caluini sensum, non nisi valde hyperbolicè, imò etiam falsò dici potuerunt.

SECTIO IV.

Observationes quedam circa Patrum testimonia.

Superioribus adde Patres antiquos, qui quinque primis illis Ecclesiæ sæculis floruerunt, multa expressè dicere, quibus nihil clarius à nobis dici potest contra errores Caluinistarum. Cuiusmodi est primò, quod asserunt disertè, Christum verè hic nobis commisceri, & vniri non fide tantum, sed & ipsa re. Verè, inquit Hilarius lib. 8. de Trinit. cibo Dominico *Verbum carnem sumimus, naturamque carnis suæ sub sacramento nobis admiscuit.* Chrysol. hom. 83. in Matth. *Sem-ti ipsum nobis commiscet, & non fide tantum, verum & ipsa re nos suum efficit corpus.* Et hom. 45. in Ioan. cap. 13. *Manus agamus ad hoc*

sedec.

Christus in
Eucharistia
corpori no-
stro reali-
ter unitur.

45. in Ioan. *Ut itaque non tantum per charitatem, verum etiam ipsa re in illam miscemur carnem, per esam efficitur quam largitus est nobis.* Cyrill. Alexand. lib. 10. in Ioan. cap. 13. *Non negamus recte nos fide, charitatēque sincera, Christo spiritualiter coniungi: sed nullam nobis coniunctionem secundum carnem cum illo esse, id profecto pernegamus, idque à diuinis Scripturis omnino alienum dicimus.* Et inferius: *An fortassis putat ignotam nobis mysti & benedictionis virtutem esse, quæ, cum in nobis fiat, nonne corporaliter quoque facit communicatione carnis Christi, Christum in nobis habitare?* Et paulo post: *Vnde considerandum est, non habitatione solum quæ per charitatem intelligitur, Christum in nobis esse; verum etiam & participatione naturali.* Nam quemadmodum si quis igne liquefactam ceram, alii ceræ similiter liquefacta ita commiscuerit, ut unum quid ex utrisque factum esse videatur: sic communicatione corporis, & sanguinis Christi ipse in nobis est, & nos in ipso. Non poterat enim aliter corruptibilis hæc natura corporis ad incorruptibilitatem, & vitam trahi, nisi naturalis vitæ corpus ei coniungeretur. Similia habet Gregor. Nyssen. in oratione Catechet. cap. 37. ubi docet ad salutem necessarium esse, ut anima Christo per fidem uniatur, corpus autem alio modo. Quem modum explicans, ait hunc esse, ut Christi corpus intra nostrum recipiatur. Oportet enim, inquit, sicut exitiale, ita etiam salutare medicamentum admitti intra viscera hominis, &c. sed fieri non potest, ut sit aliquid aliter intra corpus, nisi per esum, & potionem miscetur visceribus, &c. Ea de causa per suam gratia dispensationem se per carnem inserit omnibus credentibus, &c.

23.
Mos antiquus
adorandi
Euchar.

Secundo, Docent hoc sacramentum propter Christum in eo existentem, adorandum esse, moremque illum fuisse antiquæ Ecclesiæ; qui tamen Idololatria esset, nisi Christus, in eo verè contingeretur. Cyrill. Hierosol. Catech. 5. Mystag. *Accede, inquit, ad calicem sanguinis illius prone, adorationis in modum.* Chrysost. Hom. 24. in 1. ad Cor. *Hoc corpus in præsepiti reuerius sunt Magi, & barbari cum timore, & tremore plurimo adorauerunt. Imitemur barbaros, nos, qui eorum ciues sumus. Illi enim in præsepiti viderunt: tu verò non in præsepiti, sed in altari, &c.* Theodoret. in Dial. 2. *Intelliguntur mystica symbola ea esse, quæ facta sunt, & creduntur, & adorantur, ut quæ verè existunt ea, quæ creduntur.* August. in Psalm. 98. explicans illud de carne Christi in Eucharistia, *Adorate scabellum pedum eius, Caro, inquit, Christi ex terra est, & nemo eam manducat, nisi prius adoret.* Quod tantum abest ut idololatriam esse censeat August. ut è contrario assereret fore potius peccatum manducare, & non adorare. Quod autem loquatur de carne Christi, prout est in Eucharistia, patet ex eo, quod adiungit: *Ideo & ad terram quamlibet, cum te inclinas, atque prosternis, non quasi*

Tom. IV.

terram intuearis, &c. Particula enim, *Quamlibet*, significat aliquam multipliciter, quæ non conuenit carni Christi, nisi prout localiter multiplicatur in Eucharistia. Adde quod alioqui non erat, cur mentionem faceret manducationis, & Eucharistiæ, si de adoratione carnis Christi simpliciter loquebatur, non autem de adoratione, prout fit in Eucharistia. Idem ex eodem eiusdem Psalmi versiculo docet Ambros. lib. de Spiritu sancto, cap. 12. ubi aperit dicit carnem Domini à nobis in mysteriis adorari, sicut Apostoli in propria specie illam adorauerunt. Et hoc esse adorare scabellum pedum Domini. *Per scabellum, inquit, terra intelligitur, per terram autem caro Christi, quam hodie quæque in mysteriis adoramus, & quam Apostoli in Domino Iesu, ut supra diximus, adorauerunt.* Denique occasione adorationis Eucharistiæ suspicabantur gentiles, Christianos Cererem, & Bacchum adorare, ut patet ex August. lib. 20. contra Faustum cap. 13.

Tertiò, Perspicue affirmant sancti Patres Christum occasione huius mysterii non tantum in cælo esse, ut volunt Calvinistæ, sed & in altari: ut disertè affirmat Chrysost. Hom. 24. in primam ad Corinth. Et Concil. Nicænum primum cap. de secula mensa. Est autem illud Concilium primum è quatuor generalibus ab ipso Caluino receptis 4. Institut. cap. 9. 5. 8. Item Christum in terris simul pluribus locis existere per magnum miraculum. Cuiusmodi est illud Chrysost. lib. 3. de Sacerdot. *O miraculum! O Dei benignitatem! qui cum Patre sursum sedet, eodem articulo temporis omnium manibus pertrahatur.* Et Hom. 2. ad populum Antioch. in fine. *Elias Meloten discipulo reliquit: filius autem Dei ascendens carnem suam dimisit. Sed Elias quidem exutus: Christus autem, & nobis reliquit, & ipsam habens ascendit.* Basil. in Liturg. *Veni ad sanctificandum nos, qui sursum Patri confides, & hic nobis inuisibiliter coes.* Gregor. Nyssen. Orat. de Pasch. *Et ut diuinitas replet mundum, & tamen una est, ita innumerabilibus locis consecratur, & tamen unum corpus est.*

24.
Christus
est simul
in pluribus
locis pro-
pter my-
sterium Eucharistiæ.

Quarò, Idem Patres recurrunt ad omnipotentiam Dei, ut ostendant fieri magno miraculo quod Christi corpus sub speciebus sit, quamuis contrarium sensibus nostris videatur, quibus non sit credendum in hoc mysterio, sed infallibili Dei verbo. Cuiusmodi sunt, quæ ex Cyrill. Hierosol. Catech. 4. Mystag. Ambros. lib. de Initiandis cap. 9. Chrysost. Homil. 83. in Matth. referemus sect. 7. Et Cyprian. lib. de Cardin Christi oper. in serm. de Cæna, *Panis iste non effigie, sed natura mutatus, omnipotentia verbi factus est caro, &c.* Et Gregor. Nyssen. orat. Catech. capite trigesimo septimo, *Hæc autem dat (Deus supple) virtute benedictionis in illud (corpus nempe Christi) transsementatà eorum, quæ apparent, naturâ.* Reddunt etiam rationem cur hic voluerit Christus

25.
Eucharistia est opus omnipotentis Dei.

Kkk

adesse inuisibiliter sub aliena specie, panis scilicet, & vini: ut videlicet sine horrore caro ipsius ederetur, & sanguis biberetur. Sic Ambros. lib. 4. de Sacram. cap. 4. ait non videri hic speciem sanguinis, ut nullus horror etioris sit, & pretium tamen sit redemptionis. Et Cyrill. Alex. relatus à D. Thom. in cap. 22. Luc. Dicebat, inquit, *Christum nostris quodammodo uniri corporibus per sacramentum carnis, & pretium sanguinem, quæ accipimus benedictione viuificantur in pane, & vino. Ne enim horreremus carnem, & sanguinem, apposita sacris altaribus: condescendens Deus nostris fragilitatibus, influit oblationi vim vite, conuertens ea in veritatem propriæ carnis, ut corpus vite, quasi quoddam semen viuificantium inuenitur in nobis.*

26.

Christus in
Eucharistia
percipitur
ore corpo-
ris.

Leo.

Theodor.

August.

Quintò, Affirmant corpus Christi in Eucharistia percipi non tantum ore mentis per fidem, ut volunt Calvinistæ; sed ore ipso corporis. Cuiusmodi est, quod supra retulimus ex Cyrill. Alex. lib. 10. in Ioan. cap. 13. Gregor. Nyss. orat. Catech. cap. 37. Cyrill. Hierosolym. Catech. 4. Mystag. Tertull. lib. de Resurrect. Carn. cap. 8. Quibus addi potest illud S. Leonis term. 6. de Ieiunio sep. mensis: *sic sancta mensa communicare debetis, ut nihil prorsus de veritate corporis Christi, & sanguinis ambigatis. Hoc enim ore sumitur, quod fide creditur. Docent quoque etiam impios, & infideles Christi corpus, & sanguinem sumere in sacramento, non per fidem, quæ carent, secundum Calvinistas, sed ore corporis realiter, ac substantialiter. Ita Theodoret. in illud 1. ad Corinth. 11. Probat autem se ipsum homo, &c. Commentarius Ambrosio tributus, ibidem, August. 1 b. 5. de Baptism. cap. 8. & serm. 11. de Verb. Dom. cap. 11. Verba Augustini priori loco sunt. Si ut Iudas, cui buccellam traiecit Dominus, non malum accipiendo, sed matrem accipiendo, lo. un in se Diabolus abiit: sic indignè quisque sumens domini sacramentum, non efficit, ut qui ipse malus est, malum sit, aut quia non ad salutem accepit, nihil acceperit. Corpus enim Domini, & sanguis Domini nihilominus erat etiam illis, quibus dicebat Apostolus. Qui manducat indignè, iudicium sibi manducat.*

27.

Eucharistia
celebatur
Catechu-
menis.

Sextò, Constat ex Theodoret. in Dialog. Inconfusus, August. Chrysost. & aliis Patribus passim, antiquam Ecclesiam celasse Catechumenos mysterium Eucharistiae. Quod signum manifestum est non eam credidisse ibi tantum esse signum corporis, & sanguinis Christi, per fidem apprehendendi, ut apprehenditur per baptismum, & per Evangelii prædicationem: sicut dicunt Calvinistæ in Catech. Dom. 52. Alioqui non magis Ecclesia Catechumenos celasset Eucharistiam; quam Evangelii prædicationem, aut baptismum: aut quam mysteria Trinitatis, & Incarnationis, longè difficiliora, quam sit Christus cuiusque promissiones apprehendere per fidem, sumendo panem, & vinum in illius memoriam. Liqueat ergo Calvinistas

fidem antiquæ Ecclesiæ deseruisse.

28.

Septimò denique, ex veritate præsentiae realis corporis & sanguinis Christi in Eucharistia, tanquam ex certissimo fundamento, & notissimo fidei articulo, argumentantur non raro sancti Patres contra varios hæreticos, ad illorum errores refellendos. Sic Iren. lib. 3. contr. Hæres. cap. 2. probat contra Gnosticos Christum venisse in vera carne, quia, inquit, alioqui neque calix Eucharistiae communicatio sanguinis eius esset, neque panis, quem frangimus, communicatio corporis eius. Sanguis enim non est nisi à venis, & carnis, & à reliqua, quæ est secundum hominem, substantia. Et Hilar. lib. 8. de Trinit. probat contra Arianos Patrem, & Filium esse unum non tantum unitate voluntatis, sed etiam unitate reali, & naturali: sicut nos cum filio unum efficimur reali, & naturali coniunctione corporum in hoc sacramento. *Verè, inquit, cibo dominico Verbum carnem sumimus, naturamque carnis suæ sub sacramento nobis admiscuit. Et paulò post: Hæc à nobis ideo commemorata sunt, quia voluntatis tantum unitate hæretici personas diuinas unitas esse interpretantur, & ad id exemplo unitatis nostræ cum Deo utuntur: quasi nobis ad filium voluntate tantum religionis unius, nulla per sacramentum carnis naturalis communionis proprietate indulgeretur. Eodem argumento utuntur Irenæus, Cyrillus Alex. Greg. Nyss. locis supra citatis, alique Patres ad probandam carnis resurrectionem, cuius resurrectionis semen accipimus, & ius speciale per coniunctionem realem corporis nostri cum corpore, & sanguine Christi, quæ in hoc sacramento fit. Hæc igitur, & similia, plurima, quæ breuitatis causa prætereo, sole clariùs ostendunt veteris Ecclesiæ fidem à metaphoris Calvinisticis longè abhorruisse; & vel rectam de Eucharistia sententiam, primitiæ Ecclesiæ incognitam fuisse; vel nostram rectam esse, Calvinisticam verò importunam, & hæreticam.*

SECTIO V.

Probatur eadem veritas ex Scriptura.

AD eandem veritatem probandam quatuor argumenta præcipua ex Scriptura delumi possunt, quæ fuscè & erudite prosequitur & expendit Cardinalis Bellarmin. lib. 1. de Eucharistia cap. 4. & sequentibus. Primum sumitur ex figuris Eucharistiae, quæ præcesserunt in veteri testamento. Secundum ex eiusdem promissione, quæ habetur Ioan. cap. 6. Tertium ex institutione, de qua Matth. 26. Marc. 14. & Luc. 22. Quartum ex usu, de quo Paulus 1. Corinth. 10. & 11.

Primum argumentum ex figuris, est huiusmodi: Ea quæ repræsentabantur figuris veteris testamenti, debent esse nobiliora figuris, quibus repræsentabantur. Sed si Eucharistia

29.

Prima probatio
veritatis Eu-

charistia,
ex eius fi-
gure, agno
Paschali &
Manna.

stia est tantummodò signum corporis Christi per fidem ipsum exhibens, non est nobilior figuris, quibus representabatur. Ergo Eucharistia non est tantummodò huiusmodi signum, sed aliquid nobilius, nempe ipsum mer corpus Christi. Maior est per se nota, & patet ex Apostolo Coloss. 2. v. 17. vbi figuram comparat umbræ: res autem representata, corpori. Minor probatur ex duabus potissimum, omisiss aliis, nimirum Agno Paschali, & Manna. Nam quòd Agnus Paschalis figura fuerit sacramenti Eucharistia, ostendit Christus ipse, quando in cœna ultima post esum Agni Paschalis Eucharistiam instituit, veluti figuræ veritatem substituens, vt potat S. Leo serm. 7. de Pass. Domini. Idemque affirmant Tertull. lib. 4. contra Marcion. cap. 40. Cyprian. lib. de Unitate Ecclesie, Hieron. in cap. 26. Matth. August. lib. 2. contr. Liter. Petri. cap. 37. & plures alii. Manna quoque eiusdem figuram fuisse Christus ipse significat Ioannis 6. vers. 59. & sequentibus: *Non si ut manducauerunt Patres vestri Manna, & mortui sunt. Qui manducat hunc panem, vivet in æternum. Hic est panis de cælo descendens, ut si quis ex ipso manducaverit, non moriatur, &c. Et panis, quem ego dabo, caro mea est pro mundi vita.* Idemque docent Ambros. lib. de iis, qui mysteriis initiantur cap. 8. & 9. Chrysost. Cyrill. Alex. August. & Theophyl. in cap. 6. Ioan. alii- que eiusdem interpretes.

30. Iam verò quòd panis Eucharisticus non sit nobilior huiusmodi figuris, si nihil aliud habet, quàm quod ipsi tribuunt Calvinistæ; probatur, quia potius ipsæ nobiliores sunt, siue spectentur in entitate, siue in ratione signi. Et enim Agnus Paschalis est res præstantior pane naturali secundum entitatem, vt manifestum est. Manna quoque, quod de cælo pluebat, & Angelorum artificio mirabili fiebat, præstantius erat pane communi, qui de clibano prodit, & manu pistorum fit. Quoad significationem verò melius significabatur caro Christi carne Agni; mors Christi, morte Agni; sanguis Christi sanguine Agni; innocentia Christi, & mansuetudo, innocentia illius Agni anniculi & sine macula. Effectus quoque sacramenti huius, qui est nutritio spiritalis animæ, melius significabatur per esum carnis Agni: caro enim mellis nutrit: maioremque habebat analogiam cum illa. Cumque secundum Calvinistas nihil aliud sit effectus ille, quàm excitatio fidei ad apprehendendum Christum, quo spiritualiter nutriamur; melius fiebat per occisionem, & esum agni, quàm per esum panis. Magis enim id fidem excitat, quòd Christum melius representat. Similiterque Manna melius Christum representabat, quàm panis: tum quia de cælo erat, Psal. 77. tum etiam quia saporem mirabilem continebat, Sapient. 16. vers. 2. & æquali mensurâ sumebatur ab omnibus, licet inæqualiter colligeretur, Exod. 16. vers. 18. Quare melius valebat ad fidem in Christum exci-

tandam, & ad nutritionem spiritalem, quæ ex fide consequitur.

Atque hoc argumentum cò magis virget aduversarios, quòd ipsi asserunt Israëlitas in esu Manne Christum edisse per fidem, vt sit in esu Eucharistia: & in sacramentis veteris legis fuisse cum symbolo externo rem exhibitam per fidem, sicut in nostris. Quod Calvinus, Beza, Petrus Martyr, & alii affirmant, & confirmant ex 1. Corinth. 10. vers. 3. & 4. *Omnes eandem escam spiritalem manducauerunt, & omnes eundem potum spiritalem biberunt. Bibebant autem de spiritali confluence eos petra, Petra autem erat Christus.* Quasi dicat Apostolus Israëlitas omnes eandem nobiscum Christianis escam edisse. Cum tamen Apostolus Israëlitas tantum conparet inter se, non autem cum Christianis: neque affirmet Christum simili modo illis exhibitum fuisse in manna, & aqua de petra; quo nobis exhibetur in sacramento corporis, & sanguinis sui, ita vt à nobis non aliter quàm per fidem edatur, vt contendunt aduersarii.

Notandum item, Negare aduversarios vlla esse verba essentialia sacramento: nam quæ nos volumus esse formam, irrident ipsi vt magica, & incantatoria: neque alia eorum loco admittunt: vt videre est apud Calu. 4. Calu. Instit. c. 14. n. 4. Quare vanum est effugium Petri martyris parte 3. defens. de Euchar. respondentis sacramenta nouæ legis esse nobiliora; quia sunt clariora ratione verborum. Nam in sententia aduersariorum, hæc claritas est sacramento extrinseca; proueniens non ab ipso sacramento, & à verbis sacramentalibus, seu ritualibus, locum formæ habentibus, sed à verbis concionatoriis, id est, à concione Ministri docentis quòd sacramentum tendat, id est, quo fine accipiatur. A qua concione si petenda esset nobilitas sacramentorum, sacramentum esset nobilius, aut ignobilius, prout à Ministro magis, aut minus eloquenti, & finem sacramenti explicante, exhiberetur. Quod absurdum est, & contra S. August. aliosque Patres affirmantes August. dignitatem, & valorem sacramentorum à Christo peti, non ab ipsorum ministris. Nam si pro diuersitate meritorum baptisma sanctum est; quia diuersa sunt merita, diuersa erunt baptismata: & tanto quisque aliud melius putatur accipere, quanto à meliore videtur accepisse: inquit August. tract. 6. in Ioan. & paulo post: *Quare ergo, si vnus ab illo v. g. in isto & sancto baptizetur, alius ab alio inferioris meriti apud Deum, inferioris gradus, inferioris continentie, inferioris vite: vnum tamen, & pater, & aqua le est quod acceperunt: nisi quia hic est, qui baptizat?*

33. Cætera, quæ Petrus mart. ibidem addit ad euendam maiorem nobilitatem sacramentorum nouæ legis, minoris sunt momenti, & luculenter refutantur à Bellarm. Bellarm. lib. 1. de Eucharist. cap. 4. Certè Christus ipse Ioan. 6. & sancti Patres, quando Eucharistiam præferunt Manne, vel agno Paschali, aliisque figuris: non eam causam

asserunt: quia melius verba significant, vel alias à Petro mart. commemoratas: sed quia caro Christi est. *Panis quem ego dabo, caro mea est pro mundi vita*, inquit Christus cap. cit. vers. 52. & Origen. homil. 7. in lib. Numer. Tunc, inquit, in enigmate erat *Manna* cibus: nunc autem in specie caro verbi Dei est verus cibus: sicut ipse ait. *Quia caro mea verè est cibus*. Et Ambros. lib. de iis qui Myst. init. cap. 9. Considera nunc uter præstantior sit, panis Angelorum; an caro Christi, quæ unguet corpus est vitæ, &c. Et Hieron. in cap. 1. Epist. ad Titum, *Tantum interest inter panes Propositionis, & corpus Christi: quantum inter umbras, & corpora; inter imaginem, & veritatem; inter exemplaria verorum, & ea ipsa, quæ per exemplaria præfigurabantur*. Vbi Hieronymus per corpus Christi Eucharistiam intelligit. Loquitur enim de illis, qui in Eucharistia volunt Christi corpus recipere, quos ait debere ab usu coniugii abstinere, æquè ac eos, qui volebant panes Propositionis edere: iuxta exemplum Achimelech sacerdotis, qui noluit Davidi, & sociis dare panes Propositionis edendos, nisi postquam intellexit eos aliquandiu abstinuisse ab vxoribus. Et S. Leo serm. 7. de Pass. Dom. *Ut ergo umbra cederent corpori, & cessarent imagines sub præsentia veritatis: antiqua observantia non tollitur sacramento: Hostia in hostiam transit: sanguinem sanguis excludit: & legalis festinitas, dum mutatur, impletur: Christi scilicet carne, & sanguine substitutis Agno Paschali, cuiusque sanguini.*

SECTIO VI.

Propositur secundum argumentum ex Scriptura.

34.
1. Probatio veritatis Eucharistice, ex eius promissione.

Secundum argumentum sumitur ex cap. Ioan. 6. vbi Christus Eucharistia institutionem promittit verbis illis v. 52. & seqq. *Panis, quem ego dabo, caro mea est pro mundi vita. Nisi manducaueritis carnem filii hominis, & biberitis eius sanguinem, non habebitis vitam in vobis. Qui manducat meam carnem, & bibit meum sanguinem, habet vitam æternam. Caro enim mea verè est cibus, & sanguis meus verè est potus. Qui manducat meam carnem, & bibit meum sanguinem in me manet, & ego in illo.* Hæc Christus. Circa quæ nota primò, nunquam in Scriptura clariùs asseri Deum esse trinum, aut Christum esse Deum: quàm hic asseratur Christi carnem, & sanguinem esse cibum, ac potum, & comedi, ac bibi. Secundò, Verba Scripturæ in proprio sensu, quoad fieri potest, intelligenda esse: ne si ad metaphoras pro libito detorqueantur, nihil certi ex Scriptura possit intelligi. Propria autem comestio est illa, quæ ore corporis fit: nam comestio Calvinistica per fidem est æquè metaphorica,

atque os, dentes, & guttur fidei; seu mentis, metaphorica sunt. Tertiò, Nihil hic cogere ut a sensu proprio recedamus: contra verò multa cogere ad proprium sensum retinendum. Nam Christus promittit illis verbis, *Panis, quem ego dabo*, id scilicet, quod in fine vitæ præstare Matth. 26. quando corpus suum sub specie panis discipulis edendum præbuit. Promissiones autem debent concipi propriis verbis, & clari. Estque impostoris plus in specie verborum promittere, quàm dare. Deinde Iudæis murmurantibus vers. 58. ed quòd intelligerent Christum de carne sua propriè, & realiter manducanda locutum esse: non remouet Christus hanc cogitationem, sed addit verba, quæ magis, ac magis, proprietatem significant, dicens cum gemina asseueratione versu 54. *Amen, amen dico vobis, nisi manducaueritis carnem filii hominis, &c. & vers. 56. Caro mea verè est cibus, & sanguis meus verè est potus.* Verè, inquit, non tropicè, & metaphoricè, ut esset, si panis, qui ore corporis sumitur, & editur, carnis eius in cælo existentis figura tantum esset: aut si caro ipsa fide sola ederetur, ut volunt Calvinistæ. Nam sicut os, & guttur animæ metaphoricum tantum est, neque est magis verè os, & guttur, quàm imago regis, sit verè rex: ita & eius cibus & potus, est tantum cibus & potus metaphoricè, non autem verè & propriè.

Quartò, Discipulis ipsis scandalum patientibus, & murmurantibus, ed quòd, ut Capharnaïtæ, existimarent Christum non solum carnem suam promittere edendam verè ac propriè ore corporis, sed ulterius etiam edendam more communi, mortuam scilicet, & diuisam in frusta, ut bubulæ carnes, & veruecinæ edi solent: remouit quidem Christus hunc edendi modum, & cogitatum carnalem, ut notant S. August. tractat. 27. in August. Ioan. & Cyrill. lib. 4. in Ioan. cap. 22. 23. Cyrillus. & 24. verbis scilicet illis versu 64. *Spiritus est, qui viuificat, caro non prodest quidquam. Verba, quæ ego loquor vobis, spiritus & vita sunt.* Quasi diceret: Ne putetis me daturum vobis carnem meam destitutam spiritu viuificante, sine quo nihil prodesset ad vitam æternam: aut modo illo carnali inhumano, & barbaro. Verba, enim, quæ ego loquor vobis, non sunt intelligenda de modo illo carnali, sed spiritali, & vitali. Verba, quæ ego loquor vobis, inquit Cyrillus cap. 24. spiritus sunt; id est, spiritalia, & tractantia de spiritu. Et vita sunt, id est, viuificantia, & tractantia de eo, quod vita est naturæ suæ, id est, de Diuinitate, sine qua caro nihil prodesset. Perstitit tamen Christus in asserenda reali manducatione carnis suæ, & ad faciendam fidem rei mirabilis, mentionem fecit miraculi futuræ ascensionis suæ, dicens vers. sexagesimo tertio, *Hoc vos scandalizati si ergo videritis filium hominis ascendentem ubi erat prius?* Quasi volens rem vnam mirabilem alia æquè mirabili confirmare.

Ac discipulis nihilominus retrò abeuntibus, & ab ipso discedentibus v. 67. nullum aliud verbum addidit, quo metaphoram Caluinisticam vel leuiter insinuaret. Atqui facillimum erat, Christiq; Domini, suorum amantissimi, beneuolentiam decebat, vnico verbo figuræ, aut manducationis per fidem, difficultatem omnem non modò eleuare, sed penitus adimere. Adde quòd solebat Christus, si quid obcurius turbis proposuisset, explicare discipulis id ab ipso exigentibus: vt patet ex Matth. 13. de parabolis seminantis, & zizaniorum; aliisque locis. Quæ autem fuit vnquam vel maior occasio, vel necessitas explicandi sensum tuum discipulis, & corrigendi eorum existimationem, si falsa erat, quàm tunc temporis, cum vtique ad definitionem pene omnes scandalizati sunt? Et tamen Christus illos, ob eam existimationem abire passus est, & ad duodecim Apostolos dixit vers. 68. *Numquid & vos vultis abire* equali diceret: Non habeo aliud, quod faciam. Mysterium proposui, ad quod credendum fide opus est: qui non vult credere, abeat.

36.

Ad de præterea, Christum moueri debuisse ad sensum suum aperiendum, si is alius erat, non solum scandalo suorum pene omnium discipulorum, sed & totius Ecclesiæ, quam præuidebat occasione horum verborum, & similibus, credituram carnem ipsius, & sanguinem verè sub speciebus panis, & vini manducari, & bibi. Præuidebat, inquam, Christus omnes totius orbis Ecclesias, Syriacas, Aethiopicas, Arabicas, Græcas, Italicas, Gallicas, Hispanicas, Germanicas, Polonicas, Molcouiticas, Indicas, omnes denique, quotquot ante exortum sacramentarium extiterunt, verba sua ita intellegunt, vt crederent carnem eius, & sanguinem sub speciebus verè contineri, ac recipi, atque vt ibi præsentem adorarent. Qui si error est, & Idololatriæ scelus: modus ille loquendi de re alioquin ad explicandum facili, totum terrarum orbem in errorem, & idololatriam induxit. Adde denique consensum sanctorum Patrum, prædicta Christi verba in sensu proprio interpretantium, Cyrilli vtriusque, Basilii, Chrysost. Gregor. Nyss. Theodoret. &c. de quibus vide Bellarm. lib. 1. de Euchar. cap. 5. & Vasq. diisp. 179. cap. 4.

Bellarm.
Vasquez.

37.

Probatur
Christum
loqui de
Eucharist.
Ioan. 6.

Malè verò respondent Calvinistæ Christum in cap. 6. Ioan. non loqui de Eucharistia, quod etiam nonnulli Catholicorum imprudenter, & minùs consideratè affirmant. Nam licet initio capitis agat de pane materiali, eiusq; multiplicatione miraculosa pridie facta; cuius miraculi occasione turbæ iterum conuenerant ad Christum; vt iterum saturarentur simili miraculo: ac deinde occasio huius desiderii panis materialis, loquatur Christus de seipso, vt pane spiritali, appetendo, & edendo per fidem, credendo scilicet ipsius Incarnationem, & diuinitatem y. 27. & seqq. tamen quod postea à versu

52. transeat ab illa comestione spiritali per fidem, ad aliam, quæ carnem suam ore ipso corporis edendam, & sanguinem bibendum promittit, ostendunt ea omnia quæ notauimus expendendo verba superius relata ex eodem cap. Atque vterius primò, modus ille loquendi in futuro, *Panis, quem ego dabo, caro mea est pro mundi vita*. Vel, vt est in textu græco, *caro mea est, quam ego dabo pro mundi vita* vers. 52. Nam si loquebatur tantum de seipso, vt edendo per fidem, credendo ipsius diuinitatem, & incarnationem: iam pridem hoc dederat. Quare panis, quem promittit se daturum, & quem nondum dederat, aliquid aliud est. 2. Idem ostendit crebra illa, & sæpius repetita eodem cap. distinctio manducandi, & bibendi: *Amen, amen dico vobis, nisi manducaueritis carnem filii hominis, & biberitis eius sanguinem, non habebitis vitam in vobis. Qui manducat meam carnem, & bibit meum sanguinem, habet vitam æternam: Caro enim mea verè est cibus, & sanguis meus verè est potus. Qui manducat meam carnem, & bibit meum sanguinem, in me manet, & ego in illo*: vers. 54. & sequentibus. Atqui si loquebatur Christus de sola manducatione per fidem extra sacramentum Eucharistiæ, illa distinctio erat inanis, & superflua: nam comestio, & potio per fidem, sunt vnum, & idem, nempe credere in Christum.

3. Idem patet ex eo quòd Iudæi intelligentes Christum verbis modò relatis loqui de alio modo manducationis magis difficili, quàm per fidem, murmurarunt iterum: sed longè aliter, quàm priùs, cum de fide sola loquebatur. *Quomodo potest, inquit, v. 53. hic nobis carnem suam dare ad manducandum?* Discipuli quoque, qui nullam passi erant difficultatem, quandiu intellexerant Christum de fide sola loqui, his posterioribus verbis scandalizati sunt dicentes vers. 6. *Quis est hic sermo, & quis potest eum audire?* Christoque nihilominus in eadem sententia persistente, & miraculum huius manducationis miraculo suæ ascensionis in cælum confirmante, *Multij discipulorum eius abierunt retrò, & iam non cum illo ambulant*: vers. 67. quod signum manifestum est Christum verbis posterioribus de alia manducatione, quàm per fidem, magis mirabili, ac difficili ad credendum, loquutum esse. Quartò, Si Ioannes eo capite non loquitur de Eucharistia, nusquam alibi loquutus est de illa: cum tamen soleat, aquilæ instar, in summis, ac præcipuis fidei nostræ mysteriis explicandis immorari. Quare potius credibile est omnino, ipsum quidem more suo voluisse omittere; quæ ab aliis Evangelistis narrantur de institutione: promissionem verò ab aliis omittam fusissimè prosequutum esse. Incredibile item est Christum Dominum, si de fide tantum in ipsum habenda loquebatur; rem explicatu facilem verbis tam obscuris voluisse inuoluere, & aliud adeo præ se ferentibus, vt Capharnaï-

Confirmatur.

Kkk 3

asserunt: quia melius verba significant, vel alias à Petro mart. commemoratas: sed quia caro Christi est. *Panis quem ego dabo, caro mea est pro mundi vita*, inquit Christus cap. cit. vers. 52. & Origen. homil. 7. in lib. Numer. Tunc, inquit, in enigmate erat *Manna* cibus: nunc autem in specie caro verbi Dei est verus cibus: sicut ipse ait. *Quia caro mea verè est cibus*. Et Ambros. lib. de iis qui Myst. init. cap. 9. *Considera nunc uter præstantior sit, panis Angelorum; an caro Christi, quæ unguè corpus est vitæ*, &c. Et Hieron. in cap. 1, Epist. ad Titum, *Tantum interest inter panes Propositionis, & corpus Christi: quantum inter umbras & corpora; inter imaginem, & veritatem; inter exemplaria verorum, & ea ipsa, quæ per exemplaria præfigurabatur*. Vbi Hieronymus per corpus Christi Eucharistiam intelligit. Loquitur enim de illis, qui in Eucharistia volunt Christi corpus recipere, quos ait debere ab usu coniugii abstinere, æquè ac eos, qui volebant panes Propositionis edere: iuxta exemplum Achimelech sacerdotis, qui noluit Dauidi, & sociis dare panes Propositionis edendos, nisi postquam intellexit eos aliquandiu abstinuisset ab vxoribus. Et S. Leo serm. 7. de Pass. Dom. *Ut ergo umbra cederent corpori, & cessarent imagines sub presentia veritatis: antiqua observantia nouo tollitur sacramento: Hostia in hostiam transit: sanguinem sanguis excludit: & legalis fœderitas, dum mutatur, impletur: Christi scilicet carne, & sanguine substitutis Agno Paschali, eiusque sanguini*.

SECTIO VI.

Propositur secundum argumentum ex Scriptura.

34.
1. Probatio veritatis Eucharistice, ex eius promissione.

Secundum argumentum sumitur ex cap. Ioan. 6. vbi Christus Eucharistia institutionem promisit verbis illis v. 52. & seqq. *Panis, quem ego dabo, caro mea est pro mundi vita. Nisi manducaueritis carnem filii hominis, & biberitis eius sanguinem, non habebitis vitam in vobis. Qui manducat meam carnem, & bibit meum sanguinem, habet vitam æternam. Caro enim mea verè est cibus, & sanguis meus verè est potus. Qui manducat meam carnem, & bibit meum sanguinem in me manet, & ego in illo*. Hæc Christus. Circa quæ nota primum, nulquam in Scriptura clariùs asseri Deum esse trinum, aut Christum esse Deum: quàm hic asseratur Christi carnem, & sanguinem esse cibum, ac potum, & comedi, ac bibi. Secundò, Verba Scripturæ in proprio sensu, quoad fieri potest, intelligenda esse: ne si ad metaphoras pro libito detorqueantur, nihil certi ex Scriptura possit intelligi. Propria autem comestio est illa, quæ ore corporis fit: nam comestio Calvinistica per fidem est æquè metaphorica,

atque os, dentes, & guttur fidei; seu mentis, metaphorica sunt. Tertiò, Nihil hic cogere ut a sensu proprio recedamus: contra verò multa cogere ad proprium sensum retinendum. Nam Christus promittit illis verbis, *Panis, quem ego dabo*, id scilicet, quod in fine vitæ præstiterit Matth. 26. quando corpus suum sub specie panis discipulis edendum præbuit. Promissiones autem debent concipi propriis verbis, & clariis. Estque impostoris plus in specie verborum promittere, quàm dare. Deinde Iudæis murmurantibus vers. 58. eò quòd intelligerent Christum de carne sua propriè, & realiter manducanda locutum esse: non remouet Christus hanc cogitationem, sed addit verba, quæ magis, ac magis, proprietatem significant, dicens cum gemina asseueratione versu 54. *Amen, amen dico vobis, nisi manducaueritis carnem filii hominis, &c. & vers. 56. Caro mea verè est cibus, & sanguis meus verè est potus*. Verè, inquit, non tropicè, & metaphoricè, ut esset, si panis, qui ore corporis sumitur, & editur, carnis eius in cælo existentis figura tantum esset: aut si caro ipsa fide sola ederetur, ut volunt Calvinistæ. Nam sicut os, & guttur animæ metaphoricum tantum est, neque est magis verè os, & guttur, quàm imago regis, sit verè rex: ita & eius cibus & potus, est tantum cibus & potus metaphoricè, non autem verè & propriè.

Quartò, Discipulis ipsis scandalum patientibus, & murmurantibus, eò quòd, ut Capharnaïtæ, existimarent Christum non solum carnem suam promittere edendam verè ac propriè ore corporis; sed vterius etiam edendam more communi, mortuam scilicet, & diuisam in frusta, ut bubulæ carnes, & veruecinæ edi solent: remouit quidem Christus hunc edendi modum, & cogitatum carnalem, ut notant S. August. tractat. 27. in August. Ioan. & Cyrill. lib. 4. in Ioan. cap. 12. 23. Cyrillus. & 24. verbis scilicet illis versu 64. *Spiritus est, qui viuificat, caro non prodest quidquam. Verba, quæ ego loquor vobis, spiritus & vita sunt*. Quasi diceret: Ne putetis me datum vobis carnem meam destitutam spiritu viuificante, sine quo nihil prodesset ad vitam æternam: aut modo illo carnali inhumano, & barbaro. Verba, enim, quæ ego loquor vobis, non sunt intelligenda de modo illo carnali, sed spiritali, & vitali. Verba, quæ ego loquor vobis, inquit Cyrillus cap. 24. spiritus sunt; id est, spiritalia, & tractantia de spiritu. Et vita sunt, id est, viuificantia, & tractantia de eo, quod vita est naturæ suæ, id est, de Diuinitate, sine qua caro nihil prodesset. Perstiterit tamen Christus in asserenda reali manducatione carnis suæ; & ad faciendam fidem rei mirabilis, mentionem fecit miraculi futuræ ascensionis suæ, dicens vers. sexagesimo tertio, *Horas stantializati si ergo videritis filium hominis ascendentem ubi erat prius?* Quasi volens rem vnam mirabilem alia æquè mirabili confirmare.

Ac discipulis nihilominus retrò abeuntibus, & ab ipso discedentibus v. 67. nullum aliud verbum addidit, quo metaphoram Calvinisticam vel leuiter insinueret. Atqui facillimum erat, Christi; Domini, suorum amantissimi, beneuolentiam decebat, vnico verbo figuræ, aut manducationis per fidem, difficultatem omnem non modò eleuare, sed penitus adimere. Adde quòd solebat Christus, si quid obscurius turbis proposuisset, explicare discipulis id ab ipso exigentibus: vt patet ex Matth. 13. de parabolis seminantis, & zizaniorum; aliisque locis. Quæ autem fuit vnquam vel maior occasio, vel necessitas explicandi sensum tuum discipulis, & corrigendi eorum existimationem, si falsa erat; quàm tunc temporis, cum vique ad deflectionem pene omnes scandalizati sunt? Et tamen Christus illos, ob eam existimationem abire passus est, & ad duodecim Apostolos dixit vers. 68. *Nunquid & vos vultis abire*: quasi diceret: Non habeo aliud, quod faciam. Mysterium proposui, ad quod credendum fide opus est: qui non vult credere, abeat.

36.

Ad de præterea, Christum moueri debuisse ad sensum suum aperiendum, si is alius erat, non solùm scandalo suorum pene omnium discipulorum, sed & totius Ecclesiæ, quam præuidebat occasione horum verborum, & similibus, credituram carnem ipsius, & sanguinem verè sub speciebus panis, & vini manducari, & bibi. Præuidebat, inquam, Christus omnes totius orbis Ecclesias, Syriacas, Aethiopicas, Arabicas, Græcas, Italicas, Gallicas, Hispanicas, Germanicas, Polonicas, Molcouiticas, Indicas, omnes denique, quotquot ante exortum sacramentarium existerunt, verba sua ita intelleguras, vt crederent carnem eius, & sanguinem sub speciebus verè contineri, ac recipi, atque vt ibi præsentem adorarent. Qui si error est, & idololatricæ scelus: modus ille loquendi de re alioquin ad explicandum facili, totum terrarum orbem in errorem, & idolatriam induxit. Adde denique consensum sanctorum Patrum, prædicta Christi verba in sensu proprio interpretantium, Cyrilli vtriusque, Basilii, Chrysost. Gregor. Nyss. Theodoret. &c. de quibus vide Bellarm. lib. 1. de Euchar. cap. 5. & Vasq. disp. 179. cap. 4.

Bellarm.
Vasquez.

37.

Probatur
Christum
loqui de
Eucharist.
Ioan. 6.

Malè verò respondent Calvinistæ Christum in cap. 6. Ioan. non loqui de Eucharistia, quod etiam nonnulli Catholicorum imprudenter, & minùs consideratè affirmant. Nam licet initio capitis agat de pane materiali, eiusque multiplicatione miraculosa pridie facta; cuius miraculi occasione turbæ iterum conuenerant ad Christum; vt iterum saturarentur simili miraculo: ac deinde occasione huius desiderii panis materialis, loquatur Christus de seipso, vt pane spiritali, appetendo, & edendo per fidem, credendo scilicet ipsius Incarnationem, & diuinitatem y. 37. & seqq. tamen quod postea à versu

52. transeat ab illa comestione spiritali per fidem, ad aliam, quæ carnem suam ore ipso corporis edendam, & sanguinem bibendum promittit, ostendunt ea omnia quæ notauimus expendendo verba superius relata ex eodem cap. Atque vterius primò, modus ille loquendi in futuro, *Panis, quem ego dabo, caro mea est pro mundi vita*. Vel, vt est in textu græco, *caro mea est, quam ego dabo pro mundi vita* vers. 52. Nam si loquebatur tantum de seipso, vt edendo per fidem, credendo ipsius diuinitatem, & incarnationem: iam pridem hoc dederat. Quare panis, quem promittit se daturum, & quem nondum dederat, aliquid aliud est. 2. Idem ostendit crebra illa, & sæpius repetita eodem cap. distinctio manducandi, & bibendi: *Amen, amen dico vobis, nisi manducaueritis carnem filii hominis, & biberitis eius sanguinem, non habebitis vitam in vobis. Qui manducat meam carnem, & bibit meum sanguinem, habet vitam æternam: Caro enim mea verè est cibus, & sanguis meus verè est potus. Qui manducat meam carnem, & bibit meum sanguinem, in me manet, & ego in illo*: vers. 54. & sequentibus. Atqui si loquebatur Christus de sola manducatione per fidem extra sacramentum Eucharistie, illa distinctio erat inanis, & superflua: nam comestio, & potio per fidem, sunt vnum, & idem, nempe credere in Christum.

3. Idem patet ex eo quòd Iudæi intelligentes Christum verbis modò relatis loqui de alio modo manducationis magis difficili, quàm per fidem, murmurarunt iterum: sed longè aliter, quàm priùs, cum de fide sola loquebatur. *Quomodo potest, inquit, v. 53. hic nobis carnem suam dare ad manducandum?* Discipuli quoque, qui nullam passi erant difficultatem, quandiu intellexerant Christum de fide sola loqui, his posterioribus verbis scandalizati sunt dicentes vers. 6. *Du us est hic sermo, & quis potest eum audire?* Christoque nihilominus in eadem sententia persistente, & miraculum huius manducationis miraculo suæ ascensionis in cælum confirmante, *Multæ discipulorum eius abierunt retrò, & iam non cum illo ambulabant* vers. 67. quod signum manifestum est Christum verbis posterioribus de alia manducatione, quàm per fidem, magis mirabili, ac difficili ad credendum, loquutum esse. Quartò, Si Ioannes eo capite non loquitur de Eucharistia, nusquam alibi loquutus est de illa: cum tamen soleat, aquilæ instar, in summis, ac præcipuis fidei nostræ mysteriis explicandis immorari. Quare potius credibile est omnino, ipsum quidem more suo voluisse omittere; quæ ab aliis Euangelistis narrantur de institutione: promissionem verò ab aliis omissam fusissimè prosequutum esse. Incredibile item est Christum Dominum, si de fide tantum in ipsum habenda loquebatur; rem explicatu facilem verbis tam obscuris voluisse inuoluere, & aliud adeo præ se ferentibus, vt Capharna-

Confirmatur.

eis, & discipulis ipsis, occasionem dederint ab ipso discedendi. Ac denique si de Eucharistia loqui voluisset, quid potuisset clarius dicere, magisque consentaneum illis quæ in Eucharistia institutione gesta sunt, ubi effectus huic promissioni planè respondere videtur, ut patebit ex collatione verborum utrobique à Christo prolatorum. Plura in hanc sententiam videri possunt apud Belarm. & Vasq. locis supra citatis.

SECTIO VII.

Proponitur tertium argumentum ex Scriptura.

38.
Tertio probatio ex verbis institutionis.

Tertium argumentum sumitur ex verbis, quibus Christus hoc sacramentum instituit Matth. 26. vers. 26. & sequentibus. *Canentibus autem eis accepit panem, benedixit, ac fregit, deditque discipulis suis, & ait, Accipite, & comedite, Hoc est corpus meum: & accipiens calicem gratias egit, & dedit illis dicens, Bibite ex hoc omnes: Hic est enim sanguis meus novi testamenti, qui pro multis effundetur in remissionem peccatorum.* Similia habent Marc. cap. 14. Luc. cap. 22. & Paulus 1. Corinth. 11. Quæ verba si propriè, prout sonant, intelligantur; manifestè confirmant veritatem Catholicam de præsentia corporis, & sanguinis Christi, sub speciebus Eucharisticis. Ideoque contendunt Calvinistæ impropiè, & metonymicè interpretanda esse, ita ut verbum *Est*, ponatur pro; significat; vel particula *Corpus*, & *Sanguis*, sumantur non pro vero, & naturali corpore, sed pro figura corporis & sanguinis, sensuque fit, Hoc est corpus meum, id est, hic panis est figura corporis mei, ut exponit Calvin. 4. Institut. cap. 17. num. 21. Addens panem Eucharistia non esse nudam figuram corporis Christi, sed esse figuram, quæ rem ipsam exhibeat, per fidem scilicet, iuxta ea, quæ tradit ibid. num. 5. & Catech. Gallicus Calvinistarum Domin. 32. Ideoque Christum non dixisse, Hic panis est figura corporis, sed corpus ipsum, ut ostenderet esse signum efficax, cum quo res ipsa exhiberetur.

35.
Verum prædicta Christi verba in sensu proprio intelligenda esse perscrutentur efficaciter, quæ sequuntur. Primò, consensus Evangelistarum, & Pauli, locis citatis; qui omnes, cum institutionem sacramenti referunt, nusquam utuntur voce, significat, aut nomine figuræ, vel signi Calvinistici: sed utuntur ubique verbo, *Est*, & vocibus *Corporis* & *Sanguinis*: existimantes scilicet proprietatem retinendam esse, neque hic locum relictum fuisse interpretationi, quam in locis difficilioribus mutud sibi præstare solent Evangelistæ. Secundò, Christus verba citata proferens, loquebatur solis Apostolis, quibus velut totius orbis futuris doctoribus Ma-

gister optimus arcana cœlestia palam, & sine ambagibus revelare solebat: ac si quid turbis, aut Phariseis obscurius dixisset, & parabolicè, dilucidè exponebat. Et quidem scandalum ortum Ioan. 6. satis cum monebat, ut clarius loqueretur, si quid obscurum erat. Præterea loquebatur tum Christus eo loco, & tempore, quo minimè oportebat loqui obscurè, & metonymicè: nimirum cum Apostolos tanti sacramenti participes primùm faciebat. Nam ut cum affectu convenienti illud reciparent, necesse erat, ut planè intelligerent, quid sibi porrigebatur. Clarè ergo illud proponi debuit. Tertiò, Christus verbis relatis Eucharistiam instituens testamentum condebat suum, iuxta illud Luc. 22. & 1. Corinth. 11. *Hic calix novum testamentum est in meo sanguine.* Testamentum autem à viris bonis, & prudentibus non nisi verbis propriis, & perspicuis condi solent: ne unde lites extinguere deberent, inde potius pullularet. Sanè testamentum vetus Exod. 24. disertis verbis, & perspicuis, antiquis patribus datum est. Nec decuit vetus testamentum, quod novi umbra, & figura erat, propriis vocibus, ac perspicuis proponi. Novum autem figuratis, & obscuris locutionibus tradi. Et in *Lege Non aliter ff. de Legatis 3.* statuitur, ut in significatione verborum alicuius testamenti non liceat recedere à proprietate verborum; nisi ubi manifestum est aliter sensisse testatorem, qui si prudens, & bonus est, debet ab ambiguis, & æquivocis vocibus abstinere.

40.
4. Sicut antiquum illud testamentum, pactum etiam fuit, seu fœdus, ut patet Exod. 24. v. 8. & ad Hebr. 9. v. 20. Nam quod vocatur à Moyse fœdus, testamentum à Paulo appellatur: Sic verba Christi supradicta non solum testamenti, sed & pacti vim continent; quibus nimirum Christus novum fœdus sanguine suo idem, & pactum æternum inter Deum, & homines sanciebat. Atqui pactorum, fœderum, & contrahunt formulæ debent, & solent esse inter bonos propriæ, & perspicuæ, ac nequaquam tales, quæ mille modis, huc, & illuc torqueri, flecti, & reflecti possint: ne non coniunctio, & consociatio inde sumatur, sed contentio interminabilis pro concordia, & pace nascatur. 5. Christus verbis illis statuebat de sacramento omnium præstantissimo, ut fatentur Calvinistæ, cuius præstantiam, necessitatem, & reverentiam maximè commendavit, tum ipsemet Ioan. 6. tum etiam Apostolus 1. Corinth. 11. Atqui sacramenta, cum sint Ecclesiæ bases, & fundamenta, minimè debent, si quid aliud, tropicis verbis implicari; ne instabilitatis in fundamento ipso, gravissimique erroris circa eorum fidem, & usum, præbeatur occasio. Et quidem Circumcisio clarissimè instituitur Genes. 17. & Agnus Paschalis Exod. 20. Et in toto Levitico, ubi tot sacrificia, & expiationes, & aliæ sacræ ceremoniæ instituuntur, vix reperire est vocem ullam metaphoricam: Matth. quoque ult. & Marci

vlt. vbi de Baptismi institutione, seu potius usu, & præcepto agitur, omnia verba propriis atque perspicuis declarantur. Quis ergo sibi persuadeat, Christum in instituendo, & tradendo primario legis Euangelicæ sacramento, ita obicere & tropicè loquuti esse, ut inter ipsos legis doctores dubium sit, & controuersum, sitne panis, an corpus suum illud ipsum, quod instituit, & tradidit? Sextò, Christus iisdem verbis tradebat vnum è grauissimis, ac periculosissimis fidei Christianæ dogmatibus ergo verbis propriis tradidit: dogmata enim fidei, graua præsertim, & periculosa, omnibusque ad credendum proposita, ineptè non nisi per tropos, & metaphoras traderentur: vnde certissima dubitationes, & dissensiones emergunt. Testes ipsimet Sacramentarii, qui ex ea, quam fingunt, paucorum verborum Christi ambiguitate, *Hoc est corpus meum, Hic est sanguis meus*, tam multas, & diuersas expositiones, seu potius deprauationes excogitarunt. Ex quibus octuaginta refert Claudius de Saintes Reper. 1. de Euchar. cap. vlt. Ducentas verò libellos editus anno 1577. ut testatur Bellarm. lib. 1. de Euchar. cap. 8. Alius denique postea editus quadringentas, ut testatur Aegid. Coninc ad art. 1. quest. 75.

Denique Christus verbis citatis legem Ecclesiæ, & præceptum perpetuum imposuit de eodem sacramento deinceps celebrando, ut Paulus 1. Corinth. 11. magis expressit, verbis illis, *Hoc facite in meam commemorationem* &c. Leges autem, & præcepta clarè proponi debent: & prudentis legislatoris, ac sapienter præcipientis est, puro, & sincero sermone mentem suam exponere, ut certò constet obtemperanti, quid imperatum, & exequendum sit: maxime verò, cum plurimi interesset, ut Apostoli, & successores, intelligerent quid sibi daretur, quoque affectu, & honore excipiendum esset. Aliter enim panis figura corporis, aliter ipsum corpus excipiendum est. Neque potest sine idolatria æqualis honor utrique exhiberi. Quid ergo causa fuit, cur Christus minus propriè & clarè loqueretur, tot rationibus proprietatem, & perspicuitatem sermonis exigentibus? Adde consensum Sanctorum Patrum prædicta verba in sensu proprio interpretantium, quorum plurima testimonia legi possunt apud Bellarm. lib. 2. de Euchar. Perron. in opere de Euchar. Gaucher. in tabulis Chronograph. verit. 1. per singula sæcula, & Cooc. tom. 2. lib. 6. art. 1. Ego tribus, aut quatuor illustrioribus contentus ero.

Chrysost. homil. 83. in Matth. explicans verba Christi supra relatæ: *Credamus*, inquit, *Deo, nec repugnemus ei, etiam si sensui, & cogitationi nostræ absurdum esse videatur, quod dicit. Et paulò post: Nam verbis eius de fraudari non possumus: sensus vero noster decipit facillimus est. Quoniam ergo ipse dixit, Hoc est corpus meum, nulla teneamur ambiguitate: sed cre-*

damus, & oculo intellectus id perspicimus. Cyrillus Hierosolimitanus Catechesi quarta Mystag. paulò post initium: *Cum igitur Christus ipse sic affirmit, atque dicat de pane, Hoc est corpus meum; quis deinceps audeat dubitare? Atque eodem confirmante, & dicente, Hic est sanguis meus: quis, inquam, dubitet, & dicat non esse eius sanguinem? ut quando mutauit in vinum, quod est sanguis propinquum in Cana Galilee, sola voluntate: Et non erit dignus cui credamus quod vinum in sanguinem transmutauit? Item ad nuptias corporis inuitatus stupendum miraculum operatus est: an non multò magis corpus, & sanguinem suis sponis dedisse illum censebimus? Quare cum omni certitudine corpus, & sanguinem Christi sumamus. Nam sub specie panis datur tibi corpus, & sub specie vini datur tibi sanguis: ut sumpto corpore, & sanguine Christi, concorporeris illi, & consanguineus fias: Et in fine eiusd. Catech. Hoc sciens, inquit, & pro certissimo habens panem hunc qui apparet, non esse panem, etsi gustus panem esse feneat: sed esse corpus Christi. Et vinum quod apparet, tametsi gustus vinum esse videatur, non tamen vinum, sed sanguinem esse Christi. Ambt. lib. de iis, qui myst. inist. cap. 9. Porro de as, inquit, aliud video, & quomodo mihi afferis quod corpus Christi accipiant? Et hoc nobis adhuc superest, ut probemus &c. Quamvis igitur vnum exemplis, & probemus non esse id quod natura formauit, sed quod benedictio consecrauit, maioremque vim esse benedictionis, quam naturæ, quia benedictione etiam natura ipsa mutatur. Virgam tenebat Moyses. Proiecit eam, & facta est serpens &c. De totius mundi operibus legis, quia ipse dixit, & facta sunt: ipse mandauit, & creata sunt. Sermo ergo Christi, qui potuit ex nihilo facere quod non erat, non potest ea quæ sunt in id mutare quod non erant?*

August. lib. 3. contra aduersarium legis & Prophetarum cap. 9. *Mediatorem Dei & hominum hominem Christum Iesum, carnem suam nobis manducandam, bibendamque sanguinem dantem fidei corde, atque ore suscipimus. Quamuis horribilius videatur humanam carnem manducare, quam perimere: & humanum sanguinem potare, quam fundere.* Quæ August. verba ineptæ omnino, & falsa essent, si de figura tantum, vel de comestione tantum spiritali, & Calvinistica per fidem loqueretur. Quis enim hoc horribilius putet, quam hominem perimere? Et concione. 1. in Psal. 33. Christum Dauidi comparans, coram Achis Gethzorum rege infantiam simulanti, applicat verba illa Christo, *Rebatur in manibus suis: atque Christum hoc sacramentum instituentem, ipsummet corpus suum manibus propriis tulisse eo pacto, quo neque Dauid, neque quisquam alius hominum ferre potest: verè nimirum, & re ipsa, nam sui corporis figuram & imaginem facillè quisque ferat.* August. verba hæc sunt, *Rebatur in manibus suis. Hoc quomodo possit fieri in homine quis intelligat? Quis enim portatur manibus suis? Manibus aliorum portari potest homo: manibus suis ne-*

Ambrg.

43.

August. Christus se ipsum portabat in Eucharistia.

42.

Chrysost.

Cyrril.

buit, ab eo qui sacris imaginibus cultum omnem ademit. Et inde sequitur ipsum, & eius similes iconoclastas reos esse corporis, & sanguinis tum Christi, tum Sanctorum. Deinde, quamvis manna, & agnus Paschalis, & alia legis antiquæ sacramenta, & sacrificia, essent figura corporis, & sanguinis Christi; nusquam tamen, qui ea indignè sumebant, acculantur, & damnantur ut rei corporis Christi, & sanguinis, nec illa unquam vocantur corpus & sanguis Christi. Aliud ergo est peccatum eorum, quos hic Apost. huius criminis damnat: nempe illud ipsum, quod, ut subdit Paulò post, non distudi aut corpus Domini, id est non discernunt, sed ita sumunt, ac si non esset corpus Domini, sine discretione illius à rebus vulgaribus: Et ut loquuntur Patres citati, ipsum corpus, quod Iudæi crucifixerunt, male tractant, immittentes in os incestum, & impurum, & sordida suscipientes animà.

47. Unde 2. sequitur, iuxta Pauli doctrinam, corpus Christi & sanguinem non tantum sumi ore fidei, quod secundum aduersarios nunquam indignè fit: sed etiam ore corporis. Etenim qui indignè sine fide accedunt, recipiunt nihilominus corpus & sanguinem Domini, sed ad iudicium, & condemnationem. Quod præter verba Pauli, & Patrum testimonio iam relata, confirmat D. August. (quo tamen vno præcipue abuti solent hæretici in contrarium) libro 3. de Baptismo cap. 8. Sicut inquit Iudas, cui buccellæ tradidit Dominus, non malè accipiendo, sed malè accipiendo locum in se Diabolo præbuit: sic indignè quisquam sumens dominum sacramentum, non efficit, ut quia ipse malus est, malum sit: aut quis non ad salutem accipit, nihil acceperit. Corpus enim Domini, & sanguis Domini nihilominus erat etiam illis, quibus dicebat Apostolus. Qui manducat indignè, iudicium sibi manducat. Et epist. 162. post medium: Tolerat ipse Dominus Iudam Diabolum, suum, & venditorem suum: finit accipere inter innocentes discipulos, quod fideles nouerunt, pretium nostrum. Certè non panis figura corporis, sed ipsum Christi corpus, & verus eius sanguis pretium nostrum est. Et serm. 11. de Verb. Dom. cap. 114. Illud etiam quod ait, Qui manducat carnem, & bibit sanguinem meum, in me manet, & ego in illo, quomodo intellectui sumus? Numquid etiam illos hæc poterimus accipere, de quibus dicit Apostolus, quod iudicium sibi manducant, & bibant, cum ipsam carnem manducant, & ipsum sanguinem bibant? Numquid & Iudas Magistri venditor, & traditor impius, quamvis primum ipsum manibus suis confectum sacramentum carnis, & sanguinis eius, cum ceteris discipulis, sicut aperte Lucas Evangelista declarat, manducaret, & biberet, mansit in Christo, aut Christus in eorum multis denique, qui vel corde ficto carnem illam manducant, & sanguinem bibunt: vel eum manducauerint, & biberint, apostatae sunt: numquid manent in Christo, aut Christus in eis? Sed profectò est quidam modus manducandi illam carnem, & bibendi illum sanguinem, quo

modo qui manducauerit, & biberit; in Christo manet, & Christus in eo. Nota verba illa, Cui ipsam carnem manducant, & ipsum sanguinem bibant. Non insuper D. August. hæc dicere, ut ex immediatè præcedentibus, & sequentibus liquet, ad ostendendum, propositionem illam Christi Marc. 3. Qui blasphemaue-rit in Spiritum sanctum, non habet remissionem in æternum, pati aliquam exceptionem: & intelligendam esse non de quavis blasphemia in Spiritum sanctum, sed de aliqua peculiari: æquè ac ista Ioan. 6. Qui manducat meam carnem &c. debet intelligi de aliqua peculiari manducatione. Exceptio autem cadere debet in res contentas sub eodem subiecto propositionis vniuersaliter sumpti. Inepre enim applicaretur aliis, de quibus nulla suspicio esse potest, si de illis in propositione nullo modo sit sermo, ita ut terminis eius vniuersalibus claudi non videatur. Itaque sicut prior exceptio fit à propositione generali de verè blasphemantibus cetera Spiritum sanctum: ita posterior fieri debet à generali propositione de verè sumentibus corpus & sanguinem Christi.

SECTIO IX.

Confirmatur eadem veritas aliis argumentis.

Præcedentibus Scripturæ, & Patrum testimoniis adde primò consensum totius Ecclesiæ pluribus Conciliis œcumenicis expressum, Nic. 1. & Ephes. (quæ sunt duo è primis quatuor generalibus à Caluino receptis 4. Inst. c. 9. n. 8.) Nicen. II. Romano œcumenico sub Nicolao II. Lateran. sub Innoc. III. Constantiensi, Florentino, Trident. ut omittam Turonense Verceil. Senonense & alia provincialia. Sane Berengarius, qui primus hæresim oppositam vulgauit, mox in quinque conciliis damnatus fuit, quorum duobus ipse interfuit, & hæresim suam ter abiurauit, ac tandem in fide catholica cum magna erroris sui penitudine vitam finiuit. Eundem etiam consensum testantur Ecclesiæ schismaticæ, Græca, Armena, Chaldaica, & aliæ, quæ licet iamdiu à Romana defecerint, fidem tamen de veritate corporis Christi in Eucharistia, ut Apostolicam constantissimè tuerentur.

Adde secundo miracula in eiusdem veritatis confirmationem facta, de quibus videt Cyprianum lib. de Lapsis, Chrysost. lib. 8. de Sacerd. ubi refert visos fuisse sapienter Angelos Christum super altare in Eucharistia adorantes: Opat. Mileuit. lib. 2. contra Donatistas, ubi ait eos lanianos fuisse à propriis canibus, quibus Christi corpus obiecerant. Greg. Magnum lib. 2. Dialog. cap. 24. Bernardum in vita Sancti Malachia lib. 2. cap. 7. & alios antiquos, & sanctos, omni-que prorsus exceptione maiores. Horum

Christus sumitur in Eucharistia ab indignè recipientibus.

48. Consensus Ecclesiæ circa veritatem Eucharisticam.

49. Miracula ad illam eam confirmant.

testimonia plurima refert Cocc. tom. 2. lib. 6. art. 8. Et nunc etiam in Ecclesia Catholica ad præsentiam venerabilis Eucharistiae horrescunt Dæmones, parentque inuiti, & Christum adorant, ac non raro pelluntur de obsessis, vel possis corporibus. Quod à sacramentariis nunquam fieri potuit; neque fieri potest, ut in confirmationem doctrinae falsæ vera edantur miracula: quia Deus non potest mendacio, & impietati attestari.

§ 0. Adde tertio hanc veritatem professos esse eos omnes qui vitæ sanctitate, & miraculis in Ecclesia floruerunt: Martialem, Dionysium, Irenæum, Iustinum Martyrem, Cyprianum, Ambrosium, Chrysostomum, Basilium, Hieronymum, Augustinum, & alios: ut patet ex eorum testimoniis supra relatis. Quibus adde posterioribus sæculis Gregor. magnum: Bernardum, Dominicum, Franciscum, Antonium Parauinum, Franciscum Xaverium: de quo ultimo sic scribit Richardus Hacluitus Minister Anglus in volumine secundo de primis navigationibus par. 2. pag. 8. *Pius ille confessor, & solers Indorum in iis, quæ ad religionem pertinent, institutor, Franciscus Xaverius post multos exantlatos labores, post iniurias, & calamitates magno animo superatas, omnibus benedictionibus spiritalibus plenus, obiit anno 1552. Postquam multa hominum milia ad fidem Christi perduxisset. De hoc viro sancto, virtutibus eius, & mirabilibus, omnes recentes Indorum historiae testantur.* Atqui Xaverium inter cetera constat Eucharistiam adeo veneratum esse, ut nixis genibus eam administraret. Quod pietatis genus sibi esse gratissimum Deus miraculo confirmavit. Interdum enim vitus est lublimis à terra Eucharistiam administrare. Contra verò, qui hanc doctrinam oppugnarunt, homines fuerunt male vitæ, luperci, impuri, multisque aliis vitiis, & erroribus dediti. Berengarium enim non modo superbum, & arrogantem extitisse, sed etiam magiæ, ac necromantiæ deditum, testatur eius coacti Lantfranc. Capruariensis Episcopus in principio libri de Eucharistia: Guil. mundos lib. 1. de Verit. corporis & sanguinis Christi fere initio: Guil. Malmesbur. de Rebus Angl. lib. 3. De Vrielleffo, Caluino, Zuinglio, & aliis, videantur Huntlaustom. 2. Epist. controu. 3. cap. 1. & 17. Lindan. in Historia Religionis, Raymondus de origine hæresum huius temporis, & Bolsec. in vitæ Caluini. Quis credat Deum istis potius, quam illis viris sanctis & vitæ innocens, suique cultus perstudiosis, veritatem patefecisse: permisisseque viros illos miraculis, & vitæ sanctitate illustres, & omnibus ad imitandum propositos, in tam fædæ errore, & idololatriæ vitio perpetuè hæsisse?

§ 1. Addde quarto, Quod præcipua ratio cur hæretici ab hac fidei veritate recesserint, sit quia illis videtur impossibile Christum verè, realiter, & substantialiter sub speciebus Eucharisticis contineri. Idco enim Christi ver-

ba è nativo, & proprio sensu, ad tropicum detorquent: Ideo Patrum testimonia aperitissima vel contemnunt, vel conantur eludere. Ideo ab Ecclesie catholice sensu recedunt, quod putent impossibile Christum simul esse in pluribus locis, esse sine extensione, & dimensionibus naturalibus: permillum esse Sacerdotum potestati, & indignitatibus multis subiectum, quæ frequenter contingunt in Eucharistia. Sed meminisse debent se rationibus humanis nuntium remisisse art. 5. Confess. suæ Gallicanæ: ac protestatos esse cetera omnia verbo diuino infallibili subicienda esse. Veruntamen dicunt, & non faciunt, Pharizzorum more. Neque iuxta Paulum 2. Corinth. 10. captiuant intellectum in obsequium Christi, sed potius Christum in obsequium intellectus. Et exclamant interea cum Propheta Psal. 115. *Omnis homo mendax*: Sed interius ab illa regula communi se excipiunt. Et qui fidem omnibus aliis superbe derogant art. prædicto, ipsis etiam Conciliis generalibus Ecclesie: sibi solis priuatim fidem adhiberi volunt, sibi Spiritum sanctum infallibiliter adesse, atque interius loqui. Sed hæreticis omnibus superbus ille, & impudens loquendi modus communis semper fuit, & nunc etiam est Luthgranis, Anabaptistis, Zuinglianis, Antitrinitariis, & cæteris, qui donec inter se conueniant, ac meliora missionis suæ præbeant argumenta, ridendi prorsus, ut leuissimè dicam, & contemnendi sunt.

Ut autem ad propositum redeamus, si Caluinistæ propter difficultates naturales, & rationes humanas, impossibile putant, vel prorsus incredibile, Christum realiter in sacramento esse, contra Scripturæ testimonia satis aperta, & antiquorum fidem, ac totius Ecclesie sensum: Quomodo credunt alia nec minus difficilia, nec magis in Scripturis expressa, aut sanctorum Patrum auctoritate & Ecclesie sensu, ac traditione confirmata, nec minori apparentia ab antiquis hæreticis in tropicos sensus accepta, seu cuiusmodi sunt mysteria Trinitatis, Incarnationis, & similia? Nimirum quoniam homines animales difficultates huius mysticæ, quippe sensibiles, & palpabiles, vident: aliorum verò, utpote subtiliores, non vident: in quas, si forte aliquando inciderint, faciunt, quod in Michaële Serueto, Polonis, Hungaris, aliisque multis, experientia comprobauit, qui de Caluinistis, Antitrinitariis, Ariani, Athei facti sunt. Nam Seruetus Antitrinitariorum restaurator, prodiit ex hæræ Caluini & Ariani Poloni Caluinistæ primum fuerunt. Et Hungari similiter sub rege Hunniade Caluinismo ad Antitrinitarios defecerunt, ut refert Gordon. Huntlaus Controu. 1. cap. 25. Et Caluinum, ac Bezam, Arianismum suboluisse Genebrardus in Psalmos, alique eruditi obseruarunt. Alii quidam, ut refert Bezan. tom. 1. Opuscul. in opuscul. de auctore peccati cap. 17. nomine Godefridus à Valle, Lutheri publicè combustos

§ 2. Non est neganda propter naturales difficultates.

Hunniades Rex ex Caluinista antitrinitarius.

anno 1572. ex Calvinista Atheus; librum edidit de arte nihil credendi: In quo affirmat, eum, qui voluit esse atheus, à Calvinismo incipere debere. Vnicuique autem in sua arte credendum est. Hoc idem Hofius Cardin. qui Concilio Tridentino præsuit, longè ante prauiderat, cum dixit Calvinismum ad Atheismum viam esse rectissimam. Pergant ergo, si vidobitur, viam illam insistere. Nos Christi verbis, Patrum auctoritati, & totius Ecclesie sensui, columnæque & firmamento veritatis adhaerentes, pronunciemus cum Trident. sess. 13. Can. 1. *Si quis negauerit in sanctissima Eucharistie sacramento contineri verè, realiter, & substantialiter corpus & sanguinem, unà cum anima, & diuinitate Domini nostri Iesu Christi, ac proinde totum Christum; sed dixerit tantummodo esse in signo, vel figura, aut viui: Anathema sit.*

Caluinismus via ad atheismum.

§ 3.

Rationes gratæ veritatis Eucharist.

Rationibus autem humanis, quas obiciunt, multæ piæ, & congruæ opponi possent. Vt, quod conueniens fuerit aliis modis admirabilibus, quibus Christus sese communicauit, hunc addi. *Se nascens dedit socium, conuiscens in edulium, se moriens in pretium, se regnans dat in premium*, inquit D. Thom. in hymno quodam Ecclesiastico. Quod decuerit diuinam sapientiam, bonitatem, & omnipotentiam, hanc Epitomen, & memoriam facere mirabilium, & beneficiorum suorum: conueniensque fuerit ut percibum homo victus, & morti obnoxius, percibum hunc viuentem, & viuificum ad immortalitatem resurgeret: ac loco illius comminationis. *In quacunque die comederis, morte morieris*; audiret tandem, *Qui manducat hunc panem viuet in æternum*. Quod sic oportuerit ad fidem exercendam, spem excitandam, & charitatem inflammandam: ad vnionem fraternam, & vitæ puritatem, ad religionis, humilitatis, patientiæ, liberalitatis, castitatis, & omnium virtutum moralium studium promouendum. Quod enim bonum eius, aut quod pulchrum eius, nisi frumentum electorum, & vinum germinans virginis? Zachar. 9. Sed de his, & similibus vide Chrylost. homil. 61. ad populum. Cyprian. serm. de cœna, & alios à Suare citatos disp. 46. sect. 7. ubi rationes modò tactas, aliasque plures, fusc, ac piè prosequitur.

discipulis, erat panis simul & corpus Christi. Panis quidem realiter, corpus autem Christi sacramentaliter, id est, significatiue: alioqui enim falsa erit altera pars istius narrationis Euangelistarum. Respondeo veritatem illius narrationis exigere potius oppositum: ut nimirum id, quod Christus dedit, fuerit verè panis, & corpus Christi: non simul, sed successiue: panis ante consecrationem, & corpus Christi post consecrationem, ac vi illius: iuxta illud Ambrosii, lib. 4. de sacram. cap. 5. *Antequam consecratur, panis est: ubi autem Christi verba accesserint, corpus est Christi. Denique apud dicentem, Accipite, & edite ex eo omnes. Hoc est corpus meum.*

An. brof.

§ 5.

Opponit secundò: Christus pronuncians verba illa. *Hoc est corpus meum*, per particulam, *hoc* intelligebat id quod tunc in manibus tenebat. Atqui panem tunc tenebat. Ergo per particulam *hoc*, panem intelligebat: ita ut sensus propositionis fuerit, *Hic panis est corpus meum*, sacramentaliter scilicet, & in signo, ut idem Christus explicat, cum addit, teste Paulo 1. Corinth. 11. *Hoc est corpus meum, quod pro vobis frangitur*. Etenim corpus Christi non est in sacramento, nisi eo modo, quo frangitur. Atqui frangitur tantum in sacramento sacramentaliter, & in signo, quatenus scilicet panis Eucharisticus est signum corporis Christi in cruce.

Respondeo particulam, *hoc*, significare id quod Christus demonstrabat in fine propositionis: quod non erat panis, sed ipsius corpus: Etenim significatio illius particulæ seorsim sumptæ, confusa est, & suspensa, donec addantur alia verba, per quæ determinatur. Vis enim illius particulæ est aliquid demonstrare. Cû autem æquè valeat ad demonstranda innumerabilia: quid hic, & nunc demonstret, pendet ex eo, ad quod determinatur. Determinatio autem illa fit in præsentati propositione, ad corpus Christi. Quare corpus demonstrat, & non panem. Sic cû dico, *Hic est pater meus*, hic est seruus meus, hic est equus meus: particula *hic* demonstrat, & confuse significat ut demonstrabile, id quod determinatur, & exprimitur subiunctis vocibus, *Pater meus, seruus meus, equus meus*. Simili modo Christus in Cana Galilææ aquam in vinum vertens, poterat amphoram aquæ plenam manibus tenens dicere, *Hoc est vinum*, & eodem instanti, quo hæc verba absoluebat, aquam in vinum vertere. Quæ propositio verissima fuisse: cû & significatio nominis demonstratiui, *Hoc*, & veritas totius propositionis, sit mensuranda ex instanti, quo absoluitur, pro quo instanti supponit, & ad illud refertur tota.

Sensus ergo propositionis Christi non est ille à Molino datus, *Panis est corpus meum* sed, *Hoc, quod scilicet vobis demonstro, & edendum præbeo, est corpus meum*. Illud autem ab Apostolo additum, *Quod pro vobis frangitur*, intelligendum est de Christi passionis, quæ significatur per verbum de præ-

§ 6.

SECTIO X.

Soluntur obiectiones Calvinistarum ex Scriptura.

§ 4.

Contra doctrinam fidei propositam nulli obiciunt Calvinistæ, & recentissimè Molinæus in Clypeo fidei, par. 2. sect. 25. & sequentibus primæ editionis. Ac primum opponit, ex Euangelio constare Christum accepisse panem, & benedixisse, fregisse, ac dedisse discipulis suis dicendo, *Hoc est corpus meum*. Ergo id quod Christus dabat

testimonia plurima refert Cocc. tom. 2. lib. 6. art. 8. Et nunc etiam in Ecclesia Catholica ad præsentiam venerabilis Eucharistiae horrescunt Dæmones, parentque inuicti, & Christum adorant, ac non raro pelluntur de obsessis, vel possessis corporibus. Quod à sacramentariis nunquam fieri potuit; neque fieri potest, ut in confirmationem doctrinæ falsæ vera edantur miracula: quia Deus non potest mendacio, & impietati attestari.

50. *Credetur à sanctis, im- pugnatæ ab impiis.* Adde tertio hanc veritatem professos esse eos omnes qui vitæ sanctitate, & miraculis in Ecclesia floruerunt: Martialem, Dionysium, Irenæum, Iustinum Martyrem, Cyprianum, Ambrosium, Chrysostomum, Basilium, Hieronymum, Augustinum, & alios: ut patet ex eorum testimoniis supra relatis. Quibus adde posterioribus sæculis Gregor. magnum: Bernardum, Dominicum, Franciscum, Antonium Paduanum, Franciscum Xaverium: de quo ultimo sic scribit Richardus Hacluitus Minister Anglus in volumine secundo de primis navigationibus par. 2. pag. 8. *Pius ille confessor, & solers Indorum in iis, quæ ad religionem pertinent, institutor, Franciscus Xaverius post multos exantlatos labores, post iniurias, & calamitates magno animo superatas, omnibus benedictionibus spiritualibus plenus, obiit anno 1552. Postquam multa hominum milia ad fidem Christi perduxisset. De hoc viro sancto, virtutibus eius, & mirabilibus, omnes recentes Indorum historiae testantur.* Atqui Xaverium inter cetera consistat Eucharistiam adeo veneratum esse, ut nixis genibus eam administraret. Quod pietatis genus sibi esse gratissimum Deus miraculo confirmavit. Interdum enim vitius est ubi- blimis è terra Eucharistiam administrare. Contra verò, qui hanc doctrinam oppugnarunt, homines fuerunt male vitæ, superbi, impuri, multisque aliis vitiis, & erroribus dedicati. Berengarium enim non modo superbum, & arrogantem extitisse, sed etiam magiæ, ac necromantiæ deditum, testantur eius coconi Lanfranc. Cantuariensis Episcopus in principio libri de Eucharistia: Guilelmus lib. 1. de Verit. corporis & sanguinis Christi fere initio: Guillel. Malmesbur. de Rebus Angl. lib. 3. De Wicleffo, Caluino, Zuinglio, & aliis, videantur Huntlaustom. à Episc. Controv. 3. cap. 1. & 17. Lindan. in Historia Religionis, Ramondus de origine hæresum huius temporis, & Bolsec. in vita Caluini. Quis credat Deum istis potius, quam illis viris sanctis & vitæ innocentis, suique cultus persudiosis, veritatem patefecisse: permisisseque viros illos miraculis, & vitæ sanctitate illustres, & omnibus ad imitandum propositos, in tam fædæ errore, & idololatriæ vitio perpetuo hæsisse?

51. *Cur negatur ab hæreticis?* Adde quarto, Quod præcipua ratio cur hæretici ab hac fidei veritate recesserint, sit quia illis videtur impossibile Christum verè, realiter, & substantialiter sub speciebus Eucharisticis contineri. Idco enim Christi ver-

ba è nativitas, & proprio sensu, ad tropicum detorquent: Ideo Patrum testimonia apertissima vel contemnunt, vel conantur eludere. Ideo ab Ecclesiæ catholicæ sensu recedunt, quod putent impossibile Christum simul esse in pluribus locis, esse sine extensione, & dimensionibus naturalibus: permittum esse Sacerdotum potestati, & indignitatibus multis subiectum, quæ frequenter contingunt in Eucharistia. Sed meminisse debent se rationibus humanis nuntium remisisse art. 5. Confess. suæ Gallicanæ: ac protestatos esse cetera omnia verbo divino infallibili subicienda esse. Veruntamen dicunt, & non faciunt, Pharizæorum more. Neque iuxta Paulum 2. Corinth. 10. captivant intellectum in obsequium Christi, sed potius Christum in obsequium intellectus. Et exclamant interea cum Propheta Psal. 115. *Omnis homo mendax*: Sed interius ab illa regula communi se excipiunt. Et qui fidem omnibus aliis superbe derogant art. prædicto, ipsis etiam Conciliis generalibus Ecclesiæ: sibi solis priuatim fidem adhiberi volunt, sibi Spiritum sanctum infallibiliter adesse, atque interius loqui. Sed hæreticis omnibus superbus ille, & impudens loquendi modus communis semper fuit, & nunc etiam est Lutheranis, Anabaptistis, Zuinglianis, Antitrinitariis, & cæteris, qui donec inter se conveniant, ac meliora missionis suæ præbeant argumenta, ridendi prorsus, ut leuissime dicam, & contemnendi sunt.

Ut autem ad propositum redeamus, si Calvinistæ propter difficultates naturales, & rationes humanas, impossibile putant, vel prorsus incredibile, Christum realiter in sacramento esse, contra Scripturæ testimonia satis aperta, & antiquorum fidem, ac totius Ecclesiæ sensum: Quomodo credunt alia nec minus difficilia, nec magis in Scripturis expressa, aut sanctorum Patrum auctoritate & Ecclesiæ sensu, ac traditione confirmata, nec minori apparentia ab antiquis hæreticis in tropicos sensus accepta: cuiusmodi sunt mysteria Trinitatis, Incarnationis, & similia? Nimirum quoniam homines animales difficultates huius mysterii, quippe sensibiles, & palpabiles, vident: aliorum verò, utpote subtiliores, non vident: in quas, si forte aliquando inciderint, faciunt, quod in Michaële Serueto, Polonis, Hungaris, aliisque multis, experientia comprobavit, qui de Calvinistis, Antitrinitariis, Ariani, Athei facti sunt. Nam Seruetus Antitrinitariorum restaurator, prodixit ex hære Caluinistæ & Ariani Poloni Calvinistæ primum fuerunt. Et Hungari similiter sub rege Hunniade à Calvinismo ad Antitrinitarios defecerunt, ut refert Gordon. Huntlaustom. Controv. 1. cap. 29. Et Caluinum, ac Bezam, Arianismum suboluisse Genebrardus in Psalmos, alique eruditi obseruarunt. Alii quidam, ut refert Bezan. tom. 1. Opuscul. in opuscul. de auctore peccati cap. 17. nomine Godefridi à Valle, Lutheri publicè combustus

52. *Non est neganda propter naturales difficultates.*

Hunniades Rex ex Calvinista antitrinitarius.

Caluinif-
mus via ad
atheismum.

§ 3.

Rationes
graz veri-
tatis Eu-
charist.

anno 1572. ex Calvinista Atheus; librum edidit de arte nihil credendi: In quo affirmat, eum, qui vult esse atheus, à Calvinismo incipere debere. Vnicuique autem in sua arte credendum est. Hoc idem Hosius Cardin. qui Concilio Tridentino præsuit, longè ante præsiderat, cum dixit Calvinismum ad Atheismum viam esse rectissimam. Pergant ergo, si videbitur, viam illam insistere. Nos Christi verbis, Patrum auctoritati, & totius Ecclesie sensui, columnæque & firmamento veritatis adhaerentes, pronunciemus cum Trident. sess. 13. Can. 1. *Si quis negaverit in sanctissima Eucharistia sacramenta contineri verè, realiter, & substantialiter corpus & sanguinem, unà cum anima, & divinitate Domini nostri Iesu Christi, ac proinde totum Christum; sed dixerit tantummodo esse in signo, vel figura, aut virtute; Anathema sit.*

Rationibus autem humanis, quas obijciunt, multæ piæ, & congruæ opponi possent. Vt, quod conveniens fuerit aliis modis admirabilibus, quibus Christus sese communicavit, hunc addi. *Se nascens dedit suum, convalescens in edulium, se moriens in pretium, se regnans dat in premium*, inquit D. Thom. in hymno quodam Ecclesiastico. Quod decuerit divinam sapientiam, bonitatem, & omnipotentiam, hanc Epitomen, & memoriam facere mirabilium, & beneficiorum suorum: conveniensque fuerit ut per cibum homo victus, & morti obnoxius, per cibum hunc viventem, & vivificum ad immortalitatem resurgeret: ac loco illius comminationis, *In quacunque die comederis, morte morieris*; audiret tandem, *Qui manducat hunc panem vivet in æternum*. Quod sic oportuerit ad fidem exercendam, spem excitandam, & charitatem inflammandam: ad unionem fraternam, & vitæ puritatem, ad religionis, humilitatis, patientiæ, liberalitatis, castitatis, & omnium virtutum moralium studium promovendum. Quod enim bonum eius, aut quod pulchrum eius, nisi frumentum electorum, & vinum germinans virgines? Zachar. 9. Sed de his, & similibus vide Chrysost. homil. 61. ad populum. Cyprian. serm. de cena, & alios à Suave citatos disp. 46. sect. 7. ubi rationes modò tactas, aliasque plures, fuse, ac pie prosequitur.

SECTIO X.

Solvuntur obiectiones Calvinistarum ex Scriptura.

§ 4.

Contra doctrinam fidei propositam nihil obijciunt Calvinistæ, & recensissimè Molinæus in Clypeo fidei, par. 2. sect. 25. & sequentibus primæ editionis. Ac primum opponit, ex Evangelio constare Christum accepisse panem, & benedixisse, fregisse, ac dedisse discipulis suis dicendo, *Hoc est corpus meum*. Ergo id quod Christus dabat

discipulis, erat panis simul & corpus Christi. Panis quidem realiter, corpus autem Christi sacramentaliter, id est, significati-
uè: alioqui enim falsa erit altera pars illius narrationis Evangelistarum. Respondeo veritatem illius narrationis exigere potius oppositum: ut nimirum id, quod Christus dedit, fuerit verè panis, & corpus Christi: non simul, sed successivè: panis ante consecrationem, & corpus Christi post consecrationem, ac vi illius: iuxta illud Ambrosii, lib. 4. de sacram. cap. 5. *Antequam consecraretur, panis est: ubi autem Christi verba accesserint, corpus est Christi. Denique audientem, Accipite, & edite ex eo omnes. Hoc est corpus meum*, Anbröf.

Opponit secundò: Christus pronuncians verba illa, *Hoc est corpus meum*, per particulam, *hoc* intelligebat id quod tunc in manibus tenebat. Atqui panem tunc tenebat. Ergo per particulam *hoc*, panem intelligebat: ita ut sensus propositionis fuerit, *Hic panis est corpus meum*, sacramentaliter scilicet, & in signo, ut idem Christus explicat, cum addit, teste Paulo 1. Corinth. 11. *Hoc est corpus meum, quod pro vobis frangitur*. Etenim corpus Christi non est in sacramento, nisi eo modo, quo frangitur. Atqui frangitur tantum in sacramento sacramentaliter, & in signo, quatenus scilicet panis Eucharisticus est signum corporis Christi in cruce.

Respondeo particulam, *hoc*, significare id quod Christus demonstrabat in fine propositionis: quod non erat panis, sed ipsius corpus: Etenim significatio illius particulæ seorsim sumptæ, confusa est, & suspensa, donec addantur alia verba, per quæ determinatur. Vis enim illius particulæ est aliquid demonstrare. Cū autem æquè valeat ad demonstranda innumerabilia: quid hic, & nunc demonstret, pendet ex eo, ad quod determinatur. Determinatio autem illa fit in præsentis propositione, ad corpus Christi. Quare corpus demonstrat, & non panem. Sic cū dico, *Hic est pater meus*, hic est servus meus, hic est equus meus: particula *hic* demonstrat, & confuse significat ut demonstrabile, id quod determinatur, & exprimitur subiunctis vocibus, *Pater meus, servus meus, equus meus*. Simili modo Christus in Cana Galilææ aquam in vinum vertens, poterat amphoram aquæ plenam manibus tenens dicere, *Hoc est vinum*, & eodem instanti, quo hæc verba absoluebat, aquam in vinum vertere. Quæ propositio verissima fuisse: cū & significatio nominis demonstratui, *Hoc*, & veritas totius propositionis, sit metienda ex instanti, quo absoluitur, pro quo instanti supponit, & ad illud refertur tota.

Sensus ergo propositionis Christi non est ille à Molinæo datus, *Panis est corpus meum* sed, *Hoc, quod scilicet vobis demonstro, & edendum præbeo, est corpus meum*. Illud autem ab Apostolo additum, *Quod pro vobis frangitur*, intelligendum est de Christi passione, quæ significatur per verbum de præ-

senti, tanquam proximè futura, & moraliter præsens: ut Beia ipse in eundem locum exponit 1. Corinth. 11. v. 24. Quod Vult gata intelligens, venit præsens *adipiscens*, per futurum, *tradetur*. Et ita falsum est assumptum Molinæ; Christi scilicet corpus non esse in sacramento, nisi eo modo, quo in eo frangitur: cum sermo sit de fractione non quæ fiat in sacramento, sed in cruce & passione, in qua licet ossibus paritum est, caro tamen Christi concissa, fracta, dilacerata fuit. Sed quamvis demus verbum, *frangitur*, referri ad fractionem, quæ in sacramento fiat: nego Christi corpus frangi tantum sacramentaliter in sensu Calvinistico, id est, significatiuè, quatenus significatur mors, & passio Christi. Frangitur enim aliter, non secundum se quidem, & ratione sui, ita ut pars à parte diuellatur; sed ratione specierum; quibus fractis, earumque particulis, corpus Christi intimè subest, loco substantiæ panis: & quæ quando franguntur, dicitur corpus ipsum frangi denominatiuè à speciebus fractis. Sicut substantia dicitur videri denominatiuè, quando videntur accidentia, quibus subiacer.

Corpus X.
quo sensu
dicitur frangi in Euch.

57. Tertio opponit, à Christo addi verbis relatis 1. Corinth. 11. v. 25. *Hoc facite in meam commemorationem*: ex quo sic argumentatur: Id quod Christus dabat, erat commemoratio Christi: ergo non erat Christus ipse: eadem enim res non est commemoratio sui ipsius. Respondeo, Apostolum versum sequenti clarè docere cuiusnam rei sit Eucharistia commemoratio, quando subiicit: *Quotiescunque enim manducabitis panem hunc, & calicem bibetis, mortem Domini annuncietis donec veniat*. Itaque iuxta Paulum, Eucharistia est commemoratio mortis Christi, seu potius celebratur, & sumitur in memoriam mortis Christi. Hoc autem non repugnat præsentia Christi sub sacramento. Nam Christus præsens inuisibiliter sub sacramento, potest optimè sumi in memoriam passionis ipsius. Neque repugnat rem eandem excitare memoriam sui ipsius sub diuerso statu. Quod ipsum docet Calvinus in eundem Pauli locum.

Quarto opponit, Christum sacramentum hoc instituētē loquutum esse hebraicè, siue syriacè: in lingua autē hebraica nusquam reperitur, verbum *significat*: Sed vetus testamentum hebraicum loco verbi *significat*, semper vititur verbo *est*, ut probat ex Genes. 40. v. 15. & 18. & cap. 41. v. 26. Vbi, inquit, verbum *sum*, ponitur quater pro *significat*, aut repræsentant. Et Ezech. 37. v. 11. & Dan. secundo, versu trigésimo octauo: & capite quarto, versu vigésimo, & vigésimo secundo; & capite septimo, versu decimo septimo, & vigésimo quarto: & capite octauo, versu vigésimo & vigésimo primo. Vnde infert sententiam huius propositionis. *Hoc est corpus meum*, hunc esse, *Hoc significat corpus meum*; neque aliter Christum id exprimere potuisse.

58. Sed hoc argumentum ignorantia plenum

est. Primò enim, falsum est in lingua hebraica nusquam reperiri *significat*, vel *est significatum*. Reperitur enim Gen. 9. v. 12. & 13. & cap. 17. v. 11. & alibi. Quare Christus dicere poterat linguā hebraicā, si voluisset, panem esse signum corporis sui: sicut Gen. 9. dixit Deus arcum cœlestem esse signum fœderis sui cum Noë, & vniuerso genere humano, & cap. 17. Circumcisionem esse signum fœderis sui cum Abrahamo, & posteris. Secundò falsum est verbum, *sum*, poni pro *significat* in locis ab aduersario citatis: cum nullibi ponatur verbum *sum*, nisi in duobus, scilicet Gen. 41. v. 27. & Dan. 7. v. 17. ibique non ponatur pro *significat*, sed pro *est*, ut patebit consulentibus textum hebraicum. Tertio, licet verbum hebraicum defuisset Christo, quo sensum suum clarè exprimeret: At non deerat Evangelistis, & Apostolo Paulo græcè scribentibus: qui neque illum ignorarunt, neque tacere debuerunt ad arcendum ab Ecclesia idololatriæ periculum: Nam quod addit Minister, Christum illud periculum remouisse verbis istis, *Hoc facite in meam commemorationem*: friuolum est, ut supra ostendimus. Quarto denique, licet in lingua hebraica, græca, latina, gallica, & quauis alia, verbum *Est*, sumi soleat pro *significat*, quando sermo est de interpretatione somniorum, figurarum, vel allegiarum, quarum esse est aliud repræsentare (quibus de rebus sermo est in Scripturæ locis à Ministro mala fide citatis) secus tamen quando est sermo de rebus aliis: præsertim in testamentis, legibus, contractibus, & fœderibus, vbi verborum proprietas, & perspicuitas necessaria est.

Opponit quintò verbum *Est*, aliquando in Scriptura sumi pro *significat*: aut quod eodem redit, prædicatum, vel subiectum propositionis sumi improprie pro signo rei: ut cum dicitur, *Est enim phasæ: Ioannes est Elias: Ego sum vitis vera: Ego sum ostium: Petra erat Christus*, &c.

59.
Sumatur
Est, pro
significat?

Respondeo primò, In plerisque propositionum prædictarum esse aliquod additum prædicati, vel subiecti, ex quo allegoricus sensus manifestè detegitur. Ut v. g. in vltima propositione, immediatè antea dixerat Paulus. *Bibebant autem de spiritali confectione eos Petra*. & subiunxit, *Petra autem erat Christus*. Sermo igitur erat de Petra spiritali. Sic quando Christus ait se esse viam, vel vitam, vel ostium, determinat ibidem de qua via, vel vite, vel ostio loquatur, nimirum spiritalibus, ut ex antecedentibus, vel consequentibus apertum est. Hic autem planè oppositum videmus. Nam quæ Christus adiunxit prædicato corporis, & sanguinis, dicendo, *Quod pro vobis traditur*, aut *tradetur*, *Qui pro vobis effunditur*, aut *effundetur*, repugnant allegoriæ quæ corpus pro corpore mystico, quod est Ecclesia, vel pro figura sumeretur. Neque enim corpus Ecclesiæ

clesiæ, vel figura corporis, & sanguinis Christi, pro nobis in cruce tradita, & effusa fuerunt: sed verum corpus, & verus sanguis Christi.

60.

Respondeo secundò, Magnum esse discrimen inter propositiones allatas in obiectione, & eas, de quibus nunc disputamus. Nam in illis enunciatur disparatum de disparato, quæ non possunt esse vnum & idem, vt propositio videtur affirmare: & quorum vnum esse aliud verè, ac propriè, est euidenter impossibile. Evidenter enim impossibile est Christum esse verè, ac propriè vitem, aut ostium, aut petram: id est, verum hominem esse lignum, aut lapidem: Quare necessarium est in huiusmodi propositionibus impropriè sumi prædicatum, aut subiectum, cum vnum de altero affirmatiuè enunciatur. At in istis propositionibus, *Hoc est corpus meum*, *Hic est sanguis meus*, non enunciatur disparatum de disparato, & impossibile: sed enunciantur corpus & sanguis Christi de seipsis confusè conceptis, & significatis per pronomina demonstratiua *Hoc*, & *Hic*, adiectiuè sumpta; & optimè coherentia cum prædicatis *corpus*, & *sanguis*, ad quæ confusè significanda, & demonstranda, non minùs apta sunt, quàm ad quauis alia, quibus applicari possunt: vt cum dicimus, *Hoc est pallium meum*: *Hic est ager meus*, *filius meus*, *seruus meus*, & similia. Non significatur, inquam, per has propositiones quòd panis sit corpus Christi, & vinum sit sanguis: quòdque panis & corpus Christi sint vnum, & idem: sed quòd id, quod demonstratur sub speciebus panis, sit corpus Christi: & id, quod demonstratur sub speciebus vini, sit sanguis Christi.

61.

Respondeo tertid, Consequentiam ineptam esse, ac simili modo probatum iri quamcunque aliam Scripturæ propositionem metaphoricam esse. Sic quidem Ariani, Nestoriani, Manichæi, contendebant has propositiones, *Ego & Pater vnum sumus*: *Tres sunt, qui testimonium dant in celo*, *Pater, Verbum, & Spiritus sanctus*. Et *hi tres vnum sunt*: *Tu es Christus filius Dei viui*: *Verbum caro factum est*: metaphoricæ esse; & similes aliis, in quibus dicuntur homines iusti esse vnum cum Deo, & iudices vocantur dii, & membra humana tribuuntur Deo. Quibus nihil respondebunt Calvinistæ, quod in ipsos retorqueri non possit. Quid enim dicent Ariani, & Antitrinitariis obicientibus propositiones has, *Ego & Pater vnum sumus*, & *Tres sunt, qui testimonium dant in celo*, & *hi tres vnum sunt*, intelligendas esse de morali tantùm vnitatè: sicut istas, *Claritatem quam dedisti mihi, dedi eis*, vt sint vnum, sicut & nos vnum sumus, Ioannis decimo septimo, versiculo vigesimo secundo. Et, *vnum corpus multi sumus omnes, qui de vno pane participamus*, 1. Corinth. 10. Certè mysteria Trinitatis, & Incarnationis, neque in Scriptura toties sunt expressa, ne-

Tom. IV.

que verbis magis significantibus & propriis. Quorum si proprietates retinenda est, cur non etiam istorum, *Hoc est corpus meum*? Si antiquæ Ecclesiæ sensus sequendus, cur non etiam hic illi adhæretur? Si Conciliorum œcumenicorum auctoritas priuatorum quorundam temeritati anteponendo, cur non etiam hic anteponitur? Si alia loca Scripturæ metaphorica naturæ illorum significationi non derogant, cur hic volunt derogari, tot rationibus proprietatem sermonis exigentibus? Si difficultates naturales inexplicabiles deuorandæ, & captiuandus intellectus in obsequium fidei; cur non hic idem obsequium exhibetur? Sed Calvinistæ, qui profitentur se nihil credere, nisi vel in Scriptura expressum, vel consequentiâ necessariâ ex Scriptura illatum, vbi in Scriptura expressum habent verbum, *Est*, loco illo positum esse pro *significat*? Ex quo Scripturæ loco per consequentiâ necessariam illud inferunt? Nam si aliam non habent, præter hanc, *Est*, alicubi sumitur pro *significat*: ergo etiam hic: inepti sunt, & vix Spiritum sanctum habent, cum tam malè argumentantur, vt ostendant Christum æquiuocè loquutum esse contra omnium gentium morem, secundum quem in fœderibus, contractibus, testamentis, & præceptis, à proprietate verborum discedi non potest ad ambiguitates, & æquiuocationes, sine malitia, vel imprudentia.

62.

Instat, Quia verba Christi sunt sacramentalia: Christus enim sacramentum tunc instituebat. Sacramentum autem est in genere signi: ergo non nisi de signo loquebatur, signoque tribuebat nomen rei significatæ. Respondeo, consequentiâ ineptam esse. Nam ex Christi locutione sacramentali oppositum potius inferendum est. Locutio enim sacramentalis est non modò significatiua; sed etiam practica, & effectiua eius, quod significat: vnde sequitur, verba Christi, quibus sacramentaliter asseruit hoc esse corpus suum, id verè effecisse. Sicut verba baptisimi, *Ego te baptizo*, verè efficiunt id quod significant. Nec refert quòd locutio indicatiua, sit. Nam & vox, quâ Deus mundum creauit, est hebraicè indicatiua, & nihilominus effectiua. Et in baptismo quoque indicatiua est, verè tamen mundatur à peccato, qui exterius abluitur. In ciuilibus etiam indicatiua formula non minùs potest usurpari ad aliquid efficiendum, aut constituendum; quàm imperatiua. Acquæ enim gubernator ac iudex erit is, cui princeps, eum constituendo, dixerit; Tu es gubernator, vel iudex: quàm si dixerit; Esto gubernator, vel, Esto iudex.

Verba sacramentalia efficiunt id quod significant.

Opponit denique sextò, verba illa Lucæ vigesimo secundo, & primæ Corinthiorum vndecimo. *Hic calix nouum*

63.

LII

674 Disput. XXX. de Eucharistia, Sect. X.

testamentum est in meo sanguine : quibus ait explicari, id, quod Christus Matth. 26. dixerat. *Hic est sanguis meus novi testamenti* &c. Et ex illis sic argumentatur : Calix siue id quod in calice continetur, non est testamentum, nisi sacramentaliter, & significatiue : ergo similiter id quod antea Christus edendum dederat discipulis, non erat eius corpus, nisi sacramentaliter & significatiue. Eodem enim modo verbum, *est*, utrobique explicari debet, nimirum pro *significat*. Item id quod est in calice, non est sanguis Christi realiter : alioqui sanguis Christi esset in sanguine Christi : cum dicatur, *Hic calix nouum testamentum est in meo sanguine*. Ergo similiter id quod antea dedit non erat corpus Christi realiter. Tertiò, id quod datur in calice, funditur : additur enim à Luca, & à Paulo, *Qui pro vobis funditur*. At sanguis Christi non funditur, cum venis inclusus maneat : superest ergo ut dicatur fundi sacramentaliter, & significatiue, quatenus vinum, quod effunditur, est signum effusionis sanguinis factæ in cruce.

Sanguis Christi in Eucharistia quomodo est sanguis novi testamenti, & testamentum?

Respondeo ad primum argumentum. Id quod in calice continetur, esse testamentum realiter, quatenus testamenti vox, secundum communem, & vsitatum loquendi modum, significat instrumentum authenticum quo declaratur voluntas testatoris, cuiusmodi est sanguis contentus in calice, respectu voluntatis Christi. Notandum enim vocem testamenti sumi dupliciter secundum communem, & vsitatum loquendi modum. Primò, pro voluntate, testatoris. Secundò, pro instrumento authentico, quo declaratur voluntas testatoris. Priori modo sumitur testamentum à Matth. cum ait, *Hic est sanguis meus novi testamenti*. Posteriori à Luca & Paulo dicentibus, *Hic calix nouum testamentum est in meo sanguine*, id est, Hic calix est instrumentum authenticum meæ voluntatis, in meo sanguine consistens.

64. Ad secundum, Nego propterea sanguinem Christi esse in sanguine Christi : sed sensus illius propositionis est, Hic calix, id est, id quod in hoc calice continetur, est nouum testamentum, id est, authenticum instrumentum meæ voluntatis, in sanguine meo, supple, consistens, vel constitutum, quatenus Christus constituit & decreuit sanguinem suum in sacramento datum, esse authenticum instrumentum suæ voluntatis.

Ad tertium Dico illud, *Funditur*, explicandum esse eodem modo, quo supra, *Frangitur*. Ita nimirum, ut sermo sit de effusione facta in cruce, significata per præsens, quia proximè futura : vel si ad præsentem effusionem in sacramento factam referatur, dicatur sanguis fundi ratione effusionis specierum, quibus subest, & quarum effusionem sequitur.

65. Cui Eu. Opponit septimò, Eucharistiam post consecrationem vocari genimen vitis Matth. 26. vers. 29. & panem 1. Corinth.

1. vers. 26. & capit. 10. vers. 16. aliisque locis. Respondeo, nunquam Eucharistiam panem, & vinum dici, sine aliquo addito, ex quo intelligamus, non de pane communi sermonem esse, sed de corpore Christi : iuxta illud Ioan. 6. *Panis, quem ego dabo, caro mea est pro mundi vita*. Et sicut Christus Samaritanæ dicens, *Qui bibit ex aqua hac, quam ego dabo ei, &c.* significabat se loqui, non de communia aqua, sed de gratia : sic cum dicitur de Eucharistia, *Itaque quicumque manducauerit panem hunc, &c. Panis quem frangimus, &c.* significatur non de communi pane sermonem esse, sed de corpore Christi per conuersionem panis in ipsum factò, iuxta ea, quæ paulò ante, vel immediatè post, iisdem locis adduntur.

Respondeo secundò, Eucharistiam panem, & vinum, vel genimen vitis vocari posse, quia retinet panis, & vini accidentia, & quia ex pane, & vino facta est. Solet enim Scriptura res appellare nomine rerum, quarum similitudinem induunt, ut agnoscit Caluinus ipse in cap. Gen. 18. vers. 16. ad verba illa ; *Et surrexerunt viri illi* : vbi sic ait : *Viros iterum appellat Moyses, quos aperte testatus est fuisse Angelos : sed nomen illis à forma, quam induerant, imponit*. At Eucharistia post consecrationem retinet panis, & vini similitudinem, totamque speciem externam : Solet etiam Scriptura terminum conuersionis vocare nomine rei, ex qua conuersio facta est. Sic Genes. 2. Eva vocatur os, quia de osse, seu costa Adæ facta. Et Exod. 7. vers. 12. Serpens, in quem virga Moysis conuersa fuerat, vocatur virga. Et Ioan. 2. vers. 9. aqua in vinum versa, vocatur aqua post conuersionem. Et homo passim puluis, & terra dicitur ; quia de terra, & puluere formatus.

Opponit octauò, illud 1. Corinth. 10. versu decimo sexto. *Panis, quem frangimus, nonne communicatio corporis Domini est?* Vbi ait manifestum esse, Paulum per panem intelligere panem verum, non autem corpus Christi : tum quia panis, de quo loquitur, frangitur : at corpus Christi non frangitur. Tum quia dicit panem illum esse communicationem corporis Christi : at corpus Christi non est communicatio corporis Christi.

Respondeo, Apostolum per panem illum, intelligere Eucharistiam constantem Christi corpore, & speciebus ; quæ frangitur secundum species, & corpus dicitur frangi ratione specierum, modo superius explicato numero quinquagesimo sexto. Est autem Eucharistia communicatio corporis Christi passiuè, & intransitiuè : quia quando nobis datur, corpus Christi verè nobis communicatur : ac sicut verè loquitur filius, quando ostendens bona sibi à patre relicta, dicit hanc esse participationem, quam habet bonorum paternorum : quæ participatio, passiuæ scilicet, est ipsamet bona sibi

charistia vocatur panis & vinum

66.

Quo sensu Eucharistia est communicatio corporis Christi

à patre relicta: sic verum est dicere participationem, seu communicationem passivam corporis Christi esse ipsummet corpus Christi nobis communicatum.

67.

Quo sensu
verba Christi
sunt spiri-
tus & vi-
a?

Denique omittis aliis levioribus, inculcant sapientius Calvinistæ illud Ioan. 6. *Spiritus est, qui vivificat, caro non prodest quicquam.* Sed ad hoc supra responsum fuit, ubi diximus post Augustinum, & Cyrillum in locum illum Ioannis, Christum respondentem Capharnaïtis murmurantibus, *Quomodo potest hic nobis carnem suam dare ad manducandum?* & existimantibus datum iri modo carnali, & mortuo, ut carnes bubulæ dari, & edi solent; significasse verbis illis modum illum carnalem, & mortuum nihil prodesse, neque modo illo dandam esse, sed spiritali & vitali: suaque verba spiritali, & vitali illo modo esse intelligenda. Absurdum verò esset existimare carnem Christi divinitati unitam hypostaticè, nihil prodesse simpliciter. Alioqui cur à Verbo assumpta & passioni exposita? Cur Apostolus diceret Coloss. 1. nos esse Deo reconciliatos per carnem Christi? Cur adversarii dicunt illam ipsam per fidem à se sumi? Et si ipsa non prodest quicquam; quid prodest panis frustulum, quod eius loco in cœna exhibent? Ineptum ergo est existimare Christum simpliciter asservisse carnem suam nihil prodesse: sed tantum affirmavit non prodesse etiam illo modo carnali, quem Capharnaïtæ, carnales homines, & divinum mysterium sensu carnali metientes, imaginabantur: seu potius modum illum carnalem, & barbarum, atque inhumanum edendi carnem suam, non prodesse: seque de illo minime loqui, sed de alio, quo caro viva, & divinitati coniuncta, spiritali quodam modo, & invisibili, atque ab omni specie inhumanitatis remoto ederetur. Vide inferius numero septuagesimo octavo illustrem locum Augustini ad hanc expositionem confirmandam.

SECTIO XI.

Solvuntur obiectiones Calvinistarum ex Patribus.

68.

Explicatur
duo loca
Tertul-
liani.

Opponit idem Molinæus primò Tertullianum lib. 3. contra Marcion. cap. 19. ubi sic ait: *Panem, suum corpus appellans, ut & hinc iam cum intelligas corporis sui figuram pani dedisse.* & lib. 4. contra eundem Marcion. cap. 40. *Acceptum panem, & distributum discipulis, corpus suum fecit dicendo, Hoc est corpus meum, id est, figura corporis mei.*

Respondeo, Tertullianum priori loco dicere, ut patet ex contextu, & clarè ostendit Cardinal. Perron. lib. 2. de Eucharist. Auctor. 6. Christum iam olim per Hieremiam dedisse panem corporis sui figuram, ver-

bis nimirum illis, Hierem. 11. *Mittamus lignum in panem eius*, id est, crucem in corpus eius. Posteriori, per metathesim ait Christum è pane, veteri corporis sui figura, (ut probat ex verbis Hieremiæ relatis) corpus suum fecisse dicendo, Hoc, quod apud Hieremiam fuit figura corporis mei, corpus meum iam est, transitiuè scilicet, id est, transit, & conuertitur in corpus meum: Qui sensus ex antecedentibus facile intelligitur, habita ratione scopi Tertulliani, qui illis locis, & libris, non aliud intendit, quam Christum non venisse improvise, sed longe antea fuisse prophetatum, & implevisse quæ fuerant à Prophetis de ipso prædicta: ut longa inductione ibidem ostendit. Habita item ratione styli Tertulliani insolentis, & prærupti, qui libro contra Praxeam cap. 19. initio, simili metathesi utitur, cum Paulum citans 1. Corinth. 15. sic ait: *Dicendo neque Christus mortuus est, id est, unctus: pro, Christus, id est, unctus, mortuus est.* Hac autem metathesi usus utrobique videtur, in interiecto suo, id est, Scripturæ verba interrumperet. Vide Perron. supra, & Iaubertum de Barraute tom. 3. Clypei cap. 32. §. 1. & 2. qui suis loca citata exponunt, & verum sensum Tertulliani hunc esse peripicue ostendunt.

Opponunt secundò illud Cypriani lib. 2. epist. 3. *Vinum fuit, quod sanguinem suum dixit:* Respondeo vinum fuisse ante consecrationem, quod sanguinem suum dixit, & fecit esse per consecrationem. Idemque Respondeo ad locum, quem obiicit paulò post ex Chrysost. Homil. 83. in Matth. *Quando Christus dedit mysteria, vinum dedit,* id est, vino, non aqua usus est ad consecrationem. Disputant enim ibi ambo illi Patres contra Aquarios hæreticos, aquam solam offerentes in Calice. Porro Chrysost. ibid. tam clarè affirmat vinum in sanguinem fuisse conuersum, ut nihil clarius dici possit, nec nisi impudentissime possit dissimulari.

Opponit tertio illud Origenis in cap. 15. Matth. *Ille cibus qui sanctificatur per verbum Dei, perque obsecrationem, iuxta id quod habet materiale, in ventrem abit, & in secessum emittitur.* Ibidemque Eucharistiam vocat corpus symbolicum, & typicum. Ad priorem partem huius obiectionis, Respondeo primò, locum Origenis esse dubium, aut nullius fidei, quippe ab Erasmo primò in lucem editum, & Origenis operibus insertum sine ullius auctoritate, vel testimonio, ut ostendit Cardinal. Perron. lib. cit. in Origene, siue Auctore 7. Secundò, missâ eiusdem Perronii longiori responsione, dico nomine materialis, quod est in cibo illo, debere intelligi species sensibiles, non autem corpus ipsum Christi gloriosum, & non amplius animale, sed spiritale; ut loquitur Apostolus de corporibus resurgentium 1. Corinth. 15. vers. 44.

69.

Explicatur
alia duo
Cypriani
& Chryso.

70.

Origenes.

non omnino esse defierit, quia erat alibi, & non tantum in vno loco. Certè cum alicui manus amputatur, aut digitus; anima definit esse in illo, non per abscissum, nec per conuersionem, nec per reductionem ad nihilum: sed propter separationem manus aut digiti à corpore.

87.
Quod est
simul in
pluribus
locis, non
propterea
separatur
à seipso.

Huic argumento simile est istud, quod subiiciunt: Separare corpus Christi à seipso, est illud destruere. Atqui ponere corpus Christi in Eucharistia; cum sit simul in cælo, est separare corpus Christi à seipso? Respondeo, non sequi, si per diuinam virtutem corpus Christi sit in diuersis locis, quod separaretur à se, aut diuidatur, aut multiplicetur. Nam vnum & idem corpus est, quod ponitur in diuersis locis. Quemadmodum anima rationalis, dum post incrementum corporis est vbi non erat, nec tamen propterea definit esse vbi erat; non separatur à se, nec diuiditur, nec multiplicatur; sed vna, & eadem est, vbi non erat, & manet vbi erat.

88.
Quod factum est,
potest iterum fieri
actione diuersa & tota.

Obiiciunt præterea: Impossibile est vt id quod factum est, fiat amplius, postquam factum manet. Atqui Christi corpus factum fuit in Incarnatione, & ab eo tempore manet factum: ergo non potest fieri. Quare transubstantiatio, quæ esset corporis, & sanguinis Christi effectio, est impossibilis. Respondeo, maiorem esse falsam. Non enim repugnat, id quod factum est, habere nouam causam eiusdem sui esse, & in ipso permanere per nouam actionem: quod perinde est, quoad substantiam, ac si fieret. Exemplum est, si Deus conseruet aliquid, cuius omnes aliæ causæ conseruationis deficiant: puta lumen in aëre, remoto sole, & quouis alio corpore luminoso. Quod etiam naturaliter contingit in multis. Nam ea quæ in conseruatione non pendent à causis secundis, à quibus fuerunt producta, vt calor, & aliæ plurimæ formæ accidentales, & substantiales; conseruantur à Deo connaturaliter actione diuersa à prima productione, ipsique æquivalente; & perinde attingente ipsam rei substantiam, ac si de nouo fieret. Non repugnat etiam id quod iam semel factum est, iterum fieri per aliam actionem, remanente priori: quia, vt ostendimus alibi, possunt absolute duæ causæ totales eiusdem generis producere simul eundem effectum; non tantum moraliter, sed etiam physice.

89.
Vltima quoque illatio argumenti propositi incerta est inter Theologos: quia inter eos non constat, si aliquid ponatur in nouo loco: etiam ita vt alteri substantiæ sub iisdem accidentibus succedat per transubstantiationem, oportere vt id fiat per eius productionem. Multi enim contendunt sufficere aliam actionem ponendi illud sine productione, vt parebit disput. sequenti. Vana autem sunt quæcunque alia circa eiusmodi argumentum addunt Calvinistæ de differentia incarnationis, & transubstan-

tiationis. Quamuis enim vna non sit alia: tamen vna non excludit aliam, neque repugnat illi circa idem Christi corpus: siue in transubstantiatione sit productio noua, & effectio corporis Christi: siue tantum sit eius positio sine productione. Planèque Hæretici ostendunt se penitus ignorare quid sit contradictio, dum vocant contradictionem, quod Christus per incarnationem accepere nonnulla, quæ non habet in sacramento secundum ordinem & modum, quo sub accidentibus panis existit. Non enim est repugnantia si aliter quippiam in vno loco sit, quam in alio: neque inde sequitur quod simpliciter res sit, & non sit: aut quod absolute aliquid illi insit, & non insit: sed dumtaxat quod in pluribus locis posita habeat diuersa: ita vt in vno non habeat, quod in alio. At non habere in vno, non est simpliciter non habere. Hæretici autem huc vsque non probarunt non posse rem eandem esse in pluribus locis, & in illis habere diuersa; per absolutam Dei potentiam. Dumque conantur id probare, ostendunt se ignorare vim, & sensum primi principii disciplinarum: in dè etiam terminos ipsos. Nesciunt enim quid sit esse, neque norunt distinguere esse primum, & præcipuum, ab esse accidentario: proptereaque animose, & confidenter argumentantur: Si Christus habet aliud esse naturale per incarnationem, & aliud sacramentale per transubstantiationem: ergo est duæ personæ, & duo individua: quod est impossibile. Sed facile est apud iudices competentes sistere illorum impetum.

Nam ipsum esse primum & substantiale Christi, & corporis eius, ac sanguinis, vnum semper est: neque potest per vllam potentiam multiplicari. Præter illud autem esse, est aliud accidentarium, vt esse calidum, esse frigidum, esse vegetum, esse fatigatum, esse motum vel quiescens, &c. Quæro itaque ex illis num putent eundem numero esse Christum nunc in cælo, qui ante resurrectionem fuit in terris? Id certè neque ipsi negant, neque saluo Apostolorum symbolo & Euangelio, negare possunt. Ille tamen Christus tunc erat passibilis, & mortalis; nunc est immortalis, & impassibilis. Tunc suberat variis mutationibus, & dispositionibus, quarum nunc habet oppositas. Estne propterea diuersum illud esse Christi primum, & præcipuum? Esse autem in alio, & alio loco, & in diuersis locis habere qualitates, aut modos diuersos, non magis mutat illud esse primum, & præcipuum, quam illos habere temporibus diuersis. Nam sicut eadem res, quæ modò mouetur, modò quiescit, manet nihilominus ipsa eadem numero: Et ille, qui ex frigido fit paulatim calidus; subit aliud, & aliud esse minus frigidi, & magis calidi: neque tamen propterea definit esse hic numero idem, & vnus homo:

90.
Esse rerum
duplex.

Lutheranos. Addit Molin. alia quædam Augustini, & Hieron. loca, in quibus loquuntur de manducatione solum spirituali, & metaphorica, vel de manducatione fructuosa, & utili sacramenti Eucharistia: vel affirmant non sumi in Eucharistia corpus illud, quod in cruce passum; neque sanguinem illum, qui in cruce fusus est: vel allegoricè interpretantur verba institutionis, aut promissionis Eucharistia, de corpore mystico Ecclesie, vel de meditatione mortis Christi.

Sensus moralis Patrum non excludit literalem.

Respondeo primò, Patres per illos sensus morales, quibus ad mores informandos, & alios fines bonos videntur, non excludere literalem; quem ibidem, vel alibi exprimunt. Ut neque Paulus ad Galat. 4. explicans allegoricè quòd Abraham duos filios habuit, excludit propterea sensum historicum. Secundò, Patres septem prioribus sæculis Ecclesie, liberius in sensum moralem Christi verba esse interpretatos, quòd eo usque veritas Eucharistia non nisi indirecè, vel obiter interdum impugnata, apud omnes indubitata esset. Et ut in simili ait August. lib. 1. contra Iulianum cap. 6. sciebant se loqui in Ecclesia Catholica; mentemque suam satis intelligi. Tertiò, Patres interdum de Eucharistia obscurius loqui consueverunt propter Catechumenos. Vnde Theodoret. Dial. 2. post medium, de Eucharistia loquens: *Non oportet, inquit, aperte dicere: Est enim verisimile adesse aliquos mysteriis non initiatos.* Similique aposiopesi utuntur sæpe August. Chrysost. Cyrill. Epiphani. alique Patres. Norunt fideles, inquit, norunt initiati. Quartò, Patres, & Scriptores Catholicos iam olim distinxisse triplicem Christi manducationem: spiritalem tantum, sacramentalem tantum, & mixtam ex utraque: spiritalem item aliam per fidem, aliam per gratiam, & aliam per gloriam. De quibus vide accuratius D. Thomæ interpretes ad art. 1. quæst. 80. Similiterque in sacramento Eucharistia distinxisse sacramentum, id est, species consecratas; à re sacramenti, id est, à corpore, & sanguine Christi sub speciebus: ut refertur de Consecrat. dist. 2. c. Hoc est. Item in Christo duplicem præsentiam agnouisse: carnalem, seu corpoream in propria, & visibili specie; & spiritalem, seu inuisibilem in sacramento. Et consequenter duplex quodammodo corpus, & duplex esse: naturale scilicet, ac visibile; & sacramentale, atque inuisibile. Quo sensu Hieronymus, in cap. 1. ad Ephes. ad illa verba, *In quo habemus redemptionem*, sic ait: *Dupliciter verò sanguis Christi, & caro intelligitur. Vel spiritualis illa; de qua ipse dixit: Caro mea verè est cibus, & sanguis meus verè est potus. Vel caro, & sanguis Christi, quæ crucifixa, & qui militis effusus est lancea. Iuxta hanc divisionem, & in sanctis eius diuersitas carnis, & sanguinis accipitur. Ut alia sit caro, quæ visura sit saluare Dei: alia caro, & sanguis, quæ Regnum Dei non queunt possidere.* Alia scilicet quoad modum, & qualitates, non

August.

Theod. 1.

Hieron.

quoad substantiam. Resurgent enim sancti in eadem carne substantialiter. Similiterque alia est caro Christi in Eucharistia, & in cruce; quoad modum essendi: At non alia quoad substantiam. Denique nota præter Eucharisticum panem, alium fuisse (ut nunc etiam est panis benedictus) dictum panem Catechumenorum; eò quòd daretur Catechumenis, quibus tamen Eucharisticus non modò non dabatur, sed ne videri quidem permittebatur.

Hinc facile erit respondere prædictis, & similibus aliis sanctorum Patrum testimoniis, à Molino, & aliis Caluini sequacibus, frequenter obiectis. Nam August. lib. 2. de Peccat. merit. cap. 26. cum sic ait: *Quod accipiant, quamuis non sit corpus Christi, sanctum tamen est, quoniam sacramentum*: Loquitur manifestè de pane Catechumenorum, quem vocat sacramentum lata & impropria significatione, id est, sacrum signum vel vnitatis inter fideles, vel ipsius Eucharistia, & corporis Christi. Cum verò dicit tractatu vigesimo quinto, in Ioannem, *Quid parascitentem, & ventrem? Crede & manducasti*: loquitur de manducatione spirituali tantum: & in libro sententiarum à Prospero collectarum, sentent. 339. & tractat. 26. in Ioan. sub finem, ubi negat malos sumere corpus Christi spiritualiter, tamen dentibus premant sacramentum corporis, & sanguinis, loquitur de manducatione spirituali: vel de mixta, quæ non tantum sacramentalis sit, sed & spiritualis: id est, quæ non tantum sit sacramenti perceptio, sed etiam gratia. Cum autem ait tractat. 50. in Ioan. sub finem, *Secundum præsentiam maiestatis semper habemus Christum: secundum præsentiam verò carnis rectè dictum est discipulis, Me autem non semper habebitis*: loquitur de præsentia carnali, & in propria specie. Et cum addit ibidem paulò post, nos per fidem tenere Christum in Eucharistia, ut in Baptismo: non propterea negat tenere etiam secundum rem; neque in omnibus Eucharistia Baptismum æquiparat.

Locus autem eiusdem August. in Psalm. 98. *Spiritualiter intelligite quod loquutus sum. Non hoc corpus, quod videtis, manducaturi estis*, rectè explicatur à D. Thom. quæst. 75. art. 1. ad 1. de corpore visibili, & passibili, ut tali; quale tunc erat. Nec obstat quòd vult ibi D. August. pronomine demonstratiuo Hoc, & relatiuo Quod: nam familiare est, ut his vocibus demonstrentur, & referantur res, etiam secundum statum aliquem, & modum accidentarium, ut cum ille dicebat.

Non sum qui fueram, &c.

Atque ita seipsum explicat idem sanctus Doctor tom. 2. in epist. ad Irenæum, verbis relatis de Consecr. dist. 2. c. 45. *Non hoc corpus, quod videtis, manducaturi estis, & bibaturi illum sanguinem, quem fusi sunt, qui me crucifigunt. Ipsum quidem, & non ipsum.*

Ipsam inuisibiliter, et non ipsam visibiliter. Simili etiam modo seipsum exponit S. Hieronymus, loco supra relato, numero 74. in fine.

77. Quod verò ait idem August. lib. contra Adimantum cap. 12. Non dubitalle Dominum dicere; *Hic est corpus meum*, cum signum daret corporis sui: & epist. 23. sub finem, Sacramenta plerumque sumere nomina rerum, quatenus sunt sacramenta, propter aliquam similitudinem cum ipsis; & sicut secundum quendam modum sacramentum corporis Christi, corpus Christi est: ita sacramentum fidei, fides esse. Hæc, inquam, sunt intelligenda de Eucharistia, vel secundum quod est signum corporis Christi mystici, quod est Ecclesia: vel secundum quod est signum corporis Christi patiens, & mortis eius annua & quotidiana commemoratio, ut fuit, & eruditè ostendit Cardin. Perron. lib. 3. de Euchar. eiusque additamento: vel secundum id quod sacramentum tantum est, & signum veri corporis Christi non absentis, sed præsentis: sicut columba super Christum descendens Ioan. 1. erat signum Spiritus sancti, non vacuum, sed plenum.

78. Denique quando lib. 3. de Doctr. Christiana cap. 16. inter locutiones figuratas hæc ponit, *Nisi manducaveritis carnem filii hominis*, &c. & ne flagitium videatur iubere, ait figuram esse, præcipientem passioni Domini communicandum esse, &c. Est quidem verum figuram esse, quatenus verba non sunt intelligenda prout crasse, & prima fronte sonant, de manducatione minime carnali modo, atque vulgari, ut idem August. explicat tract. 27. in Ioan. ubi sic ait: *Carnem non prodest quicquam, sed quomodo sit intellectus.* Carnem quippe sic intellexerunt, quomodo in cadavere distinetur, aut in macella venditur, non quomodo spiritus vegetatur. Accedit spiritus ad carnem; & prodest plurimum. Nam si caro nihil prodesset, verbum carnis non foret, ut habueretis nobis. Et paulò post: *sicut illi intellexerant carnem, non sic ego do ad manducandum carnem meam.* Sensus autem à D. August. datus de manducatione spiritali per memoriam passionis, bonus quidem est, sed non solus. Neque enim Christus tantum præcepit Apostolis, Matth. 26. ut passionis suæ recordarentur: sed ut ipsa comederent id quod ipsis offerebat, quodque corpus, & sanguinem suum esse asseverabat. Et regula D. Augustini de Scripturæ verbis figuratè interpretandis, quando flagitium suadere videntur, ita intelligenda est, ut non plus recedatur à Scripturæ proprietate, quam ad flagitium vitandum opus est. Nam alioqui proprietates Scripturæ retineri debet, quod fieri potest. Nec est cuiusque iudicare an, & quando flagitium suadeant; facile enim Calvinistæ, & illis similes existimassent flagitium præcipi, quando iubebatur Abraham filium immolare, Genes. 22. & seipsum, suisque circumcidere, Genes. 17. aut Oseas fornicariam querere, & facere filios fornicatio-

num, Oseas 1. quæ tamen propriè, & ad litteram fuerunt intelligenda. Plura de his vide apud Perron. lib. 2. de Euchar. & Barzila tom. 3. Clypei cap. 32.

SECTIO XII.

Solventur argumenta ex rationibus humanis.

Superest diluere argumenta desumpta ex rationibus humanis, quæ sunt ultima, & præcipua Ministrorum præsidia. Quamvis enim nihil frequentius in ore habeant, quam verbi divini appellationem: nihil tamen minus colunt in cordis recessu, quasi illud, quod infirmæ suæ rationi subiiciunt. Hanc habent summam regulam credibilitatis suæ, ut quod eorum debilis, & infirma ratio iudicaverit non esse impossibile, illud teneri posse statuant, non autem aliquid ultra. Factentur interea non esse subiicienda fidei mysteria infirmitati rationis humanæ: & art. 7. Confess. suæ fidei Eccles. Gallic. protestantur se illi annuncium remittere in rebus fidei, & rationes humanas, ceteraque omnia verbo divino infallibili subiicienda esse. Sed re ipsa nihil minus faciunt, planèque illis similes esse videntur, qui verbo quidem confitentur se nosse Deum, factis autem negant. Tit. 1. vers. 16.

Quæ autem de rationibus humanis obijciunt, hæc præcipue sunt: Quod in primis repugnet corpus humanum esse inextensum localiter. Repugnet secundò dari penetrationem dimensionum. Repugnet tertio unum, & idem corpus esse simul in pluribus locis. Contingant denique in Eucharistia quædam tam indecentia, Christoque indigna, ut reali eius præsentia repugnent. Ecce quibus argumentis omnipotentia Dei humana contradicit infirmitas, quam possidet vanitas! inquit D. August. in simili, lib. 23. de Civit. cap. 11. fere in initio.

Ad primum Respondeo, Nunquam hæc Corpora po-
reticos offendisse implicare contradic-
tionem, ut corpus liberetur ab extensione
actuali, ipsi accidentaria, & naturaliter
etiam variabili, invariata ipsius essentia, at-
que etiam integritate substantiali: ut in rare-
factione, & condensatione apparet, per
quam naturaliter corpus ex ætère ad spa-
tium multò minus redigitur, vel è contrario
ad multò maius extenditur. Deus autem in-
finitè potentior est, quam natura creata. Et
quamvis apud homines impossibile sit camelum eò redigi parvitas, ut per foramen acus intrare possit: Deo tamen possibile illud est, ut Christus ipse affirmat Matth. 19. Quidni ergo possit corpus humanum accommodare ad quantitatem hostiæ multò maioris acus foramine, quod tamen hæretici impossibile iudicant? Imò ex solo exemplo naturalis condensationis, circa divinam reucla-

79.
Hæretici
subiiciunt
rationi ver-
bum Dei.

80.

tionem, colligi posset facile, corpus extensum redigi posse ad punctum loci. Cum infinitè maior sit Dei potentia naturali virtute condensandi: & aliunde non ostendatur id implicare contradictionem. Nam de essentia corporis non est extensio illa actualis, & dispositio partium in loco secundum quandam correspondentiam: sed extensio tantum in ordine ad se, quæ consistit in ipsa multitudine partium, ex quibus constat ipsius entitas apta coextendi loco, & spatio diuisibili. Loquor autem de corpore humano, aut de corporibus, quæ nunc sunt: abstraho enim ab illa quæstione an absolute dari possit corpus etiam entitatiuè indiuisibile, & simplex quoad partes entitatuas, sicut nonnulli dicunt dari, & certè dari potest simplex quoad partes physicas, id est, expositæ compositionis ex materia, & forma substantiali, ut de corporibus cælestibus affirmat Averroes.

81. Cum autem corpus in indiuisibili ponitur non anuit propterea ordinem partium in ordine ad se, neque propterea minus sit secundum entitatem, sed dumtaxat secundum locum. Corpus enim Christi positum in indiuisibili, non propterea definit habere duas aures, duo brachia, duos pedes, & quotquot partes habebat antea: neque propterea definit caput esse vnitum immediate collo, & non pectori: collum autem humeris, & non pedibus, quamuis hæc omnia secundum locum simul sint, & vnico spatii puncto claudantur. Denique si hæretici credunt Deum adeo esse impotentem, ut accidentia naturali necessitate cum corporibus iuncta, adimere illis non possit, vel naturales condiciones, & se habendi modos mutare: quomodo credunt solem obscuratum iri Matth. 24. & resurgentium corpora spiritalia fore 1. Corinth. 15. & Christum se indiuisibilem reddidisse, super aquas ambulasse, & alia similia, quæ ab Euangelistis narrantur? An facilius putant corpus quodcumque è nihilo creare, aut in nihilum redigere, quàm in punctum spatii contrahere?

82. Ad secundum Respondeo similiter nunquam hæreticos ostendisse penetrationem dimensionum repugnare Dei omnipotentia, quæ potest quidquid non implicat contradictionem Luc. 1. v. 37. & Mar. 14. v. 36. Quin potius ex Scriptura oppositum deduci potest. Nam ut omitam, quod ait Paulus Hebr. 4. v. 14. *Habentes ergo pontificem magnum qui penetravit celos, Iesum filium Dei*: & quod aiunt sancti Patres, Christum per penetrationem exiisse ex utero matris illæso & extumulo clauso: Christus Ioan. 20. v. 19. intrans ianuis clausis in domicilium Apostolorum, vel transiit per aliquid patens, & apertum, quod potius nudè dici debuit ab Euangelistis, quàm intrasse ianuis clausis, quasi quid admirabile per se, quod non fuit, si aliunde via patuit: vel transiit per postes, vel per muros, vel sine transitu stetit repente in medio discipulorum. Ali-

gant Ministri quod volent, & discant Dei opera tuo sensu exiguo non metiri. Nihil autem respondebunt, quod vel Ioannis verba vana, aut falsa non reddat, vel eorum incredulitatem non arguat. Nam siue dicant Christum sine transitu stetisse inter discipulos, siue per muros, aut per postes ingressum esse, vtrumque superat intellectum humanum, neque viribus naturalibus fieri potest. Dicere verò quod Christus ingressus sit per ostium, vel aliud spatium apertum & patens, reddit verba Euangelistæ vana, vel falsa, quibus affirmat Christum ianuis clausis stetisse in medio. Si enim fores relectæ sunt, non stetit, nec venit ianuis clausis, sed potius relectis. Si verò per aliquod spatium patens intravit: hoc potius dicendum fuit, quàm illum venisse, & stetisse in medio ianuis clausis. Adde quod non fuisset ratio, cur Apostoli ratione talis ingressus existimaret se spiritum videre, ut refert Luc. cap. 24. v. 37. Denique figmentum est, nullo modo conueniens verbis Euangelistæ, asserere Christum vel per ostium apertum, vel per aliud spatium patens fuisse ingressum. Siquè ostium non aperuit: multò minus vel aliquid demolitus est, vel per aliud spatium patens intrauit.

Quando autem per penetrationem partes multæ coeunt in locum eundem: non propterea de finit esse multæ, neque propterea quælibet est æqualis multitudini omnium secundum entitatem: licet nec multæ, nec inæquales secundum locum sint: id est, nec multa loca, nec inæqualia occupent, sed eundem. Sic quatuor Angeli in puncto eodem existentes, quatuor tamen sunt, nec vnus est æqualis in entitate multitudini omnium, quamuis tantum loci occupet, ac tota multitudo. Idemque est de materia, & forma substantiali, & de accidentibus, quibus substantiæ afficiuntur. Hæc enim omnia penetratiuè sunt simul. Neque repugnat naturaliter penetratio dimensionum quarumlibet: sed tantum earum, quæ quantitatis exclusiue atque impenetrabilis propriæ sunt.

De tertia difficultate dicemus disp. 32. sect. 3. vbi ostendemus ea quæ ab hæreticis obijciuntur, vana esse, & inutilia contra Dei omnipotentiam: imò etiam contra præsentiam animæ in corpore, aut Dei in vniuerso, & alia ab ipsis credita, æque pugnare.

Ad quartum Respondeo Nestorium sapere, vel Iudæum, aut Ethnicum, ea quæ ab hæreticis obijciuntur in eo genere: sic enim illi Christi Domini diuinitatem impugnabant: Egone Deum esse eradam infantulum vagientem in curis, vel hominem spuitis sordidum, flagris confectum, ac denique cruci inter latrones affixum? Sicut autem charitas erga homines, & nostræ salutis desiderium, Christum ad ea impulit, ita & ad diuinum hoc sacramentum instituendum, non obstantibus illis indignitatibus: quibus

83.

Quæ se penetrat, uel desinunt esse diuersa

84.

Caluinistæ similes Nestorianis.

annihilationem, sed conuersionem. 3. Hanc conuersionem non esse similem conuersionibus naturalibus, sed esse omnino supernaturalem, sola Dei virtute effectam. Non enim est tantum conuersio formalis, id est, mutatio vnius formæ in aliam, qualis fieri potest virtute agentium naturalium: sed est conuersio totius entis, id est, totius substantiæ panis, & vini, in totam substantiam corporis, & sanguinis Christi: vnde proprio nomine transubstantiatio dici potest. 4. Facta consecratione omnia accidentia panis & vini remanere, quemadmodum sensu apparet: idque rationabiliter à diuina prudentia fieri. Tum quia non est conuetum hominibus, sed horribile carnem hominis comedere, & sanguinem bibere. Et ideo proponuntur nobis caro, & sanguis Christi sumenda sub speciebus illorum, quæ frequentius in vsum hominis veniunt, scilicet panis, & vini. Tum etiam ne sacramentum ab infidelibus irrideretur, si sub specie propria, Dominum nostrum manducaremus. Tum denique, ut dum inuisibiliter corpus, & sanguinem Domini nostri sumimus, hoc proficiat ad meritum fidei. 5. Formam substantialem panis non remanere: quia tota substantia panis conuertitur in totam substantiam corporis Christi: & contrarium repugnat formæ verborum sacramentalium. 6. Conuersionem hanc fieri in instanti; quia diuina virtute fit: & substantia corporis Christi, ad quam terminatur, non suscipit magis & minus: neque vllum in hac conuersione subiectum est, quod successiua præparatione indigeat. 7. Hanc propositionem, *Ex pane fit corpus Christi*, veram, & propriam esse: quia particula *ex*, designat ordinem extremorum, quorum vnum in alterum conuertitur. Huc vsque D. Thom. cuius doctrina sequentibus sectionibus illustranda est.

SECTIO I.

Utrum in hoc sacramento remaneat substantia panis & vini post consecrationem?

I.
Conclusio
negatiua.

RESPONDEO negatiue cum D. Thoma quæst. 75. art. 2. & fide Catholica. Sic enim definitum est in Concilio Romano sub Gregor. VII. Lateran. sub Innoc. III. cap. 1. Constantiensi sess. 8. Florent. in Decreto Eugenii, & Trident. sess. 13. cap. 4. & can. 2. Confirmatur primò auctoritate sanctorum Patrum asserentium panem per consecrationem fieri corpus Christi, ut loquuntur Tertull. lib. 4. contra Marcion. cap. 40. Et Iustin. sub finem Apolog. 3. Mutari non effigie, sed naturâ, ut ait Cyprian. serm. de Cœna Domini. Transclementari. & transubstantiari, ut ait Gregor. Nyss. in orat. Catechetica cap. 37. Non esse amplius panem, licet gustus panem esse sentiat, ut ait Cyrill. Hierosolym. Catech. 4. Mystag. Mutari, & verti in corpus Christi, ut ait Ambros. lib. de Init. cap. 9. & alia id genus plurima, quorum aliqua supra retulimus: plura verò

referuntur à Bellarm. lib. 3. de Eucharist. cap. 20. & Valent. disp. 6. quæst. 3. punct. 2. §. 3.

Confirmatur secundò ex Scriptura: quia veritas, & proprietas verborum formæ consecrationis, *Hoc est corpus meum*, *Hic est sanguis meus*, requirit ut panis, & vinum non remaneant. Nam ad eorum veritatem, & proprietatem retinendam secundum communem, & vsitatum loquendi modum, necessarium est, ut sub accidentibus panis, & vini non remaneant eorum substantiæ. Si enim remanerent, demonstrarentur pronomini- bus demonstratiuis formæ consecrationis, quibus aliquid sensibilibiter sub speciebus demonstratur. Quod ut probem, suppono cum Suar. disp. 49. sect. 2. pronomen, *Hoc*, applicari posse, vel rei, seu substantiæ, quæ ex natura sua, aut ex arte & vsu communi, aliam continere apta est: cuiusmodi sunt crumena, dolium, arca, &c. vel rei, seu substantiæ, quæ non est apta continere aliam, ut est triticum v. gr. vel panis, & similia. Priori modo, in satis propria, communi, & vsitata significatione designare potest substantiam contentam sub alia substantia: ut cum de marsupio, vel dolio dicimus, *Hoc est aurum meum*: *Hoc est vinum meum*. Ratio est,

2.
Probat
ex proprie-
tate verbo-
rum formæ
consecra-
tionis.

quia ea, quæ per se destinata sunt ad capiendum, & continendum, quatenus talia sunt, censentur dumtaxat veluti adiunctum quoddam eorum, ad quæ continenda, & capienda ordinantur. Ideoque non tam illa attendimus, quàm ea, quæ illis continentur, & se habent instar accidentis artificialis, ad hoc effecti, ut alienam substantiam in se contineat, & designet. De aliis verò non similiter loquimur, sed ex vi, & proprietate pronominis demonstratiui designamus sub accidentibus sensibilibus substantiam, quam accidentia illa contegunt, & cui inhaerent, si alicui inhaerent: vel si nulli inhaerent, demonstramus eam quæ loco illius substituta est, & vice illius sub iisdem accidentibus subest. Dum enim accidentia sensibilia subiecto proprio inhaerent, ad illud propriè pertinent, illudque propriè designant, & ad sensum demonstrabile constituunt. Si verò non insunt vlli subiecto, & tamen continent, & contegunt aliquod corpus loco sui subiecti substitutum: tunc tale contentum constituunt demonstrabile ad sensum. Quoniam ergo panis non erat de se aptus ad continendum corpus Christi, neque in hunc usum assumi solebat: si sub accidentibus illius substantia panis adfuisset, demonstrata fuisset à Christo consecrante, ex vi, & proprietate talis pronominis. Quamdiu enim sub accidentibus continetur, non potest excludi à propria, & usitata significatione, ac demonstratione illius pronominis. Postquam verò substantia panis conuersa est in aliam, quæ vice illius, sub iisdem accidentibus subest: iam non substantia panis, sed illa, quæ loco illius substituitur, illo signo propriissime demonstratur. Iam enim accidentia munus suum demonstrandi in istam transtulerunt, & non est alia, quæ sub illis demonstrari possit. Hanc rationationem confirmare videtur Trident. sess. 13. cap. 4. ubi sic ait: *Quoniam autem Christus redemptor noster corpus suum, in quo sub specie panis offerebat, verè esse dixit; ideo persuasum semper in Ecclesia Dei fuit, idque nunc denovo sancta hæc synodus declarat, per consecrationem panis, & vini, conuersionem fieri totius substantie panis in substantiam corporis Christi, &c. remanentibus tantum accidentibus.*

3. Error Lutheri.
Aduersus hæc opponunt Lutherani primò testimonia quædam Scripturæ, quibus præcedenti disp. sect. 10. responsum fuit. Opponunt secundò, Gelasium Papam lib. de Duabus naturis Christi, contra Eutychetem, in fine: Chrysost. epist. ad Cæsar. Ephrazm apud Phorium in Bibliotheca, Damasc. lib. 4. de fide cap. 14. & Theodoret. Dial. 1. & 2. quasi affirmant naturam panis, & vini remanere, & cum corpore Christi coniungi. Sed Gelasium & Chrysostomum falsò citant. Ephrazm autem peressentiam sensibilem, quæ non amittitur, ad illud refertur, intelligit accidentia sensibilia. Damasc. verò quando ait loco cit. Christum cum pane & vino coniunxisse suam diuinitatem, intelli-

git, cum pane & vino remanentibus quoad species dumtaxat, ut sequentia verba declarant. Nam Damasc. eodem loco, ubi dixit Christum cum pane, & vino diuinitatem suam coniunxisse, eaque suum corpus, & sanguinem fecisse, subiungit: *Corpus enim secundum veritatem coniunctum est diuinitati, quod ex sancta Virgine corpus est. Non quod ipsum corpus assumptum à celo descendat: sed quod ipse panis, & vinum transmutentur in corpus, & sanguinem Dei.* Et paulò post addit, panem & vinum per inuocationem & aduentum Spiritus sancti transmutari in corpus & sanguinem Christi, sicut cibus & potus conuertuntur in substantiam alicui, ita ut non sint duo, sed vnum & idem.

Similiterque Theodor. per symbola, quæ dicit non mutare naturam, sed gratiam illis adici, intelligit species Eucharisticas, ut vult Bellarm. Vel potius, ut rectè docet Cardin. Petron. per naturam intelligit naturalem panis speciem seu figuram, colorem, saporem, & cætera accidentia naturalia, quæ naturæ nomine significari solent à Patribus, ut variis exemplis confirmat idem Cardinalis loco infra citando. Sed & ipsemet Theodoretus id satis indicat iisdem locis, ipsamque panis & vini substantiam in corpus & sanguinem Christi mutari, non obscure profiteretur. Nam Dialogo illo primo, postquam dixit, *Symbola, & signa, quæ videntur, nomine corporis, & sanguinis honorantur, non naturam mutant, sed naturæ gratiam adiciunt:* subiungit non esse attendendum ad naturam eorum, quæ videntur; sed credendum mutationi, quæ hæc fit ex gratia. Et Dial. 2. postquam dixit symbola, seu signa mystica manere in priori substantia, & figura, & forma, ut videri, & tangi possint, sicut prius: subdit: *Intelliguntur autem ea esse, quæ facta sunt, & adorantur, & creduntur, ut quæ illa sunt, quæ creduntur.* Quamquam etiam aliter verti possint verba Theodoreri in hunc modum: *Manent enim in prioris substantia, seu natura, vel essentia, & figura, & forma, nisi vnde in scriptis sanctis non videtur.* Accipiendo scilicet vocem & Cui, in genitiuo, qui regatur ab aliis duabus vocibus & Cuius, & Cuius sumptis in ablatiuo, ut rectè obseruauit Peron. lib. 2. de Eucharist. Auctor. 6. apud quem plura de his, & aliis Lutheranorum obiectionibus, & sanctorum Patrum auctoritatibus videri possunt, & apud Iaub. de Barault tom. 3. Clyp. cap. 32.

4. Soluuntur alia argumenta Lutheri.
Opponunt tertio, Accidentia sine subiecto non posse manere: & id, quod remanet in Eucharistia post consecrationem, posse alterari, & corrumpi in vermes, ut experientia manifestum est. At hoc non fieret, nisi remaneret saltem materia substantialis panis, & vini, quæ si subiectum harum mutationum. Ergo, &c. Sed ad primum dicendum est, puerile argumentum esse, si contra Dei omnipotentiam assumatur. Quamuis enim accidentia non possint esse, quin semper retineant aptitudinem, ac propensionem naturalem

Explicatur
testimonia
Patrum.

naturalem ad inhærendum subiecto: nihilominus non est de eorum ratione essentiali inesse actu, sed possunt conseruari diuinitus absque subiecto. Ad secundum Respondeo, Secretum, & exercitium fidei exigere, vt eueniant omnia exterius, & sensibiliter in pane, & vino consecrato, quæ euenirent in non consecrato. Eueniunt autem Deo supplente id quod ex parte causarum naturalium deest, vt inferius exponemus disput. 32. sect. 4.

SECTIO II.

An panis & vinum conuertantur in corpus & sanguinem Christi?

5. **P**rima conclusio: Nihil substantiæ panis & vini remanet sub speciebus post consecrationem. Absolutè tamen tota substantia vtriusque manere posset cum corpore, & sanguine Christi. Sed non salua proprietate verborum, quibus reipsa fit consecratio secundum præsentem Christi institutionem.

Prima pars conclusionis est de fide, expressè tradita à Trident. sess. 13. can. 2. cum ait fieri conuersionem totius substantiæ panis in corpus Christi, & totius substantiæ vini in sanguinem, remanentibus dumtaxat speciebus panis, & vini. Similia habentur in concilio Colonienfi parte 7. c. 15. & can. *Omnia*, de Consecrat. dist. 1. vbi dicitur, post consecrationem nihil aliud manere, nisi accidentia panis, & corpus Domini. Vnde collige errasse grauiter Rupertum lib. 2. de Diuin. Offic. cap. 2. si, vt nonnulli ipsi tribuunt, & vt eius verba præ se ferunt, existimauit panem in Eucharistia manere vnitum hypostaticè Verbo, eo prorsus modo, quo natura humana fuit à Verbo assumpta: & Durandum in 4. dist. 11. q. 3. aientem panis, & vini materiam remanere, sicut in conuersionibus substantialibus naturalibus manet eadem materia sub vtraque forma: Materia enim eadem, quæ fuit sub forma ligni, manet sub forma ignis, quando lignum vertitur in ignem. Ac denique falli modernos quosdam Thomistas, & Godefridum Quodlibet. 8. quæst. 17. quorum priores asserunt remanere existentiam panis, & vini, vt per eam accidentia panis & vini existant: Posterior vult manere panis & vini subsistentiam, vt per eam accidentia extra subiectum subsistant. Quæ omnia satis manifestè damnantur supradicta definitione Tridentini affirmantis totam substantiam panis, & vini conueri, remanentibus tantum eorum speciebus, id est, accidentibus.

6. Præterea verò Rupertus temerè, ac sine fundamento inducit mysterium vnionis hypostaticæ, & impanationis Verbi, inauditum in Scriptura, & in antiqua Ecclesia.

Tom. IV.

Quæ vnio hypostatica quotidie multoties fiat, & destruat, quoties Eucharistia consecratur, & consumitur: quæque panem adorandum constituat, & tam propriè, ac verè Deum, quàm Christus est Deus. Quæ omnia sunt inaudita, & absurda, & ad veritatem verborum Christi, *Hoc est corpus meum*, planè inutilia. Neque enim de pane, sed de vero suo corpore in cruce tradito pro nobis, Christus hæc verba protulit.

Durandus autem perperam asserit manere panis materiam, & informari animâ Christi gloriosâ. Primò enim, absurdum est animam Christi gloriosam informare materiam alterabilem, & diuisibilem. Secundò, non fieret transubstantiatio, sed solum generatio, & formalis conuersio, contra Concilia Lateran. & Trident. locis infra citandis. Tertiò, materia illa panis non esset corpus Christi: quia non esset corpus organicum: nisi velit Durandus in eam induci formas partiales, & organicas vt fiat corpus humanum, & aptum animæ rationali recipiendæ. Siue autem easdem induci velit quæ sunt in Christi corpore, vbi existit connaturali modo, siue diuersas, non esset corpus illud, quod in cruce pro nobis traditum fuit, sed aliud ab illo realiter diuersum, saltem ex parte materiæ: contra expressa Christi verba, *Hoc est corpus meum, quod pro vobis tradetur*.

Denique Thomistæ, & Godefridus, malè supponunt accidentia physica non habere existentiam propriam, & existentiam substantialem: atque subsistentiam, esse quid distinctum realiter, & separabile à substantia, cuius est. Quod quàm sit à veritate alienum, ex dictis alibi, & ex philosophia tam notum est, vt noua refutatione non egeat.

Secunda pars conclusionis, quod nihilominus absolutè loquendo tota substantia panis & vini manere potuerit cum corpore, & sanguine Christi, probatur, quia corpus & sanguis Christi sunt in sacramento, spiritali, & indiuisibili modo, ad eum modum, quo Angelus est in spatio physico, vel anima in corpore. Qui modus essendi non magis excludit præsentiam panis, & vini, quàm Angelus excludat præsentiam spatii physici, in quo est; aut anima præsentiam corporis. Quare non modò non repugnant esse simul absolutè, sed ne quidem se expellunt connaturaliter secundum talem modum essendi: vt facerent, si vtrumque corpus esset modo connaturali, & impenetrabili; tunc enim se mutuo excluderent ab eodem spatio.

Tertia pars, Quod non potuerint simul esse saluâ verborum proprietate, quibus nunc fit consecratio, patet ex dictis sect. 1. Nimirum quia si substantiæ panis, & vini essent sub accidentibus simul cum corpore, & sanguine Christi, demonstrarentur potius per pronomina demonstratiua formæ consecrationis. Quia illa accidentia sunt

M m m

7. Non manet etiam panis & vini materia, quæ informat animâ Christi.

8. Non manet eius existentia, aut substantia.

9. Potuit absolute manere tota substantia panis & vini.

10. Non tamē salua proprietate verborum formæ.

tionis operantur, quemadmodum sacramenta, eo instanti, quo primum sunt perfecta essentialiter. Cumque affirmant de presenti esse corpus, & sanguinem Christi, sintque vera, & efficacia, debet esse id quod significant, & quidem illo instanti, cum nulla sit causa differendi, vel ratio cur deinceps sit potius hoc instanti, quam alio. Illaque fuit sensus sanctorum Patrum Irenæi, Gregorii Nyssi, Eusebii Emisii, Ambrosii, Augustini, & aliorum, quorum verba refert Suar. disp. 49. sect. 2. Idem confirmat usus Ecclesiæ adorandi Christum in Eucharistia statim post consecrationem. Et quidem ante usum fuisse ibi adoratum in antiqua Ecclesia patet expressis sanctorum Patrum testimoniis disp. præced. relatis sect. 4. n. 23. Ex quibus omnibus refellitur hæresis Bucerii, & sequacium affirmantium Christi corpus, & sanguinem non existere in Eucharistia; nisi in usu, seu sumptione. Quod neque ex Christi verbis colligunt, quibus potius repugnat: neque aliunde habent, quam ex vano, & temerario capitis sui figmento, longiori refutatione indigno. Videri possunt quæ diximus d. 27. n. 15. & 16.

SECTIO III.

Quomodo panis, & vinum conuertantur in corpus, & sanguinem Christi

19.
Conuersio
proprie
quid sit, &
quæ ad illam requiratur

AD maiorem veritatis propositæ confirmationem, & declarationem, considerandum est, conuersionem proprie dictam, iuxta communem doctrinam Philosophorum, esse transitum vnius termini positiui desinentis, in alium sibi connexionem aliquam succedentem, remanente aliquo, quod sit commune utrique termino. Quatuor itaque ad illam requiruntur, & sufficiunt. Primum, ut sit inter duos terminos positiuos: debet enim necessarium esse duo, quorum vnum vertatur in aliud, vnum sit terminus à quo conuersio incipiat, & aliud sit terminus, ad quem tendat, & in quem desinat. Debent item hæc duo esse realia, & positiua: quia proprie loquendo, neque nihil conuertitur in aliquid, neque aliquid in nihil: sed vnum ens positiuum, & actuale in aliud, ut v.g. lignum in ignem, calidum in frigidum, panis & vinum in corpus & sanguinem Christi.

20.

2. Requiritur ut terminus à quo, qui minimum conuertitur in aliud, desinat esse secundum eam rationem, quæ dicitur conuertere: terminus vero ad quem, fiat seu producat sub eadem ratione, secundum quam aliud dicitur in ipsum conuertere. Ex. gr. ut aer in aquam conuertatur, debet desinere esse aer secundum rationem aeris, & aqua debet fieri secundum rationem aquæ. Ita docet S. Thom. p. 3. q. 2. a. 1. ubi loquens de diuina essentia sic ait: Nec ipsa potest conuertere in aliud, cum sit incorruptibilis; nec aliud in ipsam, cum sit ingenerabilis. Et D. August. lib. 18. de Ciuit. cap. 18. hanc differentiam esse ait inter

conuersiones miraculosas, ac veras, quæ à Deo fiunt, & apparentes, quæ à Dæmonibus: quod illæ fiant per veram, & substantialem rerum conuersionem: hæc vero per solam inuisibilem translocationem, quam negat esse veram conuersionem. Ratio à priori est, quia conuersio est actio, quæ vnum vertitur in aliud, & ab vno esse in aliud transfit, atque illud quodammodo fit. Hoc autem non videtur vere fieri, nisi terminus qui conuertitur, desinat esse id quod est, & nisi fiat illud, in cuius esse conuertere, & transire dicitur. Nam alioqui, quomodo in illud transfit, & illud ipsum quodammodo fit?

3. Requiritur connexio aliqua inter terminum à quo, & terminum ad quem; ac dependentia inter desitionem vnius, & successionem alterius: ita ut ille desinat, quia hic subsequitur: & productio istius, sit aliquo modo causa desitionis alterius. Siue illa connexio, vel causalitas, physica sit, ita ut vnum physicè aliud destruat, ob repugnantiam essendi simul naturalem & physicam: siue tantum moralis, ita nimirum ut ex aliqua necessitate morali, vel congruentia, productio vnius sit causa finalis, vel moraliter effectiua desitionis alterius. Nam ad veram conuersionem non sufficit ut vnum desinat quomodocunque, quando alterum incipit: sed inter vnius desitionem, & alterius productionem, necessaria est habitudo per se, & connexio quædam, ex qua resultet vna totalis actio conuersionis, his duabus partialibus constans, desitione scilicet vnius, & productione alterius; ac per se tendens à termino formali desitionis, ut à termino à quo, ad formalem terminum productionis, tanquam ad terminum ad quem.

Quarto denique, Requiritur ut aliquid, quod præexistit in termino à quo, maneat in termino ad quem, sitque illi commune: circa quod termini formales sibi succedunt, & aliquo modo repugnent, ac circa illud fiat tota conuersio. Nam repugnantia inter terminos, vel connexio, & ordo per se inter vnius desitionem, & productionem alterius, sufficienter ad conuersionem intelligi non potest, nisi ratione alicuius rei communis utrique, in quam, vel sub qua vnius introducit, & expellitur alius, ut rectè docet Suar. disp. 80. sect. 2. Et improbabile omnino est, quod ait Gabr. in 4. dist. 11. q. 1. & fusius lect. 40. in Canonem, sufficere ad conuersionem, ut Deus velit vnum conseruare ad destructionem alterius, sine alia connexionem. Atque ita si Deus, muscā destructā in terrā, statuatur solē in cælo conseruare; fore ut hoc ipso musca in solem conuertatur. Et panem conuertere posse in corpus Christi existens tantum in cælo: hoc ipso quod Deus velit ibi Christum conseruare ad destructionem panis, nihil aliud cum Christo commune habentis præter illam intentionem: atque ita quilibet posse conuertere in quodlibet, præter Deum, qui à nullo pendet in fieri, & conseruari. Quod non ali-

21.

22.

Falsa sententia nominalium.

ter probat Gabr. quam Scoti auctoritate, quæ in usu communi terminorum postponendi est communis sententia. Quæmadmodum etiam quod refert ibidem ex Ochamo, sufficere saltem loci communionem: si nimirum res succedat, aut conseruetur in eodem loco, ubi erat alia, quæ desit. Quid enim hoc obest annihilationi, cum locus sit merè extrinsecus, & impertinens, aut indifferens rei desinenti, & succedenti: vel sit tantum idem spatium imaginarium, cui veræ res intus quasi inexistit successiue? Ac si sufficiat similitudo loci, quidni sufficiat similitudo temporis, quæ non magis extrinseca est, quàm similitudo loci? Quæmadmodum etiam si iuxta Gabr. sufficit intentio agentis, licet res succedentes sint loco distit: quidni sufficiat, licet sint tempore distit? quod tamen ipse negat sufficere, & merito: alioqui res hodie destructa conuerteretur in illam, quæ post mille annos produceretur.

23. Sed his figmentis Nominalium omisiss, vt ad rem redeamus: illud commune vtrique termino remanens, & circa quod exercetur oppositio terminorum à quo, & ad quem, interdum est tota substantia, vt in conuersionibus accidentalibus fit: quando verbi gratia manus calida conueritur in frigidam: interdum verò est pars substantiæ, vt fit in conuersionibus formalibus, seu transformationibus substantialibus: vt cum verbi gratia aqua in aërem vertitur naturaliter, remanente materia, & desinente forma: aquæ rincerium denique est sola accidentia: vt fit in transubstantiatione propriè dicta, quæ est mutatio, seu potius transitus totius substantiæ in substantiam totam, remanentibus tantum accidentibus.

24. Hæc autem quatuor reperiuntur in mysterio Eucharistiæ. Primò enim, ex Trident. supra cit. habemus duos terminos positivos: nempe totam substantiam panis, & vini, pro termino à quo: & corpus, & sanguinem Christi, pro termino ad quem. Secundò, ex eodem habemus totam substantiam panis, & vini desinere, & solas species remanere: corpus verò Christi, ac sanguinem produci, & fieri asserunt sancti Patres, vt Cyprian. ferm. de Cæna, vbi de Christo sic ait: *Cui visque hostie verissimum, & sanctissimum sum corpus creas.* Et Ambros. lib. 4. de Sacrament. cap. 4. *Panis iste, panis est ante verba sacramentorum: ubi accesserit consecratio, de pane, fit caro Christi.* Deinde vbi ostendit hoc fieri posse propter vim verborum Christi, quia sermo Christi tantæ est efficacit, vt possit quæuis de nihilo creare, subdit: *Sed post consecrationem in cordi, quod iam est corpus Christi. Ipse dixit et factum est, ipse mandauit, & creatum est.* Similiterque Hieron. Euseb. Emis. & alii Patres dicunt corpus, & sanguinem Christi confici, fieri, creari, quorum testimonia legi possunt apud Suar. disp. 50. sect. 3. 5. Secundo principaliter, vbi nobiscum sentit: Idemque Leon. Less.

lib. 12. de Atributis diuinis cap. 16. Aggid. Conink quest. 75. art. 4. dub. 5. & Yambert. ad quest. 75. disp. 8. art. 10.

3. Inter desinutionem panis, & productionem corporis Christi est conexio, & causalitas moralis ita vt panis desinat, quia ponitur corpus Christi: eo modo, quo ponitur vi verborum consecrationis, nempe ita vt per ea sub accidentibus sensibilibus verè, ac propriè demonstrari possint quæ requirunt, vt substantia panis, & vini non remaneat sub illdem accidentibus: nam alioqui demonstraretur per illas: posito quòd sub illis non remaneat, non est conuersionis, vt conseruetur alibi miraculose sine acc. desinutionis forma debet desinere priuata suis dispositiomb. 12: & consequenter materia, vel quæ non del. estur illi existentia, nisi propter formas substantiales, vt causam finalem, sicut docent philosophi nonnulli. Quare cens. vt desinere simpliciter substantia panis, & vini, quia miracula in mysteriis explicandis non debent multiplicari sine necessitate, quæmadmodum neque erit in rerum naturalium compositione. Vel potius quia non conuenit tam conseruari, absque vlla forma substantiali, & ad nullam est dispositio: exipique mysterium fidei vt nulla forma sensibilis, & experimento cognoscibilis in illam induatur.

4. Species, quæ in pane extiterunt, remanent in corpore Christi: non quidem eodem modo, quo in pane fuerunt, inherendo: nam id conueniens non est, neque possunt ipse extensæ, & diuisibiles, naturaliter inherere corpori posito modo spiritali & indiuisibili sed moraliter componendo cum illis vnus quid ad sensum demonstrabile in genere cibi, & potus. De qua vnione plura dicemus alibi. Species tamen non sunt terminus ipse formalis, vel pars termini formalis subsubstantiationis. Nam conuersio substantialis non fit ex composito accidentalium ad compositum accidentale: sed à substantia ad substantiam, vt de præfenti conuersione desinit Trid. loco supra cit. asserent fieri conuersionem totius substantiæ panis in corpus, & totius substantiæ vini in sanguinem: quam idcirco in fine capituli transubstantiationem aptissime dici ait. Nam sicut aliæ substantiales actiones non terminantur, nisi ad aliquid substantiale formaliter: sic conuersio substantialis non terminatur ad aliud formaliter, quàm ad substantiam, ipsius vi positam. Et sicut promè transfiguratio est, quando res mutatur ex vna figura in aliam: & transformatio, quando ex vna forma in aliam: sic transubstantiatio simplex est, quando transit simpliciter, & totaliter ex vna substantia in aliam. Vox tamen conuersionis, & transubstantiationis significat connotatiuè substantiam illam succedere alteri sub illdem accidentibus verique communibus: sine quo connotato non dicitur transubstantiatio: licet alioqui esset eadem actio substantialis, quæ significatur in recto nomine

Mmm 3

Omnia ad conuersionem requiruntur in Eucharistia.

<p>1. The first part of the document discusses the importance of maintaining accurate records of all transactions. It emphasizes that proper record-keeping is essential for ensuring the integrity and transparency of the financial system.</p>	<p>2. The second part of the document outlines the various methods used to collect and analyze data. It describes the process of gathering information from different sources and how it is then processed to generate meaningful insights.</p>
<p>3. The third part of the document focuses on the role of technology in modern data management. It explores how advanced tools and software can streamline the data collection and analysis process, leading to more efficient and accurate results.</p>	<p>4. The fourth part of the document discusses the challenges associated with data management. It highlights the need for robust security measures to protect sensitive information and the importance of ensuring data quality and consistency.</p>
<p>5. The fifth part of the document provides a detailed overview of the various data sources used in the study. It includes information on both primary and secondary data sources, as well as the methods used to access and extract data from these sources.</p>	<p>6. The sixth part of the document describes the statistical methods used to analyze the data. It covers a range of techniques, including descriptive statistics, inferential statistics, and regression analysis, and explains how these methods are applied to the data.</p>
<p>7. The seventh part of the document presents the results of the data analysis. It includes a series of tables and graphs that illustrate the findings of the study, as well as a detailed discussion of the implications of these findings for the field of research.</p>	<p>8. The eighth part of the document discusses the limitations of the study. It acknowledges the potential sources of error and bias in the data collection and analysis process, and provides a clear explanation of how these limitations were addressed.</p>
<p>9. The ninth part of the document provides a summary of the key findings of the study. It highlights the most important results and discusses their significance for the field of research, as well as the potential for future research in this area.</p>	<p>10. The tenth part of the document provides a conclusion to the study. It summarizes the overall findings and discusses the implications of the study for the field of research, as well as the potential for future research in this area.</p>
<p>11. The eleventh part of the document provides a list of references. It includes a comprehensive list of all the sources used in the study, as well as a detailed explanation of the format and structure of the references.</p>	<p>12. The twelfth part of the document provides a list of appendices. It includes a detailed list of all the supplementary materials used in the study, as well as a detailed explanation of the format and structure of the appendices.</p>

terminum purè substantialem. Ergo non illam unionem corporis Christi cum accidentibus, quæ non est purè substantialis.

35.

Neque cōiunctio accidentis cum substantia in modo substantiæ, aut contenti substantiæ.

Secundò, Idem esto iudicium de coniunctione illa primaria; deque munere constituendi cibum, & potum substantialem, cum speciebus, iuxta opinionem Valentis, & aliorum. Nam ille terminus non est purè substantialis, sed includit aliquid accidentale ex parte specierum, quibuscum fit coniunctio, & constitutio cibi, & potus. Qui cibus, & potus, est tantum substantialis ex parte corporis, & sanguinis: accidentalis verò ex parte specierum concurrentium intrinsecè ad hunc cibum & potum constituentium.

36.

Tertiò, Modus quoque ille contenti substantialis, excogitatus à Monacho, & Mazarino, cum per ipsos sit accidentalis, & distinctus in re à corpore, & sanguine Christi, non potest esse terminus formalis actionis substantialis, qualis est transsubstantiatio. Præterquam quòd frustra & superflue talis modus asseritur: cum corpus Christi per seipsum formaliter sit contentum substantiale: neque ad hoc egeat ullo modo distincto: imò impossibile sit esse contentum formaliter per aliud: quod sic probo. Quemadmodum evidenter impossibile est quicquam existere formaliter, id est, esse actu in rerum natura, per aliud à se distinctum, & diuersum: quia quidquid aliud sit actu, nisi ipsum quoque secundum se est in rerum natura; non existit ipsum, sed illud aliud: & si ipsum secundum se est actu in rerum natura; hoc ipso existit formaliter, quouis alio re, vel ratione circumscripto: Sic evidenter impossibile est corpus Christi contineri formaliter, & esse contentum substantiale, sub speciebus panis, & vini, per aliud à se distinctum, & diuersum. Quia quidquid aliud contineatur, nisi ipsum secundum se continetur, non est contentum sub illis, sed illud aliud: & si ipsum secundum se continetur, hoc ipso est contentum substantiale sub illis, quouis alio re, vel ratione circumscripto. Cum contineri sub speciebus, nihil sit aliud, quam actu illis subesse. Et corpus Christi, si illis verè subest; secundum se formaliter, id est, secundum suam entitatem, illis subest. Neque subest, nisi ipsummet sub illis sit, quidquid aliud dicatur illis subesse.

37.

Adde quòd, Si corpus Christi contineretur sub speciebus per modum à se distinctum: non tantum modus, aut corpus Christi secundum illum modum, sed etiam secundum se verè sub illis contineretur, æquè ac modus. Quemadmodum si res locata esset in loco per modum à se distinctum, res ipsa modo illi subiecta, esset in loco secundum se formaliter, æquè ac modus ille: imò naturā prius quā modus, qui ex re ibi educitur, nec alibi educi potest. Quare uterque modus est æqualiter superfluus. Forma enim illa manifestè est superflua, sine qua habe-

tur id, quod per illam formaliter tribui dicitur.

Denique, Quid sit ille modus contenti substantialis præter intimam præsentiam corporis Christi, & specierum, non apparet, nec explicatur ab aduersariis. Nam substantia panis, & vini, non aliter continetur sub iisdem accidentibus, quā per intimam præsentiam, & unionem formalem, ac physicam cum illis. Quæ unio non est inter corpus Christi gloriosum, atque indiuisibiliter positum, & inter huiusmodi accidentia. Superest ergo præsentia intima, quā habet loco substantiæ panis, cum unione formali ad summum morali, propter Dei decretum de præsentia illa conseruanda, quamdiu species non corrumpuntur: vel etiam fortè actiua, & retentiua corporis Christi ad species, de qua dicemus alibi. Sed hæc unio actiua non est modus accidentalis distinctus à corpore Christi, neque terminus transsubstantiationis: sed est corpus ipsum retinens species sibi coniunctas, & localiter inseparabiles, per actionem distinctam, & naturā posteriorem transsubstantiatione. Neque physicè, & ex natura rei repugnat incompatibiliter substantiæ panis, & vini sub iisdem speciebus. Quia corpus, & sanguis Christi sunt in sacramento spiritali modo, & indiuisibili: ad eum modum, quo Angelus ibidem esse potest, vel anima in corpore. Quod modus essendi indiuisibiliter non repugnat præsentia alterius substantiæ: possetque Angelus, non obstante præsentia panis, retinere species & panem simul, ne localiter à se auellerentur, aut moraliter illis esse vnitus decreto propriæ, vel diuinæ voluntatis. Repugnantia ergo præsentia panis oritur ex intentione agentis, ponentis corpus Christi sub speciebus eo modo, ut sub illis possit sensibiliter demonstrari: cui demonstrationi obesset substantia panis, sicut antea dictum est. Neque propterea non est vera transsubstantiatio, ut ostendemus paulò post.

Alii quintò affirmant transsubstantiationem eucharisticam in eo consistere, quòd corpus Christi succedat substantiæ panis in munere sustentandi ipsius accidentia: quatenus corpus Christi sustentat physicè, sed actiue, eadem accidentia, quæ antea materialiter sustentabantur à substantia panis. Verum illa opinio coincidit ex parte cum tertia suprā reiecta; iisdemque argumentis refellitur. Quibus adde, quòd constitutio corporis Christi sub speciebus, per actionem, quæ physicè sustentat accidentia panis extra subiectum, est improbabilis: quia creatio non potest communicari ulli creaturæ, id est, nulla creatura potest habere vim creandi, siue naturalem, siue obedientialem. At illa actio est creatio, quia est conseruatio accidentium sine conseruulo subiecti, id est, ex nihilo subiecti. Deinde si corpus Christi, ut est in sacramento, sustentat actiue accidentia: prius est corpus sic esse, quā

38.

39.

Neque necessio corpus Christi in munere sustentandi accidentia panis.

sustentare accidentia, & illa conseruare. Sed hoc est falsum. Nam e contrario prius natura est conseruari accidentia panis, quam corpus Christi sub illis esse. Ideo enim corpus Christi est in Eucharistia, quia panis accidentia durant: non contra. Ergo potius corpus Christi, ut est in sacramento, pendet in conseruari ab accidentibus.

Ref. litur
caso.

Respondent aliqui recentiores, pro priori naturæ antequam corpus Christi incipiat, vel perseveret conseruare accidentia panis, non debere præintelligi ipsa accidentia formaliter existere, sed radicaliter ratione existentia præteritæ, & negationis alterius causæ aptæ ad eorum destructionem. Sed contra: primò, si accidentia tantum existerent radicaliter, & non formaliter, corpus Christi non conseruaretur in sacramento. Ergo non tantum existentia radicalis, sed & formalis est causa conseruationis corporis Christi in sacramento, debetque illi præintelligi. Secundò, ut accidentia existant radicaliter, non sufficit ea extitisse de præterito, & non esse alteram causam aptam ad eorum destructionem, sed debent esse omnes causæ positivæ, à quibus pendent necessariò in conseruari. Alioqui enim non est integra radix, seu causa existentia. Vna autem ex illis causis est corpus Christi prout est in sacramento, iuxta doctrinam aduersariorum. Ergo si accidentia debent præintelligi positioni, aut conseruationi corporis Christi in sacramento, ut radicaliter existentia, debet ipsummet corpus præintelligi, ut positum, aut perseverans in sacramento, ad hoc ut ponatur, aut perseveret in sacramento: Et accidentia pendent in conseruari ab ipso ut posito, & conseruato in sacramento: cum tamen vice versa, accidentia pendeant in conseruari à Christi corpore, per actionem quâ constituitur in sacramento, & quâ sustentat actiue accidentia: iuxta eorundem aduersariorum doctrinam. Mitto alia, quæ contra illam sententiam, eiusque expositionem possunt facile occurrere. Tantum addo ex ea sequi posse aliquid in Deum conuerteri, v. g. panem; si Deus velit succedere substantiæ panis in munere sustentandi accidentia, sustentando ea actiue. Respondent aliqui negando sequelam: quia, inquit, Deus non conseruaret accidentia cum obligatione ex parte accidentium, sicut corpus Christi obligatur à speciebus sacramentalibus: quod tamen requiritur, ut aliquid dicatur substare accidentibus, & succedere alteri substantiæ in munere substandi.

40.
Alterum
effugium
refutatur.

Sed hæc obligatio ex parte specierum multiplicat miracula sine necessitate, nisi conficta ad tuendam opinionem malè anticipatam: Aliunde enim tota mysterii veritas seruari potest commodè. Deinde actio, iuxta aduersarios, quorum est hæc responsio, est in ipso effectu, vel in subiecto in quod agitur, tanquam illius modus. Ergo actio, quâ Deus sustentaret illa accidentia,

esset in illis. Ergo si actio talis esset, ut ex modo suæ perfectionis postuleret Deum esse intimè presentem effectui, quod non est improbabile, esset aliquid ex parte specierum, quo Deum sibi alligarent. Et quidem vniò hypostatica Deum sic alligat humanitati: atque actio ipsa vniua Dei, seu Verbi cum humanitate. Tertiò, substare accidentibus, ex vi vocis, nihil est aliud, quam sub illis stare. Quod non dicit alligationem ex parte accidentium. Et munus substandi actiue, seu potius conseruandi accidentia sine subiecto, est in conceptu suo independens ab alligatione ex parte accidentium.

SECTIO V.

Respondetur argumentis aduersariorum.

AUctorum supra citatorum, qui nobis aduersantur, aliqui contendunt esse impossibile, Christi corpus productum iam pridem, & alibi existens, attingi in sacramento actione productiua. Alii verò, licet id possibile putent, iudicant tamen non esse necessarium ad transsubstantiationem: Unde id tanquam non necessarium, & alioqui durum, ac difficile respuunt. Verum vtrique falli mihi videntur. Primò enim neque impossibile, neque intellectu difficile est corpus Christi, licet iam præexistens, terminare aliam actionem, & influxum in suum esse. Nam conseruatio est continuus influxus in esse præsuppositum, & iam productum, quod conseruari potest, vel per eandem actionem cum prima productione, vel etiam per diuersam, ut in plurimis naturaliter fit. Sicut autem admittimus, propter fidem huius mysterii, corpus vnum & idem poni diuinitus in alio loco, remanente priori: ita non difficile admittere possumus conseruari diuinitus per aliam actionem, remanente priori. Talis autem est actio sacramentalis, quæ est potius conseruatio quædam, quam prima productio: cum sit influxus in esse præexistens, & non iam primum de nouo productum, ita ut antea non esset. Confirmatur, quia, ut verior philosophia docet, possunt diuinitus duæ causæ efficientes totales, ac physicae, eiusdemque generis, & ordinis, per actiones siue influxus totales de se sufficientes, & à se inuicem independentes, terminari simul ad eundem effectum. Quod etiam naturaliter in moralibus causis contingit.

41.

Non est
impossibile,
corpus
& sanguis
Christi
producti in
Euch.

Ad veram autem transsubstantiationem necessarium id esse patet ex dictis supra. Nam cum, iuxta Trident. hæc transsubstantiatio sit conuersio totius substantiæ panis in corpus, & vini in sanguinem: sicut ad eius veritatem necessarium est definire substantiam panis, & vini, tanquam terminum à quo: ita & produci corpus, & sanguinem, tanquam terminum ad quem, ut verè ac

42.

Ad veram
transsub-
stantiationem
necesse-
rium est
produci
terminum
ad quem.

ut propriè panis in corpus Christi substantialiter vertatur, & transeat, atque ipsummet quodammodo fiat. Sicut enim non conuertitur, si manet id quod est ita neque fit aliud, si non fit illud aliud, in quod conuertere dicitur. Et quidem D. Thom. quæst. 75. art. 2. in corp. negat Christi corpus in sacramento poni per loci mutationem, sed per conuersionem substantiæ panis in ipsum: Sicut, inquit, ignis incipit esse domus non per locationem, sed per generationem: indeque infert substantiam panis desinere: quia, inquit, quod conuertitur in aliud, non manet facta conuersione. Nulla autem est ratio, cur magis requiratur ad veram conuersionem desinere terminum à quo, quam fieri terminum ad quem. Quare utrumque necessarium est, ut ex eodem D. Thom. & D. August. supra probauimus. Nam cum in vera conuersione vnum transeat in aliud, & fiat illud: sicut non potest verè dici, quod transeat in aliud, nisi desinat esse id quod est: sic neque dici potest quod fiat aliud, nisi fiat illud aliud, quod ipsummet fieri dicitur. Cum ergo dicitur panis fieri corpus Christi, ut passim sancti Patres loquuntur: sicut ad hoc necessarium est panem desinere esse id quod est: sic necessarium est fieri corpus Christi, ut panis desinens dici possit fieri corpus Christi. Nam alioqui si non fit corpus Christi, quomodo panis dicitur ipsum fieri? Quod argumentum æquè vim habet, licet huiusmodi propositiones resoluantur in sensum proprium, quem habere debent. Panis fit corpus Christi, vel Panis transit in corpus Christi, id est, ex pane transeunte, & destructo tanquam ex termino à quo, fit corpus Christi: qui modus loquendi cum usurpetur à SS. Patribus, & in tit. de Consecrat. dist. 2. atque in diuinis officiis, non potest nisi temerè, & imprudenter reprehendi.

43. Obiicitur primò D. Thomæ quæst. 76. art. 6. in c. ubi affirmat per hoc Christum esse in sacramento, quod accipit habitudinem ad species: Et ad tertium dicit huius solius habitudinis desitione fieri ut in eo esse desinat. Et quæst. 78. art. 5. ait verba consecrationis non efficere, ut corpus Christi sit corpus Christi: sed ut contentum sub speciebus sit corpus Christi. Item 1. p. quæst. 45. art. 5. negat vniuersim vllam creaturam posse esse instrumentum creationis. At verba consecrationis essent instrumentum creationis, si producerent corpus Christi: eius enim productio verè creatio est, cum fiat ex nullo subiecto præsupposito, saltim quoad materiam primam formis organicis præsuppositam.

Soluuntur argumenta contraria. Respondet verba D. Thomæ articulo illo 6. in corp. hæc esse: *Christo non est idem esse secundum se, & esse sub hoc sacramento: quia per hoc, quod dicimus ipsum esse sub hoc sacramento, significatur quedam habitudo eius ad hoc sacramentum.* Quæ verba nobis non obsunt, & intelligenda sunt de habitudine tantum secundum dici, quæ certè non est terminus trans-

substantiationis. Ibidem verò ad 3. ait, cessantibus speciebus desinere esse corpus Christi sub eis, non quia ab eis dependeat, sed quia tollitur habetudo corporis Christi ad eas species, & nimirum fundamentum habitudinis illius, quod est corpus Christi sub speciebus, sine quo inde sublato, tolli non potest habetudo præsentis ad species. Quomodo autem tollatur corpus ipsum D. Thomæ ibi non satis exponit. Cum verò negat 1. p. creaturam posse esse instrumentum creationis, loquitur de creatione simpliciter, quæ res ex purè nihilo fit, & non ex aliquo positivo, siue tanquam subiecto, siue tanquam termino à quo; ut patet ex ratione D. Thomæ: quia scilicet causa instrumentalis debet virtute propria exercere aliquam actionem præuiam & dispositiuam ad effectum causæ principalis. Quando autem res ex nihilo fit, creatura non habet, in quod exerceat actionem naturalem virtutis propriæ, præuiam actioni causæ principalis: ergo, &c. Quod solidum verum est, quando res fit ex nihilo simpliciter: alioquin enim potest agere circa subiectum, aut terminum à quo: sicut hic verba proferuntur super panem, & vinum, simili modo, quo Christus loquebatur circa ægros curandos miraculosè, aut mortuos suscitandos, vel eos manu tangebatur, aut quid simile. Vide quæ supra diximus disput. 21. sect. 8. num. 66. de sententia & modo philosophandi D. Thomæ circa causalitatem instrumentalem.

44. Obiicitur secundò, Sanctos Patres communiter probare transubstantiationem ex mundi creatione, tanquam opere difficiliore: quia scilicet difficilius est creare, quam mutare naturas. Atqui non est opus difficilius, si transubstantiatio ipsa est creatio. Est autem creatio, si est reproductio corporis Christi. Ergo, &c. Respondet Patres qui hac probatione vtuntur, ut Ambros. lib. de Initiandis cap. 9. argumentari à pari, & expressè dicere non esse minus nouas rebus dare, quam mutare naturas. Quod si aliqui, ut Innoc. lib. 9. de Mystero altaris cap. 7. & D. Thom. in 4. dist. 11. quæst. 1. artic. 3. quæstiunt. 3. dicunt maius esse creare, quam mutare, & transubstantiare: id eo sentiu verum est de simplici creatione, quatenus in ea totum fit ex purè nihilo, ita ut nihil illius præsupponatur iam factum: in mutatione autem, & transubstantiatione non ita fit totum, ex purè nihilo, & absque eo quod quidquam illius præsupponatur: sed fit ex aliquo præexistente, tanquam termino à quo, & præest aliquid illius iam factum, nempe illud commune, quod remanet sub utroque termino; atque ita creatio simplex, cæteris paribus, est aliquid maius ea, ex parte: quasi terminum suum magis extrahens è nihilo, & habens purum nihil pro termino à quo.

45. Opponitur tertio, Creationem substantiæ, & transubstantiationem esse actiones essentialiter diuersas: cum illa ex se, suæque naturæ, nihil aliud tollat, quam non esse sub-

Corpus Christi ponitur in Euchar per actionem productiuam.

Creatio &
transsub-
stantiatio
quomodo
difficiunt.

stantiæ, quæ creatur: hæc verò tollat præ-
terea terminum positivum qui transsubstan-
tiatur. Ergo transsubstantiatio panis & vini
in corpus & sanguinem Christi non est crea-
tio. Respondeo, negando antecedens sum-
ptum vniuersaliter de actione positiva quæ
dicitur transsubstantiatio. Hæc enim præci-
sè sumpta, & formaliter non debet differre
essentialiter ab actione creativa, sed conno-
tatione alicuius extrinseci, sine quo non di-
citur transsubstantiatio. Nomen enim trans-
substantiationis, præter illam actionem po-
sitivam importat defitionem termini à quo,
vel ex natura rei, vel ex intentione, & modo
operandi; atque etiam, quod remaneat ali-
quid commune utrique termino, desinendi
scilicet, & succedenti: ita vt transsubstan-
tiatio non sit sola actio positiva, & positio
termini ad quem; sed simul etiam sit defi-
nitio, seu destructio termini à quo: hoc enim
complexum significatur nomine transsub-
stantiationis: nisi quis malit significare tan-
tùm in recto actionem positivam, & conno-
tare defitionem, quod parum interest.

46.
Quomodo
productio
corporis
Christi est
causa defi-
nitionis pa-
nis.

Obiicitur quartò: Productio termini *ad*
quem eatenus solùm potest esse conversio ter-
mini à quo, in ipsum terminum *ad quem*, qua-
renus est causa defitionis illius: iuxta sen-
sum, quo dici solet, Generatio vnius, nem-
pe termini ad quem, est corruptio alterius,
nempe termini à quo, non formaliter, sed
causaliter. Atqui conservatio, seu productio
Eucharistica corporis Christi, quatenus pro-
ductio & actio est, non est causa defitionis
panis, sed omnino per accidens illam comi-
tatur: quia esse corporis Christi, quod pro-
ducitur aut conservatur, non pugnat vlllo
modo cum esse panis, secundum modum es-
sendi spiritalem & indivisibilem, quo Chri-
stus est in sacramento. Ergo non est causa
cur definat. Ergo merè concomitanter se
habet ad defitionem, si simul desinit. Ergo
definitio panis est verè ac propriè mera anni-
hilatio, quia ex natura rei ad nihil tendit, &
non ad aliquid positivum. Nam ex propria
natura res denominandæ sunt, non ex Dei
intentione & voluntate extrinseca, quæ si-
cut non mutat rerum naturas, ita neque mu-
tare debet appellationes ex natura petitas.
Quare non sufficit intentio agentis. Quia
ratio conversionis non ex intentione ex-
trinseca ipsius operantis, sed ex modo ex-
teriori agendi desumi debet. Respondeo,
productionem Eucharisticam corporis Chri-
sti, esse causam moralem defitionis panis,
secundum intentionem agentis, & modum,
quo Christus ibi ponitur, ita scilicet, vt pos-
sit sensibiliter sub speciebus demonstrari:
ideoque hæc transsubstantiatio est ex parte
moralis, & non purè ex natura rei, ex qua so-
la non semper sumitur rerum denominatio.
Neque propterea defitio panis est pura an-
nihilatio: quia panis non omnino perit: ma-
nent enim illius accidentia, quod sufficit ne
dicatur annihilatio ex natura rei, quamvis
ex sola rei natura non causetur à productio-

ne corporis Christi, neque ad illam natura-
liter tendat.

Opponitur quintò: In conversionibus na-
turalibus non semper fit terminus formalis
simpliciter secundum suum esse primarium,
sed tantùm secundum aliquod munus sub-
stantiale. Nam in hominis generatione, vel
mutatione, non fit anima rationalis simpli-
citer; sed tantùm fit informans & vnita: id
est, incipit informare, & vniri materiæ. Er-
go sufficit corpus Christi vniri accidentibus
in conversione Eucharistica. Confirmatur,
quia ad veritatem verborum formæ conse-
crationis sufficit abesse substantiam panis, &
sub eius speciebus adesse corpus Christi,
quomodocunque ibi ponatur: aut saltem per
modum contenti substantialis. Ergo hoc
etiam sufficit ad veram conversionem. Alio-
qui Trident. sess. 13. cap. 4. malè eam col-
ligeret ex verborum veritate. Respondeo
negando antecedens argumenti propositi.
Et ad priorem eius confirmationem dico
animam simpliciter non esse terminum for-
malem generationis, aut nutritionis homi-
nis; sed animam vt unitam. Fit autem vnita
per generationem, aut nutritionem: simpli-
citer verò non fit, nisi per creationem, sal-
tem natura prius, quàm vnatur. Ad poste-
riorem Respondeo, conversionem colligi ex
veritate verborum, non vt simpliciter neces-
sariam, quasi absolute aliter fieri nequeat,
aut non possint aliter verba verificari: suffi-
ceret enim transmutatio localis, quæ sub-
stantia panis aliò transferretur, & corpus
Christi eius loco sub accidentibus ponere-
tur: tunc enim verum esset, *Hoc est corpus
meum*, vt fatentur aduersarii, in quos prop-
terea retorqueri potest argumentum ex par-
te defitionis totius substantiæ panis, quam
ipsimet admittunt, & omnes, Scoto excep-
to, ad veram conversionem necessariam esse
dicunt: sed quia intellexit Ecclesia, à Spi-
ritu sancto, & Apostolis, Patrumque tradi-
tione edocta, Christum fecisse, quod dixit,
perfecto, & conuenienti modo. Efficiendo
de pane corpus suum, & substantiam vnius
in substantiam alterius transmutando: sicut
perfectè, & conuenienter operatus est in
conversione aquæ in vinum, & similibus mi-
raculis.

Verùm instat Valsq. hoc responsum in-
firmare definitionem Tridentini colligen-
tis transsubstantiationem præcisè ex veri-
tate verborum cap. 4. sessionis 13. non au-
tem adiuncta traditione, aut alio quopiam:
quod significare solet, cum aliquid aliunde
colligit, quàm ex præcisa verborum veri-
tate, vt patet ex cap. 7. eiusdem sessionis.
Respondeo, Tridentini verba cap. cit. hæc
esse: *Quoniam autem Christus Redemptor no-
stræ salutis corpus suum id quod sub specie panis offere-
bat, verè esse dixit, (verè, id est, non signi-
ficatiuè, & metaphoricè, vt volunt Sacra-
mentarii, contra quos loquitur Concilium)*
ideo persuasum semper in Ecclesia Dei fuit (nem-
pe intelligente Christi verba verè ac pro-

47.

48.

præ) per consecrationem panis, & vini conversionem fieri, &c. Christo scilicet perfectæ, & convenienter operante, id quod dixit, quemadmodum Ecclesia persuasum semper habuit.

49. **Corpus Christi quomodo definit esse in Eucharistia.** Opponitur septimò, Inconueniens esse corpus Christi toties produci & destitui, quoties species Eucharisticæ consecrantur & corrumpuntur. Et mysteria fidei non debere his difficultatibus implicari, si fieri potest. Respondeo, non esse inconueniens corpus Christi productiue in sacramento poni per consecrationem, seu potius de nouo conseruari: & quando species corrumpuntur, desinere esse per cessationem huiusmodi nouæ conseruationis: desinere, inquam, non simpliciter, quia semper existit alicubi, saltem in cælo, in propria & naturali specie: sed secundum quid, id est, secundum talem reproductionem, seu iteratam conseruationem: In quo nobis consentiunt Aegid. Conine quæst. 75. artic. 4. dub. 5. num. 157. Lessius lib. 12. de Atribut. diuin. cap. 16. num. 127. & Ysambert. ad quæst. 85. disput. 8. art. 11. Neque propterea dici potest Christus annihilari: quia manet alibi: neque mori simpliciter, quia semper uiuit & regnat in propria specie, licet desinat esse & uiuere sub speciebus Eucharisticis post earum corruptionem. Neque etiam dici potest conuerteri in substantiam succedentem; quia neque ex natura rei, neque ex intentione agentis, Dei scilicet, desinit ibi esse, ut altera succedat sub iisdem accidentibus: sed solum ideo desinit, quia species sunt corruptæ, & æquæ desineret, licet nulla alia substantia succederet.

50. Aliter respondet Suar. disput. 54. sect. 1. conclus. 3. dicens corpus Christi desinere tantum localiter, ad eum fere modum, quo anima rationalis desinit esse in manu, vel alia parte abscissa ex corpore uiuo, & superstitæ. Sed hæc responsio non cohæret cum eo, quod idem nobiscum docet, corpus Christi produci in Eucharistia. Si enim

verè producit, quia ponitur in sacramento per actionem productiuam, veluti conseruatiuam: quomodo non verè destruitur secundum quid, quando desinit esse sub speciebus corruptis? quandoquidem cessat ille secundus influxus in esse, siue secunda productio: cuius cessatio videtur esse destructio, æquæ ac eius positio, fuit productio; & æquæ ac, verè Christus destrueretur si semel esset, cessante influxu, quo à Deo conseruabatur. Item alioqui non posset destitui in loco isto secundo, nisi actione positua destructiua, quæ actio impossibilis est, ut alibi ostendimus: nihil enim desinit propriè, & proximè, nisi per cessationem influxus causæ conseruantis. Si autem potest eadem res produci in diuersis locis, aut conseruari simul: quidni etiam possit in vno destitui, & in alio conseruari, nempe vno influxu desinente vno in loco, & altero durante in alio? Nec valet exemplum animæ rationalis, quæ non est in manu diuersa actione productiua, sicut corpus Christi est in Eucharistia.

Superest notare diligenter id, quod sæpius inculcauimus, terminum formalem transubstantiationis esse corpus, & sanguinem Christi; non autem Christum integrum. Nam illud solum est terminus formalis, quod ponitur directè, & vi verborum: illudque etiam solum producit. Cætera verò, quæ tantum indirectè, & per concomitantiam ponuntur sub speciebus cum corpore vel sanguine; ponuntur tantum inductiue, ad eum fere modum, quo anima rationalis inducitur in materiam alimenti sufficienter dispositam, absque eo quod ipsa producat. Similique actione dicerem poni corpus, & sanguinem, si natura transubstantiationis id pateretur: non sunt enim multiplicanda miracula, ut neque entia, sine necessitate. Quia non minus absurdum est multiplicare miracula sine necessitate, in explicatione mysteriorum fidei: quam multiplicare entia sine necessitate, in explicatione rerum naturalium.

§ 12. Quis sit terminus formalis præcisè transubstantiationis?

DISPUTATIO.

TRIGESIMA-SECUNDA,

De modo quo Christus est in Eucharistia: Deque
accidentibus cum eo remanentibus.


Se&io I. *Quomodo Christus secundum substantiam sit in hoc sa-
cramento?*

Se&io II. *Quomodo Christus sit in Eucharistia quoad integritatem
corporis, & sanguinis, & quoad accidentia?*

Se&io III. *De presentia Christi in Eucharistia.*

Se&io IV. *Quid possit Christus agere, & pati, prout est in sacra-
mento?*

Se&io V. *De accidentibus in Eucharistia remanentibus.*



DE argumento proposito disputat S. Thomas quæst. 76.
& 77. in quarum priore docet totum Christum in hoc
sacramento contineri, partim vi verborum sacramenta-
lium, partim ex naturali concomitantia: esseque totum
sub qualibet specie, & sub qualibet illius parte, siue ante
diuisionem, siue post: quia Christus est in sacramento per modum substan-
tiæ, cuius natura tota est in qualibet parte dimensionum, sub quibus con-
tinetur. Sicut sub qualibet parte aëris, est tota natura aëris: & sub qua-
libet parte panis est tota natura panis. Totam etiam quantitatem di-
mensiuam, & alia accidentia corporis Christi ibi esse per concomitan-
tiam: quia substantia corporis naturaliter non diuiditur à sua quanti-
tate dimensiuæ, & ab aliis accidentibus. Non esse verò Christum in sa-
cramento, sicut in loco: quia non est in illo secundum modum quanti-
tatis dimensiuæ, sed secundum modum substantiæ. Eademque de causa
non esse ibi mobiliter secundum se, sed solum per accidens, ad motum
specierum in quibus est. Neque etiam posse videri oculo corporeo:
quia eius accidentia non possunt immutare medium, vt sic ab oculo
corporali videri possint: & corpus Christi est in hoc sacramento per
modum substantiæ: substantia verò, in quantum eiusmodi, non est vi-
sibilis oculo corporali, neque subiaceret alicui sensui. Et quamuis inter-
dum miraculosè videatur caro, vel puer, ad ostendendam veritatem
corporis Christi: non est Christus ipse, qui apparet exterius; sed inuisi-
biliter, & indiuisibiliter manet sub speciebus, quamdiu illæ remanent
incorruptæ.


In posteriori quæst. affirmat 1. Accidentia panis & vini manere sine
subiecto substantiali: cum neque sint in substantia panis, & vini, quæ
perit, neque in corpore Christi impassibili, neque in aëre circumstan-
tante, qui non est susceptiuus huiusmodi accidentium, nec simul po-

test habere propria & aliena; & non est, vbi sunt species, sed ab illis depellitur, vt eis locum det. 2. Alia accidentia, quæ remanent in hoc sacramento, esse in quantitate dimensiuæ panis, aut vini remanente, sicut in subiecto. Apparet enim aliquid quantum esse ibi coloratum, & aliis accidentibus affectum, nec in talibus sensus decipitur. 3. Cum accidentia Eucharistica remaneant in suo esse; & agere sequatur esse; quia vnūquodque agit, in quantum est ens actu: consequens est, quod etiam remaneant in suo agere. Et ideo omnem actionem, quam poterant agere, substantiâ panis, & vini existente, possunt etiam agere, substantiâ panis, & vini transeunte in corpus, & sanguinem Christi. 4. Sicut esse horum accidentium poterat corrumpi, substantiâ panis, & vini existente: ita etiam potest corrumpi illa abeunte: quia est idem esse, quod antea: & quando corruptio est talis, vt natura panis & vini cum illa non consisteret, desinit esse corpus, & sanguis Christi sub speciebus ita corruptis. 5. Ex illis corruptis, quamuis nulla adsit materia, posse aliquid generari, quantitate dimensiuâ vicem materiæ gerente. Nam in ipsa consecratione datur miraculosè quantitati dimensiuæ panis & vini, quod sit primum subiectum subsequentiū formarum. Et ideo quidquid posset generari ex materia panis & vini, si adesset, totum potest generari ex prædicta quantitate: non quidem nouo miraculo, sed ex vi miraculi prius facti. 6. Species sacramentales nutriendi virtutem habere. Ex hoc enim cibus nutrit, quod conuertitur in substantiam nutriti. Species autem sacramentales possunt conuertere in substantiam aliquam, quæ ex eis generatur: ergo & in corpus humanum. 7. Species sacramentales frangi posse secundum quantitatem dimensiuam: non tamen frangi ipsum corpus Christi; quia est incorruptibile, & impassibile: & totum manet sub qualibet parte. 8. Posse vino consecrato liquorum alium misceri. Sed si tanta sit permixtio, vt non maneant species eadem numero, non manet sub illis sanguis Christi. Consecratur enim hic panis, & hoc vinum. Huc vsque D. Thomas.

SECTIO I.

Quomodo Christus secundum substantiam sit in hoc sacramento?

1.



HRISTVS totus, & integer secundum substantiam est in hoc sacramento sub qualibet specie, & sub qualibet parte specierum: directè quidem, seu ex vi verborum, secundum corpus sub speciebus panis; & secundum sanguinem sub speciebus vini: indirectè vero, seu per concomitantiam, quoad alia.

Christus est
totus sub
qualibet
specie.

Prima pars est de fide, definita in Constantien. sess. 3. Florent. in Decreto Eugenii, & Trident. sess. 13. cap. 4. & can. 3. traditurque à D. Thom. quæst. 76. art. 3. & aliis Theologis affirmantibus Christum in sacramento esse per modum essentiae, quæ tota

dicatur esse in singulis partibus, quatenus nihil est in illis dissimilitudinis essentialis, & metaphysicæ: vel potius ad modum substantiæ spiritualis, totum in toto, & totum in qualibet parte. Quod intellige de partibus etiam ante separationem. Nam Trident. cap. cit. loquitur absolute: & separatio non potest esse causa, vt Christus sit totus in aliqua parte, si in illa totus antea non erat.

Pro eiusdem veritatis fidei confirmatione testimonia SS. Patrum videri possunt apud Valq. disput. 185. cap. 1. & Barraute tom. 3. Clypei cap. 29. & in titulo de Consecrat. distinct. 2. can. *singuli*, & can. *vbi pars est corporis, est & totum*, &c. Ratio ab inconuenienti addi potest: quia si non esset Christus totus in singulis partibus, sed semel tantum in tota hostia consecrata, vel semel tantum in aliqua parte diuisibili, aut aliquoties in aliquot partibus diuisibilibus: diuisa illa hostia, vel aliqua parte in qua est Christus, deberet Christus diuidi, vel desinere esse in hostia, vel in

parte illa. Verumque autem absurdum est, & contra sensum, & usum Ecclesie singulas particulas adorantis, & in illis totum Christum agnoscentis. Difficultas verò quæ hic oritur ex sententia Aristotelis de infinitate præsentiarum partialium Christi in Eucharistia, propter infinitam diuisibilitatem specierum, habet æquè locum in præsentia animæ rationalis ad corpus, & Angeli ad spatium diuisibile: de his enim omnibus eodem modo philosophandum est. Quæstio autem num Christi corpus sit etiam in indiuisibilibus continuantibus, & terminantibus partes in infinitum diuisibiles, reicienda est. Quia vel continuum constat ex solis partibus semper diuisibilibus, vel ex solis indiuisibilibus, ut sentiunt illi omnes qui coherentius & melius philosophantur.

3. Secunda pars conclusionis traditur à Trident. sess. 13. cap. 3. cuius verba hæc sunt: *Semper hæc fides in Ecclesia Dei fuit, statim post consecrationem Verum Domini nostri corpus, verumque eius sanguinem, sub panis & vini specie, una cum ipsius anima, & diuinitate existere. Sed corpus quidem sub specie panis, & sanguinem sub vini specie, ex vi verborum: ipsum autem corpus sub specie vini, & sanguinem sub specie panis, animamque sub utraque, vi naturalis illius connexionis, & concomitantie, quæ pars Christi Domini, qui iam ex mortuis resurrexerat non amplius mortuum: inter se opulatur: diuinitatem porro propter admirabilem illam eius cum corpore, & anima hypostaticam unionem. Quapropter verissimum est tantumdem sub alterutra specie, atque sub utraque contineri: totus enim, & integer Christus sub panis specie, & sub quavis ipsius speciei parte, totus item sub vini specie, & sub eius partibus existit. Huc usque Trident.*

4. Dicitur autem esse vi verborum, id quod verba præcisè significant, ita ut non essent vera, nisi illud esset. Cuiusmodi sunt corpus respectu formæ consecratiæ panis; & sanguis respectu formæ consecratiæ vini. Per concomitantiam verò dicatur esse cætera, quæ corpus & sanguinem Christi comitantur, id est, quæ illis coniuncta sunt in Eucharistia, ratione connexionis, quam habent cum iisdem in statu Christi naturali. Deus enim conuenienter statuit, ut quæ sunt alibi in Christo coniuncta, non separantur in Eucharistia, si nihil aliud obster, aut repugnet: eademque connexio, quæ est inter illa, ut sunt extra sacramentum, sit inter eadem, ut sunt in sacramento. Alioquin minis bene esset Christo in Eucharistia. Cumque separatio neque necessaria sit, quia possunt illa simul poni; neque utilis ad nostram salutem, propter quam Christus suscepit defectus: non debet asseri.

5. Quid intelligatur nomine corporis, & sanguinis intelligendum sit? Aliqui ut Gabriel. lect. 42. in Canonem licet. E, F, G, H, per corpus intelligunt

materiam primam. Sed illi improprie dicant corpus, id quod corpus non est. Neque enim quando dicitur componi humanitatem ex corpore, & anima; communis hominum sensus est, quod corpus illud sit materia prima: cum alioqui materia prima vulgò nota sit, & non sit opus nomini materiz, corporis nomen substituere. Deinde sequeretur ea quæ habent eandem materiam primam, habere idem corpus: Atque ita idem esse corpus hominis viuientis, & vermium ex illo mortuo genitorum: quia in vtriusque est eadem materia prima. Hoc autem est absurdum, & alienum à sensu & modo loquendi communi.

Alii. vi. Palud. & Suar. disput. 51. sect. 4. conclus. 3. intelligunt compositum ex materia prima, & anima rationali, non ut anima est, sed ut dat esse corporeum, organicum, humanum. Verum illi non relinquunt locum concomitantie reali, & physice; de qua Trident. supra loqui videtur, non autem de logica tantum, seu metaphysica. Nam concomitantia realis est tantum inter diuersa, & connexa: non autem inter ea; quæ sunt penitus idem realiter. Illa enim potius est identitas realis, & non tantum concomitantia. Atqui anima ut est forma constituens esse corporeum, & ut est anima, est penitus idem in re. Quare si ex vi verborum est in sacramento tanquam dans esse corporeum; est etiam per identitatem in sacramento, ut anima, & non tantum per concomitantiam; ut ait Tridentinum. Adde magnam esse difficultatem in sententia Suaris quomodo vi verborum practice, & effectiue, ac physice, attingatur anima secundum gradum dantem esse corporeum, & non secundum gradum animæ, ratione sola distinctum. Adde præterea in triduo mortis Christi, nomine corporis, tale quid intelligi non potuisse. Et tamen verba tunc vera fuissent.

Item iuxta eandem sententiam non fuisset idem corpus Christi viuum & mortuum. Nam corpus viuum constituitur intrinsece per animam, illamque includit: corpus autem mortuum constituitur intrinsece per formam inanimatam, nimirum per formam cadaueris, iuxta illorum auctorum sententiam: hæc autem constituta differunt essentialiter, & quidem multò magis, quàm homo viuus, & vermis ex eo mortuo genitus. Nam hæc duo conueniunt in genere corporis animati; illa verò tantum in genere corporis mixti. Cadauer enim non potest constitui in genere corporis animati. Quare iuxta illam sententiam magis differunt corpus hominis viuus & mortui, quàm corpus hominis viuus, & vermis ex illo producti. Ac sicut non potest verè dici idem esse corpus hominis viuientis, & vermis: ita dici non posset idem esse corpus hominis viuientis, & mortui. Quare non fuisset idem corpus

Christi, quod de Beata Virgine natum est, & in cruce passum, quodque iacuit in sepulcro, & resurrexit: contra doctrinam, & modum loquendi. SS. Patrum, qui sæpius affirmant idem esse corpus, quod hæc omnia fecit, aut passum est. Nec obest, quod corpus hominis viuum, & mortuum minus differunt in accidentibus, quàm homo, & vermis. Nam identitas, aut diuersitas corporis non sumitur ex accidentibus, sed ex esse substantiali illius. Quod enim facit ens, facit vnum. Ergo quæ magis conueniunt in esse substantiali corporis, sunt etiam magis vnum & idem in ratione corporis, quidquid sit de accidentibus. Et potius ex illa diuersitate maiori accidentium connaturalium deberent aduersarii inferre maiorem ^{diuersitatem} substantialem corporum, quibus illa accidentia sunt propria, & connaturalia (sicut fit in omnibus aliis substantiis naturalibus) si vellent sequi experientiam, & coherenter philosophari. Vtremque iuxta eandem sententiam sequeretur corpus Christi fuisse corruptum substantialiter verè, & propriè loquendo: de quo tamen Psalm. 15. prædictum fuerat, & Actor. 2. repetitum, fore vt non videret corruptionem. Probat sequela. Nam illud corrumpitur substantialiter verè, & propriè loquendo, quod mutatur intrinsecè & secundum se in aliam substantiam specie, aut genere diuersam. At corpus Christi per mortem fuisset mutatum intrinsecè, & secundum se, à genere viuentis, in quo ante mortem constitutum erat intrinsecè vt corpus, per animam rationalem, in genus inanimati, in quo post mortem constitutum fuit intrinsecè per formam cadaueris. Ergo fuit corruptum substantialiter. Nec obest quod manserunt eadem accidentia. Quia corruptio substantialis non attenditur penes illa. Vel potius, vt supra dixi, ex eorum permanentia connaturali in eodem corpore, iudicandum est non fuisse factam substantialem illius mutationem, & corruptionem.

7. Aliitertio, vt Vasq. disp. 186. cap. 3. & aliqui recentiores subtiles & eruditi aiunt per *corpus*, significari disunctum ex corpore viuo, aut mortuo: vel, vt isti exponunt, disunctum ex materia organizata; vel substantiali organizatione, quàm putant fieri formaliter per ipsam animam rationalem; vel organizatione accidentali, quæ fit per accidentia, quibus variz partes materiæ diuersimodè afficiuntur. Itaque, inquiunt, nomine corporis intelligi potest verosimiliter materia prima, vt subest cuilibet ex his organizationibus. Nam vt subest illis, est materia organizata, & componens cum forma substantiali compositum, vel viuentis, vel cadaueris. Quod non aliter probant, quàm ex communi modo loquendi, & ex refutatione aliarum opinionum. Inde verò inferunt materiam poni ex vi verborum, non autem animam rationalem: quia licet anima non poneretur, verba possent esse vera ratio-

ne organizationis accidentalis.

Sed in contrarium opponi potest, nomine corporis intelligendam esse partem alteram naturæ humanæ, eo sensu quo dicitur homo constare ex corpore, & anima, & Verbum diuinum assumpsisse humanitatem constantem ex corpore & anima, vt iidem auctores fatentur. Atqui materia organizata substantialiter non est pars naturæ humanæ, sed est totum conflatum ex materia prima, & anima rationali organizante substantialiter per seipsam formaliter, vt volunt auctores citati. Quare nomen corporis non potest hic significare materiam sic organizatam. Neque etiam disunctum ex organizatione substantiali, aut accidentali: sicut vox *homo*, non significat disunctum ex homine, vel lapide, sed hominem tantum distinctè, & determinatè: quia altera pars illius disuncti non potest cadere sub eius significationem. Neque iuxta eorundem auctorum sententiam verè dici potest id quod addunt paulò post, dempta organizatione accidentali, posse diuinitus manere hominem, & adhuc esse compositum ex corpore, & anima. Nam impossibile est hominem esse compositum realiter ex corpore, & anima, si nomine corporis comprehenditur ipsa anima intrinsecè illud cõstituens in esse proprio corporis, id est, in esse materiæ substantialiter organizatæ, & animatæ, vt iidem auctores affirmant. Hoc enim esset dicere hominem componi ex homine, & ex anima: nam corpus ita sumptum est totus homo.

Respondent corpus esse tantum materiam in recto, connotare verò formam in obliquo. Et sicut materia organizata non est homo; nec materia animata est homo, licet habeat ab anima formaliter esse organizatam, vel esse animatam: sic etiam licet habeat ab anima formaliter esse corpus humanum non tamen idem est corpus humanum, quod humanitas: quia hæc dicit vtramque partem in recto. Corpus autem humanum dicit in recto materiam tantum, & in obliquo formam substantialem.

Sed hæc responsio mihi non satisfacit. Primò quia, vt aliquid sit verè totum à parte rei, non est necesse, vt nomen quo significatur, significet in recto quidquid habet: nam homo est totum à parte rei, & vox hominis significet in recto hypostasim, seu suppositum quæ tale, & in obliquo humanitatem, iuxta doctrinam eorundem Recentiorum in tract. de Incarn. disp. 13. sect. 3. Ergo licet corpus humanum significaret tantum in obliquo formam substantialem, & in recto materiam; non propterea desineret esse à parte rei totum conflatum ex materia, & forma substantiali humana; hoc est, anima rationali. Existimo autem nomen corporis abstractè sumptum ab hypostasi, vt hic sumitur, significare in recto totum id quod est: sicut humanitas in recto significat totam humanitatem, & albedo albedinem: concretè verò sumptum pro supposito prædicamentali, significat in recto hypostasim, & in obliquo

Refutatio
eiusdem

1	1
2	2
3	3
4	4
5	5
6	6
7	7
8	8
9	9
10	10
11	11
12	12
13	13
14	14
15	15
16	16
17	17
18	18
19	19
20	20
21	21
22	22
23	23
24	24
25	25
26	26
27	27
28	28
29	29
30	30

subsistens; aut particulam *Meum*, significare corpus prout est Christi, & consequenter prout Verbo unitum est. Nam pronomen *Hoc*, potest optime demonstrare corpus secundum rationem supra expositam. Particula verò *Meum*, in rigore denotat solum identitatem illius corporis cum eo, quod fuit, aut est Verbi: sic enim vulgò dicitur corpus Petri, vel Pauli, quod iam non est in ipso, sed antea fuit, & iterum erit. Quo sensu vera esset hæc propositio, Hoc est corpus meum: id est, hoc corpus est Christi, & Verbi: quamvis Verbum, & reliqua, quibus constat Christus, non essent in ipso sacramento. Ideoque non sunt in illo vi verborum. Sufficit enim quod fuerit, vel sit alibi corpus unitum Verbo, & componens cum illo Christum ita loquentem per se, vel per ministros suos. Confirmatur, quia illa particula *Meum*, non minus significat ipsum esse corpus naturæ humanæ Christi, quam esse suppositi diuini. Ergo sicut eo non obstante non est necesse poni vi verborum reliquum naturæ Christi, nempe animam rationalem: sic neque hypostasim Verbi.

13.

Obiicies, Caro Christi constituit hoc sacramentum, quatenus est viuifica: Sic enim est sacramentum, & instrumentum nostræ sanctificationis. At cum sacramentum Eucharistiæ sit excellentius omnibus sacramentis, quæ sunt, & esse possunt, caro Christi constituit hoc sacramentum, ut est hoc modo viuifica, quo nulla res creata viuifica esse potest. Est autem ita viuifica, quatenus est caro propria Verbi. Ergo ut sit est sacramentum. Item verba Christi sumenda sunt ut vera in maxime propria, & congrua ratione loquendi. Sed illa exigit ut corpus in Eucharistia sit proprium Christi loquentis, non modò alicubi, sed maxime in eo loco, & conditione, sub qua Christus dicit illud esse suum corpus. Dicit autem non alibi tantum, sed specialiter in Eucharistia, & sub speciebus panis, esse suum, ac proinde Verbo unitum hypostaticè. Ergo debet in Eucharistia esse tale, ad hoc ut verba Christi sint in proprio sensu vera. Confirmatur, quia non potest dicere propriè Verbum diuinum, quod corpus ibi sit suum, ubi esset ab eo alienum. Sed si in Eucharistia esset sine vnione, quamquam alibi eam haberet, esset in Eucharistia alienum à Verbo: esset enim suppositum merè humanum, & nudus homo, eo ipso præcisè quod cessaret esse unitum hypostaticè. Confirmatur 2. quia ex eo, quod in symbolo dicatur filius Dei sepultus, colligunt Patres, & Theologi, non fuisse dissolutam vnionem hypostaticam Verbi, sed mansisse in corpore quando sepeliebatur. Itaque non sufficeret, ut diceretur filius Dei sepultus ratione sui corporis, illud corpus alias fuisse unitum Verbo, seu filio Dei. Ergo neque ut verbum propriè dicat demonstrando Eucharistiam, *Hoc est corpus meum*, sufficit quod illud corpus fuerit antea, vel sit alibi unitum Verbo.

Ad primum Respondeo, Carnem Christi constituere hoc sacramentum præcisè ex vi verborum, quatenus est ipsamet caro Christi, & Verbi diuini, per identitatem. Ex quo etiam virtutem habet specialem viuificandi, qualem alia sacramenta non habent, nec vlla res purè creata habere potest, id est, nullum habens respectum ad vnionem hypostaticam. Reipsa verò est etiam Verbo unita in sacramento per concomitantiam; licet ad verborum veritatem in rigore non requiratur esse unitam: neque id sit necessarium, ut sit viuifica excellentiori modo, quam reliqua sacramenta. Fundamentum enim illius excellentiæ sufficiens est, quod ipsamet caro Christi sumatur in hoc sacramento vi verborum: & quod vi decreti diuini caro illa sit inseparabiliter unita Verbo hypostaticè, vbiunque est: atque ad eius applicationem diuinitas gratiam operetur infallibiliter in quibuscunque dignè recipientibus: illaque operatio sit carnis, & humanitatis Christi specialiter propria, quia reipsa constituit vnum suppositum cum diuinitate operante.

13.
Solueretur
argumenta
contra.

Ad secundum Respondeo, Verba Christi sumenda esse ut vera in rigore: non autem in quacunque latitudine sensus, quem congrue possunt recipere. Alioqui significarent etiam corpus illud esse unitum animæ (sic enim maxime propriè Christi est) & constare sanguine, aliisque omnibus, quæ corpori viuo naturaliter, ac necessariò conueniunt. Quod est falsum. Nam sanguis non est vi verborum sub specie panis: nec anima sub vtraque, cum corpore, & sanguine, ut definit Trident. sess. 13. cap. 3. Dico igitur in rigore verborum corpus Christi significari, ut proprium illius per identitatem, non autem ut unitum hypostaticè Verbo in Eucharistia: sicut etiam non significatur ut unitum animæ; alioquin anima esset in sacramento vi verborum, contra Trident. cap. cit. Est enim impossibile corpus significari ut unitum animæ, & non significari simul animam ut unitam corpori. Estque pariter impossibile poni corpus ut unitum animæ, & non poni animam ut unitam corpori: aut existere vnum ut unitum, sine alio pariter unito: Cum hæc duo vel in idem coincident, vel sint correlata, & relata sint simul naturæ, & cognitione: sique impossibile esse vnum correlatum ut tale, & non esse aliud. Vnde similiter est impossibile significari per verba corpus ut unitum hypostasi Verbi, & non significari iisdem verbis hypostasim ut unitam corpori: Ponique vi verborum corpus ut unitum hypostasi, & non poni hypostasim ut unitam corpori. Ideoque non coherent illa duo dicta aduersariorum: vnionem hypostaticam esse vi verborum in sacramento, prout illa vnio se tenet ex parte corporis, & illi identificatur: secus verò, ut se tenet ex parte Verbi. Nam cum non possint hæc duo neque significatione, & conceptu, neque positione & existentia separari: impossibile est vnum significari vi verborum;

14.

& non significari aliud : & vnum vi verborum non poni, posito alio.

15.

Ad priorem confirmationem Respondeo, Licet corpus Christi esset reipsa in Eucharistia sine vnione hypostatica ; adhuc tamen esset proprium Verbi per identitatem : quia esset illud ipsum, quod hypostaticè vnitum est, aut fuit antea. Idque verum foret, quamuis in Eucharistia corpus illud haberet propriam substantiam, loco diuine : in quo tamen casu non esset suppositum, & persona, sed pars actu, vel aptitudine, alicuius suppositi, vt constat ex dictis alibi. Ad posteriorem, dico non esse parem verumque loquendi modum. Nam in primo non dicitur duntaxat corpus Christi, seu Verbi incarnati, fuisse sepultum, & eius animam descendisse ad inferos : ad quod in rigore sufficeret identitas eiusdem corporis, & animæ ; sed dicitur ipse Christus seu Filius Dei, sepultus, & descendisse ad inferos : quod manifestè aliquid amplius significat, & plus requirit ad saluandam proprietatem verborum. Contra verò in Eucharistia Christus tantum asserit hoc corpus, quod demonstrat sub speciebus panis, esse corpus suum : non autem asserit seipsum, aut Verbum diuinum esse illud, quod sub speciebus proponit & demonstrat. Vt autem essent pares locutiones, & bona comparatio aduersariorum, debuisset Christus dicere, Ego ille ipse sum, qui sub speciebus panis me edendū propono : vel, Accipite, & comedite : Hoc est Verbum incarnatum, seu filius Dei : sicut in symbolo dicitur de ipso Verbo, seu filio Dei, Conceptus est de Spiritu sancto, natus de Maria Virgine, passus, crucifixus, mortuus, sepultus, descendit ad inferos.

SECTIO II.

Quomodo Christus sit in Eucharistia quoad integritatem corporis, & sanguinis, & quoad accidentia

16.

Superest querere primo, an nomine corporis totum, & integrum Christi corpus intelligendum sit, & nomine sanguinis, totus sanguis : Ratio dubitandi est, quia de corpore mutilo verè dici potest, Hoc est corpus meum ; & de sanguinis portione, v. g. extracta è vena, verè dici potest, Hic est sanguis meus. Ergo non est necessarium ad verborum veritatem totum corpus, & sanguinem poni. Ergo non ponitur totum vi verborum. Et iam difficultas erit, cur hac potius portio sanguinis, quàm alia ; aut hæc corporis partes, quàm aliæ ?

Nomine corporis, totū Christi corpus intelligi debet.

Respondeo cum D. Thom. & aliis communiter, intelligendum esse totum Christi corpus, & totum sanguinem, quantum est in specie naturali extra sacramentum. In hunc enim sensum perfectum propositio Christi accipienda est, cum sit indefinita &

æquiualeat vniuersali, neque habeat vnde potius vnā partem, quàm aliam significet. Neque obest, quod Christus addidit Luc. 22. *Qui pro vobis effunditur*. Nam moraliter totus sanguis Christi fuit in passione effusus & hæc particula non fuit addita ad limitandum, sed ad commendandum valorem illius sanguinis. Neque verò exempla in ratione dubitandi allata sunt similia. Nam propositiones illæ habent vnde limitentur per mutilationem, & separationem antea factam : & propter illam pronomen demonstratiuum determinatur ad corpus mutilum, aut portionem sanguinis è vena extractam. At in Eucharistia corpus & sanguis Christi ponuntur vi verborum, prout ibi existunt. Quare cum aliunde non supponatur facta esse mutilatio, aut minutio sanguinis, sed verumque in Christo integrum existat in statu naturali : & poveretur in Eucharistia corpus mutilum, aut sanguis diminutus, deberet illa mutilatio, & diminutio fieri vi verborum. Non potest autem vi illorum fieri, siquidem non magis ex se significans vnā corporis partem, aut sanguinis portionem, quàm eliam : ideoque non est cur ponant vnā, potius quàm aliam. Dicendum est ergo poni totum & integrum corpus & sanguinem, prout existit in specie naturali ipsius Christi.

Porro si sanguis Christi in propriis speciebus non habeat continuitatem, probabilius puto non poni in Eucharistia vt continuum, ex vi verborum. Adeoque sanguinem non vnitum, & non continuatum in corpore Christi in statu naturali, esse quoque discontinuum & non vnitum in sacramento. Ratio est, quia sequitur, quantum fieri potest, modum essendi in statu naturali : & positio eius totius in eodem loco, vel in eodem indiuisibili loci, non facit vt vniantur inter se partes sanguinis, quæ extra sacramentum non sunt vnite. Quemadmodum confusio partium corporis in eodem loco, non facit vt caput vnatur immediatè pedibus, sed collo. Neque valet ratio Suaris contrarium sentientis disp. 52. sect. 3. 4. *sed quæres obiter*, quod scilicet res liquide vniantur, & continuantur inter se, eo ipso, quod habent localem approximationem : Idem tantum verum est de rebus illis existentibus modo naturali extenso, & diuisibili. Alioquin vinum prophanum calici infusum, vniretur similiter sanguini Christi, quod est absurdum.

Queritur secundò, si in triduo passionis Christi, Apostolice consecrasset, fuissetne in Calice vi verborum sanguis effusus cum alia parte restante in Christi corpore mortuo, posito quod non omnem in mathematico rigore effuderit : Ratio dubitandi est, quia tunc extra Sacramentum non erat connexio naturalis inter sanguinem effusum, & sanguinem residuum. Quare sicut nunc, si Christus resurgens non resumpsit præputium ; non ponitur illud vi verborum, defectu pon-

17.

Debeatne etiam totus eius sanguis intelligi nomine sanguinis ;

nexionis, siue vnionis naturalis: Ita nunc etiam, si quæ particula sanguinis in terris fuit relictæ, non ponitur vi verborum in calice, neque per concomitantiam. Est autem par ratio vt non poneretur sanguis ille residuus in corpore Christi mortuo.

Respondeo debuisse poni vi verborum sanguinem illum totum, qui adhuc erat sanguis Christi siue effusus, siue non effusus. Sensus enim perfectus illius propositionis hoc postulat, quæ est indefinita, æquiualens vniuersali, & non magis vnum quam alium demonstrat vi verborum: id est, non magis effusum, quam non effusum; aut contra. Alia verò est ratio de sanguine relicto à Christo resurgente, qui non est amplius sanguis Christi, id est, pars Christi neque actus, neque potentia: sed tantum per ampliationem dicitur sanguis Christi, quia fuit Christi. Eodemque modo philosophandum est de præputio, si in perpetuum relictum est à Christo. Sin autem resurgens illud resumpsit, non debuit nihilominus poni in sacramento, ante resurrectionem à Christo ipso in nocte cantæ instituto & effecto. Quia corpus ex vi votis, & communi modo loquendi non significat partes exiguas non continuatas, aut non componentes actu cum aliis: & talis particularis separatio præuia, satis determinat propositionem ad corpus sine illa significandum, & demonstrandum quantum est in statu naturali Christi. Alia tamen est ratio de sanguine, quia partes sanguinis non dicunt continuationem, neque continuantur omnes inter se in corpore humano, sed diuersi vasa, & venis includuntur. Ideoque non requiritur continuatio inter illas, vt significentur nomine sanguinis, comprehendanturque hac propositione, Hic est sanguis meus: dummodo verè sint sanguis Christi.

18. **Pater & Spiritus S. sunt in Euchar. per concomitantiam.** Quærestertid, an Pater, & Spiritus sanctus sint etiam per concomitantiam in Eucharistia? Respondeo affirmatiuè. Quia verbum, & diuinitas est ibi per concomitantiam, propter vnionem cum corpore, & sanguine. Pater autem, & Spiritus sanctus, ratione circumiessionis sunt omnino inseparabiles à Verbo, & à diuinitate. Sed non propterea panis & vinum in ipsos conuertuntur: quia terminus ad quem conuersionis debet fieri actione conuersiua, vt supra diximus: & non est terminus conuersionis nisi illud, quod vi verborum ponitur. Neque etiam possunt dici manducari sacramentaliter: quia non traiciuntur in stomachum per motum localem, cuius sunt incapaces secundum se: vnde etiam non possunt manducari secundum se. Sed neque etiam dici possunt manducari denominatiuè per communicationem idiomatum sumptam à corpore vnito hypostasi Verbi. Quia illa communicatio non extenditur ad personas relatiuè oppositas Verbo vnito humanitati, vt suo loco diximus.

19.

Quæritur quartò, vtrum accidentia Chri-

sti Domini sint in Eucharistia vi verborum? Respondeo non esse vi verborum, sed per concomitantiam. Ita D. Thom. quæst. 76. art. 4. & alii communiter. Ratio primæ partis est, quia vi verborum id solum est in sacramento, quod ad eorum veritatem necessarium est, & ad quod directè, & per se terminatur conuersio: Accidentia autem non sunt huiusmodi.

Secunda pars probatur, Quia propter naturalem connexionem corporis, & sanguinis Christi cum accidentibus suis, conueniens est vt habeat illa in sacramento: si nimirum id de aliquo non repugnet, vel nihil aliud obstat. Quæ limitatio sumitur ex D. Thoma quæst. cit. art. 5. ad 3. vbi ait concomitantiam sacramentalem non habere locum in accidentibus extrinsecis, quæ à loco, vel ab alio quopiam extrinseco peculiarem dependentiam habent, ratione cuius vel repugnat omnino, vel non est conueniens, vt corpus Christi comitentur. Cuiusmodi sunt presentia, & motus localis, distantia vel indistantia ab alio quopiam, figura, & extensio partium extra partes: quæ tamen omnia non sunt vera accidentia physica, sed modi se habendi, aut respectus secundum dici, qui de re prædicantur accidentaliter. Si quæ tamen sunt vera accidentia, quæ similem habeant repugnantiam, vel disconuenientiam; in iis concomitantia sacramentalis non habet locum. In cæteris verò habet: quia mensura status Christi sacramentalis, est status naturalis Christi: Et perfectio illius status est mensura perfectionis status sacramentalis. Alioqui sacramentum redundaret in imperfectionem Christi: Et minus ei delectabile foret in sacramento esse, si in eo spoliaretur suis perfectionibus: quæ spoliatio, cum alioqui neque necessaria, neque utilis sit ad bonum finem, non debet asseri. Hinc colligitur quantitatem corporis Christi esse in Eucharistia, si non est ipsamet eius extensio actualis, sed radix impenetrabilitatis, vt multi volunt. Esse item qualitates corporeas primas, & secundas, & qualitates animæ naturales, ac supernaturales.

Contra primam partem responsi supra dati sentiunt Gabriel Vasq. disp. 187. cap. 4. & alii quidam, qui contendunt accidentia naturalia corporis Christi esse in Eucharistia vi verborum. Quoniam inquirunt corpus Christi hic ponitur vi verborum, vt organicum est, & heterogeneum. Atqui non est tale nisi per accidentia, per diuersas scilicet partium dispositiones, & affectiones naturales. Ergo, &c.

Respondeo, Poni vi verborum ut organicum est substantialiter: Et esse tale formaliter per formas partiales substantiales, animæ subordinatas: non autem per accidentia, quæ ad summum organizationem tantum accidentalem constituunt, & ad substantialem disponunt consistentem in formis substantialibus, quæ dant formaliter esse carnis, ossium, neruorum, venarum, musculorum,

Accidentia Christi non sunt in Euchar. vi verborum, sed per concomitantiam.

20.

cartilaginum, &c. quæque anima abscedente remanent in corpore mortuo. Vt rectè docent & fusè probant è recentioribus Aegid. Coninc in dub. ad art. 2. quæst. 76. & Dandin. in lib. 2. de Anima text. 11. digress. 8. parte 3. vbi etiam ostendit eandem esse sententiam Aristotelis.

21. Qui autem dicunt nullas esse in homine partiales formas substantiales, contendunt contra facis manifestam experientiam. Nam cum anima possit separari in instanti, vel in tempore imperceptibili, non est credibile tam multas formas subito generari sine præuiis dispositionibus necessariis: nempe formam cerebri, iecoris, cordis, ossis, &c. quæ formæ post animæ separationem existunt in corpore vndecunque mors contingat, siue caloris excessu, siue frigoris; siue vulnere, siue morbo. Diuersas autem esse, & distinctas substantialiter, non minùs apparet experientiâ: quàm formas sanguinis, pilorum, vnguium, &c. quæ per ipsosmet aduersarios distinguuntur tum inter se, tum à forma carnis, vel ossis. Non enim minùs differunt proprietatibus, & affectionibus naturalibus & intrinsecis. Quare credibilius est, quòd sicut formæ sanguinis, & pilorum substantialiter differunt, & in corpore viuo præexisterunt: sic, &c. Maximè verò cum appareat cadauer esse porius residuum quid ex viuentis extincto, quàm nouum compositum substantiale à natura factum. Et hæc opinio commodior item est Theologis ad explicandum quomodo corpus Christi idem numero in sepulcro iacuerit, & resumptum fuerit, sine productione, & destructione formæ cadaueris. Quomodo item corpora sanctorum eadem sint, quæ ab eorum animabus informata sunt, & informabuntur iterum. Philosophis autem commoda est ad tuendum materiam nunquam esse naturaliter destitutam omni forma substantiali, & ad explicandam Aristotelicam definitionem animæ, *Est actus corporis organici*, &c. & id quod communiter dicitur, hominem componi ex corpore, & anima; qui loquendi modus de terra, igne, lapide, & similibus non vsurpatur, tamen si gradus corporei distinguere possit in eorum formis ab ultimo gradu specifico, non minùs quàm in anima.

22. Quod autem dicit Aristoteles, generationem vnius esse corruptionem alterius, non est vniuersaliter intelligendum; sed vt plurimum, & si est totalis rei corruptio. Quod item ait manum abscissam esse æquiuocè manum, verum est vel de manu sumpta vt instrumentum est, & organum aptum ad functiones vitales: vel etiam substantialiter, vt viua est: quia vt sic, includit animam. Nec verum est quod obiciunt aliqui, sufficere animam ad tribuendum id, quod per formas partiales tribuitur: quia cum sit perfectior omnibus illis formis partialibus, continet in se, quicquid illarum perfectionis habent. Illud enim quod ab anima præsupponitur in subiecto, non tribuitur formaliter

ab ipsa. Ac licet anima per informationem tribuat aliquod esse substantiale materiæ; non tamen omne, nec illud peculiare, quod per formas partiales tribuitur. Licet etiam sit perfectior formis partialibus: non propterea dat formaliter id, quod illarum continent. Alioqui daret etiam formaliter id quod continent accidentia. Quod si formæ illarum parum durant in cadauere, causa est, quia earum dispositiones sunt debilis resistentiæ: ideoque abscedente anima, cuius influxu fouebantur, & reparabantur, faciliè deficiunt. Cuius rei indicium est quòd si à corruptentibus remoueantur, aut balsamo libiantur, diutissimè durant. Confirmatur ex forma sanguinis, nervorum, vnguium, pilorum, &c. quas tamen distinguere non negant aduersarii: neque volunt illud esse formale, quod per eas tribuitur, ab ipsamet anima tribui. Et tamen forma sanguinis non minùs faciliè corrumpitur post abscissum animæ, vel post eius separationem à corpore viuente, quàm forma carnis, aut nervorum: neque plus durant pili, & vngues, quàm ossa & dentes. Non obest etiam quod plerique dicunt, Vnius entis corporei non esse nisi vnicam formam substantialem, quia forma dat esse simpliciter: Et quidquid aduenit enti constituto in actu, aduenire per accidens, & facere vnum per accidens: Constituitur autem ens in actu per formam substantialem. Hæc enim axiomata, vt vera sint, debent intelligi de esse simpliciter omnino completo & perfecto; deque actu similiter planè completo. Cuiusmodi esse, & actus, non datur per eas formas substantiales, quæ naturaliter ordinantur ad aliam perfectionem, ad illamque disponunt, & ei inferuiunt, constituendo partes organicas corporis, quod informat quibusue utitur ad vitaliter operandum.

23. Obicit Delugo disp. 8. sect. 4. num. 62. & sequentibus: Formæ partiales non faciunt cum materia vnum ens completum: alioqui non posset materia rursus actuari per formam rationalem. Ergo abeunte anima, non potest materia manere naturaliter cum solis illis formis: sicut non potest manere sine vlla prorsus forma, ratione sui incomplemeti. Secundò, idem dicendum esset de cadauere equi, ac de cadauere hominis, imò & de arbore excisa. Quis autem credat lignum mortuum esse ens minùs completum, quàm ferrum vel lapidem? Tertiò, non est iuxta naturam rerum, quod corrumpatur aliqua forma substantialis absque introductione alterius. Corruptio enim non intenditur propter se, sed propter generationem; & ideo dicitur generatio vnius esse corruptio alterius. Quando ergo corrumpitur viuens, debet introduci alia forma substantialis; alioqui dabitur corruptio vnius, sine generatione alterius. Item dabitur è contra generatio vnius absque corruptione alterius, puta quando in Embryonem introducit forma viuensis.

23.
Soluuntur
autem
consequenter
sententia.

Ad primum Respondeo, Negando consequentiam. Licet enim formæ illæ partiales non sint ita completæ, ut non ordinentur naturaliter ad aliam perfectiorem, ad quam disponunt materiam substantialiter: sufficient tamen ut materia existat cum illis, à quibus plus accipit perfectionis, quam à forma ferri, vel lapidis. Et manifestum est non esse tantum incomplementum materiæ sub illis formis, atque est materiæ nudæ. Quare non sequitur materiam non posse existere naturaliter cum priori incomplemento, si non potest existere cum posteriori, ut fert communis Philosophorum sententia. Adde quod si necessarium esset aduenire formam cadaueris ad constituendum ens completum cum materia, quæ alioqui non potest sine illa existere homine mortuo, sequeretur corpus Christi constitutum per talem formam inesse cadaueris, fuisse naturam omnino completam in genere substantiæ: & compositum ex illa natura completa, & ex hypostasi Verbi constitutum, fuisse totum quoddam & integrum perfectumque suppositum; de quo per communicationem idiomatum verè dici potuisset, Cadauer est Deus, cælum & terram creauit, homines redemit, &c. quod absurdum & inaudicrum est.

Ad secundum Respondeo, Non esse difficile id credere, quam credere, quod verissimum est, centum leucas aquæ oceani quamdiu sunt aliis coniunctæ, & cum illis vnum totum constituunt, esse ens minus completum, quam si vnica gutta separata, aut aqua modica vase inclusa, quæ ut sic, totum quoddam est integrumque suppositum. Aliud autem est esse ens minus completum: & aliud esse ens minus perfectum. Anima rationalis est ens minus completum, quam ferrum, aut lapis: & tamen longè perfectior est.

Ad tertium Respondeo, Corruptionem non intendi propter se, sed sequi naturaliter ex introductione dispositionum disconuenientium formæ, quæ expellitur. Quæ introductio fit ab agentibus naturalibus intendentibus passum sibi assimilare: sed non semper talis, ut ad nouam formam substantialem introducendam sufficiat. Neque debet à Deo defectus ille suppleri si materia retinet aliam formam substantialem, sub qua possit conseruari: ut fit in casu, de quo loquimur. Quis vero sit sensus illius axiomatis, Generatio vnius est corruptio alterius; paulò ante exposuimus numero vigesimo secundo. Ostendimus etiam numero sexto in fine, inconueniens esse existimare corpus Christi fuisse corruptum substantialiter per introductionem formæ cadaueris, loco animæ rationalis,

SECTIO III.

De præsentia Christi in Eucharistia.

Dico primò Christum, ultra præsentiam naturalem, & extensam, quam habet in cælo; habere aliam multiplicem miraculosam, & sine extensione partium extra partes, in sacramento Eucharistiæ. Hæc conclusio traditur à Trident. sess. 13. cap. 1. ubi ait hæc inter se non repugnare ut ipse Saluator noster ad dextram Patris in cælis affideat iuxta modum essendi naturalem: & ut multis nihilominus aliis in locis sacramentaliter præsens sua substantia nobis adsit. Quam præsentiam sacramentalem magis explicans can. 3. definit, In venerabili sacramento Eucharistiæ sub vnaquaque specie, & sub singulis cuiusque speciei partibus, separatione facta, totum Christum contineri: Et nimirum etiam ante separationem: quia separatio non facit, ut sit ubi antea non erat. Sola enim consecratio ponit corpus & sanguinem sub speciebus, sub quibus antea non erat. Diuisio autem specierum non est consecratio.

Ad idem confirmandum valent quæcunque supra attulimus ad probandum Christum verè, & realiter in Eucharistia contineri: & ibi esse modo indiuisibili, totum in toto, & totum in qualibet parte: quod non esset, si haberet ibidem extensionem partium extra partes. Ex verbis autem Trident. allatis corrigendi sunt Catholici quidam negantes Christum in Eucharistia esse in loco: cum Trident. expresse illis contradicat, his verbis: *Et multis nihilominus aliis in locis sacramentaliter præsens sua substantia nobis adsit.* Vel ita benignè explicandi sunt, ut tantum velint Christum in sacramento non esse in loco modo naturali, & corporeo, sed spiritali, & miraculoso. Quo sensu loquitur D. Thom. quæst. 76. art. 5. in cor. ut ratio ab eodem allata ibidem ostendit. Et D. August. lib. 20. contra Faustum cap. 11. eodem sensu ait Christum vnā tantum præsentiam localem habere, naturalem scilicet, & corpoream. Quod autem addit epist. 57. ad Dardan. *Spacia tolle corporibus, & nusquam erunt: Et quis nusquam erunt, neque erunt:* ita intelligendum est, quòd spaciis sublatis, corpora naturaliter, & de potentia ordinaria nusquam futura sint: licet absolute in indiuisibili esse possint.

Quod si quæras vtrum præsentia Christi localis in sacramento circumscriptiua sit, an definitiua: Respondeo neutram esse. Nam esse præsens circumscriptiue, est commenturari, & coextendi loco, ac secundum varias sui partes variis loci partibus respondere. Esse autem præsens definitiue, est ita esse alicubi, ut res alibi nusquam sit. Christus autem neutro modo est localiter præsens in

24.
Christus
habet mul-
tiplicem
præsentiam
localem in
Eucharis-
tia & in
cælo.

25.

26.
Præsentia
Christi in
Eucharis-
tia sit
definitiva.

sacramento: nam neque spatio commensuratur, neque definit esse in cœlo, quando est in sacramento. Hi tamen duo modi essendi in loco sic explicari, ut à D. Thom. art. cit. ad 1. & ab aliis multis explicantur, adequati non sunt: sed præter illos alius est, neque circumscriptivus, neque definitivus, sed neuter; æquè tamen verus, ac proprius. Ut enim verè, ac propriè quippiam sit in loco, sufficit ut verè, ac propriè sit indistans à spatio, eique intimè affluat. Ad quod impertinens est, quòd res habeat, aut non habeat partes, vel usum extensionis actualis: aut quòd alibi sit, vel non sit: neque enim minùs verè est, ubicunque est, quamvis simul alibi sit. Nec minùs res indivisibiles, aut inextensæ sunt aptæ esse in loco, quàm res divisibiles, aut extensæ: sunt enim æquè aptæ esse in aliquo spatio per intimam præsentiam, & indistantiam suam ab illo.

28. Contra conclusionem tria opponunt hæretici. Primò, quòd repugnet esse corpus humanum, & esse inextensum localiter, esseque in indivisibili, vel totum in toto, & totum in qualibet parte spatii. Hoc enim est habere proprietates spiritus, & non ampliùs esse corpus, cui essentialè est habere partes extra partes situ differentes. Secundò, quòd repugnet pariter dari penetrationem dimensionum, sine qua impossibile est corpus humanum esse positum in indivisibili, aut totum in toto, & totum in qualibet parte. Tertio, quòd repugnet vnum, & idem corpus esse simul in pluribus locis, siue circumscriptivè, siue quovis alio modo, propter contradictiones, & absurda, quæ inde sequuntur.

Christum
factis simul
in pluribus
locis pro-
batur ex
Scriptis

Verùm ad duo priora responsum fuit alibi, disput. 30. sect. 12. Ad tertium Respondeo contrarium potiùs ex Scriptura satis aperit ostendi posse. Nam Psalm. 109. de Christo dictum est, *sede à dextris meis, donec ponam inimicos tuos sub pedum tuorum.* Et Actor. 3. dicitur cœlum ipsum recepisse usque ad tempus restitutionis omnium, id est, usque ad diem iudicii extremi, ibique semper, atque indefinenter residere facentur aduersarii. Et tamen Actor. 23. apparet Christus Paulo in carcere, ipsique adstat, & innititur iuxta vim textus græci, *ἰσθῆς ἀντὶ*, id est, assistens, adstans, innitens ipsi: quod fieri non potuit: si de cœlo tantùm apparuit.

32. Et cap. 9. narratur alia Christi apparitio Paulo facta in via, cum pergeret Damascum: in cuius narratione quatuor sunt notanda. Primò, quòd Paulus, & eius comites, vocem Christi loquentis audierint; quòd signum est non longè abfuisse. Nisi quis dicat vocem nouo miraculo ad aures eorum à cœlo usque peruenisse: Cum tamen Ananias ibidem affirmet audisse Paulum vocem de ore eius: & huius alterius miraculi nullam mentionem faciat Scriptura: neque dicat Christum de cœlo apparuisse Paulo, ut de Stephano dixerat cap. 7. Vtriusque autem hi-

storiæ idem scriptor est, qui omnino in vtriusque narratione pari simplicitate & fidelitate est usus. Secundò, quòd Paulus Christum sibi apparentem non nouerit. Facile autem nosse potuisset, si, ut Stephanus, Christum ad Patris dexteram in cœlo vidisset, ubi residere à Stephano audierat. Tertio, quòd dicatur apparuisse illi in via, quæ veniebat, *ἐν τῇ ὁδῷ ἡ ἑξῆς*, quasi velit significare Scriptura Christum Paulo occurrisset, & in eadem via fuisse. Quarto, quòd qui apparet, Iesum se esse affirmet, idque Ananias Paulo confirmet ibidem, & Paulus ipse Iudæis, & Agrippæ Act. 22. & 26. & 1. Corinth. cap. 9. vers. 1. & cap. 15. vers. 8. quibus duobus ultimis locis significat non minùs sibi apparuisse, quàm cæteris Apostolis. Quare dici non potest phantasia, vel Angelum, vel aliud quippiam Christi loco apparuisse.

Eadem repugnantia imaginaria Caluinistarum refelli potest efficaciter exemplo animæ rationalis in corpore, & Angeli in aliquo spatio diuisibili, & Dei in toto vniuerso existentis indivisibiliter per suam entitatem indivisibilem, totam ubique præsentem, ut hæretici ipsi fatentur. Quibus exemplis tollitur præcipua difficultas, quòd idem, totum in diuersis locis existens, videatur quodammodo multiplicari, & à seipso diuidi, & extra seipsum existere. Nec refert quòd anima, vel Angelus, non possint naturæ rer simul esse in locis discretis, vel quòd habeant quantitatem indivisibilem, & inextensam, corpus autem diuisibile, & extensum. Nam infinitè plus omnipotentis diuinæ dari debet, quàm naturali facultati animæ, vel Angeli. Et repugnantia, si vlla esset, vtriusque esset. Ac si entitas animæ, vel Angeli, non obstante limitatione, & vnitæ sua, posset nihilominus sine contradictione, & sine diuisione à seipsa, fieri præsens diuersis locis, in quibus tota sit; quidni etiam substantia, & quantitas, & extensio corporis, non obstante sua limitatione naturali, vel vnitæ suæ entitatis? Vnde collige non repugnare etiam multiplicem Christi, aut alterius corporis, præsentiam circumscriptiuam, id est, cum extensione partium in ordine ad locum. Nam difficilius non est, ut Christi corpus sit in pluribus locis diuisibiliter: quàm ut in cœlo sit diuisibiliter, & indivisibiliter in sacramento. Imo hoc secundum magis miraculosum est, magisque alienum à naturali exigentia corporis. Et argumenta, quæ à quibusdam Theologis, ac Philosophis incautioribus sunt in contrarium; æquè impugnant præsentiam multiplicatam posteriori modo. Quæ autem afferuntur ab hæreticis, vana sunt, & exemplis allatis, quamvis naturalibus, facile refelluntur.

Nam quòd aiunt, fore ut corpus à seipso diuidatur, & distet, utque de cubitali fiat bicubitale, vel decubitale, vel in finem maius, nulla additione facta: ut denique vno in loco quiescat, & moueatur in altero: in vno

30.

Probatum
exemplum
animæ ra-
tionalis
in toto
vniuerso
existentis
indivisi-
biliter
per suam
entitatem
indivisi-
bilem, totam
ubique
præsentem,
ut hæretici
ipsi fatentur.

31.

comedat, pinguescat, non moriatur: in altero esuriat, macrescat, moriatur: occurrat sibi ipsi, se verberet, & interficiat, & sepeliat corpus suum exanime, si velit, aut suo funeri assistat. Hæc, inquam, & similia vana sunt, & in exemplis naturalibus superius allatis patiuntur instantiam.

Primum enim, Corpus in duobus locis positum non propterea diuideretur, aut distaret à seipso entitatiuè, sed tantum localiter: id est, haberet quidem diuersa loca, & distantia; sed non diuersam entitatem. Sicut anima rationalis prout existit in pede, differt localiter à seipsa, prout existit in capite. Similiterque de cubitali non fieret bicubitale entitatiuè, sed localiter tantum: id est, occuparet quidem locum bicubitalem, & per replicationem illi adæquaretur: sed non propterea haberet duos cubitos entitatis. Sic Angelus existens in puncto, seque postea extendens localiter, non propterea crescit entitatiuè: sed per eandem entitatem indiuisibilem, multoties replicatam, incipit respondere, & adæquari localiter spatio diuisibili. Sic etiam anima rationalis, crescente corpore, quod ipsa informat, crescit localiter, sed non entitatiuè. Denique ipsa mouetur interdum in manu, & non mouetur, sed quiescit in pede: comedit in ore, & non comedit in oculo: occurrit sibi ipsi, quando manus altera ad alteram accedit, sibi que ipsi dolorem infligit: & si non vitam, quia est, immortalis, informationem tamen sibi met-ipsi eripit, & unionem cum corpore, vel ex parte, vel ex toto, quando aliquis sibi manum abscindit, vel mortem infert: atque ita suo cadaueri vel partiali, vel totali assistit, si velit, ac sepelit. Quare vel exemplo illo naturali corrigere possunt suam prauam imaginationem hæretici. Illud autem Angeli ad mulieres Matth. 28. *Non est hic, surrexit enim*: vel narratiuè tantum, non illatiuè dictum est: vel etiam illatiuè familiari sermone, qualis decebat mulieres, in quo non attenditur quid metaphysicè & absolute, sed quid communiter fiat. Vel denique quia Christus dixerat se, vt Ionam de ceti ventre, exiturum de sepulcro, ita vt ibi non remaneret: vnde meritò dixit Angelus: *Non est hic, surrexit enim, sicut dixit*. Vide Suar. disp. 48. vbi de hac tota questione suo more fusissimè, & luculentissimè disputat: neque enim in questione adeo trita in philosophia libet amplius immorari.

32. Monco tantum recentiores quosdam Caluini Ministros, vt effugiant vim argumenti ab exemplo Dei, & animæ rationalis desumpti, aulos esse negare Deum esse vbique, & animam rationalem esse in toto corpore. Ita VVorstius citatus à Becano 1. par. tract. 1. cap. 6. Et Mestresatius lib. 2. de Eucharist. cap. 15. in fine. Quorum ille Deum, hic animam, vnico tantum in puncto esse vult. Sed primus aperte est Nestorianus, vel Deum facit mobilem localiter ad motum humanitatis Christi, vt ostendimus alibi: & Paulo

contradicit Actor. 17. vers. 28. *Non longe est ab vnoquoque nostrum, in ipso enim vivimus, mouemur, & sumus*; & Psalm. 138. *Si ascendero in cælum, tu illic es: si descendero in infernum, ades*, &c. aliisque pluribus Scripturæ locis asserentibus Deum esse vbique. Nec dici potest cur Deus sit in hoc mundi puncto, potius quam in alio; eique immobiliter, ac necessariò adhæreat. Secundus autem turpiter errat contra rationem, & philosophiam. Anima enim est actus corporis organici potentiâ vitam habentis. At vnicum punctum non est corpus organicum. Quæ enim organizatio, & quæ organa possunt esse in puncto vnico? Attingere autem organa per virtutem à se deriuatam, & extra se immisam, non est ea informare, & esse actum substantialem illorum: alioqui sol virtutem suam in terram immitens, eam informaret. Secundò, cur anima est potius in hoc puncto cordis, aut cerebri, quam in alio; cum cor sit homogeneous, & cerebrum etiam: id est, omnes vtriusque partes, sint similes inter se, & eiusdem rationis? Tertiò, quomodo anima videt in oculo, olfacit in naribus, tangit in omnibus fere corporis partibus, si ibi non est? Respondebit Minister, hæc omnia præstare à puncto, in quo est, per virtutem à se distinctam & à se deriuatam. Ergo cum experiamur sensationes non minùs procedere à principio substantiali sensitivo, quam intelligere, & velle, à principio rationali; intelliget pariter, & vult per distinctam virtutem: Atque ita omnia vitæ exercitia, & actus secundi vitales, discurre, velle, mereri, peccare, &c. fient per virtutem distinctam, non per ipsam animam, quæ secundum essentiam suam, & substantiam, mortuo quodam modo semper manebit, nihil videns, nihil intelligens, nihil volens aut appetens. Sola enim virtus ab animâ deriuatâ, ac localiter disuncta videbit, audiet, intelliget, appetet, viuet. Quæ omnia sunt stolidi & non nisi ex studio contradicendi Ecclesiæ excogitata.

Dico secundò, Præsentiam Christi sacramentalem pendere ex institutione diuina à naturali eius præsentia, seu modo essendi extra sacramentum. Hoc colligo ex Trident. sess. 13. cap. 3. vbi ait verum Domini nostri corpus, verumque eius sanguinem, sub panis, & vini specie, vnâ cum ipsius anima, & diuinitate, existere. Sed corpus quidem sub specie panis; sanguinem verò, sub specie vini, ex vi verborum. Ipsum autem corpus sub specie vini, & sanguinem sub specie panis, animamque sub vtraque, vi naturalis illius connexionis, & concomitantia, quæ partes Christi Domini, qui iam ex mortuis resurrexit, non amplius moriturus, inter se copulantur. Huc vique Trident. Ex quibus verbis sic argumentor: Christus est totus sub quauis specie secundum corpus, & sanguinem, & animam, & diuinitatem, vi naturalis connexionis, &c. id est, vi illius connexionis, quam partes istæ habent in esse suo

33. Præsentia sacramentalis Christi sit pendens ab eius præsentia naturali.

suo naturali, cui conformatur esse sacramentale. In hoc enim fundatur discursus Concilij, quod nimirum debeant esse Christi partes coniunctæ in sacramento, sicut sunt extra, ex Dei scilicet institutione: alioqui enim ex natura rei non est necesse rem positā in duobus locis, habere in vno, quidquid habet in alio: & Verbum diuinū, quod est ubique, non habet ubique unitam sibi humanitatem. Ergo modus essendi sacramentalis pendet à modo naturali essendi. Per præsentiam autem sacramentalem intelligo esse Christi in Eucharistia: & per præsentiam naturalem, intelligo esse Christi naturali modo. Ergo præsentia Christi sacramentalis pendet ab eius præsentia naturali. Intelligo etiam Christum siue viuum, siue mortuum, ut erat in triduo: quo tempore, si quis cōsecrasset, non fuisset sanguis sub specie panis, nec corpus sub specie vini, nec anima sub vlla ex his speciebus.

34. Aliam rationem addit Suar. disp. 48. sect. 2. quia scilicet præsentia Christi sacramentalis causatur efficaciter à Christo posito in esse naturali. Quod aliqui confirmant ex eo quod Christus est principalis consecrans, & summus sacerdos, cuius ceteri consecrantes vicarij tantummodo sunt, in eius persona loquentes dum cōsecrant. Sed hæc ratio probaret non potuisse consecrari in triduo, quod esse absurdum faceret Suar. ibidem. Respondet autem, tunc corpus mortuum, aut animam separatam, potuisse efficere præsentiam sacramentalem. Verum neque corpus mortuum, neque anima separata, est sacerdos. Deinde Christus, quando alii consecrant, concurret tantum moraliter, quatenus constituit sacerdotes Euangelicos, qui suis verbis, & suo nomine consecrarent. Ad quod non est necesse Christum physicè existere dum consecratur, sed sufficit extirrisse antea, siue modo naturali, siue alio, & ita instituisse, eamque institutionem durare moraliter per Dei voluntatem Christi vices suppletentem, & quasi eius negotium curantem. Cum autem iuxta sententiam Suaris disp. 50. & rei veritatem, corpus Christi ponatur in Eucharistia per veram productionem ipsius; impossibile est poni physicè ab ipso corpore Christi in genere causæ efficientis: quia nihil potest produci immediatè & physicè à seipso: alioqui productio non esset ratio sufficiens distinguendi personas in Trinitate, in qua omnia sunt vnum, quantum fieri potest.

Hæc dependentia est tantum ab institutione diuina.

35. Præsentia Christi ad species, non est præsentia ad locum.

Dixi in conclusione id esse tantum ex institutione diuina: quia ex sola rei natura nulla est dependentia inter vtrumque essendi modum, sed quilibet est æquè absolutus, & independens ab alio. Ac sicut fuit diu esse Christi naturale sine sacramentali, ante scilicet quam Sacramentum institueretur: sic vice versa potuit esse sacramentale sine naturali, ac prius illo, si Deus voluisset.

Dico tertio: Præsentia Christi ad species non est præsentia ad locum: sed hæc postea.

Tom. IV.

rior illa est ex intentione diuina: neutra verò modum addit ex natura rei distinctum, quo formaliter Christus, vel loco præsens constituitur, vel speciebus physicè vniatur. Prima pars probatur, quia licet Christus per idem formaliter, nempe per seipsum, sit præsens speciebus, & loco, in quo sunt species: id eoque non sit diuersitas ex parte rei, quæ præsens est, etiam secundum id, quo formaliter præsens est: quia tamen non dicitur præsens nisi connotando aliud, cui est præsens: præsentia ad species, & præsentia ad locum, differunt ex parte connotati: quia species & locus differunt: potestque locus millies variari, speciebus iisdem manentibus, ut fit quando species loco mouentur. Ex quo etiam fit, ut præsentia localis millies variari possit, inuariatā præsentia Christi ad species. Cum enim species localiter mouentur, mutatur quidem præsentia Christi localis: ac non præsentia ad species. Sicut nos quando localiter mouemur, mutamus quidem præsentiam localem; sed non præsentiam & coniunctionem inter corpus & animam.

Prius autè intenditur à Deo præsentia corporis & sanguinis Christi ad species, quam ad locum: quia præsentia ad species intenditur per se primò, ad constituendum cum illis cibum, & potum sacramentalem: per coniunctionem saltem moralem inseparabilem, quandiu species seruantur incorruptæ. Præsentia verò ad locum intenditur tantum secundariò, & consequenter, quia species ibi sunt, & non potest Christus esse præsens intimè speciebus, quin sit etiam præsens loco in quo species sunt. Vnde etiam fit ut motis localiter speciebus, Christus locum mutet cum illis, ne desinat illis esse coniunctus, & intimè præsens: ad quam coniunctionem differentia locorum per accidens se habeat. Hinc etiam fit, ut ratio cur Christus sit sacramentaliter in hoc, aut illo loco, sit quia species in tali loco sunt: Ex quo patet præsentiam sacramentalem Christi ad talem locum, subordinari præsentia Christi ad species.

36. Præsentia ad species est prior præsentia ad locum.

Secunda pars conclusionis probatur: quia Christum esse præsentem loco, nihil est aliud formaliter, quam Christum intimè inexistere loco, vel spatio, in quo est. At Christus per seipsum formaliter, id est, per suam entitatem illi inexistit intimè, estque euidenter impossibile, ut formaliter inexistat per aliud: quia quidquid aliud inexistat, si ipsemet Christus secundum se formaliter non est in tali spatio intimè, non inexistit ipse, sed illud aliud: Si autem ipsemet secundum se formaliter est in tali spatio: hoc ipso illi inexistit formaliter, quocunque alio re vel ratione semoro. Quare modus superadditus est omnino superfluous. Qui modus vel seipso formaliter inexistet in spatio, vel per alium. Si per alium: itur in infinitum. Si per se: ergo Christus per se quoque inexistit formaliter: quia per se, id est, secundum suam entitatem, non minus est in spatio,

37. Præsentia Christi non est modus ab illo distinctus.

Ooo

quàm modus. Imò naturâ prius deberet Christus esse in spatio, ut ex illo modus ibi educeretur: quippe qui pēdet à Christo, ut existente in tali parte, vel puncto spatii, in quo solo educi potest, ita ut nulla vi alibi produci, nec aliò transferri possit, secundum aduersarios. Item si modus superadditur, non modò totum compositum ex re, & modo est præiens; sed & pars vtrique seorsim sumpta præiens est, tum alteri inuicem, tum spatio. Quod signum manifestum est non fieri rem præsentem formaliter per modum illum, quia quod constituitur tale per formam distinctam, non habet illum effectum formale seorsim sumptum à tali forma. Ex. gr. quod constituitur album per albedinē à se distinctam, non est album seorsim sumptum ab albedine. Deniq; sicut impossibile est quicquam existere formaliter per aliud, id est, esse actu in rerū natura: ita nō minùs euidenter implicat, quicquā existere alicubi, vel aliquādo, id est, in loco, vel tempore per aliud formaliter. Plura de hac parte conclusionis diximus supra disput. 5. sect. 6. num. 57.

38. Tertia pars conclusionis est communis Theologorum, negantium inter Christum & species intercedere vllam formalem vnionem physicam, quā coniungantur ut subiectum & accidens, vel aliter. Quod & miraculosum, & superfluum, & minùs congruum esset: & aliud esset à simplici præsentia ad species, ac naturā posterius illā. Posset enim Christus esse simpliciter præsens speciebus, & non esse illis vnitus formaliter, & physicè. Ac si physicè vnitus esset, prius naturā præsens esse deberet, quàm vnionem illam subiret.

Aliqui tamen graues Theologi censent admittendam esse vnionem quandam physicam effectiuam, in actione aliqua: quod nimirum corpus Christi ad se species trahat, ut magnes ferrum: vel potius species apprehendat quodammodo, & inseparabiliter sibi adiunctas teneat: vel quòd Christi corpus penetrationi specierum resistat. Sicut enim corpora gloriola, quamuis cedere possint penetrationi, possunt tamen resistere: sic corpus Christi &c. Ita tamen ut Christus non resistat motioni specierum, sed ad earum motum ducatur sponte, & inseparabiliter. Vel 3. in eo quòd Christus se speciebus præsentē sistat vi quapiā: ut nos per naturalem grauitatem sistimur naui, lecticæ, equo, quibus motis mouemur. Ad hoc autem asserendum impelluntur præcipuè, quoniam alioqui cum species mouemus, non moueremus Christum physicè: atque ita verè, & propriè ipsum non ederemus: nam quod editur, debet physicè trahi in stomachum, vi eius, à quo editur. Et comestio propriè non significat actionem moralem, sed physicam. Addunt, Christum contineri sub speciebus, ut Trident. loquitur, & substantiæ panis vicem subire: & sacramenti constitutionem in vnione, & coniunctione consistere.

Ad quæ dico resistenciam formalem corporis Christi in Eucharistia ad penetrationem specierum, quam excogitauit Aegid. Coninc. quæst. 75. art. 4. dub. 2. num. 24. non esse probabilem: Nihil enim appareret in Christo, neque rationabiliter excogitari potest, quod repugnet formaliter ex natura sua, & impossibiliter penetrationi specierum, id est, earum positioni in eodem spatio cum corpore, & sanguine Christi: resistenciā tamē actiuam non esse impossibilem, neque improbabilem: per eamque posse Christum impedire non modò, ut ne tota species à se diuellatur, sed etiam, ut ne talis pars speciei subeat talem partem, aut punctum spatii, in quo Christus illi resistit, licet non resistat in alio: quemadmodum si duobus in locis distantibus, & discretis positus esset; posset resistere speciebus vno in loco, nō in alio. Itē nō esse impossibile, neq; improbabile vnionē aliquam actiuam, quā Christus quodammodo species apprehendat, aut teneat, aut illis se præsentē sistat. Quæ si ab ipso sine miraculo exerceri potest (ut de anima eius gloriola probabilissimū est) admitti potest cōmodè ad euitādū miraculum conseruationis præsentis Christi sub speciebus, quandiu ipsæ incorrupte perseverant. Absolutè tamen id non est necessarium ad esse sacramenti. Nam sufficere potest illa moralis vnio, quam sortiuntur ex intentione Dei. Qui sicut primò Christum adiunxit speciebus, ut cum illis cibum, & potum constitueret: ita sub illis eum conseruat inseparabiliter, quandiu ipsæ integre sunt, vnde fit, ut illis moris, mouetur Christus: quod ad veram comestionem sufficit, dum modò verè, ac realiter traiciatur. Cōtineri verò sub speciebus, non est aliud, quàm sub illis latere. Vicem autem substantiæ panis abunde supplet componendo cum speciebus cibum, & potum substantialem, cuius compositio formaliter non debet necessariò esse plusquàm moralis: sicut in alijs sacramentis, & artefactis, & mixtis per multis, moralis tantum est. Neque est necesse, ut corpus Christi sustentet effectiuè & conseruet extra subiectum accidentia panis, ut suppleat eius substantiam, & officium sustentandi, ideòque, quasi illorum substantia, possit sub illis demonstrari: ac vicissim à panis accidentibus alligetur corpus Christi per qualitatem supernaturalem ipsis inditam, quā teneant Christi corpus inseparabiliter, illudque ferant quocunque moueantur; ut sentit Cardinalis Delugo disp. 6. de Euchar. nū. 19. & sequentibus. Nam actio conseruatiua accidentium extra subiectum, est impossibilis corpori Christi cum sit actio creatiua, operatiua ex nihilo subiecti. Qualitas verò illa supernaturalis, multiplicat miracula sine necessitate: cū sufficiat moralis vnio, vel physica actiua, corporis Christi ad species, de qua paulò ante diximus.

39. Christus in Eucharistia non resistit formaliter penetrationi specierum.

Potest admitti vnio actiua, quæ species apprehendat & teneat.

Corpus Christi non sustentat effectiuè species Eucharisticas.

SECTIO IV.

*Quid possit Christus agere ex parte prout
in sacramento est?*

40.
Christus
potest na-
turaliter
moueri
cum spe-
ciebus in
Euch.

Sermo est de potentia naturali, vel citra
Snouum miraculum. De qua dico primò
Christum posse in sacramento moueri loca-
liter, & re ipsa moueri à nobis quando in sto-
machum traicitur, circumfertur in proces-
sionibus, aut defertur ad infirmos. Patet,
quia supposita vnione Christi cū speciebus,
de qua supra, nulla est ratio, quin median-
tibus speciebus possit à nobis naturaliter
moueri: æquè ac Angelus, vel dæmon adhæ-
rens corpori, & affixus, mouetur naturali-
ter, quando Energumenum ex vno loco in al-
ium mouemus: vel æquè ac animam ratio-
nalem mouemus, moto corpore, cui vnita
est. Iam enim ratio disparitatis, vel impos-
sibilitatis, supra reiecta, fuit, cum ostendi-
mus præsentiam localem non distingui à re
præsentante, & per motum localem nihil distin-
ctum à mobili inhærens ipsi produci. Quare
non est timendum, ne modus aliquis super-
naturalis producat in corpore Christi, aut
ne fiat aliquid aliud, quod vires nostras natu-
rales excedat. Existimo præterea posse sine
alio miraculo Christi Domini corpus, prout
in sacramento est, ab eius anima gloriosa mo-
ueri, etiam immediatè ac per se primò, id
est, non mediantibus speciebus, quibus mo-
tus primò imprimatur: atque etiam ab An-
gelo, sicut Angeli, & animæ separatæ, pos-
sunt sese mutuo immediatè mouere locali-
ter. Nam vtrumque æquè facile est. An verò
possit Christus ibidem se mouere motu or-
ganico, ad quem scilicet concurrant orga-
na motus, patebit ex dicendis conclusione
tertia.

41.
Christus
non moue-
tur in ho-
stia, circu-
lariter tan-
tum motu.

Notandū tamē Christū nō moueri ad mo-
tū quemlibet specierū. Nā si species moueā-
tur circulariter in eodē penitus spatio, Chri-
stus nullo modo localiter mouetur, neque
motu acquisitiuo, neq; deperditio. Non
quidem acquisitiuo: quia non acquirit lo-
cum, in quo antea non esset secundum se
totum, aut secundum eandem sui partem.
Non etiam deperditio: quia non desinit
esse in loco, in quo antea erat. Neque pro-
pterea mutatur vnio corporis Christi ad par-
tes specierum: sicut non mutatur vnio hy-
postatica, motu humanitate Christi, & ma-
nente hypostasi verbi immota. Cum autē spe-
cies mouentur motu latiori à loco vno in
aliū. Christus mouetur tantum motu
deperditio, ex ea parte spatii, ex qua mo-
uentur species: & acquisitiuo, ex ea parte
ad quam mouentur.

42.
Christus in
Eucharist.
potest obi-
re operatio

Dico secundò Christum, prout in sacra-
mento indiuisibiliter existit, posse quidem
obire spirituales omnes operationes inde-
pendentes à corpore: sed non alias depen-

dentes: neque etiam posse effectum vllum
corporeum in seipso efficere, vel ab alio
pati, & recipere. Declaratur, & probatur
conclusio. Primò loquimur de effectibus
propriè dictis, qui sint aliquid distinctum
in re ab eo, à quo fiunt, & ab illo, in quo reci-
piuntur: cuiusmodi non sunt motus, &
præsentia localis. Supponimus autem tales
esse actus intelligendi, volendi, & similes,
ex communi philosophorum, & theologo-
rum sententia. Secundò, supposito lumine
gloriæ in anima Christi gloriosa, & aliis
principiis beatitudinis, non est dubium,
quin sine nouo miraculo possit actus
beatificos exercere. Nec vlla est ratio, cur
similiter non possit elicere actus alios scien-
tiæ supernaturalis, si similiter non depen-
dent à phātasmatē, vel ab organo corporeo,
& si qui sunt alii actus intellectus, & volun-
tatis, quos possit anima gloriosa exercere
independenter à corpore.

nes omnes
independ-
entes à
corpore,
non autem
alias.

De aliis verò effectibus, ex toto, vel ex
parte corporeis, & ab organo pendentibus,
aut ab agente extrinseco efficiendis,
alia est ratio. Quia vt talis effectus recipe-
retur in corpore posito indiuisibiliter: de-
beret ipse, naturā suā diuisibilis, & exten-
sus, vel indiuisibiliter poni, vel diuisibili-
ter coextēdi subiecto indiuisibiliter posito,
& secundum partes sui diuersas educi ex
ipso vt diuersimodè replicato: adeo vt
subiectum, prout est replicatum in parte
præsentis A, non patiat ibi secundum
se totum, sed secundum partem vnā in-
æquātam: cum tamen quælibet pars subie-
cti sit æquè applicata ibi, & æquè capax
effectus. Alioqui enim vel accidens secun-
dum eandem sui partem educitur ex diuer-
sis subiectis, & illis inhæret immediatè,
& totidem habet effectus formales; quod
excedit virtutem naturalem accidentis cor-
poris: vel ex qualibet parte subiecti educitur
pars integrans, & componens extensionem
naturalem accidentis, quæ tamen omnes
penetratiuè, & indiuisibiliter simul sint, si-
cut partes subiecti sunt omnes simul pene-
tratiuè, & indiuisibiliter; atque ita non vi-
tatur replicatio, & modus essendi indiui-
sibilis in effectū productū: sed vterius tor-
etunt effectus indiuisibiliter positi, quot
sunt subiecti replicationes, & præsentis
partiales; qui modus agendi excedit vi-
res agentis naturalis. Neque apparet ve-
risimile producere tantum in parte vnā
inadæquata; sed potius quemadmodum ignis
circulariter circa mundi centrum existens,
& secundum omnes partes æquè distans à
centro, nusquam virtute naturali mouere-
tur: quia partes omnes, æqualiter ad super-
num nitentes, sese mutuo impedirent, &
continere in eodem loco: neque deberet
illis concursus, & determinatio diuina
vt hæc aut illa prædominaretur, vel omnes
in vnā potius, quàm in aliam differentiam
loci concederent: sicut etiam duo obiecta
æqualiter appetibilia ita librant appetitum

43

irrationalem, & non liberum, seseque mutuo impediunt, ut neutrum efficaciter appeti possit: quia utrumque est æquè appetibile: Ita probabile est partes omnes totius in indivisibili positi, per æqualem capacitatem effectus se se mutuo impedire.

44. **Exerceatne aliquas?** Quod si quæras an saltem supernaturaliter exerceat Christus in sacramento aliquas operationes corporeas, & organicas? Respondeo esse probabile, quod aliquas exerceat: ut v. gr. quod videat, audiatque adstantes.

Dico tertio, De facto quidem Christum non videri in Eucharistia oculo corporeo, neque gravitare, neque suis corporeis qualitatibus calore, humore, & similibus ad extra operari: dubium tamen esse, an illud omne sit ex rei natura: an potius Deo, vel Christo impediante, ad regendum mysterium fidei.

45. **Christus non videtur in Eucharistia.** Prima pars experientiæ nota est. Intellego autem Christum non videri ordinariè: non negando apparitiones extraordinarias, quarum meminit S. Thomas quæst. 76. art. 8. Quanquam non semper in huiusmodi apparitionibus Christus ipse videtur. Possunt enim multipliciter fieri. Nimirum vel per solam immutationem potentie visus, cui species carnis, vel sanguinis imprimatur, unde sequatur visio carnis aut sanguinis. Vel secundo, per immutationem specierum sacramentalium in ea, quæ apparent. Vel tertio, per immutationem medii, siue corporis circumstantis sacramentum, quod carnis, vel sanguinis, aut infantis speciem exprimat. Vel quarto, quod Christus ipse se videndum exhibeat: quod tribus modis fieri potest. Primum enim ultra præsentiam indivisibilem, & replicatam, quam semper habet in sacramento, quamdiu illud durat, potest aliam assumere iuxta species, divisibilem, & extensam in ordine ad locum, secundum quam appareat virili forma, vel infantili. Secundo, sicut lumen indivisibiliter positum, & replicatum in spatio divisibili, si speciem emitteres, aut oculum determinaret, videretur per modum unius continui, ita Christus emissæ specie caloris, & lucis suæ gloriæ indivisibiliter positæ, sed in spatio continuo replicatæ, videri posset confusè per modum unius colorati lucidi, non humanæ figuræ, sed circulari, vel qualis alia est sacramenti figura. Tertio, ubi in hostia figura Christi depicta est, possent partes corporis Christi sub illa figura indivisibiliter existentes, illique adæquatè per modum unius continui respondentes, possent, inquam partes illæ solæ, sine aliis ibidem penetratiuè existentibus, exhiberi visibiles. Nam ubi caput exprimitur, est verè caput, & sic de aliis partibus. Quamvis autem non sit ibi una pars sola, sed simul cum aliis omnibus: posset tamen divinitus sine aliis videnda exhiberi.

46. **Intendit** Cum autem Christus corpore lacero, & conscisso apparet, vel species in carnem, aut

sanguinem vertuntur: probabile est non apparere Christum ipsum, vel carnem, & sanguinem Christi, ut docent S. Thomas articulo, & alii communiter. Christus enim resurgens ex mortuis, iam non moritur, mors illi ultra non dominabitur, Rom. 6. & experientia docet temporis lapsu tabescere id, quod caro, aut sanguis esse videbatur. Neque tamen vlla tunc deceptio interuenit ex parte Dei, qui per huiusmodi mirabiles apparitiones, non intendit quenquam fallere, sed confirmare veritatem præsentie Christi in sacramento. Ad quod sufficit ut interueniat aliquod opus miraculosum, & diuinum: quamvis vera caro, & verus Christi sanguis, non videantur in seipsis. Ut enim rectè ait S. Augustinus lib. 2. de quæstion. Evangelist. cap. ult. & post eum D. Thomas quæst. 76. artic. 8. Quando fictio nostra refertur ad aliquam significationem, non est mendacium, sed aliqua figura veritatis. Quam etiam ob causam Christus absque deceptione apparuit sub specie peregrini duobus discipulis euntibus in Emmaus. Porro si species sacramentales verè ac realiter mutantur in carnem, & sanguinem, vel in lapidem aut cineres, ut interdum miraculose factum testatur Diuus Cyprianus in sermone de lapsis; non manet amplius sub illis sacramentaliter corpus Christi, ut rectè affirmat sanctus Thomas supra; quippe quæ iam non sunt amplius species panis: neque debent sumi ut sacramentum, sed reuerenter asseruari, quemadmodum usu Ecclesiæ receptum est.

47. **Probabile est Christum in Eucharistia non posse videri naturaliter.** Secunda pars conclusionis probatur, quia Diuus Thomas articulo septimo, quæst. citatæ, Thomistæ ibidem, Suarez, Vasquez, & alii communiter, docent Christum non posse naturaliter videri oculo corporeo, eò quod speciem sui nequeat oculo imprimere. Quia impressio specierum sensibilium est operatio corporea. Christus autem, prout in sacramento est, non potest vllam corpoream operationem obire. Nam agentia corporea, sicut non possunt esse naturaliter sine extensione partium extra partes: ita nec possunt sine ille operari: & modus operandi in eo sequitur modum essendi. Indeque inferunt non posse Christum suo calore, aliisue qualitatibus corporeis, vel seipsum, vel aliquid aliud alterare: imò neque gravitare, neque seipsum, aut aliud mouere organicè: quis etiam ad huiusmodi usus virtutis corporeæ necessaria est extensio, & modus naturalis essendi in loco: necessaria inquam, non tanquam vis agendi, sed velut conditio, sine qua non; sicut propinquitas ad passum requiritur tanquam pura conditio ad agendum.

48. **Incertum tamen illud esse videtur.** Hoc tamen faciunt incertum, quæ sequuntur. 1. Dubium est an visio rei per se præsentis sufficienter, & debito modo applicata fiat necessariò per speciem impressam, & detur.

caro quæ apparet in Eucharistia non est vera caro Christi.

Probabile est Christum in Eucharistia non posse videri naturaliter.

Incertum tamen illud esse videtur.

non sufficiat determinatio obiecti, quod certe potest determinare, potentiam capacem: alioqui ne Angeli quidem, neque vlla creatura egens concursu, & determinatione obiecti, posset videre naturaliter vllum corpus positum indivisibiliter in spatio divisibili. Secundò, ratio allata, cur agentia corporea posita indivisibiliter, non possint emittere speciem, vel alias operationes obire, valde incerta est, & obicura. Experimur enim accidentia corporea perinde agere, siue sint in subiecto proprio, & connaturali, siue in extraneo, & dissenteo, vt calor in aqua; atque etiam extra omne subiectum, vt accidentia Eucharistica. Quamuis enim eiusmodi accidentia non possint esse naturaliter sine subiecto: posito tamen quòd sine illo sint, possunt agere naturaliter. Nempe quia retinent totam vim suam agendi quæ non consistit in inhaesione, sed in ipsamet eorum entitate, quæ tota manet citra inhaesione. Quidni ergo similiter possint agentia corporea agere sine extensione actuali, in qua non consistit vis agendi sed in entitate, quæ integra manet? Patet enim ex instantia allata, modum agendi, non sequi modum essendi hoc sensu, quòd res non possit operari, nisi connaturali modo existat. Et confirmatur ex mysterio Incarnationis: in quo licet humanitas Christi non subsistat connaturali modo: perinde tamen operatur, atque nostra.

49. Præterea Terriò, licet oculus corporeus non possit naturaliter videre rem indivisibiliter positam sine replicatione, ob defectum omnis extensionis: neque distinctè videre rem positam cum replicatione, cognoscendo scilicet rem illam corpoream, vt indivisibiliter positam: & replicationem, vt constantem partialibus præsentis indivisibilibus: aut singulas partes corporis simul positas indivisibiliter per replicationem: hæc enim omnia satis manifestè excedunt virtutem naturalem visus corporei, non adeò subtilis: Non apparet tamen, cur verbi gratiâ, lux valde intensa, posita indivisibiliter in spatio divisibili per replicationem, tota in toto, & tota in qualibet eius parte, non possit confusè videri per modum vnius lucis continuæ, similis aliis, quæ videntur ordinariè (nam in istis oculis non discernit an constant partibus semper divisibilibus, an punctis vnitis, & continuatis, an vnico puncto replicato, & per replicationem æquivalente pluribus, quoad extensionem, & occupationem loci) Curuè simili modo Christus in Eucharistia, non possit confusè videri naturaliter? Neque enim obstat diversitas colorum, simul existentium: quia possunt confusè simul videri, sicut multi soni possunt simul audiri. Neque etiam ratio allata conuincit. Cur enim hæc obiecta non immitant species confusè representantes, aut oculum confusè determinent: vt facere solent obiecta, quæ loco remotiore videntur? Certe non est improbabile, quòd si al-

bedo in pariete tota inhaereret toti parieti, & tota cuilibet eius parti; nihilo minus quam nunc videretur: haberet enim apparenter extensionem qualis à nobis imperfectè videtur, neque posito quòd videretur, posset illam oculus discernere ab albedine connaturaliter posita, divisibiliterque extensa: possetque illa vt apparenter extensa determinare oculum ad sui visionem.

Non obest quoque altera ratio, quæ addi solet, visionem scilicet fieri per pyramidem, cuius apex est in oculo, basis in obiecto. Et enim illud obiectum, de quo loquimur, cum sit extensum per replicationem, habet sufficienter, in quo fundetur basis, eo sensu, quo intelligunt optici. Magis verò incredibile est decem talenta plumbi non gravitare naturaliter, si replicata occupet spatium, quantum occupant sine replicatione: cum tamen nihil propterea gravitatis naturalis an inanti aut ignem maximum, & veluti neruissimum, implentem per replicationem totam aliquam fornacem, non posse stupam iniectam calefacere, & comburere: quauis nihil minus habeat caloris, & virtutis ad comburendum, quam si ibidem esset semet tantum, extensus connaturaliter sine replicatione. Quod enim obest illa replicatio? cum potius experiamur virtutem agendi, esse fortiolem, quò magis vnita est: & illa replicatio non eam minuat, sed potius veluti augeat & multiplicet. Sicut enim plus faceret homo positus in duobus locis simul: Ita videtur debere potius ignem plus agere, multoties positum in eodem loco per replicationem.

Neque satisfacit quod aliqui respondent: 50. ideo agentia corporea non posse agere sine naturali extensione, quia ad agendum requiritur contactus quantitativus. Nam primò, res extensa per replicationem, potest habere contactum quantitativum. 2. Ille contactus non est necessarius generatim; sed sufficit contactus virtutis, seu constitutio patientis intra sphaeram actiuitatis agentis. Ad agendum enim, & patiendum, sufficit vis agendi, & patiendi, & debita propinquitas inter agens & patiens. Et quidem aqua seipsam reducit ad pristinam frigiditatem: & tamè non habet contactum quantitativum ad seipsam: vt nec anima rationalis, ad proprium corpus, quod alterat. Deniq; non minùs potest principium habere actionem suam naturalem, quando se toto est præsens toti passo; quàm dum per vnâ partem est præsens vni parti passi, & per alteram alteri. Imò videtur quòd licet, verbi gratiâ, intensissimus calor esset in puncto vnico, non propterea minùs, aut remissius ageret: sed potius tanto fortius, quòd virtus vnita est fortior seipsa dispersa.

Concludo itaque ex duabus opinionibus allatis primam auctoritate, secundam ratione prævalere, & probabiliorē mihi videri, cum Ocamo in quartam quæstionē quarta. Maiore ibidem distinct. 10. quæstione 5. Gabriele lectione 45. in canonem Missæ, aliisque Nominalibus, quorum sententiam

Evasio refellitur.

habere partes suas, alias extra alias, naturaliter impenetrabiles. Ita ut sicut ipsa dicitur à Suarez exigere naturaliter quantitatem, & per illam habere impenetrabilitatem cum alia quantitate, & cum alia materia, quantitate similiter affecta: sic maiori compendio dicatur ipsa esse per se impenetrabilis aliis partibus materię; licet non repugnet penetrationi formarum substantialium, & accidentalium, quę penetratiue simul cum materia esse possunt. Atque ita non sit opus illa quantitate realiter distincta à materia, quā fiat impenetrabilis, ne frustra dicatur fieri per plura, quod æquē commodē fieri potest per pauciora. Concludo itaque opinionem illam de quantitate peculiari realiter distincta à substantia, & ab aliis accidentibus, esse incertam, & obscuram: licet non careat probabilitate, præcipuē propter asserentium auctoritatem.

§ 5. **Accidentia Euch. manent sine villo subiecto substantiali.** Secunda propositio D. Thomę, accidentia scilicet panis & vini remanere sine villo subiecto substantiali, definita est in Constantiensis sess. 8. Et confirmatur, quia neque subiectantur in corpore, & sanguine Christi glorioso, & indiuisibiliter posito: id enim & naturaliter impossibile, & incongruum est. Neque in substantia panis, & vini, quę desit. Neque in alia substantia, loco panis & vini substituta: hoc enim repugnet proprietati verborum formę consecrationis: quia non corpus Christi, sed substantia illa sub accidentibus demonstraretur. Quamuis autem accidentia naturaliter esse non possint sine substantia, cui mediata, vel immediata inhæreant: eorum tamen esse, non est actu inesse, sed diuinitus sine inhærentia, & sine villo concursu subiecti esse possunt. Porro cum accidens liberatur à concursu subiecti, actio, quā producitur, vel conseruatur sine illo, creatio quædam est, ab educatione diuersa, & accidentibus minime debita, sed supernaturalis. Non est tamen necesse, ut accidens, loco inhærentiæ, modum distinctum, & positum per se essendi acquirat. Nam sine illo potest à Deo conseruari, & quidem minori miraculo, ac maiori compendio. Modus enim ille essendi per se, miraculosus, & obscurus, ac difficilis, imò plane impossibilis est. Implicat enim esse per se formaliter, & esse per aliquid distinctum: quia quod est per aliud, non est per se. Dico igitur accidentia illa non esse per se, nisi negatiue: id est, esse sine subiecto, sine quo conseruantur, diuina virtute sustentante, ut ait S. Thomas art. 1. quæst. citatæ. Cum autem dicitur Deus sustentare, non est existimandum, quod concurrat materialiter, & subiectiue. Id enim nimis imperfectionis est, quàm ut Deo tribui possit: sed sustentat efficienter, quatenus supplet per efficientiam, id quod de concursu materiali desideratur.

§ 6. **Cætera accidentia** Tertia propositio D. Thomę de inhærentia cæterorum accidentium in quantitate (naturaliter scilicet, sicut ante consecrationem

inierant) philosophica est, & à multis recepta: ut testantur Suarez. disput. 56. sect. 3. conclus. 1. & Valq. disp. 194. cap. 3. n. 25. Quamuis enim Philosophi, & Theologi plurimum differant in assignanda natura quantitatis: plerique tamen in eo conueniunt, quod quantitas inter accidentia materialia, & à materia realiter distincta, sit primum & vniuersalissimum, maximeque inseparabile ab ipsa, quodque in omnibus physicis alterationibus, aliis supponatur, sique proportionatum, & aptum, ut aliorum sit commune subiectum. Ad quod non obest, inquit, imperfectio quantitatis. Nem sicut imperfectio materię primę, non obstat quò minus formę substantiales multò nobilissimę possint ex ipsa educi, & in ea subiectari: sic, &c.

Hęc tamen opinio non videtur adeò probabilis. Primò, quia nulla solida ratio datur, cur cætera accidentia non possint immediate inhære substantiæ, æquē ac quantitas. Imò in ea assignanda multi sibi contradicunt, aut saltem aperte supponunt. Nam quod aliqui dicunt cætera accidentia recipi immediate in quantitate, quia materia sine illa est inextensa; & non possunt recipi in subiecto inextenso: æquē probat quantitatem ipsam non posse immediate recipi in materia, sed egere aliquo alio per quod materia naturā prius fiat extensa, & proportionata quantitati recipiendæ. Quod autem dicunt alii materiam sine accidentali quantitate nullas habere partes, est euidenter falsum: cum materia sit substantia corporea & diuisibilis: sique impossibile substantiam diuisibilem secundum suam entitatem componi ex partibus accidentalibus: debeatque necessariò quibuslibet partibus cuiuscunque accidentis subesse naturaliter aliqua pars substantialis materię ex qua educatur & cui inhæreat mediata vel immediata. Secundò Aristoteles in prædicamentis cap. de substantia, docet maximò proprium esse substantiæ, ut eadē numero sit susceptiua contrariorum, idque nulli alteri competere quod substantia non sit. Hoc autem falsum esset, si qualitates contrarię reciperentur immediate in quantitate realiter distincta à substantia. Tertiò, magis conueniens est accidentia, quibus v. gr. disponitur materia ad formas substantiales, illi proximè inhære, & non alteri subiecto, in quo non sunt recipiendæ. Alioqui quomodo vim suam illi communicabunt? Quomodo illam formam aptabunt, & capacem facient? Estne conueniens vnum recipere, & aliud aptari, ac disponi ad recipiendum? Neque satisfacit quod respondet Delugo disp. 10. n. 15. accidentia tantum determinare materiam ad formam recipiendam, sicut determinat agens ad eam producendam. Respondet enim non tantum determinare quomodocunque, sed etiam bene disponere & aptare ut forma ibi bene sit.

Adde quod in ea sententia, cum verò ac propriè, imò magis, diceretur quantitatē elegero, sapere, calidare, frigidare, &c. quomodo

siue in quantitate velut in subiecto proximo?

§ 7.

supernaturalis, & miraculosa.

61.
Sanguis
Christi con-
permisce-
tur liquori
infuso in
calicem.

Denique cum species consecratae miscen-
tur, vel inter se, vel cum aliis non consecra-
tis; non propterea permiscetur, loquendo
proprie, corpus, & sanguis Christi. Quia per-
mixtio significat diuisionem aliquam, & in-
terpositionem eius, quod permiscetur. At
sanguis Christi non diuiditur, sed simul est
totus indiuisibiliter ubique est sub spe-
ciebus consecratis. Idemque dico de corpore.
Quare si quando SS. Patres dicunt mis-
ceri sanguinem; loquuntur metaphoricè, eo-
dem pacto quo dicunt corpus frangi. In hac
autem permixtione, tamdiu manent sub spe-
ciebus, corpus, & sanguis Christi, quandiu
panis, & vini substantie manerent, id est, quan-
diu mixtio non est corruptiua. Vnde quando
vinum consecratum miscetur vino non con-
secrato; non propterea desinit sanguis Chri-
sti sacramentaliter esse sub illo. Sed non
propterea est in vino non consecrato, licet
permixto, & utique per hanc mixtionem
sanctificato, nec nisi sacris vsibus applican-
do, iuxta Ordinem Romanum, & Ecclesie
praxim. Quia vinum illud non fuit transub-
stantiatum & conuersum in sanguinem Chri-
sti, per formam consecrationis, quæ non ope-
ratur nisi quando profertur physicè, & circa
materiam tunc præsentem.

62.
Aqua post
consecratio-
nem non
vertitur in
sanguinem

Item licet aqua modicissima vino cõse-
crato permixta (ut ea quæ debet ante consecra-
tionem calici infundi) alteretur à speciebus
consecratis, & mutetur in vinum: non pro-
pterea consecratur. Quia species consecratae
non possunt alias consecrare: quippe quibus
hæc vis non fuit data, sed tantum verbis sa-
cramentalibus physicè prolatis à sacerdote,
cum intentione debita, super panem & vi-
num sufficienter præsentia. Neque valet si-
militudo ab aliquibus ducta, ab aqua vino
mixta, & ante inchoatam consecrationem in
vinum versa: vel ab aqua benedicta, cui si
alia miscetur, benedicta fit, Canone *Quod in
dubio*, de Consecratione Ecclesie, vel alta-
ris, iuncta glossa eiusdem canonis. Nam in
priori exemplo vinum ex aqua factum, præ-
sens est tempore consecrationis, quando ver-
ba formæ proferuntur. In posteriori verò,
benedictio ex Ecclesie voluntate extendi-
tur ad aquam permixtam per moralem so-
lum mutationem, vel denominationem, ad
quam Ecclesie voluntas, & constitutio suffi-
cit. At verò consecratio fit per physicam
transmutationem, & veram transubstantia-
tionem: cuius efficiendæ vis instrumentaria
physica, vel posita moralis, non speciebus
vel mixtioni, sed verbis physicè, & ritè pro-
latis, data fuit diuinitus.

63.

Obiicies ex dictis n. 44. & 47. sequi sa-
cerdotem non verè & propriè mouere, co-
medere, & deglutire hostiam consecratam.
Hæc enim significant motum localem pro-

uenientem physicè ab ipso sacerdote. Si au-
tem species Eucharisticae non sunt impene-
trabiles propter quantitatem substantie pa-
nis, & vini remanentem, & accidentia reli-
qua subiectantem; quomodo possunt natura-
liter à nobis moueri localiter: cum non possi-
mus imprimere motum, nisi iis quæ resistunt
penetrationi per contactum, aut per impul-
sum, tractionem, aut vectoriem? Inò, posito
quòd quantitas impenetrabilis distinguatur
à substantia, & remaneat in Eucharistia: quo-
modo eâ mota à sacerdote, mouetur vi eius-
dem alia accidentia, si non ipsi inhærent, sed
se habent ut scopæ dissolutæ, absque vlla
vniõne, neque inter se, neque cum tertio?

Soluitur
obiectio.

Respondeo, Species illas omnes reddi di-
uinitus impenetrabiles, si non formali er, saltem
actiue resistendo penetrationi. Quo
miraculo præsupposito, naturaliter sequitur,
quòd physicè possint moueri localiter à sa-
cerdote. Cum autem grauitas manens in Eu-
charistia naturali suo ingenio desendit: alia
accidentia fin ul descendunt fin illi de causa.
Quia scilicet species illæ omnes habent vim
diuinitus resistendi auulsioni, & penetratio-
ni aliarum partium, sine quibus penetratis
non potest vna moueri, alia immota. Non est
autem improbabile potentiam obedientia-
lem specierum posse ad hoc eleuari.

64.

Obiicies secundò, Experienciâ notum es-
se, quòd virus stomachi fatigetur agendo in
species Eucharisticas, æquè ac in hostias non
consecratas. Ergo signum est stomachum
agere in illas species. Ergo vi sua illas con-
coquit, & digerit. In eo enim non putant ho-
mines sibi illud, sed se verè agere, & pati.
Ergo cum non possint creare, id est, produ-
cere ex nihilo; dicendum est manere quan-
titaatem substantie panis, & vini, ex qua, ve-
lut ex subiecto educant accidentia, quibus
alterant, & concoquunt species consecratas.

Respondeo, Potentias etiam conatu irri-
o fatigari, ut experientia notum est. Pote-
st etiam hæc fatigatio oriri à speciebus conse-
cratis, naturaliter agentibus in stomachum,
& male interdum afficientibus; præsertim si
sumantur in magna quantitate.

Et hætenus de materia Eucharistia, tum
remota, tum proxima: id est, tum de pane, &
vino consecrandis, ipsorumque conuersione
in corpus, & sanguinem Christi: tum de ip-
so corpore, & sanguine, & modo, quo exi-
stunt in sacramento; deque speciebus cum
corpore, & sanguine remanentibus: quorum
duo priora, nempe panis, & vinum, sunt ma-
teria remota, & transiens sacramenti Eucha-
ristia. Posteriora verò, nempe corpus, &
sanguis cum speciebus, sunt materia proxi-
ma, & permanens. Sequitur, ut deinceps de
forma, & de aliis ad sacramentum pertinen-
tibus cum D. Thoma differamus.


Altera op-
positio dis-
solvitur.

DISPUTATIO

TRIGESIMA-TERTIA,

De forma venerabilis Sacramenti Eucharistiæ.

- Sectio I. *Quæ sit forma consecrationis panis & vini?*
 Sectio II. *An quedam alia Verba requirantur necessario ad consecrationem?*
 Sectio III. *De significatione & efficacia verborum formæ.*
 Sectio IV. *An verba formæ consecrationis pronuncientur tantum historicè: an vero etiam assertivè?*
 Sectio V. *Pro quo instanti verificentur verba consecrationis?*
 Sectio VI. *An eadem materia per plures formas simul consecrari possit?*



DE forma Venerabilis sacramenti Eucharistiæ disputat S. Thom. quæst. 78. & docet 1. formam huius sacramenti esse, *Hoc est corpus meum*: & *Hic est calix sanguinis mei*, &c. quia significat id quod efficitur, & Christus illam expressit illaque usus est. 2. Inesse verbis illis virtutem quandam creatam effectivam conuersionis panis, & vini in corpus, & sanguinem Christi: instrumentalem tamen, sicut est in aliis sacramentis. Cum enim hæc verba in persona Christi proferantur, ex eius mandato; consequuntur virtutem instrumentalem à Christo: sicut & cætera eius facta, vel dicta habent instrumentaliter salutiferam virtutem. 3. Verba illa esse vera, quia efficiunt id quod significant, & efficiunt in ultimo instanti quo absoluuntur: nihilque aliud significant, quàm contentum sub speciebus, quod prius erat panis, & vinum, esse iam corpus & sanguinem Christi. 4. Verba consecrationis panis effectum suum consequi nondum prolatis verbis consecrationis vini: quia completam habent suam significationem: & cum sint vera, efficiunt id quod significant. Significant autem de præsentis, non de futuro post consecrationem calicis. Idque confirmat ritus Ecclesiæ, quæ statim post prolationem verborum, quibus panis consecratur, adorat corpus Christi ante consecrationem calicis. Supponens videlicet corpus Christi iam ibi esse vi consecrationis panis. Hæc D. Thom. quæ sequentibus sectionibus fusiùs declarabuntur.

SECTIO I.

Qua sit forma consecrationis panis & vini?

1.
Verba for-
mæ essen-
tialia.

RESPONDEO formam necessa-
riam & essentialem consecratio-
nis panis & vini esse verba ista,
vel æquivalentia, Hoc est corpus
meum, Hic est sanguis meus. Probatur pri-
mo ex Scriptura, iuncta interpretatione
Concilii Trident. sess. 13. cap. 1. ubi affir-
mat Christum hoc sacramentum instituisse,
quando post panis, viniq. benedictionem,
se suum ipsius corpus illis præbere, ac suum
sanguinem, disertis, atque perspicuis verbis
testatus est. Verba autem quibus Christus
id testatus est, sunt verba supra relata, ut do-
cent Paulus & Euangelistæ. Quare licet
Christus alia quædam verba illis præmiserit,
siquidem prius gratias egit, benedixit, &
panem fregit, ut habent iidem scriptores sa-
cri: non tamen illis omnibus, aut aliquo il-
lorum, consecrauit: sed cum verba illa pro-
tulit post gratiarum actionem, ut ait Triden-
tinum: & ut in textu græco habetur *ἡγια-
σμένος, ἡγιασέναι*, id est, cum, postquam gra-
tias egisset, postquam benedixisset, dixit,
Accipite & manducate, Hoc est corpus meum,
&c. Sic igitur argumentor: Christus insti-
tuit hoc sacramentum, ipsummet celebran-
do, eadem ceremoniâ essentiali, & eadem
formâ verborum, quâ deinceps voluit cele-
brari: ut patet ex verbis ab ipso mox additis,
Hoc facite in meam commemorationem. Atqui
illud instituit proferendo verba ista, *Hoc est
corpus meum*, &c. ut patet ex Euangelistis,
iuncta interpretatione Tridentini. Ergo for-
ma ista verborum est essentialis, debuitque
deinceps ab omnibus usurpari in celebratio-
ne huius sacramenti.

2. Probatur secundò, Ex Florent. in Decre-
to 5. *Forma huius sacramenti sunt verba Salu-
toris, quibus hoc conficitur sacramentum. Sacer-
dos enim in persona Christi loquens hoc conficit sa-
cramentum*. Quibus verbis Florentinum, li-
cet non expressè determinet quænam sint il-
la verba Saluatoris: duas tamen condiciones
assignat, ex quibus deprehendi, ac determi-
nari queant. Prima est, quòd hæc verba sint
illa quibus hoc sacramentum conficitur. Se-
cunda, quòd pronuncientur à sacerdote in
persona Christi loquente. Quæ duæ condi-
tiones verbis à nobis assignatis conveniunt.
Nam quòd illis conficiatur hoc sacramen-
tum, docent expressè sancti Patres infra ci-
tandi. Eadem quoque à sacerdote personam
Christi induente proferuntur. Nam sacer-
dos, postquam venit ad illa verba, potest, &
debet illis uti ad efficiendum, imitando il-
lud ipsum quod narrat. Ita ut non solum in-
tendat verba illa Christi referre, tanquam
ab eo dicta: sed etiam in persona Christi
loquendo, per ea significare & efficere hoc

esse corpus suum. Alia verò quæ à quibus-
dam Theologis dissentientibus assignantur
pro forma, talia sunt, ut vel sine illis sacra-
mentum confici possit: vel etiam assertivè,
& in persona Christi verè à sacerdote pro-
nunciari non possint, ut ex dicendis infra
constabit.

Probatur tertio ex sanctis Patribus, Ire-
næo lib. 5. aduersus hæreses cap. 2. Ter-
tull. lib. 4. contra Marcionem cap. 40. Cy-
priano in serm. de Cæna, Gregorio Nysseno
in sermone Catechet. cap. 37. Euseb. Emi-
seno in serm. de Corpore & sanguine Domi-
ni, Hieron. Epistola ad Heliodorum cap. 7.
Ambrosio lib. 4. de Sacramentis cap. 4. &
5. & lib. de Initiand. cap. 9. August. serm.
28. de verbis Domini. Qui, & alii antiquis-
simi, non modò testantur Eucharistiam fieri
per Verbum Dei, ut loquuntur Irenæus, &
Gregor. Nyssenus: ore proprio sacerdotis,
ut loquitur Hieronymus: sermone dicto su-
per materiam panis, ut loquitur Origenes:
verbis Domini Iesu, ut loquitur Ambrosius:
ante verba Christi panem dici, ubi Christi
verba deprompta fuerint, iam non panem
sed corpus appellari, ut ait Augustinus, lo-
cis supra relatis: verum etiam expressè &
determinatè dicunt fieri verbis illis, *Hoc est
corpus meum, Hic est sanguis meus*, ut Tertul-
lianus, Ambros. & Gregor. Nyssen. citatis
quibus adde Damascenum lib. 4. de Fide
cap. 14.

Accedit quartò ratio D. Thomæ quæst.
78. art. 2. quia scilicet verba à nobis assi-
gnata, vel æquivalentia, significant suffi-
cienter id quod efficitur per consecrationem
nempe conuersionem mirabilem panis & vi-
ni, in corpus & sanguinem Christi. Quare
sicut Baptismus perficitur verbis illis, *Ego te
baptizo, &c.* quibus sufficienter significa-
tur id quod efficitur: idemque dico de for-
mis aliorum sacramentorum: sic Eucharis-
tia, &c.

Per hæc refelluntur primò Nouatores:
quorum aliqui, teste Claudio de Saintes Re-
petit. 7. cap. 5. in suæ cænæ celebratione
verba prædicta omittunt, & eorum loco
dicunt, *Accipe, ede, memento Domini: vel, Hic
est panis meus: Accipite, comedite, hoc facite
in meam commemorationem*. Alii verba prædi-
cta ad instruendum potius, quàm ad conse-
crandum vtilia, & ad fraternorum fidem
excitandam adhibenda putant: vel caput
sextum Ioannis recitant: vel caput vndeci-
mum 1. ad Corinthios, ut Calvinistæ Gal-
liz: vel ministris liberum esse volunt ut ea
tum proponant, quæ magis ad fratrum ædi-
ficationem iuuare videbuntur. Alii denique
consecrationem à Christo factam esse, & à
nobis fieri debere asseuerant, non per ver-
borum prædictorum prolationem: sed per
benedictionem, vel gratiarum actionem,
quam præmisisse Christum prolationi ver-
borum scribunt Marth. cap. 26. Marc. cap.
14. Luc. cap. 22. & Paulus 1. Corint. 11.

Sed ad hæc confirmanda nihil asserunt

5.
Error
hæretico-
rum circa
formam
consecra-
ti

Refutatur magni momenti. Falsum enim est, & contra
 solum primitivæ Ecclesiæ, Christum vel ali-
 ter consecrasse, vel consecrari aliter voluisse,
 quam verbis suis ab Evangelistis constanter,
 & à Paulo relatis: ut testantur Patres antiqui
 locis supra citatis. Nec refert quod Christus
 dixerit tantum, *Hoc facite*: & non, *Hoc dicit & facite*. Nam verbum,
facite, totam hanc ceremoniam consecrandi,
 rebus, & verbis constantem, comprehendit:
 sicut verbum, *Baptizate*, comprehendit
 ceremoniam ablundi simul & pronuntiandi
 verba à Christo instituta. Licet autem Christus
 gratias egerit, & benedixerit, ac fregerit
 panem consecrandum, & vinum sacrum propina-
 verit: non tamen constat ex Scriptura, ne
 quidem per necessariam consequentiam, Christum
 his omnibus, aut aliquo illorum formaliter ac
 præcisè consecrasse. Neque, ille fuit sensus
 primitivæ Ecclesiæ. Vnde igitur id habent
 Novatores? Licet etiam Apostolus 1. Corinth.
 10. v. 16. calici dicat benedici: non rectè
 infertur benedictione ipsa præcisè ac
 formaliter consecrari. Sicut non rectè colligeretur
 panem fractione consecrari, ex eo quod ibidem
 dicat frangi: *Panis quem frangimus*, &c. Ac si
 Christus benedictione consecrasset, vel actione
 gratiarum, vel fractione & distributione:
 incertum nobis reliquissent scriptores sacri
 quænam sit illa benedictio, & gratiarum
 actio, & fractio, vel distributio, quomodo
 diverfa ab aliis quæ à Christo narratur
 usurpatæ, ante & citra Eucharistiæ celebra-
 tionem, Lucæ 9. versu 16. & c. 22. v. 17.
 Ioan. 6. v. 11. Matth. 14. v. 19. & cap. 15.
 v. 36. Marci 6. v. 41. & cap. 8. v. 7. Cum
 autem aliqui Patrum dicunt prece, vel benedictione
 mystica, vel gratiarum actione cōsecrari, ut
 Iustinus, Origenes, Ambrosius, August. &
 Theodoret. interdum affirmant: intelligunt
 nomine benedictionis, vel gratiarum actionis,
 totam sacram actionem quæ Eucharistia de
 more celebratur, in qua actione est gratiarum
 actio, & benedictio, & deprecatio. Vel ipsam
 consecrationem nominibus illis significant. Actio
 enim sacramentalis à circumstantiis nomen
 interdum accipit. Adde quod ipsa consecratio
 est tacita quædam precatio, & invocatio
 Spiritus sancti, cuius virtute fit. Est item
 quædam benedictio, & gratiarum actio: quatenus
 ad Deum laudandum, & gratias illi referendas
 celebratur hoc sacrificium, eoque tendit
 consecratio ex Christi institutione.

7. Refelluntur secundò Innocentius III. lib.
 4. de mysteriis missæ c. 6. in fine, Durand.
 lib. 4. divinatorum officiorum cap. 41. Catharinus,
 & alii pauci, affirmantes tanquam probabile
 Christum non verbis illis consecrasse: sed vel
 sola sua divina virtute, antequam verba illa
 proferret; vel aliqua benedictione aut gratiarum
 actione, præmissa horum verborum prolationi.
 Quam benedictionem, aut gratiarum actionem,
 alii quidam (inter quos est divus Thomas

quæst. 78. art. 1. ad 1.) malè confundunt cum
 ipsa consecratione, quasi idem omnino fuerit.
 Primò enim concilium Trident. sess. 13. cap. 1.
 & textus Græcus, apertè significant Christum
 prius benedixisse, & gratias egisse, quàm ea
 verba protulerit. Secundò, idem Tridentinum
 dicit Christum instituisse hoc sacramentum,
 non cum benedixit, & gratias egit: sed quando
 post gratiarum actionem dixit, *Hoc est corpus
 meum, Hic est sanguis meus*. Tertiò sancti
 Patres supra citati clarè docent Christum per
 illa verba consecrasse, & nos similiter per illa
 consecrare. Nec obest quod locutiones illæ
 sunt indicativi modi. Nam, ut alibi diximus,
 propositiones practicæ, id est, effectivæ eius
 quod significat, possunt concipi per modum
 indicativum, æquè ac per imperativum. ex. gr.
 potest Rex iudicè constituere verbis illis
 efficacibus, *Tu es index*: què ac istis, *Eso index*.
 Et quidem ipsa mundi creatio in lingua
 hebraica narratur esse facta per verbum
 indicativum positum pro imperativo, Gen. 1.
 Quartò deniq; non obest quod aliquando
 Patres affirmant Eucharistiam consecrari
 benedictione mystica, vel gratiarum actione:
 id enim intelligunt eo sensu quo paulò ante
 exposuimus: neque eo loquendi modo negare
 intendunt id, quod alibi discretè affirmant,
 Christum scilicet per illa verba, *Hoc est
 corpus meum* &c. panem & vinum verisse in
 corpus & sanguinem suum.

8. Tertiò, refelluntur pariter Græci recentiores
 opinantes cōsecrationem perfici, non verbis
 Christi supra relatis, sed quibusdam orationibus,
 quæ post illa ab Ecclesia fiunt. Sic inter alios
 Hieremias Patriarcha Constantin. in celsura
 Lutheri cap. 10. Qui error satis confutatur,
 tum verbis Florentini, & sanctorum Patrum
 asserentium consecrationem confici verbis
 Christi: tum vso ipso Ecclesiæ latinæ, quæ
 mox finita prolatione verborum prædictorum,
 ante alias orationes, corpus Christi &
 sanguinem adorandum proponit.

Potest tamen pro hac sententia opponi,
 quod Patres aliqui supra citati dicant consecra-
 tionem fieri per orationem & invocationem
 Spiritus sancti. Et inter alios Gregorius
 magnus lib. 7. epistola 64. sic ait: *Orationem
 Dominicam idcirco mox post preces dicimus,
 quia mos Apostolorum fuit, ut ad ipsam
 solummodo orationem, oblationis hostiam
 consecrarent*. Secundò, quod in liturgiis
 sanctorum Iacobi, & Chrysostomi, post verba
 prædicta, *Hoc est corpus meum*, & *hic est
 calix sanguinis mei*, &c. Oret Sacerdos ut
 panis, & vinum fiant corpus & sanguis
 Christi: quodque D. Basil. in sua liturgia post
 eadem verba recitata, vocet panem & vinum
 corpus & sanguinis Christi: Cum tamen iuxta
 Damasc. lib. 4. cap. 14. & Epiph. in 7. Synodo,
 actione 6. non vocentur *anthesis*, nisi ante
 consecrationem.

Verùm ad Patrum testimonia satis supra
 responsum fuit. Gregorii autem sensus est,
 quod non consecrarent Apostoli sine oratione
 Dominica, id est, quod illam semper
 inlicerent

Benedictio
 fuit distincta à
 consecratione
 euchar.

Refellitur
 error Græcorum.

Basil.

Damasc.
 Epiph.

in liturgia seu Missæ officio, & celebratione recurrant: non tamen quòd per illam formaliter consecrarent. Ad liturgias, dicendum est vel non peti ut fiat simpliciter corpus Christi; sed ut fiat nobis, id est, nobis proficiat, & non venenum sit culpa nostrâ, quod debet esse antidotum, & cibis salutaris: ut Patres Græci expositum in Florent. hac de re interrogati. Eodemque sensu in liturgia Clementis rogatur Deus ut ostendat panem hunc corpus Christi: non autem, ut faciat. Vel secundò, proferuntur hæc verba super panem & vinum considerata ut ante consecrationem. Quo sensu Ecclesia multa iam dicit de Christo considerato ut ante primum aduentum: *Poeni Domine, noli tardare, &c. Rotare celi desuper, & rubes pluvie rursus, &c. Quod de Basilio manifestum est.* Nam ibi instituit quandam anacephalosis totius sacrificii, quasi iam primum ipsum inciperet, Ait enim sacerdos initio illius precatiois, se accedere ad altare, quasi inchoaturum iam sacrificium: cum tamen iamdiu steterit ad altare. Deinde petit ut Spiritus sanctus descendens super panem, typum corporis Christi, ipsum corpus illum efficiat: cum tamen antea Diaconus dixerit Eucharistiam ibi esse, quæ Græcis ipsis assentientibus, sine corpore Christi non est. Et confirmatur ex Epiphanio, & Damasceno supra citatis. Ita enim dicendum est, ut verum sit quod abint, nunquam à Basilio Eucharistiam post consecrationem *divinam* vocari. Posset nihilominus etiam post consecrationem dici *divina*, ut à Clemente Romano, Chrysostomo, Nazianzeno, & aliis vocatur: vel ratione specierum, quæ sunt signum corporis Christi, non vacuum sed plenum: vel etiam ratione corporis Christi patientis, cuius hoc sacramentum representatio est. Plura contra Græcorum errores circa formam huius sacramenti vide apud Arcudium lib. 3. à capite 25.

SECTIO II.

Quid quædam alia verba requirantur necessaria ad consecrationem?

16. **Q**uestio est de facto, non de iure. Nam de iure, siue ut licite fiat, debent dici, & feruari omnia, quæ præcipit Ecclesia. De facto autem, id est, ut valide consecraretur, dico sufficere verba illa, aut æquivalentia, *Hæc est corpus meum, Hic est sanguis meus*: Ita Theologi communiter, & patet ex sectione præcedenti: amplius verò confirmabitur respondendo nonnullis contrarium sentientibus.

Scotus enim in quarum distinctione dæta quaestione secunda §. *De feruando*: & Angelus V. Eucharistia primo, numero Tom. IV.

vigesimo quarto, putant omnia illa verba, *Qui prædixit quomodo pateretur, &c.* usque ad finem consecrationis, esse non quidem de essentia formæ, sed tamen plane necessaria ut forma vim habere possit. Nam sine illis sacerdos non significaret se loqui in persona Christi: quod tamen necessarium est, ut supra vidimus ex Florentino. Græci verò nonnulli volunt essentiali formam consecrandi panem consistere in hac tota propositione, *Hoc est corpus meum, quod pro vobis tradetur.* Alii, ut Divus Thomas, formam essentiali consecrandi calicem dicunt non perfici solis his verbis, *Hic est sanguis meus*: vel, *Hic est calix sanguinis mei*: sed similiter aliis, quæ ab Ecclesia Latina adduntur, & super calicem pronuntiantur. Sic enim aliter in corpore articuli tertii, quaestiois septuagesimæ octavæ. Quem Dominus Sotus in quarum distinctione vdecima, quaestione prima, articulo tertio, & alii quidam exulare conantes, dicunt verba quæ sequuntur pronomen, *meus*, vel, *mei*, non esse quidem essentialia; sed tamen esse de substantia formæ: quia sacerdos legitime consecrans, debet intendere per illa omnia consecrare, neque ante perficere consecrationem, quam fuerint omnia pronunciata.

Sed ad hæc dico primò, Scotum, & Angelum sibi aperte contradicere. Quid enim est aliud verba aliqua esse de essentia formæ, quam esse talia ut sine illis sensus debitus & sufficiens formæ, seu validus, & vim habens, non possit enunciari? Ergo si verba illa, *Qui prædixit, &c.* sunt talia, ut sine illis non possit enunciari sensus practicus in persona Christi; sunt de essentia formæ. Talis enim sensus est omnino debitus, & alius non sufficit ad consecrationem, ut ostendimus sectione quarta. Deinde cum ex Florentino in Decreto §. *Forma huius sacramenti, &c.* Verba formæ talia sint, ut in persona Christi proferantur à sacerdote, & ut in quibusdam Florentini exemplaribus legitur, sint verba Salvatoris, quibus consecrat hoc sacramentum: dici non potest verba illa, *qui prædixit, &c.* esse de forma; quippe quæ neque à Christo conscientie prolata sunt, neque proferuntur à sacerdote tanquam ex Christi persona, sed merè historicè tanquam à Christo dicta. Verba verò illa, *Accipite, & manduca*, prolata quidem à Christo sunt: non tamen de præsentis significatione, seu assertivè proferuntur à sacerdote; quasi ipse Apostolis, vel aliis de præsentis distribuit. Ergo non sunt forma consecrationis: quis forma consecrationis enunciari assertivè, & de præsentis, ut ostendimus sectione quarta. Adde tertio, quòd eadem verba non significant intrinsecum quid vel essentialia sacramentum, sed aliquid posterius, & extrinsecum: nempe vltim sacramenti, &

112
Verba illa:
Qui prædixit
&c. sunt
necessaria
non illa.
Accipite &
manduca,
&c.

diceret, *Hoc est venerabile corpus meum*: non propterea vox, *venerabile*, esset de essentia formæ.

17. Secundò dico, Posito quòd assertivè diceretur particula, *enim*, æquè ac alia verba; duplicem fore sensum illius propositionis, æquivalentem duabus propositionibus per quas exponi potest. Primus est absolutus, & verus, *Hoc est corpus meum*. Secundus est causalis & fallus in hypothesi de qua disputamus. Sensus enim esset: *Hoc est corpus meum, & hæc est causatur dixerim, Accipite & comeditis*. Primus sufficit ad consecrationem. Falsitas secundi non obest veritati & efficacitæ primi: quia potest ab illo separari; & non est necesse hanc propositionem, aliasque similes accipi in rigore sensus causalis indivisibilis, more hypotheticarum; sed iuxta communem loquendi modum potest sumi in duplici sensu exponibili per duas propositiones, quarum prima separari potest à secunda, & esse vera sine illa. Ut si quis Lutheranus diceret: *Hoc est verum corpus Christi*, Christus enim dixit corpus suum esse cum pane sub eius speciebus.

18. Superest dicere de verbis formam essentialem sequentibus, *Quod pro vobis traditur*. Quæ verba cum à Latina Ecclesia prætermittantur, non sunt necessaria, multoque minùs substantialia, siue essentialia. Nam in ritu consecrationis errare nequit, iuxta caput, *Ad abolendam*, de hæreticis, ubi perpetui anathematis vinculo innodantur qui contrarium censent. Deinde verba illa, si de traditione cruenta intelligantur, non possunt enunciari assertivè de præsentis: & à Matthæo & Marco ommissa sunt.

Nec illa; *Non & æterni testamenti*, &c. Idemque dicendum est de verbis quæ calicis consecrationi ab Ecclesia Latina adduntur, *Non & æterni testamenti*, &c. Nam quædam eorum à quibusdam Evangelistis omittuntur: & quædam prorsus à nullo referuntur. Nec assertivè de præsentis dici potest quòd effundetur pro vobis, id est, pro Apostolis: nec pro villo, si de cruenta effusione sermo sit. Non significant etiam substantiam sacramenti, sed usum potiùs & effectum. Et quod gravissimum est, omnes antiquæ Græcorum Liturgiæ prætermittunt, *æterni*, & *mysterium fidei*. Aethiopes vero in sua, quæ Matthæi Apostoli esse dicitur omittunt, *non & æterni testamenti*. Ergo verba illa non sunt essentialia. Alioqui non consecrassent. Quod qui assereret, non sine magna temeritate damnaret vniuersalem traditionem Ecclesiæ Liturgias illas recipientis, & approbantis. Damnaret item erroris intolerabilis omnes his liturgiis usos: & Ecclesiam Romanam vniuersæ coniunctæ, quæ ne in Florentino quidem Græcos huius erroris arguerit. Quin potiùs sicut ex usu antiquissimo Latinæ Ecclesiæ colligimus verba illa, *quod pro vobis traditur*, non esse

se necessaria, sic, &c. Et verò sicut ad corporis consecrationem se habent verba illa, *Hoc est corpus meum*: sic & ista, *Hic est sanguis meus*, vel æquivalentia, ad sanguinis consecrationem. Dicere autem quòd Deus cum Ecclesiis illis dispensauerit, aut cum Latina, ut formæ licet diminutæ validdè consecrarent, gratis omnino, & temerè confictum est.

Sori verò interpretatio, & opinio, neque Diuo Thomæ congruit, neque probabilis est. Nam sacerdos legit mē consecrans debet intendere per formam efficere quod potest. Neque est in eius potestate ut suspendat effectum sacramenti, postquam materia, & forma essentialis, sunt perfectè adhibita; quod in aliis omnibus sacramentis inductione patet. Nimium quia materia & forma sacramentorum sunt agentia necessaria, quæ cum primū sunt, agunt quidquid, & quantum possunt. Neque pendent à Ministro, nisi quoad applicationem. Ut ignis & alia id genus agentia, quæ à nobis tractari queunt, & applicari; non tamen impediuntur quin effectum sortiantur, si applicentur.

19. Verba sacramentalia non possunt suspēdi à sacerdote, & impediri ne optentur.

SECTIO III.

De significatione, & efficaci verborum forma.

20. **Q**Uæritur primò quid significant verba; *Hoc est corpus meum; Hic est sanguis meus*? Respondeo ex dictis alibi notum esse quid per verbum, *est*, & per nomina corporis & sanguinis intelligendum sit; nimirum hæc omnia propriè sumi debere, non autem in sensu metaphorico & improprio; designando veram naturam corporis & sanguinis Christi verè & realiter ac substantialiter sub speciebus panis & vini contineri. Superfunt ergo pronomina, *hoc*, & *hic*, de quibus variz sunt opiniones, referente Diuo Thoma articulo quinto quæstionis septuagesimæ octavæ. Verior autem & simplicior ea mihi videtur, quæ docet huiusmodi pronomina adiectivè sumptis significari corpus, & sanguinem, non quidem expressè secundum rationem corporis & sanguinis, sed secundum rationem demonstrabilis; siue ut sunt aliquid singulare demonstrabile, quod quale sit determinatur magis, & explicatur subiectis vocibus corporis, & sanguinis: ut sit in his, & similibus locutionibus, *Hic est equus meus, Hæc est domus mea, Hoc est prædium meum*: in quibus pronomina demonstratiua posita ex parte subiecti, significant prædicatum confusè, ut quid demonstrabile, determinandum, & exprimendum per nomina addita pronomina demonstratiua, ex parte prædicati. Hunc philosophandi modum velut magis nativū, & purum, post Guit.

mundum, Altrifiodor. Alenssem, Maiorem, & alios antiquiores, probant Claudius de Sainctes repet. 7. cap. 7. Maldonatus in cap. Match. 26. verſ. 26. & Vasquez diſp. 201. cap. 4.

21.
Refellun-
tur aliæ
ſententiæ.

Alii verò qui per particulam, *hoc*, panem intelligunt, ſiue abſolutè ſecundum ſuam ſubſtantiam; ſiue ut tranſit in corpus Chriſti: falſò opinantur prima ex parte. Nam panis non eſt corpus Chriſti. Ex alia verò locum incautè dant hæreticorum metaphoriſ, quando verbum, *eſt*, à nativa ſignificatione deducunt ad tropicam, quâ ſignificet, *tranſit*. Similiter qui ſola accidentia panis & vini demonſtrari cenſent: vel falſam reddunt propoſitionem, ſi, *eſt*, propriè ſumatur: vel metaphoricam, ſi ſumatur pro, *continet*, vel *ſignificat*, vel *recipit*, &c. Qui autem, *hoc*, ſubſtantivè accipiunt in neutro genere, & reſoluunt per has voces, Hæc ſubſtantia conſuſe, & indeterminatè ſignificata, vel Hoc edulium, vel, Hoc contentum ſub ſpeciebus, &c. Illi non ſatis proportionem ſervant, inter utramque formam. Nam in forma conſecrationis ſanguinis, *hic*, adiectivum eſt, iuxta vulgaram verſionem, cuius propter antiquitatem, & Tridentini definitionem ſeſſione quarta, magna eſt auctoritas: quamvis in græco omnia neutra ſint: quia *οἶνον*, & *αἶμα*, & *ποτήριον*, ſunt neutra. Qui denique per, *hoc*, intelligunt Hoc edulium, aut quid ſimile, commune ſecundum rationem pani, & ei quod pani ſuccedit: per, *hic*, autem liquorem vel potum, vel ſimile quid, commune vino præcedenti; & ſanguini Chriſti ſuccedenti: quam ſententiam præfert Suarez noſtræ, licet eam valde probabilem eſſe, & abſque vllò inconuenienti teneri poſſe fateatur: Illi ſenſum verborum bonum quidem assignant, ſed tamen minùs purum, ac non neceſſarium. Nam per accidens eſt quòd potus, vel liquor, ſint eiſdem generis cum pronomine, *hic*, ac proinde ſubintelligi poſſint. Et quamvis nullum tale nomen maſculinum eſſet, quod potum aut liquorem denotaret: forma tamen illa vera eſſet. Neque ideo vera eſt, quia potus aut liquor ſunt eiſdem generis. Adde quòd ſi potus ſubintelligitur, vel liquor: æquè diceretur, Hic eſt ſanguis meus, ſi ſanguis eſſet neutrius generis: ut dicitur, Hic, ſupple potus vel liquor, eſt vinum meum. Et ex oppoſito licet, corpus, maſculinum eſſet, æquè diceretur, Hoc eſt corpus meus; ſicut, Hoc, ſupple edulium, eſt panis meus. Et eodem loquendi modo dici poſſet, Hoc, ſupple animal rationale, eſt pater meus: Hoc eſt mater mea: Hoc eſt filius meus: quæ à communi loquendi modo, & Scripturæ phraſi aliena ſunt.

22.

Neque verò ex noſtra opinione ſequitur propoſitionem iſtam, Hoc eſt corpus meum, eſſe identicam. Alius enim eſt conceptus prædicati, & alius ſubiecti.

Nec ſenſus eſt quòd corpus Chriſti ſit corpus Chriſti: ſed quòd hoc demonſtrabile ſub ſpeciebus panis, ſit corpus Chriſti. Nec denique verum eſt omne adiectivum in oratione ſupponere aliquod ſubſtantivum, quod præcedat. Sufficit enim ſi illud habeat ante vel poſt. Exprefſe inquam & formaliter: Nam virtualiter & implicite verum eſt omne adiectivum importare materialiter aliquod ſubſtantivum, cui adiiciatur ſecundum magis expreſſum, & formale ſuum ſignificatum.

Quæritur ſecundò, An verba formæ efficiant corpus Chriſti ut vera ſunt? Ita ut vis efficiendi fundetur in veritate, id eſt, operentur quâ vera? Reſpondeo negatiue, ſed fundari tantum in ſignificatione. Ratio eſt, quia id in quo fundatur vis efficiendi corpus & ſanguinem Chriſti, debet eſſe prius natura, & independens à corpore & ſanguine Chriſti efficiendo. Ac veritas verborum non eſt prior naturâ, ſed poſterior ac dependens. Exiſtentia enim rei ſignificatæ eſt cauſa veritatis propoſitionis in illa fundatæ, quia ex eo quòd res eſt vel non eſt prout ſignificatur, propoſitio eſt vera vel falſa, ex Ariſtotele primo Periherm. capite quarto. Prius ergo eſt exiſtentia rei ſignificatæ eo modo quo ſignificatur, ſiue præſens, ſiue futura, ſiue præterita; quàm ſit veritas propoſitionis ſignificantis. Et conſequenter prius eſt cauſa exiſtentia rei ſignificatæ, id eſt, præſentia, præteritionis, vel futuritionis rei: quàm ſit veritas fundata in illa præſentia, præteritione, vel futuritione rei. Quare veritas non poteſt eſſe illius cauſa effectiua. Alioquin eſſet cauſa effectiua eius, quod habet eſſe prius natura quàm ipſa, & independentem ab ipſa. Qua de re plura diximus alibi diſputatione 18. de Sacramentis in genere, ſectiõne 8.

Contrarium videtur ſentire Divus Thomas quaſt. 78. artic. 5. in corpore poſt medium, ubi ait veritatem huius locutionis *Hoc eſt corpus meum*, non præſupponere rem ſignificatam, ſed eam efficere, & ſimilem eſſe conceptioni intellectus practici, quæ non præſupponit rem conceptam, ſed facit eam. In eoque diſſerre conceptionem aut propoſitionem practicam à conceptione aut propoſitione ſpeculatiua, quæ non facit ſed præſupponit obiectum ſuum. Reſpondeo cum Caietano initio commentarii eiſdem artic. Sanctum Thomam intelligendum eſſe de veritate practica, non de ſpeculatiua. Notandum enim propoſitiones practicas, id eſt, effectiuas eius quod ſignificant, habere duplicem veritatem. Vnam practicam, quæ eſt veritas in cauſando, & in eo conſiſtit, quòd ſit verè cauſa rei ſignificatæ. Alteram ſpeculatiuam, quæ eſt veritas in demonſtrando, & conſiſtit in conformitate propoſitionis cum re ſignificata. In quo differunt

23.

Verba formæ non efficiunt corpus Chriſti ut vera ſunt ſed ut ſignificantur.

Ariſtotele

24.

Veritas formæ conſecratæ duplicis, practicae, & ſpeculatiuae.

propositiones practicæ à speculatiuis, quæ habent tantum secundam veritatem: & in eodem sunt similes conceptioni practicæ, verbi gratia ideæ domus in mente Architecti, quæ, & verè effectiua est rei conceptæ; & est eidem conformis, quatenus eam representat sicuti est. Sic autem intellectus Diuus Thomas nobis non obest: quia veritas illa practica nihil est aliud, quàm significatio propositionis vt effectiua corporis Christi, vi diuinæ institutionis. An autem vis illa effectiua sit physica vel moralis: & quo instanti operetur, & an forma consecratiua vnius speciei panis, vel vini pendeat necessariò ab altera, ita vt sine illa de iure vel de facto non possit operari, patet ex dictis alibi, disp. 21. sect. 4. & 6. & disp. 29. sect. 1.

SECTIO IV.

Verum verba forma consecrationis pronuntiantur tantum historicè, an verò etiam assertiue?

25.
Quid sit pronuntiatio historice, & assertiue,

PRo tituli explicatione suppono primò, illud pronuntiarì seu dici historicè, siue quod idem est, recitatiue, aut materialiter, quod tantum refertur tanquam ab alio dictum: ita vt nos illud ipsum non asseramus, vel negemus; sed tantum asseramus id ab alio dictum fuisse; nec illud sit assertio, vel propositio nostra formaliter; sed materiale & extremum vnum propositionis, quæ asserimus illud ab alio pronuntiatum fuisse. Vt cum dicimus verbi gratia, Aristoteles dixit mundum esse ab æterno. Formaliter verò & significatiue seu assertiue aliquid dicimus, quando per verba quæ pronuntiamus, intendimus aliquid affirmare, vel negare. Vt cum dicimus, Fallò dixit Aristoteles mundum esse ab æterno. Vel absolutè, Mundus non est ab æterno.

26.
Potest aliquid vtroque modo pronuntiarì,

Suppono secundò, Possè aliquid vtroque modo efferri: historicè scilicet, & assertiue. Vt si quis dicat: Aristoteles dixit, & ego idem dico, mundum esse ab æterno. Quæ propositio sine dubio impium & hæreticum faceret, non autem simplex recitatio. Sic etiam posset quis ad difficultatem aliquam respondere tum ex sensu Diui Thomæ, tum etiam ex suo, in hunc modum: Respondeo, cum D. Thoma, vel, respondet Diuus Thomas, &c. Similiter posset quis referre quomodo Christus docuerit pronuntiare orationem Dominicam: eamque simul affectu referentis & orantis pronuntiare. Posset item referre quomodo Christus vel Apostoli baptizauerint, concionati sint, vitia hæc aut illa exprobrauerint: & simul eareferendo Christum vel Apostolos imitari, baptizando aliquem re ipsa, vel concionando iisdem verbis, vel exprobrando eadem vitia auditoribus. Sic igitur sacerdos super

materiam consecrationis sacramentalia verba pronuncians, potest illa velut à Christo dicta referre; & simul Christum imitari, eiusque personam induendo asserere super materiam propositam, *Hoc est corpus meum, Hic est sanguis meus.*

His suppositis, variæ sunt de proposita questione Theologorum sententiæ. Nam Innocentius III. lib. 4. de Eucharistia cap. 17. & alii quidam existimant recitatiue tantum & historicè proferri. Quia aliqui fallò diceret sacerdos, *Hoc est corpus meum.* Neque enim illud, de quo asserit, est corpus sacerdotis. Fallò etiam diceret in consecratione calicis, *qui pro vobis & pro multis effundetur,* &c. Neque enim sanguis Christi modò fundendus est pro Apostolis, vel aliis, pro quibus Christus fundendum esse dicebat.

Ex opposito Marsilius; Gabriel, & alii, quos sequitur Vasquez disputatione ducentesima, capite secundo, existimant tantum assertiue, seu formaliter & significatiue tantum proferri. Quia repugnat vt proferantur vtroque modo, vtque sacerdos simul in propria & in aliena persona loquatur. Ac duo illi loquendi modi propositionem æquiuocam facerent. Nam vt recitatiue proferretur, referretur ad species quas Christus consecrauit, & ad factum Christi. Vt autem assertiue, seu formaliter, & significatiue pronuntiaretur, referretur ad species hic & nunc præsentis sacerdoti, & ad id quod ab ipso fit.

Verior tamen est Diui Thomæ sententia quæst. 78. art. 5. & aliorum plurimorum, quos refert & sequitur Suarez disput. 58. sect. 4. recitatiue simul, & assertiue proferri. Probat, quia recitatiue quidem & historicè proferri satis ostendit contextus canonis, cum sic ait: *Qui pridie quam pateretur, accepit panem in sanctas ac venerabiles manus suas: & eleuatis oculis in cælum, ad te Deum patrem suum omnipotentem, tibi gratias agens, benedixit, & fregit, deditque Discipulis suis dicens, Accipite & manducate ex hoc omnes: Hoc est enim corpus meum. Simili modo postquam cœnatum est,* &c. Vbi nota particulas, *dicens, &, enim.* Quarum prior significat manifestè Christum verba illa sacramentalia dixisse, eademque referri tanquam à Christo dicta. Posterior verò connectit verba sacramentalia cum præcedenti narratione. Nec vlla est ratio cur contra facilem, planum, & obuium sensum, dicatur series narrationis interrumpi, cum ad ea ventum est. Imò aliter præcedentia nullum habent sensum completum.

Quòd autem sensu quoque formali, seu assertiuo, & significatiuo enuncientur, patet, quia sacerdos aliqui non loqueretur in persona Christi: quod est contra Florent. in Decreto, & Ambrosium lib. 4. de Sacramentis cap. 4. alioque Patres asserentes sacerdotem consecrantem loqui in

27.
Variæ sententiæ.

28.
Verba forme consecrationis proferuntur vtroque modo,

29.

persona Christi. Neque enim in Christi persona loqueretur, si tantum referret Christum ea dixisse. Deinde alioqui circa materiam presentem nihil assereret: ac proinde non efficeret conversionem ex vi & veritate verborum: Quod est contra Trident. sess. 13. cap. 3. & 4. Verba enim perinde vera essent, siue materia, quam in manibus haber, converteretur, siue non: & siue sub speciebus presentibus corpus Christi constitueretur, siue non. Nam significarent tantum conversionem materię quam Christus accepit in manus, & presentiam corporis, & sanguinis, sub eiusdem materię speciebus. Ac proinde vera essent eo ipso quod ita fuit, quidquid sit de cetero, quod sicut non significatur, ita ad veritatem planè impertinens est. Nec verum esset quod communiter docent Theologi, ex vi & significatione verborum materiam consecrandam debere esse presentem, ut sub illius speciebus demonstraretur sensibiliter corpus Christi. Nam verba illam non significarent, sed materiam à Christo in cœna ultima consecratam, quæ loco & tempore longè distat ab illa, quam quotidie consecramus.

30. **Confirmatur.** Vtcrius, non esset verum quædam etiam nunc poni sub speciebus ex vi verborum, & alia per concomitantiam. Nam vis verborum exigeret tantum olim Christum quædam potuisse, cum verba illa protulit super panem & vinum. Quæ verba essent æquæ vera recitatiue prolata, quamvis nunc nihil poneretur sub speciebus. Ergo si quid nunc ponitur, non ponitur vi verborum historicè tantum prolatorum. Adde quod si verba non haberent vim consecrandi nisi recitatiue prolata, sequeretur sacerdotem non consecraturum qui sic diceret, & nihil amplius, *Hoc est corpus meum*. Tunc enim historicè non referret Christum ea dixisse. Adde item verba formalia aliorum sacramentorum proferri assertiue, & applicari presenti materię. Ac licet Christus, absolute loquendo, instituere potuerit, ut, quamvis materialiter tantum prolata, haberent effectum; non tamen ita instituit, sed potius oppositum, ut nisi formaliter enuncientur nihil efficiant. Adeo ut sensus materialis in efficiendo pendeat à formali, etsi non vice versa. Sacerdos enim qui solum assertiue in persona Christi diceret, *Hoc est corpus meum*, verè consecraret: & sicut alia sacramentalia formæ assertiue tantum prolata operantur: sic ista solum assertiue prolata operari potest: tamen ab aliis in eo differt, quod ex Ecclesiæ præcepto materialiter & assertiue simul pronuciari debet.

31. **Solentur argumenta contrariæ sententiæ.** Ad fundamentum igitur primæ opinionis Respondeo sacerdotem in persona Christi loqui, ac verè asserere, *Hoc est corpus meum*. Verba autem illa, *Qui pro vobis, & pro multis tradetur*, &c. non dicuntur à nobis significatiue proferri; sed tantum verba essentialia formæ, quæ tamen illis & aliis in sensu historico non interrupto coherant. Primum

autem fundamentum opinionis secundæ supra euersum est exemplis quibus ostendimus materiale sensum & formalem non repugnare, sed simul aptè coniungi posse. Ad secundum nego committi æquivocationem: nam secundum utrumque sensum non est eadem propositio: sed in sensu materiali & historico verba illa, *Hoc est corpus meum*, sunt tantum pars propositionis, quæ asseritur Christum exhibuisse, & demonstrasse corpus suum sub speciebus sibi presentibus. In sensu autem formali sunt propositio integra, quæ sacerdos in persona Christi loquens demonstrat idem corpus sub speciebus sibi presentibus. Vtroque autem modo vnum & idem est formale eorum significatum in recto, corpus scilicet Christi Domini, quod demonstrant: licet id, sub quo demonstrant, & quod connotatiue significant, non sit idem in historico sensu, & in assertiuo. Sed hæc diuersitas materialis est: nec magis ponit æquivocationem, quàm diuersitas locorum in quibus quidpiam demonstratur: aut quàm diuersitas subiectorum ponit æquivocationem in nomine, *Album, calidum*, & similibus. Vniuersio enim petenda est ex formali & expresso significato. Idem vinum successiue positum in diuersis vasis potest sine æquivocatione demonstrari dicendo, *Hoc est vinum meum*, estque idem quod demonstratur, licet sint diuersa, sub quibus demonstratur.

SECTIO V.

Pro quo instanti verificentur verba consecrationis

Respondeo verificari pro eo instanti, quo ultimo completur essentialiter forma consecrationis, consistens in his verbis aut æquivalentibus, *Hoc est corpus meum*, *Hic est sanguis meus*, prolatis ex intentione significandi & faciendi id quod Christus instituit. Ratio est, quia ex hoc toto indivisibiliter pendet tota significatio essentialis formæ. Operatur autem quæ significatiua, ut paulò ante diximus: & non operatur nisi quando est perfecta essentialiter. Quare non ponit corpus & sanguinem Christi sub speciebus, nisi eo instanti, quo perficitur essentialiter. Adcoque non primò verificatur, nisi pro eodem instanti: quia non prius verum est, id quod sub speciebus demonstratur, esse corpus & sanguinem Christi. Confirmatur, quia sensus propositionis est anceps, & ambiguus, donec ab illo ultimo determinetur. Nam si loco pronomini, *meum*, adderetur aliis particulis vox, *Cæleste*, vel, *aërium*, vel, *brutum*, & similes; longè aliud affirmaretur, essetque alius sensus ad quem illæ particulæ, ac tota propositio, determinarentur.

Obiicies cum Delugo disput. 11. num.

322
Forma verificatur pro ultimo instanti quo perficitur essentialiter.

322

Grauis difficultas, quomodo non si vltimus expectandus.

132. propositionem debere esse iam omnino absolutam & completam, vt completè & determinatè significet. Non intelligitur autem esse completa, donec constet non adiaceri alia verba, quæ determinant priora. Quid enim si sacerdos Calvinista his verbis, *Hoc est corpus meum*, adderet, *non reipsa, sed figurâ tantum*? Ergo vt fiat consecratio, non sufficit proferri verba essentialia: sed aliquandiu expectandum est, vt constet ibi sistere propositionem ac finiri, aut nihil addi determinans ad sensum contrarium, vel substantialiter diuersum. Neque dicas sufficere verba illa esse integrè prolata sine animo addendi alia verba. Nam ille animus interior non sufficit vt verba externa habeant externam significationem, quam ex vi sua non possunt habere.

34. Resolutio. Omissis multis quæ responderet auctor cit. num. 135. & sequentibus, Dico primò, aliud esse propositionem esse iam omnino absolutam: & aliud, intelligi esse absolutam. Primum ad essentialem significationem & efficaciam formæ necessarium est: non secundum. Quare non est expectandum donec illud intelligatur. Secundò dico propositionem debere esse iam omnino absolutam, & completam essentialiter, quoad verba essentialiter necessaria, vt significet in actu primo, & quantum est de se, hoc esse corpus, & hunc esse sanguinem Christi. Est autem talis, quando à sacerdote proferuntur & finiuntur verba formæ essentialia, cum intentione significandi, & efficiendi id quod Christus instituit: siue ibi sistatur, siue non: dummodo non addatur quidquam quod corrumpat sensum verborum essentialium, vt fit in exemplo allato. Sed neque tunc potest esse intentio sufficienter significandi id, quod Christus instituit. Quia non possunt cum tali addito id significare, secundum modum communem loquendi, secundum quem formæ sacramentorum debent significare id quod significant. Verba autem illa essentialia, cum agant necessariò, & habeant quidquid ad agendum requiritur, nempe legitimum sonum, & sensum: non possunt suspendi à voluntate addendi alia verba non essentialia. Quare siue in illis sistat sacerdos, siue alia addat; iam tunc habent effectum.

35. Confirmatur. Et quidem vel ea, quæ adduntur, sunt conformia verbis essentialibus, & bene cum illis coherencia: cuiusmodi sunt illa quæ à Græcis adduntur consecrationi panis, *Hoc est corpus meum, quod pro vobis tradetur*: & ea, quæ à Latina Ecclesia adduntur formæ consecrationis calicis, *Noni & æterni testamenti, qui pro vobis, & pro multis effundetur in remissionem peccatorum*: vel sunt impertinentia: vel denique sunt dissentanea, & contraria veritati formæ, vt si sacerdos Calvinista adderet, *Hoc est corpus meum, figurâ tantum*. Si primum: verba quæ adduntur, sunt tantum maior explicatio significati formæ essentialis, non

necessaria ad eius essentiam, & vim efficiendi. Quare forma sine illa esset, ac prius illa est, & operatur. Si secundum, id est, si sunt impertinentia; non obsunt, neque prosunt significationi & efficaciam formæ. Si tertium, id est, si sunt dissentanea & contraria: vel ita adduntur, vt ex modo quo apponuntur, corrumpant substantialiter sensum essentialem formæ secundum vsum communem loquendi, & intelligendi. Et tunc non intenditur significatio, quam Christus instituit: nihilque fit, quia non ponuntur verba essentialia formæ, quæ non consistunt tantum in sono verborum, sed & præcipue in vero sensu. Vel ita adduntur, vt non corrumpant sensum essentialem, faciendo vnâ propositionem cum illis, habentem sensum contrarium, aut substantialiter diuersum; sed distinguendo vnum sensum ab alio, & vnâ propositionem ab alia: vt si quis dicat, *Hoc est corpus meum*, id est, vt ego arbitror figurâ tantum, non reipsa. Et tunc intentio generalis & absoluta sacerdotis, intendentis significare per illa verba, & facere id, quod Christus instituit, derogat eius errori priuato, quem verbis sequentibus exprimit. Atque vbi constiterit de eius intentione tali, iudicandum erit valide consecrasse.

Dices: Si propositio affirmatiua de presenti debet verificari pro instanti, in quo vltimo completur: ergo hæc propositio quæ immediatè præcedit formam consecrationis, *Accipite & manducate ex hoc omnes*, & hæc quæ Matth. 26. refertur à Christo dicta ante consecrationem calicis, *Bibite ex hoc omnes*, debet verificari pro vltimo instanti, quo finitur. At eo instanti erat tantum panis & vinum. Ergo Christus illis verbis aut falsum dixit, aut iussit Apostolos comedere panem, & bibere vinum.

Respondent aliqui recentiores primò, Existimare nonnullos Christum prius consecrasse, quàm verba illa protulerit: licet ab Euangelistis inuerso ordine referantur. Sed hæc responsio nullo firmo nititur fundamento, solùmque videtur excogitata ad fugiendam difficultatem propositam. Quare secundò respondent differentiam esse inter hanc propositionem, *Accipite & comedite ex hoc*: & istam, *Hoc est corpus meum*. Quia, inquit, prima est præceptiua; posterior vero est assertiua: ad cuius veritatem requiritur vt obiectum tale sit tunc, quale affirmatur esse. Debet ergo illud, *hoc*, refertur ad id quod in fine propositionis erat sub speciebus: at in priori propositione non ita: quia per illam non affirmabatur, sed præcipiebatur comedi id, quod esset sub speciebus, tunc scilicet quando acciperetur ad comedendum.

37. Sed contra: Primò, Quisquis præcipit, significat assertiue suam esse voluntatem vt fiat id quod præcipit. Ergo Christus priori propositione significauit assertiue suam esse

Refutatur quorundam error.

voluntatem ut Apostoli comederent ex hoc, de quo tunc loquebatur. Secundò, nulla redditur ratio, cur veritas propositionis assertivæ debeat referri ad ultimum instans, quo profertur; & non veritas propositionis præceptivæ, quæ de præsentis iubemur aliquid facere. Neque ego video rationem ullam solidam esse: sed dico veritatem illius propositionis, *Accipite & comedite ex hoc*, non esse referendam ad ultimum instans quo dicitur, *ex hoc*; quia ibi non finitur propositio, sed in aliis verbis additis, *Hoc est corpus meum*, quæ sensum priorem longè diversum faciunt, ac planè disparatum, ab eo quem haberent, si solitarie proferrentur. Quemadmodum ergo si quis diceret, *Hoc est corpus meum figurà tantum*, efficeret ut propositio non completeretur illis verbis prioribus, *Hoc est corpus meum*, quorum sensus mutaretur & corrumpere verbis posterioribus additis per modum unius propositionis, cuius sensus indivisibiliter penderet ab utrisque simul sumptis, & ita connexis: sic Christus addendo, *Hoc est corpus meum*, fecit ut propositio præcedens, *Accipite & comedite ex hoc*, non fuerit completa; sed eorum sensum mutavit, ac substantialiter diversum fecit ab eo quem solitarie prolata habuissent.

38.
Solvitur
instantia.

Dices: Christus potuit non addere illa verba; & sine illis partem in corpus suum convertere secretò, ac discipulis edendum dare. Respondeo in eo casu propositionem illam, *Accipite & comedite ex hoc*, fore completam; sed non fore sufficienter significantiam eius quod fit, & esse tunc moraliter accipiendam hoc sensu, *Accipite & comedite ex hoc quod vobis dabo, vel, quod vos edere faciam*. Quo etiam sensu morali, annuncians ut præsens id, quod tantum est moraliter præsens, & præsens censetur quia proxime futurum est, solent accipi propositiones quoque assertivæ non præceptivæ. Ut cum dicimus: *sic argumentor, Omne totum est majus sui parte*, &c. vel cum aliquis Hero vocant dicit, *Venio*, & statim post se itinerat. Verba autem consecrationis non sunt tantum moraliter vera; sed in rigore physico seu mathematico, ut supponit Tridentinum sess. 13. cap. 3. cum ex eorum veritate colligit Christum esse in Eucharistia antequam usum, id est, antequam sumatur. *Nondum enim*, inquit, *Eucharistia de manu Domini. Apostoli susceperant, cum verè tamen ipse affirmaret corpus suum esse, quod præbebat*: ac proinde verè tale erat antequam Eucharistia de manu Domini ab Apostolis susceperetur. Similiterque verè tale est, antequam Eucharistia sumatur à fidelibus de manu sacerdotis.

39.
Altera difficultas
dissolvitur.

Eodè modo solvi debet alia difficultas, quæ iidem authores proponunt in hunc modum. Si habens pomum in manu, diceret mihi, *Accipe & comedite ex hoc*, quia est cibus saluberrimus, & post illa verba antequam illud daret, & ego acciperem, converteretur

in lapidem: non putarem me invitatum ad esum lapidis, sed pomi, quod ante in manu habebas, quando dixisti, *Comede ex hoc*. Similiterque Apostoli non putarunt se invitatos per illa verba, *Comedite ex hoc*, ad esum corporis Christi, sed ad esum panis, quem tunc Christus in manibus habebat. Cui difficultati respondent ipsi negando consequentiam: quia, inquit, in priori casu non solum mutata fuisset substantia pomi in substantiam lapidis; sed etiam accidentia illa, quæ designantur in obliquo ex intentione loquentis per particulam, *hoc*: at verò in Eucharistia manent accidentia panis. Sed potius respondendum censeo, iuxta præcedentia, differentiam esse: nam in priori propositione nihil additur, quod distrahatur & corrumpat sensum priorum verborum, ad significandum dari lapidem, & non pomum quod adhuc in manibus tenetur. Sed potius id quod additur, confirmat dari pomum, & non lapidem, qui non est cibus saluberrimus. Secus verò est in posteriori propositione, in qua verba à Christo addita significant dari corpus suum sub speciebus panis. Si autem fingamus, nulla addi verba: vel is, qui dat, ignorat conversionem futuram, & determinat suam intentionem ad id, quod habet tunc in manibus: vel generalius vult, ut comedat illud quicquid erit. Si primum: fallitur, eiusque propositio non est conformis evangetio. Si secundum: propositio accipienda est moraliter, ut dixi paulò ante, & non satis significat id quod edendum datur.

SECTIO VI.

An eadem materia per plures formas simul consecrari possit?

Respondeo affirmativè: idque non modo validè, sed etiam licitè in iis casibus, in quibus Ecclesia id permittit, & statuit. Prima pars facilis est. Sicut enim idem potest validè à pluribus verba simul proferentibus baptizari aut absolvi, vel ut à causis totalibus in eodem genere: ita eadem hostia potest simul consecrari validè à pluribus sacerdotibus verba consecrationis proferentibus, ac simul formam essentiali finientibus. Simul, inquam: alioquin aut prius finiens nihil facit: aut posterius finiens inutiliter profert eadem verba. Si enim prius finiens habet absolutam intentionem, consecrat antequam alter finierit: & iam iste nihil facit, quia materia iam consecrata non potest iterum validè consecrari. Sin autem habet intentionem suspensam, donec alter finierit, vel utque tantum consecrare, cum alter finiet, quamvis ipse prius absolvat verba essentialia: nihil facit; quia non potest suspendere vim verborum iam prolatorum, quæ necessariò agit: neque potest efficere ut

40.
Conclusio
affirmativa.

conuertant materiam in corpus, aut sanguinem Christi, quando amplius non proferuntur.

41. *Cerimonia Neomystarum consecrationis Episcopi.* Secunda pars probatur ex consuetudine Ecclesiarum, præscripta sub præcepto in nouo Pontificali, quâ sacerdotes recens ordinati eandem materiam consecrant simul cum Episcopo ordinante. Quæ consuetudo imprudenter & temerariè improbatur à Durando in 4. distinct. 13. quæst. 3. num. 10. Item ex alia consuetudine, quâ Episcopus recens consecratus celebrat cum Episcopo consecrante idem sacrificium ex eadem materia. Et in Ecclesia Græca Episcopo celebranti adest semper aliquis sacerdos, qui simul cum Episcopo consecrat eandem materiam, ut referunt Vasquez disput. 218. cap. 2. & Cardin. Delugo disp. 11. num. 163. Olim etiam, teste Innocentio lib. 4. de mysteriis Missæ cap. 25. omnes presbyteri Cardinales simul cum Summo Pontifice consecrabant eandem materiam.

42. *Qualis debeat esse illorum intentio?* Cum autem non possint simul consecrare, nisi simul finiant verba essentialia, quod moraliter loquendo vix contingit; difficultas est quomodo hæc consuetudo Ecclesiarum legitima sit & licita? quippe quæ exponit periculo proferendi verba consecrationis super materiam iam ab alio consecratam, quod inutile, & sacrilegum est. Respondeo vitari hoc incommodum, si noui sacerdotes, vel alii cum principali offerente celebrantes, habeant, ut debent, intentionem proferendi verba consecrationis historicè solum, seu recitatiuè, si prius aut posterius, quàm principalis celebrans, absoluant verba essentialia; & velint tantum ea proferre assertiuè, atque per illa consecrare, dummodo simul cum Episcopo, vel principali offerente absoluant. Quo sensu facile intelligi potest id quod ait Innocentius III. lib. 4. de mysteriis Missæ cap. 25. quodque ex illo refert & sequitur sanctus Thomas quæst. 82. art. 2. in corp. talem esse debere omnium simul celebrantium intentionem, ut ad idem instans referatur: nempe, ut ait Innocentius, ad instans in quo absoluit Episcopus: ut ita cæteri qui dicuntur concelebrent, non impediant effectum principaliter celebrantis.

43. Contra quam responsionem, quæ est Suarez, & Aegidii Conine ad quæst. 82. art. 2. post Alensem parte 4. quæst. 36. mem. 8. & Ledes. 1. parte 4. quæst. 32. art. 2. dub. 2. opponit Delugo supra num. 168. praxim communem Ecclesiarum, quæ non admonet recens ordinatos de tali intentione conditionata non consecrandi si prius absoluant quàm Episcopus: sed potius communiter monet ut habeant intentionem consecrandi. Deinde postea hac intentione conditionata, non vitantur omnia incommoda. Nam primò, manet moraliter certum quòd plures proferent inaniter verba consecrationis. Quòd autem habeant conditionatam intentionem, parum refert: Nam etiam prolatio verborum conditionata super materiam iam con-

secratam, est intrinsecè mala & prohibita, ut omnes supponunt. Secundò, non vitatur illud inconueniens, quòd consecrans non perficit sacrificium sumendo utramque speciem. Nam Neomystæ sumunt tantum speciem panis.

Ad primum Respondeo, Ecclesiam supponere notam illis esse doctrinam communem de celebratione sacramentorum, quæ est ut eorum Ministri habeant saltem generalem intentionem faciendi id quod intendit Ecclesia, & eo modo quo ipsa intendit: qua intentione derogent cuicunque errori priuato, suo, vel alieno. Intentio autem Ecclesiarum videtur meritiò esse qualem suprà diximus, ut magis patebit refutando alias opiniones. Monet ergo illos Ecclesia ut habeant intentionem consecrandi, prout ipsa intendit.

Ad secundum Respondeo non proferre inaniter, quando proferunt historicè, ob fines bonos, propter quos illa cerimonia introducta est, & cum aliqua spe consecrandi, ac proferendi assertiuè si ea simul cum Episcopo absoluant: qui idcirco debet alta voce, & distinctè, singula verba essentialia pronuntiare. Similiter non est intrinsecè malum & prohibitum referre historicè verba consecrationis super materiam iam consecratam: & nego id ab omnibus supponi. Neque etiam est incommodum minus principaliter consecrantes non perficere sacrificium sumendo utramque speciem, dummodo principalis, & veluti dux talis sacrificii, illud perficiat. Imò neque satis constat teneri aliter, quàm ex præcepto Ecclesiastico, sacerdotem principaliter aut solitariè consecrantem, sumere quod consecrauit: & non sufficere quòd sumatur ab alio sacerdote: ut idem author fatetur num. 173. post Suarez disp. 75. sect. 5. in fine. Frustra ergo obicit tanquam incommodum id quod ipse tandem fatetur posse sine incommodo affirmari.

Aliter verò respondet ipse num. 172. omnes habere intentionem saltem conditionatam consecrandi, & non recitandi solum materialiter illa verba. Neque ob stare inconueniens supra allatum, quòd plures proferant vltimum verbum super materiam iam consecratam. Quia licet, inquit, hoc in communi verum sit & moraliter certum, quòd non omnes absoluent simul, & quòd aliqui proferent super materiam iam consecratam: nemini tamen in particulari, quando proferit vltimam syllabam, constat moraliter certò quòd iam illa materia consecrata sit. Imò omnes conantur simul proferre, & monentur sedulò, ut id curent. Quare singuli, quando proferunt, possunt seriò intendere consecrare, cum sit illa ad minus materia dubia.

Sed hæc responsio non minorem patitur difficultatem, quàm præcedens. Primò enim, malum & sacrilegum est adhibere materiam dubiam, quando potest haberi certa: ut baptizare infantem aqua, de qua dubitatur siue vera aqua an rosacea: & consecrare vinum,

44. *Soluuntur argumenta contraria.*

45.

45. *Refutantur alie sententiae circa Neomystas concelebrentes.*

de quo dubitatur an sit corruptum. Secundò, si in communi moraliter certum est quòd non omnes absolvent simul, & quòd aliqui proferent verba super materiam iam consecratam; exponit se quilibet, nesciens num alius praeveniat, periculo moraliter certo non absolventi simul, & volendi consecrare materiam iam consecratam: quod illicitum est. Nisi praeferat auctor veniat ex parte ad sententiam, quam supra improbavit respectu Episcopi, seu principalis consecrantis; nolle scilicet quolibet consecrare nisi conditionatè, posito quòd non prius absoluat alius. Contra quod recurrunt omnia, quae ipse nostrae sententiae obiicit velut inconuenientia. Quare non debuit propter illa reijci: quae aliunde id commodi habet, quòd facit principalem offerentem semper consecrare, & sacrificium consummare sumendo utramque speciem consecratam.

48. Deterius est quòd alii respondent, Neomystras proferre tantum recitatiuè verba consecrationis, quasi discendo ab Episcopo quomodo & quibus verbis consecrandum sit. Nam contrà: Primò, hæc responsio non conuenit aliis consuetudinibus antiquis supra memoratis. Secundò, in Pontificali sæpe dicitur expresse novos sacerdotes cum Episcopo celebrare: idèoque ipsos ante communionem non recitare confessionem generalem, vt alii faciunt, quia ipsi concelebrant Pontifici. Et in eodem Pontificali iubetur Episcopus tot hostias consecrare, quot sunt Presbyteri recens ordinati: vt scilicet communicent de hostiis à se oblaris & consecratis, quantum fieri potest. Tertiò, si noui sacerdotes deberent tantum proferre recitatiuè verba consecrationis; non esset ratio cur in nouo Pontificali moneretur Episcopus verba illa paulatim, & alta voce proferre, nempe vt alii simul cum illo absolute possint, & consecrare. Alioqui enim parum aut nihil referret ante vel post ea recitare, cum nihil debeant operari. Nec obest quòd in antiquo Pontificali habebatur, *debere novos sacerdotes cum Episcopo dicere omnia quae sunt in Missa, sicut si celebrarent.* Nam particula, *sicut*, non significat semper improprietatem, aut diuersitatem ab eo, cui additur: & hoc loco apponitur ad significandum debere eos omnia dicere, quia concelebrant.

49. Alii dicunt omnium formas simul operari eo instanti, quo postremus verba essentialia

perficit. Quia priorum intentio efficaciam formae eo usque suppendit. Sed hæc opinio falsa est, vt satis patet ex dictis alibi. Quia scilicet formae sacramentales agunt necessariò cum primò applicantur materiae debita: neque potest earum efficacia à Ministro suspendi. Speciatim verò forma consecrationis significat & verificatur in rigore de praesenti, in ultimo instanti, quo perficitur; vt praecedenti sectione diximus. Quae significatio non potest à Ministro mutari per suam intentionem.

Denique Vasquez disp. 218. cap. 4. supposito, quòd prius docuit, omnes & singulos Neomystras proferre debere assertiuè verba consecrationis, neminem recitatiuè: ait rationem ob quam sacrilegium non est si praeter spem, & opinionem, ex multis vnus prius consecret quàm alii, & ita alii super materiam consecratam prolationem verborum absoluant, esse quia cum non parum congruat institutioni huius sacramenti, vt plures simul consecrent; nulla ei iniuria irrogatur, si id fiat etiam cum periculo praedicto proferendi verba super materiam iam consecratam: dummodo id de industria, vel ex maxima negligentia non fiat: & ex alia parte, cerimonia illa, non parum conueniens huic sacramento, semel aut iterum in Latina Ecclesia, & semper in Graeca, celebrante Episcopo seruetur. Hæc ille.

Verum, cum falso principio nitatur, nimirum quòd impossibile sit verba consecrationis simul ab eodem proferri recitatiuè & assertiuè, siue absolute, siue conditionatè: & cum institutionis congruentia non postulet vt velint impossibile, nempe velint absolute consecrare materiam quae amplius consecrari non potest; quòd in omnibus aliis sacramentis de se malum & sacrilegium est: Non video quomodo congruentia institutionis excuset hic à sacrilegio in sententia Vasquis. Neque etiam quomodo praeter spem & opinionem accadat, id quòd accidere certum moraliter est, & moraliter inuitabile in magna multitudine; & quòd unicuique in particulari potest aequè contingere. Non igitur ex eo capite sunt excusandi Neomystrae à sacrilegio: sed potius quia, vt supra diximus, illorum intentio est proferre tantum verba consecrationis recitatiuè, posito quòd non simul ea finiant cum Episcopo: ita vt nolint consecrare, nisi cum illo consecrent. Et hæc tenus de forma huius sacramenti.

pendens illorum efficaciam.

50.

Quomodo excusetur à sacrilegio?

51.

DISPUTATIO

TRIGESIMA-QUARTA,


De effectibus sacramenti Eucharistiæ.

Seçtio I. *An sacramentum Eucharistiæ conferat primam gratiam?*

Seçtio II. *Quo tempore, vel instanti, Eucharistia gratiam conferat :
& utrum post sumptionem operetur?*

Seçtio III. *An qui communicat sub utraque specie, plus gratiæ recipiat, quàm qui sub una?*

Seçtio IV. *De aliis effectibus sacramenti Eucharistiæ.*



E effectibus venerabilis sacramenti Eucharistiæ disputat S. Thomas totâ quæst. 79. & affirmat sacramentum hoc conferre gratiam, cum Christum omnis gratiæ fontem contineat, & passionem eius repræsentet, deturque per modum cibi, & potus spiritualis, ut nos sustentet, augeat, & delectet, Christi que membra inter se uniat vinculo charitatis. 2. Adeptionem gloriæ esse quoque effectum huius sacramenti. Tum ratione Christi, quem continet; & passionis eius, quam repræsentat, quæ vitam æternam nobis aperuit. Tum ratione usus eiusdem sacramenti: quia refectio cibi spiritualis, & unitas significata per species panis, & vini, habentur quidem in præsentia, sed imperfectè; perfectè autem in statu gloriæ. 3. Operari etiam remissionem mortalium in eo, qui bona fide deuotè & reuerenter accedit, non sufficienter contritus. Consequitur enim per hoc sacramentum gratiam charitatis, quæ contritionem perficiet, & remissionem peccati. 4. Remittere etiam peccata venialia: quia est cibus spiritualis, quo id restauratur, quod ex calore concupiscentiæ per peccata venialia perditur. 5. Tollere etiam reatum pœnæ, non totius, sed secundum quantitatem deuotionis offerentium, prout est sacrificium: vel recipientium, prout est sacramentum. 6. Præseruare hominem à peccatis mortalibus futuris: quia peccatum est mors quædam spiritualis animæ. Vnde hoc modo præseruatur aliquis à peccato futuro, quo præseruatur cor, us à morte futura. Quod fit partim interiùs corroborando cibo, & potu, vel medicamentis contra interiora corruptiua: partim muniendo exteriùs contra externas impugnationes, sicut à morte præseruamur per arma, quibus munitur corpus. Eucharistia verò corroborat vitam spiritualem, tanquam spiritualis cibus, & medicina: repellitque omnem Dæmonum impugnationem, in quantum est signum quoddam passionis Christi, per quam victi sunt Dæmones. 7. Non prodesse nisi sumentibus, prout est sacramentum: secus vero prout est sacrificium. 8. Peccata venialia præterita non impedire effectum sa-

cramenti. Potest enim aliquis post multa venialia commissa, deuotè accedere ad hoc sacramentum, & plenariè consequi illius effectum. Illa vero, quæ actu exercentur in eius perceptione, impediunt ex parte illius effectum: quia eius effectus non solum est adeptio habitualis gratiæ vel charitatis: sed etiam quædam actualis refectio spiritualis dulcedinis, quæ impeditur, si aliquis accedat ad hoc sacramentum per peccata venialia mente distractus. Huc vsque D. Thomas.

SECTIO I.

An sacramentum Eucharistiæ conferat primam gratiam?

1.
Eucharistia
per se non
conferat pri-
mam gra-
tiam.



CONVENIT inter Catholicos sacra-
mentum Eucharistiæ non esse per
se institutum ad conferendam pri-
mam gratiam, & remissionem pec-
catorum mortalium. Quia non est per se in-
stitutum ad faciendum id, quod per se præ-
supponit iam esse factum. Atqui per se præ-
supponit collatam esse primam gratiam, fa-
ctamque remissionem peccatorum morta-
lium, si quæ erant in recipiente. Quippe
quod per se institutum est in modum alimen-
ti & potus spiritualis ad nutritionem animæ.
Alimentum autem, & potus, ac nutritio
supponunt vitam in recipiente. Nam alio-
qui non potest nutriri, neque cibus & potus
possunt illi prodesse, ut manifestè pater in
cibo, & potu, & nutritione corporali: ex
qua per analogiam de spiritali philosophan-
dum est. Et confirmatur ex Scriptura. Si
enim Eucharistia esset per se instituta ad re-
missionem mortalium, non esset ratio, cur
Apostolus 1. Corinth. 11. arceret à com-
munione reos peccati mortalis, exigeretque
præmitti eius expiationem per sacramentum
Pœnitentiæ, verbis illis, *Probet autem seip-
sum homo*, &c. ut exponit Trident. sess. 13.
cap. 7. Idèoque Concilia Florentinum in
Decreto Eugenii, 5. *Huius sacramenti effe-
ctus*, & Trident. sess. 13. c. 2. quando enu-
merant effectus per se sacramenti Eucharis-
tiæ, non assignant illi effectum remissionis
peccatorum mortalium: sed Florentinum
quidem ait effectum huius sacramenti esse
adunationem hominis ad Christum, au-
gendo gratiam, & operando, quoad vitam
spiritualem, omnem effectum, quem cibus,
& potus materialis quoad vitam agunt cor-
poralem. Tridentinum verò dicit Christum
voluisse sumi hoc sacramentum tanquam
spiritualem animarum cibum, quo alantur,
& confortentur viuentes vita illius qui dixit,
Qui manducat me, & ipse vivit propter me: &
tanquam antidotum, quo liberemur à cul-
pis quotidianis, id est, à venialibus, & à pec-
catis mortalibus præseruemur. Qui modus
loquendi diuersus de venialibus, & mortali-
bus notandus est.

Probatur
ex Scrip.

Patres quoque communi consensu affir-
mant prius per Pœnitentiam remissionem
peccatorum obtinendam esse, quàm ad hoc
sacramentum accedatur. Ut Ambros. lib. 6.
in Luc. c. 9. *Nemo cibum accipit Christi, nisi
qui fuerit ante sanatus*, &c. Vbi ergo in hoc
mysterio hic ordo seruatur, ut prius per remissionem
peccatorum vulneribus medicina tribuatur,
postea alimonia mens cælestis exuberet. Et Ba-
sil. lib. 2. de Bapt. c. 3. *Mundemus nos*, inquit,
ab omni inquinamento, atque ita ad sancta acce-
damus, ut iudicium eorum qui Dominum occide-
runt, effugiamus. Propterea quod quisquis ede-
rit panem, & biberit poculum Domini indigne,
reus erit corporis & sanguinis Domini. Et Cy-
prian. epist. 10. 11. aliisque locis docet es-
se contra legem Euangelicam dare commu-
nionem lapsis non præmissa confessione pec-
catorum. Neque tantum id affirmat de pec-
catis publicis, publica que pœnitentia, & re-
conciliatione tunc temporis necessaria, ut
dicemus, disput. sequenti: Nam in lib. de
Lapsis dicit confessionem peccatorum cordis,
id est, etiam secretorum, & interiorum, esse
faciendam sacerdoti, ante communionem.
Similique modo loquuntur Chrysost. homil.
83. in Matth. & hom. 24. in 1. ad Corin-
thios, Leo epist. 91. ad Theodorum Epis-
copum Foroiuliensem cap. 2. August. tract.
26. in Ioan. Cyrill. Alex. lib. 4. in Ioan.
cap. 17. Gregor. lib. 2. in 1. Regum cap. 1.
& plures alii, qui ad dignè, & licitè commu-
nicandum necessarium esse dicunt prius ob-
tinuisse remissionem peccatorum, & esse in
statu gratiæ. Debent autem omnino intelli-
gi de eo saltem, quod per se necessarium est
ex primaria intentione Christi sacramentum
hoc instituentis.

2.
Confirma-
tur ex SS.
Patribus.

Frustra verò huic communi consensui Ca-
tholicorum in Scriptura, & Patribus, & sa-
cramenti institutione fundato, opponunt
Nouatores illud Matth. 26. vers. 28. à Chri-
sto dictum in consecratione calicis: *Hic est
enim sanguis meus novi testamenti, qui pro mul-
tis effundetur in remissionem peccatorum*. Sen-
sus enim est, non quodd calix Eucharisticus
conferat remissionem peccatorum, sed quodd
sanguis in eo contentus esset in cruce effun-
dendus in remissionem peccatorum. Et pla-
nè sibi contradicunt iidem Nouatores, quan-
do asserunt primò, homines per fidem iusti-
ficari, seu obtinere remissionem peccato-
rum. Secundò, fidem esse necessariò prære-
quisitam ad Eucharistiam recipiendam, iux-
ta illud Apostoli, *Probet autem seipsum homo*,
ac sing

3.
Refutatur
error con-
trarius.

ac sine illa Christum non manducari spiri-
tualiter, nullumque fructum Eucharistiæ
percipi. Tertio, Eucharistiæ nihilominus
conferre remissionem peccatorum. Quomo-
do enim illam confert, si necessario præsup-
ponit collatam esse per actum fidei præce-
dentem? Loquimur autem de prima remissio-
ne, seu iustificatione, de qua etiam loquun-
tur hæretici, qui secundam & iteratam re-
missionem eorundem peccatorum non ag-
noscunt: imò docent semel iustificatis, & ve-
rè fidelibus, nulla peccata deinceps impu-
tari.

4. His præmissis controuersia est inter Theo-
logos, an secundario, & quasi per accidens,
sacramentum Eucharistiæ conferat in aliquo
casu remissionem peccatorum mortalium? Quæ
de re duæ sunt sententiæ. Prima affir-
mat, conferre in eo casu, quo aliquis attri-
tus bona fide accedit ad Eucharistiæ. Ita
D. Thom. quæst. 79. a. 3. in fine corporis, &
Thomistæ communiter, alique quos refert,
& sequitur Suarez disp. 63. lect. 1. dicto 3.
quorum tamen aliqui putant sufficere bonam
fidem sine attritione: Alii ex opposito di-
cunt non sufficere attritionem, nisi bona fide
puretur esse contritio. Dicitur autem bona
fide accedere, is, qui vel inuincibiliter igno-
rat se admisisse peccatum mortale, vel exi-
stimat se iuste ita accedere.

5. Probant primò, Ex sanctis Patribus, Cy-
priano in serm. de Cæna, Chrysost. Homil.
33. in Matth. Damasc. lib. 4. de fide cap.
14. & aliis affirmantibus hoc sacramento re-
mitteri peccata, lauarique animas, & munda-
re. Item ex illa oratione Ecclesiæ, quæ pe-
titur ut sacramentum hoc sit ablutio scele-
rum. Et cap. Cum omne crimen, de consecrat.
distinct. 2. dicitur omne crimen huius sacri-
ficii oblatione deleri. Et in Trident. sess. 13.
can. 5. supponitur remissionem peccatorum
esse huius sacramenti effectum, et si nec so-
lum, nec præcipuum. Sic enim habetur: si
quis oixerit, vel præcipuum fructum huius sa-
cramenti esse remissionem peccatorum, vel ex
eo non alios effectus provenire, anathema sit.
Fauet denique textus Græcus Luc. 22. ubi
calix dicitur effundi de præsentis, nempe in
remissionem peccatorum, ut addit Mat-
thæus cap. 26. Paulus quoque 1. Corinth.
11. ad Eucharistiæ cum fructu recipien-
dam non aliud requirit, quàm ut homo seip-
sum probet. Atqui seipsum probat sufficien-
ter, qui morali diligentia adhibita, ignorat
inuincibiliter se admisisse peccatum morta-
le, vel se ritè confessum aut contritum esse
putat.

6. Probant secundò, duplici ratione. Vna
est, quia sacramenta omnia nouæ legis
conferunt gratiam non ponentibus obicem,
ut definit Concil. Trident. sessione septima,
canone sexto de Sacramentis in genere.
Qui autem bona fide accedit, non ponit
obicem; maxime si attritus accedat, for-
maliter scilicet aut virtualiter: quod omni-

Tom. IV.

no necessarium puto, quia peccatum mor-
tale non remittitur adultis sine aliqua de-
testatione, saltem virtuali, & sine contri-
tione latè sumpta, ut docet Concil. Tri-
dent. sess. 14. cap. 4. initio: eamque sup-
ponit sanctus Thomas quæst. 79. artic. 3. in
fine corporis, in peccatore per Eucharistiæ
sacramentum viuificando, cum ait: *Forre
enim primò non fuit sufficienter contritus, sed
deuotè & reuerenter accedens, consequetur per
hoc sacramentum gratiam claritatis, quæ con-
tritionem persequitur, & remissionem peccati.* Ali-
tera ratio est, quia de diuina misericordia,
& bonitate pie præsumitur quòd Eucharis-
tia prodest ad gratiam homini sic disposito:
cum Deus sit misericors, & clemens, ac
præstabilis super malitia aduersus eos, qui
ex animo peccatum detestantur, & deuotè
ac bona fide confugiunt ad sacramenta, eo-
rumque incapaces non sunt.

Secunda sententia negatiua est sancti Bo-
nauenturæ Gertionis, Gabriëlis, A'ensis, &
maioris, quos referunt, & loquuntur Vas-
quez disput. 205. cap. 4. & Delugo dis-
putatione 12. num. 3. Quorum præcipuum
fundamentum est, quis non est facile tri-
buendus sacramentis effectus aliquis, nisi
constet vel ex Scriptura, vel ex traditio-
ne, vel ratione. certa ex institutione sacra-
mentali desumpta. Atqui nec Scriptura,
nec traditio id docent: Nulla enim profer-
tur. Nec etiam ratio ex institutione pe-
tita, quæ potius oppositum suadet, quia
nutrimentum non prodest mortuis: ergo
neque hoc sacramentum institutum in
modum nutrimenti. Confirmatur, quia
vis tota sacramentorum est ex institu-
tione. Ergo non habent illum effectum,
ad quem instituta non sunt. At Eucharistia
non est instituta ad dandam primam gra-
tiam, sed ad illam augendam in modum nu-
trimenti.

Neque dicas Eucharistiæ esse quidem in-
stitutam per se in modum nutrimenti, per
accidens verò esse institutam ad dandam
primam gratiam. Nam hoc secundum gra-
tis asseritur. Deinde illud, per accidens,
nullum bonum sensum habere potest. Vel
enim significat effectum illum sequi præ-
ter intentionem agentis, ut monstra dicun-
tur fieri per accidens, quia sequuntur vi
causarum naturalium, præter intentionem
naturæ intendentis alium effectum, quem
quia non potest assequi, hunc producit:
aut sicut ille qui fodit vineam, dicitur per
accidens inuenire thesaurum: vel signifi-
cat effectum hunc fieri contra exigentiam
ipsius sacramenti, quod ex natura sua po-
stulat statum gratiæ, & præuiam remissio-
nem peccati in recipiente. Primum est fal-
sum; quia si effectus ille sit, non fit præter
intentionem, & expectationem Christi, sic
instituentis, & agentis per sacramentum:
quod sacramentum inrédit omnem effectum,
ad quem institutum est. Secundum male

Q99

7.
Sententia
contraria
negans.

8.

asseritur, quia id sufficit, ut sacramentum dicatur concurrere solum per accidens ad illum effectum. Alioquin poenitentia conferret gratiam per accidens ei, qui habens decem mortalia, vnum omisit in confessione per obliuionem inculpabilem. Quia per se loquendo sacramentum hoc exigebat, ut de omnibus confiteretur. Et in vniuersum non bene dicitur fieri per accidens id, quod fit ab aliquo applicante se ad illud faciendum ex suppositione prioris intenti non habiti. Exempli gratia, Deus non dicitur remittere peccata per accidens; quamuis primario exigit, ut peccata non committantur; & ex hypothesi quod hoc non assequatur, velit peccata remittere. Alia multa addit Delugo supra num. 6. & sequentibus, quæ tamen magis loquendi modum, quam rem ipsam impugnant.

9. Vtraque sententia probabilis est auctoritate & rationibus, quibus nititur: neutra verò conuincit, quia vtriusque argumenti potest probabiliter satisfieri: ut patebit ex sequentibus. Quare immerito nonnulli, primam sententiam sequuti, putant rem certam esse. Prima tamen præferenda, ut probabilior, esse mihi videtur: tum propter auctoritatem Diui Thomæ: tum etiam quia magis pia, & diuinæ bonitati conformior est. Quod autem non superet gradum probabilitatis, patet quia ad primum illius argumentum sumptum ab auctoritate, responderi potest non improbabili-
 Veraque sententia est probabilis.

ter, Patres citatos loqui vel de peccatis venialibus vel de virtute huius sacramenti, quatenus sacrificium est, ad impetrandam remissionem mortalium, eoque modo lauandum, & mundandum. Loquuntur etiam interdum de virtute huius sacramenti ad præseruandum à mortalibus, vel ad tollendos prauos affectus, & reliquias peccatorum præcedentium. Simili modo illa oratio Ecclesiæ, & caput, *Cum omne crimen*, debent intelligi de Eucharistia, ut sacrificium est impetratorium remissionis peccatorum. Tridentinum autem potest intelligi de venialibus, quæ dicemus infra remitti per hoc sacramentum. Quod si mortalia quoque remitteret: ille sanè esse præcipuus huius sacramenti effectus: quia remissio peccati mortalis est effectus infinitus, maior quodammodo ipsa gratiæ habitualis infusione præcise sumpta. Quare Tridentinum eo ipso quod negat præcipuum huius sacramenti effectum esse remissionem peccatorum, negare videtur per ipsum remitti peccata mortalia. Denique locus Diui Lucæ citatus potest ac debet intelligi de Eucharistia, ut sacrificium est, prout in illa Christus mysticè immolatur per effusionem seu separationem sanguinis à corpore vi verborum sub speciebus vini. Paulus autem requirit probationem, ut ne quis indignè culpabiliter communicet, iudiciūque sibi manducet & bibat. Quod peccatum vitat

ille, qui diligentiam sufficientem adhibuit, permittiturque à Paulo accedere ad communionem. Sed hoc non sufficit ad fructum Eucharistiæ recipiendum. Alioquin is, qui putans inuincibiliter se esse baptizatum, communicaret, reciperet eius fructum, quamuis non esset baptizatus: quod est falsum. Et qui non esset attritus villo modo, iustificaretur putans bona fide post sufficientem diligentiam se posse licite communicare. Quod tamen improbable est, ob rationem paulò ante allatam, quia scilicet peccatum non remittitur adulto sine aliqua detestatione illius, & contritione latè sumpta, ex Trident. sess. 14. cap. 4.

Secundum quoque argumentum eiusdem sententiæ sumptum ex ratione non excedit probabilitatem, ut per se patet, ideoque non adimit probabilitatem secundæ sententiæ. Prior tamen magis placet, quam etiam alibi, ut magis probabilem sequuti sumus: præcipue propter auctoritatem D. Thom. quæst. 79. art. 3. in c. & in 4. distinct. 9. quæst. 1. art. 3. quæstiuncula 2. magnæque partis Theologorum, & ob rationem superius expositam, quæ sufficit ad tribuendum valde probabiliter hunc effectum sacramento Eucharistiæ. Ad rationem autem propositam in contrarium, desumptam ex institutione sacramenti, Respondeo nutrimentum conuertendum in substantiam alicuius facultatis ipsius naturalis, cuiusmodi est alimentum corporeum, non prodesse quidem mortuis, quippe qui carent tali vi & facultate. Secus autem spiritale, quod è contrario suscipientem in se quodammodo conuertit. Maxime verò cum ille, de quo loquimur, non ita sit mortuus, quin aliquem vitæ spiritualis actum exercent, & cum attritione, ac bona fide deuotè, reuerentèrque ad sacramentum accedat. Sacramenta autem viuorum (cuiusmodi sunt omnia, exceptis Baptismo, & Poenitentia, quorum ille ad suscitandum mortuum peccato Originali, vel actuali ante regenerationem commissio institutus est, hæc ad suscitandum mortuum per actualia post Baptismum commissio) sic idcirco appellantur, non quod nunquam possint prodesse mortuis: sicut nec illa ita sunt mortuorum, ut non possint prodesse viuis: sed dicuntur sacramenta viuorum, quia per se ex primaria intentione, & secundum propriam dispositionem, quam ex institutione, vi primariæ intentionis requirunt, gratiæ vitam præsupponunt in subiecto: Licet ex benignitate & secundaria intentione Christi, fragilitatis hominum miserationis, eam tribuere possint accedentibus bona fide cum attritione, ut probabiliter de Dei misericordia præsumitur. Cætera quæ adduntur in objectione, probant tantum secundariam hanc intentionem non posse propriè dici esse per accidens. In quo est quæstio de nomine.

10.

S. Thom.

SECTIO II.

Quo tempore vel instanti Euharistia gratiam conferat: & utrum operetur post sumptionem, quamdiu species sacramentalis durat in stomacho?

11. DE quaestione proposita dissensio est inter Theologos. Aliqui enim putant gratiam dari successivè, quamdiu sumptio durat, vel quamdiu species sunt in stomacho. Alii eo instanti, quo communicans inter sumendum est optimè dispositus. Alii eo instanti, quo primò verum est dicere, sacramentum iam comestum esse secundum aliquid sui, qualecunque illud sit. Alii eo instanti quo primò totum comestum est.

12. Ego cum Vasque disput. 203. cap. 2. num. 18. & Suare disput. 63. sect. 4. rem incertam, Christique sapientiz, & arbitrio reliquendam existimo. Deinde probabilius arbitror, gratiam simul, & instantaneè produci, cum primùm est sumptio sacramenti. Nam sicut reliqua sacramenta operantur simultaneè eo instanti, quo primùm essentialiter sunt perfecta, & applicata subiecto. Sic & istud, quod, non minus quam illa, est causa naturalis, id est, non libera; & operatur necessariò cum primùm & quantum potest: & cuius applicatio propriè, & per modum cibi, & potus, in comestione & potione consistit, iuxta illud Christi, *Qui manducat me, vivet propter me: Qui manducat meam carnem, & bibit meum sanguinem, habet vitam eternam.* Ioan. 6. Manducare autem, vel bibere, non est in os accipere simpliciter, vel in guttur immittere. Neque enim censentur comedere, & ieiunium frangere, qui in os, vel in guttur cibum, & potum immittunt, si non absorbeant, ut in gargarismo fit: Sed est cibum, & potum trahere usque ad stomachum, ut aliqui volunt: vel, ut alii, infra aliquam partem gutturis, nobis quidem incertam & ignotam, in se tamen certam ac determinatam, & Deo notam. Cum ergo primùm verum est, cibum aut potum sacramentalem partem illam transire, vel in stomachum ingredi, tunc gratia produci-
tur. Tunc enim sacramentum applicationem & conditionem necessariam ad operandum habet, nec est quidquam quod ipsum ab operando retardet. Christus enim Ioan. 6. nihil aliud, nisi manducationem requirit: & ita magis commendatur Christi liberalitas, & sacramenti efficacia, morienti inter communicandum melius providetur, quam si quid aliud desideretur: si enim contingeret agrotum recipientem partes pervenerit, reciperet nihilominus effectum sacramenti. Proportio verò inter

hunc cibum & communem, non est in omnibus querenda: alioqui sicut nutritio non fit ex cibo communi, nisi post eius corruptionem: sic neque fieret ex cibo Eucharistico, nisi post eius defitionem.

Neque assentior Aegid. Coninc ad quaest. 79. dub. 2. num. 28. Suari disp. 63. sect. 4. & 5. Delugo disp. 12. num. 46. Ysamb. ad quaest. 79. disp. 3. art. 2. & aliis affirmantibus pium affectum aequalem, si adsit, & exerceatur perseveranter toto illo tempore, quo species sumuntur, aut in stomacho durant, efficere ut sacramentum ex opere operato pergat infundere gratiam. Hoc enim tamen probabilitate non caret, ut dicemus inferiùs; probabilius tamen esse mihi videtur Eucharistiam, sicut alia sacramenta, infundere instantaneè gratiam totam, quam confert ex opere operato, tunc cum primùm sufficienter applicatur subiecto. Pius autem ille affectus potest quidem augere gratiam ex opere operantis: sed non facit ut sacramentum pergat operari, aut operetur iterum infundero augmentum gratiæ ex opere operato. Alioquin plurimum prodesset legniori stomacho esse, aut plures, vel maiores hostias sumere: unde ortus erat abusus quorundam sacerdotum in Hispania, plures, aut maiores hostias amicis suis distribuentium. Quia abusus, ut superfluitius, tublatus fuit, & repressus auctoritate inquisitionis: teste Vincentio Fernandes, in repetitione de Eucharistia parte 9. dubio unico, num. 1.

Respondet Delugo disp. 12. num. 65. id esse per accidens: sicut etiam per accidens vtilius esse potest retinere aliquam particulam in ore, quam postea deglutias; vel tardius venire presbyterum, ex quo sequitur longior dispositio communicandi. Per se autem non prodesse, quia tota illa dispositio potest premitti ante communionem hostiæ parvæ, & per consequens potest haberi tantus effectus gratiæ. Idemque n. 48. hanc rationem addit ad suam, & aliorum supra citatorum sententiam probandam. Quia Eucharistia causat gratiam per modum cibi nutritientis. Quare susceptio, seu manducatio se habet solum ut conditio & applicatio, non ut virtus agendi. Ergo dum cibum ipse fuerit in stomacho, poterit operari: siquidem habet secum totam virtutem, & ibi adest totum sacramentum. Ergo sicut in primo instanti potuit: sic etiam poterit agere in toto tempore sequenti. Causa enim necessaria debite applicata non est cui non operetur.

Sed contra: Primò, Non est per accidens in quod pertinet, id est, ex natura ipsius rei, & semper ac necessariò sequitur ut talis causa. Atqui ex hostia maiori, per se, & semper, ac necessariò sequitur quod plus daret in stomacho, cæteris paribus, de quo locum maiori augmento gratiæ, in hac opinione. Secundò, nego vtilius esse retinere aliquam particulam Eucharistiæ in ore, quam post alias deglutiantur. Eucharistia

13.

Fernand.

14.

Refellius
causio.

enim confert totum suum effectum, cum primum verum est, cibum illum, secundum aliquam sui partem, sufficientem ad comestionem, manducatum esse, ut diximus paulo superius. Tertio, ad rationem allatam Respondeo causam necessariam, quæ potest simul totum suum effectum operari, non operari successivè. Atqui nulla est ratio asserendi non posse Eucharistiam, æquè ac alia sacramenta, operari simul totum effectum suum, quo primum instanti sufficienter applicata est. Neque potest reddi ratio, cur Baptismus non pergat operari, dum longo tempore continuatur ablutio, vel trina missio more antiquo; sed operetur quidquid potest, cum primum ablutio sufficiens est, & verba essentialia prolata: Eucharistia verò operetur successivè quamdiu est in stomacho. Adde quod hoc argumentum probaret, debere vi primæ dispositionis tamdiu operari, sine continuatione actuum, aut accessu novæ dispositionis; quod tamen negant Suarez, Delugo, & alii huius sententiæ assertores.

15. *Quid si sacramentum Eucharistie non prius habuit effectum?* Loquor autem de effectu gratiæ sanctificantis: nam quoad alios effectus, puta dulcedinem spiritalem, auxilia, & similia, quæ dantur tempore opportuno; non nego dari posse, & sæpiissime dari, quamdiu Eucharistia est in stomacho communicantis, per continuos, aut iteratos actus devotionis ad illos effectus secundarios se disponentis. Loquor etiam in casu, quo sacramentum Eucharistie iam habuit effectum in primo instanti sufficientis manducationis: quem effectum nego augeri vi sacramenti ex opere operato, propter actus pios, qui exercentur quamdiu species durant in stomacho. Nam alioqui, si contingat aliquem esse indispositum primo illo instanti, posteaque se sufficienter disponere, dum pergit comestio sacramenti, aut dum species incorruptæ durant in stomacho: non nego gratiam conferre ex opere operato, ut rectè post Caietanum, Gabrielem, Maiorem, & plures alios docet Ysambert. quæst. 79. disp. 3. art. 2. propos. 3. Quia causæ naturales id est, necessariè operantes, quæ propter impedimentum, & indispositionem subiecti non operantur, cum primum applicantur, sortiuntur postea suum effectum, quando remouetur impedimentum, tolliturque indispositio, modò non desit sufficiens applicatio. Atqui sacramentum Eucharistie operatur per modum causæ naturalis, & necessariæ, estque sufficienter applicatum, quamdiu species trahuntur in stomachum, aut in eo perseverant. Ergo, &c. Confirmatur, quia 6. ut probabile est, & à multis assertum, Eucharistia postquam desit physicè, reuiuiscit obice remoto, & operatur suum effectum, sicut Baptismus, & alia sacramenta: par aut maior est ratio ut illum habeat, dum adhuc physicè existit.

16. *Quare minus cohærenter philosophantur, meo iudicio, aliqui aduersariorum, qui do-*

cent Eucharistiam, quamdiu durat in stomacho, operari, si continuetur dispositio, vel si melior ponatur: & tamen negant operari, si peccator conteratur de indigna sumptione; antequam species corrumpantur in eius stomacho. Neque vilius est momenti ratio differentie, quam assignant: quia scilicet, inquit, quamvis cibus ille diuinus sit adhuc in stomacho; non tamen prodest, nisi prout cibus voluntarius, seu voluntariè acceptus. Tunc autem non potest eo modo prodesse: quia acceptio voluntaria, fuit facta in statu peccati: perseverantia autem sola non sufficit, nisi prout coniuncta cum voluntaria acceptione illius cibi. Contra enim, quamvis non prodest Eucharistia nisi voluntariè accipienti, saltem adulto: potest tamen accipi voluntariè ab indisposito. Potest enim stare voluntas recipiendi cum actuali indispositione, & indigna receptione, defectu præviæ confessionis sacramentalis, aut contritionis in casu necessitatis. Dicere autem quod non prodest, nisi voluntariè accepta in statu gratiæ, est petitio principii, & contra ipsosmet aduersarios, qui non negant prodesse recipienti bona fide in statu peccati mortalis, cuius ignarus est. Dicere quoque non prodesse sacramenta, nisi voluntariè suscepta, voluntate minimè vitiosa & culpabili, repugnat communi doctrinæ Theologorum ab aduersariis ipsis receptæ, de reuiuiscencia baptismi quamvis cum obice positiuo recepti scienter & liberè.

17. Minus etiam cohærenter philosophantur iidem, quando dicunt talem indignè communicantem non teneri se disponere post sumptionem, quamdiu species durant in eius stomacho; & non continuò peccare peccato sacrilegi, & indignæ communionis quamdiu non conteritur. Nam potius tenetur grauius non impedire voluntariè ne sacramentum physicè existens, & applicatum, sortitur suum effectum primum. Cumque nondum illum habuerit, tenetur sub peccato graui procurare ut habeat: adeoque tenetur conteri, & se disponere toto eo tempore, quo sacramentum præsens est, potestque, ac debet operari, si non impediatur.

Neque magis aptè, & consequenter philosophantur Aegid. Coninc quæst. 79. Dub. 2. num. 18. & Ysambert. art. supra citato propos. 2. quando dicunt sacramentum Eucharistie non pergere operari, & augere gratiam, nisi varietur dispositio, ita scilicet, ut vel intensior fiat, vel noua accedat. Etenim si, ut ipsi dicunt, sacramentum Eucharistie ideo debet pergere operari quamdiu durat in stomacho, quia sacramenta melius operantur in subiecto melius disposito; subiectum autem melius disponitur, quando dispositio sit intensior, aut aliqua noua accedit: debet pariter magis operari, quando durat & continuatur post sumptionem eadem dispositio. Quia dispositio, quæ plus durat, melior est, cæteris paribus. Et sicut eadem dispositio, si præfuisset ante sumptionem, &

inconstans
Aduersa-
riorum.

Quid si dispositio vitiosa sit?

longius durasset, concurrisset dispositiue ad maiorem gratiam vi sacramenti obtinendam: ita debet post sumptionem ad maiorem disponere, si sacramentum adhuc operari potest. Atque hoc etiam verum esse debet in casu, quo dispositio ita durat, vt tamen sit remissior. Nam etiam tunc melior est dispositio durans, licet facta remissior, quam si tota desineret in ipsa receptione: quia duratio confert aliquid, & auget bonitatem, & maliciam actuum humanorum.

18. Non placet denique, neque satis coherenter dictum videtur id quod ait Aegid. Coninc. dub. cit. num. 31. Sicut sumptio sacramenti, etsi physicè loquendo, duret per aliquod tempus, tamen si loquamur de ea moraliter, & in ordine ad producendam gratiam, acceptatur eodem modo à Deo, ac si tota compleretur in instanti, ideoque sacramentum in instanti operatur: ita omnem dispositionem ad gratiam, quam habet communicans, vsque ad vltimum instans communionis, etsi physicè loquendo successiue fiat, & secundum qualdam partes sequatur primum instans communionis: à Deo tamen in ordine ad gratiam sacramentalem, eodem modo acceptari, ac si præcederet primum instans communionis. Ideoque sacramentum primo illo instanti conferre totam gratiam quæ illi toti dispositioni respondet: ita vt reliquo tempore sumptionis non augeatur gratia vi sacramenti. Ratio est, inquit, quia cum toto illo tempore homo verè, ac realiter sumat Christum, & tam perfectè in vltimo instanti, atque in primo: omnis dispositio, quæ vltimum instans præcedit, est vera dispositio ad communionem, eamque secundum aliquam sui partem præcedit. Ergo sicut totum tempus, quo durat communicatio, computatur quodammodo pro instanti: ita etiam debet computari totum illud tempus, quo augetur illa dispositio, quasi hæc esset posita primo instanti: quia est eadem vtriusque ratio.

Sed contra: Primò, Si hæc doctrina vera est: ergo debet haberi ratio totius dispositionis, in primo instanti, non modò in casu, quo non variatur, id est, eadem tantum perseverat: sed etiam in casu, quo feruentior, & maior fit, aut quo nouus actus superuenit. Ergo etiam tunc non debet augeri gratia successiue vi sacramenti, quamdiu durat comestio, & feruentior aut noua dispositio: sed tota debet primo instanti dari. Deinde iuxta eandem doctrinam debet haberi ratio, eodem primo instanti, non modò totius illius dispositionis quæ intenditur, aut accedit, vel continuatur inuaria, dum comestio durat, seu traiectio in stomachum: verum etiam quamdiu sacramentum in illo perseverat. Hoc enim æquè potest pro vno instanti communionis, & nutritionis spiritalis reputari. Tertiò, est contra communem sententiam Theologorum, & contra veritatem, dicere Deum in sacramentis efficiendis, aut in effectu eorum præstando, habere ratio-

nem dispositionis, quæ nondum est. Alioquin iustificarent eo instanti, quo perficiuntur essentialiter, intuitu illius, quamuis tota sublequeretur physicè receptionem sacramenti. Quod omnium consensu falsum est. Et potius est de natura dispositionis, vt præexistat formæ, & physicè præeat effectui, ad quem introducendum, & recipiendum disponit subiectum.

His tamen, quæ parum coherenter asseruntur, correctis, fateor contrariam sententiam non carere probabilitate. Potuit enim sacramentum Eucharistiæ ita institui, vt operetur gratiam, non solum quando recipitur, sed etiam post, quamdiu durat, modò subiectum quomodocunque melius disponatur. Prodest enim per modum cibi, & habet esse permanens: in quo sicut differt à reliquis sacramentis: ita potest ab illis differre, quòd non solum in primo instanti comestionis operetur, sed etiam quamdiu durat, & subiecto applicatum manet. Neque contrarium villo euidenti argumento conuincitur. Et aliunde valet hæc sententia ad excitandos homines, vt maiori pietate, & diligentia se colligant, exerceantque actus feruentiores post sumptionem Eucharistiæ, vt maiorem effectum gratiæ consequantur vi illius ex opere operato. Quanquam ad homines excitandos sufficit Eucharistiæ operari solere tunc temporis alios effectus dulcedinis spiritalis, & auxiliorum gratiæ, vt paulò antediximus. Valet etiam hæc sententia ad magis commendandam efficaciam diuini huius sacramenti, si verum est habere virtutem operandi gratiam non solum quando primum recipitur, sed etiam quamdiu durat, modò non desit dispositio extensiue, aut intensiue melior. Et cum manducatio sit tantum applicatio istius cibi sacramentalis, in quo est tota virtus operandi, sitque tantum conditio sine qua non: probabile est cibum istum operari non in applicatione solum, sed etiam post quamdiu durat: quia applicatio causæ solet esse utilis ad effectum, non solum quando actu fit, verum etiam postea, quamdiu causa manet applicata subiecto.

SECTIO III.

An qui communicat sub utraque specie, plus gratia recipiat, quam qui sub vna?

20. **R**espondeo affirmatiue, cum Vasq. disp. 215. cap. 2. Marat. disp. 33. sect. 4. Ioan. Præposito ad quæst. 80. art. 12. Dub. 3. Delugo disp. 12. de Euchar. sect. 3. num. 68. & sequentibus, Casalio lib. 2. de Cena Domini, Arboreo in c. 6. Ioannis, Ruar. do art. 15. contra Lutherum, 5. *Respondeo utramque speciem*, Alensi parte 4. quæst. 32. membro 1. art. 2. in fine. Idemque responsum probabile esse fatentur Suarez disp. 63. sect. 6. Sotus in 4. distinct. 12. quæst. 1.

Q q q 3

19.
Resolutio
quæstio-
nis.

art. 1. & alii plures, quos citat Henriquez lib. 8. de Eucharistia cap. 44. in comment. circa 5. s.

21. **Conclusio affirmativa probatur.** Probatum primò, auctoritate Clementis VI. qui in Bulla ad Regem Gallie data, concedit illi communicare sub utraque specie, *et maius, inquit, gratie augmentum.* Non esset autem maius gratie augmentum per se loquendo, ac vi concessionis sumendi utramque speciem, nisi utraque plus gratie, quam una sola, conferret. Secundò, probatur ratione, quam subtilius prosequitur Vasquez cap. citato. De efficacia sacramentorum iudicandum est, aut ex Scriptura, aut ex traditione, seu definitione Ecclesie, aut si nihil horum suppetat, ex ipsamet sacramenti significatione. Cum enim sacramenta noue legis sint signa rei sacre sanctificantis nos, suntque effectiua illius rei sacre, quam significant (in quo differunt à sacramentis legis veteris) non malè ex significatione eorum efficacitatem & virtutem colligimus. A qui sacramentum Eucharistie, institutum sub duplici specie in modum perfecti conuiuii ad spiritalem animæ refectionem, significat duplicem gratiam, & refectionem spiritalem. Vnam, quæ respondeat cibo materiali, & refectioni per cibum ad sedandam famem: Alteram potui respondentem, ad sedandam sitim. Ergo quælibet duarum specierum significat gratiam diuersam, & consequenter eam efficit. Ergo plus datur gratie per utramque, quam per unicam; cum significatio sacramenti id postulet, & contrarium neque ex Scriptura, neque ex traditione, seu definitione Ecclesie constet.

22. **Confirmatur.** Confirmatur, quia non est dubium, quin potuerit Christus sacramentum Eucharistie ita instituere, ut plus gratie per utramque speciem, quam per unicam conferretur: essetque in eo simile prophano conuiuium, quod sicut in illo plus est refectionis per cibum, & potum, quam per alterum solum, quo non fit perfecta refectio: sic in conuiuium Eucharistie plus gratie, & refectionis spiritualis acquireretur utraque specie reficiente instar cibi, & potus; quam unicam solam. Atqui si Christus ita instituisse, quid aliud facere debuisset, quam quod fecit? Aut quid aliud dicere ad declarandam huiusmodi intentionem, quam quod dixit Ioan. 6. *Caro mea uerè est cibus, & sanguis meus uerè est potus?* Ergo ita instituisse credendus est, si nihil aliud obstat.

23. **Contraria sententia.** Contrarium sentiunt D. Bonauentura, Ricard. Gabr. Caiet. Alanus, Bellarm. & alii plures, quos citant, & sequuntur Suarez suprà, Aegidius Conine quest. 79. art. 1. dub. 2. conclusione 3. & Ylambert. ad q. 80. disp. 7. art. 3. Obiiciunt autem primò, Christum authorem gratie sub qualibet specie totum contineri. Ergo sub qualibet æquè sanctificat. Respondeo primò, Per accidens esse sacramento, quod Christus totus sub qualibet specie contineatur. Nam vi verborum ponitur tantum corpus sub specie

panis, & sanguis sub specie uini. Neque in tribus duo mortis Christi fuisset Christus totus sub qualibet specie: quamuis sacramentum tunc idem fuisset essentialiter, eandemque significationem & virtutem habuisset. Secundò, Respondeo Christum solum non esse causam gratie; sed species, quæ sunt pars sacramenti, & signi efficacis, esse quoque partem causæ instrumentaliter sanctificantis. Tertio, Christum non operari in sacramentis quantum potest, sed quantum uult. Apparet autem ex institutione, uoluisse Christum diuersimodè operari sub diuersis speciebus: & sub specie panis, confortare per modum cibi; sub specie uini, inebriare, & lætificare per modum potus: Atque ita sub utraque simul integram refectionem præstare.

Obiiciunt secundò, Differentiam esse inter refectionem corporalem, & spiritalem: quia cum fames & sitis corporalis differant inter se; debent cibo, & potu diuerso expletæ: earumque expletio & resectio diuersa est. At uerò fames, & sitis spiritualis idem sunt, eandemque gratia sanctificante expleantur, atque earum expletio, & resectio est unus, & idem effectus, quæquæ sit à qualibet specie, licet ambæ simul perfectius, atque expressius illum significant.

Respondeo famem, & sitim animæ dici metaphoricè per analogiam ad famem, & sitim corporalem: quatenus sicut corpus indiget cibo, & potu materiali, ut uiuat: sic anima indiget gratia. Quamuis autem ex parte animæ idem sint fames, & sitis spiritualis, saltem in actu primo (nam in actu secundo potest diuersis actibus gratia expleri per modum cibi, & potus) & gratia, quæ reficitur, sit eadem specie: differat tamen realiter numericè, vel intensiue quoad gradus, secundum quos augeri potest, & dari diuersimodè secundum diuersas analogias, sicut res ipsa fit in aliis sacramentis. Nam in Baptismo datur gratia ad regenerationem: in Confirmatione, ad robur: in Pœnitentia, ad sanitatem animæ, &c. licet sit eadem gratia specie, quæ regeneramus, corroboramus, & sanamus. Quæ identitas gratiæ specificæ non impedit, quin sit diuersa significatio, & efficacia Baptismi, Confirmationis, & sacramenti Pœnitentiæ, diuersusque effectus, & finis, ad quem referuntur. Sic ergo licet eadem specie gratia detur per quamlibet speciem, quæ gratia per se ualet contra famem & sitim animæ: potest tamen per utramque maior dari, & secundum diuersam analogiam ad cibum, & potum materiale, plenamque, & integram refectionem ex utroque constantem.

Obiiciunt tertio, Non aliud significari per utramque speciem, quam per unicam, sed tantum idem expressius significari: & non differre ex parte rei significatæ, sed tantum in modo significandi. Nam Christus significatus idem est; & gratia eadem, quæ anima reficitur quoad famem, & sitim, quæ in anima idem sunt, Perfectior autem signi-

24. **Obiectio secunda.**

Differentia ne fames & sitis animæ?

25. **Tertia obiectio posita.**

ficatio non est causa maioris gratiæ. Alio-
qui baptisumus datus per trinam merfionem
daret maiorem gratiam; quia magis signifi-
cat sepulturam, & resurrectionem moralem
cum Christo per emundationem animæ à
peccato, & renouationem ad vitam spirita-
lem. Et hostia, cui Christi crucifixi imago
est impressa, melius Christi mortem repræ-
sentat; & matrimonium per verba contra-
ctum melius significat consensum, quam
per nuptus; & tamen non plus gratiæ dat, si-
cut neque moneta plus valet, quamuis Re-
gis imaginem melius expressam gerat.

16. Respondeo negando antecedens, Nam
per speciem consecratam panis, id est, ver-
bis moraliter coniunctam, significatur tan-
tùm directè, & per se, corpus Christi in mo-
dum cibi; & per speciem vini, sanguis in
modum potus. Item per speciem panis si-
gnificatur gratia, vt respondens ei refe-
ctioni corporali, quæ sit per panem susten-
tationem, & confortationem. Per speciem au-
tem vini significatur gratia, vt respondens
refectioni, quæ sit per vinum laxificans cor
hominis. Quæ gratia duplex esse debet, vt
respondeat duplici refectiõni materiali per
cibum, & potum, vnam perfectam, & inte-
gram constituentem. Quare non tantum signi-
ficatur perfectiùs idem effectus, vt in exem-
plis allaris baptisimi, & matrimonii: sed ma-
ior, & nouus effectus significatur per alter-
am speciem; adeoque efficitur; cùm signi-
ficatio efficax esse debeat. Alia verò exem-
pla non sunt ad rem: cùm imago Christi im-
pressa hostiæ non pertineat ad significatio-
nem sacramentalem: & Rex non instituerit,
vt moneta plus valeat, si melius expressam
eius imaginem gerat: quemadmodum Chri-
stus instituit, vt sacramenta efficiant gra-
tiam, quam significant.

17. Obiiciunt quare, Sanctum Thomam
opuscul. 88, cap. 32. affirmare tam utilem, &
dulcem esse laicis sanguinem Christi sum-
ptum sub specie panis, quam sit sacerdotibus,
sumptus sub specie vini. Et 34. parte quæst.
80. a. 1. ad 3. ait posse sumi corpus sine san-
guine, nec inde sequi aliquod detrimentum.
Quæ duo sunt falsa, si species vtrique plus
gratiæ confert, quam sola species panis. Ne-
que enim hoc posito tam utilis laicis est per-
ceptio solius speciei panis; & patiuntur ali-
quod detrimentum, si priuantur effectu illo
gratiæ. Vnde haberent iustam causam con-
querendi de Ecclesiâ, statuente vt à calicis
communione abstinere.

3 Thom. Respondeo, Verba D. Thomæ priori lo-
co hæc esse: *sicut sacerdos sumit sanguinem
Christi sacramentaliter de calice; ita fidelis popu-
lus sumit ipsum intellectus aliter de ipso Christi cor-
pore.* & paulò post: *Hic potus fidelem mentem
dulcedine sua delectat.* Quæ verba fideliter, vt
iacent, relata, nihil fauent aduersariis. Po-
steriore loco D. Thomas per detrimentum, in-
telligit priuationem rei ad salutem necessa-
riæ. Alioquin Ecclesiâ damnum quoque in-
ferret infantibus, quos priuat omnino com-
munionem Eucharisticam: & omnibus fidelibus,

quibus non permittit sæpius quotidie Eu-
charistiam sumere. Et quidem S. Thomas
ibidem rationem afferens, cur laici non pa-
tiantur detrimentum, non ait, quia tantum-
dem gratiæ recipiunt, vt dicere debebat, si
sensisset quod volunt aduersari: sed, *quia,*
inquit, *sacerdos in persona omnium sanguinem
offert, & sumit; & sub qualibet specie totus Chri-
stus continetur.* Neque propterea iustam ha-
bent ansam laici conquerendi, si Ecclesiâ ad
sacramenti reuerentiam, & ad vitanda multa
inconuenientia, sanxit vt specie panis con-
tenti sint: alioqui possent etiam iuste con-
queri, quod propter sacramenti reueren-
tiam sanxerit, ne sæpius eodem die celebre-
tur, aut sumatur, vtque infantes, & amen-
tes eo priuentur: maxime cùm gratiæ aug-
mentum per calicem, quo priuantur, possint
facile compensare per frequentiores com-
munionem sub specie panis, sub qua etiam
Christum integrum sumunt.

Obiiciunt quintò, Tridentinum sess. 21.
cap. 3. asserere fatendum esse etiam sub al-
tera tantum specie totum, atque integrum
Christum, verumque sacramentum sumi, ac
propterea quod ad fructum attingit, nullam
gratiæ necessariam ad salutem eos defraudari,
qui vnam solam speciem accipiunt: & can. 3.
asserit totum, & integrum Christum om-
nium gratiarum fontem, & authorem, sub
vna specie panis sumi.

Respondeo, Priora verba Tridentini no-
bis potius fauere, neque enim dixit simplici-
ter, *nulla gratia defraudari*: sed consultò ad-
didit, *necessaria ad salutem.* Ad posteriora
dico Christum omnium gratiarum fontem
non conferre sub qualibet specie omnes gra-
tias, neque operari, quantum potest, sed
quantum vult, & quantum instituit. Addo
teste Suare, & Aegidio supra, multos viros
graues affirmare, pleròque de Patribus Tri-
dentinis sensisse plus gratiæ tribui per veram-
que speciem, quam per vnicam, tamen ea
loquendi moderatione Concilium vsum esse
videtur cap. 3. citatò, vt ab vtrius senten-
tia definienda abstineret. Quæ moderatione
correxerit tacitè caput trigesimum secundum
Synodi prouincialis Moguntinæ sub Seba-
stiano, xlii. annos ante Tridentinum habi-
tæ, in qua nimis confidenter sic fuerat pro-
nunciatum: *Cum autem nemo fidelium dubitet,
virtutem sacro-sanctæ Eucharistiæ non ex specie-
bus pendere, sed ex viuifica Christi carne, & san-
guine provenire: iam ne hoc quidem quisquam fi-
delis dubitare debet, illum sub vna spe. te commu-
nicandi morem ad salutem fidelium equè utilem
& efficacem esse, quàm alterum sub vtraque;
cùm constet non minus decipi in vna specie.* Et
quidem cum nullus recentiorum illorum,
qui à nobis dissentiant, ac ne quidem Do-
ctorum Germanorum, qui Moguntinæ do-
cuerunt, vt Becanus, vtatur hac Concilii de-
finitione ad confirmandam contrariam sen-
tentiam, eaque non obstante Theologi com-
muniter doceant, gratiam pendere à specie;

28.
Quinta ob-
iectio ex
Trident.

Fauteris
Trident.

bus, ut à parte sacramenti, addantque non pauci esse probabile, aut probabilius veramque speciem plus gratiæ conferre; colligo illam synodum, saltem quoad hoc, non fuisse à Summo Pontifice approbatam, cuiusque definitionem nullius esse momenti, quæ aliqui quæstionem clarè decideret. Sed & in Summa Conciliorum nihil refertur ex illa Synodo.

SECTIO IV.

De aliis effectibus sacramenti Eucharistiæ.

29.
Primus effectus, gratia per modum nutritionis.

Ex præcipui effectus Eucharistiæ numerantur, & exponuntur à D. Thoma q. 79. art. 1. & quinque sequentibus, quorum aliquos iam explicauimus, & breuiter tantum hic perstringemus: ut aliis fusiùs nunc dicemus: & omnes eodem ordine, quo D. Thomas illos proposuit, recensebimus.

Primus est gratia per modum nutritionis. Patet ex Florentino in Decreto 9. *Huius sacramenti effectus, quem in animam causat, & Trident. sess. 13. cap. 2. De eodem effectu loquebatur Christus Ioan. 6. cum diceret, Panis, quem ego dabo, caro mea est promundi vitæ. Et, Qui manducat me, viuet propter me. Et quidem vim cauſandi gratiam habet ex eo quod est sacramentum nouæ legis. Specialiter vero eam causat in modum nutritionis, quia in modum cibi, & potus instituta est, iuxta illud Ioan. 6. *Caro mea verè est cibus, & sanguis meus verè est potus.* Et Matth. 26. *Accipite & comedite, Hoc est corpus meum. Bibite ex hoc omnes, Hic est enim sanguis meus.* Dicitur autem, cauſari gratia in modum nutritionis, eoquod differre à gratia, quæ per alia sacramenta confertur, non ratione quidem solius entitatis, quæ vbiq; similis est, similiterque informat: sed ratione finis, & auxiliorum gratiæ, quæ sunt ei annexa, & preparata ad eundem finem. Cætera enim sacramenta ad alios effectus, & fines peculiare gratiam conferunt. Baptismus ad regenerationem. Confirmatio ad robur, & statum virilem in vita spiritali: Pœnitentia ad resurgendum à peccato: Extrema vñctio ad leuamentum ægritudinis, aut animæ, & felicem ac facile exitum ex hac vita. Ordo ad conferendam potestatem efficiendi validè, aut licitè ministeria Ecclesiastica. Matrimonium ad coniuges sanctificandos, muniendosque subsidiis, quibus conuenienter status ille sustineri possit. Eucharistia verò gratiam tribuit, tum ut cum Christo vnus spiritus, & vna caro quodammodo ſiamus, & aliquo pacto in ipsius naturam tranſeamus, sicut solemus participare qualitates ciborum, quibus vescimur, illorumque substantiam nobis vnire: tum etiam ad excitandum feruorem charitatis contra peccati fomitem, & peccata ipsa, seu venialia, seu mortalia: ut perseueremus in*

vita spiritali, reparemusque detrimenta per peccati fomitem illata: sicut per nutritionem corpoream sustentamur, & perseueramus in vita corporea, occurrimusque detrimentis illatis per actionem caloris naturalis, & agentium contrariorum vires naturales paulatim consumentium.

Secundus effectus est gloria æterna, cuius adipiscendæ causa est Eucharistia, non tantum quatenus est causa gratiæ, & consequenter gloriæ, cuius illa radix & semen est: verum etiam peculiariter, quatenus causa est perseuerantiæ, nutriendo, & fouendo vitam spiritalem; & coniunctionis, atque vñionis cuiusdam carnis nostræ cum carne Christi, ratione cuius concorporei Christi, & consanguinei ſimus, ut loquitur Cyrillus Catech. 4. Mystag. & caro de carne Christi, atque os de ossibus eius, & quodammodo duo in carne vna, ut Irenæus, Chrysost. Damasc. alique loquuntur. Vnde fit ut corporibus nostris speciali titulo debeatur immortalitas, & vita æterna, iuxta illud Christi Ioan. 6. *Qui manducat meam carnem, & bibit meum sanguinem, habet vitam æternam: & ego resuscitabo eum in nouissimo die.* Alias duas rationes claras, & faciles addit S. Thomas quæst. 79. artic. 2. in corp. quarum priorem sumit ex efficacia passionis Christi, quæ aperuit nobis aditum vitæ æternæ, secundum illud Hebr. 9. *Noui testamenti mediator est, ut morte intercedente, qui vocati sunt, accipiant reſpromissionem hereditatis.* Posteriorem sumit ex refectione cibi spiritalis, & vñitate significata per species panis, & vini, quæ imperfectè solum habentur in præſenti, perfectè autem in statu gloriæ, iuxta illud Augustin. tract. 26. in Ioan. *Cum cibo, & potu id appetant homines, ut non esuriant, neque sitiant: hoc veraciter non præstat nisi iste cibus, & potus, qui eos, à quibus ſumuntur, immortales, & incorruptibiles, facit in societate sanctorum, vbi pax erit, & vñitas plena, atque perfecta.* Sed circa priorem rationem obseruandum est, passionem Christi esse causam vniuersaliorum, quàm sacramentum Eucharistiæ, à quo non adæquatur, neque ad omnem eius effectum applicatur: sed secundum Dei dispositionem, atque mensuram. Alioquin vna communio, ne consequeremur quidquid per alia sacramenta, & media, virtute passionis nobis comunicatur. Nam passio Christi ad hæc omnia simul conferenda sufficientem vim habet.

Tertius effectus est remissio peccati mortalis, & infusio primæ gratiæ, non per se quidem, id est, ex primaria intentione Christi instituentis: sed per accidens, cum quis æterit bona fide accedit. Qui effectus probabilis est, ut patet ex dictis sect. 1.

Quartus est remissio peccati venialis. Patet ex Trident. sess. 13. cap. 1. vbi hoc sacramentum ait esse antidotum, quo liberamur à culpis quotidianis, & à peccatis mortalibus præſeruamur. Per culpas autem quotidianas, quas à peccatis mortalibus distin-

30.

Secundus effectus, gloria æterna.

31.

Tertius effectus, remissio peccati mort.

Quartus remissio peccati venialis.

guit, & velut alterum membrum diuisionis opponit; intelligit peccata venialia: Cumque dicit nos per hoc sacramentum ab illis liberari, & non solum præseruari, vt ait de mortalibus, significat se loqui de liberatione redemptionis, seu remissionis; & non tantum præuentionis.

32. Dupliciter remittit venialia.

Duobus autem modis remitti possunt. Prior est immediatus: quando sine alia dispositione per se sufficienti ad remissionem venialium, tolluntur tamen vi huius sacramenti, realiter suscepti. Posterior est medius: quando scilicet virtute huius sacramenti excitatur, Deo præueniente, voluntas ad exercendum actum de se sufficientem ad remissionem eorum obtinendam: cuiusmodi est sine dubio actus contritionis de venialibus, vel actus feruentis charitatis virtualiter illis oppositus. Verumque ponit D. Thomas art. 4. quæst. 79. & utrque probabilis est. Potuit enim conuenienter sacramento Eucharistiae tribui vis illa, vt per se immediate, id est, sine alia dispositione per se sufficienti, valeret ad delenda venialia: atque etiam vt remotè, & mediatè posset ea delere per actum charitatis supernaturalis de se sufficientem ad eorum remissionem. Cum enim sit commune omnibus sacramentis, vt præter gratiam habitualement, tribuant suo tempore, rite suscipientibus, & in gratia perseverantibus, nec aliter diuinæ liberalitati obstitentibus, auxilia actualia ad exercendos actus charitatis, aliarumque virtutum supernaturalium: hæc quod attinet ad charitatem, id multò magis conuenit huic sacramento amoris, instituto ad nutriendam, fouendamque amicitiam diuinam, quod potissimum fit feruentioribus actibus charitatis. Ac sicut gratia habitualis, prout hoc sacramento datur, specialiter tendit ad unitatem, & coniunctionem amissimam cum Christo: ita specialiter tendit ad amorem actuale, & exercitium amicitiae. Est quoque valde consentaneum vt Christus in hoc sacramento existens, in quo diuini amoris sui erga homines diuitias velut effudit, vt Tridentinum loquitur: eisdem vicissim peculiari modo ad sui amorem excitet.

33. Refectio spiritualis dulcedinis.

Atque hinc illa resectio actualis spiritualis dulcedinis, de qua D. Thomas quæst. 79. artic. 1. ad 3. quando scilicet anima spiritaliter delectatur, & quodammodo inebriatur dulcedine bonitatis diuinæ, iuxta illud Cant. 5. *Comenite amici, & bibite, & inebriamini charissimis*. Non est tamen necessarium, neque verum, effectum illum tribui semper in vltu ipso sacramento Eucharistiae rite suscepti. Nam neque experientia id ostendit, sed potius oppositum: neque ex Scriptura, vel Conciliis, aut SS. Patribus id colligitur: neque ex natura ipsius sacramenti. Licet enim per modum alimenti fuerit institutum: & vt ait Florentinum in Decreto, post D. Thomam art. citato in corpore, omnem effectum habeat proportiona-

liter, quem materialis cibus, & potus habent; sustentet, reparet, augeat, delectet: alimentum tamen corporale dum alit, non dat necessariò actum secundum, sed esse, & actum primum: non esse simpliciter, & funditus, sed esse additum, & superueniens. Neque etiam reparat illo ipso instanti, quo sumitur: sed quando sufficientes dispositiones id exigunt. Delectatio verò est alimento accidentalè, ex eo proueniens, quod alimentum sentitur, & placet. Simpliciter enim potest alimentum sumi sine delectatione, & sine sensu, & sine aduertentia, & sine vigilia. Quare ex ratione alimenti dari non debet Eucharistiae, tanquam constans, & necessarius effectus, vt in ipso vltu pariat actualement feruorem charitatis, & delectationem, seu dulcedinem, aut vt reparet aliquid: Licet hoc illi valde conueniat, & frequenter contingat in subiecto bene disposito.

34. Quintus effectus est remissio peccatorum debitorum.

Quintus effectus est remissio peccatorum debitorum. Qui effectus Eucharistiae conuenit, non tantum quatenus sacrificium est, qua ratione satisfaciendi vim habet, & placandi, ac propriiandi Deum, vt disput. 55. sect. 1. explicabitur. Verum etiam quatenus sacramentum est. Nam cum, vt sacramentum, habeat vim remittendi peccatum mortale, & veniale, modo superius explicato; & peccatum non remittatur sine aliqua remissione peccatorum: consequens est vt peccata aliquam tum peccato remittat. Loquor autem de remissione ex opere operato, & non per viam impetrationis, aut meriti de congruo, quam à fortiori competere summptioni, aut celebrationi Eucharistiae, si cõferatur, dubitari non potest.

35. Sextus effectus est præseruatio à peccatis futuris.

Sextus effectus est præseruatio à peccatis futuris. Patet ex Trident. sess. 13. cap. 2. vbi ait hoc sacramentum institutum fuisse, vt antidotum, quo præseruemur à peccatis mortalibus. Eodè que pertinent illa Christi verba Ioan. 6. *Hic est panis de caelo descendens, ut si quis ex ipso mannaauerit, non moriatur. &c. Nisi manducaueritis carnem filii hominis, & biberitis in sanguinem non habebitis vitam in vobis*: vbi de vita spiritali sermo est: quæque dicuntur à Sanctis Cyrillo, Cypriano, Chrysost. Bernardo, aliisque Patribus, ad ostendendam sacramenti huius utilitatem, & quodammodo necessitatem ad diu standum & perseverandum in gratia. Quæ de re plura videri possunt apud Suarem disp. 63. sect. 9. conclus. 2. & Delugo disp. 12. sect. 4. vbi notat hunc effectum præstari ab Eucharistia quinque modis. Primò, quatenus causat copiosam gratiam gratum facientem. Secundò, quatenus animam spiritali dulcedine inebriat, minusque sensibilem reddit & facilem ad impressionem tentationum. Tertio, quatenus fugat Dæmones, qui concupiscentias inordinatas solent excitare. Quarto, quatenus mentem illuminat, iuxta illud Ioan. 1. *Quæritis summa mundo, lux sum mundi*, illuminans scilicet eos, ad quos accedit, & in quibus inhabitat corporaliter,

Quinò denique, quatenus minuit fomitem concupiscentiæ, impediens, vel debilitans motus carnis illicitos, excitansque contrarios. Quæ omnia Scripturæ, & Patrum testimoniis appositè confirmat. Nota præterea non semper, neque infallibiliter tribui piè communicantibus auxilia efficacia ad perseuerandum, alioquin non exciderent à gratia, ut frequenter contingit.

§ 6.

His sex effectibus à D. Thoma enumeratis, alios addunt recentiores Theologi. Nam præter suauitatem quandam, & dulcedinem deuotionis, quam Deus magna cum animi præparatione communicantibus impertiri solet, feruoremque charitatis exuberantis, & erumpentis ad opera Deo grata, non modò necessaria, seu præcepta, sed etiam supererogationis; sicut aqua feruere dicitur, quando exuberat intra vas, & dilatans se undique, foras erumpere conatur: Ultra hunc, inquam, effectum, quatuor alios numerant ad corpus pertinentes, quod in primis quodammodo sanctificat suo contractu, sicut olim instrumenta passionis contractu corporis Christi sanctissimi, & nunc sacra vasa Eucharistiæ inseuerantia, eius contractu sanctificantur, & sacrantur: ut inter alios docet Cyrillus Catech. 4. Mystag. Secundo, ardorem concupiscentiæ minuit, & iræ feruorem, aliaque prauas affectiones corrigit. Vel humores temperando, unde fomes peccati mitigetur: vel per gratias præuenientes


corroborando mentem, ut fomiti præualeat: vel auocando imaginationem à peccati illecebris, & in animam infundendo spiritualis suauitatis affluentiam, quæ in corpus quodammodo redundet, ipsumque sopiat, & abstrahat à rebus terrenis, ut cor, & caro nostra simul in Deum viuum exultent: vel denique procul arcendo Dæmonem, ne libidinem, & malos in nobis affectus accendat. De quibus vide Cyrillum lib. 4. in Ioan. cap. 17. Hieron. in cap. 9. Zachariæ ad illa verba, *Vinum germinans virgines*: & Chrysost. Homil. 45. in Ioan. Ad hæc tertio, corpus communicantis vnit sibi quodammodo: non vnione physica, sed morali, simili illi, quæ fit inter coniuges per vinculum matrimonii. Et quarto denique, ratione huius vnionis corpus nostrum disponit ad resurrectionem; ad quam non modò nouum titulum confert, sed e iam gratiam abundantiorē ad obtinendam resurrectionem gloriosiorē. Plura de his Suarez disp. 64. Vasq. disp. 204. Delugo disp. 12. sect. 5. & Aegidius Coninc in Dubio ad art. 8. quæst. 79. vbi addit præterea, tanquam probabile, Christum Dominum in hoc sacramento vitali modo concurrere ad effectus prædictos; quemadmodum, cum viueret, concurrebat ad opera miraculosa: ita ut eatenus sacramentum Eucharistiæ vitaliter operetur, & non tantum mortuo modo, ut operantur reliqua sacramenta.

Alii quatuor effectus ad corpus pertinentes.

DISPUTATIO TRIGESIMA QUINTA.

De præparatione, ad Communionem, & frequenti illius vsu.

- Sectio I. *Quam dispositionem requirat Eucharistia ex parte animæ ad gratiam conferendam?*
 Sectio II. *Resutantur errores quorundam recentiorum præcedenti doctrinæ contrarii.*
 Sectio III. *Respondetur argumentis aduersariorum.*
 Sectio IV. *Liceatne ad Communionem accedere cum conscientia peccati venialis actualis, aut habitualis?*
 Sectio V. *Quæ dispositiones requirantur ex parte corporis ad sumpcionem Eucharistiæ?*
 Sectio VI. *De frequenti vsu communionis: & primò an & quatenus sit licitus?*
 Sectio VII. *Quam frequenter unicuique communicare expediat?*
 Sectio VIII. *Observationes circa doctrinam præcedentem, & solutio argumentorum.*



DE argumento proposito disputat S. Thom. quæst. 80. art. 3. & sequentibus vsque ad decimum. Docetque primò, Peccatum mortale impedire ex necessitate receptionem huius sacramenti, priuareque illius effectui. Secundò, Tametsi iniusti realiter accipiant Christum in Eucharistia: grauius tamen peccare, quoties ad illam sumendam accedunt, cum conscientia peccati mortalis. Tertiò, Peccatum illud esse valde graue, quamuis absolutè non sit omnium grauissimum: nam grauiora sunt per se loquendo, ea quæ committuntur in ipsam diuinitatem, aut in ipsam humanitatem Christi, quàm quæ committuntur contra sacramenta. Quartò, Peccatori publico petenti publicè negandum esse hoc sacramentum: secus autem occulto, quia communionis accipiendæ ius in Baptismo acceptum nullo publico peccato amisit. Quintò, Eam pollutionem nocturnam, quam nullum peccatum mortale præcessit, non impedire quidem necessariò sacramenti perceptionem: decere tamen sic indispositum abstinere: nisi ratio specialis aliud facere suadeat. Sextò, Ex præcepto Ecclesiastico non esse ad illam accedendum nisi ieiunis, propter sacramenti honorem & significationem, periculùmque vomitus, & ebrietatis. Septimò, Non esse dandam carentibus vsu rationis, nisi aliàs mentis compotes fuerint, tuncque illius sumendæ deuotionem ostenderint. Potest enim illis in articulo mortis exhiberi. Octauò, Vtile esse quotidie sacramentum hoc sumere, vt quotidie fructus eius percipiatur. Vnde Ambros. lib. 4. de Sacram. cap. 6. *Si quotiescunque, inquit, effunditur sanguis Christi, in remissionem peccatorum effunditur, deo semper accipere. Qui semper pecco, deo semper habere medicinam.* Quia tamen requiritur vt cum magna deuotione ac reuerentia accedatur: idcirco si aliquis se quotidie ad hoc paratum inueniat, laudabile est quòd quotidie sumat. Vnde August. serm. 18. de Verbis Domini, cum dixisset, *Accipe quotidie, vt quotidie tibi profuit:* subiungit, *Sic viue, vt quotidie merearis accipere.* Et quia multoties in pluribus hominum multa impedimenta huius deuotionis occurrunt, propter corporis indispositionem, vel animæ: non est utile omnibus hominibus quotidie ad hoc sacramentum accedere, sed quotiescunque ad illud homo se inuenerit præparatum. Huc vsque D. Thomas, cuius doctrina sequentibus sectionibus fusiùs declarabitur.

SECTIO I.

Quam dispositionem requirat Eucharistia ex parte animæ ad gratiam conferendam?

1.
Prærequi-
ritur Bap-
tismus.



RESPONDEO, Et dico primo necessarium esse vt ille qui recipit Eucharistiam priùs acceperit sacramentum, & characterem Baptismi. Ratio est quia Baptismus est sacramentum regenerationis. Sicut autem in na-

turalibus prius est generari, quàm nutrir: sic prius est regenerari sacramentaliter per Baptismum, quàm nutrir per Eucharistiam. Confirmatur ex dictis de Sacramentis in genere, & de Baptismo vbi ostendimus Baptismum esse ianuam Ecclesiæ, darèque capacitatem participandi illius bonis, & aliis sacramentis: ita vt sine illo præuiò non possint vtiliter, ac ne quidem sacramentaliter recipi: vt de sacramento Pœnitentiæ disertè affirmat Trident. sess. 14. cap. 2. Patet etiam ex dictis in tractatu citato disp. 21. sect. 3. Recipientem Eucharistiam debere esse pu-

rum viatorem, id est, nondum comprehensum per gloriam, seu visionem beatificam: nam aliis receptio non est sacramentalis, & operatiua.

Dico secundò, Requiritur ut nemo ad communionem accedat scilicet, & liberè cum conscientia peccati mortalis, quod per sacramentum Pœnitentiæ non expiauerit, si eius conscientia habet, quantumvis sibi contritus videatur. Enim definitum est, aut declaratum est Trident. sess. 13. c. 7. ubi docet hanc esse conditionem ab Apostolo, vel à Christo præceptam 1. Corinth. 11. v. 28. ut Ecclesiæ consuetudo declarauit: cuius antiquitates testantur Concilia Nicænum, Ancyranum, & Ephesinum, & SS. Patres Cyprianus, Chrysostomus, Augustinus, Leo, & alii à Suare relati disp. 66. sect. 3. conclus. 1. Auctor quidem libri de salutaribus documentis apud August. tom. 4. cap. 33. citatum Pauli versus interpretans, *Probet autem seipsum homo, &c.* subiungit: *Quando enim illud (Eucharistiæ sacramentum) accipere debemus, antea ad confessionem, & Pœnitentiā recurrere debemus: ne, ut ait, paulò post, cum proditore Iuda damnemur.* Cyprianus verò tum in sermone de lapsis, tum in epist. 10. aliisque locis, inuehitur in eos, qui peccatis obstricti ante Ecclesiæ reconciliationem, & absolutionem peccatorum obtentam, ad Eucharistiā accedebant. Quamuis autem sine sacramento Pœnitentiæ possit remissio peccati mortalis obtineri per contritionem, ut docet Trident. sess. 14. c. 4. Quia tamen contritio difficilis est, minusque certa, & nota elicienti, merito semper ab Ecclesia obseruatum est, ut propter reuerentiam tanti sacramenti medium certius, & notius confessionis adhiberetur. Atque hæc observatio, huic sacramento peculiaris, satis ostendit plus in illo esse, quàm in ceteris: nimirum non qualemunque virtutem significandi, & efficiendi gratiam: sed ipsum etiam gratiæ, & sanctitatis auctorem Christum.

3. Hoc autem est intelligendum de dispositione necessaria per se. Nam per accidens, in casu ignorantie, vel inaduertentie, sufficere potest ad gratiam vi huius sacramenti recipiendam attritio formalis, aut virtualis, accedenti bona fide, id est, cum ignorantia inculpabili sui status, aut suæ obligationis: ut probabile esse diximus præcedenti disp. sect. 1. Ratio verò istius necessitatis procurandi remissionem peccati mortalis ante communionem, est quia Eucharistia est sacramentum viuorum, cum sit instituta per modum cibi, & potus ad spiritualem nutritionem, quæ vitam præsupponit. Ideoque per se loquendo, & secundum Christi institutionem, primamque voluntatem, quicumque post Baptismum mortaliter peccauit, debet ante communionem recuperare gratiam, & vitam spiritualem. Quod ut certius fiat, debet, si potest, confiteri sacramentaliter, quantumcunque etiam se contritum existimet, ut definit Trident. c. supra cit. & can. 11. eiusdem sess. 13.

Quod si copia non sit confitendi, & tamen instet necessitas communionis, satis erit, si diligenter, & ex animo contritio procuretur, ut subindieat Trident. in fine cap. cit. ubi præterea obligat sacerdotes, ut si peccati mortalis sibi consci, non præmissa confessione (ante Sacrum scilicet inchoatum) celebrauerint; confiteantur quamprimum poterunt, id est, prima commoda occasione non prætermittenda, neque diu, putà ultra triduum, dilata: abstinendo interea ab iterum celebrando. Qua de re plura dicemus inferius disp. 49. sect. 8. Hoc autem præceptum sacerdotibus impositum à Tridentino, neque ad Laicos, neque ad alios casus circa ipsos sacerdotes extendi debet, sed accipi simpliciter, & præcisè, ut verba sonant.

Porro casus necessitatis, in quo communicatio sine præuia confessione sit licita, duplicem debet includere necessitatem. Vnam recipiendi sacramentum Eucharistiæ: alteram non subiiciendi peccata sacramento Pœnitentiæ, propter impotentiam physicam, aut moralem. Veramque Trid. cap. cit. insinuat, cum ait, *necessitate urgente, &, modò non desit copia confessoris.* Prior necessitas esse potest, si mors imminet, & Viaticum nondum acceptum sit: si parochus ex officio celebrandum sit, ut populo satisfiat die festo, vel ut infirmo detur Viaticum: si communicatio sine infamia omitti, vel ulterius differri non possit, aut si ne graui scandalo: si sacrificium iam inchoatum sit absolueundum; si periculum sit ne species consecratæ prophænetur nisi consumantur. Secunda verò necessitas esse potest, quando vel nullus adest sacerdos, vel talis, ut non habeat facultatē absolueudi à peccato mortali admissio, & reservato, vel qui secretum sit proditurus, vel linguam pœnitentis ignoret. Quando tamen sacerdos adest, etsi ea omitti possunt, à quibus absolueere nequit, vel de quibus timetur reuelatio, vel quæ aliam ob causam aperiri non possunt: probabilius est, & coherentius cum supra dictis, teneri saltem ad ea confitenda, quæ potest, & à quibus potest directè absolui à confessario illo tanquàm iudice legitimo, & habente iurisdictionem circa huiusmodi peccata: ut satisfiat intentioni Tridentini, & rationi præcepti; dumque ista peccata directè remittuntur, cætera quoque omnia remittantur indirectè per medium certius, & notius sacramento Pœnitentiæ: quamuis multi contrariū sentiant apud Suar. disp. 66. sect. 4. quorum sententia est probabilis, & tuta in praxi. In defectu autem sacramenti Pœnitentiæ, adhibendum est medium contritionis: quæ nihilominus non est ita necessaria, quin per accidens attritus solum bona fide accedens iustificari possit, ut probabiliter S. Thomam, alioique multos sentire supra vidimus.

Notandum tamen aliquos esse casus, in quibus licet sumere Eucharistiā cum conscientia peccati mort. nō præmissa contritione, nec confessione. Putà, si infideles irrumperant in Ecclesiā, & Eucharistiā conculcatur;

Quid si desit copia confitendi?

4.

Quæ necessitas ex-cuset à confessione ante communionem?

caturi sint, nisi mox à se sumatur; neque periculum pariat moram necessariam ad procurandam contritionem, si sacerdos in Missa recorderetur peccari mortali à se commissi, nec sine scandalo immorari possit, aut differre, & cessare quamdiu est opus, ut interea contemneretur, aut confiteatur. Ita Vasq. disp. 207. cap. 1. n. 3. & Delugo disp. 14. sect. 1. n. 3.

Hinc collige tertio, requiri ut communicans à peccato mortali abstineat tempore communionis eo instanti, quo Sacramentum operari debet. Veniale autem actu commissum in sumptione ipsa non impedit simpliciter effectum gratiae habitualis, cui non repugnat incompatibiliter, neque ex natura sua, neque ex divina ordinatione. Impedit tamen actualem refectionem dulcedinis spiritualis: quoniam impedit actualem deuotionem, & unionem affectus cum Deo, ac feruorem charitatis, necessariū ad refectionem illam dulcedinis spiritualis, ut docet S. Thom. q. 79. art. 8. Dixi, non impedire simpliciter, id est, omnino effectum gratiae: nam ex parte impedire potest, quando scilicet priuat dispositione, non quidem necessaria simpliciter ad effectum Sacramenti, sed tamen utili, & tali ut ad eius praesentiam Sacramentum melius operetur, ac plus gratiae conferat; iuxta id, quod alibi diximus Sacramenta melius operari in subiecto melius disposito. Praeterea impeditur totalis, & perfecta remissio peccatorum venialium. Nam illud ipsum peccatum, quod admittitur, non potest simul committi, & remitti. Impeditur etiam abundantia auxiliorum, & gratiarum praeuenientium, quae dantur crebriora melius dispositis, magisque pie, & sancte communicantibus. Sed haec tam grauiora, vel necessaria non sunt, ut ad ea procuranda in usu Sacramenti, vel non impedienda, grauiter obligemur, & sub poena peccati mortalis. An vero saltem nouum peccatum veniale sit communicare in statu peccati venialis actualis, vel etiam habitualis, dicemus inferius sect. 4.

Addit Caiet ad art. 1. quæst. 79. post Alesensem, Antoninum, Durandum, & Paludanum, requiri omnino deuotionem actualem in communicante: & non sufficere virtuale, id est, quæ præcesserit, & duret virtualiter, ad recipiendum augmentum gratiae per Sacramentum Eucharistiae. Sed hæc sententia est contra S. Thom. quæst. cit. art. 8. in cor. & ad 1. meritoque reicitur ab aliis communiter. Primo, quia sine solido fundamento id asserit, tamque grauem obligationem sine sufficienti ratione imponit. Secundo, quia in omnibus aliis sacramentis sufficit deuotio virtualis. Ergo & in isto: neque enim redditur sufficiens ratio differentiae, ut patebit ex solutione argumentorum Caietani. Tertio, si deuotio actualis esset omnino necessaria ad effectum gratiae per hoc Sacramentum recipiendæ, sequeretur adultos peccare mortaliter, quando scienter, & libere accedunt sine actuali deuotione: mirum quia scienter, & libere ponunt obicem primario effectui Sacramenti. Quarto, non deberet dari Eucharistia adultis, qui in phre-

Tom. IV.

nesim inciderunt, aut usum rationis aliter amiserunt paulò ante mortem: qui tamen, iuxta communem usum Ecclesiae, non priuantur viatico, si absque alio incommodo possunt communicare. Ut omittam infantes, incapaces talis deuotionis, communicasse in antiqua Ecclesia, non frustra, & sine fructu: puto enim auctores supra citatos opinionem suam limitare ad adultos.

Obijcit Caiet. primo, sacerdotes plurimos quotidie communicantes parum proficere in spiritu, & feruore charitatis: quod non aliunde prouenit, nisi ex eo quod sine actuali deuotione communicant, atque ita non percipiunt augmentum gratiae, & ius ad auxilia copiosiora. Secundo, Eucharistia debet operari ad instar cibi materialis. Hic autem non operatur sine actuali cooperatione viuientis, à quo conuertitur in propriam substantiam.

Ad primum Respondeo, augmentum gratiae, & habituum supernaturalium, non sentiri per se: quia non dant facilitatem, & inclinationem sensibilem, ut habitus naturales, sed tantum dant posse operari. Auxilia verò actualia non dantur copiose illis, qui distracti curis aliis, vel tepidi, impediunt ne dentur, & non satagunt illis uti ad bene operandum. Quamquam experientia docet plures eiusmodi sacerdotes diu ab omni peccato mortali abstinere: quod sine maioribus, & copiosioribus auxiliis gratiae non fit. Addo vix esse viros sacerdotes, qui non habeant aliquem actum deuotionis in tota communionem, quandiu species accipiuntur, aut in stomacho durant: quod sufficere putat Caiet. loco citato: & tamen illorum plurimi parum videntur proficere in spiritu, & feruore charitatis. Ergo id aliunde prouenit.

Ad secundum Respondeo differentiam esse, quia cibus materialis conuertitur in nostram substantiam, nostra propria actione, quæ debet digeri, & corrumpi, & in nostram mutari. At cibus ille spiritualis debet potius nos in Christum conuerrere actione sua, & efficacia sacramentali, quæ tota penes ipsum est, nobis tantum passive, & dispositiue concurrentibus. Dispositio autem potest præcedere physicè, & manere virtualiter, ut fit in aliis sacramentis. Et confirmatur, quia hoc sufficit in intentione, quæ tamen magis necessaria est, quam deuotio. Illa enim requiritur necessario ad esse Sacramenti respectu adultorum: hæc verò tantum ad bene, & utiliter esse, siue ad operari.

Quarto, quia Deus adultos & infantes iustificat iuxta modum suæ conditionis, requirit in adultis, ut accedant tanquam adulti, hoc est, humano modo scienter, & libere: Et accedant velut ad rem sacræ cum aliquo pio affectu, saltem virtuali, & desiderio consequendi effectum Sacramenti. Infantes verò non egent tali affectu, cuius etiā capaces non sunt, quamuis non sint incapaces sacramenti, & effectus Eucharistiae. Ut liquet ex usu Ecclesiae, quæ olim paruulos communicabat, teste Dionysio cap. 1. & 7. de Ecclesiast. Hierarchia, Cypriano in Sermone de lapsis,

Rrr

Soluerunt
argumenta
contraria.

Requiritur
pius affectus in adultis.

Requiritur
de deuotio
actualis in
communi-
cando ad
effectum
huius Sa-
cramenti.

August. epist. 23. ad Bonifacium, Euagrio lib. 4. histor. cap. 35. Alcuino in lib. de Divinis officiis cap. de Sabbato S. Paschæ, & Concilio Toletano XI. Can. XI. eundemque vñm licitum fuisse docet Tridentinum sess. 21. cap. 4.

10. Dices hinc sequi infantem, & amentem, qui casu comedat Eucharistiam, putans esse cibum prophanum, habiturum effectum Sacramenti. Respondeo cum Delugo disp. 13. sect. 3. ita esse, non modò de infantibus, aut amentibus qui nunquã vñm rationis habuerunt: sed etiam de illo, qui habuit, voluitque Eucharistiã sibi prodesse, si contingeret eã casu à se sumi, modo prædicto: si tamen habeat intentionẽ, & dispositionem saltem habitualementem. Quamquam enim non potuit antecederet velle ita sumere, sed tantum eo modo, quo religiosè dari, & sumi solet: potuit tamen velle consequenter sumere vt Sacramentum, & ad effectum gratiæ, posito quòd contingeret eam sibi occurrere edendã modo prædicto inculpabili. Sicut infirmus, quãvis nò possit antecederet licitè velle accipere extremã vnctionem à simplici sacerdote, presente & invito Parocho: potest tamẽ velle consequenter accipere, vt Sacramentum, posito quòd ille sacerdos dare velit iã priuato vñm rationis, & non valenti contradicere. Potest enim velle in eo statu accipere vt Sacramentum, à quocunq; validè accipiat. Adultus verò sui compos debet quidẽ habere propinquiorẽ dispositionẽ. Si tamẽ propinquẽ satis, & cum affectu pio sufficienti vellet Eucharistiã casu sumptã sibi prodesse, & vt Sacramentum eam sumere, si fortè occurrat incogitãti: puto ei profuturã cum Delugo, & Desalas quem citat in fine sectionis supra relatæ. Neque verò malũ est, velle vt profit quãvis casu sumatur: velleque sumere vt Sacramentum: dummodo vitetur periculum voluntarium, & probabile communicandi modo indebito. Hoc enim est velle solum præstare Sacramento reuerentiam, quãtam potest hic & nunc in tali circumstantia inculpabili.

11. Quintò denique, quia communio est actus virtutis religionis excellentissimus, requirit ex ipsa rei natura vt fiat reuerenter, attentè, & deuotè, ex bono fine, & cum debitis circumstantiis, quarum defectus voluntarius est peccatum veniale, non impediens quidem effectum primarium Sacramenti, qui est infusio gratiæ, sed maiorem illius perfectionem (maior enim daretur subiecto melius disposito) vel etiam aliquos effectus secundarios spiritualis dulcedinis, & auxiliorum gratiæ per illustrationem intellectus, & pias motiones voluntatis, quæ sæpe dantur magis deuotè & piè communicantibus, vt supra diximus cum D. Thoma quæst. 79. art. 8. Enimvero si est illicitum, & saltem venialiter malum, orare v. g. sine debita attentione, cum distractione voluntaria, vel ex fine disconuenienti, & leuiter malo, putã vanæ gloriæ: multò magis censendus est peccare venialiter ille qui ex simili fine,

vel cum pari distractione & irreuerentia communicat scienter & liberè. Et vt ait Trident. sess. 13. cap. 7. Si non decet ad sacras vñas functiones quempiam accedere, nisi sanctè; ceriè quòd magis sanctitas, & diuinitas cælestis huius Sacramenti viro Christiano comperta est, ed diligentius cauere ille debet, ne abique magna reuerentia & sanctitate, ad id percipiendum accedat. Loquor autem de defectu, aut peccato veniali pertinente directè ad ipsam actionem communicandi. Nam de aliis quæ se tenent dumtaxat ex parte communicantis, merèque per accidens & concomitanter se habent ad communionem, dicemus infra sect. 4. siue illicitum Eucharistiam sumere, in statu talis peccati venialis, actualis, aut habitualis.

SECTIO. II.

Refutantur errores quorundam Recentiorum præcedenti doctrinæ contrarij.

13. **C**ontra eã quæ diximus de præparatione necessaria, & sufficienti ex parte animæ, ad recipiendum venerabile Sacramentum, eiusque effectum primarium, qui est gratia sanctificans per modum nutritionis, sentiunt aliqui moderni, quorum doctrina, quantum ad præsentem quæstionem attinet, quatuor sequentibus propositionibus continetur; tam inconstanter tamen & ambigüe à quibusdam illorum tradita, vt idem variis locis, sæpius affirmant & negant.

1. Non satis esse illum, qui peccati mortalis sibi conscius est, confiteri sacramentaliter ante communionem, sed debere publicam pœnitentiam agere, sicut fiebat in Ecclesia primitiua, cuius consuetudo ab annis circiter quingentis interrupta reuocari debet. Nec enim fuit legitimè abrogata: neque potuit abrogari, cum esset ex Christi institutione, & ordinatione inuariabili. Sed eã quæ loco illius substituta fuit, & ab eo tẽpore viget, totã fere Ecclesiã, est intolerabilis morũ corruptio, & inordinata; scdãque disciplinæ Ecclesiasticæ relaxatio, quæ generali totius orbis impœnitentiæ fauet, ideoque libenter ab omnibus admittitur: eò vsque vt per stupendam cecitatem disciplina Christi, & Apostolorum adeo nunc laxata sit, vt videantur homines totis viribus eniti omnia illius vestigia prorsus abolere.

2. Nihilominus suæ intentionis non esse publicam illam pœnitentiã restituere eo rigore, quo fuit obseruata in antiqua Ecclesia: sed aliquam dumtaxat illius partem, fragilitari Christianorum huius temporis magis accommodatam: nihilque illius fere aliud se velle retinere, quàm dilationem communionis ad sex circiter menses: quæ dilatio erat præcipua pars illius publicæ pœnitentiæ: magis enim Deum honorat, magisque illi placet, & satisfacit confusio, quæ ex tali dilatione concipitur: quàm vñm

13.
Prima pos.
positio
Dogmatica

13.
Secunda
propositio

aliud opus bonum sine tali confusione seu pudore animi.

Tertia pro-
positio.

3. Pœnitentiam illam publicam imponi debere pro quibuscumque peccatis mortalibus, etiam occultis, & pure internis: illumque fuisse morem antiquæ Ecclesiæ, cuius defectio est fœda corruptio: neque verò sacerdotalem absolutionem esse impertiendam pœnitenti, nisi postquam pœnitentiam publicam egerit, peccatis eius, quoad fieri potest, proportionatam; ferè tamen, aut præcipuè, in dilatione communionis consistentem, ut pauldante dictum fuit. Quia nimirum, ut ipsi existimant (licet non omnes æquè perspicuè sentium suum aperiant, sed nonnulli verborum inuolucris obtegere conentur) absolutio sacerdotis nihil aliud est, quàm declaratio remissionis à Deo obtentæ per opera pœnitentiæ, & canonica reconciliatio cum Ecclesia, ac restitutio illius Sacramentis, præcipuèque Eucharistiæ, quæ peccator erat priuatus ob peccatum mortale. Eademque de causa dicunt attritionem non sufficere in Sacramento pœnitentiæ, sed perfectam contritionem necessariam esse: quia tunc solum veta est sententia sacerdotis quando subiungitur remissionem peccatorum prius à Deo factam. Quin etiam non obicere affirmant, non statim posita contritione perfecta recuperari gratiam, & remissionem peccatorum: sed per longam pœnitentiam & satis actionem obtineri: neque homines momento de statu peccati transire ad gratiam vi contritionis, sed potius opera externa pœnitentiæ talia esse interdum, ut suppleant defectum contritionis & doloris interni, debeantque sufficere sacerdoti, cui etiam magis nota sunt.

14.
Quarta
propositio.

4. Denique, licet confessionem peccatorum venialium necessariam esse non putent ante communionem, imò potius videantur illam penitus improbare, velut inusitatam in antiqua Ecclesia, quæque impedit ne fideles cognoscant, & discernant eos qui labuntur in peccata mortalia, egentque ipsorum precibus, & reconciliatione: tamen ad communionem tantam requirunt vitæ sanctitatem, & animæ puritatem, ab omni affectu peccati venialis, etiam habituali liberam, ut vix ulli Christianorum huius temporis, ac ne Apostoli quidem illam attigerint: quæque si esset necessaria, ut ipsi persuadere conantur, essent omnes Christiani arcendi à communionem, & nullus eorum sine peccato sacrilegi communicaret. Hoc autem præcipuè probant ex Dionysio cap. 3. Eccles. Hierarch. part. 3. affirmante, consuetudinem, & statutum Ecclesiæ sui temporis fuisse, ut relicterentur à communionem, & ante illam eiicerentur ab Ecclesia non modò Carechumeni, peccatores, & energumeni: verum etiam illi, qui licet à vitiis ad virtutem transiissent (id est, pœnitentes) non tamen à phantasmatis, & imaginibus vitiorum præteritorum purissimo Dei amore purgati erant: atque etiam illi, qui nondum soli

Deo perfectè sunt uniti, & ut Scriptura loquitur, omnino perfecti, planèque irreprehensibiles.

Verum tota hæc doctrina tam manifestos errores continet, ut mirum sit locum apud Catholicos reperire potuisse. Nam prima illius propositio, quatenus affirmat non sufficere ad communionem, secundum institutionem & ordinationem Christi, ut qui sibi conscius est peccati mortalis, præmittat confessionem sacramentalem, & obtenta absolutione accedat ad Eucharistiam, reuerenter scilicet, & deuotè, sicut natura illius actus religiosi postulat; satis apertè damnata fuit à Concilio Trident. sess. 13. cap. 7: ubi postquam dixit, viro Christiano diligenter cauendum esse, ne abique magna reuerentia, & sanctitate ad Sacramentum hoc percipiendum accedat, præsertim cum illa plena formidinis verba apud Apostolum legamus, *Qui enim manducat & bibit indigne, iudicium sibi manducat, & bibit, non diiudicans corpus Domini*: subiungit, explicans cuiusmodi præparatio necessaria sit ad non indigne communicandum, vitandumque Dei iudicium, & condemnationem: *Quare comuni are volenti reuocandum est in memoriam eius præceptum: Probet autem se ipsum homo. Ecclesiastica autem consuetudo declarat, eam probationem necessariam esse, ut nullus sibi conscius mortalis peccati, quantumvis sibi contritus videatur, absque præmissa sacramentali confessione ad Sacram Eucharistiam accedere debeat.* Estque notandum diligenter Concilium Trident. toto eo capite agere ex professo de præparatione necessaria ad communionem: cuius capitis titulus est, De præparatione, quæ adhibenda est, ut dignè quis Sacram Eucharistiam percipiat. Quam etiam præparationem tam exactè declarat, ut præscribat quid non modò Christianis laicè communicantibus, verum etiam ipsis sacerdotibus quibus ex officio incumbit celebrare, faciendum sit ex præcepto: quibus singulariter iniungit, ut ipsi etiam confiteantur ante celebrationem; si non desit illis copia confessorum ac si necessitate urgente, abique præuia confessione celebrauerint, quamprimum postea confiteantur. Quod si Concilium existimasset necessarium esse publicam pœnitentiam communioni præmittere, iuxta præceptum Apostoli, & Christi ordinationem: sine dubio illud non prætermisisset præsertim cum optimè intelligeret contrariam iam esse, diuque antea fuisse Ecclesiæ consuetudinem, adeoque transgressionem huius obligationis esse generalem.

Sed & illa ipsa consuetudo Ecclesiæ damnat erroris, & temeritatis eandem propositionem aduersariorum: quippe quæ, ut ipsi fatentur, ab annis circiter quingentis vltimæ publicæ pœnitentiæ prætermisit (exceptis paucis criminibus grauioribus, & scandalosis, pro quibus etiam nunc aliquam pœnitentiam publicam imponi vult ad arbitrium Episcoporum) statimque post priuatam confessionem sacramentalem pœnitentes

15.
Refellitur
prima pro-
positio.

16.
Non vacat
errore &
temeritate.

Trident.
sess. 13. cap.
8. de Ref.

Trident.
sess. 24. cap.
8. de Ref.

ad Eucharistiae participationem admittit. Quod enim tota per orbem frequentat Ecclesia, de eo recte fiat, an secus disputare (vel quod peius est reprehendere) insolentissimum est insaniam, ut recte ait D. August. epist. 118. ad Ianuar. Et quod amplius est, in capite, *Ad abolendam, de Hæreticis*, anathematizantur quicunque de Sacramentis aliter sentire aut docere non metuant, quam sacrosancta Romana Ecclesia prædicat, et observat. Aliter autem sentiunt qui ipsam errasse in eorum administratione docent. Errasset autem gravissime in Eucharistiae administratione, si ommissio publicæ poenitentiae (quam non modò tacite vsu tam generali, tamque diuturno approbavit, verum etiam expresse in Trident. verbis supra relatis, & expensis) esset scæda morum corruptio, & inordinata disciplinæ relaxatio, fauens impoenitentiae generali totius orbis, ut dicunt aduersarij, contrariaque Christi ordinationi inuiolabili & vni de præcipuis Christianæ religionis veritatibus, ut iidem affirmant, & persuadere conantur.

17.
Peccat contra sanctitatem & infallibilitatem Ecclesie.

Quod cum asserunt, peccant iterum graviter contra Ecclesie sanctitatem, & infallibilitatem in fide & doctrina morum, qua infallibilitate sublata, nutat fides Catholicorum, euerso eius fundamento præcipuo: & via sternitur hæreticis, qui semper aliquam Ecclesie corruptionem in fide, aut morum disciplinam caulantur, eiusque reformatæ studium, suis erroribus & nefariis conatibus prætexunt. Multum etiam detrahunt eius auctoritati, si putat modum illum agendi poenitentiam, non à Christo ut ostendimus alibi, sed ab Ecclesia institutum, non potuisse ab ipsa abrogari, vel mutari in alium fragilitati hominum magis accommodatum: Qui error damnatur à Trident. sess. 21. cap. 2. affirmante hanc potestatem perpetuò in Ecclesia fuisse, ut in Sacramentorum dispensatione, salutem illorum substantiam, ea statueret, vel mutaret, quæ suscipientium utilitati, seu ipsorum Sacramentorum venerationi, pro rerum, temporum & locorum varietate, magis expedire iudicaret. Damnatur etiam vsu perpetuo Ecclesie, quæ sæpius tali potestate usa est in multis aliis ad Sacramentorum administrationem pertinentibus: ut in muranda trina mersione Baptismi in vnicâ, vel in asperersionem qualis nunc fit: in prohibenda laicis cõmunionem calicis; in gradibus consanguinitatis ampliâdis, vel restringendis circa matrimoniû: & in ipsa publicæ poenitentiae impositione, & poenitentium admissione ad Eucharistiâ. Nam in ipsa antiqua Ecclesia modò seuerior, & difficilior, modò mitior fuit, ut ostendimus paulò post. Et denique facultas Theologica Parisiensis in censura contra Theophilum Bracher, edita hoc ipso anno, 1644. die 18. Iunii, pronunciauit temerarium esse atque erroneû & hæreticû damnare disciplinam & consuetudinem Ecclesiasticam ab omnibus Catholicæ communionis Ecclesiis receptam, quantumcunque diuturnam, tanquam abusivam, & institutio-

ni Christi, atque Evangelicæ Doctrinæ contrariam: Et negare auctoritatē penes Ecclesiā esse condēdi nouas leges, & aliud statuendi, quàm quod Apostoli instituerūt circa ea quæ ad regimen Ecclesiasticū, sive tunc ad cultum diuinū pertinet officiū, & ceremonias. Concludo itaque primam illam propositionem aduersariorum plures absurdos errores continere.

Contra secundam propositionem dico primum, non vacare temeritate quod aduersarij, homines priuati, & nullius in Ecclesia auctoritatis, conentur per se ipsos, & alios sibi similes, perque simplices Parochos, quos in fraudem induxerunt, publicam poenitentiam restituere; atque re ipsa vbicunque possunt, restituant, non sine grauibz scandalis ex publicatione criminum occultorum interdū exortis, loco priuata, quæ nunc exercetur, & à quinque sæculis, fuit in vsu totius Ecclesie. Quæ temeritas damnatur à Trident. sess. 7. can. 13. de Sacram. in genere, in hæc verba: *Si quis dixerit receptas et approbatas Ecclesie Catholice ritus in solemnibus sacramentorum administratione adhiberi consuetas, aut contemni, aut sine peccato, à ministris pro libito omitti, aut in novos alios per quemcunque Ecclesiarum Pastorem mutari posse, anathema sit.* Circa quæ postrema verba, nota hanc mutationem in tantum momenti, & ad totam Ecclesiam spectante, non ad alium pertinere, quàm ad summum Pontificem, vniuersalem totius Ecclesie Pastorem iure diuino; quippe cui causæ grauiorēs reseruantur, ut dicitur in capite, *Maiores, de Baptismo*; & cuius est per se, vel cum Concilio generali de causis totius Ecclesie communibus decernere. Ad illumque moderni isti, quos impugnamus, recurrere debebant, illique zelū suum exponere, & supremo eius, infallibiliq; iudicio submittere.

Dico secundò, non posse quoque à vitio temeritatis, & imprudentie excusari id quod aiunt in eadem propositione: Nolle se quidem restituere publicam poenitentiam eo rigore, quo fuit in vsu primitiuæ Ecclesie; neque aliud fere retinere velle, quàm priuationem communionis ad aliquot menses. Nam si adhuc viget obligatio agendi publicam poenitentiam, & statuta primitiuæ Ecclesie circa illam non fuerunt legitime relaxata, ut ipsi sæpius affirmant & persuadere conantur: Quæ temeritate audent illa ed vique relaxare, & antiquum poenitentiae rigorem adeo mollire, ut ad solam fere dilationem cõmunionis, suo arbitrio, eam restringant? Item si Ecclesia (ut ipsi videntur sæpius insinuare; quidquid alibi dissimulent) non potuit legitime mutare illam publicam poenitentiam in eam, quæ nunc est, ut hominum fragilitati se accommodaret; sed traditionem primitiuæ Ecclesie, eiusque leges & statuta, constanter seruare debuit: quæ auctoritate possunt isti cetera abrogare, & nihil fere nisi dilationem communionis de antiqua poenitentia publica retinere? Deinde cum olim secundo sæculo, pro quibusdā pec-

19.
Est plene imprudentia & temeritas.

Vide Con-
cilium Eli-
ber. can. 1.
2. 6. 7. 8. 12.
13. 17. 18.
Sardic.
can. 2.

oatis grauioribus, homicidio, apostasia à fide, & adulterio, negaretur communio vsque ad finem vitæ: imò secundum aliquos, ut significant etiam Innocentius epist. 3. ad Exuperium cap. 2. & Tertull. lib. de Pudicitia cap. 5. ne tunc quidem concederetur: deinceps verò, quamdiu fuit vsus publicæ pœnitentiæ, licet non adeo seueræ & rigidæ, tamen pro quibusdam peccatis communio longius negata fuerit, totis interdum decē, & viginti, ac pluribus annis: quo iure aduersarii eius dilationem ad aliquot menses determinant? Cum denique publica pœnitentia tam multas corporis afflictiōes contineret, ieiunia, cilicia, cinerum consperſionem, humicubationes, prostrationes, & alia id genus: cur fere solam communionis suspensionem retinere volunt, potius quàm illas corporis castigationes, quæ communiter multò plus valent ad deterrendos homines à peccatis, quàm communionis dilatio, quâ plurimi libenter, & sponte toto anno se priuant, nec nisi præcepto Ecclesiæ coacti accedunt; præsertim verò illi qui grauiora peccata, & scandalosa committunt, quibus solis, vel præcipuè imponenda esset publica pœnitentia.

Planè ridiculum est aduersarios tam magnificè publicam pœnitentiam in Ecclesia primitiua videri prædicare, tot canones Conciliorum, tot Sanctorum Patrum testimonia proferre, quibus illius seueritas describitur, aut lege Ecclesiastica sancitur addere; non cessasse illius obligationē, esseque restituendum illius vsū, generali Ecclesiæ corruptione, & scdâ disciplinæ relaxatione intermissum, illum denique tanto verborū apparatu commendare, viderique velle Ecclesiam vbiq; terrarum implere lachrymis, ciliciis, ieiuniis, humicubationibus, aliisque antiquæ pœnitentiæ exercitiis: & tandem omnia eò deuoluere, ut tota illa publicæ pœnitentiæ restitutio, quam moluntur aduersarii, nihil sit aliud, quàm tenuis quædam & ridicula illius imago, nimirum solius fere communionis dilatio: ex qua certissimè futura esset maior morum corruptio, non Ecclesiæ, quam prætendunt, Reformatio; præsertim dilata ingerim, ut ipsi volunt, abolutione Sacramentali. Docet enim experientia homines communiter eò deterius vivere, quò infrequentius ad Sacramenta pœnitentiæ, & Eucharistiæ accedunt.

20.
Gradus publicæ & solennis pœnitentiæ.

Falsum verò est, quod aiunt, dilationem communionis fuisse partem præcipuam illius publicæ pœnitentiæ. Cum enim quatuor partibus, seu gradibus constaret, quorum primus dicebatur *ἐπιείκεια*, eò quòd pœnitentes, dum in illo gradu erant, prohiberentur ab ingressu Ecclesiæ, & antellam fletibus & gemitibus, aliisque signis pœnitentiæ, dolorem suum de peccatis commissis testarentur. Secundus dicebatur *ἐπίκλησις* quòd in eo gradu versantibus permitteretur manere in Ecclesia ad audiendum verbum Dei. Tertius *ἐπίκλησις* quòd

isti, post egressum præcedentium, manerent aliquandiu in Ecclesia, donec Episcopus cum clero manus illis imponeret, prostratis ad ipsius pedes cum singultu, & gemitu, cilicioque indutis, cinere consperſis, & ieiuniis, abstinentiâ ciborum, & vini, aliisque modis sese affligentibus. Quartus denique, *ἐπίκλησις*, id est aggregatio, eò, quòd fidelium communioni aggregaretur quoad preces, & assistentiam diuini Sacrificii; quamvis nondum ad oblationem panis & vini, neque ad Eucharistiæ receptionem admitterentur. Inter hos quatuor pœnitentiæ gradus tertius erat præcipuus, quique simpliciter pœnitentiæ nomine appellabatur interdum solus, & interdum cum duobus præcedentibus, ut patet ex Basilio in Epist. ad Amphilocho seu, Can. 22. Græcorum, Sozomeno lib. 7. Histor. cap. 16. Concilio Cartag. IV. Can. 80. Agathensi Can. 37. & Tertull. lib. de Pudicitia, cap. 11. quorum verba relata vide apud eruditissimum Dionysium Petauium, lib. 2. de Pœnitent. publ. cap. 13. illisque adde Dionysium, & Simeonem Presbyt. citandos infra num. 28. qui nomine pœnitentium non intelligunt eos qui erant in quarto gradu Systasis, quibus permittebatur assistere Missæ Sacrificio. Patet etiam ex eo quòd pœnitentia publica Clericis nunquam imponebatur, imò qui eam egerant, ad Cleri ordinem promoueri non poterant, ut antiquorum testimoniis ostendemus paulò post: & tamen Clericis interdum propter aliqua peccata imponebatur pœna excommunicationis, & suspensionis à communione. Ergo suspensio sola communionis non censetur esse pœnitentia publica in antiqua Ecclesia.

Denique falsum pariter est, & iniuriolus operibus charitatis, præcipuè Martyrio, ipsique communioni, dicere pudorem, qui nascitur ex eius dilatione, magis Deum honorare, & esse magis Deo gratum, magisque satisfactorium, quàm vllum aliud opus bonum sine tali pudore, & confusione. Quasi verò non magis Deum honoret, ipsique magis placeat, qui ex serpenti amore charitatis mortem pro Christo subit; vel qui ad communionem accedit cum debita humilitate, reuerentia, dilectione, & aliis affectibus conuenientibus. Ac non multò melius, & sapientius D. Thom. in 4. dist. 12. quæst. 3. art. 1. quæstiuncula 2. sic asserat: *In hoc Sacramento duo requiruntur: desiderium coniunctionis ad Christum, & reuerentia Sacramenti: quorum primum inclinat ad sumendum: secundum ad abstinendum.* Sed quia, ut addit alibi, & per se notum est, amor timori præponderat (atque etiam pudori) cæteris paribus laudabilius est sumere, quàm abstinere.

Tertia propositio, quæ asserit publicam pœnitentiam imponi debere pro quibilibet peccatis mortalibus etiam occultis, & purè

21.
Tertia propositio in pugnat.

internis ; illumque fuisse morem & institutum antiquæ Ecclesiæ, repugnat Tridentino sess. 14. cap. 5. prope finem, affirmanti non esse diuino præcepto mandatum, neque posse satis consultè humana aliqua lege præcipi, vt delicta, præsertim secreta, publica essent confessione aperienda: nimirum ne pœnitens se ipsum proderet, & publicè infamare cogatur, aperiendo peccata, quæ secretò commisit. Aperiret autem aliquatenus, si cogeretur publicam de illis pœnitentiam agere. Cuius rei exempla recentissima proferunt viri graues & fide digni. Ex quo sequitur præterea impositionem illam publicæ pœnitentiæ pro peccatis occultis, repugnare sigillo confessionis, illamque reddere pœnitentibus intolerabilem. Neque ille fuit mos antiquæ Ecclesiæ, quæ pro solis peccatis publicis, iisque grauioribus, & scandalosis publicam pœnitentiam iniungebat, vt patet ex D. August. lib. 50. homiliarum. homil. ult. cap. 4. Leone 1. epist. 92. ad Rusticum Narbon. Episc. cap. 17. Eligio Nouiodunensi Episcopo homil. 16. §. *Duos præterea*, Paciano in Parænesi ad pœnitentiam, quæ habetur tom. 3. Biblioth. Patrum, columna 451. veteris editionis: nec nisi laicis dumtaxat, qui hoc ipso quòd publicam egissent pœnitentiam, erant irregulares, & non poterant ad clerum ordinesque Ecclesiasticos promoueri, vt patet ex Concilio Toletano 1. can. 2. August. epist. 50. versus finem, Leone 1. epist. citata cap. 2. & Conc. Carthag. IV. can. 68. Denique Facultas Parisiensis in censura supra citata contra vnum è Dogmatistis recentioribus, damnauit vt temerarium, erroneum, & hæreticum, adstruere necessitatem tam confessionis, quàm satisfactionis & pœnitentiæ publicæ, ita vt pœnitens à quocunque peccato mortali, etiam occulto, absolui aliter non possit.

23. *Altera eius pars erroris arguitur.* Quòd verò additur in eadem propositione, absolutionem sacerdotalem non esse impertiendam peccatori, nisi prius publicam pœnitentiam egerit de peccatis mortalibus à se commissis, illis quoad fieri potest proportionatam, est error manifestus, damnatus à Concilio Complutensi, confirmato à Sixto IV. In quo damnatur hæc propositio Petri Oxomensis, *Quòd non sunt absoluendi pœnitentes nisi prius pœnitentiâ eis iniunctâ.* Et Facultas Sorbonica in censura supra cit. affirmat dicere executionem pœnitentiæ, seu satisfactionis impositz, necessariò ex institutione Christi, ac inuariabili Sacramenti natura, ita prærequiri absolutioni, vt alioqui absolutio non sit valida, nisi huiusmodi satisfactio prius completa fuerit, temerarium esse, hæreticum, & à Sixto IV. contra Petrum de Olina, illiusque sequaces prædamnatum in Bulla data anno Domini 1478. Indeque sequeretur teneri sæpius pœnitentes de iisdem peccatis iterum confiteri aliis sacerdotibus, quibus defectu prioris se sistat post impletam publicam pœnitentiam. Sequeretur etiam plurimos nunquam totâ vitâ

ad communionem admissum iri. Quippe qui spatio illorum sex, aut plurium mensium quibus communicatio in pœnam differretur, & absolutio sacerdotis à peccatis (cuius defectu manerent plurimi in statu peccati mortalis, non habentes actum perfectæ contritionis) laberentur in aliud peccatum mortale, propter quod iterum differenda esset; & rursus in aliud, & sic deinceps vsque ad finem vitæ. Quare hæc Doctrina, & simulata Reformatio eò tendit, vt communionem reddat maximæ parti Christianorum inusitatam, & moraliter impossibilem.

Neque minùs erroneum est fundamentum eiusdem assertionis: Quòd scilicet absolutio sacerdotis nihil sit aliud, quàm declaratio remissionis peccatorum à Deo factæ &c. Qui error damnatur expressè à Pio V. & Gregor. XIII. in Bullis contra Michaëlem Baium, & nuper ab Urbano VIII. in Bulla quâ eadem confirmatæ fuerunt occasione Doctrinæ Iansenii Iprensis Episcopis in quibus omnibus damnatur hæc propositio num. 43. *In peccato duo sunt: actus, & reatus: tran-* 24.
siente autem actu, nihil remanet nisi reatus, siue obligatio ad penam. Vnde in Sacramento Baptismi, aut sacerdotis absolutione proprii reatus peccati dumtaxat tollitur: & ministerium sacerdotum solum liberat à reatu. Et ista num. 44. *Pœnitens non viuificatur ministerio sacerdotis absoluentis, sed à solo Deo, qui pœnitentiam suggerens & inspirans, viuificat eum & resuscitat: Ministerio autem sacerdotis solum reatus (pœnitæ scilicet) tollitur.* Damnatur etiam à Trident. sess. 14. can. 9. vbi anathematizat eum qui dixerit absolutionem sacramentalem sacerdotis non esse actum iudicalem, sed nudum ministerium pronuntiandi, & declarandi remissa esse peccata confitenti. Neque huic errori fauet testimonium Gregorii Magni ex homil. 26. super Euangelia, vbi adducto exemplo Lazari à Christo suscitati, fit ait: *Ex qua consideratione intueundum est, quòd illos nos debemus per pastorem auctoritatem soluere, quos auctorem nostrum cognoscimus per suscitantem gratiam viuificare.* Nam vt rectè exponit Vasquez tom. 4. in 3. p. quæst. 84. art. 3. dub. 2. num. 18. loquitur Gregorius de viuificatione non iam planè obtemperata per infusionem gratiæ sanctificantis, & remissionem peccatorum; sed inchoata per auxilium gratiæ præuenientis, quâ Deus peccatorem excitat & suscitatur, facitque vt incipiat habere aliqualem actum vitæ dolendo de peccatis, eaque confitendo, seque disponendo ad iustificationem. Neque ait Gregorius, *viuificasse*, vt malè supponunt aduersarii: sed dumtaxat *viuificare*, inchoatiuè scilicet, per suscitantem gratiam, siue excitantem ad conuersionem & iustificationem. Error etiam est damnatus eadem sess. can. 7. quem aliqui modernorum, quos impugnamus, hauserunt à Luthero, æquè ac præcedentem confessionem peccatorum, habuisse tantum, aut præcipuè pro fine satisfactionem canonicam imponendam: similiterque absolutionem

24.
Absolutio
Sacerdotis
verè remittit
peccata

non fuisse aliud, quam canonicam reconciliationem in antiqua Ecclesia: de quo errore plura dicemus paulò post. Interea canon ille 7. Tridentini sic habet: *Si quis dixerit confessionem peccatorum olim observatam fuisse tantum ad canonicam penitentiam imponendam, anathema sit.*

25. **Attritio sufficit sacramento Penitentiae.** Falsum pariter est, & Tridentino minus consentaneum, quod additur in eadem propositione aduersariorum, Attritionem non sufficere cum sacramento Penitentiae ad remissionem peccatorum. Contrarium enim satis aperte docet sess. 14. cap. 4. Vbi affirmat attritionem, quæ vel ex turpitudinis peccati consideratione, vel ex gehennæ & pœnarum metu communiter concipitur, quamvis sine sacramento Penitentiae per se ad iustificationem perducere peccatorem nequeat, sicut contritio: cum tamen ad Dei gratiam in sacramento penitentiae impetrandam disponere. Loquiturque Tridentinum de dispositione proxima. Nam in eo comparat contritionem perfectam cum attritione: quod sicut illa per se proximè & immediatè disponit ad iustificationem sine sacramento, cum solo eius voto obtinendam: sic ista proximè & immediatè disponit ad eandem in sacramento impetrandam, quamvis sine sacramento per se ad iustificationem perducere peccatorem nequeat, sicut contritio. Propter quod, & alia quæ addemus suo loco in sequenti tractatu, iure merito, vt affirmat Ysambert. Doctor Sorbonicus disp. 14. de Pœnit. art. 6. in fine, Facultas Parisiensis 1. Iulii anni 1638. doctrinam de attritionis insufficiencia, & contritionis ex perfecta charitate absoluta necessitate, damnauit, & censuit esse quietis animarum perturbatiuam, communi & omnino tunc praxi Ecclesiæ contrariam, efficaciam sacramenti Penitentiae imminutiua, & insuper temerariam ac erroneam.

Idem Concilium, eodemque capite ipso initio, damnat alterum huius tertie propositionis errorem, affirmans motum interrum contritionis, qui est dolor animi, ac detestatio de peccato commisso, cum proposito non peccandi de cætero, fuisse quouis tempore necessarium ad impetrandam veniam peccatorum: adeoque non sufficere opera externa pœnitentiæ, quæ aliquando suppleant interni doloris defectum, vt dicunt aduersarii. Quod denique additur in fine eiusdem propositionis, non statim posita contritione recuperari gratiam, erroneum est, & damnatum à Pio V. Gregor. XIII. & Urbano VIII. in Bullis supra citatis, in quibus damnatur hæc propositio: *Per contritionem, etiam cum charitate perfecta, & cum voto suscipiendi sacramentum, non remittitur crimen extra casum necessitatis aut martyrii, sine actuali susceptione sacramenti.* Repugnat etiam hic error Tridentino sess. 14. cap. 4. circa medium, affirmanti hanc differentiam esse inter contritionem imperfectam, quæ attritio dicitur, concipiturque communiter ex mo-

tuo timoris gehennæ, aut turpitudinis peccati; & inter contritionem charitate perfectam, quæ concipitur ex motu amoris Dei: quod hæc cum sacramenti voto sufficiat ad iustificationem, eamque conferat ante ipsius Sacramenti receptionem. Secus verò attritio, quæ solum ad gratiam in sacramento penitentiae impetrandam disponit. Et in Censura Sorbonica supra relata dicitur esse temerarium, & erroneum, negare vllum ex attrito euadere posse contritum, nisi per iniunctas satisfactiones & penitentiae actiones. Sed de hoc errore plura dicemus suo loco in tractatu de Penitentia. Interea constat ex dictis hanc tertiam propositionem aduersariorum quatuor aut quinque non leues errores inuoluere.

Supereft quarta, & vltima, quæ quatenus improbat confessionem sacramentalem venialium, erronea est, damnata à Tridentino Sess. 14. cap. 5. paulo post initium, affirmante peccata venialia, quamvis citra culpam taceri, multisque aliis remediis expiari possint: tamen rectè & vtiliter, citraque omnem præsumptionem, in confessione dici: quod piorum, inquit, hominum vsus demonstrat. Et can. 7. eiusdem sessionis anathematizat eum qui dixerit non licere confiteri peccata venialia. Et quidem talis est vniuersæ Ecclesiæ consuetudo, quæ sine temeritate, & errore improbari nequit, vt patet ex dictis numero 16. & 17. Eandemque olim fuisse liquet ex regula Sancti Benedicti, volentis vt omnes sui ordinis Religiosi frequenter confiterentur. Absit enim, vt Religiosos adeo pios, & sanctos, & quorum multa millia in Sanctorum catalogum relata fuerunt: crebro mortaliter peccasse suspicemur. Quærere autem, vt per confessionem dignoscantur ab Ecclesia quinam mortaliter peccauerint, vt pro ipsis orent fideles; est omnino contra sigillum Sacramenti, quo strictè prohibetur, ne prodatur vllò modo peccatum mortale penitentis, etiam in genere, vt ostendemus suo loco. Estque obseruandum Concilium Lateran. sub Innocentio III. can. *Omnis vtriusque sexus*, statuere, vt sigilli violatores in monasterium arctioris, & seuerioris disciplinæ detrudantur, ibique reliquum vitæ tempus in austerâ penitentia exigere cogantur. Et in Romano Rituali præcipitur Confessariis, vt pro peccatis occultis penitentiam publicam non imponant. Ne videlicet eius occasione penitentem aliquo modo prodant.

Quatenus verò eadem propositio tantam vitæ puritatem requirit veluti necessariam ad licitè & non indignè communicandum, vt velit hominem esse planè liberum ab omnibus malis habitibus, & phantasmatis vitiis, & amore Dei purissimo purgatum, ipsique soli perfectè vnitum, & denique omnino irreprehensibilem, & immaculatum: alioqui non modo à communione prohibendum esse, verum etiam ab Ecclesia ejiciendum: supra modum absurda est, & homine

26. Rejicitur quarta propositio.

27. Quæ puritas vitæ requiritur ad communionem.

boni sensus indigna, Nam inde sequeretur vix vllum esse in presens, qui possit sine sacrilegio Eucharistiam sumere, quique ab Ecclesia eiiciendus non sit. Quis enim hodie Christianorum tantam vitæ sanctitatem, & amoris Dei puritatem attingit, plenamque liberationem ab omnibus malis habitibus & phantasmis? Cum ne ipsi quidem Apostoli tales fuerint: inter quos Paulus Roman. 7. & 2. Corinth. 13. de rebellione & lege membrorum, deque stimulo carnis vehementer conqueritur; cuius certe lucta, tam importuna, non erat sine phantasmatis, & imaginibus contrariis puritati. Et ipse cap. 2. ad Galatas, de Petro affirmat fuisse reprehensibilem, ideoque se illi in faciem restitisse. Testantur etiam Lucas cap. 22. & Ioannes cap. 26. Apostolos non adeo fuisse perfectos, & amore Dei purissimo purgatos, illo ipso die, quo Eucharistiam manu Christi sumperunt, ut non statim inter se de primatu contenderint: neque adeo feruentes, ut vel vnâ horâ cum Christo vigilare potuerint: neque adeo constantes in fide, & dilectione Christi, tamque perfecte soli Deo unitos, ut non statim eo relicto fugerint, & vnus eorum ter ipsum negauerit, alius de ipsius resurrectione dubitauerit, & in peccatum incredulitatis inciderit. Et ex cap. 6. Actor. constat inter fideles, qui, ut ibi affirmatur cap. 2. quotidie communicabant, fuisse aliquos adeo imperfectos, ut murmurent contra Apostolos: & reliquo tempore quo durauit cōsuetudo communicandi quotidie, liquet ex Patribus, & Scriptoribus illius temporis, Christianos non fuisse tam puro Dei amore purgatos, eique soli coniunctos & omnino immaculatos. Nam in illis reprehendunt eadem fere vitia, veluti frequentia & communia, quæ nunc etiam communiter Christianos inficiunt. Quàm igitur absurdum est exigere nunc à communicantibus tantam perfectionem, quantam nec Christus ab Apostolis, neque Apostoli à discipulis & fidelibus sui temporis, nec SS. Patres, & præfules Ecclesiæ, ab aliis deinceps exegerunt? Quæ si esset necessaria ad dignè communicandum, & ad vitandam condemnationem Apostoli 1. Corinth. 11. quis Sacerdotum non sacrilegè celebraret? quis Laicorum, vel semel in vita licitè communicaret? Quis enim habet cor planè immaculatum, & irreprehensibile, soli Deo perfecte unitum, & vel ab ipsis vitiis phantasmatis penitus liberum? Præsertim cum, ut sapienter ait D. Augustinus lib. 19. de Ciuit. c. 27. *Iustitia nostra, quamvis vera sit, propter verum boni finem, ad quem refertur, non tanta est in hac vita, ut potius remissione peccatorum contenta, quàm perfectione virtutum.* Et 1. Ioan. 1. v. 8. *Si dixerimus quoniam peccatum non habemus: ipsi nos seducimus, & veritas in nobis non est.*

S E C T I O I I I.

R. spondetur argumentis Aduersariorum.

NEquè verò Aduersariorum doctrinæ patrocinatur locus Dionysii relatus supra num. 14. Nam, ut omittam multa peccari ab illis in eius versione: ut cum *ἐκκλησία* vertunt ut *Scriptura* verbis *uear*, pro, ut *legaliter*, & *conformiter* legi loquar: quibus verbis Dionysius alludit ad obseruantiam quandam legis antiquæ, iuxta quorundam interpretationem: vel potius ad legem Ecclesiasticam tunc vigentem, de publica pœnitentia ante communionem implenda, modo ab Ecclesia præscripto: Et cum *ἐκκλησία* vertunt, eos qui nondum Deo soli perfecte uniti sunt: pro eo quod dicendum erat, *uniformes*, siue, *vnus modi*. Et cum *ἀπαρτί* & *ἀδύνατοι* vertunt, qui non sunt omnino perfecti, & planè irreprehensibiles, pro eo quod dicendum erat, qui omnino irreprehensibiles, & sine macula non sunt. Ut, inquam, hæc omittam græcæ linguæ peritis, Respondeo Dionysium verbis illis paulò disertius explicare id, quod breuius dixerat eodem cap. quatuor ante circiter paginis: Porro *κατεχουμένους*, & *ἐνεργουμένους*, & eos qui in pœnitentia sunt, sacrosanctæ sacerdotalis institutio psalmodiam quidem psalmi, & diuinam sanctarum Scripturarum lectionem audire permittit: ad ea verò quæ deinceps in hostiæ salutaris oblatione geruntur, continuanda, non hos planè, sed perfectos, & tantæ rei dignorum admittit obtutus. Quibus omnibus addit peccatores impœnitentes, id est, nondum in statu pœnitentium constitutos, quos vocat vitæ sanctæ apostatas, siue desertores: & pœnitentes tertio loco à se antea enumeratos, duos in gradus distinguit: eorum scilicet, quos *ἀπὸ τοῦ καὶ* appellabāt, ut paulò ante diximus. Ita ut sensus Dionysii sit, excludi tertio, & quarto loco pœnitentes in secundo gradu *ἀπὸ τοῦ καὶ*, & in tertio *ἐκκλησία*, constitutos, qui nondum ad quartum *ἐκκλησία* gradum ascenderant, quique nondum conati erant in illis gradibus perfecte se purgare à vitiis, eorumque phantasmatis, essentque saltem legaliter & præsumptiuè tales, quales ipse describit: Vel ut ait Simeon presbyter dictus nouus Theologus, *ἐκκλησία* hic, ut distingueretur à Gregorio Nazianzeno dicto absolute Theologo, licet alioquin antiquus & grauis auctor sit, tomo 12. Biblioth. Patrum, orat. 5. De iis qui diuinis mysteriis &c. ubi sic habet: *Quinque ponuntur ordines eiectionum ab Ecclesia: Catechumeni, & nondum baptizati, Fornicarii, Adulteri, &c. impœnitentes in his sceleribus: à Daemonibus obsessi: qui ad pœnitentiam, & confessionem accesserunt, & ut ad tempus definitum extra manerent, puniti sunt: & postremo, qui præscriptum pœnitentiæ spatium nondum compleuerunt, id est, nondum ad *ἐκκλησία* peruenierunt.*

28.

Explicit
locus Dionysii

29.
Satisfit se-
cunda ob-
jectioni ex
aliis Patri-
bus.

• Obiiciunt præterea quædam alia testimo-
nia Patrum, quæ summam animæ puritatem,
vitæque integritatem à communicantibus
requirere videntur. Cuiusmodi sunt ea quæ
proferunt aduersarii ex Iustino Martyre Ap-
pol. 2. ad Antoninum, Basilio lib. 1. de
Bapt. cap. ult. Chrysostomo homil. 24. in
1. ad Corinth. & homil. 83. in Matth. Am-
brosio in Lucam & Theodoro in Cantica.

Duplex
preparatio
ad commu-
nionem.

Ad quæ Respondeo hæc non ita dici à San-
ctis Patribus, quasi tantā perfectionem ne-
cessariam esse velint ad communicandum
non indignè, & sine peccato sacrilegiū: Sed
ad docendum, quid expediat ad magis de-
center & congruè, magisque dignè, & utili-
ter communicandum, quidue sit conuenien-
tius sanctitati & maiestati adorabilis huius
mysterii. Pro quo nota duplicem esse præ-
parationem ad communionem. Vnam ex
præcepto necessariam: alteram decentem,
& congruam duntaxat, siue vt vulgò loqui-
mur, de congruo, non de præcepto: quam
distinctionem tradit S. Thomas 3. p. q.
80. art. 7. Ad istam pertinent quæcunque
Sancti Patres de summa illa puritate animi,
vitæque integritate dicunt. Ad illam verò
sufficit habere eorum mundum à peccato mor-
tali, per confessionem Sacramentalem ex-
piato; & religiosè, id est, cum reuerentia,
& deuotione accedere ad communionem: vt
docent Trident. sess. 13. cap. 7. & D. Thom.
loco supra cit. in corp. & ad 1. D. Bonauent.
in 4. dist. 9. in expositione dubii tertii, &
alii veteres, & recentiores Theologi, inter
quos sunt illi ipsi, qui Concilio Tridentino
interfuerunt, eiusque sensum melius nosse
potuerunt, vt Dominicus Sot. in 4. dist. 12.
q. 1. art. 4. Quod si ea, quæ dicuntur à San-
ctis Patribus locis citatis, de præparatione
necessaria ex præcepto intelligenda essent,
sequeretur vix vllum vnquam in Ecclesia
non modò à quinque postremis sæculis, qui-
bus publica pœnitentia omissa fuit, verum
etiam antea, dignè & sine sacrilegio com-
municasse: quod quàm sit absurdum, & ab
omni specie veritatis alienum, nemo non
videt.

30.
Tertia op-
positio.

Obiiciunt tertio alia Patrum testimonia,
quæ ad dignè communicandum requirunt
vt mens sine vllò affectu peccati sit, etiam ve-
nialium, & alioquin non prodesse communionē,
sed animam inficere. Cuiusmodi est, quod
Gennad. lib. de Ecclesiast. dogmat. cap. 53.
postquam ad sapius communicandum hor-
tatus est, addit: Si tamen mens sine affectu
peccandi sit. Si enim adhuc habet voluntatem pec-
candi, grauius magis dico Eucharistiæ perceptione,
quàm purificari. Et ideo quauis quis pec-
cato mordeatur, peccatum non habet de cætero vo-
luntatem, & communicaturus satisfaciatur la-
chrymis. Ac ne videatur loqui solùm de mor-
talibus, subiungit inferius: Sed hoc de illo dico,
quem capitalia & mortalia peccata non grauant.
Huiusmodi est etiam illud Nicolai I. in res-
poncione ad Consult. Bulgar. vbi similiter
cōhortatur ad cōmunionem, s tamen mens

in affectu peccandi non sit: vel nisi hanc de crimi-
nalibus culpis conscientia imponitens, vel non
reconciliata fortassis accuset: vel si fratri dis-
cordanti suo vltio reconciliatus minus existat.
Nam si quem de horum aliquo conscientia mordet,
grauari potius tanto munere, quàm remedium
consequi quemlibet arbitramur.

Exponitur
locus Gen-
nadii.

Respondeo, Gennadium loqui de affectu
ad peccatum mortale; quod nomine peccati
simpliciter dicti solet intelligi, vt cum dicit
Apost. Rom. 6. Stipendium peccati mors: Et
Ezech. 18. Anima quæ peccauerit ipsa morietur:
& Iacobi 1. Concupiscentia cum conceperit,
parit peccatum: peccatum autem cum consumma-
tum fuerit, generat mortem. Cūque ibi re-
quirat præuiam pœnitentiam de peccatis cō-
missis, additque: Sed hoc de illo dico, quem ca-
pitalia, & mortalia peccata non grauant; per
mortalia, & capitalia, intelligit peccata quæ-
dam publica grauiora, & scandalosa, pro-
pter quæ priuabantur olim fideles commu-
nionē ad aliquod tempus, donec publicam
pœnitentiam egissent. Non autem intelligit,
quæcunque peccata mortalia, etiam secreta:
vt patet ex eo, quod statim subiungit: Nam
quem mortalia crimina post Baptismum commissa
premiunt, hortor prius publicam pœnitentiam satisfa-
cere, & ita sacerdotis iudicio reconciliatum, cō-
munioni sociari. Quod de solis publicis inte-
ligendum est: nam de secretis nunquam fuit
necessaria publica pœnitentia, vt nos alibi
probabimus disp. 55. sect. 2. & declarauit
Trident. sess. 14. cap. 5. post medium: Nec
satis consultè, inquit, humana aliqua lege præ-
ciperetur, vt delicta, præsertim secreta, publica
essent confessione aperienda. Sed neque etiam
prudenter contuleretur indifferenter huius-
modi cōfessio, & satisfactio publica pro pec-
catis secretis: quæ quantum scandali pepe-
rerit Constantinopoli tempore Nestarii Ep-
iscopi, notum est ex Socrate lib. 5. histor.
cap. 19. Sozom. lib. 7. cap. 16. & Niceph.
lib. 12. cap. 28. Cuius etiam scandali oc-
casionē confessio publica sublata fuit. Simi-
lique modo intelligendum est quod ait Ni-
colaus I. Si tamen in affectu peccandi non sit,
grauiter scilicet quod peccandi, & peccati no-
mine absolute dicto intelligi solet, vt supra
diximus: vel nisi hanc de criminalibus culpis, id
est, de grauioribus, & scandalosis, pœniten-
tiæque publicæ per leges Ecclesiasticas sub-
iectis, conscientia imponitens, vel non reconcilia-
ta, canonica reconciliatione, quæ post exa-
ctam publicam pœnitentiam fiebat, & tunc
temporis in vñ & præcepto erat, fortassis
accuset.

31.

Quod verò alioquin propter venialia, etiam
habitualia, abstinendum non sit à commu-
nionē, neque ad communicandum expe-
ctandum sit donec perfectè simus liberi ab
omni affectu cuiuscunque peccati, & puris-
simo Dei amore purgati, ipsique soli perfe-
ctè vniti, & vñorum omnium phantas-
matibus liberi, & planè irreprehensibiles
& immaculati; sed potius per communionem
procurandum, vt ad tantam perfectionem,

Non est ab-
stinendum
à commu-
nionē pro-
pter venia-
lia habitua-
lia.

quoad fieri potest, accedamus, communiter docent Sancti Patres, & Doctores Theologi antiqui, & moderni. Vt Augustinus, Epist. 118. sub Hilarii nomine relatus à Gratiano dist. 2. de Consecr. can. 15. Si non sunt, inquit, tanta peccata, ut excommunicetur quis, non se debet à medicina corporis & sanguinis Domini separare; perfecta scilicet confessione de mortalibus, si quæ habet, quamuis secreta, aut non scandalosis, & subiectis excommunicationi, & separationi à communione. Et Cyril. Alex. lib. 4. in Ioan. cap. 17. ubi propter peccata lenia & quotidiana accedere verentibus, sic loquitur. Quando igitur dignus eris? quando Christo te ipsum offeres? Nam si peccando indignus es, & peccare non desinis (quis enim delicta intelligit secundum Psalmistam) expeis omnino eris viuus: à huius satisfactionis. Ibidemque de Eucharistia sic affirmat: Non mortem solum, verum etiam morbos omnes depellit, sed et in nobis seueram membrorum nostrorum legem, pietatem corroborat, perturbationes animæ tingit. Similia habet S. Chrysost. in Psal. 22. ad illa verba, Paraisti in conspectu meo mensam aduersus eos qui tribulant me: & homil. 51. in Matth. Et Bernardus in Serm. de Coena Domini. Si quis vestrum, inquit, non tam sæpè morò, non tam acerbos sentit iracundiamotis, invidia, luxuria, aut cærorum huiusmodi: gratias agat corpori & sanguini Domini, quoniam vtrumque sacramenti operatur in eos & gaudeat quod pessimum vlcus accedat ad sanitatem. Et denique ut alios præteream D. Thom. qu. 80. art. 7. explicans vtrum nocturna pollutio impedire debeat ne ad communionem Eucharisticam accedatur: Si quidem, inquit, sit sine peccato, vel cum peccato veniali, non ex necessitate impedit sumptionem huius sacramenti: ita scilicet, quod homo sumendo sit reus corporis & sanguinis Domini. Si vero sit cum peccato mortali, impedit ex necessitate. Similique modo loquuntur & sentiunt D. Bonau. in 4. dist. 9. in expositione dubii tertii & dubii quinti. Durand. Gabr. Maior. Esth. Dom. S. Aretin. & alii Scholastici in 4. dist. 9. aut 12. Gerson in Tractatu de diuersis tentationibus, prope finem, ubi loquens de Christiano tentationibus impugnato, sic ait: Si tunc in peccato mortali secundum proprium iudicium, postquam scilicet conscientiam suam discussit, is se esse non videat, tunc & sine nouo peccati periculo à communionem accedere potest: Barthol. Medina, Didac. Alvarez, Gamach. Yzambert. Suar. Vasq. Aegid. Con. Card. de Lugo, Mærat. & alii D. Thomæ interpretes ad 3. p. q. 79. vel 80. quibus omnibus posthabitis fidem potius habere nouis quibusdam Dogmatistis, magnæ foret imprudentiæ.

Obiiciunt 4. quædam loca Cypriani ex sermone de Lapsis, quibus acriter inuehitur tum in eos qui ante pœnitentiam integrè peccatam, ad communionem admitti volebant; tum etiam in eos, qui illos admittebant. Emergit, inquit, fratres dilectissimi nouum genus cladis: & quasi primum persecutionis procella

senierit, accessit ad cumulum, sub misericordie titulo, malum fallens, & blanda perniciēs. Contra Euangelii vigorem, contra Domini, ac Dei legem temeritate quorundam laxatur incautis communicatio. Irrita, & falsa pax, periculosæ dantibus, & nihil accipientibus profutura! Non querunt sanitatis patientiam, nec veram satisfactionem medicinam &c. Ibidemque addit paulò post, eos à quibus admittebantur, hoc idem esse eiusmodi lapsis, quod grando frugibus, quod turbidum sydus arboribus, quod armentis pestilens vastitas, quod nauigiis sæua tempestas: solatium spei æternæ adimunt, arborem à radice subuertunt, sermone moribido, ad lethale contagium serpunt, nauem scopulis, ne in portum perueniat, illidunt. Et epist. 10. de iisdem sic loquitur: Hæc qui subtrahit fratribus nostris, decipit miseros: ut qui possunt, agentes pœnitentiam veram, Deo patri misericordie, precibus & operibus suis satisfacere, seducantur, ut magis peccant, & qui erigere se possent, plus cadant.

Respondet, hæc, & alia his similia dici à Cypriano contra eos, qui non seruabant leges de pœnitentia publica, deque illius ordine, modo, & tempore tunc in Ecclesia rigide, & seuerè obligantes, veluti necessarias ad Christianos in fidei constantia contra saeuientes persecutiones, & in officio continendos. Quos ait facere contra Euangelii vigorem, & contra Domini, ac Dei legem: non quod existimaret leges illas haberi in Euangelio, esseque purè diuinas, & non ecclesiasticas: Sed quia Euangelium & lex diuina iubet, ut iustis Ecclesiæ præceptis obtemperemus, vultque haberi pro Ethnicis, & Publicanis, qui eius præscripta contempserint. Et verò, si fuisset lex illa euangelica, & diuina, non potuisset ab Ecclesia relaxari, sicut postea relaxata fuit, etiam tempore priorum quinque sæculorum Ecclesiæ, & speciatim tempore Basilii, Ambrosii, & Augustini, ad quod recurrunt aduersarii, ut suam publicam pœnitentiam iuxta illius normam statuunt. Id enim patet ex Innocentio I. epist. 3. ad Exuperium cap. 1. ubi consultus ab eo quid faciendum esset illis, qui post Baptismum vitam omnem in incontinentia, luxuriaque peregerant, posteaque in fine pœnitentiam, & communionem postulabant. Sic respondet: De iis observatio prior, durior; posterior interueniente misericordia, inclinatio est. Nam consuetudo prior tenuit ut concederetur iis pœnitentia, sed communio negaretur. Nam cum illis temporibus crebræ persecutiones essent, ne communionis concessa facilitas homines de reconciliatione securos non renouaret à lapsu: negata merito communio est: concessa pœnitentiæ, ne totum penitus negaretur. Et durior remissionem fecit temporis ratio. Sed postquam Dominus noster pietatem Ecclesiis suis reddidit, iam depulso terrore, communionem dari ab omnibus placuit. Constat etiam tempore ipso Diui Cypriani rigorem pœnitentiæ minorem fuisse, quam ante tempora Tertulliani. Nam cum antea homicidæ, adulteri, & apostatæ à fide,

33.
Necessitas
publicæ
pœnitentiæ
erat
tunc
ex
ordinatione
ecclesiæ.

32.
Quia ob
iectio ex
Cypriano.



Peccata mortalia, non solum in genere, sed in specie & numero debeant exponi in confessione, non aliam affert, nisi quia constat Sacerdotes iudicium hoc incognita causa exercere non potuisse, & in penis iniungendis æquitatem seruare, si in genere dumtaxat, & non potius in specie ac sigillatim peccata ipsis à pœnitente declararentur. Ex quo patet, inquit, Concilium hoc loco, sicut alibi ubique, sensui antiquæ Ecclesiæ adhæsisse, quæ semper confessionem peccatorum spectauit, veluti viam ad iniunctionem pœnitentiæ; quæ iniunctio erat finis proximus confessario propositus, ut videlicet pœnitentiam iniungeret peccatis in confessione auditis proportionatam, seruando æquitatem, & proportionem debitam inter offensam, & satisfactionem, quam Tridentinum alibi tantopere commendat. Septimum denique, quia sess. 24. cap. 8. de Reformatione, expresse statuit ut peccatores publici pœnitentiam publicam agant. Hæc illi.

36.

Retorquerat in aduersarios.

Ad quæ omnia Respondeo primò generatim, malè ex his deduci Concilium Tridentinum desiderasse, si potuisset, restituere publicam pœnitentiam. Nam si ita esset; restituisset saltem illam exiguam partem consistentem fere in sola dilatione communionis, quam aduersarii stabilire conantur, quamue poterat æquè facile, ac aduersarii, restituere. Cur ergo nullam illius mentionem facit? Cur non illius obligationem imponit, aut declarat; sed è contrario, ubi ex professo de præparatione ad communionem agit, significat priuatam confessionem sufficere? Neque enim dicere possunt aduersarii morum corruptionem illius temporis impediuisset, ne hoc ipsum præciperetur à Tridentino, tanquam nimis durum, ac difficile. Contra enim, quod maior est morum corruptio, & tepor Christianorum, eò facilior illis est communionis dilatio, ut notum facit euidentis experientia. Deinde si verum est, quod alibi dicunt aduersarii, Ecclesiam quoad mores corruptibilem esse in maiori parte membrorum suorum, semperque degenerare sensim à primaria puritate, eò magis, quod plus ad finem sæculorum accedit: si propter morum improbitatem non potuit tunc temporis restitui obligatio antiquæ pœnitentiæ, ne quidem cum tantâ moderatione, auctoritate Concilii Oecumenici totam Ecclesiam representantis: Qua confidentia præsumunt aduersarii, homines priuati, & nullius auctoritatis in Ecclesia, eam restituere? Qua prudentia id suscipiunt in hac pari, vel maiori morum corruptione, ut ipsi dicunt, quod Concilium generale, & cœtus tam multorum, tamque prudentum & boni communis Ecclesiæ studiosorum Præsulum zelus, & prudentia tunc non posse à se suscipi iudicauit? Præterea quamuis Concilium non potuisset tunc temporis partem illam pœnitentiæ publicæ restituere, ut ipsi fingunt: si tamen eam necessariam esse existimasset, & propter illius omissionem omnes fere Chri-

stianos sacrilegè, & indignè communicare: debebat saltem de tanto abusu in re tanti momenti eos admonere, & apertè significare, se non nisi inuitò eum tolerare, cùmque aliud non posset, grauiter saltem illum reprehendere.

Deinde singillatim ad primam aduersariorum coniecturam Respondeo, non esse verum, Concilium Tridentinum restituisse omnes traditiones Apostolicas generaliter, & absolute: alioqui restituisset abstinentiam à sanguine, & suffocato, statutam ab Apostolis Act. 15. & multis sæculis totâ Ecclesiâ, atque nunc etiam in orientali seruata: & communionem laicorum sub vtraque specie, quæ fuit in vñ tempore Apostolorum, ipsis approbantibus, & deinceps vsque ad Concilium Constantiense, in quibusdam Ecclesiis, etsi non in omnibus: & electionem Episcoporum per suffragia & consensum populi, quam esse traditionis Apostolicæ affirmat Cyprian. epist. 68. & antiquissimam esse testantur historiæ Ecclesiasticæ: & ut quicunque ad sacra solemnia conueniunt, perseuerent in oratione, vsquedum Missa peragitur, & sanctam communionem percipiant, sicut præcipitur can. 10. Apostolorum: & ut Episcopus, aut Presbyter, aut Diaconus, qui in fornicatione, aut furto, aut periurio captus est, deponatur, sicut statuitur can. 25. Et ut si quis Episcopus sæcularibus potestatibus vsus Ecclesiam per ipsos obrineat, deponatur, & segregetur, omnesque qui illi communicant, sicut habetur can. 31. Et ut Episcopus aut Presbyter non baptizans trina immersione, damnetur, ut fert can. 49. Et alia pleraque canonibus illis Apostolicis contenta, quæ ne ipsi quidem aduersarii restituta esse dicant. Itaque Tridentinum omnes quidem traditiones Apostolicas restituit, quæ ad fidem, vel ad doctrinam de moribus, sumendo mores pro virtutibus, & vitiis per se talibus, pertinent, quorum obligatio perpetua est: de aliis verò eas solum quarum mentionem specialem facit variis locis, ubi eas stabilire, & obseruari præcipit, vel etiam quæ non fuerant contraria consuetudine abrogata.

37.

Quas traditiones restituit Trident.

Ad secundam Respondeo similiter Tridentinum non renouasse generaliter omnes antiquos canones circa mores, & officia clericorum, sumendo mores non pro virtutibus & earum officiis per se necessariis, vitiisque oppositis: sed pro agendi modo, aut consuetudine de se indifferente, purèque, ut ita dicam, legali, & cerimoniali, circa nonnulla quæ sine peccato aliter fieri possunt, seposito Ecclesiæ præcepto. Alioqui renouasset canones 51. & 52. Concilii Carthaginensis IV. quibus statuitur ut clericus, quantumlibet verbo Dei eruditus, artificio victum quærat, & vestitum, vel agriculturâ absque officii sui dumtaxat detrimento: & canonem 49. Concilii Carthaginensis III. quo sancitur, ut Episcopi, Presbyteri, Diaconi, vel quicunque clerici, qui nihil habentes ordinan-

38.

Quos canones renouat?

ordinantur, & tempore Episcopatus vel clericatus sui agros, vel quæcunque prædia comparat; tanquam rerum diuinarum inuasionis crimine teneantur obnoxii, nisi admoniti Ecclesiæ eadem ipsa contulerint; & denique multa alia quæ habentur in canonibus antiquis circa vitam, & modum agendi clericorum, quæ nunc etiam vi Tridentini Concilii obligare non censent aduersarii. Dico igitur, vt supra, Tridentinum de his canonibus eos tantum renouasse, qui vel non erant legitima consuetudine abrogati, vel quorum mentionem specialem facit: vt cum v. g. sess. 25. cap. 1. de Reformat. renouat canonem 15. Concilii Carthaginensis IV. quo statutum erat, *Vt Episcopus vilem suppellectilem, & mensam, ac victum pauperem habeat, & dignitatis sue auctoritatem fide, & vite meritis querat inibetque vt Episcopi modesta suppellectili, & mensa, ac fragili victu contenti sint, ne quid appareat, quod à sancto hoc instituto sit alienum: omnino vero eis interdicit, ne ex redditibus Ecclesiæ consanguineos, familiaresque suos augere studeant: cum & Apostolorum canones prohibeant, ne res Ecclesiasticas, quæ Dei sunt, consanguineis donent.* Huc vique Tridentinum.

39. Ad tertiam Respondeo consequentiam vitiosam esse. Nam ex eo quod Tridentinum definit contra Lutherum, pœnitentiam non consistere in sola vite mutatione, sed Deo per lacrymas, ieiunia, orationes, & eleemosynas satisfaciendum esse, non sequitur voluisse Tridentinum restituere pœnitentiam publicam, & dilationem absolutionis & communionis, donec peragatur: quasi non possit aliter stare doctrina Concilii, nec sine publica pœnitentia incumbi lacrymis, ieiuniis, orationi, & eleemosynis, vt Deo satisfiat ante, vel post communionem sicut à multis sæculis in tota Ecclesia fieri solet, & nunc etiam fit, relicto licet vsu pœnitentiæ publicæ.

40. Ad quartam Respondeo similiter consequentiam nullam esse. Nam ex eo, quod Tridentinum iniungat sacerdotibus, vt imponant satisfactiones peccatis proportionatas, quoad fieri potest: non sequitur debere determinatè imponere illam, quàm prætendunt aduersarii: aut voluisse verbis illis restituere publicam pœnitentiam, & canones antiquos pœnitentiales: cum è contrariò relinquat arbitrio sacerdotum, vt eligant eas satisfactiones, quas prudenter magis expedire iudicauerint. *Debent, inquit sess. 14. cap. 8. Sacerdotes Domini, quantum spiritus, & prudentis suggererit, pro qualitate criminum, & pœnitentium facultate, saluantes & convenientes satisfactiones iniungere.* Circa quæ verba pœnitentium facultate, notant Doctores communiter debere sacerdotes habere rationem etiam infirmitatis, & fragilitatis, pœnitentium, vt videre est apud Dominicum Sotum in quarto distinctione vigesima, quæstione secunda, articulo tertio, conclusio-

ne 2. Surr. tom. 4. in 3. partem disp. 38. sect. 4. conclus. 3. Valent. tom. 4. disp. 7. quæst. 14. punct. 4. 5. Altera diffinitas, Cardinalem de Lugo disp. 25. de Pœnit. sect. 4. num. 60. Dianam tom. 2. tract. 4. de Sacram. resolut. 97. Aegid. Coninc disput. 10. de pœnit. dub. 8. num. 71. & seq. Gamach. tom. 3. in tract. de Pœnit. cap. 23. de Satisfact. pag. 620. vbi etiam hanc rationem reddit, quia scilicet antiqui canones pœnitentiales iam in desuetudinem abierunt. Idem quoque docent S. Thom. q. 18. Supplem. art. 4. Nauar. in cap. Mensuram, num. 9. dist. 1. de pœnitentia, & in Manuali cap. 26. num. 18. Gerson in regul. moral. cap. de Pœnitentia, vbi dicit Tuius esse imparius pœnitentia quæ sponte suscipitur, & verisimilius à implibitur, dū ere confessos in purgatorium: quàm cum magna non implenda præcipitare in infernum: Et Cardin. Caiet in Summa, verbo Satisfactio, vbi sic ait, Pœnitent bene preparato, & robusti animi, satisfactio, quam meretur, imponenda est. Debitur autem dispositio danda est satisfactio parua, iuxta debilitatem sui animi; vt parua ignis foueatur appositum palea: nec suffocetur appositus ignis desuper. Habendam quoque rationem esse infirmitatis pœnitentium statuerant iam pridem Synodus Trullana can. 102. & vlt. Concilium Lingonense celebratum anno 1494. & Vvormar. sub Adriano. II. can. 25. & nuper S. Carolus Borromæus Actorum parte 4. pagina 523. titulo De modo imponenda pœnitentiæ: vbi de confessario sic dicitur, Talem imponet pœnitentiam, qualem ab eo præstari posse iudicat. Proinde aliquando, si ita expedire viderit, illum interroget, an possit, anne iubet pœnitentiam sibi iniunctam peragere: alioquin eam mutabit aut minuet.

Ad quintam, Concessis duabus primis propositionibus, nego consequentiam ab aduersariis inferendam, vt probeat quod intendunt. Nam ex eo quod Tridentinum ait, debere sacerdotes potestatem sibi datam exercere ligando æquè ac soluendo; ligandique potestatem consistere ex parte in imponendis pœnitentiis: non sequitur, illam iuxta mentem Concilii debere necessariò exerceri in iniungenda publica pœnitentia, siue qualis fuit olim in vsu; siue qualem inducere conantur aduersarii plurimum ab illa differentem, & vanam tantum illius speciem præ se ferentem. Possunt enim ligare priuatas imponendo pœnitentias, vt à multis sæculis fit, permittente, & approbante Ecclesia. Quod verò addunt in tertia propositione, potestatem ligandi concessam sacerdotibus consistere, iuxta sensum Patrum, in iura obligandi ad pœnitentiam, & separandi à communione Eucharistica, non est verum. Nam potestas ligandi, & soluendi, concessa sacerdotibus, vnum idemque obiectum respicit, circa quod opposito, & cōtrario modo versatur. Acqui potestas soluendi versatur primò, &

41. Potestas ligandi & soluendi quomodo exerceatur in sacramento?

758 Disp. XXXV. de Euchar. Sect III. & IV.

præcipue circa peccata, ea remittendo: ergo potestas ligandi vertatur quoque primo, & præcipue circa peccata, ea retinendo, id est, non remittendo propter indispotionem pœnitentis iuxta illud Christi potestatem hanc concedentis Apostolis, & sacerdotibus eorum successoribus, Ioan. 20. *Quorum remiseritis peccata, remittuntur eis: & quorum retinueritis, retenta sunt.* Iniunctio verò, aut relaxatio pœnæ peccatis debita, est aliquid secundarium, & accessorium ad alteram partem principaliorum. Ac sicut in peccatis præcipuum est reatus culpæ, secundarium verò & minus principale: reatus pœnæ temporalis restantis post remissionem culpæ: sic potestas sacerdotalis præcipue respicit culpam: pœnam vero secundariè, & minus principaliter. Porro sacerdotalem potestatem ad utrumque valere docent SS. Patres, ut Chrysost. lib. 3. de sacerdotibus, cap. 4. ubi affirmat sacerdotes evangelicos lepram ipsam peccati purgare, animæque immunditiam; & non tantum purgatam probare, seu declarare purgatam esse, ut faciebant sacerdotes legis Moisaicæ. Et Ambrosius, lib. de pœnitentia, cap. 7. Vbi contra Novatianos asserit sacerdotes in sacramento pœnitentiae remittere peccata, æquè ac in Baptismo. Idemque definit Trident. sess. 14. can. 9. Quare non potest sine hæresi hac de re dubitari.

Ad sextam respondeo primo, Concilium illo cap. 5. sess. 14. duas asserere rationes necessitatis confessionis, quæ perpetram ab adversariis confunduntur in unicam. Nimirum primo, quia sacerdotes non possunt hoc iudicium incognitâ causâ exercere: remittereque iudicialiter, aut retinere peccata sibi incognita. Tum etiam secundo, quia non possunt æquitatem servare in pœnis iniungendis, si in genere dumtaxat, & non potius in specie, ac singillatim declarantur ipsis peccata mortalia. Hæc enim declaratio est illis ad utrumque finem necessaria: id est, ad rectè & convenienter exercendam potestatem iudicalem, in hoc foro interno, siue ad reatum culpæ remittendum, aut retinendum; siue ad satisfactionem iniungendam, secundum æquitatem & iustam proportionem, quantum fieri potest. Porro adversarii qui dicunt Concilium Trident. hanc tantum rationem assignasse, in eoque adhæsisse sensui antiquæ Ecclesiæ, anathematizantur ab eodem Concilio, & eadem sess. 14. can. 7. verbis illis, *Si quis dixerit Confessionem peccatorum olim obsonatam fuisse tantum ad satiationem canonicam imponendam, anathema sit.* Secundo, quamvis Concilium hanc unicam rationem redderet, ut malè supponunt adversarii; non sequeretur, quod illis probandum incumbit, voluisse idcirco publicam pœnitentiam & suspensionem communionis restituere, quasi non possint iniungi alie convenientes satisfractiones, quæ ut supra no-

taui, relinquuntur arbitrio, & prudentiæ confessarii ab eodem Concilio sess. 14. cap. 8. Quod verò addunt, iniunctionem pœnitentiae, id est, satisfractionis publicæ, iuxta illorum mentem, fuisse finem proximum confessionis, ex doctrina SS. Patrum, sapit errorem supra refutatum num. 24. & damnatum à Trident. sess. 14. can. 7. patetque ex paulò ante dictis esse falsum. Nam confessio habet pro fine proximo, & præcipue absolutionem, ad quam refertur velut ad alteram partem essentialem Sacramenti pœnitentiae: ad satisfractionem verò, siue actualem executionem pœnitentiae iniungitur, secundario dumtaxat & minus præcipue, velut ad partem tantum integram, idèque solum necessariam, quia ordinariè dolor & dispositio pœnitentis non est talis, & tanta, ut sacramentum illius ope tollat omnino pœnam cum culpa, neque relinquat obligationem luendi pœnam aliquam temporalem restantem post remissionem culpæ.

Ad septimam Dico Trident. sess. 14. cap. 8. de Reformatione, decernere tantum ut aliqua pœnitentia publicè iniungatur pro criminibus publicis & scandalosis: non autem pro quibuscumque mortalibus, etiam secretis, & internis, ut volunt adversarii: neque determinare imponendam esse illam, quæ fuit in usu antiquæ Ecclesiæ, aut eam partem, quam restituere ipsi consantur: sed indefinitè loqui: imò permittere Episcopis ut hoc genus publicæ pœnitentiae, quod indeterminate relinquit, in aliud secretum mutare possit, quando ita magis iudicaverit expedire: Quare malè ex eius verbis colligunt adversarii desiderasse antiquum morem publicæ pœnitentiae restituere, & usum, qui nunc est, Ecclesiæ abolere. Cætera quæ obijciunt sunt minoris momenti, & ex dictis facile solui possunt: Qui pleniorè vult eorū refutationem, legat Petauum lib. de publica pœnitentia, & frequenti cōmunione, contra hos errores nuper edito, & tract. Illustr. Episc. Vaurésis de eodè arg. Nobis enim nō lubet in rebus aded manifestis diutius immorari,

43.
Quomodo
publicè
pœnitentia
de peccatis
publicis.

SECTIO IV.

Liceatne ad Communionē accedere eorum confessiis peccati venialis actualis, aut habitualis.

Sensus questionis est, Vtrum ille, qui alioquin existit in statu gratiæ, ut supponimus, peccet mortaliter per accessum ad Eucharistiam cum effectu habituali, vel actuali peccati venialis? An vero solum venialiter vel etiam sine novo peccato accedat: ita ut circumstantia communionis non inducat novum peccatum veniale, aut non aggraves præexistens, vel trahat in aliam speciem?

De priori sententia questionis consentiunt omnes Theologi, ut testantur Suar. disp. 66. sect. 1, in fine, & Vasq. disp. 207. cap. 1.

44.
Status quo
sitatio.

Non est P.
M. commu-
nicare cum
peccato
veniali.

num. 14. non esse peccatum mortale accedere ad hoc sacramentum cum veniali: siue habituali, id est, quod iam actu prateriit, & manet solum in anima per modum habitus; siue actuali, id est, quod in ipsa perceptione sacramenti committitur. Ratio ex Suarez sect. citata, conclus. 1. hæc est: quia neque ex vilo præcepto positivo, neque ex ipsa rei natura potest colligi tale peccatum. Nullum enim præceptum positivum speciale de eo extat, nec ab vilo proferitur: & si quod esset, maxime illud 1. Corinth. 11. *Probet autem seipsum, homo &c.* Sed huius loci non hunc sensum esse colligitur satis ex Trident. sess. 13. cap. 7. & ex iis quæ diximus tribus sectionibus proximè præcedentibus. Ex natura, verò rei non est gravis iniuria, vel irreuerentia, contra sacramentum, accedere cum veniali actuali, vel habituali: quia per peccatum veniale non impeditur effectus principalis, & velut essentialis sacramenti, qui est infusio gratiæ: cum tale peccatum non excludat charitatem, & gratiam: ideoque non committitur gravis furtio. Et alioqui non posset absque mortali peccato sumi Eucharistia, nisi à viris sanctis, ab omni leui affectu malo, etiam habituali, planè liberis: quod est durum & incredibile. Quam pauci enim sunt adeo puri & recti, perfectoque Dei amore purgati, ut careant omni prorsus habituali affectu inordinato? Imò quam pauci carent omni actuali, aut sine aliqua distractione, & leuine negligentia, vel irreuerentia veniali communicant? Quos omnes damnare peccati mortalis, & gravis sacrilegii, valde absurdum esset. Quare pro certo habendum est non esse peccatum mortale accedere ad Eucharistiam cum affectu peccati venialis, etiam actuali: multoque minus cum solo reatu habituali huiusmodi peccati, quod commissum sit, & nondum per sufficientem poenitentiam retractatum, ac deletum: affectumque illum, aut reatum non esse obicem præcipui effectus huius sacramenti, qui est augmentum gratiæ. Nam peccatum veniale, neque in sumptione Eucharistiæ, neque extra illam, habet oppositionem cum gratia sanctificante. Et sicut stat aliquem esse gratum Deo, quantum sufficit ad æternam felicitatem consequendam, & tamen retinere affectum peccati venialis: ita etiam stat quempiam peccare venialiter in receptione sacramenti, & nihilominus per eam magis sanctificari, recipiendo augmentum gratiæ.

45.
Sicæ saltē
peccatum
veniale?

De posteriori sensu quæstionis maior est difficultas, de qua illa variz sunt Theologorum sententiæ. Prima est Ricardi, Maioris, Adriani, & Dominici Soti, quos refert & sequitur Vasq. disp. 207. cap. 2. num. 18. affirmantium nullum esse peculiare, & novum peccatum accedere ad sacramentum Eucharistiæ cum veniali, siue habituali, siue actuali: excepto casu, quo aliquis ob finem venialiter malum communicaret, puta

ob inanem gloriam: tunc enim ipsa communicatio peccatum veniale est, propter circumstantiam mali finis, quæ talis actus inficitur. Ratio illorum est, quia nullum est præceptum accedendi ad Eucharistiam sine veniali, sed tantum ut *probet seipsum homo*: probatio autem est, an sit in charitate. Et per peccatum veniale non impeditur effectus huius sacramenti præcipuus, qui est augmentum gratiæ habitualis. Ergo nullum est in eo peccatum: neque aliunde potest aliqua levis irreuerentia cum fundamento sufficienti excogitari. Eisdem sententiæ videntur accedere Valenz. quæst. 8. de Eucharistia punct. 3. in fine, ubi affirmat nihil aliud præter peccatum mortale, ita impedire sumptionem Eucharistiæ, ut si sumas, pecces: & Emanuel Sa, etiam Romæ correctus, Verbo *Eucharistia*, numero 22. & Ledesma, cuius verba refert ad longum Diana tract. 4. de Sacrament. Resolut. 31. & Gerson in tract. de diuersis tentationibus, ubi sic ait de Christiano tentationibus vexato: *si tunc in peccato mortali is se esse non videat, tunc, & sine noui peccati periculo ad communionem accedere potest.* Fauet etiam D. Thom. q. 80. art. 7. in corp. & ad 1. ubi affirmat, non impediri hominem ex necessitate à sumptione huius sacramenti, nisi propter peccatum mortale: licet ex quadam congruentia possit impediri propter alias causas.

Fundamentum prædictæ sententiæ.

Secunda sententia, præcedenti contraria, esse potest, semper esse peccatum veniale accedere ad communionem cum quocunque peccato veniali actuali, vel habituali, nisi excuset inaduertentia, vel impotentia aliter faciendi. Pro qua sententia tam seuera nullum auctorem inter Theologos Scholasticos reperio; est tamen sine dubio, & à fortiori, de mente novorum Dogmatistarum, quos duabus proximè præcedentibus sectionibus impugnauimus. Omissis autem eorum argumentis, quibus ibidem satisfecimus, potest amplius his rationibus probari. De actuali quidem, quia est aliqua irreuerentia peccare venialiter, & offendere Christum illo ipso instanti, quo recipitur in sacramento. Ergo voluntas communicandi in tali statu, id est, cum tali irreuerentia, est mala, & culpabilis. Et peccatum veniale, quod tunc committitur, est malum specialiter ratione talis circumstantiæ: ac si aliunde malum est, quam ratione communionis, puta quia est affectus vanæ gloriæ, aut levis auersio contra proximum; sit peius, & contra hit nouam malitiam irreuerentiæ, ratione talis adiuncti. Confirmatur, quia est contra reuerentiam tanti mysterii voluntariè distrahi, vel affecti ad aliquod obiectum malum in ipsa illius participatione. Et ut rectè ait eruditissimus Cardinalis de Lugo disp. 14. sect. 2. debetur huic sacramento, ultra puritatem ab omni peccato mortali,

46.

Secunda sententia.

ff 2

specialis aliqua preparatio, propter illius reuerentiam, ita ut ea deficiente, non solum defectus dispositionis culpa sit, sed etiam ipsa susceptio sacramenti in ea circumstantia sit culpabilis. Hoc autem supposito, verisimile est pertinere ad reuerentiam debitam, ut homo non peccet actu, quando recipit hoc sacramentum; ita ut etiam ipsa receptio sacramenti ita facta, sit culpabilis debuisset enim, si commodè potest, differri, donec anima à peccato illo actuali desisteret. Quare solum excusatur ille qui aliunde debet communicare, & non potest differre communionem; vel qui inculpabiliter ignorat, aut non adhibet ad quid teneatur.

47. Altera pars eiusdem sententiae.

Ambros.

Chrysost.

Gregor.

Gennad.

De habituali verò probatur, quia est quoque aliqua irreuerentia accedere cum illo (id est, non procurata illius remissione) ad hoc sacramentum, quod magnam cordis munditiam exigit, ut Christus significauit Ioan. 13. quando Apostolis communicaturis lauit pedes, dicens: *Qui lotus est, non indiget, nisi ut pedes lauet.* Ac sicut tenemur sub mortali asferre vestem nuptialem ad hoc conuiuium regium, & diuinum: ita sub veniali tenemur asferre mundam & nitidam. Quare qui sibi conscius est peccati venialis nondum remissi, debet conari obtinere prius eius remissionem, ut mundior accedat ad sacramentum, in quo Christus ipse realiter sumendus est. Ad idem confirmandum addi possunt multa sanctorum Patrum testimonia requirentium summam animæ puritatem ut dignè accedatur ad summptionem Eucharistiæ. Cuiusmodi est illud Ambrosii in precationibus ante Missam: *Quanta enim cordis contritione, & lacrymarum fonte, quanta reuerentia & tremore, quanta corporis castitate, & anime puritate, illud diuinum mysterium est celebrandum, in quo caro Christi in veritate sumitur.* Et illud Chrysost. homil. 17. in epist. ad Hebr. *Quando dicit, sancta sanctis, hoc dicit: si quis non est sanctus, non accedat. Non simpliciter dicit, à peccatis mundus, sed sanctus &c.* Et illud Gregorii magni in cap. 2. lib. 1. Reg. circa illa verba, *Repleri prius pro panibus se locauerunt, & famelici saturati sunt. Non saturantur, inquit, nisi fameli i, qui à virtutis perfectè ieiunantes diuina sacramenta percipiunt in plenitudine virtutis: & quia sine peccato electi etiam viri esse non possunt: quid restat, nisi ut à peccatis quibus eos humana fragilitas maculare non desinit, vacuari quotidie conentur.* Et illud Gennadii lib. de Eccles. dogmat. cap. 53. apud August. tom. 3. Vbi postquam hortatus est fideles ad communicandum singulis diebus Dominicis; addit, *Dummodo mens sine affectu peccandi sit.* Et rationem reddens huius limitationis, subiungit: *Si adhuc habet voluntatem peccandi, grauari magis dico Eucharistiæ perceptione, quam purificari.* Et ideo quauis quis peccato mordeatur, peccandi non habeat de cetero voluntatem, & communicaturus satis faciat lacrymis. Ac ne vi-

deatur loqui de mortalibus subdit inferius: *Sed hoc de illo dico, quem capitalia, & mortalia peccata non grauant.*

Tertia sententia, media inter præcedentes, est Suaris disp. 66. sect. 1. 5. *Dicendum imprimis, ubi tria docet 1. Si peccatum veniale sit aliquo modo circumstantia ipsius actus communicandi, tunc esse peccatū veniale sic communicare.* Ex. gr. si quis communiceet ob inanem gloriam: vel certe si actu sit in aliqua vana cogitatione, aut delectatione, & propter hoc accedat distractus, & sine debita attentione, & deuotione. Ratio est, quia tunc actus communicandi non habet debitas circumstantias. Ergo est aliquo modo malus. Ergo est peccatum saltem veniale. 2. Si quis assueuerit committere venialia, vel habeat conscientiam eorum multitudinem oneratam, ideoque ad spiritualia tractanda repidam, & quodammodo indispotam: non posse talem excusari à veniali culpa, si absque vilo dolore, aut proposito emendationis accedat. Quia talis non satis diiudicat Corpus Domini, & aliquo modo indignus est, ponitque obicem quibusdam sacramenti effectibus non contemnendis, ut remissioni venialium, & actuali feruori charitatis: ac denique non potest omnino excusari actio illa ab irreuerentia. Idque videntur affirmare Gennad. verbis supra relatis, & Anselm. in cap. 1. 1. epist. 1. ad Corinth. cuius verba sunt: *Indignè manducat & bibit, qui vel aliquod graue peccatum, vel multa leuia commisit, & non confitetur ea priusquam ad communionem accedat.* 3. Addit Suarez, extra prædictos casus, si quis forte habeat peccatum veniale in habitu; licet sine dolore eius, & proposito emendandi, ad Eucharistiam accedat, vel quia non recordatur, vel quia propter humanam aliquam fragilitatem non potest voluntatem auertere ab illo leui affectu, non peccare venialiter sic communicando, si alioqui procurer cum timore, reuerentia, & deuotione accedere. Quia tunc culpa illa venialis non est circumstantia istius actus: neque ab homine fragili exigenda est summa diligentia, vel perfectissima dispositio.

Ad declarationem quartæ sententiæ meo iudicio probabilioris, præmittenda est distinctio peccatorum venialium, quæ cum actu comunicandi coniungi possunt. Aliqua enim sunt quæ aduersatur recto vsui sacramenti Eucharistiæ, & reuerentiæ ei debiti, ac necessarii saltem sub veniali; id est, attentioni, & deuotioni, quæ actus ille religiosus postulat ex natura sua. Et hæc sunt in duplici differentia. Quædam enim primariò & directè aduersantur, ut voluntaria euagatio animi, tepor, indeuotio, & irreuerentia, levis negligentia examinandi se, & excitandi ad actus, & affectus conuenientes receptioni tanti sacramenti, & discretioni cibi istius sacri, & diuini, à vulgari, & prophano; sine quibus actibus physicè, aut moraliter præsentibus est indecens voluntariè communicare. Quædam

48.
Tertia sententia.

49.
Venialis duplicis generis respectu communionis.

nonnisi secundariò & indirectè; cuiusmodi sunt illa, quæ ex natura sua non habent peculiarem oppositionem cum recto usu huius sacramenti, & cultu ei debito: veruntamen ita mentem occupant, atque implicant, ut non possit liberè vacare cogitationi sanctitatis, & diuinitatis huius mysterii, & deuotioni necessariæ, quantum est opus ad decentem & religiosam in eius receptionem. Tales esse possunt affectus quidam leues iræ, odii, tristitiæ, doloris, amoris nimii erga coniugem, & liberos, aut aliam creaturam: leues, inquam, quoad offensam Dei; sed non quoad effectum impediendi attentionem debitam huic sacramento, affectumque illi conuenientem. Alia verò sunt peccata venialia, quæ nullam habent oppositionem peculiarem, neque primariam, aut directam, neque secundariam, cum sufficienti præparatione ad communionem, & deuotionem necessariam, quæ, ut infra dicemus, non requiritur ex necessitate, & sub pœna peccati, summa & perfectissima, sed humanæ fragilitati, communique hominū conditioni accommodata. Cuiusmodi venialia esse possunt quidam affectus ad iocum, ludū, potum, cibum, mendacia iocosa, & similia; in quibus nulla sit culpa grauis, & nihil aut parum impediendi, facileque superabilis, ad sufficientem diuini huius sacramenti apprehensionem, & reuerentiam internam, debitamque dispositionem. Huiusmodi sunt etiam omnia peccata venialia purè habitualia, siue habitus leuiter vitiosi, qui non exercentur, sed planè otiosi manent in ipso usu sacramenti.

50. Non est P. V. communicare cum venialibus nullam habentibus oppositionem cum communionem.

Hac distinctione præsupposita, Dico primò, accedere ad communionem cum peccato veniali purè habituali, vel etiam cū actuali posterioris generis, non est nouum peccatum, etiam veniale. Hanc assertionem tenent à fortiori Vatq. & alii ab ipso citati pro prima opinione: eandemque puto esse Suaris dicto tertio supra relato numero 48. Et probatur primò, ratione ab ipso ibidem allata: quia scilicet culpa illa venialis non est circumstantia actus communicandi, quem non impedit, ne sit qualis ex præcepto esse debet: neque enim ab homine fragili exigenda est summa puritas & sanctitas, neque diligentia exquisitissima, vel perfectissima dispositio: sed nimirum communi hominum conditioni, & humanæ fragilitati accommodata, quæ quanta esse debeat, moraliter prudenti iudicio æstimandum est: præsertim cū hoc sacramentum in hominum gratiam, & communem omnium usum institutum fuerit, à quibus non est credibile Deum tantam perfectionem exigere, ut licitè ad illud accedant: alioquin accessum valde difficilem, illisque fere omnibus moraliter impossibilem reddidisset. Sic enim soli sanctissimi viri, omni affectu inordinato prorsus exuti, communicare licitè possent, quod est penitus improbabile, & communionem licitam facit

esse moraliter impossibilem maximæ parti Christianorum.

Probatur 2. quia neque ex natura rei, neque ex præcepto villo positivo ostenditur requiri in communicante ad non peccandum venialiter carètia omnis peccati, aut affectus inordinati, etiam posterioris generis è duobus supra explicatis. Quod enim non requiratur ex natura rei, constabit ex solutione obiectionum. Quod verò neque ex præcepto, patet, quia nullum profertur. Decet quidem hoc diuinissimum sacramentum omni moda puritas, & sanctitas, ad quam etiam nos hortantur Ecclesia & SS. Patres. Sed aliud est quod decet, aliud quod oportet. Aliud item est hortari, aliud præcipere. Cūque sacramenta sint instituta propter homines, ut viam salutis reddant illis faciliorem, debet potius ex natura rei, & consequenter ex præcepto naturæ rei, siue institutioni sacramentorum accommodato, debet, inquam, licitus illorum vltus esse facilis, & hominum fragilitati proportionatus: præsertim verò eorum sacramentorum, quorum vsus ex institutione Christi communissimus est. Quare dispositio illorum vsui licito necessaria, non debet esse tam perfecta, tamque difficilis, ut vix ab villo adhiberi possit: qualis esset si ad licitè cōmunicandum requireretur perfecta puritas ab omni affectu veniali, tam habituali, quàm actuali. Dico igitur probabilius esse, communionem non fieri illicitam propter accessum cum peccatis venialibus posterioris generis, etiam quando est aliquis eorū affectus, quia cum illis stat hominem cōmunicare, cum timore, reuerentia, & deuotione, quanta ab humana communitatis hominum fragilitate exigitur. Quamuis aliter sentiendum sit de accedente ad communionem cum peccatis prioris generis.

Dico enim secundò, esse peccatum veniale peculiare, & nouum, accedere ad sacramentum Eucharistiæ recipiendum cum veniali habente peculiarem oppositionem directam, vel indirectam, cum sufficienti eius dispositione: multòque magis accedere cum multis huiusmodi peccatis. Hæc assertio cōceditur ab assertoribus secundæ & tertiæ sententiæ, neque iure potest ab villo negari. Nam vltra puritatem à peccato mortali, tenemur sub veniali adhibere ad actum communionis attentionem, reuerentiā, & deuotionem, quam actus ille religiosus ex natura sua postulat, & sine qua fit indecenter. Atqui peccata venialia, de quibus nunc loquimur, vel consistunt in carentia voluntaria talis attentionis, & deuotionis; vel impediunt voluntariè ne haberi possit. Ergo ex præcepto communicandi decenter, & religiosè, tenemur illa vitare. Eodem enim præcepto quo tenemur attentè, reuerenter, & deuotè communicare: tenemur vitare distractionem, irreuerentiam, & indevotionem oppositam, atque etiam causam illius voluntariam.

Confirmatur ex Trident. sess. 13. cap. 7.

§ 2. *Probat* initio cuius verba sunt: *Si non decet ad sacras*
ex Trident. *villas functiones quempiam accedere nisi sancte:*
certè, quò magis sanctitas, & diuinitas cele-
stis huius sacramenti viro Christiano comperta est,
cò diligentius cauere debet, ne absque magna
reuerentia & sanctitate ad id percipiendum
accedat. Confirmatur secundò, quia si pec-
 catum veniale est liberè euagari inter oran-
 dum, & non satis attendere, vt docent om-
 nes cum D. Thoma 2. 2. quæst. 83. art. 13.
 ad 3. quantò magis inter communicandum
 euagari, & velle illam euagationem, atque
 ad illam affici. Nobis enim non probatur
 quod ait Saneius in Disput. selectis disp. 23.
 num. 32. relatus à Diana tract. 4. de sa-
 cram. resol. 31. sumptionem Eucharistiæ
 præcisè sumptam, prout scilicet est distin-
 cta ab oratione, quæ sine dubio attentio-
 nem postulat, non requirere attentionem
 sub præcepto, licet requiratur de consilio:
 ideoque nullum peccatum esse communicare
 cum distractione, quamuis peccatum sit
 orare cum distractione. Etenim ipsa quo-
 que receptio tam venerabilis sacramenti,
 præcisè sumpta, exigat in homine mentis
 compositum non solum de consilio, sed etiam
 de præcepto reuerentiam interioriorem, & ex-
 teriorem, & attentionem aliquam, ac deu-
 otionem, vt docet Trident. verbis suprâ rela-
 tis: quique diuinum hunc cibum absque re-
 uerentia, & attentione sumit, non satis eum
 diiudicat, & discernit à prophano.

§ 3. *Corollariæ* Vnde collige peccata venialia, quæ indi-
 rectè aduersantur dispositioni necessariæ ad
 communionem, vltra malitiam, quam aliun-
 de habent per se, & ex propria natura, puta
 quia sunt affectus vanæ gloriæ, vel amor in-
 ordinatus bonorum temporalium, contra-
 here, aut participare aliquatenus aliam ma-
 litiam ratione cõmunionis: illam scilicet, quæ
 consistit in carentia dispositionis debitæ,
 vel in dispositione contraria. Superest vt
 respondeamus argumentis aliarum sententi-
 arum, quatenus nostræ aduersantur: ex quo-
 rum solutione clariora euadent, quæ in
 duarum præcedentium assertionum confir-
 mationem à nobis dicta sunt.

Soluuntur Ad primum igitur argumentum primæ
argum. entia sententiæ à Valsque propositæ, Respondeo
primæ sen- non esse verum, nihil aliud requiri ad com-
tentia. municandum sine veniali, quam vt com-
 municans sit purus à mortali, & finem ma-
 lum non intendat. Nam debet vltius actus
 ille religiosus reuerenter, & deuotè fieri,
 sicut postulat eius natura. Estque per se ma-
 nifestum peccatum saltem venialiter, eum,
 qui irreuerenter accederet operto capite,
 vel inter confabulandum, vel qui è ludo
 ad communicandum profiliret, statimque
 ludum repeteret. Neque eo sensu intelligi-
 tur à Trident. quod ait Paulus. 1. Corinth.
 11. *Probet autem se ipsum homo,* quasi ad com-
 municandum sine veniali nihil aliud requi-
 rat Apostolus, quam esse in charitate, vt
 ait Dominicus Sotus, & esse vacuum dum-
 taxat à labe peccati mortalis. Nam Conci-

lium non excludit, sed potius supponit,
 tanquam omnibus notum, id quod exigit
 per se natura istius actus religiosi: iuxta id
 quod ait initio eiusdem capituli: 7. sess. 13.
Si non decet, &c.

Ad Secundum: licet peccatum veniale
 concomitans receptionem sacramenti Eu-
 charistiæ, non impediat effectum eius prima-
 rium, id est, augmentum gratiæ: impedit
 tamen aliquatenus dispositionem debitam
 ex præcepto, & ex natura rei, loquendo de
 venialibus prioris generis. Estque manifestum
 non deesse fundamentum levis irreuerentiæ,
 quamuis effectus ille primarius non impedia-
 tur: vt patet exemplis modò allatis de com-
 municante capite operto sine sufficienti ne-
 cessitate, vel statim post confabulationem,
 aut ludum, sine aliqua recollectione.

Ad duo priora argumeta 2. sententiæ, dico
 non omne peccatum veniale, etiam actuale, *Respon-*
 multoque minus purè habituale, esse contra *cur arg*
 reuerentiam sacramenti necessariam ex præ- *cundæ*
 cepto ad illius sumptionem: quippe quæ,
 vt supra diximus, non debet necessariò, &
 & sub pœna peccati, esse summa, & perfe-
 ctissima, sed humanæ fragilitati, communi-
 que hominum conditioni accommodata, pro
 quibus omnibus hoc sacramentum institutum
 fuit, omniumque vsui expositum. Nam vt
 Suares rectè ait loco supracitato, exigenda
 non est summa diligentia, vel perfectissimi
 dispositio, aut vacuitas ab omni affectu in-
 ordinato: præsertim cum non semper possit
 homo (ordinariè & moraliter loquendo) ab
 omni tali affectu voluntatem auertere, præ-
 cipueque ab habituali. Et alioquin, vt supra
 dixi, non possent nisi viri sancti accedere ad
 communionem sine nouo peccato veniali,
 quod est incredibile.

Ad testimonia SS. Patrum tertio loco ad-
 ducta in fauorem huius sententiæ, omisso *§ 5.*
 Gennadio, cui satisfecimus sect. præcedenti *Exponuntur*
 num. 30. Respondeo primò, Anselmum lo- *testi-*
 qui de multis leuibus peccatis efficientibus *monia SS.*
 vnum mortale, eò modo quo diximus in Tra- *Patrum.*
 ctatu de peccatis, vt quando leuia furta simul
 iuncta summam notabilem efficiunt, in quam
 totam voluntas consentit: vel nimis rigidè
 locutum esse, cum certum sit ex Tridentino
 sess. 14. cap. 5. non esse necessariam con-
 fessionem venialium. Respondeo 2. Patres
 qui ad dignam sacramenti Eucharistiæ sum-
 ptionem videntur requirere carentiam om-
 nis peccati, vel loqui de peccato mortali,
 quod ferè apud Doctores Ecclesiasticos,
 præsertim antiquos, nomine peccati sim-
 pliciter prolato significatur: vel de peccato
 veniali habente peculiarem oppositionem
 cum susceptione huius sacramenti: vel si
 etiam de alio genere peccati venialis lo-
 quuntur, non tam explicant quid necessariū
 sit ad non peccandum in dicta susceptione,
 quam quid requiratur ad magis decentem,
 & congruam tanti mysterii participatio-
 nem, & ad omnes illius effectus: non mo-
 dò primum, & præcipuum, qui est gratia

sanctificans constituens habentem dignum vitam æternam: sed etiam ad effectus secundarios, & minüs præcipuos, cuiusmodi sunt feruor charitatis, gaudium spirituale, abundantia auxiliorum, & similia; quibus priuare se etiam liberè, non semper est peccatum, ne quidem veniale. Similiter, cum aliqui ex iisdem Patribus videtur requirere ad dignam Eucharistiæ perceptionem, magnam quandam, & extraordinariam sanctitatem, præter eam, quæ in gratia sanctificante sita est, & in affectu, vel præparatione animi ad implenda omnia præcepta: non tam intendunt explicare quid necessarium sit ad non peccandum in receptione Eucharistiæ; quam quid illam deceat, habita ratione dignitatis ipsius. Alioqui non nisi eminentissime sancti, siue sacerdotes, siue alii, possent communicare: & Ecclesia obligans omnes fideles ad communicandum in Paschate, & quosdam sacerdotes ad celebrandum multoties per annum; obligaret hoc ipso ad eminentem sanctitatem, quæ paucorum est, habita ratione multo maioris numeri aliorum in minori, & communi gradu virtutis constitutorum, quæque non cadit sub præceptum communiter. Neque sacerdotes excusaret necessitas, vel obligatio celebrandi sæpius; aut laicos præceptum communicandi saltem in Paschate: quia quod est malum intrinsecè & illicitum, non potest aliqua necessitate excusari, manentibus circumstantiis, in quibus malum est.

Argumentis verò in fauorem tertiæ sententiæ à Suare adductis Respondeo, primum nihil nobis obesse. Secundum verò debere restringi iuxta ea, quæ diximus in 1. & 2. conclusione: alioqui generalius sumptum nimis probat. Sequeretur enim quemlibet affectum leuem ad peccatum veniale esse causam nouæ malitiæ, & specialis culpæ, quod Suares ipse negat *dicto tertio*, supra relato. Probatur sequela, quia impedit aliquem effectum secundarium sacramenti non contemnendum, saltem remissionem illius venialis peccati, cuius habet affectum. Enimuerò, vt benè ait Vasques loco supra citato, non tenemur sub veniali non impedire omnem effectum huius Sacramenti qui non sit primarius. Cumque iustificatio à veniali non sit necessaria ad salutem, neque ad augmentum gratiæ: non apparet vllum esse peccatum eam non consequi per Sacramentum Eucharistiæ, ob defectum dispositionis. Adde quod homo potest, sine vlllo peccato, ex duabus dispositionibus, quarum vna tendit ad plures & vberiores, huiusmodi effectus, aut fructus percipiendos, altera ad pauciores, & minores: eligere quam valuerit. In quo casu eligit carentiam aliquorum eiusmodi fructuum, aut certè cuiusdam intensiōis illorum. Adde etiam illum, qui habet affectum vnius, aut alterius peccati venialis, non ponere obicem omnibus eiusmodi effectibus: nec enim

ponit obicem remissioni aliorum peccatorum venialium, quorum non habet affectum, & de quibus dolet sufficienter. Adde tertio, non modò in istis effectibus secundariis Sacramenti, verum esse hominem non teneri facere summum quod potest: sed etiam in prima gratia sanctificante: vt rectè docet Valentia quæst. 8. de Euchar. punc. 3. §. Nam cum nemo. Vbi de hac gratia loquens, affirmat neminem teneri facere summum quod potest, vt eam recipiat in summo quodam gradu: Sed satis esse si adhibeat moralem diligentiam, hoc est, humano & prudenti iudicio sufficientem. Alia quæ obiciuntur ab aduersariis, pugnant specialiter contra frequentiam communionis, de qua dicemus sect. 6. & sequentibus, vbi prius egerimus de dispositionibus necessariis ex parte corporis.

SECTIO V.

Quæ dispositiones requirantur ex parte corporis ad sumptionem Eucharistiæ?

Respondeo, & dico primò ex ipsa rei natura requiri, vt quisque accedat ad communionem cum externa decencia, & reuerentia; eoque corporis habitu, & compositione, vt internam animi reuerentiam præ se ferat. Ratio est, quia communio est actus externus religionis, valde excellens. Ergo debet reuerenter, & religiosè fieri, talique exterius apparere: ita scilicet, vt ostendat nos sacrum hunc cibum à communi, & profano discernere, iuxta præceptum Apostoli 1. Corinth. 11. Debet enim discerni non solum per internam mentis affectum, & dispositionem; verum etiam quoad ipsius corporis compositionem, & externum sumendi modum. Ideoque ea semper fuit Ecclesiæ consuetudo, vt fideles proni, & adorationis in modum ad Eucharistiam accederent, vt faciendum esse docet Cyrillus Catech. 5. mystagogica Accede, inquit, prout adorationis in modum: & August. in Plalm. 98. vbi explicans versum illum, *Adorate scabellum pedum eius*, affirmat neminem carnem illam manducare nisi prius adorauerit. Et Ambros. lib. 3. de Spiritu sancto cap. 12. eundem versum simili modo interpretans comparat hanc adorationem cum illa, quæ Apostoli Christum in specie visibili adorabant, quando v. g. Matth. 14. v. 33. *Venerunt, & adorauerunt eum, dicentes, verè filius D. ies.* Loquuntur autem ambo de comestione, quæ fit in Eucharistia: adeoque de adoratione externa, & visibili illi exhibenda, & tunc temporis exhibita: cuius occasione, vt idem August. testatur libro 20. contra Faustum cap. 13. Calumniam

56.
Sacrificii argumentis tertiæ opinionis.

572
Decencia exterior a te queritur.

bantur olim Ethnici Christianos adorare Cererem & Bacchum. De eadem quoque loquitur D. Chrysost. homil. 24. in 1. ad Corin. ubi comparat adorationē huic sacramento exhibendam, cum illa quæ Matth. 2. fuit à Magis exhibita Christo iacenti in præsepi, qui *proidentes adorauerunt eum*. Quod verò attinet ad specialem modum illius adorationis, & extetnam compositionem corporis in vñu Eucharistiæ, seruanda est vnicuique recepta Ecclesiæ consuetudo, nec quicquam temerè immutandum, aut innouandum sine auctoritate illius, ad quem pertinet statuere de ritibus in administratione sacramentorum seruandis.

§ 8. Dico secundò, ad decenter communicandum vitandam esse maculam corporis, quæ propter se, vel propter effectus ex ea secutos disconuenit puritati illius sacramenti, vel impedit deuotionem, & reuerentiam necessariam: ita vt priùs tollatur, si fieri potest; vel aliquandiu expectetur, donec esse desierit: vitandam esse, inquam, vel ex congruitate, vel interdum etiam ex obligatione, quæ tamen non est gravis, secluse scandalo. Ita Suares disputatione sexagesima octaua, sectione secunda, sumiturque ex D. Thom. quæst. 80. art. 7. ubi quærit vtrum pollutio nocturna impediat à sumptione huius sacramenti: respondetque impedire ex necessitate, si contingit ex culpa mortali, id est, si fuit grauiter culpabilis, & illicita ratione causæ, ex qua voluntariè sequitur. Quod intelligit etiam si culpa fuerit per confessionem expiata; vt patet ex solutione quarti argumenti. Quia, inquit, licet per contritionem, & confessionem auferatur featus culpæ; non tamen auferatur corporalis immunditia, & distractio mentis ex pollutione secuta. At verò quando sine graui culpa, vel planè inuoluntariè contingit, impedire solum ex quadam congruentia quantum ad duo. Quorum vnum, inquit, semper accidit, scilicet quædam sceditas corporis, cum qua, propter reuerentiam sacramenti, non decet ad altare accedere (vnde & volentes tangere aliquid sacrum, manus lauant.) Nisi forte talis immunditia sit perpetua vel diuturna, sicut est lepra, vel fluxus sanguinis, vel aliquid huiusmodi. Aliud autem est, euagatio mentis, quæ sequitur pollutionem nocturnam, præcipuè quando cum turpi imaginatione contingit. Hæc Diuus Thomas, monens in fine corporis impedimentum istud, quod ex congruitate prouenit, postponi debere necessitati. Purà, quando dies festus exigit communionem, aut ministerium Sacerdotis ad celebrandum. Idemque putant aliqui dicendum esse cum proportionem de priori impedimento, quando scilicet pollutio fuit grauiter culpabilis: ita vt, licet communicatio vix illo die sit permittenda, quamuis ritè confesso; & alioqui communicans peccet venialiter propter indecentiam: grauibz tamen de causis prudenti iudicio examinandis possit interdum permitti.

dicio examinandis possit interdum permitti.

Maiores tamen debet esse necessitas, & causa grauior in hoc casu, quàm in præcedenti: de quo etiam non omnes cum D. Thom. consentiunt. Nam Diuus Augustinus serm. 244. de Temp. non obicure affirmat peccare venialiter communicantem post pollutionem nocturnam, licet inculpabilem, & planè inuoluntariam: ideoque debere non de congruo solum, sed etiam de necessitate abstinere. Contra verò, Iust. Mart. quæstione vigesima prima, ad Orthodoxos, asserit generaliter, & absolute non esse æquum propter hanc inuoluntariam passionem abstinere à mysteriis. Alii dicunt sub distinctione interdum esse melius non communicare eo die quamuis id licitè possit: interdum contra, melius esse ad communionem accedere; quando scilicet nulla inde mentis perturbatio remanet, quæ deuotionem, & attentionem impediatur, aut quando pollutio inuoluntaria prouenit ex nequitia demonum volentium auertere à sumptione huius sacramenti: vt cuidam Anachoretæ frequenter contigisse refert Diuus Thomas art. cit. in corp. post Cassian. collat. 22. cap. 6. Tunc enim melius est contemnere demonis illusiones vt citius facessant; sicut à Patribus Eremitarum prudenter iudicatum fuisse referunt iidem auctores, locis citatis.

Idem Sanctus Doctor in solutione 2. arg. explicans vtrum copula coniugalitatis impediat à sumptione Eucharistiæ, responderet: si abique peccato fiat, puta causa proles generandæ, vel reddendi debitum, de illa sentiendum esse, vt de pollutione inuoluntaria: impedire scilicet ex congruitate duntaxat, propter immunditiam corporalem, & mentis distractionem. Si verò fiat ex voluptate dominante, prohiberi debere coniuges ne accedant. Quod postremum intelligi debet, saltem quando hinc sequitur magna perturbatio, & distractio animi, & quædam hebetudo ad res spirituales: vt contingit, quando copula ex nimia voluptate, & concupiscentia fit. Tunc enim regulariter est peccatum veniale sic communicare, ob defectum sufficientis dispositionis, vt rectè affirmat Suares disputatione sexagesima octaua, sectione secunda in fine: ubi addit in eundem sensum benignè interpretandos esse Hieronymum in Apologia ad Pammachium pro libris suis contra Iovinianum, & Augustinum sermone 216. & 244. de Tempore, ubi absolute & generaliter videntur damnare peccati coniuges accedentes ad communionem post copulam. In Concilio quoque Eliberino dicitur coniuges debere abstinere à copula tribus, aut quatuor, aut octo diebus ante communionem, vt referatur dist. 2. de Consecr. cap. *Omnis homo*. Sed vel consilium tantum id erat, vel obligare desinit, præcepto per contrariam consuetudinē abrogato. De puerperis quoque statutū erat

§ 9.
An etiam
copula cō-
iugalitatis

Impediat
ne pollutio
nocturna
inuoluntaria

An etiam
puerperis
& menstrua

à Leone imperatore, cognomine sapiente, ut ne ante quadragessimum diem ad communionem accederent: quemadmodum refert Theodor. Bals. in epist. Dionysii Alexandrini ad Basilidem can. 2. Sed hæc constitutio non habuit vim obligandi: quia de his statuere, non pertinet ad Imperatores, sed ad summos Pontifices. Nulla verò est lex Ecclesiastica, quâ obligentur non accedere. Et quamvis aliquandiu non modò à communionem, sed etiam à Sacrificio, & ab ingressu templi abstineant: id faciunt propter infirmitatem, & debilitatem corporis: non autem vi ullius legis, aut etiam obligationis inducæ per consuetudinem: quippe quæ non fuit seruata ex intentione obligandi. De menstruatibus denique censent aliqui non debere accedere iuxta illud Dionysii Alexand. loco supra cit. *si pia & fideles sint, non debent sic affectu attingere Corpus, & sanguinem Domini.* Idemque videtur sentire D. Thom. q. 80. art. 7. in solutione 3. si conferatur cum argumento, cui respondet. Sed hoc intelligendum esse puto cum Suare, & pluribus aliis, quando communio potest commodè differri: neque vel dies festus, vel alia causa specialis impellit ad communicandum.

60.
Communi-
cans debet
esse ieiunius

Dico tertio, ex præcepto Ecclesiastico requiri, ut qui communicat, sit ieiunius. Quod præceptum antiquissimum esse, & ab Apostolis ipsis latum fuisse testantur Cyprian. Tertull. Basil. August. Epiph. Isidor. & alii relati à Suare d. 68. sect. 3. Valsq. d. 211. cap. 1. & Valent. q. 8. de Euch. punc. 3. Isidori verba lib. de Officiis Ecclesiasticis cap. 18. hæc sunt: *Placuit spiritui sancto per Apostolos, ut in honorem tanti sacramenti, in os Christiani primum Dominum Corpus intraret, quam ceteris cibi.* Et ideo per uniuersum orbem mos iste seruatur. Idem ferè, & iisdem verbis August. epist. 118. ubi insuper ait, quod Calvinistis diligenter aduertendum est, insolentissimè esse infanti disputare, an rectè fiat quod per totum terrarum orbem frequentat Ecclesia. Nec quia Apostoli ieiuni non fuerunt recipientes Eucharistiam, calumniandum esse uniuersæ Ecclesiæ, quod à ieiuniis semper accipi velit: & rationem peculiarem fuisse, cur Apostolos Christus post cœnam ultimam communicauerit. Vt nimirum aliis infigeret vltimum hoc cordibus, & memoriæ ipsorum, à quibus paulò post ad passionem digressurus erat. Addit Beda in cap. Luc. 22. ut veritas figuræ agni succederet, Christo instituyente, & celebrante Eucharistiam post esum agni Paschalis.

61.
Ieiunium
illud est de
præcepto.

Porrò abstinentiam illam ab omni alio cibo ante communionem non fuisse tantum de consilio, sed de præcepto, patet ex pœnis impositis secus facientibus. Nam Eutychianus Papa constituit ut qui acceperit Sacrificium post cibum, aut post aliquam modicam refectionem, pueri tres dies, maiores septem, Clerici viginti dies pœniteant. Quæ eius verba referuntur à Burcardo lib. 5. cap. 25. & ab Iuone parte 2. cap. 45. Et in Con-

cilio Braccarenfi 2. can. 10. sancitur, ut si quis Presbyter non ieiunus, sed quocunque cibo præsumpto, oblationem consecrauerit in altari, continuò ab officio suo priuatus à proprio deponatur Episcopo. Et in Concilio Toletano 7. can. 2. statuitur ut sententia excommunicationis in eum feratur, qui post cibum potumque quamlibet minimum sumptum, Missam fecerit. Et Chrysost. epist. 125. iuxta recentem edit. ad Cyriacum Episcopum exulem, repellens calumniam sibi obiectam, quod non ieiunos ad communionem admisisset: hoc crimen adeo deprecatur, ut non recuset, si id fecerit, expungi nomen suum ex albo Episcoporum, & eiici à Christo è regno suo. Plura his addit Durantius lib. 2. de Ritib. Eccles. cap. 7.

Chrysost.

Perperam autem opponunt hæretici non potuisse abstinentiam ante communionem ab Ecclesia præcipi: & melius esse non abstinere, cum ad præceptum spernendum, tum quia Christus aliter fecit. Nam certum est Ecclesiam, non minùs atque ciuilem rempublicam, habere potestatem condendi leges, etiam in illis, quæ diuinitus præcepta non sunt, ut suppono ex tractatu de Legibus. Et ipsimet hæretici multas leges, siue ordinationes Ecclesiasticas, ut vocant, condiderunt: ut videre est in ordinationibus Ecclesiæ Gebennensis. Exemplum verò Christi non obligat hac in parte, ut neque in aliis multis quæ Christus fecit, & non præcepit. Alioquin, & cœnatis, & duodecim numero, & noctu in cœnaculo strato accubantibus, & post esum Agni Paschalis, cum lactucis agrestibus, cæterisque cerimoniis tunc adhibitis, communicare tantum liceret. Imò neque conueniens fuit Ecclesiam fidelibus id liberum relinquere, habita ratione propensionis multorum ad intemperantiam, & ebrietatem, in quam incidisse Corinthios testatur Paulus 1. Corinth. 11. v. 21. Denique hæretici contra ipsos Apostolos latrant, à quibus hæc consuetudo manauit, ut supra ostensum fuit.

62.

Potuit præ-
cipi ab Ec-
clesia.

Quale autem ieiunium seruandum sit ante communionem, & quinam ab illo eximantur, vide apud Suarem disp. 68. sect. 4. 5. & 6. Valsq. disp. 211. Delugo disp. 25. sect. 2. 3. & 4. Ysamb. ad quæst. 80. disp. 4. art. 2. aliosque D. Thom. interpretes circa eandem quæstionem, qui docent primò ieiunium illud esse debere naturale, consistens in omnimoda abstinentia cibi, & potus: ita ut si quis vel minimum cibi, aut potus deglutiuerit, debeat omnino à communionem abstinere. Deglutiuerit, inquam; nam in ostantum ingerere, non est frangere ieiunium naturale: quia non est comedere, vel bibere. Secundò, excipit tamen, si minimum quid per modum saluæ deglutiatur: ut minimum quid aquæ palato, vel linguæ adherentis, quando ante communionem os abluitur: vel minimum quid cibi dentibus insertum ex comestione hesternæ. Quod tamen puto cum D. Thoma quæst. 80. art. 8. ad 4. contra nonnullos,

63.

Quale iei-
unium te-
quiritur.

Sff 5

Quinam ab
illo exi-
mantur.

casu contingere debere, & non posse licite fieri de industria: quamquam neque scrupulosè debet vitari. Tertiò, excusari sacerdotem qui per imprudentiam aquam pro vino sumpsit in calice, & consumpsit. Debet enim ad sacrificium perficiendum calici vinum infundere; & consecrare, ac sumere, quamvis priùs aquam biberit. Sique errorem aduertit aquam in ore habens, antequam illam biberit, non debet expuere, vel in calicem reicere: quia utrumque est indecens, & periculum est ne simul expuat aliquas particulas hostiæ: sed potest ac debet sorbere, necessitate cogente, posteaque vinum in calicem infundere, & consecrare, atque consumere, ad perficiendum & consummandum sacrificium. Quartò, posse etiam Sacerdotem celebrantem sumere post ablutionem particulas, in patena, vel sacra pixide mundanda residuas: idque etiam quando ad sacristiam rediit, & particulam aliquam in patena, vel pixide restantem inuenit, si non potest commodè seruari, vel ab alio sumi. Debet tamen sumere ante ablutionem quoad fieri potest. Quintò, excusari etiam infirmos, qui sine incommodo non possunt seruare ieiunium; non modò si viaticum sumendum est in periculo mortis: sed etiam post semel acceptum viaticum, & intra eandem infirmitatem, ut ostendit usus fidelium.

64.

Sextò, potest non ieiunus sumere Eucharistiam, si alioqui periculum sit, ne ipsa in manus infidelium deueniat, à quibus indigne tractetur. Cum enim hoc præceptum latum sit propter reuerentiam Sacramenti, non obligat ubi eius reuerentia contrarium postulat. Septimò, dicunt aliqui sacerdotem non ieiunum celebrare posse, si id necessarium sit ad dandum viaticum moribundo. Sed alij probabilis, & communis negant. Neque puto contrarium esse in praxi. Potest etiam non ieiunus communicare propter scandalum, vel infamiam grauem vitandam. Ut si sacerdos celebrando Sacrum recorderetur se aliquid comedisse, & non possit sine scandalo, vel graui nota infamiae Sacrum inchoatum relinquere. Item si iam consecrauit debet prosequi, ut consummet Sacrificium, quamvis sine scandalo, & infamia posset desistere. Quia grauius est præceptum consummandi sacrificium, quam ieiunè communicandi. Denique potest summus Pontifex in hoc præcepto, quippe Ecclesiastico, dispensare, sicut re ipsa dispensat cum Cardinali celebrante circa horam decimam pomeridianam vigiliæ Natalis Domini. Et ut scribit Famianus Strada lib. 1. de bello Belgico, dispensauerat cum Carolo V. Imperatore. Ac non ita pridem anno 1619, permisit Paulus V. ut honesta quidam matrona Lemouicensis, quæ adhuc viuit, eoque privilegio fruitur, quotidie post cibum communique, ad compescendum horribilem, & miserabilem totius corporis tremorem, quo post sumptionem cibi corripitur, quoue in certum vitæ periculum adduceretur, nisi ei statim dare-

Potest in
eo Papa
dispensare.

tur communio; quod vnicum remedium, omnibus aliis frustra tentatis, huic malo seu maleficio tandem repertum est: sed promptum semper, & efficax. Illo enim adhibito tremor eodem momento sistitur infallibiliter, nisi si fortè (ut interdum factum est experimenti causâ) hostia non consecrata, loco consecratæ ad communicandum illi exhibeatur. Quæ omnia volui commemorare propter quosdam recentiores, qui affirmant summum Pontificem nunquā super hoc præcepto dispensasse. Huius autem postremæ concessio- nis testimonium authenticum apud nos est.

65.

Quid fa-
ciendum in
dubio.

Superest notare, in dubio rationabili- num aliquis sit ieiunus, iudicandum esse in fauorem communicare volentis. Putà, si rationabiliter dubitet, num aliquid cibi vel potus deglutiuerit. Vel utrum ante mediam noctem id contigerit, quia horologia varia- bant, vel quia signum alicuius campanæ au- diuit, ex quo probabiliter conici potest me- diam noctem nondum præterisse. Dico au- tem, *dubium rationabile*. Quia si quis passim quâ vellet horâ noctis comederet, postea- que vellet communicare, dicens se non ad- uertisse an post mediam noctem comederit: non esset admittendus ad communionem, neque sine graui peccato communicaret.

66.

Abstiney-
dum à cibo
& potu
pauo post
communio-
nem.

Addo præterea cum Durantio lib. 2. de Ritibus Eccles. cap. 7. n. 6. non modò ante communionem, sed etiam aliquantò post à cibo abstinendum esse: iuxta illud Chrysost. homil. 17. in caput 11. epistolæ primæ ad Corinth. *Considera cum Sacras illas cenas Apostoli accipiebant, quid tum faciebant? Nonne in preces conuertebantur, & hymnos? &c. Tu autem priusquam accipias, ieiunas, ut aliquo modo dignus communicatione videaris: cum autem acceperis, & oportet in continentia perseue- rare, omnia perdis. Quamquam æquum est ante, & post communionem ieiunare. Oportet enim utroque tempore continentem esse: sed maximè post acceptum sumpsit. Ante ut dignus fias accipiendi, postmodum, ut non in lignus videaris qui accepe- ris. Et Clemens Rom. epist. 2. ad Iacobum fratrem Domini, vult ut qui residua corpo- ris Domini consumunt, non statim ad communes cibos accipiendos conueniant, ne putent sanctæ portioni commiscere cibum, qui per aqualiculos digestus in lecossum sua- ditur. Additque, ut qui manè Dominicam portionem ederint, usque ad sextam ieiunent: & qui tertiam, vel quartam horam accepe- rint, ieiunent usque ad vespem. Quæ ver- ba referuntur in can. *Tribus gradibus, de Consecrat. dist. 2.* Sed ut bene notat auctor supra citatus post Archidiaconum, & Syluestrum, Canon iste longa consuetudine contraria abrogatus est: sufficitque modò expectare donec species sacramentales consumptæ fue- rint (quod breui tempore fit, medio circi- ter quadrante in sacerdotibus utramque spe- ciem accipientibus, in aliis verò celerius) vel etiam aliquantò amplius, ob reuerentiam cibi istius diuini cum vulgari, & prophano non miscendi.*

SECTIO VI.

De frequenti usu communionis: & primò,
an & quatenus sit licitus?

67. **T**Ria de argumento proposito explicanda sunt. Primò, liceatne semel quotidie, vel plusquam semel ad communionem accedere? Secundò, sitne melius frequentius, quam rarius communicare? Tertiò, quid in praxi unicuique circa frequentiam, vel infrequentiam communionis faciendum, aut consulendum sit? Quæ omnia sequentibus conclusionibus explicabuntur.

Liceatne
sepius eo-
dem die?

Dico primò, iure Ecclesiastico prohibendum esse, ne quis sepius quam semel eodem die communique; exceptis certis casibus. Ita doctores communiter colligiturque ex cap. *Consuluit*, de celebratione Missarum, & cap. *Sufficit*, de consecrat. dist. 1. ubi prohibetur sacerdotibus plusquam semel quotidie sacrificium Eucharistiae celebrare: & consequenter prohibetur laicis plusquam semel quotidie Eucharistiam sumere: quam illationem consuetudo Ecclesiae declarat, & confirmat. Et quidem ratio huius prohibitionis est utrisque communis, atque ordinariè magis habet locum in laicis communicantibus: nimirum quia id expedit ad mortem Christi representandam, qui semel tantum mortuus est: & ad maiorem huius sacramenti reuerentiam: & quia vix possunt fideles sepius in die tantam procurare dispositionem, quantam asserre ad communionem conueniens est.

68. Quid de iure naturali, aut diuino.

Dixi autem, iure Ecclesiastico: quia iure naturali, & diuino id non est prohibitum: sed solum, ut ne quid fiat circa usum huius sacramenti, ex quo vilescat, aut irreuerenter tractetur, vel in contempnum, & irrisionem adducatur. Cuiusmodi esset, si quis vellet singulis horis ter aut sepius communicare. Pertinuit autem ad Ecclesiam determinare, quid circa illius frequentiam seruari debeat: ut fecit prohibendo communionem plusquam quotidianam, excepto casu necessitatis, & quibusdam aliis ab ipsa expressè concessis. Nam in die Natalis Domini concedit sacerdotibus ter celebrare, adeoque ter eo die communicare: quod tamen laici, non possunt: cap. *Consuluit*, & cap. *Sufficit*, supra citatis. Ibidemque permittit, ut in casu necessitatis possint plusquam semel in die celebrare. Ut quando propter penuriam sacerdotum, & paupertatem Ecclesiarum, concedunt Episcopi, ut unus duabus parochiis seruiat, & in utraque sacrum eodem die celebrare possit, adeoque bis communicare. Vel quando aliter non potest vitari graue aliquod malum, præponderans præcepto non communicandi bis. Ut si v.g. sacramentum Eucharistiae esset alioqui venturum in manus infidelium, & indignè habendum.

Aut si post consecrationem contingat sacerdotem mori, vel repentino morbo corripi: ita ut nequeat sacrificium peragere, & non sit alius à quo perficiatur, nisi sacerdos qui iam communicauerit. Tunc enim sicut potest perfici à sacerdote non ieiuno, ut expressè habetur in regulis Missalis, cap. de defectibus §. 10. ita & ab illo qui iam semel communicauerit. Integritas enim sacrificii quæ est iuris diuini, præponderat utrique præcepto Ecclesiastico.

Addunt aliqui, ei qui post communionem eodem die subito incidit in periculum mortis improvisum, licere iterum sumere Eucharistiam per modum viatici. Quæ de re videri potest Ysamb. ad quæst. 80. disp. 5. art. 1. & 3. ubi fufius hanc sententiam persuadere conatur. Sed contrarium tenendum puto cum aliis Theologis, quorum sententia est adeo communis, ut Suar. disp. 69. sect. 3. non vereatur dicere, sententiam affirmantem id licere, esse contra omnes doctores, contraque receptam Ecclesiae consuetudinem. Et Aegid. Conin. q. 80. art. 11. dub. 3. num. 100. affirmet illud à nemine concedi. Videri potest speciatim Cardinalis Delugo disp. 17. de Euchar. sect. 3. ubi fufius, & accuratius hanc quæstionem dilcurit. Quod verò attinet ad horam communicandi, seruanda est consuetudo Ecclesiae, & communicandū eo tempore, quo solet Eucharistia distribui cōmuniter, excepto casu necessitatis.

Dico secundò, usum frequentem communionis, etiam quotidianum, esse licitum per se loquendo, & iure diuino permissum. Probatur primò ex Scriptura, quæ Act. 2. v. 42. significat fideles tempore Apostolorum quotidie communicasse, idque veluti bonum, & laudabile commemorat. Erant, inquit, perseverantes in doctrinā Apostolorum, & communicatione fractionis panis, & orationibus. Et paulò post, v. 46. Quotidie quoque perdurabant unanimiter in templo. Quæ verba simul iuncta de quotidiana Communionem intelligunt communiter SS. Patres, & interpretes Catholici. Ad eundemque usum quotidianum Eucharistiae referunt illam petitionem orationis Dominicae, Panem nostram quotidianum da nobis hodie, Cyprian. in expositione eiusdem orationis, Ambros. lib. 5. de Sacram. cap. 4. & August. homil. 42. & epist. 121. ad Probam, quorum verba referemus paulò post. Libros autem de Sacram. Ambrosio inscriptos, esse germanum illius fœrum pro indubitato habent Bellarm. in lib. de Script. Eccles. Perron. lib. 2. de Euchar. auctore 14. & plures alii in lectione Patrum optime versati.

Probatur secundò ex SS. Patribus, quorum aliqui significant usum valde frequentem communionis Eucharistiae fuisse suo tempore non modò permissum, verum etiam præceptum. Sic enim D. Thom. q. 80. art. 10. ad 5. aliique multi exponunt id, quod ait Anacletus Papa epist. 1. circa medium, & refertur dist. 1. de Consecrat. cap. *Episcopus*.

69. Commu-
nio quoti-
diana est
per se licita.
Probatur
ex Scriptis

70. Idem probatur ex Patribus

& cap. *Peracta*, dist. 2. eodem tit. *Peracta*, inquit, *consecratione omnes communicet, qui noluerint Ecclesiasticis carere liminibus. Sic enim & Apostoli statuerunt, & sancta Romana tenet Ecclesia.* Eodemque pertinet, quod in can. 9. & 10. Apostolorum statuitur, ut qui Missæ sacrificio interlunt perseveret in oratione, viquedum Missa peragitur, factaque oblatione communicent: ac si absque causa rationabili id facere prætermittant, communionem priuentur. Alii usum quotidianum Eucharistiæ partim suo adhuc tempore viguisse affirmant; partim veluti de se bonum, & laudabile commendant. Ut Tertull. lib. 2. ad uxorem cap. 5. *Non fiet maritus quid secretò ante omnem cibum gustet: & si sciverit, tamen non illum credit esse, qui dicitur.* Quibus verbis, & aliis ibidem adiunctis significat morem fuisse fidelium sui temporis quotidie ante omnem alium cibum Eucharistiam sumere: id enim indicant illa eiusdem verba paulò ante, *Nolite, inquit, margarita vestra ante porcos iactare, ne conculcent ea; & conuersi, vos quoque eueriant. Margarita vestra sunt quotidiana conversationis insignia.* In eumque vltim illam domum deferebant olim fideles in oratio, & reuerenter seruabant, ut patet ex pluribus sanctorum Patrum testimoniis, Clementis Alex. lib. 1. stromat. Cypriani serm. de lapsis, Basilii epist. ad Cæsariam Patriam, Hieron. in apol. pro libris suis contra Iovinianum. Cyprianus autem in expositione orationis Dominicæ, circa illa verba, *Panem nostrum quotidianum, &c.* sic ait: *Hunc autem panem dari nobis quotidie poscimus, ne qui in Christo sumus, & Eucharistiam quotidie ad cibum salutis accipimus, intercedente aliquo grauiore delicto, dum absenti, & non communicantes à cælesti pane cohibemur: à Christi corpore separemur.* Quibus similia habet August. epist. 121. ad Probam. cap. 11. & lib. 50. homil. homil. 42. *Panem nostrum, inquit, quotidianum da nobis hodie, Eucharistiam tuam quotidianum cibum. Norunt enim fideles quid accipiant, & bonum est eis accipere panem quotidianum huic temporis necessarium.* Et Ambros. lib. 5. de Sacram. cap. 4. *Si quotidianus est panis, cur post annum illum sumis? Quotidie accipe, ut quotidie tibi proficiat. Sic vine, ut quotidie merearis accipere. Qui non meretur quotidie accipere, non merebitur post annum accipere.* Et denique, ut alios præteream, Hieron. in Apologia supra cit. testatur morem Ecclesiarum Romanarum sui temporis fuisse quotidie communicare: & in epist. 28. ad Lucinium, prope finem, addit eundem fuisse morem Ecclesiarum Hispaniæ.

Probatur tertio auctoritate Concilii Trident. sess. 22. cap. 6. vbi consuetudinem illam primitiue Ecclesiæ hoc tempore restitui, si fieri posset, desiderare se affirmat his verbis: *Optaret quidem sancta Synodus, ut in singulis Missis fideles astantes non solum spirituali affectu, sed sacramentali etiam Eucharistiæ per receptionem communicarent, quo ad eos sanctissimi huius sacrificii fructus & maior proveniret: ade-*

oque communicarent quotidie, qui quotidie Sacrificio Missæ adstant, ut plerique solent. Et Catechismus eiusdem Concilii, iussu Pii. V. editus, parte 2. cap. 4. sect. 61. instruit Parochum, ut hortetur fideles ad hunc panem quotidie sumendum, sicut corpori in singulos dies alimentum subministrant. Et declaratio Cardinaliū Congregationis Concilii Tridentini anno 1587. circa locum supra relatum, affirmat illum ob stare Episcopo volenti præscribere certa tempora (velut dies Dominicos, quartam, & sextam feriam) quibus tantum liceat viris laicis, coniugatis, negotiatoribus, & mulieribus etiam non coniugatis, sanctissimam Eucharistiam sumere, ob irreuerentiam, quam potest quotidiana huius cibi sumptio in sua Diocesi parere. Additurque ibidem hæc ratio: Quia antiquo tempore, peracta consecratione, omnes adstantes sumebant Eucharistiam: & ideo licitum est quotidie Eucharistiam sumere. C. *Quotidie, De consecr. dist. 2.* Quapropter exhortandi sunt fideles, ut sicut quotidie peccant, ita quotidie medicinam accipiant, *Si quotiescunque, De consecr. dist. 2.* Hucusque Sacra Congregatio, prout habetur in Concilio recens edito cum declarationibus, & in 4. volumine Decisionum Rotæ, ad cap. 6. sess. 22. Refertur etiam à Cardinali Delugo disp. 17. de Euchar. sect. 4. num. 41.

Probatur 4. ratione insinuata à Tridentino verbis antea relatis, & à D. Thoma quæst. 80. art. 10. in c. vbi affirmat utile esse quotidie sacramentum hoc sumere, ut homo quotidie eius fructum percipiat. Vnde Ambros. lib. 4. de Sacram. cap. 6. *Si quotiescunque, inquit, effunditur sanguis Christi, in remissionem peccatorum effunditur, de quo semper accipere: qui semper pecco, de quo semper habere medicinam.* Quæ verba referuntur dist. 2. de consecr. cap. 14. Aliam rationem insinuat Trident. sess. 13. cap. 2. cum ait Christum voluisse hoc sacramentum sumi tanquam spirituale animarum cibum, quo alantur, & confortentur, viuentes vita illius, qui dixit, *Qui manducat me, & ipse viuet propter me:* & tanquam antidotum, quo liberemur à culpis quotidianis, & à peccatis mortalibus præseruemur. Nimirum quia, ut rectè dicit Bernard, vel quis alius apud ipsum auctor Sermonis de Cæna Domini, in magnis peccatis impedit consensum, & in minimis sensum minuit. Et quemadmodum ad vires corporis reparandas, vitamque conservandam opus est cibo corporali quotidiano sic ad vires animæ restaurandas contra detrimenta à culpis quotidianis illata, vitamque spirituales contra tentationes & peccandi pericula tuendam, expedit quotidie cibo isto diuino eam reficere.

Dixi in fine conclusionis, *per se loquendo;* quia per accidens ratione status peccati, vel irreuerentiæ, & indeuotionis, potest esse cuiusdam illicitum tam frequenter communicare, ut parebit inferius. Dixi etiam, *inre diuino;* quia iure Ecclesiastico fortè prohibe-

Eucharistia
panis quo-
tidianus.

71.

Probatur
ratione.

71.

Confirma-
torex Tri-
dent.

73.

Communicare in die Parasceues, excepto celebrante officium, aut casu necessitatis: excepto etiam privilegio concessio quibusdam Galliarum Ecclesiis Deo consecratis in honorem Beatæ Virginis Mariæ, in quibus licitum est non modo Eucharistiam sumere; verum etiam sacerdotibus omnibus eo accedentibus Sacrificium Missæ celebrare in die Parasceues, quotiescunque festum Annunciationis B. V. in eum diem incidit. Sed neque illa prohibitio Ecclesiastica communicandi modo laico in die Parasceues, vilo sufficienti argumento probatur: ideoque negatur communiter à Theologis, vno aut altero excepto, ut videre est apud Suarem disp. 80. de Euchar. sect. 2. §. *Secundus dies est Parasceues*. Vitandum tamen hac in re scandalum pusillorum; & recepta consuetudo locorum vobis servanda.

73. **Communionio frequenter est melior, per se loquendo.** Dico tertio, per se loquendo melius esse frequentius ad Eucharistiam sumendam accedere, quam rarius. Patet ex dictis assertione precedenti. Nam sine dubio melius est per se loquendo; id quod primi Christiani tam laudabiliter fecerunt, quodque tum ipsi Apostoli ex quorum disciplina id faciebant, tum etiam Pontifices, & SS. Patres eorum contemporanei, aut vicini commendaverunt: quod denique etiam nunc optavit generalis Synodus Tridentina in usum revocari. Cuius exactissimus observator S. Carolus Borromeus in Concilio tertio Mediolanensi Actuum parte 1. tit. de iis quæ ad Sacram. Eucharistiae pertinent; pag. 92. statuit ut Parochi ad saluberrimum huius sacramenti frequenter sumendi usum fideles cohortentur, & excitent, nascentis Ecclesiae Institutis, atque exemplis, & gratissimorum PP. vocibus, & uberrima hoc ipso de genere Catechismi Romani doctrina, & sententia denique Tridentinae Synodi quæ optaret quidem fideles in singulis Missis non solum spirituali affectu, sed sacramentali etiam Eucharistia percipere communicare. Quod si quis concionator, etiam regularis, aliquid contra directè, indirectè dixerit, aut concionatus sit: Episcopus, in cuius urbe, Diocesi hoc ille admisit, ei tanquam scandalum diffeminanti, Tridentinae eiusdem Synodi auctoritate interdiciat predicationem verbi Dei.

74. **Probat ex Concilio & Patribus.** Eundem usum frequentem commendant alia multa Concilia; ut Senonense an. 1524. Carnotense an. 1526. Parisiense an. 1557. Burdegalense an. 1572. Aquisgranense sub Gregor. IV. an. 836. cap. 3. can. 22. cuius verba sunt: *Sane communicatio corporis Domini omni quolibet die Dominico debuit celebrari: ne forte qui longè est à sacramentis, quibus est redemptus, longè sit à salute, quam fuerat consecutus*. Nimirum quia, ut rectè dixit Theodulphus Episcopus Aurelianensis ante annos circiter octingentos, in suo capitulario, cap. 44. *Sicut periculosum est impiorum quemquam ad tantum sacramentum accedere: ita etiam periculosum est ab hoc prolixo tempore abstinere*. Ex quibus patet quàm longè ab sine à sensu Ecclesiae, & SS. Patrum, qui hodie prætextu

pœnitentiæ publicæ, & excellentis cuiusdam dispositionis, quam vix Apostoli ipsi attigerunt, conantur fideles à frequenti communione avertere, imò & ab omni communicandi usu detertere.

Confirmatur ex D. Thom. q. 80. art. 10. ad 9. ubi affirmat infrequentiam communionis, non nisi ex defectu devotionis, & diminutione fervoris fidei, & charitatis introductam esse. Quando enim, inquit, magna vigeat devotio fidei Christianæ, statutum fuit ut fideles quot die communicarent, teste Anacleto Papa epist. supra citata: postmodum verò, diminuto fidei fervore Fabianus Papa indulxit, ut si non frequentius, saltem ter in anno omnes communicarent; scilicet in Pascha, Pentecoste, & Natali Domini; ut habetur de Consecr. dist. 2. cap. *Et si non frequentius*. Postmodum propter iniquitatis abundantiam, refrigerante charitate multorum, statuit Innocentius III. ut saltem semel in anno, scilicet in Paschate fideles communicent, cap. *Omnis utriusque sexus, de Pœnit. & remissionibus*. Et in 4. dist. 12. quest. 3. art. 1. §. *Ad secundam quæst.* dicit in hoc sacramento duo requiri, desiderium coniunctionis ad Christum, & reverentiam sacramenti: quorum primum inclinat ad sumendum, secundum ad abstinendum. Quare cum amor timori præponderet, cæteris paribus, laudabilius est sumere, quàm abstinere: dum tamen ex frequenti assumptione, amor intendatur, & reverentia non minuat, ut addit ibidem D. Thom.

Ad idem præterea confirmandum valent hæ rationes à Suare propositæ disp. 69. sect. 4. conclus. 2. Quia, inquit, dignè communicare per se bonum est: abstinere verò non est bonum, nisi per accidens defectu dispositionis, aut reverentiæ sufficientis. Bonum autem per se præferendum est ex suo genere, bono per accidens. Secundò, quia frequenter accedere est ex propensione charitatis: differre autem est ex timore, vel negligentia. Melius autem est, per se loquendo, operari ex charitate, quàm ex timore. Tertio, quia communicans cæteris paribus ex cedit alium in fructu Sacramenti ex opere operato: & potest facile in aliis esse æqualis: quia voluntas dignè communicandi non est minùs bona de se, quàm affectus abstinendi ex timore, aut reverentia. Quartò, quia si infrequentia laudabilis est, aut abstinentiæ communionis maxime propter excitandam reverentiam, & devotionem, aut propter defectum puritatis vitæ. Sed ad devotionem, & reverentiam concipiendam, aut procurandam vitæ puritatem, non minùs iuvat frequens usus communionis, si prudenter fiat. Nam & bona consuetudo iuvat ad similes actus melius exercendos, & efficacitas Sacramenti multum confert: Plurimique experiuntur dilationem communionis nocere magis eorum profectui spirituali, vitæque puritati; quàm prodesse: maioremque deinde sentire difficultatem in obeunda confessione peccatorum.

75. **Confirmatur ex D. Thom.**

76. **Probat ratione.**

eorum, & procuranda preparatione debita ad sumendum corpus Domini, sæpius etiam cadere in peccata venialia, & fieri ad resistendum fragiliores, posseque verè dicere cum Psalmista, *Percussus sum ut fanum, & aruit cor meum, quia oblitus sum comedere panem meum*, Psal. 101. Neque mediocris est ille fuctus communionis frequentis, quod plerique illius ope à peccatis mortalibus diutissime abstinent, & in venialia multò rariùs labuntur, maioremque rerum diuinarum sensum, & gustum conferuant. Esto, non adeo atque optandum esset, magnos progressus in via perfectionis, & vitæ spiritualis faciant. Cùm è contrario experientia quotidiana doceat, longè aliam eorum esse vitam, qui rarò tantum vel semel in anno communicant.

SECTIO VI.

Quam frequenter unicuique communicandum sit?

77.

Dico quartò, Tamen si non potest una regula generali definiri, quàm frequenter unicuique ad communionem accedendum sit, sed standum sit iudicio prudentis, & probi directoris conscientie: generaliter tamen dici potest, inclinandum magis esse unicuique ad frequentiam, quàm ad raritatem: neque ad frequenter communicandum expectandum esse donec simus ab omnibus malis habitibus, & vitiorum phantasmatis liberi, Deoque perfectè vniti, & sancti, atque immaculati: sed potius ad illud per frequentem communionem enitendum esse pro viribus, velut vnum de mediis efficacioribus à Christo suppeditatis in hunc finem.

Non potest regula generalis tradi, circa frequentiam communionis.

Prima pars huius assertionis traditur à Catechismo Tridentino iussu Pii V. edito, parte 2. cap. 4. n. 46. in tractatu de sacramento altaris, ubi sic ait: *Sapius iteranda communio existiment. Verum autem singulis mensibus, vel hebdomadis, vel aliis id magis expediat, certa omnibus regula præscribi non potest. Et à D. Bonavent. lib. 2. de profectu Religiosorum cap. 77. cuius verba hæc sunt: Si verò aliquis desiderat experiri utrum sit melius sapius, an rarius Corporis Christi suscipere sacramentum? Videtur mihi quod non possit super hoc omnibus dari regula uniformis. Varia sunt hominum merita, & diuersa operum studia, & differentia desideria, & multiplices Spiritus sancti operationes in singulis, & diuersi etiam status in religione. Et ideo sicut agrotantibus non potest una forma seruari in dandis medicinis corporis, propter diuersitates complexionum, aut loci, aut temporis, aut diætæ, vel aliarum considerationum: pro quibus aut rarius, aut sapius, aut maiori, aut minori quantitate eadem medicina datur. Ita de medicina spirituali, quæ est corpus Christi, intelligentiam: & videlicet spiritualis medici iudicio hac in re standum. Et paulò post addit, exceptis sacerdotibus, sufficere aliis semel*

quavis hebdomada ex consuetudine communicare: nisi specialis causa quandoque, vel ratio plus suadeat, infirmitas superueniens, vel singulariter festiuitas solennis, vel inusitata deuotionis feruor &c.

Idem etiam vel expressè docent, vel supponunt reliqui Theologi, quorum plurimos refert Henriq. lib. 8. de Euchar. cap. 53. §. 2. Videri etià potest Salmeron, qui accuratè scripsit de hoc argumèto tom. 9. tract. 41. & in fine sic habet: *Vt autem veniamus ad laicos, quibusdam quotidiana communio conuenit, quibusdam semel in mense; & sic de aliis, pro cuiusque dispositione, & arbitrio sacerdotis, modò sit prudens, ac probus: ita ut non possit certa aliqua regula assignari.* Nimirum sicut in aliis rebus, magni præsertim momenti, ad conscientiam pertinentibus, debet quisque in dubio non regi proprio iudicio, sed aliorum proborum, & doctorum; præsertim verò boni, & prudentis confessorii, cui ipsius conscientia melius nota est: sic & in isto grauissimo negotio, in quo irreuerentiæ periculum esse potest, si minis frequenter accedatur, & sine conuenienti dispositione; vel detrimenti spiritualis, si non satis frequenter. Imò non solum communionem ex deuotione, sed etiam necessariam ex præcepto in Paschate differri posse, ac debere ex arbitrio confessorii, si id expedire iudicauerit, docet Concilium Lateran. cap. *Omnis utriusque sexus.*

Secunda pars huius assertionis, quod scilicet unicuique sit inclinandum potius in frequentiam, quàm in raritatem communionis, sequitur ex dictis num. 73. & seqq. nam in illud unicuique magis inclinandum est, quod de se melius est, & ad quod SS. Patres, & pastores Ecclesiæ in Conciliis œcumenicis, & Prouincialibus fideles sæpius hortantur, & inducere conantur: quodque, vt docet experientia, plurimum iuuat ad purius viuendum, & resistendum temptationibus, & ad maiorem vñionem cum Christo, sensumque rerum diuinarum habendum. Quare vnusquisque tum seipsum, tum etiam alios ad id excitare debet; præsertim verò qui alios publicè instruunt concionibus, Catechesibus, & scriptis libris. Meritoque Ludouicus Granatensis, vir æquè pius, ac eloquens, sermone primo de sanctissimo sacramento, conqueritur de illis, qui contrarium faciunt, dicens armare Dæmonem interdum quorundam eruditorum linguas contra frequentem huius sacramenti usum, non omnium, inquit, sed eorum, quorum scientia inflationem magis, quàm deuotionem, & pietatis ardorem parit. Merito etiam S. Carolus Borromæus in Concilio Mediolan. III. statuit vt huiusmodi concionatores interdicerentur, velut scandalosi. Estque manifestum valde imprudenter eos agere, & pietati non parum nocere, vt sapienter obseruauit Card. De lugo disp. 17. num. 48. Tum quia populus hoc tempore multò magis propendet ad infrequentiam communionis, quàm ad nimiam frequentiam. Ex quo fit, vt qui frequentiam reprehendunt, faueant illorum

78.

79.

Inclinandum est potius in frequentiam.

tepiditati, dentque illis ansam, quam facile, libenterque arripiunt, prætexendi suæ desidia, & indeuotioni velum reuerentiæ, & pietatis. Tum etiam quia maius incōueniens sequitur ab exhortatione ad raritatem, quàm ad frequentiam. Nam ut plurimum ad frequentiam non mouebuntur nisi pii, & timorati, quorum seruorem facile erit confessario moderari, si opus sit. Ad raritatem verò nimis per seipso propendent mundani, & carnales homines, quibus iste cibus spiritualis desipit, quique potius egent incitamento, ut frequentius, & studiosius debitam præparationem procurent. Atque ut rectè ait Gracianensis loco supra citato, si inter eos, qui piè & religiosè ad hoc sacramentum accedunt, multi sunt qui vel frequentius, quàm par erat, accedunt, vel fortassis indignè accedunt, & pereunt. Quotò quæso plures erunt, qui, si accederent, non perirent? Horum quidem perexiguus, & incertus est numerus: illorum autem pene infinitus, & manifestus ut pote quos scelerata vita manifestos facit.

Tertia pars eiuidem assertionis, quod scilicet expectandum non sit, ad frequenter communicandum donec simus ab omnibus malis habitibus, & vitiis phantasmatis liberi, perfectèque Deo uniti, & sancti, atque immaculati &c. Est contra recentiores illos, quorum errores fusius impugnauimus sect. 2. & duabus sequentibus.

Probat autem primò ex Scriptura, quæ è contrario infirmos animo, & malè affectos hortatur ut ad Christum in sacramento, velut ad medicum spiritualem accedant, ab ipsoque remedium suis infirmitatibus querant, iuxta illud Christi Matth. 11. *Venite ad me omnes, qui laboratis, & onerati estis, & ego reficiam vos.* Et ut ait Trident. sess. 13. cap. 2. *Sumi voluit, Christus, sacramentum hoc, tanquam spiritualem animarum cibum, quo alantur, & confortentur viuentes vita illius, qui dixit. Qui manducat me, & ipse viuet propter me: & tanquam antidotum, quo liberemur à culpis quotidianis, & à peccatis mortalibus preseruemur.* Tantùmque abest, ut peccata venialia, & quotidiana debeant ab hoc remedio prohibere, ut è contrario canon *Si quotiescunque* de Consecrat. dist. 2. sumptus ex D. Ambrosio lib. 4. de sacram. cap. 6. affirmet fideles sicut quotidie peccant, ita quotidie debere hanc medicinam accipere. Et Catechismus Tridentin. in tract. de Sacram. altaris, asserat *panem istum quotidianum sumi in remedium quotidiana infirmitatis.* Tantum, inquam, abest, ut propter infirmitatem animi, & propensionem ad peccandum, sit abstinendum à frequenti communione; ut potius propter illam magis necessaria sit. Egent enim infirmi sapius à medico visitari: & ut Christus ipse dixit Luc. 5. *Non egent, qui sani sunt medico, sed qui male habent.* Medicus autem, & medicina simul est cœlestis, ac venerabile Sacramentum, ut ait August. seu quis alius auctor serm. 28. de verbis Domini. Et ut habet Catechismus Tridentini in tractatu citato,

parte 2. cap. 4. n. 40. *Illam in sacris mysteriis vis est, ut nos à criminibus puros, atque à tentationum impetu seruet incolumes, ac tanquam cœlesti medicamento animam præparet, ne alicuius mortiferae perturbationis veneno faciliè infici queat.* Tantum denique abest, ut languor, & debilitas animæ debeat à frequēti accessu Eucharistiæ auertere: ut potius, quod quicquid languidior, & debiliior est, magis egeat cibo illo diuino confortante, & reficiente vires: quippe qui, ut Trident. ait sess. 13. cap. 8. *Perest anima vires, cuius vigore confortati, ex huius misere peregrinationis itinere, ad cœlestem patriam peruenire valeant.* Et Catechismus Tridentini supra citatus, *sacra Eucharistia cibus non solum animam sustentat, sed vires illi addit &c.* Quidquid enim anima cupiditatis ardore amisit, dum leni aliqua in re parum offendit, totum Eucharistia, eas ipsas minores culpas abstergens, restituit.

Probat secundò ex SS. Patribus, qui similiter docent ab Eucharistiæ sumptione, velut medio diuinitus ad hoc instituto, querendum esse infirmitatū nostrarum spirituum, & peccatorum quotidianorum remedium: quia, ut rectè ait Cyrill. lib. 4. in Ioan. cap. 17. *Non mortem solum, verum etiam morbos omnes depellit, sed in nobis sententem membrorum nostrorum legem, pietatem corroborat, perturbationes animi extinguit.* Et paulò ante dixerat non esse verèdum propter peccata quotidiana ad Eucharistiam accedere: ne alioqui qui quotidie peccare non desinimus, expertes omnino simus viuificæ huius sanctificationis. Et Hilarius, seu potius August. epist. 118. relatus cap. 15. de Consecrat. dist. 2. *Si non sunt tanta peccata, ut excommuniemur quis, non se debet à medicina corporis & sanguinis Domini separare.* Et Ambros. lib. 4. de Sacram. cap. 6. *Grane est, inquit, quod ad mensam tuam Domine mundo corde, & manibus innocentibus, non venimus: sed granius est, si de peccatis metuentes, sacrificium non reddamus.* Et Petrus Damian. opusculo 47. cap. 2. consilium dat iuueni carnis stimulis vexato, ut sataget quotidie se Dominici corporis & sanguinis perceptione munire. Et Bernard. in serm. 1. de cena Domini, inuitat ad agendas Christo gratias, quod Eucharistiæ perceptione minuantur in nobis motus iracundiæ, inuidiæ, luxuriæ, aliorumque vitiarum: quodque ipsius operatione pessimum vlcus ad sanitatem accedat. Et Chrysost. in psalm. 22. ad illa verba, *Parasti in conspectu meo mensam, aduersus eos qui tribulant me* dicit mensam illam esse S. Eucharistiam, paratam contra suggestiones inimici, agitationes animi, cupiditates, voluptates, honores sæculi &c. Et homil. 51. in Matth. hortatur ut exemplo Hæmorrhoidiæ accedamus ad Christum in Eucharistia, obtinendæ sanitatis causa. Et Cassianus D. Chrysostomi discipulus Collat. 23. cap. 21. *Nec tamen ex eo, inquit, debemus nos à Dominica communione suspendere, quia nos agnoscimus peccatores: sed ad eam magis, & magis, est propter animæ medicinam.*

80.
Non est expectanda perfecta virtus puritas.

Probat ex Scriptura.

80
Confirmatur ex SS. Patribus.

et purificationē spiritus auidē festinandum. Veruntamen cā humilitate mentis, ac fide, ut indignos nos perceptione tantæ gratiæ indicātes, remedia potius nostris vulneribus expetamus. Alioqui nec anniuersaria quidem dignē est præsumenda communio: ut quidam faciunt, qui in Monasteriis consistentes, ita sacramentorum celestium dignitatem, et significationem, ac meritum metuantur, ut assument ea non nisi sanctos, atque immaculatos debere præsumere, et non potius sanctos, mundosque nos sua participatione perficiant. Quæ profecto maiorem arrogantiam præsumptionem, quā declinare sibi videntur, incurrunt quia vel tunc, cum ea percipiunt, dignos se eorum perceptione diiudicant. Multo enim iustus est, ut cum hac cordis humilitate, quā credimus, et sistemur illa sancta mysteria nunquam pro merito nos poss. contingere, singulis ea Dominis diebus, ob remedium nostrarum aegritudinum præsumamus, quā et tana persuasione cordis elati, ut post annū dignos nos eorum participio credamus.

82.

Et ex mysticæ Theologia Doctoribus.

His adde ē recentioribus mysticæ Theologiæ doctoribus illustrioribus Gersonem in opusculo de Præpar. ad Miss. vbi inter alia, consideratione 4. affirmat non esse desistendum à frequenti celebratione Eucharistiæ propter teporem: sed melius esse, eo non obstante, ad celebrandum accedere: sæpeque contingere, ut suscipiat initium celebrationis hominem parum deuotum, et frigidum: quem in fine calefacientem dimittit, et feruidum: Et Ludouic. Blosium in Sacello animæ fidelis, parte 3. cap. 16. §. 1. vbi sic habet: Non quidem infirmas et bonum esse ad tempus ex profunda humilitate abstinere, sed multo melius fuerit ex amore accedere. Et paulo post: Non ergo ob id abstinere debetis, quod vniuersos, seu defectuosos vos esse conspiciatis: quin imò ob hoc ipsum tanto amplius ad hanc gratiam properandum est: &c. Nemo igitur propter minores defectus suos à perceptione venerabilis Eucharistiæ abstineat: sed potius infirmus, et imperfectus quæque bona voluntate præditus, cum gaudio, et amore accedat. Et Franciscum de Sales Episcopum Geneuensem, vitæ sanctitate, æquē ac doctrina illustrem, 2. part. Philoth. cap. 21. vbi affirmat duobus hominum generibus frequenter communicandum esse: Perfectis, quia cum sint bene dispositi, debent ad illum perfectionis fontem, et auctorem accedere: imperfectis, ut aptè valeant ad perfectionem aspirare. Fortibus, ne debiliores fiant: debilibus, ut fortiores euadant. Infirmis, ut sanitatem recipiant: sanis, ne in morbum incidant. &c. Neque alius fuit sensus alterius noui Ecclesiæ luminis S. Caroli Borromæi, quando statuit in Concilio II. Mediolan. alibi que sæpius, ut pastores, et concionatores hortentur omnes ad frequentē communionem. Si enim existimasset tantam vitæ puritatem necessariam esse ad frequentem illius vsum, quantam affirmant moderni quos impugnamus; vel malè omnes ad illam incitari voluisset: vel supposuisset imprudenter, et falsò, omnes fideles lux curæ commissos, et aliorum comprouincialium,

de quibus sic statuebat, esse sanctos, et omnino immaculatos, planèque irreprehensibiles, et perfectè soli Deo unitos, atque ab omnibus malis habitibus, et vitiorum phantasmatibus liberos, quales aduersarii contendunt esse debere eos omnes qui frequenter communicant, non solum de consilio, sed de necessitate præcepti, et sub pœna sacrilegiæ & indignæ sumptionis.

83.

Curandum verò est diligenter omnibus ad hoc sacramentum frequenter accedentibus, ut non modò cum reuerentia, et spiritali fame, et deuotione semper accedant: verum etiam ut eius ope magis, ac magis vitiis purgari, et in virtutibus progredi, contraque peccandi occasiones, et pericula corroborari satagant. Quique de hoc argumento scribere suscipiunt, vel in concionibus, et Catechesibus verba de illo faciunt: nihil aliud præ oculis habere debent, quā quod ad tanti sacramenti venerationem, et dignitatem, simulque ad animarum vtilitatem, et profectum spiritualem magis conuenit. Diligenterque cauendum est, ne quod à Christo institutum fuit sacramentum amoris, et concordie inter fideles; fiat illis argumentum contentionis, et dissidii. *Va mundo à scandalis. Necessè est enim, ut veniant scandala: id est, fieri nequit propter hominū improbitatem, ut non aliquando contingant. Verumtamen va homini illi, per quem scandalum venit. Expedit ei, ut suspendatur mola asinaria in collo eius, et demergatur in profundum maris. Matth. 18. v. 6. & 7.*

SECTIO VII.

Observationes circa doctrinam præcedentem
et solutio argumentorum contrariarum
sententiarum.

Illud etiam postremò aduertendum est: Iquamuis contingat inter communicandum distrahi aliquando propter humanam fragilitatem, aut leuem aliquam negligentiam, et irreuerentiam committi: non propterea desistendum esse à frequenti communionē, et à fructu percipiendo, qui ex illa redundat: sed enitendum, ut maiori attentione, et deuotione accedamus. Quemadmodum licet inter orandum subrepant frequenter euagationes animi, in quibus vitandis leuis aliqua negligentia, et irreuerentia culpabilis sæpe contingit: non propterea à frequenti oratione abstinendum est, sed procuranda maior attentio, et vitandi defectus quoad fieri potest. Præsertim cum fideles, qui sæpius ad communicandum accedunt ex sincero desiderio vniendi se Christo, et vires animæ reficiendi cibo isto diuino, proficiendique in via mandatorum Dei; experiantur dilationē communionis in longū tempus libi nocere, seque inde frigidiores, imbecilliores & deteriores euadere. Quare licet interdum bonum sit

84.

Non desistendum à frequenti communionē propter aliquam re-

bonum sit abstinere, à tam frequenti communione ad maiorem reuerentiam excitandam, possitque illius dilatio iniungi à confessario, quando iustis de causis id magis expedire iudicauerit: prudenter tamen cauendum est, ne id fiat cum periculo maioris mali, ob detrimentum spirituale poenitentis.

8.
Quotidianam, aut frequentem communionem quibus consulenda?

Præterea quamuis, vt supra diximus, impossibile sit regulam generalem pro omnibus tradere, quâ præcise definiatur quid confessariis hac in parte præstandum sit; & quàm frequens communio unicuique fidelium sit consulenda, vel permittenda; sed hoc prudenti eorum iudicio definiri debeat: vt tamen aliquid dicamus; quod ad formandum prudens illud iudicium utile ipsis esse possit, simulque aliis fidelibus vt ad frequentem communionem cum debita & discreta moderatione propendeant: addo licet in rigore sufficiat ad frequentem, aut quotidianam communionem eadem præparatio, quæ sufficit adultis vsum rationis habentibus ad semel communicandum sicut oportet, dummodo par semper adhibeatur: patem enim huius sacramenti receptio exigit semper venerationem ex necessitate præcepti, & quantum est de se, vt probabilius esse mihi videtur: Quia tamen illa non potest quotidie, vel admodum frequenter adhiberi à quibuslibet, nec nisi ab illis, qui purius viuunt, meliusque sunt ad res diuinas affecti, nec adeo curis, & negotiis secularibus implicari: idcirco non omnibus, præsertim verò laicis, communio quotidiana consulenda est: imò vix illi eorum permittenda; nisi sic viuat, vt quotidie meretur accipere: quemadmodum ait Ambros. lib. 5. de Sacram. c. 4. Eademque de causa Tridentinum Concilium, quamuis desideret, vt supra vidimus, quotidianæ communionis vsum restituat: non vult tamen omnes indifferenter ad quotidianam, vel frequentem admitti: sed eos duntaxat, qui sacramenta corporis & sanguinis Christi cā fidei constantia, & firmitate, cā animi deuotione, cā pietate, & cultu credunt, & venerantur, vt panem illum supersubstantialem frequenter suscipere possint; vt ait sess. 13. cap. 8. Et D. Thom. q. 80. art. 1. in corp. postquam affirmavit, quantum est ex parte ipsius sacramenti utile esse quotidie ipsum sumere; vt homo quotidie fructum eius percipiat: addit: Quia tamen ex parte sumentis requiritur vt cum magna deuotione & reuerentia ad hoc sacramentum accedat: & multoties in pluribus hominum multa impedimenta huius deuotionis occurrunt propter corporis indispositionem, aut animæ: idcirco non esse utile omnibus hominibus ad hoc sacramentum quotidie accedere. Si quis autē se quotidie bene paratum inueniat, laudabile, inquit, est quòd quotidieumat. Idem, & paulò distinctius, fusiusque tradit S. Bonau. lib. 2. de Profectu Religiosorum cap. 77. vbi addit, Exceptis sacerdotibus, quorum est non implicare se negotiis secularibus, sed Deo militare, illique soli seruire, sufficere

Tom. IV,

aliis, vt ordinaria consuetudine communiceo octauo quoque die: nisi specialis causa quandoque vel ratio plus suadeat, infirmitas superueniens, vel singulariter festiuitas sollemnis, vel inusitata deuotionis feruor. Idemque docent fere omnes alii docti, prudentes, & experti in hac materia: quorum iudicium unicuique magni faciendum & sequendum est: præsertim cum generalior Ecclesiæ consuetudo illud approbare videatur.

Ratio est, quam supra tetigit S. Thom. & paulò explicatius tradit Suares disp. 69. sect. 4. conclus. 3. quia regulariter loquendo tot sunt humanæ vitæ negotia, & impedimenta, quæ & animum distrahunt, & tempus occupant, vt vix possint homines, laici præsertim, & coniugati, frequentius accedere cum debita dispositione, nec tantum temporis huic actioni dare, quantum par esset. Dixi autem, laici præsertim, & coniugati; quia communis, & ordinariè frequentior vltus & præparatio illi conueniens, est faciliior religiosis, aut clericis, quàm laicis: & inter laicos, non coniugatis, quàm in coniugio viuentibus.

Addo, quamuis in rigore sufficiat ad communionem quotidianam ea dispositio, quæ sufficit ad annuam; non expedire tamen cum illa sola tam frequentem communionem permittere; sed maiorem vitæ puritatem, pietatem, & reuerentiā erga sanctissimū hoc sacramentum requirendam esse ab illis, qui vellent quotidie ad illud percipiendum accedere; vt indicant verba Tridentini superioris relata. Decet enim tam assiduus, & familiares Christi conuiuias, eius mentis quotidie accumbentes, sanctitatem ipsius propius imitari, & virtutum eius insignibus ornatos apparere; tamque frequentis communionis dignos fructus edere: Et periculum est, ne qui contenti dispositione illa, præcisè necessaria communioni annuæ, vellent quotidie participare corpori, & sanguini Domini; reuerentiam illi debitam sensim minuerent, & non satis dispositi sæpè accederent. Quocirca D. Thom. in 4. dist. 12. q. 3. a. 1. quæstiunc. 2. sapienter ait eum, qui ex periretur reuerentiam minui per quotidianam communionem, & feruorem non multum augeri, debere interdum abstinere, vt cum maiore deuotione, & reuerentia postmodum accedat. Cauendum etiam est ne offendantur alii quotidiana communione permitta hominibus vitæ communis, & de cetero nihil ab illis differentibus, qui raro, aut semel in anno communicant. Videndum præterea num ægrè ferat coniux compartem adeo frequenter communicare, aut parens liberos, aut magister discipulos, aut herus seruos, aut alii quorum interest: ne fortè minus eam ob causam vacent officiis necessariis.

Quia tamen ita consulendum est reuerentia sacramenti, vt simul etiam profectui animæ prospiciatur: hortandi sunt fideles, & inuocandi, vt ne diu se priuent commu-

Ter

861

87.
Quibusnam permittenda?

88.
Non nimis diu distineanda.

nione: ac si fieri potest, octavo quoque die accedere conentur: vt etiam docet Gennadius apud Augustinum lib. de Ecclesiastic. dogmat. cap. 53. vbi omnibus Dominicis diebus communicandum suadet, & hortatur, dummodo mens vacet affectu peccati mortalis, & sufficientem præparationem adhibeat. Non est autem adeo difficile, illam semel in hebdomada procurare die Dominico, aut alio die festo, quo quisque debet sæcularibus negotiis se, quoad potest, subtrahere, vt salutis propriæ & pietati studiosè incumbat. *Quid enim prodest homini si uniuersum mundum lucretur, anima verò suæ detrimentum patiatur; aut quam dabit homo commutationem pro anima sua? Matth. 16. v. 26.*

89. Aduersus hæc obijciunt aduersarii Gennadium capite supra citato requirere ad licitè communicandum singulis diebus Dominicis, vt mens sine affectu peccati sit: & Nicolaum I. in responsione ad consultationem Bulgarorum idem ab illis exigere, vt singulis diebus Quadragesimæ communicarent, sicut ab ipso postulauerant. Sed huic obiectioni respondimus sectione tertia numero 30. vtrumque loqui de affectu ad peccatum mortale. Eademque sectione & sequenti ostendimus alia, quæ obijciunt ex SS. Patribus magnam vitæ puritatem, & sanctitatem eximiam ad communicandum requirentibus, intelligi debere de congruo, non de præcepto: id est, de eo, quod dignitati, & sanctitati huius sacramenti conueniēs est: non autem de eo quod est præcisè necessarium, & sine peccato omitti nequit.

90. Ad id verò quod addunt, Franciscum de Sales cap. 20. lib. cit. requirere puritatem ab omni affectu peccati, etiam venialis, veluti dispositionem necessariam ad communicandum octavo quoque die, eoque sensu verba Gennadii supra relata interpretari: Respondeo, Propositionem illam generalem debere moraliter intelligi, & accommodè restringi ad ea venialia, quæ directè, vel indirectè aduersantur dispositioni necessariæ ad communionem: iuxta ea, quæ diximus sect. 4. Alioquin enim contradiceret iis, quæ dicit cap. sequenti, relatis suprâ num. 82. Vel si generalius loquitur, intelligendus est de eo quod necessarium est ad conuenientiùs & vtilius communicandum, percipiendo non modò effectum primarium sacramenti, qui est augmentum gratiæ; sed etiam fructum spiritualis dulcedinis, quæ per P. V. impeditur, iuxta doctrinâ D. Thom. q. 79. 2. 8.

91. Secundò, contra moderationem adhibitam de non quotidie permittenda, neque frequentius (communiter loquendo) quàm octavo quoque die, communione laicis, sensu Vincent. Marzilla in lib. quem inscripsit, *Memoriale*, & altero inscripto, *Additiones ad Memoriale*; vbi, vt solent errores, quæ ac vitia, ad extrema deflectere, contendit non solum magis expedire quoscunq; fideles, viros, ac mulieres, cuiuscunq; status, & conditionis

quotidiè ad cōmunicandū accedere, ad quod ipse omnes magno studio inducere conatur: verum etiā non debere confessariorū iudiciū exquirere, vel eorū consiliis, & monitis obtemperare, sed eo ipso quod peccato mortali vacant, vel eius remissionē per Sacram. Pœnitentiæ obtinuerūt, posse, ac debere vi iure suo, dissuadente licet, & inuito confessario. Quæ doctrina lingua vulgari edita, vt facilius populo innotesceret, nō minores fere turbas excitauit in Hispania, quā nūc in Gallia lib. inscrip. *De frequenti communione, et pœnit. publica.*

92. Præcipua illius argumēta hæc sunt: Primò, quia Paulus 1. Corinth. 11. non aliam requirit dispositionē ad communionē, nisi puritatem à peccato mortali, vt Trid. interpretatur sess. 13. c. 7. ergo si puritas illa quotidie habetur, vt certè haberi potest per sacramentum Pœnitentiæ, expedit quotidie communicare; & nemo iure potest contrariū præcipere, aut suadere: præcipuè cum Paulus loco citato velit, & iubeat, aut consulat, vt qui se ira probauit, de pane illo cœlesti edat. Secundò, in cap. *Si non sunt*, De consecrat. dist. 2. sumptis ex D. August. epist. 118. sic habetur: *Si non sunt tanta peccata vt excommunicetur quis, non se debet à medicina corporis, et sanguinis Domini separare.* Ergo neque à confessario, vel à quouis alio separari debet: sed potius ad illam induci, cū vacuitas ab huiusmodi peccatis mortalibus illi sufficiat ad communicandum vtiliter. Atque vt rectè ait S. Gregor. Mag. lib. 2. indictione XI. ep. 26. *Sicut exigit te culpa quis à Sacramento communionis dignè suspenditur: ira infontibus nullo modo talis debet irrogari vindicta.* Tertiò, SS. Patres hortantur omnes fideles cuiuscunq; sexus, & cōditionis, ad cōmunicandū quotidie. Hortantur autem sine dubio ad id, quod magis expedit; & vnicuiq; consilium illorū, & exemplum sequendū est. Antecedens probatur ex Ambros. lib. 5. de Sacram. cap. 4. *Quotidie accipe, vt quotidie tibi profit &c. Qui non meretur quotidie accipere, non meretur post annū accipere.* Et Chrysost. hom. 3. in epist. ad Ephes. *Tempus non efficit dignos adiū tanti sacramenti, sed sola anima sinceritas, atque expurgatio. Cū tali puritate accede semper sine hac ne præsumas vquam.* Et Cypriano in expositione orationis Dominicæ, circa illa verba, *Panem nostrum quotidianū*, vbi dicit vtendum esse, ne, si ab hoc pane cœlesti quotidie accipiendo abstinemus, separemur à Christi corpore. Quartò, Trident. sess. 22. cap. 6. optare se ait vt in singulis Missis fideles adstantes communicēt. Et sacra Congregatio Cardin. ibid. affirmat non posse Episc. præscribere certos dies hebdomadæ, quibus dūtaxat cōmunicare liceat, etiam coniugatis. Catechismus quoque Trident. parte 2. c. 4. sect. 46. monet Parochos vt hortentur fideles ad frequenter cōmunicandū exemplo Christianorū primitiæ Ecclesiæ, vt testatur Lucas Act. 2. v. 42. *Erant quotidie persenerantes in fractione panis.* Quintò, si permittitur communiter sacerdotibus, vt quotidie celebrant potest, ac debet cōcedi aliis fidelibus, vt quotidie communicēt. Quia maior puritas

92.
Proposui
tur illius
argumēta

Alterum
dogma cir-
ca frequen-
tiam com-
munionis.

animi, & preparatio requiritur ad celebradū, quam ad communicandum. Ac si non expediat hodie communicare; non magis expediet post aliquot dies, aut menses: quia tunc maior non erit puritas, cum experientia doceat minorem esse, quò rariùs communicatur. Sextò denique, sequeretur ex nostra sententia nemini posse cōcedi quotidianā communionē, sine magno periculo superbiz: quia signū id esset talem esse adeptū insignē vitæ puritatem, quam nos ad frequentem communionem requirimus.

93.
Solvitur
primum ar-
gument. ex
Script.

Ad primū Respondeo, Paulū, ultra puritatē à peccato mortali, requirere sine dubio, ut actus ille relig. fiat ea decētia, pietate & attēctione, quā ex natura sua postulat; quod etiā Trid. initio cap. citati manifestè docet. Non omnes autē quotidie illam habēt, ac ne quidem moraliter habere possūt, distracti curis, & occupationib. variis, suo statui necessariis. Sanè si idem Apostol. auctor est coniugibus abstinere aliquandiu, ut vacent orationi, 1. Cor. 7. Quātò magis ut communioni corp. & sang. Dom. quæ maiore corporis, & animi puritatē requirit. Neque abnuunt ipsi aduersarii indecens esse ad illā accedere post noct. pollutionē, saltem voluntariam. Paulus quoque loco cit. non vult, aut iubet ut panem illum cōlestem edat quicumque & quotiescunque non est sibi conscius peccati mortalis: sed mōnet, & prohibet ut nemo accedat cum illius conscientia, ne fiat reus corporis, & sanguinis Domini.

94.
Diluitur se-
cundum.

Ad secundum Respondeo sensum illius Canonis esse, quòd nemo debeat propter eiusmodi peccata omninò desistere à cōmunionē, veluti sibi interdicta; sed ad illā suis tēporibus accedere, quando vel pia consuetudo, vel deuotio ad id eum excitabit, debitaque dispositio non deerit: præcipueque puritas ab omni peccato mortali, etiam ab illis quæ nō sunt tanta & talia, ut propter illa sit excōmunicatus, & separatus à cōmunionē: quæ pœna non nisi pro grauioribus, iisq; publicis & scādalosis imponebatur, ut alibi ostēdimus. Nā autē sensus est quòd debeat quotidie ad Eucharistiā accedere, & non possit consultò, & laudabiliter abstinere aliquādiu. Quod omninò est contra mentē D. Aug. ead. ep. 118. vbi affirmat aliquos laudabiliter exēplo Cēturionis à frequenter communicando abstinere, indignos sese existimantes tanto Dei beneficio. Similique modo intelligendus est S. Gregor. Magn. loco cit. vbi tantū vult non posse per modū pœnæ, & vindictæ, præcipi infantibus abstinentiam à cōmunionē.

95.
Explican-
tur testim-
onia Patrū.

Ad tertium Respondeo SS. Patres, quando hortantur fideles ad communionē quotidianā, hortari pariter ad eximiā vitæ puritatē, & sanctitatem quotidiana cōmunionē dignā, quā certè omnes non habēt. Nā Amb. loco citato addit, *Sic viu: ut quotidie mercedis accipere*. Qui autē non meretur quotidie accipere non meretur quidē post an. accipere, cū eadē animi dispositione: sed facilius illi est maiorem intra ann. vel intra mensem, aut hebdomadam procurare, quā habere quotidie,

Tempus etiam per se solū non efficit dignos aditu tantī sacramenti: sed dat facultatem purgandi animum, & procurandi conuenientem sinceritatem & dispositionē, cui negotia non possunt omnes quotidie vacare, distracti sollicitudinibus, & curis huius vitæ: licet possint, ac debeant interdum mentē ab illis abstrahere, & eternæq; salutis diligenter consulere. Cyprian. denique loco cit. dicit tantū petere nos quotidie hunc panē nobis dari, ne si *intercedere aliquo grauiori delicto* prohibeamur ab hoc cōlesti pane, à Christi corp. separemur.

96.
Exponitur
Trident.

Ad quartum dico Trident. ita optare fideles in singulis Missis, quibus adstant, communicare, ut simul velit non sine magna reuerētia, & sanctitate id fieri, quemadmodum ait sess. 13. cap. 7. Et cap. sequenti hortatur, rogat, & obsecrat, ut omnes, & singuli, qui Christiano nomine censentur, hæc sacra mysteria corporis, & sanguinis Domini ea fidei constantia, & firmitate, ea animi deuotione, ea pietate, & cultu credant, & venerentur, ut panem illū super substantialē frequēter suscipere possint. Neque alia certè fuit mens sacre Congregationis, Concilii huius interpretis, quā tantum vult non posse rectè dispositis cōmunionē certis quibusdā diebus prohiberi. Catechismus verò Trident. loco cit. addit fideles illos fuisse vera, & sincera charitate seruētes, & sine intermissione orationibus, & aliis pietatis officiis vacasse, ut quotidie ad sacra Dominici corporis mysteria sumenda paratī inuenirētur. Quib. verbis significat tales esse debere, qui quotidie volunt communicare.

97.
Solvuntur
alia duo
argum. ex
ratione dei
sumpta.

Ad quintum Respondeo, sacerdotes ratione sui status posse, ac debere, multò magis quā laicos, orationi, & pietati incumbere: quippe liberos à cōiuge, & liberis, & à negotiis secularibus quib. eos implicari prohibet Apost. 2. Timet. 2. v. 4. ut liberius Deo seruire, & militare possint. Quòd si quis illorum aliter facit, neque conuenientem dispositionem quotidie abhibet ad celebrandum: sequendum est illi consilium D. Bonauenturæ lib. 2. de profectu Religiosorum cap. 77. in fine. Quo modo autem maior animi dispositio intra aliquod tempus haberi possit, sepositis aliis curis, & negotiis, tuncque magis expediat communicare, diximus paulò ante.

Ad sextum & vltimum Respondeo quotidianā cōmunionē non esse permittendā nisi verè humilibus, qui probè intelligāt illā vitæ puritatē à Deo esse, neque posse quemquā de illa, nisi stultissimè gloriari. At neque etiam potest tanta puritas sine virtute humilitatis obtineri, & subsistere. Neque plus periculū imminet à frequenti cōmunionē tam eximiè puris, quā à dono miraculorū viris eximiè sanctis, quibus Deus eos insignes reddit.

98.
Alia senten-
tia nostra
opposita.

Tertiò denique cōtra id quod diximus sufficere in rigore ad quotidianā & frequentē cōmunionē eam dispositionē, quæ sufficit ad annuam, dūmodo sēper afferatur: quia idem sacramentū eandem semper, & ab omnibus venerationē exigit ex rigore præcepti: opinatur Delugo disp. 17. de Euchar. sect. 4. n. 38. vbi affirmat posse aliquem ad cōmunionē

DISPUTATIO

TRIGESIMA-SEXTA,


De praecepto communionis Eucharisticae.

Sectio I. *Utrum usus Eucharistiae sit in praecepto?*

Sectio II. *Quomodo sit intelligendum praeceptum communicandi in Paschae?*

Sectio III. *An communio sub utraque specie sit in praecepto?*

Sectio IV. *Respondetur praecipuis haereticorum argumentis in contrarium.*



E praecepto communicandi disputat S. Thomas quæst. 80. artic. 11. & 12. Quorum priore asserit omnes teneri saltem spiritualiter manducare hoc sacramentum: quia hoc est Christo incorporari, sine quo salus haberi nequit. Spiritualis autem manducatio includit votum, seu desiderium percipiendi hoc sacramentum. Et ideo sine eiusmodi voto non potest homini esse salus. Frustra autem esset votum, nisi impleretur, quando opportunitas adesset. Quare tenetur homo sacramentum hoc sumere: non solum ex statuto Ecclesiae, sed etiam ex praecepto diuino. In posteriori affirmat non licere sacerdoti unam speciem sumere sine altera: quia ad illum pertinet consecrare, & perficere hoc sacramentum, cuius perfectio consistit in utraque specie. Aliis verò, propter irreuerentiae periculum, licere sub una sola specie communicare, sicut prouidè, inquit, in quibusdam Ecclesiis obseruatur, ut populo sanguis sumendus non detur, sed solum à sacerdote sumatur. Hæc D. Thomas, quæ sequentibus sectionibus illustranda & confirmanda sunt.

SECTIO I.

Utrum usus Eucharistiae sit in praecepto?

T. Tenentur omnes adulti ad communionem

Non est hic quæstio de praecepto celebrandi Eucharistiam, de quo dicemus disput. sequenti: sed de praecepto sumendi, de quo dico primo teneri omnes adultos ex diuino praecepto communicare postquam ad annos discretionis peruenerint. Probat ex his Christi verbis Luc. 22. & 1. Corinth. 11. *Hoc facite in meam commemorationem*: ad quæ alludens Concil. Trident. sess. 13. cap. 2. sic ait: *saluator noster* Tom. IV.

ster discessurus ex hoc mundo ad Patrem, sacramentum hoc instituit, &c. Et in illius sumptione colere nos sui memoriam praecepit, suamque annunciare mortem, donec ipse ad iudicandum mundum veniat. Sumi autem voluit sacramentum hoc tanquam spiritalem animarum cibum, &c. Neque est quod cauilletur aliquis, relinqui dubium à Tridentino, an ipsa sumptio praecepta fuerit in memoriam Christi? An memoria tantum in sumptione, si fiat: ita tamen ut libera sit relicta sumptio? Nam verba Tridentini simpliciter accepta aliud sonant, & fere vana fuisset praeceptio memoriarum tanti beneficii in sumptione, nisi sumptionem quoque aliquatenus praecepisset. Neque tantum memoria liberationis à seruitute Aegypti, sed eius

T t t

etiam ipse Paschalis Agni erat à Deo præceptus Exod. 12. Ad idem probandum efficaciter valent Christi verba Ioan. 6. *Nisi manducaueritis carnem filii hominis, & biberitis eius sanguinem, non habebitis vitam in vobis.* Nam siue Christus interminetur mortem non communicantibus, siue denunciaret vitam aliter confecti non possent, atque usus graue præceptum inducit. Nemini enim licet vitam suam spiritalem negligere; sed tenetur quisque præcepto diuino ad ea adhibenda, quæ salutem acquirenda, vel tuenda necessaria sunt, quæque pendent ab ipsius libertate. Dignitas quoque & utilitas tanti sacramenti, comparata cum nostra fragilitate, & necessitate spirituali: curaque perpetua & sollicitudo Ecclesiæ ab Apostolis hucusque procurandi vt omnes fideles aliquando communicent, & puniendi secus facientes: satis ostendit illam existimasse non esse liberum fidelibus ab huius sacramenti participatione abstinere; sed ex Christi institutione ad eam obligari. Adde quod absurdum esset dicere Ecclesiæ posse hoc præceptum abrogare, permittereque omnibus fidelibus vt nunquam communicent. Ergo præceptum communicandi non est purè Ecclesiasticum, sed diuinum: Alioquin ipso ab Ecclesia abrogari, eadem auctoritate, quæ potuit ab ipsa constitui.

2.
Sed non
infantes.

Dixi, *adultos*; Nam infantes non teneri patet ex Concilio Tridentino sess. 21. can. 10. & ex antiquis Ecclesiæ consuetudinibus, quæ non modo non dant, sed etiam dari prohibent communionem infantibus. Idque iuste, ob incommodum multa, quæ possunt conuenire. Idemque sciendum est de amentibus perperum. Neque obicias illud Christi Ioan. 6. *Nisi manducaueritis, &c.* Nam hoc potius nec solum ad adultos pertinet præceptum, & obnoxium amissioni vitæ spiritualis per peccatum mortale, vt alibi exposuimus, diffinitione 28. §. 2. 7. n. 1. §. 6. & sequentibus.

3.
Infideles
etiam te-
nentur præ-
cepto com-
munionis.

Dixi autem omnes adultos, id est, tam baptizatos, quam non baptizatos: omnes enim subsumunt Christi præceptum, legibusque diuinis. Nec obest, quod non possunt communicare infideles; donec sint baptizati. Tenentur enim procurare vt baptizentur, etiam eo nomine, vt suo tempore communicent. Neque dicas eos non teneri præcepto sacramenti Pœnitentiæ; ergo neque præcepto communionis. Respondetur enim disparatam esse rationem. Nam sacramentum Pœnitentiæ non est necessarium nisi illis, qui post baptismum mortaliter peccauerunt. Infideles autem non baptizati, tenentur quidem baptizari, sed non tenentur peccare mortaliter post baptismum, vt egeant sacramento Pœnitentiæ, quod non obligat nisi egeant ob peccatum mortale commissum post baptismum, aut in instanti baptisui.

4.
Quo tem-
pore obli-

Porro tempus, quo præceptum diuinum obligat ad communionem, non est à Deo determinatum, citra articulum mor-

tis, in quo præceptum hoc videtur maxime obligare, quia maxima tunc est huius sacramenti necessitas. Idque confirmat Ecclesiæ sollicitudo, quæ semper diligentissime curauit, ne moreretur fideles sine viatico. Imò Concilium Nicænum primum cap. 12. discrete ait antiquam legem obseruandam esse, ne aliquis discedat sine viatico necessario. Nimirum necessario ex præcepto diuino. Quod tamen non impedit, quin Ecclesiæ iustis de causis possit priuare aliquos moribundos communione, velut indignos, & incapaces implendi præcepti, ob iustam aliquam considerationem. Vt fecisse testatur Innocentius 1. Epistola 3. ad Exuperium. Cuius rei exempla multa habentur in Concilio Eliberino can. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. & in Sardic. can. 2. Potest enim Ecclesiæ circa usum sacramentorum statuere, quod ipsorum venerationi, & fidelium utilitati expedit pro locorum, & temporum varietate, vt ait Concil. Tridentinum sess. 21. cap. 2. Item qui ab aliquo diu ante mortis periculum communicauit, censetur à Theologis communiter huic præcepto satisfecisse, ac ferè nullus de eo dubitat; si eodem die sumpsit Eucharistiam, licet de viatico, aut de mortis periculo non cogitauerit. Extra articulum verò mortis obligat præceptum diuinum, vt Eucharistia sumatur aliquoties in vita, & non differatur cum mora vituperabili. Cum enim sit instituta per modum cibi, & potus, non est existimandum Christi voluntatem esse, vt semel tantum in vita, nempe in mortis articulo sumatur. Sed potius sicut cibis corporeis sæpius sumitur ad relocandas vires: sic, & hoc Tempus aptum implendi huius obligationis prudenti iudicio statuendum esset, nisi Ecclesiæ ipsa determinasset, vt mox patebit.

gar diuina
præceptum
communi-
candi?

Dico enim secundo, Teneri ex præcepto Ecclesiastico omnes adultos baptizatos Ex præcepto Ecclesiastico communicare saltem quotannis in Paschate. Patet ex can. *Omnes vtriusque sexus*: & Concilio Tridentino sess. 21. can. 9. Vbi anathematizatur, qui negauerit omnes, & singulos Christi fideles vtriusque sexus, cum ad annos discretionis peruenerint, teneri ad communicandum singulis annis, saltem in Paschate. Vtrumque verò Concilium nomine fidelium, intelligit baptizatos: Nam Catechumeni, & quicumque alii nondum baptizati, non subsumunt legibus, & iurisdictioni Ecclesiæ. Nomine autem Paschatis, ad quod diuinum præceptum determinauit, intelligit non diem solum Paschalis, sed octidies ante, & octo post, iuxta communem usum, & declarationem Eugenii IV. quam citat Nauar. cap. 21. Manualis num. 44. Imò quibusdam in locis extendi solet ad mediam, & ad totam quadragesimam. Item ex eo quod Concilium ait, *Cum ad annos discretionis peruenerint*, colligitur non obligari hoc præcepto nisi homines sane mentis, ratione & discretionem videntes. Inter

quos censendi sunt etiam Energumeni, si modo, ut solent, vexantur tantum per interualla, & alioqui satis sui compotes sunt. Secus autem illi omnes qui aliquandiu quidem usum rationis habuerunt, sed postea in amentiam diuturnam aut perpetuam inciderunt. Tales enim non tenentur communicare in Paschate: neque obligantur parentes, aut Parochi, efficere ut tunc communicent. Potest tamen & debet illis dari Eucharistia in articulo mortis, si nullum sit irreuerentiae periculum, quod potest facile vitari. Neque necessarium est ut antea, dum erant compotes rationis, expresse perierint communionem: sed sufficit quod probabiliter credantur petiisse, & esse bene dispositi; ut recte docet Suar. disp. 59. sect. 2. Requiritur tamen ut praesumi possit quod illam in usu rationis explicitè vel implicitè petierint, seque satis ad illam disposuerint: quod de illis praesumendum est, si non constat oppositum. Quando namque perueniant infantes ad usum discretionis sufficientem ad communionem, relinquatur prudenti iudicio Confessarii. Et ad reuerentiam tanti sacramenti solet plus discretionis requiri ad communionem, quam ad sacramentum Pœnitentiae. Quique non habent satis discretionis ad communicandum in Paschate, non habent quoque obligationem communicandi in articulo mortis.

Notandum verò est, iuxta probabilem multorum sententiam, quæ nobis etiam talis videtur, satisfacere huic præcepto Ecclesiastico illos qui verè communicant sacramentaliter, licet indignè, modò indignitas sit occulta. Quia Ecclesia præcipit tantum actum externum conuenienter factum, quantum apparet exterius: neque habet ius præcipiendi ea quæ sunt purè interna. Finis autem præcepti, nempe sanctificatio, & bonitas actus interni, non cadit sub præceptum Ecclesiasticum: iuxta ea quæ fufius diximus in tract. de Leg. Peccant tamē grauius cōtra præceptum diuinum indignè communicantes, quamuis indignitas sit occulta, & Ecclesiae legibus non subiecta: atque etiam illi, qui nimis diu, & cum mora vituperabili differunt communicare dignè, & conuenienter: quia præceptum diuinum ad talem communionem obligat.

Qui autem violant præceptum hoc Ecclesiasticum, non incurrunt propterea ipso facto excommunicationem iure communi, aut ullam aliam censuram Ecclesiasticam. Quia nullibi imponitur ipso facto: sed tantum in can. *Omnis utriusque sexus*, præcipitur ut viuens arceatur ab ingressu Ecclesiae, & mortuus careat Ecclesiastica sepultura. Quæ poena non incurritur, antequam inferatur per sententiam Iudicis, re in iudicio probata legitime. Loquor autem de iure communi, non de statutis particularibus aliquarum dice-

SECTIO II.

Quomodo sit intelligendum præceptum communicandi in Paschate?

Circa doctrinam præcedentem difficultas est, an præceptum communionis ita sit affixum Paschati, ut is, qui præuidet fore, ut non possit tunc communicare, non teneatur præuenire tempus Paschale: aut is, qui tempore Paschali non communicauit, non teneatur deinceps eo anno communicare?

Affirmant absolute non pauci, & graues Theologi, S. Antonin. Medina, Syluester, Sotus, Victoria, Toletus, Valentia, & alii, quos refert, & sequitur Diana tomo 2. tractat. 4. de Sacramentis, resolut. 41. Ratio illorum est, quia determinatio Ecclesiastica facta est ad tempus Paschale. Præceptum autem latum determinatè, & adstrictum ad aliquod tempus, non obligat ad opus iniunctum, ante, vel post, faciendum. Exempli gratia, qui non potest, vel non vult ieiunare tempore quadragesimæ; non teneatur ieiunare ante vel post. Qui non vult, aut non potest audire sacrum die Dominico; non teneatur illud audire die sabbati, vel die lunæ.

Alii vtuntur distinctione, aiuntque illum, qui culpabiliter omisit communionem tempore Paschali, non teneri deinceps pro illo anno communicare. Secus autem eum, qui omisit ex causa rationabili cum consilio Confessarii. Rationem huius differentiae sumunt ex verbis Concilii Later. can. *Omnis utriusque sexus*, quibus præcipitur, ut quilibet fidelis, postquam ad annos discretionis peruenierit, semel saltem in anno confiteatur proprio sacerdoti, & suscipiat reuerenter, ad minus in Pascha, Eucharistiae sacramentum, nisi proprius sacerdos ab eius perceptione duxerit abstinendum, &c. iudicando scilicet ob causam rationabilem differendum esse. Quo in casu dicunt talem adhuc contineri intra terminos præcepti: Quia Concilium extendit tempus præcepti, quamdiu rationabiliter Confessario videbitur esse extendendum. Secus est de eo, qui culpabiliter, & sine causa rationabili, & sine consilio Confessarii expresso, vel tacito & rationabiliter præsumpto, communionem omisit.

Alii terriò dicunt, Eum qui præuidet fore ut non possit tempore Paschali communicare, non teneri præuerrere. Si autem non præuertit, neque tempore Paschali communicauit, siue culpabiliter, siue inculpabiliter: teneri postea cum primum potest communicare: tamdiuque peccare, quamdiu differt sine causa: quia facit continuò contra obligationem durantem, & vigentem. Ita Suarez disput. 70. sect. 2.

Alii quartò, affirmant absolute teneri præuerrere: & si non præuertit, neque impleuit præceptum tempore Paschali: teneri postea, vel prima opportuna commodi-

Tet 2

Satisfit huic præcepto communicatio indigna.

An violatio huius præcepti inducat censuram?

8. S. ar. quæ. & ouis.

Varie sententia.

9.

10.

tate communicare, ut vult Vasquez tomo quarto, in tertiam partem, questione nonagesima, articulo tertio, dubio secundo, numero decimo tertio. Vel ut mauult Delugo disputat. 16. numero 69. teneri tantum indeterminatè alio die eiusdem anni communicare, & non permittere ut totus ille annus elabatur sine communionem.

11.

Qui praevidet fore ut postea communicare non possit, tenetur praeuenire Pascha.

In hac tanta opinionum varietate dico primò, cum, qui praevidet fore, ut neque tempore Paschali, neque reliqua parte anni possit communicare, teneri praeuenire, si potest; & non permittere elabi occasionem communicandi, post quam alia eodem anno non occurreret. Hanc modificationem adhibent Vasquez supra numero decimo tertio, & decimo quarto, & Delugo disputatione citata numero septuagesimo sexto. Ratio conclusionis est, quia duo praecepta virtualiter traduntur in canone, *Omnia utriusque sexus*. Vnum est, ne communicatio ultra annum differatur: cum dicitur, *Et suscipiat venerenter ad minus in Pascha*: quemadmodum ibidem immediate antea praecipitur, ut ne confessio ultra annum differatur; cum dicitur, *Semel saltem in anno confiteatur*. Quae verba, *semel saltem*, &, *ad minus*, significant praecipere confessionem, & communionem annuam ut minimum, ita ut ultra differri non possit. Quod clarè exprimit Tridentinum sessione decima tertia, canone nono, his verbis: *Si quis negauerit omnes, & singulos Christi fideles utriusque sexus, cum ad annos discretionis peruenierint, teneri singulis annis, saltem in Paschate, ad communicandum, iuxta praeceptum sanctae matris Ecclesiae, anathema sit*. Alterum praeceptum est, ut propter reuerentiam, & solemnitatem diei festi, communicatio illa annua fiat in Paschate, quantum fieri potest. Sicut ergo qui tenetur quotidie recitare officium, vel die festo audire sacrum: & praevidet fore ut non possit recitare, vel audire toto die, nisi manè praeueniat, tenetur praeuenire: sic, &c.

12.

Teneatur ne qui praeuenit, communicare iterum in Paschate, si possit?

Obiicit Suarez, neminem obligari ad anticipandum actum praeceptum: nisi per talem actum possit satisfacere obligationi praecepti. Sed per communionem anticipatam non implet quis obligationem huius praecepti: si enim postea communicare possit in Paschate, tenebitur: quia hoc praecipit lex, & tunc impleri potest. Ergo ex vi huius praecepti non obligatur ad anticipandum.

Responderi potest primò, Negando minorem. Talis enim in rigore implet praeceptum, ut probabile censet Suarez ipsemet secl. illa secunda, paulò ante finem, & absolute affirmat Diana tomo secundo, tract. quarto, de Sacramentis, resolut. 42. citans pro eadem opinione Fernandem de Heredia. Quanquam in praxi, ad reuerentiam festi Paschalis, & ad maiorem securi-

tatem, & ædificationem, unicuique consulendum omnino est, ut quamuis praeuenerit metu futurae impotentiae, communicet tempore Paschali, si possit.

Aliter secundò responderi potest cum Delugo disput. 16. num. 78. talem satisfacere obligationi annuae communionis, sed non satisfacere obligationi communionis Paschalis, quae duo praecepta distincta sunt. Verum contra hanc responsionem instari potest, quòd sicut ille, qui manè praeuidens se reliqua diei parte non habiturum orium recitandi horas suis temporibus, totum officium manè recitat; satisfacit praecepto non modò recitandi simpliciter officium illa die, sed & tali hora conueniente recitandi; ita ut hora illa superueniente non teneatur iterum recitare, quamuis commòdè possit: sic ille, qui iuxta de causa praeuertit communionem Paschalem, non teneatur postea suo tempore communicare, quamuis possit.

Respondet auctor citatus differentiam esse, quia praeceptum recitandi horas tali tempore est conditionatum tacitè, nempe nisi rationabilis causa sit anteponendi, vel postponendi: vel nisi causa legitima excuset, cuiusmodi est, antea recitasse, quamuis sine necessitate, & rationabili causa praeueniendi. Secus autem praeceptum communionis Paschalis. Sed non satis ostendit ille auctor praeceptum communionis Paschalis non habere quoque tacitè adiunctam illam conditionem, *nisi fuerit causa rationabilis praeueniendi*: quemadmodum in ipso canone, *Omnia utriusque sexus*, habet expressè adiunctam hanc conditionem, *nisi fuerit causa rationabilis differendi de consilio Confessarii*.

Fatendum tamen est exemplum illud de recitatione horarum, nimis probare: & praeceptum communionis in Paschate esse ali-quatenus magis limitatum, quàm praeceptum recitationis officii diuini suis temporibus. Alioqui enim sequeretur eum, qui sine causa sufficiente praeuertit tempus Paschale, non peccare quamuis non communicet tempore Paschali, & valeat communicare: sicut is, qui siue causa legitima praeuenit tempus recitationis officii, non peccat, licet postea tempore conuenienti non recitet. Falsum enim & improbabile mihi videtur esse quod aliqui respondent: hunc quidem non peccare contra praeceptum recitandi officii quotidie, simpliciter: sed peccare venialiter contra alterum praeceptum recitandi tali hora: tenerique sub veniali recitare iterum tali hora si potest, id quod tunc temporis recitari debet. Sicut ille, qui communionem praeuenit modo praedicto, non peccat contra praeceptum communicandi quotannis simpliciter: sed peccat contra alterum praeceptum communicandi in paschate, si tunc non communicet. Et quia hoc praeceptum cèsetur esse graue, peccat mortaliter. Hoc inquam responsum falsum & improbabile esse mihi videtur, quia absurdum esse exi-

Primo teneri aliquem sub veniali ad recitandum iterum totum officium diuinum, si circa illud totum praeuenit sine causa tempus recitandi. Et si esset praeceptum iterum recitandi, deberet eius obligatio censeri potius esse grauis, quando obiectum & materia praecepti grauis est: cuiusmodi esse communiter creditur non modò totum officium diuinum; sed etiam pars illius notabilis. Quare sicut dicitur peccare mortaliter qui in praedicto casu non iterum communicat in Paschate: ita dicendus esset peccare mortaliter ille qui non iterum recitaret.

16. Dico secundò eum, qui non communicauit tempore Paschali rationabili de causa, ex consilio Confessarii: teneri communicare tempore sibi per Confessarium designato. Qui autem culpabiliter communionem tunc omisit; tenetur solùm communicare semel alio die totius anni: ita vt satisfaciat, neque amplius peccet, modò non patiatùr totum annum elabi sine communionem.

Qui non communicauit in Paschate, tenetur postea eodem anno communicare.

Prima pars probatur, quia Confessarius tunc transfert determinationem temporis Paschalis, ad illud aliud tempus, quod designat, facultate sibi per ipsam legem data can. cit. *Omnis vtriusque sexus*. Quare illud tempus perinde obligat in eo casu, atque tempus paschale.

17. Secunda verò pars probatur, Quia praeceptum communionis paschalis continet duo virtualiter, & æquiualeuter, vt suprà diximus. Vnum, communicandi saltem semel in anno. Alterum, id faciendi tempore paschali, propter reuerentiam festi paschalis. Hoc secundum non impletur, neque impleri potest post elapsum tempus paschale, vel aliud loco ipsius à Confessario designatum. Quare non amplius obligat, quia non obligat ad impossibile. Alterum vero solitariè sumptum impletur, dummodo aliquo anni die communicetur: ita vt annus non prætereat sine communionem. Hoc enim sufficit ad communicandum saltem semel in anno. Quare si annus computetur ab initio Ianuarii, ad finem Decembris, qui est modus ordinarius computandi annos, tam civilis, quam Ecclesiasticus: sufficit ad seruandum illud praeceptum, vt non permittat totum Decembrem elabi sine communionem. Quando verò permittit elabi, peccat deinceps donec communiect, si non desit occasio. Qui autem dicunt peccare continuò, elapso tempore paschali: vel falsum dicunt, vel supponunt annum computari à paschate ad pascha, quod fieri quidem potest, sed non est necessarium, neque est certum ita computari, & non potius more Calendarii, à primo die Ianuarii ad vltimum Decembris.

18. Obicit Vasquez excommunicari eos, qui non communicarunt in Paschate, & non posse absolui à Confessariis, nisi postea communiect. Ergo, inquit, peccant ulterius differendo. Alioqui enim possent absolui ab excommunicatione contracta propter peccatum præteritum, quippe quæ

non est reseruata. Respondeo cum Delugo suprà, numero septuagesimo tertio, excommunicationem illam infligi propter peccatum præteritum, ab Episcopis exequentibus mandatum Concilii Lateranensis, ea tamen conditione, vt nolint incurri, nisi ab eo, qui non communicauerit intra aliquot dies: & non tolli nisi ad reincidentiam, donec actu communicauerit. Exigunt enim talem satisfactionem à peccatore: quam nisi exhibeat: nolunt eum absolui penitus ab excommunicatione. Quare si quis confiteatur animo communicandi, & ab illa excommunicatione absoluatùr prius, quàm à peccatis, vt fieri debet: posteaque animum mutet: reincident in eandem excommunicationem.

Elapso autem toto anno verum est contrariari peccatum, quamdiu quis potest communicare, & non communicat. Peccat enim continuò contra praeceptum, quo obligatur non differre communionem ultra totum annum. Quare sicut qui tenetur restituere, & non restituit: peccat quamdiu non restituit si possit: & qui est in mora soluendi debitum, peccat continuò, donec soluat si potest: sic & iste, quamdiu non communicat.

Sed hinc oritur dubium, an qui non communicauit anno superiori, & anno sequenti communicat in paschate, satisfaciat pro vtroque anno, ita vt non teneatur post illam communionem, iterum communicare pro anno superiori?

Sufficitne vna communicatio pro duobus annis?

19. Respondeo affirmatiuè. Ratio est quia illa communio facit vt non iam amplius nimis diu differatur sumptio Eucharistiae: & est nimis remota, vt censeatur moraliter ad annum præcedentem pertinere tantum, at pro illo solo satisfacere. Quare non tantum satisfacit pro anno præcedenti, quantum fieri iam potest, impediendo scilicet ne continuetur peccatum nimis differendi communionem: verum etiam satisfacit pro anno præsentis, sufficitque vt deinceps singulis annis communicetur in paschate.

Confirmatur, quia ex opposito sequeretur, quòd si quis viginti annis non communicauerit, tenebitur hoc anno viceies communicare. Et si quis octuaginta annos vixerit in hæresi; tenebitur eo anno, quo ad fidem conuerteretur, toties communicare, quot annis omisit communionem.

20. Dices eum, qui debet quorannis tributum vnius aurei, & non soluit hoc anno: non satisfacere anno sequenti, dando vnum aureum pro vtroque anno: sed debere singulos aureos dare, pro singulis annis. Sic ergo debet quisque singulis annis, singulas communionem, ita vt vnica non satisfaciat pro duobus annis.

21. Diluitur obiectio.

Respondeo, Non esse parem vtriusque debiti.

biti rationem. Nam qui communicat in p: f-
chate anni p:æsentis, tollit fundamentum, &
radicem debiti, quæ est vt ne nimis differat
tur communio. Iam enim deinceps non ni-
mis differetur, modò singulis palcharis se-
quentibus communicetur. At ille, qui soluit
tantummodo aureum vnum, non tollit fun-
damentum & causam debiti, quæ est neces-
sitas, & indigentia Principis, aut Reipubli-
cæ: idèoque non tollit obligationem soluen-
di aureos debitos Principi, pro annis p:æce-
dentibus.

SECTIO III.

*An communio sub vtraque specie sit in
p:cepto?*

22.
Commu-
nio sub v-
traque spe-
cie est in
p:cepto
respectu
celebran-
tium.

Dico primò, Esse in p:cepto respectu
celebrantium sacrificium Eucharistiz:
at non respectu aliorum. Prima responsi pars
est extra controuersiam, traditurque in C.
Relatum, & C. *Comperimus*, de consecrat. di-
stinct. 2. iuxta sensum, & interpretationem
Gratiani, D. Thomæ, & aliorum antiquo-
rum. Ratio eiusdem est, quia celebrantes sa-
crificium Eucharisticum, tenentur illud per-
ficere, & consummare. Sumptio autem sa-
cerdotis celebrantis pertinet ad consumma-
tionem sacrificii Eucharistici. Notandum ta-
men hoc esse intelligendum de celebrante
principaliter: non de Neomytis, qui cum
Episcopo, & si quilibet simili modo concele-
brant. Notandum etiam id, quod alibi dixi-
mus post Suarez disp. 75, sect. 5. in fine, &
Delugo disp. 11. n. 173. non satis constare,
teneri aliter, quàm ex p:cepto Ecclesiasti-
co, sacerdotem principaliter, aut solitarie
consecrantem, sumere id quod consecrauit,
& non sufficere quod sumatur ab alio sacer-
dote. Omnino tamen intentio, & p:ceptum
Christi est vt hoc sacrificium consum-
metur ab aliquo, & vt species vini conse-
crati sumantur ad refactionem spiritalem,
propter quam instituta sunt.

23.
Non est
p:ceptum
laicis.

Secundà pars conclusionis traditur à Con-
cilio Tridentino sess. 21. c. 1. & Constantiensi
sess. 13. Probatum autem, quia vel laici,
& Clerici non celebrantes, tenerentur ad
communicandum sub vtraque specie ex p:cep-
to Ecclesiastico, vel ex p:cepto diuino.
Non Ecclesiastico: quia potius Ecclesia id
prohibuit in Concilio Constantiensi sess. 13.
Basileensi sess. 30. & Trident. sess. 21. c. 2.
Non etiam diuino: quia nullum tale profer-
tur, vt patebit ex solutionibus argumen-
torum, quæ in contrarium adducunt Nouato-
res, affirmantes iuris, & p:cepti diuini esse,
vt communio sub vtraque specie sumatur ab
omnibus, neque potuisse Ecclesiam vsum ca-
licis prohibere laicis. Eorum argumenta re-
feremus, & diluemus sect. sequenti. Interea
verò confirmatur conclusio ex praxi antiquæ
Ecclesiæ ipsi Apostolorum temporibus.

Nam Act. 2. vers. 42. dicitur generatim
de fidelibus Hierosolymitanis, à Iudaismo
ad fidem Christi conuersis, *Erant autem per-
seuerantes in doctrina Apostolorum, & commu-
nicatione fractionis panis, & orationibus.* Vbi
sermonem esse de communione Eucharistica
docent ipsimet Aduersarii Caluinus, & Beza
in hunc locum. Aliunde verò constat ex Act.
21. v. 23. iuncto cap. 6. Numerorum v. 2.
3. & 18. iisdem temporibus Apostolorum
fuisse inter Christianos à Iudaismo conuer-
sos, Nazaræos aliquos, quibus Apostoli
legis antiquæ obseruationem permittebant,
quamque ipsi, & cæteri Iudæi, accuratissimè
obseruabant, vt constat ex eodem cap. 21.
Act. v. 20. & 21. Aut ergo Nazaræi illi nun-
quam communicabant, quod repugnat ver-
bis relatis ex Act. 2. v. 42. aut legem vino
sibi interdicentem, Numer. 6. v. 3. instinge-
bant, quod repugnat verbis Lucæ Actor. 21.
v. 20; & 21. Aut in specie panis tantum com-
municabant: adeoque iam tum communio
sub vnica specie panis erat illis licita: & con-
sequenter communio sub vtraque specie non
erat à Christo omnibus p:cepta, quod in-
tendimus.

Confirmatur secundò, Ex praxi antiquæ
Ecclesiæ Apostolis vicinæ, in qua vsum fuisse
communione sub vna specie manifestum
est. Non fuisset autem ille vsum, si sanctissimi
Pontifices, & fideles illius temporis, ex illi-
massent id esse contra institutionem, & p:cep-
tum Christi. Istius vsum testes oculati
sunt Tertull. lib. 2. ad uxorem cap. 5. Cle-
mens Alexand. lib. 1. Stromatum, non lon-
gè ab initio, Cyprianus in serm. de lapsis,
Basil. in Epist. ad Cæsariam Patrit. Hieron.
in Apologia pro libris suis contra Iovinian.
& alii Patres primorum quinque sæculorum
Ecclesiæ, qui testantur fideles olim Eucharis-
tiam in domum suam deferre solitos in ora-
rio, & seruare, in loco decenti, vt sumerent
suis temporibus de manu propria, cum metu
persecutionum, non possent tam frequen-
ter ad Ecclesiam, & ad synaxim conuenire.
Testatur etiam Basilus *vbi supra*, Monachos
eremi cultores, eam detulisse in eremum, vbi
nullam habebant copiam sacerdotis, & in
cellulis suis eam seruasse ad similem vsum.
Atque neque isti, neque alii fideles laici po-
terant Eucharistiam secum deferre in cellu-
las, aut domos suas, nisi sub specie panis: cum
vt constat ex S. Athanas. Apolog. 2. contra
Arianos pag. 569. editionis Commel. in do-
mibus laicorum non essent calices, vel vasa
sacra, in quibus sanguinem Christi recipe-
rent, & seruarent: ac ne quidem liceret illis
calicem manu sumere, vt testantur Cyrill.
Hierosolymit. Catechesi 5. Mystag. versus
finem, & Gregor. Nazianz. in oratione contra
Arian. & de seipso. Adde quod sanguis non
potuisset diu seruari. Facile enim & citò vi-
num acescit, & corrumpitur. Sanguis autem
non plus manet sub speciebus, quàm substan-
tia vini sub illis conseruaretur.

Et est alia eiusdem vsum coniectura, quod

24.
Vsum com-
munionis
sub vna
specie tẽ-
pore Apo-
stolorum.

25.
Idem vsum
quinque
primis sæ-
culis Ec-
clesiæ.

26.

Moribundi
communi-
cabant sub
unica spe-
cie.

in antiqua Ecclesia dabatur species panis
egrotis, & moribundis, sine calice. Tum
quia ut dixi non poterat calix, id est, sanguis
Christi sub speciebus vini, diu conservari, ad
eum finem succurrendi moribundis in neces-
sitate: tum etiam, quia nonnulla exempla il-
lius temporis id satis indicant. Cuiusmodi
est illud relatum ab Eusebio lib. 6. Historiz
cap. 36. de Serapione, qui per puerum suum
misit particulam Eucharistie, *ἡμεῖς τὸν οὐρανόν*,
presbytero cuidam moribundo, præcipiens
puero, ut particulam illam madefaceret,
ne forte moribundus eam deglutire non
posset. Ex quo facto colligitur particulam
illam Eucharistie, quam misit, fuisse tantum
particulam speciei panis, quæ madefacienda
esset, ne forte non posset à moribundo de-
glutiri. Alia exempla afferunt Bellarm. lib.
4. de Eucharist. cap. 24. & Barrault. 3. par-
te Clypei cap. 34. §. 9. de S. Ambrosio su-
mmente Eucharistiam in articulo mortis à S.
Honorato Vercellensi Episcopo: & de S. Ba-
silio communicante in articulo mortis sub
sola specie panis, quam longo tempore asser-
uauerat, ut scribunt Paulinus, & Amphilochius
in eorum vita.

27.

Tertiò, Quòd non modò priuatim, & ex-
tra Ecclesiam, sed & publicè in ipsa Ecclesia
licita esset communio sub altera specie, patet
ex historia de muliere Macedoniana: quæ,
ut scribunt Sozom. lib. 8. historiz cap. 5. &
Nicephor. lib. 13. c. 7. ut simularet se Ca-
tholicam esse, hæresimque suam ficta com-
munionem tegeret; loco panis Eucharistici, à
sancto Ioanne Chrysost. accepti in manus,
clam substituit panem prophanum, qui in ip-
sius ore statim in lapidem versus est. Si enim
necessarium fuisset communicare sub specie
calicis: quomodo illa suam fraudem tegere
potuisset, substituendo similiter vinum pro-
phanum loco vini consecrati? Neque enim
calix tradebatur in manus laicis, sed ori co-
rum applicabatur à sacerdote, vel à Diacono,
ut testatur Cyrill. Hieros. Catech. supra
cit. Pater item ex eo quòd, ut scribit S. Leo
serm. 4. de quadragesima, Manichæi super-
stitionè abhorrebant à calice: & tamen ad
regendam hæresim suam comunicabant cum
Catholicis sub specie panis. Quomodo au-
tem potuissent hac arte suam hæresim tege-
re, si Catholici omnes sub utraque specie
communicassent, & ipsi soli abstinuissent à
calice? Facile enim discerni potuissent à Ca-
tholicis, si Catholici nunquam abstinuissent
à calice. Est quoque notandum Manichæos,
siue cum Catholicis communicarent, siue
non, abstinuisse semper à vino, quod in hor-
rore habebant, ut fel draconis, & velut à dæ-
mone factum, cuiusque potum sacrilegium
esse existimabant, neque credebant Chri-
stum esse sub illius speciebus in Eucharistia:
ut colligimus ex D. August. lib. 20. con-
tra Faustum Manichæum cap. 13. Et tamen
neque S. Epiphanius, neque S. August. cui
optimè noti erant, ut pote olim Manichæo,
neque alij antiqui, scribentes de erroribus

Manichæi
ut se Ca-
tholicos ef-
fe simula-
rent, com-
municabāt
sub sola
specie pa-
nis.

Manichæorum, istum vnquam notauerunt,
quòd contra Christi præceptum communi-
carent sub vnica specie: quod certè fecis-
sent, si existimassent tale Christi præceptum
extare.

Patet tertiò, ex communione, quæ olim
fiebat ex Præsanctificatis, cuius fit mentio in
Concilio Laodic. can. 49. & in Trullano c.
52. id est, ex communione, quæ tota quadra-
gesima fiebat singulis diebus, exceptis sab-
bato, & Dominica, ex consecratis ante: sicut
nunc die Veneris maioris hebdomada com-
munio fit à sacerdote celebrante officium, ex
hostia consecrata die Iouis præcedentis. Cum
enim non posset conservari species vini à die
Dominica ad diem usque Veneris subsequen-
tis; debuit illa communio fieri ex sola specie
panis: sicut nunc etiam feriâ sextâ in Para-
isceue, ex illa sola fit. Quam consuetudinem
Latinæ Ecclesiæ per antiquam esse constat
ex Innocent. 1. Epist. 1. cap. 4. & ex Gregor.
Magno in lib. sacramentorum, in offi-
cio paraliceus.

28.

Communio
ex præsan-
ctificatis.

Atque ut aliquid addamus de praxi Eccle-
siæ sequentibus sæculis: legimus in Ordine
Romano cap. *De ordine celebrandi Missam*, qui
liber habetur tom. 8. Biblioth. Patrum pag.
397. & citatur ab Aleuino, qui floruit ante
octingentos annos: legimus, inquam, praxim
Ecclesiæ Romanæ fuisse, ut sacerdos conse-
craret in exiguo calice, ex illoque parum vi-
ni consecrati effunderet in alium calicem
maiores, vino & aqua plenum, ad distri-
buendum populo. Erat autem difficile, aut
impossibile moraliter parum illud vini con-
secrati ita per totum calicem maiorem dis-
fundi, singulisque vini prophani partibus ita
misceri, ut omnes, & singuli communican-
tes aliquid sanguinis Christi reciperent.
Cumque numerus communicantium maxi-
mus erat, ut in festis solemnioribus; neces-
sarium erat calicem illum maiorem, sæpius
vino communi impleri, ut omnibus suffice-
ret. Est autem notandum nunquam in eodem
sacrificio fuisse plures calices consecratos,
sed in quolibet vnicum: ut patet ex Epist.
Gregorii II. ad Bonifacium Moguntiz Epif-
copum, quæ incipit, *Desiderabilem mihi*, &c.
Ipsaque forma consecrationis de calice lo-
quitur in singulari, velut unico, *Hic est enim
calix sanguinis mei*. Notandum item calicem
consecrationis non potuisse valde ingentem
esse: alioqui non potuisset à sacerdote attol-
li, ferri, & tractari, prout necessarium est.
Et quidem omnes calices antiqui, quorum
etiam nunc extant nonnulli, exigui sunt, aut
mediocres. Quare vinum in his consecra-
tum, non poterat sufficere tantæ fidelium
multitudini: maximè cum, ut supra diximus,
parum illius dumtaxat in alium calicem vino
communi plenum transfunderetur. Testatur
etiam D. Thomas quæst. 80. art. 12. iam suo
tempore, atque etiam antea, plures Eccle-
siæ communicantibus solam speciem panis
dedisse, ad vitanda incommoda, quæ fre-
quenter sequebantur ex communione cali-

29.

Olim calix
vni-
tus conse-
crabatur,
ex quo non
posset san-
guis omni-
bus dari.

cis. Et diu ante, anno 1054. Humbertus Cardinalis in tractatu quem scripsit Constantinopoli rogatu Imperatoris Constantini Monomachi, cum ibi Legatum ageret Leonis Papæ IX. qui tractatus extat apud Baron. in Appendice tomi XI. Annal. Ecclesiasticæ, refert Epistolam vnius à Patriarchis Hierosolymitanis, in qua ipse testatur morem Hierosolymis & in Iudæa fuisse communicandi populum solâ specie panis, ne tincta quidem in calice, ut Græci tunc facere solebant. *Etiam in magnis, quàm in parvis Ecclesiis hunc morem sibi traditum à sanctis Apostolis habuissint: omnes Christianos illius Provinciae. Græcos etiam cohabitantes in eo Patriarchatu, aliquos fecisse similiter, alios aliter, more suæ Ecclesiæ. Et denique Concilium Constant. sess. 13. affirmat consuetudinem illam communicandi sub vna specie, fuisse receptam longè ante, quàm lege sua illam præciperet. Ex quibus omnibus videre est communionem sub vna specie fuisse in usu apud fideles ab ipsis temporibus Apostolorum, huc vsque: & antiquam Ecclesiam sensisse illam licitam esse; adeoque non contrariam institutioni, & præcepto Christi, ut contendunt hæretici.*

30. Dico secundò communionem calicis, licet per se licitam, & à Christo non prohibitam, conuenienter tamen ab Ecclesia, & iustas ob causas, fuisse laicis prohibitam. Probat, quia Ecclesia Christi sponsa, veritatis firmamentum & columna, errare nequit in ritu sacramentorum: & à Christo potestatem habet, sicut habere par est, ut in sacramentorum dispensatione, salutem eorum substantiâ, ea statuât, vel mutet, quæ suscipientium vtilitati, vel ipsorum venerationi, pro rerum, temporum, & locorum varietate, magis expedire iudicauerit: ut affirmat Trident. sess. 21. cap. 2. & probat ex 1. Corinth. 4. *Sic nos existimet homo, ut ministros Christi, & dispensatores mysteriorum Dei: & ex 1. Corinth. 11. vbi Paulus nominatim de hoc ipso sacramento loquens, Cetera, inquit, cum venero disponam.*

31. Habuit autem Ecclesia graues, & iustas causas interdicendi. Primò, propter incommoda, quæ sæpenumero contingerent ab abstemiis, & vini odoris impatientibus, & barbaris, & rusticis, atque à tanta multitudine, quanta esse cœpit, ex quo Ecclesia plurimum dilatata fuit. Aliquid enim semper effunderetur. Et verò sacerdoti durum esset, id quod ab omnibus delibatum esset, & restaret, consumere: cum ad communicandum accedant aliqui malè affecti, qui etiam alios à communionem deterrerent, si ex eodem calice bibendum illis esset. Et quamuis hæc incommoda possent interdum vitari: rectè tamen Ecclesia, propter conformitatem, laicis omnibus, ac semper interdixit: cum id necessarium minimè sit, ut patet ex usu antiquæ Ecclesiæ: & via incommodis ac libertati ministrorum, qui ea facillè abuti possent, claudi debuerit. Item ut hac interdic-tione

hæreses confutaret, docerètque Christum totum, secundum corpus, & sanguinem, sub qualibet specie contineri, alteramque ad salutem sufficere.

Hæc tamen interdictio non est ita intelligenda, ut in nullo casu liceat laico sanguinem sumere, sicut Dominico Soto perperam visum est. Nam reuerentia sacramenti, & intentio Ecclesiæ potest interdum exigere contrarium. Ut si v. gr. periculum sit ne species vini consecratæ, ab Infidelibus effundantur, & proculcentur: vel si mortuo sacerdote ante consumptum calicem, nullus alius sit, qui consumat, & corruptionis specierum periculum imminet. Potest etiam Ecclesia super hoc præcepto suo dispensare: ut re ipsa dispensauit Clemens VI. cum Rege Christianissimo anuo 1341. & Paulus III. cum Bohemis, modò tamen non adhærent hæresi Petri Dresdensis, & Iacobi Misnelli, qui primi in Bohemia anno 1412. Calixtinorum hæresim seminarunt.

32.

Licetne in aliquo casu calicem sumere laici?

SECTIO IV.

Respondetur præcipuis hereticorum argumentis in contrarium.

O Pponunt primò illud Christi Ioan. 6. *Nisi manducaueritis carnem filii hominis, & biberitis eius sanguinem, non habebitis vitam in vobis.* Vbi, inquit, si de Eucharistia sermo est, ut nos volumus; sequitur quòd priuare populum calice, sit ipsum priuare vitam æterna. Nam Christus ait, *Nisi biberitis sanguinem, non habebitis vitam.* Neque sufficit dicere sanguinem Christi contineri sub specie panis. Quia Christus præcipit bibere. At sumere speciem panis non est bibere. Alioqui sacerdos bis sanguinem biberet: semel sub specie panis, & iterum sub specie vini. Vnde refellitur responsum illorum, qui dicunt præcipi substantiam sumptionis, sed non præcipi modum. Nam bibere est modus sumendi. Christus autem præcipit bibere.

33.

Prima obiectio ex Ioan. 6.

Respondeo, ex apite Ioannis citato satis colligi vnicam speciem sufficere. Nam ut rō- & expendit Tridentinum sess. 21. cap. 1. Qui dixit, *Nisi manducaueritis carnem filii hominis, & biberitis eius sanguinem, non habebitis vitam in vobis:* dixit quoque ibidem, *Si quis manducauerit ex hoc pane, viuet in æternum.* Et qui dixit, *Qui manducat meam carnem, & bibit meum sanguinem, habet vitam æternam:* dixit etiam, *Panis, quem ego dabo, caro mea est pro mundi vita.* Et denique qui dixit: *Qui manducat meam carnem, & bibit meum sanguinem, in me manet, & ego in illo:* dixit nihilominus: *Qui manducat hunc panem, viuet in æternum.* Quibus verbis, in eodem capite, & contextu prolatis, significauit Christus quòd sicut integer & totus est sub qualibet specie: ita sub qualibet sufficit ad vitam largiendam. Et

quidem tota Christi intentio hoc loco extendit, ut nobis indicet necessitatem nostram, ut ipsi per hoc sacramentum uniamur ad habendam vitam in nobis. At hæc unio sit sufficienter per vtramvis speciem, siquidem Christus totus in ea continetur.

34.

Neque dicas has propositiones affirmativas debere intelligi sub conditione: si nimirum comederit dignè; atque etiam sicut oportet, nimirum cum calice, iuxta illud, *Nisi manducaveritis carnem filii hominis, & biberitis sanguinem eius, non habebitis vitam in vobis*. Respondeo enim nullam in Christi verbis conditionem subaudiendam esse, nisi vel ratio manifesta, vel alius Scripturæ locus necessario id exigat. Alioqui nullus esset certus Scripturæ sensus. Atqui nec ratio id exigit, sed contrarium potius: quia Christus vitæ author sub qualibet specie totus est. Nec ullus alius Scripturæ locus id postulat. Nam illud, *Nisi manducaveritis, &c.* alium habet sensum, potestque facillè cum præcedentibus Christi verbis sursum relatis conciliari. Primum enim, dici potest manducari carnem, & simul bibi quodammodo per æquivalentiam, id est, sumi sanguinem, dum una species vtrumque continens sumitur: atque ita satisfieri præcepto Christi statuente tantum ut edamus carnem, & bibamus sanguinem, vel formaliter, & diuissim; vel per æquivalentiam, & coniunctim, vtrumque realiter sumendo quomocunque. Vel, quod magis probò, responderi secundò potest propositionis illius sensum disiunctiuum esse Hebræo more; similemque esse his propositionibus: *Patri, matrique qui maledixerit, sanguis eius sit super eum*, Levit. 24. id est, Patri, vel matri. Et Exodi 21. iuxta Hebræum: *Qui percuiderit patrem suum, & matrem, morte moriatur*: id est, patrem, vel matrem. & Apocalyp. 1. *Beatus, qui legit, & audit verba prophetie huius*: id est, legit, vel audit. Tertiò, Potest etiam particula, *Nisi*, vel ut in Græco est *ἢ*, si non, Hebræo more, vtrumque membrum propositionis diuissim negare, & quasi bis repetita intelligi, ita ut vtrique membro propositionis applicetur, & sensus sit: Si neque manducaveritis carnem filii hominis, neque biberitis eius sanguinem, non habebitis vitam in vobis. Vel, Si non manducaveritis carnem filii hominis, non habebitis vitam in vobis: & si non biberitis sanguinem filii hominis, non habebitis vitam in vobis: unde sequatur ex opposito, quòd si manducaveritis carnem filii hominis, vel si biberitis eius sanguinem, habebitis vitam in vobis. Talis modi loquendi exempla in Scriptura permulta sunt. Sic enim Psalm. 1. dicitur, *Non resurgent impij in iudicio, & peccatores*, iuxta Hebræum, pro quo Vulgatus interpretes rectè vertit, *Neque peccatores in concilio iustorum*. Et Psalm. 128. *De quo non implevit manum suam, qui metit: & sinum suum, qui manipulos colligit*: id est, neque manum, neque sinum: non autem vtrumque simul: etenim multum esset implere alterum. Sic

etiam Petrus Actor. 3. *Argentum*, inquit, *& aurum non est mihi*: id est, neque aurum, neque argentum. Nam alterutrum Petro suffecisset ad dandam eleemosynam, quæ petebatur; atque ita eius excusatio non fuisset legitima. Christus autem syriacè loquutus est. Et Evangelistæ, qui eius verba referunt, syriacismos, & hebraismos sapere timent.

Opponunt secundò verba illa Christi *Bibite ex hoc omnes*: quæ, inquit, solis pastoribus dicta non sunt, sed omnibus fidelibus. Nam Apostoli tunc non tenebant locum pastorum, sed discipulorum; & ovium: unde ibidem discipuli vocantur, & ovium: unde ibidem discipuli vocantur. Estque manifestum, in institutione Eucharistiae, præceptum edendi, & bibendi, iisdem personis datum esse. Quare si laici non tenentur bibere calicem, quia illi, quibus tunc Christus calicem dedit, erant pastores: non tenebuntur etiam edere panem Eucharisticum: quia similiter illi, quibus Christus tunc temporis panem porrexerat, edereque præcepit, erant pastores. Nihil ergo erit in sacramenti huius institutione, quod sit regula fidelium. Et tamen institutio cuiusque sacramenti est ipsamet eius regula.

Respondeo verba illa Christi, *Bibite ex hoc omnes*, siue per modum præcepti, siue per modum simplicis invitationis, fuisse dicta solis Apostolis, de quibus subdit Marcus cap. 14. vers. 23. *Et biberunt ex illo omnes*. Similiterque illud, *Accipite & comedite*, Matth. 26. vers. 26. dicebatur solis Apostolis, de quibus immediatè præmittitur ibidem, *Cenantibus autem eis accepit Iesus panem, & benedixit, ac fregit, deditque discipulis suis, & ait, Accipite, & comedite, Hoc est corpus meum*. Dictum est autem potius de calice, *Bibite ex hoc omnes*; quàm de pane, *Comedite ex hoc omnes*, (tamen de utroque dictum fuisse arbitror ut supponitur in Canone Missæ, itaque refertur ab Ambrosio lib. 4. de Sacram. cap. 5. licet Scriptura id non exprimat) sed ratio id potius de calice dicendi esse potuit; quia Christus panem fractum, & in duodecim partes diuissim, ac consecratum dabat: vinum autem non ita. Unde ne vnus eorum sibi hauriendum dari existimaret, addit Christus, *Bibite ex hoc omnes*: vel ut alius Evangelista refert, *Accipite, & dividite inter vos*, Luc. 22. vers. 17.

Nec obest quòd tunc Apostoli non tenebant locum Pastorum, sed discipulorum, & ovium. Neque enim dicimus hæc verba ad illos solos dirigi, ideo quia erant Pastores: sed quia Christus solis illis adstantibus, & secum conuiuantibus, loquebatur, iisdemque solis panem à se consecratum porrexit, & calicem distribuit, invitans simul illos ad edendum & bibendum quod illis dabat. Quamvis autem nondum essent Pastores, neque sacerdotes: specialis tamen fuit ratio, cur Christus illis vtramque speciem daret. Quia cum mox essent à Christo instituendi sacerdotes; conueniens fuit ipsos à Christo facto suo instrui, quomodo ipsis deinceps ut sacerdotibus &

35.

Obiectio
2. ex Matth.
26.

36.

consecrantibus communicandum esset. Posito autem quòd illa Christi verba, *Accipite & comedite, & Bibite ex hoc omnes*, vim præcepti habuerint: Dico illud præceptum edendi, & bibendi iisdem personis latum fuisse, nempe solis Apostolis; neque alijs obligasse. De alijs verò præceptum verbis illis latum non est: quippe quæ ad Apostolos solos dirigebantur, ut paulò ante ostendimus. Illis autem sequentibus, apud Lucam cap. 22. vers. 19. & 1. Corinth. 11. vers. 24. & 25. quibus iussit Apostolos imitari quod ipse fecerat, idemque sacramentum & sacrificium deinceps celebrare, illòsque & eorum successores novi Testamenti sacerdotes constituit: iussit pariter fideles in illius sumptione colere sui memoriam, suamque annunciare mortem, donec ipse ad iudicandum mundum veniat: ut ait Trident. sess. 13. c. 2. An autem simul verbis illis præceperit ut utraque species sumeretur ab omnibus, dicemus paulò post. Verum est denique institutionem cuiusque sacramenti, esse ipsammet eius regulam, quoad essentiam sacramenti: Quoad usum verò, non est necesse præscribi omnia in ipsa institutione. Et quidem Paulus 1. Corinth. 11. quædam præscribit circa usum Eucharistiæ, quæ in eius institutione non fuerant à Christo expressa.

37. Tertia ob-
iectio ex
1. Corinth.
23.

Opponunt tertio, Illa verba Christi, *Hoc facite in meam commemorationem*, 1. Corinth. 11. quibus verbis, inquit, præcepit Christus, ut idem facerent Apostoli, quod ipse faciebat. At ipse dabat Apostolis utramque speciem: ergo præcepit Apostolis, ut ipsi utramque alijs darent.

Respondeo cum illustr. Arelat. Archiep. tomo 3. Clvp. cap. 33. num. 5. Christum non præcepisse Apostolis, illis verbis, ut facerent alijs, quidquid ipse tunc faciebat. Alioquin præcepisset, ut omnes alios facerent sacerdotes, sicut ipsi tunc sacerdotes à Christo facti sunt. Quod falsum esse agnoscit ipse Calvinus 4. Institut. cap. 15. num. 20. Itemque præcepisset ut Eucharistiam darent post cœnam, & cum alijs circumstantiis, quas tunc Christus adhibuit: quod ipsi aduersarii non admittunt. Cùm ergo Christus verbis illis non præceperit Apostolis, ut facerent quidquid ipse fecit: non bene ex illis inferunt Calvinistæ præcepisse ut darent omnibus communionem sub utraque specie. Neque Apostoli ita intellexerunt: alioqui non essent passi hoc præceptum infringi ab iis, qui viventibus, & videntibus Apostolis sub vna specie panis communicabant, ut probauimus sect. 3. Denique Christus (ut ostendit vsus Ecclesiæ perpetuus, optimus legum interpret, & confirmauit Concilium Tridentinum sess. 22. cap. 1.) verbis illis, *Hoc facite in meam commemorationem*, præcepit Apostolis, eorùmque in sacerdotio, successoribus, ut in memoriam suæ passionis celebrarent idem Eucharistiæ sacrificium. Voluit etiam idem sacrificium ab alijs fidelibus participari, corpusque suum,

& sanguinem ab ipsis sumi, quoad rem ipsam, & substantiam: sed modum sumendi sub vna, vel utraque specie, non præscripsit eo loco. Ex alio verò Ioan. 6. colligimus vnam sufficere, cùm Christus totus in ea contineatur. Notat quoque Bellarm. lib. 4. de Euchar. cap. 25. non sine causa Lucam, qui solus inter Euangelistas hæc verba refert, ea solum posuisse post datum sacramentum sub specie panis: post datum autem calicem illa non repetuisse: ut intelligeremus iussisse Dominum ut sub specie panis distribueretur omnibus sacramentum: sub specie autem vini, non item. Similiterque Paulum 1. Corinth. 11. post panis consecrationem absolute quidem addidisse velut à Christo dictum, *Hoc facite in meam commemorationem*. Post calicem autem non idem absolute repetisse, sed cum conditione, *Hoc facite quotiescunque bibetis in meam commemorationem*, id est, quando calicem sumeris, sumite in memoriam meæ passionis. Cùm enim non sine causa Spiritus sanctus modum loquendi mutauerit; non significant verba illa posteriora calicem debere omnibus dari, vel ab illis sumi necessario: sed modum præscribunt, ut si id fiat & quando, atque à quibuscunque id fiet, semper fiat in memoriam Dominicæ passionis: siue fiat ex præcepto, ut à sacerdotibus celebrantibus: siue ex simplici concessione, ut ab alijs, quamdiu Ecclesia id liberum reliquit.

Opponunt quarto, Christum in calicis consecratione dixisse, *Hic calix nouum testamentum est in meo sanguine, qui effunditur in remissionem peccatorum*. Ergo, inquit, priuare laicos calice, est velle eos priuare effusione sanguinis Christi in remissionem peccatorum. Neque enim dici potest sanguinem effundi in specie panis. Item cùm Christus ait, *Hoc est corpus meum, quod pro vobis frangitur*, vel, *quod pro vobis traditur*, ut fert textus Græcus Lucæ 22. & 1. Corinth. 11. non intelligit tradi solum pro pastoribus, & frangi pro eorum salute, non pro populi. Ergo nec quod ait de calice.

Respondeo, Illius effusionis sanguinis mentionem fieri à Mattheo cap. 26. vers. 28. & à Luca cap. 22. vers. 20. Priori loco effusio illa sanguinis intelligi potest tum de cruenta, & visibili in cruce, de qua mox futura, tanquam moraliter iam præsentem, Christus loquebatur: tum de incruenta, & invisibili, quæ fit in Eucharistia per immolationem Christi, & positionem corporis eius, & sanguinis, sub speciebus panis & vini, modo indiuisibili. Prior effusio facta est pro peccatis totius mundi 1. Ioan. 2. vers. 2. Posterior fit in remissionem peccatorum, eorum, pro quibus offertur sacrificium. Quare populus neutra effusione priuatur, quamuis abstineat ab usu calicis. Quia hoc non impedit quin Christus in cruce sanguinem suum fuderit pro ipsorum salute: & quin sacerdos sacrificium incruentum pro illis obtulerit, ut illis profit in remissionem peccatorum. Si-

38.
Quarta ob-
iectio.

militet traditio, & fractio illa corporis, intelligi potest tum de cruenta in cruce: tum de incruenta in Eucharistia. Fallunturque Calvinistæ si putant corpus frangi, & sanguinem fundi, significare hoc loco idem ac, edi, & bibi. Si enim ita esset, debebat Christus dicere, *Hoc est corpus meum, quod à vobis frangitur*: &, *Hic calix novum testamentum est in sanguine meo, qui à vobis funditur*: potius quàm dicere, *quod pro vobis frangitur*: &, *qui pro vobis funditur*.

Posteriori loco, nempe Luc. 22. vers. 20. effusio debet necessariò intelligi determinatè de effusione facta in sacramento, per immolationem Christi, & positionem sanguinis eius sub speciebus vini. Nam textus græcus sic habet: *καὶ ὁ κύπελλον ἡμῶν ἐν αἵματι τοῦ θανάτου*, id est, *Hic calix novum testamentum est in sanguine meo, qui calix pro vobis funditur*. Calix autem non fuit in oratio effusus: sed funditur in sacramento, quando per consecrationem liquor, id est, sanguis, in eo contentus, funditur, hoc est, sacrificatur & offertur Deo in remissionem peccatorum: ut rectè exponit Maldonatus ad cap. Matth. 26. vers. 28. Fit autem hæc consecratio & oblatio pro remissione peccatorum & salute eorum pro quibus offertur Missæ sacrificium, ut paulò ante diximus. Quare non priuantur eo fructu, quamvis abstineant à calice bibendo.

Opponunt quinto Paulum 1. Corinth. 11. scribentem omnibus Corinthiis fidelibus, id est, ut ipse ait cap. 1. vers. 2. *Omnibus qui invocant nomen Domini nostri Iesu Christi*, ac proinde populo æquè ac pastoribus, sic præcipere: *Probet autem seipsum homo, & sic de pane comedat, & de calice bibat*. Ex quo sic argumentantur: Sicut præceptum probandi seipsum fit omnibus fidelibus: Ita & præceptum edendi de pane illo, & bibendi de calice fit omnibus fidelibus. Neque enim Paulus ait, *Probet se homo, si velit edere*: sed *probet se & edat*, græcè *δοκίμαζέτω καὶ ἐσθιέτω*. Sicut ergo si Rex præcipit, ut miles arma sumat & strenuè pugnet: utrumque illi præcipit: sic Paulus, &c. Et saltem ex eo loco constat Corinthios laicos de calice bibisse.

Respondeo primò, male aduersarios colligere ex illis Pauli verbis, *Omnibus qui invocant nomen Domini*, ipsum scribere omnibus fidelibus, siue Corinthiis, siue aliis. Nam ex textu liquet his verbis non aliud intelligere, quàm Corinthios esse sanctificatos in Christo Iesu, & vocatos sanctos cum omnibus fidelibus, id est, æquè ac omnes alios fideles, qui invocant nomen Domini nostri Iesu Christi, in omni loco ipsorum, & nostro. Verumtamen quia verum est ea, quæ obijciuntur, pertinere aliquatenus ad omnes fideles, Respondeo secundò, cum autore supra citato num. 8. Paulum non tradere ibi duo præcepta, vnum probandi seipsum, & alterum sumendi utramque speciem, ut volunt hæretici: sed vnum duntaxat, non communicandi indignè, absque præmissa

probatione necessaria. Quod probatur primò ex intentione Pauli cap. illo 11. à versu 20. vbi incipit loqui de Eucharistia, & non aliud intendit, quàm corrigere abusus, & irreuerentiam Corinthiorum in eius participatione. Conuenientibus ergo vobis in vnum, (inquit) iam non est Dominicam canam manducare. Vnusquisque enim suam canam præsumit ad manducandum. Et alius quidem esurit, alius autem ebrius est. Nuncquid domos non habetis ad manducandum & bibendum? Aut Ecclesiam Dei contempnit, & confundit eos, qui non habent? Quis dicam vobis? Laudo vos? In hoc non laudo. Tum relata sacramenti huius institutione, qualem à Christo acceperat, ut tanti mysterii reuerentiam, & apprehensionem condignam eorum animis ingeneraret: concludit vers. 27. *Itaque quicumque manducaverit panem, vel biberit calicem Domini indignè, reus erit corporis, & sanguinis Domini*. Probet autem seipsum homo, & sic de pane illo edat, & de calice bibat. Qui intima manducat, & bibit indignè, iudicium sibi manducat, & bibit, non diiudicans corpus Domini. Et deinceps usque ad finem capitis, semper insistit Paulus in probanda necessitate istius probationis, seu præparationis, quam exigit maiestas tanti sacramenti.

Probatur secundò, ex illa disunctione, quæ habetur vers. 27. supra relato, *Itaque quicumque manducaverit panem, vel biberit calicem Domini indignè*. Nam si Paulus verbis sequentibus voluisset tradere præceptum sumendi utramque speciem, ut volunt Calvinistæ: disunctiva illa fuisset contraria ipsius intentioni: quippe quæ significat posse disunctim vnam sine alia sumi: dignè, si præmittatur probatio necessaria: indignè, si non præmittatur. Maxime verò in sententia eorum, qui argumentum propositum nobis obijciunt: addunt enim paulò post, fieri non posse, ut quis coniunctim vnam speciem indignè sumat, aliam indignè. Nam si ita est: necessariò sequitur eum, qui disunctim sumit panem, aut calicem indignè, iuxta Apostolum: sumere separatim vnam speciem sine alia. Et vel disunctio Apostoli est prorsus vana: vel præsupponit necessariò posse vnam speciem sumi sine alia: quandoquidem potest disunctim indignè sumi. Ineptum autem est existimare Paulum, seu potius Spiritum sanctum, hac disunctione sine causa usum esse: sed potius illam adhibuit, ut significaret, tum utramque speciem separatim sumi posse: dignè, præmissa conuenienti probatione; indignè, non præmissa: tum etiam corpus, & sanguinem, ac Christum totum sub utraque contineri, quandoquidem quisque utramque accipit indignè, reus est corporis, & sanguinis Domini, quia sub illa specie verumque sumpsit, & in os pollutum & contraminatum immisit, ut loquitur Theodoretus in hunc locum.

Nec obest quod Apostolus dicit in imperatio *idcirco*. Primò, quia non semper vox imperatiui modi significat præceptum;

40.
Quinta
obiectio.

Explicatur
caput 11.
epist. 1. ad
Corinth.

41.

42.

sed aliquando consilium, exhortationem, orationem, & similia. Ut patet ex illis verborum orationis Dominicæ, *Sanctificetur nomen tuum: Adveniat regnum tuum: Fiat voluntas tua.* Quæ omnia in textu græco exprimuntur per imperativum: neque tamen nos ideo illa imperamus. Secundò, quia Paulus non dicit absolute, *edat*: sed, *probet se ipsum homo, & sic de pane illo edat*: id est, non edat, nisi se prius probaverit. Quo pacto Rex posset cuiuspiam dicere: Non pugnēs, nisi te prius armis bene munieris. Quibus verbis præcipere posset munitiōnem armorum si pugnet, sed non pugnam ipsam. Et qui diceret, Quisque Regem maximè honoret, & sic cum summa reuerentia illum alloquatur: non propterea positivè obligaret vnumquemque ad loquendum cum Rege: sed negativè, ut nemo Regem alloquatur, nisi cum summa reuerentia.

43. Quod autem tunc temporis laici Corinthii de calice biberent, nobis non obest, qui non contendimus nunquam laicos de eo bibisse: sed id illis à Christo præceptum non fuisse: neque à Paulo, qui tantum præcipit, ut ne edant, & bibant indignè: id est, ut quoties volent edere & bibere, præmittant convenientem sui ipsorum probationem.

Sexta op-
positio.

D. Thom.

Cætera, quæ de Scripturis opponunt hæretici, leuiores sunt, & ex dictis facile solui possunt. Quæ autem obijciunt de sanctis Patribus, intelligenda sunt vel de communionem sacerdotum consecrantium, ut illud Gelasii distinctione secunda de Consecratione C. *Comperimus*, sic explicatum à Diuo Thoma articulo duodecimo quæstionis octuagesimæ ad primum, vel de re sumenda, non de modo sumendi: vel de permissu, non de præcepto. Quædam etiam contra Manichæos sunt dicta, abstinentes à calice, eo quod vinum tanquam à dæmone factum detestarentur, ut testatur sanctus Leo sermone quarto de Quadragesima. Eorumque occasione putant aliqui præcepisse Gelasium Papam can. cit. ut arcerentur à communionem, qui ad calicem nollent accedere: ut ea ratione prehenderentur

Manichæi, quos deprehensos expulsi in exilium.

Verum in illo canone sermo tantum est de sacerdotibus consecrantibus, ut ostendit titulus canonis præfixus, qui sic habet: *Item Gelasius Papa Maiorico, & Ioanni Episcopis: Corpus Christi sine eius sanguine sacerdos non debet accipere.* Vbi nota Epistolam illam Gelasii, scriptam Maiorico, & Ioanni Episcopis, ex qua sumptus est canon, non amplius extare, sed illud eius fragmentum à Gratiano in suo decreto conseruatum fuisse, quem omnino credibile est sensum illius ex antecedentibus, & consequentibus, totòque contextu Epistolæ bene assequutum esse. Ipse autem huic fragmento, seu canonis præfixit titulum, quem supra diximus. Glossa quoque in margine addit: *Hoc intellige de consiciente, &c.* & S. Thomas artic. cit. *Gelasius*, inquit, *loquitur quantum ad sacerdotes.* Et quidem licet priora verba canonis possent faciliè pati priorem illam interpretationem, *Comperimus*, quod quidam sumpta tantummodo corporis sacri portione, à calice sacri cruoris abstineant. Qui proculdubio (quoniam nescio quæ superstitione docentur obstringi) aut integra sacramenta percipiant, aut ab integris arceantur. Incredibile tamen est voluisse Gelasium comprehendere laicos his verbis sequentibus: *Quia diuisio vnius, eiusdemque mysterii, sine grandi sacraligio non potest provenire.* Neque enim poterat ignorare communionem sub vnicâ specie fuisse laicis permissam, & semper antea eo usque vsitatam: ut ex Patribus, & historia Ecclesiastica supra ostendimus.

Denique si communio sub vtrâque specie esset necessaria ex præcepto Christi, non posset humana potestas super eo dispensare, permittereque ut sub vnicâ communicaretur. At hæretici ipsi super eo dispensant in suis ordinationibus Ecclesiasticis: permittunt enim ut abstemii, saporis & odoris vini impatientes, communicent sub sola panis specie. Quare sibi metipsis apertè contradicunt, quando contendunt communionem sub vtrâque specie esse necessariam ex institutione & præcepto Christi.

44.
Explicatus
Canon
Comperi-
mus.

543

DISPUTATIO

TRIGESIMA SEPTIMA,


De subiecto, & Ministro sacramenti
Eucharistiæ.

Sectio I. *Liceatne Eucharistiam dare peccatoribus?*

Sectio II. *Sitne idem sentiendum de alus sacramentis?*

Sectio III. *Quis sit idoneus minister huius sacramenti?*

Sectio IV. *Plura de ministro sacramenti Eucharistiæ.*



E subiecto & ministro Venerabilis huius sacramenti disputat S. Thomas quæst. 80. art. 3. & sex consequentibus; & totâ quæst. 82. In quarum prior docet peccatorem posse quidem sacramentaliter recipere corpus, & sanguinem Christi: sed graviter peccare: posseque ac debere negari Eucharistiam peccatoribus manifestis, & publicis, etiam petentibus, nisi prius agant convenientem pœnitentiam. Secus autem occultis, qui ius petendi, & accipiendi nullo peccato publico amiserunt. Nam ius illud non potest tolli nisi pro causa manifesta. Addit (omissis iis, quæ de nocturna pollutione, & de ieiunio alibi exposuimus) non quoscumque rationis usu carentes arcendos esse à sumptione Eucharistiæ; sed eos qui nunquam habuerunt: illis verò qui non semper eo caruerunt, si prius, quando erant compotes suæ mentis, apparuit in eis deuotio huius sacramenti, debet in articulo mortis exhiberi, nisi forte timeatur periculum vomitus, vel expuitionis. Vnde statuitur in Concilio Carthagio. IV. cap. 76. & habetur 26. quæst. 6. can. *Is qui*, ut ille qui in infirmitate pœnitentiam petit, si casu, dum ad eum sacerdos inuitatus venit, oppressus infirmitate obmutuerit, vel in phrenesim conuersus fuerit; dent testimonium qui eum viderunt, & accipiat pœnitentiam; & si continuò creditur moriturus, reconcilietur per manus impositionem; & infundatur ori eius Eucharistia. In posteriori quæst. affirmat 1. Sacerdotum proprium esse conficere hoc sacramentum: quia solis illis datur hæc potestas in eorum ordinatione. 2. Plures sacerdotes posse simul eandem hostiam consecrare: neque propterea iterari consecrationem super eandem materiam: quia omnium intentio debet ferri ad idem instans consecrationis. 3. Ad eosdem pertinere dispensationem corporis Christi. Tum quia sacerdos consecrat in persona Christi, qui in cœna & consecrauit, & aliis dedit: unde sicut ad sacerdotem pertinet consecratio corporis Christi, ita dispensatio. Tum etiam quia sacerdos constituitur medius inter Deum, & populum. Vnde sicut ad eum pertinet dona populi Deo offerre: ita pariter ad eum pertinet dona sanctificata diuinitus populo tradere. Tum

denique quia propter reuerentiam hoc sacramentum à nulla re contin-
gitur, nisi consecrata. Vnde & corporale, & calix consecrantur, & simi-
liter manus sacerdotis ad illud tangendum. Excipitur tamen casus ne-
cessitatis. 4. Sacerdotem consecrantem debere sumere hoc sacramen-
tum: quia debet esse particeps sacrificii, quod offert, & eius, quod aliis
dispensat. 5. Sacerdotem, quamvis malum, & peccatorem, posse Eucha-
ristiam consecrare: quia non consecrat virtute propria, sed ut minister
Christi: non desinit autem esse minister Christi ex eo quod sit malus.
Habet enim Dominus bonos, & malos ministros, seu seruos: & hoc per-
tinet ad excellentiam Christi, cui tanquam vero Deo seruiunt non so-
lùm bona, sed etiam mala, quæ per ipsius prouidentiam in eius gloriam
ordinantur. 6. Quantum ad sacramentum, non minùs valere Missam sa-
cerdotis mali, quàm boni: quia veròbique idem conficitur sacramen-
tum. Quantum verò ad orationes, quæ sunt in Missa, possunt illæ du-
pliciter considerari. Vno modo, prout habent efficaciam ex deuotione
sacerdotis: & sic plus valet oratio boni, quàm mali sacerdotis. Altero,
prout à sacerdote offeruntur in persona totius Ecclesiæ. Et hoc secundo
modo fructuosæ sunt omnes orationes sacerdotis peccatoris, siue in
Missa, siue in aliis officiis Ecclesiasticis, in quibus gerit personam Ec-
clesiæ: licet orationes eius priuatæ non sint fructuosæ, secundum illud
Proverb. 28. *Qui dechnat vires suas, ne audiat legem; oratio eius erit execrabilis.*
7. Sacerdotem hæreticum, schismaticum, excommunicatũ, degradatum
posse valide, quamvis illicite, sacramentum hoc conficere: quia reti-
nent potestatem consecrandi in ordinatione acceptam, neque amit-
tunt characterem, qui est indelibilis: vnde quando ad Ecclesiam re-
deunt, & Pœnitentiam agunt, non reordinantur. Non licere tamen ab
illis communionem accipere, vel eorum Missam audire, si per senten-
tiam Ecclesiæ sunt privati executione consecrandi. Quia hoc est eorum
peccato participare. Sed non omnes peccatores sunt ita suspensi. 8. De-
nique sacerdotem, licet non habeat curam animarum, teneri festis sal-
tem diebus celebrare, illis præcipuè, quibus fideles communicare con-
sueverunt. Quia tenetur vti gratia sibi concessa opportuno tempore.
Huc vsque D. Thomas.

S E C T I O I.

liceatne Eucharistiam dare peccatoribus?

T.
Peccator
publicus
non est ad
commu-
nionem ad-
mittendus,
nisi resi-
puit.



Vt de subiecto huius sacramen-
ti docet S. Thom. tota quæst. 80.
facilis sunt, vel duabus præceden-
tibus disputationibus satis expo-
sita præter illud vnum in titulo propositum:
de quo idem S. Doctor art. 6. affirmat, Pub-
lico peccatori etiam publicè petenti ne-
gandum esse hoc sacramentum: secus autem,
peccatori occulto. Quæ doctrina cõmunissi-
ma est. Ratio primæ partis est, quia minister
huius sacramenti debet esse fidelis dispensa-
tor, & non proicere sanctum canibus, suf-

ficienter notis. Quam ob causam iustitias,
magi, concubinarij, homines meretrices publicæ,
vsurarii publici, & similes, non possunt ad
communionem admitti.

Notandum autem primò id esse intelli-
gendum de peccatore publico non emenda-
to. Si enim se emendauit, & egit pœniten-
tiam: debet admitti ad communionem. Ver-
um ut ad eam publicè admittatur, debet
emendatio publicè esse nota: ne aliqui se-
quatur scandalum, si peccatum sciatur, &
nesciatur emendatio. Ut autem occultè so-
lùm admittatur nemine conscio, nisi mini-
stro: sufficit eam esse ministro notam: nisi
periculum sit, ne diuulgetur ipsum commu-
nicasse, non tunc diuulgata pœnitentiâ. Tunc
enim scandalum inde nasceretur, ut ex com-
munione publica.

2. Nota secundò, Peccatorem publicum illum dici, cuius peccatum publicè notum est, notorietate iuris, vel facti. Iuris: si scilicet illud in iudicio, id est, in foro externo Ecclesiastico, vel civili, confessus est, aut conuictus de illo fuit in iudicio. Facti: si constet id eum fecisse, ita ut nulla possit tergiversatione celari. Quod iterum dupliciter publicum dici potest. Primò, absolute: si constet omnibus, aut pluribus; puta, maiori participationis, vel toti viciniae, aut tot personis, ut simpliciter publicè notum, & divulgatum dici possit. De quo numero personarum non contentiunt Theologi: cum alii dicant sufficere decem, alii sex tantum, alii plures requirant. Sed melius dicunt, qui censent rem prudenter estimandam esse, pensata qualitate loci, delicti, personarum quæ norunt, &c. Neque posse ex solo numero certam & vniuersalem regulam præscribi. Secundò dicitur publicum respectuè, id est, comparatiuè ad communionem: si notum est omnibus iis qui adsunt communioni, licet illi pauci sint: vel saltem maiori parti, si sunt plures quam decem.

3. Quando igitur crimen est notum iure, vel etiam facto est publicum absolute: debet communio negari absolute, etiam si qui adsunt illud ignorent: atque etiam si peccator communionem perat alio in loco ubi non est infamatus. Quando autem respectuè tantum, debet pariter communio negari respectuè tantum. Sicut è contrario, debet communio dari penitenti coram iis, quibus respectuè nota est eius penitentia. Nisi in utroque casu sit periculum scandali imminenti, ob diuulgationem. Ita Suarez, Aegidius Coninc, & alii plures ad articulum 6. quæst. 80.

4. Circa secundam partem propositionis D. Thomæ de non neganda communione peccatori occulto quamuis indispositio, Nota tertio id intelligendum esse si publicè petat, id est, coram aliis ipsius crimen ignorantibus. Secus autem si petat præsepte solo sacerdote criminis eius & impenitentiae confiteo: vel etiam coram aliis similiter confiteis. Solum difficultas est, an si sacerdos non nouerit crimen & impenitentiam alia via, quam per confessionem sacramentalem, debeat nihilominus negare communionem petenti, nemine alio præsepte?

5. Affirmant S. Thomas in quarto distinct. 9. quæstione vnic. artic. 5. in corp. & Thomistæ communiter, aliique plurimi: quorum præcipuum fundamentum est, quia id non est reuelare confessionem, licet aliquid fiat aut dicatur ex quo conscius criminis intelligat se aut alium tale crimen confessum esse. Exempli gratiâ, potest sacerdos, audita confessione latronis, dicere ipsum sibi rite confessum esse. Imò hoc ipso quòd eum absoluit, satis id significat. Neque propterea frangit sigillum confessionis: licet tum ipse latro, tum alii conscii criminis, inde intelligant de latrocinii confessum esse. Sic

etiam potest confessarius audito vno è multis complicibus in ortem ipsi intentantibus, fugere: licet alii complices inde colligant ipsum per confessionem nouisse conspirationem. Sic denique posset sacerdos negare enssem, apud se depositum, ei quem sciret per confessionem velle ipso uti ad se interficiendum. Neque enim id est reuelare confessionem. Et innocentis iniuria arcenda est, si fieri potest sine violatione sigilli confessionis.

6. Addunt tamen aliqui, id non licere, ita ut expresse negetur communio propter peccatum in confessione cognitum: sed debere prætendi aliam rationem negandi, & vitari periculum scandali, atque omnis infamiae, omnisque criminis, seu reuelationis suspicionem. Quæ quia vix possunt moraliter concurrere: ideo regulariter loquendo, & practice, necessarium est cognouisse peccatum extra confessionem.

Contrarium absolute verius esse puto cum Paludano in 4. dist. 9. quæst. 4. art. 1. conclus. 3. Gabr. ibidem quæst. 2. art. 3. dub. 1. Soto dist. 12. quæst. 1. art. 6. & Aegid. Coninc ad art. 6. q. 80. quorum præcipua ratio est, quia non potest confessarius, aut superior in regimine externo penitentis, uti scientia per confessionem habita, sine ipsius facultate. Alioquin sigillum violat, & facit contra ius penitentis. Atqui dare vel negare communionem, pertinet ad regimen externum, estque per se actus Pastoris, & per accidens aliorum ministrorum vice ipsius. Adde quòd, negare tali communionem, est virtualiter illi suum peccatum exprobrare extra confessionem: quod est illicitum, & contra sigillum: quia peccatum illud trahitur extra claustrum sacramenti, in quo debet contineri, nisi penitens aliud permittat. Quæ de re plura dicemus inferius tract. seq. dispur. 54. ubi etiam respondebi aus fundamento contrariæ sententiæ.

7. Nota vltimò certum quidem esse, & constans inter Doctores, non esse negandam communionem peccatori occulto publicè petenti. Idque satis statuitur in can. *Sitne* tum, & can. *Placuit*, 5. q. 2. & in can. *Si sacerdos*, De officio Ordinarii: ubi etiam affertur exemplum Christi, qui Iudæ non negauit Eucharistiam, quando Apostolis eam publicè distribuit pridie suæ passionis. Non facile tamen redditur certa & sufficiens ratio huius tam certæ tamque communis doctrinæ, ut patebit ex singularum examine.

8. Nonnulli, inter quos sunt Alenf. & D. Bonauent. dicunt rationem esse, ne peccator infametur, aut scandalum inde sequatur. Verum potest quis licite infamari, quando id necessarium est ad auertendam grauem iniuriam innocentis. Hic autem auertenda est iniuria Christi, grauior quauis infamatione peccatoris, cui etiam sponte ipsemer causam dat. Neque inde per se scandalum sequitur: sed tantum homines suspicabuntur negari illi Eucharistiam propter aliquod peccatum

9.
Secunda
ratio re-
pudiatur.

occultum. Quod nihil habet incommodi, præter infamiationem peccatoris.

Alii, vt Suarez, dicunt publicam dispensationem sacramenti Eucharistiæ debere fieri non secundum scientiam priuatam: sed publicam. Actus enim publicus debet regi scientiâ publicâ. Sicut Iudex debet reum absoluerè, aut damnare non iuxta scientiam priuatam, sed publicam, quam habet, id est, secundum allegata & probata. Id enim exigit bona gubernatio reipublicæ, & modus bene exercendi eiusmodi actum. Quia ex alio modo sequerentur multa & grauiâ incommoda ordinariè, magnaue perturbatio. Possent enim Ministri quos vellent infamare. Et, si liberum Ministris relinquere-
tur probare vel non probare crimen, propter quod negant communionem: nimia illis daretur licentia. Sin autem probare tenerentur: nimis magnum onus, & sæpè impossibi-
le, illis imponeretur.

10.
Tertia ra-
tio.

Verùm hæc ratio patitur instantiam. Quia dispensator honorum communium potest in publica dispensatione cum prætermittere, quem scientiâ priuatâ nouit vsum in perniciem reipublicæ. Et si crimen probare potest, habet ius exprobandi, & probandi. Similiterque Episcopus potest, ac debet negare ordines ei, quem scientiâ priuatâ nouit indignum, saltem si probare potest eius indignitatem.

Propter hoc addit Aegidius Coninc, Christum sic instituisse, & sup iuri in contrarium, quoad hoc, renunciasse, ne sacramentum pacis fieret occasio perturbationis, propter incommoda superius exposita. Sic autem instituisse colligitur tum ex ipsius facto circa Iudam: tum ex usu Ecclesiæ, quæ sic fieri præcipit in canonibus ante citatis. Non est autem intrinsecè malum dare communionem indigno, sed occulto, publicè petenti. Neque tenetur sacerdos quouis modo impedire actum externum sacrilegii, commissio iam interno per voluntatem, in quo est tota malitia formalis seu libera: quem actum sacerdos impedire nequit, siue det communionem, siue neget. Maxime cum id peccatori parum vtile futurum sit, sed potius causa impatientiæ, odii, murmurationis, detractionis de fama sacerdotis negantis communionem, & similitum peccatorum, in quæ tales ex illa occasione solent erumpere. Obligatio autem vitandi malum alienum metienda est ex fructu, & bono, quod prudenter speratur.

11.
Expendi-
tur & pro-
batur.

Sed contra: quia non est asserendum Christum in re tam ordinaria dispensasse in lege naturali, vel iuri suo renunciasse, si potest sufficienter ostendi id, de quo agimus, non esse contra legem naturalem. Existimo autem ad id ostendendum sufficere rationem, quam reddit sanctus Thomas quæst. 80. artic. 6. dicens peccatorem occultum non amisisse ius petendi in publico communionem: quo iure non potest priuari, nisi pro causa manifesta. Quæ ratio cate-

ris præferenda esse mihi videtur, & confirmari potest ex capite *Ex tenere, De temporibus ordinationum*, iuncta glossa finali, in quo dicitur non esse negandos ordines peccatori publicè petenti, si habet ius petendi, vt videbimus sectione sequenti. Ad id verò quod contra illam rationem Diui Thomæ opponi solet, neminem ius habere ad communicandum indignè, quia nemo ius habet ad sacrilegium committendum. Respondet non habere quidem ius ad communicandum indignè, sed habere ius ad petendam communionem, quam sumit indignè & sacrilegè. Sicut coniux obstrictus voto simplici castitatis habet ius petendi debitum, quo tamen vitatur sacrilegè.

Quæres, vtrum in eo casu melius foret dare occulto peccatori hostiam non consecratam, de ipsius consensu? Respondeo negatiuè: ob materialem idololatriam, quæ tunc circa illam committeretur ab adstantibus; & cultum externum indebitum, qui tum à sacerdote, tum à communicante redderetur tali hostiæ, tanquam consecrata.

12.
An liceat
illi dare
hostiam
non con-
secratam?

SECTIO II.

*Sine idem sentiendum de aliis sacramentis,
& de Eucharistia?*

Quæres secundò, Vtrum de aliorum sacramentorum Ministris idem sentiendum sit, ac de Ministro Eucharistiæ? Affirmat Delugo disput. 8. de Sacram. in genere num. 195. de Baptismo, Confirmatione, & Extrema-unctione idem esse dicendum, ac de Eucharistia. Quia, inquit, ad hæc sacramenta habent ius omnes, vt ea petant à pastore tanquam sibi debita. Vnde non videtur habere ius maius repellendi eos cum infamia propter delictum occultum ab his sacramentis, quàm ab Eucharistia.

Verùm ille, qui nondum est baptizatus, non est ex ouibus Ecclesiæ, neq; subest eius Prælati, aut Parochis, & Pastoribus: neque ius habet ad sacramenta, & alia bona Ecclesiæ, ad quæ ius datur per Baptismum. Quare de illo cenfeo potius idem dicendum esse, ac de eo, qui petit ordines sine iure petendis qui repellendus est, quamuis publicè petat cum occulta indispositione; vt colligitur ex cap. *Ad aures, De temporibus ordinationum*; Vbi Lucius Papa statuit Religiosos non debere ordinari contradicere ipsorum Prælato. Quoniam, inquit, esse potest quoddam Prælati eorum commissa secreta nouerint, ex quibus constat eis, quod saluâ conscientiâ nequeunt sublimari. Ratio quoque, quam ad id probandum de ordinante reddit Delugo num. 194. idem concludit de baptizante, si ei cum proportionem applicetur. Videndum enim est, quinam in Ecclesiam admittantur, & quæ ac quinam eligantur in Ministros Ecclesiæ.

13.

ministrant ei, qui si velit, potest conteri, seque disponere ad dignè recipiendum. Quod autem iste sua culpa malè recipiat, & ministrat, potest permitti ab altero coniuge, qui non tenetur cum suo grani incommodo, propter alterius culpam, à contritu sibi notabiliter vili abstinere. Videri potest Delugo disp. cit. à n. 210. vbi nobiscum sonit, & fusius rem explicat atque confirmat.

SECTIO III.

Quis sit idoneus minister huius sacramenti

[18.]

Minister Eucharistiæ duplex esse potest: unus ad efficiendum: alter ad ministrandum postquam effecta est. Licet enim ordinariè administraretur per eosdem, per quos efficitur, aut effici potest; tamen potest diuini ab vno effici, & ab alio ministrari, à quo non potest effici: puta, à Diacono ex commissione, vel ab alio in casu necessitatis, vt dicemus in fine sequentis sect. Nunc de priori ministro sacramenti, videlicet quoad eius effectiōnem, dicendum est eum

Solus sacerdos potest efficere hoc sacramentum.

Clement.

Cyprian.

Epiphani.

D. Thomas quæst. 82. art. 2. & omnibus Catholicis, solum sacerdotem posse hoc sacramentum efficere. Probat, quia illi soli hoc possunt, quibus Christus hanc potestatem plenè supernaturalè concessit. Atqui non concessit aliis, nisi sacerdotibus, id est, Apostolis, & eorum in sacerdotio successoribus, verbis illis, *Hoc facite*, Luc. 22. & c. Cyprianus, & sequenti admodum interpretotib, & vltus perpetuus Ecclesiæ declarauit, sic enita verba illa intellexerunt sancti Patres Apostolorum contemporanei, aut vicini, & alii doctores. Vnde Clemens lib. 2. Constitut. cap. 3. vbi dicit laicum *fuisse facere*, si absque sacerdote aliquid attentat circa oblationem sacrificii Eucharistici. Et lib. 8. cap. vlt. vbi affirmat Christum solis Apostolis dixisse, *Hoc facite*, ab illis verò, & per illos derivatam fuisse hanc potestatem ad Presbyteros. Et Cyprianus lib. 1. epist. 9. vbi affirmat singulos diuino sacerdotio honoratos non nisi altari & sacrificiis deservire, & precibus acque orationibus vacare debere. Additque Episcopos antecessores suos salubriter ordinasse, vt si quis frater excedens ad tutelam vel curam Clericum nominaret, non offerretur pro eo, nec sacrificium pro dormitione eius celebraretur. Neque enim ad altare Dominetur nominari in sacerdotum prece, qui ab altari sacerdos, & ministris suis levitas diuine volunt. Quibus verbis satis perspicue significat non quorumlibet, sed sacerdotum proprium munus esse offerre sacrificium Eucharisticum. Et Epiphanius, Hæresi 79. vbi disputat contra Collyridianos, affirmat solos Apostolos fuisse à Christo ordinatos ministros Eucharistiæ: & deinde ab Apostolis alios Episcopos, & Presbyteros, ceteris autem, & ma-

xime feminis, adeo id non licere, aut liquif-
se vnquam, vt ne Beata quidem Virgini concessum fuerit. Et Chrysost. lib. 3. de Sa-
cerd. cap. 4. & sequenti, vbi sacerdotes su-
pra reliquorum hominum dignitatem mira-
biliter extollit, eò quod habeant potesta-
tem offerendi sacrificium Eucharisticum, &
remittendi peccata. Et Hieron. in epist. ad
Heliodorum, vbi sacerdotes super alios Cle-
ricos specialiter commendat, quod corpus
Domini proprio ore conficiunt, id est, ver-
bis sacramentalibus ore suo prolatis: & in
dialogo aduersus Luciferianos, longè ante
finem, dicit Hilarium schismaticum non po-
tuisse Eucharistiam consecrare, neque Cle-
ricos ordinare, eò quod tantum esset ordina-
tus in Diaconum; & Gaudens. Brixiz Episcopus in tract. 12. ad Neophytos, prope fi-
nem, qui tractatus habetur tom. 2. Biblio-
thecæ Patrum, sic ait: *Discipulis fidelibus man-
dat (Christus scilicet) quos primos Ecclesiæ con-
stituit sacerdotes, vt indefinenter ista vita eterne
mysteria exercerent, qua necesse est à sanctis sacer-
dotibus per singulas totius orbis Ecclesiæ cele-
brari, vsquequo iterum Christus de calis adue-
niat.*

Idem etiam docent Concilia antiqua, &
noua. Vt Concilium Nicænum 1. can. 14.
dicēs Diaconos non habere potestatem offe-
rendi sacrificium Eucharistiæ, sed Presbyte-
ros. Et Synodus Alexandr. in epist. quam
refert Athanas. Apol. 2. contra Arianos; in
quā epistola Patres Synodi Alexandrinæ
probant Hæchiram Arianum hæreticum non
potuisse sacrificium Eucharistiæ celebrare;
eò quod non esset ordinatus sacerdos à vero
Episcopo. Et Concilium Lateran. magnum
sub Innocentio III. cap. 1. vbi sic ait: *Hoc
sacramentum nemo potest conficere nisi sacerdos
fuerit, & ordinatus.* Et Trident. sess. 23. cap.
1. vbi affirmat sacrificium, & sacerdotium
Dei ordinatione esse coniuncta, & Christum
Apostolis, eorumque in sacerdotio successoribus
potestatem tradidisse consecrandi, of-
ferendi, & ministrandi corpus, & sanguinem
eius, necnon & peccata dimittendi, & reti-
nendi. Idem denique patet ex forma initia-
di sacerdotis in vniuersa Ecclesia Latina, in
qua sic dicitur ab Episcopo: *Accip. potesta-
tem offerendi sacrificium, pro viuis, & defun-
ctis.* Quæ verba in nullius alterius ministri
Ecclesiæ ordinatione præferuntur, suntque
sacramentalia, & effectiua eius quod signi-
ficant.

Ex his collige primò, Errare Lutheranos
affirmantes quemlibet Christianum, vi Bap-
tismi, habere potestatem consecrandi Eu-
charistiam, licet hoc officium nemo sumere
debeat, nisi legitimè vocatus, excepto casu
necessitatis: vt docet Luther. in lib. de cap-
tinit. Babylon. cap. de Ordine. Qui error
amplius refutatur ex eo quod antiqua Eccle-
sia manifestè nullos alios veros sacerdotes
agnouit, præter eos, qui tales sunt speciali
ordinatione: & nullos alios potestatem con-
secrandi habere credidit. Hoc secundum præ-

Chrysost.

Hieron.

Gaudens

19.

Athanas.

20.

Error Lu-
theri con-
trarius res-
tatur.

ministrant ei, qui si velit, potest conteri, seque disponere ad dignè recipiendum. Quod autem iste sua culpa malè recipiat, & administret, potest permitti ab altero coniuge, qui non tenetur cum suo gravi incommodo, propter alterius culpam, à contractu sibi notabiliter vili abstinere. Videri potest Delugo disp. cit. à n. 220. vbi nobiscum sentit, & fusius rem explicat atque confirmat.

SECTIO III.

Quis sit idoneus minister huius sacramenti

18.

Minister Eucharistiae duplex esse potest: unus ad efficiendum: alter ad ministrandum postquam effecta est. Licet enim ordinariè administretur per eosdem, per quos efficitur, aut effici potest, tamen potest diuini ab vno effici, & ab alio ministrari, à quo non potest effici: puta, à Diacono ex commissione, vel ab alio in casu necessitatis, vt dicemus in fine sequentis sect. Nunc de priori ministro sacramenti, videlicet quoad eius effectiōnem, dicendum est eum

Solus sacerdos potest efficere hoc sacrament.

De Thomā quæst. 82. art. 2. & omnibus Catholicis, solum sacerdotem posse hoc sacramentum efficere. Probat, quia illi soli hoc possunt, quibus Christus hanc potestatem plenè supernaturalē concessit. Atqui non concessit aliis, nisi sacerdotibus, id est, Apostolis, & eorum in sacerdotio successoribus, verbis illis, *Hoc facite*, Luc. 22. & c. Corinth. 11. quæ admodum interpretati, & vsus perpetuus Ecclesiæ declarauit. Sic enim verba illa intellexerunt sancti Patres Apostolorum contemporanei, aut vicini, & alii diuini. Vt Clemens lib. 2. Constitut. cap. 37. vbi dicit laicum *fas est facere*, si absque sacerdote aliquid attentat circa oblationem sacrificii Eucharistici. Et lib. 8. cap. 17. vbi affirmat Christum solis Apostolis dixisse, *Hoc facite*, ab illis verò, & per illos derivatam fuisse hanc potestatem ad Presbyteron.

Clement.

Cyprian.

Et Cyprian. lib. 1. epist. 9. vbi affirmat singulos diuini sacerdotio honoratos non nisi altari & sacrificiis deservire, & precibus acque orationibus vacare debere. Additque Episcopos antecessores suos salubriter ordinasse, vt si quis frater excedens ad tutelam vel curam Clericum nominaret, non offerretur pro eo, nec sacrificium pro dormitione eius celebraretur. Neque enim ad altare Dei meretur nominari in sacerdotum prece, qui ab altari sacerdos. & minister suos leuitas auocare voluit. Quibus verbis satis perspicue significat non quorumlibet, sed sacerdotum proprium munus esse offerre sacrificium Eucharistiae. Et Epiphani. Hæres. 79. vbi disputans contra Collyridianos, affirmat solos Apostolos fuisse à Christo ordinatos ministros Eucharistiae: & deinde ab Apostolis alios Episcopos, & Presbyteros ceteris autem, & ma-

ximè sceminis, adeo id non licere, aut licuisse vnquam, vt ne Beatæ quidem Virgini concessum fuerit. Et Chrysost. lib. 3. de Sacerd. cap. 4. & sequenti, vbi sacerdotes supra reliquorum hominum dignitatem mirabiliter extollit, eò quod habeant potestatem offerendi sacrificium Eucharisticum, & remittendi peccata. Et Hieron. in epist. ad Heliodorum, vbi sacerdotes super alios Clericos specialiter commendat, quoddam corpus Domini proprio ore conficiunt, id est, verbis sacramentalibus ore suo prolatis: & in dialogo aduersus Luciferianos, longè antè finem, dicit Hilarium schismaticum non potuisse Eucharistiam consecrare, neque Clericos ordinare, eò quod tantum esset ordinatus in Diaconum: & Gaudens. Brixie Episcopus in tract. 2. ad Neophytos, prope finem, qui tractatus habetur tom. 2. Bibliothecæ Patrum, sic ait: *Discipulis fidelibus mandauit (Christus scilicet) quos primos Ecclesiæ constituit sacerdotes, vt indefinenter illa vita æternæ mysteria exerceant, quæ necesse est à cunctis sacerdotibus per singulas totius orbis Ecclesiæ celebrari, vsquequo iterum Christus de talis adueniat.*

Chrysost.

Hieron.

Gaudens

Idem etiam docent Concilia antiqua, & noua. Vt Concilium Nicænum 1. can. 14. dicens Diaconos non habere potestatem offerendi sacrificium Eucharistiae, sed Presbyteros. Et Synodus Alexandr. in epist. quam refert Athanas. Apol. 2. contra Arianos: in qua epistola Patres Synodi Alexandrinæ probant Mithiram Arianum hæreticum non potuisse sacrificium Eucharistiae celebrare, eo quod non esset ordinatus sacerdos à vero Episcopo. Et Concilium Lateran. magnum sub Innocentio III. cap. 1. vbi sic ait: *Hoc sacramentum nemo potest conficere nisi sacerdos fuerit, id est ordinatus.* Et Trident. sess. 23. cap. 1. vbi affirmat sacrificium, & sacerdotium Dei ordinatione esse coniuncta: & Christum Apostolis, eorumque in sacerdotio successoribus potestatem tradidisse consecrandi, offerendi, & ministrandi corpus, & sanguinem eius, necnon & peccata dimittendi, & retinendi. Idem denique patet ex forma initiationis sacerdotum in vniuersa Ecclesia Latina, in qua sic dicitur ab Episcopo: *Accip. potestatem offerendi sacrificium, pro viuis, & defunctis.* Quæ verba in nullius alterius ministri Ecclesiæ ordinatione præferuntur, suntque sacramentalia, & effectiua eius quod significant.

19.

Athanas.

20.

Ex his collige primò, Errare Lutheranos affirmantes quemlibet Christianum, vi Baptismi, habere potestatem consecrandi Eucharistiam, licet hoc officium nemo sumere debeat, nisi legitimè vocatus, excepto casu necessitatis: vt docet Luther. in lib. de cap. euir. Babylon. cap. de Ordine. Qui error amplius refutatur ex eo quod antiqua Ecclesia manifestè nullos alios veros sacerdotes agnouit, præter eos, qui tales sunt speciali ordinatione: & nullos alios potestatem consecrandi habere credidit. Hoc secundum præ-

Error Lutheri contra- raturus est.

Epiphani.

Dionys. tet ex testimoniis modò relatis. Primum vero liquet ex Dionys. cap. 5. Ecclesiast. Hierarch. parte 1. post medium, ubi sic habet: *Nec ipse sacerdos erit, nisi Pontificalibus officiis ad hoc fuerit promotus.* Et ex Basil. lib. 2. de Baptismo cap. 8. ubi docet omnes Christianos esse quidem sacerdotes impropria quadam, & ampla significatione, quia debent omnes offerre Deo spirituales hostias bonorum operum: propriè vero sacerdotes esse eos solos, qui ad hoc ordinati sunt. Idemque affirmat D. August. lib. 20. de Ciuit. cap. 10. Et denique plures alii Patres expressè docent quòd sicut in lege Mosàica nulli erant veri sacerdotes, nisi qui de tribu Levitica fuerant legitime ordinati, iuxta illud Hebr. 5. v. 4. *Nec quisquam sumit sibi honorem, sed qui vocatur à Deo tanquam Aaron:* sic Euangelicum sacerdotium, longè excellentius Aaronico, non competit omnibus, sed iis solis, qui legitime vocati, & ordinati sunt ritu per Christum instituto. Ac sicut alii, ne quidem in necessitate poterant munus sacrificandi obire: unde 1. Reg. 13. reprehenditur Saul quòd stultè egerit, attentans sacrificare in casu necessitatis: & Osiaseandem ob causam lepra percutitur 2. Paralip. 26. Sic in lege Evangelica nemo nisi sacerdos potest in ullo casu cuiuscunque necessitatis sacrificare. Unde fit, ut quamvis in sacris literis, & historiis Ecclesiasticis videamus aliquos non sacerdotes interdum baptizasse in casu necessitatis, ut Philippum Diaconum Act. 8. & Athanasium adhuc infantem apud Ruffin. lib. 1. Historiæ c. 14. nulquam tamen legamus ullum alium præter sacerdotes sacrificasse: sed in eorum defectu caruisse potius fideles Eucharistia in quacunque necessitate, quàm præsumpsisse, vel ausos esse eam consecrare. Cuius rei exempla ex Theodoro, August. & Epiph. vide apud Bellarm. lib. 4. de Euchar. cap. 16.

Bellarmin. Quibus addo, quòd solim, ut constat ex Tertull. lib. 2. ad uxorem cap. 5. Clem. Alexandr. lib. 1. Strom. paulò post initium, Cyprian. serm. de Lapsis, Ambros. in oratione de obitu Satyri fratris, Basil. in epist. ad Cæsar. Patrit. Hieron. in Apol. pro libris suis contra Iovinianum, & aliis antiquis, Christiani olim tempore persecutionis deferabant domum Eucharistiam in oratio, & seruabant apud se, atque etiam in itinere ferebant, ut possent urgente necessitate communicare. At hoc non fecissent, neque fuisset domum asportandi, & asseruandi, vel in itinere terra, marique ferendi necessitas, si potuisset quilibet urgente necessitate consecrare. Item, ne quidem instante martyrio fideles in Cryptis latentes, aut carceribus detenti, leguntur vnquam consecrassè Eucharistiam, & sacrificasse, nisi essent sacerdotes: ut Lucianus Martyr apud Origen. & Euseb. referente Baron. ad annum Christi 311. Denique si potestas consecrandi competeret omnibus ratione Baptismi, ut vult Luther, competeret etiam scemini baptizatis; & si Baptismus facit verè & propriè sacerdotes,

mulieres Christianæ essent verè, & propriè sacerdotes Euangelici. At hoc reiectum semper fuit ab Ecclesia, quæ hac de causa Popuzianos, & Collyridianos hæresis stultissimæ, & turpissimæ condemnauit, ut videre est apud Epiphani. hæresi 49. & 79. & August. lib. de hæresibus ad QuodvultDeum hæresi 27.

Quæ verò in contrarium obiciunt hæretici, soluta vide apud Ysam. b. quæst. 82. disp. 1. art. 2. ubi abundè illis omnibus satisfacit. Summa solutionum est, Petrum Apostolum epist. 1. cap. 2. cum ait, *Vos autem gustate, regale sacerdotium;* & Ioannem in Apocal. cap. 1. vers. 6. *Fecit nos regnum, & sacerdotes Deo & patri suo,* & cap. 5. v. 10. *Fecit nos Deo nostrum regnum, & si erant 12: 1. qui de sacerdotio late tumptio, pro spiritali potestate, & debito offerendi Deo sacrificium bonorum operum, de quibus illis in locis sermo est, ut ostendemus paulò post. Secundò, Tertullian. in exhortatione ad castitatem cap. 7. quando sic ait: Nonne & Laici sacerdotes sumus? Scriptum est, Regnum quoque nos, & sacerdotes Deo, & Patri suo fecit. Differentiam inter ordinem, & pl. b. constituit Ecclesiæ auctoritas, & honor per Ordinis confessum sanctificatus à Deo. Vbi Ecclesiastici orant non est confessus, & offert, & tingit, & sacerdos est tibi solus. Sed & ubi tres, Ecclesia, li et Laii: unusquisque enim de sua fide venit. Cum, inquam, ait Nonne, & Laici sacerdotes sumus? intelligit sacerdotes latè, & improprie, modo supra dicto: alioqui sibi metipsum aperte contradiceret: quippe qui in lib. de præscriptionibus irridet Marcionistas, quòd apud eos aliqui essent hodie Clerici, cras Laici, quòdque Laicis munia sacerdotalia committerent. Idem etiam patet ex probatione, quam subiungit Tertullianus: *Scriptum est, Regnum quoque nos, & sacerdotes Deo, & Patri suo fecit:* nimirum Apoc. 1. vers. 6. & cap. 5. vers. 10. qui locus de spiritali sacerdotio intelligendus est, ut supra diximus, & indicant verba præcedentia loco posterius citato, ubi non de sacrificiis propriè dictis, deque oblatione Eucharistiae sermo est, sed solum de oblatione orationum, & de phialis aureis plenis odorem totorum, quæ sunt orationes sanctorum. De eodemque sacerdotio improprie dicto loquitur Petrus Apost. loco supra cit. ut patet ex verbis antecedentibus: hortatur enim fideles immediatè antea, ad deponendam omnem malitiam, & omnem dolum, simulationes, inuidias, detractiones: ad amplectendam vitam innocentem, qualis decet filios Dei adoptiuos, recens genitos in Christo: ad ædificandam domum spiritalem, tanquam lapides viuos, offerendasque spirituales hostias bonorum operum, quibus Deus colitur in spiritum, acceptabiles Deo per Jesum Christum. Et paulò post eodem obsecrat, ut abstineant à carnalibus desideriis, quæ militant aduersus animam, & bene conuersentur inter gentes, sint subditi superioribus, patienterque ferant tribulationes, &*

Epiphani

21. Soluuntur eius arg.

Tertull.

Locus Tertull. obsecutus explicatur.

iniurias, exemplo Christi. Patet denique ex eo quod Tertullianus ius illud offerendi, & sacerdotium de quo loquitur, fundat in fide, verbis extremis supra relatis, *Unusquisque enim de sua fide vivit*: quæ fides cum reperiatur in mulieribus baptizatis, æquæ ac in viris, sequeretur illas esse propriè sacerdotes, & posse conficere Eucharistiam: quibus tamen idem Tertull. lib. de Veland. Virgin. cap. 9. sacerdotale officium convenire negat.

Notandum tamen Tertull. ibi non loqui de iure, & potestate offerendi Deo quascunque hostias spirituales, siue quælibet opera bona, sed speciatim de oblationibus illis, quæ fiebant in Ecclesia à fidelibus, partim ad sacrificium postea celebrandum à sacerdote, partim ad benedicendum, & distribuendum adstantibus: de quibus oblationibus loquitur idem Tertullian. in lib. de Monogamia, dicens viduam offerre *annis diebus dormitionis mariti*. & Cyprian. lib. de Opere, & elemosyna; quando sic ait: *Quæ in Dominicum sine sacrificio venit* id est, sine pane, & vino offerendo sacerdoti, ut ex illis partim celebraret, & consecraret Eucharistiam, partim etiam benediceret solum, & fidelibus distribuatur; *Quæ partem de sacrificio, quod pauper obtulit, sumis* id est, communicas de Eucharistia ex oblatione pauperis confecta; vel sumis aliquid de donis, ab illo ad sacerdotalem benedictionem, & distributionem oblatis.

Ut enim rectè notat Pammel. ad illum locum D. Cypriani annot. 33. panis, & vinum offerebatur olim à fidelibus laicis, cuius pars una consecrabatur, alia solum à sacerdote benedicebatur, posteaque fidelibus distribuabatur: quæ benedictio non fiebat, nisi à sacerdote, quando illius erat copia: alioqui verò in casu necessitatis, poterat ab aliis fieri. Et quia iure tantum Ecclesiastico sacerdotibus reservata erat; idcirco addit Tertull. *Differentiam* (istam scilicet) *inter ordinem sacerdotalem, & plebem, constituit Ecclesie auctoritas*. Ne autem videretur dicere nullam aliam esse differentiam iure divino constitutam, quoad alia munera sacerdotalia, addit Tertull. *Et honor per ordinis confessionem sanctificatus à Deo*: id est, & potestas, vel character per sacram ordinationem concessus à Deo, cum gratia sanctificante ad munia illa convenienter, & sanctè obeunda. Nam quod Ordo, & character sacerdotalis, honoris nomine significetur apud antiquos, patet ex Cyprian. epist. 72. ad Antonianum, ubi dicit Novatianum nec potestatem, nec honorem habere: ut significet illum non habere characterem, & potestatem, siue Ordinem Episcopalem, atque ab illo promotos non fuisse validè ordinatos. Et epist. 65. Rogatianum Episcopum hortans, ut Episcopali potestate utatur in deponendo Diacono superbo, & contumaci, sic ait: *Quod si ultra te contumeliis suis exacerbaverit, & provocaverit, funderis circa eum potestate honoris tui, ut eum vel deponas, vel abstineas*. Illis autem verbis, *Per ordinis confessionem*, intelligit Tertullianus

sacram Ordinationem sacerdotum, quam sic appellat ab externa cerimonia, quæ tunc conferebatur per impositionem manuum non solum Episcopi, sed etiam cætus seu confessus Presbyterorum: ut constat ex Concil. Carthagin. IV. can. 3. qui sic habet: *Presbyter cum ordinatur, Episcopo eum benedicente, manum super caput eius tenente, etiam omnes presbyteri qui præsentibus sunt, manus suas iuxta manum Episcopi super caput illius teneant*. Denique quando Tertullianus subiungit, *Vbi Ecclesiastici Ordinis non est confessus* id est, ubi non sunt sacerdotes, & offers, & tingis, & sacerdos est loquitur de illis oblationibus, earumque benedictione, quæ, ut supra diximus, in casu necessitatis permixta erat laicis, absente Sacerdote; sicut illo absente licebat iisdem in necessitate baptizare: & eareus permittebatur illis sacerdotes esse, id est, functionem illam iure Ecclesiastico annexam sacerdotali Ordini exercere in casu necessitatis. Plura de hac difficultate videri possunt apud Gabr. Albaspinzum Episc. Aurelianensem lib. 2. de Eucharistia cap. 8. & Dionys. Petavius in Dissertationibus Ecclesiasticis contra Salmasium.

3. Falsum est Diaconos aliquando Eucharistiam validè, aut licitè consecrassè: malèque id probatur ex can. 15. Conc. Arelat. qui sic habet: *De Diaconibus, quos cognovimus multis locis offerre, placuit minime fieri debere*. & ex cap. 2. Synodi Ancyranæ, ubi Diaconi, qui immolauerant Idolis, iubentur cessare ab omni sacro ministerio, & speciatim siue à pane, siue à calice offerendo. Nam prior locus debet intelligi de oblationibus fidelium distinctis à consecratione Eucharistie, quas supra diximus, quæque præsentem sacerdote non poterant ab alio benedici, temerèque id præsumebatur à Diaconis prædictis. Posterior est intelligendus de oblatione panis & vini, facta per Diaconum aliquando ante consecrationem; quando ex officio inseruit sacerdoti, celebranti ex pane & vino, per Diaconum sibi prius oblato. Adde quod, licet aliquando Diaconi per superbiam, & temeritatem, consecrandi munus usurpassent, non sequeretur eos validè consecrassè: ut neque impostores purè laicos, qui interdum id sacrilegè præsumpserunt, eaque de causa extremo supplicio affecti sunt; aut etiam mulieres, quæ olim apud Collyridianos, & Pepuzianos sacrificandi munus usurparunt.

Quartò, Si Frumentius apud Theodoretum lib. 1. histor. cap. 23. congregatis in India Romanis mercatoribus persuasit ut Liturgiam more Romano celebrarent; cum tamen neque ipse, utpote adhuc iuuenis, neque ullus mercatorum Romanorum sacerdos esset: Liturgiæ nomine intelligenda hoc loco est, non consecratio Eucharistica, & sacrificium Missæ: sed publica quedam oratio more Romano facta. Nam Rufinus, qui primus hanc historiam scripsit, eamque didicit ab Aedesio Frumentii comite in illa peregrinatione Indicæ, nullam mentionem facit

22. Oblatio panis & vini præter Euchar.

Pammel.

23.

Diaconi nunquam consecrati.

24.

Neque laici.

consecrationis Eucharisticæ, sed tantum orationem. Scribit enim Frumentium mercatores illos admonuisse, ut conuenticula per loca singula facerent, ad quæ Romano ritu orationis causâ confluere. Sozomenus quoque lib. 2. cap. 24. & Nicephorus lib. 8. cap. 35. qui à Rufino historiam illam acceperunt, meminerunt solius orationis: eodemque sensu Theodoretus, qui ab eodem Rufino accepit, intelligendus est: quamvis nomine Liturgiæ sit usus, ad significandum dumtaxat conuentum sacrum, orationis publicæ causa factum.

25. Quinto, Quod refertur ex Prato spiritali c. 25. monachum quendam laicum protulisse verba consecrationis super panes, quos deferbat: cumque dubitaretur de valore consecrationis, assistisse Angelum, qui affirmavit verè consecrasse: supposititium est, ut alia pleraque eidem libro inserta. Et si vera esset historia, responderi posset, extraordinariè, & miraculosè id factum esse: sicut & quod alii narrant de pane in carnem conuersio per pastores ouium, sacramentalia verba proferentes. Nos autem, quando asserimus solum sacerdotem posse Eucharistiam conficere, loquimur de ministro ordinario, deque eo, quod fieri potest per potentiam, & legem ordinariam, secundum institutionem sacramenti. Sic etiam, quamvis minister Ordinis Episcopalis, non sit alius, quam Episcopus secundum Christi institutionem; & de potentia, legèque ordinaria: tamen Amphilo-chius fuit miraculosè ab Angelo ordinatus Episcopus, eiusque ordinatio rata fuit habita ab aliis Episcopis, ut refert Nicephorus lib. 11. historiæ cap. 20.

26. Sexto denique, Quod opponit Minister recentissimus, scæminas olim Eucharistiam administrasse, probatque ex Ambrosio in lib. de Viduis, planè ineptum est. Loquitur enim eo loco Ambrosius non de scæmina, sed de sacerdote, cuius animam comparat Socru Petri Apostoli, languenti febribus, & à Christo sanata. Qua de re plura vide apud illustri-simum Archiepiscopum Arelatensem tom. 3. Clypei cap. 32. 5. 51. ubi fusiùs hanc ineptiam, & ignorantiam Petri Molinæ refutat. Quamvis autem verum esset, quod tam ineptè, falsòque obiicitur; non plus probaret, quam scæminas interdum fuisse ministros Eucharistiæ, quoad usum, de quo ministerio non disputamus in præsentia; sed de illius effectione, quam sacerdotum propriam esse contendimus: quod de fide apud omnes Catholicos certum est, & à Conciliis suprà citatis satis expressè definitum.

SECTIO IV.

Plura de ministro sacramenti Eucharistiæ.

27. Signa & gaus ex
EX dictis sect. præcedenti præcipuè num. 18. colligi potest secundò, falli pariter, & non rectè loqui aliquos recentiores, qui

dicunt institutionem non dare vim, seu potestatem efficiendi, aut significandi causis, aut signis ex instituto: sed illam totam esse in re, quæ instituitur, siue esse rem ipsam purè sumptam, institutionem verò esse tantum conditionem sine qua non: sicut, inquit, tota vis comburendi est in igne: approximatio verò est tantum conditio, sine qua non combureret. Errant, inquam, & perperam loquuntur ac sentiunt: Primò, quia falsum esset, quod ait Concilium Nicænum, Diaconos non habere potestatem, offerendi sacrificium Eucharisticum, sed Presbyteros. Haberent enim potestatem, æquè ac Presbyteri; sed tantum deesset illis conditio sine qua non: tamque falsum esset dicere Diaconos non habere potestatem sacrificandi, quàm dicere ignem non habere vim comburendi. Secundò, falsum item esset, quod ait Lateran. neminem posse hoc sacramentum conficere, nisi sacerdos fuerit ritè ordinatus. Possent enim alii; siquidem haberent totam, & integram potestatem conficiendi: & tantum deesset conditio sine qua non: Sicut ignis habet totam potestatem comburendi ante approximationem. Terziò, falsum esset quod Trident. Christum tradidisse potestatem consecrandi panibus. Neque enim tradidisset potestatem, sed tantam conditionem sine qua non. Quarto, falsa esset forma ordinationis sacerdotum totius Ecclesiæ Latinæ, *Accipe potestatem*, &c. Neque enim acciperent potestatem, sed tantum conditionem sine qua non. Sicut, ut ipsi met aiunt, ignis per approximationem non accipit potestatem comburendi, aut calefaciendi, quæ tota est ipsemet ignis, præsuppositus approximationi, aut calor in igne existens.

Quintò, falsum esset id quod ait Trident. sess. 23. cap. 4. Non omnes Christianos sacerdotali, aut pari inter se spiritali potestate præditos esse: & Episcopos posse confirmare, ordinare, aliaque pleraque agere, quarum functionum potestatem reliqui inferioris ordinis nullam habent: Quod iterum can. 7. sanxit sub anathemate. Sextò, quis ferat dicentem omnes homines habere potestatem consecrandi corpus Christi, & remittendi peccata: æquè ac sacerdotes, illisque deesse tantum conditionem sine qua non: sicut omnes ignes, tam approximati, quàm non approximati, habent æquè potestatem comburendi? Imò quemlibet hominem habere tantam potestatem in vniuersam Ecclesiam, quantam habet Summus ipse Pontifex? Non puto hæc concessum iri ab aduersariis, neque tam manifestos errores posse ab vilo Catholico admitti. Nemo etiam negabit Christum dedisse Discipulis potestatem eiciendi Dæmonia, curandi infirmos, & alia id genus expressè tradita in Euangelio: quæ tamen, secundum aduersarios, essent falsò dicta.

Septimò, Ut rationibus quoque philosophicis assertionem illam falsi conuincamus:

instituto accipiunt per ipsam instit potestatem significandi & efficiendi.

Illud non habet se solo vim completam ad significandum (idémque dico de vi cauſandi,) quod se solo est indifferens ad significandum. Si enim se solo haberet vim completam ad significandum, esset per illam determinatum ad significandum; cum vis illa sit causa necessaria, & determinata naturaliter ad suum effectum: quemadmodum ignis, quamuis remotus à ligno, habet tamen vim comburendi, & calefaciendi, naturaliter ad hoc determinatam: estque determinatus ad calefaciendum, & determinatè potens calefacere: non autem indifferens ad calefaciendum, aut frigefaciendum. Atqui res, quæ in signum instituitur, est se sola indifferens ad significandum: & interdum apud diuersos instituitur ad contraria significanda: ergo, &c. Octauò, id, per quod res eadem habet vt determinatè hoc significare possit præ aliis significabilibus, & sine quo impossibile est intelligi determinatè id significare, non est tantummodo conditio sine qua non, sed est aliquid dans posse significare determinatè, & constituens in esse talis signi determinati ad hoc significandum. Atqui institutio est huiusmodi, respectu signi ex instituto: ergo non est tantum conditio sine qua non, sed dat posse determinatè hoc significare: quare res vi institutionis est moraliter mutata, & aliter se habens; id est, aliter æstimabilis, in ordine ad aliquem vsum. Nonò, esse signum alicuius rei, est esse potens determinatè ad illam significandam. Ergo id quod ex instituto est signum alicuius rei, & fit signum per institutionem; est ex instituto potens rem illam significare, & fit potens per institutionem; cum antea esset indifferens ad quidlibet significandum, & nihil amplius quàm apta assumi, & institui ad hoc, aut illud significandum. Idémque dico de eo quod est causa ex instituto alicuius effectus.

29.

Motus pro-
jectorum
vide fit

Respondent aliqui septimò argumento, paulò ante proposito: Sicut in corpore quolibet est vis intrinseca, & connaturalis ad omnem motum, quæ tamen in rebus inanimatis non mouet, nisi determinetur ab aliquo extrinseco: puta vel ab elemento prædominante, & attrahente, vt fit in motu naturali: vel ab impellente, & proiiciente, vt fit in motu proiectorum: lapis enim proiectus sursum fertur sua sola vi naturali, & intrinseca, sed determinata à proiiciente: sic voces significare ex instituto sola vi sua naturali, sed determinata per institutionem ad hoc potius, quàm illud significandum.

Impugna-
tur præce-
dens sen-
tentia.

Verùm hæc responsio est planè improbabilis. Quis enim credat grauià inanimata moueri sursum ab intrinseco: cum ab intrinseco, & ex natura sua, valde imperfecta, & ad vnum determinatà, resistent quantum possunt: & eò magis resistent, quò magis grauià sunt? Tam verò euidentis est experientia grauià illa ab intrinseco, & ex natura sua resistere motui sursum, & tendere deorsum, esseque ad id per se determinata: quàm est euidentis experientia corpora resistere pene-

trationi, aut ignem calefacere ab intrinseco, & ex natura sua, ac naturali determinatione. Quare figmentum illud aduersariorum repugnat experientia. Deinde, ex consensu omnium Philosophorum huc vsque, motus grauium sursum est violentus. Violentum autem est, quod est ab extrinseco, passo non conferente vim actiuam, imò & reluctante, ex Aristot. 3. Ethic. cap. 1. Vtèrius, vel implicat dari aliquod corpus habens tantum ab intrinseco vim actiuam ad descendendum: vel non implicat. Si primum: vbi est implicatio contradictionis? Si secundum: ergo ne tantillum quidem vlla vi posset impelli sursum. Aut si posset: quidni etiam possint lapides, & similia, quamuis careant vi actiua connaturali ad talem motum.

Præterea, quid est illa determinatio, & quomodo lapidis vim motiuam excitat? Quomodo præualet determinatio manus hominis, id est, agentis non adeo magni, & potentis, contra totius terræ determinationem, & attractionem? Quomodo sclopus exiguus determinat globulum ad motum sursum multò velociorem, quàm tota terra determinet ad motum deorsum? Quomodo grauià terrestria aquæ descendunt, quantum patet experientia, siue in puteum cadant, vbi tamen latera putei attraherent ad se, & aqua impediret ne terra inferius attrahat tam potenter: siue etiam in mare ipsum altissimum cadant, vbi tanta vis aquæ, tantaque terræ distantia, sine dubio impediret, ne tam vehemens foret terræ attractio. Sic etiam aqua non minùs celeriter descendit, quando descendit supra montes altissimos, longè ab aqua determinante remotos. Quæ aqua si non rectà subest vbique: quomodo determinat alteram vt rectà descendat, vbicunque ex aère descendit? Quomodo item quæ iuxta littus sursum proiiciuntur, & terrestria sunt: descendunt rectà in aquam, & non deflectunt vel minimum ad terram littori proximam, si ab illa determinantur, & attrahuntur? Quomodo terræ particula, eiusdem speciei cum toto, determinatur tantum, & non determinatur? Si vero ipsa quoque determinatur: ergo quo maior terræ pars sursum erit proiecta, minùs celeriter descendet. Et si media terræ pars sursum esset ab alia parte auulsa, non descenderet: quia æqualis determinatio, & attractio vtriusque ad suum locum, impediret ne altera ad locum alterius moueretur, nec esset ratio cur potius hæc ad illam accederet. Sicut si duo homines æqualiter fortes niterentur alter alterum ad se trahere, & æqualiter nitendo, se mutuo impedirent. Item, cum quodlibet corpus possit moueri velocius in infinitum, ab impellente fortius, & fortius in infinitum: sequeretur corpus quodlibet habere vim motiuam infinitam sibi intrinsecam, & naturalem. Item, aqua maris intumescens non resueret in flumina, neque se effunderet in littora, sicut fit in æstus sed retineretur per fortissimam maris determinationem: quod est contra quotidianam

30.

Vrgeretur
aliis argu-
mentis.

experientiam. Et hæc contra nouam istam opinionem obiter dicta sint.

31.
Sacerdotes
habent aliam
potestatem
consecran-
di, quam
ipsam po-
testatem
Dei

Vt autem ad moralem potestatem sacerdotis redeamus, errarent pariter qui dicerent, sacerdotem non habere aliam potestatem consecrandi Eucharistiam, vel remittendi peccata, quam ipsammet Dei potestatem. Primum enim, cum sacerdos ipse verè consecret, & remittat peccata: potest consecrare, & remittere: alioqui faceret id, quod facere non potest, quodque est illi impossibile. Ergo, quod idem est, habet potestatem consecrandi, & remittendi. Deinde cum non solus Deus consecret, aut peccata remittat: sed etiam sacerdos, qui verè sacrificat, & verè iudex est ad remittendum, & non merus minister ad denunciandum peccata à Deo remitti, ut affirmat Trid. sess. 14. can. 3. 9. & 10. præterque illius sententia in terris, Dei sententia in cælis, ut loquuntur SS. Patres: Consequens est sacerdotem habere potentiam diuersam à diuina. Vbi enim sunt diuersæ causæ, sunt diuersæ potentia: quia quilibet, est potentia, & vis efficiendi. Adde quod vna operatur prius aliâ. Vna est principalis, & independens: alia instrumentalis, & dependens ac ministerialis.

32.
Quidam &
qualis sit
illa pote-
stat

Illam verò potestatem sacerdotis non est physica, sed moralis: nihilque est aliud, quam persona sacerdotis prout vi institutionis diuinæ, & ordinationis suæ, est potens Deum mouere efficaciter per suum ministerium ad præstandos effectus sacerdotales proprios suæ ordinationis. Persona, inquam, non physice solum, & nudè sumpta: sed ut subiecta institutioni, & vi illius habens ut sit aliter æstimabilis, & moraliter possit, quod antea non poterat. Sicut enim aqua Baptismi v. g. non poterat ante institutionem moraliter efficere gratiam: sed habet ab institutione, quod dicatur potens, & verè possit moraliter, seu æstimatiue, mouendo Deum infallibiliter ad talem effectum præstandum: sic &c. Hunc autem conceptum potentia moralis esse germanum & naturalem: cætera verò, quæ alii addunt, esse commentitia, aut superflua, patet ex dictis de Sacram. in genere disp. 18. sect. 5.

33.
Plures sa-
cerdotes
possunt
eandem
hostiam
consecrare,

Reliqua doctrina D. Thomæ tota q. 82. de ministro Eucharistia, facilis est. Docet enim secundò, plures sacerdotes eandem hostiam posse consecrare: nimirum si formam eodem instanti absoluant cum debita intentione: ut patet ex ea consuetudine, qua recens ordinati simul cum Episcopo consecrant. Debent autem illi Neomysia proferre verba consecrationis secundum Ecclesiæ intentionem, quæ hæc esse videtur, ut consecrare intendant, & verba formæ proferre præterea, si eodem instanti cum Episcopo absoluant: & non aliter. Intentio enim Ecclesiæ est, ut consecret omnino Episcopus, sicut & ut utramque speciem sumat. Tertio docet, solius esse sacerdotis hoc sacramentum dispensare, id est, aliis ministrare legitime. Quod non ita intelligendum est, quasi non Diaconis olim licuerit, & nunc etiam liceat in casu

Diaconi
possunt de-
se commu-

necessitatis, aut ex commissione sacerdotis, sacrarationabiliter. An verò clericis aliis inferioribus Diacono, & laicis committi possit in casu necessitatis, dubium est ipse Theologos. Et quidem maior est ratio, ut Diaconis committatur, tanquam supremis ministris sacerdotis ex vi suæ ordinationis, ad ministrandum scilicet in sublimioribus ministeriis, quorum vnum est distributio sacramenti Eucharistia. Idemque possunt in casu necessitatis seipsos communicare extra celebrationem Missæ, æquè ac ipsi sacerdotes. Vt, si alioqui moriendum illis esset sine viatico. Quo in casu Concilium Nicæn. 1. can. 14. permittit Diacono ut in absentia sacerdotis possit manu propria communionem sumere. In eodemque casu censeo cum Suarez probabiliter esse licere laico communicare manu propria, si aliter non possit: ut testis narratur Maria Stuart Scotiæ regina, ab Elizabetha mortem passura. Olim quoque fideles, etiam laici, Eucharistiam domum ferebant in oratorio, ut eam suis temporibus manu propria sumerent, eò quod metu persecutionis, ad Ecclesiā sepius conuenire non possent. Neque est improbabile posse etiam nunc sacerdotem per Clericum inferiorem Diacono, aut etiam per laicum, si aliter non possit, mittere communionem aegroto valde indigenti, & alioqui perituro sine viatico. Sicut olim Sarapion misit per puerum suum Eucharistiam sacerdoti cuidam moribundo. Quæ de re plura videri possunt apud Suarez, & alios interpretes D. Thomæ quæst. 82. art. 3.

nionē Eus-
charistiæ

Possunt ne
idem alii
Diacono
ministrare?

Quartò, docet S. Thomas sacerdotem consecrantem teneri sacramentum sumere; & quidem sub vtraque specie: quæ de re sufficiunt quæ diximus disp. præcedenti sect. 5. Docet quintò, malum sacerdotem, hæreticum, schismaticum, excommunicatum, degradatum, consecrare valde posse: quia potestatem ordinis habet, quæ nec auferri ab Ecclesiâ potest; nec impediri, quin si applicetur, effectum sortiatur. Neque obesse maliciam Ministrum: quoniam actus sacramentalis non pendet ab ipsius bonitate. Peccant tamen Ecclesiæ Ministri, qui per centuram Ecclesiæ impediri, & suspensi ab usu legitimo, celebrant. Sextò, Missam mali ministri non minus valere, quam boni, quoad opus operatum: secus autem quoad opus operantis, id est, quoad deuotionem Ministrum. Septimò, non licere audire Missam sacerdotis non tolerati ab Ecclesiâ, neque ab eo communionem accipere. Quod quomodo sit intelligendum, patet ex disp. vlt. sect. 7. de Sacram. in gen. 8. Peccare sacerdotem qui nunquam celebrat. Tenetur enim saltem in festis præcipuis celebrare. Quæ sententia multorum aliorum est, magisque pia, iusta, & rationi consentanea: Licet Aleri, Bonaui, Gab. Rich. Canus, Caiet. & alii quidam contrarium sentiant de priuatis sacerdotibus, qui nullum habent beneficium, quod eos obliget ad celebrandum. Quos eorum aliqui excusant ab omni obligatione sacrificandi: alii solum à graui & morali. Sed hæc de re plura dicemus infra disp. 40. sect. 1.

34.
Mali ministri
sunt valde
celebrant
sed illicitè.

DISPUTATIO

TRIGESIMA-OCTAVA.

De sacrificio Missæ.

Seçtio I. *Prænotantur quedam de nomine Missæ, & de sacrificio in genere.*

Seçtio II. *Difficultates contra definitionem sacrificii supra traditam.*

Seçtio III. *An celebratio Eucharistiæ sit verè ac propriè sacrificium?*

Seçtio IV. *In quo consistat essentia sacrificii Eucharistiæ: seu quæ sit eius materia & forma?*

Seçtio V. *Refelluntur qui volunt panem & vinum offerri, aut esse partem oblationis.*

Seçtio VI. *Refutantur aliæ sententiæ contrariæ.*



E ritu quo sacramentum Eucharistiæ celebratur, siue de Missæ sacrificio multa nobis dicenda sunt: cum propter materiæ dignitatem: tum propter recentes hæreticorum controuersias, qui licet in varias sectas, & dissidentes sententias diuisi, omnes tamen in eo conspirant, velut Antichristi præcursores, vt iuge sacrificium de medio auferre conentur. Tota verò huius argumenti grauissimi tractatio ad tria capita reuocari, totidémque disputationibus explicari poterit. Prima erit de existentia, & de essentia sacrificii Eucharistici. Secunda de illius virtute, & effectibus. Tertia de eiusdem circumstantiis, & cerimoniis.

Circa primum: D. Thomas quæst. 83. art. 1. non tam probat Eucharistiæ celebrationem esse verè, ac propriè sacrificium, quàm rationem affert cur dicatur esse quodammodo immolatio Christi. Ait enim duplici ratione celebrationem huius sacramenti dici immolationem Christi. Primò quidem, quia, sicut ait August. ad Simplic. quæst. 3. solent imagines earum rerum nominibus appellari, quarum imagines sunt: sicut cum inuentes tabulam, aut parietem pictum dicimus: Ille Cicero est, & ille Sallustius. Celebratio autem huius sacramenti imago quædam est repræsentatiua passionis Christi, quæ est vera eius immolatio. Vnde Ambros. dicit super Epist. ad Hebr. *In Christo semel oblata est hostia, ad salutem sempiternam potens: quid ergo nos, nonne per singulos dies offerimus? Sed ad recordationem mortis eius.* Alio modo, quantum ad effectum passionis Christi: quia scilicet per hoc sacramentum participes efficimur fructus dominicæ passionis. Vnde in quadam Dominicali oratione secreta dicitur: *Quoties huius hostiæ commemoratio celebratur, toties nostræ redemptionis opus exercetur.*

retur. Licet autem quantum ad primum modum potuerit dici Christus immolari etiam in figuris veteris testamenti: unde Apocal. 13. dicitur: *Quorum nomina non sunt scripta in libro vite Agni, qui occisus est ab origine mundi*: tamen quantum ad secundum modum, proprium est huic sacramento, quod in eius celebratione Christus immoletur. Huc usque D. Thomas, supponens magis aut subobscurè indicans verbis istis extremis, quàm probans efficaciter id de quo tunc non erat controversia inter Christianos, effectiorem Eucharistiæ habere vltra representationem, & participationem fructus immolationis, id est, cruentæ oblationis, & occisionis Christi, veram, ac propriam rationem sacrificii: quatenus per eam Christus immutatur, & offertur Deo, ad protestandam supremam illius excellentiam, aliisque varios fines. In quo probando efficaciter nobis deinceps elaborandum est.

SECTIO I.

Præstantur quedam de nomine Missæ, & de sacrificio in genere.

1.
Missæ unde
sic dicta.



IRCA primum, quid Missæ nomine intelligatur satis notum est: sed non ita quæ sibi huius nominis origo & prima impositio. Quidam putant esse vocem Hebraicam, & significare oblationem, haberique in Scriptura Deuteron. 16. vers. 10. ubi oblatio spontanea vocatur *Missath niabath*. Verum si ex Hebræo sumptum esset hoc nomen ab Ecclesia: fuisset in omnibus aliis linguis retentum, ut factum est in vocibus, *Amen*, *Alleluia*, *Hosanna*, & similibus. Alii secundò volunt esse nomen Latinum adiectivum, cuius substantivum, oblatio, hostia, vel quid simile subintelligatur. Sed melius sentiunt, qui dicunt esse substantivum, pro missione seu dimissione acceptum. Sicut repulsa sumitur pro repulsione: & peccati remissa apud Cyprianum, & Tertullianum, pro remissione: & collecta, pro collectione. Quo postremo sensu sumitur cum à Diacono vel à sacerdote dicitur, *Ite, Missa est*. Quasi dicat: Iam est dimissio congregationis, abire licet, ut exponit Alcuinus lib. de officiis Ecclesiasticis cap. 40. de celebratione Missæ. Olim enim, nisi peracto hoc sacrificio, plebs non dimittebatur: exceptis Pœnitentibus, & Catechumenis post Euangelium, & concionem: quorum etiam dimissio vocatur *Missæ Catechumenorum*, à Concilio Carthaginensi quarto, can. 84. Eodémque sensu Divus Augustinus serm. 237. de Tempore, cap. 8. *Eccce, inquit, post sermonem fit Missa Catechumenis, manebunt fideles*, &c. Sed unde cunque deriuetur; usurpatur à Patribus latinis antiquissimis, Fio primo, Cornelio, Sylvestro, Ambrosio, Hieronymo, Augustino, Gregorio, & aliis reatis à Gaudio Chronographicis, articulo primo, Tom. 4. V.

Missæ nomen
usurpatur à
Patribus.

veritate prima, paragrapho 14. Ambrosii verba hæc sunt libro quinto Epistolarum, epist. 13. *Ego mansi in munere, Missam facere capi, orare in oblatione Deum, ut subveniret*. Augustinus autem sermone nonagesimo primo de Tempore, in lectione, inquit, *quæ nobis ad Missam legenda est, audituri sumus*, &c. Quam verò Patres latini Missam, Græci Liturgiam vocant. Cuius vocis mentio fit Actorum decimo tertio, versiculo secundo, ubi dicitur, *λατρεύετε δεύοντες τὸν κυρίον*, id est, vel Eralmo interprete, *Sacrificantibus illis Domino*.

Circa secundum, Nota primò sacrificium dupliciter sumi. Primò, latè, & improprie, pro quacunque operatione bona, interna, vel externa, in Dei cultum, & honorem relata, aut etiam citra eiusmodi relationem. Quo sensu Psalmo quinquagesimo contritio cordis vocatur sacrificium: & Dei laus Psalmo quadragesimo sexto, & opera iustitiæ Psalmo quarto, & Martyrium Sapient. 3. & castigatio corporis Roman. 12. Et eleemosyna Hebræor. 13. & generaliter opera spei dicuntur esse verum sacrificium ab Augustino lib. 5. de Civitate, cap. 5. verum inquam, id est excellens sed non strictum & proprium. Nam hæc significatio generalior est, ac minus propria: & ex usu loquendi tum Scripturæ, tum nationum omnium, quando proprie loquuntur, aliquid aliud per sacrificium absolute prolaturum intelligitur. Nec quisquam est, qui apud sacros, aut prophanos scriptores legens aliquem sacrificasse, simpliciter, & sine addito; intelligat eum nihil aliud, quàm Deum orasse, vel de peccatis doluisse, aut dedisse eleemosynam, aut vitam æternam sperasse. Unde non raro sacræ literæ distinguunt sacrificium strictè & proprie dictum, ab aliis bonis operibus: ut Osee 6. *Misericordiam volo, et non sacrificium*. Et Psalmo quinquagesimo, *si voluisses sacrificium, dedissem utique*, &c. & primi Regum decimo quinto, *Melior est obedientia, quàm victima*.

2.
Sacrificium
dupliciter
sumitur,
proprie &
improprie

XXX

3.
Definitio
sacrificii
proprie &
strictissime
sum-
puit

Posterior ergo, & stricta ac propria sacrificii significatio ea est, quæ sumitur, pro speciali quodam religionis actu externo, cuius definitionem varii variè tradunt, ob difficultatem eam præcise assignandi. Optima esse mihi videtur hæc: Sacrificium est oblatio facta Deo rei alicuius sensibilis, quam per actionem sensibilem aliquo modo destruimus, ad protestandum Deum esse auctorem supremum nostri esse, Dominum vitæ, & necis, cui nostrum esse totum debemus, cuiusque destructionem, si necesse sit. Quæ definitio ut melius intelligatur, singulæ illius particulæ explicandæ & confirmandæ sunt.

4.
Est oblatio
soli Deo
facta.

Dicitur itaque primò, *Oblatio facta Deo*: Quia sacrificium est cultus latræ, soli Deo debitus: nec ullus vnquam sacrificandum censuit, nisi ei, quem Deum, aut sciuit, aut putavit, aut finxit, ut verè ait S. Augustinus libro 10. de Civitate Dei capite 4. Hinc autem sequitur sacrificium, quantum est de se, fieri posse nullis verbis adhibitis, multoque magis verbis vulgo ignotis. Deus enim, cui soli fit oblatio, non minùs intelligit cogitationes, quàm verba: aut si verba adhibeantur, non minùs latina intelligit, quàm gallica. Quare neque sacerdotes veteris legis iussi vnquam fuerunt uti verbis, ac dicere, Offero tibi agnum, vel ovem, aut quid simile. Neque Christus ipse, se offerens in cruce, tale quidpiam dixisse perhibetur. Quod si in Eucharistia speciatim requiruntur verba: illud est quia vi verborum fit immutatio tam physica, quàm mystica rei oblata. Verba enim illa, *Hoc est corpus meum*, &c., *Hic est sanguis meus*, sunt causa, cur corpus, & sanguis Christi constituentur sub speciebus actione conversiva panis, & vini, in corpus, & sanguinem Christi: ideòque verbum Christi efficax est quasi gladius, quo victima occiditur mysticè per separationem sanguinis à corpore, quantum est ex vi verborum, & positionem Christi mortuo quodam modo sub speciebus Eucharisticis.

5.
Sacrificium
est oblatio
rei sensibili-

Dicitur secundò, *Rei alicuius sensibilis*, animatæ, vel inanimatæ, rationalis vel irrationalis: quæ quàm multiplex esse possit, patet ex lege veteri, præsertim ex Levitico. Omnia tamen, quæ usu gentium, vel in Scriptura, dicuntur proprie sacrificia, in alicuius materiæ sensibilis oblatio de consistunt. Neque aliter sacrificium humano, & publico vsui aptum esse potest. Et quanquam ut dicemus infra, non est necessarium sacrificium esse signum publicum, generatim loquendo: debet tamen esse humano vsui accommodatum.

Et per actionem
sensibilem.

Dicitur tertio, *Per actionem sensibilem*: quia actus sacrificandi est actus externus religionis, id est, non purè internus, & solùm mentalis: ut patet inductione per omnia sacrificia huc usque instituta, vel facta. Nullum enim extitit nisi sensibili actione oblatum. Idque confirmat Concil. Tridenti-

num sessione vigesima secunda, capite secundo: dicens Christum instituisse in Ecclesia sacrificium visibile sicut natura hominum exigit. Natura enim hominum non minùs exigit actionem sacrificandi esse visibilem, seu sensibilem; quàm rem oblatam esse talem.

6.

Dicitur quartò, *Debere rem oblatam aliquo modo destrui quando sacrificatur*. Quæ pars definitionis traditur à D. Thoma 1. 2. quæst. 86. artic. 1. in corp. Bellarm. Henrique, Victoria, Alano, & aliis quos citant & sequuntur Malder. 1. 2. tit. 10. cap. 3. de Sacrificio, & Delugo disputat. 19. de Eucharist. sumiturque ex Chrysost. & Theophyl. in Epist. ad Hebræos, qui affirmant generaliter ad rationem sacrificii requiri destructionem rei, quæ sacrificatur: & per hoc distingui sacrificium ab oblatione, aliisque actibus religionis, qui sacrificia non sunt. Idemque indicant voces quibus Hebræi, & Græci sacrificium significant, *zebach*, & *thysia*, quæ significant occidere, & mactare. Atque ita in veterum sacrificiis, seu Gentilium, seu Iudæorum animalia occidebantur, fruges ex toto, vel ex parte torrebantur, liquores fundebantur, res odoriferæ, ut Thus, & suffitæ, incendebantur. Estque hoc genus actionis aptissimum ad significandum id, quod sacrificando intendimus: nempe nos Deo debere nostri esse destructionem, si ipse velit.

7.
Qualis de-
structio re-
quiritur?

Notandum verò est per destructionem hic non intelligi rei annihilationem, aut etiam physicam tantùm corruptionem, & desitionem, quæ fiat immediate ipsa actione sacrificandi. Hoc enim non est necessarium ad sacrificium generatim: quamvis in multis fiat: sed sufficit rem per actionem sacrificandi poni in statu deteriori, inepto ad suos vsus naturales, & humanos, atque tendente, & ordinato ad interitum: qua de causa dixi in definitione debere rem oblatam destrui *aliquo modo*. Nam vinum, & alii liquores, qui fundebantur in libationibus, non statim corrumpebantur physicè, vi effusionis: sed solum constitebantur in statu deteriore, inepto ad vsus humanos, & tendente ad interitum, seu desitionem physicam, quæ aliquantò post sequitur, cum liquores effusi paulatim siccantur. Quo pacto dicemus inferius corpus, & sanguinem Christi destrui moraliter in Eucharistia, quatenus vi verborum ponuntur sub speciebus panis, & vini in statu deteriori, inepto vsibus suis naturalibus, & humanis, atque tendente ad consumptionem, & destructionem. Cum enim ibi ponantur modo indivisibili; ponuntur modo naturaliter inepto functionibus & vsibus eorum propriis. Cumque ibidem constituentur per modum cibi, & potus: tendunt ad usum, quo destruantur, & desinant esse, speciebus corruptis: idemque est quodammodo,

ac si fierent panis & vinum, vt infumerentur ad elum, & potum. In quo inuicem est immolatio mystica ipsius Christi: quatenus vi verborum ponitur corpus sub specie panis, & sanguis sub specie vini, ad repræsentandam separationem vtriusque, factam in cruce, & in morte Christi.

8. **Sacrificiū fit ad protestandam Deū ex clementiam.** Dixi quintò, Destructionem rei oblatæ fieri ad protestandum Deum esse authorem supremum nostri esse, Dominumq; vitæ, ac necis, cui totum nostrum esse debemus, eiusque destructionem, si necesse sit, ita vt protestemur nos esse paratos ad destruendos nos ipsos: vel re ipsa nos destruendo, vt faceremus, si Deus id exigeret; vel aliud loco nostri substituendo ad hoc significandum, cum Deus id non exigit, neque permittit. Quam considerationem tradit Eusebius libro primo de demonstrat. capite vltimo, cum ait, hominem debere vitam suam Deo in sacrificio: intellige si Deus exigeret. Quia tamen hoc non expedit: ideo lege naturæ introductum fuisse, vt in sacrificium animalis, vel aliquid eiusmodi commutaretur: id est, vt rectè exponit Cardinalis Delugo supra numero quinto: Sacrificium est protestatio, quâ homo proficitur se à Deo totum suum esse habere: ideoque Deum dignum esse, vt idem esse totum in ipsius cultum infumatur, & destruat. Quod quia regulariter non licet: offertur pro vita propria, vita, vel entitas alterius rei, protestando eodem modo nos vitam nostram oblaturus, si oporteret.

9. Hinc collige sacrificium esse in genere signi, æquè ac sacramentum. Refertur enim ille actus externus sacrificandi ad significandum id, quod nunc diximus: quodque licet ex se solo non significaret sine institutione, vel intentione nostra: habet tamen aliquam proportionem ad id significandum. Valet enim mactatio animalium, & consumptio rerum aliarum ad significandum Deum esse Dominum vitæ & necis & auctorem nostri esse, rerumque omnium principium. Debet autem fieri modo quodam externo decenti, pio, venerabundo, & apto ad ostendendum exterius nos per talem actionem intendere supremum cultum patriæ Deo exhibere, ac re ipsa præstare.

10. **Debeatne signum illud esse publica auctoritate institutum.** Difficultas verò est, an signum illud debeat esse publica auctoritate institutum, ita vt non sit dicendum sacrificium, nisi publica potestate institutum sit?

Negat Vasq. disp. 220. n. 19. & alii quidam, eo quod sacrificium sit de iure naturæ, æquè ac adoratio & alii actus religionis. Vnde seclusa prohibitione posset quisque priuatim, aut so litariè degens sacrificare legitime eo ritu conueniente, quem ipsemet sibi deligeret, & constitueret.

11. Affirmant verò Suarez, Lessus, Aegidius, & alii, quos sequitur Delugo supra numero vndecimo. Quia, inquiunt, sacrificium

non est signum naturale, sed ad placitum, & ex instituto. Sicut ergo vox, homo, non potest priuata alicuius voluntate accipere vim significandi hominem, sed necessaria est institutio communis, vel alicuius habentis plerumque priuatam auctoritatem: sic occisio ouis, verbi gratia, non videtur posse fieri signum sufficiens ad significandum cultum Dei supradictum, ex priuata vnius, vel alterius voluntate. Vnde qui nunc abscinderet arborem, exempli causâ, vel putaret vitem; non sacrificaret, quæcumque demum intentionem haberet: quia abscissio arboris, vel putatio vitis, non est ad id publice instituta, vt occisio ouis supra altare.

Sed hæc ratio tantum probat sacrificium in eo casu non fore signum ex instituto, commune, & publicum: at non probat non esse priuatum & proprium sacrificantis, & aliorum, quibus illud paret facit. Aliud autem argumentum pro priore opinione allatum solidius mihi videtur. Cui addo, in lege naturæ potuisse quemlibet priuatum vltimè signum externum, quod vellet, ad fidem suam paruulis suis applicandam in remedium peccati originalis, ante institutam Circumcisionem, vt diximus disputatione vigesima, sectione prima: & tamen sacramentum non minus est in genere signi, quàm sacrificium. Quare sicut signum illud poterat esse priuatum, & determinari priuata auctoritate: ita & istud potest. Neque apparet sacrificia Abelis, & Caini Genes. 4. fuisse vlla publica auctoritate instituta. Ad exempla verò allata, Respondeo actum externum sacrificandi debere talem esse, vt fiat modo quodam religioso, venerabundo, & idoneo ad manifestandum exterius nos per illum colere Deum cultu supremo patriæ, vt paulò ante diximus: cuiusmodi non est quæcumque putatio vitis, vel excisio arboris.

Multo minus necessarium est generatim loquendo, vt sacrificium sit ab ipso Deo institutum: quasi naturali instinctu, & dictamine rationis non possit homo, etiam licet, ac laudabiliter protestari diuinam excellentiam, & dominium supra se, aliqua sacrificii oblatione, quæ non minus est de iure naturæ, quàm oratio, adoratio, votum, iuramentum, & similes actus religionis, vt docet S. Thom. 2. 2. q. 85. art. 1. Verum tamen est in lege veteri, & noua, præter sacrificia à Deo instituta, nulla fuisse, & esse alia licita, & legitima. Hoc enim ipso quod aliqua instituit, censetur excludere alia. Neque magis habet Ecclesia nunc potestatem instituendi nouum sacrificium, quàm instituendi aliud sacramentum præter septem instituta à Christo. Quanquam institutio sacramentorum nouæ legis est per se difficilior, quàm alicuius generis sacrificii. Quia sacramenta nouæ legis sunt signa efficacia gratiæ: vis autem efficax gratiæ non potest signis sensibilibus alligari nisi virtute diuina. Verum etiam est sacrificium Eucharistiæ non potuisse ab

12.

13.

Non est necessarium sacrificium fuisse à Deo ipso institutum.

alio, quam à Deo institui, saltem ut causa principali: propterea quòd mirabilis illa conuersio panis & vini in corpus, & sanguinem Christi est opus proprium omnipotentis Dei, qui solus potuit virtutem moralem, aut physicam efficiendi hanc conuersionem, alligare signis sensibilibus: sed absolute possunt esse, & olim fuerunt alia genera sacrificiorum, quorum institutio, & effectio naturalem hominum virtutem non excedebat.

14.
Neque generaliter
ut sit à sacerdotem,
vel supra altare.

Similiter non est de ratione sacrificii in communi, ut offeratur à ministro peculiariter deputato, & sacerdote specialiter dicto, aut non nisi super altare. Nam ut antea dixi, quilibet hominum habet naturaliter ius sacrificandi, licetque id faceret (seclusa Dei institutione) quamuis solus viueret extra aliorum hominum societatem, & absque eo quòd ab vlla communitate specialiter ad id deputaretur. Potest quoque per se loquendo, siue ex natura rei offerri Deo aliquid sine altari, pie & religiose illud destruendo ad protestandam supremam Dei excellentiam. Et Christus ipse semetipsum Deo obtulit in cruce sine altari propriè dicto. Nam crux non erat propriè altare, sed patibulum, & infame supplicii reorum instrumentum. Et ipsum quoque sacrificium Eucharisticum instituens, non illud obtulit super altare, sed in eadem mensa, in qua cœnabat cum Discipulis. *Cœnantis enim illis accepit Iesus panem, & benedixit, ac fregit, deditque Discipulis suis, & ait: Accipite, & comedite: Hoc est corpus meum.* Matth. 26.

Idem aliqui probant ex eo quòd olim singuli patresfamilias sacrificabant agnum Paschalem in domo cuiusque edendum: (neque enim Leuitæ suffocissent tot millibus agnorum tam breui tempore occidendis) & sacrificabant illum sine altari, quisque domi suæ: neque enim altare apud se habebant: neque tot victimis tam exiguo temporis spatio immolandis, nempe ad vesperam Paschæ, ut dicitur Exodi duodecimo, versu sexto, sat esse poterant templi altaria. Et tamen singuli Patresfamilias non erant sacerdotes, neque esse poterant in lege Mosaica, nisi illi, qui erant de stirpe Leuit. Sed huic coniecturæ obstat Iosephus, qui contrarium significare videtur libro septimo de bello Iudaico capite decimo septimo, ubi dicit eo anno, quo Ierosolyma obsessa à Romanis, & destructa fuit, Pontifices, qui die festo Paschæ ab hora nona usque ad vndecimam hostias cadere solebant, hostiarum, siue agnorum Paschalium ducenta, & quinquaginta sex millia, & quingentos numerauisse, indeque colligit quantus fuerit numerus eorum, qui in vrbe obsessa deprehensi sunt. Efficacius verò ex eo probatur, quòd Abel, & Cain Genes. 4. aliique plures in lege naturæ sacrificauerunt, quamuis non essent peculiariter sacerdotes. Nec vlla sit mentio altaris supra quòd Abel, & Cain sacri-

ficauerint loco Genesis citato: sed tantum quòd obtulerint munera Domino, hic de fructibus, ille de primogenitis gregis sui, & de adipibus eorum. Quæ tamen circumstantia notabilis non erat omittenda in primo illo sacrificio, cuius meminit Scriptura: neque omittitur Genes. 8. vers. 20. ubi sermo est de sacrificio Noë post diluuium; & Genes. 22. vers. 9. ubi de sacrificio Abraham, aliisque locis. Concludo itaque ad communem sacrificii rationem, nihil amplius requiri, præter id quòd in supra tradita, & explicata definitione positum fuit.

Porro sacrificium propriè dictum multiplex est. Primò enim diuiditur ratione temporis, & status hominum diuersi, in sacrificium legis naturæ, Mosaicæ, & Evangelicæ. Secundò diuiditur ratione modi quo fit, in sacrificium incruentum, & cruentum: quale non tantum in lege noua, sed & in naturali, & in Mosaicæ fuit: nimirum ad representandum utrumque sacrificium Christi in lege Evangelica futurum: cruentum in cruce, & incruentum in Eucharistia. Tertiò, ratione finis diuiditur in absolutum, & commemoratiuum. Absolutum est, quòd non refertur ad representandum aliud sacrificium, sed immediatè tendit ad protestandam se solo supremam Dei excellentiam: cuiusmodi fuit sacrificium Christi cruentum. Secus autem commemoratiuum, quale est nostrum Eucharisticum, & omnia legis naturæ, ac Mosaicæ sacrificia, quæ ad sacrificium Christi cruentum representandum ordinabantur.

4. Aliud propitiatorium dicebatur in lege veteri, aliud pacificum, aliud Holocaustum. Propitiatorium erat, quòd fiebat pro peccato. Pacificum, quòd pro accepto beneficio, vel pro accipiendo, quòd etiam impetratorium dicebatur. Holocaustum autem, quòd otanino ad Dei laudem comburebatur. Apud Gentiles verò aliud dicebatur hostia, aliud victima, aliud immolatio, & aliud libamen. Primum, & secundum, ab hostibus debellandis, aut debellatis, & à victoria, pro quibus fiebant, nomen habent. Tertium à mola, quæ far oblatum conterebatur. Quartum ex eo quòd liquores libarentur. Possunt etiam aliter diuidi sacrificia, secundum varios fines, ad quos referri possunt ex intentione peculiari offerentium: vel etiam distingui multiplex usus, & respectus eiusdem sacrificii ad varios fines, ad quos valere potest. Nam quòd supra diximus, sacrificium fieri ad protestandam excellentiam Dei, non est ita intelligendum, quasi sacrificium fiat tantummodo ad protestandam Dei maiestatem: simul enim fieri potest non modò ad Deum placandum, ad impetrandum, ad gratias agendum, ut supra, diximus de sacrificiis propitiatoriis & pacificis: verum etiam ad pactum aliquod vel promissionem, aut votum confirmandum, iuxta illud Poëtæ,

stabant, & castris iungebant fœdera porci.

Quo etiam pacto Christus Matthæi 26. nouum testamentum sacrificio Eucharistico, &

15.

Multiplex
diuerso sa-
crificia

Deus per Moysen, Exodi vigesimo quarto, vetus testamentum victimarum sanguine confirmavit. Item ad passionem Christi & alia eius mysteria recolenda, ad sanctos honorandos, & celebrandam anniversariam eorum memoriam, aliisque fines convenientes, sicut in Ecclesia fit. Quibus etiam modis ille, qui sacrificat, summam Dei maiestatem agnoscit, vel tanquam condonantis sibi offensam, vel tanquam primi principii bonorum omnium: vel tanquam auctoris glorie Christi & sanctorum: sed ulterius postulat peccatum condonari, aut beneficium aliud sibi vel aliis, conferri, aut pro collato gratias agit, aut recolit Christi & sanctorum memoriam.

16. Superest, notare sacrificium, & oblationem sumi non tantum pro actu sacrificandi, & offerendi, de quo hactenus diximus: verum etiam pro eius obiecto, hoc est, pro re ipsa oblata, & sacrificata. Quae acceptio in Scripturis frequens est. Valet autem ad solvenda plurima haereticorum argumenta contra sacrificium Eucharistiae. Ut quando obiciunt ex Hebræor. 10. vers. 10. Christum unam pro peccatis hostiam obtulisse. Et versic. 14. Una oblatione consummasse in aeternum sanctificatos. Et versic. 18. *Vbi horum remissio, iam non est oblatio pro peccato, alia suppl.* Et vers. 26. *Voluntarie peccantibus nobis iam non relinquitur pro peccatis hostia.* Haec enim, & similia, intelligi possunt de re oblata, & significare non esse aliam hostiam pro peccatis, quam Christum Dominum, quod non negamus. Neque enim aliud in sacrificio nostro incruento offerimus. Sic autem sumptum sacrificium pro re oblata, definiri potest in communi: Sacrificium est res sensibilis, quae per sui destructionem offertur Deo ad protestandum ipsum esse authorem rerum omnium, cui nostrum esse debemus. Sumptum autem pro actione sacrificandi, definitum fuit supra, Actio offerendi, siue oblatio facta Deo rei alicuius sensibilis, quam per actionem sensibilem destruimus ad protestandum Deum esse authorem supremum nostri esse, &c. In qua definitione verba illa, *Oblatio, facta per actionem sensibilem quae destruimus, &c.* sunt intelligenda intransitive, id est, sumenda pro eodem, quod simul est, oblatio, actio sensibilis, & destructio rei oblatae.

17. Si quis interroget, pro quo supponat vox illa, *sacrificium*, siue quid in recto significet? Respondet sumptam pro re oblata, supponere pro ipsa re, quae offertur, connotando quod immutetur, aut fuerit immutata ad protestandam Dei excellentiam. Sumptam vero pro actione sacrificandi, supponere pro actu externo immutandi, connotando quod per ipsum immutetur rei oblata ad protestandam divinam excellentiam, & subiectionem sacrificantis, id est, personae exercentis actum illum, aut etiam aliorum, quorum

nomine sacrificat. Sine quibus connotationibus, aut earum significato, res non dicitur, neque est sacrificium; & actus externus non dicitur, neque est actio sacrificandi. Posset autem esse sine huiusmodi connotatione, atque eius fundamento, & significato integro. Sic peccati vox in recto significat actum, vel omissionem actus: & in obliquo connotat, quod fiat, aut omittatur liberè contra debitum. Sine qua connotatione, cuiusque significato, non dicitur, neque est peccatum formaliter, id est, culpabile, & imputabile. Et signum ex instituto, significat in recto rem assumptam ad significandum: connotat verò quod res illa fuerit ad significandum instituta, sine quo res non est, neque dicitur signum, id est, potens significare. Sic denique sacramentum significat in recto compositum, seu aggregatum ex materia, & forma: puta, ablu-tionem & verba, loquendo de Baptismo; connotat verò quod hoc compositum fuerit institutum ad significandam, & efficiendam gratiam: movendo intellectum ad illam concipiendam, & Deum ad illam efficiendam. Quam vim movendi, proximam & completam, non habet sine tali connotato, id est, sine talis connotationis significato, imò ab illo accipit. Notandum enim est diligenter id quod diximus disputatione decima octava, sectione quinta, numero quinquagesimo quinto, quod licet institutio nihil physice ponat in re instituta, sed sit tantum fundamentum denominationis extrinsecus, sumptae ab actu reali instituentis: moraliter tamen rem immutat, quatenus res propter institutionem est aliter estimabilis in ordine ad usum morale. Ita ut institutio non sit tantum conditio sine qua non, sed sit causa efficax mutationis moralis, & estimationis rei institutae, quae per institutionem fit potens significare, vel efficere moraliter, apud agens morale, siue intellectuale: indeque sortitur nomen, & rationem sacrificii, sacramenti, signi, & causae moralis.

SECTIO II.

Difficultates contra definitionem sacrificii supra traditam.

Contra quartam partem definitionis sacrificii supra datae sentiunt Valquez disputatione ducentesima vigesima, capite tertio, Lessius libro secundo de Iustitia, capite trigesimo octavo, Dubio secundo, numero decimo quarto, Aegidius Coninc ad questionem octuagesimam tertiam, numero decimo sexto, & ex parte Suarez disput. septuagesima quinta, sectione quinta §. **Xxxj**

802 Disp. XXXVIII. de Euchar. Sect. II.

Ad secundam rationem : affirmantes destructionem rei, quæ offertur, non esse necessariam sacrificio in commune considerato, sed illam quidam aptissimam esse ad protestandum Deum esse supremum Dominum vite, ac necis, & principium rerum omnium, à quo pendeant in esse, & conseruari, & cui debeant quicquid sunt : ideòque hoc genus immutationis fuisse in sacrificiis vltimatissimum : sufficere tamen, & interdum vltimum fuisse in sacrificiis alterum genus immutationis consistens in productione rei oblatæ per conuersionem alterius in illam. Sicut enim peremptio rei : sic & productio, ac conuersio vnius in aliam, apta est ad protestandum Deum esse principium totius esse aliarum. Cuius generis sacrificia fuisse putat Vasquez supra num. 38. panes de simila, Leuitici 2. vers. 4. & panes propositionis, Leuit. 24. & fruxum in sartagine, Leuit. 7. v. 9. quorum coctioni sacerdotes non minus vacabant, quàm occisioni animalium. Talem item fuisse vult Aegidius loco cit. sacrificium incensi. Vbi præterea generatim affirmat, quando in sacrificando res sic corrumpitur, vt ex illa nobilior, & gratior nascatur, quæ offeratur Deo : tunc rem productam habere rationem hostiæ, & rei oblatæ. Sic, inquit, in sacrificio thuris, & incensi, suffitus nascens ex re destructa offerebatur Deo. Et in Eucharistia non panis, qui destruitur, sed corpus Christi, quod ex pane destructo fit, habet rationem sacrificii, vna cum sanguine, qui ex vino similiter fit.

19.

Adiungunt aliqui Neoterici sufficere quoque ad sacrificium, tertium genus immutationis, quod vocant neutrum, quo res nec fit, nec destruitur, sed vel attollitur ad protestandam Dei eminentiam supra res omnes, vel alio quodam modo ad Dei laudem immutatur. Cuius exempla in Scriptura esse dicunt. Nam Leuit. 23. panes Primitiarum, & duo agni, sacrificari dicuntur, æquæ, ac alia propriè sacrificata, de quibus ibi mentio fit. Et tamen hæc postquam eleuata erant à sacerdote coram Domino, cedebant in usum sacerdotum. Neque ibi præscribitur alia immutatio. De sacrificio quoque Melchisedech nulla narratur facta destructio, neque de panibus Propositionis, quæ ad sacrificandum pertinuisse videatur; nisi fortè in intentione, & destinatione : nam comestio posterior fuit sacrificio : & Abraham, & David cum sociis, qui de illis ederunt, non propterea sacrificauerunt. Addi potest oblatio hirci viuentis, Leuit. 16. vers. 10. quem sacerdos non aliter offerebat, quàm posita vtraque manu super caput eius, confitens omnes iniquitates filiorum Israël, & vniuersa delicta, atque peccata eorum, quæ imprecans capiti eius, emittebat illum, per hominem paratum, in desertum.

20.

Productio
rei oblatæ
non sufficit

Ad hæc Respondeo primò, Sacrificium non tantum eò tendere, vt significet Deum esse principium nostri esse : sed vt protestemur nos ei debere destructionem nostri esse,

si ipse eam exigat : quod non aptè repræsentatur per productionem alicuius rei, aut per actionem aliter immutatam, quàm per destructionem rei oblatæ. Quòd si productio esset apta ad sacrificandum : maxime certe productio, seu generatio ipsius hominis : quam tamen nemo hactenus putauit esse, aut fuisse, aut esse posse actionem sacrificandi. Neque verum puto, quod ait Suarez sect. cit. conclus. 1. destructionem fuisse vltimatam in sacrificiis, quia cum Deus non egeat rebus à nobis ipsi oblati, non possunt ei melius donari, quàm eas destruendo in ipsius honorem. Nam melius ei donarentur producendo illas, & ponendo sub actuali Dei dominio, & possessione reali, quàm eas destruendo. Quare melius ei donaretur homo per generationem, quàm per destructionem. Cumque olim Ethnici per errorem, aut adulationem, Imperatoribus quibusdam suis, tanquam Diis sacrificauerint; non id fecerunt producendo, aut dando dominium rei alicuius, quàm in illos vtiliter transferre poterant; sed occidendo, vel destruendo illa, quæ ipsis offerebant in sacrificium, vt patet ex historiis prophetis.

ad sacrificium.

21.

Nullū fuit sacrificium in quo non fuerit destructio.

Respondeo secundò, Nullum profecti exemplum sacrificii ex Scriptura; in quo non facile sit intelligere fuisse factam aliquam destructionem rei oblatæ, neque vllum est certum argumentum, quo constet non fuisse factam. Nam de sacrificio Melchisedech, panibus de simila, & panibus propositionis, panibus item primitiarum, & frixi in sartagine, facile est intelligere, quòd aliqua particula illorum panum, aut frixi combureretur, & aliquid vini libaretur, seu effunderetur in Dei honorem; reliquum verò cederet in usum sacerdotum aut fidelium. Neque enim totum sacrificium semper consumebatur in Dei honorem, sed censebatur totum destitui, aliqua eius parte destructa in cultum Dei. Similiterque facile intelligi potest, quòd illi duo agni non tantum eleuarentur coram Deo, sed & occiderentur in Dei honorem, posteaque cederent in esum sacerdotum. Nec obest quòd Scriptura non faciat mentionem huiusmodi omnium actionum: quia non omnia semper exprimit. Vt vel ex eo patet, quòd Paulus Hebr. 9. vers. 12. referens id, quòd Moyses fecerat Exodi. 24. vers. 8. sanciens vetus testamentum, ait Moysen accepisse sanguinem vitulorum, & hircorum, cum aqua, & lana coccinea, & hyssopo : ipsum quoque librum, & omnem populum aspersisse. Cui tamen in Exodo nihil de hyssopo, & lana coccinea, deque aqua, & aspersione libri scriptum esset, sed id sola traditione constaret, essetque iudeis adeo notum vt Apostolo nulla probatione opus fuerit. Sanè Corn. & Lapid., alique meliores interpretes in caput Genesis 24. de sacrificio Melchisedech affirmant ipsum aliquid panis igni tradidisse, & aliquid vini libamine consumpsisse, vt fieri solebat in sacrificiis pacificis, id est, ad gratiarum actionem institutis.

22.

Probat
id de p
n. p
puli.

De panibus quoque propositionis id indicat textus Hebraicus Levit. 24. vers. 9. ubi pro eo quod vulgatus interpretis ait de panibus propositionis, *sancitum sanctorum est de sacrificiis Domini*, sic habet: *Coofis edoffon hu lomifse adonai: Sanctitas sanctuarum hoc ei, de ignitionibus Domini*. Ignitio enim proprie significat combustionem, & non coctionem panum. Quare non tantum panes illi coquebantur à sacerdotibus, sed & aliqua eorum particula igni comburebatur: in qua immutatione consistebat essentialiter actio sacrificandi, ab eoque reliquum totum denominabatur sacrificium. Fortè etiam supponit Scriptura adeo notum esse, requiri aliquam destructionem rei oblatæ: vt non necesse iudicauerit id semper exprimere. De hirco autem viuentie Levit. 16. dici potest, illum non fuisse integrum sacrificium, sed partem vnus integri sacrificii. Duo enim hirci obentur ibi offerri pro peccato populi, quorum vnus occiditur, alter dimittitur in desertum modo supra dicto. Sicut Levit. 14. initio, iubentur offerri duo passeres pro lepra mundationis: quorum vnus immoletur, alter viuus dimittitur, & in agrum volare sinatur. Nimirum ad repræsentandam Christi mortem, per hircum, & passerem occidit resurrectionem verò, per hircum, & passerem viuum. Vel quod Christus quæ homo tantum, passus, & mortuus sit: manens quæ Deus, impassibilis & viuus.

23.

Quomodo
Christus in
cruce seip-
sum immola-
uit?

Dices, si in omni sacrificio requiritur immutatio destructionis: quomodo Christus in cruce seipsum sacrificauit, vbi nullam actionem talem circa seipsum exercuit? Respondetur aliqui, Christum seipsum sacrificasse, quatenus vltro se tormentis subiecit, & tormentibus obtulit. Vt enim ille thus sacrificat, qui thus in ignem immittit: & holocaustum offert ille, qui victimam ad mouet ignem, vt comburatur: sic Christus seipsum immolauit in cruce, quatenus vltro cruci, & tormentis se obtulit, atque subiecit.

24.

Si infles, ergo Martyres, qui similiter vltro se tormentis, & tormentibus subijciunt, sacrificant seipsum, si mortem acceptant ad protestandum se Deo debere vitam suam, & propriis esse consumptionem. Respondent dissidentiam esse inter Christum, & Martyres: quia Christus non modo sponte se obtulit: sed etiam sponte permisso agere torquentes, & tormenta, animamque suam libere sibi eripi vt tormentorum passus est. Poterat enim vim tormentorum, & instrumentorum eludere, animamque suam retinere, si voluisset: vt ipse Ioan. 10. *Nemo tollit animam meam à me, sed ego pono eam à meipso*. In quo dissert Christus à Martyribus, qui remota iniuria poterant mori esse effugere (si tamen poterant semper fugere, & de manibus tyrannorum eisdere) sed non poterant proxtimè, & immediate tormenta, & mortem vitare.

Deluga.

Aliam rationem reddit Delugo disp. 19. num. 14. ubi dicit, Martyrum mortem non fuisse verum, & proprium sacrificium: quia

licet ex priuata eorum intentione fuerit in Dei cultum, & in protestationem supremæ Dei potestatis in vitam & mortem: non tamen fuit ad hoc instituta per aliquam publicam authoritatem. Mors autem Christi ideo potuit esse verum sacrificium, quia potuit ex diuina institutione hoc significare. Sicut etiam sacrificium Eucharisticum ex publica Christi institutione accepit hanc significationem.

25.

Verum neutra responsio mihi videtur satisfacere. Non prima: quia, vt diximus sect. præcedenti, ad sacrificium requiritur actio aliqua sensibilis, quæ sacrificans destruat rem oblatam. Quare non sufficit Christum passum tantum se habuisse non infringendo vim tormentorum, & animam suam non retinendo: id est, non vrendo suam vi, qua poterat tormenta eludere, & animam suam retinere: sed opus fuit Christum à diuine concurrere ad mortem suam actione aliqua sensibili. Quod prout ipsum fecisse, quando *inclinauit caput* sensibilibus, in signum humilitationis, & subiectionis, *tradidit spiritum*, Ioan. 19. vers. 30. *cum voce magna, vt audit Lucas cap. 23. vers. 37. cum lachrymis*, *Ep. clamare valde*, vt ait Paulus Hebr. 5. vers. 7. Tradidit, inquam, propria vi, & non tantum persistendo vt per tormenta sibi eriperetur. Quo sensu intelligit illud Christi Ioan. 10. *Nemo tollit animam meam à me: sed ego pono eam à meipso*. Quasi dicat: tormenta & tortores eam mihi non auferent, sed ego eam ponam à me ipso, id est, mihi ipsi tollam & auferam vi propria. Opponit enim Christus hæc duo inter se, *Nemo tollit eam à me, sed ego eam pono à meipso*, id est, ponit eo modo, quo alius tolleret à me si posset: actiue scilicet, vitam meam in Dei cultum vi propria impendendo.

26.

Secunda quoque responsio non satisfacit: quia generatim ad sacrificium non est necesse, vt publica authoritate instituitur. Ac si nunc quispiam priuata authoritate aliud reserparet, quam Eucharisticum, quod solum in lege Evangelica institutum est: esset nihilominus illud verum sacrificium, quamuis illicitum, & illegitimum. Sicut sacrificia, quæ à Gentilibus falsis Diis olim fiebant, & nunc etiam sunt inter Ethnicos, non desinunt esse sacrificia vera, id est, habere veram, & essentialem rationem sacrificii, sumpti latius quàm pro actu vero religionis: quamuis illicitis, & sacrilegis sint: vt docet inquit Caro dñs. Delugo disp. 19. num. 13. post Valey. disp. 220. cap. 1. prope finem.

Sacrificia
facta ab
idolis
vera sacri-
ficia?

At inquit, quomodo sacrificia quæ sunt Idolis, sunt vera sacrificia, cum non sint vera signa eius, quod significant? Sacrificium autem est in genere signi. Item omne sacrificium verum est actus verus & proprius virtutis religionis. At ista non sunt actus religionis, sed sacrilegii, superstitionis, & irreligiositatis.

27.

Ad primum Respondeo, Esse vera signa veritate transcendenti, seu potius esse verè, & propriè signa: quoniam non sint vera verè.

tate formali, id est, conformia suo obiecto: quia id, quod significant, non est à parte rei ut significant. Nam suprema excellentia non est in idolis, seu falsis Diis, quam tamen illis inesse protestantur. Sicut autem hæc propositio, *Christus non est Deus*, tam propriè & verè est signum ex instituto, estque tam verè ac propriè propositio, atque ista, *Christus est Deus*: sic tam est signum & propositio, ista, *Iupiter est Deus*: quam ista, *Iupiter non est Deus*. Solumque differentia est, quod una est vera veritate formali, non alia.

28.

Ad secundum Respondeo, Omne quidem sacrificium legitimum esse actum virtutis religionis, & veræ religionis, non tantum veritate transcendentali, sed & formali. Illa verò, de quibus nunc loquimur, esse actus religionis latius sumptæ, pro religione præsumptæ, & nã à applicatæ, ac falsæ formali falsitate: id est, pro cultu alicui exhibito propter sacram, aut diuinam excellentiam, quæ illi inesse existimatur, & re vera non inest. Maior ergo propositio sic distinguenda est. Omne sacrificium verum est actus religionis: virtutis, nego. Latius sumptæ prout abstrahit à virtute religionis, vel à præsumptæ: concedo. Tum ad minorem respondendum est sacrificia ista esse actus religionis præsumptæ, quæ in re ipsa est superstitio, & Idololatria.

29.

Positæ
martyr se
ipsum sa-
crificare,
morti suæ
cooperan-
do.

Ergo, inquires, si Martyr priuata autoritate intenderet seipsum consumere in sacrificium, & positivè morti suæ cooperaretur, ut fecerunt Apollonia, Pelagia, & alii quidam, qui seipsos in flammæ, vel in aquas coniegerunt, verè sacrificaret. Respondeo ita esse: sicut ille, qui nunc agnum vel ovem occideret, ut olim Iudei, verè sacrificaret: sed non posse Martyrem licitè hoc intendere, nisi per ignorantiam, qua inculpabiliter nesciret Deum constituisse, ne vllum aliud sacrificium in lege nova usurperetur, præter Eucharisticum. Cum enim Christus in lege nova sacrificium Eucharisticum instituerit: non possunt Martyres seipsos, vel aliud in sacrificium offerre. Quia, ut supra dixi, hoc ipso quod Deus sacrificium aliquod, aut certa quædam sacrificia, pro lege aliqua instituit, censetur alia excludere. Non possunt etiam Martyres licitè ad mortem suam positivè cooperari, in flammæ v.g. seipsos præcipitando, aut aqua se immergendo, nisi speciali & extraordinario motu Spiritus sancti ad hoc impellantur. Ut olim Samsom, laudatus à Paulo, & annumeratus aliis Sanctis, qui per fidem vicerunt regna, operati sunt in utilitatem, adepti sunt recompensationes, Hebr. 11. vers. 32. & 33.

SECTIO III.

An celebratio Eucharistie sit verè
propriè sacrificium?

30.
Conclusio
affirmat.

Conclusio affirmatiua est de fide. Probatum quia vel nullum iam est in Eccle-

sia sacrificium verè ac propriè dictum, & legitime usurpatum: vel celebratio sacramenti Eucharistie est huiusmodi sacrificium. Non potest autem dici, quod nullum sit: ergo, &c. Maior conceditur ab omnibus. Faterentur enim Catholici nullum aliud iam esse in Ecclesia tale sacrificium legitime usurpandum, præter Eucharistiam. Hæretici verò, qui negant Eucharistiam esse sacrificium propriè dictum, nullum aliud prorsus admittunt, ut ex ipsorum obiectionibus patebit inferius. Minor autem, Scripturæ, & Patrum auctoritate, ac ratione sic breuiter probatur.

Primum enim Daniëlis 12. dicitur in fine mundi, tempore scilicet Antichristi, cessaturum iuge sacrificium. Ergo supponitur eoque futurum. Neque de improprio sacrificio & inuisibili sermo est, interno scilicet, ut volunt hæretici. Nam illud ne tunc quidem cessabit, nec sacrificium dicitur absolute. Est autem ibi sermo de sacrificio propriè dicto, quod per excellentiam, iuge sacrificium appellatur, ob præstantiam & durationem singularem, quippe quod vique ad sæculi consummationem & ultimam usque persecutionem Antichristi durabit, ad annunciandam, id est, rememorandam mortem Domini, donec veniat: ut dicitur 1. Corinth. 11. De quo eodem sacrificio prædixerat Deus per Malachiam cap. 1. vers. 6. & sequentibus, interminans Iudeis facturum se, ut sacrificia Iudaica cessarent, sibi que à Gentilibus sacrificaretur in omni loco oblatio munda, Vbi etiam manifestè sermo est de vero sacrificio & propriè dicto: quod ibidem per oppositionem comparatur cum sacrificiis Iudaicis propriè dictis: comparatio autem fit inter res eiusdem generis. De eodemque intelligendum est id quod Psalm. 109. vers. 5. & Hebr. 7. vers. 17. de Christo dicitur: *Tu es sacerdos in æternum secundum ordinem Melchisedech*: qui ut habetur Genes. 14. panem, & vinum obtulit, typum istius sacrificii, à Christo Domino in pane, & vino instituti. Neque enim Christus dici potest sacerdos secundum ordinem Melchisedech, ob sacrificium crucis: quia cum istud cruentum fuerit, deberet potius ratione illius dici sacerdos secundum ordinem Aaron. De illius denique usu, post Christi mortem & ascensum in coelos, perseverante, constat ex Actis Apostolorum cap. 13. vers. 2. ubi de Apostolis dicitur, *Magistrum Iohannem etiam esse*, id est, ut Erasmus ipse interpretatur, *sacrificantibus autem ipsis Domino*. Et Hebr. 13. vers. 10. *Habemus altare*, inquit Paulus, *gracæ* *domini*, id est sacrificatorium, de quo edere non habent potestatem, qui tabernacula deseruiunt. Cuius item altaris meminit 1. Corinth. 10. ubi prophæta Eucharistiam simul est sacrificium, & cibus ac potus sacer ad sumendum propositus. Nam sacrificium in hoc altari immolatum non esse aliud, quam Eucharistiam, clare ibidem significat Apostolus, cum ait vers.

31.

Probatum
ex Script.

16. Calix cui benedicimus, nonne communicatio sanguinis Christi est? & panis quem frangimus, nonne participatio corporis Domini est? & postea facta mentione altaris & sacrificiorum Iudaeorum & Gentilium: addit vers. 20. Nolo autem vos socios fieri Daemoniorum. Non potestis calicem Domini bibere, & calicem Daemoniorum. Non potestis mensam Domini participare, & mensam daemoniorum.

32.
Probatur
a. ex Patr.

Secundò, Patres aperte pradicant in lege noua extare verum sacrificium: & illud, Eucharisticum. In hunc enim sensum interpretantur locum Malachiae supra citatum Cyprianus lib. 2. Epist. 3. & serm. de cœna: Ambrosius lib. 5. de Sacram. cap. 1. Hieronym. Epist. 17. ad Marcellam, & Epist. 126. ad Euagrium: Chrysost. homil. 35. & 36. in Genesim, August. Epist. 95. ad Innocentium Papam, & lib. 4. de Doctr. Christiana cap. 21. & lib. 16. de Ciuit. cap. 22. sanctus Leo serm. 2. de Annuario sui Pontificatus. Deinde Christum in cœna vltima hoc sacramentum instituentem verè sacrificasse, & sicut Agnus paschalis prius sacrificabatur, posteaque in cibum dabatur: ita prius seipsum sacrificasse, posteaque in cibum dedisse, docent Hesichius lib. 2. in Leuit. cap. 9. Gregor. Nyssen. homil. 1. de Resurrect. Leo Papa serm. 7. de Passione, Cyprian. serm. de Cœna, Rupertus lib. 2. in Exodum cap. 6. & alii. Nysseni verba sunt: Qui omnia pro Dominica potestate & autoritate administrat, non expectat Pilati iudicium: sed per ineffabilem, & arcanum sacrificii modum, sua dispositione, & administratione præoccupat impetum violentum, ac sese in oblationem, & victimam offert pro nobis, sacerdos simul, & agnus Dei. Quando hoc accidit? Cum suum corpus ad edendum, & sanguinem suum familiaribus ad bibendum praebeat. Cuilibet perspicuum est, quod ovis vesci homo non possit, nisi comestione matetatio præcesserit. Cum igitur dedit Discipulis suis corpus ad comedendum, aperte demonstrauit iam fuisse perfectam, & absolutam immolationem. Huc usque Nyssenus.

33.

Cyprianus verò Epist. 63. Quis, inquit, magis sacerdos Dei summi, quam Dominus noster Iesus Christus, qui sacrificium Deo Patri obtulit: & obtulit hoc ipsum quod Melchisedech obtulerat, id est, panem, & vinum, hoc est, corpus, & sanguinem suum. Hoc autem sacrificium iuxta Christi præceptum, Hoc facite in meam commemorationem, ab Apostolis, & eorum successoribus huc usque creditum, & celebratum fuisse testantur Patres antiquissimi, qui Apostolos ipsos viderunt, eorumque successores, singulis sæculis: Dionys. de cœlesti Hierarchia cap. 3. Clemens Roman. lib. 6. constit. Apost. cap. 23. Martialis. Epist. ad Burdigalenses cap. 3. Ignat. Epist. ad Smyrn. post medium, Presbyteri Achaiae, Andreæ Apostoli comites, & discipuli, in eius passione, & Liturgiæ sanctorum Petri, Iacobi vtriusque, Matthaei, & Marci: Tertul. Alexander I. Iustinus, Irenaeus, Origenes, Cyprian. Concilium Nicænum I. Euseb. Basil.

Cytil. Hierosol. Ambros. Hieronym. Chrysost. August. & alii innumeri, quotquot se re scriptis suis Ecclesiam illustrarunt, & suorum temporum fidem testati sunt: quos vel enumerare longum esset: eorum autem testimonia plurima legi possunt apud Gauder. sæculo 1. & sequentibus, verit. 1.

Neque dissentient Lutherus, & Calvinus antiquos Patres nobis patrocinari quod sine euidenti mendacio, vel crassa & supina ignorantia negare non poterant: sed per superbiam intolerabilem, ne quid grauius dicam, Patres sanctissimos, atque doctissimos, & Ecclesiam vniuersam erroris arguunt hac in parte: Lutherus quidem in lib. de abroganda Missa, & lib. de Missa priuata: Calvinus autem lib. 4. Institut. cap. 18. num. 10. & 11. Ineptiores verò sunt Molineus in Clypeo fidei, alique recentiores Ministri, quando contendunt Patres antiquos improprie tantum Eucharistiam vocare sacrificium. Nam Cyprianus Epist. 63. illam vocat sacrificium verum, & plenum, à sacerdote Deo Patri oblatum in Ecclesia. August. lib. 20. de Ciuit. cap. 20. Summum verumque sacrificium, cui cuncta sacrificia falsa cesserant. Ex lib. de Spiritu & litera cap. 11. verum, & singulare sacrificium. Chrysost. in Psalm. 95. *plena oblatio dicitur, vniuersum verum sacrificium.* Similique modo loquuntur plures alii, qui etiam saepius mentionem faciunt altaris, vasorum sacerdotum, & cæterorum ad sacrificium Eucharistiae pertinentium, à quibus Nouatores tantopere abhorrent.

34.

Tertiò, His Scripturae, & Patrum testimoniis accedit ratio. Est enim absurdum existimare, nullum in lege Christiana omnium perfectissima extare sacrificium, quo Deus corpore, animoque colatur; cum nulla alia lex, seu religio vera, vel falsa, fuerit sine sacrificio, vt ex historiae sacrae, & prophetae autoribus liquet. Atqui vt ipsi haeretici fatentur, nullum est in lege Evangelica sacrificium verè & proprie dictum, si Eucharistiae celebratio, id est, corporis & sanguinis Christi oblatio Deo facta in Eucharistia, non est sacrificium. Ergo, &c. Et verò nihil illi deest, quod ad rationem sacrificii verè & proprie dicti possit desiderari. Est enim qui offerat; Christus scilicet principaliter offerens, sacerdos autem vt minus principalis, & vicarius Christi. Quod offeratur; Christus idem sub speciebus panis, & vini. Cui offeratur; Deus. Pro quo offeratur; Ecclesia. Vbi offeratur; altare. Actio quâ offeratur; consecratio. Intentio verò, & institutio Christi ex Scripturae locis citatis, & Patrum antiquorum, ac totius Ecclesiae sensu manifesta est: & vana sunt, quae in contrarium obiciunt haeretici. Ergo, &c.

35.
Probatur
3. ratione

Obiicit quidem præcipue Lutherus, Eucharistiam esse sacramentum, & testamentum: ergo non est sacrificium: quia repugnat idem esse sacramentum, & sacrificium: siquidem per sacramentum aliquid nobis à Deo donatur: contra verò per sacrificium

36.

nos aliquid Deo donamus, & offerimus. Sed respondere facile est idem sub diuersa consideratione posse esse sacramentum, testamentum, & sacrificium. Sacramentum, quatenus nobis causat gratiam: testamentum, quatenus est signum vltimæ voluntatis Christi testatoris: & sacrificium, quatenus actione aliqua immutatur, & offertur Deo ad protestandam ipsius excellentiam. Sic in lege Moisaica agnus Paschalis erat simul sacramentum, & sacrificium. Et Exodi 24. vers. 8. sanguis victimarum, effusus super populum, fuit simul sacrificium, & testamentum. Neque repugnat aliquid Deo dari, id est offerri, ab hominibus, quatenus ad ipsius maiestatem protestandam immutatur: & idem dari hominibus à Deo, quatenus Deus illud ipsum refert, & acceptat ad hominum utilitatem. Sic Christi opera meritoria Deo donabantur, seu offerebantur à Christo: & tamen ipsi ad gloriam corporis, & nominis sui exaltationem, nobisque ad salutem profuerunt, & eatenus nobis donata sunt. Sic etiam in lege veteri sacrificia multa cedebant in usum sacerdotum, & aliorum. Denique ad sacrificium sufficit quod res oblata immutetur ad protestandam supremam Dei maiestatem: licet immutatio nobis proferat, aut res oblata nobis ad usum donetur. Vt verò eadem immutatio sit quoque testamentum, sufficit quod per illam sanciat & stabiliatur pactum inter Deum & nos initum.

Quæ autem Calvinus opponit præcipue ex Epist. ad Hebr. æquè facile dilues, si notes primò, quod ait Paulus cap. 7. vnicum esse sacerdotem noui testamenti: & sacerdotes quidem Aaronicos plures fuisse, eò quod morte prohibebantur permanere, Christum verò, quia in æternum manet, sempiternum habere sacerdotium: hoc sensu intelligendum esse, quod Christus sit vnicus sacerdos, sicut vnicus mediator, & doctor, & magister, & pastor; principalis scilicet, cuius alii tantum ministri sunt, in eius persona, & eius verbis sacrificantes, & consecrantes corpus & sanguinem ipsius, ut exponunt Chrysostomus homil. 2. in 2. ad Timoth. propè finem, & Ambrosius lib. 4. de Sacramentis c. 5. In quo magnum discrimen est inter vetus, & nouum Testamentum. Nam in illo multi erant sacerdotes per successionem, absolute, cum eadem autoritate, & sine vlla subordinatione, quia sequentes non erant ministri, neque vicarii præcedentium. At in nouo Testamento ceteri omnes sunt Christi vicarii, nec nisi in eius persona sacrificant. Christus enim perpetuò manens, retinet suam supremam potestatem, quam per illos exercet; sicut & potestatem remittendi peccata, baptizandi, pascendi, docendi, & reconciliandi mundum Deo. Vnde locus Pauli citatus nobis potius fauet. Nam quemadmodum Christus, quia perpetuò docet, & pascere; & consequenter per vicarios, cum id per se non præstat: sic etiam perpetuò debet per illos sacrificare,

cum iam per se solum non amplius sacrificat.

Secundò, quod obijcit ex eadem Epistola, Christum vna oblatione omnes sanctificasse: & vnam tantum habere hostiam, nec esse aliam pro peccatis expiandis relictam: & Christi passionem fuisse oblationem sufficientem pro peccatis: & Christum semel tantum se obtulisse: ita intelligendum est, iuxta Chrysostomum, Theodoretum, Rhe-migium, Theophyl. Oecumen. Primas. & alios Patres in cap. 8. vel 10. Epistolæ ad Hebr. Primò quidem, vnam esse hostiam, & oblationem, eandem numero in cruce, & in Eucharistia; sumendo oblationem, (ut sæpe sumitur) pro re quæ offertur. Nam utrobique offertur Christus, nec alia superest hostia pro peccatis. Secundò, semel tantum cruentè se obtulisse, & hac vnica oblatione sanctificasse omnes, & expiasse sufficienter in actu primò; hoc est, pretium sufficiens, & superabundans sanctificationis, & expiationis parauisse: quod nihilominus applicandum superest secundum Christi institutionem, non per fidem solum, sed & per sacramenta ab ipso instituta, & per sacrificium in-cruentum Eucharistiæ, quod ex parte materia, id est, rei oblatæ, non differt à cruento; ex parte verò formæ, id est, actionis sacrificandi, illi subordinatur: nam à Christo institutum fuit, tum ut cruentum repræsentet, tum ut quod Christus per cruentum semel præparauit, sæpius nobis applicet, illum nempe thesaurum meritorum, & satisfactionis, ac pretii. Porro Christi passionis, & meritorum applicationem necessariam esse nemo negare potest: cum certum sit non obstante Christi passione multos perire, quibus saluandis Christi passio non sufficit in actu secundo sine applicatione aliquo modo facta, tametsi Christus pro illis passus sit, & sit propitiatio pro peccatis totius mundi 1. Ioan. 2. vers. 2.

Illud autem, quod ait Paulus, Christum semel tantum se obtulisse, de cruenta oblatione intelligendum esse facit ipse Calvinus in cap. 11. ad Hebr. vers. 17. & 18. & ex Apostoli verbis apertum est. Quoties enim dicit, Christum semel esse oblatum, limitationem addit. Vt cap. 7. vers. 23. & sequentibus, ubi huic oblationi opponit Christi æternitatem, & immortalitatem, quæ cruentæ tantum oblationi, & morti repugnat. Et vers. 27. aiens Christum non habere necessitatem offerendi quotidie sacrificia pro peccatis, sed semel hoc fecisse: addit, Quem admodum sacerdotes, nempe veteris legis: & vtitur voce *diuis*, quæ propriè cruentum sacrificium significat, Et cap. 9. vers. 25. cum ait Christum non sæpius offerre seipsum: subiungit, Sicut faciebat Pontifex singulis annis cum sanguine. Et vers. 26. cum ait Christum semel apparuisse per hostiam suam; vtitur voce *diuis*, & subdit: Alioquin oportebat Christum frequenter pati: quæ illatio nulla esset, nisi de cruento sacrificio loqueretur. Et vers. ult. ait Christum semel esse

38.
Quomodo
Christus
semel tantum
se obtulit

Quo sensu
Christus se-
mel tantum
se obtulit

37.
Explicen-
tur varia
loca epi-
istolæ ad
Hebr.

oblatum: sed eo sensu quo penultimo versu dixerat: Quemadmodum statutum est omnibus hominib. semel mori. Et cap. 10. v. 10. ait sanctificatos nos fuisse per oblationem, Iesu Christi scilicet: sed addit ibidem, per hanc oblationem impletam esse voluntatem Dei, qua constituerat ut Christus moreretur.

39.

Tertiò, Si Paulus tota Epist. ad Hebr. vbi fuscè loquitur de sacerdotio, nusquam mentionem facit sacerdotum nouæ legis, nec sacrificii incruenti Melchisedech; causa est, quia Hebræi, quibus scribebat, nondum erant capaces tanti mysterii, cum ne quidem satis intelligerent vim cruenti sacrificii crucis, eoque non parum offenderentur. Sic ante mille ducentos annos responderunt sancti Patres, teste Hieron. Epist. 126. ad Euagrium de Melchisedech: & post illos Chrysost. Theophyl. Photius, Oecumenius, in cap. 5. Epist. ad Hebr. Nec debuit Paulus mysterium illud Iudæis importunè ingere, cum non ad eos offendendos, sed conuertendos scriberet: & non tantum fidelibus Iudæorum, qui tunc erant, sed & infidelibus prodesse veller. Simili modo antiqui Patres celabant mysterium Eucharistiæ, non tantum infideles, sed etiam Catechumenos. Adde Paulum hoc sacrificium insinuasse, & sacerdotes nouæ legis, dicendo c. 13. vers. 3. *Habemus altare, de quo edere non habent potestatem, qui tabernaculo deserviunt.* Nam altare ad sacerdotium, & sacrificium relatiuum est. Est & alia huius silentii ratio: quia Paulus ostendere volebat, Melchisedech præcelluisse sacerdotibus legis Mosaicæ, ut patet ex cap. 7. Non præcelluit autem in sacrificio suo panis, & vini, quo Agnus paschalis, & alia quædam sacrificia legis Mosaicæ fuerunt nobiliora.

40.

Sacrificium
Eucharistiæ subor-
dinatur sa-
crificio cru-
entis.

Quartò, Sicut alia Christi opera, quamvis infinitè meritoria, subordinata erant passioni, per quam erant consummanda, quoad redemptionem: sic & sacrificium incruentum ab ipso ante passionem celebratum Matth. 26. Quare friuola est illa hæreticorum obiectio: Si Christus Eucharistiam celebrans sacrificauit ad remissionem peccatorum, & ad alios fines; consequutus est, quod voluit, nec fuit opus cruento sacrificio, quo redemptionem consummaret, ut ait Paulus Hebr. 10. Respondeo enim oblationem illam, sicut & cætera Christi opera, quæ ante passionem exercuit, quamvis alioqui per se singula infiniti valoris, fuisse tamen iuxta Dei pactum, & beneplacitum subordinata passioni, quæ redemptio nostra consummaretur: eoque suum passioni locum non de fuisse. Ad id tantò minus incruentum sacrificium excludere cruentum: quanto magis ipsum præsupponit, & applicatio quædam est redemptionis per illud consummata.

SECTIO IV.

In quo consistat essentia sacrificii Eucharistiæ, seu quæ sit eius materia, & forma?

41.

Christus
offertur in
hoc sacrificio
Eucharistiæ
incruentis.

Dico primò, Sacrificium Eucharistiæ, sumptum pro re oblata, quæ aliter dicitur, materia sacrificii, esse Christum, prout per consecrationem sub speciebus constituitur indiuisibili modo: & non tantum mysticè immolatur per separationem sanguinis à corpore vi verborum; sed etiam physicè ac realiter ponitur sub speciebus mortuo quodam modo, inepto functionibus suis naturalibus, & ordinato ad destructionem: quippe qui ponitur per modum cibi, & potus ordinati ad consumptionem, eoque sine, ut consumptis, & corruptis speciebus desinat ibi conseruari actione productiua, per quam fuerat ibidem constitutus.

Probat ex Trident. sess. 22. c. 1. vbi affirmat Christum sacerdotem in æternum secundum ordinem Melchisedech, corpus, & sanguinem suum sub speciebus panis, & vini Deo patri obtulisse: ac sub earundem rerum symbolis, Apostolis, quos tunc noui Testamenti sacerdotes constituerebat, ut sumerent, tradidisse: & eisdem, eorumque in sacerdotio successoribus, præcepisse ut offerrent, per hæc verba, *Hoc facite in meam commemorationem*, vti semper Catholica Ecclesia intellexit, & docuit. Et paulò post ait Christum nouum Pascha instituisse, seipsum ab Ecclesia, per sacerdotes, sub signis visibilibus immolandum in memoriam transitus sui ex hoc mundo ad Patrem. Et initio capitis 2. sic habet: *In diuino hoc sacrificio, quod in Missa peragitur, idem ille Christus continetur, & incruentè immolatur, qui in ara crucis semel seipsum cruentè obtulit, &c. Vna enim, eadèque est hostia, idem nunc offerens sacerdotum ministerio, qui seipsum tunc in cruce obtulit, sola offerendi ratione diuersa.* Huc vsque Trident.

Probat ex
Trident.

Idem secundò, docent expressè S. Patres, Cyprianus, Ambrosius, August. Chrysost. Gregor. Nyssen. Theodoret. & alii quos referunt Suarez disp. 75. sect. 1. & Barrault. tomo 3. Clypei cap. 12. Cyprianus quidem epist. 63. ad Cæcilium affirmat Christum Summum sacerdotem Patri seipsum sacrificium obtulisse: & hoc fieri in sui memoriam præcepisse. & Ambros. in cap. 1. Luc. ait Christum Pascha nostrum in Eucharistia immolari. & August. lib. 2. contra Perilian. cap. 1. *Aliud est Pascha, inquit, quod illi adhuc celebrant: aliud quod nos in corpore & sanguine Domini accipimus.* Itaque, ex mente D. Augustini, sicut ovis erat materia sacrificii legalis Iudaici: sic Iesu Christi corpus & sanguis est materia sacrificii nostri. Gregor. denique Nyssenus homil. 1. de Resurrect. dicit Christum sese in oblationem & victimam obtulisse pro nobis, cum suum corpus ad edendum

Probat ex
Patribus.

et sanguinem suum familiaribus ad bibendum praebeo.

Vnde collige excellentiam sacrificii nouae legis. Nihil enim nobilius offerri Deo potest in sacrificium, quam Christus: nihil ad omnem finem sacrificii consequendum aptius, & efficacius. Vnde etiam in lege noua unicum est illud sacrificium, utpote quod omnium differentias hostiarum una sua perfectione complectitur.

42.

Quomodo species pertineant ad sacrificium & re oblatam.

Dixi autem, rem, quae offertur, & sacrificatur, esse Christum prout sub speciebus constitutum, &c. Neque enim Christus secundum propriam speciem, prout in caelo est, sacrificatur: quia ut talis non attingitur, & immutatur per actionem sacrificandi: sed tantum prout est vi verborum sub speciebus Eucharisticis. Quae species pertinent ad sacrificium, non tanquam pars rei, quae offertur, sed tanquam id, sub quo offertur, & per quod sacrificium visibile, & sensibile constituitur. Panis quoque, & vinum pertinent ad hoc sacrificium, non tanquam materia, quae sit res oblata: sed tanquam materia ex qua transeunte, & destructa, fit res oblata; & sine qua non fieret consecratio, & conuersio. Alioqui enim si vel species, vel panis, & vinum essent pars sacrificii: falsum esset, quod Trident. supra, & Patres docent, eandem esse hostiam in cruce, & in Eucharistia, sola offerendi ratione diuersa. Neque enim Christus in cruce species, aut panem, & vinum, etiam partialiter, obtulit: sed seipsum solum, per separationem sanguinis à corpore, & mortem inde sequutam, immolatum.

43.

Forma huius sacrificii est consecratio.

Dico secundò, sacrificium Eucharistiae sumptum pro actione sacrificandi, quae aliter forma sacrificii dicitur, esse ipsam consecrationem, quae panis in corpus, & vinum in sanguinem Christi conuertitur, Christusque ipse sub eorum speciebus mortuo quodam & indiuisibili modo ponitur: ad protestandam Dei excellentiam per talem conuersionem: & ad sacrificium crucis representandum, per mysticam separationem sanguinis à corpore. Dum enim corpus solum directè ponitur vi verborum sub specie panis, & sanguis sub specie vini; representatur separatio sanguinis à corpore in cruce facta, & mors inde sequuta. Vnde hoc sacrificium est ex sua propria & speciali ratione commemoratiuum, seu representatiuum sacrificii crucis, & mystica Christi immolatio.

44.

Probatur primò, Quia neque actiones, quae praecedunt consecrationem, sunt actio sacrificandi, cum non sint immutatio corporis, & sanguinis Christi sub speciebus, siquidem nondum est: neque etiam actiones, quae sequuntur; cum Patres doceant, facta consecratione, immolationem esse perfectam: ut Gregor. Nyss. homil. 1. de Resurrect. cuius verba sectione praecedenti retulimus num. 32. Quibus adde Cyrill. Catech. 5. Mystag. sic dicentem: Deinde verò postquam confectum est illud spirituale sacrificium, & ille cultus inuentus: super ipsa propitiationis hostia, obse-

crans Deus pro communi Ecclesia pace, &c.

Secundò, vel Euangelista non expresserunt formam sacrificandi usurpatam, & institutam à Christo: vel illa consistit in consecratione, quam solam omnes exprimunt. Quamuis enim loquantur etiam de benedictione, & gratiarum actione: non tamen exprimunt quamquam illa fuerit, & quā formā, vel quibus verbis concepta. Deinde illae actiones Christi, sicut & fractio panis, cuius meminit Paulus 1. Corinth. 11. praecesserunt tempore corpus, & sanguinem, vel sub speciebus positum. Ergo non fuerunt illius immutatio, siquidem nondum erat. Et in Missali Romano praescribitur, ut non frangatur hostia si in calicem ceciderit. Atqui si fractio esset essentialis sacrificio, non omitteretur.

Tertiò, Christus immolatur in Eucharistia simili quadam actione, illi, quā fuit immolatus in cruce. Qua de causa dicitur una esse alterius similitudo & representatio: una eiusdem hostiae immolatio cruenta, & altera in cruenta. Atqui actio, quā Christus fuit in cruce immolatus, fuit separatio realis sanguinis à corpore, & mors inde sequuta. Ergo actio, qua in Eucharistia immolatur, debet esse separatio mystica, quae fit per conuersionem panis in corpus, & vini in sanguinem, sub diuersis speciebus, mortuo quodam modo positum, & tendente ad destructionem.

Quartò, Christus in hoc sacrificio est semper principaliter offerens: quia sacerdotes, tanquam eius legati, semper offerunt in eius persona, ut docent SS. Patres, & Florent. expressit in Decreto Eugenii 5. *Forma huius sacramenti sunt verba saluatoris.* Ergo actio sacrificandi debet consistere in ea actione, quam sacerdotes exercent in persona Christi. Talis autem est sola consecratio. Loquuntur enim sacerdotes in persona Christi, quando assertiuè pronunciant, *Hoc est corpus meum: Hic est sanguis meus.* Ceteras verò actiones, quae praecedunt, aut sequuntur, non exercent in persona Christi: sed vel historicè tantum, & recitatiuè, vel in persona propria, aut nomine Ecclesiae, ut patet in inductione.

Quintò denique, quod haec actio ex sua institutione, Christique intentione refertur ad sacrificium crucis representandum, docent tum Paulus 1. Corinthiorum 11. ubi haec Christi verba, *Hoc facite in meam commemorationem*, interpretatur de commemoratione mortis Christi: tum SS. Patres communiter, & Trident. sess. 22. cap. 1. dicens Christum in cena nouissima, dilectae sponsae suae Ecclesiae, visibile, sicut hominum natura exigit, reliquisse sacrificium, quo cruentum illud semel in cruce peragendum representaretur, eiusque memoria in finem usque saeculi permaneret. Et paulò post ait Christum nouum Pascha instituisse, seipsum ab Ecclesia per sacerdotes sub signis visibilibus immolandum, in memoriam transitus sui ex hoc mundo ad Patrem. Ideoque Christus hoc sacrificium constituit sub du-

Immolatio crucis & Eucharistiae sunt similes.

45.

Eucharistiae sacrificium est representatiuum mortis Christi.

bus

bus speciebus, sub quibus separatim significantur corpus, & sanguis, & ponuntur separatim, quantum est ex vi verborum, ad distinctam representandam separationem sanguinis à corpore factam in cruce, per illius effusionem.

46.

Vnde colligunt multi hoc sacrificium consistere essentialiter in consecratione utriusque speciei. Nam, inquiunt, consecratio vnius solius non est talis separatio, & representatio expressa effusionis factæ in cruce, Christi que immolatio mystica, & incruenta, similis cruentæ in cruce peractæ. Est autem de essentia istius sacrificii ut sit expressa representatio mortis, & passionis Christi, ac mystica ipsius maceratio, per separationem sanguinis à corpore, ut docent SS. Patres, & Concil. Trident. supra cit. alique relati distincti. 2. de consecr. præcipue in can. *Semel, & c. In Christo*: sicut de essentia Baptismi est, ut in eius forma fiat expressa Trinitatis inuocatio per hæc verba, vel æquivalentia, *Ego te baptizo in nomine Patris, & Filii, & Spiritus sancti*: neque sufficit dicere, *In nomine Trinitatis*. Nam ex verbis institutionis utriusque sacramenti non minus id colligitur de Eucharistia, in qua instituenda Christus dixit, *Hoc facite in meam commemorationem*: Hoc scilicet, quod ipse ante fecerat consecrando panem & vinum: quàm de Baptismo, de quo dixit, *Baptizantes eos in nomine Patris, & Filii, & Spiritus sancti*. Adde quòd in sacrificio Eucharistia debet esse re ipsa id, quod fuit in illius typo sacrificio Melchisedech, qui panem, & vinum obtulit. Genes. 14. Christus enim ratione sacrificii Eucharistici dicitur esse specialiter sacerdos secundum ordinem Melchisedech, Psalm. 109. Arque hinc sequitur, quod iidem affirmant coherentem philosophando, proprios effectus huius sacrificii ex opere operato non dari vna specie sola consecrata, donec altera consecratur, & sacrificium essentialiter perfectum sit. Quamvis ordo consecrandi prius corpus quàm sanguinem, non sit essentialis: sed necessarius tantum ex præcepto, neque possit inuerti sine sacrilegio. Quamvis etiam potuerit Christus, si voluisset, aliud genus sacrificii instituere in vnius solius speciei consecratione: ut in sola conuersione panis in corpus suum, absque passionis suæ representatione, aut cum confusa solùm. Hæc illi.

47.

Possunt
sub vna
specie sa-
crificari.

Quorum sententia, tametsi probabilitate non caret, incerta tamen est: multique sentiunt contrarium: posse scilicet de facto, non de iure, sacrificium Eucharistia fieri per consecrationem vnius speciei, sine altera, mutilum tamen, & imperfectum. Primum, quia probabilius est sacramentum Eucharistia secundum præsentem institutionem non posse aliter fieri, quàm sacrificando: ita ut realiter, & inseparabiliter idem sint eius effectio, seu consecratio Eucharistica, & Christi oblatio, seu sacrificatio: quam sententiam communem esse Theolo-

Tom. IV,

gorum testatur Ysambert. quæst. 83. disp. 3. art. 2. Atqui potest valide vna species sine altera consecrari, ut fert etiam communis sententia, & nos alibi probauimus. Ergo potest quoque valide sub vna specie, sine altera sacrificari: illicitè tamen, & sacrilegè, quia mutilatur altera sui parte sacrificium, quod sub utraque specie institutum, & præceptum fuit. 2. Quia argumenta in fauorem prioris sententia allata non conuincunt.

Ad primum enim, sumptum ex representatione sacrificii cruenti, responderi facile potest expressam illam representationem non magis esse de essentia Eucharistia, prout est sacrificium: quàm prout est sacramentum; sed ad utrumque, partialiter saltem acceptum, & imperfectè, sufficere implicitam. Nam Eucharistia prout sacramentum est, fuit etiam instituta ad mortem Christi representandam, & commemorandam, iuxta illud 1. Corinth. 11. *Quotiescunque enim manducabitis panem hunc, & calicem biberis, mortem Domini annuntiabitis, donec veniat*. Deinde Christus Luc. 22. immediate post consecrationem panis pronunciauit, *Hoc facite in meam commemorationem*: & ut refert Apostolus, 1. Corinth. 11. bis eandem sententiam protulit: semel post consecrationem panis, verbis modò relatis: & iterum post consecrationem calicis, subiungens, *Hoc facite quotiescunque biberis, in meam commemorationem*. Ergo non modò utraque species simul consecrata, vel sumpta, est indiuisibiliter commemoratio, & representatio mortis Christi, de cuius commemoratione ibi sermo est, ut fatentur omnes Catholici: sed etiam qualibet seorsim, & diuisim. Ergo sicut ex institutione Christi Eucharistia quatenus est sacramentum, saluatur quoad representationem sufficientem ad consecrationem minus perfectam, in vna specie, ita ut possit valide sine altera consecrari: sic etiam quatenus sacrificium est, sufficientem habet representationem, licet minus perfectam in vna specie: ita ut sub illa possit sine altera sacrificari validè, licet imperfectè & illicitè. Certe quidem ratio differentia hac in parte inter sacrificium, & sacramentum Eucharistia non potest colligi ex verbis institutionis.

48.

Ad secundum argumentum, seu confirmationem prioris, sumptum ex autoritate Patrum, & Conciliorum, Respondeo nulum affirmare expressam representationem esse indiuisibiliter de essentia sacrificii Eucharistici ita ut sine illa non possit villo modo sacrificari, & implicita non sufficiat ad qualecunque sacrificium imperfectum, & mutilum. Possunt enim facile, quæcunque ab illis dicuntur, in hunc sensum explicari, quòd utriusque speciei consecratio requiratur ad perfectum, & integrum sacrificium, sique necessarium ex præcepto, & institutione diuina non nisi sub utraque sacrificare.

Ad tertium desumptum ex comparatione Baptismi, & Eucharistia, Respondeo nimis probare: sequeretur enim, quòd sicut Bap-

Y y

ritus non potest valide fieri sine expressa invocatione Trinitatis: ita neque Eucharistia potest valide consecrari sine expressa representatione mortis Christi per utramque speciem, adeoque non potest valide una sine altera consecrari: quod est contra doctrinam ipsorumque aduersariorum.

Porro, si modo notauimus, Christus diuinitus pronunciauit de specierum consecratione, *Hoc facite in memorem commemorationem*. Et quamuis collectio Iohannis de illis idem enunciat: sicut ex illis verbis quomodoconque à Christo prolatis colligitur tantum consecrationem vniuersae speciei ita esse à Christo institutam, & preceptam, ut non possit una sine alia licite consecrari; tamen potest valide: ita non plus colligitur ut verbum, quam non posse licite sub una sine alia sacrificari, quamuis possit valide, Christus enim verbis illis non distinguit inter consecrationem, & sacrificiationem. Ad quartum Respondeo, sacrificium Melchisedech fuisse representationem sacrificii Eucharistici, quoad suam perfectionem, & integritatem spectari, quam fatemur non posse sine consecratione vniuersae speciei consistere: tamen potest valide Christus sub una specie, sine altera consecrari, & offerri sicut poterat Melchisedech panis sine vino offerri in sacrificium minus perfectum, minusque exacte representationis Eucharistici. Ceterum panes Propositionis fuerunt etiam figura sacramenti & sacrificii Eucharistici, & agnus Paschalis, & alia quaedam, in quibus non fuit vinum, neque illius sit mentio. Concludo itaque priorem sententiam nihil habere ultra probabilis, quam illi concedimus, praecipue propter auctoritatem plurimorum, & gratum Theologorum, quibus magis placet.

49. Superest notare, iuxta utramque sententiam, consecrationem vniuersae speciei non esse, nisi vnicum sacrificium integrum, & perfectum, constans essentialiter, aut integraliter utraque panis, & vini consecrationibus. Imò etiam quando plures hostiae, & plures calices consecrantur simul vnica consecratione (quod tamen de calicibus non fit) vnicum est sacrificium: quia de uno actu extensio fit: & est vnica res oblata. Et alioqui nullus esset, aut maior effectus ex opere operato, si multa essent sacrificia.

Speciesque simul consecrantur, faciunt vnicum sacrificium.

SECTIO V.

Resolvitur qui volunt panem & vinum offerri, aut esse partem rei oblatae.

Contra primam conclusionem sciunt aliqui, putantes etiam panem, & vinum offerri, & esse in Missa duo sacrificia particularia, quorum vnum ad alterum ordinatur, unde vnum moraliter constituent. Prius est, sacrificium panis, & vini, quod sit per ipsam oblationem Missae, vulgo dictam Offer-

torium. Posterior est, sacrificium corporis, & sanguinis Christi, quod postea fit per consecrationem. Probat ex variis Patrum testimoniis affirmantibus panem, & vinum offerri, & Christum esse sacerdotem secundum ordinem Melchisedech, qui panem, & vinum obtulit. Itemque ex verbis sacerdotis in prima illa oblatione panis, & vini prolatis: *Discipe sancte pater hanc immaculatam hostiam, &c. Offerunt tibi Domine calicem salutaris.*

Verum hac sententia est aliena à sensu Patrum, & Concilii Tridentini, affirmantium vnicum esse in Ecclesia, & singulare sacrificium, cuius hostia non sit alia, quam ipse Christus. Deinde sacrificium non fit sine re, & substantiali immutatione rei oblatae, ut dicitur 1. & 2. offensum est. At in Offertorio non fit realis, & substantialis immutatio panis, & vini, sed solis verbis offeruntur; si tamen offeruntur. 3. Omne sacrificium novae legis fuit à Christo institutum, & quod ac omnia sacramenta. At oblatio, vel praefatio, quae fit in Offertorio, non est à Christo instituta, sed ab Ecclesia; ut & alia sacrificii Eucharistici preparationes, ac caerimoniae. Ergo, &c.

Ad fundamentum autem illius sententiae Respondeo primo, Offerri latius patere, quam sacrificari. Quaecunque enim Deo dantur, illi offeruntur: neque propterea sacrificantur. 2. Nomine panis, & vini intelligi laqueum à Patribus corpus, & sanguinem Christi positum, vel ponendum in Eucharistia sub speciebus panis, & vini. De quo etiam loquitur sacerdos cum in Offertorio sic ait: *suscipe sancte pater hanc immaculatam hostiam, quam ego indignus offero tibi pro innumerabilibus peccatis, &c.* Panis enim non est illa hostia immaculata pro peccatis expiandis oblata: sed corpus Christi, quod inchoatur, & per anticipationem dicitur offerri, quando materia remota disponitur ad sacrificium per caerimoniae illam ab Ecclesia institutam.

Adversatur etiam prima nostrae conclusioni Suarez disp. 75. sect. 1. conclus. 5. ubi docet partem, & vinum, quoad substantiam offerri in hoc sacrificio tanquam materiam ex qua sacrificium conficitur: species vero sacramentales ad idem sacrificium pertinere, tanquam partem intrinsecam rei oblatae, ut affirmat ibidem Suarez conclusio 4. non quidem. Ita ut huiusmodi res oblata non sit tantum Christus nudè sumptus, sed simul etiam species, seu quatenus cum speciebus compositum sacramentale constituit. Primum probat eisdem argumentis, quibus modo respondimus. Secundum vero probat ex Concilio Tridentino sessione 22. cap. 1. affirmante Christum ubi fuisse sacramentum visibile, sicut hominum natura exigit. Ex quo Suarez sic argumentatur: De ratione visibilis sacrificii est, ut res quae offertur sit visibilis. Sed hoc sacramentum est visibile. Ergo res oblata est visibilis. Ergo non est tantum Christus, ut habens modum essendi sacramentum nullum sed ut per

50.

Resolvitur sententia affirmans panem, & vinum offerri.

51.

An species simul offerantur cum Christo?

Species est hostia aliquo modo visibilis, & à nobis tractabilis. Secundò, Christus instituit & obtulit hoc sacrificium; tanquam summus sacerdos secundum ordinem Melchisedech. Ergo obtulit aliquo modo panem, & vinum, non solum ut materiam ex qua, sed etiam ut terminum oblationis, id est, ut rem oblata. Tale enim fuit sacrificium Melchisedech. Tertiò, in can. *Hoc est*, de consecrat. distinct. 2. sic asseritur: *Hoc est quod dicimus, hoc modis omnibus approbare contendimus, sacrificium Ecclesie duobus confici, duobus constare: visibili elementorum specie, & invisibili Domini nostri Iesu Christi carne, & sanguine.* Vbi manifestè sacrificium pro re oblata sumitur, & dicitur constare, id est, componi ex speciebus, ac corpore, & sanguine Christi: quod clarissimè liquet ex verbis sequentibus canonis. Quartò, hostia in hoc sacramento oblata cedit in usum fidelium, tanquam verus cibus, & sacramentum. Sed sacramentum hoc includit intrinsecè species: ergo, & hostia in hoc sacrificio oblata eadem includit. Quintò, consecratio, quatenus est aliquo modo sacramentalis, & sensibilis, non terminatur ad solum Christum secundum se, sed ad compositum ex Christo, & speciebus. Ergo totum hoc est res oblata, ut terminus actionis sacrificandi, quæ consistit in consecratione.

§ 2.
Sententia
affirmans
non sibi
coheret.

Respondeo primò, Non bene coherere duo illa, quæ affirmat Suarez conclus. 5. Panem & vinum offerri etiam, tanquam materiam ex qua sacrificium conficitur, id est, ut explicat paulò post, non quòd sint res oblata, sed quòd sint materia transiens, ex qua fit res oblata. Etenim id omne, quod offertur est res oblata. Ergo si panis & vinum quoad substantiam non sunt res oblata, non offeruntur: implicatque contradictionem aliquid offerri, quod non sit res oblata, & sit tantum materia, ex qua sacrificium, id est, res oblata conficitur.

Dices: cum destructio panis & vini sit illorum immutatio facta ad protestandam Dei excellentiam, quomodo, non est sacrificium, aut sacrificii pars? R. quia ex intentione Christi non fit, neque offertur Deo ad protestandum per illam, Dei excellentiam: sed ut seruiat consecrationi, & positioni corporis, & sanguinis Christi sub speciebus, eorumque separationi mysticæ.

§ 3.
Satisfic il-
lius argu-
mentis.

Ad primum autem argumentum Suaris, dico sacrificium à Christo institutum esse visibile, non secundum se intrinsecè, quoad rem quæ offertur præcise sumptam: sed quoad accidentia, sub quibus necessariò offertur, quæque essentialiter requiruntur ad conuersionem, & consecrationem, ut sub illis corpus Christi constituatur, & demonstretur.

Ad secundum Respondeo, Christum esse sacerdotem secundum ordinem Melchisedech, quia obtulit sub speciebus panis, & vini, id, cuius sacrificium Melchisedech in pane & vino, fuit figura specialissima.

§ 4. Ad tertium, Dico sacros canones ad fidei

dogmata explicanda pertinentes, non plus habere authoritatis, quàm authores, ex quibus sunt desumpti, ut ostendimus in tract. de fide. Ille autem canon, *Hoc est*, non est D. August. cui vulgò tribuitur: sed Lantfranci, hoc est, authoris longè inferioris ætate & grauitate, apud quem primum hæc verba scripta reperiuntur, non tanquam ex Augustino relata, sed ex proprio ipsius sensu pronuntiata, ut rectè obseruauit Cardinalis Perronius lib. 2. de Eucharistia, authore § 2. in fine. Cum igitur Lantfranci authoritas, non magna sit, postponenda est authoritati S. Chrysostomi, qui paulò post, eadem dist. can. *In Christo*, sumpto ex eius homilia 17. in Epist. ad Hebr. affirmat in cruce, & in Eucharistia unam esse hostiam, non multas. Si ut enim quod ubique offertur unum est corpus, & non multa corpora: ita & unum sacrificium. Similique modo loquuntur alii Patres. Et quod grauius est, Trident. sess. 22. cap. 2. sic habet: *Vna enim, eademque est hostia, idem nunc offerens sacerdotum ministerio, qui seipsum tunc in cruce obtulit, sola offerendi ratione diuersa.* Quæ omnino falsa essent, si species consecratæ essent pars hostiæ, & pars sacrificii sumpti pro re oblata.

Neque enim satisfacit quod responderet Refutatur
Suar. sect. cit. ad 1. Sicut, inquit, indiuiduum euasio.
substantiale idem est, quamuis diuersis temporibus sit affectum diuersis accidentibus: ita in præsentia res oblata in utroque sacrificio, cruento, & incruento, eadem simpliciter est, quia substantialiter est eadem. Quod autem in hoc sacrificio sit nouis accidentibus coniuncta, non tollit vnitatem simpliciter rei oblata, sed indicat diuersum offerendi modum. Non inquam satisfacit: quia licet indiuiduum substantiale idem sit sub diuersis accidentibus; non est tamen idem compositum ex indiuiduo substantiali (id est, ex substantia indiuidui) & ex diuersis accidentibus. Compositum enim est diuersum, quando aliqua eius pars est diuersa. Et si compositum totum est res oblata, & sacrificium, siue hostia: non est eadem res oblata, neque vnum & idem sacrificium, vnaque, & eadem hostia. Atqui secundum Suarem, non Christus solum, sed species quoque sunt res oblata: & totum compositum ex illis duobus, Christo & speciebus, est hostia, & sacrificium Deo oblatum in Eucharistia. Ergo non est eadem res oblata, neque vnum & idem sacrificium, vna eademque hostia, in cruce & in Eucharistia. Omitto dicere, non esse conueniens species venire in consortium tanti sacrificii, tanquam partem rei oblata. Porro, quia non tantum Deo offertur id solum, quod ponitur vi verborum, sed etiam reliqua substantia Christi, posita per concomitantiam: ideo Tridentinum, & Patres supra citati asserunt eandem hostiam, totum nempe Christum, offerri in Eucharistia (ut re ipsa sit, & semper est factum) qui fuit oblatus in cruce: quod diligenter notandum est.

Yyy 2

la actionum prædictarum fuit à Christo facta, præter consumptionem. Neque enim panem consecratum posuit super altare, sed statim porrexerat discipulis, nec eleuauit, nec illa oratione usus est, nec panem consecratum fregit in tres partes, sed antequam consecraret, fregit in tot, quot erant communicaturi. At sacerdotes sacrificant eadem, id est, simili actione illi, quâ Christus Eucharistiam consecrauit, & inueniunt sacrificauit. Tertiò, speciatim oratio illa sacerdotis, *Offerimus tibi*, &c. non modò non fuit à Christo prolata, & instituta, sed neque est immutatio realis, & substantialis rei oblata; neque eleuatio, & positio super altare: neque magis sacrificium esse potest, quàm si quis olim post agnum immolatum dixisset Deo, *Offero tibi hunc agnum*. Quartò, ad primum argumentum Respondeo negando antecedens, intellectum de re oblata, facta per productionem, quæ simul est destructio sacrificiæ, quatenus res ponitur mortuo quodam modo inepto vsibus suis naturalibus, & ordinato ad consumptionem, aut destructionem. Ad secundum Respondeo sacrificium ibi sumi pro re oblata pridie sacrificatæ. Ad tertium: Sacrificium dicitur consummari per consumptionem sacerdotis eo sensu, quo Matrimonium ratum dicitur consummari per vsum, seu copulam, ante quam tamen essentialiter perfectum est, mutuo coniugum consensu exterius expresso. Dicuntur enim interdum res consummari, quando finem suum assequuntur, quamuis essentialiter sint perfectæ ante finis assequutionem, vel vsum, ad quem destinantur.

Ad canonem verò *Relatum* respondeo primò, Ibidem verbis immediate sequentibus distinguere aperte sacrificium, siue immolationem, à sumptione, cum dicitur: *Ergo modis omnibus tenendum est, ut quotiescunque sacrificans corpus, & sanguinem Domini nostri Iesu Christi in altari immolat, toties perceptionis corporis, & sanguinis Christi participem se præbeat*. Vbi nisi participationem ab immolatione planè distinguere, sensus esset, ut sacerdos immolet, quoties immolat: qui sensus est ridiculus, & ineptus. Respondeo 2. Canonem illum tantum afferere, sacrificium illud non fore, quæ debet esse legitime, id est, licitum, & legitimum, ac secundum Christi institutionem, vel Ecclesiæ ordinationem celebratum: quia vel Christus ipse, vel saltem Ecclesia, statuit, ut saltem à sacerdote consecratæ nomine populi sumeretur, cum sit simul sacrificium, & sacramentum institutum ut cedat in vsum, & esum fidelium: sicut multa sacrificia legis Mosaicæ cedebant in esum sacerdotum, aut etiam laicorum, qui tamen propterea non sacrificabant edendo, ut fecissent, si esus victimarum fuisset actio sacrificandi totaliter, aut partialiter. Indèq; nouum sumitur argumentum contra aduersarios: quia si esus Eucharistiæ esset actio sacrificandi: sacrificarent laici communicando, & sacerdotes communicando laicè, ut sæpe multi faciunt: quod

est absurdum, & inauditum.

Ad 5. Respondeo, In consecratione Eucharistica esse destructionem moralem, sufficientem ad verum sacrificium & maiorem, quàm reperiretur in libationibus vini, olei, aliorumque liquorum, qui olim sacrificabantur: quatenus Christus vi verborum ponitur sub speciebus panis, & vini, modo indiuisibili, inepto ad vsus humanos corporis, & sanguinis humani, & destinato, ac tendente ad consumptionem, & destructionem realem eiusdem, seu defitionem prout est in Eucharistia. Ibi enim est per modum cibi & potus, qui ad vsum ordinatur. In quo vsu, consumptis speciebus, definent corpus, & sanguis Christi esse sub illis, per cessationem actionis illius productiue, seu conseruatiue, per quam fuerant sub speciebus posita.

Ad 5. Respondeo, Tridentinum distinguere oblationem à consecratione, non ut res sed ut ratione diuersam: quatenus conceptus consecrationis plus dicit, quàm conceptus simplicis oblationis: licet in Eucharistia in idem re coincident, eademque actio, quæ est oblatio corporis, & sanguinis Christi, sit etià consecratio, & Christi immolatio nō tantum mystica & representatiua, quatenus corpus, & sanguis separatim significata expresse sub speciebus panis & vini, significant realem separationem factam in cruce: sed etiam vera & realis, quatenus Christus per illam destruitur moraliter, & ponitur mortuo quodam modo sub speciebus.

Instabis quia, *Manducare panem in nouo testamento est sacrificium Christianorum*, ut ait S. August. lib. 17. de Ciuit. c. 5. in fine. Deinde Concil. Constant. VI. celebratum in Trullo, can. 52. statuit ut in omnibus S. Quadragesimæ ieiunij diebus, præterquam Sabbato, & Dominica, & Annunciationis die, fiat sacrum præsanctificatorum sacrificium. Ergo sacrificium potest fieri sine consecratione. Nā tunc non consecratur, sed fiebat, sicut nunc fit feria sexta maioris hebdomadæ. Communicare enim ex præsanctificatis, est communicare ex pridie aut antea consecratis: sicut sacerdos in die parasceues communicat ex hostia consecrata die Iouis præcedenti. 3. S. Th. q. 83. a. 2. ad 2. ait, quamuis eo die maioris hebdomadæ non consecratur: sumi tamen à sacerdote corpus Christi pridie consecratum, ne Ecclesia eo die careat fructu passionis. Ergo censet D. Thom. sumptionem illam fieri per modum sacrificij. Nam sumptio merè sacramentalis solum prodest sumenti. 4. Si hoc sacrificium consisteret in sola consecratione, frustra eius fructus applicaretur aliquibus à sacerdote post consecrationem. Nam eius fructus, & vis non potest suspendi à sacerdote. Atqui ex præscripto Ecclesiæ applicatur defunctis post consecrationem.

Quintò, si sumptio non est de essentia sacrificij, non potest reddi ratio tam strictæ obligationis sacerdotis ad illud consumendum: ita ut necesse illi sit, si species consecratæ vini effundantur, consecrare iterum calicem, &

63.
In consecratione Euchar. est destructio metallis

64.
Oblatio & consecratio quomodo differant.

65.
Sine consumptione actio sacrificij

Refutantur argumenta contraria.

52.

consumere. Aut si hostia post consecrationem auferatur, aut appareat venenata, debeat aliam consecrare, ut eam consumat: neque sufficiat aliam de pixide sumere, vel ab alio sacerdote alibi consecrante, sed debeat sacrificium à se oblatum consumere; ut præscribitur in Rubricis Missalis.

66. Ad primum Respondeo, S. August. verbis citatis alludere ad illud 1. Reg. 2. vers. ult. *Dimitte me obsecro ad unam partem sacerdotalem, ut comedam buccellam panis: vel ut ipse vertit: lacha me in unam partem sacerdotii tui manducare panem: nihilque aliud velle, quam id, quod ibi prophetice prædictum est, debere intelligi de manducatione sacrificii Christianorum, quod sacrificium est panis mysticus, id est, Christus ipse sub specie panis, ut ibidem probat August. ex Ioan. 6. Panis, quem ego dabo, caro mea est pro mundi vita. Sed non ait neque intendit actionem sacrificandi consistere in ipsa manducatione, ut aduersarii contendunt.*

67. Ad secundum Respondeo cum Theodoro Balsamone in canonem illum § 3. Synodi Trullanæ, *sacrificium præsanctificationum esse oblationem sacrificii iam peracti, & perfecti, diebus scilicet præcedentibus, quibus licebat sacrificare, id est, consecrare. Ieiuniorum autem dies sunt dies luctus, & compunctionis in expiationem peccatorum. Et quia Deo sacrificium offerre, est festum diem agere: statuerunt Patres in prædicta Synodo, non fieri nouam consecrationem tota Quadragesima, nisi Sabbato, & Dominica, &c. Quod nunc observatur apud Latinos in die Parasceves. Huc vique Balsamon: qui manifeste pro eodem sumit consecrationem, & sacrificium Eucharisticum: seu consecrare, & sacrificare: in eumque sensum Synodi verba intelligit, cum ait Patres statuisse, ne fieret noua consecratio diebus illis luctus, & pœnitentiæ, quibus noluerunt sacrificium nouum offerri. Quare quod dicitur verbis in oblatione relatis, statutum fuisse ut sacrificium fieret illis diebus Quadragesimæ ex præsanctificationis, id est, ex præconsecrationis, potest, ac debet intelligi de sacrificio, quoad ceremonialia dumtaxat, id est, de officio diuino, quod illis diebus Quadragesimæ fiebat, simile illi, quod fit in Missæ sacrificio, exceptis illis, quæ pertinent ad consecrationem. Sicut nunc etiam fit in die Parasceves, quo tamen die non sacrificatur: quia, ut rectè ait Hugo de S. Viâ. lib. 5. ex secundo Codice Miscellancorum cap. 43. *Non sacrificamus, dum nobis hostia de manibus tollitur. Non sacrificant amici, dum trucidant inimici. Eodemque die prohibitum esse sacerdotibus Missam celebrare patet ex cap. Sabbato, de Consecr. dist. 3. sumpto ex Innoc. I. epist. 1. c. 4. Idemque docent Rupertus lib. 6. de diu. Offic. c. 3. & Alcuin. lib. de diu. Offic. in die Parasceves,**

Ad tertium Respondeo, D. Thom. intelligere Ecclesiam eo die non carere fructu Passionis, quatenus sacerdos, tanquam persona publica nomine ipsius communicat, & pro ipsa tota orat, eoque refert ipsam communionem, ut toti Ecclesie proficit. Sicut autem sacerdos, quando orat ut sacerdos recitando preces Canonicas, id est, tanquam publica persona, ad hoc constituta nomine totius Ecclesie, ut illi proficiat non propterea tunc sacrificatur: ita nec quando communicat in die Parasceves tanquam sacerdos ad hoc à tota Ecclesia deputatus, ut ipsi proficiat, & per eum quodammodo moraliter tota communiceat.

Ad quartum Respondeo, Applicationem sacrificii totam antea fieri, distinctè vel confusè, in primo *Memento*, ut vocant, atque ita fieri debere, vel aliàs ante consecrationem. Quod verò fit in secundo post consecrationem, esse tantum maiorem expressionem, aut simplicem orationem sacerdotalem pro defunctis.

Ad quintum, dico obligationem illam esse quidem strictissimam, & quantam bene probat obiectio; quod non satis aduersit Henricus lib. 9. de Sacr. c. 9. n. 2. aiens sacerdotem posse licitè nihil sumere de hostia, quam consecrauit, modò sumat aliam de pixide, vel aliunde à quouis alio consecratam. Quod omnino improbabile est, & contrarium rubricis citatis: quæ, si ita esset, malè præscriberent aliam consecrari simpliciter, & absolute deberent enim addere, si aliunde commodè haberi non possit. Nam sacrilegum est bis consecrare in eadem Missa, nisi id ad sacrificium peragendum, & consummandum, necessarium sit. Est item contrarium canonico *Relatum*, de cons. dist. 2. sumpto ex Concil. Tolet. XII. can. 5. præcipienti ut sacerdos consumat sacrificium quod consecrauit. *Quale enim, inquit, erit illud sacrificium, cui nec ipse sacrificans particeps esse cognoscitur?* Verum hæc obligatio, quamvis adeo stricta, non oritur ex eo quod sumptio sacerdotalis sit de essentia, vel integritate substantiali sacrificii: sed quia grauis & stricta Christi, aut Ecclesie saltem, voluntas est, ut in omni casu possibili sumat idem qui consecrat. Sicut voluit Christus & statuit in nullo casu violari sigillum confessionis sacramentalis. Vel ut ait Aegid. Conine quæst. 83. art. 1. dub. 5. n. 95. hæc obligatio naturaliter sequitur ipsam institutionem sacrificii Eucharistici, non quidem prout habet rationem sacrificii, sed quatenus est consecratio sacramenti, & spiritualis conuiuii præparatio, cuius ille ipse, qui hoc præparauit, necessariò debet esse particeps: ne cibum, quem aliis in persona Christi præparat, ipse fastidiosus reicere videatur, quod magnam indecentiam per se inuoluit, & contra Christi voluntatem est.

68.

69. Sacerdos tenetur consumere hostiam à se consecratam.

DISPUTATIO

TRIGESIMA-NONA.

De virtute, & effectibus sacrificii
Eucharistiæ.Sectio I. *Quinam sint effectus huius sacrificii?*Sectio II. *Quanta sit illius virtus?*Sectio III. *A quibus, & pro quibus offerri possit?*Sectio IV. *Quæ dispositio requiratur in illis, quibus prodest; & quomodo illis applicandum sit?*

QUESTIONEM propositam breuiter tantum attingit D. Thom. quæst. 83. artic. 1. Vbi affirmat nos per hoc sacrificium fieri participes fructus Dominicæ passionis: quia ut dicit Ecclesia in quadam oratione Missæ: *Quoties huius hostiæ (cruentæ oblatæ in cruce) commemoratio celebratur, opus nostræ redemptionis exercetur.*

Quàm autem latè pateat virtus, & efficacia huius sacrificii exponit alibi lectio 6. in cap. 6. Ioan. vbi dicit ad ea omnia valere sacrificium altaris, ad quæ valuit victima Crucis. Quia, inquit, cùm hoc sacramentum contineat in se Christum passum: quidquid est effectus Dominicæ passionis, est etiam effectus huius sacramenti: quæ ratio æquè concludit de Eucharistia prout est sacrificium. Et inferius addit: alia sacramenta habere singulares effectus: sed in immolatione huius sacramenti effectum esse vniuersalem pro tota Ecclesia, pro viuis, & defunctis: quia continetur in ipso causa vniuersalis omnium sacramentorum, qui est Christus. Hæc D. Thom. quæ ut distinctius explicentur, dicendum est quænam, & quanta sit virtus huius sacrificii, siue ad quos, & quantos effectus valeat, quibusue possit prodesse, & quomodo dispositis.

SECTIO I.

Quinam sint effectus huius sacrificii?

1.
Hoc sacrificium est propitiatorium.



PERSONÆ sacrificium Eucharistiæ valere tum ad peccatorum remissionem, & peccatorum relaxationem; vnde est verè sacrificium propitiatorium: tum ad varia beneficia spiritalia, & temporalia impetrandæ; vnde est etiam sacrificium pacificum, siue impetratorium. Prima responsi pars, quod sit propitiatorium, probatur primò ex Scriptura Luc. 22. vers. 20. Nam, ut sonant ver-

ba græca; Christus ibi dixit calicem sanguinis sui effundi pro Apostolis, & pro multis in remissionem peccatorum, ut addit Matth. cap. 26. vers. 28. Neque possunt Lucæ verba de cruenta effusione intelligi: quia calix in cruce non fuit effusus. Nihil autem obest, quod Vulgaris Interpretes Lucam verterit per futurum, *Fundetur*, non per præsens, *Funditur*. Vtrumque enim de incruento sacrificio verum est, in quo calix sanguinis non modò fuit tunc effusus: sed etiam deinceps pro Apostolis aliquandiu, & pro alijs fundendus erat usque ad mundi consummationem. Confirmatur ex Apostolo Hebr. 9. vbi docet omnis Pontifex, seu sacerdos, munus esse offerre Deo sacrificium pro peccato.

Yyy 4

816 Disput. XXXIX. de Euchar. Sect. I.

Itaque nunc etiam sacerdotum Evangelicorum hoc officium est ac proinde sacrificium Eucharisticum, quod vnicum offerre possunt, est sacrificium propitiatorium pro peccato.

2. Hanc etiam fuisse fidem Ecclesie ab Apostolis huc usque, patet ex antiquissimis liturgiis, & primorum Ecclesie Patrum testimoniis. Nam in liturgia D. Iacobi minoris, dicitur, *Offerimus tibi inuentum sacrificium pro peccatis nostris, & ignorantibus*. Cyprian. verò serm. de Cœna, ait Eucharistiam esse holocaustum ad purgandas iniquitates. Similia habent Iustinus in Dial. cum Triphone, Basil. in liturgia, fere initio, Euseb. lib. 4. de vita Constantini cap. 45. Ambros. lib. 1. Officiorum cap. 48. August. quæst. 57. in Leuit. & lib. 1. de anima & eius origine ad Renatum cap. 11. Cyrill. Catech. 5. Mystag. & alii, de quibus vide Bellarmin. lib. 2. de Missa cap. 2. & Perron. in Replica, pag. 922. Idemque tradit Concil. Bracc. 3. can. 1. Trident. sess. 22. cap. 2. & can. 3. Adde denique hoc sacrificium perfectissimum esse: & ut docet Trident. sess. cit. cap. 1. esse illam oblationem, quæ per varias sacrificiorum naturæ, & legis tempore similitudines figurabatur: utpote quæ bona omnia per illa significata, velut illorum omnium consummatio, & perfectio complectitur. Unde confirmata manet secunda pars responsi. Nam in lege naturæ, & in lege Mosaica fuerunt sacrificia non modò propitiatoria, sed & pacifica, siue impetratoria, ut ex Genesi, & Leuit. notum est. Ergo sacrificium Eucharistie, perfectionem illorum eminenter complectens, valere debet non solum ad Deum placandum pro peccatis & propitium reddendum: verum etiam ad bona spiritalia & temporalia ab ipso impetranda. Ac sicut sacrificium crucis non obstitit quo minus in utraque illa lege Naturæ, & Mosis, fuerint alia sacrificia, ad Deum placandum, & ad impetrandum: ita non impedit quòd sacrificium Eucharistie sit propitiatorium, & impetratorium.

3. **Valeat infallibiliter ad remissionem peccati.** Notandum tamen primò, Hoc sacrificium diuersimodè valere ad effectus supradictos. Nam ad remissionem aliquam pœnæ valet infallibiliter (modò illi, pro quibus offertur in hunc finem, sint in statu gratiæ, culpæque illius, cuius pœna relaxatur, remissionem obtinuerint) ut D. Thomas art. 5. quæst. 79. & alii communiter docent. Non tamen semper totam pœnam remittit, sed pro mensura à Deo constituta, alioqui non deberet sæpius pro iisdem viuis, sicut defunctis, & pro iisdem peccatis in hunc finem offerri, quod est contra usum Ecclesie. Quòd tamen valeat ad aliquam pœnæ remissionem infallibiliter, valde conueniens est. Nam ad pœnæ remissionem homini iusto faciendam, satis est offerri Deo munus aliquod gratum, quod acceptetur, ut pœnam debitam eius intuitu remittat. Si autem propter sacrificium taurorum, & arietum, iunctum precibus Iob, Deus pœnam remisit Eliphaz Themanitæ,

& eius sociis, Iob 42. vers. 8. quantò credibilius est, Deum hoc sacrificium acceptare infallibiliter ad similem effectum? Adde ex Trident. sess. 25. in initio decreti de purgatorio, animas in purgatorio detentas, fidelium suffragiis, potissimè verò acceptabili altaris sacrificio, iuari. Ergo vel nullum est suffragium, siue indulgentiarum, siue aliud, quò iuuentur infallibiliter, vel sacrificium Eucharistie iuuat eas infallibiliter, ad pœnas scilicet remittendas. Alioqui enim non inuaret omni modo potissimè, nisi certius, & efficacius iuaret. Denique cum in lege Mosaica essent aliqua sacrificia, quæ expiarent infallibiliter ab immunditia legali, & hoc sacrificium contineat perfectionem omnium sacrificiorum legis Mosaicæ, ex Trident. sess. 22. cap. 1. in fine debet habere vim expiandi infallibiliter à peccato, saltem quoad pœnam, in iis, in quibus non est obex. Non est tamen fide diuina certum, hunc effectum sacrificii Eucharistici esse infallibilem: cum neque ea, quæ diximus, neque alia, quæ adduntur ab aliis, sint plusquam probabilia, aut moraliter certa.

Ad remissionem autem peccatorum quoad culpam valet tantum mediata, & non infallibiliter. Quo sensu intellige Trident. sess. 22. cap. 2. sic dicens, *Huius quippe sacrificii oblatione placatus Dominus gratiam (excitantem) & donum penitentiae concedens, crimina, & peccata etiam ingentia dimittit*. Neque enim sacrificium Eucharistie remittit immediate peccata mortalia, vel venialia eorum, pro quibus offertur, ut faciunt sacramenta Baptismi, & Pœnitentiæ: sed tantum mediata, & remota, impetrando à Deo gratiam præuenientem, quæ peccatores excitentur efficaciter ad contritionem, aut attritionem cum sacramento, quorum vi immediate remissio peccatorum obtineatur, ut communiter docent Theologi.

Similique modo valet mediata ad impetrandam gratiam sanctificantem, & habitus fidei, spei, & charitatis supernaturalis: immediate verò ad gratias præuenientes, quibus ad eos habitus disponamur, sed non infallibiliter, saltem ad efficaces. Valeat item ad alia spiritalia, & temporalia bona impetranda, ut patet ex usu Ecclesie, quæ in eius celebratione petit à Deo non modò remissionem peccatorum, vel gratiam & habitus supernaturales: sed & alia bona spiritalia, & temporalia, iuxta communem, & priuatam cuiusque necessitatem. Non esse tamen infallibiles hos effectus satis docet experientia. Nec huius infallibilitatis vllum est fundamentum certum. Licet enim res oblata sit infinita, & absolute posset infallibiliter conferre omnia supradicta: tamen non confert de facto, quia Deus non sic instituit. Sacrificium autem illud non operatur, nisi secundum Dei institutionem, qui non instituit ad id omne, ad quod poterat institui pro sua dignitate & sufficientia in actu primo. Probabile tamen est, quod ait Marat. disput. 37.

4. Ad remissionem culpæ valet tantum mediata, & non infallibiliter.

5. Quomodo valeat ad impetrandam gratiam sanctificantem, & auxiliantem, aliaque bona.

sect. 10. hoc sacrificium valere infallibiliter ad hoc vt Deus iis, pro quibus offertur in remissionem peccatorum, det aliquam gratiam praeuenientem, si eius sint capaces, cui si cooperentur, remissionem peccatorum obtineant. Imò etiam valde probabile est, & conueniens dignitati huius sacrificii in persona ipsius Christi oblari, atque ab ipso principaliter, semper aliquem effectum vi illius tribui iis, pro quibus offertur non ponentibus obicem: licet non semper tribuatur is, quem determinatè postulat offerens.

6. Nota secundò, Vtrumque modum tam infallibiliter, quam non infallibiliter operandi dici posse ex opere operato, si per opus operatum intelligamus tantum id, quod sit habita ratione operis, & non ex merito operantis. Communior tamen loquendi modus est, vt prior tantum, & infallibilis, dicatur esse ex opere operato: ita vt fieri ex opere operato non tantum dicat negationem operis operantis, sed & defectibilitatis: ac sit idem, quod fieri eo ipso, quod tale opus operatur passivè loquendo, id est, ponitur, & exercetur. Quo sensu sacrificium Eucharistiae ex opere operato remittit quidem poenam, sed non peccatum, nec mortale, nec veniale, neque gratiam confert seu primam, seu secundam, nisi forte praeuenientem ad remissionem peccatorum, & alia, quae probabiliter diximus conferri vi illius infallibiliter.

7. Vnus è Recentioribus disp. 19. de Eucharistia num. 140. & sequentibus docet sacrificium Eucharistiae ultra vim impetrandi gratias praeuenientes & auxilia efficacia, quibus adiuti conteramur, & obtineamus remissionem peccatorum: habere vim placandi Deum distinctam à virtute impetrandi, & propter illam dici propriè sacrificium propitiatorium, distinctum à pacifico, siue impetratorio. Aliud enim est, inquit, modè Deum, vt concedat bona: aliud verò, placare illum ne inferat mala. Prius pertinet ad sacrificium Eucharistiae, vt est impetratorium. Secundum ad idem vt est propitiatorium. Vnde Trident. sess. 22. cap. 2. loquens de hoc sacrificio vt propitiatorio, sic ait: *Huius quippe oblatione placatus Dominus, gratiam & donum poenitentiae concedens, crimina & peccata ingentia dimittit.* Placat autem Deum, mouendo eius clementiam ne irascatur; & tollendo obicem indignationis, qui obstabat ne concederentur auxilia ad contritionem, & remissionem peccatorum. Hanc vim inesse sacrificio Eucharistiae probat primò, quia vis sola impetrandi non satis explicat virtutem, quam SS. Patres in hoc sacrificio agnoscunt. Secundò, quia ex Trident. sess. 22. cap. 1. in fine, debemus in hoc sacrificio agnoscere in gradu excellenti ea omnia, quae in veteris legis sacrificiis dispersa erant. Quare cum in lege veteri alia essent sacrificia ad impetrandum, alia ad gratiarum actionem, alia ad expiandum, & purgandum peccatum: debemus fatari hoc sacrificium non

esse solum hostiam laudis, aut pacificam, & impetratoriam: sed etiam propitiatoriam pro peccatis: quo nomine fatentur omnes recentiores Theologi non solum intelligi poenas, sed etiam culpas, quae proprie dicuntur peccata. Et Trident. sess. 22. can. 3. distinctè ait hoc sacrificium esse propitiatorium; & pro peccatis, poenis, satisfactionibus, & aliis necessitatibus offerri debere. Hæc ille eruditus & subtilis Theologus.

Ad quæ Respondeo primò, Vim quidem impetrandi, generaliter sumptam in ordine ad quilibet impetrabile, latius patere, quam speciatim vim impetrandi auxilia, quibus à peccato resurgamus: atque ita distingere vt generalius à particulari: verum tamen vim impetrandi auxilia ad resurgendum à peccato, esse formaliter vim aliquam placandi Deum eo modo, & sensu quo explicat auctor citatus; adeoque hæc tanquam diuersa non debuisse ab illo distingui. Quod probò, quia ex peccato actuali hæc tria sequuntur apud Deum: indignatio, & auersio peccatoris ob peccatum commissum: destinatio ad aeternam poenam, & interdum ad aliquas etiam temporales huius vitæ: & denegatio auxiliorum ad resurgendum, quamdiu Deus vult attendere ad peccatoris indignitatem, qui per peccatum actuale se illis reddidit indignum. Primum non tollitur immèdiatè per sacrificium Eucharistiae, vt fatetur idem auctor: quia hoc sacrificium non remittit immèdiatè peccatum mortale, de quo loquimur. Quare sacrificium Eucharistiae non habet vim placandi immèdiatè eo modo. Secundum quoque, id est, reatus poenæ aeternæ, integrum manet, quamdiu primum non tollitur, id est, quamdiu non remittitur culpa. Quare nec illud tollitur immèdiatè per sacrificium Eucharistiae, nec Deum placat immèdiatè hoc secundo modo. Superest ergo vt placet vel auertendo poenam aliquam temporalem, alioquin euenturam ob peccatum: vel efficiendo vt Deus non desinat propter indignitatem peccatoris dare illi auxilia, quibus resurgat à peccato: de quo postremo membro loquitur prædictus auctor. At hoc ipsum formaliter facit impetrando auxilia quibus peccator resurgat à peccato. Ergo hoc ipso, quod impetrat, placat formaliter eo genere placationis. Ergo hæc non sunt duo effectus sacrificii prouenientes à diuersis eius virtutibus. Confirmatur, quia si quis per suam orationem, vel per sacrificium, impetraret immèdiatè remissionem peccati: placaret hoc ipso ab auersione immèdiatè: neque aliud tunc esset placatio, aliud impetratio. Ergo similiter sacrificium Eucharistiae hoc ipso quod impetrat auxilia ad resurgendum à peccato, placat formaliter eo genere placationis quod consistit formaliter in eo, vt Deus, propter indignationem, & indignitatem peccatoris non denegeret auxilia ad resurgendum à peccato.

Secundo, Ad argumenta illius authoris Respondeo negando, id quod dicimus, cum

communi sententia, non sufficere explicandis Patrum autoritatibus, quatenus loquuntur de virtute huius sacrificii incruenti. Quod addo, quia loquuntur sæpius de virtute sanguinis Christi, prout in cruento sacrificio effusi. Tridentinum verò nobis non contradicit. Nam priori loco, id est, cap. 2. sess. 21. cum ait, *Huius quippe oblatione placatus Dominus, gratiam & donum penitentiae concedens*: per illa verba, *gratiam*, (præuenientem scilicet) & *donum penitentiae concedens*, explicat tantum in quo consistat formaliter illa placatio: seu quid sit Dominum esse placatum, eo modo, quo placatur immediate vi huius sacrificii. Posteriori, id est, cap. 1. in fine ait bona omnia per sacrificia veteris legis significata, hoc vno contineri, velut illorum omnium consummatione, & perfectione. Quod verissimum est: fatemurque illud vnum habere omnes perfectiones antiquorum, quæ valebant ad impetrandum, id gratias agendum, & ad expiandum & purgandum peccatum, etiam quoad reatum culpæ. Sed negamus vim impetrandi auxilia ad contritionem, & vim expiandi reatum culpæ, eo modo, quo expiatur per hoc sacrificium, esse distinctas: atque hoc sacramentum aliter à culpa expiare vi sua, quam impetrandi auxilia. A pœna verò expiatur alio modo, quam impetrandi, ut supra dictum est; nemper per modum satisfactionis.

SECTIO II.

Quanta sit virtus huius sacrificii?

10. **S**uperest quærere utrum hoc sacrificium oblatum pro pluribus, æquè singulis prodest? Respondeo affirmativè de iis, pro quibus offertur publica, & generali intentione: secus autem quibus intentione priuata sacerdotis.

Intensio sacerdotis in sacrificando est duplex: generalis, & priuata.

Hoc responsum supponit ultra publicam, & generalem intentionem sæpius in canone Missæ expressam, quæ sacerdos v. Ecclesiæ legatus offert sacrificium pro se, aliisque omnibus quomodocunque offerentibus, proque ipsa vniuersa Ecclesia: secundum quam intentionem sacrificium illis omnibus prodest: eoque magis, quò magis ipsi sacrificio cooperantur aliquo modo: plus enim prodest, celebrantibus v. g. quam audientibus; & plus audientibus, quam absentibus, & plus actualiter, quam habitualiter tantum consentientibus: Ultra inquam hanc publicam intentionem, posse sacerdotem priuata intentione, & nomine proprio, offerre sacrificium pro aliquo, aut aliquibus, quibus prodest specialiter, quatenus secundum Christi institutionem valor quidam peculiaris, & fructus sacrificii responderet huic intentioni. Quod satis patet ex viù, & sensu Ecclesiæ. Alioquin enim frustra sacerdotes sacrificium alicui peculiariter applicarent. Frustra sacrificia indicerentur spe-

ciatim pro aliquibus viuis, aut defunctis. Frustra in eundem finem stipendia darentur, vel redditus annui constituerentur. Et quidem fructus ex speciali intentione proueniens, multò maior censetur esse. Nam ex generali, & publica intentione parum in singulos redundat. Alioquin ob tantam Missarum multitudinem facilius & citius enolarent animæ à purgatorio, quam credat Ecclesia; multoque plus emolumentum à viuis perciperetur. Fauet etiam Concilium Constantiense sess. 8. ubi damnatur VVicleffii propositio 19. sic affirmans: *Speciales orationes applicatæ uni personæ per Prelatos, vel Religiosos, non plus prosunt ei, quam generales, cæteris paribus*. Ratio verò est, quia cum sacrificium fiat ab ipso sacerdote, tanquam proprio Ministro: merito Christus voluit effectum sacrificii pendere maximè ab eius intentione: ita ut magis operetur in eo, cui ipse magis applicauerit.

Hoc supposito, prima responsi pars, quod scilicet sacrificium Eucharistiæ æquè prodest singulis, siue pro pluribus, siue pro paucioribus offeratur, quoad fructum, qui prouenit ex publica & generali intentione, probatur, quia, quando plures simul consecrant eandem hostiam, ut fit à nouis sacerdotibus cum Episcopo consecrantibus, quando initiantur: sacrificium illud vi generalis intentionis, quod offertur pro omnibus immediate & per se offerentibus, singulis æquè prodest, atque si ab vno solo offereretur, ut communiter docent Theologi. Et quidem cum sacrificent omnes, & singuli, totaliter & independenter alii ab aliis; conueniens est ut sacrificium non minus illis prodest, quam si soli, aut si diuersas species consecrarent. Actiones enim consecrandi, siue sacrificandi, æquè multiplicantur: & Christus, qui offertur, idem est sub omnibus speciebus. Secundò, quando plures ad idem sacrum audiendum conueniunt: non minus fructus sacrificii ex opere operato singuli accipiunt, quam si alii non adessent. Alioquin deberent fideles ea vitare sacra, ad quæ plures conueniunt, quia tunc minus fructus perciperent. Tertiò, licet plures in Ecclesia iusti euadant, & aptiores ad sacrificii fructus vberius recipiendos: licet item Ecclesia magis, magisque dilatetur, ac proinde sacrificium pro pluribus offeratur ex publica intentione, quod offertur pro tota Ecclesia: non propterea minus singulis prodest. Alioquin fidelibus obesser, quòd plures in ea iusti fierent, aut quòd Ecclesia magis dilataretur: quia tunc minus opis ex sacrificio haberent: quod inconueniens & absurdum reputatur, alienumque à Christi institutione: quamuis ille defectus compensari posset ex maiori multitudine sacrificiorum, & sacerdotum, in maiori iustorum, & fidelium multitudine.

Hinc collige valorem huius sacrificii esse extensivè infinitum, quatenus valet simul ad plures, & plures effectus in infinitum. Potest enim secundum Dei institutionem pro-

11. Sacrificiū Eucharistiæ æquè prodest pluribus quoad generalem intentionem.

12. Valor huius sacrificii est infinitus.

desse simul, & æqualiter omnibus fidelibus vivis, & defunctis, qui plures, & plures in infinitum esse possent, & æquè illis prodesse, quamvis semper magis, ac magis multiplicarentur. Quod arguit valorem infinitum extensivè in tali sacrificio. Illa enim vis est infinita extensivè, quæ potest simul plures, & plures effectus in infinitum. Alioquin, si finita esset, haberet de se aliquem terminum, ultra quem non posset progredi. Atque ita non posset supra quemcunque terminum, seu numerum finitum, id est, plures, & plures effectus in infinitum. Notandum enim ex effectu syncategorematicè infinito bene colligi actualem, & categorematiceam potentiam infinitudinem: quippe quæ actu tota simul est, & si finita esset, haberet terminum, ultra quem non posset progredi. Quare non posset maiorem, & maiorem effectum in infinitum, aut plures, & plures in infinitum, ita ut dato quocunque finito in intensione, aut extensione, possit adhuc maiorem. Atque idcirco Dei omnipotentia est categorematice infinita, etiam in eorum opinione, qui negant Deum posse producere vllum infinitum categorematice.

13.

Secus tamen intensivè: neque enim valet ad impetrandam gratiam supra quancunque finitatem.

Non tamen puto hoc sacrificium habere pariter valorem intensivè infinitum, id est, valere moraliter per se & immediate ex operato ad aliquem effectum perfectionis infinitæ, vel maiorem, & maiorem supra quemcumque finitum, ad quem concurrat moraliter immediate, id est, per se immediate movendo Deum ad illum effectum ponendum: verbi gratia ad gratias prævenientes maiores concessis B. Virgini. Non enim apparet Deum ad hoc instituisse hoc sacrificium. Valor autem huius sacrificii ex opere operato, est ex Dei institutione, & non ex sola dignitate sacrificii, quod non fuit institutum ad id omne, ad quod poterat institui. Adde homines non esse capaces vllius effectus infinite intensi, cum sint finitæ capacitatis obedientialis. Neque est verum, quod aliqui dicunt, sacrificium Eucharistiæ habere vim intensivè infinitam, quatenus potest maiorem & maiorem effectum causare in melius ac melius disposito, ita ut si dispositio cresceret in infinitum ex parte subiecti, cresceret etiam effectus ex parte sacrificii: sacrificium enim, quemadmodum & sacramenta, operatur melius cum meliori dispositione, ut D. Thomas, & alii communiter docent. Id, inquam, non est verum, quia dispositio non potest crescere in infinitum ex parte subiecti, & vllus capacitas, & vis, etiam obedientialis, finita est. Ideoque ex eo capite sacrificium non potest valere ad effectum maiorem, & maiorem in infinitum. Neque putandum est hoc sacrificium fuisse institutum ad aliquod absolute impossibile.

14.

Non æquè prodest pluribus

Secunda pars responsi, quod sacrificium non æquè prodest singulis, quando pluribus applicatur privata sacerdotis intentione, quoad fructum, qui ex capite provenit, probatur privatis, quod in ipsum non est effectus, sed

modo, quia alioquin ineptè facerent, & contra charitatem illi omnes, qui ad vnum, vel paucos intentionem suam restringerent, & illi qui restringi postularent. Deberent enim semper ad omnes extendere: siquidem non minus vni illi, aut paucis, & aliis insuper omnibus æquè prodesse. Quare immeritò priuarent alios fructu sacrificii. Secundò, sequeretur sacerdotem vnicò sacro satisfacere ex iustitia multis, à quibus nulla stipendia accepit, ut pro peculiari cuiusque intentione sacrum faciat. Tantum enim prodesse singulis illud sacrum, ac si pro vno solo fieret. Neque est verum, quod aliqui auctores contrariæ opinionis respondent: idcirco sacerdotem non satisfacere, quia debet non modo fructum, qui est ex opere operato, sed illum etiam, qui est ex opere operantis, id est, ex devotione ministri, quæ non æquè prodest pluribus, atque vni soli. Falsum est enim sacerdotem non satisfacere ex iustitia, & teneri ad stipendii restitutionem, licet sacrum inde votè, & indignè celebraverit. Suppono autem ex communis omnium sententia sacerdotem pro stipendio accepto contrahere obligationem iustitiam, licet stipendium non accipiat titulo venditionis (quod esset sin. oniam) sed titulo sustentationis, ut de altari viuat, qui altari servit.

Possent tamen aliter responderi, ideo non satisfacere, quia promittit tacite, vel expresse tot sacra facere, quot stipendia accipit: & quia singuli petunt pro se solo offerri privata intentione: quia tum dubium sit, an sacrificium privata intentione pro pluribus oblatum, singulis æquè prodest, ac si pro vno solo offerretur; volunt fideles tutò agere, & non privari fructu, qui forte maior est. Sed hoc responsum aperte ostendit contrariam sententiam non esse tutam in praxi, neque conformem sensui fidelium. Quod confirmatur, quia valde est alienum à communi sensu fidelium existimare sacrum oblatum pro liberatione vnius animæ à purgatorio, aut pro vno peccatore ad poenitentiam illi impetrandam, aut pro ægro quopiam; æquè prodesse ex opere operato omnibus alijs animabus defunctorum, omnibus peccatoribus, aut omnibus ægris. Quod tamen sequitur ex sententia contraria. Frustra verò in oppositum citatur caput, Non mediterer, de consecratione distinctione quinta, ubi sic dicitur, Dum pro cunctis (vel vbi legunt, ceterum) animabus missa vel solennius dicitur, nihil minus, quam si pro vna quolibet earum diceretur, accipitur. Sensus enim est, cum, qui dicit, non minus accipere, ac non eos, pro quibus dicit. Et orationem plus apud Deum mereri brevem, sed ferventi oratione, quam longiori, tepida, & parum attentâ.

15.

SECTIO III.

A quibus, & pro quibus offerri possit hoc sacrificium

16.

Christus est
principalis
offerens,
sed non im-
mediatè sa-
crificat.

Circa primum, Dico primum, offerentem esse multiplicem. Primum enim Christus est offerens principalis, ex Trident. sess. 22. cap. 2. *Idem nunc offerens*, inquit, *sacerdotum ministerio, qui seipsum tunc in cruce obtulit*. Sacerdotes verò offerunt ut vicarii Christi, in cuius persona sacrificant, & consecrant, ex Florent. in Decreto §. *Forma huius sacramenti sunt verba saluatoris*. Dicitur autem Christus offerre principaliter, quia instituit ministros, qui suo nomine, & specialiter loquentes in sua ipsius persona, offerrent in perpetuum, id quod ipse primus obtulit. Vnde dicitur per illos facere id, quod ipsi faciunt: & facere principaliter, quia per illos facit tanquam legatos, & in sua persona loquentes dum consecrant. Sicut enim Rex osculatur pedes summi Pontificis per legatum, eique reuerentiam exhibet, quando Regis legatus ipsius nomine, & in eius persona se submittit pedibus summi Pontificis. Et sicut principaliter dat eleemosynam, qui per famulum dat: sic Christus principaliter offert id, quod sacerdotes, velut eius ministri & delegati, offerunt eius nomine & in ipsius persona. Potest etiam aliter dici offerre, quatenus iungit affectum suum cum affectu sacerdotis, & sacrificium approbat, ac Deo repræsentat. Non tamen propterea sacrificat immediatè: quia non consecrat, id est, non profert verba consecrationis per se, & immediatè, sed per sacerdotes.

17.

Omnes
quodam-
modo ef-
ferunt cum
sacerdote.

Præterea, sicut homicida dicitur etiam ille, qui iuvat, inducit, consulit, aut cuius nomine homicidium fit: Ita præter sacerdotes offerre dicuntur, qui rogant, vel iuvant, vel stipendium dant, vel aliter cooperantur. Item qui affectum suum actu iungunt cum affectu sacerdotis. Quin etiam fideles omnes dicuntur offerre, quatenus sunt membra Ecclesie, cuius nomine, & destinatione sacerdos offert, & quatenus habitualiter quodammodo sacrificio consentire censentur. Vnde Innocentius III. lib. 3. de mysteriis Missæ cap. 5. affirmat ideo sacerdotem sæpius in canone Missæ dicere, *Offerimus*: quia non in sua tantum, sed in totius Ecclesie persona sacrificat, & omnes quodammodo cum illo offerunt. Differunt tamen sacerdotes consecrantes ab aliis: quia soli offerunt, immediatè & per se sacrificando, velut proprii ministri huius sacrificii.

18.

Bonitas mi-
nistri non
auctat va-
lorem ex
opere ope-
rari, neque

Porro siue ministri sint boni, siue mali, id neque auctat, neque minuit valorem sacrificii, qui est ex opere operato, vel ex ipsa dignitate sacrificii. Ideoque S. Thomas quæst. 82. art. 6. docet Missam mali sacerdotis non minus valere, quam boni quoad opus opera-

tum: secus autem quoad opus operantis, id malitiam est, quoad offerentis deuotionem, & actus meritorios, quibus potest aliquid impetrare illis, pro quibus offert. Sicut ipsa Ecclesia, & fideles particulares, per sacerdotem, aut cum sacerdote offerentes, possunt per sacrificium plus apud Deum impetrare, prout sunt Deo magis grati habitualiter, aut maiorem adualem deuotionem afferunt, per quam etiam possunt mereri de condigno in offerendo sacrificio. Imò potest immediatè offerens, sacerdos scilicet, non esse gratus Deo; & tamen non desinet Ecclesia per sacrificium, suo nomine ab illo oblatum, magis, aut facilius à Deo impetrare, quanto ipsi gravior est. Sicut Rex eo facilius impetrat per legatum suum à Summo Pontifice, quæ postulat, quamò Rex ipse suis meritis, vel aliunde Pontifici gravior est; quamuis legatus per se ipsi non placeat, aut etiam displiceat. Tunc autem excessus, siue id, quod impetratur, datur ex opere operantis, non sacerdotis, sed ipsius Ecclesie mediatè offerentis. Idemque dico de particularibus per sacerdotem offerentibus. Idem etiam cum proportionem censendum est de horis canonicis, quæ à Clericis recitantur nomine Ecclesie.

Circa secundum, dico secundò, sacrificium Eucharistie offerri posse & pro omnibus viventibus, etiam infidelibus & pro mortuis fidelibus pœnas peccatorum luentibus, ad leuamen pœnarum: & pro sanctis in cælo degentibus, ad agendas Deo gratias de beneficiis ipsis collatis, & ad sanctos ipsos indirectè colendos, velut honore dignos propter felicitatem, & alia eximia beneficia ipsis collata: sic tamen, ut non sanctis, sed Deo soli sacrificium offeratur.

Prima pars quoad fideles clara est: quoad infideles probatur, quia nec per se malum est, nec prohibitum offerre pro illis: & sacrificio non deest virtus, ut illis prosit: neque capacitas infidelibus, ut participent eius virtuti. Adde cruentum sacrificium Christi oblatum fuisse pro omnibus 1. Timoth. 2. vers. 6. & 1. Ioan. 3. vers. 2. & in lege antiqua fuisse sacrificia pro infidelibus oblata 1. Esdr. 6. & 1. Machab. 13. vers. 11. Neque putandum est minus esse subsidii in sacrificio nouæ legis, quod cætera omnia excellenter complectitur. Sed & pro illis oblatum fuisse testantur Arnobius, Tertullianus, Eusebius, alique veteres relati à Suare disp. 58. sect. 2. conclus. 3. præcipue D. Augustinus Epist. 59. in solutione quorundam quæstionis. Idque legi nouæ, utpote legi gratiæ, charitatis, & misericordie, valde conueniens est.

Quod autem ait S. Augustinus lib. 1. de Anima & eius origine cap. 9. *Quis offerat sacrificium Christi nisi pro iis, qui sunt membra Christi?* intelligi potest, ut explicatur à D. Thoma in 4. distinct. 12. quæst. 3. art. 3. quæst. 2. ad 4. de membris actu, vel potentia, cuiusmodi sunt omnes homines, quamdiu viuunt. Caput vero, *Nobis*, 3. & caput, *Sacris*, de sententia excommunicationis, tantum prohibent

Disp. XXXIX. de Euchar. Sect. III. & IV. 821

Quo sensu
prohibeat
Ecclesia
offerre pro
infidelibus
& pro ex-
communicatis.

Suar.

Bellarm.

Delugo.
Mazar.

prohibent ne sacerdos offerat, & oret velut publica persona, nomine Christi, & totius Ecclesiae, pro infidelibus vel Apostatis, aut excommunicatis maiori excommunicatione: non autem ne priuata intentione, & priuata oratione pro ipsis oret inter sacrificandum, ut notat Suares disp. 78. sect. 2. col. 4. Quod praeterea intelligendum est de oblatione directa, qua scilicet illorum commodum spirituale, vel temporale primum, & directe intendatur ab offerente: & non de indirecta, qua primum, & directe intendatur bonum Ecclesiae per conuersionem infidelium, apostatarum, & excommunicatorum. Item debet intelligi de excommunicato vitando, & non tolerato, post Concilium Constantiense. Consentiunt Suares supra, Bellarm. lib. 2. de Missa cap. 6. Aegid. Con. quæst. 83. art. 1. dub. 9. & Delugo disp. 19. sect. 10. quamuis Mazarus disp. 38. sect. 2. post Vasquem, Sotum, & Gabrielem, contendat hoc sacrificium non prodesse ex opere operato nisi iis, quibus prodesse potest ut sacramentum: nempe solis baptizatis. Sed si hoc esset, non prodesset mortuis, quibus ut sacramentum prodesse nequit. Argumenta Vasquis dissoluit Delugo numero 180. & sequentibus, quem consulte.

21.

Potest offerri pro defunctis.

Secunda pars, quod possit etiam offerri pro defunctis, probatur iisdem rationibus. Nam id neque malum est, neque prohibitum: & ex parte sacrificii non deest vis, quæ illis prodest; cum Christus, hic oblatus, sit sufficiens propitiatio pro peccatis totius mundi 1. Ioan. 2. Neque etiam deest capacitas ex parte animarum fidelium, quæ sunt viua Christi membra, pertinentque ad Christi testamentum, quod celebratur, & quotidie renouatur in sacrificio Eucharistiae. Deinde Christus in sacrificio crucis, cuius Eucharisticum est applicatio, obtulit seipsum etiam pro defunctis, scilicet pro omnibus, qui a mundi principio ante illum pie defuncti erant, Hebræ. 9. v. 15. Neque aliter vlli peccata, aut poenæ remittuntur, quam in sanguine Christi. Item in lege Moisaica fuerunt sacrificia pro mortuis. Nam Leuit. 16. v. 16. & 34. institutum fuit, ut semel in anno celebraretur solemne sacrificium ad expianda peccata toto illo anno commissa a filiis Israël, quorum multi, qui peccauerant sine dubio, defuncti erant. Et 2. Machab. 12. narratur Iudas sacrificium pro mortuis offerendum curasse: cuiusque factum Scriptura laudans lubdit; *sancta enim, & salubris est cogitatio pro defunctis exorare, ut a peccatis solvantur.* Adde vltimò vsum perpetuum Ecclesiae ab Apostolis huc vsque. Nam & Aërium contrarium sentientem hæresis damnauit, teste D. August. lib. de hæresibus, hæ. 53. Epiphano, in Anacephaleosi, inter medium & finem, & Damasceno lib. de centum hæresibus: ac pro defunctis perpetuo celebravit, ut primo sæculo docet Clemens Romanus lib. 8. Const. cap. 19. & Liturgiæ SS. Tom. IV.

August.
Epiphanius.
Damasc.

Clement.

Iacobi vtriusque, & Matthæi, & Marci: sæculis verò seqq. Tertullianus lib. de Corona militis cap. 3. Cyrillus Catech. 5. Mystagog. Cyprianus lib. 1. epist. 9. alijs epist. 66. Chrysost. homil. 69. ad populum, ubi dicit ab Apostolis id sancitum fuisse: August. lib. De cura pro mortuis cap. 1. & lib. 9. Confes. cap. 12. & 13. Ambrosius in orationibus de Obitu Theodosii, Valentiniani, & Satyri fratris: ubi se pro illorum animabus sacrificaturum promittit.

Terrull.
Cyrill.
Cyprian.
Chrysost.
August.

Ambros.

Tertia pars de Sanctis, facilis est, & à Belarmino lib. 2. de Missa c. 8. clarè exposita: & confirmatur ratione & vi Ecclesiae. Nam neque id repugnat sacrificio Eucharistiae, neque prohibitum est, sed semper obseruatum ab Ecclesia, ut patet ex liturgiis, & ex Cytillo sup. citatis, & Epiphano hæresi 75. Augustin. lib. 8. de Ciuit. cap. 27. & tract. 84. in Ioannem, ubi ait, Sanctorum commemorationem in Missa fieri, non eodem modo quo aliorum, qui in pace requiescunt, ut etiam pro eis oremus, sed magis ut orent ipsi pro nobis. Et in oratione dicta quotidie in missa post manuum ablutionem, dicit sacerdos se offerre in memoriam Sanctorum, ut illis prodest ad honorem, nobis autem ad salutem: & illi pro nobis intercedere dignentur in caelis, quorum memoriam agimus in terris. Quibus verbis significat Ecclesia, sacrificium hoc aliquo modo offerri in honorem sanctorum. Quod verò etiam offeratur ad gratias pro illis Deo agendas, patet ex varijs orationibus in missa recitatis: ut ex oratione secreta missæ de sancto Bartholomæo, ubi sic dicitur, *Quæsumus Domine, ut eius auxilio tua beneficia capiamus, pro quo tibi laudis hostias immolamus.* Et in postcommunione missæ canonizationis sanctorum Ignatii, & Francisci Xauerii sic dicitur, *Laudis hostia Domine, quam pro sanctis tuis gratias agentes obtulimus, ad perpetuam nos Maiestatis tue laudationem eorum intercessione perducatur.*

22.

Potest offerri aliquo modo pro sanctis.

Epiphanius.
August.

SECTIO IV.

Quæ dispositio requiratur in illis, quibus prodest hoc sacrificium: & quomodo illis applicandum sit?

Dico primò, Sacrificium Eucharistiae, quæ est impetratorium, prodesse posse existentibus in peccato mortali: quatenus verò est expiatorium ex opere operato, & propitiatorium pro reatu poenæ, per modum satisfactionis, non prodesse nisi illis, qui sunt in statu gratiæ. Neutro autem modo prærequirit necessariò actuale deuotionem in eo cui prodest.

23.

Prima pars, Quod scilicet ut propitiatorium prodesse possit existentibus in peccato mortali, patet ex vso Ecclesiae, quæ pro peccatoribus offert, ut Deus eos ad poenitentiam

Quatenus impetratorium prodesse possit existentibus in p. m.

222

cōuertat, eorumque misereatur. Item ex eo quodd, vt supra ostendimus, hoc sacrificium habet vim placandi Deum mediātē pro ipsa culpa peccati mortalis, impetrando auxilia ad contritionem, aut alium actum sufficientem ad remissionem peccati. Ergo prodest vt impetratorium, & propitiatorium hoc sensu, illis qui sunt in statu peccati mortalis.

24. Secunda pars, Quodd videlicet vt propitiatorium ex opere operato, non prodest nisi iustis, est D. Thomæ quæst. 79. a. 7. ad 2. & probatur, Quia iuxta communem sententiam Theologorum, de qua dicemus in sequenti tractatu, disputando de Satisfactione, Deus, saltem extra sacramentum Pœnitentiæ, non acceptat satisfactiones nisi amicebiles, id est, procedētes à persona sibi grata, & amica, si sint personales: vel personæ gratæ & amicæ applicatas, si per alium fiant, & alteri applicentur. Ergo si sacerdos offerat hoc sacrificium pro seipso in statu peccati mortalis, non prodest illi per modum satisfactionis ad expiandum illum à reatu pœnæ. Et similiter non prodest aliis ad illum effectum, si pro illis offerat, & ipsi existāt in statu peccati mortalis. Neque puto profuturū, cum postea per contritionem, aut per sacramentum pœnitentiæ resurgent à peccato.

25. Tertia pars conclusionis, Quodd scilicet non prærequirit necessariō actualem deuotionem vt prodest vtrouis modo, in eo cui prodest, Probatur primō quoad impetrationem: quia sicut per orationem, & per alia media possumus impetrare, etiam non cogitantibus, alia beneficia: quidui etiam per sacrificium Eucharistiæ? Neque enim ex natura rei, aut peculiari ratione huius sacrificii, reddi potest causa sufficiens cur in eo potius id requiratur, quā in oratione. Confirmatur, quia si antiqua sacrificia vim illam habebant, vt colligitur ex 1. Machab. 12. v. 11. vbi Spartiatis scribunt Iudæi per epistolam, se sine intermissione esse memores eorum in sacrificiis, quæ offerebant: Spartiatis autem erant infideles, qui antequam à Iudæis ad fœdus, & amicitiam ineundam sollicitarentur, verisimiliter non cogitabant de huiusmodi sacrificiis, neque legitima ea esse credebant: quātō magis id sacrificio Eucharistiæ concedendum est? Et quidem experientia docet, tam quæ habetur ex historia, quā quæ nunc etiam frequens est, ægrotos & alios, pro quibus non cogitantibus, ac nescientibus, offertur sacrificium, fructum eius sentire in sanitate impetranda, vel morbi diminutione, vel aliis beneficiis à Deo obtinendis.

26. Secundō, Quoad expiationem à reatu pœnæ ex opere operato, probatur, quia expiatio illa, & placatio in eo consistit, quod offeratur Deo, & ab eo acceptetur sacrificium, loco satisfactionis, tanquam solutio pœnæ temporalis debitæ pro peccato, iam remisso quoad reatum culpæ. Simili modo, quo per indulgentias, in modum suffragii applicatas defunctis, tollitur pœna temporalis,

intuitu gratioris satisfactionis Deo exhibitæ, & defunctis applicatæ. Atqui vt satisfactio aliena exhibeatur & acceptetur pro aliquo, non est opus ipsum consentire, vel aliter cooperari. Quemadmodum vt quis detentus in captiuitate, redimatur condigno pretio, alterius operā & sumptu; non est opus captiuum id scire, vel cooperari ei qui redimit, aut illi qui acceptat pretium redemptionis.

Quare non puto verum esse, quod affirmare videtur Suares disp. 79. sect. 10. requiri consensum, saltem virtualem & interpretarium, qui nulli, inquit, deest: vnusquisque enim cupit à pœnis liberari, & libenter hoc beneficium remissionis acceptat. Verum, inquam, id non puto: quia vt melius ait Delugo disp. 19. nu. 196. & sequentibus, sacrificium Eucharistiæ prodesset ad illum effectum, si alicui applicaretur in eum finem, quamuis posituē dissentienti, & volenti totum debitum pœnæ retinere, vt patiarur illam propter Deum, vel vt habeat occasionem agendi pœnitentiam. Quemadmodum Baptismus, & Martyrium, tollunt omnem reatum pœnæ, etiam illis, qui posituē nollent omnem pœnam sibi remitti, dummodo alioqui Baptismus, & Martyrium recta intentione, & sine obice recipiant. Neque ipsi possunt Baptismus, vel Martyrium, illo effectu priuare, sua libera voluntate, & dissentiu, à quo non pender illorum vis, & efficacia, dummodo non desint alia ad agendū requisita. Denique cum iste effectus nihil sit aliud, quā remissio, vel ablatio pœnæ per opus alienum æquē gratum & satisfactorium: non est ratio cur requirat specialem dispositionem actualem, vel etiam consensum, eius cui remissio fit intuitu operis alterius.

Dico secundō, Meliorem tamen dispositionem eius, pro quo offertur sacrificium, conferre ad faciliorem, aut maiorem eius effectum. Probatur, quia si loquamur de effectu impetrationis: ille qui melius est dispositus, cæteris paribus, aptior est vt pro illo impetretur, & obineatur id quod petitur. Si autem loquamur de effectu remissionis pœnæ temporalis ex opere operato: credibile est, & pietati magis consentaneum, quodd plus pœnæ temporalis remittatur ei, qui melius dispositus est, cæteris paribus: simili modo, quo sacramenta melius agunt in melius dispositis. Quæ doctrina sumitur ex Diuo Thoma quæst. 79. a. 7. ad 2. vbi dicit hoc sacrificium, tam offerentibus, quā iis, pro quibus offertur, prodesse plus, aut minus, secundum modum deuotionis eorum. Et art. 5. in c. ait hanc oblationem esse satisfactoriam illis, pro quibus offertur, vel etiam offerentibus, secundum quantitatem deuotionis. Idemque sentiunt cum D. Thoma Syluester V. *Missæ*, quæst. 9. Vasques disp. 231. cap. 7. n. 49. Delugo disp. 19. sect. 10. num. 200.

Contrarium docet Suares disputat. 79. sect. 10. §. *Nihilominus*: & obijcit primō

27. Ne consensus quidem virtualis requiritur,

Delugo;

28.

Melior tamen dispositio confert ad maiorem aut faciliorem effectum.

S. Thomæ;

Syluester; Vasques; Delugo.

29.

Contraria sententia, Suar.

S. Thomam in 2. dist. 45. quæst. 2. 2. 3. quæstiunc. 1. ubi dicit suffragium, quod ali- cui prodest ex applicatione alterius, totum pendere ex intentione applicantis: ita ut, remoto impedimento, tantum applicetur, quantum ipse vult. Ex quibus verbis colligit Suares hunc effectum, respectu eius, pro quo offertur sacrificium, ut sic, pendere totum ex intentione applicantis. Ergo tantus est, quantum esse vult applicans: neque in hoc pendet à dispositione alterius, nisi solum quantum ad hoc, ut non ponatur obex. Quando autem dispositio solum requiritur, ut remouens prohibens: nihil ad effectum refert, quod dispositio sit maior, aut minor, dummodo quælibet illarum totum impedimentum auferat.

30. Respondeo, Admissio, quod hoc sacri- ficiu pendeat totum ex intentione sacer- dotis applicantis, ita ut nisi ipse applicet, nulla ex parte proficit vi propria, & ex opere operato, vel quasi ex opere operato: re- motoque impedimento, tantum applicetur quoad vim operandi quam habet, quan- tum vult ipse Sacerdos applicans: id est, vel quoad vim suam totam, si sacrificium il- li soli applicetur: vel quoad partem, si ap- plicetur pluribus, æqualiter vel inæquali- ter: hinc tamen non sequi quod vis illa, vel tota, vel ex parte, applicata, non plus, aut melius operetur in melius disposito. Quem- admodum ignis, qui totus pendet à mea ap- plicatione ad opera artificialia, potestque vel ex toto, vel ex parte applicari; opera- tur tamen facilius, aut magis, in subiecto melius disposito.

31. Obijcit secundò, Effectum responden- tem obligationi Sacerdotis ut sic, esse de- terminatum ex institutione diuina, semper- que esse in se omnino æqualem; quia non ha- bet unde varietur, cum non pendeat ex dis- positione sacerdotis, neque ex illa augeatur, vel minuat. Rursus, hic effectus applica- tur per intentionem sacerdotis, quæ in hoc est libera, per se loquendo; & potest totum effectum applicare, cui voluerit. Unde si totum applicet Petro, ille consequetur to- tum, etiam si sit minus sanctus, aut minus dispositus, quam reliqui omnes. Si verò ap- plicet Petro, & Paulo, & velit æqualiter in- ter eos diuidi: ita fiet, etiam si illi sint inæ- qualiter sancti. Si etiam velit plus applica- re ei, qui minus sanctus est: ita fiet, prædo- minante semper, & solum, intentione, & applicatione sacerdotis quantitati effectus. Ergo non varietur effectus sacrificii, per se lo- quendo, ex varia dispositione eorum, pro quibus offertur.

32. Respondeo primò, Effectum sacramen- torum ex opere operato, esse non minus de- terminatum ex institutione diuina, quam ef- fectum sacrificii: & tamen sacramenta plus profunt melius dispositis, ut fatetur Suares cum communi sententia. Secundò, dico ef- fectum hunc sacrificii pendere quidem to- tum à sacerdotis intentione, & applicatio-

ne, quatenus sine illa nihil sit: & pendere à sacerdotis libera potestate, quod vim sacri- ficii in actu primo totam vni, vel pluribus applicet; & his, æqualiter aut inæqualiter: sed non pendere ab eius libertate, ut facta applicatione, vis tota, aut pars virtutis ap- plicata, non magis aut facilius operetur in subiecto melius disposito. Nec obest quod vis sacrificii donetur à Sacerdote ei, cui ap- plicatur. Nam aliquid quod donatur alteri, potest ei magis prodesse, ob diuersam eius dispositionem. Et sacramenta donantur simi- liter iis, quibus conferuntur: & tamen me- lius dispositis plus profunt secundum diui- nam institutionem. Denique nulla solida ratio reddi potest, cur sacrificium Eucharis- tiæ non plus proficit, etiam ad remissionem peccatorum, ei qui melius dispositus est: sicut sa- cramentum poenitentiae ex opere operato plus prodest, etiam ad peccatorum remissionem, subiecto melius disposito, ut Suarès fatetur.

Dico tertio, Ut sacrificium Eucharistiæ proficit ad peccatorum remissionem ex opere ope- rato, requiri actualem indigentiam eius, cui ad hunc finem applicatur, id est, ut de præ- senti reus sit peccatorum alicuius temporalis, quæ per sacrificium ei remittatur. Ita Suares, Vasques, Delugo, locis supra citatis, & alii communiter. Ratio est, quia hoc sacri- ficiu non remittit poenam peccati, nisi eam, quæ residua est ex culpa remissa. Non autem poenam peccati nondum remissi, quod ne quidem per sacramentum poenitentiae fit. Neque etiam poenam peccati nondum com- missi. Ellet enim contra rectum ordinem pro- uidentiae, & licentiam peccandi pareret ta- lis effectus: si nimirum Deus per anticipa- tionem remitteret poenam peccati postea committendi, possetque quis peccare postea, nullum poenitentiae reatum incurrendo.

Dixi, ut proficit ad peccatorum remissionem ex opere operato. Nam ad effectum impetra- tionis non est opus actuali indigentia eius, quod petitur: sed potest quis v. g. qui in presenti non indiget auxilio contra grauem tentationem, petere & impetrare, ut Deus illud det in tempore opportuno, quando eius erit necessitas.

Dico quarto necessariam esse intentionem, & applicationem sacerdotis offerentis im- mediatè sacrificium, ut illi proficit, & in illis effectus suos operetur: ita ut non sufficiat in- tentio Ecclesiæ vel aliorum, qui offerunt per sacerdotem, nisi ipse applicet. Ratio est quia hoc sacrificium non prodest vi sua, & per modum operis operati, nisi illis, qui- bus applicatur, hoc est, pro quibus offertur, efficaciter. Hinc enim est quod debeat ab of- ferente applicari alicui, & possit huic, aut il- li applicari ut voluerit: Non enim applica- tur nisi ut illi proficit. Atqui non potest ap- plicari & offerri efficaciter ab aliis, vel si- bi ipsis, vel cuiquam alteri, nisi ab ipso quo- que sacerdote applicetur, id est, pro il- lis offeratur. Quando enim aliqua causa mediata tantum operatur: illa non potest

33. Ut propi- tiationum est, non re- mittit poe- nam nisi de presenti debitam, pro culpa dimissa.

34. Applicatio sacerdotis debet fieri ante sacri- ficiu.

efficaciter operari, nisi causa immediata operetur. Quia illa nō nisi per istam operatur, & attingit effectum. Operari enim mediātē aliquid, est operari, & attingere illud mediātē aliquo alio, actu & immediātē operante, & attingente, seu ponente effectum. Atqui alii offerentes sacrificium, offerunt tantū mediātē sacerdote. Ergo pro nullo possunt offerre efficaciter, nisi pro illo offerat sacerdos. Quare licet peccent sacerdotes, si non offerant ea intentione, quæ præscribitur in canone Missæ: re ipsa tamen non proderit illis, qui exprimentur in canone, si sacerdos illis non applicet: & proderit aliis fructus eius capacibus, licet in canone non expressis, si sacerdos illis applicauerit. Similiter peccant quidem sacerdotes, qui contra præceptum legitimi superioris, aliis applicant, quā ipsi injunxerint, aut permiserint: valet tamen applicatio, quamvis illicita. Ratio est, quia vis & potestas applicandi validē hoc sacrificium, datur à Christo immediātē sacerdotibus, æquē ac potestas consecrandi, & sacrificandi validē. Quare non pendet quoad

suum valorem ab Ecclesia, vel à Prælati, aut aliis quibuscunque, Christo inferioribus.


Quod si sacerdos nulli alteri applicet sacrificium quod offert: proderit ipsi, si ipse sibi applicet. Quod si ne sibi quidem applicauerit: non proderit illi per modum sacrificii, ex opere operato, aut quasi ex opere operato: proderit tamen ex opere operantis, saltem per modum satisfactionis ad reatum pœnæ tollendum, aut minuendum, si capax sit illius effectus, & non sit obex. Quemadmodum enim ut ieiunium, & alia opera pœnalia profint in satisfactionem ipsi operanti, non est necessarium ut ipse eò ieiunium, vel illa opera referat, & applicet actu: sic ut prosit sacrificium ipsimet immediātē offerenti per modum satisfactionis, non est necesse ut ipse hoc intendant. Quod si nec ipse talis effectus est capax; remanebit in thesauro Ecclesiæ, ut opera satisfactoria Sanctorum, quæ neque fuerunt ipsis necessaria ad satisfaciendum, neque aliis applicata. De quo thesauro dicemus alibi, cum sermo erit de indulgentiis.

35.

DISPUTATIO QVADRAGESIMA.

De circumstantiis & cerimoniais sacrificii Missæ.

- Sectio I. *Soluntur variae quæstiones morales circa Missæ sacrificium: & primò de tempore, & hora celebrationis.*
- Sectio II. *De loco celebrationis, & aliis requisitis; deque stipendio licito.*
- Sectio III. *Liceatne Missas privatas celebrare, vel etiam sine ministro?*
- Sectio IV. *Soluntur hæreticorum argumenta contra Missas privatas.*
- Sectio V. *De cerimoniais Missæ quæ consistunt in rebus.*
- Sectio VI. *De cerimoniais Missæ quæ consistunt in verbis.*
- Sectio VII. *De cerimoniais Missæ quæ consistunt in actione.*
- Sectio VIII. *Utrum Ecclesia prouiderit sufficienter defectibus in huius sacrificii celebratione occurrentibus?*
- Sectio IX. *An, & quomodo teneantur fideles assistere huic sacrificio?*
- Sectio X. *Liceatne assistere Missæ sacrificio cum conscientia peccati mortalis?*



DE circumstantiis, & cerimoniais sacrificii Eucharistiae disputat S. Thomas quæst. 83. art. 2. & sequentibus. Ac primò docet, quia quotidie illius fructu indigemus propter quotidianos defectus: ideo quotidie in Ecclesia regulariter hoc sacramentum offerri. 2. Quia Dominica passio celebrata est ab hora tertia usque ad nonam: idcirco regulariter in illa parte diei, solenniter hoc sacramentum in Ecclesia celebrari. 3. Ad maiorem tanti sacramenti reuerentiam, eiusque effectum, qui ex passione Christi prouenit, repræsentandum, meritò adhiberi consecrationes, quæ fiunt in usu huius sacramenti. 4. Conuenienter ordinata esse, quæcunque in eo celebrando dicuntur, & fiunt: vel scilicet ad repræsentandam Christi passionem, vel ad augendam deuotionem, & reuerentiam huius sacramenti: sufficienterque per Ecclesiae statuta prouisum esse defectibus in celebratione occurrentibus: vel præueniendo, vel emendando, & remedium adhibendo, aut poenam imponendo delinquentibus: ut fusè, & perspicuè ostendit art. 4. 5. & 6. qui lectione magis, quàm declaratione indigentes nos tamen ea, quæ notatu digna erunt, vel scitu necessaria, dicere non prætermitemus.

SECTIO I.

*Soluntur. varia quæstiones morales circa
Missæ sacrificium: & primò, de
tempore & hora celebrationis.*

**Teneantur
ne sacerdos
aliquoties
celebrare?**



VERVSQVE diximus de essentia & effectibus sacrificii Eucharistici. Superest aliqua breuiter perstringere ad praxim spectantia, quorum fusior expositio pertinet ad Theologos morales. Primum, an teneantur aliquando sacerdotes sacrificium Eucharistiae celebrare? Non desunt, qui affirmant sacerdotem, secluso scandalo, & obligatione proueniente ex Beneficio, Præbenda, Capellania, vel alio titulo, non teneri ad celebrandum præcisè ex vi suæ ordinationis, saltem grauiter, & sub pœna peccati mortalis. Ita enim docet inter recentiores Cardinalis Delugo disp. 20. de Euchar. sect. 1. post Alensem, Bonauent. Ricard. Gabr. Victoriam, & alios relatos à Suarez disput. 80. sect. 1. ubi eorum sententiam probabilem esse concedit.

**Respondetur
affirmatiue?**

Contrariam tamen magis piam, & tutam, & rationi, ac veritati conformiorem esse existimo: quam tenent S. Thom. quæst. 82. art. 10. & in 3. distinct. 12. quæst. 3. art. 2. quæstiuncula 1. præcipuè ad 2. Durand. Palud. Anton. Syluest. Angelus, Petrus, & Dominicus Sotus, Nauar. & alii, quos citant, & sequuntur Suar. ubi supra, Vasq. disp. 232. cap. 1. Aegid. Coninc quæst. 83. 2. 2. dub. 1. eisdemque adhærent Ysambert. ad quæst. 82. disput. 2. & alii recen-

tiores, qui etiam affirmant obligationem hanc, utpote de re graui, esse grauem, & obligare sub mortali.

Fundamentum præcipuum huius sententiae sumitur partim ex cap. *Dolentes, De celebratione Missarum*, ubi reprehenduntur quidam sacerdotes, qui vix quater singulis annis celebrabant: & propter hoc peccatum, aliaque nonnulla ibidem recensita, puniuntur suspensionis pœna: partim etiam ex Concilio Trident. sess. 22. cap. 1. ubi affirmat Christum verbis illis, *Hoc facite in meam commemorationem*, præcepisse Apostolis, eorumque in sacerdotio successoribus, ut offerrent sacrificium iam à se institutum, uti semper Catholica Ecclesia intellexit, & docuit. Quibus verbis Concilium videtur loqui generatim de omnibus, & quibuscumque sacerdotibus: quippe qui omnes, & singuli Apostolis succedunt in dignitate, & officio sacerdotali: quique omnes vi illorum verborum potestatem sacrificandi accipiunt quando legitimè ordinantur. Et confirmatur ex iis, quæ addit sess. 23. cap. 14. de reformat. ubi de omnibus ad sacerdotium promotis sic ait: *Caret Episcopus, ut ii saltem diebus Dominicis, & festis solennibus, si autem curam habuerint animarum, tam frequenter, ut suum muneri sati faciant, Missas celebrent.* Supponens scilicet teneri ex diuino præcepto, & ex obligatione ipsius ordinis sacerdotalis aliquoties celebrare, licet fortè non adeo frequenter, quàm vult curam Concilium ad maiorem ædificationem, & ad præcepti diuini obligationem certissimè implendam, & superimplendam: ad quam tamen non pauci existimant sufficere in rigore quater in anno celebrare: siue in festis solen-

nibus, siue circa illorum tempus, aliis diebus; per se loquendo, & seclusa necessitate celebrandi frequentius, quæ aliunde, prouenire potest, nimirum vel ex parte ipsius sacerdotis, cui tam diuturna ommissio sacrificii sit noxia, & periculosa, & occasio vitæ licentioris: vel ex parte aliorum, quibus sit scandalosa, aut noxia.

3. Neque parum facit ad eiusdem sententiæ confirmationem quod iussu Pii V. expuncta fuit ex commentariis Caietani assertio contraria, quæ dixerat non nisi leuiter, & sub peccato veniali teneri sacerdotem ad celebrandum aliquoties vi sui muneris sacerdotalis. Fauet etiam ratio: quia per se disconueniens esse videtur, & rectæ rationi dissentaneum, ut qui talem, & tantam potestatem accepit, tam sibi vtilem, & toti Ecclesiæ salutarem, Deoque honorificam; nunquam illam exerceat, infodiens terræ talentum, quod ad lucrandum tam vtiliter acceperat. Et communiter scandalum esse solet, signumque malæ vitæ, & contemptus officii sacerdotalis nunquam sacrificare, aut etiam per vnum, aut plures annos abstinere; si fiat absque causa rationabili, vel impotentia physica, vel morali. Quia tamen his argumentis aliquid responderi potest non omnino improbabili, multique graues auctores antiqui, & moderni fauent contrariæ sententiæ, censeo cum Suare supra citato excusari posse à mortali, & conscientiæ suæ relinqui eos, qui contrarium sentiunt, & sequuntur in praxi, semoto scandalo, & aliis incommodis supra dictis, quæ sunt extrinseca obligationi sacerdotali præcisè sumptæ, de qua nunc disputamus, deque ipso sacrificio per se considerato.

4. Quæritur secundò, liceatne sacerdotibus singulis anni diebus celebrare hoc sacrificium? Respondeo licere per se loquendo, excepto die Parasceues, qui excipitur cap. *Sabbato de Consecrat. dist. 3. sumpto ex Innocent. I. epist. 1. cap. 4.* Vbi postquam dixit Apostolos biduo Parasceues & Sabbati sequentis in mœrore fuisse, & propter metum Iudeorum se oculuisse; addit, *Quod vtrique non dubium est intantum eos ieiunasse biduo memorato, ut traditio Ecclesiæ habeat isto biduo sacramenta penitus non celebrari.* Ideoque etiam nunc non consecratur in officio illius diei, neque tenentur fideles illi interesse, quia non est sacrificium; quamuis Parasceue in diem festum incidat. Ab hoc tamen iure communi excipiuntur quædam Ecclesiæ Galliæ, Deo dicatæ sub inuocatione B. Mariæ Virginis Deiparæ, in quibus, ut alibi notauimus, & testatur Ysamb. quæst. 80. disp. 5. art. 1. licitum est ex speciali priuilegio Missam celebrare omnibus sacerdotibus eodē conferentibus, quotiescunque Parasceue, & festum Annunciationis Dominicæ in eundem diem incidunt. Ratio illius constitutionis Ecclesiasticæ, quæ prohibetur iure communi celebratio Missæ in die Parasceues, hæc redditur à D. Thoma quæst. 83. a. 2. ad 2. Quia, inquit, veniente veritate cessat figura. Hoc

autem sacramentum est figura quædam, siue representatio, & exemplum Dominicæ passionis. Et ideo in die, quo ipsa passio Domini recolitur, prout realiter gesta est, non celebratur consecratio huius sacramenti. Est etiam alia ratio huius constitutionis, nimirum ad luctum Ecclesiæ testandum de morte Christi Domini, iuxta illud Hugonis de S. Victore lib. 5. ex secundo codice Miscellaneorum. *Et ideo à sacrificiis gaudiis cessamus, &c. Hodie non sacrificamus, dum nobis hostia de manibus tollitur. Non sacrificant amici, dum trucidant inimici.*

Eandemque ob causam olim prohibitum erat ne die Sabbati sancti celebraretur vsque ad initium noctis eiusdem diei, quo luctus soluebatur, & inchoabatur festiuitas Paschalis: non autem, ut quidam falsò existimant, vsque ad mediam noctem: quemadmodum rectè ex Ordine Romano, Rabano Mauro, Albino, Amalario, Micrologo, & aliis antiquis probat Delugo disp. 20. sect. 1. n. 16. & seqq. Verum propter difficultatem protrahendi eodē vsque ieiunium, iam pridem Ecclesia dispensauit, & permisit anticipari celebrationem Missæ post Nonam, ut nunc fit. Et sicut olim licitum erat quibusvis sacerdotibus celebrare sub initium noctis finito luctu Ecclesiæ, ut perspicue affirmat Micrologus verbis à Delugo relatis: ita & nunc licet iisdem sacrificare finitâ Nonâ. Imò si sit opus ex causa rationabili officium Nonæ anticipare priuatim, potest etiam citius fieri sacrum priuatim, quam solemniter fiat, & publice in Paroeciis, aut Ecclesiis Cathedralibus. Permittit enim Ecclesia, ut post Nonam eo die celebretur: quod potest probabiliter intelligi respectiue.

In praxi tamen consuetudinem seruandam esse censeo, scandalumque pusillorum vitandum, quod fortè pareret celebratio, saltem coram populo facta. Idemque censeo de die Iouis præcedente Parasceuem: de quo licet nulla sit prohibitio, ut falsò quidam asseruerunt: quia tamen consuetudo est, ut eo die publice vnum tantum fiat sacrificium à principali sacerdote, de cuius manu communicant reliqui sacerdotes, & ministri Ecclesiæ, ad representationem institutionis eiusdem sacramenti, in qua Christus principalis sacerdos solus consecrauit, & Apostolis, quos tunc etiam sacerdotes instituit, Eucharistiam præbuit: Consulcius esse mihi videtur cum Suare supra cit. ut eo die non sacrificent alii, saltem publicè, & cum populi concursu: ut vitent scandalum, si quod forsan oriretur ex ignorantia, & fragilitate pusillorum; & ut se conforment consuetudini, quamuis introductæ, & seruatae hucusque sine intentione obligationem inducendi, saltem cum eo rigore, ut nullus priuatim sacrificet. Nam & olim, & nunc etiam non pauci viri pii eo die priuatim sacrum faciunt.

Quæritur 3. Liceatne sacerdoti plusquam semel in die celebrare? Respondeo iure Ecclesiastico id prohibitum esse: excepto die

5. Quid in die Sabbati sancti?

6. Liceatne plusquam

semel in
die cele-
brare?

Natalis Domini: in quo licet ter celebrare: & casu necessitatis, de quo postea. Patet ex cap. *Suffi. ii. de consecrat. dist. 1.* ubi Alexander II. sic loquitur: *sufficit sacerdoti unam Missam in die celebrare, quia Christus semel passus est, & totum mundum redemit. Non modica res est unam Missam facere, & valde felix est qui unam dignè celebrare potest.* Quibus verbis duplicem huius ordinationis rationem insinuat. Ut scilicet unica Missæ celebratione unica Christi mors & passio representetur: utque ad rem tanti momenti convenienter peragendam homo se debitè disponat. Magna enim præparatione, & attentione animi opus est, ut dignè celebretur sanctum illud, diuinumque mysterium: adeo ut ad sæpius in die celebrandum, difficile sit tantam animi attentionem, & deuotionem asserre. Quamuis autem canon utatur tantum verbo, *sufficit*, quod in rigore non sonat prohibitionem: hunc tamen esse verum illius sensum ostendunt verba quæ in fine adduntur: *Qui verò pro pecuniis, aut adulationibus secularium una die presumunt plures facere Missas, non astimant euadere damnationem:* & nimirum si alia quauis de causa, quam in casu necessitatis, quem solum ibidem excipit addens, *Quidam tamen pro defunctis unam faciunt, & alteram de die, si necesse fuerit.* Clarius verò id patet ex cap. *Te Referente, de celebrat. Missarum:* ubi Honorius III. respondet *Cuilibet sacerdoti, quacunque dignitate præfulgeat, unam in die celebrare Missam sufficere:* eaque de causa mandat Episcopo Sipontino ut semel tantum celebret in die cænæ Domini. Verbum enim, *mandamus*, quo Pontifex utitur, præceptum non obscure significat; & consecutio sermonis id postulat. Clarius quoque id liquet ex cap. *Consuluisi, eod. tit.* ubi Innocentius III. consultus à Vigorenfi Episcopo (ut constat ex integra Decretali) utrum Presbyter duas Missas in eadem die valeat celebrare, id est, licitè possit? Respondet; *Excepto die natiuitatis Dominicæ, nisi causa necessitatis suadeat, sufficere sacerdoti semel in die unam solummodo Missam celebrare;* & nimirum non posse licitè pluries: alioquin enim non satisfaceret quæstioni sibi propositæ verbis supra relatis. Confirmatur ex praxi Ecclesiæ, quæ non permittit sacerdotibus sæpius quam semel in die celebrare sine generali, aut special' dispensatione, quæ non datur nisi vel propter Natalis Domini, vel in casu necessitatis, qui multiplex assignatur à variis, neque enim omnes de omnibus conueniunt.

7.

Casus in
quibus id
licet.

Primus & indubitatus est, quando propter necessitatem Ecclesiarum, iunctam impotentiam alendi plures sacerdotes, permittitur ab Episcopis ut vnus duabus inferuiat, & in vtraque semel eodem die celebret. Vbi nota, licet consuetudo sit permittendi solum ut vnus duabus Paræciis ministraret, & in vtraque sacrum faciat: si tamen grauis necessitas exigeret ut pluribus ministraret, posset Ecclesia id permittere: quemadmodum rectè

contra nonnullos docent Suar. disp. 80. sect. 3. aliquantò ante finem, & Card. Delugo disp. 20. num. 47. Sed hæc necessitas non ita occurrit. Qui autem habent facultatem bis in die celebrandi, possunt non modò diebus festis, verum etiam alijs, exigente aliqua necessitate aut deuotione populi: nisi aliter per concessionem cautum esset specialiter. In die verò cænæ Domini debent illi in unica duabus paræciis exponere sanctum sacramentum, si non admodum difficile possint vtriusque paræciæ fideles in eandem Ecclesiam conuenire: & die sequenti in eadem consumere, eo modo qui in Missali præscribitur. Quod si quis in vtraque expoluit, debet in vna consumere sine vino, sine quo in calicem infuso, & sumpto, potest fieri officium illius diei, cui hoc non est essenziale. Vel si vinum sumpsit, debet in altera non consumere sanctum sacramentum, cum non sit ieiunus, sed illud in Pastophorium recondere.

Secundus casus necessitatis est, quando ad aliquam solemnitatem tanta confluit populi multitudo, ut eam simul Basilica recipere non possit. Tunc enim si desit alius sacerdos, potest ab eodem sacrificii oblatio iterari: ne his tantum admissis ad hanc deuotionem, qui primi aduenerunt, videantur cæteri, qui postmodum confluxerunt, exclusi, ut ait S. Leo 1. epist. 81. ad Dioscorum cap. 3. quem etiam ea de causa septies vna die, ac nouies Missarum solemnia celebrasse referunt VValfridus Strabo de rebus Ecclesiasticis cap. 21. Durand. in Ration. lib. 4. cap. 1. num. 26. & Durantius lib. 2. de ritibus Ecclesiæ cap. 7. in fine. Eundemque casum approbant præter citatos Aegid. Conine quæst. 83. art. 2. dub. 3. in fine, & Suar. disp. 80. sect. 3. postremis illius verbis. Idque multò magis dicendum est, si ex opposito timeatur grauis populi perturbatio, aut scandalum, quod aliter vitari nequeat: sicut è contrario, si ex iterata celebratione immineret scandalum, quia contraria consuetudo inualuit; satius foret permittere plures illo die carere sacro absque sua culpa, quam hac nouitate fidelium animos perturbare.

Tertius casus est, si vnus tantum sit sacerdos, & duo sacra facienda sint: vnum de festo, alterum de defunctis pro aliquo mortuo sepeliendo v. gr. vel pro anniuersario. Tunc enim licitum istud esse colligitur ex cap. *Sufficit, de Consecrat. dist. 1.* ubi Alexander II. postquam dixit sufficere sacerdoti semel in die celebrare: addit, nec improbat, adeoque tacitè saltem permittit: Quosdam tamen pro defunctis vnā facere, & alteram de die, si necesse fuerit. Idemque sentiunt Glossa, & Turrecremata in caput citatum. Durand. in Ration. lib. 4. cap. 1. num. 22. Palud. in 4. dist. 12. quæst. 1. art. 4. Anton. 3. part. tit. 13. cap. 6. §. 5. Syluest. V. Missa 1. quæst. 7. & Nauar. in Summa cap. 25. n. 87. quorum aliqui addunt id etiam licere, si eodem die occurrat duplex officium, puta vnum de

8.

Licetne
propter
multitudi-
nem popu-
li?

9.

Vel prop-
ter mortui
sepulturam?

festis, alterum de ieiunio, aut de feria Rogationum. Idque videtur docere S. Thomas quæst. 83. art. 2. ad 2. ubi postquam dixit in die Natiuitatis plures Missas celebrari propter triplicem Christi Natiuitatem; æternam, vt Verbi, temporaleni, vt hominis, & spirituales in cordibus nostris, quod à Telephoro Papa fuisse institutum nonnulli existimant: addit in fine: *Sicut etiam et in aliis diebus, in quibus occurrunt plura Dei beneficia, vel recolenda, vel expetenda, plures Missæ celebrantur in die: puta, una pro festo, & alia pro ieiunio, vel pro mortuis.* Et hunc casum quoad priorem illius partem aliquando locum habere posse admittit Suar. disp. & sect. sup. cit. vt, inquit, si in die Paschæ solemni, vel simili festiuitate, præter sacrum de festo, aliud pro defuncto facere oporteat: quia nullus potest esse casus necessitatis moralis, in quo magis hoc liceat: & tamen Alexander Papa verbis supra relatis dicit in casu necessitatis licere vnā Missam dicere pro defunctis, & alteram de die.

10. Verum licet olim id permissum fuisse videatur, & non tanto rigore seruatum vt ne sæpius in die celebraretur: præsens tamen obstat Ecclesiæ consuetudo, quæ talis est, vt diebus illis solemnioribus non dicatur Missa propria defunctorum, sed in diebus sequentem differatur, neque est necessitas aliter faciendi, cum absque sacro proprio possit corpus sepulturæ mandari, & plerumque ad Vesperas sepeliantur mortui. Quare cum Vasq. Aegid. Durantio, Turrecrem. & pluribus alijs censeo iam id non licere, nisi si forte alicubi fœderata fuit illa consuetudo, vel haberetur specialis concessio Sedis Apostolicæ: vt in regno Valentiniæ in Hispania, ubi concessum esse sacerdotibus bis celebrare in die Defunctorum, testatur Card. Delugo disput. 20. num. 43. in fine.

11. Multò minus necessarium est duo sacra fieri eodem die ab vnico sacerdote, vnum de festo, alterum de ieiunio, aut de vigilia, vel de feria Rogationum: cum sufficiat commemoratio de minori simul occurrente, vel alterum in alium diem transferri debeat, sicut præscribitur in Rubricis officii diuini. Et quamuis aliter prima fronte videatur sentire D. Thom. verbis supra relatis, propter illorum connexionem cum antecedentibus de facultate celebrandi ter in die Natalis Domini, & particulam comparatiuam, *sicut*, quæ debet similia inter se comparare: non immerito tamen Dominicus Sotus in 4. dist. 13. quæst. 2. art. 2. affirmat ipsum non loqui de pluribus Missis ab eodem sacerdote faciendis, sed solemniter à Clero, vel à Conuentu: & comparisonem illam D. Thomæ non esse quoad omnia, sed tantum quoad hoc, quod sicut ad triplicem Christi natiuitatem recolendam Ecclesia triplex sacrum diuersum celebrat eodie: sic ad diuersa beneficia recolenda, vel petenda, possunt aliis diebus similiter plura sacra illis accommodata celebrari; siue hoc fiat ab vno sacer-

dote, vt in primo casu: siue à diuersis, vt in secundo. Qua de re non erat mora difficultas in argumento cui responderet, neque de illa verbum vllum ibi facit D. Thomas, sed tantum ostendit non esse inconueniens (vt obiciebatur in 2. argumento) nullum fieri sacrum in die Paschæ, cum triplex celebraretur in die Natali Domini.

Quartus casus est, si alioquin ægroto moriendum sit absque viatico. Satis enim magna videtur esse necessitas iterum celebrandi: cum prohibitio bis celebrandi sit tantum iuris Ecclesiastici, communio verò in articulo mortis sit iuris diuini: & valde graue sit moribundum priuari viatico absque sua culpa. Atque ita censent Turrecrem. Palud. Anton. Durand. Sotus, & Nauar. locis supra citatis, quos sequuntur Aegid. Coninc quæst. 83. num. 215. & Cardinalis Delugo disp. 20. num. 44. Si tamen illa necessitas præuideri potest, debet sacrum differri: aut consecrari, & seruari hostia pro infirmo, vt ne bis celebraretur sine necessitate. Sed cum in hoc casu & aliis, quicumque bis celebrat debeat esse ieiunius, id est, non consumpsisse vinum infusum in calicem ad purificandum, difficile est contingere vt sacerdos hostiā totā iam consumptā, præcise agnoscat necessitatem ægroti egentis impræsens viatico. Quare ille casus est magis metaphysicus, quam moralis: & malè contra illum argumentatur Vasq. à contraria consuetudine, quæ nulla est, cum vel nunquam, vel rarissimè id contingat.

Quintò, Addunt nonnulli licere quoque bis celebrare, si sacro factò, superuenit Episcopus, aut alia persona magnæ dignitatis, quæ vult audire sacrum, & non potuit interesse. Vel si multi peregrini superueniunt, qui aliter audire nequeant. Vel si nuptiæ debeant benedicci. Vel si consuetudo sit vt duo sacra celebrentur à duobus sacerdotibus, & vnus illorum ægrotescat: dicunt enim alterum posse illius defectum supplere. Vel denique si alia necessitas occurrat, quæ viri boni iudicio sufficiat propter Ecclesiarum paupertatem, aut paucitatem sacerdotum, vt aiunt Syluest. & Nauar. locis supra cit. & Angel. V. Missa, num. 64. Sed alii melius affirmant 1. non magnum esse inconueniens Episcopum, aut aliam personam nobilem carere sacro in illo casu: quando non est, qui modo, & consuetudine communi possit illud celebrare: Ec in cap. quidam finali de Priuileg. in 6. in d'ulgeri Episcopo impedito habere altare viaticum, seu portatile, in eoque celebrare, vel celebrari facere: non ibi tamen, nec vsquā alibi permitti, vt propter Episcoporum, vel aliorum parit, aut maioris dignitatis impedimenta, Missa eodem die ab eodem sacerdote iterari possit, vt bene ait Durantius cap. cit. Quare nisi timeatur scandalum, vel graue nocumentum, non debet iterari. 2. Si magna multitudo peregrinorum accesserit, de illo casu iudicandum esse, vt de secundo. Sin minus, necessitatem non esse adeo gra-

12.

Vel ad dandum ægroto viaticum.

13.

Vel propter personam magnæ dignitatis superuenientem.

uem, & sufficientem. Nam in multis pagis non omnes possunt interesse sacro; quod vnicum sit; multi enim coguntur abesse propter varia impedimenta: neque tamen propterea Episcopi permittunt sæpius ab eodem celebrari, sed latius esse iudicant tolerare hoc incommodum, velut minoris momenti.

14. Posses tamen, ut rectè notat Card. Delugo disput. 20. num. 46. post Layman, & plures alios, casus iste facilius admitti in provinciis hæreticorum, ubi vnicus sacerdos non potest tam multis Catholicis satisfacere vnicò sacro, & quorum necessitati diuturnæ, & graui non satis prouidetur, nisi sæpius celebret. 3. Nuptiæ quoque possunt differri, aut sine sacro fieri: & vix vnquam fiunt, immo nito prius pastores; qui, nisi aliud obstat, poterit pro illis benedicendis celebrare ubi, & quando sponis commodum erit. Si tamen id non posset fieri sine magno periculo grauis damni, puta sortilegii: non est improbabile quod Delugo num. 47. & plures alii supra citati affirmant, necessitatem hanc sufficere. 4. Non satis esse solam consuetudinem faciendi duo sacra per duos sacerdotes, ad hoc ut vno ægrotante alter bis celebret. Nam canones supra citati requirunt necessitatem ut bis possit celebrare: nulla est autem necessitas bis celebrandi, si nihil aliud sit: quodque additur de necessitate propter Ecclesiarum paupertatem, reprobari videtur specialiter ab Alexandro II. prohibente sæpius celebrari propter lucrum. 5. Denique nullum alium calum necessitatis iudicari nunc communi ferè doctorum suffragio sufficientem, præter paucos supra enumeratos, & approbatos: imò vix alium esse in vsu præter primum, de quo omnes consentiunt.

15. Quæritur quartò, qua hora diei sacrificare liceat? Respondeo, ab aurora ad meridiem, ut habetur in regulis Missalis editis à Pio V. Qui duo termini non mathematicè, sed moraliter accipiendi sunt, ita ut aliquantulum excedi possint, inchoando sacrum v. gr. medià horà ante auroram, vel paulò post meridiem. Quin etiam licebat olim vsque ad Nonam, id est, horam circiter post meridiem ærtiam sacrificare, ut patet ex cap. *Solent, de Consecrat. dist. 1.* & ex D. Thoma quæst. 83. art. 2. idque adhuc licitum esse putat Nauar. in Sum. cap. 25. num. 85. & lib. de Orat. cap. 2. num. 22. Sed sine sufficienti ratione discedit à communi sententia, quæ in praxi sequenda est: nisi aliqua necessitas grauis, & causa rationalis cogat tam longè à meridie recedere, vel longè ante auroram sacrum facere: putà, si dandum esset ægroto viaticum, & aliter non posset dari.

16. Excipitur tamen festum Natalis Domini, in quò licet à medià nocte, & deinceps celebrare vsque ad meridiem. Excipiuntur etiam qui ex priuilegio, aut consuetudine præscripta facultatem habent citius, aut tardius celebrandi, vel ex speciali dispensatione Episcopi. Potest enim Episcopus ex rationabili causa dispensare, siue ad anticipationem, si-

ue ad dilationem ultra tempus iure communi præscriptum: tametsi nequit priuilegium generale concedere, ut bene docet Suar. disput. 80. sect. 4. Notandum est etiam paruum excessum huiusmodi terminorum, etiam moraliter sumptorum, esse tantummodo peccatum veniale, quia materia leuis est. Et quamuis deceat sacrum non facere nisi post recitatum officium Matutinum, ut in Rubricis dicitur: non est tamen peccatum mortale postponere: imo nec veniale, si id fiat ex causa rationabili: ut bene docent Sor. in 4. dist. 13. quæst. 2. art. 2. in fine, alique plures, quos sequuntur Suar. disp. 82. sect. 1. Less. cap. 37. de Iustit. dub. 12. num. 81. & Aegid. Coninc quæst. 83. dub. 4. n. 220.

Sine necessarium prius recitare officium?

SECTIO II.

De loco celebrationis, & aliis requisitis: deque stipendiolico.

17. Quæritur quintò, quo loco Missæ sacrificium celebrare liceat? Respondeo non licere, nisi vel in Ecclesia consecrata, vel benedicta ab Episcopo, aut ab alio habente facultatem; vel in priuatis Oratoriis, licet non consecratis, neque benedictis, sed ad hoc tantum ab Episcopo designatis: ut habetur in Tridentino sess. 22. in Decreto de obseruandis, & omittendis in celebratione Missæ. Vbi decernit ut Episcopi non patiantur priuatis in domibus, atque omnino extra Ecclesiam, & ad diuinum cultum dedicata oratoria ab iisdem Ordinariis designanda, & visitanda, sanctum hoc sacrificium à secularibus, aut Regularibus quibuscunque peragi. Quod sapienter ab Ecclesia tum propter tanti sacramenti dignitatem, & reuerentiam, tum propter populi deuotionem constitutum est, ut scilicet non nisi in locis sacris, & diuino cultui deputatis celebrari licet possit. Atque hæc res tanti momenti censetur esse communiter à Theologis, ut damnent peccati mortalis eos, qui secus faciunt.

18. Debet præterea Ecclesia, in qua celebratur, non esse polluta, neque violata: alioqui graue peccatum est in ea celebrare, donec debet esse reconcilietur. Polluitur autem, aut violatur polluta, quinque modis. Primò, per effusionem humani sanguinis (magnà scilicet copiam, ut significat nomen effusionis) graniter iniuriosam, id est, factam cum peccato mortali, non in iustam defensionem, aut ex leui culpa, putà, quando pueri rixantes, sanguinem pugno è naribus eliciunt. Qua de re vide caput *Si Ecclesia, de Consecrat. Eccles.* & caput *Ecclesiis, de Consecrat. dist. 1.* Secundò, polluitur per homicidium voluntarium, & iniuriosum, aut etiam iuridicum in ea factum, licet fiat absque sanguinis effusione: ut habetur cap. *Proposisti, de Consecrat. Eccles.* & cap. *Si motum, de Consecrat. dist. 1.* Tertio, per voluntariam, & notoriam seminis hu-

Quo loco celebrare liceat?

18. Polluitur quinque modis.

mani effusionem in ea factam : ut dicitur in iuribus proximè citatis. Quod tamen iuxta communem Doctorum sententiam intelligendum est , extra actum coniugalem in eo casu , quo propter necessitatem , & detentionem coniugum diuturnam ibi licitus esse potest. Quartò , per sepulturam hominis excommunicati , cap. *Consulisti*, de *Consecrat. Eccl. lesie*, vel *altaris* : ubi licet sermo sit de cœmeteriis , par tamen est , & maior ratio de Ecclesia , cuius cœmeterium est tantum accessorium. Debet autem hoc intelligi post Concilium Constantiense de excommunicato nominatim denunciato , aut notorio percussore Clerici. Ideòque non polluitur Ecclesia per sepulturam hæretici non denunciati nominatim : ut bene post Nauarrum , & Layman notat Card. Delugo disp. 20. num. 56. addens non pollui etiam per sepulturam hominis nominatim interdicti : quia illius non fit mentio in cap. *Proposui* supra citato. Quintò , per sepulturam hominis infidelis cap. *Ecclesiam* 1. & 2. de *Consecrat. dist. 1.* Quo nomine non comprehenduntur hæretici , vel Apostata , qui fidem in baptismo saltem susceperunt : sed omnes infideles non baptizati , etiam infantes extra uterum matris existentes , & mortui sine Baptismo. Alioqui enim possunt mulieres prægnantes cum foetu extincto in utero sepeliri : quia tunc foetus non reputatur , ut persona per se distincta , sed ut pars ipsius matris. Porro si contingat Ecclesiam pollui inter celebrandum , desistendum est , si canon inchoatus nondum fuit : alioquin absolvendum est sacrificium iam substantialiter aliquo modo inceptum. Et si Ecclesia , quæ polluitur , erat consecrata , non potest , nisi per Episcopum reconciliari , aut per simplicem sacerdotem ex commissione Summi Pontificis : secus autem si erat tantum benedicta , ut mox dicemus. Oratoria verò non consecrata , neque benedicta , non polluantur : quia non sunt loca sacra , quorum sanctitas violetur. Perditur etiam consecratio si templum penitus destruat , aut maiori ex parte : nisi hoc fiat sensim , & pedetentim , ut una pars post aliam reparatur : secus autem benedictio , quia loco affixa est , non parietibus.

19. Notandum autem est , in casu necessitatis celebrari posse in Ecclesia polluta , de licentia Episcopi , ut bene docent Suar. disp. 81. sect. 4. 5. *His positis*, & plures alii. Imò etiam potest esse tanta necessitas , ut si non sit recursus ad Ordinarium , liceat absque illius facultate petita celebrare. Verbi gratiâ , si in die festo populus non habeat aliam Ecclesiam in qua possit Missam audire , ut bene addit Delugo disput. 20. num. 63. in fine : & paulò ante num. 61. affirmat Ecclesiam , si non erat consecrata , posse de iure communi , sine alia licentia (quamvis ex decencia peti soleat , quando potest) reconciliari per simplicem sacerdotem aquâ à se benedictâ , eo modo qui præscribitur in Rituali. Item in casu necessitatis celebrari potest cum altari

portatili , seu lapide sacro , ut vocant , extra loca supradicta : ut si fideles in bello , & in castris militaribus , vel in longa peregrinatione sint aliqui sacro diu carituri : propter quod in ipso etiam mari celebrari permittitur , ut ab aliquo tempore sæpius fieri cœpit de licentia tacita , vel expressa Prælatorum , ut testatur Delugo. disp. 20. sect. 3. addens hanc facultatē fuisse nihilominus non ita pridem negatâ à Summo Pontifice pro Triremibus , propter minorem necessitatem : quia sæpe frequentant littora , è quibus potest audiri sacrum , quod ibi celebratur loco decenti , in gratiam Triremium. Item si propter magnâ populi affluentiam in aliqua solennitate non possit ecclesia sufficere tantæ multitudini capiendæ : tunc licitum est sacrificare in altari iuxta ecclesiam constructo. Idemque dicendum quando tempore pestis non possunt fideles , sine periculo contagionis in Ecclesiam convenire : potest enim tunc sub dio loco patenti , & aperto celebrari , ubi minus periculum est. Potest etiam & solet extrui altare in littore ; non modò ob Triemes , ut iâ dixi , sed etiam propter multitudinem aliorum navigantium , ut sacrum inde audiant diebus festis. Et ex cap. *vlr.* de *Privilegiis*, licet Episcopis , itineris causa , per se , vel per alium in sua præsentia sacrificare loco decenti , cum altari portatili. Quædam etiam peculiaria privilegia fuerunt circa hoc concessa regularibus , ut videre est apud Rodrigues bulla 37. nu. 37. & Suar. d. 81. sect. 3.

Sicut autem non licet nisi convenienti loco celebrare : ita neque sine apparatu , & vestibus convenientibus. Quare altare debet tribus mappis ornari , iisque benedictis , ultra corporale similiter benedictum ab Episcopo , vel ab alio habente facultatem. Purificationem verò , quo ad calicem tergendum utimur , non debet ex obligatione esse benedictum. Requiritur etiam lumen ex cera : aliud tamē sufficit in casu necessitatis ex oleo vel seuo , secluso scandalo : & crux super altare : itemque liber Missalis , ut præscribitur in Rub. Miss. quamvis obligatio circa hæc duo nō sit gravis : existimentque aliqui crucem non esse necessariam in altari , supra quod sanctissimū sacramentum servatur : & sacerdotem , qui memoriter tenet quidquid in Missa dicendum est , posse saltem in casu necessitatis , celebrare sine libro Missalis ; ut & illum , qui propter oculorum debilitatem legere amplius non potest , licet videat , quantum sufficit , ad reliquas Missæ actiones obeundas. Requiritur præterea vasa sacra , calix nimirum , & patena ; consecrata ambo ab Episcopo , vel ab alio ex privilegio summi Pontificis. Arque etiam vestes sacerdotales , amictus , alba , cingulum , manipulus , stola , & casula : quæ omnia debent esse ab Episcopo benedicta , vel ab alio habente facultatem à summo Pontifice. Et sine illis celebrare grave peccatum est : exceptis forte quibusdam leviioribus in casu necessitatis. Quæ de re videri

20.
Non licet celebrare sine vestibus

possunt Diana como 1. tract. de Celebrat. missarum, resolutione 68. Suar. tota disp. 82. & Delugo d. 20. sect. 4.

21.

Liceatne
Sacerdoti
accipere
stipendium
pro Missa
celebranda.

Queritur sextò, an, & quomodo liceat sacerdotibus accipere stipendium pro Missæ sacrificio. Respondeo & dico 1. Sacerdotem posse licitè accipere aliquid pro celebrando Missæ sacrificio, non ut pretium sacrificii, quod foret simoniacum: sed aut per modum elemosynæ, ex mera liberalitate: vel etiam ex pacto, velut stipendium ad suam ipsius sustentationem, quam exigere non est sacrum ministerium vèdere, sed tantum petere necessaria ad sacrificandum pro eo, qui vult pro se offerri, quæ sacerdos non tenetur gratis, & de suo præstare ei, pro quo aliunde non tenetur sacrificare. Est autem persona ministri necessaria, eiusque sustentatio, non minus quam panis, vinum, cera, & alia, sine quibus non potest celebrari, quæque possunt absque simoniæ labe exigi à petente sacrificium pro se offerri: neque impediunt quò minus ipsum gratis offeratur; nihil enim pro ipso accipitur, sed pro aliquo per se necessario ad ipsum offerendum. Sicut posito v.g. quòd Naaman Syrus Elisæum Prophetam accersuisset, ut se à lepra curaret: non destitisset, Propheta gratis eum curare, neque sanitatem illam miraculosam vendidisset, & donum Spiritus sancti, tamen exegisset, et eius impensis accepisset quæ erant necessaria ad viaticum, ut illum adiret, suæque præsentia miraculose curationis donum illi applicaret: quia pro tali applicatione, & pro exercitio doni miraculorum nihil accepisset. Quæ de re plura diximus in tract. de Relig. disp. vlt. sect. 10. n. 115. ostendimusque id licitum esse non modò pauperi sacerdoti, qui non habet aliunde, quo vitam sustentet sed etiam satis sufficienterque habenti, siue ex bonis secularibus, siue ex beneficio ecclesiastico, modò non sit eiusmodi, ut vi illius teneatur pro aliquo, vel aliquibus offerre sacrificium. Tunc enim non potest pro eodem stipendium ab aliis accipere.

22.

Arque ita, quia Parochi tenentur aliquoties offerre pro suis ouibus, ut probabilis existimo, & celebrare diebus festis, non modò ut sacrificio interesse possint, vel ut illis sacramenta ministrent, & conferant: verum etiam, ut pro eorum salute orent, à quibus decimas, vel alios redditus Ecclesiasticos accipiunt: non possunt pro iisdem sacrificiis stipendium accipere, sed dumtaxat in elemosynâ si gratis donetur, aut eo fine solum, ut qui dat, specialius concurrat ad sacrificium, magisque de illo participet. Quamvis non pauci contrarium doceant cum Delugo disp. 21. sect. 1. num. 21. & seqq. Nobiscum verò sentiunt Suar. disp. 86. sect. 3. §. Et iuxta hanc conclusionem, aliquæ plures, quibus fauet declaratio Cardinaliû anno 1626. à Delugo relata num. 20. in hæc verba: Sacerdotes quibus diebus tenentur Missas celebrare ratione Beneficii, seu Capellæ, Legati, aut Salarii si elemosynas etiam pro aliis Missis celebran-

dis susceperint, non possunt eadem Missâ virique obligationi satisfacere. Et verò cum Parochi iam habeant stipendium stabile ratione Beneficii ad huiusmodi Missas celebrandas, non video quo titulo possint aliud stipendium pro illis exigere. Quare non possunt accipere aliquid per modum stipendii, nisi pro aliis diebus, quibus alioqui non tenentur celebrare. Diligenter etiam vitandæ sunt hac in parte, & in reliquis ministeriis ecclesiasticis importunæ, & illiberales exactiones, aliæque huiusmodi, quæ à Simoniaca labe, vel certè à turpi quæstu, & avaritiæ sorde non longè abijunt, ut monet Trident. sess. 22. in decreto de Observandis, & evitandis in celebratione Missæ: ubi etiam decernit, ut Ordinarii locorum, & Episcopi ea omnia prohibere, atque è medio collere, sedulo curent, & teneantur.

Dico secundò, Stipendium quod pro celebrando Missæ sacrificio potest licitè exigi, debere esse iustum. Tale autem censetur illud quod vel à Prælati, vel à communi consuetudine taxatum fuit: neque est necesse, ut sacerdoti alendo sufficiat: quia cum non occupetur toto die in celebrando, potest aliunde sibi providere. Multa verò circa eiusmodi stipendium recens statuta fuerunt anno 1625. à sacra Congregatione Concilii, auctoritate S. D. N. Urbani P. VIII. de quibus erant inter Theologos variz sententiæ, ut videre est apud Card. Delugo d. 21. sect. 2. Primum est, sacerdotes, qui stipendium minus iusto acceperunt, non posse una, eademque Missa satisfacere pro pluribus stipendiis, & si id faciant teneri ad restitutionem. Cuius contrarium senserant multi, quos idem auctor citat num. 26. & Diana como 1. tract. de Celebratione Missarum, Resolutione 7. Speciatimque ita docuerat Suar. d. 86. sect. 4. §. Unde consequenter infero, idque licet Sacerdos promississet se pro illo stipendio celebraturum: quia poterat, inquit, nihilominus se indemnem præstare, quamvis necessitate, & paupertate coactus ita popigisset. Secundum est, non posse sacerdotem pro vno sacrificio tantum exigere stipendium, quantum ad diurnam eius sustentationem sufficit: vel tot à variis accipere, ut ad illum finem sufficiant: sed stipendio taxato contentum esse debere: non obstantibus quibuscunque privilegiis, quibus Congregatio derogat, obligatque contra facientes ad graue peccatum, & restitutionem. Contrarium verò senserant Sotus, Angelus, Canus, Aragon. & alii, quos citant Diana supra Resolutione 8. & Suar. d. 83. sect. 4. initio. Tertium est, non posse sacerdotem qui pro sacrificio celebrando stipendium accepit, licet iusto maius, aut elemosynam largiorem: aliquid illius sibi retinere, & reliquum dare alteri sacerdoti, ut vice ipsius celebret. Quamvis enim nonnulli antea id licitum esse affirmassent, prohibetur tamen à prædicta Congregatione, ut, inquit, omne damnabile lucrum ab Ecclesia remoueat, &

23.

Debet stipendium esse iustum

Quod nihilominus puto intelligendum cum Delugo sup. num. 32. nisi omnino gratis, & libenter sacerdos ille condonet reliquum sine dolo, & metu, vel qualicunque vi & coactione. Sicut enim posset gratis celebrare loco alterius, & totum stipendium illi relinquere: ita potest stipendii partem gratis donare. Quartum est, non posse Sacerdotes tot accipere stipendia pro Missis celebrandis, ut non possint intra breue tempus pro illis omnibus satisfacere: nisi dantes ad maiorem dilationem consentiant. Breue autem illud tempus dicitur à nonnullis esse duorum circiter mensium, licet Congregatio, eiusque declarationes illud non definierint. Et hoc rationi consentaneum esse videtur, excepto casu, quo voluntas, aut necessitas dantis postulet citius satisfieri.

24.
Notanda
de eodem
stipendio.

Plura ad stipendium pertinentia, & ad debitum celebrandi titulo foundationis, aut alio, videri possunt apud Delugo sect. cit. ubi inter alia docet, cum qui accepit stipendium pro celebranda Missa peculiari B. V. aut alicuius Sancti, satisfacere: si dicat sacrum, quale occurrit eo die, saltem nisi stipendium notabiliter augeatur propter illam conditionem, meliusque esse sic facere diebus festis, aut duplicibus: quia melius est seruare, ordinem Missalis, quam ob priuatam deuotionem illum inuertere: de quo etiam exactè seruando recens edita fuit constitutio ab Urbano VIII. Item eum, qui ratione foundationis, aut stipendii debet alicubi celebrare, satisfacere dummodo alibi celebret: nisi qui stipendium dat, aut fundator id voluerit propter specialem cultum illius loci, vel commoditatem populi, ut ibi sacrum audire possit, vel ob decus, & memoriam suæ familiæ, ad quam talis locus pertinet. Similiterque eum, qui tenetur in certo quodam altari, aut certis diebus determinatis sacrificare ratione stipendii, aut foundationis, satisfacere, si aliqua de causa rationabili locum, aut diem mutet interdum: exceptis casibus prædictis. Quæ sit autem causa rationabilis, prudenti iudicio ex æquo, & bono statuendum est per benignam interpretationem voluntatis fundatorum, aut dantium stipendium, qui in eocasu vellent rationabiliter locum, aut diem mutari, vel non grauati id permetterent. Quod clarum est, quando mutatio in eorum commodum, & maius bonum cedit: ut si Missa pro defuncto fiat in altari privilegiato, loco non privilegiato, à fundatore electi.

SECTIO III.

Licetne Missas priuatas celebrare; vel etiam sine Ministris?

25.
Missæ priuatis
valde
Circæ primum, suppono Missam priuatam dici posse vel primò, quia fit in loco priuato, id est, non publico ad hoc destinato,

puta in priuato quodam Sacello, aut Oratorio, non in Ecclesia. Vel secundò, quia fit pro aliquo fine priuato, & peculiari, nimirum pro aliqua peculiari necessitate, vel pro hac aut illa persona, viuente, aut defuncta. Vel tertio, quia non fit coram populo, sed vno aut paucis assistentibus. Vel quarto, quia solus sacerdos in ea communicat. Et hoc maximè sensu contendunt hæretici huius temporis Missas priuatas esse illicitas, & abrogandas: contra quos Tridentinum sic pronunciat sess. 22. can. 8. *Si quis dixerit Missas, in quibus solus sacerdos sacramentaliter communicat, illicitas esse, ideoque abrogandas, anathema sit.* Et cap. 6. eiusdem sess. affirmat, Optare se quidem, ut in singulis Missis fideles adstantes non solum spiritali affectu, sed sacramentali etiam Eucharistiæ perceptione communicarent, quo ad eos sanctissimi huius sacrificii fructus vberior proueniret: nec tamen, si id non semper fiat, propterea Missas illas, in quibus solus sacerdos sacramentaliter communicat, ut priuatas, & illicitas damnare, sed probare, atque adeo commendare; siquidem illæ quoque Missæ verè communes censeri debent, partim quòd in eis populus spiritaliter communicet: partim verò quòd à publico Ecclesiæ ministro non pro se tantum, sed pro omnibus fidelibus, qui ad corpus Christi pertinent, celebrentur. Nimirum quia, ut rectè ait Chrysost. lib. 6. de Sacerdotio cap. 4. *Sacerdos pro vniuerso orbe legatus intercedit, estque apud Deum deprecatur, ut omnium, non vniusmodi, sed etiam mortuorum peccatis propitijs fiat.* Quod in quolibet Missæ sacrificio obseruari manifestum est ex ipso Canone, & precibus, quæ in ea recitantur iuxta ritum & præscriptum Ecclesiæ. Quare neque illæ, neque ullæ aliæ Missæ sunt priuatae omni ratione: quasi non aliquo sensu sint verè communes plurimis, imò & omnibus fidelibus.

26.
Missæ sine
communicantibus
præter sacerdotem
sunt illicitæ.
Merito autem dampnantur Nouatores à Tridentino. Tum quia vniuersa tota Ecclesia recepto ante illorum exortum, sese opposuerunt: contra quem usum circa sacramentorum celebrationem disputare, insolentissimè esse insaniam affirmat D. Augustinus epistola 118. ad Ianuar. Tum etiam quia certum est missas eo sensu priuatas fuisse in usu quinque prioribus Ecclesiæ sæculis, ad quæ tanquam puriora solent provocare aduersarii. Id enim liquet ex verbis D. Chrysost. homil. 3. in cap. 1. epist. ad Ephes. ubi sic loquitur: *Frustra habetur quotidiana oblatio. Frustra adstant ad altare. Nemo est, qui participet.* Vbi notandum est, Chrysostomum duo dicere: Nimirum se & alios Sacerdotes quotidie celebrare: & neminem alium participare sacramentaliter illorum sacrificio. Cum autem dicit, *frustra*, non propterea reprehendit sacerdotes ipsos celebrantes sine villo alio communicante, sed populi teporem, & negligentiam arguit. Ut si concionator diceret: *Frustra quotidie verba facimus. Frustra vos hortamur ad virtutem,*

tutem, & fugam vitiorum. Nemo est, qui proficiat. Ibidemque non obscure significat Chrysostomus sicut & Homil. 61. ad populum Antioch. veteris edit. ubi idem repetitur, se aliosque Sacerdotes non destitisse ab offerendo quotidie Eucharistie sacrificio, tametsi nullus, nisi in Paschate, ad communionem accederet. Et Ambros. lib. 5. de Sacram. cap. 4. *Si quotidianus, inquit, est cibus, cur semel tantum in anno illum accipis: quomodo autem Graeci in Oriente facere consueverunt?* Et August. epist. 23. ad Bonifac. affirmat, quotidie suo tempore solere fieri Missae sacrificium: *semel, inquit, immolatus est Christus in seipso. Et tamen in sacramento non solum per omnes Pascha solennitates, sed omni die populus immolatur.* Tametsi fideles non quotidie tunc communicarent: quod ipse non reprehendit: sed è contrario in epist. supra citata ad Ianuarium, dicit non esse vituperandos eos, qui humilitatis, & reuerentiae causa abstinent aliquandiu à communione, quique instar Centurionis indignos se existimant tanto Dei beneficio.

37. **Confirmatur ex Concilio,** His adde, quod in Concilio Agathensi Can. 38. iubentur tantum fideles communicare ter in anno: in Pascha, Pentecoste, & Natali Domini: cum tamen singulis diebus Dominicis tenerentur sacrificio assistere, ut patet ex eodem Concilio Agathensi can. 47. & refertur dist. 1. de Consecrat. cap. 64. Idemque longe ante Fabianus Papa statuerat in epist. Decretali, quae refertur à Gratiano in Decreto, dist. 2. de Consecrat. cap. *Et si non frequentius.* Et in Concilio Toletano XII. can. 5. cuius verba referuntur in eadem dist. cap. *Relatum,* non aliud statuitur tamquam necessarium ad legitimum sacrificium, quam ut Sacerdos ipse de illo participet. *Quale, inquit, erit illud sacrificium, in quo nec ipse sacrificans participare esse cognoscitur?* Neque aliud ibi reprehenditur, nisi quod Sacerdotes, de quibus loquitur, plures in die Missas celebrantes, in sola tantum extrema sacrificii oblatione, communionis sanctae gratiam sumerent. Adde etiam quod SS. Patrum testimoniis constat eos interdum celebrasse priuatis quibusdam in locis, ubi neque communionis ullius mentio fit, neque est verisimile alium praeter celebrantem communicasse. Ut quando teste D. August. lib. 22. de Ciuit. c. 8. Vnus de illius Presbyteris obtulit sacrificium in fundo cuiusdam Hesperii ad fuganda spectra, quibus locus ille infestabatur. Et quando Gregor. Nazianz. priuatim in exiguo Sacello sacrum facere solebat, ut de ipso narrat Sozomen. lib. 7. hist. cap. 5. Et quando Theodoretus in cellula S. Maris Anachoretæ consecrauit, ut ipsemet scribit, in historia religiosa SS. Patrum cap. 20. his verbis: *Cum longo tempore desiderasset (vir ille sanctus) videre offerri spirituale, & mysticum sacrificium, rogauit ut diuini doni illic fieret oblatio. Ego vero libenter parui, & in sacra vasa affert: pagus enim haud longe aberat: & pro alari usus Diaconorum manibus mysticum, diuinum, & salutare obtulit sacrificium. Ille autem omni spirituali voluptate implebatur, & existimabat se ipsum ca-*

lum videre. Adde denique quod in Concilio Nannet. Can. 30. apud Iuonem parte 3. Decret. cap. 70. & Burchard. lib. 3. cap. 68. iubentur Presbyteri non celebrare soli, nisi saltem adsit vnus, qui respondeat. Quod statutum duo indicat. Vnum est, aliquos Sacerdotes tunc nullo prorsus adstante, ac proinde neque communicante, interdum sacrificasse. Alterum est, sufficere ad licite celebrandum ut habeant saltem vnum adstantem, qui respondeat, quamuis non communicet. Quia Canon ille nihil aliud requirit.

Et verò cum sacrificium Eucharistiae possit fidelibus prodesse, non modò, ut de illo participent per communionem Sacramentalem, verum etiam ad multos alios fines: nimirum ad Deum supremo & praecipuo cultu patriae adorandum, ut ait S. Aug. lib. 20. contra Faustum cap. 21. & ad eundem placandum, precandūque pro fidelibus, etiam non communicantibus, neque adstantibus, proque toto corpore Ecclesiae, ut affirmant Chrysost. Homil. 3. de Incōprehensib. natura, circa finē, & Cyrill. catech. 5. mystag. atque etiam pro defunctis ipsis, ut testantur Cyrill. ibid. Chrysost. Homil. 3. in cap. 1. epist. ad Philip. August. lib. 9. Confess. cap. 12. & lib. 1. de Anima & eius origine ad Renatum cap. 11. Itemque ad diuina beneficia impetranda illis, pro quibus offertur: pacem Ecclesiae, orbi tranquillitatem, Regibus, & populis salutem, & gravis leuamen, laborantibus auxilium, &c. ut ait Cyrill. Catechesi supra cit. Cum, inquam, sacrificium Eucharistiae ad tam multos alios fines utile sit, nulla est ratio cur propter defectum communicantium, & teporem, aut negligentiam Christianorum, sacerdotes tum seiplos, tum etiam alios priuare debeant tam salutaribus, & necessariis illius effectibus, cum neque Scriptura ullibi prohibeat celebrare sine aliis comunicantibus: neque aliunde vllum tale praecceptum colligatur, ut patebit inferius respondendo aduersariis.

Hisdem argumentis probatur licitas esse Missas priuatas primo, secundo, & tercio sensu supra explicatis. Nam & illarum usus tota Ecclesia receptus est: & fuit etiam quinque prioribus saeculis: atque ad fines supradictos non minus utiles sunt. Prima, & postrema pars huius assertionis satis liquet. Media verò, quod scilicet in antiqua Ecclesia usitatae fuerint Missae priuatae, ita dictae respectu loci, id est, factae in loco priuato, quas Lutherani per contemptum *Angulares* vocant, patet ex supra dictis de Presbytero celebrante in fundo rustico Hesperii apud August. lib. 22. de Ciuit. cap. 8. & de Gregorio Nazianzeno celebrare solito in exigua cellula extructo sibi oratorio, apud Sozomenum lib. 7. cap. 5. & lib. 9. histor. Tripart. cap. 8. & de Theodoro celebrante in tugurio Sancti Maris Anachoretæ, ut eius desiderio satisfaceret. Quibus adde quod de S. Ambrosio scribit Paulin. in eius vita, sacrificasse illū in adibus cuiusdam matronae Romanae. Et quod de S. Luciano Martyre refertur in eius Actis apud Baron. ann. Christi 311. n. 8. sacrificasse in carcere pridie mortis

28. **Probat ratione.**

29. **Missae priuatae respectu loci licitae.**

AAa

Tom. IV.

uz, impositis supra pectus altaris loco, cum aliter non posset, sacris symbolis: iacebat enim in terra supinus, & carenis onustus. Et quod de S. Ioanne Eleemosynario scribit Leontius in eius vita, cum videret populum egredientem tempore sacrificii, ad illum cōuersum dixisse: *Ego filii propter vos ad Ecclesiam descendit. Nam ipse mihi in Episcopo Missas facere poteram.* Et quod de Cassio Narniensi Episcopo dicit Gregorius Magnus Hom. 37. in Euangelia, prope finē, illum cum morbo impediretur, ne ad Ecclesiam descenderet, priuatim in oratorio Episcopii celebrasse. Et quod de S. Barlaam testatur Damasc. in eius historia, illum præsente solo Iosaphat in sua cellula sacrificare consueuisse. Sed & ipsi Apostoli fragebant panem circa domos Act. 2. v. 46. quod de Sacramento Eucharistiae interpretantur SS. Patres, & Doctores Catholici, ut videre est apud Cornel. à Lap. Lorin. & alios in eum locum.

30. Quod etiam tunc fierent Missæ priuatæ ita dictæ ratione peculiaris alicuius finis, ad quæ referebantur, nimirum pro aliqua necessitate priuata, testatur S. August. lib. 9. Confess. c. 8. Vbi affirmat Sacrificium pro matre sua fuisse oblatum, posito iam eius cadauere iuxta sepulcrum. Et lib. 22. de Ciuit. cap. 21. dicit fuisse oblatum in quodam prædio, pro eo liberando à Dæmonum infestationibus. Et Ambrosius in orationibus de obitu Theodosii, Valentiniani, & Satyri fratris, dicit se pro illorum animabus sacrificaturum, & Tertullian. ad Scapulam ait Sacerdotes Christianos pro salute Imperatoris sacrificare solitos. Idē cum hoc sacrificium excellenter valeat ad ea omnia, ad quæ valebant sacrificia legis antiquæ, utpote quod bona omnia per illa significata, velut illorum omnium consummatio, & perfectio complectitur: possitque ad eosdem fines applicari: constat ex Testamento veteri multa eorum fuisse facta ob fines priuatos. Nam Iob sacrificabat pro salute filiorum, Iob. 1. & pro venia tribus amicis suis impetranda Iob. 42. Et Onias pro sanitate Heliodori, 2. Macab. 3. v. 32. Et Leuit. 4. præcibuntur sacrificia non modò pro populo, qui peccauerit per ignorantiam: sed etiam pro principe ita peccante, & pro quolibet de populo. Cap. vero 5. aliisque sequentibus imperantur pro pluribus aliis finibus peculiaribus.

31. Denique quod etiam fierent olim Missæ priuatæ ita dictæ ratione paucitatis assistentium, liquet ex supra dictis de Luciano celebrante in carcere: & Ambrosio in ædibus priuatis matronæ: & Gregorio Nazianzeno, Theodoro, & Barlaamo, in cellulis eremi, paucis præsentibus, & interdum vno solo: & ex Canone 30. Concilii Nannet. supra relato nu. 27. Quibus adde Gregorium Magn. lib. 4. Registri epist. 43. prohibere ne in monasteriis fiant Missæ publicæ, per Episcopum, Ne in ieruorum Dei secessibus, popularibus ibi præbeatur occasio vlla conuentibus. Quæ ratio concludit etiam de aliis Missis publicis, per alium quàm per Episcopum factis, Quæ

re tantum abest eiusmodi Missas non publicas fuisse illicitas, ut potius alicubi fuerint præceptæ à Sancto illo Pontifice, quem Caluin. ipse ut sanctum, & verum, sed vltimum Ecclesiæ Romanæ Pontificem veneratur. Nec obest illud Basilii in Psal. 115. prope finem: *Nō in latebris delitescens sacrificabo, sed publicum exhibebo tibi sacrificium:* loquitur enim, ut liquet ex verbis sequentibus, de latebris, id est, secretis conuenticulis Schismaticorum: non autem de priuatis Oratoriis, deuotionis, & maioris recollectionis causa extructis. Omitto duos alios sensus, quibus inter Catholicos Missæ priuatæ nomen usurpari solet: quia non est de illis specialis controuersia cum hætericis. Vnus est, quo priuata vocatur illa quæ non fit de Officio; sed, iuxta propriam deuotionem, de aliquo alio: quæ Missa nunc peculiariter *Fortina* solet appellari, distinguiturque ab aliis, quæ vocantur *de die*, aut *de tempore*. Atque hoc sensu Missæ priuatæ nomen usurpatur in Cap. *Quidam Laicorum*, de celebratione Missarum. Alter est, quo priuata appellatur illa, quæ dicitur sine cantu, & sine solennitate, seu frequentia populi, propter quam solet cantus requiri. Vnde è contrario Missæ cum cantu celebratæ, vocantur publicæ, & solennes. Præsertim si dicantur cum peculiari, & solenni ritu ecclesiastico, id est, cum Diacono, Subdiacono, Acolythis, incenso, &c. quæ peculiariter, & magis propriè solennes appellantur: eoque sensu de illis loquitur D. Thom. q. 83. art. 5. ad 12. quando affirmat debere necessariò plures adesse in solenni celebratione Missæ, iuxta præscriptum Canonis *Hoc quoque*, de Consecrat. dist. 1.

32. Circa secundum in titulo sectionis propositum, dico illicitum esse celebrare, sine vno saltem ministro, qui respondeat, & personam populi sustineat: excepto casu grauis & urgentis necessitatis. Prima pars liquet ex Can. 30. Concilii Nannet. supra relato, vbi prohibetur aliter celebrari. Et in Concilio Maguntiacò, seu Moguntino 1. habito circa annum 813. Can. 43. prohibetur ut Sacerdos non celebret solus. *Quomodo enim*, inquit, *dicit Dominus vobiscum: Vel sursum corda admonebit habere, & alia multa his similia, cum alius nemo cum eo sit?* In Concilio quoque Basilienfi sess. 21. reprehenditur abusus quorundam sacerdotum, qui Missas priuatas sine ministro celebrabant. Et denique licet nullum aliud præceptum existeret, sufficeret consuetudo Ecclesiæ, quæ vim legis obtinuit; ut ex eo patet, quod Prælari, & Concilia non patiuntur aliter fieri.

33. 7. Quin etiam in Can. 61. *Hoc quoque* de Cōsecr. dist. 1. sumpto ex Sorere Papa, statuitur, *Ut nullus Presbyterorum Missarum solennia celebrare presumat, nisi duobus præsetibus, simulque respondentibus, ipse tertius habeatur: quis cum pluraliter ab eo dicitur, Dominus vobiscum, & illud in secretis, Orate pro me, aptissime conuenit, ut illius respondeatur saluationi.* Quæ ratio quæ probat de Missis priuatis, ac de solenni- bus: tamen si D. Thom. q. 83. art. 5. ad 12. de

32. Illicitum est celebrare sine Ministro.

33. 7. Olim duo assistentes requiruntur.

illis solum hoc statutum intelligit. Quod etiam Micrologus lib. de rebus Eccles. cap. 22. scribit fuisse sancitum ab Anacleto. Nunc tamen ex consuetudine iamdiu præscripta, quæ prædictos Canones abrogauit, si latius quam de Missis solennibus intelligendi sunt, ut plerisque videtur, sufficit in Missis priuatis vnicus minister, qui cum personam communis sustineat, potest verbis supra dictis compellati a celebrante. Quæquam hæc ratio congruitatem magis, quam necessitatem ostendit. Alioqui probaret officium ecclesiasticum non posse sine socio, aut ministro recitari. Quia in illo quoque sæpius dicitur, *Domine vobiscum, Oremus, Benedicamus Domino*, & similia, quæ plures adstantes, vel vnum saltem respondentem requirere videntur. Neque per se loquendo repugnat Sacerdotem, siue quando celebrat, siue quando sacræ officium recitat, duplicem sustinere personam: videlicet publici ministri Ecclesiæ, cuius nomine orat, aut celebrat: & populi pro quo celebratur, aut oratur, cuius etiam ipse pars est: conuenientius tamē videtur, ut tum officium diuinum, tum sacrificium cum vno saltem alio, recitetur, aut fiat. Quamuis circa officium priuatum recitandum id non sit in præcepto: atque etiam ut in festis, præcipue solennibus, vtrumque fiat cum pompa, & solennitate, de qua supra n. 31. in fine, ad maiorem illius splendorem & reuerentiam, necnon ad differentiam festiuitatū, populique deuotionem magis excitandā.

34.
Necessitas
illa est
tā ex præ-
cepto, Ec-
clesiastic.

Notandum tamen est præceptum illud esse purè ecclesiasticum. Nam ex iure diuino nullum proferri potest, aut ex natura sacrificii, & iure naturali orto ex ipsius institutione, quia tota illius essentia potest existeret a dione solius consecrantis. Neque Christus in prima huius sacrificii celebratione vllum ministrum sibi respondentem adhibuit, aut necessarium esse significauit. Et quamuis coram duodecim Apostolis celebrauerit, illisq; corpus, & sanguinem suum distribuerit, dixeritque, *Hoc facite*: Non propterea iussit ut facerent quicquid ipse tunc fecit, & omni modo, quo fecit. Alioqui necessarium esset duodecim personas ultra celebrantem semper assistere Missæ sacrificio, nec plures, neque pauciores, & feminas ab illo excludi, & nocturnum celebrari in cœnaculo post lotionem pedum, & esum Agni paschalis. Quæ omnia perabsurda sunt.

35.
Fœmina
non potest
ministrare.

Notandum secundò, Ministrum sacerdoti celebranti proximè inservientem fœminam esse non posse: quia expressè id prohibetur cap. *Inhibendum, de cohabitatione Clericorum, & mulierum*, vbi statuitur, *Nulla fœmina ad altare presumat accedere, aut Presbytero ministrare*. Porroque esset sine ministro celebrandum, quàm permittendum fœminam ministrare: quia istud est magis indecens, ideoque magis vitandum, ut rectè affirmant Domin. Sor. in 4. dist. 13. q. 2. art. 5. argum. 1. 2. Suar. disp. 88. sect. 1. in fine, & Aegid. Coninck q. 83. art. 5. n. 264. alique plures. Dixi autem, proximè, &c. quia licitum est Monialibus respō-

dere ex choro Sacerdoti celebranti: sed non proximè ad altare ministrare, aqua, & vinum offerre, vel in calicem infundere, librum deferre ab vno cornu ad aliud, & reliqua similia præstare. Hunc autem morem Sanctimonialium tam antiquum & generalem in ecclesia, tamdiuque à Prælati toleratum, aut potius approbatum, nemo potest sine temeritate reprehendere. Neque de illo puto loqui Aegidium Con. quando dicit loco supra citato, contrariam consuetudinem, quæ quibuscumque in locis est, non videri villo modo probandā, cum omnino repugnet aperto iuri, & venerationi tanto sacramento debita. Etenim iura facile possunt intelligi de proximè assistente, & ministrante ad altare: & in tali modo respondendi Sanctimonialium nulla apparet indecentia, vel irreuerentia indigna sacrificio.

Nota tertio, In casu grauis & vrgentis necessitatis licere absque ministro celebrare, ut in secunda parte conclusionis diximus: & docent Glossa in caput, *Hoc quoque, de Cõsec. dist. 1. Durant. lib. 2. de Ritib. Eccles. cap. 15. Dom. Sor. Suar. & Aegid. locis citatis*, qui etiam plures alios referunt in eandem sententiam. Huiusmodi casus esse potest necessitas celebrandi ad dandum moribundo viaticum: aut si in aliquo festo solenni, puta in Paschate, vel Pentecoste, carendum alioquin esset sacrificio. Addit Glossa posse quoque inclusum siue solitarium Missam solum cantare. Verum, ut bene aduertit Suar. vbi supra, hæc non necessitas, sed voluntaria solitudo est. Nemo autem potest voluntate propria talem viuendum instituere, in quo celebret contra legem, & inducere consuetudinem extraordinariam. Quare censeo non posse illum absque dispensatione Summi Pontificis ita celebrare, præsertim ordinariè. Casus ergo necessitatis talis esse debet, ut extraordinariè, fortuitoque occurrat: & simul debet esse grauis, & vrgens necessitas, tanta scilicet, ut meritò credatur præceptum hoc purè Ecclesiasticum non obligare cum tam magno incommodo.

Notandum denique, deficiente ministro, qui respondere sciat, satius esse adhibere imperitum, si ad sit, cui Sacerdos ipse præeat respondendo: quàm omnino sine villo ministro celebrare. Quia id minus indecense est, & minus recedit à legē præcipiente ut sacrum sine ministro non dicatur. Fortasse etiam deficiente quocumque alio, qui respōdeat quomodocumque, permitti posset fœminam scientè respondere e loco remoto, ut solent ordinariè facere Sanctimoniales in Missis solennibus. Nam & olim tota plebs solebat respondere sacerdoti, ut indicat Iustin. in Apolog. pro Christ. Olim etiam quicumque communicabant, respondebant *Amen*, id est, *verè*, sacerdoti affirmanti, se illis præbere corpus Christi, ut colligitur ex Busebio lib. 6. hist. cap. 37. & diserte affirmant Ambrosius lib. 4. de Sacrament. cap. 5. & lib. de iis qui mysteriis initiantur cap. 9. & Leo Papa serm. 6. de ieiunio septimi mensis. Neque id repugnat Apostolo iubenti ut mulieres in

36.

Licet in casu necessitatis celebrare sine ministro.

ecclesiis taceant 1. Corinth. 14. v. 34. Tam-
tū enim prohibet ne mulieres in Ecclesia
exhortentur & doceant, aut interrogent: ut
patet ex antecedentibus, & sequentibus: non
autem ut ne respondendo quidem Sacerdoti,
vel Deum cum aliis laudando, quicquam di-
cant. Alioquin sanctimoniales, contra hoc prae-
ceptum Apostolicum peccarent.

SECTIO IV.

*Soluantur hereticorum argumenta contra
Missas priuatas.*

37.

Missae ipri-
uatae, id est,
sine aliis
communi-
cantibus
non repa-
gant formae
consecra-
tionis.

Objiciunt primò & præcipuè, Missas illas
priuatas, in quibus solus Sacerdos com-
municat, repugnare formae quā Christus con-
secrauit: quippe qui de pane dixit, *Hoc est cor-
pus meum, quod pro vobis frangitur*: Græcè τὸ
ἄρτος ὅν ἐσθ' ἐμὸν, 1. Corinth. 11. Et de Cali-
ce, *Hic Calix est nouum testamentum in sanguine
meo, qui Calix pro vobis funditur*: Græcè τὸ
ποτήριον τὸν ἐν αἵματι μου, id est, ὁ ποτήριον
ἐν αἵματι μου. Fractio autem & effusio verbis il-
lis significata nihil est aliud, quàm vtriusque
sumptio, & participatio, quæ idcirco debet
necessariò à multis fieri, ut forma illa verbo-
rum sit vera. Sed ad hoc alibi iam responsum
fuit primò, fractionem illam posse intelligi de
ipsa Christi passione, de qua ut moraliter
præsentem loquitur Christus, quia mox futura
erat: & in qua licet carnifices ossibus eius per-
cicerint, iuxta id quod de illo mysticè præ-
dictum erat, *Os non comminuetis ex eo*: caro eam
men ipsius flagris, clauis, & lancea, confissa,
fracta, & lacerata fuit. Secundò, dato, & non
concesso, quòd necessariò intelligenda sit de
fractione in sacramento: dici potest verò ali-
quo sensu corpus frangi, quando franguntur,
& cōteruntur dentibus species panis, quibus
subest. Cum enim corpus ibi sit loco substan-
tiæ panis, denominari potest ab accidenti-
bus simili modo, quo substantia panis deno-
minaretur, si sub illis esset. Et hoc positum
sensus erit: Quod pro vobis frangitur, id est,
Quod pro vobis, seu pro vestra salute, fra-
ctioni, & comestioni exponitur. Non autem
sensus est, ut volunt aduersarii, Quod reip-
sè à vobis sumitur, & participatur. Alioqui di-
cendum erat, Quod à vobis frangitur: non
autem, Quod pro vobis frangitur. Verum au-
tem est, quòd pro nobis frangitur actu, quan-
do franguntur species, & frangitur specie-
bus, quando sub illis ponitur loco panis in or-
dine ad comestionem, & exponitur fractioni
in sacramento, licet actu non sumatur. Effusio
verò Calicis apud Lucam debet quidem nec-
cessariò intelligi de effusione, quæ fit in sa-
cramento: quia Calix non fuit effusus in ipsa
passione. Sed debet intelligi quòd effundatur
actu vel apertitudine, ratione specierum: vnde
quibus subest, quodque sub illis cōstiquatur
in modum liquoris, liquidi, & potabilis pro
hominum salute, ut dixi supra de fractione
corporis in Sacramento. Tertio addo, parti-
culas illas non esse formam consecrationis,

sed aliquid accidentarium illi additum, quod
tamen intelligendum esset de participatio-
ne tunc facta ab omnibus Apostolis, non
propterea obligaret omnes alios ad sumen-
dum, quotiescunque assistunt sacrificio: neque
probarer non aliter posse licitè Eucharistiam
celebrari. Absurdum enim est existimare
non posse id fieri, nisi semper communicent
quotquot adsunt.

Obijciunt secundo, Missas illas priuatas re-
pugnare præcepto Christi: quippe qui non
modò coram duodecim Apostolis celebrauit,
suumque corpus, & sanguinem illis omnibus
distribuit: verum etiam verbis illis, *Hoc facite*
præcepit ut similiter ipsi facerent: adeoque
Eucharistiam non nisi coram multis celebra-
rent, omnibusque distribuerent. Respondeo
non posse sine manifesto absurdo dici Chri-
stum præcepisse Apostolis, ut facerent quid-
quid ipse fecerat, & omni modo quo fecerat.
Alioqui præcepisset ut facerent omnes Sacer-
dotes, quotquot assistunt Eucharistiae cele-
brationi: sicut Christus Sacerdotes tunc fe-
cit omnes Apostolos: aliaque multa sequeretur
absurda, quæ paulò antea enumerauimus.
Sicut autem Christus non iussit verbis illis ut
Apostoli facerent omnes Christianos Sacer-
dotes, sed idoneos tantum, & volentes: ita
neque ut omnibus Eucharistiam distribu-
rent, sed idoneis tantum, rectèque dispo-
sitis, & communicare volentibus. Neque
existimandum est voluisse Christum ut Apo-
stoli, & Sacerdotes eorum successores absti-
nerent à celebratione, & perceptione Eucha-
ristiae, propter fidelium tepiditatem, aut in-
deuotionem, si non essent, qui vellent com-
municare. Cùmque manifestum sit, præceptum
verbis illis traditum non extendi generaliter
ad eam omnia, quæ Christus fecit tunc repositis:
non est cuiusque de illius amplitudine, aut
restrictione iudicare: sed Ecclesiae columnæ
veritatis, & fidelis Christi voluntatum inter-
pretis. Quare de verò illius sensu iudicandū
est ex ipsius definitione, & traditione à ma-
ioribus accepta, apud quos Missas priuatas
in vñ fuisse supra ostendimus: non autem ex
temeritate Nouarum.

Opponunt tertio, Eandem Missas repugna-
re institutioni Christi, quam describit Apo-
stolus, & modum, quo Cæna Domini cele-
brari debet, affirmat corpus & calicem distri-
buendum esse fidelibus, debereque omnes
mensæ Domini accumbere. *Panis quem fran-
gimus, inquit, nonne communicatio corporis Domini
est? nec, Non potestis calicem Domini bibere, quia
calicem Demoniorum. Non potestis mensæ Domini
participes esse, quia mensæ Demoniorum.* Et c. 11.
Iulius describens eandem institutionem prout
à Christo acceperat, opponit cognam Do-
mini cænam priuatam, id est, ut ipsemet expo-
nit, in qua priuatim manducat aliquis non
expectatis aliis, & ipse quidem ebrius est,
aliis euriectibus. *Idem non est, inquit, Domini
cænam priuatam manducare. Vnusquisque enim ca-
nam suam præsumit, ad manducandum, id est, præ-
accipit, Græcè ἀρπαγνύει, id est, rapit. Et vñ*

38.

Neque
præcepto
Christi.

39.

Neque in
institutione
Sacramenti.

qui leme surit, alius autem ebrius est, &c. Respondeo, Apostolum prioribus verbis non describere institutionem, neque modum, quo necessarium ex præcepto, aut iuxta institutionem Christi celebrari debet Eucharistia, sed duntaxat affirmare, panem, & calicem Eucharisticum esse communicationem corporis, & sanguinis Christi: id est, per ipsum nos communicare corpori, & sanguini Christi, quippe qui verè, & realiter nobis in illo exhibetur. Et sicut illi qui scienter, & libere comedunt de idolothytis, sunt participes mensæ demoniorum, quibus immolata fuerunt: ita nos participes fieri mensæ Domini, quotiescunque participamus ipsius corpori, & sanguini. Quæ, ut verissima sunt: ita Missis privatis nihil obstant, neque villo modo significant illicitam esse Missæ celebrationem, in qua non fiat distributio corporis, & sanguinis Domini non volentibus communicare.

Posterioris autem loci duplex traditur interpretatio à SS. Patribus, ut videre est apud Bellarm. lib. 2. de Missa cap. 10. Cornel. à lapide ibidem, aliosque interpretes. Una est Chrysostomi, & aliorum plurium affirmantium per cœnam Dominicam, *agendam*, intelligendam ibi esse non Eucharistiæ communionem, sed conuiuium, quod tunc in Ecclesia fieri solebat ad solatium pauperum, & representationem ultimæ cœnæ Christi, id est, ultimi conuiuii pridie passionis cum discipulis celebrati: quodque aliter Agape dicebatur: & de quo solo verum esse potest quod ait Apostolus, *Et alius quidem esurit, alius autem ebrius est*. Nam in communione Eucharistica habantur Corpus, & Sanguis sub modica specie panis, & vinis ex quo non poterat vnus inebriari, dum alius esuriret. Secus autem in illo conuiuii, ubi diuites Corinthiorum se à pauperibus segregabant, splendideque epulabantur, cum non darent pauperibus quod ad famem sedandam sufficeret. Propter quod dicit Paulus eos non iam Dominicam cœnam manducare, sed suam: id est, non imitari Christum, neque iam amplius cœnam illius representare: quippe qui simul cum discipulis omnibus discubuit, iisdem cibis usus est, eodemque potu, & omnibus cum magna æqualitate distribuit, aut sumere permisit. Altera explicatio est Theodoret, & quorundam aliorum, qui per cœnam illam intelligunt Eucharisticam. Iuxta quam expositionem dicendum est, Paulum duntaxat reprehendere eos, qui à sua communione priuata excluderant alios, vel prauo quodam affectu præueniebant alios communicare volentes. At Ecclesia neminem excludit communicare volentem, & idoneum: quin potius optaret edesse semper Missæ sacrificio, qui sacramentaliter illi participarent: neque Sacerdotes excludunt quemquam huiusmodi, aut ambigiosè præueniunt, quando soli communicant celebrando, defectu aliorum, qui velint, & possint. Cum autem Chrysostomus in locum Pauli citatum, aliique Patres dicunt cœnam Domini debere esse communem: intelligunt,

neminem petentem, & idoneum debere ab illa excludi, non autem quoddam necessarium debeant semper fideles ei participare, neque licitè possit aliter celebrari.

Opponunt quartò, Frustra, & falso dici in ipso Canone Missæ, *Quotquot ex hac altaris participatione sumpserimus: & in Postcœmunione, sacramenta, quæ sumpsimus*, quotiescunque nullus præter sacerdotem communicat. Frustra etiam frangi hostiam, quando non distribuitur. Nam fractio debet fieri propter distributionem, ad exemplum Christi, qui ut dicitur 1. vt Corinth. 11. *Accepit panem, benedixit, ac fregit, deditque discipulis suis, dicens Accipite, & manducate: Hoc est corpus meum*. Respondeo, sensum primæ propositionis esse conditionatum: orat enim sacerdos ut quicumque sumpserint, siue vnus, siue plures illi sint, omni benedictione cœlesti, & gratia repleantur. Addo, orationes quæ in plurali cœceptæ sunt propterea quod pro multitudine fuerunt institutæ, & frequenter ab illa, vel pro illa dicuntur, non debere mutari, licet contingat aliquando ab vno solo, aut de vno solo enunciari. Ut patet ex ipsa oratione Dominica, in qua nihil mutandum est, quando ab vno solo profertur, licet pronuncians in plurali loquatur cum ait: *Dimitte nobis debita nostra, sicut & nos dimittimus*, &c. Præterquam quod modus loquendi fert, ut de vno solo pluralis numerus offerri possit honoris aut modestiæ causa, vel alia ratione id exigente, cuiusmodi est in præsentis conformitas, & constantia seruanda in publicis orandi formulis. Ex quo patet responsio ad secundam partem obiectionis. Ad tertiam verò, & postremam dicendum est, fractionem panis non referri solum ad distributionem, sed etiam ad representandam passionem, & sepulturam Christi, vel descensum eius animæ ad Limbū, propter quod vna particularum in calicem immittitur. Quare non frustra fit, quando nullus præter Sacerdotem communicat. Addo etiam posse orationes supra dictas intelligi de fidelibus, qui alibi toto orbe communicant sub idem tēpus. Pro illis enim omnibus orat Sacerdos: quippe qui Legatū agit apud Deum pro vniuersa Ecclesia, ut paulò ante diximus: & illi omnes sumunt ex hac participatione altaris: id est, ex hac eadem hostia, Christo scilicet, qui idem vbique immolatur, & sumitur. Potest etiam Sacerdos de seipso loqui in plurali, cum dicit Sacramenta quæ sumpsimus, ob eam specialem rationem, quia totam Ecclesiam representat, eiusque nomine semper communicat: & per, *Sacramenta*, potest vtramque speciem intelligere, quæ seorsim habent vim significandi, & efficiendi gratiam, suntque duo sacramenta partialia, quæ vnum totale per modum conuiuii perfecti constituunt. Possunt denique verba illa intelligi de omnibus spiritualiter saltem communicantibus, & charitate, atque intentione coniunctis cum Sacerdote celebrante, & communicante sacramentaliter.

Opponunt quintò aliqua Patrum testimonia, quæ videntur Missas illas reprobare in

40.
Quid intelligat
Apost. per
Dominicam
cœnam?

41.
Non tepu-
gnat etiam
Canon
Missæ

42.

AAaa 3.

Neque do-
ctores SS.
Patrum;

quibus nullus communicat. Cuiusmodi est il-
lud Chrysostomi Homil. 3. in cap. 1. epist.
ad Ephes. *Frustra sit quotidiana oblatio. Frustra
adstamus ad altare. Nemo est, qui participet.*
Et Basil. in Psal. 115. versus finem, *Non in
latebris delitescens sacrificabo, sed publicum
exhibebo tibi sacrificium.* Propter quod, & si-
militer Valfridus Strabo lib. de Rebus eccle-
siast. cap. 22. dicit illam esse Missam legiti-
mam, in qua adstunt Sacerdos, responden-
tes, offerentes, & communicantes. Ad pri-
mum respondimus leet. precedenti, Chry-
sostomum non reprehendere Sacerdotes ita
celebrantes, sed fideles tepidos, & negli-
gentes: ut patet ex verbis sequentibus pau-
lo post. *Quisquis mysteriorum consortis non est,
impudens, & improbus adstat.* Quod tamen
cum exaggeratione, & amplificatoriè dictū
est: quia non tenentur ex præcepto omnes
adstantes sacrificio communicare. Ad se-
cundum supra quoque responsum fuit Basi-
lium loqui de latebris, & conuenticulis
Schismaticorum se ab Ecclesia segregan-
tium, & priuim ac seorsim ab illa sacrifi-
cantium, ut indicant verba sequentia: *Au-
dite, qui Ecclesiam relinquitis, & in publicis do-
mibus versari, miseras facitis corporis speciosi-
scissuras, &c. Tu aram erigis ex aduerso altaris,
tibi à Patribus constituti.* Ad tertium dico Val-
fridum minis propriè locutum esse, cum ex
Concilio Tolerano XII. can. 5. satis intelli-
gatur sufficere ad sacrificium legitimum, si
celebrans ipse de illo participet: & ex Con-
cilio Nannetensi habetur, sufficere adesse
vnum, qui respondeat, ut vidimus num. 27.
in fine. Potest autem excusari, & pie exponi
Valfridus de legitimo sacrificio quoad per-
fectum illius usum, etiam prout sacramen-
tum est, institutum pro omnibus. Non au-
tem quasi fiat contra legem, si que eo sensu
illegitimum, nisi semper adsint plures qui
communicent. Similique modo explican-
dum est quod obiciunt ex Humberto, im-
perfectam esse Missam, in qua non simul sit
consecratio, fractio, seu distributio, & com-
municatio. Intelligendum inquam est de
imperfectiōne quoad integrum usum.

43.
Neque ca-
nonibus &
definitioni
Conciliorū

Opponunt denique Missas illas priuatas
repugnare Canoni decimo Apostolorum, &
Canon 2. Concilii Antiocheni, & Canon 1.
Peracta, de Consecrat. dist. 2. quo statui-
tur, ut *Peracta consecratione omnes communi-
cent, qui noluerint ecclesiasticis carere luminibus.*
Sic enim, & Apostoli statuerunt, & sancta
Romana tenet Ecclesia. Qui Canon sumptus
est ex Anacleto epist. 1. & alludit ad Ca-
nonem Apostolorum supra dictum, renoua-
tum in Concilio Antiocheno Can. 2. ubi
pœna priuationis communionis statuitur
contra eos, qui Missæ adstantes non perman-
serint usque ad finem, & non communicaue-
runt. Respondet Bellarm. lib. 2. de Missa
cap. 10. obiectione octaua, Canonem il-
lum Apostolorum loqui non de quibuslibet
non communicantibus, sed de illis, qui cer-
ta de causa, nimirum ob aliquam supersti-

tionem, aut prauam opinionem, auersaban-
tur sacram communionem: ut explicatur à
Concilio Antiocheno Can. citato, cuius ver-
ba sunt: *Omnes qui ingreditur Ecclesiam Dei,
& scripturas sacras audiunt, nec communicant
in oratione cum populo, sed pro quadam intempe-
rantia se à perceptione sanctæ communionis auer-
tunt, hi de Ecclesia remoueantur, &c.* Anacle-
tum vero in epist. ex qua sumptus est Canon
Peracta, loqui solum de clericis in sacro so-
lenni ministrantibus, qui tunc temporis te-
nebantur communicare cum celebrante.
Respondeo secundò, dato quod citari cano-
nes loquantur generalius, ut de postremo
affirmat D. Thom. q. 80. art. 10. ad 5. &
plerique probabilius iudicant: iam pridem
esse contraria consuetudine abrogatos, po-
tuisseque abrogari, cum sint iuris tantum
positiui ecclesiastici: neque aliud probare,
quàm fideles tunc temporis debuisse com-
municare quoties Missæ assisterent, nisi le-
gitimum impedimentum haberent.

SECTIO V.

De ceremoniis Missæ, quæ in rebus consistunt.

Cerimoniarum Missæ consistunt partim in 44.
crebris quibusdam, partim in verbis, & Cerimo-
partim in aliquibus actionibus. De singulis nix Missæ
breuiter dicendum est, ad ostendendam earum
sanctitatem, & antiquitatem, vindicandam-
que ab hæreticorum calumniis, qui hæc om-
nia superstitionis, & abominationis plena
esse persuadere conantur, Missamque velut
Idolum quoddam execrantur. De illis verò
fusiùs, & accuratius scripserunt Isidor. Ru-
pert. Alcuin. & Amalarius in libris de Diui-
nis officiis, Valfridus Strabo lib. de rebus
ecclesiast. Hugo de Sancto Victore lib. 2. de
Sacram. Innocentius III. sex libris de My-
steriis Missæ: & ex recentioribus Durantius
lib. 1. & 2. de Ritibus Eccles. Bellarm. lib. 2.
de Missa à capite 13. usque ad finem, & Suar.
disp. 81. de Euchar. & pluribus sequenti-
bus.

Ad primum genus ceremoniarum perti-
nent dedicatio, & consecratio Ecclesiarum, 45.
& altarium, quæ ad celebrandum Eucharis-
tiæ sacrificium destinantur, vestes Sacer-
dotes, sacra vasa, incensum, luminaria,
& si quæ alia eiusdem sacrificii celebrationi
priuatæ, aut solenni inferuiunt. De quibus
dico primò usum, & ritum celebrandi Eu-
charistiam in ecclesiis, seu locis publicis spe-
cialiter Deo dicatis, & consecratis, anti-
quissimum esse, valdeque decentem, & con-
uenientem sanctitati huius ministerii. Nam
ut omittam quod ait Paulus. 1. Corinth 11.
v. 20. *Conuenientibus vobis in unum, iam non
est Dominicam carnem manducare, &c. Nunquid
domos non habetis ad manducandum, & biben-
dum, aut Ecclesiam Dei contemnitis?* Et inferius
v. 34. *Si quis esurit, domum manducet, ut non in*

Celebran-
dum in lo-
co sacro;

inducium conueniatis: Vbi manifestum est ipsum loqui de Ecclesia sumpta pro loco sacro, quem à priuatis Corinthiorum domibus distinguit, & in quo Eucharistiam celebrari vult ea præparatione animi, & reuerentia, quam ibidem describit:

46.

Clemens Rom. epist. 2. ad Iacobum fratrem Domini, clarè affirmat Ecclesias, seu loca sacrificio Eucharistiae celebrando destinata, debuissent peculiari sacrari, cum sic ait: *Ecclesias per congrua, & vilia facite loca, quæ diuinis precibus sacrare oportet, & in singulis sacerdotes diuinis orationibus Deo dicatos statuere.* Et epist. 3. prohibet missas celebrare, vel sacrificare, nisi in locis consecratis, idque Apostolos à Domino accepisse, & nobis tradidisse. Et Athanasius in epist. ad Constantium Imperatorem, se excusat, quod necessitate coactus in Ecclesia magna nondum consecrata Synaxes celebrasset. Nimirum quia id non licebat extra casum necessitatis, vti etiam statuit Felix IV. atavus S. Gregorii Magni in epist. ad omnes Episcopos, cuius verba referuntur in Decreto dist. 1. de Consecrat. cap. 1. & 2. *Missarum celebrationes, inquit, non glori, quam in sacratiss Dominolceis, absque magna necessitate fieri debere, liquet omnibus, quibus sunt nota veteris, & noui Testamenti præcepta, &c.* Et cap. 15. eiusdem dist. sumpto ex Siluestro Papa in Concilio Romano sic statuitur: *Nullus Presbyter Missas celebrare præsumat, nisi in sacratiss ab Episcopo locis, qui sui particeps deinceps voluerit esse sacerdotii.* Et denique in Concilio Tiburiensi can. 4. relato in decreto dist. 1. de Consecrat. cap. 12. sic dicitur: *Missarum solemnities non ubique, sed in locis ab Episcopo consecratis, vel ubi ipse perquisierit, celebranda esse censemus.* Plura hæc de re videri possunt apud Durant. lib. 1. de Ritibus Ecclesie, cap. 1. & 24. tamen hæc plusquam sufficiunt ad antiquitatem huius ritus ostendendam.

47.

Conuenientia huius ceremonie.

Eiusdem verò sanctitatem, & conuenientiam ostendit, tum usus ille antiquus Ecclesie, quæ alioqui non illum usurpasset: tum etiam quia si in Republica bene instituta eriguntur publica ædificia ad munia publica ibi exercenda; & habendos conuentus publicos, putà ad iudicia exercenda, ad docendum &c. non minus conuenit esse loca publica sacris ministeriis publicis deputata, ad quæ populus conueniat, ibique diuinis mysteriis intersit, & participet, verbum Dei audiat, officiis Ecclesiasticis assistat, & cum maiori reuerentia ac deuotione orare possit. Conuenit etiam loca illa speciali ritu consecrari, ad maiorem reuerentiam ipsis conciliandam. Et ut ait Felix Papa dist. 1. de Consecrat. cap. 2. Si Moyles Domino præcipiente Tabernaculum fecit, & sacrauit cum mensa, & altari eius, & ceteris vasis, & utensilibus ad diuinum cultum explendum: & non solum precibus ea sacrauit, sed etiam sancti olei vnctione Domino iubente liniuit. Si Salomon, iu-

bente, & auxiliante Deo, Templum cum altari, & reliqua ad diuinum cultum peragendum fecit, & consecrauit. Si denique Iudæi loca, in quibus sacrificabant Domino, diuinis habebant supplicationibus consecrata: nec in aliis, quam Deo dicatis locis munera offerebant. Si, inquam, Iudæi, qui vmbra legis deseruiebant, hæc faciebant: multò magis nos, quibus veritas patefacta est, & gratia per Iesum Christum data est, templa Domino ædificare, & prout melius possumus ornare, eaque diuinis precibus, & sanctis vnctionibus, suis cum altaribus, & vasis, & vestibus quoque, & reliquis ad diuinum cultum explendum utensilibus, deuotè, & solenniter sacrare, & non in aliis locis, quam in Domino sacratiss, nisi summa exigente necessitate missas celebrare, nec sacrificia offerre Domino debemus. Huc vsque sanctus ille Pontifex Magni Gregorii atavus. Quare inepti sunt hæretici quando Ecclesie dedicationem, & consecrationem execrantur, ac veluti ritum prophanum, & supersticiosum reiciunt: eò quod Ethnicismum sapere videatur. Quasi verò dedicatio, & consecratio Tabernaculi Mosaiici, & templi Salomonis Gentilismum ocluerit, aut inter culus supersticiosos cenferi debuerit: & non tantò magis Ecclesie Christiane debeant esse sacra, quod mysteria legis nouæ sunt præstantiora ministeriis legis Mosaiicæ. Vt enim ait Paulus 1. Corinth. 3. v. 7. & seqq. *Si ministratio mortis literis deformata in lapidibus fuit in gloria &c. Quomodo non magis ministratio spiritus erit in gloria? Nam si ministratio damnationis gloria est, multò magis abundat ministerium iustitiæ in gloria, &c. Si quod euacuatur, per gloriam est, multò magis quod manet, in gloria est.*

Dico secundo, Altarium usum ad sacrificium Eucharistiae celebrandum, esse antiquissimum in Ecclesia, & Apostolicum, adeoque sanctum, & religiosum. Nam altaris nouæ legis ad eum finem destinati mentio fit Hebr. 13. v. 10. *Habemus altare, græcè* *θυμιαστήριον* id est, sacrificio dictum, de quo edere non habent potestatem, qui tabernaculo deseruiunt. Vbi non est sermo de sacrificio crucis, quod à nobis non editur, sed de Eucharistico, & incruento sub specie panis, & vini, nobis ad edendum propositum. Eiusdem quoque mentio fit 1. Corinth. 10. v. 18. 20. & 21. Vbi primò generatim ait Paulus, eos qui edunt hostias, participes esse altaris. Deinde altare Gentilium cum nostro comparans, addit, *Sed quæ immolant Gentes, Daemoniis immolant, & non Deo. Nolo autem vos socios fieri demoniorum. Non potestis mensæ Domini participes esse, & mensæ Demoniorum.* Hæc Paulus, mensam Domini vocans altare nouæ legis, ut ex ipso textu clarum est, & confirmatur à Trident. sess. 22. cap. 1. Nimirum quia idem altare, in quo Deo offertur sacrificium Eucharistiae, mensa etiam est, in qua panis ille celestis fidelibus proponitur: atque ita Christus ibi

48.
Vnus altaris ad celebrandum.

AAaa 4

mysticè immolatur, ut per eandem consecrationem, quâ mortuo modo ponitur sub speciebus panis & vini, & quantum est ex vi verborum separatur sanguis à corpore: simul etiam fiat cibus, & potus sacer ad spiritualem nutritionem fidelium destinatus: propter quod altari simul, & mensa opus sit.

49. Eodem pertinet illud Matth. 5. v. 23. *si offers munus tuum ad altare &c.* vbi non tantum de altari Iudaico propediem abrogando, sed de suo præcipue Christum locutum esse, intelligunt Sancti Patres, apud quos etiam crebra altaris mentio fit: ut apud Dionys. lib. de Ecclesiast. Hierarch. cap. 3. vbi ritum sacrificandi Ecclesiæ primum describit: & Martialem in epist. ad Burdigal. cap. 3. vbi aram ignoui Dei Burdegala repperam, ait se dedicasse Deo vero in honorem S. Martyris Stephani. Et Irenæum lib. 4. aduersus hæreses cap. 20. vbi probat Apostolos fuisse veros Sacerdotes, quia altari seruiabant: Et Hieronymum epist. 3. ad Heliodorum num. 61. vbi *subuersa*, inquit, *Ecclesia*, ad altaria Christi stabulari egui, *Martyrum effosse reliquias &c.* Et Chrysostomum lib. 6. de Sacerdotio cap. 4. vbi dicit locum altari vicinum, esse plenum choris Angelorum, quando mysteria tremenda celebrantur: Et Ambrosium epist. 33. *Nec altaria tenebo*, inquit, *vitam obsecrans, sed pro altaribus gratias immolabor*: Et Optatum Mileuitanum lib. 6. initio, vbi altare vocat *sedem corporis & sanguinis Christi*: ibidemque inuehitur in Donatistas, qui Calvinistarum more contra altaria seruiebant. *Quid enim*, inquit, *est tam sacrilegum, quam altaria Dei frangere, radere, & remouere? In quibus vota populi, & membra Christi portata sunt. Quod Deus omnipotens inuocatus sit: quod postulatus descendit Spiritus sanctus: unde a multis pignus salutis aterna, & tutela fidei, & spes resurrectionis accepta est.* Et August. lib. 20. contra Faustum cap. 21. ait In altari, non Martyribus, sed Deo soli offerri in sacrificium corpus & sanguinem Domini: Et in cap. *Sicut*, dist. 1. de Consecrat. sumpto ex Felice Papa IV. dicitur Missæ sacrificium non nisi super altare, & locis Deo consecratis offerri oportere, nisi summa coegerit necessitas. Et can. *Altaria*. eadem dist. sumpto ex Concilio Agathensican. 14. statuitur ut altaria non solum vñctione Chrismatis, sed etiam Sacerdotali (id est Episcopali) benedictione sacrentur. Quod autem in contrarium obiciunt hæretici, supersticiosa esse altaria in lege noua, quia in ea nullum est sacrificium præter illud quod Christus in cruce obtulit, quando semel oblatus, & vna oblatione omnes sanctificauit, ut ait Apostolus ad Hebr. 7. ideoque frustra edificari altaria, super quibus aliud sacrificium offeratur: Hæc, inquam, omnia soluta fuerunt disp. 37. sect. 3.

50. Dico tertio, Vestium quoque sacerdotalium usum antiquum, & religiosum esse. Nam eius antiquitas constat ex Anacleto

Papa epist. 1. Decretali, vbi statuit ut Episcopus celebrans ministros secum habeat saceris indutos vestimentis. Et ex Stephano Papa, & Martyre epist. 1. ad Hilarium, cuius verba referuntur in cap. *Vestimenta*. de Consecrat. dist. 1. Et ex Hieron. in cap. 44. Ezechiel. v. 17. vbi affirmat religionem diuinam alterum habitum habere in ministerio, alterum in vsu vitæque communi. Et lib. 1. contra Pelagianos affirmat Episcopos, Presbyteros, & omnem clerum uti vestibus candidis in administratione sacrificii. Idemque dicit Chrysost. homilia 83. in Matth. prope finem, & in Liturgia assignat orationes à Presbytero recitandas, dum singulas vestes sacerdotales induit. Et in Concilio Rhemenfi cap. 4. apud Burchardum lib. 2. cap. 50. expresse prohibetur ne Presbyteri celebrent absque Amictu, Alba, Stola, Manipulo & Casula. Et generaliter de his omnibus sic statuitur can. *Vestimenta*, supra citato, sumpto ex Stephano Papa & Martyre, qui vixit an. Domini 250. *Vestimenta verò Ecclesiastica, quibus Domino ministratur, cultusque diuini cum honorificentia, & honestate à Sacerdotibus, reliquisque Ecclesiæ ministris celebratur, & sacrata esse debent, & honesta, quibus alius in vsibus, cum Deo, eiusque seruitio consecrata, & dedicata sint, nemo debet frui, quam Ecclesiasticis, & Deo dignis officiis.* Hæc ibi. Cuius statuti mentionem quoque faciunt Damasus Papa, vel Anastasius in Pontificali cap. 24. & Beda, Ado, Alcuinus, Strabo, alique plures relati à Durant. lib. 2. de Ritibus Eccles. cap. 9. & à Suare disp. 82. sect. 2.

Quare imperitè aut malitiosè hæretici huius temporis usum vestium sacerdotalium, & sacrarum, tanquam recentem, & superstitiosum traducunt. Nam recens esse non potest, cum Pontifices, & Patres antiquissimi expressam faciant illius mentionem. Superstitiosus etiam dici nequit, cum nihil indecens contineat, aut contra Dei cultum: sed potius deceat maiestatem tantorum mysteriorum, mysticamque significationem contineat, & plurimum valeat ad reuerentiam, & deuotionem excitandam. Pertinet enim ad maiestatem sacrificii, & sacri ministerii, ut non fiat in veste communi, & vulgari, sed augusto quodam, & sanctiori ornatu: ut vel ipso externo apparatu ostendatur actionem illam non vulgarem, & profanam, sed sanctam & religiosam esse. Et alioqui vilesceret sacrum ministerium apud plerosque homines, qui rebus sensibilibus magis ducuntur, rebusque spiritualibus, & purè internis non adeo mouentur, neque facile discernunt per seipsas res sacras, & diuinas. Atque ut rectè addit Cardin. Bellarm. lib. 2. de Missa cap. 14. Si Reges & magistratus in publicis actionibus non vulgari vtuntur vestitu, sed alio augustiore, & certis insignibus, quò & reuerentia ipsis concilietur, & simul ipsorum potestas repræsentetur: Sic etiam omnino conuenit, ut in hæc

Vsus
stium sa
cerdota-
lium

51.
Eius con-
uenientia

publica totius Ecclesiae actione sacerdos sacro & peculiari vestis genere utatur, tum ad reuerentiam mysterii, tum ad suae potestatis insignem, aliosque fines, de quibus paulo post.

§ 2.

Confirmatur ex Scriptura.

Etque de causa Exod. 28. & 31. Deus praecepit Moysi ut faceret Aaroni sacerdoti, & filiis eius vestes sanctas in gloriam, & decorem: & ut non nisi loci & vestibus sacris induci, sacerdotio fungerentur. Ex quo, ut recte ait Ino Carnotensis epist. 124. intelligere debet populus Christianus, quod si in sacrificiis, quae tantum faciebant ad emundationem carnis, cum tanta reuerentia istis vestimentorum erat obseruandus: quanto magis in consecratione corporis, & sanguinis Domini, in quibus consistit emundatio carnis, & spiritus, non statim ad mysticas benedictiones, & obsecrationes, quibus illa consecratio perficitur, quilibet est admittendus, nisi primam fuerit in ordine sacerdotali consecratus, & omnium congruentium suppellectilium plenitudine ornatus? Valet etiam iste ornatus sacer ad reuerentiam, & deuotionem menti ipsius sacerdotis ingenerandam. Nam, ut sapienter ait Hieronym. in cap. 44. Ezechielis, monent haec vestes sacerdotem, debere ipsum munda conscientia, & virtutum vestibus adornata, Domini sacramenta tractare. Quia nimirum alioqui Quisquis sacris indumentis ornatur, & honestis moribus non induitur, quanto venerabilior apparet hominibus, tanto indignior redditur apud Dominum, ut ait Innocentius III. lib. 1. de Officio Missae cap. 52. vbi etiam initio addit ista esse arma, quae Pontifex debet induere contra spirituales nequitias pugnaturus. Ac denique tum ipse, tum etiam populus excitatur his vestibus ad memoriam passionis Christi, quam mystice repraesentant, & cuius Eucharistia commemoratio est. Nam Amictus velum significat, quo eius facies operata fuit, quando exdebatur colaphis. Alba, vestem candidam ab Herode ipsi datam in contemptum, & illudendi causam. Cingulum, Manipulus, & Stola, fones ipsius pectori, & brachii, colloque iniectos. Casula denique, cratem eius humeris impositam.

§ 3.

Soluitur argum. haereticorum in contrarium.

Perperam autem obiciunt haeretici Christum in cena sacramentum instituentem, non aliis, quam communibus vestimentis usum esse, neque alium ornatum celebraturis deinceps praescripsisse: nihil autem in religione usurpandum esse, nisi quod Deus praescripserit: & omnem cultum religionis a Deo non praecceptum, esse supersticiosum. Respondeo enim caeteri Christus non aliis, quam propriis vestibus usus est: potuisse tamen Ecclesiam statuere, & sapienter statuisse propter rationes superius allatas, ut celebraretur non sine certis ornamentis ad hoc sanctum ministerium destinatis, & sanctificatis. In quo ipse Deus exemplum imitatus est Exodi 28. & 31. imo & omnium gentium bene institutarum, quae in sacrificiis, & cultu religioso, peculiari quodam genere vestis

ut sunt, iuxta illud Poetae,

Paraque in veste sacerdos.

Pura, inquit Seruius ibid. quae rem diuinam facturi festo utebantur die, soluta omni vinculo, nullis maculis, nec aliquo colore obfusa, nec funesta. Quamuis etiam Christus id per seipsum non praeciperet, dedit tamen Apostolis, & Ecclesiae potestatem statuendi de iis, quae ad sacramenti huius cultum expedire videbantur, ut significat Paulus 1. Corinth. 11. vbi de hoc ipso sacramento loquens, Caetera, inquit, cum venero disponam: & clarius affirmat, atque ex hoc loco Apostoli colligit Trident. sess. 21. cap. 2. Quod vero addunt aduersarii, omnem cultum religiosum non praecceptum a Deo esse supersticiosum, fuit alibi refutatum disp. 26. sect. 4. Praeterea de his vestibus sacris in genere, & de singulis in specie videri possunt apud Durantium lib. 2. de Ritibus Eccles. cap. 9. & Suar. disp. 82. sect. 2.

Dico quare, usum quoque vasorum, & utensilium sacrorum celebrationi huius sacrificii inservientium, antiquum, & religiosum esse. Antiquum esse liquet ex Tertull. libro de Pudicitia, cap. 7. initio, vbi sacrorum Calicem meminit, significatque illos fuisse pictos. Procedant, inquit, picturae Calicum vestrorum. Et ex Cyrillo Hierosol. Catech. 5. Mystag. vbi docet non liquisse laicis eos in manus sumere. Et Athanas. apologia 2. contra Arianos, vbi repellit à se calumniam de mystico poculo, seu calice sacro à Macario, se auctore, contracto. Et Nazianz. in oratione 25. de seipso contra Arianos, ferè initio, vbi eos reprehendit, quod sacra vasa diripiissent, quorum vel solus contactus laicis erat prohibitus: illosque comparat Nabuzardanum, & Baltazari vasa templi Hierosolimitani diripiētibus. Et Optato Mileuit. lib. 6. contra Donatistas, vbi calices sanguinis Christi portatores appellat. Et Prudentio in hymno S. Laurentii, vbi refert exprobratum ipsi à Tyranno fuisse, quod in Orgiis, id est, sacris Christianorum, libarent in auro Antistites, & in patris aureis fumaret sanguis. Et August. in concione 2. in Psal. 113. vbi sic ait: Sed et nos pleraque instrumenta, & vasa ex auro, & argento habemus. in usum celebrandorum sacramentorum, quae ipso ministerio consecrata, sanctae dicuntur, in eius honorem cui pro salute nostrae inde seruitur. Et in Concilio Triburiensi can. 18. cuius verba referuntur can. Vasa, de Consecrat. distinct. 1. sic habetur: Vasa in quibus sacrosanctae conficiuntur mysteria, calices sunt, & patena: de quibus Bonifacius Martyr, & Episcopus interrogatus, scilicet in vaseculis lignis sacramenta conficere, respondit: Quondam sacerdotes aurei ligni calicibus utebantur: nunc contra viol ligni sacerdotes aurei vniuntur calicibus. Ibidemque additur Urbanum Papam, & Martyrem omnia ministeria fecisse argentea: quod etiam testatur Damasus, seu potius Anastasius auctor Pontificalis, in eius vita: statuiturque ut deinceps nullus sacer-

§ 4.

Vsum vasorum & utensilium sacrorum.

quitur de iis, qui cereos accendunt, credentes Martyres inde illustrari: alioquin enim docet ipsemet in eodem lib. aduersus Vigilantium, & in epist. ad Ripar. pium esse, atque mercede dignum cereos accendere in honorem Martyrum: qui honor ad Christum & ad Deum auctorem omnis sanctitatis recurrit. Porro, si Ethnici luminaribus in profanis suis ritibus vsi sunt, non propterea debet Ecclesia, illis non uti ad pios vsus in Dei præcipue honorem, & sacri ministerii; quasi illorum vsus non possit esse non profanus, & superstitiosus. Quod si verum esset, Deus ipse non eum præcepisset Exod. 21. Leuit. 24. & Num. 8. Si etiam vsus vtenfilium pretiosorum esset de se malus, & superstitiosus, Deus non præcepisset, vt exactissime fecit libris citatis, vasa, & instrumenta tabernaculo, & cultui suo apud Iudæos inferuentia esse aurea, & pretiosa. Cætera quæ obiciunt pertinent generaliter ad ceremonias, quas omnes volunt in lege noua esse illicitas, & superstitiosas: de quo dicemus in fine sectionis 7.

SECTIO VI.

De ceremoniis Missæ, quæ consistunt in verbis.

60.

AD hoc secundum genus ceremoniarum pertinent illa omnia, quæ ex præscripto Ecclesiæ recitantur in Missa ante, & post consecrationem. Cum enim essentia sacrificii consistat præcisè in ipsa consecratione vtriusque speciei, vt alibi ostendimus: cætera verba, quæ illi ante, vel post adiunguntur, sunt accidentaria, & ceremonialia. De quibus fusè, & perspicue disputat S. Thom. q. 83. art. 4. vbi docet, hoc sacramentum maiori cum dignitate, quam cætera omnia celebrari: quia totum salutis nostræ mysterium in eo comprehenditur. Ac primò quidem ante illius celebrationem præmitti quædam præparationem, ad dignè agenda ea quæ sequuntur, iuxta illud Ecclesiasticis 4. v. 17. *Custodi pedem tuum ingrediens domum Domini.* Et Ecclesiastici 18. v. 23. *Ante orationem præpara animam tuam.* Cuius præparationis vna pars est confessio, iuxta illud Prouerb. 18. v. 17. *Iustus in principio accusator est sui.* Altera pars est laus diuina, quæ fit in introitu secundum illud Psal. 49. *Sacrificium laudis honorificabit me,* & illic iter, quo ostendit illi salutare Dei. Sumiturque ordinariè ex Psalmis: quia vt ait Dionysius cap. 2. Ecclesiast. Hierarch. Psalmi comprehendunt per modum laudis quicquid in sacra Scriptura continetur. Deinde fit commemoratio præsentis miseræ, dicendo nouies Kyrie, aut Christe eleison: ter scilicet pro qualibet personarum Diuinarum, contra triplicem miseriam ignorantie, culpæ, & pœnæ: & ad significandum tres personas diuinas esse in

Præmittenda celebratio.

Introitus Missæ.

se inuicem per circuminfectionem. Tertiò, commemoratur cœlestis gloria, ad quam tendimus post præsentem vitam, & mileriam, dicendo, *Gloria in excelsis Deo*: qui hymnus cantatur in festis, in quibus commemoratur cœlestis gloria: non autem in officiis luctuosis: quæ ad commemorationem miseræ pertinent. Quartò, post salutationem populi verbis illis, *Dominus vobiscum*, qui salutandi modus sumitur ex Scriptura Ruth. 1. & 2. Paralipom. 15. & Luc. 1. vel loco illius, si sit Episcopus, *Pax vobis*, qui salutandi modus est etiam frequens in Scriptura, & à Christo usurpatus semel, atque iterum post resurrectionem Ioan. 21. ostenditque Episcopos pacificos esse debere, & pacem, non bellum afferre iis, quibus præsumt postque responsum populi, *Et cum spiritu tuo*, quo precatur Deum esse quoque cum spiritu Sacerdotis, illique assistere ad peragendum sacrificium, aut velle se cum illius spiritu coniungi: pronuntiatur oratio, quam Sacerdos pro populo facit, vt digni habeantur omnes tantis mysteriis. Quæ idcirco Collecta vocatur, quia fit nomine populi totius in vnum collecti cum spiritu Sacerdotis, vel quia omnium petitiones compendiosè colligit. Populoque respondente in fine, *Amen*, id est, verè, aut fiat: præmittitur instructio fidelis populi: quia hoc sacramentum est sacramentum fidei. Quæ instructio dispositiue fit per doctrinam Prophetarum, & Apostolorum, dictam vulgò, Epistolam. Qua finita canitur Graduale, quod significat profectum vitæ: & *Alleluia*, quod significat spiritualem exultationem; vel Tractus in Officiis luctuosis, qui significat spiritualem gemitum. Hæc enim consequi debent in populo ex prædicta doctrina: Perfectius autem postea instruuntur fideles per lectionem Euangelii: quo finito recitatur Symbolum fidei diebus Dominicis, & præcipuis festis, ad profitendum nos credere doctrinæ Christi per Euangelium annunciatæ.

Collecta

61.

Missa Catechumenorum.

Et hæc omnia olim appellabantur Missa Catechumenorum: quia eò vsque licebat illis interesse celebrationi Missæ. Quibus finitis incipit fieri oblatio sacrificii mox futuri, vulgò dicta *Offertorium*. Posteaque lotis manibus ad decentius tractanda sacra mysteria, & ad significandam puritatem animi requisitam in sacerdote, per orationem, & Præfationem excitatur populus ad feruorem deuotionis, & ad mentem sursum attollendam, Tum inchoato Canone, fit commemoratio eorum, pro quibus offertur sacrificium, & Sanctorum, quorum auxilium imploratur. Indeque pergitur ad consecrationem: quæ peractâ, postulat sacerdos à Deo, vt suum acceptet sacrificium, petitque illius effectum, cum sibi, & aliis communicantibus, vel assistentibus, tum etiam mortuis, vt illis proficit ad refrigerium, & leuamen pœnarum. Post adumptionem se disponit, & alios communicare volentes, tum per orationem Dominicam, cuius vna petitio est de pane quo-

genio recitabant in publicis Ecclesiæ conuē-
tibus, vt se inuicem excitarent, & commune-
facerēt: quas idcirco oportebat vel ea lingua
fieri, quam alii intelligerent, vel saltem earū
interpretationem subloqui: cū alioquin non
possent assequi finem, quem solū, aut præ-
cipuē intendebant. At in diuinis officiis, quæ
præcipuē fiunt ad Dei cultum, conuenientius
fuit, propter rationes supra allatas, vt non
fiant lingua vulgari, sed temporibus oppor-
tunis adiungatur idem tamen Pastorū expli-
cacio per se, vel per alios idoneos. Atque hoc
maximè locum habet in sacrificio, quod soli
Deo fit. Deus enim quæcunque linguā in-
telligit; imò neq; verbis eget, vt cōceptus no-
stros, & affectus internos notos habeat. Vnde
in antiquis sacrificiis legis Naturæ, & Mosai-
cæ plerumque sola mente orabatur, & offe-
rebat.

65. **Secunda obiectio.** Opponunt secundò, Ea, quæ recitantur in officio Missæ, fuisse à multis cōposita, & alia ab aliis successiuè addita. Sed hæc obiectio futilis est. Quasi non etiam ipsa Scriptura diuina fuerit à diuersis cōposita, & successiuè, à Moyse, Samuele, Dauide, Salomone, Itia, & pluribus aliis longo tēpore diffitis. Sicut autem omnia in Scripturis cōtenta sunt digna fide, & veneratione, quia sunt omnia à Deo reuelata: ita quæcunque recitantur in officio Missæ, sunt digna omnium approbatione: quia ab Ecclesia sunt præscripta, nihilque in illis est, nisi pium, & sanctum: nihil ab Apostolica doctrina alienum, aut quod ab antiqua tradi-
tione non ducat originē, aut quod ad pietatem, & religiosum Dei cultum non pertineat, vt de Canone Missæ affirmat Trident. sess. 22. cap. 4. Et tum de illo, tum de omnibus aliis fusè, acurateque ostendunt Durant. Bellarm. & Suar. locis supra citatis.

Tertia oppositio. Opponunt tertio, Perperam aliqua secre-
tò dici in Missa, contra exemplum Christi, qui alta voce in cœna consecrauit: contraque ipsius præceptum, & institutionem, qui memoriam sui facere nos præcepit in Eucharistia, non per silentiū, sed per annunciationem mortis eius: atque etiam contra antiquam consuetudinem. Nam olim ipsa quoque verba consecrationis alta voce pronunciabatur, & populus vniformiter respondebat, *Amen*, vt videre est apud Iustinum Martyrem in apologia pro Christianis, & Ambros. lib. 4. de Sacram. cap. 5. & lib. de Iis, qui mysteriis instantur cap. 8. & 9. & Leonem Papam serm. 6. de Ieiunio septimi mensis: sicut nunc etiam fit in Ecclesia Orientali, teste Arcudio lib. 3. de Sacram. cap. 26. Contra denique naturam ipsius sacrificii, quod cū sit actio publica, omniumque nomine fiat, debet fieri palam, & publicè, non secretò & in silentio.

66. **Cur aliqua dicatur secreto in Missa** Respondeo primò, Nihil referre ad essen-
tiam sacrificii, fiatne alta voce, an secretò: posseque, quantum est de se, conuenienter utroque modo fieri. Neuter enim continet indecentiam, neuter à Christo prohibitus est. Secundò, Ecclesiam conuenienter statuisse,
Tom. IV.

vt quædam secretò dicantur: meritoque damnari à Trident. sess. 22. Can. 9. eos omnes, qui hunc ritum Ecclesiæ improbant. Cū enim habeat potestatem disponendi de iis, quæ accidentariò pertinent ad celebrationem Eucharistiæ, aliorumque Sacramentorum, vt significat Paulus 1. Corinth. 11. v. ult. & ex illo deducit Tridentinum sess. 22. cap. 2. potuit alterutrum ex his duobus modis de se indifferentibus eligere, & ad seruandam vniformitatem, omnibus præscribere. Neque defuit ratio ad hunc modum conuenienter eligendum præ alio. Valet enim ad Christum imitandum, qui in passione, cuius hoc sacrificium est commemoratio, interdum alta voce, interdum secretò orauit: & interdum Patrem suum, interdum adstantes allocutus est. Valet etiam ad monendos assistentes, vt orent quoque ipsi secretò, & studiosius se colligant, diuinumque istud mysterium attentè meditentur. Valet præterea hæc varietas ad recreandos animos auditorum: & secretum mysterii commendat, reuerentiamque illi conciliat. Tertio specialē fuisse rationem cur Christus alta voce consecrauerit: quia tunc simul doc-
bat Apostolos, quos Sacerdotes institu-
bat, quomodo ipsis consecrandum esset. Quæ de causa Episcopi, in ordinatione Presbyterorum, alta quoque & distincta voce consecrationis verba pronunciant. Annunciatio verò mortis suæ, quam Christus in hoc Sacramento nos facere præcepit, non consistit in verbis, sed in ipsa actione consecrandi, aut sumendi Eucharistiam: iuxta illud Augustini lib. 20. contra Faustum cap. 18. *Christiani iam peracti, in cruce & Christi morte, eiusdem sacrificii memoriam celebrant, sacrosanctæ oblatione, & parti ipsius corporis & sanguinis Christi.* Et certe alioqui magna foret confusio, si tota multitudo communicantium deberet verbis mortē Domini annuciare. Tamen si autem olim in Ecclesia consecratio fieret alta voce, sicut huc usque in Orientali fit: certum tamē est quædam in Missa fuisse dicta secretò: vt patet ex liturgiis Chrysost. & Basil. & ex libro de Spiritu Sancto eiusdem Basilii cap. 27. Neque propterea definit actio sacrificandi esse publica: quippe quæ fit à Sacerdote, velut publico ministro, nomine totius populi, quem sæpe alta voce compellat, & salutat, cūque ipso simul orat: interdum autem soli Deo loquitur secretò, & populum suo exemplo inuitat ad idem faciendum. Instructioni verò populi satis prouidetur, dummodo identidē in concionibus, & Catechesibus Missæ intermixtis, aut alio tempore factis, doceatur populus de iis, quæ circa sacrificium, & alia fidei christianæ mysteria scire ipsum expedit. Cerimonia denique illa respondendi *Amen*, viurpabatur potius in ipsa communione, vt diximus numero trigésimo sexto, & facillè intelligitur ex Euseb. Ambros. & aliis citatis.

Opponunt quartò, Multa in Missa dici
BBbb

67.

Quarta ob-
iectio.

falsa, inepta, & aliena doctrina Apostolica: ut quando initio Sacerdos confitetur Sanctis, eosque orat, & sæpius per eorum merita, vel intercessionem aliquid à Deo postulat: orat pro defunctis, & in Missis eorum propriis Deum precatur, ut illorum animas iam corpore solutas liberet de ore leonis, ne absorbeat eas Tartarus, ne cadant in obscurum: cum iuxta fidem nostram, vel iam absorptæ sint in ipso mortis instanti, si in malo statu decesserunt: vel si secus, impossibile sit iuxta legem à Deo positam, absorberi à Tartaro, id est, æternis Inferni pœnis addici. Superflue quoque idem sæpius repetitur: ut quædo dicitur initio canonis, *Hæc dona, hæc munera, hæc sancta sacrificia illibata*: & paulò post, *Hostiam puram, Hostiam sanctam, Hostiam immaculatam*, quæ tria idem significat. Multa etiam dicuntur super hostiâ, & calicem consecratum, quæ de corpore, & sanguine Christi apte, aut verè dici non possunt ut illud, *Supra quæ propitio, & sereno vultu respiciere digneris, & accepta habere si ut accepta habere dignatus es munera pueri tui Abel, & sacrificium patriarchæ nostri Abraham, & quod tibi obtulit summus Sacerdos tuus Melchisedech*. Neque enim potest sine impietate orari Deus, ut corpus & sanguinem filii sui acceptum habeat, sicut bruta animalia ab Abele, & Abrahamo immolata, vel panem & vinum Melchisedech. Quodque paulò post additur: *Supplices te rogamus omnipotens Deus, iube hæc perferri per manus sancti Angeli tui, in sublime altare tuum, in conspectu diuinæ maiestatis tuæ*. Quali verò Christus nostra oratione, & Angelorum interuentu indigeat, ut Deo patri suo representetur: & absurdum non sit altare in cælo imaginari, eoque esse perferenda per Angelum ea, quæ mox à Sacerdote consumenda sunt. Item quod aliquantò post sequitur, *Per quem, Christum scilicet, hæc omnia semper bona creas, sanctificas, viuificas, benedixisti, & præstas nobis*. Quæ verba, cum supra Christum sub speciebus consecratis existentem, ut nos credimus, pronuncientur, de ipso verè dici non possunt. Neque enim Christus est hæc omnia bona: neque continuò creatur, sanctificatur, & viuificatur: multòque minùs verè dici potest, quòd Christus per seipsum creetur, sanctificetur, viuificetur. Item quod paulò ante consecrationem dicitur, *Benedictam, ascriptam, ratam, rationabilem, acceptabilemque facere digneris*: quæ verba nullum bonum sensum habere possunt. Et in commemoratione defunctorum continetur aperta contradictio, quando initio dicitur: *Aleuementorum Domine famulorum, famularumque tuarum, qui nos præcesserunt cum signo fidei, & dormiunt in somno pacis*: posteaque in fine additur: *Ipsis Domine, & omnibus in Christo quiescentibus, locum refrigerii, lucis, & pacis ut indulgeas deprecamur*. Quod est petere, ut obtineant id, quod antea asseruimus iam illos habere, siquidem dormiunt in som-

no pacis.

Ad primum Respondeo nihil in eo mali esse, quod non solum Deo, sed etiam sanctis, & hominibus confiteamur nos peccasse, id est faciamur illis, & coram illis pronunciemus nos esse reos plurium peccatorum contra Deum commissorum, quibus etiam sancti ipsi, & omnes Dei amici offenduntur aliquatenus: illis enim displicet, quidquid contra Deum facimus. Quod autem insuper rogemus sanctos, ut peccatorum veniam, & alia beneficia nobis à Deo impetrent, non est dissentaneum doctrinæ Apostolicæ, & exemplo SS. Patrû, ut ostendimus suo loco in tractatu de spe, & de religione. Illam enim præxim mansse ab Apostolis ostendunt Iacobi, & Matthæi Liturgiæ: fuisseque deinceps in usu antiquæ Ecclesiæ testantur Cyrillus Catech. 5. mystag. Basil. & Chrysost. in Liturgiis, & August. tract. 84. in Ioan. vbi dicit SS. Martyrum commemorationem in sacrificio fieri non eodem modo, quo aliorum, qui in pace requiescunt, ut etiam pro iis oremus, sed magis ut orent ipsi pro nobis.

Ad secundum respõdeo, Orationem quoque pro defunctis in sacrificio esse traditionis Apostolicæ, ut expressè affirmat Chrysost. homil. 3. in epist. ad Philipp. prope finem. *Non frustra*, inquit, *insistuerunt Apostoli, ut cum tremenda mysteria celebrantur, fieret eorum commemoratio, qui ex hac vita decesserunt*. Sciebant enim magnum inde lucrum, multamque utilitatem eis provenire. Cum enim adsit populus vniuersus, & collegium sacerdotale manus attollat, & coramposita sit tremenda hostia, quomodo iram Dei non placabimus pro illis orantes? Eiusdemque ritus expressè meminerunt. Idem Chrysost. homil. 41. in primam ad Corinthios, non longè à fine, & homil. 69. ad populum Antioch. vbi iterum dicit ab Apostolis id sancitum fuisse: Basilus in Liturgia, Cyril. Catech. 5. mystag. Ambrosius in orationibus de obitu Theodosii, Valentiniani, & Sasyri fratris, Cyprian lib. 1. epist. 9. August. lib. de cura pro mortuis cap. 1. & lib. 9. Confess. cap. 12. & 13. alii-que plures.

Illud autem, *Ne absorbeat eas Tartarus, &c.* dicitur de animabus illis consideratis, quasi mox è corpore egressuræ, & coram tremendo Dei iudicio sistendis: simili prosopopœia, quæ etiam nunc Ecclesia Christum interdum considerat, ut ante aduentum, quando has voces Prophetarum usurpat: *Veni Domine, & noli tardare, relaxa facinora plebis tuæ Israël. Rorate cali desuper, & nubes pluant Iustum, aperiat terra, & germinet Saluatorem*. Viurpat autem ab Ecclesia illa prosopopœia ut magis excitet fideles ad cõmiserationem huiusmodi animarum, & ad apprehensionem iudicii diuini. Neque propterea minùs valent orationes illæ ad solatium, & leuamentum animarum in statu, quo nunc sunt illius capaces, ad quem finem referuntur ex intentione Ecclesiæ.

Ad tertium dico, Huiusmodi repetitiones

68.

Sanctorum
mentio in
Missæ, & in-
uocatio li-
citur.

69.

Et oratio
nisi Apostolicæ,
pro defun-
ctis.

70.

71.

Repetitio-
nes non vi-
siose

esse frequentes in Scriptura, & valere ad em-
phasim, vel ad idem magis, ac magis inculcā-
dum. Vt cum dicitur Psal. 31. *Beati, quorum re-
missa sunt iniquitates, & quorum tecta sunt pec-
cata.* Beatus vir cui non imputauit Dominus pec-
catum. Et Psal. 6. *Dominus ne in furore tuo arguas
me, neque in ira tua corripas me.* Et in Cantico
Ezechiel, *Non videbo hominem ultra, & habita-
torem quietis, id est, terrae quiete, & immobilis.*
Et 2. Corinth. 11. *Hebraei sunt, & ego: Israhel
sunt, & ego: Semine Abraham sunt, & ego.* Quae tria
idem planè significant: neque tamen frustra
repetuntur, quia faciunt ad emphasim, & or-
natum orationis. Et Rom. 12. habetur repe-
titio similis posteriori allatae in obiectione:
Hostiam uiuentem, sanctam, Deo placantem, &c.

72.

Ad quartum respondeo, Eadem verba re-
ferri ab Ambrosio, lib. 4. de Sacram. c. 6. Et per ea
non postulari absolute ut Deus acceptet sa-
crificium corporis, & sanguinis Christi secū-
dum se consideratum: sed respectiue, id est,
spectatum in ordine ad deuotionem nostrā.
Et quemadmodum respexit Deus ad Abelē,
& ad munera eius, ut dicitur Gen. 4. v. 4. Sic
etiam ad nostrum affectum respiciat, nostrū-
que sacrificium acceptum habeat, non solum
ratione sui, verum etiā ratione affectus, quo
a nobis offertur. Adde, particulam *sicuti*, non
ibi significare aequalitatē, ut malè supponit
obiectionis: sed simplicem comparationem: ut
iamdiu obseruauit Innoc. III. lib. 5. de my-
steriis Missae c. 4. *Sicuti similitudinem innuit, nō
exprimit quantitatem.* Quomodo quando
Apostolus Ephes. 5. v. 22. sic ait: *Mulier
viris suis subdita sit sicut Domino:* non vult ut
aequalem marito, & Deo suae actionem exhi-
beant, sed similem, & proportionatam: ma-
ior enim sine dubio debet exhiberi Deo.

73.

Cor oret
Sacerdos
suum sacri-
ficiū of-
ferri Deo
per Ange-
los

Ad quintum respondeo cum Barrault tom.
3. Clyp. c. 31. §. 17. Sicut Christus non eget
interuentione Sacerdotum, ut offeratur Deo,
cui in sacrificio Eucharistico offerri credidit
semper Ecclesia, ut patet ex Niceno I. can.
18. Tertull. de oratione Dominica c. 4. Cy-
priano epist. 63. ad Cæciliū, Ambrosio in
Psal. 38. Augusti, lib. 22. de Ciuit. c. 8. alio-
rumque plurium testimoniis alibi relatis: Sed
nos potius indigemus actione illa offerendi
ab ipso instituta, & praecepta in nostrum cō-
modum ita quando Sacerdotes rogant, ut ea,
quae ab ipsis offeruntur, id est, corpus, & san-
guis Christi, ad Deum perferantur ab Ange-
lis, non localiter, & corporali modo, sed spi-
rituali, & mystico, id est, per eorum preces,
quibus offerantur Deo: nō eget Christus An-
gelotum interuētu, sed Sacerdotes egent in-
tercessione Angelorū, ut suum ministerium,
& affectum precibus suis Deo commendent,
& gratiora esse faciant. Quamuis autē Deus
vbiq; sit: Scriptura tamen saepius dicit ipsū
de caelo preces nostras audire, eoque nostrā
orationem ascendere: ut Deuter. 32. v. 15. &
lib. 3. Reg. c. 8. v. 32. 34. & 38. Et Ecclesia-
stici 35. v. 21. & lib. 2. Paralipom. 30. v. vlt.
Affirmat etiam preces nostras eō deferri per
Angelos nō materialiter scilicet, eō usq; de-

ferēdo sonum verborum, sed spiritualiter, &
mysticè illas Deo representando, suasq; no-
stris adiungendo ad eundē effectum. Quidnā
ergo liceat ab illis petere, ut simili modo sa-
crificium nostrū Deo representent in caelo,
seu potius nostrum ministerium, & affectū il-
li offerant? Quod verò altaris in eadē oratio-
ne mentionem facit Sacerdos, nihil absurdū
continet: cum idem saepius Scriptura faciat.
Ut Apoc. c. 6. 8. & 9. vbi meminit altaris au-
rei ante thronū Dei, mystici scilicet, & spiri-
tualis, ad significandū sacrificia, quae ab homi-
nibus in terra fiūt, ab ipso acceptati in caelo.

74.
Cū Eucha-
ristiam vo-
cat hoc om-
nia bonā

Ad sextum respondeo, Non incongruē di-
ci in plurali, *Hec omnia bona*, de corpore, &
sanguine Christi, ut positis sub speciebus pa-
nis, & vini: similique modo loquendi vltimū
fuisse antiquam Ecclesiam: ut quando ante
distributionem Eucharistiae clamabat olim
Sacerdos, aut Diaconus, *Sancta sanctis*: quē-
admodum patet ex Liturgiis antiquis, & ex
Chrysost. homil. 17. in epist. ad Hebr. Quod
explicans Cyrillus Catech. 5. mystag. dicit,
Sancta illa non esse aliud, quā proposita in
altari, & sanctificata per aduentum Spiritus
sancti: hoc est, ut paulō ante dixerat, cōuer-
sa in corpus & sanguinem Christi. Si autem
corpus & sanguis Christi in Eucharistia
possunt vocari Sancta: possunt non minūs cō-
uenienter vocari bona in plurali: praesertim
cū v. rissimum sit illud Chrysost. hom. 21.
in 1. ad Corinth. *Quā idē dico* (Eucharistiam
scilicet) *omnem beneficentia Dei in se habere apertio,*
& *magis eorum cuius donorum memoria recolo.* Non
incongruē quoque dicuntur bona illa creari,
id est, omnipotenti Dei actione fieri duo illa
composita ex corpore & sanguine Christi, ac
speciebus panis, & vini: vel etiam corpus ip-
sum, & sanguinem creari, id est, produci, aut
constitui in Eucharistia nouo essendi modo,
per institutionē ipsius Christi, & principale
ministeriū: quippe cuius Sacerdotes Eua-
gelici sunt tantum vicarii, & ministri secunda-
rii. Eodemque verbo creandi vsi sunt SS. Pa-
tres: ut Cyprian. vel alius eius contemporā-
neus in Serm. de cæna Domini: *Qui usque ho-
die hoc veracissimum, & sanctissimū corpus suum
creat, & sanctificat, & pie sumentibus diuidit.* Et
Ambrosio, lib. 4. de Sacram. c. 4. *Non erat cor-
pus Christi ante consecrationem: post consecrationē
distribui quod iam corpus est Christi. Ipse dixit, &
factum est. Ipse mandauit, & creatum est.* Simili
autem modo, quo dicuntur corpus, & sanguis
Christi creari in hoc sacramento, quia ponū-
tur sub speciebus Eucharisticis noua actione
productiua, vel constitutiua nouo essendi
modo: ita possunt dici sanctificari, & viuifi-
cari, quia eadem actione ponuntur ibidē,
ut viuā, & sanctā, per vitam, & sanctitatē
ipsius diuinitatis, cui coniuncta sunt insepa-
rabiliter: qualia scilicet esse debent, ut
nos quoque sanctificent, & viuificent iuxta
illud Christi Ioan. 6. *Spiritus est, qui viuificat,*
*caro non prodest quicquam, nuda videlicet, &
destituta spiritu diuinitatis, ut explicatur in*
Concilio Ephesino parte 3. in declaratione

Cū dicim
creari, san-
tificari,
viuificari

BBbb 2

848 Disput. XL. de Euchar. Sect. VI. & VII.

11. Anathematismi contra Nestorium. Quomodo autem id per ipsum Christum fiat, velut institutorem, & principalem executorem huius mysterii, paulò ante indicauimus, & fusiùs disp. præcedenti sect. 3.

75. *Quid significent hæc verba Canonis, Benedictam, ascriptam, &c.*
Ad septimum Respondeo cum Bellarm. lib. 2. de Missa cap. 23. eadè verba haberi apud Ambros. lib. 4. de Sacram. c. 5. & sic exponi ab Alcuino, Hugone de S. Vict. & Innocentio III. Sacerdotè à Deo petere vt ipse oblationem eius consecrando, benedictà ex profana efficiat: eandemque approbando, faciat adscriptà, id est, adscribat, & numeret inter dona, quæ ipsi probantur: confirmando ratà efficiat, id est, stabilem, & firmam, vt fructum certum, & perpetuum ad nos referat: rationabilem quoque faciat, vt non solum bona, sed etiam bene, rationabiliter, & prudenter offeramus, ac sit rationabile obsequium nostrum, iuxta Apost. Rom. 12. Denique acceptabilem faciat, id est, ita vndique bene se habentem non solum ex parte doni, sed etiam ex parte ministri offerentis, vt digna sit, quæ à Deo acceptetur.

76. *Et ista, Qui dormiunt in somno pacis, &c.*
Ad octauum Respondeo, nullam in eo esse contradictionem quòd fideles post mortem dormiant in somno pacis, id est, in statu gratiæ, & amicitie diuinæ existant, atque in spe certissima, & infallibili æternæ gloriæ obtinendæ conualescant: & nihilominus luant pœnas aliquas pro peccatis hæc in vita commissis, ac nondum perfectè expiatis: nondumq; locum, & statum perfectæ pacis, seu beatitudinis (in quæ nihil intrat coinquinatum) adepti sint. Vnde meritò pro illis rogetur, vt debito pœnæ misericorditer remisso intuitu huius sacrificii, mox ad illum admittantur. Falluntur autè manifestè aduersarii, si putant onus, aut pœnam aliquam non posse illis imponi, quibuscum pax statuitur: & idcirco nò posse dici fidelium animas pacè habere cum Deo, si pœnam aliquam pro peccatis exsoluunt. Nam contrarium manifestè patet ex Iosue c. 9. vbi Iosue pacem iniuit & sanxit cum Gabaonitis, sed ea lege, vt in pœnam fraudis, & deceptionis non deficerent de stirpe eorum, qui essent in ministerio cuncti populi, & altaris Domini, cædentes ligna, & aquas comportantes. Alia multa opponunt his similia, quorum solutionem vide apud Bellarm. lib. 2. de Missa cap. 16. & seqq. Nobis enim ista pro instituta breuitate sufficiunt, & ex illis potest facillè iudicari de aliis.

SECTIO VII.

De Cerimoniis Missæ, quæ consistunt in actione.

77. **A**D hoc tertium genus cerimoniarum pertinent omnes illæ actiones exteriores, quæ in celebratione Missæ sunt à Sacerdote, ex præscripto Ecclesiæ: quarum aliquæ exerceantur circa Deum, aliæ circa oblata ante, & post consecrationem: aliæ circa altare, aut librum Missalis: aliæ circa ipsum Sacerdotem: aliæ circa populum. Quædam etiam

sunt circa plura ex illis: vt v. g. vñs signi crucis. Nam Sacerdos modò seipsum eo signo munit, modò populum, modò panem, & vinum consecrandum, atq; etiam corpus, & sanguinem super altare positum, librumq; Missalis. Osculum quoque modò datur altari, modò libro Missalis, modò ipsi ministro, & populo. Omnes autem eiusmodi cerimonias esse pias, & conuenientes, atque iampridem visitatas in Ecclesia, patebit ex sequentibus.

Circa Deum exercentur genuflexio, aut inclinatio capitis, vel etiam totius corporis inter orandum, tunisio pectoris petendo veniam peccatorum, & eleuatio manuum, aut oculorum. Quorum omnium exempla habentur in Scriptura. Nam & Salomon genuflexo orauit, 2. Paralip. 6. v. 15. & Daniel c. 6. v. 10. & Michas c. 6. v. 6. & leprosus à Christo sanatus Marci 1. v. 40. & Christus ipse Luc. 22. v. 41. & Petrus Act. 9. v. 40. & Paulus Act. 20. v. 36. & cap. 21. v. 5. & Ephes. 3. v. 14. Huius rei gratia, inquit, flecto genua mea ad patrem Domini nostri Iesu Christi. Christus etiam Matth. 26. v. 39. orauit profundè inclinatus toto corpore, & procidens in faciem suam. Estq; sine dubio gestus ille conueniens ad Deum adorandum, nostramq; submissionem illi significandam. Et decet homines constantes corpore, & spiritu, Deum colere vtroque. Tunisionis verò pectoris exemplum habetur à Christo laudatù Luc. 18. de Publicano pectus suum percutiente, sic orando: *Deus propitius esto mihi peccatori.* Et Luc. 23. *Reuertebantur percutientes pectora sua:* eiusdèq; cerimonie velut in Missa visitatæ meminit S. August. l. 50. Homil. homil. vlt. c. 2. aliquandò ante finè. *Quotidie, inquit, tundimus pectora, quod nos quoque Antistes, ad altare assistentes, cum omnibus facimus.* Et Innoc. 1. l. 1. lib. 2. de Offic. Missæ c. 13. vbi dicit Sacerdotè id facere ex èplo Publicani, vt iustificatus descendat in domum. Et Stephanus Eduensis, qui floruit an. 950. lib. de Sacramento altaris c. 12. initio, *In confessione percutiendo pectus Sacerdos gemit pro peccatis: oratione fratrum postulat sibi indulgeri, dicens, Mea culpa, &c.* Est quoque gestus iste valde conueniens ad dolorem animi internum significandum: fuitq; sæper in vsu apud fideles, vt patet ex veterum testimoniis, Tertul. lib. 3. aduersus Marcionè c. 18. Cypr. de oratione Dominica, Hieron. in vita S. Hilarionis, & in Dialog. aduersus Luciferianos, & Greg. Nazianz. oratione in plagam grandinis. Deniq; manuum eleuatio inter orandum fit exemplo Moysi, Exod. 17. & Dauidis, Psal. 141. & Salomonis, 3. Reg. 8. & iuxta consiliū, aut præceptum Apostoli 1. Timoth. 2. *Volo, inquit, viros orare in omni loco, levantes puras manus.* Nequeminiùs conuenienter fit eleuatio oculorum in cælum, vt Christus sæpius fecit Matt. 14. Marci 6. & 7. Luc. 9. Ioan. 6. 11. & 17. Idque etiam in ipsa celebratione Eucharistiæ fecisse, licet non exprimant Euangelistæ, testantur Iacobus Apostolus in sua Liturgia, & Ambros. lib. 4. de Sacram. cap. 5. Idemque constat ex Ca-

78. *Genuflexio, & inclinatio capitis, aut corporis.*

Tunisio pectoris.

Eleuatio manuum.

none Missæ, cuius pars magna est Petri Apostoli, ut affirmat Isidor. lib. 1. de Officiis cap. 15. Docet etiam Tertullianus utrumque ritum attollendi oculos cælum versus, & extendendi manus inter orandum, fuisse suo tempore inter Christianos vñtatissimum: cum sic scribit cap. 30. Apologecici: *Illi (in cælum scilicet) suspicientes Christiani manibus expansis, quia innoxii, capite nude, quia non erubescimus, precantes sumus.*

79.
Elevatio
hostiæ in
offertorio
& post con-
secrationem.

Circa oblata ante & post consecrationem exercetur elevatio hostiæ, quæ fit in Offertorio, ut vocant: cuius mentio fit in antiquis Liturgiis, valdeque convenit sacrificio: quæ de causa solebant in testamento veteri elevari coram Deo ea, quæ ipsi offerebantur in sacrificium: ut videre est Levit. 8. 9. 10. aliisque locis. Item extensio manus super oblata ante consecrationem, ad illa verba, *Hanc igitur oblationem ferimus tibi nostra*, siue ad gravem, & decentem demonstrationem sacrificii verbis illis respondentem: siue ad significandam potestatem sacerdotalem ad consecrandum; vel protectionem, aut efficaciam divinæ gratiæ, quæ per hanc orationem postulatur: vel etiam ad indicandum sacrificium hoc esse holocaustum, & hostiam pacificam ad Deum pro peccatis placandum: præfiguratum Levit. 1. 3. & 4. ubi de Sacerdote offerente holocaustum sic dicitur. *Ponetque manus super caput hostiæ, & acceptabilis erit.* Elevantur quoque hostiæ & calix post consecrationem, ut ostendatur populo, & adoranda proponatur, atque etiam ad representandum Christum in cruce exaltatum, & mortuum, ut ait S. Germanus in Theoria rerum ecclesiasticarum, relatus à Durant. lib. 2. cap. 40. n. 2. ubi etiam ad probandam huius ceremoniæ antiquitatem adducit Dionysium lib. de Ecclesiæ Hierarch. cap. 3. & Basil. lib. de Spiritu Sancto. cap. 27. Eodem tum ipse, tum plures alii referunt illud Psalmi. 71. *Et erit firmamentum in terra, in summis montium,* id est, iuxta Hebræum, *Erit pugillus, vel particula frumenti in terra, in capite montium:* & iuxta interpretationem Rabbi Ionathæ (qui vixit ante Christum) in lib. Collet. Placenta panis fiet sacrificium in capitibus Sacerdotum, qui sunt in Ecclesia.

80.
Multiplex
signum
crucis.

Fit quoque multiplex signum crucis super oblata ante, & post consecrationem, de quo fusè D. Thom. q. 83. art. 5. ad 3. ubi mysticas huius ceremoniæ significationes exponit: & in solutione 4. argum. addit non incohærenter fieri super ipsum corpus & sanguinem Christi post consecrationem: quia Sacerdos post illam non vitur crucis signatione, ut antea, ad benedicendum & consecrandum: Maior enim non benedicitur à minori, Hebr. 7. Sed solum ad commemorandam virtutem crucis, & modum passionis Christi. De eodem fusè Alcuin. in lib. de Celebratione Missæ, Amalar. lib. 3. de Officiis ecclesiasticis, cap. 24. Innocent. III. lib. 3. de Officio Missæ c. 11. & Microl. cap. 14. ubi notat eiusmodi signa fieri semper aut semel, aut numero impari, ter scilicet, aut quinquies. *Semel*, inquit, prop-

ter essentia unitatem. Ter propter Trinitatem personarum. Quinquies propter vulnera Christi Domini, & expressam representationem passionis ipsius. Eiusdemque signi vñtum in sacramentorum celebratione antiquissimum esse patet ex S. Cypriano, vel alio eius cõtemporaneo, in lib. de Baptismo Christi, paulo post initium: *In cruce Domini gloriamur*, inquit, *quibus virtus omnia peragit sacramenta: sine quo nihil aliud est sanctum, neque aliqua consecratio mereatur effectum.* Et ex Chrysost. Homil. 55. in cap. 16. Matth. *Hoc signo crucis consecratur corpus Dominicum, sanctificatur fons Baptismatis, initiantur etiam Presbyteri, & ceteri gradus ecclesiastici, & omnia, quæcumque sanctificantur, hoc signo Dominica crucis, cum invocatione Christi nominis consecrantur.* Et S. August. tractatu 118. in Ioan. *Quid est, quod omnes nonerunt signum Christi, nisi crux Christi: quod signum nisi adhibeatur, siue frontibus credentium, siue ipsi aqua, quæ regenerantur, siue oleo, quo Chrismate unguuntur, siue sacrificio, quo aluntur, nihil eorum ritè perficitur.* Plura de hac cerimonia videri possunt apud Durant. lib. 2. de Ritib. Ecclesiæ, cap. 45. De genuflexionibus verò, & profunda corporis inclinatione, quæ idem idem exercentur circa oblata, post consecrationem, ad adorandum corpus, & sanguinem Christi, sufficiunt quæ diximus num. 78.

Eodem pertinet mixtio vini, & aquæ ante consecrationem: & diu post illam fractio hostiæ in tres partes, & vñtus commixtio cum calice. De priori cerimonia sufficiunt, quæ diximus disp. 28. sect. 6. Tantum addo, illius velut antiquissimæ mentionem facere Alexandrum Papam, & martyrem, quintum à Petro summum Pontificem, in epist. ad omnes Orthodoxos, cuius verba referuntur de consecrat. dist. 2. cap. *In sacramentorum*: & Iustinum martyrem in Apologia 2. ad Antoninum Pium, & Irenæum lib. 5. cap. 1. Cyprian. epist. 63. ad Cæcilium. Ambros. lib. 5. de Sacram. cap. 1. & plures alios. Alexandri verba sunt: *Non debet in calice Domini, aut vinum solum, aut aqua sola offerri, sed utrumque permixtum: quia utrumque ex latere eius in passionis suæ profu. isse legitur.* Posteriorem verò ceremoniam in antiqua Ecclesia fuisse vñtatam docent Dionys. cap. 3. Ecclesiastic. Hierarch. parte 3. versus finem, ubi affirmat opertum panem Eucharisticum, & individuum in frustra concidi: & Chrysost. Homil. 24. in caput 10. epist. 1. ad Corinth. circa illa verba, *Panis quem frangimus*, ubi eam ob causam dicit Christum in oblatione pati, id quod in cruce passus non est. *Quia in Eucharistia fractionem videre licet, in cruce autem mixtum, sed omnino contra.* Os enim eius, inquit, non cõteretur. Et Can. *Cum frangitur*, sumpto ex lib. Sent. Prosperi, de Cõsecrat. dist. 2. *Cum frangitur hostia, cum sanguis de calice in ora fidelium funditur, quid aliud quam Domini corporis in cruce immolatio, eiusque sanguinis de latere effusio designatur?* Eiusdem fractionis, qualis nunc fit, meminerunt Paschas. lib. de Corpore, & Sanguine Christi cap. 18. ubi sic ait: *Itaque in tres partes hostia divi-*

81.
Mixtio vi-
ni & aquæ
ante con-
secrationem,
& hostiæ
fractio in
tres partes.

dicitur, eaque diuifio ſuper calicem fieri conſuevit, Et Stephanus Eduenſ. lib. de Sacramento altaris cap. 18. Frangitur, inquit, hoſtia, & in tres partes diuiditur ſanctæ Trinitati dedicata. Quarum una in calicē demiffa ſanguine immergitur, pro illa parte Eccleſiæ, quæ nã fragio huius ſæculi agitata multis perturbationibus paſſionum concutitur. Aliæ duæ extra calicem, ſunt pro illis, quarum : nã igne examinatur, quæ ſũt fidelium : altera eſt ſanctorum, quæ cum Chriſto regnat in æternum. Et Innocent. III. lib. 6. de Offic. Miſſæ cap. 3. Sergius Pãpa cap. Triforme, de Conſecrat. diſt. 2. & S. Thom. q. 83. art. 5. ad 7. & 8. quorum omnium idem eſt ſenſus.

82.
Osculum
altaris &
libri.

Circa altare, & librum exercetur cerimonia osculi. Nam post confessionē, in ingressu altaris, Sacerdos illud deoscularur, & saepius deinceps in toto sacrificio. Missalis verò librum exoscularur, quando ex illo recitat Evangelium : ac circa eundem vtrique signo crucis in principio vtriusque Evangelii. De qua postrema cerimonia sufficiunt quæ diximus num. 80. Osculum verò datur in signum reuerentiæ. Quæ etiam de causa Sacerdos vestes sacras deoscularur, quando illis induitur. Sunt autem res huiusmodi sacræ, dignæ aliqua veneratione, quam illis iampridem exhibitam fuisse patet ex Synodo VII. generali, & testimoniis veterum in ea relatis, tum passim in toto Concilio, tum in definitione fidei, quæ traditur Act. 7. velut conclusio eorum omnium, quæ fuerant præcedentibus actionibus discussa : vbi definit honorariam salutationem, & adorationem exhibendam esse sacris imaginibus, illamque explicat per comparisonem ad librum Evangeliorum, luminaria, & alias res sacras : Ad quas, inquit, reuerenter accedimus, quemadmodum veteribus pie in consuetudinem hoc adductum est. Et Act. 6. tom. 1. §. 3. *Pape quanta amentia? Epiphanius sic loquitur : Quæcunque Deo offeruntur, aut consecrantur, siue diuina fuerint venerandæ crucis figura, siue sacer Evangelii codex, siue venerandæ imagines, siue sacræ vasa ; ea complectimur, & veneramus : ut qui spem habeamus sanctificationis ab ipsis reddendæ : & ob id illis adorationem honorificam exhibemus.*

83.
Decentes
gestus Sa-
cerdotis
celebran-
tis.

Circa ipsum verò Sacerdotem multa sunt propter decentiam, ut quòd modò reneat manus super altare, modò supra pectus: vel ob conformitatem gestus cum verbis, ut quòd percuriat pectus in signum doloris, dicendo *Mea culpa*: Quòdque iungat manus in fine orationum, quasi omnium adstantium vota colligens, & offerens Deo. Quædam etiam habent mysticam significationem: ut lotio manuum, quæ non solum fit ob decentiam, ut puris manibus sacramentum tractetur: verùm etiam ad significandum mentis puram, & peccatorum sordibus ablutam accedendum esse. Notatque D. Thomas q. 83. art. 5. ad 1. ex Dionysio cap. 3. Ecclesiast. Hierarch. extremitatem digitorum ablutumtaxat, ad designandum Sacerdotem de-

berè mundum esse, vel à minimis peccatis. Extensio quoque brachiorum, quæ olim maior fiebat, pertinebat ad repræsentandum Christum in cruce extensum, nunc autem sic dumtaxat cum moderata diductione, & elevatione in cælum.

Denique circa populum exercetur salutatio indeidem per illa verba, *Dominus vobiscum*, sit suppl. cum conuersione corporis ad ipsum, & gestu manuum salutationi accommodato: osculum pacis circa illa verba, *Pax Domini sit semper vobiscum*: Dimissio per ista, *Ite Missa est*. Hoc est, Ite, iam dimissio est: iam abire unicuique liberum est, peractò sacrificio: & denique benedictio in fine Missæ. Quarum ceremoniarum prima vecustissima est: quippe cuius meminit Concilium Braccharense can. 21. vbi illam à traditione Apostolica fluxisse testatur: & Chrysost. Homil. 12. in epist. 2. ad Corinth. vbi sic ait: *Bene precatur Sacerdos populo, & bene precatur populus sacerdoti*. Nam, cum spiriturus, nihil est aliud quam hoc &c. Aliique plures, de quibus vide Durant. lib. 2. de Ritib. Eccles. cap. 15. Ex eademque cerimonia Soter Papa, & Anaclethus epist. 1. colligunt, plures adesse debere, quos sacerdos ita saluret, vt vidimus supra num. 33. Et D. Thom. q. 83. art. 5. ad 6. obseruat, sacerdotem quinquies se conuertere ad populum, vt significet Dominum die Resurrectionis quinquies se manifestasse. Et salutare septies populum; scilicet quinque vicibus, quibus ad illum se conuertit, & bis quando se non conuertit (videlicet cum ante Præfationem dicit, *Dominus vobiscum*, & cum dicit, *Pax Domini sit semper vobiscum*) ad designandam sepriformem gratiam Spiritus sancti. Episcopum autem celebrantem in festis, in prima salutatione dicere *Pax vobis*, quod post resurrectionem discipulis dixit Dominus, cuius personam representat præcipue Episcopus. Et hoc est antiquo more fieri patet ex Liturgiis Iacobi Apostoli, & Basilii, Ambrosio de Dignitate sacerdotali cap. 5. Cyrillo lib. 12. in Iohannem cap. 54. Chrysost. Homil. 33. in Matth. longe ante finem, & Innocent. III. lib. 2. de Officio Missæ cap. 24.

Alteram quoque ecerimoniam osculi pacis antiquam esse liquet ex Dionys. lib. de Eccl. Hierarch. cap. 3. parte 3. intermedium & finem: Clemente lib. 8. Constitur. cap. 27. Tertull. libro de Oratione capite 14. Chrysost. lib. 1. de Compunctione cordis, cap. 3. cuius verba sunt: *Osculum pacis porrigere tempore, quo sacramenta celebrantur, in usu Ecclesie est. Et homil. 31. ad populum Antiochenum, Proprietas & in mysteriis alter alterum amplectitur, ut unum multi fiant. Et Innocent. I. in epist. ad Decentium cap. 1. cuius verba referuntur eam. Pacem, de Consec. dist. 2. ubi affirmat, osculum pacis dandum esse post confecta mysteria, ut appareat populum ad omnia, quæ in mysteriis aguntur, atque in Ecclesia celebrantur, præbuisse consensum: ac finita esse, pacis signaculo de-*

84.
Salvatio
populi.

85.³
Of course
pays.

monstrentur. Olim autem, ut refert Clemens supra cit. fecerantur viri à feminis, quoad osculum pacis: imò, & quoad locum in Templo: & viri viros, seminae feminas osculabantur modestiae causâ, & ad virandam omuem impudicitiam. Nunc verò crescente malitia, & refrigerente charitate sincera, non datur osculum immediatè, sed tantùm mediante patena, vel imagine, aut aliâ re sacra.

86.
Dimissio
populi.

De cerimoniis verò dimittendi populum per hæc verba, iuncta saturatione, *Ita Missa est*, aut his similia, loquitur Clemens Rom. lib. 8. Constit. cap. 23. ubi docet populum in fine sacrificii dimitti solitum, clamante Diacono *Ita in pace*. Et in antiquis Liturgiis Orientalium solebat dicere Diaconus absoluto sacrificio *Quia in pace*. Testatur etiam D. August. epist. 59. ad Paulinū quæst. 1. Saero peracto, & participato tanto sacramento, gratiarum actione cuncta concludi, sicut & hodie fit, quando verbis supradictis responderetur à ministro nomine populi *Deo gratias*. Ibidemque S. ille Doctor meminit subobscure benedictionis post impertitæ à Sacerdote, ut post Amalarium Fortunatum notauit Durantius lib. 2. de Rit. Eccles. cap. 57. & clarius Concilium Agath. can. 47. relatio à Gratiano de Consecrat. dist. 1. cap. 84. in hæc verba: *Missas de Dominicis secularibus totus audire speciali ordine precipimus, ita ut ante benedictionem sacerdotis egredi populus non praesumat. Quod si fecerint, ab Episcopo publice confundantur. Et Concilium Aurelian. I. cap. 28. relatum eadem dist. cap. 63. Cum ad celebrandas Missas in Dei nomine convenitur, populus non ante discedat, quam Missa solemnitas compleatur: & ubi Episcopus non fuerit, benedictionem accipiat sacerdos.*

87.
Cantus &
usus Orga-
norum.

His ceremoniis addantur aliæ quædam Missis solennibus peculiares; ut cantus vocis, & organorum, thurificatio, & aspergio aquæ benedictæ, diebus Dominicis, ante Missam solennem, & Parochialem. Cantus autem usus in diuinis officiis antiquissimus est, & à Paulo approbatus Coloss. 3. v. 16. *Commendantes vobismetipsos in psalmis, & hymnis, & canticis spiritalibus, in gratia cantantes in cordibus vestris Deo. Et Christus ipse post celebrationem Eucharistie hymnū decantat, Match. 26. v. 30. & Marti 14. v. 26. græcè quædam quod propriè canere sonat. Organis quoque sola est Ecclesia in Missa, & aliis Officiis diuinis sicut à tempore Vitaliani Papæ, qui sedit circa annum 656. ut Martinus Polonus, & Platina affirmant, & colligunt ex Pontificali Damasci, seu postius Anastasii. Illorum etiam clarum est sit in Testamento veteri, præcipueque in Psalmis Davidicis: fuit eiusdem essent rationis cum nostris, fuit diuersa.*

88.
Thuris &
Incens. y-
sa.

Thurificationis quoque in sacrificio Missæ usum commemorat Canon 4. Apostolorum, ubi dicitur thymiana, siue incensum offerendum esse ad altare, quando sacra oblatio celebratur & Dionys. cap. 1. Eccles.

Hierarch. & Ambros. in caput 1. Lucæ, & Liturgiæ Sanctorum Iacobi, Basilii, & Chrysostomi, alique plures. Hanc autem ceremoniam D. Thom. q. 83. art. 5. ad 2. dicit ad duò pertinere. Primò quidem, ad reuerentiam huius sacramenti, ut scilicet per bonum odorem depellatur, si quid corporaliter prauis odoris in loco fuerit. Secundò, ad representandum effectum gratiæ, quæ sicut bono odore Christus plenus fuit: & à Christo deriuatur ad fideles, officiis ministrorum; iuxta illud 2. Corinth. 2. *Odorem nostræ suæ spargit per nos in omnino loco*. Et ideo undique thurificato altari, per quod Christus designatur, thurificantur omnes per ordinem. Adiciendū potest ex Philone Carpachio in illud Cantic. *Ex aromatibus mirra, & thuris*, per thurificationem moneri fideles debere ad ecclesia feruenti desiderio ascendere, instar fumū thure incenso ascendentis: debere, inquam, ut eius verbis utar, *cor suum ignitum & thuris thuribulum coram Deo odoratissimum facere, in quo quidem corde ceteris per amorem virtutes colliginas, quasi carbonem in thuribulum congerimus, quibus scissam mentem in conspectu Dei igne charitatis accendat. Dumque sitientes & mundus orationes ad Deum emittit, quasi fumum aromatatum ex thuribulo exhalat*. Et ex Hilario in Psal 140. circa illa verba, *Dirigitur oratio mea sicut incensum in conspectu tuo*, significari deuotionem celebrantis, & assistentium debere ad Deum esse directam, puram & rectam. Et ex August. vel alio apud ipsum tom. 9. homil. 6. in Apocal. thuribulo Christum significari. *Cuius corpus sanctum, inquit, thuribulum aromaticum est, ex quo Deus Pater passionis incensum, odorem suauitatis accepit*. Et sermone 98. de Tempore, *Vide quomodo verus Pontifex Iesus Christus assumpto thuribulo carnis humane, & supposito igne altaris, animā sine dubio illā magnificā, adiecto etiam incenso, quod est spiritus immaculatus, medius inter viuos & mortuos stetit, & mortem non permixta ultra grassari*.

Aquæ verò benedictionis, & asperisionis meminit Alexander I. in epist. 1. cuius verba referuntur can. *Aquam*, de Consecratione dist. 3. Hieron. Theodoret. & plures alii de quibus vide Durantium lib. 1. de Ritib. eccles. cap. 21. & lib. 2. cap. 11. n. 6. & Rupertum Tuficiensem lib. 7. de Diuinis officiis cap. 10. ubi rationem huius ceremoniæ hanc reddit: *Idcirco, inquit, singulis aspergitur Domini is, quia in sacrosancta prima hanc Dominica, id est, resurrectionis, vespera, baptismum vniuersales sanctæ celebrat Ecclesia &c.* Unde & inter aspergendum hæc die cantatur illud Ezechiel cap. 47. *Vidi aquam egrediētem de Templo à latere dextro &c.* Et hæc de his ceremoniis. Superest ut breuiter præcipuis hæreticorum obiectionibus contra eas respondeamus.

Obiiciunt primò, Plures huiusmodi ceremoniarum redolere Iudaismum, ut thurificationem, & usum organorum, quæ non magis ad nos pertinent, quàm pecudum vi-

89.
Aque be-
dictionis &
aspergio.

90.
Soluuntur
obiectiones
contra

cerimoni-
as Mosaic.

timæ tunc vſitatæ. Secundò, Deum apud
Iſaiam cap. 1. reprobare incenſum in ſacri-
ficiis: *Inceſum*, inquit, *abominatio eſt mihi*.
Tertiò, Arnobium lib. 7. aduerſus Gentes
affirmare, thuris uſum in ſacris eſſe recentem
& vanum. Reſpondeo 1. cum D. Thoma q.
83. art. 5. ad 2. Chriſtianos ſacerdotes vi
thurificatione, & aliis ſupra dictis, non quaſi
cerimoniali præcepto legis, ſed ſicut Eccle-
ſiæ ſtatuto. Secundò, ſimile quid olim ob-
ieciſſe Chriſtianis Manichæos apud Auguſt.
lib. 20. contra Fauſtum cap. 4. & Vigilantium
apud Hieronym. in libro contra eum
ſcripto. Tertiò, cum ceremoniæ Iudaicæ fu-
erint rerum noſtrarum figuræ, vt ait Paulus
1. Corinth. 10. non mirum eſſe ſi habeant
aliquam cum illis ſimilitudinem. Differen-
tia tamen eſt, quòd illæ ad Chriſtum ventu-
rum prænunciandum dirigebantur: noſtræ
vel ad memoriam rerum præteritarum, vel
ad præſentem gratiæ ſtatum, vel ad futuram
gloriam ſignificandam. Quòd ſi noſtræ ce-
rimoniarum damndæ eſſent, & reiiciendæ, eò
quòd habeant ſimilitudinem cum Iudaicis:
reiicienda pariter eſſent ſacramenta Baptiſ-
mi, & Eucharistiæ, quia ſimilitudinem ha-
bent cum ablutionibus Iudæorum: & pani-
bus Propoſitionis. Deus autem apud Iſaiam
non ſimpliciter reſpuit incenſum, vt neque
Sabbatæ, & Neomeniæ, quæ ſemper voluit
obſeruari toto tempore legis Moſaicæ: ſed
indignè oblatum ab impiis, Deum exterius
tantum colentibus, corde longè auerſo ab
illius amore, veroque & interno cultu. Ar-
nobius denique loquitur de incenſo adhibi-
to ſacrificiis Gentilium, in quibus vltim
illum recentem eſſe dicit: atque etiam vanum,
quia ſcilicet in honorem falſorum Deorum
adhibuit. Sed non negat veterem, & pium
uiſſe illius uſum in ſacrificio Legis Euange-
licæ, ab Apoſtoliſ ſaltem inſtitutum, vt in-
telligitur ex can. 4. Apoſtol. ſtatvente,
Ut ad altare offerri liceat oleum ad luminaria,
& thymiama, id eſt, incenſum, tempore, quo
ſancta celebratur oblatio.

91.

Opponunt præterea generaliter contra
quaſcunque ceremonias, Paulum Coloff. 2.
v. 23. damnare omnes *iſta*, hoc eſt,
voluntarios cultus, quos homines ſibi ipſis
commiſcunt, vel ab aliis accipiunt, &
quæcunque de cultu Dei tradere præcepta
ex ſe audent. Et ad Galat. 5. eundem Apo-
ſtolum non pati vllò modo vt conſcientiæ
fidelium in ſeruitutem redigantur. Ideoque
non licere inſtituere ceremonias, quæ obli-
gent in conſcientia. Chriſtus etiam Matth.
15. reprehendit traditiones hominum: &
Deus apud Iſaiam cap. 29. *Sine cauſa colunt*
me mandatis hominum. &c.

Ad primum, Diximus alibi, Paulum ibi
loqui de ceremoniis Iudaicis, aut Gentili-
tiis quas Simon, Cerinthus, & Angelici
hæretici inducere volebant in Religionem
Chriſtianam, vt ſuſius oſtendit Cornel. in
cap. 1. & 2. illius epistolæ. Adde in præ-
ſens cum Bellarmino lib. 2. de Sacram. cap.

32. Paulum, ſi generalius loquatur, voca-
re cultum humanum, & voluntarium: *iſta*
ſcripturas, illum qui eſt purè humanus, id eſt,
proprio ingenio excogitatus, & non eſt cõ-
formis doctrinæ, & principiis fidei. Tales
autem non ſunt ceremoniæ ab Eccleſia præ-
criptæ, vel ab Apoſtoliſ acceptæ, quæ po-
tius Deo inſpirante inſtituuntur. Vnde idem
Apoſt. 1. Corinth. 14. poſt inſtitutos va-
rios ritus de ordine prophetandi, & loquen-
di in Eccleſia, & aliis quibuſdam, de qui-
bus Dominus nihil expreſſe mandauerat,
ſubiungit: *Si quis Prophetæ, aut ſpirituæ eſt,*
cognoſcat quæ ſcribo vobis, quia Domini ſunt ma-
data, id eſt, eius inſpiratione data. Ad ſe-
cundum dico Paulum ibi loqui de ſeruitute
legis Moſaicæ, à qua per Chriſtum liberari
erant Chriſtiani: ideoque non debebant illi
ſubiici. Ad tertium Reſpondeo, Chriſtum
ibi loqui de traditionibus & doctrinis legi
Dei contrariis: cuiusmodi erat illa, quam
Chriſtus ibidem in exemplum offert de do-
nando ſacerdotibus, quæ neceſſaria erant
parentibus: & aliæ quas cõmemorat Matth.
23. à verſu 14. ad 22. Alias verò de ſe bo-
nas non reprehendit, ſed potiùs illarum ob-
ſervationem commendat, dicens verſu 23.
Hæc oportuit facere, & illa non omittere. So-
lùmque obiurgat, quòd circa illas Phariſæi
peccarent in modo, ſummam religionis con-
ſtituentes in illis, & relinquentes quæ gra-
uiora ſunt legis: excolantes culicem, came-
lum autem glutientes: & mundantes quod
deſoris eſt calicis & paropſidis, intus autem
pleni rapina & immundicia. Similique mo-
do intelligendus eſt Iſaias à Chriſto laudatus
cap. 29. iuxta illud quod immediate præce-
dit ibidem verſu 13. *Populus iſte ore ſuo,*
& labiis ſuis glorificat me; cor autem eius longe eſt
à me: & ſimulant me mandatis hominum, &
doctrinis.

Opponunt vltimò, Prohibitum eſſe quic-
quam addere Dei verbo, & præceptis, Deu-
teron. 12. verſu vlt. & Prouerb. 30. verſ. 6.
ſuiſſeque grauitè à Deo punitos, ac repre-
henſos, qui nouas ceremonias Religionis in-
duxerunt: vt Samaritani illi à ſeris diſcer-
pti 4. Reg. 17. Et cap. 16. & 21. reprehẽ-
duntur à Deo Reges Achaſ & Manaſſes, eò
quòd nouum altare in templo cõſtruxiſſent.
Sed ad hæc omnia iam alibi reſpondimus,
Deuter. 12. prohiberi tantum ne addatur
aliquid contrarium: aut ne pro veſto, &
præcepto Dei obrudatur, quod tale non eſt.
Si autem generaliter omnis additio eo loco
prohibita fuiſſet; peccaſſent aduerſus hanc
Dei prohibitionem omnes ſcriptores ſacri,
qui poſt Deuteronomium, & Prouerbia, tam
multa addiderunt: quique alia præcepta
Pentateucho adiunxerunt, vt Heſter. 9.
Iudith vltimo, & 1. Machabæorum quarto,
Samaritanos verò illos 4. Regum 17. fuiſſe
punitos, eò quòd ritibus gentilitiis vtren-
tur, Deumque ſimul, & ſua idola colerent.
Achaſ autem reprehẽdi 4. Reg. 16. eò quòd
loco altaris antiqui ſubſtituerat aliud ſimile

92.

Quomodo
verbo Dei
nihil addẽ-
dum?Samaritani
cur à Deo
puniti?

altari idololatrico, quod viderat Damasci; altare verò æreum, quod erat coram Domino, transtulerat de facie templi, & de loco altaris, & de loco templi Domini. Tulerat quoque calatas bases, & Itherem qui erat desuper: & mare deposuerat de bobus æreis, quibus sustentabatur, & posuerat super pauimentum stratum lapide: ac denique modum & ordinem à Deo institutum euerterat, ut dicitur 4. Reg. 16. Similiterque Manasse 4. Reg. 21. non reprehendi eò quod nouum altare posuerat in templo ad illius ornatum dumtaxat, ut perperam dicunt aduersarii: sed quod aras extruxerat ad sacrificandum Idolis. Nam, ut dicitur vers. 5. *Extruxit altaria uniuersæ militiæ cæli in duobus atrijs templi Domini. Et traduxit filium suum per ignem, & ariolatus est, & obseruauit auguria, &c. Posuit quoque Idolum luci, quem fecerat, in templo Domini.*

SECTIO VIII.

Utrum sufficienter prouiderit Ecclesia defectibus, qui contingere possunt in celebratione Missæ

93.

HAc de re D. Thomas q. 83. art. 6. ubi docet 1. Periculis, seu defectibus circa hoc sacramentum efficiendum contingebat dupliciter occurri posse. Vno modo, præueniendo ne periculum accideret, aut defectus contingat. Alio modo, subsequendo, ut scilicet id quod accidit emendetur, vel adhibendo remedium, vel saltem per penitentiam eius, qui negligenter se gessit. Vtrūque præstitit Ecclesia præscribendo exactè quomodo præuendi sint eiusmodi defectus: & si contigerint, supplendi, aut puniendi.

94.

Quid faciendum quòdo Sacerdos non potest perficere sacrificiū inchoatū

Docet 2. Si Sacerdos morte, aut infirmitate graui corripitur ante consecrationem corporis, & sanguinis Domini, non oportere ut per alium suppleatur. Quia nimirum sacrificium nondum est substantialiter inchoatum: & non est inconueniens prætermitti in eo casu, in quo nullum propriè sacrificium est. Si verò incepta consecratione hoc acciderit, putà consecrato corpore, ante consecrationem calicis; vel etiam consecrato utroque: debere celebrationem Missæ per alium expleri: ut dicitur in Concilio Tolet. VII. can. 1. aliàs 2. & refertur 7. q. 1. cap. *Nihil*. Quod intellige etiam si Sacerdos, qui solus adest, & potest perficere, non sit ieiunus, aut existat in statu peccati mortalis, & non habeat copiam confitendi, aut etiam sit excommunicatus. Quia maius est inconueniens sacrificium essentialiter inchoatum, aut eò usque progressum, relinqui imperfectum. Teneatur tamen ille conteri, ne indignè celebret, & cōmunicet. Et quamuis Concilium supra citatum videatur liberum relinquere alteri sacerdoti, ut suppleat,

si velit, illius enim verba sunt: *Censum^{us} conuenire ut in eo casu sit liberum alteri Episcopo, vel Presbytero consecrationem exequi incepti officij*: probabilius tamen est, quod docent Nauar. in Manuali cap. 25. n. 86. Suarez Nauar. disp. 85. sect. 1. prope finem, & Aegidius Con. ad art. 6. q. 83. teneri alium qui potest, perficere, itaque ad hoc disponere per contritionem, si est in malo statu: quia vi sui officij, & muneris sacerdotalis obligatur non permittere mutilationem, aut imperfectionem sacrificij, propter reuerentiam illi debitam. Quare tenetur, si potest sine valde graui incommodo, illud absolueret. Neque contrarium dicit canon citatus. Nam particula *Liberum*, non ibi significat licentiam iuris in vtramque partem, sed potestatem faciendi. Loquimur autem de Sacerdote, qui adsit, & possit: nam alius non habens ordinem Sacerdotalem, non tenetur perficere, etiam si tota consecratio peracta iam fuerit: imò neque licet potest sanguinem sumere, aut etiam corpus manu propria, nisi in casu extremæ necessitatis: ut si alioqui species consecratæ venturæ essent in manus Infidelium, & indignè tractandæ: quo in casu reuerentia sacramenti exigit, ut consumatur potius à Laico, quàm Infidelium furori relinquatur. Extra verò casum vrgentissimæ necessitatis debent species reuerenter asservari, donec sanguis à Sacerdote, & corpus vel ab eodem sumatur, vel distribuatur cōmunicare volentibus.

Tertiò docet, Si Sacerdos post inchoatam consecrationem recorderetur se aliquid comedisse, vel bibisse; nihilominus debere sacrificium perficere, & sumere sacramentum. Quia ubi difficultas occurrit, eligendū semper est id quod minùs habet periculi: siue potius è duobus malis, minùs est eligendum: maximè autem periculosum est circa hoc sacramentum, & maius malum est, id quod est contra illius perfectionem, & consummationem: quia hoc est immane sacrilegium. Minus autem est illud quod pertinet ad qualitatem sumentis, cuiusmodi est esse ieiunum. Adde, quòd iuris tantum, & præcepti ecclesiastici est celebrare, & cōmunicare ieiunum: at verò iuris & præcepti diuini est perficere, & consummare sacrificiū substantialiter inchoatum: ideoque præceptum istud præponderat. Item si post inchoatam consecrationem recorderetur se peccatum aliquod commisisse, quod nondum expiauit, vel incurrisse excommunicationem; debere nihilominus absolueret, ob priorem rationem è duabus allatis: ita tamen ut teneatur conteri cum proposito confitendi sacramentaliter, & petendi absolutionem ab excommunicatione: ne alioqui malo in statu cōmunicet. Si verò ante consecrationem meminerit alicuius prædictorum stituisse, maximè in casu præuix manducationis, & excommunicationis, Missam inchoatam deferere, nisi graue scandalum timeretur. Quibus potestremis verbis significat D. Thomas, talem

95.

Quid si recorderetur se non esse ieiunum?

Sotus.

non teneri desistere, quamvis possit sine scandalo: idemque docet Dominicus Sotus in 4. dist. 13. quæst. 2. art. 6. ad 2. Alij tamen affirmant id esse necessarium, si occurrat hæc memoria ante inchoatum Canonem, & non sit periculum scandali, aut notæ infamiae.

96.

Quid si a-
ranæ, aut
venenum in
calice?

Quartò docet, si musca vel aranea in calicè ante consecrationem ceciderit, aut si venenum deprehendatur esse immissum: debere effundi; & abluto calice, aliud vinum apponi post consecrationem acciderit, debere animal cautè capi, & diligenter lauari, & comburi, & abluionem cum cineribus in sacrum mitti. Quod intellige, nisi ablutio possit ab ipso sacerdote sumi post sanguinem sumptum. Nam si absque magno incommodo id possit, multò decentius est ita fieri: quia probabile est aliquid sanguinis, quod animali adhæserat, in illa esse. Debet autem omnino sanguis sumi, nisi prudenter timeatur periculum vomitus propter horrorem, aut salutaris corporalis propter venenum aut malam qualitatem ab aranea impressam. Addit sanctus Doctor, si venenum deprehendatur fuisse immissum, nullo modo debere sumi à sacerdote, nec alijs dari; ne calix vitæ vertatur in mortem, sed debere diligenter in aliquo vasculo, ad hoc apto, cum reliquijs conservari. Et ne sacramentum remaneat imperfectum, oportere aliud vinum apponere calici, & denuo resumere canonem à consecratione sanguinis, atque ita sacrificium perficere. Circa quæ postrema verba D. Thomæ nota idem de illa resumptione canonis sentiendum esse in eo casu, quod in alio, de quo mox, quando sacerdos aduertit post consecrationem calicis, aquam fuisse loco vini infusam.

97.

Quid si ad-
uertat a-
quam non
fuisse vino
mixtam.

Quintò docet, si sacerdos post consecrationem corporis, & ante consecrationem sanguinis aduertat vinum, aut aquam non esse in calice; debere statim apponere, & consecrare. Si verò post consecrationis verba, percipiat aquam deesse, debere nihilominus procedere: quia impositio aquæ non est de necessitate sacramenti: puniendum tamen esse illum cuius negligentia id contingit. Sed nullo modo debere aquam vino iam consecrato misceri; ne, inquit, sequatur corruptio sacramenti pro aliqua eius parte: vel potius, quia non præcipit Ecclesia, neque permittit aquam infundi calici iam consecrato, sed tantum ante ipsius consecrationem. Si verò aduertat sacerdos post verba consecrationis vinum non fuisse in calice, putà, quia, ut interdum contingit, aqua vini loco infusa est: si quidem hoc aduertit ante sumptionem corporis, debere aqua eiectione (quæ in piscinam mitti debet) vinum calici infundere, & modicum aquæ miscere; resumereque canonem à verbis consecrationis sanguinis. Sin autem hoc aduertit post sumptionem corporis; debere tunc apponere aliam hostiam consecrandam simul cum san-

Aut vini
i co aqua
su sic infu-
sam.

guine. Quia inquit, alioqui non servaretur debitus ordo consecrandi; & perfecta videri non possunt sacrificia, nisi perfecto ordine compleantur, ut ait concilium Toleran. VII. Can. 1. vel 2. Nam si tantum inciperet à consecratione sanguinis, repetereturque, ut debet omnia verba sequentia, non consecratur novà hostia: eiusmodi verba non competere ei quod sit: cum in illis occurrant quædam faciendæ, & dicendæ non solum circa sanguinem, sed etiam circa corpus, quæ ut convenienter dicantur & fiant, requirunt præsentia hostiæ consecratæ super altare. Addit S. doctor in fine, debere sacerdotem iterum sumere hostiam consecratam, & sanguinem, quamvis prius sumpsisset aquam quæ erat in calice. Quia præceptum de perfectione, vel de consumptione sacrificij maioris est ponderis, quàm præceptum, ut sacramentum hoc non sumatur nisi à ieiunis.

Quam sententiam D. Thomæ de novà hostia consecranda, licet Missalis Romani Rubricæ iussu Pii V. editæ sequantur: plerique tamen alii existimant non esse tunc necessarium novam hostiam consecrare, neque canonem resumere à forma consecrationis sanguinis: sed tantum proferre formam consecrationis Calicis supra vinum ipsi cum aqua modica infusum: atque omnino melius id esse, ad vitandum scandalum, & perturbationem populi, quando coram illo celebratur. Expedi enim occultari defectum quoad fieri potest, adhibito modo sufficiente perficiendi sacrificium. Sufficit autem ad perfectionem sacrificij consecrare modo prædicto, non repetitis alijs ceremoniis. Ergo præstat non repetere. Primò, quia ut rectè dicit. Innocent. cap. 1. & 2. de sacramentis non iterandis, in talibus nihil est iterandum, sed cautè supplendum, quod incautè fuerat prætermisum. Sufficit ergo cautè supplere consecrationem calicis vini, quæ sola incautè prætermisum fuit. 2. Quia ut rectè affirmat D. Thom. q. 83. art. 5. ad 5. Quando aliquid accidentale omisum fuit in sacrificio, non est repetendum, Atque cetera verba canonis, & ceremoniæ quæ sunt post consecrationem, sunt aliquid accidentale: ergo &c. Tertiò, ex eodem D. Thoma art. cit. ad 6. si hostia ante fractionem cadat in calicem, ita ut postea frangi non possit ritu præscripto in canone; omittenda est fractio, neque propter illam consecrari debet alia hostia. Et tamen hæc cerimonia est præcipua inter accidentales: imò aliqui putant esse essentialem. Ergo non est consecranda novà hostia propter alias ceremonias. Adde tertiò, quod si novà hostia consecratur cum calice, hoc non est perficere sacrificium ante inceptum, sed novum integrum offerre. Nam consecratio utriusque speciei est perfectum & integrum sacrificium. Atque ita censent Sotus in 4. dist. 8. quæst. 3. Navar. in man. cap. 25. num. 9. Angelus V. Missa num. 17. Suar. disp. 85. sect. 1. Aegid. Con. ad art. 6. quæstionis

Estor non
ua hostia
tunc con-
secranda.

Sotus
Navar.
Angel.

83. & plures alii, quorum sententiam probabiliorem iudico.

99.

Nec obest, quod Rubricæ Missalis contrarium sequuntur. Nam Rubricæ, quæ ponuntur sub titulo *de defectibus*, non sunt speciales constitutiones obligantes sub peccato, sed tantum instructiones doctrinales, quæ hac in parte probabilem sententiam D. Thomæ securæ sunt, & non magis obligant, quam doctrina, vel ratio, cui nituntur, ut rectè ait Suar. loco cit. Ratio autem D. Thomæ non convincit, & contra ipsum retorqueri potest. Nam si in casu, quo sacerdos consumptâ hostia, advertit vinum non esse in calice, oportet novam hostiâ consecrare, & repetere omnia verba canonis: quia alioqui non fit sacrificium debito ordine, cum in verbis illis multa dicantur & fiant circa corpus, & sanguinem, quæ supponunt ipsorum præsentiam: ergo similiter in eo casu quo sacerdos defectum illum adverteret ante summptionem hostiæ, deberet nihilominus consecrare novam hostiam, & reperere verba canonis super utramque speciem: quippe quæ non fuerunt debito ordine prolata: supponunt enim præsentiam sanguinis, quæ non erat. At hoc non esse necessarium affirmat D. Thom. eodem loco: ergo neque illud necessarium dici debet, coherentem loquendo.

100.
quæ rationis
resolutio.

Concludo igitur Sufficere in eo casu repetere formam consecrationis super vinum infusum calici, & statim sumere, omittis aliis ceremoniis. Idemque sentiendum est, si defectus similis contingat circa hostiam: Putâ, si post consecrationem advertatur esse hordeacea. Sufficit enim triticeam substituere, & consecrari: siue defectus advertatur ante consumptionem hostiæ, siue postmodò etiam post summptionem sanguinis. Quia ordo consecrandi prius hostiam, quam calicem, non est essentialis. Idem etiam dicendum est, si post consecrationem contingat hostiam miraculosè disparere, vel mutari in carnem, aut quid aliud: neque enim propter hoc miraculum præsumendum est Deum dispensare à præcepto de integritate sacrificii eo modo, quo impleri potest. Idem denique sentiendum est si defectus deprehendatur circa formam consecrationis, id est, si postea sacerdos advertat invalidam fuisse, defectu intentionis, aut propter mutationem essentialē, siue casu factam, siue de industria, & ex malitia: sufficit enim tunc supplere defectum essentialē reperendo formam super eandem materiam. Debetque forma profecti absolute, quando defectus certò constat. In dubio autem, non nisi sub conditione, intendendo scilicet consecrare, si prior consecratio fuit invalida. Dummodo tamen sit dubium rationabile, & non purè negativum, id est, sine probabili ratione dubitandi: nam alioqui nihil repetendum est, ut rectè ait D. Thom. q. 83. a. 6. ad 5. Cum autem repetitur forma consecrationis super panem, melius est incipere à verbis illis, *Qui pridie quam pater-*

tur &c. vel ab istis, si repetatur forma sanguinis, similiter postquam conatum est. Quia sic melius exprimitur, sacerdotem in persona Christi consecrare, & facere idem quod ipse fecit. Tamen non est necessarium: sufficit enim proferre essentialia, ut rectè affirmat Suar. loc. cit. ubi in his omnibus nobiscum sentit.

Dixi, siue defectus contigerit ex inadvertentia, siue etiam ex malitia. Quia si consecratio vnius speciei iam est facta, ut supponimus; tenetur iste conteri, & perficere sacrificium. Sin autem neutram consecrasset, teneretur desistere, si potest sine scandalo, & nota infamiz: quia nullum adhuc est sacrificium. Porro qui infudit aquam loco vini in calicem, & defectum non advertit antequam illam in os accipiat, debet sorbere: quia non potest, nisi valde indecenter in calicem, aut extra eicere: & periculum est, ne simul oisiat aliquas hostiæ consecratæ particulas ori adherentes. Siquè per ignorantiam, aut perturbationem animi, vel aliter omiserit aliquis supplere defectum aliquem essentialē antequam sacrum absolatur; non tenetur, neque potest supplere postea, iterumque consecrare: quia iam actio distincta esset, & non perfectio eiusdem sacrificii, quod non moraliter eo vique continuatur.

101.
Aqua si in
sorberetur,
potius quàm
ore eicienda.

Sextò docet S. Thomas non debere turbari sacerdotem, licet non meminerit se aliqua dixisse eorum, quæ dicere debuit. Non enim qui multa dicit, recordatur postea omnium, quæ dixit, nisi forte per reflexionem aliquid in dicendo apprehenderit sub ratione iam dicti. Sic enim aliquid efficitur memorabile, ut dicit Aristot. lib. de Memoria cap. 1. Vnde si aliquis attente cogitet illud quod dicit, non tamen cogitet se id dicere, non multum postea recordatur se dixisse. Si tamen sacerdoti probabiliter constet se aliqua omisisse, non debet resumere, & immutare ordinem sacrificii, si illa non sunt de necessitate sacramenti, sed illis omittis debet ulterius procedere. Si verò constet omisisse aliquid eorum, quæ sunt de necessitate sacramenti, videlicet formam consecrationis: cum forma consecrationis non sit minus de necessitate, quam materia, idem circa illam faciendum est, ac circa materiam, de qua diximus paulò ante: id est, iuxta sententiam D. Thomæ resumendus est canon à forma consecrationis, & cætera per ordinem reiteranda, ne mutetur ordo sacrificii. Iuxta aliorum verò sententiam, quam ut probabiliorem tenuimus, sufficit supplere defectum essentialē formæ prætermittæ, pronuntiando verba essentialia super eandem materiam, eo modo quo diximus tum. 100. in fine.

102.
Quid si aliquid
omissum fuerit.

Addit septimò, Si cõtingat hostiam consecratam cadere in calicem, ita ut postea nequeat fieri illius fractio in tres partes, quarum una mittatur in calicem, ut præscribitur in Missali: nihil propterea mutandum

Aur si hostia
caderet
in calicem

esse in ordine sacrificii ad supplendum hunc defectum. Quia hæc cerimonia est tantum accidentalis, respiciens corpus mysticum, sicut admixtio aquæ significat populum. Et ideo horum præmissio non facit imperfectionem sacrificii, ut propterea necessarium sit aliquid repetere circa celebrationem huius sacramenti.

103. Docet vltimò quid faciendum sit in casu, quo sanguis effunderetur à calice; dicitque à Pio Papa statutum fuisse cap. *Si per negligentiam*, de consecrat. dist. 2. ut si per negligentiam aliquid stillauerit de sanguine in tabulam, quæ terræ, seu pavimento altaris adhæret; linguâ lambatur, & tabula radatur. Si verò non fuerit tabula, terra radatur, & igni consumatur, & cinis intra altare condatur, siue in piscinam proiciatur. Si autem super altare stillauerit calix, sorbeat minister (id est, sacerdos) stillam; & lintamina, quæ stilla tetigerit, tribus vicibus lauet, calice subruso posito; & aquam ablutionis iuxta altare recondat, aut in piscinam proiciat, nisi malit eam bibere, si potest sine horrore, & graui incommodo. Addit pœnas ibidem à Pio statutas contra illos, quorum negligentia id contigerit; & ex aliis alias contra eos, qui per ebrietatem, vel aliam ob causam Eucharistiâ euomerint, aut non eam sufficienti diligentia, & reuerentia seruauerint in sacratio, unde putrefactio, vel aliud incommodum sequatur. Sed notandum est has pœnas non esse amplius in vsu, neque vigere obligationem ad illas, iam enim relictum est arbitrio confessorii, ut imponat, quam magis expedire iudicauerit, pro ratione culpæ in eo commissæ. Nota præterea si totus sanguis effundatur, ita ut nihil illius possit sumi à sacerdote consecrante; debere iterum poni vinum cum aqua modica in calice, & consecrari simili modo, quo supra diximus debere fieri, quando aqua loco vini, aut venenum deprehenditur in calice post consecrationem. Sin autem restat aliquid quod sumi possit à sacerdote, sufficit illud sumere, & que ac particulam hostiæ, si qua restaret, alia ablata, vel disparente: puta illam etiam, quæ calici fuit immixta, & nondum est substantialiter immutata. Christus enim totus continetur sub qualibet specierum particula legitime consecrata, & nondum corrupta; & consecratio, ac sumptio cuiusvis particule vtriusque speciei simul, sufficit ad essentiam, & consummationem sacrificii. Neque est necessarium totam hostiam consecratam consumi à sacerdote. Potest enim partem illius dare communicantibus. Et olim quando laici communicabant sub vtraque specie, infundebatur pars vini consecrati in alium calicem distribuendum communicantibus.

Vel si sanguis effundatur ex calice.

SECTIO IX.

An, & quomodo teneantur fideles assistere Missæ sacrificior

R Espondeo & dico primò, teneri ex præcepto Ecclesiastico omnes & singulos fideles interesse diebus festis toti Missæ sacrificio: ut patet ex cap. *Missas*, & cap. *Omnes fideles*, de consecr. dist. 1. Estque tam grauis huius præcepti obligatio (utpote de materia per se graui) ut mortaliter peccent, qui Sacrum integrum, aut notabile eius partem omittunt voluntariè, & sine causa legitima, ut communiter docent Theologi contra Ricard. & Angel. excusantes à mortali eos, qui non omittunt ex contemptu saltem virtuali, ut quando, inquiunt, assuescit aliquis omissioni Sacri sine iusta causa.

Dixi autem, qui *sacrum integrum, aut notabilem eius partem omittit*: quia excusat à mortali leuitas omissionis, si quis exiguam Missæ partem non audiat: puta ab Introitu vique ad Euangelium exclusiue, ut multi censent: aut etiam inclusiue, ut probabile putat Suar. disp. 88. sect. 2. §. *Addit verò Nauarrus*, dummodo cætera, etiam ipsum Euangelium S. Ioannis in fine recitatum, audiantur: Et quamuis ea, quæ ex can. Missæ dicuntur, & aguntur, sint magis præcipua, præsertim verò consecratio, & consumptio sacrificii: damnandi tamen non sunt peccati mortalis, qui exiguæ eorum parti non intersunt, dummodo simul consecrationem, & consumptionem non omittant, ut addit idem auctor §. sequenti: quia, inquit, non satis constat in quo illorum præcisè consistat substantia sacrificii.

Dixi præterea, *voluntariè*: quia excusat etiam à mortali inaduertentia, vel alius defectus sufficientis voluntarii: ut si quis nesciat diem esse festum: vel putet se assuturum tempori: & interea dum elabatur occasio, bona fide occupatur in aliis: aut si leuiter negligens sit, ut opportunè veniat: vel si inculpabiliter existimat se legitimum habere impedimentum, vel causam sufficientem: quamuis reuera non ita sit: vel si quis veniens intentione totum sacrum audiendi, inueniat esse iam inchoatum, cui, si modò pars notabilis non sit elapsa, sufficit ad vitandum peccatum veniale audire cætera quæ sequuntur. Si autem pars notabilis iam est elapsa debet aliud sacrum audire, vel saltem partem alterius respondentem illi quam prætermisit, iuxta id quod dicemus inferius num. 120.

Dixi tertio, *sine causa legitima*: quia multi sunt causæ ab hoc præcepto Ecclesiastico excusantes, quas Nauar. in Manuali cap. 21. Sumit §. V. *Missæ*, & V. *Feriæ*. Suar. disp. 88. sect. 6. & plures alii recensent. Prima est impotentia Physica, ut si quis ægroter, aut

104. Tenentur fideles assistere Missæ diebus festis.

105. Et quidem integre.

106.

107. Nisi excusetur causa legitima. Nauar.

aut in carcere detineatur: vel si desit sacerdos, & copia audiendi sacrum; vel si adeo distet Ecclesia, ut adire non possit. Secunda est impotentia moralis, & spiritualis, ratione excommunicationis: ut si sacerdos, qui solus adest, sit excommunicatus, nominatim denunciatus, aut notorius percussor clericum, quem vitare tenemur; aut si propter excommunicationem, vel interdictum generale, aut speciale prohibeatur aliquis interesse divinis officiis, etiam diebus festis. Qui autem ex privilegio, possunt tempore interdicti sacro assistere, tenentur, ut bene docent auctores supra citati, contra nonnullos alios. Tertia causa excusans est ignorantia inculpabilis, vel opinio probabilis: ut si quis ex ignorantia; vel probabili opinione Doctorum iudicet se, hic, & nunc, & in talibus circumstantiis non obligari. Quarta est impedimentum morale legitimum: ut si non possit assistere sacro sine gravi incommodo, vel iactura boni notabilis, & non parvæ estimationis: puta vitæ, valetudinis, honoris, & decentiæ sui status, in vestitu, aut comitatu, aut bonorum fortunæ: vel etiam sine magna difficultate, & labore propter loci distantiam, pluviæ, aut aliam æris intemperiem, aut virium imbecillitatem. Quia Ecclesia non obligat cum tantis incommodis, & difficultatibus. Vel etiam si rationabiliter timeatur gravis rixa: vel ira alterius, puta coniugis, aut heri, occasione sacri incurrenda: vel scandalum, & ruina spiritualis animæ. Quinta est officium charitatis tanti momenti, adeoque necessarium, ut propter illud merito præsumatur cedere obligatio præcepti sacrum audiendi. Puta si quis tempore sacri debeat assistere ægroto, qui eius præsentia, & opera carere nequit sine incommodo notabili.

108.
Cause excusantes.

Huc etiam pertinet obsequium debitum ratione officii, vel ministerium aliquod necessarium. Quo titulo excusantur milites castra custodientes, aut portas civitatis, qui sine periculo non possunt hinc abesse tempore sacri: pastores, nautæ, vectores mercium, iter agentes, si non possunt adesse sine gravi incommodo: nutrices etiam, aut matres, quæ domi parvulos non possunt deferre: neque sine incommodo notabili, aut aliorum perturbatione, & indecentia eos in templum de ferre; satius enim domo continentur, donec satis habent ætatis ad sacrum modeste, & decenter audiendum. Item qui tenentur domum servare metu latronum, dum alii Sacrum audiunt, ut contingit in pagis, & villis ubi Sacrum vnicum fit. Item etiam famuli adeo occupati, vel ab heris ita impediti, ut Sacro interesse nequeant. Quod si frequenter accidat, pro rebus aliunde non necessariis, quæque differri possent in aliud tempus, debet huiusmodi famuli quærere alios, quibus more Christiano melius serviant. Sexto, excusat etiam consuetudo rationabiliter intrducta, & tolerata à Pastoribus Ecclesiæ: ut illa, quæ mulieres post partum vel

post mortem coniugis abstinere aliquandiu ab ingressu templi, vel ab exitu in publicum. Qui autem legitima de causa non interest, potest quidem laudabiliter orare; ut faceret, si adellet, & assistere Sacro spiritualiter: ad hoc tamen non tenetur.

Dico Secundò, hoc præcepto Ecclesiastico non obligari Catechumenos, quia non subunt legibus Ecclesiæ: multoque minus infideles non baptizatos: neque amentes, utpote præcepti incapaces, & obligationis moralis: neque etiam infantes, qui nondum habent vim rationis sufficientem, quantum est opus, ut reuerenter, & deuotè interesse possint, quod communiter contingit circa septennium. Sufficit autem ad illud executionem audire Sacrum integrum, siue vnius, siue duorum Sacerdotum per partes tempore distinctas: licet quoad fieri potest, curandum sit, ut audiat vnicum integrum: quia id magis decet, & multò certius obligationi satisfacit: non desunt enim graues auctores, qui negent primum sufficere. Sed ut bene aduertit Aegid. Con. q. 83. a. 8. dub. vnico, Ecclesia hoc ipso, quod scit plerisque Doctorum ita suum præceptum interpretari, & non resistit, moderatur tacite, si opus est, rigorem sui præcepti, ita ut nolit ad vnicum Sacrum adstringere. Notandum autem est quod dixi, *per partes tempore distinctas*: quia non idem est sentiendum de illo, qui simul duas partes audiret à duobus in eadem Ecclesia celebrantibus: priorem mediam partem vnius, & posteriorem alterius. Nam Doctores negant hoc sufficere; & Ecclesia non permittit, neque tacite approbat suum præceptum ita explicari. Sufficit etiam audire quodcumque Sacrum, siue proprium diei, siue aliud. Quia Ecclesia non aliud præcipit, nisi audire Sacrum; eiusque præceptum in hæc verba concipitur, in parua institutione Christianæ Doctrinæ iussu Pij V. edita, *Sacrum Missæ Officium diebus festis reuerenter audire*.

Item licet olim fortasse præceptum fuerit ut fideles diebus festis, aut Dominicis audirent sacrum in propriis parœciis, ut Sixtus IV. significare videtur in extrauag. *De Trinitate*, cap. 2. & nonnulli colligi putant ex cap. 2. de Parochiis: cum tamen Sixtus eodem loco asserat posse fideles *honesta de causa se absentare*: & in cap. 1. de Parochiis, tantum prohibeatur ut nemo absit ex contemptu: statuatque dumtaxat, ut Presbyteri Parochiales Dominicis diebus, & festiuis, parœcianos alienos ad Missam non admittant, si ex contemptu ad eorundem Ecclesiam accedant. Licet inquam olim forsitan præceptum fidelibus id fuerit; sitque laudabile, ut sæpe audiatur, & ad hoc sint inuicandi, & hortandi: nunc tamen, & iam pridem huic obligationi derogarunt consuetudo, & privilegia per sedem Apostolicam concessa Regularibus, summorumque Pontificum declarationes. Nā ut omitam plures alias, quæ ab annis fere quadringentis à sede Apostolica emanarunt, & de illis tantum loquar, quæ à centum cir-

109.

Quinam obligentur hoc præcepto.

110.

Teneantur ne audire in propria affirmata.

CCCC

ceteris annis edicti sunt: Leo X. in Bulla, quæ incipit, *Exponi nobis fecerunt*, data anno 1518. affirmat se iam antea per quasdam suas in forma Brevis, litera declarasse audientes Missas in Ecclesiis Fratrum Ordinum Mendicantium Dominicis, & alijs festis diebus (non contempto proprio sacerdote) sed nimirum commoditatis, vel deuotionis, vel alia de causa, satisfacere præcepto Ecclesiæ de audienda Missa. Porro verba illius Brevis Apostolici referuntur à Nauarro cap. 21. Manual. num. 5. & in priuilegijs Mendicantium fol. 149. in hunc modum: *Auctoritate Apostolica notum facimus tenore præsentium omnes Christi fideles utriusque sexus, qui non contempto proprio sacerdote Parochiali, in Ecclesiis Fratrum Ordinis Mendicantium Dominicis, & festis diebus Missas audiunt, satisfacere, præcepto Ecclesiæ de audienda Missa, in contrarium scientibus non obstantibus quibuscumque.* Additque Leo Pontifex in bulla supra citata hæc verba, quæ diligenter omnibus notanda sunt: *Nihilominus sunt accipimus, plerique Ordinarii locorum, & Parochialium Ecclesiarum rectores, propria salutis immemores, Deique, & Ecclesiæ censuræ timore, & Apostolica sedis reuerentia postpositis, predicare, & prædicari facere non formidant, non licere eorum Parochianis peccata sua confiteri prædictis Fratribus, sine ipsorum Rectorum posita prius, & obrepta licentia: eisdemque Parochianis, ne ad eorum Ecclesias, pro diuinis audiendis, diebus præceptis accedant, specialiter, & expresse interdicit: & super præmissis, ac plerisque alijs, dictis Fratribus molestias inferunt, quibus eorum quies turbatur, & diuinus cultus minuitur, & inter Christi fideles scandala passim oriuntur, non sine diuinæ Maiestatis offensa, & Apostolicæ auctoritatis contemptu. Quamobrem nos, qui dictorum Fratrum quietem, & tranquillam statum intensius desideramus affectibus, vobis (loquitur omnibus Patriarchis, Archiepiscopis, & Episcopis Ecclesiæ, ad quos omnes hanc Bullam dirigit) & cuiuslibet vestrum districte mandamus sub dictis censuris, ut vos ab eorum molestia, & ab omni inquietudine penitus abstinatis. Ibi demque carpit summus Pontifex Parochos illos qui, ut ait, etiam ad prohibitionem huiusmodi obseruandam censuris, ad terrendum simplicem populum, qui censuras huiusmodi timet, vtuntur. Hæc autem Bulla Leonis X. nunquam fuit reuocata, neque vñ contrario infirmata: imò potius confirmata praxi generali totius Ecclesiæ, etiam Romæ in conspectu ipsius summi Pontificis, & Cardinalium.*

111.
Paulus III. Paulus III. Societati Iesu in Bulla, quæ incipit, *Licet debitum*, data anno 1549. die 15. Septembris, quod deinde à Gregorio XIII. per aliam Bullam infra citandam confirmatum fuit. Pius verò V. in Bulla, quæ incipit, *Esse Mendicantium*, edita anno 1567. Volumus, inquit, ut Missas

etiam in diebus Dominicis, & festis celebrare, & facere, & etiam utriusque sexus fideles totius anni tempore illas in Ecclesiis Fratrum huiusmodi audire possint, ipsique Christi fideles nullatenus desuper molestari, aut impediri per locorum Ordinarios, seu rectores Parochialium Ecclesiarum, aut alios quoscumque ullo pacto, causa, vel occasione non valeant, seu debeant: Sed præfati Christi fideles in Ecclesiis Fratrum huiusmodi diebus Dominicis, aut festiuis, præcepto Ecclesiæ de illis audiendis satisfacisse censentur. Et Gregorius XIII. in Bulla, quæ incipit, *Esse per priuilegia*, data circa annum 1574. idem confirmat in fauorem Patrum Societatis Iesu, quibus Parochi Parisienses negotium facessuerant hac in parte. Mortu, inquit, proprio, ceteraque scientia nostra plenam, & liberam vobis in perpetuum licentiam tribuimus &c. Et pariter ut omnes utriusque sexus Christi fideles, quicumque sint, ac conciones, & ad Missas audiendas, confessionesque faciendas ad dictos Presbyteros accedere, & ab eis sanctissimum Eucharistiæ sacramentum (Resurrectionis die duntaxat excepto) accipere libere possint, Rectorum, aut Ordinariorum, vel quorumcumque aliorum super hoc consensu, aut licentia minime requisita. Districte inhibentes vniuersis & singulis ne per se, vel per alium, seu alios directè, vel indirectè quouis quasto colore vel ingenio, quemquam vestrum impedire, vel alias molestare quoque modo presumant.

Et Clemens VIII. in Breui Apostolico, quod incipit, *Significatum nobis fuit*, dato ad Episcopum Tricacensem, nuncium Apostolicum anno. 1592. 22. Decembris propter turbas Parochorum Duacensium contra Regulares, non sine scandalo, inquit grauissimo, excitatas, sic ait: *Præfenti nostro decreto sancimus licere secularibus Christi fidelibus vniuersis libere Missas diebus Dominicis & alijs maioribus festis audire in Ecclesiis, tum Fratrum Predicatorum & aliorum Mendicantium, necnon etiam Collegii Societatis Iesu, iuxta illorum Priuilegia, & antiquas consuetudines: dummodo in contemptum Ecclesiarum Parochialium non faciant. Et tam dictis Fratribus Predicatoribus, & Presbyteris dictæ Societatis, quam alijs Priuilegiatis prædictis, quibus à sede Apostolica indultum est, idoneis tamen, & ab Ordinario approbatis peccata suis, etiam quadragesimali, & Paschali, & quouis alio tempore licet confiteri posse: dummodo tamen iidem seculares Christi fideles sacramentum Eucharistiæ die festo Paschatis in propriis Parochiis, ab eorum, Paracho sumant. Proinde tibi per præfentes committimus, ut præfens nostrum decretum Archiepiscopo Cameracensi, & Episcopo Atrebatensi notum facias: iisdemque auctoritate nostra Apostolica mandes, ut illud in dicto oppido Duacensi, & ubicumque opus fuerit, publicari & obseruari faciant: utque Parochos in officio continendo illosque ab*

Greg. XIII.

112

Clemens VIII.

anocatione populi ab Ecclesiis Privilegiatorum, ac etiam à propositionibus, quibus tollitur libertas audiendi Missas in Ecclesiis Privilegiatorum supradictis diebus, ac confitendi peccata etiam in Paschate ipsis Privilegiatis, abstinere faciant.

113. His adde declarationem Sacre Congregationis Cardinalium ad sess. 23. Concilij Trident. cap. 4. Decreti 2. de Reformat. n. 9. vbi dicitur neq; pœnis, neque multis posse Episcopos populum adstringere, ne quidem in casu negligentiæ, aut cōtumaciæ, ad audiendā Missam in Ecclesia Parochiali. Cuius declarationis, vel alterius similis mentionē faciūt Zerola Episcopus Minorensis in Praxi Episcopali parte 1. V. Missa 5. Adfixum, & parte 2. V. Parochia 5. tertio, an cogendi sint &c. Cardinalis de Lugo disput. 22. de Euchar. sect. 1. num. 2. Barbosa in caput Tridentini supra citatum num. 17. Emm. Sa correctus Romæ V. Missa auditio, num. 1. Piasecius lib. 2. Praxis Episcop. cap. 3. & plures alii. Ratio est, quam ex parte attigerunt Sylvest. & Nauarr. locis infra citandis, quia non possūt Episcopi ius à summo Pontifice concessum fidelibus restringere, aut tollere, neque præceptum de audiendo Sacro diebus festis explicare contra declarationē expressam summi Pontificis, ad quem propriè pertinet præceptum illud purè Ecclesiasticum, & generale, ac commune toti Ecclesiæ, declarare, statuereque modum, quo potest, aut debet observari. Non possunt etiam derogare privilegiis Regularium à sede Apost. concessis. Sunt enim Episcopi, & fideles omnes iure diuino inferiores summo Pontifice, capite visibili totius Ecclesiæ, cui omnes Christiani parere tenentur: vt sine hæresi, & Schismate negarit nequit: statuiturq; legibus huius regni, in Francisci primi Ordinationibus, vt puniantur ab ipsis iudicibus secularibus, qui contrariū dixerint, vt habetur tom. 4. Ordin. tit. 4. Videri etiam potest caput 24. Apologiæ Gregorii VII. quæ habetur in 2. part. tom. 3. Conciliorum generalium per Binium, ex quo perspicuè intelligitur quid in consilio Declarationum, aut præceptorum summi Pontificis, & Ordinariorum, vnicuique verè Catholico faciendum sit.

114. Propter quæ omnia, communis sententia Doctorum est, non teneri fideles ex præcepto Ecclesiastico audire Sacrum diebus festis & Dominicis in propria Parœcia, neque ad id posse cōpelli per Parochos, aut per Ordinarios, contra voluntatē summi Pontificis tot Bullis & constitutionibus declaratam. Vt videre est apud Nauarr. cap. 21. manual. n. 5. (vbi citat S. Antonin.) Sylvestr. verbo Missa 5. quæst. 5. Zerolam, Piasecium, Delugo, Azor. & Sa locis sup. cit. Portell. V. Missa additione 1. vbi citat Rodrig. in Bullar. fol. 1197. n. 4. colū. 2. & in responsionib. parte 3. casu 29. n. 3. vbi plures alios citat. Barbof. in Trident. ad sess. 24. cap. 4. decreti de Ref. n. 17. Vbi in eandē sententiā refert, præter Zerolā, Hieronym. Roder. & Steph. Vveims. Quibus adde Suar. tom. 3. in 3. p. disp. 88;

sect. 1. & Gilbert. Genebrardū doctissimū, & sapientissimū Archiepiscop. Aqueensem in Liturgia cap. 26. Vbi loquens de illis, qui huic ordinationi summorum Pontificum sese opponunt, Interea, inquit, Pastores illos moneo, vt ne huiusmodi re abutantur, vt faciliū aliqui Parochi schismatici, i. qui Parochialem instructionē in tribunal conuertit, & suam iurisdictionem in tyrannicā dominationē. Nam si Apostolus grauitè carpit Episcopos, qui volunt dominari in clerico: quanto magis in eos inueheretur, qui amant tyrannidem exercere in gregem sibi commissam, & conscientias velut equitio torquere, impetireque ne possint alibi sacris interesse, confiteri peccata, Eucharistiam sumere, conciones & officium diuinum audire: quod omnino faciunt contra ius, & libertatē Ecclesiasticam. Addunt aliqui, cum fideles in Gallia nitantur non modò consuetudine vniuersali, legitimè præscripta, & diuturna possessione; verum etiā declarationibus, ac Privilegiis summorum Pontificum, quoad ius, aut licentiam audiendi Missam in Ecclesiis Regularium, ibique Sacramenta Pœnitentiæ, & Eucharistiæ recipiendi: posse regia auctoritate contra iuris illius, antelicitæ impugnatores protegi, ac defendi, iuxta Bullā Martini V. relatā à Salgado tom. 1. de regia protectione part. 1. cap. 1. Præcludio 5.

Addit denique Bonac. disput. 4. de Missæ Sacrificio quæst. vlt. punct. 12. proposit. 3. præceptum audiendæ Missæ impleri, quocūque loco Missæ Sacrum audiatur, siue in propria parœcia, siue in Ecclesiis Religiosorum, siue in Oratoriis priuatis, siue extra Ecclesiam. Quia inquit, Ecclesia præcipit Missæ auditionem, & non præscribit locum. Ergo præceptum adimpletur, quouis in loco Missa audiatur. Pro qua sententiā citat Tollerum, Azor. Rodrig. Nauar. Suar. Nugnum, Coninc, Graphium, Bartholomæum ab Angelo, & alios.

Neque verum est, quod obiciunt aliqui Concilium Trident. sess. 24. cap. 4. decreti de Reform. præcipere fidelibus, vt audiant Sacrum in propria Parœcia diebus festis; iniungereque Episcopis, vt eos censuris Ecclesiasticis ad id cogant; sicut inquit, à pluribus Conciliis Prouincialibus factū est. Respōdeo enim Trident. cap. illo 4. non loqui de Sacro audiēdo, sed de concione dūtaxat, & de Catechismo, Moneat, inquit, Episcopus populum diligēter teneri vnicuiquemq; Parochia suæ interesse vbi cōmodè id fieri potest, ad audiendū verbum Dei. Notandaq; sunt diligenter verba illa, vbi cōmodè id fieri potest. Tū paulò post decernit vt Episcopis saltem Dominicis, & aliis festiuis diebus pueros in singulis Parochiis fidei rudimenta, & obedientiā erga Deū, & parentes diligēter ab iis, ad quos spectabit, doceri curēt, & si opus sit, etiam per cēsuras Ecclesiasticas cōpellant. Itaq; cēsuræ de quibus ibi agitur, non sunt ad cogēdos fideles vt Sacrum audiāt in propria parœcia: sed ad compellendos Parochos, & alios, quibus incumbit instruere pueros de rudimentis fidei, vt suo muneri hac in parte non defint. Idem verò Concilium sess. 22. in decreto

Antonius Fontanus: tom. 4. lib. 1.

Conclusio negatiua.

115. Soluuntur obiectiones in Trident.

de obseruandis, & euitandis in celebratione Missæ, vbi loquitur de illa audienda; vult Episcopos non iubere quidem, aut pœnis cōstringere, sed monere populū, vt frequenter ad suas Paræcias, saltem diebus Dominicis, & maioribus festis accedat. Debēt igitur admonitione illa contenti esse Ordinarii. Est etiam notandum plures summos Pontifices post Concilium Tridentinum declarasse aut statuisse, fideles satisfacere præcepto Ecclesiæ, licet audiant Sacrum extra propriā Paræciā in Ecclesiis Regulariū, vt patet ex Bullis supra relatis Pij V. Gregorii XIII. & Clementis VIII. Quod etiam declarauit Congregatio Cardinalium super Tridentinū, ad cap. 4. decreti 1. de Reformat. sess. 24. nu. 9. his verbis: *Ordinarius non potest per hoc Cōciliū, multis & pœnis, etiā in casu notabilis negligentie, aut contumacie, cogere populum ad audiendā Missam & Sacram concionem in Ecclesia Parochiali; nec pœnos ad discēdam Doctrinam Christianam. Etiam si hæc fieri voluerit in oppidis, villis, & aliis locis extra ciuitatem.*

116. Quod verò atinet ad Cōcilia Prouincialia in contrarium allegata, Respondeo primò non posse illa derogare summorum Pontificū constitutionibus, sola sua auctoritate: nihilque valde sancire posse cōtra ea quæ continentur in iure communi, aut in Conciliis generalibus. Secundò, videndum esse, sintne approbata à summo Pontifice, & verū cum aliqua limitatione; quod videri potest in Epistolis summi Pontificis, aut Cardinalium eius nomine, initio præfixis. Tertiò, summum Pontificem illa approbando non derogare privilegiis à se concessis nulla eorum mentione facta. Quartò, derogatū illis Conciliis Prouincialibus fuisse per posteriores constitutiones summorum Pontificum, quarum nonnullas supra retulimus: & pœnā excommunicationis, aut alias censuras de quibus loquuntur aduersarii, supponere peccatum mortale, quod certè non committitur à fidelibus vtentibus iure sibi concessio à summis Pontificibus, & implendo præceptum Ecclesiasticum ea ratione, quā ipsi declararunt. Ac denique huiusmodi Concilia nullā habere iurisdictionem extra suam Prouinciā.

117. Dico tertiò, & vltimò, ad satisfaciendum huic præcepto Ecclesiastico audiendi Missæ, necessariū esse assistere Sacro, corporali præsentia sufficienti. Quæ autem sufficiat, prudenter iudicandum est. Et quamuis non sit necessariū, vt qui assistit, sit intra ipsam Ecclesiam, aut locum, vbi celebratur, vel vt Sacerdotē videat, vel audiat: oportet tamen, vt non tam longè distet, quin moraliter adesse censetur, vel ob loci propinquitatē, & commoditatem, vel propter continuationē cum aliis assistentibus: oportet etiam vt inde intelligat aliquo modo quid agatur, aut, per se loquendo, intelligere possit, præsertim tempore consecrationis: quod facile ex aliorum assistentium gestu potest cognoscere, si modo cæcus, & surdus non sit. Requiritur etiam intentio audiendi Sacrum: quia debet

voluntariè, & humano modo audiri. Quare si quis interesset coactus, & omnino contra suam voluntatem, non obediret præcepto: idèque non illud impleteret. Sed non pariter requiritur intentio satisfaciendi præcepto. Qui enim adesset vni Sacro cum intentione contraria, volens alterum audire, & per illud implere præceptū: satisfaceret nihilominus, neque teneretur iterum eo die audire vi præcepti solius, & secluso voto, vel alia obligatione: quia iam posuit materiam præcepti, quā posita illud iam cessat obligare.

Item requiritur aliqua attentio, deuotio, & reuerentia, saltem externa, id est, quantum exterius apparet, ita vt dici possit ipsum exercere actū religiosū. An verò etiā interna deuotio necessaria sit vi illius præcepti Ecclesiastici, patet ex dictis alibi de legibus humanis, possintne actus internos præcipere. Quare abstrahendo in præsentia ab illa questione controuersa inter Theologos, & alibi discussa tom. 2. disp. 29. sect. 1. 2. & 3. certū est illum non satisfacere præcepto, qui tempore Sacri, aut notabili eius parte cōfabularetur, vel huc, illucq; oculos auerteret, vel aliud ageret, quo externa attentio ad Sacrum, vel reuerentia, & deuotio necessaria impeditur. Vt si quis toto tēpore Sacri, aut notabili eius parte confiteretur Sacramentaliter: licet nonnulli contrarium sentiant: quod in praxi sequendum non puto, nisi sit magna necessitas confessionis hic & nunc, & aliter fieri nequeat sine graui incommodo. Multòque minùs satisfaceret, qui dormiret toto tēpore Sacri: quia non deuotè, & reuerenter, imò neque humano modo assisteret. Secus autem, qui tempore Sacri horas Canonicas recitaret, simulque haberet intentionem audiendi Sacrum, & preces suas iungendi oblationibus Sacerdotis. Et de his hactenus, quorum fusior, & minuior explicatio pertinet ad Theologum moralem.

SEXTIO X.

Liceatne assistere missæ Sacrificio cum conscientia peccati mortalis.

118. Sensus questionis est, peccentne mortaliter, aut venialiter, qui assistunt Sacrificio Missæ, non prius obtenta peccati mortalis, antea commissi remissione per contritionē, aut per Sacramentum cum attritione. Videtur enim aliqui neoterici id affirmare, quorū præcipuū fundamentū est, quodd olim in antiqua Ecclesia non permitteretur Pœnitentibus assistere Sacrificio, nisi vsque ad Missæ Catechumenorum, donec completo tertio gradu, reconciliarentur Ecclesiæ per absolutionē. Quia nimirum, vt ait Dionys. cap. 3. Eccles. Hierarch. erant alioquin indigni. Vnde Catechumenos, inquit, & Energumenos, & eos qui in Pœnitentia sunt, sacrosancta sacerdotalis institutio psalmodiam quidem & diuinam sanctarum scripturarum lectionem audire permittit: ad eam tamen, quæ deinceps in hostia salutari oblatione

118.

Quæ attentio & deuotio

119.

Sensus questionis.

Nova sententia Dogmatica.

gerantur, contuenda, non hoc planè sed perfectior, & tanta rei dignorum admittit obtinens. Eandemque ob causam dicunt absolutionem à peccatis, fuisse datà Pœnitentibus finito certio gradu Pœnitentiæ, qui dicebatur *omni* quoniam alioqui non fuisset illis permittum interesse oblationi sacrificii cum aliis fidelibus. Neque enim antiqua Ecclesia, instar Mezentii, mortuos adhuc per statum peccati, fidelibus per gratiam viuentibus coniungi volebat. Addunt ex Chrysostomo homil. 3. in epistolam ad Ephesios, prope finem, non minorem requiri dispositionem, ut non indigne assistatur sacrificio, quàm ut non indigne participetur Sacramento per communionem. Atqui ad communicandum sine indignitate, & graui peccato sacrilegii requiritur puritas à peccato mortali: ergo, &c. Addi etiam potest, ex aliquorum Theologorum sententia teneri fideles singulis diebus festis procurare remissionem peccati mortalis, si in eo veriantur. Cuius necessitatis nulla probabilior potest afferri ratio, seu causa finalis, nisi ut digni fiant, qui tremèdis mysteriis intersint, sicut tenentur interesse ex præcepto Ecclesiæ. Sic autem docent Angel. in Summa V. *scilicet* n. 41. & quidam alii Summistæ. Addi denique potest 1. Reg. 6. Bethsamitas fuisse plaga magna percussos, ed quod vidissent Arcam Domini: nimirum quia eius conspectu indigni erant propter peccatum. Ergo multò magis digni sunt percussione, & ira Dei, qui in statu peccati mortalis audent assistere celebrationi venerabilis Sacramenti, illudque inspicere.

120.
Refelitur
ut planè
improbabilis.

Verùm hæc sententia tam dura & seuera planè rejicienda est. Primò quia nullum habet auctorem inter Theologos antiquos, & recentes, sed inane sciorum quorundam modernorum figmentum, & inuentum est. Licet enim nonnulli, quorum confusè meminit Azor tom. 1. lib. 7. cap. 6. quæst. 1. exittimauerint eos, qui assistunt in statu peccati, non tamen facere præcepto, ed quod putarent nullum præceptum impleri posse in statu peccati mortalis: non tamen senserunt peccare illos peccato commissionis contra reuerentiam sacrificii, indignè assistendo, ut isti volunt, & de quo est quæstio: sed potius peccato omissionis, non implendo præceptum affirmatiuum, defectu conditionis necessariæ ad implendum. Quæ conditio iuxta illos non est specialis sacrificio Missæ, sed communis omnibus præceptis affirmatiuis: peccantque similiter qui in statu peccati mortalis honorant parentes, subueniunt pauperi extrinè indigenti, tuentur innocentem contra calumniam, aut iniustam inuersionem, obediunt superioribus, & similia, quæ satis ostendunt absurditatem illius sententiæ: meritisque Azor affirmat ibidem illam communi omnium consensu refutari. Alensis verò, & Gabriel, qui inter veteres Scholasticos hanc quæstionem attingunt locis infra citandis, nullum prorsus allegant in

favorem doctrinæ Adversariorum.

Secundò, Hæc sententia damnat plurimos fideles peccati mortalis, grauissimamque obligationem omnibus imponit, ubique sufficienti fundamento. Nam rationes, quibus innititur, nullius sunt momenti, ut patet ex eorum solutione. Tertiò, si esset talis obligatio; vel illa esset ex præcepto ecclesiastico, vel ex diuino positiuo, vel ex ipsa natura rei. Non primum: quia Ecclesia non potest obligare ad aliquid purè internum, cuiusmodi est contritio, aut status gratiæ, ut suppono ex tractatu de Legibus. Non etiam secundum, quia nullum tale præceptum positiuum profertur ab aduersariis. Tertium quoque dici non potest: quia si ex ipsa natura rei oriretur talis, & tanta obligatio, id esset maxime propter præsentiam, aut conspectum Eucharistiæ, ratione cuius tanta veneratio debeat ei celebrationi. Sed hoc est falsum, & absurdum: nam cum maior non debeat reuerentia Christo in statu Sacramentali, quàm in statu naturali, & in propria specie, sequeretur eos peccasse mortaliter, qui ad Christum accedebant, aut illum intuebantur existentes adhuc in statu peccati mortalis, saltem si habebant sufficientem notitiam personæ ipsius, & reuerentiæ illi debitæ. Atque ira Magdalena v. g. peccasset mortaliter, quando ad pedes eius accessit, nondum obiecta remissione peccatorum, quàm postea per insignem pœnitentiam, & dilectionem coniecra est. Neque enim illa ignorabat Christum esse filium Dei. Idemque dico de Chananea, Hemorroissa, Zachæo, & aliis in Scriptura laudatis. Et Christus inuitans ad se peccatores, illosque benignè admittens ante obtentam remissionem peccatorum, inuitasset eos ad peccandum mortaliter; debuissetque potius vitare illorum conspectum, quamdiu peccatores erant. Cum tamen è contrario illos quæreretur, aut libenter reciperet, & cum illis manducaret, diceretque murmurantibus, non esse opus valentibus medico, sed male habentibus: seque non venisse vocare iustos, sed peccatores ad pœnitentiam. Qualis verò esset ille medicus, quem ægroti non possent conuenire, nisi prius à morbo liberati? Hæc certe ridicula, & delirii plena esse mihi videntur: cuiusmodi sunt alia pleraque eorundem sciorum non dogmata.

121.
Caret sufficienti
fundamento.

Adde quòd, ut rectè ait Gabriel lect. 70. in Can. litera O, post Alensem 4. parte quæst. 52. memb. 6. Non modò iusti, sed & iniusti, intiendo corpus Christi in Eucharistia, & assistendo Missæ sacrificio, magnum spirituale commodum ex eo consequuntur. Tum, inquit, ex ponderatione charitatis Saluatoris: tum ex subuentione beneficii reparatoris: tum ex recordatione passionis Redemptoris. Hæc enim debent iustus, & peccator corpus Christi intendo recordari, quantum fuit beneficium reparationis: quanta passio Redemptoris:

122.
Vile est
peccatoribus
assistere
Missæ sacrificio.

CCcc 3

quanta charitas Saluatoris. Quæ confideratione peccator nonnunquam ad contritionem mouetur, & gratiam consequitur. Imo sæpe contingit, ut qui deuotè assistunt sacrificio, concipiant dolorem de peccatis qualem oportet, ut iustificationem obtineant, sintque illis similes, qui viso Christo mortem patiente, reuertebantur percurrentes pectora sua, & dicentes; *Verè filius Dei erat iste.*

123.

Adde etiam, Quodd hoc sacrificium est institutum in remissionem peccatorum, iuxta illud Luc. 22. *Hic calix nouum Testamentum est in meo sanguine, qui calix pro vobis funditur in remissionem peccatorum.* Quidam ergo peccatores illi interesse possint ea intentione, & affectu, ut illius ope & beneficio remissionem peccatorum obtineant: impetratis scilicet per hoc sacrificium gratiis auxiliantibus, quibus tandem ad contritionem perfectam adducantur? Neque par est ratio eius, qui inspicit, aut assistit dumtaxat, & illius qui recipit Eucharistia sacramentum. Non solum quia, ut ait Gabr. loco citato, non est tantà irreuerentia in videndo, sicut in fumendo: quia videns non pertingit videndo ad substantiam corporis Christi, sed tantum ad species sacramentales: at verò qui manducat, non solum sumit species, sed Christum sub speciebus verè contentum. Verum etiam, & multò magis (nam sola illa ratio non sufficeret) quia sumens in peccato abutitur sacramento. Secus autem, qui videt dumtaxat, aut assistit celebrationi sacramenti. Abutitur quidem in peccato sumens, quia impedimentum ponit spirituali refectiōi, ad quam ordinata est corporalis manducatio, tanquam ad effectum propriū, & primarium. Videns autem in peccato, aut assistens sacrificio, non abutitur: quia potest adorare visum, & immolatum, ac colere per fidem, & recolere memoriā, quæ supra dicta sunt: ad quæ recolenda sacramenti ostensio, & celebratio est ordinata. Tum denique tertio, quia manducans in peccato transgreditur præceptum Apostoli, aut Christi per Apostolum sic præcipientis: *Probet autem seipsum homo &c.* I. Corinth. 11. Secus autem videns tantum, vel assistens sacrificio ex intentione Christum adorandi. Neque enim humiliter adorando irreuerentiam committit: neque se non præparando sufficienter ad gratiam per veram contritionem, aut per attritionem cum Sacramento, peccatum negligentiz committit aut sacrilegii, eo quod non teneatur se ad gratiam disponere propter visionem Sacramenti, aut propter assistentiam celebrationi sacrificii: quia ostensio, & assistentia, non ordinatur per se ad gratiam videnti, aut assistenti conferendam, sicut receptio Sacramentalis.

124.

Permittitur olim multis peccatoribus

Ad primum argumentum aduersariorum respondeo primò falsò ab illis supponi omnes existentes in statu peccati mortalis fuisse olim in ordine Pœnitentium, & exclusos ab ecclesia tempore oblationis. Nam publi-

ca illa, & solennis pœnitentia non imponenda nisi pro grauissimis quibusdam sceleribus publicis, & scandalosis: nec nisi semel in vita: ut manifestis veterum testimoniis ostendimus in sequenti tractatu disp. vlt. de Sacramento Pœnitentia. Quare omnibus aliis permittebatur assistere sacrificio, neque antiqua Ecclesia id illicitum esse iudicabat. Imò qui semel publicam, & solennem pœnitentiam egerant, si postea in enormia illa, publica peccata incidissent, permittebantur nihilominus assistere oblationi, & celebrationi mysteriorum, & excludebantur solum à communione, ut constat ex epist. 1. Siricii Papæ ad Himerium Tartacon. Episcopum cap. 5. Respondeo secundò veram causam cur Pœnitentes supradicti excluderentur à celebratione sacrificii non fuisse, quia peccassent mortaliter assistendo: sed quia erant excommunicati, & prohibiti à tali consortio & communicatione cum aliis fidelibus.

125.

An etiam energumene: nisi

Ad secundum sumptum ex testimonio Dionysii Respondeo, Carechumenos fuisse quidem semper exclusos ab oblatione sacrificii, quia ne illis quidem hoc mysterium aperiebatur, & credendum proponebatur, velut infirmioribus, & nondum satis idoneis. Energumeni verò licet ordinariè dimitterentur ante oblationem; postea tamen fuisse sæpe admissos constat ex Chrysostomo homil. 3. de Incomprehensibili Dei natura, contra Anomæos, in fine, cuius hæc verba sunt: *Tempore illo (sacrificii) mi frater charissime, non solum homines clamorem illum tremendum reddunt, sed etiam Angeli Domino genuflectunt, & Archangeli rogant. Habent sibi tempus, idoneum. Habent sacram illam oblationem fauorabilem. Itaque ut homines, ramos olearum gerentes, mouere reges consueverunt, eoque arboris genere misericordiam commemorant, & humanitatem: sic Angeli tunc pro ramis oleaginis corpus Domini ipsum protendentes, rogant pro genere humano, quasi dicant: Pro his Domine rogamus, quos tu adeo dilexisti, ut eorum salutem mortem obires, & animam in æce efflares. Pro his supplicamus, pro quibus ipse tuum largitus es sanguinem. Pro his oramus, pro quibus corpus hoc immolasti. Energumenos quoque oblationem Dionysius tempore illo adducit, & iubet caput tantum inclinare, atque illo corporis gestu supplicare. Cum enim eos una cum fratribus orare non liceat, adducit eos ut tu miseratus, & quia tam acerbe vexantur, & quia vocem reddere nequeunt, tua facultate ad eorum vitæ defensionem, & auxilium. Et homil. 4. de eodem argumento, aliquantum ante finem. Primumque tempore instante, quo iudex prodire, & pro tribunali sedere solitus est, custodes carceris homines, nos in vinculos tenent, omnes carcere educunt, & pro cancellis, sepiisque fori collocant, squalentes, sordentes, comæ expleto nimia, pannus miserrimè obductos: Sic Patres statuerant, ut cum breui Christum vel pro tribunali sedere, in ipsique sacramentis apparere futurum esset, homines amore agitati, illi tanquam vinculis qui-*

basdam retenti adducerentur, non ut rerum, quæ
commissæ sunt, examen subiret, modo eorū qui in tur-
bulis sunt nec ut inerte panas, & supplicio affice-
rētur: sed ut populo uniuersūq; cum a se præficeret,
cōmunes pro his fieret supplicationes, ut omnes in
ei concordia Dominū commūte oraret pro illis, &
quod miseretur, magnocō amore contenderent,

126.
Excluden-
tur po-
nitentiæ.

Quod verò actinet ad pœnitentes i verum
 est exclusos fuisse, exceptis iis, qui ad quar-
 tum *Corinth.* gradum peruenerant: non præ-
 sist eo quod versarentur adhuc in statu pec-
 cati mortalis quomocumque: nam alio-
 qui peccatores alii occulti, aut non scanda-
 losi fuissent pariter excludendi: sed, quia, vt
 supra dixi, propter scelera tam grauiâ, &
 scandalosa erant excommunicati, & à fide-
 lium consorcio quoad oblationem, & cele-
 brationem sacrificii separati. Sicut etiam
 nunc prohibentur excommunicati interesse
 diuinis officiis: duratque illa prohibitio donec
 excommunicatio tollatur, licet remis-
 sio peccati apud Deum prius obrenta fuerit
 per contritionem. Verba autem Dionysii si-
 deliter relata hæc sunt: *Catechumenos autem,
 & energumenos, quique in penitentia sunt, san-
 ctæ Hierarchiæ mos patitur quidem aulicæ sa-
 cram psalmorum modulationem, diuinamque sa-
 crarum Scripturarum recitationem: ad sacra an-
 tem opera, quæ deinceps sequuntur, atque myste-
 ria spectanda à ὁσυχάζοντες πάντες, ἀπὸ τῶν ἐκκλη-
 τῶν τῶν τιμωρῶν ἐφθάρησι*, id est, vt rectè ver-
 tit Lanselius, non eos conuocat, sed perfe-
 ctos integrorum ὁμῶς. Quæ verba exponens
 in notis ad eundem librum num. 27. ait
ὁσυχάζοντες idem esse quod ὁσιώδεις, qui sci-
 licet neque paganus, neque Catechumenus,
 neque Energumenus, neque Pœnitens,
 sed integer & perfectus est christianus, ea
 saltem perfectione, vt propter peccata non
 sit veluti à corpore Ecclesiæ relictus, tan-
 quam membrum putridum, sed totius cor-
 poris integritati adhæreat. Et verò si per
 Christianos perfectos intelligendi hoc loco
 essent puri, & omnino immaculati, & irre-
 prehensibiles, liberique ab omnibus vicio-
 rum phantasmatis, & vni Deo perfectè vni-
 ti, purissimoque eius amore purgati, vt vo-
 lunt aduersarii; pauci admodum, vel potius
 nulli sacris mysteriis interesse potuissent.

Explicatur
locus Dio-
nyssi.

Ad tertium Dico incertum esse, & à pau-
cis assertum, quòd absolutio sacramentalis
daretur finito tertio gradu, & non potius
post exactum omne tempus pœnitentiæ pu-
blicæ, quando scilicet pœnitentes Ecclesiæ
reconciliabantur, atque ad sacram commu-
nionem Eucharistiæ admittebantur. Conie-
cturam verò aduersariorum vanam esse con-
stat ex epist. Syricii Papæ supra citata: & ex
eo quòd peccatores non scandalosi, aut adeo
criminosi, vt mererentur publicam, & so-
lennem pœnitentiam, permitti semper fue-
runt interesse oblationi sacrificii, aliisque
diuinis officiis. Item ex eo quòd feria V. ma-
ioris hebdomadæ, & deinceps vsque ad octa-
uam Paschæ, permitterentur quicunque pœ-
nites interesse diuinis officiis, & celebra-

trioni mysteriorum, vt Concilium Agathense c. 15. apud Gratian. dist. 50. c. 64. subindicar, & clarius afferit S. Thom. quæst. 28. supplem. art. 3. in corp.

Ad quartum Dico Chrysostomum exaggeratorie locutum esse: vt vel ipsis aduersariis necessario fatendum est. Nam in antiqua ecclesia, eo tempore quo erat vsus & necessitas publicæ pœnitentiæ, per-mittebatur pœnitentibus in quarto gradu, qui systasis dicebatur, versantibus, assiste-re toti Missæ sacrificio: & tamen nondum illis per-mittebatur communicare. Ergo ecclesia illius temporis iudicabat maiorem dispositionem, & puritatem animi, requiri ad communicandum, quàm ad sacrum audiendum. Adde quòd alioqui tenerentur fideles, qui sibi consciî sunt peccati mortalis, non modò conteri, verum etiam sacramentaliter de illo prius confiteri. Quod est falsum, vt fatentur aduersarij. Et Ecclesia, quæ obligat ad sacrum omnibus diebus Dominicis, & festis audiendum (quod præceptum de diebus Dominicis antiquum esse constat ex Concilio Agath. Can. 47. relato in decreto distinct. 1. de Consecrar. cap. 64.) semel tantùm quorannis ad confitendum obligat: ramenth non ignorat plurimos christianos cadere frequentius in peccatum mortale, & in illius statu diu hætere.

Ad quantum dico, fundamentum illorum auctorum, qui paucissimi sunt, & ab omnibus aliis reiecti, non esse, quia alioqui peccarent assistentes sacrificio Missæ in tali statu: sed quia (inquit Angelus loco cit. in ob-jectione) tenemur de præcepto vacare Deo in aliqua hora diei festi: sed hoc facere non potest, qui est in mortali, nisi de eo conteratur, vel atteratur: Propter quod dicitur Levit. 23. *Sabbatum requirionis est, affligetisque animas vestras: Et iterum: Anima, quæ non fuerit afflicta die hac, peribit. Quæ* sententia, tamen si vera esset, sufficeret atteri, iuxta illam. Atteritio autem non sufficit ad iustificationem extra sacramentum. Quare qui attritus assistit sacrificio, assistit nihilo- minus in statu peccati mortalis. Deinde illa sententia non determinat hanc obligatio- nem ad sacrificium. Addit enim Angelus paulò post, sufficere aliqua hora diei dolere de peccatis, saltem in genere: quæ de re, in- quit, ut moneamur, propterea præmittitur in Missa confessio. Sed licet tunc præmitta- tur, non obligat ad quamprimum, vel intra totum tempus celebrationis Missæ. Omitto dicere fundamentum istius sententiæ nul- lum esse. Potest enim peccator vacare Deo per fidem, adorationem, gratiarum actio- nem, & alios actus virtutum, quamvis non conteratur, aut atteratur. Et Deus præci- piens observationem Sabbati, & alia quædã festa in lege antiqua: non præcepit ut singu- lis illis diebus Iudæi dolerent de peccatis, multòque minus, ut perfecte contererentur. Quodque ab Angelo profertur ex Leviticâ 23. dictum est specialiter de die decimo

128;
Cur urebus
felis tene-
mur, secun-
dum ali-
quos. *QD,*
dolere de
peccatis.

**Explicatur
locus Dio-
nyſii.**

127.
Quonam
tempore
debatur ab-
solutio, pu-
blice premi-
tuntibus.

INDEX LOCORVM


SACRÆ SCRIPTVRÆ

qui in hoc volumine illustrantur.

Littera D. designat disputationem. N. numerum.

P. paginam.

Genesis.

- CAP. 1. v. 24.  Oc nunc os ex offi-
bus meis, & caro
de carne mea, &c.
D. 3. n. 11. p. 75.
24. v. 18. Melchisedech Rex Salem profe-
rens panem, & vinum, &c. d. 30. nu.
20. p. 660.
17. v. 14. Masculus, cuius præputiū caro cir-
cuncisiā non fuerit, delebitur anima
illa de populo suo. d. 18. nu. 43. &
45. p. 424. & d. 20. n. 21. & 27. p.
466. & 468.
22. v. 18. Benedicentur in semine tuo om-
nes gentes terræ, quia obedisti vo-
ci meo. d. 4. n. 51. p. 116.
23. v. 7. Adorauit populum terræ, filios vi-
delicet Hethi. d. 16. n. 12. p. 363.
49. v. 10. Non auferetur sceptrum de Iuda,
& Dux de femore eius, donec veniat
qui mittendus est. d. 1. n. 47. &
seqq. p. 19.
v. 11. Ligans ad vitē pullum suum, &c.
d. 1. n. 55. p. 22.

Exodus.

- CAP. 3. v. 6. Locus in quo stas, terra sancta
est. d. 9. n. 1. p. 233.
32. v. 32. Aut dimitte illis hanc noxam, aut
dele me de libro vitæ. d. 5. n. 118.
p. 173.

Leuiticus.

- CAP. 23. v. 32. A vespera vsque ad vespe-
ram celebrabitis sabbatha vestra. d.
29. n. 40. p. 644.
24. v. 9. Sanctum Sanctorum est de sacrifici-
is Domini. d. 38. n. 22. p. 803.
20. v. 8. Ego Dominus qui sanctifico vos.
d. 20. n. 23. p. 467.
11. v. 44. Sancti estote, quia ego sanctus
sum. d. 22. n. 69. p. 525.
23. v. 38. Exceptis Sabbathis Domini, do-
nisque vestris, & quæ offeretis ex
voto, vel quæ sponte tribuetis. d.
26. n. 7. p. 580.

Deuteronomium.

- CAP. 4. v. 2. Non adderis ad verbum, quod
vobis loquor, nec aufereris ex eo,
&c. d. 26. n. 20. p. 583. & d. 40.
n. 92. p. 852.
6. v. 13. Dominum Deum tuum adorabis,
& illi soli seruies. d. 16. n. 55. p. 373.
12. v. ult. Quod præcipio tibi, hoc tantum
facito Domino, nec quicquam ad-
das, nec minuas. d. 26. n. 20. p.
584. & d. 40. n. 92. p. 852.
16. v. 2. Immolabitque Phasce Domino Deo
tuo de ouibus, & de bobus in loco,
quem elegerit Dominus Deus tuus:
d. 29. n. 42. p. 645.

I. Regum liber.

- CAP. 21. v. 13. Collabebatur inter manus
eorum &c. vel vt vertit S. Augusti-
nus, Ferebatur in manibus suis. d.
30. n. 43. p. 667.
2. v. ult. Dimitte me obsecro ad vnā par-
tem sacerdotalem, vt comedam buc-
cellam panis. d. 38. n. 66. p. 814.

IV. Regum liber.

- CAP. 16. v. 11. Extruxit Vrias Sacerdos al-
tare, iuxta omnia quæ præceperat
Rex Achaz, &c. d. 40. n. 92. p. 852.
17. v. 32. Fecerunt autem sibi de nouissi-
mis Sacerdotes excelliorum &c. ibid.

Esther.

- CAP. 13. v. 14. Ne honorem Dei mei trās-
ferrem in hominem, & ne quemquā
adorarem excepto Deo meo. d. 16.
n. 54. & 56. p. 373. & 374.

Iob.

- CAP. 19. v. 25. Scio quod Redemptor meus
viuit &c. d. 1. n. 76. p. 31.
DDdd

Index locorum Sacrae Scripturae.

16. v. 11. Columnae cæli contremiscunt.
d. 9. n. 38. p. 244.
36. v. 17. Causa tua tamquam impii iudi-
cata est. Causam, iudiciumque re-
cipies. d. 11. n. 78. p. 295.

Psalmorum liber.

- PSAL. 2. v. 7. Dominus dixit ad me, filius
meus es tu. d. 1. n. 75. p. 30.
2. v. 6. Ego autem constitutus sum Rex ab
eo super Sion. d. 15. n. 31. p. 350.
21. v. 1. Deus Deus meus quare me dereli-
quisti. d. 13. n. 11. p. 309.
21. v. 3. Deus meus clamabo per diem, &
non exaudies: & nocte, & non ad
inspiciam mihi. d. 15. n. 6. p. 343.
37. v. 18. Quoniam ego in flagella paratus
sum, & dolor meus in conspectu meo
semper. d. 11. n. 10. p. 277.
44. v. 8. Dillexisti iustitiam, & odisti in-
iquitatem: propterea vixit te Deus
Deus tuus oleo lætitiæ præ conforti-
bus tuis. d. 4. n. 37. p. 115. & d. 11.
n. 71. p. 293.
48. v. 8. Frater non redimit, redimet ho-
mo, &c. d. 2. n. 40. p. 44.
88. v. 29. In æternum seruabo illi miseri-
cordiam meam, & ponam in sæcu-
lum sæculi semen eius, & thronum
eius, sicut dies cæli. d. 1. n. 74. p. 30.
96. v. 7. Confundantur omnes qui adorant
sculptilia, & qui gloriantur in simu-
lacris suis, Adorate eum omnes An-
geli eius. d. 16. n. 9. p. 362.
98. v. 5. Adorate scabellum pedum eius. d.
30. n. 23. p. 661.
103. v. 3. Qui tēgis aquis superiora eius &c.
d. 27. n. 10. p. 593.
109. v. 5. Tu es sacerdos in æternum secun-
dum ordinem Melchisedech. d. 38.
n. 31. & 33. p. 804. & 805.
109. v. 3. Ex utero ante Luciferum genui te,
&c. d. 11. n. 75. p. 301.

Proverbiorum liber.

- CAP. 9. v. 1. Sapientia ædificauit sibi do-
mum, excidit columnas septem. d.
18. n. 19. p. 416.
30. v. 6. Ne addas quicquam verbis illius,
ne arguaris, inueniarisque mendax.
d. 36. n. 20. p. 583. & d. 40. n. 92.
p. 852.

Isaias.

- CAP. 7. v. 15. Butyrum, & mel comedet; ut
sciat reprobare malum, & eligere
bonum, &c. d. 11. n. 18. p. 280.
11. v. 2. Requiescet super eum spiritus Do-
mini, spiritus sapientiæ, & intelle-
ctus, &c. d. 9. n. 35. p. 243.
11. v. 5. Erit fides cinctorium renium eius,
&c. d. 9. n. 28. p. 241.
29. v. 13. Sine causa colunt me mandatis ho-

minum. d. 40. n. 91. p. 852.

42. v. 1. Ecce seruus meus, suscipiam eum,
&c. d. 14. n. 23. p. 331.
33. v. 22. Dominus legifer noster, &c. d.
15. n. 45. p. 353.
52. v. 11. Mundamini qui portatis vasa Do-
mini. d. 22. n. 69. p. 525.
53. v. 8. Oblatus est quia ipse voluit. d. 2.
n. 19. p. 38. & d. 11. n. 18. p.
280.
53. v. 4. Verè languores nostros ipse tulit,
& dolores nostros ipse portauit. d.
13. n. 2. p. 306.

Daniel.

- CAP. 9. v. 24. Septuaginta hebdomades æta-
tū breuiatæ sunt, &c. d. 1. n. 66. & se-
quentibus. p. 27.

Machabæorum libri.

- LIB. 1. c. 5. v. 63. Viri Iuda magnificati sunt
valde. d. 1. n. 49. p. 30.
2. c. 12. v. 46. Sancta enim, & salubris est
cogitatio pro defunctis exorare, ut
peccatis soluantur. d. 39. n. 21. p.
821.

Matthæus.

- CAP. 1. v. 21. Vocabis nomen eius Iesum:
ipse enim saluum faciet populum su-
um à peccatis eorum. d. 3. n. 36.
p. 83.
3. v. 11. Ille vos baptizabit in Spiritu san-
cto, & igne. d. 21. n. 11. p. 479.
4. v. 13. Dominum Deum tuum adorabis,
& illi soli seruies. d. 14. n. 24. & 25.
p. 332.
5. v. 17. Non veni soluere legem, sed adim-
plere. d. 14. n. 6. p. 327.
8. v. 20. Vulpes foueas habent, & volucres
cæli nidos, &c. d. 15. n. 34. p. 350.
8. v. 8. Domine non sum dignus, ut intres
sub tectum meum. d. 30. n. 18.
p. 659.
9. v. 12. Non est opus valentibus medicus,
sed malè habentibus. d. 3. n. 37.
p. 84.
11. v. 25. Confiteor tibi, Pater, Domine
cæli & terræ, &c. d. 14. n. 24. &
25. p. 332.
12. v. 18. Ecce puer meus, suscipiam eum,
&c. d. 14. n. 24. p. 331.
12. v. 8. Dominus est filius hominis, etiam
Sabbati. d. 14. n. 5. p. 327.
14. v. 23. Dimissa turba ascendit in mon-
tem solus orare. d. 15. n. 1. p. 342.
15. v. 3. & seqq. Quare & vos transgredi-
mini mandatum Dei propter traditi-
onem vestram, &c. d. 26. n. 26. p.
585. & d. 40. n. 91. p. 852.

Index locorum Sacræ Scripturæ.

17. v. 6. Hic est filius meus dilectus, in quo mihi bene complacui. d. 14. n. 42. p. 336. & n. 45. & 46. p. 337.
18. v. 18. Quæcumque solueritis super terram &c. d. 22. n. 15. p. 512.
20. v. 12. Hi nouissimi vna hora fecerunt, & pares illos nobis fecisti. d. 29. n. 40. p. 644.
24. v. 36. De die autem illa, & hora nemo scit, neque Angeli cælorum, nisi solus Pater. d. 10. n. 20. p. 258.
26. v. 26. Accipite, & comedite: Hoc est corpus meum. d. 30. n. 38. p. 666. & n. 55. p. 671. & n. 58. p. 672. & d. 31. n. 2. p. 683. & d. 33. n. 20. & seqq. p. 723.
26. v. 29. Non bibam amodo de hoc genere vitis. d. 30. n. 65. p. 674.
- v. 38. Tristis est anima mea usque ad mortem. d. 11. n. 9. p. 277.
- v. 39. Non sicut ego volo, sed sicut tu. d. 11. n. 1. p. 275. & n. 7. p. 276. & n. 9. p. 277.
- v. 53. An putas, quia non possum rogare Patrem meum, & exhibebit mihi modò plusquam duodecim legiones Angelorum. d. 11. n. 24. p. 282.
27. v. 11. Tu es Rex Iudæorum. d. 15. n. 36. p. 351.
28. v. 6. Non est hic, surrexit enim. d. 32. n. 31. p. 708.
- vlt. v. 19. Euntes docete omnes gentes, baptizantes eos in nomine Patris, & Filii, & Spiritus sancti, docentes eos seruare omnia, quæcumque mandauimus vobis. d. 19. n. 42. p. 450.
- vlt. v. 18. Data est mihi omnis potestas in cælo, & in terra. d. 11. n. 78. p. 295.

Marcus.

- CAP. 7. v. 24. Neminem voluit scire, & non poruit latere. d. 11. n. 15. p. 279.
12. v. 6. Habens filium carissimum, & illum misit ad eos nouissimum dicens: Quia reuerbuntur filium meum, &c. d. 3. n. 37. p. 84.
13. v. 32. De die autem illo, & hora nemo scit, neque Angeli in cælo, neque Filius, nisi Pater. d. 10. n. 19. p. 257.

Lucas.

- CAP. 1. v. 32. Regnabit in domo Iacob in æternum, &c. d. 15. n. 31. p. 350.
1. v. 35. Quod ex te nascetur sanctum, vocabitur filius Dei. d. 9. n. 47. p. 247.
1. v. 45. Beata quæ credidisti, quoniam perficientur ea, quæ dicta sunt tibi à Domino. d. 4. n. 69. p. 121.
2. v. 51. Ererat subditus illis. d. 14. n. 2. p. 326.
2. v. 52. Proficiebat prudentia, ætate, & sapientia coram Deo, & hominibus. d. 10. n. 77. p. 271. & n. 81. p. 272.
6. v. 19. Omnis turba quærebat eum tangere,

re, quia virtus de illo exibat, &c. d. 12. n. 19. p. 303.

7. v. 16. Accepit autem omnes timor, &c. d. 9. n. 38. p. 244.
7. v. 16. Propheta magnus surrexit in nobis. d. 15. n. 44. p. 353.
8. v. 46. Noui virtutem domæ exisse, &c. d. 12. n. 19. p. 303.
11. v. 3. Panem nostrum quotidianum da nobis hodie. d. 35. n. 69. & 70. p.
11. v. 27. Beatus venter qui te portauit &c. Quin imò beati, qui audiunt verbum Dei, & custodiunt illud. d. 4. n. 65. & seqq. p. 121.
15. v. 4. Quis ex vobis homo habens centum oues &c. d. 3. n. 37. p. 84.
- v. 7. Gaudium erit in cælo super vno peccatore penitentiam agente, magis quam super nonaginta nouem iustis, &c. d. 3. n. 83. p. 100.
22. v. 19. Hoc facite in meam commemorationem. d. 29. n. 2. p. 632.
22. v. 20. Hic calix nouum Testamentum est in sanguine meo, qui pro vobis funditur. d. 30. n. 63. p. 673. & d. 40. n. 37. p. 836.
22. v. 22. Filius hominis vadit secundum quod definitum est de illo. d. 11. n. 25. p. 282.
22. v. 42. Apparuit ei Angelus confortans eum. d. 10. n. 49. p. 265.
22. v. 42. Non mea voluntas, sed tua fiat. d. 11. n. 1. p. 275. & n. 7. p. 276.
22. 53. Hæc est hora vestra, & potestas tenebrarum. d. 14. n. 2. p. 326.
24. v. 26. Nonne hæc oportuit Christum pati, & ita intrare in gloriam suam. d. 11. n. 78. p. 295.
24. v. 39. Palpate, & videte, quia spiritus carnē, & ossa non habet, sicut me videtis habere. d. 30. n. 85. p. 680.

Ioannes.

- CAP. 1. v. 14. Vidimus eum plenum gratiæ, & veritatis, &c. d. 9. n. 42. p. 245.
1. v. 18. Deum nemo vidit vnquam, vnigenitus Filius, qui est in sinu Patris, ipse enarrauit &c. d. 10. n. 8. p. 255.
1. v. 11. Nemo ascendit in cælum, nisi qui descendit de cælo. ibid.
2. v. 11. Hoc fecit initium signorum Iesus in Cana Galilææ, & manifestauit gloriam suam. d. 12. n. 7. p. 300.
3. v. 5. Nisi quis renatus fuerit ex aqua, & spiritu, &c. d. 20. n. 47. p. 474. & d. 21. n. 1. p. 477.
3. v. 6. Quod natum est ex carne, caro est: & quod natum est ex spiritu, spiritus est. d. 21. n. 1. p. 477.
3. v. 16. Sic Deus dilexit mundum, vt Filium suum vnigenitum daret. d. 3. n. 56. p. 91.
3. v. 17. Non enim misit Deus filium suum in mundum, vt iudicet mundum, sed vt saluetur mundus per ipsum. d. 3. n. 37. p. 84. & d. 15. n. 46. p. 353.

Index locorum Sacrae Scripturae.

- 9.v.34. Non enim ad mensuram dat Deus spiritum. d. 9. n. 42. p. 245.
- 9.v.19. Non potest Filius à se facere quidquam, nisi quod viderit Patrem facientem. d. 11. n. 43. p. 287.
- 9.v.27. Dedit illi iudicium facere: quia filius hominis est. d. 11. n. 78. p. 295. & d. 15. n. 46. p. 353.
- 9.v.30. Non quero voluntatem meam, sed eius, qui misit me. d. 11. n. 1. p. 275.
- 6.v.24. Cum vidisset turba, quod Iesus non esset ibi. d. 13. n. 9. p. 308.
- 6.v.52. Panis quem ego dabo, caro mea est pro mundi vita. d. 30. n. 34. p. 664. & n. 37. p. 665.
- 6.v.53. Quomodo potest hic nobis carnem suam dare ad manducandum. d. 30. n. 37. p. 664. & n. 67. p. 675.
- 6.v.54. Nisi manducaueritis carnem filii hominis, & biberitis eius sanguinem, non habebitis vitam in vobis. d. 28. n. 69. p. 515. & d. 30. nu. 78. p. 678.
- 6.v.56. Caro mea verè est cibus: & sanguis meus verè est potus. d. 30. n. 34. p. 664.
- 6.v.59. Non sicut manducauerunt Patres vestri Manna, &c. d. 30. num. 29. p. 663. & n. 33. ibid.
- 6.v.59. Qui manducat hunc panem, viuet in æternum. d. 30. n. 29. p. 663.
- 6.v.56. Caro mea verè est cibus. d. 30. nu. 34. p. 664.
- 6.v.64. Verba quæ ego locutus sum vobis, spiritus, & vita sunt. d. 30. n. 35. p. 664. & n. 67. p. 675.
- 6.v.65. Sunt quidam ex vobis, qui non credunt. d. 30. n. 8. p. 655.
- 6.v.63. Si ergo videritis Filium hominis ascendentem ubi erat prius. d. 30. n. 35. p. 664.
- 8.v.29. Ego quæ placita sunt ei facio semper. d. 11. n. 5. p. 275.
- 9.v.4. Me oportet operari opera eius, qui misit me, donec dies est. Venit nox, quando nemo potest operari. d. 11. n. 66. p. 292.
- 10.v.17. Ego pono animam meam, ut iterum sumam eam, &c. d. 11. n. 18. p. 280. & n. 23. p. 282.
- 10.v.17. Propterea me diligit pater, quia ego pono animam &c. d. 15. n. 21. p. 346.
- 10.v.17. Ego pono animam meam, ut iterum sumam eam. Nemo tollit eam à me, sed ego pono eam à meipso. d. 3. n. 78. p. 98. & d. 11. n. 23. p. 282.
- 11.v.33. Turbavit semetipsum. d. 11. n. 4. p. 275.
- 11.v.42. Ego autem sciebam, quia semper me audis. d. 12. n. 6. p. 299. & d. 15. n. 6. p. 343.
- 12.v.8. Pauperes semper habebitis vobiscum, me autem non semper habebitis. d. 30. n. 75. p. 677.
- 12.v.24. Nisi granum frumenti cadens in

- terram mortuum fuerit, ipsum solum manet &c. d. 11. n. 60. p. 291. & 62. ibid.
13. v. 1. Ante diem festum Paschæ &c. d. 29. n. 35. p. 643. & n. 41. p. 644.
14. v. vlt. Sicut mandatum dedit mihi pater, sic facio. d. 14. n. 7. p. 327.
15. v. 10. Si præcepta mea seruaueritis, manebitis in dilectione mea, sicut & ego Patris mei præcepta seruauim, & maneo in eius dilectione. d. 11. n. 32. p. 284.
16. v. 15. Omnia quæcunque habet Pater, mea sunt, propterea dixi, quia de meo accipiet, & annuntiabit vobis. d. 17. n. 19. p. 391.
17. v. 19. Ego pro eis sanctifico meipsum. d. 9. n. 11. p. 239.
18. v. 4. Sciebat omnia, quæ ventura erant super se. d. 10. n. 52. p. 266.
18. v. 28. Ipsi non introierunt in Prætorium, ut non contaminarentur, sed ut manducarent Pascha. d. 29. n. 35. p. 643. & n. 42. p. 644.
18. v. 36. Regnum meum non est de hoc mundo. d. 15. n. 33. p. 350. & n. 37. p. 351.
19. v. 11. Non haberes potestatem aduersum me ullam, nisi tibi datum esset desuper. d. 14. n. 2. p. 326.
19. v. 30. Consummatum est, & inclinato capite tradidit spiritum. d. 11. n. 60. p. 291.
19. v. 31. Erat enim magnus dies ille Sabbathi. d. 29. n. 35. p. 643. & n. 44. p. 645.
20. v. 21. Sicut misit me Pater, & ego mitto vos. d. 22. n. 15. p. 512.
20. v. 23. Accipite Spiritum sanctum, quorum remiseritis peccata, remittuntur eis &c. d. 18. n. 21. p. 417. & d. 20. n. 40. p. 472.

Acta Apostolorum.

- Cap. 4. v. 26. Conuenerunt aduersus sanctum puerum tuum Iesum facere, quæ manus tua, & consilium tuum decreuerunt fieri. d. 11. n. 25. p. 282.
8. v. 14. Miserunt ad eos Petrum, & Ioannem. d. 27. n. 44. p. 601.
8. v. 18. Cum vidisset autem Simon quia per impositionem manuum daretur Spiritus S. &c. d. 27. n. 6. p. 592.
9. v. 17. Dominus Iesus, qui apparuit tibi in via. d. 32. n. 29. p. 707.
10. v. 26. Procidens ad pedes eius adorauit. Petrus verò eleuauit eum dicens. Surge, & ego homo sum. d. 16. n. 54. p. 373.
11. v. 42. Ipse est qui constitutus est à Deo iudex viuorum, & mortuorum. d. 15. n. 46. p. 353.
- v. 44. Erant perseuerantes in doctrina Apostolorum, & communicatione fractionis panis. d. 35. n. 69. p. 772.

Index locorum Sacrae Scripturae.

23.v. 11. Assistens ipsi (Paulo scilicet in carcere) d. 32. n. 38. p. 707.

Paulus ad Romanos.

- CAP. 1. 23. Qui factus est ei ex semine David secundum carnem: qui prae-destinatus est in virtute secundum Spiritum sanctificationis. d. 14. nu. 53. p. 339.
- 4.v. 11. Accepit Abraham signum circumci- sionis, signaculum iustitiae fidei. d. 18. n. 43. p. 424. & n. 45. p. 425.
- 4.v. 25. Christus mortuus est propter deli- ctum nostrum, & resurrexit propter iu- stificationem nostram. d. 11. n. 68. p. 293.
- 5.v. 15. Sed non sicut delictum, ita & do- num, &c. d. 2. n. 55. p. 49.
- 8.v. 18. Non sunt condignae passionis huius temporis ad futuram gloriam, quae reuelabitur in nobis. d. 2. n. 47. p. 47.
- 8.v. 24. Qui est ad dexteram Dei, qui etiam interpellat pro nobis. d. 15. n. 10. p. 344.
- 8.v. 29. Quos praesciuit, & praedestinavit conformes fieri imaginis Filii sui, ut sit ipse primogenitus in multis fratribus. d. 3. n. 12. p. 76. & d. 9. n. 24. p. 240.
- 14.v. 9. Christus in hoc mortuus est, & re- surrexit, ut vivorum, & mortuorum dominetur. d. 11. num. 78. pag. 295.

Ad Corinthios.

1. Corinth. 4.v. 1. Sic non existimet homo ut ministros Christi, & dispensatores mysteriorum Dei. d. 22. n. 27. p. 515.
- 7.v. 14. Sanctificatus est vir infidelis per mulierem fidelem, & sanctificata est mulier infidelis per virum fide- lem: alioqui filii vestri immundi es- sent, nunc autem sancti sunt. d. 24. n. 48. p. 564.
- 10.v. 16. Calix benedictionis, cui benedi- mus, nonne communicatio sangui- nis Christi est? Et panis, quem fran- gimus, nonne participatio corporis Domini est. d. 30. n. 44. p. 668. & n. 66. p. 674.
- 10.v. 2. Omnes in Moyse Baptizati sunt in nube, & in mari. d. 26. n. 12. p. 583.
- 11.v. 3. Omnis viri caput Christus est, caput autem mulieris vir, caput verò Chri- sti Deus. d. 9. n. 59. p. 249.
- 11.v. 24. Hoc est corpus meum, quod pro vobis frangitur. d. 30. n. 55. & 56. p. 671.
- ibid. Hoc facite in meam commemorationem.

nem. ibid. n. 57. p. 672. & d. 40. n. 38.

- 11.v. 27. Quicumque manducaverit panem hunc, vel biberit calicem Domini indigne, reus erit corporis, & san- guinis Domini. d. 30. num. 45. p. 668.
- ibid. v. 29. Qui enim manducat, & bibit indigne, iudicium sibi manducat, & bibit non dijudicans corpus Do- mini. *ibid.*
- 11.v. 24. Hoc est corpus meum, quod pro vobis frangitur. d. 30. n. 56. p. 671. & d. 40. n. 37.
- 11.v. 25. Hic calix novum testamentum est in meo sanguine. d. 20. nu. 39. p. 666. & n. 63. p. 673.
- 12.v. 8. Alii quidem per Spiritum datur sermo sapientiae, alii autem sermo scientiae. d. 9. n. 39. p. 244.
- 12.v. 27. Vos autem estis corpus Christi, & membra de membro. d. 9. n. 51. p. 248.
- 14.v. 9. Nisi vos per linguam manifestum sermonem dederitis, quomodo scie- tur id quod dicitur. d. 40. nu. 62. p. 844.
- ibid. v. 11. Si nesciero virtutem vocis, ero cui loquor barbarus, & qui loquitur mihi barbarus. *ibid.*
- 15.v. 47. Primus homo de terra terrenus: secundus homo de caelo caelestis. d. 7. n. 45. p. 206.
2. Corinth. 1.v. 22. Qui vinxit nos, qui si- gnauit nos, & dedit pignus spiri- tus in cordibus nostris. d. 21. n. 85. p. 502.
- 4.v. 17. Momentaneum, & leue tribulatio- nis nostrae supra modum in sublimi- tate aeternum gloriae pondus ope- ratur in nobis. d. 2. num. 47. p. 47.
- 5.v. 21. Eum qui non nouerat peccatum, pro nobis peccatum fecit. d. 13. nu. 16. p. 310.
- 8.v. 9. Qui cum diues esset, propter nos egenus factus est, ut illius inopia vos diuites effectis. d. 3. n. 64. p. 95.
- 12.v. 9. Virtus in infirmitate perficitur. d. 13. n. 56. & 57. p. 320.

Ad Galatas.

- 2.v. 20. Qui dilexit me, & tradidit semet- ipsum pro me. d. 3. num. 83. p. 100.
- 3.v. 19. Lex propter transgressionem posita est, donec veniret semen, cui promissa esset. d. 14. n. 5. p. 327.
- 4.v. 4. Misit Deus filium suum factum ex muliere, factum sub lege, &c. d. 5. num. 84. p. 162. & d. 14. num. 6. p. 327.
- 4.v. 9. Infirma, & egena elementa. d. 20. nu. 23. p. 467.
- 5.v. 3. Testificor omni homini circumcideti se quia debitor est vniuersae legis

DDdd 3

Index locorum Sacrae Scripturae.

faciendæ. d. 14. n. 6. p. 327.

1. v. 1. State, & nolite iugo seruitutis contineri. Ecce ego Paulus dico vobis, quoniam si circumcidamini Christus vobis nihil proderit. d. 26. n. 27. p. 585. & d. 40. n. 91.

Ad Ephesios.

- CAP. 1. v. 3. Benedixit nos in omni benedictione spiritali, in cœlestibus in Christo. d. 3. n. 11. p. 76. & n. 27. p. 80.
1. v. 4. Elegit nos in ipso ante mundi constitutionem, ut essemus sancti, & immaculati in conspectu eius, in charitate, qui prædestinavit nos in adoptionem filiorum per Iesum Christum in ipsum. d. 3. n. 24. p. 79.
1. v. 20. Constituit Christum ad dextram suam in cœlestibus supra omnem principatum, &c. Et ipsum dedit caput supra omnem Ecclesiam, &c. d. 3. n. 11. p. 75. & d. 9. n. 50. p. 247. & n. 53. p. 248.
1. v. 23. Ipsum dedit caput supra omnem Ecclesiam, &c. d. 15. n. 47. & sequentibus p. 353.
4. v. 5. Vnus Dominus, una Fides, vnum Baptisma. d. 22. n. 64. & 65. p. 524.
4. v. 10. Qui descendit, ipse est & qui ascendit super omnes cœlos, ut impleret omnia. d. 13. n. 10. p. 309.]

Ad Philippenses.

- CAP. 2. v. 7. Semetipsum exinanivit formam servi accipiens, in similitudinem hominum factus, & habitu inuentus ut homo. d. 3. n. 50. & seqq. p. 88. & n. 60. & seqq. p. 93. & d. 14. n. 34. & 26. p. 332.
2. v. 8. Humiliauit semetipsum factus obediens usque ad mortem, mortem autem crucis: propter quod & Deus exaltavit illum &c. d. 11. n. 70. p. 293. & d. 15. n. 25. p. 347.

Ad Colossenses.

- CAP. 1. v. 14. In quo habemus redemptionem per sanguinem eius remissionem peccatorum, qui est imago Dei invisibilis, primogenitus omnis creaturæ, &c. d. 3. n. 12. p. 76.
2. v. 18. Nemo vos seducat, volens in humilitate, & religione Angelorum. d. 16. n. 57. p. 374. & d. 40. n. 91. p. 852.

Ad Timotheum.

1. Timoth. 2. Vnus Deus, vnus & Mediator Dei, & hominum homo Iesus Christus. d. 15. n. 49. & seqq. p. 354. & n.

53. p. 356.

Ad Hebraeos

- CAP. 1. v. 2. Quem constituit heredem vniuersorum. d. 14. n. 42. p. 336.
1. v. 4. Tanto melior Angelis effectus, &c. d. 5. n. 117. p. 172.
1. v. 6. Et cum iterum introducit primogenitum in orbem terræ, dicit: Et adorent eum omnes Angeli eius. d. 16. n. 4. p. 361.
2. v. 10. Decebat eum qui multos filios in gloriam adduxerat, auctorem salutis eorum per passionem consummare. d. 11. n. 66. p. 292.
2. v. 11. Qui enim sanctificat, & qui sanctificatur ex vno omnes, &c. Vnde debuit per omnia fratribus similari. d. 3. n. 43. p. 86.
2. v. 16. Nusquam Angelos apprehendit, sed semen Abraham apprehendit. d. 1. n. 2. p. 5. & d. 3. n. 43. p. 86.
2. v. 17. Debuit per omnia fratribus assimilari. d. 13. n. 56. & 57. p. 320.
2. v. 18. In eo enim, in quo passus est, &c. d. 13. n. 2. p. 306.
5. v. 4. Nec quisquam sumit sibi honorem, sed qui vocatur à Deo tanquam Aaron. d. 9. n. 61. p. 250.
5. v. 6. Tu es Sacerdos in æternum secundum Ordinem Melchisedech. d. 15. n. 17. p. 346. & n. 24. p. 347. & n. 28. p. 348.
5. v. 7. Qui in diebus carnis suæ preces, supplicationesque ad eum, qui posuit illum saluum facere à morte, cum clamore valido, & lacrymis offerens. d. 15. n. 2. & 2. p. 342. & d. 1. n. 4. p. 6.
5. v. 8. Didicit ex iis, quæ passus est obedientiam. d. 10. n. 77. p. 271. & n. 81. p. 372.
6. v. 6. Rursus crucifigentes sibi metipsis Filium Dei, & ostentui habentes. d. 3. n. 84. p. 100.
7. v. 23. Plures facti sunt Sacerdotes, eò quod morte intercedente &c. d. 38. n. 37. p. 806.
7. v. 25. Semper viuens ad interpellandum pro nobis. d. 15. n. 12. p. 344.
9. v. 12. Per proprium sanguinem introiit semel in Sancta, æterna redemptione inuenta. d. 15. n. 14. & 15. p. 345.
9. v. 15. Ideo noui Testamenti mediator est, ut morte intercedente remissionem accipiant, qui vocati sunt æternæ hereditatis. d. 11. n. 60. p. 291. & d. 15. n. 52. p. 356.
9. v. 22. Sine sanguinis effusione non fit remissio. d. 11. n. 60. p. 291.
10. v. 4. Impossibile enim est sanguine raurorum, & hircorum auferri peccata. Ideo ingrediens mundum &c. d. 2. n. 56. p. 49.
10. v. 5. Ideo ingreditur mundum dixit;

Index locorum Sacrae Scripturae.

Hostiam, & oblationem noluit:
corpus autem aptasti mihi. Holo-
cautomata pro peccato non tibi pla-
cuerunt. Tunc dixi. Ecce venio. d.
3. n. 78. p. 98. & d. 10. n. 54. p.
266.

10. v. 14. Vna enim oblatione consumma-
uit in æternum sanctificatos. d. 15.
n. 14. & 15. p. 345.

11. v. 6. Sine fide impossibile est placere
Deo. d. 9. n. 23. p. 239. & d.
22. n. 98. p. 532.

13. v. 10. Habemus altare, de quo edere
non habent potestatem qui taberna-
culo deseruiunt. d. 38. n. 31. p.
804. & d. 40. n. 48. p. 839.

Iacobus.

CAP. I. v. 6. Postulet autem in fide nihil hę-
sitans, &c. d. 15. n. 7. & 9. p. 343.

4. v. 13. Nemo cum tentatur, dicat quo-
nim a Deo tentatur, &c. Unus-
quisque verò tentatur a concupis-
centia sua abstractus, & illectus, d.
13. n. 56. & 57. p. 320.

Petrus.

1. Pet. 2. v. 9. Vos autem gens sancta, re-
gale sacerdotium. d. 22. n. 17. p.
513.

3. v. 20. Octo animæ saluæ factæ sunt per
aquam &c. d. 21. n. 14. p. 480.

2. Pet. 1. v. 18. Cum effecimus cum illo in
monte sancto. d. 9. n. 1. p. 233.

1. v. 19. Habemus firmiorem propheticum
sermonem &c. d. 1. n. 46. p. 19.

Ioannes.

2. v. 1. Sed & si quis peccauerit aduocatum
habemus apud Patrem Iesum Chris-
tum. d. 15. n. 10. p. 344.

Apocalypsis.

CAP. 15. v. 3. Magna, & mirabilia sunt op-
era tua Domine, quis non timebit
te? d. 9. n. 38. p. 244.

19. v. 10. Vide ne feceris, confertus enim
tuus sum. d. 16. n. 57. p. 374.

19. v. 16. Habens in femore suo scriptum,
Rex Regum, & Dominus Dominan-
tium. d. 15. n. 32. p. 350.



de obseruandis, & euitandis in celebratione Missæ, vbi loquitur de illa audienda; vult Episcopos non iubere quidem, aut pœnis cōstringere, sed monere populū, vt frequenter ad suas Parœcias, saltem diebus Dominicis, & maioribus festis accedat. Debēt igitur admonitione illa contenti esse Ordinarii. Est etiam notandum plures summos Pontifices post Concilium Tridentinum declarasse aut statuisse, fideles satisfacere præcepto Ecclesiæ, licet audiant Sacrum extra propriā Parœciā in Ecclesiis Regulariū, vt patet ex Bullis supra relatis Pij V. Gregorii XIII. & Clementis VIII. Quod etiam declarauit Congregatio Cardinalium super Tridentinū, ad cap. 4. decreti 2. de Reformat. sess. 24. nu. 9. his verbis: *Ordinarius non potest per hoc Conciliū, multis ex pœnis, etia in casu notabilis negligentia, aut contumacia, cogere populum ad audiendā Missam, & Sacram concionem in Ecclesia Parochiali; nec pœnos ad discēdam Doctrinam Christianam. Etiam si hoc fieri voluerit in oppidis, villis, & alijs locis extra ciuitatem.*

116.
Altera ob-
iectio di-
lucetur.

Quod verò attinet ad Cōcilia Prouincialia in contrarium allegata, Respondeo primò non posse illa derogare summorum Pontificū constitutionibus, sola sua auctoritate: nihilque valide sancire posse cōtra ea quæ continentur in iure communi, aut in Concilijs generalibus. Secundò, videndum esse, sintne approbata à summo Pontifice, & vtrū cum aliqua limitatione; quod videri potest in Epistolis summi Pontificis, aut Cardinalium eius nomine, initio præfixis. Tertiò, summum Pontificem illa approbando non derogare privilegijs à se concessis nulla eorum mentione facta. Quartò, derogatū illis Concilijs Prouincialibus fuisse per posteriores constitutiones summorum Pontificum, quarum nonnullas supra retulimus: & pœnā excommunicationis, aut alias censuras de quibus loquuntur aduersarii, supponere peccatum mortale, quod certè non committitur à fidelibus vrentibus iure sibi concessio à summis Pontificibus, & implendo præceptum Ecclesiasticum ea ratione, quā ipsi declararunt. Ac denique huiusmodi Concilia nullā habere iurisdictionem extra suam Prouinciā.

117.
Quæ præ-
sentia re-
quiritur.

Dico tertiò, & vltimò, ad satisfaciendum huic præcepto Ecclesiastico audiendi Missæ, necessariū esse assistere Sacro, corporali præsentia sufficienti. Quæ autem sufficiat, prudenter iudicandum est. Et quamuis non sit necessariū, vt qui assistit, sit intra ipsam Ecclesiam, aut locum, vbi celebratur, vel vt Sacerdotē videat, vel audiat: oportet tamen, vt non tam longè distet, quin moraliter adesse censetur, vel ob loci propinquitatē, & cōmoditatem, vel propter continuationē cum alijs assistentibus: oportet etiam vt inde intelligat aliquo modo quid agatur, aut, per se loquendo, intelligere possit, præsertim tempore consecrationis: quod facile ex aliorum assistentium gestu potest cognoscere, si modo cæcus, & surdus non sit. Requiritur etiam intentio audiendi Sacrum: quia debet

voluntariè, & humano modo audiri. Quare si quis interesset coactus, & omnino contra suam voluntatem, non obediret præcepto: idèoque non illud impleteret. Sed non pariter requiritur intentio satisfaciendi præcepto. Qui enim adesset vni Sacro cum intentione contraria, volens alterum audire, & per illud implere præceptū: satisfaceret nihilominus, neque teneretur iterum eo die audire vi præcepti solius, & secluso voto, vel alia obligatione: quia iam posuit materiam præcepti, quā positā illud iam cessat obligare.

Item requiritur aliqua attentio, deuotio, & reuerēcia, saltem externa, id est, quantum exterius apparet, ita vt dici possit ipsum exercere actū religiosū. An verò etiā interna deuotio necessaria sit vi illius præcepti Ecclesiastici, patet ex dictis alibi de legibus humanis, possintne actus internos præcipere. Quare abstrahendo in præsentia illa questione controuersa inter Theologos, & alibi discussa tom. 2. disp. 29. sect. 1. 2. & 3. certū est illum non satisfacere præcepto, qui tempore Sacri, aut notabili eius parte cōfabularetur, vel huc, illucq; oculos auerteret, vel aliud ageret, quo externa attentio ad Sacrum, vel reuerentia, & deuotio necessaria impeditur. Vt si quis toto tempore Sacri, aut notabili eius parte confiteretur Sacramentaliter: licet nonnulli contrarium sentiant: quod in praxi sequendum non puto, nisi sit magna necessitas confessionis hīc & nunc, & aliter fieri nequeat sine graui incommodo. Multòque minùs satisfaceret, qui dormiret toto tempore Sacri: quia non deuotè, & reuerenter, imò neque humano modo assisteret. Secus autem, qui tempore Sacri horas Canonicas recitaret, simulque haberet intentionem audiendi Sacrum, & preces suas iungendi oblationibus Sacerdotis. Et de his hactenus, quorum fusior, & minutior explicatio pertinet ad Theologum moralem.

118.
Quæ attentio & deuotio

SEXTIO X.

Liceatne assistere missæ Sacrificio cum conscientia peccati mortalis.

Sensus questionis est, peccentne mortaliter, aut venialiter, qui assistunt Sacrificio Missæ, non prius obtenta peccati mortalis, antea commissi remissione per contritionē, aut per Sacramentum cum attritione. Videtur enim aliqui neoterici id affirmare, quorū præcipuū fundamentū est, quodd olim in antiqua Ecclesia non permitteretur Pœnitentibus assistere Sacrificio, nisi vsque ad Missā Catechumenorum, donec completo tertio gradu, reconciliarentur Ecclesiæ per absolutionē. Quia nimirum, vt ait Dionys. cap. 3. Eccles. Hierarch. erant alioquin indigni. *Nā Catechumenos, inquit, & Euergetas, & eos qui in Pœnitentia sunt, sacrosancta sacerdotalis institutio, psalmodiam quidem & diuinam sanctarum scripturarum lectionem audire permittit: ad eā verò, quæ deinceps in hostia salutaris oblatione*

119.
Status quæ-
stionis.

Nous scap-
taria Dog-
matist.

geruntur, conuenienda, non hos planè sed perfectos, & tanta rei dignorum admittit obtutus. Eandemque ob causam dicunt absolutionem à peccatis, fuisse datà Pœnitentibus finito tertio gradu Pœnitentiæ, qui dicebatur *in iura* quoniam alioqui non fuisset illis permittum interesse oblationi sacrificii cum aliis fidelibus. Neque enim antiqua Ecclesia, instar Mezentii, mortuos adhuc per statum peccati, fidelibus per gratiam uiuentibus coniungi volebat. Addunt ex Chrysostomo homil. 3. in epistolam ad Ephesios, prope finem, non minorem requiri dispositionem, ut non indignè assistatur sacrificio, quàm ut non indignè participetur Sacramento per communionem. Atqui ad communicandum sine indignitate, & graui peccato sacrilegii requiritur puritas à peccato mortali: ergo, &c. Addi etiam potest, ex aliquorum Theologorum sententia teneri fideles singulis diebus festis procurare remissionem peccati mortalis, si in eo versantur. Cuius necessitatis nulla probabilior potest afferri ratio, seu causa finalis, nisi ut digni fiant, qui tremèdis mysteriis interfint, sicut tenentur interesse ex præcepto Ecclesiæ. Sic autem docent Angel, in Summa V. *Forle* n. 41. & quidam alii Summistæ. Addi denique potest 1. Reg. 6. Bechtamis fuisse plaga magna percussos, eò quod uidissent Arcam Domini: nimirum quia eius conspectu indigni erant propter peccatum. Ergo multò magis digni sunt percussione, & ira Dei, qui in statu peccati mortalis audent assistere celebrationi venerabilis Sacramenti, illudque inspicere.

Verùm hæc sententia tam dura & seuera planè rejicienda est. Primò quia nullum habet auctorem inter Theologos antiquos, & recentes, sed inane sciolorum quorundam modernorum figmentum, & inuentum est. Licet enim nonnulli, quorum confusè meminit Azor tom. 1. lib. 7. cap. 6. quæst. 1. existimauerint eos, qui assistunt in statu peccati, non facere præcepto, eò quod putarent nullum præceptum impleri posse in statu peccati mortalis: non tamen senserunt peccare illos peccato commissionis contra reuerentiam sacrificii, indignè assistendo, ut isti volunt, & de quo est quæstio: sed potius peccato omissionis, non implendo præceptum affirmatiuum, defectu conditionis necessariæ ad implendum. Quæ conditio iuxta illos non est specialis sacrificio Missæ, sed communis omnibus præceptis affirmatiuis: peccantque similiter qui in statu peccati mortalis honorant parentes, subueniunt pauperi extrèmè indigenti, tuentur innocentem contra calumniam, aut iniustam inuasionem, obediunt superioribus, & similia, quæ satis ostendunt absurditatem illius sententiæ: meritisque Azor affirmat ibidem illam communi omnium consensu refutari. Alensis verò, & Gabriel, qui inter veteres Scholasticos hanc quæstionem attingunt locis infra citandis, nullum prorsus allegant in

fauorem doctrinæ Aduersariorum.

Secundò, Hæc sententia damnat plurimos fideles peccati mortalis, grauissimamque obligationem omnibus imponit, absque sufficienti fundamento. Nam rationes, quibus innitur, nullius sunt momenti, ut patet ex eorum solutione. Tertiò, si esset talis obligatio; vel illa esset ex præcepto ecclesiastico, vel ex diuino positio, uel ex ipsa natura rei. Non primum: quia Ecclesia non potest obligare ad aliquid purè internum, cuiusmodi est contritio, aut status gratiæ, ut suppono ex tractatu de Legibus. Non etiam secundum, quia nullum tale præceptum posituum profertur ab aduersariis. Tertium quoque dici non potest: quia si ex ipsa natura rei oriretur talis, & tanta obligatio, id esset maxime propter præsentiam, aut conspectum Eucharistiæ, ratione cuius tanta veneratio debeat ei celebrationi. Sed hoc est falsum, & absurdum: nam cum maior non debeat reuerentia Christo in statu Sacramentali, quàm in statu naturali, & in propria specie, sequeretur eos peccasse mortaliter, qui ad Christum accedebant, aut illum intuebantur existentes adhuc in statu peccati mortalis, saltem si habebant sufficientem notitiam personæ ipsius, & reuerentiæ illi debitæ. Atque ita Magdalena v. g. peccasset mortaliter, quando ad pedes eius accessit, nondum obiecta remissione peccatorum, quam postea per insignem pœnitentiam, & dilectionem comecuta est. Neque enim illa ignorabat Christum esse filium Dei. Idemq; dico de Chanaana, Hamorroissa, Zachæo, & aliis in Scriptura laudatis. Et Christus inuitans ad se peccatores, illosque benignè admittens ante obtentam remissionem peccatorum, inuitasset eos ad peccandum mortaliter; debuissetque potius vitare illorum conspectum, quamdiu peccatores erant. Cum tamen è contrario illos quæreretur, aut libenter reciperet, & cum illis manducaret, diceretque murmurantibus, non esse opus valentibus medico, sed malè habentibus: seque non venisse vocare iustos, sed peccatores ad pœnitentiam. Qualis verò esset ille medicus, quem ægroti non possent conuenire, nisi prius à morbo liberati? Hæc certè ridicula, & delirii plena esse mihi videntur: cuiusmodi sunt alia pleraque eorundem sciolorum noua dogmata.

Adde quòd, ut rectè ait Gabriel lect. 10. in Can. litera O, post Alensem 4. parte quæst. 12. memb. 6. Non modò iusti, sed & iniusti, intiendo corpus Christi in Eucharistia, & assistendo Missæ sacrificio, magnum spirituale commodum ex eo consequuntur. Tum, inquit, ex ponderatione charitatis Saluatoris: tum ex subuentione beneficii reparatoris: tum ex recordatione passionis Redemptoris. Hæc enim debent iusti, & peccator corpus Christi intendo recordari, quantum fuit beneficium reparationis: quanta passio Redemptoris:

121.

Caret sufficienti fundamento,

120.
Refel. nunc
ut planè
improbabilis.

122.

Vile est peccatoribus assistere Missæ sacrificio

quanta charitas Salvatoris. Quæ consideratione peccator nonnunquam ad contritionem movetur, & gratiam consequitur. Imo sæpe contingit, ut qui devotè assistunt sacrificio, concipiant dolorem de peccatis qualem oportet, ut iustificationem obtineant, sintque illis similes, qui viso Christo morientem patiente, reuerterebantur percurientes pectora sua, & dicentes; *Verè filius Dei erat iste.*

123.

Adde etiam, Quod hoc sacrificium est institutum in remissionem peccatorum, iuxta illud Luc. 22. *Hic calix novum Testamentum est in meo sanguine, qui calix pro vobis funditur in remissionem peccatorum.* Quidam ergo peccatores illi interesse possint ea intentione, & affectu, ut illius ope & beneficio remissionem peccatorum obtineant: impetratis scilicet per hoc sacrificium gratiis auxiliantibus, quibus tandem ad contritionem perfectam adducantur? Neque par est ratio eius, qui inspicit, aut assistit dumtaxat, & illius qui recipit Eucharistiæ sacramentum.

Differentia inter vi-
tem, & su-
mentem
Euchari-
stiam.

Non solum quia, ut ait Gabr. loco citato, non est tanta irreuerentia in videndo, sicut in sumendo: quia videns non pertingit videndo ad substantiam corporis Christi, sed tantum ad species sacramentales: ac verò qui manducat, non solum sumit species, sed Christum sub speciebus verè contentum. Verum etiam, & multò magis (nam sola illa ratio non sufficeret) quia sumens in peccato abutitur sacramento. Secus autem, qui videt dumtaxat, aut assistit celebrationi sacramenti. Abutitur quidem in peccato sumens, quia impedimentum ponit spirituali refectiõni, ad quam ordinata est corporalis manducatio, tanquam ad effectum proprium, & primum. Videns autem in peccato, aut assistens sacrificio, non abutitur: quia potest adorare visum, & immolatum, ac colere per fidem, & recolere memoriã, quæ supra dicta sunt: ad quæ recolenda sacramenti ostensio, & celebratio est ordinata. Tum denique teritiò, quia manducans in peccato transgreditur præceptum Apostoli, aut Christi per Apostolum sic præcipientis: *Probet autem seipsum homo* &c. 1. Corin. 11. Secus autem videns tantum, vel assistens sacrificio ex intentione Christum adorandi. Neque enim humiliter adorando irreuerentiam committit: neque se non præparado sufficienter ad gratiam per veram contritionem, aut per attritionem cum Sacramento, peccatum negligentis committit aut sacrilegii, eo quod non teneatur se ad gratiam disponere propter visionem Sacramenti, aut propter assistentiam celebrationi sacrificii: quia ostensio, & assistentia, non ordinatur per se ad gratiam videnti, aut assistenti conferendam, sicut receptio Sacramentalis.

124.

Permitte-
batur olim
multis pec-
catoribus

Ad primum argumentum aduersariorum respondeo primò falsò ab illis supponi omnes existentes in statu peccati mortalis fuisse olim in ordine Pœnitentium, & exclusos ab ecclesia tempore oblationis, Nam publi-

ca illa, & solennis pœnitentia non imponebatur nisi pro grauissimis quibusdam sceleribus publicis, & scandalosis: nec nisi semel in vita: ut manifestis veterum testimoniis ostendemus in sequenti tractatu disp. ult. de Sacramento Pœnitentiæ. Quare omnibus aliis permittebatur assistere sacrificio, neque antiqua Ecclesia id illicitum esse iudicabat. Imò qui semel publicam, & solennem pœnitentiam egerant, si postea in enormia illa, publicaue peccata incidissent, permittebantur nihilominus assistere oblationi, & celebrationi mysteriorum, & excluderentur solum à communione, ut constat ex epist. 1. Siricii Papæ ad Himerium Tarracøn. Episcopum cap. 5. Respondeo secundò veram causam cur Pœnitentes supradicti excluderentur à celebratione sacrificii non fuisse, quia peccassent mortaliter assistendos sed quia erant excommunicati, & prohibiti à tali consortio & communicatione cum aliis fidelibus.

125.

An etiam
energumē-
nisi

Ad secundum sumptum ex testimonio Dionysii Respondeo, Catechumenos fuisse quidem semper exclusos ab oblatione sacrificii, quia ne illis quidem hoc mysterium aperiebatur, & credendum proponebatur, velut infirmioribus, & nondum satis idoneis. Energumeni verò licet ordinariè dimitterentur ante oblationem; postea tamen fuisse sæpe admissos constat ex Chrysostomo homil. 3. de Incomprehensibili Dei natura, contra Anomæos, in fine, cuius hæc verba sunt: *Tempore illo (sacrificii) mi frater charissime, non solum homines clamorem illum tremendum reddunt, sed etiam Angeli Domino genuflectunt, & Archangeli rogant. Habent sibi tempus, idoneum. Habent sacram illam oblationem fauorabilem. Itaque ut homines, ramos oleæ gerentes, mouere reges consueverunt, eoque arboris genere misericordiam commemorant, & humanitatem: sic Angeli tunc pro ramis oleaginibus corpus Domini ipsum protendentes, rogant pro genere humano, quasi dicant: Pro his Domine rogamus, quos tu adeo dilexisti, ut eorum salutem mortem obires, & animam in pace efflares. Pro his supplicamus, pro quibus ipsum sanguinem largitus es sanguinem. Pro his oramus, pro quibus corpus hoc immolasti. Energumēnos quoque ob eam rem Diaconus tempore illo adducit, & inbet caput tantum inclinare, atque illo corporis gestu supplicare. Cum enim eos una cum fratribus orare non liceat, adducit eos ut tu miseratus, & quia tam acerbè vexantur, & quia vocem reddere nequeunt, tua facultate ad eorum vocis defensionem, & auxilium. Et homil. 4. de eodem argumento, aliquantum ante finem. *Ut itaque tempore instante, quo iudex prodire, & pro tribunali sedere solitus est, custodes carceris homines, nos in vinculos tenent, omnes carcere educunt. & pro cancellis, septisque fori collocant, squalentes, sordentes, coma expleto nimis, pannis miserrimè obductos: Sic Patres statuerant, ut cum breui Christum vel pro tribunali sedere, in ipsique sacramentis apparere futurum esset, homines amore agitati, illi tanquam vinculis qui-**

basdam retenti adducerentur, non ut verum, quod
commississent, examen subiret, modo coram qui in vin-
culis sunt nec ut inuenerit panem, & supplicio affice-
retur: sed ut populo vniuerso, & unitate praesente,
cōmunes pro his fieret supplicationes, ut omnes in
gi concordia Dominū communē oraret pro illis, &
quod misereretur, magno amore comenderent.

126.
Excludo-
bantur pū-
blici pōni-
tenia.

Quod verò attinet ad pœnitentes: verum
est exclusos fuisse, exceptis iis, qui ad quar-
tum Curarum gradum peruenerant: non præ-
terea eo quod versarentur adhuc in statu pec-
cati mortalis quomodocunque: nam alio-
qui peccatores alii occulti, aut non scanda-
losi fuissent pariter excludendi: sed, quia, ut
supra dixi, propter scelera tam graua, &
scandalosa erant excommunicati, & à fide-
lium consortio quoad oblationem, & cele-
brationem sacrificii separati. Sicut etiam
nunc prohibentur excommunicari interesse
diuinis officiis: duratque illa prohibitio do-
nec excommunicatio tollatur, licet remis-
sio peccati apud Deum prius obrita fuerit
per contritionem. Verba autem Dionysii fi-
deliter relata hæc sunt: *Catechumenos autem,
& energumenos, quique in pœnitentia sunt, san-
ctæ Hierarchia mos patitur quidem audire sa-
cræ psalmodum modulationem, diuinamque sa-
crarum Scripturarum recitationem: ad sacræ au-
tem opera, quæ deinceps sequuntur, atque myste-
ria spectanda à Catechumenis, & Energumenis
tamen non admittuntur*, id est, ut rectè ver-
tit Lanselius, non eos communicat, sed perfe-
ctos integrosque omnes. Quæ verba exponens
in notis ad eundem librum num. 27. ait
idem esse quod *ἐκκλησιαστικῶν*, qui sci-
licet neque pagani, neque Catechumeni,
neque Energumeni, neque Pœnitens,
sed integer & perfectus est christianus, ca-
saltem perfectione, ut propter peccata non
sit veluti à corpore Ecclesiæ reiectus, tan-
quam membrum putridum, sed totius cor-
poris integritati adhæreat. Et verò si per
Christianos perfectos intelligendi hoc loco
essent puri, & omnino immaculati, & irre-
prehensibiles, liberique ab omnibus vicio-
rum phantasmatis, & vni Deo perfectè vni-
ti, purissimoque eius amore purgati, ut vo-
lunt aduersarii: pauci admodum, vel potius
nulli sacris mysteriis interesse potuissent.

Explicatur
locus Dio-
nyſii.

127.
Quoniam
tempore
dabatur ab-
solutio, pu-
blice pœni-
tentibus.

Ad tertium Dico incertum esse, & à pau-
cis assertum, quod absolutio sacramentalis
daretur finito tertio gradu, & non potius
post exactum omne tempus pœnitentiæ pu-
blicæ, quando scilicet pœnitentes Ecclesiæ
reconciliabantur, atque ad sacræ commu-
nionem Eucharistiæ admittebantur. Conie-
cturam verò aduersariorum vanam esse con-
stat ex epist. Syriaci Papæ supra citata: & ex
eo quod peccatores non scandalosi, aut adeo
criminosi, ut mererentur publicam, & so-
lennem pœnitentiam, permitti semper fue-
runt interesse oblationi sacrificii, aliisque
diuinis officiis. Item ex eo quod feria V. ma-
ioris hebdomadæ, & deinceps vsque ad octa-
uam Paschæ, permittentur quicunque pœ-
nites interesse diuinis officiis, & celebra-

tionis mysteriorum, ut Concilium Agathen-
se c. 15. apud Gratian. dist. 50. c. 64. sub-
indicat, & clarius asserit S. Thom. quæst. 28.
supplem. art. 3. in corp.

Ad quartum Dico Chrysostomum exag-
geratorie locutum esse: ut vel ipsis aduersa-
riis necessariò facendum est. Nam in an-
tiqua ecclesia, eo tempore quo erat vsus
& necessitas publicæ pœnitentiæ, per-
mittebatur pœnitentibus in quarto gradu,
qui systasis dicebatur, versantibus, assiste-
re toti Missæ sacrificio: & tamen nondum
illis permittebatur communicare. Ergo
ecclesia illius temporis iudicabat maiorem
dispositionem, & puritatem animi, requiri
ad communicandum, quàm ad sacrum au-
diendum. Adde quod alioqui tenerentur fi-
deles, qui sibi conticii sunt peccati mortalis,
non modò conteri, verum etiam sacramen-
taliter de illo prius confiteri. Quod est fal-
sum, ut fatentur aduersarii. Et Ecclesia, quæ
obligat ad sacrum omnibus diebus Domini-
cis, & festis audiendum (quod præceptum
de diebus Dominicis antiquum esse constat
ex Concilio Agath. Can. 47. relato in de-
creto distinct. 1. de Consecrat. cap. 64.) se-
mel tantum quotannis ad confitendum obliga-
t: tamen non ignorat plurimos christia-
nos cadere frequentius in peccatum morta-
le, & in illius statu diu hære.

Ad quintum dico, fundamentum illorum
auctorum, qui paucissimi sunt, & ab omni-
bus aliis reiecti, non esse, quia alioqui pec-
carent assistentes sacrificio Missæ in tali sta-
tu: sed quia (inquit Angelus loco cit. in ob-
iectione) tenemur de præcepto vacare Deo
in aliqua hora diei festi: sed hoc facere non
potest, qui est in mortali, nisi de eo conter-
ratur, vel atteratur: Propter quod dicitur
Leuit. 23. *Sabbatum requietionis est, afflige-
tisque animas vestras*: Et iterum: *Anima, quæ
non fuerit afflicta die hac, peribit*. Quæ sen-
tentia, tamen vera esset, sufficeret atteri,
iuxta illam. Attritio autem non sufficit ad
iustificationem extra sacramentum. Quare
qui attritus assistit sacrificio, assistit nihilo-
minus in statu peccati mortalis. Deinde illa
sententia non determinat hanc obligatio-
nem ad sacrificium. Addit enim Angelus
paulò post, sufficere aliqua hora diei dolere
de peccatis, saltem in genere: quæ de re, in-
quit, ut moneamur, propterea præmittitur
in Missa confessio. Sed licet tunc præmitta-
tur, non obligat ad quamprimum, vel intra
totum tempus celebrationis Missæ. Omitto
dicere fundamentum istius sententiæ nul-
lum esse. Potest enim peccator vacare Deo
per fidem, adorationem, gratiarum actio-
nem, & alios actus virtutum, quamuis non
conteratur, aut atteratur. Et Deus præci-
piens obseruationem Sabbati, & alia quædã
festa in lege antiqua: non præcepit ut singu-
lis illis diebus Iudæi dolerent de peccatis,
multòque minus, ut perfectè contererentur.
Quodque ab Angelo profertur ex Leuitico
23. dictum est specialiter de die decimo

128.

Cur diebus
festis tene-
mur, secun-
dum ali-
quos Deo
dolere de
peccatis.

INDEX LOCORVM


SACRÆ SCRIPTVRÆ

qui in hoc volumine illustrantur.

Littera D. designat disputationem. N. numerum.

P. paginam.

Genesis.

- CAP. I. V. 24.  Oc nunc os ex ossibus meis, & caro de carne mea, &c. D. 3. n. 11. p. 75.
24. V. 18. Melchisedech Rex Salem professens panem, & vinum, &c. d. 30. nu. 20. p. 660.
17. V. 14. Masculus, cuius praputium caro circumcisi non fuerit, delebitur anima illa de populo suo. d. 18. nu. 43. & 45. p. 424. & d. 20. n. 21. & 27. p. 466. & 468.
22. V. 18. Benedicentur in semine tuo omnes gentes terræ, quia obedisti voci meo. d. 4. n. 51. p. 116.
23. V. 7. Adoravit populum terræ, filios videlicet Herh. d. 16. n. 12. p. 363.
49. V. 10. Non auferetur sceptrum de Iuda, & Dux de femore eius, donec veniat qui mittendus est. d. 1. n. 47. & seqq. p. 19.
- V. 11. Ligans ad vitem pullum suum, &c. d. 1. n. 55. p. 22.

Exodus.

- CAP. 3. V. 6. Locus in quo stas, terra sancta est. d. 9. n. 1. p. 233.
32. V. 32. Aut dimitte illis hanc noxam, aut dele me de libro vitæ. d. 5. n. 118. p. 173.

Leuiticus.

- CAP. 23. V. 32. A vespera vsque ad vesperam celebrabitis sabbatha vestra. d. 29. n. 40. p. 644.
24. V. 9. Sanctum Sanctorum est de sacrificiis Domini. d. 38. n. 22. p. 803.
20. V. 8. Ego Dominus qui sanctifico vos. d. 30. n. 23. p. 467.
11. V. 44. Sancti estote, quia ego sanctus sum. d. 22. n. 69. p. 525.
23. V. 38. Exceptis Sabbathis Domini, donisque vestris, & quæ offeretis ex voto, vel quæ sponte tribuetis. d. 36. n. 7. p. 580.

Deuteronomium.

- CAP. 4. V. 2. Non addetis ad verbum, quod vobis loquor, nec auferetis ex eo, &c. d. 26. n. 20. p. 583. & d. 40. n. 92. p. 852.
6. V. 13. Dominum Deum tuum adorabis, & illi soli seruias. d. 16. n. 55. p. 373.
12. V. ult. Quod præcipio tibi, hoc tantum facito Domino, nec quicquam addas, nec minuas. d. 26. n. 20. p. 584. & d. 40. n. 92. p. 852.
16. V. 2. Immolabitque Phasé Domino Deo tuo de ouibus, & de bobus in loco, quem elegerit Dominus Deus tuus. d. 29. n. 42. p. 645.

I. Regum liber.

- CAP. 21. V. 13. Collabebatur inter manus eorum &c. vel vt vertit S. Augustinus, Ferebatur in manibus suis. d. 30. n. 43. p. 667.
2. V. ult. Dimitte me obsecro ad vnam partem sacerdotalem, vt comedam buccellam panis. d. 38. n. 66. p. 814.

IV. Regum liber.

- CAP. 16. V. 11. Extruxit Vrias Sacerdos altare, iuxta omnia quæ præceperat Rex Achaz, &c. d. 40. n. 92. p. 852.
17. V. 32. Fecerunt autem sibi de nouissimis Sacerdotes excellorum &c. ibid.

Esther.

- CAP. 13. V. 14. Ne honorem Dei mei trāsferrem in hominem, & ne quemquā adorarem excepto Deo meo. d. 16. n. 54. & 56. p. 373. & 374.

Iob.

- CAP. 19. V. 25. Scio quod Redemptor meus viuuit &c. d. 1. n. 76. p. 32.
- DDdd

Index locorum Sacrae Scripturae.

16. v. 11. Columnae cœli contremiscunt.
d. 9. n. 38. p. 244.
36. v. 17. Causa tua tamquam impii iudi-
cata est. Causam, iudiciumque re-
cipies, d. 11. n. 78. p. 295.

Psalmorum liber.

- PSAL. 3. v. 7. Dominus dixit ad me, filius
meus es tu, d. 1. n. 75. p. 30.
2. v. 6. Ego autem constitutus sum Rex ab
eo super Sion, d. 15. n. 31. p. 350.
21. v. 1. Deus Deus meus quare me dereli-
quisti, d. 13. n. 11. p. 309.
21. v. 3. Deus meus clamabo per diem, &
non exaudies: & nocte, & non ad
inspiciam mihi, d. 15. n. 6. p. 343.
37. v. 18. Quoniam ego in flagella paratus
sum, & dolor meus in conspectu meo
semper, d. 11. n. 10. p. 277.
44. v. 8. Dilexisti iustitiam, & odisti ini-
quitatem: propterea vixit te Deus
Deus tuus oleo lætitiæ præ conforti-
bus tuis, d. 4. n. 37. p. 115. & d. 11.
n. 71. p. 293.
48. v. 8. Frater non redimit, redimet ho-
mo, &c. d. 2. n. 40. p. 44.
88. v. 29. In æternum servabo illi miseri-
cordiam meam, & ponam in sæcu-
lum sæculi semen eius, & thronum
eius, sicut dies cœli, d. 1. n. 74. p. 30.
96. v. 7. Confundantur omnes qui adorant
sculptra, & qui gloriantur in simu-
lâcris suis, Adorate eum omnes An-
gelici, d. 16. n. 9. p. 362.
98. v. 5. Adorate scabellum pedum eius, d.
30. n. 23. p. 661.
103. v. 3. Qui tēgis aquis superiora eius &c.
d. 27. n. 10. p. 593.
109. v. 5. Tu es sacerdos in æternum secu-
dum ordinem Melchisedech, d. 38.
n. 31. & 33. p. 804. & 805.
109. v. 3. Ex utero ante Luciferum genui te,
&c. d. 1. n. 75. p. 30.

Proverbiarum liber.

- CAP. 9. v. 1. Sapientia ædificavit sibi do-
mum, excidit columnas septem, d.
18. n. 19. p. 416.
30. v. 6. Ne addas quicquam verbis illius,
ne arguaris, inveniariſque mendax,
d. 26. n. 20. p. 583. & d. 40. n. 92.
p. 852.

Isaias.

- CAP. 7. v. 15. Butyrum, & mel comedet; ut
ſciat reprobare malum, & eligere
bonum, &c. d. 11. n. 18. p. 280.
11. v. 2. Requiescet super eum spiritus Do-
mini, spiritus sapientiæ, & intelle-
ctus, &c. d. 9. n. 35. p. 243.
11. v. 8. Erit fides cinctorium renum eius,
&c. d. 9. n. 28. p. 241.
29. v. 13. Sine causa colunt me mandatis ho-

minum, d. 40. n. 91. p. 852.

42. v. 1. Ecce servus meus, suscipiam eum;
&c. d. 14. n. 23. p. 331.
33. v. 22. Dominus legifer noster, &c. d.
15. n. 45. p. 359.
52. v. 11. Mundamini qui portatis vasa Do-
mini, d. 22. n. 69. p. 525.
53. v. 8. Oblatus est quia ipse voluit, d. 2.
n. 19. p. 38. & d. 11. n. 18. p.
280.
53. v. 4. Verè languores nostros ipse tulit,
& dolores nostros ipse portavit, d.
13. n. 2. p. 306.

Daniel.

- CAP. 9. v. 24. Septuaginta hebdomades æ-
breviata sunt, &c. d. 1. n. 66. & se-
quentibus, p. 27.

Machabæorum libri.

- LIB. 1. c. 5. v. 63. Viri Iuda magnificati sunt
valde, d. 1. n. 49. p. 20.
2. c. 13. v. 46. Sancta enim, & salubris est
cogitatio pro defunctis exorare, ut
peccatis solvantur, d. 39. n. 21. p.
821.

Matthæus.

- CAP. 1. v. 21. Vocabis nomen eius Iesum:
ipse enim saluum faciet populum su-
um à peccatis eorum, d. 3. n. 36.
p. 83.
3. v. 11. Ille vos baptizabit in Spiritu san-
cto, & igne, d. 21. n. 11. p. 479.
4. v. 13. Dominum Deum tuum adorabis,
& illi soli serviēs, d. 14. n. 24. & 25.
p. 332.
5. v. 17. Non veni solvere legem, sed adim-
plere, d. 14. n. 65. p. 327.
8. v. 20. Vulpes foveas habent, & volucres
cœli nidos, &c. d. 15. n. 34. p. 350.
8. v. 8. Domine non sum dignus, ut intres
sub tectum meum, d. 30. n. 28.
p. 659.
9. v. 12. Non est opus valentibus medicus,
sed malè habentibus, d. 3. n. 37.
p. 84.
11. v. 25. Confiteor tibi, Pater, Domine
cœli & terræ, &c. d. 14. n. 24. &
25. p. 332.
12. v. 18. Ecce puer meus, suscipiam eum,
&c. d. 14. n. 24. p. 331.
12. v. 8. Dominus est filius hominis, etiam
Sabbati, d. 14. n. 5. p. 327.
14. v. 23. Dimissa turba ascendit in mon-
tem solus orare, d. 15. n. 1. p. 342.
15. v. 3. & seqq. Quare & vos transgredi-
mini mandatum Dei propter tradi-
tionem vestram, &c. d. 26. n. 26. p.
585. & d. 40. n. 91. p. 852.

Index locorum Sacrae Scripturae.

17. v. 6. Hic est filius meus dilectus, in quo mihi bene complacui. d. 14. n. 43. p. 336. & n. 45. & 46. p. 337.
18. v. 18. Quaecumque solueritis super terram &c. d. 22. n. 15. p. 512.
20. v. 12. Hi nouissimi vna hora fecerunt, & pares illos nobis fecisti. d. 29. n. 40. p. 644.
24. v. 36. De die autē illa, & hora nemo scit, neque Angeli caelorum, nisi solus Pater. d. 10. n. 20. p. 258.
26. v. 26. Accipite, & comedite: Hoc est corpus meum. d. 30. n. 38. p. 666. & n. 55. p. 671. & n. 58. p. 672. & d. 31. n. 2. p. 683. & d. 33. n. 20. & seqq. p. 723.
26. v. 29. Non bibam amodo de hoc genere vitis. d. 30. n. 65. p. 674.
- v. 38. Tristis est anima mea usque ad mortem. d. 11. n. 9. p. 277.
- v. 39. Non sicut ego volo, sed sicut tu. d. 11. n. 1. p. 275. & n. 7. p. 276. & n. 9. p. 277.
- v. 53. An putas, quia non possum rogare Patrem meū, & exhibebit mihi modò plusquam duodecim legiones Angelorum. d. 11. n. 24. p. 282.
27. v. 11. Tu es Rex Iudaeorum. d. 15. n. 36. p. 351.
28. v. 6. Non est hic, surrexit enim. d. 32. n. 31. p. 708.
- ylt. v. 19. Euntes docete omnes gentes, baptizantes eos in nomine Patris, & Filii, & Spiritus sancti, docentes eos seruire omnia, quaecumque mandauimus vobis. d. 19. n. 42. p. 450.
- ylt. v. 18. Data est mihi omnis potestas in caelo, & in terra. d. 11. n. 78. p. 295.

Marcus.

- CAP. 7. v. 24. Neminem voluit scire, & non potuit latere. d. 11. n. 15. p. 279.
12. v. 6. Habens filium carissimum, & illum misit ad eos nouissimum dicens: Quia reuerbuntur filium meum, &c. d. 3. n. 37. p. 84.
13. v. 32. De die autem illo, & hora nemo scit, neque Angeli in caelo, neque Filius, nisi Pater. d. 10. n. 19. p. 257.

Lucas.

- CAP. 1. v. 32. Regnabit in domo Iacob in æternum, &c. d. 15. n. 31. p. 350.
1. v. 35. Quod ex te nascetur sanctum, vocabitur filius Dei. d. 9. n. 47. p. 247.
8. v. 45. Beata quæ credidisti, quoniam perficientur ea, quæ dicta sunt tibi à Domino. d. 4. n. 69. p. 121.
2. v. 51. Ererat subditus illis. d. 14. n. 2. p. 326.
2. v. 52. Proficiebat prudentia, ætate, & sapientia coram Deo, & hominibus. d. 10. n. 77. p. 271. & n. 81. p. 272.
6. v. 19. Omnis turba quærebat eum tange-

re, quia virtus de illo exibat, &c. d. 12. n. 19. p. 303.

7. v. 16. Accepit autem omnes timor, &c. d. 9. n. 38. p. 244.
7. v. 16. Propheta magnus surrexit in nobis. d. 15. n. 44. p. 353.
8. v. 46. Noui virtutem domus exisse, &c. d. 12. n. 19. p. 303.
11. v. 3. Panem nostrum quotidianum da nobis hodie. d. 35. n. 69. & 70. p.
11. v. 27. Beatus venter qui te portauit &c. Quin imo beati, qui audiunt verbum Dei, & custodiunt illud. d. 4. n. 65. & seqq. p. 121.
15. v. 4. Quis ex vobis homo habens centum oues &c. d. 3. n. 37. p. 84.
- v. 7. Gaudium erit in caelo super vno peccatore poenitentiam agente, magis quam super nonaginta nouem iustis, &c. d. 3. n. 83. p. 100.
22. v. 19. Hoc facite in meam commemorationem. d. 29. n. 2. p. 632.
22. v. 20. Hic calix nouum Testamentum est in sanguine meo, qui pro vobis funditur. d. 30. n. 63. p. 673. & d. 40. n. 37. p. 836.
22. v. 22. Filius hominis vadit secundum quod definitum est de illo. d. 11. n. 25. p. 282.
22. v. 42. Apparuit ei Angelus confortans eum. d. 10. n. 49. p. 265.
22. v. 42. Non mea voluntas, sed tua fiat. d. 11. n. 1. p. 275. & n. 7. p. 276.
22. 53. Hæc est hora vestra, & potestas tenebrarum. d. 14. n. 2. p. 326.
24. v. 26. Nonne hæc oportuit Christum pati, & ita intrare in gloriam suam. d. 11. n. 78. p. 295.
24. v. 39. Palpate, & videte, quia spiritus carnis, & ossa non habet, sicut me videtis habere. d. 30. n. 85. p. 680.

Ioannes.

- CAP. 1. v. 14. Vidimus eum plenum gratia, & veritatis, &c. d. 9. n. 42. p. 245.
1. v. 18. Deum nemo vidit vnquam, vnigenitus Filius, qui est in sinu Patris, ipse enarrauit &c. d. 10. n. 8. p. 255.
1. v. 11. Nemo ascendit in caelum, nisi qui descendit de caelo. ibid.
2. v. 11. Hoc fecit initium signorum Iesus in Cana Galilææ, & manifestauit gloriam suam. d. 12. n. 7. p. 306.
3. v. 5. Nisi quis renatus fuerit ex aqua, & spiritu, &c. d. 20. n. 47. p. 474. & d. 21. n. 1. p. 477.
3. v. 6. Quod natum est ex carne, caro est: & quod natum est ex spiritu, spiritus est. d. 21. n. 1. p. 477.
3. v. 16. Sic Deus dilexit mundum, vt Filium suum vnigenitum daret. d. 3. n. 56. p. 91.
3. v. 17. Non enim misit Deus filium suum in mundum, vt iudicet mundum, sed vt saluetur mundus per ipsum. d. 3. n. 37. p. 84. & d. 15. n. 46. p. 353.

DDdd 2

Index locorum Sacrae Scripturae.

- 5.v.34. Non enim ad mensuram dat Deus spiritum. d. 9. n. 42. p. 245.
- 5.v.19. Non potest Filius à se facere quidquam, nisi quod viderit Patrem facientem. d. 11. n. 43. p. 287.
- 5.v.27. Dedit illi iudicium facere: quia filius hominis est. d. 11. n. 78. p. 295. & d. 15. n. 46. p. 353.
- 5.v.30. Non quero voluntatem meam, sed eius, qui misit me. d. 11. n. 1. p. 275.
- 6.v.24. Cum vidisset turba, quodd Iesus non esset ibi. d. 13. n. 9. p. 308.
- 6.v.52. Panis quem ego dabo, caro mea est pro mundi vita. d. 30. n. 34. p. 664. & n. 37. p. 665.
- 6.v.53. Quomodo potest hic nobis carnem suam dare ad manducandum. d. 30. n. 37. p. 664. & n. 67. p. 675.
- 6.v.54. Nisi manducaueritis carnem filii hominis, & biberitis eius sanguinem, non habebitis vitam in vobis. d. 28. n. 69. p. 515. & d. 30. nu. 78. p. 678.
- 6.v.55. Caro mea verè est cibus: & sanguis meus verè est potus. d. 30. n. 34. p. 664.
- 6.v.59. Non sicut manducauerunt Patres vestri Manna, &c. d. 30. num. 29. p. 663. & n. 33. ibid.
- 6.v.59. Qui manducat hunc panem, viuet in æternum. d. 30. n. 29. p. 663.
- 6.v.56. Caro mea verè est cibus. d. 30. nu. 34. p. 664.
- 6.v.64. Verba quæ ego locutus sum vobis, spiritus, & vita sunt. d. 30. n. 35. p. 664. & n. 67. p. 675.
- 6.v.65. Sunt quidam ex vobis, qui non credunt. d. 30. n. 8. p. 655.
- 6.v.63. Si ergo videritis Filium hominis ascendentem ubi erat prius. d. 30. n. 35. p. 664.
- 8.v.29. Ego quæ placita sunt ei facio semper. d. 11. n. 5. p. 275.
- 9.v.4. Me oportet operari opera eius, qui misit me, donec dies est. Venit nox, quando nemo potest operari. d. 11. n. 66. p. 292.
- 10.v.17. Ego pono animam meam, ut iterum sumam eam, &c. d. 11. n. 18. p. 280. & n. 23. p. 282.
- 10.v.17. Propterea me diligit pater, quia ego pono animam &c. d. 15. n. 21. p. 346.
- 10.v.17. Ego pono animam meam, ut iterum sumam eam. Nemo tollit eam à me, sed ego pono eam à meipso. d. 3. n. 78. p. 98. & d. 11. n. 23. p. 282.
- 11.v.33. Turbauit semetipsum. d. 11. n. 4. p. 275.
- 11.v.42. Ego autem sciebam, quia semper me audis. d. 12. n. 6. p. 299. & d. 15. n. 6. p. 343.
- 12.v.8. Pauperes semper habebitis vobiscum, me autem non semper habebitis. d. 30. n. 75. p. 677.
- 12.v.24. Nisi granum frumenti cadent in terram mortuum fuerit, ipsum solum manet &c. d. 11. n. 60. p. 291. & 62. ibid.
- 13.v.1. Ante diem festum Paschæ &c. d. 29. n. 35. p. 643. & n. 41. p. 644.
- 14.v. vlt. Sicut mandatum dedit mihi pater, sic facio. d. 14. n. 7. p. 327.
- 15.v.10. Si præcepta mea seruaueritis, manebitis in dilectione mea, sicut & ego Patris mei præcepta seruauit, & maneo in eius dilectione. d. 11. n. 32. p. 284.
- 16.v.15. Omnia quæcunque habet Pater, mea sunt, propterea dixi, quia de meo accipiet, & annuntiabit vobis. d. 17. n. 19. p. 391.
- 17.v.19. Ego pro eis sanctifico meipsum. d. 9. n. 21. p. 239.
- 18.v.4. Sciebat omnia, quæ ventura erant super se. d. 10. n. 52. p. 266.
- 18.v.28. Ipsi non introierunt in Prætorium, ut non contaminarentur, sed ut manducarent Pascha. d. 29. n. 35. p. 643. & n. 42. p. 644.
- 18.v.36. Regnum meum non est de hoc mundo. d. 15. n. 33. p. 350. & n. 37. p. 351.
- 19.v.11. Non haberes potestatem aduersum me ullam, nisi tibi datum esset desuper. d. 14. n. 2. p. 326.
- 19.v.30. Consummatum est, & inclinato capite tradidit spiritum. d. 11. n. 60. p. 291.
- 19.v.31. Erat enim magnus dies ille Sabbathi. d. 29. n. 35. p. 643. & n. 44. p. 645.
- 20.v.21. Sicut misit me Pater, & ego mitto vos. d. 22. n. 15. p. 512.
- 20.v.23. Accipite Spiritum sanctum, quorum remiseritis peccata, remittuntur eis &c. d. 18. n. 21. p. 417. & d. 20. n. 40. p. 472.

Acta Apostolorum.

- Cap. 4.v.26. Conuenerunt aduersus sanctum puerum tuum Iesum facere, quæ manus tua, & consilium tuum decreuerunt fieri. d. 11. n. 25. p. 282.
- 8.v.14. Miserunt ad eos Petrum, & Ioannem. d. 27. n. 44. p. 601.
- 8.v.18. Cum vidisset autem Simon quia per impositionem manuum daretur Spiritus S. &c. d. 27. n. 6. p. 592.
- 9.v.17. Dominus Iesus, qui apparuit tibi in via. d. 32. n. 29. p. 707.
- 10.v.26. Procidens ad pedes eius adorauit, Petrus verò eleuauit eum dicens. Surge, & ego homo sum. d. 16. n. 54. p. 373.
- 11.v.42. Ipse est qui constitutus est à Deo iudex viuorum, & mortuorum. d. 15. n. 46. p. 353.
- v. 44. Erant perseverantes in doctrina Apostolorum, & communicatione fractionis panis. d. 35. n. 69. p. 772.

Index locorum Sacrae Scripturae.

23.v. 11. Assistens ipsi (Paulo scilicet in carcere) d. 32. n. 28. p. 707.

Paulus ad Romanos.

- CAP. I. 23. Qui factus est ei ex semine David secundum carnem: qui prædestinatus est in virtute secundum Spiritum sanctificationis. d. 14. nu. 53. p. 339.
- 4.v. 11. Accepit Abraham signum circumcisionis, signaculum iustitiæ fidei. d. 18. n. 43. p. 424. & n. 45. p. 425.
- 4.v. 25. Christus mortuus est propter delicta nostra, & resurrexit propter iustificationem nostram. d. 11. n. 68. p. 293.
- 5.v. 15. Sed non sicut delictum, ita & donum, &c. d. 2. n. 55. p. 49.
- 8.v. 18. Non sunt condignæ passionis huius temporis ad futuram gloriam, quæ reuelabitur in nobis. d. 2. n. 47. p. 47.
- 8.v. 24. Qui est ad dexteram Dei, qui etiam interpellat pro nobis. d. 15. n. 10. p. 344.
- 8.v. 29. Quos præsciuit, & prædestinavit conformes fieri imaginis Filii sui, ut sit ipse primogenitus in multis fratribus. d. 3. n. 12. p. 76. & d. 9. n. 24. p. 240.
- 14.v. 9. Christus in hoc mortuus est, & resurrexit, ut vivorum, & mortuorum dominetur. d. 11. num. 78. pag. 295.

Ad Corinthios.

1. Corinth. 4.v. 1. Sic nos existimet homo ut ministros Christi, & dispensatores mysteriorum Dei. d. 22. n. 27. p. 515.
- 7.v. 14. Sanctificatus est vir infidelis per mulierem fidelem, & sanctificata est mulier infidelis per virum fidelem: alioqui filii vestri immundi essent, nunc autem sancti sunt. d. 24. n. 48. p. 564.
- 10.v. 16. Calix benedictionis, cui benedicimus, nonne communicatio sanguinis Christi est? Et panis, quem frangimus, nonne participatio corporis Domini est. d. 30. n. 44. p. 668. & n. 66. p. 674.
- 10.v. 2. Omnes in Moyse Baptizati sunt in nube, & in mari. d. 26. n. 12. p. 582.
- 11.v. 3. Omnis viri caput Christus est, caput autem mulieris vir, caput verò Christi Deus. d. 9. n. 59. p. 249.
- 11.v. 24. Hoc est corpus meum, quod pro vobis frangitur. d. 30. n. 55. & 56. p. 671.
- ibid. Hoc facite in meam commemorationem.

nem. ibid. n. 57. p. 671. & d. 40. n. 38.

- 11.v. 27. Quicumque manducaverit panem hunc, vel biberit calicem Domini indigne, reus erit corporis, & sanguinis Domini. d. 30. num. 45. p. 668.
- ibid. v. 29. Qui enim manducat, & bibit indigne, iudicium sibi manducat, & bibit non dijudicans corpus Domini. *ibid.*
- 11.v. 24. Hoc est corpus meum, quod pro vobis frangitur. d. 30. n. 56. p. 671. & d. 40. n. 37.
- 11.v. 25. Hic calix novum testamentum est in meo sanguine. d. 20. nu. 39. p. 666. & n. 63. p. 673.
- 12.v. 8. Alii quidem per Spiritum datur sermo sapientiæ, alii autem sermo scientiæ. d. 9. n. 39. p. 244.
- 12.v. 27. Vos autem estis corpus Christi, & membra de membro. d. 9. n. 51. p. 248.
- 14.v. 9. Nisi vos per linguam manifestum sermonem dederitis, quomodo sciatur id quod dicitur. d. 40. nu. 62. p. 844.
- ibid. v. 11. Si nesciero virtutem vocis, ero cui loquor barbarus, & qui loquitur mihi barbarus. *ibid.*
- 15.v. 47. Primus homo de terra terrenus: secundus homo de cælo cælestis. d. 7. n. 45. p. 206.
2. Corinth. 1.v. 22. Qui vinxit nos, qui signavit nos, & dedit pignus spiritus in cordibus nostris. d. 21. n. 85. p. 502.
- 4.v. 17. Momentaneum, & leve tribulatio: nis nostræ supra modum in sublimitate æternæ gloriæ pondus operatur in nobis. d. 2. num. 47. p. 47.
- 5.v. 21. Eum qui non novit peccatum, pro nobis peccatum fecit. d. 13. nu. 16. p. 310.
- 8.v. 9. Qui cum dives esset, propter nos egenus factus est, ut illius inopia vos divites effectis. d. 3. n. 64. p. 95.
- 12.v. 9. Virtus in infirmitate perficitur. d. 13. n. 56. & 57. p. 320.

Ad Galatas.

- 2.v. 20. Qui dilexit me, & tradidit semetipsum pro me. d. 3. num. 83. p. 100.
- 3.v. 19. Lex propter transgressiones posita est, donec veniret semen, cui promissa esset. d. 14. n. 5. p. 327.
- 4.v. 4. Misit Deus filium suum factum ex muliere, factum sub lege, &c. d. 5. num. 84. p. 162. & d. 14. num. 6. p. 327.
- 4.v. 9. Infirma, & egena elementa. d. 20. nu. 23. p. 467.
- 5.v. 3. Testificor omni homini circumcidenti se quia debitor est universæ legis

DDdd 3

Index locorum Sacrae Scripturae.

faciendæ. d. 14. n. 6. p. 327.

5. v. 2. State, & nolite iugo seruitutis contineri. Ecce ego Paulus dico vobis, quoniam si circumcidamini Christus vobis nihil proderit. d. 26. n. 27. p. 585. & d. 40. n. 91.

Ad Ephesios.

- CAP. 1. v. 3.** Benedixit nos in omni benedictione spiritali, in cœlestibus in Christo. d. 3. n. 11. p. 76. & n. 27. p. 80.
1. v. 4. Elegit nos in ipso ante mundi constitutionem, ut essemus sancti, & immaculati in conspectu eius, in charitate, qui prædestinavit nos in adoptionem filiorum per Iesum Christum in ipsum. d. 3. n. 24. p. 79.
1. v. 20. Constituit Christum ad dextram suam in cœlestibus supra omnem principatum, &c. Et ipsum dedit caput supra omnem Ecclesiam, &c. d. 3. n. 11. p. 75. & d. 9. n. 50. p. 247. & n. 53. p. 248.
1. v. 23. Ipsum dedit caput supra omnem Ecclesiam, &c. d. 15. n. 47. & sequentibus p. 353.
4. v. 5. Vnus Dominus, una Fides, vnum Baptisma. d. 22. n. 64. & 65. p. 524.
4. v. 10. Qui descendit, ipse est & qui ascendit super omnes cœlos, ut impleteret omnia. d. 13. n. 10. p. 309.]

Ad Philippenses.

- CAP. 1. v. 7.** Semetipsum exinanivit formam servi accipiens, in similitudinem hominum factus, & habitu inuentus ut homo. d. 3. n. 50. & seqq. p. 88. & n. 60. & seqq. p. 93. & d. 14. n. 24. & 26. p. 332.
2. v. 8. Humiliauit semetipsum factus obediens usque ad mortem, mortem autem crucis: propter quod & Deus exaltavit illum &c. d. 11. n. 70. p. 293. & d. 15. n. 25. p. 347.

Ad Colossenses.

- CAP. 1. v. 14.** In quo habemus redemptionem per sanguinem eius remissionem peccatorum, qui est imago Dei invisibilis, primogenitus omnis creaturæ, &c. d. 3. n. 12. p. 76.
2. v. 18. Nemo vos seducat, volens in humilitate, & religione Angelorum. d. 16. n. 57. p. 374. & d. 40. n. 91. p. 852.

Ad Timotheum.

- 1. Timoth. 2.** Vnus Deus, vnus & Mediator Dei, & hominum homo Iesus Christus. d. 15. n. 49. & seqq. p. 354. & n.

53. p. 356.

Ad Hebraeos

- CAP. 1. v. 2.** Quem constituit heredem vniuersorum. d. 14. n. 42. p. 336.
1. v. 4. Fanto melior Angelis effectus, &c. d. 5. n. 117. p. 172.
1. v. 6. Et cum iterum introducit primogenitum in orbem terrarum, dicit: Et adorent eum omnes Angeli eius. d. 16. n. 4. p. 361.
2. v. 10. Decebat eum qui multos filios in gloriam adduxerat, auctorem salutis eorum per passionem consummare. d. 11. n. 66. p. 292.
2. v. 11. Qui enim sanctificat, & qui sanctificatur ex vno omnes, &c. Vnde debuit per omnia fratribus similari. d. 3. n. 43. p. 86.
2. v. 16. Nusquam Angelos apprehendit, sed semen Abraham apprehendit. d. 1. n. 2. p. 5. & d. 3. n. 43. p. 86.
2. v. 17. Debuit per omnia fratribus assimilari. d. 13. n. 56. & 57. p. 320.
2. v. 18. In eo enim, in quo passus est, &c. d. 13. n. 2. p. 306.
5. v. 4. Nec quisquam sumit sibi honorem, sed qui vocatur à Deo tanquam Aaron. d. 9. n. 61. p. 250.
5. v. 6. Tu es Sacerdos in æternum secundum Ordinem Melchisedech. d. 15. n. 17. p. 346. & n. 24. p. 347. & n. 28. p. 348.
5. v. 7. Qui in diebus carnis suæ preces, supplicationesque ad eum, qui posuit illum saluum facere à morte, cum clamore valido, & lacrymis offerens. d. 25. n. 1. & 2. p. 342. & d. 1. n. 4. p. 6.
5. v. 8. Didicit ex iis, quæ passus est obedientiam. d. 10. n. 77. p. 271. & n. 81. p. 272.
6. v. 6. Rursus crucifigentes sibi metipsis Filium Dei, & ostentui habentes. d. 3. n. 84. p. 100.
7. v. 23. Plures facti sunt Sacerdotes, eò quod morte intercedente &c. d. 38. n. 37. p. 806.
7. v. 25. Semper vivens ad interpellandum pro nobis. d. 15. n. 12. p. 344.
9. v. 12. Per proprium sanguinem introiit semel in Sancta, æterna redemptione inuenta. d. 15. n. 14. & 15. p. 345.
9. v. 15. Ideo noui Testamenti mediator est, ut morte intercedente remissionem accipiant, qui vocati sunt æternæ hereditatis. d. 11. n. 60. p. 291. & d. 15. n. 52. p. 356.
9. v. 22. Sine sanguinis effusione non fit remissio. d. 11. n. 60. p. 291.
10. v. 4. Impossibile enim est sanguine raurorum, & hircorum auferri peccata: Ideo ingrediens mundum &c. d. 2. n. 56. p. 49.
10. v. 5. Ideo ingrediens mundum dixit,

Index locorum Sacrae Scripturae.

Hosiam, & oblationem nobiscum
corpus autem apertum mihi. Holo-
cautomata pro peccato tuo tibi pla-
cuerunt. Tunc dixi. Ecce venio. d.
3. n. 78. p. 58. & d. 10. n. 54. p.
266.

10. v. 14. Vna enim oblatione consumma-
uit in aeternum sanctificatos. d. 15.
n. 14. & 15. p. 345.

11. v. 6. Sine fide impossibile est placere
Deo. d. 9. n. 23. p. 239. & d.
22. n. 98. p. 532.

13. v. 10. Habemus altare, de quo edere
non habemus potestatem quia taberna-
culo deseruiunt. d. 38. n. 31. p.
804. & d. 40. n. 48. p. 839.

Iacobus.

CAP. 1. v. 6. Postulet autem in fide nihil he-
sitans, &c. d. 15. n. 7. & 9. p. 343.

4. v. 13. Nam cum tentatur, &c. Vni-
usque verò tentatur à concupis-
centia sua abstractus, & illeceus, d.
33. n. 96. & 57. p. 320.

Petrus.

1. Pet. 2. v. 9. Vos autem gens sancta, reg-
ale sacerdotium. d. 22. n. 17. p.
523.

3. v. 20. Odo animæ felix factæ sunt per
aquam &c. d. 21. n. 14. p. 480.

2. Pet. 1. v. 18. Cum effecimus cum illo in
monte sancto. d. 9. n. 1. p. 233.

1. v. 19. Habemus firmiorem propheticum
sermonem &c. d. 1. n. 46. p. 19.

Ioannes.

2. v. 1. Sed & si quis peccauerit aduocatum
habemus apud Patrem Iesum Chri-
stum. d. 15. n. 10. p. 344.

Apocalypsis.

CAP. 15. v. 3. Magna, & mirabilia sunt o-
pera tua Domine, quis non timebit
te? d. 9. n. 38. p. 244.

19. v. 10. Vide ne feceris, conseruus enim
tuus sum. d. 16. n. 57. p. 374.

19. v. 16. Habens in femore suo scriptum,
Rex Regum, & Dominus Domina-
tium. d. 15. n. 32. p. 350.



INDEX DISPUTATIONVM ET SECTIONVM QUÆ HOC

Volumine continentur.

TRACTATUS PRIMVS.

De Myſterio Incarnationis.

DISPUTATIO I.

De poſſibilitate, & exiſtentia Incarnationis. pag. 3.

SECT. I.



Vid intelligatur nomine Incarnationis? pag. 5.

2. An ſola naturali ratione cognoſci poſſit, Incarnationem eſſe factam, aut eſſe poſſibilem. p. 7.
3. Difficultates naturales circa poſſibilitatem myſterii Incarnationis. p. 10.
4. Soluitur quinta & ſexta difficultas, quomodo Deus non mutetur. p. 13.
5. An, & quomodo conuinci poſſit contra infideles incarnationem eſſe factam. p. 18.
6. Expenduntur aliæ eiſdem prophetiæ interpretationes. p. 24.
7. Continuatür probatio aduentus Meſſiæ contra Iudæos: oſtenditurque, Meſſiam eſſe Deum & hominem. p. 27.

DISPUTATIO II.

De conuenientia, & neceſſitate Incarnationis. pag. 32.

- SECT. I. Verum conueniens fuerit Deum incarnari. p. 33.
2. An neceſſarium abſolutè fuerit Deum incarnari. p. 35.
3. An Incarnatio fuerit neceſſaria ex hypotheſi, quòd Deus mundum creauerit, aut quòd homo peccauerit. p. 37.
4. An Incarnatio fuerit neceſſaria ex ſuppoſitione, quòd Deus condignam ſatiffactionem pro peccato mortali exigere voluerit. p. 39.
5. Vera ſententia, & ſolutio obiectionum. p. 44.

6. An Chriſtus condignè pro peccatis hominum ſatiſfecerit. p. 49.
7. Soluuntur argumenta contraria. p. 53.
8. Diluuntur alia quatuor argumenta difficiliora. p. 56.
9. An Chriſtus ſatiſfecerit ex iuſtitia. p. 61.
10. An Chriſtus ſatiſfecerit ex rigore luſtitiz. p. 66.

DISPUTATIO III.

De motivo Incarnationis. An Incarnatio fuerit facta tantum ad redimendum genus humanum: vel ita ut Chriſtus non veniſſet, ſi homo non peccaſſet? p. 71.

- SECT. I. Præſupponuntur quædam circa modum, quo Deus incarnationem deſcernere potuit. p. 72.
2. Vera ſententia proponitur, & probatur ex Scriptura. p. 75.
3. Confirmatur eadem ſententia Patrum auctoritate, & ratione. p. 77.
4. Referuntur, & refutantur, quæ reſponderi ſolent argumentis propoſitis. p. 79.
5. Soluuntur argumenta contrariæ ſententiæ ex Scriptura, & Patribus. p. 83.
6. Soluuntur argumenta ex ratione deſumpta. p. 85.
7. Reſpondetur aliis Recentiorum quorundam argumentis. p. 90.
8. Media quædam Suaris opinio reiicitur. p. 96.
9. An Chriſtus decretuſ fuerit priuſ, aut principalitè propter peccatum originale, quàm propter actualia. p. 96.
10. Verum ſi fuiſſent peccata actualia, non exiſtente originali, Chriſtus veniſſet propter illa, p. 99.

DISPUTATIO IV.

De aliis cauſis Incarnationis, & præcipuè de meritoria. p. 102.

- SECT. I. De cauſa efficiente Incarnationis? pag. 103.
2. An aliqua cauſa diſpoſitiua Incarnationem præceſſerit. p. 105.
3. An fuerit aliqua cauſa meritoria Incarnationis: & primò an Chriſtus eam me-

Index Disputationum & Sectionum.

- ruerit, aut mereri potuerit, p. 109.
 4. Aliæ duæ assertiones de merito Christi respectu suæ Incarnationis. p. 112.
 Appendix ad tertiam assertionem. p. 114.
 5. An Sancti, qui Christum præcesserunt meruerint Incarnationem, aut eius circumstantias. p. 119.
 6. An B. Virgo meruerit, ut esset mater Dei. p. 120.

DISPUTATIO V.

De modo Unionis hypostaticæ, siue determino formalis Incarnationis. p. 131.

- SECT. 1. An actio Incarnationis fuerit tantum unitiva humanitatis cum Verbo. p. 132.
 2. An Unio hypostatica sit terminus formalis Incarnationis: & quis sit terminus à quo eiusdem actionis. p. 136.
 3. An unio Verbi incarnati facta sit in natura: vel in hypostasi Verbi. p. 139.
 4. Refutantur aliæ sententiæ contrariæ. p. 143.
 5. Refutantur alia argumenta quorundam Recentiorum. p. 147.
 6. An unio hypostatica sit aliquid creatum, & distinctum ab extremis unitis: Ac primò præmittuntur aliqua de distinctione modalis. p. 150.
 7. Probatur unionem hypostaticam non distingui ab extremis. p. 162.
 8. Respondetur argumentis contrariæ sententiæ. p. 165.
 9. Quid, & qualis sit unio hypostatica. p. 168.
 10. An unio hypostatica sit maxima omnium unionum. p. 171.
 11. An unio hypostatica sit maximum omnium donorum. p. 172.

DISPUTATIO VI.

De Persona assumente. p. 174.

- SECT. 1. An sit proprium Personæ diuinæ assumere naturam alienam, ita ut personæ creatae id communicari non possit. p. 175.
 2. An solum persona diuina possit assumere naturam creatam: An verò etiam natura diuina secundum se. p. 179.
 3. An possit una persona plures humanitates simul assumere. p. 182.
 4. An plures personæ diuinæ possint assumere simul eandem humanitatem. p. 185.

DISPUTATIO VII.

De Natura assumpta, deque modo, & ordine assumptionis. p. 188.

- SECT. 1. An conuenienter Verbum assumpserit naturam humanam potius, quam aliam; & utrum aliam assumere potu-

erit. p. 189.

2. An Verbum diuinum assumpserit personam, vel assumere potuerit. p. 194.
 3. Refutatur contraria sententia. p. 198.
 4. An Verbum assumpserit veram humanitatem, & omnes eius partes sanguinem, capillos &c. p. 205.
 5. Respondetur argumentis contrariæ sententiæ. p. 209.
 6. Quo ordine Verbum assumpserit humanitatem, & eius partes. p. 210.
 7. Refelluntur contrariæ sententiæ. p. 213.

DISPUTATIO VIII.

De composito factio ex persona assumente, & natura assumpta, deque eius unitate, & communicatione idiomatum. p. 217.

- SECT. 1. An compositum illud distinguatur in re à partibus simul sumptis, & unitis. p. 218.
 2. An Christus sit vnum vel plura. p. 221.
 3. De communicatione idiomatum. p. 223.
 4. Corollaria ex præcedentibus, & resolutio multarum difficultatum circa idiomatum communicationem. p. 227.

DISPUTATIO IX.

De gratia Christi. p. 231

- SECT. 1. An Christus ad suam sanctitatem eguerit gratia creata sanctificante. p. 233.
 2. Soluuntur obiectiones contra doctrinam præcedentem. p. 235.
 3. An Christus habeat gratiam creatam habitusalem. p. 238.
 4. De virtutibus animæ Christi infusis, deque donis Spiritus sancti, & gratiis gratis datis. p. 241.
 5. Quanta fuerit gratia Christi, & quando ipsi data. p. 245.
 6. An gratia habitualis constituat Christum formaliter caput Ecclesiæ. p. 247.

DISPUTATIO X.

De Scientia Christi. p. 251.

- SECT. 1. An, & qualis, & quoruplex sit scientia in Christo. p. 253.
 2. De scientia beata animæ Christi. p. 255.
 3. Soluuntur aliquot difficultates circa scientiam beatam Christi. p. 258.
 4. De scientia per se infusa animæ Christi, eiusque obiectis. p. 262.
 5. De actibus scientiæ infusæ Christi, eorumque principijs. p. 266.
 6. De alia duplici scientia Christi, infusa per accidens, & acquisita. p. 270.

DISPUTATIO XI.

De Voluntate Christi, eiusque actibus. p. 273.

Index Disputationum & Sectionum.

- SECT. 1. An præter diuinam voluntatem fuerit in Christo humana, & creata. p. 275.
 2. De actibus voluntatis creatæ Christi. p. 277.
 3. An voluntas humana Christi fuerit libera. p. 279.
 4. Maior explicatio propositæ difficultatis de Christi libertate. p. 283.
 5. Soluuntur obiectiones contra doctrinam præcedentem. p. 285.
 6. De merito Christi: ac primum per quos actus, & quando, & quandiu meruerit. p. 289.
 7. Quid Christus sibi meruerit. p. 293.
 8. Quibusnam aliis Christus meruerit, & quid. p. 295.

DISPUTATIO XII.

De Potentia Christi. p. 297.

- SECT. 1. An Christus, vt homo sit omnipotens. p. 298.
 2. Qualis fuerit virtus Christi ad patranda miracula, & opera supernaturalia. p. 300.
 3. Errores, & opiniones contrariæ refutantur. p. 301.

DISPUTATIO XIII.

De Defectibus à Christo assumptis. p. 304.

- SECT. 1. An, & quos defectus assumpserit Christus secundum corpus. p. 306.
 2. An, & quos defectus assumpserit Christus secundum animam, ac primo de ignorantia, & peccato. p. 309.
 3. Quæ de causa repugnet absolute Christum peccare. p. 311.
 4. Soluuntur tres quæstiones circa impossibilitatem peccati actualis in Christo. p. 314.
 5. An peccatum habituale, vel originale potuerit esse in Christo. p. 317.
 6. An fomes peccati fuerit, vel potuerit esse in Christo de potentia absoluta. p. 319.
 7. An passionibus animæ fuerint in Christo. p. 321.

DISPUTATIO XIV.

De Subiectione, Filiatione, & Prædestinatione Christi. p. 325.

- SECT. 1. An Christus fuerit subiectus Deo, vel hominibus. p. 326.
 2. An Christus, vt homo, sit verè seruus Dei, aut filius adoptiuus. p. 327.
 3. Refutantur quæ responderi solent testimoniis ex Concilio Francoford. allatis. p. 329.
 4. Respondetur argumentis contrariæ sententiæ pro Christi seruitute. p. 331.

5. Soluuntur argumenta contrariæ sententiæ pro Christi adoptione. p. 334.
 6. Quomodo Christus in quantum homo sit filius Dei naturalis. p. 335.
 7. An Christus fuerit prædestinatus vt esset filius Dei. p. 338.

DISPUTATIO XV.

De Officiis Christi. p. 340.

- SECT. 1. De oratione Christi. p. 342.
 2. De Christo vt Sacerdote, cuiusque sacerdotio. p. 345.
 3. De regno Christi. p. 350.
 4. De Christo vt Propheta, Iudice, Legislatore, capite Ecclesiæ, & mediatore. p. 353.
 5. An præter Christum possint esse alii mediatores inter Deum & nos. p. 356.

DISPUTATIO XVI.

De Adoratione Christi. p. 358.

- SECT. 1. Præmittuntur quædam de adoratione in communi. p. 359.
 2. Quotuplex sit adoratio. p. 363.
 3. An, & quomodo Christus, cuiusque humanitas possit adorari. p. 365.
 4. Confirmatur amplius doctrina proximè proposita, & respondetur argumentis contrariis. p. 368.
 5. An, & quo cultu B. Virgo Christi mater, & Sancti sint adorandi. p. 372.
 6. De adoratione Crucis, Reliquiarum, & imaginum tum Christi, tum Sanctorum. p. 374.
 7. Refutatur contraria sententia. p. 376.
 8. Soluuntur aliqua dubia circa venerationem imaginum, & Reliquiarum. p. 380.


TRACTATUS

SECUNDVS.

De Sacramentis in genere.

DISPUTATIO XVII.

An detur aliqua communis, & generica ratio Sacramentorum? p. 385.

- SECT. 1.  XPONITVR vera & communis sententia. pag. 386.
 2. Confirmatur amplius vera, & communis sententia. p. 390.
 3. Respondetur argumentis Nominalium. pag. 395.
 4. Aliæ Nominalium obiectiones soluntur. p. 398.

Index Disputationum & Sectionum.

5. Undecim alia Nominalium argumenta contra communes conceptus obiectiuos refutantur. p. 400.
6. Satisfit aliis eorum argumentis contra quascunque distinctiones rationis. p. 403.

DISPUTATIO XVIII.

Quid sit Sacramentum in genere. p. 410.

- SECT. 1. Referuntur, & expenduntur variae definitiones Sacramenti generalissime sumpti. p. 411.
2. Vera sententia, & solutio obiectionum. p. 413.
3. Quid sit Sacramentum, prout est proprium genus ad septem legis nouae sacramenta. p. 419.
4. Soluuntur difficultates circa doctrinam praecedentem. p. 424.
5. Quid sit vis significandi, & efficiendi Sacramentorum. p. 428.
6. An vis significandi, & efficiendi sacramentorum sit aliquid relatiuum. p. 430.
7. An, & quis ordo sit inter vim significandi, & efficiendi Sacramentorum. p. 432.

DISPUTATIO XIX.

De Materia & Forma Sacramentorum. p. 435.

- SECT. 1. Vtutem omnia Sacramenta perficiantur rebus ut materia, & verbis ut forma. p. 436.
2. An sacramenta omnia nouae legis non modo perficiantur, sed etiam consistant rebus quibusdam ut materia, & verbis ut forma. p. 439.
3. An sacramenta componantur ex significatione, & ex forma. p. 443.
4. An intentio Ministri intret ad componendum intrinsece sacramentum. p. 446.
5. An res & verba, quibus fiunt sacramenta sint determinata. p. 448.
6. An quauis mutatio materiae, aut formae tollat substantiam & veritatem sacramentorum. p. 452.
7. An pendeat a scientia, vel ab intentione Ministri, ut mutatio materiae, vel formae, sit substantialis, vel accidentalis. p. 454.
8. An liceat mutare materias, vel formas sacramentorum, & utri aliquando materia, vel forma dubia. p. 456.

DISPUTATIO XX.

De Necessitate sacramentorum. p. 458.

- SECT. 1. An Sacramenta necessaria sint, & an semper aliqua fuerint. p. 459.
2. Soluuntur obiectiones contra praedicta de sacramentis legis naturae. p. 464.

3. Soluitur alia difficultas de Circumcisione, & sacramentis legis Moisaicae. p. 466.
4. De necessitate sacramentorum nouae legis, postea eorum institutione. p. 470.
5. Soluuntur obiectiones contra doctrinam propositam. p. 473.

DISPUTATIO XXI.

De Efficacia, & effectis Sacramentorum. p. 475.

- SECT. 1. Verum Sacramenta sine causa gratiae. p. 477.
2. Quid sit gratia sacramentalis, & de aliis virtutibus cum illa infusis. p. 481.
3. An omnia sacramenta nouae legis conferant primam gratiam, vel aequalem omnibus recipientibus. p. 482.
4. An sacramenta conferant semper gratiam, & quo instanti illam producant. p. 485.
5. Quid requiratur, ut sacramentum reuiuifcat, & quomodo reuiuifcat. p. 489.
6. An sacramenta producant gratiam physicè, vel moraliter. p. 491.
7. Refutantur contrariae sententiae. p. 494.
8. Solutio argumentorum. p. 498.
9. An, & quae sacramenta imprimant characterem, & quid ille sit. p. 501.
10. Soluuntur tres quaestiones de characterem. p. 505.

DISPUTATIO XXII.

De Causis, & de numero Sacramentorum. p. 507.

- SECT. 1. De Sacramentorum institutione. p. 509.
2. De Ministro Sacramentorum, & primo de persona ministri. p. 512.
3. An intentio ministri necessaria sit. p. 515.
4. Qualis intentio ministri esse debeat ad sacramentum efficiendum. p. 517.
5. Soluuntur aliae tres quaestiones circa institutionem ministri sacramentorum. p. 522.
6. An bonitas ministri ad sacramentum efficiendum necessaria sit. p. 524.
7. De subiecto sacramentorum. p. 529.
8. Quam dispositionem in subiecto requirant sacramenta, ut gratiam producant. p. 532.
9. De numero, & ordine Sacramentorum. p. 535.

TRACTATUS TERTIVS.

De tribus prioribus Sacramentis in particulari:

*Baptismo, Confirmatione,
& Eucharistia.*

DISPUTATIO XXIII.

De Institutione, & essentia Baptismi.
p. 541.

- SECT. 1. Quid sit Baptismus, & quando institutus à Christo. p. 542.
2. De materia Baptismi. p. 544.
3. De forma Baptismi. p. 546.
4. An Baptismus possit iterari, vel per baptismum sanguinis, aut flaminis suppleri. p. 547.

DISPUTATIO XXIV.

De Ministro, & subiecto Baptismi. p. 551.

- SECT. 1. Quis sit idoneus minister Baptismi. p. 552.
2. An plures vnum alium, vel vnus plures, & idem seipsum baptizare possit. p. 554.
3. Qui, & quomodo possint valide & licite baptizare. p. 556.
4. An filii Infidelium possint baptizari sine consensu parentum. p. 560.
5. Vtrum Baptismus sit omnibus necessarius ad salutem. p. 562.

DISPUTATIO XXV.

De Effectibus Baptismi, & de obice.
p. 565.

- SECT. 1. Qui sint effectus Baptismi. p. 566.
2. Quomodo obex baptismi spectet ad Pœnitentiæ sacramentum. p. 568.
3. Quomodo peccatum obicis remittitur per pœnitentiam. p. 571.
4. Refutantur contrariæ opiniones. p. 572.
5. An cum Baptismus reuiuiscit, conferat plus, vel minus gratiæ, prout mensura dispositionis posita, cum reuiuiscit. p. 574.

DISPUTATIO XXVI.

De Ceremoniis Baptismi.

- SECT. 1. Sitne conueniens ceremonias aliquas sacramentales in Baptismo solenni adhiberi. p. 578.
2. De ceremoniis Baptismi in particulari. p. 580.
3. Explicantur Scripturæ loca ab hæreticis

contra sacramentales ceremonias adducta. p. 583.

4. Vtrum ceremoniæ Baptismi habeant aliquem effectum. p. 586.

DISPUTATIO XXVII.

De Confirmatione. p. 589.

- SECT. 1. An, & quid sit Confirmationis sacramentum. p. 590.
2. Respondetur Caluinistarum instantiis. p. 593.
3. De materia, & forma sacramenti Confirmationis. p. 595.
4. De effectu, & necessitate Confirmationis. p. 598.
5. De subiecto, & ministro Confirmationis. p. 601.

DISPUTATIO XXVIII.

De Sacramento Eucharistiæ secundum se. p. 604.

- SECT. 1. Vtrum Eucharistia sit sacramentum: & in quo consistat. p. 605.
2. Solutio obiectionum. p. 608.
3. Quid sit præcisè, & adæquatè sacramentum Eucharistiæ. p. 611.
4. Refutatur quædam opinio contraria. p. 616.
5. An sacramentum Eucharistiæ, sit vnum, vel plura specificè. p. 617.
6. An, & quomodo sacramentum Eucharistiæ sit vnum, vel plura numericè. p. 622.
7. An, & quomodo Eucharistia sit necessaria ad salutem. p. 625.
8. Soluuntur argumenta in contrarium ex D. Augustino desumpta, aliisque Patribus. p. 627.

DISPUTATIO XXIX.

De materia sacramenti Eucharistiæ. p. 631.

- SECT. 1. Vtrum materia huius sacramenti sit panis, & vinum. p. 632.
2. An materia consecranda debeat esse præsens ministro consecranti, & certa, ac definita in eius intentione. p. 634.
3. An panis, & vinum quantæcunque magnitudinis, aut paruitatis consecrari possint. p. 637.
4. Vtrum panis debeat esse triticeus. p. 640.
5. Vtrum panis debeat esse asymus. p. 642.
6. De materia calicis. p. 645.
7. Vtrum aqua vino mixta conuertatur in sanguinem Christi. p. 647.

Index Disputationum & Sectionum.

DISPUTATIO XXX.

De reali presentia corporis & sanguinis Christi in Eucharistia. p. 653.

- SECT. 1. Vtrum in hoc sacramento sit verè corpus Christi? p. 654.
1. Prima probatio veritatis catholicæ ex historia ecclesiastica, & perpetuo sensu Ecclesiæ. p. 655.
 2. Probaturs eadem veritas ex SS. Patribus. p. 657.
 3. Observationes quædam circa Patrum testimonia. p. 660.
 4. Probaturs eadem veritas ex Scriptura. p. 662.
 5. Proponitur secunda probatio ex Scriptura. p. 664.
 6. Proponitur tertium argumentum ex Scriptura. p. 665.
 7. Proponitur quartum argumentum ex Scriptura. p. 668.
 8. Confirmatur eadem veritas aliis argumentis. p. 669.
 9. Soluuntur obiectiones Calvinistarum ex Scriptura. p. 671.
 10. Soluuntur obiectiones Calvinistarum ex Patribus. p. 675.
 11. Soluuntur argumenta ex rationibus humanis. p. 678.

DISPUTATIO XXXI.

De conversione panis & vini in corpus & sanguinem Christi. p. 682.

- SECT. 1. Vtrum in hoc sacramento remaneat substantia panis, & vini post consecrationem? p. 683.
1. An panis, & vinum convertantur in corpus, & sanguinem Christi? p. 685.
 2. Quomodo panis, & vinum convertantur in corpus & sanguinem Christi? p. 688.
 3. Refutantur contrariæ sententiæ. p. 690.
 4. Respondetur argumentis aduersariorum. p. 693.

DISPUTATIO XXXII

De modo quo Christus est in Eucharistia, deque accidentibus cum eo remanentibus. p. 697.

- SECT. 1. Quomodo Christus secundum substantiam sit in hoc sacramento. p. 698.
1. Quomodo Christus sit in Eucharistia quoad integritatem corporis, & sanguinis, & quoad accidentia. p. 703.
 2. De presentia Christi in Eucharistia. pag. 706.
 3. Quid possit Christus agere, & pati prout est in sacramento? p. 711.
 4. De accidentibus in Eucharistia remanentibus. p. 715.

DISPUTATIO XXXIII.

De forma Sacramenti Eucharistia. p. 718.

- SECT. 1. Quæ sit forma consecrationis panis, & vini. p. 719.
1. An quædam alia verba requirantur necessario ad consecrationem? p. 721.
 2. De significatione, & efficacia verborum formæ. p. 723.
 3. An verba formæ consecrationis pronuntientur tantum historicè, an verò etiam assertiuè? p. 725.
 4. Pro quo instanti verificentur verba consecrationis? p. 726.
 5. An eadem materia per plures formas simul consecrari possit? p. 728.

DISPUTATIO XXXIV.

De effectibus Sacramenti Eucharistia. p. 731.

- SECT. 1. An Sacramentum Eucharistia conferat primam gratiam? p. 732.
1. Quo tempore, vel instanti Eucharistia gratiam conferat: & vtrum post summptionem operetur quandiu durat? p. 735.
 2. An qui communicat sub utraque specie, plus gratiæ recipiat, quam qui sub vna? p. 737.
 3. De aliis effectibus Sacramenti Eucharistia. p. 740.

DISPUTATIO XXXV.

De præparatione seu dispositione necessaria ad communionem, & frequenti illius usu. p. 742.

- SECT. 1. Quam dispositionem requirat Eucharistia ex parte animæ ad gratiam conferendam? p. 743.
1. Refutantur errores quorundam recentiorum præcedenti doctrinæ contrarii. pag. 746.
 2. Respondetur argumentis aduersariorum. p. 752.
 3. Liceatne ad communionem accedere cum conscientia peccati venialis actualis, aut habitualis. p. 757.
 4. Quæ dispositiones ex parte corporis requirantur ad summptionem Eucharistia. p. 762.
 5. De frequenti usu communionis: & primò an & quatenus sit licitus. p. 767.
 6. Quam frequenter unicuique communicare expediat. p. 770.
 7. Observationes circa doctrinam præcedentem, & solutio argumentorum contrariæ sententiæ. p. 772.

DISPUTATIO XXXVI.

De præcepto communionis Eucharistica. p. 773.

- SECT. 1. An usus Eucharistia sit in præcepto? ibid.

Index Disputationum & Sectionum.

2. Quomodo sit intelligendum præceptum communicandi in Paschate? p. 775.
3. An communio sub utraque specie sit in præcepto? p. 778.
4. Respondetur præcipuis hæreticorum argumentis in contrarium. p. 780.

DISPUTATIO XXXVII.

De subiecto, & ministro Sacramenti Eucharistie. p. 785.

- SECT. 1. Liceatne dare Eucharistiam peccatoribus? p. 786.
2. Sitne idem sentiendum de aliis sacramentis. p. 788.
 3. Quis sit idoneus minister huius sacramenti. p. 790.
 4. Plura de ministro Sacramenti Eucharistie. p. 793.

DISPUTATIO XXXVIII.

De Sacrificio Missæ. p. 796.

- SECT. 1. Prænotantur quædam de nomine Missæ, & de Sacrificio in genere. p. 797.
2. Difficultates contra definitionem Sacrificii supra traditam. p. 801.
 3. An celebratio Eucharistie sit verè, ac propriè sacrificium? p. 804.
 4. In quo consistat essentia sacrificii Eucharistie, seu quæ sit eius materia & forma. p. 807.
 5. Refelluntur qui volunt panem, & vinum offerri. p. 810.
 6. Refutantur alie sententie contrarie. pag. 812.

DISPUTATIO XXXIX.

De effectibus Sacramenti Eucharistie. p. 815.

- SECT. 1. Qui sint effectus huius sacrificii. p. 815.
2. Quanta sit virtus huius sacrificii. p. 818.
 3. A quibus, & pro quibus offerri potest hoc sacrificium? p. 820.
 4. Quæ dispositio requiratur in illis, quibus prodest, & quomodo illis applicandum sit. p. 821.

DISPUTATIO XL.

De circumstantiis, & ceremoniis sacrificii Missæ. pag. 824.

- SECT. 1. Solvuntur varie quæstiones morales circa Missæ sacrificium, & primò de tempore & hora celebrationis. p. 825.
2. De loco celebrationis, & aliis requisitis, deque stipendio licito. p. 829.
 3. Liceatne Missas privatas celebrare, vel etiam sine ministro? p. 832.
 4. Solvuntur hæreticorum argumenta contra Missas privatas. p. 836.
 5. De ceremoniis, quæ consistunt in rebus. p. 838.
 6. De ceremoniis quæ consistunt in verbis. p. 843.
 7. De ceremoniis Missæ, quæ consistunt in actione. p. 848.
 8. Vtrum Ecclesia prouiderit sufficienter defectibus in huius sacrificii celebratione occurrentibus. p. 853.
 9. An & quomodo teneantur fideles assistere huic sacrificio? p. 856.
 10. Liceatne assistere Missæ sacrificio cum conscientia peccati mortalis? p. 860.



INDEX RERVM

PRÆCIPVARVM QVÆ

in hoc volumine continentur.

Litera D. disputationem. N. numerum. P. paginam designat.

A.

Accidens.



ACCIDENTIVM inherencia non distinguitur ab illis in re. d. 5. nu. 54. p. 151.

Accidentia non potuerunt assumi hypostaticè. d. 7. n. 14. p. 194.

Accidentia Christi non sunt in Eucharistia vi verborum, sed per concomitantiam. d. 33. n. 19. p. 704.

Doctrina D. Thomæ de accidentibus Eucharisticis. ibid. n. 52. p. 714.

Manent sine vilo subiecto substantiali. ibid. n. 55. p. 715.

Quomodo sunt per se. ibid.

Cætera accidentia sunt in quæritate velut in subiecto. n. 56. ibid.

Quomodo alterent, aut alterentur. ibid. nu. 58. p. 716.

Agentia naturalia non possunt producere accidentia extra subiectum. ibid. n. 59.

Qua virtute reducantur accidentia Eucharistica ad pristinum statum. ibid. n. 60.

Actio.

Actio educiua accidentium est natura prior ipsorum vnione. d. 5. n. 8. p. 135.

Quid sit terminus actionis. ibid. n. 11. p. 136.

Diuiditur in formalem, & totalem. ibid.

Actio non distinguitur ab agente. nu. 61. & seqq. p. 153.

Non omnis actio realis est productio. nu. 93. p. 165.

Actio non fit. n. 61. p. 153.

Sitne aliquid productum. d. 17. n. 57. p. 405.

Non omnes modi se habendi existunt per veram actionem. n. 57. ibid.

Quomodo actio est ens ab alio. n. 58. ibid.

Actus.

Actus materialiter mali non potuerunt permitti in Christo. d. 13. nu. 59. neque vllus actus indecens. n. 61. p. 320. & 321.

Adam.

Adam fuit caput humani generis per mora-

lem denominationem à Dei constitutione. d. 9. n. 60. p. 250.

Admiratio.

Admiratio duplex, & quæ eius causæ. d. 13. n. 73. p. 324.

Fuit in Christo propriè admiratio. num. 75. ibid.

Adoptio.

Quid sit Adoptio. d. 14. n. 12. p. 328.

Non conuenit Christo, qui ne quidem in quæ- tum homo est filius Dei adoptiuus. n. 8. & seqq. p. 327.

Adoptio & seruitus non conueniunt nisi personæ alienæ, & inæquali. d. 14. num. 11. p. 328.

Adoratio.

Quid sit Adoratio. d. 16. n. 1. p. 359.

Signa interna adorationis possunt esse multiplicia. n. 3. p. 360.

Vtrum interna submissio sit propriè adoratio. n. 5. p. 361.

Quomodo illi conueniat ratio adorationis. n. 6. ibid.

Non omnis actus religionis est adoratio. nu. 7. & 10. ibid.

Angeli verè, & propriè adorant Deum. nu. 9. p. 362.

Adoratio diuiditur primò in internam, & externam. n. 11. p. 363.

Diuiditur secundò in Latrariam, Duliam, Hyperduliam, & obseruantiam politicam. ibid.

In quo consistat hæc differentia adorationum. n. 12. ibid.

Conceptus adorationis sitne illis vniuocus. n. 13. ibid.

Diuiditur tertio in absolutam, & respectiuam. n. 14. ibid.

Dupliciter potest aliquis adorari propriè, vel impropiè: itemque per se, & per accidens. n. 14. & 15. ibid.

Obiectum adorationis duplex; Quod, & Quo seu propter quod. n. 16. p. 364.

Potest aliquis esse multis titulis diuersis. Eæcc 3

Index rerum præcipuarum.

modè adorabilis. *ibid.*
 Christus quomodo adorandus, eiusque humanitas. n. 18. & seqq. p. 365.
 Possint decenter coli Hyperdulia. n. 41. p. 370.
 Adoratur propriè, & præcipuè res subsistens, siue persona. d. 16. n. 48. p. 372.
 An, & quo cultu B. V. Christi mater, & sancti sint adorandi. n. 49. & seqq. *ibid.*
 Adoratio non modo respectiua, sed etiam absoluta potest exhiberi sanctis. n. 52. *ibid.*
 Quomodo Deus solus adorandus. n. 55. pag. 373.
 Cur Mardocheus Amanum adorare recusauerit? n. 56. p. 374.
 Cur Petrus Cornelium, & Angelus Ioannem adorare se prohibuit. n. 57. *ibid.*
 Adoratio Crucis, Reliquiarum, & Imaginum cum Christi, tum sanctorum, qualis, & quomodo licita. n. 59. & seqq. *ibid.*
 Quomodo res inanimæ sunt capaces adorationis, tametsi non sunt capaces iuris, & iniuriæ. n. 79. & 80. p. 379.

Adult.

Adultis intentio necessaria est ut validè baptizentur. d. 24. n. 23. p. 558.
 Et actus fidei, ut licitè, & cum fructu. nu. 25. & Attritio, vel contritio, si peccarunt mortaliter. n. 26. *ibid.* & p. 559.

Altare.

Altaris usus ad celebrandum. d. 47. n. 48. p. 839.

Angelus.

Angeli non fuerunt sanctificati per Christi mortem. d. 3. n. 44. p. 86.
 Angelus Christum confortans. d. 10. nu. 49. p. 265.
 Angeli non fuerunt propriè redempti à Christo. d. 11. n. 80. p. 295.
 Religio Angelorum quid sit apud Apostolum Coloss. 2. d. 16. n. 57. p. 374.
 Angeli possunt extraordinariè efficere sacramenta. d. 22. n. 30. p. 513.
 Angelus ordinauit Amphilochem Episcopum. *ibid.*
 Angeli non assument corpora hypostaticè. d. 6. n. 13. p. 179.

Apostoli.

Apostoli non baptizarunt in nomine Christi tantum. d. 23. n. 18. p. 547.

Appetitus.

Appetitus sensitiuus fuit in Christo, sed non sines peccati, neque pugna inter appetitum sensitiuum, & voluntatem. d. 11. n. 2. & seqq. p. 275.

Assumptio.

Sine proprium personæ diuinæ assumere na-

turam alienam, ita ut personæ creatæ id communicari non possit. d. 6. n. 1. & seqq. p. 175.
 Aliud est assumere, & aliud terminare. *ibid.*
 Angeli non assument corpora hypostaticè. n. 13. p. 179.
 Natura diuina non potest assumere secundum se immediatè. n. 14. *ibid.*
 Possint una persona diuina plures humanitates simul assumere. d. 6. n. 24. p. 182.
 Essetne in eo casu plures homines. num. 25. & seqq. *ibid.*
 Possint eadem natura simul assumi à pluribus personis. n. 34. p. 185.
 Plures naturæ simul assumptæ essent plura entia per se. n. 40. p. 187.
 Natura humana fuit conuenienter assumpta. d. 7. n. 1. p. 189.
 Natura irrationalis potuitne assumi. nu. 2. p. 190.
 Quænam partes potuerunt assumi hypostaticè. n. 11. p. 193.
 Formæ materiales non potuerunt assumi. *ibid.*
 Neq; etiam formæ accidentales. n. 14. p. 194.
 An verbum assumpserit humanitatem, & omnes eius partes: sanguinem, capillos, &c. d. 7. n. 45. & seqq. p. 206.
 Quo ordine assumpserit humanitatem, & eius partes. n. 59. p. 210.
 Non fuit ordo temporis in assumptione. nu. 60. p. 211.
 Fuit tamen ordo intentionis. n. 61. *ibid.*
 Quid sit sentiendum de ordine executionis. n. 62. *ibid.*
 Perfecta corporis organizatio præiuit vnioni hypostaticæ. n. 63. *ibid.*
 Vnio corporis cum anima fuit medium Quo ut assumeretur corpus. n. 65. p. 212.
 Vnio animæ cum corpore non fuit medium Quo respectu animæ. n. 67. *ibid.*
 Partes fuerunt medium Quod, respectu totius humanitatis. n. 69. *ibid.*
 Refutantur contrariæ sententiæ. num. 70. & seqq. p. 213.

Aqua.

Aqua naturalis est materia remota Baptismi, & ablutio proxima. d. 23. nu. 9. & seqq. p. 544.
 Qualis & quanta esse debeat illa ablutio. nu. 12. p. 545.
 Aqua sanctificanda, & consecranda ad baptizandum. d. 26. n. 9. p. 581.
 Aqua debet vino consecrando misceri ex præcepto Ecclesiæ. d. 29. n. 48. p. 646.
 Quando, & quantum aquæ miscendum. num. 50. p. 647.
 Possint in casu necessitatis sine aqua celebrari. n. 51. *ibid.*
 Non vertitur in sanguinem, nisi prius in vinum versa sit. n. 53. *ibid.*
 Refutatur contraria sententia. n. 56. & seqq. p. 648.
 Non vertitur in sanguinem, nisi ante formam consecrationis vertatur in vinum. n. 64. p. 652.
 Aquæ benedictio, & asperio. d. 40. nu. 89. p. 851.

Index rerum præcipuarum.

Attritio.

Attritio vel contritio est necessaria adultis qui peccarunt mortaliter, ut licite, & cum fructu baptizentur, d. 24. n. 26. & seqq. p. 559.
Sufficit ad iustificationem cum Sacramento Baptismi, & Pœnitentiæ, d. 22. n. 101. p. 533.
Sufficiatne ad iustificationem peccatoris per alia sacramenta, n. 107. p. 535.
Requiraturne formaliter contritio, vel attritio ad iustificationem peccatoris necessitate mediæ, aut præcepti, n. 105. & 106. p. 534.

Aurum.

Aurum linitio in Baptismo, d. 26. n. 15. pag. 582.

B.

Balsamum.

Balsamum adhibendum in sacramento Confirmationis, d. 27. n. 17. p. 595.
Quæ mixtio illius sufficiat, n. 30. p. 598.

Baptismi natura.

Baptismi definitio, d. 23. n. 1. p. 542.
Quo tempore institutus fuit Baptismus, n. 6. & seqq. p. 543.
Quid sit in Baptismo sacramentum tantum, res tantum, & res, ac sacramentum, d. 25. n. 29. p. 576.
Aqua naturalis est materia remota Baptismi, d. 23. n. 9. p. 544.
Materia proxima est ablutio, n. 11. p. 545.
Debet illa necessariò fieri à ministro Baptismi, n. 12. ibid.
Sufficit una ablutio, id est, una aspergio vel immersio, ibid.
Non est necessaria emerſio ex aqua, n. 13. ibid.
Non est necessarium ablui totum corpus, n. 15. ibid.
Non sufficit minor pars corporis in casu necessitatis, quàm extra, n. 6. p. 546.
Forma Baptismi quænam sit, n. 17. ibid.
Apostoli non baptizant in nomine Christi tantum, n. 18. ibid.
Sufficiatne baptizare in nomine Christi, vel in nomine Trinitatis, n. 19. p. 547.
Baptismus quid adæquatè significet, n. 20. ibid.
Baptismus non potest iterari, n. 22. p. 547.
Potest suppleri per Baptismum fluminis, & sanguinis, n. 23. p. 548.
Non suppletur tamen character, nec quædam alia Baptismi propria, n. 24. ibid.

Causa efficiens & subiectum Baptismi.

Quilibet potest validè baptizare, d. 24. n. 1.

p. 552.

Extra necessitatem non licet nisi sacerdoti ad id deputato specialiter, n. 3. p. 553.
In casu necessitatis quisque tenetur baptizare, n. 5. ibid.
Ordo seruandus, quando plures adsunt, qui possint, & velint baptizare, n. 5. ibid.
Nemo seipsum baptizare potest, n. 6. p. 554.
Plures simul ab uno baptizari possunt, n. 7. ibid.
Plures simul possunt eundem baptizare, sed non quouis modo, n. 8. ibid.
Sine tunc vnicus Baptismus, n. 11. & 12. p. 555.
Omnes possunt validè baptizari, n. 19. p. 556.
Possunt baptizari etiam illi, qui carent omni peccato, ut B. V. n. 19. p. 557.
Infantes baptizantur validè, n. 21. ibid.
Quomodo baptismus sit conferendus monachis, n. 22. p. 558.
Intentio est necessaria adultis, ut validè baptizentur, n. 25. ibid.
Requiritur etiam attritio, vel contritio vera in illis qui peccarunt mortaliter, n. 26. p. 559.
Debent quoque habere propositum non peccandi, & seruandi legem Christi, ibid.
Debent dolere formaliter de peccatis, n. 27. ibid.
Contritio determinatè non est illis necessaria, n. 29. p. 560.
Ut filii infidelium baptizentur licite, requiruntur consensus parentum, n. 31. ibid.
Secus est de filiis hæreticorum, & apostatarum, n. 32. ibid.
Non requiritur consensus ipsorum paruulorum, n. 33. ibid.
Sufficit cōsensus alterius parentis, ibid. p. 561.
Parentum nomine intellige etiam Curatores, & Tutores, ibid.
Consensus parentum infidelium non requiritur in certis casibus, n. 34. ibid.
Infideles, qui subsunt tantum politicè non possunt cogi ad Baptismum, n. 35. ibid.
Baptismus paruulorum sine consensu parentum est validus, n. 38. p. 562.
Figmentum Lutheri infantes habere vsum rationis quando baptizantur, d. 21. n. 12. p. 479.

Necessitas Baptismi.

Baptismus est aliquo modo necessarius, d. 24. n. 41. p. 563.
Est medium aliquo modo necessarium, n. 43. ibid.
Est necessarius ex præcepto respectu adultorum, n. 44. ibid.
Quando cœpiat necessitas Baptismi, num. 45. ibid.
Baptismus est necessarius in re, vel in voto, d. 20. n. 35. p. 471.
Est necessarius necessitate mediæ minus stricte, n. 41. p. 472.
Præceptum Baptismi quomodo obliget, d. 24. n. 46. p. 564.

EEcc 3

Index rerum præcipuarum.

Baptismus est medium necessarium ad salutem etiam filiis fidelium. n. 47. *ibid.*
 Explicatur locus Pauli, quo in contrarium abutuntur hæretici. n. 48. *ibid.*
 Error Caietani existimantis paruulos saluari posse sine baptismo. n. 49. *ibid.*

Baptismi effectus.

Baptismus quomodo nos saluos facit, & vndenam illius virtus. d. 21. n. 16. & 17. p. 480.
 Quo sensu petat Ecclesia virtutem Spiritus sancti infundi in aquam baptismi. d. 21. n. 82. p. 501.
 Sex Baptismi effectus. d. 25. n. 1. p. 566.
 Baptismus est fundamentum reliquorum sacramentorum. n. 2. p. 567.
 Effectus falsò tributi Baptismo ab hæreticis. *ibid.*
 Potest poni obex regenerationi, non autem aliis baptismi effectibus. n. 3. *ibid.*
 Pertineatne obex Baptismi ad sacramentum Pœnitentiæ? n. 5. p. 568.
 Peccatum obicis sitne posterius Baptismo. n. 6. *ibid.*
 Pendeatne à Baptismo vt obex est. n. 7. & seqq. p. 569.
 Sitne prius indignè baptizari, quàm baptizari. n. 9. p. 570.
 Vera ratio cur obex Baptismi pertineat ad sacramentum Pœnitentiæ. n. 10. *ibid.*
 Verum illud est tam de obice materiali, quàm de formali. *ibid.*
 Obex materialis impedit effectum Baptismi, sicut formalis. n. 11. *ibid.*
 Pœnitens debet esse baptizatus priusquam absoluat. n. 13. p. 571.
 Prius natura remittitur peccatum obicis per Pœnitentiam, quàm Baptismus operetur. n. 14. *ibid.*
 Quomodo natura prius remittatur peccatum obicis. n. 15. *ibid.*
 Simulne operentur Baptismus, & sacramentum Pœnitentiæ remoto obice. n. 18. p. 572.
 Baptismus reuiuiscens conferatne plus, vel minus gratiæ pro mensura dispositionis positæ quando reuiuiscit. n. 24. & seqq. p. 574.

Baptismi cerimonia.

Baptismi ceremoniæ conuenienter adhibentur. d. 26. n. 4. p. 578.
 Baptizandum solemniter in loco sacro, seu baptisterio. n. 8. p. 580.
 Aqua sanctificanda, & consecranda ad baptizandum. n. 9. p. 581.
 Baptismus olim non dabatur nisi in Paschate & Pentecoste. *ibid.*
 Catechismus præmittendus. *ibid.* n. 11.
 Et exorcismus. *ibid.* n. 12.
 Et extussario Dæmonis. *ibid.*
 Gustus salis olim adhibitus. *ibid.* n. 13. p. 582.

Consignatio crucis. n. 14. & linitio aurium & narium. n. 15. *ibid.*
 Abrenunciatio Satanæ. *ibid.*
 Inunctio olei, & Chrismatis. *ibid.* n. 16.
 Susceptores, seu Patrini. n. 17. p. 583.
 Impositio nominis. *ibid.* n. 18.
 Trinamersio. *ibid.* n. 19.
 Cereus accensus, & vestis candida. *ibid.*
 Cerimonie Baptismi sintne efficaces. d. 26. n. 29. p. 586.
 Baptismus præsupponitur communioni Eucharisticæ. d. 35. n. 1. p. 743.

Beatitudo.

Visio beatifica Christi non fuit infinita. d. 10. n. 12. p. 255.
 Christus cognoscebat in Verbo suam visionem beatificam. n. 22. p. 258.
 Cognoscebat per illam eius perpetuitatem. n. 25. & seqq. p. 259.

Bethsamitæ.

Bethsamitæ cur à Deo percussi visa Arca. d. 40. n. 129. p. 866.

Brutum.

Natura bruta potuitne assumi hypostaticè. d. 7. n. 2. p. 190.
 Bruta subsistunt tantum ex parte materiæ. n. 13. p. 193.

C.

Calix.

Communio calicis. d. 36. n. 22. p. 778.
 Non est præcepta nisi celebrantibus. n. 33. *ibid.*
 Cur prohibita laicis. n. 30. & 31. p. 780.

Caluinismus.

Caluinismus est via ad atheismum. d. 30. n. 52. p. 671.
 Godefridus à Valle ex Caluinista atheus. *ibid.* p. 670.
 Hunniades rex ex Caluinista Antitrinitarius. *ibid.*

Cantus.

Cantus, & vsus Organorum in diuinis officiis. d. 40. n. 87. p. 851.

Caput.

Capitis moralis condiciones quatuor. d. 9. n. 50. p. 247.
 Quomodo Christus sit caput Ecclesiæ, & creaturarum. *ibid.*

Caro.

Caro apparens in Eucharistia non est interdum vera caro Christi. d. 32. n. 46. p. 712.

Index rerum præcipuarum.

Catechismus.

Catechismus Baptismo præmittendus, d. 26.
n. 11. p. 588.

Catechumeni.

Missæ Catechumenorum, d. 40. n. 61. p. 841.
Eucharistia celabatur Catechumenis, d. 30.
n. 27. p. 662.

Causa.

Nullus influxus causæ finitæ potest esse infinitus, d. 5. n. 49. p. 150.
Possitne idem reproduci à suo effectu eodem temporis instanti, d. 4. n. 47. p. 114.
Causa dispositiua & efficiens distinguuntur etiam in moralibus, d. 18. n. 47. p. 426.
Error Gabrielis, quod causæ secundæ non agant, d. 21. n. 67. p. 496.
Idem effectus potest esse à pluribus causis totalibus, d. 24. n. 13. p. 555.
Quod factum est, potest iterum fieri actione diuersa, & totali, d. 30. n. 88. p. 681.
Causa proxima, & præcisa definitionis rerum est subtrahitio influxus causæ conseruantis, d. 31. n. 17. p. 687.
Causæ ex instituto accipiuntur per ipsam institutionem vim cauendi, d. 37. n. 27. p. 793.
Quomodo ex diuersitate effectuum arguatur virtualis amplitudo causæ, d. 17. n. 63. p. 407.

Cerei.

Cereus accensus dabatur olim baptizato, d. 26. n. 19. p. 583.
Cerei, & luminaria in diuinis officiis, d. 40. n. 55. p. 842.

Cerimonia.

Cerimoniæ sacramentales quid sint, d. 26. n. 1. p. 578.
Conuenienter adhibentur in sacramentis, n. 2. ibidem.
Ipsi hæretici adhibent in baptismo aliquas ceremonias, n. 5. p. 579.
Cur non tot adhibita ab Apostolis, n. 6. ibidem.
Nimia earum multitudo vitanda, ibidem.
Quas ceremonias improbet Apostolus, n. 27. p. 585.
Cerimoniæ sacramentales habeantne aliquem effectum, n. 29. p. 586.
Quid de aliis ceremoniis sentiendum, n. 37. p. 588.

Character.

Character imprimitur per tria sacramenta, d. 21. n. 85. p. 502.
Quid sit character, n. 86. p. 503.
Error Durandi de characterē refutatur, n. 87. ibidem.
Non est potentia, sed signum naturale, n. 95. p. 505.

Est indelebilis, saltem hac in vita, n. 99. p. 506.
Imprimatur ipsi substantiæ animæ, n. 100. ibidem.

Capharnaita.

Capharnaitæ primi sacramentarii, d. 30. n. 8. p. 655.

Charitas.

De fide est charitatem infundi iustis, d. 9. nu. 24. p. 240.
Fuit etiam Christo infusa, n. 29. p. 241.
Charitas habitualis non distinguitur à gratiâ sanctificante, n. 30. p. 242.
Impugnatur sententia contraria, n. 31. ibidem.

Creatio, & Creatura.

Creatio, & transubstantiatio quomodo differant, d. 31. n. 45. p. 695.
Non repugnat aliquid creatum esse indefectibile ex suppositione, d. 10. n. 27. p. 259.
Pura creatura non potuit satisfacere conditionē pro peccato, d. 2. n. 27. p. 39.

Chrisma.

Chrysma inunctio in Baptismo, d. 26. nu. 26. p. 582.
Ad quid valeat, n. 36. p. 588.
Chrisma est materia remota Confirmationis, d. 27. n. 17. p. 595.
Apostoli, & Episcopi in primitiua Ecclesia sunt illo vsi ad Confirmandum, nu. 27. p. 597.

Christiani.

Christiani propter Eucharistiam accusari quod carnes humanas ederent, Cereremque, & Bacchum adorarent, d. 30. n. 16. p. 658.

Christus.

Christum esse verum Messiam probatur contra Iudæos, d. 1. n. 66. p. 27.
Esse verum Deum, ibidem.
Non fuit primò intentus propter peccatum & redemptionem, d. 3. n. 9. p. 75.
Christus licet per se primò intentus, potuit iterum intendi propter Ecclesiam, nu. 54. p. 90.
Illa intentio fuit ex vero affectu charitatis erga Ecclesiam, n. 55. p. 91.
Verè dicitur Deus dedisse filium suum ex charitate erga homines, n. 56. ibidem.
Christus venit propter peccatum originale, d. 3. n. 69. p. 96.
Non venisset ut redemptor non existente peccato originali, n. 70. p. 96.
Fuit decretus redemptor propter originale principaliter & totaliter, n. 72. p. 96.
Quomodo per mortem suam nos redemit ab originali, n. 74. p. 97.
Non existente originali venisset propter actualia, n. 79. p. 99.

Index rerum præcipuarum.

Non fuit decretus ut Redemptor propter venialia, vel mortalia vnius, aut paucorum, n. 82. p. 100.
Fuit decretus prius propter originale, principalius verò propter actuale, n. 86. p. 101.
Potuitne decerni propter peccata hæresis committenda contra decretum Incarnationis, n. 89. ibid.
Christus non est plura simpliciter, d. 8. n. 9. p. 221.
Constat tamen ex multis entibus actualibus, n. 10. ibid.
Refutatur contraria sententia, n. 11. ibid.
Christus habet vnicum esse hypostaticum, n. 12. p. 221.
Quomodo loquendum de Christi unitate, n. 13. ibid.
Christus non est duo simpliciter, n. 15. ibid.
Hæc propositio, Homo est Deus, non est propositio per se, d. 8. n. 33. p. 228.
Est tamen propria, n. 34. ibid.
Possitne verè dici, Christus est creatura, & Christus incepit esse, n. 39. p. 229.
Christus secundum quòd homo est creatura, n. 41. p. 230.
Christus secundum quòd homo est Deus, ibid.
Christus secundum quòd homo est persona, n. 42. ibid.

Gratia Christi.

Christus non eguit gratia sanctificante, ut esset Deo gratus, d. 9. n. 2. p. 233.
Fuit sanctificatus formaliter, & immediate per hypostasim Verbi, n. 4. p. 234. & n. 13. p. 236.
Hæc sanctificatio est physica, n. 5. p. 234.
Unio hypostatica non fuit tantum conditio necessaria ad illius sanctificationem, n. 6. ibid.
Christus non eguit gratia creata ut esset immunis à peccato, n. 7. ibid.
Neque ut esset bene dispositus ad operandum supernaturaliter, n. 8. p. 235.
Cur humanitas reddatur potius sancta per unionem, quam immentia, æterna, &c. n. 10. p. 236.
Tres personæ diuinæ non eam sanctificant formaliter, n. 14. ibid.
Humanitas Christi non est tam sancta formaliter, quam est Deus, n. 15. p. 237.
Christus habuit conuenienter gratiam creatam, n. 18. p. 238.
Fuit per illam sanctior extensiuè, n. 20. ibid.
Non est de fide Christum habuisse gratiam creatam, n. 22. p. 239.
Non fuit illi tam necessaria, ac aliis iustis, n. 26. p. 240.

Scientia Christi.

Christus habuit animam, & intellectum creatum, d. 10. n. 1. p. 253.
Ille intellectus non fuit otiosus, n. 2. ibid.
Omnis cognitio Christi fuit perfecta, n. 3. ib.

Non potuit errare, n. 4. p. 254.
Non fuit in Christo propriè ignorantia, n. 5. ibid.
Cognouit res per sensus sicuti erant, n. 6. ibid.
Scientia Christi quadruplex, ibid. n. 7.
Anima Christi ab initio conceptionis eius habuit scientiam beatificam, n. 8. p. 255.
Visio Christi beatifica non fuit infinita, n. 12. ibid.
Non cognoscit omnia possibile, neque omnia, quæ Deus nouit scientia visionis, n. 13. p. 256.
Noueritne Christus omnia futura, n. 17. p. 257.
Christus ut homo non ignorauit diem iudicii, n. 19. ibid.
An cognoscat in Verbo suam visionem beatificam, d. 10. n. 22. p. 258.
An per eandem cognoscat eius perpetuitatem, n. 25. p. 259.
An cognoscat in Verbo suos actus liberos, n. 31. p. 260.
An cognoscat infinita possibile, posito quòd comprehendat creaturas, n. 33. p. 261.
Christus habuit scientiam supernaturalem diuersam à beatifica, n. 36. p. 262.
Multiplex fuit obiectum illius scientiæ, n. 38. p. 263.
Cognouit per illam euidenter Deum, etiam quidditatiuè, n. 39. ibid.
Et mysterium Trinitatis, n. 42. ibid.
Et possibile, n. 43. p. 264.
Et entia supernaturalia, n. 44. ibid.
Et actus liberos, aliaque futura contingentia, n. 45. ibid.
Et entia naturalia, n. 47. p. 265.
Quomodo fuerit confortatus ab Angelo, n. 49. ibid.
Quomodo nouit obiecta naturalia per scientiam supernaturalem, n. 51. ibid.
Actus scientiæ infusæ Christi fuere multiplices, n. 53. p. 266.
Non fuerunt omnes ab initio, n. 54. ibid.
Non pependunt à phantasmate, n. 56. pag. 267.
Scientia Christi infusa non fuit incapax compositionis & discursus, n. 58. ibid.
Qualis fuerit habitus huius scientiæ, n. 65. p. 268.
Quæ species, & quales illi seruientes, n. 70. p. 269.
Fuit in Christo scientia infusa per accidens, n. 75. p. 270.
Eius obiectum multiplex, n. 80. p. 271.
Habuit etiam scientiam experimentalem, n. 81. p. 272.
Quàm latè se extenderet scientia Christi, n. 85. p. 273.

Christi virtutes & dona supernaturalia.

Fides non fuit in Christo, d. 9. n. 27. p. 241.
Secus autem spes & charitas, n. 29. ibid.
Virtutes morales fuerunt illi infusæ, n. 32. p. 242.

Index rerum præcipuarum.

Etiā illæ quæ sunt naturales in substantiâ.
n. 33. ibid.

Non tamen omnes earum actus Christo con-
ueniebant. n. 34. p. 243.

Fuerunt quoque in Christo septem dona Spi-
ritus sancti. n. 35. ibid.

Multiplex timor fuit in Christo, reuerenti-
alis, filialis, &c. n. 38. p. 244.

Et gratiæ gratis datæ n. 39. ibid.

Et verum donum prophetiæ. n. 40. p. 245.

Gratia Christi non fuit infinita simpliciter.
n. 41. ibid.

Fuit tamen quanta esse potuit moraliter. n.
42. ibid.

Annon quanta esse potuit physicè. n. 43. ib.

Fuit illi infusa primo instanti conceptionis.
n. 47. p. 246.

Gratia præueniens non fuit Christo necessa-
ria. n. 48. p. 247.

Voluntas, & libertas Christi.

Fuit in Christo voluntas creata, & appetitus
sensitiuus. d. 11. n. 1. & 2. p. 275.

Sed non fomes peccati; neque pugna inter
appetitum sensitiuum & voluntatem. n. 3.
& 4. ibid.

Neque inter voluntates; diuinam & huma-
nam, ac neque esse potuit. n. 5. & 6. ibid.

Quomodo Christus mortem noluit sine re-
pugnantia cum voluntate Dei. n. 7. p. 276.

Fuit in Christo tristitia. n. 9. p. 277.

Quomodo potuit esse cum gaudio beatifico.
n. 10. ibid.

Voluntas humana Christi non fuit semper
impleta. n. 14. p. 279.

Fuit libera. n. 17. ibid.

Quomodo stetit libertas Christi cum præui-
sione suorum omnium actuum. n. 19.
p. 280.

Quomodo fuit liber ad seruanda præcepta.
n. 21. ibid.

Fuit in Christi potestate nolle mori, & non
mori. n. 24. p. 282.

Præcepta Christo imposita fuerunt duplicia.
n. 28. p. 283.

Fuerunt vera præcepta respectu Christi. n.
32. p. 284.

Christus fuit physicè impecabilis ab intrin-
seco. n. 29. p. 283.

Reiciuntur alii modi explicandi Christi li-
bertatem. n. 30. ibid.

Non bene explicatur per solum vsum scien-
tiæ mediæ. n. 33. p. 284.

Neque per actus Christi reflexos. n. 35. p.
285.

Quomodo ratione circumstantiarum liberè
obediuit. n. 37. p. 286.

Fueritne Christus necessitatus ad optimum
operandi modum. n. 38. ibid.

Christi potentia.

Christus non accepit virtutem creatam va-
lentem ad omnia possibilia. d. 12. n. 2.
p. 298.

Non est factus potentior per vniquem hy-
postaticam præcise sumptam. n. 3. ibid.

Potuit habere qualitates aliquas ad operan-
dum supernaturalia. n. 4. p. 199.

Non constat habuisse ab initio dotes corpo-
ris gloriosi. ibid.

Cur non illas habuerit. n. 5. ibid.

Christus vt homo fuit moraliter omnipo-
tens. n. 6. ibid.

Moralis hæc omnipotentia fuit illi data ab
instanti conceptionis. n. 7. p. 300.

Potuit operari physicè aliqua supernaturalia
per qualitates sibi inditas, & quædam e-
tiam per seipsum, non tamen omnia. n. 10.
& seqq. ibid.

Multa miracula moraliter tantum operatus
est. n. 12. p. 301.

Refutatur error tribuens eius miracula arti
magicæ; vel temperamento corporis, aut
virtuti imaginationis. n. 14. & seqq. ibid.

Refelluntur qui volunt physicè omnia ope-
ratum esse. n. 17. p. 302.

Quomodo virtus de Christo exiret faciendo
miracula. n. 19. p. 303.

Caro Christi quomodo viuifica. n. 20. ibid.

Humanitas Christi, vel alia creatura non po-
test ad quidlibet eleuari. n. 21. ibid.

Cur S. Thomas neget animam Christi potu-
isse assumi vt instrumentum creationis, vel
annihilationis. n. 23. p. 304.

Virtus miraculorum Christi se extendit ad
effectus loco & tempore distantes. n. 24.
ibid.

Defectus à Christo assumpti.

Christus assumpsit defectus corporis com-
munes. d. 13. n. 2. p. 306.

Erat de se obnoxius senectuti, & morti na-
turali. ibid. p. 307.

Poterat etiam naturaliter morbum contra-
here. n. 3. ibid.

Non assumpsit particulares defectus. n. 4.
ibid.

Pulchritudo, & firmitas corporis Christi;
sensuumque perfectio. ibid.

Assumpsit communes defectus cum triplici
differentia. n. 5. ibid.

Non est vbique secundum humanitatem. n.
9. p. 308.

Non habuit ignorantiam, neque peccatum;
n. 11. p. 309.

Caruit fomite peccati. d. 13. n. 3. p. 319.

Actus materialiter mali non potuerunt per-
mitti in Christo. n. 59. p. 320.

Neque vllus actus indecens. n. 61. p. 321.

Fuerunt in Christo passionēs non viciose;
seu propassiones. n. 62. & 63. ibid.

Neque propterea fuerunt in Christo tenta-
tiones internæ. n. 65. ibid.

An, & quomodo timor fuerit in Christo. n.
70. p. 323.

Fuit in Christo propriè admiratio. n. 75.
p. 324.

Christi subiectio, filiatio, & prædestinatio.

Christus vt homo fuit Deo subiectus. d. 14.

Index rerum præcipuarum.

num. 1. pag. 326.
Sed non hominibus, nisi volūtariè. n. 2. ibid.
Fuit subiectus legibus diuinis confirmanti-
bus ius naturale. n. 3. ibid.
Non fuit subiectus præceptis posituius legis
Mosaicæ. n. 5. p. 327.
Quomodo Christus, & cur legem impleuit.
n. 6. ibid.
Quibulnam præceptis Dei posituius fuerit
subiectus. n. 7. ibid.
Illa fuerunt vera præcepta respectu Christi.
ibid.
Christus vt homo non fuit verè, ac propriè
seruus Dei, aut filius adoptiuus. d. 14.
n. 8. p. 327.
Nequidem in quantum homo reduplicatiuè.
n. 13. p. 329.
Quo sensu vocetur seruus in Scriptura. n. 23.
p. 331.
Et à SS. Patribus. n. 28. p. 332.
Quomodo Christus vt homo est filius Dei
naturalis. n. 47. p. 337.
Christus fuit prædestinatus filius Dei absò-
lutè, non autem respectiue. n. 53. & 54.
p. 338.
Humanitas Christi fuit prædestinata respè-
ctiue. n. 56. p. 339.
Christus fuit prædestinatus ad dona acci-
dentalia gratiæ, & gloriæ. n. 58. p. 340.

Christi oratio, & Sacerdotium.

Christus vt homo verè orauit hac in vita. d.
15. n. 1. p. 342.
Fueritne aliqua simulatio in oratione Chri-
sti. n. 2. ibid.
Christus orauit ex necessitate. n. 5. p. 343.
Fueritne semper exaudita Christi oratio. n.
6. ibid.
Christus etiam nunc orat in cælo. n. 10. p.
344.
Non meretur in cælo. n. 16. p. 345.
Possitne Christus orari vt pro nobis orer. ib.
Christus fuit verus sacerdos. d. 15. n. 17.
p. 345.
Idque Dei auctoritate. n. 20. p. 346.
Obtulit seipsum cruentè, & incruentè. n. 20.
& 21. ibid.
Quomodo in cruce seipsum sacrificauit. d.
38. n. 23. p. 803.
Fuit sacerdos secundum naturam humanam.
d. 15. n. 22. p. 347.
Orauit etiam pro seipso vt sacerdos, sed non
sicut pro nobis. n. 24. & seqq. p. 347.
Quomodo dicatur Sacerdos in æternum se-
cundum ordinem Melchisedech. n. 28.
p. 348.
Et summus Pontifex Ecclesiæ. n. 29. p. 349

Christus Rex, Propheta, Mediator, & Caput Ecclesiæ.

Christus habuit regiam potestatem dire-
ctam. d. 15. n. 32. p. 350.
Abstinnit tamen ab illius viu. n. 33. ibid.
Habuit etiam dominium generale in actu

primo. n. 34. ibid.
Christus simul pauper, & diues, Rex, & non
Rex. n. 43. p. 353.
Fuit Propheta. n. 44. ibid.
Et Legislator, & Iudex. n. 45. ibid.
Et Mediator Dei & hominum. n. 49. p. 354.
Quatuor officia Mediatoris exercuit. ibid.
Est mediator secundum naturam humanam.
n. 50. p. 355.
Vnio tamen hypostatica fuit necessaria, vt
esset tam perfectus mediator. ibid.
Non fuit mediator solùm vt redemptor. n.
52. ibid.
Cur vocetur speciatim Mediator noui Testa-
menti, licet fuerit etiam veteris. ibid. p.
356.
Sunt præter Christum alii mediatores. n. 51.
53. & seqq. p. 355. & 356.
Christus est caput Ecclesiæ hominum, &
Angelorum. d. 9. n. 50. & 52. p. 247.
& d. 15. n. 47. p. 353.
Possitne dici cor & membrum Ecclesiæ. d. 9.
n. 51. p. 248.
Est etiam caput reliquarum creaturarum. n.
54. ibid.
Sed non eodem modo est caput omnium. n.
55. ibid.
Est caput hominum quinque modis. n. 56.
p. 249.
Per quid constituatur formaliter caput Ec-
clesiæ. n. 57. & seqq. ibid.

Meritum Christi.

Christus inadæquatè sumptus non potuit
mereri condignè suam Incarnationem. d.
4. n. 19. p. 109.
Potuitne de congruo. n. 20. ibid.
Potuitne saltem eam mereri quoad executi-
onem. n. 28. p. 112.
Christus potuit condignè mereri Incarna-
tionem alienam. d. 4. n. 36. p. 115.
Potuit etiam mereri Incarnationem suam
secundum quid, & quoad iteratam eius
donationem. n. 38. ibid.
Et quoad continuationem, & extensionem.
n. 39. ibid.
Estque probabile illam meruisse. ibid.
Meruit etiam circumspectas suæ Incarnatio-
nis. n. 40. p. 116.
Varie fuerunt illæ circumspectiæ, & varie
possunt considerari, neque omnes fuerunt
materia meriti. ibid.
Quibus actibus meruerit Christus Beatus Vir-
gini, suisque progenitoribus. n. 77. p. 129.
Quomodo Beata Virgo non fuit principium
meritorum Christi. n. 78. ibid.
Meruitne Christus per gratiarum actionem
beneficia prius collata SS. Patribus. n. 79.
ibid.
Christus apud Deum meruit. d. 11. nu. 54. &
seqq. p. 289.
Non meruit per amorem beatificum, sed per
aliud inferiorem. n. 57. p. 290.
Meruit etiam per alios actus. n. 59. ibid.
Singula Christi merita fuerunt per se infini-

Index rerum præcipuarum.

ti valeris. n. 60. p. 291.
 Non omnia pependerunt à morte consumante. n. 61. ibid.
 Meruit à primo instanti conceptionis vsque ad mortem. n. 63. ibid.
 Non meruit in ipso instanti mortis, neque post. n. 66. p. 292.
 Meruit sibi gloriam corporis, & nominis exaltationem, & dominium creaturarum. n. 70. & 78. p. 293. & 295.
 Non meruit sibi gratiam, & gloriam animæ, potuit tamen mereri. n. 71. p. 293.
 Hæresis Caluini circa meritum Christi. n. 76. p. 295.
 Christus meruit Angelis & hominibus plurima gratiæ beneficia. n. 79. ibid.
 Non propriè redemit Angelos. n. 80. ibid.
 Meruit hominibus remissionem peccatorum, gratiam, & gloriam. n. 82. p. 296.
 Meruit etiam hominibus ipsam destinationem ad vitam æternam. n. 83. ibid.
 Meruit omnia gratiæ beneficia, quæ sequuntur ex illa voluntate. n. 86. p. 297.
 Non meruit tamen omnia penitus beneficia gratiæ. n. 87. ibid.
 Dupliciter nobis applicantur merita Christi. n. 88. ibid.
 Hypostasis Verbi vnita humanitati erat principium morale meritorum Christi. d. 4. n. 28. p. 112.
 Merita Christi erant in se, & ex propria dignitate valoris infiniti. d. 2. n. 61. p. 51. & n. 70. p. 55.
 Infinitas illa vnde petenda. n. 62. & seqq. p. 52.
 Meruitne plus vno actu, quàm alio, vel quàm pluribus. n. 78. p. 57.
 Thesaurus meritorum eius cur infinitus. n. 83. p. 60.
 Meruitne quolibet opere omnia præmia possibili. ibid.
 Siene possibile præmium quod Christus mereri non possit. n. 81 p. 59.

satisfactio Christi.

Christus perfectè, & condignè satisfecit. d. 2. n. 54 p. 49.
 Vndenam valor infinitus satisfactionis Christi. n. 58. p. 50.
 Si per impossibile Christus esset infectus peccato mortali posset condignè pro eo satisfacere. n. 60. p. 51. & n. 69. p. 55.
 Pretium, quo Christus nos redemit, non est aliud, quàm eius meritum, satisfactio, & sacrificium. n. 63. p. 52.
 Valor eius infinitus fuisset, quamuis Christus non cognouisset suam excellentiam. n. 64. ibid.
 Christi satisfactio condigna non impedit quin Deus pœnam à nobis exigat. n. 65. p. 53.
 Satisfecit vt homo Deus. n. 66. ibid.
 Christi satisfactio non tam placuit Deo, quàm sua ipsius essentia. n. 77. p. 57.
 Plurine satisfecit vno actu quàm alio, vel plu-

ribus. n. 78. ibid.
 Satisfactio Christi potest spectari dupliciter in actu primo & secundo. ibid. p. 58.
 Fuit in actu primo & per se quælibet Christi actio valoris infiniti simpliciter. n. 79. ibid.
 Thesaurus satisfactionum Christi quare infinitus. n. 83. p. 60.
 Satisfecit ex iustitia propriè dicta. nu. 87. p. 61.
 Sponsio contulit aliquid satisfactioni Christi. n. 91. p. 63.
 Quomodo satisfecit pro anteris. num. 92. p. 64.
 Satisfactio Christi quomodo fuit ad alterum. n. 93. ibid.
 Fuitne ad alterum etiam in bonis. n. 94. ibid.
 Potueritne Christus pro suis iniuriis satisfacere. n. 95. p. 65.
 Eius satisfactio debebatur ex iustitia. ibid.
 Satisfecit ex iustitia commutatiua. num. 96. ibid.
 Et ex rigore iustitiæ quoad æqualitatem, sed non ex omni alio capite. nu. 98. & seqq. p. 66.

Adoratio Christi.

Humanitas Christi adoratur aliter ac Verbum. d. 9. n. 17. p. 237.
 Christus vt Christus est dignus latria. d. 16. n. 19. p. 365.
 Aliter Christus, & aliter eius humanitas cultu latriæ adoratur. n. 20. ibid.
 Vnio hypostatica sufficit humanitari, vt coadorem cultu latriæ, & coametur super omnia. n. 22. p. 366.
 Possitne sacrificium offerri Christo vt homini. n. 24. ibid.
 Christus propter excellentias creatas, quas habet, est adorabilis cultu hyperdulie. n. 26. ibid. & n. 41. p. 370.
 Inter illas non est censenda vnio hypostatica. n. 28. p. 367.
 Possitne præcindi vnio hypostatica à Verbo in adoratione humanitatis propter illam. n. 29. ibid.
 Humanitas præcisa ab vnione hypostatica potest coli hyperdulia. n. 32. p. 368.
 Quo sensu prohibeatur duplex Christi adoratio. n. 35. p. 369.
 Quo sensu Christus non est separandus à diuinitate. n. 37. ibid.
 Christus in terris viuens honorem aliis deferbat. n. 43. p. 371.
 Crux, & imago Christi quomodo adoranda. n. 59. & 60. p. 374.
 Imago Christi non potest orari, neque potest illi sacrificari. n. 81. p. 380.
 Possitne Christo offerri sacrificium. n. 85. ibid.

Christus in Eucharistia.

Christus celebrauit Eucharistiam ex panis azymo. d. 29. n. 37. p. 643.

Index rerum præcipuarum.

Christus in Eucharistia corpori nostro realiter vnitur. d. 30. n. 22. p. 661.

Non vnitur physicè speciebus. d. 32. n. 38. p. 710.

Non resistit formaliter earum penetrationi. n. 39. ibid.

Potest admitti vnio actiua, qua species apprehendat, & teneat. ibid. *Vide Eucharistia.*

Circumcisio.

Circumcisio ad quid instituta. d. 20. n. 27. p. 468.

Quando paruulos iustificabat. n. 28. ibid.
Non conferebat gratiam ex opere operato. d. 18. n. 45. p. 425.

Circumstantia.

Circumstantiæ Incarnationis multiplices. d. 4. n. 40. p. 116. & n. 54. p. 117.

Ceciderintne sub meritum Christi, vel SS. Patrum, aut B. Virginis. n. 40. & seqq. p. 116.

Cæna.

Quid intelligat Apostolus per cænam Dominicam manducare. d. 40. n. 40. p. 837.

Cæna vltima Christi quo die celebrata. d. 29. n. 34. & seqq. p. 643.

Cognitio, vel Conceptus.

Cognitio potest attingere imperfectè, & inadæquatè rem simplicissimam. d. 17. n. 24. p. 393.

Non est contradictio idem cognosci, & non cognosci secundum quid, consule & expresse. n. 38. p. 398.

Cognitio intuitiua potest esse præcisua. n. 43. p. 400.

Collecta.

Collecta Missæ. d. 40. n. 60. p. 841.

Communicatio.

Communicatio Idiomatum quid sit. d. 8. nu. 18. p. 223.

Radix seu causa illius. n. 19. ibid.

Debet fieri per concreta. n. 20. p. 224.

Tria genera prædicationis in communicatione idiomatum. n. 27. p. 226.

Non quæcunque possunt dici de Christo, possunt dici de Deo per communicationem idiomatum. n. 29. ibid.

In communicatione idiomatum habenda est maxime ratio vniionis hypostaticæ. nu. 30. p. 227.

Propositiones illi repugnantes non sunt admittendæ. n. 32. ibid.

Distinctio prudenter est adhibenda in propositionibus fundatis in communicatione. n. 43. p. 230.

Communia, Vide Eucharistia.

Dispositiones animæ requisitæ ad Communionem. d. 35. n. 1. & seqq. p. 743.

Dispositiones corporis ad eandem requisitæ. n. 57. p. 763.

Communicans debet esse ieiunus. n. 60. pag. 763.

Requiraturne deuotio actualis in communicando. n. 6. p. 745.

Debet reuerenter, & deuotè sumi. n. 11. pag. 746.

Debeatne illi præmitti publica pœnitentia. n. 12. & seqq. p. 746.

Quæ puritas vitæ requiratur ad communionem. n. 27. p. 751.

Duplex præparatio ad communionem. n. 29. p. 753.

De communionem frequenti. n. 67. p. 767.

Sitne abstinendum à communionem propter venialia. n. 31. ibid.

Communionem sub vtraque specie plus gratiæ confert quàm sub vna. d. 34. n. 20. p. 737.

Præceptum communionem. d. 36. n. 1. & seqq. p. 773.

Quosnam obliget, & quo tempore. nu. 3. & 4. p. 774.

Præceptum Ecclesiasticum obligat ad communionem in Paschate. n. 5. ibid.

Teneantur in illo præcepto amentes, & enervumini & possint amentibus dari Eucharistia in articulo mortis. ibid.

Communionem indigna impleatne præceptum ecclesiasticum. n. 6. p. 775.

An violatio præcepti communicandi inducat censuram. n. 7. ibid.

Præceptum communicandi in Paschate quo modo intelligendum, & implendū. n. 8. ib.

Communionem sub vtraque specie non est in præcepto, nisi respectu celebrantium. n. 22. & 23. p. 778.

Vtius communionem sub vna specie fuit tempore Apostolorum, & primis sæculis Ecclesiæ. n. 24. ibid.

Communionem ex præsanctificatis. num. 28. p. 779.

Communionem calicis fuit conuenienter prohibita laicis. n. 30. p. 780.

Causæ iustæ prohibendi. n. 31. ibid.

Liceatne in aliquo casu Calicem sumere laicis. n. 32. ibid.

Soluuntur argumenta hæreticorum contra prohibitionem Calicis. n. 33. ibid.

Conceptus.

Datur communis conceptus formalis sacramentorum. d. 17. n. 1. p. 386.

Datur etiam vnus obiectiuus. n. 2. ibid.

Ille conceptus communis est vniuersalis, & genericus. n. 4. ibid.

In hoc concipiendi modo non est falsitas, sed præcisio. n. 5. p. 387.

Conceptus obiectiuus pro quo supponat. nu. 8. p. 388.

Potest concipi imperfectè, & inadæquatè res simpliciter.

Index rerum præcipuarum.

Simplicissima. n. 24. p. 393.

Quomodo contradictoria cognoscantur vno conceptu vniformi. n. 65. p. 408.

Confessio.

Confessio prærequiritur ad Eucharistiam in reo peccati mortalis. d. 35. n. 2. & 3. p. 744.

Quid si confiteri nequeat, & necessitas communionis instet. n. 3. & 4. *ibid.*

Confirmatio.

Confirmationis Sacramentum quid sit. d. 27. n. 1. p. 590.

Fuit institutum post Christi resurrectionem. n. 2. p. 591.

Probat ex Scriptura, & Patribus. num. 5. & seqq. p. 592.

Respondetur Calvinistarum instantiis. n. 11. p. 593.

Idem, quod fecerunt Apostoli, facit nunc Ecclesia in Confirmatione. n. 12. *ibid.*

Confirmatio infundit nunc Spiritum Sanctum inuisibiliter. n. 13. p. 594.

Vnctio Chrismatica fuit adhibita ab Apostolis in Confirmatione. n. 14. *ibid.* & nu. 27. p. 597.

Chrisma est materia remota Confirmationis: proxima verò est vnctio chrismatica. nu. 17. & 18. p. 595.

Quænam sit eius forma. n. 19. *ibid.*

Varie sententiæ de materia remota Confirmationis. n. 22. p. 596.

Quid sit illi essenziale. n. 26. p. 597.

Quæ mixtio Balsami sufficiat. n. 31. p. 598.

Triplex effectus Confirmationis. n. 33. *ibid.*

Character Confirmationis. *ibid.* p. 599.

Confirmatio dat gratiam per modum corroborationis. n. 34. *ibid.*

Detne maiorem, quàm Baptismus. n. 36. *ibid.*

Non dat per se primam gratiam, sed aliquando per accidens. n. 37. *ibid.*

Quæ dispositio ad aliam requiratur. n. 38. p. 600.

Probabilius est adultos ad illam obligari. nu. 39. *ibid.*

Non potest tonsura initiari, qui non fuit confirmatus. n. 41. *ibid.*

Episcopi tenentur conferte aliquoties hoc sacramentum. *ibid.*

Omnes tam paruuli, quàm adulti sunt illius capaces. n. 42. p. 601.

Minus conuenit recipiente vsu rationis. n. 43. *ibid.*

Minister ordinarius illius est Episcopus. nu. 44. *ibid.*

Potest dari à Presbytero ex cõmissione summi Pontificis. n. 45. p. 602.

Episcopi Confirmantes alienum non sunt irregulares. n. 49. p. 604.

Sufficit ad valorem Sacramenti quòd sit verus Episcopus quoad ordinationem. *ibid.*

Confirmatio debet dari peccatori occulto publicè petenti. d. 37. n. 15. p. 789.

Tom. IV.

Consecratio.

Consecratio Eucharistica quibus verbis fiat? d. 33. n. 1. & seqq. p. 719.

Fuit distincta à benedictione. n. 7. p. 720.

Quo sensu orat Ecclesia post consecrationem, vt fiat corpus Christi. n. 9. *ibid.*

Quæ verba sint ad illam præcisè necessaria? n. 10. p. 721.

Quis sit illorum sensus, & quomodo verificentur. n. 20. p. 723. & n. 31. p. 726.

Possine multiplex consecratio cadere sub eandem formam. n. 40. p. 728.

Quomodo Neomytæ consecrant simul cum Episcopo. n. 41. p. 729.

Contradictio.

Ad vitandam contradictionem sufficit modificatio indistincta. d. 5. n. 96. p. 166.

Quomodo cõtradictoria cognoscantur vno conceptu vniformi. d. 17. n. 65. p. 408.

Contritio.

Contritio non satisfacit æqualiter pro peccato mortali. d. 2. n. 34. p. 42.

Non est forma delens peccata natura sua. n. 36. p. 43.

Minus Deo placet quàm peccatum ei displicet. n. 37. *ibid.*

Quomodo est vicaria sacramenti. d. 20. nu. 44. p. 474.

Periclitè aliquid contritioni per institutionem sacramenti Pœnitentiæ. n. 47. *ibid.*

Quomodo Deus iustificat per contritionem intuitu sacramenti. n. 49. p. 475.

Contritio cur dicatur Baptismus fluminis, & quomodo suppleat defectum sacramenti Baptismi. d. 23. n. 23. p. 548.

Conuersio.

Conuersio propriè quid sit, & quæ ad illam requirantur. d. 31. n. 19. p. 688.

Conuersio Eucharistica quomodo colligitur ex veritate verborum. d. 31. n. 48. p. 695.

Quis sit illius terminus formalis. num. 51. p. 696.

Corpus.

Corpus Christi fuit immediatè vnicum hypostaticè. d. 7. n. 72. p. 213.

Corpus, & anima non fuerunt prius vnita hypostasi Verbi, quàm inter se. nu. 74. p. 214.

Corpus & anima rationalis habent suas partiales subsistentias in totum. 80. p. 216.

Corpus potest supernaturaliter priuari extensione actuali. d. 30. n. 80. p. 678.

Neque propterea amitteret ordinem partium secundum se. n. 81. p. 679.

Possibilis est penetratio corporum supernaturaliter. n. 82. *ibid.*

Corpus Christi quomodo definit esse in Eucharistia. d. 31. n. 49. & 50. p. 696.

FFF

Index rerum præcipuarum.

Quid intelligatur nomine corporis in hac propositione, Hoc est corpus meum, d. 32. n. 5. p. 699. & n. 11. p. 701. & n. 16. p. 703.
Corpus Christi reproducitur in Eucharistia. d. 31. n. 42. p. 694.

Crux.

Crux Christi duplex, vna vera, altera picta, d. 18. n. 59. p. 374.
Posterior magis respectuè adoratur, ibid.
Vtraque cultu sacro digna est, nu. 60. p. 375.
Consignatio crucis in Baptismo, d. 26. n. 14. p. 582.
Multiplex signum crucis in Missa, d. 40. nu. 80. p. 849.

Cultus.

Non omnis cultus à Deo non præceptus est superstitiosus, d. 28. n. 7. p. 680.
Qui cultus à Deo reprehensibilis, d. 26. nu. 24. p. 584.

D.

Defectus.

Quid & quoruplex sit defectus, d. 13. n. 1. p. 306.
Communes corporis defectus fuerunt assumpti à Christo, n. 2. ibid.
Aliter tamen illi, quàm nobis conueniunt, n. 5. p. 307.
Non assumpsit particulares defectus, num. 6. ibid.

Definitio.

Definitio duplex, quid nominis, & quid rei, d. 23. n. 2. p. 542.
Definiuntur res ipsæ non earum nomina, nu. 3. & seqq. ibid.

Defusio.

Res definiunt præcisè per subtractionem influxus causæ conseruantis, d. 31. nu. 17. p. 687.

Deuotio.

Deuotio actualis in communicando non est necessaria ad effectum sacramenti, d. 35. n. 61. p. 745.

Deus.

Deus habet infinitam inclinationem ad se communicandum creaturis, d. 2. nu. 12. p. 36.
Illa inclinatio nullam vim infert Dei voluntati, n. 13. ibid.
Deus non se amat omni modo quantum potest, n. 16. p. 37.
Actus liberi diuinæ voluntatis sunt alii alii

perfectiores, n. 24. p. 38.

Inter actus diuinos est distinctio virtualis & subordinatio, d. 3. n. 3. p. 73.

Ordo prioritatis inter illos est duplex, nu. 4. ibid.

Vnde sumatur ordo causalitatis inter illos, n. 5. ibid.

Natura diuina non habet subsistentiam communem, & absolutam, d. 6. n. 16. p. 179.

Quomodo tres personæ diuinæ sunt hic Deus, n. 18. ibid.

Quo sensu natura diuina præcisè à personis existit per se, n. 20. p. 181.

Natura diuina quamuis simpliciter infinita potest concipi, vt incompleta in ratione subsistentis, n. 21. ibid.

Nomen Deus significat idem, ac habens diuinitatem substantiuè, d. 8. n. 22. p. 224.

Deus non se reflectit infinite supra suas cognitiones, d. 10. n. 24. p. 359.

Quomodo, & cur Deus est multa per rationem, d. 17. n. 15. p. 390.

Distinctio virtualis inter essentiam diuinam, & proprietates relatiuas, d. 17. num. 41. p. 399. & d. 5. n. 37. p. 145.

Deuotio.

Deuotio actualis sine necessaria in communicante ad effectum sacramenti, d. 35. n. 6. p. 745.

Diabolus.

Diaboli exsufflatio in Baptismo, d. 26. n. 12. p. 581.

Eiusdem abrenunciatio, ibid. n. 15. p. 582.

Ecclesia habet potestatem in demones, n. 33. p. 587.

Dier.

Dierum computatio duplex apud Iudæos, d. 29. n. 40. p. 644.

Dispositio.

Dispositio quæ pluribus sacramentis inseruit, minus operatur in singulis, d. 35. n. 24. p. 574.

Distinctio.

Distinctio virtualis inter actus diuinos, d. 3. n. 3. p. 73.

Distinctio rationis factè probatur, d. 17. n. 13. & seqq. p. 390.

Deus est multa per rationem, n. 15. ibid.

Res simplicissima potest cognosci imperfectè, & inadæquatè, n. 24. p. 394.

Distinctio rationis est formaliter in intellectu, & denominatiuè tribuitur obiecto, n. 30. p. 395.

Quomodo attingit diuersas formalitates, nu. 32. p. 396.

Non est tantum penes connotata extrinseca, vel diuersos effectus eiusdem rei, nu. 36. p. 397.

Non est contradictio idem cognosci, & non cognosci secundum quid, confusè, & ex præcisè, n. 38. p. 398.

Datur distinctio rationis inter essentiam, &

Indèx rerum præcipuarum.

Relationes diuinas, n. 41. p. 399. & d. 5. nu. 37. p. 145.

Notitia intuitiua potest esse præcisiua, d. 17. n. 43. p. 400.

Natura communis potest præscindi à singularitate, n. 44. ibid.

Distinctio rationis non affingit rebus diuersitatem, n. 53. p. 403.

Quomodo sint in Deo rationes obiectiue, etiam contingentes, n. 54. & 55. ibid.

Quomodo rationes obiectiue sunt alie aliis priores, n. 59. p. 406.

Ratio entis distinguitur ab inferioribus præcisione non mutua, n. 60. ibid.

Quomodo possit abstrahi communis ratio singularitatis, & contrahi sine processu in infinitum, n. 61. ibid.

Distinctio rationis duplex: præcisiua, & solum determinatiua, n. 62. p. 407.

Distinctio rationum obiectiuarum mutuo præcisarum in quo fundetur, ibid.

Distinctio modalis explicatur, & impugnatur, d. 5. n. 50. & seqq. p. 150.

Dolor.

Dolor dupliciter accipitur, d. 13. nu. 66. p. 322.

Quomodo differt à tristitia, ibid.

Refutatur noua opinio de dolore, & gaudio, n. 67. ibid.

Dolor formalis sitne necessarius ad iustificationem eorum, qui peccarunt mortaliter, d. 22. n. 105. & 106. p. 534.

Dominium.

Dominium iurisdictionis est diuersum à dominio proprietatis, vel utilitatis, d. 15. nu. 41. p. 352.

Dominium eiusdem rei in solidum possitne esse penes duos simul, ibid.

Donum.

Dona Spiritus Sancti fuerunt in Christo, d. 9. n. 35. p. 249.

Dulia.

Dulia, & Hyperdulia quid sit, & quomodo sanctis deferatur, d. 16. n. 11. & seqq. p. 363.

Duratio.

Duratio non distinguitur à re durante, d. 4. n. 56. p. 118. & d. 5. n. 83. p. 161.

E.

Ecclesia.

Ecclesia non habet potestatem instituendi sacramenta, d. 22. n. 14. & 15. p. 512.

Habet potestatem in demones, d. 26. n. 33. p. 587.

Quomodo Ecclesia non potest mutare sub-

stantiam Sacramentorum, d. 19. nu. 46. p. 451.

Ecclesia in qua Missa celebratur non debet esse polluta, d. 40. n. 18. p. 829.

Quid faciendum in casu necessitatis, n. 19. p. 830.

Eni.

Ratio entis distinguitur ab inferioribus præcisione non mutua, d. 17. n. 60. p. 406.

Epif. opus.

Episcopi tenentur conferre aliquoties sacramentum Confirmationis, d. 27. n. 41. p. 600.

Sunt ordinarii illius ministri, n. 44. p. 601.

Episcopi confirmantes alienum non sunt irregulares, n. 50. p. 604.

Valide confirmant, modo sint veri Episcopi quoad ordinationem, licet excommunicati, suspensi, & degradati, ibid.

Error.

Error non fuit in Christo, neque esse potuit, d. 10. n. 4. p. 254.

Ne quidem per sensus errauit, n. 6. ibid.

Eucharistia.

Eucharistia sacramentum habet esse permanent, d. 19. n. 9. p. 439.

Quomodo verba consecrationis sint forma Eucharistia, n. 12. p. 440.

Quomodo in Eucharistia caro Christi est specialiter unificata, d. 21. n. 83. p. 502.

Probat Eucharistiam esse sacramentum, d. 28. n. 1. p. 605.

Multa in ea consideranda sunt, n. 5. p. 606.

In quo consistat essentialiter hoc sacramentum, n. 8. p. 607.

Consecratio non est sacramentum Eucharistia, ibid.

Neque sumptio, & usus, n. 10. ibid. & n. 15. p. 609.

Consistit in cibo, & potu spirituali, nu. 12. p. 608.

Solum corpus & sanguis non sunt integrum sacramentum, n. 20. p. 611.

Neque sola species, n. 21. ibid.

Neque corpus & sanguis cum speciebus sine verbis, n. 23. & seqq. ibid.

Eucharistia est simul sacramentum, & sacrificium diuerso respectu, n. 34. p. 615.

Non significat in recto solum corpus & sanguinem, n. 35. p. 616.

Actio transubstantiatiua non est de ratione intrinseca sacramenti Eucharistia, nu. 38. p. 617.

Eucharistia est plura sacramenta partialia specie diuersa, sed vnum integrum & totale, n. 40. p. 617.

Quomodo est vnum aut multiplex numero, n. 57. p. 622.

Non est necessaria necessitate medijs, sed tantum præcepti, n. 69. p. 625.

FFFF 2

Index rerum præcipuarum.

Sitne necessaria in voto. n. 73. p. 626.
 Quo sensu paruulis sit necessaria iuxta Augustinum. d. 28. n. 80. p. 628.
 Eucharistia est perfectio aliorum sacramentorum. ibid. n. 88. p. 630.

Materia Eucharistiæ.

Panis & vinum sunt materia necessaria Sacramenti Eucharistiæ. d. 29. n. 1. p. 632.
 Sunt tantum materia transiens & ex qua. ib.
 Vna sine altera consecrari licitè nequit. n. 2. ibid.
 Neque potest Ecclesia in eo dispensare. n. 3. p. 633.
 Possint validè. n. 5. ibid.
 Materia consecranda debet esse præsens consecranti. n. 7. p. 634.
 Quæ propinquitat requiratur. n. 8. ibid.
 Debet etiam esse determinata in intentione consecrantis. n. 9. p. 635.
 Non potest vna inter plures indeterminatè consecrari. n. 10. ibid.
 Nec medietas hostiæ indeterminata. nu. 11. ibid.
 Nec aliquot partes proportionales. ibid.
 Nec hostia quam Deus determinabit. n. 12. p. 636.
 Materia quantacunque magnitudinis consecrari potest. n. 17. p. 637.
 Et quantumlibet parua, dummodo sit sensibilis. n. 20. p. 638.
 Particula insensibilis maneatne consecrata. n. 24. p. 639.
 Sitne sacramentum. n. 25. p. 640.
 Species insensibiles fiantne sacramentum, si coeunt in vnum sensibile. n. 26. ibid.
 Panis triticeus solus est materia Eucharistiæ. n. 29. p. 641.
 Siue azymus, siue fermentatus. n. 32. p. 642.
 Græci & Latini tenentur quoad hoc seruari ritum suæ Ecclesiæ, quando in illa celebrant. n. 32. ibid.
 Vnde illa diuersitas inter vtramque Ecclesiam. n. 33. ibid.
 Latina consuetudo est melior Græca. nu. 34. p. 643.
 Christus celebravit ex azymis. n. 37. ibid.
 Non anticipauit diem azymorum. ibid.
 Vinum est materia calicis. n. 47. p. 645.
 Aqua debet illi misceri. n. 48. p. 646.
 Quando, & quantum aquæ miscendum. nu. 50. p. 647.
 Possint in casu necessitatis aliter celebrari. n. 51. ibid.
 Aqua non vertitur in sanguinem nisi prius in vinum versa sit. n. 53. ibid.
 Nec nisi ante formam consecrationis mutata sit in vinum. n. 64. p. 652.

Præsentia Christi realis in Eucharistia.

Error Caluinistarum circa illam. d. 30. nu. 1. p. 654.
 Doctrina catholica de eadem. n. 5. p. 655.
 Primi illius impugnatores Capharnaïtæ. n. 8.

ibid.
 Eorum successores. n. 9. ibid.
 Probatio Catholicæ veritatis ex historia Ecclesiastica. n. 14. p. 657.
 Ex SS. Patribus. n. 15. ibid.
 Ex Scriptura. n. 29. p. 662.
 Christus in Eucharistia corpori nostro realiter vnitur. n. 22. p. 661.
 Mos antiquus adorandi Eucharistiam. n. 23. ibid.
 Christus est simul in pluribus locis propter mysterium Eucharistiæ. n. 24. ibid.
 Seipsum portabat in Eucharistia. num. 43. p. 667.
 Sumitur ab indignè recipientibus. nu. 47. p. 669.
 Consensus Ecclesiæ circa veritatem eucharisticam. n. 48. ibid.
 Miracula ad illam confirmandam olim edita. n. 49. ibid.
 Creditur à Sanctis, impugnatur ab impiis. n. 50. p. 670.
 Cur negetur ab hæreticis. n. 51. ibid.
 Rationes congruæ veritatis Eucharisticæ. n. 53. p. 671.
 Verus sensus horum Christi verborum, Hoc est corpus meum. n. 38. p. 666. & n. 55. p. 671.
 Corpus Christi quo sensu dicatur frangi in Eucharistia. n. 56. p. 672.
 Quæ commemoratio Christi fiat in Eucharistia. n. 57. ibid.
 Sanguis Christi in Eucharistia, quomodo est sanguis noui testamenti, & testamentum. n. 63. p. 674.
 Cur Eucharistia vocetur panis & vinum. nu. 65. ibid.
 Quo sensu Eucharistia est communicatio corporis Christi. n. 66. ibid.
 Quo sensu Patres vocant Eucharistiam signum, & Antitypa. n. 71. p. 676.
 Soluuntur argumenta Caluinistarum ex Scriptura. n. 44. p. 668.
 Et ex Patribus. n. 68. p. 675.
 Et ex rationibus humanis. n. 79. p. 678.

Transsubstantiatio Eucharistica.

Substantia panis, & vini non manet post consecrationem. d. 31. n. 1. p. 683.
 Proprietas verborum formæ id exigit. n. 2. ib.
 Nihil substantiæ panis & vini remanet. nu. 5. p. 685.
 Non vnitur hypostaticè Verbo. n. 6. ibid.
 Non manet materia, quæ informetur anima Christi. n. 7. ibid.
 Neque panis existentia, aut substantia. n. 8. ibid.
 Potuit absolutè manere tota substantia panis & vini. n. 9. ibid.
 Non tamen salua proprietate verborum formæ. n. 10. ibid.
 Panis & vinum non annihilantur. nu. 16. sed conuertuntur in corpus, & sanguinem Christi. n. 18. p. 687.
 Omnia ad conuersionem requisita hic repeti-

Index rerum præcipuarum.

riuntur. n. 24. p. 682.
Non est tantum localis positio. n. 30. p. 690.
Est reproductio corporis Christi. num. 41. &
42. p. 693.
Conuersio Eucharistica quomodo colligitur
ex veritate verborum. n. 48. p. 695.
Quomodo definit corpus Christi esse in Eu-
char. n. 49. p. 696.
Quis sit terminus formalis transubstantia-
tionis Eucharisticæ. n. 51. ibid.

Modus existendi Christi in Eucharistia.

Christus est totus sub qualibet specie. d. 32.
n. 1 p. 698.
Vi verborum corpus est sub specie panis, &
sanguis sub specie vini. n. 3. p. 699.
Quid intelligatur nomine corporis. n. 5. ibid.
Debeatne totum corpus intelligi. num. 16. p.
703.
Et nomine sanguinis totus sanguis. n. 17. ib.
Pater & Spiritus Sanctus sunt in Eucharistia
per concomitantiam. n. 18. p. 704.
Itemque accidentia Christi. n. 19. ibid.
Christus habet multiplicem præsentiam lo-
calem in Eucharistia, & in cælo. n. 24. p.
706.
Præsentia sacramentalis Christi pendet ab
eius præsentia naturali. n. 33. p. 708.
Hæc dependentia est tantum ab institutione
diuina. n. 34. p. 709.
Præsentia Christi ad species non est præsen-
tia ad locum. n. 35. ibid.
Est prior illa. n. 36. ibid.
Non est modus ab eo distinctus. n. 37. ibid.
Non est vnio physica inter corpus Christi, &
species Eucharisticas. n. 38. p. 710.
Potest admitti vnio ætina, qua species ap-
prehendat, & teneat. n. 39. ibid.
Non sustentat ætine species. ibid.
Potest naturaliter moueri cum speciebus. nu.
40. p. 711.
Potest etiam immediatè moueri ab ipsius
anima, vel ab Angelo. ibid.
Non mouetur in hostia circulariter tantum
mota. n. 41. ibid.
Potest obire in Eucharistia omnes operatio-
nes independentes à corpore, non autem
alias. n. 42. ibid.
Non videtur in Eucharistia. n. 45. p. 712.
Apparet interdum extraordinariè, idque
multipliciter. ibid.
Caro apparens in Eucharistia estne vera caro
Christi. n. 46. ibid.
Possitne Christus ibi videri naturaliter. n. 47.
& 48. ibid.

Accidentia Eucharistica.

Accidentia Eucharistica manent sine vlllo
subiecto substantiali. d. 31. n. 55. p. 715.
Quomodo sunt per se. ibid.
Cætera accidentia sintne in quâritate, velut
in subiecto proximo. n. 56. ibid.
Quomodo species eucharisticæ alterent, vol
alterentur. n. 58. p. 716.

Qua virtute reducuntur ad pristinum statum
n. 60. ibid.
Qua vi in illas introducat alia forma sub-
stantialis. ibid.
Sanguis Christi non permiscetur liquori in-
fuso in calicem. n. 61. p. 717.

Forma consecrationis Eucharisticæ.

Quæ sit forma consecrationis panis & vini. d.
33. n. 1. p. 719.
Errores hæreticorum circa illam. n. 5. ibid.
Benedictio fuit distincta à consecratione Eu-
charistica. n. 7. p. 720.
Quo sensu orat Ecclesia post consecratio-
nem, vt fiat corpus Christi. n. 9. p. 721.
Quæ verba sint præcisè necessaria. num. 10.
ibid.
Quid significant pronomina demonstratiua
formæ. n. 20. p. 723.
Verba formæ non efficiunt corpus Christi, vt
vera sunt, sed vt significatiua. n. 23. p. 724.
Veritas formæ consecrationis duplex, practi-
ca, & speculatiua. n. 24. ibid.
Verba consecrationis pronunciantur non so-
lum historicè, verum etiam assertiue. num.
25. p. 725.
Forma consecrationis verificetur pro vltimo
instanti, quo perficitur essentialiter. n. 32.
p. 726.
Grauis difficultas quomodo non sit vltimè
expectandum. n. 33. p. 727.
Pro quo instanti verificetur hæc propositio
Christi, Accipite, & comedite ex hoc. nu.
36. ibid.
Possitne eadem materia per plures formas si-
mul consecrari. n. 40. p. 728.
Ceremonia Neomystrarum consecrantium
cum Episcopo. n. 41. p. 729.
Qualis debeat esse illorum intentio. n. 42. ib.

Effectus Eucharistia.

Eucharistia per se non confert primam gra-
tiam. d. 34. n. 1. p. 732.
Conferatne illam per accidens. n. 4. p. 733.
Quo instanti gratia producat. n. 11. p. 735.
Opereturne successiue quandiu species du-
rant in stomacho, & deuotio susipientis.
n. 12. ibid.
Plusne gratia recipiat qui sub vtraque specie
communicat. n. 20. p. 737.
Gratia per modum nutritionis est primus ef-
fectus Eucharisticæ. n. 29. p. 740.
Secundus effectus gloria æterna. n. 30. ibid.
Tertius effectus remissio peccati. mort. &
venial. n. 31. ibid.
Dupliciter remittit venialia. n. 32. p. 741.
Quartus effectus refectio spiritualis dulcedi-
nis. n. 33. ibid.
Quintus remissio peccati. n. 34. ibid.
Sextus præseruatio à peccatis. n. 35. ibid.
Eucharistia quinque modis præseruat à pec-
catis. ibid.
Alii quatuor effectus ad corpus pertinentes.
n. 36. p. 742.

Index rerum præcipuarum.

Christus vitali modo concurrat in Eucharistia ad eius effectus, [ibid.](#)

Dispositio ad Eucharistiam.

Quæ dispositio requiratur ad effectum Eucharistiae, [d. 3 §. n. 1. p. 743.](#)

Quid faciendum ei qui confiteri nequit aut communionem, [n. 3. p. 744.](#)

Liceatne aliquando sumere Eucharistiam non præmissa confessione, nec contritione de peccato mortali, [ibid.](#)

Peccatum veniale actu commissum in communione impeditne illius effectum, [num. 44. p. 758.](#)

Possitne licite ad Eucharistiam accedi cum conscientia peccati venialis habitualis, aut actualis, [n. 4 §. p. 4 § 9.](#)

Requiraturne deuotio actualis in communicando ad effectum huius Sacramenti, [n. 6. p. 745.](#)

Communicans debet esse ieiunus, [n. 60. pag. 765.](#)

Aliæ dispositiones requisitæ ex parte corporis, [n. 57. p. 763.](#)

Vsus Eucharistiae.

Liceatne sæpius eodem die communicare, [d. 3 §. n. 67. p. 767.](#)

Communio quotidiana est per se licita, [n. 69. ibid.](#)

Communio frequentior est melior per se loquendo, [n. 73. p. 769.](#)

Non potest regula generalis tradi circa frequentiam communionis, [n. 77. p. 770.](#)

Inclinandum est potius in frequentiam, [nu. 79. ibid.](#)

Non est expectanda perfecta vitæ puritas, [n. 80. p. 771.](#)

Non desistendum à frequenti communione propter aliqua venialia, [n. 84. ibid.](#)

Quotidiana, aut frequens communio quibus consulenda, [n. 85.](#)

Quibusdam permittenda, [n. 87.](#)

Non nimis diu differenda, [n. 88.](#)

Præceptum communicandi.

Vsus Eucharistiae est in præcepto, [d. 36. n. 1. p. 773.](#)

Infideles etiam tenentur præcepto communionis, [n. 3. p. 774.](#)

Quo tempore obliget diuinum præceptum communicandi, [n. 4. ibid.](#)

Ex præcepto Ecclesiastico tenentur fideles communicare in Paschate, [n. 5. ibid.](#)

Teneantur illo præcepto amentes, & energumeni, [ibid.](#)

Possint, aut debeat amentibus dari Eucharistia in articulo mortis, [ibid.](#)

Satisne fiat præcepto ecclesiastico per communionem indignam, [n. 6. p. 775.](#)

Vtrum violatio huius præcepti inducat censuram, [n. 7. ibid.](#)

Quomodo sit intelligendum præceptum com-

municandi in [Paschate, n. 8. ibid.](#)

Qui præuidet fore, vt postea communicare non possit, tenetur præuenire Pascha, [n. 11. p. 776.](#)

Teneantur qui præuenit, communicare iterum in Paschate si possit, [n. 12. ibid.](#)

Qui non communicauit in Paschate, tenetur postea eodem anno communicare [nu. 16. p. 777.](#)

An qui post duos annos communicat in Paschate, satisfaciat pro utroque anno, [nu. 20. ibid.](#)

Communio sub vtraque specie est in præcepto respectu celebrantium, [n. 22. p. 778.](#)

Non est præcepta laicis, [n. 23. ibid.](#)

Communio sub vna specie fuit in vsu tempore Apostolorum, & primis sæculis Ecclesie, [n. 24. & seqq. ibid.](#)

Communio Calicis fuit conuenienter prohibita laicis, [n. 30. p. 780.](#)

Causæ iustæ prohibendi, [n. 31. ibid.](#)

Liceatne in aliquo casu licem sumere laicis, [n. 32. ibid.](#)

Minister & subiectum sacramenti Eucharistiae.

Liceatne dare Eucharistiam peccatoribus publicis, vel occultis, [d. 37. n. 1. p. 786.](#)

Liceatne ad dissimulandum, dare illis hostiam non consecratam, [n. 12. p. 788.](#)

Solus Sacerdos potest efficere Sacramentum Eucharistiae, [n. 18. p. 790.](#)

Error Lutheri contrarius refutatur, [n. 20. ibid.](#)

Locus Tertulliani obscurus explicatur, [n. 21. p. 791.](#)

Diaconi nunquam consecrarunt Eucharistiam, neque laici, [n. 23. & 24. p. 792.](#)

Pœminæ non administrarunt Eucharistiam, [n. 26. p. 793.](#)

Sacerdotes habent aliam potestatem consecrandi, quàm ipsam potestatem Dei, [n. 21. p. 795.](#)

Quid, & qualis sit illa potestas, [n. 32. ibid.](#)

Diaconi possunt dare communionem eucharisticam, [n. 33. ibid.](#)

Possintne idem alii Diaconis inferiores, [ibid.](#)

Eucharistiae sacrificium.

Celebratio Eucharistiae est verum sacrificium, [d. 38. n. 30. p. 804.](#)

Est simul sacramentum, & sacrificium, [n. 36. p. 805.](#)

Cur Paulus ad Hebræos non loquitur de hoc sacrificio, [n. 39. p. 807.](#)

Subordinatur sacrificio Crucis, [n. 40. ibid.](#)

Christus in illo offertur velut eius materia, [n. 41. ibid.](#)

Quomodo species pertineant ad sacrificium, & rem oblatam, [n. 42. p. 808.](#)

Forma huius sacrificii est consecratio, [nu. 43. ibid.](#)

Possint sub vnica specie sacrificari, [nu. 47. p. 809.](#)

Species, quæ simul consecrantur faciunt vnicum sacrificium, [n. 49. p. 810.](#)

Index rerum præcipuarum.

Refellitur sententia affirmans panem, & vinum offerri. n. 50. ibid.
 An species simul offerantur cum Christo. n. 51. p. 810.
 Actio sacrificandi quænam sit. n. 57. & seqq. p. 812.
 Non sacrificatur in die Parasceues. n. 67. p. 814.
 Sacrificium Eucharistiæ est propitiatorium, d. 39. n. 1. p. 815.
 Valet infallibiliter ad remissionem peccati. n. 3. p. 816.
 Ad remissionem culpæ valet tantum medi-
 atè, & non infallibiliter. n. 4. ibid.
 Quomodo valeat ad impetrandam gratiam
 sanctificantem, & auxiliantem, aliaque
 bona. n. 5. ibid.
 Opereturne ex opere operato. n. 6. p. 817.
 Differatne virtus huius sacrificii ad Deum
 placandum, à virtute impetrandi auxilia
 ad contritionem. n. 7. ibid.
 Sacrificium Eucharistiæ æquè prodest pluri-
 bus quoad generalem intentionem. n. 11. p. 818.
 Valor huius sacrificii est infinitus extensivè,
 sed non intensivè. n. 12. p. 818.
 Non æquè prodest pluribus, quoad privatum
 intentionem sacerdotis. n. 14. p. 819.
 Christus est principalis offerens, sed non im-
 mediatè sacrificat. n. 16. p. 820.
 Omnes quodammodo offerunt cum sacer-
 dote. n. 17. ibid.
 Bonitas ministri non augeat valorem sacrifi-
 cii ex opere operato, neque malitia mi-
 nuit. n. 18. ibid.
 Potest offerri pro omnibus, etiam pro Infi-
 delibus. n. 19. ibid.
 Quo sensu prohibeat Ecclesia offerre pro in-
 fidelibus, & pro excommunicatis. n. 20. p. 821.
 Potest offerri pro defunctis, æquè etiam a-
 liquo modo pro sanctis. n. 21. & 22. ibid.
 Quatenus impetratorium prodesse potest
 existentibus in peccato mortali. n. 23. ibid.
 Non prærequirit actualem devotionem, ut
 profit illi pro quo offertur. n. 25. p. 822.
 Ne consensus quidem virtualis requiritur. n. 27. ibid.
 Melior tamen dispositio confert ad maio-
 rem, aut faciliorem effectum. n. 28. ibid.
 Ut propitiatorium est, non remittit peccatum,
 nisi de præsentis debitum pro culpa dimi-
 tta. n. 33. p. 823.
 Applicatio sacerdotis debet fieri ante sacrifi-
 cium. n. 34. ibid.
 Liceatne quotidie celebrare, aut sæpius in
 die. d. 40. n. 1. & seqq. p. 825.
 Qua hora celebrandum. n. 15. & 16. p. 829.
 Si ne necessarium prius recitare officium,
 ibid.
 Quo loco celebrare liceat. n. 17. ibid.
 Non licet celebrare sine vestibus sacri-
 20. p. 830.
 An, & quomodo liceat accipere

pro celebratione Missæ. n. 21. p. 831.
 Liceatne Missas privatas celebrare. n. 25. p. 832.
 Illicitum est celebrare sine ministro. n. 32. p. 834.
 Fœmina non potest ministrare. n. 35. p. 835.
 Cerimonie Missæ triplices. n. 44. p. 838.
 Cerimonie Missæ consistentes in rebus. n. 45. & seqq. ibid.
 Cerimonie quæ consistunt in verbis. n. 60. p. 841.
 Cur non celebretur lingua vulgari. n. 63. p. 843.
 Cur aliqua dicantur secretò in Missa. n. 66. p. 845.
 Descenditur canon Missæ contra obiectiones
 hæreticorum. n. 68. & seqq. p. 846.
 Cerimonie Missæ quæ consistunt in actione,
n. 77. p. 848.
 An, & quomodo providit Ecclesia defecti-
 bus occurrentibus in celebratione Missæ.
n. 93. & seqq. p. 853.
 An, & quomodo teneantur fideles assistere
 Missæ sacrificio. n. 104. p. 856.
 Quæ causæ excusent ab hoc præcepto. n. 107. & 108. ibid.
 Qui non obligentur. n. 109. p. 857.
 Teneanturne fideles audire in propria parœ-
 cia. n. 110. ibid.
 Quæ præsentia requiratur. n. 117. p. 860.
 Quæ attentio, & devotio. n. 118. ibid.
 Liceatne assistere Missæ sacrificio cum con-
 scientia peccati mortalis. n. 119. ibid.
 Permitterebaturne olim peccatoribus, aut
 energumenis illi assistere. n. 125. p. 862.
 Excldebantur publici peccatores. n. 126. p. 863.

Eutyches.

Hæresis Eutychetis circa Incarnationem, d.
1. nu. 28. p. 142.

Existentia.

Res non possunt existere formaliter per ali-
 quid à se distinctum. d. 5. n. 4. p. 144.

Exorcismus.

Exorcismus, & exussatio Dæmonis ante
 Baptisum. d. 26. n. 12. p. 581.
 Virtus exorcismorum. d. 26. n. 32. p. 587.

Extensio.

Extensio non distinguitur à re extensa. d. 5. n. 56. p. 152.

Extrema-unctio.

Debet dari peccatori occulto publicè peten-
 ti. d. 37. n. 15. p. 789.

F.

Fides.

Fides non manet in d. 9. n. 27. p. 207.
 Ffff 4

Index rerum præcipuarum.

Non fuit in Christo. *ibid.*

Fuit tamen in illo pius affectus voluntatis erga res fidei, eiusque honestatem. *n. 28. ibid.*

Fides Ministri non est necessaria ad valorem sacramenti, neque bonitas. *d. 22. n. 61.*

& seqq. *p. 524.*

Actus fidei est adultis necessarius ut licite, & cum fructu baptizentur. *d. 24. n. 25. p. 558.*

Figura.

Figura non distinguitur à re figurata. *d. 5. num. 59. p. 153.*

Felix.

Felix, & Elipandus quare damnati in Concilio Francfordiensi. *d. 14. n. 22. p. 331.*

Femina.

Feminae nunquam administrarunt Eucharistiam. *d. 37. n. 26. p. 793.*

Non possunt ministrare sacrificio Missæ. *d. 40. n. 35. p. 835.*

Fomes.

Fomes peccati non fuit in Christo. *d. 11. n. 3. p. 275. & d. 13. n. 53. p. 319.*

Quid, & quoruplex sit fomes peccati. *d. 13. n. 53. p. 319.*

Non potuit esse in Christo ne quidem habitualis. *n. 56. p. 320.*

Fomes peccati non est nobis naturalis. *n. 57. ibid.*

Forma.

Formæ materiales non potuerunt assumi hypostaticè. *d. 7. n. 11. p. 193.*

Forma sacramenti sumitur interdum à SS. Patribus pro cerimonia accidentali. *d. 24. n. 20. p. 557. Vide Sacramentum.*

Dantur in homine formæ parciales. *d. 32. n. 21. & seqq. p. 705.*

Forma consecrationis Eucharistiæ. *Vide Eucharistia.*

Futura.

Noueritne Christus omnia futura. *d. 10. n. 17. p. 257.*

Futura sunt infinita. *n. 18. ibid.*

Aliud est futurum esse, aliud veritas futuri-
tionis. *d. 22. n. 60. p. 523.*

G.

Gaudium.

Gaudium quid sit. *d. 13. n. 67. p. 322.*

Quomodo potuit gaudium beatificum esse in Christo cum summa tristitia. *d. 13. n. 10. p. 277.*

Generatio.

Quid producat in generatione hominis.

d. 5. n. 95. p. 166.

Quo sensu generatio vnius est corruptio al-
terius. *d. 32. n. 22. p. 705.*

Genuflexio.

Genuflexio in oratione, & celebratione
Missæ. *d. 40. n. 78. p. 848.*

Godefridus à Valle.

Factus est ex Calvinista atheus. *d. 30. n. 51. p. 671.*

Parisiis combustus. *ibid.*

Gratia.

Gratia habitualis non præcessit necessariò
unionem hypostaticam. *d. 4. n. 7. & seqq. p. 105.*

Potuit tamen præcedere, & probabile est
præcessisse. *n. 10. p. 105.*

Quomodo gratia habitualis constituit filium
adoptiuum. *n. 14. p. 107.*

Gratia creata non fuit Christo necessaria ut
esset Deo gratus. *d. 9. n. 2. p. 233.*

Duplex indigentia gratiæ. *n. 1. ibid.*

Gratia inherens Angelo non sanctificaret
aliud sibi unitum. *n. 9. p. 235.*

Fueritne in Christo gratia creata habitualis.
n. 18. p. 238.

Sitne de fide quòd illam habuerit. *n. 22. p. 239.*

Sitne de fide infundi iustis. *n. 24. p. 240.*

Gratiæ gratis datæ fuerunt in Christo, idque
valde conuenienter. *n. 32. & 40. p. 244.*

Gratia Christi non fuit infinita simpliciter.
n. 41. p. 245.

Fuit illi infusa primo instanti conceptionis.
n. 47. p. 246.

Non est impossibilis gratia infinita. *n. 46. ibid.*

Gratia præueniens non fuit Christo necessa-
ria. *n. 48. p. 247.*

Gratia sacramentalis quomodo differt à non
sacramentali. *d. 21. n. 18. p. 481.*

Simul cum ea infunduntur virtutes, sed non
semper pari gradu. *n. 23. p. 482.*

Non confertur æqualiter ab omnibus sacra-
mentis, vel omnibus recipientibus. *n. 27. p. 484.*

Quo instanti detur per sacramenta. *n. 35. p. 486.*

Gratia prima non confertur ab Eucharistia
per se. *d. 34. n. 2. p. 732.*

Conferaturne per accideus. *n. 4. & seqq. p. 733.*

H.

Hæresis.

Potueritne Christus decerni primò propter
peccata hæresis circa decretum Incarnati-
onis. *d. 3. n. 89. p. 101.*

Hebdomada.

Nomen hebdomadis quomodo sumitur in

Index rerum præcipuarum.

Scriptura. d. [1. n. 66. p. 27.](#)

Honor.

Honor tribuitur non solum personis, sed etiã rebus aliis : neque personæ semper honoratur per se formaliter. d. [16. n. 17. p. 364.](#)

Humilitas.

Humilitas Christi in Incarnatione. d. [3. nu. 50. p. 88.](#) & n. [60. p. 93.](#)
Fueritne Verbum in illa humiliatum. *ibid.*

Humana natura.

Cur potius assumpta quàm Angelica. d. [2. n. 5. p. 34.](#)
Quo sensu dicant Patres humanitatem fuisse ipsã assumptione creatam. d. [1. n. 6. p. 134.](#)
Humanitas non pendet ab hypostasi Verbi in existendo, sed in subsistendo. [n. 2. p. 136.](#)
Humanitas non est terminus formalis Incarnationis. [n. 13. p. 137.](#)
Neque etiam terminus à quo. [n. 17. p. 138.](#)
Partes humanitatis sunt duplices. d. [7. n. 48. p. 207.](#)
Fuerunt omnes assumptæ à Verbo. *ibid.* & [n. 50.](#)
Quædam sunt in corpore humano merè asciticia. [n. 49. ibid.](#)
Humanitas non fuit prius assumpta, quàm eius partes. [n. 79. p. 215.](#)
Neque vnita Verbo alia vnione quàm partium ipsarum. [n. 83. p. 216.](#)
Humanitas Christi non est vbique. d. [13. n. 9. & 10. p. 308.](#)
Quomodo est adoranda. d. [16. n. 19. p. 365.](#)
Non amatur à Deo essentialiter, & necessariò. [n. 23. p. 366.](#)
Non erat causa physica omnium miraculorum. d. [21. n. 76. p. 499.](#)
Cur iuxta D. Thomam non potuit esse instrumentum creationis, vel annihilationis. [n. 80. p. 501.](#)

Humniades.

Humniades Rex Transilvaniæ ex Calvinista Antitrinitarius. d. [30. n. 52. p. 670.](#)

Hypostasis.

Hypostasis Verbi vnita humanitati erat principium morale meritorum Christi. d. [4. n. 28. p. 112.](#)

Vide Incarnatio, & Unio hypostatica.

I.

Idioma.

Idiomatum communicatio quid sit, & quomodo fiat. d. [8. n. 18. & seqq. p. 223.](#)

Vide Communicatio idiomatum.

Ieiunium.

Communicans debet esse ieiunus. d. [35. n. 60. p. 765.](#)
Quod ieiunium requiratur ante communionem. *ibid.* [n. 63.](#)

Ignorantia.

Ignorantia non fuit in Christo. d. [13. n. 11. & seqq. p. 309.](#)
Nequidem per sensus ipsos errauit. [n. 15. p. 310.](#)

Imago.

Imagines Christi & SS. sunt cultu sacro dignæ. d. [16. n. 60. p. 375.](#)
Duobus modis adorari possunt. [n. 61. ibid.](#)
Coluntur interdum eodem cultu quo prototypum, interdum non. [n. 62. & 63. ibid.](#)
Concilium Nicænum agnoscit duplicem adorationem imaginum. [n. 76. p. 379.](#)
Idemque faciunt SS. Patres. [n. 77. ibid.](#)
Imago Christi non potest orari, neque potest illi sacrificari. [n. 81. p. 380.](#)
Orationes Ecclesiæ directæ ad imagines sunt figuratè accipiendæ. [n. 84. ibid.](#)

Incarnatio.

Est unio Verbi cum natura humana. d. [1. n. 1. p. 5.](#)
Facta est per substantialem unionem in hypostasi Verbi. [n. 2. & 3. ibid.](#)
Variè appellatur à SS. Patribus. [n. 4. ibid.](#)
Quomodo est Verbi propria. [n. 5. p. 6.](#)
Quomodo potuit uniri hypostasis immédiate, non essentialiter. [n. 6. ibid.](#)
Non potest cognosci naturaliter esse possibile. [n. 11. & 12. p. 7.](#)
Ac neque postquam facta est. [n. 17. p. 9.](#)
Quomodo lateret Angelos. [n. 18. ibid.](#)
Supposita reuelatione possumus naturaliter assentiri huic mysterio, & aliquas rationes afferre ad probandum esse possibile. [n. 19. ibid.](#)
Expenduntur huiusmodi rationes. [n. 20. p. 10.](#)
Argumenta Infidelium contra illam solui possunt à Theologo. [n. 21. ibid.](#)
Difficultates naturales circa possibilitatem Incarnationis. [n. 22. & seqq. ibid.](#)
Quomodo probanda contra atheos & Ethnicos. [n. 44. p. 18.](#)
Contra Iudæos. [n. 47. p. 19.](#)
Contra hæreticos. [n. 78. p. 31.](#)

Incarnationis convenientia, vel necessitas.

Incarnatio fuit conueniens multis de causis. d. [2. n. 1. & seqq. p. 33.](#)
Multa huiusmodi causa fuerunt independentes à peccato. [n. 7. p. 34.](#)

Index rerum præcipuarum.

Fuit conuenienter facta in natura humana potius quàm Angelica. n. 5. ibid.
 Et cum Verbo potius quàm cum aliis personis diuinis. n. 8. p. 35.
 Conuenientia Incarnationis quoad modum quo facta est. d. 3. n. 48. p. 87.
 Non fuit necessaria absolute. d. 2. n. 10. p. 35.
 Neque ex hypothesi creationis mundi. d. 2. n. 18. p. 37.
 Neque etiam ex hypothesi lapsus hominis in peccatum. n. 19. ibid.
 Fuit tamen necessaria ex suppositione quòd Deus condignam satisfactionem pro peccato mortali exigere voluerit. n. 27. p. 39.

*Motuum, seu finis, & aliæ causæ
 Incarnationis.*

Incarnatio potuit decerni multis de causis. d. 3. n. 1. p. 72.
 Prima eius causa, vel sola non fuit peccatū, & redemptio. n. 9. & seqq. p. 75.
 Fuit per se primò expetita. n. 10. ibid.
 Ordo signorum rationis in decreto Incarnationis. n. 25. p. 79.
 Soluuntur argumenta contrariæ sententiæ ex Scriptura & Patribus. n. 35. p. 83.
 Soluuntur eiusdem rationes. n. 41. p. 85.
 Decretum Incarnationis quomodo fuit propter Ecclesiam, & ex amore hominum. n. 54. p. 90.
 Media sententia Suarez de motiuo Incarnationis reiecitur. n. 66. p. 96.
 Fueritne Incarnatio decreta prius, aut principalius ob peccatum originale, quàm propter actuale. n. 68. p. 96.
 Deus solus potuit efficere physicè Incarnationem. d. 4. n. 1. p. 103.
 Concurreritne physicè instrumentaliter B. Virgo ad vnionem hypostaticam. n. 2. p. 104.
 Perfecta dispositio ex parte corporis præcessit Incarnationem. n. 4. p. 105.
 Non præcessit dispositio physicè exigens Incarnationem. n. 6. ibid.
 Non præcessit etiam necessariò gratia habitualis. n. 7. ibid.
 Probabile est præcessisse. n. 10. p. 106.
 Unio hypostatica non debuit necessariò præire gratiæ infusioni. n. 11. ibid.
 Neque habuit eandem prioritatem naturæ, quàm propria subsistentia. n. 12. p. 107.
 Ceciditne Incarnatio sub meritum Christi, vel aliorum. n. 18. p. 109.
 Christus adæquatè sumptus non potuit eam mereri condignè. n. 19. ibid.
 Neque de congruo illam meruit. n. 20. & seqq. ibid.
 Potuit tamen mereri non quoad substantiā, sed quoad circumstantias. ibid.
 Non potuit mereri suam incarnationem simpliciter. n. 28. p. 112.
 Non modò quoad prædestinationem, verum etiam quoad executionem. n. 29. ibid.
 Potuit eam mereri secundum quid, nu. 38. p. 115.

Potuit mereri condignè alienam. n. 36. ibid.
 Meruit condignè circumstantias Incarnationis. n. 40. & seqq. p. 116.
 SS. Patres non meruerunt, neque mereri potuerunt Incarnationem. n. 50. p. 115.
 Meruerunt tamen aliquas circumstantias, sed non omnes. n. 51. p. 116.
 Meruerintne prædestinationem circumstantiarum. n. 52. p. 119.
 Meruitne B. Virgo Incarnationem, aut circumstantiam maternitatis. n. 62. p. 120.

Quomodo facta Incarnatio.

Facta est per veram actionē. d. 5. n. 1. p. 132.
 Hæc actio formaliter est vnio Verbi cum humanitate. n. 2. ibid.
 Nō fuit productiua humanitatis. n. 3. p. 133.
 Quo sensu dicant Patres humanitatem fuisse ipsā assumptione creatam. n. 6. p. 134.
 Terminus formalis Incarnationis, est vnio hypostatica, non autem humanitas. n. 12. & 13. p. 137.
 Quis sit illius terminus à quo. n. 17. p. 138.
 Unio hypostatica facta est immediatè in hypostasi Verbi, non in natura diuina. n. 21. p. 139.
 Non est facta cum subsistentia naturæ humanæ. n. 25. p. 141.
 Refutantur contrariæ hæreses Nestoriz, & Eutychetis. n. 26. ibid.
 Unio hypostatica non est facta in subsistentia diuina comuni, & essentiali, vel absolute, vel vt modificata. n. 32. p. 143.
 Verbum non fuit adæquatè vnium immediatè naturæ humanæ. n. 46. p. 148.
 Fuit tamen adæquatè vnium mediatè, vel immediatè. n. 48. p. 149.

Inclinatio.

Inclinatio non est formaliter cognitio. d. 2. n. 15. p. 36.
 Inclinatio Dei ad se communicandum nullam ei affert necessitatem. n. 13. ibid.

Individuum.

Ratio communis individui potest abstrahi, & contrahi sine processu in infinitum. d. 17. n. 61. p. 406.
 Termini illi Individuum, Intelligibile, Ens, Substantia, &c. non exprimunt quidquid res est. n. 66. p. 409.

Infantes.

Medium iustificandi infantes in lege naturæ. d. 20. n. 8. p. 462. & n. 17. p. 465.
 Error quorundam quòd nunc possint saluari sine baptismo in fide parentū. n. 20. p. 466.
 Quomodo per circumcisionem, vel aliud medium iustificabantur in lege Mosaica. n. 21. ibid.
 Infantes, dum baptizantur, habere vsum rationis finxit Lutherus. d. 21. n. 12. p. 479.

Index rerum præcipuarum.

Infantes baptizantur validè, d. 24. n. 21. p. 557.
 Error hæreticorum infantes fidelium saluari
 sine baptismo, n. 47. p. 564.
 Error Caietani saluari posse per votum bap-
 tismi parentum, n. 49. ibid.
 Possintne filii Infidelium baptizari sine con-
 sensu parentum, n. 31. p. 560.
 Valeatne baptismus sine illo consensu, n. 38.
 p. 562.
 Infantes sunt capaces sacramenti Confirma-
 tionis, d. 27. n. 42. p. 601.
 Minus tamen convenit illis dari ante usum
 rationis, n. 43. ibid.
 Salvantur per baptismum sine Eucharistia,
 d. 28. n. 59. p. 628.
 Quomodo illis necessaria Eucharistia ex mē-
 te D. Augustini, ibid. n. 58.

Infideles.

Tenantur præcepto communionis, d. 36. n.
 3. p. 774.
 Eorum filii possintne baptizari licitè, aut va-
 lidè, sine ipsorum consensu, d. 24. n. 31.
 & seqq. p. 560.

Innocentia.

In statu innocentie fuerintne aliqua sacra-
 menta, d. 20. n. 4. p. 460.
 Fuissentne si diutius ille durasset, n. 6. p. 461

Institutio.

Institutio, & impositio ad quid valeat, d. 18
 n. 55. p. 430.

Intelligibile.

Quis conceptus respondeat huic termino,
 Intelligibile, d. 17. n. 64. p. 408.

Intentio.

Quomodo de intentione iudicandum sit ex
 executione, d. 3. n. 48. p. 87.
 Intentio ministri sitne intrinseca sacramen-
 to, d. 19. n. 31. p. 446.
 Pendeatne ab illa mutatio materiz, vel for-
 mæ sacramenti, n. 54. p. 454.
 Quid si intendat inducere errorem, n. 57. p.
 455.
 Aut hæresim suam significare per formam
 sacramenti, n. 59. ibid.
 Intentio ministri est necessaria ad valorem
 sacramenti, d. 22. n. 25. p. 515.
 Non sufficit intentio faciendi actum exter-
 num, n. 28. p. 516.
 Intentio necessaria facillimè habetur, n. 35.
 p. 517.
 Sufficit confusa, & virtualis, n. 38. & seqq.
 p. 518. & n. 50. p. 520.
 Quomodo manet intentio virtualiter, n. 40.
 p. 518.
 Virtualis intentio est duplex, n. 39. ibid.
 Habitualis non sufficit, & quid illa sit, n. 41.
 ibid.
 Neq; remota, & interpretatiua, n. 42. p. 519
 Quamvis sufficiat recipienti sacramentum,

n. 44. ibid.

Atque etiam ut profit alicui sacrificium, n.
 45. ibid.

Quis sit sensus huius propositionis, Altera
 intentio, virtualis scilicet, aut actualis est
 necessaria, n. 51. p. 521.

Intentio ministri sacramentorum debet esse
 determinata, n. 54. p. 522.

Error in eius intentione circa essentialia irri-
 rat sacramentum, secus autem circa acci-
 dentalia, n. 54. & 55. ibid.

Quid si habeat contrarias intentiones qua-
 rum una repugnet valori sacramenti, n. 56.
 ibid.

Intentio conditionata non sufficit, nisi sta-
 tim transeat in absolutam, n. 58. p. 523.

Intentio est necessaria adultis, ut validè bap-
 tizentur, d. 24. n. 23. p. 558.

Index, & Iudicium.

Christus ut homo est iudex vivorum, & mor-
 tuorum, d. 15. n. 46. p. 353.

Dies iudicii erat illi notus, d. 10. n. 19. p.
 257.

Iustificatio.

De fide est iustificatis infundi habitum cha-
 ritatis, etiam adultis, d. 9. n. 24. p. 240.

Ad iustificationem sufficit attritio cum sa-
 cramento Baptismi, vel Pœnitentiz, d.
 22. n. 101. p. 533.

Sine dolor formalis necessarius necessitate
 medii ad iustificationem respectu eorum
 qui peccarunt mortaliter, n. 105. p. 534.

An talem requiratur ex necessitate præcep-
 ti, n. 106. ibid.

Sufficiatne attritio cum aliis sacramentis, n.
 107. p. 535.

Iustitia.

Conditiones requisitæ ad actum iustitiæ, d.
 2. n. 87. p. 61.

Nulla earum defuit satisfactioni Christi, ibi.
 Iustitia commutativa est in Deo, n. 96. p. 65.

Conditiones requisitæ ad satisfaciendum ex
 rigore iustitiæ, n. 99. p. 66.

Satisceatne Christus cum illo rigore, n. 98.
 & seqq. ibid.

L.

Lxx.

In lege Mosaica fuerunt aliqua Sacramenta,
 d. 20. n. 14. p. 463.

Non fuerunt efficacia gratiæ, n. 25. p. 467.
 Christus fuit legislator, d. 15. n. 45. p. 353.

Libertas.

Libertas fuit in Christi voluntate creata, d.
 11. n. 17. p. 279.

Quomodo fuit liber circa præcepta, n. 28.
 p. 283.

Quæ necessitas ex suppositione tollit liber-

Index rerum præcipuarum.

tatem, & quæ non. n. 30. p. 284.
 Quænam indifferentia requiratur ad laudem
 & meritum. n. 36. p. 285.
 Causa libera potest operari cum primùm est.
 n. 64. p. 292.
 An Christus cognoscat in Verbo suos actus
 liberos. d. 10. n. 31. p. 260.

Locus.

Quod est simul in pluribus locis nō propte-
 rea separatur à seipso. d. 30. n. 87. p. 681.
 Christus habet multiplicem præsentiam lo-
 calem. d. 32. n. 24. p. 706.
 Christum fuisse simul in pluribus locis pro-
 batur ex Scriptura. n. 28. p. 707.
 Probatum exemplo animæ rationalis posse i-
 dem corpus simul esse in pluribus locis. n.
 30. ibid.

M.

Machabæi.

Machabæi fuerunt de tribu Juda ex parte
 matris. d. 1. n. 49. p. 20.

Manichæi.

Manichæi ut se Catholicos simularent com-
 municabant sub sola specie panis. d. 36.
 n. 27. p. 779.
 Abhorrebant vinum tanquam à Dæmone
 factum. n. 43. p. 784.

Manus.

Manus impositio fuit multiplex in primitiua
 Ecclesia. d. 27. n. 15. p. 594.
 Eleuatio manuum inter orandum, & sacri-
 ficandum. d. 40. n. 78. p. 848.

Maria Virgo.

Non concurrit physicè instrumentaliter ad
 vnionem hypostaticam. d. 4. n. 2. & 3.
 p. 104.
 Meruitne Incarnationem, aut eius circum-
 stantias. n. 62. p. 120.
 Mariæ cultus damnatus ab Epiphanio quon-
 iam esset. d. 16. n. 59. p. 374.
 An, & quomodo meruit, ut esset mater Dei.
 d. 4. n. 62. & seqq. p. 120.
 Quomodo merita B. Virginis supponunt
 Christum. n. 76. p. 122.
 Quomodo B. Virgo non fuit principium me-
 ritorum Christi. n. 78. ibid.
 Maternitas B. Virginis est maximæ dignita-
 tis. n. 68. p. 121.

Martyr, & martyrium.

Martyrium non est sacramentum. d. 18. n.
 46. p. 425.
 Non est causa instrumentalis gratiæ. n. 47.
 p. 426.
 Cur dicatur baptisimus sanguinis, & quomo-
 do suppleat Baptismi defectum. d. 23. n.

23. p. 548.

Quæ requirantur in adultis ad martyrium. n.
 26. p. 549.
 Requiraturne actus charitatis. ibid.
 Quo instanti det gratiam. n. 33. p. 550.
 Possitne Martyr seipsum sacrificare, morti
 suæ cooperando. d. 38. n. 29. p. 804.

Materia.

Materia quomodo viuificatur per formam.
 d. 8. n. 3. p. 219.
 Quomodo anima rationalis dat materiæ esse
 corpus. ibid.

Matrimonium.

Sacramentum Matrimonii quomodo consistit
 in rebus, & verbis ut materia & forma. d.
 19. n. 6. p. 438.
 Quomodo Ecclesia irritans cōtractum clau-
 destinum non mutauit materiam Sacra-
 menti Matrimonii. n. 46. p. 451.
 Matrimonium per procuratores valide con-
 trahi potest coniugibus dormientibus, aut
 ebriis. d. 22. n. 46. p. 520.
 Quid si alter coniugum priuatur vsu rationis
 ante cōtractum vtrinque perfectum. nu.
 47. ibid.
 Debeatne Parochus assistere matrimonio si
 nouit impedimentum occultum. d. 37. nu.
 16. p. 789.
 Possitne licitè contrahi cum peccatore, vel
 hæretico, vel excommunicato. n. 17. ibid.

Mediator.

Officia Mediatoris. d. 15. n. 49. p. 354.
 Christus fuit Mediator Dei, & hominum.
 ibid.
 Sunt præter Christum alii Mediatores. n. 51.
 53. & seqq. p. 355.
 Cur dicatur specialiter mediator noui Testa-
 menti. n. 52. p. 356.

Meritum.

Merita nostra non sunt ex se perfecte digna
 vita æterna. d. 2. n. 47. p. 47.
 Merita Christierant in se valoris infiniti. nu.
 61. p. 51. & n. 70. p. 55.
 Infinitas illa vnde petenda. n. 62. p. 52.
 Pretium quo Christus nos redemit, non est
 aliud quàm eius meritum, satisfactio, &
 Sacrificium. n. 63. ibid.
 Valor ille fuisset infinitus quamuis Christus
 non cognouisset suam excellentiam. n. 64.
 ibid.
 Iustior plus meretur cæteris paribus. nu.
 72. p. 56.
 Neque propterea augmentum meriti est in-
 finitum. n. 74. ibid.
 Valor meriti vnde proueniat. ibid.
 Meruitne Christus plus vno actu quàm alio,
 aut quàm pluribus simul. n. 78. p. 57.
 Sitne possibile præmium quod Christus me-
 reri

Index rerum præcipuarum.

Feri non possit. n. 81. p. 59.
 Thesaurus meritorum Christi cur inexhaustus, n. 83. p. 60.
 Meruitne Christus quolibet opere omnia præmia possibilia, etiam collectivè. ibid.
 Principium meriti non cadit sub meritum, d. 4. n. 28. p. 112.
 Unio hypostatica erat principium morale meritorum Christi, ibid.
 Potuitne Christus mereri suam Incarnationem, ibid.
 Meruitne illam B. Virgo, n. 62. & seqq. p. 120.
 An etiam SS. Patres, n. 50. p. 115.
 Quomodo B. Virgo non fuit principium meritorum Christi, n. 78. p. 123.
 Non omnia Christi merita pependerunt à morte consummante, d. 11. num. 61. pag. 291.
 Conditiones ad merendum requisitæ, n. 55. p. 289.
 Illæ omnes reperiuntur in operibus Christi, n. 56. p. 290.
 Per quos actus meruerit, & quando, & quid, & quibus, n. 57. ibid.
 Hæresis Caluini circa meritum Christi, nu. 76. p. 295.
 Merita Christi applicantur dupliciter, n. 88. p. 297.
 Meritum congruum minus valet ad plura, quàm ad unum, d. 25. n. 27. p. 575.

Messias.

Prophetia Iacob de aduentu Messiae expenditur, d. 1. n. 47. & seqq. p. 19.
 Expenditur alia prophetia Danielis, n. 66. p. 27.
 Aliæ probationes de aduentu Messiae, nu. 72. & seqq. p. 29.
 Probatur contra Iudæos Messiam esse verum Deum, & hominem, n. 75. p. 304.

Minister.

Persona Ministri est planè necessaria sacramento efficiendo, d. 22. n. 16. p. 512.
 Non semper distinguitur à recipiente Sacramento, ibid.
 Non omnes possunt omnia administrare, nu. 17. p. 513.
 Soli homines viatores sunt idonei ministri Sacramentorum, n. 18. ibid.
 Debent esse compotes rationis, n. 19. ibid.
 Plures Ministri possunt coëfficiere idem sacramentum, n. 21. p. 514.
 Minister, & sacramentum sunt causæ diuersæ gratiæ, n. 24. ibid.
 Sitne intentio Ministri necessaria ad valorem sacramenti, n. 25. p. 515.
 Qualis illa esse debet, n. 36. p. 517.
 Fides, aut bonitas ministri non sunt ad illum necessariæ, n. 61. p. 524.
 Peccetne mortaliter si minister in malo statu, n. 66. p. 525.
 Liceatne inferuire Ministro male facienti

Tom. IV.

sacramentum, n. 96. p. 532.

Miraculum.

Miracula Christi fuerintne physicè ab illò patrata, an moraliter, d. 12. num. 9. p. 300.
 Virtus miraculorum Christi se extendit ad effectus loco, & tempore distantes, n. 24. p. 304.
 Refutantur errores circa eius miracula, num. 14. p. 301.
 Quomodo virtus de Christo exiret faciendo miracula, n. 19. p. 303.

Missæ.

Missæ unde sic dicta, disp. 38. num. 1. pag. 797.
 Missæ nomen usurpatur à Sanct. Patribus, ibid.
 Verum sacrificium offertur in Missa, nu. 30. & seqq. p. 804.
 Teneaturne Sacerdos aliquoties celebrare, d. 40. n. 1. p. 825.
 Liceatne quouis anni die, n. 4. p. 826.
 Liceatne plusquam semel in die, num. 6. ibid.
 Casus in quibus id licet, num. 7. & seqq. pag. 827.
 Qua hora diei celebrandum, num. 15. pag. 829.
 Sitne necessarium prius recitare officium, n. 16. ibid.
 Quo loco celebrare liceat, n. 17. ibid.
 Ecclesia in qua celebratur non debet esse polluta, n. 18. ibid.
 Quid faciendum in casu necessitatis, nu. 19. p. 830.
 Non licet celebrare sine vestibus sacris, nu. 20. ibid.
 Liceatne Sacerdotibus accipere stipendium pro Missa celebranda, n. 21. d. 831.
 Quale illud esse debeat, num. 23. & 24. ibid.
 Liceatne missas priuatas celebrare, nu. 25. p. 832.
 An etiam sine ministro, nu. 32. & seqq. pag. 834.
 Missæ sine communicantibus sunt licitæ, d. 40. n. 26. p. 833.
 Cerimoniarum Missæ triplices, num. 44. pag. 838.
 Celebrandum in loco sacro, n. 45. ibid.
 Vnus altaris ad celebrandum, n. 48. p. 839.
 Et vestium Sacerdotalium, n. 50. p. 840.
 Et vasorum, siue utensilium sacrorum, n. 54. p. 841.
 Cerei & luminaria in celebratione Missæ, n. 55. p. 842.
 Thuribulum & Thymiama, n. 56. ibid.
 Præmittenda celebrationi, n. 60. p. 841. }
 Introitus Missæ, & Collecta, ibid.
 Missa Catechumenorum, n. 61. ibid.
 Cur aliqua dicantur secreto in Missa, nu. 66. p. 845.

GGgg

Index rerum præcipuarum.

Cur non aliqua vulgari celebretur. n. 63. p. 844.
 Sanctorum mentio in Missa, & inuocatio li-
 cita. n. 68. p. 846.
 Et oratio pro defunctis. n. 69. ibid.
 Canon Missæ defenditur contra hæreticos. n.
 71. & seqq. ibid.
 Genuflexio, & inclinatio capitis, aut cor-
 poris in Missa. n. 78. p. 848.
 Tussio pectoris, & eleuatio manuum. ibid.
 Eleuatio hostiæ. n. 79. p. 849.
 Multiplex signum crucis in Missa. num. 80.
 ibid.
 Hostiæ fractio in tres partes. n. 81. ibid.
 Osculum altaris, & libri. n. 82. p. 850.
 Salutatio populi. n. 84. ibid.
 Osculum pacis. n. 85. ibid.
 Dimissio populi. n. 86. p. 851.
 Cantus, & vsus Organorum in Missis solenni-
 nibus. n. 87. ibid.
 Thuris, & incensi vsus in iisdem. n. 88. ibid.
 Aquæ benedictio, & asperio in Missis paræ-
 cialibus. n. 89. ibid.
 Quomodo prouidendum defectibus in Missa
 contingentibus. n. 93. p. 853.
 Quid si Sacerdos non potest sacrum perfice-
 re. n. 94. ibid.
 Quid si recordetur se non esse ieiunum. nu.
 95. ibid.
 Vel araneam, aut venenum deprehendat in
 Calice. nu. 96. p. 854.
 Quid si aduertat aquam non fuisse vino mix-
 tam, aut vini loco fuisse infusam. n. 97. p.
 854.
 Quid si aliquid omittatur, aut omissum pu-
 tetur. n. 102. p. 855.
 Vel si hostia cadat in calicem. ibid.
 Vel si sanguis effundatur è calice. nu. 103. p.
 856.
 An & quomodo teneantur fideles assistere
 Missæ sacrificio. n. 104. ibid.
 Quinam obligentur hoc præcepto. nu. 109.
 p. 857.
 Teneanturne audire in propria paræcia. nu.
 110. ibid.
 Quæ præsentia requiratur. n. 117. p. 860.
 Quæ attentio, & deuotio. n. 118. ibid.
 Liceatne assistere Missæ Sacrificio cum conf-
 ciencia peccati mortalis. n. 119. ibid.
 Cur excluderentur publicè pœnitentes. nu.
 126. p. 863.
 Assisterentne aliquando energumeni. n. 125.
 ibid.

Modus.

Distinctio modalis exponitur, & impugna-
 tur. d. 5. n. 50. & seqq. p. 150.
 Modi non producuntur propriè loquendo.
 n. 93. p. 165.
 Modificatio indistincta sufficit ad verifican-
 da duo contradictoria. n. 96. p. 166.
 Modificatio Dei per actus liberos non est
 formaliter ab obiecto. n. 96. p. 167.
 Quomodo potest res modificari, & aliter se
 habere sine distinctione in re. d. 5. nu. 53.

p. 151. & d. 8. n. 7. p. 220.
 Non omnes modi se habendi existunt per
 veram actionem. d. 17. n. 57. p. 405.
 Res modificant seipsas, quamuis seipsas pro-
 ducere nequeant. n. 59. ibid.

Monstrum.

Monstra quomodo baptizanda. d. 24. n. 22.
 p. 558.

Morale.

Quid sit agere moraliter, & ens morale. d.
 18. n. 54. p. 430.

Mors.

Fuit in Christi potestate nolle mori, & om-
 nino non mori. d. 11. n. 24. p. 282.
 Quomodo mors fuit Christo libera. n. 49. &
 seqq. p. 288.
 Oratio pro mortuis. d. 40. n. 69.

Morus.

Morus non distinguitur à mobili. d. 5. n. 65.
 p. 155.
 Moueri potest naturaliter Christus in Eu-
 charistia cum speciebus d. 32. num. 40. p.
 711.
 Potest etiam immediatè moueri ab ipsius
 anima vel ab angelo. ibid.
 Non mouetur in hostia circulariter tantum
 mota. n. 41. ibid.
 Morus proiectorum vnde sit. d. 37. n. 29. p.
 724.

N.

Naves.

Narium linitio in Baptismo. d. 26. nu. 15. p.
 582.

Natura.

Naturæ definitio Aristotelica explicatur. d.
 5. n. 30. p. 143.
 Natura humana non sustentatur à Verbo. d.
 7. n. 26. p. 199. & n. 40. p. 204.
 Subsistatne substantiâ Verbi. num. 29. p.
 200.
 In statu legis Naturæ fuerunt aliqua sacra-
 menta. d. 20. n. 8. p. 462.
 Quæ & cuiusmodi illa fuerint. ibid.

Necessarium.

Necessarium dicitur dupliciter. d. 20. n. 1. p.
 459.
 Necessitas duplex, mediæ & præcepti. n. 32. p.
 470.
 Differentia inter vtramque. n. 33. ibid.
 Duæ illæ necessitates aliquando coincidunt,
 & aliquando separantur. ibid.

Index rerum præcipuarum.

Necessarium ad salutem necessitate medii est duplex. n. 34. ibid.

Nestorius.

Hæresis Nestorii circa mysterium Incarnationis. d. 5. n. 26. p. 141.

Nomen.

Nomina concreta quomodo accipiantur & multiplicentur. d. 6. n. 25. p. 182.

Regula circa eorum multiplicationem. n. 27. p. 183.

Nomina concreta, & abstracta quomodo differunt in modo significandi. d. 8. n. 20. p. 224.

Concreta naturæ quomodo significant. nu. 21. ibid.

Nominis impositio in Baptismo. d. 26. n. 19. p. 583.

O.

Obex.

Obex sacramenti quid sit, & quotuplex. d. 21. n. 33. p. 486.

Sacramenta reuiviscunt illo remoto. nu. 40. p. 488.

Quomodo remoueat. n. 44. p. 489.

Obex potest tripliciter poni Baptismo, & aliis sacramentis, unde triplex distinguitur. d. 25. n. 3. p. 567.

Obex Baptismi pertineatne ad Sacramentum Pœnitentiæ. n. 5. & seqq. p. 568.

Quomodo prius natura remittatur peccatum obicis, quàm sacramentum operetur. n. 15. p. 571.

Oculus.

Quis sit sensus huius propositionis, Alter oculus est ad videndum necessarius. d. 22. n. 51. p. 521.

Offensa, Vide Peccatum.

Offensa crescit ex dignitate personæ offensæ, secus ac iniuria realis. d. 2. n. 48. p. 47.

Oleum.

Olei inunctio in Baptismo. d. 26. nu. 16. p. 582.

Est materia Confirmationis. d. 27. nu. 17. p. 595.

Sufficiatne sine Balsamo. ibid. & num. 23. p. 596. & n. 30. p. 598.

Oratio.

Oravit Christus verè, & absque simulatione. d. 15. n. 1. p. 342.

Oravit etiam ex necessitate. n. 5. p. 343.

Fueritne semper neaudita eius oratio. n. 6. ibid.

Orat etiam nunc in cælo. n. 10. p. 344.

Possitne orari, ut pro nobis oret. num. 16. p. 345.

Oratio non est semper signum defectus potestatis. ibid.

Cur oratio non dicatur operari ex opere operato. d. 18. n. 41. p. 423.

Ordo.

Magna varietas in Ecclesia Græca & Latina circa Sacramentum Ordinis. d. 19. n. 47. p. 452.

Quæ sit materia, & forma essentialis huius sacramenti. n. 48. ibid.

Ordo triplex, generationis, perfectionis, & necessitatis. d. 22. n. 117. p. 537.

Ordo inter sacramenta. ibid.

Organ.

Organorum usus in Missa & diuinis officiis. d. 42. n. 87. p. 851.

Osculum.

Osculum pacis olim dabatur baptizato. d. 26. n. 19. p. 583.

Osculum altaris, & libri in Missa. d. 40. n. 82. p. 850.

Osculum pacis. ibid. n. 85.

P.

Panis.

Panis est materia transiens Eucharistiæ. d. 29. n. 1. p. 632.

Non potest licitè sine vino consecrari, potest tamen validè. n. 2. ibid.

Debet esse præsens consecrati, & determinatus in eius intentione. n. 7. p. 634.

Potest consecrari in quavis magnitudine, & paruitate, modo sit sensibilis. n. 17. p. 637.

Debet esse triticeus. n. 27. p. 641.

Debeatne esse necessariò azymus. nu. 32. p. 642.

Eius substantia non manet in Eucharistia. d. 31. n. 1. p. 683.

Neque vnitur hypostaticè Verbo. n. 6. p. 685.

Neque manet illius materiæ, existentia, vel substantia. n. 7. & 8. p. 685.

Potuit absolute manere, sed non salua proprietate verborum. ibid.

Panis & vinum non annihilantur in Eucharistia. n. 16. p. 687.

Sed conuertuntur in corpus & sanguinem Christi. n. 18. ibid.

Panes Propositionis quomodo sacrificabantur. d. 38. n. 22. p. 803.

Panis, & vinum non offeruntur in sacrificio Eucharistiæ. n. 50. p. 810.

Offeranturne illorum species cum corpore & sanguine Christi. n. 51. ibid.

Quomodo pertineant ad sacrificium & rem oblatam. n. 42. p. 808.

Possitne ex alterutro solo sacrificari. n. 46. & 47. p. 809.

Ggg 2

Indèx rerum præcipuarum.

Parascene.

In die Parascenes non sacrificatur. d. 38. nu. 67. p. 814. & d. 40. n. 4. p. 826.
Parascene quid apud Iudæos. d. 29. n. 43. p. 645.
Parascene Paschæ. ibid.

Partes.

Partes vñ vnitz sunt vnum per se. d. 8. n. 4. p. 219.
Non distinguuntur realiter à toto. n. 1. p. 218.
Causentur totum vt vnitz. n. 5. p. 220.

Pascha.

Pascha non fuit translatum in diem Lunæ decimum quintum, quo anno Christus Eucharistiam celebrauit. d. 29. n. 37. p. 643.
Pascha edebatur Luna decima quarta exeunte. n. 38. p. 644.
Conciliantur Euangelistæ circa diem institutionis Eucharistiæ, & esum Agni Paschalis. n. 41. ibid.
Omnes fideles tenentur communicare in Paschate. d. 36. n. 5. p. 774.
Impleaturne hoc præceptum communione indigna. n. 6. p. 775.
An violatio huius præcepti inducat censuram. n. 7. ibid.
Quomodo sit computandum Pascha in hoc præcepto. n. 8. ibid.
Tenetur præuenire Pascha, qui præuidet fore vt postea communicare non possit. nu. 11. p. 776.
Teneaturne qui præuenit, communicare iterum in Paschate si possit. n. 12. ibid.
Qui non communicauit in Paschate tenetur postea illo anno communicare. num. 16. p. 777.
An qui post duos annos communicat in Paschate, satisfaciatur pro vtroque præcepto. ibid.

Passiones.

Passiones fuerunt in appetitu sensitivo, & in voluntate Christi. d. 13. n. 62. & 63. pag. 321.
Non omnes passiones sunt defectus naturæ. ibid.

Peccator & peccatum.

Peccatum mortale est dignum satisfactione personæ diuinæ, neque potest minor esse condigna. d. 2. n. 38. p. 44.
Est offensa moraliter infinita. ibid.
Nisi esset moraliter infinitum, posset creatura condignè pro illo satisfacere, aut satisfari; neque esset dignum pœna æterna. n. 42. & 43. p. 45. & 46.
Status peccati non aggravat peccatum de nouo commissum. d. 2. n. 75. p. 57.
Quomodo peccatores sint filii diaboli. nu.

76. p. 57.

Peccata mortalia, quamuis moraliter infinita, sunt inæqualia. n. 80. p. 58.
Peccata sunt verè Deo iniuriosa. num. 89. p. 63.
Seruitus hominum sub peccato, & diabolo quid sit. d. 3. n. 9. p. 75.
Redemptio hominum à peccato fuit causa totalis incarnationis, sed non prima, neque omnino necessaria. n. 10. & seqq. ibid.
Veneritne Christus prius, aut principalius propter peccatum originale, quàm propter actuale. n. 68. p. 96.
Deus ratione prius præuidit peccatum Originale; quàm Actuale. n. 71. p. 96.
Peccatum in Christo nullo modo esse potuit duplici ex causa. d. 11. n. 29. p. 283.
Ne quidem absolute. d. 13. n. 17. p. 310.
Vera ratio huius impossibilitatis. num. 24. p. 312. & n. 31. p. 314.
Natura creata vnita diuinæ mediante hypostasi creata foret adhuc impeccabilis. n. 32. ibid.
Potuit absolute assumi natura, quæ peccasset antea. n. 38. p. 316.
Peccatum habituale non posset manere cum assumptione. n. 41. ibid.
Neque reatus pœnæ æternæ, secus verò temporalis. ibid.
Natura assumpta posset peccare, perdit prius vnione hypostatica. n. 42. ibid.
Deberet prius cessare vnio hypostatica, quàm natura peccaret. n. 45. p. 317.
Diuisio peccati in Habituale, & Actuale, & quid vtrumque sit. n. 46. ibid.
Habituale non potest esse in natura assumpta. n. 47. ibid.
Peccatum Originale quid sit. n. 49. p. 318.
Absolute non potuit esse in Christo. num. 50. ibid.
Fomes peccati. *Vide Fomes.*
Qui carerent omni peccato possent Baptizari, vt Beata Virgo. d. 24. n. 19. p. 557.
Potest remitti peccatum manente pœna. d. 25. n. 21. p. 573.
Odium Dei duplex erga peccatorem. nu. 22. p. 574.
Peccatum habitualiter manens reddit indignum gratia sanctificante. n. 23. ibid.
Peccatum veniale actu commissum in communionem impediatur illius effectum. d. 35. n. 44. p. 758.
Possitne licitè ad illam accedi cum conscientia peccati venialis. n. 50. p. 761.
Quomodo peccata remittuntur per Eucharistiam. d. 34. n. 1. & seqq. p. 732. & nu. 31. p. 740.
Quomodo præseruat à peccatis. num. 35. p. 741.
Peccator publicus non est admittendus ad communionem nisi resipuerit. d. 37. n. 1. p. 786.
Quis dicatur peccator publicus. n. 2. & 3. p. 787.
Sitne neganda peccatori occulto. num. 4. ibid.

Index rerum præcipuarum.

Quid si Sacerdos nouit tantum per confessi-
onem, ibid.

Sitne danda peccatori occulto publicè pe-
tenti, n. 7. ibid.

Liceatne illi dare hostiam non consecratam,
n. 12. p. 788.

Quid dicendum de peccatore petente Bap-
tismus, aut petente Ordines sine iure pe-
tendi, n. 13. ibid.

Confirmatio, & Extrema-unctio debent da-
ri peccatori occulto publicè petenti, n. 15
p. 789.

Debeatne Parochus assistere matrimonio si
nouit impedimentum peccati occultum,
n. 16. ibid.

Possitne licitè contrahi matrimonium cum
peccatore, vel hæretico, vel excommuni-
cato, n. 17. ibid.

Peccata venialia an, & quomodo impedian-
tium licium communionis, d. 35. n. 50.
p. 761.

Liceatne peccatoribus assistere Missæ sacrifi-
cio, d. 40. n. 119. p. 860.

Penetratio.

Penetratio corporum dari potest supernatu-
raliter, d. 30. n. 82. p. 679.

Persona.

Persona diuina possitne assumere simul plu-
res humanitates, d. 6. n. 24. p. 182.

Possintne plures personæ diuinæ assumere si-
mul eandem humanitatem, n. 34. p. 185.

Personalitas addit aliquid positium naturæ,
d. 7. n. 15. p. 194.

Persona humana non fuit assumpta à Verbo,
n. 19. p. 196.

Non potest assumi natura retenta propria
personalitate, n. 20. ibid.

Neque persona, quæ talis, n. 22. p. 197.

Personalitas non consistit in totalitate natu-
ræ, n. 23. p. 198.

Pœna.

Pœna temporalis infinitè intensa non æqui-
ualet pœnæ infinitæ durationis, d. 2. n.
53. p. 49.

Pœnæ remissio est vnus effectus Eucharistiæ,
d. 34. n. 34. p. 741.

Remittitur per sacrificium Eucharistiæ ex
opere operato, d. 39. n. 3. p. 816.

Pœnitentia.

Pœnitentiæ sacramentum quomodo perfici-
tur rebus vt materia, d. 19. n. 5. p. 437.

Quare Pœnitens non est minister illius, sed
solus sacerdos, n. 16. p. 442.

Est necessarium in re, vel in voto, d. 20. n.
35. p. 471.

Est necessarium necessitate mediiminis stri-
ctæ, n. 41. p. 472.

Pœniterentes excludebantur à Missæ sacrifi-
cio, & cur, d. 40. n. 126. p. 863.

Explicatur locus Dionysii circa illos, ibid.
Quonam tempore dabatur absolutio publi-
cè pœnitentibus, n. 127. ibid.

Pœnitentiæ publicæ gradus, d. 35. n. 20. p.
749.

Sitne necessaria ante communionem lapsis
in peccatum mortale, n. 12. & seqq. p.
746.

Pollutio nocturna inuoluntaria.

Impeditne communionem, d. 35. n. 58. p.
764.

An etiam copula coniugalis, aut puerpe-
rium, n. 59. ibid.

Possibile.

Noueritne Christus omnia possibilis, d. 10.
n. 13. p. 256.

Cognoscatne infinita possibilis, posito quòd
comprehendat creaturas, n. 33. p. 261.

Potentia.

Potentia obediens rei finitæ est finita, d.
9. n. 46. p. 246.

Non potest ad quilibet eleuari, d. 12. n.
21. p. 303.

Non potest esse instrumentum creationis,
aut annihilationis, n. 23. p. 304.

Non potest quilibet eleuari ad quilibet,
d. 21. n. 54. p. 492.

Potestas ligandi, & soluendi quomodo ex-
erceatur in sacramento Pœnitentiæ, d. 35.
n. 41. p. 757.

Præcepta.

Præcepta Christo data fuerunt vera præcep-
ta, d. 11. n. 32. p. 284.

Fuerunt duplicia, n. 28. p. 283.

Quomodo Christus fuit liber circa illa, n. 28
& seqq. p. 281.

Præcepta Dei sunt multiplicia, partim natu-
ralia, partim purè positiua, d. 14. n. 3. &
4. p. 326.

Quibusnam præceptis Dei positiuis Christus
subditus fuit, n. 7. p. 327.

Præcepta quomodo intelligenda, d. 28. n.
71. p. 626.

Præcisio.

Non est falsitas in modo concipiendi præci-
sæ, d. 17. n. 5. p. 387.

Id à quo præcinditur per conceptum cognos-
citur tantum idemticè, n. 6. p. 388.

Obiectum meritò denominatur præcisum à
præcisione mentis, & distinctum à diuer-
sis conceptibus difformibus, n. 7. ibid.

Prædestinatio.

Prædestinare quid sit, d. 14. n. 51. p. 338.

Prædestinatio duplex, n. 52. ibid.

Non solum supposita, sed & illorum partes
dici possunt prædestinari ad aliquid, n. 57.

Index rerum precipuarum:

P. 339.
Fueritne Christus prædestinatus, vt esset filius Dei, n. 53. p. 338.
Fueritne prædestinatus ad dona accidentalia gratiæ, gloriæ, &c. n. 58. p. 340.

Præsanctificata.

Communio ex præsanctificatis, d. 36. n. 28. p. 779. & d. 38. n. 67. p. 814.

Præsentia.

Præsentia localis non distinguitur à re locata, d. 5. n. 68. p. 156.
Præsentia circūscriptiua, & definitiua quid sint, d. 32. n. 26. p. 706.
Præsentia sacramentalis Christi quid sit, n. 35. p. 709.
Sitne circūscriptiua, an definitiua, n. 26. p. 706.
Non est modus ab eo distinctus, n. 37. p. 709
vide Locus,

Projecta.

Motus projectorum vnde sit, d. 37. n. 29. p. 794.

Prophetia.

Prophetiæ donum fuit in Christo, d. 9. n. 40. p. 245. & d. 15. n. 44. p. 353.

Proportio.

Proportio duplex est, geometrica, & arithmetica, d. 1. n. 28. p. 12.
Sitne proportio inter finitum, & infinitum, ibidem.

Propositio.

Termini vocales non prædicantur secundum se, sed penes significatum, d. 17. n. 10. p. 389.
Subiectum propositionis veræ non est semper res existens, d. 22. n. 52. p. 521.

Quantitas.

Quantitas quid sit, d. 32. n. 54. p. 714.
Maneatne in Eucharistia quantitas panis & vini, n. 53. ibidem.
Sitne primum subiectum reliquorum accidentium, n. 56. p. 715.

R.

Refectio.

Eucharistia est instituta per modum refectiōis spiritualis, d. 28. n. 1. p. 605.
Non est eadem refectio cibi & potus sacri, n. 52. p. 620.

Regnum.

Regnum Christi cuiusmodi fuerit, d. 15. n.

31. p. 350.

Fueritne Rex temporalis Iudæorum, n. 35. p. 351.

Relatio & Relata.

Cur relationes diuinæ producantur, & non alii modi, d. 5. n. 94. p. 166.
Relata categorica sunt tantum secundum dici, d. 18. n. 58. p. 431.
Dantur veræ relationes transcendentales, n. 59. ibidem.
Certum est dari veras relationes in Deo, n. 60. p. 432.

Religio.

Aliquis cultus religiosus, non præceptus à Deo, est bonus & licitus, d. 26. n. 7. p. 580.
Qui cultus religiosi à Deo reprehensi, & ab Apostolo, n. 24. p. 584. & d. 40. n. 91. p. 852.

Reliquiæ.

Reliquiæ Sanctorum adorantur propter excellentiam, quam illis olim habuerunt, atque etiam propter illam quam nunc habent, d. 16. n. 86. p. 381.
Non possunt adorari reliquiæ eorum, qui alias iusti, obierunt in statu peccati mortalis, n. 87. ibid.
Si Sanctorum animæ definerent, adhuc possent honorari eorum reliquiæ ob sanctitatem præteritam, n. 88. ibid.
Sitne reliquiæ adorandæ sub conditione, n. 90. p. 382.
Cauenda indecentia in adoratione reliquiarum, n. 92. ibid.
Plura de cultu reliquiarum, n. 59. & seqq. p. 374.

Restitutio.

Differt à satisfactione, habetque diuersum obiectum, d. 2. n. 38. p. 44.
In restitutione non requiritur acceptatio, secus in satisfactione, n. 109. p. 70.

Resurrectio.

Terminus formalis resurrectionis est vnio animæ cum corpore, d. 5. n. 15. p. 138.

Sacramentalia.

Non sunt sacramenta, neque tollunt venialia, vel dant gratiam ex opere operato, sed tantum excitatiue, vel imperatiue, d. 18. n. 45. p. 425.

Sacramentum.

Sacramentum in genere non satis exactè definitur, Signum rei sacræ, d. 18. n. 2. p. 411.
Nec sufficit dicere, quodd sit signum practicum, n. 3. ibid.
Aut quodd conferendo aliquam sanctificationem

Index rerum præcipuarum.

nem significet veram sanctitatem. n. 4.
 • ibid.
 Aut quod significet gratiam quæ in ipso eius
 usu conferatur. n. 5. p. 412.
 Vel quod illam aliquo modo causet. n. 6.
 ibid.
 Non est solū de ratione sacramenti vis signi-
 ficandi gratiæ sanctificatæ. n. 8. p. 413.
 Posset sacramentum institui in rebus insen-
 sibilibus. n. 10. ibid.
 Sacramenta omnia reipsa instituta, sunt si-
 gna sensibilia. n. 11. ibid.
 Sunt etiam signa sacra. n. 12. ibid.
 Sacramenta sacrant formaliter seipsis. nu.
 13. ibid.
 Vis significandi & efficiendi sacramentorum
 est ex institutione. n. 15. p. 415.
 Omnia sacramenta fuerunt à Deo instituta
 permanenter. n. 18. p. 416.
 Conueniens fuit ita institui. n. 19. ibid.
 Vera definitio sacramenti in communi. n.
 25. p. 417.
 Definitio sacramenti communissimè sumpti
 est vniuoca. n. 28. p. 418.
 Quid sit sacramentum, prout est genus pro-
 ximum ad 7. sacramenta nouæ legis. n.
 29. & seq. p. 419.
 Sacramentum est signum ex instituto. n.
 30. ibid.
 Quomodo sit causa gratiæ. n. 32. p. 420.
 Definitio sacramenti data ab hæreticis. n.
 34. ibid.
 Sacramenta præter gratiam alia multa si-
 gnificant. n. 35. p. 421.
 Sunt signa rememoratiua, demonstratiua, &
 prognostica. ibid.
 Alia quædam præter gratiam efficiunt. n. 36.
 ibid.
 Quid sit sacramentum causare gratiam ex
 opere operato. n. 37. ibid.
 Quid sit vis significandi, & efficiendi sacra-
 mentorum. n. 51. p. 428.
 Sacramenta non significant sola sua natura.
 n. 53. p. 429.
 Vis efficiendi sacramentorum non est mo-
 tio, vel qualitas transiens. n. 54. ibid.
 Est relatiua secundum dici, sed non intrin-
 secè. n. 56. p. 430.
 Est prior ordine dignitatis, & intentionis,
 quàm vis significandi. n. 61. p. 432.
 Triplex significatio spectari potest in sacra-
 mentis nouæ legis. n. 63. p. 433.
 Vis efficiendi sacramentorum fundatur in si-
 gnificatione. n. 65. ibid.
 Certum est illam non fundari in veritate si-
 gnificationis. ibid. p. 434.
 Sacramenta nouæ legis non sunt frustra in-
 stituta ad significandum. n. 67. ibid.

Materia & forma sacramentorum.

Non est de ratione sacramenti generalissimè
 sumpti perfici rebus, vt materia: & ver-
 bis, vt forma. d. 19. n. 1. p. 436.
 Cur sacramenta legis veteris non debuerint
 perfici verbis. n. 2. ibid.

Sacramenta omnia nouæ legis perficiuntur
 rebus, vt materia: & verbis, vt forma. n.
 3. ibid.
 Quomodo res & verba distinguantur in sa-
 cramento matrimonii. n. 6. p. 438.
 Omnia sacramenta nouæ legis constant in
 trinsicè rebus, & verbis, vt materia &
 forma. n. 10. p. 439.
 Quomodo materia & forma sacramenti de-
 bent simul esse. n. 18. p. 442.
 Componuntur sacramenta ex significa-
 tione tanquam ex forma. n. 19. p. 443.
 Intentio ministri non est sacramento intrin-
 seca. n. 31. p. 446.
 Res & verba sacramentorum sunt determi-
 nata ex Christi institutione. num. 39. p.
 448.
 Cur Christus illa determinauerit. n. 41. p.
 449.
 Hæc determinatio non est æqualis in omni-
 bus sacramentis. ibid.
 Error hæreticorum verba determinata non
 esse formas sacramentorum, sed concio-
 nem requiri. n. 42. p. 450.
 Determinatio à Christo facta est vniuersalis
 pro tota Ecclesia. n. 45. p. 451.
 An quæuis mutatio materiæ, vel formæ tol-
 lat substantiam sacramentorum. d. 19. n.
 49. p. 452.
 Valor materiæ, & formæ sacramentorum non
 pendet à scientia, vel ab intentione mini-
 stri. n. 55. p. 454.
 Si verba formæ sunt ambigua, minister non
 intendens sensum legitimum irritat sacra-
 mentum. n. 56. ibid.
 Intentio inducendi errorem in Ecclesiam;
 irritatne sacramentum. n. 57. p. 455.
 Quid sentiendum de hæretico suum errorem
 significatè per formam sacramentum. n. 59.
 ibid.
 Quid si minister putat aliquid esse essenziale
 sacramento, quod non est. n. 61. p. 456.
 Tenetur quisque in sacramentis admini-
 strandis seruare morem Ecclesiæ. n. 62.
 p. 456.
 Quid faciendum quando diuersarum Eccle-
 siarum consuetudo diuersa est. num. 63.
 ibid.
 Accidentalia sacramentorum possunt mutari
 cum causa rationabili. n. 64. p. 457.
 Grauius peccat qui per mutationem irritat
 sacramentum. n. 65. ibid.
 Et qui vitur materia, vel forma dubia sine
 necessitate. n. 66. ibid.
 In dubio de valore sacramenti iterari debet;
 ibid.
 Quo sensu non potest Ecclesia mutare sub-
 stantiam sacramentorum. d. 19. n. 46. p.
 451.

Sacramentorum necessitas aut conuenientia.

Sacramenta non sunt simpliciter necessaria;
 d. 20. n. 1. p. 459.
 Sunt tamen valde vtilia salutis hominum. n.
 2. ibid.

Indèx rerum præcipuarum.

Puerantne aliqua in statu innocentia, n. 4. p. 460.
 Fuissentne illi conuenientia, ibid. p. 461.
 Fuissentne reipsa si status ille durasset, n. 5. & 6. ibid.
 Fuerunt aliqua in lege naturæ, n. 8. p. 462.
 Sacramentum pro paruulis iustificandis requirebat fidem viuam parentum, n. 11. p. 463.
 Fides illa concurrebat vt meritum de congruo, n. 12. ibid.
 Fuerunt in ea lege alia sacramenta, n. 13. ibid.
 Fuerunt etiam aliqua in lege Mosaica, n. 14. ibid.
 Non erant efficacia gratiæ, n. 15. p. 464.
 Sacramentum in remedium paruulorum fuit notum ante D. Augustin. n. 17. p. 465.
 Fundamentum illius admittendi, n. 18. ibid.
 Non contulit gratiam ex opere operato, n. 19. ibid.
 Fueritne paruulis melius prouisum quam nunc, n. 20. p. 466.
 Nullum sacramentum legis Mosaicæ gratiam contulit vi sua, n. 21. ibid.
 Sacramenta quædam nouæ legis sunt necessaria necessitate mediæ, alia necessitate præcepti, n. 34. p. 470.
 Sacramenta Baptismi, & Pœnitentiæ sunt necessaria in re, vel in voto, n. 35. p. 471.
 Quid intelligendum per votum, sacramenti, n. 36. ibid.
 Sunt etiam necessaria necessitate mediæ minus strictè, n. 41. p. 472.
 Quomodo contritio est vicaria sacramenti, n. 44. p. 474.
 Quomodo Deus iustificat per contritionem intuitu sacramenti, n. 49. p. 475.

Causalitas & effectus sacramentorum.

Sacramenta nouæ legis sunt causa gratiæ, d. 21. n. 1. p. 477.
 Refutatur contrarius error hæreticorum, n. 7. p. 478.
 Gratia sacramentalis quomodo differt à non sacramentali, n. 18. p. 481.
 Sacramenta tribuunt ius ad auxilia fini suo conuenientia, n. 19. ibid.
 Per sacramenta virtutes simul infunduntur cum gratia, n. 23. p. 482.
 Non infunduntur semper pari gradu cum illa, ibid.
 Sacramenta quædam per se conferunt primam gratiam, alia secundam, n. 24. & 25. ibid.
 Priora conferunt interdum gratiam secundam: & posteriora conferunt aliquando primam, nu. 26. p. 483.
 Non conferunt æqualem gratiam, n. 27. p. 484.
 Melius operantur in melius disposito, n. 28. ibid.
 Meliusne operentur propter bonitatem ministri, n. 30. p. 485.
 Conferunt semper gratiam recipienti si-

ne obice, n. 31. ibid.
 Quid sit obex sacramenti, & quod simplex, d. 33. p. 486.
 Conferunt gratiam eodem instanti quo applicantur, n. 35. ibid.
 Non dant semper auxilia eodem instanti quo gratiam, n. 36. p. 487.
 Quomodo perficiantur in instanti cum successiue fiant, n. 37. ibid.
 Reuiuiscunt obice remoto, n. 40. p. 488.
 Non est tamen id certum, n. 41. ibid.
 Non operantur antequam sint, n. 43. p. 489.
 Quid requiratur vt reuiuiscant, n. 44. & seqq. ibid.
 Cum reuiuiscunt operantur magis in melius disposito, n. 46. p. 490.
 Non est necessarium dicere sacramenta producere physicè gratiam, d. 21. n. 50. p. 491.
 Neque est adeo probabile, n. 53. p. 492.
 Sed potius causant tantum moraliter, n. 58. p. 494.
 Applicant nobis merita Christi, ibid.
 Duo sunt præcipui effectus sacramentorum, n. 59. ibid.
 Refutantur qui volunt sacramenta producere physicè gratiam, n. 60. ibid.
 Non sunt tantum condiciones sine quibus non, n. 69. p. 497.
 Non possunt generatim eleuari ad gratiam physicè producendam, n. 78. p. 500.
 Quid senserit D. Thomas de causalitate sacramentorum, n. 79. ibid.
 Tria sacramenta imprimunt characterem, n. 85. p. 502.
 Verba sacramentalia non possunt suspendi à sacerdote, & impediri ne operentur, d. 33. n. 19. p. 723.
 Verba sacramentalia efficiunt quod significant, d. 30. n. 62. p. 573.

Causa efficiens sacramentorum.

Omnia sacramenta nouæ legis fuerunt immediate à Christo instituta, d. 22. n. 1. p. 509.
 Christus vt homo est auctor sacramentorum, n. 4. ibid.
 Non tamen auctoritate independenti, sed ministerii principalis, n. 5. ibid.
 Quodnam sit tempus institutionis cuiusque sacramenti, d. 23. n. 6. p. 543.
 Potestas instituendi sacramenta potuit aliis communicari, d. 22. n. 11. p. 511.
 Non tamen fuit communicata, ne quidem Ecclesiæ, n. 14. & 15. p. 512.
 Persona ministri est necessaria ad sacramentum efficiendum, n. 16. ibid.
 Non semper distinguitur à recipiente, ibid.
 Non omnes possunt omnia ministrare, n. 17. p. 513.
 Soli homines viatores sunt idonei ministri sacramentorum, n. 18. ibid.
 Debent esse rationis compotes, num. 19. ibid.

Extraordinarie

Index rerum præcipuarum.

Extraordinariè possunt Angeli, & non viatores, n. 20. ibid.
 Plures ministri possunt coëfficere idem sacramentum, n. 21. p. 514.
 Ministri sacramentorum sunt causa remota gratiæ, & remissionis peccatorum, num. 22. ibid.
 Minister, & sacramentum sunt causæ diuersæ gratiæ, & istud propius illam efficit, n. 24. p. 514.
 Intentio ministri est necessaria ad valorem sacramenti, n. 25. p. 515.
 Non sufficit intentio faciendi actum exterius, num. n. 28. p. 516.
 Opinio Sancti Thomæ de intentione Ministri, n. 31. ibid.
 Non fuit conueniens aliter institui sacramenta, n. 34. p. 517.
 Intentio necessaria facillimè habetur, num. 35. ibid.
 Non requiritur distinctio, n. 36. ibid.
 Neque debet necessariò ferri in effectum sacramenti, n. 37. p. 518.
 Sufficit intentio virtualis, n. 38. ibid.
 Non tamen habitualis, neque remota, & interpretatiua, n. 41. & 42. p. 519.
 Debet esse determinata, n. 53. p. 522.
 Error in intentione circa essentialia irritat sacramentum, n. 54. ibid.
 Secus autem circa alia, n. 55. ibid.
 Quid si Minister habeat intentiones contrarias, quarum vna repugnet valori sacramenti, n. 56. ibid.
 Intentio conditionata non sufficit, nisi statim transeat in absolutam, n. 58. p. 523.
 Per se loquendo illicitum est conferre sacramenta sub conditione, n. 60. p. 523.
 Fides Ministri non est necessaria ad valorem sacramenti, neque bonitas, n. 61. p. 524.
 Peccant mortaliter, qui ministrant sacramenta in malo statu, n. 66. p. 526.

Subiectum Sacramentorum.

Soli homines sunt capaces sacramentorum, non tamen omnes omnium, d. 22. n. 84. p. 529.
 Intentio recipiendi est adultis necessaria ad valorem sacramenti, ibid.
 Dispositio adulti requiritur ad effectum sacramenti, n. 91. p. 531.
 Non ad valorem excepta Pœnitentia, n. 90. p. 530.
 Peccant qui ministrant sacramenta malè recipientibus, n. 91. & 92. p. 531.
 Liceatne inducere ad recipiendum eum qui malè recipiet, n. 92. ibid.
 Liceatne petere, vel accipere à malè ministratore, n. 93. ibid.
 Liceatne inferuire Ministro malè facienti sacramentum, n. 96. p. 532.
 Nulla dispositio requiritur in paruulis ad sacramentum recipiendum, neque in amentibus perpetuis, n. 97. ibid.
 Adultis necessarius est actus fidei, & pius motus voluntatis, n. 98. ibid.

Tom. IV.

Et actus pœnitentiæ, si peccauerunt, num. 100. ibid.
 Adiustificationem sufficit attritio cum sacramento Baptismi, vel Pœnitentiæ, n. 101. p. 533.
 Quomodo ille qui habuit rationis vsum, & incidit in amentiam, potest sacramentum recipere, vel illius effectum, num. 104. p. 534.
 Requiriturne dolor formalis in illis, qui peccarunt mortaliter, vt medium necessariū ad iustificationem, n. 105. ibid.
 Requiriturne saltem ex necessitate præcepti, n. 106. ibid.
 Sufficiatne attritio, vt peccator iustificetur per alia sacramenta, quàm Baptismi, & Pœnitentiæ, n. 107. p. 535.
 Quæ dispositio requiratur, vt iustus recipiat gratiam per sacramenta, n. 108. ibid.

Numerus Sacramentorum.

Probatur esse septem Sacramenta nouæ Legis, d. 22. n. 109. p. 535.
 Quomodo sit intelligendus numerus ille septenarius, n. 116. p. 537.
 Triplex est ordo inter sacramenta, n. 117. ibid.
 Quo ordine enumerentur, ibid.
 Quis sit ordo generationis inter illa, ibid.
 Quis sit ordo perfectionis, & necessitatis inter eadem, n. 118. & 119. p. 538.

Cerimonie Sacramentorum.

Sacramentales ceremoniæ quid sint, d. 26. n. 1. p. 578.
 Conuenienter adhibentur, ibid. n. 2.
 Nimia earum multitudo vitanda, n. 6. p. 579.
 Sintne operatiuæ, n. 29. & seqq. p. 586.

Sacrificium.

Sacrificium dupliciter sumitur, propriè, & impropriè, d. 38. n. 2. p. 797.
 Propriè dictum quidnam sit, n. 3. p. 798.
 Potest fieri sine verbis, & quouis idiomate, n. 4. ibid.
 Cur speciatim in Eucharistia requirantur verba, ibid.
 Qualis destructio requiratur, n. 7. ibid.
 Sacrificium est in genere signi, num. 9. p. 799.
 Debeatne illud signum esse publicæ auctoritate institutum, n. 10. ibid.
 An etiam ab ipso Deo, n. 13. ibid.
 Non debet necessariò offerri à Ministro publico, n. 14. p. 800.
 Multiplex diuisio sacrificii, n. 15. ibid.
 Sumitur aliquando pro re oblata, num. 16. p. 801.
 Significatum huius vocis, Sacrificium, quodnam sit, n. 17. ibid.
 Destructio rei oblatae est de ratione sacrificii, n. 18. ibid.
 Neque sufficit illius productio, num. 20. p. 802.

HHh

Index rerum præcipuarum.

Quomodo Christus in cruce seipsum sacrificavit, n. 23. p. 803.
Sacrificia facta idolis erantne vera sacrificia, n. 26. ibid.
Possitne martyr seipsum sacrificare, morti suæ cooperando, n. 29. p. 804.
Idem potest esse Sacramentum, & Sacrificium, n. 36. p. 805.
Sacrificium Eucharistiæ, vide Eucharistia.
Non sacrificatur in die Parasceves, nu. 67. p. 814.
Possitne Christo offerri sacrificium, d. 16. n. 85. p. 380.
Vt sacrificium applicetur alicui sufficit intentione remota, d. 22. n. 45. p. 519.

Sacerdos.

Christus fuit verus Sacerdos, d. 15. nu. 17. p. 346.
Christus oravit etiam pro seipso vt Sacerdos, n. 24. p. 347.
Sacerdos propriè quis dicatur, num. 19. pag. 346.
Sacerdotii munia, n. 18. ibid. & nu. 30. pag. 349.
Sacerdos verè & propriè remittit peccata, quamvis non physice, d. 21. n. 75. p. 490.
Solus Sacerdos potest consecrare Eucharistiam, d. 37. n. 18. p. 790.
Error Lutheri contrarius refutatur, num. 20. ibid.
Locus Tertulliani obscurus explicatur, n. 21. p. 791.
Sacerdos habet aliam potestatem consecrandi, quàm ipsam potestatem Dei, nu. 31. p. 795.
Quid & qualis sit illa potestas, num. 32. ibid.
Plures Sacerdotes possunt eandem hostiam consecrare, n. 33. ibid.
Sacerdos tenetur consumere hostiam à se consecratam, d. 38. n. 69. p. 814.
Intentio Sacerdotis in sacrificando est duplex: generalis, & priuata, d. 39. n. 10. p. 818.
 Applicatio Sacerdotis debet fieri ante sacrificium, n. 34. p. 823.
Tenetur Sacerdos aliquoties in anno celebrare, d. 40. n. 1. p. 825.
Possitne quotidie, aut sæpius eodem die, nu. 6. p. 826.
Qua hora dici, & quo loco, quibusque circumstantiis, n. 15. p. 829.
Teneaturne prius officium recitare, nu. 16. ibid.
Licet Sacerdotibus accipere stipendium pro Missa celebranda, n. 21. & seqq. p. 831.
Debet stipendium esse iustum, n. 23. ibid.
Notanda de eodem stipendio, n. 24. p. 833.

sal.

Gustus salis in Baptismo, d. 26. n. 13. p. 582.
Salina typica quem habet effectum in Baptismo, n. 35. p. 588.

Samaritani.

Samaritani cur à Deo puniti, 4. Reg. 17. d. 40. n. 92. p. 852.

sancti, & sanctitas.

Sanctitas dupliciter sumitur, pro vera, & pro morali, d. 9. n. 1. p. 233.
Sanctitas, & sanctificatio Christi qualis fuerit, n. 2. & seqq. ibid.
Possitne pro Sanctis offerri Sacrificium, d. 15. n. 26. p. 348.
Non modò sancti defuncti possunt coli religiosè, sed etiam viui, d. 16. n. 50. p. 372.
Sancti possunt coli non modò adoratione respectiua, sed etiam absoluta, n. 52. ibid.
Vterque modus adorandi sanctos pertinet ad eandem virtutem religionis, n. 53. p. 373.
Honor sanctorum quomodo similis nostro, n. 58. p. 374.
Sanctorum imagines, & reliquie quomodo adorandæ, n. 61. & seqq. p. 375.
Sanctorum mentio in Missa, & inuocatio licita, D. 40. n. 68. p. 846.

Sanguis.

Sanguis fuit assumptus à Verbo, d. 7. n. 51. p. 207.
Est pars naturæ humanæ, ibidem n. 52. p. 208.
An Christus aliquid sanguinis sui reliquerit in clavis, spinis, &c. n. 56. p. 210.
Sanguis relictus, & nunquam resumendus desit esse vnitus Verbo, n. 58. ibidem.
Sanguis Christi non permiscetur liquori infuso in calicem, d. 32. n. 61. p. 717.

Satisfactio.

Satisfactio condigna pro peccato m. non potest exhiberi, nisi à persona diuina, d. 2. n. 27. p. 39.
Vera ratio cur ita sit, n. 39. p. 44.
Satisfactio quid sit, & quomodo differat à restitutione, ibidem.
Satisfactio, & offensa crescunt modo contrario, n. 39. ibidem.
Ad satisfaciendum plus requiritur, quàm ad merendum, n. 47. p. 47.
Dignitas satisfactionis non sumitur ex sola persona, n. 50. p. 48.
Non debetur satisfactio tantùm ratione damni, n. 51. ibid.
Possetne iustus satisfacere pro infinitis venialibus, n. 52. p. 49.
Satisfactio Christi fuit condigna, d. 2. n. 54. p. 49.
Vndenam valor infinitus satisfactionis Christi, n. 58. p. 50.
Dignitas personæ augeat valorem satisfactionis, n. 61. p. 51.
Si per impossibile Christus esset peccato mortali infectus, posset pro illo condignè

Index rerum præcipuarum.

✓ *satisfacere*, num. 59. *ibid.* & num. 69. p. 55.

Quomodo potest Deus pœnam à nobis exigere ultra cōdignam satisfactionem Christi, n. 65. p. 53.

Christus satisfecit, vt homo Deus, num. 66. *ibid.*

Eius satisfactio condigna foret pro homine Deo peccante per impossibile, num. 67. p. 54.

Erat condigna pro peccatis crucifigentium contra personam Christi commissis, n. 68. *ibid.*

Satisfactio Christi fuit ex iustitia propriè dicta, d. 2. n. 87. p. 61.

Conditiones requisitæ ad satisfaciendum ex rigore iustitiæ, n. 99. p. 66.

Non obest rigori iustitiæ quòd satisfactio possit non acceptari, n. 108. p. 69.

Satisfactio requirit acceptationem, secus ac restitutio, n. 109. p. 70.

Acceptatio Dei non minuit rigorem satisfactionis ex parte Christi, n. 112. *ibid.*

Quæ satisfactiones imponendæ in Sacramento Pœnitentiæ, d. 35. n. 40. p. 457.

Habenda ratio infirmitatis pœnitentium, *ib.*

Scientia.

Scientia Christi quadruplex, d. 10. n. 7. pag. 354.

Scientia eius beatifica, n. 8. p. 255.

Scientia eiusdem supernaturalis diuersa à beatifica, n. 36. p. 262.

Illius obiectum, n. 38. p. 263.

Et actus multiplices, n. 53. p. 266.

Non pendebant à phantasmate, num. 56. p. 776.

Non fuerunt omnes ab initio, num. 54. pag. 266.

Illa scientia non fuit incapax compositionis, & discursus, n. 58. p. 287.

Principia huius scientiæ, n. 62. p. 268.

Habitus illius est supernaturalis, num. 63. *ibid.*

Incertum est, siue vnus, an multiplex, n. 65. & 66. *ibid.*

Est distinctus à lumine gloriæ, num. 67. pag. 269.

Quæ species infusæ huius scientiæ, num. 70. *ibid.*

Fuit in Christo scientia infusa per accidens, n. 75. p. 270.

Obiectum huius scientiæ multiplex, n. 80. p. 271.

Habuit etiam scientiam experimentalem, n. 81. p. 272.

Quam latè se extenderit tota Christi scientia, n. 85. p. 273.

Scriptura sacra.

Potest conuinci scripturam esse diuinam per ipsammet, d. 1. n. 45. p. 19.

Non omnia credenda sunt expresse in scriptura, d. 27. n. 5. p. 591.

Seruus & seruitus.

Christus non fuit propriè seruus Dei, d. 147. n. 8. p. 327.

Seruitus non conuenit nisi personæ inæquali, & alienæ, n. 11. p. 328.

Significatio, & signum.

Significatio ex instituto est denominatio extrinseca ab institutione, d. 19. nu. 20. p. 443.

Significatio Sacramentorum estne ipsorum forma, n. 19. *ibid.*

Sacramentalis significatio materiæ, & formæ est vnica, & indiuisibilis, num. 25. p. 444.

Non est relatio rationis, n. 26. p. 445.

Quid sit vis significandi Sacramentorum, d. 18. n. 51. p. 428.

Signa ex instituto non significant sola sua natura, n. 53. p. 429.

Triplex significatio in Sacramentis nouæ legis, n. 63. p. 433.

Vis efficiendi quam habent, fundatur in significatione, n. 65. *ibid.*

Non tamen in veritate significationis, *ibid.* p. 434.

Signa & causæ ex instituto accipiunt per ipsam institutionem potestatem significandi, & efficiendi, disp. 37. num. 27. pag. 793.

Species.

Species Eucharistiæ quomodo se habeant, & maneant sine subiecto, d. 32. nu. 52. p. 714.

Quomodo alterent, aut alterentur, nu. 58. p. 716.

Qua virtute reducantur ad pristinum statum, n. 60. *ibid.*

Qua vi in illas introducatur alia forma substantialis, *ibid.*

Species panis, & vini quomodo pertinent ad sacrificium Eucharistiæ, d. 38. num. 42. p. 808.

Species quæ simul consecrantur faciunt vni cum sacrificium, n. 49. p. 810.

An species simul offerantur cum Christo, n. 51. *ibid.*

Spes.

Spes fuit in Christo d. 9. n. 29. p. 241.

Spiritus sanctus.

Dona Spiritus Sancti fuerunt in Christo, d. 9. n. 35. p. 243.

Subiectio.

Subiectio erga Deum, & homines quælis in Christo fuerit, d. 14. num. 1. & seqq. p. 326.

Index rerum præcipuarum.

Subsistentia.

Subsistentia quid sit. d. 1. n. 25. p. 12. & d. 7. n. 35. & 36. p. 202. & 203.
Non distinguitur à re subsistente. d. 5. n. 64. p. 54.
Subsistentia communis non est in Deo. d. 6. n. 16. p. 179.
Subsistentia non est perfectio simpliciter simplex. n. 22. p. 181.
Bruta subsistunt tantum ex parte materiæ. d. 7. n. 13. p. 193.
Subsistentia addit naturæ aliquid positivum. n. 15. p. 194.
Illud positivum non est existentia, vel proprietates characteristicæ, sed est modus essendi per se. n. 17. p. 195.
Quomodo differant subsistens, suppositum, & persona. n. 18. ibid.
Quomodo res dicantur subsistere per usum suæ sufficientiæ. n. 42. p. 205.
Quomodo subsistentia humanitatis verè dicatur suppleri à Verbo. n. 43. ibid.

Supernaturale.

Obiecta supernaturalia possintne cognosci per species naturales. d. 10. num. 73. pag. 270.
Possintne vna species valere, & sufficere ad omnia, quæ sub scientiam supernaturalem cadere possunt. n. 74. ibid.
Opera supernaturalia sunt duplicia. d. 12. n. 9. p. 300.
Potuit Christus aliqua supernaturalia operari physicè per suam humanitatem, non tamen omnia. n. 10. & seqq. ibid.

Suppositio.

Doctrina Nominalium de suppositionibus reicitur. d. 22. n. 51. p. 521.
Subiectum propositionis veræ non semper supponit pro re existente. n. 52. ibid.

T.

Tertullianus.

Explicetur locus difficilis Tertulliani circa Eucharistiam. d. 30. n. 68. p. 675.
Et alter circa Sacerdotium. d. 37. n. 21. pag. 791.

Thuribulum.

Vsus thuribuli & thymiatis in officiis divinis. d. 40. n. 56. p. 842.

Timor.

Multiplex timor fuit in Christo, reuerentialis, filialis, &c. d. 9. n. 38. p. 244.
Quomodo potuit in illo esse. d. 13. nu. 70. p. 323.
Certitudo mali futuri non excludit timorem. n. 72. ibid.

Totum.

Totum non distinguitur à partibus unitis simul sumptis. d. 8. n. 1. p. 218.
Causentne totum partes ut unitæ. nu. 5. pag. 220.

Transsubstantiatio.

Actio transsubstantiatiua non est de ratione intrinseca Sacramenti Eucharistiæ. d. 28. n. 38. p. 617.
Transsubstantiatio propriè non est tantum successio substantiarum. d. 31. nu. 27. pag. 690.
Neque actio tantum separatiua accidentium. n. 31. p. 691.
Neque unio corporis, & sanguinis Christi cum speciebus panis & vini. n. 33. ibid.
Neque coniunctio primaria cum accidentibus in modum substantiæ, aut contenti substantialis. n. 35. p. 692.
Neque successio corporis Christi in munere sustentandi accidentia. n. 39. ibid.
Ad veram transsubstantiationem necessarium est produci terminum ad quem. nu. 42. p. 693.
Creatio & Transsubstantiatio quomodo differant. n. 45. p. 695.
Quis sit terminus formalis præcisè transsubstantiationis Eucharistiæ. nu. 51. pag. 696.

Tristitia.

Quid sit tristitia. d. 13. n. 66. p. 322.
Fuit in Christo simul cum gaudio beatifico. d. 11. n. 9. & 10. p. 277.

V.

Vasa.

Vsus vasorum, & utensilium sacrorum. d. 40. n. 54. p. 841.

Vbi.

Vbi intrinsecum seu præsentia localis non distinguitur à re locata. d. 5. n. 68. p. 156.
Vbiquitarianorum error, & ignorantia. d. 13. n. 9. & 10. p. 308.

Verbum.

Verbo Dei quomodo nihil addendum. d. 26. n. 21. p. 584. & d. 40. n. 92. p. 852.
Vera ratio cur Verbum non mutetur in Incarnatione. d. 1. n. 35. p. 15.
Possintne dici fuisse innouatum. n. 38. p. 16.
Quomodo non mouetur motu humanitate, aut non perit unio hypostatica. nu. 42. p. 18.
An conuenienter Verbum assumpsit naturam humanam potius quam aliam. d. 7. n. 1. p. 189.
Potuerintne assumere aliam etiam irratio-

Index rerum præcipuarum.

nalem. num. 2. p. 190.
 Non assumpsit personam, neque assumere potuit. n. 19. & 20. p. 195.
 Supplet substantiam humanitatis. n. 43. p. 205.
 Assumpsit omnes partes naturæ humanæ. n. 45. & 48. p. 206. & 207.
 Assumpsit immediatè sanguinem, & alios humores corporis. n. 51. ibid.
Vide Incarnatio.

Vestis.

Vestis candida olim data Baptizatis. d. 26. n. 19. p. 583.
 Vfus vestium sacerdotalium. d. 40. n. 50. p. 840.
 Sine illis non licet celebrare. ibid.

Vinum.

Vinum est materia calicis. d. 29. n. 47. p. 645.
 Aqua debet illi misceri ex præcepto Ecclesiæ. n. 48. p. 646.
 Debet esse præsens consecranti, & definitum in eius intentione. n. 7. p. 634.
 Potest consecrari in qualibet quantitate, & parvitate, modò sit sufficienter præsens, & sensibile. n. 17. p. 637.

Virtus.

Virtutes Theologicæ fuerunt in Christo, ex-cepta fide. d. 9. n. 27. p. 241.
 Puerunt etiam morales infusæ. n. 32. & 33. p. 242.
 Non tamen omnes earum actus Christo conveniebant. n. 34. p. 243.

Visio.

Visio Beatifica Christi qualis fuerit. d. 10. n. 12. p. 255. & n. 22. p. 258.
 Visio beatifica non est in continuo fluxu & successione. n. 28. p. 260.
 Non videtur Christus in Eucharistia, quamvis interdum appareat extraordinariè. d. 32. n. 45. p. 712.
 Possitne videri naturaliter. n. 47. ibid.

Vnio.

Vnio hypostatica præcessitne gratiam habitalem, vel contra. d. 4. n. 7. p. 105.
 Non habet eandem naturæ prioritatem, quàm propria substantia. n. 12. p. 107.
 Ceciditne sub meritum Christi. n. 18. p. 109.
 Erat principium morale meritorum eius. n. 28. p. 112.
 Non est facta in substantia communi, & essentiali, vel absoluta, vel modificata. d. 5. n. 32. p. 143.
 Vnio hypostatica est aliquid creatum. n. 84. p. 162.

Non distinguitur realiter ab extremis. n. 85. ibid.

Si distingueretur, deberet recipi in verbo æque ac in humanitate. n. 91. p. 165.

Non est qualitas, neque modus distinctus in re. n. 92. & 93. ibid.

Ad vniendum sufficit simplex vsus vnibilitatis extremorum. n. 98. p. 167.

Humanitas vt vnita quid addat supra humanitatem simpliciter. n. 99. p. 168.

Quomodo fiat vnio, licet non fiant extrema. n. 101. ibidem.

Vnio hypostatica est vera compositio. n. 102. ibidem.

Est substantialis, & naturalis, atque essentialis Christo. n. 104. p. 169.

Non est tamen naturalis, aut essentialis partibus Christi. n. 105. ibid.

Non est violenta humanitati. ibid.

Est relatio transcendentalis, terminationis ex parte Verbi, & inexistentiæ ex parte humanitatis. n. 108. p. 170.

Non est ponenda ultra illam relatio categorica. n. 110. ibid.

Est quodammodo maxima vnionum materialiter. n. 112. p. 171.

Quid sit vnio formaliter. ibid.

Vnde dicatur maior vnio formaliter. n. 113. ibidem.

Vnio hypostatica non est maxima formaliter. n. 114. ibid.

Est maximum omnium donorum. n. 117. p. 172.

Est donum maius Beatitudine. n. 120. p. 173.

Vnio hypostatica Christum sanctificauit. d. 9. n. 4. p. 234. & n. 10. & seq. p. 235.

Includit intrinsecè ipsum Verbum Diuinum. d. 16. n. 31. p. 368.

Possitne præcindi vnio hypostatica à verbo in adoratione humanitatis propter illam. n. 29. p. 367.

Vnio hypostatica sufficit humanitati vt coadoretur cultu patriæ, & coametur super omnia. n. 22. p. 366.

Vniuersale.

Denturne conceptus vniuersales, & communes etiam obiectiue. d. 17. n. 1. & seqq. p. 386.

Vnitas triplex, vniuersalis, formalis, & numerica. n. 41. p. 400.

Natura vniuersalis potest præcindi à singularibus. n. 44. ibid.

Vniuersale est scientiis vtile. n. 46. ibid.

Quomodo illæ versantur circa vniuersalia. n. 47. p. 401.

Id quod terminat cognitionem vniuersalem est multa realiter, & vnum ratione per extrinsecam denominationem. ibid.

Vniuersale quomodo vnum in multis. n. 49. & 51. ibidem.

Quomodo constituitur vniuersale. n. 50. p. 402.

Quomodo ratio vniuersalis est genus ad ge-

Index rerum præcipuarum.

aus, speciem, differentiam, proprium,
& accidens. n. 52. ibid.

Vnum.

Vnum multipliciter constituitur. d. 28. n.
57. p. 622.

Vnum artificiale quomodo constituatur. n.
58. ibid.

Vnitas rerum potest variari. ibid.

Vnitas est triplex, numerica, formalis, &
vniuersalis. d. 17. n. 45. p. 400.

Voluntas.

Voluntas potest multipliciter tendere in va-
ria motiua. d. 3. n. 2. p. 72.

Voluntas creata fuit in Christo. d. 11. n. 1.
p. 275.

Non repugnauit diuinæ, neque potuit illi re-
pugnare. n. 5. & seqq. ibid.

Nemo potest simul idem velle, & nolle effi-
caciter, etiam propter diuersa motiua. n.
8. p. 277.

Voluntas humana Christi non fuit semper
impleta. n. 14. p. 279.

Fuit libera etiam circa præcepta. n. 17. &
seqq. ibid.

Voluntas seu pars superior hominis tenetur
regere partem inferiorem. d. 13. n. 28.
p. 313.

Votum.

Quid intelligendum per votum sacramenti,
d. 20. n. 36. p. 471.

Vsus.

Vsus Eucharistiæ non est sacramentum. d.
28. n. 10. p. 607. & n. 15. p. 609.

Vsus frequens illius sitne licitus, aut expe-
diens. d. 35. n. 67. p. 767.

FINIS.

ERRATA.

PAG. 134. col. 1. lin. 46. *art. cot. ad.* p. 185. c. 1. l. 12. *fit, e. fit,* p. 205. c. 1. in fine lineæ 11. adde, Et
S. Leo serm. 3. de passione cap. 4. *Cum igitur esset Deus in Christo mundum reconcilians sibi. & creaturam ad
creatoris sui imaginem reformandam creator ipse gestaret.* p. 260. c. 2. l. 64. *potuerunt, c. poterunt,* p. 266. c.
2. l. 7. *operiosus, c. operosus,* p. 342. c. 1. l. 30. *nostrum, c. nostram,* p. 355. c. 2. l. 64. *secunda. c. tertia.* p.
380. c. 1. l. 65. *utramque, c. utramque.* p. 401. c. 1. l. 35. *qua, c. quæ.* p. 457. c. 2. l. 4. *mortem instantem,
c. morte intentata.* p. 463. c. 2. l. 13. *propter, c. propter,* p. 465. c. 2. l. 31. *conferentis, c. offerentis.* p. 471.
c. 2. l. 31. *ita, dele. ibidem l. 49. primam, c. primam.* ibid. l. ult. *legem ordinariam, c. legem ordinariam.*
p. 478. c. 1. l. 7. *dignam, c. dignæ.* ibid. l. 46. *Enchiræ, c. Euchiræ.* p. 519. c. 2. l. 1. *effectum animalium, c.
affectum animale.* p. 536. c. 1. l. 9. Trident. c. Florent p. 555. c. 2. l. 33. *multis, dele.* p. 557. c. 1. l. 61.
Petrobrusianos, c. Petrobrusianos, 583. c. 1. l. 17. *olum, c. oleum.* p. 586. c. 1. l. 25. *atque, æquæ.* p. 592. c.
1. l. ult. *omne, c. omni.* p. 604. linea 5. ante finem, *passioni, c. passionis.* p. 635. c. 1. l. 34. *qui, c. quia.* p.
616. c. 2. l. 51. *quod, dele.* p. 633. c. 1. l. 48. *contra adde.* p. 662. c. 1. l. 47. *in dele.* p. 675. c. 2. l. 31. *ope
ponunt, c. opponit.* p. 676. c. 1. l. 26. *neis, c. notis.* p. 691. c. 1. l. 38. *illo, c. illa.* p. 700. c. 1. l. 17. *necesse
fuitatem, c. diuersitatem.* p. 710. c. 1. l. 40. *officiam, adde, consistentem.* p. 719. c. 2. l. ult. *asserunt, c. as
ferunt.* p. 741. c. 2. l. 29. *prospiciendi, c. propitiandi.* p. 783. c. 2. l. 42. *indignè, c. dignè.* p. 795. c. 2. l. 32.
meribundo, adde. nolim tamen absolute id asserere, neque consulere in praxi, propter abusus periculum,
aut scandali pusillorum. p. 818. c. 2. l. 33. *offeretur, c. offeretur.* p. 858. c. 1. l. 4. *Brenis, iitera. c. Bro
nis literas* A. a. si quæ occurrerent. lector facile corrigeret, præter ea quæ salamo ipsi correximus. Erratum
quoque fuit aliquoties in numeris paginarum, distinctæ & citationum.



P.

M.

M.

1

1

Laboratorio di Restauro
Eduardo Gottlicher
Via del Boschetto, 97
Roma

